

Holy Bible

Aionian Edition®

Akuapem Twi Nkwa Asem
Akuapem Twi Bible

AionianBible.org
The world's first Holy Bible untranslation
100% free to copy and print
also known as “ The Purple Bible ”

Holy Bible Aionian Edition ®

Akuapem Twi Nkwa Asem
Akuapem Twi Bible
Language: Twi
Ghana

Creative Commons Attribution ShareAlike 4.0 International, 2018-2026

Source text: eBible.org

Source version: 8/8/2026

Source copyright: Creative Commons Attribution ShareAlike 4.0, International
Biblica, Inc., 1996, 2020

Original work available for free at www.biblica.com and open.bible

Formatted by Speedata Publisher 5.9.2 (Pro) on 8/31/2026

100% Free to Copy and Print

TOR Anonymously and <https://AionianBible.org>

Published by Nainoia Inc, <https://Nainoia-Inc.signedon.net>

All profits are given to <https://CoolCup.org>

We pray for a modern Creative Commons translation in every language
Translator resources at <https://AionianBible.org/Third-Party-Publisher-Resources>
Volunteer help and comments are welcome and appreciated!

Celebrate Jesus Christ's victory of grace!

Preface

Akuapem Twi at AionianBible.org/Preface

The *Holy Bible Aionian Edition* ® is the world's first Bible *un-translation*! What is an *un-translation*? Bibles are translated into each of our languages from the original Hebrew, Aramaic, and Koine Greek. Occasionally, the best word translation cannot be found and these words are transliterated letter by letter. Four well known transliterations are *Christ*, *baptism*, *angel*, and *apostle*. The meaning is then preserved more accurately through context and a dictionary. The Aionian Bible un-translates and instead transliterates eleven additional Aionian Glossary words to help us better understand God's love for individuals and all mankind, and the nature of afterlife destinies.

The first three words are *aiōn*, *aiōnios*, and *aiōdios*, typically translated as *eternal* and also *world* or *eon*. The Aionian Bible is named after an alternative spelling of *aiōnios*. Consider that researchers question if *aiōn* and *aiōnios* actually mean *eternal*. Translating *aiōn* as *eternal* in Matthew 28:20 makes no sense, as all agree. The Greek word for *eternal* is *aiōdios*, used in Romans 1:20 about God and in Jude 6 about demon imprisonment. Yet what about *aiōnios* in John 3:16? Certainly we do not question whether salvation is eternal! However, *aiōnios* means something much more wonderful than infinite time! Ancient Greeks used *aiōn* to mean *eon* or *age*. They also used the adjective *aiōnios* to mean *entirety*, such as *complete* or even *consummate*, but never infinite time. Read Dr. Heleen Keizer and Ramelli and Konstan for proofs. So *aiōnios* is the perfect description of God's Word which has *everything* we need for life and godliness! And the *aiōnios* life promised in John 3:16 is not simply a ticket to eternal life in the future, but the invitation through faith to the *consummate* life beginning now!

The next seven words are *Sheol*, *Hadēs*, *Geenna*, *Tartaroō*, *Abyssos*, and *Limnē Pyr*. These words are often translated as *Hell*, the place of eternal punishment. However, *Hell* is ill-defined when compared with the Hebrew and Greek. For example, *Sheol* is the abode of deceased believers and unbelievers and should never be translated as *Hell*. *Hadēs* is a temporary place of punishment, Revelation 20:13-14. *Geenna* is the Valley of Hinnom, Jerusalem's refuse dump, a temporal judgment for sin. *Tartaroō* is a prison for demons, mentioned once in 2 Peter 2:4. *Abyssos* is a temporary prison for the Beast and Satan. Translators are also inconsistent because *Hell* is used by the King James Version 54 times, the New International Version 14 times, and the World English Bible zero times. Finally, *Limnē Pyr* is the Lake of Fire, yet Matthew 25:41 explains that these fires are prepared for the Devil and his angels. So there is reason to review our conclusions about the destinies of redeemed mankind and fallen angels.

The eleventh word, *eleēsē*, reveals the grand conclusion of grace in Romans 11:32. Please understand these eleven words. The original translation is unaltered and a highlighted note is added to 64 Old Testament and 200 New Testament verses. To help parallel study and Strong's Concordance use, apocryphal text is removed and most variant verse numbering is mapped to the English standard. We thank our sources at eBible.org, Crosswire.org, unbound.Biola.edu, Bible4u.net, and NHEB.net. The Aionian Bible is copyrighted with creativecommons.org/licenses/by/4.0, allowing 100% freedom to copy and print, if respecting source copyrights. Check the Reader's Guide and read at AionianBible.org, with Android, and with TOR network. Why purple? King Jesus' Word is royal and purple is the color of royalty! All profits are given to CoolCup.org.

History

Akuapem Twi at AionianBible.org/History

06/21/75 - Two boys, P. and J., wonder if Jesus saves all and pray.
04/15/85 - Aionian Bible conceived as B. and J. pray.
12/18/13 - Aionian Bible announced as J. and J. pray.
06/21/15 - Aionian Bible birthed as G. and J. pray.
01/11/16 - AionianBible.org domain registered.
06/21/16 - 30 translations available in 12 languages.
12/07/16 - Nainoia Inc established as non-profit corporation.
01/01/17 - Creative Commons Attribution No Derivatives 4.0 license added.
01/16/17 - Aionian Bible Google Play Store App published.
07/01/17 - 'The Purple Bible' nickname begins.
07/30/17 - 42 translations now available in 22 languages.
02/01/18 - Holy Bible Aionian Edition® trademark registered.
03/06/18 - Aionian Bibles available in print at Amazon.com.
09/15/18 - Aionian Bible dedicated as J. and J. pray again.
10/20/18 - 70 translations now available in 33 languages.
11/17/18 - 104 translations now available in 57 languages.
03/24/19 - 135 translations now available in 67 languages.
10/28/19 - Aionian Bible nursed as another J. and J. pray.
10/31/19 - 174 translations now available in 74 languages.
02/22/20 - Aionian Bibles available in print at Lulu.com.
05/25/20 - Illustrations by Gustave Doré, La Grande Bible de Tours, Felix Just.
08/29/20 - Aionian Bibles now available in ePub format.
12/01/20 - Right to left and Hindic languages now available in PDF format.
03/31/21 - 214 translations now available in 99 languages.
11/17/21 - Aionian Bible Branded Leather Bible Covers now available.
12/20/21 - Social media presence on Facebook, Twitter, LinkedIn, YouTube, etc.
01/01/22 - 216 translations now available in 99 languages.
01/09/22 - StudyPack resources for Bible translation study.
01/23/22 - Volunteers celebrate with pie and prayer.
02/14/22 - Strong's Concordance from Open Scriptures and STEP Bible.
02/14/23 - Aionian Bible published on the TOR Network.
12/04/23 - Eleēsē added to the Aionian Glossary.
02/04/24 - 352 translations now available in 142 languages.
05/01/24 - 370 translations now available in 164 languages.
08/05/24 - 378 translations now available in 165 languages.
08/18/24 - Creative Commons Attribution 4.0 International, if source allows.
10/20/24 - Gospel Primer handout format.
11/24/24 - Progressive Web Application off-line format.
01/28/25 - All profits are given to CoolCup.org.
03/12/25 - 382 translations now available in 166 languages.
06/21/25 - 468 translations now available in 230 languages.
09/01/25 - 538 translations now available in 291 languages.
08/31/26 - 539 translations in 291 languages with 9,609,899 verses.

Table of Contents

OLD TESTAMENT

1 Mose	11
2 Mose	51
3 Mose	82
4 Mose	104
5 Mose	135
Yosua	161
Atemmufo	179
Rut	197
1 Samuel	200
2 Samuel	223
1 Ahemfo	242
2 Ahemfo	266
1 Beresosẽm	289
2 Beresosẽm	311
Esra	338
Nehemia	346
Esster	357
Hiob	363
Nnwom	381
Mmebusẽm	426
Osenskafo	441
Nnwom Mu Dwom	447
Yesaia	450
Yeremia	486
Kwadwom	526
Hesekiel	530
Daniel	567
Hosea	579
Yoel	585
Amos	587
Obadia	591
Yona	592
Mika	594
Nahum	597
Habakuk	599
Sefania	601
Hagai	603
Sakaria	605
Malaki	611

NEW TESTAMENT

Mateo	615
Marko	640
Luka	656
Yohane	683
Asomafo	704
Romafo	730
1 Korintofo	742
2 Korintofo	754
Galatifo	762
Efesofa	766
Filipifo	770
Kolosefo	773
1 Tesalonikafo	776
2 Tesalonikafo	779
1 Timoteo	781
2 Timoteo	784
Tito	787
Filemon	789
Hebrifo	790
Yakobo	799
1 Petro	802
2 Petro	805
1 Yohane	807
2 Yohane	810
3 Yohane	811
Yuda	812
Adiyisẽm	813

APPENDIX

Reader's Guide
Glossary
Maps
Destiny
Illustrations, Doré

OLD TESTAMENT



*Ɔpam onipa no, ɔde Kerubim ne afoa a edew twaa ne ho fa baabiara no sii Eden turo no
apuei fam se enwen ɔkwan a eko nkwa dua no ho no.*

1 Mose 3:24

1 Mose

1 Mfiase no Onyankopɔn bɔɔ ɔsoro ne asase. **2** Na asase yɛ basaa a na eda mpan, na sum kata bun no ani, na Onyankopɔn Honhom butuw nsu no ani. **3** Onyankopɔn hyɛ se, “Enye hann,” na eyɛ hann. **4** Onyankopɔn huu se hann no ye, na ɔtew hann no fii sum no ho. **5** Onyankopɔn frɛɛ hann no se, “adekyee,” na sum no nso se, “adesae.” Ade sae na ade kyee, da a edi kan ne no. **6** Onyankopɔn kae se, “Nkyemu mmra nsu no ntaɛ, na enkyekye nsu no mu.” **7** Enti Onyankopɔn yɛɛ nkyemu no, de kyekyee nsu a ɛwɔ nkyemu no ase fii nsu a ɛwɔ nkyemu no atifi no mu. Na eyɛ saa. **8** Onyankopɔn too atifi nkyemu no din wim. Na ade sae, na ade kyee; eyi ne da a ɛto so abien. **9** Na Onyankopɔn kae se, “Nsua a ɛwɔ nkyemu no ase no ano mmoa wɔ faako, na asase kesee nna ne ho adi.” Na eyɛ saa. **10** Onyankopɔn too bea kesee ne din “asase.” Na nsu a ɛboa ne ho ano no nso, ɔtoo no din “ɛpo.” Onyankopɔn hui se eye. **11** Afei Onyankopɔn kae se, “Afide mfifi wɔ asase so; afide a ɛsow aba, nnuaba ahorow a ɛsow aba ne nea n’aba hyehye mu nyinaa mfifi wɔ asase so.” Na eyɛ saa. **12** Afide a ɛsow aba ne nnua fifii wɔ asase so na n’aba no nyin yɛɛ nnua ne afide se ne sɛso. Onyankopɔn hui se eye. **13** Na ade sae, na ade kyee. Eyi ne da a ɛto so abiesa. **14** Na Onyankopɔn kae se, “Hann mmra nkyemu a ɛwɔ wim no mu, na emmɛpae adekyee ne adesae mu. Na emmɛyɛ nnyinaso mma bere nkyekyemu, nna ne mfe, **15** na emma hann mmra nkyemu a ɛwɔ wim no mu, na ahyeren wɔ asase so.” Na eyɛ saa. **16** Onyankopɔn yɛɛ akanea akese abien a eyɛ owia ne ɔsram se, owia no nni adekyee so na ɔsram no nni anadwo so. ɔbɔɔ nsoromma nso. **17** Onyankopɔn de akanea akese abien yi sii nkyemu a ɛwɔ wim no mu se enhyeren wɔ asase so, **18** na wonni adekyee ne adesae no so, na entew hann no mfi sum no ho. Na Onyankopɔn hui se eye. **19** Na ade sae, na ade kyee. Da a ɛto so anan ne no. **20** Onyankopɔn kae se, “Abode a nkwa wɔ mu nhye nsu no ma, na nnomaa ntu mfa asase ne nkyemu a ɛwɔ wim no so.” **21** Enti Onyankopɔn bɔɔ po mu mmoa akese ne mmoa ahorow nyinaa a wɔwɔ nkwa na wɔkeka wɔn ho ne nnomaa ahorow nyinaa. Na Onyankopɔn hui se eye. **22** Onyankopɔn hyiraa abode no nyinaa so, kae se, “Monwo na monye bebree na monhye po no mu nsu no ma, na nnomaa ase ntrew wɔ asase so.” **23** Na ade sae, na ade kyee. Da a ɛto so

anum ne no. **24** Onyankopɔn kae se, “Abode a nkwa wɔ mu ahorow nyinaa ne wɔn sɛso, anantwi ne mmoa a wɔwea wɔn afuru so ne mmoa ahorow a wɔyɛ keka a wɔwɔ asase so nyinaa mmra asase so.” Na eyɛ saa. **25** Onyankopɔn bɔɔ mmoa ahorow, anantwi ahorow ne wɔn sɛso ne mmoa a wɔwea wɔn afuru so ne wɔn sɛso. Na Onyankopɔn hui se eye. **26** Onyankopɔn kae se, “Momma yɛmmɔ onipa se yen sɛso, na onni po mu mpataa, wim nnomaa, anantwi ne mmoa a wɔyɛ keka ne biribiara a ɛwea n’afuru so wɔ asase so no so.” **27** Enti Onyankopɔn bɔɔ onipa se ne sɛso; Onyankopɔn sɛso so na ɔbɔɔ wɔn; ɔbarima ne ɔbea na ɔbɔɔ wɔn. **28** Onyankopɔn hyiraa wɔn, ka kyereɛ wɔn se, “Monwo na monye asase so ma, na munni biribiara so. Munni po mu mpataa ne wim nnomaa ne abode biara a nkwa wɔ mu a ɛwɔ asase so no nyinaa so.” **29** Afei Onyankopɔn kae se, “Mede asase so afide a ɛsow aba nyinaa, afide biara a aba hye ne nnuaba mu wɔ asase yi so nyinaa hye wɔ nsa. ɛbeyɛ w’aduan. **30** Mede nhabammono nyinaa ama aboa biara a ɔwɔ asase so, anomaa biara a ɔwɔ wim, biribiara a ɛwea n’afuru so, biribiara a nkwa wɔ mu wɔ asase so se wɔn aduan.” Na eyɛ saa. **31** Onyankopɔn hwɛɛ nea wayɛ nyinaa huu se eyɛ papa. Na ade sae, na ade kyee. Eyi ne da a ɛto so asia.

2 Eyi ne ɔkwan a Onyankopɔn faa so bɔɔ ɔsoro ne asase ne nea ɛwɔ mu nyinaa. **2** Eduu da a ɛto so ason no, na Onyankopɔn awie nnwuma a ofii ase yɛɛ no nyinaa. Enti da a ɛto so ason no, ogyee n’ahome. **3** Enti Onyankopɔn hyiraa da a ɛto so ason no, na ɔtew ho, efise saa da no na Onyankopɔn gyee n’ahome fii adebɔ nnwuma no nyinaa mu. **4** Eyi ne ɔsoro ne asasebɔ ho asem. Bere a Awurade Nyankopɔn bɔɔ ɔsoro ne asase no. **5** Na afide biara nni asase so, na wuram nnua biara nso nni ho. Efise, na Awurade Nyankopɔn mmaa osu ntɔɔ wɔ asase so, na onipa nso nni asase so a ɔbeyɛ so adwuma. **6** Nanso nsuti puepue fifii asase mu befɔw asase ani nyinaa. **7** Awurade Nyankopɔn de asase no so dɔte nwen onipa, na ɔhomee nkwa home guu ne hwenem, maa onipa no beyɛ ɔteasefo. **8** Afei Awurade Nyankopɔn yɛɛ turo wɔ Eden apuei fam, na ehɔ na ɔde onipa a ɔnwen no no tenae. **9** Awurade Nyankopɔn maa nnua ahorow nyinaa fifi fii asase no mu; nnua a eyɛ fe na wodi. Na nkwa dua ne papa ne bɔnehu dua sisi turo no mfimfini. **10** Na asu sen fii Eden befɔw turo no mu afide no; efi ho a, na saa asu no mu apaapae aye nsubɔnten anan. **11** Wɔtoo asu a

apaapae no mu nea edi kan no din Pison. Na eköntön fa Hawila asase a sikakökö wö so no so nyinaa. **12** Na saa asase no so sikakökö ye. Na ehye a eye huam ne apopobibiribo nso wö hö. **13** Asubönten a eto so abien no din de Gihon. Na eno ara na eköntönköntön fa Kus asase ho nyinaa. **14** Asu a eto so abiesä no, na wöfre no Tigris a esen kö asase kese Asiria apuei fam no. Asu a eto so anan no nso, na wöfre no Eufate. **15** Awurade Nyankopön faa onipa no de no kötenaa Eden turo mu hö se önye mu adwuma, na önhwe so. **16** Na Awurade Nyankopön bö onipa no kökö se, “Wowö ho kwan se wudi dua biara so aba wö turo yi mu ha; **17** nanso wunni ho kwan se wudi papa ne bönehu dua no so aba. Da a wubedi no, nea ebeye biara no, wubewu.” **18** Afei Awurade Nyankopön kae se, “Enye se onipa nko tena; mebö öboäfo a öfata no ama no.” **19** Saa bere no na Awurade Nyankopön de mfutuma abö wuram mmöa ne wim nnomaa nyinaa. Enti, öde wön brée onipa se önhwehwe din ko a öde betoto wön; na din a onipa de too aböde a nkwa wö mu biara no, eno ara na eyee din a wöde frée no. **20** Enti onipa totoo nyemmoa, wim nnomaa ne wuram mmöa no nyinaa din. Nanso onipa de, wannya öboäfo a öfata. **21** Enti Awurade Nyankopön maa onipa daa nnahö. Bere a onipa daa saa no, oyii ne mfe mu mparow baako, na öde honam taree baabi a oyii mparow hö no. **22** Afei Awurade Nyankopön de mfe mu mparow baako a oyi fii onipa mu no bö öbea, de no maa onipa no. **23** Na Adam kae se, “M’ankasa me dompe ne me honam bi ni. Wöbefe oyi öbea efise öbarima mu na woyii no fii.” **24** Eyi nti na öbarima gyaw n’agya ne ne na de ne ho köbö ne yere ho senea wön baanu no beye nnipa koro. **25** Saa bere no, na öbarima ne ne yere nyinaa ho da hö, nanso na wömfere.

3 Na öwö ye ödaadaafo wö wuram mmöadoma a Awurade Nyankopön abö wön no nyinaa mu. Öwö no kö öbea no nkyen kobisaa no se, “Enti eye ampa ara se, Onyankopön se, ‘Munnni turo yi mu aduaba biara?’” **2** Öbea no buaa öwö se, “Yetumi di nnua a ewö turo yi mu no so aduaba biara, **3** nanso Onyankopön kae se, ‘Ense se yedi dua a esi turo no mfimfini no so aduaba, na ense se yede yen nsa mpo ka, anye saa a yebewu.’” **4** Na öwö no ka kyeree öbea no se, “Morenwuwu. **5** Mmom, Onyankopön nim se, da a mubedi no ara pe, mo ani beba mo ho so, ama moaye se Onyankopön, na moahu papa ne böne.” **6** Bere a

öbea no huu se dua a esi mfimfini no so aba no wodi a, ebeye yie, na eye akönno, na afei etew ani no, ötew bi dii, de bi maa ne kunu a na öne no wö hö no, maa öno nso dii. **7** Wodi wiee no, wön baanu ani baa wön ho so, na wohuu se wön nyinaa da adagyaw. Enti wökekaa nhaban sisii anim, de kataa wön adagyaw so. **8** Da no anwummere, wötee Awurade Nyankopön nka se önam turo no mu; enti Adam ne ne yere Hawa de wön ho kosiee nnua a ewö turo mu hö no mu senea Awurade Nyankopön renhu wön. **9** Na Awurade Nyankopön frée Adam bisaa no se, “Mowö he?” **10** Adam buae se, “Metee wo nka wö turo no mu hö, nanso na misuro, efise na meda adagyaw nti meköteewe.” **11** Na Onyankopön bisaa no se, “Hena na öka kyeree wo se na woda adagyaw? Woadi dua a meka kyeree wo se nni so aba no bi ana?” **12** Adam kae se, “Yiw, nanso öbea no a wode no maa me se me ne no ntena no na öde aduaba a ötew fii dua no so no brée me maa midii.” **13** Enti Awurade Nyankopön bisaa öbea no se, “Den na woaye yi?” Öbea no buae se, “Öwö no na ödaadaa me ma midii.” **14** Enti Awurade Nyankopön ka kyeree öwö no se, “Esiane saa ade a woaye yi nti, “Wöadome wo wö mmöa nyinaa ne nkekaboa mu. Wöbewea w’afuru so, na wo nkwan na nyinaa woadi mfutuma. **15** Mede ötan beto wo ne öbea no ne w’asefo ne n’asefo ntam. Öno na öbebö wo ti, na wo nso woaka ne nantin.” **16** Afei, Awurade Nyankopön ka kyeree öbea no nso se, “Wöbete öyaw pa ara wö w’awo mu; öyaw mu na wöbewo mma. Eyi nyinaa akyi no, w’ani begyina wo kunu na obedi wo so.” **17** Onyankopön ka kyeree Adam nso se, “Esiane se wuttee wo yere asem, na wudii dua a mehyee wo se, ‘nni so aba no’ nti, “Madome asase, na öbre ne öhaw mu na wubedidi so wo nkwan na nyinaa. **18** Ebefifi nsöe ne nkyekyere ama wo na woadi wuram nhaban. **19** Wubesiam w’anim fifiri ansa na woanya aduan adi, kosi se wubewu ako döte mu, efise döte no mu na menwen wo fii; woye döte, na döte mu na wöbesan ako.” **20** Adam too ne yere no din Hawa, efise öno na öbeye ateasefo nyinaa na. **21** Awurade Nyankopön de aboa nhoma yee ntade maa Adam ne ne yere Hawa de kataa wön ho. **22** Awurade Nyankopön kae se, “Afei, onipa no abeye se yen ara a, wahu papa ne böne. Ense se yema no kwan na ötee ne nsa köte nkwa dua no so aba no bi di, na ötena ase afebö.” **23** Enti Awurade Nyankopön pam no fii Eden turo no mu se önköye adwuma wö asase a wönwenee no fii mu no so. **24** Öpam onipa no, öde

Kerubim ne afoa a edew twaa ne ho fa baabiara no sii Eden turo no apuei fam se enwen okwan a eko nkwa dua no ho no.

4 Adam de ne ho kaa ne yere Hawa ma onyinsen, woo abarimaa a wofre no Kain. Na okae se, Awurade adaworoma, mawo obabarima. **2** Akyiri no, osan woo n'akyi babarima too no din Habel. Na Habel beyee oguanhwefo, na Kain nso beyee okuafo. **3** Nna bi akyi no, Kain de n'afum nnobae bi koboo Awurade afore. **4** Habel nso de ne nyemmoa no mu mmakan a woadodo srade koboo Onyankopon afore. Awurade ani soo Habel aforebo no. **5** Nanso Kain aforebo no de, n'ani ansa. Asem no anye Kain de, na ne bo fuwii. **6** Awurade bisaa Kain se, "Aden nti na wo bo afuw? Aden nti na woamuna saa? **7** Se woye ade pa a, anka worennye wo nto mu ana? Se wonye ade pa de a, bone gyina wo pon ano, erehwehwe wo ako atia wo, nanso ese se wudi no so." **8** Da bi Kain ka kyeree ne nua Habel se, "Ma yenko afum." Bere a wowa afum ho no, Kain tow hyee ne nua Habel so, kum no. **9** Awurade bisaa Kain se, "Wo nua Habel wo he?" Kain buae se, "Minnim. Meye den ahu? Me na mehwe me nua so ana?" **10** Awurade bisaa Kain se, "Den na woaye yi? Tie! Wo nua mogya su fi asase so fre me. **11** Mprempren, woadome wo, apam wo a fi asase a ebuee n'ano gyee wo nua mogya fii wo nsam no so. **12** Se woye asase no so adwuma se den ara a, worennya nnobae biara mfi so. Wobeye okobofo, akyinkyin asase so." **13** Kain kae se, "Awurade m'asotwe boro me so. **14** Nne, woapam me a fi asase so ne w'anim. Meye okobofo akyinkyin asase so na obiara a obenya me no bekum me." **15** Nanso Awurade ka kyeree no se, "Ente saa kora! Obiara a obekum Kain no benya Kain asotwe no mpen ason." Afei, Awurade hyee Kain agyirae bi senea ebeye a, obiara a obehya no no renkum no. **16** Enti Kain guan fii Awurade anim, kotenaa Nod asase so wo Eden apuei fam. **17** Kain de ne ho kaa ne yere na onyinsen, woo obabarima, too no din Henok. Saa bere no, Kain kyekyeree kurow bi de too ne ba Henok. **18** Henok woo Irad. Irad woo Mehuyael. Mehuyael woo Metusael. Metusael woo Lamek. **19** Lamek waree mmea baanu a won din de Ada ne Sila. **20** Ada woo Yabal a n'asefo ye won a wote ntamadan mu yen mmoa. **21** Na Yabal nuabarima din de Yubal a n'asefo ye mmenhyenfo ne sankubobo. **22** Sila woo obabarima a wofre no Tubal-Kain. Na oye kobere atomfo ne nnade ahorow nyinaa atomfo agya. Na Tubal-Kain wo nuabea bi a ne din de Naama. **23**

Da bi, Lamek ka kyeree ne yerenom Ada ne Sila se, "Muntie me, me yerenom makum aberante bi a, otow hyee me so, piraa me. **24** Se Kain so aweretso beye mpen ason a, eno de, me Lamek de, nea obekum me no, n'asotwe beye mpen aduason ason." **25** Akyiri no, Adam de ne ho kaa ne yere Hawa. Na owoo obabarima bio. Na wotoo no din Set kae se, "Onyankopon ama me oba foforo asi Habel a Kain kum no no anan mu." **26** Set nso woo obabarima na otoo no din Enos. Saa bere no mu na nnipa fitii ase boo Awurade din.

5 Senea Adam asefo nnidiso te ni. Bere a Onyankopon nwen onipa no, onwen no se ono ara ne seso. **2** Obbo obea ne obarima, na ohyiraa won. Obbo won wiee no, otoo won din onipa. **3** Adam dii mfe oha aduasa no, owoo obabarima se ono ara ne bobea ne ne seso. Otoo ne din Set. **4** Owoo Set no, Adam tenaa ase mfe ahanwotwe a owowoo mmabarima ne mmabea kaa ho. **5** Se woka Adam mfe nyinaa bo mu a, odii mfe ahankron aduasa, ansa na orewu. **6** Set dii mfe oha ne anum no, owoo Enos. **7** Set woo Enos akyi no, otenaa ase, dii mfe ahanwotwe ne ason, wowoo mmabarima ne mmabea kaa ho. **8** Se woka Set mfe dodow bo mu a, odii mfe ahankron ne dumien, ansa na orewu. **9** Enos dii mfe aduakron no, owoo Kenan. **10** Enos woo Kenan akyi no, otenaa ase mfe ahanwotwe ne dunum, wowoo mmabarima ne mmabea kaa ho. **11** Se woka Enos mfe dodow bo mu a, odii mfe ahankron ne anum, ansa na orewu. **12** Kenan dii mfe aduason no, owoo Mahalalel. **13** Kenan woo Mahalalel akyi no, otenaa ase mfe ahanwotwe aduanan, wowoo mmabarima ne mmabea kaa ho. **14** Se woka Kenan mfe dodow bo mu a, odii mfe ahankron ne du, ansa na orewu. **15** Mahalalel dii mfe aduosia anum no, owoo Yared. **16** Mahalalel woo Yared akyi no, otenaa ase, dii mfe ahanwotwe aduasa, wowoo mmabarima ne mmabea kaa ho. **17** Se woka Mahalalel mfe dodow bo mu a, odii mfe ahanwotwe aduakron anum, ansa na orewu. **18** Yared dii mfe oha aduosia abien no, owoo Henok. **19** Yared woo Henok akyi no, otenaa ase mfe ahanwotwe, wowoo mmabarima ne mmabea kaa ho. **20** Se woka Yared mfe dodow bo mu a, odii mfe ahankron aduosia abien, ansa na orewu. **21** Henok dii mfe aduosia anum no, owoo Metusela. **22** Henok woo Metusela akyi no, Henok de ne ho bataa Awurade ho mfe ahaasa, na owowoo mmabarima ne mmabea kaa ho. **23** Se woka Henok mfe dodow bo mu a, odii mfe ahaasa aduosia anum. **24** Henok de ne ho bataa Onyankopon; afei, obi

anhu no bio, efise Onyankopɔn faa no kɔe. **25** Metusela dii mfe ɔha aduwɔtwe ason no, ɔwoo Lamek. **26** Metusela woo Lamek akyi no, ɔtenaa ase mfe ahanson aduwɔtwe abien, wowoo mmabarima ne mmabea kaa ho. **27** Sɛ wɔka Metusela mfe dodow bɔ mu a, odii mfe ahankron aduosia akron, ansa na ɔrewu. **28** Lamek dii mfe ɔha ne aduwɔtwe abien no, ɔwoo ɔbabarima. **29** Ɔtoo no din Noa, na ɔkae se, “Ɔno na ɔbema yeanya ahomegye afi kuaye mu adwumaden wɔ asase a Awurade adome no so.” **30** Lamek woo Noa akyi no, ɔtenaa ase mfe ahannum aduwɔtwe anum, wowoo mmabarima ne mmabea kaa ho. **31** Sɛ wɔka Lamek mfe dodow bɔ mu a, odii mfe ahanson aduwɔtwe ason, ansa na ɔrewu. **32** Noa dii mfe ahannum no, ɔwoo mmabarima baasa a wɔfre wɔn Sem, Ham ne Yafet.

6 Bere a nnipa ɔɔso wɔ asase so na wowoo mmabea no, **2** Onyankopɔn mmabarima no huu sɛ nnipa mmabea no ho ye fe, nti nea obiara pɛ no no, ofaa no waree. **3** Na Awurade kae se, “Me honhom rentena nnipa mu nkosi daa, efise wɔye ɔhonam; na wɔn nkwa nna beye mfe ɔha aduonu.” **4** Saa bere no, na nnipa abran wɔ asase no so. Bere a Onyankopɔn mmabarima yi kɔɔ nnipa mmabea yi ho no, wɔne wɔn wowoe. Saa nnipa yi ne kan tete nnipa atitiriw a wogyee din no. **5** Awurade Nyankopɔn huu sɛ adesamma amumɔye ɔɔso wɔ asase so, na nnipa nsusuwii nyinaa ye bɔne nko ara. **6** Awurade Nyankopɔn nuu ne ho sɛ ɔɔso wɔn betenaa asase so. Saa bɔne no ye Awurade Nyankopɔn awerehow. **7** Awurade kae se, “Mepepa nnipa a mabo wɔn no afi asase so; mmoa ne mmoa a wɔwea asase so ne wim nnomaa, efise manu me ho sɛ meɔɔ wɔn.” **8** Nanso Noa de, onyaa adom Awurade anim. **9** Noa awo ntoatoaso ni. Na Noa ye onipa ɔtreneeni a ne ho nni asem wɔ ne bere sofo no mu. Ɔye Onyankopɔn apede. **10** Noa woo mmabarima baasa na wɔn din de Sem, Ham ne Yafet. **11** Na bɔne ahye asase so ma a, amumɔyesem ɔɔso. **12** Onyankopɔn huu saa bɔne yi nyinaa wɔ asase so, huu awurukasem ne amumɔyesem wɔ mmmaa nyinaa nso. **13** Enti Onyankopɔn ka kyeree Noa se, “Esiame sɛ nnipa ama basabasa aba asase so nti, mesɛ nnipa ne asase a wɔte so no nyinaa. **14** Fa ɔwawa dua ye adaka. Ye adan wɔ Adaka no mu, na fa ama ka mu ne akyi nyinaa. **15** Sɛ na eɛ sɛ woye no: ma ne tenten nye anammɔn ahannan aduonum, ne trew anammɔn aduwɔtwe anum, na ne soroko nso nye anammɔn aduanan anum. **16** Bɔ adaka no so. Ma

ne soroko nye beye sɛ nsateaa dunwɔtwe. Fa ɔpon to adaka no nkyen, na ye nsemso abiesaa; nea edi kan, nea ɛda ntam ne nea ɛwɔ soro. **17** Tie! Mede nsuyiri rebekata asase so nyinaa, na mede asɛ abode a nkwa wɔ mu; biribiara a nkwa wɔ mu no, ne nyinaa bewuwu. **18** Na wo de, me ne wo beye apam; na wo, wo mmabarima, wo yere ne wo mmabarima yerenom nyinaa ne wo beba Adaka no mu. **19** Eɛ sɛ wode abode a nkwa wɔ mu nyinaa, abien abien a ɛye onini ne ɔbere, a wo ne wɔn betena adaka no mu nsuyiri bere no a wonnwuwu. **20** Nnomaa ahorow biara abien, mmoo biara abien, ne abode biara a ɛwea asase so abien beba wo nkyen, na woahwe wɔn, na wɔanwuwu. **21** Afei, fa nnuan ahorow a wodi na kora. Eno na ɛbeye wo ne wɔn nnuan a mubedi.” **22** Noa ye biribiara perepere, senea Onyankopɔn ka kyeree no sɛ ɔnye no.

7 Afei, Awurade ka kyeree Noa se, “Wo ne wo fifo nyinaa nkɔ Adaka no mu, efise asase so nnipa nyinaa mu no, wo na mahu sɛ woye ɔtreneeni. **2** Fa mmoo a wɔn ho tew biara, anini ason ne abere ason ka wo ho. Na fa mmoo biara a wɔn ho ntew nso abien, onini ne ɔbere. **3** Na fa nnomaa biara anini ason ne abere, senea ɛbeye a nsuyiri no akyi no, wɔn ase befɛe. **4** Nnanson akyi no mema osu ato wɔ asase so awia ne anadwo adaduanan. Mepepa abode biara a nkwa wɔ mu a mabo afi asase so.” **5** Noa dii nsem a Awurade ka kyeree no no nyinaa so. **6** Bere a nsuyiri baa asase so no, na Noa adi mfe ahansia. **7** Noa ne ne mmabarima ne ne yere ne ne nsenom mmea kɔhyɛ adaka no mu senea ɛbeye a nsuyiri no renka wɔn. **8** Mmoa a wɔn ho tew ne wɔn a wɔn ho ntew, nnomaa ne mmoo a wɔwea fam, **9** abien abien a woye anini ne abere kɔkaa Noa ho wɔ adaka no mu, senea Onyankopɔn ka kyeree Noa sɛ ɔnye no. **10** Na nnanson no akyi no, nsuyiri no fii ase. **11** Noa dii mfe ahansia no mu no, ɔsram a eto so abien no da a eto so dunson no, nsuti a ɛwɔ asase mu no nyinaa bobɔe, na ɔsoro mfensere nso buebuei. **12** Osu tɔɔ wɔ asase so awia ne anadwo adaduanan. **13** Saa da no ara, Noa ne ne mmabarima Sem, Ham ne Yafet ne ne yere ne ne mmabarima baasa no yerenom kɔhyɛ adaka no mu. **14** Na wuram mmoo ahorow ne nyemmoa ahorow ne aboa biara a ɔnam asase so ne anomaa biara ne abode biara a ɛwɔ ntaban ka wɔn ho wɔ Adaka no mu. **15** Abode biara a nkwa wɔ wɔn mu abien abien baa Noa nkyen bewuraa Adaka no mu. **16** Mmoa a wowuraa mu no nyinaa, na woye anini ne abere, senea Onyankopɔn ka kyeree Noa no.

Afei, Awurade kaa Noa hyee adaka no mu, too no mu. 17 Nsuyiri no toaa so adaduanan wo asase so. Emaa Adaka no so maa eten nsu no ani. 18 Nsu no koo so yirii tenn wo asase so, maa Adaka no ten nsu no ani. 19 Nsu no yirii tenn wo asase so ara kosii se ekataa mmepow atenten akese a ewo asase so nyinaa so. 20 Nsu no yirii ara kosii se ekataa mmepow no so boroo so anammɔn aduonu. 21 Abode biara a nkwa wo mu a enam asase so te se nnomaa, wuram mmoo a wowa asase so ne adesamma ase hyewee. 22 Biribiara a ete asase ani no nso ase hyewee. 23 Wopepaa biribiara a nkwa wo mu a ete asase so no. Nnipa ne mmoo ne abode a wɔnam asase so ne wim nnomaa nyinaa nso wopepaa wɔn fii asase so. Ekaa Noa ne wɔn a na woka ne ho wo adaka no mu no nko ara. 24 Nsuyiri no toaa so wo asase so nnafua oha aduonum.

8 Nanso Onyankopon kae Noa ne wuram mmoo a na wone no wo Adaka no mu no, na omaa mframa bo faa asase so, na nsu no twee. 2 Asuti a ewowo asase ase no mu nsu a eboboe no gyae ba, na osoro mfensere no nso mu toto maa osu no gyae to. 3 Nsu no toaa so twe fii asase so. Nnafua oha ne aduonum akyi no, na nsu no atwe koraa. 4 Osram a eto so ason no da a eto so dunson so, Adaka no kotaa Ararat mmepow so. 5 Nsu no toaa so, twee ara kosii osram a eto so du no so. Na osram no da a edi kan no, mmepow no atifi daa adi. 6 Adaduanan akyi no, Noa buee mfensere a otwa too Adaka no ho no, 7 na osomaa kwaakwaadabi ma odii akoneaba kosii se nsu no nyinaa yow fii asase no so. 8 Afei, osomaa aborɔnoma se onkohwe se asase no so awo ana. 9 Nanso aborɔnoma no annya baabi ansi, efise na nsu no akata asase no so nyinaa. Enti osan baa Noa nkyen ma Noa teee ne nsa soo ne mu de no baa Adaka no mu. 10 Noa twen nnanson, na eno akyi no, osan somaa aborɔnoma no bio. 11 Bere a aborɔnoma no san baa ne nkyen anwummere no, na ngodua ahabammono a watew tua n'ano. Eno na emaa Noa huu se nsu no atwe afi asase no so. 12 Noa twen nnanson bio, na osan somaa aborɔnoma no, nanso wansan amma ne nkyen bio. 13 Na ebaa se Noa dii mfe ahansia ne baako, osram a edi kan no mu da a edi kan no, na nsu no atwe afi asase no so. Enti Noa yii Adaka no suhye no, na ohuu se asase so awo. 14 Osram a eto so abien no da a eto so aduonu ason so no na asase no so woo koraa. 15 Onyankopon ka kyeree Noa se, 16 “Wo ne wo yere ne wo mmabarima ne wɔn yerenom mfi Adaka no mu mpue. 17 Yi abode biara a

nkwa wo mu a wowa wo nkyen, a eye nnomaa, mmoo ne mmoo a wɔnam asase so nyinaa fi Adaka no mu senea ebeye a, wɔn ase bedo wo asase so.” 18 Enti Noa ne ne mmabarima ne ne yere ne ne mmabarima yerenom fii Adaka no mu. 19 Mmoa no nyinaa ne abode a wɔnam asase so nyinaa ne nnomaa nyinaa ne biribiara a enam asase so nyinaa fii Adaka no mu saa ara mmaako mmaako. 20 Na Noa sii aforemuka maa Awurade. Ofaa mmoo ne nnomaa a wɔn ho tew, de bɔɔ ohyew afoe wo aforemuka no so. 21 Awurade tee afoe a Noa boe no huam no, okaa wo ne koma mu se, “Ewo mu se bone ahye onipa koma ma fi ne mmofraase de, nanso merenni onipa akyi nnome asase bio. Na merensee abode a nkwa wo mu bio senea maye yi. 22 “Mmere dodow a asase da so wo ho yi, ogu ne otwa, awow ne ahuhuru, asusow ne ope, awia ne anadwo to rentwa da.”

9 Afei, Onyankopon hyiraa Noa ne ne mmabarima no ka kyeree wɔn se, “Monwo, na monye bebree nhye asase so ma. 2 Mo ho hu ne mo ho suro beto mmoo a wowa asase so nyinaa ne wim nnomaa nyinaa ne abode a wowa asase so ne nsu mu mpataa nyinaa so. Wɔn nyinaa hye mo nsa. 3 Biribiara a nkwa wo mu, na ekeka ne ho no beye mo aduan. Senea mede nhabammono hyee mo nsa no, afei de, mede biribiara ma mo. 4 “Nanso ense se mowe aboa a wontwaa ne mene mmaa ne mogya no ngui no nam. 5 Na wo nkwa de, nea ebeye biara, mebisa ho akontaabu. Onipa a okum ne yonko nipa no, mebisa no ho asem. Mpo, aboa biara a obekum onipa no, mewo saa aboa no nso asemmisa. Mebisa onipa kra ho asem. 6 “Obiara a ohwie onipa mogya gu no, onipa so na wɔnam behwie ono nso mogya agu, efise Onyankopon no ara seso na obɔɔ onipa. 7 Mo de, monwo, na monye bebree. Mo ase mfee wo asase so, na monnɔso.” 8 Afei, Onyankopon ka kyeree Noa ne ne mmabarima a woka ne ho no se, 9 “Nne, me ne mo ne mo asefo a wobewo wɔn no 10 ne abode biara a nkwa wo mu a na wowa mo nkyen wo Adaka no mu ye apam: nnomaa, nyemmoo ne wuram mmoo a wone mo fi Adaka no mu bae no nyinaa, ne abode biara a nkwa wo mu a wowa asase so. 11 Me ne mo ye m'apam se: Meremfa nsuyiri nsee abode biara a nkwa wo mu a ewo asase so. Saa ara nso na meremfa nsuyiri nsee asase bio da.” 12 Na Onyankopon kae se, “Eyi ne apam a me, Onyankopon, ne mo ne abode a nkwa wo mu biara a woka mo ho no ne nkyirimma nyinaa reye

no ho nsenkyerenne. **13** Mato me nyankontɔn wɔ omununkum mu. Eno na ebeye apam a ebɛda me ne asase ntam. **14** Bere biara a mede omununkum beba asase ani, na se nyankontɔn pue wɔ omununkum no mu a, **15** mekae m'apam a ɛda me ne mo ne abode a nkwa wɔ mu ahorow no nyinaa ntam. Nsuyiri a ebɛsee abode a nkwa wɔ mu no nyinaa remma da biara da bio. **16** Bere biara a nyankontɔn beto wɔ omununkum mu no, mehu na makae apam a ɛwɔ ho daa a ɛda me, Onyankopɔn, ne abode a nkwa wɔ mu ahorow nyinaa a wɔwɔ asase yi so no ntam no.” **17** Enti Onyankopɔn ka kyeree Noa se, “Eyi ne apam a me ne abode biara a nkwa wɔ mu a wɔwɔ asase yi so aye no ho nsenkyerenne.” **18** Eyinom ne Noa mmabarima a wofi Adaka no mu bae: Sem, Ham ne Yafet. Ham na ɔwoo Kanaan. **19** Eyinom ne Noa mmabarima. Wɔn mu na nnipa a wɔhwete wɔ asase so nyinaa fi bae. **20** Noa ye okuafo a odii kan. Ɔyee bobeturo. **21** Da bi, ɔnom bobesa no bi bow ma ɔdaa ne ntamadan mu adagyaw. **22** Ham a ɔwoo Kanaan no kotoo n'agya Noa se ɔda adagyaw. Ofii ho no, ɔkɔbɔɔ ne nuabarimanom baanu no amannee. **23** Enti Sem ne Yafet faa atade de guu wɔn mmati so, kɔɔ nkyirinkyiri de kɔkataa wɔn agya adagyaw so. Na wɔn ani nkyere wɔn agya nti, wɔanhu n'adagyaw mu. **24** Bere a Noa ani so tetew no, na ohuu senea ne kaakyiri no aye no, **25** ɔkae se, “Nnome nka Ham asefo a wɔye Kanaanfo. Wɔbeye wɔn nuanom mu nkoa mu nkoa.” **26** Noa kaa bio se, “Me nhyira a efi Awurade, me Nyankopɔn, nkyen no nka Sem! Kanaan nye Sem akoo. **27** Onyankopɔn ntrɛw Yafet ase ne n'asase mu. Yafet ntena Sem ntamadan mu, na Kanaan nye n'akoo.” **28** Nsuyiri no akyi no, Noa tenaa ase mfe ahaasa ne aduonum. **29** Noa dii mfe ahankron ne aduonum, ansa na ɔrewu.

10 Eyinom ne Noa mmabarima: Wɔne Sem, Ham ne Yafet asefo. Wɔwowoo mmabarima nsuyiri no akyi. **2** Yafet asefo ni: Gomer, Magog, Media, Yawan, Tubal, Mesek ne Tiras. **3** Gomer asefo ni: Askenas, Rifat ne Togarma. **4** Yawan asefo ni: Elisa, Tarsis, Kitim ne Rodanim. **5** Na wɔn asefo beyee po so adwumayefo wɔ nsase ahorow so a na abusuakuw biara ka ne kasa nko. **6** Ham asefo ni: Kus, Misraim, Put ne Kanaan. **7** Kus asefo ni: Seba, Hawila, Sabta, Raama ne Sabteka. Na Raama asefo nso ne: Saba ne Dedan. **8** Kus woo Nimrod. Na Nimrod beyee ɔkofo kese wɔ asase so. **9** Na ɔye ɔbɔmmɔfo kese a Awurade ahyira no, na wɔbɔ ne

din ka asem. Na obiara a ɔye akokodurusem no, wode no toto Nimrod a na ɔye ɔbɔmmɔfo kese a Awurade ahyira no no ho. **10** N'ahenni fii ase wɔ Babilonia, Erek, Akad ne Kalne a ne nyinaa wɔ Sinear asase so. **11** Ofii saa asase no so trew n'ahenni mu kɔɔ Asiria, kɔkyekyeree Ninewe. Rehobot-Ir, Kala ne **12** Resen a ɛda Ninewe ne Kala ntam; eno na eye kurow kese wɔ saa ahemman no mu. **13** Na Misraim woo Ludfo, Anamfo, Lehabfo, Naftuhfo, **14** Patrusfo, Kasluhfo ne Kaftorfo a wɔn ase na Filistifo fi. **15** Na Kanaan woo n'abakan Sidon ne Het. **16** Yebusifo, Amorifo, Girgasifo, **17** Hewifo, Arkifo, Sinifo, **18** Arwadfo, Semarifo ne Hematifo. Akyiri no, Kanaanfo mmusua no petee. **19** Kanaan nsase ahye trew fii Sidon koduu Gerar de kɔsii Gasa koduu Sodom ne Gomora, Adma, Seboim de kɔsii Lasa. **20** Eyinom ne Ham asefo a wɔn mmusuakuw, wɔn kasa, wɔn nsase ne wɔn aman da wɔn adi. **21** Sem a na ne nua panyin ne Yafet no nso woo mmabarima. Sem nananom ne Eber mma. **22** Sem asefo ni: Elam, Asur, Arfaksad, Lud ne Aram. **23** Aram asefo ni: Us, Hul, Geter ne Mas. **24** Na Arfaksad woo Sela, na Sela woo Eber. **25** Eber woo mmabarima baanu. Wotoo ɔbaako din Peleg a ase kyere Nkyekyemu, efise n'awobere mu na kasa ahorow nti, nnipa a wɔwɔ asase so mu kyekyee ma wɔhwetee. Na wotoo ne nua a ɔka ne ho no din Yoktan. **26** Yoktan woo Almodada, Selef, Hasarmawet, Yera, **27** Hadoram, Usal, Dikla, **28** Obal, Abimael, Seba, **29** Ofir, Hawila ne Yobab. **30** Asase a wote so no trew fi Mesa kɔsi Sefar, ɔmantam a ɛda bepɔw so wɔ apuei fam no. **31** Eyinom ne Sem mmabarima, senea wɔn mmusua ne wɔn kasa, wɔn nsase ne wɔn amanaman te no. **32** Eyinom ne Noa mmabarima mmusua, senea wɔn awo ntoatoaso te wɔ wɔn amanaman mu. Na efi eyinom mu na nsuyiri no akyi no amanaman petee asase so.

11 Bere bi, na nnipa a wɔwɔ asase so nyinaa ka kasa koro. **2** Saa nnipa yi tu baa apuei fam no, wɔbetoo asase tamaa wɔ Babilonia asase so, na wɔtenaa ho. **3** Wosisee wɔn ho wɔn ho se, “Momma yentwa ntayaa na yento mma emmen yiye.” Na wode ntayaa ne ama na esi adan. **4** Na wokae bio se, “Momma yenkyekye kurow kese, na yensi abantenten a ne sorɔnsorɔmmee du ɔsorosoro wɔ kurow no mu, na yennye din, na yeanhwete wɔ asase so.” **5** Awurade sian fii ɔsoro baa fam, behuu kurow kese a wɔrekyekyere no ne abantenten a wɔresi no. **6** Awurade kae se, “Se nnipa koro a wɔka kasa baako a fi ase redi saa dwuma yi a,

eno de biribiara a woba won tirim se wabeye no renye won den. 7 Mommra na yenko asase so, na yenkototo won kasa, na obiara nnya ne kasa, senea obiara nte ne yenko kasa.” 8 Enam eyi so maa Awurade hwetee nnipa no nyinaa mu ma wopetee asase so nyinaa, maa wogyaee kurow kese no kyekyere. 9 Eno nti na wofree kurow kese no Babel, efise, eho na Awurade totoo kasa baako a na woka wo wiasa nyinaa saa bere no, maa won kasa ahorow. Efi ho na Awurade hwetee nnipa no nyinaa mu ma wopetee asase so nyinaa. 10 Eyi ne Sem asefo ho asem. Nsuyiri no akyi, mfe abien no a na Sem adi mfe oha no, owoo Arfaksad. 11 Sem woo Arfaksad akyi no otenaa ase mfe ahannum, wowoo mmabarima ne mmabea bi nso kaa ho. 12 Arfaksad nso dii mfe aduasa anum no, owoo Sela. 13 Arfaksad woo Sela akyi no otenaa ase mfe ahannan ne abiesha, wowoo mmabarima ne mmabea bi nso kaa ho. 14 Sela dii mfe aduasa no, owoo Eber. 15 Sela woo Eber akyi no otenaa ase mfe ahannan ne abiesha, wowoo mmabarima ne mmabea bi nso kaa ho. 16 Eber dii mfe aduasa anan no, owoo Peleg. 17 Eber woo Peleg akyi no otenaa ase mfe ahannan ne aduasa, wowoo mmabarima ne mmabea bi nso kaa ho. 18 Peleg dii mfe aduasa no, owoo Reu. 19 Peleg woo Reu akyi no otenaa ase mfe ahannu ne akron, wowoo mmabarima ne mmabea bi nso kaa ho. 20 Reu dii mfe aduasa abien no, owoo Serug. 21 Reu woo Serug akyi no otenaa ase mfe ahannu ne ason, wowoo mmabarima ne mmabea bi nso kaa ho. 22 Serug dii mfe aduasa no, owoo Nahor. 23 Serug woo Nahor akyi no otenaa ase mfe ahannu wowoo mmabarima ne mmabea bi nso kaa ho. 24 Nahor dii mfe aduonu akron no, owoo Tera. 25 Nahor woo Tera akyi no otenaa ase mfe oha ne dunkron, wowoo mmabarima ne mmabea bi nso kaa ho. 26 Tera dii mfe aduonon no, owoo Abram, Nahor ne Haran. 27 Eyi ne Tera asefo ho asem. Tera woo Abram, Nahor ne Haran. Na Haran woo Lot. 28 Bere a Haran agya Tera te ase no, Haran wuu wo faako a wowoo no a wofree ho Ur, a ewo Kaldea asase so no. 29 Abram ne Nahor warewaree. Na Abram yere din de Sarai, na Nahor nso yere din de Milka a na oye Haran babea. Saa Haran yi na owoo Milka ne Iska. 30 Na Sarai ye obonin; na onni ba. 31 Tera faa ne babarima Abram ne ne nena Lot, a oye Haran babarima ne n’asebea Sarai, a na oye ne babarima Abram yere no, ne won nyinaa sii mu fii Ur a ewo Kaldea asase so se woreko Kanaan asase so. Na

woduu Haran no, wotena a ho. 32 Tera dii mfe ahannu ne anum, na owui wo Haran.

12 Awurade ka kyeree Abram se, “Fi w’abusuafo nkyen ne w’asase so ko asase a mekyere wo no so. 2 “Mema wo aye oman kese, na mehyira wo. Mema wo din atrew, na woaye nhyira ama nnipa bebre. 3 Mehyira won a wohyira wo, na obiara a odome wo no, medome no. Enam wo so na wobehyira nnipa a wowa asase so nyinaa.” 4 Enti Abram koe, senea Awurade Nyankopon ka kyeree no no. Na Lot ne no koe. Bere a Abram refi Haran asase so ako no, na wadi mfe aduonon anum. 5 Na Abram faa ne yere Sarai ne ne nuabarima Haran babarima Lot, n’agypade ne n’asomfo a onyaa won wo Haran nyinaa, sii mu koo Kanaan asase so. 6 Wofaa asase no so ara kosii baabi a wofree ho Sekem, koduu odum dua bi a esi baabi a wofree ho More. Eho na wosii won ntamadan. Saa bere no, na Kanaanfo na wote asase no so. 7 Afei, Awurade Nyankopon yii ne ho adi kyeree Abram ka kyeree no se, “Mede saa asase yi bema w’aseni.” Enti Abram sii aforemuka wo ho, de kae Awurade Nyankopon a odoo ne ho adi kyeree no no. 8 Akyiri no, Abram fii ho, de n’ani kyeree mmepow bi a ewo apuei fam, sii ne ntamadan wo ho. Na Bet-El da atoe fam, na Ai nso da apuei fam. Eho na osii aforemuka maa Awurade Nyankopon, soree no wo ho. 9 Na Abram fii ho toaa so de n’ani kyeree Negeb. 10 Saa bere no, okom kese bi sii asase a na Abram te so no so. Enti otu kotenaa Misraim asase so kakra, efise okom a ebaa asase no so no, na ano ye den yiye. 11 Oreye adu Misraim asase so no, oka kyeree ne yere Sarai se, “Minim se woye obee a wo ho ye fe yiye. 12 Se Misraimfo no hu wo a, wobeka se, ‘Ne yere ni. Momma yenkum no, na yemfa no.’ 13 Na se woka se woye me nuabea a, Misraimfo no behwe me yiye, efise won ani wo wo ho nti worenkum me.” 14 Bere a woduu Misraim asase so no, Misraimfo no huu se obee no ho ye fe yiye. 15 Na ohene Farao mpanyimfo huu no no, wakamfoo n’ahoofe, koboo no amannee. Enti ohene Farao soma ma wakofaa obee no baa n’ahemfi ho. 16 Esiane obee no ahoofe nti, ohene Farao hwee Abram yiye, maa no nguan, anantwi, afurumnini ne afurumbere, nkoa, mfenaa ne yoma. 17 Na esiane Abram yere Sarai te a na ote Farao ahemfi ho no nti, Awurade Nyankopon maa oyaredom baa Farao ne ne fifo so. 18 Eyi nti, Farao free Abram bisaa no se, “Den na woaye me yi? Aden nti na woanka ankyere me se obee no ye wo yere? 19 Aden nti na

wokae se, ‘Oye me nuabea’ na woama maware no? Se saa na ete de a, gye wo yere. Wo yere ni! Fa w’ade ko!”
20 Na Farao hyee asraafo se wonkogya Abram ne ne yere kwan a won fifo ne won agyapade nyinaa ka ho.

13 Abram tu fii Misraim. Ono, ne yere, Lot, n’agyapade ne ne fifo nyinaa baa Negeb. **2** Saa bere no na Abram anya ne ho a wo nyemmoa, dwete ne sikakokoo pii. **3** Ofii Negeb ho no, odii atutena ara koduu Bet-El, faako a odii kan sii ne ntamadan a ewo Bet-El ne Ai ntmam no. **4** Eho na kan no osii n’aforemuka. Eho nso na okoo so som Awurade. **5** Na Lot a one Abram nam no nso ye odefo a wo nguan, anantwi ne asomfo bebree. **6** Esiane se saa bere no na Abram ne Lot nyinaa anya won ho, na wo wo nguan, anantwi ne asomfo pii nti, na wonsen asase no so. **7** Na akasakasa taa baa Abram mmoahwefo ne Lot mmoahwefo no ntmam. Saa bere no na Kanaanfo ne Perisifo nso tete asase no so. **8** Enti Abram ka kyeree Lot se, “Mesre wo, mma akasakasa mma me ne wo anaa me mmoahwefo ne wo mmoahwefo ntmam, efise yeye anuanom. **9** Enye asase no nyinaa na eda w’anim yi? Ma yenni mpaapaemu. Se woko benkum a, meko nifa, na se woko nifa nso a, meko benkum.” **10** Lot hwee ne ho hyiae, huu se asase a eda Yordan ho no ye asasebere. Na nsu wo mu baabiara te se Eden turo mu anaase Misraim asase a eda Soar fam ho no ara pe. Saa bere no, na Awurade nnya nsee Sodom ne Gomora e. **11** Na Lot de n’ani kyeree apuei fam, faa asase a eda Yordan ho no. Eyi ne okwan a Abram ne Lot faa so dii ntetewmu no. **12** Abram tenaa Kanaan asase so. Na Lot nso dii atutena wo nkuropon a ewowo nsase tamaa no so, na okosii ne ntamadan wo baabi a eben Sodom. **13** Na nnipa a wo wo Sodom kurow no mu no ye amumoyefo a daa woye bone akeseakese de tia Awurade. **14** Lot tew ne ho fii Abram ho akyi no, Awurade ka kyeree Abram se, “Afei, ma w’ani so hwe atifi fam, anafo fam, apuei fam ne atoe fam. **15** Mede asasetam a w’ani tua yi nyinaa bema wo ne w’asefo afebo. **16** Mema w’asefo adoo so se asase so mfutuma a obiara ntumi nkan. **17** Sore, ko na kohwehwe asase no so nyinaa, efise mede rema wo.” **18** Enti Abram tutuu ne ntamadan betenaa odum kwae bi a eye Mamre de wo Hebron no. Eho na osii aforemuka maa Awurade.

14 Na ebaa se Babiloniahene Amrafel, Elasarhene Ariok, Elamhene Kedorlaomer, Goiimhene Tideal bere so, **2** na saa ahemfo yi ne Sodomhene Birs,

Gomarahene Birs, Admahene Sinab, Seboimhene Semeber ne Belahene a na wofre no Soar no dii ako. **3** Saa ahemfo yi a woye Sodomhene, Gomarahene, Admahene, Seboimhene ne Belahene boaboaa won asraafo ano wo Sidim subon a eno ne Nkyene Po no mu. **4** Wosom Kedorlaomer mfe dumien, na afe a eto so dumiensa mu no, wotew atua. **5** Afe akyi no, Kedorlaomer ne ahemfo a wobekaa ne ho no tuu asa. Na woko dii saa nnipa yi so nkonim: Refaimfo, a wo wo Asterot-Karnaim ne Susifo a wo wo Ham ne Emifo a wo wo Kiriataim **6** ne Horifo a wo wo bepaw Seir so de kosi El-Paran a eda sare ano no. **7** Afei, wosan won akyi baa En-Mispas a akyiri no, wofree no Kades bekunkum Amalekfo ne Amorifo nso a na wote Hasason-Tamar, seee won man no nyinaa. **8** Afei, saa ahemfo baanom yi a wone Sodomhene, Gomarahene, Admahene, Seboimhene ne Belahene a wofre no Soar no ko **9** saa ahemfo baanom yi a wone Elamhene Kedorlaomer, Goiimhene Tideal, Sinearhene Amrafel ne Elasarhene Ariok nkyen. Wokohyiaa wo Sidim subon mu. **10** Na nkomoa pii wo Sidim Bon no mu a watu ama wo ho pen. Enti ebaa se Sodomhene ne Gomarahene asraafo no reguan no, won mu bi kototoo nkomoa no mu, na nkae no nso guan ko mmepaw a na ewo ho no so. **11** Ahemfo baanom a wodii nkonim no fom Sodom ne Gomorafo ahode ne won nnuan nyinaa de ko. **12** Esiane se na Abram nuabarima ba Lot te Sodom asase so no nti, nkonimdifo no faa ono ne n’agyapade nyinaa ko. **13** Na Sodom ne Gomora aguanfo no mu baako bebaw Hebrini Abram oko no mu amannee. Saa bere no, na Abram abo ne ho atenase wo odum kwae bi a eye Amorini Mamre de no ase. Mamre yi nso, na ne nuanom ne Eskol ne Aner a na woye Abram abofo no. **14** Bere a Abram tee se wofa ne busuani Lot dommum no, oboaboaa ne fifo nnipa ahaasa ne dunwotwe a watetew won se akofo ano, maa wotiw atamfo no, kosii kurow bi a wofre no Dan mu. **15** Da no anadwo, Abram kyekyee n’akofo no mu ma wotow hyee atamfo no so, kunkum won, taa won koduu kurow bi a wofre no Hoba a ewo Damasko atifi fam no mu. **16** Abram gye oko mu nneema a wofa no nyinaa faa ne busuani Lot ne n’agyapade ne mmea ne nnipa foforo a wokyekyeree won no nyinaa san bae. **17** Abram kodii Kedorlaomer ne ahemfo a na woka ne ho no so nkonim akyi no, Sodomhene behyiaa no wo Sawe bon a eno ara na wofre no Ohene Bon no mu. **18** Na Salemhene Melkisedek a na oye

Ɔsorosoro Nyankopɔn sofo no de brodo ne nsa brɛe no, **19** behyiraa Abram se: “Ɔsorosoro Nyankopɔn a ɔɔɔ ɔsoro ne asase, Nhyira nka wo, Abram. **20** Na nhyira nka Ɔsorosoro Nyankopɔn a ɔde w’atamfo ahye wo nsam no.” Na Abram maa Melkisedek nneema a ne nsa kae no nyinaa mu biara nkyekyemu du mu baako. **21** Sodomhene no ka kyeree Abram se, “Fa me nnipa a wofaa wɔn no ma me na wo nso, fa nneema a aka no nyinaa.” **22** Nanso Abram ka kyeree Sodomhene no se, “Madi nsew aka ntam akyere AWURADE, Ɔsorosoro Nyankopɔn, ɔsoro ne asase yefo se, **23** Merennye biribiara, se eye asaawa hama baako anaa mpaboa so hama mpo, mfi wo nkyen, na woanka da se, ‘Me na memaa Abram nyaa ne ho.’ **24** Merennye hwɛe mfi wo nkyen, gye nea me mmarima yi adi nko. Me nkurɔfo Aner, Eskol ne Mamre de, ma wɔn wɔn kyɛfa.”

15 Eyinom akyi no, Awurade kasa kyeree Abram wɔ anisoadehu mu se, “Abram, nsuro. Meyɛ wo nkatabo. Meyɛ wo kyɛfa a esom bo.” **2** Abram nso buae se, “Awurade Nyankopɔn, den na wode bɛma me wɔ bere a minni ɔba. Onipa a obedi m’ade no ye Damaskoni Elieser?” **3** Na Abram toaa so se, “Wommaa me mma nti, akoa a wɔwoo no wɔ me fi no na obedi m’ade.” **4** Na Awurade ka kyeree Abram se, “Saa ɔbarima yi renni w’ade da, gye w’ankasa wo yafunumma.” **5** Onyankopɔn de Abram kɔ afikyiri, na ɔka kyeree no se, “Ma w’ani so hwɛ soro na hwɛ se wubetumi akan soro nsoromma ana.” Afei, Onyankopɔn ka kyeree Abram se, “Saa ara na w’asefo bedɔɔso nen.” **6** Abram gyee asem a Awurade kae no dii. Ne saa nti, Awurade buu no onipa trenɛe. **7** Awurade Nyankopɔn ka kyeree Abram bio se, “Mene Awurade a mede wo fi Ur a ɛwɔ Kaldeafo asase so bae se mede saa asase yi rema wo se w’agyapade.” **8** Nanso Abram kae se, “Ɔsorosoro Awurade, ɛbeyɛ den na mehu se asase no beyɛ me dea?” **9** Awurade ka kyeree Abram se, “Fa nantwi ba a wadi mfe abiesa, abirekyibere a wadi mfe abiesa, Odwennini a wadi mfe abiesa, agyenkuku ne aborɔnoma ba brɛ me.” **10** Abram de eyinom nyinaa brɛe Onyankopɔn, paapae wɔn mu abien abien, na ɔde afaafa no kyerekyeree anim, de guguu ho. Na nnomaa no de, wampaapae wɔn mu. **11** Na apete besisii mmoa no afunu so no, Abram pam wɔn. **12** Bere a owia rekɔto no, Abram daa hatee, na sum kabii a eye hu tɔɔ ne so. **13** Afei, Awurade ka kyeree Abram se, “Gye di se w’asefo beyɛ ahɔho wɔ asase a enyɛ wɔn dea so. Wɔbeyɛ nkoa wɔ ɔman no

mu, asom, na wɔayɛ wɔn ayayade mfe ahannan. **14** Nanso metwe saa ɔman a w’asefo besom wɔn no aso, na eno akyi no, wobefi ɔman a wɔsom mu no mu aba se adefo. **15** Wo de, wubewu asomdwoe mu. Wubenyin akyɛ yiye ansa na woawu. **16** Nanso awo ntoatoaso a ɛto so anan no mu, w’asefo besan aba saa ɔman yi mu bio. Efise saa bere yi, Amorifo a wote saa asase yi so nne yi bɔne a wɔyɛ no nnya nnuu nea wɔtwe wɔn aso ma eye yiye ɛ.” **17** Na ɛbaa se owia kɔtɔɛ, na sum durui no, Abram huu ogyaframa bi se ɛrefi wusiw ne ogyaten a ɛredɛw befaa mmoa a wɔakum wɔn no afunu afaafa no ntam. **18** Saa da no ara, Awurade ne Abram yɛe apam, kae se, “Mede saa asase a efi Misraim asubɔnten no ho, de kosi asubɔnten kese Eufrate ho bɛma wo ne w’asefo. **19** Saa ara nso na mede Kenifo, Kenesifo, Kadmonifo, **20** Hetifo, Perisifo, Refaimfo, **21** Amorifo, Kanaanfo, Girgasifo ne Yebusifo nsase nyinaa bɛma wo ne w’asefo no.”

16 Saa bere no, na Sarai nwoo ɔba mmaa Abram ɛ. Na ɔwɔ Misraimni abaawa bi a wɔfrɛ no Hagar; **2** enti Sarai ka kyeree Abram se, “Wo ara wunim se Awurade ama mayɛ obonin; manwo ɔba! Mesrɛ wo, ko na wo ne m’abaawa Hagar nkoda; ebɛa enam ne so na manya mma.” Abram penɛe asem a Sarai ka kyeree no no so. **3** Abram tenaa Kanaan asase so mfe du akyi no, ne yere Sarai de Misraimni abaawa Hagar no kɔmaa ne kunu no se ɔnware no. **4** Abram ne Hagar dae, na onyinsɛnee. Bere a Hagar huu se wanyinsɛn no, ofii ase buu n’awuraa Sarai animtiaa. **5** Enti Sarai ka kyeree Abram se, “Saa ɔhaw a aba me so yi nyinaa fi wo! Mede m’abaawa maa wo; afei a wahu se wanyinsɛn no nti, otɛtiaa m’anim. Awurade mmu me ne wo ntam aten.” **6** Nanso Abram ka kyeree Sarai se, “Ɔyɛ w’abaawa. Nea wopɛ se wode ye no biara, fa ye no.” Efi saa bere no, Sarai tan n’abaawa Hagar ani ma oguan fii ne nkyen. **7** Awurade bofo huu Hagar wɔ nsu aniwa bi ho wɔ sare no so. Na saa nsu aniwa no da ɔkwan a ɛkɔ kurow bi a wɔfrɛ no Sur no nkyɛn. **8** Ɔbofo no bisaa Hagar se, “Sarai abaawa Hagar, wufi he, na worekɔ he?” Hagar buaa no se, “Mereguan a fi m’awuraa Sarai nkyɛn.” **9** Na Awurade bofo no ka kyeree Hagar se, “San kɔ w’awuraa no nkyɛn, na kɔbrɛ wo ho ase ma no.” **10** Ɔbofo no ka kaa ho se, “Mɛma w’ase afɛɛ a, wɔkan a enyɛ yiye.” **11** Awurade bofo no san ka kyeree Hagar se, “Woanyinsɛn, na wobɛwo ɔbabarima. Wobetɔ no din Ismael, efise Awurade ate w’amanɛhunu. **12** Ɔbeyɛ se sare so afurum. Obetia

nnipa nyinaa, na nnipa nyinaa nso betia no; atutuwpɛ so na ɔne ne nuanom betena.” 13 Eyi akyi no ɔkae se, “Mahu Nea ohu me.” Eno nti, ɔde din El-Roi a ase ne “Onyankopɔn a ohu me” no too no. 14 Eno nti na wɔfrɛ nsu aniwa no se Beer-Lahai-Roi a ase ne “Onyankopɔn Teasefo a ohu me abura.” Eɖa Kades ne Bered ntam besi nne. 15 Enti Hagar woo ɔbabarima maa Abram. Abram too abofra no din Ismael. 16 Hagar woo Ismael no, na Abram adi mfe aduwɔtwɛ asia.

17 Abram dii mfe aduwɔkron akron no, Awurade yii ne ho adi kyereɛ no kae se, “Mene Otumfo Nyankopɔn, nantew m’anim na ye pɛ. 2 Mesi apam a eɖa me ne wo ntam no so dua, na mama w’asefo adɔso.” 3 Abram de n’anim butuu fam, na Onyankopɔn ka kyereɛ no se, 4 “Me fa mu de, saa apam yi na eɖa me ne wo ntam: wobeye aman bebree agya. 5 Wɔremfrɛ wo Abram bio. Wɔbefrɛ wo Abraham, efise maye wo aman bebree agya. 6 Mema w’asefo adɔso. Wobeye amanaman bebree na ahemfo nso afi wɔn mu. 7 Mema m’apam no aye daapem apam a eɖeɖa me ne wo ne w’asefo ne awo ntoatoaso a eɖeɖa no ntam. Na meye wo ne w’asefo Nyankopɔn. 8 Mede Kanaan asase a nne wote so se ɔhoho no nyinaa bema wo ne w’asefo a wɔbeba akyiri no nyinaa. Ebeye w’agyapade a wo ne obi mmɔ mu hye afeboɔ. Na meye wɔn Nyankopɔn.” 9 Afei, Onyankopɔn ka kyereɛ Abraham se, “Wo de, eɛ se wo ne w’asefo ne w’asefo a wɔbeba akyiri no di m’apam no so. 10 Eyi ne m’apam a eɖa me ne wo ntam a eɛ se wo ne w’asefo ne w’asefo a wɔbeba akyiri no di so. Eɛ se wotwa ɔbarima biara twetia. 11 Eɛ se mutwa twetia. Eno na ebeye apam a eɖa me ne mo ntam no ho nsenkyerenne. 12 ɔbarima biara a ɔye w’aseni a wɔbewo no no, odi nnaawɔtwɛ pɛ a, eɛ se wotwa no twetia. Nkoa a wɔwoo wɔn wɔ wo fi ne ɔnanani biara a wuyii sika tɔɔ no fii ɔmamfrani nkyen a ɔnye w’aseni no nso, eɛ se wotwa no twetia saa ara. 13 Se wɔwoo no wo fi oo, se nso wɔkarii sika kotɔɔ no oo, eɛ se wotwa no twetia. Saa honam mu apam yi beye daapem apam. 14 Wɔbɛpam ɔbarima biara a wontwaa no twetia no afi ne nkurofo mu, efise saa onipa no anni m’apam no so.” 15 Onyankopɔn san ka kyereɛ Abraham se, “Efa wo yere Sarai ho nso, efi nne rekɔ, wɔremfrɛ no Sarai bio. Wɔbefrɛ no Sara. 16 Mehyira no, na mema no awo ɔbabarima ama wo. Mehyira no ama wabeye aman nyinaa na. N’asefo mu na amanaman mu ahemfo befi.” 17 Abraham de n’anim butuw fam bio. ɔserew bisaa ne ho se, “Ebetumi aba se ɔbarima a wadi mfe

ɔha bewo ɔba ana? Sara nso a wadi mfe aduwɔkron no nso, obetumi awo ɔba ana?” 18 Na Abraham ka kyereɛ Onyankopɔn se, “Onyankopɔn eno de, hyira Ismael!” 19 Na Onyankopɔn kae se, “Mmom, wo yere Sara bewo ɔbabarima ama wo, na wobeto no din Isak, a ase ne Serew. Me ne no beye daapem apam a ebetena ho ama n’asefo a wɔbeba akyiri no nyinaa. 20 Na Ismael ho asem a wokae no nso, mate. Mehyira no ama n’ase adɔ bebree. ɔbeyɛ abirempon dumien agya. Na mema no aye ɔman kese. 21 Nanso me ne Isak a Sara bewo no afe sesɛɛ no na ebeye m’apam no.” 22 Onyankopɔn kasa kyereɛ Abraham wiee no, ogyaw no ho kɔe. 23 Saa da no ara, Abraham faa ne babarima Ismael ne mmarima a wɔwoo wɔn wɔ ne fi ne mmarima a wɔtɔɔ wɔn fii ananafo nkyen, twitwaa wɔn nyinaa twetia, senea Onyankopɔn ka kyereɛ no no. 24 Wotwaa Abraham twetia no, na wadi mfe aduwɔkron akron. 25 Ne babarima Ismael nso, wotwaa no twetia no, na wadi mfe dumiensa. 26 Saa da no ara, na wotwaa Abraham ne ne ba Ismael nyinaa twetia. 27 ɔbarima biara a ɔwo Abraham fi, wɔn a wɔwoo wɔn wɔ Abraham fi ne ɔbarima biara a wɔtɔɔ no fii ɔnanani bi nkyen no, wotwitwaa wɔn nyinaa twetia, kaa Abraham ho.

18 Awia ketee bi a Abraham te ne ntamadan a ewɔ Mamre odum kwae kwan ano no, Awurade yii ne ho adi bio kyereɛ no. 2 Abraham maa n’ani so no, ohuu se mmarima baasa bi apue ne ntentenso. Ohuu wɔn no, otuu mmirika fii ne ntamadan no kwan ano kohyiaa wɔn, kotow wɔn. 3 Abraham kae se, “Me wura, se manya adom wɔ w’anim a, ntwa me a meye w’akoa ho nkɔ. 4 Momma wɔmfa nsu bi mmre mo nhohoro mo anan ase, na monhome wɔ nnua yi ase kakra. 5 Moaba mo akoka nkyen yi, momma mɛmpɛ aduan kakra bi mma monka mo ano, na munnya ahoɔden nkɔ mo kwan.” Nnipa no penɛɛ so kae se, “Eye, ye nea woɛ se woye.” 6 Enti Abraham de ahoɔhare kɔɔ ne yere Sara nkyen wo ntamadan no mu, koka kyereɛ no se, “Ka wo ho fa asikresiam pa susukora abiesa, na fɔtɔw na fa to brodo.” 7 Afei, Abraham yɛɛ ntem kɔɔ n’anantwibuw no mu, kɔkyeree nantwi ba a oye na wadɔ sɔrɛde de no maa ne somfo ma ɔde ahoɔhare yɛɛ ne ho adwuma. 8 Afei, ɔfaa nufusu ani sɔrɛde ne nufusu ne nantwi ba a ɔde anoa aduan no, de too nnipa baasa no pon. Bere a nnipa no gu so redidi no, na ogyina wɔn nkyen wɔ nnua no ase. 9 Nnipa no bisaa Abraham se, “Wo yere Sara wɔ he?” Abraham buaa wɔn se,

“Ɔwɔ ntamadan no mu.” **10** Afei, Awurade kae se, “Nea ebeye biara, afe sesee meba wo nkyen, na meba no na wo yere Sara awo obabarima.” Saa bere no, na Sara gyina ntamadan no pon akyi, retie nkommɔ no. **11** Na Abraham ne Sara nyinaa anyinyin yiye a wɔn mfe akɔ anim koraa nti, na Sara awo apa ho. **12** Sara tee asem no, ɔserew ne tirim, kae se, “Manya awie aberewabɔ, na me kunu nso abɔ akwakoraa yi, ebeye den na manya saa anigyede yi?” **13** Enti Awurade bisaa Abraham se, “Aden nti na Sara serew bisae se, ‘Ampa ara se manyin adu see yi, metumi awo ba ana?’” **14** Biribi boro Awurade ahɔɔden so se obeye? Afe sesee a mesan aba senea mahye wo ho bo no, na wo yere Sara awo obabarima.” **15** Na Sara suro nti, otwaa atoro se, “Manserew.” Nanso Onyankopɔn kae se, “Eye nokware turodoo se woserewee.” **16** Mmarima no kraa se wɔreko no, wɔde wɔn ani kyeree Sodom. Abraham kogyaa wɔn kwan. **17** Afei, Awurade kae se, “Ade a mabɔ me tirim se meye no memfa nsie Abraham ana? **18** Eye nokware turodoo se Abraham beye ɔman kese a ewɔ tumi. Na enam Abraham so na wobehyira amanaman a ewɔ asase so nyinaa. **19** Efise mapaw Abraham se obekyerkyere ne mma ne ne fifo Awurade kwan. Na wɔaye ade pa ne ade trenee a ɛso Awurade ani. Senea ebeye a Awurade bɔ a ɔhyee Abraham no beba mu.” **20** Afei, Awurade kae se, “Mate nnebɔne a eye duru a ereko so wɔ Sodom ne Gomora no. **21** Meko ho akohwe se, nea wɔye no ye bɔne a eye duru senea mate no ana. Se ente saa nso a, mehu.” **22** Na mmарima baasa no mu baanu dan wɔn ani kyeree Sodom. Nanso Abraham de, na ɔda so gyina Awurade anim. **23** Na Abraham twiw ben Onyankopɔn bisaa no se, “Wobesee nnipa trenee ne nnipa bɔnefo nyinaa afra ana? **24** Na se nnipa trenee aduonum wɔ kurow no mu a, wobesee kurow no a worenhwɛ saa nnipa trenee aduonum no ho nnyae kurow no see ana? **25** Eɱpare wo se wobeye saa, se wubekum nnipa trenee ne nnipa bɔnefo afra, de asotwe koro no ara bema nnipa trenee ne nnipa bɔnefo. Eɱpare wo! Nea obu asase nyinaa aten no remmu atɛntrennee ana?” **26** Na Awurade kae se, “Se mihu nnipa trenee aduonum wɔ Sodom kurow no mu a, wɔn nti merensee kurow no.” **27** Na Abraham bisae se, “Afei, me a meye nsɔ ne dote a mense hwee, nanso masi me bo ne Awurade akasa yi, **28** se eba se nnipa trenee no dodow ye aduanan anum nso e? Esiane saa nnipa anum a wɔafi nnipa trenee aduonum no so ama aka nnipa trenee

aduanan anum no nti, wobesee kurow mu no nyinaa ana?” Onyankopɔn buae se, “Se mihu nnipa trenee aduanan anum wɔ kurow no mu a, merensee no.” **29** Abraham toaa n’adebisa no so se, “Se eba se, nnipa trenee aduanan pe na wɔwɔ kurow no mu e?” Na Awurade buaa Abraham se, “Nnipa trenee aduanan no nti, merensee kurow no.” **30** Abraham kɔ so sree bio se, “Mesre wo, Awurade, mma wo bo mfuw me, ma menkasa. Se eba se nnipa trenee aduasa na wɔwɔ kurow no mu nso e?” Awurade buae se, “Se mihu nnipa trenee aduasa a, merensee kurow no.” **31** Afei, Abraham bisae se, “Masi me bo ne Awurade akasa yi, eba se nnipa trenee aduonu pe na wɔwɔ kurow no mu e?” Onyankopɔn buae se, “Saa nnipa trenee aduonu no nti, merensee kurow no.” **32** Abraham kɔ so bisae se, “Awurade, mma wo bo mfuw me; ma mimmisa m’asem baako pe a etwa to. Se eba se, nnipa trenee du na wɔwɔ kurow no mu nso e?” Awurade buae se, “Saa nnipa trenee du no nti, merensee kurow no.” **33** Bere a Awurade ne Abraham kasa wiee no, ogyaw Abraham ho kɔe. Abraham nso san kɔ n’atenae.

19 Ɔsoro abɔfo baanu no duu Sodom anwummere.

Na Lot te kurow no pon ano. Bere a Lot huu se wɔreba no, ɔsɔre kohyiaa wɔn kwan. Obuu nkotodwe, de n’anim butuw fam, nam so maa wɔn akwaaba. **2** Ɔkae se, “Me wuranom, mesre mo, mommesoe mo akɔa fi na memma mo nsu nhohoro mo anan ho, na monna, na ɔkyena anɔpatutuutu, moatoa mo akwantu no so.” Nanso abɔfo no buae se, “Dabi, mmom, yebɛda aguabɔbea.” **3** Nanso Lot kɔ so sree wɔn anibere so nti, wɔne no kɔ ne fi. Ɔtoo brodo a wamfa mmokaw amfra da no ara, de too wɔn pon ma wodii. **4** Ansa na wobeko akɔda no, Sodomfo mpanyin ne mmofra nyinaa fi kurow no afanan betwaa ofi no ho hyiae. **5** Wɔteetee mu fɔre Lot bisaa no se, “Mmarima a wobaa wo nkyen anadwo yi wo he? Fa wɔn bre yen, na yene wɔn nkɔda.” **6** Lot fii adi, too ne pon mu, kohyiaa Sodom mmарima no. **7** Ɔka kyeree wɔn se, “Me nuanom, mesre mo, munni amumɔyesem a ete saa. **8** Muntie! Mewɔ mmabea baanu a wonhuu mmарima da. Momma memfa wɔn mmre mo, na nea mope biara, moaye wɔn. Na saa mmарima baanu yi de, mommfa mo nsa nka wɔn, efise wɔaba me suhye bammɔ mu.” **9** Ɖɔm no teetee mu se, “Twe wo hol! Woye hena? Yen na yeama wo baabi atena wo ha, na afei de wobekyerɛ yen nea yenye. Yene wo bedi

no anibere so asen nkurafo no.” Dɔm no twii faa Lot so, na wofii ase bubuu apon no. **10** Nanso ɔsoro abɔfo baanu a wɔhye fie hɔ no pue betwee Lot kɔhyee fie hɔ, too pon no mu. **11** Ɔsoro abɔfo baanu no maa mpanyin ne mmofra a wog Yinagya ɔpon no akyi no ani furafurae, enti wɔanhu ɔpon no koraa. **12** Mmarima baanu no bisaa Lot se, “Wowɔ abusuafo bi wɔ kurom ha se eye wo nsenom, wo mmabea, wo mmabarima anaa obi foforo bi a ɔye wo ho nipa? Yi wɔn nyinaa fi ha, **13** efise yerebese sa kurow yi pasaa. Amumɔyesem a etia nnipa yi a adu Awurade anim no ano den nti, wasoma yen se yemmese kurow yi.” **14** Enti Lot fii adi kɔbɔ mmarima bi a wɔahye bɔ se wɔbewareware ne mmabea no amannee. Ɔka kyeree wɔn se, “Monye no ntem, na mumfi kurow yi mu, efise Awurade Nyankopɔn rebese kurow yi!” Nanso na saa mmarima yi susuw se ɔredi few bi. **15** Anɔpahema no, ɔsoro abɔfo no hyee Lot se, “Ntem! Ka wo ho, na fa wo yere ne wo mmabea baanu a wɔwɔ ha no fi ha kɔ; anye saa a, wɔde mo befra kurow no, ase mo.” **16** Ɔtwentwen ne anan ase no, ɔsoro abɔfo no susoo Lot ne yere ne ne mmabea baanu no nsa, twee wɔn, de wɔn fii kurow no mu asomdwoe mu, efise Awurade huu wɔn mmabɔ. **17** Ɔsoro abɔfo no yii Lot mmabea baanu no fii kurow no mu ara pe, abɔfo no mu baako kae se, “Munguan nnye mo kra nkwa; monnhwe mo akyi. Munnniyina baabiara. Munguan nkɔ mmepɔw no so, anye saa a mubewuwu!” **18** Nanso Lot ka kyeree wɔn se, “Dabi me wuranom! **19** Mo akɔa anya mo anim adom, na moaye me adɔe kese de agye me nkwa. Nanso me de, merentumi nguan nkɔ mmepɔw no so, efise misuro se anhwɛ a, saa amanehunuu yi beto me, ama mawu. **20** Hwɛ, kurow ketewa bi ben ha. Mesre mo, momma minkohintaw hɔ mmom, na manhwere me nkwa. Kurow no nsua ana?” **21** Ɔsoro abɔfo no ka kyeree Lot se, “Eye, Mɛpene w’abisade yi so; merense sa kurow ketewa no. **22** Ɛno de, guan kɔ hɔ ntem, efise se wunnuu hɔ a, merenye biribiara.” Efi saa bere no na wɔfrɛ kurow no Soar a ase ne kurow ketewa. **23** Bere a Lot duu Soar no, na owia apue. **24** Afei, Awurade maa sufɛ ne ogya tɔ fii soro, guu Sodom ne Gomora so. **25** Saa ɔkwan yi so na wofa de seee saa nkuropon abien ne asasetam no nyinaa. Nnipa a na wɔtete saa nkuropon no so ne asase no so afide nso nyinaa seee. **26** Nanso Lot yere twaa n’ani hwɛ n’akyi ma ɔdan nkyene siw. **27** Ade kyee anɔpatutuutu no, Abraham kɔ baabi a ogyinaa Awurade anim no. **28** Ɔmaa n’ani

so hwɛ Sodom ne Gomora fam ne asasetam no so nyinaa, huu wusiw kumɔnn a abua asase no so te se wusiw a efi fononoo mu. **29** Bere a Onyankopɔn seee nkurow a ɛwɔ asase tamaa no so no, Onyankopɔn kae Abraham, na oyii Lot fii ɔsee a ɛbaa nkurow a na Lot te so no mu no. **30** Lot ne ne mmabea baanu no tu fii Soar kɔtenaa ɔbodan bi a na ɛwɔ mmepɔw no so no mu, efise na osuro se ɔbetena Soar. **31** Da koro bi, ɔbabea panyin no ka kyeree akumaa no se, “Yen agya abɔ akwakoraa, na ɔbarima biara nso nni ha a ɔne yen beda, senea woye wɔ wiasɛ baabiara no. **32** Ne saa nti, ma yemma yen agya nsa nnom, na afei yene no nna, senea ɛbeyɛ a yenam ne so bema yen ase afee.” **33** Saa anadwo no, wɔmaa wɔn agya nsa nomee. Na ɔbabea panyin no ne no kɔdae. Lot anhu bere ko a ne babea panyin no de beda hɔ ne bere ko a ɔsɔre kɔe. **34** Ade kyee no, ɔbabea panyin no ka kyeree akumaa no se, “Nnɛra anadwo, me ne m’agya dae. Saa anadwo yi, ma yensan mma no nsa nnom, na wo nso, wo ne no nkɔda, senea ɛbeyɛ a yenam yen agya so bema yen ase afee.” **35** Saa anadwo no nso, wɔmaa wɔn agya nsa nomee. Na akumaa no nso ne n’agya kɔdae. Bio, Lot anhu bere ko a akumaa no de beda hɔ ne bere ko a ɔsɔre kɔe. **36** Enti Lot ne ne mmabea baanu no nyinsene. **37** Ne babea panyin no woo ɔbabarima, na ɔtoo no din Moab. Ɔno na ɔye Moabfo agya de besi nne. **38** Akumaa no nso woo ɔbabarima, na ɔtoo no din Ben-Ami; ɔno nso ne Amon mma agya de besi nne.

20 Afei, Abraham tu fii hɔ kɔ anafɔ mantam asase bi a wɔfrɛ no Negeb kɔtenaa nkurow Kades ne Sur ntam. Ɔtenaa Gerar kakra. **2** Abraham maa nnipa no tee ase se, Sara ye ne nuabea. Enti, Gerarhene Abimelek soma kɔfaa Sara baa n’ahemfi. **3** Nanso Onyankopɔn soo Abimelek dae, ka kyeree no se, “Wose owu, efise ɔbea a woakɔfa no no ye obi yere.” **4** Nanso na Abimelek nnya ne Sara nnae, enti ɔkae se, “Awurade, enti wɔbese onipa a ɔnyee bone bi? **5** Abraham ka kyeree me se, ‘Ɔye me nuabea.’ Na Sara no nso kae se, ‘Ɔye me nuabarima.’ Enti mede adwene mu fann ne koma mu tew na eye nea meye no.” **6** Na Onyankopɔn soo Abimelek dae bio ka kyeree no se, “Eye nokware turodoo se, wode adwene mu fann ne koma mu tew na eye nea woyee no; ɛno nti, mamma woanye bone antia me. Ɛno nti na mamma woamfa wo ho anka no no. **7** Ne saa nti san fa ɔbarima no yere no koma no, efise saa ɔbarima no ye odiyifo a obetumi abɔ mpae ama wo ama woatena. Na se woansan

amfa no ankoma no a, hu se, wo ne w'asefo nyinaa bewuwu." 8 Ade kyee anopatutuutu no, Abimelek frɛɛ ne mpanyimfo nyinaa bɔɔ wɔn nsem a asisi no ho amannee. Na wosuroo yiye. 9 Afei, Abimelek frɛɛ Abraham ka kyereɛ no se, "Den na woaye yen yi? Bɔne ben na maye wo a woakɔfa afɔbusem kese a ete seɛ yi abeto me ne me man so yi? Ade a wode aye me yi nye ade a anka ese se wode ye me." 10 Afei, Abimelek bisaa Abraham se, "Den adwene na ekaa wo a ema woyee saa?" 11 Abraham buae se, "Misusuwii se nokware, Onyankopɔn biara nni mo mu, na me yere nti, mubekum me. 12 Eyi akyi no, ampa ara, ɔye me nuabea. Yefi agya koro na yemfi ena koro. Eno nti na mewaree no no. 13 Na bere a Onyankopɔn ka kyereɛ me Abraham se mintu mfi m'agya fi nkɔ asase a obekyere me so no. Me nso, meka kyereɛ Sara se, 'Adɔe a ese se woye me ni: baabiara a yebedu no, ka se meye wo nuabarima.'" 14 Enti Abimelek de nguan, anantwi, nkoa ne mfenaa brɛɛ Abraham. Na ɔde ne yere Sara san brɛɛ no. 15 Abimelek kae se, "M'asasetam na eɔa w'anim yi, eso baabiara a wope se wotena no, fa." 16 Abimelek ka kyereɛ Sara nso se, "Mede dwete kilogram dubaako ne fa rema wo nuabarima no. Eyi ne mpata a mede rema wo wɔ bɔne a wode too wo so no, wɔ wɔn a wɔka wo ho no nyinaa anim. Asodi biara nna wo so." 17 Enti Abraham bɔɔ mpae, srɛɛ Onyankopɔn se ɔnsa ɔhene Abimelek, ɔhemmea ne mfenaa a wɔwɔ fie hɔ no yare mma wɔnwo mma. 18 Esiane Abraham yere Sara nti, Awurade too Abimelek fify nyinaa yafunu mu de twee Abimelek aso.

21 Afei, Awurade dom Sara senea ɔhyee no bɔ no. 2 Sara nyinseneɛ, na ɔwoo obabarima maa Abraham wɔ ne nkwakoraabere mu, bere a Awurade hyee no bɔ no mu pɛpɛɛpɛ. 3 Abraham too obabarima a Sara woo no maa no no din Isak, a ase ne Serew. 4 Bere a Isak dii nnaawotwe no, otwaa no twetia, senea Onyankopɔn hyee no no. 5 Wɔwoo Isak maa Abraham no, na wadi mfe ɔha. 6 Sara kae se, "Onyankopɔn ama maserew. Na obiara a obete saa asem yi ne me bebo mu aserew." 7 Sara ka kaa ho se, "Hena na ɔsoo ho dae ka kyereɛ Abraham se Sara bewo mma. Nanso ne nkwakoraabere mu yi, mawo obabarima ama no." 8 Abofra no nyin ma wotwaa no nufu. Da a wotwaa Isak nufu no, Abraham too pon kese. 9 Nanso Sara hui se, obabarima a n'afenaa Misraimni Hagar woo no maa Abraham no redi Isak ho few. 10 Enti Sara

ka kyereɛ Abraham se, "Pam saa afenaa yi ne ne babarima yi fi ha; na Isak ne saa afenaa babarima yi nni w'agyapade biara mu kyefa." 11 Abraham tee saa asem no, esiane ne babarima Ismael nti, ne were how yiye. 12 Nanso Onyankopɔn ka kyereɛ Abraham se, "Mma wo babarima Ismael ne w'afenaa Hagar ho asem no nhaw wo bebree. Asem biara a Sara beka akyere wo no, tie, efise Isak so na wɔnam beka w'asefo. 13 Mema afenaa no babarima Ismael no nso asefo aye ɔman kese, efise ɔno nso ye w'aseni." 14 Ade kyee anopatutuutu no, Abraham faa aduan ne nsu a egu aboa nhoma mu de maa Hagar. ɔde aduan no ne nsu no sisii Hagar mmati so, ka kyereɛ ɔne ne ba Ismael no se wɔnkɔ. Ofii hɔ kokyinkyin Beer-Seba sare so a na onhu baabi a ɔreko. 15 Nsu a ewɔ aboa nhoma no mu sae no, ɔde ne babarima no kohintaw wura no mu baabi. 16 Na ɔkɔtenaa akyiri baabi a wotow ɔbo a ebeto, kae se, "Merentumi nhwe se abarimaa no bewu." Na bere a Hagar te hɔ saa no, ofii ase sui. 17 Onyankopɔn tee se abarimaa no resu. Onyankopɔn bofo fi ɔsoro frɛɛ Hagar bisaa no se, "Hagar! Eye den? Nsuro, efise Onyankopɔn ate abarimaa no su wo faako a ɔda no. 18 Ma abarimaa no so, efise mema no aye ɔman kese." 19 Na Onyankopɔn buee Hagar ani ma ohuu asubura bi. ɔde aboa nhoma no kɔsaw nsu ma, na ɔmaa abarimaa no bi nomee. 20 Onyankopɔn adom nti, abarimaa no nyinii. ɔtenaa sare no so huu agyantow yiye. 21 Bere a ɔte Paran sare so no, ne na kɔfaa ɔbea fi Misraim asase so de no brɛɛ no aware. 22 Saa bere no mu, ɔhene Abimelek ne ne sahene Pikol baa Abraham nkyen beka kyereɛ no se, "Biribiara a woye no, Onyankopɔn ka wo ho. 23 Enti afei, di nsew ka ntam wɔ Onyankopɔn anim kyere me wɔ ha se, worentwa me mma anaa m'asefo nkontompo. Saa ayamyɛ a maye wo no, saa ara na fa ye me ne ɔman a wote so se ɔnanani no." 24 Abraham penee so se, "Meka saa ntam no!" 25 Na Abraham de asubura bi a Abimelek nkoa de anuoden afa no ho asem kɔtoo Abimelek anim. 26 Nanso Abimelek kae se, "Minnim onipa ko a ɔyee saa ade no. Woammɔ me ho amannee. Nne na mate saa asem yi." 27 Enti Abraham de nguan ne anantwi brɛɛ Abimelek. Na mmarima baanu yi de yee apam. 28 Abraham yii nguantenmma abere ason fii nguankuw no mu gyinaa nkyen, 29 na Abimelek bisaa Abraham se, "Nguantenmma abere ason a woayi wɔn agyina nkyen yi ase kyere den?" 30 Abraham buae se, "Ne nkyerease ara ne se, eye akyede a mede

rema wo de adi adanse se, me na mituu saa abura yi.” **31** Efi saa bere no rekɔ no, wɔfrɛ saa abura no Beer-Seba, a ase ne Ntanka Abura, efise ɛhɔ na wɔn baanu yɛ apam no. **32** Wɔyɛ apam no wiee wɔ Beer-Seba no, ɔhene Abimelek ne ne Sahene Pikol san kɔɔ Filistifo asase so. **33** Abraham nso dua dua bi a wɔfre no asantɛw wɔ abura no ho wɔ Beer-Seba. ɛhɔ na na ɔsom Awurade teasefo no daa. **34** Abraham tenaa Filistifo asase no so se ɔnanani nna bebre.

22 Nna bi akyi no, Onyankopɔn sɔɔ Abraham hwɛ. ɔfrɛ Abraham se, “Abraham!” Abraham buae se, “Me ni!” **2** Onyankopɔn ka kyereɛ no se, “Fa wo ba, wo ba koro Isak a wodɔ no no kɔ Moria asase so, na fa no kɔbɔ ɔhyew afɔre wɔ mmepɔw a ɛwɔ hɔ no mu baako a mekyere wo no so.” **3** Abraham sɔree anɔpatutuutu hyehyɛ n’afurum. ɔfaa ne nkoa no mu baanu ne ne ba Isak kaa ne ho. Otwitwaa ogya a ɛbeso ɔhyew afɔre no bɔ no, osii mu kɔ faako a Onyankopɔn kyereɛ no se ɔnkɔ no. **4** Ne nnansa so no, Abraham too n’ani huu se baabi a ɔrekɔ no wɔ akyirikyiri. **5** Na Abraham ka kyereɛ ne nkoa no se, “Mo ne afurum no ntwɛn wɔ ha, na me ne abarimaa no nkɔ anim kakra nkɔsom. Se yesom wie a, yɛbesan aba.” **6** Abraham faa nnyina a wɔde rekɔbɔ ɔhyew afɔre no de soaa ne ba Isak. Na ɔno nso faa ogya ne sekan kurae. Bere a wɔrekɔ no, **7** Isak frɛ n’agya Abraham se, “Agya!” Na Abraham buae se, “Me ba, asem ben?” Isak bisaa no se, “Ogya ne nnyina no ni, na oguamma a yede no rekɔbɔ ɔhyew afɔre no wɔ he?” **8** Abraham buae se, “Onyankopɔn no ankasa bɛma yɛn afɔre guan no a yede rekɔbɔ ɔhyew afɔre no.” Na wɔn baanu no toaa so kɛ. **9** Wokodu faako a Onyankopɔn kyereɛ no no, Abraham sii afɔremuka wɔ hɔ, hyehyɛ nnyina no wɔ so. ɔkyekyeree ne ba Isak, de no too nnyina no so wɔ afɔremuka no so. **10** Abraham twee sekan no, maa so se ɔde rebetwa ne ba no mene akum no. **11** ɛhɔ ara na Awurade bɔfo frɛ no fi ɔsoro se, “Abraham! Abraham!” Na Abraham gyee so se, “Me ni.” **12** Awurade bɔfo no kae se, “Mfa wo nsa nka abofra no. Nyɛ no bɔne biara. Esiane se woamfa wo dɔba, wo ba koro no ankame me no nti, mahu se wusuro Onyankopɔn.” **13** Abraham maa n’ani so huu se nkyekyere bi aso Odwennini bi mmen mu wɔ wura no mu hɔ. Abraham kɔkyeree Odwennini no de no bɔɔ ɔhyew afɔre wɔ afɔremuka no so sii ne ba no anan mu. **14** Abraham too beae no din se Awurade De Bema. Ebesi nne no wɔka se, “Wɔde bɛma

wɔ Awurade bepɔw no so.” **15** Awurade bɔfo no frɛ Abraham fii ɔsoro nea eto so abien kae se, **16** “Maka me ho ntam se, esiane se woaye eyi, na woamfa wo ba, wo ba koro no ankame me nti, **17** hyira na mehyira wo na mama w’ase adɔ se ɔsoro nsoromma ne mpoano nwea. Na w’asefo begye wɔn atamfo nkuropon adi so. **18** Wɔnam w’asefo so na wobehyira wiase amanaman nyinaa, efise woadi m’asɛm so.” **19** Na Abraham san kɔɔ n’asomfo no nkyɛn ne wɔn sii mu kɔɔ Beer-Seba kotenaa hɔ. **20** Nna bi akyi no, wɔka kyereɛ Abraham se, “Milka nso ye obeatan a wawo mmabarima ama wo nuabarima Nahor: **21** Us ye abakan, Us nuabarima a odi so ne Bus. Kemuel a ɔto so abiesa na ɔwoo Aram. **22** Wɔn a wɔaka no ne Kesed, Haso, Pildas, Yidlaf ne Betuel.” **23** Betuel beyɛ Rebeka n’agya. Milka ne Abraham nua Nahor na wɔwowoo saa mmabarima baawɔtwe yi. **24** Nahor ne ne mpena Rehuma nso woo mma baanan a wɔn din de, Teba, Gaham, Tahas ne Maaka.

23 Sara dii mfe ɔha aduonu ason. **2** Owui wɔ Kiriati-Arba a ɛno ara ne Hebron a ɛwɔ Kanaan asase so. Abraham kogyam ne yere Sara, suu no wɔ hɔ. **3** Abraham gyaw ne yere Sara amu no wɔ hɔ, kɔɔ Hetifo mpanyimfo nkyɛn, kɔsrɛ wɔn se, **4** “Meyɛ ɔhɔho ne mamfrani a mete mo mu. Mesrɛ mo, montɔn mo asase yi bi mma me, na minsie me yere wɔ so.” **5** Hetifo no buaa Abraham se, **6** “Owura, yesrɛ wo, tie asem a yerebɛka yi. Woyɛ Onyankopɔn somfo kese wɔ yɛn mu. Yɛn boda biara a ɛsɔ w’ani a woɔ se wusie wo yere wɔ hɔ no, yɛma wo ho kwan, kosie no. Yɛn mu biara remfa ne boda nkame wo.” **7** ɛhɔ ara na Abraham sɔre bɔɔ ne mu ase wɔ Hetifo no anim, **8** ka kyereɛ wɔn se, “Se moapene so se minsie m’amu no wɔ ha de a, mɛpa mo kyew, monsɛ Efron a ɔyɛ Sohar babarima no mma me, **9** na ɔntɔn Makpela ɔboda a ɛwɔ n’afuw ano no mma me. Monka nkyere no na ɔntɔn no sɛnea ne bo di pɛpɛɛ mma me, na mede hɔ ayɛ me ne m’abusuafo amusiei.” **10** Saa bere no na Hetini Efron a ɔte ne manfo mu no buaa Abraham, maa ne nkurofo a wɔahyia wɔ kurow no pon ano nyinaa tee se, **11** “Dabi, me wura, tie me! Mede afuw no ne ɔboda a ɛwɔ mu no kye wo. Migyina me manfo anim, na mede kye wo. Kosie w’amu no wɔ hɔ.” **12** Bio Abraham de obu ne nidi bɔɔ ne mu ase wɔ ɔmanfo no anim, **13** ka kyereɛ Efron maa wɔn a wɔahyia hɔ no nyinaa tee asem a ɔkae no se, “Mesrɛ mo, ɔmanfo, monye aso mma me. Momma mintua

asase no ka. Mompene so mma me, na minnya kwan nkosie m'amu no." 14 Efron buaa Abraham se, 15 "Me wura, tie me! Asase no bo ye dwete kilogram anan ne fa. Yenye nnipa baako ana? Meregye saa sika yi aye den? Kosie w'amu no!" 16 Abraham penee Efron asem no so. Ɔkarii dwete kilogram anan ne fa a eye asase no bo a ɔbo maa Hetifo no tee no de tuua ka. 17 Enti wode Efron asase a ewo Makpela a eben Mamre, a eye afuw no, ɔboda a ewo mu no, nnua a ewo afuw no mu ne n'ahye so nyinaa maa 18 Abraham se n'agyapade. Eyi nyinaa sii wo Hetifo no ne won a wɔbaa kurow no pon no ano nyinaa anim. 19 Akyiri no, Abraham siee ne yere Sara wo ɔboda a ewo Makpela afuw a eben Mamre a eno ara ne Hebron a ewo Kanaan asase so no mu. 20 Enti Hetifo no yee nhyehyee de afuw no ne ɔboda a ewo mu no maa Abraham se n'agyapade ne n'amusie.

24 Na Abraham anyin a ne mfe ako anim yiye. Awurade hyiraa no wo akwan ahorow nyinaa so. 2 Da koro bi, Abraham ka kyeree ne somfo panyin a ohwe n'agyapade nyinaa so no se, "Fa wo nsa ka me sre ase. 3 Mepe se woka Awurade a oye osoro ne asase Nyankopon ntam se, worenware Kanaanfo a me ne won te yi babea biara mma me babarima Isak. 4 Na mmom, wobeko me man mu, m'abusuafo nkyen, akoware ɔbea abre no." 5 Ɔsomfo no bisaa Abraham se, "Me wura, na se eba se ɔbea no ampene so se one me beba ɔman yi mu a, na mereye no den? Memfa wo babarima no nko wo man no mu ana?" 6 Abraham kae se, "Hwe yiye na woamfa me babarima no anko ho da. 7 Awurade, osoro Nyankopon a ode me fi m'agya fi ne m'asase so baa ha na okaa ntam hyee me bo se, 'Mede saa asase yi bema w'asefo no,' ono ara na ɔbesoma ne bofo adi w'anim ako, senea ebeye a wubenya oyere ahi ho ama me babarima no. 8 Se eba se, ɔbea no ampene se one wo beba a, wo ntam a wokae no nkyekyere wo. Ense se wode me babarima no ko ho." 9 Enti, ɔsomfo no de ne nsa kaa ne wura Abraham sre ase, kaa saa asem yi ho ntam. 10 Na, ɔsomfo no faa ne wura yoma no mu du koe. Ɖrebeko no, ogyee ne wura Abraham nkyen nnepa ahorow bebre kaa ho. Ɖde n'ani kyeree Mesopotamia, koduu Nahor kurow mu. 11 Oduu Nahor kurotia no, ɔmaa yoma no butubutuw abura bi a ewo ho no ho. Na onwini adwo a eye bere a mmea betow nsu wo abura no mu. 12 Na ɔsomfo no bo mpae se, "Awurade, me wura Abraham Nyankopon, hu me wura Abraham mmobo, na boa me, na m'akwantu

yi nsi yiye. 13 Hwe, migyina abura yi so, na kurow yi mu mmabaa rebetow nsu. 14 Ma emmra mu se, ababaa biara a meka akyere no se, 'Mesre wo, soe na ma me wo sukuruwa no mu nsu no bi nnom no,' se aka se, 'Nom bi, na mema wo yoma no nso bi anom' a, onye ababaa a woapaw no ama w'akoa Isak. Enam eyi so bema mahu se, woahu me wura mmobo." 15 Ogu so rebo mpae no na Rebeka bae a ne sukuruwa si ne bati so. Saa Rebeka no ye Betuel ba. Betuel no nso ye Abraham nuabarima Nahor ne ne yere Milka babarima. 16 Na Rebeka no ye ɔbabun a ne ho ye fe yiye. Na ɔbarima biara mfaa ne ho nkaa no da. Osian koo abura no so, kohyee ne sukuruwa no nsu ma, san bae. 17 Ɔsomfo no de ahoohare kohyiaa Rebeka, ka kyeree no se, "Mesre wo, hwie wo sukuruwa no mu nsu no kakra ma mennom." 18 Ntem ara, ɔsoee ne sukuruwa no kae se, "Me wura, gye bi nom." 19 Rebeka maa ɔsomfo no nsu no bi nom wiee no, okae se, "Mesan akosaw nsu no bi abre wo yoma no nyinaa nso anom." 20 Enti Rebeka de ahoohare hwiee ne nsu no guu anomee bi mu, san kosaw nsu a ebeso yoma no nyinaa nom de bae. 21 Ɔsomfo no hwee Rebeka komm, kari no pee se ohi se Awurade ama n'akwantu no asi no yiye ana. 22 Yoma no nom nsu no wiee no, ɔsomfo no yii sikakoko hwenemkaa a emu duru kari gram asia ne nkapo abien a eno nso mu duru ye gram oha dunan. 23 Na obisae se, "Hena ba ne wo? Mesre wo, yebanya nnabea wo w'agya fi ama ade akye ana?" 24 Rebeka buaa no se, "Betuel babea ne me. Me nananom ne Milka ne Nahor." 25 Oka kaa ho se, "Yewo sare ne mmoa aduan bebre ne baabi a mo nso mbeda." 26 Na ɔsomfo no buu nkotodwe, saree Awurade Nyankopon se, 27 "Nhyira nka Awurade, me wura Abraham Nyankopon, se onnyaee nokwaredi ne ayamye a oye ma me wura no. Me de, Awurade adi m'anim wo m'akwantu yi mu, de me abedu me wura abusuafo fi." 28 Rebeka tuu mmirika kokaa nsem a asisi no nyinaa kyeree ne na fifo. 29 Na Rebeka wo nuabarima bi a ne din de Laban. Laban tee asem no, ɔde ahoohare koo ɔbarima no nkyen wo abura no so. 30 Laban huu hwenemkaa no ne nkapo a egu ne nuabea no nsa no, na ɔtee asem a ɔbarima no ka kyeree Rebeka no, okoo ɔbarima no nkyen kohuu se ogyina yoma no ho wo asubura no so. 31 Laban ka kyeree ɔsomfo no se, "Bra, wo a Awurade ahyira wo." Obisaa ɔsomfo no se, "Aden nti na wugyina kurotia ha? Masiesie wo nnabea ne baabi a yoma no nso

beda.” 32 Enti ɔsomfo no kɔɔ fie hɔ maa Laban yiyi nneema a ewɔ yoma no so no. Wɔmaa yoma no sare ne aduan, afei Laban maa ɔsomfo no ne nnipa a wɔka ne ho no nsu de hohoroo wɔn anan ho. 33 Eyi akyi no, ɔtoo wɔn pon. Nanso ɔsomfo no kae se, “Merempe se medidi, gye se mabɔ m’amannee.” Laban kae se, “Bo w’amannee ɛ.” 34 Enti ɔsomfo no bɔɔ n’amannee se, “Meyɛ Abraham somfo. 35 Awurade ahyira me wura bebreɛ, ama wayɛ ɔdefo. Wama no nguan ne anantwi, dwetɛ ne sikakɔkɔɔ, nkoa ne mfenaa ne yoma ne mfurum. 36 Bio, me wura yere Sara awo ɔbabarima ama no wɔ ne mmerewabere mu; Awurade na ɔde nea ɔwɔ nyinaa ama no. 37 Me wura ma mekaa ntam se, ‘Worenware Kanaanfo a me ne wɔn te yi babea biara mma me babarima Isak. 38 Na mmom, wobekɔ me man mu, m’abusuafo nkyɛn, akɔware ɔbea wɔ hɔ abre me babarima Isak.’ 39 “Na mibisaa me wura se, ‘Na se eba se, ɔbea no ampene so se ɔne me beba ɔman yi mu a, na mereyɛ no den?’ 40 “Me wura Abraham buae se, ‘Awurade a manantew n’anim no besoma ne bɔfo, adi w’anim, senea ebeyɛ a, w’akwantu no besi yiye, na woanya ɔyere ama me babarima afi m’abusua mu a eyɛ m’agya fi no mu. 41 Afei, se eba se, woba m’abusua mu, na se wɔamfa ɔbea no amma wo a, wo ntam a wokae no renkyekyere wo.’ 42 “Mebaa asubura no so nne no, mesrɛ se, ‘Awurade, me wura Abraham Nyankopɔn, se eyɛ wo pɛ a, ma akwantu yi nsi me yiye! 43 Hwɛ, migyina abura yi so. Se ababaa bi betow nsu wɔ ha, na meka kyere no se, “Mesrɛ wo, soɛ na ma me wo sukuruwa no mu nsu no kakra nnom” no, 44 na se ɔka se, “Nom bi, na mema wo yoma no nso bi anom” a, ɔnyɛ ababaa a Awurade apaw no ama me wura Abraham babarima Isak no.’ 45 “Ansa na mewie me koma mu mpaebɔ no, Rebeka pueɛ a sukuruwa si ne bati so. Rebeka kɔɔ abura no so, kɔtow nsu, na meka kyereɛ no se, ‘Mesrɛ wo, ma me nsu no bi nnom.’ 46 “Ntem ara, ɔsoɛ ne sukuruwa no kae se, ‘Me wura, gye bi nom na mesan asaw nsu no bi abre wo yoma no nyinaa nso anom.’ Enti menom nsu no bi, na ɔmaa yoma no nyinaa nso bi nomee. 47 “Mibisaa no se, ‘Hena ba ne wo?’ “Rebeka buae se, ‘Betuel ba ne me. Me nenanom ne Milka ne Nahor.’ “Ehɔ ara na mede hwenemkaa no hyɛɛ ne hwenem, na mede nkapo no nso guu ne nsa. 48 Afei, meɔɔ me mu ase sɔree Awurade. Mekamfoo Awurade a ɔyɛ me wura, Abraham Nyankopɔn, a wadi m’anim de me afa ɔkwan pa so, ama manya me wura nuabarima nena aware

ama ne babarima no. 49 Afei, se wobeyɛ me wura adɛɛ adi no nokware a, ka kyere me. Se ente saa nso a, ka kyere me, senea ebeyɛ a, mehu ɔkwan ko a mɛfa so.” 50 Laban ne Betuel buae se, “Saa asem yi fi Awurade nti, yenni ho asem biara. 51 Rebeka ni. Momfa no nkɔ, na ɔnkɔware mo wura no babarima no, senea Awurade ahyɛ no.” 52 Bere a Abraham somfo no tee nea wɔkae no, obuu nkotodwe wɔ Awurade anim. 53 Na ɔsomfo no yii sikakɔkɔɔ ne dwetɛ nnwinne ne ntade maa Rebeka. ɔsan de nneema a esom bo yiye yɛɛ Rebeka nuabarima ne ne na aye. 54 Afei, ɔsomfo no ne nnipa a wɔka ne ho no didi nomee, na wɔda maa ade kyee. Ade kyee anɔpa a wɔsɔree no, ɔsomfo no kae se, “Munnya me kwan, na mensan nkɔ me wura nkyɛn.” 55 Nanso Rebeka nuabarima no ne ne na buaa ɔsomfo no se, “Ma ababaa no ntena yen nkyɛn beyɛ se nnafua du bi, na eno akyi, wode no akɔ.” 56 Akoa no buaa wɔn se, “Awurade ahyira m’akwantu yi so ama me yi de, mesrɛ mo, monnnye me nnka ha. Munnya me kwan, na mensan nkɔ me wura nkyɛn.” 57 Afei, wosii gyinae se, “Momma yɛmfɛ ababaa no, na yemmisa n’adwene.” 58 Enti wɔfrɛ Rebeka bisaa no se, “Wope se wo ne saa ɔbarima yi kɔ ana?” Rebeka buae se, “Yiw, mekɔ!” 59 Enti wogyaa Rebeka ne ɔbea a ogyigyee no ne mmofraase no ne Abraham somfo no ne ne nkurofo kwan. 60 Wohyiraa Rebeka se, “Onuabea, Awurade nka wo ho, na w’ase nno mpempem! Awurade mma w’asefo no nni wɔn atamfo nyinaa so nkonim.” 61 Na Rebeka ne ne mmaawa siesiee wɔn ho, tenatenaa wɔn yoma so ne Abraham somfo no kɔɛ. Eyi ne ɔkwan a Abraham somfo no faa so de Rebeka kɔɛ. 62 Saa bere no na Isak a na anka ɔte Negeb no fi hɔ abɛtena Beer-Lahai-Roi. 63 Da koro anwummere bi a Isak kotuu mpase wo sare so refa adwene no, ɔtoo n’ani huu se yoma sa so reba. 64 Rebeka nso too n’ani, na ohuu Isak. Rebeka si fii ne yoma no so, 65 bisaa Abraham somfo no se, “ɔbarima ben na ɔnam sare yi so rebephyia yen yi?” ɔsomfo no buae se, “ɔyɛ me wura babarima.” Enti Rebeka yii ne nkataanim de kataa n’anim. 66 Abraham somfo no bɔɔ Isak nsem a asisi no nyinaa ho amannee. 67 Isak de Rebeka kɔɔ ne na Sara ntamadan mu. Na ɔwaree no ma ɔbeyɛɛ ne yere. Na ɔɔɔ no yiye. Eyi maa Isak were kyekyee wɔ ne na Sara wu akyi.

25 Abraham wareɛ ɔbea foforo bi a ne din de Ketura. 2 Abraham ne Ketura woo saa mma a wɔn din didi so yi: Simran, Yoksan, Medan, Midian, Yisbak ne Sua.

3 Yoksan woo Seba ne Dedan. Dedan asefo ne Asurfo, Letusfo ne Leumfo. 4 Midian woo Efa, Efer, Henok, Abida ne Eldaa. Eyinom nyinaa ye Ketura asefo. 5 Abraham de n'agyapade nyinaa maa Isak. 6 Nanso bere a ɔte ase no, ɔmaa ne mpenamma akyede, na oyii wɔn fii ne babarima Isak nkyen ma wɔkɔ apuei fam asase bi so. 7 Abraham nkwan na nyinaa kosii mfe ɔha aduɔson anum. 8 Abraham nyin bɔ akwakoraa posoposo ansa na ɔrewu akɔka ne mpanyimfo ho. 9 Ne mmabarima Isak ne Ismael siee no wɔ Makpela boda a ɛwɔ Efron no mu. Na ɛhɔ ye Hetini Sohar babarima no afuw a ɛwɔ Mamre apuei fam. 10 Eyi ne asase a Abraham to fii Hetifo nkyen no. ɛhɔ na wosiee Abraham ne ne yere Sara. 11 Abraham wu akyi no, Onyankopɔn hyiraa ne ba Isak a na saa bere no ɔte Beer-Lahai-Roi abura no ho no. 12 Eyi ne Abraham babarima Ismael a Sara afenaa Hagar a ɔye Misraimni no woo no maa Abraham no asefo ho asem. 13 Wɔn a wodidi so yi ye Ismael mmabarima a wɔabobo wɔn din fi mpanyin mu no. Na Nebaiot ye Ismael abakan. Wɔn a wodidi so yi nso ye Kedar, Adbeel, Mibsam, 14 Misma, Duma, Masa, 15 Hadad, Tema, Yetur, Nafis ne Kedema. 16 Saa din a wɔabobo yi ye Ismael mmabarima no. Saa din yi na ededa mmusuakuw dumien ne wɔn atena so. 17 Ismael dii mfirihyia ɔha aduasa ason ansa na ɔrewu. Owu ma wosiee no wɔ ne nkurɔfo mu. 18 Ismael asefo yi tenatenaa nsase a efi Hawila kosi Sur a ɛben Misraim pɛe wɔ Asiria ntentenso. Daa na akokoakoko wɔ mmusuakuw yi ntam. 19 Abraham babarima Isak ne n'asefo ho asem ni. Abraham woo Isak. 20 Isak dii mfirihyia aduanan no, ɔwaree Rebeka a ɔye Aramni Betuel a ofi Paddan-Aram no babea. Rebeka ye Aramni Laban nuabea. 21 Isak waree Rebeka mfe bebre a na wɔnwo. Enti Isak bɔ Awurade mpae, sɛe ɔba maa ne yere. Akyiri no, Awurade tiee ne mpaeɔ, maa ne yere Rebeka nyinsɛnee. 22 Bere a Rebeka nyinsɛnee no, ɛto da a, na mmofra no di aperepere wɔ ne yafunu mu. Se eba saa a, obisa ne ho se, "Den na ɛreye me yi?" Afei, ɔbɔ mpae bisaa Awurade nea ekyere. 23 Awurade buaa no se, "Aman abien na wɔwɔ wo yafunu mu. Wɔbetetew nnipa baanu a wɔwɔ wo yafunu mu no mu. Mmofra baanu no, ɔbaako asefo beye ahoɔdenfo asen ne nua a ɔka ne ho no asefo. Na ɔpanyin no besom akumaa no." 24 Rebeka awo duu so no, ɔwoo ntaten. 25 Na nea odii kan bae no ye ɔkɔkɔ a ne ho nwi ye kuhaa te se nea ɔhye nwi atade. Enti wotoo no din Esau. 26 Eyi akyi no, ne nua no bae a na ne nsa

kura Esau nantin; enti wotoo ne din Yakob. Rebeka woo wɔn no, na Isak adi mfe aduosia. 27 Mmofra no nyin no, Esau beye ɔbɔmmɔfo a ɔtow a, ɔmfom. Na ɔye ha fa wuram baabiara. Yakob nso beye obi a ɔye kumm a ɔmpɛ ne ho asem. Na bere biara, ɔpe se ɔtena fie. 28 Na Isak pɛ Esau asem yiye, efise na bere biara ɔkɔye ha de hanam a Isak pɛ ba fie. Nanso na Rebeka de, ɔpe Yakob asem. 29 Da bi a Esau fi wuram bae a na ɔkɔm de no yiye no, ɔbeto se ne nua kumaa Yakob nso renoa aduan bi a ani ye kɔkɔ na eye akɔnnɔ nso. 30 ɔka kyerɛ Yakob se, "Mesre wo, ma me w'aduan a woana yi bi nni!" Eno nti na wɔfre Esau se Edom, a nkyerɛase ne ade kɔkɔ. 31 Yakob buae se, "Tɔn wo panyin no ma me ansa." 32 Esau kae se, "ɔkɔm rekum me, na mede panyin reye den?" 33 Yakob buaa Esau se, "Mate, ka ntam kyere me wɔ Onyankopɔn anim se, panyin no ye me dea." Esau kaa ntam no de tɔn ne panyin no maa ne nua kumaa Yakob. 34 Enti Yakob maa Esau aduan no bi ma odii. ɔnom nsu guu so, sore kɔ ne kwan. Eyi ne ɔkwan a Esau faa so tɔn ne panyin no.

26 Na ɔkɔm kese bi baa asase no so; esono ɔkɔm kese a ebaa Abraham bere so no. Eno nti, Isak tu kɔtenaa Gerar a eye Filistifo hene Abimelek kurow mu. 2 ɛhɔ na Awurade yii ne ho adi kyerɛ Isak, ka kyerɛ no se, "Nkɔ Misraim, na mmom, tena asase a mekyere wo no so. 3 Tena asase yi so kakra, efise mede saa asase no nyinaa bema wo ne w'asefo, na mede asi bɔ a mehyee w'agya Abraham no so dua. 4 Mema w'asefo adɔso te se nsoromma a ɛwɔ soro, na mede saa nsase yi nyinaa ama wɔn. Enam w'asefo so na wobehyira wiase aman ahorow nyinaa. 5 Efise Abraham tiee me nne, dii me nsem, m'ahyede ne me mmara nyinaa so." 6 Enti Isak tenaa Gerar. 7 Bere a Gerar mmarima bisaa Isak yere Rebeka ho asem no, ɔkae se, "ɔye me nuabea." Efise na osuro se ɔbeka se, "ɔye me yere." ɔkaa saa asem yi, efise na osusuw se, esiane ne yere Rebeka ahoofɛ nti, anhwɛ a na kurom hɔ mmarima akum no. 8 Isak tenaa hɔ kyee kakra no, da bi, Filistifo hene Abimelek gyina ne mfɛnsere mu na ohuu se Isak regoru ne yere Rebeka ho. 9 Eno nti, Abimelek soma ma wɔkɔfre Isak. Isak bae no, obisaa no se, "ɔbea no ye wo yere ankasa. Adɛn nti na woka se, 'ɔye me nuabea?'" Isak buaa no se, "Misusuwii se, se meka se ɔye me yere a, ne nti, ebia na wɔakum me." 10 Na ɔhene Abimelek kae se, "Den asem na wo ne yen

adi yi? Nokware a woamma anna adi nti, anka obi betumi afa wo yere no, na wode mmusu aba yen so.” **11** Eno nti, Abimelek bɔɔ ne manfo no kɔkɔ se, “Obiara a ɔde ne nsa beka saa ɔbarima yi, anaa ne yere no, ɔkwan biara so no wobekum no.” **12** Saa afe no ara Isak dɔw afuw. Na Awurade hyiraa n’adwumade so. Ne nnɔbae baa bebre. **13** Isak yɛɛ ɔdefo. N’ahonya kɔɔ so dɔɔso ma odii taamu. **14** Onyaa nguan, anantwi, ne asomfo bebre ma eyɛɛ saa ma Filistifo no ani bere no yiye. Saa anibere yi nti, Filistifo no de dɔte kosisiw **15** abura ahorow a n’agya Abraham maa ne nkoa tutuu wɔ ne bere so no nyinaa ano. **16** Ebaa saa no, ɔhene Abimelek ka kyereɛ Isak se, “Tu fi yen asase so, efise w’ahonya dodow no aka yen ahyɛ.” **17** Isak tu fii Gerar kurow no mu, kɔɔ Gerar subon mu de ho kɔyɛɛ n’atenae. **18** Enti Isak maa ne nkoa san tutuu mmura a n’agya Abraham maa ne nkoa tutuu na ne wu akyi no Filistifo no sisiw ne nyinaa no. Ɔsan de din koro no ara a n’agya Abraham de totoo mmura no totoo no bio. **19** Isak nkoa no tuu abura foforo bi wɔ Gerar subon no mu, kotoo nsu a eyɛ kurunnyenn. **20** Nanso Gerar nguanhwɛfo ne Isak nguanhwɛfo gyee abura no ho akyinnye. Gerar nguanhwɛfo no kae se, “Abura yi ye yen de.” Eyi maa Isak too saa abura no din Esek, a ase kyere akyinnyegye abura. **21** Isak nkoa no san tuu abura foforo, nanso Gerar nguanhwɛfo no san ne wɔn kasakasaa eno nso so. Eyi maa Isak san too saa abura no nso din Sitna, a ase kyere Aperedɛ. **22** Isak gyaw saa abura no ho kotuu abura foforo. Afei, nnipa a wɔne no te ho no gyaee no haw a obiara ne no ankasa so bio. Eyi maa Isak too saa abura yi din Rehobot a ase ne “Afei de Awurade abɔ yen atenase na yebɛnya yen ho wɔ asase yi so.” **23** Isak tu fii ho kɔɔ Beer-Seba. **24** Anadwo no, Awurade yii ne ho adi kyereɛ no, ka kyereɛ no se, “Mene w’agya, Abraham Nyankopɔn. Nsuro, efise me ne wo na ɛwɔ ho. Bɔ a mahyɛ m’akoa Abraham nti, mehyira wo na mama w’asefo adɔɔso, na wɔayɛ ɔman kese.” **25** Isak sii afɔremuka, som Awurade wɔ ho. Osii ntamadan tenaa ho, na ne nkoa nso tuu abura maa no. **26** Da bi, ɔhene Abimelek ne ne fotufo Ahusad ne ne sahene Pikol fi Gerar besraa Isak. **27** Isak bisaa wɔn se, “Adɛn nti na mo a na mo ne me nka, na mopam me fii mo nkyɛn aba me ha nne sɛ morebesra me?” **28** Wobuaa no se, “Yehu pefee sɛ Awurade wɔ w’afa nti, yeasi gyinae sɛ, yene wo bɛye apam. Apam no bɛda wo ne yen ntam. Pene so, na yene wo nye saa apam no **29** sɛ worenhaw yen, senea

yen nso, yɛanhaw wo no. Yɛne wo tenaa yiye. Yegyaa wo kwan asomdwoe mu. Na afei, hwe senea Awurade ahyira wo.” **30** Isak too wɔn pon, na wodidi nomee de twɛn apam a wɔne no rebɛyɛ no. **31** Ade kyee anɔpa no, Isak ne mmarima no kekaa wɔn ho wɔn ho ntam, de sii wɔn apam a wɔayɛ no so dua. Na Isak gyaa wɔn kwan ma wɔkɔɔ asomdwoe mu. **32** Da no ara, Isak asomfo bekaa abura a na wɔretu no ho asem kyereɛ no se, “Yɛato nsu.” **33** Isak too abura no din Seba a, ase kyere sɛ “Ntanka abura.” Kurow a akyiri no wokyekyeree wɔ ho no, wɔtoo ho din Beer-Seba a ebɛsi nne, wɔda so frɛ ho saa ara. **34** Esau dii mfe aduanan no, ɔwaree ababaa bi a na wɔfrɛ no Yudit. Na n’agya ye Hetini bi a ne din de Beer. Esau san waree Basmat a n’agya ye Hetini bi a ne din de Elon. **35** Nanso Isak ne Rebeka bo annwo wɔ saa aware no ho.

27 Isak bɔɔ akwakoraa a n’ani so aye no wusiwusi na onhu ade papa no, da koro bi, ɔfrɛɛ ne babarima panyin Esau. “Me ba.” Na Esau gyee so se, “Agya, mini.” **2** Isak kae se, “Mprempren mabɔ akwakoraa, na minnim da a mewu. **3** Fa w’agyan ne wo bɛmma, na kɔ wuram kɔhwehwe hanam bi brɛ me. **4** Fa noa m’akɔnnɔduan no bi brɛ me, na minni, na minhyira wo ansa na mawu.” **5** Bere a Isak ne ne ba Esau rekasa no, na Rebeka retie. Enti bere a Esau kɔɔ sɛ ɔrekokum nam no aba pɛ, na **6** Rebeka ka kyereɛ ne ba Yakob se, “Yakob tie! Metee sɛ w’agya reka akyere wo nua Esau se, **7** ‘Kɔhwehwe hanam bi fa noa m’akɔnnɔduan no bi brɛ me, na minni, na minhyira wo wɔ Awurade anim, ansa na mawu.’ **8** Afei, me ba, tie asem a merebeka akyere wo yi yiye, na di so. **9** Kɔ nguankuw no mu, na kɔkyere nguan abien a wɔadodɔ sɔrɛde brɛ me, na memfa nnoa akɔnnɔduan, senea w’agya pɛ no pɛpɛpɛmma no. **10** Sɛ menoa wie a, fa kɔma no, na onni, na onhyira wo ansa na wawu.” **11** Yakob ka kyereɛ ne na Rebeka se, “Wunim sɛ me nua Esau ho wɔ nwi, na me nso, me ho ye trontrom. **12** Sɛ eba sɛ m’agya de ne nsa fa me ho, na ohu sɛ ɛnye Esau a, ɛbɛyɛ sɛ gyama meredaadaa no, na wadome me mmom, sen sɛ anka obehyira me.” **13** Yakob ne na ka kyereɛ no se, “Me ba, ma nnome no mmra me so. Wo de, ye nea maka akyere wo no ara. Kɔ na kɔkyere nguan no brɛ me.” **14** Enti Yakob tiee ne na Rebeka asem, kɔkyeree nguan no brɛɛ no. Na okum wɔn, de noaa akɔnnɔduan bi, senea Isak pɛ no pɛpɛpɛ. **15** Eno akyi no, Rebeka faa ne ba panyin Esau atade papa bi a ɛwɔ fie ho de maa ne ba Yakob hyee. **16** Afei, ɔde nguan a wokum wɔn no

nhoma yee ahyensa, kataa Yakob nsa ho. Ode bi kataa ne kon ho nyinaa. 17 Ode brodo a wato no foforo kaa akonnoduan a wanoa no ho, de maa ne ba Yakob. 18 Yakob de aduan no kamaa n'agya Isak wo ne dan mu. Oduu ho no, okaa se, "Agya!" Isak buae se, "Mewo ho na eye hena?" 19 Yakob ka kyeree n'agya se, "Eye me w'abakan Esau. Maye nea woka kyeree me se menyee no. Mede hanam a wope no bi anoa w'akonnoduan no abre wo, enti mesre wo, sore tena ase, na didi, na se wudidi wie a, woahyira me." 20 Isak bisaa ne ba no se, "Eyee den na wo ho aye hare see yi?" Yakob buae se, "Awurade, wo Nyankopon no, na ogvinaa m'akyi maa me nsa kaa hanam no bi ntem." 21 Afei, Isak ka kyeree Yakob se, "Me ba, twiw ben me, na memfa me nsa nka wo nhwe se, wo ne me ba Esau no ampa ana." 22 Yakob twiw ben n'agya Isak, na ode ne nsa kekaa ne ho kae se, "Nne yi ye Yakob nne, nanso nsa yi ye Esau de." 23 Isak anhu se eye Yakob, efise na ne nsa ho wo nwi te se ne nua Esau peperepe. Enti, ohyiraa no. 24 Isak san bisaa Yakob se, "Enti ampa ara se wo ne me ba Esau no?" Yakob buae se, "Yiw, me ne Esau." 25 Afei, Isak kae se, "Me ba, fa w'aduan no bre me na minni, na midi wie a, mahyira wo." Yakob de aduan no bre n'agya Isak, na odii; san de nsa bre no maa onomee. 26 Isak wiee no, oka kyeree Yakob se, "Me ba, bra befew m'ano!" 27 Enti Yakob ko n'agya Isak nkyen kofew n'ano. Bere a Isak huam Yakob atade mu, na ogye too mu se, eye ne ba Esau no, ohyiraa no se, "Ampa ara! Me ba ho hua te se hua a efi afuw a Awurade ahyira so no mu. 28 Onyankopon mma wo osoro bosu ne asase mu srade, na afum aduan ne nsa mmu wo so. 29 Amanaman besom wo, na nnipa nyinaa abu wo nkotodwe. Wubedi wo nuanom so, na wo na mma nso akotow wo. Wobedome won a wodome wo nyinaa, na won a wohyira wo nyinaa nso, wobehyira won." 30 Isak hyiraa Yakob wiei, na ofii n'agya nkyen koe ara pe, na ne nua Esau fi n'ahaye bae. 31 Ono nso noaa akonnoduan bre n'agya. Na oka kyeree no se, "Agya, sore na di me hanam aduan no, na hyira me." 32 N'agya Isak bisaa no se, "Na hena ni?" Esau buae se, "Eye me w'abakan Esau." 33 Isak tee saa asem yi pe, ne ho fii ase wosow biribiribiri, na obisae se, "Eno de, na hena na okoo ahaye kokum nam de noaa aduan bre me yi. Mididi wie hyiraa onipa ko no pe na wobaa yi. Nokware ni, nhyira a mahyira no no, se mesan m'ano a, erenye yiye!" 34 Bere a Esau tee asem a n'agya kae no, ono nso de awerehow teee mu

denneennen, ka kyeree n'agya se, "Agya! Hyira me. Hyira me nso bil!" 35 Nanso Isak kae se, "Eno de, na wo nua na ode nnaadaa abegye wo nhyira ko!" 36 Esau kae se, "Enye nwonwa se wofre no Yakob a ase kyere nantintwitwafo. Eyi ne ne mprenu so a wadaadaa me. Nea edi kan ne se, odaadaa me gyee me panyin. Nea eto so abien nso ne se, ode nnaadaa agye me nhyira!" Afei, Esau bisaa n'agya se, "Enti woannyaw me nhyira no bi a wode behyira me nso?" 37 Isak buaa Esau se, "Manya de no aye wo wura dedaw. Mede ne nuanom nyinaa aye ne nkoa. Mahyira no se, obenya afum nnuan ne nsa foforo bebree. Na afei, den bio na aka a metumi aye ama wo, me ba?" 38 Esau bisaa n'agya se, "Agya, enti nhyira baako pe na wowo? Agya, hyira me nso bil!" 39 Afei, n'agya Isak buaa no se, "Tiel! Asase kesee so na wobetena, na osoro bosu rento wo so. 40 Wode wo afoa na ebetena ase, na woasom wo nua kumaa. Nanso daakye bi, se wokanyan wo ho a, wubefi wo nua no som ase." 41 Esiane Esau nhyira a Yakob kodaadaa won agya Isak gyee no nti, Esau tan Yakob. Esau kaa wo ne tirim se, "Erenkye, na m'agya Isak awu. Se owu a, mekum me nua Yakob." 42 Obi tee adwene a Esau afa wo ne nua kumaa Yakob ho no, okoboo won na Rebeka amannee. Enti Rebeka soma kofree ne ba kumaa Yakob, na oka kyeree no se, "Wo nua Esau abo ne tirim se, se onya wo a, obekum wo ansa na ne bo ato ne yam. 43 Enti me ba, tie asem a merebeka akyere wo yi yiye. Guan ntem ko me nua Laban nkyen wo Haran. 44 Tena ne nkyen kakra wo ho, kosi se wo nua Esau bo bedwo. 45 Se wo nua koma to ne yam, na ne were fi nea woyee no, na ogyaa mu ma eka a, mesoma abeka akyere wo, na woafi Haran aba. Aden nti na ese se metena ho hwe, na me mma baanu bo mu wu da koro?" 46 Enti Rebeka ka kyeree Isak se, "Saa Hetifo mmabaa yi koraa ama asetena afono me. Se ekoba se Yakob nso koware Hetifo asase so mmabaa yi bi a, mmea a wote se eyinom bi a, eno de, na miwuu koraa a, anka eye."

28 Isak free Yakob, hyiraa no hyee no se, "Nware saa Kanaanfo mmea yi bi da. 2 Ka wo ho ko Betuel a oye wo na Rebeka agya no nkyen wo Paddan-Aram, na koware wo wofa Laban mmabea no mu baako. 3 Otumfo Nyankopon no nhyira wo. Omma w'ase nno bebree, na w'asefo no abeye oman kese a mmusuakuw bebree befi mu aba. 4 Onyankopon mfa nhyira a ode hyiraa Abraham no nhyira wo ne w'asefo. Omma asase a nne wote so se ohoho yi, a eye asase

a Onyankopɔn de maa Abraham no nye wo dea.” 5 Senea Isak gyaa ne ba Yakob kwan ni: Yakob kɔɔ Laban a ɔye Aramni Betuel babarima nkyen wɔ Paddan-Aram. Na saa Laban yi ye Esau ne Yakob mama Rebeka ne nuabarima. 6 Esau tee se Isak ahyira Yakob, na wagya no kwan ma ɔkɔ Paddan-Aram se ɔnkɔware wɔ ho. Ohyiraa no no, ɔhyee no se, “Nware saa Kanaanfo mmea yi bi da.” 7 Yakob tiee n’agya ne ne na afotu no sii mu kɔɔ Paddan-Aram. 8 Esau huu se n’agya Isak mpe Kanaanfo mmea asem. 9 Enti osii mu kɔɔ Abraham babarima Ismael nkyen, kɔwaree ne babea Mahalat. Na Mahalat ye Nebaiot nuabea, na ɔye Ismael a ɔno nso ye Abraham babarima no babea. Esau waree Mahalat kaa ne yerenom ho. 10 Yakob fii Beer-Seba de n’ani kyeree Haran. 11 Oduu baabi na onwini redwo no, ɔpɛɛ baabi soɛɛ, efise na ade resa. Ɔfaa ɔbo bi wɔ faako a wadu ho de yee sumii. 12 Ɔdae no, ɔsoo dae bi. Dae no mu no, ohuu se antweri bi si fam a n’atifi ka wim, na Onyankopɔn abɔfo redi so aforosian. 13 Ohuu se Onyankopɔn gyina antweri no atifi. Onyankopɔn ka kyeree no se, “Mene Awurade, Abraham Nyankopɔn, ne w’agya Isak Nyankopɔn. Mede asase a woda so yi bema wo ne w’asefo. 14 W’asefo beye se asase so mfutuma, na mobetretrew akɔ apuei ne atɔɛ, atifi ne anafo nyinaa. Wo ne w’asefo mu na wofi behyira wiase mmusuakuw nyinaa. 15 Eyinom nyinaa akyi no, meka wo ho, na baabiara a wobekɔ no, medi w’akyi, na mesan de wo aba saa asase yi so. Merennyaw wo da, kosi se bɔ a mahye wo yi nyinaa beba mu.” 16 Yakob nyanee no, ɔkaa wɔ ne tirim se, “Ampa ara, sɛɛ na Awurade wɔ saa bea ha yi, a na minnim!” 17 Yakob suroe, na ɔkɔɔ so kaa wɔ ne tirim se, “Eha ye hu papa. Eha nye baabiara se Onyankopɔn fi. Ɔsoro pon ano ne ha.” 18 Enti Yakob sɔree anɔpatutuutu maa ɔbo a ɔde yee sumii no so sii ho, hwiee ngo guu so. 19 Ɔtoo bea no din Bet-El a ase kyere Onyame fi. Kan no na anka wɔfre saa kurow no Lus. 20 Na Yakob kaa ntam se, “Se Onyankopɔn beka me ho, ahwe me so wɔ saa akwantu yi mu, ama me aduan adi, ama me ntama afura, 21 senea ebeye a mesan aba m’agya fi asomdwoe mu a, eno de, Awurade beye me Nyankopɔn. 22 Saa ɔbo a mede asi ho se nkaedum yi beye Onyankopɔn fi. Biribiara a wo, Onyankopɔn, de bema me no, mede mu nkyemu du mu baako bema wo.”

29 Yakob toaa n’akwantu so koduu apueifo asase so. 2 Asase no so baabi na okohuu abura bi a nguankuw abiesa butubutuw ho. Efise saa abura no

mu nsu na na wɔsaw ma nguan no nom. Na ɔbo kese bi na ekata abura no so. 3 Bere biara a nguankuw no beboa wɔn ho ano wɔ ho no, nguanhwefo no pirew ɔbo no fi abura no ano ma nguan no nsu nom. Se nguan no nom nsu no wie a, na nguanhwefo no asan de ɔbo no akata abura no ano. 4 Yakob bisaa wɔn se, “Anuanom, mufi he na mobaa ha?” Wobuaa Yakob se, “Yefi Haran.” 5 Yakob san bisaa wɔn se, “Munim Nahor nena Laban ana?” Nguanhwefo no nso buaa no se, “Yiw, yenim no.” 6 Na Yakob bisaa wɔn se, “Na ne ho te den?” Wobuaa no se, “Ne ho ye. Na ne babea Rahel koraa na ɔne ne nguan reba yi.” 7 Yakob kae se, “Monhwe. Owia no ano ye den dodo. Bere a eɛɛ se woboaboa mmoa no ano nnui. Momma wɔn nsu nnom, na monka wɔn nkɔ wɔn adidibea.” 8 Nguanhwefo no buaa Yakob se, “Se yemmoaboa nguankuw no nyinaa ano, na yempirew ɔbo no mfii abura no ano a, yarentumi mma wɔn nsu nnom.” 9 Yakob gu so ne wɔn rekasa no ara na Rahel a ɔno nso ye oguanhwefo no de n’agya nguan baa ho. 10 Bere a Yakob huu ne na nuabarima Laban babea Rahel ne ne wɔfa Laban nguan no, okopirew ɔbo no fii abura no ano. Afei, wɔmaa nguan no nsu nomee. 11 Afei, Yakob few Rahel ano, na osui. 12 Na Yakob aka akyere Rahel se, ɔno Yakob ye Rahel no agya busuani a ɔsan ye n’agya Laban no nuabea Rebeka babarima. Enti Rahel tuu mmirika kɔka kyeree n’agya. 13 Laban tee ne nuabea Rebeka ba Yakob ho asem no, ɔyee ntem kohyiaa no. Laban yee no atuu, few n’ano, de no baa ne fi maa Yakob bɔɔ no n’anantese. 14 Laban ka kyeree no se, “Woye me dehye.” Na Yakob tenaa Laban nkyen ɔsram. 15 Da koro bi, Laban ka kyeree Yakob se, “Ewɔ mu se woye me busuani de, nanso eno nkyere se, se woye adwuma ma me a enɛ se mitua wo ka. Kyere me akatua a wope na memfa mma wo.” 16 Na Laban wɔ mmabea baanu. Na ɔpanyin no din de Lea na akumaa no nso de Rahel. 17 Na Lea aniwa aba ye fe, na Rahel ye ɔbea fefe a n’anim ye nyam yiye. 18 Na Yakob ɔ Rahel wɔ aware kwan so, nti ɔka kyeree Rahel agya Laban se, “Se wode wo babea kumaa Rahel bema me aware a, anka me nso mesom wo mfe ason.” 19 Laban kae se, “Mepene so! Eye se mede no bema wo aware mmom sen se mede no bema obi foforo bi a minnim no. Enti tena me nkyen.” 20 Esiane ɔɔɔ a na Yakob ɔ Rahel nti, ɔsom Laban mfe ason, na wanhu koraa se wasom akye saa. Eyee no se gyama ɔsomee nnansa bi pe. 21 Yakob som wiee no, ɔka kyeree Laban se,

“Masom awie nti, fa Rahel ma me na menware no.” 22 Eno nti, Laban too pon kese, na ɔtoo nsa frɛɛ nnipa a na ɔne wɔn wo ho nyinaa baa aponto no ase. 23 Na eduu anadwo a sum aduru no, Laban de ne babea Lea kɔmaa Yakob, maa ɔne no dae. 24 Eno akyi no, Laban de n’afenaa Silpa kaa Lea ho se ɔnkɔsom no. 25 Ade kyee no, ohuu se Lea mmom na ɔda n’akyi. Enna Yakob bisaa Laban se, “Asem ben na wo ne me adi yi? Enye Rahel nti na mesom wo? Aden nti na woadaadaa me seɛ?” 26 Laban buaa Yakob se, “Eha de, enye yen amanne se yede ɔbabea kumaa ma aware wo bere a ɔpanyin no nwaree ɛ. 27 Ma Lea nni nnaawɔtwe wo wo nkyen, na nnaawɔtwe no akyi no, se woɔɔ Rahel ara a, mɛma woasan asom mʒirihyia ason bio, na mede no ama wo aware.” 28 Yakob penee so ne Lea tenaa nnaawɔtwe. Eno akyi no, ɔsom mfe ason ansa na Laban de ne babea Rahel nso maa no waree. 29 Laban de n’afenaa Bilha nso maa ne babea Rahel se ɔnkɔsom no. 30 Yakob de ne ho kaa Rahel nso. Na ɔɔo Rahel sen Lea. Yakob tenaa Laban nkyen, som no mʒirihyia ason bio senea ɔne no hyehyee no. 31 Awurade huu se Yakob ani nnye Lea ho no, obuee ne yafunu mu, nanso Rahel de, na ɔnwo. 32 Lea nyinsɛn woo ɔɔabarima. ɔtoo no din Ruben a nkyerɛase ne “Awurade ahu mmɔɔo a meye.” Na Lea kae se, “Awurade ahu me mmɔɔo. Nokware, afei na me kunu ani begye me ho.” 33 Lea nyinsɛnɛ bio na ɔsan woo ɔɔabarima bio no, ɔkae se, “Esiɛn se Awurade huu se me kunu ani nnye me ho nti, wasan akye me ɔɔabarima bio.” Enti, ɔtoo ne din Simeon a nkyerɛase ne “Awurade atel” 34 Lea san nyinsɛnɛ bio. Na ɔwoo ɔɔabarima bio no, ɔkae se, “Afei de, me kunu de ne ho befam me ho, efise mawo mmabarima baasa ama no.” Eno nti, ɔtoo no din Lewi a nkyerɛase ne “Ahofam.” 35 Lea san nyinsɛnɛ. Bere a ɔsan woo ɔɔabarima bio no, ɔkae se, “Saa bere yi de, mɛkamfo Awurade.” Eno nti, ɔtoo no din Yuda, a ne nkyerɛase ne “Nkamfo.” Eyi akyi no, ɔhomee awo so.

30 Bere a Rahel huu se ɔne Yakob nwo no, n’ani beree ne nuabea no. Enti ɔka kyereɛ Yakob se, “Se wo ne me anwo mma a, mewu!” 2 Yakob bo fuw Rahel ma ɔkae se, “Meye Onyankopɔn? ɔno na wasiw wo yafunu ano.” 3 Na Rahel ka kyereɛ Yakob se, “M’afenaa Bilha ni, wo ne no nkɔda, na ɔnwo mma me, na enam ne so ama me nso manya abusua.” 4 Enti Rahel de n’abaawa Bilha maa Yakob waree. Yakob ne no dae. 5 Onyinsɛn woo ɔɔabarima maa Yakob. 6 Na Rahel kae se, “Onyankopɔn adi m’asem ama me. Wate

m’adesɛ ama me ɔɔabarima.” Ne saa nti, ɔtoo no din Dan a ne nkyerɛase ne, “Onyankopɔn adi m’asem ama me.” 7 Rahel afenaa Bilha nyinsɛnɛ bio, woo ɔɔabarima a ɔto so abien maa Yakob. 8 Na Rahel kae se, “Me ne me nua Lea adi yen ho aperepere na madi nkonim.” Eno nti, ɔtoo abofra no din Naftali a ne nkyerɛase ne, “M’akodi.” 9 Bere a Lea huu se n’awo atew kɔ no, ɔno nso de n’afenaa Silpa maa Yakob waree. 10 Lea afenaa Silpa woo ɔɔabarima maa Yakob. 11 Na Lea kae se, “Akraɛ ben ni!” Enti ɔtoo abofra no din Gad a ne nkyerɛase ne, “Asi me yiye.” 12 Lea afenaa Silpa woo ɔɔabarima a ɔto so abien maa Yakob. 13 Na Lea kae se, “M’ani agye! Afei de, mmea no befre me anigye.” Enti, ɔtoo no din Aser a ne nkyerɛase ne “Anigye.” 14 Awitwabere mu da bi, Ruben kɔɔ afum kohuu afifide bi a wɔfre no dudaim. ɔde bi breɛ ne na Lea. Rahel ka kyereɛ Lea se, “Mesɛ wo, ma me wo ba no dudaim no bi.” 15 Nanso Lea de abufuw buae se, “Woabegye me kunu akyi no, woɛsan abegye me ba dudaim a ɔde abre me no bi apaa so?” Na Rahel de awerɛhow kae se, “Eye, eno de, Yakob mmeda wo nkyen nne anadwo yi, na ma me dudaim no bi.” 16 Enti da no anwummere a Yakob fi afum reba no, Lea kohyiaa no, ka kyereɛ no se, “Ese se wobeda me nkyen anadwo yi, efise mede me ba dudaim ato wo.” Enti Yakob kɔdaa Lea nkyen anadwo no. 17 Onyankopɔn tiee Lea mpaɛɔ, na onyinsɛn woo ɔɔabarima a ɔto so anum maa Yakob. 18 Na Lea kae se, “Mede m’afenaa Silpa maa me kunu Yakob no, Onyankopɔn adom me.” Enti wɔtoo abofra no din Isakar a nkyerɛase ne “Akyede.” 19 Lea san nyinsɛnɛ bio, na ɔwoo ne babarima a ɔto so asia maa Yakob. 20 Enti Lea kae se, “Onyankopɔn ama me akyede a esom bo yiye. Afei de, manya me kunu anim anuonyam. ɔde obu ne nidi bema me, efise mawo mmabarima baasia ama no. Enti ɔtoo abarimaa no din Sebulon a ne nkyerɛase ne Anuonyam.” 21 Akyiri no, Lea woo ɔbabea too no din Dina. 22 Afei, Onyankopɔn kae Rahel, tiee ne mpaɛɔ, buee n’awotwaa ano. 23 Rahel nyinsɛn woo ɔɔabarima, na ɔkae se, “Afei de, Onyankopɔn apepa m’animguase ama me nso mawo ɔba.” 24 Rahel too ne ba no din Yosef a ne nkyerɛase ne “Awurade mfa ɔɔabarima baako nka me ho.” 25 Rahel woo Yosef no, ankye na da koro bi, Yakob ka kyereɛ Laban se, “Mɛɛ se mesan kɔ m’ankasa m’asase so ne me fi, enti mesɛ wo, gya me kwan na menko. 26 Fa me yerenom ne me mma a wɔn nti mebesom wo no ka ho. W’ankasa ara wunim

osom pa a masom wo.” 27 Laban buae se, “Mesre wo, nko nnya me. Mako abisa ahu se, nhyira dodow a manya yi nyinaa fi te a wote me nkyen yi.” 28 Laban ka kaa ho se, “Kyere me akatua biara a wubegye, na metua.” 29 Yakob buaa Laban se, “W’ankasa wunim som a masom wo, ne senea mahwe w’anantwi ne wo nguan ama won ase afee afa. 30 W’ahode kakra a na wowo bere a mebae no, nne, adoso abu so. Biribiara a meye maa wo no nso, Awurade ahyira so. Na me nso, bere ben na metumi ape biribi de agyaw m’abusuafo?” 31 Laban bisaa Yakob se, “Akatua ahe na memfa mma wo?” Yakob nso buae se, “Mma me hwee, na mmom, se wobeye m’abisade baako pe yi ama me de a, meko so ayen wo mmoo no. 32 Nne, ma menkohwehwe wo mmoo na nyinaa mu, na minnyi oguan biara a ne ho ye ntokontrama, oguan ba biara a oye tuntum ne abirekyi biara a oye ntokontrama. Eyinom na ebeye m’akatua. 33 Eyi bema me nokwaredi adi me adanse, bere biara a wobehwehwe akatua a wode ama me no mu no. Se wuhu abirekyi biara a onye ntokontrama anaa oguan biara a n’ahosu mmiri wo me mmoo no mu a, na ekyere se mawia won ahi wo de mu.” 34 Laban buaa Yakob se, “Eye, ye ne senea woaka no.” 35 Da no ara, Laban yiyii adwennini a woye ntokontrama no nyinaa ne nguanbere a woye ntokontrama no nso; mmoo no mu biara a fufu wo ne ho ne oguan ba biara a oye tuntum no, ode won komaa ne mmabarima. 36 Na Laban mma no faa mmoo no de won twaa nnansa kwan, fii baabi a na Yakob wo ho. Saa bere no mu no, Yakob tenaa ho, hwee Laban nguan no. 37 Na Yakob faa saa nnua yi: asese, odwen ne ofo mman amono, yiyii ho akamakam ma ekotoo dua kwatii no. 38 Afei, ode mman amono a wayiyi ho no nyinaa guguu mmoo no adidi nnaka mu, senea eba se, mmoo no ba se worebenom nsu no bi a, wobehu. Saa bere no na anini no foro abere no. 39 Enti se mmoo no hyia mu wo dua mman ntokontrama no ho, na wonyinsen na wowowo a, won mma no ho ye ntokontrama. 40 Onam saa kwan yi so yii Laban nguankuw no mu abere no guu faako ma ekaa anini no. Na omaa wone Yakob nguan a woye tuntum no hyiaa mu. Saa okwan yi so na ofa tew n’ankasa ne nguankuw fii Laban de ho. 41 Edu bere a nguanbere a wowo ahoden no pe se wohyia adwennini no a, Yakob de mman a wayiyi ho akamakam no gu won anim. 42 Nanso wanye nguan abere a woye mmerew no saa. Enti nguantenmma a wonni ahoden no beyee Laban dea, na won a wowo

ahoden no nso beyee Yakob dea. 43 Enam eyi so maa Yakob nyaa ne ho tam. Onyaa mmoo, mfenaa, nkoa, yoma ne mfurum bebre.

31 Yakob tee se Laban mmabarima no reka se, “Yakob afa yen agya ho nneema nyinaa. N’ahonya nyinaa fi yen agya nneema a wafa no.” 2 Yakob huu se afei de, Laban nteu n’anim nkyere no se kan no. 3 Na Awurade ka kyeree Yakob se, “San ko w’abusuafo ne wo nkurfo asase so, na medi w’akyi.” 4 Enti Yakob soma ma wokofree ne yerenom Rahel ne Lea se wommra ne nkyen wo sare no so, faako a one ne nguankuw no wo no. 5 Wobae no, oka kyeree won se, “Mahu se afei de, mo agya Laban anim nye me fe se kan no, nanso Onyankopon a m’agya Isak som no no ka me ho. 6 Munim se mayi me yam de m’ahoden nyinaa aye adwuma ama mo agya; 7 nanso mo agya nam asisi kwan so asesa m’akatua mu mpen du. Nanso eyi nyinaa akyi no, Onyankopon amma no kwan amma wanye me bone. 8 Se oka se, ‘Mmoo a won ho ye ntokontrama no beye w’akatua,’ na se mmoo no wo a, na wowo mma a won ho ye ntokontrama. Se oka se, ‘Mmoo a won ho ye nsensanee no beye w’akatua’ a, na wowowo mma a won ho ye nsensanee. 9 Okwan a Onyankopon nam so agye mo agya nsam nyemmoa no de won ama me ama maye odefo no ne no. 10 “Eduu bere a mmoo no hyia mu no, mesoo dae huu se adwennini a woforo nguanbere no ho ye ntokontrama, nsensanee anaa nsisimu. 11 Onyankopon bofo free me wo dae no mu ka kyeree me se, ‘Yakob!’ Na migyee so se, ‘Me ni!’ 12 Na osoro abofo no ka kyeree me se, ‘Hwe na hu se adwennini a woforo nguanbere no nyinaa ho ye nsensanee, ntokontrama anaa nsisimu, na mahu okwan a Laban de wo fa so no nyinaa. 13 Mene Onyankopon a miyii me ho adi kyeree wo wo Bet-El, faako a wode obo sii ho, hwiee ngo guu so, som me, hyee me bo se, wibesom me no. Afei, tu fi saa asase yi so ntem ara, na san ko asase a wowoo wo wo so no so.” 14 Na Rahel ne Lea bisae se, “Enti saa tebea a yewo mu yi, yewo kyefa bi wo yen agya agyapade mu ana? 15 Yen agya mfa yen se yeye ahoho? Waton yen, na yen ti sika a ogyee no nso, wadi. 16 Eye nokware turodoo se yen agya ahode a Onyankopon gyei no nyinaa ye yen ne yen mma dea. Enti biribiara a Onyankopon aka akyere wo se ye no, ye.” 17 Na Yakob de ne mma ne ne yerenom tenatenaa yoma so. 18 Okaa ne mmoo nyinaa, agyapade a wanya nyinaa ne mmoo a onyaa wo Paddan-Aram nyinaa dii n’anim se,

oreko n'agya Isak nkyen wo Kanaan asase so. **19** Bere a Laban koo wuram se orekotwitwa ne nguan ho nwi no, Rahel faa n'akyi kowiaa n'agya fi abosom. **20** Yakob daadaa Aramni Laban a wamma wanhu se oreguan. **21** Yakob de n'ahode nyinaa guanee. Otwa Asubonten Eufate, de n'ani kyere bepwo asase Gilead no so. **22** Yakob ne n'abusufo guanee no, nnansa akyi ansa na Laban tee se woko. **23** Laban faa ne fifo kaa ne ho, de anibere tiw Yakob. Nnanson akyi ansa na okotoo Yakob ne ne nkurofo no wo bepwo Gilead so. **24** Saa da no ara anadwo, Onyankopon yii ne ho adi wo dae mu kyere Aramni Laban. Oka kyere no wo dae no mu se, "Hwe yiye na woankoka asem biara; se eye asem pa anaa asemmane ankyere Yakob." **25** Bere a Laban ne ne fifo kotoo Yakob no, na Yakob asisi ne ntamadan wo bepwo Gilead atifi. Laban ne ne fifo no nso sisii won ntamadan wo ho. **26** Na Laban koo Yakob nkyen kobisaa no se, "Asem ben na wode adi me yi? Wodaadaa me, akyekyere me mmabea de won reguan te se nnommumfo. **27** Aden nti na wodaadaa me, na wuguan fii me nkyen a woankra? Se wokraa me a, anka meto wo pon, na mama nnipa abebo sanku, ato nnwom wo aponto no ase, de agya wo kwan. **28** Woamma mankyiakya me nenanom ne me mmabea yi nsam annya won kwan mpo. Woadi nkwasaseam. **29** Mewo tumi se anka meye wo bone, nanso nnara anadwo, Onyankopon a wo agya som no no ka kyere me wo dae mu se, 'Hwe yiye na woanka asem biara, se eye asem pa anaa asemmane ankyere Yakob.' **30** Esiane se w'ani agyina w'agya fi nti, na ese se woko ara. Na aden nti na wuwiaa m'abosom de kaa wo nneema ho?" **31** Yakob buaa Laban se, "Na misuro. Na eye me se wode tumi begye wo mmabea no afi me nsam. **32** Nanso obiara a wubehu w'abosom no wo ne nkyen no, ose owu. W'ankasa hwehwe se wubehu biribiara a eye wo de wo me nneema yi mu wo yen nuanom yi anim. Se wuhu biribiara a eye wo de a, fa w'ade." Bere a Yakob kaa saa asem yi no, na onnim se Rahel na wawia n'agya Laban abosom no. **33** Eno nti, Laban koo Yakob, Lea, ne n'asomfo Bilha ne Silpa ntamadan mu kohwehwee ho, nanso wanhu biribiara. Afei, okowuraa Rahel ntamadan mu. **34** Na Rahel awia abosom no de ahyehye ne yoma no agua ase, atena so. Enti Laban kohwehwee nneema a ewo Rahel ntamadan no nyinaa mu, nanso wanhu abosom no. **35** Rahel ka kyere n'agya se, "Agya, mma wo bo mfuw me se mete ho wo w'anim na mennsore nnyina ho, mako afikyiri."

Enti Laban toaa so hwehwee abosom no ara, nanso wanhu. **36** Eye saa no, Yakob bo fuw Laban yiye, bisaa no se, "Bone ben na maye? Amumoyesem ben na madi a eno nti, woataa me ara yi?" **37** Wohwehwee me nneema nyinaa mu yi, den ade na wuhuu a eye wo ne wo fifo de? Nea wuhuu biara no, fa beto gua wo me nuanom ne wo nuanom a wahaia ha yi nyinaa anim, na wonkyere nea eye ne de. **38** "Mfirihya aduonu a wo ne me tenae, wo nguan ne wo mmirekyi abere no ampompom, na mankum w'adwennini yi bi amfi wo nguankuw yi mu anwe da. **39** Mamfa w'aboa biara a akekaboa bi atetew ne mu ammre wo; won a mmoa kum won no, m'ankasa mehyee anan mu. Afei se eba se wowia wo mmoa no bi, anadwo anaa awia a, woma mitua ka. **40** Eyi ne tebea a na mewo mu: Meyee w'adwuma awia maa owia hyee me ne anadwo maa awow dee me; nam so maa nna yera fii m'aniwa mu. **41** Tebea a na mewo mu mfirihya aduonu a metenaa wo nkyen no nyinaa ni. Mede mfirihya dunan na eyee adwuma maa wo, de waree wo mmabea baanuu no. Na mede mfirihya asia nso hwee wo nguan, na wosesaa m'akatua mpen du. **42** Se enye Onyankopon a m'agya som no, Onyankopon a Abraham som no a owo m'afa ne suro a misuro m'agya Isak a, anka nokware ni, wopam me maa mede me nsa pan koe. Nanso Onyankopon huu m'amanehunu ne me nsa ano adwuma nti na nnara anadwo okaa w'anim no." **43** Laban buaa Yakob se, "Mmea no ye me mmabea, mmofra no nso ye me nenanom, na nguankuw no nso ye me nguankuw. Nneema a wuhu yi nyinaa ye me de. Ebeye den na matumi aye m'ankasa me mmabea ne me nenanom bone? **44** Afei, bra na me ne wo nye apam a ebedi me ne wo ntam adanse. Saa apam no so na yebedi wo yen asetena nyinaa mu." **45** Enti Yakob faa obo de sii ho yee nkaedum. **46** Yakob kyere ne nuanom no se, "Montase abol!" Enti wotasee abo boaa ano, na won nyinaa tenaa ho didii. **47** Laban free abo kuw no Yegar-Sahaduta a ne nkyerease ne Adanse Kuw. Yakob nso free saa abo kuw no Gal-Ed, a ne nkyerease ne Adanse Kuw saa ara. **48** Laban kae se, "Abo Kuw yi na edi me ne wo ntam adanse nne!" Eno nti na wofre no Gal-Ed no. **49** Na wosan fre abo nkaedum no nso bio se, "Mispa" efise Laban kae se, "Awurade mmoa yen, na se yen ntam tetew mpo a, yen mu biara bedi saa apam yi so. **50** Se woanhwe me mmabea yi yiye anaase wware mmea foforo ka me mmabea yi ho a, ewo mu se merenhu, nanso Onyankopon de, obehu." **51** Laban

san ka kyereɛ Yakob se, “Abo Kuw yi ni. Nkaedum a mede asi me ne wo ntam no nso ni. 52 Abo Kuw yi, ne nkaedum yi nye adanse se, me Laban, merentra saa Abo Kuw yi ne nkaedum yi mma baabi a wowo mmetoa wo. Na wo Yakob nso, worentra saa Abo kuw yi ne nkaedum yi mma baabi a mewo mmetoa me. 53 Ma Abraham Nyankopon ne Nahor Nyankopon, won agyanom Nyankopon nye otemmufo wo me ne wo ntam.” Enti Yakob de n’agya Isak Nyankopon ho suro kaa ntam se, orentra ohye no. 54 Yakob boɔ Onyankopon afoɔre wo bepɔw no atifi, na ohyiahiaa ne nnamfonom ma wobedidii. Eno akyi no, wɔdaa ne nkyen wo bepɔw no so. 55 Laban soɔre anɔpatutuutu few ne nenanom ne ne mmabea no ano, hyiraa won. Na osan n’akyi kɔɔ ne kurom.

32 Yakob nso toaa n’akwantu no so. Onyankopon abofo behyiaa no. 2 Yakob huu won no, okae se, “Eha ye Onyankopon fi!” Enti otoo saa beae ho din “Mahanaim,” a ne nkyerease ne Onyankopon asase. 3 Yakob somaa abofo dii n’anim kɔɔ ne nua Esau nkyen wo Seir a ewo EDOM asase so. 4 Nkra a oɔde maa won ni: “Monka nkyere me wura Esau se, ‘W’akoa Yakob se, yen wofa Laban nkyen na makotena se ohoho ara de besi nne yi. 5 Nne de, mewo anantwi ne mfurum, nguan ne mmirekyi, nkoo ne mfenaa bebre. Masoma m’abofo yi aba wo, me wura nkyen, se wommeka nkyere wo se, mereba. Mewo anidaso nso se, menya w’anim anuonyam ama woagye me few so.” 6 Asomafo no san baa Yakob nkyen no, wobeka kyereɛ no se, “Yekɔɔ wo nua Esau nkyen kokaa wo nkra no kyereɛ no, na ose oreba abehyia wo, na mmarima ahannan na woka ne ho reba.” 7 Yakob de ehu ne awerehow kyekyee nnipa a one won nam no ne mmoo no mu akuw abien. 8 Okaa wo ne tirim se, “Se eba se Esau ne ne dom no ba betow hye kuw baako so a, kuw a eto so abien no betumi aguan.” 9 Na Yakob boɔ Awurade mpae se, “Ao, Awurade Nyankopon a m’agya Abraham ne m’agya Isak som wo, Awurade a woka kyereɛ me se, ‘San ko w’asase so ne w’abusua mu, na mema woaye oɔdefo.’ 10 W’adɔe a wode aye me ne nokware a woadi w’akoa no mu kakraa bi mpo, mfata me. Da a mifii fie kotwaa Asubonten Yordan no, na me pema nko ara na mikurae, nanso nne, me na mikura dom ahorow abien yi. 11 Mesre wo, gye me fi me nua Esau nsam. Misuro se obetow ahye me ne me yerenom ne me mma so. 12 Nanso wo na woahye me bo se, ‘Nokware mu, mema woanya wo ho, na mama w’ase afee aye se mpoano

nwea a wontumi nkan.” 13 Saa da no, oɔdaa ho. Na oyii n’agypade no bi se akyede a oɔde bema ne nua Esau. 14 Nneema no ni: Mmirekyibere ahannu, mpapo aduonu, nguanmmere ahannu, adwennini aduonu. 15 Yomabere aduasa ne won mma, anantwibere aduanan, anantwinini du, mfurummmere aduonu, mfurumnini du. 16 Okyekyee mmoo no mu akuwakuw, de maa n’asomfo a kuw baako biara hye osomfo baako nsa. Oka kyereɛ n’asomfo no se, “Munni m’anim nko, na mmom, momma akwan nneda mmoo akuwakuw no ntam.” 17 Yakob san ka kyereɛ n’asomfo a wodi kan no se, “Se me nua Esau hyia mo, na obisa mo se, ‘Hena asomfo ne mo, mufi he na moreko he na hena mmoo na mode won nam yi a?’ 18 Monka nkyere no se, ‘Mmoo no ye w’akoa Yakob de. Ne nyinaa ye akyede a oɔde rebre ne wura Esau, na n’ankasa di akyi reba.’” 19 Saa ara nso na Yakob ka kyereɛ n’asomfo a woto so abien, abiesa ne won a wodidi so a wode mmoo no reko no se, “Se muhyia Esau a, monka saa asem koro no ara nkyere no. Monka nka ho se, 20 ‘W’akoa Yakob ankasa di yen akyi reba.’” Efise na Yakob aye n’adwene se, “Mede akyede ahorow a mede asoma adi kan yi bepata no, na se akyiri yi ohu me a, wagye me ato mu.” 21 Enti wode Yakob akyede ahorow no dii kan koe. Na ono ankasa de, oɔdaa n’atenae ho anadwo no. 22 Anadwo no ara, Yakob soɔre faa ne yerenom baanu ne ne mfenaa baanu no ne ne mma dubaako no, de won twaa Asubonten Yordan wo Yakob asutwabea ho. 23 Oɔde won twaa asubonten no wiee no, osan befaa n’agypade a aka nyinaa de twaa asu no. 24 Enti ekaa Yakob nko ara wo n’atenae ho. Anadwo no, obi ne no betentamee ara kosii adekyee wre. 25 Bere a oɔbarima a one no tentamee no huu se orentumi nni Yakob so no, oɔboɔ Yakob dwonku ma ehuanee. 26 Na oɔbarima no ka kyereɛ Yakob se, “Ade akye nti, gyaa me ma menko.” Nanso Yakob buaa no se, “Se woanhira me a, meremma wo nko.” 27 Oɔbarima no bisaa Yakob se, “Wo din de den?” Obuae se, “Me din de Yakob.” 28 Oɔbarima no kae se, “Efi nne, woremfre wo Yakob bio, na mmom wobefre wo Israel. Efise wo ne Onyankopon ne nipa atentam, na woadi nkonim.” 29 Yakob bisae se, “Mesre wo, wofre wo den?” Oɔbarima no nso bisaa no se, “Aden nti na worebisa me din?” Na ohyiraa Yakob wo ho. 30 Emaa Yakob too beae ho din Peniel, a ne nkyerease ne “Onyankopon Anim.” Na okae se, “Mahu Onyankopon anikann, nanso meda so te nkwa mu.” 31 Yakob refi Penuel no na owia agyina. Esiane

ne dwonku a na ahuan no nti, na oka ne nan mu. **32** Eno nti na ebese nne yi, Israelfo nwe aboa dwonku kora se nkae ade no; efise saa ntin kese a ewo Jakob dwonku no na obarima a one no tentamee no boe, maa dwonku no huanee no.

33 Jakob maa n'ani so na ohuu se Esau ne ne mmarima ahannan a woka ne ho no fi akirikyiri reba. Enti okyeken ne mma no mu maa Lea, Rahel ne n'asomfo baanu no. **2** Omaa asomfo no ne won mma dii kan. Lea ne ne mma nso dii ho; na Rahel ne ne ba Yosef nso dii akyi. **3** Jakob de, odii won anim. Oreye aben ne nua Esau no, oboo ne mu ase mpen ason. **4** Esau tuu mmirika kohyiaa Jakob, yee no atuu. Obam Jakob, few n'ano. Na won baanu nyinaa sui. **5** Na Esau maa n'ani so huu mmea no ne mmofra no. Obisaa Jakob se, "Eyinom ye hefo." Obuae se, "Woye mma a Onyankopon de won adom me a meye w'akoa no." **6** Na Jakob asomfo ne won mma twiw ben Esau bekotow no. **7** Saa ara na Lea ne ne mma nso bekotow no. Na Yosef ne ne na Rahel nso ba bekotow no. **8** Esau bisae se, "Nguan ne anantwi ne mmoa bebrebe a wosa so reba yi nso ase ne den?" Jakob buae se, "Me wura, eye akyede a mede rebre wo, na manya w'anim anuonyam." **9** Nanso Esau buaa no se, "Me nua, mewa saa mmoa yi bebre ma eboro so. Enti fa nea wode rebre me yi ka wo de ho." **10** Jakob kae se, "Dabi, se woagye me few so de a, mesre wo, gye akyede a mede rebre wo yi. Nokware ni, esiane se wugyee me odo so nti, mihuu w'anim no, na aye me senea mahu Onyankopon anim. **11** Mesre wo, gye m'akyede a mede rebre wo yi, efise Awurade adom me ama maye odefo." Esiane se Jakob koo so sree no ara se onnye n'akyede no nti, Esau gyei. **12** Na Esau kae se, "Ma yenko. Yebedi mo anim ne mo ako." **13** Nanso Jakob buaa no se, "Me wura ankasa nim se mmofra no bi susua. Ese se mehwe anantwi ne nguan ne mmoa a wawowo no nso ka won breoo. Se meka won so da koro pe mpo a, won nyinaa bewuwu. **14** Enti me wura, di yen kan na yene nyemmoa no bedi w'akyi nkakrankakra abeto wo wo Seir." **15** Enti Esau kae se, "Eno de, ma minnyaw me mmarima no bi mma wo." Jakob kae se, "Aden na woye saa? Me wura, ma minya w'anim anuonyam keke." **16** Enti da no ara, Esau san n'akyi koo Seir. **17** Nanso Jakob de, okoo Sukot kosisii ne ntamadan, pee baabi a ne mmoa no nso beda, de ho yee n'atenae. Eno nti na wofre saa beae ho Sukot, a ne nkyerease ne Asese no. **18** Jakob fii Paddan-Aram

no, okoduu Sekem kurow a ewo Kanaan asase so no mu asomdwoe mu. **19** Jakob too asase a otenaa so no dwete mpow oha fii Sekem agya Hamormma nkyen. **20** Wosii aforemuka wo ho, too saa aforemuka no din El-Elohe-Israel, a ne nkyerease ne Onyankopon, Israel Nyankopon Aforemuka.

34 Da koro bi, Lea ne Jakob ba Dina fii adi kosraa mmabaa a wowo won mpotam ho no. **2** Bere a Hewifohene Hamor babarima Sekem huu Dina no, okyeree no kotoo no mmonnaa. **3** Efi saa bere no, Sekem tuu n'ani sii Jakob ba Dina so. Oboo mmoden ara se one no bekasa ama wapene so, na waware no. **4** Eno nti, Sekem dii ho nkommoo kyeree n'agya Hamor se, "Mepe se meware ababaa yi, enti koka ne ho asem ma mel!" **5** Bere a Jakob tee se Sekem akokyere ne babea Dina akoto no mmonnaa no, na ne mmabarima no nyinaa ne won agya anantwi wo wuram. Enti Jakob anka hwee kosii se wobae. **6** Sekem n'agya Hamor koo Jakob nkyen ne no kodii nkommoo. **7** Jakob mmabarima no tee won nuabea Dina ho asem no pe, wofii wuram ho bae. Won were howee na won bo nso fuw yiye, efise Sekem aye aniwude wo Israel. One Jakob babea dae, na eyi ye akiywade. **8** Nanso Hamor ka kyeree Jakob se, "Me ba Sekem ani gye wo ba Dina ho. Mesre wo, fa no ma no na onware no. **9** Mo ne yenni aware. Momfa mo mmabea mma yen, na yenware won, na yen nso, yemfa yen mmabea mma mo aware. **10** Mubetumi ne yen atena. Asase yi nyinaa ye mo dea. Montena so, nni gua wo so, mpe mu agyapade." **11** Na Sekem ka kyeree Dina n'agya ne ne nuabarimanom no se "Munnye me nto mu. Biribiara a mubegye me no, metua. **12** Obea no ti ade ne biribiara a mubegye aka ho no, mommo bo biara a mope, na metua. Nea ehia me ara ne se, mode ababaa no bema me aware." **13** Esiane se na Sekem agu won nuabea Dina ho fi no nti, mmuae a womaa Sekem ne n'agya Hamor no anye nokware. Na mmom, na wowo adwene oforo bi wo akyi. **14** Jakob mmabarima no ka kyeree Sekem ne n'agya Hamor se, "Yerentumi mfa yen nuabea mma obarima a ontwaa twetia aware. Se yeye saa a, na yeagu yen ho anim ase. **15** Ansa na yede yen nuabea bema wo aware no, gye se woatwitwa wo mmarima nyinaa twetia te se yen. **16** Se moye saa de a, yene mo bedi aware. Mobeware yen mmea, na yen nso, yeaware mo mmea. Yene mo betena fefefe se nnipa baako. **17** Se moampene so amma woantwitwa mo twetia de a, yebegye yen nuabea de no ako." **18**

Asem a wɔkae no tɔɔ Hamor ne ne ba Sekem asom. 19 Sekem a na ɔye aberante a odi mu wɔ n'agya mma nyinaa mu no antwentwen ne nan ase koraa. Okotwaa twetia no, senea Yakob mma no kae no, efise na ɔpe Yakob babea no yiye. 20 Enti Hamor ne ne ba Sekem kɔbɔɔ gua wɔ kurow no pon ano ne eho mmarima kɔkasae se, 21 "Yakob ne ne mma yi ne yen te yiye. Mompene so na wone yen ntena yen asase yi so, na yenni gua. Efise yen asase yi so a yene won besen so. Yebetumi aware won mmabea, na won nso betumi aware yen de. 22 Nanso ansa na won mmarima no bepene so ne yen atena se nnipa koro no, gye se yen mmarima nyinaa twitwa twetia, senea won nso wɔatwitwa twetia no. 23 Se eba saa a, won mmoa, won agyapade ne won mmoa ahorow a ekeka ho no nyinaa remmɛye yen de ana? Enti momma yempene so mma won, na yene won ntena." 24 Mmarima a wokohyiaa Hamor ne ne ba Sekem wɔ kurow no pon ano no nyinaa ne won yee adwene maa mmarima a wɔwɔ kurom ho nyinaa twitwaa twetia. 25 Nnansa akyi a na twetiatwa no nti, kurom ho mmarima no nyinaa deda ho a wogyɛ won ho a ennye no, Yakob mmabarima baanu Simeon ne Lewi a wɔye Dina nuabarimanom no faa won mpeaw. Wɔkɔtow hyee kurow no so bere a won ani nna won ho so, kunkum mmarima a wɔwɔ kurom ho nyinaa. 26 Wode peaw kum Hamor ne ne ba Sekem, na wɔfaa won nuabea Dina fii Sekem fi de no kɔɔ won nkyen. 27 Yakob mmabarima a wɔka no nso tow hyee kurow no so. Wotiatiaa nnipa a wɔawuwu no so, fom kurow no mu nneema nyinaa pasaa, efise eho na Sekem guu won nuabea Dina ho fi. 28 Wɔfom won mmoa, won anantwi, won nguan, won mfurum ne won agyapade biara a ewɔ kurow no mu ne nea ewɔ wuram nyinaa. 29 Wɔfaa won ahode, won yerenom ne won mmea, fom won afi mu nneema nyinaa. 30 Na Yakob ka kyereɛ Simeon ne Lewi se, "Mode ɔhaw abeto me so, ama nne me ho koraa abɔn Perisifo ne Kanaanfo a mete won asase so yi. Yenɔɔso. Se wɔka won ho bo mu betow hye yen so a, wɔbehɔyew me ne m'asefo nyinaa." 31 Na wobuaa won agya se, "Enti anka yentena ho nhwe na ɔnye yen nuabea se oguamanfo ana?"

35 Na Onyankopɔn ka kyereɛ Yakob se, "Kɔ Bet-El kotena ho. Se wudu ho a, si aforemuka ma me. Me na miyii me ho adi kyereɛ wo bere a na wɔreguan afi wo nua Esau nkyen no." 2 Enti Yakob ka kyereɛ ne fifo ne won a woka ne ho nyinaa se,

"Monsee mo anyame a mode won fi amannɔne bae no nyinaa. Munnwira mo ho, na monsesa mo ntade nso." 3 Otoaa so se, "Yerebetu kwan akɔ Bet-El. Na se yedu ho a, yebesi aforemuka ama Onyankopɔn a otiee me mpaebɔ wɔ m'amanehunu mu, na okaa me ho wɔ m'akwantu mu no." 4 Enti won nyinaa de won ahoni ne asokaa maa Yakob. Yakob tuu fam wɔ odum bi ase wɔ Sekem, de ne nyinaa hyee ho. 5 Na wosii mu. Wɔreko no, Onyankopɔn bɔɔ nkurow a wɔfaa so no nyinaa mu nnipa no hu a eno nti obiara antumi antaa won. 6 Yakob ne ne nkurɔfo a woka ne ho no beduu Lus a eno ara ne Bet-El a ewɔ Kanaan asase so no. 7 Osii aforemuka wɔ ho, too ho din El-Bet-El, efise eho na bere a ɔreguan afi ne nua Esau nkyen no, Onyankopɔn yii ne ho adi kyereɛ no. 8 Eyi akyi no, Debora a ɔye Rebeka bagyigyefo no wu ma wosiee no wɔ odum bi a ewɔ Bet-El bon mu no ase. Efi saa bere no, wɔtoo beae ho din Alon-Bakut, a ne nkyerease ne Agyaadwotwa Dum. 9 Yakob fi Paddan-Aram beduu Bet-El no, Onyankopɔn san yii ne ho adi kyereɛ no, hyiraa no. 10 Onyankopɔn ka kyereɛ no se, "Ewɔ mu se wɔfre wo Yakob de, nanso efi nne, wɔremfre wo Yakob bio, na mmom, wɔbefre wo Israel a ne nkyerease ne Onipa a ɔne Onyankopɔn adi asi." Enti Onyankopɔn too ne din se Israel. 11 Onyankopɔn ka kyereɛ Yakob se, "Mene Onyankopɔn tumfo no. W'ase nno, na w'ase mfɛe. Oman ne aman asafo befi wo mu aba. Saa ara na ahemfo nso befi wo mu aba. 12 Mede asase a mede maa Abraham ne Isak no bema wo. Yiw, mede saa asase koro yi ara bema w'asefo." 13 Na Onyankopɔn fii faako a na ɔne Yakob rekasa ho no kɔɔ ɔsoro. 14 Yakob sii ɔbodum wɔ ho, hwiee aforesa guu so, de bɔɔ Onyankopɔn afoɔre. ɔsan de afoɔrengo sraa odum no ho. 15 Yakob too beae a Onyankopɔn ne no kasae no Bet-El, a ne nkyerease ne Onyankopɔn fi. 16 Yakob ne ne fifo sii mu fii Bet-El, de won ani kyereɛ Efrat. Wɔreko no, awo kaa Rahel wɔ akwantemfi. 17 Bere a ɔreko awo no, ɔbea ɔwogyefo no ka kyereɛ no se, "Nsuro na wɔrebewo ɔbabarima bio." 18 Nanso Rahel koo awo tɔe. Na bere a ne kra refi ne mu na ɔreyɛ awu no, ɔtoo ne babarima a wawo no no din Ben-Oni, a ne nkyerease ne M'awɛrɛhow Mu Ba. "Nanso n'agya san too no din Benjamin a, ne nkyerease ne Me dɔba." 19 Rahel wu ma wosiee no Efrat a eno ara ne Betlehem no akwantemfi. 20 Yakob yee nkaedum sii Rahel da no so a eɔa so wɔ ho besi nne. 21 Israel toaa n'akwantu no so, kosii ne ntamadan wɔ Edir abantenten no akyi

noho baabi. **22** Bere a Israel te saa asase no so no, otee se ne ba panyin Ruben ne Bilha a oye n'agya afenaa a waware no no akoda. Na Yakob wo mmabarima dumien: **23** Lea mma na won din didi so yi: Ruben a ono ne Israel abakan, Simeon, Lewi, Yuda, Isakar ne Sebulon. **24** Rahel nso mmabarima baanu no ne Yosef ne Benjamin. **25** Rahel afenaa Bilha mmabarima baanu no ne Dan ne Naftali **26** Lea afenaa Silpa nso mmabarima baanu no ne Gad ne Aser. Eyinom ne Yakob mmabarima a wowoo won wo Paddan-Aram no. **27** Akyiri yi no, Yakob baa n'agya Isak nkyen wo Mamre wo Kiriath-Arba, a eno ara ne Hebron, faako a Abraham ne Isak tenaa se ahoho no. **28** Isak dii mfe oha ne aduwotwe. **29** Isak wu ma wofaa no koka ne mpanyimfo ho; na wabo akwakoraa posoposo. Ne mmabarima Esau ne Yakob na wosiee no.

36 Eyinom ne Esau a wofre no Edom no asefo. **2** Esau waree Kanaanfo mmea baasa. Won din de Ada a oye Hetini Elon babea, Ana babea Oholibama a osan ye Hewini Sibeon nena ne **3** Basmat a oye Ismael babea na oye Nebaiot nuabea. **4** Ada woo Elifas maa Esau. Basmat woo Reuel. **5** Oholibama nso woo Yeus, Yalam ne Kora. Saa nnipa a wabobo won din yi ne mmabarima a Esau yerenom baasa no wowoo won maa no wo Kanaan asase so no. **6** Esau faa ne yerenom, ne mmabarima, ne mmabea, ne fifo nyinaa, ne nyemmoa ne mmoa a aka nyinaa ne n'agypade biara a obre nyaa no wo Kanaan asase so nyinaa, tu fii ne nua Yakob nkyen, ko asase bi so wo akirikyiri. **7** Efise na won ahonyade no dooso se one ne nua Yakob betumi atena faako. Na won mmoa dodow nti, won baanu no nsen asase a wote so no so. **8** Eno nti, Esau a wofre no Edom no, koboo n'atenae wo Seir bepaw so. **9** Eyinom ne Esau a oye Edomfo agya no asefo a wowoo won maa no bere a na owo Seir bepaw so no. **10** Esau mmabarima no din na edidi so yi: Elifas, a oye Esau yere panyin Ada babarima ne Reuel a oye Basmat babarima. **11** Elifas nso mmabarima din na edidi so yi: Teman, Omar, Sefo, Gatam ne Kenas. **12** Na Esau babarima Elifas nso wo mpena bi a ne din de Timna a one no woo ba a wofre no Amalek. Din a wabobo yi ye Esau yere Ada nenanom. **13** Reuel mmabarima din na edidi so yi: Nahat, Serah, Sama ne Misa. Saa din a wabobo yi ye Esau yere Basmat nso nenanom. **14** Esau yere Oholibama a oye Ana babea, na osan ye Sibeon nena no mmabarima a owo won maa Esau no ne eyinom: Yeus, Yalam ne Kora. **15**

Eyinom ne Esau asefo no mu atitiriw: Elifas a oye Esau abakan no nso mmabarima din na edidi so yi: Atitiriw Teman, Omar, Sefo, Kenas, **16** Kora, Gatam ne Amalek. Saa din a wabobo yi ne Elifas a oye Esau abakan no asefo atitiriw a wowoo won wo Edom asase so. Na saa atitiriw yi ye Ada nenanom. **17** Esau babarima Reuel mmabarima din na edidi so yi: Otitiriw Nahat, Otitiriw Serah, Otitiriw Sama ne Otitiriw Misa. Saa din a wabobo yi ne Reuel a oye Esau ba a oto so abien no nnipa atitiriw a wowoo won wo Edom asase so. Na woye Esau yere Basmat nenanom. **18** Esau yere Oholibama mmabarima din na edidi so yi: Otitiriw Yeus, Otitiriw Yalam ne Otitiriw Kora. Saa din a wabobo yi ne Esau yere Oholibama a oye Ana babea no asefo nnipa atitiriw no. **19** Saa din a wabobo yi ne Esau a ono ara ne Edom no mmabarima. Won ara nso na woye won nnipa atitiriw no. **20** Eyinom ne Horini Seir mmabarima a na saa bere no wotete Seir asase so no: Lotan, Sobal, Sibeon, Ana, **21** Dison, Eser ne Disan. Saa nnipa a wabobo won din yi ne Horini Seir mmabarima a na wotete Edom asase so no nnipa atitiriw no. **22** Lotan mmabarima ne eyinom: Hori ne Homam. Na Timna ye Lotan nuabea. **23** Sobal nso mmabarima ne eyinom: Alwan, Manahat, Ebal, Sefo ne Onam. **24** Na eyinom ne Sibeon mmabarima: Aya ne Ana. Saa Ana yi ne abarimaa a, bere bi ode n'agya Sibeon mfurum ko adidi wo sare no so a okohuu asu aniwa bi a na nsuhyew fi mu ba no. **25** Ana mma ni: Dison ne Oholibama a oye Ana babea no. **26** Disan mmabarima ni: Hemdan, Esban, Yitran ne Keran. **27** Eser mmabarima ne eyinom: Bilhan, Saawan ne Akan. **28** Eyinom ne Disan mma: Us ne Aran. **29** Eyinom ne Horifo nnipa atitiriw: Lotan, Sobal, Sibeon, Ana, **30** Disan, Eser ne Disan. Saa nnipa a wabobo won din yi ne Horifo nnipa atitiriw a bere a na wowo Seir asase so no, wodii won mmusua no so. **31** Eyinom ne nnipa a wodii kan dii hene wo Edom asase so ansa na Israelni biara rebedi Israelmma so hene: **32** Bela a oye Beor babarima bedii hene wo Edom asase so. Na n'ahenkurow din de Dinhaba. **33** Na Bela wui no, Serah babarima Yobab a ofi Bosra bedii n'ade se ohene. **34** Na Yobab wui no, Husam a ofi Teman asase so bedii n'ade se ohene. **35** Husam wu akyi Hadad a oye Bedad babarima a okodii Midian so nkonim wo Moab asase so no na odii n'ade se ohempom. Wotoo n'ahenkurow no din Hawit. **36** Hadad wui no, Samla a ofi Masreka kuropon mu beyee ohene. **37** Samla wui no, Saulo a

ofi Rehobot a ɛda asu Euftrate ho no bedii hene. **38** Na Saulo wui no, Akbor babarima Baal-Hanan bedii hene. **39** Akbor babarima Baal-Hanan nso wui no, Hadad bedii n'ade, tenaa n'ahengua so se ɔhempɔn. Na ɔhene Hadad ahenkurow no din de Pau, na ne yere nso din de Mehetabel a ɔye Me-Sahab babea a ɔno nso ye Matred babea. **40** Senea wɔn a wodidi so yi a wɔye Esau asefo no mmusua ne wɔn tenabea te ni: Timna abusua, Alwa abusua, Yetet abusua, **41** Oholibama abusua, Ela abusua, Pinon abusua, **42** Kenas abusua, Teman abusua, Mibsar abusua, **43** Magdiel abusua ne Iram abusua. Eyinom ne Edom mmusua a wɔde wɔn atenaɛ no din totɔe. Na wɔn nyinaa ye Edomfo a wɔye Esau asefo.

37 Yosef tenaa Kanaan asase a na n'agya te so se ɔhoho no so. **2** Yosef abusua ho asem ni: Bere a Yakob ba Yosef dii m'firihyia dunson no, na ɔboa ne nuanom a wɔye Bilha ne Silpa a wɔye n'agya yerenom no mmabarima no hwɛ wɔn agya nguan so. Na ɔtaa beka nneyɛɛ bɔne a ɛko so fa ne nuanom no ho no kyere wɔn agya. **3** Na Israel pɛ ne ba Yosef asem sen ne mma a wɔaka no nyinaa, efise ɔwoo no ne nkwakoraabere mu; eno nti, ɔpam batakari bi a eye fe maa no. **4** Bere a ne nuanom no huu se wɔn agya pɛ n'asem sen wɔn nyinaa no, wɔtan no a na wɔnka abodwosɛm nkyere no. **5** Da bi, Yosef soo dae. ɔkaa dae a ɔsoo no kyereɛ ne nuanom mmarima no, wɔtan no sen kan no mpo. **6** Yosef ka kyereɛ ne nuanom no se, "Muntie dae bi a maso. **7** Mesoo dae, na yerekyekyere aburow afiafi wɔ afum. Bere a yegu so rekyekyere aburow no, amono mu ho ara, m'afiafi a makyekyere no sɔre gyinaa ntenten. Mo afiafi a moakyekyere no nso twaa me de no ho hyia kotow no." **8** Yosef nuanom no bisaa no se, "Enti w'adwene ne se wubedi yen so ana? Wugye di se, ampa ara, wubetumi aka yen ahyɛ?" Esiane ne dae a ɔsoo no ne asem a ɔkae no nti, emaa ne nuanom no kyii no kɔkɔkɔ. **9** Na ɔsoo dae bio. ɔkaa dae a ɔsoo no kyereɛ ne nuanom no se, "Muntie: Maso dae foforo bio. Mesoo dae, na owia, ɔsram ne nsoromma dubaako rekotow me." **10** ɔkaa dae no kyereɛ n'agya ne ne nuabarimanom no, n'agya kaa n'anim se, "Dae ben na woaso yi? Wope se wokyerɛ se ampa ara, wo na ne me ne wo nuabarimanom no beba abekotow wo ana?" **11** Eyi maa ne nuabarimanom no ani bereɛ no mmoroso. Nanso n'agya de, ɔdweneɛ asem no ho kɔɔ akɔyiri. **12** Da bi, Yosef nuabarimanom no de wɔn agya

nguan kɔɔ adidi wɔ Sekem. **13** Israel ka kyereɛ Yosef se, "Senea wunim no, wo nuanom no de mmoa no kɔ adidi wɔ Sekem. Bra, na mensoma wo wɔn nkyɛn." Yosef buae se, "Yoo, agya, mate." **14** Enti Israel ka kyereɛ Yosef se, "Kɔ na kɔhwe se wo nuanom ne nguan no ho te den, na san beka biribi kyere me." Enti Israel somaa Yosef fii Hebron subon no mu. Bere a Yosef duu Sekem no, **15** ɔbarima bi huu no se ɔnenam wura no mu. ɔbarima no bisaa no se, "Worehwehwe den?" **16** Yosef buaa no se, "Merehwehwe me nuabarimanom. Mesɛ wo, wubetumi akyerɛ me baabi a wɔde wɔn nguan no kɔ adidi?" **17** ɔbarima no buaa no se, "Wo nuabarimanom no afi ha kɔ. Metee se wɔreka se, 'Momma yenko Dotan.'" Enti Yosef tiw ne nuanom no, kotoo wɔn wɔ Dotan ho. **18** Bere a Yosef puei no, wohuu no wɔ akɔyirikɔyiri se ɔreba. Ansa na ɔredu wɔn nkyɛn no, wɔbɔɔ ne ho pɔw se wobekum no. **19** Wɔreka kyerekyerɛ wɔn ho wɔn ho se, "Monhwe! ɔdaesofo no na ɔreba no! **20** Mommma mpren ara mma yenkum no, na yentow no nkyene amoa no bi mu, na yenkɔka nkyere yen agya se, aboa bi akyerɛ no awe, na yenhwe se biribi befi ne dae ahorow no mu aba ana." **21** Ruben a ɔye wɔn nua panyin tee saa asem no, ɔbɔɔ mmɔden se obegye Yosef nkwa. ɔkae se, "Mommma yenkum no. **22** Munnhwe mogya ngu. Mommma yentow no nkyene amoa a ewɔ sare yi so no bi mu. Na mommma yemfa yen nsa nka no." Ruben kaa saa asem yi de gyee no fii wɔn nsam, senea obenya kwan de no akɔhyɛ wɔn agya nsa. **23** Yosef beduu ne nuabarimanom no nkyɛn no, wɔwɔwɔw ne batakari fefe a na ɔhyɛ no, **24** na wɔtow no kyeneɛ amoa bi mu. Na nsu biara nni amoa no mu. **25** Bere a anuanom no tenaa ase se wɔredidi no, wɔtow wɔn ani huu se yoma bebreɛ sa so reba faako a na wɔrebedidi ho no. Wohuu se saa nkurofo no ye Ismaelfo aguadifo bi a wɔsoso atomude, akɔyɛnkɔyennuru ne kurobow a wɔde fi Gilead rekɔtɔn no wɔ Misraim asase so. **26** Yuda ka kyereɛ ne nuanom no se, "Se yekum yen nua yi, kata ne mogya so a, mfaso ben na yebɛnya? **27** Mommma yenyi no, na yentɔn no mma Ismaelfo aguadifo yi, sen se yebekum no. Eɔan den ara a, ɔye yen nua kumaa, yen ankasa yen mogya." Ne nuanom no penɛɛ so. **28** Bere a Midian aguadifo no beduu ho no, Yosef nuanom no yii no fii amoa no mu, tɔn no maa Ismaelfo no gyee dwete gram ahannu aduonu awotwe ma wɔde no kɔɔ Misraim. **29** Ruben san n'akɔyiri baa amoa no ho, na ohuu se Yosef nni amoa no mu

no, osunsuan ne ntade mu. **30** Ɖkɔɔ ne nuabarimanom no hɔ, kɔka kyereɛ wɔn se, “Abarimaa no nni hɔ ool! Enti mprenpren menyɛ me ho dɛn?” **31** Na anuanom no faa Yosef batakarɛ no, kum abirekyi, de batakarɛ no nuu ne mogya no mu. **32** Wɔde Yosef batakarɛ fefe no kɔɔ wɔn agya nkyɛn kɔka kyereɛ no se, “Yehuu saa atade yi wɔ wura mu hɔ baabi. Hwe se eyɛ Yosef atade ana?” **33** Wɔn agya hui, na ɔkae se, “Nokware, eyɛ me ba Yosef atade! Aboa bone bi akyere no awe. Ampa ara, aboa ko no atetew Yosef nam pasaa.” **34** Na Yakob sunsuan ne ntade mu, hyɛ atweaatam, suu ne ba no nna bebreɛ. **35** Ne mmabarima ne ne mmabea nyinaa betwaa ne ho hyia kyekyee ne were, nanso ankosi hwee. Yakob kae se, “Dabi, mede awerehow bewu akoto me ba no wɔ asaman.” Enti n’agya Yakob suu no. (Sheol h7585) **36** Nea ebae ne se, Midianfo no nso kɔtɔn Yosef maa Potifar wɔ Misraim. Saa Potifar no na ɔye ɔhene Farao dabehene ne n’awɛmfo so panyin.

38 Saa bere no mu ara na Yuda tu fii ne nuabarimanom no nkyɛn ne Adulamni barima bi a wɔfrɛ no Hira kɔtenae. **2** Eho na Yuda kohyiaa Kanaanni bea bi a ɔye ɔbarima bi a wɔfrɛ no Sua no babea. Yuda waree Sua babea no. **3** Sua babea no nyinsɛn woo ɔbarima, na wɔtoo no din Er. **4** Sua babea no san nyinsɛn woo ɔbarima bio. Wɔtoo abofra no din Onan. **5** Sua babea no nyinsɛn ne mprensɛn so wɔ Kesib, woo ɔbarima bio. Saa abarimaa no nso wɔtoo no din Sela. **6** Bere a Yuda abakan Er nyin no, wɔwaree ababaa bi a wɔfrɛ no Tamar maa no. **7** Esiane se na Yuda abakan Er ye omumɔyɛfo wɔ Awurade anim no nti, Awurade kum no. **8** Er wu akyi no, Yuda ka kyereɛ Er akyiba Onan se, “Ese se wɔware okunafo Tamar, senea yen amanne te no, na se wo ne no wo a, mma no aye wo nua no diadefo.” **9** Esiane se na Onan mpe se ɔbewo akyɛ a mmofra no renye n’ankasa mma nti, se ɔne okunafo Tamar kɔda a, ɔmma ne ho nsu no ngu ɔbea no mu. Mmom, ɔma no gu fam senea ebeye a, ɔrenwo ɔba a ebeye ne nua owufo no de. **10** Esiane se nea ɔyee no ansɔ Awurade ani, se ɔmpe se ɔwo ba ma ne nua owufo no nti, okum ɔno nso. **11** Na Yuda ka kyereɛ n’ase okunafo Tamar se, “Tu na kɔtena w’agya fi se okunafo kosi se me babarima Sala benyin.” Na osuro se, Sela nso bewu, senea ne nuanom mpanyimfo Er ne Onan wuwui no. Enti Tamar tu kɔtenaa n’agya fi hɔ. **12** Mmere bi akyi no, Yuda yere a ɔye Sua babea no nso wui. Bere a woyii Yuda fii kuna mu no,

ɔkɔɔ ne nguanhotwitwafo nkyɛn wɔ Timna. Ɖreko no, ɔne n’adamfo Adulamni Hira na ekɔe. **13** Obi beboɔ Tamar amannee se, “W’ase Yuda rebesen ako Timna akotwitwa ne nguan ho nwi.” **14** Enti Tamar yii ne kuna ntade no guu hɔ. Ɖfaa nkataanim kataa n’anim, senea ebeye a obiara nhu se eyɛ ɔno Tamar, na ɔkɔtenaa Enaim kurotia wɔ Timna kwan so. Efise ohuu se Sela anyin de, nanso na Yuda mmaa ne babarima no kwan mma ɔmmɛwaree no e. **15** Bere a Yuda huu Tamar no, na osusuw se ɔye ɔbea guamanfo bi, efise na wakata n’anim. **16** Yuda kɔɔ Tamar nkyɛn wɔ kwankyɛn hɔ a, na onnim se ɔye n’ase. Yuda ka kyereɛ no se, “Ma yenko mprenpren ara na me ne wo nkɔda.” Tamar bisaa no se, “Se me ne wo kɔda a, wobɛma me dɛn?” **17** Yuda buae se, “Mɛma wode ɔpapo a fi me nguankuw no mu abre wo.” Tamar bisaa no bio se, “Ansa na wode ɔpapo no beba no, dɛn na wode bedi wo ho akagyinamu?” **18** Yuda nso bisaa no se, “Dɛn ade na wope se mede di me ho akagyinamu?” Tamar buae se, “Nea wode bedi wo ho akagyinamu ne wo nsa so kaa ne ne hama ne saa pema a wukura yi.” Enti Yuda de saa nneema yi nyinaa maa Tamar ne no kɔda ma onyinseneɛ. **19** Tamar fii hɔ akyi no, okoyii ne nkataanim no guu hɔ, san faa ne kunatam no furae. **20** Yuda de ɔpapo no maa n’adamfo Adulamni no se, ɔmfa nkɔma ɔbea no, na onnye nneema a ɔde dii ne ho akagyinamu no mmre no, nanso wanhu no. **21** Obisaa kurom hofo no se, “Ehe na hyiadan mu ɔbea guamanfo a na ɔte Enaim kwankyɛn frefre mmarima no wo?” Wobuaa no se, “Yenni hyiadan mu ɔbea guamanfo biara wɔ ha.” **22** Enti ɔsan kɔɔ Yuda hɔ, kɔka kyereɛ no se, “Manhu no. Na kurom hofo nso kae se, ‘Hyiadan mu ɔbea uguamanfo biara nni ha.’” **23** Yuda nso kae se, “Ma no mfa nneema no, na anyɛ saa a wɔbeserew yen. Wo ara wudi ho adanse se memaa wode ɔpapo no kɔe, nanso woanhu no.” **24** Ebeye asram abiesɛn akyi no, Yuda tee se n’ase Tamar abɔ aguaman, anyinsɛn. Ɖtee saa asem no, ɔkae se, “Monkɔkyere no mmra, na yenhyew no nkum no.” **25** Wɔkɔkyeree Tamar de no reba abekum no no, ɔsoma ma wɔkɔka kyereɛ n’ase Yuda se, “Onipa a ne nneema ni no na ɔne me nyinseneɛ. Monhwe se mubehu onipa ko a saa nsa so kaa ne ne hama ne pema yi ye ne de no ana.” **26** Yuda gye too mu se, saa nneema no ye ne dea. Ɖtoaa so se, “ɔbea yi ye ɔtreneeni sen me, efise mamfa no amma me babarima Sela anware.” Efi saa bere no, Yuda anko Tamar ho bio. **27** Tamar awo duu

so no, ɔwoo nta. **28** Bere a ɔrewo no, nta no mu baako de ne nsa dii kan bae. Enti ɔbea a ɔregye no awo no de asaawa kɔkɔɔ bɔɔ abofra no bakɔn, kae se, “Oyi na wɔwoo no kan.” **29** Saa abofra no twee ne nsa san kɔɔ mu. Ɔsan twee ne nsa kɔɔ mu no, wɔwoo ne nua a ɔka ne ho no mmom. Na ɔwogyefo no kae se, “Abususem ben ni!” Wɔtoo no din Peres. **30** Akyiri no, ɔwoo ne nuabarima a na asaawa kɔkɔɔ bɔ ne nsakɔn no. Wotoo ɔno nso din Serah.

39 Wɔde Yosef kɔɔ Misraim. Misraimni Potifar a na ɔye Misraimhene Farao dabehene a na otua asraafodɔm ano no na ɔtɔɔ Yosef fii Ismaelfo aguadifo no nsam. **2** Na Awurade ka Yosef ho nti, n’abrabo sii no yiye. Ɖtenaa ne wura Misraimni no fi. **3** Yosef wura no huu se Awurade ka ne ho, na nea na ɔye biara no, Awurade hyiraa so maa no, na **4** Yosef nyaa n’anim adom ma ɔde no yee ne boafɔ. Ankye koraa na Potifar de Yosef sii ne fifo so panyin, de nea ɔwɔ nyinaa hyee ne nsa. **5** Bere a Potifar de Yosef sii ne fifo so panyin, de nea ɔwɔ nyinaa hyee ne nsa no, Awurade hyiraa Misraimni Potifar fie so, esiane Yosef nti. Awurade hyiraa n’agyapade a ɛwɔ fi ne ne mfuw nyinaa so. **6** Enti ɔde n’agyapade nyinaa hyee Yosef nsa. Esiane se Potifar de n’agyapade ne n’adwumade nyinaa hyee Yosef nsa nti, wannwene biribiara ho se aduan a obedi nko ara. Na Yosef ye aberante a ɔwɔ nnyinaso, na ne ho nso ye fe yiye. **7** Ankye ahe biara na Yosef wura Potifar yere tuu n’ani sii ne so, ka kyeree Yosef se, “Bra, na wo ne me mmɛda!” **8** Nanso Yosef ampene so, ka kyeree ne wura yere no se, “Esiane se fie ha biribiara hye me nsa nti, me wura nnwen fie ha biribiara ho. Ɖde n’agyapade nyinaa ahye me nsa. **9** Obiara nni tumi nsen me wɔ fie ha. Me wura mfa biribiara nkame me wɔ fie ha se wo nko ara, efise woye ne yere. Onyame mpa ngu se mɛye ade a ɛte saa. Ɖbeyɛ den na matumi aye amumɔyede a ɛte sɛɛ! Ɖbeyɛ bɔne kese atia Onyankopɔn.” **10** Ɖwɔ mu se da biara na Potifar yere no de saa asem yi hiahia Yosef ho de, nanso Yosef antwiw ammen no mpo, na akowie se ɔne no beda. **11** Da koro bi, Yosef kɔɔ fie ho se ɔrekɔye n’adwuma. Oduu ho no, na asomfo no mu biara nni ho. **12** Potifar yere no soo Yosef atade mu kyeree no, ka kyeree no se, “Bra na wo ne me mmɛda!” Nanso Yosef yii n’atade no guu ne so, guan fii fie ho. **13** Potifar yere no huu se Yosef agyaw n’atade wɔ ne nsam aguan afi fie ho no, **14** ɔfɛɛ ne fifo, de nteeteemu ka kyeree wɔn se, “Monhwe! Me

kunu akɔfa Hebrini bi aba fie ha se ommegu yen anim ase. Ɖbaa ha se ɔrebeto me mmonnaa na meteteɛɛ mu. **15** Ɖtee se mereteɛɛ mu no, oyii n’atade guu me so, guan fii fie ha.” **16** Potifar yere no de Yosef atade a oyi guu ne so no siei, kosii se ne kunu bae. **17** Ɖbea no bɔɔ ne kunu amannee se, “Hebrini akɔa no a wokɔtɔɔ no brɛɛ yen no baa me nkyen se anka ɔrebeto me mmonnaa. **18** Meteteɛɛ mu no na oguan fii fie ha, gyaw n’atade.” **19** Bere a Yosef wura Potifar tee asem a ne yere ka kyeree no se, “Ɖkwan a w’akɔa no de me faa so ni” no, ne bo fuw yiye. **20** Yosef wura Potifar tee asem no no, ɔkyeree Yosef kɔtoo afiase, faako a ɔhene nneduafo gu no. Bere a Yosef da afiase ho no, **21** na Awurade ka ne ho. Awurade yee no adae ma eno nti, afiase sohwefo panyin no pɛɛ n’asem yiye. **22** Ɖyee saa maa afiase sohwefo panyin no de Yosef sii nneduafo no nyinaa so panyin, a na biribiara a woye wɔ afiase ho no hye ne nsa. **23** Esiane se na Awurade ka Yosef ho no nti, na afiase sohwefo panyin no nhaw ne ho nye adwuma. Efise biribiara a Yosef beye no, Awurade hyira so ma esi yiye.

40 Mmere bi akyi no, ebaa se Misraimhene Farao nsahyefo panyin ne ne brodotofɔ panyin fom no. **2** Farao bo fuw ne nsahyefo panyin no ne ne brodotofɔ panyin no yiye. **3** Enti ɔde wɔn koguu afiase wɔ ɔwɛmfo panyin Potifar no fi, beae koro no ara a wɔde Yosef kɔtoo no. **4** Ɖwɛmfo panyin Potifar de wɔn hyee Yosef nsa se, ɔnhwe na ɔnye nea ehia wɔn nyinaa mma wɔn. Wɔdaa afiase ho kyee kakraa no, **5** nnipa baanu no nyinaa a na woye ɔhene Farao brodotofɔ panyin ne nsahyefo panyin a na wogu afiase ho no sosoo adae anadwo koro no ara. Na saa adae abien no mu biara wɔ ne nkyerease. **6** Ade kyee a Yosef baa nneduafo baanu no nkyen no, ohuu se wɔn nyinaa ayeye bosobosoo. **7** Obisaa Farao fi mpanyimfo nneduafo a na wɔne no gu afiase ho no se, “Aden nti na nne de, mo were ahow mo ho sɛɛ?” **8** Nneduafo no buaa Yosef se, “Anadwo yi, yen baanu nyinaa sosoo adae, nanso yennya obiara wɔ ha nkyere yen ase.” Yosef nso ka kyeree wɔn se, “Ɖwɔ mu se Onyankopɔn na ɔkyere dae ase de, nanso monka mo dae a mososoe no nkyere me.” **9** Enti Farao nsahyefo panyin no dii kan kaa ne dae a ɔsoo no kyeree Yosef se, “Me dae mu no, mihuu bobe dua. **10** Na saa bobe dua no wɔ mman abiɛsa. Eguu nhwiren, hyehye nyin yee kasiaw beree. **11** Na mikura ɔhene Farao nsa kuruwa. Metetew bobe

aba no, kyikyí guu òhene Farao nsa kuruwa no mu, de maa no se ɔnnom.” **12** Yosef ka kyereɛ nsahyefo panyin deduani no se, “Wo dae no ase ni: mman abiesa a wuhui no kyere nnansa. **13** Nnansa ntam no, Farao beyi wo, ama woakodi wo dibe se òhene nsahyefo panyin. Na wode Farao kuruwa behye ne nsa senea na woye no kan no. **14** Na se esi wo yiye a, kae me na ye me adɔe; ka me ho asem kyere òhene Farao, na ɔmma wommeyí me mfi afiase ha. **15** Efise manye bone biara na wokyerere me fii me manfo Hebrifo asase so de me baa ha. Na eha nso mpo a meda yi, manye mfomso biara a ese se wogyina so de me to afiase.” **16** Bere a brodotofɔ panyin deduani no huu se Yosef akyere nsahyefo panyin no dae no ase, ama atɔ asom no, ɔka kyereɛ Yosef se, “Me nso, mesoo dae bi. Me dae no mu no, na meso nkenten abiesa a brodo gugu mu. **17** Kenten a esi soro pee no, na nnuan ahorow a wɔato a mede rekɔma Farao gu mu a na nnomaa sisi aduan no so wo m’atifi redi.” **18** Yosef ka kyereɛ no se, “Wo dae a wosoo no nkyerease ni, Nkentɛn abiesa no gyina ho ma nnansa. **19** Nnansa ntam no, Farao bema wɔabeyi wo afi afiase ha, atwa wo ti, de wo sin no akɔsen dua so, ama nnomaa asosow wo nam.” **20** Ne nnansa so no, na Farao redi n’awoda. Enti ɔtoo pon kese bi maa ne mpanyimfo ne ne fifo nyinaa. Ɔsoma ma wokoyii ne brodotofɔ panyin ne ne nsahyefo panyin nneɗuafo no fii afiase ho baa n’anim. **21** Ɔhene Farao san de ne nsahyefo panyin no sii ne sibe a ma ɔhyee òhene Farao nsa. **22** Nanso ne brodotofɔ panyin no de, Farao ma wɔkɔsen no senea Yosef kyereɛ ne dae no ase kyereɛ no no pepeɛɛɛ. **23** Nsahyefo panyin no nso were fii Yosef a wankae no koraa.

41 Mfe abien akyi no, Farao soo dae bi. Na ogyina Asubɔnten Nil ho. **2** Ohuu wɔ dae no mu se anantwi ason a wɔadodo sɔrɔde, na wɔn ho tua wɔn ho fii asubɔnten no mu ba bɛwee sare a na ewɔ ho no. **3** Anantwi akese ason no akyi no, anantwi ason foforo a wɔafonfɔn ayeye nkanyankanya fii Asubɔnten Nil mu ba begyinaa anantwi a wɔadodo sɔrɔde no ho wɔ asu no konkɔn so. **4** Anantwi ason a wɔafonfɔn ayeye nkanyankanya no memenee anantwi ason a wɔadodo sɔrɔde no. Na Farao bɔɔ pitiri nyanee! **5** Nna faa Farao bio ma ɔsoo dae a eto so abien. Ohuu wɔ dae no mu se, ɔmo kasiaw ason a ewɔ ahoɔden na eye fe asow wɔ ɔmo dua baako so. **6** Akyiri no, kasiaw ason bi a eye nkanyankanya a apuei mframa abɔ no ama atwintwam nso fifii. **7** Ɔmo nkanyankanya no

memenee ɔmo a ewɔ ahoɔden na eye fe no. Farao nyanee, na ohuu se see na nea ohuu no nyinaa ye ɔdae. **8** Ade kyee no, n’adwene mu yee no basaa. Enti Farao soma ma wɔkɔfrɛ nkonyaayifo ne anyansafo a wɔwɔ Misraim asase so nyinaa baa ne fi. Farao kaa dae a ɔsoo no nyinaa kyereɛ wɔn, nanso wɔn mu biara antumi ankyere ase. **9** Eho na Farao nsahyefo panyin no ka kyereɛ Farao se, “Nne na wɔakae me me sinto. **10** Mmere bi a atwa mu no, wo Farao bo fuw w’asomfo yiye. Enam so ma wode me ne wo brodotofɔ panyin kɔtoo afiase wɔ awemfo panyin fi. **11** Yen baanu nyinaa sosoo adae anadwo koro no ara a na esono senea yen mu biara dae no si te. **12** Saa bere no, na Hebrini aberantewa bi a na ɔye awemfo panyin Potifar somfo ka yen ho wɔ afiase ho. Yekaa yen dae a yesosoo no kyereɛ no no, ɔkyereɛ yen mu biara dae ase pepeɛɛɛ. **13** Na ne nkyerease a ɔmaa no baa mu saa pepeɛɛɛ. Mesan kodii me dibe a, na wɔsen brodotofɔ panyin no nso.” **14** Amono mu ho ara, Farao soma ma wokoyii Yosef fii afiase ho bae. Ofi afiase ho no, oyii n’abogyese, sesaa n’atade, na ɔbaa Farao anim. **15** Farao ka kyereɛ Yosef se, “Maso dae bi a obiara ntumi nkyere ase. Nanso mate se wo de, se obi ka ne dae kyere wo a, wutumi kyere ase. Eno nti na masoma abefre wo yi.” **16** Yosef buaa Farao se, “Me ara merentumi mfi me tumi mu nkyere dae no ase. Onyankopɔn na ɔbekyere wo dae no ase.” **17** Na Farao ka kyereɛ Yosef se, “M’adaeso no mu no, na migyina Asubɔnten Nil konkɔn so. **18** Mihuu se anantwi ason a wɔadodo sɔrɔde, na wɔn ho tua wɔn ho fi asubɔnten no mu ba benantew wura no mu, fii ase wee sare. **19** Anantwi akese ason no akyi no, anantwi ason foforo a wɔafonfɔn ayeye nkanyankanya nso puei; minhuu anantwi a woye tan bi saa wɔ Misraim asase so da. **20** Anantwi ason a wɔafonfɔn ayeye nkanyankanya no memenee anantwi ason a wɔadodo sɔrɔde na wɔn ho tua wɔn ho a wodii kan puei no. **21** Nanso wɔmemenee wɔn nyinaa akyi no, hwee ankyere se wɔaye saa, na wɔn ho da so ye nkanyankanya, tantan no ara. Na meɔɔ pitiri nyanee. **22** “Mesan soo dae bio hui se, ɔmo kasiaw ason a eye fe na ewɔ ahoɔden se asow wɔ ɔmo dua baako so. **23** Eyinom akyi no, ɔmo kasiaw ason bi a apuei mframa abɔ no, ama akisa ayeye nkanyankanya nso fifii. **24** Ɔmo nkanyankanya no memenee ɔmo ason a eye fe na ewɔ ahoɔden no. Mekaa me dae no nyinaa kyereɛ nkonyaayifo no, wɔn mu biara antumi ankyere me ase.” **25** Enna Yosef ka

kyereɛ Farao se, “Wo dae abien a wososome no nyinaa nkyerease ye pɛ. Onyankopɔn nam dae no so reda biribi a ɔrebeye no adi akyerɛ wo. 26 Anantwi ason a wɔadodoɔ sɔrɔde no ne ɔmo kasiaw ason a eye fe, na ɛwɔ ahooɔden no ase kyere mfe ason; eye dae koro. 27 Anantwi ason a wɔafonfon, na wɔayeye nkanyankanya no ye mfe ason, na saa ara na ɔmo kasiaw ason a ayeye nhweanhweaa a apuei mframa ama akisa no te: eye ɔkɔm a ebeba mfe ason. 28 “Eye senea meka kyereɛ ɔhene no: Onyankopɔn akyerɛ wo nea ɔrebeye. 29 Mfe ason a edi kan no, aduan bebu wɔ Misraim asase so nyinaa, 30 nanso akyeri no, ɔkɔm kese bi beba mfe ason. Na nnipa were befi asetena pa a wonyaa no mfe ason a edi kan no mu no. ɔkɔm beposa asase no. 31 Esiane ɔkɔm a ebeki mmere pa a atwa mu no akyi no ano den a ebeye no nti, saa bere no wɔrenkae mmere pa no bio wɔ asase no so. 32 Saa dae abien a wosoo no kyere senea ɔkɔm no ano beye den afa. Ekyere se, nea ebeye biara, asem a maka akyerɛ wo no beba mu saa pɛpɛɛpɛ. Efise Onyankopɔn na wasi gyinae pi saa. Na ɛrenkyere koraa ebeba mu saa. 33 “Enti wɔmma ɔhene hwehwe onyansafo kese a ɔwɔ nhumu wɔ Misraim asase yi so, na ɔmfa ɔman yi mu kuadwuma ho asem nyinaa hye ne nsa. 34 Ma ɔhene Farao nyiyi nnipa, ntuatua amansin ahorow anum no ano. Na saa nnipa a wɔde wɔn betuatua amansin no ano no nyiyi nnɔbae a ebeba mmere pa mfe ason no mu no nkyemu anum mu baako, mfa nsie. 35 Eɛ se saa nnipa a wotuatua amansin no ano no boaboa nnuan a wobegyigye mmere pa mfe ason a nnuan bebu no, de gu asan so wɔ ɔhene Farao din mu. Wɔmfa saa nnuan no nhyehye asan so wɔ nkurow akese mu. 36 Nnuan yi na mfe ason a ɔkɔm beba wɔ Misraim asase so no, ɔmanfo no bedi. Saa nnuan yi na wɔde besie ama ɔman no. Se anye saa a, akynnye biara nni ho se, ɔkɔm beba ɔman no.” 37 Farao ne ne mpanyimfo no gyee asem a Yosef ka kyereɛ wɔn no nyinaa too mu. 38 Enti Farao bisaa wɔn se, “So yebeɔn obi a ɔte se ɔbarima yi, nea Onyankopɔn honhom ahye no ma?” 39 Na Farao dan n’ani ka kyereɛ Yosef se, “Onyankopɔn ayi saa dae yi ne ne nkyerease akyerɛ wo yi, obiara nni ho a ɔye onyansafo a ɔwɔ nhumu wɔ Misraimman yi mu se wo. 40 Mede saa adwuma kese yi nyinaa hye wo nsa. Asem biara a wobeka afa saa adwuma yi ho no, obiara nni ho asem ka wɔ Misraim nyinaa. M’ahengua a me Farao, mete so no nko ara na ema meye ɔkese sen wo.” 41 Enti Farao ka kyereɛ

Yosef se, “Mede Misraim asase nyinaa ahye wo nsa.” 42 Na Farao worɔw ne nsɔwano kaa de hyee Yosef nsa. ɔde sirikyɛ batakarɛ papa bi hyee Yosef, de sika ntweaban yan no. 43 ɔmaa Yosef teaseɛnam tenaa mu se n’abediakyiri. Baabiara a Yosef beko no, na nnipa di n’anim teɛteɛ mu se, “Momma kwan!” Saa ɔkwan yi so na ɔhene Farao fa de Misraim asase nyinaa hyee Yosef nsa. 44 Na Farao ka kyereɛ Yosef se, “Mene Farao, Misraimhene de, nanso obiara ntumi mfi w’akyi nye biribiara wɔ Misraimman yi mu baabiara, gye se woama ho kwan ansa.” 45 Farao maa Yosef ahennin se Safnat-Panea. Farao maa Yosef ɔbea nso waree. Na ababaa no din de Asnat a ɔye ɔbosom On kɔmfo Potifera babea. Enam eyi so maa Yosef nyaa tumi maa ne din hyetaa wɔ Misraim asase so nyinaa. 46 Bere a Yosef kɔɔ ɔhene Farao agua ase no, na wadi mfirihyia aduasa. Farao maa Yosef kwan maa ɔbɔɔ aporɔw faa Misraim asase so nyinaa. 47 Mfe ason a edi kan no mu no, aduan buu so wɔ Misraim asase so yiye. 48 Saa mfe ason no mu no, Yosef boaboa nnuan a ebuu so wɔ Misraimman mu no ano kɔkoraa wɔ nkuropon a ewowɔ Misraim no mu. Wɔde aduan biara a wonya fii kurow biara mu no bi siee wɔ ho. 49 Mfe ason akyi no, na Yosef akora nnuan wɔ nnuankorabea ho, ama abu so ara kosii se afei na obiara mmu ho nkontaa bio. 50 Ansa na ɔkɔm kese no rebeba no, na Yosef yere Asnat a ɔye ɔbosom On kɔmfo Potifera babea no awo mmabarima baanu. 51 Yosef too n’abakan no din Manase, a nkyerease ne Onyankopɔn ama me were afi m’amanehunɔ ne m’agya fi nyinaa. 52 Yosef babarima a ɔto so abien no nso, wɔtoɔ no din Efraim, a nkyerease ne Onyankopɔn ama m’ase afeɛ wɔ asase a mebaa so se akɔa no so. 53 Mfe ason a aduan buu so wɔ Misraim asase so no twaa mu. 54 Senea Yosef hyee nkɔm no, ɔkɔm a ebeba mfe ason a edi so no fii ase. ɔkɔm kese sii nsase a na atwa Misraim ho ahyia no nyinaa so, nanso Misraim asase ankasa so de, na aduan abu so. 55 Bere a ɔkɔm no sii denneennen wɔ Misraim asase so no, ɔmanfo no su free Farao. Farao ka kyereɛ Misraimfo nyinaa se, “Monko Yosef nkyen, na biribiara a ɔbeka akyerɛ mo se monye no, monye.” 56 Bere a ɔkɔm kese no treɔw faa ɔman no nyinaa mu no, Yosef buebuee ne nnuankorabea no nyinaa ano, tɔn aburɔw maa Misraimfo no, efise na ɔkɔm no ano ye den yiye ma wɔn. 57 Enti na aman a atwa Misraim ho ahyia no nyinaa kɔto aduan wɔ Yosef nkyen wɔ Misraim, efise na ɔkɔm a aba no ano ye den yiye.

42 Bere a Yakob tee se abuwow wɔ Misraim no, aka kyereɛ ne mmabarima no se, “Aden nti na morehwehwehwehwe mo ho mo ho anim keke yi?”

2 Yakob toaa so se, “Mate se abuwow wɔ Misraim. Monkɔ hɔ, na monkɔtɔ bi mmra na okɔm ankunkum yen.”

3 Enti Yosef nuabarimanom mpanyimfo du no kɔɔ Misraim se wɔrekɔtɔ abuwow no bi.

4 Nanso Yakob amma Benyamin a ɔye Yosef nua kumaa no ankɔ bi, efise na osuro se biribi beye no.

5 Enti Israel mmabarima no de wɔn ho bɔɔ atɔfo a wɔfifi aman ahorow so kɔtɔ abuwow wɔ Misraim no ho, efise na okɔm no atrew akodu Kanaan asase so mmaa nyinaa.

6 Na Yosef ye amrado wɔ Misraim asase so. Ono na ɔtɔn abuwow ma nnipa nyinaa wɔ ɔman no mu. Yosef nuabarimanom no koduu n’anim no, wobuu no nkotodwe, de wɔn anim nso butubutuw fam.

7 Bere a Yosef ani bɔɔ anuanom no so no, ohuu wɔn, nanso ɔyee ne ho senea onnim wɔn ma ɔhaahaa n’ani kasa kyereɛ wɔn se, “Mufi he?” Anuanom no buaa no se, “Yefi Kanaan asase so, na yeaba se yerebetɔ aduan.”

8 Na Yosef ahu ne nuanom no de, nanso wɔn de, na wonhuu no ɛ.

9 Yosef kaeɛ dae a mmere bi ɔso faa wɔn ho no ma aka kyereɛ wɔn se, “Moye akwansrafo! Morebehwe baabi a yen asase yi nni bammɔ.”

10 Anuanom no buae se, “Dabi da yen wura, wo nkoa bae se yerebetɔ aduan.

11 Yen nyinaa fi agya baako. Wo nkoa ye anokwafo, na yenye akwansrafo.”

12 Nanso Yosef tii mu se, “Dabi da, morebehwe baabi a yen asase yi nni bammɔ.”

13 Anuanom no buae se, “Na wo nkoa ye anuanom dumien, ɔpanyin bi a ɔte Kanaan asase so mma. Mprempren, yen kaakyiri no wɔ yen agya nkyen, na ɔbaako nso afi mu.”

14 Yosef ka kyereɛ wɔn se, “Asem no ara na meka kyereɛ mo no: Moye akwansrafo!

15 Okwan a mefa so de aɔ mo ahwe ni: Se Farao te ase yi, moremfi ha nkɔ da, kosi se mode mo kaakyiri no beba.

16 Monsoma mo mu baako, na ɔnkɔfa mo kaakyiri no mmra. Mede mo a moaka no nyinaa begu afiase. Eno na ebema yeahu se mo asem a moreka no ye nokware. Se ente saa a na Farao te ase yi, na moye akwansrafo!”

17 Na ɔde wɔn nyinaa guu afiase nnansa.

18 Nnansa so no, Yosef ka kyereɛ ne nuanom no se, “Moye onyamesuroni. Eno nti, monye eyi na moanya nkwa.

19 Se moye nokwafo ampa ara a, momma mo nua baako nna afiase ha na mo a moaka no nso nkɔtɔ abuwow no bi nkɔma mo fifo a okɔm rekum wɔn no.

20 Nanso nea ete biara no, momfa mo nua kumaa no mmekyerɛ me. Eno na ebema mahu

mo nsem no mu nokware na moanwuwu.” Wɔyee nea akaa no.

21 Wɔkeka kyerekyereɛ wɔn ho wɔn ho se, “Nokware, yen nuabarima yi nti na wɔretwe yen aso. Yehuu senea ɔpaa yen kyew se yenyaa no nanso yeantie no; eno nti na saa amanehunuu yi aba yen so no.”

22 Ruben buae se, “Manka ankyerɛ mo se monnye bɔne biara ntia abarimaa no? Nanso moantie! Afei na ese se yebu ne mogya ho akontaa.”

23 Esiane se na obi kyereɛ nsem a Yosef ka no ase kyereɛ wɔn no nti, na wonnim se Yosef te wɔn kasa no.

24 Yosef sɔre fii wɔn nkyen kosui. Ɔsan bae ne wɔn bekasae bio. Oyii Simeon fii wɔn mu, maa wokyekyerɛe no wɔ wɔn anim.

25 Yosef hyee se, wɔnhye wɔn nkotoku no abuwow amaama, na wɔnsan mfa obiara sika a anka ɔde rebetɔ abuwow no nhye ne kotoku mu, na wɔmma wɔn akwansoduan nso nka ho. Wɔyee eyi maa wɔn.

26 Wɔhyehyee wɔn abuwow nkotoku no wɔ wɔn mfurum no so ma wɔfii hɔ.

27 Wɔrekɔ no ara, wogyinaa kwan so anadwo homee. Eho na wɔn mu baako san ne kotoku se ɔrema n’afurum aduan adi. Ɔsan ne kotoku no, ohuu se ne sika a anka ɔde rekɔtɔ abuwow no hye kotoku no fa baabi.

28 Aka kyereɛ ne nuanom no se, “Wode me sika no asan ahye me kotoku no mu. Monhwe. Eno nil!” Saa asem yi maa wɔn koma tutui. Enti wɔhwehwee wɔn ho wɔn ho anim kae se, “Den na Onyankopɔn aye yen yi?”

29 Woduu wɔn agya Yakob nkyen wɔ Kanaan no, wɔbɔɔ no nsem a asisi no nyinaa ho amannee. Wɔkae se,

30 “Yeduu Misraim asase so no, ɔbarima a ɔhwe asase no so no poopoo n’ani, kyereɛ yen se yeye akwansrafo.

31 Nanso yebuaa no se, ‘Yeye nnipa pa, na yenye akwansrafo.

32 Yeye anuanom dumien a yefi agya baako. Ɔbaako afi mu. Mprempren, yen kaakyiri no wɔ yen agya nkyen wɔ Kanaan.’

33 “Na ɔbarima a ɔhwe asase no so ka kyereɛ yen se, ‘Okwan a mepe se mefa so so mo hwe ni: Munnyaw mo nuanom baako wɔ me nkyen ha, na monkɔtɔ abuwow no bi nkɔma mo fifo a okɔm rekum wɔn no.

34 Nanso momfa mo nua kumaa no mmekyerɛ me. Eno na ebema mahu se monye akwansrafo na moye nnipa pa. Na mede mo nua no bema mo, na mubetumi adi gua wɔ asase yi so.”

35 Bere a wɔrehwiehweh wɔn abuwow no afi wɔn nkotoku no mu no, obiara huu ne sika a anka ɔde rekotua abuwow no ka wɔ ne kotoku no ano. Wone wɔn agya huu sika no, wɔn koma tutui.

36 Eyee saa maa wɔn agya Yakob ka kyereɛ wɔn se, “Moama mahwere me mma. Yosef nni ho; Simeon nso nni ho;

afei moƣe se mofa Benyamin nso ka ho! Biribiara ko tia me.” 37 Ruben ka kyereɛ n’agya se, “Se mamfa Benyamin ansan amma a, wowo ho kwan se wukum me mmabarima baanu no si anan. Fa no hye me nsa, na mesan de no abre wo.” 38 Nanso Yakob buae se, “Me babarima no ne morenko ho, efise ne nuabarima awu ama aka ono nko. Se saa kwan a morebetu yi, asiane bi kosiane no a, mewu.” (Sheol h7585)

43 Saa bere no mu no, na okom no ano da so ye den wo asase no so nyinaa. 2 Enti bere a aduan a wokoto fii Misraim bae no reye asa no, won agya Yakob ka kyereɛ won se, “Monsan nko nkoto aduan kakra mmra bio.” 3 Nanso Yuda ka kyereɛ n’agya Yakob se, “Owura no sua kyereɛ yen denneennen se, ‘Se moamfa mo nua kumaa no anka mo ho amma a, munnsi m’anim ha bio.’ 4 Se wobema yene yen nua kumaa no ako de a, eno de, yebesan ako akoto aduan no bi abre wo. 5 Nanso se woamma yeamfa no anko de a, yerenko, efise owura no suaa denneennen se, ‘Se mo nua kumaa no nka mo ho a, munnsi m’anim bio.’” 6 Israel bisaa ne mma no se, “Aden nti na moka kyereɛ owura no se mowo nua kumaa bi wo ho, na mode saa ohaw yi abeto me so?” 7 Anuanom no buaa won agya Israel se, “Owura no nyaa adagyew, too ne bo ase bisaa yen ne yen abusuafo ho nsem nyinaa se, ‘Mo agya da so te ase ana? Mowo onua foforo bi ka mo ho?’ Nsem a obisaa yen no na yebuaa no. Na yennim se obeka se, ‘Momfa mo nua kumaa no mmra.’” 8 Eho na Yuda ka kyereɛ n’agya Israel se, “Fa yen nua no hye me nsa, na yensi mu nko ntem nkoto aduan no bi mmra, na okom ankum yen ne wo ne yen mma. 9 M’ankasa mehwe abofra no so. Se mamfa no amma a, bisa me. Se mamfa no amma, ammegyina w’anim ha, amma woanhu se wo ba no ni a, saa asodi no nna me so me nkwanna nyinaa. 10 Se yeantwentwen yen nan ase a, anka saa bere yi, yeako aba beye mprenu.” 11 Afei, won agya Israel ka kyereɛ won se, “Se meye ho hwee na erenye yiye de a, eno de, momfa asase yi so nnepa a bi ne akyenkyennuru kakra, ewo kakra, aduhuam, kurobow, nkate ne onsonkoran aba nhye mo nkotoku mu, nkoye owura no aye. 12 Sika a mode reko no nso, monye no mmoho efise ese se mosan de sika a kan no mode koe na osan de hyee mo nnesoa mu bae no koma no. Ebia na eyee no anipaso. 13 Momfa mo nua no nso nka mo ho, na munsu mu ntemntem nko. 14 Otumfo Nyankopon nnyina mo akyi, na owura no

nhu mo mmobo, na onyaa mo nua panyin Simeon, na omfa Benyamin nso nka mo ho, na mo nyinaa nsan mmra. Se ese se midi won wu ho awerehow nso a, minni asem biara ka.” 15 Enti Israelmma no faa akyede ahorow a wode reko akoye owura no aye no, ne won sika mmoho abien, ne won nua kumaa Benyamin kaa won ho, sii mu koe. Woduu Misraim no, wokoyii won ho adi kyereɛ Yosef. 16 Bere a Yosef huu se Benyamin ka won ho no, oka kyereɛ ne fi somfo panyin no se, “Fa nkurofo no ko me fi, na kum aboa bi, na womfa nnoa aduan, na awia me ne won bedidi.” 17 Osomfo panyin no yee senea Yosef kae no ma ode nkurofo no koo Yosef fi. 18 Ode won duu Yosef fi no, wosuroe. Wokae se, “Gyama esiane dwete a yebetoo aduan a edi kan no wode hyehyee yen nkotoku mu no nti na ode yen aba ha. Ope se ode koron to yen so, na ofa yen se ne nkoa, na osan fa yen mfurum no nyinaa.” 19 Woduu Yosef fi kwan no ano no, wokoo Yosef somfo panyin no nkyen. 20 Woka kyereɛ no se, “Yen wura, yesre wo, yebaa ha bere bi a atwa mu betoo aduan. 21 Bere a yeresan ako yen kurom a ade sae, na yesoesoe no, asoe ho na yebuebue yen nkotoku ano, na yehuu se obiara sika a okurae a anka ode rekoto abuwor no hye ne kotoku no mu perepere. Eno nti, yeasan de aba. 22 Yeasan de sika foforo aba se yede rebeto aduan. Yennim onipa ko a ode saa sika no hyehyee yen nkotoku no mu.” 23 Osomfo panyin no ka kyereɛ won se, “Enye asem biara. Munnsuro. Onyame a mosom no ne mo agya Nyame a osom no no na ode saa sika no hyehyee mo nkotoku no mu maa mo. Na mo sika no de, yegyee.” Afei, oyii Simeon fii afiasa ho de no breɛ won. 24 Osomfo panyin no de won koo Yosef fi, maa won nsu hohoroo won anan ase, na omaa won mfurum no nso aduan dii. 25 Woboabooa akyede a wode bema Yosef no ano de twen no, efise na wote se wobedidi wo fie ho awia no. 26 Bere a Yosef bae no, anuanom no buu no nkotodwe, de won akyede no maa no. 27 Yosef bisaa won senea won ho te. Otoaa so se, “Mo agya akwakoraa a mokaa ne ho asem no ho te den? Oda so te ase ana?” 28 Wobuaa no se, “W’akoa a oye yen agya no ho ye. Oda so te ase.” Wode obu ne nidi too won mu ase wo n’anim. 29 Bere a n’ani too ne na ba Benyamin anim no, obisae se, “Oyi ne mo nua kumaa a mokaa ne ho asem kyereɛ me no ana?” Otoaa so se, “Me ba, Onyankopon nnom wol!” 30 Yosef huu ne nua kumaa Benyamin no, ne were howee, enti oye ntem fii adi kohyee ne pia mu kosui.

31 Osu wiee no, ɔhohoroo n'anim, san bae de animia kae se, "Momma yennidil!" 32 Wɔtoo Yosef pon wɔ baabi, na wɔtoo anuanom no nso pon wɔ baabi wɔ ɔdan koro no ara mu. Misraimfo a woye Yosef asomfo no nso didii wɔ baabi foforo, efise Misraimfo no mmu Hebrifo, na wɔne wɔn ato nsa adidi. 33 Wɔde Yosef nuanom no tenatenaa ase mpanyin mu. Eyee saa maa anuanom no de ahodwiriw hwehwɛe wɔn ho wɔn ho anim. 34 Wotitii nnuan no fi Yosef pon so kɔmaa wɔn no, na Benyamin de no dɔɔso sen ne nua biara de mpen anum. Emaa wɔne Yosef de anigye ne ahosepew didi nomee.

44 Afei, Yosef hyee ne somfo panyin no se, "Fa aduan dodow biara a mmarima no betumi asoa no hye wɔn ntokoku no amaama, na fa obiara sika nso hye ne kotoku mu ma no. 2 Na fa me dwete kuruwa no ka akumaa no aduan no sika ho, na fa hye ne kotoku no mu." Na ɔyee senea Yosef kaa no pepɛɛɛ. 3 Ade kyee anɔpa no, ogyaa anuanom no ne wɔn mfurum no kwan. 4 Wɔannu akyiri baabiara, na Yosef ka kyeree ne somfo panyin no se, "Tiw nkurofo no ntem, na se woto wɔn a, bisa wɔn se, 'Aden nti na mode bɔne tua papa ka? Aden nti na moawia me dwete kuruwa? 5 Enye saa kuruwa yi a me wura nom ano na ɔhwe mu ka nhumusem no ni? Eyi ye bɔne kese a moaye.'" 6 Ɔkɔtoo wɔn no, otii saa asem koro yi ara mu kyeree wɔn. 7 Nanso anuanom no buaa no se, "Aden nti na yen wura keka saa nsem yi? Empare wo nkoa se wɔbeyɛ ade a ete saa! 8 Sika a yehuu wɔ yen ntokoku mu no, yeansan amfa amfi Kanaan ammɛ mo ana? Aden nti na ese se yewia dwete anaa sikakokɔ fi wo wura fi? 9 Se wuhu saa kuruwa no wɔ wo nkoa no biara nkyen a, okum na ese se wukum saa onipa no. Na se eba saa nso a, yen nyinaa beyɛ wo wura nkoa." 10 Ɔsomfo no buae se, "Eye, na nea owiae no nko na ɔbeyɛ m'akoa; na mo a moaka no befa mo ho adi." 11 Anuanom no nyinaa yiyii wɔn nnesoa no fii mfurum no so guu fam, sansan wɔn ntokoku no ano. 12 Na ɔsomfo no fii ase, hwehwɛe wɔn ntokoku no mu fi ɔpanyin no so kosii akumaa no so. Wohuu kuruwa no wɔ Benyamin kotoku no mu. 13 Ebaa saa no, anuanom no sunsuan wɔn ntade mu. Afei, wɔn nyinaa san hyehyee wɔn nnesoa no wɔ wɔn mfurum no so, san kɔɔ kurow no mu. 14 Bere a Yuda ne ne nuanom no koduu kurow no mu ho no, na Yosef da so wɔ ne fi ho. Enti wɔn nyinaa totow wɔn ho guu fam wɔ n'anim. 15 Yosef bisaa wɔn se, "Den ade na moaye yi? Munnim

se onipa a ɔte se me nam nhumusem so betumi ahu biribiara mu ana?" 16 Yuda buae se, "Anoyi bɛn na yebetumi ayi wɔ me wura anim? Asem bɛn na yewo ka? Yɛbeyɛ den na yeatumi ama woahu se yenni saa asem yi ho fo? Onyame ada yen w'asomfo afɔdi yi adi. Yene nea wohuu kuruwa no wɔ no nkyen no nyinaa ye yen wura nkoa." 17 Nanso Yosef kae se, "Empare me se meye ade a ete saa. Onipa a wohuu kuruwa no wɔ ne nkyen no nko ara na ɔbeyɛ m'akoa. Mo a moaka no de, monsan nkɔ mo agya nkyen asomdwoe mu." 18 Yuda sɔre kɔɔ Yosef anim, ka kyeree no se, "Ma me a meye w'akoa no kwan na me ne wo, me wura, nkasa. Ewɔ mu se wo ne Farao ye pɛ de, nanso mesɛ wo, nya ntoboase ma w'akoa. 19 Me wura bisaa n'asomfo no se, 'Mowo agya anaa onuabarima bi?' 20 Na yebuae se, 'Yewo agya a wabɔ akwakoraa ne yen kaakyiri a ɔwoo no ne nkwakoraabere mu. Ne nuabarima a ɔka ne ho no awu. Na ɔno nko ara ne ne na ba a waka. N'agya pɛ n'asem yiye.' 21 "Na ɔka kyeree w'asomfo se, 'Momfa no mmra, na menhwe no.' 22 Yeka kyeree me wura se, 'Abarimaa no rentumi ntew ne ho mfi n'agya ho. Na se eba se ɔtew ne ho fi n'agya ho a, n'agya no bewu.' 23 Enna woka kyeree w'asomfo se. 'Se moamfa mo nua kumaa no anka mo ho amma a, munnsi m'anin bio.' 24 Yesan kɔɔ w'akoa, yen agya nkyen no, yekaa wo a woye yen wura no nsem a woka kyeree yen no nyinaa kyeree no. 25 "Na yen agya kae se, 'Monsan nkɔ bio nkɔɔ aduan kakra mmra.' 26 Nanso yeka kyeree yen agya se, 'Yerentumi nkɔ, gye se yen nua kumaa no ka yen ho. Se yeamfa yen nua kumaa no anka yen ho ankɔ a, yerentumi nkɔ owura no anim.' 27 "W'akoa, yen agya, ka kyeree yen se, 'Munim se me ne me yere woo mmabarima baanuu. 28 Wɔn mu baako fii me nkyen kɔe a manhu no bio ma mekae se, 'Aboa bi atetew no pasaa.' Efi saa bere no, minhuu no bio. 29 Se mofa oyi fi me nkyen, na asiane bi kosiane no wɔ kwan so a, me nso, mede awerɛhow bewu bi.' (Sheol h7585) 30 "Enti saa bere yi, se yekopue fi w'akoa, yen agya, anim na abofra yi nka yen ho, ne senea ne koma da abofra no so fa no, 31 se ohi se abofra no nka yen ho a, obewu. Wo nkoa bɛma wɔn agya de ne ti so dwen akɔ asaman awerɛhow mu. (Sheol h7585) 32 W'akoa a ɔde ne ho dii abofra no akagyinamu se ɔde no beba no kae se, 'Se mamfa no ansan ammɛ wo a, eho asodi no mmɛda me so, me nkwan na nyinaa.' 33 "Afei, mesɛ wo, ma w'akoa nsi abofra no anan mu wɔ ha, na ma abofra no ne ne nuabarimanom no nsan nkɔ. 34 Na se

abofra no anka me ho anko a, meye den na makopue wo m'agya anim? Dabi! Merentumi nnyina ahohia a ebeto m'agya wo saa asem yi ho no ano."

45 Afei, na Yosef ye ne ho hwee a, enye yiye wo n'asomfo no nyinaa anim. Enti etee mu kyeree n'asomfo no se, "Obiara mfi ha nko." Enti bere a oyii ne ho adi kyeree ne nuanom no, na asomfo no mu biara nni ho. **2** Osuu denneennen maa Misraimfo no tee, Farao fifo tee asem no. **3** Yosef ka kyeree ne nuabarimanom no se, "Mene Yosef! M'agya te ase ana?" Nanso asem no bo wo wɔn piriw ma wɔtotɔɔ mum wo n'anim. **4** Yosef ka kyeree ne nuabarimanom no se, "Montwiw mmen me." Wotwiw ben no no, aka kyeree wɔn se, "Mene mo nuabarima Yosef. Me na motɔn me ma wɔde me kɔɔ Misraim no. **5** Mommma biribiara nhaw mo. Na monnkasakasa so se motɔn me ma wɔde me baa ha. Onyankopɔn na ɔye. Ono na ɔsoma me, dii mo anim baa ha se mimmegye mo nkwa. **6** Mfe abien ni a ɔkom baa asase yi so. Mfe anum a ereba yi nso, obiara rennea, na obiara nso rentwa. **7** Onyankopɔn asoma me ha se memma mo ne mo fifo ntena nkwa mu, na moaye ɔman kese. **8** "Enti enye mo na mode me baa ha, na eye Onyankopɔn ankasa! Waye me Farao fotufo ne ne fi sohwefo, na ɔde Misraiman nyinaa nso ahye me nsa. **9** Afei, monka mo ho nko m'agya nkyen nkoka nkyere no se, 'Senea wo babarima Yosef se ni, Onyankopɔn aye me Misraiman nyinaa sohwefo. Enti ntwentwen w'anan ase koraa, na bra Misraim! **10** Wobeba abetena Gosen asase so, na woaben me. Fa wo mma, wo nananom, wo nguan ne w'anantwi ne biribiara a wowo bra. **11** Se woba ho a, mehwe wo, efise aka saa ɔkom kese yi mfe anum. Se anye saa a, wo ne wo fifo ne wɔn a woka wo ho nyinaa bedi hia buruburoo.' **12** "Mo ne me nua Benjamin nyinaa di adanse se, ampa ara, eye me Yosef na me ne morekasa yi. **13** Monka anuonyam a Onyame adom nti, wɔahye me wo Misraim asase so ne biribiara a mo ankasa mode mo ani abehu no nyinaa ho asem nkyere m'agya. Monkofa m'agya nsian mmre me ntem." **14** ɔye Benjamin atuu, sui, a anigye ne awerschow adi afra. Benjamin nso fii ase sui. **15** Ofifew ne nuanom no nyinaa ano sui, na eno akyi no, wotumi ne no kasae. **16** Bere a wotee wo Farao fi se Yosef nuanom no aba no, Farao ne ne mpanyimfo a woka ne ho no nyinaa ani gyei. **17** Farao ka kyeree Yosef se, "Ka kyere wo nuanom no se, wɔmfa nneema nsoasoa wɔn mmoa no, na wɔnko Kanaan asase so, **18** na wɔnkofa wɔn

agya ne wɔn abusuafo nyinaa mmra Misraim asase so ha mmetena ha. Ka kyere wɔn se, 'Farao bema mo Misraim asase no fa a eye pa ara atena so. Wobedi asase no so nnepa!' **19** "Ka kyere wɔn se, 'Momfa nteaseenam mfi Misraim ha nkɔfa mo yerenom ne mo mma. Momfa mo agya nso nka ho mmra. **20** Monnhaw mo ho wo mo agyapade ho, efise mede nnepa a ewo Misraim asase so nyinaa no bi bema mo.'" **21** Enti Yosef maa wɔn nteaseenam ne nnuan a wobedi wo ɔkwan so, senea Farao hyee no. **22** ɔmaa ne nuanom no mu biara atade foforo, nanso Benjamin de, ɔmaa no ntade ahorow anum ne dwete kilogram abiesa ne fa. **23** Saa nneema a edidi so yi nso na Yosef de kɔmaa n'agya Israel: mfurumnini du a wɔahyehye Misraim nneema pa wo wɔn so, mfurummmere du a wɔsoso aburɔw, brodo ne nnuan ahorow ne n'akwansoduan. **24** Ogyaa ne nuanom no kwan, na akwannya no mu no, aka kyeree wɔn se, "Monnkɔkasakasa wo ɔkwan so." **25** Enti wofii Misraimman mu kɔɔ wɔn agya Israel nkyen wo Kanaan asase so. **26** Wodui no, wɔde anigye bo wo wɔn agya amannee se, "Yosef te ase! Nokwasem ni, ono na odi Misraiman nyinaa so!" Israel tee saa asem no, ne ho dwiriw no. Wannye anni. **27** Na bere a wɔkaa nsem a Yosef ka kyeree wɔn se wɔmmeka no wiee no, na ohuu nteaseenam a Yosef de somaa se wɔmfa mmefa no no, wɔn agya Yakob ho san no. **28** Na Israel kae se, "Magye nsem no nyinaa adi. Me ba Yosef da so te ase. Meko akohu no ansa na mawu."

46 Enti Israel de n'ahode nyinaa sii mu koduu Beer-Seba. ɔbo wo Onyankopɔn a na n'agya Isak som no no afɔre wo ho. **2** Anadwo anisoadehu mu no, Onyankopɔn frɛe Yakob se, "Yakob! Yakob!" Yakob gye so se, "Me ni." **3** Onyankopɔn ka kyeree no se, "Mene Onyankopɔn. Onyankopɔn a w'agya som no. Nsuro se wobeko Misraim, efise mema w'ase adɔ aye ɔman kese wo ho. **4** M'ankasa ne wo beko Misraim, na masan de wo aba ha. Edu bere a worebewu a, wubewu wo Yosef nsam." **5** Na Yakob sii mu fii Beer-Seba. Israelmma no de wɔn agya Yakob, wɔn yerenom ne wɔn mma tenatenaa nteaseenam a Farao soma ma wɔde befaa wɔn no mu. **6** Wɔfaa wɔn mmoa ne wɔn agyapade a wɔanya wo Kanaan asase so no nyinaa kaa wɔn ho kɔɔ Misraim. Yakob ne n'asefo nyinaa sii mu kɔɔ Misraim. **7** Israel de ne mmabarima, ne nenanom, ne mmabea ne wɔn mma a wɔn nyinaa ye n'asefo kaa ne ho kɔɔ Misraim. **8** Din a edidi so yi ye Israelfo, Yakob asefo a ɔde wɔn kɔɔ Misraim. Ruben ye

Yakob abakan. **9** Ruben nso mmabarima din na edidi so yi: Hanok, Palu, Hesron ne Karmi. **10** Simeon nso mmabarima ye: Yemuel, Yamin, Ohad, Yakin, Sohar ne Saulo a ne na ye Kanaanni. **11** Lewi mmabarima din na edidi so yi: Gerson, Kohat ne Merari. **12** Yuda nso mmabarima ye: Er, Onan, Sela, Peres ne Serah. Nanso Er ne Onan de, wowuwu wɔ Kanaan asase so ansa na Israel reba Misraim asase so. Peres mmabarima ye: Hesron ne Hamul. **13** Isakar mmabarima nso ye: Tola, Puwa, Hiob ne Simron. **14** Sebulon mmabarima nso ye: Sered, Elon ne Yakleel. **15** Wɔn a wɔabobo wɔn din yi ye Lea mma a ɔne Yakob woo wɔ Paddan-Aram a ne babea Dina nso ka ho. Saa mmabarima ne ne babea yi nyinaa dodow si nnipa aduasa abiesa. **16** Gad nso mma din na edidi so yi: Sifion, Hagi, Suni, Esbon, Eri, Arodi ne Areli. **17** Aser nso mma din na edidi so yi: Yimna, Isua, Isui ne Beria ne wɔn nuabea Sera. Beria nso mma ye: Heber ne Malkiel. **18** Eyinom nso ne Silpa, afenaa a Laban de no maa ne babea Lea a ɔno nso de no maa ne kunu Yakob waree no mma. Wɔn nyinaa dodow ano si nnipa dunsia. **19** Yakob yere Rahel mma ye: Yosef ne Benjamin. **20** Yosef ne ne yere Asnat, a ɔye Potifera a ɔye On bosomfo babea woo Manase ne Ephraim wɔ Misraim. **21** Benjamin nso mmabarima din na edidi so yi: Bela, Beker, Asbel, Gera, Naaman, Ehi, Ros, Mupim, Hupim ne Ard. **22** Saa nnipa a wɔabobo wɔn din yi ye Rahel mmabarima a ɔne Yakob woe. Wɔn nyinaa dodow ye nnipa dunan. **23** Dan babarima ye Husim. **24** Naftali nso mmabarima din na edidi so yi: Yahseel, Guni, Yeser ne Silem. **25** Bilha a ɔye Laban afenaa a ɔde no maa ne babea Rahel mmabarima a ɔne Yakob woo no na wɔabobo wɔn din yi. Na wɔn dodow ye nnipa baason. **26** Nnipa a Yakob de wɔn kɔ Misraim nyinaa, a wɔye n'asefo ankasa, a ne mmabarima yerenom nka ho dodow ye aduosia asia. **27** Se wɔde Yosef mmabarima baanu a ɔwoo wɔn wɔ Misraim no ka ho a, na Yakob asefo a ɔde wɔn kɔ Misraim no nyinaa dodow ye nnipa aduason. **28** Israel somaa Yuda ma odii kan kɔ Yosef ho kobisaa no Gosen kwan. Akyiri no, wokoduu Gosen. **29** Yosef siesiee ne nteaseenam ma wɔkɔ Gosen kohyiaa n'agya Israel. Yosef duu n'agya Yakob anim pe na ɔbam no, sui ara kwansin. **30** Israel ka kyere Yosef se, "Ohu a mahu wo se wote ase yi nti, se owu befa me nne koraa a, mepe." **31** Yosef ka kyere ne nuanom no ne n'agya fifo no se, "Meƙo akɔka akyere Farao se, 'Me nuabarimanom ne m'agya fifo a na anka wote Kanaan asase so nyinaa aba ha

abeka me ho. **32** Mmarima no ye nguanhwefo. Wohwe mmoa so. Na wɔde wɔn nguan ne wɔn anantwi ne biribiara a wɔwɔ aba.' **33** Se Farao fre mo, na obisa mo se, 'Adwuma ben na moye a,' **34** momma no mmuae se, 'Wo nkoa ayen mmoa fi wɔn mmofraase, te se nea yen agyanom yee no ara peperepe.' Se moka saa kyere no a, ɔbema mode Gosen aye mo atenae, efise Misraimfo kyi nguanhwefo ƙɔƙɔƙo."

47 Yakob mma no beduu Misraim asase so no, Yosef ƙɔka kyere Farao se, "M'agya ne me nuanom no de wɔn nguan ne wɔn anantwi ne wɔn agyapade nyinaa afi Kanaan asase so aba, na wɔwɔ Gosen asase so." **2** Yosef yii ne nuabarimanom no mu baanum de wɔn kokyia Farao. **3** Farao bisaa anuanom no se, "Adwuma ben na moye?" Wobuaa no se, "Wo nkoa ye nguanhwefo, senea na yen agyanom nso ye nguanhwefo no." **4** Anuanom no toaa so se, "Yeaba ha se ananafo a yerebetena ha kakra, efise ɔƙom no ano ye den yiye wɔ Kanaan asase so ho, na wo nkoa nguan nnya aduan nni. Enti yeresre wo kwan na yeatena Gosen asase so ha." **5** Farao ka kyere Yosef se, "W'agya ne wo nuanom aba wo nkyen. **6** Misraim asase nyinaa hye wo nsa. Ma w'agya ne wo nuabarimanom baabi pa na wɔntena. Ma wɔntena Gosen asase so. Se wunim wɔn mu bi a wɔwɔ mmoayen ho nimdee a, ma wɔnhwe me nguan so mma me." **7** Afei, Yosef ƙɔfaa n'agya Yakob de no bekyiaa Farao ma Yakob hyiraa no. **8** Farao bisaa Yakob se, "Woadi mfe ahe?" **9** Yakob buaa Farao se, "Madi mfe ɔha ne aduasa a ɔhaw ne abebrese wɔ mu. Minnu m'agyanom nkwan na a wode tenaa asase so no ho hwee." **10** Na Yakob hyiraa Farao, na ofii n'anim ƙɔe. **11** Enti Yosef bɔɔ n'agya ne ne nuanom no atenase wɔ Misraim asase so. ɔmaa wɔn agyapade wɔ asase no fa baabi a eye pa ara wɔ Rameses mansin mu, senea Farao hyee no. **12** Yosef maa n'agya ne ne nuanom no aduan senea wɔn mma dodow te. **13** Na aduan nni ho baabiara, efise na ɔƙom a aba no ano aye den yiye. Saa ɔƙom yi kaa Misraim ne Kanaan asase nyinaa ma emu nnipa ne nnɔbae twintwamee. **14** Yosef prapraa Misraim ne Kanaan asase so sika nyinaa a onya fii aduantɔn no mu no baa Farao ahemfi. **15** Bere a nnipa a wɔwɔ Misraim ne Kanaan asase so ho sika nyinaa sae no, Misraim nnipa nyinaa baa Yosef nkyen beka kyere no se, "Yen ho sika nyinaa asa, enti ma yen aduan nni! Aden nti na ese se yewuwu?" **16** Yosef buaa wɔn se, "Se mo

sika asa de a, momfa mo nguan ne mo anantwi mmra mmegye aduan.” 17 Enti wode won mmoa no breɛ Yosef. Mmoa a wode won besesaa aduan no ye apɔnko, nguan, mmirekyi, anantwi ne mfurum. Saa afe no mu no, wode won mmoa nyinaa besesaa aduan. 18 Afe akyi no, Misraimfo no nyinaa baa Yosef nkyen bekae se, “Yerentumi mfa biribiara nhintaw yen wura. Yen ho sika nyinaa asa, na yen anantwi nso ye wo dea. Hwee nni ho bio a yebetumi de abre wo, yen wura, se yen nnipadua ne yen nsase nko. 19 Aden nti na ese se yehwere yen nkwa ne yen nsase wo w’anim! Afei, ma yemfa yen nnipadua ne yen nsase nyinaa mmesesa aduan. Yede yen ho ne yen nsase nyinaa beko nkoasom mu. Ma yen aburow, na okom ankum yen, amma asase no nso anna mpan.” 20 Enti Yosef too Misraim nsase nyinaa maa Farao. Esiane okom no ano den nti, Misraimfo no ton won nsase no nyinaa. Eyee saa ma nsase no nyinaa bedii Farao nsam. 21 Efi Misraim ti kosi ti, Yosef de mu nnipa nyinaa beyee ne nkoa. 22 Asofo nko ara nsase na wanto, efise asofo no de, na Farao atwa anoduan bi de ama won. Ne saa nti na won de, wanton won nsase no. 23 Yosef ka kyeree nnipa no se, “Afei a mato mo ne nsase de ama Farao yi, mo nso, munnye aburow nkodua. 24 Na se aburow no ye yiye, na mutwa a, momfa nkyemu anum mu baako mmre Farao. Na nkyemu anum mu anan a ebeka no, mo ne mo fifo ne mo mma nni bi, na munnyaw bi nso a mubedua.” 25 Wokae se, “Anokwa, woagye yen nkwa. Ka kyere yen wura Farao se, onnye yen nto mu, na yenye nkoa.” 26 Enam saa asem yi so maa mmara a Yosef hyee se womfa asase no so nnobae nyinaa mu nkyemu anum mu baako mma Farao no da so wo ho besi nne. Asofo no nsase nko ara na ankodi Farao nsam. 27 Israelfo no bo atenase wo Gosen mansin a ewo Misraim asase so no so. Wonyaa agyapade wo ho, na won ase nso feee yiye. 28 Yakob tenaa Misraim mfe dunson. Odii mfirmihya oha ne aduanan ason ansa na orewu. 29 Eduu se Yakob rebewu no, ofree ne ba Yosef, ka kyeree no se, “Me ba, se wodo me de a, ka ntam di nsew se, wobeye me adae, adi me nokware. Se miwu a, nsie me wo Misraim ha. 30 Se miwu a, momfa me mfi Misraim ha, nkosie me wo faako a wosiee me mpanyimfo no.” Yosef hyee bo se, “Medi asem a woaka no so.” 31 Yakob kaa bio se, “Ka ntam kyere me.” Yosef kaa ntam no, na Israel nso butuw ne pema so saree Onyankopon.

48 Mmere bi akyi no, woka kyeree Yosef se, “W’agya yare.” Enti Yosef faa ne mmabarima baanu, Efraim ne Manase kaa ne ho kosraa no. 2 Bere a woboo Yakob amannee se, “Wo ba Yosef aba wo nkyen rebesra wo” no, Yakob miaa n’ani sare tenaa ne mpa so. 3 Yakob ka kyeree Yosef se, “Otumfo Nyankopon yii ne ho adi kyeree me wo Lus a ewo Kanaan asase so. Eho na ohyiraa me, 4 ka kyeree me se, ‘Mema woawo, ama w’ase afee. Mema w’asefo aye oman kese. Mede saa asase yi bema w’asefo afeboo se won agyapade.’ 5 “Eno nti, mede wo mma baanu a wowoo won maa wo ansa na mereba wo nkyen wo Misraim asase so ha no beka me mma no ho. Efraim ne Manase beka me mma ho, sene Ruben ne Simeon ye me mma no. 6 Mma foforo biara a wobewo won wo Efraim ne Manase akyi no na wobeye wo de. Wode won beka won nuanom no ho wo asase a wode bema won se won agyapade no so. 7 Bere a mifi Paddan-Aram reba no, ababaa Rahel wuu wo okwan mu ma eyee me yaw. Na aka akwansin kakraa bi na yeadu Efrat. Eno nti, misiee no wo Eufate, a wofre no Betlehem no kwankyen baabi.” 8 Bere a Israel huu Yosef mmabarima no, obisae se, “Na eyinom ye hefo?” 9 Yosef buaa n’agya se, “Woye mmabarima a Onyankopon de won adom me wo ha.” Na Israel kae se, “Fa won bra m’anim ha na minhyira won.” 10 Saa bere no, esiane onyin nti, na Israel ani so aye wusiwusi a onhu ade papa. Ne saa nti, Yosef de ne mma no koo ne nkyen pee ma oyee won atuu, fifew won ano. 11 Israel ka kyeree Yosef se, “Manna mannwene se mehu w’anim bio da, nanso hwe nea Onyame aye. Wama me ho kwan ama mahu wo mma nso.” 12 Yosef maa won so fii Israel kotodwe anim, na ono ara nso buu kotodwe de n’anim butuw fam. 13 Osore no, ode ne nsa nifa soo Efraim mu, de no gyinaa Yakob benku so, na ode ne nsa benku soo Manase mu, de no gyinaa Yakob nifa so ben no pee. 14 Israel teee ne nsa nifa de too Efraim a oye akumaa no apampam, na ode ne nsa benku no too Manase nso apampam. Ewo mu se na Manase ye abakan de, nanso ode ne nsa benku na etoo n’apampam. 15 Ohyiraa Yosef se, “Onyankopon a m’agyanom Abraham ne Isak nantew n’anim, ne me Nyankopon a ohwee me se oguanhwefo de besi nne no, 16 osoro bofo a ogyee me fii ohaw nyinaa mu no, onhyira saa mmarimaa yi. Womfa me din ne m’agyanom, Abraham ne Isak din ntoto won, na won ase mfee wo asase so.” 17 Bere a Yosef huu se n’agya de ne nsa nifa ato Efraim

apampam no, anye no de. Enti oyii n'agya nsa nifa no fii Efraim apampam, kotoo Manase apampam. **18** Yosef ka kyereɛ n'agya se, "Dabi, m'agya, oyi ne m'abakan, nti fa wo nsa nifa to n'apampam." **19** Nanso n'agya ampene so kae se, "Me ba, minim saa. Ono nso beye aman, na waye okese. Nanso ne nua kumaa no beye okese asen no, na n'asefo beye aman bebreɛ." **20** Enti da no, Yakob hyiraa mmariamaa no se, "Israelfo nyinaa nam mo din so behyirahyira won ho won ho. Wobeka se, 'Onyankopon behyirahyira mo, ama moako so fromfrom te se Efraim ne Manase.'" Saa okwan yi so na Yakob fa maa Efraim bedii Manase anim. **21** Na Israel ka kyereɛ Yosef se, "Merebewu, nanso Onyankopon behwe mo so, na wasan de mo ako Kanaan, mo agyanom asase so bio. **22** Wo a mprenpren woabeye wo nuanom nyinaa so panyin no, mede asase a menam me afoa ne m'agyan so gye fii Amorifo nkyen no rema wo."

49 Yakob free ne mmabarima nyinaa ka kyereɛ won se, "Mummetwa me ho nhyia, na menka mo nea ebɛba mo so daakye. **2** "Yakob mmabarima, mommoaboa mo ho ano, na muntie; muntie mo agya Israel. **3** "Ruben, wo na woye m'abakan. Wo na woye me tumi ne m'ahooden nsenkyerɛne a edi kan a eboro anuonyam ne tumi so. **4** Woye kitikiti se asorɔkye, nanso worenko so bio, efise woforo w'agya mpa ne ne yere kodae, de guu m'anim ase. **5** "Simeon ne Lewi ye anuanom. Wogyina ho ma basabasaye ne asisi. **6** Mma me nkoka won agyinatɔ ho, efise wonam won abufuw so akunkum nnipa, na wokunkum anantwi de gyee won ani. **7** Nnome nka won abufuw, efise ano ye den, na eye atirimodensem! Eno nti, mebo won asefo ahwete Israelman mu nyinaa. **8** "Yuda, wo nuabarimanom beyi wo aye. Wobesee w'atamfo nyinaa. W'agya mmabarima bekotow wo. **9** Yuda, woye gyata ba a woawe w'atamfo nam awie. Wote se gyata a wabutuɔ. Hena na obetumi akoka no? **10** Ahempema remfi Yuda nsam, na saa ara nso na ahempema remfi n'anan ntam, kosi se, nea eye ne dea a aman nyinaa betie no no beba. **11** Obesa n'afurum wo bobɛ dua mu. Ode n'afurum ba besa bobɛ pa mman mu. Obɛhorɔ ne ntama wo nsa mu, na wahorɔ n'atade nso wo bobesa koo mu. **12** N'aniwa aba bebiri asen bobesa. Ne se beye fitaa asen nufusu. **13** "Sebulon betena mpoano. Obesisi ahyengyinabea ama ahyen. N'ahye so betɛw akosi Sidon. **14** "Isakar ye afurum hoodenfo a obutuɔ ho rehome wo nguankuw mu. **15**

Se ohu senea n'ahomegyeɛba ye fa, ne senea n'asase no so dwo a, obekuntun agye adesoɔ, na wapene so se akɔa ama ohye adwuma. **16** "Dan bebu ne manfo aten se Israel mmusuakuw no baako. **17** Dan beye se owo a oda kwankyɛn; obeye se ahurutoa a onam otempɔn mu a aka opɔnko nantin, senea ebema ne sotefo atew ahwe n'akyi. **18** "Awurade, wo nkwaye na meretwen. **19** "Nnipa bonɛfo betow ahye Gad so, na ono nso betiw won atow ahye won so. **20** "Aser aduan a odi no beye aduan pa. Na ebema ahennuan a eye akonnɔ. **21** "Naftali te se oforote a woagyaa no a owo mma ahoofɛfo. **22** "Yosef ye ngɔdua a esow aba, a esi asuten ho, na ne mman tra afasu. **23** Agyantowfo kaa no hyee, de abufuw tow hyee ne so. **24** Nanso ne bema no gyinaa pintinn, na ne basa mu yee den; esiane Otumfo Nyankopon a Yakob som no no a oye oguanhwɛfo ne Israel botantim no; **25** esiane Onyankopon a w'agya som no a oboa wo no; Otumfo a ode osoro nhyira behyira wo; nhyira a efi asase ase pɛɛ; nhyira a efi nufu ne oyafunu mu no. **26** W'agya nhyira a wɔahyira no no bedɔso asen tete nteredee mmepɔw ne nkoko a etintim ho daa no so nnɔbae. Eyinom nyinaa mmra Yosef ti so, engugu anuanom no mu nea woapaw no no anintɔn so. **27** "Benjamin ye pataku a oye nam; obo aporɔw anɔpa, kyere ne hanam we, na edu anwummere a, okyekye nam nkae no." **28** Eyi ne nhyira a Israel mmusuakuw dumien no agya de hyiraa won; obiara ne senea efata no. **29** Yakob rebewu no, aka kyereɛ won hyee won se, "Aka kakraa bi, na wɔrebɛfa me akoka me mpanyimfo ho. Se miwu a, munsie me wo oboda a ewo Hetini Efron afuw a wosiee me mpanyimfo wo mu no mu. **30** Eno ne oboda ne afuw a ewo Makpela, a eben Mamɛ a ewo Kanaan asase so no. Abraham tɔo saa oboda no fii Hetini Efron nkyen, de yee amusiei. **31** Saa oboda no mu na wosiee Abraham ne ne yere Sara. Eho ara nso na wosiee Isak ne ne yere Rebeka, na misiee Lea nso. **32** Me nena Abraham tɔo afuw no ne oboda a eka ho no nyinaa fii Hetifo no nkyen." **33** Bere a Yakob kasa kyereɛ ne mma no wiee no, omaa ne nan so guu ne mpa so wui. Wokosiee no wo ne mpanyimfo nkyen.

50 Yosef tow ne ho hwee n'agya so suu no, na ofew n'ano. **2** Eno akyi no, Yosef maa ne duruyefo behyee n'agya Israel akyenkyennuru, senea ebeye a, orensɛɛ. Enti oduruyefo no hyee no akyenkyennuru. **3** Wode adaduanan na ehyee Israel akyenkyennuru no, efise saa nna dodow no na ese se wode hye no aduru

no. Misraimfo suu no nnaɖua aɖuɔson. **4** Wosuu no wiee no, Yosef kasa kyerɛɛ Farao fifo se, “Sɛ manya mo anim anuonyam a, monka nkyerɛ Farao mma me se, **5** ‘M’agya ma mekaa ntam,’ na ɔkae se: Hwe, aka kakra na mawu. Enti sɛ miwu a, ɔboda a m’ankasa mitwaa wɔ Kanaan asase so no mu na munkosie me. ‘Enti momma me kwan mma minkosie m’agya, na mesan aba.’” **6** Farao penɛe akwansɛ no so, kae se, “Kɔ na kosie w’agya, sɛnea ɔmaa wo kaa no ntam no.” **7** Enti Yosef kɔ kosiee n’agya. Farao asomfo nyinaa ne ne mpanyimfo ne n’atenankongua ne Misraim nnipa titiriw nyinaa kogyaa Yosef ayi **8** kaa Yosef fifo nyinaa a ne nuabarimanom ne n’agya fifo no ho. Wɔn mma ne wɔn nguan ne wɔn anantwi nko ara na wogyaw wɔn wɔ Gosen asase so ho. **9** Nteaseɛnam ne aponkɔsotefe nso kaa wɔn ho kɔɔ ayi no bi. Nnipadɔm pa ara na wɔkɔe. **10** Woduu Atad a ne nkyerɛase ne baabi a wɔpo atoko, a ɛben Asubɔnten Yordan no, wɔde nnanson twaa agyaadwo, yɛɛ Yosef agya Israel ayi kɛse wɔ ho. **11** Bere a Kanaanfo a na wɔte asase no so huu sɛnea wosi yɛɛ ayi no wɔ Atad no, wɔkae se, “Eyi yɛ ayi kɛse bi a Misraimfo aye.” Eno nti, Kanaanfo a wɔte asase no so no too ho din Abel-Misraim, a ne nkyerɛase ne Misraimfo reyɛ ayi kɛse. **12** Enti Yakob mmabarima no yɛɛ sɛnea wɔn agya kyerɛɛ wɔn sɛ wɔnyɛ no pɛpɛɛɛ. **13** Wɔsoaa no, de no kɔɔ Kanaan asase so, kosiee no wɔ ɔboda a ɛwɔ Makpela a ɛben Mamre afuw a na Abraham ato afi Hetini Efron nkyen de aye amusiei no mu. **14** Yosef siee n’agya wiee no, ɔne ne nuanom ne wɔn a wokogyaa no ayi no nyinaa san baa Misraim. **15** Yosef agya wu akyi no, ne nuanom no de ehu ka kyerɛɛ wɔn ho wɔn ho se, “Sɛ ɛba se Yosef da so wɔ yɛn ho menasepɔw, na otua yɛn bɔne ahorow a yeaye no nyinaa so ka a, na yereye no den?” **16** Enti wotuu nnipa kɔɔ Yosef ho kɔka kyerɛɛ no se, “W’agya kaa saa aɛm yi ansa na ɔrewu. **17** ‘Aɛm yi na ɛsɛ sɛ moka kyere Yosef: Mesɛ wo, fa bɔne ahorow a wo nuanom aye wo no nyinaa kye wɔn.’ Enti afei mesɛ wo, fa Onyankopɔn a w’agya som no no nkoa bɔne kye wɔn.” Bere a Yosef tee aɛm a ne nuanom no kae no, osui. **18** Yosef nuabarimanom no betotow wɔn ho guguu n’anim, kae se, “Yɛye wo nkoa.” **19** Nanso Yosef ka kyerɛɛ wɔn se, “Munnsuro me! Meye Onyankopɔn a metumi abu mo aten, atwe mo aso ana? **20** Ɛwɔ mu sɛ moyɛɛ mo adwene sɛ mobɛye me bɔne de, nanso na Onyankopɔn adwene ne sɛ, ɛbedan ade pa, sɛnea ɛbɛye a obetumi agye nnipa dodow nkwa,

sɛnea ɔreyɛ no nne yi. **21** Enti munnsuro! M’ankasa mede biribiara a ehia mo ne mo mma nyinaa bɛma mo.” Yosef nam saa kasakyere yi so hyɛɛ wɔn bɔ se, ɔrenye wɔn bɔne biara. **22** Yosef ankasa ne ne nuanom ne n’agya abusuafo nyinaa tenaa Misraim asase so. Odii mfe ɔha ne du ansa na ɔrewu. **23** Yosef huu Efraim mma nena ne Manase ba Makir mma nso. Wɔwoo wɔn guu ne srɛ so. **24** Na, Yosef ka kyerɛɛ ne nuabarimanom no se, “Erenkye biara na mawu. Nanso Onyankopɔn beboa mo, ayi mo afi saa asase yi so, de mo ako bɔhyɛ asase a ɔkaa ho ntam sɛ ɔde bɛma Abraham, Isak ne Yakob no so.” **25** Yosef maa Israel mmabarima no kaa ntam, na Yosef kae se, “Nokware, Onyankopɔn bedi aboa mo. Sɛ miwu nso a, monsoa me nnompe mfi ha nkɔ Kanaan asase so.” **26** Yosef dii mfe ɔha ne du, na owui. Wɔhyɛɛ no akyenkyennuru de no too funnaka mu wɔ Misraim.

2 Mose

1 Yakob mma ne wɔn abusafo a wɔne no tu kɔtenaa no din na edidi so yi. **2** Ruben, Simeon, Lewi ne Yuda; **3** Isakar, Sebulon ne Benyamin; **4** Dan, Naftali; Gad ne Aser. **5** Yakob asefo a ɔne wɔn kɔe no nyinaa ano si aduɔson. Na Yosef wɔ Misraim dedaw. **6** Yosef ne ne nuanom ne wɔn bere sofo no nyinaa wuwui, **7** nanso Israelfo no ase fɛee, na wɔyee bebre, hyee asase no so ma. **8** Na ɔhene foforo bi bedii ade wɔ Misraim a na onnim Yosef ho asem. **9** Ɔka kyeree ne manfo no se, “Monhwe, Israelfo yi ase adɔ, wɔreye aduɔso dodo ama yen. **10** Momma yempe ɔkwan bi na yemfa so nsiw saa dɔ a wɔredɔ no ano. Se yeanye saa na ɔko bi si a, wɔbedom yen atamfo ne wɔn ako atia yen na wɔafi ɔman yi mu.” **11** Enti wɔde nkoa sohwɛfo gyinagyinaa wɔn kɔn so ma wɔyee adwumaden de kyekyeree adekora nkuropon Pitom ne Rameses maa Farao. **12** Nanso mpen dodow a Misraimfo no hyee wɔn so no, na dɔ ara na Israelfo no redɔso. Eyi maa Misraimfo no suroo Israelfo **13** na wɔkɔ so hyee Israelfo no so ketee. **14** Wɔde adwumadenye dii Israelfo no nya. Wɔma wɔyee ntayaa ne dɔte ho adwuma a eye den ne mfum nnwuma ahorow. Eyinom nyinaa akyi no Misraimfo faa akwan bebre so daa atirimoden adi kyeree Israelfo no. **15** Misraimhene ka kyeree Hebrifo awogyefo a wɔn din ne Sifra ne Pua se, **16** “Se mukogyee Hebrini biara awo, na awoe ho muhu se ɔye ɔbabarima a, munkum no, na se ɔye ɔbabea de a, monnye no hwee.” **17** Esiane se na awogyefo no ye nyamesurofo no nti, wɔanni mmara a ɔhene no hyee wɔn no so, maa mmarimaa a wɔwowoo wɔn no tenae. **18** Ɔhene no frɛe wɔn bisaa wɔn se, “Aden nti na moanni mmara a mehyee no so na moama mmarimaa a Hebrifo no wowoo wɔn no atena?” **19** Wobuaa no se, “Hebrifo mmea no de ahɔoden wo ɔhare so nti yebedu ho no, na wɔawo dedaw. Wɔnte se Misraimfo mmea no.” **20** Onyankopon hyiraa awogyefo no. Na Israelfo no dɔso ara beyee ɔman kese. **21** Esiane se na awogyefo no ye nyamesurofo nti, Onyankopon dom wɔn mma. **22** Na Farao hyee mmara se Hebrifo mmarimaa a wɔbewo wɔn foforo no, wɔntow wɔn ngu Asubonten Nil mu na mmeawa a wɔbewo wɔn foforo no de, wɔntena ho.

2 Na Lewini bi waree ɔbea bi fii Lewi abusukuw mu. **2** Ɔbea no nyinsɛn woo abarimaa. Abofra no na huu

se ne ho ye fe yiye nti ɔde no siee fie asram abiɛsa. **3** Eduu bere bi no, na ɔde no sie a enye yiye nti, ɔde mfea nwenee kɛnten bi de ehye ne ama faa ho sɛnea ebeye a, nsu rentumi nkɔ mu. Ɔde abofra no too mu de no kosii asu Nil konkɔn so wɔ wura a na ewɔ ho no bi mu. **4** Abofra no nuabea kogyinaa akyiri baabi a na ɔwen no. **5** Farao babea kɔɔ asu no mu se ɔrekogware. Bere a ɔne ne mmaawa nam asu no konkɔn so no, ohuu kɛnten no se ehye wuram ho baabi, enti ɔsoma ne mmaawa no mu baako se ɔnkɔfa mmre no. **6** Ɔde bae a obuɛe so no, ohuu se abarimaa bi da mu a ɔresu. Asem no yee no awerehow. Ɔkae se, “Ɔye Hebrifo yi bi ba.” **7** Abofra no nuabea a na ɔrewen no no kɔɔ ɔhene babea no nkyen kobisaa no se, “Menkɔfre Hebrifo mmea no baako na ɔmmehwe no mma wo ana?” **8** Ɔhene babea no buae se, “Yiw.” Enti, abeawa no tuu mmirika kɔɔ fie kɔfre abofra no na de no bae. **9** Ɔhene babea no ka kyeree no se, “Fa abofra no kɔ fie na kɔhwe no ma me na metua wo ho ka.” Enti ɔde no kɔɔ fie kɔhwee no. **10** Onyin kakra no, ɔde no breɛ ɔhene babea no ma ogyee no de no yee ne ba. Ɔkae se, “Meto ne din Mose efise miyii no fii nsu mu.” **11** Mose nyin no, da bi, ɔkosraa ne manfo Hebrifo no. Oduu ho no, ohuu se ne manfo no reye adwumaden. Nsrahwe no mu na Mose huu se Misraimni bi reboro Hebrini a ɔye ne nua. **12** Mose hwɛe ha hwɛe ha huu se obiara nni ho no, okum Misraimni no tutuu nwea mu de no hyee ho. **13** Ade kyee no, ɔsan kɔɔ Hebrifo no nsrahwe. Oduu ho no, na wɔn mu baanuu reko. Obisaa nea n’asɛm nye de no se, “Den na wɔreye yi a wɔrebobo wo nua Hebrini saa?” **14** Ɔbarima no nso bisaa no se, “Wufi he? Hena na ɔde wo yee yen sodifo ne temmufo? Anaase woaye w’adwene se wɔbekum me sɛnea nnera wukum Misraimni no?” Mose huu se bɔne a waye no ho ada ho no, osuroe. **15** Na Farao nso tee asem no, ɔhyee se wɔnkɔfa Mose mmra na wonkum no. Nanso Mose guan kɔɔ Midian asase so. Da bi a Mose kɔtenaa abura bi ho wɔ ho no, **16** Midian sɔfo mmabea baason bi baa ho se wɔrebɛtow nsu de akɔma wɔn papa nguan. **17** Nanso nguanhwɛfo bi pampam mmeawa no. Mose begyee wɔn fii nguanhwɛfo no nsam maa mmeawa no nguan no nsu nomee. **18** Wɔsan koduu wɔn agya Reuel nkyen no, obisaa wɔn se, “Eyye den na nne de, munyaa nsu maa nguan yi nom ntem sɛe?” **19** Wɔka kyeree wɔn agya se, “Misraimni bi na ogyee yen fii nguanhwɛfo no nsam. Ɔno ara na ɔtow nsu no maa yen nguan no nomee.” **20** Wɔn agya bisae

se, “Na ɔwɔ he? Mugyaw no wɔ ho ana? Monkɔfrɛ no na ommɛdidi.” 21 Mose kɔɔ Reuel frɛ no. Akyiri no, ɔne wɔn kɔtenae, maa Reuel de ne babea Sipora maa no aware. 22 Wɔwoo ɔbabarima maa Mose too no din Gersom, ase ne Ɔhɔho, efise Mose kyere ase se, “Meyɛ ɔhɔho wɔ ananafo asase so.” 23 Mfe bi akyi no, Misraimhene no wui. Na Israelfo no resi apini wɔ wɔn nkoasom no mu. Enti na wɔresu frɛ Onyankopɔn. 24 Onyankopɔn nso tiee wɔn sufɛ no, kae bɔ a ɔhyɛ Abraham, Isak ne Yakob sɛ ɔde n’asefo besan aba Kanaan asase so no. 25 Onyankopɔn hwɛ huu sɛ bere adu sɛ ɔgye wɔn.

3 Na Mose rehwe n’ase Yetro a ɔye Midian sofo nguan. Ɔde nguan no wuraa sare no mu kɔɔ akyirikyiri koduu Horeb a eye Onyankopɔn bepɔw no so. 2 Preko pɛ, na Awurade bɔfo nam wura bi gyafraama mu yii ne ho adi kyereɛ Mose. Mose huu sɛ wura no redew nanso na enhyew. 3 Enti Mose kae se, “Mekɔ akɔhwɛ anwonwade yi ahu nea nti a wura no nhyew.” 4 Bere a Awurade huu sɛ ɔrekɔhwɛ no, ɔfrɛɛ no fii wura no mu se, “Mose! Mose!” Mose gyee so se, “Me ni.” 5 Onyankopɔn ka kyereɛ no se, “Mmɛn me. Yi wo mpaboa na faako a wugyina no ye asase kronkron.” 6 Ɔtoaa so se, “Mene w’agyanom Nyankopɔn, Abraham Nyankopɔn, Isak Nyankopɔn ne Yakob Nyankopɔn no.” Mose kataa n’anim, efise na osuro sɛ ɔbehwe Onyankopɔn anim. 7 Awurade ka kyereɛ no se, “Mahu amanehunuu a me manfo a wɔwɔ Misraim no wɔ mu no, na mate wɔn nɔtosɛ a efa wɔn nnwuma wuranom ho, na minim wɔn ahohia. 8 Maba sɛ merebegye wɔn afi Misraimfo nsam na mayi wɔn afi Misraim asase so de wɔn akɔ asase pa a ɛso bae so, asase a ewo ne nufusu wɔ so; asase a Kanaanfo, Hetifo, Amorifo, Perisifo, Hewifo ne Yebusifo te so no so. 9 Mate Israelfo no su na mahu nya a Misraimfo di wɔn no. 10 Enti afei, merebesoma wo akɔ Farao nkyɛn, na woakoyi me man Israel afi Misraim.” 11 Mose kae se, “Mene hena a ɛse sɛ mekɔ Farao anim akoyi Israelfo afi Misraim asase so?” 12 Onyankopɔn buaa no se, “Meka wo ho. Adansede a ekyerɛ sɛ me na masoma wo no ni. Sɛ wuyi nnipa no fi Misraim a, mobesom Onyankopɔn wɔ saa bepɔw yi so.” 13 Mose bisae se, “Sɛ mekɔ Israelfo no nkyɛn kɔka se wɔn agyanom Nyankopɔn na wasoma me na wobisa me se, ‘Onyankopɔn bɛn na merɛka ne ho asɛm no’ a, mmuae bɛn na memfa mma wɔn?” 14 Obuua Mose se, ka se, “Mene nea ɔwɔ ho daa no. Ka kyere wɔn se, ‘Mene

Nea Mene na wasoma me mo nkyɛn.” 15 Onyankopɔn toaa so se, “Ka kyere Israelfo no se, ‘Awurade a ɔye mo agyanom Abraham, Isak ne Yakob Nyankopɔn na wasoma me mo nkyɛn.’” Eyi ne me din a wɔde bekae me daa fi awo ntoatoaso so kosi awo ntoatoaso so. 16 “Kɔ, frɛ Israelfo mpanyimfo na ka kyere wɔn se, ‘Awurade, Abraham, Isak ne Yakob Nyankopɔn no daa ne ho adi kyereɛ me, kae se: Mawɛn mo na mahu nea wɔde aye mo wɔ Misraim. 17 Mehyɛ bɔ se meyi mo afi mo awerehow mu wɔ Misraim de mo ako asase a Kanaanfo, Hetifo, Amorifo, Perisifo, Hewifo ne Yebusifo te so nne yi a ewo ne nufusu wɔ so no so.’ 18 “Israelfo mpanyimfo betie w’asɛm no. Na ɛse se wo ne mpanyimfo no kɔ Misraimhene ho kɔka kyere no se, ‘Awurade, Hebrifo Nyankopɔn, ne yen ahyia na waka akyerɛ yen se, yentu nnansa kwan nkɔ sare so nkɔbɔ afɔre mma no.’ 19 Nanso minim sɛ Misraimhene remma mo kwan da, gye sɛ nsa bi a eye duru hyɛ no ketee. 20 Enti metee me nsa na mede anwonwade ahorow a meye wɔ wɔn mu no nyinaa atia wɔn. Eno akyi no, ɔbema mo akɔ. 21 “Mɛma mo anim aba nyam wɔ Misraimfo no anim na wɔahyehye akyede ama mo, na moankɔ no nsapan. 22 Ɔbea biara mmisa dwete ne sikakɔkɔ adwinne ne ntama pa mfi n’afipamfo ne ne fifo mmea nkyɛn na wɔmfɔ nsiesie wɔn mmabarima ne wɔn mmabea ho. Saaye so na mobefa afow Misraimfo no.”

4 Na Mose buaa no se, “Sɛ wɔannye me anni anaa wɔantie asɛm a meka no, na wɔka se, ‘Awurade nyii ne ho adi nkyereɛ wo ɛ?’” 2 Awurade bisaa no se, “Ɖɛn na wukura yi?” Obuae se, “Oguanhwɛfo pema.” 3 Awurade ka kyereɛ no se, “Tow kyene fam.” Enti ɔtow kyeneɛ fam ma ɛdan ɔwɔ. Mose guan fii aboa no ho. 4 Na Awurade ka kyereɛ Mose se, “So ɔwɔ no dua mu na kyere no!” Osɔo ne dua mu kyereɛ no no, ɛsan dan pema no. 5 Awurade ka kyereɛ no se, “Kɔye saa na wobegye wo adi. Ebema wɔahu sɛ wɔn agyanom Abraham, Isak ne Yakob Nyankopɔn ada ne ho adi akyerɛ wo ampa.” 6 Afei, Awurade kae se, “Fa wo nsa hyɛ w’atade mu.” Mose de ne nsa hyɛ n’atade mu, na oyii no, na kwata aye ne nsa ho; aye fitaa sɛ sukyeremma. 7 Awurade ka kyereɛ no bio se, “Fa wo nsa hyɛ w’atade mu bio.” Enti Mose san de ne nsa hyɛ n’atade mu, na oyii no, na kwata no agyae ama ne nsa no ho aye senea ete kan no. 8 Awurade ka kyereɛ no se, “Sɛ wɔannye anwonwade a edi kan no anni a, wobegye nea eto so abien no adi. 9 Na se

nsenkyerenne abien yi akyi no woannye wo anni a, kɔsaw nsu fi Asubɔnten Nil mu na behwie gu asase wosee bi so na ɛbedan mogya.” 10 Nanso Mose srɛe se, “Awurade, minnim kasa. Ebesi nne anaa efi bere a wo ne me kasae mpo no, m’ano ntew.” 11 Awurade bisaa no se, “Hena na ɔyɛe onipa ano? Enye me Awurade na meye? Hena na ɔbo onipa ma otumi kasa anaa ɔmma no nkasa. Hena na ɔma no hu ade anaa ɔmma no nhu ade. Hena na ɔma no tumi te asem anaa ɔmma no nte asem? 12 Afei kɔ, na kɔye nea maka akyere wo no na meboa wo ama woatumi akasa yiye, na mekyere wo nea wobeka nso.” 13 Nanso Mose kae se, “Awurade w’akoa resre wo, soma onipa foforo.” 14 Awurade bo fuwii, enti akaa se, “Na wo nua Aaron, Lewini no nso ɛ, minim se n’ano atew. Na hwe ɔno na ɔrebehia wo no, na se ohu wo a, n’ani begye. 15 Wobekasa akyere no na woaka nsem ahye n’anom; meboa mo baanu no ama moakasa, na makyerɛ mo nea mobeyɛ. 16 ɔbeyɛ wo kyeame wo ɔman no anim, na wo nso woaye se ne Nyankopɔn aka asem a wope se eɖa gua akyere no. 17 Se wɔrekɔ a, fa wo pema no senea ɛbeyɛ a, wubetumi de aye anwonwade a makyerɛ wo no.” 18 Mose kɔɔ fie kɔka kyereɛ n’ase Yetro se, “Mɛsrɛ wo kwan na makɔ Misraim akɔsra m’abusuafo akɔhwe se wɔtete ase ana.” Yetro penee so se, “Kɔ. Mihyira wo kosekose.” 19 Ansa na Mose rebefi Midian no, Awurade ka kyereɛ no se, “Nsuro se wobesan akɔ Misraim, efise wɔn a na wɔrehwehwe wo akum wo no nyinaa awuwu.” 20 Enti Mose faa ne yere ne ne mma de wɔn tenatenaa mfurum so sii mu se ɔrekɔ Misraim. Na ɔfaa Onyankopɔn pema no kitae. 21 Awurade ka kyereɛ Mose se, “Se wudu Misraim a, kɔ Farao ho na kɔye anwonwade a makyerɛ wo yi kyere no, nanso mepirim ne koma senea ɔremma nnipa no nkɔ. 22 Na ka kyere no se, ‘Awurade se, Israel ye m’abakan 23 na mehyɛ wo se, ‘Ma no kwan na ɔnkɔ na ɔnkɔsom me.’ Nanso woampene; nti mekum w’abakan.” 24 Mose ne n’abusuafo nam no, ade saa wɔn ma wɔpɛɛ baabi dae. Awurade daa ne ho adi kyereɛ Mose na ohunahunaa no se obekum no. 25 Enti ne yere Sipora faa sekan de twaa ne babarima kumaa twetia tow kyenee Mose nan ase kae se, “Mogya ayeforokunu ne wo.” 26 Enti Awurade gyaa Mose. (Na Sipora kae se, “Woyɛ mogya ayeforokunu,” a na ɔde rekyere twetiatwa.) 27 Awurade ka kyereɛ Aaron se, “Kɔ sare no so kohyia Mose.” Enti Aaron kɔɔ Onyankopɔn Bepɔw no so kohyiaa Mose few n’afono. 28 Na Mose

kaa nsem a Awurade ka kyereɛ no bere a ɔresoma no no ne anwonwade a ɔhyɛɛ no se ɔnye no nyinaa kyereɛ Aaron. 29 Mose ne Aaron hyiaa Israelfo mpanyimfo no nyinaa, 30 na Aaron kaa nsem a Awurade aka akyere Mose no nyinaa kyereɛ wɔn, na Mose ye anwonwade no kyereɛ wɔn 31 ma wogyɛ dii. Na wɔtee se Awurade dwen wɔn ho na wahu wɔn awerehowdi no, wobuu nkotodwe srɛee no.

5 Mose ne Aaron ye anwonwade yi kyereɛ mpanyimfo no wiee no, wokohuu Farao ka kyereɛ no se, “Nea Israel Nyankopɔn se ni, ‘Ma me nkurɔfo mfi ha nkɔ sare so nkɔbo afahyɛgua kronkron wo ho mfa nsɔre me.’” 2 Farao bisae se, “Hena ne Awurade a ɛse se mitie no na mema Israelfo no kɔ? Minnim Awurade biara enti meremma Israelfo no nkɔ.” 3 Na Aaron ne Mose tii mu se, “Hebri Nyankopɔn ne yen ahia. ɛse se yetu nnansa kwan kɔ sare so kɔbo afore wo ho de ma Awurade, yen Nyankopɔn. Na se yeantie no a, ɔyaredom anaa afoa ano na yebewuwu.” 4 Farao bisae se, “Mose ne Aaron, aden nti na morema nkurɔfo no agyae wɔn nnwuma? Monkɔ mo nnwuma so ntem!” 5 Farao toaa so se, “Mprempren, saa nnipa no dooso sen ɔmanfo no, nanso mope se moma ahɔho no gyae adwumaye.” 6 Da no ara, Farao somaa nnipa ma wɔkɔka kyereɛ wɔn a wɔhwe Israelfo no so no se, 7 “Mommma nnipa no sare a wɔde beyɛ ntayaa no bio! Momma wɔn ankasa nkotwa sare no. 8 Na ntayaa dodow a wotwa no nso, monntew so baako koraa, efise asem a wɔaka no da no adi pefee se woyɛ akwadwofo nti na wɔreka se wɔrekɔ sare so akɔbo wɔn Awurade afore no. 9 Momma wɔn adwuma no mu nye den, na emmee wɔn na wɔankotie atosem biara.” 10 Enti adwumasohwefo ne wɔn akwankyerefo no ka kyereɛ Hebrifo no se, “Farao aka akyere yen se yemmma mo sare bio. 11 Mo ara munkokyin nhwehwe bi, nanso ntayaa a mutwa no, muntwa dodow saa ara.” 12 Enti Hebrifo no kyinkyinii Misraim asase so nyinaa se wɔrekɔhwehwe sare no bi. 13 Adwumasohwefo no hyɛɛ wɔn atirimɔden so se, “Muntwa ntayaa dodow senea na mutwa no.” 14 Na Misraimfo adwumasohwefo no kaa Hebrifo mpanyimfo a wɔde wɔn atuata adwuma no ano se akwankyerefo no mmaa, bisaa wɔn se, “Aden nti na moanwie ntayaa a wɔahye se muntwa no nnɛra ne nne no nyinaa senea na moye kan no?” 15 Mpanyimfo yi kɔɔ Farao nkyɛn kɔsrɛɛ no se, “Aden na woyɛ wo

nkoa saa? **16** Womma wo nkoa sare biara, nanso woka kyere yen se, 'Montwa ntayaa!' Woka yen mmaa nanso mfomso no fi w'ankasa wo nkurofo no." **17** Nanso Farao buae se, "Munni dwuma bi di, na se mowɔ dwuma bi di a, anka morenka se, 'Momma yenkɔbɔ afoɛ mma Awurade.' **18** Monsan nkɔye adwuma ntɛm. Obiara remma mo sare, nanso ntayaa dodow a mutwa no daa no, saa ara na mubetwa." **19** Bere a woka kyereɛ Israelfo mpanyimfo a wodi adwuma no anim se akwankyerɛfo no se eɛ se wotwa ntayaa no dodow senea wɔye daa no, wohuu se ahokyerɛ aba. **20** Bere a wofi Farao anim bae a wohuu se Mose ne Aaron retwen wɔn wɔ ahemfi no ho no, **21** woka kyereɛ wɔn se, "Awurade mmu mo atɛn se moama Farao ne ne nkurofo anya yen ho menasepɔw, na mode afoa ahye wɔn nsa se wonkunkum yen." **22** Asem yi maa Mose kɔ Awurade nkyen koka kyereɛ no se, "Awurade, adɛn nti na woma wo manfo brɛ saa? So eyi nti na wosomaa me? **23** Efi bere a mekokaa wo nkra no kyereɛ Farao no, tan ara na ɔretan wɔn ani, nanso wunnyee wɔn wɔ ɔkwan biara so ɛ."

6 Awurade ka kyereɛ Mose se, "Wubehu nea mede beye Farao. Menam me tumi so behye no na wama me nkurofo no ako; me basa kokuroo no bɛma wapam wɔn afi ɔman no mu." **2** Na Onyankopɔn ka kyereɛ Mose se, "Mene Awurade no. **3** Miyii me ho adi kyereɛ Abraham, Isak ne Yakob se Onyankopɔn tumfo. Nanso mammɔ me din se Awurade no ankyere wɔn. **4** Na me ne wɔn hyehyee apam se mede Kanaan asase a na tete no wɛte so se ahɔho no bɛma wɔn ne wɔn asefo. **5** Bio, mate Israelfo apinisi ne nya a Misraimfo di wɔn no nyinaa na makae me ne wɔn apam no. **6** "Enti ka kyere Israelfo no se, 'Me, Awurade, menam me tumi so beye anwonwade de ayi wɔn afi nkoasom mu ama wɔade wɔn ho. **7** Megye wɔn ato mu se me nkurofo na maye wɔn Nyankopɔn. Na wobehu se mene Awurade, wɔn Nyankopɔn a wagye wɔn afi Misraimfo nsam no. **8** Mede wɔn beba asase a mehyee bɔ se mede bɛma Abraham, Isak ne Yakob no so. Saa asase no beye mo agyapade. Mene Awurade no.'" **9** Enti Mose kaa asem a Onyankopɔn ka kyereɛ no no kyereɛ nnipa no, nanso wɔantie, esiane abawpa a efi ɔhye ntraso nti. **10** Afei, Awurade ka kyereɛ Mose se, **11** "San kɔ Farao nkyen koka kyere no se ɔmma Israelfo no mfi ne man no mu nkɔ." **12** Nanso Mose kae se, "Se Israelfo no rentie me a, ebeye den na Farao betie me, bere a m'ano

ntewee yi?" **13** Afei, Awurade hyee Mose ne Aaron se wɔnsan nkɔ Israelfo no ne Farao a ɔye Misraimfo hene no nkyen nkɔka nkyere no se ɔmma Israelfo no kwan na womfi Misraim asase so nkɔ. **14** Nnipa a na wotuɔtua Israel mmusuakuw no ano no din na edidi so yi: Ruben a ɔye Israel abakan mmabarima ye: Hanok, Palu, Hesron, Karmi. Eyinom na wɔwoo Ruben asefo. **15** Simeon mmabarima: Yemuel, Yamin, Ohad, Yakin, Sohar ne Saulo a na ne na ye Kanaanni. Eyinom na wɔwoo Simeon asefo. **16** Lewi mmabarima: Gerson, Kohat, Merari Lewi dii mfe ɔha aduasa ason. **17** Gerson mmabarima: Libni, Simej a wɔye mmusua ti. **18** Kohat mmabarima: Amram, Ishar, Hebron, Uziel. Kohat dii mfe ɔha aduasa abiesa. **19** Merari mmabarima: Mahli, Musi. Saa nnipa a wɔabobo wɔn din mpanyin mu no no ye Lewi abusuafo. **20** Amram waree n'agya nuabea Yokebed na wɔwoo Mose ne Aaron. Amram dii mfe ɔha aduasa ason. **21** Ishar mmabarima: Kora, Nefeg, Sikri. **22** Uziel mmabarima: Misael, Elsafan, Sitri. **23** Aaron waree Aminadab babea Elisaba a ɔye Nahson nuabea. Wɔn mma din ni: Nadab, Abihu, Eleasar ne Itamar. **24** Kora mmabarima: Asir, Elkana, Abiasaf Eyinom ne Kora asefo. **25** Aaron babarima Eleasar waree Putiel mmabea no baako. Na Pinehas ye wɔn mma no mu baako. Nnipa a wɔabobo wɔn din yi ne wɔn a na wotuɔtua Lewifo mmusuakuw no ano. **26** Saa Aaron ne Mose yi ara na Awurade ka kyereɛ wɔn se, "Munkoyi Israelfo nyinaa mfi Misraim asase so" no. **27** Na wɔn na wɔkɔ Farao ho kokaa se ɔmma Israelfo no mfi Misraim no. **28** Da a Awurade kasa kyereɛ Mose wɔ Misraim asase so no, **29** ɔkae se, "Mene Awurade no. Ka asem biara a meraka yi kyere Farao a ɔye Misraim hempon no." **30** Na Mose ka kyereɛ Awurade bio se, "M'ano ntewee yi, ebeye den na asem a meka no betɔ Farao asom ama watie me?"

7 Na Awurade ka kyereɛ Mose se, "Maye wo se Onyankopɔn ama Farao na wo nua Aaron nso beye wo diyifo. **2** Asem biara a meka akyerɛ wo no, ka kyere Aaron, na ɔno nso nka nkyere Farao se ɔmma Israelfo no kwan na womfi Misraim. **3** Na mepirim Farao koma, na maye anwonwade ahorow bebree wɔ Misraim **4** nanso ɔrentie mo. Na mɛfa atemmu a mu ye den so de me nsa ato Misraim so na mayi me nkurofo Israelfo no. **5** Na se mekyere me tumi kyere Misraimfo no a, wobehu se mene Awurade no, na mayi me nkurofo no afi mu." **6** Mose ne Aaron yee senea Awurade hyee wɔn no. **7** Bere a Mose ne

Aaron kohyiaa Farao no, na Mose adi mfe aduawotwe, na Aaron nso adi mfe aduawotwe abiesa. **8** Awurade ka kyereɛ Mose ne Aaron se, **9** “Farao behwehwe se mobeye anwonwade akyere no ama wahu se, nokware, Onyankopɔn na wasoma mo. Se obisa saa a, Aaron ntow ne pema no nkyene fam na ebedan ɔwɔ.” **10** Enti Mose ne Aaron kɔɔ Farao nkyen kɔyɛ anwonwade no senea Awurade akyere wɔn no. Aaron tow ne pema no kyeneɛ fam wɔ Farao ne ne nkurofo anim ma eɔan ɔwɔ. **11** Farao nso frɛɛ n’anyansafo ne ne nkonyaayifo a wɔwɔ Misraim ma wɔn nso beyee anwonwade koro no ara bi. **12** Wɔn nso pema tumi dan ɔwɔ. Nanso Aaron ɔwɔ no menea wɔn de no. **13** Farao kɔɔ so yɛ komaden a na ɔmpɛ se otie asem a Awurade kae no. **14** Awurade ka kyereɛ Mose se, “Farao apirim ne koma nti, ɔbekɔ so asiw nnipa no kwan se ɔremma wɔnkɔ. **15** Nanso Awurade kae se: San kɔ Farao nkyen anɔpa a ɔrekɔ asubɔnten no mu. Kogyina asu no konkɔn so na hyia no wɔ hɔ a wukura wo pema a eɔan ɔwɔ no. **16** Ka kyere no se, ‘Awurade, Hebriɔ Nyankopɔn asan asoma me wo nkyen se ma nnipa no kwan na wɔnkɔ nkɔsom me wo sare so. Woaye asoɔden. **17** Afei, Awurade se: Wubeɔ se mene Awurade no. Efise maka akyere Mose se ɔmfa ne pema no mmɔ Nil asu no mu na nsu no eɔan mogya. **18** Mpataa a wɔwɔ asubɔnten no mu nyinaa bewuwu ama nsu no abɔn a Misraimfo no rentumi nnom.” **19** Awurade ka kyereɛ Mose se, “Ka kyere Aaron na ɔmfa ne pema no nkyere nsu a ɛwɔ Misraim no nyinaa; wɔn nsubɔnten, wɔn nsuwa, wɔn atare ne wɔn nsu a ɛtaataa hɔ ne nsu a ɛwɔ aɔi mu nyinaa so na ebedan mogya.” **20** Mose ne Aaron yɛ senea Awurade ahyɛ wɔn no. Bere a Farao ne ne mpanyimfo gyinagyina hɔ rehwe wɔn no, Aaron de pema no bɔɔ Nil ani maa asubɔnten no dan mogya. **21** Mpataa a wɔwɔ mu nyinaa wuwu maa nsu no bɔnee, enti na Misraimfo no ntumi nnom. Misraim asase so nyinaa dan mogya. **22** Nkonyaayifo a wɔwɔ Misraim nso nam wɔn nkonyaayi so maa nsu dan mogya, nti Farao kɔɔ so pirim ne koma a na ontie asem a Awurade aka akyere Mose ne Aaron se wɔnka nkyere no no. **23** Ɔsan kɔɔ n’ahemfi a hwee ampusuw no. **24** Misraimfo no tutuu mmura wɔ asubɔnten no konkɔn so senea wobenya nsu anom, efise na wontumi nnom asubɔnten no mu nsu. **25** Asubɔnten a eɔan mogya no dii nnaawotwe.

8 Na Awurade ka kyereɛ Mose se, “Kɔ Farao hɔ bio na kɔka kyere no se, ‘Awurade se, Ma me nkurofo

no kwan na wɔnkɔsom me. **2** Se woampene so amma wɔankɔ a, mɛma mpɔtorɔ abehye asase no so ma. **3** Mpɔtorɔ behye Asubɔnten Nil ma. Wɔbeɔa w’ahemfi, na wɔakɔ mo mpia mu, na afoforo akɔ mo mpa so, mo nkurofo ne mpanyimfo aɔi mu, ne mo fononoo ne nea mode fɔtɔw asikresiam nyinaa amaama. **4** Mpɔtorɔ no beɔa mo nkurofo ne mpanyimfo nyinaa so.” **5** Awurade ka kyereɛ Mose se, “Ka kyere Aaron na ɔmfa pema no nkyere nsubɔnten, nsuwa ne atare a ɛwɔ Misraim nyinaa so senea ebeye a, mpɔtorɔ beɔa so wɔ ɔman no afanan nyinaa.” **6** Aaron teeɛ ne nsa wɔ Misraim nsu so maa mpɔtorɔ behyeɛ ɔman no mu nyinaa ma tɔ. **7** Nanso nkonyaayifo no nso yɛ saa ara maa mpɔtorɔ baa asase no so. **8** Afei, Farao frɛɛ Mose ne Aaron ka kyereɛ wɔn se, “Monkɔsrɛ Awurade na onyi mpɔtorɔ no mfi asase yi so, na mɛma mo nkurofo no kwan na wɔakɔbɔ no afɔre.” **9** Mose nso ka kyereɛ no se, “Kyere me bere kɔ a woɛ se wɔkɔ. Me nso mɛbɔ hɔ mpae ama mpɔtorɔ no nyinaa awuwu wɔ baabiara wɔ bere a wobehye me no mu, na aka asubɔnten no mu mpɔtorɔ no nko ara.” **10** Farao kae se, “Monyɛ no ɔkyena nko ara.” Mose buae se, “Mate, ebeɔa mu senea woaka no na ama woahu se obiara nni hɔ se Awurade, yɛn Nyankopɔn, no nko ara. **11** Mpɔtorɔ no nyinaa bewuwu ama aka wɔn a wɔwɔ asubɔnten no mu no.” **12** Mose ne Aaron fii Farao anim kɔe. Mose kɔsrɛɛ Awurade se onyi mpɔtorɔ a ɔde wɔn abegu Farao so no. **13** Awurade tieɛ Mose nkotosrɛ no. Mpɔtorɔ wuwu hyɛ ɔman no mu ne aɔi mu ma tɔ. **14** Wɔbeɔaɔbaa mpɔtorɔ a wɔawuwu no ano akuw akeseakese maa ɔman no mu bɔn yiye. **15** Nanso Farao huu se mpɔtorɔ no kɔ no, ɔsan pirim ne koma bio enti wamma nnipa no ankɔ senea Awurade aka ato hɔ no. **16** Na Awurade ka kyereɛ Mose se, “Ka kyere Aaron se, ‘Tee wo pema no bɔ fam mfutuma na ebedan ntontom ahyɛ Misraim asase no so ma tɔ.” **17** Mose ne Aaron yɛ nea Awurade hyɛ wɔn no maa ntontom behyeɛ ɔman mu no ne mu nnipa ne wɔn nyɛmmaa so ma tɔ. Misraim mfutuma nyinaa dan ntontom. **18** Nkonyaayifo no pɛɛ se wɔn nso de wɔn anyankamade ye saa ara, nanso wɔantumi. **19** Nkonyaayifo no kyereɛ Farao se, “Eyi de Onyankopɔn nsa wɔ mu.” Nanso Farao pirim ne koma enti wantie wɔn senea Awurade aka ato hɔ no. **20** Na Awurade ka kyereɛ Mose se, “Sɔre anɔpatutuutu kohyia Farao bere a ɔrekɔ asubɔnten no mu no na, ka akyere no se, ‘Awurade se: Ma me nkurofo nko na wɔnkɔsom me. **21**

Na se woamma me nkurofo anko a, mema nwansena agye Misraim afa. Mo afi mu ne asase no nyinaa beye nwansena manyamanya. **22** “Na nsonoe kese beda eha ne Gosen asase a Israelfo no te so no ntam, efise nwansena biara renko ho. Na ebema woahu se, me Awurade mewo asase yi so. **23** Na mema wo nkurofo ho ada nsow afi me nkurofo ho. Saa nsenkyerenne yi besi okyena.” **24** Awurade yee nea okae no, enti nwansena bebu faa oman no so maa bi kohyee Farao ahemfi ne Misraim afi nyinaa mu amaama. **25** Na Farao free Mose ne Aaron ka kyeree won se, “Monkobo afore mma mo Nyankopon wo oman yi ara mu.” **26** Nanso Mose kae se, “Saa de, erenye ye. Yen afore a yebɔ ma Onyankopon no ye Misraimfo no ani so akyiwade, so wɔrensiw yen abo ana? **27** Eɛ se yetu nnansa kwan ko sare so, na yekobo afore ma Awurade, yen Nyankopon, senea ohye yen no.” **28** Farao kae se, “Mema mo kwan ako sare so akobo afore, na mmom, monnko akyiri. Afei, mommo mpae mma me.” **29** Mose buae se, “Se mifi ha pe a, meɔ Awurade mpae na okyena nwansena bebrebe no ase betore afi wo, wo mpanyimfo ne wo nkurofo so. Nanso Farao nhwe yiye se ɔrennaadaa bio a oremma nnipa no nko nkobo afore mma Awurade.” **30** Enti Mose fii Farao nkyen kobɔ Awurade mpae, **31** na Awurade yee Mose abisade no. Nwansena no nyinaa ase tore fii Farao ne ne mpanyimfo so; anka obaako mpo. **32** Nanso Farao san pirim ne koma a wamma nnipa no anko.

9 Awurade hyee Mose se, “San ko Farao nkyen na koka kyere no se, ‘Senea Awurade a oye Hebrifo Nyankopon no se ni,’ Ma me nkurofo no nko na wɔatumi abo afore ama me.” **2** Se wampene amma won anko a, **3** Onyankopon nsa de ɔyaredom beba abekum mo apɔnko, mo mfurum, mo yoma, mo anantwi, mo nguan ne mo mmirekyi nyinaa. **4** Nanso Awurade de nsonoe beto Israelfo mmoa ne Misraimfo mmoa ntam. Israelfo mmoa de, obaako mpo renwu. **5** Awurade ahye bere pɔtee na okae se, okyena, Awurade beye eyi wo asase no so. **6** Na ade kyee no, nyemmoa a wɔwo Misraim no wuwui, nanso Israelfo no ayemmoa baako mpo koraa anwu. **7** Farao somaa nnipa koɔ Israel kohwee se ampa ara eho nyemmoa no bi anwu koraa ana. Nnipa no bebɔ Farao amannee se Israelfo nyemmoa baako mpo koraa anwu, nanso n’adwene ansesa. Wamma nnipa no anko. **8** Enti Awurade ka kyeree Mose ne Aaron se, “Monkosaw nso mfi fononoo mu, na Mose ntow mpete wim wo Farao anim. **9** Na

ebɛbo apete Misraim asase so nyinaa se mfutuma ama mpɔmpɔnini abobo nnipa ne mmoa a wɔwo oman no mu nyinaa.” **10** Enti wɔkɔsaw nso fii fononoo mu de koɔ Farao anim, na ɔrehwe no, Mose tow petee wim na edan mpɔmpɔnini bobɔ nnipa ne mmoa a wɔwo Misraim nyinaa. **11** Ebaa saa no, nkonyayifo no antumi ne Mose anni asi, efise na mpɔmpɔnini no bi asisi won nyinaa. **12** Nanso Farao pirim ne koma ara, enti wantie asem a Awurade nam Mose so ka kyeree no no. **13** Awurade ka kyeree Mose se, “Sore ko Farao nkycn anɔpahema na koka kyere no se, Hebrifo Awurade Nyankopon no se, Ma me nkurofo nkasom me, **14** anye saa a, mede ohaw na ebeto mo so na eno na ebema wo ne w’adwumayefo ne Misraimfo nyinaa ahu se Onyankopon biara nni asase yi so ka me ho. **15** Se mepe a anka matore mo nyinaa ase, anka mede ɔyaredom bekum mo nyinaa. **16** Nanso manye no saa, efise na mepe se meda me tumi adi kyere wo ne asase sofo nyinaa. **17** Woaye kyenkyenene wo me nkurofo so a eno nti, womma wonko. **18** Okyena saa bere yi ara mu, mema mparuwbo a ano ye den a bi ntɔ Misraimman mu da ato. **19** Ntem! Monka mo anantwi a mode won ko adidi no mmra fie. Efise mparuwbo no bekum nnipa ne mmoa a wɔbeka wuram no nyinaa.” **20** Misraimfo a asem no bɔ won hu no de won anantwi ne won asomfo nyinaa baa fie. **21** Na won a wɔammu Awurade asem a okae no gyaw won anantwi ne won asomfo wo wuram maa mparuwbo no kaa won. **22** Awurade ka kyeree Mose se, “Tee wo nsa kyere soro na ma mparuwbo no nto ngu nnipa, mmoa ne nnua a ewo Misraim nyinaa so.” **23** Enti Mose de ne nsa kyeree wim maa Awurade maa anyinam ne aprannaa twitwae. **24** Na eye asem a eye hu yiye. Efise efi Misraim abɔse de kosi saa bere no, na aprannaa mmobɔ saa da. **25** Misraimman seee pasaa. Biribiara a ekaa wuram, se eye nnipa anaa mmoa no, won nyinaa wuwui. Nnua nso bubu maa nnɔbae seeseee. **26** Faako a mparuwbo no anto wo oman no mu no ye Gosen asase so a na Israelfo no te ho no. **27** Afei, Farao soma ma wɔkofree Mose ne Aaron ka kyeree won se, “Afei de, mahu me mfomso. Awurade di bem na me ne me nkurofo aye bone ama atra so. **28** Monsre Awurade mma me, na omma aprannaa ne mparuwbo dodow yi to ntwa na mema mo ako ntem so.” **29** Mose kae se, “Se mifi kuropon yi mu ara pe a, mema me nsa so abo Awurade mpae na aprannaa no ne mparuwbo no agyae. Eyi bema mo ahu se Awurade

na asase nyinaa hye ne nsa. **30** Nanso minim yiye se wo ne wo mpanyimfo de, eyinom nyinaa akyi no, mubepirim mo koma.” **31** Aprannaa no sɛɛ wɔn awi ne wɔn asaawa a na ɛresow aba no nyinaa. **32** Nanso atoko ne aburɔw de, ansɛ, efise na emfifii ɛ. **33** Enti Mose fii Farao anim wo kurow no mu maa ne nsa so kyereɛ Awurade maa aprannaa no ne mparuwbo no ne osu no gyaaɛ tɔ. **34** Farao ne ne mpanyimfo huu se biribiara aye yiye wo ho no, wɔkɔɔ so pirim wɔn koma yee bɔne de buu bɔ a wɔhyee Awurade no so. **35** Enti Farao amma nkurɔfo no ankɔ senea Onyankopɔn hyee ho nkɔm kyereɛ Mose no.

10 Awurade ka kyereɛ Mose se, “San kɔ Farao nkyen efise mapirim ɔne ne mpanyimfo nyinaa koma senea ebeye a metumi aye me nsɛnkyerenne ahorow yi wo wɔn mu. **2** na ɛnam so ama woatumi aka anwonwade a maye wo Misraim asase so no akyere wo mma ne wo nenanom, senea me ne Misraimfo no dii no nwenweenwen ne senea meyeɛ nsɛnkyerenne ahorow wo wɔn mu no, na ama woahu se mene Awurade no.” **3** Enti Mose ne Aaron kohuu Farao ka kyereɛ no se, “Awurade a ɔye Hebrifo Nyankopɔn no se mimmissa wo se, ‘Enkosi da bɛn na wubebu me animtiaa? Ma me nkurɔfo nkɔ na wɔnkɔsom me. **4** Se woamma wɔn ankɔ a, ɔkyena nko ara mema mmoadabi aba wo man yi mu. **5** Wɔbɛkata asase no ani nyinaa. Na wɔbewe biribiara a ɛkae a mparuwbo a etɔe no ansɛɛ no no nyinaa a wuram nnua nyinaa ka ho. **6** Mmoa no behye w’ahemfi ho, wo mpanyimfo afi mu ne Misraimfo afi nyinaa ma tɔ. Ebeye ɔhaw a, efi bere a mo agyanom betenaa asase yi so de besi nne no, bi nsii saa da.” Na Mose fii Farao anim kɔe. **7** Farao mpanyimfo bisaa no se, “Enkosi da bɛn na saa ɔbarima yi beye yen konnua? Wunhuu se Misraim nyinaa adan amamfo? Ma nnipa no kwan na wɔnkɔ nkɔsom Awurade wɔn Nyankopɔn no!” **8** Enti wɔsan de Mose ne Aaron baa Farao anim. Farao kae se, “Eye, monkɔsom Awurade, mo Nyankopɔn no. Na ehefo na mo ne wɔn bɛkɔ?” **9** Mose buaa Farao se, “Yede mmofra ne mpanyin, yen mmabarima, yen mmabea, yen nguan ne yen anantwi na ebɛkɔ. Yede yen agypade nyinaa na ebetu saa kwan no, efise ɛse se yen nyinaa kɔ Awurade afahye no.” **10** Farao de abufuw buae se, “Se mema mode mmofra nketewa yi akɔ a, ɛno de, Awurade ankasa nka mo ho. Mahu se mowɔ adwemmɔne. **11** Ense se eba saa. Mo mmarima no, monkɔsom Awurade, efise ɛno na mobisaa me.”

Farao pam wɔn fii n’ahemfi ho. **12** Awurade ka kyereɛ Mose se, “Tee wo nsa wo Misraim so na mmoadabi mmekata asase no nyinaa so, na wonni biribiara a mparuwbo no ansɛɛ no no.” **13** Enti Mose maa ne pema so kyereɛ Misraim asase so maa Awurade bɔɔ mframa bi fii apuei fam awia ne anadwo. Ade kyee no, na apuei mframa no de mmoadabi no abegu asase no so nyinaa. **14** Mmoadabi no kataa Misraim asase no so mmaa nyinaa. Misraim abakɔsem kyere se, mmoadabi mmaa ɔman no mu saa da na bi nso remma saa bio. **15** Mmoa no kataa asase ani nyinaa ma wosiw owia ani enti womaa sum duruu asase no so. Wɔwee biribiara a mparuwbo no ansɛɛ no no; biribiara a eye ahabammono anka; se eye dua anaa afifide a ewɔ ɔman no mu baabiara no. **16** Ntem pa ara Farao tuu abɔfo kɔfrɛɛ Mose ne Aaron ka kyereɛ wɔn se, “Maye bɔne atia Awurade, mo Nyankopɔn no, ne mo nyinaa. **17** Afei, momfa me bɔne nkye me bio na monsɛ Awurade, mo Nyankopɔn no, se onyi owu yi mfi yen so.” **18** Enti Mose fii Farao anim kɔsrɛ Awurade. **19** Awurade bɔɔ atɔe fam mframa dennen bi ma epiaa mmoadabi no nyinaa kogu Po Kokɔ no mu, a anka ɔbaako pɛ koraa wo Misraim asase no so. **20** Nanso Awurade pirim Farao koma nti wamma Israelfo no ankɔ. **21** Awurade ka kyereɛ Mose se, “Tee wo nsa kyere soro mma sum kabii mmeduru Misraim asase so.” **22** Enti Mose teeɛ ne nsa hwɛɛ soro maa sum kabii beduru Misraim asase no so nnansa. **23** Sum no duruu saa no, na obiara nhu hwɛɛ na wontumi ntu wɔn anan nso nnansa. Nanso Israelfo no de, na nea wɔte ho ye hann. **24** Farao frɛɛ Mose ka kyereɛ no se, “Kɔ na kɔsom Awurade. Wubetumi de wo mma aka wo ho akɔ; nanso wo nguan ne w’anantwi no de, ma wonka ha.” **25** Nanso Mose buae se, “Dabi, ɛse se yede yen nguan ne yen anantwi kɔ na yede wɔn mu bi bɔ ɔhyew afɔre ma Awurade, yen Nyankopɔn. **26** Aboa tɔte koraa yerennyaw wo ha; ɛse se yeɔ Awurade, yen Nyankopɔn no afɔre. Yennim nea ɔbɛɛ gye se yedu ho.” **27** Nanso Awurade pirim Farao koma nti wamma wɔn ankɔ. **28** Farao tetteɛɛ Mose se, “Fi m’ani so kɔ! Mehwe se woremma m’anim bio! Da a wubehu m’anim no, wubewu.” **29** Mose buae se, “Meremma w’anim bio senea woreka no pɛpɛɛɛ.”

11 Afei, Awurade ka kyereɛ Mose se, “Mema ɔhaw a etwa to aba Farao ne n’asase so. Na ɛno akyi no, ɔbema mo akɔ. Nokware, ne ho bepere no se mubefi

ne ho ama ɔno ara apam mo afi ɔman no mu. 2 Monka nkyere Israelfo mmарima ne mmaa nyinaa se wɔnsɛ wɔn amannifo Misraimfo no na wɔmma wɔn sikakɔkɔ ne dwetɛ adwinne.” 3 Awurade maa Misraimfo no huu Israelfo no mmɔbɔ, na Mose nso yɛ onipa kɛse a na Farao mpanyimfo ne Misraimfo no bu no yiye wɔ ɔman no mu. 4 Mose bɔɔ Farao amannee se, “Nea Awurade se ni, ‘Anadwo nnɔndumien metwa mu wɔ Misraim asase so. 5 Na Misraim fi biara mu ɔbabarima panyin bewu. Efi Farao babarima panyin so, ne dehye a obedi n’ade, ne somfo mu somfo kumaa koraa ba panyin ne ne nyemmoa abakan nyinaa bewuwu. 6 Na owu no ho agyaadwotwa bedu Misraim asase so nyinaa. Awerehow a ete saa mmaa Misraim asase so da, na bi nso remma da bio. 7 Na Israelfo mu de, biribiara beye dwoodwoo na ɔkraman mpo rempɔw.’ Na ebema woahu se, Awurade de nsonoe ato Misraimfo ne Israelfo ntam! 8 Wo mpanyimfo yi nyinaa betu mmirika, adi m’akyi, akotow asɛ se, ‘Yɛpa wo kyew, fi ha ntem na kɔfa wo nkurofo nyinaa ka wo ho kɔ.’ Se eba saa a ansa na mɛkɔ!” Mose wiee kasa no, ɔde abufuwhyew fii ahemfi hɔ kɔe. 9 Na Awurade aka akyerɛ Mose se, “Asem a wobeka no, Farao rentie. Na eno so na megyina aye anwonwade de ada me tumi adi.” 10 Ewɔ mu se Mose ne Aaron yɛ saa anwonwade no nyinaa wɔ Farao anim de, nanso Awurade pirim ne koma senea ɔremma nnipa no mfi asase no so nkɔ.

12 Bere a na Mose ne Aaron da so wɔ Misraim asase so no, Awurade ka kyereɛ wɔn se, 2 “Efi nne reko, ɔsram yi beye ɔsram a edi kan wɔ Yudafo asranna so. 3 Ka kyere Israelfo nyinaa se, saa ɔsram yi da a eto so du no, eɛ se ɔbarima biara pe oguamma baako de ma n’abusua. Eɛ se ofi biara nya oguamma no baako. 4 Se abusua bi mu nnipa sua a wɔrentumi nwe oguamma no a, wotumi ne abusua bi a eɛn wɔn wɔ mpɔtam hɔ a wɔn nso sua kye oguamma no. Aboa no kye wɔ saa kwan no so no gyina abusua no kɛse ne nam dodow a wobetumi awe so. 5 Eɛ se aboa no ye nea wadi afe. Eɛ se ɔye oguan anaa abirekyi a onnii dem. 6 Monhwe saa mmɔa a moayiyi wɔn yi yiye nkosi ɔsram a edii kan no da a eto so dunan no anwummere. Afei Israel asafo nyinaa nkunkum wɔn nguantenmma no ɔdasu mu. 7 Wɔmfa wɔn mogya nsra ofi biara apongua ho. Oguamma a wobewe no wɔ fie hɔ no mogya na wɔmfa nye saa ahyede yi. 8 Anadwo no ara, obiara bewe aboa a wɔatoto no no nam no bi. Wɔmfa brodo a wɔamfa

mmɔkaw anyɛ ne awɔnwen na enni. 9 Wɔnnnoa nam no na wɔnnwe no amono nso, na mmom, wɔntoto aboa mu no nyinaa, a ne ti, n’anan ne n’ayamde nyinaa ka ho. 10 Se moantumi anwe ne nyinaa anadwo no a, nea ebeka no, se ade kye so a, monnnwe na mmom monhyew no. 11 Senea monwe nam no ni: monwe wɔ bere a mo ntade a mode tu kwan hyehye mo. Munsiesie mo ho mma ɔkwan tententwa. Monhye mo mpaboa na momfa mo pema nkurakura. Monwe no ntemntem. Saa nneyee yi, wobefɛ no Awurade Twam Afahye. 12 “Na metwa mu afa Misraim asase so anadwo yi na mmabarima a wɔye mmakan ne mmɔa mmakan a wɔwɔ Misraim asase so nyinaa, mekum wɔn, na mabu anyame a wɔwɔ Misraim nyinaa aten, efise mene Awurade! 13 Mogya a mode beye apongua no ho no beye agyiraehyede, enti se mihu mogya no a, metwa mu akɔ, na se merenkum Misraim mmakan a, merenkum mo de bi. 14 “Eyi ye da a eɛ se mudi; na awo ntoatoaso a ebɛba no bedi no se afahye ama Awurade. Eyi ye mmara a ebetena hɔ daa. 15 Nnanson no mu, munni brodo a wɔmfaa mmɔkaw mfrae nko ara. Afahye no da a edi kan no, munyiyi mmɔkaw biara mfi mo afi mu. Obiara a saa bere no obebu saa afahye yi mmara yi so no, wobetwa no asu afi Israelman mu. 16 Afahye no da a edi kan ne ne nnanson so no, nnipa no nyinaa bedi da no se da a wɔayi asi hɔ ama nhyiamu kronkron. Na nna no mu, aduannea akyi no, obiara nnye adwuma foforo biara. 17 “Se mudi Apiti Afahye yi a, ebema mo akae daa se, saa da no na miyii mo fii Misraim asase so. Munni saa dapɔnna yi se daa ahyede mfi awo ntoatoaso so nkosi awo ntoatoaso so. 18 ɔsram a edi kan no da a eto so dunan no anwummere kosi ne da a eto so aduonu baako so no, brodo a mmɔkaw mfra mu nko ara na munni. 19 Saa nnanson no mu no, ense se wohu mmɔkaw kakraa bi koraa wɔ mo afi mu. Enti obiara a obedi aduan a mmɔkaw wɔ mu no, wobeyi no afi Israel asafo kuw no mu. Saa mmara yi ka ananafo a wɔne mo te ne wɔn a wofi ɔman no mu no nyinaa nso. 20 Miti mu se, saa nna no mu, munni biribiara a wode mmɔkaw afra mu; munni brodo a mmɔkaw mfra mu.” 21 Na Mose frɛ Israel mpanyimfo nyinaa ka kyereɛ wɔn se, “Monkɔkyekyere oguamma anaa abirekyi ba mma abusua biara, na munkum no se Twam Afahye aboa. 22 Muntwa oguan no mogya ngu kuruwa bi mu. Momfa adwerɛ mmɔ mogya no mu na momfa mpete apongua no atifi ne apongua abien a

aka no ho senea mogya no beda ho. Muwie a, mo mu biara mmfi nkɔ abɔnten saa anadwo no. **23** Awurade betwa mu afa asase yi so akunkum Misraimfo. Na se ohu se mogya wɔ apongua no atifi ne apongua abien no ho a, obetwa saa ofi no ho akɔ a ɔremma ɔseefo no nwura hɔ nkunkum mo mmakan. **24** “Na monkae se eyi ye mmara a ewɔ hɔ daa ma mo ne mo asefo. **25** Na se moba asase a Awurade de bɛma mo senea ɔhyɛ mo ho bɔ no so a, mobekɔ so adi afahye no. **26** Na se mo mma bisa mo se, ‘Eyinom nyinaa ase ne den; saa afahye yi fa den ho a, **27** mummua wɔn se, eye Twam Afahye aforɛ ma Awurade. Otwa Israelfo afi ho wɔ Misraim. Ewɔ mu se okunkum Misraimfo de, nanso ogyaw yen mmusua.’” Bere a Mose kasa wiee no, nnipa no nyinaa kotow sɔree. **28** Na Israelfo no dii Mose ne Aaron ahyɛde no so. **29** Da no ara anadwo nnɔndumien Awurade kunkum mmaramaa a wɔye abakan a wɔwɔ Misraim asase so nyinaa, efi Farao babarima panyin so kosi odeduani babarima panyin ne anantwi nso mmakan nyinaa. **30** Afei, Farao ne ne mpanyimfo ne nnipa a wɔwɔ Misraim nyinaa sɔree anadwo no. Misraiman no nyinaa twaa agyaadwo, efise ofi biara nni hɔ a onipa anwu wɔ mu. **31** Enti Farao frɛ Mose ne Aaron anadwo no ka kyereɛ wɔn se, “Mesre mo, mo nyinaa muntu mfi ha. Monkɔsom Awurade senea mokae no. **32** Momfa mo nguan ne mo anantwi na monko. Nanso munhyira me ansa na moako.” **33** Misraimfo no nyinaa ani beree Israelfo no so pampam wɔn se womfi asase no so ntem, efise wokae se, “Yebewuwu.” **34** Israelfo no faa wɔn mmɔre a wɔafɔtɔw a mmɔkaw mfra mu, na wɔde wɔn ntade kyekyeree wɔn mmɔre nnaka de sisii wɔn mmati so. **35** Na Israelfo no asɛsɛ dwetɛ ne sikakokɔ adwinne ne ntade afi Misraimfo no nkyɛn senea Mose kaa se wɔnye no. **36** Awurade maa Misraimfo no huu Israelfo no mmɔbɔ enti wɔmaa wɔn wɔn abisade nyinaa. Enam saaye so maa Israelfo no twee Misraimfo ahonyade nyinaa kɔe. **37** Anadwo no ara, Israelfo no sii mu fii Rameses kɔ Sukot. Na wɔn dodow ye nnipa mpem ahansia a wɔnam fam, a mmea ne mmofra de wɔankan wɔn anka ho. **38** Nnipa ahorow pii bi a wɔnye Israelfo kaa wɔn ho kɔe. Wɔde wɔn nguan ne wɔn anantwi nyinaa kaa wɔn ho. **39** Woduu baabi a wɔpɛ se wodidi no, wɔde mmɔre a wɔamfa mmɔkaw amfra a wɔde kɔe no bi too brodo dii. Na mmɔkaw nni mu, efise Misraimfo no pam wɔn. Eno nti wɔannya kwan anyɛ aduan a wobedi wɔ ɔkwan so. **40** Israelfo no tenaa

Misraim mfe ahannan ne aduasa. **41** Na da a wodii mfe ahannan ne aduasa no pɛ na Awurade nkurofo nyinaa fii asase no so. **42** Saa anadwo no ne bere a Awurade yi too hɔ de gyee ne nkurofo fii Misraim asase so. Enti saa anadwo koro no ara na Israelfo no yi de too hɔ se da a Onyankopɔn gyee wɔn no afirihya da. **43** Awurade ka kyereɛ Mose ne Aaron se, “Twam Afahye no ho mmara ni: “Ahɔho biara nnwe oguamma no nam no bi. **44** Nanso ɔsomfo biara a wɔtew sika tɔɔ no no, se wɔatwa no twetia de a, otumi we bi. **45** Ɔpaani anaa ɔhɔho biara nnwe bi. **46** “Ese se wɔwe Twam Afahye aboa biara wɔ ofi biara mu. Eɛ se se wɔwe nam no wɔ fie. Ense se wɔde nam no fa biara kɔ abɔnten. Ense se mobɔ dompe biara mu. **47** Eɛ se Israelfo nyinaa di da no. **48** “Ahɔho a mo ne wɔn te no nso, se wɔpɛ se wodi Twam Afahye no bi a, eɛ se se mmarima a wɔwɔ wɔn mu no nyinaa twa twetia ansa na wɔaba ne mo abedi; na ama wɔaye senea wɔwoo wɔn too mo mu no. **49** Saa mmara yi ka Israelfo ne ahɔho a wɔne mo te no nso.” **50** Enti Israelfo no nyinaa dii Awurade mmara no so senea ɔhyɛ Mose ne Aaron no. **51** Da no ara na Awurade yii Israelfo no fii Misraim asase so.

13 Awurade ka kyereɛ Mose se, **2** “Tew Israelfo mmabarima ne aboa biara abakan ho ma me; wɔn nyinaa ye me dea.” **3** Na Mose ka kyereɛ nnipa no se, “Nne ye da a eɛ se se mokae daa—da a mutu fii Misraim asase a na moye nkoa wɔ so no so. Awurade aye anwonwade akese bebreɛ akyere mo. Enti monkae se, se afe du na moredi afahye yi a, mommfa mmɔkaw mfra mo aduan; na mommfa bi nkɔ mo afi nso mu koraa. **4** Afe biara mu Abib ɔsram awiei (beye Ɔbenem awiei), monkae saa otukɔ yi. **5** Awurade de mo baa Kanaanfo, Hetifo, Amorifo, Hewifo ne Yebusifo nsase a ewo ne nufusu sen so a ɔkaa ho ntem se ɔde bɛma mo no so. **6** Mubedi brodo a mmɔkaw nni mu nkɔ ara nnanson. Na da a ɛto so ason no, monto pon kese mma Awurade. **7** Ense se obiara kora mmɔkaw wɔ ne fi anaa mo asase no ahye so baabiara. **8** Edu afirihya na moredi nna yi a, monkyere mo mma nea enti a moredi saa afahye no. Eye afahye a mode bekɛ nea Awurade ye maa mo bere a mutu fii Misraim asase so no. **9** Saa afe biara mu nnaawɔtwe afahye yi nye nsenkyerenne te se agyiraehyɛde a wɔde abɔ mo nsa ho anaa mo moma so se nkɛ ade. Momma Awurade mmara ntena mo anom, efise tumi kese na ɔde yii mo fii Misraim. **10** Afe biara, erekɔ Abib (beye Ɔbenem) awiei no, munni afahye yi. **11** “Se Awurade

de mo ba asase a ɔhyee mo agyanom ho bo tete no a Kanaanfo te so mprenpren no so a, monkae se **12** mo mmabarima a woye mmakan nyinaa ne nyemmoa mmakan a woye mmarima no nyinaa ye Awurade dea. Enti momfa mma no. **13** Mutumi de oguan ba anaa abirekyi ba besesa afurum ba abakan. Na se woye w'adwene se woremfa afurum no nni nsesa a, ese se wubu afurum no kon mu kum no. Nanso mo mmabarima abakan de, ese se motɔ won ti. **14** "Na se daakye bi mo mma bisa mo se, 'Eyinom nyinaa ase ne den a, monka nkyere won se, Awurade nam anwonwade akese a ɔye so na oyii yen fii nkoasom mu wo Misraim. **15** Na Farao mpe se ɔma yen kwan ma yekɔ nti, Awurade kum mmabarima ne mmoanini a woye mmakan a wɔwɔ Misraim asase so nyinaa. Eno nti na yede mmabarima a woye mmakan rema Awurade yi, nanso nnipa mmabarima mmakan no de, wɔwɔ won ti.' **16** Na afahye yi beda mo nsow se moye Onyankopɔn mma te senea ɔde n'agyiraehyede abo mo moma so a ekyere se Awurade nam ne tumi kese no so na ɔde yii yen fii Misraim." **17** Farao maa nnipa no kwan se wonkɔ no, Onyankopɔn amma wɔamfa ɔkwan a efa Filistifo man no mu a na eye tiaa no so. Efise Onyankopɔn kae se, "Se wokohyia ɔko a, ebia na wɔasesa won adwene ama wɔasan akɔ Misraim." **18** Enti Onyankopɔn dii won anim de won faa sare so de won ani kyereɛ Po Kɔkɔ. Israelfo no sii mu fii Misraim a na wɔasiesie won ho ama ɔko. **19** Mose reko no, ɔfaa Yosef nnompe de kaa ne ho kɔe, efise na Yosef ama Israel mma aka Onyankopɔn ntam se, "Se ɔreyi won afi Misraim a, wode ne nnompe bekɔ bi, efise na onim se Onyankopɔn beyi won afi Misraim asase so." **20** Wofi Sukot no, wokɔkyeree nsraban wo Etam sare no ano. **21** Awurade de omununkum kyereɛ won kwan awia na ɔde ogya nso kyereɛ won kwan anadwo. Enti na wotumi tu won kwan no awia ne anadwo nyinaa. **22** Awia mununkum fadum anaa anadwo gya fadum no amfi n'afa wo nnipa no anim da.

14 Awurade ka kyereɛ Mose se, **2** "Ka kyere nnipa no na wɔmman mfa Pihahirod a ewɔ Migdol ne po no ntam a ene Baal-Sefon di nhweanim no. Se wodu ho a, wonsi won ntamadan wo mpoano ho. **3** Se woye saa a, Farao besusuw se, 'Saa Israelfo no aka sare no ne po no ntam.' **4** Na mesan apirim Farao koma bio ama wataa mo. Maye saa nhyehyee yi, senea ebema manya anuonyam ne nidi wo Farao ne n'asraafo mu na ama Misraimfo no nso ahu se,

mene Awurade no." Enti wosii ntamadan wo faako a wokyerɛɛ won ho no. **5** Nnansa akyi a Misraimhene no tee se Israelfo no abɔ won tirim se wɔrensɔn mma Misraim bio na mmom kɔ ara na wɔrekɔ no, Farao ne ne dɔm koma sɔree bio. Wobisae se, "Den na yeaye yi? Yeama Israelfo no kwan ma wokɔ ama yeahwere won som!" **6** Enti Farao faa ne teaseenam dii n'asraafo no anim taa won. **7** ɔmaa Misraim apɔnkɔsotefo dɔm a won dodow ye ahansia ne apɔnkɔ foforo bi a asraafo tete won so ka won. **8** Farao taa Israelfo no, efise na wode Misraimfo agypade bebree kɔ. **9** Farao de n'apɔnkɔdɔm nyinaa taa Israelfo no betoo won se wɔasisi won ntamadan wo Pihahirod mpoano wo Baal-Sefon anim. **10** Bere a Farao asraafo no rebɛn no, Israelfo no huu won se wode mmirika reba enti won koma tui, na wosu frɛɛ Awurade se ɔmmoɔ won. **11** Emaa won ani beree Mose so bisaa no se, "Wode yen aba sare yi so se yemmewuwu wo ha, efise nna nni Misraim a se yewuwu a wobesie yen wo mu ana? Aden nti na woma yetu fii Misraim? **12** Bere a ye wo nkoasom mu no, yeanka ankyere wo se ma yempe yen baabi ntena? Yekae se yepe se yebehye nkoasom ase wo Misraim sen se yebewu agu sare so ha." **13** Nanso Mose ka kyereɛ nnipa no se, "Munnuro. Munnyina pintinn na mubehu anwonwakwan a Awurade nam so begye mo nne. Misraimfo a muhu won nne yi, morenɔhɔ won bio. **14** Awurade beko ama mo; montɛm diinn kekɛ!" **15** Na Awurade ka kyereɛ Mose se, "Aden nti na wusu frɛ me? Ka kyere Israelfo no na wonkɔ won anim. **16** Fa wo pema no. Fa kyere nsu no so na po no mu bepae ama ɔkwan ada mu ma Israelfo no afa asase wosee so. **17** Mepirim Misraimfo no koma ama wɔataa mo na di a medi Farao ne ne dɔm so no bema moahu m'anuonyam. **18** Na Misraimfo nyinaa behu se, mene Awurade." **19** Onyankopɔn bofo a odi Israelfo anim no twee ne ho bedii Israelfo no akyi. Na omununkum dum no nso bedii Israelfo no akyi. **20** Ebetwaa Israelfo no ne Misraimfo no ntam. Na anadwo no, edan ogya maa sum tɔɔ Misraimfo no so maa ne hann no kyereɛ Israelfo no kwan. Enti Misraimfo no anɔhɔ Israelfo no akyi kwan. **21** Mose teɛɛ ne nsa wo po no so, na anadwo no nyinaa Awurade de apuei mframa dennen maa po no san n'akyi maa asase no yeɛ wosee. **22** Enti Israelfo no faa po kwan a mu wosee no so. Na nsu no yeɛ afasu wo benkum ne nifa maa won. **23** Misraimfo no nso ne Farao apɔnkɔ, nteaseenam ne apɔnkɔsotefo no tiw won koduu po no mfimfini. **24** Na anɔpahema

no, Awurade de ogya ne omununkum dum no too Misraimdom no so maa won ho yeraw won. **25** Won nteaseenam no nan tutui, enti na wontumi nko bio. Enti Misraimfo no kae se, “Momma yenguan mfi Israelfo anim, efise Awurade reko ama won na yen de, oreko atia yen.” **26** Awurade ka kyere Mose se, “Tee wo nsa wo po no so, na nsu no nsan mmra Misraimfo ne won nteaseenam ne apunkosotefo no so.” **27** Mose yee saa, na ade kyee anpa no, po no san n’akyi besen senea na ete. Misraimfo no pee se woguan, nanso Awurade maa nsu no faa won. **28** Nsu no kataa kwan no ne nteaseenam ne apunkosotefo no nyinaa so. Farao asraafo dodow a wofaa po no mu taa Israelfo no nso, anka obaako koraa. **29** Israelfo no nantew faa asase wosee a nsu ye ofasu wo benkum ne nifa no so. **30** Saa da no Awurade gyee Israelfo fii Misraimfo nsam. Na Israelfo no huu Misraimfo no se wawuwu deda mpoano. **31** Bere a Israelfo huu tumi a Awurade ada no adi de atia Misraimfo no, wosuroo Awurade, na wogyee Awurade ne n’akoa Mose dii.

15 Na Mose ne Israelfo no too saa dwom yi de kamfoo Awurade: “Meto dwom ama Awurade, efise wadi nkonim anuonyam mu; Watow opunko ne ne sotefo no agu po mu. **2** “Awurade ye m’ahooden, me dwom ne me nkwaye. Oye me Nyankopon, na mekamfo no. Oye m’agya Nyankopon, mema no so. **3** Awurade ye okofu; ne din ne Awurade. **4** Farao nteaseenam ne n’akofo, watow won agu po mu. Womemem wo Po Kokoo mu. Misraim akofo atitiriw awuwu asorakye ase. **5** Nsu akata won so. Womemem asubun mu se obo. **6** Wo nsa nifa, Awurade, tumi ne anuonyam ahye no ma; wo nsa nifa, Awurade, atetew atamfo mu pasaa. **7** “Wo tumi kese no mu na wonam tuu won a wotia wo no gui. Womaa w’abufuw behyew won senea ogya hyew sare. **8** Wugu ahome a, nsu mu pae. Egyinaa se afasu maa po taa fa ne fa. **9** Otamfo kae se, ‘Metaa won, meto won, asee won. Metwe m’afua wo won so atwitwa won asinasin.’ **10** Nanso Onyankopon bo ne mframa ma po kataa won so. Womemem se sumpii wo subun no mu. **11** Hena na ote se Awurade wo anyame mu? Hena na ote se wo? Obirempen, wo kronkronye mu; nea yede osuro kronkron ma n’anuonyam, Onwonwani Nyankopon. **12** “Wotee wo nsa nifa na asase menee won. **13** Woadi nnipa a wugyee won no anim. W’ayanye mu, wubedi wo nkurfo a woagye won anim. W’ahooden mu, wobekyeri won kwan ako wo tenabea kronkron ho.

14 Amanaman bete ama won ho apopo. Ehu beka nnipa a wowa Filistia. **15** Edom mpanyimfo besuro. Atumfo a wowa Moab ho bewosow. Na nnipa a wowa Kanaan nyinaa bebo huboa. **16** Ehu ne suro beto won so. Awurade, wo tumi nti, woremma yen so! Wo nkurfo a wotow won Betwa won ho asomdwoe mu. **17** Wode won beba abedua won wo wo bepaw so, wo ara wo fi ho, Awurade—Kronkronbea a woasiesie se wo tenabea no. **18** “Awurade bedi hene akosi daa.” **19** Farao apunko, n’apunkokafo ne ne nteaseenam pee se wofa po no mu; nanso Awurade buu nsu afasu no guu won so bere a na Israelfo no nam mu se asase wosee so. **20** Eho na Odiyifoba Miriam a oye Aaron nuabea faa akyene bi bo de dii mmea no anim ma wosawee. **21** Enna Miriam too saa dwom yi: “Monto dwom mma Awurade na wadi nkonim anuonyam mu. Wama opunko ne ne sotefo amem po ase.” **22** Afei, Mose dii Israelfo no anim ne won tu fii Po Kokoo no ho koo Sur sare so. Na wonantew sare no so nnansa a woannya nsu annom. **23** Woduu Mara no, woantumi annom eho nsu, efise na eye nwene. Eno nti na wofre ho Mara no; ase ne: Nweenwen. **24** Enti nnipa no nwiinwii tiaa Mose se, “Den na yennom?” **25** Mose sree Awurade se ommoa won, na Awurade kyere no dubaa bi. Na otow too nsu no mu, na eyee de maa wotumi nomee. Mara ho na Awurade hyee saa mmara yi maa won se, **26** “Se mubetie Awurade mo Nyankopon nne, na moaye osetie aye ade trennee de a, oyare a mema ebbo Misraimfo no, meremma bi mmo mo, efise mene Awurade a mesa mo nyarewa.” **27** Wobaa Elim a eho na na mmura dumien ne mmedua aduwon wo, nti wosisii won ntamadan, tenaa mmura no ho.

16 Afei, wotu fii Elim baa Sin sare a eda Elim ne Bepaw Sinai ntam no so. Wotu fii Misraim no, osram a eto so abien no nnaawotwe abien so na woduu ho. **2** Woduu ho no nso, nnipa no kasa tiaa Mose ne Aaron se, **3** “Se yewa Misraim na anka Awurade rekunkum yen wo ho a, anka yeye. Na yenza nnuan bebree di wo ho. Nanso mode yen abegu sare so ha ama okom rekum yen.” **4** Na Awurade ka kyere Mose se, “Merebeti aduan afi osoro abegu asase so ama won. Obiara betumi akoboaboa dodow biara a ope ano ama nea obedi no da koro. Mede eyi besa won ahwe se wobedi m’ahyede so anaase worenni so. **5** Ka kyere won na nnaawotwe biara mu da a eto so asia no, wammoaboa aduan no ano senea daa woboaboa no no, mmo ho abien.” **6** Enti Mose ne

Aaron frɛ Israelfo no nyinaa ne wɔn hyia ka kyereɛ wɔn se, “Anwummere yi, mubehu se Awurade na oyii mo fii Misraim asase so. 7 Se edu anɔpa a, mubehu n’anuonyam bebre; efise wate senea munwiinwii tia no no. Na yen ne hena a munwiinwii tia yen? 8 Anwummere yi, Awurade bɛma mo nam awe, na wama mo aduan anɔpa, efise wate mo anwiinwii a etia no no. Moannwiinwii antia yen, na munwiinwii tiaa Awurade.” 9 Na Mose ka kyereɛ Aaron se, “Ka kyere Israelfo no nyinaa se wɔmmra Awurade anim na wommetie wɔn anwiinwii no ho mmuae.” 10 Enti Aaron frɛ wɔn boaa ano, na preko pe, wɔmaa wɔn ani so kyereɛ baabi a omununkum a erekyere wɔn kwan no wɔ no, Awurade fii mu daa n’anuonyam kese no adi. 11 Awurade ka kyereɛ Mose se, 12 “Mate wɔn anwiinwii no, ka kyere wɔn se, ‘Anwummere, mubanya nam awe na anɔpa nso mubanya aduan pii adi na mubehu se mene Awurade, mo Nyankopɔn, no.’” 13 Anwummere no, nnomaa pii bebuu so wɔ wɔn atenaɛ hɔ na anɔpa no, obosu tɔ guu sare no so maa eyee fɔkyee. 14 Obosu no yowee no, nsinsenii nketenkete bi a ete se sukyeremma beguu asase no so. 15 Israelfo no hui no, wobisabisaa wɔn ho wɔn ho se, “Den ni?” Na Mose buaa wɔn se, “Eye aduan a Awurade de ama mo se munni no. 16 Awurade aka se, ‘Obiara mmoaboa dodow biara a ebɛso ɔne ne fifo di no ano.’” 17 Enti Israelfo no fii adi kɔboaboa aduan no bi ano. Ebinom faa pii na bi nso faa kakraa bi. 18 Wohwiee nea wɔboaboa ano no nyinaa guu susukoraa mu no, na edɔso se obiara benya bi. Wɔn a wonyaa pii no, ebi anka, na wɔn a wonyaa kakraa bi no nso, esoo wɔn. Ofi biara nyaa ne so ne ne de. 19 Mose ka kyereɛ wɔn se, “Mommma ade nkye so.” 20 Nanso ebinom yɛ asoɔden maa ade kyee so. Ade kyee so no, na adɔ nsaammoa ma ebɔn enti Mose bo fuw wɔn yiye. 21 Afei na wɔkɔtase aduan no anɔpa anɔpa, na wɔtase dodow biara a, eso ofi biara. Na awia bɔɔ denneennen guu so no, aduan no nyinaa nanee. 22 Da a eto so asia no, wɔtasee senea wɔtase no daa no mmɔho abien. Wɔtasee susukoraa asia, nanso daa na wɔtase susukoraa abiesia. Mpanyimfo a wotuataa nnipa no ano no bebisaa Mose nea nti a aba saa. 23 Mose buaa wɔn se, “Efise Awurade aka ato hɔ se, ‘ɔkyena ye homeda. Eye homeda kronkron ma Awurade a ense se yeye yen nnwuma biara. Enti monnoa dodow biara a mope nne, na nea ebeka no, munnyaw mma ade nkye so.’” 24 Na ade kyee so no, na

nsaammoa biara nni mu na emmɔn nso. 25 Mose kae se, “Nne, mo aduan ni, efise nne ye Awurade homeda enti aduan biara rentɔ ngu asase so. 26 Momfa nnansia mmoaboa aduan ano, efise da a eto so ason no ye homeda enti morennya aduan biara saa da no.” 27 Homeda no, nnipa no bi fii adi se wɔrekɔpe aduan no bi, nanso na ebi nni hɔ. 28 Awurade bisaa Mose se, “Saa nnipa yi beye asoɔden akosi da ben? 29 Wonhu se nnansia so no, memaa wɔn mmɔho abien senea ebɛso wɔn nnaanu? Awurade se momfa da a eto so ason no se homeda; montena mo ntamadan mu. Mummfi adi nkɔtase aduan mfi asase so.” 30 Enti da a eto so ason no, nnipa no homee. 31 Israelfo no too aduan no din se Mana, ase ne “Eye den?” Eye fitaa se wusa aba na eye de te se tetare a ewo wɔ mu. 32 Mose kaa asem a Awurade ka kyereɛ no se ɔnka nkyere wɔn se wɔmfa aduan no susukoraa abiesia na wɔmfa nkosie wɔn adekorabea afeɔɔ senea ebeye a, nkyirimma behu aduan a Awurade de maa wɔn dii wɔ sare so bere a oyii wɔn fii Misraim no. 33 Mose ka kyereɛ Aaron se ɔmfa kuruwa na ɔmfa mana lita abiesia ngu mu na ɔmfa nsie kronkronbea bi mma nkyirimma. 34 Aaron yɛ senea Awurade kyereɛ Mose se ɔnye no na ɔnkora no wɔ Apam Adaka no mu wɔ kronkronbea hɔ. 35 Enti Israelfo dii mana yi mfe aduanan kosii se woduu Kanaan asase so a eho de, na afumduan wɔ no. 36 Lita abiesia ye omer baako.

17 Awurade hyee maa Israelfo no fii Sin sare no so kokɔɔ nkurow nkurow so, koduu Refidim. Woduu hɔ no, na nsu a wɔbenom biara nni hɔ. 2 Eha nso nnipa no nwiinwii bio tiaa Mose se, “Ma yen nsu nnom!” Mose ka kyereɛ wɔn se, “Monye dinn! Aden nti na mo ne me regye akyinnye? Aden nti na mope se mosɔ Awurade hwe?” 3 Na osukɔm a ede wɔn no nti, wɔtɛtɛɛ mu se, “Aden nti na wuyii yen fii Misraim? Aden nti na wode yen baa ha? Yen, yen mma ne yen anantwi nyinaa bewuwu!” 4 Mose su frɛ Awurade se, “Den na menye saa nkurɔfo yi? Wɔpe se wosiw me abo.” 5 Awurade ka kyereɛ Mose se, “Fa Israelfo mpanyimfo no bi ka wo ho na fa pema a wode bɔɔ Nil mu no na di wɔn anim fa wɔn kɔ. 6 Mehya wo wɔ ɔbotan a ewɔ bepɔw Horeb hɔ. Se wudu hɔ a, fa wo pema no bɔ ɔbotan no mu senea wode bɔɔ Nil mu no na nsu befi mu aba ama obiara anya bi anom amee.” Mose yɛ nea Awurade kae no wɔ Israel mpanyimfo no anim maa nsu tue fii ɔbotan no mu. 7 Enti Mose too beae hɔ din Masa a ase ne Sohwebea ne Meriba

a ase ne Akyinnyegyebē, efise ɛhɔ na Israelfo ne Mose gyee akyinnye, sɔɔ Onyankopɔn hwɛɛ, bisae se, “Awurade ka yɛn ho anaa ɔnka yɛn ho?” 8 Afei, akofo a wofi Amalek betow hyɛ Israelfo no so wɔ Refidim ne wɔn koe. 9 Mose ka kyerɛ Yosua se, “Yi asraafo ma yɛn na yene Amalekfo no nkɔko. Ɔkyena megyina bepɔw no apampam a mikura Onyankopɔn pema no.” 10 Enti Yosua ne ne dɔm kotoaa Amalekfo asraafo no ne wɔn koe senea na Mose ahyɛ no, na Mose ne Aaron ne Hur foro kɔɔ bepɔw no apampam pɛɛ. 11 Mmere dodow a Mose kura pema no mu kyere soro na Israelfo no redi nkonim na se ɔbre pema no ase a, na Amalekfo no nso redi Israelfo no so. 12 Mose brɛ a na ontumi mma pema no so bio enti Aaron ne Hur pirew ɔbo bi too hɔ ma ɔtenaa so. Wogyinagyinaa Mose benkum ne nifa memaa ne nsa abien no so kosii se owia kɔtɔe. 13 Ɛbaa saa no, Yosua ne ne dɔm dii Amalekfo no so, kunkum wɔn wɔ afoa ano. 14 Afei, Awurade ka kyerɛ Mose se, “Kyerɛw eyi ma ɛnna hɔ afeɔɔ ma wonkae daa na ka kyere Yosua se, metɔre Amalekfo nyinaa ase wɔ ɔsoro ase.” 15 Mose sii afɔremuka hɔ na ɔtoo no din Awurade Nissi a ase ne Awurade ne me frankaa. 16 Mose kae se, “Efise wɔama wɔn nsa so atia Awurade ahengua nti, Awurade ne Amalekfo bedi ako afi awo ntoatoaso so akosi awo ntoatoaso so.”

18 Ankyɛ biara na Mose ase, Midian sɔfo Yetro, tee anwonwade a Onyankopɔn ayɛ ama ne nkurɔfo Israelfo ne Mose, ne senea wayi wɔn afi Misraim asase so no. 2 Mose de ne yere Sipora kɔe no, n’ase Yetro gyee no 3 a na ne mmabarima baanu ka ne ho. Mose too ne babarima a na ɔye n’abakan no din Gersom a ɔkyere ase se, “Mabeye ɔhɔho wɔ ananafo asase so.” 4 Na ne babarima a ɔto so abien no nso, ɔtoo ne din Elieser a ɔkyere ase se “M’agyanom Nyankopɔn no ye me boafɔ. Ogyee me fii Farao afoa ano.” 5 Yetro kɔsraa Mose. Ɔde Mose yere ne ne mmabarima baanu no kaa ne ho. Wodui no, na Mose ne nnipa no abɔ atɛnae wɔ Onyankopɔn bepɔw no ho. 6 Wɔka kyerɛ Mose se, “W’ase Yetro reba abesra wo. Wo yere ne wo mmabarima baanu no ka ne ho.” 7 Mose sɔre kohyiaa n’ase. Ɔkotow no nidi mu gyee no few so. Wokyiakyiaa wɔn ho wɔn ho na wɔkɔɔ Mose ntamadan mu. 8 Mose kaa nsem a asisi nyinaa kyere n’ase no. Ɔkaa nea Awurade ayɛ atia Farao ne Misraimfo a ɔnam so agye Israelfo, ayi wɔn afi Misraim, asan ayi wɔn afi ɔhaw ne abɛbrɛse mu no nso kyere no. 9 Yetro tee nea Awurade ayɛ ama Israel, ne titiriw no, senea oyii

wɔn fii Misraim no, n’ani gyee yiye. 10 Yetro kae se, “Nhyira nka Awurade se wagye mo afi Misraimfo ne Farao nsam, na wagye ɔman Israel nso. 11 Afei, mahu se Awurade ye ɔkese sen onyame foforo biara, efise waye eyi ama wɔn a wɔde ahantan di wɔn so no.” 12 Yetro de ɔhyew afɔrebɔde bae, na ɔbɔɔ afɔre maa Onyankopɔn. Akyiri no, Aaron ne Israel mpanyimfo no baa Yetro nkyen. Wɔn nyinaa too nsa dii afɔreguan no wɔ Awurade anim. 13 Ade kyee no, Mose tenaa ase fii anɔpa kosii anwummere tiee ntawntaw a asisi wɔ nnipa no mu. 14 Mose ase no huu brɛ a ɔrebɛ nnipa no ho no, obisaa no se, “Aden nti na wɔpe se wo nko ara wudi dwuma kese yi a enti nnipa gyina wo so saa ara fi anɔpa kosi anwummere yi?” 15 Mose buae se, “Nnipa no de akasakasa bi a asisi wɔn ntam betoo m’anim se mimmisa Onyankopɔn hɔ akwankyerɛ. 16 Se ntawntaw bi ba wɔn ntam a, wɔba ma misiesie. Mekyerɛ wɔn Onyankopɔn mmara ne n’apɛde.” 17 N’ase no kae se, “Nea woreye no nye. 18 Worekum wo ho na se wuwu a, nnipa yi beye den? Mose, adwuma yi so dodo se wo nko ara wobeye. 19 Tie fo a merebetu wo yi na Onyankopɔn behyira wo. Kɔ so ara si nnipa no anan wɔ Onyankopɔn anim na fa wɔn haw to n’anim. 20 Kyere wɔn Onyankopɔn akwan a wɔmfa so ntena ase. 21 Na hwɛhwe nnipa bi a wɔye nyamesurofo na wɔye nokwafo a wɔmpɛ adanmudegye, na wɔn mu baako biara nye nnipa apem so otemmufo. Ɛse se saa onipa no nya atemmufo du hye n’ase na wɔn mu baako biara ahwe nnipa ɔha so. Na wɔn ase no, wobeyi atemmufo baanu a wɔbehwe nnipa aduonum so, na wɔn nso, atemmufo baanum behye wɔn mu biara ase na wɔatu nnipa du fo. 22 Ma saa nnipa yi nni wɔn ho ni na wonni nokware daa. Asem biara a ɛho hia anaa ekyere adwene no, wɔmfa mmra w’anim. Wɔn ankasa nhwe nka nsem nketenkete a ɛbeba wɔn anim no. Se wofa saa kwan yi so a, adwuma no beye mmerɛw ama wo, efise woakyekye nnwuma no ama wɔn. 23 Se wutie afotu no na Onyankopɔn nso pene so a, wubetumi agyina asem biara ano na asomdwoe aba.” 24 Mose tiee n’ase afotu no dii so pɛpɛɛpɛ. 25 Oyiyii nnipa pa a wɔwɔ Israelman mu nyinaa de wɔn yɛ atemmufo—apem apem, ɔha ɔha, aduonum aduonum ne du du. 26 Na wobuu ɔman no atɛn bere nyinaa mu. Wɔde nsem akese no maa Mose na wɔn nso dii nsem nketenkete no. 27 Akyiri no, Mose gyaa n’ase kwan ma ɔkɔɔ ne kurom.

19 Anadwo a Israelfo no tu fii Misraim no, n'asram abiesā so na wode koduu Sinai sare so. **2** Wotu fii Refidim no, wokoduu Sinai sare so na wɔbɔɔ atenasē wɔ Sinai Bepɔw no ase. **3** Mose foro kɔɔ Onyankopɔn nkyen na Awurade frɛe no fii bepɔw no so kae se, “Ka saa nsem yi kyere Yakob asefo Israelman se, **4** ‘Moahu nea meye Misraimfo no ne okwan a mefaa so soaa mo wɔ ɔkɔre ntaban so de mo baa me nkyen no. **5** Se mubetie me, na moadi m’ahyede so a, mobeye me nguankuw ketewa wɔ asase so aman nyinaa mu, efise asase nyinaa ye me dea. **6** Na mobeye asofo ahemman a eye ɔman kronkron ama Onyankopɔn.’ Saa nsem yi na ka kyere Israelfo no.” **7** Mose sian fii bepɔw no so bae no, ɔfrɛe mpanyimfo a wotuata nniipa no ano nyinaa na ɔkaa asem a Awurade ahye no se ɔnka no kyere wɔn. **8** Wote asem no, wɔn nyinaa bɔ gyee so se, “Yebye biribiara a Awurade aka se yenye no nyinaa.” Enti Mose kɔkaa nsem a nniipa no aka no kyere Awurade. **9** Awurade ka kyere Mose se, “Merebeba wo nkyen se omununkum senea ebeye na me ne wo kasa a, nniipa no bete me nne na enam so ama wɔagyē wo adi daa.” **10** Na Awurade ka kyere Mose se, “Sian kɔ nniipa no nkyen na kotew wɔn ho nne ne ɔkyena. Ma wɔnhoro wɔn nneema nyinaa, **11** na siesie wo ho ma ɔkyena akyi efise saa da no mesian aba Sinai Bepɔw no so a ɔmanfo nyinaa ani tua me. **12** Twitwa ahye senea nniipa no reentra na ka kyere wɔn se, ‘Monhwē yiye. Mommforo nkɔ bepɔw no atifi na monnkɔ n’ahye no nso so; obiara a obebu saa mmara yi so no, obewu. **13** Se ɔye onipa anaa aboa a, obiara nso ne mu. Na mmom, wobesiw no abo anaase wɔbetotow agyan awowɔ no ama wawu.’ Montwe mo ho mfi bepɔw no ho koraa kosi se torobento bi behyē denneennen ansa na moaforo akɔ bepɔw no so.” **14** Mose sian fii bepɔw no so kɔɔ nniipa no nkyen kotew wɔn ho ma wɔhoroo wɔn nneema nyinaa. **15** ɔka kyere wɔn se, “Munsiesie mo ho, na aka nnansa na Onyankopɔn aba, enti obiara nnkɔ ɔbea ho.” **16** Nnansa so anɔpa pepɛɛɛ, aprannaa a ano ye den bobɔɔ mu, maa anyinam pepae, maa omununkum kabii bi sian fii bepɔw no so. Torobento bi hyē twee mu maa nniipa a wɔwɔ ho no nyinaa ho popoe. **17** Mose dii nniipa no anim fi wɔn atēnae ho se wɔrekohyia Onyankopɔn. Wɔn nyinaa kɔboaa wɔn ho ano wɔ bepɔw no ase. **18** Wusiw kumɔnn kataa Sinai Bepɔw no so, efise Awurade sian baa so se ogya. Wusiw buaa wim nyinaa te se nea efi fononoo mu, na asasewosow

wosoo bepɔw no denneennen. **19** Torobento no hyē denneennen pa ara no, Mose kasae na Onyankopɔn nso de nne kɛse buae. **20** Enti Awurade baa Sinai Bepɔw no atifi, na ɔfrɛe Mose ma ɔforo kɔɔ ne nkyen **21** na Awurade ka kyere Mose se, “San kɔ nniipa no nkyen na kɔbɔ wɔn kɔkɔ se wɔnntra ahye no. Wɔnnnye wɔn adwene nso se wɔreforo aba soro ha abehwe Awurade. Wɔn a wɔbeyē saa no bewuwu. **22** Asofo a wɔwɔ wɔn nnwuma so no mpo nnwira wɔn ho, anye saa a, Awurade besee wɔn.” **23** Mose nso buaa no se, “Nniipa no de, wɔremforo mma bepɔw no atifi, efise w’ankasa bɔɔ wɔn kɔkɔ se, ‘Twitwa ahye fa bepɔw no ho na gyaw ho se kronkronbea.’” **24** Awurade ka kyere Mose se, “Sian kɔ fam na kɔfa Aaron bra. Mma asofo no ne nniipa no ntra ahye no se wɔreba ha. Wɔye saa a, mɛsɛe wɔn.” **25** Enti Mose sian kɔɔ nniipa no nkyen kɔka kyere wɔn.

20 Na Onyankopɔn kaa nsem yi yi nyinaa: **2** “Mene Awurade, mo Nyankopɔn, a miyii mo fii nkoasom mu wɔ Misraim no. **3** “Monnsom onyame foforo biara nka me ho. **4** Monnye ohoni anaa biribiara a ɛse ade a ɛwɔ wim, anaa nea ɛwɔ asase so, anaa nea ɛwɔ nsu mu, anaa nea ɛwɔ asase ase. **5** Monnkotow ohoni biara nsom no wɔ ɔkwan biara so, na me, Awurade, mo Nyankopɔn, meye ninkufo a metwe mma a wɔtan me no aso wɔ awofonom bɔne a wɔye no ho kɔ awo ntoatoaso abiesā ne anan mu, **6** nanso meda ɔɔ adi kyere awo ntoatoaso mpem a wɔɔ me na wodi m’ahyede so no. **7** Mommmɔ Awurade, mo Nyankopɔn no, din basabasa. Se moye saa a, obebu mo fɔ. **8** Monkae homeda na munni no se da kronkron. **9** Nnansia na momfa nye mo nnwuma nyinaa, **10** na da a ɛto so ason no ye homeda ma Awurade, mo Nyankopɔn. Saa da no, ense se moye adwuma biara; ense se mo mmabarima, mo mmabea anaa mo asomfo anaa mo anantwi anaa mo ahɔho ye adwuma biara. **11** Efise Awurade de nnansia na ɛbɔɔ ɔsoro, asase ne po ne biribiara a ɛwɔ ne nyinaa mu, na ɔhomee ne nnanson so; enti ohyiraa homeda no so se wɔmfā nhome. **12** Di w’agya ne wo na ni na wo nna aware wɔ asase a Awurade, wo Nyankopɔn, de rema wo no so. **13** Nni awu. **14** Nsee aware. **15** Mmɔ korɔn. **16** Nni adansekurum. **17** Mma w’ani mmere wo yonko fi anaa ne yere anaa n’asomfo anaa n’anantwi anaa ne mfurum anaa biribiara a eye ne de.” **18** Nniipa no nyinaa huu anyinam ne wusiw kumɔnn wɔ bepɔw no so. Wote aprannaa ne torobento nne a eye hu

a erebo denneennen. Enti wotew gyinae a ehu ama won ho rewosow. **19** Woka kyere Mose se, “Ka asem biara a Onyankopon aka akyerɛ wo se ka kyere yen, na yebetie. Na mma Onyankopon ankasa nkasa nkyere yen na yeanwuwu.” **20** Mose nso ka kyere won se, “Munnsuro na Onyankopon pɛ se ɔda ne tumi adi kyere mo senea ebeye a, efi nne reko no, mubesuro se mobeye bone atia no.” **21** Nanso, nnipa no tew won ho gyinaa akyirikyiri baabi. Mose de, owuraa sum kabii no mu ko faako a Onyankopon wo ho no. **22** Awurade ka kyere Mose se, “Ka saa asem yi kyere Israelfo no. ‘Mudi ho adanse se, mifi osoro ada me pɛ adi akyerɛ mo. **23** Monkae se ense se moye anaa mosom ahoni a wode sika anaa dwete anaa biribi foforo aye. **24** “Dote aforemuka na monye mma me. Eso na mommo mo afoɛ mma me. Mo ohyew afoɛ ne asomdwoe afoɛ a mode nguan ne anantwi bo no nyinaa mommo mma me. Faako a mekyere mo se mumsi afoɛmuka no na mumsi na meba ho abehyira mo. **25** Mutumi de abo nso si afoɛmuka, nanso abo a wontwae na momfa nsi. Se mode afiri bi twa abo no di no adwinni a, enye se wode si, efise moagu ho fi. **26** Monnye atrapoe mma afoɛmuka no anye saa a, obi behwe mo ntade ase ahu mo adagyaw mu.’

21 “Mmara a ese se woka kyere won na ni: **2** “Se woto akoa a oye Hebrini a, ma no nsom wo mfe asia, na afe a eto so ason no, omfa ne ho nni a ontua hwee. **3** Se obeye w’akoa no na oye osigyani na se akhiri no aware a, onko nko ara na se mfe ason no du a obeko. Na se nso na waware ansa na obeye akoka de a, one ne yere no na wobeko. **4** Se nso ne wura no na omaa no obea waree wo ne nkoasom no mu, na se wowo mmabarima ne mmabea a, oyere ne mma no beye owura no de, na okunu no ako ne baabi. **5** “Na se obarima no pae mu ka se, ‘Mepe me wura ne me yere ne me mma asem nti merenko’, **6** ne wura no de no beba atemmufu anim na wode fitii afiti n’asom bagua mu na watena ne wura no nkyen se akoka afebɔ. **7** “Se obarima bi ton ne babea se afenaa a, mfe asia no du a, worennyaa no senea wogyaa mmabarima nkoa no. **8** Se ne som no nso onipa a otɔ no no ani a, onipa ko a otɔn no no wo ho kwan se osan to no bio. Nanso afenaa no wura no nni ho kwan se otɔn no ma onanani biara, efise se oye saa a, na wabu otɔn no ho nhyehyee so. **9** Na se afenaa wura no de afenaa no ma ne babarima aware a, afenaa no beye owura no babea. **10** Se onko ara ankasa ware no na osan ware

foforo a, ense se otew n’aduan ne ntama a odo ma no no so; na ense se okame no nna se oyere. **11** Na se wantumi anni saa ahyede abiesa yi so a, afenaa a oye oyere no tumi ko kwa a ontua sika biara.” **12** “Obiara a obeko obi akum no no, wobekum no bi. **13** Se eye asiane a eye Onyankopon nhyehyee a wanhye da a, mekyere onii no baabi a onguan nkohintaw. **14** Se obi hye da taataa ofoforo so pɛ se okum no a, onii no gyina afoɛmuka anim koraa a, montwe no nkokum no. **15** “Nea obo n’agya anaa ne na no, kum na ese se wokum no. **16** “Obi a owia onipa no, se wokyere no se saa onipa no wo ne nsam anaase waton no a, wonkum no. **17** “Nea odome n’agya anaa ne na no, kum na ese se wokum no. **18** “Se mmabarima baanu reko na won mu baako de obo anaa kuturuku bo obaako no pira no, na wanwu, nanso eka no to mpa so, **19** na akhiri no, otumi sɔre nantew na mpo se otɔ ne nan so a, obarima a obɔ ne yonko no di bem, nanso obaako no bere a wasɛ no no, obetua ho sika ama no, asan atua n’ayaresa ka nyinaa kosi se ne ho beto no. **20** “Se obi hwe n’akoa anaa n’afenaa ma no wu a, ese se wotwe n’aso. **21** Nanso se nna bi akhi no akoka no anwu a, eno de, owura no renko asotwe biara mu, efise akoka no ye n’agypade. **22** “Se mmabarima baanu reko na oko no mu wopira opemfo ma opɔn, nanso wanwu a, wobeko obarima a opiraa no no ka biara a opemfo no kunu de beto atemmufu anim ama wapene so no. **23** Na se opira no ma obea no wu a, wonkum saa obarima no. **24** Se opemfo no pira n’ani a, pira obarima no nso ani; se ne se tu a, tu ne de bi. Nsa nsi nsa anan, nan nsi nan anan, **25** ohyew nsi ohyew anan, apirakuru nsi apirakuru anan na atape nsi atape anan. **26** “Se owura bi bo n’akoa anaa n’afenaa ani so ma n’ani bo a, esiane n’ani no nti, ese se akoka anaa afenaa no de ne ho hye anan. **27** Se owura tu n’akoka se a, ne se no nti, omma onne ne ho mfa nhye anan. **28** “Se nantwi si obea anaa obarima ma no wu a, wonsiw nantwi no abo. Wonnwe ne nam no. Ne wura no nso, obiara mmfa ne nsa nka no, **29** gye se wote se mmere bi a atwa mu no, nantwi no sisii nnipa ma wobɔ ne wura no amannee a wanka ho hwee; se eba saa na se okum obi a, wonsiw nantwi no abo na ne wura no nso, wonkum no. **30** Se nso owufo no abusuafo pɛ a, wobeko nantwi wura no ka. Atemmufu na wobekyerɛ nea ontua. **31** Mmara koro no ara kyere nantwi a obesi abarimaa anaa obea. **32** Na se nantwi no si akoka anaa afenaa a, wobema akoka anaa afenaa no wura dwete gram ahaasa ne aduanan

abien, na wɔasiw nantwi no abo. **33** “Se ɔbarima bi tu abura, na wankata so, na nantwi anaa afurum kɔto mu a, **34** ka biara a aboa no wura bebo abura no wura no, eɛ se abura wura no tua na ɔfa aboa a wawu no. **35** “Se ɔbarima bi nantwi pira nantwi foforo na se owu a, mmɔa wuranom baanu no betɔn aboa a onwui no na wɔakyɛ sika no mu. Wɔn mu biara nso befa aboa a wawu no fa. **36** Na se aboa no taa sisi na ne wura no abu n’ani agu so de a, ɛno de, sikakyɛ biara remma; na mmom, ɔbarima a ne nantwi wɔ hɔ no betua nantwi a wawu no ho ka nyinaa na wafa no.

22 “Se obi kowia nantwi anaa oguan na okum no anaa ɔtɔn no a, ɔde anantwi anum besi nantwi baako anan mu. Na ɔde nguan anan asi oguan baako biara anan mu. **2** “Se wohu ɔkorɔmfo se ɔrewura ofi bi mu anadwo na wokum no a, nea okum no no nni fo. **3** Na se aɛm no si awia de a, wɔmfa no se eye awudi enti onipa a okum ɔkorɔmfo no di fo. “Se mokyere ɔkorɔmfo bi a, momma ontua nneema a wawia no nyinaa ho ka na se wantumi antua a, montɔn no se akɔa mfa no ntua ka no. **4** Se mokyere no se ɔrewia nantwi anaa afurum anaa oguan a onwui anaa biribi foforo bi a, momma no dekode a owiae no ho ka mpemanim. **5** “Se obi hye da gyaa n’aboa ma ɔko obi afum kodidi wɔ hɔ, see nnɔbae a, ɔmfa ɔno ara ne nnɔbae mu nea ɛso ani pa ara no mmetua ka. **6** “Se obi rehyew n’afuw, na ogya no tra kɔto ɔfoforo afuw mu, hyew, see ne nnɔbae a, nea ɛso gya no betua nnɔbae a asee no nyinaa ho ka. **7** “Se obi ma ɔfoforo sika anaa ade foforo bi se ɔmfa nsie mma no na wowia na se wokyere ɔkorɔmfo no a, obetua ne mpemanim. **8** Na se wɔankyere ɔkorɔmfo no a, wɔde onipa a wɔde agyapade no hye ne nsa no beba Onyankopɔn anim abehwehwe se ɔno ankasa na owiaa ne yɔnko no anaase enye ɔno. **9** Se eba se nantwi, afurum, oguan, ntama anaa biribi foforo bi yera na nea n’ade ayera no de n’ani kari obi se ɔno na wafa dekode no, na onii no san se enye ɔno na wafa a, eɛ se wɔde nnipa baanu no nyinaa ba Onyankopɔn anim ma ɔhwehwe mu. ɔhwehwe mu na nea obedi fo no, obetua ade a eyerae no ho ka mmɔho abien ama ɔbaako no. **10** “Se obi de afurum, nantwi, oguan anaa aboa foforo bi ma ne yɔnko bi ayen na aboa no wu anaa opira anaa oguan na se obi anhu ammekɛa, **11** eɛ se nea ogyee aboa no ayen no ka ntam se enye ɔno na wawia aboa no, na ne wura no gye to mu a, onnye biribiara nsi anan mu. **12** Nanso se wia na wowiaa aboa no anaa dekode no wɔ

ne nkyen de a, na eɛ se sohwɛfo a wowiaa aboa no anaa dekode no fii ne nkyen no tua ne wura no ka. **13** Se akekaboa na okum no a, eɛ se ɔde aboa no funu ba bekyere. ɔye no saa a, ɔrentua ho ka biara. **14** “Se obi fem aboa bi anaa biribi foforo bi fi ne yɔnko nkyen na se aboa no wu anaa opira, bere a ne wura no nni ho a, eɛ se onipa a ɔfem saa aboa no tua ka. **15** Na se ne wura no wɔ hɔ de a, enɛ se ɔfemfo no tua ka, efise wobuu eyi nyinaa fraa ɔfem no ho akatua mu. **16** “Se ɔbarima bi kɔdaadaa ɔbea bi a ɔnye ne ho ade na ɔne no da a, eɛ se ɔye ne ho ade na ɔware no. **17** Se ɔbea no agya se ɔmpene aware no so a, eɛ se ɔbarima no tua ne ti sika. **18** “Munkum mmea nkonyaaifo. **19** “ɔbarima biara a ɔbefa aboa bi no, wonkum no. **20** “Obiara a obefi Awurade akyi abɔ onyame foforo bi afɔre no, wonkum no. **21** “Monnye ɔhɔho ayayade, efise na mo nso moye ahɔho wɔ Misraim. **22** “Munnisi akunafo anaa ayisaa; **23** na se moye saa na wosu fre me a, megye wɔn so. **24** Mede m’abufuw betia mo na mama atamfo dɔm akum mo na mo yerenom nso adan akunafo ama mo mma nso aye ayisaa bi. **25** “Se wobɔ wo yɔnko Hebrini bosea a, nnye ho mfentom biara. **26** Se wugye ne ntama de si awowa a, anadwo no ara, fa n’ade kɔma no. **27** Efise ebia na ntama a ɔwɔ de kata ne ho de ka ne ho hyew ara ne no; woagye yi, ebeye den na watumi ada? Se woamfa ankɔma no na se osu fre me a, metie na mahu no mmɔbo, efise meye mmɔborɔhunufɔ. **28** “Monnkasa ntia Onyankopɔn na monnɔme aban mu mpanyimfo anaa mo atemmufɔ anaa wɔn a wodi mo so. **29** “Momfa mo nnɔbae mu nkyemu du mu baako mmre me ntem so. “Saa ara nso na muntua mo mmakan mmarima nkwaye ho ka no. **30** Ma wo nantwi anaa wo guan abakan no ne ne na ntena nnanson, na da a eto so awotwe no, fa no bre me. **31** “Esiame se moye kronkron ma me nti, monnwe aboa biara a akekaboa akyere no akum no. Munnyaw ne funu no mma akraman mmewe.

23 “Monkeka nkontomposem. Mo ne ɔbɔnefo nni nsawɔso, na moanni adansekurum. **2** “Mommfa wo ho nhyehye nnipadɔm bi a wɔpe se wɔye bɔne mu. Se moredi adanse a, monnhwe nnipa bi dodow so nni mmɔa wɔn, **3** na munni adanse mmɔa ohiani wɔ asennibea. **4** “Se muhu mo tamfo nantwi anaa n’afurum a wayera a, monkyere no nkɔma ne wura no. **5** Se mokoto se mo tamfo bi repagyaw n’afurum agyina ne nan so wɔ adeso duruduru ase a, monntwa ne ho nkɔ, mmom mommoa no. **6** “Mommfa atentreneɛ

nkame ahiafo wɔ asennibea. 7 Mommfa asem a munhui nto obi a odi bem anaa onokwafo so mma wonkum no, efise merennyaa ofɔdifo. 8 “Munnye adanmude na adanmudegye fura onipa ani. Adanmudegye ma nea n’asem ye de no asem sɛe. 9 “Monnhye onanani so; mo ankasa munim senea onananiye te, efise na moye ananafo wɔ Misraim. 10 “Munnua na muntwa no nnɔbae ntoatoa so saa ara nkosi mfe asia, 11 nanso afe a eto so ason so de, momma asase no nna ho kwa mma ahiafo ntwaa nnɔbae biara a ebenyin wɔ so no; nkae no, munnyaw mma mmɔa nwe. Saa ara na monye mo bobeturo ne wo ngonnya turo nso. 12 “Nnansia na momfa nye adwuma na monhome ne nnanson so. Eyi bema mo anantwi, mo mfurum, mo fifo, mo asomfo ne mo ahoho nso ahome. 13 “Munni asem biara a maka no so. Monnkankye mmɔ onyame foforo biara din; momma wɔnnɛte bi mmfi mo ano.” 14 “Afe biara mu, monhye fa mprensa mfa nhye me anuonyam. 15 “Nea edi kan no, munni Apiti Afahye no. Sɛ edu so a, munnni brodo a mmɔkaw wɔ mu nnanson, senea mehyee mo no. Eɛ sɛ afe biara mohye saa fa yi wɔ osram Abib mu, osram a mode tu fii Misraim no mu. “Edu saa bere no a, obiara mmre me afɔrebode. 16 “Eno akyi no, Otwabere Afahye na edi so. Saa afahye yi du so a, momfa mo aduankan mmre me. “Nea etwa to ye nnɔbae anoboa afahye a eɛ sɛ wodi no otwa bere no akyi. 17 “Afahye ahorow abiesa yi mu nyinaa, eɛ sɛ Israel mmarima nyinaa ba Awurade Nyankopɔn anim. 18 “Mommfa biribiara a mmɔkaw wɔ mu mmɔ mogya afɔre mma me. “Saa ara na enɛ sɛ m’afahye afɔrebode mu sɔde no tena ho ma ade kye so. 19 “Sɛ mutwa mo nnɔbae a, Momfa mo nnɔbae mu nea ɛso ani koraa no mmra Awurade mo Nyankopɔn fi. “Monnoa abirekyi ba wɔ ne na nufusu mu. 20 “Meresoma ɔbofo na wadi mo anim de mo ako asase a masiesie ama mo no so dwoodwoo. 21 Momfa nidi mma no na munni ne nsem so; monnsɔre ntia no, efise ɔremfa mo amumoye nkye mo. ɔye me nsiananmu, na me din na ɛda ne so. 22 Na sɛ motɔ mo bo ase, na mutie no, di me nsem nyinaa so a, meye ɔtamfo atia mo atamfo. 23 Me bofo bedi mo anim de mo aba Amorifo, Hetifo, Perisifo, Kanaanfo, Hewifo ne Yebusifo asase so na moatena ho. Na mɛsee saa nnipa no nyinaa wɔ mo anim. 24 Monnsom anyame a saa aman yi som wɔn no bi, na mommmɔ afɔre mma wɔn da biara da. Munnni saa abosonsomfo yi akyi. Munni wɔn so na mummubu wɔn ahoni a eye animguasede

no ngu. 25 Mo Awurade, mo Nyankopɔn nko ara na monsom no. Na mehyira mo ama moanya aduan ne nsu na meyi nyarewa nyinaa afe mo so. 26 Ɔpɔn anaa abonin remma mo asase no so na mɛma mo nna amee mo. 27 “Awurade ho hu beka aman a mubedi wɔn so no so nnipa nyinaa na wɔaguan wɔ mo anim. 28 Mɛma kotokurodu abɛpam Hewifo, Kanaanfo ne Hetifo afe mo anim. 29 Merenye eyinom nyinaa afe baako pe mu na asase no annan sare amma nkekaboa ammu amfa mo so. 30 Mɛpam wɔn nkakrankakra kosi sɛ mobedɔso, atumi ahye asase no so ma. 31 “Meto mo ahye afe Po Kokɔ no ano akosi Filistifo mpoano, na mede afe sare a ɛwɔ anafɔ fam no so akosi Asu Eufate, na mɛma mo adi nnipa a wote asase no so no so, na moapam wɔn afe mo anim. 32 Mo ne wɔn nnye apam biara, na saa ara nso na mo ne wɔn anyame no nnye biribiara. 33 Mommma wɔmmetena mo mu, anye saa a wobema mo aye bɔne atia me; esiane sɛ enye den ara a, wɔn abosonsom no som beye afiri a ebeyi mo.”

24 Afei, Awurade ka kyerɛ Mose se, “Wo ne Aaron, Nadab, Abihu ne Israelfo mpanyimfo aduɔson mfɔre mmra ha. Mo nyinaa, momma me ne mo ntam ntwe na monsom me. 2 Mose nko ara na ɔbɛbɛn Awurade; na monkae nso sɛ, enɛ sɛ wɔn a wɔaka no twiw ben bepɔw no koraa.” 3 Mose kaa mmara a Awurade hyee no no nyinaa kyerɛ nnipa na ma wɔn nyinaa bɔ gyee so se, “Yebedi ne nyinaa so.” 4 Mose kyerɛw Awurade mmara no nyinaa guu ho. Ade kyeɛ anɔpa no, osii afɔremuka wɔ bepɔw no ase. Ɔde adum dumien twaa ho hyiae, efise na Israel mmusuakuw no ye dumien. 5 Afei, ɔsɔmaa mmabun a wɔwɔ wɔn mu no bi sɛ wɔnkɔbɔ ɔhyew afɔre ne asomdwoe afɔre mma Awurade. 6 Mose sɔn mmɔa no mogya no fa de guu nkankye mu, na ɔtow fa a aka no petee afɔremuka no so. 7 Ɔkenkan nhoma a wakyerɛw a eye Apam Nhoma a Awurade akwankyerɛ ne ne mmara wɔ mu no kyerɛ nnipa no. Nnipa no bɔ gyee so bio se, “Yɛhye bɔ sɛ, yebedi mmara no nyinaa so.” 8 Afei, Mose de mogya a ɛwɔ nkankye no mu no petee nnipa no so kae se, “Saa mogya yi hye apam a mo ne Awurade aye ne mmara a ɔde ama mo no mu den.” 9 Mose, Aaron, Nadab, Abihu ne Israelfo mpanyimfo aduɔson no foro kɔ bepɔw no so 10 na wohuu Israel Nyankopɔn. Na n’anan ntiaso hyeren te sɛ hoabo a ne hyeren te sɛ wim ahosu. 11 Ɛwɔ mu sɛ mpanyimfo no huu Onyankopɔn de, nanso wansee wɔn. Nokwarem, wɔn nyinaa bɔ mu didii wɔ

Awurade anim. 12 Na Awurade ka kyereɛ Mose se, “Foro bra me nkyen wɔ beɔw so ha na tena ha, na mede mmaransem a makyerew agu ɔbo so no bema wo, na woafa so akyerɛkyere nnipa no.” 13 Enti Mose ne ne boafɔ Yosua foro kɔɔ Onyankopɔn beɔw no so. 14 Ɔka kyereɛ mpanyimfo no se, “Montena ha ntwen yen kosi se yebeba. Se asem bi kyere obi so a, obetumi akɔ Aaron ne Hur nkyen.” 15 Mose foro kɔɔ beɔw no so ho na ɔyeraa wɔ omununkum mu. 16 Na Awurade anuonyam hyee Sinai beɔw no so ma. Na omununkum sii beɔw no so nnansia. Ne nnanson so no, ɔfreɛ Mose fii omununkum no mu. 17 Wɔn a wɔwɔ beɔw no ase no huu anwonwade no. Na Awurade anuonyam a ɛwɔ beɔw no so no te se ogya a ɛredew. 18 Na Mose yeraa wɔ beɔw no so mununkum no mu. Odii beɔw no so adaduanan.

25 Awurade ka kyereɛ Mose se, 2 “Ka kyere Israelfo no se, wɔmmɔ afoɛ mma me. 3 “Saa nneema a edidi so yi mu na womfi mmɔ me afoɛ no: “sɛkakɔkɔ, dwetɛ, kɔbere, 4 ntama tuntum, koogyan bibiri tam; koogyan tam, sirikyɛ, abirekyɛ ho nwi, 5 odwennini nhoma a wɔahye no kɔkɔ, mmirekyɛ nhoma, ɔkanto dua, 6 kanea ngo, ɔsra ngo, nnuhuam a wɔhyewee, 7 abo a n’ahosu te se apopobibri, abo a wɔde betuatua asɔfotade ne nkatabo mu. 8 “Afei monye kronkronbea mma me, na metena wɔn mu. 9 Monye ntamadan yi ne ne nsiesiemu nyinaa senea mekyere mo no pɛpɛɛɛ. 10 “Momfa ɔkanto dua nye Apam Adaka a ne ntwemu ye anammɔn abiesia ne fa, ne tɛw nye anammɔn abien ne fa na ne soroko nso nye anammɔn abien ne fa. 11 Na momfa sɛkakɔkɔ ankasa nnura ho ne mu nyinaa. 12 Momfa sɛkakɔkɔ nkaa anan nhyehye adaka no anan anan no ho, wɔ fam pɛɛ. Ma nkaa no abien nkɔ ɔfa baako na abien a aka no nso nkɔ fa. 13 Fa ɔkanto sen mmaa, na fa sɛkakɔkɔ duradura ho. 14 Fa mmaa no hyehye nkaa no mu na wɔde asoa apam adaka no. 15 Munnyi yi nnua a wɔde soa adaka no mfi nkaa no mu. Momma enhyehye mu afeɔɔ. 16 Muwie adaka no a, momfa ɔbo a makyerew Mmaransem Du no agu so no nto mu. 17 “Momfa sɛkakɔkɔ nye adaka no ti a ne ntwemu ye basafa abien ne fa na ne tɛw nso ye anammɔn abien ne kakra. Ɛha ne baabi a mubenya mo ɔne so ahummoɔ a fi. 18 Momfa sɛkakɔkɔ a wɔaboro nye kerubim abien. Momfa ɔbaako nsi adaka no nkataso atifi na momfa ɔbaako nsi anafo. 19 Fa kerubim no tetare adaka no ti ne n’anafo na ene adaka no nkataso no nye mua. 20 Kerubim a wɔye

abɔfo no bedi nhweanim a wɔasisi wɔn ti ase rehwe mpata agua no na wɔatɛtɛw wɔn ntaban mu akata so. 21 Momfa ɔbo kyerewpon a mede bema mo no nto adaka no mu, na momfa ne ti no nkata so. 22 Na mehyia mo wɔ ho na makasa a fi mpata agua wɔ soro ho afa abɔfo no ntam. Na adaka no mu na wɔɛkora m’apam no ho mmara. Ɛho na meda me mmaransem a mode bema Israelfo no adi akyerɛ mo. 23 “Momfa ɔkanto dua nye ɔpon a ne ntwemu mu ye anammɔn abiesia, ne tɛw ye ɔnammɔn baako ne fa na ne soroko ye anammɔn abien ne fa. 24 Momfa sɛkakɔkɔ nnura ho na momfa sɛkakɔkɔ hankare ntwa ho nhyia. 25 Ye adaka no ho ntetareho a ne tɛw ye nsateaa anan twa ɔpon no ano ho hyia, na fa sɛkakɔkɔ hankare fa ho. 26 Ye sɛkakɔkɔ nkaa anan na fa nkaa anan no tuatua n’anan anan no biara akyi 27 twɔtwɔw so wɔ soro. Wɔde nnua no behyehye saa nkaa a wɔde bema ɔpon no so asoa no mu. 28 Fa ɔkanto ye nnua no, na fa sɛkakɔkɔ dura ho. 29 Momfa sɛkakɔkɔ nye nsanka, mprete, ntere, nhina ne nsatoa. 30 Da biara, fa brodo to ɔpon no so wɔ m’anim. 31 “Momfa sɛkakɔkɔ a wɔaboro nye kaneadua. Kaneadua no ase, n’abaa, akanea no nhwiren ne ɛho asiesie no nyinaa nye ade baako. 32 Kaneadua a ɛhye mfimfini no benya nkorata asia a abiesia wɔ fa na abiesia nso wɔ fa. 33 Momfa nhwiren abiesia nsiesie nkorata biara ho. 34 Na kaneadua no, momfa nhwiren a ɛye fe nni adwinni mfa nsiesie no. 35 Nhwiren no bi bɛwɔ ne dua no ase wɔ nkorata abien biara ase. Afei, nhwiren no bi bɛwɔ nkorata abien a ɛwɔ ase no ase, na bi nso bɛwɔ nkorata abien a ɛwɔ soro no so. 36 Saa nneema a wɔde siesie kaneadua no ne ne nkorabata no nyinaa nye ade baako a wɔde sɛkakɔkɔ ankasa a wɔaboro aye. 37 “Monye akanea dua ntuatua ho ason wɔ kaneadua no ho wɔ ɔkwan bi so a ne hyeren no betow hann agu n’anim. 38 Kanea ntamabamma adabaw no ne ne mpampaa no nso, momfa sɛkakɔkɔ ankasa nye. 39 Sɛkakɔkɔ kilogram aduasa anan na ɛho behia se mode bɛye kaneadua no ne ɛho nneema nyinaa. 40 Biribiara a mobeye no nso, monye no pɛpɛɛɛ senea makyerɛ mo wɔ beɔw so ha yi no.

26 “Fa asaawa a ɛye fe a woafura bamma du ne ntama a wɔahye no aduru tuntum, ɔtam bibiri, koogyan a wɔanwen kerubim seso agu mu si Ahyiae Ntamadan no. 2 Ɛse se nkataano du no nyinaa kese ye pɛ. Emu biara tenten ye anammɔn aduanan abien na ne tɛw nso ye anammɔn asia. 3 Mompam saa ntama

no anum mmo mu mma enye baako. Anum a aka no nso, monye no saa ara. **4** Momfa ntama bibiri bamma aduonum nwurawura ntama no afa abien a esensen ho no mu. **5** Eɛ se mobo nkotokoro aduonum ma edi nhweanim wo ofa biara. **6** Bo sikakokoo nkotokoro aduonum na fa kyekyere nkotokoro no bo mu, senea ebeye na Ahyiae Ntamadan ho no beye odan baako. **7** “Monwen mmirekyi nwi mfa nkuru Ahyiae Ntamadan no so. Eɛ se nkuruso no dodow ye dubaako. **8** Nkurusotam dubaako no nyinaa tenten ne ne trew nye pepepe. Ne tenten nye anammɔn aduanan anum na ne trew nye anammɔn asia. **9** Ka saa nkataso yi anum bo mu na enye ade tetreɛ baako; na fa asia a aka no bo mu na eno nso nye ade tetreɛ baako. Wobebu nkuruso a eto so asia no ato so ama asensen fam se odan kronkron no nhiniano. **10** Ye nkotokoro aduonum aduonum a waboboo hyehye ntama asinasin akuw abien no biara ano. **11** Na ye nsusumu aduonum na fa saa nsusumu no hyehye nkotokoro no mu na enka asoredan no mmo mu na enye mua. **12** Odan no nkurusotam anammɔn baako ne fa besensen Ahyiae Ntamadan no akyi, **13** na anammɔn baako ne fa nso asensen anim. **14** Momfa nneema ahorow abien mmo odan no so. Nea edi kan no nye odwennini were a waha ye nokoo, nea eto so abien nye abirekyi were a eso. **15** “Fa okanto ye ntaaboo na fa twa Ahyiae Ntamadan no ho. **16** Mpuran biara soroko nye anammɔn dunum na ne trew nye anammɔn abien ne kakra. **17** Eɛ se nkotokoro abien wo mpuran biara ase, na mpuran biara ye pe. **18** Mobeye Ahyiae Ntamadan no ntaaboo ama emu aduonu akyere n’anafo. **19** Wode besisi dwete nnyinaso aduanan so; nnyinaso no abien abien nhyehye mpuran biara ase. **20** Ahyiae Ntamadan no atifi fam nso, wobeye ntaaboo aduonu atwa ho. **21** Eno nso wode besisi dwete nnyinaso aduanan so a mpuran baako besi nnyinaso abien so. **22** Ahyiae Ntamadan no fa a kyerɛ atɛ fam no beye n’akyi. Eno nso wode ntaaboo asia na ebetwa ho. **23** a ntaaboo abien sisi twea biara. **24** Wode nkotokoro besuso ntaaboo abien no soro ne ne fam. **25** Woka ne nyinaa bo mu a, ntaaboo awotwe na wode beye odan no fa ho a wode besisi dwete nsisiso dunsia so. Mpuran biara befa nsisiso abien. **26** “Fa okanto sen mmeamu nnua bi na fa bea ntaaboo no mu. Mmeamu nnua no anum nko ntaaboo no fa baako. **27** na anum a aka no nso nko ofa baako. Fa mmeamu nnua no anum bobo ntaaboo a ewo ntamadan no akyi, a ani kyere atɛ fam no. **28**

Ma mmeamu dua a ebea mfimfini no nko ntaaboo no soro kakra mma emfi ti nkoka ti. **29** Fa sikakokoo dura ntaaboo no ho na fa sikakokoo nkaa suso mmeamu dua no mu na ennyina. Fa sikakokoo dura mmeamu dua no nso ho. **30** “Fa hyehyebɛa a mekyere wo wo bepɔw no so ho no so pepepe si Ahyiae Ntamadan no. **31** “Fa ntama tuntum, koogyan bibiri, koogyan ne asaawatam a eye fe ye ntwantam a wɔanwen kerubim seso agu mu no. **32** Fa sen okanto nnua fadum anan a wode sikakokoo adura ho a sikakokoo nsusumu anan suso ano no so. Ma ofadum anan no mu biara nsi dwete nnyinaso anan no baako so. **33** Fa ntwantam no sensen nsusumu no so na fa twa odan no mu. Fa adaka a obo a wɔakyerɛw Onyankopɔn mmara agu so no da mu no si ntama ntwantam no akyi. Ntama ntwantam no betwa kronkronbea ho ne kronkron mu kronkron no ntam. **34** Afei, fa adaka no mmuasoo a wode sikakokoo aye no bua so na fa si kronkron mu kronkron ho. **35** Fa opon no ne kaneadua no twa dan no mu wo ntwantam no akyi. Kaneadua no besi kronkronbea no anafo, na opon no asi n’atifi. **36** “Fa ntama foforo a eye otam bibiri ne koogyan asaawatam ye Ahyiae Ntamadan no ano nkataanim. **37** Fa saa ntwantam no sen okanto mpuran anum a wode sikakokoo adura ho no nsusumu no so. Wode saa mpuran no besisi ayowa ntaease anum no mu.

27 “Fa okanto ye aforemuka ma enyi ahinanan a n’afanan no mu biara ye anammɔn ason ne fa na ne soroko nso ye anammɔn anan ne fa. **2** Ye mmen anan tuatua aforemuka no ntwea anan no nyinaa so, na fa kobere dura ne nyinaa ho. Okanto a wode beye aforemuka no, eno ara bi na wode beye mmen no. **3** Bokiti a nsɔ begu mu, sofi, hweaseammɔ, adinam ne nsramma nkankye nyinaa, kobere na fa ye. **4** Fa kobere ye ntwaitae na fa dade nkaa hyehye ne ntwea anan no so. **5** Fa ntwaitae no hye nsramma kuruwa no mu na fa si aforemuka no basa a wɔaye no so. **6** Fa okanto sen nnua a wode kobere adura ho a wode besoa aforemuka no. **7** Se moreso a, momfa nnua no nhyehye nkaa a mode atuatua aforemuka no ho no mu. **8** Ntaaboo na momfa nye aforemuka no. Momma emu nna kwan senea mede kyere mo wo bepɔw no so no. **9** “Twa adiwo ma Ahyiae Ntamadan no na fa ntama a wode asaawa a eye fe aye sensen ho. Nkataano a esen anafo no tenten no nye anammɔn oha aduonum. **10** a kobere nnua aduonu a esisi kobere nnyinaso aduonu mu no suso mu. Dwete nkotokoro

ne dwete ntwea a etetare dwete afadum no ho no na ebesuso nsenanim no mu. **11** Adiwo a ekyere atifi fam no nso, saa ara na wonye no. Nsenanim a ne tenten ye anammɔn ɔha aduonum, na nnua aduonu sisi kɔbere nnyinaso mu a dwete nkɔtɔkoro ne ne ntwea tetare ho na ebegyina no. **12** “Adiwo no fa a ekyere atɔe fam no tɔew beye anammɔn aduwɔson anum a ekura nnua du a ntokuru du deda mu. **13** Apuei fam nso beye anammɔn aduwɔson anum saa ara. **14** Baabi a ne kwan da n’apuei fam no, wɔmfa nsenanotam a ne tenten ye anammɔn aduonu abien ne fa a nnua abiesa a esisi ntokuru abiesa mu suso mu no nsen ano. **15** Baabi a ne kwan da wɔ n’atɔe fam no nso, wɔmfa nsenanotam a ne tenten ye anammɔn aduonu abien ne fa nsen ano. Nnua abiesa a esisi ntokuru abiesa mu na ebesuso nsenanotam no mu. **16** “Adiwo ho no ano kwan nye ntama nsenanim a ne tɔew ye anammɔn aduasa. Wɔde asaawa tuntum, bibiri ne koogyan bedi mu adwinni fɛfɛfɛ. Wɔde nnua anan a esisi ne nnyinaso mu no nso besuso nsenanotam no mu. **17** Eɛ se nnua a ɛwɔ adiwo ho no nyinaa wɔde dwete ntwea a dwete suso mu, na n’ase no nso wɔde hyehye kɔbere nnyinaso apipiripi mu. **18** Enti adiwo ho tenten mu beye anammɔn ɔha ne aduonum, na ne tɔew nso aye anammɔn aduwɔson anum. Wɔde nkataano a wɔde asaawatam beye ne fasu, a ne soroko nso beye anammɔn ason ne fa. Eɛ se wɔde nnua a atwa adiwo ho no ho ahyia no sisi kɔbere nnyinaso no mu. **19** Kɔbere na eɛ se wɔde ye Ahyiae Ntamadan mu ho nkankye a wɔde nneema gu mu, ne nnyinaso a wɔde nkankyee besensen so wɔ ɔfasu ho no wɔ ho. **20** “Ka kyere Israelfo no na wɔmfa ngo kronkron a wɔde begu akanea a daa nyinaa ebisi so no mmɛ wo. **21** Aaron ne ne mmabarima na wɔde akanea a ennum da no besi Ahyiae Ntamadan no mu. Wɔbehwe so daa ama Awurade, senea ebeye a erennum. Eyi ye mmara a eɛ se Israelfo di so daa.

28 “Yi wo nua Aaron ne ne mmabarima Nadab, Abihu, Eleasar ne Itamar na tew wɔn ho na wonye asɔfo nsom me. **2** Pam atade kronkron ma wo nua Aaron na ama anuonyam aba n’adwuma no ho. Pam atade no na enye fɛ, senea ebema afata n’adwuma no. **3** Ka kyere nnipa a mama wɔn adepam ho nyansa na wɔmpam atade no. Eno na ebema no ada nsow wɔ ne mfɛfo mu na ama watumi asom me. **4** Ntade ahorow a wɔɛpam no ni: adebo asɔfotade, atade yuu, atade kɔnsin a eye adamadam, abotiri ne

nkyekyeremu. Wɔɛpam ntade kronkron bi nso de ama Aaron mmabarima no. **5** Wɔde ntama tuntum, bibiri ne koogyan a wɔde asaawatam pa na anwen na ɛɛpam. **6** “Ma ntamanwen mu adwumfo papa mfa sikakɔkɔ ne bibiri ne asaawa a ɛbere dum ne koogyan ne asaawa fitaa a wɔafura nye asɔfotade no. **7** Wɔɛpam no asinasin abien a eye anim ne akyi a wɔapam ne mmati no so abɔ mu. **8** Nkyekyeremu no beye ntama koro no ara bi. Ebeye asaawatam a eye akokɔsrade, tuntum, bibiri ne koogyan. **9** “Fa apopobibiri abo abien na kyere Israelfo mmusuakuw no din gu so. **10** Ɔbo biara, wɔnkyerew din asia ngu so, senea ebeye a, wɔn nyinaa din bedidi so mpanyin mu. **11** Fa ɔkwan a aboɔdemmotwafo si fa twa din gu adwinne so no so kyere din ahorow no senea Israel mma no din te, na fa sika mmuano twa ho hyia. **12** Fa abo abien no sisi asɔfotade no mmati so na enye nkae ade mma Israelfo. Na daa Aaron nso nam so akae, abo wɔn din akyere Awurade. **13** Ye sikakɔkɔ ntweaban a wɔakyinkyim **14** ne ntweaban abien a wɔde sikakɔkɔ aye tetare ntetareho a ɛwɔ asɔfotade no mmati so no mu. **15** “Momma odwumfo a n’adwinni ye fɛ na ɔnye atemmu adebo no. Momfa asaawatam a eye akokɔsrade, tuntum, bibiri ne koogyan na ɛmpam adebo no senea mode pam asɔfotade no. **16** Mummy adebo no nto so na enye se ntama nkotoku. **17** Momfa abo a ɛsom bo a esesa so anan mmobo mu. Nea a edi kan no nye bogyanambo, nea eto so abien no nye akraatebo na nea etwa to no nye ɔbo a ete se ahabammono. **18** Nsaso a eto so abien no nye nsrammabo, hoabo ne denkyemmo. **19** Nsaso a eto so abiesa no nso beye akutuhonobo, mfrafraebo ne beredumbo. **20** Nsaso a eto so anan no beye sikabereebo, apopobibiribo ne ahwehwebo. Sikakɔkɔ mmuano ntwa ne nyinaa ho nhyia. **21** Ɔbo no baako biara begyina ho ama Israel mmusuakuw no baako. Na wɔɛkyerew abusua ko no din agu so se nsɔwanode. **22** “Ɔkwan a mobefa so de adebo no afam asɔfotade no mu ni: ye sikakɔkɔ ntweaban. **23** Ye sikakɔkɔ nkaa abien, na fa tetare adebo no tɔwtɔw so. **24** Fa sikakɔkɔ ntweaban abien no hyehye adebo no nkaa abien no tɔwtɔw so, **25** ntweaban abien a aka no fa biara nso, wɔmfa ntare ɔbo a ete se apopobibiri no apɔw abien no so nsan mfa ntare asɔfotade no mmati so. **26** Ye sika nkaa abien na fa hyehye adebo ntwea abien a ɛwɔ fam no mu. **27** San ye sikakɔkɔ nkaa abien hyehye asɔfotade no ntwea so wɔ fam ma

enka nkyekyeremu no. **28** Fa bibiri hama kyekyere adebo no ase na fa hyehye nkaa a ewo asofotade no ase no mu. Eyi remma adebo no mfi asofotade no ho ntwew nsensen. **29** “Aaron befa saa kwan yi so na ode Israel mmusuakuw no din a ewo adebo no so no beko kronkronbea ho; na eyi na ebema Awurade akae Israelman bere nyinaa mu. **30** Se Aaron reko Awurade anim a, omfa Urim ne Tumim a ase ne hann ne peye nhye adebo a eda ne koko so no kotoku mu. Saa ara na daa Aaron besoa nneema a wonam so kyere Awurade apede de ma ne nkurofo no bere biara a obeko Awurade anim no. **31** “Wode ntama tuntum na ebepam asofotade no **32** na wagyaw okwan bi a Aaron de ne ti bewura mu. Eɛ se wode ntama a wɔanwen to atade no kɔn mu hyia, na ansuane amfa mu. **33** Wode ntama tuntum, bibiri ne koogyan na ebepam ato ano. **34** Eɛ se wode sikakokoo adɔmma ne atoaa aba a edi afrafra twa asofotade no mmuano ho hyia. **35** Bere biara a Aaron beko Awurade anim akosore no, saa asofotade yi na obehye. Ɔredi akoneaba wo Awurade anim ho wo kronkronbea ho no, na don no rewasow senea ebeye a ɔrenwu. **36** “Afei, boro sikakokoo ankasa ma enye tratraa se prete na kyerew so senea wokurukyerew nsowanode so no se: Kronkron Ma Awurade. **37** Wode ntama tuntum beso mu asensen Aaron abotiri no anim. **38** Aaron de saa ade no bebo ne moma so senea ebeye a, se Israelfo no bo afoɛ biara na mfomso ba ho a, eho asodi beda ne so, na Awurade agye nnipa no, na ode won boɛ nso akye won. **39** “Fa asaawatam a eye fe nwen Aaron atade konsin no. Ma enye adamadam na fa ntama koro no ara bi pam abotiri na nwen biribi gu ne nkatakɔnmu no nso mu. **40** Pam atade yuu ne nkyekyeremu ne abotiri ma Aaron mmabarima na momfa obu ne nidi mma won. **41** Saa ntade yi na momfa nhye Aaron ne ne mmabarima na momfa ngo ngu won tirim mfa nhye won asofo wo osom no mu, na momfa ntwew won ho se asofo a woye me dea. **42** “Mompam sirikiyi ntade a efi won sisi koka won nan ase, na wohye ansa a, wɔahye won ntade no agu so. **43** Bere biara a Aaron ne ne mmabarima no reko Ahiaie Ntamadan mu ho anaase wɛreko afoɛmuka no anim wo kronkronbea ho no, wonhye. Anye saa a afɔbu beba won so ama wɔawuwu. “Eyi ye daa apam a wɔahye ama Aaron ne ne mmabarima.

29 “Okwan a eɛ se mofa so hye Aaron ne ne mma asofo ni: Momfa nantwi ba ne adwennini abien a

won ho nni dem. **2** Na momfa esiam muhumuhu a mmokaw nni mu nye brodo a eye de ne tetare a wode ngo afra ne ofam a wode ngo agu so. **3** Fa brodo no gu kentɛn mu na fa nantwi ba no ne odwennini no ka ho bra Ahiaie Ntamadan no ano. **4** Momfa Aaron ne ne mmabarima no mmra Ahiaie Ntamadan no kwan ano ho, na momfa nsu ngware won. **5** Momfa Aaron atade yuu no nhye no. Monhye no atade konsin no, n'asofotade no ne adebo no ne nkyekyeremu no, **6** na momfa abotiri a sikakokoo bobo mu no mmo no. **7** Momfa ɔsrango no na munhwie ngu ne ti so. **8** Ne mmabarima no nso, momfa won ntade yuu no nhyehye won. **9** Momfa won nkyekyeremu no nka won ho. Saa kwan yi so na momfa nhye Aaron ne ne mma ne won asefo mma wonye asofo daa nyinaa. **10** “Mode nantwi ba no beba Ahiaie Ntamadan no anim na Aaron ne ne mmabarima de won nsa agu aboa no apampam. **11** Munkum no wo Awurade anim wo Ahiaie Ntamadan no kwan ano. **12** Momfa ne mogya nsrasra mmen a etuatua afoɛmuka no ho no so. Momfa mo nsateaa na enye, na munhwie mogya a ebeka no ngu afoɛmuka no ase. **13** Muni ne mu srade no ne ne bonwoma kotoku no ne ne asaabo abien no ne srade a ewo ho no na monhyew no wo afoɛmuka no so. **14** Mmom momfa aboa no ne ne were ne n'agyanan no mfi ho nko afikiyi na monkohyew no se bone ho afoɛbo. **15** “Se wɛrebekum adwennini no nso a, Aaron ne ne mmabarima no mfa won nsa ngu aboa no baako apampam **16** na wonkum no. Wonsow ne mogya no na wɔmfa mpete afoɛmuka no ho nyinaa. **17** Twitwa odwennini no asinasin na hohoro n'ayamde no mu ne n'anan no ho; fa ne ti no ne nea moatwitwa no gu faako **18** na monhyew no wo afoɛmuka no so; eye ohyew afoɛ a esɔ Awurade ani. **19** “Momfa odwennini a aka no na Aaron ne ne mmabarima mfa won nsa ngu n'apampam, **20** Munkum no na monsow mogya no bi na momfa ketewaa bi nsoso Aaron ne ne mmabarima no aso nifa, won kokurobeti nifa ne won anan nifa kokurobeti so. Afei mompete nkae no ngu afoɛmuka no ho nyinaa. **21** Montworow mogya a ewo afoɛmuka no so no bi na momfa mfra ɔsrango na momfa mpete Aaron ne ne mmabarima no so ne won ntade mu. Enam saa so bema won ne won ntade ho atew wo Awurade anim. **22** “Momfa odwennini no srade ne ne dua ne ne mu srade ne ne bonwoma kotoku ne n'asaabo abien ne eho srade ne ne sre nifa. Eyi ne odwennini a wode behye Aaron ne ne

mmabarima asofo no. **23** Momfa brodo mua baako ne tetare a wode asrango afra, na munyi ofam baako mfi kenten a wode brodo a mmokaw nni mu agu mu a wode asi Awurade anim no mu. **24** Momfa eyinom nhye Aaron ne ne mmabarima nsam na womfa nkyere se aforebode mma Awurade. **25** Eno akyi no, munnye mfi won nsam na monhyew no wo aforemuka no so se ohuam afore mma no. **26** Momfa Aaron asofohyeguan no yan no a munhim wo Awurade anim se ohim aforebo, na ebeye mo kyefa. **27** “Montew asofohye dwennini no akwaa, ne koko a wohimii ne ne sre a wode mae a eye Aaron ne ne mmabarima de no ho. **28** Ese se eyi ye Israelfo asede se wobeye ama Aaron ne ne mmabarima. Eye Israelfo no fam asomdwoe afore a ese se wobo ma Awurade. **29** “Aaron ntade kronkron yi beye n’asefo de na watumi ahye ama wasra won ngo ahye won asofo. **30** Osafopanyin biara a obedi Aaron ade no behye saa ntade yi nnanson ansa na wafi n’asofodwuma ase wo Ahyiae Ntamadan no mu ne kronkronbea ho. **31** “Fa odwennini no nam a watew ho no ne odwennini nam a wode hyee osofo no na monnoa no wo baabi a cho tew. **32** Aaron ne ne mmabarima bedi brodo a ewo kenten no mu no, na wode nam no abo so wo Ahyiae Ntamadan no ano. **33** Won nko ara na wobewe nam no adi nnuan a wode tew won ho no. Nnipa a womfra asofo abusua no mu no renni bi, efise watew ho. **34** Se ade kye asofohye dwennini anaa brodo no bi so a, monhyew. Ense se wodi, efise eye kronkron. **35** “Eyi ne okwan a momfa so nhye Aaron ne ne mmabarima no asofo. Nnanson na womfa nni saa asofohye no ho dwuma. **36** Da biara, mode nantwi ba bebbo afore de adwira mo ho. Eno akyi no, mompra aforemuka no ho bone nyinaa na monye no kronkron na monhwie ngo ngu so mfa ntew ho. **37** Montew aforemuka no ho na daa monye no kronkron saa ara nnanson mma Onyankopon. Eno akyi no, aforemuka no ho betew yiye senea biribiara a wode beka no no beye Onyankopon dea. **38** “Da biara, momfa nguanten mma abien a wadi afe mmo afore wo aforemuka no so. **39** Momfa oguamma no baako mmo afore no anopa na momfa baako nso mmo afore anwummere. **40** Aforebo a edi kan no, momfa asikresiam lita abien ne fa a wayam no muhumuhu mfra ngo a wakiyafi ngodua mu lita baako; saa ara na momfa bobesa lita baako nye ahwiesa. **41** Momfa oguan no baako a waka no mmo anwummere afore a asikresiam ne nsa ka ho te se anopa de no ara. Ebeye

ohyew aforehuam ama Awurade. **42** “Saa aforebo yi beko so da biara wo Ahyiae Ntamadan no pon ano wo Awurade anim. Eho na mehyia mo ne mo akasa. **43** Na mehyia Israelmma wo ho na m’anuonyam atew Ahyiae Ntamadan no ho. **44** “Ampa ara, metew Ahyiae Ntamadan no ne aforemuka no ho ne Aaron ne ne mmabarima a woye m’asofo no ho. **45** Na metena Israelfo mu na maye won Nyankopon, **46** na wobehu se mene Awurade, won Nyankopon. Mede won fi Misraim bae senea ebeye a, metena won mu. Mene Awurade won Nyankopon.

30 “Fa okanto ye aforemuka ketewa bi a wobehyew aduhuam wo so. **2** Ma enye ahinanan a ne fa biara susuw nsateaa dunwotwe, na ne soroko nso nye anammwon abiesa a wasen; ne mmen a baako tua ho. **3** Fa sikakokoo dura ne soro, ne nkyen ne ne mmen a ewo aforemuka no ho no nyinaa. Na fa sikakokoo mmuano twa aforemuka no ho nyinaa hyia. **4** Fa sikakokoo nkaa abien hyehye mmuano no a ewo afanu no ase na wode nnua a wode besoa no awurawura mu. **5** Womfa okanto na enye nnua no, na womfa sikakokoo nnura ho nyinaa. **6** Fa aforemuka no si ntwaamtam no akyi wo mpatabea ho a ebbo faako a Apam Adaka a Mmaransem Du no wo no ho ban. Mehyia mo wo ho. **7** “Da biara anopa, se Aaron resiesie kanea no a, wobehyew aduhuam wo aforemuka no so. **8** Anwummere biara, se oso kanea no a, wobehyew aduhuam wo Awurade anim ama awo ntoatoaso a eboba nyinaa. **9** Monhyew aduhuam a wama ho kwan wo aforemuka no so. Mommma ohyew afore ne aduan afore wo so, na mommma ahwiesa ngu so. **10** Afe biara, ese se Aaron dwira aforemuka no ho ye no kronkron. Ode mogya besrasra mmen a etuatua ho no so se mpata. Ese se afe biara wotew aforemuka no ho ye no kronkron ma awo ntoatoaso a eboba no so kosi awo ntoatoaso so. Eye kronkron ma Awurade.” **11** Awurade ka kyeree Mose se, **12** “Bere biara a wobekan Israelfo no, obiara a wobekan no no mfa ne kra ho mpata mmre Awurade, senea ebeye a oyaredom biara remma won mu bi so. **13** Ese se obiara a wakan no no ma dwetebona fa, a emu duru ye gram asia (senea kronkronbea mu dwetebona bo te no.) **14** Obiara a wadi mfe aduonu reko no na obebbo saa afore yi. **15** Ense se adefo ma ma eboro sika a watwa ato ho no so. Ense se ahiafo nso ma nea esua sen saa, efise eye Awurade afore a ode retew yen ho ama yen. **16** Momfa saa sika yi nsiesie Ahyiae Ntamadan no. Se moye saa

a, ebema Awurade ani aba mo, Israelfo, so na aye mpata nso ama mo.” 17 Awurade ka kyere Mose se. 18 “Fa kɔbere ye hweaseammɔ a ne nnyinaso nso ye kɔbere. Fa si Ahyiae Ntamadan no ne aforemuka no ntam na fa nsu gu mu. 19 Eho na Aaron ne ne mmabarima behohoro won nsa ne won anan ho 20 bere a wɔrekɔ Ahyiae Ntamadan no mu de won ho akɔkyere Awurade, anaase wɔrekɔ akɔbɔ afoɔre wɔ aforemuka no so ama Awurade no. Saa ara na bere biara a wɔrekodi saa dwuma yi no, 21 ese se wɔhohoro won ho na wɔanwuwu. Ese se eyi ye mmara a ebetena ho daa ama Aaron ne n’asefo, awo ntoatoaso a ebɛba nyinaa.” 22 Afei, Awurade ka kyere Mose se, 23 “Hwehwe nnuhuam papa se kurobow a eye kilogram asia, sinamon kilogram abiesa ne mmetire huamhuam kilogram abiesa. 24 Kurobow dodow a mobefa no nye se sinamon no dodow na momfa ngodua mu ngo lita anan. 25 Awurade ahye nnuhuamfrafo a wakwadaw ne ye mu yiye, se wɔmfra saa nnuhuam yi mma enye ngo kronkron a wɔde tew onipa ho. 26 Na momfa eyi ntew Ahyiae Ntamadan ne Apam Adaka, 27 ɔpon no ne eho nkankyee nyinaa, kaneadua no eho nneema, nnuhuam aforemuka no, 28 ɔhyew afoɔre ne ho nkankyee, ne hweaseammɔ ne nea esi so. 29 Montew ho na enye kronkron na biribiara a ebɛka saa nneema yi no ho atew. 30 “Monsra Aaron ne ne mmabarima no senea ebeye a won ho betew na wɔatumi aye asofodwuma de asom me. 31 Na monka nkyere Israelfo se, ‘Eyi beye me srango kronkron ama awo ntoatoaso a ebɛba no. 32 Ense se wohwie gu obiara so kwa, na ense se mo ankasa nso moye bi, efise eye kronkron enti ese se mo nso moye no kronkron. 33 Obiara a ɔbefra aduhum a ete se eno na obehwie bi agu obi a ɔnye ɔsofo so no, se se wo twa no asu.’” 34 Awurade hyee mmara a efa aduhum no ho maa Mose se, “Fa nnuhuam atomude ne nworahuam ne prekesɛ huamhuam ne ohuamfufu gyenennyenen na wonsusuw ne nyinaa mu duru mma enye pɛ, 35 na fa ye aduhum a wɔhyewee a aduhumfrani a waben ye no bi, na wɔmfra nkyene mfra mu; na ebeye aduhum kronkron. 36 Monyam bi mma enye muhumuhu na momfa bi nsi Apam Adaka no anim faako a mehyia mo wɔ Ahyiae Ntamadan no mu ho no. Saa aduhum yi ne nea eye kronkron koraa wɔ ne nyinaa mu. 37 Monnye bi mfa, efise wɔakora ama Awurade enti ese se moye no kronkron. 38 Obiara a ɔbeye bi afa no, wontwa no asu.”

31 Awurade ka kyere Mose se, 2 “Mapaw Besaleel a ɔye Uri babarima na ɔye Hur nena a ofi Yuda abusua mu no 3 de Onyankopɔn Honhom, nyansa, ntease, nimdee ne nnepa ahorow nyinaa ahye no mma 4 se ɔmfra nye sika, dwete ne kɔbere nnwinne ahorow, 5 se ɔmfra nye abo ne dua dwumfo ne adwinni ahorow nyinaa. 6 Bio, mayi Ahisamak ba Oholiab a ofi Dan abusua mu se ɔnye ne boafɔ. “Eno akyi no, mama adwumayefo no nyinaa nimdee sononko bi senea ebeye a, wobetumi adi dwuma biara a makyere se munni no: 7 “Ahyiae Ntamadan, Apam Adaka ne mpata agua ne Ahyiae Ntamadan no mu ahyehyede nkae no nyinaa; 8 ɔpon no ne so nneema, sikakɔkɔ kaneadua ne ho nneema, ohuam aforemuka; 9 ɔhyew aforemuka ne ho nneema, nsankason ne ne nnyinaso; 10 ɔsofo Aaron ntade kronkron fɛfɛ no ne ne mma ntade bere a wɔsom se asofo no; 11 ne ɔsra ngo ne Kronkronbea ho aduhum no. “Ese se wɔfa kwan a mekyere wo no so na wɔye eyinom nyinaa.” 12 Afei, Awurade ka kyere Mose se, 13 “Ka kyere Israelfo no se, ‘Se edu Homeda a, monhome. Eyi ne nsenkyerɛnne a ɛda me ne mo ne awo ntoatoaso a ebɛba no ntam, na moahu se mene Awurade a meye mo kronkron no.’ 14 “Munni Homeda no, efise eye da kronkron. Obiara a obebu saa mmara yi so no, obewu. Na nea ɔbeye adwuma saa da no nso, wobekum no. 15 Nnansia na mode beye adwuma. Na nnanson so no ye Homeda a wɔntoto no ase a eye kronkron ma Awurade. Ese se wokum obiara a ɔbeye adwuma Homeda no. 16 Ese se Israelfo no di Homeda no, wonni mma awo ntoatoaso no nhu se eye apam afeɔɔ. 17 Ebeye daa apam a ɛda me ne Israelfo ntam no ho nsenkyerɛnne. Efise nnansia mu na Awurade de ɔsoɔ so ne asase, na ɔhomee da a eto so ason no.” 18 Onyankopɔn kasa kyere Mose wɔ Sinai Bepɔw so wiee no, ɔde abo pon abien a ɔde ne nsa akyerɛw Mmaransem Du no wɔ so no maa no.

32 Mose kyee wɔ bepɔw no so saa no, nnipa no nyinaa kɔɔ Aaron so kɔka kyere no se, “Ntem, ye anyame a wobedi yen anim ma yen, efise yenhu baabi a Mose a odii yen anim de yen fi Misraim asase so baa ha no afa; ebia na biribi aye no.” 2 Aaron nso ka kyere won se, “Munyiyi mo sika nsonkaa nyinaa mmra.” 3 Won nyinaa yiyii won nsonkaa brɛ Aaron. 4 Aaron nan sikakɔkɔ nsonkaa no, na ɔde oguu nantwi ba ohoni. Nnipa no nyinaa kae se, “Israel, oyi ne mo nyame a oyii mo fii Misraim asase so bae no.” 5

Aaron huu se nnipa no ani agye sika nantwi ba ohoni no ho no, osii afɔremuka sii nantwi ba no anim kae se, “Ɔkyena yebɛhyɛ fa ama Awurade.” **6** Wɔsɔree anɔpahema fii ase bɔɔ ɔhyew afɔre ne asomdwoe afɔre de maa nantwi ba ohoni no. Enɔ akyi no, wɔtoo pon kɛse, didi nomee, goruu abosongoru, yɛ ahuhude. **7** Afei, Awurade ka kyerɛ Mose se, “Yɛ ntɛm na sian kɔ wo nkurɔfo a wode wɔn fi Misraim asase so bae no nkyɛn, efise wɔagu wɔn ho fi, **8** na wɔabu me mmara nyinaa nso so. Wɔabɔ sika nantwi ba a wɔsom no, asan abɔ afɔre nso ama no aka se, ‘Israel, oyi ne mo nyame a oyii mo fii Misraim asase so bae no.’” **9** Awurade kae se, “Mahu senea saa nnipa yi si yɛ asoɔden na wɔsan yɛ atuatewfo fa. **10** Afei, ma me kwan na memma m’abufuw nnɛw ntia wɔn mma menseɛ wɔn. Na meɣe wo ɔman kɛse.” **11** Nanso Mose srɛɛ Onyankopɔn se ɔnye saa. Ɔkɔɔ so se, “Awurade, adɛn nti na ɛse se w’abufuw dɛw atia wo ara wo nkurɔfo a wonam anwonwakwan ne wo tumi so yii wɔn fii Misraim asase so yi? **12** Adɛn nti na ɛse se Misraimfo no ka se, ‘Onyankopɔn daadaa wɔn se wɔmmra bepɔw no so senea obenya wɔn akum wɔn, atɔre wɔn ase afi asase so?’ Ma wo bo ntɔ wo yam na gyae ɔsɛe a woɣe se wode ba wo nkurɔfo no so no. **13** Kae bɔ a wohyɛ w’asomfo Abraham, Isak ne Israel no. Wo ara wokaa ntam se, ‘Mɛma mo asefo adɔɔso se ɔsoro nsoromma na mede saa asase a mahyɛ mo ho bɔ yi nyinaa bema mo asefo na wɔatena so afeɔɔɔ.’” **14** Na Awurade sesaa n’adwene de wɔn ho kyɛɛ wɔn. **15** Afei, Mose sian fii bepɔw no so bae a okura Mmaransem Du no a wɔakyerɛw agu abo apon abien akyi ne anim no. **16** Onyankopɔn no ankasa na ɔkyerɛw mmaransem no wɔ apon no so. **17** Bere a Yosua tee se nnipa bi reyɛ gyegyegye no, ɔka kyerɛɛ Mose se, “Ɛyɛ me se wɔreboaboa wɔn ho akɔ ɔko!” **18** Enna Mose nso buaa no se, “Enyɛ nkonimdi mu nnyigyɛi na enyɛ nkogu de, na mmom, eyɛ nnwonto nnyigyɛi na mete.” **19** Wobeduu atɛnae hɔ, Mose huu nantwi ba no ne asaw a wɔresaw. Enti ɔde abufuwhyew tow kyerɛwapon no hwehwee fam ma ebubuu wɔ bepɔw no ase. **20** Ɔfaa nantwi ba no nan no wɔ ogya mu na edwoe no, ɔyam no muhumuhu de guu nsu mu maa nnipa no nomee. **21** Obisaa Aaron se, “Dɛn nko ara na saa nnipa no yɛ wo a enti wudii wɔn anim ma wɔyɛɛ saa bɔne kɛse yi?” **22** Aaron buaa no se, “Mma wo bo mmfuw. Wo ara wunim senea wo nkurɔfo yi yɛ nnipa bɔne fa. **23** Wɔn ara na wɔka kyerɛɛ me se, ‘Yɛ onyame

bi ma yɛn na ɔnkyerɛ yɛn kwan na yennim nea aye saa Mose a odii yɛn anim fii Misraim no.’” **24** Enti me nso mekae se, ‘Munyiyi mo sikakɔkɔɔ nsonkaa mma me.’ Woyi de maa me na mede guu gya mu. Enɛ saa nantwi ba no!” **25** Mose huu se Aaron ama nnipa no adan aguamammofo ama wɔn atamfo anya wɔn no, **26** ogyinaa wɔn atɛnae hɔ pon no ano tɛɛ mu se, “Mo a mowɔ Awurade afa no, mommra me nkyɛn.” Lewifo no nyinaa kɔɔ ne nkyɛn. **27** Ɔka kyerɛɛ wɔn se, “Awurade Israel Nyankopɔn se, ‘Momfa mo afoa nhɛhyɛ mo ho na munni mo atɛnae hɔ akɔneaba, na munkunkum mo nuanom, mo nnamfonom ne mo afipamfo.’” **28** Enti wɔyɛɛ saa maa nnipa beyɛ mpensa totɔɔ da no. **29** Afei, Mose ka kyerɛɛ Lewifo no se, “Nnɛ, moatu mo ho asi hɔ se mobesom Awurade, efise moayɛ osetie ama no ama mpo, monam so akunkum mo mma ne mo nuanom, enti obɛhyira mo beɔree.” **30** Ade kyɛɛ anɔpa no, Mose ka kyerɛɛ nkurɔfo no se, “Moayɛ bɔne a ɛso bi mmaa da, nanso mɛsan akɔ Awurade nkyɛn wɔ bepɔw no so akɔhwɛ se ebɛia, menya bɔnefakye ama mo ana.” **31** Enti Mose san kɔɔ Awurade nkyɛn kɔka kyerɛɛ no se, “Ao, saa nnipa yi ayɛ bɔne a ɛso bi mmaa da, na wode sikakɔkɔɔ ayɛ wɔn anyame. **32** Enti meredi ama wɔn se, fa wɔn bɔne kyɛ wɔn, na se ɛnte saa nso a, pepa me din fi nhoma a wɔakyerɛw no mu.” **33** Awurade buaa Mose se, “Obiara a wayɛ me bɔne no, mɛpepa no afi me nhoma mu. **34** Enti afei, kɔ na di nkurɔfo no anim kɔ baabi a mekyerɛɛ wo no na mehyɛ wo bɔ se mɛma me bɔfo adi w’anim; nanso se mɛbesra nkurɔfo no a, metwe wɔn aso wɔ wɔn bɔne no ho.” **35** Na ɛsiane se nnipa no som Aaron nantwi ba no nti, ɔtew ɔyare guu wɔn so.

33 Awurade ka kyerɛɛ Mose se, “Di saa nnipa a wode wɔn fi Misraim asase so no anim kɔ asase a mede hyɛɛ Abraham, Isak ne Yakob bɔ no so, efise mekae se, ‘Mede saa asase yi bema w’asefo.’” **2** Mɛsoma ɔbɔfo adi w’anim na wapam Kanaanfo, Amorifo, Hetifo, Perisifo, Hewifo ne Yebusifo. **3** Ɛyɛ asase a ɛwo ne nufusu sen wɔ so. Na me ne mo rentu saa kwan no efise moyɛ nnipa a mo aso yɛ den, na anyɛ a na makɔsɛe mo wɔ ɔkwan so.” **4** Nnipa yi tee saa nsɛnhyew yi no, wotwaa agyaadwo na wɔworɔworɔw wɔn ho nkaa ne nnwinne nyinaa. **5** Awurade ka kyerɛɛ Mose se ɔnka nkyerɛ wɔn se, “Moyɛ nnipa a mo aso yɛ den. Na se me ne mo tena beyɛ simma baako pɛ koraa mpo a, anyɛ a na matɔre mo ase. Monworɔworɔw mo nkaa ne mo nnwinne a

mohyehye no nyinaa na mehu nea meye mo.” 6 Eyi akyi no, obiara worow ne nnwinne wo Bepow Horeb so. 7 Na Mose sii ahyiae ntamadan wo nsraban no akyi a obiara a ope se one Awurade di nkitaho no ko ho. Wotoo dan no din Ahyiae. 8 Bere biara a Mose beko Ahyiae Ntamadan no mu no, nnipa no nyinaa sore begyina won ntamadan no ano hwe no kosi se obedu odan no ano. 9 Orewura mu a, omununkum fadum behyia no wo okwan no ano na Awurade nam mu ne Mose akasa. 10 Bere biara a nnipa no behu omununkum fadum no se egyina ntamadan no pon ano no, won nyinaa besore akotow nea wobehu wo won ntamadan no pon ano no. 11 Odan no mu, na Awurade kasa kyere Mose anim ne anim, senea obi ne n’adamfo di nkommom. Na se Mose san ko nsraban no ho a, aberante a oboa no a wofre no Yosua (Nun ba) no de, otena Ahyiae Ntamadan no mu ara kosi se Mose besan aba. 12 Mose ka kyeree Awurade se, “Daa woka kyere me se, ‘Fa saa nnipa yi ko bogyehye asase no so, nanso wonkyeree me onipa a onka me ho ne me nko. Wuse woye m’adamfo a woaye me adoe bebre.’” 13 Na se saa na ete a, di m’anim kyere me faako a eye wo pe se mefa na ama mate wo ase na mafa wo kwan so peperepe. Na mma wo were mfi se saa oman yi ye wo nkurfo.” 14 Na Awurade buaa no se, “M’ankasa me ne wo beko na woadi nkonim.” 15 Nanso Mose kae se, “Se wo ne yen renko de a, mma yemmfi ha nko. 16 Se wo ne yen anko a, hena na obehu se me ne me nkurfo anya wo ho adom a ama nsonoe abeda yen ne asase sofo a woka no ntam?” 17 Awurade buaa Mose se, “Ampa ara, meye w’abisade ama wo, efise woanya ahummobo ahi me nkyen na woye m’adamfo.” 18 Na Mose sree se ope se ohu Onyankopon anuonyam. 19 Awurade buae se, “Mema mo ahu m’adoe, na mebo me din Awurade no akyere mo. Nea mepe se mihu no mmobo no, mehu no mmobo, na nea mepe se meye no adoe nso, meye no adoe. 20 Nanso morenhi m’anuonyam, efise obiara renhi m’anim ntena nkwa mu. 21 “Nanso gyina obotan yi so wo me nkyen ha. 22 Na se m’anuonyam resen a, mede wo behye obotan no mu na mede me nsa akata wo so akosi se metwa mu. 23 Afei, meyi me nsa na woahu m’akyi, na m’anim de, ense se wuhu.”

34 Awurade ka kyeree Mose se, “Ye abo kyerew apon abien te se nea woyee kan na mekyerew mmara koro no ara senea na ewo nea wububuu mu no

so ara pe ama wo. 2 Siese wo ho na bra Sinai Bepow so anopa na fa wo ho bekyere me. 3 Mfa obiara nka wo ho na ense se obiara ben bepaw no ho baabiara. Mma mmoa biara nko adidi mmen bepaw no.” 4 Enti Mose twaa kyerew apon abien te se kan de no de koo Sinai Bepow so anopahema senea Awurade hyee no no. 5 Awurade sian baa se omununkum fadum begyinaa Mose ho boo ne din kronkron Awurade no. 6 Awurade faa Mose anim ffee no kae se, “Me, Awurade, Onyankopon mmaborohunufu ne odomfo a me bo kye fuw na mewo odo na midi nokware nso; 7 me Awurade, medo nnipa mpempem na mede atirimoden, atuawew ne bone kye. Nanso metwe afodi aso na metwe Agyanom, mma ne nananom aso kosi awo ntoatoaso abiesa ne anan aso.” 8 Mose kotow Awurade som no. 9 Okae se, “Se eye nokware pa ara se woagye me ato mu de a, Awurade, wo ne yenko bogyehye asase no so. Saa nnipa yi aso ye den de, nanso fa yen bone kye yen na gye yen se wo ara wo nnipa.” 10 Awurade buae se, “Eye, me ne wo beye nhyehyee bi. Merebeye anwonwade bi a bi nsii asase so da, na enam so ama Israelfo nyinaa ahu tumi a Awurade wo. Menam wo so na meye saa tumide no. 11 Wo fam de a wobeye ara ne se, wubetie nsem a mehye wo no na woaye ne nyinaa; na se eba saa a, mepam Amorifo, Kanaanfo, Hetifo, Perisifo, Hewifo ne Yebusifo no nyinaa ahi w’anim. 12 Hwe wo ho so yiye pa ara na wo ne oman a woreko mu no mufo ampam, anye saa a, wobeye mfiri wo mo mu a ebeyiye mo. 13 Bubu won abosonsom aforemuka no. See won abo adum no na muntutu won abosom no ngu. 14 Na monnsom onyame foforo biara nka Awurade ho, na ono nko ara ne Onyankopon a ese se mosom no. 15 “Wo ne onipa biara a ote asase no so nnye asomdwoe apam biara, efise wonni me nokware, na wobo afoe ma won anyame de tia me. Se wo ne won ye adwene a, wobeto nsa afoe wo ama woakodi won abosom so nnuan. 16 Afei nso, eye saa a, mubegye won mmabea aware ama mo mmabarima no akosom won yerenom no anyame bi de atia me. 17 “Monnye ahoni biara. 18 “Munni Apiti Afahye no. Munni brodo a mmakaw nni mu nnanson senea meka kyeree mo no. Monye eyi afe biara mu osram Abib (Yudafo osram a edi kan) mu, efise saa osram no mu na mutu fii Misraim. 19 “Abakan biara ye me dea, se eye nantwi, oguan anaa abirekyi. 20 Afurum ba a oye abakan de, womfa no nsesa oguamma. Na se wompe se wode no di nsesa de

a, bu ne kɔn mu. Mo mmabarima de, munnye wɔn nyinaa. “Obiara mma m’anim a onkura akyede bi. **21** “Nnansia pɛ na momfa nye adwuma. Da a ɛto so ason no de, munnni dwuma biara. Ofuntumbere anaa otwabere mpo, momfa nnansia nye adwuma. Da a ɛto so ason no, monhome. **22** “Monkae na munni saa afahye abiesa a ɛwɔ afe mu no nyinaa. Eyinom ne: Otwabere Afahye (anaase Pentekoste), Atoko a edi kan Afahye ne Asese Afahye. **23** Saa afahye abiesa yi mu biara du so a, ɛse se Israelfo mmarima ne mmarimaa nyinaa ba Awurade anim. **24** Se moko Awurade mo Nyankopɔn anim saa mprensa no nyinaa afe biara mu a, obiara nni ho a obetɔa mo abedi mo asase no so. Mɛpam saa aman no wɔ mo anim na matrew mo ahye mu. **25** “Mommfa brodo a mmɔkaw wɔ mu mmo me afɔre. Na Twam Afahye nam no nso, mommfa bi nsi ho mma ade nkye so. **26** “Se mutwa mo nnɔbae a, Momfa mo nnɔbae mu nea ɛso ani koraa no mmra Awurade mo Nyankopɔn fi. “Monnoa abirekyi ba wɔ ne na nufusu mu.” **27** Na Awurade ka kyereɛ Mose se, “Kyerew saa mmara a mede ama wo yi nyinaa gu ho, efise eye me ne wo, Israel ntam apam.” **28** Mose ne Awurade de adaduanan, awia ne anadwo, dii nkitaho wɔ bepɔw no so, na saa bere no, Mose annidi, annom. Saa bere no, Onyankopɔn kyereɛ Mmaransem Du no guu ɔbo kyereɛwɔn no so. **29** Bere a Mose de kyereɛw apon no fi Onyankopɔn nkyen resian bepɔw no, na onnim se n’anim rehyeren. **30** Esiane n’anim hyeren a na ehyeren no nti, Aaron ne Israelfo no huu Mose no, wosuroe se wɔbeben no. **31** Nanso Mose frɛe wɔn baa ne nkyen maa Aaron ne ɔman no mu ntuanɔfo ne no bekasae. **32** Akyiri no, nnipa no nyinaa baa ne nkyen ma ɔde mmaransem a Awurade de maa no wɔ bepɔw no so ho no maa wɔn. **33** Mose ne wɔn kasa wiee no, ɔde nkataanim kataa n’anim, **34** na bere biara a ɔbekɔ Ahyiae Ntamadan mu ho ne Awurade akɔkasa no, oyi nkataanim no kosi se ɔbesan aba bio; ɔba saa a, asem biara a Onyankopɔn aka akyere no no, na ɔno nso ka kyere nnipa no **35** a wuhu se n’anim aye hyerenn no. Akyiri no, ɔde nkataanim no kata n’anim bio kosi se ɔbekɔ Onyankopɔn nkyen na ɔne no akɔkasa.

35 Afei, Mose frɛe Israelmma nyinaa ne wɔn yɛe nhyiamu ka kyereɛ wɔn se, “Eyi ne Awurade mmara a ɛse se mudi so. **2** Monye adwuma nnansia. Na da a ɛto so ason no de, momfa nhome; eye da kronkron a ɛse se mode som Awurade. Obiara a ɔbeyɛ adwuma biara saa da no, ɛse se wokum no. **3** Da no,

ogya mpo, monnso bi ano wɔ mo afe mu.” **4** Mose ka kyereɛ nnipa no nyinaa se, “Nsem a Awurade ahye se monye ni: **5** Obiara a ɔpɛ no mfa saa afɔrebɔde yi mu biara mmre Awurade: “Sikakɔkɔ, dwete, kɔbere mfrafrae; **6** ntama a wɔde asaawa tuntum, bibiri ne koogyan aye ne abirekyi nwi, **7** odwennini nwoma a wɔahye no aduru kɔkɔ ne abirekyi nwoma a wɔahye, ɔkanto dua; **8** ngo a wɔde begu akanea no mu, ɔhyew nnuhum a wɔde beye ɔsrango ne; ɔhyew aduhum; **9** abo a ɛte se apɔpɔbibiri ne abo a wɔde behyehye asɔfɔtade no ne n’adebo no mu. **10** “Mo a mowo nimdee wɔ biribiye ho no, mo nyinaa mommra na monye nea Awurade aka no nyinaa te se: **11** “Ahyiae Ntamadan no so ntama ne ne nkataso, nkɔtɔkoro, mpuran nnua a esisi mu, adum ne nnyinaso; **12** Apam Adaka no ne nnua a esisi ho; Mpata agua ntwamtam a ekata kronkronbea ho, **13** ɔpon ne nnua a wɔde soa ne eho nneɛma nyinaa, ɔkyere Brodo; **14** akanea nnua ne n’akanea ne ngo; **15** aduhum afoɛmuka ne nnua a wɔde besoa; ɔsrango ne aduhum a eyi hua pa, nsenanim a wɔde besen Ahyiae Ntamadan no pon ano; **16** kɔbere Afoɛmuka a wɔde bebɔ ɔhyew afɔre, kɔbere ntwitae ne nnua a wɔde besoa ho nneɛma, ne nea wɔhoro mu nneɛma ne ne ntaamu, **17** adiwo ho no ntwamtam, adum ne ne nnyinaso, ntama a wɔde bekata adiwo ho kwan ano, **18** Ahyiae Ntamadan no adiwo ho nnua ne ne ntampehama, **19** asɔfɔtade a eye fe a ɔsɔfo no behye asɔre wɔ kronkronbea ho ne Aaron ntade kronkron a se ne mmabarima no ye asɔfɔdwuma a, wɔbehye bi.” **20** Na Israelmma nyinaa fii Mose anim, **21** na wɔn a Onyankopɔn honhom kaa wɔn koma no de wɔn akyede a wɔde besi Ahyiae Ntamadan no ne eho nneɛma ne nea wɔde bepam atade kronkron no bae. **22** Mmea ne mmarima a asem no kaa wɔn koma no nyinaa bae. Wɔde sikakɔkɔ, agude, nsonkaa, nkaa, kɔnmuaɛ ne sika adwinne bebree brɛe Awurade. **23** Wɔn a wɔwɔ ntama pa, kuntu a eye tuntum, bibiri, abirekyi nwoma a wɔahye, odwennini nwoma a wɔahye no kɔkɔ anaa aboa nwoma a eye fe nso de bae. **24** Afoforo nso de dwete ne kɔbere brɛe Awurade se wɔn akyede. Ebinom de ɔkanto nnua nso bae. **25** Mmea no bi a wonim adepam yiye no too asaawa tuntum, bibiri ne koogyan de yɛe ntama a eye fe de brɛe Awurade. **26** Afoforo nso de anigye nam wɔn dom akyede so de abirekyi nwi yɛe ntama. **27** Mpanyimfo a wodi wɔn anim no de abo a ɛte se apɔpɔbibiri bae se wɔmfa nye asɔfɔtade

no ne n'adebo. **28** Wode nnuhuam ne ngo a wode begu akanea mu ne nea wode befra ɔsrango no ne nnuhuam no ama adi mu no nso bae. **29** Eyi di ho adanse se Israel mmarima ne mmea a na wope se wɔboa dwumadi a Awurade nam Mose so de hyee won nsa no fi won pe mu de won akyede bree no. **30** Mose ka kyeree Israelfo no se, "Awurade ayi Besaleel, Uri ba a ɔye Hur a ofi Yuda abusua mu nena **31** no se ɔno Onyankopon Honhom ahye no ma. Wama no nyansa, tumi ne adwene a ɔde besi Ahyiae Ntamadan no aye biribiara a ewo mu. **32** Obetumi adi adwinni afi sikakokoo, dwete, ne kobere mu. **33** Obetumi adi abo adwinni na obetumi asen nnua nso; nokware mu, ɔwo ɔdom akyede bebre. **34** Na Onyankopon ama ɔno ne Oholiab a ɔye Ahisamak a ofi Dan abusukuw mu babarima ɔdom akyede a wonam so kyere afoforo ade. **35** Onyankopon ama won baanu akyede sononko se adwumfo, duadwumfo, adenwenfo a wotumi nwen nneema a eye fe gu ntama pa a eye tuntum, bibiri ne koogyan mu. Wonim saa adwinne yi nyinaa di ma eboro so.

36 Adwumfo a waka a Onyankopon ama won ɔdom akyede no nyinaa beboa Besaleel ne Oholiab na wɔasi asiesie Ahyiae Ntamadan no mu senea Awurade ahye no." **2** Enti Mose ka kyeree Besaleel ne Oholiab ne won a waka na wote nka se ese se wɔboa dwumadi no se womfiti ase. **3** Mose de nneema a nnipa no de bekyee no maa won, na adekyee biara nso, na wonya akyede foforo. **4** Akyiri no, adwumayefo no nyinaa gyaee won adwumaye no **5** koo Mose nkyen koka kyeree no se, "Nneema a yen nsa aka no dooso sen nea yehia." **6** Enti Mose somaa obi maa okoo won nyinaa so koka kyeree won se, afei de, obiara mmekeye won ade bio. Na obiara amfa hwee amma bio. **7** Efise na nneema a wowo no beso dwuma no di ama aboro so mpo. **8** Won a wonim adwinni pa ara no de asaawa a wɔanwen yee Ntamadan no nsenanotam du a emu bi ye tuntum, bibiri ne koogyan a woye kerubim agu mu. **9** Nkataano du no nyinaa kese ye pe. Emu biara tenten ye anammɔn aduanan abien na ne trew nso ye anammɔn asia. **10** Wokekaa ntama bamma anum sisii anim nyaa nkataano baako. Na wokekaa ntama bamma anum a aka no nso sisii anim nyaa nkataano foforo. **11** Wode ntama bibiri bamma aduonum wurawuraa nkataano a wakeka sisii anim no mu biara ano **12** a hentia baako biara ne baako di

nhweanim. **13** Afei, woyee sika nkotokoro aduonum de susoo nkotokoro no mu maa nkataano ahorow abien no yee nkataano baako. **14** Wode ntama nkataso dubaako a wode mmirekyi nwi na aye **15** a ne nyinaa tenten ye anammɔn aduanan anum na ne trew ye anammɔn asia kataa Ntamadan no so. **16** Besaleel kekaa saa nkataso yi anum sisii anim ma eyee bamma tenten baako na ɔsan de afoforo asia sisii anim maa eno nso yee bamma tenten baako. **17** Afei, oboboo nkotokoro aduonum wo emu biara ano **18** na ɔyee kobere nkotokoro aduonum de koakooa nkotokoro no, senea ebema nkataho no akyere pintinn. **19** Wosiesie nneema ahorow abien de boo ɔdan no so. Nea edi kan no ye odwennini were a wahye no kokoo, nea eto so abien ye abirekyi were a eso. **20** Wode okanto yee ntaaboo de twaa Ahyiae Ntamadan no ho. **21** Mpuran biara soroko nye anammɔn dunum na ne trew nye anammɔn abien ne kakra, **22** nkotokoro abien wo mpuran biara ase, na mpuran biara ye pe. **23** Na Ahyiae Ntamadan no ntaaboo aduonu kyere n'anafo **24** a won ase sisi dwete nnyinaso aduanan so. Nnyinaso no abien abien hyehye mpuran biara ase. **25** Ahyiae Ntamadan no atifi fam nso, na wode ntaaboo aduonu atwa ho **26** a esisi dwete nnyinaso aduanan so a mpuran baako besi nnyinaso abien so. **27** Ahyiae Ntamadan no fa a ekyere atoe fam no ye n'akyi. Eno nso, wode ntaaboo asia na atwa ho, **28** na ne twotwow biara so nso ntaaboo abien sisi ho. **29** Na mpuran a ebobo so abien abien sisi twotwow abien no biara so fi ase de kosi soro a wode nkaa asuso mu a ne nyinaa ye pe. **30** Enti mpuran awotwe ne dwete nnyinaso dunsia a abien wo mpuran biara ase na wode yee. **31** Afei, ɔyee okanto nnua bi de beabeaa ntaaboo no mu. Mmeamu nnua no anum ko mpuran no fa baako. **32** Woyee afoforo anum nso koo ofa baako. Na mmeamu nnua no anum bo ntaaboo a ewo ntamadan no akyi a ani kyere atoe fam. **33** Woboo mmeamu dua baako de boo ntaaboo no mfimfini. Wode twaa mu fi ti koka ti. **34** Na wode sikakokoo adura ntaaboo no ho, na wode sikakokoo nkaa asuso mmeamu dua no mu ama no agyina. Na sikakokoo dura mmeamu dua no nso ho. **35** Wode ntama pa a eye tuntum, bibiri ne koogyan a wɔanwen kerubim agu mu fefee na aye ntawamtam no wo Ntamadan no mu. **36** Na woyee okanto nnua afadum anan a wode sikakokoo adura ho ne sikakokoo nsusomu anan maa ntawamtam no. Na afadum anan no mu biara si dwete nnyinaso anan no baako so.

37 Afei, woyee Ahylae Ntamanan no ano nkataanim. Wode asaawatam a eye fe a wode tuntum, bibiri ne koogyan adi mu adwinni na eyee. 38 Wode nkatokoro anum na asuso saa nkataanim yi mu de akyekyere nnua anum no. Nnua no ne eho nneema ne pema no nyinaa, wode sikakokoo adura ho na ne nnyinaso anum no nso, wode kobere na eyee.

37 Afei, Besaleel yee Apam Adaka no. Ode okanto na eyee. Na ne tenten ye anammmon abiesa ne fa, ne trew nso ye anammmon abien ne fa ne ntwemu ne soroko nso ye anammmon abien ne fa. 2 Na wode sikakokoo duraa ho ne emu nyinaa na wode bi beabea ho nyinaa. 3 Na wode sikakokoo nkaa hyehyee n'anan anan no a nkaa abien wo ofa biara. 4 Osen okanto nnua bi de sikakokoo duraa ho. 5 Na wode nnua no hyehyee adaka no nkyen nkaa no mu wode besoa. 6 Afei, ode sikakokoo ankasa yee ne mmuasoo a wofre no Mpata Agua. Na ne ntwemu ye anammmon abiesa ne fa, na ne trew nso ye anammmon abien ne fa. 7 Oboroo sikakokoo ma eyee tratraa de yee kerubim abien na ode tetaree adaka no mmuasoo no ti ne ti. 8 Wode kerubim no tetaree adaka no atifi ne n'anafo na ene adaka no nkataso no yee baako. 9 Na kerubim no di nhweanim a wasisi won ti ase rehwe Mpata Agua no na wotretrew won ntaban mu akata so. 10 Afei, ode okanto yee opon a ne ntwemu ye anammmon abiesa; ne trew ye onammmon baako ne fa na ne soroko ye anammmon abien ne fa. 11 Na wode sikakokoo duraa ho na woguu bi wo ne ntwea so nyinaa. 12 Woyee adaka no ho ntetareho a ne trew ye nsateaa anan twaa opon no ano ho hyiae, na wode sikakokoo hankare faa ho. 13 Afei, woyee sikakokoo nkaa anan, na ode hyehyee opon no anan anan no nyinaa ase. 14 Wode nnua no hyehyee saa nkaa no mu a wode bema opon no so asoa. 15 Wode okanto nnua a wode sikakokoo agu ho yee nnua a wode besoa. 16 Wode sikakokoo yee nsanka, mprete, nsukuruwa ne nkoraa. Saa nneema yi na wode bedi ahwiesa aforebo ho dwuma. 17 Bio, wode sikakokoo a waboro yee kaneadua. Ne nnyinaso, n'abaa, nea wode akanea no hyehyee mu ne nhwiren a wode siesiee no nyinaa bo mu ye ade baako. 18 Kaneadua a ehye mfimfini no wo nkorata asia a abiesa wo fa na abiesa nso wo fa. 19 Wode nhwiren abiesa siesiee nkorata biara ho. 20 Na saa ara nso na kaneadua no, wodii nhwiren a eye fe bi adwinni de siesiee no. 21 Nhwiren no bi wo ne dua no ase wo nkorata abien biara ase. Afei, nhwiren no bi wo nkorata abien a ewo ase no

ase, na bi nso wo nkorata abien a ewo soro no so. Ne nyinaa ye asia. 22 Nea wode siesiee kaneadua no ne ne nkorata no nyinaa ye ade baako a sikakokoo ankasa a waboro na wode yee. 23 Afei, oyee akanea ason, adaban adabaw, ne apampaa. Ne nyinaa wode sikakokoo ankasa na eyee. 24 Na kaneadua no ne ho nneema no mu duru ye kilogram aduasa anan a ne nyinaa ye sikakokoo. 25 Wode okanto na eyee aduhum aforemuka no. Woyee no ahinanan a ne fa biara susuw nsateaa dunwotwe. Na ne soroko ye basafa baako a mmen a etuatua ne ntwea so ntwea so no nso nyinaa ka bo mu ma eye ade baako. 26 Wode sikakokoo duraa ne nyinaa ho, na oguu bi nso wo ne ntwea so nyinaa. 27 Wode sika nkaa abien abien susoo afanu no mu wo nea woyee nguguho no ase a wode besuso nnua a wode besoa no mu. 28 Nnua a na wode soa no ye okanto nnua a wode sikakokoo adura ho. 29 Wofaa nnuhuamyefo mu abenfo kwan so fii nnuhuam mu yee osrango kronkron a wode sra asofo ne ohyew nnuhuam no nso.

38 Ohyew aforemuka no nso, okanto na wode yee. Woyii no ahinanan a ne fa biara susuw anammmon ason ne fa na ne soroko nso ye anammmon anan ne fa. 2 Na ne ntwea so anan no nyinaa mmen tuatua ho a ne nyinaa ka bo mu ma eye ade baako a wode kobere adura ho. 3 Woyee aforemuka no ho nneema te se nkuku, sofi, hweaseammoo, adinam ne nkankyee a wobenoo mu de kaa ho. 4 Afei, wode kobere nwenee aforemuka no ho twitae a ete se atena de sii adaka a ebodeda ogya adaka no mfimfini. 5 Wode nkaa anan anan sensen twaa ne fa biara ma wode nnua a wode besoa no hyehyee mu. 6 Okanto nnua a wode kobere adura ho na wode yee nnua a wode besoa no. 7 Wode nnua a wode soa no hyehyee nkaa no a ebobo aforemuka no nkyen no mu. Ntaaboo na wode yee. Na emu da kwan nso. 8 Wode kobere a watwa afi kobere ahwehwe a mmea a wosom wo Ahylae Ntamanan no ano no de kyee no na eyee ade a wohoro mu nneema ne ne ntaease no. 9 Afei, woyee adiwo. Na ofasu a ewo n'anafo no ne tenten ye anammmon oha aduonum a wode nnurahotam a wode asaawatam a eye fe na eyee. 10 Nnua aduonu na wode besuso nnurahotam no mu. Ne nnyinaso ye kobere a dwete nkatokoro ne pema ka ho. 11 Na atifi ofasu no tenten ye anammmon oha ne aduonum a kobere nnua aduonu ne ne nnyinaso a dwete nkatokoro ne pema ka ho. 12 Atoe fam fasu no trew ye anammmon aduonon

anum. Wode nnurahotam faa ofasu no ho. Nnua du, ne nnyinaso ne dwete nkatokoro ne ntwea na na ema saa ofasu no gyina. **13** Na apuei fam no nso tɛwɛ ye anammɔn aduɔson anum. **14** Na adiwo hɔ kwan no wɔ apuei fam a wode nkataanim abien akata hɔ. Na nkataanim a ɛwɔ nifa so no tenten ye anammɔn aduonu abien ne fa, na nnua abiesa a esisi nnyinasode abiesa so na ekura mu, **15** na nkataanim a ɛwɔ benkum so no nso tenten ye anammɔn aduonu abien ne fa a nnua abiesa a esisi nnyinasode abiesa so kura mu. **16** Asaawatam a ɛye fe na wode nwenee nnurahotam a wode twaa adiwo hɔ no ho. **17** Na dua biara wɔ ne kɔbere nnyinasode, nanso eho nkatokoro ne mfensere no ye dwete; nnua no atifi nyinaa na wode dwete agu, na mfensere a wode besuso nnurahotam no mu no nso, na ne nyinaa ye dwete ankasa. **18** Asaawatam a wode tuntum, bibiri ne koogyan anwen mu fefɛfe na wode yee nnurahotam kataa adiwo hɔ kwan no ano. Na ne tenten ye anammɔn aduasa na ne tɛwɛ nso ye anammɔn ason ne fa te se nnurahotam a wode duraa adiwo hɔ afasu no ho no. **19** Nnua anan na na esensen so, na nnua no nso gyina kɔbere nnyinasode anan a dwete nkatokoro ne mfensere ka ho nso. Nnua no so nyinaa ye dwete. **20** Nnadewa a wode sii Ahyiae Ntamadan no ne adiwo hɔ no nyinaa ye kɔbere. **21** Eyi ne okwan a wɔfaa so sii Ahyiae Ntamadan a wode Apam Adaka no besi mu no senea ebeye a Lewifo no betumi aye wɔn asɔfodwuma. Okwan a Mose kyeree wɔn se wɔmfa so nsi no ara so na wɔfae. Osɔfo Aaron ba Itamar na ohwee dwumadi no so. **22** Odwumfo dansifo a na owɔ ho nso ne Uri ba Besaleel a oye Hur a ofi Yuda abusua mu no nena. **23** Ne boafɔ ne Oholiab a oye Ahisamak a ofi Dan abusua mu ba. Na onɔ nso ye odwumfo a otumi twa nkyerew gu nneema mu. Afei na oye adenwenfo a otumi de asaawatam tuntum, bibiri ne koogyan di adwinni gu ntama mu. **24** Nnipa no de sikakokɔɔ kilogram apem bae. Wode ne nyinaa nso yee Ahyiae Ntamadan no ho adwuma. **25** Dwete a asafo no mu nnipa no de bae ye kilogram mpem abiesa ne ahannan. **26** Saa dwete yi fi tow a wotwa maa mmarima a woadi mfe aduonu rekɔ a wɔkan wɔn no. Wogyee fii mmarima mpem ahansia ne abiesa, ahannum ne aduonum hɔ. **27** Kronkronbea hɔ nnyinaso oha ne mpuran a esuso ntwantam no mu no behia dwete kilogram mpem abiesa ne ahannan Enti nnyinaso biara beye dwete kilogram aduasa anan. **28** Dwete kilogram aduonu no a ekae no nso, wode yee

nnua no de bi duraa apampamu, de bi yee mfensere no ne nkatokoro no. **29** Kɔbere mfrafrae a wode bae no nso, na eye kilogram mpem abien ne ahannan. **30** Eno na wode yee adum no nnyinaso wɔ Ahyiae Ntamadan no kwan ano. Eno bi ara na wode yee kɔbere mfrafrae aforemuka, kɔbere mfrafrae ntwtiae, **31** aforemuka no so nneema, adum no nnyinasode a ekura nnurahotam a etwa adiwo no ho hyia no ne nnadewa a wode si Ahyiae Ntamadan no de yee adiwo hɔ adwuma nyinaa.

39 Nnipa no de ntama tuntum, bibiri ne koogyan a ɛye fe pam asɔfɔtade maa asɔfo no a wode besom wɔ kronkronbea hɔ. Saa ntadetam no ara bi na wode pam Aaron ntade kronkron no senea Awurade hyee Mose no. **2** Wode asaawatam bi a wɔanwen afi asaawa a wɔato mu na epam asɔfɔtade nkataase no. **3** Besaleel boroo sikakokɔɔ ma eyee tratraa, enna otwitwaa no nteantea se hama na ode bobɔ ntama tuntum, bibiri ne koogyan no mu. Eye nsaanoadwuma a ete apɔw yiye. **4** Wode nwoma a wɔapam susoo nkataase no mu fi ase besii mmati ahama abien no mu. **5** Na wode ntama tuntum, bibiri, koogyan ne sikakokɔɔ yee nkyekyeremu senea Onyankopɔn hyee Mose no. **6** Abo apopobibiri abien a wotwa de femfam mmati ahama abien no a eso asɔfɔtade no nkataase no mu no, sikakokɔɔ na wode kyerew Israelfo mmusuakuw no nyinaa din guu so senea wɔkyerew nsateaa so kaa so no. **7** Saa abo yi ye nkae ade de ma Awurade fa Israelfo ho, na woyee ne nyinaa senea Awurade hyee Mose se wɔnye no no ara pe. **8** Wɔpam adebo no te se asɔfɔtade a wode nwera ankasa yee, na wode sikakokɔɔ hama ne asaawa tuntum, bibiri ne koogyan na enwen mu. **9** Na eye ahinanan a ne fa biara susuw nsateaa akron a wɔabu abo so. **10** Na wɔhyehyee abo a esom bo sesaa so nnidiso nnidiso anan wɔ mu. Nnidiso a edi kan no ye bogyanambo, akraatebo ne ahabammono bo; **11** nnidiso a eto so abien no ye nsrammabo, hoabo ne denkyemmo; **12** nea eto so abiesa no ye akutuhonobo, mfrafraebo ne beredumbo; **13** na nea eto so anan no ye sikabereebo, apopobibiribo ne ahwehwebo a wode sikakokɔɔ atwa emu biara ho ahyia. **14** Woyee abo no te se nsɔwanode bi kyerew Israel mmusuakuw dumien no din guu so. **15** Senea ebeye a wobetumi de adebo no aso asɔfɔtade no mu no, wode sikakokɔɔ nkaa hyehyee asɔfɔtade no mmati ntareso abien no so. **16** Wɔsan yee sikakokɔɔ nkaa abien de hyehyee adebo no ntwtwtwɔw so wɔ soro. **17** Wode sikakokɔɔ ahama

abien no hyehyee sikakokoo nkaa a ewo adebo no mu no mu. **18** Wode ahama no ti no boboo sikakokoo no a esuso asofotade no mu no mu. **19** Wode sikakokoo nkaa abien nso hyehyee adebo no ntwea abien no a egu asofotade no so pee no so. **20** Wode sikakokoo nkaa abien susoo asofotade no mmati ntareso no mu ma eben nkyekyeremu a wwanwen no fefee ne asofotade no ahyiae so no. **21** Senea ebeye na adebo no begyina pepeepe wo nkyekyeremu fefe no so nti, wode ntama tuntum kyekyeree nkaa a esuso adebo no ne asofotade no mu. Eyinom nyinaa, Awurade na ohyee Mose se wonye. **22** Asofotade no fa kese no ara de, wode ntama tuntum na enwenee **23** na wotwaa mfimfini tokuru pempam bi faa so maa ano no yee den senea wohye a erentetew. **24** Na wode bibiri ne asaawa a ebere dum ne koogyan a wwanwen yee biribi te se atoaa aba de sensen batakari no ase mmuano no ano. **25** Na wode sikakokoo yee nnonnomma na wode biribi te se atoaa aba no hyehyee ntam ne ntam wo batakari no ase mmuano no ano de twaa ho hyiae. **26** Se Aaron hye asofotade yi a, na ekyere se okosom Awurade senea Awurade hyee Mose se onye no. **27** Wode asaawatam a eye fe pam asofotade no bi maa Aaron ne ne mmabarima. **28** Wode ntama a eye fe na epam adebo, abotiri, kyew ne nhyeasetam ahorow no. **29** Bio, wode ntama a eye fe na epam nkyekyeremu no na wode asaawa tuntum, bibiri ne koogyan dii mu adwinni senea Awurade hyee Mose se onye no. **30** Na afei, wode sikakokoo yee aboanim a woakyerew so: Kronkron Ma Awurade. **31** Wode ntama tuntum na asina aboanim no abo abotiri no mu senea Awurade hyee no. **32** Eyi nyinaa akyi no, wowiee Ahyiae Ntamadan no si senea Awurade kyeree Mose se wonsi no no. **33** Afei, wode Ahyiae Ntamadan no ne emu nneema nyinaa bree Mose: Nkyerewa, nnyinaso, mmeamu nnua, mpuran ne nsisiso; **34** adwennini nwoma a woahye no kokoo, abirekyi nwoma a woahye, nkataano, **35** adaka no a Mmaransem Du no wo mu no, nnua a wode soa Mpata agua; **36** opon no ne eho nneema, okyere Brodo, **37** sika akaneadua ne n'akanea, eho nneema ne ngo wode so kanea; **38** sikakokoo aforemuka, osrango, aduhuam ne Ahyiae Ntamadan no nkataano, **39** kabere Aforemuka, kabere ntwitae, nnua no ne eho nneema, nea wohoro mu nneema ne ne ntaamu, **40** ntwahotam a wode twa adiwo ho fasu ho, ne eho nnua a esuso mu, nnyinasode ne ntwahotam a ewo adiwo pon ano, ntampehama ne

nnadewa ne biribiara a wode boaa Ahyiae Ntamadan no si. **41** Wode asofotade a woapam no fefee a wohye ko kronkronbea ho no bree no ma ohwee. Afei, wode Aaron asofotade kronkron no nso ne ne mmabarima de a wobehye de aye asofodwuma no bekyeree no. **42** Enti Israelfo no dii nsem a Awurade hyee Mose se onka nkyere won no nyinaa so. **43** Na Mose hwee nnwuma no nyinaa huu se biribiara nto kyima wo ho no, ohyiraa won, efise senea Awurade hyee no ara pe na woyee.

40 Afei Awurade ka kyeree Mose se, **2** “Osram a edi kan no da a edi kan no na si Ahyiae Ntamadan no. **3** Wusi wie a, fa Apam Adaka a Mmaransem Du no wo mu no si mu. Na fa ntawmtam no twa Apam Adaka no anim ma enhye kronkron mu kronkron ho. **4** Afei, fa opon no besi ho na fa eho nneema nyinaa gu so na fa kaneadua no bra na so kanea no. **5** Fa sikakokoo aforemuka a wobehyew aduhuam wo so no besi Apam Adaka no anim na fa opon no nkataanim sen Ahyiae Ntamadan no ano. **6** “Fa ohyew aforemuka no si Ahyiae Ntamadan no kwan ano. **7** Fa hweaseamm no si Ahyiae Ntamadan no ne aforemuka no ntam na hye no nsu ma. **8** Siesie adiwo twa Ahyiae Ntamadan no ho hyia na fa nsenanim no sen ne kwan no ano. **9** “Fa osrango no na pete gu Ahyiae Ntamadan no so baabiara ne biribiara a ewo mu ne nneema a ewo ho nyinaa ne nkongua so, na fa tew ho. **10** Ohyew aforemuka no ne eho nneema nyinaa nso, pete osra ngo no bi gu so na tew ho na enye kronkron. **11** Sra hweaseamm no ne ne ntaease no ngo na fa tew ho. **12** “Fa Aaron ne ne mmabarima no bra Ahyiae Ntamadan no kwan ano na fa nsu hohoro won ho. **13** Na fa atade kronkron no hye Aaron, na sra no ngo na ne ho ntew na ommeye me sofo. **14** Fa ne mmabarima no bra na fa won ntade hyehye won. **15** Sra won ngo senea woyee won agya no, senea wibesom me se asofo. Won ngosra no beye asofodi wo won awo ntoatoaso nyinaa mu.” **16** Mose yee biribiara senea Awurade hyee no no. **17** Afe a eto so abien no mu osram a edi kan no da a edi kan no, wokekaa Ahyiae Ntamadan no sisii anim. **18** Mose sii Ahyiae Ntamadan no; ode nsisiso no sisii won afa, de nnyinaso no hyehyee mu de mmeamu nnua beabea mu de mpuran sisii won afa. **19** Afei, ode nkuruso no kuruu mpuran no so de ne nguguso guguu so san de nguguso a edi akyi kuruu so senea Awurade hyee no no. **20** Ode abo a woakyerew Mmaransem Du no wo so no guu Apam Adaka no mu de nnua a wode besoa no

susoo mu. Ɔde ne nkataso a wode sikakokoo aye a eye mpata nkataso no kataa so. **21** Afei, ɔde Apam Adaka no besii Ahyiae Ntamadan no mu de ntwamtam no twaa mu, senea Awurade hyee no no. **22** Afei, ɔde ɔpon no sii atifi fam wo ɔdan no mu wo ntwamtam no akyi, **23** de Ɔkyere Brodo no too so wo Awurade anim senea Awurade hyee no. **24** Ɔde kaneadua no sii ɔpon no nkyen wo Ahyiae Ntamadan no anafo fam. **25** Afei, ɔsɔɔ kanea no wo Awurade anim senea Awurade hyee no no. **26** Mose de sikakokoo afɔremuka sii ntwamtam no ho pɛɛ wo Ahyiae Ntamadan no mu **27** na ɔhyew nnuhuam wo so senea Awurade hyee no. **28** Ɔde Ahyiae Ntamadan no ano nkataano sen ano. **29** Ɔde afɔremuka a esi akyi a wobɔ ɔhyew afɔre wo so no si ben ɔkwan no ano, na ɔbɔɔ so ɔhyew afɔre ne aduan afɔre senea Awurade hyee no. **30** Ɔde hweaseammɔ sii Ahyiae Ntamadan no ne afɔremuka no ntam na wɔhyee no nsu ma, senea asɔfo no benya bi ahohoro wɔn ho, **31** na Mose ne Aaron ne Aaron mmabarima hohoroo wɔn nsa ho ne wɔn anan ase wo ho. **32** Bere biara a wobɛfa afɔremuka no ho ako Ahyiae Ntamadan no mu no, wogyina hohoroo wɔn ho senea Awurade hyee Mose no. **33** Na Mose sii biribi twaa Ahyiae Ntamadan no ne afɔremuka no ho hyiae na wode nsɛnanotam sen ano. Enna Mose wiee n'adwuma. **34** Omununkum no bekataa Ahyiae Ntamadan no so maa Awurade anuonyam hyee no ma. **35** Esiane sɛ na omununkum no asi wo ho no nti, Mose antumi ankɔ mu na Awurade anuonyam hyee Ahyiae Ntamadan no ma. **36** Bere biara a omununkum no bema ne ho so no, na Israelfo no nso di akyi. **37** Na sɛ egyina a, na wɔn nso agyina akosi sɛ ebema ne ho so bio. **38** Awia de, omununkum no gyina Ahyiae Ntamadan no so na sɛ edu anadwo a, na ogya asɔ wo omununkum no mu senea Israelfo no nyinaa behu. Eyi toaa so saa ara wo wɔn akwantu no nyinaa mu.

3 Mose

1 Afei, Awurade kasa fii Ahyiae Ntamadan no mu kyerɛ Mose se, **2** “Kyerɛ Israelfo no se, ‘se morebo Awurade aforɛ a, momfa mo anantwi ne mo nguan no bi na momma saa aforɛ no. **3** “Se mo ɔhyew aforɛbode no ye nantwi a ofi mo nantwibuw mu a, momfa nantwi a onnii dem na emma saa aforɛ no senea ebɛso Awurade ani. Fa aboa no ko Ahyiae Ntamadan no pon ano na eho na asofo no begye w’ayeyɛde a wode rebrɛ Awurade no. **4** Eɛ se onipa a ɔde aboa no reba no de ne nsa gu aboa no ti so se mpata ma aforɛbɔni no. Onyankopɔn bepe aboa no wu sen se aforɛbɔni a ɔde saa aboa no beba no bewu se ne bɔne so akatua. **5** Aforɛbɔni no bekum aboa no wɔ ho wɔ Awurade anim. Na Aaron mmabarima asofo no asɔw aboa no mogya de akyerɛ Awurade. Na wode mogya no apete aforɛmuka a esi Ahyiae Ntamadan no kwan no ano no ne ho nyinaa. **6** Afei, asofo no bepa aboa no ho nwoma na wɔabobɔw. **7** Na ɔsofo Aaron mmabarima no besɔ gya wɔ aforɛmuka no so. **8** Na wode aboa no akwaa bi ne ne ti ne ne srade ka ho agu nnyansin no so. **9** Momfa nsu nhohoro n’ayamde ne ne nan ho na asofo no nhyew no wɔ aforɛmuka no so. Eyɛ ɔhyew aforɛ, aduan aforɛbɔ, ehua a esɔ Awurade ani. **10** “Se aforɛbɔ no ye ɔhyew aforɛ na aboa no ye oguan anaa abirekyi a, esɛ se ɔye onini a ne ho nni dem biara. **11** Onipa a ɔde no bae no bekum no Awurade anim wɔ aforɛmuka no atifi na Aaron mmabarima asofo no apete mogya no agu aforɛmuka no so ne eho nyinaa. **12** Ɔbehɛhyɛ nam no na asofo no de n’asinasin no ne ti no ne ne srade no agu nnyansin a egu aforɛmuka no so no so. **13** Wode nsu behohoro n’ayamde ne ne nan no ho ansa na asofo no ahyew wɔ aforɛmuka no so de ama Awurade; efise ɔhyew aforɛ sɔ Awurade ani. **14** “Se obi pe se ɔde anomaa bɔ ɔhyew aforɛ a, ɔmfa nturukuku anaa mmorɔnomamma. **15** Ɔsofo no befa anomaa no de no ako aforɛmuka no so na watɛw ne ti ahyew no, na wasɔn ne mogya no agu aforɛmuka no nkyɛn. **16** Afei, ɔsofo no beyi ne mene ase, atutu ne ntakra no na watow agu nsɔ no mu wɔ aforɛmuka no apuei fam. **17** Afei, ɔbetwe ne ntaban mu ama emu ntin no atetew asensen ho, na ɔsofo no ahyew no wɔ aforɛmuka no so. Eyɛ ɔhyew aforɛ, aduan aforɛbɔ, ehua a esɔ Awurade ani.

2 “Obiara a ɔpe se ɔbɔ aduan aforɛ de ma Awurade no, esɛ se aforɛbode no ye asikresiam muhumuhu koraa. Wonhwie ngo ngu so mfa aduhuam mfra **2** nkɔma Aaron mma asofo no. Ɔsofo no besaw siam ne ngo no nsa mma de aka aduhuam no nyinaa ho na wahyew eyi se aforɛmuka no nkae ade, aduan aforɛbɔ, ehua a esɔ Awurade ani. **3** Eɛ se wode asikresiam nkae no ma Aaron ne ne mmabarima se won aduan; nanso wofa ne nyinaa se aforɛ kronkron a wɔabɔ ama Awurade. **4** “Se wode brodo a wɔato no fononoo mu brɛ Awurade se aforɛbode a, esɛ se wode asikresiam a wɔayam no muhumuhu a wode ngo afra ato a mmɔkaw nni mu na ebo saa aforɛ no. Mutumi de brodo ntrantraa dede a mmɔkaw nni mu na mode ngo afa so nso bɔ aforɛ ma eyɛ yiye. **5** Se aforɛbode no ye aduan a wɔato wɔ dade so a, asikresiam muhumuhu a mmɔkaw mfra mu, na mode ngo afra na momfa mma saa aforɛ no. **6** Mummubu mu asinasin na munhwie ngo ngu so na enye se atoko aforɛ ara pe. **7** Se monoa mo aforɛ no wɔ kuruwa mu a, eno nso, momfa asikresiam muhumuhu a mode ngo afra na emma saa aforɛ no. **8** Se moyɛ aduan bi, se motoe, se mokyewee anaase mohowee no, esɛ se mode saa aforɛbode no kɔma ɔsofo na ɔno nso de ko aforɛmuka no anim de kɔma Awurade. **9** Aforɛbode no mu kakraa bi na esɛ se asofo no hyew, nanso Awurade ani besɔ ade mu no nyinaa. **10** Nea ebeka no ye asofo no dea, nanso wofa no se ne nyinaa ye ɔhyew aforɛ kronkron a wɔabɔ de ama Awurade. **11** “Aforɛ a mode asikresiam na ebo no, momma mmɔkaw mmfra mu, efise ense se ɔhyew aforɛ biara a mobebo ama Awurade no, mode mmɔkaw anaa ewo fra mu. **12** Mode bebrɛ Awurade se aduankan aforɛbode, nanso ense se wɔhyew wɔ aforɛmuka no so se aforɛ a esɔ Awurade ani. **13** Momfa nkyene mfra aforɛbode biara. Munnyi mo Nyankopɔn apam mu nkyene mmfi mo atoko aforɛbɔ mu; momfa nkyene nka mo aforɛbɔ nyinaa ho. **14** “Se mode mo nnɔbae a edi kan mu aba kan rebebo aforɛ a, emu aburɔw no munhuan ho na montoto na momfa mma Awurade. **15** Momfa ngo ne aduhuam nyɛ ho; eyɛ atoko aforɛ. **16** Na ɔsofo no behyew aburɔw a wɔayam ne ngo no nkae de aduhuam afra se aduan aforɛbode a wode aba Awurade anim.

3 “Se obiara pe se ɔbɔ asomdwoe aforɛ ma Awurade a, otumi de nantwinini anaa nantwibere bɔ, nanso esɛ se aboa no ye nea ne ho nni dem biara. **2** Onipa a

ode aboa no aba no de ne nsa begu aboa no apampam na wakum no wɔ Ahyiae Ntamadan no ano. Na Aaron mmabarima asofo no apete aboa no mogya agu afɔremuka no ho. **3** Eɛ se mufi asomdwoe afoɛ mu de n'ayamde ne srade a ɛwɔ ho nyinaa bebɔ aduan afoɛ ma Awurade, **4** a n'asaabo abien no ne ne sisi ne nea ne mmerebo sa so a mubeyi aka asaabo no ho no. **5** Na eɛ se Aaron mma hyew wɔ afɔremuka no so, wɔ ɔhyew afoɛ a ɛda dua a erehyew no so; eyɛ aduan afoɛ, ehua a ɛsɔ Awurade ani. **6** “Se abirekyi anaa oguan na mode bebɔ asomdwoe afoɛ ama Awurade a, ɛnse se dem biara ba ne ho na eɛ se ɔyɛ onini anaa ɔbere. **7** Se mode oguan ba se mo akyɛde a, **8** momfa mo nsa ngu n'apampam na munkum no wɔ Ahyiae Ntamadan no kwan ano. Afei, Aaron mmabarima no bepete mogya no agu afɔremuka no ho nyinaa. **9** Saa asomdwoe afoɛbede yi fa bi na wɔmfa mma Awurade se ɔhyew afoɛbede a ne dua ne mu nneema ne ɛho srade, srade a ɛwɔ n'ayamde ho no nyinaa, **10** ne asaabo abien ne ɛho srade a ɛben ne sisia ne ne merebo a wobeyi a n'asaabo ka ho no. **11** Ɔsofo no behyew no wɔ afɔremuka no so se aduan a eyɛ ɔhyew afoɛ ama Awurade. **12** “Se wode abirekyi brɛ Awurade se w'afɔrebode a, **13** fa wo nsa gu aboa no apampam na kum no wɔ Ahyiae Ntamadan no kwan ano. Aaron mmabarima de aboa no mogya bepete afɔremuka no ho nyinaa. **14** Eɛ se wɔhyew saa afoɛbede yi fa bi ma Awurade. Saa afoɛbede fa no ye aboa no yam srade, **15** n'asaabo abien ne ɛho srade a ɛben n'asen mu ne ne mmerebo a wobeyi aka ne asaabo no ho no. **16** Ɔsofo no behyew wɔ afɔremuka no so se ɔhyew afoɛ. Awurade ani besɔ saa ɔhyew afoɛ no. Kae se srade no nyinaa ye Awurade dea. **17** “Eyi ne mmara a munni so daa nyinaa wɔ asase yi so baabiara. Munni srade anaa mogya.”

4 Afei Awurade hyɛ mmara foforo maa Mose se: **2** “Ka kyere Israelfo se saa mmara yi na ɛwɔ ho ma obiara a wanhye da na obebu me mmara no bi so. **3** “Se ɔsofo bi anhye da na ɔfom mmara bi na ɛnam so de afɔbu ba nnipa no so a, eɛ se ɔde nantwinini ba a onnii dem bɔ bone ho afoɛ de ma Awurade. **4** Eɛ se ɔde aboa no ba Ahyiae Ntamadan no pon ano na ɔde ne nsa gu n'apampam na okum no wɔ ho wɔ Awurade anim. **5** Ɔsofo no de aboa no mogya bekɔ Ahyiae Ntamadan no mu. **6** Ɔde ne nsateaa baako bebɔ mogya no mu apete mpen ason wɔ Awurade anim wɔ ntama a ɛsen kronkron mu kronkron no anim. **7** Afei,

ɔsofo no de mogya no bi begu aduhum no tumpɔn a esi afoɛmuka no so no wɔ Awurade anim wɔ Ahyiae Ntamadan no mu; mogya no a ɛbeka no, wobehwie agu afɔremuka no ase de abo ɔhyew afoɛ wɔ Ahyiae Ntamadan no kwan ano. **8** Afei ɔbetetew srade a ɛwɔ ne nsono no ho nyinaa, **9** ne asaabo abien no ne sisia srade ne ne bonwoma kotoku, **10** na wɔhyew no wɔ ɔhyew afɔremuka no so te se nantwinini anaa nantwibere a wode no bɔ asomdwoe afoɛ no pɛ. **11** Nanso nantwi ba no ho nneema a ɛbeka a eyɛ ne nwoma, ne nam, ne ti, ne nan, n'ayamde, ne ne nsono no de, **12** wɔmfa nkɔ afahyebea bi a ɛho tew wɔ akyiri baabi a wode nsɔ fi afɔremuka no so kɔ ho kɔhyew no nnyansin so no. **13** “Se Israelfo nyinaa ye bone a etia Awurade, na se ɛnye ɔboaye a, nnipa no nyinaa bedi ho fɔ. **14** Na se wohu wɔn bone a, wode nantwi ba beba abebɔ bone ho afoɛ wɔ Ahyiae Ntamadan no mu. **15** Se wɔrebɔ saa afoɛ no a, ɔman no mu mpanyimfo de wɔn nsa begu aboa no apampam na wɔakum no wɔ Awurade anim. **16** Na ɔsofo no de ne mogya aba Ahyiae Ntamadan no mu, **17** na ɔde ne nsateaa baako abo mogya no mu apete mpen ason wɔ Awurade ne ntama a etwa ɔdan no mu no anim. **18** Ɔde mogya begu mmen a etuatua afɔremuka no ho no so wɔ Ahyiae Ntamadan no mu wɔ Awurade anim. Afei obehwie mogya a aka wɔ ɔhyew afoɛ no afɔremuka no ase no agu wɔ Ahyiae Ntamadan no kwan ano. **19** Eɛ se woyi na wɔhyew srade a ɛwɔ aboa no mu no nyinaa wɔ afɔremuka no so. **20** Ɔbɛfa ɔkwan a wɔfa so bɔ bone ho afoɛ no so pɛpɛpɛ. Eyi bɛma ɔsofo no abeye mpata ama ɔman no, na wode obiara bone bekye no. **21** Afei ɔsofo no betwe nantwinini ba no de no ako beae foforo bi akɔhyew no wɔ ho te senea ɔrebɔ ɔbaakofo bone ho afoɛ no. Nanso eyi de, eyɛ ɔman mu no nyinaa afoɛbede. **22** “Se mpanyimfo no bi ye bone a onnim se wafom Onyankopɔn mmara no baako **23** na woma no te ne ho ase a, eɛ se ɔde ɔpapo a ne ho nni dem ba se n'afɔrebode. **24** Ɔde ne nsa begu aboa no apampam na wakum no wɔ beae a wokum ɔhyew afoɛ mmoa no de ama Awurade no. Eyi ye ne bone ho afoɛbede. **25** Afei, ɔsofo no de ne nsateaa baako bebɔ afoɛbede mogya no mu na ɔde asra afɔremuka a wɔbɔ ɔhyew afoɛ wɔ so no mmen no ho; na afei wɔahwie mogya no nkae agu afɔremuka no ase. **26** Wɔbehiew srade no nyinaa wɔ afɔremuka no so te se nea wɔhyew asomdwoe afoɛ srade no ara pɛ; ekyere se, ɔsofo no nam saa afoɛbede yi so bepata

ama ɔpanyin ko no wo ne bone no ho; na wode ne bone no bekye no. **27** “Se apapahwekwa bi ye bone a onnim se wafom a, odi ho fo. **28** Nanso onya te ne ho ase ara pe a, ese se ode abirekyibere a ne ho nni dem ba ma wode pata ne bone no. **29** Ode no beba beae a wode mmoo a wode won ba ma wokum won de won bo ohyew afore ho no, na ode ne nsa ato bone ho aforebode no apampam na wakum no. **30** Na osfo no de mogya no bi asra ne nsateaa baako ho na ode asra ohyew aforemuka mmen no ho. Afei, osfo no behwie mogya no nkae no agu aforemuka no ase. **31** Wobeyi srade no nyinaa afi mu te se nea wofa bo asomdwoe afore no ara. Na osfo no behyew no wo aforemuka no so. Na Awurade ani besɔ. Ekyere se, osfo no nam saa aforebo yi so bepata ama saa onipa no na wode ne bone bekye no. **32** “Na se ɔpe se ode oguamma bebo ne bone ho afore nso a, ese se ɔye ɔbere a dem biara nni ne ho. **33** Ode no beba beae a wode mmoo a wode won ba ma wokum won de won bo ohyew afore ho no, na ode ne nsa ato bone ho aforebode no apampam na wakum no se bone ho aforebode. **34** Na osfo no de mogya no bi asra ne nsateaa baako ho na ode asra ohyew aforemuka mmen no ho. Na wahwie mogya no nkae no agu aforemuka no ase. **35** Wobeye srade no senea woye asomdwoe oguamma srade no. Osfo no behyew srade no wo aforemuka no so te se afore ahorow a wode ogya bo ma Awurade no ara pe. Osfo no nam saa aforebo yi so bepata ama onipa ko no, na wode ne bone bekye no.

5 “Obiara a ɔnka bone bi a onim ho biribi ho hwee no di ho fo. **2** “Obiara a ode ne nsa ka ade bi a amanne kwan so no eho ntew, te se aboa bi a ne ho ntew funu, se ɔye wuram aboa, se ɔye afieboa anaa aboa a ɔwea wo fam no, mpo se onnim se ne ho agu fi na akyiri no ogye n’afodi to mu, **3** anaa se obi anhye da na ode ne nsa ka biribi a efi onipa mu a eho ntew na ɔte ne ho ase se odi ho fo, **4** anaa se obi annwene ho na ɔka ntam se ɔbeyɛ biribi a eye anaa ennɛye na akyiri no ohu n’afodi; **5** se obi ani ba ne ho so wo eyinom biara mu a, ese se ɔpae mu ka ne bone a waye. **6** Eɛ se se ode oguammere anaa abirekyibere bo afore ma Awurade wo ne bone ho asotwe ho. Osfo na ɔbebo onipa ko no bone no ho afore ama no. Osfo no nam saa aforebo yi so bepata ama no. **7** “Se ɔye ohiani a ɔrennya oguamma mfa mma Awurade a, ɔmfa nturukuku abien anaa mmorɔnomamma abien mma se ne bone ho aforebode. Nnomaa no mu baako

beye ne bone no aforebode na ɔbaako aye ne hyew aforebode. **8** Ode bema osfo no na ode anomaa a odi kan no abo bone afore no. Obekyim aboa no kon nanso ɔrentew ne ti mfi so, **9** na wapete ne mogya no bi agu aforemuka no ho. Mogya no nkae no, obehwie agu aforemuka no ase. Eyi ne aforebo kwan a epepa bone. **10** Na osfo no de anomaa a ɔto so abien no bebo ohyew afore senea ɔboɔ afore a edi kan no ara pe. Osfo no nam saa aforebo yi so bepata ama nea waye bone no, na enam so ama wode ne bone akye no. **11** “Se ɔye ohiani buruburoo a ɔrentumi mfa nturukuku anaa mmorɔnomamma mmebo ne bone ho afore a, ode asikresiam muhumuhu lita abien ne fa beba se ne bone ho aforebode. Ense se ode ɔsra ngo fra. Ense se ode aduhuam nso gu so, efise eye bone afore. **12** Ode bema osfo no. Na osfo no asaw ne nsa ma de asi ne nyinaa anan na wahyew no wo aforemuka no so ama Awurade se aforebode biara. Eyi beye ne bone ho aforebo. **13** Se eba saa a, osfo no nam saa aforebo yi so bepata ama onipa no na wode ne bone no bekye no. Asikresiam a aka no, wode bema osfo no te se nnɔbae aforebode no ara pe.” **14** Awurade hye mmara maa Mose se, **15** “Se obi anhye da na ugu ade kronkron ho fi a, ode odwennini a ne ho nni dem a ɔfata se mpata wo n’afodi no ho beba abebo Awurade afore. **16** Ade kronkron a nipa no guu ho fi no nso, ode foforo besi anan na watua dekode no bo ɔha mu nkyemu aduonu aka ho se asotwe. Ode ne nyinaa bema osfo na ode Odwennini no abo bone afore no na wode ne bone akye no. **17** “Se obi anhye da na obu Awurade mmara no bi so a, odi fo nti ese se otua afobude a Mose behye no. **18** Eɛ se se ode odwennini anaa ɔpapo a onni dem bre osfo se ne bone no ho aforebode. Na osfo no de aye mpata ama no wo bone biara a ɔyee a wanhye da no ho, na wode ne bone bekye no. **19** Eɛ se se wɔbo saa afore no se afodi afore, efise odi fo pefee wo Awurade anim.”

6 Na Awurade ka kyere Mose se, **2** “Se obi ye bone tia me, se ebia, ɔbedadaa ne yonko wo biribi a wode ahye ne nsa anaa ade a wawia na wode abegyaw no no ho, anaase osisi ne yonko, **3** anaa otu ahu na ɔka ntam san wo ho se dekode no nni ne nkyen a, **4** se obi ye bone na odi ho fo a, ɔbesan de ne akorɔnne no anaa ne tintimgye ade anaa nea wode maa no siei anaa agyapade a wode ahye ne nsa, anaa ade a ayera no aba, **5** biribiara a waka ho ntamhunu no nso, ɔbesan de ne nyinaa aba na ode ho mfentom ɔha mu nkyemu

aduonu aka ho abre onipa ko a eye ne de no wo da a arebo afodi ho afore no. 6 N'afodi ho aforebode no se ode odwennini a onni dem na osom bo koma osobo. 7 Na osobo no de no beye mpata ama no wo Awurade anim na wode ne bone akye no." 8 Afei, Awurade ka kyere Mose se, 9 "Fa saa mmara a efa ohyew afore ho yi ma Aaron ne ne mmabarima. 'Wobegyaw ohyew aforebode no wo ogya no so anadwo mu no nyinaa, na ese se aforemuka gya no ko so dew. 10 Ade kye a, osobo no behye n'asofotade hyerenhyeren wo ase na wahye atadetam koro no ara bi nguguso na wakopra ohyew afore nsode no de agu aforemuka no nkyen. 11 Afei, obesesa ne ntade no na wasoa nsode no afi beae ho de akogu beae foforo a watew ho no. 12 Saa bere yi nyinaa ese se ogya a ewo aforemuka no so no dew. Ense se edum. Anopa biara osobo no de ogya foforo behye mu na ode da biara ohyew afore agu so, na wahyew srade a wode bo da biara asomdwoe afore no. 13 Ese se bere biara ogya no ko so dew wo aforemuka no so; ense se edum. 14 "Atoko afore ho mmara nso ni: Aaron mmabarima begyina aforemuka no anim na wode atoko aforebo no ama Awurade. 15 Osobo no besaw asikresiam a woyam no muhumuhu no ne nsa ma na ode ngo ne aduhum afra ahyew no wo aforemuka no so se ehua a eso Awurade ani. 16 Osaw ne nsa ma wie a, nea ebeka no ye Aaron ne ne mmabarima de a wobedi. Wobedi wo Ahylae Ntamanan no adiwo ho a woremfa mmokaw mfra. 17 Si so dua se, se woto a, wommfa mmokaw mmfra mu. Mede saa ohyew afore a wobo maa me no bi ama asobo no. Esiane se ne nyinaa ye bone ne afodi ho aforebo, nti eye kronkron. 18 Aaron asefo mmabarima ne asobo na wonni mfi awo ntoatoaso so nkosi awo ntoatoaso so. Nanso asobo no nko ara na wonni aforebode a wobo no ogya so ama Awurade no. Biribiara a ebeka won no beye kronkron." 19 Awurade ka kyere Mose se, 20 "Da a wbesra Aaron ne ne mmabarima ngo no, ese se wode asikresiam lita abien ne fa bre Awurade. Wode fa beba anopa na wode fa aba anwummere. 21 Wode ngo befra ato wo dade apampaa so. Ese se woto no yiye na wode ba se ehua a eso Awurade n'ani. 22 Osobo a ofi Aaron mmabarima mu a worehye no sofo ma wasi n'agya anan no de bema Awurade senea wahye ho mmara afebo se wonhyew ne nyinaa no. 23 Ese se wahyew osobo biara atoko afore a obobo no nyinaa; ense se wodi." 24 Afei Awurade ka kyere Mose se, 25 "Ka kyere Aaron ne ne mmabarima se bone aforebo ho

mmara ni: 'Saa aforebode yi ho ye kronkron yiye enti ese se wokum no Awurade anim wo beae a wokum ohyew aforebode no. 26 Ese se osobo a oye aforebo no ho adwuma no we aforebode no wo Ahylae Ntamanan no adiwo ho. 27 Won a watew won ho a woye asobo nko ara na wowa ho kwan se wode won nsa ka nam no bi; na se eba se aboa no mogya bi pete won ntade mu a, ese se wohoro ntade no wo beae a watew ho ho. 28 Ese se wobo kuku a wonoaa nam no wo mu no; na se eye kobere nso a, ese se wotwiw mu, na wode nsu hohoro mu nyinaa yiye. 29 Obarima biara a ofra asobo no mu no bedi aforebode no bi—won nko ara—efise eye kronkron yiye. 30 Se wode bone ho aforebode no mogya no bi ko Ahylae Ntamanan mu ho de koye mpata wo kronkronbea ho a, osobo biara renwe bi. Ese se wode ogya hyew aboa no nyinaa wo Awurade anim.

7 "Amanne a efa afodi aforebo a eye kronkron ho no ni: 2 Wobekum aboa a wode no rebo afodi afore no wo beae a wokum aboa a wode no bo ohyew afore no na wode ne mogya no apete aforemuka no ho ahyia. 3 Osobo no de aboa no mu srade nyinaa, ne dua, 4 n'asaabo abien ne ne sisia srade ne ne bonwoma kotoku no nyinaa begu nkyen de abo saa afore no. 5 Osobo no behyew no aforemuka no so se aduan aforebo a wode rema Awurade. Eye afodi afore. 6 Obarima a ofra asobo abusua mu no mu tumi we nam no bi. Ese se wowe wo beae a eho ye kronkron, efise eye aforebode a eho tew yiye. 7 "Amanne koro no ara na wobefa so abo bone afore ne afodi afore no. Eye osobo a oye mpata maa won no de. 8 Osobo a odii ohyew aforebo no ho dwuma no betumi afa aboa no ho nwoma no. 9 Se asobo a wobo atoko ho afore ma Awurade no wie saa aforebo no a, wode atoko no nkae bema won. Se aforebode no, woto o, wokyew o, wonoa o, amanne koro no ara ase na ehye. 10 Atoko aforebo biara a aka no, se wode ngo fra anaa wamfa ngo amfra a, eye Aaron mmabarima nyinaa dea. 11 "Amanne a efa asomdwoe afore sononko a wobo ma Awurade no ho no ni: 12 "Se eye asomdwoe afore a, wamfa brodo a mmokaw nni mu a wode ngo afra nka ho. Saa ara na wamfa brodo ntrantraa bi a wode ngo agu so ne asikresiam mfrafrae a wode afra ngo nka saa aforebode no ho. 13 Wamfa brodo a emu piw a wode mmokaw afra nka saa aseda asomdwoe afore yi ho. 14 Wode saa aforebode yi bi begyina aforemuka no anim na wahim wo aforemuka no anim ako fa aba fa de akyere se wode ama Awurade. Afei, wobedan

afɔrebɔde no ama ɔsɔfo a ɔpete aboa a wɔde no bebɔ afɔre no mogya a ɔboa dwumadi no. **15** Sɛ wɔde aboa no bɔ Awurade afɔre de ma no sɛ asomdwoe afɔrebɔ de kyere sɛ eyɛ anisɔ ne asedade a, esɛ sɛ wɔwe ne nam da no ara. Enɛ sɛ bi ka ma ade kye so. **16** “Na sɛ obi de afɔrebɔde bi ba a enyɛ asomdwoe afɔre na mmom, sɛ eyɛ bɔhyɛ anaa efi ne koma mu na ɔde rebɛ Awurade de a, nea ebɛka biara wɔ afɔrebɔ no akyi no, sɛ ade kye so a, wotumi we. **17** Afɔrebɔ nam biara a ebɛdi nnansa no de, wonhyew. **18** Sɛ obi we nea adi nnansa no bi a, Awurade rennye afɔrebɔde no; na erenni mu sɛ afɔrebɔde, na onipa a ɔde bae sɛ wɔmfa mmɔ saa afɔre no rennya so mfaso biara. ɔsɔfo a ɔbewe no nso bedi ho fɔ, efisɛ eyɛ akyiwade ma Awurade; na onipa a ɔbewe saa nam no, esɛ sɛ oyi ne ho ano wɔ saa bɔne no ho. **19** “Nam biara a ɛka biribi a wontew ho no, wonnwɛ; wonhyew. Nam biara a aka de, obiara a ne ho tew wɔ ho kwan sɛ ɔwe. **20** ɔsɔfo biara a ne ho ntwɛ na obedi asomdwoe afɔre no bi no, wobetwa no asu, efisɛ wagu ade kronkron ho fi. **21** Obiara a ɔde ne nsa bɛka biribi a ɛho ntwɛ no, sɛ eyɛ onipa anaa aboa na ogyu ho fi na obedi asomdwoe afɔrebɔde no bi no, wobetwa no asu, efisɛ wagu ade kronkron ho fi.” **22** Afei, Awurade ka kyere Mose se, **23** “Ka kyere Israelfo no se wonnni sɛde, sɛ efi anantwi, nguan anaa mmirekyi mu. **24** Sɛ ɔyare bi bɔ aboa bi na owu anaase mmoa bɔne bi taataa aboa foforo bi kum no a, wonnni ne sɛde na mmom, wɔmfa nyɛ ade foforo. **25** Obiara a obedi sɛde a efi afɔrebɔde a wɔbɔ no ogya so de ma Awurade no, esɛ sɛ wotwa no asu. **26** Munnni mogya—sɛ eyɛ nmomaa anaa ntɔteboa. **27** Obiara a ɔbeyɛ saa no, esɛ sɛ wotwa no asu.” **28** Awurade ka kyere Mose se, **29** “Ka kyere Israelfo se obiara a ɔpɛ se ɔbɔ Awurade asomdwoe afɔre no, ɔno ara nkita mmra. **30** ɔmfa afɔrebɔde a eyɛ sɛde ne ne yan a wobehim wɔ afɔremuka no anim de ama Awurade no mmra. **31** Afei, ɔsɔfo no bɛhyew sɛde no wɔ afɔremuka no so na ne yan no de, Aaron ne ne mmabarima bɛfa. **32** Esɛ sɛ mode mo asomdwoe afɔrebɔde no srɛ nifa no ma ɔsɔfo no sɛ mo fam de. **33** Na Aaron mmabarima no mu nea ɔde mogya ne sɛde a efi afɔrebɔde no mu no bɛba afɔremuka no so no na ɔbɛfa srɛ nifa no. **34** Mahyɛ sɛ wɔmfa ne yan no ne ne srɛ no mma sɛ akyɛde a efi Israelfo nkyɛn a wɔde rebɛ Aaron mmabarima. Bere biara, wɔmfa saa afɔrebɔde no kyɛfa yi no mma Aaron ne ne mmabarima.” **35** Wɔn akatua ne no: ɔhyew afɔrebɔ

no, wɔde beto nkyɛn na wɔde ama wɔn a wɔayi wɔn sɛ Awurade asɔfo a eyɛ Aaron ne ne mmabarima no. **36** Efisɛ da a Awurade sraa wɔn ngo no, ɔhyɛ sɛ Israelfo mfa saa kyɛfa no mma wɔn; eyɛ wɔn kyɛfa daa daa wɔ awo ntoatoaso ebɛba nyinaa mu. **37** Eyinom ne amanne a ɛfa ɔhyew afɔrebɔ, atoko afɔrebɔ, bɔne afɔrebɔ, afɔdi afɔrebɔ, ahotew afɔrebɔ ne asomdwoe afɔrebɔ ho. **38** Awurade de saa mmara yi maa Mose wɔ Sinai Bepɔw so sɛ ɔno nso mfa mma Israelfo no, sɛnea ebeyɛ a wobehu ɔkwan a esɛ sɛ wɔfa so bɔ wɔn afɔre ahorow no de ma Onyankopɔn wɔ Sinai sare so ho.

8 Awurade ka kyere Mose se, **2** “Afei fa Aaron ne ne mmabarima bra Ahyiae Ntamadan no kwan no ano. Wɔmfa wɔn ntade, ɔsra ngo, nantwi ba a wɔde no bebɔ bɔne ho afɔre, adwennini abien ne brodo a mmɔkaw nni mu nkɛten abien **3** na frɛ Israelfo no nyinaa na wɔmmra ho bi.” **4** Mose yɛ sɛnea Awurade hyɛ no no, na wohyiaa wɔ Ahyiae Ntamadan kwan no ano. **5** Mose ka kyere wɔn se, “Ade a merebeyɛ yi, Awurade na wahyɛ me sɛ menyɛ.” **6** Afei, Mose de Aaron ne ne mmabarima no baa anim, na ɔde nsu hohoroo wɔn ho. **7** ɔde Aaron atade sononko bi a ne mmeamu ka ho ne batakari a asɔfotade a wɔde tam a eyɛ fɛ ayɛ n’abɔso hyɛ no. **8** Afei, Mose de adebo fam Aaron bo de Urim ne Tumim a ase ne hann ne pɛyɛ no hyɛ mu. **9** ɔbɔɔ Aaron abotiri kɛse bi a ɛwɔ sika abɔanim sɛnea Awurade hyɛ no sɛ ɔnyɛ no ara pɛ. **10** Afei, Mose faa ɔsra ngo no de bi petee Ahyiae Ntamadan no ankasa ne biribiara a ɛwɔ mu ho de tew ne nyinaa ho. **11** ɔpetee afɔremuka no so mpɛn ason. Afei, ɔpetee nkuku a ɛwɔ afɔremuka no so no ne hweaseammɔ ne ne ntaamu ho de tew ho. **12** Afei, ohwieɛ ɔsra ngo no guu Aaron tirim de tew ne ho sɛ omfɛti n’adwuma ase. **13** Nea edi ho ne sɛ, Mose de batakari hyehyɛ Aaron mmabarima a nkyekyeremu ne kyew ka ho, sɛnea Awurade hyɛ no sɛ ɔnyɛ no. **14** Afei, ɔfaa nantwinini ba sɛ ɔde no rekɔbɔ bɔne ho afɔre. Aaron ne ne mmabarima de wɔn nsa guu aboa no apampam. **15** Mose kum no. ɔde ne nsateaa baako bɔɔ ne mogya mu de yɛ afɔremuka mmen nan no ho ne afɔremuka no ankasa ho de tew ho, na ohwieɛ mogya no nkae no guu afɔremuka no ase de tew ho sɛ mpata. **16** ɔfaa n’ayamde ho sɛde ne ne mmerebo ho sɛde ne n’asaabo abien no ne ɛho sɛde hyew ne nyinaa wɔ afɔremuka no so. **17** Nanso ɔhyew nantwinini ba no ne ne nwoma ne ne nsono wɔ nsraban no akyi sɛnea Awurade hyɛ

Mose no. 18 Afei, ɔde odwennini no maa Awurade se ɔhyew afɔre. Aaron ne ne mmabarima de wɔn nsa guu aboa no apampam. 19 Na Mose kum no de ne mogya no bi petee afɔremuka no ho nyinaa. 20 Otwitwaa odwennini no nam na ɔhyew asinasin no a ne ti ne ne sra de ka ho. 21 Na ɔde nsu hohoroo n'ayamde ne n'anan no ho hyew no wɔ afɔremuka no so maa ne nyinaa hyew dwerebee. Na eyɛ ɔhyew afɔre, ehua a ɛso ani, aduan afɔre a wɔbɔ maa Awurade, senea Awurade hyɛ Mose no. 22 Afei, Mose de odwennini baako a ɔyɛ asɔfohyɛ dwennini no bae. Aaron ne ne mmabarima de wɔn nsa guu n'apampam. 23 Mose kum no na ɔde mogya no bi kaa Aaron aso nifa ase ne ne nsa nifa kokurobeti ne ne nan nifa kokurobeti. 24 ɔde mogya no bi yɛ Aaron mmabarima no nso aso nifa ase ne wɔn nsa nifa kokurobeti ne wɔn anan nifa kokurobeti. ɔde mogya no nkae petee afɔremuka no ho nyinaa. 25 Afei, ɔfaa sra de no, ne dua, ne ne mu sra de, ne bɔnwoma kotoku, n'asaabo abien no ne eho sra de ne ne sɛ nifa no. 26 Na ɔde saa brodo ntrantraa a mmɔkaw nni mu no baako nso ne brodo ntrantraa no baako a wɔde ngo agu so ne brodo ntrantraa baako a wɔfaa ne nyinaa fii kenten a wɔde besii ho wɔ Awurade anim no mu guguu eyinom nyinaa so. 27 Wɔde eyinom nyinaa hyɛ Aaron ne ne mmabarima nsa na wonhim no wɔ Awurade anim se ohim afɔrebɔ. 28 Mose gyee ne nyinaa fii wɔn nsam hyew no wɔ afɔremuka no so wɔ ɔhyew afɔre no so se asɔfohyɛ afɔrebɔ, ehua a ɛso ani, aduan afɔre a wɔbɔ ma Awurade. 29 Afei Mose nso faa ne yan no a na eyɛ ne kyefa wɔ asɔfohyɛ dwennini nam no mu no hinhim wɔ Awurade anim se ohim afɔrebɔ, senea Awurade hyɛ no se ɔnye no. 30 Afei ɔfaa ɔsra ngo no ne mogya a ɔde apete afɔremuka no so no bi de petee Aaron ne ne mmabarima ntade mu de tew Aaron ne ne mmabarima ne wɔn ntade ho maa Awurade dwumadi. 31 Mose ka kyere Aaron ne ne mmabarima no se, “Monnoa nam no wɔ Ahyiae Ntamadan no kwan ano na momfa nni brodo a ɛwɔ kenten a asɔfohyɛ afɔrebɔde wɔ mu no senea meka kyere mo no. 32 Nam ne brodo biara a ɛbeka no, monhyew. 33 Bio, ɔka kyere wɔn se wɔntena Ahyiae Ntamadan no ano nnanson, mfa nwie asɔfohyɛ dwumadi no. 34 Mose kaa bio se nea ɔyɛ no da no nyinaa no, Awurade na ɔhyɛ no se ɔnye mfa nye mpata mma wɔn. 35 ɔsan hyɛ Aaron ne ne mmabarima no se wɔntena Ahyiae Ntamadan no ano anadwo ne awia nnanson. ɔka

kyere wɔn se, ‘Sɛ mufi ho a, mubewuwu. Eyi ne asem a Awurade aka.’” 36 Enti Aaron ne ne mmabarima dii nsem a Awurade nam Mose so hyɛ wɔn se wɔnye no nyinaa so.

9 Ahodwira no akyi da a ɛto so awotwe no, Mose frɛ Aaron ne ne mmabarima ne Israel mpanyimfo nyinaa. 2 ɔka kyere Aaron se ɔnkɔkyere nantwinini ba mfi anantwi no mu na ɔmfa no mmɔ bɔne afɔre, na ɔnkyere odwennini a ne ho nni dem mfa no mmɔ ɔhyew afɔre. ɔka kyere no se ɔmmɔ saa afɔre yi nyinaa wɔ Awurade anim. 3 Afei Mose ka kyere wɔn se, “Monka nkyere Israelfo na wonyi ɔpapo mfa no mmɔ bɔne afɔre mma wɔn ho, na wɔmfa nantwi a wadi afe ne uguamma a wadi afe a wɔn ho nni dem biara mmɔ wɔn ɔhyew afɔre no, 4 na wɔmfa nantwinini ne odwennini mmɔ asomdwoe afɔre na wɔmfa asikresiam a wɔde ngo afra mmɔ aduan afɔre mma Awurade, efise nne, Awurade beyi ne ho adi akyere mo.” 5 Enti wɔde saa nneema yi nyinaa baa Ahyiae Ntamadan no kwan ano senea Mose hyɛ no. Nnipa no nyinaa begyinagyinaa Awurade anim. 6 Mose ka kyere wɔn se, “Eyi na Awurade ahyɛ mo se monnye na Awurade anuonyam ada ne ho adi akyere mo.” 7 Mose ka kyere Aaron se ɔnkɔ afɔremuka no so na ɔnkɔbɔ bɔne ne ɔhyew afɔre no mfa nye mpata mma ne ho ansa na ato nnipa no senea Awurade hyɛ no. 8 Enti Aaron foro kɔɔ afɔremuka no so. Okum nantwi ba no de bɔɔ ɔno ara ne bɔne ho afɔre. 9 Ne mmabarima no de mogya no brɛɛ no na ɔde ne nsateaa baako bɔɔ mu sraa mmen a ɛwɔ afɔremuka no ho no na ohwiee nkae no guu afɔremuka no ase. 10 Afei, ɔhyew sra de, asaabo, bɔnwoma, bɔnwoma nkotoku a efi bɔne afɔrebɔde no mu senea Awurade hyɛ Mose no. 11 Na nam no de, ɔhyew ne ne nwoma wɔ nsraban no akyi. 12 Nea edi ho ne se, okum ɔhyew afɔre aboa no maa ne mmabarima sɔw mogya no ma ɔde petee afɔremuka no ho nyinaa, 13 Wɔde aboa no brɛɛ no asinasin a ne ti ka ho. ɔhyew aboa no akwaa biara wɔ afɔremuka no so. 14 Afei, ɔhoroo aboa no ayamde ne ne nan ho hyew wɔ afɔremuka no so se ɔhyew afɔre. 15 Afei, ɔbɔɔ afɔre maa ɔmanfo. Okum abirekyi nanso ɔfaa ɔkwan koro a ɔfaa so bɔɔ bɔne afɔre maa ne ho no so bɔɔ afɔre maa ne ho. 16 Saa ɔkwan no so na ɔfa bɔɔ wɔn ɔhyew afɔre de maa Awurade senea Onyankopɔn mmara kyere no. 17 Afei, ɔbɔɔ atoko afɔre no, ɔfaa ne nsa mma na ɔhyew wɔ afɔremuka no so de kaa anɔpa ɔhyew afɔrebɔ no

ho. **18** Okum nantwi ne odwennini no a eyɛ nnipa no asomdwoe afɔrebɔde no. Aaron mmabarima no de mogya no brɛɛ no ma ɔde petee afɔremuka no ho nyinaa. **19** Oyii nantwi no ne odwennini no srade. Oyii wɔn dua mu srade ne wɔn ayamde srade, ne wɔn asaabo ne wɔn bɔnwoma kotoku no. **20** Wɔde srade no guu mmoa no yan so na Aaron hyew wɔ afɔremuka no so. **21** Na ohim yan no ne mmoa no mmati nifa no wɔ Awurade anim de kyereɛ sɛ afɔre no yɛ ne dea, senea Mose hyee no. **22** Afei, Aaron trɛw ne nsam wɔ nnipa no so hyiraa wɔn, na osian fii afɔremuka no ho sii fam. **23** Mose ne Aaron kɔɔ Ahyiae Ntamadan mu hɔ na wɔsan baa bio no, wohyiraa nnipa no na Awurade anuonyam baa nnipa no nyinaa so. **24** Na ogya fi Awurade nkyen behyew ɔhyew afɔrebɔde no ne srade a ɛwɔ afɔremuka no so no. Na nnipa no huu eyi no, wɔn nyinaa teeteeɛ mu butubutuw fam wɔ Awurade anim.

10 Na Aaron mma Nadab ne Abihu de ogya guu wɔn aduhuamyefo ade mu. Wɔde aduhuam no petee ogya no so ma wɔnam saa kwan yi so buu Awurade mmara so, efise wɔde ogya a enye nea Awurade ahye baa n'anim. **2** Enti ogya dew fii Awurade nkyen behyew wɔn. **3** Mose ka kyereɛ Aaron se, Awurade kae se, “Mɛda me ho kronkronyɛ adi akyere wɔn a wɔba me nkyen; wɔbehye me anuonyam wɔ nnipa nyinaa anim no, na nea ɔrekyere nen.” Na asem no tɔɔ Aaron mum. **4** Mose soma ma wɔkɔfrɛɛ Misael ne Elsafan a woye Aaron agya nuabarima mma brɛɛ no. Ɔka kyereɛ wɔn se, “Monkɔtwe nnipa a wɔahyew no nyinaa mfi Ahyiae Ntamadan no anim mfa wɔn nkɔ nsraban no akyi.” **5** Na wɔkɔsoaa wɔn wɔ wɔn ntade mu senea Mose aka akyere wɔn no. **6** Mose ka kyereɛ Aaron ne ne mmabarima Eleasar ne Itamar se, “Munnsu. Mommma mo tinwi nsensen hɔ yuu mmfa nkyere sɛ moretwa agyaadwo. Munnsunsuane mo ntade mu nso. Sɛ moye saa a, Onyankopɔn bekum mo nso na n'abufuw bebɛa Israelfo nyinaa so. Nanso Israelfo a wɔaka no de, esiane ogya a Awurade de bae no nti, wotumi di Nadab ne Abihu wu no ho awerehow, tumi su wɔn nso. **7** Na mummfɛ Ahyiae Ntamadan no ano, anyɛ saa a mubewuwu, efise Awurade ngosra wɔ mo so.” Na wodii asem a Mose kae no so. **8** Afei, Awurade hyee Aaron se, **9** “Sɛ wokɔ Ahyiae Ntamadan no mu a, nnom bobesa anaa nsa a ano yɛ den. Woye saa a, wubewu. Saa mmara yi betena hɔ afebɔɔ ama awo ntoatoaso a ɛbeba no nyinaa, **10** na ama moatumi ahu

nsonoe a ɛda kronkron ne nea eyɛ teta, nea ɛho tew ne nea ɛho ntew no tam, **11** na woatumi akyerekere Israelfo mmara a Awurade nam Mose so de ama mo no nyinaa.” **12** Mose ka kyereɛ Aaron ne ne mmabarima Eleasar ne Itamar se, “Momfa atoko afɔrebɔde nkɛ wɔ aduan afɔrebɔ a mmɔkaw nni mu a wɔde brɛɛ Awurade no na munni wɔ afɔremuka no ho, efise eyɛ kronkron koraa. **13** Munni wɔ kronkronbea hɔ. Eyɛ wo ne wo mmabarima no dea, na eyɛ wo ne wo mmabarima no kyefa a efi aduan afɔrebɔ a wɔde brɛɛ Awurade no mu; efise saa na wɔahye sɛ menyɛ. **14** Nanso ne yan ne ne srɛ a muhim no Awurade anim no, mutumi we no beae biara a amanne kwan so no ɛhɔ tew. Eyɛ wo, wo mmabarima ne wo mmabea kyefa wɔ Israelfo Asomdwoe afɔrebɔde no mu. **15** Ne srɛ ne ne yan a wohim no, ɛsɛ sɛ wɔde ka srade afɔrebɔde a wohyew de ma Awurade no ho. Eyi beye wo ne w'asefo kyefa daa, senea Awurade ahye no.” **16** Bere a Mose bisaa nea ayɛ abirekyi a wɔde no bebɔ bɔne afɔre no ho asem no, ohuu sɛ wɔahyew no. Ɛno nti, ne bo fuw Eleasar ne Itamar a na woye Aaron mmabarima no, bisae se, **17** “Aɔɛn nti na moanwe bɔne afɔrebɔde no wɔ kronkronbea hɔ? Eyɛ afɔrebɔde kronkron! Wɔde maa mo sɛ momfa nyi nnipa no afɔdi na enye mpata mma wɔn wɔ Awurade anim. **18** Esiane sɛ wɔamfa ne mogya ankɔ kronkronbea hɔ no nti, anka mubetumi awe wɔ hɔ ara senea mehyee no.” **19** Aaron buaa Mose se, “Nnɛ wɔbɔɔ wɔn bɔne afɔre ne ɔhyew afɔre maa Awurade. Nanso hwe asem yi a ato me. Sɛ mewee bɔne afɔre nam yi bi nne a, anka Awurade ani besɔ ana?” **20** Na Mose tee saa no, ne bo dwoe.

11 Afei, Awurade ka kyereɛ Mose ne Aaron se, **2** “Monka nkyere Israelfo no se, ‘eyi ne mmoa a mubetumi awe wɔ asase so mmoa no mu. **3** Mutumi we aboa biara a ne tɔte mu apae kosi nea opuw wosaw so. **4** “Monnnwe mmoa a wodidi so yi. Yoma, efise opuw wosaw nanso ne tɔte mu mpae; ne ho ntew mma mo. **5** Atwaboa, efise opuw wosaw nanso ne tɔte mu mpae; ne ho ntew mma mo. **6** Adanko, efise opuw wosaw nanso ne tɔte mu mpae; ne ho ntew mma mo. **7** Prako, efise ne tɔte mu apae nanso ompuw nwasaw; ne ho ntew mma mo. **8** Monnnwe wɔn nam anaa mommfɛ mo nsa nka wɔn funu; wɔn ho ntew mma mo. **9** “Munni nsumnam biara a ɛwɔ ntete ne abon a efi nsuɔntɛn anaa po mu. **10** Nanso nsumnam a aka no de, mukyi. **11** Ɛnsɛ sɛ mowe wɔn nam anaa mode mo nsa ka wɔn afunu; wɔn ho ntew. **12** Miti

mu se, nsumnam biara a enni ntete anaa abon no, mukyi, wɔn ho ntew. **13** “Nnomaa a ese se mubu wɔn se wɔn ho ntew nti mukyi no korakora nso ne: okɔre, ne opete ne opetebiri, **14** okompete, asansa, **15** kwaakwaadabi, **16** sohori, patukese, po so akorɔma, akorɔma, **17** patu, sare so patu, patukese, **18** bakanoma, nantwinoma, opete, **19** asukɔnkɔn, asuɔkwaa ne ampan. **20** “Mmoawa a wotu a wɔn anan ye anan no nso nye mmoa a wɔn ho tew; ense se mowe. **21** Mmom, wɔn a wɔn anan bɔ mu a wode huruwhuruw wɔ fam no de mutumi we. **22** Ebi ne mmoadabi ahorow nyinaa, nketekre, ne tewtew nyinaa mutumi we. **23** Nanso mmoawa a wotu na wɔwɔ anan anan no de, munhu se wɔn ho ntew. **24** “Obiara a ɔde ne nsa beka wɔn funu no mpo ho begu fi kosi anwummere. **25** Obiara a ɔbefa bi no ese se ɔhoro ne ntama na ɔtwe ne ho fi nnipa mu kosi anwummere de kyere se ne ho agu fi. **26** “Obiara a ɔde ne nsa beka aboa biara a ne tote mu mpae nwiei anaa aboa a ompuw nwsaw no, wagu ne ho fi. **27** Aboa biara a n’anan ye anan na ɔnam n’awerew so no, mukyi ne nam. Obiara a ɔde ne nsa beka aboa a ɔte saa funu no ho begu fi kosi anwummere; eye mo akyiwade. **28** Obiara a ɔbefa saa aboa no funu no, ese se ɔhoro ne ntama na ne ho rentew ara kosi anwummere. **29** “Mmoa a wɔwea wɔ fam a wɔn ho ntew no ni: Ahweaa, okisi, oketew abusua a wɔsoso, **30** opo, ɔmampam, ɔdan ne na, oketew, ne ɔbosomaketew. **31** Wɔn a wɔwea no nyinaa ho ntew mma mo, obiara a ɔde ne nsa beka wɔn mu bi funu no ho begu fi akosi anwummere **32** Biribiara a wɔn funu no beka no nso ho begu fi, se eye dua, ntama, kuntu, kotoku; biribiara a ebeka no, wɔmfa ngu nsu mu nkosi anwummere. Eno akyi no, eho betew. **33** Kuku biara a bi betɔ mu no, nea ewo mu biara ho begu fi enti ese se wɔbɔ saa kuku no. **34** Nsu a wode behohoro nneema a eho ntew no ho wɔ kuku no mu no, se bi ka aduan bi a, ebegu aduan no ho fi. Na nsā biara a ewɔ kuku a eho agu fi no mu no nso ho begu fi saa ara. **35** Se aboa biara a ne ho agu fi funu ka fononoo a wode ɔbo anwen a, na eno nso ho agu fi enti ese se wobubu gu. **36** Se aboa no tew hwe asuti anaa abura bi a nsu wɔ mu a, nsu no ho rengu fi, na mmom, onipa a obeyi aboa no ho na ebegu fi. **37** Na se aboa no funu ka aduan a wobedua wɔ afum a, eho rengu fi, **38** Nanso se wɔfɔw aba no nsu na funu no tɔ so a, aba no ho begu fi. **39** “Se ɔyare bi kum aboa a woama wo ho kwan se we ne

nam a, obi a ɔde ne nsa beka ne funu no no ho begu fi akosi anwummere. **40** Saa ara nso na onipa a ɔbewe ne nam no behoro ne ntama na ne ho agu fi akosi anwummere. **41** “Monnnwe mmoa a wɔwea wɔ fam no nam. **42** Wɔn a wɔtwe wɔn ho ase fa wɔn afuru so ne wɔn a wɔnam wɔn anan anan so nyinaa ka ho. Monnnwe wɔn a wɔwɔ anan bebree na wɔwea no nam nso, efise wɔn ho agu fi. **43** Mfa wo ho nka wɔn na wo ho angu fi. **44** Mene Awurade wo Nyankopɔn. Momma mo ho ntew wɔ saa nneema yi nyinaa ho na monye kronkron, efise meye kronkron. Eyi nti, mommfa mo nsa nkoka mmoa a wɔwea wɔ fam yi mu biara mfa ngu mo ho fi. **45** Mene Awurade a miyii mo fii Misraim de mo beyee mo Nyankopɔn no. Eno nti, ese se moye kronkron, efise meye kronkron. **46** “Eyi ne mmara a efa mmoa, nnomaa, nsumnam ne wɔn a wɔwea asase so no ho. **47** Eyi ne nsonoe a eda mmoa a wɔn ho tew a ese se wɔwe wɔn nam ne wɔn a wɔn ho ntew a ense se wɔwe wɔn nam wɔ mmoa a wɔwɔ asase so no ntam.”

12 Awurade ka kyeree Mose se, “Ka kyere Israelfo no se, **2** ‘Se ɔbea bi wo ɔbabarima a, ne ho ntew nnanson, te se nea ɔko afikyiri a ne ho ntew no ara. **3** Ne nnaawɔtwe so no, ese se wɔtwa abarimaa no twetia. **4** Na nnaafua aduasa abiesa a eda n’anim a ɔde retew ne ho no, ense se oso biribiara a eye kronkron mu na onni ho kwan se ɔko hyiadan mu nso. **5** Se ɔbea bi wo ɔbabea a, ne ho ntew nnaawɔtwe abien, te se nea ɔko afikyiri a ne ho ntew no ara. Afei ese se ɔtwen nnaafua aduosia asia ma ne ho twa. **6** “Se saa ahotew nna yi twa mu a, ese se ɔde oguamma a wadi afe bebo ɔhyew afɔre na ɔde aborɔnoma anaa aturukuku ba bebo bɔne ho afɔre. Ese se ɔde wɔn ko Ahyiae Ntamadan no ano kɔma ɔsofo no. **7** Na ɔsofo no de wɔn bema Awurade de aye mpata ama ena no; eba saa a, ne ho tew bio wɔ n’awo mu mogyagugu ho. “Eyinom ne awo akyi ahyede. **8** Na se ɔye ohiani a ɔrennya oguamma no a, eno de, ese se ɔde mmorɔnoma abien anaa nturukuku mma abien ba. Wode ɔbaako bebo ɔhyew afɔre na wode ɔbaako abo bɔne ho afɔre. ɔsofo no befa saa kwan yi so aye mpata ama no, senea ebeye a ne ho betew bio.”

13 Awurade ka kyeree Mose ne Aaron se, **2** “Se obi hu se biribi ahon ne honam ani, anaa pɔmpɔ anaa atape asi no na adidi ako ne honam mu a, onhu se eye kwata. Ese se wode saa onipa no kɔma ɔsofo Aaron anaa ne mmabarima no mu baako **3** na ɔhwe

kuru no. Se nwi a esi kuru no ho dan ye fitaa na kuru no atu ato ohonam no mu a, na eye kwata a ese se osofo no da no adi se oyarefo no ye okwatani. 4 Na se kuru no ntaw ohonam no mu na se kuru no ho nwi no nso nyee fitaa a, ese se osofo no yi oyarefo no fi nnipa mu nnanson. 5 Nnanson no du a, osofo no behwe no bio na se kuru no nsakrae na entrewee wo ohonam no ani a, osofo no besan atwa no asu nnanson bio. 6 Afei ne nnanson so no, osofo no behwe ne honam ani bio, na se ohu se oyare no ano abre ase a entrewee a, osofo no beka ato gua se, oyarefo no ho ato no; obekyerere mu se eye ntowom bi na eguu no bere tiaa bi mu. Enti se oyarefo no horo ne ntama a, wobefa no se wanya ayaresa awie. 7 Na se nso oyarefo no ba osofo no nkyen ma ohwe no na oyare no atretrew a, ese se osan ba osofo no nkyen bio. 8 na ohwe no na se oyare no atretrew wo ohonam no ani a, afei, obepae mu aka se amanne kwan so no, ne ho ntew na eye ohonam ani nsanyare. 9 “Se obi nya ohonam ani nsanyare a, ese se wode no kokyerere osofo na ohwe no. 10 Se osofo no hu se nwi no bi aye fitaa na kuru ato saa beae ho a, 11 na ekyerere se eye ohonam ani nsanyare, na ese se osofo no de to gua se amanne kwan so no, onipa no ho ntew. Eba saa a, wonhwehwe oyare no mu bio, efise eda adi pefee se ohonam no aye kwata. 12 “Nanso se osofo no hu se kwata no adidi ne honam nyinaa fi ne ti so kosi ne nan ase nyinaa a, 13 osofo no bepae mu aka se ne ho tew, efise ne honam nyinaa adan aye fitaa. 14 Na se akuru no bi pue ne honam no baabi foforo a, wobepae mu aka se onipa no ye okwatani. 15 Ese se osofo no pae mu ka ntem ara a ohu kuru wo honam no fa baabi, efise akuru no kyere se kwata wo ohonam no mu. 16 Na se akuru no wu na edan ye fitaa se ohonam a aka no a, okwatani no beko osofo no ho bio. 17 Osofo no behwe no na se ohonam no fa ho aye fitaa de a, osofo no bepae mu aka se ne ho ato no. 18 “Se pompom si obi na agyae 19 na se baabi a pompom no sii no biribi hyerenn bi, anaa nea ebere kakra hon wo ho a, ese se ode ne ho kokyerere osofo. 20 Na se osofo no hwe na oyare no adidi ko ne honam mu na nwi a ewo ohonam no ho no aye fitaa a, osofo no bepae mu aka se oyarefo no ho ntew, efise kwata apue a fi pompom no mu. 21 Nanso se osofo no hwe na ohu se nwi fitaa biara nni baabi a oyare no wo ho no, na oyare no nnidi nkaw honam no mu, na ahosu no ye nsonso a osofo no beyi no a fi nnipa mu nnanson. 22 Saa bere no mu se beae ho no tretrew a, osofo no bepae mu aka se, onipa

no yare kwata. 23 Na se beae a ehoo aye hyerenn no anhon bio na antretrew a, na eye pompom no twa keke enti osofo no bepae mu aka se ne ho tew. 24 “Se obi hyehyew na se ohyehyew no mu ye kokaw ne fitaa anaa fitaa a, 25 ese se osofo no hwe faako a ohyehyew no wo. Se nwi a ewo beae a ehoo nnii dem biara no dan ye fitaa na se eye ade a adidi ko ohonam no mu a, na eye kwata na apue a fi ohyehyew no mu, enti ese se osofo no pae mu ka se onipa no ye okwatani. 26 Na se osofo no hwe hu se nwi fitaa nni beae a ehoo ye hyerenn no, na se hyerenn no nnidi nkaw ohonam no mu, na oyare no regyae a, osofo no beyi no a fi nnipa mu nnanson 27 na wahwe no ne nnanson so bio. Se oyare no trew fa ohonam no ani a, ese se osofo no pae mu ka se kwata aye onipa no. 28 Nanso se ohonam no fa ho a aye hyerenn no antretrew ohonam no ani, na se eye se nea ehoo retwintwam no a, wobefa no se eye ohyehyew twa bi, enti osofo no beda no adi se oyare kwata. 29 “Se kuru da obarima anaa obee bi tirim anaa n’afono ho a, 30 ese se osofo no hwe; se ohwe na ohu se oyare no adidi ko ohonam no mu na osan hu nwi a ete se akokorade wo kuru no mu a, ese se opae mu ka se onipa no yare kwata. 31 Na se osofo no hwe na ohu se oyare no nnidi nkaw ohonam no mu, na mmom, ewo ohonam no ani a nwi tuntum wo mu a, ese se woyi onipa no fi nnipa mu nnanson, 32 na ne nnanson so no, wasan hwe no bio. Se oyare no ntretrewee, na nwi a ete se akokorade nnaa ne ho adi wo mu na ennidi nkaw ohonam no mu a, 33 obetwerew nwi a atwa kuru no ho ahya nyinaa (na mmom enye kuru no mu ankasa) na osofo no ayi no a fi nnipa mu nnanson bio. 34 Ne nnanson so no, obesan ahwe no, na se oyare no ntretrew nnidi nkaw ohonam no mu a, osofo no bepae mu aka se onipa no ho atew na se ohoro ne ntama wie a, na afei wadi mu. 35 Na se akyiri no saa oyare no tretrew a, 36 ese se osofo no hwe no bio a ohwe se nwi a ete se akokorade fra oyare no mu na opae mu ka se, onipa no yare kwata. 37 Na se oyare no trew a etretrew no gyae na se nwi tuntum fuw wo beae ho a, na ekyerere se, ne ho ato no a kwata biara nni ne ho enti ese se osofo no pae mu ka se ne ho atew. 38 “Se obarima anaa obee bi honam ani ye fitaa hanahana, 39 na akyiri no ohonam no ani dum ara na eredum a, na enkyere se kwata aye onipa no, na mmom, eye oyare foforo bi. 40 “Se obi ti so pa a, ewo mu se ne ti so apa de, nanso eno nkyere se oye okwatani! 41 Se obi ti so pa fi ne moma so a, na ne moma so ara na apa, na

enkyere se eye kwata. 42 Na mmom, se nsisii akokoo a fitaa frafra mu wo tipae no so a, na ekyere se ebia kwata pe se eye saa onipa no. 43 Se eba saa a, ossofo no behwe no na se biribi kokoo aboa ne ho baabi te se kwata a, 44 na ekyere se, kwata aye no, enti ese se ossofo no pae mu ka se, onipa no yare kwata. 45 “Onipa biara a wobehu se oyare kwata no, ese se ofura ntama a atetew na oma ne tinwi fuw, twa mpesempese na okata n’anim fa na onam a oteete mu se, ‘Me ho ntew! Me ho ntew!’ 46 Na nna dodow a oyare no nkoe no de, wobefa oyarefo no se ne ho ntew enti ese se otena kurow no akyi baabi. 47 “Se kwata ho nsenkyerenne bi ka atade, 48 kuntutam anaa nweratam, aboa nhoma anaa biribiara a wode aboa nwoma aye mu, 49 na se nsisii ahabammono anaa kokoo wo mu a, ebia na eye kwata, enti ese se wode koma ossofo na ohwe. 50 Ossofo no de beko akosie nnanson. 51 Nnanson so no, wasan ahwe bio. Na se ohu se nsisii no atretrew a, na ekyere se, eye kwata a etumi san nnipa. 52 Ese se ode ogya hyew ntama, kuntu ne ntadetam ne aboa nwoma no nyinaa, efise, enam eyinom so betumi ama oyare no asan nnipa. 53 “Na se ne nnanson so no ohwe na se nsisii no ntretrewee a, 54 ossofo no behye ama w ahoronneeema a wodwen se oyare no bi wo mu no no nyinaa na woakora no baabi bio nnanson. 55 Se nnanson bio akyi faako a oyare no wo ho no nsesaa n’ahosu na entrewee a, wobefa no se eye kwata nti ese se wohyew ade no, efise oyare no adidi ko mu ara yiye. 56 Na se ossofo no hu se nneemahoro no akyi, nsisii no ano abre ase a, obetwa ho afi ntama anaa aboa nwoma a wode adi dwuma bi no mu. 57 Na se esan ba bio de a, na eye kwata enti ese se wohyew no. 58 Se w ohoro na asem biara amma ho a, wotumi de di dwuma biara bere a wasan ahoro no.” 59 Eyinom ne mmara a efa kwata a ewo ntama anaa biribiara a wode aboa nhoma aye a wonam so da no adi se kwata wo dekode no mu anaa bi nni mu no ho.

14 Onyankopon ka kyeree Mose se, 2 “Da a wobedwira okwatani ho no, eho mmara ni: Wode no beko akoma ossofo, 3 na ossofo no ahwe no wo nsraban no akyi. Na se ossofo no hu se kwata no agyae a, 4 obebisa nnomaa abien bi a wowe, na afei wode sida dua, koogyan hama ne adwere mman a wode beye ahodwira ahyede ama okwatani no abre no. 5 Ossofo no beka ama woakum nnomaa no mu baako wo asanka a nsu wo mu so. 6 Na anomaa a wonnya nkum no no nso, wode ono ne sida dua no ne koogyan

hama no ne adwere mman no behye anomaa a wokum no no mogya no mu. 7 Na ossofo no apete mogya no agu okwatani a ne ho afi no so mpen ason, na wapae mu aka se ne ho atew na wagyaa anomaa a wonkum no no. 8 “Na oyarefo a ne ho ato no no behoro ne ntama nyinaa. Obeyi ne ho nwi nyinaa nso. Obeguar na wasan abetena faako a kan no na ote ho no bio; nanso ese se otena ne ntamadan akyi nnanson. 9 Nnanson no so no, obeyi ne ho nwi nyinaa bio, obeyi n’abogyese ayi n’aninton nwi na wayi ne ho nwi a aka nyinaa, na waguare, na afei wapae mu aka se ne ho atew. 10 “Da a edi so a eye nnaawotwe so no, obefa adwennini abien a won ho nni dem ne oguamma bere baako a ono nso ho nni dem, asikresiam muhumuhu lita asia ne fa a wode ngo afra ne ngo a womfa mfraa hwee lita fa. 11 Afei ossofo a obchwehwe oyarefo no ho ahwe se ne ho ato no no de onipa no ne n’aforebode beba Awurade anim wo Ahylae Ntamadan no ano. 12 “Ossofo no befa nguantenmma no baako ne ngotoa baako no na ode ama Awurade se afodi aforebo a wohim no wo aforemuka no anim. 13 Afei, wobekum oguamma no wo beae a wobo bone ne ohyew afore no wo kronkronbea ho. Wode saa afodi aforebode yi bema ossofo no senea woye no bone aforebo mu no ara pe. Eye aforebo a eye kronkron ankasa. 14 Ossofo no befa saa afodi aforebode mogya na ode akeka oyarefo a woretew ne ho no aso nifa ase ne ne nsa nifa kokurobeti ne ne nan nifa kokurobeti. 15 Afei, ossofo no befa ngo no bi ahwie agu ne nsa benkum mu 16 na ode ne nsa nifa abo mu, na watu apete mpen ason wo Awurade anim. 17 Ngo no a ebeka ne nsa benkum mu no, ossofo no de beka onipa no aso nifa ase ne ne nsa nifa kokurobeti ne ne nan nifa kokurobeti senea ode afodi mogya yee wo afodi aforebo no mu no ara pe. 18 Ode ngo no nkae a ewo ne nsam no befow obarima no ti ho. Eyi bekyere se, ossofo no de ne ho aye mpata ama onipa no wo Awurade anim. 19 “Afei, ese se ossofo no bo bone afore na osan ye mpata ho ade ma onipa a wrehohoro ne ho afi ne kwata mu no ho; eno akyi no, ossofo no bekum ohyew aforebode no 20 na ode abo ene atoko afore wo aforemuka no so de aye mpata ama obarima no na afei, wapae mu aka se ne ho afi no. 21 “Se oye ohiani a orentumi nto nguamma abien no a, eno de, ode oguamma nini baako bebo afodi afore no de ama Awurade se mpata a wohim wo aforemuka no anim; na wode asikresiam fitaa muhumuhu lita abien ne fa a wode ngo afra de abo atoko afore no a ngo

tumpān ka ho. 22 Ɛno akyi no, ɔde mmorɔnoma abien anaa nturukuku mma abien mu biara a obenya no mu baako bebo bone afɔre na ɔde baako a ebeka no nso abo ɔhyew afɔre. 23 “Da a ɛto so awotwe no, ɔde ne nyinaa beko akɔma ɔsofo no wɔ Ahyiae Ntamadan no ano na ɔsofo no de adwira no wɔ Awurade anim. 24 Ɔsofo no befa oguamma no de abo afɔdi afɔre. Ɔde ngo tumpān ma beka ho na wahim wɔ afɔremuka no anim de akyere se, wɔde rema Awurade. 25 Afei, wobekum oguamma no de no abo afɔdi afɔre na ɔde ne mogya no bi akeka ɔbarima a wɔredwira no no aso nifa ase. Ɔde mogya no bi beka ne nsa nifa kokurobeti ne ne nan nifa kokurobeti. 26 Ɔsofo no behwie ngo agu ɔno ara ne nsa benkum mu 27 na ɔde ne nsateaa nifa abo mu apete bi mpen ason wɔ Awurade anim. 28 Na ɛse se ɔde ngo a ɛwɔ ne nsam no bi ka ɔbarima no aso nifa ase ne ne nsa nifa kokurobeti ne ne nan nifa kokurobeti senea ɔyee mogya no, bere a ɔrebo afɔdi afɔre no. 29 Ngo no a ebeka wɔ ne nsam no, ɛse se ɔde fɔw ɔbarima a wɔredwira no no ti ho de ye mpata wɔ Awurade anim. 30 Afei, ɛse se ɔde nturukuku abien anaa mmorɔnoma abien no mu biara a otumi tɔe no ba. 31 Wɔde abien a onyae no mu baako bebo bone afɔre na baako a aka no, ɔde abo ɔhyew afɔre a saa bere no ara mu wɔbebo atoko afɔre nso, na ɔsofo no beye mpata ama ɔbarima no wɔ Awurade anim.” 32 Eyinom ne mmara a ɛfa wɔn a wɔtew wɔn ho ma wɔn ho fi kwata mu nanso wontumi mfa afɔrebode a ɛho hia no nyinaa mma no. 33 Afei, Awurade ka kyerɛ Mose ne Aaron se, 34 “Se mudu Kanaan asase a mede ama mo no so, na se mede kwata ko a fi bi mu a, 35 ɛno de, ofiwura no nyi ne ho adi nkyere ɔsofo no na ɔnka se, ‘Eye me se kwata wɔ me fi hal’ 36 Ɔsofo no behye ama wɔatu ofie ho nneema nyinaa ansa na wahwe ho senea ebeye a, se aka se kwata wɔ fie ho a, ɛrengu biribi foforo ho fi wɔ ho. 37 Se ohu nsensansensan ahabammono anaa kɔkɔ wɔ ofie no afasu ho a anonom ko afasu no mu a, 38 ɔbeto ofi no mu nnanson 39 na ne nnanson so no, wasan aba bio abehwe. Na se nsensansensan awurawura afasu no mu a, 40 ɛno de, ɔsofo no behye ama wɔawerewerew nsisii no a fi ho na wɔatow nwerewerewee no agu baabi a ɛho ntew wɔ kurow no akyi baabi. 41 Afei, ɔbehye ama afasu a ɛwɔ ofi no mu no, wɔawerewerew no yiye na wɔatow nwerewerewee no agu baabi a ɛho ntew wɔ kurow no akyi baabi. 42 Na wɔde abo foforo bi abehye nea wɔawerewerew no anan na wɔde dɔte foforo asra

ofi no ho. 43 “Na se nsisii no ba bio a, 44 ɔsofo no beba bio abehwe na se ohu se nsisii no atretrew a, na eye kwata na ekyere se ofi no ho ntew. 45 Se ɛba saa a, ɔbehye ama wɔabubu ofi no agu. Wɔbetwe mmubui no mu abo, nnua ne dɔte no nyinaa a fi kurow no mu de akogu kurow no akyi baabi a ɛho ntew. 46 “Obiara a obewura ofi a wɔato mu no mu no ho ntew kosi anwummere. 47 Na obiara a ɔbeda ho anaa obedidi wɔ fie ho no behoro ne nneema nyinaa. 48 “Na se wɔsra ofi no ho bio na ɔsofo no behwe na nsisii no mmaa bio a, ɔɛpaɛ mu aka se wɔatew ofi no ho na kwata no nso ko. 49 Obedi ofi no ahodwira ho dwuma. Ɔde nnomaa abien, sida dua, asaawa kɔkɔ ne adwere mman na ebeki saa dwuma no. 50 Obekum nnomaa no baako wɔ nsu pa a ɛwɔ asanka mu so, 51 na ɔde sida dua no ne adwere mman ne hama kɔkɔ ne anomaa a wonkum no no anu anomaa a wɔakum no nsu pa no so no mogya mu na wɔde apete ofi no mpen ason. 52 Wɔye eyi de tew ofi no ho. 53 Afei, obegyaa anomaa a onwui no ama watu ako kurow no akyi baabi. Eyi ne ɔkwan a wɔfa so de ye mpata de ma ofi san de dwira ho no.” 54 Eyinom ne mmara a ɛfa mmeaemee a kwata ba ho no ho. 55 Se eye atade mu anaa ofi mu, 56 anaa ɔhonam ani ahonhon, anaa ɔhyehyew mu mpumpunnya anaa ɔhonam ani baabi a ɛho aye hyerenn. 57 Saa ɔkwan yi so na wɔbefa ahu se eye kwata anaa enye kwata. Eyi nti na wɔhyee saa mmara yi.

15 Awurade ka kyerɛ Mose ne Aaron se, 2 “Monhye saa mmara yi mma Israelfo: ‘ɔbarima biara a ne ho besen nsu no, saa nsu no ye fi. 3 Se ɛko so sen o, egyae o, agu ne ho fi. Fi a nsu a egu no no de beba ni: 4 “Mpa a ɔbeda so ne biribiara a ɔbetena so nso ho gu fi. 5 Obiara a ɔde ne ho ka ɔbarima no mpa ho gu fi kosi anwummere, enti ɛse se ɔhoro ne ntama na oguare. 6 Obiara a ɔbetena akongua a ɔbarima no atena so so ho gu fi kosi anwummere, enti ɛse se ɔhoro ne ntama na oguare. 7 “Saa mmara yi ka obiara a ɔde ne ho beka ɔbarima no. 8 “Obiara a ɔbarima no bete ntasu agu ne so no ho ntew kosi anwummere, enti ɛse se onii no horo ne ntama na oguare. 9 “Ɔpɔnko agua biara a ɔbetena so no ho agu fi. 10 Obiara a ne ho beka biribiara a aka saa onipa no ase no ho ntew kosi anwummere, enti ɛse se ɔhoro ne ntama na oguare. 11 “Se onipa a ne ho ntew no koso obi mu na wanhohoro ne nsa ansa a, ɛse se onipa ko no horo ne ntama, guare, efise ne ho ntew kosi anwummere. 12

“Se saa onipa no so asanka biara mu a, ese se wɔbɔ no na se eye mukaase biribi a wɔde dua na asen de a, ese se wɔde nsu hohoro ho. 13 “Se n’ahosen no twa a, ese se ɔde nnanson fi ahodwira ho ahosiesie ase na ɔhoro ne ntama na okoguare wɔ asubɔnten mu. 14 Da a eto so awotwe no, ɔde nturukuku abien anaa mmorɔnomamma abien beba Awurade anim wɔ Ahyiae Ntamadan no ano na ɔde ama ɔsofo no. 15 ɔsofo no de wɔn bebɔ afoɔre a baako ye bɔne ho afoɔre na baako no nso ye ɔhyew afoɔre; na ɛkyere se, ɔsofo no beye mpata wɔ Awurade anim ama ɔbarima no, esiane n’ahosen no nti. 16 “Se ɔbarima biara ho nsu gu a, ese se oguare ne ho nyinaa, efise ne ho nso nte w kosi anwummere. 17 Ntama anaa mpasotam biara a ho nsu no bi begu mu no, ese se wɔhoro, efise ɛho nte w kosi anwummere. 18 Se ɔbarima fa ɔbea a, wɔn nna no akyi, ese se ɔbea no ne ɔbarima no nyinaa guare, efise wɔn ho nte w kosi anwummere. 19 “Se ɔbea kɔ afikyiri a, ne ho nte w nnanson mu. Saa bere no mu, obiara a ɔde ne ho beka no no nso ho nte w kosi anwummere. 20 “Biribiara a ɔbɛda so anaa ɔbetena so saa bere no mu no nso ho agu fi. 21 Obiara a ɔde ne nsa beka ne mpa anaa biribiara a ɔtena so no behoro ne ntama, aguarɛ, efise onipa no ho agu fi kosi anwummere. 22 Se obi so biribi a watena so mu nso a, ese se ɔhoro ne ntama na oguare, efise ne ho agu fi kosi anwummere. 23 Se eye ne mpasotam anaa n’akongua, obiara a ne ho beka no ho begu fi akosi anwummere. 24 “Se ɔbarima ne no da saa bere yi mu a, ɔbarima no ho gu fi nnanson; na mpa biara a ɔbarima no bɛda so no nso ho gu fi. 25 “Se bere du se ofi nanso mogya da so ba anaase mogya ba bere a ense mu wɔ ɔsram no mu a, mmara koro no ara na wɔde ka ho asem, 26 na ɛkyere se, biribiara a ɔbɛda so saa bere no ho agu fi te se nea n’afikyikɔ bere mu ɔtena biribi so a, ɛho gu fi no ara pɛ. 27 Obiara a ɔde ne nsa beka ne mpa anaa biribiara a ɔtena so no ho agu fi a ese se ɔhoro ne ntama, san guare, efise ne ho nte w kosi anwummere. 28 “Nnanson akyi, se afikyikɔ no twa a, na onni efi mu bio. 29 Da a eto so awotwe no, ɔde nturukuku abien anaa mmorɔnomamma abien beka akɔma ɔsofo no wɔ Ahyiae Ntamadan no kwan ano. 30 E se se ɔsofo no de baako bɔ bɔne ho afoɔre na ɔde baako bɔ ɔhyew afoɔre na aye mpata ama ɔbea no wɔ Awurade anim wɔ n’afikyikɔ mu no ho. 31 “Saa ɔkwan yi so na se Israelfo no bi ho gu fi a, mobɛfa de atew wɔn ho; anye saa a, esiane se wɔagu m’Ahyiae

Ntamadan a esi wɔn mu no ho fi nti, wobewuwu.” 32 Eyinom ne mmara a ɛwɔ ho ma ɔbarima a ne ho sen 33 ne ɔbea a wakɔ afikyiri ne obiara a ɔde ne ho ka ɔsakyimafo wɔ bere a ne ho nte w no mu no.

16 Aaron mmabarima baanɔ a wowuwuu wɔ Awurade anim no wu akyi no, Awurade ka kyerɛ Mose se, 2 “Bɔ wo nua Aaron kɔkɔ se, ɔnnkɔ kronkronbea ho wɔ ntwamtam no akyi; beaɛ a apam adaka no si ne mmɔborɔhunu beaɛ ho kwa. ɔkɔ ho a obewu, efise m’ankasa mewɔ omununkum a ɛkata mpata beaɛ so no mu. 3 “Se ɔpe se ɔkɔ ho a, nea ese se ɔye ni: E se se ɔde nantwinini ba ba ma wɔde bɔ bɔne ho afoɔre na ɔde odwennini nso ba ma wɔde bɔ ɔhyew afoɔre. 4 E se se oguare na ɔhye atade hanahana ne ne nhyease na ɔbɔ nkyekyeremu ne abotiri. 5 Afei, Israelfo bebre no mmirekyi abien a wɔde bebɔ wɔn bɔne ho afoɔre ne odwennini a wɔde bebɔ wɔn ɔhyew afoɔre. 6 “E se se Aaron de nantwi ba no bema Awurade se bɔne ho afoɔre a ɔrebɔ ama ne ho de aye mpata ama ne ho ne ne fifo. 7 Afei, ɔde mmirekyi abien no beba Awurade anim wɔ Ahyiae Ntamadan no ano. 8 E se se ɔbɔ mmirekyi no so ntonto hu Awurade de, ne nea ese se wɔsan de no kɔ. 9 Aaron de abirekyi a wɔde no rebebe Awurade afoɔre no bebɔ bɔne ho afoɔre. 10 Wɔrenkum abirekyi baako a waka no na wɔde no aba Awurade anim. Wɔbeyɛ mpata ho dwumadi bi agu ne so na wɔde no akɔ sare so akogyaw no wɔ ho se mpata guan. 11 “Aaron de nantwinini ba no bebɔ bɔne ho afoɔre ama ne ho ne ne fifo. 12 E se se ɔfa ade a wɔhyew aduhuam wɔ mu a nnyansramma a wɔfaa wɔ Awurade afoɔremuka no so aye no ma. Afei ɔde aduhuam a wɔayam no muhumuhu beye ne nsam na ɔde akɔ ntwamtam no akyi. 13 ɛho na ɔde aduhuam no begu ogya no so wɔ Awurade anim na aye wusiw kumɔnn wɔ mpata beaɛ apam ne adaka (a abo apon a wɔakyerew Mmaransem Du agu so wɔ mu) no so nyinaa senea ɛbeyɛ a ɔrenwu. 14 Na ɔde nantwinini ba no mogya no bi beba na ɔde ne nsateaa baako abɔ mu apete mpata beaɛ ho apuei fam na wapete no mpen ason wɔ anim. 15 “Afei, ese se ofi adi na ɔde abirekyi no kɔbɔ ɔmanfo no bɔne ho afoɔre na wɔde ne mogya no ba ntwamtam no akyi na wɔpete gu mpata ho ne anim senea ɔde nantwinini ba no mogya no yee no ara pɛ. 16 Na ɛkyere se waye mpata ama beaɛ kronkron ho, efise Israelfo bɔne ama efi aka beaɛ ho ne Ahyiae Ntamadan no a wɔasi wɔ wɔn mfimfini ho no. 17 Se Aaron wura Ahyiae Ntamadan

no mu kɔ kronkronbea hɔ rekɔye mpata adwuma no a, ense se obiara kɔ hɔ bi, gye se ɔye mpata no ma ne ho ne ne fifo ne Israelfo nyinaa wie. **18** “Afei, ɔbekɔ afɔremuka no ho wɔ Awurade anim akɔye mpata ama afɔremuka no. Eɛ se ɔde nantwinini ba no ne abirekyi mogya no sra mmɛn a etuatua afɔremuka no ho no ho. **19** Na ɔde ne nsateaa baako bepɛte mogya no mpɛn ason agu afɔremuka no so de atew ho afi Israelfo bɔne no ho aye no kronkron. **20** “Sɛ owie mpata a ɛfa kronkronbea hɔ ne Ahyiae Ntamadan no ho nsem nyinaa ne afɔremuka no ho a, ɔde abirekyi no beba anikann. **21** Na ɔde ne nsa abien agu aboa no apampam, na waka atirimɔden ne atuataw a Israelfo aye, wɔn bɔne nyinaa de agu abirekyi no apampam, na obi a wɔayi no se ɔnye saa adwuma no de aboa no bekɔ sare so. **22** Enti abirekyi no besoa nnipa no bɔne nyinaa de akɔ asase a obi nte so no so na nipa no agyaa no wɔ sare so hɔ. **23** “Afei, Aaron bekɔ Ahyiae Ntamadan mu hɔ bio akɔwɔrɔw n’atade hanahana a ɔhyɛ wɔ ntwantam no akyi no na wagyaw wɔ hɔ. **24** ɔbekɔ akogware wɔ faako a wɔatew hɔ ho na wahye ne ntade no bio na wafi adi akɔbɔ ɔno ankasa ɔhyew afɔre asan abɔ ɔhyew afɔre ama nnipa no na wayɛ mpata ama ne ho ne wɔn. **25** ɔbehɔyew sɔrɔde de abɔ bɔne ho afɔre wɔ afɔremuka no so. **26** “Akyiri no, ɔbarima a ɔde abirekyi no kɔɔ sare so kogyaa no no behoro ne ntama na waguare na wasan aba beae hɔ bio. **27** Na nantwi ba ne abirekyi a wɔde bɔɔ bɔne ho afɔre no a Aaron de wɔn mogya kɔɔ kronkronbea hɔ kɔyɛ mpata no, wɔde wɔn bekɔ nsɔraban no akyi baabi akɔhyew a wɔn ho nwoma ne wɔn ayamde ka ho. **28** Akyiri no, onipa a ɔrebehɔyew afɔrebɔde no behoro ne ntama, aguare na wasan akɔ beae hɔ bio. **29** “Eyi ye mmara a ɛwɔ hɔ daa. ɔsɔram a ɛto so ason no nnaɔfua du so no, ense se moyɛ adwuma biara, na mmom, momfa saa da no nkari mo ho nhwe wɔ ahobrease mu. Saa mmara yi ka wɔn a wɔwɔo wɔn wɔ asase yi so anaa ahɔho a wɔne Israelfo te; **30** efise da yi na wɔde kae mo mpata ne mo ahodwira wɔ mo bɔne ho wɔ Awurade anim. **31** Eyi homeda a ɛse se mode home enti ɛse se mudi da no dinn wɔ ahobrease mu. Eyi mmara a ɛbetena hɔ daa. **32** Saa ahyɛde yi, ɔsɔfopanyin a wɔasra no no a obesi ne nena Aaron anan na obedi ho dwuma wɔ beae hɔ. ɔno nko ara na ɔwɔ ho kwan se ɔhyɛ atade kronkron hanahana no **33** na ɔye mpata wɔ kronkronbea hɔ wɔ Ahyiae Ntamadan mu hɔ, wɔ afɔremuka no so de ma asɔfo no

ne nnipa no. **34** “Eyi beyɛ mmara a ɛbetena hɔ daa ama mo, na Israelfo bɔne nti, moagyina so afe biara de aye mpata ama Israelfo afi wɔn bɔne nyinaa mu.” Na Mose dii mmara a Awurade hyɛ maa no no nyinaa so.

17 Awurade ka kyereɛ Mose se, **2** “Hyɛ saa mmara a efi Awurade nkyɛn yi ma Aaron ne ne mma ne Israelfo no nyinaa. **3** Israelni biara a ɔde nantwi, oguamma anaa abirekyi bebɔ afɔre wɔ nsɔraban mu anaa akyi no, **4** a anka ɛse se ɔde no ba Ahyiae Ntamadan no ano hɔ de no ma Awurade se afɔrebɔde wɔ Awurade Ahyiae Ntamadan no ano no, wɔbɛfa saa onipa no se wahwie mogya agu enti ɛse se wotwa no asu fi ne manfo mu. **5** Saa mmara yi bebra Israelfo no a eremma wɔmfa mmoa mmo afɔre wɔ wuram baabiara kwa. ɛbehɔye wɔn ama wɔde afɔrebɔde no abre ɔsɔfo no wɔ Ahyiae Ntamadan no kwan ano senea ɔsɔfo no betumi de ama Awurade se asomdwoe afɔrebɔde. **6** Se wɔfa saa kwan no so a, ɔsɔfo no betumi apete mogya agu Awurade afɔremuka no so wɔ Ahyiae Ntamadan no kwan ano na wɔahɔyew sɔrɔde no se ohuam ama Awurade ani asɔ. **7** Na ama ɔmanfo agyae afɔre a wɔbɔ ma ahonhommɔne wɔ wuram no. Eyi beyɛ mmara a ɛbetena hɔ daa ama mo fi awo ntoatoaso so akosi awo ntoatoaso so. **8** “Miti mu se, ‘Hyɛ saa mmara yi nso ma wɔn. Se Israelni anaa ɔhɔho a ɔne mo te no de ɔhyew afɔrebɔde no anaa afɔrebɔ no ba, **9** na se wamfa amma Ahyiae Ntamadan no kwan ano amfa amma Awurade a, ɛse se wotwa no asu fi ɔmanfo no mu. **10** “‘Na mɛdan m’ani atia obiara a obedi mogya wɔ ɔkwan biara so no; ɛmfa ho se ɔye Israelni anaa ɔhɔho a ɔte mo mu. **11** Efise ɔhonam no nkwa wɔ mogya no mu, na mama mo mogya se momfa mpɛte afɔremuka no so se mpatade mma mo akra; nkwa a ɛwɔ mogya mu nti na wɔde ye mpatade ma onipa kra. **12** Eno nti, merɛka akyerɛ Israelfo se, “Wɔn anaa ahɔho a wɔte wɔn mu no nni mogya.” **13** “Israelni anaa ɔhɔho biara a ɔte wɔn mu a ɔbekɔ ahaye na obekum aboa anaa anomaa biara a wɔwe ne nam no, ɔnsɔn ne mogya na ɔmfa mfutuma nkata so, **14** efise aboa biara nkwa ne ne mogya. Eno nti na meka kyereɛ Israelfo se wonnni mogya no, efise nnomaa anaa aboa biara nkwa ye ne mogya. Enti obiara a odi mogya no, ɛse se wotwa no asu. **15** “‘Obiara a ɔwe aboafunu a ɔno ara awu anaase akekaboa bi na okum no no, ɛse se ɔhoro ne ntama na ogware, efise ne ho ntew kosi anwummere; eno akyi no, ɛse se wɔpae mu ka se ne

ho atew. 16 Na se wanhorō ne ntama anguare a, wōne no bedi no senea mmara no se.”

18 Awurade ka kyereɛ Mose se, “Ka kyere Israelfo no se, 2 ‘Mene Awurade mo Nyankopɔn, 3 enti mommmō mo bra se abosonsomfo. Monnye se nnipa a na mo ne wɔn te wɔ Misraim anaa Kanaan wɔ faako a mede mo rekɔ no. Munnsuasua wɔn. 4 Me mmara ne m’ahyede ara so na eɛ se mudi; na eɛ se mudi so peɛpeɛ, efise mene Awurade mo Nyankopɔn. 5 Se mudi so a, mubenya nkwa. Mene Awurade. 6 “Mo mu biara nni ho kwan se ɔware obusuani a ɔben no. Mene Awurade. 7 “Ense se ɔbabea ware n’agya anaase ɔbabarima ware ne na. 8 “Ense se wo ne w’agya yerenom mu bi da; ebebu w’agya animtiaa. 9 “Ense se wo ne wo nuabea anaa w’agya babea anaa wo na babea da, se wɔwoo no ofi no mu anaa ofi foforo mu. 10 “Ense se moware mo nenabea, se ɔye mo babarima babea anaa mo babea babea, efise ebebu mo animtiaa. 11 “Ense se woware wo nuabea a ɔye w’agya yerenom bi babea. 12 “Anaa wo sewaa—wo agya nuabea, efise ɔye w’agya busuani peɛ. 13 “Saa ara na ense se woware wo na a ɔye wo na nuabea, efise, ɔye wo na busuani peɛ. 14 “W’agya nuabarima yere nso, wunni ho kwan se woware no. 15 “Wunni ho kwan se woware wo babarima yere, efise ɔye w’ase. 16 “Saa ara nso na wuntumi nnware wo nuabarima yere, efise ɔye wo nuabarima dea. 17 “Worentumi nware ɔbea bi nsan nware ne babea anaa ne nenabea nka ho, efise wɔn nyinaa ye abusuafo peɛ na eye awudisem nso. 18 “Ense se woware nuabeanom baanu se akorafo, bere a wo yere te ase. 19 “Ense se wofa ɔbea a ɔwɔ afikyiriko mu. 20 “Ense se wofa wo yɔnko yere de gu mo ho fi. 21 “Mfa wo mma mu biara mma Molek mma ɔmmfa no mmɔ afɔre wɔ n’afɔremuka so. Ngu wo Nyankopɔn din ho fi, efise mene Awurade. 22 “ɔbarima a ɔne ne yɔnko barima da ye akyiwade kese na eye bone a eso nso. 23 “Ense se ɔbarima fa aboa de gu ne ho fi. Saa ara nso na ense se ɔbea de ne ho ma aboanini ma ɔfa no. Eye akyiwade kese. 24 “Munngu mo ho fi wɔ saa akwan ahorow yi biara so na eyinom ne nea abosonsomfo ye. Esiane se wɔye saa nti, merebeyi wɔn afi asase a morekɔ so no so. 25 Saa ahohwibra no agu ɔman mu no nyinaa ho fi; eno nti na meretwe nnipa a wote hɔ no aso na mayi wɔn afi asase no so. 26 Eɛ se mudi me mmara ne m’ahyede no nyinaa so peɛpeɛ na ense se moye saa akyiwade yi mu bi koraa. Saa mmara yi ka mo a wɔwoo mo Israelman mu ne

ahɔho a wone mo te nyinaa bi. 27 Ampa ara, efise daa nnipa a wote saa asase a mede mo rekɔ so no so ye saa akyiwade yi nti, asase no ho agu fi. 28 Monnye saa ade no bi, anye saa a, mepam mo afi asase no so senea meye wɔn a wote hɔ mprempren no. 29 “Obiara a ɔbeye akyiwade yi mu bi no, eɛ se wotwa no asu fi ɔman no mu. 30 Enti monhwɛ se mubedi me mmara no so na monnye saa abusude kese yi bi. Monnkɔye abususem a wɔn a wote asase a morekɔ so no ye no bi mmfa ngu mo ho fi. Mene Awurade mo Nyankopɔn.”

19 Awurade ka kyereɛ Mose se, 2 “Ka kyere Israelfo no se, ‘Monye kronkron, efise me Awurade a meye mo Nyankopɔn no, meye kronkron. 3 “Eɛ se mode nidi ma mo nanom ne mo agyanom na mudi me homeda mmara no so, efise meye Awurade mo Nyankopɔn. 4 “Monnsom ohoni, anaa monnye nnade anyame bi mma mo ho. Mene Awurade mo Nyankopɔn. 5 “Se mobo asomdwoe afɔre ma Awurade a momfa ɔkwan pa so mmɔ na asɔ Awurade ani. 6 Da a mobeɔ saa afɔre no, munni no da no ara, na aboro so koraa na eɛ se mudi no adekyee. Monhyew nea ebedi nnansa no. 7 Na nea mubedi no nnansa so no ye akyiwade ma me, enti mepo. 8 Se mudi no nnansa so a, mudi ho fɔ na moagu Awurade kronkronye nso ho fi, na wobetwa mo asu afi Awurade nkurɔfo mu. 9 “Se mutwa mo nnɔbae a, munntwa nnɔbae a ewɔ mo mfuw nhanao no. Se moretwa a, aba a ebegu fam no nso, monntase. 10 Saa ara na mo bobɛ so aba no nso, ense se motew ne nyinaa. Na nea ebetew agu ase no nso, monntase. Munnyaw mma ahiafo ne akwantufo a wɔbɛfa hɔ no na mene Awurade mo Nyankopɔn. 11 “Mommmɔ korɔn. “Munntwa atoro. “Na munnsisi obiara. 12 “Monnka ntamhunu mfa ngu mo Nyankopɔn din ho fi, efise mene Awurade. 13 “Nwia wo yɔnko na munnsisi obi. “Na mo apafo nso, muntua wɔn ka ntem. Na se eka bi betɔ mo ne wɔn ntam a, mommma ade nkye so. 14 “Monnnome ɔsotifo na munntwintwan onifuraefo akwan mu. Munsuro mo Nyankopɔn; Mene Awurade. 15 “Eɛ se bere biara atemmufo bu atentrenɛe a wɔnhwɛ se nea worebu no aten no ye ohiani anaa ɔdefo. Eɛ se daa wɔn atemmu ye peɛpeɛ. 16 “Munnni nseku. “Mfa bone bi ho asem nto wo yɔnko so, na mene Awurade. 17 “Ntan wo nua. Ka obiara a ɔye bone anim; mma ɔbɔnefo mfa ne ho nni. Se woye saa a, wo nso wudi ho fɔ saa ara. 18 “Ntɔ were. Nnya obi ho menasepɔw; na mmom, dɔ wo yɔnko se wo ho, na mene Awurade. 19 “Munni me

mmara so. “Mma wo nantwi mforo aboa foforo bi. “Nnua afifide a egu ahorow abien wɔ w’afuw mu. “Nhye atade a wɔde atam ahorow abien na anwen. 20 “Se obi ne afenaa bi a obi asi no asiwa da a, ese se wodi wɔn asem wɔ asennii nanso ense se wokum wɔn, efise afenaa no nne ho. 21 ɔbarima no na ɔde n’afɔdi afɔrebɔde bebɛre Awurade wɔ Ahyiae Ntamadan no kwan ano. Eɛ se afɔrebɔde no ye odwennini. 22 ɔsofo no de odwennini no beye mpata ama ɔbarima no bɔne a ɔyeɛ no na ama wɔde ne bɔne no akye no. 23 “Se moko asase bi so kodua nnuaba ahorow pii a, nnɔbaetwa abiesa a edi kan no, munnni, efise wɔbu no se eho agu fi. 24 Na ne mfe anan so no, momfa aba no nyinaa mma Awurade mfa nkamfo no. 25 Na ne mfe anum so no, aba no ye mo dea. Eyi bema mo nnɔbae so ato. Mene Awurade mo Nyankopɔn. 26 “Monnwe aboa biara a wɔnsɔnee ne mu mogya no nam. “Mommfa mo ho nkɔ asumansem anaa abayisem mu. 27 “Ense se mutwitwa mo moma so nwi twitwa mo abɔgyese so. 28 “Munntwitwa mo honam mma awufo anaa monnye agyiraehyede ahorow wɔ mo ho. Mene Awurade. 29 “Mma wo babea nkɔɔ aguaman mfa ngu ne ho fi na asase no annan abɔnefo ne nguamanfo asase. 30 “Munni me homeda mmara no so na munni me kronkronbea no ni, efise mene Awurade. 31 “Monnkɔ asuman anaa ahonhom nkyen abisa mmfa ngu mo ho fi, na mene Awurade mo Nyankopɔn. 32 “Momfa obu ne nidi mma mpanyimfo wɔ Onyamesuro mu. Mene Awurade. 33 “Se ɔhɔho betena mo mu a munnsisi no. 34 Mummu wɔn senea mubu onipa biara. Monnodɔ wɔn se mo ho na monkae se, na mo nso moye ahɔho wɔ Misraim asase so. Mene Awurade mo Nyankopɔn. 35 “Mommfa atoro nsusuwde nsusuw, nkari anaa nkan mo biribiara. 36 Momfa nokware nsania, nkaribo ne asusuwde a eye. Mene Awurade mo Nyankopɔn a mede mo fi Misraim bae no. 37 “Munni me mmaransem ne m’ahyede no nyinaa so, na mene Awurade.”

20 Awurade ka kyereɛ Mose se, “Ka kyere Israelfo no se, 2 ‘Obiara a ofi mo mu a ɔde ne ba bebɔ ɔhyew afɔre ama Molek no, se ɔye Israelni anaa ɔhɔho no, ese se wokum no. Eɛ se wosiw no abo. 3 Na m’ankasa metia saa onipa no na mayi no afi ne nkurɔfo mu, efise ɔde ne ba ama Molek ama wagu me kronkronbea ne me din kronkron no ho fi. 4 Na se nnipa a wɔte mpɔtam hɔ no nso boapa ye wɔn ho se wonnim se ɔbarima no de ne ba abɔ afɔre ama

Molek na wɔankum no a, m’ankasa metia 5 ɔbarima no ne ne fifo na matwa ɔno ne nnipa a wɔde wɔn ho to anyame foforo so no nyinaa afi wɔn nkurɔfo mu. 6 “Metia obiara a ɔkɔ asuman ne ahonhom nkyen okodi wɔn akyi aguaman so, na matwa saa onipa no afi ne nkurɔfo mu. 7 “Enti montew mo ho na monye kronkron na mene Awurade mo Nyankopɔn. 8 Eɛ se mudi me mmara nyinaa so, efise mene Awurade a meye mo kronkron no. 9 “Obiara a ɔbedome n’agya anaa ne na no, ese se wokum no, efise wadome ne na ne n’agya, ne mogya begu n’atifi. 10 “Se ɔbarima bi kɔfa obi yere a, ese se wokum ɔbarima no ne ɔbea no nyinaa wɔabɔ aguaman. 11 “Se ɔbarima bi ne n’agya yere da a, ese se wokum ɔbarima no ne ɔbea no, wɔn mogya begu wɔn atifi. 12 “Na se ɔbarima bi kɔfa n’ase a ɔye ne babarima yere a, ese se wokum wɔn baanu no nyinaa; wɔn ankasa na wɔagu wɔn ho wɔn ho fi; wɔn mogya begu wɔn atifi. 13 “Se ɔbarima bi fa ne yɔnko barima a, wonkum wɔn baanu no nyinaa; wɔn mogya begu wɔn ankasa atifi. 14 “Se ɔbarima bi fa ɔbea bi na ɔsan kɔfa ɔbea no na ka ho a, eye atiwuiseɛ. Eɛ se wohyew saa nnipa baasa yi nyinaa anikann de apepa amumɔyesem no afi mo mu. 15 “Se ɔbarima bi fa aboa a, ese se wokum ɔbarima no na wokum aboa no nso. 16 “Se ɔbea nso ma aboa fa no a, munkum ɔbea no ne aboa no nyinaa; wɔn mogya begu wɔn ankasa atifi. 17 “Se ɔbarima ne ne nuabea da a, se eye n’agya babea o, se nso eye ne na babea o, eye animguasesem, wobegyina bagua mu ayi wɔn afi wɔn nkurɔfo mu. ɔbarima no ara besoa n’afɔdi. 18 “Se ɔbarima bi kɔfa ɔbea a wabu ne nsa a, ese se woyi wɔn fi wɔn nkurɔfo mu, efise ɔbarima no ada ɔbea no adagyaw adi. 19 “Se obi ne n’agya nuabea da a, eye akyiwade. Saa ara nso na ɔne ne na nuabea da a, eye akyiwade ara ne no, efise, wɔn nyinaa ye mogya baako. Wɔn baanu nyinaa besoa wɔn afɔdi. 20 “Se ɔbarima bi fa n’agya nuabarima yere a, wafa ade a eye n’agya nuabarima no dea; wɔn asotwe ne se, wɔbesoa wɔn bɔne awu a wɔrenwo ba. 21 “Se ɔbarima bi ware ne nua yere a, eye afide, efise wafa ne nua ade na wɔn nyinaa renwo ba. 22 “Eɛ se mudi me mmara nyinaa so na mampam mo amfi mo asase foforo yi so. 23 Munnni ɔman no amanne a maka no mo anim se enye no akyi, efise nneema a wɔye a enye no nyinaa, mabɔ mo ho kɔkɔ dedaw. Eno nti na mikyi saa aman no. 24 Mahye mo wɔn asase no ho bɔ se mede bema mo. Eye asase a nufusu

ne ewo sen wɔ so. Mene Awurade mo Nyankopɔn a mama mo ada nsow wɔ aman a aka no nyinaa mu. **25** “Ɛse se mo nso muhu nnomaa ne mmoo a mama mo ho kwan se monwe wɔn nam ne wɔn a ense se mowe wɔn nam no ntam nsonoe. Ɛwɔ mu se mmoo ne nnomaa a mabra se monnnwe no, wɔabu so wɔ asase no so de, nanso monnnwe mfa ngu mo ho fi nhɛ me abufuw. **26** Mobɛyɛ kronkron ama me, efise me Awurade, meyɛ kronkron na mayi mo afi nnipa nyinaa mu asi nkyen se moyɛ me de. **27** “Ɔbarima anaa ɔbea a ɔyɛ samanfrefo anaase osumanni wɔ mo mu no, esɛ se mukum no. Esɛ se musiw no abo; ne mogya begu n’ankasa atifi.”

21 Awurade ka kyereɛ Mose se, “Ka kyereɛ Aaron mma asɔfo no se, ‘wonnso funu mu mfa ngu wɔn ho fi. **2** Se wobeso funu mu a, na eyɛ wɔn fini, se ebia, ena, agya, ɔbabarima, ɔbabea, onuabarima **3** anaa onuabea a ɔyɛ ɔbabun a onni kunu na ɔte ase no na ɔdan ɔsɔfo no. **4** Ense se ɔware ne busuani bi na ɔfa so gu ne ho fi. **5** “Asɔfo no nni ho kwan se wɔbɔ tikwaw, yi wɔn abogyese anaase wɔsesa wɔn ho. **6** Esɛ se wɔyɛ kronkron ma wɔn Onyankopɔn. Ense se wogu ne din ho fi. Se eba saa a, wɔremfata se wɔde ogya bebɔ aduan afɔre ama Awurade wɔn Nyankopɔn. **7** “Ense se ɔsɔfo ware oguamanfo anaa ɔbea bi a ofi ɔman foforo so. Onni ho kwan se ɔware ɔbea bi a wagyaɛ aware, efise ɔsɔfo yɛ onipa kronkron ma Onyankopɔn. **8** Wɔayi ɔsɔfo no asi hɔ se ɔmma mo Nyankopɔn afɔre; ɔyɛ kronkron na me Awurade a metew mo ho ma moyɛ kronkron no nso meyɛ kronkron. **9** “Ɔsɔfo babea biara a ɔbebɔ aguaman no gu n’agya ne ɔno ankasa ho fi, enti esɛ se wɔhyew no. **10** “Ense se ɔsɔfopanyin a wɔde ngo sononko bi asra no ahyɛ no atade sononko no gyaa ne tinwi a onni no ni anaase ebetwa ne ntama mu. **11** Onni ho kwan se ɔkɔ bea a funu da hɔ; n’agya anaa ne na funu koraa, onni ho kwan se ɔkɔ ho na ɔde agu ne ho fi **12** anaa nso se ogu so reyɛ n’asɔfodwuma wɔ kronkronbea hɔ a, ense se ofi adi. Ense se ɔfa me kronkronbea no se ofi bi kekɛ, efise ne Nyankopɔn ngo a wɔde tew ne ho no da so wɔ ne so. Mene Awurade. **13** “Esɛ se ɔware ɔbabun. **14** Ense se ɔware okunafo anaa ɔbea bi a wagyaɛ aware anaa oguamanfo. Esɛ se ɔbea a ɔbeware no no yɛ ɔbabun a ofi ne man mu, **15** sene a ebɛyɛ a ongu ne mma ho fi wɔ ne nkurɔfo mu. Mene Awurade a metew ne ho no.” **16** Awurade ka kyereɛ Mose se, **17** “Ka kyereɛ Aaron se, efi awo ntoatoaso

a ebɛba no so rekɔ no, w’aseni biara a wadi dem no nni ho kwan se ɔbɔ Onyankopɔn afɔre. **18** Obi a wadi dem mmen me: onifuraefo anaa apakyɛ anaa nea ɔwɔ honam akwaa mu sintɔ; **19** obi a ɔyɛ abasin anaa nansin, **20** anaa nea ɔyɛ afu anaa akwatia anaa nea n’ani nye anaa nea kuru atutu no anaa nea ɔyɛ twow. **21** Ɔsɔfo Aaron aseni biara a wadi dem mma mmebɔ ɔhyew afɔre mma Awurade. Wadi dem, eno nti ense se otwiw ben se ɔde ne Nyankopɔn aduan rebre no. **22** Nanso se wɔbɔ afɔre no wie a, ɔsɔfo no tumi ma no Onyankopɔn afɔre no aduan no bi di a ɛmfa ho se eyɛ afɔre kronkron. **23** Nanso ne dem no nti, onni ho kwan se ɔkɔ ntwamtam no akyi anaa ɔben afɔremuka no. Eyi begu me kronkronbea hɔ ho fi na eyɛ Awurade na watew hɔ ho.” **24** Enti Mose hyɛ mmara yi maa Aaron ne ne mmabarima ne Israelfo nyinaa.

22 Awurade ka kyereɛ Mose se, **2** “Ka kyereɛ Aaron ne ne mmabarima se wɔmfa nidi mma afɔrebɔde kronkron a Israelfo atew ho ama me no, sene a ebɛyɛ a wɔrengu me din ho fi. Mene Awurade. **3** “Efi nne rekɔ, se ɔsɔfo biara a ne ho agu fi de ne nsa ka mmoo anaa akyɛde biara a nnipa no de aba se wɔmfa mma afɔre mma Awurade a, wɔbeworɔw n’atade. Mene Awurade. **4** “Ɔsɔfo biara a ɔwɔ ɔhonam ani nsanyare biara nni ho kwan se odi afɔrebɔde kronkron no bi, gye se wɔasa no yare ama ne ho afi ansa. Ɔsɔfo biara a ɔde ne nsa beka funu anaa enam ahosian nti ne ho begu fi no, **5** anaa ɔde ne nsa beka aboa biara a ɔwea fam anaa akyiwade bi anaa obi a biribi nti, wɔagu ne ho fi no, **6** saa ɔsɔfo no ho begu fi akosi anwummere. Ɔrenni afɔrebɔde a wɔatew ho no bi kosi anwummere a obeguare. **7** Se owia kɔtɔ a, ne ho betew na eno akyi no obetumi adi afɔrebɔde kronkron no bi, efise eyɛ n’aduan. **8** Ense se odi aboa funu anaa nea akekaboa bi atetew ne mu, na amma ne ho angu fi. Mene Awurade. **9** “Bɔ asɔfo no kɔkɔ na wonni saa mmara yi so yiye, anyɛ saa a, wɔbetwe wɔn aso na wɔawuwu se wɔabu saa mmara yi so nti. Mene Awurade a matew wɔn ho. **10** “Obiara nni ho kwan se odi afɔrebɔde kronkron no bi gye se ɔyɛ ɔsɔfo. Ɔhɔhɔ a wabesra ɔsɔfo no nni ho kwan se odi bi. Na saa ara nso na ɔsomfo a wotua no ka nni ho kwan se odi bi. **11** Nanso se eba se ɔsɔfo no de ɔno ara ne sika tɔ akɔa a, saa akɔa no tumi di bi. Na akɔa no mma biara a ɔbewo wɔn wɔ fie hɔ no wɔ ho kwan se wodi bi. **12** Se ɔsɔfo babea kɔware fi abusuakuw no akyi baabi a, onni ho kwan se odi afɔrebɔde kronkron no bi. **13** Na se ɔyɛ okunafo anaa

obi a wɔagyaa no aware na onni babarima a ɔbehwe no na eno nti ɔsan ba n'agya nkyen a, otumi di n'agya aduan no bi bio. Eyinom akyi no, asɔfo no abusuafo nko ara na wɔwɔ ho kwan sɛ wodi afɔrebɔde kronkron no. **14** “Sɛ obi anhu na okodi saa afɔrebɔde kronkron no bi a, esɛ sɛ otua ho ka na ɔsan bɔ ho nkyɛmu ɔha mu aduonu de ka ho. **15** Afɔrebɔde kronkron a Israelfo de aba no, enɛ sɛ nnipa a wɔmmaa wɔn ho kwan sɛ wonni bi no di bi, efisɛ Awurade na ɔde saa afɔrebɔde yi nyinaa abre no. **16** Na obiara a obebu saa mmara yi so no di ho fɔ, na asem da ne so, efisɛ wadi afɔrebɔde kronkron. Na mene Awurade a metew afɔrebɔde nyinaa ho.” **17** Awurade ka kyereɛ Mose se, **18** “Ka kyere Aaron ne ne mmabarima ne Israelfo nyinaa se, ‘Sɛ Israelni anaa obi a ɔne mo te bɔ ɔhyew afɔre ma Awurade a, sɛ eyɛ afɔrebɔde a eyɛ bɔhyɛ bi nti anaa ɔno ara ne pɛ mu na ɔrebɔ no, **19** sɛ afɔrebɔde no yɛ aboanini a ne ho nni dɛm biara a ɔyɛ nantwi ba anaa oguan anaa abirekyi no, Awurade begye. **20** Enɛ sɛ wɔde biribiara a ɛho tɔ kyima bɔ afɔre, efisɛ wɔrennye wɔ wo din mu. **21** Obiara a ofi n'anantwi anaa ne nguan mu sɛ ɔrebɔ asomdwoe afɔre ama Awurade no, sɛ eyɛ bɔhyɛ bi ho afɔrebɔ anaa ɔno ara ne pɛ mu no, enɛ sɛ ɔde aboa a wadi dɛm na ɛbɔ saa afɔre no na ama wɔagyɛ. **22** Aboa a n'ani abɔ anaa wadi dɛm anaa wapira anaa kuru anaa nwewee wɔ ne ho, anaa were ani yare ayɛ no no, enɛ sɛ wɔde no bɔ afɔre ma Awurade. Ɔmfata sɛ wɔde no ba afɔremuka so beɔ afɔre ama Awurade. **23** Sɛ biribi a ɛboro so anaa ɛto sin wɔ nantwi ba anaa oguan ba a wɔde no rebɛ Awurade no ho a, esɛ sɛ wɔde no bɔ ɔpɛ mu afɔre na mmom, enyɛ bɔhyɛ afɔre. **24** Enɛ sɛ wɔde aboa a wɔasa no bɔ Awurade afɔre. Monnye eyi wɔ mo ankasa asase so, **25** na munnye saa mmoa no mmfi ahɔho a wɔfra mo mu ho mmfa mmɔ aduan afɔre mma mo Nyankopɔn. Wɔrennye, efisɛ wɔto kyima na wɔadi dɛm.” **26** Awurade ka kyereɛ Mose se, **27** “Sɛ wɔwɔ nantwi, oguan anaa abirekyi ba a, esɛ sɛ aboa no tena ne na nkyen nnanson. Na efi nnaawɔtwe reko no, sɛ wɔde no bɔ ogya afɔre a, Awurade begye. **28** Munnkum aboa bi ne ne ba da koro, sɛ ɔyɛ nantwi anaa oguan. **29** “Sɛ morebɔ aseda afɔre ama Awurade a, esɛ sɛ mofa ɔkwan pa so na wɔagyɛ wɔ mo din mu. **30** Esɛ sɛ, mowe aboa a wɔde no bɔ afɔre no nam da no ara a wokum no no. Mommma ade nkyɛ bi so. Mene Awurade. **31** “Munni me mmaransem nyinaa so na mene Awurade. **32** Enɛ sɛ mugu me din kronkron

no ho fi. Munni me ni na mene Awurade, a meye mo kronkron **33** na me na mede mo fii Misraim bae se meye mo Nyankopɔn. Mene Awurade.”

23 Awurade ka kyereɛ Mose se, **2** “Ma Israelfo nte se, ‘Eyinom ne m'afahyɛ ahorow a mahyehyɛ, Awurade afahyɛ ahorow no a esɛ sɛ mudi no sɛ nhyiamu kronkron. **3** “Mowɔ nnansia a mode yɛ adwuma, na da a ɛto so ason no yɛ Homeda a mode home, da a moyɛ nhyiamu kronkron. Enɛ sɛ moyɛ adwuma biara wɔ faako a mote. Eyɛ Homeda ma Awurade. **4** “Eyinom ne Awurade aponto, nhyiamu kronkron a esɛ sɛ mobɔ bere a wɔahyɛ no ho dawuru: **5** Wofi Awurade Twam Afahyɛ no ase wɔ ɔsram a edi kan no da ɛto so dunan no anwummere. **6** Awurade Apiti Afahyɛ nso, wofi ase saa ɔsram no da a ɛto so dunum; na mubedi apiti nnanson. **7** Afahyɛ no da a edi kan no, nnipa no nyinaa beɔ ahotew gua na obiara renyɛ adwuma a eyɛ den biara. **8** Nnanson no mu no, mommɔ ɔhyew afɔre mma Awurade da biara. Na da a ɛto so ason no, mobeyɛ nhyiamu kronkron a obiara renyɛ adwuma.” **9** Awurade ka kyereɛ Mose se, **10** “Kasa kyere Israelfo no se, ‘Sɛ mudu asase a mede bɛma mo no so na mutwa mo nnɔbae a, momfa nnɔbae afiafi no mu baako nkɔma ɔsɔfo. **11** Obehim no wɔ Awurade anim de akyere sɛ ɔde rema no na Awurade begye sɛ mo akyɛde. **12** Da no ara, mode odwennini a wadi afe a onnii dɛm beɔ Awurade ɔhyew afɔre, **13** ne n'aduan afɔrebɔde a eyɛ esiam kilogram abiesa a wɔde ngo afra. Ebeyɛ ɔhyew afɔre a eyi hua dedɛ ma Awurade. Wɔde nsa lita anan ne fa afɔrebɔde beka ho. **14** Enɛ sɛ mudi brodo biara, sɛ eyɛ aduan a wɔato anaa eyɛ foforo, kosi da a mode saa afɔrebɔde yi beɛre mo Nyankopɔn. Eyɛ beyɛ ahyɛde a ebetena ho daa ama awo ntoatoaso a ebɛba no wɔ baabiara a mobetena. **15** “Homeda no akyi da a edi kan a wɔmaa atoko afiafi mu baako so him no Awurade anim sɛ afɔrebɔde no, mubefi ase abubu nnaawɔtwe ason. **16** Monkan adaduonum a ekosi homeda a ɛto so ason no akyi da koro na momfa atoko foforo mmeɔ afɔre mma Awurade. **17** Eyɛ beyɛ brodo abien a mode befi mo afi mu beba. Na wobehim no wɔ Awurade anim sɛ afɔrebɔde no. Momfa asikresiam lita anan a wɔde mmɔkaw afra nto saa brodo yi. Eyɛ mo aduan a edi kan afɔrebɔde a mode rema Awurade. **18** Mode brodo ne nsa beka nguamma ason a wɔadi afe a dɛm biara nni wɔn ho ne nantwi ba baako ne adwennini abien ho abɔ ɔhyew afɔre ama Awurade.

Eyinom nyinaa ye ogya afɔrebɔde a ɛsɔ Awurade ani yiye. **19** Mode ɔpapo baako bebo bɔne afɔre. Na mode nguantenmma abien a wɔn mu biara adi afe no abo asomdwoe afɔre. **20** Asɔfo no behim saa afɔrebɔde yi ne brodo abien a esi mo nnɔbae a edi akyi no anan mu no wɔ Awurade anim. Eyɛ kronkron ma Awurade na wɔde bɛma asɔfo no sɛ won aduan. **21** Da no, ɛsɛ sɛ mobɔ nhyiamu kronkron no ho dawuru, na monnye adwuma biara. Eyi beye ahyede a ebetena hɔ daa ama awo ntoatoaso a ebɛba no wɔ baabiara a mobetena. **22** “Sɛ mutwa mo mfuw mu nnɔbae a, munntwa ntu nnɔbae no ase, na nea aporow agu fam no nso, monntase. Munnyaw mma ahiafo ne ahɔho a wɔte mo mu a wonni asase bi a wodidi so no. Mene Awurade mo Nyankopɔn!” **23** Awurade ka kyerɛ Mose se, **24** “Ka kyerɛ Israelfo se, ‘Ɔsram a ɛto so ason no da a edi kan no, ɛsɛ sɛ mohome da no, na moye nhyiamu kronkron na mohyɛn torobento denneennen de kae. **25** Saa da no, obiara nni ho kwan sɛ ɔye adwuma, na mmom, mommɔ ogya so afɔre mma Awurade.” **26** Awurade ka kyerɛ Mose se, **27** “Saa ɔsram a ɛto so ason yi da a ɛto so du ne Mpata Da no. Monye nhyiamu kronkron, munni abuada na mommɔ ogya so afɔre mma Awurade **28** Monnye adwuma biara saa da no, efise eyɛ Mpata Da, bere a wɔpata ma mo wɔ Awurade mo Nyankopɔn anim. **29** Obiara a wanni da no ahonu ne awerehow so wɔ ne bɔne ho no, wobeyi no afi ne nkurofo mu. **30** Obiara a ɔbeyɛ adwuma saa da no mɛsɛe no. **31** Monnye adwuma biara koraa. Eyi beye ahyede a ebetena hɔ daa ama awo ntoatoaso a ebɛba no wɔ baabiara a mobetena. **32** Eyɛ Homeda a wɔde home ma mo. ɛsɛ sɛ mobrɛ mo kra ase. Efi da a ɛto so akron kosi da a ɛto so du no anwummere no, ɛsɛ sɛ mudi mo Homeda.” **33** Awurade ka kyerɛ Mose se, **34** “Ka kyerɛ Israelfo se, ‘Ɔsram a ɛto so ason no da a ɛto so dunum no, wɔnhye Awurade Asese Afahye no ase, na mode nnanson na ebedi. **35** Da a edi kan no ye nhyiamu kronkron da; monnye adwuma biara. **36** Da biara wɔ nnanson no mu no, ɛsɛ sɛ mobɔ ogya so afɔre ma Awurade. Da a ɛto so awotwe no, mobeyɛ nhyiamu kronkron na moabɔ ogya so afɔre ama Awurade. Eyɛ nhyiamu a etwa to. Monnye adwuma biara. **37** “Eyinom ne afahye ahorow a Awurade ahyehye sɛ mommɔ ho dawuru sɛ eyɛ nhyiamu kronkron a wɔde afɔrebɔde a wɔhyew no ogya so ma Awurade no ba: ɔhyew afɔre ne aduan afɔre, afɔrebɔde ahorow ne nsa afɔrebɔde a ɛho hia da

biara. **38** Munni saa afahye yi nka Awurade Homeda no ho. Na mode saa afɔrebɔde nso beka mo ankasa ayɛyede, bɔ a moahye ne nea mufi mo pɛ mu de ma Awurade ho. **39** “Enti efi ɔsram a ɛto so ason no da a ɛto so dunum no a moatwa asase no so nnɔbae no, momfa nnanson nni afahye mma Awurade. Da a edi kan ne nea ɛto so awotwe ye ahomegyenna. **40** Da a edi kan no, muntwitwa nnuaba mman a aba wɔ so, ne mmerenkensono ne mman a nhaban wɔ so na momfa mmɔ asese na momma mo ani nnye wɔ mo Awurade Nyankopɔn anim nnanson. **41** ɛsɛ sɛ saa afe biara mu nnanson adidi mmara yi tena hɔ daa wɔ awo ntoatoaso nyinaa mu. **42** Saa nnanson no mu no, mo a moye Israelfo mma no, ɛsɛ sɛ motena asese no ase. **43** Nkyerɛase a ɛwɔ mu ara ne sɛ, ekae Israelfo no fi awo ntoatoaso so kosi awo ntoatoaso so sɛ, me na migyee mo fii Misraim ma mobetena asese ase. Mene Awurade mo Nyankopɔn.” **44** Eyinom ne Awurade afahye ahorow a wahyehye a Mose ka kyerɛ Israelfo no. Enti Mose kyerɛ afahye ahorow a Israelfo no bedi ama Awurade.

24 Awurade ka kyerɛ Mose se, **2** “Ka kyerɛ Israelfo na wɔmmrɛ wo ngo kronkron na fa sɔ kanea senea ɛrennum da. **3** Wɔ kaneadua a wɔde sikakɔkɔ ayɛ a esi ntwaamtam a etwa kronkron mu kronkron no akyi no. Efi anwummere kosi anɔpa biara, Aaron behwɛ akanea a ɛwɔ Awurade anim no so. Eyi beyɛ ayɛde a ebetena hɔ daa wɔ awo ntoatoaso nyinaa mu. **4** ɛsɛ sɛ wɔhwɛ akanea a esisi sikakɔkɔ kaneadua so wɔ Awurade anim no so bere biara. **5** “Momfa asikresiam muhumuhu nto brodo amuamu dumien a mua biara mode esiam lita anan ne fa na ebeto. **6** Monhyehye no ntaataaso abien, a asia wɔ ntaataaso baako biara mu wɔ sikakɔkɔ kann pon no so wɔ Awurade anim. **7** Mode aduhuam pa begu kyerepen biara ho de asi brodo no anan mu ayɛ afɔrebɔde a wɔhyew wɔ ogya so ma Awurade. **8** ɛsɛ sɛ wɔde saa brodo yi sisi Awurade anim Homeda biara; ebeyɛ apam a enni awiei ama Israelfo. **9** Brodo yi ye Aaron ne ne mmabarima de, na ɛsɛ sɛ wodi wɔ kronkronbea hɔ, efise eyɛ kronkron pa ara wɔ wɔn kyefa a ɛwɔ afɔrebɔde a wɔhyew ma Awurade no mu.” **10** Da bi, aberante bi a ne na ye Israelni na n’agya nso ye Misraimni ne Israelfo no baako nyaa ntɔkwaw wɔ wɔn atena. **11** Ntɔkwaw no mu no, Israelni babarima no domee Onyankopɔn enti wɔde no baa Mose nkyɛn se

wommu no aten. Na ne na din de Selomit a ɔye Dibiri a ofi Dan abusua mu no babea. 12 Wode no too afiase twen Awurade akwankyere. 13 Awurade ka kyeree Mose se, 14 “Fa obusuyeni no fi atenae ha ko na koka kyere won a wotee asem a ɔkae no nyinaa na womfa won nsa ngu n’apampam; afei nnipa no nyinaa nsiw no abo nkum no. 15 Ka kyere Israelfo no se, ‘Obiara a ɔbedome Onyankopon no, ese se onya ho asotwe: 16 obiara a ogu Awurade din ho fi no, ese se wokum no. Ese se dom no nyinaa siw no abo. Ɔhoho anaa Israelni biara a obegu Awurade din ho fi no, ese se wokum no. 17 “Obiara a okum ne yonko nipa no, ese se wokum no. 18 Obiara a okum aboa bi a enye ne dea no, ese se ɔhye anan mu. 19 Se obi pira ne yonko a, ɔyonko no nso bepira no bi saa ara. 20 Dompe mu bu nsi dompe mu bu anan mu; ani nsi ani anan mu; ese nsi ese anan mu. Senea obi pira ɔfoforo, no saa ara na wompira ɔno nso. 21 Obiara a obekum aboa bi no, ese se ɔhye anan mu; nanso se obi kum onipa a, ese se wokum no bi. 22 Mmara koro no ara wo ho ma ɔhoho ne kuroni. Mene Awurade, mo Nyankopon.” 23 Enti Mose kasa kyeree Israelfo no, na woyii obusuyeni no fii atenae ho kosiw no abo. Israelfo no yee senea Awurade hyee Mose no.

25 Mose wo Sinai Bepɔw so no, Awurade ka kyeree no se, 2 “Ka kyere Israelfo no se, ‘Se mudu asase a mede rebema mo no so a, mfe ason biara, momma asase no nya Awurade mu homeda. 3 Momfa mfe asia nnua mo nnɔbae wo mo mfuw mu na munyiyi mo bobe nturo mu na muntwa mo nnɔbae. 4 Na mfe ason so no, asase no nna ho kwa wo Awurade anim. Monnye so hwee. Munnnua so aba. Afe no nyinaa mu, munyiyi mo bobe nturo no mu. 5 Na aba biara a ebefi no, monntew mfa, na bobe no nso, mommmoaboa ano mfa. Efise eye afe a ese se asase no home. 6 Nanso aba biara a asase no bema saa afe no beye aduan ama wo ne w’akoa, w’afenaa, wo paani ne wo hoho, 7 wo nyemmaa ne wuram mmoa a ewo asase no so nyinaa. Munni biribiara a asase no bema biara. 8 “Bubu Homeda mfe ason, mfe ason ahorow ason, na wubenya mfe aduanan akron. 9 Afei, ɔsram a eto so ason no da du no ye Mpata Da. Monhyen torobento wo baabiara. Mpata Da no, monhyen torobento no denneennen nkye wo ɔman no mu baabiara. 10 Montew mfe aduonum no ho na mompae ahofadi mma won a wotete asase no so mmaa nyinaa. Ebeye mfirihyia aduonum afahye ama mo, na mo mu biara besan ako asase a wode ama mo

agyanom no so, na moakoka mo abusuafo ho. 11 Mfe aduonum so no beye mfirihyia aduonum afahye ama mo; munnnua biribiara na munntwa nnɔbae biara, na bobe a moadua nso, monntew so aba. 12 Efise eye mfirihyia aduonum afahye, na ese se eye sononko na eho tew. Munni nea munya fi asase no mu nko ara. 13 “Saa mfirihyia aduonum afahye yi, obiara beko asase a wode maa n’agyanom no so. 14 “Se wo ne wo yonko ye nyehyee a wonam so reto anaa woretɔn agyapade bi a, ense se obi sisi ne yonko. 15 Se woretɔ asase afe wo yonko nkyen a, mobekan mfe dodow no so fa afe mfirihyia Aduonum Afahye a etwaa mu no. Ɔdetɔnfo no begye wo bo a egyina mfe dodow a aka ansa na mfirihyia aduonum afahye a ereba no. 16 Mfe no dodow na ema ebo no ko soro. Saa ara nso na mfe kakra bi ma ebo no ko fam. Eyinom nyinaa mu no, onipa a ɔretɔn asase no retɔn otwa dodow a wobetwa afe asase no so. 17 Munsuro mo Nyankopon na obi ansisi ne yonko. Na mene Awurade. 18 “Se mope se motena asase no so asomdwoe mu de a, munni me mmara so. 19 Se moye osetie a, aduan bebu so wo asase no so na moadi amee wo asomdwoe mu. 20 Mubebisa se, “Na se wose yennnua anaa yennntwa saa afe no so a, den na yebedi wo mfe ason no so no?” 21 Mmuae ara ne se, mfe asia no so, mehyira mo ama nnɔbae aba abu so kosi se mubetwa mfe awotwe mu nnɔbae no. 22 Se mudua nnɔbae wo mfe awotwe no mu a, mobeko so adi afe a etwaa mu no mu nnuan. Nokware, nnuan dedaw no na mubedi akosi se otwabere bedu so mfe akron no mu. 23 “Na monkae se asase no ye me dea enti munni ho kwan se motɔn no afebo. Moye ahoho na meye asase wura ma mo. 24 Asasetɔn mu no, ese se moye nyehyee se asasetɔnfo no tumi san begye asase no bere biara. 25 “Se ohia hia obi ma ɔton n’asase fa bi a, n’abusuafo tumi begye. 26 Se onni obi a obegye ama no na se ɔno ankasa nya sika a, 27 wobesese eso nnɔbae a watwa ansa na Ahosepew Afe no reba na wagyina so atua ka no, na nea ɔtɔe no nso adan asase no ama no. 28 Na se nea asase no ye ne de no ankasa antumi annye a, eno de, ebeye nea ɔtɔe no dea ara kosi Mfirihyia Aduonum Afahye no, na nea ɔtɔe no de onipa no ade asan ama no. 29 “Se obi ton ofi wo kurom a, ɔwo afe a otumi san gye n’ade a biribiara nsiw no ho kwan. 30 Na se afe no mu wantumi annye a, ebeye nea ɔtɔe no de korakora. Ɔrensan mfa mma onipa a kan no na eye ne dea no wo Ahosepew Afe no mu. 31 Nanso

akuraa dan a wōntoo ofasu ntwaā ho nhyiae te se agypade a ewō wuram de, wotumi san kogye no bere biara, na Mfe Aduonum Afahye mu no, ese se wōsan de ma ne wura ankasa. **32** “Asem baako bi na enka ho. Lewifo afi a ewō nkurow a wōde afasu atwa ho mu no, wotumi san gye no bere biara. **33** Enti Lewifo de, wotumi gye wōn agypade; wōn kurow biara mu ofi a wōtōnee, ese se wōdan ma wōn wuranom wō Ahosepew Afe no mu, efise afi no ye wōn dea. **34** Ense se wōtōn nsase a atwa Lewifo no nkurow ho ahyia, efise eyinom ye wōn agypade afebōō a ense se wōne obiara kye. **35** “Se ohia hia wo nua a, ese se wōboa no; ma no mmra ma ommetena ho bi. **36** Suro wo Nyankopōn na ma wo nua ntena wo nkyen; na se wōbō no bosea a, nnye no ho mfentom. **37** Kae se worennye ho mfentom biara; na ma no biribiara a eho hia no na enye wo ka. Mpe mfaso! **38** Efise me Awurade a meye mo Nyankopōn no yii mo fii Misraim de Kanaan asase maa mo senea meye mo Nyankopōn. **39** “Se ohia hia wo yōnko Israelni na otōn ne ho ma wo a, nhye ne so se odōnko; **40** na mmom, ye no se obi a wutua no ne som a osom ho ka, anaa fa no se wo hōho na onsom wo nkosi Mfirihyia Aduonum Afahye no. **41** Edu saa bere no a, one ne mma nyinaa tumi tu de wōn agypade nyinaa kō wōn abusuafo nkyen. **42** Efise Israelfo no ye m’asomfo a mede wōn fi Misraim asase so bae; ense se wōtōn wōn se nkōa. **43** Mommfa atirimōden nni wōn so; munsuro mo Nyankopōn. **44** “Nanso mubetumi atō asomfo afi aman afoforo a atwa mo ho ahyia no so. **45** Saa ara nso na mutumi tō ahōho a mo ne wōn te no mma a emfa ho se wōte mo mu. **46** Mubetumi aye wōn nkōa afebōō ama mo ne mo nkyirimma, nanso mo nuanom Israelfo no de, ense se moye wōn saa. **47** “Se ohōho a ote mo mu no beye odefo, na se Israelni di hia, na otōn ne ho ma ohōho no anaa ohōho no abusuafo a, **48** owō kwan se wogyee no wō ne tōn akyi; ne nuanom bi tumi begye no. **49** Saa ara nso na ne wōfa, ne wōfaase anaa ne ho nipa bi a oben no tumi gye no ara ne no. Se onō ara nso benya sika a, otumi de begye ne ho. **50** Ne ho a obegye no gyina mfe a aka na Mfirihyia Aduonum Afahye no adu ne sika dodow a se anka wōde kōfaa osomfo a, anka obegye saa mfe a aka no mu no so. **51** Se aka mfe pii ansa na Ahosepew Afe no aso a, obetua sika a ogyee wō bere a otōn ne ho no nyinaa. **52** Se mfe no pii atwam ama aka kakra na Mfirihyia Aduonum Afahye no adu a, eno de, obetua sika a ogyee bere a otōn ne ho no mu kakraa bi. **53** Se

otōn ne ho ma ohōho a, ohōho no bēfa no se ne somfo a otua no ka. Ense se ofa no se ne somfo koraa anaa n’agypade. **54** “Se Mfirihyia Aduonum Afahye no du na wonnyee no a, wobegyaā one ne mma nyinaa, **55** efise wōye m’asomfo. Mede wōn fi Misraim na ebāe. Mene Awurade mo Nyankopōn no.

26 “Monnye abosom. Munnsisi ahoni anaa abo mma mo ho. Mommfa abo a wōatwa nsisi mo asase so se morebekotow wōn. Mene Awurade mo Nyankopōn no. **2** “Ese se mudi me Homeda, na mode nidi ma me kronkronbea. Mene Awurade. **3** “Se mudi me mmara no nyinaa so a, **4** daa metō osu ama mo ama mo nnōbae aye yiye abu so, na mo nnua nso besow aba a ebekye wō nnua no so. **5** Na se edu odua bere so bio koraa a, mo borōdōma bekō so abere. Mubedidi amee na moatena asase no so asomdwoe mu. **6** “Mema mo asomdwoe, na mema mo ada a munnsuro hwee. Mepam mmōa bōne afi mo ho. **7** Mobetaa mo atamfo; na wobewuwu wō mo afoa ano. **8** Mo mu baanum beka ohā agu, na mo mu ohā aka mpem du agu! Mo atamfo betotō wō afoa ano wō mo anim. **9** “Mehwe mo so na mama mo adō, na madi apam a me ne mo pamee no so. **10** Mo nnōbae bebu so a se otwabere foforo du so a, morenhi nea mode beye. **11** Na metena mo mu, na merenkyi mo. **12** Me ne mo benantew, na maye mo Nyankopōn, na moaye me nkurofo. **13** Mene Awurade mo Nyankopōn a ode mo fi Misraim asase so bae senea morenye Misraimfo nkōa bio no. Mibubuu mo konnua nkōnsōnkōnsōn, na ema mo anantew anuonyam so. **14** “Na se moantie me, anni m’asem so, **15** na mopo m’ahyede ne me mmara na moanni so, bu m’apam so a, **16** nea meye mo ni: Mema mo koma atutu na mama nsamanwaw aye mo, na atiridiinini abo mo. Mo ani betutu, na mo nkwa so ahuan. Mubedua nnōbae agu kwa, efise mo atamfo na wobedi. **17** Meyi m’ani afi mo so, na moaguan afi mo atamfo anim. Wōn a wōtan mo no bedi mo so. Mubeguan bere a obiara ntaa mo mpo. **18** “Na se moko so ye asōoden a, metwe mo bōne no so aso mmōho ason. **19** Mesee mo ahantan tumi no na maye mo soro se dade ne mo fam se kōbere. **20** Mobesee mo ahōoden kwa, na mo asase rennya nnōbae biara, na eso nnua nso rensow aba. **21** “Na se tie ara na morentie me a, mo bōne nti, mede oyaredōm mmōho ason a efata mo bōne no begu mo so. **22** Mema nkekaboa abekunkum mo mma na wōakunkum mo anantwi, na matew mo dodow so, na mo akwan beda mpan a obi mfa so

bio. **23** “Na se eyi antumi ansakra mo, na moko so tia m’apede a, **24** me nso, metia mo apede, na me ara m’ankasa metwe mo aso mpen ason wo mo bone ho. **25** Menam oko so bebu m’apam so ako atia mo de atua mo so ka. Mubeguan ako mo nkurow mu, na mede nyarewa betoa mo wo ho. Na mo atamfo bedi mo so. **26** Mesee mo nnuan a mubanya nyinaa akosi se mpo, fononoo baako brodo a ebeto no na mmusuakuw du bedi. Aduan kakra a mubedi no akyi, okom bede mo. **27** “Na se moko so ye asoden a, **28** mo bone nti, me bo befuw mo na matwe mo aso a emu ye den mmoho ason. **29** Mobewe mo mmabarima ne mo mmabea nam. **30** Mesee mo soronsorommea. Metwitwa mo aduhum aforemuka agu, na mahyehye mo afunu wo mo ahoni a enni nkwa no so; na mepo mo. **31** Mema mo nkurow aye amamfo na masee baabi a mosom nyinaa, na mapo mo ohuam aforebo no. **32** Ampa ara, mema mo asase so ada mpan na mo atamfo atena so, na nea meye mo no aye mo nwonwa. **33** Mebo mo apete aman no a moreko so nyinaa so, na mede oko asee mo. Mo asase beda mpan na wasee mo nkurow. **34** Akyiri no, asase no beda ho ahome de asi mfe dodow a moamma anhome no anan; ebada ho wo mmere a mowo atamfo nsam wo won nsase so no nyinaa. Na asase no ahome, na anya ne home nna nso. **35** Bere a asase no da mpan nyinaa, ebenya home a moamma annya wo Homeda dodow a motenaa so no. **36** “Won a wogyaw won ho a wonwui no nso, mema wotawe won ako akyirikyiri nsase so se oko mu nneduafo ne nkoo. Eho na wobetena daa wo ehu mu. Wote se mframa rebu ahaban koraa a, wobeguan te se nea obi a okura afoa repam won; wobehwehwe ase wo bere a obi ntaa won. **37** Obiara rentaa won nanso ehu nti, wobehintihintiw won ho won ho te senea wreguan afo akono a wonni tumi biara a wode begyina won atamfo anim no. **38** Mobeyera wo aman mu, na mo atamfo asee mo. **39** Won a wobeka no, won bone nti, won ho beyeraw won wo atamfo nsase so, bone a won agyanom yee no nti. **40** “Nanso akyiri no, me nkurfo beka won bone ne won agyanom bone. Wobeka senea wodii me huamm na wotiaa me no. **41** Se me nso mitia won se nea ese na mede won ko won atamfo asase so a, afei, won komaden no ano bebre ase, na wobetua won bone so ka. **42** Afei, mekae apam a mene Yakob, Isak ne Abraham aye, na mekae asase no. **43** Asase no da ho dinn no, ebadi ne homeda. Nanso akyiri no, wobenya won asotwe se woanni me

nyehyee so na wopoo m’ahyede. **44** Na nea woyee no nyinaa akyi no, merensee won ne m’apam no korakora, efise mene Awurade won Nyankopon. **45** Mekae tete apam a me ne won agyanom a miyii won fii Misraim, bere a amanaman nyinaa rehwe no yee no. Me Awurade ne won Nyankopon.” **46** Eyinom ne mmara ne ahyede a Awurade nam Mose so de maa Israelfo no wo Sinai Bepow so no.

27 Awurade ka kyeree Mose se, **2** “Ka kyere Israelfo no se, ‘Se onipa bi hye bo se ode obi bema Awurade a, na se ope se otua sika mmom a, **3** obetua dwete gram ahannum ne aduonon ama obarima a wadi mfe aduonu kosi mfe aduosia, **4** se oye obee a wadi mfe aduonu kosi aduosia a, wobetua dwete gram ahaasa ne aduanan, **5** abarimaa a wadi mfe anum kosi aduonu no nso wobetua dwete gram ahannu ne aduasa. Se oye obee a, wobetua dwete gram oha ne dunum. **6** Abarimaa a wadi osram kosi mfe anum no wobetua dwete gram 60; na obabea nso wotua dwete gram 35. **7** Obarima a wadi boro mfe aduosia no wobetua dwete gram oha aduonon; na obee nso wotua dwete gram oha ne dunum. **8** Na se obi ye ohiani a orentumi ntua saa sika yi a, ode saa onipa no beba ososo anim, na ososo no akyere no sika a obetumi atua. **9** “Se ode aboa hye bo se aforebode a efata ma Awurade a, saa aboa no a ode ama Awurade no beye kronkron. **10** Ense se osesa saa aboa no. Ense se ode nea eye sesa nea enye anaa se ode nea enye sesa nea eye. Se eba se woye saa nsesae yi a, wobefa no se mmoa abien no nyinaa ho tew. **11** Se aboa a ode rema Awurade no ho ntew na emfata se wode ye aforebode ma Awurade a, ese se ne wura no de bre ososo, **12** na wahwe se aboa no di mu anaa se onni mu, na wakyere sika dodow a ese se otua de si aboa no anan. **13** Se aboa no ye nea ese se wode no bo afore nanso onipa a ode no reba no pe se osan gye n’ade a, obetua sika oha mu nkyemu aduonu aka bo a ososo no betwa ama no se ontua no ho. **14** “Se obi de ne fi ma Awurade na se ope se osan gye a, ososo no besese ahu se eye anaase enye. Bo biara a ososo no bekyere no na ese se wotua. **15** Se nea ode ofi no mae no pe se osan gye a ese se otua ne bo no nkyemu oha mu aduonu ka ho na ama ofi no asan abeye ne de. **16** “Se obarima bi pe se ode n’abusua asase fa bi bo afore ma Awurade a, wobegyina aba kentenma dodow a ebekia se wobedua wo so no so atwa asase no bo; aba kentenma biara bo

ye dwete gram ahannum ne aduuson. 17 Mfirihyia Aduonum Afahye mu no, se obi de n'afuw kye a, ne bo no rensesa. 18 Na se ode asase no ma wo Mfirihyia Aduonum Afahye no akyi a, asofo no begyina mfe a aka ansa na Mfirihyia Aduonum Afahye a edi so no so asese ne bo no, na wobetumi atew so. 19 Na se obarima no pe se ogye n'asase a, asofo no bo a obobo no, obetua oha mu nkyemu aduonu aka ho ansa na asase no abeye ne dea bio. 20 Na se nso oye n'adwene se ompe se ogye asase no bio, anaase se waton asase no ama obi foforo a, eno de, worentumi nnye bio. 21 Se wotan asase no ma wo Mfirihyia Aduonum Afahye no mu a, ebye asase kronkron. Wode beto ho ama Awurade. Ebye asofo no agyapade. 22 "Se obi de asase a wato ma Awurade, na se asase no nye n'abusua asase a, 23 asofo no begyina mfe a aka ama woadi Mfirihyia Aduonum Afahye no so asese ne bo. Ese se onipa ko no tua ka no da no ara, na eye afobode kronkron ma Awurade. 24 Mfirihyia Aduonum Afahye no du so a, asase no besan ako nea otonee no anaase nea na oye asase no wura no nkyen. 25 Wobesese ho ka no nyinaa wo nnwetebona a wogyee wo hyiadan mu no ho, a eye gram dubaako. 26 "Ense se obiara de aboa bi abakan ma Awurade, efise abakan biara, se oye nantwi anaa oguan no, ye Awurade de dedaw. 27 Se oye mmoa a won ho ntew no bi a, onipa no betumi atua ne bo no, na ode ebo no oha mu nkyemu aduonu aka ho. Se onipa no anto bio de a, wobeton aboa no senea ne bo te. 28 "Ade biara a wode ama Awurade no, se eye nnipa, mmoa anaa abusuasase no, ense se woton anaa wosan gye, efise biribiara a ete saa no ye kronkron ma Awurade. 29 "Onipa biara a Awurade ayi no ama osee no, wommfa biribi ntua ne ti ka. Ese se wokum no. 30 "Asase no so nnobae nkyemu du mu baako, se eye aburaw anaa aduaba no ye Awurade dea. Eye kronkron. 31 Se obi pe se osan to saa aduaba anaa aburaw no a, ese se ode ne bo nkyemu anum mu baako ka ho. 32 Anantwi ne nguan no ntotoso du du nyinaa, aboa biara a oto so du a oha oguanhwefo nsam no ye kronkron ma Awurade. 33 Aboa a oto so du a wode bema Awurade no, wonnhwe se oye anaa onye, na wommfa biribiara nsi n'anan mu, efise se wode biribiara si anan mu a, ne nyinaa beye kronkron, a obiara rentumi nnye bio." 34 Eyinom ne ahyede a Awurade de maa Mose wo Sinai Bepow so se onka nkyere Israelfo no.

4 Mose

1 Awurade kasa kyereɛ Mose wɔ Ahyiae Ntaman a ewo Sinai nweatam so. Eyi sii wɔ mfe abien a Israelfo fii Misraim no akyi, osram a eto so abien no da a edi kan. Okae se: **2** “Gyina Israelfo no mmusuakuw ne wɔn mmusua so kan wɔn nyinaa. Kyerew ɔbarima biara din. **3** Wo ne Aaron na mobekan mmarima a wɔadi mfe aduonu no ne nea ɛboro saa a wotumi kɔ ɔsa. **4** ɔBarima a ofi abusuakuw biara mu a ɔye ntuanoni na esɛ se ɔboa mo. **5** “Mmarima a wɔɛboa mo no din ni: “Ruben abusuakuw no ntuanoni ne Sedeur babarima Elisur; **6** Simeon abusuakuw no ntuanoni ne Surisadai babarima Selumiel; **7** Yuda abusuakuw no ntuanoni ne Aminadab babarima Nahson; **8** Isakar abusuakuw no ntuanoni ne Suar babarima Netanel; **9** Sebulon abusuakuw no ntuanoni ne Helon babarima Eliab; **10** Yosef mmabarima no: Efraim abusuakuw no ntuanoni ne Amihud babarima Elisama; Manase abusuakuw no ntuanoni ne Pedahsur babarima Gamaliel; **11** Benyamin abusuakuw ntuanoni ne Gideoni babarima Abidan; **12** Dan abusuakuw ntuanoni ne Amisadai babarima Ahieser; **13** Aser abusuakuw ntuanoni ne Okran babarima Pagiel; **14** Gad abusuakuw ntuanoni ne Deguel babarima Eliasaf; **15** Naftali abusuakuw ntuanoni ne Enan babarima Ahira.” **16** Eyinom ne mmarima a woyii wɔn fii nnipa no mu, a woye wɔn agyanom mmusua no ntuanifo. **17** Mose ne Aaron faa saa nnipa a wɔabobo wɔn din yi, **18** na da a edi kan wɔ osram a eto so abien no mu no, wɔfrɛ ɔmanfo no nyinaa. Nnipa no nam wɔn mmusuakuw ne wɔn mmusua so kyereɛ wɔn anato na wɔkyerew mmarima a wɔadi mfe aduonu ne nea ɛboro saa no din mmaako mmaako, **19** senea Awurade hyeɛ Mose no. Enti okan wɔn wɔ Sinai sare so. **20** Ruben a ɔye Israel abakan asefo: Wɔkyerew mmarima a wɔadi mfe aduonu ne nea ɛboro saa a wotumi kɔ ɔsa no, wɔkyerew wɔn din mmaako mmaako senea wɔn mmusua te. **21** Nnipa dodow a wofi Ruben abusuakuw no mu no ye mpem aduanan asia ne ahannum. **22** Simeon asefo: Wɔkyerew mmarima a wɔadi mfe aduonu ne nea ɛboro saa a wobetumi ako ɔsa no, wɔkyerew wɔn din mmaako mmaako senea wɔn mmusua te. **23** Nnipa dodow a wofi Simeon abusuakuw no mu no ye mpem aduonum akron ne ahaasa. **24** Gad asefo: Wɔkyerew mmarima a wɔadi mfe aduonu ne nea ɛboro saa a wobetumi ako ɔsa no din senea wɔn mmusua te. **25**

Nnipa dodow a wofi Gad abusuakuw no mu no ye mpem aduanan anum ahansia ne aduonum. **26** Yuda asefo: Wɔkyerew mmarima a wɔadi mfe aduonu ne nea ɛboro saa a wobetumi ako ɔsa no din senea wɔn mmusua te. **27** Nnipa dodow a wofi Yuda abusuakuw no mu no ye mpem aduonon anan ne ahansia. **28** Isakar asefo: Wɔkyerew mmarima a wɔadi mfe aduonu ne nea ɛboro saa a wobetumi ako ɔsa no din senea wɔn mmusua te. **29** Nnipa dodow a wofi Isakar abusuakuw no mu no ye mpem aduonum anan ne ahannan. **30** Sebulon asefo: Wɔkyerew mmarima a wɔadi mfe aduonu ne nea ɛboro saa a wobetumi ako ɔsa no din senea wɔn mmusua te. **31** Nnipa dodow a wofi Sebulon abusuakuw no mu no ye mpem aduonum ason ne ahannan. **32** Yosef mmabarima no: Efraim asefo: Wɔkyerew mmarima a wɔadi mfe aduonu ne nea ɛboro saa a wobetumi ako ɔsa no din senea wɔn mmusua te. **33** Nnipa dodow a wofi Efraim abusuakuw no mu no ye mpem aduanan ne ahannum. **34** Manase asefo: Wɔkyerew mmarima a wɔadi mfe aduonu ne nea ɛboro saa a wobetumi ako ɔsa no din senea wɔn mmusua te. **35** Nnipa dodow a wofi Manase abusuakuw no mu no ye mpem aduasa abien ne ahannu. **36** Benyamin asefo: Wɔkyerew mmarima a wɔadi mfe aduonu ne nea ɛboro saa a wobetumi ako ɔsa no din senea wɔn mmusua te. **37** Nnipa dodow a wofi Benyamin abusuakuw no mu no ye mpem aduasa anum ne ahannan. **38** Dan asefo: Wɔkyerew mmarima a wɔadi mfe aduonu ne nea ɛboro saa a wobetumi ako ɔsa no din senea wɔn mmusua te. **39** Nnipa dodow a wofi Dan abusuakuw no mu no ye mpem aduosia abien ne ahanson. **40** Aser asefo: Wɔkyerew mmarima a wɔadi mfe aduonu ne nea ɛboro saa a wobetumi ako ɔsa no din senea wɔn mmusua te. **41** Nnipa dodow a wofi Aser abusuakuw no mu no ye mpem aduanan baako ne ahannum. **42** Naftali asefo: Wɔkyerew mmarima a wɔadi mfe aduonu ne nea ɛboro saa a wobetumi ako ɔsa no din senea wɔn mmusua te. **43** Nnipa dodow a wofi Naftali abusuakuw no mu no ye mpem aduonum abiesa ne ahannan. **44** Eyinom ne mmarima a Mose ne Aaron ne Israel mmusuakuw dumien no ntuanifo kan wɔn. **45** Israelfo a na wɔadi mfe aduonu anaa nea ɛboro saa no a wobetumi adɔm Israel asraafodɔm no nso, wogyinaa wɔn mmusua so kan wɔn. **46** Na wɔn nyinaa dodow ye mpem ahansia ne abiesa ne ahannum aduonum. **47** Mmusua a wɔwɔ Lewi abusuakuw no de, wɔankan wɔn anka wɔn a aka

no ho. **48** Na Awurade aka akyerɛ Mose se, **49** “Nkan Lewifo abusuakuw no, na mfa wɔn nka Israelfo a wɔka no ho. **50** Fa Ahylae Ntamadan no ho dwumadi hyɛ Lewifo no nsa. Wɔnhwɛ nneɛma a wɔde asiesie mu ne nea ɛkɛka ho nyinaa so. Wɔn na wɔbesoa Ahylae Ntamadan no ne mu nneɛma, wɔbɛhwɛ so na wɔatenatena ho. **51** Bere biara a ɛsɛ sɛ wotu Ahylae Ntamadan no, Lewifo no na ɛsɛ sɛ wotutu, na baabiara a wɔde besi no, wɔn na wɔbɛyɛ. Onipa foforo biara a ɔbɛbɛn ho no, wɔbekum no. **52** Israel abusuakuw biara benya ne tenabea ne ne frankaa. **53** Lewifo no besisi wɔn ntamadan atwa Ahylae Ntamadan no ho ahyia, sɛnea ɛbɛyɛ a Onyankopɔn abufuwɔhyew remma Israelfo no so. Lewifo no na wɔbɛhwɛ Ahylae Ntamadan no so.” **54** Israelfo no yɛɛ eyinom nyinaa sɛnea Awurade hyɛɛ Mose no.

2 Awurade ka kyerɛɛ Mose ne Aaron se: **2** “Abusua biara benya n’afa wɔ atɛnae ho, na kuw biara betɛna n’abusua frankaa ase. Na mmusua no atɛnae ahorow no mfimfini na wɔde Ahylae Ntamadan no besi.” **3** Apuei fam, baabi a owia pue fi ho no na ɛsɛ sɛ Yuda nnipa nkyɛkyɛmu ahorow no nyinaa bɔ wɔn atɛnae wɔ wɔn frankaa ase. Yudafo ntuanoni ne Aminadab ba Nahson. **4** Na ne dɔm no ano si mpem aduɔson anan ne ahansia. **5** Isakar abusuakuw na wɔbedi so. Wɔn ntuanoni ne Suar babarima Netanel. **6** Na ne dɔm no ano si mpem aduonum anan ne ahannan. **7** Sebulon abusuakuw na wɔbedi so. Wɔn ntuanoni ne Helon babarima Eliab. **8** Na ne dɔm no ano si mpem aduonum ason ne ahannan. **9** Enti na nnipa dodow a wɔwɔ Yuda atɛnae no nyinaa sɛnea wɔn nkyɛkyɛmu te no ano si mpem oha aduɔwɔtwe asia ne ahannan. Sɛ Israelfo no tu a, saa mmusuakuw abiesia yi na edi kan. **10** Anafo fam na Ruben nnipa nkyɛkyɛmu ahorow no nyinaa bɛbɔ wɔn atɛnae de wɔn frankaa asi. Wɔn ntuanoni ne Sedeur babarima Elisur. **11** Ne dɔm ano si mpem aduanan asia ne ahannum. **12** Simeon abusuakuw na wɔbedi so. Wɔn ntuanoni ne Surisadai babarima Selumiel. **13** Ne dɔm ano si mpem aduonum akron ne ahaasa. **14** Gad abusuakuw na wɔbedi so. Wɔn ntuanoni ne Reuel babarima Eliasaf. **15** Na ne dɔm ano si mpem aduanan anum ahansia ne aduonum. **16** Na mmarima a wɔwɔ Ruben atɛnae ne sɛnea wɔn nkyɛkyɛmu te no ano si mpem oha aduonum baako ahannan ne aduonum. Na sɛ Israelfo tu a, wɔn na wɔto so abien. **17** Afei Lewifo no de Ahylae Ntamadan befi wɔn atɛnae mfimfini ho ako.

Mmusuakuw no nyinaa bekɔ no nnidiso sɛnea wɔn atɛnae nhyɛhyɛɛ te wɔ wɔn mmusuakuw mfrankaa akyi. **18** Efraim abusuakuw befa atɛnae ho atɔɛ fam adi wɔn abusua frankaa akyi. Wɔn ntuanoni ne Amihud babarima Elisama. **19** Ne dɔm ano si mpem aduanan ne ahannum. **20** Manase abusuakuw na wɔbedi so. Wɔn ntuanoni ne Pedahsur babarima Gamaliel. **21** Ne dɔm ano si mpem aduasa abien ne ahannu. **22** Benyamin abusuakuw na wodi so. Wɔn ntuanoni ne Gideoni babarima Abidan. **23** Ne dɔm ano si mpem aduasa anum ne ahannan. **24** Na mmarima a wɔwɔ Efraim atɛnae ne sɛnea wɔn nkyɛkyɛmu te no ano si mpem oha ne awotwe ne oha baako. Na sɛ Israelfo tu a, wɔn na wɔto so abiesia. **25** Dan abusuakuw befa atifi fam adi wɔn abusua frankaa akyi. Wɔn ntuanoni ne Amisadai babarima Ahieser. **26** Ne dɔm ano si mpem aduosia abien ne ahanson. **27** Aser abusuakuw no bedi so. Wɔn ntuanoni ne Okran babarima Pagiel. **28** Ne dɔm ano si mpem aduanan baako ne ahannum. **29** Naftali abusuakuw no bedi so. Wɔn ntuanoni ne Enan ba Ahira. **30** Ne dɔm ano si mpem aduonum abiesia ne ahannan. **31** Mmarima a wɔwɔ Dan atɛnae no ano si mpem oha aduonum ason ne ahansia. **32** Sɛɛ na Israelfo a wɔkan wɔn mmusuakuw mmusuakuw no te. Wɔn a wɔwɔ atɛnae ho nyinaa, sɛnea wɔn nkyɛkyɛmu te no ano si mpem ahansia ne abiesia ahannum ne aduonum. **33** Sɛnea Awurade hyɛɛ Mose no, wɔankan Lewifo no anka Israelfo no ho. **34** Enti Israelfo yɛɛ biribiara sɛnea Awurade hyɛɛ Mose no. Wɔbɔbɔ wɔn atɛnae, tenatenaa wɔn frankaa ahorow ase, na wɔnantew nnidiso nnidiso sɛnea wɔn mmusua ne wɔn afi te.

3 Eyi ne nea ɛfa Aaron ne Mose mmusua ho bere a Awurade kasa kyerɛɛ Mose wɔ Sinai Bepɔw so no. **2** Aaron mmabarima din na edidi so yi: Nadab, n’abakan, Abihu, Eleasar ne Itamar. **3** Eyinom ne Aaron mma a wɔasra wɔn ngo na wɔayi wɔn asi ho sɛ asofo. **4** Nadab ne Abihu de, wowuwuu wɔ Awurade anim bere a wɔhyew afɔrebɔde wɔ ogya a ɛmfata so wɔ Sinai sare so no. Na wonni mma nti, Eleasar ne Itamar nko ara na wɔsom sɛ asofo, bere a wɔn agya Aaron te ase no. **5** Awurade ka kyerɛɛ Mose se: **6** “Frɛ Lewifo no, na fa wɔn ma ɔsofo Aaron sɛ n’abofo. **7** Wɔbɛyɛ adwuma wɔ Ahylae Ntamadan no mu ama ɔsofo Aaron ne nnipa no nyinaa. **8** Afei, wɔbɛhwɛ nneɛma a wɔde siesie Ahylae Ntamadan mu no so de asi Israelfo no anan mu ayɛ asodi a wɔyɛ wɔ Ahylae

Ntamadan no mu. **9** Fa Lewifo no ma Aaron ne ne mmabarima; wɔn ne Israelfo a wode wɔn bema no korakora. **10** Ma Aaron ne ne mmabarima no nsom se asofo; onipa foforo biara a ɔbeben kronkronbea ho no, ese se wokum no.” **11** Awurade ka kyerɛ Mose se, **12** “Mayi Lewifo no afi Israelfo no mu de wɔn asi Israel babea biara abakan a ɔye ɔbarima anan mu. Lewifo no ye me de, **13** efise abakan biara wo me. Bere a mikunkum mmakan wo Misraim no, migyaw Israel mmakan, se woye nnipa anaa mmoa. Woye me dea. Mene Awurade.” **14** Afei, Awurade ka kyerɛ Mose wo Sinai sare so se, **15** “Kan Lewifo no wo wɔn mmusua ne afi mu. Kan ɔbarima biara fi nea wadi ɔsram baako so.” **16** Enti Mose kan wɔn senea Awurade hyɛ no no. **17** Eyinom ne Lewi mmabarima: Gerson, Kohat ne Merari. **18** Gerson asefo ni: Libni ne Sime. **19** Kohat asefo: Amram, Ishar, Hebron ne Usiel. **20** Merari asefo: Mahli ne Musi. Eyinom ne Lewifo, senea wɔn mmusua ne wɔn afi te. **21** Gerson asefo no na woye mmusua a wofi Libni ne Sime ase. **22** Na Gersonfo mmarima a woadi ɔsram ne nea eboro saa a wofi Gerson mmusua mu no dodow ye mpem ahanson ne ahannum. **23** Wɔn atenaɛ wo Ahylae Ntamadan no akyi wo atɔe fam. **24** Na Gersonfo no ntuanoni ne Lael babarima Eliasaf. **25** Saa mmusua abien yi na na wohwe Ahylae Ntamadan no ne ne nkataho no ne ɔkwan nkataano no so. **26** Afei, na wohwe adiwo nkataano a etwa Ahylae Ntamadan no ho ne afɔremuka ne adiwo nkataano nhoma ne eho nneɛma a wode di dwuma ahorow no nyinaa so. **27** Kohat asefo ye mmusua a wofi Amram, Ishar, Hebron ne Usiel ase. **28** Na Kehat mmusua no mu mmarima a woadi ɔsram ne nea eboro saa no dodow ye mpem awotwe ne ahansia. Wɔn na na wohwe kronkronbea no so. **29** Wɔmaa wɔn atenaɛ wo Ahylae Ntamadan no anafo fam. **30** Na Kohatfo ntuanoni no ne Usiel babarima Elisafan. **31** Saa mmusua anan yi na na wohwe apam adaka, ɔpon, kaneadua, afɔremuka ahorow, ne nea ekeka ho a na wode di dwuma wo kronkronbea ho, mfimfini ntwaɔtam ne nneɛma a wode di dwuma ahorow wo ho nyinaa no so. **32** Aaron babarima ɔsofo Eleasar no na na ɔye ɔpanyin wo Lewifo no nyinaa so. ɔyeɛ no panyin wo asofo a wohwe kronkronbea no so. **33** Na Merari asefo no ye mmusua a wofi Mahli ne Musi ase. **34** Merarifo mmusua no mu na mmarima a woadi ɔsram ne nea eboro saa no dodow ye mpem asia ne ahannu. **35** Merari abusua no ntuanoni ne Abihail babarima Suriel, na wɔtenaa

Ahylae Ntamadan no atifi fam. **36** Dwumadi a wode hyɛ saa mmusuakuw abien yi nsa ne se, wohwe Ahylae Ntamadan no nnyinaso so. Afei, wohwe mmeamu nnua, mpuran, nsisiso ne eho nneɛma a wode di dwuma no nyinaa, **37** ne mpuran a ewo adiwo ho nyinaa ne ne nsisiso, nnyinaso, ne ntamphama nyinaa, wohwe so. **38** Ahylae Ntamadan no apuei fam, nea owia pue fi no, wogyaw maa Mose ne Aaron ne ne mmabarima se wonsisi wɔn ntamadan wo ho. Saa nnipa yi na na wosi Israelfo no anan mu di Ahylae Ntamadan no ho dwuma nyinaa. Obi foforo biara a ɔbeben kronkronbea ho no, ese se wokum no. **39** Lewifo a Awurade hyɛ Mose ne Aaron se wɔnkan wɔn senea wɔn mmusua te a ɔbarima biara a woadi ɔsram ne nea eboro saa ka ho no dodow ye mpem aduonu abien. **40** Awurade ka kyerɛ Mose se, “Kan Israelfo mmakan a woye mmarima na woadi ɔsram ne nea eboro saa no, na kyerew wɔn din. **41** Lewifo no beye me de. Ma wonsi Israelfo mmakan nyinaa anan mu, na Lewifo nyemmoa mmakan nsi Israelfo nyemmoa mmakan anan mu. Mene Awurade.” **42** Enti Mose kan Israelfo mmakan nyinaa senea Awurade hyɛ no no. **43** Mmakan mmarima a woadi ɔsram ne nea eboro saa no a ɔkyerew wɔn din no ano si mpem aduonu abien ahannu ne aduɔson abiesaa. **44** Afei, Awurade ka kyerɛ Mose se, **45** “Ma Lewifo nsi Israelfo mmakan anan mu. Na Lewifo nyemmoa mmakan nso nsi Israelfo nyemmoa mmakan anan mu. Lewifo ye me dea. Mene Awurade. **46** Ansa na mubegye Israelfo mmakan ahannu aduɔson abiesaa no a wɔboro Lewifo no dodow so no, **47** momma wontua ti ade, senea hyiadan mu nnwetebona te, a emu duru ye gram aduonum nson. **48** Fa ti ade sika no ma Aaron ne ne mma.” **49** Enti Mose gyigyee Israelfo ahannu aduɔson abiesaa a na wɔboro Lewifo no dodow so no ti ade. **50** Sika a wogyigyee no nyinaa ano sii dwete kilogram dunum ne fa. **51** Na Mose de maa Aaron ne ne mmabarima senea Awurade hyɛ no no.

4 Awurade ka kyerɛ Mose ne Aaron se: **2** “Kan Kohatfo no dodow a wɔwo Lewifo no abusua mu. **3** Saa nnipakan yi beye mmarima nko ara a woadi fi mfe aduasa kosi aduonum a wobetumi aye adwuma wo Ahylae Ntamadan mu. **4** “Kohat mma no dwumadi ne se wohwe akronkronne no so wo Ahylae Ntamadan no mu. **5** Se wɔretu afi atenaɛ ho a, Aaron ne ne mma mmarima na wobedi kan ako Ahylae Ntamadan no mu akoɔa nkataanim no de akata adaka no ho. **6** Afei,

wode abirekyi nhoma bekata nkataanim no ho na wode ntama tuntum akata abirekyi nhoma no ho na wode nnua a wode soa adaka no ahyehye ne nkaa no mu. 7 “Afei, wɔmfa ntama tuntum nsew ɔpon a Daa Daa Brodo no da so no so; na wɔmfa mprete, nsanka, ne adidi nkankyee ne ɔnom afɔre nkuruwa no; brodo no ngu ntama no so ara. 8 Wode ntama kɔkɔ bekata so na wɔasan de abirekyi nhoma akata ntama kɔkɔ no so. Na afei, wode nnua a wode besoa no ahyehye ɔpon no mu. 9 “Ese se wode ntama tuntum kata kaneadua no, akanea no, adabaw no, nkuku apampaa no ne ngo tumpɔn no ho. 10 Saa nneema yi nyinaa nso wode abirekyi nhoma a eye den bekata ho na wode nea wɔakyekyere no nyinaa abegu ɔpon no so. 11 “Ese se wode ntama tuntum kata sikakɔkɔ afɔremuka no so na wɔsan de abirekyi nhoma kata so bio na wode nnua a wode soa no hyehye afɔremuka no mu. 12 “Hyiadan no mu som no ho nneema a aka no nyinaa, ese se wode ntama bibiri kyekyere ho a wode abirekyi nhoma asan akyekyere ho na wode ato mpata a wode soa no so. 13 “Ese se wotu nsɔ no nyinaa fi afɔremuka no mu gu, na wode ntama kɔkɔ kyekyere ho. 14 Ese se wode afɔremuka no ho ɔsom nneema nyinaa gu ntama no so. Saa nneema no ne nkankyee a wɔnoa mu, adinam, sofi, ne nkankyee a wode nsu a wode pete gu mu. Ese se wode abirekyi nhoma kata ne nyinaa so na wode nnua a wode soa no gu faako a ese se wode gu. 15 “Se Aaron ne ne mma mmarima no wie kronkronbea ho nneema no anoboa a, Kohat ne n’abusuafo beba abesoa ako baabiara a wɔretu nneema ako. Nanso wonni ho kwan se wode wɔn nsa ka nneema a eho tew no bi. Wɔye saa a, wobewuwu. Ese se Kohat mmabarima no soa nneema a ewɔ Ahiaie Ntamadan no mu no. 16 “Aaron babarima Eleasar a ɔye ɔsofo no na ɔbehwe ngo a wode besɔ kanea, nnuhuam, daa aduan a wode bɔ afɔre, ɔsra ngo ne Ahiaie Ntamadan no nyinaa so. Biribiara a ewɔ Ahiaie Ntamadan no mu no nso, ɔbehwe so.” 17 Afei, Awurade ka kyereɛ Mose ne Aaron se, 18 “Monhwe se wɔrentwa Kohatfo abusua kuw no mfi Lewifo mu. 19 Se wɔresoa nneema a eho tew no a, nea ese se wɔye a wɔrenwuwu ni: Ese se Aaron ne ne mma mmarima no ne wɔn kɔ ho kɔkyere wɔn ade a ese se wɔn mu biara soa. 20 Ense se Kohatfo no kɔ ho kɔhwe akronkronne no koraa, na wɔanwuwu.” 21 Awurade ka kyereɛ Mose se, 22 “Kan Gerson asefo a wɔfra Lewifo abusua mu no, 23 fi mmarima a wɔadi mfe aduasa

kosi aduonum a wobetumi aye adwuma kronkron wɔ Ahiaie Ntamadan mu ho no so. 24 “Gerson mmusua no dwuma a wobedi ni: 25 Wɔbesoa ntama a etwa Ahiaie Ntamadan mu ho, Ahiaie Ntamadan no ankasa ne nea ekata ho, abirekyi nhoma nkuruso ne ntama a esen Ahiaie Ntamadan no ano no. 26 Afei, wɔbesoa nkataho a ekata adiwo ho fasu no ho no. Wɔbesoa ntama a etwa adiwo ho kwan no ano ne afɔremuka ne Ahiaie Ntamadan no ntam no. Wɔbesoa afɔremuka no, ntamphama ne nea ekeka ho nyinaa. Wɔn na ese se wɔhwe twe eyinom nyinaa. 27 Aaron anaa ne mmabarima no bi tumi ma Gerson asefo no bi dwuma di. 28 Eyi ne Gersonfo no adwuma wɔ Ahiaie Ntamadan no mu. Ese se wodi Aaron ba Itamar a ɔye ɔsofo no nan ase. 29 “Kan Merari asefo a wɔfra Lewifo abusua mu no. 30 Kan mmarima a wɔadi mfe aduasa kosi aduonum so a wobetumi aye adwuma wɔ Ahiaie Ntamadan mu ho. 31 Se wɔpagyaw Ahiaie Ntamadan no a, wɔn na ese se wɔsoa ne nnyinaso, nnua a esisi mu, ne nsisiso, 32 mpuran a wode yee adiwo ho afasu no ne ne nsisiso, nnyinaso, ntamphama ne biribiara a wode di ho dwuma. Fa dwumadi ahorow no hye nnipa a wobebobo wɔn din no nsa. 33 Merari asefo no, Aaron babarima Itamar na ɔbehwe wɔn so.” 34 Enti Mose ne Aaron ne mpanyimfo no bi kɔkan Kohatfo 35 a mmarima a wɔadi mfe aduasa kosi aduonum nyinaa a wobetumi aye Ahiaie Ntamadan mu adwuma ka ho, 36 na wohuu se wɔn nyinaa dodow ye mpem abien ne ahanson aduonum. 37 Eyinom ne Kohat asefo dodow a na wɔsom wɔ Ahiaie Ntamadan no mu Wɔye eyinom nyinaa de dii Awurade ahyede a ɔmaa Mose no so. 38 Wokan Gersonfo no mmusua ne wɔn mmusuakuw. 39 Wokan mmarima a wɔadi mfe aduasa kosi aduonum a wobetumi aye adwuma wɔ Ahiaie Ntamadan no mu. 40 Wɔn nyinaa dodow yee mpem abien ahansia ne aduasa. 41 Enti na Gersonfo a wɔfata se wɔsom wɔ Ahiaie Ntamadan no mu no nyinaa dodow ne no. Mose ne Aaron na wokan wɔn senea Awurade hyee wɔn no. 42 Merarifo no nso, wokan wɔn mmusua ne wɔn mmusuakuw. 43 Wokan wɔn mmarima a wɔadi mfe aduasa kosi aduonum a wɔfata se wɔye adwuma wɔ Ahiaie Ntamadan no mu. 44 Wɔn nyinaa dodow yee mpem abiesia ne ahannu. 45 Enti Merarifo a wɔfata se wɔsom wɔ Ahiaie Ntamadan no mu no nyinaa dodow ne no. Mose ne Aaron na wokan wɔn senea Awurade hyee Mose no. 46 Enti Mose ne Aaron ne Israel mpanyimfo nam Lewifo no mmusua ne wɔn afi

so kan wɔn nyinaa. 47 Mmarima a na wɔadi fi mfe aduasa kosi mfe aduonum no nyinaa a na wɔfata se wɔye adwuma wɔ Ahyiae Ntamadan no mu ho no ne wɔn a wɔbesoa ako no. 48 dodow ye mpem ahanwɔtwe ahannum ne aduwɔtwe. 49 Awurade hye a ɔhyee Mose no nti na wɔnam so kan nniƆa no.

5 Eyi ne mmara a Awurade san hye maa Mose: 2 “Ka kyere Israelfo no se, ese se wɔpam akwatafo nyinaa fi atenaɛ ho. Wɔn a kuru atutu wɔn ne wɔn a wɔde wɔn nsa akoka funu nti wɔn ho agu fi nyinaa no, ese se wɔpam wɔn. 3 Mmarima ne mmea nyinaa ka ho. Yi wɔn nyinaa fi ho, senea ebeye na atenaɛ a me ne mo betena no ho rengu fi.” 4 Wodii Awurade mmara no so. 5 Afei, Awurade ka kyere Mose se, 6 “Ka kyere Israelfo no se, se ɔbarima o, ɔbea o, odi Awurade huammɔ a, eye bone. 7 Eɛ se ɔka ne bone na ade a owiae no, otua ho ka nyinaa na ɔsan de eho ka no nkyemu ɔha mu aduonu ka ho de ma onipa ko a ɔbɔ no korɔn no. 8 Na se onipa ko a woyee no bone no awu na onni obusuani biara a ɔben no a wobetua ho ka ama no, na ese se wotua ma ɔsofo a, ese se wɔde odwennini ka ho se mpatade. Eye Awurade de. 9 Akyede kronkron a Israelfo de bekye ɔsofo no ye ne de. 10 ɔsofo biara befa akyede kronkron biara a ne nsa beka.” 11 Awurade ka kyere Mose se, 12 “Ka kyere Israelfo no se, se ɔbarima bi yere kɔbɔ aguaman 13 nanso onhu asem no mu nokware na onya ɔdanseni 14 na ɔtwe ho ninkunu na ɔnte ne ho ase a, 15 ɔbarima no de ne yere no beko ɔsofo anim a ɔbea no ho afɔrebɔde a eye atokosiam a wɔmfaa ohuam ngo mfrae lita abien ka ho. Efise eye ninkutwe afɔrebɔ. Eno na ebema nokware ada adi ama wɔahu se ɔbea no di fo anaa odi bem. 16 “ɔsofo no de ɔbea no beba Awurade anim, 17 na wasaw Ahyiae Ntamadan no mu mfutuma de afra nsu kronkron a egu asuhina kese bi mu no. 18 ɔbesan ne ti a wakyekyere no na ɔde ninkunu afɔrebɔde no agu ne nsam de ahwe se ɔbarima no nsusuwi no ye nokware ampa ara anaase enye nokware. ɔsofo no begyina n’anim a okura nsu nwenweenwen a ede mmusu ba no. 19 ɔbema no aka ntam se onnim asem no ho hwee na waka akyere no se, se wo ne ɔbarima biara nnae ka wo kunu nko ara ho de a, eno de, wo ho ntew mfi nsu nwenweenwen a ede mmusu ba yi ho. Na se wɔabo aguaman a, eno de, Awurade bedome wo wɔ wo nkurofo mu. ɔbema wo sɛe aporɔw na wo yafunu ahon. Na ɔbea no beka se, ‘Yiw, saa na ese se eba.’ 23 “ɔsofo no bekyerew nnome

yi nyinaa agu nhoma bi mu na wahohoro agu nsu nwenweenwen no mu. 24 Se ese se ɔbea no nom nsu no na se ɔnom wɔ bere a waye bone a, eye nwenweenwen wɔ ne mu. 25 Afei, ɔsofo no begye ninkunu afɔrebɔde no aƆi ɔbea no nsam na wahinhim wɔ Awurade anim na ɔde ako afɔremuka no so. 26 ɔbesaw ne nsa ma de asi ne nyinaa anan na wahyew no wɔ afɔremuka no so na wama ɔbea no anom nsu no. 27 Se ne ho agu fi na wabo aguaman atia ne kunu a, nsu a wanom no beye nwenweenwen wɔ ne mu na ne yafunu ahon na ne sɛe aporɔw na waye nnome wɔ ne nkurofo mu. 28 Se ɔye kronkron a ɔmmɔ aguaman a, wɔrenhaw no, na erenkye, obenyinsɛn. 29 “Eyi ne mmara a efa ɔbea a ne bra nye na ne kunu twe ne ho ninkunu 30 de hwehwe mu hu se odi ne kunu nokware anaa onni no nokware no ho. ɔde no beba Awurade anim na ɔsofo no adi dwuma a wɔabobo so no nyinaa. 31 Wɔrenni ne kunu no asem wɔ baabiara se wama ɔyare bone bi aba ne yere so, efise eye ɔno ara na ɔma ebaa saa.”

6 Awurade san ka kyere Mose se, 2 “Ka kyere Israelfo no se, se ɔbarima anaa ɔbea kɔye Nasareni de tew ne ho wɔ Awurade anim a, 3 eno akyi, saa bere a ɔwɔ ahotew no mu no, onni ho kwan se ɔnom nsa a eye den anaa bobesa anaa nsa a emu kaw. 4 Saa bere no mu no, onni ho kwan se odi biribiara a efi bobe mu, se eye n’aba anaa ne hono. 5 “Saa bere no mu no, enɛ se oyi ne tinwi, efise ɔye kronkron na wɔatew ne ho ama Awurade; eno nti na ese se ɔma ne tinwi fuw no. 6 “Ne bɔhye no nna no mu a watew ne ho ama Awurade no, onni ho kwan se ɔko owufo ho. 7 Se owufo no ye n’agya, ne na, ne nuabarima anaa ne nuabea koraa a, ɔnnko ne ho, efise ɔda so hye ne bɔ a ɔhye de tew ne ho maa Onyankorɔn no ase. 8 Saa bere no mu nyinaa, wɔatew ne ho ama Awurade. 9 “Se obi wu to ne nkyɛn de gu ne ho fi a, nnanson akyi no, ese se oyi ne tinwi a eho agu fi no. Afei, wobedwira ne ho aƆi fi a owufo no de aka no no ho. 10 N’adekyee a eye da a eto so awotwe no, ese se ɔde nturukuku abien anaa mmorɔnomma mma abien bre ɔsofo wɔ Ahyiae Ntamadan no kwan ano. 11 ɔsofo no de nnomaa no mu baako beko bone ho afɔre na ɔde ɔbaako abɔ ɔhyew afɔre, na aye mpata ama nea ne ho agu fi no. Na da no ara, ese se oti ne bɔhye mu na ɔsan ma ne tinwi no fuw bio. 12 Nna dodow a odii wɔ ne bɔhye a edi kan no mu no nyinaa ahyew agu. ɔbɔhye Awurade bɔ foforo de aƆi ase, na ɔde odwennini ba a wadi afe beba abebo afɔdi ho afɔre. 13

“Da a ne bōhye a etew ɔno ne Awurade ntam no wie du no, eɛ se ɔko Ahyiae Ntamadan no ano. 14 Eho na ɔbebo ɔhyew afɔre ama Awurade. Ɔde oguan ba a wadi afe a onnii dem na ebebo saa afɔre no. Eɛ se ɔde oguammere a wadi afe a onnii dem bo bɔne ho afɔre na ɔde odwennini a onnii dem bo asomdwoe afɔre. 15 Nneema a ɔde beka ho no ne brodo a mmɔkaw mfra mu, asikresiam tetare a wɔde ngo afra; brodo ntrantraa bi a mmɔkaw mfra mu a wɔde ngo aye so a aduan ne nsa afɔrebɔde ka ho. 16 “Eɛ se Ɔsofo no de saa afɔrebɔde yi nyinaa ba Awurade anim na wabebo bɔne ho afɔre ne ɔhyew afɔre. 17 Eɛ se ɔde odwennini a wɔde no bebo asomdwoe afɔre a brodo kentenma a mmɔkaw nni mu nso ka ho na ɔde abebo aduan ne nsa afɔre. 18 “Afei, ɔhotuafo no beyi ne tinwi a afuw kuhaa no; eno ne nsenkyerenne a ekyere se ɔnhye bōhye no ase bio. Wɔbeyɛ eyi wɔ Ahyiae Ntamadan no ano, na wɔde nwi no agu asomdwoe afɔre a wɔrebɔ no wɔ gya mu no ahyew no. 19 “Wɔayi ɔbarima no tinwi no awie no, ɔsofo no de odwennini no basa a wɔatoto tetare a mmɔkaw nni mu no baako ne brodo ntrantraa a mmɔkaw nni mu behye ɔbarima no nsam. 20 Ɔsofo no behim ako n’anim aba n’akyi wɔ Awurade anim a ekyere ma a ɔde rema Awurade. Ne nyinaa ye kyefa a eho tew ma ɔsofo no. Wɔbeyɛ no senea wɔye odwennini no basa mu mfe mparow a wohim no wɔ Awurade anim no. Eyi akyi no, ɔhotuafo no tumi nom bobesa a ekyere se wɔayi no afi ne bōhye no mu. 21 “Eyinom ne mmara a eɔa ho ma Nasareni a wahye n’ahofama ho bo awie, na ɔde afɔrebɔ ahorow brɛ Awurade. Saa afɔrebɔ yi akyi no, otumi de afɔrebɔde biara a ɔrebeye Nasareni no, ɔhye ho bo se ɔde beba no ba.” 22 Afei, Awurade ka kyere Mose se, 23 “Ka kyere Aaron ne ne mmabarima no se, eɛ se wohyira Israelfo yi sononko se: 24 “Awurade nhyira mo na ɔnhwe mo so. 25 Awurade ntew n’anim nkyere mo na ɔnnom mo. 26 Awurade mma n’ani so nhwe mo na ɔmma mo asomdwoe.” 27 “Saa na eɛ se Aaron ne ne mmabarima hyira Israelfo, na m’ankasa nso mehyira won.”

7 Da a Mose wiee Ahyiae Ntamadan no hyehye no, ɔsraa ho nyinaa ngo, tew mu nneema nyinaa ho. Ɔsan sraa afɔremuka ne ho nkuku ne nkaka nyinaa ngo, tew ho nso. 2 Afei, Israel mpanyimfo ne mmusuakuw no mu mpanyin a wɔhwɛ nnipakan no so no nyinaa de won afɔrebɔde bae. 3 Wɔde nteaseenam asia a wɔakatakata ho ne anantwi dumien

na ebae. Na nteaseenam no baako biara ye mpanyimfo baanu de, a nantwi baako ye won mu biara de. Wɔde ne nyinaa maa Awurade wɔ Ahyiae Ntamadan no anim. 4 Awurade ka kyere Mose se, 5 “Gye won akyede no na fa nteaseenam no ye Ahyiae Ntamadan no ho adwuma. Fa ma Lewifo no na obiara mfa nni dwuma biara a eɛ se odi.” 6 Enti Mose de nteaseenam no ne anantwi no maa Lewifo no. 7 Ɔmaa Gerson ne ne nkurofo nteaseenam abien ne anantwi anan senea na ehia ma won dwumadi, 8 na ɔmaa Merari ne ne nkurofo nso nteaseenam anan ne anantwi awotwe a Aaron babarima Itamar na na odi so panyin. 9 Wɔamma Kohat nkurofo nteaseenam no bi, efise na eɛ se wɔsoa won kyefa a efa Ahyiae Ntamadan no ho nneema no ho no wɔ won mmati so. 10 Mpanyimfo a wodi anim no nso de nsrabo akyede beguu afɔremuka no anim da a wɔresra afɔremuka no ngo no. 11 Awurade ka kyere Mose se, “Kyekye nna a obiara de n’afɔrebɔde beba afɔremuka no so.” 12 Aminadab babarima Nahson a ofi Yuda abusuakuw mu na ɔde n’afɔrebɔde baa da a edi kan no. 13 Nneema a ɔde bae no ye: dwete prete baako a emu duru ye kilogram baako ne fa, dwete kuruwa kese bi a ebeye kilogram baako a ne nyinaa na wɔde asikresiam muhumuhu a wɔde ngo afra ahye no amaama; 14 sikakɔkɔ adaka baako a ekari gram ɔha ne dunan a wɔde aduhuam ahye no ma; 15 ɔde nantwinini ba, odwennini ne oguamma a wadi afe bae se ɔhyew afɔrebɔde. 16 Wɔde ɔpapo bae se bɔne ho afɔrebɔde 17 ne anantwi abien, adwennini anum, mmirekyi anum ne nguantenmma a won mu biara adi afe, anum bae se won asomdwoe afɔrebɔde. Eyi ne Nahson, Aminadab ba afɔrebɔde. 18 Da a eto so abien no, Suar babarima Netanel a ɔda Isakar abusuakuw ano no de n’afɔrebɔde bae. 19 Na n’afɔrebɔde no ye: dwete prete a eye kilogram baako ne fa ne dwete hweaseammɔ a emu duru ye kilogram baako a wɔde atoko afɔrebɔde a eye asikresiam muhumuhu a wɔde ngo afra ahyehye no amaama. 20 Sikakɔkɔ nnwetebona baako a ekari gram ɔha ne dunan a wɔde aduhuam ahye no ma; 21 nantwi ba, odwennini ne oguamma a wɔadi afe bae se ɔhyew afɔre, 22 ɔpapo se bɔne ho afɔre 23 ne anantwi abien, adwennini anum, mpapo anum ne nguantenmma anum a won mu biara adi afe se asomdwoe afɔre. Eyi ne afɔre a Suar babarima Netanel de bae. 24 Ne nnansa so no, Helon babarima Eliab a ɔda Sebulon abusuakuw ano no de n’afɔrebɔde bae. 25 Na n’afɔrebɔde no ye:

dwete prete a eyɛ kilogram baako ne fa ne dwete hweaseammɔ a emu duru yɛ kilogram baako. Na wɔde atoko afɔrebɔde a eyɛ asikresiam a wɔayam no muhumuhu a wɔde ngo afra ahyɛ no amaama; **26** sikakɔkɔɔ akorade a emu duru yɛ gram ɔha ne dunan a wɔde aduhuam ahyɛ no ma; **27** nantwi ba, odwennini ne oguamma a wɔadi afe bae sɛ ɔhyew afɔre, **28** ɔpapo sɛ bɔne ho afɔre **29** ne anantwi abien, adwennini anum ne mpapo anum sɛ asomdwoe afɔre. Eyi ne afɔre a Helon babarima Eliab de bae. **30** Ne nnaan so no, Sedeur babarima Elisur a ɔda Ruben abusuakuw ano no de n'afɔrebɔde bae. **31** Na n'afɔrebɔde no yɛ: dwete prete a eyɛ kilogram baako ne fa. Na wɔde atoko afɔrebɔde a eyɛ asikresiam a wɔayam no muhumuhu a wɔde ngo afra ahyɛ no amaama. **32** Sikakɔkɔɔ akorade a emu duru yɛ gram ɔha ne dunan a wɔde aduhuam ahyɛ no ma. **33** Nantwi ba, odwennini ne oguamma onini a wadi afe bae sɛ ɔhyew afɔre, **34** ɔpapo sɛ bɔne ho afɔre; **35** ne anantwi abien, adwennini anum, mpapo anum ne nguantenmma anum a wɔn mu biara adi afe. Eyi ne afɔre a Sedeur babarima Elisur de bae. **36** Ne nnaanum so no, Surisadai babarima Selumiel a ɔda Simeon abusuakuw ano no de n'afɔrebɔde bae. **37** Na n'afɔrebɔde no yɛ: dwete prete a eyɛ kilogram baako ne fa ne dwete hweaseammɔ a emu duru yɛ kilogram baako na wɔde atoko afɔrebɔde a eyɛ asikresiam a wɔayam no muhumuhu a wɔde ngo afra ahyɛ no amaama; **38** sikakɔkɔɔ akorade a emu duru yɛ gram ɔha ne dunan a wɔde aduhuam ahyɛ no ma; **39** nantwi ba, odwennini ne oguamma onini a wɔadi afe bae sɛ ɔhyew afɔre, **40** ɔpapo sɛ bɔne ho afɔre, **41** ne anantwi abien, adwennini anum, mpapo anum ne nguantenmma anum a wɔn mu biara adi afe sɛ asomdwoe afɔre bae. Eyi ne afɔre a Surisadai ba Selumiel de bae. **42** Ne nnansia so no, Deguel babarima Eliasaf a ɔda Gad abusuakuw ano no de n'afɔrebɔde bae. **43** Na n'afɔrebɔde no yɛ: dwete prete a eyɛ kilogram baako ne fa ne dwete hweaseammɔ a emu duru yɛ kilogram baako a wɔde atoko afɔrebɔde a eyɛ asikresiam muhumuhu a wɔde ngo afra ahyehyɛ no amaama; **44** sikakɔkɔɔ akorade bi a ɛkari gram ɔha ne dunan a wɔde aduhuam ahyɛ no ma; **45** nantwi ba, odwennini ne oguamma a wadi afe bae sɛ ɔhyew afɔre, **46** ɔpapo sɛ bɔne ho afɔre; **47** anantwi abien, adwennini anum, mpapo anum ne nguantenmma anum a wɔn mu biara adi afe sɛ asomdwoe afɔre. Eyi ne afɔre a Deguel ba Eliasaf de bae. **48** Ne nnanson so no, Amihud

babarima Elisama a ɔda Efraim abusuakuw ano no de n'afɔrebɔde bae. **49** Na n'afɔrebɔde no yɛ: dwete prete a eyɛ kilogram baako ne fa ne dwete hweaseammɔ a emu duru yɛ kilogram baako. Na wɔde atoko afɔrebɔde a eyɛ asikresiam muhumuhu a wɔde ngo afra ahyehyɛ no amaama; **50** sikakɔkɔɔ akorade a ɛkari gram ɔha ne dunan a wɔde aduhuam ahyɛ no ma; **51** nantwi ba, odwennini ne oguamma a wadi afe bae sɛ ɔhyew afɔre; **52** ɔpapo sɛ bɔne ho afɔre; **53** ne anantwi abien, adwennini anum, mpapo anum ne nguantenmma anum a wɔn mu biara adi afe sɛ asomdwoe afɔre. Eyi ne afɔre a Amihud babarima Elisama de bae. **54** Ne nnaawɔtwe so no, Pedahsur babarima Gamaliel a ɔda Manase abusuakuw ano no de n'afɔrebɔde bae. **55** Na n'afɔrebɔde no yɛ: dwete prete a eyɛ kilogram baako ne fa ne dwete hweaseammɔ a emu duru yɛ kilogram baako. Na wɔde atoko afɔrebɔde a eyɛ asikresiam muhumuhu a wɔde ngo afra ahyehyɛ no amaama; **56** sikakɔkɔɔ akorade bi a ɛkari nnwetebona du a wɔde aduhuam ahyɛ no ma; **57** nantwi ba, odwennini ne oguamma a wadi afe bae sɛ ɔhyew afɔre; **58** ɔpapo sɛ bɔne ho afɔre; **59** ne anantwi abien, adwennini anum, mpapo anum ne nguantenmma anum a wɔn mu biara adi afe sɛ asomdwoe afɔre. Eyi ne afɔre a Pedahsur ba Gamaliel de bae. **60** Ne nnankron so no, Gideoni babarima Abidan a ɔda Benyamin abusuakuw ano no de n'afɔrebɔde bae. **61** Na n'afɔrebɔde no yɛ: dwete prete a eyɛ kilogram baako ne fa ne dwete hweaseammɔ a emu duru yɛ kilogram baako. Na wɔde atoko afɔrebɔde a eyɛ asikresiam muhumuhu a wɔde ngo afra ahyehyɛ no amaama; **62** sikakɔkɔɔ akorade a ɛkari gram ɔha ne dunan a wɔde aduhuam ahyɛ no ma; **63** nantwi ba, odwennini ne oguamma a wadi afe bae sɛ ɔhyew afɔre; **64** ɔpapo sɛ bɔne ho afɔre; **65** ne nantwi abien, adwennini anum, mpapo anum ne nguantenmma anum a wɔn mu biara adi afe sɛ asomdwoe afɔre. Eyi ne afɔre a Gideoni babarima Abidan de bae. **66** Ne nnadu so no, Amisadai babarima Ahieser a ɔda Dan abusuakuw ano no de n'afɔrebɔde bae. **67** Na n'afɔrebɔde no yɛ: dwete prete a eyɛ kilogram baako ne fa ne dwete hweaseammɔ a emu duru yɛ kilogram baako. Na wɔde atoko afɔrebɔde a eyɛ asikresiam a wɔayam no muhumuhu a wɔde ngo afra ahyehyɛ no amaama; **68** sikakɔkɔɔ akorade a ɛkari gram ɔha ne dunan a wɔde aduhuam ahyɛ no ma; **69** nantwi ba, odwennini ne oguamma onini a wadi afe bae sɛ ɔhyew afɔre; **70** ɔpapo sɛ bɔne ho

aföre; 71 ne anantwi abien, adwennini anum, mpapo anum ne nguantenmma anum a wòn mu biara adi afe se asomdwoe aföre. Eyi ne aföre a Amisadai babarima Ahieser de bae. 72 Ne nna dubaako so no, Okran babarima Pagiel a oda Aser abusuakuw ano no de n'aföreböde bae. 73 Na n'aföreböde no ye: dwete prete a eye kilogram baako ne fa ne dwete hweaseammö a emu duru ye kilogram baako. Na wöde atoko aföreböde a eye asikresiam a wöayam no muhumuhu a wöde ngo afra ahyehye no amaama; 74 sikakököö akorade a ekari gram öha ne dunan a wöde aduhuam ahye no ma; 75 nantwi ba, odwennini ne oguamma onini a wadi afe bae se öhyew aföre; 76 öpapo se böne ho aföre; 77 ne anantwi abien, adwennini anum, mmirekyinini anum ne nguantenmma anum a wòn mu biara adi afe se asomdwoe aföre. Eyi ne aföre a Okran babarima Pagiel de bae. 78 Ne nnadumien so no, Enan babarima Ahira a oda Naftali abusuakuw ano no de n'aföreböde bae. 79 Na n'aföreböde no ye: dwete prete a eye kilogram baako ne fa ne dwete hweaseammö a emu duru ye kilogram baako. Na wöde atoko aföreböde a eye asikresiam a wöayam no muhumuhu a wöde ngo afra ahyehye no amaama; 80 sikakököö akorade a ekari gram öha ne dunan a wöde aduhuam ahye no ma; 81 nantwi ba, odwennini ne oguamma onini a wadi afe bae se öhyew aföre; 82 öpapo se böne ho aföre; 83 ne anantwi abien, adwennini anum, mpapo anum ne nguantenmma anum a wòn mu biara adi afe se asomdwoe aföre. Eyi ne aföre a Enan babarima Ahira de bae. 84 Eyinom ne aföremuka no aföreböde a Israel mpanyimfo de ba besraa aföremuka no, nam so böö no atenase: dwete mprete dumien, dwete hweaseammö dumien ne sikakököö aduhuam nnwetebona dumien. 85 Ne nyinaa mu, na dwete nneema no kari beye kilogram aduasa, na prete biara kari beye kilogram baako ne fa, na hweaseammö no nso mu duru ye kilogram baako. 86 Sikakököö a wöde bekyee no mu duru yee beye kilogram baako ne fa a ekyere se, sikakököö no akorade no mu biara duru ye nnwetebona du a wöde aduhuam ahye no ma. 87 Wöde anantwi dumien ne adwennini a wòn mu biara adi afe na ebeböö öhyew aföre no a atoko aförebo nso ka ho. Wöde mpapo bebö böne ho aföre. 88 Asomdwoe aföre nneema a wöde bae ni: nantwininimma aduonu anan, adwennini aduosia, mmirekyi aduosia, adwennini a wòn mu biara adi afe aduosia. 89 Bere a Mose köö Ahyiae Ntamadan no mu se öne Awurade rekökasa no,

ötee nne bi fi soro a erekasa kyere no fi Mpata Beae no atifi hö, wö adaka no ho baabi a kerubim abien no sisi no ntam. Awurade faa saa kwan yi so kasa kyere no.

8 Awurade ka kyere Mose se, 2 “Ka kyere Aaron se, ‘Se wöso akanea ason a ewö kaneadua no so no a, so no senea ebeye a, ebetow ne hann no kö kaneadua no n’anim.’” 3 Aaron yee saa; öso akanea no ma etow hann kö kaneadua no anim, senea Awurade hyee Mose no. 4 Senea Wosi yee kaneadua no ni: Sikakököö a wöaboro na wöde ye fii n’ase kosi ne soro. Wöyee no senea Awurade kyere Mose se wönye no ara pe. 5 Na Awurade ka kyere Mose se, 6 “Yi Lewifo no fi Israelfo no mu na tew wòn ho. 7 Se ebeye a wòn ho ni ye eyi: Fa ahodwira nsu pete wòn so. Ma wonyi wòn ho nwi nyinaa, na wönhorö wòn nneema nyinaa, na ama wòn ho atew. 8 Afei, ma wömfa nantwinini ba ne aduan aföreböde a eye asikresiam a wöayam no muhumuhu a wöde ngo afra a nantwinini ba baako ka ho a wöde no bebö böne ho aföre mmra. 9 Fre Israelfo no nyinaa hyia na fa Lewifo no bra Ahyiae Ntamadan no pon ano. 10 Eho na mpanyimfo a wotuata mmusuakuw no ano no de wòn nsa begu wòn so. 11 Ee se Aaron ye nsenkyerenne bi se öde wòn rema Awurade se akyede a efi Israel manfo nyinaa nkyen, na asiesie Lewifo no ama wöyee Awurade adwuma. 12 “Afei, Lewifo mpanyimfo no de wòn nsa begu nantwimma no apampam na wöde wòn ama Awurade. Wöde öbaako bebö böne ho aföre na wöde öbaako nso abö öhyew aföre de aye mpata ama Lewifo no. 13 Afei, wöde Lewifo no bema Aaron ne ne mma te senea wöde aföreböde biara fa asöfo so de ma Awurade no.” 14 Mobefa saa kwan yi so ayi Lewifo no afi Israelfo no mu ama me, na wöyee me dea. 15 “Se motew wòn ho na mofa saa kwan yi so de wòn ma me a, afei, wobedi ahyemfiri wö Ahyiae Ntamadan no mu, adi wòn dwuma. 16 Israelfo mu nyinaa, wòn na wöyee me nkurofo, na magye wòn ato mu asi Israelfo mmakan nyinaa anan, Israelni bea biara abakan barima. 17 Israel abakan biara ye me de; nnipa ne mmoa nyinaa. Bere a mikunkum Misraimfo mmakan nyinaa no ara na mefaa wòn de wòn yee me nkurofo. 18 Mafa Lewifo no asi Israelfo mmakan nyinaa anan mu. 19 Na mede Lewifo no bekye Aaron ne ne mmabarima. Lewifo no na wöbeye Ahyiae Ntamadan no mu nnwuma kronkron a anka ese se Israelfo no na wöyee, na wòn na wöbebo aföre ama nkurofo de aye mpata ama wòn senea se Israelfo

no kō kronkronbea hō a ɔyaredom biara renka wōn.”
20 Mose ne Aaron ne Israelfo no nyinaa faa okwan a Awurade kyereɛ Mose no so pɛpɛɛɛ de Lewifo no maa Awurade. **21** Lewifo no dwiraa wōn ho, horoo wōn nneema. Na Aaron de wōn hyee Awurade nsa se ohim afɔre na ɔyee wōn ho mpata adwuma de tew wōn ho. **22** Eno akyi no, Lewifo no kɔyee adwuma wō Ahylae Ntamadan no mu a na Aaron ne ne mmabarima no hwe wōn so Woyee biribiara senea Awurade hyee Mose se wōnye no. **23** Awurade ka kyereɛ Mose se, **24** “Eyi kō ma Lewifo no: Se Lewini barima biara di mfe aduonu anum a, ma no nsom wō Ahylae Ntamadan mu, **25** na se wodi mfe aduonum a, ese se wɔpɔn fi adwuma mu a wōnyee adwuma bio. **26** Se wɔpɔn a, wotumi adi dwuma wō Ahylae Ntamadan mu hō de boa wōn nuanom, mmom wōn ankasa de, ense se wōhye da ye adwuma. Eyi ne okwan a momfa so mma Lewifo no adwuma nye.”

9 ɔsram a edi kan no mu afe a eto so abien no mu a wɔafi Misraim no na Awurade kaa saa asem yi kyereɛ Mose bere a one Israelfo wō Sinai sare no so no se, **2** “Ma Israelfo no nni Twam Afahye no wō ne bere ano. **3** Munni no wō ne bere ano, na mofa ne mmara akwan ahorow no nyinaa so nni wō ɔsram yi da a eto so dunan no anwummere.” **4** Enti Mose ka kyereɛ Israelfo no se wonni Twam Afahye no, **5** na woyee saa wō Sinai Nweatam no so wō ɔsram a edi kan no da a eto so dunan no anwummere. Na Israelfo no yee biribiara pɛpɛɛɛ senea Awurade hyee Mose no. **6** Nanso na nnipa no bi fi ayi aba a esiane se wode wōn ho aka owufo nti na wōn ho agu fi. Eyi nti wɔantumi anni Twam Afahye no bi. Enti wɔbaa Mose ne Aaron nkyen da no ara **7** beka kyereɛ Mose se, “Yede yen ho aka funu ama yen ho agu fi, nanso den nti na yene Israelfo nyinaa rentumi mfa yen afɔrebode mmre Awurade senea nhyehyee no te no?” **8** Mose buaa wōn se, “Montwen mma mimmissa senea Awurade mmara no ka fa mo ho.” **9** Na Awurade ka kyereɛ Mose se, **10** “Ka kyere Israelfo no se, Obiara a obeso funu mu, se ɔye nneemma anaa ofi awo ntoatoaso a ereba no mu wō Twam Afahye bere a ebema ne ho agu fi anaa onam akwantu so nti wɔantumi amma no tumi di Awurade Twam Afahye no, **11** nanso ɔsram a eto so abien no da a eto so dunan no anwummere na ese se wodi. Saa bere no na ese se wowe oguamma no a brodo a mmakaw nni mu ka ho a naban nweenwen ka ho. **12** Ense se wogyaw bi ma ade kye so, anaa wɔbo ne

dompe mu. Na ese se wodi Twam Afahye no mmara no nyinaa so pɛpɛɛɛ. **13** Nanso obiara a ne ho nguu fi anaa obi a ontuu kwan nanso wanni Twam Afahye no wō ne bere ano no, ese se wotwa no asu afi Israelfo no mu wō afɔre a wamma ammeɔbɔ amma Awurade bere a ese mu no nti. Wɔbesoa wōn afɔdi ho sodi. **14** “Ese se ɔhɔho a ɔfra mo mu no fa mmara koro no ara so di Awurade Twam Afahye no. Ese se ɔhɔho ne okuroni nyinaa di mmara koro no so.” **15** Da a wɔmaa Ahylae Ntamadan no so sii hō no, omununkum kataa so. Anwummere no ara, omununkum no dan yee se ogya na eyee saa ara anadwo mu no nyinaa de kosii adekyee. **16** Saa ara na ete bere biara, na edu anadwo a, mununkum no dan ye se ogya. **17** Omununkum no maa ne ho so no, Israelfo no dii akyi kosii baabiara a ekɔ kogyina ma wɔbɔɔ hō atenaɛ. **18** Eyi kyere se, se Awurade ka se wɔnkɔ a, wɔkɔ, na se oka se wonnyina a, wogyina. Na se Omununkum no gyina a, wōn nso gyina mmere dodow a egyina hō no nyinaa. **19** Se egyina baabi kye a, wōn nso gyina hō kye. Na se egyina hō nna kakraa bi a, wōn nso gyina hō nna kakraa bi saa ara, efise saa na Awurade ahye wōn se wōnye. **20** Eto da bi a, omununkum no tena Ahylae Ntamadan no so nna kakraa bi. Se eba saa a, nnipa no nso tena nna kakraa bi. Na Awurade nhye mu, wotu fii wōn atenaɛ. **21** Eto da bi nso a, omununkum no tena anadwo na akɔ adekyee. Nanso se eye awia anaa anadwo na omununkum no ma ne ho so a, nnipa no tu fi atenaɛ hō di akyi. **22** Se omununkum no ba Ahylae Ntamadan no atifi na edi nnaan, ɔsram anaa afe a, saa nna no ara so na Israelfo no hwe de tena hō. Nanso enya tu ara pɛ a, na wōn nso atu. **23** Eyi kyere se, wōn nsrabɔ ne wōn akwantu nyinaa gyina Awurade mmara a ɔhye ma wōn no so; na biribiara a Awurade ka kyereɛ Mose se wōnye no, woyee.

10 Afei, Awurade ka kyereɛ Mose se, **2** “Fa dwete a wɔaboro ye ntorobento abien, na eye a wɔahyen de afre nnipa no, na edu ntamadan no tu so nso a, wɔahyen. **3** Se wɔhyen ntorobento abien no a, nnipa no behu se, ese se wɔboa wōn ho ano wō Ahylae Ntamadan no ano. **4** Na se wɔhyen baako pɛ a, na ekyere se Israel mmusua no mu mpanyimfo na ese se wɔba wo nkyen. **5** Se mohyen de kyere se monko mo anim a, mmusuakuw a wɔwɔ Ahylae Ntamadan apuei fam no betu afi wōn atenaɛ hō na wɔakɔ. **6** Se mohyen nea eto so abien no a, mmusuakuw a wɔwɔ anafo fam no bedi so. Monhyen no ntiantia

mu mfa nkyere se wɔnkɔ. 7 Na se mofre nnipa no ama wɔabehyia a, momfa ɔkwan foforo so nhyen ntorobento no. 8 “Aaron mmabarima asɔfo nko ara na wɔbema wɔn kwan ama wɔahyɛn ntorobento no. Eyi ye mmara a ebetena ho daa ama awo ntoatoaso a ebɛba no nyinaa. 9 Se mudu Bɔhye Asase no so na mo ne mo atamfo a wɔhye mo so no ko a mohyɛn ntorobento no. Na, Awurade, mo Nyankopɔn bekae mo na wagye mo afi mo atamfo nsam. 10 Anigyebere mu nso, monhyɛn ntorobento no. Afe mu dapɔnna nso, monhyɛn. ɔsram biara mfiase nso, monhyɛn mfa nnye mo ani wɔ ɔhyew afɔre ne asomdwoe afɔre ho. Se moye saa a, ebekae Onyankopɔn apam a ɔne mo wɔ no. Na mene Awurade mo Nyankopɔn.” 11 ɔsram a eto so abien no da a eto so aduonu no a eye mfe abien a Israelfo fii Misraim no, omununkum no pagyaw ne ho fii Ahyiae Ntamadan no so, 12 enti Israelfo no fii Sinai sare so ho dii omununkum no akyi kosii se ekogyinaa Paran sare so. 13 Bere a esɛ se wotu no duu no, Awurade nam Mose so ka kyereɛ wɔn. 14 Akwantu no mu no, mmusua a wɔhye Yuda abusuakuw no ase, a Aminadab babarima Nahson tua ano na otuu wɔn frankaa ma wodii kan. 15 Wɔn a wodii so ne Isakar abusuakuw a Suar babarima Netanel di wɔn anim. 16 Sebulon abusuakuw na wodii ho a Helon babarima Eliab na na odi wɔn anim. 17 Wotutuu Ahyiae Ntamadan no, na Gerson ne Merari mmusua a wofi Lewifo mu no soaa Ahyiae Ntamadan no dii wɔn afa wɔ santen no mu. 18 Ruben abusuakuw tuu wɔn frankaa de dii so a Sedeur babarima Elisur di wɔn anim. 19 Wɔn a na wodi so ne Simeon abusuakuw a Surisadai babarima Selumiel di wɔn anim; 20 Gad abusuakuw nso, na Deguel babarima Eliasaf na odi wɔn anim. 21 Na Kohatfo no nso na na wodi ho a wɔsoso kronkronbea ho nneɛma. Na esɛ se wɔhyehye Ahyiae Ntamadan no wɔ beae foforo ho ansa na wɔadu ho. 22 Wɔn a na wodi so ne Efraim abusuakuw a na wodi wɔn frankaa no akyi a Amihud babarima Elisama na odi wɔn anim; 23 Wɔn a na wodi so ne Manase abusuakuw a Pedahsur babarima Gamaliel di wɔn anim; 24 na Benyamin abusuakuw na na wodi so a Gideoni babarima Abidan di wɔn anim. 25 Wɔn a na wotwa to koraa no ne Dan abusuakuw a wɔye wɔn nyinaa awɛmfo na Amisadai babarima Ahieser da wɔn ano na frankaa di wɔn anim. 26 Okran babarima Pagiel na na odi Aser abusuakuw anim, 27 na Enan babarima Ahira nso di Naftali abusuakuw anim. 28 Saa nhyehyee

yi na Israel mmusuakuw yi faa so tuu wɔn kwan no. 29 Afei, Mose ka kyereɛ n’ase Hobab, Midiani Reuel ba se, “Eyi nyinaa akyi no, yereko beae a Awurade kae se, ‘Mede bema mo no.’ Bra na yenko na yɛbehwe wo so yiye; efise Awurade ahye Israelfo nnepa ho bɔ.” 30 Obuae se, “Dabi, merenko; merenko m’asase so ne m’abusuafo nkyɛn.” 31 Nanso Mose kae se, “Mesre wo, nnyaw yen. Wo na wunim faako a esɛ se yetena wɔ sare no so, na wubetumi aye yen kwankyerefo. 32 Se wo ne yen ko a, nneema pa a Awurade de bema yen no nyinaa, wubenya bi.” 33 Enti wofi Awurade Bepɔw so nantew nnansa. Awurade Apam Adaka no dii wɔn anim hwɛhwɛ baabi a wɔbesɔe maa wɔn. 34 Wofii wɔn akwantu no ase awia a wɔreko no nyinaa na Awurade mununkum no di wɔn anim. 35 Bere biara a wɔbɛma adaka no so asi mu no, Mose tee mu se, “Awurade, sɔre! Ma w’atamfo nhwete; ma wɔn nyinaa nguan mfi w’anim.” 36 Bere biara a wɔbesɔe adaka no, ɔka se, “Awurade, san bra Israelfo mpempem a wontumi nkan wɔn no mu.”

11 Ankye biara na nnipa no fii ase nwiinwii se nneɛma nko yiye mma wɔn, na Awurade tee. N’abufuw sɔree wɔ wɔn anwiinwii no ho. Eyi nti, Awurade maa ogya behyew beae a na wote ho no mfikyiri baabi. 2 Wɔtɛtɛɛɛ mu frɛɛ Mose se ommegeye wɔn no, ɔbɔɔ mpae srɛɛ Awurade maa wɔn na ogya no dumii. 3 Efi saa bere no, wɔtoo beae ho din se Tabera a ne nkyerease ne “Ahyewee,” efise ogya a efi Awurade nkyɛn no hyew wɔn atɛnae ho. 4 Misraimfo a na wɔwɔ wɔn ntam no kɔn dɔɔ nneɛma pa a na ewɔ Misraim no. Eyi amma Israelfo no ani ansɔ baabi a na wɔwɔ ho no, enti wosui se, “Hena na ɔbɛma yen aduan adi? 5 Yekae nsumnam a yɛwee wɔ Misraim mpoano no. Saa ara nso na na yɛnya kokumba, efere, gyeene ne galik di no. 6 Nanso mpɛmpɛn de, yen anom ato; yɛnɛn hwee se mana nko ara.” 7 Na mana no kese te se wusa aba na esɛ ehye a awaawae afi dubona ho agu fam. 8 Nnipa no tase fii fam na wɔayam anaa wɔasiw wɔ ɔwaduru mu ma adan esiam. Wowie a, wɔnoa de bi ye tetare. Woka w’ano a, ete se tetare a wɔakyew wɔ nhabamma ngo mu. 9 Obosu tɔ wɔ wɔn atɛnae ho Anadwo a na mana no nso tɔ. 10 Mose tee se mmusuakuw no nyinaa gyinagyina, atwa wɔn ntamadan ho ahyia resu. Eyi hyɛ Awurade abufuw yiye, na ehaw Mose nso. 11 Mose bisaa Awurade se, “Adɛn nti na wode ɔhaw sɛɛ aba w’akoa so? Dɛn na maye atia wo a na wode saa nnipa a wote sɛɛ yi

nyinaa adesoa abesoa me? **12** Me na minyinsɛn nnipa yi nyinaa? Me na mewoo wɔn? Adɛn nti na wuse minturu wɔn wɔ me nsa so sɛ nkokoaa nkosi sɛ yebedu asase a wohyɛ wɔn agyanom ho bɔ no so? **13** Ehefa na merəkofa nam abɛɛ nnipa yi? Wosu kyere me se, ‘Ma yɛn nam nwe!’ **14** Me nko ara rentumi nsoa ɔman yi! Adesoa no mu yɛ duru ma me dodo! **15** Na sɛ saa na wo ne me bedi no de a, mesɛ, kum me, sɛ manya w’anim anuonyam a, na mma minnhyia m’ankasa me sɛe.” **16** Awurade ka kyere Mose se, “Frɛ Israelfo mpanyimfo no mu aduɔson ma me; fa wɔn bra Ahylae Ntamadan no mu na wo ne wɔn nnyina ho. **17** Mɛba ho na me ne wo abɛkasa na honhom a ɛwɔ wo so no, mɛfa na mede akogu wɔn nso so bi; ɛba saa a, wɔne wo besoa nnipa no adesoa senea ɛrenye wo nko ara w’adesoa. **18** “Ka kyere nnipa no sɛ: Munnwira mo ho na ɔkyena, mubenya nam awe. Ka kyere wɔn se, ‘Awurade ate mo sufɛ a ɛfa nneɛma a mugyaw no Misraim no ho na ɔrebɛma mo nam na mobɛwe. **19** Enye da koro anaa nnaanuu anaa nnaanum anaa nnadu anaa aduonu! **20** Na ɔsram baako mu, mobɛwe nam ara ama afono mo ama afa mo hwene mu. Efise moapo Awurade a ɔka mo ho wɔ ha no, na moasu wɔ n’anim se, adɛn nti na yefii Misraim?”” **21** Mose kae se, “Mmarima nko ara mpem ahansia na wɔwɔ ha, ɛno na woahye wɔn bɔ sɛ wobɛma wɔn nam awe ara ɔsram! **22** Sɛ yekum nguan ne anantwi ma wɔn a ɛbeso wɔn ana? Sɛ wɔkyere po mu nam nyinaa ma wɔn a ɛbeso wɔn ana?” **23** Na Awurade bisaa Mose se, “So Awurade basa ye tiaa dodo ana? Afei wubehu sɛ m’asɛm ye nokware anaa enye nokware.” **24** Enti Mose fii Ahylae Ntamadan no mu ho kɔkaa nsem a Awurade ka kyere no no nyinaa kyere nnipa no. Ɔboaboaa mpanyimfo aduɔson ano ma wotwaa Ahylae Ntamadan no ho hyiae. **25** Na Awurade nam omununkum mu baa fam ne Mose kasae, na ɔfaa honhom a ɛwɔ Mose so no de guu mpanyimfo aduɔson no so. Bere a honhom no baa wɔn so kakra no, wohyɛ nkɔm mmere tiaa bi mu. **26** Nanso na mpanyimfo aduɔson no mu baanu a wɔfrɛ wɔn Eldad ne Medad da so wɔ wɔn atɛnae ho. Na bere a honhom no baa wɔn so wɔ ho no, wohyɛ nkɔm wɔ ho. **27** Mmerante bi tuu mmirika kɔbɔ Mose asɛm a asi no ho amanɛɛ **28** na Nun babarima Yosua a na wɔayi no sɛ ɔnye Mose boafɔ no ampene so, na ɔkae se, “Me wura Mose, ma wonnya!” **29** Mose bisaa no se, “Me ho na woretwe ninkunu yi? Ɛkaa me nko a, na anka Awurade nkurofo nyinaa ye adiyifo a

Awurade de ne honhom agu wɔn nyinaa so!” **30** Na Mose ne Israel mpanyimfo no san kɔ wɔn atɛnae ho. **31** Na Awurade bɔɔ ahum maa ɛde mmoko fi po mu beguu atɛnae ho ne ɛho mmaa nyinaa. Baabiara a obi bɛfa no, na nnomaa yi bi atu nenam asase ani bɛye anammɔn anan. **32** Enti da mu no nyinaa, nnipa kyekyeree mmoko no bi kunkum wɔn awia ne anadwo ne n’adekyee nso. Nea wannya bi no koraa na onyaa susukoraa ɔha! Mmoko buu so wɔ atɛnae ho nyinaa. **33** Na nnipa no fii ase wee mmoo no bi no, Awurade bo san fuw wɔn maa ɔde ɔyaredɔm kum wɔn mu fa kɛse no ara. **34** Enti wɔtoo beae ho din se Kibrot-Hataawa a nkyerease ne, “Akɔnnɔ ɔda” efise wɔn a na wɔn ani bere nam na wɔn kɔn adɔ Misraim tena no na wosiee wɔn wɔ ho. **35** Ɔman no tu fii Kibrot-Hataawa ho kɔtenaa Haserot.

12 Miriam ne Aaron kasa tiaa Mose sɛ ne yere ye Etiopiani. **2** Wɔkae se, “Mose nko ara na Awurade akasa afa ne so ana? Na yɛn nso ɔnkasa mfa yɛn so bi ana?” Na Awurade tee wɔn anwiinwii no. **3** Na Mose ye ɔhobɛasɛni sen obiara a ɔte asase yi so. **4** Ntɛm so, Awurade frɛɛ Mose, Aaron ne Miriam kɔɔ Ahylae Ntamadan no mu. Ɔhyɛ wɔn se, “Mo baasa no mommra Ahylae Ntamadan mu ha.” Enti wobegyinagyinaa Awurade anim. **5** Afei, Awurade nam omununkum fadum mu sian ba begyinaa Ahylae Ntamadan no kwan ano, na ɔfrɛɛ Aaron ne Miriam. Bere a wotwiw kɔɔ wɔn anim no, **6** ɔkae se, “Muntie me nsem: “Sɛ odiyifo wɔ mo mu a, Me, Awurade, menam anisoadehu so da me ho adi kyere no, me kasa kyere no wɔ dae mu. **7** Nanso ɛntɛ saa wɔ me somfo Mose ho. Me fi nyinaa mu no, ɔye ɔnokwafo. **8** Me ne no kasa anim ne anim, kasa a emu da ho na enye abisae mu. Na ohu Awurade senea ɔte. Adɛn nti na moansuro sɛ mobekasa atia me somfo Mose?”” **9** Awurade bo fuw wɔn dennen pa ara na ofii ho kɔɛ. **10** Bere a omununkum no fii Ahylae Ntamadan no atifi no, kwata beduruu Miriam ho fitaa se sukyeremma. Aaron twaa n’ani huu sɛ ɔwɔ ɔhonam ani yare a eye fi no, **11** ɔka kyere Mose se, “Me wura, mesɛ wo, nnyina saa bone a yɛnam nkwasɛasɛm so adi yi so ntwe yɛn aso. **12** Mma no nye sɛ akokoaa a wawu wo ne yam a ne fa aporɔw.” **13** Na Mose tɛɛ mu frɛɛ Awurade se, “Onyankopɔn, mesɛ wo sɛ sa no yare!” **14** Awurade buaa Mose se, “Sɛ n’agya tew ntasu guu n’anim a, anka n’anim rengu ase nnanson? Munyi no mfi atɛnae ha nkɔhyɛ baabi nnanson na akyiri no,

obetumi asan aba.” 15 Enti wotwaa Miriam asu fii atenae ho ma okodii nnanson. Nnipa no twen kosii se wosan de no bae ansa na woretu kwan no bio. 16 Eno akyi no, wofii Haserot bebbɔ atenae wɔ Paran sare so.

13 Na Awurade ka kyeree Mose se, 2 “Soma akwansrafo na wonko Kanaan asase so; asase a mede rema Israelfo no. Soma mmusuakuw dumien no mu biara ntuanoni.” 3 Enti Mose yee senea Awurade hyee no no. Osomaa mmarima dumien a won nyinaa ye mmusuakuw ntuanofɔ fi won atenae wɔ Paran sare so. 4 Saa mmusuakuw no ne won mpanyimfo no din na edidi so yi: Ruben abusuakuw no ntuanoni ne Sakur babarima Samua; 5 Simeon abusuakuw no ntuanoni ne Hori babarima Safat; 6 Yuda abusuakuw no ntuanoni ne Yefune babarima Kaleb; 7 Isakar abusuakuw no ntuanoni ne Yosef babarima Igal; 8 Efraim abusuakuw no ntuanoni ne Nun babarima Hosea; 9 Benyamin abusuakuw no ntuanoni ne Rafu babarima Palti; 10 Sebulon abusuakuw no ntuanoni ne Sodi babarima Gadiel; 11 Manase abusuakuw (a eye Yosef abusuakuw no mu fa) no ntuanoni ne Susi babarima Gadi; 12 Dan abusuakuw no ntuanoni ne Gemali babarima Amiel; 13 Aser abusuakuw no ntuanoni ne Mikael babarima Setur; 14 Naftali abusuakuw no ntuanoni ne Wofsi babarima Nahbi; 15 Gad abusuakuw no ntuanoni ne Maki babarima Geuel. 16 Nnipa yi na Mose somaa won ma wokosraa Kanaan asase no. Mose na omaa Nun ba Hosea din Yosua. 17 Mose ka kyeree won se, “Monko atifi fam wɔ Negeb bepɔw no so. 18 Monhwe senea ehɔ asase no te; na monhwe won a wote ho no nso teba se wɔwɔ ahoɔden anaa woye mmerew, se wɔdɔɔso anaa wosua. 19 Asasesu ben na wote so? Eye anaase enye? Nkurowsu ben na wotete mu? Ededa ho petee anaase afasu wowo ho? 20 Dote no te den? Srade wo mu anaase eye kwaboo? Nnua wo so anaase nnua nni so? Mommo mmoden na momfa ehɔ nnɔbae no bi mmra.” Saa bere no na woretew bobɛ aba kan. 21 Enti wokosraa asase no fi Sin sare so kosii Rehob a eben Hamat no. 22 Wofaa atifi fam kɔfaa Negeb beduu Hebron. Ehɔ na wohuu Anak asefo a wɔfre won Ahiman, Sesai ne Talmai. Hebron ye kurow dedaw. Wɔkyekyeree saa kurow no mfe ason ansa na wɔrekyekyere Soan a ewo Misraim no. 23 Woduu Eskol bon mu no, wotwaa mman a bobɛ kasiaw wo so. Mmarima baanu na wɔworaa no dua soa kaa borɔdɔma aba ho de kɔe. 24 Saa bere no, Israelfo no too subon ho din se “Eskol bon mu” a nkyerɛase

ne “Kasiaw,” efise wohuu bobɛ kasiaw pii wo ho. 25 Adaduanan akyi no, wofii won akwansra no mu bae. 26 Wɔkaa nea wokohui nyinaa kyeree Mose ne Aaron ne nnipa a wɔwɔ Israel nyinaa ne won a wɔwɔ Paran sare so wo Kades na wode aduaba a wode bae no kyeree. 27 Asem a wɔbekae ne se, “Yeduu asase a wosomaa yen se yenkosra so no so, na ewo ne nufusu sen wo so ampa! Eso aduaba a yede bae ni. 28 Nanso na nnipa a wotete ho no ye den. Won nkurow no soso na wɔabo ho ban nso. Yehuu Anak asefo wo ho mpo. 29 Amalekfo te anafo na Hetifo, Yebusifo ne Amorifo nso tete mmepɔw so. Na Kanaanfo nso tete Ntam Po no ne Yordan subon ho.” 30 Na Kaleb bɔo nnipa no ano wo Mose anim kae se, “Momma yemforo nko ho preko pe na yenkofa asase no, efise yebetumi adi won so nkonim.” 31 Nanso mmarima a wone no kɔe no kae se, “Yerentumi nkɔtoa saa nnipa yi; won ho ye den sen yen.” 32 Na wode asem a emma akomatoɔyam fa asase a wokosraa so no ho tene faa Israelfo no mu nyinaa. Wose, “Asase a yekosraa so no sofo no ye awudifo nkutoo. Nnipa a yehuu won wo ho no ye abran. 33 Yehuu Anakfo no bi a efi awo ntoatoaso mu woye abran no. Se yene won gyina ho a, na yeaye te se nketekre wo yen ani so. Na saa ara nso na yeyee wo won ani so.”

14 Saa anadwo no, nnipa no nyinaa fii ase suu denneennen. 2 Wode nne koro nwiinwii tiaa Mose ne Aaron. Wokae se, “Se yewuwuu wo Misraim anaa sare so ha a, anka eye. 3 Aden nti na Awurade de yen reba ha se yemmetoto wo mfoa ano? Wobefow yen yerenom ne yen mma. So ennye mma yen se yebesan ako Misraim ana?” 4 Na wosisee won ho won ho se, “Ese se yepaw okannifo na yesan ko Misraim.” 5 Afei, Mose ne Aaron de won anim butubutuu fam wo Israelfo a wɔahyia ho no nyinaa anim. 6 Akwansrafo no mu baanu, a wone Nun babarima Yosua ne Yefune babarima Kaleb sunsuan won ntade mu 7 na woka kyeree Israelfo no nyinaa se, “Asase a yefaa mu no ye asase pa yiye. 8 Na se yeso Awurade ani a, ode yen bedu asase no so dwoodwo, asase bere a nufusu ne ewo sen wo so, na ode bema yen. 9 Monnye dom ntia Awurade. Na munnsuro nnipa a wɔwɔ asase no so no nso, efise yebememene won. Wonni bammo, nanso Awurade ka yen ho. Munnsuro won.” 10 Nanso mmuae a nnipa no mae ara ne se, wobesiw won abo. Afei, Awurade anuonyam baa Ahyiae Ntamadan no mu kyeree Israelfo no nyinaa. 11 Awurade bisaa

Mose se, “Nnipa yi bebu me animtiaa akosi da ben? Anwonwade dodow a maye akyere won yi nyinaa akyi no, wonnye me nni ara? **12** Mema oyaredom abeduru won na asae won, nanso meye mo oman kese a ewo ahoođen sen won.” **13** Mose ka kyeree Awurade se, “Na Misraimfo no bete! Wonam wo tumi so yii saa nnipa yi fii won mu. **14** Waka saa asem yi akyere won a wote asase yi so a wonim se wowo Israel afa, na wo ne won kasa anim ne anim. Wohu omununkum dum ne ogya se egyina yen atifi, na wonim se wudi yen anim bo yen ho ban awia ne anadwo. **15** Na se wukum wo nkurfo yi nyinaa a, aman a wote wo din no beka se, **16** ‘Awurade kum won wo sare no so, efise wantumi amfa won ankodu asase a okaa ho ntam se ode bema won no so.’ **17** “Afei Awurade nna n’ahoođen adi, senea wahye no: **18** ‘Awurade ye nyaa wo n’abufuw mu, na ne do ne bone ne atuategw so bonefakye no boro so. Nanso onnyaw ofodifo a oñtwe n’aso; oñtwe mma aso wo agyanom bone ho kosi awo ntoatoaso abiesa ne nan mu.’ **19** Wo do kese no nti, fa saa nnipa yi bone kye won senea wode akye won afi Misraim abesi saa bere yi.” **20** Awurade kaa se, “Mede akye won senea woabisa no. **21** Nanso se mete ase yi, na Awurade anuonyam ahye asase nyinaa ma yi, **22** saa nnipa yi a wohuu m’anuonyam ne anwonwade a meye wo Misraim ne sare so no nanso woyee asoođen de so me hwee mpen du no, **23** won mu biara renhu asase a mekaa ntam de hyee won agyanom bo no. Won a wobuu me animtiaa no mu biara renhu. **24** Nanso senea esono m’akoa Kaleb honhom na ofi ne koma nyinaa mu di m’akyi no nti mede no beko asase a okoo so no so, na n’asefo benya ehoo mu kyefa. **25** Esiane se Amalekfo na Kanaanfo tete abon mu no nti, okyena, momfa mo ani nkyere Po Kokoo no nko sare no so.” **26** Awurade bisaa Mose ne Aaron se, **27** “Enkosi da ben na saa nnipa bonefo yi benwiinwii atia me? Na mate saa Israelfo yi anwiinwiisem yi nyinaa. **28** Enti ka kyere won se, ‘Awurade na ose, se mete ase yi, meye nea metee se moreka no ama mo. **29** Mo nyinaa mubewuwu wo sare no so: Efi won a woadi mfe aduonu reko no a woka won bi na woka ho nwiinwii tiaa me no. **30** Mo mu biara renko Bohye Asase no so. Won a wobeko ho ara ne Yefune babarima Kaleb ne Nun babarima Yosua. **31** Moka se mo mma beye nnipa a wote asase no so no nkoa. Mede won beko asase no so dwoodwoo ama wakofa nea muse mompe no. **32** Na mo de, mo amu na ebeka sare so ha. **33** Wobehwe

mo mma so wo ha mfe aduanan, na wahu amane wo mo gyidi a munni no nti; akosi se onipa a otwa to no bewu ato sare so ha. **34** Esiane se akwansrafo no tenaa asase no so adaduanan no nti, ese se mo nso mukyinkyin sare no so mfe aduanan a afe biara gyina ho ma da koro a eye mo bone so akatua, na moahu senea ete se mesore atia mo.’ **35** Me, Awurade, na makasa, na nea ete biara no meye eyinom atia saa nnipa bonefo yi a waye dom atia me no. Wobehu won awiei wo sare yi so; eha na wobewuwu.” **36** Enti mmarima a Mose somaa wo ma wakosraa asase no so no, won a wasan ba bebbo amannee bone a enam so maa nnipa no nyinaa nwiinwii tiaa me no, **37** wode oyare bone kunkum saa mmarima a wode amannee bone tenee wo Awurade anim no. **38** Akwansrafo no nyinaa, Nun ba Yosua ne Yefune ba Kaleb nko ara na wotenaase. **39** Mose kaka nsem a Onyankopon ka kyeree no no kyeree nnipa no no, won nyinaa were howee yiye. **40** Wasoree anopahema se wareko Bohye Asase no so. Wokae se, “Yeha se yeaye bone, nanso yeasiesie yen ho se yebeko asase a Awurade hyee yen ho bo no so.” **41** Nanso Mose kae se, “Aden na morebu Awurade ahyede so? Eyi renye ye! **42** Monsan, mo atamfo no bedi mo so nkonim, efise Awurade nka mo ho. **43** Amalekfo ne Kanaanfo no behyia mo wo ho wo ho? Esiane se moapa Awurade nti, orenka mo ho na mobetoto wo afoa no.” **44** Nanso wofii won nsusuwii mu foro koo bepoo no so a amfa won ho se Awurade Apam adaka no ne Mose mu biara antu amfi atenae ho bi. **45** Na Amalekfo ne Kanaanfo a wote bepoo no so no sian ba betow hyee won so boroo won ara kosii Horma.

15 Awurade ka kyeree Mose se, **2** “Ka kyere Israelfo no se, ‘Se mokotena asase a mede rema mo no so **3** na mope se mobo ohyew afore anaa afore biara a wobo a eyi hua a eso Awurade ani a, ese se aforebode no ye aboa a ofi mo nguankuw anaa nantwibuw mu. Se eye ohyew afore, anaa aforebo a wode hye bo, anaa aforebo a efi ope mu, anaa aforebo a wobo no afirihyia mu nnaponna bi mu no a, ese se wode aduan aforebode ka ho. **4** Nea ode ba no, ese se ode aduan aforebode a eye esiam muhumuhu kilogram abien a wode ngo lita baako afra ka ho ma Awurade. **5** Oguamma biara a wode bo ohyew afore no, ese se wode nsa aforebode a eye bobesa lita baako ka ho. **6** “Se odwennini na wode rebo afore a, fa esiam muhumuhu lita abiesa fra ngo lita baako, **7** ne bobesa lita baako se onom aforebode.

Momma mma enyi hua a ebese Awurade ani. **8** “Se wosiesie nantwi ba ma ohyew aföre anaa aförebode de hye bö sononko bi anaa ayönkofa asikresiam aföre a worebo ama Awurade a, **9** fa atoko aförebode a eye asikresiam a woyam no muhumuhu lita asia ne fa ne ngo lita abien ka nantwi no ho **10** a bobesa lita abien ka ho se onom aförebode. Eyi beye aduan aförebo a ebeyi hua aso Awurade ani. **11** Ese se wofa saa kwan yi so siesie nantwi, odwennini, ogamma anaa abirekyi ba a wode bö aföre no. **12** Aförebode biara no, ese se mofa saa okwan yi so siesie no. **13** “Ese se Israelni biara fa saa okwan yi so siesie ne aduan aförebo a eyi hua na eso Awurade ani na ode ba. **14** Na se ahoho a wote mo mu no pe se wöbo ohyew aföre ma eyi hua a eso Awurade ani a, ese se wofa saa okwan koro no ara so wo awo ntoatoaso a ebaba no nyinaa mu. **15** Mmara no wo ho ma mo nyinaa; omanfo ne ahoho; na eye nokware a etim ho daa de kosi awo ntoatoaso a ebaba no mu. Mo ne ahoho nyinaa ye pe wo Awurade anim. **16** Mmara baako na ewo ho ma mo ne ahoho a wotete mo mu no nyinaa.” **17** Awurade ka kyere Mose se, **18** “Kasa kyere Israelfo no se: ‘Se mudu asase a mede mo reko so no so **19** na mudi asase no so aduan a, momfa bi mmo aföre mma Awurade. **20** Atoko a mobeyam a edi kan no, momfa nto ofam nto nkyen se akyede senea moye atoko otwakan no wo awiporowbea no. **21** Awo ntoatoaso a ebaba no nyinaa mu no, ese se mode saa aföre a efi mo aduan a edi kan a moanya mu yi ma Awurade. **22** “Se mo, se nnipakuw, anhye da na mubu saa mmara a Awurade nam Mose so de ama mo yi so, **23** mmara ahorow a Awurade nam ne so de ama mo yi so, efi da a Awurade de maa mo de fa awo ntoatoaso a ebaba no nyinaa mu, **24** na se wonam awerefiri so fom a nnipa no nyinaa nnim a, ese se oman no nyinaa de aduan aförebode ne onom aförebode ne opapo a wode no bebo bone ho aföre ka ho. **25** Na ese se asofo no ye mpata ma Israelfo nyinaa na wode won bone akye won; efise, eye mfomso, na wonam ohyew aförebo so abo aföre wo Awurade anim a won bone aförebode ka ho. **26** Wode nnipa no nyinaa a ahoho a wote won mu ka ho no bone bekye won, efise omanfo no nyinaa na woyee mfomso a wöanhye da; na wode akye won nyinaa. **27** “Nanso se onipa baako bi ye mfomso awerefiri mu a, ese se ode abirekyibere ba a wadi afe bebo bone ho aföre. **28** Ese se asofo no ye mpata ma nea ofom no wo Awurade anim na wode ne bone akye no. **29** Saa mmara yi wo ho ma Israelfo ne

ananafo a wote mo mu no nyinaa. **30** “Na se obi boa pa ye mfomso a, se oye Israelni anaa onanani no, ogu Awurade din ho fi, enti ese se woyi no fi Israelfo no mu. **31** Mpen dodow a wabu Awurade asem animtiaa na wahye da abu Awurade mmara so no, ese se woyi no fi Israelfo no mu; na ne bone gu ne ti so.” **32** Bere a Israelfo no wo sare so no, wokyeree won mu baako se orebubu mmabaa homeda. **33** Won a wokyeree no no de no ko Mose ne Aaron ne atemmufu no anim, **34** na wode no too afiase, efise na wonhu okwan pötee a ese se wode no fa so. **35** Afei, Awurade ka kyere Mose se, “Ese se wokum saa onipa no. Nnipa no nyinaa nsiw no abo wo atenae no akyi baabi.” **36** Enti wode no ko atenae no akyi baabi kosiw no abo senea Awurade hye Mose no. **37** Awurade ka kyere Mose se, **38** “Kasa kyere Israelfo no se: Awo ntoatoaso nyinaa mu no, momma biribi nsensen mo ntade ano na momfa hama tuntum nkyekyere se nkae ade ntetare ntade no ano. **39** Saa mmara yi botae ne se, bere biara a mubehu saa ade yi no, mobekae Awurade mmara a wahye mo no, na moadi n’apede so, na moamfa mo ankasa mo akwan senea na moye de som anyame afoforo no. **40** Ebekae mo ama moadi me mmara nyinaa so na wobetew mo ho ama mo Nyankopon. **41** Mene Awurade, mo Nyankopon a mede mo fi Misraim asase so bae se meye mo Nyankopon. Mene Awurade mo Nyankopon no.”

16 Kora, Ishar a oye Lewi babarima Kohat aseni ne Dan ne Abiram a woye Eliab mmabarima ne On a oye Pelet babarima a won baasa no fi Ruben abusuakuw mu no yee ahomaso **2** na wosore tiaa Mose. Na mpanyimfo atitiriw ahannu aduonum a won nyinaa fra agyinatukuw no mu no ka ho. **3** Wokoo Mose ne Aaron ho koka kyere won se, “Mo ahomaso no amee yen; monnye kronkron nsen obiara. Awurade na wayi obiara a owo Israel ha na oka yen nyinaa ho. Tumi ben na mowo se moma mo ho so se moye mpanyimfo a ese se yetie mo na afei moma mo ho so sen obiara wo bere a yen nyinaa ye Awurade mma?” **4** Mose tee saa asem no, ode n’anim butuw fam. **5** Oka kyere Kora ne won a woka ne ho no se, “Anopa, Awurade bekyere mo won a woye ne dea ne nea oye kronkron ne nea wayi no se ommen no. **6** Nea ese se wo, Kora ne w’akyidifo nyinaa ye ni: Momfa aduhuamyefo nkuku **7** na okyena monhyew aduhuam wo mu wo Awurade anim. Na nea Awurade bepaw no no na obeye okronkronni. Afei de, Lewifo moaye ama

aboro so!” **8** Mose san bisaa Kora se, “Afei mo Lewifo, muntie! **9** Yi a Israel Nyankopɔn ayi wo afi nnipa bebre mu ama woaben no pɛɛ no, a woye Awurade Ahyiae Ntamadan mu adwuma, na wutumi gyina nnipa anim ye asɔfodwuma no sua ma wo ana? **10** Ɔde wo ne wo mfɛfo Lewifo nyinaa aben no pɛɛ, nanso afei de, woagyina pintinn se woregye asɔfodwuma no nso. **11** Eye Awurade na wo ne w’akyidifo abo mu atia no no. Hena ne Aaron a wunwiinwii tia no?” **12** Afei Mose frɛ Eliab mmabarima Datan ne Abiram, nanso wobuae se, “Yeremma! **13** So esua ma wo se wode yen fi yen asase a nufusu ne ewo sen wo so no so de yen aba sare so se worebekum yen ana? Na afei, wope se wohye yen so nso! **14** Bio, womfaa yen mmaa asase a ewo ne nufusu sen wo so so anaa nso wommaa yen asase ne bobeturo biara se yen agyapade. Wope se wode saa nnipa yi ye nkoa ana? Dabi, yeremma.” **15** Mose bo fuw na ɔka kyereɛ Awurade se, “Nnye wɔn afɔrebɔde biara! Minwiaa wɔn afurum baako mpo na menyee wɔn mu biara bɔne bi.” **16** Mose ka kyereɛ Kora se, “Ɔkyena wo ne w’akyidifo no nyinaa mmra Awurade anim wo ha; wo ne wɔn ne Aaron. **17** Obiara mfa n’aduhamyefo nkuku a aduhum gu so mmra. Obiara mfa aduhamyefo kuku mmra. Ne nyinaa dodow ye ahannu aduonum; na momfa mmra Awurade anim. Mo ne Aaron na eɛe se mode ba.” **18** Enti wɔn mu biara de n’aduhamyefo kuku a wasɔ aduhum wo mu bae na wɔne Mose ne Aaron begyinagyinaa Ahyiae Ntamadan no ano. **19** Bere a Kora aboa n’akyidifo a wɔsɔre atia wɔn no nyinaa ano wo Ahyiae Ntamadan no ano no, Awurade daa n’anuonyam adi kyereɛ nnipa no nyinaa. **20** Na Awurade ka kyereɛ Mose ne Aaron se, **21** “Montwe mo ho mfi saa nnipa yi ho na manya kwan asɛe wɔn preko.” **22** Nanso Mose ne Aaron de wɔn anim butubutuw fam wo Awurade anim. Wɔsɛe se, “Ao, Onyankopɔn, amansan nyinaa Nyankopɔn, se onipa baako ye bɔne a, na eɛe se wo bo fu nnipa no nyinaa?” **23** Awurade ka kyereɛ Mose se, **24** “Ka kyere nnipa no se, ‘Mumfi Kora, Datan ne Abiram ntamadan no mu.’” **25** Enti Mose kɔɔ Datan ne Abiram ntamadan no mu a na Israel mpanyimfo di n’akyi. Ɔka kyereɛ nnipa no se, **26** Ɔka kyereɛ nnipa no se, “Monsan mfi saa nnipabɔnefo yi ntamadan no mu! Mommfa mo nsa nka wɔn biribiara, anye saa a wɔbɛsee mo ne wɔn nyinaa, esiane wɔn bɔne nti.” **27** Enti nnipa no fii Kora, Datan ne Abiram ntamadan no mu. Na Datan ne Abiram nso ne wɔn yerenom ne wɔn mma

begyinagyinaa wɔn ntamadan no akwan ano. **28** Mose kae se, “Enam eyi so bema moahu se, Awurade na ɔsoma me se menyee nea maye yi nyinaa. Enye me ara m’adwene mu na mifi yee saa. **29** Se owu nko ara na ebeto saa nnipa yi, anaa se wohu nea etaa ba nnipa so nko ara a, na enye Awurade na wasoma me. **30** Na se Awurade ma ade a eye foforo kora ba, na asase bue n’anom mene wɔn ne wɔn ahode na se wɔko asaman anikann a, ebema moahu se, saa nnipa yi abu Awurade animtiaa.” (Sheol h7585) **31** Ka a ɔkaa eyinom wiei ara pe, na asase a ewo wɔn ase no mu pae, **32** na ebare n’anom menee wɔn ne wɔn abusuafo, wɔn nnamfonom a na wogynagyina wɔn ho ne wɔn agyapade nyinaa. **33** Wowuraa asase mu anikann kɔɔ asaman na asase no san ka too mu ma woyera fii ɔman no mu. (Sheol h7585) **34** Israelfo nyinaa guanee a na wɔretectee mu se, “Asase rebemene yen nso!” **35** Na ogya fi Awurade nkyen behyew nnipa ahannu aduonum a na wɔrehyew aduhum no nyinaa. **36** Awurade ka kyereɛ Mose se, **37** “Ka kyere ɔsɔfo Aaron babarima Eleasar se onyi aduhamyefo nkuku no mfi nso no mu, efise eye kronkron, na ɔntretrew nnyansramma no mu nko akyiri **38** mfi saa nnipa a wɔaye bɔne awu no aduhamyefo nkuku no ase. Boro aduhamhyew nkuku no mma enye ntrantraa na momfa nkata afɔremuka no so. Saa aduhamyefo nkuku yi ye kronkron, efise wode baa Awurade anim. Ma enye nsenkyerenne mma Israelfo no.” **39** Enti ɔsɔfo Eleasar faa wɔn a wɔahyew no aduhamyefo nkuku no na ɔboro maa eyee ntrantraa na ɔde kataa afɔremuka no so, **40** sɛnea Awurade nam Mose so kyereɛ no no. Na Israelfo no nam so akae se obiara a omfi Aaron ase no nni ho kwan se ɔba Awurade anim behyew aduhum. Se oye saa a, asem a etoo Kora ne ne ne dɔm no bi beto no. **41** Ade kyee anɔpa no, Israelfo no nyinaa nwiinwii tiaa Mose ne Aaron se, “Moakum Awurade nkurɔfo.” **42** Nanso bere a nnipa no nyinaa boaa wɔn ho ano se wɔretia Mose ne Aaron na wotwaa wɔn ani hwɛe Ahyiae Ntamadan no, preko pe, omununkum no kataa so ma wohuu Awurade anuonyam. **43** Mose ne Aaron begyinaa Ahyiae Ntamadan no kwan ano, **44** na Awurade ka kyereɛ Mose se, **45** “Twe wo ho fi saa nnipa yi mu na matumi asɛe wɔn preko pe.” Na Mose ne Aaron de wɔn anim butubutuu fam. **46** Na Mose ka kyereɛ Aaron se, “Fa aduhamyefo kuku no na yi ogya fi afɔremuka no so gu mu. Fa aduhum gu so na fa nnipa no mu ntem so fa kɔye mpata ma

wɔn, efise Awurade abufuw adu wɔn so. ɔyaredɔm no afi ase.” 47 Aaron yɛɛ nea Mose hyɛɛ no no, na otuu mmirika kɔɔ nnipa no mu. Na ɔyaredɔm no aba ampa, na ɔhyew aduhuam no de yɛɛ mpata maa wɔn. 48 Na ogyinaa ateasefo ne awufo ntam, na ɔyaredɔm no gyaee. 49 Nanso na nnipa mpem dunan ne ahanson awuwu dedaw abeka wɔn a wɔne Kora wuwui da a edi anim no ho. 50 ɔyaredɔm no gyaee no, Aaron san kɔɔ Mose nkyɛn wɔ Ahyiae Ntamadan no ano.

17 Afei, Awurade ka kyereɛ Mose se, 2 “Ka kyere Israelfo no na wɔnye pema dumien, abusua biara panyin ntwa baako. Kyerew obiara din wɔ ne de ho. 3 Aaron din na wɔbekyerew agu Lewi abusuakuw pema no ho, efise ɛse se abusuapanyin biara nya pema baako. 4 Momfa pema yi ngu Ahyiae Ntamadan no mu ahyiae mu wɔ baabi a mihyia mo wɔ adaka no anim ho no. 5 Menam pema yi so bekyere onipa a meyi no no na ne pema no ho befefew, na meyi Israelfo anwiinwii a wɔtaa nwiinwii tia wo no nyinaa afi ho.” 6 Enti Mose maa Israelfo no maa no pema dumien a wɔn abusua no biara panyin de wɔ mu a na Aaron ka de ka ho bi. 7 Mose de guu Awurade anim wɔ Adanse Ntamadan no mu ho. 8 Ade kyee a ɔkɔɔ mu no, ohuu se Aaron pema a ewɔ ho ma Lewi abusuakuw no afefew aye frɔmm, asow aba a esensen so. 9 Na Mose de pema no fii Awurade anim ba bekyereɛ Israelfo no. Wɔhwɛe, na ɔpanyin biara faa ne pema. 10 Awurade ka kyereɛ Mose se, “Fa Aaron pema no san kɔto adaka no anim na fa ye nsenkyerenne ma atuategwo no. Eyi de anwiinwii a wonwiinwii tia me no beba awiei na wɔanwuwu.” Na ɛse se ɔde ba bekyere nnipa no bio na se anwiinwii bi wɔ ho a etia Aaron tumi a, ebesiw amanehunɔ foforo a anka ebeba nnipa no so no ano. 11 Mose yɛɛ nea Awurade hyɛɛ no se ɔnye no pɛpɛɛɛ. 12 Israelfo no ka kyereɛ Mose se, “Yebewuwu! Yeayera, yeayera! 13 Mpo, obiara a ɔbeben Awurade Ahyiae Ntamadan no bewu. Yen nyinaa rebewuwu ana?”

18 Awurade kasa kyereɛ Aaron se, “Wo, wo mmabarima ne w’abusuafo a wofi Lewi abusuakuw mu no, mfomso biara a efa kronkronbea ho no ho asodi beda mo so. Na se biribi ankɔ so yiye wɔ asɔfodwuma no mu a, wobebisa wo ne wo mmabarima ho asem. 2 Fa wo nkurɔfo a wɔwɔ Lewi abusuakuw no mu na wɔmmaa wo mmabarima no wɔ dwuma kronkron a wodi no Ahyiae Ntamadan no anim no ho. 3 ɛse se Lewifo no hwe yiye na wɔammen biribiara

a eye kronkron wɔ afɔremuka no so. Se wɔye saa a, wo ne wɔn bewuwu. 4 ɛse se wɔka mo ho na mohwe Ahyiae Ntamadan mu ho; ehɔ nnwuma nyinaa. Ense se onipa foforo biara ben beae a wɔwɔ no. 5 “Wo na ɛse se wohwe kronkronbea ho ne afɔremuka no so, na m’abufuwhyew amma Israelfo no so bio. 6 M’ankasa na mapaw wo nkurɔfo Lewifo afi Israelfo mu se akyede ama wo, atew wɔ ho ama Awurade se wɔnye adwuma wɔ Ahyiae Ntamadan no mu. 7 Nanso wo ne wo mmabarima nkutoo na na mubedi dwuma se asɔfo wɔ nea efa afɔremuka ne nea ewɔ ntamtam no mu no ho. Mede asɔfodwuma ɔsom rema mo se akyede. ɛse se wokum onipa foforo biara a ɔbeben kronkronbea ho no.” 8 Awurade san ka kyereɛ Aaron se: “M’ankasa na mede akyede a nkurɔfo de abre Awurade no ahye wo nsa; afɔrebɔde a Israelfo no de ma me no nyinaa no mede ma wo ne wo mmabarima se mo kyefa; eye mo kyefa afebo. 9 Aduan afɔrebɔ, bɔne afɔrebɔ ne afɔbu afɔrebɔ nyinaa mowɔ mu kyefa. Eyinom nyinaa ye afɔrebɔde a eye kronkron pa ara. 10 Munni no se ade a eye kronkron pa ara; obarima biara nni bi. Mummu no se ade kronkron. 11 “Eyi nso ye mo de: nea wobeyi agu nkyɛn afi Israelfo ohim afɔrebɔde mu no. Mede ma wo ne wo mmabarima ne wo mmabea nyinaa se mo kyefa afebo. Obiara a ɔwɔ wo fi na ne ho tew no tumi di bi. 12 “Aba a edi kan mu akyede a nnipa no de beba se afɔrebɔde a wɔde rebre Awurade no a eye ngo pa, bobesa pa, aburɔw ne nnɔbae biara no, mede ma mo. 13 Asase no so aba a edi kan a wɔde bebre Awurade no beye mo de. Obiara a ɔwɔ wo fi na ne ho tew no tumi di bi. 14 “Biribiara a ewɔ Israel a wɔde bɛma Awurade no ye mo de. 15 Israelfo abakan ne wɔn mmɔa nyinaa abakan a wɔde bɛma Awurade no ye mo dea. Nanso mmɔa a memmaa mo kwan se wɔnwɛ wɔn nam no de, munnnɛ wɔn abakan. Na mmom, ɛse se wotua sika kakra de si abakan biara anan. 16 Se abakan no di ɔsram a, na ɛse se wɔde ogye bo a eye dwete nkaribo gram aduonum asia senea kronkronbea ho nkaribo a eye gram dubaako ne nkyemu anum mu baako no te no ba. 17 “Nanso anantwi, nguan ne mmirekyi mmakan de, ense se wogyɛ wɔn; wɔye kronkron. Fa wɔn mogya pete afɔremuka no so na hyew wɔn sɔrɔde no se aduan afɔre, ehua a ɛsɔ Awurade ani. 18 Saa mmɔa yi nyinaa nam beye mo de te senea ohim afɔrebɔde koko ne ne sɔre nifa ye mo de no. 19 Biribiara a Israelfo de bebre Awurade a wobefi afɔrebɔ kronkron

mu ayi ato hɔ no, mede ma wo ne wo mmabarima ne wo mmabea se mo kyefa afeboɔ. Eyɛ ahyɛde a ɛda mo ne Awurade ne mo asefo ntam daa nyinaa.” 20 Awurade ka kyereɛ Aaron se, “Morennya agyapade biara mfi wɔn asase mu, na morennya kyefa biara mfi wɔn mu; mene mo kyefa ne mo agyapade wɔ Israelfo no mu. 21 “Mede Israel ntotoso du du no nyinaa ma Lewifo no se wɔn agyapade de retua wɔ som a wɔsom wɔ Ahyiaɛ Ntamadan no mu no so ka. 22 Efi nne reko, Israelfo no nni ho kwan se wɔben Ahyiaɛ Ntamadan no mu; anyɛ saa a, wobesoɔ wɔn bɔne ho asodi ama wɔawuwu. 23 Lewifo no nko ara na wɔbeyɛ adwuma wɔ hɔ, na wɔasoɔ mfomso biara a wɔbeyɛ no ho asodi. Eyɛ mmara a ɛda hɔ afeboɔ ma awo ntoatoaso a ebɛba no. Wɔrennya agyapade biara wɔ Israelfo no mu. 24 Mmom, ntotoso du du a Israelfo no de ba se Awurade afɔrebode no na mede rema Lewifo no. Eno nti na meka faa wɔn ho se: ‘Wɔrennya agyapade wɔ Israelfo no mu no.’” 25 Awurade ka kyereɛ Mose se, 26 “Ka kyere Lewifo no se, ‘Se munya ntotoso du du a mede rema mo se mo agyapade no fi Israelfo no nkyen a, momfa nkyemu du mu baako mmre Awurade se n’afɔrebode. 27 Na Awurade begye no se mo afɔrebode a efi mo awiporowbea anaa nsa a efi mo nsakyi amoa mu. 28 Saa ɔkwan yi so na mobefa de mo afɔrebɔ a efi ntotoso du du a mubenya a fi Israelfo no nkyen no abre Awurade. Mumfi ntotoso du du yi mu mfa Awurade kyefa no mma ɔsofo Aaron. 29 Biribiara a wɔde bema mo no, momfa emu nea eye pa ara na eyɛ kronkron no mma Awurade.’ 30 “Ka kyere Lewifo no se: ‘Se mode emu nea eye pa ara no ba a, wɔbefa no se nea efi mo ankasa mo awiporowbea anaa mo nsakyibea hɔ. 31 Mo ne mo fifo betumi adi nkae no wɔ baabiara a mope, efise eyɛ mo adwuma a moye no wɔ Ahyiaɛ Ntamadan mu no so akatua. 32 Se mode emu nea ɛso ani no ba a, munni eyi ho afɔbu; saaye remma mungu Israelfo no afɔrebɔ kronkron no ho fi, na morenwuwu.”

19 Awurade ka kyereɛ Mose ne Aaron se, 2 “Eyi ye mmara a ɛse se wodi so a Awurade ahyɛ: Ka kyere Israelfo se wɔmfa nantwi ba bere kɔkɔɔ a onnni dem na ɔntwee nneema da mmre me. 3 Momfa no mma ɔsofo Eleasar na ɔde no beko atenae no akyi baabi na wɔakum no wɔ n’anim. 4 Na ɔsofo Eleasar de ne nsateaa bebɔ mogya no mu na ɔde apete Ahyiaɛ Ntamadan no anim mpen ason. 5 Afei, ɔbehwe ama obi ahyew nantwi ba no. Wɔbehew ne ho nhoma,

ne nam, ne mogya ne ne nsono. 6 Na egu so rehyew no, Eleasar befa sida dua, adwere ne asaawa kɔkɔɔ na watow agu nantwi ba bere a wɔrehyew no so. 7 Eyi akyi no, ɛse se ɔsofo no horo ne ntade na oguare. Afei obetumi aba atenae hɔ, nanso ne ho rentew kosi anwummere. 8 Onipa a ɔhyew aboa no nso, ɛse se ɔhoro ne ntade na oguare, na ɔno nso ho rentew kosi anwummere. 9 “ɔbarima a ne ho nguɔ fi no besesaw aboa a wɔhyew no no nsɔ de akogu atenae no akyi baabi a ɛhɔ ye kronkron. ɛse se Israelfo no de sie na wɔde agu wɔn ahodwira nsu mu; eyɛ nea wɔde dwira wɔn ho fi bɔne ho. 10 Onipa a ɔbeboaboa nantwi ba no nsɔ no ano no nso, ɛse se ɔhoro ne ntade, na ɔno nso ho rentew kosi anwummere. Eyi beyɛ mmara a ebetena hɔ afeboɔ ama Israelfo no ne ahɔho a wote wɔn mu no nyinaa. 11 “Obiara a obeso onipa funu mu no ho begu fi nnanson. 12 Na ne nnansa ne ne nnanson so no, ɛse se ɔde nsu dwira ne ho ma ne ho tew. Se wannwira ne ho nnansa ne nnanson so a ne ho rentew. 13 Wɔn a woso nnipa funu mu na wonnwira wɔn ho no, wogu Awurade Ntamadan no ho fi. ɛse se woyi saa nnipa no fi Israelfo mu. Esiane se wɔamfa ahodwira nsu no bi ampete wɔn ho no nti, wɔn ho ntew; wɔn ho a agu fi no da so wɔ wɔn so. 14 “Se obi wu wɔ ntamadan mu a, ɛho mmara ni: Obiara a obewura saa ntamadan no mu ne wɔn a wɔwɔ mu dedaw ansa na onipa no rewu no nyinaa ho begu fi nnanson, 15 na ade biara a enni mmuasɔ na wɔde asa no nso ho begu fi. 16 “Se obi a ɔwɔ abɔnten de ne nsa ka obi a ɔwɔ wɔ afoa ano funu anaase obi a ɔnye ɔtofo funu, anaase obi de ne nsa ka onipa dompe anaa ɔda a, ne ho begu fi nnanson. 17 “Nea ne ho agu fi no, fa ahodwira nsɔ no bi gu kuruwa mu na hwie nsu gu so. 18 Na obi a ne ho tew no mfa adwere mmo nsu no mu mpete ntamadan no so ne nkuku ne nkaka a ɛwɔ ntamadan no mu no nso so ne obiara a na ɔwɔ ntamadan no mu a ne ho agu fi no so. Saa ara nso na obi a osoo dompe mu anaa obi a wokum no anaa nea ɔde ne ho aka ɔda no nso, wodwira ne ho. 19 Wɔye eyi ne nnansa ne ne nnanson so. Na nea ne ho agu fi no nso, ɛse se ɔhoro ne ntade na oguare, na saa anwummere no ne ho betew. 20 Nanso se wɔn a wɔn ho agu fi na annwira wɔn ho a, ɛse se wotwa wɔn asu, efise wɔagu Awurade kronkronbea hɔ ho fi. Wɔmfaa ahodwira nsu mpetee wɔn so ɛ, na wɔn ho ntew. 21 Eyi ye mmara a ebetena hɔ afeboɔ ama wɔn. “Onipa a obetu ahodwira nsu no apete no nso, ɛse se ɔhoro ne

ntade, na obiara a ɔde ne nsa beka ahodwira nsu no nso ho begu fi akosi anwummere. **22** Na biribiara a obi a ne ho agu fi no beso mu no nso ho begu fi akosi anwummere.”

20 Israelfo no nyinaa duu Sin sare so ɔsram a edi kan no mu, na wɛtenaa Kades. Eɛ ho na Miriam wu maa wosiee no. **2** Na nsu a wɛbenom nni ho nti, nnipa no sɛre tiaa Mose ne Aaron. **3** Nnipa no ne Mose hamee se, “Sɛ yɛne yɛn nuanom wuwuu wɔ Awurade anim a anka yɛpɛ. **4** Aden nti na mode Awurade man ne yɛn nguan ne yɛn anantwi aba sare yi so sɛ yemmewuwu? **5** Aden nti na muyii yɛn fii Misraim de yɛn baa asase bone yi so? Borɔdɔma, atoko ne bobe nni asase yi so. Nsu a yɛbenom nso nni ha.” **6** Mose ne Aaron fii dɔm no ho kɔɔ Ahyiae Ntamadan no ano de wɔn anim butubutuw fam wɔ Awurade anim; na wohuu Awurade anuonyam. **7** Na Awurade ka kyereɛ Mose se, **8** “Fa abaa no na wo ne wo nua Aaron mfrɛ nnipa no nyinaa. Wɔrehwe mo no, kasa kyere ɔbotan no na nsu befi mu aba. Mubenya wɔn nsu a ebeso wɔn ne wɔn anantwi afi ɔbotan no mul!” **9** Mose yɛɛ nea Awurade hyɛɛ no. Ɔfaa abaa no fii baabi a wɔde asie wɔ Awurade anim. **10** Mose ne Aaron frɛɛ nnipa no nyinaa ma wobehyiaa wɔ ɔbotan no anim na Mose ka kyereɛ wɔn se, “Atuategwo, muntie! Yemma nsu mfi saa ɔbotan yi mu mmra ana?” **11** Afei Mose maa ne nsa so de abaa no bɔɔ ɔbotan no mprenu maa nsu bebreɛ fii mu ba maa nnipa no ne wɔn anantwi nomee. **12** Nanso Awurade ka kyereɛ Mose ne Aaron se, “Esiame sɛ moannya me mu ahotoso anhye me anuonyam sɛ ɔkronkronni wɔ Israelfo no ani so nti, moremfa wɔn nkɔ asase a mede rema wɔn no so.” **13** Wɔfrɛɛ beaɛ ho Meriba a ase ne: Atuategwo Nsu, efise eɛ ho ne baabi a Israelfo tew Awurade atua, na eɛ ara nso na Awurade daa ne ho adi kyereɛ wɔn sɛ ɔyɛ ɔkronkron. **14** Mose somaa abofo fii Kades kɔɔ Edomhene nkyen sɛ wɔnkɔka nkyere no se: “Sɛɛ na wo nua Israelfo reka: Wunim abebrese a yeafa mu no nyinaa. **15** Yɛn agyanom kɛtenaa Misraim, yetenaa ho mfe bebreɛ. Misraimfo no yɛɛ yɛne yɛn agyanom ayayade, **16** nanso yesu frɛɛ Awurade no, otieɛ yɛn na ɔsomaa ɔbofo ma obeyii yɛn fii Misraim. “Mprenpren yewɔ Kades wɔ mo asase hye so. **17** Yesre mo se, ma yentwa mu mfa wo man yi mu. Yebɛhwe yiye sɛ yɛremfa mo mfuw ne mo bobe nturo mu. Na mpo, yɛrennom mo abura mu nsu. Yebɛfa Ɔhene Tempon so na yɛremfi so kosi sɛ yɛbetra wo hye no.” **18** Nanso Edomhene buae

se, “Mommfa m’asase so, anyɛ saa a mede asraafo ne afoa betua mo ano!” **19** Israelfo no buae se, “Owura, yɛbɛfa ɔtempon no so. Sɛ yɛn nyemmoa nom mo nsu a, yebetua ka. Yɛpɛ sɛ yetwa mu wɔ mo asase so na yɛnni adwemmɔne bi.” **20** Nanso Edomhene buae se, “Mommfa yɛn asase so!” Ɔboaboaa n’akofo ano de wɔn kɔɔ ɔhye no so. **21** Esiane sɛ Edom amma wɔn kwan amma Israelfo no amfa wɔn man mu no nti, wɔman faa nkyɛn. **22** Israelfo no nyinaa fii Kades kɔɔ Bepɔw Hor so. **23** Awurade ka kyereɛ Mose ne Aaron wɔ Bepɔw Hor a ewɔ Edom hye so no se, **24** “Bere adu sɛ Aaron wu, na ɔrenko asase a mede ama Israelfo no so bi, efise mo baanu no tew m’ahyede ho atua wɔ Meriba nsu no ho. **25** Fa Aaron ne ne babarima Eleasar kɔ Bepɔw Hor so. **26** Eɛ ho na wubeyi Aaron asɔfotade no de ahyɛ ne babarima Eleasar. Eɛ ho na Aaron bewu na watoa n’agyanom.” **27** Mose yɛɛ nea Awurade hyɛɛ no no. Wɔn baasa nyinaa kɔɔ Bepɔw Hor so a nnipa no nyinaa hwe wɔn. **28** Mose yii Aaron asɔfotade no de hyɛɛ ne babarima Eleasar, na Aaron wuu wɔ Bepɔw no apampam. Na Mose ne Eleasar san fii Bepɔw no so bae, **29** na nnipa no tee Aaron wu no, Israelfo no suu no adaduasa.

21 Arad hene a ɔyɛ Kanaanni a ɔte Negeb tee sɛ Israelfo nam Atarim kwan so reba no, ɔboaboaa n’akofo ano kotow hyɛɛ Israelfo no so kyekyeree ebinom nnommum. **2** Afei, Israelfo no kaa ntam kyereɛ Awurade se, “Sɛ wode saa nnipa yi bɛhyɛ yɛn nsa a, anka yɛbegu wɔn nkurow akese no.” **3** Awurade tieɛ wɔn adesre no na ɔde Kanaanfo no maa wɔn. Israelfo no sɛɛɛ wɔn ne wɔn nkurow akese pasaa; wɔtoɔ ho din Horma a ase ne “Ɔsɛɛ.” **4** Afei, Israelfo no fii Bepɔw Hor so de wɔn ani kyereɛ Po Kɔkɔ sɛ wobetwa dantaban afa Edom ho. Nanso wɔreko no nipa no aba mu bui; **5** wonwiinwii tiaa Onyankopɔn ne Mose se, “Aden nti na moayi yɛn afi Misraim de yɛn aba sɛ yemmewuwu wɔ sare yi so? Aduan nni ha! Nsu nni ha! Yɛmpɛ saa awerchow aduan yi!” **6** Enti, Awurade maa awɔ a wɔn ano wɔ bore yiye kɔkekaa wɔn mu bebreɛ ma wowuwui. **7** Na nnipa no baa Mose nkyen besreɛ se, “Yeaye bone, efise yeakasa atia Awurade ne wo. Bɔ mpae kyere Awurade na awɔ no nkɔ.” Enti Mose bɔɔ mpae maa nnipa no. **8** Awurade ka kyereɛ Mose se, “Fa kɔbere ye saa awɔ yi mu baako seso na fa no sen abaa tenten bi so, na sɛ awɔ no bi ka obi na ɔhwe no a, ɔrenwu.” **9** Enti Mose yɛɛ ɔwɔ seso no, de sen dua tenten so. Na obiara a ɔwɔ no bi beka no no,

se oma n'ani so hwe no a, onwu. **10** Israelfo no fi ho no, wotoaa won akwantu no so koo Obot kotenaa ho. **11** Afei, wotoaa so koo Iye-Haabarim wo sare so wo Moab apuei fam. **12** Wofi ho no, wotoaa so koo asuwa Sered Subon mu koooben atenae wo ho. **13** Afei, wotu fii ho koo Asubonten Arnon nkyen ho baabi a wone Amorifo bo hye. Asubonten Arnon na eye ohye a eɗa Moabfo ne Amorifo ntam. **14** Eno nti na, woka wo Awurade akodi nhoma no mu se, asubonten Arnon subon ne kurow Waheb **15** da Amorifo ne Moabfo ntam. **16** Israelfo no fi ho toaa won akwantu no so koo Beer a ase ne "Abura." Eha na Awurade ka kyeree Mose se, "Frefre nnipa no nyinaa bra na mema won nsu." **17** Eho na Israelfo too dwom yi, "Tue Ao, Abura! To ho dwom! **18** To dwom fa abura a mmapomma tutu no ho, se nnipa mu akunini na wotitii mu; akunini a wokura ahempeaw ne pema." Afei, Israelfo no fii sare no so kofaa Matana, **19** Nahaliel ne Bamot, **20** na wokoo Pisga atifi a ewo Moab bon no mu, baabi a wugyina a wuhu asase tamaa no. **21** Israelfo no tuu abofo ma wode nkra koma Amorihene Sihon se: **22** "Momma yentwa mu mfa mo man yi mu. Yebefa otempo no so tee, na yeremfi so kosi se yebetra mo hye. Yerentiatia mo nnobae so, yeremfa yen nsa nka mo bobo nturo, na yerennom mo abura mu nsu kosi se yebefi mo man no mu." **23** Nanso ohene Sihon ampene so. Na mmom, oboabooa n'akofo ano kotow hyee Israelfo no so wo sare so ho ne won koo wo Yahas. **24** Nanso Israelfo no kunkum won faa won asase a efi Asubonten Arnon kosi asu Yabok ho toaa so kosii Amorifo ahye so a na bamm wo ho no. **25** Israelfo no faa Amorifo no nkurow akese nyinaa a Hesbon kuropon ne ne nkuraase nyinaa ka ho tenaa mu. **26** Na Hesbon ye Amorihene Sihon kuropon. Sihon na da bi oko tiaa Moabhene faa ne nsase nyinaa besii Asubonten Arnon no. **27** Ne saa nti, tete anwensem kyerewo kyerew eyi faa ne ho se, "Bra Hesbon, Sihon kuropon, yenkyekye na ensi ne dedaw mu. **28** "Ogya turuw fii Hesbon Ogyaframa fii Sihon ahenkurow mu, Ehyew Ar kuropon a ewo Moab; esee kurowmma a woko Arnon mmepow so. **29** Ao Moabfo, mo see beba mu! Wawie mo, mo a mosom Kemos! Wagyaw ne mmabarima se atutenafo, Ne ne mmabea se Amorihene Sihon nnommum. **30** "Yeatu won agu, efi Hesbon tonn kosi Dibon. Yeasee won ara akosi Nofa De ko ara kosi Medeba." **31** Enti Israelfo no tenaa Amorifo asase no so. **32** Mose somaa akwansrafo se wonkorsrasa Yaser fa mu ho. Ode asrafo toaa won, faa

won nkurow nyinaa, pam Amorifo no. **33** Afei, wode won ani kyeree kurow kese Basan, nanso Basanhene Og de n'asrafo hyiaa won wo Edrei. **34** Awurade ka kyeree Mose se, "Nsuro no, efise mede n'asrafo ne n'asase nyinaa ahye wo nsa. Ye no senea woyee Amorihene Sihon a odii Hesbon so no." **35** Israelfo dii nkonim na wokum ohene Og ne ne mmabarima ne ne nkurofo nyinaa a anka won mu baako mpo. Na Israelfo no faa n'asase no.

22 Afei, Israelfo no koo Moab tataw so kotenaa Asubonten Yordan apuei fam a eho ne Yeriko di nhweanim no. **2** Sipor babarima Balak huu nea Israelfo aye Amorifo no nyinaa, **3** na Moab huu Israelfo dodow a woko ho no, one ne nkurofo bo huboa. **4** Moabfo no ka kyeree Midian mpanyimfo no se, "Saa dom yi bewe biribiara a ewo ha no, senea nantwi we sare." Enti Sipor ba Balak a na oye Moabhene saa bere no **5** somaa nnipa ma woko Beor babarima Balaam nkyen wo Petor a eben Asubonten Eufate ho. Balak kae se, "Nnipadom bi fi Misraim aba. Wokata asase ani nyinaa na wabetena aben me. **6** Mesre wo, bra na bedome won ma me, efise woye den sen me. Ebia ebema matumi adi won so nkonim na mapam won afi asase no so. Efise minim nhyira a eba won a wuhyira won no so, na minim mmusu a eba won a wodome won no so nso." **7** Moab ne Midian mpanyimfo no fii ho a na wokita sika a wode rekotua Balaam ka ama wadome Israelfo no. Enti woko Balaam nkyen koka nea ehia Balak no kyeree no. **8** Balaam kae se, "Monna mma ade nkye mo. Ade kye a, nea Awurade bekyere me se menye no, meka akyere mo." Enti Moab mpanyimfo no dae. **9** Anadwo no, Onyankopon baa Balaam nkyen bebisaa no se, "Saa nnipa yi ye hefo?" **10** Obuae se, "Wode nkra afi Moabhene Balak nkyen abre me se: **11** Nnipadom bi fi Misraim aba ne hye so. Enti bra na bedome won senea ebeye a metumi ne won ako apam won." **12** Onyankopon ka kyeree Balaam se, "Nko. Ense se wodome won, efise mahyira won!" **13** Ade kyee anpa no, Balaam ka kyeree Balak nkurofo no se, "Monsan nko fie! Awurade ampene se me ne mo nko." **14** Enti Balak mpanyimfo no san bebbo amannee se, "Balaam ne yen amma." **15** Balak somaa nnipa dodow pa ara a anuonyamfo a wokyen kan dom no fra won mu. **16** Wobaa Balaam nkyen beka kyeree no se, "Senea Sipor ba Balak se ni, Mma biribiara nsiw wo kwan se wobeba me nkyen, **17** efise metua wo ka yiye. Bra na bedome saa nnipa no ma

me.” **18** Nanso, Balaam buae se, “Se Balak ma me dwete ne sikakokoo a ewo n’ahemfi ho nyinaa mpo a, merentumi nye biribiara mmu saa ahyede a Awurade a oye me Nyankopon no ahye no so. **19** Nanso, monna ha mma ade nkye na yenhwɛ se Awurade beka asem foforo bi aka nea waka dedaw no ho anaa.” **20** Anadwo no, Onyankopon ka kyereɛ Balaam se, “Esiame se nnipa no abefre wo no nti, Sore na wo ne saa nnipa no nko na mmom, hwe yiye na ye nea mekyere wo se ye no nko ara.” **21** Ade kyee anopa no, ohyehyee n’afurum, tenaa ne so ne Moab mpanyimfo no sii mu. **22** Nanso, Onyankopon bo fuw Balaam ahopere a ode koe no; enti osomaa Awurade bofo ma ogyinaa akwantemfi se onsiw no kwan. Na Balaam te n’afurum so a n’asomfo baanu ka ne ho. **23** Afurum no huu Awurade bofo no se okura afoa gyina kwan no mfimfini no, oman faa wuram. Balaam hwee no senea ebeye a obefa okwan no so. **24** Na Awurade obobo no gyina okwan hiahiaa bi a ewo bobeturo afasu abien ntam. **25** Bere a afurum no huu Awurade bofo no, otwerii ofasu no ho maa Balaam nan pemee. Enti Balaam san hwee aboa no. **26** Afei, Awurade bofo no koo n’anim kogyinaa baabi a eho kyere pa ara a na afurum no nnya baabi nnan ne ho mfa nifa anaa benkum. **27** Enti obutuɔw okwan no mu. Balaam bo fuw yiye ma ode abaa no hwee no. **28** Afei, Awurade buɛe afurum no ano, na obisaa Balaam se, “Maye wo den na nti a wohwe me mprensa saa?” **29** Balaam nso buaa no se, “Woama maye okwase! Na se mikura afoa a, anka mekum wo mprenpren.” **30** Afurum no nso bisaa no se, “Menye w’afurum a woatena me so daa de abesi nne? So maye seɛ pen?” Obuae se, “Dabi.” **31** Afei, Awurade buɛe Balaam ani ma ohuu osoro bofo no se watwe afoa gyina okwan no mfimfini. Enti ode n’anim butuw fam. **32** Awurade bofo no bisaa no se, “Aden nti na woahwe w’afurum no mprensa saa? Maba se merebesiw wo kwan, efise w’akwan mu no wunni ahweyie wo m’anim. **33** Afurum no huu me a oman faa nkyen mprensa. Se wamman a, anka mekum wo na magyaa no.” **34** Balaam ka kyereɛ Awurade bofo no se, “Mafom. Na minnim se wugyina okwan no mu a worebesiw me kwan. Se w’ani nnye ho a mesan ako.” **35** Awurade bofo no ka kyereɛ no se, “Wo ne nnipa no nko, nanso asem a meka akyere wo no nko ara na ka.” Enti Balaam ne Balak mpanyimfo no koe. **36** Bere a Balak tee se Balaam reba no, ofii kurow no mu kohyiaa no wo Moabfo kurow mu wo Arnon hye so, wo n’asase ano. **37** Balak bisaa Balaam

se, “Mamfre wo ohare so ana? Aden nti na woamma me nkyen? So merentumi ntua wo ka ana?” **38** Balaam buae se, “Ewo mu se maba de, nanso merentumi nka nea mepe biara. Asem a Onyankopon de behye m’ano no nko ara na ese se meka.” **39** Balaam kaa Balak ho ne no koo Kiria-Husot. **40** Balak kum anantwi ne nguan boo afore na ode mmoa no bi maa Balaam ne ne mpanyimfo a woka ne ho. **41** Ade kyee anopa no, Balak faa Balaam de no koo Bamot-Baal atifi. Ofi ho too n’ani huu se Israelfo no sam won atenae ho.

23 Balaam ka kyereɛ ohene no se, “Si aforemuka ason wo ha, na siesie anantwinini ason ne adwennini ason ma me.” **2** Balak yee senea Balaam kae no, na won baanu no de nantwinini ne odwennini boo aforemuka no biara so afore. **3** Afei Balaam ka kyereɛ Balak se, “Tena w’afore no ho na mereko nkyen. Ebia na Awurade beba abehyia me, na nea obeda no adi akyere me biara no meka akyere wo.” Enti, oforo koo sorosoro baabi a eho ye petee. **4** Eho na Onyankopon hyiaa no ma okae se, “Masiesie aforemuka ason, na mede nantwinini ne odwennini abo afore wo biara so.” **5** Awurade de asem hyee Balaam anom se, “San ko Balak nkyen na koka asem yi kyere no.” **6** Osan bae no obetoo no se one Moab mpanyimfo no nyinaa gynyagyna afore no ho. **7** Na Balaam hyee ne nkɔm: “Balak soma befreɛ me fii Aram, Moabhene freɛ me fii apuei fam nkoko so. Okae se, ‘Bra bedome Yakob ma me; bra beka mmususem gu Israel so.’” **8** Ebeye den na matumi adome won a Onyankopon nnome e? Ebeye den na matumi aka mmususem agu won a Awurade mmu won fo so? **9** Mihi won fi obotan atifi; mehwe won fi nkoko so. Mihi nnipa a woatew won ho a wommu won ho se woye aman no bi mu nnipa. **10** Hena na obetumi akan Yakob mfutuma, anaa obekan Israelfo nkyemu anan mu baako? Ma minwu atreneefo wu, na m’awiei nye se won de.” **11** Balak bisaa Balaam se, “Den na woaye me yi? Mede wo baa se bedome m’atamfo, nanso woahyira won mmom!” **12** Obuae se, “So ense se meka nea Awurade de ahye m’ano no ana?” **13** Afei, Balak ka kyereɛ no se, “Bra na yenko baabi foforo a yebehu won; worenhu won nyinaa, gye won atenae no nkyen nkyen. Gyina ho na dome won ma me.” **14** Enti ode no koo Sofim bepɔw Pisga atifi. Osii aforemuka ason wo ho na ode nantwinini ne odwennini boo afore afore wo aforemuka biara so. **15** Balaam ka kyereɛ Balak se, “Tena w’afore no ho wo ha na me nso merekohyia Awuradewo ho.” **16**

Awurade hyiaa Balaam na ɔde asem hyee n'anom se, "San kɔ Balak hɔ na kɔka asem yi kyere no." 17 Enti ɔsan ba betoo no no se ogyina n'afɔre no ho a Moab mpanyimfo no ka ne ho. Balak bisae se, "Awurade aka den?" 18 Na ɔhyee ne nkɔm: "Balak, sɔre na tie; Sipor babarima tie me. 19 Onyankopɔn nye onipa na wadi atoro; ɔnye onipa na wasesa n'adwene. ɔka asem a ɔnye ana? Wahye bɔ bi pen a wanni so ana? 20 Wɔahye me se minhyira; wahyira, na merentumi nnan ani! 21 "Wonhu ɔyawdi bi wɔ Yakob mu, wonhuu awerhowdi biara wɔ Israel mu. Awurade, wɔn Nyankopɔn ka wɔn ho; ɔhene ka wɔn ho! 22 Onyankopɔn yii wɔn fii Misraim; ɔte se nantwi hoodenfo ma wɔn. 23 Nnome biara mmaa Yakob so e, mmusu biara nni Israel so. Afei, wɔbeka afa Yakob ne Israel ho se, 'Hwe nea Onyankopɔn aye!' 24 Nnipa no sɔre se gyatabere. Wɔwosow wɔn ho se gyata a onnye n'ahome de kosi se ɔbetetew nea wakyere no no nam pasaa na ɔnom nea wakyere no no mogya." 25 Na Balak ka kyeree Balaam se, "Se worennome wɔn a, eno de nhaira wɔn koraa." 26 Balaam buaa no se, "Manka ankyere wo se nea Awurade beka biara na meye ana?" 27 Afei, Balak ka kyeree Balaam se, "Bra mma memfa wo nko baabi foforo. Ebia, eho beye aniso ama Onyankopɔn se wubegyina ho adome wɔn." 28 Na Balak faa Balaam de no kɔ bepow Peor a ani kyere nweatam no atifi pɛe no so. 29 Bio, Balaam kae se, "Si afɔremuka ason na siesie anantwinini ason ne adwennini ason ma me." 30 Balak yee nea Balaam kae no, enti ɔde nantwinini ne odwennini bɔ afɔre wo afɔremuka no biara so.

24 Afei, Balaam huu se esɔ Awurade ani se ohyira Israel no, wankɔ abisa senea ɔtaa ye no; mmom, ɔtoo n'ani hwɛe sare no so. 2 Bere a Balaam huu se Israelfo no abobo wɔn atenae senea wɔn mmusuakuw te no, Onyankopɔn honhom baa ne so, 3 na eyi ne nkɔmhye a ɔmae: "Beor ba Balaam nkɔmhye, nkɔmhye a efi obi a n'ani hu ade yiye, 4 nea ɔte Onyankopɔn nsem nkɔmhye; nea onya anisoadehu a efi Otumfo no ho; na ɔda fam, a n'ani hu ade: 5 "Yakob, mo ntamadan ye fe, Israel, mo atenae ye ahomeka! 6 "Etrɛtrɛw se abon, se nturo a ewɔ asubɔnten ho. Wɔte se pɛpre a Awurade adua, te se sida a esisi nsu ho. 7 Nsu besen afi wɔn ahina mu. Wɔn aba benya nsu ama aboro so. "Wɔn hene beye kese asen Agag; wɔn ahenni bekorɔn. 8 "Onyankopɔn de wɔn fii Misraim na ebae; wɔwɔ ahɔɔden se wuram nantwi. Wɔsee atirimɔdenfo

aman na wobubu wɔn nnompe mu asinasin, wɔde wɔn bemma wowɔ wɔn. 9 Wobutuwa da se gyata; te se gyatabere, hena na obetumi agyigyɛ wɔn? "Wobehyira wɔn a wohyira wo, na wɔbedome wɔn a wɔdome wo." 10 Balak bo fuw Balaam. ɔbɔɔ ne nsam guu ne so kae se, "Mefrɛe wo se bedome m'atamfo, nanso woahyira wɔn mprensa yi nyinaa. 11 Fi ha kɔ wo nkyi ntem! Mekae se mekye wo ade a esom bo nanso, Awurade amma woannya akyede no." 12 Balaam buaa no se, "So manka ankyere abofo a wosomaa wɔn baa me nkyen no se, 13 'Se Balak ma me dwete ne sikakɔkɔ a ewɔ n'ahemfi ho nyinaa koraa a, minni tumi se meye biribi atia Awurade ahyede, se eye papa anaa bɔne.' Mmom nea Awurade aka no nko ara na ese se meka. 14 Afei, meresan akɔ me nkurofo nkyen. Nanso ma menka nea Israelfo no beye wo nkurofo no daakye no nkyere wo." 15 Eyi ne nkɔmhye a Balaam de mae: "Beor ba Balaam nkɔmhye, nkɔmhye a efi ɔbarima a n'ani hu ade yiye, 16 nea ɔte Onyankopɔn nsem no nkɔmhye, nea ɔwɔ nimdee a efi ɔsorosoroni no ho, nea onya anisoadehu a efi Otumfo no ho, na ɔda fam, a n'ani hu ade no: 17 "Mihu no, nanso enye mprenpren; mehwe no, nanso ɔmmen. Nsoromma bepue afi Yakob mu; ahempema bepue afi Israel mu. ɔbedwerew Moabfo ti, Moabfo nyinaa tikora. 18 Wɔbɛfa Edom, na Seir a ɔye ne tamfo no, wobedi ne so nkonim, na Israel bekɔ so aye den. 19 ɔhene bi besɔre wɔ Yakob mu ɔno na ɔbesee kurow no mu nkaefo." 20 Afei, Balaam hwɛe Amalekfo na ɔhyee nkɔm: "Amalek na na ɔye aman nyinaa abakan, nanso n'awiei beye ɔsee pasaa." 21 Afei, ohuu Kenifo, na ɔhyee ne nkɔm: "Mo atenae wo bammɔ, wɔanwen mo berebuw wɔ abotan mu; 22 Nanso wɔbesee mo Kenifo bere a Asur fa mo nnommu no." 23 Afei ɔhyee ne nkɔm: "Aa! Se Onyankopɔn ye see a, hena na ɔbetena nkwa mu? 24 Ahyen befi Kipro mpoano aba; wobedi Eber ne Asur so. Nanso wɔn nso, wɔbesee wɔn pasaa." 25 Afei, Balaam sɔree na ɔsan kɔ ne kurom, na Balak nso kɔ ne kwan.

25 Bere a Israelfo no tenaa Sitim no, wɔn mu mmarima no bi fii ase ne Moab mmea no bɔɔ aguaman de guu wɔn ho fi. 2 Saa mmea yi too nsa frɛe wɔn ma wɔkɔbɔɔ afɔre maa wɔn anyame. Wodii Moabfo anyame so afɔrebɔ nnuan na wɔkotow wɔn nso. 3 Enti Baal a ewɔ Peor no som beyee ɔhye maa Israelfo. Eyi maa Awurade bo fuw ne nkurofo no yiye. 4 Awurade ka kyeree Mose se, "Fa saa nnipa yi ntuanfo no nyinaa, kunkum wɔn na fa wɔn gu owia

so wɔ Awurade anim senea ebeye a, n'abufuwhyew no befi Israel so." 5 Enti Mose ka kyeree Israel atemmufɔ no no se, "Ese se mo mu biara kunkum mo nkurɔfo a wɔde wɔn ho akɔhye Baal a ewɔ Peor no ase no nyinaa." 6 Na Israelni bi de Midiani bea bi baa wɔn atenae hɔ maa Mose ne nnipa no nyinaa huu wɔn bere a na wogyinagyina Ahylae Ntamadan pon no ano retwa adwo no. 7 Bere a Pinehas a ɔye Eleasar babarima a na ɔye ɔsofo Aaron nena huu eyi no, ofii wɔn mu, kɔfaa peaw kita; 8 na odii Israelni no akyi kɔɔ ntamadan no mu. ɔde peaw no wɔɔ ɔbarima no san de wɔɔ ɔbea no yafunu mu. Enti ɔyaredɔm a na aba Israelfo no so no to twae; 9 nanso saa bere no, na nnipa mpem aduonu anan awuwu dedaw. 10 Awurade ka kyeree Mose se, 11 "Eleasar babarima Pinehas a ɔye ɔsofo Aaron nena ayi m'abufuw a fi Israelfo no so. Esiane se wako apere m'anuonyam wɔ wɔn mu senea mepɛ aye no nti, senea meyeɛ m'adwene se mɛseɛ Israelfo no, magyae. 12 Enti ka kyere no se, me ne no rebeye asomdwoe apam. 13 Saa apam yi mu, ɔno ne n'asefo beye asofo afeɔɔ, efise watwe me ho ninkunu wɔ Israelfo mu de aye mpata ama wɔn." 14 ɔbarima a wokum no ne Midiani bea no, na ne din de Simri a na ɔye Salu a otua Simeon abusuakuw ano no babarima. 15 ɔbea no nso, na ne din de Kosbi a na ɔye Midianhene babarima Sur babea. 16 Awurade ka kyeree Mose se, 17 "Tow hye Midianfo no so se atamfo na kunkum wɔn. 18 Efise wɔfaa mo se atamfo, na wɔdaadaa mo ma mo som Baal a ewɔ Peor, ne Kosbi a ɔye Midian ntuanoni babea, a wokum no wɔ Peor ɔyaredɔm da no."

26 ɔyaredɔm no akyi no, Awurade ka kyeree Mose ne ɔsofo Aaron babarima Eleasar se, 2 "Monkan Israelfo mmarima a wɔadi mfe aduonu ne nea eboro saa nyinaa na monhwe dodow a wobetumi akɔ ɔsa ama Israel wɔ abusua biara mu." 3 Enti Mose ne ɔsofo Eleasar kasa kyeree wɔn wɔ Moab tataw so, wɔ Asubɔnten Yordan ho a na wɔatra Yeriko no se, 4 "Monkan mmarima a wɔadi mfe aduonu ne nea eboro saa senea Awurade hyee Mose no." Eyinom ne Israelfo a wofi Misraim bae no: 5 Eyinom ne Yakob babarima panyin Ruben asefo: Hanokfo abusua, wɔde too wɔn tete agya Hanok; Palufo abusua, wɔde too a wɔn tete agya Palu; 6 Hesronfo abusua, wɔde too wɔn tete agya Hesron; Karmifo abusua, wɔde too wɔn tete agya Karmi. 7 Mmarima a na wɔwɔ Ruben mmusua nyinaa mu no dodow ye mpem aduanan abiesa ahanson

aduasa. 8 Na Palu ye Eliab babarima, 9 na Eliab mmabarima ne Nemuel, Datan ne Abiram. Saa Datan ne Abiram yi ara na wɔye nnipa no ntuanfo a wɔka Kora akyidifo a wɔyee adwene tiaa Mose ne Aaron, de buu Awurade animtiaa no ho. 10 Na asase mu bue menea wɔne Kora. Ogya fi Awurade nkyen besee wɔn akyidifo ahannu aduonum. Na wɔyee kɔkɔɔ nsɛnkyerenne. 11 Nanso Kora ase antɔre. 12 Eyinom ne mmusua a wofi Simeon ase: Nemuelfo abusua, wɔde too wɔn tete agya Nemuel. Yaminfo abusua, wɔde too wɔn tete agya Yamin. Yakinfo abusua, wɔde too wɔn tete agya Yakini. 13 Serafo abusua, wɔde too wɔn tete agya Serah; Saulfo abusua, wɔde too wɔn tete agya Saulo. 14 Mmarima a na wɔwɔ Simeon mmusua mu nyinaa dodow ye mpem aduonu abien ne ahannu. 15 Eyinom ne mmusua a wɔye Gad asefo: Sefonfo abusua, wɔde too wɔn tete agya Sefon; Hagifo abusua, wɔde too wɔn tete agya Hagi; Sunifo abusua no, wɔde too wɔn tete agya Suni; 16 Osnifo abusua, wɔde too wɔn tete agya Osn; Erifo abusua, wɔde too wɔn tete agya Eri; 17 Arodfo abusua, wɔde too wɔn agya Arod; Arelifo abusua, wɔde too wɔn tete agya Areli. 18 Mmarima a na wɔwɔ Gad mmusua mu no dodow ye mpem aduanan ne ahannum. 19 Na Yuda wɔ mmabarima baanu a wɔn din de Er ne Onan a wowuwuu wɔ Kanaan asase so. 20 Yuda asefo mmusua a edidi so yi: Selafo abusua, wɔde too wɔn tete agya Sela; Peresfo abusua, wɔde too wɔn tete agya Peres; Serafo abusua, wɔde too wɔn tete agya Serah. 21 Eyinom ne mmusua a wofi Peres ase. Hesronfo abusua, a wɔde too wɔn tete agya Hesron; Hamulfo abusua, wɔde too wɔn tete agya Hamul. 22 Mmarima a na wɔwɔ Yuda mmusua mu no nyinaa dodow ye mpem aduoson asia ne ahannum. 23 Eyinom ne mmusua a wofi Isakar ase: Tolafo abusua, wɔde too wɔn tete agya Tola; Puwafo abusua, wɔde too wɔn tete agya Puwa; 24 Yasubfo abusua, wɔde too wɔn tete agya Yasub; Simronfo abusua, wɔde too wɔn tete agya Simron. 25 Mmarima a na wɔwɔ Isakar mmusua no mu no nyinaa dodow ye mpem aduosia anan ne ahaasa. 26 Eyinom ne mmusua a wofi Sebulon ase: Seredfo abusua, wɔde too wɔn tete agya Sered; Elonfo abusua, wɔde too wɔn tete agya Elon. Yakleefo abusua, wɔde too wɔn tete agya Yakleel. 27 Mmarima a na wɔwɔ Sebulon mmusua no mu no nyinaa dodow ye mpem aduosia ne ahannum. 28 Enam Manase ne Efraim so na mmusua abien fii Yosef mu bae. 29 Manase asefo: Makirfo abusua, wɔde

too wɔn tete agya Makir; Gileadfo abusua, wɔde too wɔn tete agya, Makir babarima, Gilead. **30** Eyinom ne mmusua a wofi Gileadfo ase: Yeserfo abusua, wɔde too wɔn tete agya Yeser; Helekfo abusua, wɔde too wɔn tete agya Helek. **31** Asrielfo abusua, wɔde too wɔn tete agya Asriel; Sekemfo abusua, wɔde too wɔn tete agya Sekem; **32** Semidafo abusua, wɔde too wɔn tete agya Semida; Heferfo abusua, wɔde too wɔn tete agya Hefer. **33** Hefer babarima Selofehad annya mmabarima nanso na ɔwɔ mmabea a wɔn din de Mahla, Noa, Hogla, Milka ne Tirsa. **34** Mmarima a na wɔwɔ Manase mmusua no nyinaa mu dodow ye mpem aduonum abien ne ahanson. **35** Eyinom ne mmusua a wofi Efraim ase: Sutelafo abusua, wɔde too wɔn tete agya Sutela; Bekerfo abusua, wɔde too wɔn tete agya Beker; Tahanfo abusua, wɔde too wɔn tete agya Tahan. **36** Eyinom ne Sutela asefo: Eranfo abusua, wɔde too wɔn tete agya Eran. **37** Eyinom Efraim mmusua; wɔn dodow ye mpem aduasa abien ne ahannum. Eyinom ne mmusua a wɔye Yosef asefo. **38** Eyinom ne mmusua a wofi Benjamin ase. Belafo abusua no, wɔde too wɔn tete agya Bela; Asbelfo abusua no, wɔde too wɔn tete agya Asbel; Ahiramfo abusua no, wɔde too wɔn tete agya Ahiram; **39** Sufamfo abusua no, wɔde too wɔn tete agya Sufam; Hufamfo abusua no, wɔde too wɔn tete agya Hufam. **40** Eyinom ne mmusua a wofi Belafo mu; Ardfo a wɔde wɔn too wɔn tete agya Ard; Naamanfo a wɔde wɔn too wɔn tete agya Naaman. **41** Na mmarima a na wɔwɔ Benjamin mmusua no mu nyinaa dodow ye mpem aduanan anum ne ahansia. **42** Eyi ne abusua a efi Dan ase. Suhamfo abusua no, wɔde too wɔn tete agya Suham. Na Dan asefo no nyinaa ye Suhamfo. **43** Mmarima a na wɔwɔ saa mu no nyinaa dodow ye mpem aduosia anan ne ahannan. **44** Eyinom ne mmusua a wofi Aser ase: Yimnafo abusua no, wɔde too wɔn tete agya Yimna; Isuifo abusua no, wɔde too wɔn tete agya Isui; Beriafo abusua no, wɔde too wɔn tete agya Beria. **45** Eyinom ne mmusua a wofi Beria ase: Heberfo de wɔn ho too wɔn tete agya Heber; Malkielfo de wɔn ho too wɔn tete agya Malkiel. **46** Na Aser wɔ ɔbabea bi a ne din de Sera. **47** Mmarima a na wɔye Aser asefo no nyinaa dodow ye mpem aduonum abiesia ne ahannan. **48** Eyinom ne mmusua a wofi Naftali ase: Yakseelfo abusua no, wɔde too wɔn tete agya Yakseel; Gunifo abusua no, wɔde too wɔn tete agya Guni; **49** Yeserfo abusua no, wɔde too wɔn tete agya Yeser; Silemfo abusua no, wɔde too wɔn tete

agya Silem. **50** Mmarima a na wɔwɔ Naftali mmusua nyinaa mu no dodow ye mpem aduanan anum ne ahannan. **51** Nnipa dodow a wɔkan wɔn no ano si mpem ahansia ne baako ahanson aduasa. **52** Afei, Awurade ka kyerɛ Mose se, **53** “Kyekye asase no ma mmusua no sɛ wɔn agyapade, senea wɔn dodow te. **54** Ma abusua a ɛso no agyapade kese na abusua a ɛsua no agyapade ketewa. **55** Hwe sɛ wɔnam ntontobo so bekyekye asase no. Nea ɛsɛ sɛ kuw biara nya no begyina n’agyanom abusuakuw din dodow so. **56** Ɛsɛ sɛ wɔbo ntonto wɔ agyapade no kyekye so wɔ akuw akese ne nketewa no mu.” **57** Eyinom ne Lewifo a wɔnam wɔn mmusua so kan wɔn: Wɔde Gersonfo too wɔn tete agya Gerson. Wɔde Kohatfo too wɔn tete agya Kohat. Wɔde Merarifo too wɔn tete agya Merari. **58** Eyinom nso ye Lewifo mmusua: Libnifo, Hebronfo, Mahlifo, Musifo ne Korafo. Kohat ye Amram tete agya. **59** Bere a Lewi wɔ Misraim no, wɔwoo ɔbabea a ne din de Yokebed. Kehat babarima Amram waree no. Wɔn na wɔwoo Aaron, Mose ne Miriam. **60** Aaron woo Nadab, Abihu, Eleasar ne Itamar. **61** Nanso, bere a Nadab ne Abihu de ogya a ɛnye kronkron brɛ Awurade no, wowuwui. **62** Nnipakan no mu no, na Lewifo nyinaa dodow ye mpem aduonu abiesia. Wɔkan mmarima a wɔadi fi ɔsram kosi mpanyimfo so. Nanso, wɔammu Lewifo no ano anka Israel nnipakan no ho, efise wɔrekye nsase no ama mmusuakuw no, wɔamma Lewifo no bi. **63** Enti senea Mose ne ɔsofo Eleasar fa kyerɛ nnipa no ano wɔ Moab bepɔw a ɛben Asubɔnten Yordan a na wɔatwa Yeriko ne no. **64** Na saa nnipa yi mu biara nni hɔ a ɔfra wɔn a Mose ne Aaron kan wɔn wɔ Sinai sare so no mu. **65** Efise Awurade ka kyerɛ saa Israelfo no se wobewuwu wɔ sare no so. Anka wɔn mu biara, gye Yefune ba Kaleb ne Nun babarima Yosua.

27 Hefer a ɔye Manase ba, Mika ba, Gilead ba no babarima Selofehad a wofi Manase mmusua a efi Yosef ase no mmabea a wɔn din ne Mahla, Noa, Hogla, Milka ne Tirsa sɔree. **2** Wɔbaa Mose, ɔsofo Eleasar, mpanyimfo ne wɔn a wɔahyia wɔ Ahyiae Ntamadan no ano no nyinaa anim bekaa se, **3** “Yɛn agya wuu wɔ sare so nanso na ɔnka wɔn a wɔne Kora yeɛ dɔm tiaa Awurade a enti ɛma wowuwuu no ho. Ɔno ankasa bɔne nti na owui a wannyaw mmabarima. **4** Adɛn nti na ɛsiane se yɛn agya anwo ɔbabarima nti ne din ayera fi n’abusua mu? Momma yɛn yɛn agya abusua mu agyapade no bi.” **5** Enti Mose de wɔn asem too

Awurade anim. 6 Awurade buaa no se, 7 “Asem a Selofehad mmabea no ka no ye nokware. Ma won ne won agya nuanom no asase. Fa agyapade a se won agya no te ase a anka obenya no ma won. 8 “Ka kyere Israelfo no se se obi wu na onni mmabarima a ese se n’agyapade ko ne mmabea ho. 9 Na se onni obabea nso a, ese se agyapade no ko ne nuabarimanom nkyen. 10 Na se onni nuabarimanom a, eko ne wofanom nkyen. 11 Na se onni won mu biara bi a, eko ne busuani bi a oben no nkyen. Ese se Israelfo di saa mmara a Awurade hyee Mose no so.” 12 Awurade ka kyeree Mose se, “Ko bepɔw a ewɔ Abarim mmepɔw no so na hwe asase a mede maa Israelfo no. 13 Se wohwe wie a, wubewu senea wo nua Aaron wui no, 14 efise wɔsɔre tiaa me mmara wo Sin sare so ho, mo baanu no buu m’ahyede so na moanhye me anuonyam se okronkronni wo won ani so.” Na ɔretwe n’adwene aba Meriba nsu “Akoe” a ewɔ Kades a ewɔ Sin sare so no so. 15 Mose ka kyeree Awurade se, 16 “Awurade, Onyankopɔn a woye nnipa nyinaa honhom ti, yi obi ma onni dem yi anim 17 a ode won befi adi na ode won aba mu senea ebeye a Awurade nnipa renye se nguan a wonni ohwefo.” 18 Enti Awurade buaa Mose se, “Ko na kɔfre Nun babarima Yosua a ɔwo akanni honhom wo ne mu no, na fa wo nsa to no so. 19 Fa no ko ɔsofo Eleasar ne nnipa no nyinaa anim na fa ne dwumadi hye ne nsa. 20 Fa wo tumi no bi ma no senea ebeye a Israelfo nyinaa betie no. 21 Se wohia akwankyerɛ a efi Awurade ho a, Yosua begyina ɔsofo Eleasar anim, na ɔsofo Eleasar abɔ ntonto kronkron de abisa Awurade apede. Ono na obehye ama Israelfo no nyinaa afi adi na wahye ama wɔaba mu.” 22 Mose yee senea Awurade hyee no no. Ode Yosua kyeree ɔsofo Eleasar ne nnipa no nyinaa. 23 Na ode ne nsa guu no so, de n’adwuma hyee ne nsa senea Awurade nam ne so hyee no.

28 Awurade ka kyeree Mose se, 2 “Ka kyere Israelfo se, ‘Monhwe na momfa m’aduan afore mmre me wo ne bere ano se ehua a eso m’ani.’ 3 Ka kyere won se, ‘Eyi ne aduan afore a ese se mode bre Awurade: nguamma abien a wɔadi afe a dem nni won ho; momfa mmra se daa ohyew afore. 4 Momfa uguamma no baako mmɔ afore anɔpa na momfa obaako mmɔ anwummere, 5 na momfa aburɔw lita abien ne fa a wɔayam no muhumuhu na wode ngo lita baako afra nka ho. 6 Eyi ne ohyew afore a wofii ase wo Sinai Bepɔw so a ese se wɔbo no bere ano bere ano ma eyi hua. Eye aduan afore a wɔbo ma Awurade. 7 Ese se

wode onom aforebode a eye nsa a apae lita baako a uguamma ka ho ka aforebode no ho a wobehwie agu beae bi a eho ye kronkron wo Awurade anim. 8 Momfa uguamma a ɔto so abien no mmɔ afore anwummere a atoko ne nsa aforebo ka ho. Eno nso ye Awurade huam. Eye ohyew afore.’ 9 “Se edu homeda a, momfa nguantenmma a wɔadi afe a wonnii dem biara ne aforebode ahorow a ese se mode ka ho no mmɔ afore. Ese se atoko aforebode lita anan ne fa a wɔayam no muhumuhu de ngo afra a nsa ka ho saa ara na wode bo saa afore no. 10 Eyi ne ohyew afore a wɔbo no homeda biara de ka bere ano ohyew afore ne nsa afore ho no. 11 “Saa ara nso na da a edi kan wo ɔsram biara mu no, ese se mobɔ ohyew afore foforo bi ka ho de ma Awurade. Aforebode no beye nantwinini abien, Odwennini baako ne nguantenmma ason a wɔadi afe a wonnii dem biara. 12 Nantwinini biara no, ese se mode ka ho ne asikresiam lita asia ne fa a wɔayam no muhumuhu de ngo afra. Afei, mode asikresiam a wɔayam no muhumuhu lita anan ne fa a wode ngo afra bebo aburɔw afore a Odwennini no ka ho; 13 na uguamma biara nso, mode asikresiam lita abiesa. Eyi beye ohyew afore a eso ani, aduan afore a wɔbo ma Awurade. 14 Nantwi biara, nsa aforebode lita abien ka ho. Odwennini biara, nsa aforebode lita baako ne fa ka ho. Uguamma biara nso, nsa aforebode lita baako ka ho. Afe mu no, eyi na ebeye ohyew afore wo ɔsram biara mu. 15 Mo bere ano bere ano ohyew ne nsa aforebo akyi no, ese se mode ɔpapo bebo bone ho afore ma Awurade. 16 “Ese se mudi Awurade Twam Afahye no afe biara sram a edi kan no da a eto so dunan no so. 17 Da a edi so no, mubefi ase adi afahye; munnni brodo a mmɔkaw wo mu nnanson. 18 Afahye no da a edi kan no, nnipa no nyinaa bebo ahotew gua na obiara renye adwuma a eye den biara. 19 Momfa nantwimma anini abien, Odwennini baako ne nguantenmma ason a wɔadi afe a wonnii dem mmebo ohyew afore ama Awurade. 20 Mode esiam muhumuhu lita ason a wode ngo afra beka nantwi baako biara ho. Afei, mode esiam lita anum beka odwennini no ho, 21 na nguanten ason no biara nso, mode esiam lita abiesa aka ho. 22 Ese se mode ɔpapo bo bone ho afore se mpata ma mo ho. 23 Momfa saa aforebode yi nka nea daadaa mobɔ no ho. 24 Momfa saa kwan yi so mmɔ aduan afore da biara saa ara nnanson se ehua a eso Awurade ani; ese se mobɔ ka ohyew afore ne nsa afore a mobɔ daa no ho. 25 Da a eto so ason no, monye

nhyiamu kronkron na monnye adwuma a eye den biara. **26** “Aduankan da no a wofre no Nnaawotwe mu Afahye anaase Pentekoste no, ese se nnipa no nyinaa de kronkronye sononko hyia, de di Otwabere Afahye no. Da no, ese se mode mo mfuw mu nnobae oforo bebo Awurade aduan afore. Ense se moye adwuma a eye den biara. **27** Momfa nantwimma anini abien, odwennini baako ne nguantenmma anini ason mmebo ohyew afore se ehua a eso Awurade ani. **28** Mode mo aburaw lita asia ne fa a woyam no muhumuhu a mode ngo afra beka nantwi baako biara ho. Mode lita anan beka Odwennini no ho; **29** na mode lita abiesa beka nguantenmma ason no biara ho. **30** Momfa opapo baako na womfa nye mpata mma mo. **31** Saa afore ahorow yi ka daa ohyew afore, aburaw afore ne nsa afore no ho. Monhwe se mmoa a mode won bebo saa afore no nnii dem biara e.

29 “Osram a eto so ason no da a edi kan wo afe biara mu no, munni torobento afahye no. Monye nhyiamu kronkron no na obiara nye adwumaden biara. **2** Momfa nantwi ba onini baako, Odwennini baako ne adwennini ason a woadi afe a wonnii dem mmebo ohyew afore a eyi hua a eso Awurade ani. **3** Momfa esiam lita asia ne fa a woyam no muhumuhu a wode ngo afra mmo atoko afore no a nantwi no ka ho. Odwennini no, momfa lita anan ne fa nka ho. **4** na lita abien ne fa nso nka nguantenmma no biara ho. **5** Momfa opapo baako nka ho mmo bone ho afore mfa nye mpata mma mo. **6** Eyinom ka ohyew afore ne nsa afore a mobo no osram biara ne daa de a woakyere no ho. Eye aduan afore a wode bre Awurade se ehua a eso ani. **7** “Osram a eto so ason no da a eto so du so no monye nhyiamu kronkron. Eye da a ese se nnipa no nyinaa ye komm ahobrease mu wo Awurade anim na ense se biara ye adwuma biara. **8** Mommo ohyew afore a eyi hua a eso Awurade ani. Aforebode no ye nantwi ba baako, odwennini baako, nguamma a woadi afe ason a wonnii dem biara. **9** Momfa nantwi ba no nsiesie atoko afore a mode asikresiam a woyam no muhumuhu ne ngo lita asia ne fa afra, **10** na momfa lita anan ne fa nka odwennini no ho na momfa lita abien ne fa aka nguamma ason no mu biara ho. **11** Ese se mode opapo baako bo bone ho afore. Eyi ka bone aforebode a wobo de pata ne ohyew afore a wobo no daadaa a aduan aforebode ne nsa afore ka ho no ho. **12** “Monye nhyiamu kronkron wo osram a eto so ason no da a eto so dunum no so, na monnye adwumaden

biara. Munni afahye no nnanson mma Awurade. **13** Nneema a mode bebo ohyew afore na ama ayi hua a eso Awurade ani no ye nantwimma anini dumiensa, adwennini abien ne adwennini dunan a woadi afe na wonnii dem biara. **14** Ese se mode asikresiam a woyam no muhumuhu lita asia ne fa a wode ngo afra ka nantwimma dumiensa no biara ho. Lita anan ne fa nka adwennini no baako biara ho, **15** na lita abien ne fa nka nguantenmma dunan no biara ho. **16** Momfa opapo mmo bone ho afore nka daa ohyew afore, atoko ne nsa afore a mobo no daa no ho. **17** “Da a eto so abien no, momfa anantwi anini mma dumien, adwennini abien ne adwennini a woadi afe dunan a wonnii dem biara mmebo afore. **18** Saa aforebode yi mu biara no, mode anantwinini, adwennini ne nguantenmma no ho aduan ne nsa aforebode dodow a woahye no beka ho. **19** Ohyew afore a mobo no daa akyi no, mode opapo beka atoko aforebode ne nsa aforebode no ho abo bone ho afore. **20** “Afahye no da a eto so abiesa no, mode anantwinini dubaako, adwennini abien, nguantenmma a woadi afe no dunan a wonnii dem biara; **21** na senea moye no daa no, mode anantwi, adwennini ne nguantenmma no ne aduan ne nsa aforebode beka aforebode biara ho. **22** Ese se mode opapo bo bone ho afore de ka daa ohyew aforebo no ho a atoko aforebode ne nsa aforebode ka ho. **23** “Afahye no da a eto so anan no, momfa anantwinini du, adwennini abien, ne nguantenmma a woadi afe no dunan a wonnii dem biara mmo afore. **24** Momfa atoko aforebode ne nsa aforebode dodow a woakyere no nka biara ho. **25** Momfa opapo baako nye bone ho aforebo nka daa ohyew, atoko ne nsa aforebode no ho. **26** “Afahye no da a eto so anum no, momfa anantwinini akron, adwennini abien ne nguantenmma a woadi afe no dunan a wonnii dem biara mmo afore. **27** Momfa atoko ne nsa aforebode dodow a woakyere no nka anantwinini, adwennini ne nguamma aforebo no ho. **28** Momfa opapo baako nye bone ho aforebo nka daa ohyew, atoko ne nsa aforebode no ho. **29** “Afahye no da a eto so asia no, momfa de anantwinini awotwe, adwennini abien ne nguantenmma a woadi afe dunan a wonnii dem biara mmo afore. **30** Momfa atoko ne nsa aforebode dodow a woakyere no nka anantwinini, adwennini ne nguantenmma aforebo no ho. **31** Momfa opapo baako mmo bone ho aforebo nka daa ohyew, atoko ne nsa aforebode no ho. **32** “Afahye no da a eto so ason no, momfa anantwinini ason, adwennini

abien ne nguamma a woadi afe a wonnii dem biara dunan mm̄o afor̄e. **33** Momfa atoko ne nsa afor̄ebode dodow a w̄akyere no nka anantwinini, adwennini ne nguantenmma afor̄eb̄o no ho. **34** Momfa ɔpapo baako mm̄o b̄one ho afor̄e nka daa ɔhyew, atoko ne nsa afor̄ebode no ho. **35** “Da a ɛto so awotwe no, monye ɔpon nhyiamu sononko. Ense se moye adwumaden biara saa da no. **36** Momm̄o aduan afor̄e a ɔhyew afor̄e a ewo hua a ɛso Awurade ani w̄o mu. Momfa nantwinini baako, Odwennini baako, nguantenmma ason a woadi afe a wonnii dem mm̄o. **37** Momfa atoko ne nsa afor̄ebode dodow a w̄akyere no nka nantwinini, odwennini ne nguantenmma no ho. **38** Momfa ɔpapo baako mm̄o b̄one ho afor̄e nka daa ɔhyew, atoko ne nsa afor̄ebode no ho. **39** “Momm̄o afor̄e yinom mma mo Awurade w̄o mo afahye ahorow no nu: mo hyew, atoko, nsa ne asomdwoe afor̄e no; na momfa nka afor̄e a mufi mo p̄e mu hye ho b̄o no no ho. Muhyia, didi afirihya no mu a, twa ara na etwa se mob̄o saa afor̄e yi. Na ɛka mo afor̄e a mob̄o fa b̄o a moahye anaa nea efi mo p̄e mu a eye ɔhyew afor̄e, atoko afor̄e, nsa afor̄e anaa asomdwoe afor̄e no ho.” **40** Mose kaa saa mmara yi nyinaa kyere Israelfo no senea Awurade hyee no no.

30 Mose hyiaa Israel mmusua no mu mpanyimfo no ka kyere w̄on se, “Awurade ahye se: **2** Se obi hye Awurade b̄o anaa ɔka ntam hye b̄o a, ense se obu so. Eɛ se ɔye nea ɔkaa se ɔbeȳe no p̄ep̄ep̄e. **3** “Se ababaa bi hye Awurade b̄o anaa ɔka ntam hye b̄o bere a ɔda so te n’agya fi, **4** na n’agya no te se ne ba no ahye b̄o, na wanka hwee a, ne b̄ohye ne ne ntam a ɔkaa no nyinaa no di mu. **5** Nanso se eba se n’agya no siw no b̄ohye no ho kwan a, etwa ne b̄ohye ne ntam a ɔkae no mu. Awurade de bek̄ye ababaa no, efise n’agya ampene se obedi so. **6** “Se ɔhye b̄o anaa ɔka ntam ansa na ɔware na eb̄eye asodi ma no **7** na ne kunu no te saa b̄ohye no ho asem nanso wanka ho hwee a, na ne b̄ohye no gyina h̄o. **8** Na se ne kunu no te na osiw no ho kwan a na ɛkyere se watwa mu a b̄ohye no anaa ntam no ho asodi nna ne so bio, enti Awurade de ne ho bek̄ye no. **9** “Eɛ se ɔbea kunafo anaa nea w̄agyaa no aware no di ne ntam a ɔbeka anaa b̄o a ɔb̄ehye no biara so. **10** “Se waware na ɔte ne kunu fi na ɔhye b̄o anaa ɔka ntam, **11** na ne kunu no te na wansiw no ho kwan a, na ɛkyere se ne b̄ohye no gyina h̄o. **12** Na se ne kunu no te na, se wampene so na, otwa mu a, na ne b̄ohye no nni mu na Awurade de ne ho bek̄ye no. **13** Enti ne

kunu no betumi asi ne b̄o a ɔhye anaa ntam a ɔka no so dua anaase obetwa mu. **14** Se da mu no nyinaa wanka ho hwee ankyere no de a, na ɛkyere se ɔpene so w̄o hwee a wanka amfa ho no nti. **15** Se ɔtwen ma mmere bi fa so ansa na ɔka se b̄ohye no nni mu a, eno de, eɛ se ɔsoa ɔbea no mfomso no ho asodi.” **16** Eyinom ne mmara a Awurade nam Mose so de maa ɔbarima ne ne yere, ne agya ne ne babea a ɔda so te ne fi no.

31 Awurade ka kyere Mose se, **2** “Esiame se Midianfo daadaa mo de mo k̄ɔ abosonsom mu no nti, to so were ma Israelfo no. Eyi akyi no wubewu na woako w’agyanom nkyen.” **3** Mose ka kyere nkurofo so se, “Munyi mo mmarima no mu bi na w̄onk̄o Awurade aweret̄o sa a ɔde tia Midianfo no. **4** Momfa Israel abusua biara mu nnipa apem nk̄o ɔsa no.” **5** W̄oyee saa nyaa mmarima mpem dumien siesie w̄on maa ɔko no; Israel abusuakuw biara maa mmarima apem. **6** Afei Mose ma w̄ok̄e, nnipa apem baako a wofi abusuakuw biara mu. Ɔsofo Eleasar babarima Pinehas na odii w̄on anim k̄ɔ ɔko no. W̄orek̄o no, wode akronkronne a ewo kronkronbea h̄o ne ntorobento a w̄ob̄ehyen de ama asraafo no nsenkyerenne k̄e. **7** W̄one Midiafo no koe, na senea Awurade hyee Mose no wokum Midian mmarima no nyinaa. **8** W̄on a wokum w̄on no bi ne Midian ahemfo baanum a w̄on din de Ewi, Rekem, Sur, Hur ne Reba. Beor babarima Balaam nso, wode afoa kum no. **9** Afei, Israel asraafo no kyekyeree Midian mmea ne mmofra nyinaa ne w̄on anantwi ne w̄on nguan fom nneema pii kaa ho se asade. **10** W̄otoo Midian no atena, nkurow ne nkuraa nyinaa mu gya, hyew no pasaa. **11** Wofaa asade ne afowde a nnipa no ne mm̄oa ka ho. **12** Wode nnommum no ne ɔko no mu nneema a wonyae no nyinaa br̄ee Mose, ɔsofo Eleasar ne Israelfo a na w̄ab̄o w̄on atenase w̄o Moab tataw so baabi a na eben Asub̄onten Yordan a wotwa fi Yeriko baa h̄o no. **13** Mose ne ɔsofo Eleasar ne mpanyimfo a wotuatua nnipa no ano no fii atena h̄o kohyiaa nkonimdifo no kwan. **14** Nanso Mose bo fuw mpanyimfo a wotuatua nsraad̄om apem ne ɔha no ano a wofi ɔsa no bae no. **15** Obisaa w̄on se, “So moankunkum mmea no? **16** W̄on ne nnipa no a wotie Balaam nti w̄otwetwee Israelfo na amma w̄oanni Awurade nokware k̄osom abosom w̄o bep̄ow Peor so a enti emaa ɔhaw ne abebrese bebre baa Awurade nkurofo so no. **17** Munkunkum mm̄arimaa no nyinaa. Na munkunkum mmea a w̄one mm̄arima adeda no

nyinaa. **18** Mmeawa nketewa a wone mmarima nnae no na munnyaa won na mo ne won ntena. **19** “Ese se obiara a wakum obi, anaa ode ne nsa kaa nea wakum no no, fi atenae ha nkotena baabi nnanson. Munnwira mo ho ne mo nnommum no nnansa ne ne nnanson so. **20** Munnwira mo ntade ne biribiara a wode aboa nhoma, abirekyi nwi anaa dua aye.” **21** Afei, ososo Eleasar ka kyere mmarima a wokoo oko no se, “Eyi ne mmara a Awurade ahye a waka akyere Mose: **22** Sikakokoo, dwete, kobere, dade, sanyaa, sumpii **23** ne biribiara a etumi etumi gyina ogya ano no ese se wode fa ogya mu senea eho betew. Eyi akyi, ese se wode ahodwira nsu dwira ho ma etew ho. Nanso, biribiara a erentumi nnyina ogya ano no de, womfa nsu nnwira ho. **24** Nnanson so no, ese se mohoro mo ntade na mo ho afi. Afei mubetumi asan aba atenae ho.” **25** Awurade ka kyere Mose se, **26** “Ese se wo ne ososo Eleasar ne mmusua no mpanyimfo nyinaa kan asade a nnipa ne mmoa a mofaa wo oko no mu no. **27** Monkye asade no mu abien perepere mfa fa mma asraafo a wokoo oko no na momfa fa a aka no mma nnipa a waka no. **28** Asraafo a wokoo no kyefa mu no, muni ahannum biara so baako; se eye nnipa, anantwi, mfurum anaa nguan na momfa nsom Awurade. **29** Fa saa kyefa yi ma ososo Eleasar na onhim no aforemuka no anim mfa mma Awurade. **30** Afei Israelfo a waka no kyefa no, muni aduonum biara mu baako; se eye nnipa, anantwi, mfurum, nguanten anaa mmoa foforo biara no, momfa mma Lewifo a wohwe Awurade Ahyiae Ntamadan no so no.” **31** Enti Mose ne ososo Eleasar yee nea Awurade hyee won se wonye no. **32** Asade a ekae a akofo no fae no dodow ye nguan mpem ahansia ne aduonum anum; **33** anantwi mpem aduonum abien; **34** mfurum mpem aduosia baako; **35** ne mmeawa mpem aduasa abien. **36** Nneema no fa a wode maa asraafo no dodow ni: Nguan mpem ahaasa aduasa ason ne ahannum **37** a wode mu ahansia aduonum anum som Awurade; **38** Anantwi mpem aduasa asia a wode mu aduonum abien som Awurade; **39** mfurum mpem aduasa ne ahannum a wode emu aduosia baako som Awurade; **40** mmeawa mpem dunsia; wode won mu aduasa abien som Awurade. **41** Kyefa a wode Awurade no nyinaa no wode maa ososo Eleasar senea Awurade kyere Mose se onye no ara pe. **42** Asade no a Israelfo no nyaa no na edidi so yi: **43** nguan mpem ahaasa aduasa ason ne ahannum, **44** anantwi mpem aduasa asia, **45** mfurum

Mpem aduasa ne ahannum ne **46** mmeawa mpem dunsia. **47** Nnipa no kyefa a wonyae no, Mose yiyii nnommum ne mmoa aduonum biara mu baako de maa Lewifo a wohwe Awurade Ahyiae Ntamadan so no. Woyee eyi nyinaa senea Awurade hyee Mose no. **48** Afei, asraafo no so mpanyimfo baa Mose nkyen **49** beka kyere no se, “Yeabu nnipa a yede won koo oko no nyinaa ano akyere wo na obaako koraa anyera. **50** Eno nti, yefi nea yenyaa no oko no mu no bi mu rebeda Awurade ase. Yen asedade no ye sika nnwinne, nkapo, nkaa, asokaa ne konmuade. Eyinom beye mpata ama yen kra wo Awurade anim.” **51** Mose ne ososo Eleasar gyee saa akyede yi a eye sikakokoo ne nnwinne no fii asraafo mpanyimfo no nkyen. **52** Ne nyinaa mu sikakokoo a asahene no de bae se akyede a wode rebre Awurade no ano si nkaribo kilogram oha ne aduakron. **53** Na asraafo no afa oko no mu nneema a wonyae no bi. **54** Enti Mose ne Eleasar gyee akyede no fii asraafo mpanyimfo no ho, na wode sikakokoo no baa Ahyiae Ntamadan no mu se enye nkae ade mma Awurade se Israelfo ye ne dea.

32 Na Ruben ne Gad mmusuakuw no wo nyemmoa pii, enti wuhuu se Yaser ne Gilead nsase no beye ama won nguan ne anantwi no. **2** Enti wokoo Mose ne ososo Eleasar ne nnipa no ntuanofa no nkyen koka kyere won se, **3** “Atarot, Dibon, Yaser, Nimra, Hesbon, Eleale, Sebam, Nebo ne Beon ye **4** nsase a Awurade ako, agye ama Israelfo na eye ma yen nguan ne yen anantwi. **5** Se yeanya adom wo mo anim a, yesre mo momfa saa asase yi mma yen se yen kyefa na munnyae Asubonten Yordan agya noho a mope se mode ma yen no.” **6** Mose nso bisaa Rubenfo ne Gadfo no se, “Mokyer se, mope se motena ha bere a mo nuanom atwa mu rekoko? **7** Aden nti na mope se mubu Israelfo no aba mu ma wosan se worenko asase a Awurade de ama won no so no? **8** Ade koro yi ara na mo agyanom yee. Mesomaa won fii Kades-Barnea se wonkora asase no. **9** Wowee nsra no na wofi Eskol subon mu bae no, wobuu nnipa no aba mu se wonko asase a Awurade de ama won no so. **10** Da no Awurade abufuw sree na okaa saa ntam yi: **11** ‘Esiane se womfi won koma nyinaa mu anni m’akyi nti won mu biara nni ho a bere a wofefi Misraim no a na wadi mfe aduonu anaa nea eboro saa a no behu asase a mehyee Abraham, Isak ne Yakob ho bo no, **12** obaako mpo nni ho, gye Kenesini Yefune babarima Kaleb ne Nun babarima Yosua, efise

wode wɔn koma nyinaa dii Awurade akyi, hye nnipa nkuran se wɔnkɔ Bɔhye Asase no so.” 13 Awurade maa yekyinkyin sare no so ho mfiirihya aduanan kosii se saa awo ntoatoaso amumayefo no nyinaa wuwui. 14 “Nanso monhwe, abonefo, moregyina mo agyanom anan mu ama Awurade bo afuw Israel nea ekyen so. 15 Se mosan fi n’akyi a, obesan agyaw ne nnipa no nyinaa wo sare so ho na won see no befi mo.” 16 Wotee mu se, “Ente saa kora! Yebeye yen nguannan na yeakyekyere nkurow akese ama yen mmea ne mmofra. 17 Na yen ankasa de akode behyehye yen ho adi Israelfo a woaka no anim akosi se yede won beba asomdwoe mu ama wɔabefa won agyapade. Na nea edi kan no, ese se yekyeye nkurow a yebegye afasu afa ho ama yen nkurofo atena mu na ehɔfo no ankɔtow anhye won so. 18 Se Israelfo no nyinaa nsa nkaa won agyapade no a, yerensan mma yen afi mu. 19 Yene won renkye Yordan agya ho asase biara, efise yeanya yen agyapade no wo Yordan apuei fam ho.” 20 Mose kae se, “Se mobeye senea moaka no, se mobehyehye mo ho wo Awurade anim ama ɔko, 21 na mode mo asraafo no atwa Yordan kosi se Awurade bepam n’atamfo no, 22 na se asase no ho asem dwo breoo wo Awurade anim a, eno de mutumi san ba. Eba saa a, na ekyere se, moaye mo asede ama Awurade ne Israelfo nyinaa. Na asase a eda apuei no nso, Awurade de bema mo. 23 “Se moanni asem a moaka no so a, na moaye bone atia Awurade, munhu se, eho asotwe beba mo so. 24 Monkɔ no skeyekyere nkurow mma mo fifo na monye nguannan mma mo nguan na munni asem a mokae no nyinaa so.” 25 Ruben ne Gad nkurofo no kae se, “Yebedi w’ahyede no so pɛpɛɛɛ. 26 Yen mma, yen yerenom, yen nguan ne yen anantwi betena Gilead nkuropon mu. 27 Nanso yen a woakyere yen se asraafo no beko ama Awurade senea woaka no.” 28 Enti Mose penee so ka kyere Eleasar, Yosua ne mpanyimfo a wotuatusa Israel mmusuakuw ano no se, 29 “Se Gad ne Ruben abusuakuw mu mmarima nyinaa a woakyere won aye won asraafo se wɔnkɔko mma Awurade no ne me ko Yordan na se wɔkoko di nkonim wo ho a, momfa Gilead asase no mma won; 30 na se wɔankɔ a, eno de, wɔmpene so mfa nsase a mowo wo Kanaan asase so no bi.” 31 Gad ne Ruben abusufo kaa bio se, “Wo nkoa bedi Awurade asem so; 32 yede akode behyehye yen ho adi Awurade akyi ako Kanaan, nanso yen ara yen asase beda Yordan fa ha.” 33 Enti Mose ma wode Amorihene Sihon ne Basanhene Og nsasetam ne

won nkurow akese maa Gad, Ruben ne Yosef babarima Manase mmusuakuw. 34 Gad nkurofo na wokeyekyere saa nkurow yi: Dibon, Atarot, Aroer. 35 Atrot-Sofan, Yaser Yogbeha, 36 Bet-Nimra ne Betharan. Na eye nkurow a nguan wo mu yiye. 37 Ruben mmabarima na wokeyekyere saa nkurow a edidi so yi: Hesbon, Eleale ne Kiriataim, 38 Nebo, Baal-Meon a akyiri no wosesaa won din, ne Sibma. Wototoo nkurow a wosan kyekyee no din. 39 Makir asefo a wofi Manase abusuakuw mu ko Gilead kɔko dii ho so pam Amorifo a saa bere no na wote ho no nyinaa. 40 Enti Mose de Gilead maa Makirfo a woye Manase asefo no, ma wotena ho. 41 Manase abusuakuw mu nnipa foforo bi a wofi Yair nso tenatena Gilead nkurow bebre so, sesaa bea a wowa ho no din free ho Hafrotiyair. 42 Obarima bi a ne din de Noba dii asraafo bi anim de won ko Kenat ne ne nkuraase kɔbo won atena wo ho enti ode ne din Noba too saa bea ho.

33 Eyi ne akwantu nhyehye a Israelfo dii so bere a Mose ne Aaron de won fi Misraim no. 2 Mose kyerew faako a wofaa nyinaa senea Awurade kyere no se onye no. Eyinom ne mmea ahorow a woso wo won akwantu no mu. 3 Wosii mu fii Rameses kuropon no mu wo Twam Afahye a edi kan no akyi osram edi kan da eto so dunum. Wode akokoduru fii ho a Misraimfo no rehwe won. 4 Saa bere no na Misraimfo no resie won mmakan a Awurade kunkum won anadwo a ade rebekye ama watu kwan no, efise na Awurade de atemmu aba won anyame no nyinaa so. 5 Wofii Rameses no, wɔbɔɔ atena wo Sukot. 6 Wofii Sukot bebo atena wo Etam, sare no ano. 7 Wofii Etam san won akyi baa Pihahiro a ewo Baal-Sefon apuei fam, na wɔbo atena benee bepɔw Migdol. 8 Wofi Pihahiro, na wotwaa Po Kɔkɔ no ko sare so. Wode nnansa nantew faa Etam sare so kɔbo atena wo Mara. 9 Wofii Mara no, wɔbaa Elim; baabi a na mmura dumien ne mmedua aduɔson wo ho. 10 Wofii Elim no, wɔbo atena wo Po Kɔkɔ no ho. 11 Wofii Po Kɔkɔ no ho, kɔbo atena wo Sin nweatam so. 12 Wotu fii Sin sare so kɔbo atena Dofka. 13 Wofii Dofka kɔbo atena wo Alus. 14 Wofii Alus kɔbo atena wo Refidim, baabi a na wonnya nsu mma nnipa no nnom. 15 Wofii Refidim no, wɔkɔbo atena wo Sinai sare so. 16 Wofii Sinai sare so no, wɔkɔbo atena wo Kibrot-Hataawa. 17 Wofii Kibrot-Hataawa no, wɔkɔbo atena wo Haserot. 18 Wofii Haserot kɔbo atena wo Ritma. 19 Wofii Ritma kɔbo

atenae wɔ Rimon Peres. **20** Wofii Rimon Peres kɔbɔɔ atenaɛ wɔ Libna. **21** Wofii Libna kɔbɔɔ atenaɛ wɔ Risa. **22** Wofii Risa kɔbɔɔ atenaɛ wɔ Kahelata. **23** Wofii Kahelata kɔbɔɔ atenaɛ wɔ Sefer Bepɔw so. **24** Wofii Sefer Bepɔw so kɔbɔɔ atenaɛ wɔ Harada. **25** Wofii Harada kɔbɔɔ atenaɛ wɔ Makhelot. **26** Wofii Makhelot kɔbɔɔ atenaɛ wɔ Tahat. **27** Wofii Tahat kɔbɔɔ atenaɛ wɔ Tera. **28** Wofii Tera kɔbɔɔ atenaɛ wɔ Mitka. **29** Wofii Mitka kɔbɔɔ atenaɛ wɔ Hasmona. **30** Wofii Hasmona kɔbɔɔ atenaɛ wɔ Moserot. **31** Wofii Moserot kɔbɔɔ atenaɛ wɔ Beneyaakan. **32** Wofii Beneyaakan kɔbɔɔ atenaɛ wɔ Horhagidgad. **33** Wofii Horhagidgad kɔbɔɔ atenaɛ wɔ Yotbata. **34** Wofii Yotbata kɔbɔɔ atenaɛ wɔ Abrona. **35** Wofii Abrona kɔbɔɔ atenaɛ wɔ Esion-Geber. **36** Wofii Esion-Geber kɔbɔɔ atenaɛ wɔ Kades, wɔ Sin sare so. **37** Wofii Kades kɔbɔɔ atenaɛ wɔ Bepɔw Hor so, wɔ Edom hye ano. **38** Bere a woduu Bepɔw Hor ase no, Awurade ka kyereɛ ɔsofo Aaron se ɔnkɔ bepɔw no atifi, na eho na okowui. Asem yi sii mfe aduanan so a Israelfo tu fii Misraim no. **39** Aaron dii mfe ɔha aduonu abiesa, bere a owuu wɔ Bepɔw Hor so no. **40** Saa bere no ara mu na Kanaanhene Arad a ɔtenaa Negeb wɔ Kanaan asase so no tee se Israelfo no reba n'asase so. **41** Israelfo no toaa wɔn akwantu no so fi Bepɔw Hor so kɔbɔɔ atenaɛ wɔ Salmona. **42** Wofii Salmona kɔtenaa Punon. **43** Wofii Punon kɔtenaa Obot. **44** Wɔtoaa so kɔɔ Iye-Abarim, Moab hye so kɔtenaa ho. **45** Wofii ho no, wɔkɔtenaa Dibon Gad. **46** Wofii Dibon Gad kɔtenaa Almon Diblataim. **47** Wofii Almon Diblataim kɔtenaa Abarim mmepɔw a eɛn Nebo no so. **48** Akyiri no, wotutu fii ho twaa mu wɔ Yeriko kɔbɔɔ atenaɛ wɔ Moab tataw so wɔ Asubɔnten Yordan ho. **49** Wɔwɔ saa beae ho no, wɔtenaa mmeae bebree a eɛn Asubɔnten Yordan ho—efi Bet-Yesimot kosi Abel Sitim a ewo Moab tataw so no. **50** Bere a wɔabɔ atenasɛ wɔ ho no na Awurade nam Mose so kasa kyereɛ Israelfo no se, **51** “Se mutwa Asubɔnten Yordan kodu Kanaan asase so a, **52** mompam nnipa a wote ho no nyinaa na monsee wɔn abosom ne ahoni a wode abo aye ne nsɔree a wɔasisi no petee mu wɔ mmepɔw so ne mmeae a wɔsom wɔn ahoni no nyinaa. **53** Mede asase no ama mo. Momfa na montena so. **54** Munnyina ntontobo so nkyekye asase no, senea mo mmusua no te. Wɔn a wɔdɔwɔso no, wɔbɛma wɔn asase kese na wɔn a wosua no nso benya asase ketewa. Senea ntonto no besi abɔ biara no na ebeye wɔn de. Monhwɛ mo agyanom mmusua so mfa nkyekye. **55** “Se moampam nnipa a

wote ho no a, wɔbeye mo ani ase mpe ne mo honam mu nsɔe. Wɔbɛhaw mo wɔ asase a mobetena so no so. **56** Na mede nea masusuw se meye wɔn no, beye mo.”

34 Awurade ka kyereɛ Mose se, **2** “Ka kyere Israelfo no se: ‘Se mubedu Kanaan asase no so a, asase a mede rema mo se mo ankasa asase no a, see na mo ahye beye: **3** “‘Asase no anafo fam no beye Sin sare so a eɔa Edom hye ano no fa bi. Anafo hye no ano befi apuei fam, Nkyene Po no anafo. **4** Ebɛtoa so akɔtra Akabbim wɔ anafo ho a ereko Sin no. N'anafo pa ara no beye Kades-Barnea, na efi ho akosi Hasarada de akowie Asmon. **5** Efi Asmon a, ɔhye no beko ara akosi Misraim asuwa no mu na ano akɔpem Ntam Po no ano. **6** Mo hye a ewo atɔe no beye Ntam Po no ano. **7** Mo hye a eɔa atifi no befi ase wɔ Ntam Po no ano na atoa so akosi bepɔw Hor, **8** de ako Lebo Hamat na ako Sedad **9** na atoa so ako Sifron na akowie wɔ Hasar-Enan. **10** Apuei hye no befi Hasar-Enan ako Sefam. **11** ɔhye no besian afi Sefam akosi Ribla wɔ Ain apuei fam. Efi ho a, ebesiansian afa mmepɔw no ase wɔ Galilea Po no apuei fam. **12** ɔhye no besian afa Asubɔnten Yordan ho na akɔpem Nkyene Po no. “‘Senea mo nsase ne mo ahye te ni.” **13** Afei Mose hyee Israelfo no se, “Momfa ntontobo so nkyekye asase yi se mo agyapade. Awurade ahye se wɔmfa mma mmusua akron ne fa no, **14** efise Ruben ne Gad mmusuakuw no ne Manase abusua no fa no de, wɔanya wɔn agyapade dedaw. **15** Saa mmusua abien ne fa yi anya wɔn agyapade wɔ Yeriko akyi, Yordan apuei fam a ehwe apuei no.” **16** Awurade ka kyereɛ Mose se, **17** “Nnipa a wɔn din didi so yi na mayi wɔn se wɔnkyekye asase no mu mma mo se mo agyapade: ɔsofo Eleasar ne, Nun babarima Yosua. **18** Yi abusua biara mu ɔpanyin baako na ɔmmao nkyekye asase no. **19** “Wɔn din na edidi so yi: “Yefune babarima Kaleb, Yuda abusukuw ntuanoni; **20** Amihud babarima Semuel, Simeon abusukuw ntuanoni; **21** Kislon babarima Elidad, Benyamin abusukuw ntuanoni; **22** Yogli babarima Buki, Dan abusukuw ntuanoni; **23** Efod babarima Haniel, Yosef babarima Manase abusukuw ntuanoni; **24** Siftan babarima Kemuel, Yosef babarima Efraim abusukuw ntuanoni; **25** Parknak babarima Elisafan, Sebulon abusukuw ntuanoni; **26** Asan babarima Paltiel, Isakar abusukuw ntuanoni; **27** Selomi babarima Ahihud, Aser abusukuw ntuanoni; **28** Amihud babarima Pedahel, Naftali abusukuw ntuanoni.” **29** Saa nnipa

yi na Awurade yii wòn sɛ wònɔhwe nkyekye agyapade no mu mma Israelfo no wò Kanaan asase so no.

35 Bere a Israelfo bɔɔ atenase wò Yordan ho, Moab tataw so wò Yeriko akyi no, Awurade ka kyereɛ Mose se, **2** “Ka kyereɛ Israelfo no na wɔmfɔ wòn agyapade no mu bi a eyɛ nkurow ne ɛho mmoa adidibea mma Lewifo no. **3** Nkurow no mu na wɔbetena na wòn anantwi, wòn nguan ne wòn mmoa a aka no nso akɔ adidi wò adidibea ho. **4** “Wòn mmoa adidibea no kɛse befi kurow no afasu ho a ne fa biara trɛw yɛ anammòn apem ne ahannum. **5** Munsusuw anammòn mpensa mfi kurow no afasu no ho wò n’afanan nyinaa. Eyi beye mmoa adidibea kɛse ama nkurow no. **6** “Nkurow a mode bɛma Lewifo no no mu asia beye guankɔbea nkuropon, baabi a obi a wafom akum ɔfoforo no, betumi aguan akɔ. Momfa nkurow aduanan abien nka ho mma wòn. **7** Ne nyinaa beye nkurow aduanan awotwe ne ho mmoa adidibea. **8** Saa nkurow yi befi Israelfo no agyapade mu. Mmusuakuw no mu akɛse bɛma Lewifo no nkurow bebree na mmusuakuw nketewa no ama kakraa bi. Abusuakuw biara bɛma sɛnea n’agyapade kɛse te.” **9** Awurade ka kyereɛ Mose se, **10** “Ka kyereɛ Israelfo no se, ‘Sɛ mutwa Yordan du Kanaan a, **11** mompaw nkurow bi mfa nye guankɔbea nkurow a, obiara a ɔɛfom akum onipa no betumi aguan akɔ ho. **12** Saa nkurow yi beye guankɔbea a ebegye no afi owufo no abusufo a wɔpɛ se wɔtɔ owufo no wu so were no nsa mu; na ɛnɛ se wokum owudifo no gye se wɔadi n’asɛm abu no kumfɔ ansa. **13** Ɛsɛ se wosisi guankɔbea nkurow yi mu abiesɔ wò Kanaan asase so **14** na wosisi abiesɔ nso wò Asubɔnten Yordan apuei fam. **15** Ɛnye Israelfo nko na ɛho beye wòn guankɔbea, na mmom, ebeye guankɔbea ama ahɔho ne akwantufo nyinaa. **16** “Nanso se obi de dade pema sin bi bɔ obi kum no a, wɔfa no se wadi awu enti ɛsɛ se wokum owudifo no. **17** Anaase, se wɔde ɔbo kɛse bi bɔ obi ma owu a, eyɛ awudi enti ɛsɛ se wokum owudifo no. **18** Saa ara nso na se wɔde dua na ekum no a ɛte ara ne no. **19** Se ɔweretɔni no hyia owudifo no wò baabiara a, ɔwò ho kwan se okum no bi. **20** Enti se obi nam ɔtan so tow biribi bɔ obi, anaa, se ɔtetɛw no, **21** anaa ɔde abufuw bɔ no kuturuku na onii no wu a, ɔye owudifo nti ɛsɛ se wokum no. **22** “Na se emfi ɔtan so na obi sum ɔfoforo, anaa wanhyɛ da na ɔtow biribi ma ɛkɔbɔ obi, **23** anaase wanhu no na ogyaa ɔbo bi a ɛso a ebetumi akum no mu ma ekokum no a, esiane se saa onipa no nye ɔtamfo na onkura adwene

bɔne bi nti, **24** eyɛ bagua no asɛde se wodi asɛm na wɔfa saa mmarakwan yi so bu ɔweretɔni no nea ne nsa apa no ntam aten. **25** Ɛsɛ se bagua no bɔ nea ne nsa apa no ho ban fi ɔweretɔni no nsam na wɔde nea ne nsa apa no san kɔ guankɔbea kuropon a oguan kɔɔ mu no mu. Ɛsɛ se nea ne nsa apa no tena ho ara kosi se ɔsɔfopanyin a wɔsraa no ngo bewu. **26** “Nanso se nea ne nsa apa no no fi guankɔbea kuropon a waguan akɔ mu no no ahye so **27** na ɔweretɔni no hu no wò ho a obetumi akum no a ɔrenni awudi ho fɔ. **28** Ɛsɛ se nea ne nsa apa no tena guankɔbea kuropon no mu ara kosi se ɔsɔfopanyin bewu. Ɔsɔfopanyin wu akyi nkutoo na obetumi asan akɔ n’ankasa agyapade ho. **29** “Ɛsɛ se eyi yɛ mmara a mudi so wò awo ntoatoaso a ebɛba no nyinaa mu wò baabiara a mobetena. **30** “Ɛsɛ se wokum obiara a obekum obi, nanso gye se nnansefo a wɔboro onipa baako di tia no ansa na ɛsɛ se wokum no. Se onipa baako pɛ na odi adanse tia no de a, ɛno de, ɛnɛ se wokum no. **31** “Munnnye owudifo a ɛsɛ se owu no ti mpata, nnyina so nnyaa no. Ɛsɛ se wokum no. **32** “Munnnye obi a waguan akɔ guankɔbea kuropon mu no ti mpata nnyina so mma no nsan mmetena n’asase so bere a ɔsɔfopanyin bi nwui. **33** “Munngu asase a mote so no ho fi. Awudi gu asase ho fi, na wɔrentumi nye mpata ɔfoforo biara mma asase a wɔahwie mogya agu so gye se wɔde nea ohwiee mogya gui no mogya yɛ okum owudifo no. **34** Munngu asase a mote so ne faako a mete no ho fi, efise Me, Awurade no, mete Israelfo no mu.”

36 Gilead abusua no ntuanofɔ, Makir a ɔye Manase babarima ne Yosef nena asefo, kɔɔ Mose ne Israel mmusua ntuanofɔ no nkyen de adesɛde kɔtoɔ wòn anim. **2** Wɔkɛ se, “Awurade hyɛ wo se bɔ ntonto na gyina so kyekye asase no ma Israelfo no. Awurade ɔhyɛ wo se fa yen nuabarima Selofehad agyapade ma ne mmabea. **3** Na se eba se wòn mu bi kɔware wò abusua ɔfoforo mu a, ɔde asase a wɔde ama no no beko aware. Se eba saa a, yen abusua no asase a wɔde ama yen no so betew. **4** Se Israelfo Mfirihyia Aduonum Afahye no du so a, wɔde wòn agyapade no beka abusua a wɔkɔwaree wò mu no de ho, na wobeyi afi yen agyanom abusua agyapade mu.” **5** Enti Mose de saa ɔhyɛ nsem a efi Awurade yi maa Israelfo no: “Yosef abusuakuw mu nnipa no asem no ye nokware. **6** Nea Awurade rehyɛ ama Selofehad mmabea no ni: Wotumi ware ɔbarima biara a wɔpɛ a ofi wòn agya abusuakuw mu. **7** Ɛnɛ se Israel agyapade biara fi abusuakuw bi mu

kɔ abusuakuw foforo nsam, efise ɛse se Israel agyanom abusuakuw biara agyapade tena hɔ senea ete no. **8** Ɛse se mmabea a wɔwɔ Israel mmusuakuw mu nyinaa a agyapade tumi kɔ wɔn nsam no wareware wɔ wɔn agyanom mmusuakuw mu na Israel abusuakuw biara agyanom agyapade amfi wɔn abusuakuw mu. **9** Ɛnse se agyapade biara fi abusuakuw bi nsam kodi ɔfoforo nsam, ɛse se Israel Abusuakuw biara asase a wanya no tena hɔ.” **10** Selofehad mmabea no yee senea Awurade hyee Mose no. **11** Mahla, Tirsa, Hogla, Milka ne Noa nyinaa wareware wɔn agyanom nuabarimanom mma. **12** Wɔwarewaree wɔ Yosef babarima Manase mmusua mu enti wɔn agyapade no kaa wɔn abusuakuw no mu. **13** Eyinom ne mmara ne nhyyehyee a Awurade nam Mose so de maa Israelfo wɔ Moab tataw so no, wɔ Asubɔnten Yordan a na wɔafi Yeriko atwa no.

5 Mose

1 Eyi ne nsem a Mose ka kyereɛ Israelfo nyinaa wɔ sare no so wɔ Yordan apuei. Wɔbɔɔ atenaɛ wɔ Yordan bon a ɛben Suf, wɔ Paran, Tofel, Laban, Haserot ne Di-Sahab ntam no. **2** Efi Horeb de kɔ Kades-Barnea no, ɔkwan a ɛfa bepɔw Seir no, yɛ nnaɸua dubaako kwan. **3** Israelfo fii Bepɔw Sinai no, afe a ɛto so aduanan no ɔsram dubaako no da a edi kan no, Mose kaa nsem a Awurade hyɛɛ no se ɔnka nkyere Israelfo no pɛpɛɛpɛ kyereɛ wɔn. **4** ɔkaa saa asem yi wɔ bere a na wɔadi Amorifo hene Sihon a na odi ade wɔ Hesbon ne Basanhene Og a na odi ade wɔ Astarot ne Edrei so nkonim. **5** Yordan apuei fam a ɛwɔ Moab asase so na Mose fii ase kyerekyerɛ mmara no mu se: **6** Awurade ka kyereɛ yen wɔ Horeb se: “Moatena saa bepɔw yi so akyɛ dodo. **7** Muntutu nkotena Amorifo nkoko no so; monkotena nnipa a wɔbemmen Araba mmepɔw no mu ne atɔɛ mmepɔw ayaase hɔ nyinaa mu; monkɔ Negeb na momfa mpoano nkosi Kanaanfo asase so ne Lebanon nkodu Asubɔnten Eufurate ho. **8** Muntie! Mede saa asase yi ama mo. Monkɔ na monkɔfa asase a Awurade hyɛɛ bɔ se ɔde bɛma mo agyanom Abraham, Isak ne Yakob ne wɔn asefo no.” **9** Saa bere no, meka kyereɛ mo se, “Me nko ara merentumi nye mo ho adwuma. **10** Awurade, mo Nyankopɔn, ama mo ase adɔ enti nne yi, mo ase afɛɛ te se ɔsoro nsoromma. **11** Awurade mo agyanom Nyankopɔn mma mo nno mmɔho mpempem na onhyira mo senea wahyɛ mo bɔ no! **12** Na ɛbeyɛ den na me nko metumi asoa mo haw ne mo nnesoa ne mo ntawntaw? **13** Mompaw mmarima bi a wɔwɔ nyansa, ntease na wɔwɔ din pa mfi abusuakuw biara mu na memfa wɔn ntuatua mo ano.” **14** Mubuaa me se, “Dwuma a woasusuw se wubedi no ye.” **15** Enti mede mo mmusuakuw mu mmarima atitiriw, anyansafo a wɔn anim wɔ nyam no tuatuaa mo ano apem apem, ɔha ɔha, aduonum aduonum ne du du so mpanyin ne mo mmusuakuw so se ahwɛfo. **16** Na atemmufɔ a wɔwɔ hɔ saa bere no nso, mehyɛ wɔn se, “Se akasakasa ba anuanom ntam, se asem no yɛ Israelni ne ne nua bi ana Israelni ne ɔhɔho bi a, monhwɛ na mummu atɛntreneɛ. **17** Mo atemmu mu, mummmu ntenkyew. Muntie ɔketewa ne ɔkese pɛ. Munnsuro onipa biara, efise Onyankopɔn na obu aten. Asem a eye den ma mo no, momfa mmre me na minni.” **18** Na saa bere no, mekaa biribiara a ɛse se moyɛ kyereɛ mo. **19** Na senea Awurade hyɛɛ yen no,

yefii Horeb de yen ani kyereɛ Amorifo bepɔw a yenam sare pradada a moahu no so koduu Kades-Barnea. **20** Afei, meka kyereɛ mo se, “Moadu Amorifo bepɔw man a Awurade de rema yen no so. **21** Awurade, mo Nyankopɔn, de asase no ama mo. Momforo nkɔfa, senea Awurade, mo agyanom Nyankopɔn, ka kyereɛ mo no. Munnsuro: mommma obi mmu mo aba mu.” **22** Na mo nyinaa baa me nkyɛn bekaɛ se, “Momma yensoma mmarima nni yen anim na wɔnkɔsra asase no so mma yen na wɔmmeka nea wobehu nkyere yen na ɛno na ɛbekyerɛ yen kwan ne nkurow ko a yebɛfa so.” **23** Na saa nsusuwi yi ye ma me nti mepaw akwansrafo dumien a mo mmusuakuw dumien no mu nnipa biara wɔ mu. **24** Wɔforoo bepɔw no na wokoduu Eskol subon mu sraa hɔ. **25** Na wɔfaa asase no so aba bi de brɛɛ yen. Na wɔkaɛ se, asase a Awurade yen Nyankopɔn de ama yen no yɛ asase pa. **26** Nanso na mompɛ se moforo kɔ soro. Motew Awurade asem so atua. **27** Munwiinwii wɔ mo ntamadan mu kae se, “Awurade tan yen nti na ɔde yen fi Misraim de yen abehyɛ Amorifo nsam se wonkunkum yen no. **28** Yereko he? Yen akwansrafo no amanneɛbɔ no abu yen aba mu. ‘Wɔka se nnipa yɛ atenten ahɔɔdenfo sen yen. Wɔn nkurow yɛ akese a afasu a wɔatoto afa ho no kɔ sorosoro. Na mpo, yehuu Anakfo wɔ hɔ!’” **29** Na meka kyereɛ mo se, “Mommɔ hu, munnsuro wɔn. **30** Awurade di mo anim. ɔbeko ama mo senea muhuu no se ɔyɛɛ wɔ Misraim no. **31** Na muhuu nso senea Awurade kɔɔ so hwɛɛ mo ntoatoaso wɔ sare so ha senea agya hwɛɛ ne ba no. Moatwa kwan no nyinaa de abedu beaɛ ha.” **32** Nanso eyi nyinaa akyi no, moannya Awurade, mo Nyankopɔn no, mu awerehyɛmu. **33** ɔno na odii mo akwantu no anim, pɛɛ beaɛ pa maa mo tenaɛ, de ogya dum kyereɛ mo kwan anadwo de omununkum dum kyereɛ mo kwan awia. **34** Awurade tee se morenwiinwii no, ne bo fuw yiye na ɔkaa ntam se, **35** “Saa awo ntoatoaso bɔne yi mu onipa baako koraa nni hɔ a obehu asase pa a, maka ho ntam se mede bɛma mo agyanom no, **36** gye Yefune babarima Kaleb. ɔno na obehu saa asase yi. Mede asase a ne nan sii so no bɛma ɔne n’asefo, efise ɔde ne koma nyinaa dii Awurade akyi.” **37** Me nso, esiane mo nti, Awurade bo fuw me. ɔka kyereɛ me se, “Wo nan rensi Bɔhyɛ Asase no so da. **38** Na mmom, wo boafɔ Nun babarima Yosua na obedi ɔmanfo no anim akɔ asase no so. Hyɛ no nkuran, efise obedi Israelfo no anim akɔfa asase no. **39** Mede asase no bɛma wo mma a

wonnim biribiara. Wo mma a wonnim papa nnim bone no a na wusuro se wobekyere won nnommmu no na mede asase no bema won. Won na wobetena asase no so. **40** Na wo de, dan w'ani ko sare so a ekeka ko Po Koko so so ho.” **41** Eno na mugye too mu se “Yeyae bone atia Awurade. Yebeko asase no so akoko senea Awurade aka akyerɛ yen no.” Enti mo mu biara faa n'akode hyehyee. Na mususuwii se oman a eda bepɔw so no soko ye mmerew. **42** Nanso Awurade ka kyereɛ me se, “Ka kyere won se, ‘Monnko ho nkoko, efise merenka mo ho nko. Mo atamfo no bedi mo so.’” **43** Meka kyereɛ mo, nanso moantie. Mosore tiaa Awurade ahyede no na monam ahomaso so foro koo asase no so kokoe. **44** Amorifo a wote bepɔw no so nso sore baa mo so; wotaa mo se nnowa, boroo mo fi Seir koduu Horma. **45** Afei, mosan ba besuu wo Awurade anim, nanso osiw n'aso a wantie mo su no. **46** Eno nti, motenaa Kades nna bebreɛ.

2 Afei, yesan yen akyi de yen ani kyereɛ sare so wo baabi a Po Koko so da ho senea Awurade kyereɛ me se menyɛ no. Yenantenantew faa Seir bepɔw man no ho nna bebreɛ. **2** Na Awurade ka kyereɛ me se, **3** “Moatwa afa saa oman a eda bepɔw yi so no ho mmere sann, enti monnan mo ani nkyere atifi fam. **4** Hye oman no se, ‘Morebɛfa mo nuanom Edomfo, a woye Esau asefo a wote Seir no asase so. Edomfo no besuro mo, nanso monhwe yiye. **5** Monnhye won abufuw a ede oko beba na meremfa won nsase no mu biara mma mo; mpo, baabi a mode mo anan besisi, efise mede Seir bepɔw kurow ama Esau se n'atenae. **6** Aduan biara a mubedi ne nsu biara a mobenom no, momfa dwete ntua won ho ka.’” **7** Awurade, mo Nyankopɔn, ahyira mo nsa ano nnwuma nyinaa. Wahwe mo so wo mo akwantu wo sare kakraa yi nyinaa so. Saa mfe aduanan yi nyinaa mu no, Awurade aka mo ho na hwee ho anhia mo. **8** Yetwa faa yen nuanom a woye Esau asefo a wote Seir ho no. Yefaa Araba subon kwan no a efi Elat ne Esion-Geber no so na yebɛfaa Moab sare so kwan no so. **9** Na Awurade ka kyereɛ me se, “Monnhaw Moabfo no anaa monhye won abufuw a ede oko beba, na meremfa won nsase no mu biara mma mo. Efise mede Ar ama Lot asefo se agyapade.” **10** Kan no na Emifo na wote ho. Na wososo na wodɔso a wowoware te se Anakfo no. **11** Won nso, na woye abran se Anakfo no ara pe, a na wofre won Refaitefo, nanso Moabfo de, na wofre won Emifo. **12** Kan no na Horifo na wote Seir, nanso Esau asefo no tuu won fii

ho. Wosɛɛ Horifo no tenaa won anan mu senea Israel yee wo asase a Awurade de maa won se won agyapade no so no pɛpɛɛɛ. **13** Na Awurade kae se, “Afei, sore na kotwa Sered bon no.” Enti yekotwaa obon no. **14** Na nna dodow a yede nantew fi Kades-Barnea besii se yetwaa Sered bon no ye mfihihia aduasa awotwe. Saa bere no, na mmarina a wanyinyin yiye a wobetumi ako oko no nyinaa awuwu wo sare no so senea Awurade kaa ho ntam no. **15** Na Awurade nsa tiaa won ara kosi se won nyinaa wuwuu wo won atenae ho. **16** Saa nnipa yi mu akofo a otwa to wuu no pe, **17** na Awurade ka kyereɛ me se, **18** “Nne, ɛɛ se wofa Ar wo Moab mantam mu. **19** Na se wudu Amonfo mu a, nhaw won anaa nhye won abufuw a ede oko beba, efise meremma mo Amorifo nsase no bi. Mede ama Lot asefo se agyapade.” **20** Saa beae ho na abran akese a na Amonfo fre won Samsumifo no te kan no. **21** Na woye nnipa ahoɔdenfo a wodɔso na wowoware te se Anakfo no. Na Awurade sɛɛ Samsumifo no wo Amonfo anim ma wɔpam won tenaa won anan mu. **22** Saa ara na Awurade sɛɛ Horifo wo Esau asefo a na wote Seir no anim ma wɔpam won, tenaa won anan mu de besi nne yi. **23** Na Awifo a wotena nkuraa nkuraa trew koduu Gasa no nso, Kaftorfo a wofi Kaftor besɛɛ won, tenaa won anan mu. **24** “Sore kotwa Arnon Subon. Mede Hesbonhene Sihon a yɛ Amorini no ne man ahye wo nsa. Kotow hye ne so, na monko, na fa. **25** Efi nne yi ara, mede mo ho suro ne hu behye aman a wowo osoro ase nyinaa mu. Wobete mo ho nsem na won ho bepɔpo na mo nti, wanya adwenemhaw esiane mo nti.” **26** Mituu abɔfo fii Kedemot sare so koo Hesbonhene Sihon nkyen asomdwoe so koka kyereɛ no se, **27** “Ma yentwa mu mfa wo man mu ha. Yebɛfa otempɔn no so tee; yeremman mfa benkum anaa nifa. **28** Ton aduan ma yenni na ton nsu nso ma yennom. Nea yerehwehwe ara ne okwan a wobema yen ama yeanantew atwa mu, **29** senea Esau asefo a na wote Seir ne Moabfo a na wote Ar yee yen no akosi se yebetwa Yordan ako asase a Awurade, yen Nyankopɔn, de rema yen no so.” **30** Nanso Hesbonhene Sihon amma yeantwa mu wo ho. Efise na Awurade, mo Nyankopɔn, aye ne honhom sisirii, apirim ne koma senea onam so de no behye mo nsam, senea waye no nne yi. **31** Awurade ka kyereɛ me se, “Hwe, mafi ase de Sihon ne ne man ahye wo nsam. Afei, fi ase na di won so, na fa n'asase no.” **32** Bere a Sihon ne ne dom behyiaa yen se wone yen rebeko wo

Yahas no, **33** Awurade, yen Nyankopon, yii no maa yen ma yeboboo ono, ne mmabarima ne n'asraafo nyinaa hwehwee. **34** Na yefaa ne nkurow nyinaa saa bere no seee ne mmarima, mmea ne mmofra a yeannyaw obiara. **35** Mmom, nyemmoa ne asade ahorow a ewo nkurow a yedii so no mu no de, yesoa koe. **36** Efi Aroer a eda Arnon Subon ano ne kurow a eda subon no mu no, ne mpo, de kosi Gilead no, kurow biara nni ho a na esodi ye den ma yen; Awurade, yen Nyankopon de ne nyinaa hyee yen nsa. **37** Nanso, yeanko Amorifo asase ne asase a eda Asubonten Yabok ho ne mmepow no so nkurow no baabiara a Awurade yen Nyankopon hyee yen se yennko so no so.

3 Afei, yede yen ani kyeree Basan kwan so. Basanhene Og ne n'asrafo nyinaa fi behyiaa yen wo Edrei ne yen koe. **2** Nanso Awurade ka kyeree me se, "Nsuro no, efise mede ono ne n'akofo ne n'asase nyinaa ahye wo nsa. Senea woyee Amorihene Sihon a odii ade wo Hesbon dii no, ye no saa ara." **3** Enti Awurade, yen Nyankopon, san de Basanhene Og ne n'akofo nyinaa hyee yen nsa. Yeboo won gui a anka won mu baako koraa. **4** Saa bere no, yefaa ne nkuropon nyinaa. Nkuropon aduosia no mu baako koraa nni ho a yeannye amfi won nsam. Argob mantam a eye Og ahemman wo Basan nyinaa. **5** Na woato afasu atenten afa saa nkuropon yi nyinaa ho de nnade apon atoto ano. Saa bere koro no ara mu, yefaa nkuraa a na wontoo afasu mfaa ho no bebre. **6** Yesee Basan kuropon no pasaa senea yesee Hesbonhene Sihon no. Yesee nkurow no ne mu mmarima, mmea ne mmofra nyinaa pasapasa. **7** Nanso nkuropon no mu nyemmoa ne asade ahorow no de, yesoa koe. **8** Saa bere no, yefaa Amorifo ahemfo baanu no nsase a na ededa Asubonten Yordan apuei fam no nyinaa; nsase a efi Arnon subon mu de kosi bepow Hermon so nyinaa. **9** Sidonfo fre no Hermon Sirion na Amorifo fre no Senir. **10** Yefaa nkuropon a ewo bepow no atifi no nyinaa so a Gilead ne Basan ka ho de kosi nkurow a ewo Saleka ne Edrei a na eye Og ahemman wo Basan no nso ka ho bi. **11** Abran no de, Basanhene Og nko na na waka. Ne dade mpa tenten boro anammom dumiensa na ne trew ye anammom asia. Eda so wo Amonfo kuropon Raba mu mpren ara. **12** Nsase a yefaa no saa bere no, mede ne fa a eda fi Aroer Arnon subon mu ne oman a eda Gilead bepow no fa ne ne nkurow no maa Rubenfo ne Gadfo. **13** Afei, mede asase no nkae a eye Gilead ne Basan nyinaa a na anka eye Og ahemman no maa

Manase abusua fa no. Na wofre Argob mantam a ewo Basan no nyinaa se Abran asase. **14** Manase aseni bi a wofre no Yair faa Argob mantam no nyinaa de kosii Gesurfo ne Maakatfo hye so. Ode ne din too asase no free ho Hawot-Yair de besi nne. **15** Mede Gilead maa Makir, **16** Rubenfo ne Gadfo no, memaa won asase bi a efi Gilead fa bi, kosi Arnon subon ho, de kosii Asubonten Yabok a eye Amonfo hye no so. **17** Atae hye no fi Asubonten Yordan a eda Araba a efi Kineret kosi Araba Po (a ene Nkyene Po no) wo Pisga bepow no ase. **18** Na mehyee mo saa bere no se, "Awurade, mo Nyankopon, de asase yi ama mo se momfa. Nanso mo mmarima akofo nyinaa nhye akode nni mo nuanom Israelfo no anim ntwa Yordan. **19** Mo yerenom, mo mma ne mo nyemmoa bebrebe a minim se mowo no de, mubetumi agyaw wo nkurow a mede ama mo no so. **20** Se Awurade bo Israelfo a waka no ho ban na wotena asase a Awurade de rema won wo Asubonten Yordan agya no so a, ansa na mo mu biara betumi asan ako asase a mede ama mo no so." **21** Saa bere no, meka kyeree Yosua se, "Wode w'ani ahu nea Awurade, wo Nyankopon, aye saa ahemfo baanu yi nyinaa. Saa ara na obeye ahemman a ewo faako a moreko no nso. **22** Nsuro won, na Awurade, wo Nyankopon, beko ama wo." **23** Saa bere no, mesree Awurade se, **24** "Otumfo Awurade, woafi ase reda wo keseye ne wo nsa a eye den no adi akyere w'akoa. Na onyame ben na owo asoro anaa asase so a obetumi aye mmaninne te se wo? **25** Mesre wo, ma mintwa Yordan nkohwe asase pa a eda ho no, Lebanon mmepow asase fefe no." **26** Nanso esiane mo nti, Awurade bo fuw me. Na wantie me. Na Awurade ka kyeree me se, "Nka saa asem yi ho hwee bio nkyere me. **27** Foro ko Pisga na hwe atoe, atifi, anafo ne apuei. Esiane se, worentwa Yordan no nti, w'ankasa fa w'ani hwe asase no. **28** Nanso soma Yosua, hye no nkuran na hye no den, efise ono na obedi saa nnipa yi anim atwa na wama woadi asase a w'ani tua yi." **29** Eno nti, yetenaa subon a eben Bet-Peor no mu.

4 Afei, Israel, muntie mmara ne nhyehyee a merebekyerekyere mo yi. Munni so na moanya nkwa, na moatumi ako asase a Awurade, mo agyanom Nyankopon, de rema mo no so akotena ho. **2** Mommfa bi nka ho, na munnyi biribiara nso mmfi ahyede a Awurade, mo Nyankopon, de ama me se memfa mma mo no mu, na mmom munni so. **3** Mode mo ani huu nea Awurade yee mo wo Baal-Peor no. Osee onipa

biara a na osom Baal-Peor no. 4 Nanso wɔn a na wodi Awurade mo Nyankopɔn nokware nyinaa da so te ase besi nne. 5 Se mudu asase a mobetena so no so a, eyinom ne mmara ne ahyede a makyerekyere mo a ese se mudi so. Efi Awurade, yen Nyankopɔn, nkyen. ɔde ama me se memfa mma mo. 6 Se mudi so a, ebɛda mo nyansa ne ntease a mowo no adi akyere aman a wobete saa ahyede yi nyinaa no na woaka se, “Ampa, nnipa yi ye ɔman kese a wonim nyansa na wowo ntease.” 7 ɔman kese ben na ɔwo onyame a ɔben wɔn pee te se Awurade, yen Nyankopɔn, a yefre no a ogye yen so yi? 8 Na ɔman kese ben na ɛwo trenee ahyede ne mmara se saa mmara yi a mede rema mo nne yi? 9 Monhwe yiye, na mo ani nna ho yiye pa ara na nna dodow a mote nkwa mu no, mo were amfi nea moahu, anaa ampa amfi mo koma mu. Monkyerekyere mo mma na awo ntoatoaso a ebɛba no nhu. 10 Ka kyere wɔn, ne titiriw no, da a mokogyinaa Awurade, mo Nyankopɔn, anim wo bepɔw Horeb so a oka kyeree me se, “Fre nnipa no wo m’anim na wontie me nsem na wɔasua senea wobedi me ni bere dodow a wote asase no so na ama wɔatumi akyerekyere wɔn mma.” 11 Mubegyina benee bepɔw no ase bere a na bepɔw no rehyew na ogyaframa no retu ko osoro a omununkum ne esum kabii aduru no. 12 Na Awurade kasa fii ogya no mu kyeree mo. Motee nsem no nanso, moanhu no, nne keke na ebɛae. 13 ɔdaa n’apam a okyeree mo se munni so no adi; Mmaransem du a okyere w guu abo pon abien so no. 14 Saa bere no na Awurade kyeree me se menkyerekyere mo ahyede ne mmara a ese se mudi so wo asase a morebetwa Yordan akɔfa no so. 15 Da a Awurade kasa fii ogya mu kyeree mo wo bepɔw Horeb so no moanhu no. Enti monhwe mo akwan yiye, 16 na porɔwee annidi mo amma moanyɛ obosom, ohoni bi seso; se eye ɔbarima anaa ɔbea seso, 17 anaa nea ese asase so aboa bi, anaa anomaa a otu fa wim, 18 anaa nea ese aboa bi a ɔwea wo fam anaa apataa bi a ɔwo nsu ase. 19 Na se mohwe wim na muhu owia, ɔsram ne nsoromma, wim abode nyinaa a, momma enntwetwe mo mma monnkotow nsom nneema a Awurade, mo Nyankopɔn, de ama osoro ase aman no nyinaa no. 20 Na mo de, Awurade yii mo fii ogya framfram a enan dade mu wo Misraim se mommeye n’adiadefo senea mote nne yi. 21 Mo nti, Awurade bo fuw me yiye. ɔkaa ntam se, merentwa Asubɔnten Yordan nkɔ asase pa a Awurade, mo Nyankopɔn, de rema mo se mo agyapade no so. 22 Mewu wo asase yi so; merentwa Yordan;

nanso morebetwa akɔfa asase pa no. 23 Monhwe yiye na moammu apam a Awurade, mo Nyankopɔn, ne mo aye no so. Monye abosom a eye biribiara nseso a mo Awurade, mo Nyankopɔn, abra mo no. 24 Efise Awurade, mo Nyankopɔn no, ye Onyame ninkufo, ogya a ohyew ade. 25 Moawowo mma anya nananom akyi no na moatena asase no so akye no, se moma porɔwee didi mo na moye ohoni bi nam so ye bone wo Awurade mo Nyankopɔn ani so hye no abufuw a, 26 mefre osoro ne asase se nnansefo de tia mo saa da yi se, mobehyew ahi asase a moretwa Yordan akɔfa no so. Morentena ho nkye na wobesee mo ampa. 27 Na Awurade bebɔ mo apansam akɔ aman so a mo mu kakraa bi na ebeka wo aman a Awuradebɛpam mo akɔ so no so. 28 Eho na mobesom onipa nsa ano ahoni a wode nnua ne abo na aye, anyame a wonhu ade na wɔnte asem na wonnidi nte hua no. 29 Eho na mobepere bio ahwehwe Awurade, mo Nyankopɔn no. Na se mode mo koma ne mo kra nyinaa hwehwe no a, mubehu no. 30 Se ɔhaw bi to mo na eyinom nyinaa ba mo so a, akyiri no, mobesan akɔ Awurade, mo Nyankopɔn no, nkyen na moaye osetie ama no. 31 Efise Awurade, mo Nyankopɔn, no ye mmɔborɔhunu Nyankopɔn; ɔrennyaw mo na ɔrensee mo anaa ne were remfi apam a ɔne mo agyanom pamee a ɔkaa ntam sii so no. 32 Hwehwe abakɔsem mu fi bere a Onyankopɔn bɔɔ nnipa wo asase so besi nne yi; hwehwe fi osoro ti de kosi ti. Hwe se biribi kese a ete se eyi asi pen anaase wote biribi saa pen? 33 So nnipa foforo bi ate Onyankopɔn nne se ɔrekasa ahi ogya mu senea motee no na wɔda so te ase yi ana? 34 So onyame foforo bi nam ogye a ɔnam amanehununu, nsenkyerenne a eye nwonwa, ɔko, tumidi ne ahodwiriwde so agye ɔman bi ahi ɔman foforo bi nsam afa se ne de, senea Awurade, mo Nyankopɔn, ye maa mo wo Misraim a na mo ani tua no? 35 ɔdaa eyinom nyinaa adi kyeree mo senea ebeye a mubehu se Awurade ye Onyankopɔn a n’akyi obi nni ho. 36 ɔma motee ne nne fi osoro nam so teeteete mo so. ɔma muhuu ne gya fadum asase so na motee ne nsem fii ogya no mu. 37 Esiane se na ɔpe mo agyanom asem, na ɔpee se ohyira wɔn asefo nti na ɔno ara de n’anim ne ne tumi kese no yii mo fii Misraim no. 38 ɔpam aman a na wɔn ho ye den sen mo no wo mo anim senea ɔde mo beba wɔn asase so abefa se mo agyapade, senea ete nne yi. 39 Enti munhu na momma entena mo koma mu nne yi se Awurade ye Onyankopɔn wo osoro ne asase

so. Obi nni hɔ. **40** Munni saa ahyɛde ne mmara yi a mede rema mo nne no so na ama asi mo ne mo mma yiye, na moanyin akyɛ wɔ asase a Awurade mo Nyankopɔn de rema mo afeɔwɔ no so. **41** Afei, Mose yii nkuropon abiesa bi wɔ Yordan apuei fam **42** a, se ɛba se obi kum obi na wanhyɛ da na onni onipa ko no ho menasepɔw bi a otumi guan kɔ kɔ emu baako so kɔbɔ ne ho aguaa. **43** Oyii Beser a ɛda sare ne asase tataw so no maa Rubenfo. Ɔde Ramot a ɛwɔ Gilead no maa Gadfo na ɔde Golan a ɛwɔ Basan no nso maa Manase abusuakuw. **44** Eyinom ne mmara a Mose de maa Israelfo no. **45** Israelfo no fii Misraim no, akwankyerɛ, mmara ne ahyɛde a Mose de maa wɔn **46** bere a na wɔwɔ obon a ɛben Bet-Peor a ɛda Asubɔnten Yordan apuei fam, wɔ Amorifo hene Sihon a odii ade wɔ Hesbon, a na Mose ne Israelfo no fi Misraim ɛreba no, wɔko dii ne so no. **47** Wɔfaa n'asase no san faa Basanhene Og asase kaa ho. Saa ahemfo baanu yi na wɔyɛ Amorifo ahemfo a wɔte Yordan apuei fam. **48** Saa asase yi na efi Aroer a ɛda Arnon subon no ano kosi Sion bepɔw a ɛyɛ Hermon ho. **49** Israelfo no san faa nsase a ɛwɔ Araba po no ano wɔ Yordan apuei fam de kosi Nkyene Po wɔ Pisga mmeɔpɔw no ase.

5 Mose frɛɛ Israelfo no nyinaa ka kyereɛ wɔn se: Israel, muntie, mmara ne ahyɛde a mede rema mo nne no. Munsua na munni so. **2** Bere a yɛwɔ Horeb no, Awurade yɛn Nyankopɔn ne yɛn yɛɛ apam bi. **3** Ɛnyɛ yɛn agyanom na Awurade ne wɔn yɛɛ apam no, na mmom, ɔne yɛn a yete ase nne yi nyinaa na ɛyɛɛ. **4** Awurade fi bepɔw so ogya mu ne mo kasaa anikann. **5** Migyinaa mo ne Awurade ntam, na mekaa Awurade asem kyereɛ mo efise na musuro ogya no nti, moamforo bepɔw no. Nsɛm a ɔkae no ni: **6** “Mene Awurade, mo Nyankopɔn, a miyii mo fii nkoasom mu wɔ Misraim no. **7** “Monnsom onyame foforo biara nka me ho. **8** Monnye ohoni anaa biribiara a ɛsɛ ade a ɛwɔ wim, anaa nea ɛwɔ asase so, anaa nea ɛwɔ nsu mu, anaa nea ɛwɔ asase ase. **9** Monnkotow ohoni biara nsom no wɔ ɔkwan biara so, na me, Awurade, mo Nyankopɔn, meye ninkufo a metwe mma a wɔtan me no aso wɔ awofonom bɔne a wɔyɛ no ho kɔ awo ntoatoaso abiesa ne anan mu, **10** nanso meda ɔɔɔ adi kyere awo ntoatoaso mpem a wɔɔɔ me na wodi m'ahyɛde so no. **11** Mommmɔ Awurade, mo Nyankopɔn no, din basabasa. Se moyɛ saa a, obebu mo fɔ. **12** Monkae homeda na munni no sɛ da kronkron. **13** Nnansia na momfa nye mo nnwuma nyinaa, **14**

na da a ɛto so ason no yɛ Homeda ma Awurade, mo Nyankopɔn. Saa da no, ɛnsɛ sɛ moyɛ adwuma biara; ɛnsɛ sɛ mo mmabarima, mo mmabea anaa mo asomfo anaa mo anantwi ne mo mfurum anaa mo ahɔho yɛ adwuma biara. **15** Monkae sɛ bere bi a atwa mu no na moyɛ nkoa wɔ Misraim na Awurade, mo Nyankopɔn, nam anwonwatumi ne tumi nnnwuma so na oyii mo fii hɔ. Ɛno nti na Awurade mo Nyankopɔn hyɛ mo sɛ munni Homeda no. **16** Di w'agya ne wo na ni sɛnea Awurade, mo Nyankopɔn, ahyɛ mo no, na ama wo nkwan aware, na asi wo yiye wɔ asase a Awurade wo Nyankopɔn de rema wo no so. **17** Nni awu. **18** Nsɛ aware. **19** Mmɔ korɔn **20** Nni wo yɔnko ho adansekurum **21** Mma w'ani mmere wo yɔnko yere. Mma w'ani mmere wo yɔnko fi anaa n'asase anaa n'akoa anaa n'afenaa, ne n'anantwi, n'afurum anaa biribiara a ɛyɛ wo yɔnko dea.” **22** Eyinom ne mmaransɛm a Awurade de nne kɛse a efi ogyaframa no mu pae mu ka kyereɛ mo fii omununkum a esum kabii atwa ho ahyia mu wo bepɔw no so a wamfa hwee anka ho. Na ɔkyerɛw guu abo pon abien so de maa me. **23** Motee nne no fii esum mu bere a bepɔw no so redɛw ogya framfram no, mmusuakuw mu ntuanofɔ no nyinaa baa me nkyɛn. **24** Wɔkae se, “Awurade, yɛn Nyankopɔn, akyere yɛn n'anuonyam ne ne tumi na yɛate ne nne afi ogya no mu. Nne, yɛahu sɛ, sɛ Onyankopɔn ne onipa kasa koraa a, onipa tumi tena ase. **25** Na afei, adɛn nti na ɛsɛ sɛ yewuwu? Se Awurade, yɛn Nyankopɔn, kasa kyere yɛn bio a, akyinnye biara nni ho sɛ yebewu na ogya no ahyew yɛn pasaa. **26** Efise ɔkra teasefo ben na wate Onyankopɔn teasefo no nne sɛ ɛrekasa fi ogyaframa no mu na watena ase ana? **27** Kɔ na kotie nea Awurade, yɛn Nyankopɔn no, ka no. Na afei, bra na beka biribiara a ɔka kyereɛ wo no kyere yɛn, na yebetie na yeadi so.” **28** Awurade tee mo nne bere a mokasa kyereɛ me no, Awurade ka kyereɛ me se, “Mate nsɛm a saa nnipa yi ka kyereɛ wo no. Nsɛm a wɔkaa no nyinaa ye. **29** Aɔ, sɛ daa wobɛnya koma sɛnea ɛbɛma wɔasuro me na wɔadi m'ahyɛde nyinaa so a, anka ebeye ama wɔn ne wɔn asefo nyinaa afeɔwɔ. **30** “Kɔ na kɔka kyere wɔn se, wɔnsan mmra wɔn ntamadan mu. **31** Nanso wo de, wo ne me ntena ha sɛnea ɛbeyɛ a metumi de m'ahyɛde ne me mmara ama wo. Wobekyerekyere nnipa no sɛnea wobetie wɔ asase a mede rema wɔn no so sɛ wɔn agyapade no.” **32** Enti mohwe yiye na n monye nea Awurade mo Nyankopɔn ahyɛ mo no; momman mfa nifa anaa

benkum. **33** Munni nea Awurade, mo Nyankopɔn, ahye mo no nyinaa so na ama moanya nkwa, na asi mo yiye, na no nna aware wɔ asase a morekɔfa no so.

6 Eyinom ne ahyede, mmara ne nhyehyee a Awurade mo Nyankopɔn ka kyereɛ me se menkyerekkyere mo na munni so wɔ asase a moretwa Yordan akɔfa no so, **2** senea ebeye a mo mma ne wɔn mma besuro Awurade, mo Nyankopɔn, mmere dodow a mote ase no, na moadi ne mmara ne n'ahyede a mede ma mo no nyinaa so nyinaa so a mo nkwanna aware. **3** Muntie, Ao Israel, na monhwe yiye nni so senea ebeye a ebisi mo yiye na mo ase atɛw yiye wɔ asase a nufusu ne ɛwo resen wɔ so no so senea Awurade, mo agyanom Nyankopɔn, hyee mo ho bɔ no. **4** Tie, Ao Israel, Awurade yen Nyankopɔn ye Awurade koro. **5** Do Awurade wo Nyankopɔn fi wo koma nyinaa mu ne wo kra nyinaa mu ne w'ahɔɔden nyinaa mu. **6** Momma saa mmaransem a mede rema wo nne yi ntena mo koma mu. **7** Momfa nhye mo mma mu. Se mote fie anaa monam ɔkwan so, se moda hɔ anaa mosɔre a, monka ho asem. **8** Monkyekye no se agyiraehyede mmɔ mo nsa na momfa bi mmɔ abotiri. **9** Monkyerew ngu mo afi apongua ne mo abobow ano apon so. **10** Awurade mo Nyankopɔn de mo ba asase a ɔkaa ntam se ɔde bema mo agyanom Abraham, Isak ne Yakob no, asase a nkuroɔn a enye mo na mokyekyeree ahye so ma no so, **11** afi a nneema pa ahorow a enye mo na moyee ahye no ma, mmura a enye mo na mututui, bobeturo a enye mo na moyee ne ngonnua a enye mo na muduae no so. Se mudidi mee wɔ saa asase yi so a, **12** monhwe yiye na mo were amfi Awurade a ogyee mo fii nkoasom mu wɔ Misraim asase so no. **13** Eɛ se musuro Awurade, mo Nyankopɔn, na mosom ɔno nko ara. Ne din nko ara na momfa nka ntam. **14** Munnni anyame foforo akyi; anyame a wɔye nnipa a wɔatwa mo ho ahyia no anyame no; **15** na Awurade mo Nyankopɔn a ɔwɔ mo ntam no ye Onyankopɔn ninkufo a n'abufuw no behyew mo, na ɔbesee mo afi asase no so. **16** Monnsɔ Awurade, mo Nyankopɔn, nhwe senea moyee bere a na mowɔ Masa no. **17** Eɛ se mudi Awurade, mo Nyankopɔn, ahyede ne nea ɛwɔ mmara a ɔde ama mo no mu no so pɛpɛɛɛ. **18** Monye de ɛteɛ na eye wɔ Awurade ani so na biribiara awie mo yiye. Na moakɔ akɔfa asase pa a Awurade hyee ho bɔ kyereɛ mo agyanom no, **19** na moapam atamfo a wɔwɔ mo anim no nyinaa senea Awurade kae no. **20** Daakye bi, se mo mma bisa mo se, "Saa

mmara ne n'ahyede a Awurade, yen Nyankopɔn, de ama mo yi ase ne den?" **21** a monka nkyere wɔn se, "Na yeye Farao nkoa wɔ Misraim nanso Awurade nam anwonwatumi so yii yen fii Misraim. **22** Yen ani tua Awurade nsenkyerenne ne anwonwade akese na eye hu a ɔye tiaa Misraim, Farao ne ne nkurafo nyinaa. **23** Oyii yen fii Misraim senea ebeye a, obetumi de asase a wahye yen agyanom ho bɔ no ama yen. **24** Na Awurade yen Nyankopɔn hyee yen se yenni mmara no nyinaa so na yemfa obu ne nidi mma no senea ebema asi yen yiye daakye senea ɛte nne yi. **25** Efise se yedi mmara no nyinaa a Awurade, yen Nyankopɔn, de ama yen no so a, ebeye yen trenee."

7 Se Awurade, mo Nyankopɔn, de mo ba asase a morebekɔ akotena so no so, na ɔpam amanaman pii a wɔwɔ mo anim, a wɔye Hetifo, Girsasifo, Amorifo, Kanaanfo, Perisifo, Hewifo ne Yebusifo, aman ason a wɔwɔ so na wɔye den sen mo, **2** na Awurade, mo Nyankopɔn, de saa aman yi hye mo nsa na mudi wɔn so a, monsee wɔn pasapasa. Mo ne wɔn nhyehyee apam biara na munnhu wɔn mmɔbɔ. **3** Mo ne wɔn nni aware na mommma mo mmabea ne mo mmabarima nware wɔn mmabarima ne wɔn mmabea. **4** Efise wobema mo mma asan afi m'akyi akɔsom wɔn anyame foforo. Na Awurade abufuw bedew atia mo na wasee mo ntem. **5** Nea eɛ se moye wɔn ne se, mummubu wɔn aforemuka na munnwiriw wɔn abosom adum no ngu. Muntwitwa wɔn abosompɔw ngu na monhyew wɔn ahoni. **6** Na moye nnipa kronkron a moye, Awurade, mo Nyankopɔn no, de. Nnipa a wɔwɔ asase so nyinaa mu no, mo na Awurade, mo Nyankopɔn, ayi mo se n'agyapade a ɛsom no bo. **7** Enye se modɔɔso sen nnipa a aka no nti na Awurade anya mo ho do no, mo na na musua koraa wɔ nnipa no nyinaa mu. **8** Na mmom, Awurade dɔɔ mo na odii ne ntam a ɔka kyereɛ mo agyanom se ɔde ne nsa a tumi wɔ mu no beyi wɔn afi nkoasom asase so ne Misraimhene Farao tumi ase no. **9** Enti munhu se, Awurade, mo Nyankopɔn, ye Onyankopɔn; ɔye nokware Nyankopɔn a odi wɔn a wɔdɔ no na wodi n'ahyede so no do apam so kosi awo ntoatoaso apem so. **10** Nanso, ɔntwentwen na ɔtwe wɔn a wokyi no no aso, see wɔn. **11** Eno nti, monhwe yiye na munni ahyede ne mmara a mede rema mo nne yi nyinaa so. **12** Se mutie mmara yi na mudi ne nyinaa so nokware mu a, Awurade, mo Nyankopɔn no, nso bedi n'apam a ofi ne nokware do mu ne mo agyanom pamee no so. **13** ɔbedɔ mo na wahyira mo

na wama mo ase afɛɛ. Obehyira mo yafunu mu ade; mo asase so nnɔbae, mo atoko, nsa foforo ne ngodua, mo nantwimma ne nguamma wɔ asase a ɔkaa ho ntam kyereɛ mo agyanom se ɔde bema mo no so. **14** Wobehyira mo akyɛn aman a wɔwɔ asase so no nyinaa. Mo mmarmima renye asaadwe na mo mmea nso renye abonin na mo nyemmoa nso bewowo. **15** Na Awurade bebɔ mo ho ban afi ɔyare nyinaa ho. Ɔremma owuyare a bi bɔɔ mo wɔ Misraim no bi mmo mo na ɔde saa ɔyare no nyinaa begu mo atamfo so. **16** Monsee aman a Awurade mo Nyankopɔn de behye mo nsa no nyinaa. Munhu wɔn mmɔbɔ na monnsom wɔn anyame. Se moye saa a, ebesum mo afiri. **17** Mubebisa mo ho se, “Na se saa aman yi ye den kyɛn yen. Ebeye den na yeatumi apam wɔn?” **18** Nanso munnsuro wɔn. Monkae ade a Awurade, mo Nyankopɔn, de yee Farao ne ne manfo nyinaa wɔ Misraim no. **19** Mode mo ankasa mo ani huu amanehun, nsenkyerenne a eye hu ne anwonwasem a ebaa wɔn so, tumi nsa ne abasa a wɔatɛw mu a Awurade, mo Nyankopɔn, nam so yii mo fii ho no. Nnipa a musuro wɔn mpɛmpɛn no, Awurade Nyankopɔn de wɔn befa saa ɔkwan koro no ara so. **20** Eno akyi no, Awurade, mo Nyankopɔn, bema mpenaa abɛpam kakra a wɔaka no afi wɔn ahintawee mu kosi se wɔn ase betɔre. **21** Munnsuro saa aman no, efise Awurade, mo Nyankopɔn, a ɔso na ne ho ye nwonwa no wɔ mo afa. **22** Nkakrankakra, Awurade, mo Nyankopɔn, bedi mo anim kan apam saa aman no. Ɔrenyi wɔn nyinaa mfi ho pɛko pɛ; anye saa a, nkekaboa no ase bedɔ ntɛm na wɔaba mo so. **23** Nanso Awurade, mo Nyankopɔn, de wɔn behye mo nsa, na ɔbema wɔn adwene aye basabasa akosi se ɔbesee wɔn. **24** Ɔde wɔn ahemfo behye mo nsa na mɔbɛpɛpa wɔn din afi ɔsoro ase. Obiara rentumi nsɔre ntia mo; mɔbesee wɔn. **25** Momfa ogya nhyew wɔn anyame ahoni no. Mommma mo ani mmere dwetɛ anaa sikakɔkɔ a egugu so no na mommfa; anye saa a ebeye mfiri ayi mo, efise eye Awurade, mo Nyankopɔn, akyiwade. **26** Mommfa akyiwade biara mma mo fi na wɔanyi mo angu nkyɛn amma ɔsee se eno ara pɛ. Munhu no se enye a wokyi korakora; efise wɔayi ato ho ama ɔsee.

8 Monhwɛ yiye na munni ahyede a merema mo nne yi biara so, senea ebeye a mubenya nkwa na mo ase adɔ dɔso na moakɔfa asase a Awurade kaa ntam de hyee mo agyanom bɔ no atena so. **2** Monkae senea Awurade mo Nyankopɔn dii mo anim faa sare so mfe

aduanan, nam so brɛɛ mo ase de sɔɔ mo suban hwɛɛ se mubedi ne mmara so anaase morenni so no. **3** Nokware, ɔmaa ɔkɔm dee mo nam so brɛɛ mo ase na ɔmaa mo mana, aduan a na anka mo ne mo agyanom nnii bi da, dii. Ɔyee saa de kyereɛ mo se, enye aduan nko ara na eho hia onipa wɔ n’asetena mu, na mmom, asem biara a efi Awurade anom. **4** Mfe aduanan yi nyinaa mu, mo ntade antetew na mo anan ammo mpumpunnya na anhonhon nso. **5** Munhu wɔ mo koma mu se, senea ɔbeatɛn tɛɛ ne ba no, saa ara nso na Awurade, mo Nyankopɔn, tɛɛ mo de siesie mo no. **6** Munni Awurade, mo Nyankopɔn, ahyede so na monnantew n’akwan so na momfa nidi mma no. **7** Efise mo Awurade de mo rekɔ asase pa so; asase a nsuten, mmura ne nsuti sen wɔ abon ne mmepɔw mu; **8** asase a atoko, awi, bobɛ, borɔdɔma, atoaa, ngodua ne ewo wɔ so. **9** Eye asase a aduan abu wɔ so a wonni biribiara ho hia wɔ so; asase a eso abo ye adaban na wobetumi atu kɔbere wɔ ne mmepɔw mu. **10** Se mudidi mee a, munhyira Awurade, mo Nyankopɔn, wɔ asase pa a ɔde ama mo no nti. **11** Na monhwɛ yiye na mo were amfi Awurade, mo Nyankopɔn, se morenni ne mmara ne n’ahyede a merehye mo nne yi so. **12** Anye saa na se mudidi na momɛɛ na musisi mo afi afefe, na mokɔtenatena mu. **13** na mo anantwi ne nguan ase dɔ, na munya dwetɛ ne sika pii, na mo agypade nyinaa dɔso. **14** a, saa bere no na ese se mohwɛ yiye. Monnye ahomaso na mommma mo were mmfi Awurade mo Nyankopɔn a oyii mo fii Misraim nkoasom asase so no. **15** Ɔno na odii mo anim yii mo fii sare a na eso ye hu, asase sakoo a osukɔm wɔ so, na awɔ ne nkekantwere a wɔn ano wɔ bore wɔ so no so. Ɔmaa mo nsu fi ɔbotan mu. **16** Ɔmaa mo mana aduan a mo agyanom nnim dii wɔ sare so. Ɔyee eyi de brɛɛ mo ase, de sɔɔ mo hwɛɛ na wama awiei no asi mo yiye. **17** Ɔyee saa de kyereɛ mo se, ense se modwene se mo ahonya no fi mo ankasa mo ahɔɔden mu. **18** Daa monkae se Awurade, mo Nyankopɔn, a ɔma mo tumi ma moye adefo no, ɔye saa de di apam a ɔne mo agyanom hyee no so. **19** Se mo were fi Awurade, mo Nyankopɔn, na mokodi anyame afoforo akyi, som wɔn, kotow wɔn a, see na wɔbesee mo. **20** Senea Awurade asɛɛ amanaman a na wɔwɔ mo anim no, mo nso se moantie Awurade, mo Nyankopɔn no a, saa ara na wɔbesee mo.

9 Israel, muntie: Morekotwa Yordan na moawura mu akogyɛ aman a esoso na wɔwɔ ahɔɔden kyɛn mo

na wowa nkuropon akese wo mu na won afasu koka sorosoro no, agyapade. **2** Nnipa no wo ahooden na wawoware; Anakfo! Moate won nka na moate se woka se, “Hena na obetumi ne Anakfo agyina?” **3** Nanso merehye mo ase nne se, Awurade, mo Nyankopon, na oredi mo anim te se ogyaframa a eresee ade. Obesee won. Obebre won ase wo mo anim. Na moapam won na moatore won ase ntem pa ara senea Awurade hye mo bo no. **4** Se Awurade, mo Nyankopon, tu won gu a, monnka wo mo koma mu se, “Esiane yen trennee nti na Awurade de saa asase yi ama yen.” Dabi, eye aman no amumoyesem nti na Awurade redi mo anim apam won. **5** Enye se moye atreneefo ne nokwafo nti na morekofa won asase no; mmom, efi won amumoye nti, Awurade, mo Nyankopon, bepam saa aman yi adi mo anim de ahye ntam a wadi kan aka akyere mo agyanom Abraham, Isak ne Yakob no ma. **6** Monte ase se, enye se moye atreneefo nti na Awurade, mo Nyankopon, de saa asase pa yi rema mo. Moye oman a asooden ahye mo ma. **7** Monkae eyi na mommma mo were mmfi senea mohyee Awurade, mo Nyankopon abufuw wo sare so ho no. Efi bere a mutu fii Misraim besi se muduu ha yi, moako so atew Awurade anim atua. **8** Mohyee Awurade abufuw wo Horeb a anka ope se osee mo. **9** Mekoo bepaw no so se merekogye abo kyerewpon a na woakyerew apam a na Awurade ne mo apam no agu so no, metenaa ho nnafula aduanan, mannidi na mannom. **10** Awurade de apam a ewo abo kyerewpon a Onyankopon ankasa akyerew nsem a ofi ogya a ewo bepaw no so no mu ka kyeree mo no nyinaa maa me. **11** Na awia ne anadwo adaduanan no baa awiei no, Awurade de abo pon abien a woakyerew apam no wo so no maa me. **12** Afei, Awurade ka kyeree me se, “Sian fi ha ntem ko, efise nnipa a wudii won anim fi Misraim no adan abonefo. Wooman ahi ahyede a memaa won no ho na woaye ohoni afa.” **13** Na Awurade ka kyeree me se, “Mahwe saa nnipa yi ara ahu se, won aso ye den pa ara. **14** Ma me kwan na mensae na mempepa won din mfi osoro ase. Na menam so maye w’asefo oman kese; oman a eso na ewo ahooden sen senea ete nne yi.” **15** Enti misian fii ogya bepaw no so a na mikura abo apon abien a apam no wo so no. **16** Mehwee no, mihuu se moaye bone atia Awurade, mo Nyankopon; Moagu nantwi ba seso honi ama mo ho. Moaman ahi Awurade kwan a okyeree mo se momfa so no so ntem. **17** Enti memaa obo apon no so koo soro na metow hwee fam.

Mibubuu no wo mo anim. **18** Afei, medaa Awurade anim awia ne anadwo adaduanan a manni brodo, annom nsu. Meyee eyi, efise se moaye ade a Awurade kyi nti, moaye bone na enam so ama ne bo afuw yiye. **19** Misuroo Awurade abufuw ne so asotwe, efise na ne bo afuw yiye a obetumi asee mo. Nanso, otiee me bio. **20** Na Awurade bo fuw Aaron a na anka ope se osee no. Nanso meboo mpae maa Aaron nso. **21** Mefaa mo bone, nantwi ba a moaye no, na menan no wo gya mu yam no muhumuhu. Metow ne mfutuma no guu asuwa bi a esen fi bepaw no mu no mu. **22** Mohyee Awurade abufuw wo Tabera, Masa ne Kibrot-Hataawa nso. **23** Kades-Barnea nso, Awurade somaa mo wo saa ohye yi so se, “Monko soro ho nkofa asase a mede ama mo no.” Nanso mubuu Awurade, mo Nyankopon no, ahyede so na moamfa mo ho anto no so antie n’asem. **24** Efi bere a mihuu mo no, daa mosore tia Awurade. **25** Eno nti na bere a Awurade sii n’adwene pi se obesee mo no, mekooda n’anim awia ne anadwo nnafula aduanan no. **26** Meboo mpae sree Awurade se, “Otumfo Awurade, nsee wo man ne w’agyapade a wode wo keseye agye asi ho na wode wo nsa a eye den ayi won ahi Misraim no. **27** Yi w’ani fi saa nnipa yi komapirim ne asooden ne won bone so na kae wo nkoo Abraham, Isak ne Yakob. **28** Anye saa a, Misraimfo no beka se, ‘Awurade seee won, efise wantumi amfa won anko asase a okaa ntam se ode bema won no so. Anaase nso, wobeka se, osee won, efise otan won; ode won baa sare so se okokokunkum won.’ **29** Nanso woye wo nkurofo ne w’agyapade a wonam tumi a eso ne w’abasa a wotrew mu so yii won.”

10 Saa bere no, Awurade ka kyeree me se, “Twa abo apon no abien te se kan de no na foro bra me nkyen wo bepaw no so. Afei, ye dua adaka a wobekora wo mu. **2** Mekyerew nsem a mekyerew guu abo apon abien a edi kan a wububuu mu no bi perepere agu so. Na fa hye adaka no mu.” **3** Na mede dua okanto yee adaka, sen abo apon abien se kan de no, na meforoo bepaw no a na mikura apon abien no. **4** Awurade kyerew nsem a wakerew bi dedaw, Mmaransam Du, a okaa ho asem kyeree mo fi ogya mu wo bepaw no so wo mo nhyiamu ase no guu apon no so. Na Awurade de maa me. **5** Na misan fii bepaw no so na mede abo apon no behyee adaka a maye no mu senea Awurade hye me se menye no, na ewo ho besi nne. **6** Na Israelfo tu fii Beerot-Bene-Yaakan mmura ho koo Mosera. Eho na Aaron wu ma wosiee no. Aaron babarima Eleasar

sii n'anana mu dii sofo. 7 Wofi ho tu koo Gudgod. Wofi Gudgod no, woko Yotbata, asase a nsuten pii wo so. 8 Eho na Awurade yii Lewifo abusuakuw se wonsoa Awurade apam adaka no na wonnyina Awurade anim nsom no na womfa ne din so nhyira, senea woye no nne yi. 9 Eno nti na Lewifo no nni agyapade wo won mfefo Israelfo no mu no. Awurade no ankasa ne won agyapade senea Awurade, mo Nyankopon, ka kyeree won no. 10 Na metenaa bepaw no so wo Awurade anim adaduanan, awia ne anadwo senea meye kan no. Na Awurade tie me bio. Na enye ne pe se obese mo. 11 Awurade ka kyeree me se, "Sore na di nnipa no anim fa won ko asase a mekaa ntam se mede bema won agyanom no so na womfa no se agyapade." 12 Na afei, Israel, den na Awurade, mo Nyankopon, hwehwe afi mo nkyen? Ohwehwe se musuro no na moye n'apede, na mode mo koma ne mo kra nyinaa do no na mosom no, 13 na mudi Awurade ahyede ne ne mmara a mede rema mo nne yi so, na asi mo yiye. 14 Osorosoro mu soro ne asase ne nea ewo mu nyinaa ye Awurade, mo Nyankopon no, de. 15 Nanso Awurade nyaa abadae maa mo agyanom na odo won, na opaw mo a moye won asefo gyaa aman nyinaa senea ete nne yi. 16 Eno nti, monhohoro mo koma mu bone na munnya asooden no. 17 Na Awurade, mo Nyankopon, ye ahene mu hene ne anyame mu nyame. Oye Onyankopon kese, otumfo ne onwonwani a onkyea n'aso na onnye adanmude nso. 18 Oko ma nyisaa ne akunafo, na odo ahoho a wote mo mu. Oma won aduan ne ntama. 19 Mo nso, ese se modo ahoho, efise bere bi na mo ankasa nso ye ahoho wo Misraim asase so. 20 Munsuro Awurade, mo Nyankopon, na mosom no. Moka mo ho mmata ne ho, na mo ntam a moka nye ne din nko ara. 21 Oye mo Nyankopon a ese se mokamfo no. Ono na waye anwonwade akese a mo nyinaa ahu bi. 22 Na mo agyanom a woko Misraim no nyinaa dodow ye aduason. Nanso afei, Awurade, mo Nyankopon no ama mo ase ado te se soro nsoromma.

11 Monno Awurade mo Nyankopon na munni n'apede, ne mmara ne n'ahyede so bere nyinaa. 2 Nne, muntie, se enye mo mma na wonyaa osuah, huu Awurade, mo Nyankopon no nteeso, ne tumi, ne basa kese, ne nsa a watee mu; 3 nsenkyerenne a oye ne nneema a oye wo Misraim pee maa bi kaa Misraimhene Farao ne oman mu no nyinaa no; 4 dwuma a odii Misraim asraafo, won apoko ne won nteaseenam no; senea omaa Po Koko yiri faa won

bere a wotaa mo no ne senea Awurade seee won bere a wotaa mo no; ne senea Awurade de osee a to ntwa baa won so no. 5 Enye mo mma na wohuu nea oye maa mo wo sare so ho de kosii se mubeduu ha yi; 6 ne nea ode yee Eliab a na oye Rubenni no mma Datan ne Abiram bere a omma asase buee n'anom wo mo Israelfo no anim menea won ne won afi ne won ntamadan ne biribiara a na eye won agyapade a nkwa wo mu no. 7 Mmom, eye mo ankasa mo ani na mode ahu saa nneema akese a Awurade aye yi nyinaa. 8 Enti munni mmara a merehye mo nne yi nyinaa so senea ebeye a mubanya ahooden akofa asase a morebetwa Yordan ako so akofa yi, 9 na mo nna aware asase a nufusu ne ewo sen wo so a Awurade kaa ntam kyeree mo agyanom se ode bema won ne won asefo no so. 10 Asase a moreko so akofa no nte se Misraim asase a mufi so bae no a na mudua nnobae a mode mo nan twa suka te senea moye atomude turo no. 11 Na asase a moretwa Yordan akofa no ye mmepaw ne abon a enya osu a efi osoro. 12 Eye asase a Awurade, mo Nyankopon no, ani wo ho. Daa Awurade, mo Nyankopon, ani wo so fi afe no mfiase de kosi n'awie. 13 Se mufi nokwaredi mu di mmara a merehye ama mo nne yi so se mode mo koma ne mo kra nyinaa bedo Awurade, mo Nyankopon no, na moasom no a, 14 eno de, obeto osu agu no asase so ne bere mu ama mo, na moatumi atwa mo awi, nsa foforo ne ngo. 15 Obema mo sare pii na mo anantwi awe na mo nso mubedidi amee. 16 Monhwe yiye, anye saa a wobetwetwe mo ama moakosom anyame afoforo na moakotow won. 17 Eno na ebema Awurade abufuw ahuru atia mo; na obeto osoro mu, na osu rento, na asase remmo aduan biara, na enkye na moawuwu afi asase a Awurade de rema mo no so. 18 Enti momma me nsem yi ntim wo mo koma ne mo adwene mu. Momfa nkyekyerere mo nsa se nkae ade na momfa mmo abotiri. 19 Monkyerakyere mo mma na monka ho asem nkyere won bere a mote fie ne bere a monam akwan so; bere a modeda ho ne bere a mosore. 20 Monkyerew ngu mo afi apongua ne mo abobow ano apon so, 21 senea ebeye a, osoro da so kata asase ani yi, mo ne mo mma nkwa beware wo asase a Awurade kaa ho ntam se ode bema mo agyanom no so. 22 Se mudi ahyede ahorow a mede rema mo se munni so; se monno Awurade, mo Nyankopon, nye osetie mma no na munni no ni, yi so pepepe a, 23 eno de, Awurade bepam saa aman yi nyinaa wo mo anim, na mubetu

aman a esoso na woye den sen mo no agu. **24** Baabiara a mode mo anan betia no beye mo de. Mo ahye betrew a fi sare so akosi Lebanon, na a fi Asubonten Eufrate akosi Ntam Po no. **25** Obiara rentumi nsore ntia mo, efise senea Awurade, mo Nyankopon, ahye bo no, ode mo ho huboa ne osuro beto asase no nyinaa so wo baabiara a mobeko. **26** Hwe, nne mede nhyira ne nnome resi mo anim; **27** se mudi Awurade, mo Nyankopon, mmara a merehye ama mo nne yi so a, ebeye nhyira. **28** Na se mopo Awurade, mo Nyankopon mmara dan fi n'akwan a merehye mo nne yi so, kosom anyame afoforo a, ebeye nnome. **29** Na se Awurade, mo Nyankopon, de mo du asase a moreko so akofa no a, monka nhyira nsem mfi Gerisim Bepow no so na monka nnome nsem nso mfi Ebal Bepow so. **30** Senea munim no, mmepow abien yi wo Asubonten Yordan agya wo atce fam, a ekyere owitae na eben More kwae wo Kanaanfo a wote Araba no asase so; faako a won ani tua Gilgal no. **31** Moreye atwa Yordan akofa asase a Awurade, mo Nyankopon, de rema mo no. Se mokofa saa asase no kotena so a, **32** monhwe yiye na munni mmara ne ahyede ahorow a mede rema mo nne yi no nyinaa so.

12 Eyinom ne mmara ne ahyede a ese se mohwe na mudi so, mmere dodow a mote asase a Awurade, mo agyanom Nyankopon, de ama mo no so. **2** Se mutu aman a wotete ho no fi ho a, mosese mmeae ahorow bi se mmepow atifi, nkoko so, ne nnua a atretrew no ase a wosom won anyame no nyinaa. **3** Mummubu won aforemuka nyinaa na monyam won osom adum no. Momfa ogya nhyew won abosompow na mommobo won ahoni a woyeye no. Mompepa won ahoni no din mfi mmeae ahorow a ewo no. **4** Momma won akwan no so nsom Awurade, mo Nyankopon. **5** Na mmom, monhwehwe faako a Awurade, mo Nyankopon, beyi a fi mo mmusuakuw mu ama mo no na munnyina ne din wo ho se n'ateneae. Beae ho na ese se moko. **6** Eho na momfa mo hyew aforebode mmra mmebo a mo ntotoso du du, akyede sononko, ade a moaka ho ntam se mode beba ne aforebode a efi mo pe mu, mo anantwi ne mo nguan mu mmakan nso nka ho. **7** Eho, Awurade, mo Nyankopon no anim ho no, na mo ne mo abusuafo bedidi na mo ani agye wo biribiara a mode mo nsa aka ho, efise Awurade, mo Nyankopon, ahyira mo. **8** Nne yi, nea mope biara na moye, nanso ense se eba saa, **9** efise munnuu ahomegyebea ne agyapade a Awurade, mo Nyankopon, de rebema mo no ho e. **10**

Nanso mubetwa Asubonten Yordan akotena asase a Awurade, mo Nyankopon, de rema mo se agyapade no so. Na obema mo ahomegye ne bamm a fi mo atamfo a wotawa mo ho ahyia no nsam na moatena ase dwoodwoo. **11** Momfa biribiara a mehye mo se momfa mmra se eye mo ahyew aforebode, ntotoso du du, akyede sononko ne mo oma ahorow no mfa nhye mo ntanka no mu kena wo beae a Awurade, mo Nyankopon, beyi ama mo a se monsore ne din wo ho no. **12** Mo ne mo mmabarima, mo mmabea ne mo nkoa nyinaa nnye mo ani wo ho wo Awurade, mo Nyankopon no, anim. Na monkae Lewifo a wotete mo nkurow so no a wonni won ankasa agyapade no. **13** Monhwe yiye na moamm mo hyew afore wo baabiara a mope. **14** Mommo wo baabi patee a Awurade ayi a fi mo mmusua asase bi mu ama mo no nkutoo. Eho na monye biribiara a mehye mo se monye no. **15** Nanso kurow biara a mope so no, mutumi kum mmoa we senea mukum atwe ne adabo no. Mutumi we nam dodow biara a Awurade, mo Nyankopon, de behyira mo no. Won a won ho tew ne won a won ho ntew no nyinaa tumi we bi. **16** Nanso ense se mudi mogya no. Muntwa ngu fam te se nsu. **17** Ense se mudi mo afore, ntotoso du du a efi mo atoko mu, mo nsa foforo ne ngo anaa mo anantwi ne mo nguan abakan wo mo kurow mu. Biribiara a moaka ho ntam se mode bema Awurade anaa nea mufi mo koma mu ahye ho bo anaa akyede sononko biara no, ense se mudi. **18** Mmom, ese se mudi wo Awurade, mo Nyankopon, anim wo faako a Awurade, mo Nyankopon no, bekyere mo a mo, mo mmabarima ne mo mmabea, mo nkoa ne mo mfenaa ne Lewifo a wofi mo nkurow mu ka ho no, munnye mo ani wo Awurade, mo Nyankopon no, anim wo biribiara a mope no ho. **19** Monhwe yiye na moanyi Lewifo no mu wo mmere dodow a mote mo asase so no. **20** Se Awurade, mo Nyankopon, trew mo hye mu senea wahye mo ho bo no, na se mo kon do nam ka se, “Yenya nam bi a anka yebewe” a, eno de, mubetumi awe nam dodow biara a mope. **21** Se faako a Awurade, mo Nyankopon no, ayi ama mo se monkamfo ne din ho no ne mmeae a mowo no ntam ware a, mutumi kum mo anantwi anaa nguan a Awurade de ama mo no dodow biara a mope no wo mo a fi mu senea mahye mo no. **22** Monwe senea mowe atwe anaa adabo. Won a won ho ntew ne won a won ho tew no nyinaa tumi we bi. **23** Monhwe se morenni mogya no, efise mogya no ne nkwa no, na ense se mudi nkwa no ne nam

no. **24** Munni mogya no; mmom, munhwie ngu fam se nsu. **25** Munnni mogya no na asi mo ne mo mma yiye, efise moye saa a na moaye nea etee wɔ Awurade ani so. **26** Momfa mo nneema a moatew ho ne nea moaka ho ntam se mobema biara no, na monko beae a Awurade bepaw no. **27** Momfa mo zhyew afoɛ, nam ne mogya no nyinaa, ngu Awurade, mo Nyankopɔn no, afoɛmuka so. Eɛ se muhwe mo afoɛbɔde no mogya no gu Awurade, mo Nyankopɔn no, afoɛmuka no nkyɛn. Mmom, mubetumi awe nam no. **28** Monhwe se mubedi mmara ahorow a mede rema mo yi nyinaa so, na asi mo ne mo mma a wɔbeba wɔ mo akyi no yiye, efise eno na ebeye nea eye ne nea etee wɔ Awurade, mo Nyankopɔn no ani so. **29** Na Awurade, mo Nyankopɔn no, bedi mo anim kan akɔsee aman a morekɔtoa wɔn no na mopam wɔn. Na se mopam wɔn kɔtena wɔn nsase no so, **30** na se wonya di mo anim see wɔn a, monhwe yiye na moammisa wɔn anyame no ase anka se, “Ɔkwan bɛn so na saa aman yi fa som wɔn anyame? Yɛɛ se yeye saa bi,” amfa so ankɔtɔ afiri mu. **31** Mommfa wɔn kwan so nsom Awurade, mo Nyankopɔn no, efise wɔn anyame no som mu no, wɔye akyiwade ahorow a Awurade kyi no nyinaa mpe. Mpo, wɔhyew wɔn mmabarima ne wɔn mmabea wɔ ogya se wɔde rebɔ afoɛ ama wɔn anyame no. **32** Monhwe se mubedi nea mahye mo no nyinaa so; mommfa bi nka ho na munnyi bi nso mfi mu.

13 Se odiyifo anaa obi a ɔnam adaeso so ka ahintasem sɔre wɔ mo mu na ɔka nsɛnkyerɛnne a eye hu ne anwonwasɛm kyere mo, **2** na se nsɛnkyerɛnne anaa anwonwasɛm no ba mu na ɔka se, “Momma yenni anyame afoforo akyi (anyame a munnim wɔn) na yɛnsom wɔn” a, **3** ɛnse se mutie saa odiyifo anaa ɔdaesofo no nsem. Awurade, mo Nyankopɔn, resɔ mo ahwe se mufi mo koma ne mo kra mu nyinaa do no ana. **4** Awurade, mo Nyankopɔn no, na ɛse se mudi n'akyi na ɔno na ɛse se mode obu ne nidi ma no. Munni ne mmara so na monye osetie mma no; monsom no na mommata ne ho den. **5** Eɛ se wokum saa odiyifo anaa ɔdaesofo no, efise ɔkasa tia Awurade, mo Nyankopɔn no, a oyii mo fii Misraim nkoasom asase no so no; wayere ne ho se ɔpe se ɔtwe mo fi ɔkwan a Awurade, mo Nyankopɔn no, ahye se momfa so no so. Eɛ se mututu abɔnefo nyinaa fi mo mu. **6** Se wo nuabarima, wo babarima, wo babea, wo yere a wɔdo no anaa w'adamfo pa bi fa sum ase twetwe wo, ka kyere wo se, “Momma yɛnkɔsom anyame afoforo,

anyame a wo anaa w'agyanom nhuu bi da,” **7** anyame a eye nnipa a atwa wo ho ahyia no de, se wɔbɛn anaa wɔwɔ akyiri, fi asase ano kosi ano no a, **8** mommfa wo ho mma no anaase ntie no. Nhu no mmɔbɔ. Mfa ne ho nkye no na mmɔ ne ho ban nso. **9** Kum na ɛse se mukum no. Mo nsa na momma enni kan wo ne kum no mu ansa na nnipa nyinaa de wɔn nsa abeka ho. **10** Munsiiw no abo nkum no, efise ɔpɛɛ se ɔtwe mo fi Awurade, mo Nyankopɔn no, a oyii mo fii Misraim nkoasom asase so no ho. **11** Afei, Israel nyinaa betɛ na wɔasuro na obiara nni ho a obefi mo mu a, ɔbeye saa ade no bio. **12** Se eba se mote wɔ nkurow a Awurade, mo Nyankopɔn, de rema mo no baako so se **13** nnipa bɔnefo bi asɔre wɔ wɔn mu adi nnipa a wɔwɔ kurow no mu anim de wɔn akosi bɔne mu aka se, “Momma yɛnkɔsom anyame afoforo,” anyame a munhuu bi da a, **14** ɛse se mubisa mu, hwɛhwe mu yiye. Na se eye nokware na se nhwɛhwɛmu ada no adi se nneyɛɛ bɔne bi akɔ so wɔ mo mu a, **15** ɛse se wɔde afoa kunkum wɔn a wɔwɔ kurow no mu nyinaa. Monsee kurow no pasapasa, emu nnipa ne nyemmoa. **16** Afei, mommoaboa asade no nyinaa ano wɔ kurow no aguabɔbea na monhyew no. Monhyew kurow mu no ne emu nneema nyinaa mma ɛnye se zhyew afoɛ mma Awurade, mo Nyankopɔn no. Saa kurow no nye amamfo daa; ɛnse se wɔsan kyekyere bio. **17** Asade a wɔde agu nkyɛn se wɔbɛsee no no, mommfa bi. Saaye na ebema Awurade adan afi n'abufuwɛhyew no ho na wahu mo mmɔbɔ. Ne yam bɛhyehye no ama mo na wama mo adɔ sɛnea ɔkaa ntam hyɛ mo agyanom bɔ no, **18** efise moye osetie ma Awurade, mo Nyankopɔn no, na mudi ne mmara a mede rema mo nne yi so na moye nea ɛso n'ani.

14 Moye Awurade, mo Nyankopɔn no, mma. Eno nti monnsesa mo ho anaa monntworɔtworɔw mo moma so mma awufo, **2** efise, moye nnipa kronkron ma Awurade, mo Nyankopɔn no. Nnipa a wɔwɔ asase so nyinaa, mo na Awurade ayi mo se n'agyapade a ɛsom bo. **3** Munnni akyiwade biara. **4** Eyinom ne mmoa a ɛse se mowe: nantwi, oguan, abirekyi **5** ɔforote, adowa, ɔwansan, ewi, ɔtwe, ne eko. **6** Na munni tɔteboa biara a ne tɔte mu apae abien na opuw wosaw. **7** Nanso ntɔteboa a wopuw wosaw anaa wɔn tɔte mu apae abien no mu no, monnwe yoma, adanko ne atwabo, efise, wopuw wosaw de, nanso wɔn tɔte mu mpae; wɔn ho ntew mma mo. **8** Prako nso ho ntew. Ewɔ mu se ne tɔte mu apae de, nanso ompuw

nwosaw. Ense se mowe ne nam anaa mode mo nsa so ne funu mu koraa. **9** Nsumnam a wowa ntete ne abon nyinaa mutumi we. **10** Nanso nsumnam a wonni ntete ne abon de, monnwe. Won ho ntew mma mo. **11** Anomaa biara a ne ho tew no, monnwe. **12** Nnomaa a ense se mowe ni: okore, opete, asu so kore, **13** okompete, nkoroma ahorow nyinaa **14** kwaakwaadabi ahorow nyinaa, **15** sohori, anadwo akoroma, epo so asomfena ne akoroma ahorow nyinaa, **16** patu, opatukese, bakanoma **17** nantwinoma, opete ne epo so kwaakwaadabi, **18** ne asukonkon ahorow nyinaa, asuokwaa ne ampan. **19** Ntummoa a wowa nyinaa ho ntew mma mo; monnwe. **20** Nanso aboa a owo ntaban a ne ho tew biara no motumi we. **21** Monnwe aboa biara a mubehu se wawu. Momfa mma ohoho a one mo te, anaase monton ma onanani. Na mo ankasa de, monnwe, efise woyi mo asi nkyen se aman kronkron ama Awurade, mo Nyankopon no. Monnnoa abirekyi ba wo ne na nufusu mu. **22** Afe biara monhwe na munyi mo mfuw mu nnobae nkyemu du mu baako. **23** Munni mo atoko, nsa, ne ngo, ne mo anantwi ne nguan abakan wo Awurade, mo Nyankopon no, anim wo faako a obepaw se eye atena wo ne din mu na ama moasua senea wosi di Awurade, mo Nyankopon no ni daa. **24** Se beae a Awurade, mo Nyankopon no, bekyere mo se monkamfo ne din no ne nea mote no ntam kwan ware a, **25** eno de, momfa mo ntotoso du du no nsesa dwete na momfa dwete no nko beae a Awurade, mo Nyankopon no, bepaw no. **26** Se mudu ho a, momfa sika no nto biribiara a mo kon do, se ebia, nantwi, oguan, bobesa, anaa nsa biara a eye den ne ade biara a mo kra pe na mo ne mo fifo nni wo Awurade, mo Nyankopon no, anim na mo ani nnye. **27** Na mummu mo ani ngu Lewifo a wofra mo mu no so, efise wonni won ankasa won agyapade biara. **28** Mfe abiesa biara awiei no, momfa mo nnobae so ntotoso du du no mmra mmekora wo mo nkurow mu, **29** senea ebeye a Lewifo a wonni agyapade mu kyefa wo mo mu no ne ananafo a wowa mo nkurow so ne nyisaa ne akunafo a wowa mo nkurow so no betumi adidi amee; na ama Awurade, mo Nyankopon no, ahyira mo nsa ano nnwuma nyinaa so.

15 Muntwa mo aka mu mfe ason awiei biara. **2** Okwan a ese se mofa so ni: Ese se obiara a wabo ne yonko Israelni bosesa no, de kye no. Ense se odan ne yonko no anaa ne busuani ka, efise wopae mu aka Awurade bere a wode ka kye no. **3** Saa ka a wotwa

mu yi ka mo yonkonon Israelfo no nko ara. Ahoho a wote mo mu no de, se mope a mobema won atua. **4** Mmom, ense se ahiafo ba mo mu efise, Awurade, mo Nyankopon no behyira mo wo asase a ode rema mo se mo agyapade no so, **5** se moto mo bo ase di Awurade, mo Nyankopon no, mmara a mede rema mo nne yi nyinaa so a. **6** Efise Awurade, mo Nyankopon no, behyira mo senea wahye mo bo no. Mobebo aman bebree bosesa, nanso moremma obiara ho bosesa da. Mubedi aman bebree so, nanso obiara renni mo so da. **7** Se mudu nkurow a Awurade, mo Nyankopon no, de rema mo no so na se ehia mo yonkonon Israelfo no bi a, mummipirim mo koma anaa mommma mo nsam nye den wo won so. **8** Mmom, mungow mo nsam na momfem won nea ehia won biara. **9** Monhwe na moannya saa adwemmone yi wo mo tirim se: “Afe a eto so ason, afe a wotwa aka mu no, aben,” na moannyina so amma mo mfefo Israelfo a ahia won no atirimoden a moremma won hwee. Eba saa a, wobesu afre Awurade de atia mo, na ebema wababone bone ho fo. **10** Mumfi koma pa mu mma na Awurade, mo Nyankopon no, behyira mo wo mo nnwuma nyinaa ne biribiara a mode mo nsa beka no mu. **11** Bere biara, mubehu ahiafo wo asase no so. Eno nti merehye mo se, biribiara a mowa no, mumfi ope pa mu mma mo mfefo Israelfo a ahia won wo asase no so no. **12** Se wo nua Hebrini, se oye barima anaa oboa, ton ne ho ma wo na osom wo mforihyia asia a, ese se wugyaa no ma ode ne ho afe a eto so ason no. **13** Na se woregya no kwan a, mma no nko nsapan. **14** Fa nsa a emu gow so ma no wo nguan no bi, w’awiporowbea mu ade ne wo nsakyi amoa mu ade bi. Hwe senea Awurade, mo Nyankopon no, asi ahyira wo no so na ma no. **15** Monkae se na moye nkoa wo Misraim na Awurade, mo Nyankopon, yii mo fii ho. Eno nti na mede saa mmara yi rema mo nne yi. **16** Na se eba se w’akoa ka kyere wo se, “Merennyaw wo ho nko,” efise ope wo ne w’abusuafo asem na ne ho to no wo wo nkyen a, **17** eno de, fa fitii bore n’aso mu na onye w’akoa daa. Wo mfenaa nso, ye won saa ara. **18** Momma no nye wo den se mubegyaa mo asomfo no ama wofa won ho akodi. Monkae se, mfe asia a wasom mo no se wokofaa apafo se wonsom mo a, anka mubetua apafo no sika mmoho abien na Awurade, mo Nyankopon no, behyira mo wo biribiara a moye ho. **19** Munyi mo anantwi ne mo nguan mmakan anini no nsi ho mma Awurade, mo Nyankopon no. Mo anantwi mmakan

no, mommfa wɔn nkɔ mo mfuw mu nkɔyɛ adwuma, na munntwitwa mo nguan mmakan ho nwi nso. **20** Mmom, mo ne mo abusuafo na afe biara monwe saa mmoa yi wɔ baabi a Awurade, mo Nyankopɔn no, bepaw ama mo no wɔ n'anim. **21** Na sɛ eba sɛ abakan no bi adi dem, sɛ ebia, ɔtɔ apakyɛ anaa n'anɛ afura anaa wadi dem foforo bi a, mommfa no mmɔ afɔre mma Awurade, mo Nyankopɔn no. **22** Mmom, momfa no nye aduan mma abusuafo wɔ fie. Sɛ obi ho tew o, sɛ ne ho ntew o, otumi di bi senea obiara tumi we ɔtwe anaa ɔdabo nam no. **23** Nanso ense sɛ mudi mogya no. Munhwie ngu fam te sɛ nsu.

16 Daa munni Twam Afahyɛ no wɔ ɔsram Abib no mu mma Awurade, mo Nyankopɔn, efisɛ ɔsram Abib mu da bi anadwo na Onyankopɔn yii mo fii Misraim. **2** Munkum anantwi anaa nguan sɛ Twam afɔrebɔde mma Awurade, mo Nyankopɔn no, wɔ faako a Awurade beyi sɛ atɛnae wɔ ne din mu no. **3** Munnni mmɔkaw brodo nka ho; na mmom, nnanson so na munni apiti amanehunu brodo, efisɛ mufii Misraim ɔhare so, senea ebeye a mo nkwanna nyinaa mu no mobekae bere a mutu fii Misraim no. **4** Mommma wonhu sɛ mowɔ mmɔkaw wɔ mo nkyɛn wɔ mo nsase nyinaa so nnanson. Mommma nam a mode bɔɔ afɔre da a edi kan no anwummere no nka gya so nkosi anɔpa. **5** Mommɔ Twam Afahyɛ afɔre no wɔ nkurow a Awurade, mo Nyankopɔn no, de rema mo no mu biara so, **6** gye faako a Awurade, mo Nyankopɔn no, beyi sɛ wonkamfo ne din wɔ hɔ no. Eɛ na mommo Twam afɔre no anwummere mfa nni mo Misraimfi bere no afahyɛ. **7** Montoto na monwe no wɔ faako a Awurade, mo Nyankopɔn no, bepaw ama mo no. Na ade kye a, monsan nkɔ mo ntamadan mu. **8** Nnansia na momfa nni apiti, na ne nnanson so no, nnipa no nyinaa nhyia wɔ Awurade, mo Nyankopɔn no, anim. Na saa da no, obiara nye adwuma. **9** Mumfi bere a mubefi ase atwa atoko no nkan nnaawɔtwe ason. **10** Na monhwɛ senea Awurade, mo Nyankopɔn no, asi ahyira mo no so mfi mo pɛ mu mmɔ afɔre, nnyina so nni Asese Afahyɛ no mma Awurade, mo Nyankopɔn no. **11** Na munnye mo ani wɔ Awurade, mo Nyankopɔn no, anim wɔ faako a ɔbepaw sɛ atɛnae ma ne din no. Mo ne mo mmabarima ne mo mmabea, mo nkoa ne mo mfenaa, Lewifo a wowɔ mo nkurow mu ne ahɔho, nyisaa ne akunafo a wɔne mo te nyinaa. **12** Monkae sɛ na moyɛ nkoa wɔ Misraim enti monhwɛ yiye na munni saa mmara yi nyinaa so. **13** Sɛ moboaboa mo

awiporowbea ne mo nsakyi amoa mu ade ano wie a, momfa nnanson nni Asese Afahyɛ no. **14** Munnye mo ani wɔ mo afahyɛ yi sɛ; mo ne mo abusuafo, mo asomfo ne Lewifo, ahɔho, nyisaa ne akunafo a wofi mo nkurow mu. **15** Momfa nnanson nni saa afahyɛ yi mfa nhyɛ Awurade, mo Nyankopɔn no, anuonyam wɔ faako a ɔbepaw, efisɛ Awurade, mo Nyankopɔn no, na ɔma mo nnɔbae bɔ pii na ohyira mo nnwuma nyinaa so; na mo anigye bewie pɛyɛ. **16** Afe biara mu no, esɛ sɛ mo mmarima no nyinaa hyia wɔ mo Awurade, mo Nyankopɔn no, anim faako a ɔbepaw no mprensa de ama Apiti Afahyɛ, Otwabere Afahyɛ ne Asese Afahyɛ no. Ense sɛ obiara ba Awurade anim nsapan. **17** Esɛ sɛ obiara de akyɛde a ɛne nhyira a Awurade, mo Nyankopɔn no, nhyira no no sɛ ba. **18** Munsisi atemmufɔ ne mpanyimfo mfi mo mmusuakuw biara mu wɔ nkurow a Awurade, mo Nyankopɔn no, de rema mo no mu, na wobebu nnipa no atentreneɛ. **19** Mummmu ntenkyew anaa monnhwɛ nnipa anim mmu atɛn. Monnnye adanmude, efisɛ adanmude fura onyansafo ani ma ɔdan nea odi bem no asem ani. **20** Mummu atentreneɛ nkutoo, na ama moatumi atɛna asase a Awurade, mo Nyankopɔn no, de rema mo no so. **21** Mummmi afɔremuka a mubesi ama Awurade, mo Nyankopɔn no, akyi nsi abosonnua foforo biara, **22** na munnsi ɔbo kronkron, efisɛ Awurade, mo Nyankopɔn no, kyi eyinom.

17 Mommfa anantwi anaa nguan a wɔadi dem anaa wonnye mmɔ afɔre mma Awurade, mo Nyankopɔn no, efisɛ eyɛ n'akyiwade. **2** Sɛ eba sɛ muhu sɛ ɔbarima anaa ɔbea a ɔka mo ho wɔ kurow baako bi a Awurade, mo Nyankopɔn no, de rema mo no mu reyɛ bɔne wɔ Awurade, mo Nyankopɔn no, anim, atia n'apam no, **3** na wabu m'ahyɛde so resom anyame afoforo, rekotow wɔn; anaa ɔresom owia, ɔsram anaa wim nsoromma, **4** na sɛ mote saa asem no a, monhwɛhwe mu yiye. Sɛ eyɛ nokware na wɔkɔ mu hu sɛ wɔayɛ saa akyiwade yi wɔ Israel a, **5** momfa saa ɔbarima anaa ɔbea a wayɛ saa bɔne no mmra mo kuropon pon ano na muniw saa onipa no abo nkum no. **6** Nnansefo baanu anaa baasa ano asem so na esɛ sɛ wogyina kum saa ɔbarima no. Nanso ense sɛ wogyina ɔdanseni baako pɛ ano asem so kum obi. **7** Esɛ sɛ nnansefo no nsa ano abo na wɔtow di kan na akyiri no, nnipa no nyinaa atotow wɔn de de akum no. Saa ɔkwan yi so na mobefa atu amumɔyɛfo ase afi mo mu. **8** Sɛ wɔde nsem bi ba mo asennii a ne di yɛ mo den sɛ

mubebu ho aten, se eye awudi, nnipa bi ntam manso anaa ntokwaw a, momfa won nko faako a Awurade, mo Nyankopon no, bepaw no. **9** Monko asofo a woye Lewifo ne otemmufo a ote agua mu saa bere no nkyen. Mummissa won na wobekyerere mo aten a mummu. **10** Munni gyinae a wobesi wo beae a Awurade, mo Nyankopon no, bepaw no so perepere. Monhwe yiye na munni biribiara a wobekyerere mo se monye no so perepere. **11** Munni mmara a wokyerere mo ne gyinae a wobesi ama mo no so perepere. Monnnan nea woka kyere mo no ani. Monnko nifa anaa benkum. **12** Ese se wokum obiara a obebu otemmufo anaa asofo a ogyina ho resom Awurade, mo Nyankopon no, animtiaa no. Ese se motare amumoyesem ase wo Israel. **13** Nnipa nyinaa bete na wasuro na woremu animtiaa bio. **14** Se mudu asase a Awurade, mo Nyankopon no, de rema mo no so na mofa tena so na moka se. “Momma yensi yen so hene te se aman a atwa yen ho ahyia no nyinaa a,” **15** monhwe se mobefa obi a Awurade, mo Nyankopon no, bepaw no asi mo so hene. Ese se oye mo nuanom no mu bi. Momma oho a oye mo nua Israelni nsi mo so hene. **16** Ense se saa ohene no pe aponko dodow se n’agyapade anaase oma nnipa san ko Misraim koto aponko dodow bi, efise Awurade aka akyerere mo se. “Ense se mosan ko mo aki bio.” **17** Ense se aware yerenom bebre anye saa a, ne koma befi Awurade so. Ense se oboaboa dwete ne sikakoko pii ano. **18** Se otena ahengua no so se ohene a, ese se okyerew saa mmara yi wo nhoma mmobowee so wo Lewifo asofo anim na oia. **19** Mmere dodow a ote ase no, ese se okora mmara a ewo ne nkyen no na okenkan no daa senea ebeye a, obedi mmara no so na wasuro Awurade, ne Nyankopon no. **20** Kenkan a okenkan no daa no remma oye ahantan, nhoran ne ho nkyere se osen ne manfo no. Eremma no ntwe ne ho mfi mmara no ho nko nifa anaa benkum. Na one n’asefo bedi ade akye wo n’aheman Israel mu.

18 Lewifo Asofo no, nokware Lewi abusuakuw nyinaa no, nni kyefa ne agyapade biara wo Israelman mu te se mmusuakuw a woka no. Wobedi aduan afore a wobo ma Awurade no bi, efise wonni agyapade. **2** Israelfo mu de, worennya agyapade biara se won ankasa kyefa. Awurade ankasa beye won kyefa senea ohyee won bo no. **3** Eyi ne kyefa a asofo no benya afi nantwi ne oguan a nnipa no de bebo afore no mu: ne mmati, n’abogyne ne n’ayamde. **4** Afei, momma won mo atokokan mu ade, nsa foforo ne ngo ne nwi a edi

kan a wotwitwa fi mo nguan ho no. **5** Efise Awurade, mo Nyankopon no, apaw Lewifo ne won asefo afi mo mmusuakuw nyinaa mu se wonnyina, nsom daa wo Awurade din mu. **6** Se Lewini bi pe na ofi mo nkurow no mu biara a ote so wo Israel ko baabi a Awurade ayi a, **7** otumi som wo Awurade, ne Nyankopon, din mu te senea ne nkurofo Lewifo a wasom wo ho wo Awurade anim no ye no ara. **8** Se mpo wanya sika bi afi abusua agyapade bi ton mu a, wode ne kyefa a ewo aforebode no mu se Lewini no bema no se asede. **9** Se munya du asase a Awurade, mo Nyankopon no, de rema mo no so a, monhwe yiye na moansua amanaman a ewo ho no amanne a eye akywade no. **10** Mommma wonhu se mo mu bi de ne babarima anaa ne babea abo ohyew afore. Na mommma mo nnipa no nye akomfo a wohye abosom nkam, abayifo ne abisakofa, ne ntafowayifo **11** ne nkaberekyerere ne samanfrefo, osumanni a ofre osaman. **12** Obiara a oye saa ade yi bi no ye Awurade akywade na saa akywade yi nti na Awurade, mo Nyankopon no, bepam saa aman no afi mo anim. **13** Monye pe wo Awurade, mo Nyankopon no, anim. **14** Aman a morekotu won yi tie won a wope abayisem ne nkamhyensem. Nanso mo de, Awurade, mo Nyankopon no, mmaa mo kwan se monye saa e. **15** Awurade, mo Nyankopon no, beyi odiyifo a ote se me afi mo Israelfo yi ara mu. Ese se moye osetie ma no. **16** Eyi ne nea mo ankasa mobisaa Awurade, mo Nyankopon no, bere a muhyiaa wo Horeb no. Mosree se mompe se mote Awurade, mo Nyankopon no, nne anaa muhu ogyaframa bio, efise musuro se anhwae a, mubewuwu. **17** Na Awurade buae se, “Meye won abisade ama won. **18** Meda odiyifo te se wo adi afi won nkurofo Israelfo mu. Mede me nsem behye n’anom, na obeka biribiara a mehye won no akyerere won. **19** M’ankasa me ne obiara a wantie asem a odiyifo no beka wo me din mu no bedi. **20** Na odiyifo biara bepaw aka nea menhyee, anaa onam onyame foforo bi din so ka asem no, ese se wokum no.” **21** Mubebisa mo ho se, “Ebeye den na yeahu se adiyisem no fi Awurade anaase emfi no?” **22** Se odiyifo no hye nkam wo Awurade din mu na amma mu a, na enye Awurade na ode asem no mae. Na ekyere se, saa odiyifo no ara kaa ono ankasa n’asem bi kwa enti ense se musuro.

19 Se Awurade, mo Nyankopon no, see aman a ode won nsase rema mo no, na se mopam won na motena won nkurow mu ne won afi mu a, **2**

munyi nkuropon abiesa a ewo asase a Awurade, mo Nyankopon no, de rema mo no mfimfini. **3** Munyiyi akwan nko ho na monkye asase a Awurade, mo Nyankopon, de rema mo se agyapade no mu abiesa senea ebeye a, se obi kum obi a, obeguan ako ho. **4** Se obi anhye da na okum obi a onni ne ho menasepow anaa antan no dedaw a, nea ne nsa apa no tumi guan ko saa nkuropon yi biara so de gye ne ho nkwa. **5** Se ebia, obi ne ne yonko bi ko wuram se wrekobu nnua na se eba se obaako him abonnuu no se ode rebu dua bi na se abonnuu no hon fi ne dua mu kum ne yonko no a, saa onipa no tumi guan ko nkuropon no baako so de gye ne ho nkwa. **6** Se anye saa a oweretoni no de abufuw betaa no. Se okwan no ware dodo a obeto no akum no bi, a anka omfata owu, esiane se onnam adwemmone biara so na okum no. **7** Eyi nti na merehye mo se munyi nkuropon abiesa nsi nkyen no. **8** Se Awurade, mo Nyankopon no, trew mo man mu senea okaa ho ntam kyeree mo agyanom no na ode asase no nyinaa ma mo senea ohyee won ho bo no a, **9** esiane se moto mo bo ase di mmara a mehye mo nne yi se monno Awurade, mo Nyankopon no, na daa monnantew n'akwan so no so nti na, ese se muyi nkuropon abiesa si nkyen no. **10** Monye eyi, senea ebeye a worenhwie mogya a enni fo no ngu mo asase a Awurade, mo Nyankopon no, de rema mo se mo agyapade no so, na moanni mogyahwiegu ho fo. **11** Se obi fi nitan mu hye da kotew obi pira no, kum no na oguan ko nkuropon yi mu baako so a, **12** ese se mpanyimfo a wowa ne kurow no mu ho no soma ma wakofa no fi kuropon no mu bre oweretoni no ma okum no. **13** Munnya ahummoba biara. Munyi awudi ho afodi biara mfi Israel na ama asi mo yiye. **14** Se mudu asase a Awurade, mo Nyankopon no, de rema mo se agyapade no so a, munntutu mo yonkonom ntomme a mo agyanom asisi no ngu. **15** Mummmu obi a odanseni baako pe abedi atia no no fo. Sobobo bedi mu, bere a nnipa baanu anaa baasa abedi adanse atia obi. **16** Se atoro danseni bi ba bebo obi amumaye bi ho kwaadu a, **17** ese se nnipa baanu a wodi asem no nyinaa ba asofo ne atemmufu a woreye Awurade adwuma no anim. **18** Ese se atemmufu no ye nhwehwemu a emu do yiye, na se eda adi se odanseni no retwa atoro, a oredi adansekurum agu ne yonko Israelni no so a, **19** eno de, monye odansekurumni no senea anka opee se woye ne yonko no. Muntu abonefo ase mfi mo mu. **20** Nnipa nkae no bete na wasuro, na worenye saa bone

no wo mo mu bio. **21** Munnhu obiara mmoba! Mo mmara a ese se mudi so no ye nkwa nsi nkwa anan mu, aniwa nsi aniwa anan mu, ese nsi se anan mu, nsa nsi nsa anan mu na nan nsi nan anan mu.

20 Se moko oko de tia mo atamfo na muhu aponko ne nteaseenam ne asraafo a wadwoso sen mo a, munnsuro won, efise Awurade, mo Nyankopon no, a oyii mo fii Misraim no beka mo ho. **2** Se moreboko oko a, woso no beba abekasa akyere asraafo no. **3** Obeka se, “Muntie me, mo Israel mmarima! Nne, moreko asa atia mo atamfo. Mommma mo koma ntutu! Mommma mo aba mu mmu na momma mo ho mpopo. **4** Na Awurade, mo Nyankopon no, na one mo reko. Obeko atia mo atamfo no ama moadi nkonim.” **5** Asraafo mpanyimfo no bebisa asraafo no se, “Mo mu bi asi odan foforo a entenaa mu da? Onii no nsan nko fie! Ebia na wakum no wo oko no mu na ama obi akotena mu. **6** Obi wo ha a wadow bobeturo na onnidii mu da? Onii no nsan nko fie! Ebia na wakum no wo oko no mu na ama obi akodidi mu. **7** Obi wo ha a one obea bi akasa nanso owaree no ana? Onii no nsan nko fie! Ebia na wakum no wo oko no mu na ama obi akoware no.” **8** Afei, mpanyimfo no beko so abisa se, “So mo mu bi suro anaa ne koma atu ana? Eno de, onko fie senea ebeye a, ne nuabarimanom nso koma rentu.” **9** Se mpanyimfo no wie asraafo no kasakyere a, afei wobepaw asahene adeda won ano. **10** Se mudu kurow bi mu a mo ne won nni kan nka asomdwoesem. **11** Se wopene mo nhyehyee so na wobue won apon ma mo a, mobehye nnipa a wowa mu no nyinaa ama woye adwumaden ama mo. **12** Na se wampene asomdwoe nhyehyee no so na se wose wone mo beko a, eno de, montow nhye kurow no so. **13** Se Awurade, mo Nyankopon no, dan kurow no hye mo nsa a, munkum kurow no mu mmarima nyinaa. **14** Eye a momfa kurow no mu mmea, mmofra, nyemmoa ne asade a aka nyinaa se agyapade. Mubetumi de mo atamfo no asade a Awurade, mo Nyankopon no, de bema mo no aye mo ade. **15** Eyi ne okwan a ese se mode nkuropon a ewo akyiri na wonye aman a ebemmen no fa so. **16** Na amanaman nkuropon a Awurade, mo Nyankopon no, de rema mo se agyapade no de, monsee biribiara a nkwa wo mu wo ho. **17** Monsee Hetifo, Amorifo, Kanaanfo, Perisifo, Hewifo ne Yebusifo no pasaa senea Awurade, mo Nyankopon no, ahye mo no. **18** Se eba saa a, eremma nnipa a wote asase no so no nkyere mo akyiwade a woye wo won abosonsom ho amma

mo anye bone antia Awurade, mo Nyankopɔn no. 19 Se motua kuroɔn bi ano kye, a moreko afa kurow no a, mommfa abonnua ntwitwa mu nnua nsee no. Efise mubetumi adi n'aba. Munntwitwa nnua no ngu. Nnua no nye atamfo a ese se motow hye so! 20 Nanso mutumi twa nnua a munim se enye aduan; na momfa nye ade a eho behia mo se mode beboa atua kurow a mo ne won reko no ano akosi se mubedi so.

21 Se wuhu se wɔakum obi da afum wɔ asase a Awurade, mo Nyankopɔn, de rema mo no so, na se munnim owudifo no a, 2 mo ntuanofɔ ne atemmufɔ no beko akosusuw okwan a eɔa nea owufo no da ho ne kurow a eben no ntam. 3 Afei, mpanyimfo a wɔwɔ kurow a eben owufo no pɛe no mfa nantwi ba a onyɛe adwuma da na ɔntwee konnua da 4 na wonni n'anim mfa no nko subon a womfuntumii anaa wonnuaa hwee wɔ ho da na nsu sen wɔ mu. Subon no mu na ese se wobu nantwi ba no kon mu. 5 Lewifo asɔfo beba ho, efise Awurade, mo Nyankopɔn no, paw won se wonka asem na wonhyira wɔ Awurade din mu. Na won na wosi ntawntaw ne demdi asenni ne asotwe so dua. 6 Eɛ se kurow a eben funu no mu mpanyimfo no hohoro won nsa gu nantwi ba a wobuu ne kon mu no so, 7 na wɔaka se, “Enye yen nsa na ehwiee mogya yi gui, na yen ani anhu nso. 8 Awurade, gye saa mpata ma wo man Israel a wugyee won no. Mfa mogya a edi bem yi ho so nto wo nkurofo Israel so.” Wowie eyi a, na ekyere se, wɔayi eso a eɔa won so no afi ho. 9 Se wodi saa nkyerekyerɛ yi so na wɔye nea etee wɔ Awurade ani so a, na moayi awudi no ho afɔbu afi mo atenaɛ ho. 10 Se moko oko tia mo atamfo na Awurade, mo Nyankopɔn no, dan won hye mo nsa na mofa won nnommum, 11 na se muhu obea hoɔfɛfo bi wɔ won mu na, mope se mofa no se ɔyere a, mutumi ware no. 12 Momfa no mmra mo fi na munyi ne ti, mmubu ne werew, 13 na munyi ntade a na ɔhye wɔ bere a mokyeree no no ngu ho. Na ɔntena mo fi nsu n'agya ne ne na ɔsram akyi ansa na, moatumi ako ne ho se ɔyere na wo nso woaye no okunu. 14 Se mo ani nnye ne ho a, momma no nko baabiara a ɔpe se oko. Monntɔn no na monnye no se afenaa, efise moagu n'anim ase. 15 Se ɔbarima wɔ yerenom baanu na ɔɔ ɔbaako kyen nea oka ho no, na won baanu no mu biara ne no wɔ ɔbabarima, nanso n'abakan no ye obea a ɔmpe n'asem no babarima, 16 na se ɔhye nsamansew de ma ne mmabarima a, ense se ɔde

kyefa kese no ma ɔbabarima kumaa a ɔye ne yere a ɔɔ no no babarima no. 17 ɔbefa ne babarima a ɔye ɔyere a ɔmpe n'asem no se n'abakan no anam so ama no n'agyapade no mmɔho abien. Saa ɔbabarima no ye n'agya no ahooden nsenkyerenne a edi kan. Eno nti, abakan kyefa ye ne dea. 18 Se ɔbarima bi wɔ ɔbabarima a ɔye asooden ne otuawefo a ontie n'agya ne ne na asem wɔ bere a woteɛ no so a, 19 nea ese se eba ara ne se, agya no ne ena no de won babarima no beko mpanyimfo a wɔwɔ kurow no pon ano no anim. 20 Wɔbɛpae mu aka akyere mpanyimfo no se, “Yen babarima yi ye ɔsoodenfo ne otuawefo a ontie yen asem. ɔye odidifo ne ɔkɔwensani.” 21 Eba saa a, ese se mmabarima a wɔwɔ kurow no mu nyinaa siw no abo kum no. Eɛ se mutu bone ase fi mo mu. Israel nyinaa bete na wɔabo hu. 22 Se obi ye amumɔyesem bi a efata owu na enti wokum no na wode no sen dua so a, 23 ense se n'amu no sen dua no so ma ade kye so. Eɛ se da no ara, musie amu no, efise obiara a wɔsen no wɔ dua so no wɔ Onyankopɔn nnome ase. Munngu asase a Awurade, mo Nyankopɔn no, de rema mo se agyapade no ho fi.

22 Se wuhu se wo yonko Israelni bi nantwi anaa ne guan nam basabasa a, mmu w'ani ngu so; mmom kyere no koma ne wura. 2 Se ne wura nte mmen wo, anaase wunnim no a, fa no ko wo fi kosi se ne wura no beba abehwehwe no na wode n'aboa ma no. 3 Se wuhu wo nua bi afurum anaa ne ntama anaa ne biribi a ayera a, ye no saa ara. Mmu w'ani ngu so. 4 Se wuhu se wo yonko Israelni bi afurum anaa ne nantwi bi atew ahwe wɔ okwan mu a, mmu w'ani ngu so. Koboa ne wura no na ɔmma aboa no so nnyina ho. 5 Ense se obea hye mmabarima atade, saa ara nso na ense se ɔbarima hye mmea atade, efise Awurade, mo Nyankopɔn no, kyi obiara a ɔye eyi. 6 Se wokoto anomaa berebuw wɔ ɔkwankyen, se ehye dua mu anaa eɔa fam, na se anomaa no na butuw ne ba no so anaa obutuw nkesua so a, mfa anomaa no na ne ne ba no nko. 7 Wutumi fa ne ba no nanso hwe se wobema ne na no ako, senea ebese wo yiye na wo nkwanwa aware. 8 Se wusi ɔdan foforo a, ye ban fa wo dan no nkuruso no ho na obi amfi ho antew anhwe amma woamfa mogyahwiegu ho afodi amma wo ne wo dan no so. 9 Nnua nnɔbae foforo biara wɔ bobese ntam wɔ wo bobeturo mu. Se woye saa a, na wo nnɔbae ne bobeturo no so aba nyinaa ho agu fi. 10 Nsa nantwi ne afurum mmu mu mfuntum afuw. 11

Mfura ntama a wode kuntu ne siriky afra anwen. 12 Ye ntama a wufura no ano anan no nyinaa mpese. 13 Se obarima ware ohea na one no da na akyiri no ompe no bio, 14 na enti oka ne ho asemme, bo no din bone se, “Mewaree no no, manhu biribiara a ekyere se oye obabun,” 15 a, ohea no agya ne ne na wo ho kwan se wode adansede a ekyere se won babea no ye obabun bekyere kurow no mpanyimfo wo kurow no pon. 16 Ee se ohea no agya ka kyere won se, “Mede me babea maa obarima yi aware nanso ose ompe no bio. 17 Wagu n’anim ase aka se, ‘Manhu se wo babea no ye obabun.’ Nanso adansede a ekyere se oye obabun no ni.” Afei, wobetrew ntama no mu wo kurow no mpanyimfo anim, 18 na mpanyimfo no befre obarima no atwe n’aso. 19 Wobebɔ no ka kilogram baako se wagu Israel obabun no anim ase. Wobetua sika no ama ohea no agya. Afei, obabea no beye obarima no yere a ɔrennyaa no bio. 20 Se ekoba se kwaadu a wode bo no no ye nokware na woannya adansede a efa ne babunye no ho ankyere a, 21 wode ohea no beba n’agya fi abontenpon ano na kurom ho mmarima asiw no abo akum no. ɔnam aguamammo so aye animguase ade wo Israel, bere a one n’awofɔ te. Ee se mutu saa bone no ase fi mo mu. 22 Se wuhu se obarima bi ne obarima foforo bi yere da a, ee se wokum obarima a one ohea no dae no ne ohea no nyinaa. Ee se mutu saa bone no ase wo Israel. 23 Se obarima bi hyia ababaa a oye obabun a one obi ahyehye aware na obarima no ne ababaa no da na se saa asem no sii wo kurow no mu a, 24 ee se mode won baanu no ko kurow no apon ano kosiw won abo kum won. Ababaa no di fo, efise na ɔwo kurom nanso wantetee mu ampe mmoo. Ee se obarima no nso wu, efise wafa obi yere. Ee se mutu saa bone no ase fi mo mu. 25 Se obarima bi hyia ohea a obi ne no ahyehye aware wo wuram, na obarima no hye no ne no da a, ee se wokum obarima a oye saa no nkutoo. 26 Monnye ababaa no hwee, efise onye bone biara a ema ofata owu. Saa asem yi te se obi a watow ahye ne yonko so akum no, 27 efise obarima no hyiaa ohea no wo wuram, na asiwa no tettee mu de, nanso wanna ogyefo biara. 28 Se wokyerɛ obarima bi se wahye ababaa bi a obi ne no nhyehye aware, ne no ada a, 29 ee se otua dwete kilogram abien ne fa ma ababaa no agya. Na eno akyi no, ee se obarima no ware ababaa no, efise wagu n’anim ase na ɔrentumi nnyae no aware da. 30 Obarima biara nni ho kwan se one n’agya yere da; enee se ogu n’agya mpa ho fi.

23 Obarima a wɔasa no anaa wɔatwa ne barima akyene no mma Awurade bagua ase. 2 Won a woye mpenamma ne won aseni biara, mpo enkosi awo ntoatoaso du no, mma Awurade bagua ase. 3 Amonfo anaa Moabfo anaase won asefo biara, mpo enkosi awo ntoatoaso du no mu biara mma Awurade bagua ase. 4 Saa aman yi annye mo, amma mo aduan anaase nsu, bere a mufi Misraim reba no. Mmom, wɔkɔbɔ Beor babarima Balaam a ofi Petor a ewɔ Mesopotamia paa se ɔmmédome mo. 5 Nanso Awurade, mo Nyankopɔn no, antie Balaam. ɔdan nnome no maa eye nhyira maa mo, efise Awurade mo Nyankopɔn no, do mo. 6 Na se mote ase yi, mo ne Amonfo ne Moabfo nnye ayɔnkofa apam koraa. 7 Munkyi Edomfo anaa Misraimfo, efise Edomfo ye mo nuanom, na motenaa Misraimfo nso mu se ahɔho. 8 Won awo ntoatoaso abiesa so mma no betumi ako Awurade bagua ase. 9 Se moko oko de tia mo atamfo a, montwe mo ho mfi nea eho nteɔ biara ho. 10 Se obarima bi ho gu fi esiane anadwo mu ho nsu a esen a, ee se ofi atenaɛ ho kɔtena baabi da mu no nyinaa. 11 Edu anwummere a, ee se oguare na owia kɔto a, otumi san ba atenaɛ ho. 12 Muntwa asraafo atenaɛ ho baabi nto ho a mubegya mo anan. 13 Mofa biribi nka ne nneema ho a mode betu fam. Bere biara a mubegya mo anan no, momfa sofi no ntu amoa na monkata agyanan no so. 14 Ee se asraafo atenaɛ ho ye kronkron, efise Awurade, mo Nyankopɔn no, nam mo atenaɛ no so bo mo ho ban na moadi mo atamfo so nkonim. Enne se ohu animguasede biara wo mo mu; se eba saa a, obedan n’akyi akyere mo. 15 Se nkoa guan ba mo nkyen bebɔ won ho aguaa a, munnyi won mma won wuranom. 16 Momma wontena mo mu wo kurow biara a wɔpe so a monnye won ayayade. 17 Enne se Israelni barima anaa ohea biara ye nsoree so oguamanfo. 18 Mommfa afɔrebɔde anaa adenya bi a efi oguamanfo nkyen, se oye obarima anaa ohea, mma Awurade, mo Nyankopɔn no, fi, efise eye Awurade, mo Nyankopɔn no, akyiwade. 19 Bosea a mobɔ mo yonko Israelni no, se eye sika, aduan anaa biribi foforo bi a wogyɛ ho mfentom no, monnye ho mfentom. 20 Mutumi gye bosea ho mfentom fi ahɔho nkyen na nye Israelfo nkyen senea Awurade, mo Nyankopɔn no, behyira mo wo biribiara a moye mu wo asase a moreko so akɔfa no so. 21 Se mohye Awurade, mo Nyankopɔn no, bo a, biribiara a mohye no ho bo no, monye no ntem so. Efise edan den ara a Awurade, mo Nyankopɔn no, bedan mo ka na mubedi bone ho fo. 22

Nanso se moanhye biribiara ho bo a, monyee bone biara. **23** Na se wo ara wufi wo pe mu hye bo a, hwe yiye na di asem a woaka no so, efise Awurade, mo Nyankopon no, na woafi wo pe mu de w'ano ahye no bo. **24** Wutumi di bobo aba dodow biara a wofo wo wo yonko bobeturo mu, nanso mfa bi ngu kenten mu nko. **25** Saa ara na mubetumi de mo nsa abubu atoko kakra wo mo yonko afum, nanso ense se mode afoa twa.

24 Se obarima ware yere na se n'ani nnye ne ho bio, efise wahu ade bone bi wo ne ho, na se okyerew awaregyae krataa de ma no, na opam no fi ne fi, **2** na ofi fi ho na obarima foforo koware no, **3** na ne kunu a oto so abien no gyaa no anaase owu a, **4** ne kunu a odi kan a ogyaa no no nni ho kwan se oware no bio, bere a ne ho agu fi akyi no. Eye akyiwade wo Awurade ani so. Mommfa afobu mma asase a Awurade, mo Nyankopon no, de rema mo se agyapade no so. **5** Se obarima aware foforo a, ense se wode no ko oko anaase wode dwuma bi di to no so. E se se otena fie afe a onye adwuma biara senea ebeye a, obema ne yere foforo a waware no no anya ahoto. **6** Monnnye adeyam bo ne ne boba anaa ne ba no nko ara nsi ka ano, eba saa a na moagye ne wura no ano aduan se akagynamde. **7** Se obi kyere ne yonko Israelni na odi no nya se odonko anaa otan no a, ese se owifo no wu. E se se mutu bone ase fi mo mu. **8** Monhwe ohonam ani nsanyare nyinaa yiye na munni ho mmara a Lewifo asofa bekyere mo no so. Munni ahyede a mede ama won no so pepepe. **9** Monkae nea bere a mufi Misraim reba no Awurade, mo Nyankopon no, ye Miriam. **10** Se wode biribi fem wo yonko a, nko wo yonko fi nkogyee akagynamde. **11** Gyina afikyiri na ma oyonko a ofem w'ade no mfa akagynamde no mmre wo. **12** Se oyonko no ye ohiani a, nkora akagynamde no nkosi adekyee. **13** Enkosi owiatobere no na wode ntama no akoma wo yonko no na ode ada. Na obeda wo ase, na wobefa no se ade trennee wo Awurade, wo Nyankopon no, ani so. **14** Nhye opaani mmaboroni a oye wo nua Israelni anaa ohoho a ote mo nkuro no mu bi mu no so. **15** Tua n'apaade ma no da biara ansa na owia akoto, efise oye ohiani na n'ani da saa akatua no so. Anye saa a, obesu afre Awurade atia wo, na wubedi bone ho fo. **16** Ense se wokum awofo wo won mma bone bi a woye ho. Saa ara nso na ense se wokum mma wo awofo bone bi a woye ho. E se se obiara wu wo n'ankasa bone ho. **17** Ense se mubu ahoho a wote mo mu ne nyisaa ntenkyew,

anaase mugye obea kunafo ntama de di akagynamu. **18** Daa monkae se, na mo nso moye nkoa wo Misraim na Awurade, mo Nyankopon no, na ogyee mo. Enon ti na mehye mo se monye eyi no. **19** Se moretwa mo mfuw mu nnobae, na mo ani pa nnobae no bi so a, monnsan nkofa. Monnyaw ma ahoho, nyisaa ne akunafo senea ebeye a Awurade, mo Nyankopon no, behyira mo nsa ano nnwuma nyinaa so. **20** Se motew wo ngonnua so aba a, monko so mprenu. Monnyaw aba a aka wo so no mma ahoho, nyisaa ne akunafo. **21** Saa nso na motew wo bobo nturo so aba a, monko so mprenu; na monnyaw aba a aka wo so no mma ahoho, nyisaa ne akunafo. **22** Monkae se, moyee nkoa wo Misraim. Enon ti na mehye mo se monye eyi no.

25 Se akasakasa si nnipa bi ntam a, womfa asem no nko asennii na atemmufu no nni asem no. Wobegyaa nea odi bem no na wotawe de odi fo no aso. **2** Se nea odi fo no fata se wotwa no mmaa a, atemmufu no bema no ada ho na wotwa no mmaa dodow a efata ne bone no wo n'anim. **3** Nanso ense se otemmufu no ma wotwa mmaa boro aduanan. Se wotwa boro saa a, na wagu wo yonko Israelni anim ase wo w'anim. **4** Nkyekyere nantwi a orepow atoko ano. **5** Se nuabarimanom baanu te fie na won mu baako wu a wanwo oba a, ense se okunafo no koware ohoho. Mmom, ne kunu a wawu no nuabarima na ese se oware okunafo no ma oye okunu nua no asede. **6** Wode abakan a wobewo no no beto n'agya a wawu no senea ebeye a owufo no din rempepa mfi Israel. **7** Na se eba se owufo no nuabarima mpe se oware ne nua no yere no a, obea no beko kurow no mpanyimfo nkyen wo kurow no pon ano akoka akyere won se, "Me kunu nua no mpe se ne nua no din beka Israel. Orenye okunu nua asede mma me." **8** Afei, obarima no kurom mpanyimfo befre no akasa akyere no. Se ose pene ara na orepene nti oka se, "Mempere se meware no a," **9** okunafo no beko obarima no anim a mpanyimfo no nso wo ho bi. Obeworow obarima no mpaboa baako, ate ntasu agu n'anim na waka se, "Se na ese se woye obarima a ompe se otoa ne nua abusua so." **10** Wobefre saa onipa no asefo wo Israel se Abusua a Waworow won Mpaboa. **11** Se Israelfo mmarima baanu reko na won mu baako yere pe se oboa ne kunu nti, oso obarima baako no barima mu a, **12** ese se motwa obea no nsa no a ahummobo biara nni mu. **13** Monnkita nsania ahorow abien a baako ye duru na baako ye hare. **14** Monnkora olonka ahorow abien a baako so na

baako su wo mo fi. **15** Momfa nsania ne olonka a eye pepe na nokwaredi wo mu nsusuw aguade na moanya nkwanna tenten wo asase a Awurade, mo Nyankopon no, de rema mo no so. **16** Won a wofa nsania bone ne nkontompo so kari aguade no ye Awurade, mo Nyankopon no, akyiwade. **17** Monkae nea Amalekfo yee mo bere a mufi Misraim reba no. **18** Wotow hyee mo so bere a moabrebre na moatoto beraw no na won a waka akyi no nso, woboboo won hwehwee fam. Na wonsuru Onyankopon. **19** Se Awurade, mo Nyankopon no, ma mo ahomegye fi mo atamfo nyinaa nsam, wo asase a ode rema mo se agyapade no so a, ese se mosee Amalekfo na wankae won bio wo asase yi so. Mommma mo were mfi eyi da!

26 Se mudu asase a Awurade, mo Nyankopon no, de rebema mo se mo agyapade no so na moko gye, na motena so a, **2** momfa otwakan wo otwabere biara mu no ngu kenten mu na momfa mmra baabi a Awurade, mo Nyankopon no, bepaw se wonkamfo ne din wo ho no, **3** na monko osofo a owo ho saa bere no nkyen nkoka nkyere no se, “Meda no adi nne akyerɛ Awurade, mo Nyankopon no, se Awurade de me aba asase a okaa ho ntam kyereɛ yen agyanom no so.” **4** Afei, osofo no begye kenten no afi wo nsam de asi Awurade, mo Nyankopon no, afɔremuka no anim. **5** Na wobeka saa nsem yi wo Awurade, mo Nyankopon no, anim se, “Na me tete agya Yakob ye okwantuni Aramni a okotenaa Misraim. N’abusua no ye ketewaa bi, nanso Misraim ho no, wodɔso bebreɛ beyee ɔman kese. **6** Bere a Misraimfo dii yen nya nam so ma yeyee won nkoa no, **7** yesu frɛɛ Awurade, yen agyanom Nyankopon no. Ɔtee yen sufɛ na ohuu yen amanehunuu, obre ne ohye a na yewo mu. **8** Enti Awurade nam tumi a eye nwonwa, ehu a emu ye den, nsenkyerenne a epusuw nniipa ne anwonwasem so gyee yen fii Misraim. **9** Ɔde yen baa ha na ɔde asase yi a nufusu ne ewo resen so yi maa yen. **10** Afei, Awurade, mede akyede a eye m’aduankan a wode fi asase mu maa me no rebre wo.” Afei, fa aduan no si Awurade, mo Nyankopon no, anim na sore no. **11** Afei, ko na wo ne Lewifo ne ahoho a wote mo mu no nkogyɛ mo ani wo nneema pa a Awurade, mo Nyankopon no, de ama wo ne wo fifo no ho. **12** Afe a eto so abiesa a eye ntotoso du du afe a woayi wo nnɔbae so ntotoso du du awie no ese se mode ma Lewifo, ahoho, nyisaa ne akunafo senea ebeyeɛ a wobedidi amee wo mo nkurow so. **13** Afei, mompae mu nka wo

Awurade, mo Nyankopon no, anim se, “Mede akyede kronkron a efi me fi ama Lewifo, ahoho, nyisaa ne akunafo senea wohyee me no. Mimmuu w’ahyede bi so anaa me were mfi wo mmara no mu biara e. **14** Manni akronkronne no bi bere a meretwa adwo no, na bere a na me ho nteɛ no nso, mamfa me nsa anka bi; na mamfa mu bi nso amma awufo. Matie Awurade, me Nyankopon no, na maye biribiara a wohyee me se menyɛ no. **15** Fi wo soro tenabea kronkron ho hwe fam na hyira wo nkurofo Israel ne asase a wode ama yen no—asase a nufusu ne ewo resen wo so senea wode ntam hyee yen agyanom bo no.” **16** Awurade, mo Nyankopon no, hye mo nne se, munni saa ahyede ne mmara yi nyinaa so; momfa mo koma ne mo kra nyinaa nni so pepepepe. **17** Moapae mu aka no nne se, Awurade ye, mo Nyankopon, na mobenantew n’akwan so na mubedi ne mmara so aye osetie ama no. **18** Na Awurade aka no nne se, moye ne nkurofo, n’agyapade a ne koma da ho senea ohyee bo no; eno nti, ese se mudi n’ahyede nyinaa so. **19** Na se moye saa a, obeye mo kese asen ɔman biara. Afei, mubanya nkamfo ne anuonyam a eboro aman a waye no nyinaa de so. Mobeye ɔman a eye kronkron ama Awurade, mo Nyankopon no, senea ohyee bo no.

27 Mose ne Israel mpanyimfo hyee ɔmanfo no se, “Munni mmara a mede rema mo nne yi nyinaa so. **2** Se mutwa Yordan kodu asase a Awurade, mo Nyankopon no, de rema mo no so a, monhyehye abo akese na momfa akaadoo nsra ho. **3** Se mutwa Yordan ko asase a Awurade, mo Nyankopon no, de rema mo no so, asase a ewo ne nufusu resen so no so a, monkyerew mmara no nyinaa ngu so senea Awurade, mo agyanom Nyankopon, hyee mo bo no. **4** Na se mutwa Yordan a, monhyehye abo yi wo Ebal bepɔw so senea merehye mo nne yi na momfa akaadoo nsra ho. **5** Munsɛ afɔremuka, abo afɔremuka wo ho mma Awurade, mo Nyankopon no. Mommfa dade biribiara nka. **6** Momfa abo amuamu nsi Awurade, mo Nyankopon no, afɔremuka no na mommo ohyew afɔre wo so mma Awurade, mo Nyankopon no. **7** Mommo asomdwoe afɔre nso wo so na momfa anigye nnidi wo ho wo Awurade, mo Nyankopon no, anim. **8** Monkyerew mmara no mu nhyehyee nyinaa pepepepe ngu abo a wode akaadoo asra ho no so.” **9** Afei, Mose ne Lewifo asofo kasa kyereɛ Israelfo no se, “Israel, monye komm na muntie! Nne, moabeye Awurade, mo Nyankopon no, manfo. **10** Monye osetie mma Awurade,

mo Nyankopɔn no, na munni ne mmara ne n'ahyede a mede rema mo nne yi so." **11** Saa da no ara, Mose hyee ɔmanfo no se: **12** Se mutwa Asubɔnten Yordan a Simeon, Lewi, Yuda, Isakar, Yosef ne Benjamin mmusuakuw na wonnyina Gerisim bepɔw so nhyira ɔman no. **13** Ruben, Gad, Aser, Sebulon, Dan ne Naftali mmusuakuw nso nnyina Ebal bepɔw so nnome. **14** Lewifo nteetee mu nworɔ ngu nnipa a wɔwɔ Israel nyinaa so se: **15** "Nnome nka onipa a ɔbeyɛ ohoni a wɔasen anaa nea wɔagu de ahyɛ kokoa mu. Saa ahoni, adwumfo nsa ano nnwuma yi ye Awurade akyiwade." Na ɔman no nyinaa begye so se, "Amen!" **16** "Nnome nka obiara a obebu n'agya anaa ne na animtiaa." Na ɔman no nyinaa begye so se, "Amen!" **17** "Nnome nka obiara a opia ɔhye nam so bɔ ne yɔnko korɔn." Na ɔman no nyinaa begye so se, "Amen!" **18** "Nnome nka obiara a ɔma onifuraefo fom kwan." Na ɔman no nyinaa begye so se, "Amen!" **19** "Nnome nka obiara a osisi ahɔho, nyisaa ne akunafo." Na ɔman no nyinaa begye so se, "Amen!" **20** "Nnome nka obiara a ɔne n'agya yere beda, efise wagu n'agya mpa ho fi." Na ɔman no nyinaa begye so se, "Amen!" **21** "Nnome nka obiara a ɔne aboa beda." Na ɔman no nyinaa begye so se, "Amen!" **22** "Nnome nka obiara a ɔne ne nuabea beda, se ɔye n'agya babea anaa ne na babea." Na ɔman no nyinaa begye so se, "Amen!" **23** "Nnome nka obiara a ɔne n'asebea beda." Na ɔman no nyinaa begye so se, "Amen!" **24** "Nnome nka obiara a obekum ɔfoforo wɔ kokoa mu." Na ɔman no nyinaa begye so se, "Amen!" **25** "Nnome nka obiara a ogye apaade, kum onipa a ɔnyee bɔne biara." Na ɔman no nyinaa begye so se, "Amen!" **26** "Nnome nka obiara a wannɔ mmara nsem yi so na wannye anto mu." Na ɔman no nyinaa begye so se, "Amen!"

28 Na se mutie Awurade, mo Nyankopɔn no, na mudi mmara a mede rema mo nne yi so a, Awurade, mo Nyankopɔn no, bepagyaw mo wɔ aman a wɔwɔ wiase nyinaa no so. **2** Se mutie Awurade, mo Nyankopɔn no, a mubenya saa nhyira yi nyinaa: **3** Wobehyira mo wɔ mo nkurow ne mo man mu. **4** Wobehyira mo yafunu mu aba, ne mo nsase so nnɔbae, ne mo nyemmoa, nantwimma ne nguamma. **5** Wɔde nnuaba nkenten amaama, ne mmɔre korow a brodo no ahyɛ ma behyira mo. **6** Wobehyira mo fieba mu ne mo adifi mu. **7** Se atamfo tow hyɛ mo so a, Awurade bedi wɔn so. Wobefi baabi atow ahyɛ mo so na wɔafa akwan

ason so ahwete, afi mo anim. **8** Biribiara a mobeyɛ no, Awurade behyira so na obehyira mo asan. Awurade, mo Nyankopɔn no, behyira mo wɔ asase a ɔde rema mo no so. **9** Se mudi Awurade, mo Nyankopɔn no, ahyɛde so na moyɛ osetie ma no a, Awurade begyina mo se ne nnipa kronkron senea ɔhyee mo bɔ se ɔbeyɛ no. **10** Afei, asase so nnipa nyinaa behu se, moyɛ nnipa a Awurade de ne din afre mo na wobesuro mo. **11** Awurade bɛma mo yiyedi a ebɔro so—mo yafunu mu aba, nyemmoa mma ne mo asase so nnɔbae—wɔ asase a ɔhyee mo agyanom bɔ se ɔde bɛma mo no so. **12** Awurade fi n'ahonya dodow a ewɔ soro no mu bɛma osu atɔ wɔ ne bere mu, nam so ahyira mo nnwuma a moyɛ so. Mobefem aman pii, nanso mo de, moremfem hwee mfi wɔn nkyɛn. **13** Se mutie saa Awurade, mo Nyankopɔn no, ahyɛde a mede rema mo nne yi na mudi so pepɛɛɛ a, Awurade beyɛ mo eti na ɛnye bodua, na moakorɔn daa. **14** Ense se moman fa benkum anaa nifa fi ahyɛde a mede rema mo nne yi biara ho se morekodi anyame foforo akyi asom wɔn. **15** Na se moantie Awurade, mo Nyankopɔn no, anni ne mmara ne n'ahyɛde a mede rema mo nne yi nyinaa so pepɛɛɛ a, saa nnome yi nyinaa beba abebunkam afa mo so. **16** Nnome beka mo wɔ mo nkuropɔn ne mo man mu. **17** Wɔde nkenten a aduaba biara nni mu ne mmɔre korow a brodo nni mu bedome mo. **18** Wɔbedome wo yafunu aba, ne w'asase so nnɔbae. Ne wo nyemmoa mu nantwimma ne nguamma. **19** Wɔbedome wo fieba ne wo adifi. **20** Awurade bɛma nnome, basabasaye ne huammɔdi aba ade biara a moyɛ mu, kosi se awiei no wɔbesɛɛ mo koraa se moaye bɔne na moagyaw no nti. **21** Awurade de nyarewa beba mo so akosi se ɔbesɛɛ mo nyinaa wɔ asase a morebekɔ akɔfa no so. **22** Awurade de ɔyare a ebɛma mo afonfɔn beka mo. ɔbɛma atiridii ne ahonhon abɔ mo na wama ɔhyew a ano ye den, nnɔbae nyarewa ne kakawirewire aba mo so na ahaw mo ara akosi se mo ase betɔre. **23** ɔsoro a ekata mo ti so no bedan sumpii na fam adan dade. **24** Awurade bedan osuto a ewɔ mo man mu no mfutuma; ebetɔ afi soro agu mo so akosi se mobesɛɛ. **25** Awurade bɛma mo adi nkogu wo mo atamfo anim. Mobefa baabi akɔtow ahyɛ mo atamfo so, nanso mobefa akwan ahorow ason so aguan afi wɔn anim. Mobeyɛ atantanne ama ahenni a ewɔ asase yi so no nyinaa. **26** Mo afunu beyɛ nnomaa ne wuram mmɔa aduan na obiara nso nni hɔ saa bere no a, ɔbɛpam wɔn. **27** Awurade bɛma mpɔmpɔ a esisii

wɔ Misraim no bi asisi mo. Na ɔde mpɔmpɔ, ntutui ne ntwom a wɔrentumi nsa bebobo mo. **28** Awurade de adammo, anifurɔe ne adwene mu basabasaye beto mo so. **29** Mode mo nsa bekeka awia ketee te senea onifuraefo de ne nsa keka anadwo no. Biribiara a moye no, morenni mu nkonim. Wobehye mo so, abo mo korɔn daa na obiara remmegye mo. **30** Mubesi ɔbea asiwa nso obi behye no ne no ada. Mubesi dan, nanso morentena mu. Mobeɛ bobeturo nanso morenni mu aba. **31** Wobekum mo nantwi wɔ mo anim, nanso morenni ne nam bi nwe. Wobegye mo afurum afi mo nsam a wɔrensan mfa mmre mo. Wode mo nguan bema mo atamfo na morenni ɔbofo a obegye wɔn ama mo. **32** Wode mo mmabarima ne mo mmabea bema ɔman foforo na daa mɔbehwe wɔn ara ama mo ani atɔ dwe nanso morentumi nye ho hwee. **33** Nnipa a munnim wɔn na wɔbefow mo bre so ade adi na daa wɔasan ahye mo so. **34** Mo ani so ade a mubehu no bebɔ mo dam. **35** Awurade bema mpɔmpɔ a eye yaw a wɔko a enkɔ abobo mo nkotodwe ne mo anan ho na atrew afi mo nantin akosi mo mpampam. **36** Awurade bepam mo ne mo hene a odi mo so no akɔ ɔman bi a mo ne mo agyanom nnim so so. Eho na mobesom anyame afoforo, anyame a wode nnua ne abo aye. **37** Mobeɛ atantanne, akyiwade ne aserewde ama aman a Awurade de mɔbekɔ so no nyinaa so. **38** Mubedua bebre wɔ mo nsase so, nanso mubetwa kakraa bi, efise mmoadabi bewe mo nnɔbae. **39** Mobeɛ bobeturo ahwe so yiye nanso morennom anaa morenni so aba, efise asunson bedi. **40** Mubedua ngonnua afa mo nsase so nyinaa, nanso morenni mu ngo biara, efise ngo aba no betetew agu fam. **41** Mɔbewo mmabarima ne mmabea, nanso nye mo na mobetetew wɔn, efise wɔbekɔ nnommum mu. **42** Mmoadabi kuw befa mo asase so nnua ne nnɔbae. **43** Ahɔho a wote mo mu no bekorɔn abunkam mo so, nanso mɔbekɔ so amem akɔ fam. **44** Wɔbebɔ mo bosea a moremmo wɔn bi. Wobeye eti na moaye dua. **45** Se moanye osetie amma Awurade, mo Nyankopɔn no, anni ahyede a ɔde ama mo no so a, saa nnome yi nyinaa beba mo so na ebedi mo akyi na abunkam afa mo so akosi se wɔbesee mo. **46** Saa nsem a eye hu yi beba se nsenkyerenne ne kɔkɔbo ama mo ne mo asefo daa nyinaa. **47** Esiane se moamfa anigye ne ahɔsepɔw ansom Awurade, mo Nyankopɔn no, wɔ bere a esii mo yiye no, nti, **48** enti mubefi ɔkɔm ne osukɔm, adagyaw ne ohia buruburoo mu asom mo atamfo a Awurade, mo Nyankopɔn no, besoma wɔn

aba mo so no. Wobehye mo mnade konnua akosi se mɔbesee. **49** Awurade de ɔman bi a ewɔ akyirikyiri baabi, wɔ asase ano, ɔman a monte wɔn kasa no, beba mo so na wɔatow ahye mo so te senea ɔkɔre sian no, **50** ɔman a wɔn ho ye hu na wommu ɔpanyin, na wonni ahummɔbo mma mmofra. **51** N'asraafo betow ahye mo nyemmoa ne mo asase so nnɔbae so adi no fuu akosi se mubewuwu. Wɔrennyaw atoko, nsa foforo anaa ngo; mo nyemmoa nantwimma anaa nguamma kosi se mɔbesee. **52** Wobetua mo nkuropɔn nyinaa ano akosi se wɔbeka mo afasu dennen a mode mo ho too so se ebɛbo mo ho ban wɔ mo asase no so no nyinaa no agu. Wobetua asase a Awurade, mo Nyankopɔn no, de rema mo no so nkuropɔn no nyinaa ano. **53** Esiane ɔhaw ne abebrese a ɔtamfo de beba mo so wɔ bere a wɔatua mo ano no mu no nti, mɔbewe mo yafunu mu aba, mo mmabarima ne mmabea a Awurade mo Nyankopɔn no de ama mo no nam. **54** Mpo, mo mu ɔhɔbreasenɛ a n'ani da ho no renhu ɔno ara ne nuabarima anaa ne yere a ɔdo no, anaa ne mma a wote ase no mmɔbo, **55** na ɔremma wɔn mu biara ne mma no mu bi nam a ɔrewe no. Esiane se eno ara ne nea aka a ɔbewe wɔ bere a mo atamfo atua mo nkuropɔn no nyinaa ano rehiahia mo ho no nti. **56** Mo mu ɔbea a ɔbre ne ho ase na ɔwɔ nkatede wɔ ne mu, a mpo ɔmpe se ɔde ne nantin besi fam no benya ne kunu a ɔdo no ne ɔno ara ne mmabarima anaa ne mmabea ho menasepɔw. **57** ɔbea no de awo akyi ade ne abofra a wawo no foforo no besie wɔn senea obetumi awe ne nyinaa wɔ kokoa mu, esiane ɔhaw ne abebrese a mo atamfo de beba mo so, bere a wɔatua mo nkuropɔn ano no nti. **58** Se moanni mmara a wɔakyerew wɔ saa nhoma yi mu no nyinaa so pɛpɛpɛ, na moanni saa onuonyamfo ne ɔnwɔnwani Awurade, mo Nyankopɔn no, no din ni a, **59** Awurade de ɔyaredɔm a eye hu beba mo ne mo asefo. Ebeye atoyerɛnkyem a ano ye den ne ɔyaredɔm a ano ye den na ebetena ho akye. **60** ɔde ɔyaredɔm ahorow a ebaw wɔ Misraim a ebɔɔ mo hu no beba betena mo so. **61** Awurade de nyarewa ahorow bebre ne atoyerɛnkyem a wɔnkyerew wɔ Mmara Nhoma yi mu no bebre mo akosi se mɔbesee. **62** Mo a na modɔso te se ɔsoro nsoromma no, mo so betew koraa, efise moantie Awurade, mo Nyankopɔn no. **63** Senea na eye Awurade aniso se ɔbema mo adi yiye na moadɔso no, saa ara nso na ebeye no aniso se ɔbedwerew mo na wasee mo. Obetutu mo ase afi asase a moreko so akɔfa no so. **64** Na Awurade bebɔ

mo apansam afra aman nyinaa afi asase ano akosi asase ano. Eho na mobesom ahoho anyame a mo anaa mo agyanom nhuu bi da; anyame a wode nnua ne abo aye! **65** Morennya guankobe a anaa homebea mma mo anantin wo saa aman no so. Eho na Awurade bema mo adwene a epere, aniwa a aye siamoo ne koma a apa abawa. **66** Mo asetena bedi nsensenmu daa, na ehu behye mo so anadwo ne awia a munnim nea ereko so wo mo asetena mu. **67** Anopa mobeka se, “Se eyee anwummere a!” Na anwummere nso mobeka se, “Se eyee anopa a!” Mobeka saa, esiane ehu a ebeye mo koma amaama ne nea atwa mo ho ahyia a mo ani behu no. **68** Na Awurade bema mo atenatena ahyen mu asan ako Misraim, akwantu a mehyee se ense se mutu bio no. Eho na mode mo ho bema mo atamfo se wonto mo se nkoa, nanso obiara rempe se obeto mo.

29 Eyinom ne nhyehyee a ewo apam a Awurade hyee Mose se one Israelfo no nye wo Moab nka apam a one won yee no wo Horeb no mu no ho. **2** Mose free Israelfo no nyinaa ka kyeree won se: Moahu nea Awurade yee Farao ne ne mpanyimfo ne ne man nyinaa wo Misraim no. **3** Mo ankasa muhuu sohwe akese, nsenkyerenne a eye hu ne anwonwade akese no. **4** Nanso de besi nne yi, Awurade mmaa mo adwene a ete asem ase anaa ani a ehu ade anaa aso a ete asem. **5** Nanso Awurade se, mfe aduanan a midii mo anim faa sare so no mu no, mo ntama antetew, na mo mpaboa a ehhyehye mo anan nso anhwere. **6** Moanni brodo, annom nsa anaa nsa a ano ye den. Meyee saa senea mubehu se mene Awurade, mo Nyankopon no. **7** Yeduu ha no, Hesbonhene Sihon ne Basanhene Og ba beko tiaa yen, nanso yedii won so. **8** Yefaa won asase de maa Ruben ne Gad mmusuakuw ne Manase abusuakuw no fa se won agyapade. **9** Eno nti, munni saa apam yi so senea ebeye a biribiara a mobeye no beye yiye. **10** Mo nyinaa—mo mmusuakuw mpanyimfo, mo atemmufo, mo ahwefo ne Israel mmarmima nyinaa, nne mugyina Awurade, mo Nyankopon no, anim; **11** mo ne mo mma ne mo yerenom ne ahoho a wote mo mu a wobu mo nnua, soa mo nsu. **12** Mugyina ha se mo ne Awurade, mo Nyankopon no, rebeye apam; apam a Awurade ne mo reye nne na ode ntam resow ano **13** na wasi so gyinae se nne, moye ne nkurofo na ono nso beye mo Nyankopon, senea ohyee mo bo no na okaa ntam kyeree mo agyanom Abraham, Isak ne Yakob no. **14** Mereye saa apam yi a ne ntam bata ho a, enye mo nko a, **15** mo ne yen gyina ha nne wo Awurade,

mo Nyankopon no, anim na mmom, won a wonni ha nne nso ka ho bi. **16** Mo ankasa munim senea yetenaa Misraim ne senea yereba ha no yefaa aman so besii ha. **17** Muhuu akyiwade ahoni a wode nnua ne abo ne dwete ne sikakokoo aye wo won nkyen. **18** Monhwe yiye se obarima anaa obee anaa abusua biara a ewo mo mu nne no mu biara koma rennan mfi Awurade, mo Nyankopon no, ho nkosom saa aman yi anyame; monhwe se ntin biara nni mo mu a epuw bore a eye nwen saa. **19** Se saa onipa no te ntam yi mu nsem na ohyra ne ho, na oka wo ne tirim se, “Me ho sonn, emfa ho se menam asooden kwan so.” Eyi de atoyerenkyem beba asase a so afow ne nea so awo no nyinaa so. **20** Awurade remfa nkye saa onipa no. N’abufuw ne ne ninkunu bedew atia no. Nnome a woakyerew no saa nhoma yi mu no nyinaa beba ne so na Awurade bepepa ne din afi osoro ase. **21** Awurade betwe no afi Israel mmusuakuw nyinaa mu na wahwie apam no mu nnome nyinaa a woakyerew wo saa mmara nhoma no mu no agu ne so. **22** Mo mma a wobeba wo daakye awo ntoatoaso mu no ne won a wofi ahoho ase a wofi akyirikyiri asase so behu asase no see ne nyarewa a Awurade de bebre asase no. **23** Wobehu se, won asase no nyinaa adan sufte ne nkyene a wonnua so hwee, na hwee mfifi wo so na ahabammono biara nnyina so, a enye yiye na hwee nso nnyin wo so; sare ahaban mpo. Ebeye se Sodom ne Gomora, Adma ne Seboim a Awurade seee no n’abufuwhyew mu no. **24** Aman a atwa ahyia no bebisa se, “Aden nti na Awurade aye saa asase yi saa? Aden nti na ne bo fu dennen saa?” **25** Na wobeka akyere won se, “Saa asem yi sii, efise nnipa a wowo asase no so buu apam a wone Awurade, won agyanom Nyankopon no, yee bere a oyii won fii Misraim asase so no. **26** Wodan kosom anyame afoforo wokotow won, anyame a wonnim won, anyame a Awurade nkyeree won se wonsom. **27** Eno nti Awurade abufuw dew tiaa saa asase yi, nam so de nnome a woakyerew wo saa nhoma yi mu no nyinaa baa won so no. **28** Abufuwhyew mu, Awurade tutuu ne nkurofo ase fii won asase so twaa won asu de won kogu asase foforo so, senea ete mprenpren yi.” **29** Kokoamsem ye Awurade, yen Nyankopon no, dea, nanso nneema a woda no adi no ye yen ne yen asefo dea daa, senea ebeye a yebedi saa mmara yi mu nsem so.

30 Se nhyira ne nnome a mede ato mo anim no nyinaa ba mo so, na mode hye mo koma mu wo baabiara a Awurade, mo Nyankopon no, befa mo ako,

wɔ aman no mu, 2 na mo ne mo mma san ba Awurade, mo Nyankopɔn no, nkyen, na mode mo koma ne mo kra nyinaa yɛ osetie ma no senea merekyerɛ mo nne yi a, 3 ɛno de, Awurade, mo Nyankopɔn no, de mo siade bɛma mo, na wahu mo mmɔbɔ, na waboaboa mo ano bio afi amanaman a ɔbɔɔ mo hwete kɔɔ so no nyinaa so, asan de mo aba. 4 Sɛ mpo, wɔapam mo kɔ akyirikyiri asase bi a ɛwɔ ɔsoro ase a, efi hɔ no, Awurade, mo Nyankopɔn no, beboaboa mo ano asan de mo aba. 5 Ɔde mo beba asase a eyɛ mo agyanom de no so na moafa sɛ agyapade. Ɔbɛma mo adi yiye na moadɔɔso asen mo agyanom. 6 Awurade, mo Nyankopɔn no, beyi fi a ɛwɔ mo ne mo asefo koma mu no senea ebɛyɛ a mode mo koma ne mo kra nyinaa bedɔ no na moanya nkwa. 7 Awurade, mo Nyankopɔn no, de saa nnome yi nyinaa begu mo atamfo a wɔtaa mo no so. 8 Mobesan atie, adi Awurade ahyɛde a mede rema mo nne no nyinaa so. 9 Awurade, mo Nyankopɔn no, bɛma biribiara a moyɛ no asi mo yiye. Ɔbɛma mo yafunu mu aba asi yiye pii. Mo nyemmoa bedɔɔso. Na mo mfuw mu nnɔbae nso bebu so, efise Awurade, mo Nyankopɔn no, ani begye sɛ ɔbɛma mo adi yiye senea na ɔyɛ mo agyanom no. 10 Sɛ mutie Awurade, mo Nyankopɔn no, nne, na mudi n'ahyɛde ne ne mmara a wɔakyerɛw wɔ saa Mmara Nhoma no mu no so, na mode mo koma ne mo kra dɔ no a, n'ani begye mo yiyedi ho. 11 Nokware, saa mmara a merehyɛ ama mo nne yi sodi nye den na ɛnye ade a morentumi nye nso. 12 Enni ɔsoro a enti mobɛka se, “Hena na ɔbɛkɔ ɔsoro ama yen na wakogyɛ abre yen, na yeate adi so?” 13 Saa ara nso na enni po agya a enti mobɛka se, “Hena na obetwa akɔ ɛpo fa nohɔ ama yen na wakogyɛ abre yen, na yeate adi so?” 14 Dabi, asem no abɛn wo. Ɛda w'ano na ɛwɔ wo koma mu sɛ mudi so. 15 Muntie, nne, mede nkwa ne yiyedi, owu ne ɔsee asi mo anim. 16 Na Sɛ mutie Awurade, mo Nyankopɔn no, mmara a merehyɛ ama mo nne yi, nam so dɔ Awurade, mo Nyankopɔn no, nantew n'akwan mu, di ne mmara so a, mubenya nkwa na mo ase adɔ, na Awurade, mo Nyankopɔn behyira mo wɔ asase a morekɔ akɔtena so no so. 17 Nanso sɛ mo koma dan, sɛ moanye osetie, na sɛ wɔtwe mo kɔkotow anyame afoforo, na mosom wɔn a, 18 mepae mu ka kyere mo nne sɛ, nea ɛte biara no wɔbɛsɛ mo; morentena asase a moretwa Yordan akɔ so akɔfa sɛ agyapade no so nkyɛ. 19 Nne mede nkwa ne owu, nhaira ne nnome, asi mo anim sɛ munyi nea mope. Mefre ɔsoro ne asase

sɛ nnansefo. Momfa nkwa senea ebɛyɛ a mo ne mo asefo benya nkwa! 20 Monno Awurade, mo Nyankopɔn no, monye osetie mma no, na momfa mo ho mma no, efise ɔno ne mo nkwa. Ɛno na mobɛtena ase akyɛ wɔ asase a Awurade kaa ntam sɛ ɔde bɛma mo tete agyanom; Abraham, Isak ne Yakob no.

31 Bere a Mose kaa saa nsem yi kyereɛ Israelfo wiee no, 2 ɔkaa bio se, “Mprenpren madi mfe ɔha ne aduonu, nti merentumi nni mo anim bio. Awurade aka akyerɛ me sɛ merentwa Asubɔnten Yordan. 3 Nanso Awurade, mo Nyankopɔn no, ankasa bedi mo anim atwa. Ɔbɛsɛ aman a wɔte hɔ na mobɛfa wɔn asase no. Yosua ne onipa foforo a obedi mo anim senea Awurade hyɛɛ mo bɔ no. 4 Awurade bɛsɛ aman aman a wɔte asase no so no senea ɔsɛɛ Sihon ne Og a na wɔyɛ Amorifo ahemfo no. 5 Awurade de nnipa a wɔte hɔ no behyɛ mo nsa na ɛsɛ sɛ mo ne wɔn di no senea mahyɛ mo no. 6 Monye den na mo bo nye duru! Munnsuro wɔn! Awurade, mo Nyankopɔn no, bedi mo anim. Ɔrenni mo huammɔ na ɔrennyaw mo nso.” 7 Afei, Mose frɛɛ Yosua ka kyereɛ no wɔ Israelfo no nyinaa anim se, “Yɛ den na yɛ nnam, na wo na wode ɔman yi beko asase a Awurade kaa wɔn agyanom ntam sɛ ɔde bɛma wɔn no so; na wo na wobekyɛ ama wɔn. 8 Awurade na ɔredi w'anim. Ɔbɛka wo ho; ɔrenni wo huammɔ na ɔrennyaw wo nti nsuro na mma wo koma ntul!” 9 Afei, Mose kyereɛ mmara yi too ho; ɔde maa Lewifo asɔfo a wɔsoaa Awurade apam adaka no ne Israel mpanyimfo nyinaa. 10 Mose hyɛɛ wɔn se, “Mfe ason biara awiei, Asese Afahyɛ mu no, wɔmfa obiara ka a ɔde no nkyɛ no. 11 Israelfo nyinaa nhia wɔ Awurade mo Nyankopɔn no, anim wɔ faako a ɔbɛkyerɛ no, na moakenkan saa mmara yi wɔ wɔn anim ama wɔate. 12 Fre nnipa no nyinaa, mmarima, mmea, mmofra ne ahɔho a wɔte mo nkurow so nso senea ebɛyɛ a wɔbɛte na wobesua sɛ, ɛsɛ sɛ wosuro Awurade, mo Nyankopɔn no, na wobedi mmara no so pɛpɛpɛ 13 na ama wɔn mma a wonnim mmara no ate na wɔasua senea ɛsɛ sɛ wosuro Awurade, mo Nyankopɔn no, mmere dodow a mote asase a moretwa Yordan akɔfa sɛ agyapade no so.” 14 Awurade ka kyereɛ Mose se, “Wo wu bere aso. Fre Yosua na fa no kɔ Ahiaɛ Ntamadan no mu, faako a mede n'adwuma behyɛ ne nsa no.” Enti Mose ne Yosua kɔdaa wɔn ho adi wɔ Ahiaɛ Ntamadan no mu. 15 Na Awurade yii ne ho adi kyereɛ wɔn wɔ omununkum fadum mu, na omununkum no gyinaa ntamadan no abobow ano. 16

Awurade ka kyereɛ Mose se, “Erenkye wubewu na woakoka w’agyanom ho, na erenkye na saa nnipa yi de won ho beɛma anyame hoɔ a wɔwɔ asase a wɔreko so no so no. Wobegyaw me na wɔabu apam a me ne won hyehyee no so. 17 Na saa da no, me bo befuw won na mapo won; mede m’anim behintaw won na wɔbesee won. Ohaw a emu ye den ahorow pii beba won so ama wɔabisa se, ‘So ense se saa ohaw yi ba, esiane se Onyankopɔn nni yen nkyen bio no nti?’ 18 Saa bere no mede m’anim behintaw won esiane won bone ahorow a wɔaye wɔ anyame afoforo a wɔsom no nti. 19 “Afei, monkyerew saa dwom yi mu nsem mfa na monkyere Israelfo no, na wɔnto senea ebeye adansede ama me na mede atia won. 20 Mede won beba asase a nufusu ne ewo resen wɔ so senea mekaa ntam hyee won agyanom bo no. Na wodidi mee ye akese a, afei, wɔbedan won ani akɔsom anyame afoforo apo me, nam so abu m’apam no so. 21 Afei, ohaw ne akwanside bebreɛ ba won so a, dwom yi bedi adanse atia won, efise won asefo were remfi da. Minim nea wotumi ye koraa ansa na mede won beba asase a maka ho ntam ahye bo no so.” 22 Enti Mose kyereɛ dwom no guu ho saa da no na okyereɛ Israelfo no. 23 Afei, Awurade hyee Nun babarima Yosua se, “Ye den na ye nnam, efise wo na wode Israelfo no beba asase a mekaa ntam hyee ho bo no so na m’ankasa meka mo ho.” 24 Bere a Mose kyereɛ mmara nsem no nyinaa fi mfiase kosii awiei no guu nhoma mu wiei no, 25 ode saa ahyede yi maa Lewifo a na wɔsoa Awurade apam adaka no: 26 “Momfa saa Mmara Nhoma yi nkɔto Awurade, mo Nyankopɔn, apam adaka no nkyen. Eho na ebɛda se adansede a etia Israelfo. 27 Efise minim senea moye atuawefo ne asoɔden. Mpo, me ne mo da so wɔ ho yi, moatɛw Awurade so atua. Na me wu akyi no, atua ben na morentew! 28 Momfre mo mpanyimfo nyinaa ne mo mmusuakuw ntuanofɔ nyinaa senea metumi akasa akyere won na mafre ɔsoro ne asase de adi adanse atia won. 29 Minim se me wu akyi no, mobesee koraa na moaman afi okwan a makyere mo se momfa so no so. Mmere a ereba no, amanehunu beba mo so, efise monam bone a mobeye wɔ Awurade anim no so no behwanyan n’abufuw.” 30 Enti Mose kaa dwom no mu nsem nyinaa fi ti kosi ti kyereɛ Israelfo a wɔahyia ho no.

32 Monye aso, mo ɔsoro na mekasa; tie, wo asase, nsem a efi m’anom. 2 Ma me nkyerekyerɛ nto se osu; na me nsem nsian se obosu, se osu a epete gu sare

fɔforo so, se osu mmoroso wɔ afifide fɔforo so. 3 Mebo Awurade din. O, monkamfo yen Nyankopɔn keseye! 4 Ɔne Ɔbotan no, ne nnwuma so nni, na n’akwan nyinaa ye. Onyankopɔn nokwafo a ɔnye mfomso, Ɔtreneeni ne ɔnokwafo ne no. 5 Porɔwee adidi won mu na wɔnye ne mma; wɔye awo ntoatoaso akɔntɔnkyefo aniwufo. 6 Saa ne okwan a ese se mofa so tua Awurade ka ni ana, mo nkweisefo ne adwenharefo? Enye ɔno ne mo Agya, mo yefo no? Enye ɔno na ɔbɔɔ mo na ɔmaa mo nnyinaso? 7 Monkae tete nna; munnwen tete awo ntoatoaso no ho. Mummisa mo agya na ɔbekyerɛ mo. Mummisa mo mpanyimfo na wɔbekyerɛ mo ase. 8 Bere a Ɔsorosoroni no maa amanaman no agyapade, na okyekerɛ adesamma nyinaa mu no, ɔtotoo ahye maa nnipa no senea Israelmma no dodow te. 9 Efise Israelfo ye Awurade kyefa; Yakob ye n’agyapade wode maa no. 10 Ohuu no wɔ sare asase so, asase kesee a hwee nni so so. Ɔde no sie hwɛɛ ne so; ɔbɔɔ ne ho ban se n’aniwa kurutiayisi, 11 se ɔkɔre a ohwanyan ne berebuw mu na ɔbɔ mfamfia fa ne mma ho, na ɔtrew ne ntaban mu buma no, soaa no kɔɔ no. 12 Awurade nkutoo na okyerɛɛ no kwan; na ananafo nyame biara nka ne ho. 13 Ɔma no nantew faa asase no nkoko so; na ɔde mfuw so nnuaba bɔɔ no akɔnhama; Ɔde ɔbotan mu wo ne ngo a efi abohemaa mu, 14 nyemmoo mu nufusu ne srade, nguamma ne mmirekyi a wɔadɔ srade, Basan adwennini a wɔpaw ne atoko muhumuhu siesiee no. Monom nsa papa a efi bobɛ mu. 15 Yeshurun dɔɔ srade na onyaa ahooɔden; aduan ma wɔyeɛ duru, yeɛ pemee. Wɔtoɔ Onyankopɔn a ɔbɔɔ won no asaworam; wɔpoo won Nkwagyɛ Botan no. 16 Wɔma ɔtwee ninkunu wɔ won ananafo anyame no ho na wode won abosom a okyi no hyee no abufuw. 17 Wɔbɔɔ afoɔre maa atoro anyame a wɔnye Onyankopɔn, anyame a na wonnim won, anyame a wɔbaa nnansa yi ara, anyame a na mo agyanom nsuro won. 18 Mopaa Ɔbotan a ɔyeɛ mo agya no. Mo were fii Onyankopɔn a ɔwoo mo no. 19 Awurade huu eyi na ɔpoo won efise ne mmabarima ne ne mmabea hyee no abufuw. 20 Ɔkae se, “Mede m’anim behintaw won na wɔahu senea won awiei beye Efise, wɔye awo ntoatoaso akɔntɔnkyefo; mma a wonni nokware. 21 Wode nea enye Onyame ahye me ninkutwe na wode won ahoni ahuhuw no ahye me abufuw. Mema won ani abere nnipa a wɔnye me nkurɔfo. Mema ɔman a wonni ntease no ahye won abufuw. 22 Efise m’abufuwhyew befitɔ ogya mu, nea ehyew koka awufo a wɔwɔ asase ase no. Ebeseɛ

asase ne so nnabae na epaapae mmepow fapem. (Sheol h7585) 23 “Mehore amanehunū ahōrow no siw wō wōn so na matow me bemma awowō wōn. 24 Mede okōm kese, atiridiinini ne owuyare a esee ade; mesoma nkekammoa se aba wōn so; nhurutoa a wōtow si wō mfutuma mu no ano bore. 25 Afoa bema wōahwere wōn mma wō abōnten so; wōn afi mu, ehu betō wōn so. Mmerante ne mmabaa, mmofra ne nkwakōraa ase behyew. 26 Mekae se mebo wōn ahwete na mapepa wōn din afi nnipa adwene mu. 27 Nanso misuroo otamfo fēwdi, anye a na otamfo ante ase aka se, ‘Yen nsa adi nkonim; Enye Awurade na oyee eyinom nyinaa.’” 28 Israel ye ōman a wonni adwene. Obi nni wōn mu a ōwō nhumu. 29 Se anka wōye anyansafo na wōbete eyi ase, na wōahu nea wōn awiei beye ē! 30 Ebeye den na onipa baako ataa nnipa apem, na baanu bema mpem du aguan, gye se wōn Botan atōn wōn gye se Awurade ayi wōn ama. 31 Efise wōn botan nte se yen Botan, senea yen atamfo mpo gye to mu no. 32 Wōn bobē fi Sodom bobē mu na efi Gomora mfuw mu. Awuduru ahye wōn bobē aba mma, na bōnwoma ahye wōn kasiaw amaama. 33 Wōn bobesa ye awo ano bore; aprammiri ano boreweremfo. 34 “So menkoraa eyi mmoroso, na mensōw ano wō m’ademude mu ana 35 Metō were; metua so ka. Wōn nan bewatiri bere a ese mu; wōn atoyerenkyem no aben na wōn see taa wōn.” 36 Awurade bebu ne nkurōfo aten na wasesa n’adwene wō ne nkoa ho, bere a wahu se wōn ahoōden asa, na enkaa obiara, akōa anaa odehye. 37 Obebisa se, “Afei wōn anyame no wō he, obotan a wōde yee wōn guankōbea, 38 anyame a wōdii wōn afōrebōde mu srade na wōnom wōn ōnom afōrebō mu nsa no? Ma wōnsore mmeboa mo! Ma womegye mo! 39 “Afei, munhu se, me ara me ne no! Onyame biara nni ho se me! Me na mikum na mema nkwa: Me na mipira, na mekyekye, na obi rentumi nnye mfi me nsam. 40 Mema me nsa so kyere osoro de nidi sua se: Se mete ase daa yi, 41 se mesew me afoa a epa yerewyerew no na mifi atemmu mu so mu kuaw a, metō m’atamfo so were na matua wōn a wokyi me ka. 42 Mema me bemma anom mogya abow, na m’afōa adi ohonam, atōfo ne nnommumfo mogya, atamfo ntuanofō no ti.” 43 Mo aman, mo ne ne nkurōfo nni ahurusi, efise obeto ne nkoa mogya so were; obeto were wō n’atamfo so na wapata ama n’asase ne ne nkurōfo. 44 Mose ne Nun babarima Hosea ba bekaa dwom yi mu nsem nyinaa kyere nnipa no. 45 Mose woroo saa dwom no

mu nsem no kyere Israelfo no wiee no, 46 ōka kaa ho se, “Momfa nsem a maka akyere mo no nyinaa nsie mo koma mu. Monka nkyere mo mma nso, senea ebeye a wōbedi saa mmara yi mu nsem nyinaa so pēpēpē. 47 Saa nkyerekyere yi nye nsem bi a wōde rema mo kwa, eye mo nkwa! Se mudi so a, mubenyin akye wō asase a moretwa Asubōnten Yordan akōfa no so.” 48 Da no ara, Awurade ka kyere Mose se, 49 “Kō Moab, kō mmepow a ewō asu no apuei no so, na foro Nebo bepōw a ene Yeriko di nhweanim no. To w’ani hwe Kanaan asase no, asase a mede rema Israelfo se wōn agyapade no. 50 Bepōw a woaforo no so hō na wōbekō akōka w’agyanom ho, senea wo nua Aaron wuu wō Hor bepōw so kōkaa n’agyanom ho no. 51 Efise mo baanu dii me huammō wō Israelfo mu wō Meriba ne Kades asu ho wō Sin sare so. Moanni me kronkronye ho adanse ankyere Israelfo no wō hō. 52 Eno nti, mubehu asase no afi akyiri, nanso morenko asase a mede rema Israelfo no so.”

33 Eyi ne nhaira a Onyankopōn nipa Mose de hyiraa Israelfo no ansa na ōrewu: 2 Ose, “Awurade fi Sinai bae ofi Seir baa wōn so; ohran fi Paran bepōw so. Ōde akronkronfo pii bae fi anafo fam ne mmepōw nsian so. 3 Nokware ni, wo na wōdō nnipa no, akronkronfo nyinaa wō wo nsam. Wōn nyinaa kotow wo nan ase, na wonya nkyerekyere fi wo hō, 4 mmara a Mose de maa yen no; Yakob nkurōfo agyapade. 5 Oyee ohene wō Yeshurun bere a nnipa no ntuanofō hyiae, wōne Israel mmusuakuw no. 6 “Ma Ruben nya nkwa na onwu, na mma ne nkurōfo so nhuan.” 7 Na ōkaa eyi faa Yuda ho: “Tie, Awurade, tie Yuda sufre; fa no brē ne nkurōfo. Ōde n’ankasa nsa bō ne ho ban. Ao, ye ne boafō tia n’atamfo!” 8 Asem a ōka faa Lewi abusuakuw ho: “Awurade, wōde ade kronkron ama w’asomfo nokwafo Lewifo. Wōdō wōn hwee wō Masa wōne wōn koe wō Meriba asu ho. 9 Lewifo tiee w’asem bō w’apam no ho ban. Wōdii wo nokware sen senea wōdii wōn awofo, abusuafō ne wōn mma nokware. 10 Afei, ma wōnkyere Yakob wo mmara no. Ma wōmfa wo nkyerekyere no mma Israelfo. Wōde aduhuam beba w’anim Abebo ohyew afōre wō afōremuka so. 11 Hyira Lewifo, Ao Awurade na ma wōn nsa ano nnwuma nsō w’ani. Bubū wōn atamfo; bō wōn atamfo hwe fam a wōnsore bio.” 12 Asem a Mose ka faa Benjamin abusuakuw ho: “Ma Awurade dō nnye ntin wō Benjamin nkurōfo mu, efise obō wōn ho ban daa nyinaa, na nea Awurade dō no no nhome wō ne nwini

ase daa.” **13** Asem a Mose ka faa Yosef mmusuakuw ho: “Awurade mfa ne sorosoro bosu a esom bo ne bun mu nsu a efi asase ase no, nhyira won nsase. **14** Omfa ne nnepa efi owia mu ba ne adonne a ebetumi apue afi asram so; **15** ne nnobae pa a efi tete mmepow mu ne nea abu so wo nkoko a etim ho daa mu **16** ne akyede a eso nni a efi asase ne ne maye mu, ne adom a efi nea na ote nwura a ehew mu no. Saa nhyira yi nyinaa mmra Yosef ti so, nea oye ne nuanom mu oheneba no anintan mu. **17** Yosef se nantwinini a oye abakan wo ahenni mu. Ne ahooden te se otrom mmen. Ode bewowo aman no, won a wowa asase ano no mpo. Eyinom ne Ephraim mpem du du no; eyinom ne Manase mpempem no.” **18** Asem a Mose ka faa Sebulon ne Isakar mmusuakuw ho: “Sebulon asefo, munni anigye wo mo adifi mu. Isakar asefo, munni anigye wo mo ntamadan mu. **19** Wobefre nnipa ahorow ako bepowa no so kobo trennee afere wo ho; wobefi po mu adenya mmoroso mu ato pon afi ademude a ahintaw wo nwea mu.” **20** Asem a Mose ka faa Gad abusuakuw ho: “Nhyira nka obi a otrew Gad mantam mu! Gad te ho se gyata a oretetew abasa anaa eti. **21** Gad nkurofo paw asase pa no maa won ho; okannifo kyefa na wode maa won. Bere a nkurofo no mpanyimfo hyiae no, woyee Awurade atentrennee apede no, ne n’atemma a efa Israelfo ho no.” **22** Asem a Mose ka faa Dan abusuakuw ho: “Dan ye gyata ba a, arepue afi Basan.” **23** Asem a Mose ka faa Naftali abusuakuw ho: “Naftali wo adom bebree na Awurade nhyira aye wo ma; otare no anafo fam beye wo kyefa.” **24** Asem a Mose ka faa Aser abusuakuw ho: “Mma no mu nea waha yira no koraa ne Aser; wamma ne nuanom mpe n’asem, na omfa ngo ngware n’anan ase. **25** W’apon ho nkyerewa nye dade ne kobere mfrafrae; w’ahooden ne wo nkwanne besae so. **26** “Onyankopon biara nni ho se Yeshurun Nyankopon; a onam sorosoro ne n’ahenni mu mununkum so ba beboa wo. **27** Onyankopon a owo ho daa ye wo guankobea; nea ewo ase no ne abasa a ewo ho daa no. Obepam w’atamfo afi w’anim; obeka se, ‘See won!’ **28** Enti, Israel betena ase dwoodwo; Yakob benya bamm wo asase a atoko ne nsa foforo wo so, faako a osoro bosu gugu. **29** Nhyira nka mo, Israel! Hena na ote se mo, nnipa a Awurade agye mo nkwa. Oye mo nkatabo ne boafu ne mo anuonyam afoa! Mo atamfo beketow mo anim, na moatiatia won soronsorommae.”

34 Na Mose fi Moab asase tataw so foro koo Nebo Bepowa so, san foroo Pisga a etwa Yeriko. Eho na Awurade kyeree no asase no nyinaa, efi Gilead kosi Dan; **2** Naftali nsase nyinaa; Ephraim ne Manase nsase; Yuda nsase nyinaa kosi Ntam Po no ho; **3** Negeb; ne nsase a efi Yeriko Bon, ne Mmɛ Kuropon no de kosi Soar tɔnn. **4** Na Awurade ka kyeree Mose se, “Eyi ne asase a mekaa ntam hyee ho bo kyeree Abraham, Isak ne Yakob se mede bema won asefo no. Afei, mama wo de w’ani ahu, nanso worentwa nko so.” **5** Na Mose, Awurade somfo no wuu wo Moab asase so senea Awurade kae no. **6** Wosiee no wo obon bi a ene Bet-Peor di nhweanim, nanso ebese nne, obiara nnim faako a ne da wo. **7** Mose dii mfirihya oha ne aduonu na owui, nanso na n’ani hu ade yiye na ne ho nso ye den. **8** Israelfo suu no nnafua aduasa wo Moab tataw so ara kosii se n’ayiee koo awiei. **9** Afei, Nun babarima Yosua nyaa nyansa honhom, efise Mose de ne nsa guu ne so. Enti Israelfo yee osetie maa no na woyee biribiara senea Awurade hyee Mose no ara pe. **10** Mose akyi no, odiyifo biara mmaa Israel a Awurade nim no anim ne anim **11** a Awurade somaa no ma okoyee anwonwade ne nsenkyerenne a eye hu wo Misraim asase so de tiaa Farao ne ne mpanyimfo nyinaa wo asase no so nyinaa. **12** Na obiara nnaa tumi kese anaa ahodwiriw nneyee adi te senea Mose yee wo Israel nyinaa ani so no.

Yosua

1 Mose a ɔye Awurade somfo no wu akyi no, Awurade ka kyere Nun babarima Yosua, Mose boafɔ no se, **2** “Afei a me somfo Mose awu no, esɛ sɛ wudi me nkurɔfo no anim kotwa Asubɔnten Yordan kɔ asase a mede rema wɔn no so. **3** Senea mehyɛ Mose bɔ no, baabiara a wode wo nan besi no, mede bema wo. **4** Efi Negeb sare a ɛwɔ anafo fam kosi Lebanon mmepɔw a ɛwɔ atifi fam, efi Asubɔnten Eufrate a ɛwɔ apuei fam kosi Ntam Po a ɛwɔ atɔe fam, ne Hetifo asase nyinaa. **5** Obiara rentumi nsɔre ntia wo, wo nkwan na nyinaa. Senea na mekaa Mose ho no, saa ara na meka wo ho. Merennyaw wo na merempa w’akyi da. **6** Wo ho nye den na ye nnam, efise wubedi me nkurɔfo yi anim akɔfa asase a mekaa ntam sɛ mede bema wɔn agyanom no nyinaa. **7** “Wo ho nye den na ye nnam. Di mmara a Mose de maa wo no nyinaa so. Mfi ho, na wubedi nkonim biribiara a woyɛ mu. **8** Sua saa Mmara Nhoma yi bere biara. Dwen ho awia ne anadwo, senea ebema woaye biribiara a wɔkyerew wɔ mu no. Saa na ebema asi wo yiye. **9** Mehyɛ wo se, ye den na ye nnam! Nsuro, na mma w’aba mu mmu, na Awurade wo Nyankopɔn ka wo ho baabiara a wobekɔ.” **10** Afei, Yosua hyɛ Israel ntuanɔfo no se, **11** “Momfa atɛnae no mu na monka nkyere nnipa no ma wonsiesie wɔn nnuan. Nnansa akyi no, mubetwa Asubɔnten Yordan na moakɔfa asase a Awurade, mo Nyankopɔn, de ama mo no.” **12** Afei Yosua frɛ Ruben ne Gad mmusuakuw ne Manase abusua no fa. Ɔka kyere wɔn se, **13** “Monkae ahyɛde a Awurade somfo Mose maa mo no: ‘Awurade, mo Nyankopɔn, rema mo ɔhome na ɔde asase yi ama mo.’ **14** Mo yerenom, mo mma ne mo anantwi betena Yordan apuei fam ha. Nanso, mo akofo a wɔasiesie wɔn ho ama ɔko no bedi mmusuakuw a aka no anim atwa Yordan, na wɔaboa ma wɔafa asase no. Mo ne wɔn ntena ho **15** nkosi se Awurade bema wɔn ɔhome senea wayɛ ama mo no. Na wɔn nso bedi asase a Awurade, mo Nyankopɔn de rema wɔn no so. Eno ansa na mode Yordan apuei fam ha asase a Mose a ɔye Awurade somfo de maa mo no, beyɛ mo atɛnae.” **16** Wobuaa Yosua se, “Nea woahye yen sɛ yenye nyinaa yebeye, na baabiara a wobesoma yen nso, yebekɔ. **17** Yebeye osetie ama wo senea yeye maa Mose no. Awurade wo Nyankopɔn, nni w’akyi senea odii Mose akyi no. **18** Obiara a ɔbetew w’asem

so atua na wanni w’ahyɛde mu biara so no, wonkum no. Enti, hye wo ho den na nya akokoduru!”

2 Afei, Yosua somaa akwansrafo baanu wɔ kokoa mu fii Israelfo atɛnae a ɛwɔ Sitim. Ɔka kyere wɔn se, “Monkɔsra asase a ɛda Yordan agya no, ne titiriw nea atwa Yeriko ho ahyia no.” Enti, mmarima baanu no sii mu koduu oguamanfo bi a ne din de Rahab fi, na wɔtenaa ho anadwo no. **2** Obi kɔka kyere Yerikohene se, “Anadwo yi ara, Israelfo no bi aba ha a wɔrebɛsra asase yi.” **3** Enti Yerikohene soma kɔ Rahab nkyen kɔka kyere no se, “Fa mmarima a wɔabesɔe wo no ma yen. Woyɛ akwansrafo a wɔrebɛsra yen asase yi ahwehwe ɔkwan a wɔbɛfa so atow ahyɛ yen so.” **4** Rahab a na ɔde mmarima baanu no asie no buae se, “Mmarima no baa me ha de, nanso minnim faako a wofi bae. **5** Ade reyɛ asa a wɔrebɛtoto kuroɔpɔn no apon mu no na wɔkɔe, nso manhu faako a wɔfae. Se moyɛ ntem tiw wɔn a, ebia, mobeto wɔn.” **6** (Nanso, na ɔde wɔn akɔhyɛ ɔdan atifi, akohintaw ɔfo a waboa ano akuwakuw ase.) **7** Enti, ɔhene asomafo no sii mu se wɔrekɔhwehwe akwansrafo no wɔ ɔkwan a ɛko Asubɔnten Yordan asutwabea ho. Asomafo no fi ho ara pɛ na wɔtotoo kuroɔpɔn no apon mu. **8** Ansa na akwansrafo no rebɛda anadwo no, Rahab kɔ ɔdan no atifi ne wɔn kɔkasae se, **9** “Minim se Awurade de saa asase yi ama mo. Yen nyinaa suro mo. Yen mu biara abɔ huboa. **10** Yeate senea Awurade maa Po Kɔkɔ no yow ma munyaa kwan faa mu bere a mufii Misraim no. Na yenim senea moyɛ Sihon ne Og a na woyɛ Amorifo ahemfo wɔ Asubɔnten Yordan apuei fam no ne senea mosɛee wɔn nkurɔfo pasaa no. **11** Enye nwonwa se yen koma atu na yeabɔ huboa. Obiara nni akokoduru a se ɔte nsem a ete sɛ a, ɔbeko. Na Awurade, mo Nyankopɔn no, ne otumfo Nyankopɔn a ɔwɔ ɔsorosoro ne asase ase. **12** “Enti momfa Awurade nka ntam nkyere me se, esiane se maboa mo nti, mobeye me ne m’abusuafo adom. Momfa biribi nsi mo bɔhyɛ so se, **13** moko fa Yeriko a, morenkum me ne m’agya ne me na, me nuabarimanom ne nuabeanom ne wɔn ho nnipa nyinaa.” **14** Mmarima no penɛe so kae se, “Yɛde yen nkwa si yen bɔhyɛ so. Se woanyi yen amma na se Awurade de asase no ma yen a, yebedi yen bɔhyɛ so.” **15** Esiane se wosii Rahab fi sii kuroow no fasu so nti, ɔde hama sian wɔn faa mfensere mu maa wosii fam. **16** Afei ɔka kyere wɔn se, “Munguan mfa bepɔw so man no so. Momfa mo ho nsie nnansa kosi se atiwo no a wɔrehwehwe mo no besan wɔn akyi

ansa na moako mo kwan.” 17 Ansa na mmarima no beko no, woka kyeree no se, “Yebebo mo nkwa ho ban 18 na mmom, gyaw hama kokoo a esen wo mfenkere ano no na ma w’abusuafo a eye w’agya, wo na, wo nuabarimanom ne won abusuafo nyinaa mmehye ofi no mu a wonko baabiara. 19 Se wopue si abonten a, wobekum won nyinaa na obi ntumi mmoo yen sobo se yeabu yen ntam so. Na yeka ntam se, obiara a ohye ofi yi mu no, worenkum no. Obiara nso rentee ne nsa wo won so. 20 Na se wudi yen huammoo de a, ntam yi nnkyekyere yen okwan biara so.” 21 Obea no buae se, “Mepene mo nhyehyee no nyinaa so.” Ogyaa won kwan, bere a hama kokoo no sen ofi no mfenkere no ano. 22 Akwansrafo no koo bepoo asase no so kotenaa ho nnansa. Atiwo no hwehwee okwan no so baabiara, san koo won kurom a wuanhu akwansrafo no wo baabiara. 23 Afei akwansrafo baanu no sian fii bepoo asase no so twaa Asubonten Yordan bekaa nsem a etoo won nyinaa kyeree Yosua. 24 Wokae se, “Ampa ara Awurade de asase no nyinaa bema yen, efise yen ho hu ato nnipa a wowa asase no so nyinaa so.”

3 Ade kyee anopahema no, Yosua ne Israelfo no nyinaa tu fii Sitim koduu Asubonten Yordan nsunoo, baabi a wotena nna kakra ansa na woretwa. 2 Nnansa akyi no, Israelfo ntuanofa no faa atenae ho nyinaa 3 maa nnipa no akwankyerse se, “Se muhu se Lewifo asofo no so Awurade, mo Nyankopon Apam Adaka no a, munni won akyi. 4 Esiane se momfaa ha da no nti, wobekyerse mo kwan. Momma okwansin fa nna mo ne won ntam, na moammen Apam Adaka no. Monhwe na moammen ho.” 5 Yosua ka kyeree nkurofo no se, “Munnwira mo ho, efise, okyena Awurade beye anwonwade wo mo mu.” 6 Anopa no, Yosua ka kyeree asofo no se, “Mompagyaw Apam Adaka no na momfa nni nnipa no anim ntwaa asubonten no.” Eno nti wosii mu. 7 Awurade ka kyeree Yosua se, “Nne, mefi ase aye wo okese wo Israelfo no nyinaa ani so. Na ebema wahu se, meka wo ho senea na meka Mose ho no. 8 Fa saa akwankyerse yi ma asofo a woso Apam Adaka no: ‘Se mudu Asubonten Yordan nsunoo ho a, monnantew nko nsu no mu kakra na munnyina.’” 9 Na Yosua ka kyeree Israelfo no se, “Mommra mmetie asem a Awurade, mo Nyankopon aka. 10 Nne mubehu se Onyankopon teasefo no ka mo ho. Ampa ara obepam Kanaanfo, Hetifo, Hewifo, Perisifo, Girgasifo, Amorifo ne Yebusifo. 11 Munnwen ho! Apam Adaka a eye

Awurade a asase nyinaa ye ne de no bedi mo anim de mo atwa Asubonten Yordan. 12 Afei, munyiyi nnipa dumien a obaako biara fi mmusuakuw dumien no mu. 13 Asofo no besoa Awurade a oye asase nyinaa wura no Adaka no. Se won nan nya si asu no mu ara pe, nsu no betwa a fi atifi ama ano aboa wo ho.” 14 Bere a nnipa no saree se wrekotwa Yordan no, asofo a na woso Apam Adaka no dii won anim. 15 Na eye otwabere mu nti na Yordan no ayiri aba nsunoo. Nanso, asofo a woso Adaka no anan sii nsu no ano pe, 16 nsu no ano fitii ase boaa wo n’atifi fam, baabi a wofre ho Adam a eben Saretan. Na nsu a ewo anafo no nso sen koguu Nkyene Po no mu kosii se asu no subon no yowee. Enti, nnipa no nyinaa twaa wo beae bi a eben Yeriko kuropon no. 17 Saa bere no mu, asofo a woso Awurade Apam Adaka no gyinaa asase kesee so wo subon no mfimfini maa nnipa no nyinaa twaa mu. Wotwen wo ho kosii se obiara faa asase kesee so twaa Yordan.

4 Bere a oman no nyinaa twaa Yordan wiei no, Awurade ka kyeree Yosua se, 2 “Yiyi mmarima dumien fi omanfo no mu a obaako biara fi abusuakuw no bi mu, 3 na ka kyere won se, wofa abo dumien mfi Yordan mfimfini nifa so wo faako a na asofo no gyina ho, na wonsoa mfa ntwaa mmra mmegu faako a mobetena anadwo yi.” 4 Enna Yosua free mmarima dumien a oyii won fii Israelfo no mu no a obaako biara fi abusuakuw bi mu no, 5 na oka kyeree won se, “Munkodi Awurade, mo Nyankopon, adaka no anim mfa nko Yordan mfimfini. Obaako biara mfa obo nto ne bati so senea Israelfo mmusuakuw no dodow te, 6 na enye nsenkyerenne wo mo mu. Se daakye bi, mo mma bisa mo se, ‘Saa abo yi ase kyere den’ a, 7 monka nkyere won se, Yordan gyae sen, gyinae wo Awurade apam adaka no anim, bere a Awurade apam adaka no retwa Yordan asubonten no. Saa abo yi beye nkae ade ama Israelfo daa nyinaa.” 8 Enti, mmarima no yee senea Yosua kyeree won no. Wofaa abo dumien fii Asubonten Yordan mfimfini a obo baako biara gyina ho ma abusuakuw baako, senea Awurade hyee Yosua no. Wosoa de koo faako a wotena ho anadwo no na wosii nkaedum wo ho. 9 Yosua nso de abo dumien sii nkaedum wo Yordan mfimfini wo faako a na asofo a woso apam Adaka no gyinae no. Ewo ho de besi nne. 10 Asofo a na woso adaka no gyinaa asu no mfimfini ho ara kosii se woyee Awurade ahyede a oman Mose so de maa Yosua no nyinaa. Saa bere no, nnipa no yee ntem twaa asu no koduu ne konkon so. 11 Na bere a obiara

duu asu no fa hɔ no, asɔfo no nso de Awurade adaka no twa kɔɔ hɔ bi. **12** Na akofo a wɔahyɛ wɔn akode a wofi Ruben abusuakuw mu, Gad abusuakuw mu ne Manase abusuakuw fa mu akofo no dii Israelfo no anim twaa Yordan senea Mose kyereɛ wɔn no pɛpɛpɛ. **13** Saa akofo yi, na wɔn dodow beye mpem aduanan a wɔasiesie wɔn ho ama ɔko. Wotwa kɔɔ Yeriko asase so wɔ Awurade anim. **14** Saa da no, Awurade yɛɛ Yosua kese wɔ Israelfo no nyinaa anim; na Yosua nna a aka no nyinaa, Israelfo de obu ne nidi maa no senea wode obu ne nidi maa Mose no. **15** Na Awurade ka kyereɛ Yosua se, **16** “Hyɛ asɔfo a Awurade apam adaka no so wɔn no se, womfi nsubon no mu hɔ mmra.” **17** Enti, Yosua hyɛɛ wɔn. **18** Na bere a asɔfo a wɔso Awurade apam adaka no fii nsubon no mu ara pɛ na Asubɔnten Yordan san ka sram so tenn te se kan no. **19** Ɔsram a edi kan no da eto so du no nnipa no foro fii Yordan kɔbɔɔ atɛnae wɔ Gilgal, Yeriko apuei fam hye so. **20** Gilgal hɔ na Yosua boaa abo dumien a wode fi Asubɔnten Yordan mu bae no ano. **21** Afei, Yosua ka kyereɛ Israelfo no se, “Daakye bi mo mma bebisa se, ‘Saa abo yi kyere den?’” **22** Na mo nso moaka akyerɛ wɔn se, ‘Eha ne beae a Israelfo twaa Yordan wɔ asase wosee so no.’” **23** Awurade, mo Nyankopɔn, maa asu no yowee wɔ mo anim, na ɔkɔɔ so ma eyowee ara kosii se mo nyinaa twae, senea ɔyɛɛ Po Kɔkɔɔ no. Ɔmaa no yowee ara kosii se yɛn nyinaa twae. **24** Ɔyɛɛ eyi senea aman a wɔwɔ wiase nyinaa behu Awurade tumi na mo nso moasuro Awurade, mo Nyankopɔn, daa nyinaa.”

5 Bere a Amorifo ahemfo nyinaa a wɔwɔ Yordan atɔɛ fam ne Kanaanfo ahemfo a wɔwɔ Po Kese no mpoano tee se Awurade ama Asubɔnten Yordan ayow wɔ Israelfo anim ama wɔatwa no, wɔn koma tui, na ehu kyekyeree wɔn. **2** Saa bere no, Awurade ka kyereɛ Yosua se, “Yɛ kyerɛwbo asekan na fa twa Israelfo no twetia bio.” **3** Enti, Yosua yɛɛ kyerɛwbo asekan no de twitwaa Israelfo nyinaa twetia wɔ Aaralot koko so. **4** Na esɛ se Yosua twitwa wɔn twetia, efise mmарima a na wɔanyinyin a wotumi ko bere a wofii Misraim no nyinaa awuwu wɔ sare no so. **5** Nnipa a wotu fii Misraim bae no, na wɔatwitwa wɔn nyinaa twetia, nanso wɔn a wɔwowoo wɔn wɔ sare no so wɔ akwantu bere no mu no de, na wontwitwaa wɔn twetia ɛ. **6** Israelfo no kyinkyinii wɔ sare no so mfe aduanan kosii se mmарima a wotumi ko bere a wɔrefi Misraim no nyinaa wuwui. Efise wɔyɛɛ asoɔden maa Awurade, na ɔkaa ntam se ɔremma wɔn ani nhu asase a waka

ntam se ɔde bema wɔn no so, asase a nufusu ne ewo sen wɔ so no. **7** Enti Yosua twitwaa wɔn mmарima a wontwaa wɔn twetia no twetia bere a na wɔreko Bohyɛ Asase no so no. Eyinom yɛ wɔn a na wɔanyinyin a wotumi si wɔn agyanom anan mu no. **8** Otwaa mmарima no nyinaa twetia wiei no, wogyee wɔn ahome wɔ atɛnae hɔ kosii se wɔn ho tɔɔ wɔn. **9** Afei, Awurade ka kyereɛ Yosua se, “Nnɛ mayi mo nkoayɛ wɔ Misraim ho aninguase no a fi mo so.” Ɛno nti, wɔfrɛ beae hɔ Gilgal de besi nnɛ. **10** Bere a Israelfo no wɔ Gilgal atɛnae hɔ wɔ Yeriko asase pradada no so no, wodii Twam Afahyɛ no wɔ ɔsram a edi kan no da a eto so dunan no anwummere. Saa ɔsram no na wode kae bere a wotu fii Misraim no. **11** Da no ara, wofii ase dii apiti ne aburɔw a wɔatoto a wotwa fii asase no so. **12** Mana amma da no na wɔanhu bi nso bio. Enti, efi saa bere no, Israelfo no dii Kanaan asase no so nnɔbae. **13** Bere a Yosua rebɛn Yeriko kuropɔn mu no, ɔpagyaw n’ani huu ɔbarima bi a okura afoa rehya no. Yosua kɔɔ ne nkyɛn bisaa no se, “Wowo yɛn afa anaa woyɛ ɔtamfo?” **14** Na ɔbarima no buaa se, “Menyɛ wɔn mu biara, meyɛ Awurade nsraadɔm so safohene.” Yosua tee eyi no, ɔdaa hɔ de n’anim butuu fam wɔ nidi mu na ɔkae se, “Kyerɛ me nea menyɛ, den na woɛ se wo somfo yɛ?” **15** Awurade nsraadɔm safohene no buae se, “Yi wo mpaboa na eha yɛ asase kronkron.” Na Yosua yɛɛ nea ɔkyereɛ no se ɔnyɛ no.

6 Wototoo Yeriko apon mu papee, efise na wosuro Israelfo no. Wɔamma obiara kwan ma wanko mu anaa wamfi adi. **2** Awurade ka kyereɛ Yosua se, “Mede Yeriko, eho hene ne eho akofo nyinaa ahyɛ wo nsa. **3** Ma wo nsraadɔm no nyinaa mmɔ nsra ntwa kuropɔn no ho nhyia penkoro da biara nnansia. **4** Asɔfo baason a wokurakura adwennini mmen abɛn bedi Adaka no anim. Da a eto so ason no, esɛ se mobɔ nsra twa kuropɔn no ho mpen ason, a asɔfo no rehɛn mmen no. **5** Se mote se asɔfo no hyɛn mmen no denneennen ma ɛkyɛ a, nnipa no nyinaa mmɔ nnye so. Afei kuropɔn no afasu nyinaa bedwiriw agu fam, na nnipa no betumi atow ahyɛ kuropɔn no so.” **6** Na Yosua frɛɛ asɔfo no ka kyereɛ wɔn se, “Momfa Apam Adaka no na mo mu baason nni anim a wokurakura mmen.” **7** Enti, ɔhyɛɛ nnipa no se, “Mommɔ nsra mfa kuropɔn no ho na wɔn a wokurakura akode no bedi Awurade adaka no anim.” **8** Yosua kasa kyereɛ nnipa no wiei no, asɔfo baason a wokurakura mmen no fii ase bɔɔ nsra wɔ Awurade anim a wɔrehɛn mmen no.

Na asɔfo a wɔso Awurade Apam Adaka no dii wɔn akyi. **9** Wɔn a wokurakura akode no bi bɔɔ nsra wɔ asɔfo no a wɔrehyen mmen no anim, na bi nso bɔɔ nsra wɔ asɔfo a wɔso Adaka no akyi, bere a asɔfo no gu so rehyen mmen no. **10** Yosua hyee se, “Monntee mu na monnkasa mpo. Mommma asem biara mfi mo anum, kosi sɛ mɛka akyere mo se montee mu na moatee mu.” **11** Enti, da no, wɔsoaa Awurade Adaka no twaa kuropon no ho penkoro. Na afei obiara san kɔɔ atenaɛ hɔ kɔhomee anadwo no. **12** Ade kyee no Yosua sɔree anɔpahema, na asɔfo no soaa Awurade Adaka no bio. **13** Asɔfo baason a wokurakura adwennimmen mmen no bɔɔ nsra wɔ Awurade Adaka no anim, a wɔrehyen wɔn mmen. Wɔn a wokurakura akode no bi nso bɔɔ nsra wɔ asɔfo a wokurakura mmen no anim ne Awurade Adaka no akyi. Saa bere no nyinaa na asɔfo no rehyen wɔn mmen no. **14** Da a eto so abien no, wɔbɔɔ nsra twaa kuropon no ho penkoro, na wɔsan kɔɔ atenaɛ hɔ. Wɔkɔɔ so yee saa ara nnansia. **15** Da a eto so ason no, Israelfo no sɔree anɔpahema, bɔɔ nsra twaa kuropon no ho hyiae, senea wɔaye dedaw no. Nanso, saa bere yi de, wɔbɔɔ nsra twaa kuropon no ho mpen ason. **16** Ne mpen ason so no, bere a asɔfo no hyen wɔn mmen denneennen ma ekyee no, Yosua hyee ɔmanfo no se, “Montetee mul Na Awurade de kuropon no ama mo! **17** Kuropon no ne emu nneema no, eɛ se mosee ne nyinaa sɛ afɔrebode ma Awurade. Oguamanfo Rahab ne ne fifo nko na eɛ se wogyaw wɔn, efise ɔbɔɔ akwansrafo no ho ban. **18** Mommmfa nneema a eɛ se wɔsee no no mu biara, se mofa a, mo ankasa na wɔbese mo korakora na mode ɔhaw bebre Israel nyinaa. **19** Biribiara a wode dwete, sikakokɔɔ, kɔbere mfrafrae anaa dade aye no ye kronkron ma Awurade, enti eɛ se wode ba n’adekorabea hɔ.” **20** Bere a nnipa no tee mmen no nnyigyei no, wɔtetee mu denneennen senea wobetumi. Preko pe Yeriko afasu no dwiriw guu fam maa Israelfo no fi afanan nyinaa tow hyee kuropon no so na wɔfae. **21** Wɔsee biribiara a ewo kuropon no mu pasaa, mmарima ne mmea, mmofra ne mpanyin, anantwi, nguan, mfurum ne biribiara. **22** Afei, Yosua ka kyeree akwansrafo baanu no se, “Munni mo bɔhye no so. Monkɔ oguamanfo no fi na monkɔfa no ne n’abusuafo nyinaa mmra.” **23** Mmerante no kofaa Rahab, n’agya, ne na, ne nuabarimanom ne abusuafo a na wɔwɔ ne nkyen no nyinaa bae. Wode abusuafo no nyinaa kosiee baabi a ɔhaw biara nni hɔ na eben

Israelfo atenaɛ. **24** Afei, Israelfo no hyew kuropon no ne emu nneema nyinaa. Nneema a wɔanhweyew no ye nea wode dwete, sikakokɔɔ, kɔbere mfrafrae anaa dade aye. Wode ne nyinaa kosiee Awurade fi adekoradan mu. **25** Enti, Yosua amfa ne nsa anka oguamanfo Rahab ne n’abusuafo a na wɔka ne ho wɔ fie no, efise ɔde akwansrafo a Yosua somaa wɔn Yeriko no siei. Enti ɔte Israelfo mu besi nne. **26** Saa bere no, Yosua kaa saa nnome nsem yi: “Awurade nnome mmra obiara a ɔye n’adwene sɛ ɔbekyekyere Yeriko kuropon no bio. “ɔde n’abakan na ebefi ase, na ɔde n’akumaa na ebefi ano apon.” **27** Na Awurade kaa Yosua ho na ne din hyetaa asase no so nyinaa.

7 Nanso Israel anni nokware wɔ nneema a wogyaw maa Awurade no ho. ɔbarima bi a wɔfre no Akan wiaa saa nneema no bi, enti Awurade bo fuw Israelfo no yiye. Akan ye Karmi a ɔye Simri a na ɔbɔ Serah abusua a ewo Yuda abusua kuw mu no babarima. **2** Yosua somaa ne nnipa no bi fi Yeriko sɛ wɔnkɔsra Ai kuropon a ewo Bet-El apuei a eben Bet-Awen no. **3** Wɔsan bae no, wɔbeka kyeree Yosua se, “Kurow no sua nti, erenhia nnipa mpen nu anaa mpensa sɛ wɔbese kuropon no. Eho nhia se yen nyinaa beko hɔ.” **4** Enti wode akofo beye mpensa kɔɔ hɔ, nanso wodii Israelfo no so pasaa. Ai mmарima **5** taa Israelfo no fi kuropon no pon ano kosii Sebarim, na wokunkum wɔn mu nnipa beye aduasa asia a na wɔreguan a fi akono wɔ asiansian bi so. Ebaa saa no, ehu bɔɔ Israelfo no ma wobotowee. **6** Yosua ne ɔman ntuanfo no de abasamtu tetew wɔn ntade mu, tow mfutuma guu wɔn tirim, bɔɔ wɔn mu ase, wɔ Awurade Adaka no anim kosii anwummere. **7** Afei, Yosua su freɛ Awurade se, “Otumfo Awurade, aden na wode yen twaa Asubonten Yordan a wunim sɛ Amorifo no bekunkum yen? Se yenim a, anka yetenaa Asubonten Yordan agya hɔ ara. **8** Awurade, mprenpren a Israelfo aguan a fi wɔn atamfo anim yi, asem ben na menka? **9** Na sɛ Kanaanfo ne nnipa a wɔaka a wɔtete asase yi so te saa asem yi a, wobetwa yen ho ahyia na wɔatore yen a fi asase yi so. Na afei den na wobeye de ahye wo din kese a ekura anuonyam no?” **10** Na Awurade ka kyeree Yosua se, “Sɔre! Aden nti na wode w’anim abutu wɔ hɔ saa? **11** Israel aye bɔne. Wɔabu m’apam no so. Wɔawia nneema a mehyee sɛ wonnyaw mma me no. Na enye sɛ wɔawia nko, na mmom, wɔatwa ho nkontompo de asie wɔn nneema mu. **12** Eno nti na Israelfo adi nkogu na wɔreguan a fi wɔn atamfo anim.

Mprempren de, wɔayi Israel asi ho ama ɔsee. Merenka mo ho bio, gye se mosɛe biribiara a ɛwɔ mo nkyen a anka ɛse se mosɛe no. **13** “Sɔre! Kɔka kyere nnipa no se, ‘Obiara nkodwira ne ho mma ɔkyena, na saa na Awurade, Israel Nyankopɔn se: Israel, mode nneema a anka ɛse se wogyaw ma Awurade no ahintaw mo mu. Morentumi nni mo atamfo so da kosi se muiy saa nneema no fi mo mu. **14** “Adekyee mu no, abusuakuw biara beba, na Awurade bekyere abusuakuw a wɔn ho wɔ asem no. Saa abusuakuw no de wɔn mmusuaban no nso beba, na Awurade bekyere abusuaban a ne ho wɔ asem no. Saa abusuaban no nso beba, na Awurade bekyere ofi a ne ho wɔ asem no. Awiei no, ofi a ne ho wɔ asem no mu nnipa beba mmaako mmaako. **15** Onipa a wawia nneema a anka ɛse se wɔsee no no, wɔbehyew no ne n’agyapade nyinaa, efise wabu Awurade apam no so na waye nea ɛmfra koraa wɔ Israel.” **16** Ade kyee anɔpahema no, Yosua de Israel mmusuakuw no baa Awurade anim, na woyii Yuda abusuakuw no. **17** Afei Yuda mmusuaban baa anim, na woyii Serafo. Afei Serafo nyinaa baa Awurade anim, na woyii Simrifo. **18** Na Simrifo baa mmaako mmaako na woyii Akan, Karmi ba. **19** Afei, Yosua ka kyere Akan se, “Me ba, fa anuonyam ma Awurade, Israel Nyankopɔn, na ka nokware. Ka wo bɔne ne nea waye kyere me. Mfa nsie me.” **20** Akan buae se, “Maye bɔne atia Awurade, Israel Nyankopɔn. **21** Mihu atade nguguso fefe bi a wokra fii Babilonia, dwete kilogram abien ne fa ne sikakɔkɔ pema baako a ano si gram ahannum ne aduason. M’ani beree, enti mefae. Mede asie fam wɔ me ntamadan mu, na dwete no de, ehye fam kyen nkae no.” **22** Enti Yosua somaa mmarima bi se wɔnkɔhwehwe. Wotutuu mmirika kɔ ntamadan no mu kohuu awifode no se wɔde asie wɔ ho, senea Akan kae no ara pe, na ɔde dwete no asie nneema a aka no ase tɔnn. **23** Wɔtasee nneema no fii ntamadan no mu de breɛ Yosua ne Israelfo no nyinaa. Wɔde ne nyinaa guu fam wɔ Awurade anim. **24** Afei, Yosua ne Israelfo no nyinaa faa Serah babarima Akan, dwete no, atade nguguso no, sikakɔkɔ pema no, ne mmabarima, ne mmabea, n’anantwi, ne mfurum, ne nguan, ne ntamadan ne n’agyapade nyinaa na wɔde no baa Akora bon mu. **25** Yosua bisaa Akan se, “Aden nti na wɔde saa ɔhaw yi abre yen? Wo nso, Awurade de ɔhaw bebre wo.” Na Israelfo nyinaa siw Akan ne n’abusuafo abo, hyew wɔn amu no. **26** Wɔsoaa abo guu Akan funu so hɔree no siw a ɛda so wɔ ho besi

nnɛ. Enti na wɔafre saa beae ho ɔhaw Bon no. Afei, Awurade bo dwɔe.

8 Afei, Awurade ka kyere Yosua se, “Nsuro anaase mma wo koma ntu. Fa w’asraafo no nyinaa na kɔtow hye Ai so, efise mede Aihene, ne nkurofo, ne kuropon ne n’asase ama wo. **2** Wɔbesɛe wɔn senea wosɛe Yeriko ne ne hene no. Nanso, saa bere yi de, mutumi fa asade ne anantwi no. Ma w’asraafo no nkɔtɛw kuropon no akyi.” **3** Na Yosua ne Israel nsraadɔm no sii mu se wɔrekɔtow ahye Ai so. Yosua yii asraafo mpem aduasa, somaa wɔn anadwo, **4** hyee wɔn se, “Monkɔtɛw wɔ ahintawee a ɛwɔ kuropon no akyi na monye krado mma oko. **5** Se yen asraafo no tow hye Ai so a, Ai mmarima befi adi abɛko, senea woyee kan no, na yebeguan. **6** Yebɛma wɔataa yen ara kosi se wɔn nyinaa befi kuropon no mu. Na wɔbeka se ‘Israelfo no reguan senea woyee kan no.’ **7** Afei mubefi mo ahintawee ho ntem so akɔfa kuropon no, efise Awurade, mo Nyankopɔn de bɛma mo. **8** Monto kuropon no mu gya senea Awurade ahye no. Munim nea ɛse se moye.” **9** Enti wofii ho anadwo no kɔtɛw Bet-El ne Ai atɔe fam ntam. Nanso, Yosua de, ɔkaa nnipa no mu wɔ wɔn atɛnae ho anadwo no. **10** Ade kyee anɔpahema no, Yosua nyan n’akofo ma wɔde wɔn ani kyere Ai a Israel ntuanofɔ ka wɔn ho. **11** Wɔkɔbɔ atɛnae wɔ Ai atifi fam a obon da wɔne kuropon no ntam. **12** Anadwo no, Yosua somaa asraafo mpem anum se wɔnkɔtɛw Bet-El ne Ai ntam wɔ kuropon no atɔe fam. **13** Enti ɔmaa asraafo no mu fa kese gyinaa kuropon no atifi fam a na atɛwfo no bi nso wɔ kuropon no atɔe fam. Yosua ankasa de, ɔtenaa obon no mu anadwo no. **14** Aihene huu se Israelfo no wɔ obon no fa nohɔ no, ntem so, ɔne n’akofo nyinaa sɔree anɔpahema kɔtoaa Israelfo no, tow hyee wɔn so wɔ Araba. Nanso, na onnim se atɛwfo bi wɔ kuropon no akyi. **15** Yosua ne ne Israel nsraadɔm no guan kɔ sare no so yee senea Aifo no adi wɔn so, **16** enti Aifo no frɛ mmarima a wɔwɔ kuropon no mu no nyinaa ma wɔbetaa Israelfo no. Eyee saa maa wɔn nyinaa fii kuropon no mu. **17** Anka obiara wɔ Ai anaa Bet-el a wankɔtaa Israelfo, na wogyaw kurow no maa ano daa ho. **18** Awurade ka kyere Yosua se, “Fa wo peaw no kyere Ai so, na mede kuropon no bɛma wo.” Enti, Yosua yee senea wohyee no no. **19** Yosua nyamaa atɛwfo no ara pe, wɔsɔree pankran bɔ wuraa kuropon no mu. Wɔfaa kuropon no na wɔtoo mu gya. **20** Aifo no hwɛe wɔn akyi huu se wusiw kumɔnn aduru soro,

na wɔannya baabi anko, efise Israelfo no a woguan kɔɔ sare so no dan wɔn ani taa wɔn. **21** Bere a Yosua ne Israelfo a wɔaka no huu se atewfo no afa kuropon no, na wusiw aye kumɔnn wɔ wim no, wɔdan wɔn ho betow hyee Aifo no so. **22** Israelfo a na wɔwɔ kuropon no mu fii akɔi hyee ase kunkum atamfo no. Enti Ai mmarima no dii nsensenmu na wɔn nyinaa wuwui. Anka obi biara. **23** Ai hene nko ara na wɔkyeree no anikann de no brɛe Yosua. **24** Bere a Israelfo nsraadom kunkum Ai mmarima a wopue fii kuropon no mu wiee no, wɔsan kɔɔ kuropon no mu kokunkum wɔn a wɔaka wɔ mu nyinaa. **25** Enti da no wokunkum nnipa a wɔwɔ Ai nyinaa; na wɔn ano si mpem dumien. **26** Yosua soo ne peaw no mu saa ara kosii se wɔseee obiara a ɔte Ai no pasaa. **27** Anantwi ne agypade a ewɔ kuropon no mu nko ara na wɔansce no; Israelfo no ankasa fae, senea Awurade hyee Yosua no. **28** Enti, Yosua hyew Ai ma bedanee mmubui siw ne amamfo de besi nne. **29** Yosua sen Ai hene wɔ dua bi so gyaw no wɔ dua no so kosii anwummere. Owia kɔtɔe no, Israelfo no yii amu no de no kɔtoɔ kuropon no pon ano. Wɔhyee abo siw wɔ ne so a ɛda so wɔ ho besi nne. **30** Yosua sii afɔremuka maa Awurade, Israel Nyankopon, wɔ Ebal bepɔw so. **31** Odii nkyerekɔye a Mose a ɔye Awurade somfo akɔrew wɔ Mmara Nhoma no mu a ese, “Fa abo a wontwae na wɔmfaa adwinnade nsinsanii ho si afɔremuka ma me” no so. Na wɔbɔɔ ɔhyew afɔre ne asomdwoe afɔre maa Awurade wɔ afɔremuka no so. **32** Na Yosua kɔrew Mose Mmara no guu afɔremuka no abo no so, bere a na Israelfo no rehwe no no. **33** Afei, wɔkyee Israelfo nyinaa; ahɔho ne ɔmanfo, ntuanfo, adwumayefo ne atemmufo nyinaa mu akuw abien. Kuw baako gyinaa Gerisim bepɔw ayaase na kuw baako nso gyinaa Ebal bepɔw ayaase. Akuw abien yi dii nhweanim. Na Lewifo asofo a wɔso Awurade Apam Adaka no gyinaa wɔn mfimfini. Wɔyee eyinom nyinaa senea Awurade somfo Mose nkyerekɔye a ɔnam so hyira Israelfo no te. **34** Afei, Yosua kenkan nhyira ne nnome nsem a Mose akɔrew wɔ Mmara Nhoma no mu no kɔyee wɔn. **35** Asem biara a Mose ahɔye no, Yosua kenkan kɔyee ɔman mu no a mmea, mmofra ne ahɔho a wɔne Israelfo no te no nso ka ho bi.

9 Afei, ahemfo a wɔwɔ Yordan atɔe fam no nyinaa tee nsem a asisi. Eyinom ne Hetifo, Amorifo, Kanaanfo, Perisifo, Hewifo ne Yebusifo ahemfo a na wɔtete mmepɔw nsase a ewɔ atɔe fam mmepɔw no ase ne Po Kese no mpoano kosi Lebanon atifi fam mmepɔw no

so tɔnn. **2** Saa ahemfo yi boaa wɔn nsraadom ano ntem so se wɔbeko atia Yosua ne Israelfo. **3** Nanso Gibeonfo tee asem a ato Yeriko ne Ai no, **4** wɔfaa nnaadaa kwan so de gyee wɔn ho nkwa. Wɔsomaa ananmusifo kɔɔ Yosua nkyen. Wɔde nkotoku a atetew ne mmoa nhoma nsa nkotoku a aye dedaw na wɔatetare mu soaa wɔn mfurum. **5** Wɔhyehyee ntade dedaw ne mpaboa a akɔye na woapempam. Afei wɔfaa brodo a abɔ ntuw se wɔn aduan. **6** Woduu Israelfo atenaɛ wɔ Gilgal no, wɔka kɔyee Yosua ne Israel mmarima no se, “Yefi akɔyirikyiri man bi so na aba rebesɛ mo se mo ne yen nye asomdwoe apam.” **7** Israelfo no buaa saa Hewifo yi se, “Ebeɔye den na yɛahu se monnte mmen ha? Efise se ete saa a, yɛrentumi ne mo nnye apam.” **8** Wobuae se, “Yebeɔye mo asomfo.” Yosua bisaa wɔn se, “Moɔye ehefo na mufi he?” **9** Wobuaa se, “Yefi akɔyirikyiri asase bi so. Yeate Awurade, mo Nyankopon no keseye ne nea ɔyee wɔ Misraim nyinaa. **10** Afei yeate nea ɔyee Amorifo ahemfo baanu wɔ Asubonten Yordan apuei fam, Hesbonhene Sihon ne Basanhene Og (a ɔtenaa Astarot no). **11** Eno nti, yen mpanyimfo ne ɔmanfo no ka kɔyee yen ɔhye so se, ‘Munsiesie mo ho mma akwantu tenten. Munkohyia Israelfo na mompae mu nka se “Yen nkurofo beɔye wɔn asomfo na mompere asomdwoe.”’ **12** Yeresi mu no, na brodo yi ye hyerehyere a efi fonoo mu. Nanso senea muhu no, akɔyenyen na abɔ ntuw. **13** Saa mmoa nhoma nsa nkotoku yi, bere a yeɔde nsa guu mu no na eye foforo, nanso mprenpren, apaapae aye dedaw. Na yen ntade ne mpaboa nso, esiane akwantu tenten nti, atetew.” **14** Enti Israelfo no hwehwee wɔn brodo no ho nanso wɔammisa Awurade. **15** Yosua kɔɔ so ne wɔn yee asomdwoe apam na na Israel mpanyimfo no kekaa ntam a emu ye den nam so gye too mu. **16** Nnansa akɔi no, nokware no daa adi se saa nnipa a wɔye Gibeonfo no te ben. **17** Enti Israelfo no anna so koraa na wɔyee se wɔbeɔye nhwehwemu. Nnansa akɔi no woduu wɔn nkurow no so. Saa nkurow no ne Gibeon, Kefira, Beerot ne Kiriath-Yearim. **18** Nanso Israelfo no antow anhye nkurow no so, efise na wɔn mpanyimfo aka ntam akɔyee Awurade, Israel Nyankopon. Esiane Apam no nti, Israelfo no nwiinwii hyee wɔn mpanyimfo no. **19** Na mpanyimfo no buae se, “Yeaka ntam wɔ Awurade, Israel Nyankopon anim. Yɛrentumi mfa yen nsa nka wɔn. **20** Eɛ se yema wotena. Se yebu yen ntam no so a, Onyankopon bo befuw yen. **21** Momma wontena. Nanso, yebema wɔabu nnua, ako asu ama

asafo no nyinaa.” Enti Israelfo no dii bɔ a wɔahye Gibeonfo no so. **22** Na Yosua frɛ Gibeonfo mpanyimfo no bisaa wɔn se, “Adɛn nti na mutwaa atoro kyeree yen? Adɛn nti na mokaa se mote akyirikyiri asase so wɔ bere a mote yen mu pɛɛ? **23** Nnome mmra mo so! Efi nne rekɔ, mubebu nnua, atwe nsu de ako me Nyankopɔn fi.” **24** Wobuaa Yosua se, “Yeyee saa, efise wɔka kyeree yen se, Awurade, mo Nyankopɔn hyee ne somfo Mose se ɔmmeko nni saa asase yi nyinaa so na ɔnsee nnipa a wote so nyinaa. Yesuroo se mubekunkum yen. Eno nti na ɛma yeyee saa. **25** Mprempren yedan mo. Nea mususuw se eye ma mo biara no, monye.” **26** Yosua amma Israelfo no ankum wɔn. **27** Na ɛda no, ɔmaa Gibeonfo no yee nnuabufɔ ne asukofo maa Israelfo ne Awurade aforemuka no wɔ baabiara a Awurade beka se wonsi no no. Saa nhhyehyee no wɔ hɔ de besi nne.

10 Yerusalemhene Adoni-Sedek tee se Yosua afa Ai na wasɛe no pasaa, akum eho hene, senea wasɛe Yeriko kuropon akum eho hene no. Ɔtee nso se Gibeonfo ne Israelfo aye asomdwoe apam, na wɔaye baako. **2** Eno nti, ɔne ne nkurofo bo tuu yiye, efise Gibeon ye kuropon kese te se ahemman no nkuropon no bi a eso sen Ai. Na Gibeon mmarima no nyinaa nso ye akofo a wɔye den. **3** Enti Yerusalemhene Adoni-Sedek soma ma wɔkɔw ahemfo afoforo bebre nkyen: Hebronhene Hoham ne Yarmuthene Piram ne Lakishene Yafia ne Eglonhene Debir kɔka kyeree wɔn se, **4** “Mommra mmeboa me na yensɛe Gibeon, efise wɔne Yosua ne Israelfo aye asomdwoe apam.” **5** Enti Amorifo ahemfo baanum no de wɔn nsraadom bɔ mu maa ɔko. Wɔde wɔn nsraadom no gynyagynae, na afei wɔtow hyee Gibeon so. **6** Na Gibeonfo no soma kɔw Yosua nkyen wɔ Gilgal. Wɔkɔka kyeree no se, “Nnyaa w’asomfo. Bra yen nkyen ntem begye yen nkwal Beboa yen, efise Amorifo ahemfo a wote mmepɔw so de wɔn nsraadom rebeko atia yen.” **7** Enti Yosua ne Israel nsraadom nyinaa fii Gilgal se wɔrekɔboa Gibeonfo. **8** Awurade ka kyeree Yosua se, “Nsuro wɔn; mema woadi wɔn so nkonim. Wɔn mu biara rentumi ne wo nnyina.” **9** Yosua nantew anadwo mu no nyinaa fii Gilgal kofii Amorifo nsraadom no mu. **10** Awurade ma wɔbɔw hu wɔ Israelfo no anim, na wokunkum wɔn mu bebre wɔ Gibeon. Israelfo no taa atamfo no faa ɔkwan a ekɔ Bet-Horon no, na wɔtow hyee wɔn so kunkum wɔn wɔ Aseka ne Makeda. **11** Bere a Amorifo reguan wɔ ɔkwan a ekɔ Bet-Horon so no, Awurade

him abo akese guu wɔn so kosii se woduu Aseka. Abo no kunkum wɔn mu bebre sen dodow a Israelfo de afoa kunkum wɔn no. **12** Da a Awurade de Amorifo no hyee Israelfo no nsa no, Yosua bɔw Awurade mpae wɔ Israelfo no anim se, “Ma owia nnyina dinn wɔ Gibeon so na ɔsram nso nnyina wɔ Ayalon bon mu.” **13** Na owia ne ɔsram gynaa dinn, kosii se Israelfo dii atamfo no so. Wɔnkyerew saa nsem yi wɔ Teefo Nhoma no mu ana? Owia gynae wɔ wim mfimfini na ankɔtɔ senea eye daa no. **14** Awurade ko maa Israel da no. Ebi nsii saa da na bi rensi da se saa da no a Awurade tie abisade se fii onipa nkyen. **15** Na Yosua ne Israel nsraadom no san kɔw Gilgal atenae ho. **16** Ɔko no mu, ahemfo baanum no guan kɔhyee Makeda ɔbɔdan mu. **17** Yosua tee se wɔahu wɔn no, **18** ɔhyee se, “Momfa abotan akese nsiw ɔbɔdan no ano kwan, na momma awemfo no nwen ano na ahemfo no nhye mu. **19** Mo a moaka no nso, montaa atamfo no na munkunkum wɔn mfi akyi. Mommma wɔnnkɔ wɔn nkurow so, efise Awurade, mo Nyankopɔn bɛma mo adi wɔn so nkonim.” **20** Enti Yosua ne Israel nsraadom toaa so kunkum wɔn, tɔree nsraadom anum no ase ma ekaa dom no kakraa bi a wotumi guan kɔw wɔn nkuropon a wɔabɔ ho ban no mu. **21** Afei, Israelfo no san baa Yosua nkyen asomdwoe mu wɔ Makeda. Eno akyi, obiara suroo se ɔbekasa atia Israel. **22** Afei, Yosua kae se, “Munyiyi abotan a ekata ɔbɔdan no ano no na momfa ahemfo baanum no mmre me.” **23** Wokoyii ahemfo baanum no fii ɔbɔdan no mu bae: Yerusalemhene, Hebronhene, Yarmuthene, Lakishene ne Eglonhene. **24** Yosua ka kyeree n’akofodom asahene no se, “Mommra mmetiatia ahemfo no kɔn so.” Na wɔyee senea wɔkyeree wɔn no. **25** Yosua ka kyeree n’asraafo no se, “Munnuro na mommma mo aba mu mmu da. Monye den na mo bo nye duru, efise Awurade rebeye eyi atia mo atamfo nyinaa.” **26** Yosua kunkum ahemfo baanum no mmaako mmaako de wɔn sensen nnua anum so kosii anwummere. **27** Owia rekɔtɔ no, Yosua hyee se wonyiyi ahemfo no amu no mfi nnua no so na wɔnkɔtow wɔn ngu ɔbɔdan a wɔkɔtetew mu no mu. Afei, wɔde abotan akese mmoano sii ɔbɔdan no ano a ɛda so wɔ hɔ besi nne. **28** Da no ara, Yosua sɛee Makeda kuropon no pasaa, kum obiara a ɔwɔ mu ne eho hene no. Onipa baako koraa anka wɔ kuropon no mu. Okum Makedahene te senea okum Yerikohene no. **29** Afei, Yosua ne Israelfo no kɔw Libna kɔtow hyee wɔn so. **30** Eho nso, Awurade de kuropon no

ne eho hene no maa won. Wokunkum obiara a owo kuropon no mu a anka oteasefo baako po. Na Yosua kum Libnahene senea okum Yerikohene no. **31** Yosua ne Israelfo no fi Libna no, woko Lakis kotow hyee won so. **32** Na ne mnaanu so no, Awurade de Lakis maa Israelfo. Eho nso, wokunkum kuropon no mu nnipa nyinaa senea woyee Libna no. **33** Woto hyee Lakis so no, Geserhene Horam de n'akofo bae se worebeboa abo kuropon no ho ban. Nanso Yosua mmarmima no kum no sene n'akofo no nyinaa. **34** Enna Yosua ne ne Israel nsraadom no koo Eglon kotow hyee so. **35** Wode da koro faa kurow no dommum na eho nso, wokum obiara wo kuropon no mu senea woyee Lakis. **36** Wofi Eglon no, wokotow hyee Hebron so, **37** faa ho ne nkurow a atwa ho ahyia no nyinaa nnommum. Na senea woyee Eglon no, wokunkum eho nnipa nyinaa. Onipa baako koraa anka. **38** Afei, wasan won akyi kotow hyee Debir so. **39** Wofaa kuropon no, won hene ne nkuraa a atwa ho ahyia no nyinaa nnommum. Na wokum obiara a owo mu a anka obaako mpo. Wosee Debir pasaa senea wosee Libna ne Hebron no. **40** Na Yosua dii omantam no nyinaa so. Odii ahemfo no, nnipa a wote mmepow man no so, Negeb, atoe fam nkoko ne won a wote mmepow nsian so no nyinaa so. Osee won nyinaa pasaa a anka oteasefo baako mpo senea Awurade, Israel Nyankopon, hyee no. **41** Yosua kunkum won fi Kades-Barnea kosii Gasa, de fii Gosen koduu Gibeon. **42** Akodi baako mu no, Yosua dii ahemfo yi nyinaa so faa won nsase, efise na Awurade, Israel Nyankopon, reko ama ne manfo. **43** Afei, Yosua ne Israel nsraadom no san koo won ateneae wo Gilgal.

11 Bere a Hasorhene Yabin tee asem a asi no, otoo ahemfo a wodidi so yi nkra denneennen: Madonhene Yobab, Simronhene ne Aksafhene; **2** ahemfo a wowo atifi fam mmepow so, ahemfo a wowa Yordan Bon a eda Galilea anafo fam; ahemfo a wowa atoe fam nkoko so; ahemfo a wowa Nafot Dor atoe fam; **3** Kanaan ahemfo a wowa apuei ne atoe; Amorifo ahemfo ne Hetifo ahemfo ne Perisifo ahemfo ne ahemfo a wowa Yebusifo mmepow asase so; ne Hewifo a wowa nkurow a ewo Hermon bepow ase wo Mispa asase so. **4** Saa ahemfo yi nyinaa gyee pene, boaboa won nsraadom ano se wobeka abo mu ako atia Israel. Won nsraadom no nyinaa apoko dodow ne nteaseenam yee asase no so ma te se mpoano nwea. **5** Woboo won ateneae wo asu a eben Merom ho se worebeka atia Israel. **6** Awurade ka kyeree

Yosua se, “Nsuro won. Okyena sese bere mu na won nyinaa atoto. Bubu won apoko no nan na hyew won nteaseenam no.” **7** Na Yosua ne n'akofo koo Merom asu no ho kotow hyee won so mpofirim. **8** Na Awurade ma wodii won atamfo no so nkonim. Israelfo no taa won ara kosii Sidon Kese ne Misrefot-Maim ho ne Mispa Bon no mu wo apuei fam, kosii se atamfo no akofo baako mpo anka. **9** Enna Yosua bubu apoko no anan, san hyew nteaseenam no senea Awurade hyee won no. **10** Yosua san n'akyi begyee Hasor kurow no fae, kum eho hene. (Na anka Hasor ye saa ahemman nkabom no nyinaa kuropon.) **11** Israelfo no sene biribiara a nkwa wo mu wo kuropon no so. Wannyanya okra fua mpo. Na Yosua too Hasor kuropon no mu gya. **12** Yosua kunkum ahemfo a woka no nyinaa ne won manfo sene won pasaa senea Mose, Awurade somfo, hyee no perepere. **13** Mmom, Yosua anhyew kuropon biara a esi siw so gye Hasor. **14** Na Israelfo no faa asade ne anantwi a wowa nkurow mmubui no mu nanso wokum emu nnipa no nyinaa. **15** Senea Awurade hyee ne somfo Mose no, saa ara na Mose nso hyee Yosua. Na Yosua nso yee senea woka kyeree no no, dii nea Awurade hyee Mose no nyinaa so. **16** Enti Yosua ko gyee omantam no nyinaa a eye mmepow man, Negeb, Gosen asase, atoe fam nkoko, Yordan Bon, Israel mmepow ne nsase tataw fae. **17** Enti afei, Israel nsase beyee nea efi Halak bepow a ekosi Seir wo atifi fam toa so ko Baal-Gad a ewo Bepow Hermon ase wo Lebanon bon mu. Yosua kunkum nsase no so ahemfo nyinaa, **18** wo mmere tenten akokoakoko mu. **19** Kurow biara nni omantam yi mu a one Israelfo yee asomdwoe apam gye se Hewifo a wote Gibeon no. Wodii won a aka no nyinaa so nkonim. **20** Awurade pirim won koma ma woko tiaa Israelfo wo bere a anka ese se wo ne won ye asomdwoe nhyehyee. Enti wosee won pasaa a ahummobo biara nni mu senea Awurade hyee Mose no. **21** Saa bere no mu, Yosua tree Anak asefo a na wote bepow nkurow Hebron, Debir, Anab ne bepow man Yuda ne Israel nyinaa ase. Okum won nyinaa na sene won nkurow no pasaa. **22** Won mu obaako koraa anka wo Israel asase so, mmom, won mu bi kaa Gasa, Gat ne Asdod. **23** Enti Yosua faa asase no nyinaa senea Awurade hyee Mose no. Ode maa Israelfo se won agyapade sononko kyekyee mu maa mmusuakuw no. Enti awiei no asase no so dwoe.

12 Eynom ne ahemfo a wowa Asubonten Yordan apuei fam a wokunkum won na wofaa won nsase.

Wɔn nsase no fi Arnon Subon kosi Bepɔw Hermon so a Yordan Bon asase a ɛwɔ apuei fam nyinaa ka ho. **2** Wodii Amorihene Sihon a na ɔte Hesbon no so. Na n'aheman bi ne Aroer a ɛwɔ Arnon Subon ano na esen fi ne mfimfini kosi Asubɔnten Yabok a ɛda hɔ sɛ ɔhye ma Amorifo no. Nnɛ yi, Gilead fa a ɛda Asubɔnten Yabok atifi no ka ɔmantam no ho. **3** Efi Yordan bon atifi a ɛben Galilea po no atɔe fam mpoano na esian ba anafo fam besi Nkyene Po, fi Bet-Yesimot kosi Pisga nsian so hyɛ Sihon ase. **4** Basanhene Og a otwa Refaitefo to no tenaa Astarot ne Edrei asase so. **5** Na odii hene wɔ ɔman a efi Bepɔw Hermon so de kosi Saleka wɔ atifi fam ne Basan a ɛwɔ apuei fam nyinaa, de kɔ atɔe fam kosi Gesurfo ne Maakatfo ahemman hye so. Gilead fa a ɛwɔ atifi fam, ne ɔfa a aka a na ɛwɔ Hesbonhene Sihon asase mu no ka ho. **6** Na Mose a ɔye Awurade somfo no ne Israelfo atɔre ɔhene Sihon ne ɔhene Og nkurafo ase. Mose de wɔn asase maa Ruben ne Gad mmusuakuw ne Manase abusua fa no. **7** Saa ahemfo a wɔn din didi so yi na Yosua ne Israel nsraadom dii wɔn so wɔ Yordan atɔe fam fi Baal-Gad wɔ Lebanon bon mu de kosi Halak bepɔw a ekosi Seir no. (Na Yosua de asase no maa Israel mmusuakuw no sɛ wɔn agyapade, **8** a ɛne, bepɔw so man, atɔe fam nkoko, Yordan Bon, mmepɔw mmepɔw nsian, Yudean sare so ne Negeb. Nnipa a na wɔte saa beae hɔ no ye Hetifo, Amorifo, Kanaanfo, Perisifo, Hewifo ne Yebusifo.) Eyinom ne ahemfo a Israel dii wɔn so nkonim: **9** Yerikohene baako Ai a ɛben Bet-El hene baako **10** Yerusalemhene baako Hebronhene baako **11** Yarmuthene baako Lakishene baako **12** Eglonhene baako Geserhene baako **13** Debirhene baako Gaderhene baako **14** Hormahene baako Aradhene baako **15** Libnahene baako Adulamhene baako **16** Makedahene baako Bet-Elhene baako **17** Tapuahene baako Heferhene baako **18** Afekhene baako Lasaronhene baako **19** Madonhene baako Hasorhene baako **20** Simronhene baako Aksafhene baako **21** Taanakhene baako Megidohene baako **22** Kedeshene baako Yokneam a ɛwɔ Karmel ase hene baako **23** Dor a ɛwɔ Dor koko so hene, baako amanaman a ɛwɔ Gilgal no hene ne baako **24** Tirsahene baako Ahemfo a wɔsɛ wɔn ne wɔn nkurow nyinaa ano si aduasa baako.

13 Bere a Yosua bɔɔ akwakoraa no, Awurade ka kyereɛ no se, “Worebɔ akwakoraa nsɔ nsase pii wɔ hɔ a ɛsɛ sɛ woko di so. **2** “Ɛsɛ sɛ nnipa no tena

Filistifo ne Gesur, **3** “nsase a na ɛye Kanaanfo de no so. Saa asase yi fi asu Sihor a ɛda Misraim hye so a esen fa atifi fam kosi Ekron hye so, **4** a Filistifo nkurɔpɔn anum a ɛye Gasa, Asdod, Askelon, Gat ne Ekron nso ka ho. Awifo asase a ɛda anafo fam no nso, wɔnnko nnii so ɛ. Atifi fam nso, wɔnnko nnii saa nsase yi so ɛ; Kanaan asase nyinaa a Meara a ɛye Sidonfo de no, de kosi Afek, kodu Amorifo hye so **5** ne Gebalfo asase ne Lebanon nyinaa wɔ apuei fam, de fi Baal-Gad a ɛda Hermon bepɔw ase, de kosi Hamat fam. **6** “Mmepɔw asase a efi Lebanon kosi Misrefot-Maim nyinaa a Sidonfo nsase nyinaa ka ho. Metu saa nnipa no nyinaa a fi asase no so na mede ama Israelfo. Enti hwɛ na fa saa asase no ma Israelfo sɛ agyapade sononko senea mahye wo no. **7** Fa saa asase yi nyinaa sɛ Israelfo agyapade bere a worekyekye mu ama mmusuakuw akron no ne Manase abusua fa no.” **8** Manase abusua fa, Rubenfo ne Gadfo de, na wɔanya wɔn agyapade wɔ Yordan apuei fam, efise na Mose a ɔye Awurade somfo no de saa asase no ama wɔn dedaw. **9** Wɔn asase no fi Aroer a ɛda Arnon Subon no ano (ne kurow a ɛda nsuka no mfimfini) de kɔ sare a etoa Medeba so kosi Dibon. **10** Amorihene Sihon a odii ade wɔ Hesbon kosi Amonfo hye so nkurow nyinaa nso ka ho. **11** Gilead, asase a ɛwɔ Gesur ne Maaka ahemman mu, Bepɔw Hermon nyinaa, Basan nyinaa de kosi Saleka ka ho, **12** na Basanhene Og a odii hene wɔ Astarot ne Edrei nsase nyinaa nso ka ho. Ɔhene Og ye Rafatni a otwa to, efise na Mose ne wɔn ako apam wɔn. **13** Nanso Israelfo no antu Gesurfo ne Maakafo enti wɔtenaa Israelfo no mu de besi nnɛ. **14** Na Lewi abusukuw no de, wamma wɔn agyapade biara. Wɔn agyapade fi afɔrebɔde a wɔhyew wɔ afɔremuka so ma Awurade, Israel Nyankɔpɔn no. **15** Mose de saa beae yi maa mmusua a ɛwɔ Ruben abusukuw mu. **16** Wɔn asase no fi Aroer a ɛda Arnon Subon no ano (ne kurow a ɛda nsuka no mfimfini) de kɔ sare a etoa Medeba so. **17** Nkurow ne nkuraase a ekeka ho ni: Hesbon ne nkurow a ɛdeda sare so te sɛ Dibon, Bamot-Baal ne Bet-Baal-Meon, **18** Yahas, Kedemot, Mefaat, **19** Kiriataim, Sibma ne Seret-Sahar, a ɛdeda obon no koko so, **20** Bet-Peor, Pisga nsian mu ne Bet-Yesimot. **21** Nkurow a ɛwɔ tataw so nyinaa ne Sihon ahemman nyinaa nso ka Ruben asase no ho. Sihon ye Amorihene a na odi ade wɔ Hesbon, nea Mose kum no ne Midian ahemfo a wɔne Ewi, Rekem, Sur, Hur, Reba ne ahenemma a wɔwɔ mpɔtam

ho a wone Sihon ye baako. **22** Israelfo no kum Beor babarima nkonyaayifo bi a na wofre no Balaam. **23** Yordan Asubonten no ye Ruben asase no hye wo atoe fam. Wode nkurow ne nkuraa a ewo saa beae yi maa mmusua a ewo Ruben abusuakuw no mu se won agyapade. **24** Mose de saa asase yi maa mmusua a ewo Gad abusuakuw mu. **25** Won asase no ye Yaser, Gilead nkurow nyinaa, ne Amon asase no fa, kosi Aroer kurow a ewo Raba atoe fam pee. **26** Na efi Hesbon de kosi Ramat-Mispa ne Betonim de fi Mahanaim de kosi Debir. **27** Obon no mu na na Bet-Haram ne Bet-Nimra ne Sukot ne Safon ne Hesbonhene Sihon ahemman no nkae wo; Asubonten Yordan na na eye atoe fam ho hye na etoa so de kosi Galilea po no mu. **28** Nkurow ne nkuraa a ewo saa beae yi na wode maa mmusua a ewo Gad abusuakuw mu se won agyapade. **29** Mose de saa beae yi maa mmusua a ewo **30** Na won asase no fi Mahanaim, Basan nyinaa, ohene Og kan tete ahemman nyinaa ne nkurow aduosia a ewo Yair a ewo Basan no. **31** Gilead fa ne ohene Og ahenkurow, Astarot ne Edrei ka ho. Wode eyinom nyinaa maa Makir a na oye Manase babarima no asefo. **32** Eyinom ye nkyekyemu a Mose yee bere a na ewo Moab tataw so, wo Asubonten Yordan akyi, Yeriko apuei fam. **33** Nanso Mose amma Lewi abusuakuw no asase biara, efise na Awurade, Israel Nyankopon ahye bo se ono na obeye won agyapade.

14 Israelfo mmusuakuw nkae no nyaa nsase wo Kanaan se agyapade, senea osofo Eleasar, Nun babarima Yosua ne Israel mmusuakuw ntuanofa no de maa won no. **2** Saa mmusuakuw akron ne fa yi nam ntontobo so na wonyaa won agyapade no senea Awurade faa Mose so hyee no. **3** Na Mose ama mmusuakuw abien ne fa no nsase se won agyapade wo Asubonten Yordan apuei fam dedaw. **4** Yosef abusuakuw no de, na abeye mmusuakuw abien a wone Manase ne Ephraim. Lewifo no de, woamma won asase no mu bi koraa, gye nkurow a wobetena so ne adidibea a won nguan ne won anantwi beko so adidi. **5** Enti asase no mu kyekye no, wogyinaa mmara a Awurade de maa Mose no so pepeepe. **6** Wotuu asomafo fi Yuda abusuakuw mu a Kaleb a oye Kenesini, Yefune babarima di won anim baa Yosua nkyen wo Gilgal. Kaleb ka kyeree Yosua se, “Kae asem a Awurade ka kyeree Mose, Onyankopon nipa, a efa me ne wo ho, bere a na yewo Kades-Barnea no. **7** Bere a Mose, Awurade somfo no somaa me fi Kades-

Barnea se menkohwehwe Kanaan asase no so no, na madi mfe aduanan. Mesan m’akyi na mifi koma pa mu bekaa nea mihuu nyinaa, **8** nanso me nuanom a wokaa me ho koe no hunahunaa nnipa no, buu won aba mu se wonntu won nan nsi Bohye Asase no so. Na me fam mu de, mede me ho nyinaa dii Awurade, me Nyankopon akyi. **9** Enti saa da no, Mose hyee me bo se, ‘Kanaan asase a wokonantew so yi beye wo ne w’asefo agyapade sononko daa nyinaa, efise wufi wo koma nyinaa mu adi Awurade, me Nyankopon akyi.’ **10** “Afei, senea wuhu yi, Awurade ahwe me so yiye mfe aduanan anum fi bere a Mose hyee saa bo yi bere a na Israelfo nenam sare so no. Nne, madi mfe aduwotwe anum. **11** Me ho ye den nne te se da a Mose somaa me no na metumi atu kwan ako oko ano mprenpren te se kan no. **12** Enti merebisa na wode bepaw asase a Awurade de hyee me bo no ama me. Wobekae se na yeye akwansrafo no, yehuu se Anakfo tete nkuropon akese a wato ofasu afa ho mu. Nanso se Awurade ka me ho a, mepam won afa asase no so senea Awurade kae no.” **13** Na Yosua hyiraa Kaleb, Yefune babarima no de Hebron maa no se agyapade. **14** Hebron da so ye Kaleb, Yefune a oye Kenesini babarima no asefo de, efise ode ne koma nyinaa dii Awurade Israel Nyankopon akyi. **15** Kan no na wofre Hebron se Kiriat-Arba. Wode Arba yi too Anakfo mu okunini pa ara bi. Na akokoakoko fii asase no so.

15 Asase a wode maa mmusua a wobom ye Yuda abusuakuw no koduu Edom hye so wo anafo fam, na Sin sare so na ekopem. **2** Anafo fam hye no fitii ase wo Nkyene Po no awiei a ewo anafo fam, **3** sen faa Akabbim kosii Sin sare so. Etoaa so koo Kades-Barnea anafo fam kosii Hesron. Afei ekoo soro kosii Adar na epono koo Karka. **4** Etwa mu ha koo Asmon koduu Misraim asuwa no ho, na efaa ho ara kowiee wo Po Kese no mu. Eyi ne won anafo fam hye. **5** Apuei fam hye no fi Nkyene Po no kodu Asubonten Yordan ano. Atifi fam hye no fi beae a Asubonten Yordan bo Nkyene Po no mu, **6** twa mu ko Bet-Hogla, na afei ako Bet-Araba atifi fam, akoka Bohan bo (Na Bohan ye Ruben babarima) no ho. **7** Efi ho a, ekofa Akor bon no mu koka Debir, na edan wo atifi fam kyere Gilgal, a etwa mu fi Adumim nsian mu wo anafo fam wo obon no nkyen mu. Efi ho a, ohye no sen kosi En-Semes nsu no ano, na akopem En-Rogel. **8** Afei, ohye no fa Hinom babarima bon no mu, kofa Yebusifo anafo nsian so, nea Yerusalem kuropon no da. Afei ekoo atoe fam wo

bepɔw no apampam, toa so kɔ Hinom bon no so kosi Refaim bon ano wɔ atifi fam. **9** Efi hɔ a, ɔhye no toa so kɔfa bepɔw no apampam kɔ Neftoa asuti no nsu ho, fi hɔ akɔ nkurow a ɛdeda Efron bepɔw so no. Na ebukaw kɔ Baala (a ɛye Kiriati-Yearim.) **10** ɔhye no twa fa Baala ho wɔ atɔe fam kosi bepɔw Seir so, ɛkɔ ara kosi Kesalon kurom wɔ bepɔw Yearim atifi nsian so, na akɔ fam akosi Bet-Semes ne Timna. **11** ɔhye no kɔɔ ara kosii bepɔw no nsian a ɛwɔ Ekron atifi fam no, dan kyeree Sikron, faa hɔ kɔɔ Baala bepɔw no de koduu Yabneel. ɔhye no kɔpem Po Kese no. **12** Na atɔe fam hye no nso ne Ntam Po no mpoano. Eyinom ne mmusua a wɔbɔ mu ye Yuda mmusuakuw no ahye. **13** Awurade hyee Yosua se ɔmfa Yuda asase no bi mma Yefune babarima Kaleb. Enti, wɔde kuropon Arba (a ɛye Hebron) a wɔde too Anak tete agya no maa no. **14** Na Kaleb tuu Sesai, Ahiman ne Talmai a wɔye Anak asefo no fii hɔ. **15** Afei, ɔko tiaa nnipa a na wɔte kurow Debir (a kan no na wɔfre no Kiriati-Sefer) no. **16** Kaleb kae se, “Mede me babea Aksa bɛma obi a ɔbetow ahye Kiriati-Sefer kurow no so na wadi so no aware.” **17** Enna Kaleb nua Kenas babarima Otniel dii so nti, Aksa beyee Otniel yere. **18** Aksa waree Otniel no, ɔhyee no se ommisa n’agya Kaleb na ɔmfa asase no bi nka ho. Aksa fii n’afurum so sii fam no, Kaleb bisaa no se, “Den na menye mma wo?” **19** ɔka kyeree no se, “Ye me adom sononko. Woaye adom, ama me Asase wɔ Negeb; ma me nsuwansuwa asase nso.” Enti Kaleb maa no ɔsoro ne fam nsuwansuwa asase. **20** Eyi ne mmusua a wɔbɔ mu ye Yuda abusuakuw no agyapade. **21** Na Yudafo nkurow a ɛdeda Edom ahye so wɔ anafo pɛɛ no ne: Kabseel ne Eder ne Yagur, **22** Kina ne Dimona ne Adada, **23** Kedes ne Hasor ne Itnan, **24** Sif ne Telem ne Bealot, **25** Hasor-Hadata ne ne Keriot Hesron (a ene Hasor), **26** Amam ne Sema ne Molada, **27** Hasar-Gada ne Hesmon ne Bet-Pelet, **28** Hasar-Sual ne Beer-Seba ne Bisotia, **29** Baala ne Iim ne Esem, **30** El-Tolad ne Kesil ne Horma, **31** Siklag ne Madmana ne Sansana, **32** Lebaot ne Silhim ne Ain ne Rimmon. Na saa nkurow yi nyinaa ne wɔn nkuraa a atwa ho ahyia dodow ye aduonu akron. **33** Saa nkurow a na ɛwɔ atɔe fam nkoko no so, a wɔde maa Yuda ni: Estaol ne Sora ne Asna. **34** Sanoa ne En-Ganim, Tapua ne Enam, **35** Yarmut ne Adulam, Soko ne Aseka, **36** Saaraim ne Aditaim ne Gedera ne Gederotaim. Saa nkurow yi ne nkuraa a atwa ho ahyia nyinaa dodow ye dunan. **37** Nea eka ho bio ne Senan ne Hadasa ne Migdal-gad, **38**

Dilean ne ne Misphe ne Yokteel, **39** Lakis ne Boskat ne Eglon, **40** Kabon ne Lahmam ne Kitlis, **41** Gederot, Bet-Dagon ne Naama ne Makeda. Saa nkurow yi ne nkuraa a atwa ho ahyia nyinaa dodow ye dunsia. **42** Eyinom akyi no na Libna ne Eter ne Asan, **43** Yifta ne Asna ne Nesib, **44** Keila ne Aksib ne Maresa ka ho. Saa nkurow yi ne nkuraa a atwa ho ahyia nyinaa dodow ye akron. **45** Ekron nkurow ne nkuraa nyinaa ka Yuda asase ho, **46** efi Ekron no, ɔhye no trew de kɔ atɔe fam a nkurow a ɛben Asdod ne wɔn nkuraa a atwa ho ahyia ka ho. **47** Saa ara na Asdod nkurow ne ne nkuraa, Gasa nkurow ne ne nkuraa kosi Misraim asuwa no, de kɔfa Po Kese no mpoano ka ho. **48** Yuda san nyaa nkurow a edidi so yi a na ɛwɔ nkoko asase so: Samir ne Yatir ne Soko, **49** Dana ne Kiriati-Sana a ene Debir, **50** Anab ne Estemo ne Anim, **51** Gosen ne Holon ne Gilo, Saa nkurow yi ne nkuraa a atwa ho ahyia nyinaa dodow ye dubaako. **52** Na saa nkurow yi ka ho: Arab ne Duma ne Esan, **53** Yanum ne Bet-Tapua ne Afeka, **54** Humta ne Kiriati-Arba (a ɛye Hebron) ne Sior. Nkurow akron ne ne nkuraa a atwa ho ahyia. **55** Nkurow a edidi so yi nso ka ho: Maon, Karmel, Sif ne Yuta, **56** Yesreel ne Yokdeam ne Sanoa, **57** Kain, Gibeon ne Timna, nkurow du ne ne nkuraa a atwa ho ahyia. **58** Bio Halhul, Bet-Sur ne Gedor, **59** Maarat ne Bet-Anot ne Eltekon ka ho, nkurow asia ne ne nkuraa a atwa ho ahyia. **60** Saa ara na Kiriati-Baal (a ene Kiriati-Yearim) ne Raba ka ho, nkurow abien ne ne nkuraa a atwa ho ahyia. **61** Sare so nkurow no nso ne: Bet-Araba, Midin ne Sekaka, **62** Nibsan ne Nkyene kuropon no ne En-Gedi, nkurow asia ne ne nkuraa a atwa ho ahyia. **63** Na Yebusifo a wɔte Yerusalem no de, Yuda abusuakuw no antumi antu wɔn nti, Yebusifo ne Yuda abusuakuw no tenae de besi nne.

16 Yosef asefo no kyefa fi Asubonten Yordan fa a ɛben Yeriko, wɔ Yeriko nsuwa no apuei fam, kɔfa sare no so kopue Bet-El bepɔw asase no so. **2** Efi Bet-El, a ɛye Lus, a efa Atarot a ɛwɔ Arkifo mantam mu. **3** Esian fa atɔe fam kosi Bet-Horon Anafo a ɛwɔ Yafletifo mantam mu. Etoa so kɔ Geser na afei akosi Po Kese no mu. **4** Yosef mmabarima Manase ne Ephraim mmusua nyaa wɔn agyapade. **5** Wɔde saa asase yi maa Ephraim mmusua se wɔn agyapade. Wɔn agyapade no hye a ɛwɔ apuei fam no fi Atarot-Adar. Efi hɔ kɔ Bet-Horon Soro, **6** na akɔ Po Kese no ho. Atifi fam hye no fi Po Kese no, efa apuei fam, twa mu

wɔ Mikmetat, na akontɔn afa apuei fam, atwa mu wɔ Taanat-Silo ako Yanoa apuei fam. 7 Efi Yanoa a, edan fa anafo fam kɔ Atarot ne Naara, eka Yeriko, na akɔpem Asubɔnten Yordan. 8 Efi Tapua a, ɔhye no kɔ atɔe fam, nam Kana Suka no mu kosi Po Kese no. Saa agyapade yi na wɔde maa mmusua a wɔbɔ mu ye Efraim abusuakuw no. 9 Wɔde nkurow bi ne wɔn nkuraase a ɛwɔ Manase abusuakuw no fa mantam mu maa Efraim. 10 Wɔampam Kanaanfo no amfi Geser, enti Geserfo te hɔ sɛ nkoa de besi nɛ.

17 Wɔde asase no fa a ɛda atɔe fam no maa Manase abusuakuw no fa a ɔye Yosef babarima panyin no asefo. Na wɔde Gilead ne Basan a ɛda Yordan apuei fam no ama Makir abusua no dedaw, efise na ɔye ɔkofo kese. (Na Makir ye Manase babarima panyin ne Gilead agya.) 2 Asase a ɛda Yordan atɔe fam no, wɔde maa mmusua nkae a wɔwɔ Manase abusuakuw mu a wɔn ne: Abieser, Helek, Asriel, Sekem, Hefer ne Semida. 3 Nanso na Hefer babarima Selofehad a na ɔno nso ye Manase, Makir ne Gilead aseni no nni mmabarima. Mmom, na ɔwɔ mmabea baanum. Na wɔn din de Mahla, Noa, Hogla, Milka ne Tirsa. 4 Saa mmea yi baa ɔsofo Eleasar ne Nun babarima Yosua ne Israel ntuanofɔ no nkyɛn bekae se, “Awurade hyɛ Mose sɛ ɔmma yen ne mmarima a wɔwɔ yen abusuakuw mu no agyapade.” Enti Yosua maa wɔn ne wɔn agyanom agyapade senea Awurade hyɛ no. 5 ɛno nti Manase agyapade beyɛ nsasetea du a Gilead ne Basan a ɛdeda Asubɔnten Yordan agya no ka ho, 6 efise Manase asefo a wɔye mmea no ne wɔn a wɔye mmarima nyaa agyapade. (Wɔde Gilead asase no maa Manase asefo a wɔye mmarima nkae no). 7 Manase abusuakuw no hye no fi Aser hye ano kosi Mikmetat, a ɛwɔ Sekem apuei fam. Afei, ɔhye no fi Mikmetat kɔ anafo fam, kosi nnipa a wɔte ben Tapua nsu no ho no. 8 (Asase a atwa Tapua ho ahyia no ye Manase dea, nanso Tapua kurow no a ɛda Manase mantam no hye so no ye Efraim abusuakuw no dea.) 9 Manase hye no fi Tapua asu no, nenam Kana suka atifi kosi Po Kese no. (Nkurow bebree a ɛwɔ Manase mantam mu no ye Efraim abusuakuw no dea.) 10 Asase a ɛda suka no anafo fam no ye Efraim dea, na nea ɛda atifi fam nso ye Manase de; na Po kese no ye Manase asase no hye wɔ atɔe fam. Aser asase no da Manase de no atifi fam, na Isakar asase no nso da apuei fam. 11 Wɔde saa nkurow a ɛwɔ Isakar ne Aser mantam mu no maa Manase: Bet-Sean, Yibleam, Dor (a eye Nafɔt

Dor), En-Dor, Taanak ne Megido ne wɔn nkuraa. 12 Nanso Manase asefo no antumi amfa saa nkurow yi. Wɔantumi antu Kanaanfo a na wɔte hɔ no. 13 Akyiri no, bere a Israelfo nyaa ahooden no, wɔhyɛ Kanaanfo no ma wɔyɛ adwuma sɛ nkoa. Nanso wɔampam wɔn amfi asase no so. 14 Yosef asefo baa Yosua nkyɛn bebisaa no se, “Aden nti na woama yen asasetaw baako pɛ wɔ bere a Awurade ama yen ase adɔ?” 15 Yosua buaa se, “Sɛ Efraim bepɔw asase no sua ma mo a, monkɔdɔw kwae a Perisifo ne Refaitefo te so no.” 16 Na wobuae se, “Bepɔw so asase no sua ma yen, na Kanaanfo a wɔwɔ bepɔw no ase nsase a atwa Bet-Sean ne Yesreel bon ho ahyia no wɔ nnade nteaseenam, na wɔn ho ye den dodo ma yen.” 17 Na Yosua ka kyere Efraim ne Manase mmusuakuw a wɔye Yosef asefo no se, “Esiane sɛ mo dɔso na mo ho ye den nti, mubenya nsasetam no bi aka baako no ho. 18 Wɔde kwae a ɛda bepɔw no so no beka mo ho. Monnɔw asase no senea mubetumi biara na montena hɔ. ɛwɔ mu sɛ Kanaanfo no ho ye den na wɔwɔ nnade nteaseenam, nanso mewa awerehyemu sɛ mubetumi apam wɔn afi obon no mu.”

18 Afei a asase no abedi Israelfo nsam no, Israelfo nyinaa boaa wɔn ho ano wɔ Silo na wosii hyiadan. 2 Nanso na aka mmusuakuw ason a wɔmfaa wɔn kyefa no mmaa wɔn ɛ. 3 Enti Yosua bisaa wɔn se, “Moretwen akosi da ben ansa na moafa asase no nkae a Awurade, mo agyanom Nyankopɔn de ama mo no? 4 Munyi nnipa baasa mfi abusuakuw biara mu na mesoma wɔn ama wɔakɔsra baabi a wonnii hɔ so no. Wɔsan ba a, wɔbekyerɛw nea wohui agu krataa so akyere me senea wɔbekyekye agyapade no. 5 Akwansrafo no bekyekye asase no mu ason, na wɔmmfa Yuda asase a ɛda anafo fam ne Yosef asase a ɛwɔ atifi fam no nka ho. 6 Afei, meɔ ntonto a eho tew wɔ Awurade, yen Nyankopɔn anim, apɛ baabi a wɔde bema abusuakuw biara. 7 Nanso Lewifo no rennya asase biara. Wɔn dwumadi sɛ Awurade asɔfo no beyɛ wɔn agyapade. Na Gad ne Ruben mmusuakuw ne Manase abusuakuw fa no nso nnya asase no bi bio, efise wɔanya wɔn agyapade a Mose a ɔye Awurade somfo de maa wɔn wɔ Asubɔnten Yordan apuei fam no dedaw.” 8 Mmarima a wɔrekosusuw asase no rebekɔ no, Yosua hyɛ wɔn se, “Monkɔyekye asase no, na monsan mfa nea muhui ho nsem a moakyerɛw agu krataa so mmɛ me, na menam ntontobɔ kronkron a wɔbeɔ no Awurade anim wɔ Silo no so de asase no bema mmusuakuw

no.” **9** Mmarima no yee senea wohyee won no, kyekyee asase no nyinaa mu ason, kyerew nkurow a ewo asase no nkyekye mu biara so. Wosan koo Yosua nkyen wo Silo atenae ho. **10** Silo ho na Yosua boo ntonto kronkron wo Awurade anim de pee asasetaw a ese se abusuakuw biara fa. **11** Asase no nkyekye mu a edi kan no koo mmusua a ewo Benjamin abusuakuw no nsam. Na eda nsase a wode maa Yuda ne Yosef mmusuakuw no ntam. **12** Atifi fam hye no fi Asubonten Yordan ko Yeriko nsian no atifi, na afei, afa bepowa mantam ne Bet-Awen sare so ako atoe fam. **13** Ohye no fi ho ko Lus (a eye Bet-El) wo anafo fam, na etoa so ko Atarat-Adar ne bepowa atifi a ewo Bet-Horon Anafo wo anafo fam. **14** Afei ohye no fa anafo fam, nam bepowa a anim hwe Bet-Horon wo atoe fam no ntentenso, kosi Kiriati-Yearim, a eye Kiriati-Baal akuraa; Yuda abusuakuw no nkurow no mu baako. Eyi ne atoe fam hye. **15** Anafo fam hye no, fi Kiriati-Yearim mfikyiri. Efi ho fa atoe fam ko Neftoa nsuwansuwa asuti ho, **16** na asian ako bepowa a ewo Hinom bon a ewo Refaim bon no atifi fam no ase. Etoa so ko Hinom wo anafo fam, na atwam wo nsian a na Yebusifo te no anafo fam na akodu En-Rogel. **17** Ohye no fi En-Rogel a eko atifi fam, kosi En-Semes na atoa so akopem Gelilot a ene Adumim di nhweanim na afei asian ako Bohan a na oye Ruben babarima no bo ho. **18** Etoa so fa nsian a ehwe Yordan Bon no atifi fam. Afei ohye no ko obon no mu, **19** ekofa Bet-Hogla nsian no atifi fam na akopem Nkyene Po no atifi awiei ano a eye Asubonten Yordan anafo fam aboe. **20** Apuei fam hye no ye Asubonten Yordan. Eyi ne agyapade a wode maa mmusua a wobo mu ye Benjamin abusuakuw no. **21** Nkurow a wode maa mmusua a wobo mu ye Benjamin abusuakuw na edidi so yi: Yeriko, Bet-Hogla ne Emek-Kesis, **22** Bet-Araba, Semaraim ne Bet-El, **23** Awim, Para ne Ofra, **24** Kefar-Amonai, Ofni ne Geba, nkurow dumien ne won nkuraa. **25** Gibeon, Rama ne Beerot, **26** Mispa, Kefira ne Mosa, **27** Rekem, Yirpeel ne Tarala, **28** Sela, Ha-Elef ne Yebusifo kuropon (a eye Yerusaleim), Gibeon ne Kiriati-Yearim, nkurow dunan ne won nkuraa. Eyi ne agyapade a wode maa mmusua a wobo mu ye Benjamin abusuakuw no.

19 Asase no nkyemu a eto so abien no koo Simeon abusuakuw no nsam. Na Yuda asase atwa won ho ahyia. **2** Na nea edidi so yi ne Simeon agyapade: Beer-Seba, Seba ne Molada, **3** Hasar-Sual, Bala ne Esem, **4** Eltolad, Betul ne Horma, **5** Siklag, Bet-Markabot

ne Hasar-Susa, **6** Bet-Lebaot ne Saruhen. Nkurow dumien sa ne won nkuraa. **7** Nkurow a eka ho bio ne Ain, Rimon, Eter ne Asan, nkurow anan ne won nkuraa, **8** ne nkuraa a ewo anafo fam kosi Baalat-Beer, nea ewo Negeb a wofre no Rama no. Eyi ne mmusua a wowa Simeon abusuakuw mu no agyapade. **9** Won agyapade no ye Yuda de no fa bi a wode maa Yuda, efise na Yuda asase no so dodo ma won. Eno nti, Simeon abusuakuw no nyaa won agyapade fii Yuda asase no mu. **10** Asase no nkyemu a eto so abiesa no koo mmusua a wobo mu ye Sebulon abusuakuw no nsam. Sebulon agyapade hye no fi ase wo Sarid. **11** Efi ho ko atoe fam, kopa Marala ho na akoka Dabeset. Efa ho ko Yokneam apuei fam asuwa ho. **12** Ohye no fa fi Sarid ko apuei fam kosi Kislot-Tabor; etoa so ko Daberat na aforo ako Yafia. **13** Afei, etoa so ko apuei fam kodu Gat-Hefer, Et-Kasin ne Rimon, na adan ahwe Nea. **14** Sebulon hye a eda atifi fam no fa Hanaton na ebewie wo Yifta-El bon mu. **15** Nkurow ewo asase yi so ne: Katat, Nahalal, Simron, Yidala ne Betlehem. Nkurow dumien ne won nkuraa a atwa ho ahyia. **16** Eyi ne mmusua a ebo mu ye Sebulon abusuakuw no agyapade. **17** Asase no nkyemufa a eto so anan no koo mmusua a wobo mu ye Isakar abusuakuw no nsam. **18** N’ahye nenam saa nkurow yi so: Yesreel, Kesulot ne Sunem, **19** Hafraim, Shion ne Anaharat, **20** Rabit, Kision ne Abes, **21** Remet, En-Ganim, En-Hada ne Bet-Pases. **22** Ohye no kofa Tabor, Sahasima ne Bet-Semes na akowie wo Asubonten Yordan ho. Nkurow dunsia ne won nkuraa a atwa ho ahyia. **23** Eyi ne mmusua a wobo mu ye Isakar abusuakuw no agyapade. **24** Asase no nkyemu a eto so anum no koo mmusua a wobo mu ye Aser abusuakuw no nsam. **25** N’ahye no fa saa nkurow yi so: Helkat, Hali, Beten ne Aksaf, **26** Alamelek, Amad ne Misal. Ohye a eda atoe fam no fi Karmel ko Sihor-Libnat, **27** na ebukaw fa apuei fam ko Bet-Dagon, ko ara kosi Sebulon wo Yifta-El bon no mu, ko atifi fam kodu Bet-Emek ne Neiel. Etoa so ko atifi fam, kofa Kabul, **28** ne Ebron ne Rehob ne Hamon ne Kana, ko ara kosi Sidon Kese. **29** Afei ohye no dan kofa Rama ne Kuropon Tiro a wobo ho ban no besi Po Kese no ho wo Hosa. Nkurow a ewo asase no so bi ne Mehebel ne Aksib, **30** Uma, Afek ne Rehob, Nkurow aduonu abien ne won nkuraa a atwa ho ahyia. **31** Eyi ne mmusua a ebo mu ye Aser abusuakuw no agyapade. **32** Asase no nkyemu a eto so asia no koo mmusua a wobo mu ye Naftali abusuakuw no nsam. **33** Ne hye no

fi Helef, Saananim dupɔn no ho, kɔfa Adami-Nekeb ne Yabneel, toa so kɔ Lakum kɔpɛm Asubɔntɛn Yordan. **34** Atɔɛ fam hye no twam wɔ Asnot-Tabor kɔ Hukok, kosi Sebulon hye no wɔ anafo fam, Aser hye wɔ atɔɛ fam ne Asubɔntɛn Yordan wɔ apuei fam. **35** Mantam yi mu nkuropon a na wɔabɔ ho ban no ne Sidim, Ser, Hamat, Rakat ne Kineret, **36** Adama, Rama ne Hasor, **37** Kedes, Edrei ne En-Hasor, **38** Yiron, Midgal-el, Horem, Bet-Anat ne Bet-Semes. Nkurow dunkron ne wɔn nkuraase a atwa ho ahyia. **39** Eyi ne mmusua a wɔbɔ mu ye Naftali abusuakuw no agyapade. **40** Asase no nkyemu a ɛto so ason no kɔ mmusua a wɔbɔ mu ye Dan abusuakuw no nsam. **41** Nkurow a na ɛwɔ Dan agyapade mu no bi ye Sora, Estaol ne Ir-Semes, **42** Saalabin, Ayalon ne Yitla, **43** Elon, Timna ne Ekron, **44** Elteke, Gibeton ne Baalat, **45** Yehud, Bene-Berak ne Gat-Rimon, **46** Me-Yarkon, Rakon ne asase a ɛda Yopa anim. **47** Nanso Dan abusuakuw no nyaa akwanside wɔ wɔn asase no fa ho enti wɔko tiaa Lesem. Wodii kurow no so, kunkum mu nnipa, faa ho, tenaa ho. Wɔde wɔn tete agya Dan din too kurow no. **48** Eyi ne mmusua a wɔbɔ mu ye Dan abusuakuw no agyapade, saa nkurow yi ne wɔn nkuraa. **49** Wɔkyekyɛɛ asase no mu maa Israel mmusuakuw no wiee no, Israelfo no maa Yosua asase sin sononko bi se n'agyapade. **50** Na Awurade aka se kurow biara a Yosua pɛ no, ɔmfɔ. Yosua faa Timmat-Sera a ɛwɔ Efraim bepɔw asase no so. Ɔkyekyeree kurow no foforo na ɔtenaa ho. **51** Eyinom ne agyapade a ɔsofo Eleasar, Nun babarima Yosua ne mmusuakuw mpanyimfo no nam ntontobɔ kronkron a wɔbɔ wɔ Awurade anim wɔ hyiadan pon no ano wɔ Silo no de maa Israel mmusuakuw no. Enti ɛmaa asase no mu kyekyɛ baa awiei.

20 Awurade ka kyeree Yosua se, **2** “Afei, ka kyere Israelfo no na wonyi yi guankɔbea nkuropon no senea mehyɛ Mose no. **3** Obiara a wanhɛ da na obekum obi no tumi guan kɔ nkuropon yi bi so, kɔbɔ ne ho aguaa, senea owufo no abusuafɔ no rentumi nto okum no so were. **4** Se onipa a wanhɛ da na okum obi no du kuropon no bi so a, onkohu kuropon no mu mpanyimfo wɔ kuropon no pon ano na ɔnkyere wɔn nea esii. Eɛ se wɔma ho kwan ma owura kuropon no mu, na wɔne no tena. **5** Se owufo no abusuafɔ ba se wɔrebɛto okum no so were a, enɛ se mpanyimfo no yi okumfo no ma, efise eye esiane. **6** Nanso eɛ se okumfo no tena kuropon no mu na ɔmanfo di n'asɛm bu no bɛm. Na eɛ se owudifo no kɔ so tena kurow

no mu, efise owu no ye asiane. Ɔbetena ho akosi se ɔsofɔpanyin a ɔwɔ ho saa bere no a asɛm no sii no bewu. Eno akyi, okumfo no wɔ ho kwan se ɔsan kɔ ne kurom.” **7** Nkuropɔn a edidi so yi na woyiyi yeɛ ho guankɔbea nkuropon: Kedes a ɛwɔ Galilea wɔ Naftali bepɔw asase so, Sekem a ɛwɔ Efraim bepɔw asase so, Kiriāt-Arba a wɔfrɛ no Hebron a ɛwɔ Yuda bepɔw asase so. **8** Na Asubɔntɛn Yordan apuei fam nso a etwa mu fi Yeriko no, saa nkuropon a edidi so yi na woyiyi se guankɔbea nkuropon: Beser a ɛwɔ sare pradada so a eye Ruben abusuakuw de no, Ramot a ɛwɔ Gilead a ɛwɔ Gad abusuakuw asase so ne Golan a ɛwɔ Basan a eye Manase abusuakuw no asase. **9** Eyinom ne nkuropon a woyiyi maa Israelfo ne ahoɔho a wɔne wɔn te no. Obiara a wamfi ɔboaye mu ankum ɔsoforo no, otumi kɔhwɛhwɛ guankɔbea wɔ saa nkuropon yi biara so. Se wɔfa saa ɔkwan yi so a wɔn a wɔrehwɛhwɛ aweretɔ no nsa renka awudifo no nkum wɔn ansa na wɔaba ɔmanfo asennii abeyi wɔn ho ano.

21 Afei, Lewifo abusua mu ntuanɔfo kɔ ɔsofo Eleasar ne Nun babarima Yosua ne Israel mmusuakuw a aka mu ntuanɔfo no nkyɛn. **2** Wɔka kyeree wɔn wɔ Silo a ɛwɔ Kanaan asase so no se, “Awurade hyɛ Mose se, ɔmma yen nkurow na yɛntɛna mu ne adidibea mma yen anantwi.” **3** Na sɛnea Awurade hyɛ no, wɔde nkurow a edidi so yi a wɔn adidibea ka ho maa Lewifo se wɔn agyapade. **4** Aaron asefo a na wɔye Kohat abusuamma, na wɔfra Lewi abusuakuw mu no nyaa nkurow dumiɛnsa a na anka eye Yuda, Simeon ne Benjamin mmusuakuw no dea. **5** Afi a aka wɔ Kohat abusua mu no, wɔmaa wɔn nkurow du fii Efraim ne Dan mmusuakuw no ne Manase abusuakuw fa no nsase mu. **6** Gerson abusua no nso, wɔmaa wɔn nkurow dumiɛnsa fii Isakar, Aser, Naftali ne Manase abusuakuw fa no wɔ Basan. **7** Merari abusua no nyaa nkurow dumien fii Ruben, Gad ne Sebulon mmusuakuw no nkyɛn. **8** Enti Israelfo no dii Awurade ɔhyɛ nɛm a ɔde maa Mose no so. Wɔbɔ ntonto kronkron, nam so yiyi saa nkurow yi ne adidibea a ekeka ho maa Lewifo. **9** Israelfo no de saa nkurow a eye Yuda ne Simeon mmusuakuw no dea no **10** maa Aaron asefo a wɔfra Kohat abusua mu na eka Lewi abusuakuw ho no, efise ntonto kronkron a edi kan no bɔ wɔn. **11** Kiriāt-Arba a (wɔfrɛ no Hebron), a ɛwɔ Yuda bepɔw asase so ne eho adidibea. (Arba ye Anak tete agya.) **12** Nanso nsase ne nkuraa a atwa kurow no ho ahyia no de, wɔde maa Yefune

babarima Kaleb. **13** Nkurow a edidi so yi ne wɔn adidibea no wɔde maa asɔfo Aaron asefo: Hebron (guankɔbea kuropon ma nea ne nsa apa wɔ obi ho), Libna, **14** Yatir, Estemoa, **15** Holon, Debir, **16** Ain, Yuta ne Bet-Semes a eye nkurow akron a wonya fii saa mmusuakuw abien yi nkyen no. **17** Wofi Benjamin abusuakuw mu de saa nkurow yi ne adidibea a atwa ho ahyia no maa asɔfo: Gibeon, Geba, **18** Anatot, Almon—a eye nkurow anan. **19** Enti nkurow dumiensa na wɔde maa asɔfo a woye Aaron asefo no. **20** Kohat abusua nkae a wofi Lewi abusuakuw mu no nso, wɔde saa nkurow yi ne adidibea a efi Ephraim abusua nkyen maa wɔn: **21** Sekem, (guankɔbea kuropon), Geser. **22** Kibsaim ne Bet-Horon, a eye nkurow anan. **23** Saa nkurow ne adidibea yi nso, wɔde maa asɔfo a wofi Dan abusuakuw mu: Elteke ne Gibeton, **24** Ayalon ne Gat-Rimon, eye nkurow anan. **25** Manase abusuakuw fa no de saa nkurow ne wɔn adidibea maa asɔfo no: Taanak ne Gat-Rimon, eye nkurow abien. **26** Enti nkurow du ne wɔn adidibea na wɔde maa Kohat abusua nkae no. **27** Gerson abusua a woye Lewi abusuakuw no fa bi no nso nyaa nkurow abien ne wɔn adidibea fii Manase abusua fa no nkyen. Nkurow no ne Golan a ewɔ Basan (guankɔbea kuropon) ne Beestra. **28** Isakar abusuakuw no nso maa wɔn: Kision, Dabarat, **29** Yarmut ne En-Ganim, nkurow anan a wɔn adidibea ka ho. **30** Aser abusuakuw no maa Misal, Abdon, **31** Helkat ne Rehob, a eye nkurow anan a wɔn adidibea ka ho. **32** Naftali abusuakuw no maa wɔn Kedesa a ewɔ Galilea (guankɔbea kuropon), Hamot-Dor ne Kartan nkurow abiesa ne wɔn adidibea. **33** Enti nkurow dumiensa ne eho adidibea na wɔde maa Gerson mmusua no. **34** Lewifo nkae a woye Merari abusua no nyaa saa nkurow yi a efi Sebulon abusuakuw no nkyen: Yokneam, Karta, **35** Dimna ne Nahalal—nkurow anan ne eho adidibea. **36** Ruben abusuakuw no nso maa wɔn Beser, Yahas, **37** Kedemot ne Mefaat—nkurow anan ne wɔn adidibea. **38** Gad abusuakuw no maa wɔn Ramot a ewɔ Gilead (guankɔbea kuropon), Mahanaim, **39** Hesbon ne Yaser, nkurow anan ne ho adidibea. **40** Enti nkurow dumien na wɔde maa Merari abusua. **41** Nkurow dodow ne eho adidibea a na ewɔ Israelman mu a wɔde maa Lewifo no nyinaa ye aduanan awotwe. **42** Na kurow biara wɔ adidibea da ho. **43** Enti Awurade de nsase a okaa ho ntam se ɔde bema wɔn agyanom no maa Israelfo no, na wodii so nkonim, tenaa ho. **44** Na Awurade ma wonyaa ɔhome wɔ afanan nyinaa, senea ohyee wɔn

agyanom bɔ no. Wɔn atamfo biara antumi annyina wɔn anim, efise Awurade boaa wɔn ma wodii wɔn atamfo so nkonim. **45** Bɔ pa biara a Awurade hyee Israel no nyinaa baa mu; emu bi anni huammɔ.

22 Afei, Yosua frɛ Ruben ne Gad mmusuakuw ne Manase abusuakuw fa no nyinaa. **2** Oka kyeree wɔn se, “Moaye senea Mose, Awurade somfo hyee mo se monye no na moadi ohye asem biara a mehye maa mo no so. **3** Ewɔ mu se dwumadi no agye bere tenten bi de, nanso moampa mmusuakuw a aka no akyi. Moato mo bo ase adi mmara a Awurade, mo Nyankopɔn hye maa mo no so de abesi nne. **4** Na mprenpren Awurade, mo Nyankopɔn ama mmusuakuw a aka no ahomegye senea ohyee wɔn bɔ no. Enti monko mo nkyi wɔ asase a Mose, Awurade somfo no de maa mo wɔ Asubɔnten Yordan apuei fam no so. **5** Monhwe yiye na munni mmara a Mose hye maa mo no so. Monno Awurade, mo Nyankopɔn. Monnantew n’akwan nyinaa so, munni n’ahyede so, munni no nokware na momfa mo koma nyinaa ne mo kra nyinaa nsom no.” **6** Na Yosua hyiraa wɔn, gyaa wɔn kwan ma wɔkɔ fie. **7** Mose de Basan asase a ewɔ Yordan apuei fam no maa Manase abusuakuw fa no. Abusuakuw no fa a aka no nso, wɔde asase no fa a eɔa Yordan atɔe fam no maa wɔn. Yosua regya wɔn kwan no, ohyiraa wɔn, **8** kae se, “Agyapade bebrebe a moanya afi mo atamfo nkyen no, mo ne mo abusuafo a wɔwɔ fie no nkye. Anantwi dodow ne nguan bebrebe no, mo dwete ne sikakokɔ, mo kɔbere mfrafrae, dade ne adurade no nyinaa, mo ne wɔn nkye.” **9** Enti Rubenfo, Gadfo ne Manase abusuakuw fa no gyaw Israelfo nkae no ho wɔ Silo a ewɔ Kanaan asase so. Wofitii wɔn akwantu ase se wɔresan akɔ wɔn ankasa asase a ewɔ Gilead, asase a na eye wɔn dea dedaw a Awurade hyee Mose ma ɔde maa wɔn no so. **10** Wɔda so wɔ Kanaan no, ansa na wobetwa Asubɔnten Yordan no, Rubenfo, Gadfo ne Manase abusuakuw fa no sii aforemuka kese bi wɔ Asubɔnten Yordan nkyen, wɔ faako a wɔfre ho Gelilot no. **11** Israelfo a wɔaka no tee se wɔasi aforemuka wɔ Gelilot wɔ Asubɔnten Yordan atɔe fam, wɔ Kanaan asase so no, **12** wɔn nyinaa boaa wɔn ho ano wɔ Silo, siesiee wɔn ho se wɔrekɔko atia wɔn nuanom. **13** Nea edi kan no, wotuu nnipa a asɔfo Eleasar babarima Pinehas tua wɔn ano kɔ Gilead. Wotwaa asubɔnten no se wɔne Rubenfo, Gadfo ne Manase abusuakuw fa no rekokasa. **14** Nnipa a wotuu wɔn no ye mpanyimfo du a obiara gyina ho ma Israel mmusuakuw du no

mu baako, na ɔsan yɛ ɔkannifo ma Israel mmusua no mu baako. **15** Na woduu Gilead asase so no, wɔka kyereɛ Rubenfo, Gadfo ne Manase abusuakuw fa no se, **16** “Awurade asafokuw nyinaa pɛ se wuhu nea enti a moredi Israel Nyankopɔn no huammɔ. Aden nti na mutumi dan mo ho fi Awurade ho, kosi afɔremuka de tia no? **17** Bɔne a yeyee wɔ Peor no nnɔɔso mmaa yen ana? Ɔyaredom a ebetɔɔ Awurade asafokuw no nyinaa so akyi no mpo, yennwiraa yen ho mfii ho. **18** Nanso nne yi, moretwe mo ho afi Awurade ho, se morenni n’akyi. “Se mosɔre tia Awurade nne a, ɔkyena ne bo befuw yen nyinaa. **19** Se mususuw se efi aka mo asase enti afɔremuka ho hia mo a, eno de, mommekɔ yen ho wɔ asuogya ha wɔ faako a Awurade ne yen te wɔ n’Asɔrefi na yene mo bekye yen asase mu. Na monnsɔre ntia Awurade na mommfa afɔremuka foforo a moasi ama mo ho so ntwe yen nkɔ atuategu mu. Awurade, yen Nyankopɔn nokware afɔremuka ye baako pɛ. **20** Bere a Akan a ofi Serah abusua mu nam korɔn a ɔbɔɔ wɔ nneema a wɔayi asi ho ama Awurade, nam so yee bɔne no, Onyankopɔn antwe Israel manfo nyinaa aso? Enye ɔno nko ara na esiane bɔne no nti owui.” **21** Rubenfo, Gadfo ne Manase abusuakuw fa no buaa mpanyimfo no se, **22** “Awurade nko ara ne Onyankopɔn! Awurade nko ara ne Onyankopɔn! Yeansi afɔremuka no se yede retia Awurade. Se saa na yeaye a, nne, momfa yen ho nkye yen. Nanso Awurade nim na Israel nyinaa nso nhu se, **23** yensii afɔremuka mmaa yen ho se yerefi Awurade nkyen. Na yeremmɔ ɔhyew afɔre ne aduan afɔre anaa asomdwoe afɔre wɔ so nso. Se eyi nti na yesii afɔremuka no a, Awurade no ankasa ntwe yen aso. **24** “Yeasi saa afɔremuka yi, efise yesuro se daakye bi mo asefo bebisa yen asefo se, ‘Tumi ben na mowo se mobesom Awurade, Israel Nyankopɔn? **25** Awurade de Asubɔnten Yordan ato yen nkurɔfo ne ne nkurɔfo ntam hye. Munni kyefa wɔ Awurade mul’ Enti mo asefo bema yen asefo agyae Awurade som. **26** “Eno nti yeyee yen adwene se yebesi afɔremuka, na enye se yebɛɔ ɔhyew afɔre wɔ so, **27** na mmom se nkaedum. Ebɛɔ yen asefo ne mo asefo nkae se, yen nso, yewɔ ho kwan se yebesom Awurade wɔ ne kronkronbea, abɔ yen ɔhyew afɔre, aduan afɔre ne asomdwoe afɔre. Na daakye bi no, mo asefo rentumi nka nkyere yen asefo no se, ‘Munni kyefa wɔ Awurade mu.’ **28** “Se wɔka see a, yen asefo betumi aka se, ‘Monhwɛ Awurade afɔremuka sɛso a yen agyanom sii. Wɔansi amma ɔhyew afɔrebɔ anaa

afɔrebɔ, na mmom, eye nkae ade a ekyere ayɔnkofa a yen nyinaa wɔ wɔ Awurade mu.’ **29** “Empare yen se yebesɔre atia Awurade, anaase yebetwe yen ho afi ne ho akosi yen ankasa afɔremuka ama ɔhyew afɔre, aduan afɔre anaa afɔrebɔ. Awurade, yen Nyankopɔn afɔremuka a esi n’Ahyiae Ntamadan anim no so na wodi saa dwuma no.” **30** Ɔsofo Pinehas ne mpanyimfo du no tee nsem yi fii Ruben ne Gad mmusuakuw ne Manase abusuakuw fa ho no, wɔn bo tɔɔ wɔn yam. **31** Ɔsofo Eleasar babarima Pinehas buaa wɔn se, “Nne yeahu se Awurade wɔ yen ntam, efise monyee bɔne ntiaa Awurade senea yesusuwii no, mmom moagyɛ Israel nkwa afi ɔsee a anka Awurade de reba wɔn so no ho.” **32** Afei, Pinehas, ɔsofo Eleasar babarima ne mpanyimfo du no fii Ruben ne Gad mmusuakuw no nkyen wɔ Gilead san kɔɔ Kanaan asase so kɔbɔɔ Israelfo no amannɛ. **33** Na Israelfo no nyinaa bo tɔɔ wɔn yam, woyii Onyankopɔn ayɛ na wɔanka ɔko a wɔbɛko atia Ruben ne Gad ho asem bio. **34** Na Rubenfo ne Gadfo too afɔremuka no din se “Ɔdanseni,” ɔye ɔdanseni wɔ yene wɔn ntam se Awurade ye yen nso Nyankopɔn.

23 Mfe bebreɛ twaa mu a Awurade maa Israelfo no ahotɔ a wɔn atamfo no mu biara anhaw wɔn bio. Yosua a afei na wanyin yiye no **2** frɛɛ mpanyimfo, ntuanofɔ, atemmufɔ ne adwumayefɔ a wɔwɔ Israel nyinaa. Ɔka kyereɛ wɔn se, “Mprempren, mabɔ akwakoraa. **3** Moahu biribiara a Awurade, mo Nyankopɔn ayɛ ama mo me nkwa nna yi mu. Awurade, mo Nyankopɔn ako atia mo atamfo. **4** Mede amanaman no nsase a yennya nnii so ne nea yeadi so ama mo se mo agyapade, efi Asubɔnten Yordan kosi Po Kese a ewɔ atɔɛ fam no. **5** Saa asase yi beyɛ mo dea, efise Awurade, mo Nyankopɔn bepam nnipa a wɔtete so mprempren no nyinaa. Mubesi wɔn anan mu atena ho, senea Awurade, mo Nyankopɔn hyee mo bɔ no. **6** “Enti, monye den! Monhwɛ na munni nkyerekyere a wɔakyerew wɔ Mose Mmara Nhoma no mu no so pɛpɛɛpɛ. Monntwe mo ho mfi ho ɔkwan biara so. **7** Monhwɛ yiye se mo ne nnipa foforo a wɔda so te asase no so no nnya ayɔnkofa biara. Mpo, mommmɔ wɔn anyame din na moabɔ wɔn din aka ntam anaase moasom wɔn. **8** Na munni Awurade, mo Nyankopɔn no nokware senea moaye abesi nne yi. **9** “Efise Awurade apam amanaman akese a woyɛ den ama mo, enti obiara nni ho a watumi adi mo so nkonim. **10** Mo mu biara betumi atu atamfo apem agu,

efise Awurade, mo Nyankopɔn ko ma mo senea wahye bo no. **11** Enti monhwe yiye na monno Awurade, mo Nyankopɔn no. **12** “Nanso se motwe mo ho fi ne ho, na mo ne saa amanaman yi nkaefo a wɔwɔ mo mu yi di aware a, **13** eno de akyinnye biara nni ho se Awurade, mo Nyankopɔn rempam wɔn mfi mo asase so. Mmom, wɔbeyɛ mfiri ama mo, mo akyi mmaa, ne mo aniwa mu nsɛ de kosi se mo ase betɔre afi asase pa yi a Awurade, mo Nyankopɔn de ama mo no so. **14** “Erenkyɛ biara mewu, senea obiara kɔ no. Mo koma mu no munim se ɛbo biara a Awurade, mo Nyankopɔn hyɛ no aba mu. Bɔhyɛ no mu biara nni hɔ a amma mu! **15** Nanso senea Awurade, mo Nyankopɔn de nnepa a ɔhyɛ ho bɔ maa mo no, saa ara na se moanyɛ osetie amma no a ɔde amanehunu beba mo so. Ɖɛpra mo afi saa asase pa a ɔde ama mo yi so. **16** Se mubu Awurade, mo Nyankopɔn apam no so na mosɔre anaa mosom anyame foforo a, n’abufuw behyew mo na ɔɛpra mo ntem so afi asase pa a ɔde ama mo no so.”

24 Na Yosua frɛɛ Israelfo nyinaa, wɔn mpanyimfo, ntuanfo, atemmufɔ ne adwumayɛfo kɔɔ Sekem. Na wɔn nyinaa baa Onyankopɔn anim. **2** Yosua ka kyereɛ wɔn se, “Senea Awurade, Israel Nyankopɔn se ni: Mo tete agyanom, Tera a ɔye Abraham agya ne Nahor tenaa Asubɔnten Efrate agya nohɔ na wɔsom anyame foforo. **3** Nanso mefaa mo agya Abraham fii asase a ɛda Efrate agya hɔ de no baa Kanaan asase so. Mefaa ne ba Isak so maa n’asefo dɔɔso. **4** Mede Yakob ne Esau maa Isak. Mede Seir bepɔwman no maa Esau, na Yakob ne ne mma sian kɔɔ Misraim. **5** “Na mesomaa Mose ne Aaron, na mede ɔyaredɔm a eyɛ hu baa Misraimfo no so na akyiri no, miyii mo fii ho ma munyaa ahofadi. **6** Bere a mo agyanom duu Po Kɔkɔɔ ho no, Misraimfo no de wɔn nteaseenam ne wɔn aɔnkokɔfafo taa wɔn. **7** Musu frɛɛ Awurade no, mede sum betoo mo ne Misraimfo no ntam, memaa Po no bu faa wɔn so kataa wɔn so. Mo ankasa mo de mo ani huu nea meyyɛ. Afei motenaa sare so mfe bebreɛ. **8** “Mede mo baa Amorifo asase so wɔ Yordan apuei fam. Wɔne mo koe, nanso memaa mudii wɔn so nkonim na mofaa wɔn asase. **9** Na Moabhene Sipor babarima Balak fii ase ko tiaa Israel. Ɖka kyereɛ Beor babarima Balaam se ɔnnome mo. **10** Nanso mantie no, na mmom mema ohyiraa mo ntoatoaso, na migyee mo fii Balak nsam. **11** “Na mutwaa Asubɔnten Yordan baa Yeriko no, Yeriko mmarima ko tiaa mo. Na nkurofo pii nso ko tiaa mo a Amorifo, Perisifo, Kanaanfo, Hetifo,

Girgasifo, Hewifo ne Yebusifo ka ho. Nanso mema mudii wɔn so nkonim. **12** Afei, mesomaa nnowa dii mo anim ma wɔkɔpam Amorifo ahemfo baanuo no. Enye mo afoa anaa mo agyan na ɛma mudii nkonim. **13** Memaa mo asase a enye mo na mudii ho dwuma, maa mo nkuropon a enye mo na mokyekyeree, nkuropon a mote mu mprenpren no. Memaa mo bobɛ nturo ne ngodua mfuw se mubɛnya aduan, a mpo enye mo na muduae. **14** “Enti munni Awurade ni, na momfa mo koma nyinaa nsom no. Montow ahoni a mo agyanom someɛ no wɔ bere a na wote Asubɔnten Efrate agya ne Misraim no nyinaa ngu korakora. Monsom Awurade nko ara. **15** Se nso mompe se mosom Awurade a, nne yi ara, monkyere nea mobesom no. Anyame a mo agyanom someɛ wɔ bere a na wɔwɔ Efrate agya no na mope? Anaa Amorifo a mote wɔn asase so mprenpren no anyame? Na me ne me fi de, yeɛbesom Awurade.” **16** Na ɔman no buae se, “Yɛrempa Awurade akyi nkɔsom anyame foforo. **17** Efise Awurade, yen Nyankopɔn na ogyee yen ne yen agyanom fii nkoasom mu wɔ Misraim. Ɖyɛɛ anwonwade akese wɔ yen anim. Na yɛfaa sare so wɔ yen atamfo mu no, ɔbɔɔ yen ho ban. **18** Eyɛ Awurade na ɔpam Amorifo ne aman foforo a na wote asase yi so no. Enti yen nso, yeɛbesom Awurade, efise ɔno nko ne yen Nyankopɔn.” **19** Na Yosua ka kyereɛ nnipa no se, “Morentumi nsom Awurade, efise ɔye kronkron ne ninkufo Nyankopɔn. Ɖremfa mo atuategwɛ ne mo bɔne nkyɛ mo. **20** Se mopa Awurade akyi na mosom anyame foforo a, ɔɛɛdan atia mo, asɛ mo a ɛmfa ho se ɔne mo adi no yiye.” **21** Nnipa no buaa Yosua se, “Dabi, yeasi yen adwene pi se yeɛbesom Awurade.” **22** Yosua nso kae se, “Mubebu saa gyinae yi ho akontaa. Moaka se mobesom Awurade.” Wobuae se, “Yiw, yebebu ho akontaa.” **23** Yosua kae se, “Eye, monsee ahoni a mowɔ nyinaa na momfa mo koma nto Awurade, Israel Nyankopɔn so.” **24** Nnipa no ka kyereɛ Yosua se, “Yeɛbesom Awurade, yen Nyankopɔn. Yeɛbeyɛ osetie ama ɔno nko ara.” **25** Enti Yosua ne nnipa no yeɛ apam saa da no wɔ Sekem, de wɔn hyɛɛ nhɛhyɛɛ a emu ye den na ɛbetɛna ho daa wɔ wɔne Awurade ntam. **26** Yosua kyereɛ eyinom nyinaa guu Onyankopɔn Mmara Nhoma no mu. Ɖfaa ɔbotan kese bi pirew kɔtoo odum dua bi a ɛɛben Awurade ntamadan no ase se nkae ade. **27** Yosua ka kyereɛ nnipa no se, “Saa ɔbotan yi ate biribiara a Awurade aka akyere yen no. Se moanni mo Nyankopɔn nokware a, ɛbeyɛ adansede atia mo.” **28** Afei, Yosua gyaa nnipa no kwan

maa obiara koo n'agyapade so. **29** Asem yi akyi, ankye na Nun babarima Yosua, Awurade somfo wui. Odii mfirihya oha ne du. **30** Wosiee no wo n'agyapade asase so wo Timnat-Sera a ewo Efraim bepaw asase so, wo Gaas Bepaw atifi fam. **31** Na Israel som Awurade wo Yosua, ne mpanyimfo a wanyinyin sen no a wohuu nea Awurade ye maa Israel won nkwa nna nyinaa mu. **32** Na wosiee Yosef nnompe a Israelfo de fi Misraim bae no wo Sekem wo asasetam bi a Yakob too no dwete mpaw oha fii Hamor mmabarima nkyen no so. Na saa asase yi wo Efraim ne Manase mmusuakuw a woye Yosef asefo asase kyefa a wode maa won no so. **33** Aaron babarima Eleasar nso wui. Wosiee no wo Efraim bepaw asase no so wo Gibeas kurow no a na wode ama ne babarima Pinehas no mu.

Atemmufo

1 Yosua wu akyi no, Israelfo bisaa Awurade se, “Abusuakuw ben na eɛe se wɔkɔtow hye Kanaanfo no so kan?” **2** Awurade buae se, “Yuda na eɛe se ɔkɔ; mede asase no sodi ahye wɔn nsam.” **3** Enti Yuda ntuanofɔ no ka kyeree wɔn nuanom Simeon abusuakuw no se, “Mommeka yen ho na yenko ntia Kanaanfo a wote asase a wode ama yen no so. Yen nso, yebeboa mo ama moako afa mo asase.” Enti Simeonfo mmarima no ne Yudafo no kɔe. **4** Bere a Yuda kɔ wɔn so no, Awurade ma wodii Kanaanfo ne Perisifo no so nkonim, na wokunkum atamfo akofo mpem du wɔ Besek. **5** Besek hɔ, wɔne ɔhene Adoni-Besek hyiae, na wɔko tiaa no, dii Kanaanfo no ne Perisifo no so nkonim. **6** Adoni-Besek guanee, nanso ankye na Israelfo kɔkyeree no twitwaa ne nsa ne ne nan kokurobeti. **7** Emaa Adoni-Besek kae se, “Bere bi, na mewɔ Ahemfo aduɔson a wɔatwitwa wɔn kokurobeti na wɔbetasee mporoporowa wɔ me didipon ase. Afei, Awurade atua me nea meyeɛ wɔn no so ka.” Wode no kɔ Yerusalema na owui wɔ hɔ. **8** Yuda mmarima no tow hyee Yerusalema so, dii so nkonim. Wokunkum kuropɔn no so nnipa nyinaa, too mu gya. **9** Eno akyi, wɔdan faa anafo fam, kɔtow hyee Kanaanfo a wɔtete bepɔw asase, Negeb ne atɔe fam nkoko so no so. **10** Yuda bɔ wuraa Kanaanfo a na wote Hebron a kan no na wɔfre hɔ Kiriāt-Arba no mu, dii Sesai, Ahima ne Talmai so. **11** Wofi hɔ kotoaa nnipa a wote Debir a kan no na wɔfre hɔ (Kiriāt-Sefer no). **12** Na Kaleb kae se, “Mede me babea Aksa bema obi a ɔbetow ahye Kiriāt-Sefer kurow no so na wadi so no aware.” **13** Enna Kaleb nua kumaa Kenas babarima Otniel kɔfae. Enti Aksa beyee Otniel yere. **14** Aksa waree Otniel no, ɔka kyeree no se ommisa n’agya Kaleb na ɔmma wɔn asase nka nea wɔwɔ no ho. Ofi n’afurum so sii fam ara pɛ, Kaleb bisaa no se, “Asem ben? Den na menyɛ mma wo?” **15** Obuae se, “Ma me nhyira bio. Wɔdom me ama me asase wɔ Negeb, na mesɛ wo ma me asase a nsu wo so.” Enti Kaleb maa no atifi ne anafo nsubɔnten. **16** Bere a Yuda abusuakuw fii Yeriko no, Kenifo a woye Mose ase barima asefo ne wɔn kɔ Yuda sare no so. Wɔtenaa nnipa a wɔwɔ hɔ no mu wɔ beae bi a eɛen Arad a ɛwɔ Negeb. **17** Afei, Yuda ne Simeon ka bɔ mu ko tiaa Kanaanfo a wote Sefat no sɛe kurow no pasaa. Enti wɔtoo kurow no din Horma. **18** Eno akyi, Yuda ko faa nkuroɔn

Gasa, Askelon ne Ekron ne wɔn nsase a atwa wɔn ho ahyia. **19** Na Awurade ka Yuda nkurofo ho nti, emaa wɔfaa bepɔw nsase no. Nanso wɔantumi ampam nnipa a wote tataw so no amfi hɔ, efise na wɔwɔ nnade nteaseenam. **20** Wode Hebron kuropɔn maa Kaleb senea na Mose ahye ho bɔ no. Na Kaleb pam nnipa a na woye Anak mmabarima baasa no asefo no fii hɔ. **21** Benjamin abusuakuw no antumi ampam Yebusifo a na wote Yerusalema no. Enti ebisi nne yi, Yebusifo ne Benjamin nkurofo da so te Yerusalema. **22** Yosef asefo kɔtow hyee Bet-El kurow no so, na Awurade kaa wɔn ho. **23** Wɔsomaa akwansrafo kɔ Bet-El (a kan no na wɔfre no Lus) hɔ. **24** Wode nsemmissa puapuaa ɔbarima bi a na ofi kuropɔn no mu reba. Wɔka kyeree no se, “Kyere yen ɔkwan a wode kɔ kuropɔn no mu na yen nso, yebehu wo mmɔbɔ.” **25** Enti ɔkyeree wɔn kuropɔn no kwan ma wokokunkum kuropɔn no mu nnipa nyinaa, na wogyaw ɔbarima no ne n’abusuafo. **26** Akyiri no, ɔbarima no tutu kɔ Hetifo asase so. ɔkyekyeree kuropɔn wɔ hɔ. ɔtoo kuropɔn no din Lus. Na saa din no da kuropɔn no so de besi nne. **27** Manase abusuakuw no nso antumi ampam nnipa a na wote Bet-Sean, Taanak, Dor, Yibleam, Megido ne wɔn nkuraase no, efise na Kanaanfo no aka se, senea ete biara, eho ara na wɔpe se wɔtena. **28** Israelfo no nyaa ahɔɔden kakra no, wɔhyee Kanaanfo no ma woyee nnwuma se nkoa maa wɔn na wɔampam wɔn amfi asase no so. **29** Ephraim abusuakuw no nso antumi antu Kanaanfo a na wote Geser no enti Kanaanfo no kɔ so ne wɔn tenae. **30** Sebulon abusuakuw no antumi antu Kanaanfo a na wote Kitron ne Nahalol, nti wɔkɔ so ne wɔn tenae. Nanso wɔhyee wɔn ma woyee adwuma se nkoa. **31** Aser abusuakuw no nso antumi antu wɔn a na wote Ako, Sidon, Ahlab, Aksib, Helba, Afik ne Rehob. **32** Nokware, esiane se wɔantumi antu wɔn no nti, Kanaanfo no ɔɔso wɔ asase a Aserfo no te so no so. **33** Naftali abusuakuw no nso antumi antu wɔn a na wote Bet-Semes ne Bet-Anat. Mmom, Kanaanfo no ɔɔso wɔ asase a wote so no so. Nanso wɔhyee nnipa a wote Bet-Semes ne Bet-Anat ma woyee adwuma se nkoa maa Naftali nkurofo. **34** Dan abusuakuw no de, Amorifo hyee wɔn ma wotu kɔ bepɔw nsase no so na wɔamma wɔn amma tataw so hɔ. **35** Amorifo no sii wɔn adwene pi se, wɔbetena Heres bepɔw so wɔ Ayalon ne Saalbim, nanso Yosef asefo no yee den mmoroso no, wɔhyee Amorifo no ma woyee adwuma

se nkoa. **36** Na Amorifo hye fi Akrabbim atrapoe ko Sela na etoa so ko atifi fam.

2 Na Awurade bofo fi Gilgal koo Bokim de nkra koma Israelfo no se, “Miyii mo fii Misraim, de mo baa asase a mekaa ho ntam se mede bema mo agyanom no so. Mekae se, Meremmu m’apam a me ne mo aye no so. **2** Mo fam de ne se, mo ne nnipa a wote asase yi so no nnye apam biara na mmom mobesee won aforemuka nyinaa. Na aden nti na moanni me mmara nsem so? **3** Nea moaye yi nti, merempam nnipa a wotete mo asase so no. Wobeye mo nkyen mu nsae na won anyame nso aye mfiri a wasum ahintaw mo.” **4** Awurade bofo kasa wiee no Israelfo no suu dennen. **5** Enti wotoo beae ho din “Agyaadwotwa.” Na woboo afore wo ho maa Awurade. **6** Yosua gyaa nkurofo no kwan akyi no, mmusuakuw no mu biara kofaa n’agyapade a wode maa no se ne kyefa no. **7** Na Israelfo no som Awurade wo Yosua ne mpanyimfo a wanyinyin sen Yosua a wohuu nneema akese a Awurade ye maa Israel, Yosua nkwa nna nyinaa mu no. **8** Afei, Nun babarima Yosua, Awurade somfo wui a na wadi mfirihyia oha ne du. **9** Wosiee no wo ne wugyaw asase a na ewo Timnat-Heres, Ephraim bepaw asase no a ewo Gaas bepaw no atifi fam no. **10** Saa awo ntoatoaso no akyi no, awo ntoatoaso foforo nyin a na wonnim Awurade, na wonkae nneema akese a waye ama Israel no. **11** Na Israelfo no yee nea enye wo Awurade ani so, na wosom Baalim ahoni. **12** Wogyaw Awurade, won agyanom Nyankopon a oyii won fii Misraim no. Wodii anyame foforo akyi, som saa anyame no a eye nnipa a watwa won ho ahyia no dea. Na womaa Awurade bo fuwii. **13** Wogyaw Awurade akyidi, kosom Baalim ne Astoret ahoni. **14** Eyi maa Awurade bo fuw Israel, enti ode won hyee afowfo nsa, maa wowiaa won ahode. Otan won maa won atamfo a watwa won ho ahyia, na wantumi annyina won ano. **15** Bere biara a Israelfo beko oko no, Awurade ko tia won ma wodi nkogu, senea ohyee bo no. Enti won ho hiahiaa won papaapa. **16** Afei, Awurade pagyaw atemmufu ma wobegye Israelfo fii won atamfo nsam. **17** Nanso Israelfo no antie atemmufu no. Wokoo so de won ho boo anyame foforo, kotow won. Wotwee won ho ntem so fii won agyanom a wayee osetie maa Awurade mmara nsem no kwan so. **18** Bere biara a Awurade de otemmufu bi bedua Israel so no, na oka saa otemmufu no ho na ogye nnipa no fi won atamfo no nsam wo saa otemmufu no nkwa nna nyinaa mu. Efise Awurade

huu ne nkurofo a woredi won nya na worehu amane no mmobo. **19** Nanso atemmufu no wu akyi no, nnipa no san koo won bra bone no mu a, afei na wasesee sen won a wodii won anim kan no. Wodii anyame foforo akyi. Wokotow won, som won. Na wampe se wogyae won nnebonesem ne asobrakyee no. **20** Enti Awurade bo fuw Israel. Okae se, “Esiane se saa nnipa yi abu apam a me ne won agyanom yee so, na wapo me mmara nsem nti, **21** merempam aman a Yosua anni won so ansa na orewu no. **22** Meyee eyi de soo Israel hwee se wobetie Awurade senea won agyanom yee no.” **23** Eno nti na amma Awurade ampam aman no ntem so na wamma Yosua ammedi won nyinaa so no.

3 Awurade gyaw aman bi wo asase no so a na onam so pe se soo Israelfo a wonkoo Kanaan ko no bi da hwe. **2** Oyee saa de kyeree Israel nkyirimma a wonkoo oko da no senea wobenya akodi ho nimdee. **3** Saa aman no ni: Filistifo (won a na wohye Filistifo ahemfo baanum bi ase no), Kanaanfo nyinaa, Sidonfo, Hewifo a na wote Lebanon bepaw no so fi Baal Hermon bepaw ho de kosi Lebo Hamat. **4** Wogyaw saa nkurofo yi de soo Israelfo no hwee, pee se wohu se wobedi mmara a Awurade nam Mose so hye maa won agyanom no so ana. **5** Enti Israelfo no tenaa Kanaanfo, Hetifo, Amorifo, Perisifo, Hewifo ne Yebusifo no mu. **6** Na wodii won ho aware. Israelfo mmabarima no warewaree won mmabea na wode Israelfo mmabea nso maa won mmabarima aware. Na Israelfo no som won anyame. **7** Israelfo no yee nea eye Awurade ani so bone. Won were fii Awurade won Nyankopon, na wosom Baalim ahoni ne Asera nnua. **8** Awurade abufuw mu yee den tiaa Israel nti, ode won hyee Aramhene Kusan-Risataim nsam. Na Israelfo yee Kusan-Risataim nkoa mfirihyia awotwe. **9** Nanso Israelfo su free Awurade no, oyii obarima bi se ogyefo maa won. Ne din ne Otniel a oye Kaleb nua kumaa Kenas babarima. **10** Awurade honhom baa ne so, enti obegye Israel otemmufu. Oko tiaa Aramhene Kusan-Risataim na Awurade maa Otniel dii ne so nkonim. **11** Enti asomdwoe baa asase no so mfirihyia aduanan. Na Kenas babarima Otniel wui. **12** Bio, Israelfo no yee nea eye Awurade ani so bone, na eno nti, Awurade de tumi hyee Moabhene Eglon nsa ma odii Israel so. **13** Eglon boaboaa Amonfo ne Amalekfo ano ma wobekaa ne ho na wokotow hyee Israelfo so. Wodii won so, faa kuropon Yeriko. **14** Israelfo no som Moabhene Eglon mfirihyia dunwotwe.

15 Nanso Israelfo no su frɛ Awurade bio no, Awurade maa wɔn ogyefo. Ne din ne Ehud, Gera babarima a ɔye abenkumma na ofi Benjamin abusuakuw mu. Israelfo no somaa Ehud se ɔmfa wɔn sonkahiri sika nkɔma Moabhene Eglon. 16 Enti Ehud bɔɔ afoa anofanu a ne tenten ye nsateaa dunwɔtwe. Ɔde hyɛ ne srɛ nifa ho de siee n'atade mu. 17 Ɔde sonkahiri sika no brɛ Eglon a wayɛ kɛse tobonn no. 18 Ɔde sika no maa no wiee no, Ehud gyaa wɔn a na wɔso sika no kwan ma wɔkɔɔ fie. 19 Nanso bere a Ehud duu abo ahoni a ɛben Gilgal no, ɔsan n'akyi baa Eglon nkyen beka kyereɛ no se, "Mewɔ kokoamsem bi ka kyere wo." Enti ɔhene no maa n'asomfo no nyinaa yɛ dinn na ɔmaa wɔn nyinaa fii ɔdan mu ho. 20 Afei, Ehud kɔɔ Eglon nkyen. Na ɔte abansoro dan bi a emu dwo mu. Ehud ka kyereɛ no se, "Mewɔ asem bi a efi Onyankopɔn nkyen ka kyere wo!" Bere a ɔhene Eglon sɔre fii n'akongua mu ara pɛ, 21 Ehud de ne nsa benkum twee afoa a ɔde ahyɛ ne srɛ nifa ho no de wɔɔ ɔhene no yafunu mu. 22 Afoa no kɔɔ akyiri kosii se ne bona no mpo wuraa ɔhene no srade mu maa ɛso katae. Enti Ehud gyaa afoa no wɔ yafunu no mu maa ne nsono tu gui. 23 Afei, Ehud totoo apon no mu foroo agyanan dan no, faa ne asuten no mu guan kɔe. 24 Ehud kɔe akyi no, ɔhene asomfo no baa ho behuu se wɔatoto apon a ɛkɔ aban no so no mu. Na wodwen se ɔwɔ agyaneanba ho, 25 enti wɔtwenee. Wɔtwen ara na ɔhene no mma no, ehaw wɔn ma wɔkɔhwehweɛ safe bi. Na wobuee pon no, wohuu se wɔn wura awu da fam. 26 Bere a asomfo no retwen no, Ehud guan faa abo ahoni no so a ɔreko Seira. 27 Oduu Efraim bepɔw asase no so no, Ehud hyen torobento kyereɛ ɔman no se wɔmfa akode mmra. Enti odii Israelfo kuw bi anim sian bepɔw no. 28 Ɔka kyereɛ wɔn se, "Munni m'akyi. Awurade ama moadi Moabfo a wɔye mo atamfo no so nkonim." Enti wotu dii n'akyi. Israelfo no faa asubɔnten Yordan baabi a ɛhɔ nnɔ a wofi Moab twa. Ɛno nti na obiara ntumi mfa ho ntwaa Asubɔnten no. 29 Wɔtow hyɛ Moabfo no so. Wokunkum wɔn dɔmmarima no beye mpem du. Wɔn mu biara antumi anguan. 30 Enti Israelfo dii Moabfo so nkonim saa da no, na asomdwoe baa asase no so mfihiya aduwɔtwe. 31 Ehud akyi no, Anat babarima Samgar gyee Israelfo. Ɔde nantwika abaa kum Filistifo ahansia.

4 Ehud wu akyi no, Israelfo no yɛ bɔne wɔ Awurade ani so bio. 2 Enti Awurade de wɔn hyɛ Kanaanhene Yabin a na odi ade wɔ Hasor no nsa. Na ɔsahene a

otua n'akofo ano no din de Sisera a na ɔte Haroset-Hagoyim. 3 Na Sisera wɔ nnade nteaseenam ahankron, na ɔde atirimoden hyɛ Israelfo no so mfihiya aduonu. Afei Israelfo no su frɛ Awurade pɛ mmoa. 4 Debora a na ɔye Lapidot yere ne odiiyifoea na ɔbeyɛ Israelfo temmufo. 5 Na ɔtenaa Debora Abɛ Dua ase a ɛwɔ Rama ne Bet-El ntaa wɔ Efraim bepɔw asase no so. Ɛhɔ na na Israelfo no kɔ ma odi wɔn nsem. 6 Da bi, ɔsoma ma wɔkɔfrɛ Abinoam babarima Barak a na ɔte Kedes wɔ Naftali asase so. Ɔka kyereɛ no se, "Sɛ na Awurade, Israel Nyankopɔn hye wo se ye: Kɔboaboa akofo mpem du ano fi Naftali ne Sebulon mmusuakuw mu wɔ Tabor bepɔw so ho. 7 Mɛdaadaa Yabin nsraadɔm sahene Sisera ne ne nteaseenam ne akofo akɔ Asubɔnten Kison ho. Ɛhɔ na mɛma woadi ne so nkonim." 8 Barak ka kyereɛ no se, "Sɛ wo ne me beko de a, mɛka!" 9 Debora buaa no se, "Mate, me ne wo beko, nanso worennya anuonyam biara wɔ dwumadi yi mu, efise Awurade nkonimdi wɔ Sisera so no befi ɔbea nsam." Enti Debora ne Barak kɔɔ Kedes. 10 Kedes ho, Barak frɛfrɛ Sebulon abusuakuw ne Naftali abusuakuw mu nnipa nyinaa, na akofo mpem du ne no kɔe. Debora nso kaa wɔn ho kɔe. 11 Na Kenini Heber atwe ne ho a fi Kenifo a wɔye Mose akonta Hobab asefo no ho, akosi ne ntamadan wɔ dua kɛse bi a esi Saananim a ɛben Kedes no ho. 12 Bere a wɔka kyereɛ Sisera se Abinoam ba Barak aforo kɔ Tabor bepɔw so no, 13 ɔboaboa ne nnade nteaseenam ahankron ano ne n'akofo nyinaa, na wotu sen fii Haroset-Hagoyim kɔɔ Asubɔnten Kison ho. 14 Afei, Debora ka kyereɛ Barak se, "Ye ahoboa! Nne ne da a Awurade de Sisera so nkonimdi bema wo, efise, Awurade atu ɔsa adi w'anim." Enti Barak dii n'akofo mpem du anim sian Tabor bepɔw no kɔkɔe. 15 Bere a Barak tow hyɛ wɔn so no, Awurade maa huboa bɔɔ Sisera, ne nteaseenamkafo ne n'akofo no nyinaa. Ɛbaa saa no, Sisera huruw fii ne teaseenam mu sii fam guanee. 16 Barak nteaseenam ne ɔtamfo no nsraadɔm no ara kosii Haroset-Hagoyim, kunkum Sisera akofo no nyinaa. Anka wɔn mu baako mpo. 17 Sisera guan kɔhyɛ Kenini Heber yere Yael ntamadan mu, efise na Heber abusuafo ne Hasorhene Yabin wɔ ayɔnkofa. 18 Yael fii adi kohyiaa Sisera ka kyereɛ no se, "Owura, bra me ntamadan yi mu. Bra mu. Nsuro." Enti ɔkɔɔ ntamadan no mu ma ɔde nnaso kataa ne so. 19 Sisera ka kyereɛ no se, "Mesɛ wo, osukɔm de me nti ma me nsu." Enti ɔmaa no nufusu se ɔnnom, na

osan kataa ne so. **20** Sisera ka kyereɛ no se, “Gyina ntamadan no ano na se obi bebisa wo se obi wo ha a, ka se dabi.” **21** Nanso ɔbre nti, Sisera faa mu dae. Yael, a ɔye Heber yere, yee breɔo kɔɔ ne so. Ɔde asae ne pee na ekɔe. Ɔde pee no sii ne moma so de hama no bɔɔ so, kosii se ehwirew ne moma mu sii fam ma owui. **22** Bere a Barak baa se ɔrebhwehwe Sisera no, Yael pue behyiaa no. Ɔka kyereɛ no se, “Bra na menkyere wo ɔbarima a worehwehwe no no.” Enti, odii n’akyi kɔɔ ntamadan no mu kohuu Sisera se wawu da ho a pee si ne moma so. **23** Da no na Israel huu se Onyankopɔn adi Kanaanhene Yabin so nkonim. **24** Na eno akyi no, Israel nyaa ahɔɔden tiaa ɔhene Yabin ara kosii se akyiri no, wɔseɛe no.

5 Da no, Debora ne Abinoam babarima Barak too saa dwom yi: **2** “Israel mpanyimfo sɔre dii anim, na nnipa no de anigye dii wɔn akyi. Nhyira nka Awurade! **3** “Mo ahemfo, muntie! Monye aso, mo abirempon! Na mto dwom ama Awurade. Mema me nne so ama Awurade, Israel Nyankopɔn. **4** “Awurade, bere a wufii Seir, na wobɔ nsra faa EDOM mfuw so no, asase wosowee na ɔsoro omununkum tuee nsu. **5** Awurade ba no maa mmepɔw wosowee. Sinai Bepɔw mpo wosowee wo Awurade, Israel Nyankopɔn anim. **6** “Anat ba Samgar ne Yael bere so, nnipa amfa atempon so, na akwantufo faa anammɔnkwan kɔntɔnkye so. **7** Nnipa kakra na wɔkaa Israel nkuraa kosii se Debora sɔree se ena maa Israel. **8** Bere a Israel som anyame foforo no, ɔko sɔree kuropon no apon ano. Nanso wɔanhu nkatabo anaa peaw wo akofo mpem aduanan a wɔwɔ Israel mu! **9** Mewɔ Israel ntuanofa afa ne wɔn a wɔde anigye dii wɔn akyi. Hyira Awurade! **10** “Mo a motete afurum a wote apow so, tete nsaa a eye fe so, muntie! Ne mo a ese se monantew fam nso, muntie! **11** Muntie nkuraa nnwontofa a wɔaboa wɔn ho ano wo anomee. Wɔkeka Awurade trenɛe nkonimdi, ne ne nkuraasefo nkonimdi wo Israel ho asem. “Afei Awurade nkurofo bɔɔ nsra kɔɔ kuropon no apon ano. **12** ‘Sɔre! Debora, sɔre! Sɔre, sɔre na to dwom! Sɔre, Barak! Di wo nnduafu anim ko, Abinoam ba!’ **13** “Nkaefo no bɔɔ nsra fi Tabor kɔɔ ahɔɔdenfo so. Awurade nkurofo bɔɔ nsra kɔɔ akofo ahɔɔdenfo so. **14** Wofi Ephraim bae, asase a na kan no na eye Amalekfo dea, na Benjamin nso dii w’akyi. Asahene no bɔɔ nsra fii Makir; ɔsahene pemakurafo fi Sebulon bae. **15** Na Isakar mu atitiriw ka Debora ne Barak ho. Wodii Barak akyi, bo wuraa obon no mu. Nanso

Ruben abusuakuw mu de, wɔansi wɔn adwene pi. **16** Aden nti na wotena a fie wo nguanhwefo mu, tie nguanhwefo a wɔde hwirema fre wɔn nguan? Ruben abusuakuw mu, wɔansi wɔn adwene pi. **17** Gilead kaa Yordan apuei ho. Na Dan de, aden nti na ɔtenaa fie? Aser tenaa mpoano a wanka ne ho, ɔkaa n’ahyɛn gyinabea ahorow ho. **18** Nanso Sebulon too ne nkwa apemafo sɛnea Naftali yee wo akono no. **19** “Kanaan ahemfo koo wo Taanak a eben Megido asu ho, nanso wɔannya dwete asade biara anko. **20** Nsoromma fi soro koe. Nsoromma nam wɔn akwan so ko tiaa Sisera. **21** Asubɔnten Kison twee wɔn kɔe, tete asu, Kison. Me kra, fa akokoduru bo nsra ko w’anim! **22** Afei, apɔnko no tote pempem fam, wɔde mmirikatente, Sisera apɔnko ahɔɔdenfo no mmirikatente. **23** ‘Nnome nka Merosfo,’ Awurade bofo na ose. Ma nnome a ano ye den nka wɔn efise wɔammɛboa Awurade, wɔammɛboa Awurade anko antia akofo ahɔɔdenfo no. **24** “Nhyira nka Yael, Heber a ofi Keni yere. Ne nhyira nsen mmea a wɔtete ntamadan mu nyinaa. **25** Sisera sɔre nsu, na Yael maa no nufusu. Kuruwa a efata ahemfo no mu na ɔde nufusu ani sɔde breɛ no. **26** Afei, ɔde ne nsa benkum yii ntamadan pee, na ɔde ne nsa nifa faa odwumfo asae. Ɔde bɔɔ Sisera, petew ne ti. Ɔde pee no wɔɔ ne moma so, bɔɔ so kɔɔ ne tirim. **27** Ɔmemee, ɔhwee ase; owui wo ne nan ase. **28** “Sisera nena hwɛ mfensere mu; ɔtew mfensere mu hwɛ no kwan, ɔkae se, ‘Aden nti na ne teaseɛnam akye ba yi? Aden nti na yente teaseɛnam nhankare nnyigyei yi?’ **29** Ne mmea anyansafo no rema mmuae no, otii mu kaa saa nsem yi kyereɛ ne ho se: **30** ‘Wɔrekye asade a wonyae no, ɔbarima biara rennya ɔbea baako anaa baanu. Sisera rennya ntade a eye fe na me nso merennya ntade a ekura ahusu ahorow na wɔanwen mu fefe?’ **31** “Awurade, ma w’atamfo nyinaa nwu se Sisera! Nanso ma wɔn a wɔɔ wo no nkɔso se owigyinae.” Afei, asomdwoe baa asase no so mfirihyia aduanan.

6 Israelfo no yee nea eye Awurade ani so bɔne bio. Eno nti, Awurade de wɔn hyee Midianfo nsa mfe ason. **2** Esiane se na Midianfo no ye atirimɔdenfo nti, Israelfo no guan kɔɔ mmepɔw so kɔpee hintabea wo abodan ne atu mu. **3** Bere biara a Israelfo duaa wɔn nnɔbae no, Midianfo, Amalekfo ne nnipa a wote apuei fam no kɔtow hye wɔn so. **4** Wɔbeyee atenaɛ wo wɔn asase no so see nnɔbae no fi Gasa a wɔannyaw Israelfo aduan biara. Wofaa nguan, anantwi ne mfurum. **5** Na atamfo dam yi de wɔn nyemmoa ne wɔn ntamadan

foro ba te se mmoadabi. Wotete yoma a wontumi nkan wɔn dodow so na woba. Na wotena asase no so kosi se so nneema nyinaa besa. **6** Enti Midianfo no maa ɔkɔm baa Israel. Afei Israelfo no su frɛ Awurade pɛ mmoa. **7** Bere a Midianfo no nti, Israelfo su frɛ Awurade no, **8** Awurade somaa odiyifo kɔ wɔn nkyen. Ɔkae se, “Asem a Awurade, Israel Nyankopɔn, ka ni: Miyii mo fii Misraim nkoasom mu. **9** Miyii mo fii Misraim tumi ne wɔn a wohye mo so nyinaa ase. Mepam mo atamfo de wɔn asase maa mo. **10** Meka kyereɛ mo se, ‘Mene Awurade, mo Nyankopɔn. Monnsom Amorifo a mote wɔn asase so no anyame.’ Nanso moantie me.” **11** Na Awurade bɔfo betenaa odupɔn a esi Ofra a eye Yoas a ofi Abieser abusua mu de no ase. Na Yoas babarima Gideon reporow awi wɔ nsakyiamoa ase se ɔde resie Midianfo no. **12** Awurade bɔfo yii ne ho adi kyereɛ Gideon, kae se, “Ɔmmarima, Awurade ka wo ho.” **13** Gideon buae se, “Owura, se Awurade ka yen ho a, aden nti na saa nsem yi nyinaa aba yen so? Na anwonwade a yen agyanom kaa ho asem kyereɛ yen no nso wo he? Woanka se, ‘Awurade yii yen fii Misraim ana?’ Nanso mprenpren de, Awurade agyaa yen de yen ahye Midianfo nsam.” **14** Na Awurade dan ne ho ka kyereɛ no se, “Fa ahɔɔden a wowɔ no kɔ na kogye Israelfo fi Midianfo no nsam. Me na meresoma wo.” **15** Gideon buae se, “Na Awurade, mɛye den agye Israelfo? M’abusua na eye mmerew koraa wɔ Manase abusukuw mu na me na misua koraa wɔ me fifo nyinaa mu.” **16** Awurade ka kyereɛ no se, “Meka wo ho. Wobesee Midianfo no senea woressɛ onipa baako.” **17** Gideon buae se, “Se wobɛboa me ampa ara de a, ye nsenkyerenne bi ma minhu se, nokware, eye wo Awurade na wɔrekasa kyere me yi. **18** Nko, kosi se mesan m’akyi aba de m’afɔrebɔde abre wo.” Awurade buae se, “Metena ha atwen kosi se wobɛba.” **19** Gideon yee ntɛm kɔ fie. Okosiesie abirekyi ba, too brodo asikresiam lita aduonu mmienu a mmokaw nni mu. Afei, ɔsoaa nam no wɔ kenten mu a nkwan no nso wɔ esen bi mu de bae. Ɔde brɛ ɔbɔfo no wɔ odupɔn no ase. **20** Awurade bɔfo no ka kyereɛ no se, “Fa nam no ne brodo a enkae no gu ɔbotan yi so na hwie nkwan no gu so.” Na Gideon yee nea ɔbɔfo no kyereɛ no se ɔnye no. **21** Afei, Awurade bɔfo no de pema a okura no kaa nam ne brodo no, na ogya pue fii ɔbotan no mu hyew nea ɔde bae no nyinaa. Na ɔbɔfo no yerae. **22** Bere a Gideon huu se eye Awurade bɔfo no, ɔteɛ mu se, “Asafo Awurade, mahu Awurade bɔfo anim ne

anim.” **23** Awurade buae se, “Nsuro na worenwu.” **24** Na Gideon sii afɔremuka wɔ ho maa Awurade na ɔtoo no din “Awurade Ye Asomdwoe.” Afɔremuka no da so wɔ Ofra a eye Abieserfo abusua asase so de besi nne. **25** Anadwo no, Awurade ka kyereɛ Gideon se, “Kyere nantwinini a odi mu, ɔto so abien na wadi mfe ason fi w’agya anantwi mu. Dwiriw w’agya afɔremuka a osi maa Baal no, na twa Asera dua a esi nkyen no. **26** Afei, si afɔremuka wɔ bepɔw yi so ma Awurade, wo Nyankopɔn. Hyehye afɔremuka abo no yiye. Fa nantwinini bɔ ɔhyew afɔre wɔ afɔremuka no so. Fa Asera dua a wutwae no nnyansin ye ogya.” **27** Enti Gideon faa n’asomfo du de wɔn yee senea Awurade hyee no no. Nanso ɔyee no anadwo, efise na osuro n’agya fifo ne kurow mma no. Na onim nea ebesi, se wohu onipa a ɔyee saa ade no a. **28** Ade kyee anɔpahema a kurow no mu nnipa fitii ase nyanyanee no, obi huu se wɔadwiriw Baal afɔremuka no agu, na Asera dua a esi ho no nso, wɔatwa akyene na wɔasi afɔremuka foforo asi anan mu. Na wohuu afɔrebɔde bi nkae wɔ so. **29** Ɔmanfo no bisabisaa wɔn ho wɔn ho se, “Hena na ɔyee eyi?” Wobisabisae, too wɔn bo ase hwehwɛe mu no, wohuu se Yoas babarima Gideon na ɔyee saa. **30** Ɔmanfo no teeɛ mu guu Yoas so se, “Fa wo babarima no bra. See a ɔseee Baal afɔremuka ne twa a otwaa Asera dua no nti, ese se owu.” **31** Nanso Yoas teeɛ mu guu nnipakuw no so se, “Aden nti na mugye Baal ti? Mubetumi aka n’asem ama no ana? Obiara a obegye ne ti no, wobekum no ansa na ade akye. Se Baal ye onyame bi ampa ara a ɔno ara nni mma ne ho na onkum nea odwiriwii n’afɔremuka no!” **32** Efi saa bere no reko no, wɔfrɛ Gideon Yerub-Baal a nkyerease ne “Baal nni mma ne ho,” efise ɔno ara na odwiriwii Baal afɔremuka no gui. **33** Afei, Midianfo nyinaa, Amalekfo nyinaa ne nnipa a wofifi apuei fam no kaa wɔn ho bɔɔ mu tia Israel. Wotwaa Yordan, kɔbɔɔ atenae wɔ Yesreel bon mu. **34** Awurade honhom baa Gideon so na ɔbɔɔ torobento de frɛ ɔm. Mmarima a wofi Abieser abusua mu no baa ne nkyen. **35** Ɔsomaa ɔbɔfo kɔɔ Manase, Aser, Sebulon ne Naftali nyinaa mu kɔfrɛ wɔn asraafo, na wɔn nyinaa penee so. **36** Gideon ka kyereɛ Onyankopɔn se, “Se wonam me nsa so begye Israel senea woahye bɔ no a, **37** fa saa kwan yi so kyere me, mede oguan nwi bekata awiporowbea ho anadwo yi. Se obosu fɔw oguan nwi no, na se eho amfow a, na mahu se ampa ara, wonam me nsa so begye Israel senea woahye ho bɔ no.” **38**

Na saa na ebae. Gideon sɔree adekyee kyii oguan nwi no, onyaa nsu ade ma. **39** Afei, Gideon ka kyeree Onyankopɔn se, “Mma wo bo mfuw me. Ma mimmissa ade baako. Ma memfa oguan nwi no nso biribi nhwe. Saa bere yi de, ma oguan nwi no nye wosee na baabi a eɔa ho no nyinaa mfɔw.” **40** Anadwo no, Onyankopɔn yee sɛnea Gideon bisae no. Anɔpa no oguan nwi no yee wosee a na obosu afɔw fam ho nyinaa.

7 Anɔpahema, Yerub-Baal (a ɔne Gideon) ne n'akofo kɔo ara kosii Harod asu ho. Midian asraafo nso bɔo tukuw wɔ atifi fam wɔ obon bi a eɛn More bepɔw no. **2** Awurade ka kyeree Gideon se, “Akofo a wɔka wo ho no dɔɔso dodo. Sɛ mema mo nyinaa ko tia Midianfo a, Israelfo no behoahoa wɔn ho akyere me sɛ wɔn ara nam wɔn ahoɔden so na wogyee wɔn ho sii ho. **3** Eno nti, ka kyere nnipa no se, ‘Obiara a ɔye bɔtee anaa osuro no, onyi ne ho mfi mu na ɔnko fie.’” Wɔn mu mpem aduonu abien na wɔkɔo fie, na ekaa wɔn mu mpem du a wɔpɛe sɛ wɔbeko. **4** Nanso Awurade ka kyeree Gideon se, “Wɔdɔɔso ara. Fa wɔn bra asu no ho na mesa wɔn mu ayi wɔn a wo ne wɔn beko ne wɔn a wɔne wo renko.” **5** Bere a Gideon de n'akofo no kɔo asu no ho no, Awurade ka kyeree no se, “Kye nnipa no mu akuw abien. Fa nnipa a wɔbɔ nsu gu wɔn nsam na wɔde wɔn tɛkrema taforo no sɛ akraman no kɔ kuw baako mu. Kuw a eto so abien no nso, fa wɔn a wɔbu nkotodwe de wɔn ano nom nsu wɔ asuwa mu no hye mu.” **6** Mmarima no mu ahaasa pɛ na na wɔnom nsu fi wɔn nsa mu. Wɔn a aka no nyinaa nso, na wɔbu nkotodwe de wɔn ano nom nsu fi asuwa no mu. **7** Awurade ka kyeree Gideon se, “Menam saa mmарima ahaasa yi so begye mo, na mama moadi Midianfo no so nkonim. Ma wɔn a aka no nyinaa nko fie.” **8** Enti Gideon gyigyee wɔn akwansoduan ne ntorobento fii akofo no nkyen ma wɔkɔo fie. Enna ɔmaa mmарima ahaasa no kaa ne nkyen. Na Midianfo no atenaе wɔ obon a ɛwɔ Gideon ase pɛɛ. **9** Anadwo no, Awurade kae se, “Sɔre! Kɔ Midianfo no atenaе no mu wɔ ase ho, na mema mo adi wɔn so nkonim! **10** Na sɛ wusuro sɛ wɔbeko akɔtow ahye wɔn so a, wo ne wo somfo Pura nko ho. **11** Tie nea Midianfo no reka na ebehye wo nkuran. Na wo ho bepere wo ama wɔtow ahye wɔn so.” Enti Gideon faa Pura kaa ne ho ne no kɔo atamfo no atenaе no mfikyiri. **12** Saa bere no na Midianfo, Amalekfo ne nnipa no nkae a wofifi apuei fam no abefɔre so te sɛ mmoadabi wɔ obon no mu. Na

wɔn yoma nso dodow te sɛ mpoano nwea. Wɔdɔɔso dodo! **13** Gideon weawea koduu ho no, na obarima bi reka ne dae a ɔsoo akyere n'adamfo bi se, “Mesoo dae na brodo kurukuruwa bi atew abehwe Midianfo atenaе. Ekɔpem ntamadan no bi na ebu faa so ma ekɔhwee ase.” **14** N'adamfo no kae se, “Wo dae no kyere ade baako pɛ. Onyankopɔn de Midian ne ne dɔm nyinaa so nkonimdi ahye Yoas babarima Gideon, Israelni no nsa.” **15** Bere a Gideon tee dae no ne ne nkyerease no, ɔkotow sɔree Onyankopɔn. Ɔsan baa Israel atenaе mu tee mu se, “Monsɔre! Awurade de Midianfo ahye mo nsa.” **16** Ɔkyee mmарima ahaasa no mu akuwakuw abiesa. Ɔde ntorobento ne dɔte kuruwa a ogyaten hyehye mu maa wɔn. **17** Afei, ɔka kyeree wɔn se, “Monhwe me. Munni m'akyi. Sɛ midu atenaе no mfikyiri a, nea meye biara no, monye bi. **18** Sɛ me ne wɔn a wɔka me ho nyinaa hyen ntorobento no a, mo a moatwa atenaе no ho ahyia no nyinaa, mo nso monhyen mo de na montee mu se, ‘Yeko ma Onyankopɔn ne Gideon.’” **19** Anadwo dasum a wɔasesa awemfo no awie pɛ, na Gideon ne mmарima ɔha a wɔka ne ho no koduu Midianfo atenaе mfikyiri. Mpofirim wɔhyen wɔn ntorobento no, bobɔo dɔte nkuruwa a na ehyehye wɔn nsam no. **20** Afei akuw abiesa no nyinaa hyen wɔn ntorobento bobɔo wɔn nkuruwa. Na wokurakura ogyaten a eredew no wɔ wɔn nsa benkum mu na wokurakura ntorobento wɔ wɔn nsa nifa mu, wɔtee mu se, “Awurade afoa ye Gideon afoa!” **21** Ɔbarima biara gyinaa n'afa wɔ atenaе no ho, hwɛ Midianfo no sɛ wɔabɔ huboa reteete mu na wɔreguan. **22** Bere a Israelfo ahaasa no hyen wɔn ntorobento no, Awurade maa wɔn atamfo akofo a wɔwɔ atenaе ho no twaa wɔn ho de afoa ne wɔn ho wɔn ho koe. Wɔn a wɔanwu no guan koduu Bet-Sita a eɛn Serera ne Abel-Mehola hye a eɛn Tabat so. **23** Afei, Gideon soma kɔfaa Naftali, Aser ne Manase akofo a wɔbeboa ma wɔtaa Midian nsraadɔm a wɔreguan no. **24** Gideon tuu abofo kɔo Ephraim mmepɔw aman no so kɔkae se, “Mommra mmetow nhye Midianfo so. Munhya wɔn wɔ Yordan aworoe so a ɛwɔ Bet-Bera ho no.” Na Ephraim mmарima no yee sɛnea wɔka kyeree wɔn no. **25** Wɔkyeree Oreb ne Seeb a na wɔye Midian asahene. Wokum Oreb wɔ Oreb botan so, na wokum Seeb nso wɔ Seeb nsakyiamoa ho. Na wɔkɔo so taa Midianfo no. Akyiri no, Israelfo no de Oreb ne Seeb ti no brɛ Gideon a na saa bere no ɔwɔ Yordan ho no.

8 Afei, Efraimfo no bisaa Gideon se, “Aden nti na woye yen saa? Aden nti na woreko atia Midian kan no, woamfre yen?” Na wone Gideon kasaa anibere so. **2** Na Gideon buaa won se, “Den na maye a mede betoto mo ho? Na Efraim bobbe aba a eka wo twabere akyi no nye nsen Abieser bobbe a wotewee nyinaa? **3** Onyankopon maa mudii Oreb ne Seeb a na woye Midian asahene no so. Den na matumi aye a ese eyi?” Efraim mmarima no tee Gideon mmuae no, won bo too won yam. **4** Gideon ne ne mmarima ahaasa no twaa Asubonten Yordan, ewo mu se na wabre de, nanso wotoa so taa atamfo no. **5** Woduu Sukot no, Gideon ka kyeree ntuanfo a wowo ho no se, “Momma m’akofo no aduan nni na wabre. Meretaa Midian ahemfo Seba ne Salmuna.” **6** Na Sukot ntuanfo no buae se, “Kyere Seba ne Salmuna ansa na yeama w’akofo no aduan adi.” **7** Gideon buae se, “Se Awurade ma midi Seba ne Salmuna so nkonim a, mesan aba de sare so nsae ne akraate abesunsuan mo honam ani.” **8** Na Gideon fii ho koo Penuel kosree aduan bio, na onyaa mmuae koro no ara. **9** Na oka kyeree Penuefo no se, “Se mifi nkonimdi mu ba a, meububu saa abantenten yi.” **10** Saa bere yi na Seba ne Salmuna ne akofo mpem dunum wo Karkor, abofo a wofi apuei fam a na emu mpem oha aduonu atoto dedaw no nkaefo. **11** Gideon faa atutenfo kwan a eda Noba ne Yogbeha apuei fam no ho hyiae, na wotow hyee Midian nsraadom a na won ani nna won ho so no so. **12** Midian ahemfo baanu a won din de Seba ne Salmuna no guanee, nanso Gideon taa won faa won akofo nyinaa nnommum. **13** Eyi akyi no, Yoas ba Gideon faa Heres tempom so sanee. **14** Eho na okyeree aberante bi a ofi Sukot. Ohyee no se onkyerew nnipa aduwon ason a woye sodifo ne ntuanfo a wowo kurow no mu no din mma no. **15** Afei, Gideon san koo Sukot koka kyeree eho ntuanfo no se, “Seba ne Salmuna ni. Yebaa ha no mudii me ho few, kae se, ‘Kyere Seba ne Salmuna ansa na yeama w’akofo a wabre no aduan adi.’” **16** Afei Gideon faa kurow no mu ntuanfo kyeree won nyansa. Ode sare so nsae ne akraate twee won aso. **17** Osan dwiriw Penuel abantenten no guu fam, kunkum kurow no mu mmarima nyinaa. **18** Afei, obisaa Seba ne Salmuna se, “Mmarima a mukum won wo Tabor no na wote den?” Wobuae se, “Mmarima no te se wo. Na won mu biara te se oheneba.” **19** Gideon ka kyeree won se, “Na woye me nuanom. Se Awurade te ase yi, se moankum won a, anka me nso merenkum mo.” **20** Odan n’ani

kyeree ne babarima panyin Yeter se, “Kum won.” Nanso Yeter antwe n’afoa, efise na oye abarimaa nti na osuro. **21** Seba ne Salmuna ka kyeree Gideon se, “Mma abarimaa nye opanyin adwuma! W’ankasa ye!” Enti Gideon kum won baanu, faa adehye agude a esensen won yoma kon mu no. **22** Na Israelfo no ka kyeree Gideon se, “Di yen so hene. Wo ne wo babarima ne wo nena beye yen ahemfo, efise woagye yen afi Midianfo nsam.” **23** Nanso Gideon buae se, “Merenni mo so hene na me babarima nso renni mo so hene. Awurade na obedi mo so.” **24** Mmom Gideon ka kyeree won se, mewo abisade baako. “Mo mu biara mma me asokaa baako a mofa fii asade a munya fii mo atamfo a mudii won so no nkyen.” (Atamfo a na woye Ismaelfo no na obiara hye sikakokoo asokaa). **25** Wobuaa se, “Yepene so dodo.” Wode nkataho sew fam. Na obiara de ne sikakokoo asokaa a onyae beguu so. **26** Na sikakokoo asokaa dodow a wonyae no kariii kilogram aduonu ne akyi pow anan a nyanne nketewa ne konmuade, Midian ahemfo adehye ahyehyede ne nkonsonkonson a egu won yoma kon mu nka ho. **27** Gideon de yee asofotade kronkron na ode sii kurow Ofra, ne kurow mu. Nanso ankye na Israelfo no kosom no de guu won ho fi na edan afiri maa Gideon ne ne fifo. **28** Eyi ne abasem a ekyere senea Israelfo dii Midianfo so nkonim a woutumi ansore bio. Gideon nna a etwa to beye mfe aduanan mu no, na asomdwoe wo asase no so. **29** Afei, Yoas babarima Yerub-Baal san koo ne kurom. **30** Na owo yerenom bebre nti owo mmabarima aduwon. **31** Na owo mpenna nso wo Sekem a one no woo obabarima, too ne din Abimelek. **32** Gideon wui no na wanyin yiye. Na wosiee no wo n’agya Yoas da mu wo Ofra wo Abieserfo abusuasase so. **33** Gideon wui ara pe, Israelfo no kosom Baal ahoni, de boo won ho ahohwi. Wonom so yee Baal-Berit won nyame. **34** Won were fii Awurade, won Nyankopon a ogyee won fii won atamfo a watwa won ho ahyia no nsam no. **35** Na mpo, wanni nokware ankyere Yerub-Baal (a one Gideon) fifo wo nneema pa a oye maa Israelfo no ho.

9 Da koro bi, Yerub-Baal babarima Abimelek koo Sekem kosraa ne wofanom a woye ne na nuabarimanom. Oka kyeree won ne ne na fifo nkae no se, **2** “Mummisa omanfo a wowo Sekem no se, wope se Yerub-Baal mmabarima aduwon no nyinaa di won so anaase wope se abarima baako di won so? Na monkae se meye mo bogya!” **3** Enti Abimelek wofanom gyinaa n’anan mu kasa kyeree nnipa a wowo Sekem

nyinaa. Na wotiee wɔn adwenkyere no, wɔpenee so faa Abimelek, efise ɔye wɔn busuani. **4** Wofaa dwete sika nnweteɓona aduwɔson fi Baal-Berit nsɔre so de maa Abimelek, na ɔde faa asraafo a wɔpenee so se wubedi n'akyi. **5** Ɔde asraafo no kɔɔ n'agya kurom wɔ Ofra. Na eho, ɔbo bi so, na okunkum n'agya mmabarima aduwɔson no nyinaa. Nanso ne nuanom mu akumaa koraa a wɔfre no Yotam no guan kɔtewee baabi. **6** Enti Sekemfo ne Bet-Milofo yee nhyiamu wɔ odupɔn a eɓen nkaedum a ewɔ Sekem no ase. Wosii Abimelek wɔn so hene. **7** Yotam tee asem yi no, oforo kɔɔ Gerisim bepɔw no atifi na ɔteɛ mu ka kyereɛ wɔn se, "Sekemfo muntie me! Se mope se Onyankopɔn tie mo de a, muntie me! **8** Bere bi, nnua nyinaa pɛe se wosi wɔn so hene. Nea edi kan no, wɔka kyereɛ ngodua se, 'Bedi yen so hene!' **9** "Nanso, wampene so kae se, 'Aden? Minnyae me ngo a wɔde hye Onyankopɔn ne nnipa anuonyam no, na minkokyinkyin nnua a aka so ana?" **10** "Afei, wɔka kyereɛ borɔɔɔma se 'Bedi yen so hene!' **11** "Borɔɔɔma nso buae se, 'Na minnyae aba sow na minkyin nnua aforɔ so?' **12** "Afei wɔka kyereɛ bobɛ se, 'Bedi yen so hene.' **13** "Na bobɛ no buae se, 'Se migyae me nsa pa a ema anyame ne nnipa anigye no ma a, na afei na merebekyin nnua bi so ana?' **14** "Ne korakora ne se, nnua no nyinaa ka kyereɛ nsɔe se, 'Bedi yen so hene.' **15** "Na nsɔe buae se, 'Se eye mo adwene kann se mode me besi mo so hene a, mommra mmehye me nwini yi ase. Se ente saa a, momma ogya mfi nsɔe mu mmehyew Lebanon sida nyinaa.' **16** "Afei mugye di se moaye nea eho wɔ nyam, na enam ne kwan mu se mode Abimelek asi mo so hene, na moaye Yerub-Baal ne n'asefo nyinaa apɛde. Moaye nea efata ama m'agya ana? **17** Na ɔko maa mo de ne ho bɔɔ aforɛ bere a ogyee mo fii Midianfo nsam no. **18** Na nne, moasɔre atia m'agya ne n'asefo, akunkum ne mmabarima aduwɔson wɔ ɔbo baako so. Mode Abimelek a ɔye ne somfobea babarima asi Sekem manfo so hene, se ɔye mo busuani nti. **19** Se moaye nea eho wɔ nyam na enam ne kwan mu ama Yerub-Baal ne n'asefo a, eno de mubenya ahosɛpɛw wɔ Abimelek mu na ɔno nso anya ahosɛpɛw wɔ mo mu. **20** Se nea moaye no mfa ne kwan mu de a, eno de, ogya mfi Abimelek nkyen mmehyew mo, Sekemfo ne Bet-Milofo. Na ogya nso mfi Sekemfo ne Bet-Milofo nkyen mmehyew Abimelek!" **21** Na esiane Abimelek ho suro nti, ne nuabarima Yotam guan kɔtenaa Beer. **22** Abimelek dii Israel so mfe abiesa akyi no, **23** Onyankopɔn somaa

honhom fi bi ma ɔde ɔhaw baa Abimelek ne Sekem mpanyimfo ntam na wɔtew atua. **24** Nsem a esisii akyi yi mu no, Onyankopɔn twee Abimelek ne Sekemfo aso se wokunkum Yerub-Baal mmabarima aduwɔson no. **25** Sekem mmabarima bi kɔtewee Abimelek wɔ mmepɔw atifi, na wɔbɔɔ obiara a otwaa mu wɔ ho no apoo. Nnipa bi kɔɔ Abimelek nkyen kotii n'ase. **26** Saa bere no, Ebed babarima Gaal ne ne nuabarimanom kɔɔ Sekem. Na Sekemfo no nyaa wɔn mu awerehyemu. **27** Bere a wɔredi Otwabere Afahye wɔ Sekem wɔ eho nyame bi nsɔree so no, bobesa buu so wɔ ho maa obiara fitii ase domee Abimelek. **28** Gaal teɛ mu se, "Hena ne Abimelek? Ɔnye Sekem aseni kann, na aden nti na ese se yeye n'asomfo? Ɔye Yerub-Baal babarima keke na Sebul na ɔtoto ne man ho nhyehyee ma no. Monsom nnipa a wofi Hamor, wɔn na wɔye Sekem asefo kann. Aden nti na ese se yesom Abimelek? **29** Se mewɔ tumi a, anka meyi Abimelek a fi ho. Anka meka akyere no se, 'Pe asraafo bebree bra beko!'" **30** Na Sebul a otua kurow no ano tee nea Gaal rekeka no, ne bo fuwii. **31** Ɔsomaɔ abɔfo kɔɔ Abimelek nkyen wɔ Aruma, kɔka kyereɛ no se, "Ebed babarima Gaal ne ne nuabarimanom abetena Sekem na wɔretu ɔmanfo no aso se wɔnsɔre ntia wo. **32** Fa asraafo bra anadwo betew mfuw yi mu. **33** Ade kyee ara pɛ, tow hye kuropon yi so. Na se Gaal ne n'apamfo ba betia wo a, nea wope biara wutumi ye wɔn." **34** Na Abimelek ne ne mmabarima kɔɔ anadwo no, na wɔkyee wɔn mu akuw anan de twaa Sekem ho hyiae. **35** Bere a Abimelek ne n'akofo pue fii ahintawee mu no, na Gaal gyina kurow no pon ano. **36** Bere a Gaal huu wɔn no, ɔka kyereɛ Sebul se, "Hwe, nnipa bi fi bepɔw no so rebal!" Sebul buae se, "Eye mmepɔw no sunsuma na aye se nnipa no." **37** Nanso Gaal san kae se, "Dabi, nnipa bi resian mmepɔw no. Na kuw foforo nso nam ɔkwan a efa Akɔmfo Dupɔn ho no rebal." **38** Afei, Sebul dan guu ne so se, "Anosem a na woye no ase ne den? Enye wo ara na wokae se 'Hena ne Abimelek, na aden nti na ese se yeye ne nkɔa' no? Enye nnipa yi na wudii wɔn ho few no? Kɔ na wo ne wɔn nkɔko!" **39** Enti Gaal dii Sekem mmabarima anim se wɔrekɔko atia Abimelek, **40** nanso odii nkogu na oguanee. Wokunkum Sekem akofo bebree sɛw wɔn afunu ketɛ wɔ ɔkwan a eko kuropon no pon ano no so. **41** Abimelek tenaa Aruma na Sebul pam Gaal ne ne nuanom mmabarima fii Sekem. **42** Ade kyee no, Sekemfo no kɔɔ wura mu se wɔrekɔko. Abimelek tee no, **43** ɔkyee ne mmabarima mu akuwakuw

abiesa ma wakatetew wura mu. Bere a Abimelek huu se nnipa no fi kuropon no mu reba no, one ne mmarima no fii won ahintawee mu tow hyee won so. **44** Abimelek ne ne kuw no kogye kuropon no pon ano ho fae senea ebeye a Sekemfo rentumi nsan won akyi. Afei, akuw abien tow hyee Sekemfo a wowo wuram ho no so kunkum won. **45** Oko no kaw so da mu no nyinaa ansa na Abimelek redi kuropon no so koraa. Okunkum nnipa no, see kuropon no, na opetee nkyene wo ho nyinaa. **46** Nnipa a wote Sekem abantenten mu tee asem a asi no, wokohintaw Baal-Berit nsoree so. **47** Obi kaboo Abimelek amannee se nnipa no bi aboa won ho ano wo nsoree so ho, **48** enti odii n'akofo anim kaw Salmon Bepow so. Ofaa abonnuwa twaa mman bi fii dua bi so na ode guu ne mmati so. Oka kyeree ne dom no se, "Ntem, nea maye yi, monye bi!" **49** Enti won mu biara twitwaa dua mman no bi, senea Abimelek yee no. Wobooa mman no ano wo nsoree so no afasu ho de ogya too mu. Enti nnipa a na wote Sekem abantenten mu a won dodow beye mmarima ne mmea apem no nyinaa wuwui. **50** Afei Abimelek tow hyee kuropon Tebes so dii so. **51** Nanso na abandennen bi wo kuropon no mu. Eno nti, kuropon no mu nnipa nyinaa guan kohyee mu. Wotoo won ho pon mu, foforo kaw abandennen no atifi pee. **52** Abimelek toaa won se okotow ahye abandennen no so. Oye n'adwene se oretu mu gya pe, **53** oboa bi a owo abandennen no atifi gyaa awiyammo mu ma ebewoo Abimelek moma so na epetew ne ti koraa. **54** Abimelek ka kyeree aberante a okura n'akode no se, "Twe w'afua na kum me! Na nnipa anka se obebasia na okum Abimelek!" Enti aberante no de n'afua woo no maa owui. **55** Bere a Abimelek nkurofo huu se wawu no, wode won akode guu ho san kaw won a fi mu. **56** Saa na Onyankopon twee Abimelek aso wo bone a oye de tiaa n'agya se okum ne nuabarimanom aduonon no. **57** Saa ara na Onyankopon twee mmarima a wowo Sekem aso wo won bone ahorow a woyee no ho. Eno nti, Yerub-Baal babarima Yotam nnome no baa mu.

10 Abimelek wu akyi no, Pua a oye Dodo aseni no babarima Tola ba begyee Israel. Na ofi Isakar abusuakuw mu, nanso otenaa Samir a ewo Ephraim bepowa asase no so. **2** Oye Israel so temmufo mfe aduonu abiesa. Owui no, wosiee no wo Samir. **3** Tola wu akyi no, Yair a ofi Gilead beyee Israel so temmufo mfe aduonu abien. **4** Na ne mmabarima aduasa tena won mfurum so kyinkyin, na wodi nkurow aduasa

so wo Gilead asase so, a ebese nne wofre ho Yair Nkurow. **5** Yair wui na wosiee no Kamon. **6** Bio, Israelfo yee Awurade ani so bone. Wosom Baal ne Astoret ahoni ne Aram, Sidon, Moab, Amon ne Filisti anyame. Wotwee won ho fii Awurade ho a wosom no koraa. **7** Enti Awurade bo fuw Israelfo, na ode won hyee Filistifo ne Amorifo nsa, **8** na wofii ase hyee won so saa afe no. Wohyee Israelfo a wowo Asubonten Yordan apuei fam wo Amorifo (wo Gilead) asase no so mfe dunwotwe. **9** Amorifo no nso twaa Yordan kaw atoe fam kotow hyee Yuda, Benjamin ne Ephraim so, Israelfo kaw ahokyere kese mu. **10** Afei Israelfo su free Awurade se, "Yeaye bone atia wo, efise yeatwe yen ho a fi yen Nyankopon ho na yeasom Baal ahoni." **11** Awurade buae se, "Mannye mo amfi Misraimfo, Amorifo, Amonfo, Filistifo, **12** Sidonfo, Amalekfo ne Maonfo nsam? Bere a wohyee mo so no, musu free me na migyee mo. **13** Nanso moagyaw me akosom anyame foforo. Eno nti, merennye mo bio. **14** Munkosu nkyere anyame a moafa won no. Momma wonnye mo bere a morehu amane yi." **15** Nanso Israelfo no kaw so sree Awurade se, "Yeaye bone. Twe yen aso senea efata. Nanso gye yen fi yen atamfo nsam nne." **16** Na Israelfo no tow ananafo anyame no guu nkyen besom Awurade. Na Awurade ho yeraw no wo won ahokyere no ho. **17** Saa bere no na Amonfo asraafo aboa won ho ano wo Gilead, se wrekotow ahye Israel asraafo so wo Mispa. **18** Na Gilead ntuanfo no keka kyeree won ho won ho se, "Obiara a obedi kan atow ahye Amonfo so no beye nea obedi Gileadfo nyinaa so."

11 Gileadni Yefta ye okofa kese. N'agya din de Gilead. Nanso ne na ye oboa guamanfo. **2** Gilead yere woo mmabarima bebee, na saa mmabarima no nyinyinii no, wopam Yefta fii asase no so. Woka kyeree no se, "Worennya yen agya agyapade biara, efise woye oboa guamanfo bi ba." **3** Enti Yefta guan fii ne nuanom nkyen kotenaa Tob asase so. Ankye, onyaa atuatawfo bebee bedii n'akyi. **4** Bere koro yi ara, Amonfo de oko bekaa Israel. **5** Bere a Amonfo tow hyee Israelfo so no, Gilead mpanyimfo soma kofaa Yefta fii Tob asase so bae. Woka kyeree no se, **6** "Bra na beye yen so osahene! Boa yen ma yene Amonfo nko." **7** Yefta bisaa won se, "Enye mo na motan me, pam me fii m'agya fi no? Aden nti na afei a mowo ohaw mu no, morebefre me?" **8** Gilead mpanyimfo no ka kyeree Yefta se, "Wo ho hia yen. Se wudi yen anim ma yeko

tia Amonfo a, yebeye wo Gileadfo nyinaa sodifo.” 9 Yefta buae se, “Se me ne mo ko na Awurade ma midi Amonfo so nkonim a, ampa ara se mode me beye nnipa no nyinaa sodifo ana?” 10 Gilead ntuanfo no buaa no se, “Awurade ne yen dansefo. Yebeye senea woka biara.” 11 Enti Yefta ne ntuanfo no ko Gilead. Na wode no yee won sodifo ne asahene. Na Yefta tii nsem no nyinaa mu wo Mispa wo Awurade anim. 12 Afei, Yefta somaa abofo ko Amonfo hene nkyen se wonkobisa no nea enti a oretow ahye Israel so. 13 Amonfo hene buaa Yefta abofo no se, “Bere a Israel fii Misraim bae no, wofaa m’asase a efi Asubonten Arnon de kosi Asubonten Yabok, toa so kosi Yordan. Enti san fa m’ade ma me asomdwoe mu.” 14 Na Yefta san somaa abofo ko Amonfo hene ho se, 15 “Senea Yefta se ni: Israel amfa Moab asase anaa Amonfo asase biara. 16 Bere a Israelfo tuu kwan fii Misraim, twaa Po Koko na wodu Kades no, 17 wosomaa abofo ko Edomhene ho se omma won kwan na womfa n’asase no so. Nanso Edomhene ampene. Wosoma ma wokoo Moabhene ho, nanso ono nso ampene. Enti, Israelfo tenaa Kades. 18 “Ne korakora ne se, wonam sare so twa faa Edom ne Moab ho hyiae. Wofaa Edom apuei fam hye so kyeree nsaban wo Asubonten Arnon fa ho. Nanso wantwa Asubonten Arnon anko Moab asase so. 19 “Afei, Israelfo somaa abofo ko Amorihene Sihon a odii ade fi Hesbon na wosree kwan se wape se wofa n’asase so ko baabi a woreko no. 20 Nanso esiane se na ohene Sihon nni Israelfo mu gyidi nti oboaboa ne dom ano wo Yahas ma wotow hyee won so. 21 “Na Awurade, Israel Nyankopon, maa ne nkurfo dii ohene Sihon so. Enti Israelfo faa Amorifo asase a na wote so wo amantam no mu, 22 fi Asubonten Arnon de kosi Asubonten Yabok, fi sare no so de kosi Yordan nyinaa dii so. 23 “Enti moahu, eye Awurade, Israel Nyankopon na ogyee asase no fii Amorifo nsam na ode maa Israel. Aden na ese se yede ma mo? 24 Nea mo nyame Kemos de maa mo no momfa, na yen nso, nea Awurade, yen Nyankopon de maa yen biara no yafa. 25 So wosen Mosen, Sipor babarima Balak a na oye Moabhene no? One Israel hamee anaa koe ana? 26 Na afei, mfe ahaasa akyi na woama saa asem yi so? Israel atena ha saa bere tenten yi, watrew a fi Hesbon asase so, akosi Aroer ne nkurow no nyinaa so, akofa Asubonten Arnon ano. Aden nti na mmere sann yi moanye mo adwene se mubegye asase yi? 27 Menyee mo bone. Mmom, mo na moaye me bone se motow hyee me so. Momma

Awurade a oye otemmufo no mmua nne, se yen mu hena na n’asem ye de? Israel anaa Amon.” 28 Nanso Amonhene amfa Yefta asem no asenhia. 29 Saa bere no, Awurade Honhom baa Yefta so maa okoo Gilead ne Manase nsase nyinaa so a, Mispa a ewo Gilead ka ho. Na odii asraafo anim tow hyee Amonfo so. 30 Na Yefta hyee Awurade bo. Okae se, “Se woma midi Amonfo so a, 31 mede ade a ebeki kan a fi me fi abehyia me bere a mede nkonimdi reba no, bema Awurade. Mede bema no se ohyew afore.” 32 Enna Yefta dii n’akofo anim tiaa Amonfo, na Awurade ma odii nkonim. 33 Odii Amonfo so pasaa, seee nkurow beye aduonu, fii Aroer de kosii baabi a eben Minit, koe ara kosii Abel-Keramim. Saa kwan yi so na Israelfo fa kaa Amonfo hyee. 34 Bere a Yefta fi akono ko ne fi wo Mispa no, ne babea, a oye ne ba koro no, tuu mmirika behyiaa no a oret akasae, na anigye nti, orewa. 35 Yefta huu no no, ode awerehow sunsuan ne ntade mu, teee mu se, “Ao, me ba! Woabre me ase na matetew apansam. Na maka Awurade ntam na merentumi mmu so.” 36 Ne babea no buae se, “M’agya, woahye Awurade bo. Ye me senea woahye bo no, efise Awurade ama woadi w’atamfo a woye Amonfo no so nkonim. 37 Nanso nea edi kan no, ma memforo mmepow nkokyinkyin so na me ne me nnamfonom nsu asram abien, efise mewu se ababaa a minhuu obarima da.” 38 Yefta ka kyeree no se, “Wutumi ko.” Enti omaa no ko kodii asram abien. One ne nnamfonom ko mmepow no so kosui, efise orennya mma. 39 Bere a osan baa fie no, n’agya dii ne bohye so. Enti owui se ababaa a onhuu obarima da. Eyi abeye amanne wo Israel 40 ama Israel mmabun se afe biara wobeko baabi akodi nnaanan na woakosu Yefta babea no nkrabea.

12 Efraim abusuakuw no boaboa asraafo ano twa ko Safon. Wode nkra yi koma Yefta: “Aden nti na woansoma ammekaa ankyere yen se yemmeboa mo nko ntia Amonfo? Yerebehew wo ne wo fi nyinaa pasaa!” 2 Yefta buae se, “Mansotwe no mfiase no, mefree mo, nanso moamma. Moammeboa annye me wo Amonfo nsam. 3 Mede me nkwa too me nsam kokoe a monnka ho, nanso Awurade ma midii Amonfo so nkonim. Na aden nti na afei woaba se wo ne me rebeko?” 4 Efraimfo ntuanfo no buae se, “Gileadfo nye nnipa biara se aguanfo a wofi Efraim ne Manase.” Enti Yefta free n’akofo; wotow hyee Efraimfo so, dii won so nkonim. 5 Yefta ko faa Yordan aworo so. Bere biara a oguanfo bi a ofi Efraim pe se ofa ho guan ko

n'akyi no, Gileadfo no bisa no se, "Wufi Ephraim abusua mu ana?" Se obarima no bua se, "Dabi" a, 6 woka kyere no se, onka "Sibolet." Se ofi Ephraim a, aka, "Sibolet," Efise nnipa a wofi Ephraim no ntumi nka saa asem no yiye. Se eba saa a, na wokyere no akokum no wo Asubonten Yordan aworoe so ho. Enti Ephraimfo mpem aduanan abien na wokunkum won saa bere no. 7 Yefta yee Israel so temmufo mfe asia. Owui no, wosiee no wo Gilead nkurow no baako so. 8 Yefta akyi no, Ibsan na obeyee otemmufo wo Israel. Otenaa Betlehem. 9 Na wo mmabarima aduasa ne mmabea nso aduasa. Omaa ne mmabea no wareware fii mmusua foforo mu. Ne mmabarima no de, ofaa mmabun aduasa fii mmusua foforo mu ma wobewarewaree won. Ibsan buu Israel aten mfe ason. 10 Owui no, wosiee no wo Betlehem. 11 Ibsan akyi no, Elon a ofi Sebulon na obeyee otemmufo wo Israel. Obuu Israel aten mfe du. 12 Bere a owui no, wosiee no wo Ayalon, Sebulon asase so. 13 Elon wu akyi no, Hilel babarima Abdon a ofi Piraton na obeyee otemmufo wo Israel. 14 Onyaa mmabarima aduanan ne nananom aduasa a na won mu biara tena mfurum so. Oye otemmufo wo Israel mfe awotwe. 15 Owu ma wosiee no wo Piraton wo Ephraim asase a ewo Amalekfo bepaw asase no so.

13 Bio, Israelfo no yee nea eye bone wo Awurade ani so, enti Awurade de won hyee Filistifo nsam ma wohyee won so mfe aduanan. 2 Saa bere no, obarima bi tenaa Sora a ne din de Manoa a ofi Dan abusukuw mu. Na ne yere nnya awo, enti na wonni mma. 3 Awurade bofo yii ne ho kyeree Manoa yere kae se, "Ewo mu se wonwoe de, nanso enkye worebenyinsan na woawo obabarima. 4 Ense se wonom bobesa anaa nsa a ano ye den biara. Na nni biribiara nso a eye akyiwade. 5 Wubenynsant na woawo obabarima, na hwe se oyiwan renka ne ti, efise ese se oye Nasareni a woyi no asi ho ama Onyankopon fi awo mu. Obegye Israel afi Filistifo nsam." 6 Obea no de mmirika koo ne kunu nkyen koboo no amannee se, "Onyankopon nipa bi yii ne ho adi kyeree me. Na ote se Onyankopon abofo no mu baako a ne ho ye hu yiye. Mammisa no baabi a ofi bae, na ono nso amma ne din ankyere me. 7 Nanso aka kyeree me se, 'Wubenynsant na woawo obabarima. Enti nnom bobesa anaa nsa a ano ye den na nni biribiara a eye akyiwade. Na wo babarima no beye obi a woyi no asi ho ama Onyankopon se Nasareni fi awo mu kosi bere a obewu.'" 8 Na Manoa boo Awurade mpae se, "Ao Awurade, mesre wo, ma Onyankopon

nipa no nsan mmra yen nkyen na ommekyere yen nhyehyee a efa abarimaa a wobewo no no ho." 9 Onyankopon tiee Manoa. Obofo no yii ne ho adi kyeree no bio wo bere a wo afum. Nanso na ne kunu Manoa nka ne ho wo ho. 10 Obea no yee ntem koboo ne kunu amannee se, "Obarima a oyii ne ho adi kyeree me da no aba bio!" 11 Manoa yee ntem dii ne yere akyi. Oduu obarima no ho no, obisaa no se, "Wo na wokaa biribi kyeree me yere no ana?" Obuae se, "Yiw, eye me." 12 Enti Manoa bisaa no se, "Se nsem a woaka no ba mu a, mmara ben na ewo ho fa abarimaa no asetena ne n'adwumaye ho?" 13 Awurade bofo no buae se, "Hwe se wo yere bedi nhyehyee a mekyeree no no so. 14 Ense se odi bobe anaa biribiara a efi bobe mu. Ense se onom bobesa anaa nsa a ano ye den. Ense se odi aduan biara a eye akyiwade." 15 Enti Manoa ka kyeree Awurade bofo no se, "Mesre wo, tena ha kosi se yeibesiesie abirekyi ba bi ama woadi ansa na woako." 16 Awurade bofo no buae se, "Metena, nanso, merenni biribiara. Mmom, mutumi siesie ohyew afore se aforebode de ma Awurade." (Na Manoa anhu se oye Awurade bofo.) 17 Afei, Manoa bisaa Awurade bofo no se, "Wo din de den? Se nsem yi nyinaa ba mu a, yeye se yehye wo anuonyam." 18 Awurade bofo no bisaa no se, "Aden nti na wubisa me din? Se mebo me din kyere wo a, worenta ase." 19 Afei, Manoa faa abirekyi ba no ne aduan aforebode de boo afore wo obotan bi so maa Awurade. Na Manoa ne ne yere rehwe no, Awurade yee anwonwade bi. 20 Ogyaframa a ewo aforemuka no mu no tee koo wim no, Awurade bofo no faa mu foro koe. Na Manoa ne ne yere huu saa no, wode won anim butubutu fam. 21 Obofo no anyi ne ho adi bio ankyere Manoa ne ne yere. Afei, Manoa huu se eye Awurade bofo, 22 na aka kyeree ne yere se, "Yebewuwu, efise yeha Onyankopon!" 23 Nanso ne yere kae se, "Se Awurade bekum yen a, anka wannye yen ohyew afore ne aduan afore no. Anka orenyi ne ho adi nkyere yen, nka anwonwasem nkyere yen, nye saa anwonwade yi nso." 24 Obea no woo ne babarima no, wotoo ne din Samson. Na abofra no renyin no, Awurade hyiraa no. 25 Na bere a wo Mahane Dan a ewo Sora ne Estaol ntam no, Awurade Honhom fii ase baa ne so.

14 Da bi a na Samson wo Timna no, ohuu Filistini ababaa bi. 2 Osan koo fie no, aka kyeree n'agya ne ne na se, "Mahu Filistini ababaa bi wo Timna a

mepe se meware no.” **3** N’agya ne ne na ampene so kaa no anibere so se, “Enti yen abusua yi mu anaa Israelfo yi mu, oɛa baako mpo nni mu a wutumi ware no? Aden na eɛe se woko Filistifo abosonsomfo mu kɔhwehwe ɔyere?” Nanso Samson ka kyereɛ n’agya se, “Kɔye ne ho ade ma me. Ono ara na mepe.” **4** N’agya ne ne na anhu se Awurade na ɔreye n’adwuma, rehwehwe akwannya bi a ɔbɛfa so atia Filistifo a saa bere no na wodi Israelfo so. **5** Samson ne n’awofo reko Timna no, gyata ba bi tow hye Samson so wɔ bea bi a eben Timna bobɛ nturo. **6** Amono mu ho ara, Awurade Honhom baa ne so wɔ ahoɔden mu, na ɔde ne nsa hunu wae gyata no abogyɛ. Ɔwae te se nea ɔrewae abirekyi ba bi abogyɛ. Nanso wanka nea ɔyee yi ankyere n’awofo. **7** Samson duu Timna no, ɔne ɔɛa no kasae, na n’ani gyee ne ho. **8** Akyiri no a ɔresan ako Timna akohyia ayeforo no, ɔman kɔhwee gyata no funu no. Ohuu se nnowa kuw akɔye ewo wɔ mu. **9** Okotii ewo no bi dii wɔ kwan so. Ɔmaa n’awofo no bi ma wodii. Nanso wanka ankyere wɔn se onyaa ewo no wɔ gyata funu no mu. **10** Afei, bere a n’agya reye ahoboa ama awaregye no, Samson too pon wɔ Timna, senea amanne kyere saa bere no. **11** Wotoo nsa frɛ mmerante aduasa a wofi kurow no mu se wɔmmɛka ne ho. **12** Samson ka kyereɛ wɔn se, “Momma menka aborɔme bi nkyere mo. Se nnanson aponto yi mu, mutumi yi ano a, mɛma mo sirikyitam ntade aduasa ne ntade ahorow bi nso aduasa. **13** Se moantumi anyi ano nso a, mo nso mobɛma me sirikyitam ntade aduasa ne ntade ahorow bi nso aduasa.” Wɔka kyereɛ no se, “Ka aborɔme no ma yentie.” **14** Ɔkaa no se, “Nea odidi mu na wonya biribi a wodi; ɔhoɔdenfo mu na ade dɛdɛ fi ba.” Nnansa akyi no, na wontumi nyii ano. **15** Ne nnaanan so no, wɔkɔka kyereɛ Samson yere se, “Gye aborɔme no mmuae fi wo kunu ho ma yen, anye saa a, yeɛhyew wo ne w’agya fi ama wɔawu. Motoo nsa frɛ yen wɔ ha se morebesisi yen ana?” **16** Enti Samson yere de su baa ne nkyen bɛkae se, “Wonno me. Wotan me! Woaka aborɔme bi akyere me nkurofo, nanso wonkyereɛ me ase.” Samson buaa ne yere no se, “Saa ara na m’agya ne me na nso menkyereɛ wɔn ase ɛ. Na aden nti na eɛe se meka kyere wo?” **17** Enti osu guu ne so bere biara a ɔne no wɔ ho. Ɔkɔ so saa ara nna a aka na aponto no aba n’awie nyinaa. Nnanson so no, esiane haw a ɔhaw no nti, ɔkyereɛ no ase. Ono nso kaa aborɔme nkyerease no kyereɛ mmerante no. **18** Na nnanson so, ansa na

owia rebɛto no, kurow no mu mmarima baa Samson nkyen bɛkyereɛ no ase se, “Den na eye dɛ sen ewo? Den na ewo ahoɔden sen gyata?” Samson buaa wɔn se, “Se mo ne ɔfatwafo no antu agyina a, anka morennya aborɔme no nkyerease.” **19** Afei, Awurade Honhom de ahoɔden kese bi baa ne so. Ɔkɔ Askelon kurow mu. Okunkum mmarima aduasa faa wɔn agyapade nyinaa. Ɔde wɔn ntade maa mmarima a woyii aborɔme no ano no. Na Samson bo annwo nea ebae no ho yiye nti ɔkɔ ne fi na ɔne n’awofo kɛtenae. **20** Enti wɔde ne yere no maa ɔbarima a na odi Samson nan ase wɔ wɔn ayeforohyia mu no aware.

15 Akyiri no, awitwabere mu no, Samson faa abirekyi ba se ɔde rekɔkye ne yere. Ɖpe se anka ɔkɔda ne nkyen, nanso ɔɛa no agya amma no mu kwan. **2** Ɖɛa no agya no kae se, “Medweneɛ se na wotan no, eno nti, mede no ama ɔbarima a na odi w’anan ase wɔ mo ayeforohyia mu no. Nanso hwe ne nuabea ho ye fe sen no. Ware no si anan.” **3** Samson kae se, “Saa bere yi, obiara rentumi mmɔ me sobo wɔ biribiara a mereɛye mo Filistifo ho.” **4** Afei ofii ho kɔe, kɔkyeree sakraman ahaasa. Ɔkyekyeree sakraman abien abien dua bɔ ho, na ɔkyekyeree ogyaten fam dua abien biara ho. **5** Ɖɔɔ ogyaten no na ɔmaa sakraman no tuu mmirika faa Filistifo mfuw mu. Ɖhyew wɔn awi nyinaa pasaa; nea wɔahyehye wɔ san so ne nea wontwae nyinaa. Ɖsee wɔn bobeturo ne ngonnua nyinaa. **6** Filistifo no bisae se, “Na hena na ɔyee saa amumɔye yi?” Wɔn ara buae se, “Eye Samson efise n’ase barima a ofi Timna de Samson yere ama ɔbarima a na odi ne nan ase wɔ wɔn ayeforohyia mu no aware.” Enti Filistifo no kɔkyeree ɔɛa no ne n’agya hyew wɔn ma wowuwui. **7** Samson suae se, “Esiane nea moaye yi nti, metua mo so ka na merennyaɛ ara da kosi se me bo bɛto me yam!” **8** Enti ɔde abufuw kɔtow hye Filistifo no so kunkum wɔn mu bebree. Afei, ɔkɛtenaa ɔbodan bi a ewo ɔbotan bi mu wɔ Etam. **9** Filistifo no nso kyeree nsraban wɔ Yuda see Lehi kurow no de tuua ne so ka. **10** Yuda mmarima bisaa Filistifo no se, “Aden nti na motow hye yen so saa?” Filistifo no buae se, “Yeaba se yereɛkyere Samson. Nea ɔyee yen no, yerebetua no so ka.” **11** Enti Yudafo mpensa kɔ ɔbodan a ewo ɔbotan mu wɔ Etam no se wɔrekɔkyere Samson. Wɔka kyereɛ Samson se, “Wunnim se Filistifo na wodi yen so? Den na woreye yen yi?” Nanso Samson buae wɔn se, “Nea wɔyeɛ me no na mituaa wɔn so ka.” **12** Nanso Yuda mmarima ka kyereɛ no se, “Yeaba

se yerebekyeyere wo na yede wo akoma Filistifo.” Samson kae se, “Monhye me bo se mo ankasa de, morenkum me.” **13** Wobuae se, “Yebekyeyere wo de wo akoma Filistifo. Yerenkum wo.” Enti wode hama foforo abien guu ne so kyekyeree no papee, twee no fii obotan no mu. **14** Samson duu Lehi no, Filistifo no boose. Na Awurade Honhom tumi mu ahooden baa Samson so. Otetew ahama a egu ne nsa so no mu te se nhoma nketewa bi a ogya aka, maa ne nyinaa tetew fii ne nsakon guu fam. **15** Afei, omaa afurum abogyee bi a na eda fam so de kunkum Filistifo apem. **16** Na Samson kae se, “Mede afurum abogyee, Ahore won se siw! Mede afurum abogyee, akunkum mmarima apem!” **17** Na owiee kasa no, otow abogyee no kyenee. Na wotoo beae ho din Ramat-Lehi a ase ne Abogyee bepaw. **18** Ebbaa se osukom dee Samson yiye nti osu free Awurade se, “Wonam w’akoa ahooden so adi saa nkonim kese yi. Na enti osukom nkum me, na minwu wo saa abosonsomfo yi nsam ana?” **19** Enti Awurade maa nsu pue fii tokuru bi mu wo Lehi asase so baabi. Na Samson nom bi no, ne ho san no. Na otoo ho din se En-Hakore, na eda so wo Lehi de besi nne. **20** Samson yee Israel so temmufo mfe aduonu; bere a na Filistifo di Israel asase so no.

16 Da bi, Samson koo Filistifo kuropon Gasa mu, na one ohea guamanfo bi kodaa anadwo no. **2** Ankye na kurowmma no tee se Samson wo ho, enti Gasa mmarima boaboa won ho ano na wotwen kurow no pon ano anadwo mu no nyinaa. Woyee komm anadwo no kae se, “Ade kye a yebekum no.” **3** Na Samson daa ho ara kosii dasu mu. Osore soo kurow no apon no ne n’aponnua abien mu hodwow no, na otutuu dade abaa a eda akyi ne nea ekeka ho nyinaa. Ode ne nyinaa guu ne mmati so, soa de koo bepaw bi a ene Hebron di nhweanim no atifi. **4** Akyiri no, Samson nyaa ohea bi wo Sorek bon no mu a na wofre no Delila. **5** Filistifo ntuanofa no koo ohea no nkyen koka kyeree no se, “Hwe se wobetumi adaadaa Samson ama wakyere wo nea ema onya ahooden saa ne senea yebetumi adi ne so, akyekyere no papee a yen mu biara bema wo nnwetebona du abien ne fa.” **6** Enti Delila ka kyeree Samson se, “Mesre wo kyere me nea ema wo ahooden saa ne nea ebeye a wobetumi akyekyere wo papee.” **7** Samson buaa no se, “Se obi de agyan so ahama ason a enwoe kyekyere me a, meye mmerew te se onipa biara.” **8** Enti Filistifo ntuanofa no de agyan so ahama ason a enwoe bre Delila ma ode kyekyeree Samson. **9**

Saa bere yi na ode mmarima ahintaw wo adan a ewo ne fi no baako mu; na otee mu se, “Samson, Filistifo no aba rebekyere wol!” Nanso otetew agyan ahama ason a enwoe no mu te se hama bi a wode aka ogya a edew. Enti wanhuh n’ahooden no ahintasem. **10** Akyiri no, Delila ka kyeree no se, “Wudii me ho few, twaa me nkontompo. Afei, mesre wo kyere me senea wobetumi akyekyere wo papee.” **11** Samson buaa no se, “Se wode ntampehama amono a womfa nnii dwuma biara da kyekyere me a, meye mmerew te se onipa biara.” **12** Enti Delila kofaa ntampehama amono de kyekyeree no. Saa bere no na mmarima no akotetew wo dan mu te se kan no. Bio, Delila teee mu free no se, “Samson! Filistifo aba se worebekyere wol!” Nanso Samson tetew ntampehama no mu fii ne nsa so te se asaawa bi. **13** Delila ka kyeree no se, “Wudii me ho few twaa me nkontompo! Worenkyere me senea wobetumi akyekyere wo papee ana?” Samson buaa no se, “Se wonwen me tinwi mmesa ason no bo ntama bamma a ewo w’akurokurowa no mu a, meye mmerew te se biara.” Enti odae no, Delila bo ne tinwi mmesa ason no **14** de bo ntama bamma a ewo akurokurowa no so. Bio, otee mu se, “Samson! Filistifo no aba rebekyere wol!” Eho ara, Samson nyanee, twee akurokurowa no yii ne tinwi no fii ntama bamma no mu. **15** Delila som n’ano kae se, “Wutumi ka se wodo me, wo bere a wonka wo kokoamsem nkyere me? Woadi me ho few mprensa, nanso wonkaa nea ema wo ahooden no nkyeree me e!” **16** Oguan ne ho adekyee biara kosii se afei na ne ho guan no. **17** Ne korakora no, Samson kaa n’ahintasem kyeree no se, “Wonyii me tinwi da, efise wode me maa Onyankopon se Nasareni fi awo mu. Se woyi me tinwi a, m’ahooden no befi me mu ama maye mmerew te se biara.” **18** Delila huu se afei de waka nokware akyere no no, osoma kofree Filistifo ntuanofa no se, “Mommra bio, efise waka biribiara akyere me.” Enti Filistifo ntuanofa no san won akyi kofaa sika no bae. **19** Delila defedefe Samson ma odae a, ne ti da ne sre so. Ofree obarima bi ba ma obeyii ne tinwi senea ne kyere no beye yiye. Na n’ahooden no fii ne mu. **20** Afei, otee mu se, “Samson! Filistifo no aba rebekyere wol!” Onyan no, okaa wo ne tirim se, “Meye senea kan no na meye no; mewosow me ho agye me ho.” Nanso na onnim se Awurade afi ne mu. **21** Na Filistifo no kyeree no, tutuu n’ani. Wode no koo Gasa na woguu no kobere mfrafrae mpokyerere ma oyam atoko wo afiase. **22** Nanso ankye na ne tinwi no fii ase fuwii. **23** Filistifo

ntuanoyo no hyee fa kese bi, baa afoe maa won nyame Dagon dii ahurusi kae se, “Yen nyame de Samson a oye yen tamfo no ahye yen nsam!” **24** Bere a nnipa no huu no no, wakamfoo won nyame kae se, “Yen nyame de yen tamfo ahye yen nsam; nea okunkum yen mu bebre no, yen nsa aka no!” **25** Nnipa no bow nsa kakra no, wohyee se, “Momfa Samson mmra na ommegeye yen ani.” Enti woyii Samson fii afiaase. Wode no gyinaa asoredan no mfimfini wo adum abien a ekura odan no nkuruso no ntam. **26** Samson ka kyeree osomfo a okura ne nsa rekyere no kwan no se, “Ma memfa me nsa nsuso adum abien no mu, na minnye m’ahome.” **27** Na nnipa ahye hyiadan mu ho ma to. Filistifo ntuanoyo no nyinaa wo ho bi. Na odan no so nkuruso no nso na mmarima ne mmea beye mpensa wo so a worehwe Samson na woredi ne ho few. **28** Na Samson su free Awurade se, “Otumfo Awurade, kae me bio. Onyankopon, mesre wo ma me ahoden bio na mintua Filistifo so ka wo m’ani a watutu no ho.” **29** Afei Samson susoo adum abien a ewo hyiadan no mfimfini no mu. Ode n’ahoden nyinaa pia. **30** Samson baa mpae se, “Ma me ne Filistifo no nwu.” Na hyiadan no dwiriw guu Filistifo ntuanoyo no ne nnipa no nyinaa so. Enti okum nnipa bebre sen dodow a okum won bere a na ote ase no. **31** Akyiri no, ne nuabarimanom ne n’abusuafo a woaka kofaa no. Wode no koo ne kurom kosiee no wo Sora ne Estaol ntam, faako a wosiee n’agya Manoa ho. Samson dii Israelfo so se otemmufo mfe aduonu.

17 Obarima bi tenaa Efraim bepaw asase so a na wofre no Mika. **2** Da koro bi, aka kyeree ne na se, “Metee se wodomoe okoromfo a owiaa wo nnwetebona kilogram du abien ne fa fii wo nkyn no. Nnwetebona no wo me nkyn. Me ara na mefae.” Ne na kae se, “Awurade nhyira wo, me ba.” **3** Ode nnwetebona kilogram du abien ne fa no maa ne na no, ne na no kae se, “Metew me nnwetebona yi ho ma Awurade. Mema woye ohoni a wode dwete agu. Mesan de ama wo.” **4** Enti ne na de nnwetebona ahannu komaa dwetewumfo na ode yee ohoni. Na wode sii Mika fi. **5** Mika yee nsore so na oye asofotade ne ne fifo ahoni kaa ho. Enna ohyee ne mmabarima no mu baako sofo. **6** Saa bere no na Israel nni ohene, nti na nnipa no ye nea wope biara. **7** Da bi, Lewini aberante bi a ofi Betlehem a ewo Yuda **8** beduu saa beae ho wo Efraim asase so a rehwehwe baabi foforo atena. Ebae se, okosoe wo Mika fi. **9** Mika bisaa no se, “Ehe na wufi?”

Ono nso buae se, “Meye Lewini a mifi Betlehem wo Yuda na merehwehwe baabi atena.” **10** Mika ka kyeree no se, “Wo ne me ntena ha, na wobeye agya ne ososo ama me. Mema wo nnwetebona gram oha ne dunan afe biara; mema wo ntade ne aduan.” **11** Lewini no penee so na obeye se Mika mmabarima no mu baako. **12** Enti Mika hyee Lewini no sofo, na otenaa Mika fi. **13** Na Mika kae se, “Minim se Awurade behyira me, efise mewo Lewini a osom se me sofo.”

18 Saa bere no mu na Israel nni ohene. Na Dan abusuakuw rehwehwe baabi atena, efise na wontumi mpam nnipa a wote asase a wode maa won no so. **2** Enti mmarima a wofi Dan abusuakuw yii akofo baanum a na wote Sora ne Estaol se wonkohwehwe asase a wobetumi atena so. Bere a saa akofo yi duu Efraim bepaw asase so no, wakoo Mika fi kodaa ho anadwo no. **3** Wotiee Lewini aberante no senea na orekasa no, wode no koo nkyn bisaa no se, “Hena na ode wo baa ha na den na woreye? Na aden nti na wowo ha?” **4** Okaa nhyehyee a one Mika aye kyeree won na okyeree mu se, oye ososo ma Mika. **5** Na wakae se, “Bisa Awurade ma yen se yen akwantu yi besi yiye anaase erensi yiye.” **6** Ososo no kae se, “Monko no asomdwoe mu, efise, Awurade bedi mo anim wo mo akwantu no mu.” **7** Na mmarima baanum no koo kurow bi a wofre no Lais mu. Wohuu se nnipa a hwee mfa won ho te se Sidonfo na wote ho. Na wowo asomdwoe ne bamm. Na nnipa no wo sika, efise na won asase no ye asase bere. Na wone Sidon ntam twe yiye, na wone obiara nni twaka. **8** Bere a wasan koo Sora ne Estaol no, won nuanom bisaa won se, “Den na muhui?” **9** Na wobuae se, “Momma yenkotow nhye won so! Yeehu asase no na eye pa ara. Monntwentwen mo anan ase koraa, monkofa asase no. **10** Se mudu ho a, mubehu nnipa a hwee mfa won ho wo ho. Onyankopon ama yen asase bere yantamm a biribiara wo so.” **11** Enti akofo ahansia a wofi Dan abusuakuw mu sii mu fii Sora ne Estaol. **12** Wokyeree nsraban wo beae bi a ewo Kiriath-Yearim atoe fam wo Yuda asase so. Wofre ho Mahane Dan besi nne. **13** Wofi ho no, wakoo Efraim bepaw asase no so, baa Mika fi. **14** Enti mmarima baanum a wakosraa Lais asase no ka kyeree won a woaka no se, “Nsoree so bi wo ha a asofotade kronkron, abusua ahoni, ne ohoni a wagu ho wo ho. Munim nea ese se yeye.” **15** Enti mmarima baanum no koo Mika fi, faako a Lewini aberante no te na wokyaiaa no few so. **16** Saa bere

no na akofo ahansia a wofi Dan abusuakuw mu no gyinagyina abontenpon no ano pɛɛ, **17** na akwansrafo baanum no kɔɔ nsɔree so hɔ, kɔfaa ohoni, asɔfotade kronkron, ne abusua ahoni no. **18** Bere a ɔsɔfo no huu se mmарima no retwe akronkronne no afi Mika nsɔree so hɔ no, obisaa wɔn se, “Dɛn na moreye yi?” **19** Wobuaa no se, “Mua w’ano! Di yen akyi na beye yen nyinaa agya ne yen sɔfo. Wunnye nni se eye se wobeye Israel abusuakuw bi sɔfo sen se wobeye onipa baako fi mu sɔfo?” **20** ɔsɔfo aberante no ani gyei se ɔne wɔn beko. Enti ɔfaa asɔfotade kronkron no, abusua ahoni ne ohoni a wɔagu no. **21** Wosii mu bio de wɔn mma, nyemmoa ne wɔn agyapade, dii wɔn anim. **22** Bere a Dan abusuakuw mu nnipa no afi Mika fi kɔ akyirikyiri no, Mika ne n’afipamfo mu bi tiw wɔn. **23** Wɔbɛn wɔn no wɔtɛtɛɛ mu. Na Dan mmарima no dan wɔn ani kae se, “Dɛn na morehwɛwɛ? Adɛn nti na woafɛ nnipa yi aboa ano na moretaa yen sɛɛ?” **24** Mika buae se, “Wubisa se dɛn na worehwɛwɛ a na wokyerɛ dɛn? Moafa m’anyame nyinaa ne me sɔfo, na minni hwee bio!” **25** Dan mmарima no buae se, “Hwe nea woreka no yiye! Yen mu bi bo nkyɛ fuw, anhwe a wɔn bo befuw na woakum wo ne w’abusuafo.” **26** Enti Dan mmарima no toaa so kɔɔ wɔn kwan. Mika huu se nnipa no daaso a enti ontumi ntow nhyɛ wɔn so no, ɔdan ne ho kɔɔ fie. **27** Dan mmарima faa Mika ahoni ne ne sɔfo no de wɔn baa kurow Lais a emu nnipa wɔ asomdwoe ne bammɔ no mu. Wɔtow hyɛɛ emu nnipa no so, kunkum wɔn nyinaa, hyew kurow no dwerebee. **28** Na obiara nni hɔ a obegye kurow no mufo, efise na nea wɔte no ne Sidon mu twe na wonni adɔfo a wɔbɛn nso. Saa asem yi sii wo obon a ɛbɛn Bet-Rehob no mu. Afei, Dan abusuakuw no mma san kyekyerɛ kurow no, na wɔtenaa hɔ. **29** Wɔde kurow no too Dan a ɔye wɔn tete agya Israel no ba, na kan no wɔfɛ hɔ Lais. **30** Afei, wogyinaa ohoni a wɔagu no na wɔfaa Gersom babarima Yonatan a ɔye Mose aseni se wɔn sɔfo. Saa ofi yi mu nnipa kɔɔ so yɛɛ asɔfo maa Dan abusuakuw kosii Otuko bere. **31** Enti Dan abusuakuw no toaa so som ohoni a eye Mika dea no wɔ bere tenten a na Onyankopɔn Ahyiae Ntamadan no wɔ Silo.

19 Saa bere no na Israel nni ɔhene. Na ɔbarima bi a ofi Lewi abusuakuw mu te Efraim bepɔw asase no so akyirikyiri baabi. Da bi, ɔde ɔbea bi fi Betlehem a ɛwɔ Yuda baa fie se ne mpɛna. **2** Nanso ɔbea no anni no nokware enti ɔsan kɔɔ n’agya fi wo Betlehem. Asram anan akyi no, **3** ne kunu no faa

ɔsomfo ne afurum foforo kaa ne ho kɔɔ Betlehem se ɔde rekɔdefedefe no na wasan n’akyi aba. Oduu ɔbea no agya fi no, ɔde no kɔɔ ofi no mu maa n’agya no gyee no few so. **4** ɔbea no agya ka kyereɛ no se ɔntɛna nkyɛ kakra. Enti odii nnansa, didi, nom, daa hɔ. **5** Ne nnannan so no, ɔbarima no sɔree anɔpa, pɛɛ se ɔko. Nanso ɔbea no agya ka kyereɛ no se, “Didi ansa na woako.” **6** Enti wɔn baanu no tenaa ase didi, nomee. Afei, ɔbea no agya ka kyereɛ no se, “Mesɛ wo, da anadwo yi na gye w’ani.” **7** ɔbarima no sɔree se anka ɔreko, nanso n’ase no hyɛɛ no se ɔntɛna. Enti ɔpɛnee so daa hɔ anadwo no. **8** Nnaanum so anɔpa no, ɔsɔree bio a ɔpɛɛ se ɔko. Nanso bio, ɔbea no agya kae se, “Didi ansa, na awia mu kakra no wubetumi ako.” Enti wɔsan didii bio. **9** Awia no, ɔbarima no ne ne mpɛna no ne ne somfo boaboa wɔn ho pɛɛ se wɔko. Nanso n’ase no ka kyereɛ no se, “Muntie! Ade reye asa. Montɛna na munnye mo ani anadwo yi. ɔkyɛna mubetumi asi mu anɔpahema.” **10** Nanso afei de, ɔbarima no pɛɛ se ɔbeko. Enti ɔfaa ne mfurum abien a woahyehye wɔn no ne ne mpɛna no, na wɔde wɔn ani kyereɛ Yebus (a eye Yerusalem). **11** Bere a wodu Yebus no na ade reye asa, na ɔsomfo no ka kyereɛ ne wura no se, “Ade reye asa, enti momma yɛnna Yebusifo kuropon yi mu anadwo yi.” **12** Ne wura no buae se, “Dabi, yerentumi ntena ananafo kuropon a Israelfo nni mu yi mu. Yɛbetɔa so ako Gibeа. **13** Yɛbenya nnabea anadwo yi wɔ Gibeа anaa Rama.” **14** Enti wɔtoaa so. Wɔrebedu kurow Gibeа a ɛwɔ Benyamin asase so no, na owia rekɔɔ. **15** Eho na wɔdaa anadwo no. Wɔdaa kurow no abonten kese so, na obiara amfa wɔn anko fie ankɔsom wɔn hɔho. **16** Anwummere no, akwakoraa bi fii n’afum baa fie. Na ofi Efraim bepɔw asase so, nanso na ɔte Gibeа wɔ Benyamin asase so. **17** Bere a ohuu akwantufo yi se wɔtete kurow no abonten kese so no, obisaa wɔn faako a wofi ne nea wɔreko. **18** ɔbarima no buaa no se, “Yefi Betlehem a ɛwɔ Yuda na yereko Efraim bepɔw asase no so; kurow bi a ɛwɔ akyirikyiri, na yereko Awurade Hyiadan. Nanso obiara amfa yen anko ne fi ankɔma yen nnabea, **19** ɛwɔ mu se yɛwɔ nea ehia yen biara. Yɛwɔ sare ne aduan a yɛde bɛma yen mfurum; yenhia hwee.” **20** Akwakoraa no kae se, “Mommra me fi. Mɛma mo biribiara a ebɛhia mo. Na anadwo yi de, ense se moda abonten kese so ha.” **21** Enti ɔfaa wɔn de wɔn kɔɔ ne fi, na ɔmaa wɔn mfurum no aduan. Wɔhohoro wɔn nan ase wiei no, wɔbɔɔ mu didii.

22 Bere a wɔregye wɔn ani no, kurow no mu nnipa bonefo bi betwaa ofi no ho hyiae. Wofii ase pempem ɔpon no teetee mu guu akwakoraa no so se, “Fa ɔbarima a wabesoɛ wo no ma yen senea yebetumi ne no ada.” **23** Akwakoraa no fi ba bekasa kyerɛ wɔn se, “Dabi, anuanom, monnye bone a ete saa. Saa ɔbarima yi ye me hɔho na se moye saa a, ebeye animguase.” **24** Me babea ɔbabun ne ɔbarima yi mpena ni. Mede wɔn bema mo. Na nea mope biara no monye wɔn. Na mo ne saa ɔbarima yi nye saa animguasede yi.” **25** Nanso wɔantie no. Enti Lewini no faa ne mpena no piaa no fii adi. Na kurow no mu mmarima no faa no nnidiso nnidiso kosii adekyee. Ahemadakyee no na wogyaw no ma ɔkɔe. **26** ɔbea no koduu ofi a ne kunu no te mu no pon ano ara pe na ɔtɔɔ mum. ɔdaa hɔ ara kosii se anim tetewee. **27** Bere a ne kunu buee ɔpon no se ɔrepue pe na ohuu se ɔda hɔ. Na n’anim butuw hɔ a ne nsa gu apongua no so. **28** Ohuu no no, ɔkae se, “Sɔrel Ma yenkɔ!” Nanso wammua. Enti ɔde no too n’afurum no so de no kɔɔ fie. **29** Oduu fie no, ɔtwee afoa de twitwaa ne mpena no mu asinasin dumien. Na ɔde sin baako biara kɔɔ Israel mmusuakuw dumien no mu. **30** Na obiara a ohuu saa aninyanne yi kae se, “Efi bere a Israel fii Misraim no, obi nnii saa amumɔyesem yi bi da. Aden nti na ense se yekasa na yeɛ ho biribi?”

20 Afei, Israelfo nyinaa; fi Dan kosi Beer-Seba ne Gilead asase so behyiaa wɔ Awurade anim se nnipa baako wɔ Mispā. **2** Nnipa no nyinaa ne Israel mmusuakuw no nyinaa ntuanofɔ, akofo mpem ahannan a wokurakura afoa kɔɔ Onyankopɔn mma guabɔ no ase. **3** (Nkra duu Benjamin asase so se Israelfo mmusuakuw a wɔaka no kɔ Mispā.) Israelfo no bisaa nea eyee a saa awudisem yi sii. **4** Enti Lewini a ɔye ɔbea a wokum no no kunu no kae se, “Me ne me mpena baa Gibea a ewɔ Benjamin asase so bedaa hɔ. **5** Anadwo no Gibea ntuanofɔ no mu bi betwaa ofi no ho hyiae, pee se wokum me, na wɔtoɔ me mpena no mmonnaa ma owui. **6** Mefaa me mpena no twitwaa no asinasin de sin baako biara kɔɔ Israel mantam biara so. Efise saa mmarima yi aye atantanne ne aniwude wɔ Israel. **7** Enti mprenpren, ese se Israelfo nyinaa fa adwene wɔ eyi ho.” **8** Nnipa no nyinaa sɔre buae se, “Yen mu biara rensan nkɔ fie. **9** Mmom, yebeɔ ntonto na yeahu wɔn a wɔbekɔ akɔtow ahye Gibea so. **10** Abusuakuw biara mu mmarima nkyemu du mu baako na wobeyi wɔn ama wɔama yen akofo no nnuan, na yen a yeaka no nso atɔ Gibea so were wɔ

animguasede a wɔaye wɔ Israel no.” **11** Enti Israelfo nyinaa ano kɔɔ benkoro boaa wɔn ho ano se wɔbekɔ akɔtow ahye kurow no so. **12** Israelfo no somaa abɔfo kɔɔ Benjamin abusuakuw no mu kobisaa wɔn se, “Den awurukasem na moadi wɔ mo mu yi? **13** Munyi saa amumɔyefo a wofi Gibea no mmra, na yenkum wɔn na yentu saa awurukasem yi ase mfi Israel.” Nanso Benjaminfo no antie. **14** Mmom, wofifi wɔn nkurow mu boaa wɔn ho ano wɔ Gibea se wɔne Israelfo no rebeko. **15** Akofo mpem aduonu asia a wokurakura afoa koduu Gibea, kɔkaa akofo ahanson a na wote hɔ dedaw no ho. **16** Na Benjamin akofo no mu ahanson ye abenkumma a wɔn mu biara ye antoamfom wɔ ahwimmotow mu. **17** Na Israelfo wɔ akofo mpem ahannan a wokurakura mfoa a Benjamin akofo nka ho. **18** Ansa na wɔrebefi ɔko no ase no, Israelfo no kɔɔ Bet-El kobisaa Onyankopɔn se, “Abusuakuw ben na ese se wodi ɔko no anim tia Benjaminfo no?” Awurade buae se, “Yuda na ese se wodi anim.” **19** Enti Israelfo no sii mu anɔpahema kɔkyeree nsraban wɔ baabi a eben Gibea. **20** Afei, wotu teee de wɔn ani kyerɛ Gibea se wɔrekɔtow ahye Benjamin mmarima no so. **21** Nanso Benjamin akofo a na wɔrebɔ kurow no ho ban no pue kunkum Israelfo no mpem aduonu abien wɔ akono hɔ da no ara. **22** Nanso Israelfo nyaa akokoduru boaa wɔn ho ano wɔ faako a wɔkoo da a edi anim no. **23** Na wɔakɔ Bet-El akosu wɔ Awurade anim akosi anwummere. Afei, wobisaa Awurade se, “Yene yen ara abusuafɔ a wofi Benjamin nko bio ana?” Na Awurade buae se, “Monkɔ na mo ne wɔn nkɔko.” **24** Enti wɔkɔko tiaa Benjamin akofo no, **25** na Benjamin mmarima no san kum Israelfo akofo a wonim afoa akodi yiye no mpem dunwɔtwe. **26** Enna Israelfo no kɔɔ Bet-El kosuu wɔ Awurade anim kyen kom kosii anwummere. Wɔbɔɔ ɔhyew aforɛ ne aduan aforɛ maa Awurade. **27** Na Israelfo kɔɔ Awurade anim kɔpee akwankyerɛ. (Saa bere no na Onyankopɔn apam adaka no wɔ Bet-El, **28** na Eleasar babarima Pinehas a ɔye Aaron nena no na na ɔye ɔsofo). Israelfo no bisaa Awurade se, “Ese se yeke tia yen ara yen abusuafɔ Benjamin bio anaase yennyae?” Awurade buae se, “Monkɔ! ɔkyena mema moadi wɔn so nkonim.” **29** Enti Israelfo de atewfo twaa Gibea ho nyinaa hyiae. **30** Ne nnansa so no, wɔboaa wɔn ho ano wɔ beae koro ho ara. **31** Bere a Benjaminfo akofo pue bae wɔ ɔko so no, wɔtwee wɔn fii kurow no mu. Na senea na wɔaye pen no, wofii ase kunkum Israelfo no. Ebeye

Israelfo aduasa na wowuwu wɔ akono petee mu ho a bi deda akwan a ɛko Bet-El ne Gibeā ho. **32** Afei Benyamin akofo no tɛɛ mu se, “Yeredi wɔn so senea yedii wɔn so wɔ ɔko a edi kan no mu nol!” Na saa bere no na Israelfo no apene so dedaw se wobeguan ama Benyamin mmarima no ataa wɔn wɔ akwan no so, na ama wɔatwe wɔn afi kurow no mu. **33** Bere a Israelfo nsraadom kese no duu Baal-Tamar no, wɔdan wɔn ho koe. Ɛho na Israelfo a wɔatɛw wɔ Geba no puee preko pe fi wɔn ahintawee **34** kosii Benyaminfo no akyi tow hyee wɔn so. Ɔko no mu yee den ara kosii se na Benyaminfo no ntumi nhu amanehunɔ a ebɛba. **35** Ɛno nti, Awurade boaa Israel ma wodii Benyamin so nkonim. Saa da no, Israelfo kunkum Benyamin akofo no mpem aduonu anum ne oha, a na wɔn nyinaa nim afoa ano ko yiye. **36** Afei, Benyaminfo no huu se wɔadi nkogu. Israelfo no guan fii Benyamin akofo no anim, senea ebeye a, wɔn a wɔakohintaw no benya kwan aye wɔn adwuma. **37** Afei, wɔn a na wɔatɛw no fii afanan nyinaa kɔɔ Gibeā, kunkum obiara a ɔwɔ kurow no mu. **38** Wopun wusiw kumonn wɔ kurow no so, **39** a eye nsenkyerenne ma Israelfo no se wɔnsan mmra mmɛtow nhye Benyamin akofo no so. Saa bere no na Benyamin akofo no akum Israelfo no aduasa, a wɔtɛɛ mu se, “Yeredi wɔn so senea yedii wɔn so ɔko a edi kan no mu nol!” **40** Nanso bere a Benyamin akofo no hwɛɛ wɔn akyi, na wohuu wusiw a atu nam wim wɔ kurow no mu baabiara no, **41** Israelfo no san ba betow hyee wɔn so. Afei, Benyamin akofo no huu se asem aba na wɔbɔɔ huboa. **42** Enti woguan de wɔn ani kyeree sare so. Nanso Israelfo no taa wɔn kunkum wɔn. **43** Israelfo no twaa Benyaminfo no ho hyiae, taa wɔn anibere so, kɔtoɔ wɔn wɔ Gibeā atɔe fam. **44** Da no, Benyamin akofo akese mpem dunwɔtwe na wɔtotɔɔ wɔ ɔko no mu. **45** Wɔn a wɔanwuwu no guan kɔɔ sare so baabi a eben Rimon ɔbotan no ho. Nanso Israelfo no kunkum wɔn mu mpem anum wɔ ɔkwan no so. Wɔtoaa so taa wɔn, kosii se wokum mpenu wɔ baabi a eben Gidom kaa ho. **46** Enti Benyamin abusuakuw no hweree akofo akokodurufɔ mpemaduonu anum saa da no, **47** maa ekaa mmarima ahansia pe a woguan kɔɔ ɔbotan Rimon ho kɔtenaa ho asram anan no. **48** Afei Israelfo no san ba bekunkum abɔde biara a nkwa wɔ mu wɔ nkurow no nyinaa mu, efi nnipa so kosi anantwi ne biribiara so. Na kurow biara a woduu so no, wɔhyew no dwerebee.

21 Israelfo aka ntam wɔ Mispa se, wɔremfa wɔn mmabea mma ɔbarima biara a ofi Benyamin abusuakuw mu aware. **2** Nnipa no kɔɔ Bet-El kɔtenaa Onyankopɔn anim kosii anwummere, maa wɔn nne so, suu denneennen kae se, **3** “Ao Awurade, Israel Nyankopɔn, aden nti na saa asem yi asi? Mprempren yen mmusuakuw no mu baako ayera!” **4** Adekyee mu no, nnipa no sii aforemuka, na wɔbɔɔ ɔhyew ne asomdwoe afoɔ. **5** Wobisae se, “Abusuakuw bi wɔ ho a wannya ɔnanmusini bere a yekɔɔ nhyiamu kese wɔ Awurade anim wɔ Mispa no ana?” Saa bere no, na wɔaka ntankese wɔ Awurade anim se, obiara a wamma no, ɛse se owu. **6** Na Israelfo no dii yaw wɔ Benyaminfo no ho kae se, “Nne yi, abusuakuw baako a fi yen mu; na n’ase reye atɔɔ. **7** Na ebeye den na yeanya yerenom ama wɔn a wɔaka no, esiane Awurade ntam a yeaka se yeremfa yen mmabea mu biara mma wɔn aware nti?” **8** Enti wobisae se, “Bere a yede yen ho kyeree Awurade wɔ Mispa no na obi nni ho bi ana?” Ɛho na wohui se, obiara amfi Yabes Gilead amma saa aguabɔ no ase bi. **9** Na wɔkan nnipa no nyinaa no, wɔannya obiara a ofi Yabes Gilead. **10** Enti wɔsomaakofo mpem dumien kɔɔ Yabes Gilead se wonkokunkum obiara a ɔwɔ ho a mmea ne mmofra ka ho. **11** Wɔkae se, “Eyi na ɛse se moye. Munkum ɔbarima ne ɔbea biara a ɔnye ɔbabun.” **12** Yabes Gileadfo mu no, wohuu mmabun ahannan a wɔne mmarima nnaa da, na wode wɔn baa nsraban a ewɔ Silo wɔ Kanaan asase so ho. **13** Na Israelfo bagua no somaa asomdwoe abofo ma wokɔɔ Benyaminfo nkae no a na wɔte Rimon botan ho no nkyen. **14** Na Benyaminfo no san kɔɔ wɔn a fi mu, na wode mmabun a wofi Yabes Gilead a wɔankum bi no maa wɔn aware. Nanso mmea no anso wɔn so. **15** Nnipa no dii Benyaminfo no ho yaw, se Awurade ama mpaapaemu aba Israel mmusuakuw no mu. **16** Enti Israel ntuanofɔ no bisae se, “Se wɔatɔɔ mmea a wofi Benyamin ase yi, ebeye den na yeanya yerenom ama mmarima a wɔaka no? **17** Ɛse se Benyaminfo a wɔaka no nya adedifo senea ebeye a Israel abusuakuw bi ase ntɔɔ. **18** Nanso yerentumi mfa yen mmabea mma wɔn aware, efise yeaka ntankese se, obiara a ɔde ne babea bema Benyaminni aware no, Awurade nnome mmra ne so.” **19** Afei wɔdwenee Awurade afeafe afahye no ho, nea wodi wɔ Silo, a ewɔ Lebona ne Bet-El ntam, wɔ ɔkwan a efi Bet-El kosi Sekem no apuei fam. **20** Na wɔka kyeree Benyamin mmarima a wɔda so hwewwe yerenom no se, “Monkotɛw wɔ bobɛ nturo no mu.

21 Se mmea a wofi Silo no ba besaw wɔn asaw no a, mumpue mfi bobɛ nturo no mu, na mo mu biara betumi afa wɔn mu baako de no akɔ fie sɛ ne yere. 22 Na sɛ wɔn agyanom ne wɔn nuanom mmарima ba sɛ wɔmpene so a, yɛbɛka akyerɛ wɔn se, ‘Yɛsrɛ mo, monte ase. Momma wɔmfа mo mmabea no, efisɛ bere a yekunkum Yabes Gileadfo no, yɛannyaw mmea a ɛbɛso wɔn nyinaa so amma wɔn. Munnni ntam no ho fɔ, efisɛ ɛnye mo na mode mo mmabea maa wɔn aware.’” 23 Enti Benyamin mmарima no yɛɛ senea wɔkyerɛɛ wɔn no. Wowiawiaа mmea a wɔbaа afahyɛ no ase, de wɔn kɔɔ asase a ɛyɛ wɔn agyapade no so. Na wɔkyekyeree wɔn nkurow no bio tenaa mu. 24 Na Israelfo mmusuakuw ne mmusua no fii hɔ san kɔɔ wɔn ankasa afi mu. 25 Saa bere no na Israel nni ɔhene, nti na nea nnipa no gye di sɛ eye wɔ wɔn ani so no na wɔyɛ.

Rut

1 Bere a na atemmufo di Israel so no, okom baa asase no so. Obarima bi a ofi Betlehem wɔ Yuda ne ne yere ne ne mmabarima baanu tutu fii asase no so kotenaa Moab. **2** Na obarima no din de Elimelek na ne yere nso din de Naomi. Ne mmabarima baanu no nso, na wɔn din de Mahlon ne Kilion. Wɔye Efratifo a wofi Betlehem wɔ Yuda. Wɔkɔ Moab kotenaa hɔ. **3** Ebaa se Naomi kunu Elimelek wu ma ekaa ne mmabarima baanu no. **4** Wɔwarewaree Moabfo mmea. Na obaako din de Orpa na nea oka ho no nso din de Rut. Wɔtenaa hɔ beye se mfe du no, **5** Mahlon ne Kilion nso wuwui. Enti emaa Naomi tenaa ase a wahwere ne mmabarima baanu no ne ne kunu. **6** Bere a ɔtee wɔ Moab hɔ se Awurade abedom ne nkurofo a wɔwɔ Yuda na wama wɔn aduan no, Naomi ne ne nsenom yi yee ahoboa se wɔrefi Moab asan ako ne kurom. **7** Ɔne ne nsenom baanu yi tutu fii beae hɔ faa kwan a ede wɔn beko akosi Yuda so. **8** Afei, Naomi ka kyeree ne nsenom yi se, “Monsan nko mo nanom fi. Awurade ne mo nni no yiye senea mo ne awufo ne me dii no yiye no. **9** Awurade mmoa mo mu biara na onya ohome wɔ okunu foforo fi.” Afei, ofifew wɔn ano na wɔn nyinaa maa wɔn nne so sui. **10** Na wɔka kyeree Naomi se, “Yene wo besan ako wo nkurofo nkyen.” **11** Nanso Naomi kae se, “Me mma, monsant nko fie. Aden nti na ese se mo ne me ko? Merekowo mmabarima bio a wobetumi awareware mo ana? **12** Me mma, monsant nko fie. Manyin, se meware kunu bio a, enenye yiye. Mpo, se midwen se anidaso bi wɔ hɔ ma me se nso anadwo yi ara minya okunu na me ne no wo mmabarima a, **13** mobetwen kosi se wobenyinyin? Mobetena atwen wɔn ana? Dabi, me mma. Asem no ye den ma me sen mo, efise Awurade ayi ne nsa afi me so!” **14** Wɔsan twaa adwo bio. Afei, Orpa few n’ase ano de gyaa no kwan, nanso Rut bebaree Naomi se ɔne no betena. **15** Nanso Naomi ka kyeree no se, “Hwe, wo kora asan ko ne nkurofo ne n’anyame nkyen. Eɛ se wo nso woye saa ara.” **16** Na Rut buae se, “Nhye me se mimfi wo nkyen nsan nko. Baabiara a wobeko no, meko hɔ bi na baabiara a wobetena no nso, metena hɔ bi. Wo nkurofo beye me nkurofo na wo Nyankopon aye me Nyankopon. **17** Baabi a wubewu no, mewu hɔ bi na wɔasie me hɔ. Se mamma owu antetew me ne wɔntam na enam biribi foforo biara so a, Awurade ntwe m’aso.” **18** Enti Naomi huu se Rut aye n’adwene se ɔne

no beko no, ogyaa ne pe maa no. **19** Eno nti, wɔn baanu no toaa wɔn akwantu no so. Bere a woduu Betlehem no, wɔn nti kuro wu mu no nyinaa bɔ twi. Mmea no bisae se, “Naomi ni ana?” **20** Okae se, “Mommfre me Naomi, na mmom, momfre me Mara, efise Awurade ama asetena aye nwen ama me. **21** Merefi ha ako no na mewɔ biribiara, nanso Awurade de me aba fie nsapan. Aden nti na mofre me Naomi wɔ bere a Awurade ama mahu amane na Otumfo de saa abɛbreɛ yi aba me so?” **22** Enti Naomi fi Moab bae a, n’ase Rut, Moabni babun ka ne ho. Woduu Betlehem atokotwa bere mfiase no mu.

2 Obarima ɔdefo a na ɔye okunini bi tenaa Betlehem a na wɔfre no Boas. Na ɔye Naomi kunu Elimelek busuani. **2** Da koro bi, Rut, Moabni, ka kyeree Naomi se, “Ma menko afuw mu na minkodi obiara a menya n’anim anuonyam akyi nkoboaboa atoko ase.” Na Naomi kae se, “Eye, me babea, ko.” **3** Enti Rut ko kodii atwafo no akyi. Na nea ebae ne se, ohuu se ɔreye adwuma wɔ Boas a ɔye n’ase Elimelek busuani no afuw mu. **4** Bere a ɔwɔ hɔ no, Boas fi Betlehem bae. Okyiaa atwafo no se, “Awurade ne mo ntena!” Atwafo no gyee so se, “Awurade nhyira wo.” **5** Boas bisaa ne sohwefo no se, “Ababaa ben na ɔwɔ nohɔ hɔ no?” **6** Sohwefo no buae se, “Ɔye ababaa bi a ofi Moab a ɔne Naomi bae. **7** Anɔpa yi ara na obisaa me se, obetumi adi atwafo no akyi aboaboa atoko ano ana? Ɔye nsiyefo a bere kakraa bi na ɔde homee wɔ pata no ase hɔ.” **8** Boas kɔ hɔ kɔka kyeree Rut se, “Me babea tie. Wo ne yen ntena ha ara na boaboa atoko; nko afuw foforo biara mu. Di mmea a wɔreye adwuma wɔ m’afuw yi mu no akyi pɛɛ. **9** Hwe faako a wɔretwa wɔ afuw no mu na di wɔn akyi. Mabɔ mmerante no kɔko se wɔnnhaw wo. Na se osukom de wo a, nom nsu a wɔakɔsaw afi abura no mu no bi.” **10** Rut butuwii, de n’anim kyeree fam daa no ase. Na okae se, “Aden nti na manya saa adom yi wɔ w’ani so, me a meye onanani yi?” **11** Boas buae se, “Nea woaye ama w’ase efi wo kunu wu akyi nyinaa no, wɔaka akyere me, se wufii w’agya ne wo na ne wo man mu na wo ne nnipa a wunnim wɔn wɔ baabiara betenae no. **12** Awurade, Israel Nyankopon a woanya guankobea wɔ ne ntaban ase no nnom wo.” **13** Na ɔno nso kae se, “Ma menko so nnya w’anim adom daa, me wura. Woama me awerkyekye na woakasa akyere w’afenaa ayamye so, me a mense na memfata wo nnwumayefo no mu baako mpo no.” **14** Eduu adidibere no, Boas freɛ no

se, “Bra ma yennidi. Wutumi de wo brodo no bɔ nsa biara a wope mu.” Enti ɔne n’awitwafo no tenaa ase na Boas maa no aduan sen senea obetumi adi mpo. **15** Bere a Rut san kɔɔ n’adwuma so bio no, Boas ka kyereɛ ne mmerante no se, “Momma no mmoaboa atoko no ano mfi n’afiafi no mu na munnsiw no kwan. **16** Na munyiyi afiafi no mu de no bi nnyae mu ngu fam mma no na ɔnsesaw, na monnhaw no.” **17** Enti Rut sesaw atoko no wɔ ho da mu no nyinaa na ɔporow atoko no saa anwummere no, onyaa beye lita aduonu abien. **18** Ɔsoa de kɔɔ kurom, de kɔkyereɛ n’ase. Afei, Rut de n’awiaduan a ogyaw no maa no. **19** Naomi hui no, ɔteɛɛ mu se, “Ɛdɔsoo yiye! Na ehe na nne woboaaboa saa atoko yi nyinaa ano fi? Ehe na wokɔyee adwuma? Awurade nhyira nea ɔboaa wo no!” Rut kaa ɔbarima a ɔyee adwuma wɔ n’afum no ho asem kyereɛ n’ase no, ɔtoaa so kae se, “Nea meyeɛ adwuma wɔ n’afum no, wɔfre no Boas.” **20** Naomi ka kyereɛ n’ase no se, “Awurade nhyira no. Ɔrekyere yen ne wo kunu a wawu no n’ayamyɛ. Saa ɔbarima no ye abusuafo a wɔben yen pɛɛ no mu baako a ɔye abusua no mu ogyefo baako.” **21** Rut kae se, “Nea eka ho bio ne se, mpo, Boas ka kyereɛ me se, mensan mmra na me ne n’awitwafo no mmetena nkosi bere a wobewie otwa no.” **22** Naomi teeɛ mu se, “Anwonwasem ni! Ye nea ɔka no. Wo ne n’adwumayefo no ntena nkosi se wobewie otwa no. W’asom bedwo wo wɔ ho sen afuw biara mu.” **23** Enti Rut ne mmea a wɔwɔ Boas afum ho no yee adwuma. Ɔne wɔn boaboa atoko no ano kosii atokotwa no awiei. Afei, ɔne wɔn twaa awi nso. Nanso saa bere no nyinaa na ɔne n’ase na ete.

3 Da bi Naomi ka kyereɛ Rut se, “Me babea, bere adu se mehwehwe ofi a wobetena mu na wubenya nea ehia wo biara. **2** Boas ye yen busuani pɛɛ na waye adɔe mmoroso se wama wo ne n’adwumayefo aboaaboa atoko ano. Anadwo yi, obehuhuw atoko so wɔ awiporowbea ho. **3** Enti ye nea merekyere wo yi. Guare na tutu aduhuam gu wo ho na fa wo ntade pa bi hye. Afei, kɔ awiporowbea ho, nanso mma Boas nhu wo kosi se obedidi awie. **4** Hwe na hu baabi a ɔda ho yiye, afei, kɔ na koyi ne nan ho nkataho na da ho. Ɔbeka nea ɔpe se woye akyerɛ wo.” **5** Rut kae se, “Biribiara a wobeka akyerɛ me se menyɛ no, meye.” **6** Enti ɔkɔɔ awiporowbea ho anadwo no, na ɔyee nea n’ase kyereɛ no no mu biara. **7** Boas didi wiee no a ne honhom aba ne ho no, ɔkyeaa ne ho too atoko mmoano no ho, na ɔfaa mu dae. Rut yee nwaa koyii ne

nan ho nkataho na ɔdaa ho. **8** Anadwo dasum no, Boas bɔɔ pitiri dan ne ho. Eyee no nwonwa se ohuu se ɔbea da ne nan ase. **9** Obisae se, “Na hena ni?” Obuae se, “Eye me wo somfo Rut. Trew wo nkataso no mu kakra gu me so na woye m’abusua gyefo.” **10** Na Boas kae se, “Awurade nhyira wo, me babea! Worekyere abusua ɔɔ a bi mmaa da se woankodi aberantewa bi akyi, se ɔwo sika anaa ɔye ohiani. **11** Afei, me babea, mma hwee nhaw wo. Meye nea ehia wo nyinaa. Me kurow yi mu nnipa nyinaa nim se woye ɔbea a wudi wo ho ni. **12** Nanso akwanside baako wɔ ho. Eye nokware turodoo se meye mo abusua agyefo mu baako de, nanso ɔbarima foforo bi wo ho a ɔye obusuani titiriw sen me. **13** Tena ha anadwo yi na se ade kye a, me ne no bekasa. Se eye ne pe se obegye wo a, eno de ma ho kwan na ɔnware wo. Na se enye ne pe nso a, eno de, ɔkwan biara so, se Awurade te ase yi, meware wo! Enti da ha ma ade nkye.” **14** Enti Rut daa ne nan ho kosii adekyee nanso ɔsɔree ansa na anim tetew. Na Boas ka kyereɛ no se, “Ɛnse se obi hu se ɔbea bi bedaa awiporowbea ha.” **15** Boas toaa so kae se, “Fa w’atade nguguso no bra na trew mu.” Ɔsesaw atoko no susukoraa asia guu mu na ɔboaa no ma ɔde hyee n’akyi. Na Boas san kɔɔ kurow no mu. **16** Rut baa n’ase Naomi nkyen no, obisaa no se, “Me babea, ekosii den?” Rut kaa biribiara a Boas ye maa no no kyereɛ Naomi, **17** na ɔtoaa so se, “Ɔmaa me atoko susukoraa asia kae se, ‘Mfa nsapan nkɔ w’ase nkyen.’” **18** Afei, Naomi kae se, “Me ba, twen kosi se wubehu nea ebesi. Ɔbarima no renna so kosi se asem no besi nne yi ara.”

4 Boas kɔɔ kurow no pon ano kɔtenaa ase wɔ ho. Bere a obusuani gyefo titiriw a ɔkaa ne ho asem no baa ho no, Boas free no kae se, “M’adamfo, mesre wo bra na mepe se me ne wo twetwe nkɔmmɔ.” Enti wɔtenaa ase. **2** Na Boas free kurow no mu ntuanofɔ du se wɔmmetena ase se nnansefo. **3** Na Boas ka kyereɛ obusuani gyefo titiriw no se, “Wunim Naomi a ofi Moab bae no. Ɔretɔn asase a na eye yen busuani Elimelek dea no. **4** Misusuw se, ese se, me ne wo di ho nkɔmmɔ na se wope a, woagye. Se wope asase no a, tɔ no ha yi ara wɔ saa nnansefo yi anim. Na se wompe nso a, ma mente no mprenpren ara, efise se woantumi annye a, me ne onipa a midi w’akyi wɔ abusua no mu a ese se migye.” Na ɔbarima no buae se, “Megye.” **5** Afei, Boas ka kyereɛ no se, “Se woto asase no fi Naomi nkyen a, na ese se woware Moabni

okunafo Rut no. Se eba saa a, obewo mma a ne kunu din beda won so na asase no betena abusua no mu.” 6 Eho ara na abusua mu gyefo titiriw no kae se, “Eno de, merentumi nto asase no, efise ebhaw m’ankasa m’agyapade. To asase no na merentumi nto.” 7 Saa bere no, na eye Israel amanne se, se obiara redan n’ade bi a wato no okwan pa so ama obi foforo a, oworow ne mpaboa de ma nea oto no. Woye saa wo bagua mu de hye adeto no mu den. 8 Enti abusua gyefo titiriw no worow ne mpaboa ka kyeree Boas se, “Wo ara to asase no.” 9 Na Boas ka kyeree oman no ntuanofa no ne dom a watwa ahyia ho no se, “Nne matɔ Elimelek, Kilion ne Mahlon agyapade a ewo Naomi nsam, na moye eho nnansefo. 10 Menam asase no to so afa Rut a oye Moabni a oye Mahlon kunafo no se me yere. Ne saa nti, se owo obabarima a, obefa ne kunu a wawu no abusua din na wafa abusua agyapade a ewo ne kurom ha nso. Nne, mo nyinaa moye nnansefo.” 11 Afei, ntuanofa no ne omanfo no nyinaa sore gyina kae se, “Yeye nnansefo! Awurade mmoa mma obea a afei na oreba wo fi no nye se Rahel ne Lea a won mu na Israel aman nyinaa fi no. Wobeye okese wo Efrata na woagye din wo Betlehem. 12 Na Awurade mfa ababaa yi so mma wo asefo a wobeye se yen agya Peres a oye Tamar ne Yuda babarima no.” 13 Enti Boas waree Rut de no koo ne fi. Afei, okoo ne ho na Awurade ma onyinsenee na owoo obabarima. 14 Na kurow no mu mmea ka kyeree Naomi se, “Anuonyam nka Awurade se nne da yi, wama woanya abusua gyefo! Ommeye okunini wo Israel. 15 Akokoaa yi mma wo nsi wo mmabaabere mu na onhwe wo wo wo mmerewabo mu. Efise oye w’ase a odo wo na osen mmabarima ason ma wo no babarima.” 16 Na Naomi faa akokoaa no, na ohwee no te se ono ankasa yafunu ba. 17 Na mmea a wone no bo ofipam no kae se, “Afei de Naomi anya obabarima bio.” Na wotoo no din Obed. Ono na obeye Yisai agya ne Dawid nena. 18 Tete agya Peres awo ntoatoaso ni: Peres woo Hesron. 19 Hesron woo Ram, na Ram woo Aminadab. 20 Aminadab woo Nahson, na Nahson woo Salmon. 21 Salmon woo Boas, na Boas woo Obed. 22 Obed woo Yisai, na Yisai woo Dawid.

1 Samuel

1 Na ɔbarima bi fi Ramataim-Sofim a ɛwɔ Efraim bepɔw asase so a ne din de Elkana. Na Elkana yi ye Yeroham babarima ne Elihu nena nso. Na wofi Tohu fi, a ɛwɔ Suf abusua mu. **2** Na Elkana wɔ yerenom baanu. Na wɔn din de Hana ne Penina. Na Penina wɔ mma. Hana de, na onni ba. **3** Afe biara, na Elkana ne n'abusuafo kɔ Silo kɔsom, bɔ afɔre ma Asafo Awurade wɔ Awurade fi. Na Eli mmabarima baanu a wɔn din de Hofni ne Pinehas na wɔye Awurade asɔfo wɔ hɔ saa bere no. **4** Da biara a Elkana beba abeɔbɔ afɔre no, ɔde nam no mu nkyemu bi ma ne yere Penina ne ne mma no mu biara. **5** Nanso Hana de, na ne kyefa ye sononko, efise na ɔdɔ no yiye. **6** Nanso na Awurade ato n'awode mu nti, na Penina di ne ho few. **7** Na saa asem yi kɔɔ so afe biara. Bere biara a wɔbɛkɔ Awurade fi no, Penina bɔ Hana akutia. Na eyi ma Hana su na onnidi mpo. **8** Ɛba saa a, ne kunu Elkana bisa no se, "Hana, adɛn na woressu? Adɛn nti na wunnidi? Adɛn nti na wo wɛrɛ ahow? So mensom bo mma wo nsen se anka wowɔ mmabarima du mpo?" **9** Da koro bi a na wɔwɔ Silo no, Hana fii adi anwummere bi a wɔadidi awie se ɔreko Awurade fi akɔbɔ mpae. Na ɔsɔfo Eli te baabi a ɔtena daa wɔ Awurade fi pon ano hɔ. **10** Hana fi awerɛhow a ano ye den mu sui, bere a na ɔrebo Awurade mpae. **11** Na ɔhyɛɛ bo se, "Aɔ Asafo Awurade, se wobɛhwe wo somfo awerɛhowdi so, na woatie me mpaɛbɔ ama me ɔbarima a, eno de mede no besan ama wo. Ne nna a obedi nyinaa ɔbeyɛ wo de. Nea ebeyɛ adansedi se wɔde no ama Awurade ne se wɔremfa oyiwan nka ne ti da." **12** Ogu so rebɔ mpae no, na Eli hwɛ no. **13** Ohuu se ɔrebesebese n'ano, nanso ɔnte nne biara no, Eli susu se wanom nsa. **14** Obisaa no se, "Ɛse se woba ha bere a woabow nsa ana? Ma w'ani nna hɔ!" **15** Na Hana buae se, "Dabi, me wura, memmow nsa, na mmom, me wɛrɛ na ahow nti na mereka m'ahiasɛm akyɛrɛ Awurade. **16** Mesrɛ wo, mfa no se meye ɔbea omumɔyɛfo. Na anibere ne awerɛhow so na merebo mpae." **17** Eli buae se, "Fa asomdwoe kɔl Israel Nyankopɔn nye w'abisade mma wo." **18** Hana tɛɛ mu se, "Ma w'afenaa nya w'anim anuonyam a, awura" Ɔsan kɔ kodidii, na wanni awerɛhow bio. **19** Ade kyee anɔpahema no, ofi no mu nnipa sɔre kɔsom Awurade bio. Afei, wɔsan kɔɔ Rama. Bere a Elkana de ne ho kaa Hana no, Awurade kaee Hana adebisa no, **20** na anni da bi, ɔwoo ɔbarima. Ɔtoo no din Samuel

na ɔkae se, "Mibisaa no fii Awurade nkyɛn." **21** Afe akyi no, Elkana, Penina, ne wɔn mma kɔɔ se wɔrekɔbɔ afirihyia afɔre ama Awurade. **22** Hana ankɔ bi. Ɔka kyɛrɛɛ ne kunu se, "Se abofra no twa nufu a, mede no bɛkɔ Awurade fi na makogyaw no wɔ hɔ ama Awurade afebɔɔ." **23** Elkana kae se, "Nea wugye di se eye ma wo biara no, ye. Tena ha ansa; na Awurade mmɔa wo mma wunni wo bɔhyɛ so." Enti ɔbea no tenaa fie hwɛɛ ne babarima no. **24** Otwa no nufu wiei no, ɔde no kɔɔ Awurade asɔre fi wɔ Silo. Wɔde nantwinini a wadi mfe abiesɛ ne esiam lita dunsia ne bobesa kakra bae. **25** Wɔde nantwinini no bɔɔ afɔre wiee no, wɔde abofra no brɛɛ Eli. **26** Hana kae se, "Owura mesrɛ wo. Se wote ase yi, mene ɔbea a obegyinaa wo ho bɔɔ Awurade mpae no. **27** Mebɔɔ saa abofra yi ho mpae, na Awurade aye m'abisade ama me. **28** Enti mpɛmpɛn, mede abofra yi rema Awurade. Ne nkwa nna nyinaa, ɔbeyɛ Awurade dea." Na ɔsom Awurade wɔ hɔ.

2 Na Hana bɔɔ mpae se, "Me koma di ahurusi wɔ Awurade mu! Awurade mu na wɔma m'abɛn so. Afei, manya mmuae ama m'atamfo, na m'ani gye wo wo gye no ho. **2** "Obiara nye kronkron se Awurade! Obi bi nnka wo ho; Ɔbotan bi nni hɔ se yen Nyankopɔn. **3** "Nkɔ so nkasa ahomaso so anaa nka ahantan kasa, efise Awurade ye Onyankopɔn a onim, na wɔfa ne so kari nneyɛɛ. **4** "Wɔabubu akofo mpeaw, na wɔama wɔn a wohintihintiw no ahooɔden. Afei, wɔaye den. **5** Wɔn a na wodidi mee pintinn no afei, ɔkɔm rekum wɔn. Na wɔn a ɔkɔm rekum wɔn no nso afei, wamee pintinn. Afei, obonin wɔ mma baason. Na ɔbea a na ɔwɔ mma pii no, mma bebo no. **6** "Awurade de nkwa ne owu nyinaa ba; Ɔka bi hyɛ ɔda mu, na onyan ebinom. (Sheol h7585) **7** Awurade ye obi ohiani na wayɛ obi ɔdefo; ɔbrɛ obi ase na wapagyaw obi. **8** Ɔpagyaw ohiani fi mfutuma mu Yiw, oyi no fi nsosiw mu! Ɔye wɔn se mmapɔmma, de wɔn tena anuonyam ahengua so. "Efise asase fapɛm ye Awurade de, na watoto wiase sɛnea ɛsɛ. **9** Ɔbebo onyamesurofo ho ban, na amumɔyɛfo beyera esum mu. "Se ahooɔden mu nko de a, obiara renni nkonim. **10** Wɔn a wɔko tia Awurade no, ɔbedwerɛw wɔn. Ɔpae aprannaa fi wim gu wɔn so; Awurade bu atɛn wɔ asase so baabiara. "Ɔma ne hɛmpɔn ahooɔden kɛse; nea wasra no no, ɔhyɛ n'ahooɔden mu den." **11** Afei, Elkana ne Hana gyaw Samuel hɔ ma wɔkɔɔ fie wɔ Rama. Na abarimaa no beyɛɛ Awurade somfo wɔ ɔsɔfo Eli nan ase. **12** Na Eli mmabarima no ye asansafo a wɔmfere Awurade, **13**

anaa wɔn asɔfodwuma. Bere biara a obi beba abeɔo afɔre na wɔrenoa nam no, Eli mma no soma ɔsomfo de adinam a ɛwɔ ano abiesa ba. Bere a nam no si gya so no, **14** ɔsomfo no de adinam no wɔ dadesen no mu. Na wohye sɛ nea adinam no bɛwɔ mu no nyinaa ye Eli mma no de. Wɔde Israelfo a wɔba Silo ho nyinaa faa saa ɔkwan yi so. **15** Ɛto da bi a, ansa na wɔbehiew sraɔde no, ɔsɔfo no somfo ba beka kyere onipa a ɔrebo afɔre no se, “Ma ɔsɔfo no nam no bi, na ɔntoto. Ɔmpɛ wo nam a woanoa, na mmom, nam amono nko ara.” **16** Onipa a ɔrebo afɔre no ka se, “Fa dodow biara a wɔpɛ, nanso sraɔde no de, ɛsɛ sɛ wohyew ansa.” Ɛho na ɔsomfo no beka se, “Dabi da, fa ma me mprenpren ara, anye saa a, mede me tumi befa.” **17** Na saa bɔne a mmerante yi ye yi ye akyiwade wɔ Awurade anim, efise na wobu Awurade afɔrebo no animtiaa. **18** Samuel de, ɛwɔ mu sɛ na ɔye abarimaa de, nanso na ɔye Awurade somfo a wɔde nwera asɔfotade ahye no te se ɔsɔfo. **19** Afe biara a ne na ne ne kunu rekɔɔ afirihya afɔre no, na ne na pam batakarɛ ketewaa bi de koma no. **20** Ansa na wɔbesan ako fie no, Eli hyira Elkana ne ne yere ka se, “Awurade mma obea yi nwo mma, na ommesi nea ɔbɔɔ ne ho mpae nyae a ɔde no maa Awurade no anan mu.” **21** Na Awurade maa Hana woo mmabarima baasa ne mmabea baanu. Na Samuel nyinii wɔ Awurade anim. **22** Afei, Eli bɔɔ akwakoraa, nanso na onim nea ne mmabarima no de reyɛ Israelfo. Nhweso bi ne sɛ, na onim sɛ ne mmabarima no fa mmabaa a wɔboa ntamadan no ano adwumaye no. **23** Eli ka kyereɛ wɔn se, “Metete mo ho nsem fi ɔmanfo nkyen a efa amumɔyɛsem a mudi no ho. Aden nti na moko so ye bɔne? **24** Me mma, ɛsɛ sɛ mugyae! Mo ho nsem a metete fi Awurade nkurofo nkyen no nye. **25** Sɛ obi ye bɔne tia ɔfoforo a, Onyankopɔn tumi gyina mu ma ɔfɔdifo no. Nanso sɛ obi ye bɔne tia Awurade a, hena na obetumi agyina mu?” Eli mma no antie wɔn agya afotu no, na Awurade nso reyɛ n’adwene sɛ obekum wɔn. **26** Na abofra Samuel nyinii, na ɔkɔɔ so nyaa adom fii Awurade ne ɔmanfo nkyen. **27** Da koro bi Onyankopɔn nipa bi baa Eli nkyen bekae se, “Sɛe na Awurade se, ‘Manna me ho adi pefee ankyere w’agya fi bere a na wɔye nkoa wɔ Misraim no ana? **28** Israel mmusuakuw no nyinaa mu no, Aaron na miyii no sɛ, ɔnye me sɔfo a ɔbekɔ afɔremuka anim akɔhyew aduhuam, na wɔahye asɔfotade wɔ m’anim. Na mede afɔre a wɔbɔɔ no ogya so no nyinaa maa mo asɔfo no. **29** Aden nti na mutiatia me kum afɔre ne

m’aduan afɔre so? Aden nti na mubu mo mmabarima sen me? Moawe afɔrebɔde a me nkurofo Israelfo bɔ no mu kyefa a eye no, na monam so ayeye akese!’ **30** “Enti asem a Awurade, Israel Nyankopɔn ka ara ni: ‘Meremma nneema bɔne a moreye yi nko so! Mehyee bɔ sɛ wo Lewi abusuafo no beye m’asɔfo, nanso wɔn a wodi me ni no, medi wɔn ni; na wɔn a wobu me animtiaa no, mebo wɔn ahohora. **31** Mema mo fifo agyae m’asɔfodi som no. Mpatuwu rempa mo fi da na mo mu biara rentena ase nni mfe mmee, **32** na mubehu awerɛhow wɔ me tenabea. Ɛwɔ mu, trennee beba Israel so, nanso obiara nni mo abusua mu a obenyin abɔ akwakoraa. **33** Wɔn a wɔbeka no betena ase awerɛhow ne ahoɔmmereɛ mu. Na mo asefo betetew abun awuwu. **34** “‘Na senea ebeye na wubehu sɛ nea maka no beba mu saa no nti, mema wo mmabarima baanu no, Hofni ne Pinehas no awuwu da koro mu. **35** Ɛno akyi masi ɔsɔfo foforo a ɔye ɔnokwafo a ɔbesom me, na waye nea mekyere no sɛ ɔnye biara. Mehyira n’asefo, na ne fifo beye ahene a mesra wɔn ngo no asefo akosi daa. **36** Na w’asefo nyinaa bekotow n’asefo, asresɛ wɔn sika ne aduan. Wɔbeka se, “Mesɛ mo, momma yen nnwuma bi nye wɔ asɔfo no mu senea ebema yeanya aduan adi amee.””

3 Abarimaa Samuel dii Eli nan ase, som Awurade. Saa bere no na asem a wote fi Awurade nkyen ne anisoadehu ye ade a ɛho ye na. **2** Anadwo bi, na Eli a n’ani reyɛ afura koraa no kɔdae nkyee koraa. **3** Na Onyankopɔn kanea no nnya nnumii. Saa bere no na Samuel da Ahyiae Ntamadan no mu baabi a eben Onyankopɔn adaka no. **4** Preko pɛ, Awurade frɛ se, “Samuell! Samuell!” Samuel buae se, “Mini.” **5** Na ɔyee ntem kɔɔ Eli nkyen kɔka kyereɛ no se, “Mini; wofrɛ me.” Eli nso buaa no se, “Memfrɛ wo ɛ; san kɔda.” Enti ɔsan kɔdae. **6** Awurade san frɛ bio se, “Samuell!” Bio, Samuel san yee ntem kɔɔ Eli nkyen kɔka kyereɛ no se, “Mini; wofrɛ me?” Eli buaa no se, “Me ba, memfrɛ wo ɛ; san kɔda.” **7** Na Samuel nnya nhuu Awurade, efise na Awurade asem mmaa ne nkyen da. **8** Awurade frɛ Samuel ne mprensɛ so. Na Samuel yee ntem kɔɔ Eli nkyen kɔkae se, “Mini; wofrɛ me.” Ɛho na Eli huu sɛ eye Awurade na ɔrefrɛ abarimaa no. **9** Enti ɔka kyereɛ Samuel se, “Kɔ na kɔda bio, na se wote sɛ obi refrɛ wo a, gye so se, ‘Awurade kasa na w’akoa retie.’” Enti Samuel kɔdaa bio. **10** Na Awurade ba befrɛ bio se, “Samuell! Samuell!” Na Samuel buae se, “Awurade kasa na w’akoa retie.” **11** Na Awurade

ka kyereɛ Samuel se, “Merebeyɛ akomatu ade bi wɔ Israel. 12 Merebeyɛ nea maka atia Eli ne n’abusuafo no nyinaa. 13 Mabɔ no kɔkɔ mpɛn bebreɛ se, atemmu reba ɔne n’abusuafo so, efise ne mmabarima abɔ mmusu atia Onyankopɔn, nanso wankasa ankyere wɔn. 14 Na maka ntam se, Eli ne ne mmabarima bɔne no, se wɔbɔ okum afɔre anaa aduan afɔre koraa a, wɔremfa nkye wɔn da.” 15 Samuel daa hɔ ara kosii se ade kyee. Obuebuee ntamadan hɔ mɛnsere senea ɔtaa ye no. Na osuro se ɔbɛka asem a Awurade ka kyereɛ no no akyerɛ Eli. 16 Nanso Eli frɛɛ no se, “Samuel, me ba.” Samuel buae se, “Mini!” 17 Eli bisaa no se, “Asem bɛn na Awurade ka kyereɛ wɔ? Ka biribiara kyere me. Se wode biribiara sie me a, Onyankopɔn ntwe w’aso.” 18 Enti Samuel kaa biribiara kyereɛ Eli a wamfa hwee anhintaw no. Eli ka sɔw so se, “Ɔne Awurade; ma ɔnye nea eye wɔ n’ani so.” 19 Awurade kaa Samuel hɔ wɔ ne nyin mu, na biribiara a Samuel kae no, na eye nyansasɛm a ɛboa. 20 Nnipa a wɔwɔ Israelman mu nyinaa, efi Dan asase wɔ atifi kosi anafɔ no, na wonim se woahye Samuel Awurade diyifo. 21 Awurade kɔɔ so daa ne hɔ adi wɔ Silo, na ɔnam n’asɛm so daa ne hɔ adi kyereɛ Samuel wɔ ntamadan mu hɔ. Na Samuel asem baa Israelman mu nyinaa

4 Saa bere no, na Israelfo ne Filistifo reko. Israelfo nsraadɔm kyeree nsraban wɔ Ebeneser, na Filistifo nso kyeree nsraban wɔ Afek. 2 Filistifo no tow hyɛ Israelfo nsraadɔm no so, dii wɔn so nkonim, na wokum nnipa mpem anan. 3 Ɔko no baa awiei, na Israel nsraadɔm no san kɔɔ wɔn nsraban mu hɔ no, Israel mpanyimfo no bisae se, “Aden nti na Awurade ama yeadɔ nkogu nne yi wɔ Filistifo anim yi? Momma yenkɔfa Awurade Apam Adaka no mfi Silo. Se yede kɔ ɔsa a, ebegye yen afi yen atamfo nsam.” 4 Enti nnipa no somaa mmarima kɔɔ Silo, na wode Asafo Awurade a ɔte kerubim ntam Apam Adaka no bae. Saa bere no na Eli mmabarima baanu Hofni ne Pinehas ka wɔn a wɔsoaa Onyankopɔn Apam Adaka no kɔɔ akono hɔ no ho. 5 Bere a Israelfo no huu se wode Awurade Apam Adaka no reba nsraban no mu no, wɔn nyinaa bɔɔ ose maa asase wosowee. 6 Filistifo no bisae se, “Den na ɛreko so yi? Den osebo na ɛwɔ Hebrifo nsraban mu hɔ yi?” Woteɛ se Awurade Apam Adaka no na abedu nsraban mu hɔ no, 7 wosuroe. Na wɔkae se, “Anyame no aba wɔn nsraban mu hɔ. Eno de, asem ato yen! Yenhyiaa asem a ete seɛ bi da. 8 Hena na obegye yen afi saa Israel anyame atumfo yi nsam? Wɔne anyame

a wode owu ɔyare ahorow nyinaa bi seɛ Misraimfo, bere a Israelfo wɔ sare so hɔ no. 9 Monyere mo hɔ, Filistifo! Munnyina se mmarima; anyɛ saa a, Hebrifo no bɛfa mo nkoa senea wɔyɛ yen nkoa no.” 10 Enti Filistifo no koe anibere so, dii Israelfo no so bio. Wɔn a wokunkum wɔn no ɔɔso. Israelfo mpem aduasa na wokunkum wɔn da no. Wɔn a wonyaa wɔn ti didii mu no guan kɔɔ wɔn ntamadan mu. 11 Wɔfaa Onyankopɔn Apam Adaka no, na wokunkum Eli mmabarima baanu no, Hofni ne Pinehas. 12 Da no ara, ɔbarima bi fi Benjamin abusua mu guan fii akono hɔ beduu Silo. Na watetew ne ntade mu, de mfutuma ahura ne ti mu, de kyere n’awerehow. 13 Na Eli retwen wɔ kwankyen baabi, pɛ se ɔte ɔko no mu nsem, efise na ne bo ntɔ ne yam koraa wɔ Onyankopɔn Apam Adaka no ho. Ɔbofo no ba bɛkaa asem a asi no, woteɛ nteɛteɛmu bi wɔ kurow no mu nyinaa. 14 Eli bisae se, “Saa nteɛteɛmu yi ase ne den?” Ɔbofo no yeɛ ntem kɔɔ Eli, 15 a na wadi mfe aduakron awotwe na n’ani afura no nkyen. 16 Ɔka kyereɛ Eli se, “Mprempren ara na mifi akono hɔ bae. Nne yi ara, na mewa hɔ.” Eli bisae se, “Na ekosii den?” 17 Ɔbofo no buae se, “Israelfo adi nkogu. Israel nsraadɔm no mpem mpem atoto wɔ akono hɔ. Afei, wo mmabarima baanu a eye Hofni ne Pinehas no nso awuwu, na Onyankopɔn Apam Adaka no nso, wɔafa.” 18 Ɔbofo no kaa Onyankopɔn Apam Adaka no ho asem ara pɛ, Eli fi akongua a ɔte so mu wɔ abɔntenpon ho no te hwee n’akyi. Ne kɔn mu bui, efise na wabɔ akwakoraa a ne mu nso ye duru. Na wadi Israel anim mɛfirihya aduanan. 19 Saa bere no na n’asebea a ɔye Pinehas yere anyinsɛn a ɔreyɛ awo. Ɔtee se wɔafa Onyankopɔn Apam Adaka no, na n’ase ne ne kunu awuwu no, awo kaa no amono mu hɔ ara. 20 Owuu wɔ awoko mu, nanso ansa na ɔrebewu no, mmea a wɔregye no awo no kae se, “Mpa abaw; woawo abarimaa.” Nanso wammua wɔn na wankasa wɔn ho nso. 21 Ɔbesebesee n’ano too abarimaa no din Ikabod, “Anuonyam no wɔ he, Israel anuonyam no asa,” efise wɔafa Onyankopɔn Apam Adaka no na n’ase ne ne kunu nso awuwu. 22 Ɔkae se, “Anuonyam afi Israel mu, efise wɔafa Onyankopɔn Apam Adaka no.”

5 Filistifo no faa Onyankopɔn Apam Adaka no akyi, wɔmaa so fii Ebeneser akono hɔ kɔɔ kuropɔn Asdod mu. 2 Wɔsoaa Onyankopɔn Apam Adaka no kɔɔ Dagon abosonnan mu. Wode kosii ohoni Dagon nkyen. 3 Nanso ade kyee a Asdod kurowmma no kɔhweɛ no, na

Dagon ahwe fam wɔ Awurade Apam Adaka no anim a n'anim butuw fam. Enti wɔmaa ohoni no so gyinaa hɔ bio. **4** Nanso ade kyee anɔpa no, na asem koro no ara asi bio. Na Dagon no ahwe fam wɔ Awurade Apam Adaka no anim a n'anim butuw fam. Saa bere yi de, na ne ti ne ne nsa abubu afi so deda ɔpon ano. Ne sin no na na aka da hɔ a ammubu. **5** Eno nti na ebesi nne yi, Dagon asofo anaa obiara a obewura abosonnann mu hɔ no ntia aponnua no so no. **6** Na Awurade maa pɔmpɔ bobɔ Asdodfo ne ne mpɔtam hofo no. **7** Bere a Asdodfo huu asem a aba no, wɔkae se, “Yerentumi mma Onyankopɔn Apam Adaka no ntena yen nkyen. Otia yen! Ɔbesee yen ne yen nyame, Dagon nyinaa.” **8** Enti wɔfrɛ Filistifo nkuropon anum mu asodifo nyinaa bisaa wɔn se, “Den na yenye Israel Nyankopɔn Apam Adaka yi?” Asodifo no susu asem no ho na wobuae se, “Momfa Israel Nyankopɔn Apam Adaka no nkɔ Gat.” Enti wɔde Onyankopɔn Apam Adaka no kɔ Gat. **9** Nanso Bere a Onyankopɔn Apam Adaka no duu Gat no, Awurade maa pɔmpɔ bobɔ kurow no mufo, mpanyin ne mmofra, na wosuroo yiye. **10** Enti wɔde Onyankopɔn Apam Adaka no kɔ Ekron kuropon mu, na wɔde rewura hɔ no, Ekronfo no suu se, “Wɔde Israel Nyankopɔn Apam Adaka no reba yen nkyen de abekunkum yen nso.” **11** Enti nnipa no frɛ Filistifo asodifo no nyinaa, srɛ wɔn se, “Monsan mfa Onyankopɔn Apam Adaka no mfi ha nkɔ ne man mu, anye saa a, ebekunkum yen nyinaa.” Saa bere no na ɔyaredɔm a efi Onyankopɔn nkyen no afi ase dedaw ama huboa abetɔ kuropon no so. **12** Wɔn a wɔanwuwu no, wɔmaa pɔmpɔ bobɔ wɔn. Na agyaadwotwa baa baabiara.

6 Awurade Apam Adaka no dii Filistifo asase so asram ason. **2** Na Filistifo no frɛ wɔn asofo ne wɔn asamanfrefo bisaa wɔn se, “Den na yenye Awurade Apam Adaka yi? Monkyere yen ɔkwan a yemfa so nsan mfa nkɔ asase a efi so no so.” **3** Wɔka kyere wɔn se, “Monsan mfa Israel Nyankopɔn Apam Adaka no nkɔ faako a mokofaa no, na momfa akyede nka ho. Momfa afɔdi afɔre nka ho, na ama ɔyaredɔm no agyae. Na se ɔyaredɔm no annyae a, ebema moahu se enye Onyankopɔn na ɔde bae.” **4** Wobisae se, “Eno de, na afɔdi afɔre ben na yemfa nkɔ?” Na wɔka kyere wɔn se, “Esiame se ɔyaredɔm no abɔ mo ne mo asodifo baanum nti, monye sikakɔkɔ te se pɔmpɔ seso anum ne sikakɔkɔ akisi seso anum te se nea asodifo no dodow te. **5** Monye saa nneema yi nyinaa mfa nkyere nidi a

mowo ma Israel Nyankopɔn. Na ebia, obegyaa mo, mo anyame ne mo asase amanehununu no. **6** Monnye asoɔden, nnye atuawefo, senea Farao ne Misraimfo yee no. Wɔamma Israelfo ankɔ kosii se Onyankopɔn maa ɔyaredɔm tew guu wɔn so. **7** “Afei, monye teaseenam foforo, na monhwewhwe anantwibere abien a afei na wɔawo mma foforo. Monhwe se wɔntwee teaseenam da. Momfa anantwi no nsesa teaseenam no na montetew wɔn mma no mfi wɔn ho, mfa wɔn nkogu wɔn buw mu. **8** Momfa Awurade Apam Adaka no nsi teaseenam no mu, na momfa adakawa a sikakɔkɔ akisi seso ne sikakɔkɔ pɔmpɔ seso wɔ mu no nsi nkyen. Afei, momma anantwi no nkɔ baabiara a wɔpe. **9** Na se wotra yen asase hye, na wokodu Bet-Semes a, ebema yegahu se, eyɛ Awurade na ɔde saa amanehununu kese yi baa yen so. Na se amma no saa a, yebehu se saa ɔyaredɔm a ebaa yen so no ye akwanhyia bi, na mmom, emfi Awurade, wɔ ɔkwan biara so.” **10** Wɔyee saa. Wɔfaa anantwi abien a wɔawo foforo de wɔn saa teaseenam no so, na wɔde wɔn mma no guu buw mu. **11** Wɔde Awurade Apam Adaka no sii teaseenam no mu. Wɔde adakawa a sikakɔkɔ akisi seso ne sikakɔkɔ pɔmpɔ seso wɔ mu no sii ho. **12** Afei, anantwi no de su faa ɔtempon a ekɔ Bet-Semes no so tee. Filistifo asodifo dii wɔn akyi ara kosii Bet-Semes hye so. **13** Saa bere no, na Bet-Semesfo retwa wɔn atoko wɔ obon no mu. Enti wɔpagyaw wɔn ani huu Adaka no, wodii ahurusi. **14** Teaseenam no koduu ɔbarima bi a wɔfrɛ no Yosua a ofi Bet-Semes afuw mu no, egyinaa ɔbotan kese bi ho. Nnipa no twitwaa nnua a wɔde yee teaseenam no mu. Na wɔde anantwi no bɔ ɔhyew afɔre maa Awurade. **15** Lewifo no mu bebre faa adaka no ne adakawa a sika agude wɔ mu no, na wɔde guu ɔbotan kese no so. Saa da no, Bet-Semesfo bɔ ɔhyew afɔre ne aduan afɔre bebre maa Awurade. **16** Filistifo asodifo baanum no hwɛ eyinom nyinaa, na da no ara, wɔsan kɔ Ekron. **17** Sikakɔkɔ mpɔmpɔ seso a Filistifo no de kɔ se asodi afɔre, de maa Awurade no ye akyede a efi Asdod, Gasa, Askelon, Gat ne Ekron asodifo nkyen. **18** Sikakɔkɔ akisi seso anum no nso gyina hɔ ma Filistifo nkuropon anum no ne nkurow a atwa ho ahyia no a na asodifo baanum no hwe so no. Ɔbotan kese a na ewɔ Bet-Semes a wɔde Awurade Apam Adaka no sii no nso da so tim Yosua afum besi nne se nkae ade a ekyere asem a esii wɔ hɔ no. **19** Na Awurade kunkum Bet-Semesfo no mmarima aduɔson se wɔahwe Awurade Apam Adaka

no mu. Na nea Awurade yee no nti, nnipa no twaa agyaadwo pa ara. **20** Wosu bisae se, “Hena na obetumi agyina Awurade, Okronkronni Nyankopon anim? Ehe na yebetumi de adaka yi afi ha ako?” **21** Enti wosomaa abofo koo Kariat-Yearimfo nkyen koka kyerɛ wɔn se, “Filistifo no asan de Awurade Apam Adaka no aba. Yesre mo, mommra ha mmegye!”

7 Enti Kariat-Yearimfo begyee Awurade Apam Adaka no. Wode koo Abinadab fi a eɔa bepɔw nkyen baabi. Eho na wodwiraa ne babarima Eleasar se onhwe so. **2** Apam Adaka no kyee yiye wɔ Kariat-Yearim. Edii mfirihyia aduonu wɔ ho. Saa bere no Israel nyinaa twaa agyaadwo, efise na aye se Awurade agyaw wɔn. **3** Na Samuel ka kyerɛ Israelfo nyinaa se, “Se mode mo koma nyinaa resan ako Awurade nkyen de a, eno de, montwe mo ho mfi ananafo anyame ne Astoret ahoni ho. Munsɩ mo adwene pi se mobeye osetie ama Awurade, na monsom onno nko, na obegye mo afi Filistifo nsam.” **4** Enti Israelfo no too Baalim ne Astoret gui, som Awurade nko. **5** Afei, Samuel ka kyerɛ Israelfo no nyinaa se, “Mo nyinaa mommra Mispa, na memmo Awurade mpae mma mo.” **6** Enti wobooa wɔn ho ano wɔ ho. Na wɔn anyankamade mu no, wɔsaw nsu fi abura bi mu, na wohwie guu Awurade anim. Wodii abuada da no, na wɔkaa nokware se wɔaye bone atia Awurade. Enti Mispa ho na Samuel beyee Israel so temmufo. **7** Bere a Filistifo sodifo no tee se Israel nyinaa aboa wɔn ho ano wɔ Mispa no, wobooaboa wɔn asraafo ano, tu teɛɛ. Na Israelfo no tee se Filistifo no reben wɔn no, wɔn koma tuu yiye. **8** Woguan toaa Samuel se, “Sre Awurade, yen Nyankopon, na onnye yen mfi Filistifo nsam.” **9** Enti Samuel faa oguan ba a onnyinii de ne mua no boɔ ohyew afoɛ maa Awurade. Osre Awurade maa Israelfo, na Awurade tiei. **10** Bere a Samuel gu so rebo ohyew afoɛ no, Filistifo no baa se wɔrebeko. Nanso Onyankopon de aprannaa nne a emu ye duru yiye kasa fi soro, maa basabasaye sii Filistifo no mu, maa Israelfo no dii wɔn so nkonim. **11** Israel mmarima pam wɔn fi Mispa, kosii Bet-Kar, kunkum wɔn guu okwan so. **12** Enna Samuel faa obo kese bi de sii Mispa ne Sen ntam. Na otoo no din Ebeneser a ase ne “Oboa bo” na okae se, “Eha na Awurade aboa yen abesi!” **13** Enti wodii Filistifo no so, na wɔantumi ammegye Israelfo nsase amfa wɔ bere tenten bi mu. Na Samuel nkwa nna mu nyinaa, Awurade nsa a eye den no tiaa Filistifo. **14** Na Israel nkurow a eben Ekron ne Gat no a

na Filistifo no agyigye no. Wode asase a aka a Filistifo no agyigye no kaa ho. Emaa asomdwoe baa Israel ne Amorifo ntam saa bere no. **15** Samuel koo so yee Israel so temmufo ne nkwa nna a aka nyinaa. **16** Afe biara, na otu kwan kyinkyin bu aten wɔ n’asennii. Ofi ase wɔ Bet-El de ko Gilgal na wawie wɔ Mispa. Obuu Israelfo aten wɔ saa nkurow yi biara so. **17** Afei, na asan ba ne kurom Rama bedi nsem wɔ ho nso. Na Samuel sii afoɛmuka wɔ Rama de maa Awurade.

8 Samuel boɔ akwakoraa no, oyii ne mmabarima se wɔnye Israel atemmufo. **2** N’abakan no din de Yoel, na ne ba a oto so abien no din de Abiya. Na wɔye atemmufo wɔ Beer-Seba. **3** Nanso na ne mmabarima no nte se wɔn agya. Wɔyee sikanibere, gyigyee adanmude, san buu ntenkyew. **4** Enti Israel mpanyimfo nyinaa hyiaa Samuel wɔ Rama ne no bedii saa asem yi ho nkommɔ. **5** Woka kyerɛɛ no se, “Woabo akwakoraa, na wo mmabarima nso nnantew w’akwan so; enti si ohene na onni yen anim senea aman bebreɛ ye no no.” **6** Wɔn abisade no anye Samuel de nti, okoo Awurade anim kobisaa akwankyerɛ. **7** Na Awurade ka kyerɛɛ Samuel se, “Tie nsem a omanfo no reka kyere wo no na ye. Enye wo na wɔapo, na mmom, me na wɔapo me, se minnni wɔn so hene bio. **8** Efi bere a miyii wɔn fii Misraim no besi nne yi no, wɔako so apo me akodi anyame afoforo akyi; na nne yi, saa ara na wode reye wo. **9** Eno nti, tie wɔn, nanso bo wɔn kɔko anibere so, na ma wonhu okwan a ohene a oɛbedi wɔn so no de wɔn befa so.” **10** Enti Samuel kaa Awurade kɔkɔbo no kyerɛɛ nnipa no. **11** “Sɛɛ na ohene ne mo betena. Ohene betwe mo mmabarima na wama wode ne nteaseɛnam ne apɔnko asom, na wama wɔn atu mmirika adi ne nteaseɛnam anim. **12** Ebinom beye n’akofo mpem ne aduonum so asahene, na ebinom nso aye nkoa ma wɔafuntum n’asase, na wɔatwa ne nnɔbae, na afoforo aye n’akode ne ne teaseɛnam ho nneema. **13** Ohene no begye mo mmabea afi mo nsam, na wahye wɔn ama wɔanoa nnuan, na wɔato nnuan, na wɔaye nnuhuam nso ama no. **14** Obegye mo mfuw ne mo bobɛ mfuw ne mo ngo mfuw a eye no afi mo nsam, na oɔɔ ama onno ankasa n’asomfo. **15** Obegye mo nnɔbae mu nkyemu du mu baako, na wakyekye ama n’adwumayefo ne n’asomfo. **16** Oɔɔɛ se obenya mo mfenaa ne nkoa, na wagye mo anantwi papa ne mo mfurum de wɔn aye n’adwuma. **17** Obegye mo nguan mu nkyemu du mu baako na moaye n’asomfo. **18** Se da no du a, mobesre ahomegye afi saa ohene a morepe

no no nkyen, nanso Awurade remmoa mo.” **19** Nanso ɔmanfo no antie Samuel kɔkɔbɔ no. Asem a wɔkae ara ne se, “Yɛpɛ ɔhene. **20** Yɛpɛ sɛ yɛyɛ sɛ aman a wɔatwa yen ho ahyia no. Yen hene bedi yen so, na wadi yen anim akɔ ɔko.” **21** Enti Samuel kaa asem a nkurɔfo no ka kyereɛ no no kyereɛ Awurade, **22** na Awurade buae se, “Yɛ nea wɔreka no ma wɔn, na ma wɔn ɔhene.” Afei, Samuel penee so, na ɔmaa obiara kɔɔ ne kurom.

9 ɔbarima ɔdefo bi a odi mu tenaa ase a na ne din de Kis na ofi Benjamin abusua mu. Na ɔyɛ Abiel babarima, na ne nena ne Seror a ofi Bekorat fi ne Afia abusua mu. **2** Na ne babarima Saulo ho yɛ fɛ yiye sen obiara wɔ Israel. Na ɔware sen obiara fi ne mmati kosi ne ti so wɔ asase no so. **3** Da bi Kis mfurum yerae, na ɔka kyereɛ Saulo se, “Fa asomfo no mu baako, na wo ne no nkɔhwehwe mfurum no.” **4** Enti Saulo faa asomfo no mu baako. Wɔkɔfaa Efraim bepɔw asase, Salisa asase, Saalim fam ne Benjamin asase nyinaa so, nanso wɔanhu mfurum no baabiara. **5** Na woduu Suf mansin mu no, Saulo ka kyereɛ ɔsomfo a ɔka ne ho no se, “Bra, ma yɛnsan nkɔ faako a yefi bae, na ebia, m’agya agyae mfurum no ho dwene, ɔredwen yen ho mmom.” **6** Nanso ɔsomfo no buae se, “Manya adwene bi, Onyame nipa bi te kurow yi mu a wobu no yiye. Na asem biara a ɔbeka nso ba mu. Ma yɛnkɔ ne ho mprenpren ara, ebia obetumi akyere yen faako a esɛ sɛ yɛfa.” **7** Saulo buaa no se, “Yenni hwee a yebetumi de akye saa ɔbarima no, yen nnuan mpo asa, yenni biribiara a yede bema no.” **8** ɔsomfo no buaa no bio se, “Hwe! Mewɔ dwete gram abiesa. Yebetumi de ama no, na yɛahwe nea ebesei.” **9** (Saa bere no, sɛ nnipa rekobisa Onyankopɔn hɔ ade a, wɔka se, “Momma yɛnkobisa adehuni” efise saa bere no na wɔfrɛ adiyifo adehuni.) **10** Saulo penee so ka kyereɛ ne somfo no se, “Eye, ma yɛnsɔ nhwe!” Enti wosii mu kɔɔ kurow a Onyame nipa wɔ mu no so. **11** Wɔreforo bepɔw bi akɔ kurow no mu no, wohyiaa mmabaa bi a wɔrekɔsaw nsu, na Saulo ne ne somfo no bisaa wɔn se, “Adehuni no wɔ ha nne?” **12** Wobuae se, “ɔwɔ mo anim. Monka mo ho, nne ara a waba yen kurow yi mu efise ɔmanfo rebɛbɔ afɔre wɔ bepɔw no so hɔ. **13** Monka mo ho nkoto no, ansa na waforo akɔ bepɔw no so akodidi. Nnipa no mfi ase nnidi kosi sɛ obehyira aduan no so.” **14** Enti wɔkɔɔ kurow no mu. Na wɔrewura apon no mu no, na Samuel ani kyere wɔn so a ɔrekɔforo bepɔw no. **15** Na Awurade aka akyere Samuel da a atwa mu no se,

16 “ɔkyena sesɛɛ, mɛsoma obi afi Benjamin asase so. Sra no ngo, na ɔmmeyɛ me nkurɔfo Israelfo kannifo. Obegye wɔn afi Filistifo nsam. Mede ahummɔbɔ ahwe me nkurɔfo, na mate wɔn sufɛ.” **17** Bere a Samuel huu Saulo ara pɛ, Awurade kae se, “Oyi ne ɔbarima a mekaa ne ho asem kyereɛ wo no. ɔno na obedi me nkurɔfo so no.” **18** Saulo kɔɔ Samuel nkyen wɔ abɔntenpon no ano kobisaa no se, “Wubetumi akyere me baabi a ɔdehufo no fi wɔ ana?” **19** Samuel buae se, “Mene ɔdehufo no. Di m’anim kan wɔ bepɔw no so, kɔ faako a wɔbɔ afɔre hɔ, na yen nyinaa bedidi wɔ hɔ. Anɔpa, mɛkyere wo nea wɔpɛ sɛ wuhu, na magya wo kwan. **20** Na mfurum a wɔyeraa nnennansa no, mma wɔn ho asem nhaw wo koraa, efise wɔahu wɔn. Na mɛpɛ sɛ meka kyere wo se, Israel anidaso nyinaa yɛ wo ne wo fifo.” **21** Saulo buae se, “So mimfi Benjamin a eyɛ abusua ketewa koraa wɔ mmusuakuw no mu. Na me fi nso nye ketewa koraa wɔ Benjamin afi no nyinaa mu. Na aden nti na woka eyi kyere me?” **22** Enti Samuel de Saulo ne ne somfo no baa asa so hɔ. ɔma wɔtenaa wɔn a wɔato nsa afɛ wɔn no pon ti, de hyɛ wɔn anuonyam wɔ nnipa dodow beyɛ sɛ aduasa no anim. **23** Samuel ka kyereɛ osoodoni no se, “Fa nam sin a mede maa wo no bra, nea wɔde asie ama nea wɔrehyɛ no anuonyam no.” **24** Enti osoodoni no de ba betoo Saulo anim. Samuel kae se, “Di nea wɔde asi w’anim no. Mede sie maa wo ansa na mereto nsa afɛ afɔforo yi.” Enti Saulo ne Samuel didii. **25** Aponto no akyi a wɔsan baa kurow no mu no, Samuel de Saulo kɔɔ atifi dan mu kosiesie nnabea maa no. **26** Ade kyee anɔpa no, Samuel kɔɔ Saulo nkyen kɔfrɛɛ no se, “Sɔre! Anka esɛ sɛ saa bere yi wonam kwan so.” Enti Saulo siesiee ne ho na ɔne Samuel nyinaa bɔɔ mu fii fie hɔ. **27** Woduu kurotia no, Samuel ka kyereɛ Saulo sɛ ɔnsoma ne somfo no nni wɔn kan. ɔsomfo no kɔe no, Samuel kae se, “Tena ha, efise Onyankopɔn de nkra sononko bi ama me a, esɛ sɛ meka kyere wo.”

10 Afei, Samuel faa ngotoa a ngo wɔ mu hwie guu Saulo tirim, few n’afono ho, kae se, “Mereyɛ eyi de akyere sɛ Awurade apaw wo sɛ ɔkannifo ama ne man Israel. **2** Sɛ wugyaw me ha nne na wɔrekɔ a, wubehyia mmarima baanu wɔ baabi a ebɛn Rahel da a ewɔ Selsa a ebɛn Benjamin hye no. Wɔbɛka akyere wo se, ‘Mfurum a mutuu ho anammɔn kɔhwehweɛ wɔn no, wɔahu wɔn. Enti mprenpren, w’agya agyae wɔn ho dwene, na mmom, mo ho na ɔredwen. ɔtaa bisa se, “Obi ahu me babarima no ana?”’ **3** “Mudu dua kese bi

a esi Tabor ho a, mubehyia mmарima baasa bi a wofi Bet-El reko akosom Onyankopon. Obaako so mmirekyi mma abiesa, obaako nso so brodo mua abiesa, na nea oka ho no nso so nsa aboa nhoma kotoku baako. 4 Wobekyia mo, na wama mo brodo mua abien, na ese se mugye fi won nkyen. 5 “Na se mudu Onyankopon koko a ewo Gibea a Filistifo nsraadom abo pem wo ho no a, mubehu adiyifo asafodom se wofi aforemuka a ewo bepaw no so ho resian ba. Eho na mubehyia adiyifo asafa a woresian a fi bepaw no so ho reba na benta ne mpintin ne mmen ne asanku di won anim a wrehye nkam. 6 Saa bere no, Onyankopon Honhom beba wo so wo tumi mu, na wo ne won behye nkam. Wobesakra aye onipa foforo. 7 Saa nsenkyerenne yi akyi no, ye nea wugye di se eye biara, na Onyankopon beka wo ho. 8 Afei, sian di m’anim ko Gilgal na kotwen me wo ho nnanson. Meba abeka wo ho wo ho, na yeabo ohyew afoe ne asomdwoe afoe. Na se midu ho a, mekyere wo nea ese se woye bio.” 9 Saulo dan ne ho pee se oko ara pe, Onyankopon sesaa ne koma, na Samuel nsenkyerenne nyinaa baa mu da no. 10 Bere a Saulo ne ne somfo no duu Gibea no, wohuu se adiyifo no reba. Afei Onyankopon honhom baa Saulo so, na ono nso fii ase hyee nkam. 11 Bere a ne nnamfonom tee saa asem yi no, woteee mu se, “Asem ben na moreka yi? Saulo nso abeye odiyifo? Eyee den na Kis babarima tumi beyee odiyifo?” 12 Nanso ehoni bi kae se, “Senea n’agya te de, emfa ho; obiara tumi beye odiyifo.” Enti ebeye sennaho se, “Enti Saulo nso abeye odiyifo?” 13 Saulo gyaee adiyi no, oforoo bepaw no koo aforemuka no so. 14 Oduu ho no, Saulo wofa bisaa no se, “Ehefa na wokoe a dedaada yenhoo wo yi?” Saulo buae se, “Yekohwehwee mfurum a wayera no, nanso yeanhu won. Eno nti, yekoo odiyifo Samuel nkyen kobisaa no faako a wowa.” 15 Ne wofa no bisae se, “Saa? Na asem ben na okae?” 16 Saulo buae se, “Okae se, wahu mfurum no.” Nanso Saulo anka ankyere ne wofa no se Samuel asra no ngo se wobesi no ohene. 17 Samuel free Israelfo nyinaa baa Awurade anim wo Mispa, 18 na oka kyeree won se, “Senea Awurade, Israel Nyankopon, se ni, ‘Mede Israelfo fii Misraim bae, na migyee mo fii Misraim tumi ne won a wodi mo nya no nyinaa ase.’ 19 Nanso ewo mu se maye bebreema mo de, nso moapo me aka se, ‘Yeye ohene.’ Enti afei, momfa mo mmusuakuw ne mo mmusua mmra Awurade anim.” 20 Samuel maa Israel mmusuakuw nyinaa bae no, Benyamin abusuakuw na woyii won.

21 Afei omaa Benyamin abusuakuw no mu a fi nyinaa baa Awurade anim na woyii Matri abusua, na awiei no woyii Kis babarima Saulo. Na wohwehwee no no, na wonhu baabi a wafa. 22 Enti wobisaa Awurade se, “Na owo he?” Na Awurade buae se, “Yiw, ode ne ho ahintaw nneema mu.” 23 Enti wotuu mmirika kofaa no bae. Na obegyinaa nnipa no mu no na ne tenten bunkam fa obiara so. 24 Samuel ka kyeree nnipa no nyinaa se, “Obarima a Awurade apaw no se mo hene ni. Obiara nni Israel ha a one no se.” Afei, nnipa no nyinaa bo gyee so se, “Ohene nkwa so!” 25 Samuel kyerekyeree mmara a ebata saa ahenni no ho kyeree nnipa no. Okyerew guu nhoma mmobowee so, de kotoo Awurade anim. Afei, Samuel gyaa omanfo no kwan ma wokoo won a fi mu. 26 Saulo nso koo ne fi wo Gibea na nnipakuw bi a Onyankopon aka won koma de won ho beboo no. 27 Nanso amumayefo bi kae se, “Ebeye den na saa onipa yi atumi agye yen?” Wobuu no animtiaa a wammre no akyede biara. Nanso Saulo ammua won.

11 Ebeye osram akyi, Amonhene Nahas dii n’akofo anim betoaa Israel kuropon Yabes Gilead. Na Yabesman mma sree se, “Momma yene mo nye apam, na yebeye mo asomfo.” 2 Nanso Amonni Nahas buae se, “Eye, na ade baako pe na ese se mopene so. Ene se, metu obiara ani nifa baako de agu Israel nyinaa anim ase.” 3 Na Yabes mpanyin no buae se, “Ma yen nnanson, na yemfa nsoma abofo mfa Israel nyinaa, na se yen abusuafu amma ammegye yen de a, yebepene wo nhyehyee no so.” 4 Abobo no beduu Gibea a eye Saulo kurom, bekaa asem a ato won no kyeree omanfo maa won nyinaa sui. 5 Saa bere no, na Saulo refuntum n’afuw. Na obaa fie no, obisae se, “Den asem na asi? Aden nti na nusu abu obiara kon yi?” Enti woboo asem a efi Yabes aba no ho amannee. 6 Onyankopon honhom besii Saulo so denneennen. Na ne bo fuw yiye. 7 Ofaa anantwi abien, twitwaa won asinasin, na womaa abobo no soa kyinii Israel nyinaa, kae se, “Obiara a wanni Saulo ne Samuel akyi anko oko no, saa ara na ne nantwi beye!” Na Awurade maa nnipa no suroo Saulo abufuw no. Enti won nyinaa beboaa won ho ano. 8 Bere a Saulo boaa won ano wo Besek a okan won no, na Israel mmарima dodow ye mpem ahaasa na Yudafo nso dodow ye mpem aduasa. 9 Saulo somaa abobo no ma wosan won akyi koo Yabes Gilead koka kyeree won se, “Enkosi okyena awia owigyinae bere mu no, yebeyi mo a fi mo ahokyere no mu.”

Abɔfo no kɔka eyi kyereɛ Yabes mmарima no, wɔn ani gyeyi. **10** Na Yabes mmарima ka kyereɛ wɔn atamfo no se, “Ɔkyena yebeba mo so, na nea mope no, monye yen.” **11** Nanso ansa na ade bekye no, na Saulo adu ho dedaw. Ɔkyekyee n’akofo no mu akuw abiesa. Ɔtow hyee Amonfo no so mpofirim, kunkum wɔn anɔpa mu no nyinaa. Wɔn asraafo nkae no bɔ hwetee baabiara a obi mpo nhu se wɔn mu baanu bi gyina faako. **12** Afei, nnipa no teɛ mu frɛɛ Samuel se, “Nnipa a wɔka se enɛ se Saulo di yen so hene no wɔ he? Momfa wɔn mmra na yenkum wɔn.” **13** Nanso Saulo buae se, “Wɔrenkum obiara nne, efise, Awurade agye Israel nne.” **14** Na Samuel ka kyereɛ nnipa no se, “Mommra na yen nyinaa nkɔ Gilgal nkosi Saulo ahenni no so dua.” **15** Enti wɔn nyinaa kɔɔ Gilgal, na wɔhyee Saulo ahenkyew wɔ Awurade anim. Na wɔbɔɔ asomdwoe afoɔre maa Awurade, na Saulo ne Israelfo nyinaa gyee wɔn ani.

12 Afei, Samuel kasa kyereɛ ɔman no bio se, “Nea mopeɛ se meye no maye, mama mo ɔhene. **2** Matwa me mmabarima ho ayi no, na migyina ha se akwakoraa tidwen. Masom se mo kannifo fi me mmofraase. **3** Afei, monka nkyere me, bere a migyina Awurade ne nea wɔasra no wɔ ne din mu anim yi, hena nantwi anaa n’afurum na mawia? Masisi mo mu bi pen ana? Madi mo nya pen ana? Magye adanmude bi pen ana? Se maye bɔne bi a, monka nkyere me, na mesiesie nea manye no.” **4** Wobuaa se, “Dabi, wunsisii yen, na wunnii yen nya ɔkwan biara so, na wunnyee adanmude fua pe mpo.” **5** Samuel kae se, “Awurade ne ne onipa a wasra no no ye me nnansefo se morentumi nka se mabɔ mo korɔn.” Wɔn nyinaa kae se, “Ampa ara, eye nokware!” **6** Samuel toaa so se, “Eye Awurade na oyii Mose ne Aaron. Ɔno na oyii mo agyanom fii Misraim asase so. **7** Mprempren, munnyina ha dinn wɔ Awurade anim bere a migu so rekaakae mo nneema akese a Awurade aye ama mo ne mo agyanom no. **8** “Bere a na Israelfo wɔ Misraim na wosu frɛɛ Awurade no, ɔsoma Mose ne Aaron se, wonnyi wɔn mfi Misraim, na wɔmfa wɔn mmra saa asase yi so. **9** “Nanso ankye biara na nnipa no were fii Awurade, wɔn Nyankopɔn, enti ɔmaa Sisera a ɔye Hasor asraafo sahene no ne Filistifo ne Moabhene dii wɔn so. **10** Afei, wosu frɛɛ Awurade bio, na wɔpae mu kaa wɔn bɔne se, “Yeaye bɔne se yeatwe yen ho afi Awurade ho, na yeresom ahoni Baalim ne Astoret. Na se wugye yen fi yen atamfo nsam a, yebesom wo, na

wo nko ara na yebesom.’ **11** Na Awurade somaa Yerub-Baal, Barak, Yefta ne Samuel, na ogyee mo fii mo atamfo nsam na mobetenaa asomdwoe mu. **12** “Nanso musuroo Amonfo hene Nahas nti, moka kyereɛ me se, ‘Dabi, yerepe ɔhene ama wadi yen so’—nanso na Awurade mo Nyankopɔn ye mo so hene. **13** Afei, mo hene a moayi no ni; nea mobisae no. Hwe, Awurade aye mo apede ama mo. **14** Se musuro Awurade, na mosom no, tie n’asem, na se moammu ne mmara so, na mo ne mo hene a odi mo so no nyinaa di Awurade, mo Nyankopɔn akyi a, biribiara beye yiye. **15** Na se moantie Awurade, na mubu ne mmara so a, ne nsa beye duru wɔ mo so senea eye mo agyanom so no. **16** “Enti afei, munnyina ho dinn, na monhwɛ ade kese a Awurade rebeye. **17** Munim se saa bere yi a eye awitwabere yi, osu ntɔ. Mema Awurade apae aprannaa na ama osu atɔ. Afei mubehu bɔne a moyee se mobisaa ɔhene no.” **18** Eho ara Samuel frɛɛ Awurade, na da no ara, Awurade pae aprannaa, tɔɔ osu. Nnipa no nyinaa suroo Awurade ne Samuel. **19** Nnipa no nyinaa ka kyereɛ Samuel se, “Bɔ Awurade, wo Nyankopɔn, mpae ma w’asomfo senea yerenwu, na yerenye bɔne nka yen bɔne ahorow nyinaa ho se yeabisa ɔhene.” **20** Samuel buae se, “Munnuro. Moaye saa bɔne yi nyinaa bi de, nanso monnnan mo ani mmfi Awurade so, na momfa mo koma nyinaa nsom Awurade. **21** Monnsan nkodi ahoni huhuw a wɔrenye mo papa biara, na wɔrentumi nnye mo nkwa no akyi, efise wɔn so nni mfaso. **22** Esiane ne din kese no nti, Awurade rempo ne nkurofo. Awurade afa mo se n’ankasa n’ade. **23** Na me de, merenye bɔne ntia Awurade se meremmo mpae mma mo. Na meko so akyere mo papa ne bɔne. **24** Nanso monhwɛ se mubesuro Awurade na moasom no nokware mu. **25** Na se moko so ye bɔne a, wɔbesee mo ne mo hene nyinaa.”

13 Bere a Saulo dii ade no, na wadi mfirihyia aduasa. Na odii ade mfirihyia aduanan abien. **2** Saulo yii asraafo sononko bi a wɔn dodow ye mpensa fii Israel, na ɔmaa nkae no kɔɔ fie. Ɔfaa asraafo no mu mpenu kaa ne ho, de wɔn kɔɔ Mikmas ne bepɔw nsase a ewɔ Bet-El no so. Asraafo apem a wɔaka no kaa Saulo babarima Yonatan ho kɔɔ Gibe a wɔ Benyamin asase so. **3** Eyi akyi no, ankye na Yonatan kɔtoaa Filistifo asraafo no dii wɔn so wɔ Geba. Asem no tɔrew ntem so wɔ Filistifo no mu. Enti Saulo hyen torobento wɔ Israel nyinaa se, “Hebrifo, monsɔre!” **4** Israelfo nyinaa tee se Saulo atɔre Filistifo asraafo a wɔwɔ Geba no

ase, na ne saa nti, Israelfo ho aye Filistifo no ahi. Enti Israel asraafo no nyinaa boaa won ho ano bio hyiaa Saulo wo Gilgal. **5** Filistifo boaboa nsraadom kese pa ara ano a wokura nteaseenam mpensa, apunkosotefo mpem asia ne asraafo a won dodow te se mpoano nwea ano. Wokyeree nsraban wo Mikmas wo Bet-Awen apuei fam. **6** Bere a Israel mmарima no huu atamfo no nsraadom mpempe no, won ho dwudwoe; nti woyee se wobeko akohintaw won ho wo abodan, mmoa, abotan, aboda ne nsukorae mu. **7** Ebinom twaa Asubonten Yordan guan koo Gad ne Gilead asase so. Saa bere no, na Saulo wo Gilgal a ne mmарima a woka ne ho no wo ahopopo ne osuro mu. **8** Odii nnanson wo ho senea Samuel hyee no se onni no; nanso Samuel de, wamma Gilgal, na Saulo huu se mmарima no rebo ahwete. **9** Enti ohyee se, “Momfa ohyew afore ne asomdwoe afore no mmre me.” Na Saulo ankasa boo ohyew afore no. **10** Orewie afore no bo ara pe, na Samuel koduu ho. Enti Saulo pue kohyiaa no maa no akwaaba. **11** Samuel bisaa no se, “Den na woaye yi?” Saulo buae se, “Mihuu se mmарima no rehwete, na womma no, na Filistifo no nso reboa won ho ano wo Mikmas no, **12** medwenee se, ‘Afei de, Filistifo no besian abetoe me wo Gilgal, nanso mimmisaa Awurade nkyen adom e.’ Enti metee nka se, ese se mebo ohyew afore ansa na woaba.” **13** Na Samuel kae se, “Woadi nkweiseasem. Woanni mmara a Awurade, wo Nyankopon, hyee wo no so. Se wudii so a, anka obetim w’ahenni ase wo Israel afeboo. **14** Na mprenpre, w’ahenni no rentim. Awurade ape obarima bi a oye ne koma apede na wayi no se ne nkurofo okannifo, efise woanni Awurade mmara no so.” **15** Na Samuel fii Gilgal koo Gibea wo Benjamin. Saulo kan mmарima a na woka ne ho no, na won ano si beye ahansia. **16** Na Saulo ne ne babarima Yonatan ne mmарima a woka ne ho no te Geba a eben Gibea wo Benjamin asase so. Saa bere no na Filistifo no akyere nsraban wo Mikmas. **17** Afowfo akuw abiesa fii Filistifo nsraban mu. Kuw baako de n’ani kyeree Ofra kwan so, koo Sual mpotam ho. **18** Afoforo faa Bet-Horon kwan so na won a woka ho no nso faa ohye a ekyere Seboim bon no kwan so, koo sare so fam. **19** Saa bere no, na otomfo biara nni Israel asase no so baabiara. Filistifo no amma atomfo no kwan, efise wose, “Anye saa a atomfo no bebo afoa ne mpeaw ama Hebrifo no.” **20** Enti na Israelfo no nyinaa ko Filistifo nkyen kosesew won funtum nnade, nsow, mmonnua

ne dotetu nnade ano. **21** (Na wogyee funtum nnade ne asosow a wosew no biara ho dwete gram awotwe, na se wosew mmonnua anaa mmoaaka nnade a, wogyee dwete gram anan.) **22** Eno nti na Israelfo no mu biara nni afoa anaa peaw, gye se Saulo ne Yonatan. **23** Saa bere no mu, na Filistifo asraafo no fa bi ako akofa otompom a eda Mikmas no.

14 Da bi, Yonatan ka kyeree aberante a osoa n’akode se, “Bra na yenko baabi a Filistifo no apee so wo ho no.” Yonatan anka n’adwene ankyere n’agya. **2** Saa bere no na Saulo ne ne mmарima ahansia no akyere nsraban wo Gibea nkwantia wo atoea dua a ewo Migron no ase. **3** (Onipa a na oka Saulo mmарima no ho no ne Ahiya a oye Awurade sofo a na ohye sirikyi asofotade no. Na Ahiya ye Ahitub babarima a oye Ikabod nua. Na saa Ahitub no nso ye Pinehas babarima a na oye Eli nena nso. Na Eli ye Awurade sofo a na osom wo Silo.) Na obiara nnim se Yonatan afi Israel nsraban mu ho. **4** Ansa na Yonatan beduu Filistifo nsraban mu no, na ese se osian fa abotan mmepow abien bi a wofre no Boses ne Sene no ntam. **5** Obotan a etweri ho a na ewo atifi fam no, na ekyere Mikmas anim, na nea ewo anafo fam no nso ekyere Geba anim. **6** Yonatan ka kyeree aberante a oye n’akodekurafo no se, “Ma yentwa mu nko abosonsomfo no nkyen. Ebia, Awurade beboa yen, efise biribiara ntumi nsiw Awurade kwan. Obetumi adi oko mu nkonim a emfa ho se n’akoko dooso anaa wosua.” **7** Aberante no kae se, “Ye nea wugye di se eye biara. Gyinae biara a wubesi no, metaa w’akyi pintinn.” **8** Yonatan kae se, “Eye, yebetwa mu ako ho, na yeama wahu yen. **9** Na se woka se, ‘Munnyina faako a moadu ho ara na anye saa a, yebekum mo’ a, eno de, yebegyina a yerenko won nkyen. **10** Na se woka se, ‘Momforo mmra mmeko’ a, eno de, yebeforo ako soro. Ebeye Awurade nsenkyerenne se obeboa yen, ama yeadi won so nkonim.” **11** Bere a Filistifo no huu se woreba no, wotee mu se, “Monhwe o! Hebrifo no na woreweawe a fi won abon mu nol!” **12** Na wotee mu free Yonatan se, “Foro bra ha na yenkyere wo nyansal!” Yonatan ka kyeree n’akodekurafo no se, “Bra; foro di m’akyi na Awurade beboa yen, ama yeadi won so nkonim.” **13** Enti wode won nsa abien ne won anan foroe, na Yonatan ne n’akodekurafo no kunkum Filistifo no benkum ne nifa. **14** Wokunkum mmарima beye aduonu maa won amu no dedaa asase a ne trew beye se eka fa so. **15** Eho ara, ehu boo Filistifo asraafo no wo

nsraban no mu ne akono ho nyinaa, na ekaa afowfo no mpo. Eho ara asase wosow maa obiara koma tui. **16** Saulo awemfo a wɔwɔ Gibeā no huu biribi a eyɛ wɔn nwonwa. Eno ara ne sɛ, Filistifo asraafo no abɔ ahwete mmaa nyinaa. **17** Afei, Saulo ka kyereɛ mmārīma a wɔka ne ho no se, “Monhwe asraafo no mu nhwe se obi nni ho ana.” Wɔhwehwe huu sɛ Yonatan ne n’akodekurafo no na na wonni ho. **18** Saulo ka kyereɛ Ahiya se, “Kɔfa Onyankopɔn Apam Adaka no bra.” (Saa bere no na ewɔ Israelfo nkyen.) **19** Bere a Saulo rekasa akyereɛ ɔsofo no, na basabasa a asi Filistifo nsraban no mu no ano den ara na ereye. Enti Saulo ka kyereɛ ɔsofo no se, “Gyae! Ma yenko.” **20** Afei, Saulo ne ne mmārīma ahansia no kaa wɔn ho ntem so fii akono ho kohuu se, Filistifo no atwa wɔn ho rekunkum wɔn ho wɔn ho. Na eho nyinaa aye kitikiti ne basabasa nko ara. **21** Mpo, Hebrifo a na wɔdɔm Filistifo asraafo no kɔdɔm Saulo, Yonatan ne Israelfo nkae no. **22** Saa ara na mmārīma a na wɔakɔtetɛw wɔ mmepɔw mu no huu sɛ Filistifo no reguan no, bekaa ho taa wɔn bi. **23** Enti Awurade gyee Israel da no. Na ɔko no kɔɔ so ara traā Bet-Awen. **24** Afei, saa da no na Israelfo no abrebrɛ, efise na Saulo ama wɔaka ntam se, “Nnome mmra obiara a obedidi ansa na onwini atɔ, anaase ansa matɔ m’atamfo no so were.” Enti obiara amfa hwee anka n’ano da mu no nyinaa, **25** ewɔ mu, wohuu se ewo kyem da fam wɔ kwae no ase. **26** Wɔamfa wɔn nsa anso ewo no mu mpo, efise na wɔn nyinaa suro ntam a wɔaka no. **27** Nanso na Yonatan de, ɔntee n’agya ntam no ho hwee. ɔde abaa bi nuu ewo kyem no mu, dii ewo no bi. Odi wiee no, ne ho bae no. **28** Nanso mmārīma no mu baako huu no, ka kyereɛ no se, “W’agya maa asraafo no kaa ntam a emu ye den se, obiara a obedidi nne no, nnome beba ne so. Eno nti, na obiara ahodwɔw no.” **29** Na Yonatan teeɛ mu se, “M’agya de ɔhaw abeto yen nyinaa so. Mmara a ete sɛɛ no pira yen. Monhwe se ewo kakra a midii yi, me ho asisi me ho so. **30** Sɛ mmārīma no nyaa kwan dii nnuan a wohuu wɔ yen atamfo no nkyen a, anka mo ara mubehu wɔn dodow a yebekum aka ho.” **31** Nanso ɔkɔm no nyinaa akyi, wɔtaa Filistifo no da mu no nyinaa fi Mikmas, kosii Ayalon. Na afei, wɔbrebrɛɛ mmoroso. **32** Anwummere no, wɔtow guu asade no so, faa nguan, anantwi ne anantwi mma. Wokunkum wɔn, wee wɔn nam ne wɔn mogya nyinaa frae. **33** Afei, obi ka kyereɛ Saulo se, “Hwe! Mmarima no reyɛ bɔne atia Awurade, efise worewe nam a mogya fra mu.” Na

Saulo kae se, “Eye bɔne pa ara. Mumpirew ɔbo kese bi mmeto ha. **34** Na afei monko mmārīma no mu nkɔka nkyere wɔn se, ‘Momfa anantwi no ne nguan no mmra ha mmekum wɔn na monson wɔn mogya mfi wɔn mu. Monnnwe nam a mogya da so wɔ mu mmfa so nye bɔne ntia Awurade.’” Enti anadwo no, asraafo no de wɔn anantwi bae, bekunkum wɔn wɔ ho. **35** Na Saulo sii afɔremuka wɔ ho, de maa Awurade, nea edi kan a osii. **36** Na Saulo kae se, “Momma yenko Filistifo no so anadwo yi, na yenkoɛ wɔn ara nkosi ahemadakyɛ a yerenyaw wɔn mu baako koraa.” Na wobuae se, “Biribiara a wugye di se eye no, yebeye.” Nanso ɔsofo no kae se, “Momma yenni kan mmisa Awurade ansa.” **37** Enti Saulo bisaa Awurade se, “Menko so ntaa Filistifo no? Na wobɛboa yen ama yeadi wɔn so ana?” Nanso Awurade amma wɔn mmuae biara saa da no. **38** Enti Saulo ka kyereɛ ntuanofɔ no se, “Biribi atɔ kyima, enti mehwehwe m’asahene nyinaa. Eɛ se yehu bɔne a yeaye nne. **39** Mede Awurade a oyii Israel din ka ntam se nea wayɛ bɔne no bewu, mpo se ɔye me babarima Yonatan!” Na mmārīma no mu baako mpo antumi anka hwee. **40** Afei, Saulo ka kyereɛ Israelfo no nyinaa se, “Munnyina noho; me ne me babarima Yonatan nso begyina ha.” Nnipa no penee so. **41** Enti Saulo bɔɔ Awurade, Israel Nyankopɔn, mpae se, “Ao Awurade Israel Nyankopɔn, yesɛ wo kyere yen nea odi fɔ ne nea odi bem. Mene Yonatan di fɔ anaase bɔne no wɔ nkurɔfɔ no mu? Mfomso no betɔɔ Yonatan ne Saulo so, na nnipa no dii bem.” **42** Na Saulo kae se, “Mommɔ me ne me babarima Yonatan so ntonto.” Na ntonto no bɔɔ Yonatan se odi fɔ. **43** Saulo bisaa Yonatan se, “Ka nea woaye kyere me.” Yonatan gye too mu se, “Mede ewo kakra kaa m’ano. Eyɛ kakraa bi a na ewɔ abaa bi ti so. Na eyi ye owu asem?” **44** Saulo kae se, “Yiw, Yonatan, eɛ se wuwu. Sɛ woanwu wɔ saa asem yi ho a, Onyankopɔn nka me na minwu.” **45** Eho ara na nnipa no sɔre teeɛ mu ka kyereɛ Saulo se, “Enti efata sɛ Yonatan a ogyee Israel nne no wu ana? Onyame mpa ngu. Bere dodow no a Awurade te ase yi, ne tinwi baako koraa ho nka, efise Onyankopɔn afa ne so aye anwonwade nne.” Enti nnipa no gyee Yonatan, na wɔankum no. **46** Na Saulo frɛɛ asraafo no se wɔnnntaa Filistifo no bio. Enti Filistifo no san kɔɔ fie. **47** Saulo nyaa Israel ahengua no so tenae a ɔhaw biara mma no, ɔko tiaa n’atamfo wɔ afanan nyinaa. ɔko tiaa Moab, Amon, Edom Soba ne Filistifo ahemfo. Na baabiara a ɔkɔe no, odii nkonim. **48** ɔkoo mmārīma so,

dii Amalekfo so, gyee Israelfo fii wɔn afowfo nyinaa nsam. **49** Na Saulo mmabarima ne Yonatan, Iswi ne Malki-Sua na ne mmabea baanu nso ne Merab a ɔye panyin ne Mikal nso a ɔye akumaa. **50** Na Saulo yere din de Ahinoam a na ɔye Ahimaas ba. Na ne sahene din de Abner a na ɔye Saulo agya nua Ner babarima. **51** Na Saulo agya Kis ne Abner agya Ner ye anuanom a wɔye Abiel mma. **52** Bere a Saulo dii ade nyinaa, na Filistifo taa ne Israelfo di ako. Enti bere biara a Saulo behu aberante biara a ne koko ye duru na ɔwɔ ahooɔden no, ɔtwe no de no fra n'asraafo mu.

15 Da bi Samuel ka kyerɛ Saulo se, “Me na Awurade somaa me se memmesra wo ngo se Israel ɔhene. Afei tie nkra a efi Awurade nkyen no. **2** Asem a Asafo Awurade se ni, ‘Me ne Amalekfo bedi wo nea wɔye de tiaa Israelfo bere a na wofi Misraim reba no ho. **3** Enti ko na kɔsee Amalek mantam no pasaa. Kunkum mmabarima ne mmea, mmofra ne nkokoaa, anantwi ne nguan, yoma ne mfurum.’” **4** Enti Saulo frɛe n'akofo boaa wɔn ano wo Telaim. Na wɔn dodow ye mpem ahannu ne mpem du nso a wofi Yuda. **5** Saulo kɔɔ Amalek kuropon no mu, kɔtew obon no mu. **6** Na ɔkraa Kenifo no se, “Mumfi nea Amalekfo no te ho na mansee mo ne wɔn, efise Israelfo no fi Misraim reba no, mo ne wɔn dii no yiye.” Enti Kenifo no twee wɔn ho fi Amalekfo no ho. **7** Na Saulo kunkum Amalekfo no fii Hawila kosii Sur wo Misraim apuei fam. **8** ɔkyeree Amalekfo hene Agag anikann, nanso okunkum nnipa no nyinaa. **9** Na Saulo ne n'akofo no anye Agag bone biara, na mmom wɔfaa wɔn nguan pa, anantwi pa ne anantwi ne nguamma a wɔadodo srade ne biribiara a wɔn ani gye ho. Wɔsee nea so nni wɔn mfaso na enni mu nyinaa. **10** Na Awurade ka kyerɛ Samuel se, **11** “Manu me ho se masi Saulo ɔhene, efise wannɔ me nokware, na afei waye n'adwene se ɔrentie m'asem.” Asem no haw Samuel, na osu frɛe Awurade anadwo mu no nyinaa. **12** Ade kyee no, Samuel sɔree ntem kohyiaa Saulo, nanso obi ka kyerɛ no se, “Saulo kɔɔ Karmel se ɔrekosi nkaedum de ahye ne ho anuonyam, na ofii ho kɔɔ Gilgal.” **13** Samuel kɔtoɔ no no, Saulo kyiaa no anigye so se, “Awurade nhyira wo. Madi Awurade ahyede no so.” **14** Samuel bisae se, “Na den ne nguan ne anantwi su a mete yi?” **15** Saulo gye too mu se, “Eye nokware se asraafo no amfa wɔn nsa anka nguan pa ne anantwi pa no. Nanso wode eyi rebebo afore ama Awurade, wo Nyankopon. Biribiara a eka ho no de, yeasee no.” **16** Afei, Samuel ka kyerɛ Saulo se,

“Gyae! Tie asem a Awurade ka kyerɛ me anadwo a atwa mu yi.” Saulo bisaa se, “Den asem?” **17** Samuel ka kyerɛ no se, “Ebia wubu wo ho abomfiaa, nanso enye wo na wudii Israel mmusuakuw nyinaa so no? Awurade asra wo ngo se ɔhene wo Israel so. **18** Na ɔsoma wo se kodi dwuma bi ma no, na osee wo se, ‘Ko na kɔsee amumɔyefo a eye Amalekfo no pasapasa, kosi se mobetore wɔn ase dwerɛbee.’” **19** Aden nti na woantie Awurade? Aden nti na mopere fom nneema, na moyee nea Awurade kaa se monnye?” **20** Saulo nso kaa no denneennen se, “Mitiee Awurade. Nea ɔkyeree me se menyee no, meyee. Mede ɔhene Agag san bae. Na wɔn a aka no de, messee wɔn nyinaa. **21** Na m'akofo no nso de nguan pa, anantwi pa ne asade bae se wode rebebo afore ama Awurade, wo Nyankopon wo Gilgal.” **22** Na Samuel buae se, “Nea ewo he na esɔ Awurade ani: se wobebɔ ɔhyew afore ne okum afore, anaase wobeye osetie ama Awurade nne? Osetie ye sen aforebo. Se wubetie no no ye sen se wode adwennini akese srade bema. **23** Atuateg te se bayi, na asooɔden nso te se ahonisom. Esiane se woapo Awurade asem no nti, ono nso apo w'ahenni.” **24** Na Saulo ka kyerɛ Samuel se, “Maye bone. Manni Awurade ahyede ne wo nkyerekyerɛ so. Na misuro nnipa no nti na meyee wɔn apede maa wɔn no. **25** Enti mesre wo, fa me bone kye me na wo ne me nkɔsom Awurade.” **26** Samuel ka kyerɛ no se, “Merensan ne wo nkɔ. Woapo Awurade ahyede enti Awurade nso apo w'ahenni!” **27** Samuel yee se ɔreko no, Saulo soo n'atade mu pɛe se ɔsan no, na atade no mu suanee. **28** Samuel ka kyerɛ no se, “Hwe efi nne, Awurade atew Israel ahemman mu afi wo ho de ama obi oforo a oye sen wo. **29** Nea ɔye Israel Anuonyam no nni atoro na ɔnsesa n'adwene; efise ɔnye onipa na wasesa n'adwene.” **30** Saulo sree bio se, “Minim se maye bone. Na mesre wo se, hye me anuonyam wo me mpanyimfo ne me nkurɔfo anim; wo ne me nkɔsom Awurade, wo Nyankopon.” **31** Enti Samuel pene ne Saulo san kɔe, na Saulo som Awurade. **32** Afei, Samuel kaa se, “Fa ɔhene Agag bre me.” Agag baa ne nkyen gyidi mu, susuw se eho a wakɔ no de, owu apare no. **33** Nanso Samuel kae se, “Senea w'afɔa akum mmea bi mmabarima no, wo nso wo na beye ɔbea a onni ba.” Enti Samuel twitwaa Agag mu nketenketɛ Awurade anim wo Gilgal. **34** Na Samuel fi ho kɔɔ Rama na Saulo nso kɔɔ ne fi wo Gibeaa. **35** Samuel anhyia Saulo bio

nanso odii ne ho yaw bebre. Na Awurade nuu ne ho se osii Saulo hene wɔ Israel so.

16 Awurade bisaa Samuel se, “Woadi Saulo ho awerehow senea ese. Mapo no se Israel hene. Fa ngo gu wo toa mu, na tutu so kɔ Betlehem. Hwehwe obi a wɔfre no Yisai na mayi ne mmabarima no mu baako se ɔnye me hene foforo.” **2** Samuel bisae se, “Meye den aye eyi? Se Saulo te a obekum me.” Na Awurade ka kyeree no se, “Fa nantwi ba ka wo ho, na ka se, ‘maba se merebebo aɔre ama Awurade.’” **3** To nsa fre Yisai na ɔmmra aɔrebo no, na mekyere wo ne mmabarima no mu nea wobesra no ngo ama me.” **4** Samuel yee nea Awurade kyeree no se ɔnye no. Bere a oduu Betlehem no, eho mpanyimfo no boɔ hu. Wobisaa no se, “Wobaa no asomdwoe mu ana?” **5** Samuel buae se, “Yiw, asomdwoe mu. Merebebo aɔre ama Awurade. Munnwira mo ho, na mommeka me ho na yemmɔ.” Enti Samuel dwiraa Yisai ne ne mmabarima no na ɔtoo nsa fre wɔn baa aɔrebo no ase. **6** Wodui no, Samuel huu Eliab na osusuwii se, “Ampa, nea Awurade asra no no ni.” **7** Nanso Awurade ka kyeree Samuel se, “Nhwɛ n’ahoɔfe ne ne tenten, efise mapo no. Awurade nhwe nneema senea nnipa hwe no. Onipa hwe nea aniwa hu, na Awurade de, ɔhwe koma mu.” **8** Na Yisai fre Abinadab ma otwaa mu wɔ Samuel anim. Nanso Samuel kae se, “Oyi nye nea Awurade ayi no.” **9** Yisai maa Sama twaa mu, nanso Samuel kae se, “Saa ara na Awurade nyii oyi.” **10** Yisai maa ne mmabarima baason befaa Samuel anim, na Samuel ka kyeree no se, “Awurade nyii wɔn mu biara e.” **11** Enti obisaa Yisai se, “Mmabarima a wowɔ nyinaa ni ana?” Yisai buae se, “Akumaa pa ara wɔ ho, nanso ɔrehwe nguan.” Samuel kae se, “Soma na wɔnkɔfa no mmra mprenpren. Se ɔmmae a, yarentena ase nnidi.” **12** Enti Yisai soma ma wɔkɔfaa no bae. Na ɔye ɔkɔkɔ a ahoɔfe agware no na n’ani ye fe. Awurade kae se, “Sɔre na sra no ngo. Ɔno ni.” **13** Enti Samuel faa toa a ngo wo mu no sraa no wɔ ne nuanom anim. Na efi saa da no, Awurade honhom baa Dawid so wɔ tumi mu. Samuel kɔɔ Rama. **14** Saa bere yi na Awurade honhom aɔ Saulo so. Na Awurade maa ɔhaw honhom behyee no ma. Ema ɔtenaa ase ehu ne osuro mu. **15** Ebaa saa no, Saulo asomfo no bi kyeree adwene bi se, “Honhomomone bi a efi Onyankopon ho rehaw wo. **16** Momma yen Awurade mma ne nkoa mpe sankubɔfo papa bi, na se honhom no fi Onyankopon ho ba wo so a, wabɔ nnwom ama wo, na wo ho betɔ wo.”

17 Saulo kae se, “Monhwehwe ɔsankubɔni papa bi na momfa no mmre me.” **18** Asomfo no mu baako buae se, “Yisai a ofi Betlehem babarima baako nim sankubɔ yiye. Ɔye ɔkokodurofo hoodenfo, na ɔye ɔbadwemma nso. Ɔye aberante a ne ho ye fe, na Awurade ka ne ho.” **19** Enti Saulo tuu abofo kɔɔ Yisai ho kɔka kyeree no se, “Fa wo babarima Dawid a ɔye oguanhwefo no bre me.” **20** Yisai penee so de Dawid kɔmaa Saulo a abirekyi ba ne afurum a wɔahyehye aduan ne nsa wɔ ne so ka ho. **21** Dawid kɔɔ Saulo nkyen kɔsom no. Na Saulo pe Dawid asem yiye, enti ɔbeyee Saulo akodekurafo no mu baako. **22** Na Saulo de nkra kɔmaa Yisai se, “Ma Dawid nka m’adwumayefo no ho, efise mepe n’asem yiye.” **23** Na bere biara a honhomomone a efi Onyankopon beba Saulo so abehaw no no, Dawid bɔ sanku no. Eba saa a, Saulo ho tɔ no, na honhomomone no nso kɔ.

17 Afei, Filistifo boaboa wɔn asraafo ano wɔ Soko a ewɔ Yuda se wɔrebeko. Wɔkyeree nsraban wɔ Soko ne Aseka ntaɔ wɔ Efes-Damim. **2** Saulo yee saa ara, boaboa ne dɔm ano wɔ baabi a eɛn Ela bon. **3** Filistifo faa bepɔw baako, na Israelfo no nso faa baako a obon no da wɔn ntaɔ. **4** Ɔbarima tenten hoodenfo bi a ne din de Goliath a ofi Gat no pue fii Filistifo no nsraban mu bae. Na ne tenten beboro anammɔn akron. **5** Na ɔhye kɔbere kyew, hye kɔbere akotade a akode bobɔ mu, na emu duru ye kilogram aduonum ason. **6** Na n’anan nso, kɔbere nkatanan kata ho na kɔbere peaw nso sɛn n’akyi. **7** Na ne peaw ano dade no te se ntamanwemfo nsadua mu abaa, na ano dade no kari dwete kilogram ason. Na ne nkatabokurafo di n’anim. **8** Goliath begyinaa ho teɛ mu guu Israelfo no so se, “Asraafo yi nyinaa na morebeko ana? Munyi mo mu baako na ɔmmeko mma mo, na me nso mesi Filistifo anan mu. Yebeke de awie asem no ka! **9** Se mo nipa no tumi kum me a, yebeye mo nkoa. Na se mikum no a, mɔbeye yen nkoa.” **10** Filistini no kae se, “Memmfa Israel asraafo nye hwee, momma me ɔbarima a ɔne me beko.” **11** Bere a Saulo ne Israelfo tee eyi no wɔbɔ huboa na wɔn ho popoe. **12** Na Dawid ye ɔbarima bi a wɔfre no Yisai a ɔye Efratni na ofi Betlehem wɔ Yuda asase so no babarima. Na Yisai wɔ mmabarima baawɔtwe, na Saulo bere so no, na wabɔ akwakoraa a ne mfe a wadi no kɔ anim yiye. **13** Na Yisai mmabarima mpanyimfo baasa na wodii Saulo akyi kɔɔ ɔko no. Na abakan no din de Eliab, n’akyi ba din de Abinadab, na nea ɔto so abiesa no

din de Sama. **14** Dawid de, na ɔno ne akumaa kora. Mpanyimfo baasa no na wodii Saulo akyi, **15** nanso na Dawid di akɔneaba; ɔkɔsom Saulo na wakɔhwe n'agya nguan wɔ Betlehem nso. **16** Filistini yi pue mema ne ho so wɔ Israelfo asraafo n'anim anɔpa ne anwummere, saa ara adaduanan. **17** Da koro bi, Yisai ka kyere Dawid se, "Fa nkyewe lita aduonu abien yi ne brodo mua du yi kɔma wo nuabarimanom. **18** Na fa kyiisi du a wɔatwitwa yi ma ɔsafohene no. Eye a hwe senea wo nuabarimanom no ho te, na gye krataa fi wɔn nkyen bre me. **19** Na Dawid nuanom ne Israel asraafo no wɔ Ela bon no mu a wɔreko atia Filistifo." **20** Ade kyee anɔpa no, Dawid gyaw nguan no maa oguanhwɛfo bi na ɔfaa akyede no kɔe. Oduu nsraban mu hɔ bere a na asraafo no rekɔ mpasua ahorow no so. Wɔreko no, na wɔreto asafonnwom reteɛteɛ mu. **21** Na Israel ne Filistifo ne reben a wodi nhweanim. **22** Dawid gyaw ne nneema maa akode sohwefo no, yee ntem kɔɔ akono hɔ kokyia ne nuanom. **23** Bere a Dawid ne wɔn rekasa no, Filistini tenten hoodenfo Goliat a ofi Gat, fii Filistifo asraafo no mu teɛteɛ mu ahantan so kyere Israel asraafo no. **24** Bere a Israelfo no huu ɔbarima no, wɔn nyinaa de ehu guan kɔe. **25** Afei, na Israelfo keka wɔ wɔn mu se, "Woahu ɔbran no? ɔba bekasa tia Israel da biara. Na woate akatua a ɔhene ahye se ɔde bema obiara a obetumi akum no no? ɔhene ahye se ɔde ne babea bema no aware, na ne fifo nso, ɔhene remma wontua tow biara a wogyɛ no Israelman mu." **26** Dawid bisaa mmarima a wogyina ne ho no se, "Den na mobeyɛ ama ɔbarima a obekum saa Filistini yi, na ɔnam so ayi saa aninguase yi a fi Israel so? Hena ne saa Filistini bosonsomni yi a eɛ se ɔgu Onyankopɔn Teasefo asraafo anim ase?" **27** Wotii asem a wɔaka dedaw no mu kyere no se, "Nea woate dedaw no ye nokware. Eno na yebeyɛ ama onipa a obekum ɔbran no." **28** Bere a Dawid nuapanyin Eliab tee se ɔne mmarima no rekasa saa no, ne bo fuw no, na obisae se, "Aɔden nti na woaba ha? Na nguan kakra a wɔwɔ sare so no, wode wɔn gyaw hena? Minim senea wogyɛ wo ho di ne senea wo komapirim te. ɔko yi hwe ara nti na wobae." **29** Dawid bisae se, "Maye den? Nti, ense se mekasa mpo?" **30** Afei, ɔdan ne ho ne afoforo kɔkasae. ɔde asem koro no ara bae, na mmarima no buaa no senea wɔaka dedaw no. **31** Asem a Dawid kaa no twaa nnipa bi asom, ma wɔkɔbɔɔ Saulo amanneɛ, enti ɔsoma kɔfrɛ no. **32** Dawid ka kyere Saulo se, "Mma hwee nhaw

wo. Meko na me ne Filistini yi akoko." **33** Saulo buaa Dawid se, "Worentumi ne saa Filistini yi nko. Woye abarimaa, nanso ɔno de, ɔye ɔkofo fi ne mmofraase." **34** Na Dawid ka tii mu se, "Mahwe m'agya nguan ara, na se gyata anaa sisi bi ba se ɔrebekyere oguan ba bi a fi nguankuw no mu a, **35** mede abaa poriba di n'akyi gye aboa no fi n'anom. Na se aboa no dan n'ani ba me hɔ a, miso n'abogyɛ, kyere no, de abaa poriba no bɔ no, kum no. **36** Maye saa akum gyata ne sisi, na saa na meye Filistini bosonsomni no nso, efise wagu Onyankopɔn Teasefo asraafo ho fi. **37** Awurade a ogyee me fii gyata ne sisi awerɛw ano no, ɔno ara na obegye me a fi Filistini yi nsam." Saulo penee so kae se, "Eye, kɔ. Awurade nka wo ho." **38** Afei, Saulo de ɔno ankasa akode maa Dawid. ɔde kɔbere kyew ne akotade kaa ho. **39** Dawid hyee, de afoa kyekyere tareɛ so, tuu anammɔn beyɛ abien, kɔɔ n'anim hwee senea ete, efise na ɔnhyyɛ biribi a ete saa da. Afei, ɔkae se, "Merentumi mfa eyinom nyehyɛ me ho nko, efise menhyɛ bi saa da." Enti ɔworɔw ne nyinaa guu hɔ. **40** ɔfaa kokwabo anum fii asuwa bi mu, de guu ne nguanyhwɛfo kotoku mu. ɔfaa ne nguanyhwɛfo pema ne n'ahwimmo nko ara. Afei, osii kwan so se ɔne Goliat rekoko. **41** Goliat twii pinii Dawid a ne nkatabokurafo di n'anim. **42** Goliat huu Dawid no, obuu no abomfiaa. **43** ɔworoo so kyere Dawid se, "Meye ɔkraman na wode pema aba me so?" Na ɔkaa n'anyame din ntem de domeɛ Dawid. **44** Goliat kae se, "Bra m'anim ha, na mede wo nam bema nnomaa ne nkekaboa." **45** Dawid ka kyere Filistini no se, "Wode afoa, peaw ne bemma na ereba me so, na me de, mede Asafo Awurade, Israel asraafo Nyankopɔn a woagu ne din ho fi no din na mede reba wo so. **46** Nne, Awurade bedi wo so nkonim, na mekum wo, atwa wo ti. Na mede Filistifo asraafo no afunu mama nnomaa ne nkekaboa, na wiase nyinaa behu se, Onyankopɔn bi wɔ Israel! **47** Na obiara behu se, Onyankopɔn mfa akode na egye ne nkurɔfo. Eye ne ko, na enye yen ko. Awurade de wo bema yen!" **48** Goliat yee se ɔreba Dawid so no, ntem ara, na Dawid nso tuu mmirika kohyiaa no. **49** ɔde ne nsa hyee nguanyhwɛfo kotoku no mu, yii kokwabo baako de hyee n'ahwimmo no mu tow ma ekɔbɔɔ Filistini no moma so. Kokwabo no wuraa Goliat tirim ma obu hwee, maa n'anim kobutuw fam. **50** Enti Dawid de ahwimmo ne kokwabo baako dii Filistini ɔkwabran no so. **51** Dawid tuu mmirika kɔɔ Filistini no so kotwee n'afɔa fii ne boha mu. Dawid

de afoa no kum no twaa ne ti. Bere a Filistifo huu se wɔn kwabran no awu no, wɔtetew san wɔn akyi, guanee. **52** Afei, Israelfo no bɔɔ ose kese nkonimdi so, taa Filistifo no ara koduu Gat ne Ekron apon ano. Na Filistifo a wɔawuwu no afunu ne apirafo no gugu ɔkwan so, de fi Saaraim de koduu Gat ne Ekron. **53** Afei, Israelfo asraafo san wɔn akyi bebɔ wuraa Filistifo nsraban a wɔaguan afi hɔ no mu faa wɔn nneema. **54** Dawid faa Goliat ti de kɔɔ Yerusalema, na ɔkoraa Filistini no akode wɔ ɔno ankasa ne ntamadan mu. **55** Bere a Saulo huu Dawid se ɔrekɔ Goliat anim no, obisaa Abner a na ɔye n'akofo sahene se, "Abner, hena ba ne saa aberante yi?" Abner buae se, "Nokware ni, minnim." **56** ɔhene no ka kyereɛ no se, "Eye a, bisa." **57** Dawid kum Goliat akyi no, Abner de no brɛɛ Saulo a na ɔda so kita Filistini no ti no. **58** Saulo ka kyereɛ no se, "Ka biribi a efa w'agya ho kyere me, me ba." Na Dawid buae se, "Ne din de Yisai, na yete Betlehem."

18 Bere a Dawid ne Saulo kasa wiei no, ohyiaa ɔhenebabarima Yonatan. Wɔn baanu no dɔɔ wɔn ho wɔn ho preko pe na wɔbeyee nnamfo pa ara. **2** Efi saa da no, Saulo gyee Dawid tenaa ahemfi hɔ a wampe se ɔbesan ako ne fi. **3** Na Yonatan ne Dawid yee apam se, wɔbeyee nnamfo. **4** Na Yonatan de ne batakari, nhyease, afoa, agyan ne nkyekyeremu maa Dawid de sɔw apam no ano. **5** Biribiara a Saulo ka kyereɛ Dawid se ɔnye no, Dawid yee no pɛpɛpɛ. Enti Saulo yee no n'asraafo so ɔsahene, maa n'akofo ne wɔn mpanyimfo nyinaa de anigye penee so. **6** Nanso bere a Israelfo nkonimdifo rekɔ fie, na Dawid akum Filistini no, mmea fifi nkurow a eɛn ɔkwan no ho no betwee mmommomme hyiaa ɔhene Saulo a na wɔde anigye reto nnwom, bɔ akasae ne kyenkyen. **7** Wɔresaw no, wɔtoo dwom se: Saulo akum ne apem apem, na Dawid de ne mpem du du! **8** Eyi maa Saulo bo fuw yiye. ɔkae se, "Eyi ase ne den? Wɔde mpem du mpem du abata Dawid din ho, na me de, wɔde apem apem pe. Den na aka sen se wobesi no hene?" **9** Efi saa bere no, Saulo tuu n'ani sii Dawid so. **10** Ade kyee no, Onyankopɔn honhom behyee Saulo so. Na ɔrehye nkɔm wɔ ne fi, bere a na Dawid rebɔ ne sanku senea na ɔtaa ye no. Na Saulo kura peaw **11** na ɔkaa wɔ ne tirim se, "Mesina Dawid atare ɔfasu no." Nanso Dawid huruw sii nkyen na oguanee mpen abien. **12** Na Saulo suro Dawid, efise na Awurade agyaw no ako Dawid afa. **13** Enti Saulo yii Dawid fii ne ho na ɔma ɔkɔyee ɔsafohene wɔ asraafo apem so, na, Dawid dii

saa nsraadɔm no anim de wɔn kɔɔ ɔsa. **14** Biribiara a Dawid yee no, odii nkonim wɔ mu, efise na Awurade ka ne ho. **15** Saulo huu eyi no, osuroo no. **16** Nanso Israel ne Yuda nyinaa dɔɔ Dawid, efise na odi n'akofo anim kɔ ɔsa a, odi nkonim. **17** Da bi, Saulo ka kyereɛ Dawid se, "Mepɛ se mede me babea panyin Merab ma wo aware. Nea edi kan ne se se wobekyerɛ se woye ɔkofo kese a wobeko Awurade ko no." Na Saulo kaa wɔ ne tirim se, "Merentee me nsa wɔ ne so. Mema wakoko atia Filistifo no na wɔakum no." **18** Na Dawid ka kyereɛ Saulo se, "Me sɛɛ ne hena a mɛye ɔhene ase? Me fi ne m'agya abusua a ewɔ Israel nka hwɛe?" **19** Enti bere no duu se wɔde Saulo babea Merab ma Dawid aware no, wɔde no maa Adriel a ofi Meholat aware. **20** Na Saulo babea Mikal dɔ Dawid, enti bere a Saulo tee no, eyeɛ no anigye. **21** Saulo kaa wɔ ne tirim se, "Mede no bɛma no na wafa so aye afiri a ebɛma Filistifo nsa aka no akum no." Na ɔka kyereɛ Dawid se, "Afei, ɔkwan a eto so abien a wobɛfa so aye m'ase no abue ama wo." **22** Na Saulo hyee ne nkoa se, "Monka no kokoa mu nkyere Dawid se, 'Hwɛ, ɔhene ani sɔ wo, na yen nyinaa pe w'asɛm. Adɛn nti na wompe se woye ɔhene ase barima?'" **23** Wotii saa nsɛm yi mu kyereɛ Dawid. Nanso Dawid kae se, "Ohiani ba a me fi nni bi, mususuw se eye ade a eɔa fam se obi beye ɔhene n'ase ana?" **24** Nkoa no kɔkaa asɛm a Dawid ka kyereɛ wɔn no kyereɛ Saulo no, **25** Saulo kae se, "Monkoka nkyere Dawid se, 'ɔhene nhwehwe ti nsa biara se Filistifo ɔha mmarima ano were. M'atamfo so aweretɔ nko ara ne ade a mepɛ.'" Na Saulo adwene ara ne se wobekum Dawid wɔ akono. **26** Dawid de anigye penee adebisa no so. Enti ansa na bere no duu no, **27** Dawid ne ne mmarima kɔ kokum Filistifo no ahannu. ɔde wɔn mmarima ano were brɛɛ ɔhene. Enti Saulo de ne babea Mikal maa Dawid aware. **28** Saulo huu se Awurade ka Dawid ho, na ne babea Mikal nso dɔ Dawid no, **29** Saulo kɔɔ so suroo no, na ne nna a aka no mu no, Dawid kɔɔ so yee Saulo tamfo. **30** Bere biara a Filistifo asraafo tow hyee Israel so no, Dawid dii nkonim sen Saulo asahene a wɔaka no. Eyi maa Dawid gyee din wɔ asase no so nyinaa.

19 Saulo hyee n'asomfo ne ne babarima Yonatan se wonkum Dawid. Nanso esiane se na Yonatan adamfo pa ara ne Dawid nti, **2** Yonatan kaa adwene a n'agya aye afa ne ho no kyereɛ no tuu no fo se, "ɔkyena anɔpa, pe wuram baabi kɔbɔ wo ho aguaa, efise m'agya rehwehwe wo akum wo. **3** Mɛka akyerɛ

m'agya, na ɔne me aba hɔ na mɛka wo ho aɛm nyinaa akyere no. Na biribiara a mehu wɔ hɔ no nso, mɛbɔ wo amannee." 4 Ade kyee anɔpa no, Yonatan ne n'agya dii nkɔmmɔ faa Dawid ho. Yonatan kaa ne ho nsem pa pii. Yonatan srɛɛ n'agya se, "Mesrɛ wo, nye bɔne biara ntia Dawid. Ɔnyɛɛ biribiara a ebɛhaw wo. Daa, ɔfa ɔkwan biara a obetumi so boa wo. 5 Wo were afi bere a ɔde ne nkwa too ne nsam, kokum Filistini no, na enam so maa Awurade de nkonimdi kese brɛɛ Israel no? Saa bere no, akyinnye biara nni ho se, w'ani gyei. Aden nti na esɛ se wukum onipa a ne ho nni asem se Dawid? Nkyerɛase pa biara nni mu koraa." 6 Enti Saulo tiee Yonatan, na ɔkaa ho ntam dii nsew se, "Se Awurade te ase yi, wɛrenkum Dawid." 7 Akyiri no, Yonatan frɛɛ Dawid kaa asem a asi no kyereɛ no. Enti ɔfaa Dawid de no kohuu Saulo, na biribiara totɔɔ yiye, senea kan no na ete no ara pɛ. 8 Ankyɛ biara na ɔko bi sii, maa Dawid dii n'akofo anim kɔko tiaa Filistifo. Ɔde anibere toaa wɔn, maa wɔn nyinaa guanee. 9 Nanso da bi, Saulo te fi ara no, honhomɔne a efi Awurade behyɛɛ ne mu preko pɛ bio. Bere a Dawid rebɔ ne sanku ama ɔhene no, 10 Saulo tow ne peaw kyereɛ Dawid so, pɛɛ se okum no. Nanso Dawid twee ne ho, totɔɔ esum mu guan maa peaw no kaa ɔfasu no mu. 11 Saulo somaa mmarima kɔɔ Dawid fi kɔwen hɔ se, opue anɔpa a wonkum no. Nanso Dawid yere Mikal bɔɔ no kɔkɔ se, "Se woanguan ampe wo nkwa anadwo yi a, ɔkyena, wobekum wo." 12 Enti Mikal de Dawid faa mɛnsere mu ma oguaneɛ. 13 Na Mikal faa ohoni bi de no too mpa so de atade kataa ho, na ne ti hɔ no nso, ɔde abirekyi ho nwi katae. 14 Bere a Saulo somaa mmarima se wɔnkɔkyere Dawid no, Mikal ka kyereɛ wɔn se, "Ɔyare a ontumi nsɔre mfi mpa so." 15 Saulo san somaa mmarima no bio se, "Monkɔfa no mfi ne mpa so mmra, senea metumi akum no." 16 Nanso mmarima no wuraa ɔdan no mu no, na ohoni na ɔda mpa no so a abirekyi ho nwi na ekata so. 17 Saulo bisaa Mikal se, "Aden nti na woadaadaa me, ama me tamfo aguan?" Mikal buaa no se, "Na esɛ se meye saa efise ɔka kyereɛ me se, 'Mammɔa no a, obekum me.'" 18 Bere a Dawid guanee no, ɔkɔɔ Samuel nkyen wɔ Rama kɔkaa nea Saulo ayɛ no no nyinaa kyereɛ no. Enti Samuel de Dawid kɔtenaa Naiot. 19 Bere a Saulo tee se Dawid te Naiot a ɛwɔ Rama no, 20 ɔsomaa asraafo se wɔnkɔkyere no mmra. Nanso woduu a wohuu Samuel ne adiyifo bi se wɔrehyɛ nkɔm no, Onyankopɔn honhom baa Saulo mmarima no so, maa

wɔn nso hyɛɛ nkɔm. 21 Saulo tee asem a aba no, ɔsan somaa asraafo foforo, nanso wɔn nso kɔhyɛɛ nkɔm! Asem koro no ara sii ne mpreɛna so. 22 Akyiri yi koraa, Saulo no ankasa kɔɔ Rama, koduu abura kese bi a ɛwɔ Seku ho. Obisae se, "Samuel ne Dawid wɔ he?" Obi ka kyereɛ no se, "Wɔn baanu wɔ Naiot a ɛwɔ Rama hɔ." 23 Na ɔrekɔ Naiot no, ɔkwan no so na Onyankopɔn honhom baa Saulo so, na ɔno nso fii ase hyɛɛ nkɔm. 24 Osunsuan n'atade mu, de ne ho too fam, daa hɔ da mu ne anadwo mu nyinaa, hyɛɛ nkɔm wɔ Samuel anim. Nnipa a wɔrehwe no no tɛtɛɛɛ mu se, "Asem ni? Enti daa yi Saulo nso ye odiyifo?"

20 Dawid guan fii Naiot a ɛwɔ Rama kohuu Yonatan. Obisaa se, "Bɔne bɛn na mayɛ? Bɔne bɛn na mayɛ w'agya, a enti ɔpɛ se okum me yi?" 2 Yonatan tɛɛɛ mu se, "Enye nokware. Minim yiye se onsusuw biribi a ete saa ho, efise ɔka ne nsem nyinaa kyere me; mpo, ne nsem nketenkete nyinaa ɔma m'aso te. Minim se ɔrentumi mfa asem a ete seɛ nsie me da. Ente saa!" 3 Dawid kaa ntam wɔ Yonatan anim se, "W'agya nim yen ayɔnkɔfa yi mu pefee nti, waka wɔ ne tirim se, 'Merenka nkyere Yonatan.' Nanso senea Awurade te ase na wote ase yi, anammɔn baako pɛ na ɛda me ne owu ntam." 4 Na Yonatan ka kyereɛ Dawid se, "Nea wopɛ se menye mma wo biara no meye." 5 Dawid buae se, "Ɔkyena yebedi Ɔsram Foforo Afahye. Bere biara, se daponna no du saa a, me ne ɔhene to nsa didi. Nanso ɔkyena de, mɛkora me ho wɔ wuram ara kosi ne nnansa so anwummere. 6 Na se w'agya hwehwe me a, ka kyere no se, 'Dawid srɛɛ kwan se ɔrekɔ ne kurom Betlehem, na ɔne ne fifo akɔbɔ afirihya afɔre.' 7 Se ɔka se, 'Eye' a, wubehu se w'akoa ho sɔnn. Na se nso ne bo fuw, gye hwanyan a, wubehu se ɔrehyehye ho se obekum me. 8 Da saa adɛ yi adi kyere me, se adamfo a maka ntam adi nsew akyere wo, efise yen nyinaa wɔ apam wɔ Awurade anim. Na se ente saa, na mayɛ bɔne atia w'agya a, wo ara kum me. Nanso mesrɛ wo, nyi me mma." 9 Yonatan tɛɛɛ mu se, "Empare me! Wo ara wunim se, se minim m'agya nsusuwii no ho biribi a, anka maka akyere wo dedaw." 10 Na Dawid bisaa Yonatan se, "Ebeɛɛ den na mahu se w'agya bo afuw anaase ne bo mfuw ɛ?" 11 Yonatan buae se, "Bra na yenko wuram hɔ." Na wɔn nyinaa kɔɔ hɔ. 12 Yonatan ka kyereɛ Dawid se, "Mehye bɔ wɔ Awurade Israel Nyankopɔn din mu se ɔkyena akyi sesɛɛ me ne m'agya bekasa, na mɛma woahu nea ɔka fa wo ho. Se ɔwɔ wo ho adwene pa a meremma wo nkra biara. 13 Nanso

se m'agya bo afuw, na ope se okum wo, na se manka ankyere wo amma woanguan a Awurade ne minni no oyaw so. Awurade nka wo ho senea okaa m'agya ho no. **14** Na fa Awurade nokware do no bi do me bere a mete ase yi. Na se miwu, **15** na eba se Awurade twa Dawid atamfo nyinaa gu fi asase ani mpo a, nyi w'adwe mfi me fifo so da biara da." **16** Enti Yonatan ne Dawid yee apam se, "Awurade ne Dawid atamfo nni." **17** Esiane odo a Yonatan wo ma Dawid no nti, omaa no tii ne nti no mu, efise na odo no senea odo ono ankasa ho. **18** Afei, Yonatan ka kyeree Dawid se, "Okyena na eye osram foforo afahye no. Yerenhu wo, efise w'akongua so beda ho. **19** Okyena akyi, ereko anwummere no, ko baabi a saa ohaw yi fii ase no wukohintaw wo ho no, na twen wo obo siw no ho. **20** Metow agyan abiesa afa ne nkyen, te se nea meretow abo biribi no. **21** Afei, mesoma abarimaa bi aka se, 'Ko na kohwehwe bemma no.' Se meka kyere no se, 'Hwe, bemma no wo ha; tase bre me a,' bra, efise mmere dodow a Awurade te ase yi, wo ho sonn; bone bi nni ho. **22** Na se meka kyere abarimaa no se, 'Hwe, bemma no wo w'anim' a, eno de, na ese se wokoo, efise Awurade na ose ko. **23** Na Awurade mmoa yen na yenni bo a yeahyehye yen ho yen ho no so, efise ono ne yen danseni." **24** Na Dawid kotewee wuram, na bere a osram foforo afahye no dui no, ohene no tenaa ase se orebedidi. **25** Otenaa n'atenae a eben ofasu ho a ene Yonatan di nhweanim, na Abner tena dii Saulo so, nanso Dawid atenae ho de, edaa mpan. **26** Na da no, Saulo anka asem biara. Na odweene se, "Gyama asem bi ato Dawid a emma ne ho ntew mma saa afahye no ase. Eno nti na omni ha nne no." **27** Na ade kyee a Dawid afa ho ada mpan bio no, Saulo bisaa ne ba Yonatan se, "Aden nti na Yisai babarima no amma adidi nnera ne nne?" **28** Yonatan buae se, "Nokware, Dawid sree me kwan se oreko Betlehem. **29** Okae se, 'Ma menko, efise, me fifo rebba afore wo kurow no mu nti, me nuabarima ahye me se, ese se mewa ho bi. Se afei, manya w'anim anuonyam a, ma me kwan na menkohwe me nuanom mmarima.' Eno nti na wamma ohene didipon ho no." **30** Saulo bo fuw Yonatan, ka kyeree no se, "Wo oba kwasea, ohea brakyewni tuatewni ba! Wususuw se minnim se wope se Dawid di hene si wo anan mu de hye wo ne wo na aniwu? **31** Mmere dodow a Yisai babarima no te ase wo asase yi so no, worennya ohene nni da. Soma mprenpre ara na wonkofa no mmre me, na minkum no!" **32** Yonatan bisaa n'agya se, "Aden nti na ese se

wokum no? Den na waye?" **33** Eho ara, Saulo tow peaw se ode rewoo no, akum no. Afei Yonatan huu se n'agya asi n'adwene pi se obekum Dawid. **34** Yonatan de abufuwhyew sare fii didipon no ho. Na da a eto so abien wo osram no mu no, wannidi, efise ne were how wo n'agya animguasede a ope se oye Dawid no ho. **35** Ade kyee no, Yonatan koo wuram. Senea woahehyehye ho no. Ofaa abarimaa ketewa bi kaa ne ho a oboeboabo ne bemma ano. **36** Oka kyeree abarimaa no se, "Fi ase tu mmirika kohwehwe bemma a metotow no." Na abarimaa no retu mmirika ako no, Yonatan tow bemma no baako tra a no. **37** Na bere a abarimaa no duu faako a Yonatan bemma no akoto no, Yonatan free no se, "bemma no ntraa wo ana?" **38** Enti Yonatan te mu se, "Ka wo ho! Ko ntem! Nnyina." Abarimaa no faa bemma no san baa ne wura nkyen. **39** Na abarimaa no nnim eyi ho hwee; Yonatan ne Dawid nko ara na na wonim. **40** Na Yonatan de n'akode maa abarimaa no kae se, "Ko, soa san fa ko kurom." **41** Bere a abarimaa no koe ara pe, Dawid pue fii baabi a okohintaw ho a eben abo siw no bae. Na Dawid bo ne mu ase wo Yonatan anim, de n'anim butuw fam. Na wofifew won ho won ho ano, na womaa won ho won ho nantew yiye, na wosui, ne titiriw no, Dawid. **42** Akyiri yi no, Yonatan ka kyeree Dawid se, "Ko asomdwoe mu, efise yeye apam wo Awurade din mu. Yede yen mu biara ne yen mu biara mma ahye Awurade nsa afebo." Na Dawid koe, na Yonatan nso san koo kurow no mu.

21 Dawid koo Nob sofo Ahimelek nkyen. Bere a osrafo Ahimelek huu no no, ne ho popoe. Obisaa no se, "Aden nti na aka wo nko? Aden nti na obi nka wo ho?" **2** Dawid buaa osrafo Ahimelek se, "Ohene somaa me kokoamsem bi ho. Oka kyeree me se, mennka nea enti a mewa ha nkyere obiara. Makyere faako a me mmarima no nhyia me. **3** Afei, den na wowo? Ma me brodo mua anum anaa biribiara a wowo." **4** Na osrafo no buaa Dawid se, "Minni brodo teta yi bi wo ha. Brodo kronkron de, bi wo ha, nanso gye se mmarima no ne mmea bi nnae nnansa yi." **5** Dawid buae se, "Mma hwee nhaw wo. Se me mmarima no kodi dwuma bi baabi a, memmma won kwan mma wommfa won ho nka mmea. Na se wotena ase kronkron wo akwantu teta mu a, aden nti na saa dwumadi a eho hia yiye yi, wontumi ntena kronkronye mu." **6** Na esiane se aduan foforo biara nni ho no nti, osrafo no de brodo kronkron a wode abodoohyew asi anan mu wo Awurade hyiadan no mu maa Dawid. **7** Doeg, Edomni

a ɔye Saulo nantwikafo panyin no kodwira ne ho wo ho da no. **8** Dawid bisaa Ahimelek se, “Wowo peaw anaa afoa? Ɔhene adwuma no ho hia a na ehia nti, mannya bere amfa akode biara.” **9** Ɔsofo no buae se, “Afoa a mewo ara ye Filistini Goliat a wukum no wo Ela bon mu no dea. Wode ntama akyekyere ho da asofotade no akyi. Se wope a, fa eno, efise biribiara nni ha bio.” Dawid buae se, “Biribiara nkyen no. Fa ma me.” **10** Da no, Dawid guan fii Saulo ho, koo Gathene Akis nkyen. **11** Nanso na Akis mpanyimfo no ho nto won se wo ho. Wobisae se, “Enye saa Dawid yi na ɔye asase yi so hene no? Enye ɔno na nnipa nam asaw ne nnwonto so hyee no anuonyam se, ‘Saulo akum ne apem apem na Dawid nso akum mpem du du no?’” **12** Dawid tee saa akekakeka yi no, osuroo se ebia ohene Akis beye no biribi. **13** Eno nti, ohyee da yee ne ho se bodamfo, ɔwerewerew apon ho maa ntasu sen faa n’abogyese mu. **14** Nea edi akyi ne se, ohene Akis ka kyeree ne mmarima se, “Ɔbodamfo na ese se mode no bre me? **15** Yewo pii wo ha dedaw! Aden nti na ese se mema obi a ɔte see yi beye me hoho?”

22 Dawid guan fii Gat kotew obodan a ewo Adulam no mu. Ankye biara na ne nuanom mmarima ne ne fifo bi kokaa ne ho wo ho. **2** Afoforo bi nso kokaa ne ho wo ho. Na saa nnipa no ye nnipa a ohaw da won so anaa won a wodede aka ne won a asetena nko won yiye. Wobae ara kosii se Dawid beyee okannifo maa nnipa beye se ahannan. **3** Akyiri no, Dawid koo Miske a ewo Moab kobisaa Moabhene se, “Wobema m’agya ne me na abetena wo nkyen kosi se mehu nea Onyankopon beye ama me ana?” **4** Ohene no penee so maa Dawid awofo tenaa Moab mmere dodow a na Dawid te ne hintabea ho. **5** Nanso odiyifo Gad ka kyeree Dawid se, “Ntena hintabea ho. Ko Yuda asase so.” Enti Dawid koo Heret kwae mu. **6** Afei Saulo tee se wahu Dawid ne ne nkurofo. Saa bere no, na ohene no te nnyedua bi ase wo Gibea bepaw so a okura ne peaw na ne mpanyimfo atwa ne ho ahyia. **7** Osee won se, “Muntie, Benyamin mmarima! Dawid ahye mo mfuw ne bobo nturo ho bo bi ana? Wahye mo bo se mobeye n’asafohene wo n’akofo so ana? **8** Eno nti na mo nyinaa abo paw atia me yi? Na amfa mo mu biara ho se morenka biribi nkyere me se me ara me babarima wo Dawid afa. Munnwen ho! Me ara me babarima hyc m’akoa nkuran se onkotew me mpe me nkum me!” **9** Eho na Edomni Doeg a na one Saulo akofo gyina

ho no kae se, “Mihuu Yisai ba no se obae Ahitub ba Ahimelek nkyen wo Nob. **10** Ahimelek bisaa Awurade nea Dawid nye. Ɔsan maa no nnuan, na ɔde Filistini Goliat afoa no kaa ho maa no.” **11** Ohene no somaa se wonkofa ɔsofo Ahimelek ne ne fifo a na woye asofo wo Nob no nyinaa mmra. **12** Wobae no, Saulo kae se, “Tie! Ahitub ba.” Obuae se, “Nana asem ben.” **13** Na Saulo bisaa no se, “Aden nti na wo ne Dawid apam me ti so, na womaa no brodo ne afoa, san bisaa Awurade maa no. Aden nti na wohye no nkuran se onye adom ntia me na ommetow nhye me so wo ha?” **14** Ahimelek buae se, “Nana, mesre mibisa se, w’asomfo yi nyinaa mu no, obi wo ho a ɔye nokwafo te se w’ase Dawid ana? Hwe ɔye w’awemfo nyinaa so safohene, na wobu no yiye wo wo fidua mu. **15** Enye saa da no ne da a edi kan a mabisa Awurade ama no. Dabi da! Ense se ohene no de sobo bo ne somfo ne ne fifo, efise w’akoa nnim saa asem yi ho biribiara.” **16** Na ohene kae se, “Okwan biara so, wubewu. Ahimelek, wo ne wo fifo nyinaa bewuwu.” **17** Na ohene ka kyeree n’awemfo a wowo ho no se, “Munkunkum Awurade asofo no nyinaa, efise won nso ako Dawid afa. Na wonim se oreguan, nanso wanka ankyere me.” Nanso na ohene asraafo no mpe se wode won nsa ka Awurade asofo no. **18** Enti ohene hyee Doeg se, “Dan wo ho na kunkum asofo no.” Enti Edomni Doeg dan ne ho kunkum won. Da no, okum mmarima a na wohye siriky asofotade aduwotwe anum. **19** Afei, okoo Nob a eye asofo no kurom, kokunkum asofo no fifo mmarima, mmea, mmofra ne nkokoaa, anantwi, mfurum ne nguan nyinaa. **20** Na Ahitub ba Ahimelek babarima baako a wofre no Abiatar guan koo Dawid nkyen. **21** Bere a oka kyeree Dawid se Saulo akunkum Awurade asofo no, **22** Dawid teee mu se, “Na minim! Bere a mihuu Doeg wo ho saa da no, na minim se obeka akyere Saulo. Mprempren, mama w’agya fifo nyinaa awuwu. **23** Wo ne me ntena ha, na mede me nkwa bebɔ wo ho ban, efise onipa koro no ara na orehwehwe yen baanu akum yen.”

23 Da koro bi, Dawid tee se Filistifo no aba Keila, na wɔrewia won awi wo won awiporowbea. **2** Dawid bisaa Awurade se, “Menkotow nhye Filistifo yi so ana?” Awurade buae se, “Yiw, ko na kogye Keila.” **3** Nanso Dawid mmarima no kae se, “Yuda ha mpo yesuro. Yempe se yebeko Keila akoko atia Filistifo asraafo nyinaa.” **4** Enti Dawid bisaa Awurade bio maa Awurade buaa no se, “Ko Keila na meboa wo ama

woadi Filistifo no so nkonim.” 5 Enti Dawid ne ne mmарima koo Keila. Wokunkum Filistifo no nyinaa, faa won nyemmoa, gyee Keilafo no. 6 Ahimelek ba ososo Abiatar reguan ako Dawid nkyen wo Keila no, ofaa asofotade se okogye mmuae afi Awurade nkyen ama Dawid. 7 Ankye, Saulo tee se Dawid wo Keila. Otee mu se, “Eye. Afei, yen nsa aka no. Afei, Onyankopon de no ama me. Ono ara ama kurow yi ho afasu ayi no!” 8 Enti Saulo boaboa n’akofo nyinaa ano se ode won rekoo Keila akotua Dawid ne ne mmарima ano. 9 Nanso Dawid huu Saulo nhyehyee, na oka kyeree ososo Abiatar se, omfa asofotade no mmra, na ommisa Awurade nea ese se oye. 10 Na Dawid bo mpae se, “Awurade, Israel Nyankopon, mate se Saulo aye nhyehyee se obeba abesee Keila, efise mewa ha. 11 Merebisa se, enti Keila mmарima beyi me ama no anaa? Na Saulo beba ampa ara senea mete no? Ao, Awurade, Israel Nyankopon, ka kyere me.” Na Awurade buaa no se, “Obeba.” 12 Bio, Dawid bisaa se, “Enti, Keila mmарima beyi me ne me mmарima ama Saulo anaa?” Na Awurade buaa se, “Yiw, wobeyi mo ama.” 13 Na Dawid ne ne mmарima beye se ahansia fii Keila, na wokyinkyin baabiara a wobetumi ako. Na Saulo tee se Dawid afi Keila no, ogyaa n’akyi di. 14 Dawid tenaa ne hintabea ho wo sare so ne Sif mmepow asase no so. Saulo hwehwee no adekyee ne adesae biara, nanso Awurade amfa Dawid anhye ne nsa. 15 Bere a Dawid wo Hores wo Sif sare so no, otee se Saulo nam kwan so reba ho abehwehwe no akum no. 16 Na Saulo ba Yonatan koo Dawid nkyen wo Hores kohyee no den wo Onyankopon ho gyidi mu. 17 Yonatan hyee no den se, “Nsuro! M’agya Saulo renhu wo da. Wobeye ohene wo Israel, na maye w’abediakyiri, senea m’agya Saulo nim no.” 18 Won baanu no hyee won ayonkoka apam mu den wo Awurade anim. Afei, Yonatan koo fie na Dawid de, otenaa Hores ho. 19 Sififo no koo Saulo nkyen wo Gibeia koyii Dawid mae se, “Yenim baabi a Dawid akohintaw. Owoo abandennen mu, wo Hores a ewo Hakila mmepow mu, wo Yesimon anafo fam ha yi. 20 Ohene, bere biara a wubenya kwan no bra na yebekyere no ama wo.” 21 Saulo kae se, “Awurade nhyira mo! Afei, mahu se m’asem fa obi ho. 22 Monko mu bio, nkohwehwe, nhu faako a ote ne obi a wahu no wo ho. Wose oye onifirifo. 23 Monhwehwe n’ahintawee, na monsan mmra mmeka biribi potee nkyere me. Na me ne mo beko. Na se owoo mpotam ho nko ara de a, menya no, na mehwehwe no wo Yuda

abusuafi ahorow no nyinaa mu.” 24 Na Sif mmарima dii Saulo kan koo won kurom. Saa bere no mu na Dawid ne ne mmарima ko Maon sare a ewo Araba bon a ewo Yesimon anafo fam no so. 25 Bere a Dawid tee se Saulo ne ne mmарima rehwehwe no no, odoo mu koo sare so akyirikyiri, kosii obotan kese no ho, tenaa Maon sare so ho. Nanso Saulo koo so hwehwee no. 26 Afei na Saulo wo bepoo no fa bi na Dawid ne ne dom nso wo ne fa bi, repe ntem aguan Saulo bere a na Saulo ne ne mmарima reben Dawid ne ne nkurofo se wobekyere won no, 27 obafo baa Saulo nkyen bekae se, “Bra ntem! Filistifo abetow ahye asase no so.” 28 Eno nti, Saulo gyaee Dawid akyidi, na osan n’akyi se one Filistifo no rekoko. Eyi nti na wofre saa beae yi Oguan Botan no. 29 Enti Dawid kotenaa En-Gedi abandennen.

24 Saulo ne Filistifo no ko wiee no, woka kyeree no se, “Dawid hye En-Gedi sare so ho.” 2 Eno nti Saulo yii mmарima mpensa fii Israel mmaa nyinaa, de won koe se wokohwehwe Dawid ne ne mmарima wo beae bi a eben Wuram Mmirekyi Abotan no. 3 Obeduu nguannan bi ho a eho ara nso na obodan bi wo no, Saulo wuraa mu se, okogye n’ahome. Na Dawid ne ne mmарima no wo saa obodan no mu akyirikyiri. 4 Mmarima no kae se, “Nne ne da a Awurade kae se, ‘Mede wo tamfo behye wo nsa, na woaye no nea wope biara’ no.” Na Dawid weawea koo Saulo ho, kotwaa n’atade ano. 5 Na Dawid adwene mu antee no se watwa Saulo atade ano. 6 Oka kyeree ne mmарima no se, “Awurade nim se ense se meye saa. Eye mmusu se obi betee me nsa wo obi a Awurade asra no ngo so; efise Awurade ankasa na wapaw no.” 7 Onam saa nsem yi so kaa ne mmарima no anim, na wamma ho kwan amma wankoo Saulo so. Na Saulo fii obodan no mu koo ne kwan no. 8 Dawid pue bae, teetee mu dii n’akyi se, “Me wura ohene!” Saulo twaa n’ani no, Dawid bo ne mu ase. 9 Afei, otee mu bisaa Saulo se, “Aden nti na wutie nkurofo ano se merepe wo ahaw wo? 10 Nne dua yi, w’ankasa w’ani tua se enye nokware. Efise, Awurade de wo hyee me nsa wo obodan no mu, na me mmарima no bi ka kyeree me se, minkum wo, nanso mankum wo. Na mekae se, ‘Merenye no bone biara da, efise oye obi a Awurade asra no.’ 11 M’agya, hwe ade a mikura yi. Eye w’atade sin bi. Mitwae, nanso mankum wo. Eyi da no adi pefee se merenhaw wo, na menyee wo bone biara nso, na mmom, wo na woataataa me rehwehwe me akum me. 12 Awurade na obehwe me ne

wo ntaɲ aɲɛm. Ebia, nea woaye nti, Awurade betwe w'aso wo nea woɲe sɛ woɲe me no ho, na me de, merenhaw wo da. **13** Wobu bɛ sɛ, 'Abonefo mu na bone fi ba.' Enti, gye di sɛ, merenhaw wo. **14** "Hena na Israelhene rehwehwe no akyere no yi? Eɛ sɛ ɔsɛ ne bere taataa obi a ne so nni mfaso sɛ ɔkraman funu anaa dwiɲ? **15** Ma Awurade mmu aten nkyere yen mu nea odi bem, na ɔntwe ɔfɔdifo no aso. Ono ne me kamafo, na obegye me aɲi wo tumi ase." **16** Saulo buae sɛ, "Me babarima Dawid, wo na worekasa yi?" Na ofii ase sui. **17** Ɔtoaa so sɛ, "Woteɛ sen me. Wode papa atua me bone so ka, nanso me de maye wo bone. **18** Ampa ara woaye me papa a ebɔro so, efise Awurade de me hye wo nsa, a anka wubetumi akum me nanso woankum me. **19** Sɛ obi nsa ka ne tamfo a, ogyaa no ma no kɔ kwa? Awurade nhyira wo wo ɔkwan a wode me afa so nne yi ho. **20** Afei mahu sɛ, nea ebeye biara, wobesi wo ohene, na Israel ahemman no bedi yiye wo wo bere so. **21** Afei, sua wo Awurade din mu kyere me sɛ, sɛ wubedi ade a, worentwa m'asefo anaa worempepa me din mɲi m'agya fi." **22** Enti Dawid sua kyere Saulo. Na Saulo san kɔɔ fie, na Dawid ne ne mmarima kɔɔ won abandennen mu.

25 Afei, Samuel wui, na Israel nyinaa hyia yeɛ n'ayi. Na wosiee no wo ne kurom Rama. Na Dawid tu kɔɔ Maon sare so. **2** Na ɔbarima bi fi Maon a na ɔwo agyapade wo baabi a eɛn Karmel ye ɔdefo kese. Na ɔwo mmirekyi apem ne nguan mpensa a na otwitwa won nwi wo Karmel. **3** Saa ɔbarima no din de Nabal, na ne yere nso din de Abigail. Na ɔye ɔbea a onim nyansa na ne ho nso ye fe, nanso na ne kunu a ɔye Kalebni no mpɔw ε, na ne suban nso nye fe. **4** Bere a Dawid tee sɛ Nabal retwitwa ne mmoa ho nwi no, **5** ɔsomaa mmrante du kɔɔ ne nkyen. Ɔde nkra maa won sɛ, **6** "Wo nkwa so! Wo ne wo fifo nyinaa nya akwahosan! Na w'agyapade nyinaa nso saa ara. **7** "Mate sɛ woretwitwa wo nguan ne mmirekyi ho nwi. Bere a na mo nguanhwefo wo yen nkyen ha no, yeanye won basabasa. Na mmere dodow a wodii wo Karmel no nso, won biribiara anyera. **8** Bisa wo ara w'asomfo na wɔbeka akyere wo. Yeaba ha wo afahye bere, eno nti, mesɛ wo, ma wo nkoa ne wo ba Dawid biribiara a wo nsa besɔ so." **9** Dawid mmrante no de nkra no maa Nabal. Afei wɔtwɛnee. **10** Nabal buaa Dawid asomfo no sɛ, "Hena ne saa Dawid yi? Saa Yisai babarima yi dwene sɛ ɔne hena? Nnansa yi, asomfo bebree retetew won ho aɲi won wuranom ho. **11** Aden

nti na eɛ sɛ mede me brodo ne me nsu ne m'aboa a makum no nam a mede rebema me nwtitwafo no ma nnipa a obi nnim faako a wofi?" **12** Na Dawid mmarima no san kɔɛ, kɔkaa de Nabal kae no kyereɛ no. **13** Dawid ka kyereɛ ne mmarima no sɛ, "Momfa mo afoa." Na Dawid nso faa ne de. Mmarima beye sɛ ahannan na wɔkaa Dawid ho kɔɛ, enna mmarima ahannu nso tena wen akode no. **14** Nabal asomfo no mu baako kɔka kyereɛ Nabal yere Abigail sɛ, "Dawid somaa abɔfo fi sare no so sɛ wɔne yen wura mmekasa, nanso ɔyeyaw won. **15** Nanso Dawid nnipa no ye ma yen. Wɔanye yen bone biara. Bere a yene won wo ho no, wɔamfa yen biribiara. **16** Anadwo ne awia nyinaa, na wɔɔ yen ne nguan no ho ban. **17** Enti dwene ho yiye, anye saa a aɲɛm beto yen wura ne n'abusua nyinaa. Ɔye obi a ne koma nye na obiara ntumi nkasa nkyere no." **18** Abigail ansɛ bere koraa. Ɔfaa brodo mua ahannu, nsa aboa nhoma abien, nguan anum a wɔakum won asiesie won, nkyewe susude anum, bobɛ ɔfam ɔha ne bobɛ aba a wɔabɔ no atɔwatɔw ahannu de soaa mfurum. **19** Na ɔka kyereɛ n'asomfo sɛ, "Munni kan nkɔ. Metiw mo." Nanso wanka nea na ɔreye no ankyere ne kunu Nabal. **20** Ɔte n'afurum so nam ara kosii bepɔw bi asiansian mu no, ohuu Dawid nso ne ne mmarima sɛ wɔrehyia no. **21** Na Dawid aka sɛ, "Mfaso biara nni so sɛ mahwe saa onipa yi agyapade so wo sare so a ne biribiara anyera. Ɔde bone atua me papa a meyeɛ no no so ka. **22** Sɛ eba sɛ ɔkyena ne fini barima bi da so te ase a, Onyankopɔn ne me nni no ɔyaw so pa ara." **23** Abigail huu Dawid no, ntɛm ara, ohuruw fii n'afurum no so sii fam, bɔɔ ne mu ase wo n'anim. **24** Ɔhwee ne nan ase kae sɛ, "Me wura migye saa aɲɛm yi ho afɔdi nyinaa to me ho so. Mesɛ wo sɛ, tie aɲɛm a mewɔ ka. **25** Minim sɛ Nabal ye otirimɔdenfo; mesɛ wo, ntiɛ no. Ɔye ɔkwasea senea ne din kyere no. Na me, w'afenaa, abɔfo a wosomaa won no, manhu won. **26** Afei, me wura, mpen dodow a Awurade te ase, na wo nso wote ase na Awurade amma wɔamfa awudi ne aweretɔ anhye wo nsam yi, ma mmusu mmra w'atamfo nyinaa so, senea bi aba Nabal so yi. **27** Akyɛde a mede abre wo ne wo mmrante no ni. **28** "Mesɛ wo, sɛ mafom a, fa kye me. Akyinnye biara nni ho sɛ Awurade de ofi a n'ahenni ase betim bɛdom wo, efise woreko Awurade ko. Na wonyeɛ bone biara nso wo w'asetena mu. **29** Na sɛ eba sɛ won a wɔɲe wo kra no taataa wo so a, Awurade, wo Nyankopɔn, begye wo, abɔ wo ho ban senea wɔɔ ademude ho

ban no. Na w'atamfo nkwa de, ebeyera te se abo a wootow fi ahwimmo mu. **30** Se Awurade di bo a ohyee wo no nyinaa so ma wo, na ode wo di Israelhene a, **31** mma eyi nnye nkekae wo w'abrabo mu. Na worensoa w'ahonim adeso duruduru a efi mogyahwiegu ne aweretso a so nni mfaso ho. Na se Awurade ye saa nneema akese yi ma wo a, mesre wo, kae mel!" **32** Dawid buaa Abigail se, "Nhyira nka Awurade, Israel Nyankopon a wama woabehyia me nne. **33** Da Awurade ase wo w'adwene pa ho. Nhyira nka wo se woamma me ankum obarima no, na woamma mamfa me nsa anto were. **34** Na meka Awurade, Israel Nyankopon a wamma manye wo bone no ntam se, se woanka wo ho ammehyia me a, anka ebedu okyena anopa no, na Nabal mmarmima no mu baako koraa nte ase." **35** Na Dawid gyee n'akyede no, ka kyeree no se, "San ko fie asomdwoe mu. Yerenkum wo kunu no." **36** Bere a Abigail duu fie no, ohuu se Nabal ato pon kese se ohene. Na wabow nsa nti, wanka biribiara a efa one Dawid nhyiamu no ho ankyere no kosii adekyee. **37** Ade kyee a n'ani so daa ho no, Abigail kaa nsem a asisi no kyeree no. Nabal tee nsem no, obubu kaa mpa mu. **38** Nnafua du akyi no, Awurade bo no ma owui. **39** Dawid tee se Nabal awu no, okae se, "Nhyira nka Awurade a watua Nabal ka na wamma mankum no. Nabal anya ne bone so akatua." Na Dawid yee ntem soma ko Abigail nkyen, ma wokoka kyeree no se obeware no. **40** Asomfo no ko Karmel koka kyeree Abigail se, "Dawid asoma yen se yemmra mmefa wo mmre no se ne yere." **41** Obbo ne mu ase de n'anim kyeree fam kae se, "Yi, masiesie me ho se mesom Dawid asomfo mpo." **42** Ntem ara, Abigail huruw tenaa n'afurum so, faa ne mmaawa baanum kaa ne ho, na one Dawid asomfo no koe, na obeyee Dawid yere. **43** Dawid waree Ahinoam a ofi Yesreel, na won baanu beyee ne yerenom. **44** Na Saulo de ne babea Mikal, Dawid yere, ama obarima bi a ofi Galim a ne din de Palti a na oye Lais babarima.

26 Sififo ko Saulo nkyen wo Gibea koka kyeree no se, "Dawid akohintaw wo Hakila bepowa a ekyere Yesimon no mu." **2** Enti Saulo yii n'akofo mpensa kaa won ho ko Sif sare so se worekohwehwe Dawid. **3** Saulo bo n'atenae wo okwan a eben Hakila bepowa a ene Yesimon di nhweanim no nkyen, baabi a Dawid akohintaw ho. Dawid tee se Saulo aba ho, enti **4** osomaa akwansrafo se wontetew no. **5** Dawid kopuee baabi a Saulo abo ne ho atenase ho anadwo bi. Ohuu

se Saulo ne Abner a oye Ner babarima a oye asafohene adeda atenae no mu a asraafo a woadeda atwa ne ho ahyia. **6** Dawid bisaa Hetini Ahimelek ne Seruia babarima Abisai, Yoab nua se, "Hena na one me beko Saulo nkyen wo n'atenae ho?" Abisai buae se, "Me ne wo beko." **7** Enti Dawid ne Abisai ko asraafo no nkyen anadwo, kotoo Saulo se wada wo atenae ho a, ode ne peaw atim fam wo ne ti ho pee. Na Abner ne asraafo no nso atwa ne ho ahyia a woadeda. **8** Abisai ka kyeree Dawid breoo se, "Nne de, Onyankopon ayi wo tamfo ahye wo nsa. Enti ma memfa me peaw no nwo no pen koro, nka no ntim fam. Merenwo no mprenu." **9** Nanso Dawid ka kyeree Abisai se, "Dabi da, nsee no. Hena na obetumi de ne nsa aka onipa a Awurade asra no, na onni ho fo? **10** Nokware ni, Awurade bebo Saulo ahwe da koro, anaase obeto wo oko mu, anaase obenyin na wawu. **11** Onyame ma empare me se mede me nsa beka onipa a Onyankopon asra no. Na wunim biribi? Yebefa ne peaw ne ne sukuruwa na yeako." **12** Na Dawid faa peaw no ne sukuruwa a esi Saulo ti ho no, na wokoe a obiara anhu won na won mu biara nso annyan mpo. Na won nyinaa adeda, efise Awurade de nnahoo too won so. **13** Dawid foroo bepowa a ene atenae ho di nhweanim kosii se oduu baabi a bone bi ntumi nka no. **14** Otee mu free Abner ne Saulo se, "Sore ool Abner." Abner bisaa se, "Hena ni?" **15** Dawid goruu ne ho se, "Abner, woye onipa kese, ente saa? Israelman mu nyinaa, ehe na otumfo bi wo? Na aden nti na woannwen wo wura, ohene no bere a obi baa se orebekum no no? **16** Saa asem yi nye koraa! Meka ntam wo Awurade din mu se, wo ne wo mmarmima no nyinaa se owu, efise moantumi ammoo mo wura, nea Awurade asra no no ho ban. Monhwe mo ho nhyia. Ohene no peaw ne ne sukuruwa a na esi ne ti ho no wo he?" **17** Saulo tee Dawid nne nti ofree se, "Wo ni, me ba Dawid?" Na Dawid buaa no se, "Nana, eye me. **18** Aden nti na wotaa me? Den na maye? Me bone ne den? **19** Na afei mepe se me wura tie ne somfo, Nana. Se Awurade na wahwanyan wo atia me a, eno de ma onnye m'afore. Na se nso eye onipa nhyehyee a, eno de, Awurade nnome won a woyee saa nhyehyee no. Efise moapam me afi me fi senea ebeye a, merentumi ne Awurade nkurofo ntena, nsom senea ese. **20** Minwu wo ananafo asase so a eho ne Awurade anim kwan ware ana? Aden nti na Israelhene atu sa, rehwehwe sommoe; senea obommofa ko ahaye kope asementa wo mmepow so?" **21** Afei Saulo kae se, "Maye bone.

San bra fie, me ba Dawid. Efise nne, woama me nkwa asom wo bo. Merenhaw wo bio. Maye nkwiseade na mafom yiye.” **22** Dawid buae se, “Ao, ohene, wo peaw ni. Ma wo mmerante no mu baako mmra mmegeye. **23** Awurade na oma papaye ne nokwaredi so akatua. Awurade de wo hyee me tumi ase mpo, mampe se mekum wo, efise woye obi a Awurade asra wo. **24** Afei, me kra nsom Awurade bo, senea wo de asom me bo nne yi. Onnye me mfi me haw nyinaa mu.” **25** Na Saulo ka kyeree Dawid se, “Nhyira nka wo, me ba Dawid. Wobeye mmaninne ne nkonimdifo kese.” Na Dawid koe, na Saulo nso san koo fie.

27 Na Dawid dwen ho se, “Da bi, meto wo Saulo nsa ano. Na nea meye a eye pa ara ne se, meguan ako Filistifo nkyen. Eba saa a, Saulo begyae m’akyidi na menya bammoo.” **2** Na Dawid ne mmarima ahansia tutu kotenaa Gat kohyee Maok babarima ohene Akis ase. **3** Na Dawid de ne yerenom baanu a woye Ahinoam a ofi Yesreel ne Abigail a ofi Karmel a na oye Nabal kunabea no koe. **4** Saulo tee se Dawid aguan ko Gat no, wanni n’akyi anhwewe no bio. **5** Na Dawid ka kyeree Akis se, “Se erenhaw wo a, ma yen baabi wo nkurow no bi so na yenkotena ho sen se yebetena ahenkurow yi mu.” **6** Enti Akis de Siklag kurow maa no, (na efi saa da no, ehoo abeye Yuda ahemfo atenae de besi nne), **7** na wotena Filistifo no mu afe ne asram anan. **8** Afei, Dawid ne ne dom kotow hyee Gesurfo, Girsifo ne Amalekfo so. Saa nnipa yi na na kan no, wotete asase a etrew ko Sur a ewo Misraim kwan so no. **9** Dawid annyaw onipa baako anikann wo nkuraa a okotow hyee won so no mu. Ofaa nguan, anantwi, mfurum, yoma ne ntade nyinaa ansa na oresan ako Akis nkyen. **10** Akis bisaa Dawid se, “Ehe na nne mofom nneema kodui?” Dawid buae se, “Yekoo Yuda anafo fam kotow hyee Yerahmeelfo ne Kenifo so.” **11** Dawid kum won nyinaa. Wannyaw obiara a obetumi aba Gat abekyere faako a okoe. Saa ade yi koo so ara wo bere a na Dawid te Filistifo mu no. **12** Akis gyee Dawid dii, na okaa wo ne tirim se, “Saa bere yi de, Israelfo bekyi no kokooko, na ebema no atena ha, na wasom me afeboo.”

28 Saa bere no, Filistifo no boabooa won asraafo ano se woreboko atia Israel. Akis ka kyeree Dawid se, “Merehwe kwan se, wo ne wo mmarima beka me ho ako oko no.” **2** Dawid penee so se, “Eye pa ara, w’ankasa wubehu nea w’akoa betumi aye.” Akis kae se, “Eye, meye wo me bammoo afeboo.” **3** Saa bere yi

na Samuel awu, ama Israel nyinaa atwa agyaadwo. Wosiee no wo ono ara ne kurom Rama. Saa bere no, na Saulo apam atutu ahoni ne ahonhom afi asase no so. **4** Filistifo no boaa won ho ano, kyeree nsraban wo Sunem, na Saulo nso boabooa Israelfo no nyinaa ano, kyeree nsraban wo Gilboa. **5** Bere a Saulo huu Filistifo asraafo no dodow no, osuroe; ehu hyee ne koma ma. **6** Obisaa Awurade nea onye nanso Awurade amfa adaeso anaa ntontobo kronkron anaa adiyifo so ammua no. **7** Saulo ka kyeree n’afotufu se, “Monhwewe ohea samanfrefo bi mma me, na menko ne ho abisa.” N’afotufu no buae se, “Ohea samanfrefo bi wo En-Dor.” **8** Enti Saulo hyee ntade afoforo a onye ohene afade, sakraa ne ho, na one mmarima no mu baanu koo ohea no nkyen anadwo. Saulo kae se, “Ese se me ne obi a wawu kasa. Wubetumi afe ne honhom ama me ana?” **9** Ohea no bisae se, “Wope se wokum me ana? Wunim se Saulo apam asamanfrefo ne ahohomfrefo nyinaa afi asase yi so. Aden nti na wusum me afiri?” **10** Saulo de Awurade din kaa no ntam se, “Mmere dodow a Awurade te ase yi, worentwe w’aso wo eyi ho da.” **11** Afei, ohea no bisae se, “Hena na memfre no mma wo?” Obuae se, “Fre Samuel ma me.” **12** Na ohea no huu Samuel no, ode nne kese teee mu ka kyeree Saulo se, “woadaadaa me! Wone Saulo!” **13** Ohene no ka kyeree no se, “Nsuro. Den na wuhu?” Ohea no buae se, “Mihu honhom bi se apue afi fam reba.” **14** Saulo bisae se, “Ote den?” Obuae se, “Akwakoraa bi a ohye batakari, na oreba.” Ehoo na Saulo huu se eye Samuel, enti oboo ne mu ase de n’anim butuw fam. **15** Samuel bisae se, “Aden nti na wofre me de haw me saa?” Saulo buae se, “Efise ohaw ne abebrese amene me. Filistifo de oko atentam yen. Na Onyankopon nso agyaw me. Mente ne nka wo adiyifo nkyen anaa daeso mu. Enti mafre wo se kyere me nea menye.” **16** Na Samuel buae se, “Se Awurade agyaw wo, abeye wo tamfo a, aden nti na worebisa me? **17** Awurade aye nea onam me so hyee ho nkom no. Wagye ahenni no afi wo nsam de ama Dawid, wo nkurofo no mu baako. **18** Awurade aye saa, efise woanni ne mmara a efa Amalekfo ho no so. **19** Nea eka ho ne se, okyena, Awurade de wo ne Israel asraafo nyinaa bema Filistifo, na wo ne wo mma abeka me ho wo ha. Awurade bema Israel asraafo no nyinaa adi nkogu.” **20** Samuel nsem a Saulo tee no nti, ehu kyekyeree no ma ohwee fam. Na onni ahooden biara, efise na onnidii da mu no ne anadwo mu no nyinaa. **21** Ohea no huu adwene mu haw a owo mu no,

aka kyereɛ no se, “Owura, mede me nkwa too ho, yee w’abisade. **22** Enti ye nea mekyere wo se ye no, na mama wo biribi adi senea ebema woanya ahooden asan ako w’akyi.” **23** Nanso Saulo antie. Mmarima a waka ne ho no hyee no se onnidi. Enti akyiri no, openee so sɔre fii fam ho, tenaa akongua so. **24** Na obea no ayen nantwi ba ama wado srade nti, oyee ntem kokum no, na ofow asikresiam, fotow de too apiti. **25** Ode aduan no besii Saulo ne ne mmарima no anim ma wodii. Na wofii ho koo anadwo no.

29 Filistifo no boaboa wɔn asraafo nyinaa ano wɔ Afek, na Israelfo nso kokyeree nsraban wɔ asuti bi ho wɔ Yesreel. **2** Bere a Filistifo ntuanofɔ de wɔn asraafo akuwakuw oha oha mu ne mpempem retu oha no, na Dawid nso ne ne dɔm retu oha wɔ wɔn akyi a, Akis ka wɔn ho. **3** Filistifo asahene no bisae se, “Den na Hebrifo yi reye wɔ ha?” Akis buae se, “Oyi ne Dawid, obarima a oguan fii Israelhene Saulo anim no. Waba me nkyen ha ne me abetena bebɔro afe ni. Na efi bere a ogyaw Saulo ho besi nne yi, minhuu ne ho mfomso biara.” **4** Na Filistifo asahene no bo fuw no kae se, “Ma obarima no nsan nko, senea obeko faako a wode maa no no. Ense se aka yen ho ko oko no, efise se anhwe a, obedan n’ani ako atia yen wɔ oko no mu. Okwan foforo bi nni ho a obefa so ne ne wura Saulo aka abo mu a ebema no ako atia yen ana? **5** Enye saa Dawid yi na wotoo dwom faa ne ho wɔ wɔn asaw mu se: “Saulo akum ne apem apem na Dawid de, wakum mpem du du no?” **6** Na Akis frɛ Dawid ka kyereɛ no se, “Mmere dodow a Awurade te ase yi, minhyiaa mmарima a wote se mo, anka mepɛ se mo ne yen ko oko, nanso Filistifo asodifo a waka no mpene so. **7** Enti san w’akyi na ko no asomdwoe mu. Eno nti, nye biribiara a ebhaw Filistifo no.” **8** Dawid bisae se, “Den na maye a ese se wode me fa saa okwan yi so? Aden nti na ense se meko tia me wura ohene no atamfo?” **9** Nanso Akis gyinaa mu pintinn kae se, “Me nko ara me fa mu de, woye pepɛ te se Onyankopɔn bɔfo. Nanso asahene no suro se wode wo beka wɔn ho wɔ oko mu. **10** Enti sɔre anɔpahema, na wo ne wo mmарima no nko bere a anim retetew no.” **11** Na Dawid san koo Filistifo asase so, na Filistifo asraafo no nso koo Yesreel.

30 Nnansa so, Dawid ne ne mmарima koduu Siklag. Na Amalekfo abetow ahye Negeb so ahyew Siklag pasaa, **2** akyekyeree mmea ne mmofra ne mpanyin a wɔwɔ mu nyinaa. Wɔankum wɔn mu biara, mmom,

wosoa wɔn de wɔn kɔe. **3** Bere a Dawid ne ne mmарima no huu senea Siklag aseɛ ne asem a ato wɔn abusuafɔ no, **4** wotwaa agyaadwo ara kosii se afei na wontumi ntwa agyaadwo no bio. **5** Dawid yerenom baanu a wone Yesreelni Ahinoam ne Karmelni Abigail a na oye Nabal yere no ka wɔn a wosoa wɔn kɔe no ho. **6** Dawid ho yeraw no yiye, efise na mmарima no adwene ho se wobesiw no abo, esiane wɔn mmabarima ne wɔn mmabea a wɔakyekyere wɔn no nti. Nanso Dawid nyaa ahooden wɔ Awurade, ne Nyankopɔn mu. **7** Na Dawid ka kyereɛ osɔfo Abiatar se, “Fa asɔfotade no bre me.” Na Abiatar de bae. **8** Na Dawid bisaa Awurade se, “Mintiw dɔm no ana? Meto wɔn ana?” Awurade buaa no se, “Yiw, tiw wɔn. Na biribiara a wɔafa afi mo nkyen no, mo nsa beka ne nyinaa.” **9** Enti Dawid ne ne mmарima ahansia no sii kwan so. Ankye biara na woduu Besor asuwa no so. **10** Nanso mmарima no mu ahannu de, na wɔabrebɛre yiye nti wɔantumi antwa asu no. Eno nti, Dawid de asraafo ahannan a waka no toaa so. **11** Asraafo no bi huu Misraimni barima bi wɔ wuram ho ma wode no breɛ Dawid. Wɔmaa no brodo se onni ne nsu se onnom. **12** Wɔsan maa no borɔdɔma ofam sin bi ne bobɛ aba obɔnta, efise na hwee nkaa n’ano nnansa; awia ne anadwo. Ankye na onyaa ahooden. **13** Dawid bisaa no se, “Hena nipa ne wo, na wufi he?” Obuae se, “Meye Misraimni, na Amalekni bi akɔa ne me. Nnansa ni na me wura gyaw me ho, efise na meyare. **14** Yekotoaa Keretifo wɔ Negeb a eye Yudaman wɔ Kaleb asase so, na yehyew Siklag.” **15** Dawid bisaa no se, “Enti wubedi m’anim ako wɔn nkyen?” Aberante no buae se, “Se wode Onyankopɔn din beka ntam se worenkum me anaa worenсан mfa me mma me wura de a, eno de, medi w’anim de wo ako.” **16** Na Misraimni no dii wɔn anim koo Amalekfo no atenaɛ. Bere a Dawid ne ne mmарima no duu ho no, na Amalekfo no ahwete wɔ sare no so a woredidi nom na wode ahosepew resaw, efise na wɔanya asade bebree afi Filistifo nkyen ne Yuda asase so. **17** Dawid ne ne mmарima to hyee wɔn so, kunkum wɔn wɔ afoa ano anadwo mu no nyinaa, kosii adekyee no anwummere. Amalekfo no mu biara antumi anguan, gye mmарima ahannan a wɔtenatenaɛ yoma so guanee no. **18** Dawid gyeɛ biribiara a Amalekfo no fae, san gyeɛ ne yerenom baanu no. **19** Biribiara anyera; se eye akumaa anaa opanyin, abarimaa anaa abeawa anaa biribiara a wɔfae se asade no, Dawid de ne nyinaa san bae. **20** N’akɔfo

no kaa nguan ne anantwi no de wɔn bae. Na wɔkase, “Eyinom nyinaa ye Dawid asade.” **21** Na woduu Besor asuwa no so no, wohuu mmарima ahannu a ɔbre dodow nti, wɔantumi ne wɔn ankɔ no. Dawid kyiaa wɔn anigye so. **22** Nanso Dawid mmарima no mu aseppefo bi kae se, “Wɔne yen ankɔ nti, wɔrennya asade no bi. Momfa wɔn yerenom ne wɔn mma mma wɔn, na monka nkyere wɔn se, womfi yen ani so nko.” **23** Nanso Dawid kae se, “Dabi, anuanom! Monnye nea Awurade de ama yen no ho pesemenkominya. Wakora yen so, aboa yen ama yeadi yen atamfo so nkonim. **24** Mugye di se se moka no saa a, obi betie mo? Se yerekye a, momma yenkye no pe mma wɔn a wɔkɔ ɔsa ne wɔn a wohwe akode so nyinaa.” **25** Efi saa bere no, Dawid yee eyi mmara, maa Israel nyinaa na wɔda so di so saa ara de besi nne. **26** Bere a Dawid duu Siklag no, ɔsoma ma wɔde asade no bi kɔmaa Yuda mpanyimfo a na wɔye ne nnamfonom kae se, “Mo akyede a yefa fi Awurade atamfo nsam ni.” **27** Wɔde akyede no kɔmaa wɔn a wɔwɔ Bet-El, Ramot a ewɔ anafo fam ne Yatir; **28** wɔn a wɔwɔ Aroer, Sifmot, Estemoa **29** ne Rakal ne wɔn a wɔwɔ Yerahmeelfo nkuro mu ne Kenifo kurow mu, **30** ne wɔn a wɔwɔ Horma, Bor-Asan, Atak, **31** Hebron ne mmeaemmeae a Dawid ne ne mmарima kyinkyinii ho nyinaa.

31 Afei, Filistifo no ko tiaa Israel. Israelfo no guanee wɔ wɔn anim, na wokunkum pii wɔ Gilboa bepɔw so. **2** Filistifo no kɔw Saulo ne ne mmabarima so, kunkum wɔn mu baasa a eye Yonatan, Abinadab ne Malki-Sua. **3** Ɔko no mu yee den wɔ baabi a na Saulo wɔ ho. Filistifo agyantowfo no ben no, na wopiraa no kese pa ara. **4** Saulo fi yaw mu ka kyeree n’akodekurafo no se, “Twe w’afɔa no, na fa wɔ me, na wɔn a wontwaa twetia no amfa wɔn afoa ammewɔ me, angu m’anim ase.” Na n’akodekurafo no suroo se ɔbeyɛ saa. Enti Saulo twee ɔno ankasa afoa sinaa ne ho wɔ so. **5** Bere a n’akodekurafo no huu se wawu no, ɔno nso sinaa ne ho wɔ n’ankasa afoa no so, na owu kaa ne ho. **6** Enti Saulo ne ne mma mmарima baasa, n’akodekurafo ne n’akɔfo nyinaa totɔw saa da no. **7** Bere a Israelfo a wɔwɔ Yesreel bon no fa baabi ne Yordan agya no huu se Israel asraafo no adi nkogu, na Saulo nso ne ne mmabarima no nso atɔw no, wogyaw wɔn nkurow ho guanee. Na Filistifo no betenaa ho. **8** Ade kyee a Filistifo koyiyii atɔfo no ho no, wohuu Saulo ne ne mmabarima baasa no amu wɔ Gilboa bepɔw so. **9** Enti wotwaa Saulo ti, yiyii n’akode nyinaa. Afei, wɔbɔw

Saulo wu no dawuru wɔ wɔn abosomfi, ne ɔman no mu nyinaa. **10** Wɔde n’akode no koguu Astoret nsɔree so, na wɔkyekyeree n’amu no fam kuropon Bet-San fasu ho. **11** Na Yabes Gileadfo tee nea Filistifo aye Saulo no, **12** wɔn akɔfo twaa kwan anadwo mu no nyinaa kɔw Bet-San kɔfaa Saulo ne ne mmabarima baasa no amu fii ɔfasu no ho. Wɔde kɔw Yabes behyew wɔn. **13** Afei, wɔfaa wɔn nnompe kɔkoraa no odum dua no ase wɔ Yabes, na wodii mmuada nnanson.

2 Samuel

1 Saulo wu akyi no, Dawid san fii nkonim a odii Amalekfo so no mu betenaa Siklag nnaan. **2** Ne nnansa so no, obarima bi fi Saulo nsraban mu a watetew ne ntade mu, atu mfutuma agu ne ti mu, de rekyere se ɔretwa adwo bae. Oduu Dawid nkyen no, ɔdan ne ho hwee fam nidi mu. **3** Dawid bisaa no se, “Ehe na wufi?” Obuae se, “Maguan afi Israel nsraban mu.” **4** Dawid bisaa no se, “Na eyee den? Ɔko no kosii den?” Ɔkae se, “Mmarima no guan fii akono. Bebre totɔe. Na Saulo ne ne babarima Yonatan nso atoto.” **5** Enti Dawid bisaa aberante a ɔbeɔɔ no saa amannee no se, “Eyee den na wuhuu se Saulo ne ne babarima Yonatan awuwu?” **6** Aberante no buae se, “Mikofii Gilboa bepɔw so, na mekotoo se Saulo sen ne peaw so a atamfo no nteaseenam ne n’aponkosotefo mmen no ara. 7 Ɔdan ne ho a ohuu me no, ɔteɛ mu frɛɛ me se memmra. Mibisaa no se, ‘Menye den?’ **8** “Obisaa me se, ‘Wo ne hena?’ “Mibuaa no se, ‘Meye Amalekni.’ **9** “Na ɔsrɛɛ me se, ‘Begyina me so na kum me, na me ho yeraw me yiye, na mepe se me wu.’ **10** “Enti migyinaa ne so kum no, efise na minim se tebea a ɔwo mu no, ɔrennya nkwa. Na mituu n’ahenkyew a ehye no no ne n’abasa so atweaban no se mede rebre wo, me wura.” **11** Dawid ne ne mmarima no tee asem no, wɔde awerchow sunsuan wɔn ntade mu. **12** Wotwaa ho agyaadwo, sui, bua daa da mu no nyinaa wɔ Saulo ne ne babarima Yonatan wu ne Awurade asraafo ne Israelman se wɔn mu pii wuwuu saa da no. **13** Na Dawid bisaa aberante a ɔbeɔɔ wɔn saa amannee no se, “Wufi he?” Na obuae se, “Meye ɔhoho Amalekni a mete mo asase so.” **14** Dawid bisaa no se, “Na wunsuro se wukum obi a Awurade asra no no?” **15** Dawid ka kyereɛ ne mmarima no mu baako se, “Kum no!” Enti obarima no twee n’afɔa de wɔɔ Amalekni no, kum no. **16** Na Dawid kae se, “W’ano ayi mmusu ama wo ama woawu, efise wo ara na wokae se woakum obi a Awurade asra no no.” **17** Na Dawid too kwadwom maa Saulo ne Yonatan. **18** Na ɔhyee se wɔnkyere nnipa a wɔwɔ Yuda nyinaa to. Wotoo no din se agyan dwom a wɔakyerew wɔ Yasar Nhoma mu. **19** “W’anuonyam ne w’ahosepew, Israel, awu da mmepɔw so! Akofo akese atoto! **20** “Monnka asem yi wɔ Gat, na Filistifo abɔ ose! Monnka wɔ Askelon mmɔnten so, na abosonsomfo anserew ahosepew mu. **21** “Gilboa mmepɔw, mma obosu anaa osu nto ngu wo so anaa wo nsian so. Efise

ehɔ na woguɔ ɔkofo kese no akokyem ho fi; wɔremfa ngo nsra Saulo nkatabo ho bio. **22** “Saulo ne Yonatan kunkum wɔn atamfo ahɔɔdenfo! Wɔamfi akono amma no nsapan. **23** Ɔɔɔ ne ahoɔfe ben na na Saulo ne Yonatan nni, wɔn mu antetew da, nkwa ne owu mu. Na wɔn ho ye hare kyen akɔre; na wɔn ho ye den kyen gyata. **24** “Israel mmabea, munsu Saulo, efise ofuraa mo ntama pa, hyehyee mo sikakɔkɔ agude. **25** “Akofo akese atoto akono. Yonatan awu da mmepɔw no so. **26** Misu wo, me nua Yonatan! Na wosom me bo yiye. Na wo ɔɔ a wowɔ ma me no ye nwonwa; emu ɔɔ sen ɔbea ɔɔ! **27** “Hwe senea akofo akese atoto! Ɔko mu akode ayerayera!”

2 Mmere no ara mu, Dawid bisaa Awurade se, “Mensan nkɔ Yuda ana?” Awurade buaa no se, “Kɔ.” Dawid bisaa no se, “Kurow ben na menkɔ so?” Awurade buaa no se, “Hebron.” **2** Na Dawid yerenom ne Ahinoam a ofi Yesreel ne Abigail a ofi Karmel a na ɔye Nabal yere no. Enti Dawid ne ne yerenom, **3** ne ne mmarima ne wɔn fifo nyinaa tu kɔɔ Yuda, na wɔkɔtenaa Hebron ne ne nkurow so. **4** Afei, Yuda ntuanofɔ kɔɔ Hebron, kɔsraa Dawid ngo sii no hene wɔ Yuda abusuakuw so. Na bere a Dawid tee se Yabes Gilead mmarima asie Saulo no, **5** ɔsomaa abɔfo kosee wɔn se, “Awurade nhaira mo se moayi nokware a ete saa adi, ama mo wura Saulo, na moasie no anuonyam so. **6** Na afei, Awurade ne mo nni no yiye na ontua mo ɔɔ sononko yi so ka. Na me nso metua mo nea a moaye yi so ka. **7** Afei a Saulo awu yi, mepe se mobeye m’asomfo nokwafo se Yudafo a wɔasra me ngo se minni wɔn so hene no.” **8** Na Ner babarima Abner a na ɔye Saulo safohene wɔ n’akofo so ne Saulo babarima Is-Boset kɔɔ Mahanaim. **9** Ehɔ na osii Is-Boset hene wɔ Gilead, Yesreel, Efraim, Benyamin, Asurifo asase ne Israel nyinaa so. **10** Bere a Is-Boset dii ade no, na wadi mfirihyia aduanan, na odii ade fi Mahanaim mfe abien. Na Yuda abusuakuw no dii Dawid nokware. **11** Dawid yee Hebron ne kuropon. Na odii Yuda so hene mfirihyia ason ne fa. **12** Da koro bi, Abner dii Is-Boset asraafo anim, fi Mahanaim kɔɔ Gibeon. **13** Saa bere koro no ara mu, Seruia babarima Yoab nso dii Dawid asraafo anim, fi Hebron na wohyiaa Abner wɔ Gibeon ɔtare ho. Akuw abien no tenatenaa ase a na wodi nhweanim. **14** Afei, Abner susuw ho kyereɛ Yoab se, “Ma yemfa yen akofo no mu kakra, na wɔmfa wɔn nsa nni ako.” Yoab penee so kae se, “Wɔnsɔre nko ɛ.” **15** Enti woyii mmarima dumien fii kuw biara mu se

wonni wɔn ho ako. **16** Obiara soo ne tamfo tinwi mu, de n'afɔa wowɔ wɔn ho wɔn ho, maa wɔn nyinaa wuwui. Enti wɔfrɛ atɔɛ mu hɔ se Afɔa Afuw de besi nne. **17** Afei, nsraadɔm abien no de ɔko hyehyee so, na saa da no baa awiei no, na Dawid nsraadɔm no adi Abner ne Israel so nkonim. **18** Na Yoab, Abisai ne Asahel a wɔye Seruia mmabarima baasa no ka Dawid asraafo no ho saa da no. Na Asahel tu mmirika te se ɔforote, **19** na ɔpam Abner ara se ɔbekyere no. **20** Bere a Abner twaa n'ani huu se odi n'akyi no, ɔteɛ mu se, "Wo ni, Asahel!" Obuae se, "Yiw, eye mel!" **21** Na Abner ka kyerɛɛ no se, "Eno de, kɔhwehwe obi foforo, na wone no nko. Kɔ na kotintim mmerante no baako, na gye n'akode a ɛwɔ ne ho nyinaa." Nanso Asahel, kɔɔ so taa no. **22** Bio, Abner teɛɛ mu ka kyerɛɛ Asahel se, "Fi ha kɔ! Se mikum wo a, merentumi nhwe wo nuabarima Yoab anim." **23** Nanso Asahel antie ara, enti Abner de ne peaw no wɔɔ ne yafunu mu, maa peaw no pue fii n'akyi. Obu hwee fam wuu wɔ hɔ. Na obiara a oduu atɔɛ mu hɔ no gyinaa dinn hwɛ Asahel se ɔda hɔ. **24** Bere a Yoab ne Abisai tee asem a asi no, wɔkɔɔ se wɔrekɔhwehwe Abner. Bere a wodu Amma bepɔw a ɛben Gia a ɛwɔ ɔkwan a ɛda hɔ kɔ Gibeon sare so no, na onwini adwo. **25** Abner asraafo a wofi Benjamin abusakuw mu no boaa wɔn ho ano wɔ bepɔw no so yɛɛ krado maa ɔko. **26** Elɔ na Abner teɛɛ mu, ka kyerɛɛ Yoab se, "Enti, ɛse se daa yɛfa afoa so de ka yen ntam asem ana? Munhu se, saa ɔkwan no de nitan beto yen ntam ana? Da ben na wobɛfrɛ wo mmarima no aka akyere wɔn se, wonnyae wɔn nuanom Israelfo akyidi?" **27** Na Yoab kae se, "Se woankasa a anka, Onyankopɔn nko ara na onim nea ɛbɛba; anka yɛbetaa wo anadwo mu no nyinaa." **28** Enti Yoab hyɛn ne torobento, maa ne mmarima no gyaee Israel asraafo no taa. **29** Anadwo mu no nyinaa, Abner ne ne mmarima nantew kɔɔ Araba. Wotwaa Yordan bon, toaa so kɔɔ Bitron, beduu Mahanaim. **30** Na Yoab gyaee Abner akyidi, na ɔboaboa ne mmarima ano. Asahel akyi no, wohuu se Dawid mmarima no mu dunkron ayera. **31** Nanso na Dawid mmarima no akunkum Benyaminfo no mu nnipa ahansia ne aduosia a na wɔka Abner ho no. **32** Wɔfaa Asahel siee no wɔ n'agya ɔboda mu wɔ Betlehem. Na Yoab ne ne mmarima nantew anadwo mu no nyinaa koduu Hebron adekyee.

3 Ɔko a ɛbetɔ wɔn a wɔwɔ Saulo afa ne wɔn a wɔwɔ Dawid afa no kyɛɛ yiye, na ne mfiase ni.

Bere a Dawid adedi renya ahooden no na Saulo adedi no resɛɛ. **2** Eyinom ne Dawid mmabarima a wɔwo wɔn wɔ Hebron: N'abakan no din de Amnon a ɔye Ahinoam a ofi Yesreel no babarima. **3** Nea ɔto so abien no din de Kileab a ɔye Abigail a na ɔye Nabal a ofi Karmel no kunabea babarima; nea ɔto so abiesa no din de Absalom a ɔye Gesurhene Talmai babea Maaka babarima. **4** Nea ɔto so anan no din de Adoniya a ɔye Hagit babarima; nea ɔto so anum no din de Sefatia a ɔye Abital babarima. **5** Na nea ɔto so asia no din de Yitream a ɔye Dawid yere Egla babarima. Wɔwo saa mma yi maa Dawid wɔ Hebron. **6** Bere a na ɔko a ɛda Saulo fi ne Dawid fi no gu so no, na Abner agye din ama n'ankasa ne ho wɔ Saulo fi. **7** Na Saulo wɔ mpena bi a wɔfrɛ no Rispa, a ɔye Aia babea. Na Is-Boset bisaa Abner se, "Adɛn nti na wo ne m'agya mpena dae?" **8** Abner bo fuw yiye kae se, "Meye akraman sodifo wɔ Yuda na wɔadwoodwo me saa? Nea mayɛ ama wo ne w'agya, a manyi mo amma Dawid no, m'ayeyi ne se, mode ɔbea yi ho asem rekyekyere me?" **9** Se mammoa Dawid amma ne nsa anka nea Awurade hyɛ ho bɔ no a, Onyankopɔn ne me nni no ɔnwene so. **10** Mede Saulo ahenni bekɔ akɔma Dawid na matim Dawid ahengua ase wɔ Israel ne Yuda so afi Dan akosi Beer-Seba." **11** Esiane se na Is-Boset suro Abner nti, wantumi ankasa bio. **12** Afei, Abner tuu abɔfo kɔɔ Dawid nkyɛn kɔka kyerɛɛ no se, "Ma yenye nyehyɛɛ na mɛboa ama yɛadan Israelman mu no nyinaa ama wo." **13** Dawid buae se, "Eye asem papa, nanso me ne wo renye saa nyehyɛɛ no gye se, se woreba a, wode me yere Mikal a ɔye Saulo babea no brɛ me." **14** Enti, Dawid soma ma wɔkɔbɔɔ Saulo babarima Is-Boset amanɛɛ se, "Ma me nsa nka me yere Mikal, efise mede Filistifo ɔha nkwa na ɛtɔ no." **15** Enti Is-Boset gye Mikal fii ne kunu Paltiel a ɔye Lais babarima no nsam. **16** Na Paltiel de osu dii ɔbea no akyi koduu Bahurim. Na Abner ka kyerɛɛ no se, "San kɔ fie." Na Paltiel san kɔɔ fie. **17** Na Abner ne Israel ntuanofɔ adidi nkɔmmɔ. Ɔka kyerɛɛ wɔn se, "Mmere kakra a atwam no, na mope se musi Dawid ɔhene. **18** Bere no ni. Efise Awurade aka se, 'Mayi Dawid se onnye me nkurofo mfi Filistifo ne wɔn atamfo nyinaa nsam.'" **19** Abner san ne Benjamin abusua mu ntuanofɔ kasae. Afei, ɔkɔɔ Hebron kɔbɔɔ Dawid amanɛɛ se, Israel nyinaa ne Benjamin taa w'akyi. **20** Bere a Abner ne ne mmarima aduonu baa Hebron no, Dawid too wɔn pon kese. **21** Na Abner ka kyerɛɛ Dawid se, "Ma menkɔ

na menkɔfrɛ Israel nnipa nyinaa na wɔmmra w'afa. Wɔne wo beye apam, na wɔasi wo hene. Na ebema woadi biribiara a wo koma pɛ so.” Enti Dawid maa Abner kɔ dwoodwo. **22** Abner kɔ ara pɛ, Yoab ne Dawid asraafo no bi fi ɔsa mu bae a wokura asade bebre. **23** Bere a woka kyere Yoab se Abner baa ho nkyee koraa, na ɔbesraa ɔhene, ama ɔhene ama no kɔ asomdwoe mu no, **24** Yoab yɛe ntɛm kohuu ɔhene bisaa no se, “Dɛn na woaye yi? Abner kɔ a womaa no kɔe yi, wokyerɛ dɛn? **25** Wunim pefee sɛ, ɔbaa wo so sɛ ɔkwansrafo, behwehwee nea woreye nyinaa mu ana?” **26** Eho ara, Yoab fi Dawid nkyɛn, na ɔsoma abofo sɛ wontiw Abner. Wɔkɔtoo no Sira ɔtare ho, twee no de no bae. Nanso na Dawid nnim ho hwee. **27** Afei, Abner san kɔ Hebron no, Yoab frɛe no kɔ nkyɛn kosii ɔpon ano te sɛ nea ɔrekɔka kokoamsem akyerɛ no no. Na eho no na esiane sɛ ɔpɛ sɛ ɔto ne nuabarima Asahel so were no nti, Yoab wɔ Abner yafunu mu afoa ma owui. **28** Akyiri no a Dawid tee asem no, ɔkae se, “Me ne m'aheman nnim saa asem a efa Abner yi ho hwee wɔ Awurade anim. **29** Ne mogya ngu Yoab ne n'agya fi so! Yoab fi de, awo ntoatoaso mu nyinaa, obi a watutu akuru anaa ɔyare kwata, nea ɔnam pema ho nantew anaa nea owu afoa ano ne nea ɔsrɛsrɛ aduan rempa ho da.” **30** Yoab ne ne nuabarima Abisai kum Abner, efise Abner kum wɔn nuabarima Asahel wɔ akono wɔ Gibeon. **31** Na Dawid ka kyere Yoab ne nnipa a woka ne ho no nyinaa se, “Munsunsuan mo ntama mu, na mumfura atweaatam. Muntwa Abner ho agyaadwo.” Na ɔhene Dawid ankasa dii santen a wɔato no akyi, kɔ ɔda no so. **32** Wosiee Abner wɔ Hebron, na ɔhene Dawid ne nnipa no nyinaa suu wɔ ne da no ho. **33** Afei, ɔhene too saa kwadwom yi maa Abner: “Ese se Abner wu senea nkweiseafo wu ana? **34** Wɔankyekyere wo nsa; wɔangu wo nan nkɔnsɔnkɔnsɔn. Dabi, wodii wo awu; amumɔyɛfo atirimpɔw so ade.” Nnipa no nyinaa suu Abner bio. **35** Da a woreye ayi no, Dawid annidi da mu no nyinaa, maa afei, obiara srɛe no se onnidi. Nanso na Dawid aka ntam se, “Sɛ mididi ansa na owia akɔto a, Onyankopɔn nkum me.” **36** Eyi sɔo nnipa no ani yiye. Nokware, biribiara a ɔhene no yɛe no sɔo ɔmanfo no ani. **37** Eyi maa obiara a ɔte Yuda ne Israel no huu se, enye ɔhene Dawid na okum Abner. **38** Na ɔhene Dawid bisaa ɔmanfo no se, “Munhu se ɔkannifo kese ne onipa kese atɔ fam nne wɔ Israel ana? **39** Na ewɔ mu sɛ me ne ɔhene a wɔasra no de, nanso Seruia mmabarima Yoab ne Abisai de, wɔye

den dodo ma me sɛ metumi aka wɔn ahyɛ. Eno nti, Awurade ntua saa mmarima amumɔyɛfo yi so ka wo wɔn amumɔyɛsem ho.”

4 Bere a Is-Boset tee sɛ Abner awu wɔ Hebron no, n'aba mu bui, na saa ara nso na ne nkurofo no bɔo huboa. **2** Afei, na anuanom baanu a wɔn din de Baana ne Reka na na wɔye asafɔhene ma Is-Boset akofo no. Na wɔye Rimon a ofi Benjamin fi wɔ Beerot kurow mu no mmabarima. Wofa no sɛ kurow Beerot ka Benjamin ho, **3** efise wɔn a na wote Beerot mmere bi no guan kɔ Gitaim a woda so te ho sɛ alɔho de besi nne yi. **4** Na Saulo babarima Yonatan wɔ ɔbabarima bi a ne din de Mefiboset a na ɔye obubuafo fi ne mmofraase. Wokum Saulo ne Yonatan wɔ Yesreel akono no, na abofra no adi mfe anum. Bere a ɔko no ho asem duu kurow no mu no, obi a ɔhwe abofra no kyekyeree no de no guanee. Nanso bere a ɔreguan no, ɔhwe ase maa abofra no bɔo fam, ma ɔye obubuafo. **5** Da bi, Beerotni, Rimon mmabarima baanu a wɔn din de Reka ne Baana kɔ Is-Boset fi awia bere mu a na ɔregye n'ahome. **6** Wowuraa mu kɔ ne pia mu te senea wɔrekɔpɛ awi, kɔwɔ ne yafunu mu afoa. Afei Reka ne Baana wiawiaa wɔn ho guanee. **7** Ansa na wɔbɛkɔ no, wotwaa ne ti bere a ɔda ne mpa so. Wofaa ne ti no kotwaa Yordan bon no, nantew anadwo mu no nyinaa kɔe. **8** Wode Is-Boset ti no brɛ Dawid wɔ Hebron, na woka kyere ɔhene no se, “Wo tamfo Saulo a anka ɔrehwehwe wo akum wo no babarima Is-Boset ti ni. Nne, Awurade ama me wo aweretɔ ho kwan atia Saulo ne n'abusua.” **9** Na Dawid buaa Beerotni Rimon mma Reka ne ne nua Baana se, “Mmere dodow a Awurade a ogyee me fii ɔhaw ne abebrese mu te ase yi, mɛka nokware akyerɛ mo. **10** Bere a onipa bi beka kyere me se, ‘Saulo awu’ a na osusuw sɛ ɔreka asem pa akyerɛ me no, mekyeree no kum no wɔ Siklag. N'asɛm a ɔbeka kyere me no so akatua a mede maa no ne no. **11** Na akatua ben na memfa mma amumɔyɛfo a wɔakum obi a ne ho nni asem wɔ ne fi bere a ɔda ne mpa so? Ense sɛ mibisa ne mogya fi mo nsam ana?” **12** Enti Dawid hyɛe ne mmarima ma wokunkum wɔn. Wotwitwaa wɔn nsa ne wɔn anan, na wode asin no sensen Hebron ɔtare ho. Na wofaa Is-Boset ti no kosiee no wɔ Abner ɔboda mu wɔ Hebron.

5 Afei, Israel mmusuakuw no nyinaa kɔ Dawid nkyɛn wɔ Hebron kɔka kyere no se, “Yɛn nyinaa ye w'abusuafo. **2** Mmere bi a atwa mu no a mpo, na

Saulo yɛ yɛn hene no, wo ara na wudii Israel anim. Na Awurade aka akyerɛ wo se, ‘Wobeyɛ me manfo Israel so guanhwefo. Wobeyɛ wɔn kannifo.’” **3** Enti Dawid ne Israel ntuanofɔ no yɛɛ apam wɔ Hebron Awurade anim. Na wɔsraa no ngo sii no Israelhene. **4** Dawid dii ade no, na wanya mfirihyia aduasa. Na odii ade mfirihyia aduanan. **5** Ɔtenaa Hebron dii ade wɔ Yuda so mfirihyia ason ne asram asia. Na ɔtenaa Yerusalem no nso, odii Israel ne Yuda nyinaa so hene mfirihyia aduasa abiesa. **6** Dawid dii n’akofo anim kɔɔ Yerusalem kɔko tiaa Yebusifo. Yebusifo no dii wɔn ho few se, “Morentumi mma ha. Na mpo, anifuraefo ne mmubuafo betu mo afi ha.” Efise na Yebusifo no dwene sɛ wɔwɔ bammɔ. **7** Nanso Dawid ko faa Sion aban no a mprenpren wɔfrɛ no Dawid Kuropɔn no. **8** Bere a animka nkra fi bammɔfo a wɔwɔ kurow no mu duu Dawid asom no, ɔka kyereɛ ne dɔm no se, “Momfa nsudoroben no mu nkɔ kurow no mu, na monkwesɛ Yebusifo mpakye ne anifuraefo no, efise mikiyi wɔn! Eno nti na wɔka se, ‘Anifuraefo ne mpakye’ renko ahemfi” no. **9** Enti Dawid yɛɛ n’atenae wɔ abandennen na ofrɛɛ hɔ Dawid Kuropɔn no mu. Osisii bammɔ adan bebree twaa kurow no ho kaa ho. Wofii dwumadi no ase wɔ Milo de baa mu. **10** Na Dawid kɔɔ so yɛɛ kɛse adekyee biara, efise na Asafo Awurade Nyankopɔn ka ne ho. **11** Afei, Tirohene Hiram somaa abɔfo kɔɔ Dawid nkyen a nnua dwumfo ne abo adansifo ka wɔn ho sɛ wonkosi ahemfi mma no. Hiram de sida nnua bebree kɔɔ hɔ sɛ wɔmpae. **12** Na Dawid huu sɛ, ne nkurofo Israelfo nti, Awurade asi no hene, na waye n’aheman kɛse. **13** Dawid tu fi Hebron baa Yerusalem no, ɔwaree mmea bebree, faa mpenanom nso. Eno nti, ɔwoo mmabarima ne mmabea bebree. **14** Eyinom ne Dawid mmabarima a wɔwɔwɔ wɔn wɔ Yerusalem no: Samua, Sobab, Natan, Salomo **15** Yibhar, Elisua, Nefeg, Yafia **16** Elisama, Eliada ne Elifelet. **17** Bere a Filistifo tee sɛ wɔasra Dawid, de no asi Israelhene no, wɔboaboa wɔn asraafo ano, kɔhwehwɛ Dawid sɛ wobenya no akyerɛ no. Na Dawid tee no, ɔno nso kɔɔ ne ban mu. **18** Afei, Filistifo no beduu Refaim bon mu, na wɔtɔretɔw wɔn ho mu wɔ hɔ. **19** Enti Dawid bisaa Awurade se, “Menkɔtow nhyɛ Filistifo yi so ana? Wobedan wɔn ahyɛ me nsa ana?” Awurade buaa no se, “Yiw, kɔ na mɛdan Filistifo no ahyɛ wo nsa.” **20** Enti Dawid kɔɔ Baal-Perasim, na ehɔ na odii Filistifo no so nkonim. Ɔkae se, “Awurade aye! Ɔbɔ wuraa m’atamfo no mu sɛ nsuyiri a ɛworo so!” Enti Dawid too beae ho

din se Baal-Perasim. **21** Filistifo no gyaw wɔn ahoni wɔ hɔ, maa Dawid ne ne mmabarima no soaa ne nyinaa kɔɛ. **22** Filistifo no san baa bio betɔretɔw wɔn ho mu wɔ Refaim bon ho, **23** enti Dawid bisaa Awurade nea ɔnye. Awurade buae se, “Nkɔ tee, mmom, twa fa wɔn ho wɔ wɔn akyi, na tow hyɛ wɔn so wɔ baka nnua no anim. **24** Na sɛ wote nnyigyei te sɛ nsrabɔ bi wɔ baka nnua no atifi a, bɔ toa wɔn! Ekyere sɛ, Awurade atu di w’anim rekokunkum Filistifo no.” **25** Enti Dawid yɛɛ nea Awurade ka kyereɛ no no, na ɔsɛɛ Filistifo no fi Geba de kosii Geser.

6 Na Dawid boaboa Israel mmabun a wɔn ho mmu wɔn dwe mpem aduasa ano. **2** Odii wɔn anim fi Baala a ɛwɔ Yuda, sɛ wɔrekɔfa Onyankopɔn Adaka, a ekura Awurade Tumfo no a wɔde no asi kerubim ntam no din. **3** Wɔde Onyankopɔn Adaka no sii teaseenam foforo so, de fii Abinadab fi a na ɛwɔ bepɔw so no bae. Usa ne Ahio a na wɔye Abinadab mmabarima no na na wɔkyere teaseenam foforo no **4** a na Onyankopɔn Adaka no si mu no kwan. Na Ahio na odi anim. **5** Dawid ne Israel manfo gyee wɔn ani wɔ Awurade anim wɔ ahɔɔden so a wɔreto nnwom, na wɔde asanku, mmenta, akasae, mfirikiyiwa ne kyenkyen nenam mu. **6** Na woduu Nakon awiporowbea no, nantwi no nan totɔe, maa Usa teɛɛ ne nsa soo Onyankopɔn Adaka no mu sɛ ɔreteɛ no. **7** Na Awurade bo fuw Usa sɛ ɔyɛɛ saa, na Onyankopɔn bɔɔ no ma owu daa adaka no ho. **8** Dawid nso bo fuw, efise Awurade abufuw atia Usa. Ɔtoo saa beae hɔ din Peres-Usa a ase ne abufuwhyew a etia Usa. Wɔfrɛ hɔ saa ara de besi nne. **9** Afei, na Dawid suro Awurade nti obisaa se, “Ɛbeyɛ den na Awurade adaka no beba me nkyɛn?” **10** Na Dawid yɛɛ n’adwene se, oremma Awurade Adaka no so nkɔ Dawid Kuropɔn no mu. Na mmom, ɔmaa so de kɔɔ Obed-Edom a ɔye Gatni fi. **11** Na Awurade adaka no sii Gatni Obed-Edom fifo nkyen asram abiesa, na Awurade hyiraa no ne ne fi mu nnipa nyinaa. **12** Afei, woka kyereɛ ɔhene Dawid se, “Esiame Awurade Adaka no nti, Awurade ahyira Obed-Edom fi ne biribiara a ɔwɔ so.” Enti Dawid kɔɔ hɔ kɔfaa Adaka no, de osebo kɛse baa Dawid Kuropɔn no mu. **13** Nnipa a na wɔso Awurade Adaka no tuu anammɔn asia pɛ, wogyinaa hɔ twɛnee, senea Dawid betumi de nantwi ne nantwi ba a wɔdɔ sɔrɔde abɔ aforɛ. **14** Na Dawid fii n’ahɔɔden nyinaa mu saw wɔ Awurade anim a na ɔhyɛ asɔfɔtade yuu. **15** Enti Dawid ne Israel nyinaa de ntɛteɛmu ne ntɔrobɛntɔhyɛn maa Awurade Adaka

no so kɔe. **16** Bere a wode Awurade Adaka no rewura Dawid Kuropɔn no mu no, Saulo babea a ne din de Mikal no kɔtwee mɛnsere mu hwɛe. Ohuu sɛ ɔhene Dawid rehuruhuruw, resaw anigye so wɔ Awurade anim no, n'ani annye. **17** Wode Awurade Adaka no kosii n'afa wɔ ntamadan a eno nti, Dawid asi no mu, na Dawid bɔɔ ɔhyew aɔre ne asomdwoe aɔre wɔ Awurade anim. **18** Owie no, ohyiraa nkurofo no wɔ Asafo Awurade din mu. **19** Afei, ɔmaa Israel dɔm no mu onipa biara brodo mua, namkum ne bobe aba ɔfam. Na wɔn mu biara kɔɔ ne fi. **20** Bere a Dawid san kɔɔ ne fi sɛ ɔrekohyira ne fifo no, Mikal fii adi ba behyiaa no ka kyereɛ no abufuw so se, “Nnɛ de, na Israelhene nɛ ha! ɔpaa ne ho kyereɛ ne mɛnaa te se nea obiara a ommu ne ho beye no ara pɛ.” **21** Dawid buaa Mikal se, “Na meresaw wɔ Awurade a oyii me, na otwaa w'agya ne n'abusuafo gyawee no anim. Oyii me sɛ menyɛ Israel a woyɛ Awurade nkurofo ɔkannifo. Eno nti, eyɛ me pɛ sɛ meye me ho sɛ ɔkwasea, senea ebɛma makyerɛ m'ahokeka a mewɔ wɔ Awurade mu. **22** Yiw, na mɛpɛ sɛ meye ɔkwasea koraa sen eyi, na mmeawa koro yi ara a woreka wɔn ho asem yi behye me anuonyam.” **23** Na Saulo babea Mikal anwo ba da wo ne nkwa nna nyinaa.

7 Bere a wɔbɔɔ ɔhene no atenase wɔ n'ahemfi na Awurade ama asomdwoe aba asase no so no, **2** Dawid frɛɛ odiyifo Natan se, “Hwɛ, mete ahemfi a wode sida asi mu, na Onyankopɔn Adaka no nso si ntamadan mu.” **3** Na Natan buaa ɔhene no se, “Biribiara a woadwene ho sɛ wobeyɛ no, kɔ so na yɛ, na Awurade ka wo ho.” **4** Na anadwo no, Awurade ka kyereɛ Natan se, **5** “Kɔka kyere me somfo Dawid se, ‘Senea Awurade se ni: Wone obi a esɛ se wusi dan ma me na metena mu ana? **6** Efi bere a mede Israelfo fi Misraim bae de besi nne no, mentenaa ɔdan mu da. Daa wotu m'ase fi baabi kɔ baabi. **7** Bere biara a wotu m'ase a Israelman nyinaa ka me ho no, motee sɛ mibisaa wɔn sodifo, wɔn a mehyɛ wɔn sɛ wɔnhwɛ me nkurofo Israelfo no se, “Aden nti na momfaa sida nsii ofi mmaa me da?”” **8** “Afei, kɔka kyere me somfo Dawid se, ‘Senea Asafo Awurade se ni: Miyii wo fii mmoa adidibea ne nguan akyidi mu, de wo besii me nkurofo Israel so hene. **9** Na baabiara a wokɔ no, meka wo ho, na matwa w'atamfo nyinaa a fi w'anim. Na mɛma woagye din wɔ asase yi nyinaa so. **10** Na mama me nkurofo Israelfo no baabi a wobɛtena afeɔɔ. Beae bi a ewɔ bammɔ a obiara renhaw wɔn. Eho beyɛ wɔn

ankasa asase a aman amumoyɛfo renhyɛ wɔn so, senea woyɛɛ bere bi a atwa mu no, **11** efi bere a mɛpaw atemmufo sɛ wɔnni me nkurofo so no. Mɛsan ama mo bammɔ a fi mo atamfo nyinaa nsam. “Na Awurade aka akyere wo se, ɔno Awurade na ɔbɛkyekyerɛ ofi ama wo; ahemfo ntoatoaso fi. **12** Na sɛ wo nna to twa a, mɛma w'aseni a ofi w'asen mu adi w'ade, na matim n'aheman ase. **13** ɔno ne obi a obesi dan de me din ato so. Na matim n'aheman mu ahengua ase afeɔɔ. **14** Meye n'agya, na wayɛ me Ba. Sɛ ɔyɛ bɔne a, mɛma aman bi atwe n'aso. **15** Nanso, merenyi me dɔ mfi ne so da, senea miyi fii Saulo a miyii no fii w'anim no so ansa na wubedii n'ade no. **16** Wo fi ne w'ahenni betim wo m'anim afeɔɔ; na w'ahengua betim daa nyinaa.” **17** Enti Natan san kɔɔ Dawid nkyɛn kɔkaa nsem a Awurade aka no nyinaa kyereɛ no. **18** Na ɔhene Dawid kɔtenaa Awurade anim bɔɔ mpae se, “Awurade Tumfo, me ne hena, na me fifo yɛ dɛn a wode me abedu nne? **19** Na afei Otumfo Awurade, eyinom nyinaa akyi no, woka sɛ wobɛma me ahenni a ete ho daa. Woyɛ nnipa nyinaa sɛɛ ana, Awurade Tumfo? **20** “Dɛn bio na metumi aka? Efise wunim w'akoa, Awurade Tumfo. **21** W'asɛm ne wo pɛ mu nti, woyɛ nneɛma kese yi nyinaa akyere wo somfo. **22** “Wo kɛseyɛ yɛ kokuroo, Awurade Tumfo! Obiara nte sɛ wo, Onyankopɔn bi nni ho sɛ wo, na yentee onyame foforo bi mpo ho asem e! **23** ɔman bɛn na ewɔ asase yi so a ete sɛ Israel? ɔman foforo bɛn na woayi no a fi nkoasom mu de wɔn aye wo man? Bere a wuyii wo nkurofo fii Misraim no, wugyɛ din. Woyɛɛ anwonwade a eyɛ hu de pam aman ne ahoni ahorow a na woyɛ akwanside ma wo nkurofo no. **24** Woasi wo nkurofo Israel sɛ w'ankasa w'ade afeɔɔ, na wo, Awurade, woabeyɛ wɔn Nyankopɔn. **25** “Na afei, Awurade Nyankopɔn, di bɔ a wohyɛ faa w'akoa ne ne fi ho no so. Ma enyɛ bɔhyɛ a ebɛtena ho daa, **26** na ama wo din akorɔn afeɔɔ. Na nnipa beka se, ‘Asafo Awurade yɛ Israel so Nyankopɔn.’ Na ma wo somfo Dawid ahenni ase ntim wɔ w'anim. **27** “Asafo Awurade, Israel Nyankopɔn, masi me bo abɔ saa mpae yi efise woakyere sɛ wobɛkyekyerɛ ofi a eyɛ daa ahenni ama me. **28** Awurade Tumfo, woyɛ Onyankopɔn! Wo nsem mu wɔ ahotoso, na woahyɛ wo somfo nnɛpa ho bɔ. **29** Afei, ma enyɛ wo pɛ sɛ wubehyira w'akoa fi so, na atoa so afeɔɔ wɔ w'anim, na wo, Awurade, woakasa, na wo nhyira a wode behyira wo somfo fi no beyɛ daapɛm nhyira.”

8 Akyiri no, Dawid dii Filistifo no so, brɛɛ wɔn ase. Ɔko gyee Gat a eye wɔn kuropon kese no. **2** Dawid san dii Moabfo so. Ɔmaa nnipa no dedaa fam, na ɔde hama susuw wɔn. Osusuw hama no abien a, na wakyere se wonkum saa nnipa no. Enna osusuw hama no baako a, na wakyere se wonnyaa saa nkurofo no. Enti Moabfo a wonyaa wɔn ti didii mu no beyee Dawid asomfo a na afe biara woyi tow bre no. **3** Dawid see Rehob babarima Hadadeser a na odi hene wo Soba no akofo, bere a Hadadeser kɔ Asubɔnten Eufate ho, pee se ɔkɔhye ne nniso mu den no. **4** Dawid kyeree ne nteaseenam apem, nteaseenamkafo mpem ason ne asraafo a wɔnam mpem aduonu. Dawid twitwaa nteaseenam apɔnkɔ no nyinaa nantin ntin, na ogyaw mu ɔha pe. **5** Bere a Aramfo a wofi Damasko baa se wɔrebeboa Sobahene Hadadeser no, Dawid kum wɔn mu mpem aduonu. **6** Na ɔde asraafo a woye bansifo kɔtenaa Damasko, maa Aramfo beyee Dawid nkurofo a na woyi tow bre no. Baabiara a Dawid bekɔ no, Awurade ma no di nkonim. **7** Dawid de Hadadeser asraafo mpanyimfo sikakɔkɔ nkatabo no baa Yerusalem. **8** Ɔde Beta ne Berotai a na eye Hadadeser nkurow no mu kɔbere bebree kaa ne ho kɔe. **9** Bere a Hamathene Toi tee se Dawid atɔre Hadadeser asraafo no ase pasaa no, **10** ɔsoma ne babarima Yoram kɔ Dawid nkyen, kokyiaa no maa no mo. Na Hadadeser ne Toi ye atamfo fi teteete a woako atia wɔn ho wɔn ho mpen pii. Yoram kɔkyee Dawid nneema bebree a eye, dwete, sikakɔkɔ ne kɔbere mfrafrae. **11** Ɔhene Dawid too akyede no nyinaa din de maa Awurade a, dwete ne sikakɔkɔ a onya fii aman bi a odii wɔn so no nyinaa ka ho. **12** Saa aman no ne Edom, Moab, Amon, Filistia, Amalek ne nea efi Sobahene Rehob babarima Hadadeser nkyen nso. **13** Eyi maa Dawid gyee din. Ɔsan n'akyi kɔe no, okunkum Edomfo mpem dunwɔtwe wo Nkyene Bon mu. **14** Ɔde asraafo bansifo tuatuaa Edom nyinaa ano. Na Edomfo nyinaa beyee Dawid nkoa. Eyi ye nhweso foforo a ekyeree nkonim a Awurade maa Dawid dii wo baabiara a ɔkɔe no. **15** Dawid dii Israel nyinaa so hene, a wanhye obiara so na wansisi obiara nso. **16** Seruia babarima Yoab na na ɔye ɔsafohene. Ahilud babarima Yehosafat na na ɔye adehye abakɔsemkyerɛwni. **17** Sadok a na ɔye Ahitub babarima ne Abiatar babarima Ahimelek na na woye asɔfo. Na Seraia ye asennii kyerewo. **18** Yehoiada babarima Benaia na na odi Keretifo ne Peletifo so, na Dawid mmabarima tua asɔfodom ano.

9 Da bi, Dawid pee se obehu se obi aka wo Saulo fi ana. Efise na wahye Yonatan bɔ se ɔbeyee wɔn adɔe. **2** Ɔfrɛɛ ɔbarima bi a wɔfre no Siba a na anka ɔfra Saulo asomfo mu. Na ɔhene bisaa no se, “Wo na wɔfre wo Siba no ana?” Obuaa no se, “Yiw, me ne Siba no.” **3** Ɔhene no bisaa no se, “Obi aka wo Saulo fi ana? Se ete saa a mepe se meye wɔn adɔe a efi Onyankopon wo ɔkwan biara a metumi so.” Siba buaa ɔhene se, “Yonatan babarima obubuafo bi da so wo ho.” **4** Ɔhene bisae se, “Ɔwo he?” Siba buae se, “Ɔwo Amiel babarima Makir fi wo Lo-debar.” **5** Na ɔhene Dawid ma wokɔfaa no fii Amiel babarima Makir fi wo Lo-debar, de no brɛɛ no. **6** Ne din de Mefiboset, a ɔye Yonatan babarima ne Saulo nena. Ɔbaa Dawid anim no, ɔde ahopopo kotow no, kae se, “Meye wo somfo.” **7** Dawid ka kyeree no se, “Nsuro, na nea ebeye biara no, esiane w'agya Yonatan nti, meye wo adɔe. Nsase a na eye wo nena Saulo agyapade no nyinaa, mesan de ama wo, na woadidi me didipon so daa daa.” **8** Mefiboset bɔɔ ne mu ase kae se, “Hena ne me, ɔkraman funu a ese se woye me saa adɔe yi?” **9** Ɔhene frɛɛ ne somfo Siba, ka kyeree no se, “Mede biribiara a na eye Saulo ne ne fifo agyapade no nyinaa ama wo wura Saulo nenabarima no. **10** Wo ne wo mmabarima ne mo asomfo na mobedɔw asase no, aye so mfuw ama no, na wanya aduan ama ne fifo. Na Mefiboset de, ɔne me betena m'ahemfi ha.” Na Siba a na ɔwo mmabarima dunum ne asomfo aduonu no buae se, **11** “Me wura pa, asɛm a woaka akyere me no nyinaa, medi so.” Na efi saa bere no, Mefiboset ne Dawid didii daa te senea ɔye n'asen mu ba. **12** Na Mefiboset wo ɔba abarimaa bi a ne din de Mika. Na efi saa bere no, Siba fifo nyinaa beyee Mefiboset asomfo. **13** Na Mefiboset a ɔye obubuafo no tu kɔ Yerusalem kɔtenaa ahemfi ho.

10 Akyiri no, Amonfo hene Nahas wui. Ne babarima Hanun na odii n'ade se ɔhene. **2** Dawid kae se, “Meye Nahas babarima Hanun adɔe, senea n'agya yee me adɔe no.” N'agya wu nti, Dawid tuu abɔfo kɔɔ ne nkyen kɔmaa no hyeden. Bere a Dawid abɔfo baa Amonfo asase so no, **3** Amonfo atitiriw no kobisaa wɔn wura Hanun se, “Wugye di se ba a Dawid somaa n'abɔfo baa wo nkyen bɛmaa wo hyeden no kyere nidi ampa ara ana? Wunnye nni se Dawid somaa wɔn akwansra so, se wommehwe wo kuropon na wɔabetu agu?” **4** Eno nti, Hanun kyeree Dawid abɔfo no, yii obiara abogyese fa, twitwaa wɔn ntade to mfimfini ho,

tutuu mu, na wogyaa wɔn kwan, ma wɔde animguase kɔe. **5** Bere a wɔbɔɔ Dawid amannee no, otuu abɔfo ma wokohyiaa mmarima no, efise woguu wɔn anim ase yiye. Ɔhene ka kyeree wɔn se, “Montena Yeriko kosi se mo abogyese befuw ansa na moasan aba.” **6** Bere a Amonfo huu se wɔahye Dawid abufuw no, wɔkɔbɔɔ Aramfo asraafo mpem aduonu paa fii Bet-Rehob ne Soba. Saa ara na Maakahene nso maa wɔn mmarima apem fii ne nkyen, na Tob nso wonyaa mmarima mpem dumien. **7** Dawid tee saa no, ɔkaa Yoab ne akofo asraafo guu mu. **8** Amonfo no gyinaa wɔn kurow pon ano. Saa bere no na Aramfo a wofi Soba ne Rehob ne mmarima a wofi Tob ne Maaka no wɔ mfikyiri baabiara retwen ɔtamfo no. **9** Bere a Yoab huu se ɔrebeko akofanu no, oyii asraafo a wɔye nnam. Ɔno ara dii wɔn so safohene, dii wɔn anim, koko tiaa Aramfo no wɔ mfikyiri ho. **10** Ogyaw asraafo no nkae ho, de wɔn hyee ne nuabarima Abisai nsa se ɔsafohene a ɔbeko akotua Amonfo no. **11** Yoab ka kyeree ne nuabarima no se, “Se Aramfo no ye den dodo ma me a, eye a, beboa me. Na se Amonfo no nso ye den dodo ma wo a, me nso, meba abeboa wo.” **12** Ma wo bo nye duru. Ma yenko akokoduru so mfa nnye yen nkurofo ne Onyankopɔn nkurow. Awurade pe nye ho.” **13** Bere a Yoab ne n’akofo no tow hyee Aramfo no so no, wofii ase guanee. **14** Na Amonfo no huu se Aramfo no reguan no, woguan fii Abisai ho kɔhyee kurow no mu. Ɔko no gui no, Yoab san kɔɔ Yerusalem. **15** Afei, Aramfo no huu se enye wɔn afe ne Israelfo. Enti wɔboaa wɔn ho ano bio. **16** Aram asraafo foforo bi bekaa wɔn ho a Hadadeser na ɔsoma ma wɔkɔfaa wɔn fii Asubɔnten Eufrote fa noho bae. Saa asraafo no beduu Helam a Sobak na na ɔye wɔn ɔsahene, na ɔye ɔsahene a otua Hadadeser asraafo nyinaa ano nso. **17** Bere a Dawid tee nea ereba no, ɔboaboa Israel nyinaa ano, de wɔn twaa Asubɔnten Yordan, dii asraafo no anim, koduu Helam. Eho na Aramfo no fifii wɔn mpasua so tow hyee Dawid so. **18** Nanso Aramfo no guan fii Israelfo no anim bio. Saa bere no, Dawid asraafo no kunkum nteaseenamkafo ahanson ne apɔnkɔsotefo mpem aduanan a Sobak a na ɔye wɔn sahene no ka ho. **19** Bere a ahemfo a wɔhye Hadadeser ase no huu se Israel adi wɔn so nkonim no, wɔmaa wɔn nsa so, na wɔbeyee Israelfo nkoa. Eno akyi no, Aramfo suroo se wɔbeboa Amonfo.

11 Asusowbere a edi so no mu, bere a eɛ se ahemfo kɔ ɔsa no, Dawid somaa Yoab ne Israel asraafo

nyinaa se wɔnkɔsee Amonfo. Wokotuaa kuropon Raba ano, na Dawid de, ɔkaa Yerusalem. **2** Da bi anwummere a Dawid ayi n’ani so kakra no, ɔsɔre fii ne mpa so nantew faa n’ahemfi no atifi. Ogyina ho no, ohuu ɔbea bi se ɔreguare. Na ɔbea no ho ye fe yiye; **3** na Dawid somaa obi se onkobisa ne ho nsem. Ɔbarima no bekae se, “Eye Eliam babea Batseba, a ɔye Hetini Uria yere.” **4** Na Dawid tuu abɔfo se wɔnkɔfre no mmre no. Ɔbaa Dawid nkyen. Dawid ne no dae. (Odwiraa ne ho fii ne nsabu mu no, na enkyee.) Afei, ɔsan kɔɔ fie. **5** Bere a Batseba huu se wanyinsɛn no, ɔsoma ma wɔkɔka kyeree Dawid. **6** Enti Dawid soma kɔɔ Yoab nkyen kaka kyeree no se, “Fa Hetini Uria bre me.” **7** Bere a Uria duu Dawid nkyen no, obisaa gyinabea a Yoab ne asraafo no wɔ mu ne senea ɔko no reko so. **8** Na ɔka kyeree Uria se, “Kɔ fie na kɔhome.” Na mpo, Uria fii ahemfi ho no, Dawid soma ma wɔde akyede bi kɔmaa no. **9** Nanso Uria ankɔ fie. Ɔne ɔhene asomfo no bi tenaa ahemfi pon no ano. **10** Bere a Dawid tee nea Uria aye no, ɔfreɛ no bisaa no se, “Den na ehaw wo? Wufii fie akye na aden na woanko ho nnera anadwo?” **11** Uria buae se, “Apam Adaka no ne Israel asraafo ne Yuda tete ntamadan mu, na Yoab nso ne ne mpanyimfo abɔ atenaɛ wɔ wuram baabi petee mu. Na ebeye den na matumi akɔ fie akɔnom nsa, adidi na me ne me yere akɔda? Meka ntam se merenye eyi na madi ho fo.” **12** Na Dawid ka kyeree no se, “Eye, tena ha anadwo yi, na ɔkyena wɔbekɔ asraafo no mu.” Enti Uria tenaa Yerusalem da no ne n’adekeyee. **13** Na Dawid frɛɛ no adidi ne ɔnom aponto, na ɔmaa no nsa ma ɔbowee. Na eno mpo, Uria ankɔ fie ankohu ne yere. Ɔdaa ahemfi no kwan ano bio. **14** Ade kyee anɔpa no, Dawid kyerew krataa maa Uria se ɔmfa nkɔma Yoab. **15** Krataa no mu nsem kyeree Yoab se, “Ma Uria nkɔ akono baabi a ɔko no ano ye den pa ara. Wo de, san w’akyi, senea ebeye a, wobekum no.” **16** Enti Yoab maa Uria kogyinaa baabi a eben kurow no fasu, a eho na onim se atamfo no mmarima a wɔye den no reko. **17** Eho na wokum Hetini Uria ne Israel asraafo no bebreɛ. **18** Na Yoab de ɔsa mu amannee kɔbɔɔ Dawid. **19** Ɔka kyeree n’abɔfo no se, “Monka ɔsa mu nsem no nyinaa nkyere ɔhene. **20** Nanso ebia ne bo befuw, ama wabisa se, ‘Aden nti na asraafo no kɔben kurow no pee saa? Na wonnim se wɔbetow agyan afi afasu no mu?’ **21** Ɔbeabasia antow awiyammo ammɔ Gideon babarima Abimelek wɔ Tebes ankum no?” Afei, monka nkyere no se, wɔakum Hetini Uria nso.” **22** Enti abɔfo

no kɔɔ Yerusalem kɔbɔɔ ɔsa no mu amannee kyeree Dawid senea Yoab somaa no se ɔnkoka no. **23** Abɔfo no ka kyeree Dawid se, “Mmarima no bu faa yen so, na wotiaa yen petee mu de, nanso yepiaa wɔn kɔɔ kurow no pon ano. **24** Eho na agyantowfo tow w’asomfo fii ɔfasu ho, maa ohene mmarima no bi wuwui. Na wo somfo Hetini Uria nso awu.” **25** Dawid ka kyeree abɔfo no se, “Monka nkyere Yoab se ɔmmaa n’aba mu mmu, na ɔko mu de obiara tumi wu. Monyere mo ho nko ɔkoden na munni kuropon no so nkonim.” **26** Bere a Batseba tee se ne kunu awu no, osuu no. **27** Na osu no akyi no, Dawid soma ma wɔkɔfaa no baa ne fi. ɔbeyee ne yere, na ɔwoo ɔbabarima. Na nea Dawid yee no ansɔ Awurade ani.

12 Awurade somaa odiyifo Natan kɔɔ Dawid nkyen. Oduu ho no ɔkae se, “Na mmarima baanu bi te kurow bi so. Na mmarima no mu baako ye ɔdefo, na nea ɔka ho no nso ye ohiani. **2** Na ɔdefo no wɔ nguan ne anantwi bebre, **3** ohiani no de, na onni hwee ka oguan bere ketewa bi a ɔtɔɔ no no ho. ɔyen no maa ɔne ɔno ankasa mma nyin bɔɔ mu. Na ɔne aboa no di n’aduan, nom fi ne kuruwa mu, na nna mu nso, na daa ɔda n’abasa so. Na ɔte se ne babea. **4** “Da koro bi, ɔhɔho bi baa ɔdefo no nkyen, nanso wankum ne nguan anaa ne nantwi annoa aduan amfa ansom no hɔho. Na mmom, ɔkɔkyeree ohiani no guanbere no, de yee aduan maa ɔhɔho a wabesoe no no.” **5** Dawid tee asem no, ne bo fuw saa ɔbarima no yiye, na ɔka kyeree Natan se, “Mmere dodow a Awurade te ase yi, efata se ɔbarima a ɔyee saa no wu. **6** Eɛ se otua oguan bere no ka mmɔ ho anan se ɔyee bɔne saa a wannya ahummɔbɔ biara.” **7** Eho ara, Natan ka kyeree Dawid se, “Wone saa ɔbarima no! Awurade, Israel Nyankopɔn, se, ‘Mesraa wo se Israelhene, gyee wo fii Saulo tumi ase. **8** Mede ne fi ne ne yerenom ne Israel ne Yuda ahemman maa wo. Na se na eno nnɔɔso a, anka mema wo bebre aka ho. **9** Aden nti na woabu Awurade asem animtiaa, na woaye bɔne a ete saa? Woakum Hetini Uria, awia ne yere. **10** Efi nne rekɔ, afoa na ebeye ahunahunade ama wo fifo, efise woabu me animtiaa, afa Hetini Uria yere de no aye wo yere.’ **11** “Esiene nea woaye yi nti, me Awurade, mema w’ankasa fi mufo asɔre atia wo. Mede wo yerenom bema ɔbarima foforo, na ɔne wɔn beda ama obiara ahu. **12** Woyee eyi wo kokoa mu, nanso mema nea ereba wo so no ada gua, ama Israel nyinaa ahu.” **13** Na Dawid ka kyeree Natan se, “Maye bone atia Awurade.”

Natan buae se, “Awurade ayi wo bɔne no afi wo so. Worenwu. **14** Nanso se woama Awurade atamfo kwan se wommu no animtiaa, ngu ne din ho fi nti, ɔba a wɔbewo no ama wo no bewu.” **15** Natan kɔɔ ne fi ara pe, Awurade maa abofra a Uria yere Batseba wo maa Dawid no yaree denneennen. **16** Dawid sree Onyankopɔn se ɔmma abofra no ntena ase. ɔkyen ho kom, na ɔkɔɔ fi, na anadwo mu no nyinaa, furaa atweaatam, daa fam tim. **17** Mpanyimfo a wɔwɔ ne fi sree no se ɔnsɔre na ɔne wɔn nnidi, nanso wampene. **18** Ne nnanson so, abofra no wui. Na Dawid afotufu no suro se wɔbewo no amannee se abofra no awu, efise na wɔn adwene ne se, “Bere a na abofra no te ase no, yekasa kyeree Dawid, nanso wantie yen. Na ebeye den na yeatumi aka akyerɛ no se abofra no awu? Anhwe a, ebeye ne ho biribi.” **19** Na Dawid huu se n’afotufu no reye huhuhuhu no, ɔtee nka se abofra no awu. Obisae se, “Abofra no awu ana?” Wobuae se, “Yiw, wawu.” **20** Na Dawid sɔre fii fam ho. Afei, oguare wiewe a ɔpetee ne ho aduhuam, na ɔsesaa ne ntade no, ɔkɔɔ Awurade fi kɔsɔree. Afei, ɔkɔɔ n’ankasa fi, na ɔno ankasa ka ma wɔbreɛ no aduan, na odidii. **21** N’afotufu no bisaa no se, “Nea woreye yi, ase ne den? Bere a abofra no te ase no, wudii mmuada, twaa agyaadwo. Na afei a wawu no mmom na woasɔre adidi!” **22** Obuae se, “Bere a na abofra no da so te ase no de, midii abuada, twaa agyaadwo. Medweneɛ se, ‘Hena na onim? Ebia, Awurade behu me mmɔbɔ ama abofra no atena.’ **23** Na afei a wawu yi, aden nti na eɛ se midi abuada? Metumi asan de no aba nkwa mu bio ana? Mekɔ ne nkyen da bi, na ɔno de, ɔrensan mma me nkyen ha da.” **24** Na Dawid kyekyeree ne yere Batseba were, na ɔne no dae. Onyinseneɛ, woo ɔbabarima, na wɔtoo no din Salomo. Awurade pee abofra no asem, **25** na ɔde asem faa odiyifo Natan so se, eɛ se abofra no din ye Yedidia, efise na Awurade dɔ no. **26** Saa bere no, na Yoab ne Israel asraafo no ako afa Amon ahenkurow Raba no nnommum. **27** Yoab somaa abɔfo kɔɔ Dawid nkyen, kɔka kyeree no se, “Mako atia Raba, afa nea wonya wɔn nsu fi. **28** Afei, fa asraafo a wɔaka no bra na wonwie adwuma no, senea ebeye a, wubenya nkonimdi anuonyam no sen se ebeye me de.” **29** Enti Dawid dii n’akofo a wɔaka no anim kɔɔ Raba kɔfaa ho. **30** Dawid tuu ohene no ahenkyew, na nnipa no de hyee Dawid. Wɔde sikakokɔɔ na eyee ahenkyew no a aboodenmmo bobɔ mu a, na ekari nsania ani kilogram aduasa anan. Dawid fow asade bebre wɔ kuropon

no mu. 31 Ōsan faa nnipa a wɔwɔ Raba no se nkɔa, hyɛɛ wɔn, ma wɔde ɔwan, pinkase ne mmonnua yɛɛ adwuma wɔ ntayaa fononoo ho. Saa ara na ɔne nnipa a wɔwɔ Amon nkurow nyinaa so dii no. Na Dawid ne n'akofo san kɔɔ Yerusalem.

13 Na Dawid babarima Absalom wɔ nuabea bi a ne ho ye fe yiye. Na saa ɔbea no din de Tamar. Na Amnon a ɔye ne nuabarima no kɔn dɔɔ no. 2 Amnon tuu n'ani sii Tamar so ara kosii se ebɔɔ no yare. Na ɔye ɔbabun nti, na na eye se Amnon rentumi nye no hwee. 3 Na Amnon wɔ adamfo onifirifo bi a wɔfre no Yonadab. Na ɔye Dawid nuabarima Simea babarima. 4 Da koro bi, Yonadab bisaa Amnon se, “Asem ben na aba? Aden nti na ese se ɔhene babarima ye bosaa anɔpa biara saa?” Na Amnon buaa no se, “Medɔ Tamar, Absalom nuabea no.” 5 Yonadab kae se, “Eye, mekyere wo nea wobeyɛ. San kɔ na kɔda wo mpa so, na hye da ye senea woyare no. Se w'agya behu wo a, ka kyere no se ɔnka nkyere Tamar, na ɔmmeyɛ aduan bi mma wo nni. Ka kyere no se, se ɔno bre wo aduan di a, wo ho betɔ wo.” 6 Enti Amnon patuw yaree. Na ɔhene no besraa no no, Amnon ka kyereɛ no se, “Mesre wo, ma Tamar mmehwe me, na ɔnnoa biribi mma minni.” 7 Dawid penee so, somaa Tamar kɔɔ Amnon fi, kɔnoaa aduan maa no. 8 Bere a Tamar duu Amnon fi ho no, ɔkɔɔ ɔdan a na ɔda mu no mu, senea se Tamar refɔtɔw asikresiam a obehu. Enti ɔtoo brodo sononko bi maa no. 9 Nanso ɔde aduan no guu apampaa so besii n'anim no, wampe se odi. Na Amnon ka kyereɛ n'asomfo a wɔwɔ ho no se, “Obiara mfi ha nkɔ!” Enti wɔn nyinaa kɔe. 10 Afei, ɔka kyereɛ Tamar se, “Fa aduan no bre me wo me pia mu, na bubu hye m'ano.” Enti Tamar maa so de kɔɔ ho. 11 Na bere a ogu so de rema no no, ɔtow hyɛɛ ne so, na ɔkae se, “Wo ne me nna, me nuabea ɔdofo.” 12 Na Tamar teeɛ mu se, “Dabi da, onuabarima! Nye saa amumɔyede yi! Nye me saa! Wunim se, se woye a, eye bone kese wo Israel. 13 Na ehe na anka mede saa aniwu no befɔ? Na wɔbeka se, wo nso woye nkɔwaseafo akese a wɔwɔ Israel no mu baako. Mesre wo, ka biribi keke kyere ɔhene, na ɔbema woaware me.” 14 Nanso Amnon ampene so. Na esiane se ɔwɔ ahooɔden sen Tamar nti, ɔtoo no mmonnaa. 15 Eho ara, Amnon dɔ no dan ɔtan. ɔtan no mu yɛɛ den sen ɔdɔ a na ɔdɔ no no. ɔteteeɛ mu se, “Fi ha kɔ ntem!” 16 Tamar nso teeteɛ mu se, “Dabi da. Se worepam me a fi ha mprempren no ye bone kese koraa sen nea woaye me dedaw no.” Nanso Amnon

ampe se obetie no. 17 ɔteeɛ mu frɛɛ ne somfo hyɛɛ no se, “Pam saa ɔbea yi fi ha, na to pon no mu!” 18 Enti ɔsomfo no pam no. Na ɔhye batakari tenten fefe bi senea na amanne kyere wɔ ɔhene babea a ɔye ɔbabun ho no. 19 Nanso Tamar sunsuan ne batakari no mu, de nsɔ guu ne ti mu. Afei, ɔde ne nsa kataa n'ani, de osu sii kwan so. 20 Ne nuabarima Absalom huu no bisaa no se, “Wo nuabarima Amnon ne wo ada ana? Ye dinn, me nuabea; ɔye wo nuabarima. Mfa saa asem yi nhye wo koma mu.” Na Tamar tenaa ase se ankonam werɔhonibea wɔ Absalom fi. 21 Bere a ɔhene Dawid tee asem no, ne bo fuw yiye. 22 Absalom nso anka ho hwee ankyere Amnon. Nanso ɔtan Amnon yiye, efise wagu ne nuabea Tamar anim ase. 23 Mfe abien akyi, da koro bi a na wɔretwitwa Absalom nguan ho nwi wo Baal-Hasor a eben Efraim hye so no, Absalom too nsa frɛɛ ɔhene mmabarima nyinaa se wɔmmra ho. 24 Absalom kɔɔ ɔhene nkyen kɔka kyereɛ no se, “Me nguan nwitwitwafo reye adwuma. ɔhene ne n'asomfo beba abeka me ho ana?” 25 ɔhene buae se, “Dabi, me ba. Ense se yen nyinaa kɔ; yebeye ɔhaw ama wo.” Ewo mu se Absalom hyɛɛ no de, nanso wampene se ɔbekɔ, na ohyiraa no kosekose. 26 Na Absalom kae se, “Se saa na ete de a, ma me nuabarima Amnon mmeka yen ho.” ɔhene no bisaa no se, “Aden nti na ese se ɔbekɔ mo ho?” 27 Nanso ɔhyɛɛ no nti, ɔmaa Amnon ne ahenemma no nyinaa bekaa ne ho. 28 Absalom ka kyereɛ ne nkurofo no se, “Muntie! Montwen na Amnon mmow nsa, na afei mɛye nsenkyerenne na moakum no. Munnsuro. Me ara na mahye mo se monye saa. Momfa akokoduru nye.” 29 Enti Absalom mmarima no yɛɛ Amnon saa, senea Absalom hyɛɛ wɔn no. Afei, ahene mmabarima no nyinaa sore tenatenaa wɔn mfurum so, na woguanee. 30 Bere a wɔresan akɔ Yerusalem no, saa asem yi duu Dawid asom se, “Absalom akunkum wo mmabarima no nyinaa a anka ɔbaako koraa.” 31 ɔhene no huruw sii fam, sunsuan n'atade mu, daa fam. N'afotufu nyinaa de ahodwiriw ne awerehow sunsuan wɔn ntade mu, dedaa fam saa ara. 32 Nanso ankye biara na Yonadab a ɔye Dawid nuabarima Simea babarima no beduu ho kae se, “Dabi, ente saa. Enye wo mma no nyinaa na wɔakunkum wɔn. Amnon nko ara na wɔakum no. Efi bere a Amnon too ne nuabea Tamar mmonnaa no, na Absalom yɛɛ n'adwene saa. 33 Dabi, wo mma no nyinaa nɔuwui saa. Eye Amnon nko ara.” 34 Saa bere no, na Absalom aguan. ɔwemfo a ɔwɔ Yerusalem fasu so no huu se

dām kēse fi atɛ fam rebā kurow no mu. Otuu mmirika kōbōw ōhene amannee se, “Mahu se dām fi Horonaim kwan a ɛda bepōw no nkyen mu hō no so rebā.” **35** Yonadab ka kyereɛ ōhene no se, “Wōn na wōreba no! Wo mma no rebā senea mekae no.” **36** Ankye na wobedui a, wōretwa adwo, tew nisu, na ōhene ne ne mpanyimfo nso twaa agyaadwo. **37** Na Dawid suu ne babarima Amnon nna bebre. Na Absalom guan kōw ne nena barima Talmai a na ɔye Amihud a na ɔye ōhene Gesur no babarima nkyen. **38** Ōkōtenaa Gesur hō mfe abiesa. **39** Na Dawid a afei wagyaɛ Amnon wu no hō asem no pɛɛ se ɔne ne babarima Absalom san ka bō mu.

14 Na Yoab huu se ōhene pɛ se ōhu Absalom. **2** Enti ɔsoma ma wōkōw Tekoa kōfaa ɔbea nyansafo bi a wagye din yiye brɛɛ no. Yoab ka kyereɛ no se, “Hyɛ da ye wo hō se wowo ayi mu, na fura ayitam. Nguare anaa mfa aduhuam mpete wo hō nso. Ye wo hō se ɔbea a wadi awerehow nna bebre. **3** Na kō ōhene nkyen kōka asem a merebeka akyerɛ wo yi kyere no.” Na Yoab kaa asem a ɔpɛ se ɔbea no kōka no kyereɛ no. **4** Na Tekoani bea no duu ōhene no anim no, ōhwee fam de n’anim butuw fam tɛɛ mu se, “Ao Nana! Boa me!” **5** ōhene no bisaa no se, “Eyɛ asem bɛn?” Obuaa no se, “Meyɛ okunafo. **6** Me mma baanu twaa wōn hō koe, a na obiara nni hō a ɔbɛpata wōn. ɔbaako bōw ɔbaako kum no. **7** Nanso abusua no nkae no kae se, ‘Ma yen nsa nka wo ba no a okum ne nua no na yenkum no bi na wammedi agyapade so.’ Na se meye saa nso a, na minni obiara a waka, na me kunu din ne me fi bɛyera wō asase so ha.” **8** ōhene ka kyereɛ no se, “Gyae asem no ma me. Kō fie na mēhwe se obiara remfa ne nsa nka no.” **9** ɔkae se, “Me wura, meda wo ase. Mmoa a wode ama me yi nti, se obi kasa tia wo a, mɛfa hō sobo no.” **10** ōhene no kae se, “Mma eyi nhaw wo. Se nnipa bi mpene a, fa wōn brɛ me wō ha. Na metumi ama wo awerehyemu se, obiara renwiinwii wō hō bio.” **11** Afei, ɔbea no kae se, “Fa Awurade, wo Nyankopōn, no din ka ntam kyere me se, woremma obiara ntō me babarima no so were. Menhwehwe mogyahwiegu bio.” ōhene no nso kae se, “Mmere dodow a Awurade te ase yi, wo ba no tinwi a ɛwō ne ti so mu baako mpo hō renka.” **12** Afei, ɔbea no kae se, “Ma wo somfo nka biribi nkyere me wura ōhene.” Obuae se, “Kō so kasa.” **13** ɔbea no bisae se, “Aden nti na wonye mma Onyankopōn nkurofo senea wāhyɛ bō se wobeyɛ ama me no. Woabu wo hō fō se wōasi saa gyinae yi. Wompɛ

se woma w’ankasa wo ba a wōatwa no asu no ba fie. **14** Nea ete biara no, obiara bewu. Na senea nsu hwie gu fam a wosesaw a ɛnye yiye no, saa ara na nkwa te. Eno nti na Onyankopōn san de yen ba ne nkyen bere a yeatew yen hō a fi ne hō no. Wōn a ɔhwe wōn no, ɔmma wōnnhwere wōn kra; enti wo nso, ɛnse se woyɛ saa. **15** “Na maba se merebedi ama me babarima, efise wode owu hunahuna me ne me ba no. Meka kyereɛ me hō se, ‘Ebia, ōhene betie me, **16** na wagye yen a fi wōn a wobetwa yen a fi Onyankopōn nkurofo hō no nsam.’ **17** “Yiwi, ōhene no bɛma yen asomdwoe bio. ‘Minim se wote se Onyankopōn bōfo a wubetumi ahu papa ne bōne ntam nsonoe. Awurade, wo Nyankopōn, nka wo hō.” **18** ōhene no ka kyereɛ ɔbea no se, “Mepe se mihu ade baako; mfa nhintaw me.” ɔbea no kae se, “Eyɛ den asem, me wura?” **19** “Yoab na ɔsoma wo ha ana?” ɔbea no buae se, “Me wura, Daasebre, ebeyɛ den na matwa eyi hō atoro? Obiara ntumi mfa biribiara nhintaw wo. Eyɛ nokware se Yoab na ɔsoma me, na ɔkyereɛ me asem a menka. **20** ɔyɛɛ saa, senea mɛfa ɔkwan foforo so de saa asem yi ato w’anim. Na wo nso, wunim nyansa te se Onyankopōn bōfo, na biribiara a esi yen ntam ha no nso, wote ase.” **21** Enti ōhene no soma ma wōkōfaa Yoab bae, na ɔka kyereɛ no se, “Eye, kō na kōfa aberante Absalom bra.” **22** Yoab hwee ōhene no nan ase, hyiraa no se, “Ne korakora mu no, woapene me so, na woaye m’abisade ama me.” **23** Na Yoab kōw Gesur kōfaa Absalom baa Yerusalem. **24** Nanso ōhene hyɛɛ se, “Absalom tumi kō ɔno ankasa ne fi, nanso ɔnhwe na wamma m’anim ha.” Enti Absalom anhu ōhene no. **25** Israel nyinaa, na obiara nni hō a ne hō ye fɛ, te se Absalom. Efi ne ti so kosi ne nan ase, na wuhu se ɔye ɔbarima ankasa. **26** Afe biara, na oyi ne ti penkoro, efise ne nwi no ye adeso a ma no. Na se oyi na ɔkari a, na eye kilogram abien ne fa. **27** Na ɔwō mmabarima baasa ne ɔbabea baako. Na ne babea no din de Tamar. Na Tamar nso wō ahoɔfɛ a ɛmma ɔka. **28** Absalom tenaa Yerusalem mfe abien a wanhu ōhene no da. **29** Afei, Absalom soma kōfrɛɛ Yoab se ɔnkōka bi mma no, nanso Yoab ankō. Absalom somaa ne mprenu so, nanso Yoab ankō. **30** Eno nti, Absalom ka kyereɛ n’asomfo se, “Monkō na momfa ogya nkoto Yoab atokofuw a eben me de no hō mu.” Na wode ogya kotoo afuw no mu, senea Absalom hyɛɛ wōn se wonye no. **31** Na Yoab baa Absalom nkyen bebisaa no se, “Aden nti na w’asomfo akoto m’afuw mu gya?” **32** Na Absalom buaa no se, “Efise na mepe se wukobisa

ɔhene ma me se, aden nti na ɔmaa me san fii Gesur bae, nanso ɔmpɛ se ohu m'ananim koraa? Eno de, se anka metenaa me dedaw mu hɔ ara a, anka eye. Ma minhu ɔhene no, na se midi fɔ wɔ biribi ho a, otumi kum me.” **33** Enti Yoab kaa asem a Absalom aka akyerɛ no no kyerɛɛ ɔhene no. Afei, Dawid frɛɛ ne ba a watew ne ho no, ma ɔbaa n'ananim. Absalom beduu ɔhene no anim no, ɔbɔɔ ne mu ase, na Dawid few n'ano.

15 Eyi akɛi no, Absalom tɔɔ teaseenam ne aponko, na ɔbɔɔ mmarima aduonum paa se wobedi n'ananim. **2** Adekyee biara, ɔsɔre ntem na wakotena kuropon no pon ano. Na se nnipa bi de asem beto ɔhene no anim se ommu ho aten a, Absalom bebisa faako a wofi, na wɔakyerɛ abusuaakuw a wofi mu. **3** Na Absalom beka se, “W'asem ye de de, nanso ɔhene nni obiara a obetie. **4** Se meye otemmufo anka mɛpɛ. Anka nnipa de won nsem beba m'ananim, na mabu won aten.” **5** Se nnipa pɛ se wɔkotow no a, Absalom remma won nye saa na mmom obeso won nsa, aye won atuu. **6** Absalom yee saa de nyaa Israelfo no nyinaa wɔ n'afa. **7** Mfirihyia anan akɛi no, Absalom ka kyerɛɛ ɔhene no se, “Ma menko Hebron na menkɔbɔ afɔre mma Awurade senea mahye no bɔ no. **8** Bere a na mewɔ Gesur no na mehyee saa bɔ no se, ‘Se Awurade de me san ba Yerusalem a, mɛbɔ afɔre ama no wɔ Hebron.’” **9** ɔhene no kae se, “Eye, kɔ na kodi wo bɔhye so.” Enti Absalom kɔɔ Hebron. **10** Bere a ɔwɔ hɔ no, ɔfaa sum ase somaa abɔfo kɔɔ Israel mmaa nyinaa kɔhwanyan ɔmanfo de tiaa ɔhene no. Ne nkra ne se, “Se mote torobento nne pɛ a, monka se, ‘Absalom adi hene wɔ Hebron.’” **11** Absalom faa mmarima ahannu fii Yerusalem kaa ne ho a na wonnim Absalom nsusuwii yi ho hwee. **12** Bere a Absalom rebɔ afɔre no, ɔsoma ma wɔkɔfaa Giloni Ahitofel a na ɔye Dawid fotufo fi ne kurom Gilo bae. Enti powbɔ no mu yee den na nnipa bebreɛ no ara bekaa Absalom ho. **13** Ankye, ɔbɔfo bi baa Yerusalem beka kyerɛɛ ɔhene Dawid se, “Israel nyinaa atu di Absalom akɛi se wɔaye adom atia wo.” **14** Eho ara, Dawid ka kyerɛɛ ne mmarima se, “Monye no ntem na yenguan mfi ha, ansa na wadu ha, senea amanehunɔ bepare yen ne Yerusalem kurow mu no nyinaa.” **15** N'afotufo no buae se, “Yegyina w'akɛi. Biribiara a wugye di se eye no, ye.” **16** Enti ɔhene no ne ne fifo sii mu kɔɔ preko pɛ a wannyaw biribiara wɔ akɛi se ne mpenanom du bi a wɔbɛhwɛ n'ahemfi no so. **17** ɔhene no ne ne nkurofo no faa fam, na wɔfaa

kuropon no fa bi, **18** maa Dawid asraafo no betwaa won ho dii won anim. Nnipa a wɔkaa Dawid ho kɔɛ no ye Gitifo ahansia a wofi Gat a ne bammɔfo nso ka ho. **19** Na ɔhene no bisaa Gatni Itai a ɔye ɔsafohene no se, “Aden nti na woka yen ho rekɔ? San kɔka wo nkurofo ho, na monko ɔhene Absalom nkyen, efise woye ɔhɔho wɔ Israel ne ɔmamfrani a wɔatwa wo asu. **20** Wuduu ha nnɛra nko ara. Na esɛ se mehye wo na wo ne yen kyin ana? Me mpo, minnim baabi a yebekɔ. San w'akɛi na kɔfa wo asraafo ka wo ho, na Awurade nkyere wo ne dɔ ne ne nokware.” **21** Nanso Itai ka kyerɛɛ ɔhene no se, “Mede Awurade din ne wo ara wo nkwa ka ntam se, baabiara a wobekɔ no, mekɔ bi a nea ebɛsi biara mfa me ho; se eye nkwa anaa owu.” **22** Dawid buaa no se, “Eye, ka yen ho.” Eno nti, Itai ne ne mmarima ahansia ne won fifo kaa won ho kɔɛ. **23** Awɛrɛhow kese sii asase no so, bere a ɔhene ne n'akyidifo retwa mu no. Wotwaa Kidron Bon no de won ani kyerɛɛ sare so. **24** Abiatar ne Sadok ne Lewifo no faa Apam Adaka no, na wɔde sii kwankyen. Na wɔbɔɔ afɔre wɔ hɔ kɔsii se obiara seneɛ. **25** Na ɔhene no ka kyerɛɛ Sadok se, “San fa Onyankopon Adaka no kɔ kuropon no mu. Se minya Awurade anim adom a, ɔbesan de me aba ama mahu Adaka no ne ne ntamadan no bio. **26** Nanso se ɔka se, ‘M'ani nnye wo ho’ a mɛpɛ, ma ɔmfa me mfa ɔkwan a onim se eye ma no no so.” **27** Na ɔhene no ka kyerɛɛ ɔsɔfo Sadok se, “Me nhyehyee ni: Wo ne Abiatar nye komm nsan nko kuropon no mu a wo babarima Ahimaas ne Yonatan a ɔye Abiatar babarima ka ho. **28** Metwen wɔ faako a wotwa Asubonten Yordan kɔ sare no so hɔ akosi se mɛte mo nkra. Momma mente asem a ebɛsi wɔ Yerusalem, ansa na makɔ sare so.” **29** Enti Sadok ne Abiatar faa Onyankopon Adaka no de san kɔɔ Yerusalem, na wɔtenaa hɔ. **30** Dawid faa ɔkwan a ekɔ Ngo Bepɔw so no so a ɔrekɔ no nyinaa, na ɔretwa adwo. Na wakata ne ti so, na ne nan sisi fam saa ara a ekɛyere awerɛhowdi. Na nnipa a woka ne ho no nso katakataa won ti so, twaa adwo bere a wogu so refoɔ bepɔw no. **31** Bere a obi ka kyerɛɛ Dawid se, afei de ne fotufo Ahitofel taa Absalom akɛi no, Dawid bɔɔ mpae se, “Awurade, ma Ahitofel afotu nnan nkwareasɛm.” **32** Woduu Ngo Bepɔw no atifi baabi a nnipa som Onyankopon no, Dawid huu Husai a ofi Arki a ɔretwen no. Na Husai asunsuan n'atade mu, de dote asra ne tirim, de kyere awerɛhowdi. **33** Na Dawid ka kyerɛɛ no se, “Se wo ne me kɔ a, wobeye

adesoa ama me. **34** San kɔ Yerusalem, na ka kyere Absalom se, ‘Afei, meye wo fotufo senea da bi ho no na meye w’agya fotufo no.’ Eba saa a, wubetumi atia Ahitofel afotu mu, asae no. **35** Asofo Sadok ne Abiatar wo ho. Ka adwene a wɔfa wo me ho, pɛ sɛ wɔkyere me no kyere wɔn, **36** na wɔbesoma wɔn mmabarima Ahimaas ne Yonatan na wɔabehwehwe me, aka nea ereko so akyere me.” **37** Enti Dawid adamfo Husai san kɔ Yerusalem, koduu ho bere koro a Absalom nso duu ho no mu.

16 Dawid sian bepɔw no pɛ na ɔne Mefiboset somfo Siba hyiae. Na ɔwo mfurum abien a wɔahyehye brodo mua ahannu, bobɛ aba a wɔabɔ no atɔwatɔw ɔha ne nsa nhoma kotoku ma wo wɔn so. **2** ɔhene no bisaa Siba se, “Na eyinom nso ɛ?” Na Siba buae se, “Mfurum no, mo nkurafo ntena wɔn so, na brodo no ne aduaba no, wɔmfɔ mma mmerante no na wonni. Na nsa no nso, momfa nkɔ sare so ho, na wɔn a ɔbrɛ nti wɔbetɔ beraw no anom.” **3** Na ɔhene no bisaa no se, “Na Mefiboset wo he?” Siba buae se, “ɔkaa Yerusalem. ɔka se, ‘Nnɛ, mesan agye me nena Saulo ahemman no.’” **4** ɔhene no ka kyere Siba se, “Sɛ saa na ɛte de a, mede biribiara a eyɛ Mefiboset dea no rema wo.” Siba buae se, “Meda wo ase awura. Bere biara, biribiara a wobɛka akyere me sɛ menyɛ no, meye.” **5** Bere a ɔhene Dawid ne ne nkurafo retwa mu wo Bahurim no, ɔbarima bi pue fii akuraa no ase bedomee wɔn. Na saa ɔbarima no din de Simej, Gera a ɔye Saulo busuani babarima. **6** ɔpaa Dawid ne ne mpanyimfo ne asraafo a wɔatwa wɔn ho ahyia no nyinaa abo. **7** ɔteɛ mu guu Dawid so se, “Fi ha kɔ! Mogyapefo a ɔte sɛ wo! Ohuhuni! **8** Awurade atua wo ka se wuhwie Saulo ne ne fifo mogya gui. Wuwiaa n’ahengua, na afei Awurade de ahemman no ahyɛ wo babarima Absalom nsa. Wobenom w’ankasa w’aduru, mogyapefo.” **9** Na Seruia babarima Abisai bisaa ɔhene no se, “Aden nti na ɛse sɛ ɔkraman funu yi tumi dome me wura ɔhene? Ma menko na minkotwa ne ti.” **10** Nanso ɔhene no kae se, “Den na me ne mo Seruia mmabarima beyɛ? Sɛ Awurade aka akyere no se, ɔnnome me a, me ne hena a metumi aka akyere no se onnya?” **11** Na Dawid ka kyere Abisai ne ne mpanyimfo se, “Me babarima a ɔye m’ankasa mogya pɛ sɛ okum me. Na den na esiw Saulo busuani ho kwan sɛ ɔnye saa ara. Munnyaa no, momma ɔnnome, efise Awurade na waka akyere no se ɔnye saa. **12** Ebia Awurade behu sɛ wɔreyɛ me bone, na ɔde papa atua

me nnome a me nsa aka no nne yi no so ka.” **13** Enti Dawid ne ne mmabarima toaa so kɔ wɔn kwan a saa bere no, na Simej nso nam bepɔw bi a ɛben wɔn so. ɔreko no nyinaa, na ɔredome, totow abo bɔ Dawid, tu mfutuma gu wim. **14** ɔhene ne ne nkurafo nyinaa bree wo ɔkwan so nti, woduu Asubɔnten Yordan ho no, wogyee wɔn ahome. **15** Absalom ne Israel mmabarima nyinaa baa Yerusalem a Ahitofel ka wɔn ho. **16** Na Husai a ofi Arki a ɔye Dawid adamfo no, kɔ Absalom nkyɛn koka kyereɛ no se, “ɔhene nkwa so! ɔhene nkwa so!” **17** Na Absalom bisaa Husai se, “Eyi ne ɔkwan a wode w’adamfo Dawid fa so? Aden nti na wo ne w’adamfo anko?” **18** Husai ka kyereɛ Absalom se, “Mewo ha efise meye adwuma ma ɔbarima a Awurade ne Israel ayi no. **19** Nɛa ɛka ho bio ne sɛ, hena na ɛse sɛ mesom no? Senea mesom w’agya no, saa ara na mesom wo.” **20** Absalom dan ne ho bisaa Ahitofel se, “Den bio na menyɛ?” **21** Ahitofel buaa no se, “Kɔ na wo ne w’agya mpenanom no nna, efise wagyaw wɔn ho sɛ wɔnhwe ahemfi ho. Eno bema Israel nyinaa ahu sɛ, woabu no animtiaa a ɛboro nkabom so, na wode wɔn ho bema wo.” **22** Enti wosii ntamadan wo ahemfi no atifi baabi a obiara behu, na Absalom kɔ ntamadan no mu, na ɔne n’agya mpenanom no dae. **23** Absalom tiee Ahitofel afotu senea Dawid yɛe no pɛpɛpɛ. Na asem biara a efi Ahitofel anom bae no mu nyansa no yɛe senea efi Onyankopɔn anom.

17 Ahitofel ka kyereɛ Absalom se, “Meyi asraafo mpem dumien, na mafi ha anadwo yi akɔtaa Dawid. **2** Meto no wo bere a ɔbrɛ nti, n’aba mu abu. ɔne n’akofo nyinaa bebɔ hu na wɔaguan. ɔhene no nko ara na meɔ no ahwe, **3** na mede nnipa no asan abre wo. Onipa a wohwehwe no no wu bema wɔn nyinaa asan aba; nnipa no mu biara ho rentɔ kyima.” **4** Saa nhyehyee yi sɔ Absalom ne Israel mpanyimfo nyinaa ani. **5** Nanso Absalom kae se, “Momfrɛ Husai a ofi Arki no mmra na yentie nea ɔwo ka.” **6** Husai bae no, Absalom kaa nea Ahitofel aka no kyereɛ no. Afei obisaa no se, “W’adwene ne den? Yɛmfɔ Ahitofel afotu no ana? Na sɛ ente saa a, kyere yɛn w’adwene.” **7** Husai buaa Absalom se, “Afotu a Ahitofel ama wo no nnye saa bere yi. **8** Wunim w’agya ne ne dam; wɔye akofo akese, na wɔn ho ye hu sɛ sisi a wɔawia ne mma. Eno da nkyɛn a, w’agya nim de wo akodi mu; ɔne n’akofo no rentena anadwo yi. **9** Sesɛɛ mpo, wakɔtɛw ɔbodan bi mu ana baabi foforo. Na sɛ odi kan tow hyɛ mo so a, nea ɔbete biara no beka se,

‘Wɔakunkum asraafo a wodi Absalom akyi no.’ **10** Na se eba saa a, asraani a ɔye nnam a ne koma te se gyata no koraa, ehu beɛma wabo hu. Na Israel nyinaa nim se w’agya ye akofɔ, na wɔn a woka ne ho no nso koko ye duru. **11** “Enti mitu wo fo se, boa Israel nyinaa ano, efi Dan kosi Beer-Seba. Woye saa a wubenya asraafo a wɔn dodow beye se mpoano nwea. Na migye di se w’ankasa bedi asraafo no anim. **12** Na se yehu Dawid a, yebetow ahye no so, senea obosu gu asase so, a ɔno ne mmarima no mu baako mpo nka. **13** Na se Dawid aguan ko kuropon bi so a, wode Israel asraafo nyinaa beko ho. Afei, yebetumi afa ntampehama de atwe kurow no afasu, akogu obon a eben mu, kosi se abo biara a ewo mu no beyam.” **14** Afei, Absalom ne Israel mpanyimfo nyinaa kae se, “Husai afotu no ye sen Ahitofel de no.” Efise Awurade ahyehye se Ahitofel afotu pa a ode ama no besee, senea ebeye a, ohaw ne abebrese beba Absalom so. **15** Na Husai koka asem a Ahitofel aka ne ɔno ankasa adwenkyere no kyeree asofo Sadok ne Abiatar. **16** Oka kyeree won se, “Ntem! Monkohwehwe Dawid, na monka nkyere no se, ɔnntena Asubonten Yordan aworoe so ho anadwo yi. Eɛ se otwa ko sare no so akyi, anye saa a, ɔne n’akofo nyinaa bewuwu.” **17** Yonatan ne Ahimaas tenaa En-Rogel, senea ebeye a, worenko kurow no mu na wɔnnsan mpue. Na wɔaye nhyehyee bi se abaawa bi de nkra a eɛ se wode koma ohene Dawid no bebre won. **18** Nanso abarimaa bi huu won se wɔrefi En-Rogel ako Dawid nkyen nti, okoka kyeree Absalom. Na woguan ko Bahurim, maa obarima bi de won kosiee abura bi a ewo n’adiwo mu. **19** Obarima no yere de ntama kataa abura no so, de atoko guu so te senea orehata no owia so, na obiara ansusuw se nnipa hye abura no mu. **20** Bere a Absalom mmarima no duu ho no, wobisaa oɛa no se, “Woahu Ahimaas ne Yonatan ana?” Obuaa won se, “Na wɔwɔ ha de, nanso wɔatwa asuwa no ko.” Absalom mmarima no hwehwe won, nanso wɔanhu won nti, wɔsan ko Yerusalem. **21** Afei mmarima baanu no fii abura no mu, de mmirika ko ohene Dawid nkyen kobɔ no amannee se, “Fi ha twa asu no ntem anadwo yi!” Wokaa Ahitofel afotu a ebema wɔakyere no akum no no kyeree no. **22** Enti Dawid ne nnipa no nyinaa tutuu so, kotwaa Yordan. Eduu adekyee no, na obiara atwa Yordan ko n’agya. **23** Ahitofel huu se n’anim agu ase, efise wɔamfa n’afotu no, ohyehyee n’afurum tenaa ne so, ko ne kurom. Ototoo ne nneema yiye, na okosen

ne ho. Enti owu ma wosiee no wo n’agya oda mu. **24** Ankye na Dawid duu Mahanaim. Saa bere no na Absalom aboaboa Israel asraafo no nyinaa ano a odi won anim rekotwa Asubonten Yordan. **25** Absalom yii Amasa de no tuua asraafo no ano, sii Yoab a na anka ɔye Dawid sahene no anan mu. Amasa ye obarima bi a wofre no Yitra, a ɔye Israelni a ɔwaree Abigail a ɔye Nahas babea, na ɔye Seruia nuabea, a ɔye Yoab na ba. **26** Israelfo no ne Absalom tenaa Gilead asase so. **27** Na Dawid duu Mahanaim no, Nahas a ofi Raba babarima Sobi Amonni no, kyiaa no few so. Saa ara na Amiel a ofi Lo-debar babarima Makir ne Gileadni Barsilai a ofi Rogelim nso gyee no few so. **28** Wɔbreɛ no kete, nkuku ne nkaka, atoko, asikresiam, nkyewe, ase ne asedia, **29** ewo ne nufusu ani srade ne anantwi nufusu a akyenkyen mua. Wode breɛ Dawid ne ne nkurofo a woka ne ho no. Na wɔkae se, “Mo nyinaa moabrebre, na okom ne osukom de mo efise moanantew kwan tenten wo sare so.”

18 Afei, Dawid yiyii asahene ne asafohene dii n’akofo anim. **2** Yoab na na otua won mu nkyemu abiesa mu baako ano. Yoab nuabarima Abisai a na ɔye Seruia babarima na na otua nkyemu abiesa mu baako nso ano. Enna nkyemu abiesa mu baako a aka no, Gatni Itai na na otua ano. Ohene no ka kyeree n’akofo no se, “Me ne mo na ereko.” **3** Nanso ne mmarima no tiaa mu denneennen se, “Ense se woko bi. Na se eba se, eɛ se yegyae, na yeguan, na se mpo, yen mu fa koraa wuwu a, erennu Absalom asraafo no ho hwee. Wo ara na wɔbehwehwe. Wo nko ara ye yen mu mpem du, enti eye se wobetena kurom na se mmoa bi ho hia yen a, wode beba.” **4** Ohene penee so se, “Se modwene se eno ne adwene pa de a, mate.” Enti okogyinaa kurow no pon ano, bere a asraafo no reko no. **5** Na ohene no hyee Yoab, Abisai ne Itai se, “Me nti mo ne abofra Absalom nni no boko.” Na asraafo no nyinaa tee saa ohye a ohene hyee n’asafohene no. **6** Enti oko no fii ase wo Efraim kwae mu. **7** Na Dawid mmarima no yee Israel asraafo no pasaa. Eye afoa ano kum, na da no, mmarima mpem aduonu na wɔhweree won nkwa. **8** Oko no didi ko nkurow so, na esiane kwae no nti, nnipa pii wuwu sen won a wowuwuu wo afoa ano no. **9** Oko no gyina mu no, Absalom puee preko pe wo Dawid mmarima no bi mu. Opee se oguan wo n’afurumponko so, nanso oguan kofaa odoɔ bi mu wo odum bi ase. Odoɔ no kyekyeree ne tinwi, ma okaa mu. N’afurumponko no de, na ko ara na ereko enti,

ogyaw no hɔ a, ɔsensen ɔdɔtɔ no mu a ɔretow donko wɔ wim. **10** Dawid mm̄arima no baako huu asem a asi no, ɔka kyereɛ Yoab se, “Mihuu Absalom se ɔsensen dua bi so wɔ ɔdɔtɔ mu.” **11** Yoab bisae se, “Asem pa ara? Wuhuu no na woankum no? Anka mɛma wo dwetɛ gram ɔha ne dunan ne akokoduru nkyekyeremu se siade.” **12** ɔbarima no buae se, “Se anka wobɛma me dwetɛ kilogram dubaako ne fa koraa a, anka merenyɛ saa. Yen nyinaa tee se, ɔhene ka kyereɛ wo, Abisai ne Itai se, ‘Me nti, obiara nnye aberante Absalom bone.’” **13** Na se mibu ɔhene asem so kum ne babarima a, anka nea ebɛye biara, ɔhene behwehwe nea ɔyɛɛ saa. Na anka w’ankasa ne onipa a anka wubeyi me ama.” **14** Yoab kae se, “Merentwentwen me nan ase mma wo wɔ eyi ho.” Enti, ɔtwee mpɛmɛ abiesɛ de wowɔ Absalom koma mu bere a na ɔsensen odum no so a na onwui no. **15** Yoab akodekurafo no mu mmerante du twaa Absalom ho hyiae, na wokum no. **16** Na Yoab hyɛn torobɛnto, maa asraafo no gyaeɛ Israel taa. **17** Wɔfaa Absalom amu no tow kyeneɛ amoa donkudonku bi mu wɔ kwae mu hɔ, na wɔsoaa abotan guu ne so. Na Israelfo no nyinaa guan kɔɔ wɔn afi. **18** Bere a Absalom te ase no, osii nkaedum bi wɔ ɔhene bon mu de kaeɛ ɔno ara ne ho, efise ɔdweneɛ se, “Minni ɔbabarima biara a ɔbɛye nkae ade biara de akae me din.” ɔde nkaedum no too ne ho, na wɔfrɛ no Absalom Nkaedum de besi nne. **19** Na Sadok babarima Ahimaas kae se, “Momma mintu mmirika nkɔɔ ɔhene amannee se, Awurade ayi no afi atamfo nsam.” **20** Na Yoab nso ka kyereɛ no se, “Se ɔhene ba awu a, enye asem papa mma no. Wubetumi akɔɔ saa amannee no da foforo bi, na enye nne.” **21** Na Yoab ka kyereɛ Kusni bi se, “Kɔ na kɔka nea woahu no kyere ɔhene.” Eho ara na Kusni no bɔɔ ne mu ase wɔ Yoab anim, na otuu mmirika kɔe. **22** Bio, Sadok babarima Ahimaas ka kyereɛ Yoab se, “Nea ebɛba biara mmra, ma me ne Kusni no nkɔ.” Nanso Yoab bisaa no se, “Me ba, aden nti na wope se woko? Wunni amanneeɔ biara a ebɛma wo abasobɔde biara.” **23** ɔkae se, “Mepene so, nanso ma menko.” Enti Yoab ka kyereɛ no se, “Kɔ!” Na Ahimaas faa tataw no so kɔ kotwaa Kusni no ho. **24** Bere a Dawid te kurow no pon ano no, ne wɛmfo no kɔɔ kurow no pon no atifi wɔ ɔfasu no so. ɔtoo n’ani no, ohuu se obi de mmirika reba. **25** ɔwɛmfo no teeɛ mu ka kyereɛ Dawid na ɔhene no buae se, “Se ɔno nko ara na ɔnam de a, ebia, na ɔde asem pa nam.” Bere a ɔsomafo no reben no, **26**

ɔwɛmfo no huu se ɔbarima foforo nso di so reba, na ɔteeɛ mu se, “Hwe onipa foforo bi de mmirika reba!” ɔhene no kae se, “Ebia na ɔno nso de asem pa na enam.” **27** ɔwɛmfo no kae se, “ɔbarima a odi kan no se Sadok babarima Ahimaas.” ɔhene no kae se, “ɔye onipa pa a, ɔde asem pa nam.” **28** Na Ahimaas teeɛ mu, frɛɛ ɔhene no se, “Biribiara ye!” ɔkotow wɔ ɔhene no anim, de n’anim butuw fam kae se, “Anuonyam nka Awurade, wo Nyankopɔn. ɔde nnipa a wɔyɛɛ adɔm tiaa me wura ɔhene ahyɛ ne nsa.” **29** ɔhene bisae se, “Na aberante, Absalom ho ye ana?” Ahimaas buae se, “Bere a Yoab yɛɛ n’adwene se ɔpe se ɔsoma ɔhene somfo ne me wo somfo no, mihuu se nneɛma aye basaa a na minhu mu yiye.” **30** ɔhene ka kyereɛ no se, “Gyina nkyɛn ha na twɛn.” Enti ogyinaa nkyɛn tweneɛ. **31** Na Kusni no bedu kae se, “Me wura, Nana, tie asem pa a mede nam! Nne, Awurade ayi wo afi wɔn a wɔsɔre tiaa wo no nyinaa nsam.” **32** Na ɔhene bisaa Kusni no se, “Na aberante Absalom ho te den?” Kusni no buae se, “Me wura ɔhene, atamfo nyinaa ne wɔn a wɔsɔre tiaa wo, pe se wɔye wo bone no, nhu amane se saa aberante no.” **33** ɔhene ho wosowee. ɔfaa ɔkwan ano pon no mu kɔɔ ne dan mu kosui, twaa adwo. ɔreko no, ɔkae se, “Ao, me ba Absalom! Me ba, me ba Absalom! Anka minwu nnya wo! Ao, Absalom, me ba, me ba!”

19 Ankyɛ na nkra duu Yoab nkyɛn se ɔhene no resu, redi awɛrɛhow wɔ Absalom ho. **2** Bere a asraafo no tee ɔhene no awɛrɛhow a ɔredi wɔ ne ba no ho no, nkonimdi mu anigye a na wɔwɔ mu saa da no dan awɛrɛhow. **3** Wowiaa wɔn ho kɔɔ kurow no mu sɛnea wɔn a wɔadi nkogu de aniwu guan fi ɔko mu. **4** ɔhene de ne nsa kataa n’anim, kɔɔ so twaa adwo se, “Ao, me ba Absalom! Ao, Absalom, me ba, me ba!” **5** Na Yoab kɔɔ ɔhene no dan mu kɔka kyereɛ no se, “Nne yeagyɛ wo, ne wo mmabarima, ne wo mmabea, ne wo yerenom, ne wo mpenanom nkwa. Nanso woreye eyi de gu yen anim ase te se nea yeaye bone bi. **6** Wodɔ w’atamfo, na wotan w’adɔfo. Woda no adi nne se, yense hwee mma wo. Se Absalom te ase, na yen nyinaa awuwu a, anka wope no saa. **7** Afei, fi kɔ mprempren, na kɔma asraafo no mo, na mebo Awurade din, ka ntam se, se woanye saa a, wɔn mu baako koraa nka ha anadwo yi. Na ebɛma woagyigya asen kan no.” **8** Na ɔhene no fii adi kɔtenaa kurow no abɔntenpon no ano. Na asem no trew kurow no mu nyinaa se ɔwɔ hɔ no, obiara kɔɔ ne nkyɛn. Saa bere no

na Israelfo a wotaa Absalom akyi no nyinaa aguan kɔ wɔn aɸi mu. **9** Na Israel mmusuakuw no nyinaa mu, na wɔredi abooboo, gye akyinnye. Na nnipa no reka se, “ɔhene no gyee yen fii atamfo a wɔye Filistifo nsam, nanso Absalom taa no, pam no fii ɔman no mu. **10** Na mpmpren Absalom a wɔsraa no se ommedi yen so hene no nso awu. Momma yenkɔka nkyere Dawid na ɔnsan mmra mmedi yen so.” **11** Na ɔhene Dawid somaa asofo Sadok ne Abiatar, ma wokobisaa Yuda mpanyimfo se, “Aden nti na mo de, mompe se mode ɔhene ahenni besan ama no? Na mate se Israel nyinaa aye krado, na mo nko ara na motwentwen mo anan ase. **12** Moye m’abusuafo, m’abusuakuw, m’ankasa me honam ne me mogya. Na eno nti, aden nti na mutwa to wɔ wɔn a wɔpene se mesan aba no mu?” **13** Dawid ma wɔkɔka kyereɛ Amasa se, “Se woye me wofaase yi, se manye wo ɔsahene ansi Yoab anan mu a, Onyankopɔn ne me nni na nwenweenwen.” **14** Afei, Amasa bɔɔ Yuda ntuanofɔ no nyinaa adafa, ma wotiee no se nnipa koro. Wode saa asem yi kɔtoo ɔhene anim se, “Wo ne wɔn a wone wo wɔ ho no nyinaa mmra yen nkyen.” **15** Na ɔhene no de n’ani kyereɛ Yerusalem. Oduu Asubɔnten Yordan ho no, Yudafo behyiaa no se wode no retwa asu no. **16** Gera a ɔye Benyaminni a ofi Bahurim babarima Sime ne Yuda mmarima yee ntem kohyiaa ɔhene Dawid. **17** Ɔrekɔ no, na Benyaminfo apem ka ne ho, a na Siba a na ɔye Saulo fi mu soodoni ne ne mmabarima dunum ne n’asomfo aduonu ka ho. Woyee ntem dii ɔhene no kan koduu Yordan ho. **18** Wotwa kɔɔ baabi a eho nno kofaa ɔhene fifo no de wɔn twaa asu no, na woyee nea wɔpe biara maa wɔn. Bere a Gera ba Sime twaa asu no, kɔkotow ɔhene no, **19** sree no se, “Me wura ɔhene, fa me bone kye me. Nkae bone a w’akoa yee bere a wufii Yerusalem no ɔhene yi fi w’adwene mu. **20** Mahu bone a maye, enti na madi kan wɔ Yosef abusua nyinaa mu rebekyia wo yi.” **21** Na Seruia babarima Abisai kae se, “Sime se owu, efise ɔdomee nea Awurade asra no no.” **22** Na Dawid bisae se, “Mo Seruia mma, den na me ne mo wo ye? Nne nye da a wokum obi. Eye anigye da! Masan mabedi hene wɔ Israel so bio!” **23** Enti ɔhene no kaa ntam kyereɛ Sime se, “Wɔrenkum wo.” **24** Mefiboset a ɔye Saulo nena nso kohyiaa ɔhene no bi. Efi bere a ɔhene kɔe no, na onsiesee ne nan ase, nyii ne hweneanonwi, nhoroo ne ntade da, kosii se ɔhene san baa asomdwoe mu no. **25** ɔhene no bisaa no se, “Mefiboset, aden nti na wo ne me anko?” **26**

Obuae se, “Nana, me somfo Siba daadaa me. Meye obubuafo nti, mekae se, ‘hyehye m’afurum ma me, na mentena ne so, senea metumi ne ɔhene ako.’” **27** Siba abesee me akyere me wura ɔhene se mampe se meba. Nanso minim se wote se Onyankopɔn bofo; ne saa nti, ye nea wugye di se eye. **28** Biribiara mfata me ne me nenabarima asefo se owu a ebefi me wura, ɔhene, nanso, woahye me anuonyam wɔ wɔn a wodidi wo pon so no mu. Enti tumi ben na mewɔ se mibisa ɔhene nea mehwehwe?” **29** ɔhene ka kyereɛ no se, “Aden nti na w’asem aware? Mehye mo se, wo ne Siba nkye nsase no mu.” **30** Mefiboset ka kyereɛ ɔhene no se, “Se me wura ɔhene asan aba fie dwoodwo yi, ma Siba mfa biribiara.” **31** Gileadni Barsilai nso fi Rogelim baa se ɔrebeboa ama ɔhene atwa Yordan. **32** Na Barsilai abɔ akwakoraa a wadi mfe aduɔwɔtwe, na ɔye ɔdefo kese. Ɔno na ɔmaa ɔhene biribi dii bere a na ɔte Mahanaim no. **33** ɔhene no ka kyereɛ Barsilai se, “Wo ne me ntwa, na wo ne me nkotena Yerusalem, na mehwe wo.” **34** Nanso, Barsilai buaa ɔhene se, “Aka me nna ahe a ese se me ne wo kotena Yerusalem, Nana?” **35** Madi mfihihia aduɔwɔtwe, na biribiara nye me akɔnnɔ. Aduan ne nsa nye me de. Nnwontofɔ nne nso, merente na adeso nko ara na meye ama Nana. **36** Anuonyam a mepɛ ara ne se me ne Nana betwa asu no. **37** Ma wo somfo nsan n’akyi, senea mewu wo me ara me kurom faako a wosiee m’awofo. Na me babarima Kimham ni. Ma ɔne me wura ɔhene nko na ade pa biara a wope no, ye ma no.” **38** ɔhene no gye too mu kae se, “Eye, Kimham ne me beko, na nea anka meye ama wo no, meye ama no.” **39** Enti nnipa no nyinaa ne ɔhene twaa Yordan, ɔhene no yee Barsilai atuu, hyiraa no. Na Barsilai san kɔɔ ne kurom. **40** ɔhene faa Kimham kaa ne ho kɔɔ Gilgal. Yuda asraafo nyinaa ne Israel asraafo no mu fa de ɔhene twaa asu no. **41** Ankye, Israel mmarima nyinaa baa ɔhene ho bebisaa no se, “Aden nti na yen nuanom Yuda mmarima wiaa ɔhene kɔe, na wode ɔhene ne ne fifo ne Dawid mmarima nyinaa a woka ne ho no akotwa Yordan aba?” **42** Yuda mmarima nyinaa buaa Israel mmarima no se, “Yeyee saa, efise, ɔhene no ye yen busuani pee. Aden nti na mo bo afuw wɔ saa asem yi ho? Yeannye no hwee na ɔno nso amma yen aduan anaa akyede biara nso.” **43** Na Israel mmarima buaa Yuda mmarima no se, “Yewɔ mmusuakuw du wɔ Israel na eno nti yewɔ ɔhene no mu kyefa du. Na aden nti na mubu yen abomfiaa? Enye yen na yedii kan kae

se, wɔmfɔ yɛn hɛnɛ nsan mmra?" Na Yuda mmarima no ano yɛɛ den sen Israel mmarima no.

20 Ɔɔkwɔpɛfo bi a na wɔfrɛ no Seba na ɔyɛ Bikri a ofi Benjamin babarima, hyɛn torobɛnto tɛɛ mu se, "Yɛnɛ Dawid nni hwee yɛ. Yenni agyapade biara wɔ Yisai babarima no nkyɛn. Israel mmarima, mommra na yɛn nyinaa nkɔ yɛn kurom!" **2** Enti Israel mmarima gyaw Dawid hɔ, kodii Seba akyi. Nanso Yuda mmarima no de, wɔtɛnaa wɔn hɛnɛ nkyɛn, na wɔwɔwaw no fi Asubɔntɛn Yordan hɔ, kosii Yerusalem. **3** Bere a oduu n'ahɛmfi hɔ wɔ Yerusalem no, ɔhyɛɛ se ne mpenanom du a ogyaw wɔn hɔ no, wɔmfɔ wɔn nkɔhyɛ kokoa mu baabi. Na ɛsɛ se wɔma wɔn wɔn ahiade nyinaa, nanso ɔnɛ wɔn renna bio. Enti wɔn mu biara tenaa ase se okunafo, kosii ne wuda. **4** Ɔhɛnɛ no hyɛɛ Amasa se ɔmfɔ nnansa mmoaboa Yuda asraafo ano, na ɔmmɛka biribi nkyɛɛ no saa bere no mu. **5** Enti Amasa kɔbɔ asraafo no amannɛɛ, nanso n'ahoboa no boroo nnansa no. **6** Na Dawid ka kyɛɛ Abisai se, "Saa ɔɔkwɔpɛfo Seba no rebɛhaw yɛn asɛn se nea Absalom haw yɛn no. Fa m'akofo no, na taa no ansa na wagan akɔbɔ ne ho aguaa wɔ hintabea nkurow no mu baabi a yɛn nsa renka no." **7** Enti Abisai ne Yoab yiyii awɛmfɔ a wodi mu fii Yoab asraafo ne ɔhɛnɛ no ankasa de mu de tiw Seba. **8** Na woduu Gibeon ɔbo kɛsɛ no ho no, Amasa hyiaa wɔn. Na Yoab hyɛ n'akotade a ɔde afoa abɔ n'ataaso. Otuu nten kɔɔ n'anim se ɔrɛkokyia Amasa no, afoa no fii boha no mu tɔɔ fam. **9** Yoab bisaa no se, "Me nua, wo ho te dɛn?" Ɛhɔ ara na Yoab de ne nsa nifa soo n'abogyɛsɛ mu, se nea ɔrɛfɛw n'ano. **10** Amasa anhu se afoa no hyɛ ne nsa benkum mu. Na Yoab de afoa no wɔɔ ne yam, maa ne nsonɔ tu guu fam. Ɛhɔ anhia se Yoab betia ne so koraa, na Amasa wui. Yoab ne ne nuabarima Abisai gyaw no hɔ, toaa so tiw Bikri babarima Seba. **11** Yoab asraafo no mu aberante a ɔyɛ panyin wɔ nsraadɔm no so no mu baako tɛɛ mu kyɛɛ Amasa asraafo no se, "Obiara a ɔtaa Yoab akyi ne obiara a ɔwɔ Dawid afa no, ommedi Yoab akyi." **12** Amasa daa ne mogyabura mu wɔ ɔkwan no mfimfini. Na ɔbarima no huu se asraafo no adu hɔ a wɔagyina rehwe Amasa no, ɔtwee no fii ɔkwan no mu, de no too wuram, de atade kataa ne so. **13** Woyii Amasa fii ɔkwan no mu akyi no, mmarima no nyinaa dii Yoab akyi se wɔrɛkokyɛ Bikri babarima Seba. **14** Saa bere no, Seba kyinii Israel nyinaa boaboa ne fifo Bikri ano wɔ Abel-Bet-Maaka. **15** Yoab asraafo no duu hɔ no, wɔtow hyɛɛ Abel-Bet-Maaka so. Wosisii

mpie wɔ kurow no akyi, de bɔɔ wɔn ho ban fii atamfo ho na wɔpɛmpɛm afasu no, pɛɛ se wodwiriw gu. **16** Na ɔbea nyansafo bi tɛɛɛ mu fi kurow no mu se, "Muntie! Muntie! Monka nkyɛɛ Yoab se ɔmmra ha, na menka asɛm bi nkyɛɛ no." **17** Yoab kɔɔ ne nkyɛn, na obisaa no se, "Wo na wɔfrɛ wo Yoab no?" Obuae se, "Yiw." Ɔkae se, "Tie asɛm a w'afɛnaa pɛ se ɔka no." Obuae se, "Meretie." **18** Ɔkae se, "Tete no, na yɛka se, 'Yɛrɛkɔpɛ afotu wɔ Abel.'" **19** Yɛpɛ asomdwoe ne nokware wɔ Israel. Wopɛ se wosɛɛ kurow a adi nokware wɔ Israel. Adɛn nti na wopɛ se wosɛɛ ade a ɛyɛ Awurade dea?" **20** Yoab buae se, "Ɛnyɛ se mɛpɛ se mɛsɛɛ wo kuroɔn. **21** Nea mɛrɛhwɛhwe no ara ne ɔbarima bi a ne din de Seba a ɔyɛ Bikri babarima a ofi Efraim bɛpɔw so, na wama ne ho so atia ɔhɛnɛ, ɔhɛnɛ Dawid. Fa saa ɔbarima no bra, na mɛfi kurow no mu." Ɔbea no ka kyɛɛ Yoab se, "Wɔbɛtow ne ti a fi ɔfasu no so ama wo." **22** Afei, ɔbea no kɔkaa n'afotu pa no kyɛɛɛ nnipa no nyinaa. Na wotwaa Bikri babarima Seba ti, tow maa Yoab. Enti ɔhyɛn torobɛnto maa ne mmarima no bɔ hwɛtɛɛ, maa obiara kɔɔ ne fi. Na Yoab san kɔɔ ɔhɛnɛ nkyɛn wɔ Yerusalem. **23** Yoab bɛyɛɛ Dawid asraafo no so sahɛnɛ bio. Na Yehoiada babarima Benaia nso yɛ ɔhɛnɛ bammɔfo so panyin. **24** Adoram na na ɔhwɛ adwumayɛfo so, na Yehosafat a ɔyɛ Ahilud babarima no kyɛrɛw ahɛmfo ho abakɔsɛm. **25** Na Sewa yɛ asennii kyɛrɛwfo. Na Sadok ne Abiatar nso yɛ asɔfo. **26** Ɛnna Yairini Ira nso yɛ Dawid sɔfo.

21 Bere a Dawid di hɛnɛ no, ɔkɔm baa asase no so mfe abiesɛ, enti Dawid bisaa Awurade ɔkɔm no ho asɛm. Na Awurade kae se, "Ɛsiane fɔ a Saulo ne ne fifo di wɔ kunkum a wokunkum Gibeonfo no ho nti na ɔkɔm saa aba no." **2** Enti ɔhɛnɛ Dawid frɛɛ Gibeonfo no nyinaa. Na wɔnka Israelfo no ho, na mmom, wɔyɛ Amorifo nkaefo bi. Israel kaa ntam se, wɔrɛnkum wɔn, nanso esiane Saulo ahɔpɛrɛ nti, ɔpɛɛ se ɔtɔrɛ wɔn ase. **3** Dawid bisaa Gibeonfo no se, "Dɛn na metumi ayɛ de apata mo? Monka, sɛnɛa ɛbɛyɛ a Awurade behyira ne nkurɔfo bio." **4** Gibeonfo no buae se, "Anokwa, sika rentumi, na yɛmpɛ nso se wɔbɛkunkum Israelfo awɛrɛtɔ wɔ so." Enti Dawid kɔɔ so bisaa wɔn se, "Enti dɛn na mɛnyɛ? Monka nkyɛɛ me, na mɛyɛ ama mo." **5** Na wobuae se, "Ɛyɛ Saulo na ɔdwɛnɛɛ ho se ɔbɛsɛɛ yɛn, sɛnɛa yɛrɛnnɛyɛ afa biara wɔ Israel. **6** Enti wonyi Saulo mmabarima anaa ne nananom mmarima baason mma yɛn, na yɛbɛkum wɔn wɔ Awurade anim wɔ Gibea bɛpɔw no so." Ɔhɛnɛ no kaa

se, “Eye. Meye.” 7 Dawid gyaee Yonatan babarima Mefiboset a na oye Saulo nena no, esiane ntam a na Dawid ne Yonatan aka wo Awurade anim no nti. 8 Nanso ode Saulo mmabarima baanu a na won din de Armoni ne Mefiboset a na won mama Rispa no ye Aia babea no maa won. Osan de Saulo babea Mikal a na oye Adriel a na oye Barsilai a ofi Mehola no yere mmabarima baanum no mae. 9 Na Gibeon mmarima no kunkum won wo bepwo no so wo Awurade anim. Enti nnipa baason no nyinaa, wokunkum won wo bere a wofefi atokotwa afahye no ase no. 10 Rispa a oye mmarima no mu baanu mama no de atweaatam sew obotan bi so, tenaa ho otwabere no nyinaa mu. Wamma nnomaa ammesosow won amu no awia, na anadwo nso, osiw nkekaboa ho kwan. 11 Bere a Dawid tee nea Rispa a na oye Saulo mpena no aye no, 12 okoo nkurofo a wofi Yabes Gilead nkyen, kobisaa won Saulo ne ne babarima Yonatan nnompe ase. (Bere a Saulo ne Yonatan totoo oko a wone Filistifo koe no ano no, Yabes Gileadfo na wokotasee won amu wo Filistifo kurow Bet-San abonten so.) 13 Enti Dawid de Saulo ne Yonatan nnompe bae. Saa ara na ode mmarima a Gibeonfo kunkum won no nso nnompe bae. 14 Osiee won nyinaa wo Saulo agya Kis oboda a ewo kurow Sela a ewo Benyamin asase so no mu. Eno akyi, Onyankopon twaa okom no so wo Israel asase so. 15 Bio, Filistifo ne Israel koe. Na bere a oko no duu ne mpomponso no, Dawid bree. 16 Na Yisbi-Benob ye abran no asefo mu baako. Na ne peaw mu duru kari boro kilogram abiesa ne fa, a wode afoa foforo ahyehye ne ho. Na waka Dawid ahye a anka arebekum no. 17 Nanso Seruia babarima Abisai begyee Dawid, na okum Filistini no. Eno akyi, Dawid mmarima no kaa ntam se, “Wo ne yen renko oko bio na amma Israel kanea annum no.” 18 Eyi akyi, oko foforo ba de tiaa Filistifo no wo Gob. Wogu so reko no, Sibekai a ofi Husan, kum Saf a na ono nso ye abran no asefo no bi. 19 Oko foforo bi a wokoo wo Gob no nso, Yair babarima Elhanan a ofi Betlehem kum Gatni Goliat nuabarima bi. Na ne peaw mu duru te se ntamanwemfo abaa. 20 Oko bi a esii bio wo Gat nso, obarima bran bi a na oye nsansia ne nansia a oye abran no aseni no 21 pee se obu fa Israel so, gu n’anim ase. Ono nso, Dawid nuabarima Simei babarima Yonatan na okum no. 22 Saa Filistifo abran baanan yi ye Gat abran no asefo. Na Dawid ne n’akofo na wokunkum won nyinaa.

22 Bere a Awurade gye Dawid fii n’atamfo nyinaa ne Saulo nsam akyi no, otoo saa dwom yi de yii Awurade aye. 2 Nsem a ewo dwom no mu ni: “Awurade ye me botan, m’aban ne m’agyenkwa; 3 me Nyankopon ye me botan; ne mu na minya guankobea. Oye me kyem, me nkwaye mu ahoođen, m’abandennen, m’agyenkwa, nea ogye me fi basabasaye mu. 4 “Misu fre Awurade; ono na ayeyi se no, efise ogye me fi m’atamfo nsam. 5 Owu asorokye twaa me ho hyiae; osee yiri faa me so. 6 Oda mu hama kyekyeree me; mihyiaa owu mfiri. (Sheol h7585) 7 “Na m’amanehunu mu no, misu fre Awurade. Yiw, mefree me Nyankopon pee mmoa. Otee me nne fii ne kronkronbea. Me sufree duu n’asom. 8 Na asase wosowee na ehinhimii; osoro fapem wosowee; wowsowee, n’abufuw nti. 9 Wusiw fii ne hwene mu; ogyaframa fii n’anom; na nnyansramma dew fii mu. 10 Ofii osoro baa fam; na omununkum kabii duruu n’anan ase. 11 Ote kerubim so tui; gyaagyaa ne ho wo mframa ntaban so. 12 Ode sum kataa ne ho hyiae, ode osu mununkum dii n’anim kan. 13 Hann kese hyeren wo n’anim, na anyinam pa fii mu. 14 Awurade boboo mu fi osoro; Osorosoroni no teee mu dennen. 15 Otow n’agyan maa n’atamfo hwetee; anyinam twa ma woyee basaa. 16 Awurade kasae, na wiasse nnyinaso no nyinaa daa ho. Wotumi huu epo ase, na asase fapem ho daa ho. 17 “Ofi osoro baa fam besoo me mu; otwee me fii asu a emu do mu. 18 Ogyee me fii m’atamfo a woye den nsam, atamfo a wokyi me na won ho ye den pa ara sen me. 19 Wobaa me so wo m’amanehunu da, nanso Awurade pagyaw me. 20 Ode me baa baabi a bammoo wo; ogyee me, efise n’ani kum me ho. 21 “Awurade atua me papaye so ka; me bem a midi no, wahye me anan mu. 22 Efise manantew Awurade akwan so; mentwee me ho mfii me Nyankopon ho nkoyee bone. 23 Ne mmara nyinaa gu m’anim; mentwee me ho mfii ne nhyehyee ho. 24 Me ho nni asem wo Onyankopon anim; matwe me ho afi bone ho. 25 Awurade tuaa me papaye so ka, efise minni fo wo n’anim. 26 “Woda wo ho adi se onokwafo kyere won a wodi nokware, won a wodi mu nso wo kyere won se wodi mu. 27 Wuyi wo kronkronye kyere okronkronni, nanso amumoye de wukyi won. 28 Wugye ahobreasefo, nanso w’ani ko ahantanfo so se wobebre won ase. 29 Wo Awurade, woye me kanea. Yiw, Awurade woma me sum dan hann. 30 W’ahoođen mu, metumi aka asraafokuw agu; me Nyankopon nti, mitumi foro ofasu. 31 “Onyankopon de, n’akwan ye

pe; Awurade bəhye nyinaa ba mu. Ɔye nkatabo ma wən a wəhwehwe bammə wə ne mu. **32** Hena ne Onyankopən, gye sɛ Awurade? Hena ne ɔbotantim no, gye sɛ yɛn Nyankopən? **33** Onyankopən ne m'aban a eye den; wagye me, na wama me kwan so aye pɛ. **34** Ɔma m'anammən ho ye hare sɛ ɔforote de; Ɔma me gyina sorɔnsorɔmma. **35** Osiesie me ma ɔko; na me basa tumi kuntun kɔbere mfrafrae tadua. **36** Woama me wo nkwagye kyem. Wo mmoa ama maye ɔkese. **37** Woabo kwan tɛtrɛ ama m'anan senea me nƙotodwe rengurow. **38** "Metaa m'atamfo sɛee wən; mannyina kosii sɛ wodii nkogu. **39** Meyam wən, meboɔ wən hwee fam, na wɔantumi ansɔre; wəhwehwee ase wə m'anan ase. **40** Wohyɛɛ me ahoɔden maa ɔko; woaka m'atamfo ahye m'anan ase. **41** Womaa wɔdan wən ani guanee, na mesɛe wən a wɔtan me nyinaa. **42** Wosu pɛɛ mmoa, nanso obiara ammegye wən. Wosu frɛɛ Awurade, nanso wannye wən so. **43** Meyam wən ma woyɛɛ sɛ asase so mfutuma; mepraa wən guu suka mu sɛ wura. **44** "Womaa me nƙonimdi wə wən a wɔbo me kwaadu so. Woahwe sɛ meye amanaman sodifo; na nnipa a minnim wən som me. **45** Ananafo brɛ wən ho ase ma me; wɔte me nka pɛ ara a, wɔde wən ho ma me. **46** Wən nyinaa bo huboa, na wɔde ahopopo fi wən nsraban mu ba. **47** "Awurade te ase! Ayeyi nka me botan, ma wɔmma Onyankopən, me nkwagye botan so. **48** Ɔno ne Onyankopən a ɔto wən a wəhaw me so were; ɔka amanaman no hye m'ase **49** na ogye me fi m'atamfo nsam. Wode me si baabi a m'atamfo nnu, wugye me fi atutuwpɛfo a wotia me nsam. **50** Awurade eyi nti, mekamfo wo wo amanaman mu, Ao Awurade. Mɛto ayeyi dwom ama wo din. **51** "Wode nƙonimdi akese ama wo hene; woda ɔɔ a ɛnsa da adi kyere nea woasra no ngo, wode kyere Dawid, ne n'asefo afeboɔ."

23 Eyi ne Dawid nsem a etwaa to: "Dawid, Yisai ba barima a Onyankopən maa no nkɔso a eye nwonwa, na Yakob Nyankopən sraa no ngo no, Israel nnwomhyehyefo mu otiban: **2** "Awurade honhom kasa fa me mu; ne nsem wə me tɛkrɛma so. **3** Israel Nyankopən kasae. Israel botan ka kyere me se: 'Onipa a odi hene trenɛe mu, na ɔde Onyamesuro di hene no, **4** ɔte sɛ anɔpa hann, ɔte sɛ anɔpa a omununkum nni ho apueiɔia hann; ɔte sɛ osuto akyi hyeren, na ɛma sare foforo pue fi asase mu.' **5** "Ɔye me fi na Onyankopən ayi. Yiw, ɔne me aye apam a ewo ho daa. Ne nhyehyee ye afeboɔ, bi nni ho bio, na wɔasow ano. Ɔbehwe me

yyiedi ne me nkɔso daa. **6** Na wən a wonnim Onyame no te sɛ nsɔe a wɔbetow agu, ɛfise wɔwowa nsa a eso mu no. **7** Ɔsɛ sɛ obi kɔ amia mu ansa na watwa wən agu; wɔde ogya bɛhyew wən dwɛɛbee." **8** Din a edidi so yi ye Dawid dɔmmarima: Nea odi kan ne Yoseb-Basebet a ofi Tahkemon, na ɔye ɔsahene wə akofa akese Baasa bi so wə Dawid mmarima no mu. Ɔno na ɔde ne peaw kum atamfo akofa ahanwɔtwe wə ɔsa baako pɛ mu no. **9** Nea ɔto so abien wə baasa no mu no ne Dodo babarima Eleasar a ɔye Ahohi aseni. Bere bi Eleasar ne Dawid ka boɔ mu, tew gyinae, de tiaa Filistifo bere a Israel asraafo no nyinaa aguan no. **10** Okunkum Filistifo no ara kosii sɛ afei, na ontumi mpagyaw ne peaw. Nanso Awurade maa no dii nƙonim saa da no. Asraafo a wɔaka no ansan amma kosii bere a ɛsɛ sɛ wɔkɔtase wən asade no. **11** Nea odi ho ye Sama a ɔye Agee a ofi Harar babarima. Da koro bi, Filistifo no boaa wən ho ano wə Lehi, na wɔtow hyɛɛ Israelfo no so wə aseduafuw bi mu. Israel asraafo no guanee, **12** nanso Sama gyinaa ne nan so pintinn wə afuw no mfimfini, kaa Filistifo no gui. Enti Awurade ma odii nƙonim. **13** Twabere bi a na Dawid wə Adulam ɔbodan mu no, Filisti asraafo bɛkyeree nsraban wə Refaim bon mu. Dawid akofa nimdefo aduasa no mu baasa sian kohyiaa no wə ho. **14** Saa bere no na Dawid te nsraban mu ho a na Filistifo asraafo no fa bi nso akɔtena Betlehem. **15** Dawid daa n'akɔnnɔ adi se, "Ao, sɛ minya nsu pa a ewo Betlehem abura a ewo kurow no pon no ano ho no bi a, anka menom." **16** Enti baasa no bu faa Filistifo no mu kɔsaw nsu no bi fii abura no mu, de brɛɛ Dawid. Nanso wannom. Mmom, ohwie guu Awurade anim. **17** Ɔtɛɛɛ mu se, "Awurade ma empare me sɛ menom eyi! Saa nsu yi som bo te sɛ saa mmarima yi a wɔde wən nkwa too ho, kɔsaw nsu yi brɛɛ me yi mogya." Enti Dawid annom. Mmarimasem a Baasa no dii no nhweso bi ni. **18** Na Yoab nua Seruia babarima Abisai nso dii Aduasa no anim. Da bi, ɔde ne peaw kum atamfo akofa ahaasa wə ɔsa baako pɛ mu. Saa akokodurusem yi nti ne din hyetaa sɛ Baasa no. **19** Abisai na ogyee din pa ara wə Aduasa no mu. Ewo mu, wannye din sɛ Baasa no ho de, nanso na ɔno ne Aduasa no safohene. **20** Na Yehoiada babarima Benaia nso ye ɔkofa kokodurufo a ofi Kabseel. Odii mmarimasem bebree a bi ne sɛ, okum Moab akofa akese baanu. Bere bi nso, ɔtaa gyata, ma wɔkɔtɔɔ amoa mu. Na sukyeremma ato, ama fam aye toro de, nanso ɔkyeree gyata no, kum no. **21** Bere bi nso,

ode abaaporiwa a na okura no kum Misraimni okofa kese bi a na ono kura peaw. Benaia hwim peaw no fii Misraimni no nsam, na ode kum no. **22** Eyinom na Yehoiada babarima Benaia yee, ma ogyee din te se Baasa no. **23** Na owo anuonyam sen won a na wofra Aduasa no mu no biara, nanso na onka Baasa no ho. Na Dawid yee no n'awemfo no so sahene. **24** Won a aka a na wofra Aduasa no mu no ni: Yoab nuabarima Asahel; Dodo a ofi Betlehem babarima Elhanan; **25** Sama a ofi Harod; Elika a ofi Harod; **26** Heles a ofi Palti; Ira, Ikes a ofi Tekoa babarima; **27** Abieser a ofi Anatot; Sibekai a ofi Husa; **28** Salmon a ofi Ahia; Maharai a ofi Netofa; **29** Heleb, Baana a ofi Netofa babarima; Itai, Ribai a ofi Gibe (Benjamin abusuakuw mu) babarima; **30** Benaia a ofi Piraton; Hidai a ofi Nahale-Gaas; **31** Arbatini Abi-Albon; Asmawet a ofi Bahurim; **32** Eliahba a ofi Saalbon; Yaasen mmabarima; **33** Yonatan, Sama a ofi Harar babarima; Sarar, Ahiam a ofi Maaka babarima; **34** Elifelet, Ahasbai a ofi Maaka babarima; Eliam, Ahitofel a ofi Gilo babarima; **35** Hesro a ofi Karmel; Paarai a ofi Arba; **36** Igal, Natan a ofi Soba babarima; Bani a ofi Gad; **37** Selek a ofi Amon; Naharai a ofi Beerot (Yoab akodekurafo); **38** Ira a ofi Yitri; Gareb a ofi Yitri; **39** Hetini Uria. Won nyinaa dodow ye aduasa ason.

24 Bio, Awurade abufuw baa Israel so nti, ohyee Dawid se omfa nnipakan so nhaw won a wowa Israel ne Yuda nyinaa. Awurade see Dawid se, "Ko na kokaan Israelfo ne Yudafo nyinaa." **2** Enti ohene no ka kyeree ne sahene Yoab se, "Kan nnipa a wowa asase yi so nyinaa, efi Dan a ewo atifi fam, de besi Beer-Seba a ewo anafo fam, na ama mahu nnipa dodow a wowa ha." **3** Na Yoab buaa ohene no se, "Awurade mma wo ntena ase kosi se nnipa a wowa w'ahenni yi mu ase beterew mmaho oha. Na aden nti na wope se woye eyi?" **4** Na ohene no hyee no ketee se, wonkan nnipa nti, Yoab ne n'adwumayefo kokaan nnipa a wowa Israel. **5** Nea edi kan no, wotwaa Yordan kotenaa Aroer, kurow a ewo obon no anafo a ekyere Gad no. Afei, wokoo Yaser, **6** toaa so koduu Gilead a ewo Tatim-hodsi, toaa so koo Dan Yaan ne Sidon fa mu. **7** Afei, wobaa Tiro aban mu ne Hewifo ne Kanaanfo nkuropon nyinaa mu. Wokoo Yuda anafo, koduu Beer-Seba de wiei. **8** Wowurawuraa asase no nyinaa so, de asram akron ne nafua aduonu wiee nnipakan no, san koo Yerusalelem. **9** Yoab de ne nnipa dodow a wonyae bre ohene no. Na mmarima a woadu sogyadi mfe so

wo Israel no dodow ye mpem ahanwotwe, na mpem ahannum nso wo Yuda. **10** Dawid kan nnipa no nyinaa wiei no, n'ahonim buu no fo, nti oka kyeree Awurade se, "Nea meyee yi nti, maye bone. Enti Awurade, mesre wo, yi saa afobu yi fi wo somfo so. Maye nkwaseade." **11** Ade kyee no, Awurade asem baa odiiyifo Gad a oye Dawid odehufo nkyen se: **12** "Koka kyere Dawid se, Senea Awurade se ni: 'Mede nsem abiesa reto w'anim. Yi mu baako na menyee ntia wo.'" **13** Enti Gad koo Dawid nkyen kobisaa no se, "Okom mmra w'asase yi so mfe abiesa ana? Anaa, atamfo a wogu wo so no wubeguan won asram abiesa? Anaa, oyaredom mmra wo man yi mu nnansa? Enti afei, dwene ho yiye, na ma minhu mmuae a memfa nkoma Awurade." **14** Dawid ka kyeree Gad se, "Yewa ahohiahia mu. Momma yemfa yen ho nhye Awurade nsa, efise n'adwe doko; nanso mma me nkoto nnipa nsam." **15** Enti Awurade tow oyaredom guu Israel so anopa no ma edii nnansa. Na nnipa mpem aduonon fii Dan kosi Beer-Seba wuwui. **16** Bere a obofo no reye ahoboa akosee Yerusalelem no, Awurade nuu ne ho wo asem no ho, na oka kyeree no se, "Eye! Gya." Saa bere no na Awurade bofo no adu Yebusini Arauna awiporowbea ho. **17** Bere a Dawid huu obofo no, oka kyeree Awurade se, "Me na maye bone. Eyinom de wonnim ho hwee, den na woye? Ma wo bofo nsee me ne me fifo." **18** Da no, Gad koo Dawid nkyen koka kyeree no se, "Ko na kosi aforemuka ma Awurade wo Yebusini Arauna awiporowbea ho." **19** Na Dawid koyee nea Awurade hyee no se onye no. **20** Bere a Arauna huu se ohene ne ne mmarima reba no, opue bekotow ohene, de n'anim butuw fam. **21** Arauna bisae se, "Aden nti na woaba, me wura?" Dawid buae se, "Merebeto awiporowbea ho, na masi aforemuka wo ho ama Awurade, senea Awurade bema oyaredom no agyae." **22** Arauna ka kyeree Dawid se, "Me wura fa na fa ye nea wope. Nantwi a wode bebo ohyew afore ni. Wubetumi de awiporowbea nnua ne nantwi mpamho nnua no aye nnyina wo aforemuka no so. **23** Mede ne nyinaa bema wo, na mesre se, Awurade, wo Nyankopon nnye afore yi." **24** Na ohene no buaa Arauna se, "Dabi da, mepe se meto, na merentumi mmo ohyew afore mma Awurade, me Nyankopon, a mammu ho ka biara." Enti Dawid tuua dwete beye gram ahannum aduonon anum de too awiporowbea ne nantwi no. **25** Dawid sii aforemuka wo ho maa Awurade, na obo ohyew afore ne asomdwoe afore ho. Na Awurade tie ne mpaabo maa oyaredom no gyae.

1 Ahemfo

1 Bere a ɔhene Dawid bɔɔ akwakoraa posoposo no, se wode ntama ahe kuru ne ho koraa a, entumi nka no hyew koraa. **2** Enti n'afotufu kae se, "Momma yempe ɔbabun bi mma ɔhene na ɔtena ne ho nhwe no. ɔbede ne kokom, na ama yen wura ɔhene ho aye no hyew." **3** Enti wokyin ɔman no mu nyinaa, hwehwɛ ɔbea hoɔfeɔ bi. Wokonyaa Abisag a ofi Sunam, na wode no breɛ ɔhene no. **4** Na ɔye ɔbabea hoɔfeɔ, na ɔno na ɔbehwɛ ɔhene. Nanso ɔhene no amfa ne ho anka no. **5** Saa bere no mu Dawid babarima Adoniya a na wɔfre ne na Hagit no yɛɛ ahomaso kaa se obesi ne ho hene, ahyɛ n'agya a wabɔ akwakoraa no anan mu. Enti ɔyɛɛ nteaseɛnam, pɛɛ apɔnkɔ kaa ho. ɔpɛɛ mmarima aduonum, twee nteaseɛnam no ne apɔnkɔ no dii n'anim. **6** Na n'agya, ɔhene Dawid, nteɛɛ no da, mpo se obebisa no se, "Den na woreye yi?" Na Adoniya yɛ ɔbarima hoɔfeɔ. ɔno na na odi Absalom akyi wɔ awo mu. **7** Adoniya gyee Seruia babarima Yoab ne ɔsofo Abiatar too mu, na wɔn nso penɛɛ se wɔbeboa no ama wadi ɔhene. **8** Na wɔn a wɔtaa Dawid akyi, na wɔampɛ se wɔboa Adoniya na odi hene no bi ne ɔsofo Sadok, Yehoiada babarima Benaia, odiyifo Natan, Simei, Rei ne Dawid ho bammɔfo. **9** Adoniya kɔɔ Sohelet Bo a ɛben En-Rogel asuti ho. ɛhɔ na ɔde nguan, anantwi ne anantwi mma bɔɔ afoɛ. ɔtoo nsa frɛɛ ne nuabarimanom nyinaa, ɔhene Dawid mmabarima no, ne Yuda adehyɛ mpanyimfo. **10** Nanso wamfrɛ odiyifo Natan anaa Benaia anaa ɔhene ho bammɔfo anaa ne nuabarima Salomo. **11** Na odiyifo Natan kɔɔ Batseba a ɔye Salomo na no nkyen kobisaa no se, "Wunim se Hagit babarima Adoniya asi ne ho hene a yen wura Dawid mpo nnim ho hwɛ? **12** Se wopɛ se wunya wo ti didi mu, na wugye wo babarima Salomo nso nkwa a, tie m'afotu yi. **13** Kɔ ɔhene Dawid nkyen ntem so, na kobisa no se, 'Me wura, ɛnye wo na wohyɛ me bɔ se, me babarima Salomo na da bi obedi w'ade se ɔhene, na watena w'ahengua no so? Na aden nti na Adoniya aye ɔhene?' **14** Na bere a wugu so ne no rekasa no, meba abesi asem biara a woaka no so dua." **15** Na Batseba kɔɔ ɔhene pia mu. Afei, na wabɔ akwakoraa posoposo a Abisag na na ɔhwe no. **16** Batseba kotow no, na ɔhene no bisaa no se, "Den na menye mma wo?" **17** Obuaa no se, "Me wura, wugyina Awurade, wo Nyankopɔn, anim hyɛɛ me bɔ se, me babarima Salomo na obedi w'ade, na watena

w'ahengua so. **18** Nanso mprenpren de, Adoniya na wabɛɛ ɔhene foforo a mpo, wunnim ho hwɛ. **19** ɔde anantwi ne anantwi mma a wɔadodo srade ne nguan abɔ afoɛ. Na ɔtoo nsa frɛɛ wo mmabarima nyinaa ne ɔsofo Abiatar ne Yoab a ɔye asraafo no sahene no. Nanso wanto nsa amfrɛ wo somfo Salomo bi. **20** Na me wura ɔhene, Israel nyinaa retwɛn nea wobekyɛɛ se onni w'ade se ɔhene. **21** Na se woanyɛ biribi na se wunya kɔ wo kra akyi pɛ a, wobɛɛ me ne me ba Salomo se amumɔyɛfo." **22** Ogu so ne no rekasa no ara pɛ na, odiyifo Natan beduu hɔ. **23** ɔhene afotufu no ka kyɛɛɛ no se, "Odiyifo Natan aba ha, na ɔpe se ohu wo." Natan kɔɔ mu kokotow ɔhene no. **24** Obisae se, "Me wura, woaye w'adwene se Adoniya na onni w'ade, na ɔntena w'ahengua so ana? **25** Nnɛ, ɔde anantwi, anantwi mma a wɔadodo srade ne nguan abɔ afoɛ, na ɔtoo nsa frɛɛ wo mmabarima nyinaa maa wɔbaa afahyɛ no ase. ɔfrɛɛ Yoab a ɔye asraafo so sahene no ne ɔsofo Abiatar nso. Merekasa yi, wɔne no redidi, nom, tɛtɛɛ mu se, 'ɔhene Adoniya nkwa so!' **26** Na me a meye wo somfo no, wanto nsa amfrɛ me; saa ara nso na wamfrɛ ɔsofo Sadok, Yehoiada babarima Benaia ne Salomo nso. **27** ɛye nokware se me wura aye saa a wamma n'asomfo no mu biara ante onipa a obedi n'ade se ɔhene no ho hwɛ?" **28** Dawid kae se, "Momfrɛ Batseba mma me." Na ɔbaa ɔhene anim begyinaa hɔ. **29** Na ɔhene hyɛɛ bɔ se, "Mmere dodow a Awurade a ogyee me fii ɔhaw ne abɛbrɛse mu da so te ase yi, **30** nnɛ, mehyɛ mmara se, wo babarima Salomo na obedi ade se ɔhene, na ɔbetena m'ahengua so, senea mekaa ntam kyɛɛɛ wo wɔ Awurade, Israel Nyankopɔn, anim no." **31** Na Batseba san kotow no bio, na ɔtɛɛɛ mu se, "Me wura, ɔhene Dawid, ntena ase afeɔɔ!" **32** Na ɔhene Dawid hyɛɛ se, "Momfrɛ ɔsofo Sadok, odiyifo Natan ne Yehoiada babarima Benaia mma me." Wɔbaa ɔhene anim no, **33** ɔhene ka kyɛɛɛ wɔn se, "Momfa Salomo ne me mpanyimfo no nkɔ Gihon asuti no ho. Salomo ntena m'afurumpɔnkɔ so. **34** ɛhɔ na ɔsofo Sadok ne odiyifo Natan besra no ngo se Israelhene. Monhyɛn torobento, na montɛtɛɛ mu se, 'ɔhene Salomo nkwa so!' **35** Na se mosan de no ba ha a, ɔbetena m'ahengua so. Obedi m'ade se ɔhene, efise mayi no se ɔnye ɔhene wɔ Israel ne Yuda so." **36** Yehoiada babarima Benaia gyee so se, "Amen! Awurade a ɔye me wura, ɔhene Nyankopɔn no mmara no mmra mu saa. **37** Na Awurade nka Salomo ho senea ɔkaa wo ho no, na Salomo ahenni nye yiye nkyen wo

de no mpo.” 38 Enti ɔsofo Sadok, odiyifo Natan ne Yehoiada babarima Benaia ne ɔhene ho bammɔfo faa Salomo de no kɔɔ Gihon asuti no ho a, na Salomo te ɔhene Dawid afurumpɔnkɔ so. 39 Eho na ɔsofo Sadok faa ngotoa fii ntamadan kronkron mu ho behwie guu Salomo tirim. Afei, wɔhyen torobento maa nnipa no nyinaa teetee mu se, “ɔhene Salomo nkwa so!” 40 Na nnipa no nyinaa san ne Salomo kɔɔ Yerusalem a wɔrebɔ mmen, di ahurusi. Na anigye ne ahosepew ne nteetee mu no ano yee den ara kosii se, wɔn nne no wosow asase. 41 Adoniya ne n’ahoho tee osebo ne nteetee mu bere a wɔreye awie wɔn aponto no. Yoab tee torobento nne no, obisae se, “Na asem ben na asi? Na aden nso na kurow no mu aye gyegyeege yi?” 42 Bere a ogu so rekasa no, Yonatan a ɔye ɔsofo Abiatar babarima no kɔɔ ho. Adoniya ka kyeree no se, “Bra mu, efise woye onipa papa. Minim se asem pa wɔ w’ano.” 43 Yonatan buae se, “Dabi da! Mprempren ara, yen wura ɔhene Dawid, asi Salomo ɔhene. 44 ɔhene no maa ɔne ɔsofo Sadok, odiyifo Natan, Yehoiada babarima Benaia a ɔhene ho bammɔfo rebɔ wɔn ho ban, kɔɔ Gihon asuti ho. Wɔmaa no tenaa ɔhene afurumpɔnkɔ so, 45 na Sadok ne Natan sraa no ngo se ɔhene foforo. Wɔreba ara ni, na kurow mu no nyinaa agye bum ahokeka so. Gyegyeege no nkyerease ara ne no. 46 Afei, mprempren, Salomo te ahengua so se ɔhene. 47 Adehye mpanyimfo nyinaa kɔɔ ɔhene Dawid nkyen, kɔmaa no mo, kae se, ‘Onyankopɔn mma Salomo ahenni nhyeta nkyen wo de no, na Salomo ahemman nso nye kese nsen wo de no!’ Na ɔhene sii ne ti ase yii Awurade aye, bere a na ɔda ne mpa mu, 48 na ɔkaa saa nsem yi, ‘Nhyira nka Awurade, Israel Nyankopɔn, a nne da yi wayi obi se ɔntena m’ahengua so wɔ bere a mete ase, na mihu nea ereko so nyinaa.’” 49 Eho ara, Adoniya ahoho no nyinaa de hu gyee bum, fii aponto no ase, na ntem so, obiara kɔɔ ne kwan. 50 Na Adoniya no ankasa suro Salomo, enti oguan kɔɔ ntamadan kronkron no mu kosusoo mmen a esisi afɔremuka no so no mu. 51 Ankye na Salomo tee se Adoniya akosuso mmen a esisi afɔremuka no so, na ɔresre se, “Momma Salomo nsua nkyere nne yi ara, na wankum mel!” 52 Salomo buae se, “Se obedi me nokware de a, wɔrenhaw no. Na se wanye saa de a, wobekum no.” 53 Enti ɔhene Salomo frɛe Adoniya, na wɔde no fi afɔremuka no so kɔe. ɔkotow ɔhene no, na Salomo ka kyeree no se, “Ko fie.”

2 Dawid rebewu no, ɔde adwuma hyee Salomo nsa se: 2 “Merekɔ faako a ese se da bi ɔteasefo biara ko, enti ye den na kyere wo mmaninye, 3 na ye nea Awurade, wo Nyankopɔn, hwelwe se woye. Nantew n’akwan so, na di ne mmara ne n’ahyede so senea wɔakyerew wɔ Mose mmara no mu no, senea ebeye a wobeko so wɔ biribiara a wobeye mu ne baabiara a wobeko nso. 4 Se woye eyi a na Awurade bedi ne bo a ɔhyee me no so se, ‘Se w’asefo hwe wɔn asetena, na wofi wɔn koma ne wɔn kra nyinaa mu nantew nokware mu wɔ m’anim a, wɔn mu baako betena Israel ahengua no so.’ 5 “Wunim se Seruia babarima Yoab kum m’akofo asahene baanu no a eye Ner babarima Abner ne Yeter babarima Amasa no. Okunkum wɔn, hwiee wɔn mogya gui, asomdwoe bere mu a enye ɔko bere mu, na ɔde wɔn mogya kekaa n’abɔso a ebɔ n’asen mu ne ne mpaboa a ehye ne nan so. 6 Wo ne no nni, na mma no mfa ne ti dwen nko ɔda mu asomdwoe mu. (Sheol h7585) 7 “Na ye Barsilai a ofi Gilead no mmabarima adɔe, na ma wɔnka wɔn a wodidi wɔ wo didipon so no ho. Bere a miguan fii wo nuabarima Absalom ho no, woyee me adɔe. 8 “Kae Gera Benyaminni a ofi Bahurim no babarima Simei. ɔdomee me denneennen, da a mereguan ako Mahanaim no. Na obehyiaa me wɔ Yordan no, mede Awurade din kaa ntam se, Merenkum no. 9 Nanso ntam no mma onni bem. Woye onyansafɔ na wubehu ɔkwan a wobefa so aka ne mogya agu.” (Sheol h7585) 10 Na Dawid wui, na wosiee no wɔ Dawid kurom. 11 Odii hene wɔ Israel mfe aduanan a ne nkyeremu ne se, odii Hebron so mfe ason na Yerusalem nso, odii ade mfe aduasa abiesaa. 12 Enti Salomo tenaa n’agya Dawid ahengua so, na n’adedi ase timii yiye. 13 Na Hagit babarima Adoniya kɔɔ Salomo ne na Batseba nkyen. Batseba bisaa no se, “Wobaa no asomdwoe so ana?” Obuaa no se, “Eye asomdwoe so.” 14 Na ɔka kaa ho se, “Mepɛ se woye me adɔe bi.” Na Batseba bisae se, “Adɔe ben.” 15 Adoniya kae se, “Senea wunim no, na ahemman no ye me dea. Na Israel nyinaa hwe me kwan se wɔn hene. Nanso nneema sesae, na ahemman no kɔɔ me nuabarima nkyen, efise Awurade pɛ no saa. 16 Mprempren, ade baako na mepɛ se mesre wo. Mfa nkame me.” ɔkae se, “Wutumi ka.” 17 Na ɔtoaa so se, “Kɔsre ɔhene Salomo ma me, na ɔremfa dekode no nkame wo. Ka na ɔmfa Abisag Sunamni no mma me se me yere.” 18 Na Batseba buae se, “Eye meka ho asem akyere ɔhene ama wo.” 19 Enti

Batseba koo ohene Salomo nkyen se orekokasa ama Adoniya. Ohene no soree se orebehia no, baa ne mu ase ansa na oretena n'ahengua so. Na ohyee se womfa agua mmre ohene na, na otenaa ohene nifa so. **20** Oka kyeree ohene se, "Mewo ade ketewaa bi sre wo, na mfa nkame me." Ohene no buaa no se, "Ka, me na. Meye ama wo." **21** Enti okae se, "Ma womfa Sunamni Abisag mma wo nuabarima Adoniya aware." **22** Ohene Salomo bisaa ne na se, "Aden nti na wope se Adoniya ware Sunamni Abisag? Eno de, se wubebisa ahemman nso ama no. Wunim se oye me nua panyin na osofo Abiatar ne Seruia babarima Yoab nso boa no!" **23** Na ohene Salomo de Awurade din kaa ntam se, "Se Adoniya amfa ne nkwa antwa saa abisade yi so a, Onyankopon ne me nni no dennen so pa ara. **24** Na mprenpren de, mmere dodow a Awurade te ase yi, ono a watim m'ase wo m'agya Dawid ahengua so, na wabo me fie ahenni mu nnidiso atenase ama me, senea ohyee me bo no, Adoniya de, twa ara na etwa se owu nne yi ara." **25** Enti, Salomo hyee Yehoiada babarima Benaia se onkum no, na okum Adoniya. **26** Na ohene no ka kyeree osofo Abiatar se, "San ko wo kurom Anatot. Wofata se wuwu, nanso merenkum wo mprenpren, efise, wosooa Awurade Tumfo Adaka no maa m'agya, na wo ne no nyinaa na muhuu amane wo n'abebrese nyinaa mu." **27** Enti Salomo nam so dii mmara a Awurade hyee wo Silo fa Eli asefo ho no so. **28** Ewo mu, mfiase no na onni Absalom akyi, nanso Yoab de ne ho kodom Adoniya atuawo no. Bere a Yoab tee Adoniya wu no, otuu mmirika koo Awurade ntamadan kronkron no mu, na okosusoo mmen a etuatua aforemuka no ho no mu. **29** Bere a ohene Salomo tee asem yi, osomaa Yehoiada babarima Benaia se onkokum no. **30** Na Benaia koo Awurade ntamadan kronkron no mu koka kyeree Yoab se, "Ohene se fi adi." Nanso Yoab buae se, "Dabi, mewu wo ha." Enti Benaia san koo ohene no nkyen koka asem a Yoab aka no kyeree no. **31** Ohene no tee asem a Yoab kae no, oka kyeree Benaia se, "Ye nea okae no. Kum no wo aforemuka no ho, na sie no. Eyi beyi adwenhare mogyahwiegwu ho afodi afo me ne m'agya fifo so. **32** Na Awurade betua no kum a okum mmara atreneefo ankasa baanu a na woye sen no no so ka. Na m'agya nnim Ner babarima Abner a na oye Israel asraafo so sahene ne Yeter babarima Amasa a na ono nso ye Yuda asraafo so sahene no wu ho hwee. **33** Yoab ne n'asefo de, saa awudi ahorow yi ho afodi ntena won

so, na Awurade mma Dawid ne n'asefo ne n'ahengua asomdwoe afebo!" **34** Enti Yehoiada babarima Benaia san koo ntamadan kronkron no mu, kokum Yoab, na wosiee Yoab wo ne kurom wuram baabi. **35** Na ohene no yii Yehoiada babarima Benaia se onsi Yoab anan se asahene. Na oyii osofo Sadok de no sii Abiatar anan mu. **36** Ohene no soma ma wokofree Sime ka kyeree no se, "Si ofi wo Yerusalema ha na tena mu. Na mfi kurow no mu nko baabiara. **37** Na da a wubetwa Kidron bon no, wubewu; na wo mogya begu w'ankasa wo ti so." **38** Na Sime buae se, "W'atammu no ye kronkron. Biribiara a me wura ohene behye se menyee no, meye." Enti Sime tenaa Yerusalema kyee yiye. **39** Na mfe abiesa akyi no, Sime asomfo baanu guan koo Gathene Akis, Maaka babarima nkyen. Bere a Sime huu faaka a wowa no, **40** ohyehyee n'afurum, koo Gat, kowehwee won. Ohuu won no, ode won san baa Yerusalema. **41** Salomo tee se Sime afo Yerusalema ako Gat asan aba no, **42** osoma ma wokofree Sime bae, na obisaa no se, "Mamma woanka ntam Awurade din mu se, worenko baabiara, na se anye saa a, wubewu? Na wubuae se, 'Atammu no ye kronkron; na medi asem a woaka no so.' **43** Aden nti na woanni wo ntam no so amma Awurade, na woanye m'ahyede?" **44** Na ohene no ka kaa ho se, "Akyinnye biara nni ho se wokae amumoye a woyee m'agya, ohene Dawid. Awurade betwe w'aso wo ho. **45** Na me de, menyee Awurade nhyira, na daa Dawid aseni atena ahengua no so." **46** Na ohene no hyee Yehoiada babarima Benaia ma ofaa Sime de no fii adi kokum no. Enti ahemman no tim wo Salomo nsam.

3 Salomo ne Misraimhene Farao yee apam, nam so waree ne babea. Ode no betenaa Dawid kurom, kosii se osii n'ahemfi sii Awurade Asoredan, na otoo Yerusalema ho fasu nso wiei. **2** Saa bere no mu, na Israelfo bo afo wo soronsorommea, efise na wonsii asoredan, mfaa Awurade din ntoo so e. **3** Salomo kyeree ne do a owo ma Awurade, efise na onam n'agya Dawid nkyerekyere anammom so perepere. Mmom na obo afo wo soronsorommea ho, hyew aduhum wo ho nso. **4** Gibeon na na aforemuka no mu atitiriw wo, cho na Salomo koboo ohyew afo apem wo aforemuka so. **5** Anadwo no, Awurade daa ne ho adi kyeree Salomo wo dae mu. Onyankopon ka kyeree no se, "Den na wope? Bisa na mede bema wo." **6** Salomo kae se, "Woda adoe kese pa ara adi akyere m'agya Dawid, efise na odi wo nokware, ye otreneeni a ne

koma mu nso da ho. Woatoa so aye no saa adɔe kese yi ara, na nne yi ara, woama no obabarima se ɔntena n'ahengua nso so. 7 "Afei, Awurade, me Nyankopɔn, woasi w'akoa ɔhene, se minsi m'agya Dawid anan mu, nanso meye abofra ketewaa bi a minnim sɛnea mesi aye m'adwuma. 8 Eha na w'akoa abedu wo nnipa a woapaw wɔn no mu; nnipa a wɔn dodow nti, obi ntumi nkan wɔn. 9 Eno nti, ma w'akoa nhumu koma a obetumi de adi wo nkurofo so, na obetumi ahu papa ne bone ntam nsonoe. Na hena koraa na ɔno nko ara betumi adi saa ɔman a wodi mu, a wɔye wo de yi so?" 10 Awurade ani so Salomo mmuae no, na n'ani gyee se obisaa nyansa. 11 Enti Awurade buae se, "Esiane se woabisa nyansa a wode bedi me manfo so, na woammisa nkwa tenten anaa sika amma wo ho anaa woammisa se wo tamfo bi nwu no nti, 12 mede nea woabisa no bema wo. Mema wo nyansa ne ntease a obiara nnyaa bi da, na obiara nso renya bi da. 13 Na nea woammisa no nso, mede beka wo ho—sika ne anuonyam. Na ɔhene biara a ɔwo wiase nso rentumi mfa ne ho nto wo ho, wo nkwa nna nyinaa mu. 14 Na se wudi m'akyi, na wudi me mmara so se w'agya Dawid a, mema wo nkwa tenten." 15 Na Salomo nyanee, na ohuu se eye dae. Ɔkɔ Yerusalem kogyinaa Awurade Apam Adaka no anim, na ɔbɔɔ ɔhyew afɔre ne asomdwoe afɔre. Na ohyiaa ne mpanyimfo nyinaa, too wɔn pon. 16 Akyiri no, mmea nguamanfo baanu bi baa ɔhene no nkyen, pɛ se ɔka wɔn asem bi ma wɔn. 17 Wɔn mu baako fitii ase se, "Me wura, mesɛ wo meka se, saa ɔbea yi ne me te fi koro mu. Mewoo ɔba bere a ɔne me te fie ho. 18 Nnansa akyi no, ɔno nso woo ba. Na yen nko ara na yete fie ho a obiara nka yen baanu no ho. 19 "Nanso anadwo no, ɔpere kɔdaa ne ba no so, kum no. 20 Na ɔsɔree anadwo no faa me ba fii me nkyen bere a mada no. Ɔde ne ba a wawu no too me basa so, na ɔfaa me de no kɔtoo ne nkyen, ma ɔdae. 21 Ade kyee a mepɛ se mema me ba no nufu no, na wawu. Nanso anim tetew kakra a mehwɛ abofra no yiye no, mihu se enye me ba no koraa." 22 Eho ara na ɔbea baako no gyee hwanyan kae se, "Abofra a wawu no ye wo ba no, enna nea onwui no nso ye me de no." Enna ɔbea a odi kan no nso se, "Dabi da, nea wawu no ye wo ba no, na nea onwui no nso ye me de no." Enti wotwee asem no saa ara wo ɔhene no anim. 23 Ɔhene no kae se, "Momma yempe asem no mu nokware yiye. Mo baanu nyinaa, obiara se abofra a onwui no ye ne dea, na abofra a wawu no

de, ɔnye obiara dea. 24 "Se saa na ete de a, mommre me afoa." Enti wode afoa brɛ ɔhene no. 25 Afei, ɔkae se, "Mompae abofra a onwui no mu abien, na momfa fa mma mmea no mu biara." 26 Na ɔbea a nokware, ɔye abofra a ɔte ase no na a ɔpe ne ba yi asem yiye no tɛtɛɛ mu se, "Ao! Dabi me wura! Fa abofra no ma no. Mesɛ wo nkum no!" Nanso ɔbea baako no kae se, "Eye, ebebo yen baanu nyinaa. Kye ne mu ma yen!" 27 Eho na ɔhene no kae se, "Munnkum no, na mmom, momfa abofra no mma ɔbea a ɔpe se abofra no tena ase no, na ɔno ne ne na no." 28 Ɔhene yi atemmu no tɛw faa Israel mmaa nyinaa, na ɔmanfo no ho dwiriw wɔn wo nyansa a Onyankopɔn de ama no, a ema no bu atentrene no ho.

4 Enti Ɔhene Salomo dii Israel nyinaa so hene. 2 Na eyinom ne ne mpanyimfo: Sadok babarima Asaria. 3 Sisa mmabarima Elihoref ne Ahiya na na wɔye asennii akyerɛwfo no. Ahilud babarima Yehosafat na na ɔye adehye abakɔsem kyerɛwfo. 4 Yehoiada babarima Benaia na na ɔye asraafo so sahene no; Sadok ne Abiatar na na wɔye asofo. 5 Natan babarima Asaria na na ɔye amansin amradofo titenani. Natan babarima Sabud a na ɔye ɔsofo no, na na ɔye ɔhene fotufo a ɔde ne ho to ne so. 6 Ahisar na na ɔye ahemfi sohwefo. Abda babarima Adoniram na na ɔhwe adwumayefo so. 7 Na Salomo wo amansin amradofo dumien wo Israel nyinaa mu. Na wɔn adwuma ne se, wogyee nnuan fi ɔmanfo nkyen de koma ahemfifo. Wɔn mu biara hwe di saa dwuma yi ɔsram baako wo afe biara mu. 8 Saa amradofo dumien no din na edidi so yi: Na Ben-Hur wo Efraim bepɔw asase so. 9 Na Ben-Deker hwe Makas, Saalbim, Bet-Semes ne Elon-Bet-Hanan so. 10 Na Ben-Hesed hwe Arubot a Soko ne nsase a ewo Hefer nyinaa ka ho no so. 11 Na Ben-Abinadab wo Nafat-Dor. (Ɔwaree Salomo babea Tafat). 12 Na Ahilud babarima Baana hwe Taanak ne Megido ne Bet-Sean a eɛn Saretan a ewo Yesreel anafo ne nkurow a efi Bet-Sean, de kosi Abel-Mehola, tra kosi Yokmeam akyi no so. 13 Na Ben-Geber wo Ramot-Gilead, a Yair nkurow a wode too Manase babarima Yair a ewo Gilead ka ho, wo Argob mantam a ewo Basan a nkuropɔn aduosia a wode kɔbere apon asisi ano no ka ho. 14 Na Ido babarima Abinadab wo Mahanaim. 15 Na Ahimaas wo Naftali. Ɔno nso waree Salomo babea Basmat. 16 Na Husai babarima Baana wo Aser ne Alot. 17 Na Parua babarima Yehosafat wo Isakar. 18 Na Ela babarima Simei wo Benyamin. 19 Na Uri babarima Geber wo

Gilead asase so a Amorihene Sihon ne Basanhene Og amantam ka ho. Na amrado baako pe na ohwe Yuda asase so. **20** Na nnipa a wowa Yuda ne Israel no dodow te se mpoano nwea. Nea wonya di ne nea wonya nom no, na won ani so. **21** Salomo dii ahemman nyinaa so, fi Asubonten Eufate kosi Filistifo asase so, de kosi Misraim hye so. Na nnipa a wadi won so wo saa nsase no so no de sonkahiri bre Salomo, na wokoo so som no ne nkwan na nyinaa. **22** Nnua a na wohia daa wo Salomo ahemfi no ye asikresiam pa susukoraa oha ne aduonum ne atokosiam susukoraa ahaasa, **23** anantwi a woadodo wo buw mu du, anantwi a wode wura aye won aduonu, nguan anaa mmirekyi oha, atwe, nnowa, awansan ne nkoko a woadodo. **24** Na Salomo amantow no ye ahenni ahorow a ewo Asubonten Eufate atoe fam nyinaa de fi Tifsa kosi Gasa. Na asomdwoe wo asase no so mmaa nyinaa. **25** Salomo nkwa nna mu nyinaa, Yuda ne Israel nyaa bammoo tenaa ase asomdwoe mu. Na efi Dan kosi Beer-Seba no, na abusua biara wo ne fi ne ne bobe ne borodoma mfikyifuw. **26** Na Salomo wo apokodan mpem anan ma ne nteaseenam apoko ne apoko mpem dumien. **27** Amansin mu amradofo na na woma ohene Salomo ne n'asennii nnua pepepe wo won osram osram nnuanma no mu. **28** Na wode atoko ne sare a cho hia bre adehye apoko no wo won nnae. **29** Onyankopon maa Salomo nyansa, ntease ne nhumu a emu nni hwehwebea. **30** Nokware, na ne nyansa no boro anyansafo a wowa apuei ne anyansafo a wowa Misraim nyinaa nyansa so. **31** Na onim nyansa sen obiara a Esrahini Etan ne Heman ne Kalkol ne Darda a woye Mahel mmabarima no ka ho. Na ne din hyetaa wo aman a atwa ne ho ahyia no so. **32** Obuu mme mpem abiesa, na okyerew nnwom apem ne anum. **33** Na otumi ka afide biara ho nsem, efi Lebanon sida so de kosi adwere a efifi ofasu mpaapae mu so. Na otumi ka mmoa, nnomaa, mmoa a wowa fam ne nsumnam ho nsem nso. **34** Enti na ahemfo a wowa aman afoforo so tu won ananmusifo ba Salomo nkyen betie ne nyansasem no bi.

5 Na Tirohene Hiram ye ohene Dawid adamfo nokwafo, enti bere a otee se wasra Salomo ngo se ohene se onni n'agya Dawid ade no, osomaa n'asomafu koo Salomo nkyen, komaa no tirinkwa. **2** Salomo de saa nkra yi maa se wonsan mfa nkoma Hiram: **3** "Wo ara wunim se m'agya Dawid antumi ansi asoredan anhye Awurade ne Nyankopon din anuonyam, esiane

akokoakoko a one aman a wotwa ne ho ahyia no dii nti. Wantumi anye kosii se Awurade de n'atamfo hyee n'anan ase. **4** Nanso mprempren, Awurade, me Nyankopon ama me ahoto wo afa nyinaa, minni otamfo biara na biribiara reko yiye. **5** Ne saa nti, maye adwene se mesi asoredan ama Awurade, me Nyankopon senea Awurade ka kyeree m'agya Dawid se me na meye no. 'Wo ba a mede no betena ahengua so, asi w'anan mu no besi asoredan ahye me din anuonyam.' **6** "Eno nti, hye ma wonkotwa sida a efi Lebanon mmre me. Me mmarima ne wo mmarima beye adwuma, na akatua biara a wubegye ama won no, metua. Wo ara wunim se, obiara nkyen Sidonfo wo nnuabu mu." **7** Bere a Hiram tee Salomo nkra no, n'ani soo yiye kae se, "Ayeyi nka Awurade nne, efise wama Dawid oha nyansafo se ommedi saa oman kese Israel yi so." **8** Enti Hiram de nkra komaa Salomo se, "Me nsa aka nkra a wode bre me no, na meye w'abisade a efa nnua no ho no. Metumi de sida nnua ne orepaw nnua abre wo. **9** M'asomfo de nnua no befi Lebanon mmepow so aba Po Kese so, na mema atenten afa po ani senea wode aye okorow no, de ako baabiara a wobekyerere. Eno akyi no, yebesan mu na yede nnua no abre wo. Wobema me fifo aduan, senea mehwehwe no." **10** Hiram faa saa okwan yi so maa Salomo sida ne orepaw nnua senea ope, **11** na Salomo maa Hiram fifo atoko ton 3,600 ne ngo kronkron galon 120,000. **12** Na Awurade maa Salomo nyansa a emu do, senea ohyee no bo no. Na Hiram ne Salomo yee asomdwoe apam. **13** Na ohene Salomo kyerew adwumayefo mpem aduasa a wofi Israel nyinaa din. **14** Osomaa won akuwakuw koo Lebanon. Osram biara mu, nnipa mpem du ko, senea ebeye a, obarima baako biara bedi osram baako wo Lebanon, na wadi asram abien wo fie. Adoniram na na ohwe saa adwumayefo yi so. **15** Salomo nso faa nnesoasofo mpem aduonon; faa abopafo mpem aduwotwe fi bepaw asase no so, **16** ne won so sohwefo mpem ahaasa ne ahansia a wobehwe adwuma no so. **17** Ohene no hye ma abotwafo no pae, twaa aboodemmo no, yiyii ho senea wode behye Asoredan no fapem. **18** Mmarima a wofi Gebal kuropon mu boaa Salomo ne Hiram adansifo no, ma wosiesie nnua ne abo no maa Asoredan no si.

6 Mfe ahannan aduwotwe a wogyee Israelfo fii nkoasom mu wo Misraim no a na Salomo nso adi Israel so hene mfe anan no osram Sif mu no, ofii

ase sii Awurade Asoredan no. **2** Asoredan a ohene Salomo si maa Awurade no tenten mu ye anammɔn aduwɔkron, ne tɛw ye anammɔn aduasa na ne sorokɔ ye anammɔn aduanan anum. **3** Ntwironoo a eɗa asoredan no anim no tenten ye anammɔn aduasa, a ene asoredan no ntɛwmu ye pɛ. Na ne tɛw nso ye anammɔn dunum. **4** Salomo yɛ mfensere wɔ ofasu no soro hyiae. **5** Asoredan no fasu no akyi no nso, wosiesi adan beɛre bataa ho hyiae. **6** Na eyɛ aban a etoa so abiesa a ase dan no tɛw mu ye anammɔn ason ne fa. Aban a eto so abien no tɛw ye anammɔn akron na apampamu dan no tɛw ye anammɔn du ne fa. Wɔde mpuran a egugu dannua bi a ehyehye ofasu no mu na aka adan no abatabata ofasu no ho. Enti ekɛye se wɔamfa mpuran no anhyehye ofasu no ankasa mu. **7** Na abo a wɔde sii asoredan no nso, wosiesiee ho wɔ abopaebea ho nti, ɔdan no si no, obi ante asae, pɛe anaa dade biara nnyigyei wɔ ɔdansieba ho. **8** Na ɔkwan a wɔde kɔ ase adan no mu no da Asoredan no anafo fam. Atrapoe kyinkyimii na wɔforo kɔ ɔdan a eto so abien no so na foforo nso wɔ adan a eto so abien ne abiesa no ntam. **9** Wowiee asoredan no si no, Salomo de nnua ne sida mpuran yɛe ani nsamso no. **10** Senea wɔaka no, na adan wowɔ ɔdan no afanan nyinaa a wɔnam sida so de abata Asoredan no afasu no ho. ɔdan no mu biara sorokɔ ye anammɔn ason. **11** Na Awurade de saa asem yi brɛ Salomo se, **12** “Saa Asoredan a woɛsi yi de, se woɛ osetie ma me mmara nyinaa ne me nhyehyɛ, na wudi me hyɛ nsem so a, menam wo so bedi bɔ a mehyɛ w’agya Dawid no so. **13** Metena Israel manfo mu, na merempa me nkurɔfo akyi da.” **14** Na Salomo wiee asoredan no si. **15** Na emu nyinaa, efi fam kosi nsamso no, wɔde nnua na ekataa fasu no anim. Wɔde sida na ekataa ofasu no anim, na wɔde ɔpɛpaw kataa abrannaa no so. **16** Otwa mu, nyaa kronkronbea a eho ye kronkron mu kronkron wɔ asoredan no ti mu ho pɛɛ. Na eho ntwemu ye anammɔn aduasa a wɔde sida asam fam ho, de kosi ani nsemɛe no so. **17** Asoredan no ankasa a na ewɔ kronkron mu kronkron no akyi no, na ne tenten mu ye anammɔn aduosia. **18** Wɔde sida na esam abo afasu a ewɔ asoredan no nyinaa so, na wosen ntoa fɛfe ne nhwiren de dii nsemɛe no ani adwinni. **19** Salomo siesiee kronkron mu kronkron a etoa asoredan no so; faako a wɔde Awurade Apam Adaka no besi. **20** Saa kronkron mu kronkron no, na ne tenten mu ye anammɔn aduasa na ne tɛw ye anammɔn aduasa,

na ne sorokɔ nso ye anammɔn aduasa. Na Salomo de sikakɔkɔ ankasa duraa n’afasu ne ne nsamso no ho nyinaa. Saa ara na oduraa afɔremuka a wɔde sida ayɛ no ho. **21** Afei, asoredan no mu nkae no, ɔde sikakɔkɔ ankasa sam ho nyinaa, na ɔde sikakɔkɔ yɛ nkɔnsɔnkɔnsɔn de guu ɔkwan a wɔde kɔ kronkron mu kronkron ho, de bɔ ho ano ban. **22** Enti ɔde sikakɔkɔ duraa Asoredan no ho nyinaa, kronkron mu kronkron ne afɔremuka no nyinaa ho, de wiei. **23** Kronkronbea mu ho, ɔde ngodua sen kerubim abien a emu biara sorokɔ ye anammɔn dunum, de sisii ho. **24** Kerubim baako biara ntaban mu tɛw ye anammɔn dunum a, ntaban baako biara tenten ye anammɔn ason ne fa. **25** Na kerubim abien no nyinaa tebea ne wɔn kɛse ye pɛ. **26** a ɔbaako biara sorokɔ ye anammɔn dunum. **27** Salomo de wɔn sisi benɛe wɔn ho wɔn ho wɔ asoredan kronkronbea mu ho. Wɔn ntaban mu tɛw no fi ofasu baako kɔka ofasu baako. Na wɔn ntaban a ewɔ ntam no hyia ɔdan no mfimfini. **28** Na ɔde sikakɔkɔ duraa kerubim abien no ho. **29** Na kronkronbea mu afasu ne ɔdan mu no, odii adwinni a eyɛ kerubim mmedua ne nhwiren guu ho. **30** Na ɔde sikakɔkɔ duraa adan abien no abrannaa so. **31** ɔkwan a wɔfa so kɔ kronkronbea mu ho no, Salomo de ngodua yɛe apon abien a emu biara wɔ twɔtwɔw anum. **32** Saa apon no ho nso, na wɔadi kerubim, mmedua ne nhwiren adwinni, na ne nyinaa nso, ɔde sikakɔkɔ duraa ho. **33** Afei, ɔde ngodua yɛe apongua a emu biara wɔ twɔtwɔw anan a wɔfa ho kɔ asoredan no mu. **34** ɔde ɔpɛpaw nnua yɛe apon abien a wɔbobɔw, na wosii ɔpon no biara wɔ ɔkwan bi so se, emu biara tumi bobɔw gu eno ara so. **35** Wɔde kerubim, mmedua ne nhwiren adi saa apon yi ho adwinni, na wɔde sikakɔkɔ adura ho. **36** Wosii adiwo ho afasu no a sida nnua mmeaso baako wɔ abo a wɔatwa ntotoso abiesa biara so. **37** Wɔtoo Awurade Asoredan fapem no ɔsram Sif (a ete se Kɔtɔnimma) mfimfini a saa bere no na Salomo adi hene mfe anan no. **38** Wowiee ɔdan no ho biribiara ɔsram Bul mfimfini no a na wadi hene mfe dubaako. Enti mfe ason na wɔde sii asoredan no.

7 Salomo san sii ɔno ankasa n’ahemfi. Na mfirihyia dumiensa na ɔde wiee ahemfi no si. **2** Na wɔfɛ Salomo adan no mu baako Lebanon Kwae Ahemfi. Na ne tenten mu ye anammɔn oha ne aduonum. Ne tɛw ye anammɔn aduwɔson anum, na ne sorokɔ ye anammɔn aduanan anum. Na sida nsamso no mpuran no deda sida fadum anan a wɔatoto ahyehye no tee no

so. **3** Na wɔabɔ sida nsemso a etweri mpuran aduanan anum a eno nso gugu afadum a wɔatoto, ahyehye no ntentenso abiesa mu a, dunum na ɛwɔ ntentenso baako biara mu. **4** Afasu no fa biara, mfensere sesa so abiesa abiesa a edidi nhweanim. **5** Apon no akwan nyinaa, wɔaye no ahinanan abiesa abiesa a edidi nhweanim. **6** Osii afadum asa a ne tenten mu ye anammɔn aduwɔson anum, na ne tɔew ye anammɔn aduanan anum. Na ntwironoo a wɔakuru so wɔ anim a esi afadum so. **7** Na ahengua asa a na wonim no se atemmu asa nso wɔ ho. ɛho na na Salomo tena di nsem. Na wɔde sida asam mu fi fam, de kosi nsamso so. **8** Faako a na Salomo te no twa asennii a ɛwɔ asa no akyi no ho hyia. ɔkwan koro no ara so na wɔfa de sii. Osii ne dan no seso de maa Farao babea a na ɔye ne yerenom no mu baako. **9** Abo akese a wɔatwa no pɛpɛpɛ a ne bo ye den yiye na wɔde sii saa adan no. **10** Abo a wɔde too ɔdan no fapem no tenten mu ye anammɔn dunum, na bi nso tenten mu ye anammɔn dumien. **11** Abo a ne bo ye den yiye a wɔde sii afasu no nso, na wɔasusuw, atwa no pɛpɛpɛ a sida mpuran nso ka ho. **12** Adiwo kese no afasu no nso, wɔto de sida mpuran ntaaso baako biara too abo a wɔatwa ntaaso abiesa biara so, te se afasu a ɛwɔ Awurade Asɔredan mfimfini mu ho a ntwironoo kwan ka ho. **13** ɔhene Salomo bisaa ɔbarima bi a ofi Tiro a ne din de Hiram ase se omfi Tiro mmra, **14** efise na ɔye odwumfo a onim kɔbere mfrafrae ho adwinne yiye. Na ne fa ye Israelni, efise ne na ye okunafo a ofi Naftali abusua mu. Na n'agya nso ye adwuma wɔ baabi a wɔnan nnade wɔ Tiro. Enti ɔbeyee adwuma maa ɔhene Salomo. **15** Hiram twaa kɔbere mfrafrae afadum abien a emu biara soroko ye anammɔn aduonu ason, na ne afefarem nso ye anammɔn dunwɔtwe. **16** ɔde kɔbere mfrafrae yee afadum no apampam ntaaso a emu biara soroko ye anammɔn ason ne fa. **17** Ntaaso biara nso, wɔde ɔtan a wɔanwen ason ne nkɔnsɔnkɔnsɔn na ahyehye ho. **18** Na ɔyee atoa nseso a esesa so tee abien bebaree ɔtan a wɔanwen no de siesiee ntaaso a ɛwɔ afadum no atifi. **19** Ntaaso a ɛwɔ afadum a ɛwɔ ntwironoo no mu no, na wɔaye no se sukooko a ne soroko ye anammɔn asia. **20** Ntaaso biara a na ɛwɔ afadum abien no so no nso, na atoa nseso ahannu a wɔahyehye no tee abien atwa ho ahyia a, eye kurukuruwa a etoa ɔtan a wɔanwen no so. **21** Hiram de afadum no sisii Asɔredan no kwan ano a baako kyere anafo fam na baako nso kyere atifi

fam. ɔtoo baako a ekyere anafo fam no din Yakin (ɔde tim) na nea ekyere atifi fam no, ɔtoo no Boas (Ne mu na ahooden wɔ). **22** Afadum no ntaaso no, wɔyee no se sukooko. Saa na ɔye de wiee afadum no ho adwuma. **23** Afei, Hiram twaa nsukorade kurukuruwa kese bi a efi ano kɔka ano no ye anammɔn dunum. Wɔtoo ne din Po. Na emu tenten ye anammɔn ason ne fa, n'afefare mu nso ye anammɔn aduanan anum. **24** Na Po no wɔ nsesode a ete se anantwi a atwa afa ano no ase ahyia. Anammɔn baako biara mu no, na anantwi seso asia wɔ so a wɔagu ama afra nsukorade no. **25** Na Po no si nsiasa a eye kɔbere mfrafrae anantwi dumien seso so. Na wɔn nyinaa ani kyerekyere abɔnten. Abiesa ani kyere atifi fam. Abiesa ani kyere atɔe fam. Abiesa kyere anafo fam, na abiesa nso ani kyere apuei fam. **26** Na Po no afasu mu piw beye nsateaatɔ abiesa, na ano no tɔew te se kuruwa, na na ete se sukooko a apae. Na ebetumi akora nsu beye galɔn mpem dubaako. **27** Hiram san yee nteaseenam du a wɔde tɔew nsu a emu biara tenten mu ye anammɔn asia na ne tɔew mu nso ye anammɔn asia, na ne soroko ye anammɔn anan ne fa. **28** Na senea wɔyee nteaseenam no ne se, ɛwowɔ ntetareho ntrantraa a wɔabram so. **29** Wɔde gyata, anantwi ne kerubim a wɔasen siesiee ntetareho no ne nnade a wɔde bram ɔpon akyi no. Gyata no ne anantwi no so ne wɔn ase na wɔagu nhwiren a wɔahyehye, de asiesie wɔn. **30** Na saa nteaseenam no mu biara wɔ kɔbere mfrafrae ntawahonan anan ne kɔbere mfrafrae ntawahodade. Na nteaseenam biara twɔtwɔw no wɔ nnyinaso afadum de ma kɔbere mfrafrae nsukorade no; saa nnyinaso no ho na wɔadi nhwiren a wɔahyehye adwinni. **31** Nteaseenam no biara wɔ nnyinaso kurukuruwa bi wɔ n'atifi ma nsukorade no. Na ehwirew mu, kɔ soro beye ɔnammɔn baako ne fa wɔ teaseenam no atifi te se ntaamude kurukuruwa bi. Na ano a abue no ye anammɔn abien ne nsateaa abiesa. ɛho no na wɔde nhwiren a wɔahyehye adwinni asiesie. Na nteaseenam no ntetareho no ye ahinanan na enye kurukuruwa. **32** Ntetareso no ase na ntawahonan anan a wɔde atoa ntawahodade so a wɔagu ne nyinaa atoa mu aye baako no hyehye. Na efi ntawahonan no dantaban ano kosi ano ye anammɔn abien ne nsateaa abiesa, **33** a na ete se teaseenam a ɛwɔ ntawahonan abien. Emu ntawahodade, mparow, hankare ne nea ehye mfimfini no nyinaa, wɔde kɔbere mfrafrae na eyee. **34** Na nsusomu nsa anan wowɔ nteaseenam no atwɔtwɔw anan no biara

so a epuepue fi nteaseenam no so. **35** Nteaseenam no mu biara atifi no na na hankare bi a ne trɛw yɛ nsateaa akron wɔ. Nsusuomu no ne nkyɛnkyɛn ntetareho no nso, wɔagu ama ɛne teaseenam no atoa mu. **36** Wɔde kerubim, gyata ne mmedua a wɔasen siesiee ntetareho no ne nnyinaso ahorow no ho baabiara a kwan wɔ. Na wɔagu nhwiren a wɔahyehye atwa ho nyinaa ahyia. **37** Nsu nteaseenam du no, na ne nyinaa akese yɛ pɛ, na ne nyinaa sese, na woguu ne nyinaa wɔ ade koro mu. **38** Huram san yɛɛ kɔbere mfrafrae nsukorade du de maa nteaseenam no mu biara. Na nsukorade no mu trɛw yɛ anammɔn asia a etumi kora nsu gyare ahannu aduonu. **39** Ɔhyehyɛ nsu nteaseenam no anum wɔ Asɔredan no anafo fam, na anum nso wɔ atifi fam. Wɔde Po no sii Asɔredan no anafo apuei fam twɔtwɔw so. **40** Afei, ɔyɛɛ nkuku, sofi ne nsukorade a ɛho hia. Ne korakora no, Huram wiee biribiara a ɔhene Salomo kyereɛ no sɛ ɔnye wɔ Awurade Asɔredan no ho: **41** Afadum abien, afadumti a wɔayɛ no sɛ asuhina abien a esisi afadum no atifi, ntweaban a wɔayɛ no sɛ atena abien a wɔde asiesie afadumti no, **42** atoa nseso ahannan a esensen nkɔnsɔnkɔnsɔn a egu ntaaso no so (atoaa a wɔahyehye no ntenten so abien a biara sa nkɔnsɔnkɔnsɔn a esensen ntaaso a egu afadum no atifi no so no), **43** nsu nteaseenam du a nsukorade du sisi so, **44** Po no ne anantwi dumien a ɔhyehyɛ ase, **45** Nkuku, sofi ne nsukorade. Na nkuku ne nkaka a Huram yɛ maa ɔhene Salomo de guu Awurade Asɔredan mu no nyinaa yɛ kɔbere mfrafrae a wɔapɔw ho. **46** Ɔhene no ma woguu no wɔ kankua a na ɛwɔ Yordan tataw a na ɛwɔ Sukot ne Saretan ntam no so. **47** Salomo ankari nkuku ne nkaka no, efise na ɛdɔɔso dodo; na kɔbere mfrafrae no mu duru nso, wɔantumi ankari. **48** Na Salomo de saa nneema yi nyinaa siesiee Awurade Asɔredan no mu: sikakɔkɔɔ afɔremuka, sikakɔkɔɔ kyerɛwpon a Ne Daa Nwɔhɔ brodo gu so, **49** sikakɔkɔɔ kaneadua a anum sisi anafo fam, na anum sisi atifi fam wɔ kronkron mu kronkron anim hɔ; nhwiren a wɔde asiesie hɔ, akanea ne mpiakyiri a ne nyinaa yɛ sikakɔkɔɔ, **50** nkuruwa, akanea adabaw, nsiso, nsanka ne nkankyee a wɔnoa mu nyinaa yɛ sikakɔkɔɔ nko ara; ɔkwan ano apon a ɛkɔ kronkron mu kronkron ne Asɔredan no mu ne anim nyinaa, wɔde sikakɔkɔɔ duraa ho. **51** Ɔhene Salomo wiee Awurade asɔredan no ho adwuma nyinaa. Na Salomo de akyede a n'agya Dawid ato din no nyinaa a ɛyɛ dwete, sikakɔkɔɔ ne

nkuku ne nkaka ba bekora a wɔ adekoradan mu wɔ Awurade Asɔredan mu hɔ.

8 Afei, Salomo frɛɛ Israel mmusuakuw ne mmusua biara mu ntuanfo nyinaa, sɛ wonhyia wɔ Yerusalem. Na ɛsɛ sɛ wɔfa Awurade Apam Adaka no fi baabi a ɛwɔ wɔ Dawid kurow a wɔfrɛ no Sion no mu, de ba baabi foforo wɔ Asɔredan mu hɔ. **2** Wɔn nyinaa behyiaa wɔ ɔhene anim wɔ afirihyia afahyɛ a wɔfrɛ no Guankɔbea Afahyɛ no ase wɔ ɔsram Bul (bɛyɛ Ahinime) mu. **3** Bere a ntuanfo no duu Israel no, asɔfo no maa adaka no so. **4** Afei, asɔfo no ne Lewifo maa Awurade Adaka no ne Ntamadan no so, soa de kɔɔ Asɔredan no mu a ɛho nkuku ne nkaka a wɔatew ho no ka ho. **5** Ɔhene Salomo ne Israelfo no nyinaa twaa nguan ne anantwi a wɔn dodow nti, obi ntumi nkan wɔn, de bɔɔ afɔre wɔ adaka no anim. **6** Afei, asɔfo no maa Awurade Apam Adaka no so, de kɔɔ Asɔredan no Kronkron mu Kronkron ho. Wɔde sii kerubim no ntaban ase. **7** Kerubim no trɛw wɔn ntaban mu wɔ Adaka no so, ma ɛyɛɛ sɛ kyinii wɔ Adaka no ne ne nnua a esuso mu no so. **8** Na nnua a esuso mu no woware ara kosi sɛ, sɛ obi gyina Asɔredan no kwan a ɛwɔ anim dan kɛse a ɛyɛ kronkronbea no ano a, ohu, nanso sɛ ogyina akyi de a, onhu. Ne nyinaa da so wɔ hɔ besi nne. **9** Na biribiara nni Adaka no mu ka abo apon abien a Mose de guu mu wɔ Horeb no, faako a Awurade ne Israelfo yɛɛ apam, bere a wofii Misraim no. **10** Asɔfo no refi Kronkron mu Kronkron hɔ no, omununkum behyɛɛ Awurade Asɔredan no ma. **11** Asɔfo no antumi antoa wɔn dwumadi no so, efise Awurade anuonyam behyɛɛ Asɔredan no ma. **12** Na Salomo bɔɔ mpae sɛ, “Awurade, woaka sɛ wobetena omununkum kabii mu. **13** Nanso masi Asɔredan a ɛwɔ anuonyam ama wo a wubetumi atena mu afebɔɔ.” **14** Na ɔhene no dan ne ho de kyereɛ Israelfo a wogyinagyina n'anim no, hyiraa wɔn se, **15** “Nhyira nka Awurade, Israel Nyankopɔn a wadi bɔ a ɔhyɛɛ m'agya Dawid no so. **16** Na ɔka kyereɛ m'agya se, ‘Efi da a mede me nkurɔfo Israel fi Misraim bae no, manyi kurow biara wɔ Israel mmusuakuw no mu a ɛsɛ sɛ wosi asɔredan, de hyɛ me din anuonyam. Nanso mprenpren, mayi Dawid sɛ omni hene wɔ me nkurɔfo so.” **17** Na Salomo kaa se, “M'agya Dawid pɛɛ sɛ osi Asɔredan yi de hyɛ Awurade, Israel Nyankopɔn din anuonyam. **18** Nanso Awurade ka kyereɛ no se, ‘Eye se wo pɛ sɛ wusi Asɔredan de hyɛ me din anuonyam, **19** nanso ɛnye wo na wobeyɛ. Mmom, wo mmabarima

no mu baako na obesi.' 20 "Na mprenpren, Awurade aye nea ohyee ho bo no, efise madi ade se ohene, asi m'agya anan mu. Masi saa Asoredan yi de ahye Awurade, Israel Nyankopon din anuonyam. 21 Na masiesie baabi wo ho ama Adaka a Awurade Apam a one yen agyanom yee wo bere a oyii won fii Misraim no." 22 Na Salomo gyinaa ho, pagyaw ne nsa kyeree osoro wo Awurade aforemuka no anim wo Israelfo no nyinaa anim. 23 Obbo mpae se, "Awurade, Israel Nyankopon, Onyame biara nni ho a ote se wo wo osoro anaa asase so. Wudi wo bohye so, na woda wo do a enni awiei adi kyere won a wotie wo, na wope se woye w'apede nso. 24 Wo bo a wohyee wo somfo Dawid a oye m'agya no, woadi so. W'ankasa w'ano na wode hyee bo no, na nne, wonam w'ankasa wo nsa so ama aba mu. 25 "Afei, Awurade, Israel Nyankopon ko so di wo bo a woahye wo somfo, m'agya Dawid, no so. Efise woka kyeree no se, 'Se w'asefo hwe won abrabo yiye, senea woaye yi a, daa wobedi Israel so.' 26 Enti afei, Israel Nyankopon, di bo a woahye wo somfo, m'agya Dawid no so. 27 "Eye nokware se Onyankopon betena nnipa mu wo asase so? Osorosoro noho mpo ntumi nkora wo, na ebye den na Asoredan a masi yi betumi akora wo. 28 Tie me mpaebɔ ne m'adesre, Awurade, me Nyankopon. Tie sufɛ a wo somfo resu ne mpae a wo somfo rebɔ akyerɛ wo nne. 29 Hwe saa Asoredan yi so, baabi a woaka se wode wo din beto so no, awia ne anadwo. Daa, tie me mpae a mebo wo ha no. 30 Tie m'ahobrease ne nokware abisade a efi me ne wo nkurofo Israelfo nkyen, bere a yerebo mpae wo beae ha no. Yiw, tie yen fi osoro a wote ho no, na se wote a, fa kye. 31 "Se obi fom obi, na eho hia se aka ho ntam se onnim ho hwee wo aforemuka no anim wo Asoredan no mu a, 32 eno de, tie fi osoro, na bu w'asomfo baanu no a eye nea wabɔ no sobo no ne sobobofo no ntam aten. Nea odi fo no, twe n'aso na gyaa nea odi bem no. 33 "Se atamfo di wo nkurofo Israel so, efise woaye bone atia wo, na se wɔdan ba wo nkyen, na wɔbo wo din fre wo, na wɔbo wo mpae wo Asoredan mu ha a, 34 eno de, tie fi osoro, na fa won bone kye won, na ma wɔnsan nko asase a wode maa won agyanom no so. 35 "Se osoro mu to, na osu nto, efise wo nkurofo aye bone atia wo, na afei, wɔbo mpae wo Asoredan mu ha, bo wo din, ka won bone, na wɔdan fi won bone ho, efise woatwe won aso a, 36 eno de, tie fi osoro, na fa w'asomfo, wo nkurofo Israelfo, bone kye won. Kyere won nea eye, na ma osu nto ngu w'asase a wode ama

wo nkurofo se won agyapade sononko no so. 37 "Se okom si asase no so anaa oyaredom ba so anaa nnobae nyarewa ba anaa mmoadabi ne asa begu nnobae so, anaa wo nkurofo atamfo ba asase no so betua won nkuro a, senea ohaw no te biara no, 38 se wo nkurofo bo mpae wo won haw ne awerehow ho, na wopagyaw won nsa wo asoredan yi mu a, 39 tie fi osoro, nea wote ho, na fa kye. Fa biribiara a eye ma wo nkurofo ma won, na wo nko ara na wunim onipa koma mu. 40 Na wobesuro wo, na wɔnantew w'akwan so, mmere dodow a wote asase a wode maa yen agyanom no so. 41 "Na se ananafo te wo nka, na wofi akyirikyiri nsase so ba besom wo din kese no a, 42 wɔbete wo nka, wo nsenkyerenne akese no ne wo tumi ho asem, na se wɔbo mpae wo saa asoredan yi mu a, 43 tie fi osoro ho a wote no, na ye won abisade ma won. Na ebema nnipa a wɔwo asase so nyinaa ahu, na wɔasuro wo, senea wo ara wo nkurofo Israelfo ye no. Won nso behu se, wo din da saa Asoredan a masi yi so. 44 "Se wohye wo nkurofo ma wopue, koko tia won atamfo, na se wɔbo mpae, sre Awurade fa saa kurow yi a woayi yi, ne saa Asoredan a masi de wo din ato so yi ho a, 45 eno de, tie won mpaebɔ fi osoro, na ye won abisade ma won. 46 "Se woaye bone tia wo a, na hena na onyee bone da? Wo bo befuw won, na woama won atamfo adi won so, na wɔafa won nnommum de won ako ananasase a ewo akyiri anaase eben so. 47 Na saa ahohosase no so, wode ahonu san ba wo nkyen, bo mpae se, 'Yeaye bone; yeaye amumoyesem ne atirimɔdensem,' 48 na se wode won koma ne won kra nyinaa dan ba wo nkyen, na wɔbo mpae ma asase a wode maa won agyanom no ho, saa kurow a woayi ne saa Asoredan a masi de ahye wo din anuonyam yi a, 49 eno de, tie won mpaebɔ fi osoro baabi a wote ho. Ye won apede ma won, 50 na fa wo nkurofo a woaye bone atia wo no bone kye won. Ma won nnommumfafo nhu won mmɔbo, 51 efise woaye wo nkurofo, w'agyapade sononko a wuyii won fii Misraim dadenan nyansramma mu. 52 "Bue w'ani ma m'abisade ne wo nkurofo Israelfo abisade. Bere biara a wobesu afre wo no, tie won, na gye won so. 53 Efise bere a wuyii yen agyanom fii Misraim no, Otumfo Awurade, woka kyeree wo somfo Mose se, woatew Israel afi aman a aka nyinaa a ewo asase yi so ho se, wonye w'agyapade sononko." 54 Bere a Salomo wiee saa mpaebɔ ne n'abisade a odo dan Awurade no, ogyinaa Awurade aforemuka anim, faako a na otaa bu nkotodwe no, na omaa ne nsa so kyeree osoro. 55

Ogyinaa ho teɛ mu, hyiraa Israelfo no se, **56** “Ayeyi nka Awurade a wama ne nkurofo Israelfo ɔhome, senea ɔhyɛ ho bo no. Trennee bo a ɔnam Mose so daa no adi no mu baako koraa nni ho a amma mu. **57** Awurade, yen Nyankopɔn, nka yen ho senea okaa yen agyanom ho no; ɔrennyaw yen da biara da. **58** Ɔmma yenza ɔpe a yede beye n’apɛde wo biribiara mu, na yenni mmara ne ahyɛde a ɔhyɛ de maa yen agyanom no nyinaa so. **59** Na ma ɔnkae saa nsem a magyina so de abo saa mpae wo Awurade anim yi daa awia ne anadwo, senea Awurade, yen Nyankopɔn, betie me ne Israelfo, na wayɛ nea ehia yen daa ama yen. **60** Ma nnipa a wɔwɔ asase so nyinaa nhu se Awurade ye Onyankopɔn, na onyame foforo biara nni ho. **61** Na mo a moye ne nkurofo no, nni Awurade, yen Nyankopɔn, no nokware daa. Munni ne mmara ne n’ahyɛde so daa, senea moye no nne yi.” **62** Na ɔhene no ne Israelfo a wɔka ne ho no boɔ afoɛ maa Awurade. **63** Salomo boɔ asomdwoe afoɛ maa Awurade. N’afɔrebɔde no ye anantwi mpem aduonu abien ne nguan mpem ɔha aduonu. Na ɔhene no ne Israel nyinaa daa Asɔredan no adi, de maa Awurade. **64** Saa da no ara, ɔhene no tew Asɔredan no adiwo no mfimfini a ɛka Awurade Asɔredan ho no ho. Ɔboɔ ɔhyew afoɛ, atoko afoɛ ne asomdwoe afoɛ ho sɔde no wo ho, efise na kobere mfrafrae afoɛmuka a ɛwo Awurade anim no sua dodo se ebetumi akora afoɛbɔde bebre. **65** Na Salomo ne Israel nyinaa boɔ mu, dii Guankɔbea Afahye wo Awurade, wɔn Nyankopɔn, anim. Nnipadɔm no fi Lebo Hamat wo atifi fam kosi Misraim asuwa wo anafo fam, na wɔbae. Afahye yi kɔ so ara nnafoa dunan. Emu nnanson na wode daa afoɛmuka no adi, na wode mu nnanson nso dii Guankɔbea Afahye no. **66** Afahye no twaa mu no, Salomo maa ɔmanfo no kɔ wɔn kurom. Wɔrekɔ no nyinaa na wɔrehyira ɔhene no. Na wɔn nyinaa nyaa ahɔsepɛw ne ahoto, efise Awurade ne ne somfo Dawid ne Israelfo adi no yiye.

9 Bere a Salomo wiee Awurade asɔredan no ne ahemfi no si no, ohuu se wayɛ nea ɔpe se ɔye no nyinaa awie. **2** Awurade daa ne ho adi kyereɛ no ne mprenu so, senea na wada ne ho adi akyereɛ no wo Gibeon dedaw no. **3** Awurade ka kyereɛ no se: “Mate wo mpaɛbo ne w’adesɛ. Matew saa asɔredan yi a woasi no ho, senea wɔbehye me din anuonyam wo ho afebo. Mehwe so na mama m’ani aku ho. **4** “Na wo, se wode nokware ne nyamesuro di m’akyi, senea w’agya Dawid yee, na odii me mmara ne m’ahyɛde nyinaa

so no a, **5** metim w’ahenni nnidiso ase wo Israel afebo, senea meka kyereɛ w’agya Dawid se, ‘Eremma se worennya ɔbarima bi ntena Israel ahengua no so da no.’ **6** “Na se wo anaa wo mmabarima dan fi me ho, na wubu mmara ne m’ahyɛde a mede ama mo no so, na se wofi akyi kɔsom anyame afoforo, sɔre wɔn a, **7** ɛno de, metwa Israel afi asase a mede ama wɔn no so, na mapo saa asɔredan a matew ho wo me din mu no. Ɛbema Israel ato sin, na aye aserewde wo nnipa nyinaa mu. **8** Na ɛwo mu se saa Asɔredan yi ye fe de, nanso wɔn a wobetwa mu wo ho no betwiri no, adi ho abooboo, abisa se, ‘Aden nti na Awurade aye asase yi ne Asɔredan yi saa?’ **9** Nnipa bebua se, ‘Efise wɔapa Awurade, wɔn Nyankopɔn a oyii wɔn agyanom fii Misraim no akyi, na wode wɔn ho akɔdan anyame afoforo a wɔresom wɔn, sɔre wɔn. Ɛno nti na Awurade ama saa ɔhaw ne abebrese yi aba wɔn so no.” **10** Mfe aduonu a Salomo de sii Awurade asɔredan no ne ahemfi no akyi, **11** ɔhene Salomo de nkurow aduonu a ɛwo Galilea maa Tirohene Hiram, efise Hiram maa no sida nnua ne ɔpepaw nnua ne sikakokɔ a na ohia. **12** Hiram fii Tiro kɔhwee nkurow a Salomo de ama no no, nanso n’ani ansɔ koraa. **13** Obisae se, “Me nua, na nkurow ben na wode ama me yi? Saa nkurow yi nni mul!” Enti ɔfɛɛ ho Kabul, “Nea enni mu” de besi nne. **14** Na Hiram asoma ma wode sikakokɔ tɔn anan akɔma Salomo. **15** Ɔkwan a ɔhene Salomo faa so tintim, hyɛ nnipa, ma wosii Awurade asɔredan no ne n’ahemfi, Milo, Yerusalem fasu ne Hasor, Megido ne Geser nkurow no ni: **16** Misraimhene kotuaa Geser, gyee ho fae. Okum Kanaanfo a wote kurow no mu nyinaa, hyew ho pasaa. Ɔde kuropon no maa ne babea no se akyɛde bere a ɔwaree Salomo no. **17** Enti Salomo san kyekyeree Geser kuropon no. Afei, ɔsan kyekyeree nkurow a ɛwo Bet-Horon anafo, **18** Baalat ne Tamar wo sare so, n’asase so. **19** Ɔkyekyeree nkurow a na wɔkora nnuan wo ho, kyekyeree nkuropon nso a na wɔkora ne nteaseenam ne n’apɔnkɔ wo ho. Ɔkyekyeree Yerusalem ne Lebanon ne n’aheman nyinaa, senea ne koma pe. **20** Na nnipa bi da so te asase no so a wɔnye Israelfo. Wɔne Amorifo, Hetifo, Perisifo, Hewifo ne Yebusifo. **21** Eyinom ne aman a na Israel nwiee wɔn asetɔre korakora no asefo. Enti Salomo hyɛ wɔn ma woyee n’adwumayefo, na woda so ye de besi nne. **22** Nanso Salomo anhyɛ Israelfo amma wɔanyɛ ɔhyɛ nnwuma. Mmom, ɔma woyee asraafo, aban adwumayefo. Ɔmaa ebinom yee

n'akofo, ne nteaseenam ne ne nteaseenamkafo so asahene. **23** Afei, oyii wɔn mu ahannum ne aduonum ma wɔhwɛe ne nkɔsɔdwuma ahorow so. **24** Bere a Salomo yii ne yere a ɛye Farao babea no fii Dawid kurow no mu, de no kɔ ahemfi foforo a wasi ama no no mu no, ɔkyekyee Milo. **25** Na Salomo bɔ ɔhyew afɔre ne asomdwoe afɔre ma Awurade afe biara wɔ afɔremuka a osii no so mprensa. Na ɔne wɔn hyew aduhum nso ma Awurade se asodi a eda hɔ ma no wɔ asɔredan no. **26** Ɔhene Salomo yee po so ahyen nso wɔ Esion-Geber, hyengyinabea a ɛben Elot a ɛwɔ Edom asase so hɔ a ɛwɔ Po Kɔkɔ no mpoano. **27** Na Huram maa n'ahyen mu adwumayefo a wonim hyen mu adwuma yiye no, ne Salomo nkurɔfo de ahyen no yee adwuma. **28** Wɔyee adwuma kɔ Ofir, na wosan de sikakɔkɔ nsania ani nkaribo tɔn 16 brɛ Salomo.

10 Bere a Sebahemnea tee Salomo din a ahyeta na ɛhye Awurade din anuonyam no, ɔde nsemmissa a anoyi ye den besɔ Salomo hwee. **2** Ɔde n'asomfo a wɔdɔsɔ yiye kaa ne ho baa Yerusalem. Na yoma a wɔsoso nnuhuam, sikakɔkɔ bebre ne abɔɔden abo ka wɔn ho. Bere a ohyiaa Salomo no, wodwinnwen nsem bebre a na ɛwɔ ɔhemnea ani so no ho. **3** Salomo yii ne nsemmissa nyinaa ano senea ɛse. Asemmissa biara ankyere n'adwene. **4** Bere a Sebahemnea huu senea Salomo adwene mu dɔ, ne ahemfi a wasi no, **5** ne ho dwiriw no. Nnua a ohuu se esisi ne didipon so no yee no nwonwa. Senea na wahyehye ne fi so ahwefo no ne wɔn ntade papa bi a ɛhyehye wɔn, ne senea nkuruwakurafo ne wɔn ntade yuu ne ɔhyew afɔre a Salomo bɔ no Awurade Asɔredan mu hɔ no yee no ahodwiriw. **6** Ɔhemnea no fii ahodwiriw mu ka kyeree ɔhene no se, "Nsem a metee wɔ me man mu a efa dwuma a woatumi adi ne wo nyansa ho no nyinaa ye nokware! **7** Na minnye nni kosii se mibeduu ha a m'ankasa mede m'ani abehu yi. Nokware, see na mante asem no mu fa mpo. Wo nyansa ne wo nkɔso no boro nea wɔka kyeree me no so koraa. **8** Migye di se ɛse se wo nkurɔfo yi ani gye! Ɛye adom ma w'adwumayefo yi se wotumi ben wo adekyee biara na wotie wo nyansasem. **9** Awurade, wo Nyankopɔn no ye ɔkese ampa. N'ani gye wo ho, na ɔde wo asi Israel ahengua so. Efise ɔdɔ a Awurade de dɔ Israel no ye ɔdɔ a ɛnsa da. Wasi wo hene se wode atɛntrenee ne treneeye bebu ɔman no." **10** Na ɔkyee ɔhene no sikakɔkɔ tɔn anan ne fa, nnuhuam bebre ne abɔɔden abo. Obiara amfa nnuhuam dodow saa ammekye Salomo bio,

senea Sebahemnea de bekyee no no. **11** Huram ahyen no fi Ofir de sikakɔkɔ bae a na asamfɔno nnua bebre ne abɔɔden abo ka ho. **12** Ɔhene de asamfɔno nnua no yee atrapoe wɔ Awurade Asɔredan ne ahemfi no mu, na ɔde bi yee asanku ne mmenta maa nnwontɔfo. Ebesi saa bere no ne saa bere no, na obiara mfaa asamfɔno nnua a ɛye fe saa nkɔ hɔ da, na akryiri no nso woanhu bi saa da. **13** Biribiara a Sebahemnea bisaa ɔhene Salomo no, ɔde maa no kaa nea amanne nti, ɔnam ayamyɛ so de maa no no ho. Ɛno akryi, Sebahemnea ne n'asomfo no san kɔ wɔn kurom. **14** Afe biara, na sikakɔkɔ a ɛba Salomo nsam no ye tɔn aduonu anum, **15** a na sika a onya fi aguadifo, Arabia ahemfo ne asase no so amradofo no nkyen nka ho. **16** Ɔhene Salomo ma wode sikakɔkɔ a wɔaboro yee akyem akese ahannu a emu biara sikakɔkɔ a ɛwɔ mu no mu duru ye kilogram ason. **17** Bio, ɔyee akyem nketewa bi a ɔde sikakɔkɔ a wɔaboro yee a, emu biara mu duru beye kilogram abiesa ne fa. Ɔhene no de saa akyem yi nyinaa kosiee ahemfi hɔ baabi bi a wɔfre hɔ Lebanon Kwae Ahemfi. **18** Na ɔhene no de asonse yee ahengua kese bi, na ɔde sikakɔkɔ duraa ho. **19** Na ahengua no wɔ atrapoe ntiaso asia na n'akryi ye kurukuruwa. Ahengua no wɔ nsa wɔ benku ne nifa, na wɔaye gyata seso abien asisi hɔ. **20** Salomo san yee gyata seso dumien a ɔbaako biara gyina atrapoe ntiaso asia no mu biara benku ne nifa. Ahengua biara nni wiase a wobetumi de atoto Salomo de no ho. **21** Ɔhene Salomo nkuruwa nyinaa, sikakɔkɔ na wode yee. Saa ara na nneema ahorow a ɛwɔ Lebanon Kwae Ahemfi mu no nso te. Wɔamfa dwete anye, efise Salomo bere so no, na wobu dwete ade teta bi. **22** Na ɔhene no wɔ po so aguadihyen bebre a ene Huram de no ye adwuma bɔ mu. Mfe abiesa biara, ahyen no ba preko a sikakɔkɔ, dwete, asonse, nsoromma ne asibe ahyehye wɔn ma. **23** Enti ɔhene Salomo beyee ɔdefo ne onyansafo sen ɔhene biara wɔ asase so nyinaa. **24** Na nnipa fifi aman ahorow so besra no, na wotie nyansa a Onyankopɔn de adom no no bi. **25** Afe biara mu, obiara a ɔbeba abesra no no brɛ no akyede te se dwete, sikakɔkɔ, ntade, akode, nnuhuam, apɔnkɔ ne mfurumpɔnkɔ. **26** Salomo nyaa nteaseenam ne apɔnkɔ bebre. Na ɔwɔ nteaseenam apem ahannan ne apɔnkɔ mpem dumien. Ɔde emu fa kese guguu nteaseenam nkuropon no so na ɔmaa bi nso kaa Yerusalem. **27** Ɔhene no maa dwete buu te se abo wɔ Yerusalem. Na sida nnua a ɛsom bo no nso buu so se ankye nnua a

efifi wɔ mmepɔw ase wɔ Yuda asase so. **28** Na Salomo tɔɔ aponkɔ fii Misraim ne Kilikia, efise na ɔhene no aguadifo nya wɔn fi Kilikia a wɔn bo no ye. **29** Saa bere no, na wotumi tɔ Misraim teaseenam a wɔde abedu Yerusalem no dwete kilogram awotwe, na aponkɔ nso, na wotumi tɔ baako dwete kilogram abien. Na wɔsan tɔn wɔn mu pii ma Hetifo ahemfo ne Aram ahemfo.

11 Farao babea no akyi no, ɔhene Salomo dɔɔ ananafo mmea bebreɛ a na wɔyɛ Moabfo, Amonfo, Edomfo, Sidonfo ne Hetifo. **2** Na Awurade aka no pefee akyerɛ ne nkurɔfo se, wɔnɛ saa aman no nni aware, efise mmea a wɔbeware wɔn no betwetwe wɔn ama wɔakɔsom wɔn anyame. Nanso Salomo waree wɔn ara. **3** Na ɔwɔ yerenom ahanson ne mpenanom ahaasa. Na ampa ara wɔtwee ne kra fii Awurade ho. **4** Bere a Salomo bɔɔ akwakoraa no, wɔtwee ne koma kɔɔ anyame afoforo so, na wamfa ne ho anto Awurade, ne Nyankopɔn so, senea n'agya Dawid yee no. **5** Salomo dii Sidonfo bosombea Astoret ne Amonfo nyame Molek a na wokyi no no akyi. **6** Enti Salomo yee bɔnɛ wɔ Awurade ani so. Wannɛ Awurade akyi, senea n'agya Dawid yee no. **7** Salomo sii abosonnan maa Moabfo nyame Kemom, a na ɔyɛ akyiwade, wɔ Ngo Bepɔw a ɛwɔ Yerusalem apuei fam, na osii bi nso maa Amonfo nyame Molek, a na ɔyɛ akyiwade. **8** Salomo sisii abosonnan yi maa n'ananayerenom nyinaa, sɛ wɔnhwɛy nnuhuam, na wɔmma aforɛ mma wɔn anyame wɔ ho. **9** Na Awurade bo fuw Salomo, efise ne koma adan a fi Awurade, Israel Nyankopɔn, a wada ne ho adi akyerɛ no mprenu no ho. **10** Ɔbɔɔ Salomo kɔkɔ sɛ onni anyame afoforo akyi, nanso Salomo anni Awurade ahyɛde so. **11** Enti Awurade ka kyerɛ Salomo se, “Esiane sɛ woanni m'apam so, na woapo me mmara nti, ampa ara, metew ahemman no a fi wo ho, na mede ama w'asomfo no mu baako. **12** Nanso esiane w'agya Dawid nti, merenyɛ saa bere a wote ase. Megye ahemman no a fi wo babarima nsam. **13** Eno mpo, mɛma wadi abusukuw baako so, esiane me somfo Dawid ne kuropon Yerusalem a mayi asi ho no nti.” **14** Na Awurade pagyaw Edomni Hadad a na ofi Edom adehyebusua mu, sɛ ɔnyɛ ɔtamfo ntia Salomo. **15** Mfe bi a atwa mu no, Dawid ne Yoab a na ɔyɛ n'akɔfo so sahene no kɔɔ Edom kosieɛ Israelfo bi a wɔtotɔ akono no. Bere a wɔwɔ ho no, anka Israel asraafo no reyɛ akunkum mmarima a wɔwɔ Edom nyinaa. **16** Yoab ne asraafo no tenaa ho asram asia kunkum wɔn. **17** Nanso Hadad ne n'agya adehyɛ ntuanfo no

mu kakra guanee. (Saa bere no na Hadad yɛ abofra ketewa bi.) **18** Woguan fii Midian kɔɔ Paran. Paran ho na ebinom kɔkaa wɔn ho. Afei, wɔkɔɔ Misraim, Farao nkyɛn, na ɔmaa wɔn baabi a wɔbetena, aduan ne asase. **19** Farao pɛɛ Hadad asem yiye, na ɔmaa no ɔyɛ a na ɔyɛ ɔhemmea Tapanhes nuabea. **20** Ɔne no woo ɔbabarima a wɔtoo no din Genubat, na wɔtetew no fraa Farao mmabarima mu wɔ Farao ahemfi. **21** Bere a Hadad tee wɔ Misraim sɛ Dawid ne ne sahene Yoab awuwu no, ɔka kyerɛ Farao se, “Ma mensan nkɔ m'ankasa me man mu.” **22** Farao bisaa no se, “Adɛn? Den na ɛho hia wo wɔ ha? Den ho na yɛadi wo huammo a nti wɔpɛ sɛ woko wo kurom?” Obuae se, “Biribiara nkɔɔ bɔnɛ, nanso kɔ ara na mɛpɛ sɛ meko fie.” **23** Onyankopɔn pagyaw Eliada babarima Reson nso ma ɔbeyɛɛ ɔtamfo tiaa Salomo. Reson guan fii ne wura ɔhene Hadadeser a ofi Soba nkyɛn. **24** Beyɛɛ atuategwo panyin. Dawid dii Hadadeser so nkonim no, Reson ne ne mmarima guan kɔɔ Damasko, kodii hene wɔ ho. **25** Reson beyɛɛ Israel tamfo kese wɔ Salomo ahenni nkaɛ no nyinaa mu; na ɔyɛɛ ɔteeteeɛfo senea Hadad yee no. Reson kɔɔ so tan Israel denneennen, na ɔtoaa so dii hene wɔ Aram. **26** Ɔtuategwo panyin fɔforo bi nso ne Nebat babarima Yeroboam. Na ɔyɛ Salomo ankasa mpanyimfo no mu baako. Na ofi kurow Sereda a ɛwɔ Efraim mu. Na wɔfrɛ ne na se Senua; na ɔyɛ okunafo. **27** N'atuategwo no nkyerɛase ni: Na Salomo rekyekyere Milo, na ugu so resiesie n'agya Dawid kurow no afasu no, **28** na Yeroboam yɛ nsiyɛfo. Salomo huu no sɛ ɔyɛ mɔdemmofo no, ɔde no tuua adwumayɛfo a wofi Efraim ne Manase mmusuakuw mu no ano. **29** Da bi a Yeroboam refi Yerusalem no, ohyiaa odiyifo Ahiya, Siloni, wɔ kwan so a ɔhyɛ atade fɔforo. Na wɔn baanu nko na wɔwɔ wuram ho. **30** Ɔho na Ahiya worɔw n'atade fɔforo a na ɛhyɛ no no, tetew mu asinasin dumien. **31** Na ɔka kyerɛ Yeroboam se, “Fa asinasin yi mu du, na sɛɛ na Awurade, Israel Nyankopɔn, reka: ‘Merebegye ahemman no a fi Salomo nsam, na mede mmusuakuw no mu du bɛma wo. **32** Na esiane me somfo Dawid ne Yerusalem a mayi a fi Israel mmusuakuw no nyinaa mu no nti, megyaw no abusua baako. **33** Efise Salomo agyaw me ho, akɔsom Astoret a ɔyɛ Sidonfo bosombea ne Kemom a ɔyɛ Moabfo nyame ne Amonfo nyame Molek. Wamfa m'akwan so anyɛ nea ɛso m'ani. Wannɛ me mmara ne m'ahyɛde so te sɛ n'agya Dawid. **34** “Nanso merennyɛ ahemman no nyinaa mfi Salomo nsam saa bere yi. Esiane me somfo

Dawid, nea miyii no no, na otiee m'ahyede, dii me mmara so no nti, mema Salomo adi ade mfe a aka no wo ne nkwa mu. **35** Na megye ahemman no afi ne babarima nsam, na mede mmusuakuw no mu du ama wo. **36** Ne babarima benya abusuakuw baako, senea ebeye a me somfo Dawid asefo beko so adi hene wo Yerusalem, kurow a mayi se me din nna so no. **37** Na mede wo besi Israel ahengua no so, na wubedi ade no senea w'ankasa wo koma pe. **38** Se wutie asem a meka kyere wo, na wonantew m'akwan mu, na woye nea midwen se eye, na wutie me mmara, di m'ahyede so, senea me somfo Dawid yee no a, eno de, daa meka wo ho. Metim wo fi adedi ase, senea meye maa Dawid no, na mede Israel bema wo. **39** Nanso esiane Salomo bone a waye nti, metwe Dawid asefo aso, nanso enenye afeboo.” **40** Salomo pee se okum Yeroboam, nanso oguan koo Misraim, Misraimhene Sisak nkyen, kosii se Salomo wui. **41** Na Salomo ahenni ho nsem nkae, nea oyee ne ne nyansa no de, wankyerew wo Salomo Ho Nsem Nhoma no mu ana? **42** Salomo dii hene wo Yerusalem ne Israel nyinaa so mfirmihya aduanan. **43** Bere a Salomo wui no, wosiee no wo n'agya Dawid kurom. Na ne babarima Rehoboam na odii n'ade se ohene foforo.

12 Rehoboam koo Sekem, efise na Israelfo nyinaa ako ho se wrekosi no hene. **2** Bere a Nebat babarima Yeroboam tee se Salomo awu no, ofi Misraim bae, efise oguan fii ohene Salomo nsam kotenaa Misraim. **3** Enti Israel mpanyimfo soma ma wokofaa Yeroboam, na Israel nnipadam no nyinaa koo Rehoboam nkyen, ne no kokasae se, **4** “W'agya hyee yen ma yeyee adwumaden. Yesre wo, tew saa adwumaden ne sonkahiri adeso duruduru a w'agya de soaa yen no so. Woye saa a, yebesom wo nokware mu.” **5** Rehoboam buae se, “Momma me nnansa na menwene mo asem yi ho. Eno akyi, mommra mmegye me mmuae.” Enti nnipa no san koe. **6** Na Ohene Rehoboam koo ne mpanyimfo bi a na wotu n'agya Salomo fo ne won kosusuw asem no ho. Obisaa won se, “Moka asem no ho den? Mmuae ben na memfa mma saa nnipa yi?” **7** Wobuaa no se, “Se nne yi, wo pe se woye osomfo ma saa nnipa yi, na woma won mmuae pa a, eno de, daa wobesom wo nokware mu.” **8** Nanso Rehoboam amfa afotu a mpanyimfo no maa no no. Mmom, okoo n'atipenfo mmabun bi a one won sii so a na wotu no fo no nkyen. **9** Okobisaa won se, “Mo nso, mo afotu ne den? Mmuae ben na memfa mma saa nnipa a wo pe se metew adeso

duruduru a m'agya de soaa won no so?” **10** Mmerante no buae se, “Asem a ese se woka kyere won ne se, ‘Me nsateaa ketewa no mu piw sen m'agya asen mu. Na se modwene se na oye den wo mo so a, montwen na mubehu senea mete.’ **11** Yiw, m'agya yee den wo mo so, na meye aboro saa. M'agya hwee mo mpire na me de, mede nkekantwere na ebhwe mo.” **12** Nnansa akyi no, Yeroboam ne nnipa no nyinaa san baa se woretie Rehoboam mmuae senea okae no. **13** Ohene no buaa nnipa no abufuw so. Wamfa mpanyimfo no afotu no; **14** ofaa mmabun no afotu. Oka kyeree nnipa no se, “M'agya yee den wo mo so, na meye aboro saa. M'agya hwee mo mpire na me de mede nkekantwere bekeka mo.” **15** Enti ohene no anye nnipa no abisade no ho hwee. Saa nsem a esisii yi ye Onyankopon nhyehyee, efise emaa Awurade nkam a onam odiiyifo Ahiya a ofi Silo no hyee Nebat babarima Yeroboam no baa mu. **16** Bere a Israel nyinaa huu se ohene anye won abisade amma won no, woteete mu se, “Yene Dawid nni hwee ye! Yene Yisai babarima no nni hwee ye! Israel, momma yenko yen nkyi! Dawid, hwe w'ankasa wo fi so!” Enti Israelfo no san koo won fi. **17** Na Rehoboam koo so dii Israelfo a na wotete Yuda nkurow so no so hene. **18** Ohene Rehoboam somaa Adoram a na ohwe adwumayefo so no se onkohwe mma aman no nye dinn, nanso Israelfo no siw no abo kum no. Bere a ohene Rehoboam tee saa asem no, ntem ara, ohuruw tenaa ne teaseenam mu, guan koo Yerusalem. **19** Israel mmusuakuw a wowa atifi fam no ampene se Dawid aseni biara bedi won so, de besi nne. **20** Bere a Israelfo tee se Yeroboam fi Misraim asan aba no, woyee nhyiamu, sii no hene wo Israel nyinaa so. Enti Yuda abusuakuw no nko ara na woka, som Dawid fi nokware mu. **21** Bere a Rehoboam duu Yerusalem no, oboaboa Yuda ne Benjamin asraafo ano. Oyii akofo mpem oha ne aduwotwe, se wrekoko atia Israel asraafo, na wofa ahemman no adi so. **22** Nanso Onyankopon ka kyeree Semaia, Onyankopon nipa no se, **23** “Ka kyere Salomo babarima Rehoboam, Yudahene ne nnipa a wofi Yuda ne Benjamin se, **24** ‘Senea Awurade se ni, Mo ne mo nuanom Israelfo nntwa mo ho nko. Monsan nko mo akyi, na nea asi no nyinaa fi me!’” Enti wotiee Awurade asem no, san koo won fi senea Awurade hyee no. **25** Yeroboam kyekyeree Sekem kurow wo Efraim bepaw asase so ma ebeye ne kuropon. Akyiri no, okokyekyeree kurow Penuel. **26** Yeroboam dwenee ho dinn, see ne koma mu

se, “Se manhwe yiye a, ahemman no besan ako Dawid fife adedifo nsam. 27 Na se woko Yerusalema, kobo afore wo Awurade Asoredan mu nso a, wabesom Yudahene Rehoboam. Eba saa a, wobekum me, de ono mmom asi won so hene.” 28 Enti otiee nea n’afotufo ka, na oye sikakoko anantwi mma abien. Oka kyere nniipa no se, “Ewe obere bebre se moforo ako Yerusalema akosom. Eno nti, Israel, eyinom ne anyame a woyii mo fii Misraim!” 29 Ode nantwi mma ahoni yi sisii Israel anafo ne atifi, wo Bet-El ne Dan. 30 Eyi beyee bone kese, efise nniipa no som ahoni no, a na mpo wotwa kwan ko Dan. 31 Yeroboam sisii abosonnann wo nkoko so, na opaw asofo fii nniipa no mu a na womfi Lewi asofo abusua mu. 32 Yeroboam hyehyee nyamesom daponna wo Bet-El a na wodi saa nna no Bul osram (beye Ahinime) mu a na ete se Yuda Guankobea Afahye no ara. Bet-El ho na ono ankasa bwo afore maa nantwimma ahoni a waye no. Na Bet-El ho ara nso na opaw asofo maa abosomfi a osisii no. 33 Na ono ankasa yii da bi too ho, Bul osram (beye Osannaa) mfimfini mu ho, na Yeroboam koboo afore wo aforemuka so wo Bet-El. Ohyee anyamesom afahye ase maa Israel, na oforo koo aforemuka no so kohyew aduham.

13 Awurade hyee Onyame nipa bi ma okoo Bet-El, na oduu ho bere a na Yeroboam reko aforemuka no ho akobo afore. 2 Na ode Awurade nsem mu teee mu guu aforemuka no so se, “Aforemuka! Aforemuka! Senea Awurade se ni: ‘Wobewo obabarima bi a wobeto no din Yosia ato Dawid fi, na wo so na ode asofo a wofi nsoree so ha a whyew aduham ne nniipa nnompe no bebbo afore!’” 3 Da no ara, Onyankopon nipa no yee nsenkyerenne, na okaa se, “Eyi ne nsenkyerenne a Awurade ada no adi. Aforemuka no mu bepae abien, na nsɔ a egu so no ahwie agu.” 4 Ohene Yeroboam bo fuw Onyame nipa yi se wakasa atia aforemuka yi. Enti otee ne nsa wo ne so, teee mu se, “Monkyere no!” Nanso ne nsa a otee wo obarima no so no sinsenii a wantumi anye ho hwee. 5 Na aforemuka no mu pae abien, na nsɔ a egu so no hwie gui, senea nsenkyerenne a Onyankopon nipa nam Awurade nsem so daa no adi kyere no. 6 Afei, ohene no sree Onyankopon nipa no se, “Sre Awurade, wo Nyankopon, ma me na me nsa no nya ahooden.” Enti Onyankopon nipa no sree Awurade maa no, na ohene no nsa nyaa ahooden ma eyee senea na ete kan no. 7 Afei, ohene no ka kyere Onyankopon nipa no se, “Ma yenko fie, na kodidi, na mema wo

akyede bi.” 8 Nanso Onyankopon nipa no buaa no se, “Mpo, se wode w’agypade mu fa bekye me koraa a, me ne wo renko, na brodo nso, merenni na manom nsu wo ha. 9 Awurade asem so na wonam hyee me se, ‘Ense se wudi brodo anaa wonom nsu wo ho. Afei, nsan mfa okwan a wofaa so koo Bet-El no so.’” 10 Enti ofi Bet-El faa okwan foforo so se oreko fie. 11 Na ebaa se na odiyifo akwakoraa bi te Bet-El. Ne mmabarima bekaa nea Onyankopon nipa no aye wo Bet-El da no nyinaa kyere no. Afei, wokaa asem a waka akyere ohene no nyinaa kyere won agya no. 12 Odiyifo akwakoraa no bisaa won se, “Na ofaa he?” Na ne mmabarima no kyere no okwan a Onyankopon nipa no faa so koe. 13 Oka kyere ne mmabarima no se, “Monhyehye afurum no mma me ntem.” Na whyehyee afurum no maa no no, ohuruw tenaa ne so 14 tiw Onyankopon nipa no. Okotoo no se ote odum bi ase, na odiyifo akwakoraa no bisaa no se, “Wone Onyankopon nipa a wufi Yuda no ana?” Obuaa no se, “Yiw, eye me.” 15 Afei, odiyifo no ka kyere no se, “Ma yenko fie, na kodidi.” 16 Onyankopon nipa no ka kyere no se, “Merentumi nsan m’akyi. Minni ho kwan se mididi anaa menom nsu wo ha. 17 Awurade hyee me se, ‘Ense se wudi aduan biara anaa wonom nsu bere a wowo ho, anaa wofa okwan a wofaa so koo ho no so san w’akyi.’” 18 Odiyifo akwakoraa no buae se, “Me nso, meye odiyifo se wo ara. Na oboko bi kaa Awurade asem kyere me se, ‘Fa no san bra wo fi, na ommididi na onnom nsu.’” Nanso na odiyifo akwakoraa no redaadaa no. 19 Enti Onyankopon nipa no ne no san koe, kodidi nomee wo ne fi. 20 Bere a wote didipon ho redidi no, nkra fi Awurade nkyen baa odiyifo akwakoraa no so. 21 Otee mu guu Onyankopon nipa a ofi Yuda no so se, “See na Awurade ka: Woabu Awurade asem so, na woanni ahyede a Awurade, wo Nyankopon, hyee wo no so. 22 Wosan baa ha bedii aduan, nom nsu, nanso oka kyere wo se nni hwee, nnom hwee. Esiane eyi nti, wɔrensie w’amu wo w’agyanom da mu.” 23 Na Onyankopon nipa no didi nom wiei no, odiyifo no hyehyee n’afurum no maa no, 24 na Onyankopon nipa no sii kwan so bio. Na oreko no ara, gyata bi ba bekum no. N’amu no daa okwan mu a, na afurum no ne gyata no gynagyina ho. 25 Nniipa ba betoo so se amu no da okwan mu a gyata no gyina ho. Enti wokoboo amanee wo Bet-El baabi a odiyifo akwakoraa no te ho. 26 Bere a odiyifo akwakoraa no tee asem no, okaa se, “Ewe Onyankopon nipa no a wanni Awurade ahyede so

no. Awurade ama n'asem no aba mu se omaa gyata tow hyee no so, kum no." 27 Na odiiyifo no ka kyereɛ ne mmabarima no se, "Monhyehye afurum no mma me." Na wɔhyehye afurum no. 28 Oko kohuu se amu no da okwan mu. Na afurum no ne gyata no da so gyinagyina ne ho, a gyata no nwee amu no, nto nhyee afurum no nso so. 29 Enti odiiyifo no faa Onyankopɔn nipa no amu no de no too n'afurum no so, san de no kɔɔ kurom, kosuu no, siee no. 30 Ode amu no too n'ankasa ne da mu, fii awerehow mu, suu no se, "Ao, me nua!" 31 Akyiri no, odiiyifo no ka kyereɛ ne mmabarima no se, "Se mewu a, munsie me wɔ oda a woasie Onyankopɔn nipa wɔ mu no mu. Momfa me nnompe ngu ne nnompe ho. 32 Na asem a Awurade ka kyereɛ no se onka ntia afɔremuka a ewɔ Bet-El ne abosomfi no a ewowo Samaria nkurow so no, ebeba mu." 33 Nanso eyi akyi koraa no, Yeroboam annan ne ho amfi n'akwammɔne no so. Okɔɔ so yii asɔfo fi nnipa no mu. Obiara a ɔpe no, otumi yee ɔsɔfo wɔ abosomfi ho. 34 Eyi beyee bone kese, na enam so seee Yeroboam ahemman, maa ne fifo nyinaa wuwui.

14 Saa bere no, Yeroboam babarima Abia yaree denneennen. 2 Enti Yeroboam ka kyereɛ ne yere se, "Sesa wo ho, senea ebeye a obiara renhu wo se wone ohemmea no. Na ko odiiyifo Ahiya, ɔbarima a oka kyereɛ me se medi hene no nkyen wɔ Silo. 3 Fa brodo mua du, ɔfam ne ewo tumpɔn kɔkye no, na bisa no nea ebeba abarimaa no so." 4 Na Yeroboam yere no kɔɔ Ahiya fi wɔ Silo. Saa bere no na wabɔ akwakoraa a onhu ade. 5 Nanso na Awurade aka akyere Ahiya se, "Yeroboam yere beba ha, na obehye da aye ne ho se obi fororo. Obekisa wo ne babarima no ho asem, efise ɔyare denneennen. Se eba saa a, fa mmuae a mede bema wo no ma no." 6 Na Ahiya tee ne nan ase wɔ pon ano no, ɔfɔre se, "Yeroboam yere, bra mu! Aden nti na woahye da aye wo ho se obi fororo?" Na oka kyereɛ no se, "Mewɔ asemmɔne ka kyere wo. 7 Fa saa nkra yi a efi Awurade, Israel Nyankopɔn, nkyen kɔma wo kunu Yeroboam se, 'Mepagyaw wo fi mpapahwekwa mu, de wo besii me nkurafo Israel so hene. 8 Mituu ahemman no ase fii Dawid fi, de maa wo. Nanso woammu wo bra te se me somfo Dawid a odii m'ahyede so a ɔde ne koma nyinaa dii m'akyi, na daa ɔyee biribiara a mepe se ɔye no. 9 Bone a woaye no dɔɔso sen wɔn a wɔtenaa ase ansa na wɔrewo wo no. Woaye anyame afoforo ma enam so ama me bo afuw wo, wo sikakokɔɔ nantwi

mma no nti. Na esiane se woadan w'akyi akyere me nti, 10 mede amanehununu beba wo fi ahenni nnidiso so, na mekum wo mmabarima nyinaa, akoo ne nea odi ne ho so nso. Mɛhyew w'ahenni nnidiso no ase, senea obi hyew wura ma ase tu koraa no. 11 Me, Awurade, meka ntam se, wo fifo a wobewuwu wɔ kurow no mu no, akraman na wobewe wɔn nam, na wɔn a wobewuwu wuram no nso, apete na wobesosow wɔn nam.'" 12 Na Ahiya ka kyereɛ Yeroboam yere se, "Ko fie, na se wuwura kurow no mu ara pe a, abofra no bewu. 13 Na Israel nyinaa besu no, na woasie no. Ono nko ne onipa a ofi mo fi a wobesie no yiye, na saa abofra no nko na Awurade, Israel Nyankopɔn, hu no se ade pa wɔ Yeroboam fifo nyinaa mu. 14 Na Awurade bepagyaw ne hene a obedi Israel so. Ono na obetɔre Yeroboam fifo ase. Saa asem no besi nne yi ara, saa donhwere yi ara mu. 15 Na Awurade bewosow Israel te se sibiri a ehinhim wɔ asuwa ani. Obetutu Israelfo ase afi saa asase pa a ɔde maa wɔn agyanom no so. Na obekɔ wɔn apete, atra Asubonten Eufate, efise wɔnam som a wosom Asera nnua no so ahye Awurade abufuw. 16 Obeto Israel asaworam, efise Yeroboam yee bone, nam so maa Israel nyinaa ne no yee bone." 17 Na Yeroboam yere san kɔɔ Tirsu. Na bere a owuraa ne fi no, abofra no wui. 18 Bere a Israelfo siee no no, wosuu no senea Awurade nam odiiyifo Ahiya so hyee no. 19 Yeroboam ahenni ho nsem nkae, n'akodi nyinaa ne okwan a ɔfaa so buu oman no nyinaa no, wɔakyerew agu Israel Ahemfo Abakɔsem Nhoma Mu. 20 Yeroboam dii ade wɔ Israel mfe aduonu abien. Owui no, ne babarima Nadab na odii n'ade se ohene. 21 Na Salomo babarima Rehoboam na na odi hene wɔ Yuda. Bere a odii ade no, na wadi mfe aduanan baako, na odii ade mfe dunson wɔ Yerusalem, kurow a na Awurade ayi wɔ Israel mmusuakuw no nyinaa mu, se ɔde rehye ne din anuonyam no. Na Rehoboam ne na din de Naama a ɔye Amonni. 22 Bere a na Rehoboam di ade no, nnipa a wɔwɔ Yuda no yee bone Awurade anim, maa ne bo fuw wɔ wɔn bone no ho. Na saa bone no sen nea wɔn agyanom no yee mpo. 23 Wosirii abosomfi, gyinaa dannua a wɔatew ho ne Asera nnua wɔ bepɔw biara so ne dutan frɔmfrɔm biara ase. 24 Mpo, na abosomfi mmarima nguamanfo wɔ asase no so mmaa nyinaa. Nnipa no suasuaa akyiwade ahorow a amanaman a wosom abosom no yee nti a Awurade pam wɔn fii asase no so maa Israelfo no. 25 Rehoboam dii ade ne mfe anum so no, Misraimhene Sisak betow hyee

Yerusalem so. **26** Ɖɔɔ wuraa Awurade Asɔredan no mu ne ahemfi ho baabiara, wiaa biribiara a sikakɔkɔ akyem a Salomo yee no ka ho. **27** Akyiri no, Rehoboam yee kɔbere akyem de sii anan, na ɔde hyee ahemfi awemfo no nsa se wɔnhwe so. **28** Bere biara a ɔhene no kɔ Awurade Asɔredan mu ho no, awemfo no soa kɔ ho bi, na se owie na ɔreba a, wɔsan de begu awemfo dan no mu. **29** Na Rehoboam ahenni ho nsem nkae no ne dwuma a odii no de, wɔankyerew ne nyinaa wɔ Yuda Ahemfo Abakɔsem Nhoma no mu ana? **30** Daa na ɔko da Rehoboam ne Yeroboam ntam. **31** Bere a Rehoboam wui no, wosiee no wɔ n'agyanom korabea wɔ Dawid kurom. Na ne na din de Naama a ɔye Amonnibea. Na ne babarima a ne din de Abiyam na odii n'ade se ɔhene.

15 Yeroboam dii ade wɔ Israel ne mfe dunwɔtwe so no, Abiyam beyee Yudahene. **2** Odii hene wɔ Yerusalem mfe abiesa. Na ne na din de Maaka a ɔye Absalom babea. **3** N'agya bɔne a ɔyee nyinaa no, ɔyee bi. Na ne koma nni Awurade ne Nyankopɔn mu; wanse ne nena Dawid. **4** Nanso esiane Dawid nti, Awurade, ne Nyankopɔn maa n'asefo kwan ma wɔkɔɔ so dii ade, na ɔmaa Abiyam ɔbabarima a obedi n'ade wɔ Yerusalem. **5** Na Dawid aye nea eye wɔ Awurade ani so. Odii Awurade ahyede so ne nkwa nna nyinaa, gye Hetini Uria no ho asem no nko ara. **6** Abiyam nkwa nna mu nyinaa, na akokoakoko da ɔno ne Yeroboam ntam. **7** Nsem a aka a esisii wɔ Abiyam ahenni mu ne nea ɔyee no, wɔankyerew wɔ Yuda Ahemfo Abakɔsem Nhoma no mu ana? Ɖko daa Abiyam ne Yeroboam ntam bere biara. **8** Na Abiyam wui no, wosiee no wɔ Dawid kuropɔn mu. Na ne babarima Asa dii n'ade se ɔhene. **9** Yeroboam dii hene wɔ Israel ne mfe aduonu so no, Asa bedii hene wɔ Yuda. **10** Odii hene Yerusalem mfe aduanan baako. Na wɔfre ne nenabea Maaka a na ɔye Absalom babea. **11** Asa yee nea esɔ Awurade ani, senea ne nena Dawid yee no. **12** Ɖpam nsɔree so so nguamanfo nyinaa fii ase no so, na oyiyii ahoni a n'agyanom yee no nyinaa. **13** Na mpo, otuu ne nenabea Maaka fii ahemmeagua no so, efise na waye Asera ahoni dua a na eye akyiwade. Asa twaa dua no na ɔhyew no wɔ Kidron bon mu. **14** Ewɔ mu se wɔantutu abosonsom nsɔre so no nyinaa amfi Israel de, nanso Asa kɔɔ so de ne koma hyee Awurade mu n'asetena nyinaa mu. **15** Ɖde dwete, sikakɔkɔ ne nneema a ɔno ne n'agya too din de maa Awurade Asɔredan no bae. **16** Na akokoakoko wɔ Yudahene

Asa ne Israelhene Baasa ntam. **17** Israelhene Baasa kɔko tiaa Yuda, na ɔmaa Rama bammɔ senea obi ntumi nni ahyemfiri wɔ Yudahene Asa ase so. **18** Asa tasee dwete ne sikakɔkɔ no a ekaa wɔ Awurade Asɔredan no adekoradan mu ne nea na ewɔ ahemfi no adekoradan no mu. Ɖde hyee ne mpanyimfo no mu bi nsa, na ɔsoma wɔn ma wɔkɔɔ Hesion babarima Tabrimon babarima Siriahene Ben-Hadad a na odi hene wɔ Damasko no nkyen, na ɔde saa nsem yi kaa ho: **19** “Ma yenye apam a na eɔa w'agya ne m'agya ntam no foforo. Tie, mede akyede a eye dwete ne sikakɔkɔ resoma de abre wo. Twa wo ne Israelhene Baasa apam no mu, senea ɔremfa ne nsa nka me.” **20** Ben-Hadad penee ɔhene Asa abisade no so, na ɔsoma n'akofo, ma wɔkɔtow hyee Israel so. Wodii nkurow Lyon, Dan, Abel-Bet-Maaka ne Kineret a Naftali nsase nyinaa ka ho no so. **21** Na Israelhene Baasa tee asem a asi no, ogyaee n'adwuma a na ɔreye de abɔ Rama ho ban no, kɔɔ Tirsa kɔtenaa ho. **22** Afei, ɔhene Asa soma kɔɔ Yuda mmaa nyinaa, kɔkaa se ɔhwehwe se obiara beboa asoa adansi abo ne nnua a na Baasa de reye bammɔdwuma wɔ Rama no afi ho. Asa de saa bammɔ nneema no kyekyeree kurow Geba a ewɔ Benjamin ne Mispa nso. **23** Asa ahenni ho nsem nkae ne nea ne tumi kodui no, ne nkurow a ɔkyekyeree no nyinaa din no, wɔankyerew angu Yuda Ahemfo Abakɔsem Nhoma no mu ana? Mmom, ne nkwakorabɔ mu no, ɔyaree ne nan. **24** Bere a Asa wui no, wosiee no n'agyanom nkyen wɔ Dawid kuropɔn mu. Na ne babarima Yehosafat bedii n'ade se ɔhene. **25** Yeroboam babarima Nadab fii ase dii ade wɔ Israel bere a na ɔhene Asa adi ade wɔ Yuda mfe abien mu. Odii ade wɔ Israel mfe abien. **26** Na ɔyee bɔne wɔ Awurade ani so. Odii n'agya anammɔn akyi, toaa so yee bɔne, som abosom senea na Yeroboam adi Israel anim ama wɔaye no. **27** Na Ahiya babarima Baasa a ofi Isakar abusuakuw mu no pam Nadab ti so, kum no bere a na ɔne Israel asraafo akyere nsraban, retua Filistifo kurow Gibeton ano no. **28** Baasa kum Nadab wɔ ɔhene Asa adedi wɔ Yuda mfe abiesa mu no so, na ɔbeyee Israelhene a odi ho. **29** Ntem ara, okunkum ɔhene Yeroboam asefo nyinaa a adehye abusua no mu baako koraa anka, senea Awurade nam odiyifo Ahiya a ofi Silo ahye bɔ afa Yeroboam ho no. **30** Saa asem yi sii, efise Yeroboam di a odii Israel anim ma wɔyee bɔne no hyee Awurade, Israel Nyankopɔn abufuw. **31** Nadab ahenni ho nsem nkae ne dwuma a odii nyinaa no,

wɔankyerew angu Israel Ahemfo Abakɔsem Nhoma no mu ana? **32** Na akokoakoko wɔ Asa ne Israelhene Baasa ntam. **33** Ahiya ba Baasa fii ase dii Israel so wɔ ɔhene Asa adedi wɔ Yuda no mfe abiesa mu. Baasa dii ade fii Tirsaa mfe aduonu anan. **34** Na ɔyee bone wɔ Awurade ani so. Odii Yeroboam anammɔn akyi, som abosom, sɛnea Yeroboam dii Israel anim yee no.

16 Na Awurade asem baa Hanani babarima Yehu so tiaa Baasa sɛ, **2** “Mepagyaw wo fii mfutuma mu, de wo tuaa me nkurɔfo Israel ano. Nanso wofaa Yeroboam kwan bone no so, maa me nkurɔfo Israel yee bone, maa won bone a woyee no hyee me abufuw. **3** Enti merebesee Baasa ne ne fi, na meye wo fi te sɛ Nebat babarima Yeroboam de. **4** Wɔn a wobewuwu wo kurow no mu a woye Yeroboam dea no de, akraman bewe won nam. Na wim nnomaa na wɔbesosow won a wobewuwu wo wuram no.” **5** Na Baasa adedi ne eho nsem nkae, nea ɔyee ne ne nkoso no, wɔakerew agu Israel Ahemfo Abakɔsem Nhoma no mu. **6** Baasa wui no, wosiee no wo Tirsaa. Na ne babarima Ela dii n’ade sɛ ɔhene. **7** Na Awurade asem nam Hanani babarima odiyifo Yehu so baa Baasa ne ne fifo so, esiane bone dodow a na waye wo Awurade ani so no nti. Saa nneyee no hyee Awurade abufuw. Na ɔyee sɛnea ɔyee Yeroboam fi no ara pɛ, efise Baasa nso sɛee Yeroboam fi. **8** Baasa babarima Ela fitii ase dii Israel so wo Tirsaa a saa bere no, na ɔhene Asa adi ade wo Yuda mfe aduonu asia. Odii hene wo Israel mfe abien. **9** Na Simri, a na ɔye ɔsafohene wo adehye nteaseenam no mu fa so, bɔɔ ne tirim pow sɛ obekum Ela. Da bi, Ela bow nsa wo Arsa a na ɔye ahemfi sohwefo no fi wo Tirsaa. **10** Simri kɔɔ hɔ de ade kɔbɔɔ no ma ohwee fam wui. Saa asem yi sii wo ɔhene Asa adedi wo Yuda no afe a eto so aduonu ason mu. Enti Simri beyee ɔhene a odi so. **11** Eho ara, Simri kunkum Baasa adehye abusua no mu nnipa nyinaa a wannyaw ɔbarima baako koraa; na wanhwɛ sɛ ɔye obusuani anaa adamfo mpo. **12** Simri sɛee Baasa ahenni nnidiso no, sɛnea na Awurade afa odiyifo Yehu so ahye no. **13** Eyinom sii esiane Baasa ne ne babarima Ela bone ne won bone dodow a wodii Israel anim ma woyee no nti. Wɔde won abosom huhuw hyee Onyankopɔn abufuw. **14** Ela ahenni ho nsem nkae ne dwuma a odii nyinaa no, wɔankyerew angu Israel Ahemfo Abakɔsem Nhoma no mu ana? **15** Simri tenaa Tirsaa dii ade wo Israel, bere a na ɔhene Asa adi ade wo Yuda mfe aduonu ason mu, nanso odii ade nnanson pɛ. Bere a Israel asraafo a na wɔrekɔtow

ahye Filistifo kurow Gibeton so no **16** tee sɛ Simri akum ɔhene no, woyii ɔsahene Omri de no dii ade sɛ won hene foforo. **17** Enti Omri dii Israel asraafo anim, fi Gibeton kotuaa Tirsaa a eye Israel ahenkurow no. **18** Bere a Simri huu sɛ wɔafa kurow no, ɔkɔɔ ɔhene atɛnae hɔ wo ne fi, na ohyew hɔ ne ne ho frae, maa owui wo ogyatannaa no mu. **19** Na ɔno nso aye bone wo Awurade ani so. Odii Yeroboam anammɔn akyi, toaa bone a Yeroboam dii Israel anim yee no so. **20** Simri adedi ho nsem nkae ne ne pow bone a ɔbɔe no, wɔankyerew angu Israel Ahemfo Abakɔsem Nhoma no mu ana? **21** Na afei, na Israelfo no mu akye abien. Na nnipa no mu fa pɛ sɛ wɔma Ginat babarima Tibni di won so hene, na ɔfa a aka no nso gyinaa Omri akyi. **22** Nanso Omri akyidifo no bu faa Ginat babarima Tibni akyidifo no so. Enti wokum Tibni, maa Omri dii ɔhene. **23** Omri fi ase dii hene wo Israel, bere a ɔhene Asa adi ade wo Yuda mfe aduasa baako mu. Ne nyinaa mu, odii ade mfe dumien a ɔde emu asia tenaa Tirsaa. **24** Na Omri tɔɔ bepɔw bi a mprenpren wofɛ no Samaria fii ne wura Semer nkyen, dwetɛ kilogram aduosia awotwe. Ɔkyekyeree kurow wo so, na ɔtoo kurow no din Samaria, de hyee Semer anuonyam. **25** Nanso Omri yee bone Awurade ani so, na mpo, ne bone no so sen ahemfo a wodi n’anim no de. **26** Odii Yeroboam anammɔn akyi, kɔɔ so som abosom, sɛnea Yeroboam dii Israel anim ma woyee no. Ɔde eyi hyee Awurade, Israel Nyankopɔn, abufuw. **27** Omri adedi ho nsem nkae no ne nea ne tumi ano kosi ne ne dwuma a odii no, wɔankyerew angu Israel Ahemfo Abakɔsem Nhoma no mu ana? **28** Omri wui no, wosiee no wo Samaria. Na ne babarima Ahab na odii n’ade sɛ ɔhene. **29** Omri ba Ahab fii ase dii Israel so hene bere a na ɔhene Asa adi ade wo Yuda mfe aduasa awotwe mu. Odii ade wo Samaria mfe aduonu abien. **30** Nanso Ahab yee bone wo Awurade ani so. Mpo, na ne bone no so sen ahemfo a wodi n’anim no nyinaa mu biara de. **31** Na ɔyee nea Yeroboam yee wo boneye mu no bi. Wamma no anso hɔ ara. Ɔwaree Isebel a na ɔye Sidonfohene Etbaal babea, na ofii ase som Baal, sɔree no. **32** Nea edi kan no, osii abosomfi ne afɔremuka maa Baal wo Samaria. **33** Afei, osii Asera dua. Ɔkɔɔ so yee pii de hyee Awurade, Israel Nyankopɔn abufuw sen ahemfo a wɔadi n’anim wo Israel no nyinaa. **34** Ahab ahenni so na ɔbarima bi a wofɛ no Hiel a ofi Bet-El san kyekyeree Yeriko. Ɔtoo fapem no, n’abakan Abiram wui. Na otintim abɔntenpon de wiee no nso,

ne kaakyiri Segub nso wui. Eyi nyinaa sisii, senea asem a efi Awurade nkyen fa Yeriko ho a Nun babarima Yosua kae no te.

17 Afei, Elia a ofi Tisbi a ewo Gilead no ka kyereɛ ɔhene Ahab se, “Mmere dodow a Awurade, Onyankopɔn a mesɔre no som no, Israel Nyankopɔn te ase yi, ɛbo rensi, na osu nso rento mfe kakraa bi mu, gye se enam m’asem so.” **2** Na Awurade ka kyereɛ Elia se, **3** “Ko asu Kerit a ewo apuei fam no a ɛbo Asubonten Yordan mu no, na kohintaw ho. **4** Nom asu no mu nsu, na di nea kwaakwaadabi no de bebre wo, efise, mahye se wommre wo aduan.” **5** Enti Elia yee senea Awurade aka akyere no no. Ɔboɔ atenaɛ wo asu Kerit ho. **6** Kwaakwaadabi no breɛ no brodo ne nam anɔpa ne anwummere biara, na ɔnom nsu fii asu no mu. **7** Akyiri no, asu no yowee, efise na osu nto wo asase no so baabiara. **8** Na Awurade ka kyereɛ Elia se, **9** “Ko na kotena akuraa Sarefat a ɛben Sidon kurow no mu. Okunafo bi wo ho a ɔbema wo aduan adi. Makyerɛ no nea ɔnye.” **10** Na Elia koo Sarefat. Oduu kurow no abontenpon no ano no, ohuu okunafo bi a ɔrehwehwe mmabaa. Obisaa no se, “Mesre wo, wubetumi ama me nsu kuruwa ma bi?” **11** Ɔrekasaw nsu no aba no, ɔsreɛ no se, “Eye a fa brodo sin bi nso ka ho.” **12** Okunafo no kae se, “Meka Awurade, wo Nyankopɔn no ntam se, minni brodo sin koraa wo fie. Na nea mewo wo fie ye asikresiam kakra ne ngo toa ase kakraa bi. Mekɔpɛ mmabaa kakra a mede benoa aduan a etwa to, na me ne me babarima adi, na afei yeawuwu.” **13** Nanso Elia ka kyereɛ no se, “Nsuro! Ko na konoa aduan a etwa to no. Nanso eye a, to brodo ketewa bi di kan ma me ansa. Na eno akyi no, aduan bebre beka ama wo ne wo ba no. **14** Na see na Awurade, Israel Nyankopɔn ka, ‘Daa asikresiam ne ngo pii beka wo wo adekorade no mu kosi bere a Awurade bema osu ato, ama nnɔbae anyin bio.’” **15** Na ɔyee senea Elia kae no. Enti ɔno, Elia ne ne ba no koo so dii asikresiam ne ngo a na ɔwo no ara nna bebre. **16** Bere biara na wowo asikresiam ne ngo a ɛbeso won di wo won adekorade mu senea Awurade nam Elia so hyee ho bo no. **17** Akyiri no, ɔbea no babarima no yaree. Ɔyare no koo so ara kosii se abofra no wui. **18** Ɔbea no bisaa Elia se, “Onyankopɔn nipa, den na woaye me yi? Wobaa ha se worebetwe m’aso wo me bone a maye ho nti na woakum me ba yi?” **19** Nanso Elia ka kyereɛ no se, “Fa wo ba no ma me.” Na ogyee abarimaa no fii ne nsam. Ɔde no koo soro dan bi a wosoe mu no mu. Ɔde owufo no too ne

mpa so. **20** Elia su guu Awurade so se, “Awurade, aden nti na wode saa awerehow yi abeto okunafo yi a ɔde ne fi asom me ho ho yi so, na wama ne ba awu yi?” **21** Obutuw abofra no so mprensa, su guu Awurade so se, “Ao Awurade, me Nyankopɔn, mesre, ma abofra yi nnya nkwa bio.” **22** Awurade tiee Elia mpaɛbo, na abofra no nyaa nkwa bio. **23** Enti Elia de no fi soro ho breɛ ne na, ka kyereɛ no se, “Hwe, wo ba no anyan.” **24** Na ɔbea no ka kyereɛ Elia se, “Afei, mahu pefee se woye Onyankopɔn nipa, na Awurade kasa fa wo so ampa.”

18 Mfe abiesa akyi no, Awurade asem baa Elia nkyen se, “Fa wo ho kokyere ɔhene Ahab na ka kyere no se enkenye biara, mema osu ato asase no so.” **2** Elia de ne ho kokyereɛ ɔhene Ahab. Na ɔkom no ano yee den yiye wo Samaria. **3** Ahab frɛe Obadia a na ɔhwe n’ahemfi so no. Na Obadia gye Awurade di yiye. **4** Bere a na Isebel rekunkum Awurade adiyifo no, Obadia faa adiyifo no ɔha de won kosiee abodan abien mu a, won mu aduonum biara da ɔbodan baako mu. Na ɔmaa won aduan ne nsu. **5** Ahab ka kyereɛ Obadia se, “Ko na kɔhwehwe asase no so mmura ne abon nyinaa se ebia yebenya sare ama apɔnko ne mfurum yi awe senea worenwuwu.” **6** Enti wokyerɛ asase no mu maa won ho. Ahab faa fa na Obadia nso faa fa. **7** Obadia nam no, Elia hyiaa no. Obadia huu no, kae no nti, ɔkotow no wo fam kae se, “Enti wo ni, me wura Elia?” **8** Elia buae se, “Yiw, koka kyere wo wura se, ‘Elia wo ha.’” **9** Obadia bisae se, “Me wura, den bone na maye a enti woressoma me Ahab nkyen ama woakum me yi? **10** Mmere dodow a Awurade, wo Nyankopɔn te ase yi, ɔman anaa ahemman biara nni ho a me wura nsomaa obi wo so se ɔnhwehwe wo. Na ɔman anaa ahemman biara a wobeka se wunni so no, ɔma woka ntam, ka se wɔanhu wo. **11** Na afei, woka kyere me se menko me wura nkyen nkoka nkyere no se, ‘Elia wo ha.’” **12** Minnim baabi a se migyaw wo ho ko a, Awurade honhom bepagyaw wo akosi. Se mekoka kyere Ahab, na wanhu wo a, obekum me. Nanso me, wo somfo, masom Awurade fi me mmofraase. **13** Me wura, wontee nea meyerɛ bere a na Isebel rekunkum Awurade adiyifo no ana? Mede Awurade adiyifo no ɔha siee abodan abien mu a, na won mu aduonum wo ɔbodan baako biara mu. Memaa won aduan ne nsu nso. **14** Na afei, woka kyere me se menko me wura nkyen nkoka nkyere no se, ‘Elia wo ha!’ Obekum me!” **15** Elia kaa se, “Mmere dodow a Awurade a mesom no

te ase yi, nea ebeye biara, mede me ho bema Ahab nne.” 16 Enti Obadia kohyiaa Ahab, ka kyereɛ no, na Ahab kohyiaa Elia. 17 Ohuu Elia no, obisaa no se, “Wo ni, wo a wohaw Israelfo?” 18 Elia buae se, “Menhaw Israel okwan biara so. Na mmom, wo ne w’agya fifo na moahaw Israel. Moagya Awurade mmara so di, akodi Baal akyi. 19 Enti fre Israel nnipa nyinaa na wommehyia me Karmel bepɔw so. Na fa Baal adiyifo ahannan aduonum ne Asera adiyifo ahannan a wodidi Isebel didipon so no nso bra.” 20 Na Ahab soma kɔɔ Israel nyinaa kɔboaboa adiyifo no ano wɔ Karmel bepɔw so. 21 Elia dii nnipa no anim kae se, “Moadwene beye ntanta wɔ saa asem yi ho akosi da ben? Se Awurade ye Onyankopɔn a, munni n’akyi, na se Baal nso ye Onyankopɔn a, munni n’akyi.” Nanso nnipa no yee dinn. 22 Elia ka kyereɛ ɔman no se, “Me nko ara ne Awurade odiyifo a maka, nanso Baal wɔ adiyifo ahannan aduonum. 23 Momma yen anantwinini abien. Momma wonyi mu baako, na wontwitwa no asinasin mfa ngu nnyina so, nso won mu gya. Nantwinini baako a waka no, meye ne ho adwuma de agu nnyina so a merento mu gya. 24 Na mobefre mo nyame na me nso mafre Awurade. Onyame a ɔnam ogya so gye so no, ɔno ne Onyankopɔn.” ɔmanfo no nyinaa penee so. 25 Elia ka kyereɛ Baal adiyifo no se, “Momfa anantwinini no baako, na munni kan nsiesie no, efise mo dɔɔso. Momfre mo nyame a, monnto mu gya.” 26 Enti wɔfaa nantwinini a wɔkae se wɔmfɔ no no, siesiee no too afɔremuka no so. Afei, wɔfre Baal, fre no, fre no fi anɔpa mu nyinaa se, “Ao, Baal! Tie yen oo!” Wɔteeteɛ mu saa ara, nanso wɔannya mmuae biara! Afei wɔde anibere saw faa afɔremuka a wɔasi no ho hyiae. 27 Eduu owigyinae no, Elia dii won ho few se, “Monteeteɛ mu den! ɔye onyame! Ebia, ɔredwen biribi ho denneennen anaa ɔregye n’ahome, onyaa adagyew anaa watu kwan. Ebi nso a, na wada a ese se wonyan no.” 28 Enti wɔteeteɛ mu den, de afoa twitwaa won ho won ho, wowɔ won ho won ho peaw senea won amanne te, maa mogya pram won. 29 Owigyinae no twaa mu mpo no wotoaa won nkɔmhye no so, kosii anwummere afɔrebo bere no mu. Nanso mmuae biara amma. Wɔante obiara nne na obiara annye won so. 30 Afei, Elia ka kyereɛ ɔmanfo no nyinaa se, “Mommra me nkyen ha.” Wɔkɔ ne nkyen, na osiesie Awurade afɔremuka a na abubu no. 31 Elia faa abo dumien a baako biara gyina hɔ ma Israel abusuakuw baako, 32 na ɔde abo no san sii Awurade afɔremuka

no. Na otwaa amoa a ne trew beye anammɔn abiesa faa afɔremuka no ho hyiae. 33 ɔde nnyansin guu afɔremuka no so, twitwaa nantwinini no asinasin guu so. Afei ɔkae se, “Monhye nhina akese no nsu ma ma, na munhwie ngu afɔrebode no ne nnyansin no so.” Wɔye nea ɔkae no wiei no, 34 ɔkae se, “Monye saa ara bio!” Na wɔye saa wiei no, ɔkae se, “Monye saa ne mprensa so.” Wɔye senea ɔkae no, 35 maa nsu no sen faa afɔremuka no ho, maa mpo, ebu faa amoa no so. 36 Eduu bere a ese se wɔbo anwummere afɔre, senea won amanne kyere no, odiyifo Elia kɔ afɔremuka no so, bo mpae se, “Awurade, Abraham, Isak ne Yakob Nyankopɔn, kyere nne se woye Nyankopɔn wɔ Israel, na meye wo somfo. Kyere se, nea mereye yi nyinaa fi wo. 37 Awurade, tie me! Tie me na saa nnipa yi nyinaa nhu se, Awurade, woye Onyankopɔn a woatwe won asan aba wo nkyen.” 38 N’ano sii pe, na ogya a efi Awurade nkyen tew fii soro behyew nantwinini ba no, nnyansin no, abo no ne mfutuma no. Mpo, eyow amoa no mu nsu no nyinaa. 39 Nnipa no hui no, wɔde won anim butubutu fam, teeteɛ mu se, “Awurade ye Onyankopɔn! Awurade ye Onyankopɔn!” 40 Na Elia hye se, “Monkyere Baal adiyifo no nyinaa. Mommma won mu baako koraa nguan.” Enti ɔmanfo no kyekyeree won nyinaa. Na Elia de won kɔ Kison bon mu kokunkum won wɔ hɔ. 41 Elia ka kyereɛ Ahab se, “Kɔ na kodi aduan pa, ma wo ho ntɔ wo! Na mate se osu kese bi rebeto.” 42 Enti Ahab too pon. Na Elia foro kɔ Karmel bepɔw atifi, kobutu fam, bo mpae. 43 Na ɔka kyereɛ ne somfo se, “Kɔ na fa w’ani kyere po so.” ɔsomfo no kɔ kɔhwɛ hɔ, na ɔba beka kyereɛ Elia se, “Manhu hwee.” Elia kaa saa kyereɛ no mpen ason se ɔmfɔ n’ani nkɔkyere hɔ. ɔno nso kɔ mpen ason. 44 Ne mpen ason so no, ne somfo no ka kyereɛ no se, “Mihuu omununkum bi a ete se onipa abasa a apue afi po no so refo.” Eho ara na Elia teɛ mu se, “Ntem! Kɔ Ahab nkyen kɔka kyere no. ‘Foro wo teaseenam no, na san kɔ fie. Se woanka wo ho a, osu no besiwo kwan.’” 45 Ankye biara na osu munaa tumm. Osufraama boe, na osu kese tɔe, na ntem so, Ahab kɔ Yesreel. 46 Afei, Awurade maa Elia ahoɔden sononko bi. ɔkekaa n’atade hye n’abɔso mu, na odii Ahab teaseenam no kan ara kosii Yesreel kwan ano.

19 Bere a Ahab duu fie no, ɔkaa nea Elia aye nyinaa ne senea wakunkum Baal adiyifo nyinaa no kyereɛ Isebel. 2 Enti Isebel de saa nkra yi kɔmaa Elia

se, “Se okyena seseɛ na minkum wo, senea woakum nkurofo yi a, anyame no nkum me bi.” **3** Elia tee nkra no, osuroe, enti oguan de pereɛ ne ti. Okɔɔ kurow bi a ewo Yuda a wɔfrɛ no Beer-Seba, gyaw ne somfo wɔ hɔ, **4** na n’ankasa nantew da mu nyinaa kɔɔ sare so. Okotenaa dutan bi a na aye frɔmfrɔm ase, na obɔɔ mpae se anka onwu. Okae se, “Nea mahu no ara dɔɔ me so, Awurade. Twa me nkwa so na minnye nsen m’agyanom.” **5** Na ɔdaa dua no ase. Na ne nna mu no, obɔfo bekaa no, ka kyereɛ no se, “Sɔre na didi.” **6** Ohweɛ ne ho hyia huu brodo bi a wɔato no nnyansramma so, ne kuruwa a nsu wɔ mu. Enti odidii, nom nsu no, san daa bio. **7** Na Awurade bɔfo no san baa bio bekaa no kae se, “Sɔre na didi pii ka ho, na okwan a ɛda w’anim no ware.” **8** Enti ɔsɔre didi nomee. Aduan no maa no nyaa ahɔɔden a ɔde betwa kwan adaduanan, awia ne anadwo akɔ Horeb a eyɛ Onyankopɔn bepɔw no so. **9** Okoduu obodan bi ho, na ɔdaa mu anadwo no. Na Awurade bisaa no se, “Elia, den na wɔreyɛ wɔ ha?” **10** Elia buae se, “Mede ahɔɔden asom Asafo Awurade Nyankopɔn. Nanso Israelfo abu apam a wɔne wo hyehyee no so, nam so abubu w’afɔremuka nyinaa, akunkum w’adiyifo a anka obiara. Me nko ara na maka, nanso wɔrehwehwe me akum me nso.” **11** Awurade ka kyereɛ no se, “Fi adi kogyina m’anim wɔ bepɔw no so.” Na bere a Elia gyina hɔ no, Awurade befaa hɔ, na mframa dennen bi bɔ sii bepɔw no mu. Na mframa no ano den no twitwaa abotan no mu. Nanso na Awurade nni mframa no mu. Mframa no akyi no, asase wosowee. Nanso na Awurade nni asasewosow no mu. **12** Na asasewosow no akyi, ogya puei. Nanso na Awurade nni ogya no mu. Na ogya no akyi, nne bi a eyɛ bɔkɔɔ te se nea wɔde ka asomsem bae. **13** Elia tee nne no, ɔde n’atade kataa n’anim na ofi obodan no mu, kogyinaa ano kwan no ano. Na nne bi bisae se, “Elia, den na wɔreyɛ wɔ ha?” **14** Obuua bio se, “Mede ahɔɔden asom Asafo Awurade Nyankopɔn. Nanso Israelfo abu apam a wɔne wo hyehyee no so, nam so abubu w’afɔremuka nyinaa, akunkum w’adiyifo a anka obiara. Me nko ara na maka, nanso wɔrehwehwe me akum me nso.” **15** Na Awurade ka kyereɛ no se, “San w’akyi kɔ faako a wufi bae, na kɔ Damasko sare so. Na se wudu hɔ a, sra Hasael ngo, si no Aramhene. **16** Afei, sra Nimsi babarima Yehu, na ɔnye Israelhene, na sra Safat babarima Elisa a ofi Abel-Mehola, na onsi w’anan mu se me diyifo. **17** Obiara a obeguan afi Hasael ho no,

Yehu bekum no, na obiara a obeguan afi Yehu ho nso no, Elisa bekum no. **18** Eyinom akyi no, meɔɔ nnipa afoforo mpem ason bi a wɔwɔ Israel a wɔnkotow Baal, mfew n’ano da, no ho ban.” **19** Na Elia fii hɔ kɔ kohuu Safat babarima Elisa, na ɔde anantwi mpamho dumien refuntum afuw a n’ankasa reka mpamho a ɛto so dumien no. Elia kɔɔ ne nkyɛn kɔtow n’atade guu ne so. **20** Elisa gyaw anantwi no hɔ, tuu mmirika dii Elia akyi, ka kyereɛ no se, “Ma menkokra m’agya ne me na ansa na me ne wo akɔ.” Elia buae se, “San kɔ. Den na mayɛ wo?” **21** Afei, Elisa san kɔɔ anantwi no ho kokunkum wɔn. ɔde funtumfiri no ho nnua no yee nnyansin de noaa nam no de maa mmarima no ma wɔwee. Afei ɔko kodii Elia akyi ma obeyee ne somfo.

20 Aramhene Ben-Hadad boabooa n’akofo nyinaa ano, a nteaseenam ne apɔnkɔ a wɔye ahemfo abofo aduasa abien de ka ne ho. Wokotuaa Israel kuropɔn Samaria ano, tow hyee so. **2** Ben-Hadad somaa abofo kɔɔ kurow no mu, se wɔnkɔka nkyere ohene Ahab se, “Ben-Hadad se, **3** ‘Mo dwete ne mo sikakɔkɔɔ ye me de. Saa ara na mo yerenom ne mo mma mu apapa no nso ye me de.’” **4** Ahab buae se, “Mate, me wura! Nea mewa nyinaa ye wo de.” **5** Ankyc biara Ben-Hadad abofo san baa bio bekae se, “Ben-Hadad se, ‘Maka dedaw se momfa mo dwete, sikakɔkɔɔ, mo yerenom ne mo mma mma me. **6** Okyena seseɛ, mesoma me mpanyimfo, na wɔabehwehwe mo ahemfi ne mo nkurofo afi. Na biribiara a esom bo ma mo no, wɔbɛfa de akɔ.’” **7** Na Ahab frɛɛ asase no so ntuanofɔ no nyinaa, ka kyereɛ wɔn se, “Monhwe senea saa ɔbarima yi pɛ se ɔde ohaw ba. Mapene so dedaw se mede me yerenom, me mma, me dwete ne me sikakɔkɔɔ bema no.” **8** Ntuanofɔ ne nnipa no nyinaa kae se, “Ntie no, na nnye n’abisade no nto mu.” **9** Enti Ahab ka kyereɛ abofo a wofi Ben-Hadad nkyɛn bae no se, “Monkɔka saa asem yi nkyere me wura ohene se, ‘Biribiara a obisaa kan no de, mede bema no. Na nea obisaa no akyiri yi de, merentumi mfa mma no.’” Enti Ben-Hadad abofo no san kɔbɔɔ no amannee. **10** Na Ben-Hadad soma kɔka kyereɛ Ahab se, “Se mansee Samaria pasaa, na emu mfutuma dodow bi ka a ɛɛboro asraafo no mu biara nsa ma a, anyame no ntwe m’aso nea eyɛ den.” **11** Israelhene nso soma ma wɔkɔka kyereɛ no se, “Ense se okɔfo kese a ɔrefa n’afɔa akɔ akono tu ne ho se okɔfo kese a wadi nkonim dedaw.” **12** Ahab mmuae yi duu Ben-Hadad ne ahemfo a wɔaka no asom bere a na wɔrenom nsa wɔ wɔn

ntamadan mu. Ɔhyɛ ne mmarima no se, “Munsiesie mo ho nkoko.” Enti wosiesiee wɔn ho se wɔrekɔtow ahyɛ kuroƆɔn no so. **13** Na odiyifo bi behuu ɔhene Ahab ka kyereɛ no se, “Senea Awurade se ni, ‘Wuhu saa atamfo ɔm yi? Nnɛ, mede wɔn behyɛ wo nsa. Na wubehu se mene Awurade.’” **14** Ahab bisae se, “Na den na ɔbeyɛ no?” Na odiyifo no buae se, “Senea Awurade se ni, ‘Asraafo so asahene a wotuatua amansin ano no na wɔbeyɛ.’” Ahab bisae se, “Enti yenni kan ntow nhyɛ wɔn so ana?” Odiyifo no buae se, “Yiw.” **15** Enti Ahab boaboa asraafo so asahene nkumaa ahannu aduasa abien wɔhyehyɛ amansin asahene ase ano. Afei, ɔfrɛɛ Israel akofo a wɔaka a wɔn nyinaa dodow yɛ mpem ason no. **16** Eɔbeyɛ owigyinae a Ben-Hadad ne n’apamfo ahemfo aduasa abien gu so rebow nsa wɔ wɔn ntamadan mu no, **17** amansin asahene asraafo no tuu tɛɛɛ, fii kurow no mu. Wɔrebɛn no, Ben-Hadad akwansrafo ka kyereɛ no se, “Asraafo ɔm bi fi Samaria reba.” **18** Ben-Hadad hyɛ se, “Sɛ wɔbaa asomdwoe anaa ɔko so a, monkyere wɔn anikann.” **19** Nanso saa bere no, na Ahab amansin asahene nkumaa no adi kan a asraafo no bɔ wɔn kyidɔm **20** a Israel ɔsraani biara kum ne tamfo Aram ɔsraani a ɔne no dii asi. Eno nti, amono mu hɔ ara, Aram asraafo no bɔ hu, guanee. Israelfo no taa wɔn, nanso ɔhene Ben-Hadad ne ne nkurofo kakra bi de, wɔtenaa aƆnko so guanee. **21** Nanso wɔsɛɛ aƆnko ne nteaseɛnam a ekaa hɔ no nyinaa, kunkum Aramfo no. **22** Akyiri no, odiyifo no ka kyereɛ Ahab se, “Siesie wo ho ma ɔko foforo na Aramhene beba asusowbere mu.” **23** Wodii Ben-Hadad so no, ne mpanyimfo no ka kyereɛ no se, “Israel anyame no yɛ mmepɔw anyame, na eno nti na ɛma wodii nkonim no. Na se wodu tataw so a, yebedi wɔn so nkonim a yɛremmrɛ ho koraa. **24** Nea eho hia ara ne se, saa bere yi, eɛ se wode akono asahene sisi ahemfo no anan mu. **25** Momfa asraafo foforo a wɔn dodow te se wɔn a wohweree wɔn no ara. Ma yen aƆnko no dodow, nteaseɛnam ne mmarima dodow saa ara, na yebetumi ne wɔn adi asi wɔ tataw so. Akyinnye biara nni ho se yebedi wɔn so.” Enti ɔhene Ben-Hadad yɛɛ wɔn abisade maa wɔn. **26** Na afe so no, ɔfrɛɛ Aram asraafo, tuu tɛɛ kɔ Israelfo so wɔ Afek se wɔne wɔn rekɔko. **27** Israel boaboa n’asraafo ano, twaa sa, de wɔn ho hyɛ ɔko no mu. Na se wode Israel asraafo no toto Aram asraafo no dodow a wɔahyɛ hɔ ma no ho a, na Israel asraafo no dodow te se mmirekyikuw nketewa abien bi. **28** Onyankopɔn

nipa no kɔ Israelhene nkyen kɔka kyereɛ no se, “Senea Awurade se ni: Aramfo no aka se, ‘Awurade yɛ mmepɔw Awurade na ɔnye tataw so Awurade. Enti meboa wo ama woadi asraafo buburugyaa yi so. Na ebɛma woahu se, mene Awurade no.’” **29** Asraafo ɔm abien yi bobɔ wɔn atɛnae, ma edii nhwɛanim nnanson. Na nnanson so no, ɔko no hyɛ ase. Da no ara, Israelfo no kunkum Aram anammɔnmufɔ asraafo no mpem ɔha. **30** Nkae no guan kɔtɛw Afek fasu akyi, nanso ɔfasu no bu guu wɔn so, kum mpem aduonu ason. Ben-Hadad guan kɔtɛw kokoa mu dan bi mu wɔ kurow no mu. **31** Ben-Hadad mpanyimfo ka kyereɛ no se, “Owura, yɛate se Israel ahemfo wɔ ahummɔbɔ. Eno nti, momma yɛmfura atweaatam, mfa hama mmo yen ti ase mfa nkyere ahobɛase. Na ebia, ɔhene Ahab bɛma woatena ase.” **32** Enti wofurafuraa atweaatam, de ahama bobɔ wɔn ti, kɔ Israelhene nkyen kɔsrɛ no se, “Wo somfo Ben-Hadad se, ‘Mesɛ wo, ma me ntena nkwa mu.’” Israelhene no bisae se, “Ɔda so te ase ana? Ɔyɛ me nuabarima!” **33** Mmarima no yɛɛ ntɛm soo anidaso a enni nnyinaso yi mu, buae se, “Yiw, wo nua Ben-Hadad.” Israelhene no ka kyereɛ wɔn se, “Monkɔfa no mmra.” Bere a wode Ben-Hadad bae no, Ahab ma ɔkɔtenaa ne teaseɛnam mu. **34** Ben-Hadad ka kyereɛ no se, “Mede nkurow a m’agya gye fii w’agya nsam no besan ama wo, na woahyehyɛ aguadi wɔ Damasko, senea m’agya yɛɛ wɔ Samaria no.” Na Ahab kae se, “Saa nhyehyɛ yi so na megyina na magyaa wo.” Enti, wɔyɛ apam, na wogyaa Ben-Hadad. **35** Bere no ara mu, Awurade see adiyifokuw no mu baako se, ɔnka nkyere ɔfoforo se, “Fa w’akode no bɔ me.” Nanso wanyɛ. **36** Na saa odiyifo no ka kyereɛ ɔfoforo no se, “Sɛ woantie Awurade nne nti, se wufi ha ara pɛ a, gyata bekum wo.” Ampa ara, ofii hɔ ara pɛ na gyata huu no kum no. **37** Na odiyifo no kɔ ɔbarima foforo nkyen kɔka kyereɛ no se, “Fa w’akode yi bɔ me.” Ɔno de, ɔbɔɔ odiyifo no, piraa no. **38** Odiyifo no twɛn ɔhene no wɔ ɔkwankyen a ɔde ntamabamma akyekyere n’ani, de pɛɛ se ɔsakra ne ho. **39** Ɔhene no retwa mu no, odiyifo no frɛɛ no se, “Owura, na mewa akono na ɔbarima bi de odeduani brɛɛ me. Ɔkae se, ‘Wɛn saa ɔbarima yi, na se biribi nti oguan a, wobekum wo anaase wɔbɛbɔ wo ka dwetɛ kilogram aduasa awotwe.’” **40** Na bere a m’ani abere redi dwuma bi no, odeduani no guanee. Na ɔhene no kae se, ‘Eyɛ w’ankasa wo mfomso. Wo ara woabu wo ho atɛn.’” **41** Eho ara na odiyifo no san ntamabamma no fii n’ani,

na Israelhene no huu no se ɔye adiyifo no mu baako. **42** Na odiiyifo no ka kyerɛɛ no se, “Sɛnea Awurade se ni: Esiane se woagyaa ɔbarima a mekae se, esɛ se wokum no no nti, esɛ se wokum wo mprempren si n’anan mu. Na anka esɛ se ne nkurɔfo na mukunkum wɔn, na mmom, wo nkurɔfo na wobekunkum wɔn.” **43** Israelhene no de abufuw kɔɔ n’ahemfi wɔ Samaria.

21 Na ɔbarima bi a wɔfrɛ no Nabot a ofi Yesreel wɔ bobeturo bi a eben Samariahene Ahab ahemfi. **2** Ahab ka kyerɛɛ Nabot se, “Fa wo bobeturo no ma me, na memfa asase no nye atosodeturo, efise eben m’ahemfi pɛɛ. Se wopene so de ma me a, mɛma wo bobeturo papa, na se nso woɛ a, bo biara a asase no di no, metua.” **3** Nanso Nabot buae se, “Awurade mma ɛmpare me se mede m’agyanom agyapade bɛma wo.” **4** Enti Ahab san kɔɔ ahemfi hɔ a ne bo afuw ne ho pɔtɔɔ. Ɔkɔdae a wannidi, de n’anim kyerɛɛ ɔfasu. **5** Ne yere Isebel bebisaa no se, “Adɛn nti na woaye bosaa saa? Adɛn nti na wompɛ se wudidi?” **6** Obuaa no se, “Meka kyerɛɛ Nabot, Yesreelni no se, ɔntɔn ne bobeturo no mma me anaase, mɛma no bi ahɔye anan, nanso wampene.” **7** Ne yere Isebel bisae se, “Wonyɛ Israelhene ana? Sɔre na didi! Mma eyi nhaw wo. Megye Nabot bobeturo no ama wo!” **8** Na Isebel kyerɛw nkrataa wɔ Ahab din mu, de ne nsɔwano sɔw ano, de kɔmaa mpanyimfo ne akunini a wɔne Nabot te kuropon no mu no. **9** Krataa no mu nsem ne se: “Yi da bi to hɔ a wɔde beyɛ akɔnkyen, na ma Nabot ntena anuonyamɛa wɔ nnipa no mu. **10** Monhwɛhwe ahuhufɔ baanu na wɔmmɔ no kwaadu se, wadome Onyankopɔn ne ɔhene. Na afei, momfa no mfi adi, nkosiw no abo nkum no.” **11** Enti mpanyimfo ne atitiriw a wɔte Nabot kurow no mu no yɛɛ nea Isebel kaa wɔ nkrataa no mu se wɔnyɛ no. **12** Wofii akɔnkyen no ase, de Nabot tenaa anuonyamɛa wɔ nnipa no mu. **13** Na ahuhufɔ baanu no bebɔɔ Nabot kwaadu wɔ nnipa no anim se, wadome Onyankopɔn ne ɔhene. Enti wɔde no kɔɔ kurotia, kosiw no abo kum no. **14** Na wɔsoma kɔɔ Isebel nkyen, kɔka kyerɛɛ no se, “Wɔasiw Nabot abo, ama wawu.” **15** Bere a Isebel tee se wɔasiw Nabot abo, akum no no ara pɛ, ɔka kyerɛɛ Ahab se, “Sɔre na kɔfa Nabot, Yesreelni no bobeturo no a ɔde kameɛ wo se ɔrentɔn mma wo no. Ɔnte ase bio, na wawu.” **16** Enti ehɔ ara, Ahab sian kɔfaa Nabot bobeturo no. **17** Na Awurade aɛm baa Tisbini Elia hɔ se, **18** “Kɔ na kohɔyia Israelhene Ahab a odi Samaria so no. Mprempren ara ɔwɔ Nabot bobeturo no mu a

ɔrebɛfa. **19** Ka kyerɛ no se, ‘Ɛnnɔɔso se wukum Nabot? Ɛse se wɔbɔ no korɔn nso? Nea woaye yi nti beae a akraman taforoo Nabot mogya no, ehɔ ara na akraman betaforo wo mogya, Yiw, w’ankasa wo mogya!” **20** Ahab ka kyerɛɛ Elia se, “Woahu me, me tamfo.” Obuae se, “Yiw maba bio efise woatɔn wo ho ama ɔbɔnefo no wɔ Awurade ani so. **21** ‘Mede ɔhaw ne abɛbrɛse bebɛ wo. Mɛhyew w’asefo nyinaa, na matwa ɔbarima a otwa to koraa wɔ Israel, se ɔye akɔa anaa ɔdehyɛ, afi Ahab ho. **22** Mɛma wo fi ayɛ se Nebat babarima Yeroboam ne Ahiya babarima Baasa afi, efise woahɔye me abufuw ama Israel ayɛ bɔne!” **23** “Na Isebel nso, Awurade ka se, Yesreel akraman bɛwe ne nam wo kuropon no afasu ho. **24** “Wɔn a na wɔwɔ Ahab afa a wowuwuu wo kurow no mu no nso, akraman bɛwe wɔn nam, na apete nso asosɔw wɔn a wowuwuu wo wuram no nam.” **25** (Obiara nni hɔ a ɔtɔn ne ho maa bɔne wɔ Awurade ani so, sɛnea Ahab yɛɛ no, efise ne yere Isebel tuu no fo bɔne. **26** Ɔyɛɛ bɔne ara, kosii se ɔkɔɔ ahoni so, te se Amorifo a Awurade pam wɔn wɔ Israelfo anim no). **27** Ahab tee saa aɛm yi no, osunsuan ne ntade mu, furaa atweaatam, kyeneɛ kɔm. Ofuraa atweaatam no saa de awɛrɛhow a emu yɛ den kyinkyinii. **28** Na Awurade aɛm baa Tisbini Elia hɔ se, **29** “Woahu sɛnea Ahab brɛɛ ne ho ase wɔ m’anim? Esiane se ɔbrɛɛ ne ho ase nti, meremfa saa ɔhaw ne abɛbrɛse yi a ɛwɔ hɔ ma no nne yi mmɛ no. Ɛbɛba ne mmabarima so; mɛsɛɛ n’asefo nyinaa.”

22 Ɔko biara ansi Aram ne Israel ntam mfe abiesaa. **2** Na mfe abiesaa no mu, ɔhene Yehosafat a odi ade wɔ Yuda kɔɔ Israelhene Ahab nkyen. **3** Na Ahab abisa ne mpanyimfo se, “Moahu se Aramfo da so te yen kurow Ramot Gilead mu ana? Nanso yenɔyɛ ho hweel!” **4** Enti obisaa Yehosafat se, “Wobɛka me ho na yeako atia Ramot Gilead ana?” Na Yehosafat buaa ɔhene Ahab se, “Adɛn? Ɛyɛ aɛm a ɛda ne kwan mu. Wo ne me yɛ anuanom, na m’akofo yɛ wo de se wobɛka aɛm a woɛ akyerɛ wɔn. Mpo, m’apɔnkɔ da wo da.” **5** Na Yehosafat ka kaa ho se, “Nea edi kan no, ma yemmisa Awurade hɔ afotu.” **6** Enti ɔhene Ahab frɛɛ n’adiyifo a wɔn dodow beyɛ ahannan no nyinaa, bisaa wɔn se, “Menkɔkɔ ntia Ramot Gilead anaa mennkɔ?” Wɔn nyinaa buae se, “Kɔ so! Awurade bɛma woadi nkonim anuonyam so.” **7** Nanso Yehosafat bisae se, “Enti Awurade diyifo biara nso nni ha? Anka mɛpɛ se mibisa no saa aɛm koro no ara.” **8** Ɔhene Ahab buae se, “Awurade diyifo baako da so wo

ha, nanso metan no. Ɖnhɛ nkɔm pa biara se nkɔm bɔne na ɔhye fa me ho. Ne din de Mikaia a ɔye Imla babarima.” Na Yehosafat kae se, “Nkasa saa. Momma yentie asem a ɔwɔ ka.” 9 Enti Israelhene frɛe ne mpanyimfo no mu baako, ka kyerɛe no se, “Ka wo ho kɔfa Imla babarima Mikaia bra.” 10 Israelhene Ahab ne Yudahene Yehosafat hyɛe wɔn ahemfo ntade, tenaa wɔn ahengua mu wɔ apongua a ɛben Samaria kwan no ano. Saa bere no, na Ahab adiyifo no rehye nkɔm wɔ wɔn anim. 11 Na wɔn mu baako a ɔye Kenaana babarima Sedekia de nnade yɛe mmɛn, na ɔdaa no adi se, “Sɛnea Awurade se ni: Mode saa mmɛn yi bɛwowɔ Aramfo yi ama wɔawuwu!” 12 Adiyifo a wɔwɔ ho no nyinaa penɛe so kae se, “Yiw, monko Ramot-Gilead, na munkodi nkonim, ɛfise Awurade bɛma moadi nkonim.” 13 Na ɔbɔfo a ɔkɔfaa Mikaia no ka kyerɛe no se, “Tie, adiyifo no nyinaa hye nkonimdi ho nkɔm ma ɔhene. Hwɛ se wo ne wɔn adwene bɛye baako, na wo nso, wobɛhye nkonimdi ho nkɔm.” 14 Nanso Mikaia buae se, “Mmere dodow a Awurade te ase yi, nea Awurade aka akyerɛ me se menka no, ɛno na mɛka.” 15 Bere a Mikaia beduu ahemfi no, Ahab bisaa no se, “Mikaia, yɛnkɔko ntia Ramot-Gilead anaa yɛnnko?” Na Mikaia buae se, “Monko! Na Awurade bɛma ɔhene adi nkonim anuonyam so.” 16 Ɖhene amma n’ano ansi, na obuaa no se, “Mɛn ahe na menka nkyerɛ wo se, se worekasa ama Awurade a, ka nokwasɛm?” 17 Na Mikaia ka kyerɛe no se, “Anisoadehu mu, mihuu se Israel abɔ apete mmɛpɔw no so, te se nguan a wonni ɔhwɛfo. Na Awurade kae se, ‘Wɔakum wɔn wura. Ma wɔnkɔ fie asomdwoe mu.’” 18 Israelhene ka kyerɛe Yehosafat se, “Manka saa ankyerɛ wo ana? Da biara saa na ɔye. Ɖnhɛ nkɔm pa biara se atoro nkɔm na ɔhye fa me ho.” 19 Mikaia toaa so se, “Tie nea Awurade ka. Mihuu Awurade se ɔte n’ahengua so a ne ɔsorofɔ asraafo nyinaa atwa ne ho ahyia wɔ ne nifa ne ne benkum so.” 20 Na Awurade bisae se, “Hena na obetumi adaadaa Ahab, ama wakɔ ɔko atia Ramot-Gilead, a ebetumi aba se wobekum no wɔ hɔ?” Wosusuw nsem ahorow bebree ho wɔ hɔ, 21 kosii se ne koraa no, honhom bi benɛe Awurade kae se, “Metumi ayɛ!” 22 Awurade bisae se, “Ɔkwan bɛn so na wobɛfa ayɛ eyi?” Na honhom no buae se, “Mɛkɔ akɔdaadaa Ahab adiyifo, ama wɔadi atoro.” Awurade kae se, “Kɔ so yɛ, na wubedi nkonim. 23 “Enti woahu se Awurade de nkontompo honhom ahye w’adiyifo no anom. Awurade adwene se ɔde

amanehunɔ bɛba wo so.” 24 Afei Kenaana babarima Sedekia kɔɔ Mikaia so, kɔbɔɔ n’ani so. Obisaa no se, “Da bɛn na Awurade honhom fii me mu bɛkasa kyerɛe wo?” 25 Na Mikaia buae se, “Erenkye biara, wubehu nokware no, bere a wubeguan akɔtɛtɛw kokoa mu dan bi mu.” 26 Israelhene Ahab hyɛe se, “Monkyere Mikaia, na momfa no nkɔma Amon a ɔye kurow no mu amrado, na momfa no nkɔ me babarima Yoas nkyɛn. 27 Monka saa asem a efi ɔhene nkyɛn yi nkyerɛ wɔn se, ‘Fa saa ɔbarima yi to afiasɛ. Mommma no aduan biara se brodo ne nsu, kɔsi se mɛfi akono beba asomdwoe mu.’” 28 Nanso Mikaia buae se, “Sɛ wosan ba asomdwoe mu a, na ɛkyerɛ se, Awurade amfa me so ankasa.” Na ɔka kyerɛe wɔn a wogynagyina hɔ, atwa ne ho ahyia no se, “Saa asem a maka yi, monhye no nsow.” 29 Na Israelhene ne Yudahene Yehosafat dii wɔn asraafo anim, kɔtow hyɛe Ramot-Gilead so. 30 Afei, ɔhene Ahab ka kyerɛe Yehosafat se, “Yɛrekɔ ɔko yi, mesakra me ho, sɛnea ebɛye a, obiara renhu me. Nanso, wo de, hye w’ahɛntade.” Enti Ahab sakraa ne ho, na wɔkɔɔ ɔko no. 31 Saa bere no, na Aramhene aka akyerɛ ne nteaseɛnamkafo aduasa abien no se, “Monkɔtow nhɛ Israelhene nko ara so!” 32 Enti bere a Aramhene nteaseɛnamkafo no huu Yehosafat se ɔhye n’ahɛntade no, wɔtaa no. Wɔtɛtɛɛ mu se, “Israelhene no ne no.” Nanso, bere a Yehosafat tɛɛ mu no, 33 nteaseɛnamkafo no huu se ɛnye ɔno ne Israelhene no nti, wogyaw n’akyidi. 34 Aram sraani bi de anibiannaso tow agyan kyerɛɛ Israel asraafo no so, maa ɛkɔwɔ Israelhene wɔ ne nkatabo ahyiaɛ so. Ahab tɛɛ mu kyerɛɛ ne teaseɛnamkafo no se, “Fa me fi ha ntem, na wɔapira me pa ara.” 35 Ɔko no kɔɔ so saa ara da mu no nyinaa, na wɔde Ahab twerii biribi wɔ ne teaseɛnam mu a n’ani kyere Aramfo no. Mogya tuu no fi n’apirakuru no mu, guu teaseɛnam no mu, na onwini dwoe no, owui. 36 Onwini reyɛ adwo no, wɔtɛtɛɛ mu faa asraafo no nyinaa mu se: “Ɔko no aba awiei. Monsan nkɔ fiel!” 37 Na ɔhene no wui no, wɔde n’amu no kɔɔ Samaria, kosieɛ no wɔ hɔ. 38 Na wɔhoroo ne teaseɛnam no ho wɔ asubura bi a ɛwɔ Samaria a nguamanfo guare hɔ, na akraman betaforoo ɔhene no mogya no, sɛnea Awurade aka ato hɔ no. 39 Nsem a ɛfa Ahab ahenni ho ne asonɛ ahemfi ho asem ne nkurow a ɔkyekyerɛ nyinaa no, wɔakyerɛw agu Israel Ahemfo Abakɔsem Nhoma no mu. 40 Bere a Ahab wui no, wosieɛ no wɔ n’agyanom mu. Na ne babarima Ahasia dii n’ade se ɔhene. 41 Asa babarima

Yehosafat bedii Yuda so bere a na Ahab adi ade wɔ Israel ne mfe anan so no. **42** Odii ade no, na wadi mfe aduasa anum, na odii ade Yerusalem mfirihyia aduonu anum. Na ne na din de Asuba a ɔye Silhi babea. **43** Na Yehosafat ye ɔhene papa a odii n'agya Asa anammɔn akɔi. Ɔyee ade a esɔ Awurade ani. Nanso, n'ahenni mu no, wanse abosonnan a na nnipa kɔbɔ afɔre, kɔhyew nnuhuam wɔ hɔ no. **44** Yehosafat ne Israelhene tenaa ase asomdwoe mu. **45** Nsem a efa Yehosafat ahenni ho nkae no, faako a ne tumi kodui ne ako a odii no nyinaa, wɔankyerew angu Yuda Ahemfo Abakɔsem Nhoma no mu. **46** Ɔpam abosomfi so nguamanfo a na wogu so bɔ aguaman fii n'agya Asa bere so no nyinaa. **47** Saa bere no, na ɔhene nni Edom gye kurow no sohwɛfo nko. **48** Yehosafat yee aguadihyen bebreɛ se enko Ofir nkɔhwehwe sikakɔkɔ. Nanso ahyen no antumi anye adwuma. Esɛe wɔ Esion-Geber. **49** Saa bere no, Ahab babarima Ahasia susuw ho kyereɛ Yehosafat se, “Ma me mmarima ne wo mmarima nko po so akwan nsrahwe.” Nanso Yehosafat ampene so. **50** Yehosafat wui no, wosieɛ no n'agyanom nkyen wɔ Dawid kurom. Ne babarima Yehoram na odii n'ade se ɔhene. **51** Ahab babarima Ahasia fii ase dii Israel so bere a na Yehosafat adi ade mfe dunson wɔ Yuda. Odii ade wɔ Samaria mfe abien. **52** Na ɔfaa n'agya ne ne na ne Nebat babarima Yeroboam anammɔn so, som ahoni, yee bɔne wɔ Awurade ani so. **53** Ɔsom Baal, sɔree no, nam so fuw Awurade, Israel Nyankopɔn, bo senea n'agya yee no.

2 Ahemfo

1 Ɔhene Ahab wu akyi no, Moabman tew wɔn ho fii Israel ho, nyaa wɔn ahofadi. **2** Da bi, Israelhene foforo Ahasia fii n'abansoro dan a ɛwɔ Samaria ahemfi mfensere mu tew hwee fam, ma opiraa yiye. Enti ɔsoma abɔfo kɔɔ Baal-Sebub Ekron nyame nkyen abisa, kobisaa sɛ obenya ahoɔden ana. **3** Na Awurade bɔfo ka kyereɛ Tisbini Elia se, "Kɔ na kohyia Samariahene abɔfo no, na bisa wɔn se, 'Aden nti na morekɔ Baal-Sebub, Ekron nyame nkyen abisa, sɛ ɔhene benya ahoɔden ana? Onyankopɔn nni Israel ana?' **4** Mprempren, senea Awurade se ni: 'Worensɔre mfi mpa a woda so no so da. Na nea ɛbeyɛ biara, wubewu.'" Na Elia kɔkaa nkra no. **5** Bere a abɔfo no san baa ɔhene nkyen no, obisaa wɔn se, "Aden nti na moaba ntem saa?" **6** Wobuae se, "Ɔbarima bi behyiaa yen, ka kyereɛ yen se yensan nkɔ ɔhene nkyen, na nkra a ɔde fi Awurade nkyn a ɔde kaa ho ne se, 'Aden nti na morekɔ Baal-Sebub, Ekron nyame nkyen abisa sɛ ɔhene ho betɔ no ana? Onyankopɔn nni Israel ana? Esiane sɛ woayɛ saa nti, worensɔre mfi mpa a woda so no so da. Na nea ɛbeyɛ biara, wubewu.'" **7** Ɔhene no bisae se, "Na saa ɔbarima no yɛ hena? Na ɔte den?" **8** Wobuae se, "Na ne ho wɔ nwi a ɔbɔ aboanwoma abɔso." Ɔhene no teeɛ mu se, "Ɔye Tisbini Elia." **9** Ɔsoma asraafo so safohene ne asraafo aduonum sɛ wɔnkɔkyere no. Wohuu se ɔte bepɔw bi atifi. Ɔsafohene no ka kyereɛ no se, "Onyankopɔn nipa, ɔhene asoma yen sɛ yɛmmefa wo mmra." **10** Na Elia buaa ɔsahene no se, "Sɛ meye Onyankopɔn nipa de a, eno de, ma ogya mfi ɔsoro mmra mmehyew wo ne wo mmarima aduonum no!" Na ogya fi ɔsoro bekunkum wɔn nyinaa. **11** Enti ɔhene no san somaa ɔsafohene foforo a asraafo aduonum ka ne ho. Ɔsafohene no ka kyereɛ no se, "Onyankopɔn nipa, ɔhene se bra mprempren ara." **12** Elia buae se, "Sɛ meye Onyankopɔn nipa de a, eno de, ma ogya mfi ɔsoro mmra mmehyew wo ne wo mmarima aduonum no!" Na bio, ogya fi ɔsoro bekunkum wɔn nyinaa. **13** Bio, ɔhene no somaa ɔsafohene bi ne asraafo aduonum. Saa bere yi de, ɔsafohene no kobuu Elia ntotodwe. Ɔsrɛɛ no se, "Onyankopɔn nipa, mesre se, fa me ne saa asomfo aduonum yi nkwa kye yen. **14** Hwe senea ogya fi ɔsoro abehyew akuw abien a wodi kan no. Nanso mprempren mesre se, fa me nkwa kye me!" **15** Na Awurade bɔfo ka kyereɛ Elia se, "Nsuro.

Wo ne no nkɔ." Na Elia sɔre kɔɔ ɔhene no nkyen. **16** Na Elia ka kyereɛ ɔhene no se, "Senea Awurade se ni: Aden nti na wosomaa abɔfo kɔɔ Baal-Sebub, Ekron nyame nkyen abisa, sɛ ɔhene benya ahoɔden ana? Onyankopɔn nni Israel ana? Esiane sɛ woayɛ saa nti, worensɔre mfi mpa a woda so no so da. Na nea ɛbeyɛ biara wubewu." **17** Na Ahasia wui senea Awurade nam Elia so hyɛɛ no. Esiane sɛ na Ahasia nni ɔbabarima a obedi n'ade nti, ne nuabarima Yoram na odii n'ade se ɔhene. Saa asɛm yi sii Yehosafat a na ɔye Yudahene babarima Yehoram adedi mfe abien mu. **18** Nsɛm a esisii wɔ Ahasia ahenni mu no nkae no, wɔankyerew angu Israel Ahemfo Abakɔsɛm Nhoma no mu ana?

2 Bere a Awurade pɛɛ sɛ ɔnam ahum so fa Elia kɔ soro no, na Elia ne Elisa nam Gilgal kwan so. **2** Na Elia ka kyereɛ Elisa se, "Tena ha na Awurade aka akyere me se, menkɔ Bet-El." Na Elisa buae se, "Mmere dodow a Awurade te ase, na wo nso wote ase no, merennyaw wo da." Enti wɔnantew kɔɔ Bet-El. **3** Adiyifo kuw a wofi Bet-El no baa Elisa nkyen bebisaa no se, "Na wunim sɛ Awurade rebefa wo wura afi wo nkyen nne?" Elisa buae se, "Yiw, minim saa. Enti monye komm." **4** Na Elia ka kyereɛ Elisa se, "Tena ha, na Awurade aka akyere me se, menkɔ Yeriko." Nanso Elisa buaa bio se, "Mmere dodow a Awurade te ase, na wo nso wote ase yi, merennyaw wo da." Enti wɔnantew kɔɔ Yeriko. **5** Na adiyifo kuw a wofi Yeriko baa Elisa nkyen bebisaa no se, "Na wunim sɛ Awurade rebefa wo wura afi wo nkyen nne ana?" Obuaa bio se, "Yiw, minim. Enti monye komm." **6** Na Elia ka kyereɛ Elisa se, "Tena ha, na Awurade aka akyere me se, menkɔ Asubɔnten Yordan ho." Nanso, Elisa buaa bio se, "Mmere dodow a Awurade te ase, na wo nso wote ase yi, merennyaw wo." Enti wɔtoaa so kɔɛ. **7** Mmarima aduonum fi adiyifo kuw no mu nso kɔ kogyinaa akyirikyiri baabi, de wɔn ani kyereɛ faako a na Elia ne Elisa gyina wɔ Asubɔnten Yordan ho ho no. **8** Na Elia bobɔw n'atade, de bɔɔ nsu no ani. Nsu no mu kyɛɛ abien, ma wɔfaa asase kesee so twae. **9** Wotwa wiei no, Elia bisaa Elisa se, "Den na menye mma wo ansa na wɔahwim me ako?" Na Elisa buae se, "Mesre wo, ma minnya wo honhom tumi no mmɔho." **10** Elia kae se, "Woabisa ade a ne ye ye den. Na sɛ wuhu sɛ wɔrefa me afi wo nkyen a, wo nsa beka w'abisade no. Na sɛ amma saa de a, wo nsa renka." **11** Wɔnam na wɔredi nkɔmmɔ no, preko pɛ, ogya teaseɛnam bae a ogya aponkɔ retwe. Ɛfaa wɔn

ntam ma wɔn ntam tetewee, na ahum bi faa Elia de no kɔɔ ɔsoro. **12** Elisa huruw, teɛɛ mu se, “M’agya! M’agya! Israel nteaseɛnam ne nteaseɛnamkafol!” Na Elisa anhu no bio, Elisa suanee n’atade mu abien. **13** Na Elisa faa Elia atade nguguso a efii ne ho gui no, na ɔsan kɔɔ Asubɔnten Yordan konkɔn no so. **14** Ɔde atade nguguso no bɔɔ asu no ani teɛɛ mu se, “Awurade, Elia Nyankopɔn wɔ he?” Eho ara asu no mu paeɛ abien maa Elisa faa mu. **15** Bere a adiyifo kuw a wɔwɔ Yeriko huu aɛm a asi no, wɔteɛɛ mu se, “Elisa abedi Elia ade!” Na wokohyiaa no, kotow no. **16** Wɔkae se, “Owura, ka biribi, na yen mu ahɔɔdenfo aduonum bekyinkyin sare no so, ahwehwe wo wura. Ebia na Awurade honhom agyaa no asi bepɔw bi so anaa obon bi mu.” Elisa kae se, “Dabi, monnsoma wɔn.” **17** Nanso wɔkɔɔ so haw no ara, kosii se, onhu nea ɔnye ne ho, nti akyiri no ɔkaa se, “Eye, monsoma wɔn.” Enti, mmarima aduonum, de nnansa kyinkyin, hwehwee, nanso wɔanhu Elia. **18** Bere a wɔsan wɔn akyi no, na Elisa da so wɔ Yeriko. Obisaa wɔn se, “Manka ankyere mo se monnko?” **19** Afei, Yeriko mpanyimfo kɔsraa Elisa. Wɔka kyereɛ no se, “Ɔdeɛfo, yewɔ dadwen bi. Saa kurow yi dabea ne nneema a atwa ho ahyia ye fe, senea wuhu no. Nanso nsu no nye, na asase no nso mma nnɔbae.” **20** Elisa kae se, “momma me nsukorade foforo a wɔde nkyene agu mu.” Na wɔde bae. **21** Afei, ɔkɔɔ asu no a kurom hɔfo no saw nom no mu, kotow nkyene no guu mu. Na ɔkae se, “Sɛɛ na Awurade se: Maye asu yi yiye. Eremma owu, na asase no bema ne nnɔbae.” **22** Na ampa ara, efi saa bere no, asu no aye asu pa senea Elisa kae no. **23** Elisa fii Yeriko kɔɔ Bet-El. Ɔrekɔ no, mmarimaa bi a wofi kurow no mu dii ne ho few, serew no se, “Tipae, foro kɔ e! Tipae, foro kɔ e!” **24** Elisa dan ne ho hwɛɛ wɔn na ɔde Awurade din domee wɔn. Na sisi abien pue fii wuram, bekunkum wɔn mu aduanan abien. **25** Elisa fii hɔ no, ɔkɔɔ bepɔw Karmel so, na ofii hɔ kɔɔ Samaria.

3 Ahab babarima Yoram na odii hene wɔ Israel bere a na Yudahene Yehosafat adi ade mfe dunwɔtwe wɔ Yuda no. Odii ade wɔ Samaria mfe dumien. **2** Ɔyeɛ Awurade ani so bɔne. Nanso na n’amumɔye no nte se n’agya ne ne na de no. Ɔseɛɛ Baal adum kronkron a n’agya sii no. **3** Nanso ɔtoaa ahonisom so, senea Nebat babarima Yeroboam dii Israelfo anim ma wɔyeɛ no. **4** Na Moabhene Mesa ne ne nkurofo yen nguan. Na wotua sonkahiri a eye nguamma mpem ɔha ne adwennini mpem ɔha ho nwi ma Israelhene afe

biara. **5** Nanso Ahab wu akyi no, Moabhene sɔre tiaa Israelhene. **6** Enti ɔhene Yoram fii Samaria boaboa Israel asraafo ano. **7** Ɔde nkra kɔmaa Yudahene Yehosafat se, “Moabhene asɔre atia me. Wobeboa me na me ne no ako ana?” Na Yehosafat buae se, “Me ne wo beko. Wo ne me ye anuanom, me nkurofo ye wo nkurofo, m’apɔnko ye w’apɔnko.” **8** Na Yehosafat bisae se, “Ɔkwan bɛn na yebefa so ako?” Yoram buae se, “Yebetɔa wɔn a fi Edom sare so.” **9** Edomhene ne n’akofo kɔkaa wɔn ho. Na asraafo dɔm abiesɔ no bɔɔ nsra twaa wɔn ho besii wɔn anan mu saa nnanson no, na wɔne wɔn mmoa nnya nsu nnom. **10** Israelhene teɛɛ mu bisae se, “Yɛnye yen ho den? Awurade de yen baasa aba ha se Moabhene nni yen so ana?” **11** Nanso Yudahene Yehosafat bisae se, “Enti Awurade diyifo biara nka yen ho wo ha ana? Se wɔn mu bi wo ha a, yebetumi abisa Awurade nea yɛnye.” Ɔhene Yoram mpanyimfo no mu baako kae se, “Safat babarima Elisa wɔ ha. Na ɔye Elia boafɔ.” **12** Enti Yehosafat kae se, “Eno de, Awurade betumi akasa afa no so.” Na Israelhene, Yudahene ne Edomhene kɔɔ Elisa nkyen abisa. **13** Elisa ka kyereɛ Israelhene se, “Wo ho nhia me. Ko w’agya ne wo na adiyifo abosonsomfo no nkyen.” Nanso ɔhene Yoram kae se, “Dabi! Efise eye Awurade na ɔfreɛ yen ahemfo baasa yi baa ha se ɔrebeyi yen ahye Moabhene nsal!” **14** Na Elisa buae se, “Mmere dodow a Awurade Tumfo a mesom no no te ase yi, se enye Yudahene Yehosafat a mibu no a, anka merenhaw me ho wo wo ho. **15** Afei, ma obi a obetumi abɔ sanku mmra.” Bere a wɔrebɔ sanku no, Awurade tumi baa Elisa so, **16** ma ɔkae se, “Senea Awurade se ni: Saa obon a emu nsu ayow yi, wɔde nsu behye no ma. **17** Worenhu mframe anaa osu senea Awurade ka no, nanso saa obon yi, wɔbehye no nsu ma. Mubenya bi ama mo ho, mo anantwi ne mo mmoa a aka no. **18** Na eyi ye ade a eye mmerew ma Awurade. Ɔbema moadi Moab asraafo so nkonim. **19** Mubedi wɔn nkuropɔn papa so nkonim, mpo, nkuropɔn a wɔabɔ ho ban no. Mubetwitwa wɔn nnua nyinaa agu. Mubesisiw wɔn asu aniwa, na mode abo aseɛ wɔn nsase pa.” **20** Na ade kyee a eduu bere a wɔbɔ anɔpa afɔre no, nsu pueɛ preko pe. Na esen fii Edom, na ankye biara na nsu abu so wɔ baabiara. **21** Bere a Moabfo tee se asraafo dɔm abiesɔ reba wɔn so no, wɔn nso boaboa mmarima a wobetumi ako, mmofra ne mpanyin ano, de wɔn sisii wɔn ahye so. **22** Na ade kyee a wɔsɔree no, na owia no abɔ wo asu no so, ama ani abere se

mogya. **23** Moabfo no teɛ mu se, “Ƴɛ mogya. Sesɛ asraafo dɔm abiesa no atwa wɔn ho ako, akunkum wɔn ho wɔn ho! Momma yenkɔfow asade no!” **24** Bere a woduu Israelfo nsraban mu no, Israel asraafo gyee bum, kɔtoaa Moabfo, ma woguanee. Israel asraafo no taa wɔn koduu Moab asase so. Wɔretaa Moabfo no nyinaa no, na wɔresɛ wɔn nneɛma. **25** Wɔsɛɛ wɔn nkurow akese, de abo kataa wɔn nsase pa so, sisiw asuti nyinaa, twitwaa nnua pa nyinaa. Kir-Haraset nko ara na ɛkae, na ɛno mpo, wɔtow hyɛ so. **26** Bere a Moabhene huu se ɔredi nkogu no, odii n’akofo ahanson anim, yeree wɔn ho, pɛ se wɔpem fa atamfo no nsraban a ɛben Edomhene no mu, nanso wɔantumi. **27** Enti ɔfaa ne babarima panyin a anka ɛse se odi n’ade se ɔhene no, de no bɔɔ ɔhyew afɔre wɔ afasu no ho. Abufuw kɛse baa Israel so, na wɔsan wɔn akyi kɔ wɔn ankasa asase so.

4 Da bi, Elisa mfefo adiyifo no mu baako kunafo baa ne nkyen, besu kyereɛ no se, “Me kunu a na ɔsom wo no awu. Na wunim senea na osuro Awurade. Nanso mprenpren obi a mede no ka aba rehunuhuna se, ɔbefa me mmabarima baanu se nkoa.” **2** Elisa bisaa no se, “Den na metumi aye de aboa wo? Kyere me nneɛma a wowɔ wo fie.” Obuae se, “Minni hwee se ngo ahina baako.” **3** Elisa ka kyereɛ no se “Kɔfɛm nhina dodow biara a wubenya afi wo nnamfonom ne wo mfefo nkyen. **4** Afei, fa wo mmabarima no kɔ wo fi, na to pon mu. Hwie ngo no fi w’ahina no mu, gugu nhina no mu. Nea ɛbeyɛ ma biara, yi si nkyen.” **5** Enti ɔyɛɛ saa. Ne mmabarima no de nhina bebreɛ breɛ no, ma ɔhyehyɛɛ no amaama. **6** Ankyɛ na emu biara yɛɛ ma tenn. Ɔka kyereɛ ne mmabarima no mu baako se, “Brɛ me ahina foforo.” Ɔka kyereɛ no se, “Ebi nni ho bio.” Na afei ngo no a ɔrehwie no sae. **7** Bere a ɔkaa asem a asi no kyereɛ Onyankopɔn nipa no, ɔka kyereɛ no se, “Afei, tɔn ngo no, na fa tua w’aka, na sika no bi beka ama wode ahwe wo ho ne wo mmabarima no.” **8** Da koro bi, Elisa kɔ Sunem kurow mu. Na ɔbea ɔdefo bi te kurow no mu. Ɔtoo nsa frɛɛ Elisa se ommedidi. Efi saa bere no, bere biara a obetwa mu wɔ ho no, ɔfa ho kodidi. **9** Ɔka kyereɛ ne kunu se, “Migye di se saa ɔbarima yi a ɔtaa ba ha yi yɛ Onyankopɔn nipa kronkron. **10** Ma yensiesie ɔdan bi mma no wɔ soro ho na yemfa mpa, ɔpon, akongua ne kanea nsi mu mma no. Na bere biara a ɔbeba ha no, wanya baabi asoɛ.” **11** Da bi, Elisa san baa Sunem. Ɔkɔɔ ne soro dan no mu kɔsoɛ. **12** Ɔka kyereɛ ne somfo Gehasi se,

“Ka kyere ɔbea no se, mepɛ se meka asem bi kyere no.” Ɔbea no bae no, **13** Elisa ka kyereɛ Gehasi se, “Ka kyere no se, yen ani asɔ ne som pa a wasom yen no. Na bisa no nea yen so yebetumi aye ama no. Ɔpɛ se midi ne ho adanse kyere ɔhene anaa asraafo sahene no?” Obuae se, “Dabi, efise m’abusuafo hwe me yiye.” **14** Akyiri no, Elisa bisaa Gehasi se, “Den na wugye di se yebetumi aye ama no?” Ɔtow maa no se, “Onni babarima na ne kunu nso abɔ akwakoraa.” **15** Elisa ka kyereɛ no se, “Frɛ no bra bio.” Ɔbea no bae no, Elisa ka kyereɛ no wɔ ɔpon no ano se, **16** “Afe sesɛ saa bere yi ara mu, na ɔbabarima da wo srɛ so.” Ɔteɛ mu se, “Dabi, me wura, mesrɛ wo, ntwa me nkontompo saa. Onyankopɔn nipa.” **17** Na ampa ara, bere tiaa bi akyi no, ɔbea no nyinsɛneɛ. Na afe saa bere no ara, ɔwoo ɔbabarima senea Elisa kae no pɛpɛpɛ. **18** Ne ba no nyin no, da bi, ɔkɔsraa n’agya a na ɔne n’apaafɔ reye adwuma. **19** Prɛko pɛ, ɔkae se, “Me ti pae me! Me ti pae me!” N’agya ka kyereɛ n’apaafɔ no mu baako se, “Fa no kɔ fie kɔma ne na.” **20** Ɔpaani no de no kɔ fie. Ne na gyee no too ne srɛ so. Nanso, eduu owigyinae mu no, owui. **21** Ɔpagyaw no de no kɔtoo Onyankopɔn nipa no mpa so. Ɔtoo pon no mu gyaw no ho kɔe. **22** Ɔsoma ɔbɔfo kɔbɔɔ ne kunu amanɛɛ se, “Soma apaafɔ no baako na ɔmfa afurum mmra, senea metumi akodu Onyankopɔn nipa no ho ntem, asan aba.” **23** Obisae se, “Adɛn nti na wopɛ se wokɔ nne yi ara? Enye Ɔsram Foforo Afahye, na enye homeda nso.” Nanso ɔkae se, “Ƴwo mu saa.” **24** Enti ɔhyehyɛɛ afurum no, ka kyereɛ ɔpaani no se, “Ka wo ho. Enye me nti na wobɛtɔ wo bo ase, na mmom, kɔ ara, gye se maka se tɔ wo bo ase.” **25** Ɔrebedu Onyankopɔn nipa no nkyen wɔ bepɔw Karmel so no, Elisa huu no wɔ akyirikyiri. Ɔka kyereɛ Gehasi se, “Hwe, ɔbea a ofi Sunem no reba. **26** Tu mmirika kohyia no, na bisa no se, ‘Wo ne wo kunu ne wo ba ho ye ana?’” Ɔbea no buae Gehasi se, “Yen nyinaa ho ye.” **27** Nanso ɔbaa Onyankopɔn nipa no nkyen wɔ bepɔw no so no, ɔhwee ne nan ase, soo n’anammɔn mu. Gehasi sum no, nanso Onyankopɔn nipa no kaa se, “Gyaa no. Biribi reteetee no, na Awurade nso nkyereɛ me dekode no.” **28** Na ɔbea no kae se, “Wo ara me wura, wo na wokae se, menya ɔbabarima. Na manka ankyere wo se mma memfa m’ani nto so?” **29** Na Elisa ka kyereɛ Gehasi se, “Boa wo ho, na mensoma wo, fa me pema no, na kɔ. Nkasa obiara ho wɔ ɔkwan so. Kɔ na fa pema no koto abofra no anim.” **30** Na abarimaa no na kae se,

“Mmere dodow a Awurade te ase, na wo nso wote ase yi, merenko fie gye se woka me ho.” Enti Elisa san ne no koe. **31** Gehasi yee ntem dii kan, de pema no kotoo abofra no anim, nanso biribiara ansi. Nkwa ho nsenkyerenne biara amma. Osan n’akyi kohyiaa Elisa, baa no amannee se, “Abofra no nnyanee e.” **32** Bere a Elisa duu ho no, ampa na abofra no awu da odiiyifo no mpa so. **33** Ono nko koo ho, too ne ho pon mu, baa Awurade mpae. **34** Afei, obutuw abofra no so, de n’ano tuua abofra no ano, de n’ani fam abofra no ani, de ne nsa susoo abofra no nsa. Afei, abofra no ho fitii ase yee hyew bio. **35** Elisa soere, dii akoneaba wo odan no mu kakra. Afei, odaa abofra no so bio. Saa bere no, abofra no nwansii mpen ason, na otew n’ani. **36** Afei, Elisa somaa Gehasi se, “Fre abofra no na bra.” Ne na no bae no, Elisa ka kyeree no se, “Wo ba no ni, fa no ko.” **37** Ofi ahodwiriw mu hwee ne nan ase daa no ase. Afei, ofaa ne ba no, de no sian koo fam. **38** Elisa san koo Gilgal, nanso na okom asi asase no so. Da bi a adiyifokuw tete n’anim no, aka kyeree ne somfo se, “Fa osen kese si gya so, na ye abomu ma saa mmarima yi.” **39** Won mu baako koo wuram se okokope atosode, na onyaa efere kotoku ma de bae. Otwtwa de guu osen no mu a na onnim se awuduru wo mu. **40** Na wodii kakraa bi pe, woteete mu se, “Onyankopon nipa, awuduru wo abomu no mu!” Eno nti, wanni bio. **41** Elisa kae se, “Mommre me asikresiam kakra.” Ode guu osen no mu, kae se, “Afei, aye yiye nti munkodi.” Na anhaw won bio. **42** Da bi, obarima bi a oye Baal-Salisani bree Onyankopon nipa no atoko foforo kotoku ma, ne brodo mua aduonu. Elisa kae se, “Fa ma adiyifokuw no, na wonni.” **43** Osomfo no teee mu se, “Wuse den? Kakra yi na yemfa mma nnipa oha yi ana?” Nanso Elisa tii mu se, “Fa ma adiyifokuw no na wonni, na Awurade ka se, ‘Obiara bedi amee, na bi mpo beka akyi.’” **44** Na ampa ara, obiara didi mee ma bi mpo kae, senea Awurade hyee ho bo no.

5 Na Aramhene bu Naaman a oye asraafo so sahene no yiye. Efise enam ne so na Awurade maa Aram dii nkonim akese bebee. Ewo mu se na Naaman ye okofokese de, nanso na oyare kwata. **2** Afei, na Aram akofo adi Israel asase so, na abaawa ketewa bi ka won a wokyerere won nnommum no ho. Wode saa abaawa no maa Naaman yere se n’abaawa. **3** Da bi, abaawa no ka kyeree n’awuraa se, “Se me wura kohu odiiyifo a owo Samaria no a, anka obesa no yare ama kwata no afi ne honam ani.” **4** Enti Naaman kaa asem a abaawa a ofi

Israel no ka kyeree no no kyeree ohene. **5** Ohene no ka kyeree no se, “Ko, na kosra odiiyifo no. Mekyerew krataa aka wo ho, na wode akoma Israelhene.” Enti Naaman faa dwete akyede kilogram ahaasa aduanan, sikakokoo kilogram aduosia nkron ne ntade mmoho du, na osii mu koe. **6** Krataa a ode rekoma Israelhene no mu asem ne se, “Menam krataa yi so reda me somfo Naaman adi akyere wo. Mepe se wosa no yare ma ne kwata no fi ne honam ani.” **7** Bere a Israelhene kenkan krataa no, ode ahometew sunsuan n’atade mu, kae se, “Saa obarima yi asoma okwatani aba me nkyen, se mensa no yare! Mepe Onyankopon a mitumikum, san ma nkwa? Orehwehwe kwan bi afa so, anya nnyinaso bi na wabetow ahye yen so bio.” **8** Bere a Elisa, Onyankopon nipa, tee se ohene no asunsuan ne ntade mu no, ode nkra komaa no se, “Aden nti na woasunsuan wo ntade mu? Soma Naaman na ommra me nkyen na obehu se odiiyifo papa bi wo Israel.” **9** Enti Naaman faa n’aponko ne ne nteaseenam, kotwen wo Elisa fi pon ano. **10** Na Elisa somaa oboko koka kyeree no se, “Kohohoro wo ho mpen ason wo Asubonten Yordan mu, na wo honam beba mu, ama wo kwata no ako.” **11** Na Naaman bo fuwii, ma osii kwan so. Okae se, “Na minim se, nea ebeye biara no, obeba abehyia me! Na minim se ebia, ode ne nsa befa kwata no so, na wabo Awurade a, oye ne Nyankopon no din, nam so asa me yare. **12** Nsubonten Abana ne Parpar a ewo Damasko nsen nsubonten a ewo Israel nyinaa? Aden nti na menkohohoro me ho wo mu, na minnya ayaresa?” Enti Naaman dan ne ho de abufuw sii mu. **13** Nanso ne mpanyimfo baa mmaden kasa kyeree no se, “Owura, se odiiyifo no kaa se ye adwuma kese bi a, anka worennye ana? Eno nti, tie asem a waka se kohohoro wo ho keke, na wo ho beto wo no, na di so.” **14** Enti Naaman koo Asubonten Yordan mu, kodoo asuko mpen ason, senea Onyankopon nipa no hyee no se onye no. Ne honam ani daa ho te se akokoaa, maa ne kwata no nyinaa koe. **15** Naaman ne ne dom no san ko kohwehwee Onyankopon nipa no akyi kwan. Wokogyinaa n’anim, maa Naaman kae se, “Afei na mahu se Onyankopon nni wiase ha baabiara se Israel nko ara. Afei, mesre wo se, gye m’akyede yi.” **16** Nanso Elisa buae se, “Mmere dodow a Onyankopon a mesom no te ase yi, merennnye akyede biara.” Ewo mu se Naaman hyee no biara se onnye akyede no, nanso Elisa annye. **17** Afei, Naaman kae se, “Eye, eno de, ma me kwan na memfa ha dote atifi abien nsoa

me furumpɔnkɔ abien, na memfa nka me ho nko me kurom. Efi nne, Onyankopɔn akyi no, meremmo ɔhyew aforɛ anaa aforɛ biara mma onyame bi bio. **18** Na mesɛ sɛ, Awurade mfa saa bɔne yi nkyɛ me. Sɛ me wura ɔhene rekɔ Rimɔn abosomfi akɔsom, na misuso ne mu a, me nso mekotow nti, Awurade mfa eyi nkyɛ me.” **19** Elisa kae se, “Kɔ asomdwoe mu.” Enti Naaman san sii kwan so. **20** Nanso Elisa somfo Gehasi kaa wɔ ne tirim se, “Anka ɛnse sɛ me wura ma Aramni yi kɔ a wannye akyɛde yi. Mmere dodow a Awurade te ase yi, metiw no, na makogyɛ biribi afi ne nkyɛn.” **21** Enti Gehasi tiw no. Bere a Naaman huu no sɛ ɔde mmirika reba ne so no, osi fii ne teaseɛnam mu kohyiaa no. Naaman bisaa no se, “Wobaa no asomdwoe mu ana?” **22** Gehasi buae se, “Yiw, nanso me wura asoma me sɛ memmekka nkyɛre wo se, mmabun baanu bi a wɔyɛ adiyifo a wofi Efraim kurow a ɛda bepɔw so no mu abedu mprenpren ara. Ose ɔrehwehwɛ dwetɛ kiliogram aduasa anan ne ntade nsakramu abien de ama wɔn.” **23** Naaman kae se, “ɛnye asɛm a ɛyɛ den, gye dwetɛ kilogram aduasa anan yi.” ɔmaa no ntade nsakramu abien, kyekyeree sika no wɔ nkotoku abien mu, yii asomfo baanu soaa akyɛde no, maa Gehasi. **24** Nanso woduu bepɔw no so no, Gehasi gyee akyɛde no fii asomfo no nkyɛn, ma wɔsan wɔn akyi kɔɛ. Afei, ɔde akyɛde no kosieɛ ofi no mu. **25** Bere a ɔkɔɔ ne wura Elisa nkyɛn no, obisaa no se, “Gehasi, wokɔɔ he?” Obuae se, “Menkɔ baabiara.” **26** Nanso Elisa bisaa no se, “Woanhu se bere a Naaman si fii ne teaseɛnam mu behyiaa wo no, na mewɔ hɔ honhom mu? Saa bere yi na ɛsɛ sɛ wugye sika ne ntade ne ngodua mfuw ne bobe mfuw ne nguan ne anantwi ne asomfo? **27** Nea woayɛ yi nti, wo ne wo mma ne wo mma mma beyare Naaman kwata no bi afebɔɔ.” Bere a Gehasi fii dan no mu no, na kwata ayɛ no a ne ho ahoa ayɛ sɛ sukyeremma.

6 Da bi, adiyifo kuw baa Elisa nkyɛn beka kyɛrɛɛ no se, “Senea wo ara wuhu no, baabi a yene wo hyia ha yi sua. **2** Ma yenkɔ Asubɔnten Yordan ho a nnua bebree wɔ hɔ. Eɔ de, yebetumi asi ɔdan foforo, ahyia mu wɔ hɔ.” ɔka kyɛrɛɛ wɔn se, “Eye, monkɔyɛ.” **3** Obi kaa n’adwene se, “Mesɛ wo, beka yen ho na yenkɔ.” ɔkae se, “Mate yɛbekɔ.” **4** Bere a woduu Yordan ho no, wofii ase buu nnua. **5** Nanso wɔn mu baako rebu dua no, n’abonnua hɔn tɔɔ asu no mu. ɔtɛɛɛ mu se, “O me wura! Eyɛ abonnua a mekɔsrɛɛ!” **6** Onyankopɔn nipa no bisae se, “ɛhefa na

ɛtɔɛ?” ɔkyɛrɛɛ Elisa baabi ko no, Elisa twaa pema, na ɔtow kyɛnɛɛ asu no mu. Eɔ ara abonnua ti no pagyaw ne ho, betɛn asu no ani. **7** Elisa ka kyɛrɛɛ no se, “Ma so yi.” Na ɔbarima no tɛɛɛ ne nsa yii. **8** Bere a Aramhene ne Israel redi ako no, ɔne ne mpanyimfo tuu agyina, kae se, “Yɛbɛboaboa yen asraafo ano wɔ ha anaa ɛha.” **9** Ntɛm pa ara, Onyankopɔn nipa Elisa bɔɔ Israelhene kɔkɔ se, “Ntwiwi mmen beae hɔ, efise Aramfo no reyɛ nhyehyɛɛ, aboaboa wɔn asraafo ano wɔ hɔ.” **10** Enti Israelhene hwɛɛ beae a Onyame nipa no kyɛrɛɛ no no. Elisa kɔɔ so bɔɔ ɔhene no kɔkɔ mpɛn pii, na ɛmaa n’ani daa fam wɔ mmeae a ɛtete saa no ho. **11** Aramhene wɛrɛ how wɔ asɛm yi ho. ɔfrɛɛ ne mpanyimfo bisaa wɔn se, “Mo mu hena na ɔyɛ ɔfatwafo no? Hena na ɔka me nhyehyɛɛ a mayɛ kyɛrɛ Israelhene?” **12** Mpanyimfo no mu baako buae se, “Me wura, ɛnye yen. Elisa a ɔyɛ odiyifo wɔ Israel no na ɔka wo kokoamɛm kyɛrɛ Israelhene.” **13** ɔhene no hyɛɛ se, “Monkɔhwehwɛ baabi a Elisa wɔ, na yɛbesoma asraafo ama wɔakɔkyɛre no.” Na nkra bae se, “Elisa wɔ Dotan.” **14** Enti anadwo bi, Aramhene somaa asraafo bebree ne wɔn nteaseɛnam ne wɔn aɔnkɔ kotwaa dantaban faa kuropɔn no ho. **15** Bere a Onyankopɔn nipa no somfo sɔrɛɛ ahemadakyɛ, sii afikyiri no, na asraafo, aɔnkɔ ne nteaseɛnam atwa hɔ ahyia. ɔtɛɛɛ mu kyɛrɛɛ Elisa se, “O, me wura! Den na yenye?” **16** Elisa ka kyɛrɛɛ no se, “Nsuro na yɛwɔ dɔm sen wɔn.” **17** Afei, Elisa bɔɔ mpae se, “Awurade, bue n’ani na ma onhu ade,” Awurade buɛɛ ne somfo ani, na ɔmaa n’ani so no, ohuu sɛ Elisa nkyɛn mu a ɛkyɛrɛ bepɔw no, ogya aɔnkɔ ne nteaseɛnam na ayɛ hɔ ma. **18** Bere a Aramfo asraafo bɔ puua wɔn no, Elisa bɔɔ mpae se, “Awurade, mesɛ wo, ma wɔn ani mfurafura.” Na Awurade yɛɛ nea Elisa bisae no. **19** Na Elisa fii adi, kɔka kyɛrɛɛ wɔn se, “Moafa ɔkwan bɔne so aba. ɛnye kurow a morehwehwɛ no ni. Munni m’akyi, na mede mo beko onipa a morehwehwɛ no no nkyɛn.” Na odii wɔn anim koduu Samaria. **20** Na woduu Samaria pɛ, Elisa bɔɔ mpae se, “Awurade, afei bue wɔn ani, na ma wonhu ade.” Na Awurade yɛɛ, na wohuu sɛ wɔwɔ Samaria. **21** Bere a Israelhene huu wɔn no, ɔtɛɛɛ mu, bisaa Elisa se, “M’agya, minkunkum wɔn ana?” **22** Elisa buaa no se, “Nkunkum wɔn. So wubekunkum wɔn a wode w’ankasa afoa ne agyan afa wɔn nnommum no ana? Ma wɔn aduan ne nsu, na wonnidi, nnom na ma wɔsan nkɔ wɔn wura nkyɛn.” **23** Enti ɔhene no too wɔn pon kese, na wodidi, nom wieɛ no ɔma wɔsan kɔɔ

wɔn hene nkyen. Enti Aramfo afowfo no twee wɔn ho fii Israel asase ho koraa. **24** Akyiri no, Aramhene Ben-Hadad boaboa n'akofo nyinaa ano, de wɔn kotuaa Samaria ano. **25** Ebaa saa no, ɔkɔm kese baa kurow no mu. Eyee kakra no, na wɔtɔn afurum ti nsania ani dwete kilogram baako, na aborɔnoma bin kuruwa ma, na ne bo ye nsania ani dwete gram aduonum awotwe. **26** Da bi a Israelhene nam kurow no fasu ho no, ɔbea bi kɔɔ ne nkyen kɔsrɛ no se, "Me wura ɔhene, mesre wo, boa me." **27** Obuaa no se, "Sɛ Awurade ammoa wo a, dɛn na metumi ayɛ? Minni aduan anaa nsa a mede bɛma wo." **28** ɔhene no bisaa no se, "Dɛn asem?" Obuae se, "Saa ɔbea yi kae se, yɛnwe me babarima da bi, na ade kye a, yɛawe ɔno nso de. **29** Enti yɛnoaa me babarima wee. Afei, ade kyee no, meka kyereɛ no se, 'Kum wo babarima no ma yɛnwe,' nanso na ɔde no akosie." **30** Na ɔhene no tee saa asem no, osunsuan ne ntade mu. Na ɔhene no nenam ɔfasu no ho no, nnipa no huu se ɔhye atweaatam wo n'ase. **31** ɔhene no kaa ntam se, "Sɛ nne mankum Safat babarima Elisa a, Onyankopɔn nkum me." **32** Elisa te ne fi a ɔne Israel mpanyimfo reye nhyiamu na ɔhene somaa abɔfo kɔfrɛ no. Nanso ansa na abɔfo no rebedu no, Elisa ka kyereɛ mpanyimfo no se, "Owudifo asoma ɔbarima bi se ommekum me. Sɛ odu ha a, to pon no mu, na ɔnka akyi. Na erenkye ne wura no bedi n'akyi aba." **33** Elisa gu so rekasa no, ɔbɔfo no bae. Na ɔhene no kae se, "Eyɛ Awurade na ɔde saa ɔhaw yi abre yɛn! Adɛn nti na esɛ se mekɔ so twɛn Awurade?"

7 Elisa buae se, "Tie saa asem yi fi Awurade nkyɛn! Sɛnea Awurade se ni: Ebedu ɔkyena sesɛɛ, wɔbetɔn asikresiam a wɔayam no muhumuhu lita asia agye dwete gram dubaako wɔ Samaria egua biara so. Na atoko nso, wɔbetɔn lita du agye dwete gram du abien pɛ." **2** ɔpanyin a ɔboa ɔhene no ka kyereɛ Onyankopɔn nipa no se, "Sɛ Awurade bue ɔsoro mɛnsɛre mpo a, eremma saa da!" Na Elisa kae se, "Wubehu sɛ ebɛba mu saa, nanso wɔrentumi nni emu biara bi." **3** Afei, mmarima akwatafo baanan bi betenatenaa kurow no apon ano. Wobisabisaa wɔn ho wɔn ho se, "Adɛn nti na esɛ se yetena ha twɛn ara kosi se yɛbewuwu? **4** Sɛ yetena ha a, ɔkɔm bɛde yɛn dodo; saa ara na se yɛsan kɔ kurow no mu nso a, ɔkɔm bewɛ yɛn ara ne no. Enti ebeye se yɛbekɔ, na yɛde yɛn ho bɛma Aramfo asraafo no. Na se wɔma yetena ase a, na ne yiye mu ne no. Na se wokunkum yɛn nso a, na ɛno ara ne no." **5** Enti saa anwummere no, wosii mu kɔɔ Aramfo nsraban no mu,

nanso na obiara nni ho. **6** Na Awurade ama asraafo no nyinaa ate nteaseɛnam a ereko mmirikaden no ne aponkɔ no ne asraafo dɔm kese a wɔrebɛn wɔn no nnyigyei. Wɔteetee mu se, "Israelhene afa Hetifo ne Misraimfo sɛ wɔmmetow nhyɛ yɛn so." **7** Enti wɔbɔɔ huboa, na woguan anadwo no, gyaw wɔn ntamadan, aponkɔ, mfurum ne wɔn biribiara, de pɛree wɔn nkwa. **8** Bere a akwatafo no duu nsraban no ano no, wɔn nyinaa wurawuraa ntamadan no mu mmaako mmaako didii, nom nsa, taseɛ dwete, sikakɔkɔɔ ne ntade de kosiei. **9** Akyiri no, wɔkeka kyerekyereɛ wɔn ho wɔn ho se, "Nea yereye yi nye. Eyi ye asem papa a yemmɔɔ obiara amannee. Na se yetwɛn kosi adekyee a, nea ebeye biara, asotwe bi bɛda yɛn so. Momma yɛnkɔbɔ nnipa a wɔwɔ ahɛmfi no amannee." **10** Enti wɔsan baa kurow no mu, bɛbɔɔ aponanohwefo no asem a asi no ho amannee se wɔakɔ Aramfo no nsraban mu, na na obiara nni ho; nnyigyei biara nni ho. Na wɔasesa aponkɔ ne mfurum no ahama, na ntamadan no de, na ne nyinaa wo ho pɛpɛpɛ, nanso na onipa baako koraa nni ho. **11** Aponanohwefo no teetee mu, kaa asem no maa nnipa a wɔwɔ ahɛmfi ho no tee. **12** ɔdasu mu na ɔhene no sɔre fii ne mpa so, ka kyereɛ ne mpanyimfo se, "Minim asem a asi. Aramfo nim se ɔkɔm rekum yɛn nti, wɔatu a fi wɔn nsraban mu, akɔtetɛw wuram baabi. Wɔrehwehwe se yɛbefi kurow no mu, na wɔakyekyere yɛn anikann, na wɔafa kurow no." **13** Mpanyimfo no mu baako kae se, "Eye se yɛbesoma akwansrafo, na wɔakɔhwehwe mu. Momma wɔmfa aponkɔ a wɔaka no mu anum. Sɛ asem bi to wɔn koraa a, erɛnye adehwere kese biara se wɔbetena ha ne yɛn a yeaka no bewuwu." **14** Enti wosiesie nteaseɛnam abien ne aponkɔ, na ɔhene no somaa akwansrafo kɔhwɛɛ asem a ato Aramfo asraafo no. **15** Wɔkɔɛ ara koduu Asubɔnten Yordan, dii ntade ne ahyehyede a Aramfo atow agu no akyi, bere a na wɔde anikrakra reguan no. Akwansrafo no san bɛbɔɔ ɔhene no amannee. **16** Enti Samariafo bɔɔ twi, kɔfow Aramfo nsraban no. ɛno nti na eyɛ nokware se wɔtɔn asikresiam a wɔayam no muhumuhu lita asia saa da no, de gye dwete gram dubaako, atoko lita du nso, na wɔtɔn de gye dwete gram du abien, sɛnea Awurade hyɛɛ ho bɔ no pɛpɛpɛ. **17** ɔhene no yii ne panyin ma ɔhwɛɛ ɔpon no mu ahyɛmfiri so, nanso nnipadɔm no twi faa ne so ma owui. Enti biribiara baa mu pɛpɛpɛ, sɛnea Onyankopɔn nipa no hyɛɛ ho nkɔm bere a ɔhene no baa ne fi no. **18** Onyankopɔn

nipa no ka kyereɛ ɔhene no se, “Ebedu ɔkyena seseɛ, wobɛtɔn asikresiam muhumuhu lita nsia agye dwetɛ gram du baako wɔ Samaria gua biara so. Na atoko nso, wobɛtɔn lita du agye dwetɛ gram du abien.” **19** ɔhene no panyin no buae se, “Sɛ Awurade bue ɔsoro mfensere mpo a, ɛremma saa da!” Na Onyankopɔn nipa no kae se, “Wubehu sɛ ɛbɛba mu saa, nanso worenɛni emu biara bi.” **20** Ɛno ara na ɛbaa mu, nnipa twiɯ faa ne so, kum no wɔ ɔpon no ano.

8 Na Elisa aka akyere ɔbea a onyan ne ba no se, “Wo ne wo fifo ntu nkɔ baabi foforo, efise Awurade ahyɛ sɛ ɔkɔm mmra Israel mfe ason.” **2** Enti ɔbea no yɛɛ sɛnea Onyankopɔn nipa no hyɛɛ no. ɔfaa ne fifo kotenaa Filistifo asase so mfe ason. **3** ɔkɔm no twaa mu no, ɔsan baa Israel asase so, kohuu ɔhene no sɛ ɔregye ne fi ne n’asase. **4** Na ɔhene no ne Gehasi a ɔyɛ Onyankopɔn nipa no somfo rekasa. Na ɔhene no rebisa se: Ka nneɛma akɛse a Elisa aye no bi kyere me. **5** Saa bere no ara na na Gehasi reka nyan a Elisa nyan abarimaa bi no ho asem akyere no. Bere koro no ara mu na abarimaa no na kɔɔ ɔhene no anim, kɔsrɛɛ ɔhene no se ɔmfa ne fi ne ne dan mma no no. Gehasi tɛɛ mu se, “Hwɛ, me wura! ɔbea no ni na, na ne babarima a Elisa nyan no no nso ni!” **6** ɔhene no bisaa ɔbea no se, “Ɛyɛ nokware ana?” ɔbea no buae se ɛyɛ ampa. Enti ɔhene no ka kyereɛ ne mpanyimfo no mu baako se ɔnhwɛ na biribiara a wahwere no, wɔmfa mma no. Ne nnobae a wotwae a na onni ho nyinaa, wode maa no. **7** Na Elisa kɔɔ Damasko a ɛyɛ Aram kuropɔn no mu a na ɔhene Ben-Hadad yare da no. Obi ka kyereɛ ɔhene no se, “Onyankopɔn nipa no aba ho,” **8** na ɔka kyereɛ Hasael se, “Fa akyɛde kɔma Onyankopɔn nipa no. Na ka kyere no, na ommisa Awurade se, ‘Me ho bɛtɔ me bio ana?’” **9** Na Hasael hyehyɛ yoma aduanan so nnɛpa a efi Damasko, sɛ akyede a ɔde rekɔma Elisa. ɔkɔɔ ne nkyɛn ka kyereɛ no se, “Wo somfo Ben-Hadad a ɔyɛ Aramhene asoma me wo nkyɛn se mimmebisa se, ‘Menya ahoto ana?’” **10** Na Elisa ka kyereɛ no se, “Kɔ na kɔka kyere no se, ‘Wubenya ahoto.’” Nanso Awurade ada no adi akyere me sɛ, nea ɛbɛyɛ biara, obewu.” **11** Elisa hwɛɛ Hasael anim, kosii sɛ Hasael yɛɛ basaa. Na Onyankopɔn nipa no fii ase sui. **12** Hasael bisae se, “Adɛn na me wura resu?” Elisa buae se, “Efise minim bɔne a wobɛyɛ Israelfo. Wobɛhyew wɔn nkuroɯ a wɔabobo ho ban, akunkum wɔn mmerante, de wɔn mma nketewa adwiradwira fam, apaapae

apemfo yafunu!” **13** Na Hasael buae se, “Ɛbɛyɛ dɛn na me a mense hwɛɛ yi, betumi adi dwuma kese a ɛte sɛɛ yi?” Elisa buae se, “Awurade akyere me se, wo na wobɛyɛ Aramhene.” **14** Bere a Hasael san kɔɛ no, ɔhene no bisaa no se, “Asem ben na Elisa ka kyereɛ wo?” Hasael buae se, “ɔka kyereɛ me sɛ, nea ɛbɛyɛ biara, wo ho bɛyɛ wo den.” **15** Nanso ade kyee no, Hasael faa ntama a mu yɛ duru, de nuu nsu mu, de kataa ɔhene no anim, kosii sɛ owui. Na Hasael sii n’anan mu sɛ Aramhene. **16** ɔhene Yehosafat babarima Yehoram bedii Yuda so bere a ɔhene Yoram adi ade wɔ Israel mfe anum. Na Yoram yɛ Ahab babarima. **17** Bere a Yehoram dii hene no, na wadi mfe aduasa abien. Odii ade wɔ Yerusalem mfirihyia awotwe. **18** Nanso Yehoram dii Israel ahemfo anammɔn akyi. Na ɔyɛ omumɔyɛfo te sɛ ɔhene Ahab, efise na waware Ahab mmabea no mu baako. Na Yehoram yɛɛ nea na ɛyɛ bɔne wɔ Awurade ani so. **19** Nanso na Awurade mpe sɛ ɔsɛɛ Yuda, efise na ɔne Dawid aye apam, ahyɛ bɔ se, n’asefo na wobɛko so adi ɔman no so afeɔɔ. **20** Yehoram bere so na Edomfo sɔre tiaa Yuda, na wosii wɔn ankasa wɔn hene. **21** Enti Yehoram faa ne nteaseɛnam nyinaa, kɔtow hyɛɛ Sair kurow so. Edomfo twaa ɔne ne nteaseɛnamkafo ho hyiae, nanso ɔfaa anadwo sum no mu guanee. Yehoram asraafo nso guanee. **22** Edom atew Yuda so atua de besi nne. Saa bere no ara mu na Libna kurow nso sɔre tiaa. **23** Nsem a esisii wɔ Yehoram ahenni mu ne nea ɔyɛ nyinaa no wɔankyerew angu Yuda Ahemfo Abakɔsem Nhoma no mu ana? **24** Bere a Yehoram wui no, wosiee no wo ne mpanyimfo nkyɛn wɔ Dawid kurom. Na ne babarima Ahasia na odii n’ade sɛ ɔhene. **25** Yehoram babarima Ahasia fii ase dii hene wɔ Yuda wɔ ɔhene Yoram adedi wɔ Israel ne mfe dumien mu no mu. Na Ahab babarima ne ɔhene Yoram no. **26** Bere a Ahasia dii ade no, na wadi mfirihyia aduonu abien, na odii ade wɔ Yerusalem afe. Ne na ne Atalia a na ɔyɛ Israelhene Omri nena. **27** Ahasia dii amumɔyɛsem, dii bɔne a ɔhene Ahab fifo yɛɛ no anammɔn akyi. ɔyɛ amumɔyɛsem wɔ Awurade ani so, efise wobɔɔ ne din bataa aware a ɔkɔwaree Ahabfini no ho. **28** Ahasia de ne ho kɔɔ Israelhene Yoram ho wo ne ko a ɔko tiaa Aramhene Hasael wɔ Ramot-Gilead no. **29** Bere a wopiraa ɔhene Yoram wɔ ɔko no mu no, ɔsan baa Yesreel sɛ ɔrebɛsa n’apirakuru no. Bere a Yoram wɔ ho no, Yudahene Ahasia kɔsraa no.

9 Na odiiyifo Elisa afre adiiyifo no mu baako afi adiiyifokuw no mu. Ōka kyereɛ no se, “Siesie wo ho, na kɔ Ramot-Gilead. Fa saa toa a ngo wɔ mu yi ka wo ho kɔ. **2** Hwehwe Yehosafat babarima Yehu a ɔye Nimsi nena no. Fre no fi ne nnamfo mu, na fa no kɔ pia mu, **3** na hwie ngo no gu ne tirim. Ka kyere no se, ‘Senea Awurade se ni: Meresra wo ngo, ama woabedi Israel so hene.’ Afei, bue ɔpon no na guan, nsee bere!” **4** Enti odiiyifo kumaa no kɔɔ Ramot-Gilead. **5** Oduu ho no, ohuu Yehu se ɔne asraafo mpanyimfo bi reye nhyiamu. Ōkae se, “Ōsahene, mewɔ nkra bi de ma wo.” Yehu bisae se, “Yen mu hena?” Obuae se, “Wo a woye ɔsahene no.” **6** Enti Yehu gyaw wɔn a aka no ho, kɔɔ fie. Na odiiyifo kumaa no hwiee ngo no guu Yehu tirim, kae se, “Senea Awurade, Israel Nyankopɔn, se ni: Mesra wo ngo se di Awurade nkurɔfo Israelfo so hene. **7** Eɛ se woseɛ Ahab, wo wura no, fi. Saa ɔkwan no so na mɛfa atua m’adiiyifo a wokunkum wɔn ne Awurade asomfo no nyinaa a Isebel kunkum wɔn no so ka. **8** Eɛ se wɔpepa Ahabfifo nyinaa fi ho—ɔbarima biara, ɔsomfo ne nea ɔde ne ho nyinaa a wɔwɔ Israel. **9** Mesɛɛ Ahab fi, senea mesɛɛɛ Nebat babarima Yeroboam ne Ahiya babarima Baasa afi no. **10** Na akraman bɛwe Isebel nam wɔ Yesreel asase so, na obiara rensie no.” Afei, odiiyifo kumaa no buɛe pon no, tuu mmirika guanee. **11** Yehu san kɔɔ ne nkurɔfo mpanyimfo no nkyen. Wɔn mu baako bisaa no se, “Den na damfo a ne ti asɛɛ no rehwehwe? Biribiara kɔ yiye ana?” Yehu buae se, “Wo ara wunim senea ɔbarima no keka ne nsem fa.” **12** Wɔn nyinaa kae se, “Woboa. Ka nokware.” Enti Yehu kae se, odiiyifo no ayi akyerɛ no se Awurade asra no ngo se ommedi Israel so hene. **13** Wɔde wɔn ntade sesew atrapoe no so ntɛm ara, hyɛn torobento, tɛtɛɛɛ mu se, “Yehu ye ɔhene.” **14** Enti Yehosafat babarima Yehu a ɔye Nimsi nena pam ɔhene Yoram ti so. Afei, na Yoram de ne ho akɔɔ asraafo wɔ Ramot-Gilead a na wogyina de tia Aramhene Hasael asraafo no. **15** Nanso na wɔapira Yoram wɔ ɔko no mu, ama wasan aba Yesreel se ɔrebɛsa ne ho yare. Enti Yehu ka kyereɛ mmarima a wɔka ne ho no se, “Esiane se mope se midi hene no nti, obiara nnguan nkɔ Yesreel nkɔka nea yeaye wo ho no.” **16** Na Yehu kɔtenaa teaseɛnam mu, kɔɔ Yesreel kɔhwehweɛ ɔhene Yoram a na wapira da ho no. Na Yudahene Ahasia nso wɔ ho bi. **17** Ɔwɛmfo a na ɔwɔ Yesreel abantenten so no huu Yehu ne ne nkurɔfo se wɔreba nti, ɔtɛɛ mu guu Yoram so se, “Mihi se

asraafo reba. Soma ɔponkɔkafo bi, na ɔnkɔhwe se wɔreba no asomdwoe so ana.” Ɔhene Yoram nso tɛɛ mu. **18** Enti ɔponkɔkafo no kohyiaa Yehu bisaa no se, “Ɔhene pe se ohu se moreba no asomdwoe so ana?” Yehu buae se, “Wuhia asomdwoe de aye den? Di m’akyil!” Ɔwɛmfo no frɛɛ ɔhene se, “Ɔponkɔkafo no ahyia wɔn, nanso ɔmma.” **19** Enti ɔhene no somaa ɔponkɔkafo a ɔto so abien. Okoduu wɔn nkyɛn bisae se, “Ɔhene pe se ohu se moreba no asomdwoe so ana?” Bio, Yehu bisae se, “Wuhia asomdwoe de aye den Di m’akyil!” **20** Ɔwɛmfo no tɛɛ mu se, “Ɔponkɔkafo no ahyia wɔn, nanso ɔno nso mma. Ebeye Nimsi babarima Yehu a ɔka ɔponkɔ mmirikatɛntɛ so no.” **21** Ɔhene Yoram hyɛɛ se, “Ntɛm, monye me teaseɛnam no krado mma me.” Na Israelhene Yoram ne Yudahene Ahasia tenatenaa wɔn nteaseɛnam mu kohyiaa Yehu. Wohyiaa no wɔ asase a na eye Nabot, Yesreelni dea no so. **22** Ɔhene Yoram bisae se, “Wobaa no asomdwoe so ana, Yehu?” Yehu buae se, “Mpen dodow a wo na Isebel abosom ne ne bayi atwa yen ho ahyia yi, ebeye den na maba no asomdwoe so?” **23** Enna ɔhene Yoram twee ne teaseɛnam ponkɔ no hama, de dan ɔponkɔ no ani, guanee a ɔretɛtɛɛ mu se, “Ɔmammɔfo Ahasia!” **24** Na Yehu twee n’agyan tow wɔɔ Yoram mmati ntam. Agyan no hwirew ne koma mu ma ɔtew hwee wɔ ne teaseɛnam no mu, wui. **25** Yehu ka kyereɛ ne kunini Bidkar se, “Tow no kyene Nabot, Yesreelni no asase no so. Wokae bere a na yetete nteaseɛnam mu, di n’agya Ahab akyi no? Awurade kae se, **26** ‘Meka ntam, di nsew se, metua no so ka wɔ Nabot agyapade mu ha, senea Awurade se ni,’ se okum Nabot ne ne mmabarima nnɛra a mihuu no. Enti tow no kyene Nabot asase so ha, senea Awurade kae no.” **27** Bere a Yudahene Ahasia huu asem a asi no, oguan kɔɔ Bet-Hagan. Yehu taa no tɛtɛɛɛ mu se, “Munkum ɔno nso bi.” Enti wɔtow Ahasia agyan wɔɔ no wɔ ne teaseɛnam mu wɔ Gur atrapoe a eben Yibleam. Otumi kɔe ara koduu Megido, na owui wɔ ho. **28** Ne mpanyimfo de no too teaseɛnam mu, kɔɔ Yerusalem kosieɛ no wɔ ne mpanyimfo ho wɔ Dawid kurom. **29** Na Ahasia dii ade wɔ Yuda no, na Israelhene Yoram nso adi ade mfe dubaako. **30** Bere a ɔhemmea Isebel tee se Yehu aba Yesreel no, ɔkekaa n’anintɔn, yɛɛ ne ti fɛfɛfɛ, tɛw mfɛnsere mu. **31** Bere a Yehu wuraa ahemfi pon no mu no, ɔhemmea no tɛɛ mu guu ne so se, “Owudifo, wobaa no asomdwoe so ana? Wote se Simri a okum ne wura no.” **32** Yehu pagyaw n’ani

huu no wɔ mfensere no mu teeɛ mu se, “Hena na ɔwɔ m’afa!” Na piampo baanu anaa baasa hwɛɛ no. **33** Yehu teeɛ mu se, “Montow no nkyene fam.” Enti wɔtow no fii mfensere no mu, maa ne mogya bi bɔ petee ofasu no ne n’aponko ho. Na Yehu maa n’aponko tiatiaa n’amu no so. **34** Na Yehu kɔɔ ahemfi hɔ kodidi, nomee. Akyiri no, ɔkae se, “Monko nkosie ɔbea a wɔadome no yi, efise ɔye ɔhene babea.” **35** Nanso wɔkɔɔ se wɔrekosie no no, ne ti ne nan ne ne nsa nko ara na wohui. **36** Bere a wɔbeɔɔ Yehu amannee no, ɔkae se, “Eyi ne Awurade asem a ɔnam ne somfo Tisbini Elia so kae se, ‘Asasetam bi a eɔa Yesreel no so na akraman bewe Isebel nam no. **37** Na n’amu beɔɔ apete, te se wura wɔ Yesreel pɔw mu a ne saa nti, obiara ntumi nhu no.”

10 Na Ahab wɔ mmabarima aduɔson a wɔtete Samaria. Na Yehu kyerew krataa, kyekye maa kurow no mpanyimfo, ntuanofɔ ne wɔn a wɔhwɛ Ahab mmabarima no so no. Na krataa no ka se, **2** “ɔhene mmabarima no wɔ mo nkyn. Ne nteaseɛnam, n’aponko, kurow a wɔabɔ ho ban ne akode nyinaa nso saa ara. Se mo nsa ka saa krataa yi ara pɛ a, **3** munyi ɔhene Ahab mmabarima no mu nea ɔfata a ɔwɔ mu no, na mumsi no mo so hene, na munsiesie mo ho nko mma Ahab fi.” **4** Nanso wɔbeɔɔ huboa kae se, “Ahemfo baanu mpo antumi annyina, antia saa ɔbarima yi! Na den na yebetumi aye?” **5** Enti mpanyimfo a wɔhwɛ ahemfi hɔ ne kurow no so ne ntuanofɔ ahorow no ne wɔn a wɔhwɛ ɔhene mmabarima so no de saaakra yi kɔmaa Yehu se, “Yeye wo nkoa, na biribiara a wobeka se yenye no, yebeye. Yerensi obiara hene. Nea wususuw se eye biara no, ye.” **6** Yehu kyerew krataa a eto so abien de buae se, “Se mowɔ m’afa, na mubetie m’asem de a, ɔkyena sesɛɛ mmere mu, momfa ɔhene no mmabarima ti mmɛ me wɔ Yesreel.” Na Samaria ntuanofɔ bi na wɔhwɛ ɔhene mmabarima aduɔson no so a wɔatetew wɔn fi wɔn mmofraase pɛɛ. **7** Krataa no duu ara pɛ, na ntuanofɔ no kunkum ɔhene no mmabarima aduɔson no nyinaa. Wɔde wɔn ti no guu nkentɛn mu, na wɔde kɔmaa Yehu wɔ Yesreel. **8** ɔbofo kɔɔ Yehu nkyɛn kɔka kyerɛɛ no se, “Wɔde ɔhene mmabarima no ti no aba.” Enti Yehu hyɛ se, “Mommooaba ano akuw abien wɔ kurow no pon ano, na munnyaw hɔ nkosi adekyee.” **9** Adekyee no, ɔkɔkasa kyerɛɛ dɔm a wɔahyia hɔ no se, “Ense se obi bɔ mo sobo. Me na meɔɔ pɔw, de tiaa me wura, nam so kum no. Na hena na okunkum

eyinom? **10** Nea ewɔ hɔ ne se, esɛ se asem a efi Awurade nkyɛn a wɔka faa Ahab fi ho no ba mu. Awurade nam ne somfo Elia so daa no adi se eyi beba mu.” **11** Na Yehu kunkum Ahab abusuafo a wɔtete Yesreel no ne ne mpanyimfo atitiriw ne nnamfonom ne n’akɔmfo nyinaa. Enti anka Ahab aseni biara. **12** Na Yehu fii hɔ kɔɔ Samaria. ɔrekɔ no, ɔkɔdaa Bet-Eked nguanhwɛfo ahɔhodan mu. **13** Ohyiaa Yudahene Ahasia abusuafo bi. Obisae se, “Moye hefo?” Wobuae se, “Yeye ɔhene Ahasia abusuafo. Yerekɔsra ɔhene Ahab mmabarima ne ɔhemmea no.” **14** Yehu teeɛ mu, ka kyerɛɛ ne mmabarima se, “Monkyere wɔn anikann.” Na wɔkyekyerɛɛ nnipa aduanan abien no nyinaa kunkum wɔn wɔ Bet-Eked abura so. Wannyaw wɔn mu biara. **15** Bere a Yehu fii hɔ no, ohyiaa Rekab babarima Yehonadab a na ɔrebehya no. Wokyiakyiaa wɔn ho wiei no, Yehu bisaa no se, “Wowo me ho adwene pa, senea mewɔ wo ho adwene pa no ana?” Yehonadab buae se, “Yiw.” Yehu toaa so se, “Se ete saa de a, kyia me.” Yehonadab teeɛ ne nsa ma Yehu kyiaa no, de no tenaa teaseɛnam no mu. **16** Na Yehu kae se, “Afei, wo ne me nko, na hu senea mede me ho ama Awurade no.” Enti Yehonadab ne no tenaa teaseɛnam no mu kɔɛ. **17** Bere a Yehu duu Samaria no, okunkum Ahab fifo a wɔaka wɔ hɔ no nyinaa, senea Awurade nam Elia so hyɛ no. **18** Na Yehu frɛɛ nnipa a wɔwɔ kurow no mu no nyinaa nhyiamu, ka kyerɛɛ wɔn se, “Ahab som Baal kakra; Yehu besom no yiye. **19** Momfrɛ Baal adiyifo, asomfo ne n’akɔmfo nyinaa mmra. Monhwɛ se wɔn mu biara beba, efise merebeɔ Baal afɔre kese. Obiara a ɔsom Baal a wamma no, wobekum no.” Na Yehu redaadaa wɔn, senea ɔbesɛɛ wɔn a wɔsom Baal no nyinaa. **20** Afei, Yehu hyɛ se, “Munhyia, mmɔ gua anibere so, na monsɔre Baal!” Enti wɔyɛɛ saa. **21** ɔsomaa abofo kɔɔ Israel mmra nyinaa, kɔfrɛɛ wɔn a wɔsom Baal no nyinaa. Wɔn nyinaa ba behyɛ Baal abosomfi hɔ ma tɔ, fi ti kosi ti. **22** Na Yehu hyɛɛ nea ɔhwɛ ntadedaka no so no se, “Hwe ma obiara a ɔsom Baal no nhyɛ batakarɛ yi baako.” Enti wɔkyekyerɛɛ batakarɛ maa wɔn. **23** Na Yehu ne Rekab babarima Yehonadab kɔɔ Baal abosomfi hɔ. Yehu ka kyerɛɛ Baal asomfo no se, “Monhwɛ se wɔn a wɔye Baal asomfo no nko ara na wɔwɔ ha. Mommma obiara a ɔsom Awurade no mma mu.” **24** Enti na wɔn nyinaa wɔ abosomfi hɔ rekɔɔ afɔre ne ɔhyew afɔre. Yehu de n’asraafo aduɔwɔtwe twaa ɔdan no ho hyiae, hyɛɛ wɔn se, “Se moma obi guan a, mo ara mode

mo nkwa betwa so.” 25 Yehu wiee ɔhyew afoɛ no bo ara pɛ, ɔhyɛɛ n’awɛmfo ne ne mpanyimfo no se, “Munkokunkum wɔn nyinaa. Mommma ɔbaako koraa nguan!” Enti wɔde wɔn afoa kunkum wɔn nyinaa. Na awɛmfo no ne mpanyimfo no twee wɔn amu no beguu abɔnten. Yehu asraafo no kɔɔ Baal abosomfi no aban mu. 26 Wɔtwee Baal adum no a na wɔde som no no, seee no. 27 Wobubuu Baal adum no, seee n’abosomfi no pasaa, de ho yɛ ɔmanfo agyaneanbea. Na ɛda so yɛ agyaneanbea de besi nnɛ. 28 Yehu nam saa ɔkwan yi so, de toɛɛ Baalsom ase korakora wɔ Israelman mu. 29 Nanso Yehu ansee sika nantwimma a ɛwɔ Bet-El ne Dan no; wantwe ne ho amfi bɔne kese a Nebat babarima Yeroboam dii Israelfo anim ma wɔyɛɛ no ho. 30 Na Awurade ka kyereɛ Yehu se, “Woayɛ ade se wutiee m’asɛm, nam so seee Ahab fifo. Ne saa nti, mɛma w’asefo adi ahene wɔ Israel, akosi awo ntoatoaso anan so.” 31 Nanso Yehu amfa ne koma anni Awurade, Israel Nyankopɔn mmara no so. Wantwe ne ho amfi ahonisom a Yeroboam dii Israelfo anim, ma wɔyɛɛ no ho. 32 Saa mmere no, Awurade fii ase tew Israel asase no kese so. ɔhene Hasael dii ɔman no afaafa bebreɛ so 33 wɔ Asubɔnten Yordan apuei fam wɔ Gilead nyinaa, a Gad, Ruben ne Manase ka ho. Odii asase a efi Aroer kurow a ɛda Arnon Subon ho, de kosi atifi fam wɔ Gilead ne Basan. 34 Na Yehu ahenni mu nsem a esisii, ne dwuma ahorow a odii ne nea otumi yɛɛ no, wɔankyerew angu Israel Ahemfo Abakɔsem Nhoma no mu ana? 35 Bere a Yehu wui no, wosieɛ no wɔ ne mpanyimfo nkyɛn wɔ Samaria. Na ne babarima Yehoahas na odii n’ade se ɔhene. 36 Nna a Yehu de dii Israel so wɔ Samaria no yɛ mfe aduonu awotwe.

11 Bere a Yudahene Ahasia, ne na Atalia tee se ne babarima no awu no, ɔkɔɛ se ɔɛkɔsɛɛ adehyebusua a aka no. 2 Nanso Ahasia nuabea Yehoseba a na ɔyɛ ɔhene Yehoram babea no faa Ahasia ba abarimaa ketewa Yoas, yii no fii ɔhene no mma a anka wɔrebekunkum wɔn no mu. Yehoseba de Yoas ne ne gyigyefo kohintaw pia bi mu, sɛnea Atalia renhu no. Eno nti, wɔannya abofra no ankum no. 3 Yoas ne nea ogyigye no no hintaw wɔ Awurade Asɔredan mu ho mfe asia, bere a na Atalia di ɔman no so no. 4 Atalia adedi mfe ason mu no, ɔsɔfo Yehoiada soma ma wɔkɔfaa Karifo asraafo apaafɔ ne awɛmfo baa Awurade asɔredan mu ho. ɔne wɔn yɛɛ nhyehyɛɛ, na ɔma wokaa ntam se wobedi nokware wɔ Awurade

asɔredan mu ho. Afei, ɔde ɔhene babarima Yoas kyereɛ wɔn. 5 Yehoiada ka kyereɛ wɔn se, “Nea ɛsɛ se moyɛ ni. Mo mu nkyɛmu abiesɛ mu baako a moyɛ adwuma homeda no bewɛn ahɛmfi no. 6 Nkyɛmu abiesɛ mu baako nso, nwen wɔ Sur pon no ano. Na nkyɛmu abiesɛ mu baako a aka no nso, bewɛn ahɛmfi no akyi. Saa akuw abiesɛ yi nyinaa bewɛn ahɛmfi no. 7 Akuw abien a wɔamma adwuma homeda no nso bewɛn Awurade asɔredan no ama ɔhene no. 8 Mɔbeyɛ ɔhene ho awɛmfo kuw, a mukurakura mo akode. Onipa biara a wɔmmaa no kwan a ɔbɛbɛn mo no, munkum no. Bere biara, mommɛn ɔhene no.” 9 Na asahene no dii biribiara a ɔsɔfo Yehoiada hyɛɛ se wɔnyɛ no so pɛpɛpɛ. Asahene no faa asraafo a wɔbaa adwuma homeda no ne wɔn a wɔako adwuma da no no. Wɔde wɔn nyinaa baa ɔsɔfo Yehoiada anim. 10 ɔmaa wɔn mpeaw ne nkatabo a na bere bi ɛyɛ ɔhene Dawid de a na wɔakora wɔ Awurade asɔredan mu ho no. 11 Awɛmfo no gyinagyinaa ɔhene no ho hyiaɛ a wokurakura wɔn akode. Wɔsaa so tee fii asɔredan no anafo fam, de kɔfaa atifi fam, ne afoɛmuka no ho nyinaa. 12 Na Yehoiada de ɔhene babarima Yoas no pue hyɛɛ no ahenkyew. ɔmaa Yoas Onyankopɔn apam no nhweso no bi, sii no ɔhene. Wɔsraa no, na nnipa no nyinaa bɔɔ wɔn nsam, teɛteɛɛ mu se, “ɔhene nkwa so!” 13 Atalia tee gyegyegye no a awɛmfo no ne nnipa no reyɛ no, ɔyɛɛ ntɛm kɔɔ Awurade asɔredan mu ho, kɔhwɛɛ nea ɛɛkɔ so. 14 Ohuu se ɔhene fɔforo no gyina beaɛ bi a ɛkyere ne tumi wɔ afadum no ho, sɛnea amanne kyere wɔ ahensi mu no. Na mpanyimfo ne torobentohyɛnfo atwa ne ho ahyia. Na nnipa a wofi asase no so mmaa nyinaa redi ahurusi rehyɛn torobento. Bere a Atalia huu eyinom nyinaa no, ɔde ahometew sunsuan ne ntade mu teɛteɛɛ mu se, “Amammɔsem! Amammɔsem!” 15 Na ɔsɔfo Yehoiada hyɛɛ asafohene a wɔhwɛ asraafo no so no se, “Momfa no mfi asɔredan mu ha, na munkum obiara a ɔpɛ se ogye no. Munnkum no wɔ Awurade asɔredan mu ha.” 16 Enti wɔtwee no de no kɔɔ ɔkwan a apɔnkɔ fa so ba ahɛmfi ho no so, kum no wɔ ho. 17 Na Yehoiada ne ɔhene no ne ɔmanfo no yɛɛ apam se, wɔbeyɛ Awurade nkurafo. ɔsan yɛɛ apam too ɔhene no ne nnipa no ntam. 18 Na nnipa a wɔwɔ asase no so nyinaa kɔɔ Baal abosonnan mu, kobubu guu fam. Wobubuu afoɛmuka ne ahoni ahorow no nyinaa asinasin, kum Baal kɔmfo Matan nso wɔ afoɛmuka no anim. ɔsɔfo Yehoiada maa awɛmfo wɛn Awurade

asoredan no. **19** Na asahene, Karifo asraafo apaafɔ, awɛmfo no ne nnipa a wɔwɔ asase no so nyinaa dii ɔhene no akyi, de no pue fii Awurade asoredan no mu. Wɔfaa awɛmfo no pon no ano, kɔɔ ahɛmfi hɔ, na ɔhene no kɔtenaa ahengua no so. **20** Enti nnipa a wɔwɔ asase no so nyinaa dii ahurusi, na asomdwɔe baa kuropon no mu, efise wɔakum Atalia wɔ ahɛmfi. **21** Yoas bedii ade no, na wadi mfirihya ason.

12 ɔhene Yehu adedi wɔ Israel no mfe ason so, na Yoas nso dii ade wɔ Yuda. Odii ade wɔ Yerusalem mfe aduanan. Na ne na Sibia fi Beer-Seba. **2** Yoas asetena mu nyinaa, ɔyɛɛ nea ɛsɔ Awurade ani, efise na ɔsɔfo Yehoiada kyerekyerɛ no. **3** Nanso wansɛɛ abosonnan a na nnipa kɔbɔ afɔre, kɔhyew nnuhuam wɔ hɔ no. **4** Da bi, ɔhene Yoas ka kyereɛ asɔfo no se, “Mommɔboa sika a wɔde ba Awurade asoredan mu se afɔrebɔde kronkron no, se eye daa daa towtua, aboadɛ anaa akyɛdɛ a efi ɔpɛ mu no. **5** Momma asɔfo no mfa sika no bi nkɔtua asoredan no asiesie ho ka biara.” **6** Nanso ɔhene Yoas dii ade mfe aduonu abiesɛa no, na asɔfo no nsiesie Asoredan no. **7** Enti ɔhene Yoas soma kɔfrɛɛ Yehoiada ne asɔfo a wɔaka no, bisaa wɔn se, “Adɛn nti na munsiesieɛ asoredan no? Momma akyɛdɛ no nhyɛ mo ho bio. Efi nne rekɔ, ɛsɛ se mode ne nyinaa siesie asoredan no.” **8** Enti asɔfo no penɛɛ so se wɔrennyigyɛ sika mfi nnipa no nkyɛn bio. Wɔpenɛɛ so nso se, wɔn ankasa rensiesie Asoredan no. **9** Na ɔsɔfo Yehoiada tuu tokuru wɔ adaka kese bi atifi, de sii afɔremuka no nifa so wɔ Awurade Asoredan no kwan ano. Asɔfo a wɔwɛn ɔkwan no ano no de nnipa no ntɔboa nyinaa guu adaka no mu. **10** Bere biara a adaka no beyɛ ma no, asɔre kyɛrɛwfo ne ɔsɔfɔpanyin no kan sika a wɔde aba Awurade Asoredan no mu no nyinaa, de gu nkɔtoku mu. **11** Afei, wɔde sika no ma dwumadi sohwɛfo no ma wɔde tua nnipa a wɔyɛ Awurade Asoredan no ka—nnua adwumfo, adansifo, **12** abohyehyɛfo ne abotwafo. Wɔde sika no bi nso tɔ nnua ne abo a wɔatwa, a wɔde besiesie Awurade asoredan no. Na ka biara a ɛba Asoredan no asiesie ho no, wotua. **13** Na wɔamfa sika a wɔde bɛba Asoredan mu hɔ no anyɛ dwɛtɛ nkuruwa, akanea adabaw, nkankyɛɛ akese, ntɔrobɛntɔ anaa nneɛma a wɔde sikakɔkɔɔ anaa dwɛtɛ yɛ ma Awurade Asoredan no. **14** Na wɔde tuua adwumayɛfo no ka, ma wɔde siesieɛ asoredan no. **15** Na adwuma no hwɛfo akontaabu biara ho anhia, efise na wɔyɛ adwumayɛfo

nokwafo. **16** Nanso afɔdi ne bɔneyɛ ho afɔrebɔde no de, na wɔmfa nkɔ Awurade Asoredan mu hɔ. Na wɔde ma asɔfo no se wɔn kyɛfa. **17** Saa bere no ntam ara na Aramhene Hasael kɔko tiaa Gat, na ɔfaa ɔman no. Afei, ɔdan ne ho kɔtow hyɛɛ Yerusalem so. **18** ɔhene Yoas boabɔaa akronkronne a Yehosafat, Yehoram ne Ahasia a na wɔyɛ Yuda ahɛmfo a wɔatwa mu no ato din ama Awurade ne nea ɔno ankasa nso ato din ama Awurade no nyinaa ano. ɔde ne nyinaa a sikakɔkɔɔ a ɛwɔ akorae a ɛwɔ Awurade asoredan mu hɔ ne ahɛmfi no kaa ho no kɔmaa Aramhene Hasael. Enti ɛmaa Hasael twee ɔsa a anka ɔretu wɔ Yerusalem so no sanɛɛ. **19** Nsɛm a esisii wɔ Yoas ahɛnni mu ne nea ɔyɛɛ no nyinaa, wɔankyɛrɛw wɔ Yuda Ahɛmfo Abakɔsɛm Nhoma no mu ana? **20** Nanso ne mpanyimfo pam ne ti so, kum no wɔ Bet-Milo kwan a ɛko Sila no so. **21** Awudifo no yɛ Simeat babarima Yosabad ne Somer babarima Yehosabad a na wɔn nyinaa yɛ afɔtufo nokwafo. Wosieɛ Yoas wɔ n’agyanom nkyɛn wɔ Dawid kurom. Na ne babarima Amasia na odii n’ade se ɔhene fɔforo.

13 Bere a Yehu babarima Yehoahas fii ase dii hɛne wɔ Israel no, na ɔhene Yoas nso adi ade mfe aduonu abiesɛa wɔ Yuda. Odii ade mfe dunson wɔ Samaria. **2** Nanso ɔyɛɛ bɔnɛ wɔ Awurade ani so. Odii Nebat babarima Yeroboam nhwɛso akyi, toaa ahonisom a odii Israelfo no anim yɛɛ no so. **3** Enti Awurade bo fuw Israelfo, na ɔmaa ɔhene Hasael a ofi Aram ne ne babarima Ben-Hadad kwan ma wodii wɔn so mfe bebreɛ. **4** Na Yehoahas bɔɔ Awurade mpae, srɛɛ ne mmɔa. Awurade tieɛ ne mpaɛbɔ. Na Awurade huu nhysesotraso a Aramhene de maa Israelfo no. **5** Awurade yii ogyɛfo bi ma obegyɛɛ Israelfo no fii Aramfo nhysesotraso no ase. Na Israelfo no tenaa ase ahotɔ mu bio, sɛnea na wɔtɛ kan no. **6** Nanso wɔkɔɔ so yɛɛ bɔnɛ, wodii Yeroboam nhwesɔbɔnɛ no akyi. Na mpo, wosii Asera dua wɔ Samaria. **7** Na Yehoahas asraafo no so atɛw abeyɛ apɔnkɔsɔtɔfɔ aduonum, nteaseɛnam du ne anammɔnmufɔ asraafo mpɛm du. Na Aramhene akunkum nkaɛ no ayɛ wɔn se awiporowbere mfutuma wɔ ne nan ase. **8** Yehoahas ahɛnni mu nneɛma a esisii, dwuma a odii ne nea ne tumidi kɔpɛm nyinaa, wɔankyɛrɛw wɔ Israel Ahɛmfo Abakɔsɛm Nhoma no mu ana? **9** Bere a Yehoahas wui no, wosieɛ no wɔ Samaria wɔ ne mpanyimfo nkyɛn. Na ne babarima Yehoas dii n’ade se ɔhene.

10 Yehoahas babarima Yehoas fii ase dii Israel so wɔ bere a na ɔhene Yoas adi ade wɔ Yuda ne mfe aduasa ason so. Odii ade wɔ Samaria mfe dunsia. 11 Na ɔyɛɛ bɔne wɔ Awurade ani so. Wantwe ne ho amfi abosonsom a Nebat babarima Yeroboam dii Israel anim ma wɔyɛɛ no ho. 12 Yehoas dwuma a odii no nkae wɔ n'ahenni mu ne ne mmaninye nyinaa ne ne tumi a na ɔwɔ no ne ɔko a ɔne Yudahene Amasia koe no, wɔankyerew wɔ Israel Ahemfo Abakɔsem Nhoma no mu ana? 13 Bere a Yehoas wui no, wosiee no wɔ Samaria wɔ ne mpanyimfo nkyen. Na ne babarima Yeroboam a ɔto so abien dii n'ade se ɔhene. 14 Bere a owuyare bɔɔ Elisa no, Israelhene Yehoas kɔsraa no, na osuu no se, "M'agya! M'agya! Israel nteaseenam ne nteaseenamkafol!" 15 Elisa ka kyereɛ no se, "Hwehwe tadua ne bemma." Na ɔhene no yɛɛ nea ɔkae no. 16 Na Elisa ka kyereɛ Israelhene no se ɔmfa ne nsa nto tadua no so. Na Elisa de ɔno ankasa ne nsa too ɔhene no nsa so. 17 Afei, ɔhyɛɛ se, "Bue mfensere a ɛkyere apuei fam no." Na obuei. Na ɔkae se, "Tow!" Na ɔtowee. Na Elisa kae se, "Eyi ne Awurade agyan a eyɛ Aram so nkonimdi, efise wubedi Aramfo so pasaa wɔ Afek. 18 Afei, tase bemma a aka no na totow wowɔ fam." Enti ɔhene no tasee, na ɔtotow wowɔ fam mprensa. 19 Nanso Onyankopɔn nipa no bo fuw no, kae se, "Anka esɛ se wototow sisi fam mpen anum anaa asia. Eno ansa a na anka wubedi Aram so, kosi se wobetɔre wɔn ase. Enti wubedi nkonim mprensa." 20 Elisa wui, na wosiee no. Na Moabfo afowfo kɔfom asase no so nneema afe biara. 21 Bere bi a Israelfo resie obi no, wohuu afowfo bi. Eno nti, woyɛɛ no ntem tow amu no kyenee Elisa ɔboda mu. Amu no kɔkaa Elisa nnompe ara pɛ na owufo no nyanee, huruw gyinaa ne n'anan so! 22 Na Aramhene Hasael hyɛ Israelfo so bere a ɔhene Yehoahas dii ade no nyinaa. 23 Nanso Awurade huu Israelfo mmɔbɔ nti, wɔn ase antɔre. Esiane apam a na ɔne Abraham, Isak ne Yakob ayɛ no nti, ohuu wɔn mmɔbɔ. Na ebisi nne, ɔmpɛɛ se ɔbetɔre wɔn ase, anaa ɔbɛpam wɔn a fi n'anim. 24 Afei, Aramhene Hasael wui, na ne babarima Ben-Hadad bedii n'ade se ɔhene. 25 Na Yehoahas babarima Yehoas san kogyee nkurow a Hasael gyigye fii n'agya Yehoahas nsam no. Yehoas dii Ben-Hadad so nkonim mprensa, nam so gyigyee Israel nkurow no.

14 Bere a Yoas babarima Amasia fii ase dii ade wɔ Yuda no, na ɔhene Yehoas adi ade wɔ Israel mfe abien. 2 Amasia dii ade no, na wadi mfe aduonu

anum, na odii ade wɔ Yerusalemm mfe aduonu akron. Na wɔfɛɛ ne na se Yehoadin a ofi Yerusalemm. 3 ɔyɛɛ nea etee wɔ Awurade ani so, nanso anto nea n'agya Dawid yee. ɔhwɛɛ n'agya Yoas nhweso so. 4 Nanso, wansɛ abosonnɔn a na nnipa kɔbɔ afɔre, kɔhyew nnuhuam wɔ ho no. 5 Bere a Amasia tim wɔ n'ahenni mu yiye no, okunkum mmɔrima a wokum n'agya a na ɔyɛ ɔhene no. 6 Nanso wɔn a wokunkum wɔn no mma de, wankum wɔn, senea wɔankyerew wɔ Mose Mmara Nhoma no mu no, ne senea Awurade ahyɛ no se: Wonnkunkum agyanom, wɔn mma bɔne nti; na wonnkunkum mma, agyanom bɔne nti. Esɛ se wɔn mu biara wu wɔ ne bɔne ho. 7 Amasia na okunkum Edomfo mpem du wɔ Nkyene Bon no mu no. ɔno ara nso na odii Sela so nkonim, na ɔtoo ho din Yokteel, din a wɔde frɛ ho de besi nne no. 8 Da bi, Amasia ka sii Israelhene a ɔyɛ Yehoahas babarima ne Yehu nena anim se, "Behyia me ma yenko." 9 Na Israelhene Yoas buaa Yudahene Amasia se, "Nsɔe a ɛwɔ Lebanon mmepɔw so somaa abɔfo kɔɔ dutan sida nkyen kɔka kyereɛ no se, 'Fa wo babea ma me babarima aware.' Eho ara na aboa bi fi wuram betiatiaa nsɔe no so sɛee no. 10 Nokware, woadi Edom so nkonim, ama woaye ahantan. Ma w'ani nsɔ wo nkonimdi no, na tena wo fi. Aden nti na wopere wo ho kɔ ɔhaw a ede amanehununu beba wo ne Yudafo nyinaa so yi?" 11 Na Amasia antie nti, Israelhene Yoas boabooa n'akofo ano ne no kɔkɔe. Asraafo dɔm abien no hyiaa mu koe wɔ Bet-Semes a ɛwɔ Yuda. 12 Israel asraafo dii Yuda so nkonim, maa Yuda asraafo no bɔ hwetee, guan kɔ wɔn kurom. 13 Israelhene Yoas kyeree Yudahene, Yoas babarima Ahasia babarima Amasia wɔ Bet-Semes. Na Yoas bɔɔ nsra kɔɔ Yerusalemm. Afei ɔhyɛɛ n'akofo no ma wodwiriw Yerusalemm fasu no, fi Efraim Pon no de kɔsii Twɔtwɔw so Pon no, a ne tenten beye se anammɔn ahansia no. 14 ɔfaa sikakɔkɔɔ, dwete ne nnwinne nyinaa fii Awurade asɔredan mu ne ahemfi adekoradan mu ho. ɔfaa nnipa no nnommum, na ɔsan kɔɔ Samaria. 15 Yoas ahenni mu nsem nkae ne nea ne tumi kɔsii ne ako a ɔne Yudahene Amasia dii no nyinaa, wɔankyerew angu Israel Ahemfo Abakɔsem Nhoma no mu ana? 16 Bere a Yoas wui no, wosiee no wɔ ne mpanyimfo nkyen wɔ Samaria. Na ne babarima Yeroboam a ɔto so abien na odii n'ade se ɔhene. 17 Israelhene Yoas, Yehoahas babarima wu akyi no, Yudahene Amasia tenaa ase mfe dunum. 18 Amasia ahenni mu nsem nkae no, wɔankyerew angu Yuda

Ahemfo Abakɔsem Nhoma no mu ana? **19** Wɔpam Amasia ti so wɔ Yerusalem nti, oguan kɔɔ Lakis. Nanso, n'atamfo no somaa awudifo, ma wotiwo no, kokum no wɔ ho. **20** Wɔsan de no too ɔponko so, baa Yerusalem, na wosiee no wɔ ne mpanyimfo nkyen wɔ Dawid kurom. **21** Yudafo sii Amasia babarima Asaria a na wadi mfe dunsia no hene. **22** N'agya wu akyi no, Asaria san kyekyeree Elat kurow, dan maa Yuda. **23** Yudahene Yoas babarima Amasia adedi mfe dunum mu no, Israelhene Yoas babarima Yeroboam a ɔto so abien bedii hene wɔ Israel. Odii ade wɔ Samaria mfirmihia aduanan baako. **24** Ɔyee bone wɔ Awurade ani so. Na wantwe ne ho amfi abosonsom a Nebat babarima Yeroboam maa Israelfo kɔɔ mu no ho. **25** Yeroboam a ɔto so abien gyigyee Israel nsase a eɖa Lebo Hamat ne Nkyene Po no nti na senea Awurade, Israel Nyankopɔn nam Amitai babarima Yona, odiyifo a ofi Gat-Hefer so, hyee ho bɔ no. **26** Awurade huu senea obiara a ɔwɔ Israel no reteetee, na wonni obiara a ɔbeboa won nso. **27** Esiane se Awurade nkaa se ɔbepepa Israel din koraa no nti, ɔnam Yoas babarima Yeroboam nso so gyee won nkwa. **28** Yeroboam a ɔto so abien ahenni mu nsem nkae ne dwuma a odii nyinaa, nea ne tumi ano kosii, n'akodi ne nsase a ogyigyee maa Israel a Damasko ne Hamat a na ewɔ Yuda nsam no nyinaa ka ho no, wɔankyerew angu Israel Ahemfo Abakɔsem Nhoma no mu ana? **29** Bere a Yeroboam wui no, wosiee no ne mpanyimfo a na wɔye Israel ahemfo no nkyen. Na ne babarima Sakaria na odii n'ade se ɔhene.

15 Bere a Yeroboam a ɔto so abien di ade wɔ Israel no, ne mfe aduonu ason so na Amasia babarima Asaria fii ase dii ade wɔ Yuda. **2** Obedii hene no, na wadi mfe dunsia. Na odii ade wɔ Yerusalem mfirmihia aduonum abien. Na ne na din de Yekolia a ofi Yerusalem. **3** Na ɔtee wɔ Awurade ani so, senea n'agya Amasia tee no. **4** Wansee abosonnana na nnipa kɔɔ afɔre, kɔhyew nnuhuam wɔ ho no. **5** Awurade maa kwata yee ɔhene no, kosii da a owui. Ne saa nti, na ɔno nko te ofi bi mu. Yotam a na ɔye ɔhene no babarima na ɔhwɛe ahemfi no so, na odii nnipa a wɔwɔ asase no so no so. **6** Na Asaria adedi ho nsem nkae ne dwuma a odii nyinaa no, wɔankyerew angu Yuda Ahemfo Abakɔsem Nhoma no mu ana? **7** Asaria wui no, wosiee no wɔ ne mpanyimfo nkyen wɔ Dawid kurow mu. Na ne babarima Yotam na odii n'ade se ɔhene. **8**

Yudahene Asaria dii ade no, ne mfe aduasa awotwe mu no na Yeroboam a ɔto so abien babarima Sakaria nso dii ade Israel wɔ Samaria. Odii ade asram asia. **9** Ɔyee bone wɔ Awurade ani so, senea n'agyanom yee no. Wamfi ahonisom a Nebat babarima Yeroboam maa Israelfo som no ho. **10** Na Yabes babarima Salum bɔɔ pɔw de tiaa Sakaria, kum no wɔ bagua mu, dii akongua no. **11** Sakaria dwuma a odii nkae no, wɔankyerew angu Israel Ahemfo Abakɔsem Nhoma no mu ana? **12** Enti, Awurade asem a ɔka kyeree, Yehu se, “W'asefo na wɔbeyɛ Israel ahemfo akosi awo ntoatoaso a ɛto so anan” mu no, baa mu. **13** Yabes babarima Salum bedii Israel so hene no, na eye Yudahene Usia adedi mfe aduasa akron mu. Salum dii ade wɔ Samaria ɔsram baako pɛ. **14** Afei, Gadi babarima Menahem fii Tirsaa kɔɔ Samaria. Ɔkɔtow hyee Yabes babarima Salum so kum no, na ɔtenaa akongua no so. **15** Salum ahenni ho nsem nkae ne pɔw a ɔbɔe no, wɔankyerew angu Israel Ahemfo Abakɔsem Nhoma no mu? **16** Saa bere no mu, Menahem fii Tirsaa kotoaa Tifsa ne obiara a ɔwɔ ho ne ne nkurow nyinaa, efise ehofo no ampene so se wɔde kurow no bema. Okunkum kurow no mu nnipa nyinaa, paapae emu apemfo nyinaa yafunu mu. **17** Gadi babarima Menahem fii ase dii Israelhene bere a na Usia adi ade wɔ Yuda ne mfe aduasa akron so. Odii hene wɔ Samaria mfirmihia du. **18** Nanso Menahem yee bone wɔ Awurade ani so. N'ahenni mu nyinaa, wannyaee bone a eye ahonisom no a na Nebat babarima Yeroboam adi Israelfo anim de won asom no. **19** Afei, Asiriahene Pul bedii asase no so. Na Menahem tuu dwete nkaribo tɔn aduasa ason maa no senea ɔbetaa n'akyi ama n'ahenni no atim. **20** Menahem nam apooɔ so gyigyee Israel asikafo no mu biara nkyen dwete a ekari gram ahannum aduonon de maa Asiriahene. Eno nti, Asiriahene ankɔtow anhyɛ Israel so, na wantena asase no so nso. **21** Na Menahem adedi ho nsem nkae ne dwuma a odii nyinaa, wɔankyerew angu Israel Ahemfo Abakɔsem Nhoma no mu ana? **22** Bere a Menahem wui no, ne babarima Pekahia na odii n'ade se ɔhene. **23** Menahem babarima Pekahia fii ase dii Israelhene wɔ Yudahene Usia ahenni ne mfe aduonum so. Odii hene wɔ Samaria mfe abien. **24** Nanso Pekahia yee bone wɔ Awurade ani so. Wantwe ne ho amfi ahonisom a Nebat babarima Yeroboam dii Israelfo anim ma wɔsom no ho. **25** Na Remalia babarima Peka a na ɔye Pekahia asraafo so sahene no bɔɔ pɔw tiaa no. Ɔfaa mmarima aduonum fii Gilead,

kaa ne ho, kokum ɔhene no ne Argob ne Arie wɔ Samaria ahemfi abangua mu. Peka na afei obedii hene wɔ Israel. **26** Pekahia ahenni ho nsem nkae ne dwuma a odii nyinaa, wɔankyerew angu Israel Ahemfo Abakɔsem Nhoma no mu ana? **27** Remalia babarima Peka bedii hene wɔ Israel wɔ bere a na Usia adi hene wɔ Yuda mfe aduonum abien. Odii ade wɔ Samaria mfirihyia aduonu. **28** Nanso Peka yee bone wɔ Awurade ani so. Wantwe ne ho amfi ahonisom a Nebat babarima Yeroboam dii Israel anim ma wɔsom no ho. **29** Peka ahenni so no, Asiriahene Tiglat-Pileser kotoaa Israelfo bio, faa nkurow Iyon ne Abel-Bet-Maaka ne Yanoa ne Kedes ne Hasor ne Gilead ne Galilea ne Naftali nsase nyinaa. Na ɔfaa nnipa no nnommmu kɔɔ Asiria. **30** Na Ela babarima Hosea bɔɔ pɔw, tiaa Peka na okum no. Ofii ase dii Israel so hene bere a na Usia babarima Yotam nso adi ade mfe aduonu wɔ Yuda. **31** Peka adedi mu nsem nkae ne dwuma a odii nyinaa, wɔankyerew angu Israel Ahemfo Abakɔsem Nhoma no mu ana? **32** Usia babarima Yotam dii hene wɔ Yuda bere a na ɔhene Peka adi ade wɔ Israel mfirihyia abien. **33** Odii ade no, na wadi mfirihyia aduonu anum, na odii Yerusalem so hene mfe dunsia. Na ne na a ɔye Sadok babea no din de Yerusu. **34** Yotam yee nea ɛɔ Awurade ani, senea n'agya Usia yee no ara pɛ. **35** Nanso wansee abosonnan a na nnipa kɔɔ afɔre, kɔhyew nnuhum wɔ ho no. Ɔno ne obi a ɔsan sii Awurade Asɔredan no atifi pon. **36** Yotam ahenni ho nsem nkae ne nea ɔyee nyinaa, wɔankyerew angu Yuda Ahemfo Abakɔsem Nhoma no mu ana? **37** Saa mmere no mu, Awurade fii ase somaa Aramhene Resin ne Israelhene Peka, se wɔnkɔtow nhye Yuda so. **38** Bere a Yotam wui no, wosiee no wɔ ne mpanyimfo nkyen wɔ Dawid kurow mu. Na ne babarima Ahas bedii n'ade se ɔhene.

16 Bere a ɔhene Peka adi hene wɔ Israel mfe dunson no, na Yotam babarima Ahas nso bedii ade wɔ Yuda. **2** Ahas dii hene no, na wadi mfirihyia aduonu. Na odii Yerusalem nso so hene mfirihyia dunsia. Wanyee nea ɛɔ Awurade, ne Nyankopɔn ani, senea ne panyin Dawid yee no. **3** Mmom, ɔhwɛɛ Israel ahemfo nhweso so, na mpo ɔde ɔno ankasa ne babarima bɔɔ afɔre wɔ ogya mu. Osuasuaa abosonsom aman no nneyee a eye akyiwade ma Awurade a ɛno nti ɔpam wɔn fii Israelfo anim no. **4** Ɔbɔɔ afɔre, hyew nnuhum wɔ abosomfi, mmepɔw so ne dua frɔmfrɔm biara ase. **5** Afei, Aramhene Resin ne Israelhene Peka tuu sa

wɔ Ahas so. Wɔkɔtoaa Yerusalem, nanso wɔanni so nkonim. **6** Saa bere no, Edomhene gyee Elat kurow maa Edom. Ɔpam Yudafo, na ɔmaa Edomfo no kɔtenaa ho, senea ete nne yi. **7** Ɔhene Ahas somaa abɔfo kɔɔ Asiriahene Tiglat-Pileser nkyen, de nkra kɔmaa no se, “Meyee wo somfo ne wo ba. Bra na begye me fi Aram ne Israel asraafo a wɔaka me ahyee no nsam.” **8** Na Ahas faa dwete ne sikakɔkɔ fii Awurade Asɔredan mu ho, faa ahemfi ho sika de kyee Asiriahene no. **9** Enti Asiriafo no kotoaa Aramfo no wɔ wɔn kuropon Damasko mu, kyekyeree ɛhofo no nnommmu, de wɔn kɔ kɔtenaa Kir. Wokum ɔhene Resin. **10** Ɔhene Ahas kɔɔ Damasko, kɔhyiaa Asiriahene Tiglat-Pileser. Bere a ɔwo ho no, ohuu afɔremuka sononko bi. Enti ɔde saa afɔremuka no seso ho mfon, kɔmaa ɔsofo Uria. **11** Uria nam ɔhene no asem so yee saa afɔremuka no bi pɛpɛpɛ, na bere a ofi Damasko bae no, na wɔaye awie. **12** Ɔhene no fi Damasko bae no, ɔhwɛɛ afɔremuka no ho hyiae, bɔɔ so afɔre. **13** Ɔhene no bɔɔ ɔhyew afɔre ne atoko afɔre, hwiee nsa afɔre guu so, na ɔpetee asomdwoe afɔre ho mogya guu so. **14** Na ɔhene Ahas yii kɔbere mfrafrae afɔremuka a na esi ɔkwan no ano ne afɔremuka foforo yi ntam no fii Awurade Asɔredan no anim, de kosii afɔremuka foforo no atifi fam. **15** Ɔka kyeree ɔsofo Uria se, “Bɔ anɔpa afɔre nyinaa a eye ɔhyew afɔre no, anwummere atoko afɔre no, ɔhene ɔhyew afɔre ne atoko afɔre ne nnipa no nyinaa afɔre a wɔn nsa afɔre ka ho wɔ so. Mogya a efi ɔhyew afɔre no nyinaa mu no, wɔmfa mpete afɔremuka foforo no so. Me nko ara na mede kɔbere mfrafrae afɔremuka dedaw no bedi dwuma.” **16** Na ɔsofo Uria yee nea ɔhene Ahas ka kyeree no se ɔnye no pɛpɛpɛ. **17** Na afei, ɔhene no tutuu afasu no nkataanim nnua ne nsuhina nso fi nsu teaseenam no so. Afei oyii Po no fii kɔbere mfrafrae anantwi no akyi de sii abo nsemee no so. **18** Na nidi a ɔde ma Asiriahene no nti, oyii kyinii bi a na wɔaye wɔ ahemfi no mu a na wɔde di dwuma homeda no ne ɔhene no abɔntenkwan a ɛko Awurade Asɔredan mu no fii ho. **19** Ahas ahenni ho nsem nkae no ne dwuma ahorow a odii no, wɔankyerew angu Yuda Ahemfo Abakɔsem Nhoma no mu ana? **20** Bere a Ahas wui no, wosiee no ne mpanyimfo nkyen wɔ Dawid kurow mu. Na ne babarima Heseikia bedii n'ade se ɔhene.

17 Ela babarima Hosea fii ase dii hene wɔ Israel no, na ɔhene Ahas nso adi hene wɔ Yuda mfirihyia dumien. Odii hene wɔ Samaria mfe akron. **2** Ɔyee bone

wɔ Awurade ani so, nanso na ne bone no nnɔso se Israel ahemfo a wodii ade ansa na ɔrebedi ade no. **3** Asiriahene Salmaneser kɔɔ ɔhene Hosea so, kodii ne so nkonim nti, ɔhyee Israel ma wotuaa sonkahiri a emu ye duru maa Asiria. **4** Afei, ɔhene Hosea bisaa mmɔa fii Misraimhene a wofre no So nkyen se ɔmmoa no na ɔntew ne ho mfi Asiriahene tumi ase. Ɔbɔɔ pɔw tiaa Asiriahene. Bere a Asiriahene huu pɔw bone a wabɔ no, ɔkyeree no de no too afiase wɔ n'atuatew ho. **5** Na Asiriahene ko faa asasetam no nyinaa, na otuaa Samaria ano mfe abiesa. **6** Akyiri no, ɔhene Hosea ahenni mfe akron mu no, Samaria hwee ase, ma wotwaa Israelfo asu kɔɔ Asiria. Wɔbɔɔ wɔn atenase wɔ Halah nkurow wɔ asu Habor a ewɔ Gosan a efra Media nkuropɔn no mu no so. **7** Saa amanehununu yi baa Israelman so, efise nnipa no som anyame afoforo, yee bone tia Awurade, wɔn Nyankopɔn a oyii wɔn fii wɔn nkoasom mu wɔ Misraim no. **8** Wosuasuua abosonsom aman nneyce a enti Awurade pam wɔn fii asase a ɛda wɔn anim no so, ne ɔsom a Israel ahemfo de aba no. **9** Na Israelfo no nso nam sum ase, aye nneema pii a na ɛnsɔ Awurade wɔn Nyankopɔn ani. Wosisii abosonnan maa wɔn ho wɔ wɔn nkurow nyinaa so, efi wɔn nkurow akese a wɔatwa afasu afa ho, kosi nkuraa. **10** Wosisii afadum kronkron ne Asera nnua wɔ koko biara so ne dua biara a eye frɔmfrɔm ase. **11** Wɔhyew nnuhuam wɔ nsɔre so hɔ, te senea aman a Awurade apam wɔn afi asase a ɛda wɔn anim no so no yee pɛ. Enti Israelfo yee bone bebre hyee Awurade abufuw. **12** Yiw, Awurade kɔkɔbɔ pɔtee ne ne ntimu no nyinaa akyi no, wɔsom ahoni. **13** Awurade somaa n'adiyifo ne adehufo ntoatoaso ma wɔkɔbɔɔ Israel ne Yuda kɔkɔ se, "Monnan mfi mo akwammɔne nyinaa ho. Monye osetie mma m'ahyede ne me mmara, nea mehyee mo agyanom se wonni so no nyinaa, nea menam m'asomfo adiyifo no so de maa mo no." **14** Nanso Israelfo no antie. Na wɔyee asooden se wɔn agyanom, na wɔannye Awurade, wɔn Nyankopɔn, anni. **15** Wɔpoo ne mmara ne n'apam a ɔne wɔn agyanom yee no. Na wɔamfa ne kɔkɔbɔ no anye hwee. Wɔsom abosomhuhuw, maa wɔdan nnipa teta. Wɔhwɛe aman a atwa wɔn ho ahyia no nhwesɔ so, nam so yee asooden maa Awurade mmara nsem a ɔhyee se wonnsuasua wɔn no. **16** Wɔantie Awurade, wɔn Nyankopɔn mmara nsem no nyinaa na wɔyee nantwimma abien ahoni a wɔagu. Wosii Asera dua, som Baal ne wim atumfo nyinaa. **17** Na mpo,

wode wɔn ankasa mmabarima ne wɔn mmabea bɔɔ afoɔre wɔ ogya mu. Wɔkɔɔ abisa, wɔyee abayisem, nam so tɔn wɔn ho maa bone, de hyee Awurade abufuw. **18** Na esiane se Awurade bo fuw nti, ɔpepaa wɔn fii n'anim. Yuda abusuwakuw nko ara na ekaa wɔn wɔ asase no so. **19** Na mpo, nnipa a wɔwɔ Yuda anni Awurade, wɔn Nyankopɔn, ahyede so. Wɔfaa ɔkwan bone a Israel faa so no so. **20** Eno nti, Awurade poo Israel asefo nyinaa. Ɔde wɔn maa wɔn atamfo, nam so twee wɔn aso, kosii se wɔseee wɔn. **21** Na bere a Awurade tew Israel fii Dawid ahemman ho no, wɔfaa Nebat babarima Yeroboam, de no dii wɔn so hene. Na Yeroboam maa Israelfo gyae Awurade akyidi, ma wɔyee bone kɛse. **22** Na Israelfo no kɔɔ so nantew Yeroboam akwammɔne no so. Wɔannyaehonismom hɔbneye no, **23** kosii se ne korakora no, Awurade pepaa wɔn fii hɔ, senea n'adiyifo hyee ho nkɔm se ɛbeba no. Enti wotwaa Israel asu kɔɔ Asiria asase so baabi a wote besi nne yi. **24** Na Asiriahene twee nnipa akuwakuw fii Babilonia, Kuta ne Awa, Hamat ne Sefarwaim, de wɔn beduaa Samaria nkurow so, ma wosii Israelfo anan mu. Enti Asiriafo no faa Samaria ne Israel nkurow a ekeka ho no. **25** Nanso esiane se saa ahɔho atutenafɔ yi ansom Awurade bere a woduu hɔ ara pɛ no nti, Awurade maa gyata kɔɔ wɔn mu, kokunkum wɔn mu bi. **26** Enti wode nkra kɔmaa Asiriahene se, "Nnipa a woabɔ wɔn atenase wɔ Israel nkurow so no nnim senea wɔsom asase no so Nyankopɔn. Wasoma gyata akɔ wɔn mu akɔsee wɔn, efise wɔansom no aniso mu." **27** Na Asiriahene nso hyee se, "Soma asofo a wɔatwa wɔn asu no mu baako fi Samaria, na ɔnsan nkɔ Israel. Ma ɔnkyere ahɔho no kwan a wɔfa so som asase no so Nyankopɔn." **28** Enti asofo a wɔatwa wɔn asu afi Samaria no mu baako san kɔɔ Bet-El, kɔkyeree ahɔho no ɔkwan a wɔfa so som Awurade. **29** Nanso saa ahɔho akuwakuw ahorow yi kɔɔ so som wɔn ankasa anyame. Kurow biara a wɔtete mu no, wode wɔn ahoni kosisii abosonnan a Israelfo no asisi no mu. **30** Wɔn a wofi Babilonia no som wɔn nyame Sukot-Benot ahoni. Wɔn a wofi Kuta som wɔn nyame Nergal. Na wɔn a wofi Hamat som Asima. **31** Awifo som wɔn anyame Nibhas ne Tartak. Na mpo, nnipa a wofi Sefarwaim hyew wɔn ankasa mma se afoɔrebode, de maa Adramelek ne Anamelek. **32** Saa ahɔho yi som Awurade de, nanso woyii asofo bi fii wɔn mu a, na wɔbɔ afoɔre wɔ abosonnan mu. **33** Na wɔsom Awurade de, nanso wɔkɔɔ so faa amanne kwan a wɔn aman

a wofi so no fa so som no so. **34** Na eyi da so kɔ so wɔ wɔn mu de besi nne. Na wɔda so ye kan nnebɔne no a anka eɛe se wɔsom Awurade, di ne mmara, ne nkyerekyerɛ ne ahyɛde a ɔde maa Yakob a ɔsesaa ne din ma ebeyɛ Israel asefo no so. **35** Nanso na Awurade ne Yakob asefo aye apam, ahyɛ wɔn se, “Monnsom anyame foforo, monnkotow wɔn, na monnsom wɔn, na mommma afɔre mma wɔn. **36** Awurade a ɔnam nsenkyerenne akese ne tumi so yii mo fii Misraim no nko ara na monsom no. Ɔno nko ara na eɛe se mosom no, na mokotow no, na mobɔ afɔre ma no. **37** Monhwɛ yiye, na munni mmara, nkyerekyerɛ ne ahyɛde a ɔkyerew maa mo no so. Ense se mosom anyame foforo biara. **38** Mommma mo were mmfi apam a me ne mo yee no, na monnsom anyame foforo biara. **39** Monsom Awurade, mo Nyankopɔn nko ara. Ɔno na obegye mo afi mo atamfo nyinaa nsam.” **40** Nanso nnipa no antie, kɔ so faa wɔn akwan dedaw no so. **41** Enti bere a ahɔho yi resom Awurade no, bere koro no ara mu, na wɔresom wɔn ahoni. Na ebisi nne, wɔn asefo ye ade koro no ara.

18 Ahas babarima Heseikia fii ase dii hene wɔ Yuda no, na Ela babarima Hosea adi hene wɔ Israel mfe abiesa. **2** Odii hene no na wadi mfirihyia aduonu anum, na odii hene wɔ Yerusalem mfirihyia aduonu akron. Na ne na ye Sakaria babea a wɔfre no Abi. **3** Ɔyɛ nea eɔ Awurade ani, senea n’agya Dawid yee pɛpɛpɛ. **4** Otutuu abosonnan, bubuu afadum kronkron no, kaa Asera nnua no guu fam. Obubuu kɔbere mfrafrae ɔwɔ a Mose aye no, efise na nnipa no hyew nnuhuam ma no de som. Na wɔfre ɔwɔ no a wode kɔbere mfrafrae aye no Nehustan. **5** Heseikia de ne ho too Awurade, Israel Nyankopɔn so. N’akyi ne n’anim no, na ɔhene biara nni ho a ɔte se ɔno wɔ Yuda asase so. **6** Biribiara mu, odii Awurade nokware, na ɔde ntoboase dii ahyɛde a Awurade de maa Mose no nyinaa so. **7** Ne saa nti, na Awurade ka ne ho, na Heseikia kɔ so wɔ biribiara a ɔyɛ mu. Ɔyɛ ɔm tiaa Asiriahene, na wantua sonkahiri amma no. **8** Afei, okodii Filistifo so nkonim, de kosii Gasa ne n’ahye so, fi ne nkuraa, de kosii wɔn kuropon a wɔato ɔfasu atwa ho no. **9** Heseikia ahenni no mfe anan so a na ɔhene Hosea nso wɔ n’ahenni wɔ Israel mfe ason mu no, Asiriahene Salmaneser kotuaa Israel ano, fii ase kaa Samaria kuropon hyɛ. **10** Mfe abiesa akyi a, na ɔhene Heseikia adi ade mfe asia a, na eyɛ ɔhene

Hosea nso adedi wɔ Israel mfe akron mu no, Samaria bɔe. **11** Saa bere no, Asiriahene twaa Israelfo no asu kɔ Asiria, de wɔn hyehyɛ aman so wɔ Halah wɔ Asubɔnten Habor a ewɔ Gosan konkɔn so ne nkurow akese a ewɔ Media mu. **12** Efise wɔantie Awurade, wɔn Nyankopɔn no. Wobuu n’apam no so, mmara a Awurade nam Mose so hyehyɛ maa wɔn no. **13** Ɔhene Heseikia adedi mfe dunan so, Asiriahene Sanaherib betow hyɛ Yuda nkurow a na wɔabɔ ho ban no so, dii wɔn so nkonim. **14** Na Heseikia de saa nkra yi kɔmaa Asiriahene wɔ Lakis se, “Mayɛ mfomso. Se wubefi ha akɔ nko ara de a, sonkahiri biara a wubegye me no, metua.” Na Asiriahene bisaa mpata a ɛboro dwete tɔn dubaako ne sikakɔkɔ nso beyɛ tɔn baako. **15** Enti ɔhene Heseikia de dwete a wɔakora no wɔ Awurade Asɔredan no mu ne nea ewɔ ahemfi adekorae ho nyinaa mae. **16** Mpo, Heseikia waawae sikakɔkɔ a wode aduradura asɔredan no apon ho, de ne nyinaa maa Asiriahene. **17** Eyinom nyinaa akyi no, Asiriahene somaa ne sahene, n’asraafodomhene ne n’ananmusini fii Lakis ne asraafodom a wɔn mu ye duru, kɔ Heseikia so wɔ Yerusalem. Asiriafo no gyinaa nsukwan bi a ema atifi ɔtare nsu a ɛben ɔkwan a ɛde kɔ faako a wɔpa ntama ani no ho. **18** Wɔfre Heseikia, nanso ɔsomaa ne mpanyimfo yi se wonkohyia wɔn: Hilikia babarima Eliakim a ɔhwe ahemfi ho so, ɔkyerewfo Sebna ne Asaf babarima Yoa a ɔye ahemfi abakɔsem kyerewfo. **19** Na ɔsahene no ka kyere wɔn se, “Monka nkyere Heseikia se, “Asem a otumfo, Asiriahene ka ni: Den na wode wo ho to so a ema wugye wo ho di saa? **20** Woka se wowɔ akodi ho nyansa ne n’ahɔden, nanso woka nsem hunu. Hena na ɔtaa w’akyi a enti wotew m’anim atua? **21** Hwe w’ani da Misraim so, demmire a emu abu a ɛte se pema a wutweri a ɛbewɔ wo nsa mu apira wo no! Saa na Misraimhene Farao te ma wɔn a wode wɔn ho to ne so no nyinaa. **22** Ebia wobeka se, “Yede yen ho to Awurade, yen Nyankopɔn so!” Enye ɔno na ɔhene Heseikia atutu n’abosonnan ne afɔremuka nyinaa, ahyɛ Yudafo se wɔnsom wɔ afɔremuka a ewɔ Yerusalem ha nko ara so no? **23** “Meka asem bi akyere wo! Me wura Asiriahene ne wo beyɛ nhyehyɛ bi. Se wubenya aponkɔsotefo mpenu, afi wo asraafo mu a, ɔbɛma wɔn aponkɔ mpenu ama wɔatenatena wɔn so. **24** Na w’asraafo ketewa sɛ yi, ebeye den na woaso dae, se wubetumi ne me wura asraafo no mu fa bi a woyɛ mmerew no mpo adi asi. Minim se wode wo ho ato Misraim nteaseenam ne aponkɔsotefo mmɔa so. **25**

Bio, wugye di se, maba se merebetow ahye asase yi so asase no kwa a Awurade nsa nni mu? Awurade ankasa ka kyerɛɛ me se menkoko ntia saa asase yi na mensee no.” 26 Afei, Hilkia babarima Eliakim ne Sebna ne Yoa ka kyerɛɛ ohene no ananmusini no se, “Kasa wɔ Arameike mu kyere yen, na saa kasa no na yete ase yiye. Nka Hebri nkyere yen, efise nnipa a wɔwɔ fasu no so no bete.” 27 Na Senaherib nanmusini no buae se, “Me wura pe se obiara a ɔwɔ Yerusalem te saa asem yi, na enye mo nko. Ɔpe se wote se, se moamma mo nsa so a, wobetua kuropon yi. Ɔkom ne osukom weremfo bede nkurofo no ara kosi se, wobedi wɔn ara agyanan, anom wɔn dwonso.” 28 Afei, ɔsore gyinae, maa ne nne so kasaa wɔ Hebri mu, kyerɛɛ nnipa a wɔwɔ ofasu no so se, “Muntie nkra a efi Asiria ohene kese no nkyen! 29 Seneia ohene se ni: Mommma ohene Heseikia nnaadaa mo. Ɔrentumi nnye mo mfi me tumi ase. 30 Mommma Heseikia mfa saa asem a ɔkae se, ‘Awurade begye yen! Woremfa saa kurow yi mma Asiriahene’ no mma mo tirim nye mo de. 31 “Munntie Heseikia. Nea Asiriahene ka ni: Mo ne me nye asomdwoe nhyehyee na momma me nkyen. Na afei, mema mo mu biara adi ɔno ankasa bobɛ ne borɔdɔma na woanom nsu afi ɔno ankasa abura mu. 32 Na meye nhyehyee de mo akɔ asase foforo bi a ete se eyi so. Eye ɔman a atoko, nsa, brodo, bobɛ nturo, ngonnu ne ewo abu so ho. Eye asase a nneema pa abu so ho. Mompere nkwa, na munyi owu akwa! “Mommma Heseikia nnaadaa mo nka se, ‘Awurade begye yen!’ 33 Anyame a wɔwɔ aman so no atumi agye wɔn nkurofo afi Asiriahene nsam da? 34 Asem ben na etoo Hamat ne Arpad anyame no? Na Sefarwaim, Hena ne Iwa anyame nso, wɔwɔ he? Wotumi gyee Samaria fii me tumi ase ana? 35 Ɔman ben so anyame na watumi agye ne nkurofo afi me tumi ase? Mommo baako pe din. Na afei, den na ema mo dwene se Awurade betumi agye Yerusalem?” 36 Na nnipa no yee komm a wɔamma mmuae biara, efise na Heseikia aka akyerɛ wɔn se wɔnnkasa. 37 Afei Hilkia babarima Eliakim a na ohwe ahemfi no ntotoe so, Sebna a na ɔye ɔkyerɛwfo ne Asaf babarima Yoa a ɔno nso ye ɔkyerɛwfo kɔ Heseikia nkyen a wɔasunsuane wɔn ntade mu, kɔkaa nea ɔsahene no aka akyerɛ no no.

19 Bere a ohene Heseikia tee eyinom no, osunsuan ne ntade mu, na ofuraa atweaatam, na ɔkɔ Awurade asɔredan mu. 2 Na ɔsoma Eliakim a ohwe

ahemfi ntotoe so, Sebna, a ɔye ɔkyerɛwfo ne asɔfo akunini a wɔn nyinaa furafura atweaatam, kɔ Amos babarima Odiyifo Yesaia nkyen. 3 Wɔka kyerɛɛ no se, “Seneia ohene Heseikia ka ni: Saa da yi ye ohaw, animka ne animguase da. Aye te se nea mmofra awo du so, na ahooden a wɔde bewo wɔn nni ho. 4 Nanso ebia Awurade, mo Nyankopon ate se Asiria nanmusini no regu Onyankopon teasefo no anim ase, na wobetwe n’aso wɔ ne nsenkeka no ho. Enti bo mpae ma yen a yeaka no!” 5 Na ohene Heseikia mpanyimfo no kɔkaa ohene nkra no kyerɛɛ Yesaia, 6 na Yesaia buae se, “Ka kyere wo wura se, ‘Seneia Awurade se ni: Mma abususem a Asiriahene asomafo no ka tiaa me no nhaw wo. 7 Muntie! Mede honhom bi rebehye ne mu, seneia ebeye a se ɔte asem bi a ɔbesan akɔ ne man mu na ho na mema wɔde afoa akum no.” 8 Bere a ɔsahene no tee se Asiriahene afi Lakis no, ɔsan n’akyi kohuu se ohene no ne Libna reko. 9 Ankye, ohene Sanaherib nyaa nkra se, Etiopiahene Tirhaka adi asraafo anim, rebeko atia no. Na ansa na ɔbesan akohyia asraafo no, ɔde saa nkra yi maa se wɔmfankoma Heseikia wɔ Yerusalem. 10 “Monka nkyere Yudahene Heseikia se: Mma onyame a wode wo ho ato no so no nnaadaa mo nka se, ‘Woremfa Yerusalem mma Asiriahene.’ 11 Moate nea Asiria ahemfo aye amanaman no nyinaa. Wɔasee wɔn pasaa. Na mo de, wobegye mo ana? 12 Anyame a wɔwɔ aman a me nenanom sɛee wɔn no, aman te se, Gosan, Haran, Resef ne Edenfo a na wɔwɔ Telasar no anyame gyee wɔn ana? 13 Nsem ben na etotoo Hamathene ne Arpadhene? Nsem ben nso na etotoo Sefarwaim, Hena ne Iwa ahemfo?” 14 Heseikia nsa kaa krataa a abɔfo no de bae no, ɔkenkanee. Afei ɔforɔ kɔ Awurade asɔredan no mu kotrew mu wɔ Awurade anim. 15 Na Heseikia bɔ mpae kyerɛɛ Awurade se, “Asafo Awurade, Israel Nyankopon a wɔasi wo hene wɔ Kerubim ntam. Wo nko ara na woye Onyankopon wɔ asase so ahenni nyinaa so. Wo na wobɔ ɔsoro ne asase. 16 Bre w’aso ase, Awurade, na tie! Bue w’ani, Awurade, na hwe. Tie nsem a Sanaherib asoma de abesopa Onyankopon teasefo no. 17 “Awurade, eye nokware se Asiria ahemfo asɛe aman yi nyinaa, seneia nkra no ka no. 18 Na wɔatow anyame a wɔwɔ saa aman yi so no agu gya mu, ahyew wɔn, efise wɔnye anyame, na mmom woye nnua ne abo a nnipa de wɔn nsa aye. 19 Afei, Awurade, yen Nyankopon, gye yen fi ne tumi ase, na ebema ahenni a ewo asase so nyinaa ahu se wo nko

ara, Awurade, na woye Onyankopon.” 20 Na Amos babarima Yesaia de saa nkra yi kɔmaa Heseikia se, “Sɛɛ na Awurade, Israel Nyankopon se: Esiane sɛ woabo me mpae afa Asiriahene Sanaherib ho nti, 21 eyi ne asem a Awurade aka atia no: “Ɔbabeabun Sion sopa wo, na ɔserew wo. Ɔbabea Yerusalem di wo ho few, na ɔwosow ne ti bere a woreguan. 22 Hena na wugye di sɛ woyeyaw no, di ne ho few nso? Hena na womaa wo nne so tiaa no na wohwee no ahantan so? Eye Israel okronkronni no! 23 Wonam w’asomafo so adi Awurade ho few. Na woaka se, “Me nteaseenam dodow nti maforo mmepɔw atenten. Yiw Lebanon mmepɔw a ewoware pa ara no. Matwitwa ne sida dua atenten no, ne n’apepaw a eye fe no agu fam. Madu ne mmepɔw a ewo akyirikyiri no so, ne ne kwaeberentuw mu. 24 Matutu mmura wo ahɔho nsase bebreɛ so de ne nsu pa no adwudwo me ho. Mpo, mepaee Misraim nsubonten mu senea m’akofo betumi atwa!” 25 “Na Montee ɛ? Bere tenten a atwam, na mehyc too ho. Bere bi a atwam no na medweneɛ ho; afei mama aba mu sɛ, moadan ɔman a mosɛɛ nkuropon a woabo ho ban. 26 Wɔn nkurofo a tumi afi wɔn nsa no ho adwiriw wɔn, na animguase aka wɔn. Wote sɛ afuw so nnua, ne afifide foforo a eye mmɛw. Wote sɛ sare a efifi ɔdan atifi a ehyew ansa na anyin. 27 “Nanso minim nea wote bere a woba ne bere a wokɔ ne senea wo bo huru tia me. 28 Na esiane sɛ wo bo huru tia me na w’ahantan adu m’asom nti, mede me darewa behyc wo hwenem, na mede akwankyɛɛ dade ahyɛ w’anom, mɛma wo afa okwan a wofaa so bae no so asan w’akyi.” 29 “Eyi na ebeye nsenkyerenne ama wo, Heseikia: “Saa afe yi wubedi nea eno ankasa fifii. Afe a eto so abien no, wubedi nea efi mu ba. Nanso afe a eto so abiesa no de, wo ara dua na twa, ye bobe nturo na di so aba. 30 Bio, nkae bi a ofi Yuda fi begye ntin wo fam na wasow aba wo soro. 31 Na nkae bi befi Yerusalem aba, na nkae dɔm afi Bepɔw Sion so. Asafo Awurade pɛ mu na eyi beye. 32 “Eyi ne asem a Awurade ka fa Asiriahene ho: “Ɔrenhyen saa kuropon yi mu na ɔrentow bɛmma wo ha. Ɔremfa nkatabo mmeigyina kuropon no akyi na ɔrensi pie ntua n’ano. 33 Ɔhene no kwan a ɔfaa so bae no ara so na ɔbesan afa ako n’ankasa man mu. Awurade ka se, ɔrenwura saa kurow yi mu. 34 Esiane m’ankasa m’anuonyam ne m’akoa Dawid nti, mɛbo ho ban.” 35 Saa anadwo no, Awurade bofo kɔɔ Asiria nsraban mu, kokum Asiria asraafo no mpem oha aduwɔtwe anum. Asiriafo a wokae no nyan anɔpa

no, wohuu sɛ afunu gugu mmɔnten so baabiara. 36 Na Asiriahene Sanaherib gyaee oko no, kɔɔ n’ankasa n’asase so. Ɔkɔtenaa n’ahenkurow Ninewe mu. 37 Da koro bi a ɔresom wo ne nyame Nisrok abosonnan mu no, ne mmabarima Adramelek ne Sareser de wɔn afoa kokum no. Woguan fii ho kɔtenaa Ararat asase so, na ne babarima foforo Esarhadon bedii n’ade sɛ Asiriahene.

20 Saa nna no mu no, Heseikia yaree owuyare, na Amos babarima Odiyifo Yesaia kɔɔ ne nkyen kɔkae se, “Senea Awurade se ni: Toto w’akwan yiye, efise worebewu; na wo ho renyc wo den bio.” 2 Bere a Heseikia tee asem yi, otwaa n’ani hwɛɛ ɔfasu, bɔɔ Awurade mpae se, 3 “Kae, Awurade, senea manantew w’anim nokware mu na mede me koma aye nea efata wo w’anim.” Na Heseikia suu bebreɛ. 4 Na ansa na Yesaia befi adiwo no mfimfini no, Awurade de asem yi besii ne so se, 5 “San kɔ Heseikia a ɔye me nkurofo kannifo no nkyen, na koka kyere no se, ‘Sɛɛ na Awurade a ɔye w’agya Dawid Nyankopon se: Mate wo mpaebo no, ahu wo nusu no. Mesa wo yare, na nnansa akyi no, wobesore afi mpa so, na woako Awurade Asoredan mu. 6 Mede mfe dunum beka wo mfe ho, na megye wo ne saa kuropon yi afi Asiriahene nsam. Me somfo Dawid nti, meye eyi de agye m’anuonyam.” 7 Na Yesaia ka kyereɛ Heseikia asomfo no se, “Momfa borɔdɔma nyc ngo, na momfa nsrasra pɔmpɔ no so.” Woyee saa, na Heseikia nyaa ahɔnden. 8 Ansa na ɔrebenya ayaresa no, Heseikia bisaa Yesaia se, “Nsenkyerenne ben na Awurade beye, de akyere sɛ ɔbesa me yare, na matumi ako Awurade Asoredan mu nnansa so?” 9 Yesaia buae se, “Eyi ne nsenkyerenne a Awurade beye akyere wo sɛ obedi ne bɔhye so. Wope sɛ sunsuma no kɔ n’anim anammɔntu du anaa esan n’akyi anammɔntu du?” 10 Heseikia buae se, “Honhom no kɔ n’anim bere biara. Na mmom, ma enkɔ n’akyi.” 11 Enti Yesaia sɛɛ Awurade sɛ onye eyi, na ɔmaa sunsuma no tetew san n’akyi anammɔntu du wo Ahas atrapoe no so. 12 Saa bere yi mu na Babiloniahene Baladan babarima Merodak-Baladan soma ma wokɔmaa Heseikia tirinkwa ne akyede, efise na wate sɛ oyare dennen bi bɔɔ Heseikia. 13 Heseikia gyee Babilonia ananmusifo yi, kyereɛ wɔn biribiara a ɔwo wo n’adekoradan mu a eye dwete, sikakokɔɔ, nnuhuam ne ngo a eye huam. Afei nso, ɔde wɔn kɔɔ n’adekorabea, san kyereɛ wɔn n’adekoradan mu

biribiara. Biribiara nni n'ahemfi ho anaa n'aheman mu ho a Heseikia ankyere won. **14** Afei Odiyifo Yesaia koo ohene Heseikia nkyen, kobisaa no se, "Asem ben na saa mmarima no kae na he na wofi bae?" Heseikia buae se, "Wofi akyirikyiri asase bi so. Wofi Babilonia, na wobaa me nkyen." **15** Odiyifo no bisae se, "Den na wohuu wo w'ahemfi ho?" Heseikia buae se, "Wohuu biribiara a ewo m'ahemfi ha. Biribiara nni m'ademude mu a mamfa ankyere won." **16** Na Yesaia ka kyeree Heseikia se, "Tie saa asem a efi Awurade nkyen yi: **17** Nokware, bere bi beba a, wobesoa biribiara a ewo w'ahemfi ne agypade a w'agyanom akora de abedu nne no ako Babilonia. Biribiara renka, see na Awurade se. **18** W'ankasa w'asefo bi mpo, wobefa won nnommum. Wobeye piamfo a wobesom wo Babiloniahene ahemfi." **19** Na Heseikia ka kyeree Yesaia se, "Saa asem yi a efi Awurade nkyen a woaka akyere me yi ye asem papa." Nanso na ohene no redwene se, ne bere so de, obenya asomdwoe ne bamm. **20** Nsem a esisii Heseikia ahenni mu nkae no a ne tumidi ka ho, ne senea dyee subun, twaa suka maa nsu baa kurow no mu no nyinaa, woankyerew angu Yuda Ahemfo Abakosem Nhoma no mu ana? **21** Bere a Heseikia wui no, ne babarima Manase na odii n'ade se ohene.

21 Bere a Manase dii hene no, na wadi mfe dumien, na odii hene wo Yerusalemm m'firihyia aduonum anum. Na ne na din de Hefsiabah. **2** Dyee bone wo Awurade ani so, suasua abosonsomfo aman nneyee a eye akyiwade a Awurade apam a fi asase a e da Israel anim no so no. **3** Osan sisii abosonsomfo abosonnan a n'agya Heseikia bubu gui no. Dyee aforemuka pii maa Baal, na osii Asera dua, senea Israelhene Ahab yee ara pe. Afei, okotow soore wim atumfo. **4** Na mpo, osisii abosom aforemuka pii wo Awurade asoredan mu; baabi a Awurade aka se wonhye ne din anuonyam no. **5** Osisii saa aforemuka no wo Awurade Asoredan no adiwo abien ho, de maa wim nsoromma no. **6** Na mpo, Manase de ono ankasa babarima bo afofe wo ogya mu. Na dye abayisem, ko abisa. Okoo samanfrefo ho ne asumanfo so. Dyee bone bebre Awurade ani so, ma ehyee no abufuw. **7** Manase faa Asera dua a waye no de kosii asoredan mu, beae koro no ara a Awurade ka kyeree Dawid ne ne babarima Salomo se, "Wobehye me din anuonyam wo ha daa nyinaa wo saa asoredan yi mu wo Yerusalemm. Yerusalemm ye kurow a mayi a fi Israel mmusuakuw a aka no nyinaa mu. **8** Na se Israelfo betie m'ahyede a menam m'akoa Mose so hyc

maa won no a, merentwa won asu mfi asase yi a mede maa won agyanom no so." **9** Nanso nnipa no antie. Manase dii won anim ma woyee bone bebre a esen abosonsom aman a Awurade see no bere a Israelfo koo saa asase no so no mpo. **10** Awurade nam n'asomfo a woye n'adiyifo so kae se, **11** "Yudahene Manase aye akyiwade bebre. Na mpo, dye omumoyefo sen Amorifo a wobetenaa asase yi so ansa na Israel reba no. Wadi Yudafo anim de won ako ahonisom mu. **12** Enti see na Awurade, Israel Nyankopon se: Mede ohaw ne abebrese beto Yerusalemm ne Yuda so ama aso a ebete saa nsem no mu aye no yonn. **13** Mefa okwan a menam so buu Samaria ne Ahab abusua aten no so abu Yerusalemm aten. Mepepa nnipa a wowo Yerusalemm nyinaa, te senea obi hohoro asanka mu, na odan butuw no. **14** Na mpo, mpo me nkurofo kakra a woaka no, na mede won bema won atamfo se asade. **15** Efise woyee bone kese wo m'anim, nam so ahye me abufuw, fi bere a won agyanom fii Misraim no." **16** Manase kunkum nnipa a wonyee bone nso bebre kosii se, mogya a edi bem hyee Yerusalemm ma, fi ti kosi ti. Eyi ka bone a omaa Yudafo no ye de won koo bone a woyee no Awurade ani so no ho. **17** Manase ahenni ho nsem nkae ne dwuma a odii nyinaa ne bone a dye no, woankyerew angu Yuda Ahemfo Abakosem Nhoma no mu ana? **18** Manase wui no, wosiee no wo ahemfi no turo a na eye Usa dea no mu. Na ne babarima Amon na odii n'ade se ohene. **19** Amon dii hene no, na wadi mfe aduonu abien. Odii hene wo Yerusalemm mfe abien. Na wofre ne na Mesulemet a na dye Harus a ofi Yolba no babea. **20** Dyee bone wo Awurade ani so, senea n'agya Manase yee no ara pe. **21** Ofaa n'agya nhweso so, som ahoni koro no ara a na n'agya som won no. **22** Ogyaw Awurade, n'agyanom Nyankopon no na wampe se obefa Awurade akwan so. **23** Na Amon no ankasa asomfo bo ne ho pow, kum no wo n'ahemfi. **24** Na nnipa a wowo asase no so nyinaa kunkum nnipa a woboo ohene Amon ho pow no, na wode ne babarima Yosia dii ade se ohene. **25** Amon ahenni ho nsem nkae ne dwuma a odii no nyinaa, woankyerew angu Yuda Ahemfo Abakosem Nhoma no mu ana? **26** Wosiee no wo ne boda a ewo Usa turo mu ho no mu. Na ne babarima Yosia dii ade se ohene.

22 Bere a Yosia dii hene wo Yuda no, na wadi m'firihyia awotwe, na odii ade wo Yerusalemm mfe aduasa baako. Na ne na din de Yedida a dye Adaia a ofi

Boskat no babea. 2 Ɔyee nea eso Awurade ani, yee nea ne tete agya Dawid yee no bi. Wamfi adetreneeye ho. 3 Ɔhene Yosia dii mfirihya dunwɔtwe wɔ n'ahenni mu no, ɔsoma Asalia babarima Safan, asennii kyerɛwfo Mesulam nena, kɔ Awurade Asɔredan mu. Ɔka kyerɛ no se, 4 “Kɔ ɔsɔfopanyin Hilkia nkyen, na ma ɔnkan sika a aponanohwefo no agyigye afi nnipa no nkyen wɔ Awurade Asɔredan mu no. 5 Fa saa sika yi hye nnipa a wɔayi wɔn se wonhwe asɔredan no ho asiesie no nsa. Na wode atua adwumayefo a wobesiesie Awurade Asɔredan no ho ka. 6 Eho behia se wobefa nnua adwumfo, adansifo ne abohyehyefo. Afei, ma wɔntɔ nnua ne abo a wɔatwa a wode besiesie asɔredan no. 7 Nanso eho nhia se adansi no sohwefo bebu sika a wɔn nsa beka no ho akontaa, efise wɔye nokwafo.” 8 Ɔsɔfopanyin Hilkia ka kyerɛ asennii kyerɛwfo Safan se, “Mahu Mmara Nhoma no wɔ Awurade Asɔredan mu ho.” Na Hilkia de nhoma mmobɔwee no maa Safan, na ɔnkanee. 9 Safan san kɔ ɔhene no nkyen kɔkae se, “Wo mpanyimfo no de sika a wogiyigye wɔ Awurade asɔredan no mu no ahye adwumayefo no ne sohwefo a wɔwɔ asɔredan no ho no nsa.” 10 Safan san ka kyerɛ ɔhene no se, “Ɔsɔfo Hilkia de nhoma mmobɔwee bi ama me.” Na Safan kenkan kyerɛ ɔhene no. 11 Bere a ɔhene no tee nsem a ewɔ Awurade Mmara Nhoma no mu no, ɔde ahometew sunsuan ne ntade mu. 12 Na ɔhyee ɔsɔfo Hilkia, Safan babarima Ahikam ne Mikaia babarima Akbor ne asennii kyerɛwfo Safan ne ɔhene fotufo Asaia se, 13 “Monkɔ asɔredan no mu, na monkɔkasa nkyere Awurade mma me, mma nnipa no ne Yuda nyinaa. Mummissa no nsem a wɔakyerew agu nhoma mmobɔwee no a wahu no ho asem. Awurade abufuwhyew aba yen so, efise yen agyanom anni nhoma yi mu nsem so. Enye nea nhoma yi ka se yenye no na yeye.” 14 Enti ɔsɔfo Hilkia, Ahikam, Akbor, Safan ne Asaia kɔ Yerusaleim Fa Foforo Misne kohuu odiiyifo Hulda. Na ɔye Tikwa babarima Salum yere, a na ɔye Harhas a ɔhwe ntade adaka a ewɔ asɔredan mu so no nso nena. 15 Ɔka kyerɛ wɔn se, “Awurade, Israel Nyankopɔn akasa. Monkɔka nkyere onipa a ɔsoma mo no se, 16 ‘Senea Awurade se ni: Mesee kuropon yi ne mu nnipa, senea makyerew wɔ nhoma mmobɔwee a mokenkan no mu no. 17 Efise me nkurofo agyaw me, na wɔsom anyame huhuw, na biribiara a wɔaye no, ahye me abufuw. M’abufuwhyew redew wɔ ha, na ɛrennum.’ 18 Na monkɔ Yudahene a ɔsoma mo se monkohwehwe Awurade no nkyen, na monka nkyere

no se, See na Awurade, Israel Nyankopɔn, ka fa asem a motee mprenpren no ho. 19 Wotee asem a meka de tiaa kuropon no ne emu nnipa no se, wɔbedome saa asase yi na ada mpan no, eyee wo yaw, ma wobree wo ho ase Awurade anim. Wode ahometew sunsuan wɔ ntade mu, suu wɔ m’anim ahonu mu. Enti nokware, Awurade se, ‘mate wo sufɛ. 20 Amanehunu a mehyee ho bɔ de tiaa kuropon yi no beba wo wu ne wusie akyi. Worenhu amane a mede beba kuropon yi so no.’” Enti wɔsan de ne nkra no kɔmaa ɔhene no.

23 Afei, ɔhene no frɛe Yuda ne Yerusaleim mpanyimfo nyinaa. 2 Na ɔhene no ne Yuda ne Yerusaleim manfo ne asofo ne adiiyifo a efi akumaa so kosi ɔkese so, foro kɔ Awurade Asɔredan no mu. Eho na ɔhene no kenkan Apam Nhoma a wɔahu wɔ Awurade Asɔredan mu ho no nyinaa kyerɛ wɔn. 3 Ɔhene no tenaa beae bi a ɛkyere ne tumi wɔ afadum no ho, hyee apam no mu den bio wɔ Awurade anim. Ɔhyee bɔ se, ofi ne koma ne ne kra nyinaa mu bedi Awurade mmara nsem, ahyede ne mmara nyinaa so. Ɔfaa saa ɔkwan yi so sii apam no mu nhyehyee ahorow a na wɔakyerew wɔ nhoma no mu no nyinaa so dua, maa nnipa no nyinaa hyee bɔ se wobedi so. 4 Afei, ɔhene hyee ɔsɔfopanyin Hilkia ne asofo akunini ne asɔredan sohwefo no nyinaa se, wonyi yi asɔredan no mu nneema a na wode som Baal ne Asera ne wim atumfo no nyinaa mfi ho. Ɔhene no ma wɔhyew ne nyinaa wɔ Kidron bon a ewɔ Yerusaleim mfikyiri no mu, soaa ne nsɔ de kɔ Bet-El. 5 Ɔpam abosom akɔmfo a Yuda ahemfo a wodii kan no yii wɔn no nyinaa, efise na wɔhyew nnuhuam wɔ Yuda abosomfi nyinaa mu a mpo, na ɛreye akodu Yerusaleim kurom. Wɔhyew nnuhuam maa Baal ne owia, ɔsram ne nsoromma ne wim atumfo. 6 Ɔhene no tuu Asera dua no fii Awurade asɔredan mu, de kɔ Yerusaleim mfikyiri wɔ Kidron bon mu ho kɔhyew no. Afei, oyam dua no muhumuhu, kɔtow ne mfutuma no guu amusiei. 7 Odwiriw nsɔree so nguamanfo adan a na ewɔ Awurade Asɔredan no mu no, faako a na mmea no nwen nkatahotam, de kata Asera dua no ho no nyinaa gui. 8 Yosia san de Awurade asofo no a na wɔtete Yuda nkurow afoforo so no nyinaa baa Yerusaleim. Efi Geba kosi Beer-Seba, ɔsee eho abosonnan no nyinaa. Saa beae no na na wɔhyew nnuhuam no. Obubuu abosonnan a ewɔ Yosua a na ɔye Yerusaleim amrado no pon ano no. Se obi rewura kuropon no mu a obehu saa pon no wɔ kuropon pon no benkum so. 9 Asofo a na wɔsom wɔ abosonnan

no mu no, na wɔmma wɔn kwan mma wɔnsom wɔ Awurade afɔremuka a ɛwɔ Yerusalem no so, nanso na wɔma wɔne asɔfo a aka no di brodo a mmɔkaw nni mu no. **10** Afei, ɔhene no sɛee Tofet afɔremuka a na ɛwɔ Ben-Hinom bon no mu no nti, na obiara ntumi mfa ne babarima anaa ne babea mmɔ afɔre wɔ ogya mu wɔ so sɛ afɔrebɔde a wɔde ma Molek bio. **11** Otutuu apɔnko seso a wɔagu a esisi Awurade Asɔredan kwan no ano a Yuda ahemfo too din maa owia no nyinaa fii hɔ. Na ne nyinaa wowɔ adiwo a eben piampi bi a wɔfrɛ no Natan-Malek dan ho. Yosia hyew nteaseenam a na wɔato din ama owia no. **12** Yosia bubuu afɔremuka a Yuda ahemfo sisii wɔ ahemfi no atifi wɔ Ahas dan apampam no nyinaa. ɔhene no bubuu afɔremuka a Manase sisii wɔ Awurade Asɔredan no adiwo abien ho no nyinaa gui. Odwiriw no pasapasa, too ne afabo no petee Kidron bon no mu. **13** ɔhene no san guu abosonnan a ɛwɔ Yerusalem apuei fam no ne nea ɛwɔ ɔsɛe Bepɔw no anafo fam no. Saa beae no na Israelhene Salomo sisii abosonnan maa Astoret, a ɛyɛ Sidonfo bosom bɔne, ne Kemos, Moabfo bosom bɔne, ne Molek, Amonfo bosom bɔne. **14** Yosia dwiriw afadum kronkron no nyinaa gui, bubuu Asera nnua no. ɔde nnipa nnompe guguu ne nyinaa so. **15** ɔhene no san bubuu afɔremuka a ɛwɔ Bet-El abosonnan a Nebat babarima Yeroboam yɛe bere a odii Israel anim, de wɔn kɔɔ bɔne mu no. Yosia yam abo no, ma ɛdan mfutuma, hyew Asera dua no. **16** Bere a Yosia retoto n'ani no, ohuu nna pii wɔ koko no nkyen mu. ɔhyɛɛ sɛ wontu nnompe no, na ɔhyew ne nyinaa wɔ afɔremuka a ɛwɔ Bet-El no so, de guu afɔremuka no ho fi. Eyi sii senea Awurade nam Onyankopɔn nipa so hyɛɛ, bere a Yeroboam kogyinaa afɔremuka no ho wɔ afahyɛ da no. Afei Yosia dan ne ho hwɛɛ Onyankopɔn nipa a ɔhyɛɛ eyinom nyinaa ho nkɔm no da. **17** Yosia bisae se, “Nkaedum bɛn na mihi no?” Na nnipa a wɔwɔ kurow no mu no ka kyereɛ no se, “Ɛyɛ Onyankopɔn nipa no a ofi Yuda a ɔhyɛɛ nkɔm faa dwuma a woadi mprenpren wɔ afɔremuka a ɛwɔ Bet-El ho no ɔboda.” **18** Yosia buae se, “Momma ɛnwɔ hɔ. Obiara mmfa ne nsa nka ne nnompe no.” Ɛno nti, wɔanhew ɔne odiyifo akwakoraa a ofi Samaria no nnompe. **19** Na Yosia bubuu abosonnan no a ɛwɔ Samaria no, senea ɔyɛɛ wɔ Bet-El no. Israel ahemfo ahorow bi na wosisi de hyɛɛ Awurade abufuw. **20** Okunkum nsɔree so akɔmfo no wɔ wɔn ankasa afɔremuka so, na ɔhyew nnipa nnompe wɔ afɔremuka ahorow no so, de guu

ho fi. Akyiri no, ɔsan kɔɔ Yerusalem. **21** ɔhene Yosia hyɛɛ nnipa no nyinaa se, “Ɛsɛ sɛ mudi Twam Afahyɛ ma Awurade, mo Nyankopɔn, senea wɔakyerew wɔ Apam Nhoma no mu no.” **22** Efi bere a atemmufɔ dii Israel so mfe bebreɛ a atwa mu wɔ Israel ne Yuda ahemfo so no, wonnii Twam Afahyɛ no bi saa da. **23** Bere a ɔhene Yosia dii mfe dunwotwe wɔ akongua so no na wodii saa Twam Afahyɛ yi wɔ Yerusalem maa Awurade. **24** Yosia tɔree samanfɔre ne adunsifo ne afi mu anyame ne ahonisom biara ase wɔ Yerusalem ne Yuda asase so baabiara. ɔyɛɛ saa de dii mmara a wɔakyerew wɔ nhoma mmobɔwee a ɔsɔfo Hilikia kohuu wɔ Awurade Asɔredan mu no so. **25** ɔhene biara mmae a ɔte sɛ Yosia a ɔde ne koma, ne kra ne n'ahɔɔden ama Awurade na ɔnam so adi Mose mmara nyinaa so. Na ɔhene biara nso mmae a ɔte sɛ ɔno. **26** Nanso eyi nyinaa akyi no, Awurade abufuw no dɛw tiaa Yuda, esiane bɔne akɛse a ɔhene Manase yɛe no. Ɛno nti, wanyi n'abufuwhyew no amfi wɔn so. **27** Awurade kae se, “Mɛsɛ Yuda, senea mɛsɛɛ Israel no. Mɛpam nnipa no afi m'anim, na mapo me kuropon Yerusalem ne Asɔredan a anka ɛsɛ sɛ wɔhyɛ me din anuonyam wɔ mu no.” **28** Yosia ahenni ho asem nkae ne dwuma a odii nyinaa no, wɔankyerew angu Yuda Ahemfo Abakɔsem Nhoma no mu ana? **29** Bere a Yosia di hene no, Misraimhene Farao Neko kɔɔ Asubɔnten Eufɔrate ho kɔbɔaa Asiriahene. ɔhene Yosia de n'akofo tuu sa, kɔkɔ tiaa no, nanso bere a wohyiaa wɔ Megido no, ɔhene Neko kum no. **30** Yosia asraafo mu mpanyimfo no de n'amu no too teaseɛnam mu fii Megido, baa Yerusalem besieɛ no wɔ n'ankasa ɔboda mu. Na nnipa no sraa ne babarima Yehoahas ngo, sii no hene. **31** Bere a Yehoahas dii hene no, na wadi mfe aduonu abiesa, na odii ade wɔ Yerusalem asram abiesa. Na ne na ye Yeremia a ofi Libna no babea a na ne din de Hamutal. **32** ɔyɛɛ bɔne wɔ Awurade ani so, senea n'agyanom yɛe no pɛpɛpɛ. **33** Farao Neko de Yehoahas too afiaɛ wɔ Ribla wɔ Hamat asase so, senea ebeye a, ɔrentumi nni hene wɔ Yerusalem. Afei, ɔhyɛɛ sɛ Yuda ntua tow dwetɛ tɔn abiesa ne fa ne sikakɔkɔ kilogram aduasa anan sɛ sonkahiri. **34** Farao Neko de Eliakim a ɔyɛ Yosia babarima dii ade ma osii n'agya anan mu. ɔsesaa Eliakim din frɛɛ no Yehoiakim. Wɔde Yehoahas kɔɔ Misraim sɛ odeduani, na owui wɔ hɔ. **35** Senea ebeye a Yehoiakim benya dwetɛ ne sikakɔkɔ tow a Farao Neko regye no nti, otwitwaa tow maa Yudafo tuae. Obiara tuaa senea

n'ahonya te. **36** Bere a Yehoiakim dii ade no, na wadi mfirmihya aduonu anum, na odii ade wɔ Yerusalem mfe dubaako. Na ne na din de Sebuda a ɔye Pedaia a ofi Ruma babea. **37** Ɔyee bone wɔ Awurade ani so, senea n'agyanom yee no.

24 Yehoiakim ahenni mu no, Babiloniahene Nebukadnessar betow hyee Yuda asase so. Yehoiakim maa ne nsa so, na otuaa tow maa no mfe abiesa, nanso ɔtew Nebukadnessar so atua. **2** Na Awurade somaa akofo fi Babilonia, Aram, Moab ne Amon, kɔko tiaa Yuda, sɛee no, senea Awurade nam n'adiyifo so hyee ho nkɔm no. **3** Saa amanehunu yi baa Yuda so, senea Awurade hyee no, senea ebeye a obeyi wɔn afi n'anim, esiane bone dodow a Manase yee no nti, **4** a na mogya a edi bem a ohwie guu no ka ho bi. Efise ɔde mogya a edi bem fɔw Yerusalem dotoo; eno nti na Awurade mpe se ɔde bekye. **5** Yehoiakim ahenni ho nsem nkae ne dwuma a odii nyinaa no, wɔankyerew angu Yuda Ahemfo Abakɔsem Nhoma no mu ana? **6** Bere a Yehoiakim wui no, ne babarima Yehoiakyin na odii n'ade se ɔhene. **7** Misraimhene ansan amma bio, efise na Babiloniahene afa nsase a anka na Misraimfo no agye no nyinaa, efi Misraim asuwa no so, kosi Asubɔnten Eufate ho. **8** Bere a Yehoiakyin dii ade no, na wadi mfe dunwɔtwe, na odii hene wɔ Yerusalem asram abiesa. Na ne na ye Elnatan a ofi Yerusalem no babea Nehusta. **9** Yehoiakyin yee bone wɔ Awurade ani so, senea n'agya yee no ara pe. **10** Yehoiakyin ahenni mu no, Babiloniahene Nebukadnessar asraafo mu mpanyimfo betuaa Yerusalem ano. **11** Otua no mu no, Nebukadnessar ankasa baa kuropon no mu. **12** Na ɔhene Yehoiakyin ne n'afotufu, atitiriw, mpanyimfo ne ɔhemmea de wɔn ho maa Babiloniafo. Nebukadnessar dii ade ne mfe awɔtwe so no, ɔkyeree Yehoiakyin de no too afiase. **13** Senea Awurade aka dedaw no, Nebukadnessar tasee agyapade a ewɔ Awurade Asɔredan mu ho no ne ahemfi ho nyinaa. Wɔsɛee sikakɔkɔ nnwetebona a Israelhene Salomo de sisii asɔredan mu ho no nyinaa. **14** ɔhene Nebukadnessar kyekyeree nneduafu mpem du fii Yerusalem a ahenemma nyinaa ne asraafo akofo, adwumfo ne atomfo a wodi mu ka ho. Eno nti, ahiafo nko ara na ogyaw wɔn wɔ asase no so. **15** Nebukadnessar faa ɔhene Yehoiakyin de no kɔɔ Babilonia se odeduani a ne yerenom ne ne mpanyimfo, ɔhemmea ne Yerusalem nnipa atitiriw ka ho. **16** Ɔfaa akofo a wote apɔw no mpem ason, adwumfo ne

atomfo apem a wɔn nyinaa ye mmarima a wɔn ho ye den na wɔfata akodi. **17** Babiloniahene de Yehoiakyin wɔfa Matania dii ade se ɔhene foforo. Ɔsesaa Matania din frɛe no Sedekia. **18** Bere a Sedekia dii ade no, na wadi mfirmihya aduonu baako. Odii ade wɔ Yerusalem mfirmihya dubaako. Na ne na din de Hamutal a ɔye Yermia a ofi Libna no babea. **19** Na Sedekia yee bone wɔ Awurade ani so, senea Yehoiakim yee no. **20** Awurade abufuw nti na eyinom nyinaa baa Yerusalem ne Yuda so, na akyiri no, oyii n'ani fii wɔn so. Afei, Sedekia sɔre tiaa Babiloniahene.

25 Ɔsram Tebet (beye Ɔpepon) da a eto so dunum wɔ Sedekia ahenni mfe akron so no, ɔhene Nebukadnessar dii n'akofo nyinaa anim, beko tiaa Yerusalem. Wɔtwaa kuropon no ho hyiae. Wɔbɔbɔ mpampim wɔ kuropon no afasu ho. **2** Wɔkaa Yerusalem hyee kosii ɔhene Sedekia ahenni no mfe dubaako so. **3** Eduu Tammus ɔsram (beye Kitawonsa) da a eto so dunwɔtwe no, Sedekia ahenni mfe dubaako mu no, na ɔkɔm a aba kuropon no mu no ano aye den yiye, ama wɔn aduan a aka no nyinaa asa. **4** Na kuropon no fasu fa bi abu agu fam nti, asraafo no nyinaa yee adwene se, wobeguan afi kuropon no mu. Nanso esiane se na Babiloniafo atwa kuropon no ho ahyia nti, wɔtwen kosii anadwo, na woguan faa ɔpon a eda afasu abien a ewɔ ɔhene no nturo no mu mu. Wɔyee ntem faa wuramkwan de wɔn ani kyeree Yordan bon no. **5** Nanso Babiloniafo no tiw wɔn, kɔkyeree ɔhene no wɔ Yeriko tataw so, efise na ne mmarima no nyinaa aguan agya no saa bere no. **6** Wɔde no brɛe Babiloniahene wɔ Ribla ma wobuu no aten. **7** Babiloniahene maa Sedekia de n'ani kann hwɛ se, wɔrekunkum ne mmabarima nyinaa. Afei, wɔtutuu Sedekia ani, de kɔbere nkɔnsɔnkɔnsɔn guu no, na wɔde no kɔɔ Babilonia. **8** Ab ɔsram (beye Ɔsannaa) da eto so dunan wɔ afe a eye Nebukadnessar mfe dunkron adedi mu no, Nebusaradan a ɔye awɛmfo so panyin a ɔye Babiloniahene mpanyimfo no mu baako no kɔɔ Yerusalem. **9** Ɔde ogya too Awurade asɔredan, ahemfi ne afi a ewɔ Yerusalem nyinaa mu. Ɔhyew ofi biara a edi mu. **10** Awɛmfo so panyin no hwɛ maa Babilonia asraafo no bubuu Yerusalem afasu no. **11** Nebusaradan a ɔye awɛmfo so panyin no kyekyeree wɔn a wɔkaa wɔ kuropon no mu no, twaa wɔn ne nnipa a aka no ne asraafo a wɔdaa wɔn ho adi se wɔtaa Babiloniahene akyi no asu. **12** Na awɛmfo so panyin no maa mmɔborɔfo no mu bi tenaa Yuda,

se wɔnhwe bobe mfuw ne mfuw foforo a ɛka ho no so. **13** Babiloniafo no bubuu kɔbere mfrafrae afadum, nnyinasode a wotumi moma so ne kɔbere mfrafrae Po a na ɛwɔ Awurade asɔredan mu, na wɔde kɔbere mfrafrae no nyinaa kɔw Babilonia. **14** Wɔtasee nkuku, sofi, akanea adabaw, nsanka ne kɔbere mfrafrae nneema ahorow a wɔde di wɔn afɔrebɔ ho dwuma wɔ Asɔredan no mu no nyinaa. **15** Nebusaradan a ɔye awemfo so panyin no san tasee nkankyee a wɔnoa mu ne nhweaseammɔ ne nkuku ne nkaka nkae a wɔde sikakɔkɔ ne dwetɛ aye no nyinaa. **16** Kɔbere mfrafrae a wonya fii afadum abien, nsu teaseenam ne Po no mu no, na emu ye duru dodo se wobetumi akari. Ɔhene Salomo bere so na ɔyee saa nneema yi guu Awurade Asɔredan mu. **17** Na afadum no mu biara sorokɔ ye anammɔn aduonu ason. Kɔbere mfrafrae no ntaaso a ɛdeda afadum no mu biara so no sorokɔ ye anammɔn ason ne fa a wɔde kɔbere mfrafrae no ara bi a eye ɔtan seso ne atoa aba seso, atwa ho nyinaa ahya de asiesie no. Na ɔfadum a ɛka ho no siesieba ne no sese. **18** Awemfo no sahene no faa ɔsɔfopanyin Seraia, abediakyiri Sefania ne ɔponanoahwɛfo baasa no nnommum. **19** Ɔfaa ɔpanyin a otua asraafo no ano, ne adehye afotufɔ baason fii nnipa a na wɔda so wɔ kuropon no mu no mu. Afei ɔfaa ɔkyerewfo a na ɔye adwumayɛfo panyin ma wɔn a wɔfa nnipa ma wɔkɔye asraafo wɔ asase no so, ne n'adwumayɛfo no mu aduosia a ohuu wɔn wɔ kuropon no mu no. **20** Ɔsahene Nebusaradan de wɔn nyinaa kɔw Babiloniahene anim wɔ Ribla. **21** Ɔhene no ma wokunkum wɔn wɔ Ribla a ɛwɔ Hamat. Enti wotwaa Yuda asu fii n'asase so. **22** Ɔhene Nebukadnessar yii Ahikam babarima Gedalia a na ɔye Safan nena se amrado a na ɔhwe nnipa a wɔkaa wɔ Yuda no so. **23** Bere a asraafodɔm so asahene ne wɔn mmarima tee se Babiloniahene asi Gedalia amrado no, wɔkɔkaa ne ho wɔ Mispa. Nnipa a wɔkɔkaa ne ho no ne Netania babarima Ismael, Karea babarima Yohanan, Tanhumet a ofi Netofa babarima Seraia ne Maakatni babarima Yaasania ne wɔn mmarima nyinaa. **24** Gedalia dii nsew, kyereɛ wɔn se, Babilonia mpanyimfo no amma ho ɔhaw so. Otuu wɔn fo se, “Munnsuro se mobesom Babiloniafo. Montena asase no so na monsom Babiloniahene, na ebesi mo yiye.” **25** Tisri ɔsram (beye ɛbɔ ne Ahinime ntam) no mpaemu wɔ saa afe no mu no, Netania babarima Ismael a ɔye Elisama nena a na ofi adehye abusua mu no de mmarima du kɔw Mispa, kokum

Gedalia ne nnipa a na wɔka ne ho a wɔye Yudafo ne Babiloniafo no nyinaa. **26** Afei, nnipa a wɔwɔ Yuda nyinaa, efi akumaa so, kosi ɔkese so ne asraafodɔm asahene bɔw huboa, na woguan kɔw Misraim, efise na wosuro se Babiloniafo no beye wɔn biribi. **27** Ɔhene Yehoiakyin dii mfe aduasa ason wɔ n'asutwa mu wɔ Babilonia no, Ewil-Merodak bedii Babiloniahene. Ohuu Yehoiakyin mmɔbɔ, enti oyii no fii afiase saa afe no ara mu Adar ɔsram (beye Oforisuo) da a ɛto so abien. **28** Ɔkaa abodwosem kyereɛ no, na ɔmaa no dibe a ɛwɔ anuonyam sen ahemfo a wɔne no wɔ Babilonia no de. **29** Enti Yehoiakin yii n'afiase ntade guu nkyɛn, na efi saa da no odidii wɔ ɔhene didipon so bere biara, kosii ne wuda. **30** Na Babiloniahene no san maa Yehoiakin sika bere ano bere ano, ma ɔde tuatua ne ho aka, kosii ne wuda.

1 Beresosɛm

1 Adam asefo ye Set, Enos, **2** Kenan, Mahalalel, Yared, **3** Henok, Metusela, Lamek, **4** Noa mma ne, Sem, Ham, ne Yafet. **5** Na Yafet asefo ne Gomer, Magog, Media, Yawan, Tubal, Mesek ne Tiras. **6** Na Gomer asefo ne Askenas, Rifat ne Togarma. **7** Na Yawan asefo ne Elisa, Tarsis, Kitim ne Rodanim. **8** Na Ham asefo ne Kus, Misraim, Put ne Kanaan. **9** Na Kus asefo ne Seba, Hawila, Sabta, Raama ne Sabteka. Na Raama asefo ye Saba ne Dedan. **10** Kus woo Nimrod. Na Nimrod beyɛe ɔkofo kese wo asase so. **11** Na Misraim woo Ludfo, Anamfo, Lehabfo, Naftuhfo, **12** Patrusfo, Kasluhfo ne Kaftorfo a won ase na Filistifo fi. **13** Na Kanaan woo n'abakan Sidon ne Het, **14** Yebusifo, Amorifo, Girgasifo, **15** Hewifo, Arkifo, Sinifo, **16** Arwadfo, Semarifo ne Hamatifo tete agya. **17** Na Sem asefo ye Elam, Asur, Arfaksad, Lud ne Aram. Aram asefo ne Us, Hul, Geter ne Mas. **18** Na Arfaksad woo Sela na Sela woo Eber. **19** Eber woo mmabarima baanu. Wɔtoo ɔbaako din Peleg a ase kyere Nkyekyemu, efise n'awobere mu na kasa ahorow nti, nnipa a wɔwo asase so mu kyekyee ma wɔhwetee. Na wɔtoo ne nua a ɔka ne ho no din Yoktan. **20** Yoktan woo Almodada, Selef, Hasarmawet, Yera, **21** Hadoram, Usal, Dikla, **22** Obal, Abimael, Seba, **23** Ofir, Hawila ne Yobab. Eyinom nyinaa ye Yoktan asefo. **24** Eno nti, eyi ne anato a efi Sem: Arfaksad, Selah, **25** Eber, Peleg, Reu, **26** Serug, Nahor, Tera, **27** ne Abram a kyiri no, wɔfrɛe no Abraham no. **28** Abraham mmabarima ye Isak ne Ismael. **29** Na Ismael mmabarima nso ne Nebaiot a ɔye n'abakan, Kedar, Adbeel, Mibsam, **30** Misma, Duma, Masa, Hadad, Tema, **31** Yetur, Nafis ne Kedema. Eyinom ne Ismael mmabarima. **32** Na Abraham mpena Ketura mmabarima ne Simran, Yoksan, Medan, Midian, Yisbak ne Sua. Na Yoksan asefo ye Seba ne Dedan. **33** Midian woo Efa, Efer, Henok, Abida ne Eldaa. Eyinom nyinaa ye Ketura asefo. **34** Abraham woo Isak. Isak mmabarima ye Esau ne Israel. **35** Na Esau mmabarima ye Elifas, Reuel, Yeus, Yalam ne Kora. **36** Na Elifas mmabarima ye Teman, Omar, Sefi, Gatam, Kenas, Timna ne Amalek. **37** Na Reuel mmabarima ye Nahat, Serah, Sama ne Misa. **38** Na Seir mmabarima ye Lotan, Sobal, Sibeon, Ana, Dison, Eser ne Disan. **39** Na Lotan mmabarima ye Hori ne Homam. Na Lotan nuabea din de Timna. **40** Na Sobal mmabarima ye Alian, Manahat, Ebal, Sefi

ne Onam. Sibeon mmabarima ye Aya ne Ana. **41** Na Ana babarima ye Dison. Na Dison mma ye Hemdan, Esban, Yitran ne Keran. **42** Na Eser mmabarima ye Bilhan, Saawan ne Akan. Na Disan mmabarima ye Us ne Aran. **43** Eyinom ne ahemfo a wodii Edom so ansa na Israelfo renya ahemfo: Beor babarima Bela, a ɔtenaa kuropon Dinhaba so dii hene. **44** Na Bela wui no, Serah babarima Yobab a ofi Bosra bedii n'ade se ɔhene. **45** Na Yobab wui no, Husam a ofi Teman asase so bedii n'ade se ɔhene. **46** Husam wu akyi no, Hadad a ɔye Bedad babarima a okodii Midian so nkonim wo Moab asase so no na odii n'ade se ɔhempon. Wɔtoo n'ahenkurow no din Hawit. **47** Hadad wui no, Samla a ofi Masreka kuropon mu beyɛe ɔhene. **48** Samla wui no, Saulo a ofi Rehobot a ɛda asu Eufate ho no bedii hene. **49** Na Saulo wui no, Akbor babarima Baal-Hanan bedii hene. **50** Baal-Hanan wui no, Hadad tenaa kuropon Pai mu dii hene. Na ne yere a wɔfrɛ no Mehetabel no ye Matred babea ne Me-Sahab nso nena. **51** Na Hadad nso wui. Na Edom mmusua no ntuanofa ne Timna, Alia, Yetet, **52** Oholibama, Ela, Pinon, **53** Kenas, Teman, Mibsar, **54** Magdiel ne Iram. Eyinom na na wɔye Edom mmusua ntuanofa.

2 Israel mmabarima ye Ruben, Simeon, Lewi, Yuda, Isakar, Sebulon, **2** Dan, Yosef, Benyamin, Naftali, Gad ne Aser. **3** Yuda ne Kanaannibea Bat-Sua woo mmabarima baasa. Na won din de Er, Onan ne Sela. Nanso na abakan Er no ye omumoye nti, Awurade kum no. **4** Akyiri no, Yuda ne n'ase kunafo Tamar woo nta. Na won din de Peres ne Serah. Enti Yuda woo mmabarima baanum. **5** Na Peres mmabarima din de Hesron ne Hamul. **6** Serah mmabarima din de Simri, Etan, Heman, Kalkol ne Dara; wɔye baanum. **7** Akar a ɔye Karmi babarima ne Serah asefo no mu baako nam fa a ɔfaa asade a wogyaw maa Awurade no so, de amanehunuu baa Israelfo so. **8** Na Etan babarima ne Asaria. **9** Hesron mmabarima din de Yerahmeel, Ram ne Kaleb. **10** Ram ye Aminadab agya. Aminadab ye Nahson a na ɔye Yuda ntuanoni no agya. **11** Nahson ye Salma agya. Na Salma nso ye Boas agya. **12** Boas ye Obed agya. Obed ye Yisai agya. **13** Yisai abakan ye Eliab nea ɔto so abien ye Abinadab na nea ɔto so abiesa ye Simea. **14** Na nea ɔto so anan ye Netanel na Radai to so anum. **15** Ne babarima a ɔto so asia no din de Osem na Dawid na na ɔto so ason. **16** Na won nuabeanom din de Seruia ne Abigail. Na Seruia woo mmabarima baasa a won din ye Abisai, Yoab ne

Asahel. **17** Abigail waree obarima bi a ne din de Yeter a ɔye Ismaelni na wɔwoo obabarima a wɔtoo no din Amasa. **18** Na Hesron babarima Kaleb wɔ yerenom baanu a wɔne Asuba ne Yeriot. Na Asuba mmabarima din de Yeser, Sobab ne Ardon. **19** Asuba wu akyi no, Kaleb waree Efrata. Wɔwoo obabarima too no din Hur. **20** Hur woo Uri. Uri nso woo Besaleel. **21** Bere a Hesron dii mfe aduosia no, ɔwaree Gilead nuabea a na ɔye Makir babea. Wɔwoo obabarima too no din Segub. **22** Segub woo Yair a odii nkurow aduonu abiesa so wɔ Gilead asase so no. **23** (Akyiri no, Gesur ne Aram gyee Yair nkurow, san gyee Kenat ne ne nkuraa aduosia a atwa ho ahyia no nyinaa.) Na eyinom nyinaa ye Makir a ɔye Gilead agya no asefo. **24** Hesron wuu wɔ kurow Kaleb-Efrata mu akyi no, ne yere Abia woo obabarima a wɔtoo no din Asur (Tekoa agya). **25** Hesron abakan Yerahmeel mmabarima a ɔwoo wɔn no din ye Ram (abakan), Buna, Oren, Osem ne Ahiya. **26** Na Yerahmeel wɔ ɔyere a ɔto so abien a wɔfre no Atara, na ɔno na ɔwoo Onam. **27** Ram a ɔye Yerahmeel abakan no mmabarima ye Maas, Yamin ne Eker. **28** Onam mmabarima ye Samai ne Yada. Na Samai mmabarima ye Nadab ne Abisur. **29** Na Abisur ne ne yere Abihail mmabarima ye Ahban ne Molid. **30** Na Nadab mmabarima ye Seled ne Apaim. Seled wui a wanwo mma; **31** na Apaim de, ɔwoo obabarima a wɔfre no Yisi. Na Yisi woo Sesan. Na Sesan nyaa n'aseni bi a wɔfre no Ahlai. **32** Na Samai nuabarima Yada woo Yeter ne Yonatan. Na Yeter wui a wanwo ba biara, **33** nanso Yonatan woo mmabarima baanu a na wɔfre wɔn Pelet ne Sasa. Na eyinom nyinaa ye Yerahmeel asefo. **34** Na Sesan annya mmabarima, onyaa mmabea. Na ɔwo Misraimni somfo bi a ne din de Yarha. **35** Sesan de ne mmabea no mu baako maa Yarha aware na wɔwoo obabarima too no din Atai. **36** Atai woo Natan na Natan woo Sabad. **37** Sabad woo Efial. Efial woo Obed. **38** Obed woo Yehu na Yehu woo Asaria. **39** Asaria woo Heles. Heles woo Eleasa. **40** Eleasa woo Sisemai na Sisemai woo Salum. **41** Salum woo Yekamia, na Yekamia woo Elisama. **42** Yerahmeel nua Kaleb babarima piesie ne Mesa a ɔye Sif agya. Na Kaleb babarima a ɔto so abien din de Maresa a ɔye Hebron agya. **43** Na Hebron mmabarima ye Kora, Tapua, Rekem ne Sema. **44** Na Sema woo Raham. Raham woo Yorkeam. Na Rekem woo Samai. **45** Na Samai woo Maon. Maon woo Bet-Sur. **46** Na Kaleb mpena Efa woo Haran, Mosa ne Gases. Na Haran woo

Gases. **47** Na Yahdai mmabarima ye Regem, Yotam, Gesan, Pelet, Efa ne Saaf. **48** Kaleb mpena oforo bi a wɔfre no Maaka woo Seber ne Tirhana. **49** Ɔsan woo Saaf a na ɔye Madmana agya ne Sewa a na ɔye Makbena ne Gibea agya. Na Kaleb woo obabea a ne din de Aksa. **50** Eyinom nyinaa ye Kaleb asefo. Kaleb yere Efrata abakan Hur mmabarima ye Sobal a ɔye Kiriati-Yearim agya. **51** Salma a ɔye Betlehem agya ne Haref a ɔye Bet-Gader agya. **52** Sobal a ɔye Kiriati-Yearim agya no mmabarima ye Haroe a ne fa ye Manahatini. **53** na ne fa a aka no fi Kiriati-Yearim mmusua mu. Sobal asefo a woka ho ne Yitrifo, Putifo, Sumatifo ne Misraimfo, wɔn mu na Sorafo ne Estaolfo fi. **54** Salma asefo ye Betlehem, Netofafo, Atrot-Bet-Yoabfo, Manahatafo fa bi, Sorifo, **55** ne akyerewfo mmusua a wote Yabes no, Tirafo, Simeafɔ ne Sukatfo. Eyinom nyinaa ye Kenifo, Hamat a ɔye Rekeb agya no asefo.

3 Eyinom ne mmabarima a wɔwowoo wɔn maa Dawid wɔ Hebron. Na n'abakan din de Amnon a ne na a na ofi Yesreel no din de Ahinoam. Ne ba a ɔto so abien no, na ne din de Daniel. Na ne na a ofi Karmel no din de Abigail. **2** Ne ba a ɔto so abiesa no, na wɔfre no Absalom. Na ne na din de Maaka a na ɔye Gesurhene Talmi babea. Ne ba a ɔto so anan din de Adoniya a ne na din de Hagit. **3** Ne ba a ɔto so anum no, na wɔfre no Sefatia. Na wɔfre ne na Abital. Ne ba a ɔto so asia no din de Yitream a na wɔfre ne na Eglā. **4** Wɔwowoo mmabarima baasia yi nyinaa maa Dawid wɔ Hebron. Odii ade wɔ ho mfirihyia ason ne fa. Dawid yii kuropon no kɔɔ Yerusalem, na odii ade mfirihyia aduasa abiesa wɔ ho. **5** Mmabarima a wɔwowoo wɔn maa Dawid wɔ Yerusalem no ne: Simea, Sobab, Natan ne Salomo. Amiel babea Batseba na ɔwoo saa mmabarima yi. **6** Wɔsan wowoo mmabarima baakron bi maa Dawid. Wɔne Yibhar, Elisua, Elifelet, **7** Noga, Nefeg, Yafia, **8** Elisama, Eliada ne Elifelet. **9** Eyinom ne Dawid mmabarima a ne mpena mma nka ho. Na Dawid wɔ obabea bi a wɔfre no Tamar. **10** Na Salomo asefo ye Rehoboam, Abia, Asa, Yehosafat, **11** Yoram, Ahasia, Yoas, **12** Amasia, Asaria, Yotam, **13** Ahas, Hesehia, Manase, **14** Amon ne Yosia. **15** Na Yosia mmabarima ne Yohanan a ɔye abakan, Yehoiakim to so abien, Sedekia to so abiesa, na Salum to so anan. **16** Yehoiakim babarima Yehoiakym na odii n'ade, na ɔno nso ne wɔfa Sedekia bedii n'ade. **17** Yehoiakym a Babiloniafo kyeree no kɔtoo afiase no mmabarima ne Sealtiel, **18** Malkiram, Pedaia, Senasar, Yekamia,

Hosama ne Nedabia. **19** Na Pedaia mmabarima ye Serubabel ne Simeï. Na Serubabel mmabarima ye Mesulam ne Hanania. Na ɔwo ɔbabea nso a ne din de Selomit. **20** Na ne mmabarima baanum bi nso din ne Hasuba, Ohel, Berekia, Hasadia ne Yusab-Hesed. **21** Na Hanania mmabarima din de Pelatia ne Yesaia. Na Yesaia babarima din de Refaia. Na Refaia babarima din de Arnan. Na Arnan babarima din de Obadia. Na Obadia babarima din de Sekania. **22** Na Sekania asefo ye Semaia ne ne mmabarima Hatus, Igal, Baria, Nearia ne Safat. Na wɔn nyinaa ye baasia. **23** Na Nearia mmabarima din de Elioenai, Hiskia ne Asrikam. Na wɔye baasa. **24** Na Elioenai mmabarima din de Hodawia, Eliasib, Pelaia, Akub, Yohanan, Delaia ne Anani. Na wɔye baason.

4 Yuda asefo no bi din de Peres, Hesron, Karmi, Hur ne Sobal. **2** Sobal babarima Reaia na ɔwoo Yahat. Yahat woo Ahumai ne Lahad. Eyinom na na wɔye Sorafo mmusua. **3** Na Etam asefo no ne Yesreel, Yisma, Yidbas ne Haslelponi a na ɔye ne babea, **4** Penuel a na ɔye Gedor agya ne Eser a na ɔye Husa agya. Eyinom na na wɔye Hur a na ɔye Efrata abakan ne Betlehem agya no asefo. **5** Na Tekoa agya a ne din de Ashur no wɔ yerenom baanu a wɔfre wɔn Hela ne Naara. **6** Naara woo Ahusam, Hefer, Temeni ne Ahastari. **7** Hela woo Seret, Sohar, Etnan, **8** ne Kos a n'asefo ne Anub, Hasobeba ne Harum babarima Aharhel, Harum ne ne mmusua nyinaa. **9** Na ɔbarima bi wɔ hɔ a wɔfre no Yabes a ɔye ɔkese sen ne nuabarimanom nyinaa. Ne na too no din Yabes, efise onyaa ɔyaw wɔ n'awo mu. **10** Yabes ne obi a ɔɔɔ mpae kyere Israel Nyankopɔn se, "Ao, hyira me na tɔw m'ahye mu. Mesɔ wɔ, ka me ho wɔ nea meye biara mu, na yi me fi ɔhaw ne ɔyaw nyinaa mu." Na Onyankopɔn ye n'abisade no maa no. **11** Suba nuabarima Kelub woo Mehîr. Mehîr woo Eston. **12** Eston woo Bet-Rafa, Paseah ne Tehina. Tehina woo Ir-Nahas. Eyinom ne Reka asefo. **13** Kenas mmabarima ne Otniel ne Seraia. Otniel mmabarima ne Hatat ne Meonotai. **14** Meonotai woo Ofra. Na Seraia woo Yoab a ofii Adwumfo Bon ase, efise na adwumfo pii tete hɔ. **15** Na Yefune babarima Kaleb mmabarima ye Iru, Ela ne Naam. Na Ela babarima ye Kenas. **16** Yehalelel mmabarima ne Sif ne Sifa, Tiria ne Asarel. **17** Esra mmabarima ye Yeter, Mered, Efer ne Yalon. Mered waree Misraimnibea ma ɔwoo Miriam, Samai ne Yisba a ɔbeyee Estemoa agya no. **18** Mered nso waree ɔbea a ofi Yuda. Ɔno nso woo

Yered a ɔbeyee Gedor agya, Heber a ɔye Soko agya, ne Yekutiel a ɔye Sanoa agya. Na wɔfre Mered yere Misraimni no se Bitia a na ɔye Misraimhene babea. **19** Na Hodia yere ye Naham nuabea. Ne mmabarima no mu baako na ɔwoo Keila a ɔye Garmini na ɔbaako nso woo Estemoa a ɔye Maakatni. **20** Simon mmabarima ne Amnon, Rina, Ben-Hanan ne Tilon. Na Yisi asefo no ne Sohet ne Ben-Sohet. **21** Na Sela ye Yuda mma no mu baako. Na Sela asefo no ne Er a ɔwoo Leka, Lada a ɔwoo Maresa a na wɔye nweratam ho adwuma wɔ Bet-Asbea, **22** Yokim, Kosebafo, Yoas, ne Saraf a na wodi Moab ne Yasubi-Lehem so no. Saa din yi nyinaa, wonya fii tete nkyerew a na wɔkyerew agu hɔ mu. **23** Na wɔye nkukunwemfo a na wɔte Netaim ne Gedera. Na wɔn nyinaa ye nnwuma ma ɔhene. **24** Na Simeon mmabarima no din de Nemuel, Yamin, Yarib, Serah ne Saulo. **25** Na Saulo asefo ye Salum, Mibsam ne Misma. **26** Na Misma asefo ye Hamuel, Sakur ne Simeï. **27** Simeï woo mmabarima dunsia ne mmabea baasia. Ne nuabarimanom de, na wɔn mu biara nni abusua kese saa. Eno nti, Simeon abusua anno te se Yuda abusua no. **28** Wɔtenaa Beer-Seba, Molada ne Hasar-Sual, **29** Bilha, Esem ne Tolad, **30** Betuel, Horma ne Siklag, **31** Bet-Markabot, Hasar-Susim, Bet-Biri ne Saaraim. Na saa nkurow yi nyinaa hyee wɔn ase kosii ɔhene Dawid bere so. **32** Wɔn asefo nso tenaa Etam, Ain, Rimon, Token ne Asan a eye nkurow anum yi so, **33** ne ne nkuraa a atwa ho ahyia no kosii Baal. Na wɔn atena ne ni, na wɔahyehye saa din yi nyinaa wɔ wɔn anato nkrataa mu. **34** Wɔn a woka Simeon asefo ho no bi nso ne Mesobab, Yamlek ne Amasia babarima Yosa, **35** Yoel, Yosibia babarima Yehu a ɔye Seraia babarima, na ɔno nso ye Asiel babarima, **36** Elioenai, Yaakoba, Yesohaia, Asaia, Adiel, Yesimiël ne Benaia, **37** Sifi babarima Sisa a n'agya ye Alon babarima, na ɔno ye Yedaia babarima, na ɔno nso ye Simri babarima a n'agya ye Semaia. **38** Din a yeabobo yi ye ntuanofɔ a wɔdɔda Simeon mmusuakuw a wɔye adefo no ano no bi. **39** Wɔkɔɔ Gedor fam a na ewo obon no apuei fam se wɔrekɔpe asase pa ama wɔn mmɔa adidi so. **40** Wonyaa mmɔa adidibea pa wɔ hɔ. Na asase no so dwo na basabasaye biara nni hɔ. Na Ham asefo no bi akɔtena Gedor fa mu hɔ dedaw. **41** Yudahene Hesekia bere so no, Simeon ntuanofɔ no ko dii hɔ so, seee Ham ne Meunifo afi pasaa. Wokum obiara a na ɔte hɔ, faa asase no, efise, na wɔpe se wonya mmɔa didibea pa no. **42** Akofo no mu ahannum a wofi

Simeon abusuakuw mu no kɔɔ bepɔw Seir so, a na Pelatia, Nearia, Refaia ne Usiel a wɔn nyinaa ye Yisi mmabarima no na na wodi wɔn anim. **43** Amalekfo kakra a wokae no, wokunkum wɔn nyinaa, faa hɔ, na wɔtenaa hɔ.

5 Na Israel babarima panyin ne Ruben. Nanso esiane se wammu n'agya, na ɔne n'agya mpenanom no mu baako kɔɔɔe no nti, ɔɔe n'abakanye maa ne nua Yosef mmabarima. Esiane saa asem yi nti, wɔamfa Ruben din anka anato no ho se abakan. **2** Yuda asefo na wɔyee abusuakuw a wɔwɔ tumi pa ara; ne saa nti woyii ɔman no sodifo fii wɔn mu, nanso mpanyinni no de, na eye Yosef dea. **3** Israel abakan Ruben no mmabarima ne: Hanok, Palu, Hesron ne Karmi. **4** Yoel asefo ne Semaia, Gog, Simei, **5** Mika, Reaia, Baal, **6** ne Beera. Bere a Asiriahene Tilgat-Pilneser de Rubenfo kɔɔ nnommumfa mu no, Beera na na odi Rubenfo no anim. **7** Wɔakyerew Beera nkurɔfo din senea wɔn mmusua ne abusua no te: Yeiel ne wɔn ntuanoni, na Sakaria **8** ne Asas babarima Bela a ɔye Sema babarima a ɔye Yoel babarima. Saa Rubenfo yi tenaa beae a efi Aroer de kosi Nebo ne Baal-Meon. **9** Esiane se na wɔwɔ anantwi bebreɛ wɔ Gilead asase so no nti, wodidi kɔɔ apuei fam wɔ nweatam a etrew kɔ Asubɔnten Euftrate no ho. **10** ɔhene Saulo bere so, Rubenfo dii Hagarfo so nkonim wɔ ɔko mu. Enti wotu kɔɔ Hagarfo atenaɛ a ewɔ Gilead apuei fam hɔ no. **11** Basan asase so no, na Gad asefo na wɔtete asase a edi Rubenfo de no so. Wɔtrew kɔɔ apuei fam kosii Saleka. **12** Na Yoel na otua wɔn ano wɔ Basan asase so. Na Safam, Yanai ne Safat ye n'abofo. **13** Na wɔn abusufo a wɔye ntuanofɔ ma mmusua aforɔfo ason din ne: Mikael, Mesulam, Seba, Yorai, Yakan, Sia ne Eber. **14** Eyinom nyinaa ye Huri babarima Abihail a ɔye Yaroa babarima, Gilead babarima, Mikael babarima, Yesisai babarima Yahdo babarima, Bus babarima. **15** Abdiel babarima Ahi, Guni babarima no na na ɔye wɔn mmusua no ntuanɔ. **16** Gadfo no tenaa Gilead asase a ewɔ Basan ne ne nkuraa ne Saron tataw no nyinaa so. **17** Yudahene Yotam ne Israelhene Yeroboam bere so na wokyerew eyinom nyinaa guu abusuadua nkrataa mu. **18** Na akofo akese a wɔwɔ Ruben, Gad mmusua ne Manase abusua fa mu no ano si mpem aduanan anan ahanson ne aduosia. Wokurakura nkatabo, mfoa ne agyan, na wɔn nyinaa akwadaw wɔ akodi mu. **19** Woko tiaa Hagarfo, Yeturfo, Nafisfo ne Nodabfo. **20** Wosu frɛɛ Onyankopɔn wɔ ɔko no mu, na otiee wɔn mpaɛɔ, efise wɔde wɔn ho

too ne so. Enti wodii Hagarfo no ne wɔn dɔm nyinaa so nkonim. **21** Asade a wɔfa fii Hagarfo no nkyen no ye yoma mpem aduonum, nguan mpem ahannu aduonum, mfurum mpenu ne nnedufo mpem ɔha. **22** Wokunkum Hagarfo no bebreɛ wɔ ɔko no mu, efise na Onyankopɔn reko tia wɔn. Enti wɔtenaa wɔn asase so kosii se wɔtwaa wɔn asu. **23** Manase abusua fa no trew wɔ asase no so fi Basan kosii Baal-Hermon, Senir ne bepɔw Hermon ho. Na wɔdɔɔso yiye. **24** Eyinom ne wɔn mmusua no ntuanofɔ: Efer, Yisi, Eliel, Asriel, Yeremia, Hodawia ne Yahdiel. Na wɔn mu biara agye din se ɔkofo kese ne ɔkannifo. **25** Nanso na wonni nokware, na wobuu wɔn agyanom ne Onyankopɔn apam no so. Wɔsom aman a Onyankopɔn seɛe wɔn no anyame. **26** Enti Israel Nyankopɔn de hyee Asiriahene Pul (a na wɔsan frɛ no Tilgat-Pilneser) koma mu se ɔnko mfa asase no, na ɔnkyekyere Rubenfo, Gadfo ne Manasefo abusua fa se nnedufo. Asiriafo no twaa wɔn asu kɔɔ Halah, Habor, Hara ne Asubɔnten Gosan ho a wɔda so te hɔ besi nne.

6 Na Lewi mmabarima ye: Gerson, Kohat ne Merari. **2** Na Kohat asefo nso ye: Amram, Ishar, Hebron ne Usiel. **3** Na Amram mma ye: Aaron, Mose ne Miriam. Na Aaron mmabarima ye: Nadab, Abihu, Eleasar ne Itamar. **4** Eleasar woo Pinehas. Pinehas woo Abisua. **5** Abisua woo Buki, na Buki woo Usi. **6** Usi woo Serahia. Serahia woo Meraiot. **7** Meraiot woo Amaria, na Amaria woo Ahitub. **8** Ahitub woo Sadok, na Sadok woo Ahimaas. **9** Ahimaas woo Asaria. Asaria woo Yohanan. **10** Yohanan woo Asaria a ɔno na na ɔye ɔsofopanyin wɔ asɔredan a Salomo sii wɔ Yerusalem no mu. **11** Asaria woo Amaria. Amaria woo Ahitub. **12** Ahitub woo Sadok. Sadok woo Salum. **13** Salum woo Hilkia. Hilkia woo Asaria. **14** Asaria woo Seraia. Seraia woo Yehosadak. **15** Wɔtwaa Yehosadak asu bere a Awurade de Yudafo ne Yerusalemfo kɔɔ nnommum mu a na wɔhye Nebukadnessar ase no. **16** Na Lewi mmabarima din de Gersom, Kohat ne Merari. **17** Na Libni ne Simei ka Gersom asefo ho. **18** Na Amram, Ishar, Hebron ne Usiel ka Kohat asefo no ho. **19** Na Mahli ne Musi ka Merari asefo no ho. Eyinom ne Lewifo mmusua senea wɔn mpanyimfo nnidiso te. **20** Na Gerson asefo ye: Libni, Yahat, Sima, **21** Yoa, Ido, Serah ne Yeaterai. **22** Na Kohat asefo ne Aminadab, Kora, Asir, **23** Elkana, Ebiasaf, Asir, **24** Tahat, Uriel, Usia ne Saulo. **25** Na Elkana asefo ne: Amasai, Ahimot, **26** Sofai, Nahat, **27** Eliab, Yeroham, Elkana

ne Samuel. **28** Na Samuel mmabarima din ne: Yoel a ɔye ɔpanyin ne Abiya a ɔto so abien no. **29** Na Merari mma ne: Mahli, Libni, Sime, Usa, **30** Simea, Hagia ne Asaia. **31** Dawid maa saa nnipa a wɔn din didi so yi dii Awurade fi nnwom anim, bere a wɔde Apam Adaka no sii hɔ no. **32** Wɔde nnwom kaa wɔn som ho wɔ Ahiaie Ntamadan no mu hɔ kosii se Salomo sii Awurade asɔredan no wɔ Yerusalem. Afei, wɔnam mmara a wɔde maa wɔn so dii wɔn dwuma wɔ hɔ. **33** Saa mmarima yi na wɔne wɔn mma som wɔ hɔ no. Heman, dwom ho nimdefo no, na ofi Kohat abusua mu. Wɔto n'abusua ana fi Yoel, Samuel, **34** Elkana, Yeroham, Eliel, Yoa, **35** Suf, Elkana, Mahat, Amasai **36** Elkana, Yoel, Asaria, Sefania, **37** Tahat, Asir, Ebiasaf, Kora, **38** Ishar, Kohat, Lewi ne Israel ase. **39** Herman abediakyiri a odi kan no din de Asaf, a na ofi Gerson abusua mu. Wɔto Asaf abusua ana fi Berekia, Simea, **40** Mikael, Baaseia, Malkia, **41** Etni, Serah, Adaia, **42** Etan, Sima, Sime, **43** Yahat, Gersom ne Lewi ase. **44** Herman abediakyiri a ɔto so abien no din de Etan, a na ofi Merari abusua mu. Wɔto Etan abusua ana fi Kisi, Abdi, Maluk, **45** Hasabia, Amasia, Hilikia, **46** Amsi, Bani, Semer, **47** Mahli, Musi, Merari ne Lewi ase. **48** Wɔmaa wɔn abusuafo a wɔye Lewifo no nso dwuma ahorow bi dii wɔ Ahiaie Ntamadan a eye Onyankopɔn fi no mu. **49** Aaron ne n'asefo nko na wɔsom se asɔfo. Na wɔde afɔrebɔde gu ɔhyew afɔremuka ne ohuam afɔremuka so, na wodi dwuma biara a efa kronkron mu kronkron hɔ hɔ. Wɔnam mmara a Onyankopɔn somfo Mose de maa wɔn no so, yee mpata maa Israel. **50** Na Aaron asefo ye: Eleasar, Pinehas, Abisua, **51** Buki, Usi, Serahia, **52** Meraiot, Amaria, Ahitub, **53** Sadok ne Ahimaas. **54** Eyi ne abakɔsem a efa nkurow ne asase a wɔnam ntontobɔ kronkron so de maa Aaron ne n'asefo a wofi Kohat abusua mu no. **55** Na Hebron ne mmoo adidibea nsase a atwa ho ahia wɔ Yuda no ka ho. **56** Nanso mfuw ne nkuraa a atwa ho ahia no de, wɔde maa Yefune babarima Kaleb. **57** Enti saa nkurow yi a mmoo adidibea atwa biara ho ahia na wɔde maa Aaron asefo: Hebron, a eye guankɔbea kurow, Libna, Yatir, Estemoa, **58** Hilan, Debir, **59** Asan, Yuta ne Bet-Semes. **60** Na wɔmaa wɔn Gibeon, Geba, Alemet ne Anatot fii Benyamin asase mu a mmoo adidibea ka emu biara ho. Enti nkurow dumiensa na wɔde maa Aaron asefo. **61** Na Kohat asefo a wɔkae no nso, wonyaa nkurow du a wɔnam ntontobɔ kronkron so fii Manase abusua fa no asase so. **62** Gerson asefo

nam ntontobɔ kronkron so nyaa nkurow dumiensa fii Isakar, Aser ne Naftali nsase so. Wonyaa bi nso fii Basan pɔw mu a eye Manase de, a ewɔ Yordan apuei fam no. **63** Merari asefo nam ntontobɔ kronkron so, nyaa nkurow dumien fii Ruben, Gad ne Sebulon nsase so. **64** Enti Israelfo de saa nkurow yi ne mmoo adidibea yi nyinaa maa Lewifo. **65** Wɔnam ntontobɔ kronkron so na wɔde nkurow a ewowɔ Yuda, Simeon ne Benyamin nsase so mae senea wɔaka dedaw no. **66** Saa nkurow yi ne eho mmoo adidibea na Kohat asefo nya fii Efraim asase so: **67** Sekem (guankɔbea kurow) a ewɔ Efraim bepɔw asase no so, Geser, **68** Yokmeam, Bet-Horon, **69** Ayalon ne Gat-Rimon. **70** Kohat asefo nkae no, wɔde saa nkurow a efi Manase abusua fa no mu na emaa wɔn: Aner ne Bileam a emu biara mmoo adidibea ka ho. **71** Gerson asefo nyaa kurow a wɔfre no Golan a ewɔ Basan no fii Manase abusua fa asase so a Astarot ka ho, a ne nyinaa mmoo adidibea da ho. **72** Isakar asase so nso, wɔmaa wɔn Kedes, Dabarat, **73** Ramot ne Anem a wɔn mmoo adidibea ka ho. **74** Aser asase so, wonyaa Masal, Abdon, **75** Hukok ne Rehob a na emu biara mmoo adidibea ka ho. **76** Naftali asase so, wɔde Kedes a ewɔ Galilea, Hamon ne Kiriataim maa wɔn, a na mmoo adidibea ka emu biara ho. **77** Merari asefo nkae no nyaa Yokneam, Karta, Rimon ne Tabor nkurow, fi Sebulon asase so, a na mmoo adidibea ka biara ho. **78** Ruben asase a eɗa Asubɔnten Yordan apuei fam a ene Yeriko di nhweanim no nso, wonyaa Beser a eye nweatam kurow, Yahas, **79** Kedemot ne Mefaat a mmoo adidibea ka emu biara ho. **80** Na Gad asase so nso, wonyaa Ramot a ewɔ Gilead, Mahanaim, **81** Hesbon ne Yaser a mmoo adidibea ka biara ho.

7 Na Isakar mmabarima baanan no din de Tola, Pua, Yasub ne Simron. **2** Tola mmabarima no ne: Usi, Refaia, Yeri, Yahmai, Yibsam ne Samuel. Na wɔn mu biara ye wɔn agyanom mmusua ntuanfo. Ɔhene Dawid bere so no, na mmarima dodow a wɔwɔ saa mmusua yi mu a wɔye asraafo no dodow ye mpem aduonu abien ne ahansia. **3** Na Usi babarima din de: Yisrahia. Na Yisrahia mmabarima din de: Mikael, Obadia, Yoel ne Yisia a na wɔn baanum tuatua mmusua ano. **4** Mmarima dodow a na wɔwɔ hɔ a wɔye asraafo no dodow ye mpem aduasa asia. Na wɔn baanum no nyinaa yerenom ne wɔn mmabarima ye bebree. **5** Mmarima a na wɔwɔ hɔ a wofi Isakar mmusua no nyinaa mu a wɔye asraafo no dodow ye mpem aduwɔtwe ason. Wɔkyerew wɔn nyinaa

din nnidiso nnidiso guu wɔn anato krataa mu. **6** Na Benyamin mmabarima baasa no din de: Bela. Beker ne Yediael. **7** Na Bela mmabarima ye: Esbon, Usi, Usiel, Yerimot ne Iri. Na saa akofo baanum yi ye mmusua ntuanofɔ. Nnipa a wofi wɔn asefo mu ye asraafo no dodow ye mpem aduonu abien ne aduasa anan. Wɔkyerew wɔn nyinaa din guu wɔn anato krataa mu. **8** Na Beker mmabarima din de: Semira, Yoas, Elieser, Elioenai, Omri, Yeremot, Abia, Anatot ne Alemet. **9** Senea na wɔn anato kyere no, na wɔn abusua ntuanofɔ akyi no, wɔn asefo mpem aduonu ne ahannu wɔ ho a wotumi ye asraafo. **10** Na Yediael babarima ne: Bilhan. Na Bilhan mmabarima ne: Yeus, Benyamin, Ehud, Kenaana, Setan, Tarsis ne Ahisahar. **11** Na wɔye Yediael mmusua no mu ntuanofɔ a wɔn asefo a na wɔka wɔn ho a wotumi ye asraafo no dodow ye mpem dunson ne ahannu. **12** Na Ir mmabarima ne Supim, ne Hupim. Aher na ɔwoo Husim. **13** Na Naftali mmabarima ye: Yahsiel, Guni, Yeser ne Silum. Na wɔn nyinaa ye Yakob yere Bilha asefo. **14** Manase mmabarima a ɔne ne mpena Aramni wowoo wɔn ne Asriel ne Makir. Makir na ɔwoo Gilead. **15** Makir pɛe ɔyerenom maa Hupim ne Supim. Na wɔfre Makir nuabea se Maaka. Na Makir asefo no mu baako a wɔfre no Selofehad wowoo mmabea nko ara. **16** Makir yere Maaka woo ɔbabarima a ɔtoo no din Peres. Na ne nuabarima din de Seres. Peres mmabarima din de Ulam ne Rekem. **17** Na Ulam babarima din de: Bedan. Na wɔn nyinaa ye Gileadfo a wɔye Manase babarima Makir asefo. **18** Makir nuabea Moleket woo Is-Hod, Abieser ne Mahla. **19** Na Semida mmabarima ye: Ahian, Sekem, Likhi ne Aniam. **20** Ephraim asefo ne: Sutela, Bered, Tahat, Elada, Tahat, **21** Sabad ne Sutela. Wokunkum Ephraim mmabarima Eser ne Elad wɔ Gat, efise wɔpɛe se wowia nyemmoa fi akuafo a wɔben ho no. **22** Wɔn agya Ephraim suu wɔn kyee yiye, na n'abusuafo bekyekyee ne werɛ. **23** Eno akyi no, Ephraim kɔɔ ne yere ho, na onyinsɛn woo ɔbabarima. Ephraim too no din Beria esiane abebrese a n'abusuafo faa mu no nti. **24** Ephraim woo ɔbabea too no din Seer. ɔno na ɔkyekyeree nkurow Bet-Horon Anafo, Atifi ne Usen-Seera. **25** Ephraim asefo nnidiso ne Refa, Resef, Tela, Tahan, **26** Ladan, Amihud, Elisama, **27** Nun ne Yosua. **28** Ephraim asefo no tenaa asase Bet-El ne ne nkurow a atwa afa anafo fam, Naaran a ɛda apuei fam, Geser ne ne nkuraa a ɛda atɔe fam ne Sekem ne ne nkuraa a atwa ho ahyia, kɔfa atifi fam, de kɔsi Aya a

nkuraa ka ho no so. **29** Manase hye so no, na nkurow a ɛdeda ho ye Bet-Sean, Taanak, Megido, Dor ne wɔn nkuraa a atwa ho ahyia no. Israel ba Yosef asefo tenaa saa nkurow yi so. **30** Na Aser mmabarima ye: Yimna, Yiswa, Yiswi ne Beria. Na wɔwɔ onuabea a ne din de Sera. **31** Na Beria mmabarima din de: Heber ne Malkiel a ɔwoo Birsait no. **32** Na Heber mmabarima din de Yaflet, Somer ne Hotam. Na wɔwɔ onuabea a ne din de Sua. **33** Na Yaflet mmabarima din de: Pasak, Bimhal ne Aswat. **34** Na Semer mmabarima din de: Ahi, Rohga, Hubah ne Aram. **35** Na ne nuabarima Helem mmabarima din de: Sofa, Yimna, Seles ne Amal. **36** Na Sofa mmabarima din de: Suah, Harnefer, Sual, Beri, Yimra, **37** Beser, Hod, Sama, Silsa, Yitran ne Beera. **38** Na Yeter mmabarima din de: Yefune, Pispas ne Ara. **39** Na Ula mmabarima din de: Arah, Haniel ne Risia. **40** Na Aser asefo no mu biara ye wɔn agyanom abusua panyin. Na wɔn nyinaa ye akofo pa ne ntuanofɔ a wodi mu. Na mmabarima mpem aduonu asia na wɔwɔ ho a wɔkyerew wɔn din agu wɔn anato nhoma mu a wotumi ye asraafo.

8 Benyamin mmabarima na wodidi so yi: Bela (abakan), Asbel, Ahra, **2** Noha ne Rafha. **3** Bela mmabarima ye: Adar, Gera, Abihud, **4** Abisua, Naaman, Ahoa, **5** Gera, Sefufan ne Hiram. **6** Ehud mmabarima mmusua ntuanofɔ a na wote Geba na wɔpam wɔn fii ho kɔɔ Manahat: **7** Ehud mmabarima ne Naaman, Ahiya ne Gera. Gera a na ɔye Usa ne Ahihud agya no na bere a wɔretu no odii wɔn anim. **8** Saharaim gyaee ne yerenom Husim ne Baara akyi no, ɔwoo mma wɔ Moab asase so. **9** Ne yere fɔforo Hodes woo Yobab, Sibia, Mesa, Malkam, **10** Yeus, Sakia ne Mirma. Saa mmabarima yi beyee mmusua ntuanofɔ. **11** Na Saharaim yere Husim awo Abitub ne Elpaal dedaw. **12** Elpaal mmabarima ye: Eber, Misam ne Samed a ɔkyekyeree Ono ne Lod ne wɔn nkuraa no, **13** Beria ne Sema. Na wɔye mmusua ntuanofɔ a na wote Ayalon, na wɔpam ɔmanfo a wote Gat no. **14** Beria mmabarima ye Ahio, Sasak, Yeremot, **15** Sebadia, Arad, Eder, **16** Mikael, Yispa ne Yoha. **17** Elpaal mmabarima ye Sebadia, Mesulam, Hiski, Heber, **18** Ismerai, Yisla ne Yobab. **19** Simeai mmabarima ye Yakim, Sikri, Sabdi, **20** Elienai, Siletai, Eliel, **21** Adaia, Beraia ne Simrat. **22** Sasak mmabarima ye Yispan, Eber, Eliel, **23** Abdon, Sikri, Hanan, **24** Hanania, Elam, Antotia, **25** Yifdeia ne Penuel. **26** Yeroham mmabarima ye Samserai,

Seharia, Atalia, 27 Yaaresia, Elia ne Sikri. 28 Eynom ne agyanom mmusua ntuanofa a wɔkyerew wɔn din wɔ wɔn mu biara anato nkrataa mu. Na wɔn nyinaa tenaa Yerusalem. 29 Yeiel (Gibeon agya) tenaa Gibeon. Na ne yere din de Maaka 30 a na ne babarima abakan din de Abdon. Na Yeiel mmabarima a wɔaka no din de Sur, Kis, Baal, Ner, Nadab, 31 Gedor, Ahio, Seker, 32 ne Miklot a ɔye Simea agya. Na saa abusuafo yi tete bemmen wɔn ho wɔn ho wɔ Yerusalem. 33 Ner na ɔwoo Kis. Kis na ɔwoo Saulo, Saulo na ɔwoo Yonatan, Malki-Sua, Abinadab ne Esbaal. 34 Yonatan babarima ne: Merib-Baal (anaa Mefiboset) na Merib-Baal woo Mika. 35 Mika mmabarima ne: Piton, Melek, Tarea ne Ahas. 36 Ahas woo Yehoda na Yehoda woo Alemet, Asmawet ne Simri. Na Simri woo Mosa. 37 Mosa woo Binea. Binea woo Rafha. Rafha woo Elasa. Elasa woo Asel. 38 Asel woo mmabarima baasia a wɔne: Asrikam, Bokeru, Ismael, Searia, Obadia ne Hanan. Na eyinom ye Asel mma. 39 Na Asel nuabarima Esek wɔ mmabarima baasa a wɔne Ulam a ɔye abakan, Yeus a ɔto so abien ne Elifelet a ɔto so abiesa. 40 Ulam mmabarima nyinaa ye akofo a wɔakwadaw akodi mu, wɔye agyantowfo antoamfom. Na wɔwɔ mma ne nananom bebreɛ a na wɔn nyinaa dodow ye ɔha aduonum. Eynom nyinaa ye Benyamin asefo.

9 Wɔkyerew Israel anato biara mu nnipa din guu Israel ne Yuda Ahemfo nhoma mu. Esiane sɛ na Yudafo no nni Awurade nokware no nti, wotwaa wɔn asu kɔɔ Babilonia. 2 Wɔn a wɔsan ba befaa wɔn agyapade wɔ wɔn nkurow dedaw mu no ye mpapahwekwa. Wɔne asɔfo, Lewifo ne asɔredan mu abofo no bi na wɔbae. 3 Nnipa a wofi Yuda, Benyamin, Ephraim ne Manase mmusuakuw mu ba betenaa Yerusalem. 4 Abusua baako a wɔsan bae no ye Amihud babarima Utai a ɔye Omri babarima na ɔno nso ye Imri babarima na ɔno nso ye Bani babarima a wɔye Yuda babarima Peres asefo. 5 Wɔn a wɔsan bae a na wofi Silonfo abusua mu no ye: Asaia a ɔye abakan no ne ne mmabarima. 6 Serah abusua mu no: Yeuel ne n'abusuafo na wɔsan bae. Yuda abusua mu no mu mmusua ahansia aduokron na wɔsan bae. 7 Wɔn a wofi Benyamin abusua mu a wɔsan bae no ne: Mesulam babarima Salu, a ɔye Hodawia babarima na ɔno nso ye Hasenua babarima; 8 Yibneia a ɔye Yeroham babarima, Ela a ɔye Usi babarima, Mikri babarima; Mesulam a ɔye Sefatia babarima, Reuel babarima, Yibnia babarima

bae. 9 Saa mmarima yi nyinaa, na wɔye mmusua ntuanofa, na wɔkyerew wɔn din wɔ wɔn mmusuakuw anato nhoma mu. Benyamin abusua mu mmusua ahankron ne aduonum asia na wɔsan bae. 10 Asɔfo a wɔsan bae no bi ne: Yedaia, Yehoriarib, Yakin, 11 Asaria a ɔye Hilkia babarima a ɔno nso ye Mesulam babarima na ɔno nso ye Sadok babarima na ɔno nso ye Meraiot babarima na ɔno nso ye Ahitub babarima. Na Asaria ye Onyankopon fi ahwefo so panyin. 12 Asɔfo a wɔsan bae no bi ne Adaia a ɔye Yeroham babarima a na ɔno nso ye Pashur babarima na ɔno nso ye Malkia babarima ne Masai a ɔye Adiel babarima na ɔno nso ye Yahsera babarima na ɔno nso ye Mesulam babarima a ɔno nso ye Mesilemit babarima na ɔno nso ye Imer babarima. 13 Asɔfo a wɔsan bae nyinaa dodow ye apem ahanson aduosia. Na wɔye mmusua ntuanofa a wɔye nsiyefo. Na wɔn adwuma ne sɛ, wɔsom wɔ Onyankopon fi. 14 Lewifo a wɔsan bae no ye: Semaia a ɔye Hasub babarima a na ɔye Asrikam babarima a na ɔno nso ye Hasabia babarima a na ɔye Merari aseni, 15 Bakbakar, Heres, Galal, Mika babarima Matania a ɔye Sikri babarima na ɔno nso ye Asaf babarima, 16 Obadia a ɔye Semaia babarima a ɔye Galal babarima na ɔno nso ye Yedutun babarima ne Asa a ɔye Elkana babarima Berekia a wɔtenaa Netofa asase so. 17 Apon ano hwefo a wɔsan bae no ye: Salum, Akub, Talmon, Ahiman ne wɔn abusuafo. Salum na na ɔye ɔpon ano hwefo panyin. 18 Kan no nso, na anka wɔn na wɔhwe ɔhene pon a ɛkyere apuei fam no so. Na saa mmarima no som sɛ Lewifo atenaɛ apon ano ahwefo. 19 Na Salum ye Kore babarima a ɔye Ebiasaf a ofi Kora abusua mu aseni. Na ɔne n'abusuafo a wɔye Korafo no na na wɔwɔn ɔkwan a ɛkɔ kronkronbea ho no, sɛnea na wɔn mpanyimfo wɔn Ahyiaɛ Ntamadan wɔ Awurade atenaɛ ho no. 20 Eleasar babarima Pinehas na kan no na ɔhwe apon ano ahwefo no so, na Awurade ka ne ho. 21 Akyiri no, Meselemlia babarima Sakaria na na ɔwɔn ɔkwan a ɛkɔ Ahyiaɛ Ntamadan no mu no ano. 22 Ne nyinaa mu, saa bere no, na apon ano ahwefo no dodow ye ahannu ne dumien a na wɔkyerew wɔn din wɔ wɔn anato nkrataa mu wɔ wɔn nkuraa. Dawid ne Samuel a na ɔye ɔdehufo no ama wɔn dibeɛ a ɛsom bo. 23 Saa apon ano ahwefo yi ne wɔn asefo no, na wɔkyekye wɔn mu kɔwɔn ɔkwan a ɛkɔ Awurade fi, a kan no na eye ntamadan no ano. 24 Wɔde apon ano ahwefo no ginyinagynaa afanan no nyinaa a eye apuei, atɔɛ, atifi

ne anafɔ. **25** Bere ano bere ano, na wɔn abusuafɔ a wɔwɔ nkuraa no beboa wɔn wɔ wɔn nnanson nnanson dwumadi mu. **26** Na saa Lewifo apon ano ahwefo mpanyimfo baanan no adwuma no ye nea ekura asodi kese, efise wɔn na na wɔhwɛ adan ne sikakoradan a ɛwɔ Onyankopɔn fi hɔ no so. **27** Wɔwɛn Onyankopɔn fi hɔ anadwo, efise na ɛye wɔn asede. Afei, na ɛye wɔn adwuma se da biara anɔpa wobuebue apon no. **28** Na apon ano ahwefo no bi adwuma ne se, wɔhwɛ nneema ahorow a wɔde ye ɔsom adwuma no so. Se wɔrekɔfa, na wɔresan de akogu hɔ no nyinaa, wɔhwɛ se bi renyera. **29** Afoforo nso hwɛ nneema a wɔde asiesie hɔ, nneema a ɛwɔ kronkronbea hɔ, nneema a wɔde brɛ wɔn, se ebia, asikresiam a wɔayam no muhumuhu, nsa, ngo, nnuhuam ne kurobow ahorow so. **30** Nanso na asɔfo no na wodi nnuhuam no ne kurobow no ho dwuma. **31** Lewini a wɔfrɛ no Matitia a ɔye Korani Salum abakan no na na ɔto brodo a wɔde bɔ afɔre no. **32** Na nnipa bi a wofi Kohat abusua mu nso na na wɔhwɛ, siesie brodo a wɔde to pon Homeda no. **33** Nnwom ho nimdefo a na wɔn nso ye Lewifo atitiriw no nyinaa, na wɔtete Asɔredan no mu. Na wɔmma wɔnnɔye dwuma foforo biara, esiane wɔn adwuma a wɔye no mmere nyinaa nti. **34** Na saa nnipa yi nyinaa tete Yerusalem. Na wɔye Lewifo mmusua no nyinaa ntuanofɔ a wɔakyerɛw wɔn din ahɔye wɔn anato krataa mu. **35** Yeiel (Gibeon agya) tenaa Gibeon. Na ne yere din de Maaka, **36** a na ne babarima abakan din de Abdon. Na Yeiel mmabarima a wɔaka no din de Sur, Kis, Baal, Ner, Nadab, **37** Gedor, Ahio, Sakaria ne Miklot. **38** Miklot na ɔye Simeam agya. Na saa abusuafɔ yi tete bemmen wɔn ho wɔn ho wɔ Yerusalem. **39** Ner na ɔwoo Kis. Kis na ɔwoo Saulo, Saulo na ɔwoo Yonatan, Malki-Sua, Abinadab ne Esbaal. **40** Yonatan babarima ne: Merib-Baal (anaa Mefiboset) na Merib-Baal woo Mika. **41** Mika mmabarima ne: Piton, Melek, Tarea ne Ahas. **42** Ahas woo Yara. Yara woo Alemet, Asmawet ne Simri. Na Simri woo Mosa. **43** Mosa woo Binea. Binea woo Refaia. Refaia woo Elasa. Elasa woo Asel. **44** Asel woo mmabarima baasia a wɔne: Asrikam, Bokeru, Ismael, Searia, Obadia ne Hanan. Na eyinom ye Asel mma.

10 Afei, Filistifo no betow hyɛ Israel so, maa Israelfo no guanee. Wokunkum wɔn mu pii wɔ bepɔw Gilboa so. **2** Filistifo no kaa Saulo ne ne mmabarima hyɛ. Wokunkum wɔn mu baasa a wɔne Yonatan, Abinadab ne Malki-Sua. **3** Ɔko no ano yɛ den twaa

Saulo ho hyiae, maa Filistifo agyantowfo no nyaa Saulo piraa no yiye. **4** Saulo fi apinisi mu ka kyereɛ n'akodekurafo no se, "Twe w'afɔa, fa wɔ me kum me na Filistifo abosonsomfo yi ammeto me, angu m'anim ase." Nanso na n'akodekurafo no suro nti, wanyɛ saa. Enti Saulo twee ɔno ara n'afɔa, de kum ne ho. **5** Bere a n'akodekurafo no huu se Saulo awu no, ɔno nso de n'afɔa kum ne ho. **6** Ɛno nti, Saulo ne ne mma mmabarima baasa no wuwuu hɔ ara, maa n'ahenni nnidiso no baa awiei. **7** Bere a Israelfo a wɔwɔ Yesreel bon no mu no huu se wɔadi wɔn asraafɔ no so, na Saulo ne ne mmabarima baasa no awuwu no, woguan gyaa wɔn nkurow hɔ. Ɛno nti, Filistifo no kɔfaa wɔn nkurow no. **8** Ade kyee a Filistifo no kɔɔ se wɔrekoyi atɔfo no ho nneema no, wohuu se Saulo ne ne mmabarima no amu gugu bepɔw Gilboa so. **9** Enti woyiyii Saulo akode fii ne ho, twaa ne ti. Afei wɔbɔɔ Saulo wu no ho dawuru maa wɔn ahoni ne nnipa a wɔwɔ Filistia nyinaa tee. **10** Wɔde n'akode no guu wɔn anyame no abosonnan mu, na wɔkyekyeree ne ti no fam Dagon asɔredan no fasu ho. **11** Nanso Yabes Gileadfo tee nea Filistifo aye Saulo no, **12** wɔn akofo kɔfaa Saulo ne ne mmabarima baasa no amu baa Yabes. Na wosiee wɔn amu wɔ odum dua bi a ɛwɔ Yabes ase, na wodii mmuada nnanson. **13** Na Saulo wui, efise wanni Awurade nokware. Wanni Awurade ahyɛde so, na mpo, ɔkɔɔ asamanfrɛ **14** wɔ bere a anka ɛse se obisa Awurade nkyen akwankyerɛ. Ɛno nti, Awurade kum no, de n'ahenni hyɛɛ Yisai babarima Dawid nsa.

11 Na Israel nyinaa kɔɔ Dawid nkyɛn wɔ Hebron kɔka kyereɛ no se, "Yen nyinaa ye w'abusuafo. **2** Mmere tenten bi a atwa mu, mpo bere a Saulo di yen so hene no, na wone obi a nokware na wudi Israel anim. Na Awurade, wo Nyankopɔn, aka kyere wo se, 'Wobeye oguanhwefo ama me nkurofo Israel. Wobeye wɔn sodifol!'" **3** Enti Hebron hɔ, Dawid ne Israel ntuanofɔ yɛ apam wɔ Awurade anim. Wɔsraa no ngo, sii no Israelhene senea Awurade nam Samuel so hyɛ ho bɔ no. **4** Na Dawid ne Israel nyinaa kɔɔ Yerusalem anaa Yebus, senea na wɔfrɛ hɔ kan no, efise Yebusifo na wɔkɔtenaa asase no so kan kyekyeree. **5** Nnipa a wofi Yebus no ka kyereɛ Dawid se, "Worentumi mma ha da biara da." Nanso Dawid faa aban a na ɛwɔ Sion a wɔfrɛ no Dawid Kurow no. **6** Dawid ka kyereɛ n'akofo no se, "Mo mu biara a obedi anim na yeakɔtow ahyɛ

Yebusifo no so no na obeye m'akofo so sahene." Na Dawid, nuabea Seruia babarima Yoab dii oko no anim, nti obeye Dawid asraafo so sahene. **7** Dawid tenaa aban no mu, na eno nti na wofree ho Dawid kurow no. **8** Dawid kyekyeree kurow no, trew mu fi Milo de twaa ho hyiae, bere a na Yoab nso rekyekyere Yerusalem nkae no. **9** Na Dawid tumi yee kese, efise na Asafo Awurade ka ne ho. **10** Eynom ne Dawid dommarima ntuanofa. Wone Israel nyinaa bo mu, sii gyinae se wode Dawid beye won so hene senea Awurade ahye bo afa Israel ho no. **11** Dawid dommarima no ho nsem ni: Nea odi kan no ne Yasobeam a oye Hakmonini a na oda Baasa no ano se osahene—Baasa no ye dommarima akatakyi a na wowo Dawid asraafo mu. Bere bi ode ne peaw kunkum atamfo ahaasa wo akodi baako mu. **12** Nea oto so abien wo Baasa no mu no ye Dodo babarima Eleasar a oye Ahoa aseni. **13** Bere a Dawid sore tiaa Filistifo wo Pas-Damim no, na oka ne ho. Oko no sii wo baabi a na eye atokofuw nko, na Israel asraafo no guanee. **14** Nanso Eleasar ne Dawid gyinaa won anan so wo afuw no mfimfini, bo Filistifo no gui. Na Awurade ma wodii nkonim de gyee won. **15** Da bi a Dawid wo obotan bi a eben Adulam obodan ho no, na Filistifo asraafo akyere nsraban wo Refaim bon mu. Baasa no a na woka Aduasa no a wonim de wo Dawid asraafo mu no sian kohyiaa no wo ho. **16** Saa bere no na Dawid te oko ahintawee mu ho a na Filistifo asraafokuw bi akotena Betlehem. **17** Dawid fi akonn mu kae se, "Ao me kon do nsu pa a ewo abura a ewo Betlehem no bi; nea eben opon ano no bi." **18** Enti Baasa no bo wuraa Filistifo no mu, kosaw abura no mu nsu no bi de bre Dawid. Nanso Dawid annom. Mmom, ohwie guu Awurade anim **19** tee mu se, "Empare me se menom saa nsu yi. Esom bo se saa mmarima yi a wode won ho bo afore kosaw bree me no mogya." Enti Dawid annom. Eyi ye Baasa no mmaninsem no bi nhweso. **20** Yoab nuabarima Abisai na na otua Aduasa no ano. Oka baako bi mu no, ode ne peaw kunkum atamfo no mu ahaasa. Saa mmaninsem yi nti na ogyee din se Baasa no. **21** Abisai na na ne din ahyeta yiye wo Aduasa no mu se won sahene, nso na onka Baasa no ho. **22** Na Yehoiada babarima Benaia a ofi Kabseel no nso wo ho. Na onno nso di mmarmasem. Oye bebre a emu baako ne se okunkum Moab akofo akese baanu bi. Bere foforo bi nso, otaa gyata maa aboa no kotoo amoa mu. Na sukyeremma ama fam aye toro nanso okyeree gyata no kum no. **23** Da bi a na

okura kontibaa nko ara no, okum Misraimni okofo bi a na ne tenten ye anammwon ason ne fa. Na ne peaw no mu pipiripi te se ntamanwemfo nsadua. Benaia huam peaw no fii Misraimni no nsam, de kum no. **24** Eynom na Yehoiada babarima Benaia yee, ma ogyee din te se Baasa no. **25** Wohyee no anuonyam sen nkae a woka Aduasa no ho no, nso na omfra Baasa no mu. Na Dawid yee no ne ho awemfo no so sahene. **26** Nnipa a na woka Dawid dommarima no ho ni: Yoab nuabarima Asahel; Dodo babarima Elhanan a ofi Betlehem; **27** Samot a ofi Harori; Heles a ofi Pelon; **28** lkes babarima Ira a ofi Tekoa; Abieser a ofi Anatot; **29** Sibekai a ofi Husa; Salmon a ofi Ahoa; **30** Maharai a ofi Netofa; Baana a ofi Netofa babarima Heled; **31** Ribai a ofi Gibeababarima Itai (wofi Benyamin abusuakuw mu); Benaia a ofi Piraton; **32** Hurai a ofi baabi a eben Nahale-Gaas; Abiel a ofi Araba. **33** Asmawet a ofi Baharum; Eliahba a ofi Saalbon. **34** Hasem mmabarima a wofi Gison; Sage babarima Yonatan a ofi Harar. **35** Sakar babarima Ahiam a ofi Harar; Ur babarima Elifar. **36** Hefer a ofi Mekera; Ahiya a ofi Pelon. **37** Hesro a ofi Karmel; Esbai babarima Naarai. **38** Natan nuabarima Yoel; Hagri babarima Mibhar. **39** Selek a ofi Amon; Naharai a ofi Beerot (a na oye Yoab akodekurafo); **40** Ira a ofi Yitri; Gareb a ofi Yitri; **41** Hetini Uriah; Ahlai babarima Sabad; **42** Sisa babarima Adina a na oda Rubenfo ano, a na mmarmima aduasa ka ne ho; **43** Maaka babarima Hanan; Yosafat a ofi Mitna; **44** Usia a ofi Astera; Hotam a ofi Aroer mmabarima Sama ne Yeiel; **45** Simri babarima Yediael; Yoha ne nuabarima a ofi Tis; **46** Eliel a ofi Mahawi; Elnaam mmabarima Yeribai ne Yosawia; Yitma a ofi Moab; **47** Eliel ne Obed; Yaasiel a ofi Soba.

12 Bere a Dawid guan fii Kis babarima Saulo anim kohintaw wo Siklag no, saa mmarmima yi kodom no. Na woka dommarima a wboa Dawid wo akodi mu no ho. **2** Na won nyinaa ye agyantowfo antoamfomfo. Na wotumi de won nsa benkum ne nifa nyinaa tow agyan ne ahwimmo. Na won nyinaa ye Saulo abusuaf a wofi Benyamin abusuakuw mu. **3** Na nea otua won ano ye Semaia a ofi Gibeababarima Ahieser. Na ne nuabarima ne Yoas a oye n'abediakyiri. Eynom ne dommarima no nkae: Asmawet mmabarima Yesiel ne Pelet; Beraka ne Yehu a wofi Anatot; **4** Ismaia a ofi Gibeon, okofo kese ne ntuanoni wo Aduasa no mu; Yeremia, Yahasiel, Yohanan ne Yosabad a wofi Gedera; **5** Elusai, Yerimot, Bealia, Semaria, ne Sefatia a ofi Harif; **6** Elkana, Yesia, Asarel, Yoeser, Yasobeam a woye

Korafo; 7 Yoela, Sebadia, Yeroham mmabarima a wofi Gedor. 8 Gadfo akofo akokodurufu bi a wɔakwadaw akodi mu guan kɔɔ Dawid afa bere a na ɔwɔ aguaabo mu wɔ sare so no. Na wɔye nimdefo wɔ nkatabo ne peaw akodi mu a wɔn ho ye hu se gyata, na wɔn ho ye hare te se mmepɔw so atwe. 9 Eser na na otua wɔn ano. Obadia ye abediakyiri. Eliab na ɔto so abiesa. 10 Nea ɔto so anan ne Mismana. Nea ɔto so anum ne Yeremia. 11 Atai to so asia, Eliel to so ason. 12 Yohanan to so awotwe, Elsabad to so akron. 13 Yeremia to so du, Makbanai to so dubaako. 14 Saa dɔmmarima a wofi Gad yi ye asahene. Nea ɔnye den koraa no, otumi ne asraafo ɔha ko, na nea ɔye den no tumi ne asraafo apem ko. 15 Afe no mfiase a Asubɔnten Yordan ayiri no, wotwa kɔpam nnipa a wɔtete tataw so wɔ n'apuei ne n'atɛe konkɔn so nyinaa fii hɔ. 16 Afoforo a wofi Benyamin ne Yuda no baa Dawid nkyen wɔ hintabea hɔ. 17 Dawid kohyiaa wɔn kae se, "Se moaba asomdwoe so se morebeboa me a, yeye nnamfo. Na se moaba se morebeyi me ama m'atamfo wɔ bere a menyee bɔne bi a, yen agyanom Nyankopɔn nhwe mmu mo atɛn." 18 Na honhom no sii Amasai a kyiri no obeyee Aduasa no so panyin no so, na ɔkae se, "Yeye wo dea, Dawid! Yewo w'afa, Yisai ba; Asomdwoe ne nkɔso nye wo kyefa na w'abofo nyinaa nya nkɔso, efise wo Nyankopɔn ne nea ɔboa wo." Enti Dawid ma wɔbekaa ne ho, na ɔyee wɔn mpanyimfo wɔ n'akofo mu. 19 Manase mmarima no bi tew wɔn ho kɔdɔm Dawid, bere a na ɔne Filistifo no rekoko atia Saulo no. Nanso asem no ani dan a Filistifo ntuanfo ampene so se Dawid ne ne mmarima no beka wɔn ho ako. Wodwinnwen ho ara no, wɔma wɔsan wɔn akyi kae se, "Se Dawid dan n'ani ko Saulo afa de tia yen a, yen nkwa na yede betwa so." 20 Manase mmarima a wɔtew wɔn ho kɔɔ Dawid afa, bere a na ɔresan ako Siklag no ne Adna, Yosabad, Yediael, Mikael, Yosabad, Elihu ne Siletai. Na wɔn mu biara da asraafo apem ano. 21 Wɔboaa Dawid ma ɔtaa afowfo no, efise na wɔye akokodurufu ne akofo akese a wɔbeyee asahene wɔ n'akofo mu. 22 Adekyee biara, mmarima bebre kɔdɔm Dawid kosii se onyaa asraafodɔm a ɛso te se Onyankopɔn de. 23 Eyinom ne akofo akese dodow a wɔdɔm Dawid wɔ Hebron no. Na wɔn nyinaa pe se Dawid si Saulo anan mu di hene, senea Awurade ahye ato hɔ no. 24 Akofo akese a wofi Yuda abusuakuw mu no, na wɔn dodow ye mpem asia ne ahanwɔtwe a wokurakura nkatabo ne mpeaw. 25 Akofo akese a wofi

Simeon abusuakuw mu no, na wɔn dodow ye mpem ason ne ɔha. 26 Asraafo a na wofi Lewi abusuakuw mu no, na wɔn dodow ye mpem anan ne ahansia. 27 Na Yehoiada a otua Aaron abusua no ano no wɔ asraafo mpem abiesa ne ahanson a wɔhye n'ase. 28 Saa ara nso na na Sadok, ɔbahun ɔkofo kese ne n'abusuafo aduonu abien a wɔn nyinaa ye asraafo mpanyimfo ka ho. 29 Akofo akese a wofi Benyamin abusuakuw mu a wɔye Saulo abusuafo no, na wɔn dodow ye mpem abiesa. Na Benyaminfo no mu fa kese no taa Saulo akyi ara. 30 Akofo akese a wofi Efraim abusuakuw mu no, na wɔn dodow ye mpem aduonu ne ahanwɔtwe a wɔn mu biara agye din wɔ n'abusua mu. 31 Manase abusuakuw fa a na ɛwɔ Yordan atɛe fam no nso, wotuu mmarima mpem dunwɔtwe a wɔn botae ara ne se wɔbeboaa Dawid ma wadi hene. 32 Ntuanfo a wofi Isakar abusuakuw mu ne wɔn abusuafo dodow ye ahannu. Na saa mmarima yi nyinaa te nsem a ereko so saa bere no ase, na wonim ɔkwan pa a eye ma Israel nso. 33 Akofo a wɔakwadaw akodi mu a wofi Sebulon abusuakuw mu no, na wɔn dodow ye mpem aduonum. Na wɔako amia mu aye krado ama akodi, na na wɔtaa Dawid akyi pintinn. 34 Wɔn a wofi Naftali abusuakuw mu no ye asraafo mpanyimfo apem ne akofo akese mpem aduasa ason a wokurakura nkatabo ne mpeaw. 35 Akofo a wofi Dan abusuakuw mu no, na wɔn dodow ye mpem aduonu awotwe ne ahansia a wɔasiesie wɔn ho ama ɔko. 36 Akofo akese a wɔatetew wɔn yiye a wofi Aser abusuakuw mu no, na wɔn dodow ye mpem aduanan a wɔn nyinaa aye krado ama ɔko. 37 Ruben, Gad mmusuakuw ne Manase abusuakuw fa a na wɔtete Asubɔnten Yordan apuei fam no maa asraafo mpem ɔha ne aduonu a wɔwɔ akode ahorow nyinaa. 38 Saa asraafo yi nyinaa kɔɔ amia mu na wɔkɔɔ Hebron a wɔn botae ara ne se wɔde Dawid beye Israelhene. Nokware, Israel nyinaa adwene kɔɔ benkorɔ mu se, ɛse se Dawid na ɔye wɔn hene. 39 Wɔne Dawid didi nomee nnansa, efise na wɔn abusuafo no aye ahoboa rehwe wɔn kwan. 40 Nnipa bi a wofi akyiri te se Isakar, Sebulon, ne Naftali de nnuan tenaa wɔn mfurum, yoma ne anantwi so bae. Wɔde asikresiam, ɔfam, ɛhye, nsa, ngo, anantwi ne nguan bebre baa afahye no ase. Anigye a enni kabea baa Israel asase so.

13 Dawid ne ne mpanyimfo a n'asraafo so asahene ne mmapɔmma nyinaa ka ho, tuu agyina. 2 Na ɔkasa kyeree Israelfo a wɔahyia hɔ no nyinaa se, "Se

mopene so na se eye Awurade yen Nyankopon pe a, momma yemfa nkra nkoma Israelfo a wowo oman no afanan nyinaa a asofo ne Lewifo a wowo nkurow so ne adidibea ka ho. Momma yento nsa mfre won, na wommeka yen ho. **3** Bere adu se yesan de yen Nyankopon Apam Adaka no ba, efise Saulo ahenni bere so no, yeampe anhwe.” **4** Bagua no penee saa asem yi so efise wohuu se, woye saa a, eye. **5** Enti Dawid free nnipa a wowo Israel nyinaa, efi oman no ti kosi ti, se wommeka ne ho na womfa Onyankopon Apam Adaka no mfi Kiriath-Yearim mmra. **6** Afei, Dawid ne Israelfo no nyinaa koo Baala a na wofre no Kiriath-Yearim a ewo Yuda no se wrekofa Onyankopon Apam Adaka a wode ahye kerubim nta na Awurade din da so no aba. **7** Wode Onyankopon Apam Adaka no sii teaseenam foforo so de fii Abinadab fi a Usa ne Ahio rekyere kwan. **8** Dawid ne Israelfo nyinaa fii won ahooden mu too nnwom, boo mmen ahorow a bi ye asanku, mmenta, akasae, nnawuru ne ntrobento dii ahurusi, Onyankopon anim. **9** Nanso woduu Nakon awiporowbea no, anantwi no anan toto maa Usa tee ne nsa se oretae Apam Adaka no. **10** Eho na Awurade abufuw sore tiaa Usa ma owui, efise ode ne nsa aka Apam Adaka no. Enti Usa wuu wo Onyankopon anim ho ara. **11** Dawid bo fuwii, efise Awurade abufuw atia Usa. Otoo beae ho din Peres-Usa a woda so fre ho saa de besi nne. **12** Afei, na Dawid suro Onyankopon, na obisae se, “Ebye den na matumi de Onyankopon Apam Adaka yi aba abehwe so?” **13** Enti Dawid yee n’adwene se onna mmfa Apam Adaka no nko Dawid kurow no mu. Mmom, ode koo Gatni, Obed-Edom fi wo Gat. **14** Onyankopon Apam Adaka no sii Obed-Edom abusuafo nkyen asram abiesa. Na Awurade hyiraa no ne ne fifo nyinaa.

14 Afei, Tirohene Hiram somaa abofo ne abo adansifo ne nnua dwumfo koo Dawid nkyen se, wonkosi ahemfi mma no. Afei, Hiram san de sida nnua a wobepae koe. **2** Na Dawid huu se Awurade de no asi Israel so hene, na esiane Israel nti, waye n’ahenni kese. **3** Afei, Dawid waree mmea bebre wo Yerusalem, na owowoo mmabarima ne mmabea bebre. **4** Dawid mmabarima a wowoo won wo Yerusalem no ne Samua, Sobab, Natan ne Salomo, **5** Yibhar, Elisua, ne Elfelet, **6** Noga, Nefeg ne Yafia, **7** Elisama, Beeliada ne Elifelet. **8** Bere a Filistifo tee se wasra Dawid ngo ama wadi Israel nyinaa so hene no, woboaboa won asraafo

nyinaa ano se, worebekyere no. Na woka kyeree Dawid se woreba ne so, enti ono nso ne ne mmarima fii kurow no mu kohyiaa won. **9** Na Filistifo no abedu Refaim bon asae ho pasaa. **10** Enti Dawid bisaa Onyankopon se, “Mimpue na me ne Filistifo no nkoko? Wode won behye me nsa ana?” Awurade buae se, “Yiw, wo ne won nkoko, na mema woadi won so nkonim.” **11** Enti Dawid ne n’akofo koo Baal-Perasim kodii Filistifo no so wo ho. Dawid tee mu se, “Onyankopon aye! Onam me so ama mabo awura m’atamfo mu te se, nsuyiri a ano ye den.” Enti, wotoo beae ho din Baal-Perasim (a nkyerease ne se “Awurade a obo wura mu”). **12** Filistifo no gyaw won ahoni nyinaa ho nti, Dawid hye ma wohyew ne nyinaa. **13** Nanso ankye biara, Filistifo no san baa obon no mu bio besee ho. **14** Dawid bisaa Onyankopon nea onye bio. Onyankopon buae se, “Nko tee nketow nhye won so. Mmom, fa won ho kosi won akyi na montow nhye won so wo baabi a eben baka nnua no. **15** Na se mote nnyigye bi te se nnipa bi a worebo nsra anan ase wo baka nnua no atifi a, montow nhye won so. Eno na ebye nsenkyerenne a ekyere se, Onyankopon adi mo anim rekoka Filistifo no agu.” **16** Enti Dawid yee nea Onyankopon hyee no se onye no, na okaa Filistifo asraafo no guu fi Gibeon de kosii Geser. **17** Na Dawid din hyetaa baabiara, na Awurade maa aman no nyinaa suroo Dawid.

15 Afei, Dawid sisii adan bebre wo Dawid kurom. Bio, osiesee baabi, sii ntamadan wo ho a ode Onyankopon Apam Adaka no besi. **2** Afei, ohyee se, “Se yema Onyankopon Apam Adaka no so de reko a, obiara nni ho kwan se osoa bi gye Lewifo no nko ara. Awurade ayi won se, won nko ara na ese se woso Awurade Apam Adaka no na wosom wo n’anim daa daa.” **3** Dawid free Israelfo nyinaa koo Yerusalem se womfa Apam Adaka no nkosi faako a wasiesie ama no no. **4** Eynom ne asofo ne Lewifo a wofree won no: **5** Won a wofi Kohat abusua mu no, na won dodow ye oha aduonu a Uriel tua won ano. **6** Won a wofi Merari abusua mu no, na won dodow ye ahannu aduonu, a Asaia da won ano. **7** Won a wofi Gersom abusua mu no, na won dodow ye oha aduasa, a Yoel da won ano. **8** Na Elisafan asefo ye ahannu a Semaia da won ano. **9** Na Hebron asefo ye aduwotwe a Eliel tua won ano. **10** Na Uziel asefo ye oha ne dumien a Aminadab tua won ano. **11** Afei, Dawid free asofo Sadok ne Abiatar ne saa Lewifo mpanyimfo yi: Uriel, Asaia, Yoel, Semaia, Eliel ne Aminadab. **12** Oka kyeree won

se, “Mo na moye Lewifo mmusua mu ntuanifo. Mo ne Lewifo a woka mo ho nyinaa nnwira mo ho, senea ebeye a mubetumi de Awurade, Israel Nyankopon, Apam Adaka no beba beae a masiesie ama no no. 13 Esiane se kan no mo Lewifo ansoa Apam Adaka no nti, Awurade, yen Nyankopon, abufuw sore tiaa yen. Yeammisa Onyankopon okwan pa a ese se yefa so soa.”

14 Enti asofo no ne Lewifo no dwiraa won ho, senea ebeye a wobetumi de Awurade, Israel Nyankopon Apam Adaka no ako Yerusalem. 15 Na Lewifo no soaa Onyankopon Apam Adaka no wo won mmati so a, nnua a wode soa no hyehye ho pepepe, senea Mose hyee won no. 16 Dawid hyee Lewifo mpanyimfo no nso se wontew Lewifo nnwontofo kuw, won a wonim nnwonto, ne won a wowa nnwonto ho nimdee na womfa mmenta, mmen, asankuten ne kyenkyen mmeto anigye nnwom. 17 Na Lewifo no yii Yoel babarima Heman, Berekia babarima Asaf ne Kusaia babarima Etan a wofi Merari abusua mu, ma wodii nnwontofo no anim. 18 Woyii saa mmarama yi se won abofo: Sakaria, Ben, Yaasiel, Semiramot, Yehiel, Uni, Eliab, Benaia, Maaseia, Matitia, Elifelehu, Mikneia ne apon ano ahwefo Obed-Edom ne Yeiel. 19 Woyii Heman, Asaf ne Etan se wommoo koberere mfrafrae kyenkyen no. 20 Woyii Sakaria, Asiel, Semiramot, Yehiel, Uni, Eliab, Maaseia ne Benaia se wommoo mmenta no. 21 Woyii Matitia, Elifelehu, Miknela, Obed-Edom, Yeiel ne Asasia se wommoo asankuten no. 22 Woyii Kenania a oye Lewifo panyin no se onna nnwontokuw no ano, esiane ne nimdee nti. 23 Woyii Berekia ne Elkana se wonwen Apam Adaka no. 24 Sebania, Yosafat, Netanel, Amasai, Sakaria, Benaia ne Elieser a won nyinaa ye asofo no na wobeto santen adi Onyankopon Apam Adaka no anim, ahyen ntorobento no. Woyii Obed-Edom ne Yehia se wonwen Apam Adaka no. 25 Enti Dawid ne Israel mpanyimfo ne asraafo so asahene no de ahokeka a eso bi nni koo Obed-Edom fi se worekofa Awurade Apam Adaka no ako Yerusalem. 26 Na esiane se akyinnye biara nni ho se Awurade ka Lewifo a woso Awurade Apam Adaka no ho no nti, wode anantwinini ason ne adwennini ason boo afore. 27 Wohyee Dawid sirikiyi atade fefe bi. Saa ara na Lewifo a wosoaa Apam Adaka no, nnwontofo no ne Kenania a oye nnwontofo no kwankyereto no nso yee. Na Dawid hye asofo nguguso bi nso. 28 Enti Israel nyinaa de ahokeka, osebo, mmenhyen ne ntorobentohyen, akasaewosow,

mmenta ne asankutenbo de Awurade Apam Adaka no koo Yerusalem. 29 Na bere a Awurade Apam Adaka no wuraa Dawid kurow mu no, Saulo babee Mikal too n’ani hwee fam, fii ne mfensere mu. Bere a ohuu se ohene Dawid resaw na ode anigye rehuhuruw no, obuu no anintiaa wo ne koma mu.

16 Na wode Onyankopon Apam Adaka no kosii ntamadan sononko bi a Dawid asiesie mu, na woboo ohyew afore ne asomdwoe afore wo Onyankopon anim. 2 Dawid wiee no, ohiraa nkurofo no wo Awurade din mu. 3 Na okyee Israelfo mmea ne mmarama nyinaa aduan. Obiara nyaa brodo mua, namkum ne bobee aba ofam. 4 Dawid yii saa Lewifo yi se wonni nnipa no anim wo osom mu, wo Awurade Apam Adaka no anim, na womfa so nsre ne nhaira, na wonna Awurade, Israel Nyankopon ase na wonkamfo no. 5 Asaf a na oda kuw yi ano no boo kyenkyen no. Na n’abediakyirifo ye Sakaria a oto so abien, afei Yeiel, Semiramot, Yehiel, Matitia, Eliab, Benaia, Obed-Edom ne Yahasiel. Won na woboo mmenta ne asankuten. 6 Na Asofo Benaia ne Yahasiel taa bo ntorobento wo Onyankopon Apam Adaka no anim. 7 Saa da no, Dawid de saa aseda dwom a ode ma Awurade yi maa Asaf ne ne mfeto Lewifo: 8 Da Awurade ase na da ne keseye adi. Ma wiase nyinaa nhu nea waye. 9 Monto dwom mma no, monto ayeyi dwom mma no; monka n’anwonwade no nyinaa. 10 Monhoahoa mo ho wo ne din kronkron mu; momma won a wohwehwe Awurade no nnya koma mu anigye. 11 Momma mo ani nna Awurade ne n’ahooden so; na monhwehwe n’anim bere biara. 12 Monkae anwonwade a waye, ne nsenkyerenne ne aten a obui. 13 Mo Israelmma, Onyankopon somfo, Yakob mma a wapaw won. 14 Oye Awurade, yen Nyankopon; n’ahenni da adi wo asase so nyinaa. 15 Okae n’apam daa nyinaa, asem a ohye maa awo ntoantoaso apem no. 16 Eyi ne apam a one Abraham yee ne ntam a oka kyeree Isak. 17 Ohyee mu den maa Yakob se mmara, de maa Israel se apam a ebetena ho afeboo; 18 “Mede Kanaan asase no bema wo se kyefa a ebeye w’agyapade.” 19 Okaa eyi bere a na wonnwozo, ahohokuw ketewa bi a wowa Kanaan. 20 Wofii aman so koo aman so, fii ahemman mu koo ahemman mu. 21 Nanso wamma obi anhye won so; won nti, okaa ahene anim se; 22 “Mommfa mo nsa nka won a masra won ngo, na monnye m’adiyifo bone bi.” 23 Momma asase nyinaa nto dwom mma Awurade! Da biara, mompae mu nka asempa no se

ogye nkwa. **24** Momma n'anuonyam nneyee ho dawuru wo amanaman mu. Monka anwonwade a oye nkyere obiara. **25** Awurade ye okese! Na nkamfo fata no! Esee wosuro no sen anyame nyinaa. **26** Aman so anyame nyinaa ye ahoni bi kwa, nanso Awurade na oboo osoro! **27** Anuonyam ne tumi atwa ne ho ahyaia, ahooden ne ahoofe wo n'atene. **28** Momfa mma Awurade, Amanaman mmusuakuw, momfa anuonyam ne tumi mma Awurade. **29** Momfa anuonyam a efata mma Awurade! Momfa mo afrebode mmra mmesom no. Monsore Awurade wo ne hyeren kronkron nyinaa mu. **30** Momma asase nyinaa mpopo wo n'anim. Wotim wiasse dennen a entumi nhinim. **31** Momma osoro ani nnye na asase nsepew ne ho! Momma aman nyinaa nte se, Awurade ye ohene. **32** Momma epo ne nea ewo mu nyinaa ntee mu nkamfo no. Momma mfuw ne won nnobae mfa ahosepew mpue. **33** Momma kwae nnua nnyigyei nye ayeyi Awurade anim! Efise arebebu asase aten. **34** Monna Awurade ase, efise oye na n'adwe wo ho daa. **35** Montetee mu se, "Gye yen, Ao yen nkwaye Onyankopon! Boa yen ano, na gye yen fi amanaman nsam, na yeatumi ada wo din kronkron ase, na yeadi ahurusi akamfo wo." **36** Ayeyi nka Awurade, Israel Nyankopon, emfi mmeresanten nkosi nnasanten. Na nnipa no nyinaa gyee so se, "Amen!" Na wokamfoo Awurade. **37** Dawid hyehye maa Asaf ne ne mfefo Lewifo no se wonsom daa wo Awurade Apam Adaka no anim, na wonye nea ehia se woye no da biara. **38** Saa kuw yi mu nnipa ne Obed-Edom (a oye Yedutun babarima no), Hosa ne Lewifo aduosia awotwe a woye apon ano hwefo. **39** Dawid de asofo Sadok ne ne mfefo asofo tenaa Awurade Ahyiae Ntamadan a ewo bepaw Gibeon no, se wonsom wo Awurade anim wo ho. **40** Anopa ne anwummere biara, woboo ohyew afore wo afremuka a woyi asi ho ama saa dwumadi no so. Na wodii biribiara a wakyerew se Awurade mmara a ode ama Israel no so. **41** Dawid san yii Heman, Yedutun ne afoforo bi a woboboo won din, yiyii won no se wonna Awurade ase "Na n'adwe no tim ho daa." **42** Heman ne Yedutun boo won ntorobento, kyenkyen ne nnwontode ahorow de gyigyee ayeyi nnwom a woto maa Onyankopon no ho. Na woyii Yedutun mmabarima ma woyee apon ano hwefo. **43** Na nnipa no nyinaa san koo won ahi mu. Dawid nso san koo ne fi, kohyiraa ne fifo.

17 Dawid boo ne ho atenase wo n'ahemfi ho no, aka kyeree odiiyifo Natan se, "Me de, manya ahemfi

a wode sida asi no fefe mu atena, nanso Awurade Apam Adaka no de, ehye ntamadan mu." **2** Natan buae se, "Nea ewo w'adwene mu a wope se woye no, ko so na Onyankopon ka wo ho." **3** Saa anadwo no ara, Onyankopon ka kyeree Natan se, **4** "Koka kyere me somfo Dawid se, 'Senea Awurade se ni: enye wo na ese se wusi asoredan ma me tena mu. **5** Efi bere a mede Israelfo fii Misraim besi nne, mentenaa asoredan mu da. Daa, mete ntamadan mu na wode di atutena. **6** Na mannwiinwii ankyere Israel ntuanofono a woye me nkurofo nguanhwefo no da. Mimmisaa won da se: "Aden nti na munsii sida dua asoredan fefe mmaa me?" **7** "Afei, koka kyere me somfo Dawid se, 'Senea Asafo Awurade se ni: Miyii wo se di me nkurofo Israelfo anim bere a na woye abarimaa guanhwefo a worehwe wo nguan wo adidibea. **8** Baabiara a wokoe no, mekaa wo ho. Na masae w'atamfo nyinaa. Na afei, mema wo din ahyeta wo asase so baabiara. **9** Mama me nkurofo Israelfo no baabi a wobetena afeboo. Beae bi a ewo bammoo a obiara renhaw won. Eho beye won ankasa asase a aman amumoyefo renhye won so, senea woyee bere bi a atwa mu no, **10** fi bere a miyii atemmufo se wonni me nkurofo so no. Na meka w'atamfo nyinaa ahye. "Na merepae mu aka se, Awurade besi fi ama wo, ahenni nnidiso. **11** Na se wuwu a, mema wo mmabarima no mu baako so, na mama n'ahenni aye den. **12** Ono ne obi a obesi fi a eye asoredan no ama me. Na metim n'ahengua ase afeboo. **13** Meye n'agya na obeye me ba. Merenyi me do a ensa da no mfi ne so, senea miyi fii Saulo a wudii n'ade so no. **14** Mema n'ase atim wo m'ahenni nnidiso ne m'aheman mu bere nyinaa mu, na n'ahengua no betena ho daa." **15** Enti Natan san koo Dawid nkyen kokaa nsem a Awurade aka no nyinaa kyeree no. **16** Afei, ohene Dawid kotenaa Awurade anim boo mpae se, "Me ne hena, Awurade Nyankopon, na m'abusua ye abusua ben a nti wode me abedu saa tebea yi mu? **17** Na mprempren, Awurade, eyi nyinaa akyi no, woka se wobema me ahenni nnidiso afeboo. Wokasa me ho te se obi a meye okese pa ara, Awurade Nyankopon! **18** "Den na menka bio mfa okwan a woafa so ahye me anuonyam yi ho? Wunim senea mete ankasa. **19** Awurade, me nti ne wo pe mu nti, woaye saa nneema akese yi nyinaa, na woada no adi. **20** "Awurade, obiara nni ho a ote se wo. Onyame foforo bi nni ho! Yentee da mpo se onyame foforo bi wo ho te se wo! **21** Oman foforo ben na ewo asase so a, ete se Israel? Oman

foforo ben, Onyankopɔn, na woayi no afi nkoasom mu de wɔn abɛyɛ w'ankasa wo nkurɔfo? Bere a wugyee wo nkurɔfo fii Misraim no, wode gyee din. Wonam nsenkyerɛnne a eyɛ ahodwiriw so pam aman a wɔayɛ akwanside ama wɔn no. **22** Wuyii Israel sɛ wɔmmɛyɛ wo nkurɔfo afeɔɔ, na wo, Awurade, woabɛyɛ wɔn Nyankopɔn. **23** “Awurade, afei yɛ nea woahyɛ ho bɔ afa me ne m'abusuafo ho no. Ma ɛnyɛ bɔhyɛ a ebetɪm ho daa. **24** Wo din ase ntim, na wɔnhyɛ no anuonyam afeɔɔ sɛnea ebɛyɛ a wiase nyinaa beka se, ‘Asafo Awurade yɛ Onyankopɔn wɔ Israel!’ Na ma wo somfo Dawid ahenni nnidiso no ase ntim wɔ w'anɪm. **25** “Wo me Nyankopɔn, masi me bɔ abɔ saa mpae yi, efisɛ woadɔ no adi sɛ wubesi fi ama me, m'ahenni nnidiso a ebetɪna ho daa. **26** Efisɛ woyɛ Onyankopɔn, Awurade. Na me, wo somfo, woahyɛ me nneɛma pa yi ho bɔ. **27** Na afei asɔ w'ani sɛ wubehyira me ne m'abusuafo, sɛnea yɛn ahenni nnidiso bekɔ so afeɔɔ wɔ w'anɪm. Na sɛ wuhyira a, Awurade, eyɛ nhyira a ɛtena ho daa nyinaa!”

18 Eyi akyi no, Dawid ko dii Gat ne nkurow a atwa ho ahyia no so nkonim, de kaa Filistifo no hyɛɛ, brɛɛ wɔn ase. **2** Bio, Dawid dii Moab asase no so nkonim, maa Moabfo no beyɛɛ Dawid nkoa a na wotua sonkahiri ma no. **3** Afei, Dawid tɔrɛɛ ɔhene Hadadeser a ofi Soba asraafo ase de kosii Hamat, bere a Hadadeser bɔɔ nsra wɔ Asubɔnten Euftrate ho sɛ anka ɔrɛhyɛ ne tumi mu den no. **4** Dawid ko gyee nteaseɛnam apem, nteaseɛnamkafo mpem ason ne asraafo ananteɔfo mpem aduonu. Afei, obubuu aponkɔ a wɔtwe nteaseɛnam no nyinaa anan, ma ɛkaa ɔha pɛ. **5** Bere a Aramfo fi Damasko bae sɛ wɔrɛbeboa Hadadeser no, Dawid kunkum wɔn mu mpem aduonu abien. **6** Afei, ɔde asraafo guu Damasko, Aram ahenkurow mu, maa Aramfo no beyɛɛ Dawid nkoa a na wɔbrɛ no sonkahiri. Baabiara a Dawid bekɔ no, Awurade ma no di nkonim. **7** Dawid de Hadadeser asraafo mpanyimfo sikakɔkɔɔ nkatabo no baa Yerusalem. **8** ɔde kɔberɛ mfrafrae bebreɛ a efi Hadadeser nkuropɔn Tibhat ne Kun kaa ho bae. Akyiri no, Salomo nan kɔberɛ mfrafrae no de yɛɛ asɔredan no ho adwuma. ɔde yɛɛ kɔberɛ mfrafrae Po na ɔde bi yɛɛ afadum ne kɔberɛ nkuku ne nkaka a wɔde di dwuma wɔ asɔredan no mu. **9** Bere a Hamathene Tou tee sɛ Dawid atɔrɛ Hadadeser asraafo no ase pasaa no, **10** ɔsomaɛ ne babarima Hadoram ma ɔkɔɔ Dawid nkyɛn kɔmaa no mo wɔ ne nkonimdi

no ho. Na Hadadeser ne Tou atan wɔn ho akyɛ, a na akokoakoko aba wɔn ntam. Yoram kɔkyɛɛ Dawid sikakɔkɔɔ, dwetɛ ne kɔberɛ mfrafrae bebreɛ. **11** ɔhene Dawid hyiraa saa akyɛde yi nyinaa so maa Awurade, a dwetɛ ne sikakɔkɔɔ a ɔfa fii aman foforo a ɔkaa wɔn hyɛɛ no so no nyinaa ka ho. Saa aman no ne Edom, Moab, Amon, Filisti ne Amalek. **12** Seruia babarima Abisai kunkum Edomfo mpem dunwɔtwe wɔ Nkyene Bon no mu. **13** ɔde asraafo duaduua Edom nyinaa, maa Edomfo nyinaa beyɛɛ Dawid nkoa. Eyi yɛ sɛnea Awurade maa Dawid dii nkonim wɔ baabiara a ɔkɔɛ no nhweso. **14** Dawid dii Israel nyinaa so hene, a wɔnhyɛ obiara so na wansisi obiara nso. **15** Na Seruia babarima Yoab na na ɔyɛ ɔsafohene. Ahilud babarima Yehosafat na na ɔyɛ adehyɛ abakɔsɛmkyerɛwni. **16** Ahitub babarima Sadok ne Abiatar babarima Abimelek na na wɔyɛ asɔfo. Sawsa na na ɔyɛ asennii kyereɔfo. **17** Yehoiada babarima Benaia na na odi Keretifo ne Peletifo so. Dawid mmabarima someɛ sɛ ɔhene aboafɔ mpanyimfo.

19 Eyinom akyi no, Amonhene Nahas wui, na ne babarima Hanun bedii ade. **2** Dawid susuɔw ho se, “Meda ayamye adi akyerɛ Nahas ba Hanun, efisɛ n'agya daa ayamye adi kyereɛ me.” ɛno nti, Dawid tuu abɔfo ma wɔkɔɔ Hanun nkyɛn, kɔmaa no hyɛden wɔ n'agya wu no ho. Bere a abɔfo no duu Amon asase so no, **3** Hanun asahene bisaa no se, “Enti wugyɛ di ampa ara se, saa mmarima yi baa sɛ wɔrɛbehyɛ w'agya anuonyam? Dabi! Dawid asoma wɔn sɛ wɔmmesra asase yi, na wɔnam so ako agyɛ.” **4** Enti Hanun kyeree Dawid abɔfo no, yii wɔn abogyɛsɛ, twitwaa wɔn ntade ano wɔ wɔn to ase, ma wɔsan kɔɛ. **5** Bere a Dawid tee asɛm no, otuu abɔfo kɔɔ asomafo no nkyɛn kɔkɔɛ se, “Montena Yeriko mma mo abogyɛsɛ no mfuw ansa na moaba.” Efisɛ na wɔn ho ayɛ fɛrɛ yiye. **6** Afei, Amonfo huu abufuwtraso a woahyɛ Dawid no, Hanun ne Amonfo soma ma wɔde dwetɛ nkaribo ani tɔn aduasa awotwe kogyɛ nteaseɛnam ne asraafɔdɔm fii Aram-naharaim, Aram-maaka ne Soba. **7** Wɔsan pɛɛ nteaseɛnam mpem aduasa abien, na wonyaa akyigyina fii Maakahene ne n'akofo nkyɛn. Saa asraafɔdɔm yi kyeree nsraban wɔ Medeba, ɛhɔ na Amon asraafɔdɔm a Hanun nya fii n'ankasa nkurow so no kɔkaa wɔn ho. **8** Bere a Dawid tee saa no, ɔsomaɛ Yoab ne n'akofo se wɔne wɔn nkɔko. **9** Amonfo asraafo no begyinagyinaa kuropon no pon ano, na ahɛmfo a wɔaka no nso ginyinagyinaa sare no so. **10** Bere a Yoab huu sɛ ɛsɛ

se ɔko ha ne ha no, ɔpaw n'akofodom no mu akofo a wonim ako yiye no. Ɔde won hyee n'ankasa ase, dii won anim kɔko tiaa Aramfo no a wogyinagyina sare so no. **11** Ogyaw asraafodom a wɔaka no maa ne nuabarima Abisai se ɔnkɔtow nhye Amonfo no so. **12** Na Yoab ka kyeree ne nuabarima no se, "Se Aramfo no ye den ma me dodo a, bra na beboa me." Yoab toaa so se, "Se Amonfo no ye den dodo ma wo a, meba abeboa wo. **13** Hye wo ho den. Ma yemfa akokoduru nko nnye yen nkurofo ne yen Onyankopɔn nkurow. Awurade beye nea eye wo n'ani so." **14** Bere a Yoab ne n'akofo no tow hyee Aramfo no so no, wofii ase guanee. **15** Na Amonfo huu se Aramfo no reguan no, woguan fi Abisai anim kɔ kuropon no mu. Afei, Yoab san kɔ Yerusalem. **16** Aramfo no huu se enye won afe ne Israelfo no nti, wɔfreɛ Aram asraafodom foforo fii Asubɔnten Eufate ho se wɔmmɛboa. Saa asraafodom a wɔhye Sofak a ɔye Hadadeser asraafodom nyinaa so sahene ase no bae. **17** Bere a Dawid tee asem a asi no, ɔboaboa Israel nyinaa ano, de won twaa Asubɔnten Yordan, de n'akofo no gyinagyinaa won mpasua so. Afei, ɔne atamfo no de ɔko hyehyee so, ma wɔko tiaa no. **18** Eha nso, Aramfo no guan fii Israelfo no anim, na Dawid asraafo no kunkum nteaseɛnamkafo mpem ason ne anammɔnmufɔ asraafo mpem aduanan a Sofak a ɔye won so sahene no ka ho. **19** Hadadeser asomfo huu se Israel adi won so nkonim no, wɔmaa won nsa so, maa Dawid faa won se ne nkoa. Eno akyi no, Aramfo ampe se wɔbeboa Amonfo bio.

20 Asusow bere, afe mu bere a ahemfo kɔ ɔko no, Yoab dii Israel asraafo anim, kɔtow hyee Amonfo nkurow ne nkuraa so, dii won so nkonim. Akodi no mu no, wotuaa Raba kuropon no, sɛee no. Saa bere no na Dawid te akyi wɔ Yerusalem. **2** Bere a Dawid duu Raba no, otuu ɔhene no ahenkyew, na wɔde hyee Dawid. Sikakokɔ na wɔde yee ahenkyew no na wɔde abɔɔdemmo abobɔ mu. Na emu duru beye kilogram aduasa anan. Dawid faa asade bebree fii kurow no mu. **3** Ɔde Rabafo no yee nkoa, hyee won ma wɔde ɔwan, famtunnade ne mmonnua yee adwuma. Saa ara nso na ɔyee nnipa a wɔwɔ Amon nkuropon nyinaa so. Na Dawid ne n'akofo san kɔ Yerusalem. **4** Eyi akyi, ɔko sii wɔne Filistifo ntam wɔ Geser. Ɔko no mu no, Sibekai a ofi Husa kum Sipai a ɔye abran no aseni ma wɔkaa Filistifo no hyee. **5** Ɔko foforo bi a wɔne Filistifo koe no mu no, Yair babarima Elhanan kum Gatni Goliat nuabarima Lahmi. Na Lahmi peaw nsa

mu pipiripi te se ntamanwemfo abaa. **6** Ɔko foforo bi nso a wɔne Filistifo koe wɔ Gat no, ɔbran bi a ɔye abran asefo no bi a ɔye nsansia ye nansia wɔ ne nsa ne ne nan biara so no **7** buu Israel animtiaa, twitwaa mpoa. Na Dawid nuabarima Simea babarima Yonatan kum no. **8** Na saa Filistifo yi ye Gat abran no asefo nanso Dawid ne n'akofo kunkum won.

21 Ɔbonsam sɔre tiaa Israel, maa Dawid kan Israelfo. **2** Dawid hyee Yoab ne n'asahene se, "Monkan nnipa a wɔwɔ asase yi so nyinaa efi Beer-Seba a ewɔ anafo fam kosi Dan a ewɔ atifi fam, na momfa won dodow mmre me, na emma minhu won ano." **3** Na Yoab kae se, "Awurade mmɔ ne nkurofo no dodow ho mpen ɔha ɔha! Na me wura, aden nti na wope se woye saa? Won nyinaa nye w'asomfo ana? Aden nti na eɛ se woye ma Israel ye bɔne?" **4** Nanso ɔhene no kae se, nea ete biara eɛ se Yoab kan nnipa no. Enti Yoab kyinkyinii Israel nyinaa kan nnipa no. Na ɔsan baa Yerusalem **5** bekaa nnipa no dodow kyeree Dawid. Na won dodow ye mmarmma ɔpepem baako ne mpem ɔha a wɔaso ɔsako wɔ Israel ne mpem ahannan aduɔson wɔ Yuda. **6** Nanso Yoab amfa Lewi ne Benjamin mmusuakuw anka nnipakan no ho, efise na nea ɔhene ahye no se ɔnye no ye no ahometew. **7** Onyankopɔn ampe nnipakan no koraa, enti ɔtwee Israel aso wɔ ho. **8** Na Dawid ka kyeree Onyankopɔn se, "Maye bɔne kese. Anka ense se mekan nnipa no. Mesre wo, fa me nkwareade a maye no kye me." **9** Na Awurade kasa kyeree Gad a ɔye Dawid ɔdehufo no se, **10** "Kɔ na kɔka kyere Dawid se, 'Senea Awurade se ni: Merema wo nsem ahorow abiesa. Paw emu baako na menye ntia wo.'" **11** Enti Gad baa Dawid nkyen bekae se, "Senea Awurade se ni: 'Paw emu nea wope: **12** mfe abiesa a ɔkɔm kese beba anaa asram abiesa a w'atamfo bekunkum mo anaa nnansa a ɔyaredom a ano ye den yiye a, Awurade bɔfo nam so de ɔsee beba Israel asase so.' Afei dwene eyi ho, na ma minhu mmuae ko a memfa nkɔma Awurade." **13** Dawid buaa Gad se, "Mewo ahohiahia mu. Ma mentɔ Awurade nsam, efise n'ahummɔbɔ no so. Mma me nkɔto nnipa nsam." **14** Na Awurade maa ɔyaredom baa Israel so, maa nnipa mpem aduɔson wuwui. **15** Afei, Onyankopɔn somaa ɔsoro ɔbɔfo se ɔnkɔsee Yerusalem. Na bɔfo no reye no, Awurade nyaa ahummɔbɔ ka kyeree owu ɔbɔfo no se, "Gyae! Eno ara ɔɔso!" Saa bere no na ɔbɔfo no gyina Yebusini Arauna awiporowbea ho. **16** Dawid pagyaw n'ani huu se Awurade bɔfo no gyina ɔsoro

ne asase ntam a, watwe n'afoa de akyerɛ Yerusalem so. Enti Dawid ne Israel mpanyimfo furaa atweaatam de kyereɛ wɔn ahoyeraw, na wɔhwehwee fam de wɔn anim butubutuw hɔ. **17** Na Dawid ka kyereɛ Onyankopɔn se, "Me na mede nnipakan no ho asem bae! Me ne obi a maye bɔne na mafom. Saa nkurofo yi de, ɛso bi nna wɔn so. Den na wɔayɛ? Awurade me Nyankopɔn, ma w'abufuw mmra me ne me fifo so, na nsee wo nkurofo." **18** Na Awurade bɔfo no ka kyereɛ Gad se ɔnka nkyere Dawid mma onsi afɔremuka mma Awurade wɔ Yebusini Arauna awiporowbea hɔ. **19** Na Dawid yɛ nea Awurade nam Gad so ka kyereɛ no no. **20** Arauna a saa bere no na n'ani abere reporow n'atoko so no dan ne ho huu ɔbɔfo no wɔ hɔ. Ne mmabarima baanan a na wɔka ne ho wɔ hɔ no guan kohintawee. **21** Bere a Arauna huu se ɔhene Dawid reba awiporowbea hɔ no, ofi hɔ kɔkotow n'anim. **22** Na Dawid ka kyereɛ Arauna se, "Tɔn awiporowbea yi ma me senea ne bo te. Na mesi afɔremuka ama Awurade wɔ hɔ senea obesiw ɔyaredɔm no ano." **23** Arauna ka kyereɛ Dawid se, "Fa, me wura, na fa ye nea woɔ. Anantwi a wode bebɔ afɔre ni. Wubetumi de awiporowbea nnua yi ayɛ nnyina de asɔ gya wɔ afɔremuka no so. Fa atoko no nso bɔ atoko afɔre. Mede ne nyinaa bema wo." **24** Na ɔhene no buaa Arauna se, "Dabi! Meɔ se mitua nea efata ma wo. Merentumi nnye w'agyapade mfa mma Awurade. Meremmo ɔhyew afɔre a memmɔ hɔ ka." **25** Enti Dawid tuaa sikakɔkɔ kilogram ason maa Arauna, de tɔɔ awiporowbea no. **26** Dawid sii afɔremuka wɔ hɔ maa Awurade, bɔɔ ɔhyew afɔre ne asomdwoe afɔre wɔ so. Na Dawid bɔɔ mpae no, Awurade tiee no, nam so de ogya fi soro behyew afɔrebɔde a ɛwɔ afɔremuka no so no. **27** Afei, Awurade kasa kyereɛ ɔbɔfo no ma ɔsan de n'afoa no hyɛ ne boha mu. **28** Bere a Dawid huu se Awurade atie ne mpaebɔ no, ɔbɔɔ afɔre pii wɔ Yebusini Arauna awiporowbea hɔ. **29** Saa bere no na Awurade Ahyiae Ntamadan ne afɔremuka a Mose sii wɔ sare so hɔ no sisi Gibeon sorɔnsorɔmmɛa hɔ. **30** Nanso Dawid antumi ankɔ hɔ ankobisa Onyankopɔn ase, efise afoa a Awurade bɔfo no twee no bɔɔ no hu.

22 Afei, Dawid kae se, "Eha ne baabi a wobesi Awurade Nyankopɔn Asɔredan no ne afɔremuka a Israel bebɔ so ɔhyew afɔre no." **2** Eno nti Dawid hyɛ ma wɔfɛfɛre ahɔho a wɔte Israel nyinaa boaa ano. ɔma wotwaa abo a wɔde besi Onyankopɔn Asɔredan no. **3** Dawid maa nnade pii a wɔde beyɛ nnadewa

a eho behia ama apon ne mpontare. ɔmaa kɔbere mfrafrae nso bebreɛ a na wontumi nkari mpo. **4** ɔmaa sida nnua pii nso, efise na mmarima a wofi Tiro ne Sidon de bebreɛ abɛ Dawid dedaw. **5** Dawid kae se, "Me babarima Salomo nnyinii, na onni osuahɔ bi, nanso ɛse se saa asɔredan yi ye kese, gye din na eye anuonyamhyɛ wɔ wiase mmaa nyinaa. Enti mefi ase nne yi ara ayɛ ahoboa ama ne si." Enti Dawid pɛɛ adansi ho nneema bebreɛ guu hɔ ansa na ɔrewu. **6** Afei, Dawid soma kɔfaa ne babarima Salomo, na ɔka kyereɛ no se onsi asɔredan mma Awurade, Israel Nyankopɔn. **7** Dawid ka kyereɛ no se, "Me ba, na anka meɔ se misi asɔredan de hyɛ Awurade, me Nyankopɔn, din anuonyam. **8** Nanso Awurade ka kyereɛ me se, 'Woakunkum nnipa bebreɛ wɔ akodi akese a wudii no mu. Na esiane se woahwie mogya bebreɛ agu wɔ m'anim nti, enye wo na wubesi asɔredan de ahyɛ me din anuonyam. **9** Na wobewo obabarima a ne bere so asomdwoe ne ahoto bebɔ. Mɛma asomdwoe abɛda one n'atamfo a wɔwɔ nsase a atwa ha ahyia no nyinaa ntam. Wɔbɛfɛ no Salomo. N'ahenni mu no, mɛma asomdwoe ne ahoto aba Israel. **10** Eno ne obi a obesi asɔredan, de ahyɛ me din anuonyam. ɔbeyɛ me babarima na mayɛ n'agya. Na mɛma n'ahenni ahengua atim wɔ Israel afeɔɔ.' **11** "Afei, me ba, Awurade nka wo ho na ɔmma wo nkɔso bere a wudi n'ahyede so, na woresi Awurade, wo Nyankopɔn, asɔredan yi. **12** Na Awurade mma wo nyansa ne ntease, na woadi Awurade, wo Nyankopɔn mmara so bere a wudi Israel so hene yi. **13** Se wudi mmara ne ahyede a Awurade nam Mose so de maa Israel no so yiye a, ebɛsi wo yiye. Ye den na ye nnam. Nsuro na mma wo koma ntu. **14** "Mayɛ adwumaden apɛ Awurade Asɔredan no si ho nneema, sikakɔkɔ beyɛ tɔn mpem anan, dwete beyɛ tɔn mpem aduanan ne nnade ne kɔbere mfrafrae pii a wontumi nkari mpo. Maboaboa nnua ne abo a wɔde beyɛ afasu no, nanso ebɛ ɛse se woɔ bi ka ho. **15** Wowɔ abo adansifo, nnua adwumfo ne nnwuma ahorow mu adwumfo bebreɛ. **16** Wɔyɛ abenfo wɔ sikakɔkɔ, dwete adwinni mu, kɔbere mfrafrae ne nnade ho adwumayɛfo. Afei fi adwuma no ase, na Awurade nka wo ho." **17** Na Dawid hyɛ Israel ntuanofɔ nyinaa se wɔmmɔa Salomo wɔ saa dwumadi no mu. **18** ɔkae se, "Awurade, wo Nyankopɔn ka wo ho. Wama asomdwoe aba wo ne aman a atwa wo ho ahyia no ntam. ɔde wɔn ama me, nti wɔyɛ Awurade ne ne nkurofo nkoa. **19** Afei fi wo koma nyinaa mu hwehwe

Awurade, wo Nyankopɔn. Si Awurade Nyankopɔn kronkronbea senea ebeye a, wubetumi de Awurade Apam Adaka no ne Onyankopɔn akronkronne no nyinaa akɔ asɔredan a wɔasi de rehye Awurade din anuonyam no mu.”

23 Bere a Dawid bɔ akwakoraa no, oyii ne babarima Salomo se ɔno na obedi Israel so hene. **2** Dawid frɛfrɛ Israel amanye ntuanofɔ nyinaa ne asofo, a Lewifo ka ho se, wɔmmra ahensi afahye no ase. **3** Wɔkan Lewifo a wɔadi mfirihya aduasa anaa nea eboro saa, na wɔn nyinaa dodow ye mpem aduasa awotwe. **4** Na Dawid kae se, “Wɔn mu mpem aduonu anan behwe Awurade Asɔredan no ho adwuma so. Mpem asia besom se mpanyimfo ne atemmufɔ. **5** Mpem anan beye apon ano hwefo na mpem anan foforo de nnwontode a maye no bekamfo Awurade.” **6** Na Dawid kyekyee Lewifo no mu akuwakuw de mmusuakuw a woye Lewi mmabarima Gerson, Kohat ne Merari asefo no din totoo wɔn so. **7** Gerson mmabarima ne: Libni ne Sime. **8** Libni asefo no mu baasa ye Yehiel (a ɔye abusuapanyin), Setam ne Yoel. **9** Eyinom na na woye Libni abusua no mpanyimfo. Na Sime asefo baasa no ne Selomot, Hasiel ne Haran. **10** Sime asefo baanan a wɔaka no ne Yahat, Sisa, Yeus ne Beria. **11** Na Yahat ye ɔbeapanyin, na Sisa di Yahat akyi. Wɔfaa Yeus ne Beria se abusua baako, efise na wɔn mu biara nni mmabarima dodow. **12** Na Amram, Ishar, Hebron ne Usiel ka Kohat asefo no ho. **13** Amram mmabarima ye: Aaron ne Mose. Woyii Aaron ne n’asefo se wonni nneema kronkron no ho dwuma, na wɔmmɔ afɔre wɔ Awurade anim, nsom Awurade, na wonhyira wɔ ne din mu daa daa. **14** Mose a ɔye Onyankopɔn nipa no de, wɔde ne mmabarima kaa Lewi abusuakuw ho. **15** Mose mmabarima no ye Gersom ne Elieser. **16** Na Sebul a ɔye abusuapanyin no ka Gersom asefo no ho. **17** Na Elieser wɔ ɔbabarima baako a wɔfrɛ no Rehabia a na ɔye abusuapanyin. Na Rehabia asefo ye bebree. **18** Na Selomit a ɔye abusuapanyin no ka Ishar asefo no ho. **19** Na Yeria a ɔye abusuapanyin, Amaria a odi hɔ, Yahasiel a ɔto so abiesa ne Yekameam a ɔto so anan no ne Hebron asefo no. **20** Na Mika a ɔye abusuapanyin ne Yisia a odi hɔ no ye Usiel asefo no. **21** Na Mahli ne Musi ye Merari asefo no. Mahli mmabarima ne Eleasar ne Kis. **22** (Eleasar wui a wanwo mmabarima biara, na mmom mmabea nko ara. Ne mmabea no wareware wɔn nuanom a woye Kis mmabarima.) **23** Musi mmabarima baasa no

din de Mahli, Eder ne Yeremot. **24** Eyinom na na wɔn mmusua nti woye Lewi asefo, na woye wɔn mmusua akuw no ntuanofɔ a na wɔahwe akyerew wɔn din. Na ese se wɔn mu biara di mfirihya aduonu anaa nea eboro saa, ansa na waso Awurade fi som. **25** Na Dawid kae se, “Awurade, Israel Nyankopɔn ama yen asomdwoe, na daa obetena Yerusalem. **26** Afei, eho nhia se Lewifo no besoa Ahylae Ntamadan no ne ne nkuku ne ne nkaka de adi atutena.” **27** Senea Dawid no ara akwankyerɛ a etwa to no se no, ese se wɔkyerew Lewifo a wɔadi mfirihya aduonu ne nea eboro saa nyinaa din ma ɔsom. **28** Na Lewifo no adwuma ne se, wɔbeboa asofo no a woye Aaron asefo no wɔ ɔsom nnwuma a woye wɔ Awurade fi no mu. Afei, wɔbehwe adiwo ne adan a ewɔ nkyen nkyen no so. Na wɔbeboa ahodwira nnwuma mu, na wɔasom akwan ahorow so wɔ Onyankopɔn fi. **29** Na wɔhwe brodo kronkron a wɔkora no didipon so no, asikresiam a wɔayam no muhumuhu a wɔde bɔ aduan afɔre, tetare a mmɔkaw nni mu, ɔfam a wɔde ngo dua sraɔde akyew ne brodo afɔforɔ a wɔde afrafra no so. Afei, na wɔn asede bi nso ne se, wɔhwe nsania ne susudua nso so. **30** Na anɔpa ne anwummere biara nso, wogylina Awurade anim to aseda ne nkamfo nnwom ma no. **31** Wɔboa ɔhyew afɔre a wɔbɔ ma Awurade homeda ahorow mu wɔ ɔsram Foforo Afahye mu ne nnapɔnna nyinaa ho dwumadi mu. Bere biara, na Lewifo dodow a wɔfata wɔ hɔ a wɔsom wɔ Awurade anim. **32** Eno nti, Lewifo no a na wɔsom wɔ Ahylae Ntamadan no mu kɔɔ so som wɔ Asɔredan no mu. Na wɔde nokwareɔdi yee wɔn som no nnwuma wɔ Awurade fi.

24 Senea wɔkyekyee Aaron asefo a woye asofo no mu akuwakuw ma wɔsom no ni: Na Aaron mmabarima no ye Nadab, Abihu, Eleasar ne Itamar. **2** Nanso Nadab ne Abihu wui a wonni mma ansa na wɔn agya rewu. Enti ekaa Eleasar ne Itamar nko ara a na ese se woye asofo. **3** Mmoa a Sadok a na ɔye Eleasar aseni ne Ahimelek a na ɔye Itamar aseni no boae no nti, Dawid kyekyee Aaron asefo mu akuwakuw senea wɔn dwumadi te. **4** Wɔkyee Itamar de mu akuw awotwe, efise na Eleasar asefo mu mmusua mpanyimfo no dɔɔso. **5** Wɔnam ntontobɔ kronkron so, kyekyee dwumadi ahorow nyinaa maa akuwakuw no, senea erɛnye nhweanimsem biara. Efise na mpanyimfo bebree a wɔfata se wɔsom Onyankopɔn kronkronbea hɔ a woye Eleasar ne Itamar asefo no nso wɔ hɔ. **6** Netanel babarima Semaia a na ɔye Lewini no yee

adwuma se okyerewfo. Okyerew din ne nnwuma ahorow wo ohene no ne asofo Sadok ne Abiatar babarima Ahimelek ne asofo no ne Lewi mmusua no mpanyimfo anim. Eleasar ne Itamar asefo boboo ntonto senea edidi so yi: 7 Ntonto a edi kan no baa Yehoiarib. Ntonto a eto so abien no baa Yedaia. 8 Ntonto a eto so abiesa no baa Harim. Ntonto a eto so anan no baa Seorim. 9 Ntonto a eto so anum no baa Malkia. Ntonto a eto so asia no baa Miyamin. 10 Ntonto a eto so ason no baa Hakos. Ntonto a eto so awotwe no baa Abia. 11 Ntonto a eto so akron no baa Yesua. Ntonto a eto so du no baa Sekania. 12 Ntonto a eto so dubaako no baa Eliasib. Ntonto a eto so dumien no baa Yakim. 13 Ntonto a eto so dumiensa no baa Hupa. Ntonto a eto so dunan no baa Yesebeab. 14 Ntonto a eto so dunum no baa Bilga. Ntonto a eto so dunsia no baa Imer. 15 Ntonto a eto so dunson no baa Hesir. Ntonto a eto so dunwotwe no baa Hapises. 16 Ntonto a eto so dunkron no baa Petahia. Ntonto a eto so aduonu no baa Yeheskel. 17 Ntonto a eto so aduonu baako no baa Yakin. Ntonto a eto so aduonu abien no baa Gamul. 18 Ntonto a eto so aduonu abiesa no baa Delaia. Ntonto a eto so aduonu anan no baa Maasia. 19 Kuw biara dii ne dwuma wo Awurade fi senea won agya Aaron nam Awurade, Israel Nyankopon akwankyerɛ so hyehye maa won no. 20 Eyinom ne mmusua a aka a woye Lewi asefo no mpanyimfo: Amram asefo ntuanoni ne Subael. Subael asefo ntuanoni ne Yehdeia. 21 Rehabia asefo ntuanoni ne Yisia. 22 Yishar asefo ntuanoni ne Selomot. Selomot asefo ntuanoni ne Yahat. 23 Hebron asefo ntuanono ne: Yeria; Amaria ne n'abediakyiri, Yahasiel na oto so abiesa na Yekameam to so anan. 24 Uziel asefo ntuanoni ne Mika. Mika asefo ntuanoni ne Samir. 25 ne Mika nuabarima Yisia. Yisia asefo ntuanoni ne Sakaria. 26 Merari asefo ntuanono ne Mahli ne Musi. Yasia asefo ntuanoni ne Beno. 27 Merari asefo a wofi Yasia mu no, ntuanono ne: Beno, Soham, Sakur ne Ibri. 28 Mahli asefo ntuanoni ne Eleasar a na onni mmabarima no. 29 Kis asefo ntuanoni ne Yerahmeel. 30 Musi asefo ntuanono ne Mahli, Eder ne Yerimot. Eyinom ne Lewi asefo ne senea won mmusua te. 31 Wɔnam ntonto kronkron a woboo wo won so na wode won nnwuma hyee won nsa te se Aaron asefo de no, a wɔanhwe mfe a woadi ne won dibe. Wodii dwuma no wo ohene Dawid, Sadok,

Ahimelek, asofo ne Lewifo mmusua mpanyimfo no anim.

25 Dawid ne asahene no yiyii mmarima fii Asaf, Heman ne Yedutun mmusua mu se wɔmfa asankuten, mmenta ne kyenkyen mmo Onyankopon asem no dawuru. Wɔn din ne won nnwuma na edidi so yi: 2 Na Asaf mmabarima no ne: Sakur, Yosef, Netania ne Asarela. Na wɔhye won agya Asaf ase. Ono na ohene hyee no ma oboo Onyankopon asem no dawuru. 3 Na Yedutun wo mmabarima a wone: Gedalia, Seri, Yesaia, Sime, Hasabia ne Matitia. Woye baasia a wɔhye won agya ase. Ono na ohyee nkam, nam sankuten so de aseda ne nkamfo maa Awurade. 4 Na Heman mmabarima din ne: Bukia, Matania, Uziel, Sebul, Yerimot, Hanania, Hanani, Eliata, Gidalti, Romanti-Eser, Yosbekasa, Maloti, Hotir, ne Mahasiot. 5 Eyinom ne Heman a oye ohene diyifo no mmabarima. Onyankopon dom no mmabarima dunan ne mmabea baasa. 6 Na saa mmarima yi nyinaa hye won agyanom ase, na wɔnam so too nnwom wo Awurade fi. Wɔn nnwuma ne se woboo kyenkyen, mmenta ne asankuten wo Onyankopon fi. Na Asaf, Yedutun ne Heman hye ohene no ase. 7 Na wɔatetew won ne won abusuafo nyinaa wo nnwom a woto wo Awurade anim no mu. Na won nyinaa dodow ye ahannu aduwotwe awotwe na won mu biara wo nnwonto ho nimdee. 8 Wɔnam ntontoboo kronkron so yiyii nnwontoo tuatuaa nnwuma ahorow ano a wɔanhwe se obi ye abofra anaa ɔpanyin, okyerekyerefo anaa osuani. 9 Ntonto a edi kan no baa Yosef a ofi Asaf abusua mu, ne ne mmabarima ne n'abusuafo Ntonto a eto so abien no baa Gedalia, ne ne mmabarima ne n'abusuafo 10 Ntonto a eto so abiesa no baa Sakur, ne ne mmabarima ne n'abusuafo 11 Ntonto a eto so anan no baa Yisri, ne ne mmabarima ne n'abusuafo 12 Ntonto a eto so anum no baa Netania, ne ne mmabarima ne n'abusuafo 13 Ntonto a eto so asia no baa Bukia, ne ne mmabarima ne n'abusuafo 14 Ntonto a eto so ason no baa Yesarela, ne ne mmabarima ne n'abusuafo 15 Ntonto a eto so awotwe no baa Yesaia, ne ne mmabarima ne n'abusuafo 16 Ntonto a eto so akron no baa Matania, ne ne mmabarima ne n'abusuafo 17 Ntonto a eto so du no baa Sime, ne ne mmabarima ne n'abusuafo 18 Ntonto a eto so dubaako no baa Asarel, ne ne mmabarima ne n'abusuafo 19 Ntonto a eto so dumien no baa Hasabia, ne ne mmabarima ne n'abusuafo 20 Ntonto a eto so dumiensa no baa

Subael, ne ne mmabarima ne n'abusuafo 21 Ntonto a eto so dunan no bɔɔ Matitia, ne ne mmabarima ne n'abusuafo 22 Ntonto a eto so dunum no bɔɔ Yeremot, ne ne mmabarima ne n'abusuafo 23 Ntonto a eto so dunsia no bɔɔ Hanania, ne ne mmabarima ne n'abusuafo 24 Ntonto a eto so dunson no bɔɔ Yosbekasa, ne ne mmabarima ne n'abusuafo 25 Ntonto a eto so dunwɔtwe no bɔɔ Hanani, ne ne mmabarima ne n'abusuafo 26 Ntonto a eto so dunkron no bɔɔ Maloti, ne ne mmabarima ne n'abusuafo 27 Ntonto a eto so aduonu no bɔɔ Eliata, ne ne mmabarima ne n'abusuafo 28 Ntonto a eto so aduonu baako no bɔɔ Hotir, ne ne mmabarima ne n'abusuafo 29 Ntonto a eto so aduonu abien no bɔɔ Gidalti, ne ne mmabarima ne n'abusuafo 30 Ntonto a eto so aduonu abiesa no bɔɔ Mahasiot, ne ne mmabarima ne n'abusuafo 31 Ntonto a eto so aduonu anan no bɔɔ Romamti-Eser ne ne mmabarima ne n'abusuafo

26 Eyinom ne apon ano ahwɛfo no akuwakuw: Korafo mu no, yɛwɔ Kore babarima Meselemia a ofi Asaf abusua mu. 2 Meselemia mmabarima yɛ: Sakaria a ɔyɛ abakan, Yediael a ɔto so abien, Sebadia a ɔto so abiesa, Yatniel a ɔto so anan. 3 Elam a ɔto so anum, Yehohanan a ɔto so asia, Eliehoenai a ɔto so ason. 4 Na Obed-Edom mmabarima nso a wɔyɛ apon ano ahwɛfo yɛ: Semaia a ɔyɛ abakan, Yehosabad a ɔto so abien, Yoa a ɔto so abiesa, Sakar a ɔto so anan, Netanel a ɔto so anum, 5 Amiel a ɔto so asia, Isakar a ɔto so ason, ne Peuletai a ɔto so awotwe. Onyankopɔn hyiraa Obed-Edom bebre. 6 Na Obed-Edom babarima Semaia wɔ mmabarima a wotumi ade yɛ yiye nti, wonyaa dibea a ekura tumi wɔ abusua no mu. 7 Na wɔn din ne: Otni, Refael, Obed ne Elsabad; na wɔn abusuafo Elihu ne Semaia nso yɛ mmɔdemmofo. 8 Obed-Edom asefo yi nyinaa a wɔn mmabarima ne wɔn nenanom a na wɔn nyinaa dodow yɛ aduosia abien no yɛ nnipa a na wɔbɔ wɔn ho mmɔden yiye na wɔn nnwuma fata wɔn. 9 Saa ara nso na na Meselemia mmabarima dunwɔtwe no ne wɔn abusuafo nso bɔ wɔn ho mmɔden yiye. 10 Hosa a ofi Merari abusua mu mma ne: Simri na odi kan (na ɔnye abakan de, nanso n'agya paw no sɛ ntuanoni wɔ ne mmabarima mu). 11 Na ne mmabarima no bi ne: Hilkia a na ɔto so abien. Tebalia na ɔto so abiesa na Sakaria to so anan. Na Hosa mmabarima ne n'abusuafo a wɔsom sɛ apon ano ahwɛfo no nyinaa dodow yɛ dumiensa. 12 Saa apon ano hwɛfo akuw yi nam wɔn mmusua

ntuanofɔ so som wɔ Awurade fi, senea wɔn abusuafo yɛɛ no. 13 Wɔnam ntontobɔ kronkron so, de ɔwɛn adwuma wɔ apon ahorow ano hyɛɛ mmusua no nsa a wɔnhwɛ mfirihyia a obi adi, anaa ntetewee a wanya so. 14 Wɔde apuei pon ho dwumadi no hyɛɛ Meslemia ne ne kuw nsa. Atifi pon ho dwumadi nso, wɔde hyɛɛ ne babarima onyansafɔ Sakaria nsa. 15 Anafo pon no, wɔde hyɛɛ Obed-Edom nsa, na wɔmaa ne mmabarima no hwɛɛ adekoradan no so. 16 Wɔmaa Supim ne Hosa hwɛɛ atɔɛ pon no ne ɔkwan a ɛkɔ asɔredan no mu no so. Wɔkyekyɛɛ ɔwɛn nnwuma no pɛpɛpɛ maa wɔn. 17 Da biara, na wɔma Lewifo baasia kɔ apuei pon no ho, na wɔma baanan kɔ atifi pon no ho, na baanan nso akɔ anafo pon no ho, na baanu baanu akokɔ adekoradan ahorow no mu biara ho. 18 Da biara, na wɔma baasia kɔ atɔɛ pon no ho. Baanan kɔ ɔkwan a ɛkɔ asɔredan no mu no so, na baanu nso akɔ adiwo hɔ. 19 Eyinom ne apon ano ahwɛfo a wofi Kora ne Merari mmusua mu no nkyekyemu. 20 Lewifo a wɔaka a na Ahiya da wɔn ano no na na wɔhwɛ Onyankopɔn fi sikakorabea ne adekoradan so. 21 Libni fi a na ɛwɔ Gerson abusua mu no, na Yehieli na na otua wɔn ano. 22 Yehieli mmabarima Setam ne ne nuabarima Yoel na na wɔhwɛ Awurade fi sikakorabea so. 23 Eyinom ne ntuanofɔ a wɔyɛ Amram, Yishar, Hebron ne Usiel asefo. 24 Amram abusua mu, Sebul yɛ Mose babarima Gersom aseni. ɔno na na ɔyɛ ɔpanyin a ɔhwɛ sikakorabea no so. 25 Wɔn a wɔnam Elieser so yɛ n'abusuafo ne Rehabia, Yesaia, Yoram, Sikri ne Selomot. 26 Selomot ne n'abusuafo na na wɔhwɛ sikakorabea a na wɔkora agyapade a wɔde ama Awurade no so. Agyapade no bi ne nea Dawid ne mmusua ntuanofɔ ne asahene ne asraafo mpanyimfo de maa Awurade no. 27 Na saa mmabarima yi de wɔn asade a wonyaa wɔ akodi mu no bi bae sɛ wɔmfa nsiesie Awurade fi. 28 Afei, na Selomot ne n'abusuafo na wɔhwɛ nneema a Samuel a ɔyɛ odiyifo, Kis babarima Saulo, Ner babarima Abner ne Seruia babarima Yoab de maa Awurade no so. Nneema nkae a wɔde maa Awurade no nyinaa, na ɛhyɛ wɔn nsa. 29 Yishar abusua mu na Kenania fi. ɔne ne mmabarima na woyii wɔn sɛ ɔman sohwefo ne atemmufɔ wɔ Israelman mu nyinaa. 30 Hebron abusua mu na Hasabia fi. ɔne n'abusuafo a wɔyɛ mmɔdemmofo a wɔn dodow yɛ apem ahanson na wɔma wɔhwɛ Israel nsase a ɛdeda Asubonten Yordan atɔɛ fam no so. Nsem a ɛfa Awurade ho, ne ɔhene a ɔwɔ mpasua no so som ho nyinaa yɛ wɔn asede.

31 Bio, Hebron abusua mu na Yeria fi. Senea awo ntoatoaso nkrataa kyere no, onno na na oye Hebronfo no ntuanoni. (Dawid dii hene no, ne mfe aduanan so, wɔhwehwɛ nkrataa mu na wohuu mmarima a wɔbɔ wɔn ho mmɔden wɔ Hebron abusua no mu din wɔ kurow Yaser a ewɔ Gilead mu. **32** Na mmarima a wɔbɔ wɔn ho mmɔden mpem abien ne ahanson na na wɔwɔ Yeria abusua mu. Ɔhene Dawid ma wɔkɔ Asubɔnten Yordan apuei fam, maa wɔkɔhwɛ Ruben ne Gad mmusuakuw ne Manase abusuakuw fa no so. Nsem a efa Onyankopɔn ho, ne ɔhene som ho nyinaa ye wɔn asede.)

27 Israelfo akuw ahorow no ni—mmusua mpanyimfo, asahene ne asraafo mpanyimfo a na wɔhwɛ asraafo akuw ahorow so de som ɔhene, a kuw biara kɔ adwuma ɔsram baako wɔ afe mu. Na dɔm a wɔwɔ kuw biara mu nso dodow ye mpem aduonu anan. Wɔn din na edidi so yi. **2** Sabdiel babarima Yasobeam na na oye kuw a edi kan no sahene, a na wɔkɔ adwuma ɔsram a edi kan wɔ afe no mu. Na ne kuw no asraafodɔm dodow ye mpem aduonu anan. **3** Na oye Peres aseni a na ɔhwɛ asraafo mpanyimfo no nyinaa so ɔsram a edi kan no mu. **4** Dodai a na oye Ahoa aseni na na oye kuw a ɛto so abien a na wɔkɔ adwuma ɔsram a ɛto so abien mu no so sahene. Na ne kuw no asraafodɔm dodow ye mpem aduonu anan, a na Miklot ye n'abediakyiri. **5** Ɔsofo Yehoiada babarima Benaia na na oye kuw a ɛto so abiesa a na wɔkɔ adwuma ɔsram a ɛto so abiesa mu no so sahene. Na ne kuw no asraafodɔm dodow ye mpem aduonu anan. **6** Saa Benaia yi na na ɔhwɛ Dawid asraafo akunini kuw, a na wɔfrɛ wɔn Akofo Akese Aduasa no so. Ne babarima Amisabad na na oye n'abediakyiri. **7** Yoab nuabarima Asahel na na oye kuw a ɛto so anan, a na wɔkɔ adwuma ɔsram a ɛto so anan mu no so sahene. Na ne kuw no asraafodɔm dodow ye mpem aduonu anan. Asahel babarima Sebadia na odii n'ade. **8** Samhut a oye Yisrahini na na oye kuw a ɛto so anum, a na wɔkɔ adwuma ɔsram a ɛto so anum mu no so sahene. Na ne kuw no asraafodɔm dodow ye mpem aduonu anan. **9** Ikes babarima Ira a ofi Tekoa no na na oye kuw a ɛto so asia, a na wɔkɔ adwuma ɔsram a ɛto so asia mu no sahene. Na ne kuw no asraafodɔm dodow ye mpem aduonu anan. **10** Heles a na oye Efraim aseni a ofi Pelon no na na oye kuw a ɛto so ason, a na wɔkɔ adwuma ɔsram a ɛto so ason mu no so sahene. Na ne kuw no asraafodɔm dodow ye mpem

aduonu anan. **11** Sibekai a na oye Sera aseni a ofi Husa no na na oye kuw a ɛto so awotwe, a na wɔkɔ adwuma ɔsram a ɛto so awotwe mu no so sahene. Na ne kuw no asraafodɔm dodow ye mpem aduonu anan. **12** Abieser a na ofi Anatot a ɛda Benyamin asase so no na na oye kuw a ɛto so akron, a na wɔkɔ adwuma ɔsram a ɛto so akron mu no so sahene. Na ne kuw no asraafodɔm dodow ye mpem aduonu anan. **13** Maharai a oye Serah aseni a ofi Netofa no na na oye kuw a ɛto so du, a na wɔkɔ adwuma ɔsram a ɛto so du mu no so sahene. Na ne kuw no asraafodɔm dodow ye mpem aduonu anan. **14** Benaia a ofi Piraton a ewɔ Efraim no na na oye kuw a ɛto so dubaako, a na wɔkɔ adwuma ɔsram a ɛto so dubaako mu no so sahene. Na ne kuw no asraafodɔm dodow ye mpem aduonu anan. **15** Heldai a oye Otniel a ofi Netofa aseni no na na oye kuw a ɛto so dumien, a na wɔkɔ adwuma ɔsram a ɛto so dumien mu no so sahene. Na ne kuw no asraafodɔm dodow ye mpem aduonu anan. **16** Mmusuakuw no ne wɔn ntuanfo ni: Ruben abusuakuw: Sikri babarima Elieser; Simeon abusuakuw: Maaka babarima Sefatia; **17** Lewi abusuakuw: Kemuel babarima Hasabia; Aaron (asɔfo no) abusuakuw: Sadok; **18** Yuda abusuakuw: Dawid nuabarima Elihu; Isakar abusuakuw: Mikael babarima Omri; **19** Sebulon abusuakuw: Obadia babarima Yismaia; Naftali abusuakuw: Asriel babarima Yerimot; **20** Efraim abusuakuw: Asasia babarima Hosea; Manase (atɔe fam) abusuakuw: Pedaia babarima Yoel; **21** Manase (apuei fam) abusuakuw: Sakaria babarima Ido; Benyamin abusuakuw: Abner babarima Yaasiel; **22** Dan abusuakuw: Yeroham babarima Asarel. Eyinom ne Israel mmusuakuw no ne wɔn ntuanfo. **23** Bere a Dawid ma wɔkan nnipa no, wɔankan wɔn a wonnii mfe aduonu, efise na Awurade ahye bɔ se ɔbɛma Israelfo no adɔso se ɔsoro nsoromma. **24** Yoab na ofii nnipakan no ase, nanso wanwie, efise Onyankopɔn bo fuw Israel. Wɔankyɛw nnipa no nyinaa dodow angu ɔhene Dawid nkrataa mu. **25** Adiel babarima Asmawet na na ɔhwɛ ahemfi sikakorabea so. Usia babarima Yonatan no na na ɔhwɛ ɔmantam no sikakorabea a ewowɔ nkurow, nkuraa ne aban a ewɔ Israel nyinaa so. **26** Kelub babarima Esri na na ɔhwɛ apaafɔ a na wɔdɔw ɔhene mfuw so. **27** Simeia a na ofi Rama na na ɔhwɛ ɔhene bobe mfuw so. Sabdi a ofi Sifim na na ɔhwɛ aba a wɔde ye nsa ne nsa a wɔaye so. **28** Baal-Hanan a ofi Geder no na na ɔhwɛ ɔhene ngonnya ne ankye nnua a na ewɔ Yuda bepow ase no so. Yoas na na ɔhwɛ ma

wɔyɛ ngo. **29** Sitrai a ofi Saron na na ɔhwɛ anantwi a na wɔwɔ Saron sare so no so. Adlai babarima Safat na na ɔhwɛ anantwi a wɔwɔ abon ahorow mu no so. **30** Ismaelni Obil na na ɔhwɛ yoma so. Yehdia a ofi Meronot na na ɔhwɛ mfurum so. **31** Yasis a ofi Hagar na na ɔhwɛ ɔhene nguan so. Saa mpanyimfo yi nyinaa na na wohwe ɔhene Dawid agyapade so. **32** Yonatan a na ɔyɛ Dawid wɔfa no yɛ ɔfotufɔ nyansafo maa ɔhene. Na ɔyɛ ɔkyerewfo a ɔwɔ nhumu. Na Hakmoni babarima Yehiel na na ɔkyerɛ ɔhene mmabarima ade. **33** Ahitofel na na ɔyɛ ɔhene fotufɔ. Na Husai a ofi Arki yɛ ɔhene adamfo. **34** Benaia babarima Yehoiada na odii Ahitofel ade na Abiatar betoaa adedi no so. Yoab na na ɔyɛ Israel asraafodɔm no so sahene.

28 Dawid frɛɛ ne mpanyimfo nyinaa kɔɔ Yerusalem.

Saa mpanyimfo no ne mmusuakuw no ntuanɔfo, asahene a wɔdɛda asraafodɔm akuw dumien no ano, asraafo mpanyimfo a wɔaka no, wɔn a wohwe ɔhene agyapade ne ne mmoa so, ahemfi nhenkwaa, akofo akɛse ne akofo a wɔaka wɔ ahenni no mu no. **2** Dawid sɔre gyinaa wɔn anim, kasa kyereɛ wɔn se, “Me nuanom ne me nkurɔfo, anka mepɛɛ sɛ misi asɔredan a wɔde Awurade Apam Adaka, Onyankopɔn anan ntiaso no besi afeboɔ. Meyɛ ho ahoboa nyinaa sɛ mede rebesi, **3** nanso Onyankopɔn ka kyereɛ me se, ‘Ense sɛ wusi asɔredan de hyɛ me din anuonyam, efise woyɛ ɔkofo a woahwie mogya bebreɛ agu.’ **4** “Nanso Awurade, Israel Nyankopɔn, ayi me wɔ m’agya abusua mu sɛ, minni ɔhene wɔ Israel so daa. Na wayi Yuda abusuakuw sɛ wonni hene na Yuda mmusua mu nso, oyii m’agya abusua. Na m’agya mma mu no nso, eyɛɛ Awurade fɛ sɛ osii me Israel nyinaa so hene. **5** Na me mmabarima pii a Awurade de wɔn maa me no mu nso, oyii Salomo sɛ ɔntena Awurade ahenni agua no so nni Israel so. **6** Ɔka kyereɛ me se, ‘Wo babarima Salomo na obesi m’asɔredan ne n’adiwo nyinaa, efise mayi no sɛ me babarima na meɛ n’agya. **7** Na sɛ ɔko so di m’ahyede ne me mmara so, senea ɔyɛ mprempren yi a, mema n’ahenni atim afeboɔ.’ **8** “Enti mprempren a Onyankopɔn yɛ yen dansifo yi, menam wo so de saa asodi yi ma Israel nyinaa a woyɛ Awurade manfo no: Monhwe yiye na munni Awurade, mo Nyankopɔn, ahyɛde nyinaa so senea mobɛfa saa asase pa yi, na moagyaw ama mo asefo sɛ wɔn agyapade daa. **9** “Afei, me ba Salomo, hu w’agyanom Nyankopɔn. Fa wo koma ne w’adwene nyinaa sɔre no, na som no. Efise Awurade hu koma biara mu, enti ohu na onim

emu nhyehyɛɛ ne nsusuwii biara. Sɛ wohwehwe no a, wubehu no. Na sɛ wopo no a, ɔbɛpo wo afeboɔ. **10** Enti fa no asenhia. Awurade ayi wo sɛ si asɔredan ma no, sɛ ne kronkronbea. Yɛ den, na di dwuma no.” **11** Afei Dawid de asɔredan no ho mfonɛ a sikakorabea, soro adan, emu adan ne emu kronkronbea a Apam Adaka no afɛfɛre mu a ɛho yɛ mpatabea, faako a wɔde Adaka no besi maa Salomo. **12** Nhyehyɛɛ biara a Honhom no de maa Dawid a ɛfa Awurade Asɔredan adiwo ho, akyi adan, Onyankopɔn Asɔredan no mu sikakorabea ne akyɛde a wɔde ama Onyankopɔn no, ɔkyerɛ Salomo. **13** Saa ara na ɔhene no kyereɛ Salomo dwuma a asɔfo ne Lewifo nkyekyɛmu ahorow no nyɛ wɔ Awurade Asɔredan no mu. Na ɔkyerɛkyerɛ nneɛma pɔtee a ɛwɔ Awurade Asɔredan no mu a wɔde sɔre Awurade ne nea wɔde bɔ afɔre. **14** Dawid kyereɛ sikakɔkɔɔ ne dwetɛ dodow a wɔmfa nyɛ nneɛma a ɛho behia. **15** Ɔkyerɛ Salomo sikakɔkɔɔ dodow a ɛho behia ama sikakɔkɔɔ akaneadua no ne akanea no, na ɔkyerɛ dwetɛ dodow a ɛho behia ama dwetɛ akaneadua no ne akanea no yɛ, ne ɔkwan ko a wɔbɛfa so de emu biara adi dwuma no. **16** Ɔkyerɛ sikakɔkɔɔ dodow a wɔmfa nyɛ ɔpon a wɔde Daa Daa Brodo no beto so; na ɔkyerɛ dwetɛ dodow a wɔmfa nyɛ apon a ɛka ho no. **17** Dawid san kyereɛ sikakɔkɔɔ dodow a wɔmfa nyɛ nam darewa a wɔde besuso afɔrebɔ nam mu, hweaseammɔ, sukuruwa ne nyowa ne dwetɛ dodow a wɔmfa nyɛ asanka biara. **18** Nea ɔde wɛɛ ne sɛ, ɔkyerɛ sikakɔkɔɔ a wɔabere ho dodow a wɔde beyɛ nnuhuam afɔremuka no ne sikakɔkɔɔ kerubim a ne ntaban atɛw wɔ Awurade Adaka no so. **19** Dawid ka kyereɛ Salomo se, “Saa mfonɛ yi nyinaa, Awurade nsa na ɔde kyereɛ maa me.” **20** Afei, Dawid toaa so se, “Yɛ den na ma wo bɔ nyɛ duru na yɛ adwuma no. Nsuro na mma dwumadi no keseyɛ ntu wo bɔ, efise Awurade Nyankopɔn, me Nyankopɔn, ka wo ho. Ɔrenni wo huammɔ na ɔrennya wo. Ɔbehwe sɛ dwumadi biara a ɛfa Awurade Asɔredan no si ho no, wobewie no pɛpɛɛpɛ. **21** Asɔfo ne Lewifo akuw no besom wɔ Onyankopɔn Asɔredan no mu. Wɔn a aka a wɔwɔ nimdɛɛ ahorow no nyinaa beyi wɔn yam aboa, na ntuanɔfo ne ɔman no nyinaa nso beyɛ biribiara a wobɛka.”

29 Afei, ɔhene Dawid dan n’ani kyereɛ ɔmanfo no kae se, “Me babarima Salomo a Onyankopɔn ayi no sɛ onni Israel so sɛ ɔhene foforo no da so yɛ abofra

a onni osuahu biara. Adwuma a eɗa n'anim no so, na Asoredan a obesi no nye dan hunu bi. Eɣe Awurade Nyankopɔn no ankasa de. 2 Mede nea mitumi ye biara adi dwuma, maboaboa nea matumi anya nyinaa ano ama me Nyankopɔn Asoredan no si. Mprempren, sikakɔkɔɔ, dwete, kɔbere mfrafrae, nnade ne nnua ne apopobibiri abo ne aboɔden abo, aboɔden agude ne abo pa ne abohemaa ahorow nyinaa pii wɔ ho. 3 Na esiane me ho a mede ama me Nyankopɔn Asoredan no nti, mede m'ankasa sikakɔkɔɔ ne dwete beboa ɔdan no si. Eyinom beka adansi no ho nneema a maboaboa ano ama asoredan kronkron no ho. 4 Mama Ofir sikakɔkɔɔ a eboro nsania ani tɔn ɔha ne dumien ne dwete a wɔahoa ho nsania ani tɔn ahannu aduosia abien a wɔde begu adan no afasu anim, 5 ne sikakɔkɔɔ ne dwete nnwuma a aka a adwumfo no beye no. Afei, hena na obeyi ne yam de n'ayeyede ama Awurade nne?" 6 Na abusua ntuanofɔ, Israel mmusuakuw ntuanofɔ, asahene ne asraafo mpanyimfo ne ɔhene adwumayefo nyinaa fii ɔpe pa mu mae. 7 Wɔmaa sikakɔkɔɔ beye tɔn ɔha aduwɔtwe awotwe, sika ankasa mpem du, dwete beye tɔn ahaasa aduɔson anum, kɔbere mfrafrae beye tɔn ahansia aduɔson anum ne nnade beye tɔn mpem ahaasa ahanson ne aduonum, de boaa Asoredan no si. 8 Wɔmaa aboɔden abo bebreɛ a wɔkɔkɔraa no wɔ sikakorabea a ewɔ Awurade fi maa Yehiel a ɔye Gerson aseni hwɛɛ so. 9 Nnipa no ani gyee ɔma no ho, efise wofi ɔpe pa ne koma pa mu na woyiyi maa Awurade, na ɔhene Dawid ani gyee yiye. 10 Na ɔhene Dawid kamfoo Awurade wɔ nnipa no nyinaa anim se, "Awurade, yen agya Israel Nyankopɔn, ayeyi nka wo daa nyinaa. 11 Keseye, ahooɔden, anuonyam, nkonimɔdi ne tumi ye wo de, Awurade. Biribiara a ewɔ ɔsoro ne asase so ye wo de, Awurade, na ahenni yi nso ye wo de. Yɛma wo so se wone ade nyinaa so tumfo. 12 Ahonya ne anuonyam fi wo nko ara, efise woye ade nyinaa sodifo. Tumi ne ahooɔden nyinaa wɔ wo nsam na wope mu na wufi ma nnipa ye kese na wonya ahooɔden. 13 Afei, yen Nyankopɔn, yɛda wo ase, na yekamfo wo din kronkron no. 14 "Na me ne hena na me nkurofo ne nnipa ben a yetumi kye wo biribi? Biribiara a yewɔ no fi wo nkyen, na nea yede ma wo no ye nea wode ama yen dedaw no. 15 Yewɔ ha mmere tiaa bi se nsrahwefo ne ahɔho wɔ asase a yen agyanom dii kan wɔ so no so. Yen nna wɔ asase so te se sunsuma a etwa mu ko ntɛm so a wonhu bio. 16 Awurade, yen Nyankopɔn, saa nneema a yeaboaboa

ano de rebesi asoredan de ahye wo din kronkron anuonyam yi mpo fi wo nkyen! Ne nyinaa ye wo dea. 17 Me Nyankopɔn, minim se wohwehwe yen koma mu, na se wuhu nokwareɔdi wo mu a, w'ani gye. Wunim se mede adwene pa na eyee eyinom nyinaa, na mahwe ahu senea wo nkurofo fi koma pa ne anigye mu de won akyede aba. 18 Awurade, yen agyanom Abraham, Isak ne Israel Nyankopɔn, ma wo nkurofo nye osetie mma wo daa. Mma ɔɔɔ a wode do wo no nsesa. 19 Ma me babarima Salomo koma nyinaa mu ɔpe pa, na onni w'ahyede, wo mmara ne wo nkyerekyerɛ so, na onsi saa Asoredan yi a maye ho ahoboa nyinaa no." 20 Afei, Dawid ka kyereɛ ɔmanfo no nyinaa se, "Monkamfo Awurade, mo Nyankopɔn!" Na ɔmanfo no nyinaa kamfoo Awurade, won agyanom Nyankopɔn, na wokotow buu nkotodwe wo Awurade ne ɔhene no anim. 21 Ade kyee no, wode anantwinini apem, adwennini apem ne nguamma anini apem bebɔɔ ɔhyew afɔre maa Awurade. Wosan gyinaa Israel anan mu, de ɔnom afɔrebode pii ne afɔrebode ahorow bae. 22 Wode ahosepew didi nomee da no wɔ Awurade anim. Na bio, wɔhyee Dawid babarima Salomo ahenkyew se won hene foforo. Wosraa no ngo wɔ Awurade anim se won ntuanoni, na wosraa Sadok nso ngo se won sofo. 23 Na Salomo tenaa Awurade ahengua no so se n'agya Dawid nanmusini, na ɔkɔɔ so yiye, na Israel nyinaa tieɛ no. 24 Adehye mpanyimfo nyinaa, asahene ne Dawid mmabarima nyinaa sua kyereɛ ɔhene Salomo. 25 Na Awurade pagyaw Salomo maa Israelman no maa no nidi nwonwaso, na ɔmaa Salomo ahonya ne anuonyam sen n'agya. 26 Enti Yisai babarima Dawid dii Israel nyinaa so hene. 27 Odii hene wo Israel mfe aduanan a ne nkyeremu ne se, odii Hebron so mfe ason, na mfe aduasa abiesa nso, ɔtenaa Yerusalem. 28 ɔtenaa ase kyee, nyinii yiye, nyaa ahode ne anuonyam ansa na ɔrewu. Na ne babarima Salomo dii n'ade se ɔhene. 29 Efi ɔhene Dawid adedi mfiase de kosi n'awie mu nsem nyinaa, wɔakyerew agu ɔdehufo Samuel abakɔsem nhoma, odiiyifo Natan abakɔsem nhoma ne ɔdehufo Gad abakɔsem nhoma mu. 30 N'adedi mu akokodurusɛm ne biribiara a ebaa ne so, Israel ne ahenni ahorow a atwa ne ho ahyia nyinaa nso ye nsem a wɔakyerew.

2 Beresosɛm

1 ɔhene Dawid babarima Salomo soo ahenni no mu den, efise Awurade, ne Nyankopɔn kaa ne ho maa no tumi a ɛso. **2** Ɔfrɛɛ Israel nyinaa, asahene ne asraafodom ntuanofɔ, atemmufɔ, amanye ne mmusua ntuanofɔ nyinaa. **3** Na Salomo dii nnipa no nyinaa anim kɔɔ bepɔw Gibeon so baabi a wɔde Onyankopɔn Ahyiae Ntamadan no asi. Eyi yɛ Ntamadan a Mose a ɔyɛ Awurade somfo sii wɔ sare no so no. **4** Na Dawid ayi Onyankopɔn Adaka no afi Kiriath-Yearim de ako ntamadan sononko bi a wasi wɔ Yerusalemmu. **5** Nanso na kɔbere mfrafrae afɔremuka a Hur nena a ɔyɛ Uri babarima Besaleel sii no da so wɔ Gibeon, wɔ Awurade Asɔredan no anim. Enti Salomo ne nnipa no boaa wɔn ho ano wɔ ho, bisaa Awurade akwankyerɛ. **6** Hyiadan no anim ho, Salomo foro kɔɔ kɔbere mfrafrae afɔremuka no ho wɔ Awurade anim, bɔɔ ɔhyew afɔre ahorow apem wɔ so. **7** Da no anadwo, Onyankopɔn yii ne ho adi wɔ dae mu kyerɛ Salomo, bisaa no se, “Den na woƆ? Bisa na mede bɛma wo!” **8** Salomo buaa Onyankopɔn se, “Wudii m’agya Dawid nokware na woƆɛ ne no adɔe, na afei wode me asi n’anan mu se ɔhene. **9** Na afei Awurade Nyankopɔn, mesɛ wo di bo a wohyɛ m’agya Dawid no so, efise wode me asi nnipa a wɔn dodow te se asase so mfutuma so hene. **10** Ma me nyansa ne nimdeɛ, na memfa nni wɔn so yiye, na hena koraa na obetumi adi wo man kese sɛ so?” **11** Onyankopɔn ka kyerɛ Salomo se, “Esiame se w’ahiasɛm kese ne se woƆ se wɔboa wo manfo, na woammisa ahode, anuonyam anaa w’atamfo wu anaa nkwa tenten, na mmom, wubisaa nyansa ne nimdeɛ a wode bedi me nkurɔfo so yiye nti, **12** mɛma wo nyansa ne nimdeɛ a wubisae no. Afei, mɛma wo sika, ahode ne anuonyam a ɔhene biara a wadi w’anim no nnyaa bi da, nanso ɔrennya no saa da biara da.” **13** Na Salomo fii hyiadan a ɛwɔ Gibeon bepɔw no so no mu san kɔɔ Yerusalemmu kodii hene wɔ Israel so. **14** Salomo nyaa nteaseɛnam ne apɔnkɔ bebreɛ. Na ɔwɔ nteaseɛnam apem ahannan ne apɔnkɔ mpem dumien. Ɔde emu fa kese guguu nteaseɛnam nkuroƆn no so na ɔmaa bi nso kaa Yerusalemmu. **15** Salomo bere so no, dwete ne sikakɔkɔɔ buu so se abo wɔ Yerusalemmu. Na sida abɔɔden nnua nso buu so se ankye nnua a na abu so wɔ Yuda mmepɔw no ase no. **16** Na Salomo tɔɔ apɔnkɔ fii Misraim ne Kilikia, efise na ɔhene no aguadifo nya wɔn fi Kilikia a wɔn bo no ye. **17** Saa bere no na

wotumi tɔ Misraim nteaseɛnam a wɔde ba Yerusalemmu no nnwetɛbona kilogram ason, na apɔnkɔ nso, wotumi tɔ no nnwetɛbona kilogram abien. Wɔn nso kɔtɔntɔn wɔn nyinaa maa Hetifo ne Aram ahemfo.

2 Salomo hyɛɛ se wonsi Awurade Asɔredan ne n’ankasa n’ahemfi. **2** Ɔfaa apaafo mpem aduɔson ne abotwafo mpem aduɔwɔtwe fii bepɔw so aman mu ne nnipa mpem abiesia ne ahansia a wodi adwuma no anim. **3** Salomo de nkra yi kɔmaa Tirohene Hiram: “Brɛ me sida nnua te se nea wɔde brɛɛ m’agya Dawid, bere a na ɔresi n’ahemfi no. **4** Merebesi Asɔredan ahyɛ Awurade, me Nyankopɔn din anuonyam. Ebeɛ baabi bi a wɔayi asi ho se wɔnhyew nnuhuam ne kurobow wɔ n’anim, nna afɔrebɔde brodo sononko no adi, na wɔmmɔ ɔhyew afɔre ahorow homeda biara, anɔpa ne anwummere, Ɔsram Foforo biara afahyɛ ahorow ne Awurade yɛn Nyankopɔn nnapɔnna biara. Ɔno na wahyɛ Israel se wɔnye saa nneɛma yi daa daa. **5** “Eyi beɛ Asɔredan a ɛso na eyɛ fe, efise yɛn Nyankopɔn no ye ɔnwɔnwani a ɔso kyɛn ɔfoforo biara. **6** Hena na obetumi asi ofi a efata ama no? Ɔsorosoro mpo ntumi nkora no. Na me sɛɛ ne hena a mesi asɔredan ama no? Nea metumi aye ara ne se mesi baabi a wɔbɛbo afɔre ama no. **7** “Enti ma me odwumfo a ne nsa ano adwuma ye fe a obetumi de sikakɔkɔɔ, dwete, kɔbere mfrafrae ne nnade adi adwinni; obi a onim senea wohyɛ ntama aduru ma eyɛ bibiri, kɔkɔɔ ne tuntum ma eyɛ fe yiye ne sika dwumfo a wakwadaw adwuma mu, a ɔne Yuda ne Yerusalemmu adwumfo a m’agya Dawid yii wɔn no beɛ adwuma. **8** “Afei, fa sida, ɔpepaw ne ɔbako nnua fi Lebanon brɛ me, efise, minim se wo mmarima no akyi no, obi nni ho wɔ nnuabu mu; na mɛsoma me mmarima na wɔabɛboa wɔn. **9** Asɔredan a merebesi no kese ne ne fe a ebeɛ nti, nnua bebreɛ ho behia me. **10** Mede atoko susukoraa mpem aduonu, nsa gyare mpem aduonu ne du ne ngo mpem aduonu betua wo mmarima no ka.” **11** Enna ɔhene Hiram kyerew saa mmuae yi de kɔmaa Salomo: “Esiame se Awurade dɔ ne nkurɔfo nti na ɔde wo asi wɔn so hene. **12** “Nhyira nka Awurade, Israel Nyankopɔn a ɔbɔɔ ɔsoro ne asase! Wama Dawid ɔba nyansafo a wadom no adwene ne ntease a obesi Asɔredan ama Awurade ne ahemfi ama n’ankasa ho. **13** “Merebre wo odwumfo a ne nsa ano adwuma ye fe a wɔfrɛ no Hiram-Abi. Ɔyɛ onyansafo ankasa **14** a ɔyɛ ɔbea bi a ofi Dan a ɛwɔ Israel babarima; n’agya nso fi Tiro. Ɔyɛ sikakɔkɔɔ, dwete, kɔbere mfrafrae ne nnade dwumfo ankasa. Na

awo abotwa, nnua adwinni ne ntamanwen ho nyansa nso. Ɔye ɔbenfo wo ntama bibiri, tuntum ne kɔkɔ hye mu. Na otumi de sirikyitam di dwuma nso. Afei nso, ɔye sika dwumfo a otumi di adwinni biara a wɔde ma no. Ɔne w'adwumfo ne won a me wura Dawid a ɔye w'agya no yii won no beye adwuma. **15** “Fa atoko, ngo ne nsa a wokaa ho asem no bra. **16** Nnua biara a eho hia no, yebetwa afi Lebanon mmepow so, na yede aye mpata agu asu ani, fi Ntam Po no mpoano akosi Yopa. Na efi ho no, wubetumi de ako Yerusalem.” **17** Salomo kan ahoho dodow a wɔwɔ Israel asase so, te se nea n'agya kenkan nnipa no. Onyaa nnipa mpem oha aduonum abiesa ne ahansia. **18** Ɔmaa won mu mpem aduɔson yee apaafɔ. Won mu mpem aduɔwɔtwe yee abotwafo wo won mmepow nkurow no so, na won mu mpem abiesa ne ahansia yee won a wodi nnwuma no anim.

3 Na Salomo fii ase sii Awurade Asɔredan no wo Yerusalem Moria bepɔw so a eho na Awurade yii ne ho adi kyeree Salomo agya Ɔhene Dawid no. Wosii Asɔredan no wo Yebusini Arauna awiporowbea ho, baabi a Dawid yi too ho no. **2** Salomo dii ade no, ne mfe anan so, Adar ɔsram (beye Oforisuo) mu, na wofii ɔdan no si ase. **3** Na Onyankopɔn Asɔredan no fapem ntwemu ye anammɔn aduɔkron, na ne tɔew mu ye anammɔn aduasa. **4** Ntwironoo a ewɔ Asɔredan no anim tɔew ye anammɔn aduasa, a ene Asɔredan no tɔew ye pɛ. Afasu a ewɔ ntwironoo no mu no nyinaa, wɔde sikakɔkɔ adura mu. Ntwironoo no sorokɔ ye anammɔn aduasa. **5** Ɔpɛpaw nnua na wɔde sam Asɔredan no mu, na wɔde sikakɔkɔ ankasa guu so, dii mmedua ne nkɔnsɔnkɔnsɔn adwinni wo so. **6** Abohemaa a eye fe ne sikakɔkɔ a efi Parwaim na wɔde siesiee Asɔredan no afasu ho. **7** Wɔde sikakɔkɔ guu Asɔredan no afasu, afadum, apon ne abobow ano nyinaa ho, na wodii kerubim seso adwinni wo afasu no ho. **8** Na Kronkron mu Kronkron ho tɔew ye anammɔn aduasa te se asɔredan no ara, ne ntwemu nso ye anammɔn aduasa. Sikakɔkɔ ankasa beye nkaribo tɔn aduonu abiesa na wɔde guu so. **9** Sikakɔkɔ nnadewa a biara kari beye gram ahannum ne aduɔson anum na wɔde dii ɔdan no ho dwuma. Sikakɔkɔ ankasa na wɔde guu soro adan no afasu ani. **10** Salomo yee kerubim seso abien, de sikakɔkɔ ankasa guu ho. Wɔde eyinom sisii Kronkron mu Kronkron ho. **11** Kerubim abien no a wosisi ho no ntaban ka bo mu a, ne tɔew ye anammɔn aduasa. Kerubim baako ntaban

baako a epem ɔfasu no tenten ye anammɔn ason ne fa. Ntaban baako no nso a eye anammɔn ason ne fa no, ene kerubim baako no ntaban hyia. **12** Saa ara nso na kerubim a ɔto so abien no ntaban baako mu tɔew ye anammɔn ason ne fa, na epem Asɔredan no fasu a ene ɔfasu baako no di nhweanim. Ntaban baako a aka no nso tɔew a eye anammɔn ason ne fa no, ehyia kerubim a edi kan no ntaban baako. **13** Enti na kerubim abien no ntaban mu tɔew ye anammɔn aduasa. Na won nyinaa sisi ho a won anim kyere Asɔredan no mu. **14** Salomo de ntwamtam a ɔde bibiri ne asaawa a ebere dum ne koogyan ne nwera aye, a wɔanwen kerubim nsesode agu mu, sen Kronkron mu Kronkron no kwan ano. **15** Asɔredan no anim, Salomo yee afadum abien a emu biara sorokɔ ye anammɔn aduonu ason. Na ntaaso kata emu biara atifi a eno nso sorokɔ ye anammɔn ason ne fa. **16** Ɔyee ntweaban nkɔnsɔnkɔnsɔn, de siesiee afadum no atifi. Ɔsan yee atoa aba nseso fefe de susoo ntweaban no mu. **17** Afei, ɔde afadum abien no sisii Asɔredan no ano kwan ano. Ɔde baako sii ɔkwan no anafo fam no ano, na ɔde baako nso sii atifi fam. Ɔtoo nea ewɔ anafo fam no din Yakin, na nea ewɔ atifi fam no, ɔtoo no din Boas.

4 Salomo san yee kɔbere mfrafrae afɔremuka a ne tenten ye anammɔn aduasa, ne tɔew ye anammɔn aduasa saa ara, na ne sorokɔ ye anammɔn dunum. **2** Afei, ɔyee nsukorade kese kurukuruwa bi a efi ano kɔka ano ye anammɔn dunum. Wɔtoo no din Po. Na emu ɔɔ ye anammɔn ason ne fa, na ne dantaban ye anammɔn aduanan anum. **3** Na Po no wo nsesode a ete se anantwi a atwa afa ano no ase ahyia. Anammɔn baako biara mu no, na anantwi seso asia wo so a wɔagu ama afra nsukorade no. **4** Na Po no si nsiase a eye kɔbere mfrafrae anantwi dumien seso so. Na won nyinaa ani kyerekyere abɔnten. Abiesa ani kyere atifi fam. Abiesa ani kyere atɔe fam. Abiesa kyere anafo fam, na abiesa nso ani kyere apuei fam. **5** Po no afasu mu piw ye beye nsateaa abiesa, na n'ano no tɔew te se kuruwa a ese sukooko nhwiren a apae. Na Po no tumi kora nsu gyare mpem dunsia ne ahannum. **6** Ɔyee guasen du a wɔkora nsu a wɔde hohoro afɔrebode ho. Na emu anum wo Po no anafo fam na anum wo atifi fam. Asɔfo no de, na Po no ankasa mu nsu na na wɔde hohoro won ho, na wɔmmfa guasen no mu nsu no bi. **7** Salomo de sikakɔkɔ yee akaneadua du, sene wɔkyeree no se ɔnye no no, de sisii Asɔredan no mu. Wɔde mu anum sisi ben anafo fam ɔfasu, na wɔde

mu anum a aka no nso sisi ben atifi fam ofasu no. **8** Afei, ɔyee apon du de sisii Asoredan no mu. Wode mu anum sisii anafo fam ofasu no anim, na wode mu anum a aka no nso sisii atifi fam ofasu no anim. Afei, ɔyee sikakokoo guasen oha. **9** Salomo sii adiwo maa asofo no, san sii adiwo kese bi wo Asoredan no mfikyiri. ɔyee apon totoo adiwo akwan no ano, na ode kobere mfrafrae duraa ho. **10** Wode Po no sii anafo fam ne apuei fam afasu ahyiae no twotwow so ho. **11** Hiram-Abi yee nkuku, nsofi ne guasen a eho hia nyinaa. Nea ohene Salomo kyeree Hiram-Abi se onye wo Onyankopon Asoredan no ho no nyinaa no, ɔyee. **12** Afadum abien, afadumti a woye no se asuhina abien a esisi afadum no atifi, ntweaban a woye no se atena abien a wode asiesie afadumti no, **13** ne atoa nseso ahannan a esensen nkonsankonsan a egu ntaaso no so (atoaa a woyehyehye no ntenten so abien a biara sa nkonsankonsan a esensen ntaaso a egu afadum no atifi no so no). **14** ɔyee nsu nteaseenam a guasen no sisi so, **15** Po no ne anantwi seso dumien a woye ase, **16** nkuku, nsofi, nam nnarewa ne nneema a ekeka ho nyinaa. Hiram-Abi de kobere mfrafrae a wabere ho na eyee saa nneema yi nyinaa maa Awurade Asoredan no, senea Ohene Salomo hyee no no. **17** Ohene no ma woguu no wo kankua a na ewo Yordan tataw a na ewo Sukot ne Sereda ntam no so. **18** Kobere mfrafrae a wode dii dwuma no dodow nti, wwantumi anhu emu duru ano. **19** Na Salomo yee nneema a wode siesie Onyankopon Asoredan no mu nyinaa: sikakokoo aforemuka; apon a wode Daa Daa Brodo gu so; **20** kanea nnua ne n'akanea a wode sikakokoo aye a ebhyeren wo Kronkron mu Kronkron no anim senea woakyere no; **21** nhwiren a wode siesie, akanea ne adabaw a wode sikakokoo ankasa na eyee ne nyinaa; **22** akanea adabaw, guasen, nyowa ne nkankyee a wonoa mu, ne nyinaa ye sikakokoo ankasa; apon a wosisii wo okwan a eko Kronkron mu Kronkron ne nea eko Asoredan no dan kese mu no, wode sikakokoo na eduraduraa ho nyinaa.

5 Bere a Salomo wiee Awurade Asoredan no si ho dwumadi no, ode akyede a n'agya, Ohene Dawid, de maa Awurade, a eye dwete, sikakokoo ne nneema a aka no bae. Wokoraa eyinom nyinaa wo Onyankopon Asoredan no sikakorabea ho. **2** Afei, Salomo ffee mmusuakuw ne mmusua ntuanofa a wowo Israel nyinaa se wommehyia wo Yerusaleim. Na ese se woyi Awurade Apam Adaka no fi baabi a esi wo Dawid

kurow a na wosan ffe ho Sion no, de ko beae foforo wo Asoredan no mu ho. **3** ɔsram Bul (beyee Ahinime) a woredi afirihyia Asese Afahye no, won nyinaa behyiaa wo ohene anim. **4** Bere a Israel mpanyimfo beduu ho no, Lewifo no pagyaw Adaka no **5** ne ntamadan sononko ne eho nneema kronkron no nyinaa. Lewifo asofo no soa koo Asoredan no mu. **6** Ohene Salomo ne Israelfo no nyinaa twaa nguan ne anantwi a won dodow nti, obi ntumi nkan won, de boo afore wo adaka no anim. **7** Afei, asofo no maa Awurade Apam Adaka no so, de koo Asoredan no kronkronbea a eho ye Kronkron mu Kronkron ho. Wode sii kerubim no ntaban ase. **8** Na kerubim no ntaban trew wo Adaka a ne nnua hyehye ho no so, te se kyinii. **9** Na nnua no woware yiye; enti se obi gyina Asoredan no ano kwan ano a oho. Ne nyinaa da so wo ho besi nne. **10** Na biribiara nni adaka no mu se abo apon abien a Mose de guu mu wo Horeb, bere a Awurade ne Israelfo a na woatu afi Misraim no yee apam no. **11** Afei, asofo no fii kronkronbea ho. Saa bere yi, na asofo a wowo ho no nyinaa, se wowo dwuma bi di ana wonni hwee ye, adwira won ho. **12** Lewifo nnwontofo, Asaf, Heman, Yedutun, won mmabarima ne won nuanom nyinaa hyehyee nwera batakaru gyinagyinaa aforemuka no apuei fam, na woboo kyenkyen, mmenta ne asankuten. Asofo oha aduonu a worehyen torobento bekaa won ho. **13** Ntorobentohyenfo ne nnwontofo no nyinaa boo mu too dwom de kamfoo Awurade, daa no ase. Wode ntorobento, kyenkyen ne nnwontode ahorow bekaa won ho, maa won nne so kamfoo Awurade se: "Oye! Na n'adwe wo ho daa!" Saa bere no mu ara, omununkum behyee Awurade asoredan no ma. **14** Asofo no antumi antoa won adwuma no so, efise Awurade anuonyam behyee Onyankopon Asoredan no ma.

6 Na Salomo boo mpaee se, "Awurade, woaka se wobetena omununkum kabii mu. **2** Afei, masi Asoredan a eho wo nyam ama wo, baabi a wubetumi atena afeboo." **3** Na ohene no dan ne ho de kyeree Israelfo a wogynagyina n'anim no, hyiraa won se, **4** "Nhyira nka Awurade, Israel Nyankopon, a wadi bo a ohyee m'agya Dawid no so, efise aka kyeree m'agya se, **5** 'Efi da a miyii me nkurofo fii Misraim no, minyii kuropon biara mfii Israel mmusuakuw no mu se baabi a ese se wosi Asoredan, de hye me din anuonyam. Enna nso, minyii ohene biara se onni me nkurofo Israelfo anim. **6** Nanso afei mayi Yerusaleim se kuropon

no, ne Dawid se ohene no.” 7 Afei, Salomo kae se, “M’agya Dawid pɛɛ se asi Asɔredan yi de hye Awurade, Israel Nyankopɔn din anuonyam. 8 Nanso Awurade ka kyereɛ no se, ‘Eye se wope se wusi asɔredan de hye me din anuonyam, 9 nanso enye wo na wobeye. Mmom, wo mmabarima no mu baako na obesi.’ 10 “Na afei Awurade aye nea ohyeɛ ho bo no, efise efise madi ade se ohene, asi m’agya anan mu. Masi saa Asɔredan yi de ahye Awurade, Israel Nyankopɔn din anuonyam. 11 Eho na mede Adaka no asi, na Adaka no mu nso na apam a Awurade ne Israelfo yee no hye.” 12 Na Salomo tɛw ne nsam wo Awurade afoɛmuka ne Israel manfo no nyinaa anim. 13 Na wabo kobere mfrafrae apa a ne ntwemu ye anammɔn ason ne fa, ne tɛw ye anammɔn ason ne fa, na ne soroko ye anammɔn anan ne fa, de asi asɔredan no adiwo mfimfini. Ogyinaa apa no so wo nnipa no nyinaa anim. Obuu nkotodwe, maa ne nsa so kyereɛ ɔsoro. 14 Ɖɔbo mpae se, “Awurade, Israel Nyankopɔn, Onyankopɔn biara nni ho se wo wo ɔsoro ne asase so nyinaa. Wodi wo bohye so, na woda wo do a ewo ho daa no adi kyere won a wotie wo na won ani gye se wobeye w’apede nyinaa. 15 Wo bo a wohyeɛ wo somfo Dawid a aye m’agya no, woadi so. W’ankasa w’ano na wode hye bo no, na nne, wonam w’ankasa wo nsa so ama aba mu. 16 “Afei, Awurade, Israel Nyankopɔn ko so di wo bo a woahye wo somfo, m’agya Dawid, no so. Efise, woka kyereɛ no se, ‘Se w’asefo bo won bra yiye, na wodi me mmara so senea woaye no a, wobedi Israel so hene daa daa.’ 17 Afei, Awurade, Israel Nyankopɔn, di saa bo a woahye wo somfo Dawid no so. 18 “Eye nokware se Onyankopɔn betena nnipa mu wo asase so? Ɖsorosoro noho mpo ntumi nkora wo, na ebeye den na Asɔredan a masi yi betumi akora wo. 19 Tie me mpaebɔ ne m’abisade, Awurade, me Nyankopɔn. Tie sufɛ ne mpae a wo somfo rebɔ no. 20 Hwe saa Asɔredan yi so, baabi a woaka se wode wo din beto so no, awia ne anadwo. Daa, tie me mpae a mebo wo ha no. 21 Tie m’ahobrease ne nokware adebisa a me ne wo nkurofo Israelfo bo mpae wo ha de to w’anim no. Yiw, tie yen fi ɔsoro faako a wote no; na se wote nso a, fa kye. 22 “Se obi fom obi, na eho hia se aka ho ntam se onnim ho hwee wo afoɛmuka no anim wo Asɔredan no mu a, 23 tie fi ɔsoro, na bu w’asomfo baanu no a eye nea woabo no sobo no ne sobobofo no ntam aten. Nea odi fo no, twe n’aso na gyaa nea odi bem no. 24 “Se wo nkurofo Israelfo ye bone tia wo, na

eno nti won atamfo di won so nkonim na wosan ba wo nkyen, bo wo din na wabo wo mpae wo Asɔredan yi mu a, 25 tie fi ɔsoro, na fa won bone kye won, na ma wosan nko asase a wode maa won agyanom no so. 26 “Se wo nkurofo ye bone tia wo, na eno nti woto ɔsoro mu na osu anto na wabo mpae wo Asɔredan yi mu, bo wo din, twe won ho fi won bone ho, efise woatwe won aso a, 27 tie fi ɔsoro, na fa w’asomfo, wo nkurofo Israelfo, bone kye won. Kyere won ade trenee ye, na to osu gu w’asase a wode ama wo nkurofo se won agyapade sononko no so. 28 “Se okom si asase no so anaa oyaredom ba so anaa nnobae nyarewa ba anaa mmoadabi ne asa begu nnobae so, anaa wo nkurofo atamfo ba asase no so betua won nkuro wo, senea ohaw no te biara no, 29 se wo nkurofo bo mpae wo won haw ne awerehow ho, na wopagyaw won nsa wo asɔredan yi mu a, 30 tie fi ɔsoro, nea wote ho, na fa kye. Fa biribiara a efata wo nkurofo no ma won, na wo na wunim won koma mu, efise wo nko ara na wunim nnipa koma mu. 31 Eno akyi no wobesuro wo na woanantew w’akwan so mmere dodow a wote asase a wode maa yen agyanom no so. 32 “Na se ananafo te wo nka ne wo nsenkyerenne akese no, na wofi akyirikyiri besom wo din kese no, bo mpae de won ani kyere Asɔredan yi a, 33 tie fi ɔsoro nea wote ho, na ye won abisade ma won. Na ebema nnipa a wote asase so nyinaa ahu, asuro wo, senea wo nkurofo Israelfo no ye pɛpɛpɛ. Won nso behu se, wo din na eda saa Asɔredan a masi yi so. 34 “Se wohye wo nkurofo ma wopue, koko tia won atamfo, na se wabo mpae, sre Awurade fa saa kuro wo yi a woayi yi, ne saa Asɔredan a masi de wo din ato so yi ho a, 35 tie won mpaebɔ fi ɔsoro, na ye won abisade ma won. 36 “Se woye bone tia wo mpo a, hena na onye bone da? Wo bo befuw won ama won atamfo adi won so, afa won nkoa de won ako ananasase so, se ewo akyiri anaa eben. 37 Na saa ahohosase no so, wode ahonu san ba wo nkyen, bo mpae se, ‘Yeaye bone; yeaye amumoyesem ne atirimodensem,’ 38 na se wode won koma ne won kra nyinaa ba wo nkyen, bo mpae fa asase a wode maa won agyanom, saa kuro wo yi a woayi ne saa asɔredan a masi de ahye wo din anuonyam yi ho a, 39 tie won mpaebɔ no fi ɔsoro, nea wote ho. Di won asem ma won, na fa bone a wo nkurofo aye atia wo no kye won. 40 “Afei me Nyankopɔn, bue w’aniwa na wen w’aso tie mpae a wabo wo ha no nyinaa. 41 “Afei, Awurade

Nyankopɔn, sɔre na bra w'ahomegyebea, **42** “Awurade Nyankopɔn, nyi w'ani mfi nea woasra no ngo no so.

7 Salomo wiee ne mpaebɔ no, ogya fi ɔsoro behyew ɔhyew afɔre ne afɔrebɔde no, na Awurade anuonyam behyee Asɔredan no ma. **2** Asofo no mpo antumi anhyen Awurade Asɔredan no mu, efise na Awurade anuonyam ahye ho ma. **3** Bere a Israelfo nyinaa huu se ogya no reba fam, na Awurade anuonyam rehye Asɔredan no ma no, wɔn nyinaa hwehwee fam de wɔn anim butubutu wɔ ho, sɔree Awurade kamfoo no se, “Oye! Na n'adɔe wɔ ho daa!” **4** Afei, ɔhene no ne ne nkurɔfo no nyinaa bɔɔ afɔre maa Awurade. **5** ɔhene Salomo de anantwi mpem aduonu abien ne nguan mpem ɔha aduonu bae se n'afɔrebɔde. Enti ɔhene no ne manfo no nyinaa buee Onyankopɔn Asɔredan no ano. **6** Asofo no gyinagyinaa wɔn afa, na saa ara na Lewifo a wɔreto dwom se, “N'adɔe wɔ ho daa!” no nso yee. Wɔde nnwontode a Dawid yee se wɔmfa nkamfo Awurade no gyigyee nnwonto no ho. Asofo a wone Lewifo no di nhweanim no hyen ntorobento, bere a na Israelfo no nyinaa gyinagyinaa ho no. **7** Na afei, Salomo buee adiwo mfimfini a ewɔ Awurade Asɔredan no anim no ano, senea ebeye a wobetumi abɔ ɔhyew afɔre na woahyew sraɔde a efi asomdwoe afɔre mu no wɔ ho. ɔyee saa, efise kobere mfrafrae afɔremuka a na wasi no esua ma ɔhyew afɔre, atoko afɔre ne sraɔde afɔre nyinaa no. **8** Solomo dii Guankɔbea Afahye toaa so nnanson na nnipadɔm fifi Israel mmusuakuw no nyinaa mu bae. Wofifi akyirikyiri te se Lebo Hamat a ewɔ atifi fam kosi Misraim asuwa anafo fam no. **9** Da a ɛto so awotwe no, wɔde afahye no kɔɔ n'awie, efise na wɔde nnanson abue afɔremuka no ano na wɔde nnanson nso adi Guankɔbea Afahye no. **10** Afahye no awiei no, Salomo maa obiara kɔɔ ne kurom. Wɔn nyinaa ani gyei, efise na Awurade ne Dawid, Salomo ne nkurɔfo Israelfo adi no yiye. **11** Na Salomo wiee Awurade Asɔredan no ne ahemfi no si. Owiee biribiara a ɔhyehye too ho se ɔbeye no. **12** Afei, da bi anadwo, Awurade yii ne ho adi kyeree Salomo, na ɔka kyeree no se, “Mate wo mpaebɔ, na mayi saa Asɔredan yi se baabi a wɔmmɔ afɔre. **13** “ɛto da a, ebia meto ɔsorosoro mu, enti osu rentɔ, anaa ebia mɛma mmoadabi abesee mo nnɔbae anaa ebia mɛma ɔyaredɔm aba mo so. **14** Na se me nkurɔfo a wɔde me din fre wɔn no bebre wɔn ho ase, abɔ mpaɛ, ahwehwe me, na wɔadan a fi wɔn amumɔyesem ho a, mete wɔ ɔsoro, na mede wɔn bone

akyɛ wɔn, asa wɔn asase yare. **15** Mpaɛ biara a wɔbɛbɔ wɔ ha no, metie, **16** efise mayi saa Asɔredan yi asi ho se me fi daa daa. M'aniwa ne me koma bɛtena ha daa. **17** “Na wo de, se wudi m'akyi senea w'agya Dawid yee, na wutie m'ahyede, di me mmara nyinaa so a, **18** meremma obiara mfa w'ahengua nkɔ. Saa bɔ koro yi ara na mehyee w'agya Dawid bere a mekaa se, ‘Meremma onipa a obedi Israel so hene mmɔ no no.’ **19** “Nanso, se wugyaw me, na wubu mmara ne m'ahyede a mede ama mo no so, na wokɔsom anyame foforo a, **20** ɛno de, metutu Israelfo ase a fi m'asase a mede ama wɔn yi so. Mɛpo saa Asɔredan a mayi asi ho a mede hye me din anuonyam no. Meye no ahohorade ama aman nyinaa ahu. **21** ɛwo mu, saa asɔredan yi ye fe de, nanso ebeye atantanne ama wɔn a wotwa mu wɔ ho no. Wobebisa se, ‘Adɛn nti na Awurade ama nneɛma a eye hu se aba n'asase ne n'Asɔredan yi so?’ **22** Na mmuae beye se, ‘Efise ne nkurɔfo poo Awurade, wɔn agyanom Nyankopɔn a oyii wɔn fii Misraim, kɔsom anyame foforo. ɛno nti, na ɔmaa saa amanehununi yi nyinaa baa wɔn so.”

8 Salomo dii hene no, ne mfe aduonu so na owiee Awurade Asɔredansi dwumadi kese ne n'ankasa ahemfi no si. **2** Afei, Salomo de n'adwene kɔɔ nkurow a ɔhene Hiram de ama no no so. Osiesiee nkurow no, na ɔmaa Israelfo no kɔtenatenaa mu. **3** Saa bere no ara mu nso na Salomo ko tiaa kurow Hamat-Soba, dii so nkonim. **4** ɔkyekyeree Tadmor bio wɔ sare so, na ɔkyekyeree nkurow wɔ Hamat mantam mu a eho na na wokora nneɛma. **5** ɔbɔɔ nkuropon a na ewɔ atifi Bet-Horon ne anafo Bet-Horon no ho ban. ɔsan too wɔn afasu no, de apon a wobram akyi totoo ano. **6** Saa ara na ɔsan kyekyeree Baalat ne mmeaemmeae a wokora nneɛma wɔ ho, san kyekyeree nkuropon a wɔbɛkora ne nteaseɛnam ne n'apɔnkɔ wɔ ho. ɔkyekyeree mmeaemmeae bi wɔ Yerusalem ne Lebanon ne ahemman no nyinaa mu maa ne koma too ne yam. **7** Ebesi saa bere no, na nnipa bi tete asase no so a wɔnye Israelfo. Na saa nnipa no ye Hetifo, Amorifo, Perisifo, Hewifo ne Yebusifo. **8** Eyinom ye aman a Israel ntɔre wɔn ase korakora no asefo. ɛno nti, Salomo hyee wɔn ma woyee adwuma maa no. Na ebesi nne, wɔsom se apaafɔ. **9** Nanso Salomo anhye Israelni biara amma wanye adwuma se ɔpaani. Mmom, ɔmaa ebinom kɔyee asraafɔ, mpanyimfo wɔ n'akofo so ne ne nteaseɛnam ne n'apɔnkɔkafo so asahene.

10 Ɖhene Salomo yii wɔn mu ahannu aduonum ma wɔkɔhwɛ ne nkɔsodwuma so. 11 Salomo yii ne yere a ɔye Farao babea fii Dawid kurow mu, de no kɔɔ ahemfi oforo a wasi ama no no mu. Ɖkae se, “Ense se me yere tena Ɖhene Dawid ahemfi, efise na Awurade Apam Adaka no si ho, enti eho ye asase kronkron.” 12 Na Salomo bɔɔ ɔhyew afɔre wɔ afɔremuka a wasi wɔ Asɔredan no ntwironoo no anim no so, maa Awurade. 13 Da biara, wɔbɔɔ afɔre senea Mose de maa wɔn no. Afahye ahorow a wodii no bi ne Homeda, Ɖsram Foforo Da, ne mfirihyia abiesa biara afahye no mu a, eye Twam Afahye, Otwabere Afahye ne Asese Afahye. 14 Salomo de asɔfo no nnwuma rehye wɔn nsa no, ɔfaa n’agya Dawid akwankyere so. Saa ara na ɔmaa Lewifo no dii ɔmanfo no anim too ayeyi nnwom, na wɔbɔaa asɔfo no wɔ wɔn daa daa nnwuma mu. Ɖde apon ano ahwefo akuwakuw no sisii wɔn apon ano senea Dawid, Onyankopɔn nipa no kyereɛ wɔn no. 15 Salomo amman amfi akwankyere a Dawid mae a efa asɔfo, Lewifo ne sikakorabea ho. 16 Na Salomo hwɛ biribiara a efa Awurade Asɔredan no si so fi da a wotwaa ne fapem, kosi da a wɔde wiewe si no. 17 Akyiri no, Salomo kɔɔ Esion-Geber ne Elot a eye ahyengyinabea a ewɔ Edom asase a eɔa Po Kɔkɔɔ mpoano ho no. 18 Hiram brɛɛ no ahyen a ɔno ankasa mpanyimfo hwe so; na emu adwumayefo no nim adwuma yiye. Salomo nkurɔfo ne saa ahyen yi kɔɔ Ofir asase so, na wɔde sikakɔkɔɔ a na ekari beye tɔn dunson brɛɛ Salomo.

9 Bere a Seba hemmea tee Salomo nka no, ɔbaa Yerusalem se ɔde nsem a anoyi ye den rebɛso no ahwe. Ɖne n’asomfo bebreɛ, yoma pii a wɔahyehye nnuhum, sikakɔkɔɔ bebreɛ ne mpempranne wɔ wɔn so na ebae. 2 Ohyiaa Salomo no, wodii biribiara a enti ɔbaa saa nsrahwe no ho nkɔmmɔ, maa Salomo yii ne nsemmissa nyinaa ano senea ese. 3 Bere a Sebahemmea huu senea Salomo adwene mu do, ne ahemfi a wasi no, 4 ne ho dwiriw no. Ohuu nnuan a esisi ne didipon so no, senea watoto n’adwumayefo ne ntade fɛfɛ a wɔhyehye, kuruwakurafo ne wɔn ntade yuu ne ɔhyew afɔre a Salomo abɔ wɔ Awurade Asɔredan mu no, eyeɛ no nwonwa. 5 Ofi ahodwiriw mu ka kyereɛ ɔhene no se, “Biribiara a metee wɔ me kurom a efa nea woatumi aye ne wo nyansa ho no ye nokware. 6 Mannye anni kosii se m’ankasa mebaa ha de m’ani kann abehu. Nokware, mante emu fa mpo. Wo nyansa no boro nea wɔka kyereɛ me no so koraa. 7 Migye

di se ese se wo nkurɔfo yi ani gye! Eye adom ma w’adwumayefo yi se wotumi ben wo adekyee biara na wotie wo nyansasem. 8 Awurade, wo Nyankopɔn ye ɔkese ampa. N’ani gye wo ho nti, ɔde wo asi ahengua so se di hene ma no. Efise Onyankopɔn pe Israel asem dodo, na ɔpe se saa ahenni yi tena afeɔɔ; wasi wo hene senea wode nokware ne atentrenɛɛ bebu ɔman no.” 9 Afei, ɔmaa ɔhene no sikakɔkɔɔ akyede a ekari tɔn 4 ne nnuhum pii ne aboɔden mpempranne. Seba hemmea nnuhum a ɔde maa Salomo no so bi mmaa da. 10 Bere a Hiram hyen mufo ne Salomo nkurɔfo de sikakɔkɔɔ fi Ofir bae no, wɔde ɔbako nnua pa bebreɛ ne mpempranne kaa ho bae. 11 Ɖhene no de ɔbako nnua no yeɛ Awurade Asɔredan ne ahemfi no atrapoe. Ɖde bi nso yeɛ asankuten ne mmenta maa nnwom ho nimdefo no. Na saa nnwontode no so bi mmaa da wɔ Yuda. 12 Biribiara a Seba hemmea bisaa ɔhene Salomo no, ɔde maa no. Na eye akyede a esom bo pa ara, na eboro nea ɔhemmea de brɛɛ no no so. Afei, ɔhemmea no ne n’asomfo no san kɔɔ wɔn ankasa asase so. 13 Afe biara, na sikakɔkɔɔ a eba Salomo nsam no ye tɔn aduonu anum. 14 Na sika a onya fi aguadifo nkyen no nka eyi ho. Na Arabia ahemfo nyinaa ne amradofo a wɔwɔ asase no so nyinaa brɛ Salomo sikakɔkɔɔ ne dwete. 15 Ɖhene Salomo ma wɔde sikakɔkɔɔ a wɔaboro yeɛ akyem akese ahannu a emu biara sikakɔkɔɔ a ewɔ mu no mu duru ye kilogram ason. 16 Ɖsan yeɛ sikakɔkɔɔ nkatabo nketewa ahaasa a wɔde asae aboro a na sikakɔkɔɔ a wɔde yeɛ emu biara no mu duru beye kilogram abiesa ne fa. Ɖhene no kɔkoraa saa nkatabo no wɔ Lebanon Kwae Ahemfi mu. 17 Afei, ɔhene no de asonse yeɛ ahengua kɛse bi, na ɔde sikakɔkɔɔ ankasa guu ho. 18 Na ahengua no wɔ atrapoe asia a wɔde sikakɔkɔɔ ntiasode afam ho. Ahengua no wɔ nsa wɔ benkum. Ne nifa na gyata seso nso gynyagyna afa ne fa wɔ ahengua no ho. 19 Salomo san yeɛ gyata seso dumien a ɔbaako biara gyina atrapoe ntiaso asia no mu biara benkum ne nifa. Ahengua biara nni wiase a wobetumi de atoto Salomo de no ho. 20 Ɖhene Salomo nkuruwa nyinaa, sikakɔkɔɔ na wɔde yeɛ. Saa ara na nneema ahorow a ewɔ Lebanon Kwae Ahemfi mu no nso te. Wɔamfa dwete anye, efise Salomo bere so no, na wobu dwete ade teta bi. 21 Na ɔhene no wɔ aguadi ahyen a emu adwumayefo ye Hiram asomfo. Mfe abiesa biara, ahyen no ba a, wɔde sikakɔkɔɔ, dwete, asonse, nsoroboa ne asibe brɛ ɔhene no. 22 Enti ɔhene Salomo beyee ɔdefo ne onyansafo sen ɔhene biara

wɔ asase so nyinaa. **23** Ahemfo fifi aman nyinaa so besraa no, tiee ne nyansasem a Onyankopɔn de adom no no bi. **24** Afe biara, obiara a ɔbeba abesra no no, ɔbre no akyede te se dwete, sikakɔkɔ, ntade, akode, nnuhum, apɔnkɔ ne funumpɔnkɔ. **25** Na Salomo wɔ apɔnkɔdan mpem anan a ne nteaseɛnam apɔnkɔ da mu ne apɔnkɔ mpem dumien. Ɔde mu fa kese no kɔ nkurow a ne nteaseɛnam wɔ mu, na ɔmaa bi nso ben no wɔ Yerusalem. **26** Odii hene bunkam faa ahemfo nyinaa so, fi Asubɔnten Eufirate ano de kosi Filistifo asase ne Misraim hye so. **27** Ɔhene no maa dwete buu so ma eyee se abo wɔ Yerusalem. Sida nnua nso, onya ma ebuu ne so te se ankye nnua a enyin wɔ Yuda mmepɔw ase no. **28** Na wɔtɔ Salomo apɔnkɔ fi Misraim ne aman ahorow bebre so. **29** Salomo ahenni ho nsem nkae, fi mfiase kosi awiei no, wɔankyerew angu odiyifo Natan nhoma, Ahiya a ofi Silon adiyisem ne nhumuni Ido anisoadehu a ɛfa Nebat babarima Yeroboam ho no mu ana? **30** Salomo tenaa Yerusalem dii Israel nyinaa so hene mfihiya aduanan. **31** Owui no, wosiee no wɔ n'agya Dawid kurom. Ne babarima Rehoboam na odii n'ade se ɔhene.

10 Rehoboam kɔ Sekem, efise na Israel nyinaa ahyia ho se wɔrebisi no hene. **2** Bere a Nebat babarima Yeroboam tee se Salomo awu no, ofi Misraim bae, efise oguan fii ɔhene Salomo nsam kɛtenaa Misraim. **3** Israel mpanyimfo soma ma wɔkɔfaa Yeroboam, na ɔne Israel nyinaa kɔ se wɔne Rehoboam rekɔkasa. **4** Wɔkae se, “W'agya hyee yen ma yeyee adwumaden. Yesre wo, tew saa adwumaden ne sonkahiri adesoa duruduru a w'agya de soaa yen no so. Woye saa a, yebesom wo nokware mu.” **5** Rehoboam buae se, “Momma me nnansa na menwene mo asem yi ho. Eno akyi, mommra mmegye me mmuae.” Enti nnipa no san kɔe. **6** Na Ɔhene Rehoboam kɔ ne mpanyimfo bi a na wotu n'agya Salomo fo ne wɔn kosusuw asem no ho. Obisaa wɔn se, “Moka asem no ho den? Mmuae ben na memfa mma saa nnipa yi?” **7** Mpanyimfo yi buae se, “Se woye nnipa no yiye, na woye ayamye kyere wɔn ma ɛsɔ wɔn ani a, wɔn nso beye wo nkurofo nokwafo.” **8** Nanso Rehoboam amfa afotu a mpanyimfo no maa no no. Mmom, ɔkɔ n'atipenfo mmabun bi a ɔne wɔn sii so a na wotu no fo no nkyen. **9** Obisaa wɔn se, “Mo nso mo adwene ne den? Mmuae ben na memfa nkɔma nnipa a wɔpe se metew adesoa a m'agya de soaa wɔn no so?” **10** Mmerante no buae se, “Asem a ɛse se woka kyere wɔn ne se, ‘Me nsateaa ketewa no mu piw sen

m'agya asen mu. Na se modwene se na ɔye den wo mo so a, montwen na mubehu senea mete.’” **11** Yiw, na m'agya ye den wo mo so, nanso me de, meye nea ekyen saa. Se m'agya kaa mo mpire a, me de, mede nkekantwere na ebehwe mo.” **12** Nnansa akyi no, Yeroboam ne nnipa no nyinaa san baa se wɔrebetie Rehoboam mmuae senea ɔkae no. **13** Na Rehoboam de ahantan kasa kyeree wɔn. Wamfa mpanyimfo no afotu, **14** na ɔfaa mmerante no afotu. Ɔka kyeree nnipa no se, “Na m'agya ma moye adwumaden, na me de, mekyen saa! Se m'agya kaa mo mpire a, me de, mede nkekantwere na ebehwe mo!” **15** Enti ɔhene no anye nnipa no abisade no ho hwee. Saa nsem a esisii yi ye Onyankopɔn nhyehyee, efise ɛmaa Awurade nkɔm a ɔnam odiyifo Ahiya a ofi Silo no hyee Nebat babarima Yeroboam no baa mu. **16** Bere a Israel huu se ɔhene no anye wɔn abisade amma wɔn no, wɔteteɛɛ mu se, “Dawid ne n'adedi ntoaso no mfa wɔn ho. Yene Yisai babarima no nni twaka biara. Israel, momma yenko yen afi. Dawid, kɔhwehwe w'ankasa wo fi.” Enti Israel nyinaa san kɔ fie. **17** Na Rehoboam kɔ so dii Israelfo a na wɔtete Yuda nkurow so no so hene. **18** Ɔhene Rehoboam somaa Hadoram a na ɔhwe adwumayefo so no se ɔnkɔhwe mma ɔman no nye dinn, nanso Israelfo no siw no abo kum no. Bere a ɔhene Rehoboam tee saa asem no, ntem ara, ohuruw tenaa ne teaseɛnam mu, guan kɔ Yerusalem. **19** Israel mmusuakuw a wɔwɔ atifi fam no ampene se Dawid aseni biara bedi wɔn so, de besi nne.

11 Bere a Rehoboam duu Yerusalem no, ɔboaboaa Yuda ne Benjamin asraafo a wosi pi si ta mpem ɔha aduwɔtwe ano, se wɔrekɔko atia Israel asraafo, na wɔagye ahenni no afa. **2** Na Awurade ka kyeree Onyankopɔn nipa Semaia se, **3** “Ka kyere Salomo babarima Rehoboam a odi hene wɔ Yuda ne Israelfo a wɔwɔ Yuda ne Benjamin no se, **4** Senea Awurade se ni: ‘Nko ntia w'abusuafo. San w'akyi kɔ fie, efise me na memaa asem a asi no ho kwan!’” Enti wotiee Awurade asem no, na wɔanko antia Yeroboam. **5** Rehoboam tenaa Yerusalem, na ɔbɔɔ nkurow ahorow ho ban, maa Yuda yee den. **6** Ɔkyekyeree Betlehem, Etam, Tekoa, **7** Bet-Sur, Soko, Adulam, **8** Gat, Maresa, Sif, **9** Adoraim, Lakis, Aseka, **10** Sora, Ayalon ne Hebron. Eyinom ne nkurow a wɔbɔɔ ho ban wɔ Yuda ne Benjamin. **11** Rehoboam yeree wɔn bammɔ mu, na ɔde asahene duaduaa ho. Ɔkora nnuan, ngo ne nsa wɔ kuropon biara so. **12** Ɔde nkatabo ne mpeaw

siee wɔ saa nkurow yi mu de hyɛ wɔn bammɔ mu den. Enti Yuda ne Benjamin nko ara na wɔbɛhyɛ n'ase. **13** Asɔfo ne Lewifo a na wɔne Israel atifi fam mmusuakuw te no kɔ Rehoboam afa. **14** Na Lewifo no mpo gyaw wɔn afi ne wɔn agyapade kɔ Yuda ne Yerusalem, efise Yeroboam ne ne mmabarima amma wɔn kwan ansom Awurade se asɔfo. **15** Yeroboam yii n'ankasa asɔfo ma wosom wɔ abosonsomfo nsɔre so a na wosom abirekyi ne nantwimma ahoni a na wɔayɛ. **16** Israelman mu nyinaa, wɔn a na wɔpɛ se wosom Awurade, Israel Nyankopɔn no dii Lewifo no akyi kɔ Yerusalem faako a wobetumi de ayeɛde ama Awurade, wɔn agyanom Nyankopɔn no. **17** Eyi maa Yuda ahenni nyaa ahɔoden, na wɔde mfe abiesa boaa Salomo babarima Rehoboam, na wɔhwehwɛ Awurade nokware, senea wɔyɛ wɔ Dawid ne Salomo ahenni mu no. **18** Rehoboam waree Mahalat. Na ɔyɛ Dawid babarima Yerimot babea. Na ɔyɛ Abihail a ɔyɛ Yisai babarima Eliab babea nso. **19** Mahalat woo mmabarima baasa a wɔne Yeus, Semaria ne Saham. **20** Akyiri no, ɔwaree Absalom babea Maaka. Maaka woo Abia, Atai, Sisa ne Selomit. **21** Na Rehoboam do Maaka yiye sen ne yerenom a wɔaka ne ne mpenanom nyinaa. Na ɔwɔ yerenom dunwɔtwe ne mpenanom aduosia, na wɔwɔwoo mmabarima aduonu awotwe ne mmabea aduosia. **22** Rehoboam sii Maaka babarima Abia ahenemmahene ma ɛdaa adi pefee se daakyɛ, ɔno na obedi n'ade se ɔhene. **23** Bio, Rehoboam faa nyansakwan so de dwumadi hyehyɛ ne mmabarima a wɔaka no nsa, de wɔn tuatuaa nkurow a wɔabɔ ho ban, wɔ nsase no nyinaa so. Ɔmaa wɔn wɔn ahiade nyinaa, hyehyɛ aware bebreɛ maa wɔn mu biara.

12 Rehoboam ahenni timii, na ɔyɛ den no, ɔne Israel nyinaa gyaw Awurade mmara. **2** Esiane se na wonni Awurade nokware no nti, afe a ɛto so anum wɔ ɔhene Rehoboam adedi mu no, Misraimhene Sisak kɔtow hyɛ Yerusalem so. **3** Ɔde nteaseenam apem ahannu, aponkɔsotefo mpem aduosia ne anammɔnmufɔ asraafo a wontumi nkan wɔn dodow a Libiafo, Sukifo ne Etiopiafo ka ho na wɔbae. **4** Sisak dii Yudafo nkurow a wɔabɔ ho ban no so nkonim, na otu teɛ se ɔrekɔtow ahyɛ Yerusalem so nso. **5** Odiyifo Semaia hyiaa Rehoboam ne Yuda mpanyimfo a Sisak nti, wɔaguan aba Yerusalem. Semaia ka kyere wɔn se, “Senea Awurade se ni! Moagyaw me nti, me nso meregyaw mo ama Sisak.” **6** Ɔhene no ne Israel mpanyimfo brɛ wɔn ho ase, kae se, “Awurade di bem

se ɔyɛ yɛn saal!” **7** Awurade huu se wɔanu wɔn ho no, ɔde saa nkra yi somaa Semaia: “Esiane se nnipa no abre wɔn ho ase nti, merenseɛ wɔn korakora na erenkyɛ, mɛma wɔn ahomegyɛ. Meremfa Sisak so nna m'abufuw adi wɔ Yerusalem so. **8** Nanso wɔbɛyɛ n'asomfo senea ɛbɛkyɛ wɔn se, ɛse se wɔsom me sen se wɔbesom wiase ahemfo.” **9** Enti Misraimhene Sisak baa Yerusalem besesaw agyapade a ɛwɔ Awurade Asɔredan no mu ne ahemfi hɔ nneɛma a Salomo sikakɔkɔ nkatabo no nyinaa ka ho. **10** Akyiri no, ɔhene Rehoboam de kɔbere akyɛm de sii anan, na ɔde hyɛ ahemfi awɛmfo nsa se wɔnhwɛ so. **11** Bere biara a ɔhene no bɛkɔ Awurade Asɔredan no mu no, awɛmfo no soa kɔ hɔ bi, na se owie na ɔreba a, wɔsan de begu awɛmfo dan no mu. **12** Esiane se Rehoboam brɛɛ ne ho ase nti, Awurade abufuw no fii ne so, nti wansee no korakora. Ɛmaa yiyedi kɔ so wɔ Yuda asase so. **13** Ɔhene Rehoboam timii wɔ Yerusalem, na ɔtoaa so dii hene. Bere a odii ade no, na wadi mfirihyia aduanan baako. Na odii ade mfirihyia dunson wɔ Yerusalem, kuropon a Awurade ayi afi Israel mmusuakuw nyinaa mu se ɛhɔ na wɔbɛhyɛ ne din anuonyam no. Na Rehoboam na din de Naama a ofi Amon. **14** Na ɔyɛ ɔhene bɔne, efise wamfa ne koma nyinaa anhwehwɛ Awurade akyi kwan. **15** Wɔankyerɛw Rehoboam ahenni ho nsem nkae no a efi mfiase kosi awiei no wɔ odiyifo Semaia nhoma ne nhumuni Ido nhoma a ɛyɛ awo ntoatoaso nhoma no fa bi mu ana? Bere biara, na akokoakoko wɔ Rehoboam ne Yeroboam ntam. **16** Bere a Rehoboam wui no, wosieɛ no wɔ Dawid kurom. Na ne babarima Abia dii n'ade se ɔhene.

13 Bere a Yeroboam dii hene wɔ Israel no, ne mfe dunwɔtwe so, na Abia fii ase dii hene wɔ Yuda. **2** Odii hene mfe abiesa wɔ Yerusalem. Na ne na din de Maaka a ɔyɛ Uriel a ofi Gibea no babea. Na ɔko baa Abia ne Yeroboam ntam. **3** Ɔhene Abia de akofo akɛse mpem ahannan dii Yuda anim, kohyiaa Yeroboam a ɔno nso akɔfa mmabarima akofo akokodurufɔ mpem ahanwɔtwe afi Israel. **4** Bere a Yuda asraafo no duu Efraim mmepɔw nsase no so no, Abia gyinaa bepɔw Semaraim so, teɛ mu kyere Yeroboam ne Israelfo asraafo no se, “Muntie me! **5** Munnim se Awurade, Israel Nyankopɔn, ne Dawid yɛ daa apam de Israel ahengua maa ɔne n'asefo afeɔɔ ana? **6** Nanso Nebat babarima Yeroboam a na ɔyɛ Dawid babarima Salomo somfo teta bi no beɛɛ ne wura ɔfatwafo. **7** Na ɛmaa

ahuhufo dām koboa no, bu faa Salomo babarima Rehoboam so na esiane se na onnyinii, na onni osuahu biara nti, wantumi annyina ne wōn anni asi. **8** “Wugye di yiye se wubetumi agyina, atia Awurade ahenni a Dawid asefo tua ano no? W’asraafodām no so yiye. Nantwimma a Yeroboam de sikakākō yee no ne mo anyame. **9** Woapam Awurade asofo ne Lewifo no, na woahye w’ankasa asofo te se abosomman no pē. Nne yi, woma obiara beye osofo. Obiara a ode nantwi ba ne adwennini ason beba se wonnyina so nhye no sofo no, otumi beye osofo ma saa mo anyame no. **10** “Na yen de, Awurade ne yen Nyankopon, na yennyaa no da. Aaron asefo nko ara na wosom Awurade se asofo, na Lewifo nko ara na wotumi boa wōn wō wōn dwumadi mu. **11** Wode ohyew afrebode ne ohyew aduhum bre Awurade daa anōpa ne anwummere. Wode Daa Daa Brodo no to opon kronkron no so, na daa anwummere, wōso sikakākō kaneadua no. Yeredi Awurade, yen Nyankopon, nkyerekyerē so, nanso moagyaw no. **12** Enti ese se mote ase se Onyankopon ka yen ho. Ono ne yen kannifo. N’asofo hyen wōn torobento, di yen anim, de yen kō oko tia mo. Israelfo, monnko ntia Awurade, mo agyanom Nyankopon no, na morenni nkonim.” **13** Nanso na Yeroboam aye nwaa ama n’akofo a wōwō hō no bi afa Yuda mmарima akyi akotetew wōn. **14** Bere a Yuda huu se wofi wōn anim ne wōn akyi atow ahye wōn so no, wosu frē Awurade se ommoa wōn. Na asofo no hyen ntorobento, **15** na Yuda mmарima no fii ase teeteē mu. Wōn ko no mu nteeteemu no mu no, Onyankopon kaa Yeroboam ne Israel asraafo no gui, wō Abia ne Yuda asraafodām anim. **16** Israel asraafo no guan fii Yuda, na Onyankopon maa Yuda dii nkonim. **17** Abia ne n’akofo kunkum Israel asraafo no bebreē. Da no, wōn a wōtōtō wō Israel asraafo a wodi mu mu no ye mpem ahannum. **18** Na Yuda dii Israel so nkonim, efise wode wōn ho too Awurade, wōn agyanom Nyankopon no so. **19** Abia ne n’akofo kō so taa Yeroboam asraafo no, faa wōn nkurow no bi te se Bet-El, Yesana ne Efron ne eho nkurow. **20** Enti bere a Abia te ase no de, Yeroboam a oye Israelhene annya tumi biara, na akyiri no, Awurade bō no ma owui. **21** Yudahene Abia kō so nyaa tumi. Owaree yerenom dunan. Owoo mmabarima aduonu abien ne mmea dunsia. **22** Abia ahenni ho nsem nkae ne ne nsem ne dwuma a odii no, wākyerew agu Odiyifo Ido Nkyeremu Nhoma no mu.

14 Abia wu ma wosiee no wō Dawid kurom. Ne babarima Asa na odii n’ade se ohene. Asomdwoe baa asase no so mfe du. **2** Asa yee nea eso Awurade, ne Nyankopon no, ani. **3** Otutuu abosonsomfo aforemuka ne wōn abosonnan nyinaa gui. Odwiriw wōn afadum, twitwaa Asera nnua nyinaa. **4** Ohye omanfo a wōwō Yuda se, wōnhwehwe Awurade, wōn agyanom Nyankopon no, na wonni ne mmara ne n’ahyede nyinaa so. **5** Asa san bubuu abosonnan ne nnuhuam aforemuka fii Yuda nkurow nyinaa mu. Eno nti, wonyaa asomdwoe wō Asa ahenni mu. **6** Saa asomdwoe mfe no mu no, otumi siesiee bammō nkuropon a ewo Yudaman mu nyinaa. Obiara anye n’adwene se obeko atia no saa bere yi, efise na Awurade rema no ahomegye wō n’atamfo nsam. **7** Asa ka kyere Yudafo se, “Momma yenkyekye nkurow, na yentwa afasu mfa ho mfa mmō ho ban. Yebeye abantenten, asisi apon, aye nnadeban nso. Asase no ye yen dea, efise yesre Awurade yen Nyankopon, na wama yen ahomegye wō yen atamfo nsam.” Enti wōkō so yee saa nnwuma yi de baa awiei. **8** Na ohene Asa wō akofo mpem ahaasa a wofi Yuda abusuakuw mu a wōwō nkatabo ne mpeaw akese. Afei, na owo akofo mpem ahannu aduwōtwe a wofi Benjamin abusua mu a wokurakura nkatabo ne agyan nketewa. Na akofo akokodurufo wō saa asraafodām abien yi mu. **9** Bere bi, Etiopiani bi a wofre no Serah de asraafodām opepem baako ne nteaseenam ahaasa, kōtow hye Yuda so. Wōkō koduu Maresa kuropon mu. **10** Asa nso boaa n’akofo ano ne wōn kōkoo wō Sefata bon mu a eben Maresa. **11** Asa tee mu, frē Awurade ne Nyankopon se, “Awurade, wo nko ara na wubetumi aboa nea oye mmerew na watumi ako atia ohoodenfo! Boa yen, Awurade, yen Nyankopon, efise wo nko ara ne yen anidaso. Wo din mu na yerehyia dām kese yi. Awurade, woye yen Nyankopon, na mma kwan mma nnipa teta nsore ntia wol!” **12** Na Awurade dii Etiopiafo no so nkonim wō Asa ne Yuda asraafodām no anim, na atamfo no guanee. **13** Asa ne n’akofo no taa wōn ara kosii Gerar, maa Etiopiafo no bebreē totōe a wōantumi ammoa wōn ho ano. Awurade ne n’akofo dwerew wōn, na Yuda asraafo no nyaa asade bebreē kōe. **14** Bere a wōwō Gerar no, wōtow hye nkurow a ewo beae hō nyinaa so, na Awurade ho huboa tōo nnipa a wōwō hō no so. Awiei no, wonyaa asade bebreē wō saa nkurow no so nso. **15** Wōsan tow

hyee mmoahwefo atenae, kyekyeree nguan ne yoma, ansa na woresan ako Yerusalem.

15 Na Onyankopɔn honhom baa Oded babarima Asaria so, **2** na opue kohyiaa ɔhene Asa a ofi akono reba no. Ɔteɛ mu guu Asa so se, “Tie me, Asa, Yudamanfo nyinaa ne Benyamin muntie. Mmere dodow a mo ne Awurade te no, ɔno nso ne mo betena. Bere biara a mobehwehwe no no, mubehu no. Nanso se mugyaw no a, ɔno nso begyaw mo. **3** Teteete no, na Israel nni nokware Nyankopɔn no, na wonni ɔsofo a ɔbekyerekyere wɔn, na wonni Onyankopɔn mmara nso. **4** Nanso bere biara a mobekɔ ahohia mu na mobekɔ Awurade Israel Nyankopɔn nkyen, na moahwehwe no no, muhuu no. **5** Saa esum bere no mu, na akwantu ye hu. Na ɔhaw wɔ ɔman no afanan nyinaa. **6** Akodi baa ɔman ne ɔman ntam, kuropon ne kuropon ntam, efise Awurade maa ɔhaw ahorow bebreɛ baa mo so. **7** Na afei, mo Yuda mmarima, mo ho nye den, munnya akokoduru, na mubanya mo adwumaye so akatua.” **8** Bere a Asa tee saa asem yi fii odiyifo Asaria nkyen no, onyaa akokoduru, yiyii ahoni a ewɔ Yuda asase so ne Benyamin nyinaa ne nkurow a wako afa a ewowɔ Efraim bepɔw nsase so no so. Osiesieɛ Awurade afɔremuka a na esi Awurade Asɔredan ntwironoo anim no. **9** Afei, Asa frefree nnipa a wɔwɔ Yuda ne Benyamin nyinaa. Ɔfrefree nnipa a wofi Efraim, Manase ne Simeon a wɔabɛtena wɔn mu no nso. Bebreɛ tutu kotenaa Yuda wɔ ɔhene Asa bere so, efise wohuu se Awurade, ne Nyankopɔn, ka ne ho. **10** Ereko ɔsram a eto so abiesa awiei no mu a na Asa adi ade mfe dunum no, nnipa no boaa wɔn ho ano wɔ Yerusalem. **11** Saa da no, wɔde mmoa a wɔkyekyeree wɔn ɔko mu no bi bɔɔ Awurade afɔre. Na mmoa no dodow ye anantwi ahanson a nguan ne mmirekyi nso dodow ye mpem ason. **12** Afei, wofi wɔn koma ne wɔn kra nyinaa mu yee apam se wɔbehwehwe Awurade, wɔn agyanom Nyankopɔn. **13** Wɔpeneɛ so se, obiara a ɔbɛpo Awurade, wɔn agyanom Nyankopɔn no, wobekum no, se onnyinii anaa wanyin, se ɔye ɔbarima anaa ɔbea. **14** Wɔhyen ntorobento ne mmen denneennen, de dii Awurade nokwaredi ntam no ho adanse. **15** Wɔn nyinaa ani gyee saa apam yi ho, efise wofi wɔn koma nyinaa mu na eyee. Wɔpere hwehweɛ Onyankopɔn, na wohuu no. Na Awurade maa wɔn ahomegye fii wɔn atamfo a wɔwɔ afanan nyinaa nsam. **16** Mpo ɔhene Asa tuu ne nena baa Maaka fii ahemmeagua no so, efise osii Asera nnua a

eye atantanne. Otwaɛ dua no, bubuu mu, hyew no wɔ Kidron bon mu. **17** Ewɔ mu se wɔantutu abosonsom nsɔre so no nyinaa amfi Israel de, nanso Asa de ne ho nyinaa maa Awurade ne nkwanɔ nyinaa. **18** Ɔde dwete ne sikakɔkɔɔ ne nneɛma ahorow a ɔne n'agya de maa Awurade no baa Onyankopɔn Asɔredan no mu. **19** Enti ɔko ansi bio kosii Asa adedi afe a eto so aduasa anum no so.

16 Asa dii ade mfe aduasa asia no, Israelhene Baasa kotow hyee Yuda so, na ɔbɔɔ Rama ho ban, senea ebeye a, obi ntumi nkɔ mu anaa ompue mfi ɔhene Asa Yudaman mu. **2** Asa yii dwete ne sikakɔkɔɔ fii Awurade Asɔredan adekoradan ne ahemfi ho. Ɔde kɔmaa Aramhene Ben-Hadad a na odi hene wɔ Damasko na ɔde saa nkra yi kaa ho: **3** “Ma yenye apam a na ɛda w'agya ne m'agya ntam no foforo. Tie, mede akyede a eye dwete ne sikakɔkɔɔ resoma de abre wo. Twa wo ne Israelhene Baasa apam no mu, senea ɔmmfa ne nsa nka me.” **4** Ben-Hadad penee ɔhene Asa abisade no so, na ɔsomaa n'asraafo, kotow hyee Israel so. Wodii Iyon, Dan, Abel-Maim ne Naftali aduan akorae nkuropon nyinaa so. **5** Bere a Israelhene Baasa tee asem a asi no, ogyaee Rama bammɔ ho dwumadi no. **6** Enti ɔhene Asa frefree ne mmarima a wɔwɔ Yuda nyinaa ma wɔbesoaa adansi abo ne nnua a na Baasa de rebɔ Rama ho ban no. Asa de saa nneɛma yi bɔɔ nkurow Geba ne Mispa ho ban. **7** Saa bere no mu no, ɔdehufo Hanani baa ɔhene Asa nkyen beka kyerɛɛ no se, “Esiane se wode wo ho ato Aramhene so, na woagyaw Awurade wo Nyankopɔn nti, worentumi nni Aramhene asraafo no so. **8** Wonkae nea ebɔa Etiopiafo no ne Libiafo ne wɔn asraafodɔm dodow ne wɔn nteaseɛnam ne wɔn aponkɔsotefo so no? Saa bere no, na wode wo ho to Awurade so, na ɔde wɔn nyinaa hyee wo nsa. **9** Awurade aniwa kyin fa asase so baabiara, senea ɔbehye wɔn a wode wɔn koma nyinaa to no so no den. Nkwaseasem ben na woadi yi! Efi nne, wobekɔ ɔko.” **10** Asa bo fuw Hanani yiye se wabeka saa asem yi akyere no, na ɔkyeree no too afiase. Saa bere no ara na Asa afi ase rehye ne nkurɔfo no bi so. **11** Asa ahenni ho nsem nkae, fi mfiase kosi awiei no, woakyerew agu Yuda ne Israel ahemfo nhoma no mu. **12** N'adedi mfe aduasa akron so no, ɔyare huhuuhi bi yee Asa nan. Ɔyare no duu ne mpɔmpɔnso a ereye akum no mpo no, wanhwehwe Awurade mmoa akyi kwan, na mmom, ɔhwehweɛ ayaresafo mmoa. **13** Enti

n'adedi mfe aduanan baako so no, owui. **14** Wosiee no oboda a ono ara twa maa n'ankasa ho no mu wo Dawid kurom. Wodedaa no mpa a wode nnuham ne sradehuam ho hua ahye no ma, na n'ayiye no mu no, nnipa no bo ogyatannaa kese bi de hyee no anuonyam.

17 Na Asa babarima Yehosafat bedii n'ade se ohene. Ohyee Yuda den, senea obetumi agyina Israel ofow biara ano. **2** Oduaduaa asraafodom wo Yuda nkuropon a woabo ho ban no nyinaa mu. Ode asraafodom kumaa bi koo Yuda asase so ne Ephraim nkurow a n'agya Asa ako agye no so. **3** Na Awurade ka Yehosafat ho, efise oye senea n'agya Asa yee wo ne mfe a edi kan no mu, na wansom Baal ahoni no. **4** Ohwehwee n'agya Nyankopon, na odii n'ahyede so a wanni Israel ahenni mu nneyee no akyi. **5** Enti Awurade maa Yehosafat Yudaman so ahenni no timii. Nnipa a wowa Yuda nyinaa bree Yehosafat akyede, ma oye odefo, na wode nidi maa no. **6** Ofi ne koma nyinaa mu nantew Awurade akwan so. Obubuu abosonsomfo nsoree so, na osee Asera nnua no. **7** Yehosafat ahenni mfe abiesa so no, osomaa ne mpanyimfo ma wokokyerekere wo Yuda nkurow nyinaa so. Ne mpanyimfo no ne Ben-Hail, Obadia, Sakaria, Netanel ne Mikaia. **8** Osomaa Lewifo a won din didi so yi kaa won ho: Semaia, Netania, Sebadia, Asahel, Semiramot, Yehonatan, Adoniya, Tobia ne Tob-Adoniya. Osomaa asofo Elisama ne Yehoram nso. **9** Wofaa Awurade mmara a watintim nhoma no de kyinii Yuda nkurow nyinaa so, kyerekere nnipa no. **10** Na afei, emaa Awurade ho suro too ahenni a atwa ahyia no nyinaa so, nti obiara amfa oko anko Yehosafat so. **11** Filistifo no bi bree no akyede ne dwete se sonkahiri, na Arabfo bree no adwennini mpem ason ne ahanson ne mpapo mpem ason ne ahanson. **12** Emaa Yehosafat tumi mu yee den, na ekoo so yee den ara ma osisii aban ne nnuan adekoradan wo Yuda nkuropon nyinaa so. **13** Okoraa nneema bebre wo Yuda nkurow mu, na omaa asraafo a woye den tenaa Yerusalem. **14** Wogyinaa agyanom mmusuakuw so gyee asraafo. Yuda abusua mu, na asraafodom no dodow ye mpem ahaasa a waakyekye won mu akuwakuw apem. Adna na na oye won so sahene. **15** Onipa a na odi ne so ne Yehohanan a na odi asraafodom mpem ahannu aduwotwe so. **16** Nea odi ho ne Sikri babarima Amasia, a ode ne ho bo afore maa Awurade adwuma a na odi asraafodom mpem ahannu so sahene. **17**

Benjamin abusua asraafodom no, na won dodow ye mpem ahannu a wowa agyan ne nkatabo. Na won sahene ne Eliada, asraani a wadi ako akye. **18** Nea odi ho ne Yehosabad a otua asraafo mpem oha aduwotwe a woada won ho so ama akodi no ano. **19** Eyinom ne asraafodom a wotena Yerusalem som ohene, ne won a Yehosafat de won duaduaa nkurow a woabo ho ban wo Yudaman mu no.

18 Yehosafat yee odefo a na n'anuonyam nso koron. Ohyehye maa ne babarima waree Israelhene Ahab babea. **2** Mfe kakraa bi akyi no, okoo Samaria kosraa Ahab. Ahab too pon kese bi maa one ne mpanyimfo. Wokunkum nguan ne anantwi bebre de too pon no. Na Ahab sree Yehosafat se ommeboa no, na onkoko ntia Ramot-Gilead. **3** Ahab bisaa no se, "Wobeboa me na mako atia Ramot-Gilead ana?" Na Yehosafat bua se, "Me ne wo ye pe na me nkurofo te se wo nkurofo, Yebeboa wo, ama woako." **4** Na Yehosafat ka kaa ho se, "Nea edi kan no, ma yemmis Awurade ho afotu." **5** Enti ohene Ahab free n'adiyifo a won dodow beye ahannan no nyinaa, bisaa won se, "Menkoko ntia Ramot Gilead anaa mennko?" Won nyinaa buae se, "Ko so! Awurade bema woadi nkonim anuonyam so." **6** Nanso Yehosafat bisae se, "Enti Awurade odiyifo biara nso nni ha? Anka mep se mibisa no saa asem koro no ara." **7** Ohene Ahab buae se, "Obaako da so wo ha nanso, mikyi no. Onhye nkam biara se nsem a enye na oka kyere me. Ne din de Mikaia. Imla babarima ne no." Yehosafat kae se, "Nkasa saa. Ma yentie asem a owo ka." **8** Enti Israelhene free ne mpanyimfo no baako ka kyeree no se, "Ye ntem kofre Imla babarima Mikaia bre me." **9** Israelhene Ahab ne Judahene Yehosafat hyee won ahemfo ntade, tenaa won ahengua mu wo apongua a eben Samaria kwan no ano. Saa bere no, na Ahab adiyifo no rehye nkam wo won anim. **10** Na won mu baako a oye Kenaana babarima Sedekia de nnade yee mmen, na oda no adi se, "Senea Awurade se ni: Mode saa mmen yi bewowo Aramfo yi ama wawuwul!" **11** Adiyifo a wowa ho no nyinaa penee so kae se, "Yi, monko Ramot-Gilead, na munkodi nkonim, efise Awurade bema moadi nkonim." **12** Obobo a okofree Mikaia no ka kyeree no se, "Hwe, adiyifo no nyinaa hye ohene no bo se obedi nkonim. Hwe se wone won beye adwene, na hye nkonimdi ho bo." **13** Nanso Mikaia buae se, "Se Awurade te ase yi, nea me Nyankopon aka akyere me se menka no, eno na meka."

14 Bere a Mikaia beduu ðhene Ahab anim no, obisaa no se, “Mikaia, yɛnkoko ntia Ramot-Gilead anaa yɛnkɔ?” Mikaia buae se, “Monkoko! Ebeye nkonimdi a eho wɔ nyam.” 15 ðhene amma n’ano ansi, na obuaa no se, “Mpen ahe na menka nkyere wo se, se worekasa ama Awurade a, ka nokwasem?” 16 Na Mikaia ka kyere se, “Anisoadehu mu no, mihuu se Israel nyinaa abo apete wɔ mmepow no so se nguan a wonni hwefo. Na Awurade kae se, ‘Wɔakum wɔn wura. Fa wɔn ko fie asomdwoe mu.’” 17 Israelhene ka kyere Yehosafat se, “Manka saa ankyere wo ana? Da biara saa na oye. Onhye nkɔm pa biara se atoro nkɔm na ohye fa me ho.” 18 Mikaia toaa so se, “Tie nea Awurade ka. Mihuu Awurade se ote n’ahengua so a ne osorofo asraafo nyinaa atwa ne ho ahyia wɔ ne nifa ne ne benku so. 19 Na Awurade bisae se, ‘Hena na obetumi adaadaa Israelhene Ahab ama wakotu Ramot-Gilead so sa na wɔakum no wɔ hɔ?’ ‘Adwenkyere bebre baa ho, 20 kosii se ne koraa no, honhom bi benee Awurade kae se, ‘Metumi aye!’” Awurade bisae se, “‘Okwan ben so na wobefa aye eyi.’” 21 Na honhom no buae se, “Meko akɔdaadaa Ahab adiyifo, ama wɔadi atoro.” Awurade kae se, “Ko so ye, na wubedi nkonim. 22 ‘Enti woahu se Awurade de nkontompo honhom ahye w’adiyifo no anom. Awurade adwene se ode amanehunu beba wo so.” 23 Na Kenaana babarima Sedekia kɔw Mikaia so, kɔbɔw no sotɔre bisae se, “Da ben na Awurade honhom fii me so bekasa kyere wo?” 24 Na Mikaia buae se, “Erenkye biara, wubehu nokware no, bere a wubeguan akɔtetew kokoa mu dan bi mu.” 25 Israelhene Ahab hyee se, “Monkyere Mikaia, na momfa no nkɔma Amon a oye kurow no mu amrado, na momfa no nkɔ me babarima Yoas nkyen. 26 Monka saa asem a efi ðhene nkyen yi nkyere wɔn se, ‘Fa saa obarima yi to afiase. Mommma no aduan biara se brodo ne nsu, kosi se mefi akono beba asomdwoe mu.’” 27 Nanso Mikaia buae se, “Se wosan ba asomdwoe mu a, na ekyere se, Awurade amfa me so ankasa.” Na oka kyere wɔn a wogynagyina ho, atwa ne ho ahyia no se, “Saa asem a maka yi, monhye no nsow.” 28 Enti Israelhene ne Yudahene Yehosafat dii wɔn asraafo anim, tuu Ramot-Gilead so sa. 29 Afei, ðhene Ahab ka kyere Yehosafat se, “Yereko oko yi, mesakra me ho senea obiara nhu me, nanso wo de, wobehye w’ahentade.” Enti Ahab sesaa ne ho, na wɔkɔw oko no. 30 Saa bere no, na Aramhene aka akyere ne nteaseenamkafo no se, “Monkɔtow

nyhe Israelhene nko ara so.” 31 Enti bere a Aramhene nteaseenamkafo no huu Yehosafat se ohye n’ahentade no, wɔtaa no. Wɔteteete mu se, “Israelhene no ne no.” Nanso, Yehosafat teee mu frɛe Awurade se ommegye no nkwa. Na Awurade yii nkurofo no ani fii ne so, de gyee no nkwa. 32 Bere a nteaseenamkafo no huu se onye Israelhene no, wogyae no taa. 33 Na Aram sraani bi de anibiannaso totow n’agyan guu Israel asraafo no mu, maa bemma no bi kɔwɔw Israelhene nkatabo ahyiae wɔ ne mmotuum. Ahab teee mu kyere nteaseenamkafo no se, “Momfa me mfi ha, na wɔapira me pira bone.” 34 Oko no kɔw so da mu no nyinaa. Ahab kotwerii ne teaseenam mu a n’ani kyere Aramfo no de kosii anwummere. Na eyee senea owia rekɔto no, owui.

19 Bere a ðhene Yehosafat duu ne fi wɔ Yerusalem asomdwoe mu no, 2 Hanani babarima Yehu, odehufo no kohyiaa no. Obisaa ðhene Yehosafat se, “So ese wo se wɔboa amumoyefo, na wodo won a wokyi Awurade ana? Nea woaye yi nti Awurade abufuw aba wo so. 3 Nanso ade pa bi wɔ wo mu, efise woatutu Asera nnua a ewo asase no so nyinaa, na woatu wo ho asi hɔ se wobehwehwe Onyankopɔn.” 4 Na Yehosafat tenaa Yerusalem. Nanso, otuu kwan fii Beer-Seba kɔw Efraim bepɔw asase no so, kohyee nkurofo nkuran se, wɔnsan nkɔ Awurade, wɔn agyanom Nyankopɔn no nkyen. 5 Oyiyyi atemmufo wɔ nkuropon a wɔabɔ ho ban wɔ oman no mu nyinaa, 6 hyee wɔn se, “Aten biara a mubebu no bere biara no, munnwen ho yiye. Monkae se, moremmu aten se mode reso nipa ani, na mmom, Awurade a obeka mo ho biara a ebeba se mubu ho aten no ani. 7 Munsuro Awurade, na mummu atentrenee, efise Awurade, mo Nyankopɔn, kyi ntenkyew, nhweanim ne ketesehye.” 8 Na Yehosafat yii Lewifo, asɔfo ne mmusua ntuanofa a wɔwɔ Israel no ma wɔsom se atemmufo wɔ Yerusalem. Na wodi Awurade mmara mu nsem ne ofie ntawntaw nsem nso. 9 Ohyee wɔn se, “Daa, momfa onyamesuro, nokware ne adwene pa nye mo adwuma. 10 Bere biara a asem bi a efi mo nkurofo a wɔwɔw nkurofo yi so beba mo anim no, se eye awudi anaa Onyankopɔn mmara anaa n’ahyede sobu no, mommɔ wɔn kɔkɔ se, wɔnnye bone ntia Awurade, senea ebeye a n’abufuw remma mo ne wɔn so. Monye saa, na morenni fɔ. 11 “Osɔfopanyin Amaria beye mo panyin, na okasa a obi nka bi bio wɔ nsem a efa Awurade ho nyinaa. Ismael babarima Sebadia nso na otua Yuda abusuakuw ano

no. Okasa a, obi nka bi bio wo ntawntawsem nyinaa mu. Lewifo no na wɔbeboa mo ama moabu atɛntrenee. Momfa akokoduru nni mo dwuma, na Awurade nka wɔn a wɔye ade trenee ho.”

20 Eyi akyi no, Moabfo, Amonfo ne Maonfo asraafo bi tuu Yehosafat so sa. **2** Abofo beka kyeree Yehosafat se, “Asraafo bebre fi Nkyene Po no akyi wɔ Edom rebeko atia wo. Wɔadu Hasason-Tamar” (En-Gedi din baako ne no). **3** Yehosafat tee saa asɛm no, ne ho yeraw no nti, obisaa Awurade hɔ akwankyerɛ. Ɔhyɛɛ sɛ obiara a ɔwɔ Yuda no nni abuada. **4** Na nnipa a wɔwɔ Yuda nkurow nyinaa so baa Yerusalem, behwehwɛ Awurade. **5** Na Yehosafat sɔre gyinaa Yudafo ne Yerusalemfo anim wɔ Awurade Asɔredan no adiwo foforo hɔ. **6** Ɔbɔɔ mpae se, “Awurade, yɛn agyanom Nyankopɔn, wo nko ne Onyankopɔn a wote ɔsoro. Wo na wudi ahenni a ɛwɔ asase nyinaa so. Woyɛ otumfo ne ɔkese a obiara ntumi ne wo nni asi. **7** Yɛn Nyankopɔn, bere a wo nkurɔfo bedui no, woampam wɔn a na wɔte asase yi so no ana? Na woamfa saa asase yi amma w’adamfo Abraham asefo afeɔɔ ana? **8** Wo nkurɔfo tenaa ha sii saa Asɔredan yi maa wo. **9** Wɔkaa se, ‘Sɛ ɔhaw bi te sɛ ɔko, ɔyare anaa ɔkɔm bi to yɛn a, yebetumi aba w’anim wɔ saa Asɔredan yi mu, baabi a woahye wo din anuonyam no. Yebetumi asu afɛ wo sɛ, gye yɛn nkwa, na wubetie yɛn, agye yɛn.’ **10** “Na afei, hwɛ nea Amonfo, Moabfo ne Seir asraafodɔm reye. Woamma yɛn agyanom anni saa aman no so nkonim bere a Israel fii Misraim no, na mmom, wɔfaa wɔn ho a wɔanseɛ wɔn. **11** Afei, hwɛ senea wɔretua yɛn so ka. Wɔaba se, wɔrebetu yɛn afi w’asase a wode maa yɛn sɛ agyapade no so. **12** Yɛn Nyankopɔn, wɔrensiw wɔn ano? Yenni ahɔɔden sɛ asraafodɔm kɛse yi a wɔpɛ sɛ wɔbetow hyɛ yɛn so yi. Yɛnhu nea yenye, na yehwe kwan sɛ wɔbeboa yɛn.” **13** Bere a Yuda mmarima nyinaa ne wɔn nkokoaa, wɔn yerenom ne wɔn mma gyina Awurade anim no. **14** Awurade Honhom baa mmarima a wogyinagyina ho no mu baako so. Na ne din de Yahasiel a ɔye Sakaria babarima a ɔno nso ye Benaia babarima, na ɔno nso ye Yeiel babarima, na ɔno nso ye Lewini Matania, a ɔye Asaf aseni no babarima. **15** Ɔkae se, “Ɔhene Yehosafat, tie! Mo Yudafo ne Yerusalemfo nyinaa, muntie! Senea Awurade se ni: Munnsuro. Mommma asraafodɔm kɛse ntu mo koma, efise ɔko no nye mo dea, na ɛye Onyankopɔn dea. **16** Ɔkyena, muntu nten nko wɔn so. Mubehu sɛ wofi Sis atrapoe a ɛwɔ obon

no fa a epue Yeruel sare no so ho reba. **17** Na cho nhia mpo sɛ mobeko. Munnyinagyina mo afa, monye dinn na monhwɛ Awurade nkonimdi. Ɔka mo ho, Yuda ne Yerusalem manfo. Munnsuro, na mommma mo koma ntu. Ɔkyena, monko ho, na Awurade ka mo ho.” **18** Na ɔhene Yehosafat sii ne ti ase, na Yuda ne Yerusalem manfo no nyinaa nso yɛɛ saa, de som Awurade. **19** Na Lewifo a wofi Kohat ne Kora mmusua mu sɔre gyina teɛɛ mu dennen sɔree Awurade, Israel Nyankopɔn. **20** Ade kyee n’anɔpahema no, Yuda asraafo no kɔɔ Tekoa sare so. Bere a wɔreko no, Yehosafat gyina kae se, “Muntie me, mo Yudafo ne Yerusalemfo nyinaa. Munnye Awurade, mo Nyankopɔn, nni na mubetumi agyina pintinn. Munnye n’adiyifo no nni, na mubedi nkonim.” **21** Ɔhene no ne nnipa no ntuanofɔ dii nkitaho wiei no, oyii nnwontɔfo bi sɛ wonni asraafo no anim, nto dwom mma Awurade, nkamfo no wɔ n’anuonyam kronkron no nti. Dwom no mu nsem ni: “Monna Awurade ase na n’adɛ wɔ hɔ daa!” **22** Bere a wɔpagyaw ayeyi dwom no, Awurade maa Amon, Moab ne bepɔw Seir asraafo no twaa wɔn ho koe. **23** Moab ne Amon asraafo no dan wɔn ani kyeree mmarima a wofi bepɔw Seir so no, kunkum wɔn nyinaa. Wowiee Seir asraafo no, wɔtwaa wɔn ho koe. **24** Na Yuda asraafo no duu baabi a wogyina a wuhu sare no so no, wohuu sɛ afunu gugu fam kɔ akyiri. Atamfo no mu baako mpo antumi anguan. **25** Ɔhene Yehosafat ne n’akofo no kotaseɛ asade. Wonyaa adwumaye nneɛma, ntade ne nneɛma a ɛsom bo a wontumi nsoa. Na asade no dɔɔso enti wode nnansa na etase ne nyinaa. **26** Nnaanana so no, wɔboaa wɔn ho ano wɔ Nhyira Bon mu. Wɔtoo obon no din saa da no, efise ɛhɔ na nnipa no kamfoo Awurade, daa no ase. Wɔda so frɛ no Nhyira Bon nne yi. **27** Afei, Yehosafat dii wɔn anim ne wɔn san kɔɔ Yerusalem anigye so sɛ, Awurade ama wɔadi wɔn atamfo so nkonim. **28** Wɔbɔɔ mmenta, asankuten ne ntorobento tuu nten kɔhyɛn Yerusalem na wɔkɔɔ Awurade Asɔredan no mu. **29** Bere a ahenni a atwa hɔ ahyia no tee sɛ Awurade no ankasa ako atia Israel atamfo no, Awurade ho suro baa wɔn so. **30** Na ɛmaa asomdwoe baa Yehosafat ahenni mu, efise ne Nyankopɔn maa no ahomegye wɔ afanan nyinaa. **31** Na Yehosafat dii hene wɔ Yuda asase so. Bere a odii hene no, na wadi mfe aduasa anum. Ɖtenaa Yerusalem dii hene mfe aduonu anum. Na ne na din de Asuba a ɔye Silhi babea. **32** Na Yehosafat ye ɔhene a oye. Ɖyɛɛ nea n’agya Asa yɛɛ. Ɖyɛɛ nea ɛsɔ Awurade ani. **33** Nanso

n'ahenni mu no, wammubu abosonsomfo nsoree so no, na ɔmanfo no nso amfa wɔn koma nyinaa amma wɔn agyanom Nyankopɔn no. **34** Yehosafat ahenni ho nsem nkae, fi mfiase kosi awiei no, wɔakyerew agu Hanani babarima Yehu nhoma a wɔde aka Israel Ahemfo nhoma no ho. **35** Nanso ereko n'asetena awiei no, ɔhene Yehosafat ne Israelhene Ahasia a ne tirim ye den no kaa wɔn ho bɔɔ mu. **36** Woyee Po so aguadi ahyen bebree wɔ Esion-Geber hyengyinabea. **37** Na Dodafahu babarima Elieser a ofi Maresa hyee nkɔm, de tiaa Yehosafat. Ɔkae se, "Esiane se wo ne ɔhene Ahasia aye baako nti, Awurade besee w'adwuma." Enti ahyen no bobɔe a wɔantumi amfa ankodi gua.

21 Bere a Yehosafat wui no, wosiee no wɔ n'agyanom nkɛyɛn wɔ Dawid kurom. Na ne babarima Yehoram dii n'ade se ɔhene. **2** Yehoram nuanom mmарima a na woye Yehosafat mmabarima afoforo bi no ne Asaria, Yehiel, Sakaria, Asaria, Mikael ne Sefatia. **3** Wɔn agya maa wɔn mu biara akyede a esom bo, a eye dwete, sikakokɔɔ ne abɔɔdenne; na afei, ɔde Yuda nkurow a wɔabɔ ho ban no bi kyekyee wɔn. Na esiane se Yehoram ye abakan nti, ɔbeyee ɔhene. **4** Na bere a Yehoram ahenni timii no, okunkum ne nuabarimanom no nyinaa ne Israelfo ntuanofɔ bi. **5** Bere a Yehoram dii ade no, na wadi mfirihyia aduasa abien. Na odii ade wɔ Yerusalem mfirihyia awotwe. **6** Na Yehoram yee senea Israel ahemfo yee. Na ɔye otirimɔdenfo te se ɔhene Ahab, efise na waware Ahab mmabea no mu baako. Enti Yehoram yee bone wɔ Awurade ani so. **7** Nanso na Awurade mpe se ɔsee Dawid ahenni nnidiso no, efise na ɔne Dawid aye apam ahye bɔ se, n'asefo beko so adi hene afebɔɔ. **8** Yehoram bere so na Edomfo sɔre tiaa Yuda, na wosii wɔn ankasa wɔn hene. **9** Enti Yehoram de asraafo ne ne nteaseenam nyinaa kotow hyee Edom so. Edomfo twaa ɔno ne ne nteaseenamkafo no ho hyiae, nanso ɔfaa anadwo sum mu guanee. **10** Edom ade ne ho a ɔnhye Yuda ase de besi nne. Saa bere koro no ara mu, Libna kurow tew atua, efise na Yehoram atwe ne ho a fi Awurade, n'agyanom Nyankopɔn ho. **11** Na wasisi abosonsomfo nsoree so wɔ Yuda mmepɔw asase so, ama nnipa a wɔwɔ Yerusalem ne Yuda akɔsom abosonsomfo anyame. **12** Na odiiyifo Elia kyerew saa krataa yi komaa Yehoram: "Asem a Awurade, w'agya Dawid Nyankopɔn se ni: 'Woanni w'agya Yehosafat anaa wo nena Yudahene Asa nhwesopa so. **13** Mmom, woaye omumɔyefo se Israel ahemfo. Woama Yerusalemfo ne

Yudafo akɔsom ahoni te senea ɔhene Ahab yee wɔ Israel no. Na mpo, woakunkum w'ankasa wo nuanom mmарima a na wodi mu sen wo. **14** Enti afei, Awurade de ɔhaw kese beba wo, wo nkurofo, wo mma, wo yerenom ne biribiara a eye wo dea so. **15** W'ankasa de, wɔde nsono mu yare a eye yaw yiye beto wo so akosi se w'ayamude betu apue.'" **16** Na Awurade kaa Filistifo ne Arabfo a na wote ben Etiopiafo so se wonkotow nhye Yehoram so. **17** Wɔbɔɔ nsra kɔɔ Yuda so kotuaa wɔn ano, fow abɔɔden nneema a ewɔ ahemfi ho a ne mmabarima ne ne yerenom ka ho. Ne babarima kumaa Yehoahas nko na wogyaw no. **18** Eyi akyi na Awurade maa nsono mu yare a ano ye den bɔɔ Yehoram. **19** Akyiri no, mfe abien akyi, ɔyare no maa n'ayamde puei, na owui ɔyaw mu. Ne nkurofo ammo ogyatannaa kese, amfa anhye no anuonyam wɔ n'ayiyɛ mu senea woye maa n'agyanom no. **20** Yehoram dii ade no, na wadi mfirihyia aduasa abien, na odii ade wɔ Yerusalem mfirihyia awotwe. Owui no, anye obiara awerehow. Wosiee no wɔ Dawid kurom, nanso enye adehye asiei.

22 Afei, ɔmanfo a wɔwɔ Yerusalem no sii Yehoram babarima kumaa Ahasia ɔhene a odi ho. Na Arabfo afowfo akuw akunkum mmabarima mpanyimfo no nyinaa. Eno nti, Yehoram babarima kumaa Ahasia na odii hene wɔ Yuda. **2** Bere a Ahasia dii ade no, na wadi mfirihyia aduonu abien, na odii ade wɔ Yerusalem afe. Na ne na a ɔye Israelhene Omri nena no din de Atalia. **3** Ahasia nso yee ɔhene Ahab abusua bone a woyee no bi, efise ne na hyee no nkuran wɔ boneye mu. **4** Ɔyee bone wɔ Awurade ani so senea Ahab yee no. N'agya wu akyi no, Ahab abusuafo na wɔbeyee n'afotufɔ. Wɔn na wɔde no kɔɔ ɔsee mu. **5** Esiane wɔn afotu bone nti, Ahasia de ne ho kɔbɔɔ ɔhene Yoram a ɔye Israelhene Ahab babarima ho. Wotuu Aramhene Hasael so sa wɔ Ramot-Gilead. Ɔko no mu no, Aramfo no piraa Yoram. **6** Yoram san kɔɔ Yesreel kɔsaa n'apirakuru no, na Yudahene Ahasia kɔɔ Yesreel kɔsraa no. **7** Na eyi dan mfomso kese, efise na Onyankopɔn aye n'adwene se ɔbetwe Ahasia aso. Saa nsrahwe yi mu na Ahasia ne Yoram kohyiaa Nimsi babarima Yehu, a na Onyankopɔn ayi no se ontwa Ahab fi adedi ntoatoaso no so. **8** Bere a Yehu rebu aten atia Ahab fi no, ohyiaa Yuda mpanyimfo ne Ahasia abusuafo bi a na wɔresom Ahasia. Enti Yehu kunkum wɔn nyinaa. **9** Afei, Yehu mmарima hwehwee Ahasia,

na wokohuu no se wakotew Samaria kuropon no mu. Wode no breɛ Yehu ma okum no. Wosiee Ahasia ma eyee fe, efise nnipa dii ne ho adanse se, “Ɔye Yehosafat a ɔde ne koma nyinaa hwehwee Awurade no nena.” Na Ahasia abusua mu nnipa a wokaa akyi no mu biara amfata se abetoa ahenni no so. **10** Bere a Yudahene Ahasia ne na Atalia tee se ne babarima no awu no, ɔkekaa ne ho, pee se ɔsee Yuda adehye abusua no. **11** Nanso Ahasia nuabea Yehoseba, a na ɔye ɔhene Yehoram babea, faa Ahasia babarima akokoaa Yoas fii ɔhene no mma a wɔaka a wɔrebekum won no mu. Ɔde Yoas ne onipa a ɔhwe no no kosiee pia bi mu. Eyi ne ɔkwan a ɔsofo Yehoiada yere Yehoseba faa so de abofra no siei, senea ebeye na Atalia rennya no nkum no. **12** Yoas hyee Onyankopon Asɔredan mu ho mfe asia, bere a na Atalia di ɔman no so no.

23 Atalia dii ade mfe ason no, ɔsofo Yehoiada kyeree no tumi. Osii ne bo ne asraafodɔm ɔha so asahene baanum, a wone Yeroham babarima Asaria, Yehohanan babarima Ismael, Obed babarima Asaria, Adaia babarima Maaseia ne Sikri babarima Elisafat yee apam. **2** Saa mmarima yi faa sum ase, kyinii Yuda nyinaa, frefree Lewifo ne mmusua ntuanofa a wɔwɔ Yuda nkurow so se, wɔmmra Yerusalem. **3** Won nyinaa hyiaa wo Onyankopon Asɔredan mu ne ɔhenberante Yoas yee apam. Yehoiada ka kyeree won se, “Bere adu se ɔhene babarima di ade. Awurade ahye bo se, Dawid aseni na obeye yen hene. **4** Nea ese se moye ni. Se asofo ne Lewifo ba adwuma Homeda a, won mu nkyemu abiesa mu baako na wɔbeyɛ apon ano ahwefo. **5** Nkyemu abiesa mu baako nso beko ahemfi, na nkyemu abiesa mu baako a wɔaka no ako Fapem Pon no ano. Afei, ese se won a wɔaka no nyinaa tenatena Awurade Asɔredan adiwo ahorow ho. **6** Monkae se, asofo ne Lewifo a wɔwɔ won nnwuma so nko ara na ese se wɔhyen Awurade Asɔredan no mu, efise won na wɔayi won asi ho se wɔye kronkron. Ese se nnipa a wɔaka no di Awurade mmara so, na wɔtenatena afikyiri. **7** Mo Lewifo na wɔbeyɛ ɔhene ho awemfo kuw, a mukurakura mo akode. Onipa biara a wɔmmaa no kwan a ɔbeben mo no, munkum no. Bere biara, mommen ɔhene no.” **8** Enti Lewifo no ne nnipa no yee biribiara a ɔsofo Yehoiada hyee se wɔnye no pɛpɛɛpɛ. Asahene no hwɛ won a wɔko adwuma saa Homeda no ne won a ese se wogyɛ won ahomedu no so. Ɔsofo Yehoiada amma obiara ankɔ fie. **9** Na Yehoiada de mpeaw ne nkatabo a na eye ɔhene

Dawid de, na wɔkoraa wo Onyankopon Asɔredan mu no maa asahene no. **10** Ɔde awemfo no twaa ɔhene no ho hyiae a wɔaye won akode krado. Wogyinagyinaa saa wo Asɔredan no anafo fam, twaa ho kɔɔ atifi fam, twaa afɔremuka no ho nyinaa hyiae. **11** Afei, Yehoiada ne ne mmabarima yii ɔhene babarima Yoas bae, na wode ahenkyew no hyee no. Wɔmaa Yoas Onyankopon mmara nhoma no bi daa no adi se ɔhene. Wosraa no ngo, maa obiara teɛ mu se, “ɔhene nkwa so!” **12** Bere a Atalia tee gyegyeegye a ɔmanfo reye, na wɔretutu mmirika, na wɔrekamfo ɔhene no, ɔyee ntem kɔɔ Awurade asɔredan mu ho, kɔhwɛ asem ko a asi. **13** Na ohuu se ɔhene foforo no gyina n’afa baabi wo afadum no ho wo Asɔredan no kwan ano a ekyere ne tumi. Na mpanyimfo ne torobentohyenfo atwa ne ho ahyia, ama nnipa a wɔwɔ asase no so nyinaa regye won ani, rehyen ntrobento. Nnwontofa a wɔnam nnwontode so bɔɔ nnwom de dii ɔmanfo no anim ahokeka so. Bere a Atalia huu eyi no, ɔde ahometew sunsuan ne ntade mu tetteɛ mu se, “Amammɔsem! Amammɔsem!” **14** Na ɔsofo Yehoiada hyee asafohene a wɔhwe asraafo no so no se, “Montwe no mfi Asɔredan mu ha, na obiara a obeye se ɔregye no no, munkum no. Nanso munnkum no wo Awurade Asɔredan mu ha.” **15** Enti wɔtwee no de no kɔɔ ɔkwan a aponko fa so ba ahemfi ho no so, kum no wo ho. **16** Na Yehoiada ne ɔhene no ne ɔmanfo no yee apam se, wɔbeyɛ Awurade nkurofo. **17** Na nnipa no nyinaa kɔɔ Baal asɔredan no mu, kobubu gui. Wosɛɛ afɔremuka no, dwerew ohoni no, kum Baal sofo Matan wo afɔremuka no anim. **18** Yehoiada nam ahyede a Dawid ka too ho so, de Lewifo asofo sisii Awurade Asɔredan no dwumadi ahorow no ano. Ɔhyee nso se, wɔmmɔ ɔhyew afɔre mma Awurade, senea Mose mmara kyere no, na wɔnto nnwom nsepew won ho, senea Dawid ahye no. **19** Ɔde apon ano ahwefo no sisii Awurade Asɔredan apon ano, senea wɔremma won a won ho nteɔ no nko mu. **20** Afei, asahene, atitiriw, ntuanofa ne ɔmanfo nyinaa dii ɔhene no akyi, de no pue fii Awurade Asɔredan mu ho. Wofaa atifi fam pon no ano, wuraa ahemfi ho, de ɔhene no kɔtenaa adehye ahengua no so. **21** Enti nnipa a wɔwɔ asase no so nyinaa dii ahurusi, na asomdwoe baa ɔman no mu, efise na wode afoa akum Atalia.

24 Yoas dii hene no, na wadi mfe ason, na odii ade wo Yerusalem mfirihya aduanan. Na ne na din de Sibia a ofi Beer-Seba. **2** Yoas yee nea esɔ Awurade ani,

ɔsɔfo Yehoiada nkwanna nyinaa. **3** Yehoiada maa Yoas ɔyerenom baanu a ɔne wɔn wowoo mmabarima ne mmabea. **4** Akyiri no, Yoas yɛɛ n'adwene sɛ obesiesie Awurade Asɔredan no. **5** Enti ɔfrɛfrɛɛ ɔsɔfo ne Lewifo no ka kyerɛɛ wɔn se, "Monko Yuda nkurow nyinaa so ntem, na munkogyigye afirihiatow, senea yebetumi asiesie mo Nyankopɔn Asɔredan no. Monntwentwen koraa." Nanso Lewifo no ankɔ prɛko pɛ. **6** Na ɔhene no frɛɛ ɔsɔfopanyin Yehoiada bisaa no se, "Aden nti na wummisaa Lewifo no nea enti a wɔnkɔ Yuda nkurow so ne Yerusalem nkogyigye Asɔredan ho tow no? Mose, Awurade somfo, gyigyee ɔman Israel saa tow yi, senea ɛbɛyɛ a obetumi asiesie Apam Ntamadan no." **7** Afei na otirimɔdenfo Atalia mma abɔ awura Onyankopɔn Asɔredan no mu, na nneɛma a wɔahyira so wɔ Awurade Asɔredan no mu no nyinaa, wɔafa de resom Baal ahoni. **8** Enti Yoas hyɛɛ sɛ wɔnyɛ adaka bi mfa nsi ɔkwan a ɛkɔ Awurade Asɔredan no akyi. **9** Enti wɔde too Yuda ne Yerusalemman anim sɛ, wɔmfa tow a Mose, Onyankopɔn somfo gyigyee Israelfo wɔ sare so no mmɛ Awurade. **10** Ntuanofɔ no ne ɔmanfo no penɛɛ so, enti wɔde anigye de wɔn sika behyɛɛ adaka no ma. **11** Bere biara a adaka no bɛyɛ ma no, Lewifo no soa de kɔma ɔhene mpanyimfo. Na asennii kyerewfo ne ɔsɔfopanyin nanmusini bi akan sika no, na wɔasan de adaka no akosi Asɔredan no pon ano bio. Wɔyɛɛ saa daa, na wonyaa sika bebree. **12** ɔhene no ne Yehoiada de sika no maa adansi sohwefo, ma wɔfaa adansifo ne nnua dwumfo, ma wɔsiesie Awurade Asɔredan no. Afei, wɔfaa nnade adwumfo ma wɔde nnade ne kɔbere mfrafrae yɛɛ Awurade Asɔredan no ho nneɛma. **13** Na mmarima a wɔhwɛ ɔdan no siesie so no yɛɛ adwumaden maa adwuma no kɔɔ so senea ɛfata. Wosii Onyankopɔn Asɔredan no wɔ ne tebea dedaw no seso na wɔhyɛɛ mu den. **14** Wowiee asiesie no, wɔde sika no nkae brɛɛ ɔhene no ne Yehoiada. Wɔde yɛɛ nneɛma ahorow a wɔde bi som, de bi bɔ ɔhyew aforɛ a nkwan kora ne hweaseammɔ ahorow a wɔde sikakɔkɔɔ ne dwetɛ ayɛ nso ka ho. Na wɔde kogu Awurade asɔredan no mu. Bere a na ɔsɔfo Yehoiada te ase no, na wɔtaa bɔ ɔhyew aforɛ wɔ Awurade Asɔredan mu ho. **15** Yehoiada nyinii yiye, owui no na wadi mfirihyia ɔha ne aduasa. **16** Wosiee no wɔ ahemfo asiei wɔ Dawid kurom, efise na wayɛ adwuma pa wɔ Israel, ama Onyankopɔn ne n'Asɔredan no. **17** Yehoiada wu akyi no, Yuda ntuanofɔ bekotow ɔhene Yoas anim, srɛɛ no se ontie wɔn afotu. **18** Wɔyɛɛ

wɔn adwene sɛ wobegyaw Awurade, wɔn agyanom Nyankopɔn Asɔredan no, na wɔasom Asera nnua no ne ahoni no mmom. Na Onyankopɔn abufuw baa Yuda ne Yerusalem so wɔ wɔn bɔne nti. **19** Awurade somaa adiyifo sɛ wɔnkɔfa wɔn mmɛ no, nanso nnipa no ampene. **20** Afei, Onyankopɔn Honhom baa ɔsɔfo Yehoiada babarima Sakaria so. Ogyinaa nnipa no anim kae se, "Senea Onyankopɔn se ni: Aden nti na munni Awurade ahyede so? Morennya nkɔso, efise moagyaw Awurade ama ɔno nso agyaw mo!" **21** Na ntuanofɔ no pam Sakaria ti so sɛ wobekum no. Na ɔhene Yoas ankasa hyɛ ma wosiw no abo, kum no wɔ Asɔredan no adiwo ho. **22** Na ɔhene Yoas ankae adɔɔ a n'agya Yehoiada de yɛɛ no no, na okum ne babarima. Sakaria rewu no, nsem a ɔka twaa to ne se, "Awurade nhu nea wɔreyɛ na ɔmma wommu ho akontaa!" **23** Afe no mfiase no, Aram asraafo bɔɔ nsra baa Yoas so. Wɔkaa Yuda ne Yerusalem hyɛɛ, kunkum ntuanofɔ a wɔwɔ ɔman no mu nyinaa. Na wɔfaa asade a wonyae nyinaa, de kɔmaa wɔn hene wɔ Damasko. **24** Ɛwɔ mu se Aram dam a wɔkɔtow hyɛɛ wɔn so no sua de, nanso Awurade boaa wɔn ma wɔdii Yuda asraafodɔm kese no so nkonim. Yudafo gyaw Awurade, wɔn agyanom Nyankopɔn, eno nti Awurade buu aten tiaa Yoas. **25** Aramfo twee wɔn ho na wogyaw Yoas a na wapira yiye no ho. Nanso ɔno ankasa mpanyimfo dweneɛ ho sɛ, esiane sɛ okum ɔsɔfo Yehoiada babarima nti, wobekum no. Wokum no bere a ɔda mpa so. Na wosiee no Dawid kurom a wɔankosie no wɔ adehyɛ amusiei. **26** Na awudifo no yɛ Yosabad a ɔyɛ Amonnibea Simeat babarima, ne Somer a ɔyɛ Moabnibea Simrit babarima. **27** Wɔakyerɛw nsem a efa Yoas mmabarima, ne ho nkɔmhyɛ, ne Onyankopɔn Asɔredan no asiesie wɔ Ahene nkyeremu nhoma no mu. Yoas wui no, ne babarima Amasia dii n'ade sɛ ɔhene.

25 Amasia dii hene no, na wadi mfirihyia aduonu anum, na odii ade mfirihyia aduonu akron wɔ Yerusalem. Na ne na din de Yehoadan a ofi Yerusalem. **2** Amasia yɛɛ nea etɛɛ wɔ Awurade ani, nanso na emfi ne koma nyinaa mu. **3** Bere a Amasia tim wɔ n'ahenni mu yiye no, okunkum mmarima a wokum n'agya a na ɔyɛ ɔhene no. **4** Nanso wankunkum awudifo no mma, efise otiee Awurade ahyede a wɔakyerɛw wɔ Mose mmara nhoma no mu no se: Ense sɛ wokunkum awofɔ wɔ wɔn mma bɔne a wɔayɛ nti, anaa wokunkum mma wɔ awofɔ bɔne a wɔayɛ nti. Wɔn a wɔsɛ owu no, ɛsɛ

se wokum wɔn wɔ wɔn nnebone nti. **5** Ade foforo a Amasia yee ne se, ɔyee nhyehyee foforo wɔ asraafo no mu, de ntuanofɔ tuatuaa Yuda ne Benjamin mmusua no mu biara ano. Afei, ɔkan wɔn huu se n'akofo a wɔadi mfe aduonu reko no dodow ye mmarima mpem ahaasa, na wɔatetew wɔn nyinaa wɔ peawtow ne nkatabokura mu. **6** Ɔsan tuaa dwete tɔn 3.4 se apaade maa Israel mmarima mpem ɔha a wonim akodi yiye. **7** Nanso Onyankopɔn nipa baa ɔhene no nkyen bekae se, "Ɔhene, ntua sika mfa asraafo mfi Israel, efise Awurade nka Israel ho. Ɔremmoa saa nnipa a wofi Ephraim no. **8** Se woma wokɔka w'akofo ho kɔ ɔko, na moko se den ara a, wobedi mo so nkonim. Onyankopɔn betu mo agu, efise ɔwɔ tumi se ɔboa anaa ɔsee." **9** Amasia bisaa Onyankopɔn nipa no se, "Na dwete a mitua kɔbɔɔ Israel asraafo paa no nso menyɛ no den?" Onyankopɔn nipa no buae se, "Awurade betumi ama wo nea esen see koraa." **10** Enti Amasia pɔn asraafo a ɔbɔɔ wɔn paa no ma wɔsan kɔɔ Ephraim. Eyi maa wɔn bo fuw Yuda, na wɔsan de abufuwhyew kɔɔ fie. **11** Na Amasia sii ne bo, dii n'akofo anim, kɔɔ Nkyene Bon no mu. Eho na wokum Edomfo asraafo a wofi Seir no mpem du. **12** Wɔkyekyeree mpem du bio de wɔn kɔɔ abotan tenten bi atifi, kosunsum wɔn ma wɔbehwee abotan a ewɔ bepɔw no ase no so, tetew pasapasa. **13** Na asraafo a Amasia kɔbɔɔ wɔn paa a ɔma wɔsan kɔe no tow hyee Yuda nkurow bebree a ewɔ Samaria ne Bet-Horon ntam no so. Wokunkum nnipa mpensa, tasee asade bebree. **14** Bere a ɔhene Amasia dii Edomfo so a ɔreba no, ɔde ahoni a ɔtase fii Seirfo nkyen kaa ne ho bae. Ɔde wɔn sisii ho se ɔno ankasa anyame, kotow wɔn anim, bɔɔ afɔre maa wɔn. **15** Eyi hyee Awurade abufuw yiye nti, ɔsomaadiiyifo se onkobisa se, "Aden nti na wosom anyame a mpo wontumi nnye wɔn ankasa nkurofo nkwa mfi wo nsam?" **16** Nanso ɔhene no amma n'ano ansi, na ɔkae se, "Da ben na mibisaa wo afotu? Mua w'ano na mankum wol!" Enti ansa na odiyifo no rebeko no, ɔbɔɔ saa kɔkɔ yi, "Minim se esiane se woaye saa nti, Onyankopɔn aye n'adwene se ɔbesee wo, efise woantie m'afotu." **17** Akyiri a Yudahene Amasia kɔɔ n'afotufɔ nkyen kobisaa afotu no, ɔde sii Israelhene Yoas a na ɔye Yehoahas babarima, na ɔye Yehu nena nso anim se, "Bra na yenni ako." **18** Na Israelhene Yoas buaa Yudahene Amasia se, "Nsɔe a ewɔ Lebanon mmepɔw so somaa abɔfo kɔɔ dutan sida nkyen kɔka kyeree no se, 'Fa wo babea ma me babarima aware.'"

Eho ara na aboa bi fi wuram betiatiaa nsɔe no so seee no. **19** Nokware woadi Edom so nkonim, ama woaye ahantan. Ma w'ani nsɔ wo nkonimdi no, na tena wo fi. Aden nti na wopere wo ho kɔ ɔhaw a ede amanehununu beba wo ne Yudafo nyinaa so yi?" **20** Amasia yee asoɔden, efise na Onyankopɔn resiesie kwan bi afa so asɛe no, se ɔsom Edom anyame no nti. **21** Na Israelhene Yoas, boaboa n'akofo ano kotiaa Yudahene Amasia. Asraafodom abien no hyiaa wɔ Bet-Semes a ewɔ Yuda. **22** Israel asraafo dii Yuda so nkonim ma wɔbɔɔ ahwete, guan kɔɔ wɔn kurom. **23** Israelhene Yoas kyeree Yudahene Amasia wɔ Bet-Semes, na ɔsan de no baa Yerusalem. Afei, Yehoas hyee n'akofo se, wɔnsee Yerusalem fasu no anammɔn ahansia a efi Ephraim Pon ano, kosi Twɔtwɔw Pon no ano. **24** Ɔtasee sikakokɔɔ ne dwete ne nneema ahorow a ewɔ Onyankopɔn Asɔredan mu a na Obed-Edom hwe so no nyinaa. Afei, ɔfaa adekoradan a na ewɔ ahemfi ho mu nneema kaa nnommum no ho, na ɔsan kɔɔ Samaria. **25** Israelhene Yoas, Yehoahas babarima wu akyi no, Yudahene Amasia tenaa ase mfe dunum. **26** Amasia ahenni ho nsem nkae, efi mfiase kosi awiei no, wɔankyerew angu Yuda ahemfo ne Israel ahemfo nhoma no mu ana? **27** Amasia dan ne ho fii Awurade akyidi no, wɔpam ne ti so wɔ Yerusalem. Eno nti, oguan kɔɔ Lakis. Nanso n'atamfo somaa awudifo, tiw no kokum no wɔ ho. **28** Wɔde no too ɔpɔnkɔ so baa Yerusalem besiee no kaa n'agyanom ho wɔ Dawid kurom.

26 Yuda manfo de Amasia babarima Usia a na wadi mfe dunsia tenaa ahengua so se wɔn hene foforo. **2** Usia agya wu akyi no, ɔsan kyekyeree Elot kurow no, na ɔdan maa Yuda. **3** Usia dii ade no, na wadi mfirihyia dunsia, na odii hene wɔ Yerusalem mfirihyia aduonum abien. Na ne na a ofi Yerusalem no din de Yeholia. **4** Na ɔtee wɔ Awurade ani so, senea n'agya Amasia tee no. **5** Sakaria bere so no, Usia hwehwee Onyankopɔn akyi kwan, efise ɔkaa Onyankopɔn suro ho nsem kyeree no. Na esiane se ɔhene no hwehwee Onyankopɔn akyi kwan no nti, Onyankopɔn maa no nkɔso. **6** Otuu Filistifo so sa, na obubuu Gat, Yabne ne Asdod afasu. Na ɔkyekyeree nkurow afoforo wɔ Asdod fam ne mmeaemmeae bi a ewɔ Filistia. **7** Enye ɔko a ɔne Filistifo koe no mu nko ara na Onyankopɔn boaa no, na mmom ɔko a ɔne Arabfo a wɔwɔ Gur Baal koe ne Meunifo ko mu nso, ɔboaa no. **8** Meunifo no tuaa sonkahiri maa no, na ne din hyeta koduu Misraim,

efise na ɔwɔ tumi a ɛso. **9** Usia sisii ɔwɛn abantenten wɔ Yerusalem wɔ Twɔtwɔw Pon ano, Obon Pon ano ne ɔfasu no ntwea mu no. **10** Ɔsan sisii abankese wɔ sare so, tutuu mmura bebreɛ, efise na ɔyɛn mmɔa pii wɔ Yuda beɔw ase hɔ. Na ɔyɛ ɔbarima a n'ani gye kua hɔ. Na ɔwɔ adwumayefo bebreɛ a wɔhwɛ ne mfuw ne ne bobeturo a ɛwɔ mmepɔw no nsian mu ne obon nsasebere no so. **11** Na Usia wɔ asraafo a wɔyɛ akofo akese a wɔwɔ akodi mu ntetewee. Na wɔyɛ akuw akuw a wɔasiesie wɔn ho ama ɔko. Na Yeiel a ɔyɛ asraafodɔm no kyɛrwɔfo, ne ne boafɔ Maaseia na wɔboaboa akofo kuw kese yi ano. Na wɔhyɛ Hanania a ɔyɛ ɔhene no mpanyimfo no mu baako ase. **12** Mmusua ntuanɔfo mpɛnu ahansia na na wɔma saa akofo abenfo yi akwankyerɛ. **13** Na asraafodɔm no dodow yɛ mpɛm ahaasa ne ason, ahannum a wɔn nyinaa nim de. Na wɔada wɔn ho so sɛ wɔbɛboa ɔhene no ako atia ɔtamfo biara. **14** Usia maa asraafodɔm no nyinaa nkatabo, mpeaw, nnadekyɛw, agyiraehyede, bemma ne ahwimmo abo. **15** Afei, abenfo bi yɛ mfi de sisii Yerusalem afasu no so a ɛtow agyan ne abo fi abantenten no so ne fasu twɔtwɔw so. N'anuonyam hyɛtaɛ, efise Awurade boaa no yiye kosii sɛ onyaa tumi kese. **16** Nanso onyaa tumi kese no, ɔyɛɛ ahantan a ɛnam so ma ɔhwee ase. Ɔyɛɛ bɔnɛ tiaa Awurade ne Nyankopɔn, efise ɔkɔɔ Awurade Asɔredan kronkronbea hɔ, kɔhyew nnuhum wɔ afɔremuka no so. **17** Ɔsɔfopanyin Asaria ne Awurade asɔfo fɔforo aduwɔtwɛ, akokodurufɔ kɔhwɛhwɛɛ no. **18** Wɔka sii ɔhene Usia anim sɛ, “Ɛnyɛ wo Usia na ɛsɛ sɛ wɔhyew nnuhum ma Awurade. Ɛyɛ asɔfo nko ara, Aaron mmabarima a, wɔayi wɔn asi hɔ ama saa dwumadi no nko ara adwuma. Fi kronkronbea ha kɔ, efise wɔayɛ bɔnɛ. Onyankopɔn renhyɛ wo anuonyam wɔ eyi ho.” **19** Usia bo fuw yiye, na wamfa nnuhumhyew kuruwa a na okura no ansi fam. Ɔnɛ asɔfo no gyina nnuhum afɔremuka no anim wɔ Awurade Asɔredan no mu no, prɛko pɛ, kwata totɔɔ ne moma so. **20** Bere a Asaria ne asɔfo a wɔaka no huu kwata no, wɔpiapiaa no fii hɔ. Na ɔhene no ankasa pɛɛ sɛ ofi hɔ ntɛm, efise Awurade na na wabɔ no. **21** Enti kwata yɛɛ ɔhene Usia kosii sɛ owui. Wɔpam no fi nnipa mu maa ɔno nko ara tenae a wankɔ Awurade Asɔredan mu. Wɔde ne babarima Yotam tenaa ahɛmfi hɔ ma odii nnipa a wɔwɔ asase no so no so. **22** Amos babarima Yesaia akyerɛw Usia ahenni ho nɛm nkaɛ fi mfiase kosi awiei ato hɔ. **23** Usia wui, na ɛsiane sɛ kwata yɛɛ no nti, wosieɛ no ben

ahɛmfo amusiei. Na ne babarima Yotam na odii n'ade sɛ ɔhene.

27 Yotam dii hene no, na wadi mfirihyia aduonu anum. Odii hene wɔ Yerusalem mfirihyia dunsia. Na ne na a ɔyɛ Sadok babɛa no din de Yɛrusa. **2** Ɔyɛɛ nea ɛsɔ Awurade ani sɛnea n'agya Usia yɛɛ no. Yotam de, wankɔ Awurade Asɔredan mu sɛnea n'agya yɛɛ no. Nanso ɔmanfo no toaa wɔn nnebɔneyɛ so. **3** Yotam san yɛɛ Atifi Pon a ɛwɔ Awurade Asɔredan no ho, na ɔsan yɛɛ nnwuma bebreɛ de siesieɛ ɔfasu a ɛwɔ Ofɛl beɔw so no. **4** Ɔkyekyɛɛ nkurow wɔ Yuda mmepɔw asase so, sisii aban ne abantenten wɔ mmeaemɛaɛ a wɔadua nnua. **5** Yotam tuu Amonfo so sa, dii wɔn so nkonim. Mfɛ abiesɛ a edi kan no de, ogyɛɛ wɔn sonkahiri a ɛyɛ dwɛtɛ tɔn 3.4, awi susukɔraa mpɛm aduonum ne atoko susukɔraa mpɛm aduonum. **6** Ɔhene Yotam nyaa tumi kese, efise ɔde ahwɛyɛ yɛɛ osɛtie maa Awurade, ne Nyankopɔn. **7** Yotam ahenni ho nɛm nkaɛ a n'akodi ne ne nnɛyɛɛ ahɔrow ka ho no, wɔakyerɛw agu Israel ne Yuda ahɛmfo nhoma mu. **8** Odii ade no, na wadi mfirihyia aduonu anum, na odii hene wɔ Yerusalem mfirihyia dunsia. **9** Yotam wui no, wosieɛ no Dawid kurom. Ne babarima Ahas, na odii n'ade sɛ ɔhene.

28 Ahas dii ade no, na wadi mfirihyia aduonu. Odii hene wɔ Yerusalem mfirihyia dunsia. Wanyɛ nea ɛsɔ Awurade ani sɛnea ne tɛtɛ agya Dawid yɛɛ no. **2** Mmom, ɔyɛɛ nea Israel ahɛmfo yɛɛ no bi, yɛɛ ahoni a wɔde som Baal. **3** Ɔbɔɔ afɔrɛ wɔ Hinom babarima bon mu, na mpo ɔde ne mmabarima bɔɔ afɔrɛ wɔ ogya mu. Osuaa akyiwade a abosonsom aman no yɛɛ a nti Awurade pam wɔn fii asase no so ansa na Israelfo rekodu hɔ no. **4** Ɔbɔɔ afɔrɛ, hyew nnuhum wɔ abosomfi, mmepɔw so ne dua frɔmfrɔm biara ase. **5** Ɛno nti na Awurade, ne Nyankopɔn, maa Aramhɛne kwan na odii Ahas so nkonim, twaa ne nkurɔfo bebreɛ asu kɔɔ Damasko. Israel asraafo bebreɛ nso dii Ahas so nkonim, kunkum n'akofo no bebreɛ nso. **6** Israelhɛne Pɛka, a ɔyɛ Remalia babarima de da koro kunkum Yuda asraafo no nnipa mpɛm ɔha aduonu, efise na wɔapo Awurade, wɔn agyanom Nyankopɔn. **7** Afei, Sikri, ɔkofo kese a ofi Efraim, kunkum Maaseia a ɔyɛ ɔhene babarima Asrikam, a ɔyɛ ahɛmfi so sahene ne Elkana, a ɔyɛ ɔhene sahene abediakyiri no. **8** Israelfo asraafo kyekyɛɛ mɛa ne Yuda mmofra mpɛm ahannu, faa asade bebreɛ, de kɔɔ Samaria. **9** Na

Awurade odiiyifo a ne din de Oded wɔ Samaria hɔ bere a Israel asraafo san baa fie no. Okohyiaa wɔn ka kyeree wɔn se, “Awurade, mo agyanom Nyankopɔn, bo fuw Yuda, na ɔmaa mudii wɔn so nkonim. Nanso moaye ama aboro so dodo se mode atirimɔden akunkum wɔn, ma ahaw ɔsoro nyinaa. 10 Na mprenpren, moredwene se mobefa saa nnipa yi a wofi Yuda ne Yerusalem nkoa. Na mo ankasa mo bɔne a moye tiaa Awurade, mo Nyankopɔn no, ho asem te den? 11 Muntie me, na munnyaa saa nneduafo a wɔwɔ mo nsam no, efise wɔye mo ankasa mo abusuafo. Monhwɛ no yiye, efise mprenpren, wɔdan Awurade abufuwhyew no aba mo so!” 12 Na Israel ntuanofɔ bi a wɔye Yehohanan babarima Asaria, Mesilemot babarima Berekia, Salum babarima Yehiskia ne Hadlai babarima Amasa penee eyi so, na wɔne mmarima a wofi akono reba no kae se, 13 “Mommfa nneduafo no mma ha! Yɛrentumi mfa nka yen bɔne ne yen afɔdi ho. Yen afɔdi so dedaw, na wɔdan Awurade abufuwhyew no aba Israel so dedaw.” 14 Enti akofo no gyaee nneduafo no de asade no mae wɔ ɔmanfo no ne ntuanofɔ no anim. 15 Afei, nnipa baanan a wɔbɔbɔ wɔn din no baa anim, bekyekyee ntade a ɛwɔ asade no mu no maa nneduafo a wɔda adagyaw no. Wɔmaa wɔn ntade ne mpaboa se wɔnhye ne nnuan pii ne nsu, de ngo guguu wɔn apirakuru mu. Wɔde wɔn a wɔaye mmerew no tenatenaa mfurum so, de nneduafo no nyinaa san baa wɔn asase Yeriko, mmekuro, no so. Afei, wɔsan kɔɔ Samaria. 16 Saa bere no mu, Yudahene Ahas kɔsrɛ Asiriahene se ɔmmeboa no na ɔnkɔko ntia n’atamfo. 17 Bio, na Edom asraafo adi Yuda so nkonim, akyekyere ebinom nnommum. 18 Na Filistifo atow ahye nkuro a ɛwɔ Yuda mmepɔw no ase ne Negeb so. Na wɔako afa Bet-Semes, Ayalon, Gederot ne Soko ne wɔn nkuro ne Timna ne Gimso ne wɔn nkuro no. Na Filistifo no tenatenaa saa nkuro yi so. 19 Na Awurade rebre Yuda ase, esiane Yudahene Ahas nti, efise na ɔboa ne nkurofo ma wɔye bɔne, na na onni Awurade nokware korakora nso. 20 Enti bere a Asiriahene Tilgat-Pilneser bedui no a anka ɛse se ɔboa ɔhene Ahas no, ɔhaw no mmom. 21 Ahas tasee nneema a ɛsom bo fii Awurade asɔredan no mu, ahemfi hɔ ne ne mpanyimfo a fi mu, de kɔmaa Asiriahene se ne tow. Nanso eyi mpo, ammoa no. 22 Na se ɔhaw bi ba ɔhene Ahas so mpo a, ɔko so ye asɔden wɔ Awurade so. 23 Ɔbɔɔ afɔre maa Damasko anyame a wodii ne so nkonim no, na ɔkae se, “Saa anyame yi na wɔboaa Aram ahemfo nti,

se meɔ afɔre ma wɔn a, wɔbeboa me nso.” Nanso wɔmaa no seee, maa Israel nyinaa seee. 24 Ɔhene no tasee nneema ahorow a ɛwɔ Onyankopɔn Asɔredan no mu nyinaa bubuu mu asinasin. Ɔtotoo Awurade asɔredan no apon mu, senea obiara ntumi nkɔsom wɔ hɔ. Osisii afɔremuka maa abosonsom anyame wɔ Yerusalem twɔtwɔw so baabiara. 25 Ɔye abosonsom nsɔree so wɔ Yuda nkuro nyinaa so a wɔbɔ afɔre wɔ hɔ ma anyame foforo no. Ɔnam saa ɔkwan yi so, hyee Awurade, n’agyanom Nyankopɔn, abufuw. 26 Ahas ahenni ho nsem nkae no fi mfiase kosi awiei no, wɔakyerew agu Yuda ahemfo ne Israel ahemfo nhoma mu. 27 Ɔhene Ahas wui no, wosiee no Yerusalem, nanso wɔansie no wɔ adehye amusiei. Ne babarima Hesekia na odii n’ade se ɔhene.

29 Hesekia dii hene wɔ Yuda no, na wadi mfe aduonu anum. Na odii ade mfe aduonu akron wɔ Yerusalem. Na ne na ye Sakaria babea a ne din de Abia. 2 Ɔye nea ɛsɔ Awurade ani, senea n’agya Dawid yee pɛpɛpɛ. 3 Afe a edi kan wɔ n’ahenni mu, ɔsram a edi kan no, Hesekia buebuee Awurade Asɔredan apon no, siesiee no. 4 Ɔfrefree asɔfo no ne Lewifo no se, wommehyia no wɔ Asɔredan no adiwo a ɛwɔ apuei fam hɔ. 5 Ɔka kyeree wɔn se, “Lewifo, muntie me! Munnwira mo ho, na munnwira Awurade, mo agyanom Nyankopɔn Asɔredan no nso. Munyiyi biribiara a efi aka no mfi kronkronbea hɔ. 6 Yen agyanom anni nokware, na wɔye bɔne wɔ Awurade, yen Nyankopɔn anim. Wogyaw Awurade ne n’Asɔredan no; wɔdan wɔn akyi kyeree no. 7 Afei, wɔtotoo Asɔredan no ntwironoo apon mu, dunum akanea no. Wogyae nnuhuamhyew, gyaee ɔhyew afɔrebɔde a wɔde ba Israel Nyankopɔn, kronkronbea hɔ no. 8 Ɔno nti na Awurade abufuw aba Yuda ne Yerusalem so no. Wama yeadan ahufɔ, ayamhyehyefo ne aserewde, senea muhu no pefee no. 9 Wɔakunkum yen agyanom wɔ ɔko mu, na wɔakyekeyere yen mmabarima, yen mmabea ne yen yerenom se nneduafo. 10 Nanso mprenpren, me ne Awurade, Israel Nyankopɔn beye apam senea n’abufuwhyew no befi yen so. 11 Me mma, afei monnto mo nnwuma asaworam. Awurade ayi mo se munnyina n’anim nsom no, na munni ɔmanfo anim nsom no na monhyew nnuhuam.” 12 Afei saa Lewifo yi hyee dwumadi no ase. Wɔn a wofi Kohat abusua mu no ye: Amasai babarima Mahat ne Asaria babarima Yoel. Wɔn a wofi Merari abusua mu no ye: Abdi babarima Kis ne Yehalelel babarima Asaria. Wɔn

a wofi Gerson abusua mu ye: Sima babarima Yoa ne Yoa babarima Eden; 13 Wɔn a wofi Elisafan abusua mu ye: Simri ne Yeiel. Wɔn a wofi Asaf abusua mu ye: Sakaria ne Matania. 14 Wɔn a wofi Heman abusua mu ye: Yehiel ne Simeil. Wɔn a wofi Yedutun abusua mu ye: Semaia ne Usiel. 15 Saa mmarima yi frɛfrɛ wɔn mfefo Lewifo, na wodwiraa wɔn ho. Na afei, wofii ase dwiraa Awurade Asɔredan no sɛnea ɔhene no hyɛ no. Wɔyɛ ahweyie, dii Awurade ahyɛde no so pɛpɛɛpɛ wɔ wɔn dwumadi no mu. 16 Asɔfo no kɔɔ Awurade Asɔredan kronkronbea hɔ, kodwiraa hɔ, na wɔfaa biribiara a ɛho agu fi a wohui no fii hɔ de baa Asɔredan no adiwo. Lewifo no twee ne nyinaa fii hɔ, kotow guu Kidron Bon mu. 17 Wofii dwumadi no ase wɔ da bi a ɛwɔ ɔsram a edi kan no mu. Na da a ɛto so awotwe no, na wɔadu Awurade Asɔredan no ntwironoo mu hɔ. Na wɔde nnafua awotwe bio dwiraa Awurade Asɔredan no ankasa. Enti wɔde nnafua dunsia na ewiee dwumadi no nyinaa. 18 Na Lewifo no kɔɔ ɔhene Heseikia nkyɛn, kɔkaa sɛnea dwumadi no akosi kyereɛ no. Wɔkae se, “Yɛadwira Awurade Asɔredan no, ɔhyew afɔrebɔ afɔremuka no a nneɛma ahorow ka ho ne Daa Daa Brodo pon no ne ɛho nneɛma ho. 19 Afei nso, nneɛma a ɔhene Ahas tasee bere a na ɔye asɔden, na ɔtoo asɔredan no mu no nso, yeakogyɛ ne nyinaa. Ne nyinaa gu Awurade afɔremuka no anim a wɔadwira ho na wobetumi de adi dwuma biara.” 20 Ade kyee anɔpahema no, ɔhene Heseikia boaboa kurow no mpanyimfo ano ne wɔn kɔɔ Awurade Asɔredan no mu. 21 Wɔde anantwinini ason, adwennini ason, nguantenmma ason ne mpapo ason bae se, ahenni, asɔredan no ne Yuda bɔne ho afɔrebɔde. ɔhene no hyɛ asɔfo no a wɔyɛ Aaron asefo se wɔmfɛ mmoa no mmɔ afɔre wɔ Awurade afɔremuka no so. 22 Na wokunkum anantwinini no, na asɔfo no de mogya no petee afɔremuka no so. Afei, wokunkum adwennini no de wɔn mogya petee afɔremuka no so. Na awiei no, wɔde nguantenmma no yɛɛ saa ara. 23 Wɔde mpapo a wɔde rebebe bɔne ho afɔre no baa ɔhene no ne ɔmanfo no anim ma wɔde wɔn nsa guu wɔn so. 24 Afei, asɔfo no kunkum mpapo no se bɔne ho afɔrebɔ, de wɔn mogya petee afɔremuka no so, se bɔne ho mpata maa Israel nyinaa. ɔhene no sii so dua se, saa ɔhyew ne bɔne ho afɔrebɔ no, wɔmmɔ mma Israel nyinaa. 25 Afei, ɔhene Heseikia de Lewifo no gyinagyinaa Awurade Asɔredan no mu. ɔde kyɛnkyɛn, mmenta ne asankuten maa wɔn. Odii

ahyɛde a Awurade nam Gad, a ɔye ɔhene nhumuni ne odiyifo Natan so de maa Dawid no so. 26 Afei, Lewifo no faa Dawid nnwontode no kogyinagyina wɔn gyinabea wɔ Asɔredan no ho. Saa ara nso na asɔfo no faa wɔn ntrobento kogyinagyina wɔn afa. 27 Afei, ɔhene Heseikia hyɛ se wɔmfɛ ɔhyew afɔre no nsi afɔremuka no so. Bere a wɔde ɔhyew afɔre no reba no, wofii ase too ayeyi nnwom maa Awurade, na wɔde ntrobento ne Israelhene Dawid nnwontode no gyigyee ho. 28 Bagua no sɔree Awurade bere a na nnwontofo no reto nnwom, na wɔrehyɛn ntrobento no ara kosii se ɔhyew afɔrebɔde no nyinaa sae. 29 Na ɔhene no ne wɔn a wɔka ne ho no nyinaa kotow somee. 30 ɔhene Heseikia ne ne mpanyimfo hyɛ Lewifo no se, wɔmfɛ Dawid nnwom ne nhumuni Asaf de, nkamfo Awurade. Enti, wɔde anigye kamfoo Awurade, na wokotow sɔree. 31 Afei, Heseikia de too gua se, “ɔsom no aba awiei. Momfa mo afɔrebɔde ne mo aseda mmra Awurade Asɔredan mu.” Enti ɔmanfo no de wɔn afɔrebɔde ne wɔn aseda afɔrebɔde bae, na wɔn a wɔpɛ no de ɔhyew afɔrebɔde nso kaa ho. 32 ɔmanfo no de anantwinini aduɔson, adwennini ɔha ne nguantenmma ahannu se ɔhyew afɔrebɔde brɛɛ Awurade. 33 Wɔsan de anantwinini ahansia ne nguan mpensa baa se afɔrebɔde. 34 Nanso na asɔfo a wɔwɔ hɔ no sua se wobetumi asiesie ɔhyew afɔre no nyinaa nti, wɔn abusuafo Lewifo no boaa wɔn kosii se dwumadi no baa awiei. Wɔtew asɔfo no pii ho ansa na wɔreboa dwumadi no, efise na Lewifo no adwene wɔ wɔn ahotew so sen asɔfo no. 35 Na ɔhyew afɔre ne daa nsa afɔre no buu so. Saa ara nso na asomdwoe afɔre sɔde nso yɛɛ bebreɛ. Enti wosiesiee Awurade Asɔredan no maa ɔsom no. 36 Na Heseikia ne ɔmanfo no nyinaa gyee wɔn ani wɔ nea Onyankopɔn ayɛ ama nnipa no ho, efise wowiee biribiara ntɛm.

30 ɔhene Heseikia de nkra kɔɔ Israel ne Yuda nyinaa, na ɔkyerew krataa too nsa de frɛɛ Ephraim ne Manase. ɔka kyereɛ obiara se ɔmmra Awurade Asɔredan no mu wɔ Yerusalemm, na wonni Awurade, Israel Nyankopɔn, Twam Afahyɛ no. 2 ɔhene no, ne mpanyimfo ne ɔmanfo a wɔwɔ Yerusalemm nyinaa yɛɛ adwene se wobedi Twam no ɔsram a ɛto so abien no mu. 3 Na anka wodi Twam no ɔsram ansa na ɔsram a ɛto so abien no afi ase, nanso na asɔfo no bebreɛ ntumi nnwiraa wɔn ho, na ɔmanfo no nso mmoaa wɔn ho ano wɔ Yerusalemm ɛ. 4 Adwene a wɔyɛɛ se wobedi Twam no, na eye ma ɔhene no ne ɔmanfo no

nyinaa. **5** Enti wɔbɔɔ no dawuru wɔ Israel nyinaa fi Beer-Seba a ɛwɔ anafɔ fam kɔsi Dan a ɛwɔ atifi fam se, obiara mmra Yerusalem mmɛdi Awurade, Israel Nyankopɔn Twam no bi. Na nnipa dodow nni Twam no senea mmara no kyere. **6** Ɔhene no hye ma wɔsɔmaa abɔfo kɔɔ Israel ne Yuda mmaa nyinaa. Wɔmaa wɔn nkratea a na emu nsem ka se: “Israel manfo, monsan mmra Awurade, Abraham, Isak ne Israel Nyankopɔn nkyen, senea ɔbesan aba mo, nnipa kakra a moaka, mo a moatumi aguan afi Asiria ahemfo nsam no nkyen. **7** Monnye se mo agyanom ne mo abusuafo a wogyaw Awurade, wɔn agyanom Nyankopɔn, a woyee aserewde senea mo ankasa muhi yi. **8** Monnye asoɔden senea na wɔte no, na mmom, mommɛ mo ho ase mma Awurade. Mommra n’Asɔredan a wɔayi asi ho se ade kronkron no mu daa nyinaa. Monsom Awurade, mo Nyankopɔn, senea n’abufuwɔhyew no befi mo so. **9** Na se mosan ba Awurade nkyen a, mo abusuafo ne mo mma benya ahummɔɔ wɔ wɔn a wɔfaa wɔn nnommum no nsam, na wobetumi asan aba asase yi so. Efise Awurade, mo Nyankopɔn ye ɔɔ ne ahummɔɔ. Se mosan ba ne nkyen a, ɔrenyi n’ani mfi mo so.” **10** Abɔfo no kyinii nkurow a ɛwɔ Ephraim ne Manase kɔsi Sebulon so. Nanso nnipa no mu bebre serew abɔfo no, dii wɔn ho few. **11** Nanso wɔn a wofi Aser, Manase ne Sebulon mu bi breɛ wɔn ho ase, kɔɔ Yerusalem. **12** Saa bere koro no ara mu, na Onyankopɔn nsa wɔ nnipa a wɔwɔ Yuda no so. Na ehye wɔn se wɔnye baako, na wɔnye osetie mma Awurade asem a efi ɔhene ne ne mpanyimfo no nkyen no. **13** Enti ɔm kese hyiaa wɔ Yerusalem ɔsram a ɛto so abien no mu, se wɔrebedi Twam no ne Apiti Afahye no. **14** Wofii ase bubuu abosonsomfo aforemuka no nyinaa fii Yerusalem. Woyiyii nnuhuam aforemuka nyinaa kɔtow guu Kidron bon mu. **15** Da a wɔahye wɔ ɔsram a ɛto so abien no dui no, ɔmanfo no kunkum wɔn Twam nguantenmma. Na asɔfo no ne Lewifo no ani wui nti, wodwiraa wɔn ho, na wɔde ɔhyew afoɔre baa Awurade Asɔredan mu. **16** Obiara kogyinaa n’afa wɔ Asɔredan no mu, senea Mose a ɔye Onyankopɔn nipa no mmara no kyere no. Lewifo no de mogya afoɔrebɔde no breɛ asɔfo no, maa wɔn nso pete guu afoɔremuka no so. **17** Esiane se na ɔmanfo no mu bebre nnwiraa wɔn ho nti, Lewifo no na wokunkum wɔn Twam nguantenmma no maa wɔn, nam so tew ho maa Awurade. **18** Na wɔn a wofi Ephraim, Manase, Isakar ne Sebulon no mu fa kese no ara nnwira wɔn

ho de, nanso ɔhene Heseikia bɔɔ mpae maa wɔn, na wɔmaa wɔn kwan ma wodii Twam aduan no bi a na anka etia Onyankopɔn mmara. Heseikia bɔɔ mpae se, “Awurade a ɔye mmɔborɔhunufɔ no mfa nnipa a **19** wɔasi wɔn adwene pi se wobedi Awurade, wɔn agyanom Nyankopɔn akyi no bɔne nkye wɔn, mpo, se wonnwiraa wɔn ho yiye mmaa afahye no a.” **20** Na Awurade tiee Heseikia na ɔsaa ɔmanfo no yare. **21** Enti ɔmanfo a wɔwɔ Yerusalem no de nnanson dii Apiti Afahye no anigye so. Da biara, Lewifo ne asɔfo no too nnwom maa Awurade de nnwontode a ano ye den memmaa ho. **22** Heseikia hyee Lewifo no nkuran wɔ ɔkwan pa a wɔfa so som Awurade no ho. Na afahye no kɔɔ so nnanson. Wɔbɔɔ asomdwoe afoɔre, na ɔmanfo kaa wɔn bɔne kyeree Awurade, wɔn agyanom Nyankopɔn. **23** Bagua no nyinaa yee wɔn adwene se, wɔbetɔa so adi afahye no nnanson bio enti wɔde anigye toaa so nnaawɔtwe. **24** Ɔhene Heseikia maa ɔmanfo no anantwinini apem ne nguan mpem ason se wɔmfa mmɔ afoɔre, na mpanyimfo no nso maa anantwinini apem ne nguan mpem du. Bere koro no ara mu, asɔfo no bebre dwiraa wɔn ho. **25** Yuda bagua nyinaa a asɔfo, Lewifo ne wɔn a wofi Israel asase so nyinaa, ananafo a wobedii afahye no ne wɔn a na wɔte Yuda nyinaa ani gyei. **26** Anigye kese baa kuropon no mu, efise na Yerusalem nhuu afahye a ɛte see bi da, efi Salomo ɔhene Dawid babarima no bere so. **27** Na asɔfo no ne Lewifo no sɔre hyiraa ɔmanfo no, na Onyankopɔn tiee wɔn, efise wɔn mpaeɔ duu ɔsoro, n’atenae wɔ kronkronbea ho.

31 Afahye no twaa mu no, Israelfo a wɔkɔɔ bi no kɔɔ Yuda, Benyamin, Ephraim ne Manase nkurow nyinaa so, kɔsee afadum kronkron no, twitwaa Asera nnua no, yiyii abosonsomfo nsɔree so ne afoɔremuka no. Eyi akyi, Israelfo no san kɔɔ wɔn nkurow so ne wɔn afi mu. **2** Heseikia kyekyee asɔfo no ne Lewifo no mu akuwakuw, se wɔmmɔ ɔhyew afoɔre ne asomdwoe afoɔre, se wɔnsom, na wɔmfa aseda ne nkamfo mma Awurade wɔ Asɔredan no apon ano. **3** Ɔhene no ankasa fii nea ɔwɔ mu maa anɔpa ne anwummere, nnaawɔtwe homeda afahye ne Ɔsram Foforo Afahye no ne afirihya afoɔre a aka no ɔhyew afoɔrebɔde, senea wɔakyerew wɔ Awurade Mmara no mu no. **4** Ɔhyee se nnipa a wɔwɔ Yerusalem no mfa nea wonya mu kyefa a mmara no ka no bema asɔfo no ne Lewifo no, senea ebema wɔde wɔn ho nyinaa ahye Awurade

Mmara no mu. **5** Nnipa no tiee no aso pa mu, na wofi koma pa mu de atoko, nsa foforo, ngo, ewo ne wɔn nnɔbae nkae mu nea edi kan nyinaa bae. Wɔde wɔn ahode biara mu ntotoso du du bae. **6** Nnipa a wotu fii Israel baa Yuda no ne Yudafo no ankasa de wɔn anantwi ne wɔn nguan so ntotoso du du ne nneema a wɔahyira so ama Awurade, wɔn Nyankopɔn no so ntotoso du du bae. Wɔboaa ano ma eyee akuw akeseakese. **7** Wɔde saa ntotoso du du a edi kan no baa osram a eto so abiesa no awiei mu, na nneema no anoboa kɔɔ so kosii osram a eto so ason no mfiase mu. **8** Bere a Heseikia ne ne mpanyimfo behuu nneema no dodow no, wɔdaa Awurade ne ne nkurɔfo Israel ase. **9** Heseikia bisaa asɔfo no ne Lewifo no se, “Ehe na eyinom nyinaa fi bae?” **10** Na ɔsɔfopanyin Asaria a ofi Sadok abusua mu buae se, “Efi bere a ɔmanfo fii ase se wɔde akyede reba Awurade Asɔredan mu no, yeanya bebreɛ a yebedi ama bi aka, efise Awurade ahyira ne nkurɔfo.” **11** Heseikia yee n’adwene se obenya adekoradan wɔ Awurade Asɔredan no mu, na wɔyee. **12** Na wodii nokware de akyede no ne ntotoso du du no nyinaa baa Asɔredan no mu. Wɔde hyee Lewini Kenania nsa maa ne nua Simeɪ yee ne boafɔ. **13** Na Yehiel, Asasia, Nahat, Asahel, Yerimot, Yosabad, Eliel, Ismakia, Mahat ne Benaia ye wɔn a wɔhwe hɔ no aboafɔ. Ɔhene Heseikia ne Asaria a na ɔye wɔn a na wɔhwe Onyankopɔn Asɔredan no mu so panyin no na wɔkyekyee saa dibea ahorow yi. **14** Lewini Yimna babarima Kore a ɔye Apuei Pon ano hwefo no na wɔde hyee ne nsa se ɔnkyekye Onyankopɔn ayamye afɔrebɔde a eye akyede ne nneema a wɔde ama Awurade no. **15** N’aboafɔ nokwafo no ne Eden, Miniamin, Yesua, Semaia, Amaria ne Sekania. Na wɔkyekyee nneema no maa asɔfo mmusua a wɔwɔ wɔn nkurow so senea wɔn nkyekyemu te, na wɔkyee nneema no pɛpɛpɛ maa mmofra ne mpanyin. **16** Na wɔkyee mmarimaa a wɔadi mfe abiesa rekɔ nyinaa akyede no bi a wɔn din wɔ wɔn anato nhoma mu, na da biara wɔkɔ Awurade Asɔredan mu, kɔye wɔn nnwuma a wɔde ahye wɔn kuw no nsa no. **17** Na wɔkyee nneema no maa asɔfo a wɔakyerew wɔn din wɔ wɔn anato nhoma mu ne Lewifo a wɔadi mfe aduonu ne nea ɛboro saa, a wɔahyehye wɔn din senea wɔn nnwuma ne wɔn nkyekyemu te no. **18** Na wɔmaa abusuafo a wɔakyerew wɔn din wɔ anato nhoma mu a nkokoaa, ɔyerenom ne mmabarima ne mmabea nso ka ho nnuan. Efise na wɔadi nokware adwira wɔn ho.

19 Na asɔfo, Aaron asefo a na wɔtete nkuraa a atwa nkurow no ho ahyia no anaa nkurow no mu no de, woyiyii nnipa ma wɔkyee ɔbarima biara a ɔfra asɔfo no mu ne Lewifo a wɔakyerew wɔn din anato mu no nneema no bi. **20** Saa ɔkwan yi so na Heseikia fa kyee nneema wɔ Yudaman no mu nyinaa, na ɔyee nea efata na esɔ Awurade, ne Nyankopɔn ani. **21** Nea Heseikia yee nyinaa de som wɔ Onyankopɔn Asɔredan no mu, ne mmɔden a ɔbɔɔ se obedi ne mmara ne n’ahyede so no, ɔde ne koma nyinaa hwehwee ne Nyankopɔn. Ne saa nti, ema onyaa nkɔso bebreɛ.

32 Ɔhene Heseikia de nokwareɔdɔ wiee saa dwumadi yi, Asiriahene Sanaherib betow hyee Yuda so, dɔi so nkonim. Otuaa nkurow a wɔabɔ ho ban no, na ɔhyee n’akofo se wommubu wɔn afasu no, mmɔ nwura mu. **2** Bere a Heseikia huu se Sanaherib asan aye n’adwene se ɔbetow ahye Yerusalem so no, **3** ɔne ne mpanyimfo ne n’asraafo mu afotufɔ tuu agyina. Wosii gyinae se wobesiw asu a esen fa kuropon no akyi no kwan ma wɔboaa no. **4** Wɔboabooa adwumayefo ano se wonkosi nsuti kwan na ansen ankɔ mfuw no mu. Na wɔkae se, “Aden nti na ese se Asiria ahemfo beba ha abenya nsu bebreɛ?” **5** Afei, Heseikia miaa ne bammɔ mu, osiesiee ɔfasu no baabiara a abubu no, na ɔtoo ɔfasu foforo kaa nea ewɔ hɔ dedaw no ho. Ɔsan miaa bammɔ a ewɔ Milo a ewɔ Dawid kuropon no mu no mu. Afei ɔyee akode ne nkatabo bebreɛ. **6** Oyii asraafo mpanyimfo ma wɔhwee ɔmanfo no so, na ɔhyee se wommehyia no wɔ kurow no pon ano aguabɔbea hɔ. Na Heseikia kaa nkuranhyesem kyeree wɔn se, **7** “Monye den na momma mo bo nye duru. Munnsuro Asiriahene anaa n’akofodɔm kese no, na yewɔ tumi a eso wɔ yen afa. **8** Ewɔ mu se ɔwɔ asraafodɔm kese de, nanso wɔye nnipa keke. Yewɔ Awurade, yen Nyankopɔn a ɔbeboa yen adi ako ama yen.” Saa nsem a Heseikia, Yudahene kae yi hyee ɔmanfo no nkuran bebreɛ. **9** Bere a Asiriahene Sanaherib gu so retua Lakis kurow no, ɔsoma mpanyimfo kɔɔ Yerusalem se wɔmfɔ saa nkra yi nkɔma Heseikia ne ne manfo a wɔwɔ kurow no mu nyinaa: **10** “Senea Asiriahene Sanaherib se ni: Den na mode mo ho to so, na ema mo susuw se, mubetumi agyina Yerusalem anotua yi ano? **11** Heseikia aka se: ‘Awurade, yen Nyankopɔn, begye yen afi Asiriahene nsam.’ Nokwarem, Heseikia regyigye mo ama ɔkɔm ne osukɔm akum mo! **12** Nokware, nea ese se mote ase ne se, Heseikia no ara na obubuu Awurade nsɔree so ne afɔremuka no nyinaa. Ɔhyee

Yuda ne Yerusaleṃ se wɔnsom wɔ aforemuka baako pɛ a ewɔ Asɔredan no mu no so, na wɔmmɔ afoɔre ahorow wɔ eno nko ara so. **13** “Nokware, ɛse se muhu nea me ne Asiria ahemfo a wɔaka no aye nnipa a wɔwɔ asase so. Anyame a na wɔwɔ saa aman no so no tumi gyee wɔn nkurofo fii me tumi ase ana? **14** Ma nhweso baako kyere onyame bi a ɔwɔ baabi a otumi gyee ne nkurofo fii me nsam! Den na ɛma wudwen se, wo Nyankopɔn betumi aye ade pa bi? **15** Mommma Heseḱia mmu mo kwasea. Mommma ɔnnaadaa mo saa! Miti mu, ka bio se, ɔman biara anyame ntumi nnyee ne nkurofo mfii me anaa m’agyanom nsam da. Na ɛbeyɛ den na mo Nyankopɔn agye mo afi me tumi ase!” **16** Na Sanaherib mpanyimfo kɔɔ so dii Awurade Nyankopɔn ne ne somfo Heseḱia ho fɛw, twaa no adapaa. **17** ɔhene no san kyerɛw nkrataa de buu Awurade, Israel Nyankopɔn animtiaa. ɔkyerɛw se: “Senea anyame a wɔwɔ aman ahorow so antumi annye wɔn nkurofo amfi me tumi ase no, saa ara na Heseḱia Nyankopɔn nso bedi nkogu.” **18** Asiria mpanyimfo a wɔde krataa no bae no teɛteɛ mu de Hebri kasa kaa saa asem yi kyereɛ nnipa a wɔaboa wɔn ho ano wo kurow no fasu fadansin no so, de hunahunaa wɔn, senea wobetumi afa kurow no a wɔremmɛ ho. **19** Saa mpanyimfo yi kasa faa Yerusaleṃ Nyankopɔn yi ho te se abosonsomfo anyame no mu baako a wɔde nnipa nsa na eyee no. **20** ɔhene Heseḱia ne Amos babarima odiyifo Yesaia bɔɔ mpae dennen, frɛ ɔsorosoro Nyankopɔn no. **21** Na Awurade somaa ɔbofo, besɛɛ Asiria asraafodɔm ne wɔn asahene ne wɔn mpanyimfo nyinaa. Na Sanaherib de aniwu san kɔɔ ne kurom. Na owuraa ne nyame abosonnan mu no, ɔno ankasa mmabarima no mu baako twee ne so afoa, kum no. **22** Saa ɔkwan yi na Awurade faa so de gyee Heseḱia ne Yerusaleṃ manfo nkwa fii Asiriahene Sanaherib ne wɔn a wohunahuna wɔn no nyinaa nsam. Enti ɛmaa asomdwoe baa asase no so nyinaa. **23** Efi saa bere no, aman a atwa wɔn ho ahyia no de obu ne nidi a enni kabea maa ɔhene Heseḱia, na wɔde akyɛde beɛree a eyee Awurade dea kɔɔ Yerusaleṃ, na wɔde nneɛma a ɛsom bo kɔmaa ɔhene Heseḱia nso. **24** Bere no mu, Heseḱia yaree owuyare. ɔbɔɔ mpae frɛ Awurade ma ɔsaa no yare daa nsenkyerenne nwonwaso bi adi kyereɛ no. **25** Nanso Heseḱia anyɛ adɔe a wɔye kyereɛ no no so ade, na mmom, ɔbeyee ahantan. Enti Awurade abufuw baa ɔno, Yuda ne Yerusaleṃ nyinaa so. **26** Enti Heseḱia nuu ne ho wo n’ahantansu no ho,

na ɔmanfo a wɔwɔ Yerusaleṃ no nso brɛ wɔn ho ase. Eno nti, Heseḱia nkwanna mu no, Awurade abufuw amma wɔn so. **27** Heseḱia nyaa ne ho, na wobuu no yiye. Osisii adekoradan sononko bi a ɔkoraɛ ne dwete, sikakɔkɔɔ, aboɔden abo, nnuhum, ne nkatabo ne ne nneɛma a ɛsom bo pii no wo mu. **28** ɔsan sisii adekoradan de n’atoko, ne nsa ne ne ngo guu mu; osisii buw beɛree maa n’anantwi ne ne nguan ne ne mmirekyi. **29** ɔkyekyerɛe nkurofo pii, pɛɛ nguan ne anantwi beɛree, efise na Onyankopɔn ama no ahonya beɛree. **30** Osiw asuti a na ewɔ Gihon atifi fam no, na ɔde nsu no faa ɔdoroben mu kɔɔ Dawid kurow no atɔe fam. Na biribiara a ɔyee no nso, eyee yiye. **31** Bere a Babilonia ananmusifo bebisaa nneɛma titiriw a asisi wo asase no so no, Onyankopɔn twee ne ho fi Heseḱia ho, de sɔɔ no hwɛe, pɛɛ se oɔhu nea ewɔ ne koma mu. **32** Heseḱia ahenni ho nsem nkae ne n’ahofama no, wɔakyerɛw wo Amos babarima odiyifo Yesaia anisoadeɔhu a eka Yuda ne Israel ahemfo nhoma ho no mu. **33** Bere a Heseḱia wui no, wosiee no wo adehye amusiei no atifi fam, na Yuda ne Yerusaleṃ nyinaa hyee no anuonyam wo ne wu mu. Na ne babarima Manase, dii n’ade se ɔhene.

33 Bere a Manase dii ade no, na wadi mfirihyia dumien. Odii hene wo Yerusaleṃ mfirihyia aduonum anum. **2** ɔyee bɔne wo Awurade ani so, suasuaa abosonsomfo aman nneyee a eyee akyiwade a Awurade apam afi asase a eɔa Israel anim no so no. **3** ɔsan sisii nsɔree a n’agya Heseḱia sɛee no no. Osi aforemuka maa Baal ahoni, sisii Asera nnua. ɔsan kotow nsoromma a ewɔ wim no nyinaa, som wɔn. **4** Mpo, osisii abosonsom aforemuka wo Awurade Asɔredan mu, baabi a Awurade aka se, eɔho na ɛse se wodi ne din ni afeɔɔ no. **5** Osisii saa aforemuka no wo Awurade Asɔredan no adiwo abien ho, de maa wim nsoromma no. **6** Manase de ɔno ankasa mmabarima bɔɔ afoɔre wo ogya so wo Hinom Babarima Bon mu. ɔde ne ho hyee asumansem mu, kɔɔ abisa, yee abayisem, kɔɔ samanfrefo ne adunsifo nkyɛn. ɔyee nneɛma pii a eyee bɔne wo Awurade ani so, maa Awurade bo fuwii. **7** Na Manase faa ohoni a wasen, de kosii Onyankopɔn Asɔredan mu. ɔde kosii bea koro no ara a Onyankopɔn ka kyereɛ Dawid ne ne babarima Salomo se, “Wobedi me din ni wo ha afeɔɔ, asɔredan yi mu ne Yerusaleṃ, kurow no a mayi afi mmusuakuw a ewɔ Israel no nyinaa mu no. **8** Se Israelfo di m’ahyede nyinaa so, me mmara a

wɔnam Mose so mae no nyinaa so a, merentwa wɔn asu mfi asase a mede maa wɔn agyanom no so.” 9 Nanso Manase dii ɔmanfo a wɔwɔ Yuda ne Yerusalem anim maa wɔyɛɛ bɔnetraso sen abosonsom aman a Awurade sɛee wɔn, bere a Israelfo kɔɔ asase no so no. 10 Awurade kasa kyereɛ Manase ne ne nkurɔfo no, nanso wɔantie ne kɔkɔbɔ no mu biara. 11 Enti Awurade maa Asiriafo asraafo befaa Manase yɛɛ no odeduani. Wɔde darewa hyɛɛ ne hwene mu, de kɔbere mfrafrae nkɔnsɔnkɔnsɔn kyekyeree no, de no kɔɔ Babilonia. 12 Na bere a Manase wɔ ahokyere a emu yɛ den mu no, ɔyɛɛ Awurade, ne Nyankopɔn akyi kwan, na ɔde ahobrease su frɛɛ n’agyanom Nyankopɔn. 13 Na bere a ɔbɔɔ mpae no, Awurade tiee no, na ne sufɛ no kaa ne koma. Enti Awurade maa Manase san kɔɔ Yerusalem wɔ n’ahenni mu. Afei, Manase tee ase sɛ Awurade nko ara ne Onyankopɔn. 14 Eyi akyi no, Manase san sisii Dawid kuropon abɔnten afasu; efi Gihon asuti atɔe fam a ɛwɔ Kidron bon mu, de kɔ Apataa Pon ano, kosi Ofel bepɔw so a wosi ma ɛkɔɔ soro yiye no. Na oduaa n’asraafo mpanyimfo no wɔ Yuda nkuropon a wɔabɔ ho ban no nyinaa mu. 15 Manase san tutuu ananafo anyame fii mmepow no so. Ɔsan tutuu anyame ne ahoni no fii Awurade Asɔredan mu. Obubuu afɔremuka a wasisi wɔ bepɔw so, faako a Asɔredan no si, ne afɔremuka a ɛwɔ Yerusalem nyinaa, na ɔkɔtow guu kuropon no mfikyiri. 16 Na ɔsan sii Awurade afɔremuka no, bɔɔ asomdwoe afɔre ne aseda afɔre wɔ so. Afei, ɔhyɛɛ Yuda manfo no nkuran sɛ, wɔnsom Awurade, Israel Nyankopɔn no. 17 Nanso na ɔmanfo no da so bɔ afɔre wɔ abosonsom nsɔree so, a na wɔbɔ ma Awurade wɔn Nyankopɔn no ara. 18 Manase adedi ho nsem nkae, ne mpae a ɔbɔɔ srɛɛ Onyankopɔn ne nsem a adehufo ka kyereɛ no wɔ Awurade, Israel Nyankopɔn din mu no, wɔakyerew agu Israel ahemfo nhoma mu. 19 Manase mpae, ɔkwan a Onyankopɔn faa so buaa no, ne ne bɔne ne atoro a odii nyinaa ho nsem, wɔakyerew agu adehufo nhoma mu. Faako a osii abosonsom nsɔree so, sisii Asera nnua ne ahoni ansa na ɔrenu ne ho no nso ka ho. 20 Bere a Manase wui no, wosiee no wɔ n’ahemfi. Na ne babarima Amon na ɔyɛɛ ɔhene a odi ho. 21 Bere a Amon dii ade no, na wadi mfirihyia aduonu abien. Odii hene wɔ Yerusalem mfe abien. 22 Ɔyɛɛ bɔne wɔ Awurade ani so, sɛnea n’agya Manase yee no. Ɔsom ahoni a n’agya yee no nyinaa, bɔɔ afɔre maa wɔn. 23 Nanso wanse n’agya Manase, efise wammre ne ho ase

amma Awurade. Mmom, Amon yɛɛ bɔne maa etraa so. 24 Akyiri no, Amon no ara mpanyimfo pam ne ti so, kum no wɔ n’ahemfi. 25 Na nnipa a wɔwɔ asase no so nyinaa kunkum nnipa a wɔbɔɔ ɔhene Amon ho pɔw no, na wɔde ne babarima Yosia dii ade sɛ ɔhene.

34 Yosia bedii ade no, na wadi mfirihyia awotwe, na odii hene wɔ Yerusalem mfirihyia aduasa baako. 2 Ɔyɛɛ nea ɛɔɔ Awurade ani, yɛɛ nea ne tete agya Dawid yee no bi. Wamfi adetreneeɛ ho. 3 Yosia fii ase hwehwɛɛ ne tete agya Dawid Nyankopɔn akyi kwan bere a na ɔda so yɛ abofra a wadi ade mfe awotwe no. Ne mfe dumien so no, odwiraa Yuda ne Yerusalem, sɛee abosonsom nsɔree so nyinaa, Asera nnua, ahoni a wɔasen ne nsɛsode a wɔagu no nyinaa. 4 Ɔhwɛ ma wobubuu Baal afɔremuka no ne nnuhum afɔremuka no nyinaa gui. Ɔma wɔdwerew Asera nnua ne ahoni nyinaa, na wɔtow petee awufɔ a wɔbɔɔ saa afɔre no nna so. 5 Ɔhyew akɔmfo no nnompe no wɔ wɔn ankasa afɔremuka so, nam so dwiraa Yuda ne Yerusalem. 6 Ɔyɛɛ saa ara wɔ Manase, Efraim ne Simeon nkurow so de koduu Naftali. 7 Ɔsɛee abosonsomfo afɔremuka, Asera nnua, na ɔyam ahoni no muhumuhu. Odwiriw nnuhum afɔremuka a ɛwɔ Israelman mu nyinaa, na ɔsan kɔɔ Yerusalem. 8 N’adedi mfe dunwɔtwe so no a owiee asase no ne asɔredan no ho dwira no, Yosia yii Asalia babarima Safan, Maaseia a ɔyɛ Yerusalem amrado ne Yoahas babarima Yoa, adehye abakɔsem kyerewfo, sɛ wonsiesie Awurade, ne Nyankopɔn asɔredan no. 9 Wɔde sika a Lewifo a wɔsom sɛ aponanohwɛfo agyigyee wɔ Onyankopɔn Asɔredan ho no maa ɔsɔfopanyin Hilkia. Manase ne Efraim nkurɔfo ne Israel nkae nyinaa ne Yuda ne Benyamin ne Yerusalemfo na wɔde akyede no bae. 10 Ɔde sika no maa nnipa a wɔayi wɔn sɛ wɔnhwe, nsiesie Awurade Asɔredan no. Na wɔtuua wɔn a wɔyɛɛ adwuma no ka. 11 Wɔbɔɔ nnuadwumfo ne adansifo paa, tɔɔ abo a wɔatwa a wɔde besiesie afasu no ne nnua a wɔde beye nsemso ne mpuran. Wosiesie nea anka Yuda ahemfo a wɔdii kan no rema asɛe no. 12 Adwumayefo no de nokwareɔdi yɛɛ adwuma. Yahat ne Obadia a wɔyɛ Lewifo a wofi Merarifo abusua mu, ne Sakaria ne Mesulam a wɔyɛ Lewifo a wofi Kohatfo abusua mu na wɔhwɛɛ adwumayefo no so. Lewifo a wɔaka a wɔn nyinaa wɔ nnwontode ho nimdee no, 13 wɔma wɔhwɛɛ adwumayefo akuw ahorow no so. Na afɔforo bi nso yɛɛ adwuma sɛ akyerewfo, mpanyimfo ne aponanohwɛfo. 14 Na ɔsɔfopanyin

Hilkia rekyerekyerew sika a wogwigye wɔ Awurade Asɔredan no ho no, ohuu Awurade mmara nhoma a wɔnam Mose so de mae no. **15** Na Hilkia ka kyeree Safan a ɔye asennii kyerewfo no se, “Mahu mmara nhoma no wɔ Awurade Asɔredan no mu.” Na Hilkia de nhoma mmobowee no maa Safan. **16** Safan de nhoma mmobowee no kɔmaa ɔhene kae se, “Wo mpanyimfo no reye biribiara a wokyeree wɔn se wɔnye no. **17** Wɔatua sika a wogwigye wɔ Awurade Asɔredan no mu no na wɔde ahye wɔn a wɔhwe so no ne adwumayefo no nsa.” **18** Safan ka kyeree ɔhene no se, “Ɔsofopanyin Hilkia de nhoma mmobowee bi ama me.” Na Safan kenkan kyeree ɔhene. **19** Bere a ɔhene no tee mmara no mu nsem no, ɔde ahometew sunsuan ne ntade mu. **20** Ɔhyee Hilkia, Safan babarima Ahikam, Mika babarima Abdon, asennii kyerewfo Safan ne ɔhene fotufo Asaia se, **21** “Monkɔ Asɔredan no mu na mo ne Awurade nkɔkasa mma me ne Israel ne Yuda nkae nyinaa. Mummissa no nsem a wɔkyerew wɔ saa nhoma mmobowee a wɔahu no mu ho nsem. Awurade abufuw aba yen so, efise yen agyanom anni Awurade asem so. Yenye nea nhoma mmobowee yi ka se yenye no.” **22** Hilkia ne mmarima a wɔaka no kɔɔ odiyifobea Hulda a na ɔye Tikwat babarima Salum yere ne Hasra a na ɔhwe Asɔredan mu adakaten so no nena nkyen, wɔ Yerusalem fa bi a wɔfre ho se Misne. **23** Ɔbea no ka kyeree wɔn se, “Awurade, Israel Nyankopɔn, akasa! Monkɔka nkyere onipa a ɔsoma mo no se, **24** ‘Senea Awurade se ni: Akyinnye biara nni ho se, mɛsɛe saa kurow yi ne emu nnipa. Nnome a wɔkyerew wɔ nhoma mmobowee a moakenkan yi mu nyinaa beba mu. **25** Efise nnipa a wɔwɔ Yuda apa me na wɔsom abosonsomfo anyame. Eno nti, me bo afuw wɔn yiye wɔ biribiara a wɔaye ho. M’abufuw behwie agu saa beae ha, na biribiara rentumi nsiw ano.’ **26** Na monko Yudahene a ɔsoma mo se monkɔhwehwe Awurade no nkyen, na monka nkyere no se, ‘Sɛe na Awurade, Israel Nyankopɔn, ka fa asem a motee mprenpren no ho. **27** Bere a wotee asem a meka de tiaa saa kuropon yi ne mu nnipa no, ehaw wo ma wobree wo ho ase wɔ Onyankopɔn anim. Wobree wo ho ase, de ahometew sunsuan w’atade mu, de ahonu suu wɔ m’anim. Enti nokware, mate wo nne, Awurade na ose. **28** Meremma amanehunu a mahyehye atia kuropon yi ne emu nnipa no mma mu, kosi se wubewu na wɔasie wo asomdwoe mu. Worenhu amane a mede beba beae yi so.’” Enti wɔsan de ɔbea no nkra kɔmaa ɔhene no.

29 Na ɔhene no frɛe Yuda ne Yerusalem ntuanofonyinaa. **30** Na ɔhene no ne Yuda ne Yerusalem manfonyinaa ne asɔfo ne Lewifo, nnipa no nyinaa, fi ɔkɛse so kosi akumaa so, kɔɔ Awurade Asɔredan no mu. Eho na ɔhene no kenkan apam nhoma a wohuu wɔ Awurade Asɔredan mu no kyeree wɔn. **31** Ɔhene no gyinaa n’afa wɔ afadum no nkyen, na otii apam no mu wɔ Awurade anim. Ɔhyee bo se ofi ne koma ne ne kra nyinaa mu bedi Awurade mmaransem, ahyede ne mmara so. Ɔhyee bo se, obedi apam no mu nhyehyee a wɔkyerew wɔ nhoma mmobowee no mu no so. **32** Na ɔka kyeree obiara a ɔwɔ Yerusalem ne nnipa a wɔwɔ Benjamin no se, wɔnhye bo saa ara. Ɔmanfo a wɔwɔ Yerusalem yee saa no, wɔde tii wɔne Onyankopɔn, wɔn agyanom Nyankopɔn apam no mu. **33** Enti Yosia yiyii ahoni a eye akyiwade no fii Israel asase no nyinaa so. Na ɔhyee se obiara nsom Awurade, wɔn Nyankopɔn. Na ne nkwan na aka no mu no nyinaa, wɔannan wɔn akyi ankyere Awurade wɔn agyanom Nyankopɔn no da.

35 Yosia dii Awurade Twam Afahye no wɔ Yerusalem na wokum Twam guamma no wɔ ɔsram a edikan no da a eto so dunan. **2** Yosia maa asɔfo no kɔɔ wɔn nnwuma so, na ɔhyee wɔn nkuran wɔ wɔn dwumadi mu wɔ Awurade Asɔredan mu ho. **3** Ɔhyee Lewifo a wɔayi wɔn asi ho se wɔnsom Awurade, na wɔye akyerekyerɛfo wɔ Israel no se, “Esiame se mprenpren Apam Adaka no wɔ Salomo Asɔredan mu, na eho nhia se mɔbesoa wɔ mo mmati so de adi akɔneaba nti, momfa mo mmere nsom Awurade, mo Nyankopɔn ne ne nkurofo Israel. **4** Monkɔ mo nnwuma so senea mo agyanom mmusua nkyekyemu no te, ne senea Israelhene Dawid ne ne babarima Salomo ahyede a wɔkyerew no kyere. **5** “Munnyinagyina kronkronbea a wɔayi ama mo no, na mommoa mmusua a wɔde wɔn ahye mo nsa no bere a wɔde wɔn afɔre aba Asɔredan mu no. **6** Munkum Twam nguamma no, na munnwira mo ho, na mommoa wɔn a wɔbeba no. Ahyede biara a Awurade nam Mose so de mae no, munni so.” **7** Na Yosia fii nea ɔwɔ mu, maa nguantenmma ne mmirekyimma mpem aduasa ne anantwinini mpem abiesa se nnipa no Twam afɔrebode. **8** Ɔhene no mpanyimfo nso fi wɔn pe mu boaa ɔmanfo, asɔfo ne Lewifo no. Hilkia, Sakaria ne Yehiel a wɔye Onyankopɔn Asɔredan no ho mpanyimfo nso maa asɔfo no nguantenmma ne mmirekyimma mpem abien ne ahansia ne anantwinini ahaasa se

Twam afõrebode. **9** Lewifo ntuanofa Kenania ne ne nuanom mm̃arima Semaia, Netanel, Hasabia, Yeiel ne Yosabad maa Lewifo nguantenmma ne mm̃irekyimma mpem anum ne anantwinini ahanum se wɔn Twam afõrebode. **10** Bere a Twam Afahye no ho ahosiesie baa awiei no, asofo ne Lewifo no gɔnagɔyinaa wɔn afa senea ohene no ahyehye ama akuwakuw no. **11** Lewifo no kunkum Twam nguamma no, na wode mogya no maa asofo no, na wode petee afõremuka no so bere a na Lewifo no regua mmoa no. **12** Wɔkyekye ohyew afõrebode no maa omanfo no senea wɔn mmusua nkyekyemu no te, na woatumi de abo afõre ama Awurade, senea mmara a woakyere wɔn Mose nhoma no mu no kyere. Saa ara na woɔye anantwinini no nso. **13** Wototoo Twam nguamma no senea woakyere no, na wɔnoaa afõrebode kronkron no wɔ nkuku, dadesen ne nkankyee mu de baa ntem so senea omanfo no betumi awe. **14** Akyiri no, Lewifo yee wɔn ne asofo no aduan, efise na asofo no aye adwuma fi anɔpa kosi anadwo a wɔrebo ohyew afõre no na wɔrehyew srade no. Saa ahosiesie yi nyinaa, Lewifo no na wogye too wɔn ho so yee. **15** Asaf asefo nnwom ho nimdefo no nso, na woɔw wɔn nnwuma so, senea Dawid, Asaf, Heman ne Yedutun, ohene adehuni no kyeree wɔn no. Aponanohwefo no wen apon no a na eho nhia se wofi wɔn nnwuma so, efise na wɔn mfefo Lewifo no de wɔn nnuan kɔma wɔn wɔ ho. **16** Awurade Twam Afahye no baa awiei da no. Wɔbɔ ohyew afõre no nyinaa wɔ Awurade afõremuka no so, senea ohene Yosia hyee no. **17** Israelfa a woɔw Yerusalem de nnanson dii Twam ne Apiti Afahye no. **18** Efi odiyifo Samuel bere so no, wonnii Twam se da. Israel ahemfo no mu biara mpo anni Twam senea Yosia yee a omaa asofo, Lewifo, omanfo a woɔw Yerusalem ne nnipa a wofi Yuda ne Israel nyinaa bekaa ho. **19** Wodii saa Twam Afahye yi wɔ Yosia ahenni mfirihya dunwɔtwe so. **20** Yosia siesie Asoredan no wiei no, Misraimhene Neko dii n'akofo anim fii Misraim, se wɔrebeko wɔ Karkemis wɔ asu Eufate ano. Na Yosia ne n'akofo nso sii mu se wone no rekoko. **21** Nanso ohene Neko tuu abofo de nkra yi kɔmaa Yosia: “Den na wo Yudahene hwewhwe a fi me nkyen? Me ne wo nni akasakasa nne! Nea mehwewhwe ne se, me ne oman a matu ne so sa no beko. Na Onyankopɔn aka akyerɛ me se, menyɛ no ntem. Ntwintwan Onyankopɔn a aka me ho no anan mu, anyɛ saa a obesee wo.” **22** Nanso Yosia antie Neko a Onyankopɔn akasa akyerɛ no ampa ara no,

annan n'ani. Mmom, odii n'akofo anim kɔkoo wɔ Megido tataw so. Oworɔw n'ahentade no guu nkyen baabi senea atamfo no renhu no. **23** Nanso atamfo agyantowfo no tow bemma ma ewɔ ohene Yosia, pira no. Otee mu frɛ ne mm̃arima se, “Momfa me mfi akono ha, efise mapira pira bone.” **24** Enti woyii Yosia fii ne teaseenam mu, de no too teaseenam foforo mu. Na wode no kɔ Yerusalem, na eho na owui. Wosiee no ho wɔ adehye amusiei. Na Yuda ne Yerusalem nyinaa yee no ayi. **25** Odiyifo Yeremia too kwadwom maa Yosia, na ebese nne yi, nnwontoto to saa kwadwom a efa ne wu no ho no. Saa kwadwom yi abeye amanne a woakyere wɔn Kwadwom Nhoma mu. **26** Yosia ahenni ho nsem nkae ne n'ahofama senea Awurade mmara te no, **27** fi mfiase kosi awiei no, woakyere wɔn Israel ne Yuda Ahemfo Nhoma mu.

36 Nnipa a woɔw asase no so no sii Yosia babarima Yehoahas hene wɔ Yerusalem. **2** Bere a Yehoahas dii ade no, na wadi mfirihya aduonu abiesa, nanso odii ade asram abiesa pɛ. **3** Misraimhene Neko a na ohewehwe sonkahiri a eye dwete ton abiesa ne fa ne sikakoko kilogram aduasa anan a fi Yuda no na otuu no ade so. **4** Misraimhene yii Yehoahas nuabarima Eliakim se ohene foforo ma odii Yuda ne Yerusalem so, na osesaa Eliakim din yee no Yehoiakim. Na Neko faa Yehoahas dommum de no kɔ Misraim. **5** Yehoiakim dii ade no, na wadi mfirihya aduonu anum, na odii hene wɔ Yerusalem mfirihya dubaako. Nanso oyee bone wɔ Awurade, ne Nyankopɔn, ani so. **6** Babiloniahene Nebukadnessar kotoaa no, kyeree no de nkɔnsɔnkɔnsɔn guu no de no kɔ Babilonia. **7** Nebukadnessar faa ademude a ewɔ Awurade Asoredan no mu bi, de koguu n'ahemfi wɔ Babilonia. **8** Yehoiakim ahenni ho nsem nkae, bone ahorow a oyee ne biribiara a wohu tiaa no no, woakyere wɔn Israel ne Yuda Ahemfo Nhoma mu. Na ne babarima Yehoiakyin bedii n'ade se ohene. **9** Yehoiakyin bedii ade no, na wadi mfirihya dunwɔtwe, nanso odii ade Yerusalem asram abiesa ne nnafua du pɛ. Yehoiakyin yee bone wɔ Awurade ani so. **10** Afe a edi kan wɔ asram a edi kan mu no, ohene Nebukadnessar frɛ Yehoiakyin se ommra Babilonia. Wofaa ademude bebree fii Awurade Asoredan no mu de kɔ Babilonia saa bere no. Na Nebukadnessar yii Yehoiakyin wofa Sedekia, se onni hene wɔ Yuda ne Yerusalem. **11** Bere a Sedekia bedii ade no, na wadi mfirihya aduonu baako, na odii ade wɔ Yerusalem mfirihya dubaako. **12** Oyee bone wɔ

Awurade, ne Nyankopɔn ani so, na wammɛ ne ho ase wɔ odiyifo Yeremia a na ɔkasa ma Awurade no anim. **13** Ɔtew ɔhene Nebukadnessar anim atua wɔ bere a na waka ntam adi nsew wɔ Onyankopɔn din mu sɛ, obedi no nokware. Na Sedekia yɛ kyenkyenɛe na opirim ne koma na wampɛ sɛ ɔde ne ho bebata Awurade, Israel Nyankopɔn ho. **14** Asɔfo no ntuanɔfo nyinaa ne ɔmanfo no kɔɔ so yɛɛ mmaratɔfo. Wɔyɛ abosonsomfo a wɔwɔ aman a atwa ahyia hɔ no nneyɛe no bi, na wogu Awurade Asɔredan a ɛwɔ Yerusalem no ho fi. **15** Awurade, wɔn agyanom Nyankopɔn, somaa n'adiyifo sɛ wɔnkɔbɔ wɔn kɔkɔ mpɛn bebree, efise na ɔwɔ ahummɔbɔ ma ne nkurɔfo ne n'Asɔredan no. **16** Nanso nnipa no dii saa Onyankopɔn abɔfo no ho fɛw, amfa wɔn nsem no anyɛ hwee. Wodii adiyifo no ho fɛw ara kosii sɛ Awurade abufuwhyew turuwii a biribiara antumi annwudwo ano. **17** Enti Awurade de Babiloniahene ba beko tiaa wɔn. Babiloniafo no kunkum Yuda mmea a wɔyɛ mmabun mpo, wɔtaa wɔn kɔɔ Asɔredan no mu a wɔannya ahummɔbɔ amma wɔn. Wokunkum mmofra ne mpanyin, mmarima ne mmea, ahooɔdenfo ne ayarefo. Onyankopɔn de wɔn nyinaa hyɛɛ Nebukadnessar nsa. **18** Ɔhene no san sesaw nneɛma no nyinaa, akese ne nketewa a na wɔde som wɔ Onyankopɔn Asɔredan mu, ne ademude a na ɛwɔ Awurade Asɔredan no mu ne ahemfi hɔ nyinaa de kɔɔ Babilonia. Ɔde mmapɔmma nyinaa nso kɔɛ. **19** Wɔtoo Onyankopɔn Asɔredan no mu gya, bubuu Yerusalem afasu no, hyew ahemfi no nyinaa, sɛɛ biribiara a ɛwɔ bo no. **20** Nnipa kakra a wɔkae no, wɔsoaa wɔn kɔɔ Babilonia, ma wɔkɔyɛɛ ɔhene no ne ne mmabarima asomfo kosii sɛ Persia ahenni bedii tumi. **21** Enti Awurade asem a wɔfaa Yeremia so kae no baa mu. Afei, asase no nso nyaa n'ahomegye, ɛdaa mpan mfirihyia aduɔson sɛnea odiyifo no kae no. **22** Persiahene Kores adedi afe a edi kan mu no, Awurade maa odiyifo Yeremia nkɔmhɛ no baa mu. Ɔkaa Kores koma ma ɔkyerɛw bɔɔ no dawuru wɔ n'ahenni nyinaa mu se, **23** “Sɛnea Persiahene Kores ka ni: “Awurade, ɔsorosoro Nyankopɔn de ahenni a ɛwɔ asase so nyinaa ama me. Wayi me sɛ minsi asɔredan mma no wɔ Yerusalem wɔ Yuda asase so. Mo a moyɛ Awurade nkurɔfo nyinaa, monsɔn nkɔ Israel nkodi saa dwuma yi. Awurade, mo Nyankopɔn nka mo ho.”

Esra

1 Persiahene Kores afe a edi kan no mu no, Awurade kaa Kores koma ma okyerew saa dawubo nsem yi de koo ahemman no nyinaa mu, maa Yeremia nkomhye no baa mu. **2** Senea Persiahene Kores ka ni: Awurade, osoro Nyankopon de ahemman a ewo asase so nyinaa ahye me nsa. Wayi me se minsi asoredan mma no wo Yerusalem wo Yuda asase so. **3** Mo a moye ne nkurofo nyinaa, monsan nko Yerusalem wo Yuda, nsan nkosi saa Awurade, Israel Nyankopon, a ote Yerusalem no asoredan. Na mo Nyankopon beka mo ho. **4** Won a wotete baabiara a Yudafo nkae no wo no, ese se woma Yudafo no dwete ne sikakoko, akwantu nneema, nyemmoa ne koma pa mu afobede a wode ma Onyankopon asoredan a ewo Yerusalem no, de boa won akwantu no. **5** Na Onyankopon kaa Lewifo, Yuda ne Benyamin mmusuakuw ntuanofa no koma se, wonsan mmra Yerusalem mmesiesie Awurade asoredan no. **6** Na won afipamfo boa maa won dwete ne sikakoko ne nyemmoa, ma wode tuu kwan no. Womaa won akyede pa bebree de kaa nea efi won ankasa koma mu no ho. **7** Ohene Kores no ankasa de aboodenne a ohene Nebukadnessar tase fii Awurade asoredan mu wo Yerusalem de koguu ono ankasa anyame asoredan mu no bae. **8** Kores hyee Persia osannaani Mitredat se onkenkan saa nneema no nyinaa, na omfa nhye won a wotwaa won asu a woresan aba Yuda no panyin Sesbasar nsa. **9** Eyinom ne nneema a Kores de bekyee: sikakoko nsiasie 30 dwete nsiasie 1,000 dwete ohyewsen **29** **10** sikakoko hweaseamm 30 dwete hweaseamm 410 nneema a ekeka ho 1,000 **11** Ne nyinaa mu no, sikakoko ne dwete nneema a wode maa Sesbasar se omfa nko Yerusalem bere a won a wotwaa won asu fi Babilonia baa ho no dodow ye sikakoko ne dwete mpem anum ne ahannan.

2 Eyinom ne Yudafo nnommum a wowo amantam no mu a wofi asutwa mu baa Yerusalem ne Yuda nkurow bi so no. Ohene Nebukadnessar na otwaa won asu koo Babilonia. **2** Na won ntuanofa ye Serubabel, Yesua, Nehemia, Seraia, Reelaia, Mordekai, Bilsan, Mispar, Bigwai, Rehum ne Baana. Israel mmarima a wofi asutwa mu bae no dodow ni: **3** Dodow a woye Paros asefo 2,172 **4** Sefatia asefo 372 **5** Arah asefo 775 **6** Pahat-Moab asefo (Yesua ne Yoab asefo) 2,812 **7** Elam asefo 1,254 **8** Satu asefo 945 **9** Sakai asefo dodow ye

760 **10** Bani asefo dodow ye 642 **11** Bebai asefo dodow ye 623 **12** Asgad asefo dodow ye 1,222 **13** Adonikam asefo dodow ye 666 **14** Bigwai asefo dodow ye 2,056 **15** Adin asefo dodow ye 454 **16** Ater asefo (Hesekia asefo) dodow ye 98 **17** Besai asefo dodow ye 323 **18** Yora asefo dodow ye 112 **19** Hasum asefo dodow ye 223 **20** Gibar asefo dodow ye 95 **21** Betlehemfo dodow ye 123 **22** Netofafo dodow ye 56 **23** Anatotfo dodow ye 128 **24** Asmawetfo dodow ye 42 **25** Kiriath-Yearimfo, Kefirafo ne Beerotfo dodow ye 743 **26** Ramafo ne Gebafo dodow ye 621 **27** Mikmasfo dodow ye 122 **28** Bet-Elfo ne Aifo dodow ye 223 **29** Nebo omanmma dodow ye 52 **30** Magbis oman dodow ye 156 **31** Elam omanmma dodow ye 1,254 **32** Harim omanmma dodow ye 320 **33** Lod, Hadid ne Ono manmma dodow ye 725 **34** Yeriko omanmma dodow ye 345 **35** Senaa omanmma dodow ye 3,630 **36** Eyinom ne asofo dodow a wofi nnommum mu bae: Yedaia asefo (a wonam Yesua fi so) dodow ye 973 **37** Imer asefo dodow ye 1,052 **38** Pashur asefo dodow ye 1,247 **39** Harim asefo dodow ye 1,017 **40** Eyinom ne Lewifo a wofi nnommum mu bae: Yesua ne Kadmiel asefo (Hodawia asefo) dodow ye 74 **41** Nnwonfofo: Asaf asefo mu nnwonfofo dodow ye 128 **42** Aponanohwefo: Salum, Ater, Talmon asefo Akub, Hatita ne Sobai asefo 139 **43** Saa asoredan mu asomfo asefo yi na wofi nnommum mu bae: Siha, Hasufa, Tabat, **44** Keros, Siaha, Padon, **45** Lebana, Hagaba, Akub, **46** Hagab, Samlai, Hanan, **47** Gidel, Gahar, Reaia, **48** Resin, Nekoda, Gasam, **49** Usa, Paseah, Besai, **50** Asna, Meunim, Nefisi, **51** Bakbuk, Hakufa, Harhur, **52** Baslut, Mehida, Harsa, **53** Barkos, Sisera, Tema, **54** Nesia ne Hatifa. **55** Ohene Salomo asomfo asefo yi nso fi nnommum mu bae: Sotai, Hasoferet, Peruda, **56** Yaala, Darkon, Gidel, **57** Sefatia, Hatil, Pokeret-Hasebaim ne Ami. **58** Na asoredan mu asomfo ne Salomo asomfo asefo no dodow ye 362 **59** Saa bere no, kuw foforo a wofi Tel-Melah, Tel-Harsa, Kerub, Adan ne Imer nkurow so san baa Yerusalem. Nanso wwantumi ankyere mu se, won anaa won abusuafo ye Israel asefo. Saa nnipakuw yi ne: **60** Delaia, Tobia ne Nekoda mmusua a won dodow ye 652 **61** Asofo mmusua abiesa: Habaia, Hakos ne Barsilai no nso san baa Yerusalem. (Saa Barsilai yi, na waware Barsilai a ofi Gilead no mmabea no mu baako a enti na wafa n'abusua din.) **62** Nanso, na woyera won anato nhoma no nti womma won ho kwan ansom se asofo. **63** Na amrado no mma kwan mma wonnni afobede

nnuan mu kyefa mpo, gye se asofo bi wo ho a onam ntontobɔ kronkron so bisa Awurade. **64** Enti nnipa a wosan baa Yuda no nyinaa dodow ye mpem aduanan abien, ahaasa ne aduosia, **65** a asomfo mpem ason ahaasa aduasa ason nka ho, ne nnwontofo ahannu a woye mmарima ne mmea. **66** Wode apɔnkɔ ahanson aduasa asia, mfurum ahannu aduanan anum, **67** yoma ahannan aduasa anum ne mfurumpɔnkɔ mpem asia ne ahanson aduonu kaa won ho kɔe. **68** Bere a woduu Awurade asɔredan no ho wo Yerusalem no, abusua ntuanofɔ no bi fii koma pa mu yii ntoboa a wode besiesie Awurade asɔredan no wo ne sibeade daw mu ho. **69** Na ntuanoni biara maa nea obetumi. Akyede a wode mae no nyinaa ano sii sikakakɔ sika nnwetebona mpem aduosia baako, dwete nkaribo pɔn mpem ahansia ahannu aduonum na asofotade oha a wode bema asofo. **70** Enti asofo, Lewifo, nnwontofo, aponanohwefo, asɔredan mu asomfo ne ɔmanmma no bi tenaa nkuraa a eɛn Yerusalem no. Nkae no san kɔɔ Yuda nkurow aforɔ bi a wofi ho bae no so.

3 Ɔsram a eto so ason mfiase a Israelfo abɔ atenase wo won nkurow mu no, nnipa no nyinaa hyiaa se nnipa koro wo Yerusalem. **2** Na Yosadak babarima Yesua ne ne mfefo asofo ne Sealtiel babarima Serubabel ne n'abusuafo fii ase siesiee Israel Nyankopɔn afɔremuka no, senea wobetumi abɔ ohyew afɔre wo so, senea wɔahye wo Mose a oye Onyankopɔn nipa no mmara mu no. **3** Ewo mu se na nkurofo no suro amannifo a wɔtete ho no de, nanso wosan sii afɔremuka no wo ne dedaw mu ho. Eho ara na wofii ase bɔɔ ohyew afɔre maa Awurade. Woyee saa anɔpa ne anwummere biara. **4** Wodii Asese Afahye no senea wɔakyere wo Mose mmara nhoma no mu no, na wɔbɔɔ ohyew afɔre, senea afahye da biara de te no. **5** Eno akyi no, wɔbɔɔ daa ohyew afɔre no ne afɔre a ese se wɔbɔ ma Ɔsram Foforo Afahye no ne mfe ahorow afahye de maa Awurade. Na nnipa no bɔɔ ɔpe pa mu afɔre nso de maa Awurade. **6** Aka nnaawɔtwe abien na Guankɔbea Afahye no adu so no, asofo no fii ase bɔɔ ohyew afɔre maa Awurade. Wofii eyi nso ase ansa na wɔreto Awurade asɔredan no fapem. **7** Na wɔbɔɔ adansifo ne nnuadwumfo paa na wɔtɔɔ sida nnua fi Tirofo ne Sidonfo nkyen, na wode nnuan, nsa ne ngo tuaa won ka. Wode nnua no fi Lebanon mmepɔw so guu po ani baa Yopa, a na ohenne Kores ama ho kwan. **8** Wofii Onyankopɔn asɔredan no si ase wo ɔsram a eto so abien mu afe a eto so abien fi bere a wokoduu Yerusalem no. Won a

wofi asutwa mu bae no nyinaa yee ho adwumayefo a Sealtiel babarima Serubabel, Yosadak babarima Yesua ne ne mfefo asofo ne Lewifo nyinaa nso ka ho. Lewifo a na woadi mfe aduonu ne won a wɔboro saa no na wode Awurade asɔredan no asiesie hyee won nsa. **9** Yesua ne ne mmabarima ne n'abusuafo ne Kadmiel ne ne mmabarima ne Hodawia asefo nyinaa na wode Onyankopɔn asɔredan ho adwumayefo hyee won nsa se wonhwe won so. Henadad abusuafo Lewifo na wɔboaa hwee saa dwumadi yi so. **10** Bere a adansifo no wiee Awurade asɔredan no fapem no, asofo no hyee won asofotade, kotenaa won tenabea, hyen won ntorobento. Na Asaf asefo Lewifo no bɔɔ won kyenkyen, de kamfoo Awurade senea na ohenne Dawid ahye no pɛpɛɛɛ. **11** Wode nkamfo ne aseda too saa dwom yi maa Awurade se: "Oye, Na n'adɛ wo ho daa ma Israel afebɔɔ!" Na ɔmanfo no nyinaa teɛ mu ahooden so, de kamfoo Awurade, efise Awurade asɔredan fapem no, wɔato. **12** Asofo mpanyimfo no bebree, Lewifo ne ntuanofɔ no kaee asɔredan a edi kan no, sui bere a wohuu asɔredan foforo no fapem a wɔato no. Na aforɔ nso teɛteɛ mu anigye so. **13** Anigye nteɛteɛmu ne osu a adi afra no ano yee den, na nnipa tee wo akirikyiri.

4 Yuda ne Benyamin atamfo no tee se won a wotwaa won asu no resiesie Awurade, Israel Nyankopɔn, asɔredan no. **2** Enti wokɔɔ Serubabel ne ntuanofɔ no a wɔaka no nkyen, na wokae se, "Momma yene mo nsi, efise yesom mo Nyankopɔn senea mosom no no. Efi bere a Asiriahene Esarhadon de yen baa ha yi, yeabo afɔre ama no." **3** Na Serubabel, Yesua ne Israel ntuanofɔ bi buae se, "Munni kyefa wo saa dwuma yi di mu, efise yene mo nni hwee ye. Yen nko ara na yebesie Awurade, Israel Nyankopɔn, asɔredan no senea Persiahene Kores ahye yen no." **4** Na ɔmanfo no pɛe se wobu Yudafo no aba mu na wohunahunaa won wo adwuma no ye ho. **5** Wɔhyee ananmusifo bi afono mu se wonhaw won na wonsee won botae no. Eyi kɔɔ so wo Persiahene Kores ahenni nyinaa mu kosii bere a Persiahene Dario bedii ahengua no. **6** Bere a Ahasweros dii ade mfe kakraa bi akyi no, Yudafo atamfo kyerew no krataa, bɔɔ kwaadu tiaa Yuda ne Yerusalem. **7** Na eno akyi no mpo, Persiahene Artasasta bere so no, Yuda atamfo a Bislam, Mitredat ne Tabeel di anim, kyerew krataa wo Arameike kasa mu komaa Artasasta, na wɔkyere ase kyere ohenne no. **8** Amrado Rehum ne Simsai a oye asennii kyerewfo

kyerew krataa kokyereɛ ohene Artasasta senea oman Yerusalem mu te. **9** Wokyaiaa ohene no ma ekotoo won a wone won bo, atemmufu ne oman no mu ntuanofu, Tarpela manfo, Persiafo, Babelfo ne Elamfo. **10** Wosan kyiaa nnipa a waka no a okese ne otitiriw Asurbanipa atwa won asu, de won akogu Samaria ne nsase a atwa ho ahyia wo asu Eufate atwe fam no so no. **11** Eyi ye krataa a wode koma no no nseso: Efi w'asomfo a wowo asu Eufate agya no nkyen de koma Artasasta: **12** Yerebo wo amannee se, Yudafo a wofi Babilonia baa Yerusalem ha no resiesie atuawefo ne abonefo kurow no. Wato afasu no fapem dedaw, na enkye na wawie. **13** Na yeye se wote se, se wosiesie kurow yi ne n'afasu no wie a, eremmoa wo koraa, efise Yudafo no rentua won tow ne aguade biara mma wo. **14** Esiane se yeye w'asomfo nokwafo nti, yempe se w'anim begu ase wo saa kwan yi so nti na yerebo wo saa amannee yi. **15** Yeye se wohwehwe w'agyanom nkrataa mu, hu senea saa kurow yi yee atuawefo kurow tete no. Nokware ni, wosee no, esiane abakosem tenten a eda ho se wosore tiaa ahemfo ne aman a wope se wodi won so no nti. **16** Yepae mu ka se, se wosiesie kurow yi na wowie n'afasu no a, wobchwere asu Eufate agya asase no. **17** Artasasta mmuae ni: Mede krataa yi koma amrado Rehum, asennii kyerewfo Simsai ne won mfefo a wote Samaria ne won a wowo asu Eufate agya no nyinaa. **18** Mikyia mo nyinaa. Krataa a mokyerewee no, wakyere ase, akenkan akyer me. **19** Mahye se wonkoye nkrataa mu mpensenpensenmu, na mahu se, ampa ara, mmere bi a atwa mu no, na Yerusalem ye atuawefo man a etiaa ahemfo bebre a na abantugu ye ade a woye daa wo ho. **20** Ahemfo atumfo a adi ade wo Yerusalem ne asu Eufate agya no nyinaa agye tow ne aguade bebre. **21** Eno nti, hye na saa nnipa yi nnyae won adwuma. Ense se wosiesie kurow no, gye se mema ho kwan. **22** Monntwentwen so koraa, efise ense se yema asem no gye nsam. **23** Bere a wokenkan saa krataa a efi ohene Artasasta nkyen kyereɛ Rehum, Simsai ne won mfefo no, woyee ntem koo Yerusalem kohyee Yudafo no ma wogyae adansi no. **24** Wogyae Onyankopon asoredan a ewo Yerusalem no ho adwumaye, wo nea adu ho ara, kosii Persiahene Dario ahenni afe a eto so abien no so.

5 Saa bere no, adiyifo Hagai ne Ido babarima Sakaria de Israel Nyankopon din hyee nkam kyereɛ Yudafo a wowo Yuda ne Yerusalem no. **2** Na Sealtiel babarima

Serubabel ne Yosadak babarima Yesua tiei, fitii ase sii Onyankopon asoredan no wo Yerusalem. Na Onyankopon adiyifo no ka won ho a woboaa won. **3** Saa bere no mu na Tatenai a oye amrado wo asu Eufate agya no ne Setar-Bosnai ne won mfefo koo Yerusalem kobisae se, “Hena na omaa mo kwan se munsiesie asoredan yi?” **4** Wosan ka kyereɛ won se, wofa nnipa a woyee adwuma wo asoredan no ho no nyinaa din mma won. **5** Nanso esiane se na won Nyankopon hwe won so nti, woansi wudafo ntuanofu no adansi no ho kwan kosii se wode eho asem kodan Dario ma osesaa n'adwene. **6** Eyi ne krataa a amrado Tatenai, Setar-Bosnai ne mpanyimfo a wowo asu Eufate agya no bi kyerew koma ohene Dario: **7** Yekyia wo, ohene Dario. **8** Yeye se yema wo te se, yekoo beae a wosiesie Onyankopon asoredan no wo Yudaman mu no. Abo sononko a wosiesie ne nnua na wode resi afasu no. Adwuma no rekoo so ahooden so. **9** Yebisaa ntuanofu no se, “Hena na omaa mo kwan se munsiesie asoredan yi?” **10** Na yebisaa won adwumaye din senea yebetumi akyer wo won ntuanofu no. **11** Won mmuae ni: “Yeye osorosoro ne asase Nyankopon no asomfo, na yeresan asi asoredan a ohene kese bi a na owo Israel sii mfe bebre a atwa mu no. **12** Na esiane se yen agyanom hyee osorosoro Nyankopon abufuw nti, ogyaa won maa Babiloniahene Nebukadnessar, ma osesee saa asoredan yi, na otwaa nkurofo no asu koo Babilonia. **13** “Nanso Babiloniahene Kores adedi mu afe a edi kan no, ohyee mmara se, ese se wosiesie Onyankopon asoredan no. **14** Ohene Kores de sikakoo ne dwete, nkuku ne nkaka a Nebukadnessar tase fii Onyankopon asoredan no mu wo Yerusalem de kogu Babilonia asoredan mu no san bae. Wotasee saa nneema no fii saa asoredan no mu de koma obarima bi a ne din de Sesbasar a ohene Kores hyee no amrado wo Yuda no se onhwe so. **15** Ohene no hyee no se, onsan mfa nkuku ne nkaka no nsan nkogu won afa wo Yerusalem, na onsan nsi Onyankopon asoredan no wo faaka a na esi kan no. **16** “Enti Sesbasar yi betoo Onyankopon asoredan yi fapem wo Yerusalem. Efi saa bere no, nnipa no gu so reye ho adwuma nanso wonwiewe e.” **17** Enti mprenpren, se ebeye ohene aniso a, monkosampam Babilonia ahemfi nneema dedaw akorae ho nhwe se ohene Kores anhye mmara se wonsiesie Onyankopon asoredan a ewo Yerusalem no ana. Na momma ohene no nkyere n'adwene wo saa asem yi ho.

6 Enti ohene Dario hyee se, wɔnkɔhwehwe Babilonia nneema dedaw akorae ho faako a wokora nneema a esom bo no. **2** Na Ekbatana aban a ewo Mediaman no mu ho no na wohuu krataa mmobɔwee bi. Na emu nsem ni: Amanneebo krataa: **3** Ohene Kores dii ade n'afe a edi so no, wɔhyee mmara faa Onyankopɔn asɔredan a ewo Yerusalem no ho. Ekae se ese se wɔsan si no wɔ beae a na Yudafo bɔ wɔn afɔre ho, wɔ fapem dedaw no so. Eɛ se ne sorokɔ ye anammɔn aduɔkron, na ne trew nso anammɔn aduɔkron. **4** Abo a wɔasiesie no sononko no mmeaso abiesa biara so no, ese se wode nnua gu. Na adehye foto mu na wobefi atua ho ka. **5** Sikakɔkɔ ne dwete nkuku ne nkaka a Nebukadnessar tase fii Onyankopɔn asɔredan a esi Yerusalem no mu de kɔɔ Babilonia no, ese se wɔsan de kɔ Yerusalem, de kogu Onyankopɔn asɔredan no mu senea na ete no. **6** Na ohene Dario de saa nkra yi somae: Mede krataa yi kɔma amrado Tatenai a ɔwo asu Eufate agya ne Setar-Bosnai ne mo mfefo ne mpanyimfo a wɔwɔ Eufate agya se monnkɔ ho. **7** Monnkotwintwan Onyankopɔn asɔredan no si anan mu. Wonsi no wɔ beae dedaw mu ho ara, na monntoto Yuda amrado ne Yudafo mpanyimfo anan mu wɔ adwuma no ye ho. **8** Na mesan hye mo bio se, mommoa saa Yudafo mpanyimfo no wɔ Onyankopɔn asɔredan no si mu. Eɛ se mutua adansi no ho ka nyinaa fi tow a mugyigye fi mo man mu a monntwentwen so koraa, senea adwuma no ye renka. **9** Biribiara a eho hia asɔfo a wɔwɔ Yerusalem, se ebia, nantwimma, adwennini ne nguantenmma a wode bebɔ ɔhyew afɔre ama Onyankopɔn a ɔwo ɔsorosoro no, momfa mma wɔn. Afei, momma wɔn atoko, nkyene, nsa ne ngo a eho behia wɔn da biara a monnto mu. **10** Se eba saa a, wobetumi abɔ afɔre a ɛso ani ama ɔsorosoro Nyankopɔn, na wɔabo mpae ama me ne me mmabarima. **11** Wɔn a wobebu mmara no so wɔ ɔkwan biara so no, wobeyi wɔn adan so mpuran, na wode wɔn abobo mu, abɔ wɔn mmaa, ama wɔn afi adwiriw, adan sumina siw. **12** Onyankopɔn a wayi Yerusalem kurow se beae a wɔnhye ne din anuonyam no nsee ohene anaa ɔman biara a wobebu ne mmara so, asee asɔredan no. Me Dario na mahye saa mmara yi. Ma ɔmanfo ntie no aso pa mu. **13** Na Tatenai a ɔye asu Eufate agya amrado ne Setar-Bosnai ne ne mfefo dii Dario mmara a ɔhyee no so preko pe. **14** Enti Yudafo mpanyimfo toaa wɔn dwumadi no so na asem a adiyifo Hagai ne Ido babarima Sakaria kae no hyee wɔn nkuran. Na wowiee asɔredan no

si, senea Israel Nyankopɔn hyee na Kores, Dario ne Persiahene Artasasta hyee mmara no. **15** Wowiee asɔredan no si wɔ Abib (beyɛ ɔbenem) da a eto so dumien, ohene Dario ahenni mfe asia so. **16** Israelfo, asɔfo, Lewifo ne nnipa no nkae a wofi nnommmu mu aba no de ahosepew too Onyankopɔn asɔredan no din. **17** Onyankopɔn asɔredan no dintɔ afahye no mu no, wode nantwimma ɔha, adwennini ahannu ne nguantenmma ahannan bɔɔ afɔre. Na womaa mmirekyi dumien se bone ho afɔrebode, de gyinaa ho maa Israel mmusuakuw dumien no. **18** Na wɔkyekyee asɔfo ne Lewifo no mu, senea wɔn akuw ahorow te no ma wɔsom wɔ Onyankopɔn asɔredan no mu wɔ Yerusalem, senea wɔakyerew wɔ Mose Nhoma mu no. **19** Adar ɔsram (beyɛ Oforisuo) da a eto so aduonu baako no, wɔn a wofi nnommmu mu bae no dii Twam Afahye. **20** Asɔfo no ne Lewifo no dwiraa wɔn ho maa wɔn ho tew maa afahye no. Enti wokum Twam Afahye guamma maa wɔn a wofi nnommmu mu bae no nyinaa ne asɔfo a wɔaka ne wɔn ankasa wɔn ho. **21** Nnipa a wɔwɔ Israel a wofi nnommmu mu aba no ne nnipa no nkae a wɔwɔ ɔman no mu no a wɔadan afi wɔn amumɔye akwan ho abesom Awurade, Israel Nyankopɔn, no na wodii twam aduan no. **22** Wodii Twam Afahye aduan no, na wode nnanson nso dii Apiti Afahye no. Ahosepew baa ɔman no mmaa nyinaa, efise Awurade sakraa Asiriahene adwene a ɔwo wɔ wɔn ho ma ɔboaa wɔn sii Onyankopɔn, Israel Nyankopɔn, asɔredan no.

7 Persiahene Artasasta ahenni mu no, na ɔbarima bi wɔ ho a ne din de Esra. Na ɔye Seraia babarima a ɔye Asaria babarima, na ɔno nso ye Hilkia babarima **2** na ɔno nso ye Salum babarima a ɔye Sadok babarima a ɔye Ahitub babarima **3** na ɔno nso ye Amaria babarima a ɔye Asaria babarima na ɔno nso ye Meraiot babarima **4** a ɔye Serahia babarima a ɔye Usi babarima a ɔno nso ye Buki babarima **5** a ɔno ye Abisua babarima, a ɔye Pinehas babarima, a ɔno nso ye Eleasar babarima, a ɔye Aaron a ɔye ɔsɔfopanyin no babarima. **6** Na saa Esra yi ye mmara no kyerekyerɛfo a onim Mose mmara no a Awurade, Israel Nyankopɔn, de ama Israelfo no yiye. Ofi Babilonia baa Yerusalem na biribiara a obisaa ohene no ɔde maa no, efise na Awurade nsa no wɔ ne so. **7** Israelhene ne ne asɔfo, Lewifo, nnwontɔfo, aponanohwefo ne asɔredan mu asomfo ne no kɔɔ Yerusalem, ohene Artasasta ahenni mfe ason so. **8** Saa afe no, Ab ɔsram (beyɛ ɔsannaa)

mu na Esra koo Yerusalem. **9** Ofii Babilonia Abib osram (beye Oforisuo) da a eto so awotwe, na okoo Yerusalem Ab osram (beye Osannaa) da a eto so anan. Na Nyankopon adom nsa wo ne so. **10** Efise na Esra asi n'adwene pi se, obesua, na wadi Awurade mmara so, na wakyere Israelfo saa mmara no. **11** Na ohene Artasasta de krataa no seso ama osobo Esra, a oye mmara no kyerekyerefo a osuae, na okyeree Israelfo Awurade mmara no. Okyerew se: **12** Me ahene mu hene Artasasta, nkyia a mede rekyia osobo Esra ne Awurade a ote osorosoro no mmarakyereni no ni: **13** Mahye mmara se, Israelni biara a ote m'aheman mu a asobo ne Lewifo ka ho no nyinaa, mfi won pe mu ne wo nko Yerusalem. **14** Me ne m'agynatufu baason no ahye wo se, gyina wo Nyankopon mmara a ehye wo nsam no so ye nhwehwemu fa Yuda ne Yerusalem tebea ho. **15** Fa dwete ne sikakokoo bi a yede rema wo se afoe a yerebo ama Israel Nyankopon a ote Yerusalem no ko, **16** na gye dwete anaa sikakokoo biara a wubanya afo Babilonia ne nea wode bekye wo biara afo omanfo ne asobo nkyen a wode ama se, womfa nko won Nyankopon asoredan a ewo Yerusalem no ko. **17** Saa akyede yi, nea ese se wode to ara ye anantwinini, adwennini, nguantenmma ne atoko afoebode a efata, ne nsa afoebode a wode ne nyinaa bebo afoe wo Nyankopon asoredan a ewo Yerusalem no afoemuka so. **18** Sika biara a ebeka no, wo ne wo mfefo mfa nni dwuma biara a mugye di se eye mo Nyankopon pe. **19** Na nkuku ne nkaka a yede rehye wo nsa de adi mo Nyankopon asoredan no ho dwuma no, fa ne nyinaa ma Onyankopon a owo Yerusalem no. **20** Se mo sika sa wo biribi a eho hia mo Onyankopon asoredan ho anaa biribi a ete saa ho a, mummissa sika mfi adehye foto mu. **21** Me ohene Artasasta, hye mmara de ko agyapade akorae a ewo asu Efrate agya no se: Biribiara a Esra bisa no, momfa mma no, efise oye osobo ne osorosoro Nyankopon no mmara kyerekyerefo. **22** Ese se moma no kosi dwete nkaribo pon mpem ason ne ahannum, atoko susukoraa ahannum, nsa gyare ahannum aduonum, ngo gyare ahannum aduonum ne nkyene a wontumi mmu ano. **23** Monhwe yiye, na biribiara a Onyankopon a ote osorosoro no abisa ama n'asoredan no, momfa mmra. Aden nti na ese se yema Onyankopon abufuw ba ohene ne ne mmabarima so? **24** Mesan hye se, ense se osobo, Lewini, nnwontofo, oton ano hwefo, asoredan mu somfo anaa obiara a oye adwuma wo asoredan mu no tua tow biara. **25**

Na wo Esra, ese se wode nyansa a Onyankopon de ama wo no yi asennifo ne atemmufu a wonim mo Nyankopon mmara no, na wodi nnipa a wowa asu Eufate agya no nyinaa so. Se nnipa nnim saa mmara no a, ese se wokyerekyere won. **26** Obiara a obebu mo Nyankopon, ne ohene mmara so no, wobekum no, wobetwa no asu, wobefa n'agyapade anaa wode no beto afiase se asotwe. **27** Ayeyi nka Awurade, yen agyanom Nyankopon a omaa ohene adwene se onsiesie Awurade asoredan a ewo Yerusalem no. **28** Na ayeyi nka no se, otaa ne do kann adi kyeree me, hyee me anuonyam wo ohene, n'agynatufu ne n'ahenemma atumfo no anim. Ehyee me nkuran, efise na Awurade, me Nyankopon, nsa wo me so. Na meboabooa Israel ntuanofu no bi ano se wonka me ho mma yenko Yerusalem.

8 Eynom ne abusua mu ntuanofu ne anato ahorow a ohene Artasasta di ade no, wone me fi Babilonia bae: **2** Pinehas asefo mu no: Gersom; Itamar asefo mu no: Daniel. Dawid asefo mu no: Sekania babarima Hatus. **3** Paros asefo mu no: Sakaria ne mmarima afoforo bi oha aduonum. **4** Pahat-Moab asefo mu no: Serahia babarima Eliehoenai ne mmarima afoforo bi ahannu. **5** Satu asefo mu no: Yahasiel babarima Sekania ne mmarima afoforo bi ahaasa. **6** Adin asefo mu no: Yonatan babarima Ebed ne mmarima afoforo bi aduonum. **7** Elam asefo mu no: Yesaia babarima Atalia ne mmarima afoforo bi aduwon. **8** Sefatia asefo mu no: Mikael babarima Sebadia ne mmarima afoforo bi aduwotwe. **9** Yoab asefo mu no: Yehiel babarima Obadia ne mmarima afoforo bi ahannu ne dunwotwe. **10** Bani asefo mu no: Yosifia babarima Selomit ne mmarima afoforo bi oha aduosia. **11** Bebai asefo mu no: Bebai babarima Sakaria ne mmarima afoforo bi aduonu awotwe. **12** Asgad asefo mu no: Hakatan babarima Yohanan ne mmarima afoforo bi oha ne du. **13** Adonikam asefo a wotwa to no: won din de Elifelet, Yeiel, ne Semaia a, mmarima afoforo bi aduosia ka won ho. **14** Bigwai asefo mu no: Utai ne Sakur a mmarima afoforo bi aduwon ka won ho. **15** Meboaa nnommmu no ano wo Ahawa nsukwan no so, na yema wotena hoo nnansa, bere a merehwe nnipa no ne asobo a wabedu hoo no din mu no, mihuu se Lewifo no mu baako mpo antu ne hoo ansi hoo. **16** Enti mesoma ma wokofree Elieser, Ariel, Semaia, Elnatan, Yarib, Elnatan, Natan, Sakaria ne Mesulam, a woye omanfo no ntuanofu no. Mesan

soma ma wókófrée Yoiarib ne Elnatan, a na wáye nimdefo no nso; 17 na mema wákóo Ido a na otua Lewifo no ano no nkyen wó Kasifia. Mekyerée wón nea wónka nkyeré Ido ne n'abusuafo ne asóredan no mu asomfo no wó Kasifia, senea ébéye a wóde ahwéfo bebre yen wó yen Nyankopón fi. 18 Esiane se Onyankopón adom nsa wó yen so no nti, wóbrée yen óbarima bi a ne din de Serebia, a ne mmabarima ne ne nuabarimanom dunwotwe ka ne ho. Na óye onyansafo a óye Mahli a na óye Israel babarima Lewi no aseni, 19 ne Merari asefo Yesaia, Hasabia ne ne mmabarima ne ne nuabarimanom aduonu 20 ne asóredan no mu asomfo ahannu ne aduonu bae. Na asóredan mu asomfo no ye Lewifo no abofo a na wáye asóredan mu adwumayéfo kuw bi a Dawid na ófaa wón kan. Wókyerew wón nyinaa din. 21 Na Ahawa Suka no ho no, mehyée se yenni mmuada, na yemmre yen ho ase mma Onyankopón. Yébó mpae se óbema yeakodu dwoodwo, na wábo yen ne yen mma ne yen nneema a yede rebetu kwan no ho ban. 22 Na meferée se mebisa óhene no se ómma yen asrafo ne apónkósotefo na wónka yen ho mmó yen ho ban wó ókwan so, efise na yeaka akyeré óhene no se, “Yen Nyankopón bó wón a wósom no no ho ban, na n'abufuwhyew no tia wón a wópo no.” 23 Enti yedii mmuada, bó mpae srée yen Nyankopón wó eyi ho, na otíee yen mpaebó. 24 Na miyii asófo no ntuanofó dumien a wóne Serebia, Hasabia ne asófo afoforo du a wóka wón ho 25 se wónhwe dwetee, sikakókó, sikakókó hweaseammó ne nneema a eka ho a óhene no n'agyinatufó, ne ntuanofó ne Israelfo de ama Onyankopón fi no so. 26 Mede agude no rema wón no, mekaríi na mihuu se emu duru ye: dwetee nkaribo tón aduonu anan, sikakókó nkuku ne nkaka nkaribo pón mpem ahanson ne ahannum, sikakókó nkaribo pón mpem ahanson ne ahannum, 27 sikakókó hweaseammó aduonu a éne sikakókó nnwetebona apem bo ye pé, kóbere nneema abien a wábere ho ma érekóye se sikakókó ankasa. 28 Na meka kyeree saa asófo yi se, “Wóayi mo ne saa agyapade yi nyinaa asi nkyen se ade kronkron ama Awurade. Saa dwetee ne sikakókó yi ye koma pa mu afórebóde a wóde rema Awurade, yen agyanom Nyankopón. 29 Monhwe saa agyapade yi so yiye, na momfa mma asófo mpanyin, Lewifo ne Israel ntuanofó wó adekorae a éwó Yerusalem asóredan no mu no.” 30 Enti asófo no ne Lewifo no gye too wón ho so se wóde saa Onyankopón asóre sika no

béko Yerusalem. 31 Yefii Ahawa Suka atenae ho Ab ósram (béye Oforisuo) da a éto so dunkron, sii mu kóo Yerusalem. Na Onyankopón nsa no bóo yen ho ban, gyee yen fii atamfo ne akwamukafo nsam. 32 Enti yekoduu Yerusalem dwoodwo, homee wó ho nnansa. 33 Yeduu no, ne nnaan so no, wókarii dwetee, sikakókó ne abóodenne a aka no wó Onyankopón asóredan no mu, na wóde hyee Uria babarima ósofo Meremot ne Pinehas babarima Eleasar ne Yesua babarima Yosabad ne Binui babarima Noadia a wón baanu no ye Lewifo no nsa. 34 Wókan biribiara dodow, karii mu duru, kyerew biribiara. 35 Na wón a wófi nnommum mu bae no de anantwi dumien, adwennini aduókron asia ne nguantenmma aduóson ason, bóo óhyew afóre, maa Israel Nyankopón. Afei, wómaa mmirekyi dumien se bóne ho afórebóde. Wóde eyinom nyinaa bae se óhyew afóre maa Awurade. 36 Wóde óhene no mmara no maa ne mpanyimfo ne amradofo a wówo asu Eufate agya no, na wón nyinaa yee baako boaa Onyankopón asóredan no si.

9 Na Yudafo ntuanofó no baa me nkyen békae se, “Israelfo bebre, na mpo, asófo ne Lewifo ntwee wón ho mfii nnipa afoforo bi a wóte asase no so no ho. Wodi akyiwade a na Kanaanfo, Hetifo, Perisifo, Yebusifo, Amonfo, Moabfo, Misraimfo ne Amorifo ye no akyi. 2 Na Israelfo mmarima ware fi saa nnipa no mu, na wópe yerenom fi wón mu, ma wón mmabarima. Enti ananafo aware no ama nnipa kronkron no ho agu fi. Nea éseee asem no koraa ne se, mpanyimfo ne ntuanofó no koraa na wodi ho fó kese.” 3 Metee saa asem no, misunsuan me ntade mu, tutuu me tinwi fii me ti so, tutuu m'abogyese nso, tew tenaa fam ahodwiriw so. 4 Na wón a na wonya ayamhyehye wó Israel Nyankopón asem ho no betenaa me nkyen wó ne nkurofo nokware a wóanni no ho. Metenaa ase ahodwiriw so kosii anwummere afórebóbere. 5 Eduu afórebóbere no, mesóre gyinaa faako a na mete ho awerehow mu a masunsuan m'atade mu no, na mibuu nkotodwe, maa me nsa so kyeree Awurade, me Nyankopón no. 6 Mebó mpae se: “Me Nyankopón, m'ani awu yiye, na mafere se merema m'ani so kyere wo. Na yen bóne akó soro sen yen ti, na yen afódi adu ósorosoro. 7 Yen abakósem nyinaa ye bóne kese. Éno nti na yen ne yen ahemfo ne yen asófo de yen ho akóhye abosonsomfo ahemfo a wówo asase no so ase no. Wóakunkum yen, wóakyere yen nnommum, wóabo yen korón, agu yen anim ase senea yete nne

yi 8 “Nanso mprempren, Awurade, yen Nyankopon, aye yen adom ama yen mu kakra atena nkwa mu se nkaase. Wabo yen ho ban wo beae kronkron ha. Yen Nyankopon abue yen ani, ama yen ahomegye kakra afi yen nkoasom mu. 9 Efise na yeye nkoa, nanso ne do a ode do yen daa no nti, Onyankopon annya yen wo yen nkoasom mu. Mmom, omaa Persiahene hwee yen yiye. Okanyan yen, senea yebetumi asan asi yen Nyankopon asoredan no, asiesie n’amamfo no. Wama yen bammɔ afasu wo Yuda ne Yerusalem. 10 “Na mprempren, yen Nyankopon, asem ben na yewo ka wo eyinom nyinaa akyi? Efise yeapo wo mmara nsem 11 a wonam w’asomfo adiyifo no so boɔ yen kɔkɔ se, ‘Asase a mobefa no, nnipa a wote so no nam won nneyee bone so agu ho fi koraa. Porɔwee ahye asase no so ma, fi ti kosi ti. 12 Enti mommma mo mmabea nware won mmabarima, na mo mmabarima nso nware won mmabea, na ense se moboa saa aman no wo okwan biara so, na yeaye oman kese, adi asase no so nnepa, na yeagyaw ama yen mma se daapem agyapade.’ 13 “Nea ato yen yi fi yen amumoyesem ne yen afodi. Nanso asotwe a wode ama yen no sua koraa sen senea efata yen, efise wo Awurade, yen Nyankopon ama yen mu bi atena se nkaase. 14 Nanso mprempren, yeresan abu wo mmara nsem so, na yene won a woye saa akyiwade no redi aware. Nokware, w’abufuw besee yen ara akosi se, nkaefo kakra no ase betore koraa. 15 Awurade, Israel Nyankopon, woye otreneeni. Yenka hwee se nkaefo a woafi nkoasom mu. Yede yen afodi gyina w’anim a anka yen mu biara rentumi nnyina w’anim wo saa tebea yi mu.”

10 Bere a Esra rebɔ mpae, reka saa bone yi no, na oresu, de ne ho toto fam wo Onyankopon Asoredan no anim, na nnipadom a woye Israelfo, mmarima, mmea ne mmofra bekaa ne ho ne no twaa adwo. 2 Na Yehiel babarima Sekania a oye Elam aseni no ka kyeree Esra se, “Yepae mu ka se yeanni yen Nyankopon nokware, efise yeawareware abosonsomfo mmea a wowo asase no so. Nanso eyi akyi no, anidaso wo ho ma Israel. 3 Afei, momma yene yen Nyankopon nye apam, na yennyaa yen yerenom abosonsomfo no aware, na yempam wone won mma. Yebetie afotu a wo ne afoforo a wodi yen Nyankopon mmara so no de ama yen. Yebedi Onyankopon mmara no so. 4 Sore, na nya akokoduru, efise eye w’asede se wokyerer yen okwan a yebefa so ama biribiara ako so tee, na yede yen ahooden nyinaa beboa.” 5 Na Esra sore

gyinae, na ohyee se asofo no ntuanofɔ, Lewifo ne Israelfo nyinaa nka ntam se wobeyee nea Sekania aka no. Na won nyinaa kaa ntam a ano ye den. 6 Na Esra sore fii Onyankopon Asoredan no anim koo Eliasib babarima Yehohanan dan mu. Odaa ho, nanso wannidi annom. Na oda so di awerehow esiane nnommmum a woasan aba no nokware a woanni no nti. 7 Afei, woboo dawuru wo Yuda ne Yerusalem nyinaa se, nnommmum a woasan aba no nyinaa mmra Yerusalem. 8 Na won a woamma nnansa ntam no, se ntuanofɔ ne mpanyimfo pe a, wode won nsa beto won agyapade so, na woapam won afi won mu. 9 Nnansa ntam no, na Yudafo ne Benyaminfo aboa won ho ano wo Yerusalem. Asem yi sii wo Kislev osram (beye Openimma) da a eto so dunkron, na won nyinaa tenatenaa aguabobea ho wo Onyankopon Asoredan no anim. Na won ho repopo, efise nea edi kan no, na asem no mu ye duru, na nea eto so abien no, na osu nso reto. 10 Na osofo Esra sore gyina kae se, “Moaye bone, efise moawareware mmea abosonsomfo. Enti mprempren, yewo afibu a ano ye den mu sen kan de no. 11 Mompae mu nka mo bone nkyere Awurade, mo agyanom Nyankopon, na monye n’apede. Montwe mo ho mfi nnipa a wowo asase no so ne mmea abosonsomfo no ho.” 12 Afei bagua no nyinaa maa won nne so ka se, “Ampa, w’asem no ye nokware. Eɛ se yeye nea woaka no. 13 Nanso nnipa bebree wo ha na eye asusow bere, enti yerentumi ntena mfikyiri. Bio, yerentumi mfa da koro anaa nnaanuu nni saa asem yi, efise, yen mu bebree na saa bone kese yi ka yen. 14 Momma yen mpanyimfo nsi yen anan nye biribiara. Obiara a oware obee bosonsomni no ne ntuanofɔ ne atemmufɔ a wowo kurow yi mu behyia bere a woahe ne senea ebeye a Onyankopon abufuwhyew a efa saa asem yi ho no befi yen so.” 15 Asahel babarima Yonatan ne Tikwa babarima Yahasia na wotiaa saa asem yi mu, na Mesulam ne Sabetai a oye Lewini no foaa won so. 16 Enti eyi ne nhyehyee a wofaa so. Esra yii ntuanofɔ ma wosii won mmusua no anan, na ode din bi too ntuanoni biara so. Osram Kislev (beye Openimma) da a eto so aduonu akron no, ntuanofɔ no tenaa ase hwehwɛe asem no mu. 17 Afe a edi so no mu, Abib osram (beye Obenem) da a eto so aduonu ason no na woawie mmarima a woawareware mmea abosonsomfo no nyinaa ho asenka. 18 Asɔfo a na woawareware abosonsomfo no din ni: Yosadak babarima Yesua ne ne nuabarimanom: Maaseia, Elieser, Yarib ne Gedalia. 19

Wɔkaa ntam sɛ wobegyaa wɔn yerenom, wɔn mu biara
 gyee n'afɔdi too mu, na wɔde adwennini beɔɔɔ afɔdi
 ho afɔre. **20** Imer asefo mu no: Hanani ne Sebadia. **21**
 Harim asefo mu no: Maaseia, Elia, Semaia, Yehiel ne
 Usia. **22** Pashur asefo mu no: Elioenai, Maaseia, Ismael,
 Netanel, Yosabad ne Elasa. **23** Eynom ne Lewifo a na
 afɔdi da wɔn so: Yosabad, Simeɪ, Kelaia, a eyɛ Kelita,
 Petahia, Yuda ne Elieser. **24** Nnwontofo a na afɔdi da ne
 so no yɛ: Eliasib. Eynom ne aponanohwefo a na afɔdi
 da wɔn so: Salum, Telem ne Uri. **25** Eynom ne nnipa
 bi a wɔyɛ Israelfo a na afɔdi da wɔn so: Paros asefo mu
 no: Ramia, Yisia, Malkia, Miamin, Eleasar, Malkia ne
 Benaia. **26** Elam asefo mu no: Matania, Sakaria, Yehiel,
 Abdi, Yeremot ne Elia. **27** Satu asefo mu no: Elioenai,
 Eliasib, Matania, Yeremot, Sabad ne Asisa. **28** Bebai
 asefo mu no: Yehohanan, Hanania, Sabai ne Atlai.
29 Bani asefo mu no: Mesulam, Maluk, Adaia, Yasub,
 Seal ne Yeremot. **30** Pahat-Moab asefo mu no: Adna,
 Kelal, Benaia, Maaseia, Matania, Basaleel, Binui ne
 Manase. **31** Harim asefo mu no: Elieser, Yisia, Malkia
 Semaia ne Simeon. **32** Benjamin, Maluk ne Semaria. **33**
 Hasum asefo mu no: Matenai, Matata, Sabad, Elifelet,
 Yeremai, Manase ne Simeɪ. **34** Bani asefo mu no:
 Maadai, Amram ne Uel, **35** Benaia, Bedeia, Keluhi,
36 Wania, Meremot, Eliasib, **37** Matania, Matenai ne
 Yaasu. **38** Binui asefo mu no: Simeɪ, **39** Selemia, Natan,
 Adaia, **40** Maknadebai, Sasai, Sarai, **41** Asarel, Selemia,
 Semaria, **42** Salum, Amaria ne Yosef. **43** Nebo asefo
 mu no: Yeiel, Matitia, Sabad, Sebina, Yadau, Yoel
 ne Benaia. **44** Na mmарima yi mu biara aware ɔbea
 bosonsomni a na wɔn mu bi mpo ne wɔn yerenom yi
 wɔ mma.

Nehemia

1 Hakalia babarima Nehemia nsem ni: Ɔsram Kislev (bɛyɛ Obubuo) mpaemu akyi wɔ Ɔhene Artasasta adedi afe a ɛto so aduonu so no, na mewɔ Susa aban mu. **2** Me nuanom mmарima mu obaako a wɔfrɛ no Hanani no ne mmарima bi a wofi Yuda ba besraa me. Mibisaa wɔn Yudafo a nkae ne wɔn a wɔafi nnommu mu aba no ne Yerusalem ho asem. **3** Wɔka kyereɛ me se, “Nneɛma nkɔ yiye mma wɔn a wɔsan kɔɔ Yudaman mu no. Ɔhaw kese ne animguase aka wɔn. Wɔabubu Yerusalem fasu no agu fam, na wɔahyew apon no nso.” **4** Bere a metee eyinom no, metenaa ase sui. Nokware, mitwaa agyaadwo nna bi, bua dae, bɔɔ ɔsoro Nyankopɔn mpae. **5** Afei, mekae se, “Awurade, ɔsoro Nyankopɔn, Onyankopɔn a ɔyɛ ɔkese na ɔyɛ ɔnwɔnwani no, Onyankopɔn a ɔkora ne nokware do apam a ɔwɔ ma wɔn a wɔdo no na wodi ne mmara nsem so no, **6** tie me mpaebɔ. Hwɛ me se merebɔ mpae ma Israelfo anadwo ne awia. Mepae mu ka se, yeaye bɔne atia wo. Yiw, mpo, me ara me fifo ne m’ankasa aye bɔne! **7** Yeaye bɔne kese se yeanni wo mmara nsem, wo mmara, ne w’ahyede a wonam w’akoa Mose so de maa yen no so. **8** “Mesre se, kae asem a woka kyereɛ w’akoa Mose se, ‘Se moye bɔne a, metetew mo mu ako amanaman so. **9** Na se mosan ba me nkyen, na mudi me mmara nsem so a, se mpo, wɔatwa mo asu ako asase ano nohɔ koraa a, mede mo besan aba faako a mayi asi ho se wonhye me din anuonyam no.’ **10** “Yeaye w’asomfo, nnipa a wonam wo tumi kese so gyee yen no. **11** Awurade, mesre wo, tie me mpaebɔ. Tie yen mu bi a wɔn ani gye se wɔhye wo anuonyam no mpaebɔ. Mesre se, ma ensi me yiye, bere a mereko ɔhene nkyen akɔsrɛ no adom bi yi. Fa hye ne koma mu, na ɔnye me adɔe.” Na meye ɔhene nsahyeni.

2 Nisan ɔsram (bɛyɛ Oforisuo) wɔ Ɔhene Artasasta adedi afe a ɛto so aduonu mu no, na merehye ɔhene nsa. De besi saa bere no, na menyee m’anim bosaa wɔ ɔhene anim da, **2** enti ɔhene no bisaa me se, “Aden nti na w’anim aye bosaa nanso wonyare yi? Wose obi a ɔhaw kese bi da ne so.” Ehu kese tɔɔ me so, **3** nanso mibuae se, “Ɔhene nkwa so! Aden nti na ense se me were how? Kuropon a wosiee me mpanyimfo wɔ mu no abubu, na wɔahyew n’apon no nyinaa.” **4** Ɔhene no bisae se, “Den na wohwehwe?” Na meɔɔ ɔsoro Nyankopɔn mpae, **5** buae se, “Se ɛso Ɔhempon ani, na

se me, wo somfo, meso w’ani a, eno de ma menko Yuda nkosiesie kuropon a wɔasie m’agyanom wɔ mu no.” **6** Bere a Ɔhemmea te Ɔhene nkyen no, Ɔhene no bisae se, “Woko a, wubedi nna ahe? Da ben na wobesana aba?” Ɔhene penee so, na mekyereɛ da a mesi mu. **7** Afei, meka kyereɛ ɔhene se, “Ɔhempon, se ɛso w’ani a ma me nkrataa nkɔma amradofo a wɔwɔ mantam a eda Asubɔnten Eufate agya no, na wɔmma me kwan mma memfa wɔn mantam mu nko Yuda. **8** Na mesre se, ma me krataa nkɔma Asaf a ɔhwe ɔhene kwae so na ɔmma me nnua. Mede bɛyɛ mpuran ama Asoredan no aban ano apon, kuropon no afasu ne m’ankasa me fi” Na ɔhene no penee saa abisade yi nyinaa so, efise, na Onyankopɔn adom nsa no wo me so. **9** Miduu amradofo a wɔwɔ Asubɔnten Eufate agya no nkyen no, mede ɔhene nkrataa no maa wɔn. Nea eka ho ne se, ɔhene maa asraafo ne aponkɔsotefo kaa me ho bɔɔ me ho ban. **10** Nanso Haronini Sanbalat ne Amonni Tobia a wɔye mpanyimfo tee se mabedu no, wɔn bo fuw yiye se obi aba ho a ɔpe se ɔboa Israel. **11** Miduu Yerusalem nnansa akyi no, **12** mefaa nnipa kakraa bi kaa me ho, fii ho anadwo no. Manka nhyehyee a Onyankopɔn de ahye me koma mu wɔ Yerusalem ho no ankyere obiara. Yeamfa mmoa biara anka yen ho se afurum a mete ne so no nko. **13** Mefaa Obon Pon no ano, twaa Ɔwɔ Abura no ho kosii Sumina Pon no ano, kɔhweɛ afasu ne apon a ahyew no. **14** Afei, mefaa Asuti Pon no ho kosii Ɔhene Abura no ho, nanso na ɔkwan turodoo nni ho ma m’afurum no. **15** Enti mefaa Kidron Bon no ho mmom, kɔhweɛ ɔfasu no ansa na meresan abefa Obon Pon no mu bio. **16** Na kuropon no mu mpanyimfo nnim se mako ho, na wonnim nea mereye nso, efise na menkaa asem biara a efa m’adwene a maye ho nkyereɛ obiara e. Na me ne asore mpanyimfo, amanye ntuanfo, adwumayefo anaa mmapɔmma no mu biara nkasaa e. **17** Na afei, meka kyereɛ wɔn se, “Munim amanne a ato yen kuropon yi yiye. Abubu na n’apon nso ahyew. Momma yento Yerusalem fasu no bio mfa mpepa animguase a ato yen yi!” **18** Afei, mekaa sɛnea Onyankopɔn adom nsa aba me so no ne me nkɔmma a me ne ɔhene dii no kyereɛ wɔn. Wobuaa preko pe se, “Eye asem pa: Momma yento ɔfasu no bio!” Enti wofii adwuma pa yi ase. **19** Bere a Sanbalat, Tobia ne Arabni Gesem tee yen nhyehyee no, wodii yen ho few, na wobuu animtiaa kae se, “Den na moreye yi, na moretew ɔhene anim atua sɛɛ?” **20** Na mibuae se, “Ɔsoro Nyankopɔn beboa yen ama yeadi

nkonim. Yen a yeye n'asomfo befi ase ato ofasu yi bio. Nanso mo de munni kyefa biara wɔ Yerusalem."

3 Afei, ɔsofopanyin Eliasib ne asofo bi fii ase too ofasu no fii Nguan Pon no. Wodwiraa ho, sisii n'apon, de kosii Ɔha Abantenten ne Hananel Abantenten no. **2** Nnipa a wofi Yeriko kuropon no mu toaa won so ye adwuma wɔ ho, na Imri babarima Sakur dii so. **3** Hasenaa mmabarima na wosii Mpataa Pon no. Woyee ho biribiara. Wototoo mpuran no, sisii apon no, de nkyerewa ne adaban hyehyee mmeae a ehia. **4** Uria babarima Meremot a ɔye Hakos nena na osiesiee ofasu no fa a edi ho no. N'abofo ne Berekia babarima Mesulam a ɔye Mesesabel nena na afei Baana babarima Sadok. **5** Won a wodi so ne Tekofo, mmom won mpanyimfo no ampene se wobeeboa. **6** Paseah babarima Yoiada ne Besodeia babarima Mesulam na wosiesiee Kuropon Dedaw Pon no. Wototoo mpuran no, sisii apon no de nkyerewa ne adaban bobɔ mu. **7** Won a wodi won so ye Melatia a ofi Gibeon, Yadon a ofi Meronot ne nnipa a wofi Gibeon ne Mispa a eye amrado a ɔwɔ Asubonten Eufate agya no atene. **8** Harhaia babarima Usiel a na ɔye sikadwumfo no na odi so. Ono nso dii dwuma wɔ ofasu no ho. Hanania a ɔye aduhumyefo no na odi so. Wogyaw Yerusalem fa bi a ekosi ofasu Tetre no. **9** Nea odi so ye Hur a na ɔda Yerusalem mansin fa bi ano no, babarima Refaia. **10** Nea odi ho ye Harumaf babarima Yedaia a osiesiee ofasu no fa bi a eben ne fi, na nea odi ne so ne Hasabnia babarima Hatus. **11** Nea odi so ne Harim babarima Malkia ne Pahat-Moab babarima Hasub. Wosiesiee Afononoo Abantenten no de kaa ofasu no fa bi ho. **12** Halohes babarima Salum ne ne mmabea na wosiesiee ofa a edi ho no. Ono na na otua Yerusalem mansin fa a aka no ano. **13** Sanofo a Hanun da won ano no na wosiesiee Obon Pon no, sisii n'apon, de nkyerewa bobɔ mu, bram no. Afei, wosiesiee ofasu no anammɔn apem ne ahannum de kosii Sumina Pon no. **14** Rekeb babarima Malkia a na ɔda Bet-Hakerem mansin ano no na osiesiee Sumina Pon no. Osiesiee wiei no, osisii apon no, de nkyerewa hyehyee mu, bram no. **15** Kol-Hose babarima Salum a na otua Mispa mansin ano no na osiesiee Asuti Pon no. Osiesiee, bɔ so, sisii n'apon na ɔde nkyerewa bobɔ mu, bram no. Afei, osiesiee Siloam abura ho fasu a eben ehene mfikyifuw no. Ɔsan too ofasu no kosii atrapoe a esian fi Dawid kuropon mu no. **16** Nea ɔtoa ne so ye Asbuk babarima Nehemia a na otua Bet-Sur mansin fa ano

no. Ɔtoo ofasu no kosii faako a na ene adehye amusiee no di nhweanim, kosi nsukorae no so ne Dɔmmarima Fi. **17** Won a wɔtoa so ye Lewifo kuw a na wɔhye Bani babarima Rehum ase ye adwuma no. Hasabia a na ɔye Keila mansin fa ntuanoni no na osii n'ankasa mansin anan mu hwɛ fasu no si so. **18** Won a wodi so ye ɔno ara ne manfo a na Henadad babarima Binui tua won ano. Ono na na otua Keila mansin fa no ano. **19** Won a wodi won so ye Yesua babarima Eser a otua Mispa ano no. Wosiesiee ofasu no fa bi a ene akode adekoradan fapem di nhweanim no. **20** Onipa a odi so ne Sabai babarima Baruk a osiesiee fa bi fi fapem no, de kosii ɔsofopanyin Eliasib fi pon no ano. **21** Uria babarima Meremot a ɔye Hakos nena nso, siesiee ofasu no fa bi fi faako a ene Eliasib fi pon di nhweanim no, de kosii ofi no nkyen baabi. **22** Afei, asofo a wofifi amantam a atwa ho ahyia na wodi so. **23** Won akyi no, Benyamin ne Hasub ne Asaria a ɔye Maaseia babarima a na ɔye Anania nena nso siesiee ofasu no afaafa a ebemmen won ankasa afi no. **24** Nea odi ho ye Henadad babarima Binui a osiesiee ofasu no fa bi a efi Asaria fi kosi fapem no ntwea so ho. **25** Usai babarima Palal toaa adwuma no so fii faako a ene fapem no ne ntwea so ho no di nhweanim, ne abantenten no a ede ba atifi ahemfi a eben awemfo no adiwo no. Nea odi ne so ye Paros babarima Pedaia, **26** ne asɔredan mu asomfo a na wɔte koko Ofel so. Wosiesiee ofasu no kosii Nsu Pon no de ko apuei fam ne abantenten a eyi ne ho adi no. **27** Afei, Tekofo nso toaa so. Wobesiesiee ofa foforo bi a ene abantenten kese a eyi ne ho adi no ntentenso kosi Ofel fasu no. **28** Asofo no nso siesiee ofasu no a ewɔ koko so na etoa Aponko Pon no so no. Obiara siesiee baabi a ene ne fi di nhweanim. **29** Nea odi ho ye Imer babarima Sadok, ono nso too ofasu no fa a etoa ne fi so. Nea ɔtoa so ne Sekania babarima Semaia a na ɔye apuei pon ano hwɛfo no. **30** Selemia babarima Hanania ne Hanun a ɔye Salaf babarima a ɔto so asia no siesiee ofasu no fa bi, na Berekia babarima Mesulam nso too ofasu no fa a etoa ne fi so. **31** Malkia a ɔye sikadwumfo no mu baako siesiee ofasu no kosii Asɔredan mu asomfo ne aguadifo fi a Bagua Pon no ne no di nhweanim. Afei ɔtoa so kosii abansoro a ewɔ twea so ho no. **32** Sikadwumfo a wɔaka no ne aguadifo no siesiee ofasu no fii saa twea so ho de kosii Nguan Pon no ano.

4 Bere a Sanbalat tee se yereto ofasu no, ne bo fuw yiye. N'ani beree yiye, dii Yudafo no ho few, **2** wɔ

ne nnamfonom ne Samaria asraafo mpanyimfo anim se, “Den na Yudafo ahiafo, mmaborofokuw yi dwene se woreye? Wogyee di se, se woboo afoere se den koraa a, wobetumi de da koro ato ofasu yi ana? Monhwe abo a ahyew asee yi a woreiyi afi afabo yi mu de aye adwuma bio?” 3 Na Amonni Tobia a na oggina ne nkyen kae se, “Saa abo fasu yi de, se sakraman koraa fa so a, ebedwiriw agu fam!” 4 Na meboo mpae se, “Yen Nyankopon, tie yen, na woredi yen ho few. Ma won fewdi no mmoo won ara won ti so, na ma won ankasa nkoye nnommum wo ananafo asase so. 5 Mmu w’ani ngu won afodi so. Mpepa won bone, efise woahe wo abufuw wo adansifo yi anim.” 6 Eyi nyinaa akyi no, wotoo ofasu no kosii dedaw no soroko fa twaa kurow no ho hyiae, efise omanfo no yee adwumaden. 7 Na bere a Sanbalat ne Tobia ne Arabfo ne Amonfo ne Asdodfo tee se adwuma no reko so na woretuatua ofasu no mu atokuru no, won bo fuw yiye. 8 Won nyinaa yee nhyehyee se wobeba abeko atia Yerusalem, na wama basabasaye aba ho. 9 Nanso yeboo yen Nyankopon mpae, wen kurow no awia ne anadwo de boo yen ho ban. 10 Afei, nnipa a wowa Yuda no fii ase nwiinwii kae se, “Adwumayefo no rebre, na afabo no dooso, na yen nko ara rentumi nye adwuma no.” 11 Bere koro no ara mu no na yen atamfo nso reka se, “Ansa na won ani beba won ho so no, na yeatow ahye won so, akunkum won, ama adwuma no aba awiei.” 12 Yudafo a na wote ben atamfo no bebboo yen amannee mpen bebre se, “Wobefi afanan nyinaa abetow ahye yen so.” 13 Enti mede awemfo a wokura akode kotenaa baabi a ofasu no ye tia, wo mmeaemmeae a eho deda ho. Memaa mmusuakuw no gyinagyinaa se awemfo a, wokurakura afoa, mpeaw ne agyan. 14 Mehwee senea nneema te no, mefree ntuanofa no ne omanfo no ka kyere won se, “Munnsuro atamfo no! Monkae Awurade a oye okese ne onuonyamfo no na monko mma mo nnamfonom, mo mmusua ne mo afi.” 15 Bere a yen atamfo tee se yeahu won atirimpow ne senea Onyankopon asee saa atirimpow no, yen nyinaa san koo ofasu no ho kotoaa yen adwuma so. 16 Na efi saa bere no, me mmarima no dodow mu fa pe na woyee adwuma, na nkae no wen ho a wokurakura mpeaw, nkatabo, agyan, hyehyee akotade wen ho. Mpanyimfo no gyinagyinaa Yudafo no a 17 na woretu ofasu no akyi. Apafo no biara de ne nsa baako yee adwuma bere a nsa baako nso kura akode mu, 18 na adansifo no mu biara wo afoa a ebo n’ataaso. Torobentohyenni

no gyinaa me nkyen, na biribi si a, wahyen n’aben. 19 Afei, mekyeree mu kyeree atitiriw ne adwumayefo ne omanfo no nyinaa se, “Adwuma no atrew, na yen ntam nso woware wo ofasu no so. 20 Na se mote torobento no nnyigyei a, monye ntem nko baabi a nnyigyei no wo. Na yen Nyankopon beko ama yen.” 21 Yekoo adwuma ntem tenaa so kyee fi bere a owia pue kosi bere a owia koto. Na bere biara na nnipa no mu fa rewen. 22 Saa bere no meka kyeree won a wotete ofasu no akyi no nso se, “Obiara ne ne boafu ntu nko Yerusalem anadwo na ama wotumi awen anadwo, na woyee adwuma awia.” 23 Saa bere no, yen mu biara, se eye me anaa me fifo anaa m’asomfo anaa awemfo a na wone me wo ho no anworow ne ntade da. Se yerekope nsu mpo a na yekurakura yen akode.

5 Saa bere no mmarima no bi ne won yerenom nwiinwii tiaa won mfefo Yudafo no. 2 Wokae se, “Yewo mmusua a emu nnipa dooso. Yehia sika a edooso kakra a yede beto aduan adi anya ahooden.” 3 Afoforo nso kae se, “Yede yen mfuw, bobo nturo ne yen afi asisi awowa senea yebena aduan wo okom bere mu.” 4 Afoforo nso kae se, “Yeabo bosea a ene yen mfuw ne bobeturo bo ye pe de atua yen sonkahiri. 5 Yefi abusua koro mu, na yen mma te se won de. Nanso ese se yeton yen mma, de won ko nkoasom mu ansa na yenya sika de ahwe yen ho. Yeaton yen mmabea bi dedaw, na yentumi nye ho hwee, efise yede yen mfuw ne bobeturo asisi awowa ama afoforo.” 6 Metee won anwiinwii no, me bo fuw yiye. 7 Medwenee saa asem no ho, na mekasa tiaa atitiriw ne adwumayefo no. Meka kyeree won se, “Monam nsiho a mugye fi mo ara mo nkurofo bosea a woba so no hye won so.” Na mefree omanfo nhyiamu kaa ho asem. 8 Nhyiamu no ase no, meka kyeree won se, “Yen a yeaka no, yerebo yen ho mmoden se yebetumi agye yen abusuafo Yudafo a ese se woton won ho ma ahoho abosonsomfo no. Nanso moresan aton won ako nkoasom mu bio. Da biara na ese se yegye won ana?” Na wotantumi anka asem biara anyi won ho ano. 9 Afei, mekoo so kae se, “Nea moreye no nye. Ese se monantew Onyamesuro mu, senea atamfo aman no nnya kwan mfa mo nye aserewde. 10 M’ankasa ne me nuanom mmarima ne m’adwumayefo bo omanfo no sika ne atoko bosea, nanso afei momma yennyaee boseabo no. 11 Nne yi ara, ese se mode won mfuw, bobeturo, ngodua mfuw ne won afi ma won. Muntua nsiho a mugyee won wo sika, atoko, nsa ne ngo bosea a moboo won no mma won.”

12 Na wobuae se, “Yede biribiara bema na yeremmisa biribiara mfi nnipa no nkyen bio. Yebeye nea woka no.” Afei, mefree asofo no, na memaa atitiriw no ne adwumayefo no kaa ntam se wobedi won bohye so. 13 Meporow me batakari mu mu kae se, “Se mubu bo a moahye no so a, Onyankopon mporow mo mfi mo afi mu ne mo agyapade hol!” Bagua no gyee so se, “Amen.” Na wokamfoo Awurade. Na nnipa no dii won bohye so. 14 Bio, mfe dumien a eye ohene Artasasta ahenni mfe aduonu kosi mfe aduasa abien so a meye amrado wo Yuda no, me ne m’adwumayefo nnyee yen akonhamabode da. 15 Eyi ne nsonoe kese a eda yene amradofo a wodii kan no ntam, efise wode asodi kese too omanfo no so. Na daa wogyee nnuan ne nsa ka dwete a ekari gram ahannan ne aduosia ho fi nnipa no ho. Mpo, won abofo faa ho didii omanfo no ho. Nanso esiane suro a na misuro Onyankopon no nti, mamfa saa kwan no so. 16 Mikum me ho maa ofasu no ho adwumaye, na mampe se menya asase biara. Mehwee se m’adwumayefo nyinaa de won bere beye adwuma wo fasu no ho. 17 Mammisa hwee, nso na bere biara mema Yudafo adwumayefo oha aduonum didi wo me didipon so a, ahoho a wofifi nsase foforo so no nka ho. 18 Nneema a na eho hia me da biara a eye m’ankasa me ka no ye nantwi baako, nguan akese asia ne nkoko bebre. Na nnafua du biara, na ese se yenya nsa ahorow nyinaa bi. Nanso mannaye amrado akonhamabode biara, efise na omanfo no wo ahokyere mu dedaw. 19 Me Nyankopon, kae nea maye ama nnipa yi, na hyira me.

6 Bere a Sanbalat, Tobia, Arabni Gesem ne yen atamfo nkae no huu se masiesie ofasu no awie a okwan biara nneda ntam; nanso saa bere no na minsii apon no, 2 Sanbalat ne Gesem de nkra bre me se, minhyia won wo nkuraa no baako a ewo Ono tataw so ho. Nanso mihuu se wopam me ti so, 3 enti memaa won mmuae se, “Mereye adwuma kese bi a merentumi nnyae mmehyia mo.” 4 Womaa me saa nkra no mpen anan. Ne nyinaa mu no, memaa mmuae koro no ara. 5 Ne mpen anum so no, Sanbalat somfo bae no na okura krataa a wokayerew. 6 Na krataa no mu nsem ni: “Gesem aka kyerere me se, baabiara a obeko no, ote se wo ne Yudafo no repam atew atua; eno nti na woresiesie ofasu no. Nea eka ho ne se, wope se wubedi won so hene, 7 na mpo, woayi adiyifo bi se wonhye wo ho nkam wo Yerusalem se, ‘Monhwe! Ohene bi wo

Yuda!’ Ese se wugye to mu se, saa asem yi beduu ohene aso mu, enti ese se woba, na wo ne me beka ho asem.” 8 Mibuae se, “Wunim se woretwa atoro. Asem a woreka no, nokware baako koraa nni mu.” 9 Huna na na wope se wohunahuna yen. Na wususuw se wobetumi abu yen aba mu na yegyae adwuma no ye. Eno nti, mebwo mpae se menya ahoden de atoa dwumadi no so. 10 Akyiri no, mekosraa Delaia babarima a oye Mehetabel nena Semaia a ohye ne fi na onko baabiara no. Okae se, “Ma yenhyia wo Onyankopon asoredan no mu, na yemmram apon no akyi. W’atamfo reba abekum wo anadwo yi.” 11 Na mibuae se, “Enti ese se obi a ote se me guan amanehunu ana? Enti ese se obi a ote se me beko akohintaw Asoredan mu de apere me nkwa ana? Dabi, merenye saa!” 12 Mihuu se Onyankopon nkasa nkyeree no, na ne nkam a ohyee no tia me, efise Tobia ne Sanbalat abo no paa. 13 Na wosusuw se wobehunahuna me, na mafa n’adwenkyere no so aye bone, na wonam so abo me sobo, asae me din. 14 Me Nyankopon, kae bone a Tobia ne Sanbalat aye no nyinaa. Na kae odiyifobe Noadia ne adiyifo a wote se ono a wope se wohunahuna me no. 15 Enti Elul osram (beye Osannaa) da a eto so abien no, wowiee ofasu no asiesie, nnafua aduonum abien a wofii dwumadi no ase no mu. 16 Bere a yen atamfo ne aman a wotwa yen ho ahyia tee no, wosuroe, na ema wobotowee. Wohuu se Onyankopon mmoo na wode aye adwuma no. 17 Saa nnafua aduonum abien no mu no, nkrataa bebre dii akoneaba wo Tobia ne Yuda adwumayefo no ntam. 18 Efise na Yudafo bebre aka ntam se, wbesom no. Afei, na Tobia ase ne Arah babarima Sekania. Na Sekania babarima Yehohanan nso aware Berekia babarima Mesulam babea. 19 Wokoo so kaa senea Tobia ho ye nwonwa fa no kyerere me, na wokaa biribiara a mekae nso kyerere no. Na Tobia de ahunahuna nkrataa bebre bebre me.

7 Wowiee ofasu no, na misisii apon no wiee akyi no, yefaa apon no anohwefo, nnwontofo ne Lewifo. 2 Miyii me nuabarima Hanani se one Hanania nni Yerusalem so. Na Hanania ye osahene a ohwe aban no so, na oye onokwafo a osuro Nyame sen afoforo bebre. 3 Meka kyerere won se, “Ense se wobue Yerusalem apon no ano to ho kosi se ahuhuru beba. Na se aponanohwefo no wo adwuma mu koraa a, montoto mu na mommram akyi. Munyi won a wote Yerusalem no, na bi nnyina ho nnwen na bi nso mfi won afi a ebemmen no mu nwen.” 4 Saa bere no na kuropon no

so, na emu da ho, nanso na nnipa no nnwoso. Afi kakraa bi na na esisi kuropon no mu. **5** Na me Nyankopon maa me adwene se memfre kuropon no mu ntuanofon ne omanfo no nyinaa nhyia, na wonkyerew won din. Mihuu nnipa a wodii kan san baa Yuda no anato nhoma. Nsem a na wakyerew agu mu ni: **6** Eyinom ne Yudafo a wotwaa won asu koo amantam bi so, na wofii nnommum mu san baa Yerusalem ne Yuda nkurow afoforo so. Ohene Nebukadnessar na otwaa won asu koo Babilonia. **7** Won ntuanofon ye Serubabel, Yesua, Nehemia, Asaria, Raamia, Nahamani, Mordekai, Bilsan, Misperet, Bigwai, Nehum ne Baana. Israelfo dodow a wofi nnommum mu bae no ni: **8** Abusuafo dodow ni: Paros asefo 2,172 **9** Sefatia asefo 372 **10** Arah asefo 652 **11** Pahat-Moab (Yesua ne Yoab) asefo 2,818 **12** Elam asefo 1,254 **13** Satu asefo 845 **14** Sakai asefo 760 **15** Binui asefo 648 **16** Bebai asefo 628 **17** Asgad asefo 2,322 **18** Adonikam asefo 667 **19** Bigwai asefo 2,067 **20** Adin asefo 655 **21** Ater (Hesekia) asefo 98 **22** Hasum asefo 328 **23** Besai asefo 324 **24** Harif asefo 112 **25** Gibeon asefo 95 **26** Mmarima dodow a wofi Betlehem ne Netofa 188 **27** Anatot 128 **28** Bet-Asmawet 42 **29** Kiriath-Yearim, Kefira ne Beerot 743 **30** Rama ne Geba 621 **31** Mikmas 122 **32** Bet-El ne Ai 123 **33** Nebo 52 **34** Elam 1,254 **35** Harim 320 **36** Yeriko 345 **37** Lod, Hadid ne Ono 721 **38** Senaa 3,930 **39** Eyinom ne asofo dodow a wofi nnommum mu bae: Yedaia asefo (Yesua fifo mu no) 973 **40** Imer asefo 1,052 **41** Pashur asefo 1,247 **42** Harim asefo 1,017 **43** Eyinom ne Lewifo a wofi nnommum mu bae: Yesua (Kadmiel ne Hodewa fifo) asefo 74 **44** Nnwontofo: Asaf asefo 148 **45** Asoredan Aponanohwefo: Salum, Ater, Talmon asefo, Akub, Hatita ne Sobai asefo 138 **46** Asoredan mu asomfo: Siha, Hasufa, Tabaot asefo, **47** Keros, Siaha, Padon asefo, **48** Lebana, Hagaba, Salmai asefo, **49** Hanan, Gidel, Gahar asefo, **50** Reaia, Resin, Nekoda asefo, **51** Gasam, Usa, Paseah asefo, **52** Besai, Meunim, Nefusim asefo, **53** Bakbuk, Hakufa, Harhur asefo, **54** Baslit, Mehida, Harsa asefo **55** Barkos, Sisera, Tema asefo **56** Nesia ne Hatifa asefo, **57** Ohene Salomo asefo asomfo a wofi nnommum mu bae no ni: Sotai, Soferet, Perida asefo, **58** Yaala, Darkon, Gidel asefo, **59** Sefatia, Hatil, Pokeret-Hasebaim ne Amon asefo, **60** Asoredan mu asomfo ne Salomo asomfo asefo no nyinaa, na won dodow ye 392 **61** Kuw oforo bi a saa bere yi wofi Tel-Melah, Tel-Harsa, Kerub, Adon ne Imer san baa Yerusalem, nanso, wantumi ankyere mu yiye se, won

anaa won asefo no ase fi Israel: **62** Delaia, Tobia ne Nekoda mmusua no ka saa kuw yi ho, na won dodow ye 642 **63** Asofo baasa a won din de Habaia, Hakos ne Barsilai a woye mmusua abiesa no nso baa Yerusalem. (Na saa Barsilai yi aware Barsilai a ofi Gilead mmabea no baako ama wafa obee no abusuadin.) **64** Nanso, na woyera won anato nhoma no nti womma won ho kwan ansom se asofo. **65** Na amrado no mma kwan mma wonnni aforebo nnuan mu kyefa mpo, gye se asofo bi wo ho a onam ntontobo kronkron so bisa Awurade. **66** Enti nnipa a wosan baa Yuda no nyinaa dodow ye mpem aduanan abien, ahaasa ne aduosia, **67** a eno akyi, asomfo mpem ason ahaasa aduasa ason ne nnwontofo mmarima ne mmea ahannu aduanan anum ka ho. **68** Wode aponko ahanson ne aduasa asia, funumponko ahannu ne aduanan anum. **69** Yoma ahannan ne aduasa anum ne mfurum mpem asia ahanson ne aduonu kaa won ho. **70** Abusua no bi ntuanofon maa dwumadi no ho akyede. Amrado no too sikakorabea no mu sikakoko nnwetebona apem, sikakoko hweaseamm aduonum ne asofotade ahannum ne aduasa. **71** Ntuanofon no bi ka bo mu, too sikakorabea no mu sikakoko nnwetebona mpem aduonu, na ebinom nso maa dwete nsania pon mpem abien ne ahanson aduonum de boaa adwuma no. **72** Nnipa a waka no nso maa sikakoko nnwetebona mpem aduonu ne dwete beye pon mpenu ne ahannum ne asofotade aduosia ason. **73** Enti asofo, Lewifo, aponanohwefo, nnwontofo, Asoredan mu asomfo ne nnipa no bi, ne Israelfo a waka nyinaa bo atenase wo won ankasa nkurow so. Osram Tisri (beye Ebo ne Ahinime ntam) mfimfini mu a Israelfo akoko won nkurow so no,

8 omanfo no nyinaa hyiaa wo won Asuten Pon no ano. Omanfo no ka kyeree Esra a oye mmara no kyerekyerefo no se onkenkan Mose mmara a Awurade ahye se Israelfo nni so no. **2** Enti osram Tisri (beye Ahinime) da a eto so awotwe no, asofo Esra de krataa mmobowee a mmara no wo mu no baa bagua a mmarima ne mmea ne won a wotumi te asem ase no nyinaa no anim. **3** Ode n'ani kyeree aguaboea wo Asuten Pon no ano, fi anopahema kosii owigiyinae kenkan mmara no den, maa obiara a ote ase no tee. Omanfo no nyinaa wen won aso tiee mmara no. **4** Esra a oye mmara no kyerekyerefo no gyinaa apa tenten bi a wosi maa saa da no so. Nnipa a na wogyinagyina ne nifa so no din de Matitia, Sema, Anaia, Uria, Hilkia ne

Maaseia. Wɔn a na wogynagyina ne benkum so no din de Pedaia, Misael, Malkia, Hasum, Hasbadana, Sakaria ne Mesulam. 5 Esra gyinaa apa no so a nnipadɔm no nyinaa hu no. Bere a wohuu sɛ wabue nhoma no mu no, wɔn nyinaa sɔresɔre gyinaa wɔn anan so. 6 Na Esra kamfoo Awurade, Otumfo Nyankopɔn, na ɔmanfo no bɔ gyee so se, “Amen! Amen!” bere a na wɔmemamema wɔn nsa so akyerɛ soro. Afei, wɔkotokotow, som Awurade a wɔn anim butubutuw fam. 7 Afei, Lewifo a wɔn din de Yesua, Bani, Serebia, Yamin, Akub, Sabetai, Hodia, Maaseia, Kelita, Asaria, Yosabad, Hanan ne Pelaia kyereɛ ɔmanfo a wogynagyina hɔ no nea wɔnyɛ. 8 Wɔkenkan fii Onyankopɔn mmara nhoma no mu kyereɛ wɔn nea wɔkenkanee no ase, boaa ɔmanfo no ma wotee okasapɛn biara ase. 9 Na amrado Nehemia, ɔsofo Esra a na ɔye mmara no kyerekyerɛfo ne Lewifo a na wɔrekyerɛkyere ase akyerɛ ɔmanfo no ka kyereɛ wɔn se, “Munnsu da a ete sɛɛ yi! Efise nne ye da kronkron wɔ Awurade, mo Nyankopɔn, anim.” Nnipa no tee mmara no mu nsem no, wɔn nyinaa sui. 10 Na Nehemia toaa so se, “Momfa nnuan pa ne anonne a eyɛ dɛ nkodi afahye no na mo ne wɔn a wonni nnuan pa a wɔanoa no nnidi. Nne ye da kronkron wɔ Awurade anim. Munnni abooboo ne awerehow, na Awurade mu anigye no ye ahooden.” 11 Na Lewifo no nso kasae se, “Hwe! Munnsu. Efise nne ye da kronkron” de dwudwoo wɔn. 12 Na nnipa no kodidii, kyɛɛ nnuan, nomee, dii dapɔnna no anigye so, efise wotee Onyankopɔn nsem no, tee ase. 13 Na ɔsram Tisri (beye Ahinime) da a eto so akron no, mmusua ntuanfo no ne ɔsofo no ne Lewifo no ne Esra hyiae sɛ, wɔrehwehwe mmara no mu fekɔfekɔ. 14 Wɔkɔɔ mmara no mu no, wohuu sɛ Awurade nam Mose so ahyɛ sɛ, esɛ sɛ Israelfo no tena asese mu afahye a wɔrebedi no saa ɔsram no mu no. 15 Waka se, esɛ sɛ wɔbɔ ɔhyɛ no ho dawuru wɔ wɔn nkurow nyinaa so, ne titirw no, Yerusalem nam so aka akyerɛ ɔmanfo no se, wɔnkɔ nkoko so nkɔhwehwe ngodua mman, kranku mman, ohuamnnua mman, bere ne nnua kusukusu mman, na wɔmfɔ mmebobo asese ntena mu, sɛnea wɔakyerɛw no mmara no mu no. 16 Enti nnipa no kotwitwaa nnua mman, na wɔde sisii asese wɔ wɔn afi, wɔn adiwo, Onyankopɔn ɔsɔredan adiwo anaa aguabɔbea a ɛwɔwɔ Asuten Pon no ne Efraim Pon no mu. 17 Enti obiara a wafi afiasenna mu aba no kɔtenaa saa asese yi mu wɔ afahyebere no mu nnanson; na obiara ani gyee yiye. Efi Nun

babarima Yosua bere so no, na Israelfo nnii afahye no wɔ saa kwan yi so da. 18 Esra de nnanson kenkan Onyankopɔn mmara nhoma no wɔ afahye no ase da biara, efi da a edi kan de kosi da a etwa to. Afei, Tisri ɔsram (beye Ahinime) da a eto so dunum no, woyɛɛ nhyiamu, sɛnea Mose mmara no kyere no.

9 ɔsram Tisri (beye Ahinime) da a eto so aduasa baako no, ɔmanfo no boaa wɔn ho ano, dii mmuada, furaa atweaatam, tuu mfutuma petee wɔn tirim. 2 Bere a wɔreka wɔn ankasa bɔne ne wɔn agyanom bɔne no, Israelfo no twee wɔn ho fii ananafo nyinaa ho. 3 Wɔkenkan Awurade, wɔn Nyankopɔn, mmara nhoma no den beye sɛ nnɔnhwerew abiesa kyereɛ wɔn. Afei, wɔde nnɔnhwerew abiesa bio kekaa wɔn bɔne nnidisonnidiso a na wɔresom Awurade, wɔn Nyankopɔn. 4 Na Lewifo no bi gyina atrapoe so reteɛ mu frɛ Awurade, wɔn Nyankopɔn. Saa nnipa no ne Yesua, Bani, Kadmiel, Sebania, Buni, Serebia, Bani ne Kenani. 5 Afei, Lewifo ntuanfo a wɔne Yesua, Kadmiel, Bani, Hasabnia, Serebia, Hodia, Sebania ne Petahia teeɛ mu frɛ ɔmanfo no se, “Monsɔre nkamfo Awurade, mo Nyankopɔn, efise ɔte hɔ afeboɔ!” Wɔtoaa so se, “Monkamfo ne din kronkron no. Eso sen sɛnea yebetumi adwene anaa yebɛka. 6 Wo nko ara ne Awurade. Wo na wobɔɔ ɔsoro ne ɔsoro mu soro ne nsoromma nyinaa. Wo na wobɔɔ asase ne nea ɛwɔ so nyinaa ne epo ne nea ɛwɔ mu nyinaa. Wo na wokora biribiara so ma no nkwa, na ɔsoro abɔfo nyinaa som wo. 7 “Woyɛ Awurade Nyankopɔn a wuyii Abram fii Ur a ɛwɔ Kaldea asase so, san too no din Abraham. 8 Odii wo nokware no, wo ne no yɛɛ apam sɛ, wode Kanaanfo, Hetifo, Perisifo Yebusifo ne Girgasifo asase bema ɔne n’asefo. Na wudii wo bɔhyɛ so, efise daa wudi w’asɛm so. 9 “Wuhuu amane ne awerehow a yen agyanom kɔɔ mu wɔ Misraim, na wotee wɔn su fi Po Kɔkɔɔ no ho. 10 Woyɛɛ nsɛnkyerenne a eyɛ hu ne anwonwade kyereɛ Farao, n’asomfo ne ne manfo nyinaa, efise na wunim nhyeso kwan a na Misraimfo no de wɔn fa so. Wowɔ anuonyam a ahyeta a ani mpa so da. 11 Wopaeɛ po mu maa wo nkurofo, sɛnea wobetumi afa asase woseɛ so. Na wusum wɔn atamfo guu po bun mu. Wɔmemem sɛ abo wɔ bun a emu dɔ no ase. 12 Wonam omununkum fadum so dii yen agyanom anim awia ne ogya fadum so, dii wɔn anim anadwo sɛnea wobehu kwan. 13 “Wusian bepɔw Sinai, kasa kyereɛ wɔn fi ɔsoro. Wode mmara a eyɛ turodoo ne ahyede a eyɛ nokware brɛɛ wɔn. 14 Wokyerɛ wɔn

mmara a efa wo homeda kronkron ho. Na wonam wo somfo Mose so hyee wɔn senea wonsi nni w'ahyede ne wo mmara no nyinaa so. **15** Bere a ɔkɔm dee wɔn no, womaa wɔn brodo a efi ɔsoro ne nsu a efi ɔbotan mu, bere a osukɔm dee wɔn no. Wohyee wɔn se wɔnkɔfa asase a woaka ho ntam se wode bema wɔn no. **16** "Nanso yen agyanom yee ahantan ne asoɔden, na wɔanni w'ahyede so. **17** Wɔantie, na wɔankae w'anwonwade a woye maa wɔn no. Mmom, wɔtew atua yii ntuanoni se ɔnsan mfa wɔn nko wɔn nkoasom mu wo Misraim. Nanso woye ɔdebɔnekye, ahummɔbo ne ɔdomfo Nyankopɔn a wo bo kye fuw na w'adɔe dɔɔso. Enti woampo wɔn, **18** bere a woyee nantwi ba na wɔka se, 'Oyi ne mo nyame a, oyii mo fii Misraim no.' Woyee bɔne, kekaa abususem a eye hu. **19** "Nanso wo mmɔborɔhunu mu no, woannyaa wɔn amma wɔnwuwu wo sare no so. Omununkum fadum no kɔɔ so dii wɔn anim awia, na ogya fadum no kyeree wɔn kwan anadwo. **20** Wosomaa wo honhom pa no kyeree wɔn nea wonye, na woannyae se wobema wɔn brodo a fi ɔsoro anaa nsu bere a osukɔm de wɔn. **21** Wohwee wɔn so mfe aduanan wo sare so. Saa bere no, biribiara anhia wɔn. Wɔn ntade antetew, na wɔn anan ase antaatae. **22** "Wobooa yen agyanom ma wodii ahemman akese ne aman bebre so, na wode wo nkurɔfo duaa aman no afanan nyinaa so. Wɔfaa ɔhene Sihon a ofi Hesbon ne Basanhene Og asase no nyinaa. **23** Womaa wɔn asefo dɔɔso se ɔsoro nsoromma, na wode wɔn baa asase a woahye wɔn agyanom ho bo no so. **24** Wɔkɔfaa asase no. Wobree aman no nyinaa ase wo wɔn anim. Na mpo, ahemfo ne Kanaanfo a wɔtenaa asase no so no tumi sae. Wo nkurɔfo ne wɔn dii no senea wɔpe. **25** Yen agyanom faa nkuro wo a wɔabo ho ban ne nsasebere no. Wɔfaa a fi a nnepa wo mu ne asuten a wɔatutu dedaw no ne bobeturo ne ngofuw ne nnuabafuw no bebre. Enti wodidii ara kosii se wɔdɔdɔ yee akese, na wɔn ani gyee wɔn ho wo wo nhaira mu. **26** "Nanso eyinom nyinaa akyi no, woyee asoɔden, tew w'anim atua. Wɔtow wo mmara no guu nkyen. Wokunkum adiyifo a wɔhyee wɔn nkuran se wɔnsan mmra wo nkyen no, na wɔkaa abususem a eye hu. **27** Enti wode wɔn hyee wɔn atamfo nsa. Nanso wɔn amanehunu mu no, wosu frɛe wo, na wuttee wɔn fi ɔsoro. Na ahummɔbo a eso mu na wosomaa agyefo a wogyee wɔn fii wɔn atamfo nsam. **28** "Nanso na nneema nyinaa reko so yiye no, wo manfo san kɔɔ bɔne mu bio, na wosan maa wɔn atamfo dii wɔn

so. Nanso bere biara a wo nkurɔfo besu afre wo bio, aye mmoa no, wufi ɔsoro tiee wɔn bio. W'ahummɔbo nwonwaso nti, wugyee wɔn ntoatoaso. **29** "Wobɔɔ wɔn kɔkɔ se wɔnsan mmedi wo mmara no so, nanso woyee ahomaso ne asobraky a wɔanni w'ahyede no so. Wɔanni wo mmara a se nnipa di so a wonam so benya nkwa no so. Wɔnam ahomaso so, dan wɔn akyi kyeree wo a wampɛ se wobetie wo. **30** Wo do nti, wunyaa wɔn ho ntoboase mfe bebre. Wosomaa wo honhom ma ɔnam adiyifo so bɔɔ wɔn kɔkɔ faa wɔn bɔne ho. Nanso wɔantie. Enti womaa abosonsomfo a wɔwo asase yi so no ho kwan ma wodii wɔn so bio. **31** Nanso wo mmɔborɔhunu a ɛdɔɔso nti, woantɔre wɔn ase anaa woannyaa wɔn afebɔɔ. Woye ɔdomfo ne ahummɔbo Nyankopɔn. **32** "Afei, yen Nyankopɔn, ɔkese, otumfo ne ɔnwonwani Nyankopɔn a ne do apam a ɔyee no ommu so, mma yen amanehunu a yekɔɔ mu no nyinaa nnye ɔkwa wo w'anim. Ohaw kɛse aba yen ne yen ahemfo, yen ahenemma ne asɔfo ne adiyifo ne yen agyanom so fi bere a Asiria ahemfo didii yen so nkonim, de besi saa bere yi. **33** Bere biara a wobetwe yen aso no, na ɛfata. Yeaye bɔne kɛse a wotwe yen aso senea ese wo so. **34** Yen ahemfo, ahenemma, asɔfo, ne yen agyanom no anni wo mmara so anaa w'ahyede ne wo kɔkɔbɔ dennen no so. **35** Mpo, bere a wɔn ankasa nyaa wɔn ahemman no, wɔansom wo wo bere a woahwie w'ayamyɛ adom agu wɔn so no. Womaa wɔn nsase pa akese, nanso wɔannu wɔn ho amfi wɔn amumɔyɛsem ho. **36** "Enti mprenpren, ye ye nkɔa wo asase a nnepa abu so wo so a wode maa yen agyanom no so. Dodow yi nyinaa mu, ye ye nkɔa. **37** Nnɔbae a ebu so boro so no nyinaa akodi ahemfo a esiane yen bɔne nti, woatu wɔn se wonhwe yen so no nsam. Wɔwo yen ne yen anantwi so tumi. Yesom wɔn senea wɔpe, na yewo ahokyere kɛse mu. **38** "Eyinom nyinaa nti, yenam kurukyerew so rehye bo a emu ye den. Saa nsɔwano krataa yi mu na yen ahenemma ne Lewifo ne asɔfo din wo."

10 Nnipa a wogyee nhoma no too mu na wɔsɔw ano no ni: Hakalia babarima Nehemia a na ɔye amrado. Asɔfo a wode wɔn nsa hyee ase no ne Sedekia, **2** Seraia, Asaria, Yeremia, **3** Pashur, Amaria, Malkia, **4** Hatus, Sebania, Maluk, **5** Harim, Meremot, Obadia, **6** Daniel, Gineton, Baruk, **7** Mesulam, Abia, Miyamin, **8** Maasia, Bilgai ne Semaia. Eyinom ne asɔfo no. **9** Lewifo a wode wɔn nsa hyee ase no ne: Asania babarima Yesua, Binui a ofi Henadad abusua mu, Kadmiel,

10 ne wɔn mfeɔ Lewifo a, wɔne: Sebania, Hodia, Kelita, Pelaia, Hanan, 11 Mika, Rehob, Hasabia, 12 Sakur, Serebia, Sebania, 13 Hodia, Bani ne Beninu. 14 Ntuanɔfo a wɔde wɔn nsa hyɛ ase no ne: Paros, Pahat-Moab, Elam, Satu, Bani, 15 Buni, Asgad, Bebai, 16 Adoniya, Bigwai, Adin, 17 Ater, Heseikia, Asur, 18 Hodia, Hasum, Besai, 19 Harif, Anatot, Nebai, 20 Magpias, Mesulam, Hesir, 21 Mesesabel, Sadok, Yadau, 22 Pelatia, Hanan, Anaia, 23 Hosea, Hanania, Hasub, 24 Halohes, Pilha, Sobek, 25 Rehum, Hasabna, Maaseia, 26 Ahiya, Hanan, Anan, 27 Maluk, Harim, Baana. 28 “Nnipa no nkae a wɔye asɔfo, Lewifo, aponanohweɔ, nnwontofo, Asɔredan mu asomfo ne wɔn a wɔatwe wɔn ho aɔ abosonsomfo a wɔwɔ asase no so nyinaa, senea wɔbesom Nyankopɔn, na wɔanyinyin a wɔte asem ase no, 29 wɔn nyinaa fi koma pa mu kaa ntam de kyekyeree wɔn ho. Wɔkaa ntam dii nsew se, se wobu Onyankopɔn mmara a ɔnam ne somfo Mose so de abre wɔn no so a, nnome biara a Onyankopɔn de beba wɔn no, wɔpene so. Wofi koma mu hyɛ bɔ se, wɔbetɔ wɔn bo adi Awurade, wɔn Wura, ahyede ne ne mmara nyinaa so. 30 “Yehye bɔ se, yeremma yen mmabea nware abosonsomfo a wɔwɔ asase no so, na saa ara nso na yeremma yen mmabarima nso nware wɔn mmabea. 31 “Yesan hye bɔ se, se nnipa a wɔwɔ asase no so de aguade anaa atoko ba betɔn no homeda anaa da kronkron bi a, yerentɔ bi. Na yehye bɔ se, yerenye adwuma biara mfe ason a ebɛba biara mu, na ka biara a Yudafo afoforo bi de yen no, yebetwa mu. 32 “Nea eka ho ne se, yehye bɔ se, yebetua Asɔredan afirihyiatow a wɔahye yen se yentua a eye dwete gram anan, senea ebema wɔanya sika bebre de abo yen Nyankopɔn Asɔredan no ho bra. 33 Eyi beboa ama yeanya Daa Daa Brodo, na yeatumi abɔ atoko ne ɔhyew aɔre bere ano bere ano, abɔ homeda aɔre ahorow, adi ɔsram foforo afahye ahorow ne dapɔnna ahorow no. Saa ara na ebema yeatumi abɔ kronkronye aɔre ne bɔne ho aɔre se mpata ama Israel. Afei, ebɛboa ama yeanya nneema bi a eho behia ama yen Nyankopɔn Asɔredan no ho adwumaye. 34 “Yeabo ntonto ahorow, ahu afe biara mu mmere a efata se asɔfo, Lewifo ne ɔmanfo no abusuafo de nnyansin ba Onyankopɔn asɔredan ho na wɔhyew wɔ Awurade, yen Nyankopɔn aɔremuka so, senea mmara no kyere no. 35 “Yehye bɔ se, daa yede otwakan biara mu kyefa bi, se eye asaseduan anaa aduaba a efi nnua so no, beba Awurade Asɔredan mu. 36 “Yɛpene so se, yede

yen mmabarima a wɔye abakan ne yen anantwi ne yen nguan mmakan bema Onyankopɔn, senea mmara no kyere no. Yede wɔn bema asɔfo a wɔsom wɔ yen Nyankopɔn Asɔredan mu no. 37 “Yɛbekora nnɔbae no nyinaa wɔ yen Nyankopɔn Asɔredan adekoradan mu. Yede yen asikresiam a eye pa ara ne atoko nkae aɔrebɔde, yen nnuaba papa ne yen nsa foforo papa ne ngo beba. Na yehye bɔ se, yede yen nnɔbae biara a efi yen asase so nkyemu du mu baako bebre Lewifo, efise wɔn na wogvigye ntotoso du du no wɔ yen nkuraa. 38 Ɔsɔfo a ɔye Aaron aseni beka Lewifo no ho bere a wɔregvigye ntotoso du du no. Na biribiara a wobegye se ntotoso du du no, Lewifo de mu nkyemu du mu baako beko yen Nyankopɔn Asɔredan no mu, na wɔde akosisi adekoradan no mu. 39 Eɛ se ɔmanfo no ne Lewifo no de aɔrebɔde a eye atoko, nsa foforo ne ngo no begu adekorade kronkron a eɛen asɔfo a wɔresom no, aponanohweɔ ne nnwontofo no wɔ Asɔredan no mu. “Enti yebo mu hye bɔ se yerentoto yen Nyankopɔn Asɔredan no ase.”

11 Afei, ɔmanfo no ntuanɔfo kɔtenaa Yerusalem, kuroɔn kronkron no mu. Wɔbɔ ntonto kronkron wɔ nnipa no a na wɔtete Yuda ne Benjamin nkurow bi no so, yii mu nkyemu du mu baako ma wɔn nso kɔtenaa ho. Na nkae no de, wɔtenaa nea wɔte ho ara. 2 Na ɔmanfo no kamfoo obiara a ofi ne pe mu san kɔtenaa Yerusalem no. 3 Amantam mu mpanyimfo a wɔbaa Yerusalem no din na wɔakyerew wɔ ha yi. Ɔmanfo no mu fa kese a wɔye asɔfo, Lewifo, Asɔredan mu asomfo ne Salomo asomfo asefo no kɔ so tenaa wɔn ankasa aɔ mu wɔ Yuda nkurow ahorow so, 4 nanso nnipa no bi a wofi Yuda ne Benjamin mu no san kɔtenaa Yerusalem. Yuda abusuaƙuw mu nnipa no ni: Usia babarima Ataia, Sakaria babarima, Amaria babarima, Sefatia babarima, Mahalalel babarima a ofi Peres abusua mu; 5 Baruk babarima Maaseia, Kol-Hose babarima, Hasaia babarima, Adaia babarima, Yoarib babarima, Sakaria babarima a ofi Sela abusua mu. 6 Afei, na Peres asefo ahannan ne aduosia awotwe a wodi mu no na na wɔte Yerusalem. 7 Benjamin abusuaƙuw no mu nnipa ni: Mesulam babarima Salu, Yoed babarima, Pedaia babarima, Kolaia babarima, Maaseia babarima, Itiel babarima ne Yesaia babarima; 8 na n'akyi no na Gabai ne Salai, ne abusuafo ahankron aduonu awotwe ba. 9 Wɔn panyin pa ara no ne Sikri babarima Yoel na Hasenua, a ɔye kuroɔn no sohweɔ abediakyiri babarima Yuda boaa no. 10 Asɔfo no mu

nnipa ni: Yoiarib babarima Yedaia; Yakin; **11** ne Hilikia babarima Seraia, Mesulam babarima, Sadok babarima, Meraiot babarima ne Ahitub a na ɔye Onyankopɔn Asɔredan no sohwefo babarima, **12** ne wɔn mfefo ahanwɔtwe aduonu abien a, na wɔye adwuma wɔ Asɔredan no mu, ne Yeroham babarima Adaia, Pelalia babarima, Amsi babarima, Sakaria babarima, Pashur babarima, Malkia babarima **13** ne ne mfefo ahannu aduanan abien a wɔye wɔn mmusua ntuanofɔ. Wɔn a na wɔka ho nso ne Asarel babarima Amasai, Ahsai babarima, Mesilemot babarima, Imer babarima **14** ne ne mfefo atitiriw ɔha aduonu awotwe. Wɔn panyin pa ara a otua wɔn ano no ne Hagedolim babarima Sabdiel. **15** Lewifo no nso ni: Hasub babarima Semaia, Asrikam babarima, Hasabia babarima, Buni babarima; **16** ne Sabetai ne Yosabad a na wɔhwe Onyankopɔn Asɔredan no mfikyiri dwumadi so; **17** Mika babarima Matania, Sabdi babarima a ɔye Asaf aseni a ɔde mpaebɔ buee aseda afɔre som ano; Bakkukia a na ɔye Matania abediakyiri ne Samua babarima Abda, Galal babarima, Yedutun babarima. **18** Na Lewifo a wɔwɔ kuroɔpɔn kronkron no mu no nyinaa dodow si ahannu aduwɔtwe anan. **19** Aponanohwefo no ni: Akub, Talmon ne wɔn mfefo ɔha aduwɔson abien a na wɔwɛn wɔ apon no ano. **20** Asɔfo a wɔaka no, Lewifo ne Israelfo nkae no tenatena Yudaman mu baabiara a wɔn agyapade wɔ. **21** Nanso Asɔredan mu asomfo no a na Siha ne Gispa da wɔn ano no de, wɔn nyinaa kɔtenaa Ofel koko so. **22** Na ɔpanyin pa ara a otua Lewifo a wɔwɔ Yerusalem ano no ne Bani babarima Usi, Hasabia babarima, Matania babarima, Mika babarima a ɔye Asaf aseni, na n'abusuafo som se nnwontofo wɔ Onyankopɔn asɔredan mu no. **23** Na wɔhye ɔhene mmara a ekyere nea eɛ se wɔye da biara no ase. **24** Mesesabel babarima Petahia a ɔye Yuda babarima Serah aseni no ye ɔhene ananmusini wɔ ɔman no amammui mu. **25** Yudafo no bi tenaa Kiriath-Arba ne ne nkuraa, Dibon ne ne nkuraa ne Yekabseel ne ne nkuraa. **26** Wɔtenatena Yesua, Molada, Bet-Pelet, **27** Hasar-Sual, Beer-Seba ne ɛho nkuraa, **28** Siklag ne Mekona ne ɛho nkuraa. **29** Na wɔtete En-Rimon, Sora, Yarmut, **30** Sanoa ne Adulam ne wɔn nkuraa nso. Na wɔtete Lakis ne ne mfuw a ɛben ho no so ne Aseka ne ne nkuraa nso. Enti Yudafo no tenatena nsase a efi Beer-Seba kosi Hinom bon no mu. **31** Benyamin nkurofo no bi tenaa Geba, Mikmas, Aya ne Bet-El ne ɛho nkuraa. **32** Ebinom nso tenatena

Anatot, Nob, Anania, **33** Hasor, Rama, Gitaim, **34** Hadid, Seboim, Nebalat, **35** Lod, Ono ne Adwumfo Bon mu nso. **36** Wɔmaa Lewifo a na wɔte Yuda no bi kɔkaa Benyamin abusakuw no ho, ne wɔn tenae.

12 Saa nnipa yi ne asɔfo ne Lewifo a wɔne Sealtiel babarima Serubabel ne ɔsɔfopanyin Yesua san wɔn akyi no: Seraia, Yeremia, Esra, **2** Amaria, Maluk, Hatus, **3** Sekania, Rehun, Meremot, **4** Ido, Ginetoi, Abia, **5** Miamin, Maadia, Bilga, **6** Semaia, Yoiarib, Yedaia, **7** Salu, Amok, Hilikia ne Yedaia. Yesua bere so no, na eyinom ne asɔfo ntuanofɔ ne wɔn mfefo. **8** Lewifo a wɔne wɔn san wɔn akyi no ni: Yesua, Binui Kadmiel, Serebia, Yuda, Matania a na ɔne ne mfefo na na wɔhwe aseda nnwom so no. **9** Na se wɔresom a, wɔn mfefo Bakkukia ne Uni sɔre gyina ne wɔn di nhweanim. **10** ɔsɔfopanyin Yesua woo Yoiakim, Yoiakim woo Eliasib, Eliasib woo Yoiada, **11** na Yoiada woo Yonatan, na Yonatan woo Yadaia. **12** Bere a Yoiakim ye ɔsɔfopanyin no, na asɔfo mmusua mu ntuanofɔ no ne: Meraia a otua Seraia abusua ano. Hanania a otua Yeremia abusua ano. **13** Mesulam a otua Esra abusua ano. Yehohanan a otua Amaria abusua ano. **14** Yonatan a otua Maluki abusua ano. Yosef a otua Sebania abusua ano. **15** Adna a otua Harim abusua ano. Helkai a otua Meraiot abusua ano. **16** Sakaria a otua Ido abusua ano. Mesulam a otua Gineton abusua ano. **17** Sikri a otua Abia abusua ano. Miniamin abusua nso na obi tua ano. Piltai tua Moadia abusua ano. **18** Samua a otua Bilga abusua ano. Yehonatan a otua Semaia abusua ano. **19** Matenai a otua Yoiarib abusua ano. Usi a otua Yedaia abusua ano. **20** Kalai a otua Salai abusua ano. Eber a otua Amok abusua ano. **21** Hasabia a otua Hilikia abusua ano. Netanel a otua Yedaia abusua ano. **22** Persiahene Dario a ɔto so abien bere so no, wɔkyerew Lewifo ne asɔfo mmusua mu ntuanofɔ no nyinaa din wɔ saa asɔfo mpanyimfo yi bere so: Eliasib, Yoiada, Yohanan, ne Yadaia. **23** Wɔkyerew Lewifo mmusua ntuanofɔ no din guu Abakɔsem Nhoma mu kosii Eliasib nena Yohanan bere so. **24** Eyinom ne Lewifo mmusua ntuanofɔ: Hasabia, Serebia, Yesua, Binui, Kadmiel ne wɔn mfefo bi a se edu ayeyi ne aseda afahye so a, wogyina ho ne wɔn di nhweanim, na ɔfa gye ɔfa so wɔ nnwonto mu, senea Dawid, Onyankopɔn nipa, kyereɛ wɔn se wɔnye no. **25** Na Matania, Bakkukia ne Obadia nso ka ho. Mesulam, Talmon ne Akub na wɔye aponanohwefo a wɔhwe adekoradan a ewɔ apon no ano no so. **26**

Na eyinom nyinaa som wo Yesua babarima Yoiakim a ɔye Yosadak nena ne Nehemia a ɔye amrado ne Esra a na ɔye ɔsɔfo ne mmara no kyerekyerefo bere so. **27** Bere a wɔredwira Yerusalem fasu foforo no, wɔka kyere Lewifo a wɔwɔ asase no so nyinaa se, wɔmmra Yerusalem mmeboa dwumadi no. Na esɛ se wɔde kyenkyen, mmenta ne asankuten to wɔn aseda nnwom de hye anigye fa no. **28** Wɔde nnwontofo no fi Yerusalem ne ne nkuraa ne Netofafo nkuraa nyinaa bɔɔ mu bae. **29** Ebi nso fi Bet-Gilgal ne Geba pɔw mu ho ne Asmawet, efise na nnwontofo no ara akyekyere wɔn ankasa nkuraa afa Yerusalem ho ahyia. **30** Asɔfo no ne Lewifo no dwiraa wɔn ho, afei wodwiraa ɔmanfo no, dwiraa apon no ne fasu no nso. **31** Midii Yuda ntuanofɔ no anim kɔɔ ɔfasu no atifi, na meboaboa nnwontofo akuw akese abien ano ma wɔbɛdaa ase. Nnwontofo kuw no mu baako kɔɔ anafo wɔ ɔfasu no atifi kosii Sumina Pon no. **32** Hosaia ne Yuda ntuanofɔ no mu fa dii wɔn akyi, **33** na Asaria, Esra, Mesulam, **34** Yuda, Benjamin, Semaia, Yereimia **35** ne asɔfo no bi a wɔhyen torobento no dii wɔn akyi. Eno akyi na Yonatan babarima Sakaria, Semaia babarima, Matania babarima, Mikaia babarima, Sakur babarima a ɔye Asaf aseni no di. **36** Ne korakora no, Sakaria mfefo a wɔne Semaia, Asarel, Milalai, Gilalai, Maai, Netanel, Yuda ne Hanani dii wɔn so. Wɔfaa nnwontode a Dawid a ɔye Onyankopɔn nipa akyere se wɔmfa no. Na Esra a ɔye mmara no kyerekyerefo no na odii santen no anim. **37** Wɔfaa Asu Aniwa Pon no ho, kɔɔ tee kɔforoo kuropon no fasu antweri a ekyere Dawid kuropon no. Wɔfaa Dawid fi ho, kosii Nsu Pon a ɛwɔ apuei fam no ho. **38** Nnwontofo a wɔto so abien no faa atifi kwan kohyiaa wɔn. Me ne ɔmanfo no mu fa dii wɔn akyi. Yefaa ɔfasu no so nam Fononoo Abantenten no ho kosii ɔfasu Tetreɛ no, **39** afei yetwaa Efraim Pon no ho, kosii Kuropon Dedaw Pon no, yefaa Mpataa Pon no ho, kosii Hananel Abantenten ho kɔɔ ɔha Abantenten no ho. Yetooa so kɔɔ Nguan Pon no ho, na yekogyinaa ɔwen Pon no ano. **40** Nnwontokuw abien a na wɔreda ase no kɔɔ Awurade Asɔredan mu kɔtenatenaa ase. Me nso me ne akuw ntuanofɔ a na wɔka me ho no yɛɛ saa ara. **41** Yɛne asɔfo a na wɔhyen torobento a wɔne Eliakim, Maaseia, Miniamin, Mikaia, Elioenai, Sakaria, Hanania **42** ne nnwontofo Maaseia, Semaia, Eleasar, Usi, Yehohanan, Malkia, Elam ne Eser na yɛbɔɔ mu kɔe. Wɔtoɔ nnwom a na dwonkyerefo Yisrahia rema wɔn akwankyere. **43** Saa anigye da no, wɔbɔɔ afɔre

bebree, efise na Onyankopɔn ayɛ biribi ama wɔn a enti esɛ se wɔma wɔn ani gye. Mmea ne mmofra nyinaa de wɔn ho hyɛɛ afahye no mu, na ɔmanfo a wɔwɔ Yerusalem no osebo no duu akyirikyiri. **44** Da no, woyii mmarima se wɔnhwe adekoradan a wɔde akyede, otwakan ne ntotoso du du gu mu no so. Na eyɛ wɔn asɛde se wokogyigye fi mfuw mu, senea asɔfo ne Lewifo mmara kyere no, efise na asɔfo ne Lewifo ne wɔn dwumadi no ho hia Yudafo nyinaa yiye. **45** Wɔyɛ wɔn Nyankopɔn som no ne ahodwira som no pɛpɛɛɛ, senea Dawid ne ne babarima Salomo mmara kyere no, na saa ara nso na nnwontofo no ne aponanohwefo no yɛɛ. **46** Amanne a wɔma nnwontofo akwankyerefo di nnwontofo no anim wo nkamfo ne aseda nnwom a wɔto de ma Onyankopɔn no fii ase fi Dawid ne Asaf bere so. **47** Enti efi Serubabel ne Nehemia bere so no, na daa ɔmanfo bre nnwontofo no ne aponanohwefo ne Lewifo no nnuan. Na Lewifo no nso de nea wonya no mu bi ma asɔfo a wɔyɛ Aaron asefo no.

13 Da no ara, bere a wogu so rekenkan Mose Nhoma no, ɔmanfo no huu asem bi a ɛka se, ɛnse se wɔma Amonni anaa Moabni kwan ma ɔko Onyankopɔn aguabo ase. **2** Ase ne se, bere a Israelfo fii Misraim no, wɔne wɔn anni no yiye. Mmom, wɔbɔɔ Balaam paa se ɔnnome wɔn, nanso yen Nyankopɔn dan nnome no ma eyɛɛ nhyira. **3** Wɔkenkan saa mmara no wiee no, wɔpam ananafo no nyinaa fii aguabo no ase. **4** Ansa na saa asem yi rebesi no, na ɔsɔfo Eliasib a woyii no se ɔnye Onyankopɔn Asɔredan no adekoradan sohwefo no a na ɔsan ye Tobia busuani no, **5** adan adekoradan kese no bi mu de ahyɛ Tobia nsa. Na anka saa dan no mu na wɔkora atoko afɔrebɔde, aduhuam, Asɔredan no nkuku ne nkaka ne atoko ntotoso du du, nsa foforo, ngo ne kyɛfa sononko a wɔahye se wɔmfa mma asɔfo. Na Mose ahyɛ se saa afɔrebɔde no ye Lewifo, nnwontofo ne aponanohwefo no de. **6** Saa bere no, na minni Yerusalem. Na masan ko Babiloniahene Artasasta nkyen wo n'ahenni afe a ɛto so aduasa abien so. Akyiri no na ɔmaa me kwan se mensan mmra. **7** Mibeduu Yerusalem, na metee bone a Eliasib ayɛ, se ɔde Onyankopɔn Asɔredan adiwo dan bi ama Tobia no, **8** ɛtoɔ me so, na miyii Tobia nneema a ɛwɔ dan no mu no nyinaa gui. **9** Afei mehyee se, wonnwira adan no nyinaa ho, na mede Awurade Asɔredan no nkuku ne nkaka no, atoko afɔrebɔde ne aduhuam no san beguu mu. **10** Mesan huu se wɔmfaa nea esɛ se Lewifo no nya no mmaa wɔn ɛ, enti na wɔne nnwontofo no

a eɛe se wɔhwe ɔsom no so no asan akɔye adwuma wɔ wɔn mfuw mu. **11** Eho ara na mekɔɔ ntuanfo no nkyen, kobisaa wɔn se, “Aden nti na moayi mo ani afi Onyankopɔn Asɔredan no so?” Na mefreɛ Lewifo no nyinaa ma wɔsan bae, de wɔn tuatuaa nnwuma a eɛe se wɔye ano. **12** Na bio, Yudafo nyinaa fii ase de wɔn atoko ntotoso du du, nsa foforo ne ngo baa Asɔredan no adekoradan no mu. **13** Na mede adekoradan no hyee ɔsofo Selemia, mmara no kyerekyerɛfo Sadok ne Lewifo no mu baako a wɔfre no Pedaia nsa se wonhwe so. Na miyii Sakur babarima Hanan a ɔye Matania nena se wɔn boafo. Na saa mmarima yi wɔ din pa, na wɔn adwuma ne se wɔde nokware bekɔye nneema ama wɔn mfɛfo Lewifo no. **14** Kae saa ade pa yi ye, me Nyankopɔn, na mma wo were mfi nea mifi nokwareɔ mu aye nyinaa de ama me Nyankopɔn Asɔredan no. **15** Da koro Homeda bi, mihuu Yuda mmarima bi se wɔretiatia wɔn nsakyiamoa so. Na wɔrehyehye atoko afiafi wɔ wɔn mfurum so de aba. Na saa da no, na wɔde wɔn nsa, bobɛ aba, borɔɔɔma ne nnɔbae bebree reba Yerusalem abetɔn. Na mekaa wɔn anim se, wɔretɔn wɔn nnɔbae homeda. **16** Na mmarima bi nso fi Tiro a wɔde nsumnam ne aguade ahorow bebree aba. Na wɔretɔn no Homeda ama Yudafo wɔ Yerusalem fie ankasa! **17** Eno nti, mekɔɔ Yuda ntuanfo no so kobisaa wɔn se, “Aden nti na mode saa bɔne yi gu homeda ho fi? **18** Munnim se mo agyanom yee saa bi no nti na yen Nyankopɔn de saa ɔhaw a ewɔ yen so mprempren yi breɛ yen ne yen kurow yi? Gu a moregu Homeda no ho fi ntraso mprempren no bema abufuwhyew aba Israelfo so.” **19** Na afei, mehyee se, efi saa bere no rekɔ, Fida biara anwummere, wontoto kurow no apon mu a wommmue ara kosi se Homeda no betwa mu. Bio, memaa m’ankasa m’asomfo kɔwen apon no, senea wɔrentumi mfa aguade mma homeda no. **20** Aguadifo ne nsaanodwumayɛfo a wɔde aguade ahorow ba no soee wɔ Yerusalem mfikyiri penkoro anaa mprenu. **21** Nanso mekasa kyereɛ wɔn anibere so se, “Den na motete ɔfasu yi akyi reyɛ? Se moye saa bio a, mekyere mo!” Efi ho no, wɔamma Yerusalem wɔ Homeda bio. **22** Na mehyee Lewifo no se, wonnwira wɔn ho, na wonnwɛn apon no senea Homeda no kronkronye no beka ho. Kae saa ade pa yi ye nso, me Nyankopɔn, na w’adɔe keɛse a ensa da no nti, hu me mmɔbɔ. **23** Saa bere koro no ara mu, mihuu se Yuda mmarima no bi awareware mmaa a wofi Asdod, Amon ne Moab. **24**

Na nea na enye koraa ne se, na wɔn mma no mu fa ka Asdod ne nnipa foforo bi kasa a na wontumi nka Yudafo kasa no koraa. **25** Enti mekɔɔ wɔn so kɔdomee wɔn. Mehwee wɔn mu bi, tutuu wɔn tinwi. Mema wɔkaa ntam wɔ Awurade anim se, wɔremma wɔn mma ne abosonsomfo a wɔwɔ asase no so nni aware. **26** Mibisae se, “Enye eyi bi pɛpɛɛɛ na eɛe Israelhene Salomo kɔɔ bɔne mu no?” Na wode ɔman biara so hene toto ne ho a, enye yiye. Onyankopɔn dɔɔ no, na osii no hene wɔ Israel nyinaa so. Nanso ɔno mpo ananafo aware de no kɔɔ bɔne mu. **27** Den na ɛhaw mo ma modwene se mobeware ananafo mmea, na monam so aye bɔne a ete saa, na munni Onyankopɔn nokware? **28** Esiane se ɔsofopanyin Eliasib babarima Yoiada aware Horonni Sanbalat babea nti, mepam no fii m’anim. **29** Kae wɔn, me Nyankopɔn, efise wɔagu ɔsofodwuma, ɔsofo ne Lewifo bɔhye ne ntam no ho fi. **30** Enti miguu biribiara a eye ananasɛm, na mede nnwuma hyehyee ɔsofo ne Lewifo nsa, hwɛɛ se obiara nim n’adwuma. **31** Mehwee nso se, nnyina a ɛba aforemuka so no nso beba mmere a eɛe mu, na afei wobegye otwa a edi kan no mu nnɔbae de abre ɔsofo no. Kae eyi na dom me, me Nyankopɔn.

Ester

1 Saa asem yi sii wɔ ɔhene Ahasweros a odii amantam ɔha aduonu ason so, fi India kosi Etiopia no bere so. **2** Saa bere no na ɔte ahengua so wɔ Susa aban mu de di n'ahemman no so. **3** N'ahenni mfe abiesa so no, ɔtoo pon kese maa n'ahenemma ne ne mpanyimfo. ɔtoo nsa frɛ asraafo mpanyimfo a wɔwɔ Media ne Persia nyinaa, ne atitiriw ne amantam mu mpanyimfo. **4** Afahye no dii asram asia, na ɔdaa n'aheman mu sika mpempem ne emu anuonyam adi. **5** Eyi nyinaa twaa mu no, ɔhene no too pon sononko bi maa ahemfi ho asomfo ne mpanyimfo no nyinaa, efi ɔkese so de kosi ɔketewa so. Edii nnanson, na wɔyɛ no wɔ Susa ahemfi adiwo turo mu. **6** Wɔde ntama fefe hanahana fitaa ne tuntum a wɔanwen mu sensen adiwo ho. Na wɔde ahama kɔkɔ akyekyere ahyɛ dwetɛ nkaa a ehyehye abohemaa afadum mu. Sikakɔkɔ ne dwetɛ nkongua sisi abohemaa ne abohyen ne abobiri ne abɔdemmo ahorow nseso so. **7** Wɔde nsakuruwa a wɔadi ho adwinni ahorow papa bi somee, na adehyesa buu so wɔ ho, senea ɔhene hyɛ no. **8** Nhyehyɛ a na ewo nsanom no ho ara ne se, ense se wɔhyɛ obi ma ɔnom boro nea obetumi so. Nanso wɔn a wobetumi anom no de, wɔnom senea wɔpɛ, efise na ɔhene no aka akyerɛ ne fifo no se obiara betumi anom senea ɔpɛ. **9** ɔhemmea Wasti too pon maa ahemfi mmea no saa bere koro no ara mu. **10** Afahye no nnanson so a nsa afa ɔhene Ahasweros ani so kakra no, ɔka kyereɛ Mehuman, Bista, Harbona, Bigta, Abagta, Setar ne Karkas a wɔyɛ piamfo baason a wɔhwɛ no no se **11** wɔmfɔ ɔhemmea Wasti a ɔhyɛ ahemmea kyɛw no mmɛ no. Na ɔpɛ se mmарima nyinaa hwɛ n'ahoofɛ, efise na ɔyɛ ɔbea hoofɛfo pa ara. **12** Nanso wɔde ɔhene fretumi nkra kɔmaa ɔhemmea Wasti no, wamma. Eyi maa ɔhene ani bere yiye, maa abufuw hyɛ no ma. **13** Esiane se na eyɛ amanne se ɔhene bebisa n'afotufo a wonim Persia mmara ne n'amanne ne nea esɛ se ɔyɛ nti, ɔne wɔn a wɔte mmere ase **14** na wɔbɛn ɔhene no se Karsena, Setar, Admata, Tarsis, Meres, Marsena, Memukan, a wɔyɛ akunini baason a wofi Persia ne Media, na wɔyɛ ne nnamfo a wokura dibe ake se wɔ ahemman no mu no kasae. **15** ɔhene no bisae se, “Den na menye ɔhemmea Wasti? Asotwe ben na mmara no kyere se wɔmfɔ mma ɔhemmea a mesomaa me piamfo se wɔnkɔfrɛ no mmra na wamma no?” **16** Na Memukan buaa ɔhene no ne ahenemma no se, “Enye ɔhene no

nko na ɔhemmea Wasti afom, na wafom ɔpanyin biara ne ɔmanfo a wɔwɔ w'ahenni no mu no nyinaa. **17** Se mmea a wɔwɔ ɔman yi mu te se ɔhemmea Wasti anko ɔhene frɛ no a, wobefi ase atwiri wɔn kununom. **18** Ansa na ade bekɛ no, yen yerenom, wo mpanyimfo yerenom nyinaa bete nea ɔhemmea no yee, na wɔafi ase akasa wɔn kununom ɔkwan koro no ara so. Na ntwirii no ne abufuw no to rentwa da wo w'aheman mu ha. **19** “Enti se ɔhene bepene so a, yesusuw se, ebeye se ɔhene behye mmara a wɔakyerew no Persiafo ne Mediafo mmara mu a wontumi nsakra mu. Eɛ se ehyɛ se wɔmpam ɔhemmea Wasti mfi w'ani so, na wonsi ɔhemmea foforo a ɔsom bo kyɛn no. **20** Se wɔde saa mmara yi to gua ma obiara te wo w'aheman kese yi mu a, mmea awarefo de obu a esɛ na efata bɛma wɔn kununom.” **21** ɔhene no ne n'ahenemma no faa Memukan afotu no se eyɛ adwene pa, enti wodii so. **22** ɔkyerew nkrataa kɔ n'aheman no mu mmaa nyinaa. ɔkyerew ɔmantam biara wo ne kasa mu, se ɔbarima biara nni ne fi so.

2 ɔhene Ahasweros bo tɔ ne yam akyi yi no, ofii ase dwenee nea Wasti aye ne mmara a wɔahye no ho. **2** Na n'asomfo susuw ho kyereɛ no se, “Ma yenwurawura ahemman yi mu, na yempɛ mmabun ahoofɛfo mfa wɔn mmɛ ɔhene. **3** ɔhene nyi ananmusifo bi wo ɔmantam biara mu, na wɔmfɔ mmea ahoofɛfo yi mmra ɔhene yerenom atenaɛ wɔ Susa. Hegai a ɔyɛ piamni no na ɔbehwe wɔn so, ama wɔn ahosiesie nnuru. **4** Eno akyi no, ababaa a ɔsɔ w'ani yiye no na wobesi no ɔhemmea, asi Wasti anan mu.” Saa afotu yi sɔɔ ɔhene no ani yiye, enti ɔyɛ saa ntem so. **5** Na Yudani bi a ɔyɛ Yair babarima a ne din de Mordekai te Susa aban no mu. Na ofi Benyamin abusuakuw mu. Na ɔyɛ Kis ne Simei aseni. **6** ɔhene Nebukadnessar na otwaa n'abusuafo ne Yudahene Yekonia ne afoforo bi asu fii Yerusalem kɔ Babilonia. **7** Na saa ɔbarima yi wo onua hoofɛfo bi a ne din de Hadasa a na wɔsan frɛ no Ester. Bere a n'agya ne ne na wuwui no, Mordekai faa no kaa n'abusua ho, tetew no se n'ankasa babea. **8** ɔhene no mmara a ɔhyɛ no nti, wɔde Ester ne mmabaa bebree baa ɔhene yerenom atenaɛ wɔ Susa aban no mu, de wɔn hyɛ Hegai nsa. **9** Hegai ani gyee Ester ho yiye, maa ɔhwɛ no yiye. Ntem ara, ɔma wɔmaa no aduan sononko, na ɔmaa no ahosiesie nnuru kaa ho. ɔsan de mfenaa baason a oyii wɔn fii ahemfi ho no maa no, na ɔde ɔno ne mfenaa no kɔtenaa nea eho ye pa ara wo mmea atenaɛ ho. **10** Ester anka ne man

a ofi mu ne n'abusua a ɔbo ankyere obiara, efise na Mordekai abo n'ano se ɔnnkyere. **11** Da biara Mordekai konantew fa ahemfi no adiwo ho, bisa Ester ase se ne ho te den. **12** Ansa na wode ababaa biara beko ohene nkyen no, woma ode ahoofe nnuru ye ne ho afe baako. Wode kurobow ngo ye ne ho asram asia na eno akyi no wode aduhuam ne nkum sononko bi aye ne ho asram asia. **13** Na se edu bere a ese se oko ohene nkyen a woma no kwan ma ofa atade anaa agude a ope se ode siesie ne ho, na ama n'ahoofe no adi mu. **14** Anwummere no, wode no ko ohene dabekyire, na ade kye a, wode no ako baabi a ohene yerenom te no. Eho na ohene piamni foforo bi a wofre no Saasgas na behwe no so. Na eho na obetena a orenko ohene no nkyen gye se ohene no ani gye ne ho ansa na wabo ne din afre no. **15** Na eduu Ester a oye Abihail ba no so no, wammisa hwee gye se nea Hegai a oye ohene piamni a ohwe mmea no so no tuu no fo wo ho no (Mordekai nua ne Abihail, na Mordekai nso ha ohwee Ester). **16** Bere a wode Ester komaa ohene Ahasweros wo ahemfi ho Tebet osram (beye Opepon) mu a na eye n'adedi mfe ason so no, **17** ohene no doo no sen mmabun a waka no nyinaa. N'ani gyee ne ho ara kosii se, ohyee no ahenkyew, pagyaw no se ohemmea, sii Wasti anan mu. **18** Ahemmeasi no mu no, otoo pon maa ne mmampomma ne asomfo nyinaa de hyee Ester anuonyam. Omaa obiara akyede bebre, na oye ne afoofida wo amantam no nyinaa so. **19** Mpo, bere a wode mmabaa no nyinaa koo mmea atenae a eto so abien no mu no, na Mordekai nso abeye opanyin wo ahemfi ho no, **20** Ester ankyere baabi a ofi ne abusua a ɔbo da. Okoo so dii Mordekai afotu no so senea oye bere a na one no te no. **21** Da koro bi a Mordekai wo adwuma mu wo ahemfi no, ohene no piamfo baanu a won din de Bigtan ne Teres a na woye ohene no kokoamfi no pon ano awemfo no bo fuw ohene Ahasweros, na wopam ne ti so se wobekum no. **22** Mordekai tee powbo no, ɔbo ohemmea Ester amannee. Ono nso ka kyeree ohene no, na omaa Mordekai mo se obekaa asem no. **23** Wokoo asem no mu, huu se asem a Mordekai bekae no ye nokware no, wosen mmarima baanu no wo dua so. Wokyerew eyi nyinaa hyee ohene Ahasweros adedi abakosem nhoma mu.

3 Eyinom akyi no, ohene Ahasweros pagyaw Agagni Hamedata babarima Haman dibe, ye ne no soafo panyin wo ahemman no mu ma obeye ohene

abediakyiri. **2** Se Haman reba a, ohene mpanyimfo no bo won mu ase de kyere obu ne nidi a wowa ma no, efise saa na ohene ahye. Nanso Mordekai ammo ne mu ase da, na wankyere obu ne nidi nso da. **3** Ahemfi mpanyimfo a wowa ohene pon ano no bisaa Mordekai se, "Ade nti na worebu ohene mmara so?" **4** Wokasa kyeree no mpen pii nanso okoo so buu mmara no so. Enti woboo Haman amannee hwee se obepene Mordekai suban no so ana, efise na Mordekai aka akyere won se oye Yudani. **5** Bere a Haman huu se Mordekai nkotow no, anaa onna obu ne nidi adi nkyere no no, ne bo fuwii. **6** Enti Haman yee n'adwene se, orenhaw Mordekai nko ara. Esiane se na wate se Mordekai ye Yudani no nti, oye n'adwene se obehwehwe okwan a obefa so de atore Yudafo a wowa Ahasweros ahemman mu no nyinaa ase. **7** Na osram Abib (beye Oforisuo) mu a eye ohene Ahasweros adedi mfe dumien so no, woboo ntonto a wofre no Pur de hwehwee da ne osram a efata se wohye fa no. Na da a woyii no ye Abib osram (beye Obenem) da a eto so ason a na ereye ako ntontobo no akyi afe mu. **8** Na Haman koo ohene Ahasweros nkyen koka kyeree no se, "Nnipa bi wo ho a wabo apete amantam a ewo w'ahenni yi nyinaa so. Won mmara ne oman foforo biara de bo abira, na mpo, wobu ohene mmara so. Eno nti, enye mma ohene se obehwe ama waatena ase. **9** Se ebetumi a, Ohempon, hye mmara na wontore won ase, na mema aban amammuifo dwete ton ahaasa aduason anum na wode agu adehye foto no mu." **10** Ohene no penee so, worow ne petea de maa Agagni Hamedata babarima Haman a oye Yudafo tamfo no de sii asem no so dua. **11** Ohene no ka kyeree Haman se, "Ma sika no ntena ho, nanso wo ne nnipa no nni no senea wope no biara." **12** Abib (beye Oforisuo) da a eto so dunson no, Haman free ohene akyerewfo ma okaa nea ope se okyerew de koma mmampomma, amantam amradofo a wowa mmeae nyinaa, adwumayefo a wowa amantam no mu ma wokyerew no wo won ankasa kasa mu. Ohene Ahasweros na wode ne din hyee nkrataa no ase, na wode ne kaa no sow ano, **13** na wode somaa abofo ma wode kokoo amantam a ewo ahemman no mu nyinaa. Nkrataa no hyee mmara se, ese se wokunkum Yudafo nyinaa, mmofra ne mpanyin, mmea ne mmarima, tore won ase da koro na wofa won agyapade. Wohyee se, saa asem yi nsi wo Adar osram (beye Obenem) da a eto so ason, a eye afe akyi a wohyee mmara no. **14**

Wode mmara no seso bi beko amantam no nyinaa so, na wobema omanfo nyinaa nso ate mu nsem, senea wobetumi adi dwuma no wo da a waha ye no. 15 Ohene no hye ma wode mmara no somaa abofo a won ho ye hare ma woboo no dawuru wo Susa aban no mu. Afei, ohene no ne Haman tenaa ase nom nsa; nanso Susa kuropon no mu ye basabasa.

4 Bere a Mordekai huu nea woye no nyinaa no, otetew ne ntade mu, hyee atweaatam, de nsɔ ye ne ho, de agyaadwotwa a ano ye den faa kuropon no mu. 2 Ogyinaa ahemfi no pon akyi, efise na womma obi a ohye atweaatam no nko mu. 3 Na bere a ohene no mmara no duu amantam no nyinaa so no, na eye osu ne agyaadwo wo Yudafo no mu. Wodii mmuada, su twaa agyaadwo a won mu bebre hyehye atweaatam de nsɔ ahura won ho. 4 Bere a ohemmea Ester mmaawa ne ne piamfo bekaa Mordekai ho asem kyere no no, ehaw no yiye. Obree no ntade se omfa nsi atweaatam no anan, nanso opoe. 5 Na Ester soma ma wokofree Hatak a oye ohene piamfo no mu baako a woyi no se ne somfo no. Ohye no se onko Mordekai nkyen nkobisa no nea erehaw no, ne nea enti a oretwa agyaadwo saa. 6 Enti Hatak ko Mordekai nkyen wo aguabobea a ewo ahemfi no pon ano. 7 Mordekai kaa asem no nyinaa kyere no, kaa sika a Haman ahye bo se ode begu adehye foto mu no, nam so de atore Yudafo no ase. 8 Mordekai de mmara no seso a woyi no Susa a ekyere se wonkum Yudafo nyinaa no bae, na ode maa Hatak se omfa nkoma Ester. Osan free Hatak se onkyere mu nkyere Ester, na onsre no se, onko ohene no nkyen nksre no ahummobo, na onka bi mma ne nkurofo. 9 Enti Hatak san ko Ester nkyen kaka Mordekai nkra no. 10 Ester ka kyere Hatak se, osan mfa nkra nkoma Mordekai se: 11 “Wiase nyinaa nim se obiara a wobeko ohene anim wo n’asennipia mu a wontoo nsa mfree wo no, owu na wubewu, gye se ode ne sika ahempema no kyere wo so. Na ebye osram ni no, ohene no nsomaa se wommefre me.” 12 Enti Hatak de Ester nkra no koma Mordekai. 13 Mordekai nso de saa mmuae yi maa Ester se, “Nsusuw da biara da se, se wokunkum Yudafo no nyinaa a, wubanya wo ti adidi mu wo ahemfi ho. 14 Na se woye komm bere a ete se mu a, Yudafo no gye betumi afa baabi aba, nanso wo ne w’abusuafo bewuwu. Nea eka ho ne se, ese se wuhu se, bere a ete se yi nti na wasi wo hemmea wo ahemfi ho.” 15 Na Ester de mmuae yi koma Mordekai se, 16 “Ko na koboa Yudafo a

wowo Susa no nyinaa ano ntem. Nnidi anaa nnom nnansa, anadwo anaa awia. Me ne me mmaawa nso beye saa ara. Ewo mu se, etia mmara de, nanso meko akohu ohene no na se, ese se mewu koraa a, mewu.” 17 Enti Mordekai kore senea Ester ka kyere no no.

5 Nnansa akyi no, Ester hyee n’ahemmea atade ko ahemfi no adiwo ho a eben ohene no asa so. Na ohene no te n’ahengua so a n’ani kyere abonten kwan ano. 2 Bere a ohuu ohemmea Ester se ogyina adiwo ho no, ogyee no few so. Ode sikakoko ahempema no kyere ne so. Enti Ester ben kosoo pema no ti. 3 Na ohene no bisaa no se, “Ohemmea Ester, den na wohwehwe? W’abisade ne den? Se eye ahemman no fa koraa a, mede bema wo!” 4 Na Ester buae se, “Se eye wo pe a, ohempɔn, wo ne Haman mmra aponto a masiesie ama wo nne no ase.” 5 Ohene no dan ne ho, ka kyere n’asomfo no se, “Monka nkyere Haman se, ommra aponto no ase mprempren ara, senea Ester asre no.” Enti ohene ne Haman ko Ester aponto no ase. 6 Na bere a wogu so renom nsa no, ohene no ka kyere Ester se, “Afei, ka nea wohwehwe pa ara no kyere me. W’adesrede ye den? Se wubisa m’aheman mu fa koraa a, mede bema wo.” 7 Ester buae se, “M’adesre a me koma da ho pa ara ni: 8 Se ohempɔn ani so me, na ope se oye m’adesre ma me a, anka okyena wo ne Haman mmra opon a meto wo no ase. Na okyena, mekyere wo eyi nyinaa ase.” 9 Haman fii aponto no ase no, na n’ani agye mmorosol! Nanso ohuu Mordekai a ote pon no ano a wansore na ne ho ampopo wo n’anim no, ne bo fuwii. 10 Nanso Haman hyee ne ho so ko fie. Afei, oboaboa ne nnamfonom a ne yere Seres ka ho no ano, 11 de ahonya ne mma dodow a owo hoahoa ne ho wo won anim. Ode abasobode ahorow a ohene ama no no nso ne senea wasi no panyin wo mpanyimfo nkae no so no nso tuu ne ho. 12 Haman ka kaa ho se, “Ene eno nko! Ohemmea Ester too nsa free me ne ohene no ankasa ko n’aponto ase. Na wato nsa afre me se, ope se me ne no ne ohene no didi bio okyena. 13 Nanso se mihu Yudani Mordekai se oda so te ahemfi pon ano a, me bo nnwo koraa.” 14 Haman yere Seres ne ne nnamfonom no maa no adwene se, “Ye dua a wosen nnipa wo so a ne soroko ye anammɔn aduwɔson anum na anɔpa ka kyere ohene no se, onsen Mordekai wo so. Se woye no saa a, wode anigye ne ohene no beko aponto no.” Saa adwenkyere yi so Haman ani yiye ma ohyee se wonsi dua a wosen nnipa wo so no.

6 Saa anadwo no, ɔhene no antumi anna, nti ɔmaa ɔsomfo bi kɔfaa n'ahemman mu abakɔsem nkrataa bae se wɔnkenkan nkyere no. **2** Ohuu senea Mordekai kɔdaa pɔwɔ bi adi, nea Bigtana ne Teres a na wɔye piamfo baanu a na wɔwɛn ɔhene no apon ano no pamee wɔ nkrataa no mu. Wɔpam ɔhene no ti so se wobekum no. **3** ɔhene no bisae se, "Den akatua anaa nkae ade bɛn na wɔde ama Mordekai wɔ eyi ho?" Asomfo no buae se, "Wɔnyɛɛ hwee mmaa no ɛ." **4** ɔhene no bisae se, "Hena na ɔhye akyi hɔ adiwo hɔ no?" ɛbae se, na afei na Haman abedu ahemfi adiwo a ɛwɔ akyi hɔ no a ɔrebeka akyerɛ ɔhene no, na wasɛn Mordekai wɔ dua a wasi no so. **5** N'asomfo no buaa ɔhene no se, "Haman na ɔhye hɔ." ɔhene no kae se, "Momfa no mmra mu." **6** Enti Haman kɔɔ mu, maa ɔhene no bisae se, "Den na menyɛ mfa nhyɛ ɔbarima a nokware, ɔsɔ m'ani no anuonyam?" Haman bisaa ne ho se, "Hena na ɔfata se ɔhene hyɛ no anuonyam sen me?" **7** Enti obuase se, "Sɛ ɔhene pɛ se ɔhyɛ obi anuonyam a, **8** ɛsɛ se ɔde n'ankasa ahɛntade mu baako ne n'ankasa pɔnkɔ a adehyɛ nsɛnkyerɛnne bɔ ne moma so no ba. **9** Ka kyere mmapɔmma no mu baako a odi mu yiye, na ɔmfa ahɛntade nhyɛ no, na onni n'anim mfa no mmra aguabɔbea hɔ a ɔte ɔhene no ankasa pɔnkɔ so. ɛsɛ se mmapɔmma no gye no akurum se, 'Saa na ɔhene yɛ wɔn a ɔpɛ se ɔhyɛ wɔn anuonyam no!'" **10** ɔhene no ka kyereɛ Haman se, "Eye koraa! Ka wo ho kɔfa ahɛntade no ne me pɔnkɔ no, na yɛ senea wɔpɛ se woyɛ no ma Yudan Mordekai a ɔte ahemfi pon ano no. Mma wo werɛ mmfi se wobeyɛ biribiara a woaka ho asem no." **11** Enti Haman faa ahɛntade no de hyɛ Mordekai, de no tenaa ɔhene no ankasa pɔnkɔ so, de no kɔɔ kurow no aguabɔbea hɔ a na ɔpae di n'anim se, "Saa na ɔhene yɛ wɔn a ɔpɛ se ɔhyɛ wɔn anuonyam no." **12** Akyiri no, Mordekai san kɔɔ ahemfi hɔ pon no ano, na Haman de ɔyaw a ano yɛ den ne aniwu yɛɛ ntɛm kɔɔ fie. **13** Bere a Haman bɔɔ ne yere Seres ne ne nnamfonom nyinaa amanneɛ no, wɔkae se, "Esiane se Mordekai a oguu w'anim ase yi yɛ Yudan nti, nhyehyɛɛ biara a wobeyɛ atia no no renɛyɛ yiye. Se wotoa so tia no a, ɛbɛkɔ no bɔne ama wo." **14** Bere a wogu so rekasa no, ɔhene piamfo no bae se wɔrebɛfa Haman akɔ Ester aponto a wasiesie no ase.

7 Enti ɔhene no ne Haman kɔɔ ɔhemmea Ester aponto no ase. **2** Wɔrenonom nsa saa da no, ɔhene no ka kyereɛ no bio se, "ɔhemmea Ester, kyere me nea

wɔpɛ. W'abisade ne den? Se eye ahemman yi mu fa koraa a, mede bɛma wo!" **3** ɔhemmea Ester buae se, "Sɛ ɔhempɔn ani gye me ho, na ɔpɛ se ɔye m'abisade ma me a, m'adesɛ ara ne se, obegyaa me nkwa ne me manfo nkwa mu ama yɛn. **4** Efisɛ wɔatɔn me ne me manfo ama nnipa a wobekunkum yɛn, atɔre yɛn ase. Se wɔtɔn yɛn se nkoa keke mpo a, anka mɛtena dinn, efisɛ ɛno de, eye asem ketewa bi a ɛho nhia se wɔde kodan ɔhene." **5** ɔhene Ahasweros bisae se, "Hena na ɔbeyɛ saa? Na hena na obetumi de ne nsa aka wo?" **6** Ester buae se, "Saa omumɔyɛfo ne ɔtamfo yi ne oninguasefo Haman." Ehu maa Haman ho popoo wɔ ɔhene ne ɔhemmea no anim. **7** ɔhene no de abufuw huruw gyinaa ne nan so, na ɔkɔɔ ahemfi hɔ turo mu. Na Haman kaa hɔ, guan toaa ɔhemmea Ester se ɔnsɛ ne nkwa mma no, efisɛ na onim se n'awie adu. **8** ɔtew hwee ɔhemmea Ester mpa a ɔrehome wɔ so no so. ɛhɔ ara na ɔhene no nso fii ahemfi no turo mu hɔ bae. ɔhene no bobɔɔ mu se, "Hwɛ ɔrebɛboro ɔhemmea yi bere a ɔwɔ me nkyɛn wɔ fie ha nso?" ɔhene no kasa wiee ara pɛ, n'asomfo no kataa Haman anim a ɛkyere se, n'awie adu. **9** Na Harbona a ɔye ɔhene no piamfo no mu baako kae se, "Haman asi dua a ne sorokɔ ye anammɔn aduɔson anum wɔ ɔno ara n'adiwo. Na n'adwene ne se, ɔbɛsɛn Mordekai a ogyee ɔhene nkwa no wɔ so." Afei, ɔhene no kae se, "Monsɛn Haman wɔ so." **10** Enti wɔsɛn Haman wɔ dua no a osi maa Mordekai no so, maa ɔhene no bɔ dwɔe.

8 Da no ara, ɔhene Ahasweros de Haman a ɔye Yudafo tamfo no agyapade maa ɔhemmea Ester. Na afei, wɔde Mordekai baa ɔhene anim, efisɛ na Ester akyerɛ senea ɔne no bɔ abusua fa. **2** ɔhene no worɔw kaa a ogye fii Haman nkyɛn no de hyɛ Mordekai. Na Ester yii Mordekai se ɔno na ɔnhwɛ Haman agyapade so. **3** Bio, Ester baa ɔhene no nkyɛn behwee ne nan ase, de su srɛɛ no se, Haman pɔw a ɔbɔ de tiaa Yudafo no wɔmma wonnyae. **4** Na ɔhene no soo sika ahempema no mu, de kyereɛ Ester so. Enti ɔsɔre gyinaa n'anim **5** kae se, "Sɛ mesɔ ɔhempɔn ani na se osusuw se eye a, hyɛ mmara a etia sɛɛ a na Hamedata babarima Haman pɛ se ɔsɛɛ Yudafo a wɔwɔ ɔhene amantam nyinaa no mu no. **6** Na mɛyɛ den atena ase ahwɛ se wɔrekunkum me nkurɔfo ne m'abusuafo, asɛɛ wɔn?" **7** Na ɔhene Ahasweros ka kyereɛ ɔhemmea Ester ne Yudan Mordekai se, "Mede Haman agyapade ama Ester, na wɔasɛn no wɔ dua so, efisɛ ɔpɛɛ se ɔsɛɛ Yudafo. **8** Afei, fa ɔhene din kyerew mmara foforo

wɔ Yudafo no din mu, ka nea wɔpɛ biara wɔ mu, na fa ɔhene kaa no sɔw ano. Biribiara a wɔakyɛw wɔ ɔhene din mu de ne kaa asɔw ano no, wɔnnan ani.” 9 Enti Siwan ɔsram (bɛyɛ Ayɛwohomumɔ) da a ɛto so aduonu anum no, wɔfrɛɛ ɔhene akyɛrɛwfo. Mordekai kaa nsem no, na wɔkyɛrɛw mmara kɔmaa Yudafo ne mmapɔmma, amradofo ne mpasua no mu adwumayɛfo a wɔwɔ amantam ɔha aduonu ason no mu, efi India kosi Etiopia. Wɔkyɛrɛw mmara no wɔ kasa ahorow a nnipa no ka wɔ ahemman no mu, a Yudafo no ka ho. 10 Mordekai de ɔhene Ahasweros din na ɛkyɛrɛwee, na ɔde ɔhene no kaa sɔw ano. ɔde nkrataa no somaa abɔfo ahooharefo a wɔtenatenaa apɔnkɔ a wɔayɛn wɔn ama ɔhene som no so. 11 ɔhene no mmara no maa Yudafo a wɔwɔ kurow biara so tumi ma wɔkaa wɔn ho bɔɔ mu, bɔɔ wɔn nkwa ho ban. Wɔmaa wɔn ho kwan sɛ ɔman anaa ɔmantam biara a ebetu wɔn mma anaa wɔn yerenom so sa no, wɔwɔ ho kwan sɛ wokunkum wɔn, tɔrɛ wɔn ase, fow wɔn atamfo no agyapade. 12 Da pɔtee a wotu sii ho maa nneyɛe yi wɔ ɔhene Ahasweros mantam mu no yɛ Adar ɔsram (bɛyɛ ɔbenem) da a ɛto so ason wɔ afe a na wɔrebɛsi mu no mu. 13 Ɛsɛ sɛ wɔfa mmara yi seso wɔ ɔmantam biara mu sɛ mmara, na wɔda no adi kyɛrɛ ɔmanfo nyinaa. Sɛ ɛba saa a, saa da no, Yudafo no besiesie wɔn ho, atɔ wɔn atamfo so were. 14 ɔhene asem no nti, abɔfo no de apɔnkɔ a wɔayɛn wɔn ama ɔhene no tuu mmirikatente. Wɔhyɛɛ mmara koro no ara bi wɔ Susa aban no mu. 15 Na Mordekai hyɛɛ ahentade tuntum ne fufu ne sikakɔkɔ ahenkyɛw, na ɔhyɛɛ batakarɛ tamkɔkɔ nguguso fefe bi guu so. Na ɔmanfo a wɔwɔ Susa no hyɛɛ mmara foforo no ho fa. 16 Anigyɛ ne ahosɛpɛw hyɛɛ Yudafo no ma, na wɔhyɛɛ wɔn anuonyam wɔ baabiara. 17 Kuropɔn biara ne ɔmantam biara a ɔhene no mmara no dui no, Yudafo no sɛpɛw wɔn ho, hyɛɛ fa kese na wodii ho afoofi. Na asase no so nnipa bebreɛ yɛɛ wɔn ho Yudafo, efise na wosuro nea Yudafo no bɛyɛ wɔn.

9 Na Adar ɔsram (bɛyɛ ɔbenem) da a ɛto so ason no, wɔde ɔhene no mmara abien no yɛɛ adwuma. Saa da no na Yudafo no atamfo no ani da so sɛ wɔbɛsɛɛ wɔn, nanso ani danee. 2 Yudafo no boaa wɔn ho ano wɔ wɔn nkuropɔn a ɛwɔ ɔhene amantam no mu no nyinaa so, bɔɔ wɔn ho ban de tiaa obiara a ɔpɛ sɛ ɔbehaw wɔn no. Nanso obiara antumi ansɔrɛ antia wɔn, efise na obiara suro wɔn. 3 Ɛsiane Mordekai ho hu nti, amantam so asafohene nyinaa, mmapɔmma,

amradofo ne ɔhene adwumayɛfo nyinaa boaa Yudafo no. 4 Efise na wɔama Mordekai panyin wɔ ahemfi ho, ama ne din ahyeta amantam no nyinaa mu, bere a na ne tumi nso rekɔ soro. 5 Yudafo no kunkum wɔn atamfo, sɛɛ wɔn wɔ afoa ano. Wokunkum wɔn atamfo, tɔrɛɛ wɔn ase, na wɔyɛɛ wɔn a wɔtan wɔn no nea wɔpɛ biara. 6 Wokunkum nnipa ahannum wɔ Susa aban no mu. 7 Wɔsan kunkum Parsandata, Dalfon ne Aspata, 8 Porata, Adalia, Aridata, 9 Parmasta, Arisai, Aridai ne Waisata 10 a, wɔyɛ Hamedata babarima Haman a ɔyɛ Yudafo tamfo no mmabarima du no. Nanso wɔamfa asade biara. 11 Bere a wɔbɔɔ ɔhene no amanneɛ a ɛfa nnipa dodow a wokum wɔn wɔ Susa aban mu ho anwummere no, 12 ɔma wɔfrɛɛ ɔhemmea Ester, na ɔka kyɛrɛɛ no se, “Yudafo no akunkum nnipa ahannum wɔ Susa aban mu nko ara ne Haman mmabarima du no. Sɛ wɔayɛ saa wɔ ha de a, ɛno de asem bɛn na asi wɔ amantam a aka no mu? Afei, dɛn bio na wohwehwe? Wɔde bɛma wɔ; ka kyɛrɛ me na mɛyɛ.” 13 Na Ester kae se, “ɔhɛmpɔn, sɛ ɛsɔ w’ani a, ma Yudafo a wɔwɔ Susa no kwan na wɔnyɛ nea wɔyɛɛ no nne no bio ɔkyena, na wɔmfa Haman mmabarima du no amu nsensɛn nnua so.” 14 Na ɔhene no penɛɛ so, na wɔbɔɔ mmara no ho dawuru wɔ Susa. Wɔsan de Haman mmabarima du no amu sensɛn nnua so. 15 Na Yudafo a wɔwɔ Susa no boaa wɔn ho ano Adar ɔsram (bɛyɛ ɔbenem) da a ɛto so awotwe, na wɔsan kunkum nnipa ahaasa; na bio, wɔamfa asade biara. 16 Saa bere no na Yudafo nkaɛ a wɔwɔ ɔhene no amantam mu nyinaa aboa wɔn ho ano, rebɔ wɔn nkwa ho ban. Wokum wɔn atamfo no mpɛm aduɔson anum, nam so nyaa ɔhome fii wɔn atamfo nsam. Nanso wɔamfa asade biara. 17 Saa ara na wɔyɛɛ wɔ Adar ɔsram no (bɛyɛ ɔbenem) da a ɛto so ason no wɔ amantam no nyinaa mu. Ade kyɛɛ no, wohomeɛ, didii, gyɛɛ wɔn ani wɔ wɔn nkonimdi no ho. 18 Nanso Yudafo a wɔwɔ Susa no toaa so kunkum wɔn atamfo no da a ɛto so abien no nso, na wohomeɛ ne nnansa so de didii, gyɛɛ wɔn ani. 19 Enti ebɛsi nne yi, Yudafo a wɔtɛtɛ nkuraa a wɔntoo afasu mfaa ho no di saa afirihyia dapɔnna yi. Wodi afoofi saa awɔwbɛrɛ da yi mu, sɛpɛw wɔn ho, de akyɛde mema wɔn ho wɔn ho. 20 Mordekai kyɛrɛw saa nsem a esisii yi nyinaa, na wɔde nkrataa kɔmaa Yudafo a wɔbɛn ne wɔn a wɔwɔ akyiri wɔ ɔhene no amantam nyinaa mu, 21 hyɛɛ wɔn nkuran sɛ, wonni afirihyia afahyɛ yi wɔ saa nnaanuu no mu. 22 Ɔka kyɛrɛɛ wɔn se wɔnhyɛ saa nna no ho fa

a adidi ne ɔnom ka ho, na wɔmma wɔn ho wɔn ho ne ahiafo akyede. Eyi bema Yudafo no akae bere a wonyaa ogye fii wɔn atamfo nsam, wɔn awerɛhow dan anigye, na wɔn su beyee ahosɛpɛw no. **23** Enti Yudafo no faa Mordekai adwenkyere no, fii afirihya amanne no ase. **24** Efise na Haman a ɔye Agagni Hamedata babarima, a ɔye Yudafo tamfo no apam se ɔbeyam wɔn, asɛe wɔn saa da no ne ɔsram a ɔnam ntontobo so nyae no. (Na wɔfrɛ saa ntonto no Purim). **25** Nanso Ester baa ɔhene anim no, ɔhyee mmara, nam so maa Haman adwemmɔne no bɔɔ ne ti so, na wɔsɛn no ne ne mmabarima wɔ nnua so. **26** (Eno nti na wɔfrɛ saa afahye no Purim no, efise eye tete kasa a ne nkyerease ne ntontobo.) Esiane Mordekai krataa no ne osuahu a wɔanya no nti, **27** Yudafo a wɔwɔ ahemman no mu no nyinaa penɛe so se, wɔbɛhye saa amanne no ho fa, na wɔama wɔn awo ntoatoaso ne wɔn a wɔbeyɛ Yudafo no nyinaa abɛhye bi. Wɔn nyinaa gye too mu se, saa nnaanua a wɔayi ato hɔ se wɔnhye fa no wɔ afe biara mu no, wɔremma ɛmpa wɔn ti so da. **28** Wɔbɛkae saa nna yi wɔ awo ntoatoaso nyinaa mu na ɛse se abusua biara a ɛwɔ amantam ne nkuroɔn wɔ ahemman no mu no di. Wɔrennyaɛ saa nna yi di wɔ Yudafo mu, na nsem a esii no nso wɔn asefo werɛ remfi da. **29** Na ɔhemmea Ester, Abihail babea no ne Yudani Mordekai kyerɛw krataa foforo a wɔde ɔhemmea no tumi kese fɔaa krataa no so de hyee Purim afahye no mu den. **30** Eno akyi no, wɔsoma ma wɔde nkrataa a wɔde bema asomdwoe ne bammɔ aba, kɔɔ Yudafo a wɔwɔ amantam ɔha ne aduonu ason no a ɛwɔ Ahasweros ahemman mu no nyinaa so. **31** Saa nkrataa yi ma Purim Afahye a eye afirihyiade a wodi no nne yi ara no timii. Yudani Mordekai ne ɔhemmea Ester na wɔhyee mmara no. (Nnipa no yee wɔn adwene se wɔbɛhye saa fa yi, senea wɔasi no gyinae ama wɔn ho ne wɔn asefo no, de ama mmuadadi ne agyaadwotwa mmere no atim.) **32** Enti Ester mmara no sii Purim ho nhyehyee so dua, na wɔkyerɛw ne nyinaa guu nhoma mu.

10 ɔhene Ahasweros hyee se wontua tow wɔ n'aheman mu, a mpo wɔn a wɔwɔ mpoano akyirikyiri no nyinaa ka ho. **2** Ne mmaninye ne Mordekai akunini nneyee ne senea ɔhene pagyaw no no nyinaa no, wɔankyerɛw wɔ Media ne Persia ahemfo abakɔsem mu ana? **3** Yudani Mordekai beyee ɔmanpanyin a ne tumi di ɔhene Ahasweros ankasa de akyi. Na odi mu wɔ Yudafo no mu. Na wobu no

yiye, efise na ne nkurofo yiyedi ye n'ahiasem. Na ɔne ahemfi hɔfo nyinaa tenaa yiye.

Hiob

1 Ɔbarima bi tenaa ase wɔ Us asase so a na ne din de Hiob. Na ne ho nni asem na ɔye pɛ; na osuro Onyankopɔn, na ɔtwe ne ho fi bɔne ho. **2** Na ɔwo mmabarima baason ne mmabea baasa, **3** na ɔwo nguan mpem ason, yoma mpem abiesa, anantwi mpamho ahannum ne mfurumbere ahannum, na ɔwo asomfo bebre. Na ɔye onipa kese pa ara wɔ nnipa a wɔwɔ Apuei fam nyinaa no mu. **4** Na ne mmabarima no to pon nnidiso nnidiso wɔ wɔn afi mu, na wɔto nsa frɛ wɔn nuabeanom baasa no ne wɔn bɔ mu didi, nom. **5** Se aponto nna no twa mu a, Hiob soma kɔfrɛ wɔn na wodwira wɔn ho. Ɔsɔre anɔpahema bɔ ɔhyew afɔre ma wɔn mu biara, efise na osusuw se, “Ebia na me mma no aye bɔne na woadome Onyankopɔn wɔ wɔn koma mu.” Eyi ye dwuma a na Hiob di no bere ano bere ano. **6** Da bi, abɔfo no de wɔn ho bekɔyere Awurade, na Satan kaa wɔn ho bae. **7** Awurade bisaa Satan se, “Wufi he na wobaa ha?” Satan buaa Awurade se, “Mifi asase so akyinkyinakyinkyin ne emu akɔneabadi mu.” **8** Na Awurade bisaa Satan se, “Woadwene me somfo Hiob ho ana? Obiara nte se ɔno wɔ asase so, ne ho nni asem na ɔtee, ɔye onipa a osuro Onyankopɔn na okyi bɔne.” **9** Satan buaa Awurade se, “Hiob suro Onyankopɔn kwa ana? **10** Wunnyee ban mfaa ɔno, ne fie ne biribiara a ɔwo ho ana? Woahyira ne nsa ano adwuma so, enti ne nguan ne n’anantwi ase atrew asase no so. **11** Na wo de, tee wo nsa na see nea ɔwo nyinaa, na obegyina w’anim na wadome wo.” **12** Awurade ka kyere Satan se, “Eye, nea ɔwo nyinaa wo wo nsam, nanso ɔno ankasa de, mfa wo nsateaa nka no.” Na Satan fii Awurade anim kɔe. **13** Da bi a Hiob mmabarima ne ne mmabea redidi na wɔrenom bobesa wɔ wɔn nuabarima panyin fi no, **14** abɔfo bi baa Hiob ho bekae se, “Anantwi no refuntum na mfurum no redidi wɔ wɔn nkyen no, **15** Sabiafo betow hyee yen so, sesaw wɔn kɔe. Wɔde afoa kunkum apafo no, na me nko ara na miguanee a merebebo wo saa amannee yi.” **16** Bere a ogu so rekasa no, abɔfo foforo bi ba bekae se, “Onyankopɔn gya fi soro abɛhyew wo nguan ne wo nguanhwɛfo no nyinaa, na me nko ara na miguanee a merebebo wo amannee yi.” **17** Ogu so rekasa no, abɔfo foforo bi bekae se, “Kaldeafo de akorɔmfo akuw abiesa baa wo yoma so besoa wɔn kɔe. Wɔde afoa kunkum asomfo no na me nko ara na miguanee a merebebo wo amannee yi.” **18** Bere a ogu so rekasa

no, abɔfo foforo bi ba bekae se, “Na wo mmabarima ne wo mmabea redidi na wɔrenom bobesa wɔ wɔn nuabarima panyin fi, **19** na prɛko pɛ, ahum bi bɔ fii sare no so bedwiraa ofi no ntwea anan no. Ofi no dwiriw guu wɔn so na akunkum wɔn, na me nko ara na miguanee a merebebo wo amannee yi.” **20** Eyi maa Hiob sɔre gyinaa ho, sunsuan n’atade mu na oyii ne tinwi. Afei ɔtenaa fam sɔree Awurade **21** kae se, “Adagyaw na mede fi me na yam bae, na adagyaw na mede besan akɔ. Awurade de mae, na Awurade afa; nhyira nka Awurade din!” **22** Eyi nyinaa mu no, Hiob anyɛ bɔne se ɔbebo Onyankopɔn sobo.

2 Da foforo bi, abɔfo no baa Awurade anim bio na Satan nso kaa wɔn ho bae. **2** Awurade bisaa Satan se, “Wufi he na wobaa ha?” Satan buaa Awurade se, “Mifi asase so akyinkyinakyinkyin ne emu akɔneabadi mu.” **3** Na Awurade bisaa Satan se, “Woadwene m’akoa Hiob ho ana? Obiara nte se ɔno wɔ asase so, ne ho nni asem na ɔtee. Ɔye onipa a osuro Onyankopɔn na okyi bɔne. Ewɔ mu se wohyee me se mensee no a minni nnyinaso biara de, nanso ɔda so gyina ne pɛpɛye no mu.” **4** Satan buaa Awurade se, “Were pere were. Onipa de nea ɔwo nyinaa bema de apere ne nkwa. **5** Se ebetumi a tee wo nsa fa ka ne honam ne ne nnompe, na ɔbedome wo wɔ w’anim!” **6** Awurade ka kyere Satan se, “Eye, ɔwo wo nsam na ne nkwa de gyaa mu ma no.” **7** Enti Satan fii Awurade anim, na ɔmaa akuru a eye yaw totɔ Hiob ho fi ne n’anan ase kosii n’apampam. **8** Afei, na kyɛmfere na Hiob de twiiw ne ho, bere a ɔte nsɔ mu. **9** Ne yere bisaa no se, “Woda so kura wo pɛpɛye no mu ara? Dome Onyankopɔn, na wu!” **10** Na Hiob buaa no se, “Wokasa se ɔbea a ɔye ɔkwasea. Ade pa de yeagyɛ afi Onyankopɔn nsam na ade bɔne na yempo ana?” Eyi nyinaa mu no, Hiob anka asem bɔne. **11** Bere a Hiob nnamfo baasa bi a wɔne Temanni Elifas, Suhini Bildad ne Naamani Sofar tee amanehunu a aba Hiob so no, wofii wɔn afi mu, hyia yee adwene se wɔbɛkɔ akɔhwɛ no na wɔakyekye ne were. **12** Wohuu Hiob fii akyiri no, wɔanhɔ se eye ɔno; wohyee ase twaa agyaadwo, sunsuan wɔn ntade mu, tuu mfutuma guu wɔn ti so. **13** Na wɔne no tenaa fam nnanson, awia ne anadwo. Na obiara ankasa, efise wohuu se n’amanehunu no nye adewa.

3 Akyiri no Hiob kasae, na ɔdomee da a wɔwoo no. **2** Ɔkae se, **3** “Ma da a wɔwoo me no nyera, ne anadwo a wɔkae se, ‘Wɔawo ɔbarima no!’ **4** Saa

da no nnuru sum; mma Osoro Nyankopon nhwehwe akyi kwan; mma hann biara nto ngu so. **5** Ma sum ne owusum nnye no mfa; ma omununkum nkata so; na sum mmunkam ne hann so. **6** Ma sum kabii nnye saa anadwo no mfa; ma wonyi saa anadwo no mfi asranna so na wommfa nhye asram biara mu. **7** Saa anadwo no nnye obonin; mma wonnte anigye nteemu wo mu. **8** Ma won a wosome nna no nnome saa da no; won a waye krado se wobekanyan denkyemmimirapon no. **9** Ma n'anapa nsoromma nnuru sum; na ontwen adekyee kwa a onhu anopawia nsensanee a edi kan no, **10** efise anto nea owoo me no awotwaa mu ama wawo me na anka m'ani renhu saa abebrese yi. **11** "Aden nti na manwu awoe ho, bere a mifi me na awotwaa mu no? **12** Aden nti na nkotodwe gyee me ne nufu se minnum? **13** Anka sesee meda ho asomdwoe mu; anka mada regye m'ahome **14** me ne wiase ahemfo ne fotufo, won a wosisii adan maa won ho na nne yi abubu no, **15** me ne ahenemma a na wowo sika kokoo, won a wode dwete hyee won a fi mu ma. **16** Anaase aden nti na woansie me se opanba, te se akokoaa a wanhu adekyee hann da? **17** Eho na amumoyefo gyae basabasaye, na abrefo nya ahomegye. **18** Nneduafu nso nya won ahofadi; na wonte nnommumfo wuranom atete bio. **19** Nketewa ne akese wo ho, na akoo de ne ho fi ne wura nsam. **20** "Aden nti na woma mmaborofo hann, na okra mu ahohiahiafo nya nkwa, **21** won a won kon do owu nanso emma, won a wobre hwehwe owu sen senea wohwehwe nnwetebona, **22** won a anigye ahye won ma na wodu oda mu a wodi ahurusi. **23** Aden nti na wode nkwa ma onipa a ne kwan ahintaw, nea Onyankopon aka no ahye mu? **24** Ahomekokogu adan m'aduan; na m'apinisi gu te se nsu. **25** Nea na misuro no aba me so; nea na ebo me hu no ato me. **26** Minni ahoto, minni asomdwoe; minni ahomegye na mmom, ohaw nko ara."

4 Na Temanni Elifas buaa Hiob se, **2** "Se obi pe se one wo kasa a, worennya ntoboase ana? Hena na wobetumi aka n'ano ato mu? **3** Dwene senea wakerkyere nnipa bebre, senea woahye nsa a emu aye mmerew no den. **4** Wo nsem ahye won a wohntiw no den; woahye nkotodwe a aye mmerew mu den. **5** Na afei a ohaw aba no, w'aba mu abu; adwira wo, na wo were ahow. **6** So ense se wo nyamesuro ye w'ahotoso na w'akwan a eho nni asem no ye w'anidaso ana? **7** "Dwene ho: Wasee obi a ne ho nni asem pen ana? Ehefa na wasee obi a oye pe? **8** Senea

mahu no, won a wofuntum bone ne won a wodua ohaw no twa so aba. **9** Onyankopon home ano, wasee; n'abufuw turuw a wayera. **10** Gyata betumi abobo mu na waworo so, nanso wabubu gyata akese no se. **11** Gyata annya hanam a owu, na gyatabere mma no bo hwete. **12** "Wobekaa kokoamsem bi kyeree me na m'aso tee no se asomsem. **13** Wo anadwo daeso basabasa mu, bere a nnipa adeda nnahoo no, **14** ehu ne nketenkete kyeree me emaa me nnompe nyinaa wosowee. **15** Honhom bi twaa m'ani so, na me ho nwi sore gyinae. **16** Egyinae, nanso, manhu n'abosu. Biribi begyinaa m'anim, na metee nne bokoo bi a erebisa se, **17** 'Onipa desani betumi atee asen Onyankopon? Na mpo ohoodenfo betumi aye kronkron asen ne Yefo ana? **18** Se Onyankopon ntumi mfa ne ho nto n'ankasa asomfo so, se oka n'abofo mfomso kyere won a, **19** na nkantom won a wotete date a fi mu, won a won fapem sisi mfutuma mu na wodwerew won ntem so sen abubummaba! **20** Efi anopahema kosi anwummere wobubu won mu nketenkete; na wayera korakora a obiara nhu won bio. **21** So wommiamia won ntamadan ahamu mu, a eno nti wowuwu a wonni nyansa ana?"

5 "Wobefre a fre, na hena na obegye wo so? Akronkronfo no mu hena nkyen na wobeko? **2** Ahisem kum okwasea, na anibere kum atetekwaa. **3** M'ankasa mahu okwasea a orefefew, nanso mpofirim, wodomme ne fi. **4** Ne mma ne bammam ntam kwan ware, wodwerew won wo asennii a wonni okamafo. **5** Nea okom de no no di ne nnobae, na o fa fi nsae mu mpo, na nea osukom de no no pere di n'ahode akyi. **6** Ahokyere mpue mmfi date mu na ohaw nso mfifi mmfi fam. **7** Nanso wowo nnipa to ohaw mu mpen dodow a gyaframa turuw ko soro no. **8** "Nanso se eye me a, anka meguan atoa Onyankopon; na mede m'asem ato n'anim. **9** Oye anwonwade a wontumi nhwehwe mu, ne nsenkyerenne a wontumi nkan ne dodow. **10** Oto osu gu asase so; na ode ko wuram. **11** Ode ahobreasefo si nea ekoron, na oma won a wodi awerchow nya asomdwoe. **12** Osee aniferefo nhyehyee, ma won nsa si fam. **13** Okyere anyansafo wo won anifere mu, na obo anitewfo nhyehyee gu. **14** Sum duru won awia ketee; na woeka wo owigyinae mu te se anadwo. **15** Ogye ahiafo fi afoa a ehye won anom; ogye won fi ahoodenfo nkyehama mu. **16** Enti ahiafo wo anidaso, na ntenkyew ka n'ano to mu. **17** "Nhyira ne onipa a Onyankopon tee no, enti mmu Otumfo nteetee no anintiaa. **18** Efise ono na opira na ono

ara akyekyere; opira nanso ne nsa sa yare. 19 Obegye wo afi ohaw ahorow asia mu; ason so no, bone biara renka wo. 20 Okom ba a, obegye wo afi owu mu, na oko mu nso, obegye wo afi afoa ano. 21 Wobebo wo ho ban afi ntirwii ho na se osee ba a ense se wusuro. 22 Wobeserew osee ne okom; na ense se wusuro asase so mmoa. 23 Wo ne afuw so abo beye apam, na emu nkekaboa nso ne wo betena asomdwoe mu. 24 Wubehu se wo ntamadan wo bamm; na se wosese w'ahode a wubehu se hwee nyeraa e. 25 Wubehu se wo mma beye bebre; na w'ase befee se asase so sare. 26 Wode ahooden beko oda mu, te se afiafi a waboa ano wo otwabere mu. 27 "Yeahwehwe eyi mu, na eye nokware eno nti tie na fa toto w'abrabo ho."

6 Na Hiob buae se, 2 "Se wobetumi akari m'awerehowdi na me haw nso wode agu nsania so a, 3 anka emu beye duru asen nwea a ewo po mu nyinaa, enti enye nwonwa se me nsem aye haghahagya. 4 Otumfo agyan no wo me mu, me honhom nom ano bore no; wahahehye Onyankopon ahunahuna nyinaa atia me. 5 Wuram afurum su wo bere a wanya sare ana, na nantwi nso su wo bere a wanya n'aduan ana? 6 So wodi aduan a nkyene nni mu? Na ode bi wo nkesua mu fufu mu ana? 7 Meme se mede me nsa ka; aduan a ete saa no bo me yare. 8 "Ao se me nsa beka m'abisade, se Onyankopon beye nea m'ani da so no ama me, 9 se Onyankopon bepe se odwerew me se obetwe ne nsa na wakum me, 10 ene anka meko so anya saa awerkyekye yi, a eye anigye a mewo wo oyaw a entwa da yi mu, ne Okronkronni no nsem a mimmuu so yi. 11 "Ahooden ben na mewo a enti ese se minya anidaso? Daakye nneema pa ben nti na ese se minya ntoboase? 12 Mewo ahooden se obo ana? Me honam ye kabere mfrafrae ana? 13 So mewo tumi bi a mede beboa me ho saa bere yi a nkonimdi apare me yi ana? 14 "Obiara a obo n'adamfo ayamyee sen no gyaw Otumfo no ho suro. 15 Nanso ahotoso nni me nuanom mu se nsuwansuwa a eyiri na eyow, se nsuwansuwa a eyiri 16 bere a sukyeremma renan na mparuwbo nso redan nsu, 17 nanso owiabere mu no esen bio na ohyew nti nsu no tu yera. 18 Akwantufo man fi won akwan so; woforo ko nsase a awuwu so ma wowuwu. 19 Tema akwantufo hwehwe nsu, Seba aguadifo akwantufo de anidaso hwehwe nsu. 20 Won ho yeraw won, efise na wowo awerehyemu; woduu ho, na won anidaso ye okwa. 21 Afei, wo nso woakyere se wo so nni mfaso; wuhu biribi a eye hu na wusuro. 22 So maka pen se,

'Me nti momma biribi, se mumfi mo ahode mu ntua me ti so sika, 23 se munnye me mfi m'atamfo nsam, ne atirimodenfo nkyehama mu ana?' 24 "Monkyerekere me, na meye komm; monkyere me mfonso a maye. 25 Nokwareka ye yaw, na mo adwenkyere no kosi den? 26 So mokyere se mubesiesie se nea meka no, na moafa m'ahometew nsem se mframa ana? 27 Mpo mobebo ayisaa so ntonto, na mode mo adamfo adi nsesagua. 28 "Afei momfa ahummobo nhwe me. Metumi adi atoro wo mo anim ana? 29 Monto mo bo ase, mummu ntankyew; monsan nnwen ho, efise eyi fa me pepeye ho. 30 Amumayesem wo m'ano ana? Minnim papa ne bone ntam nsonoe ana?

7 "Asase so som nye den mma onipa ana? Ne nkwan na nte se opaani de? 2 Senea akoo ani gyina anwummere sunsuma, anaase opaani ho pere no n'akatua ho no, 3 saa ara na wotwa asram hunu ato me ho, ne anadwo a ohaw wo mu ama me. 4 Se meda a, midwen bisa se, 'Bere ben na ade bekye?' Nanso anadwo twa mu nkakrankakra, na mepere kosi ahemadakyee. 5 Asunson ne aporoporow afura me nipadua, me were atetew na erefi nsu. 6 "Me nna ko ntem sen onwemfo akurokurowa, na eko awiei a anidaso biara nni mu. 7 Ao, Onyankopon, kae se me nkwan na te se ohome; na m'ani renhu anigye bio da. 8 Ani a ehu me mprenpren no renhu me bio; mobehehwe me, nanso na minni ho bio. 9 Senea omununkum yera na etu ko, saa ara na nea oko oda mu no nsan mma bio. (Sheol h7585) 10 Orensan mma ne fi da biara da bio; n'atenae renkae no bio. 11 "Eno nti meremmua m'ano; mifi me honhom ahoyeraw mu akasa, mafi me kra oyaw mu anwiinwii. 12 So meye epo anaa aboa kese a owo bun mu, na mode me ahye owemfo nsa yi? 13 Se midwen se minya awerkyekye wo me mpa so, na m'akongua adwudwo m'anwiinwii ano a, 14 eno mpo na wode adaeso yi me hu na wode anisoadehu hunahuna me, 15 eno nti mepe osen ne owu, sen me nipadua yi. 16 Mimmu me nkwa; mentena ase afebo. Munnyaa me; na me nna nka hwee. 17 "Odesani ne hena a ne ho hia wo see, na w'ani ku ne ho, 18 na wohwehwe ne mu anopa biara na woso no hwe bere biara? 19 Worenni w'ani mfi me so da, anaase worenni me bere tiaa bi mpo ana? 20 Se maye bone a, den na maye wo, Ao adesamma so wemfo? Aden nti na watu w'ani asi me so? Maye adesoa ama wo ana? 21 Aden nti na wonkata me mmarrato so na womfa me bone nkye me? Erenkye

biara, mēda mfutuma mu. Wobēhwehwe me nanso na minni hō bio.”

8 Na Suhini Bildad buae se: **2** “Wobekō so aka saa nsem yi akosi da bēn? Wo nsem ye mframa huhu. **3** Onyankopōn kyea atentrenēe ana? Otumfo kyea nea etee ana? **4** Bere a wo mma yee bōne tiaa no no, ogyaw wōn maa wōn bone so akatua. **5** Nanso se wode w’ani bēto Onyankopōn so na woabō Otumfo no mpae, **6** se woye kronkron, na wotee a, wo nti, obema ne ho so mprenpren na wama wo asi wo dedaw mu. **7** Wo mfiase beye nkakrankakra na daakye woanya ama abu so. **8** “Bisa awo ntoatoaso a atwa mu no, na hwehwe nea wōn agyanom hui, **9** na wōwoo yen nkyee na yennim hwee, yen nna wō asase yi so te se sunsuma. **10** Wōrenkyerekere wo na wōrenka nkyere wo ana? Wōremfi wōn ntease mu nka nsem bi ana? **11** So paparōso betumi anyin akō soro wō baabi a enye ōwora? Demmire betumi afifi baabi a nsu nni ana? **12** Bere a enyēyin a wontwae no, ehew ntem so sen sare. **13** Saa na wōn a wōn were fi Onyankopōn no awiei te; saa ara na wōn a wōnni nyamesu no anidaso nkosi hwee. **14** Biribiara a n’ani da so no nni ahoōden; nea ode ne ho to so no ye ananse ntontan. **15** Otweri ne ntontan, nanso etetew; oso mu dennen, nanso enye yie. **16** Ote se afifide a wogugu so nsu yiye a esi owia mu, etetrew ne mman mu wō turo no so; **17** Ne ntin nyin fa abotan ho, na ehwehwe okwan kō abo mu. **18** Nanso se wotu fi ne sibe a, saa beae no nnim no bio na eka se, ‘Minhu wo da.’ **19** Ampa ara ne nkwa twa mu, na afifide foforo nyin asase no so. **20** “Ampa ara Onyankopōn mpo onipa a ne ho nni asem na onhye amumoyefo nsa mu den. **21** Obema woaserew bio, na wode ahosepew atetee mu. **22** Wode aniwu befura wōn a wotan wo, na amumoyefo ntamadan besee.”

9 Na Hiob kasaa bio se: **2** “Yiw, minim se eyi ye nokware. Na ebeye den na odesani betee wō Onyankopōn anim? **3** Se obi pe se one Onyankopōn yiye ano a, orentumi nyi nsem apem mu baako mpo ano. **4** Ne nyansa mu dō, na ne tumi so. Hena na one no adi asi na ne ho baabiara anti? **5** Otutu mmepōw a wōnnim ho hwee obubu wōn fa so wō n’abufuw mu. **6** Ōwosow asase fi ne sibe a, na oma ne nnyinaso wosow biribiri. **7** Okasa kyere owia na enhyeren, na osow nsoromma hyeren ano. **8** Ōno nko ara na otrew osoro mu, na onantew po asorokye so. **9** Ōno ne Nyankrente, Akokobeatan ne ne mma Yefo; anafō fam

nsorommakuw no. **10** Ōye anwonwade a wontumi nte ase, nsenkyerenne a wontumi nkan. **11** Se onam me ho a, minhu no; se osen a, minhu no. **12** Se ohwim kō a, hena na osiw no kwan? Hena na obetumi abisa no se, ‘Den na woreye yi?’ **13** Onyankopōn nkora n’abufuw so; Rahab aboafō mpo ho popo wō n’anim. **14** “Na me ne hena a mene no beyiye ano? Meye den anya nsem a me ne no de begye akyinnye? **15** Se minnim ho hwee mpo a, merentumi nyi n’ano; eno ara ne se mesre ahummōbō afi me temmufo nkyen. **16** Mpo, se mefre no na oba a, minnye nni se obetie m’asem. **17** Ode asorokye behwe me ama m’apirakuru adōso kwa. **18** Oremma minnya m’ahome, bio, ode awerehow behye me ma tō. **19** Se eye ahoōden asem a, oye ohoōdenfo! Na se eba atentrenēe nso a, hena na one no bedi asi? **20** Se midi bem mpo a, m’ano bebu me kumfō; se me ho nni asem a, ebebu me fō. **21** “Ewō mu se midi bem de, nanso mimmu me ho; abrabō afono me. **22** Ne nyinaa ye pe; eno nti na meka se, ‘Osee nea ne ho nni asem ne omumoyefo.’ **23** Bere a amanehunū de owu aba no, osere wō nea ne ho nni asem no abawpa. **24** Bere a asase akō amumoyefo nsam no, ofura eso atemmufō ani. Se enye ono a, na eye hena? **25** “Me nna ho ye hare sen ommirikatufō; esen kō a anigye kakra mpo nni mu. **26** Etwa mu kō se akorow a wode paparōso aye te se akōre a woretow akyere wōn hanam. **27** Se meka se, ‘Me were mfi m’anwiinwii, mesakra me nsenka, na maserew a,’ **28** me yaw ahorow no bō me hu ara. Na minim se, woremmu me bem. **29** Woabu me fō dedaw nti, aden na ese se mehaw me ho kwa? **30** Mpo se eba se mede samina guare na mede samina hohoro me nsa ho a, **31** wobetow me akyene dontori amoa mu, ama m’atade mpo akyi me. **32** “Onye onipa te se me na mayi n’ano, na yeakogyina asennii abobō yen nkuro. **33** Se anka obi wō ho a obesiesie yen ntam na waka yen baanu abō mu, **34** obi a obeyi Onyankopōn abaa afi me so, na n’ahunahuna ammō me hu bio. **35** Anka mekasa a merensuro no, nanso saa tebea a mewō mu yi de, mintumi.

10 “Abrabō afono me; enti meka m’asem a meremfa hwee nsie na mekasa afi me kra yawdi mu. **2** Meka akyere Onyankopōn se: Mmu me kumfō, na mmom kyere kwaadu a wobō me. **3** Eye wo fe se wohye me so, de po wo nsa ano adwuma, na woserew hwe amumoyefo nhyehyee? **4** Wowō ohonam mu ani ana? Wuhu ade te se odesani ana? **5** Wo nkwan na te se odesani anaa wo mfe te se onipa hoōdenfo, **6** a enti

ese se wohwehwe me mfomso na wopɛɛɛɛ me bɔne mu? 7 Ewɔ mu, wunim se minni fɔ, na obiara nso ntumi nnye me mfi wo nsam. 8 “Wo nsa na enwenee me na ebɔɔ me. Afei wobedan wo ho asɛe me ana? 9 Kae se wonwen me se dɔte. Na wobedan me ayɛ me mfutuma bio ana? 10 So woanhwie me se nufusu na woammɔ me toa se srade, 11 amfa were ne honam ankata me ho ankeka nnompe ne ntin antoatoa mu ana? 12 Womaa me nkwa, yii ayamyɛ kyereɛ me, na ɔhwesie mu wohweɛ me honhom so. 13 “Nanso eyi na wode siee wo koma mu, na minim se na eyi wo w’adwene mu. 14 Se meyeɛ bɔne a anka wobehwe me na wobema me so asotwe. 15 Na se midi fɔ a, nnome nka me! Na se mpo midi bem a, merentumi mma me ti so, efise aniwu ahyɛ me ma na m’amanehunu amene me. 16 Na se mema me ti so a, wodɛɛɛɛ me se gyata, na bio woda w’anwonwatumi no adi tia me. 17 Wode nnansefo foforo betia me na woma w’abufuw ano ye den wo me so; w’asraafo tu ba me so bere biara. 18 “Adɛn nti na woma wɔwoo me? Ekaa me nko a anka miwui ansa na ani bi rehu me. 19 Se anka mamma nkwa yi mu, anaase wɔsoaa me fi awotwaa mu de me kɔɔ ɔda mu tee! 20 So enkaa kakraa bi na me nna kakraa no to ntwaana? Gyaa me na minya anigye bere tiaa bi 21 ansa na mako koransan kusuuyɛ ne sunsuma kabii asase so, 22 asase a eyɛ anadwo sum kabii, sum kabii ne sakasaka, baabi a eho hann mpo te se sum.”

11 Na Naamani Sofar buae se, 2 “Ense se woyi saa nsem yi ano ana? Eɛ se wobu saa ɔkasafɔ yi bem ana? 3 Wo nsem hunu no bema nnipa ayɛ komm ana? Se wudi fɛw a obiara nka w’anim ana? 4 Woka kyere Onyankopɔn se, ‘Me gyidi ho nni asem na meye pɛ wo w’ani so.’ 5 Ao, anka mepe se Onyankopɔn kasa, anka ɔnkasa ntia wo 6 na ommue nyansa mu ahintasem so nkyere wo, efise nyansa turodoo ye afanu. Hu se Onyankopɔn were afi wo bɔne no bi mpo. 7 “Wubetumi ate Onyankopɔn anwonwade ase ana? Wubetumi abɔre ahu nea Otumfo no tumi kopem ana? 8 Ekorɔn sen ɔsoro, den na wubetumi ayɛ? Emu dɔ sen ɔda ase tɔnn, den na wubetumi ahu? (Sheol h7585) 9 Ne nsusuwii mu ware sen asase na etrew sen po. 10 “Se ɔba de wo beto afiasɛ ansa na osi nkongua a, hena na obetumi asiw no kwan? 11 Ampa ara ohu nnipa nnaadafo; na se ohu bɔne a, ɔnhye ne nsow ana? 12 Nanso ogyimifo rentumi nye onyansafo da na wɔawo afurum ba se onipa. 13 “Na se wode wo koma ma no

na wopagyaw wo nsa kyere no, 14 se wugyaa bɔne a wukura no mu na woamma amumɔyɛ antena wo ntamadan mu a 15 eno de, bɔne nni wo ho, wobema wo ti so; wubegyina pintinn a worensuro. 16 Wo were befi w’ahokyere, na wobekae no se nsu a asen kɔ. 17 Abrabɔ behyeren asen owigyinae, na sum beyɛ se adekyee hann. 18 Wubenya bammɔ, efise anidaso wo ho; wobehwe wo ho ahyia, na wahome asomdwoe mu. 19 Wobeda ahome, na obi renhunahuna wo, na bebree behwehwe mmoa afi wo nkyɛn. 20 Amumɔyɛfo ani befura, wɔrentumi nguan; na won anidaso bedan owu ahomegu.”

12 Na Hiob buae se, 2 “Akyinnye nni ho, mo ne nnipa no na muwu a na nyansa asa! 3 Nanso mewɔ adwene se mo ara monnsen me. Hena na onnim saa nneema yi nyinaa? 4 “Mayɛ aserewde ama me nnamfonom, mɛfɛɛ Onyankopɔn na obuae, aserewde teta bi, nanso metee na me ho nni asem. 5 Nnipa a won ho to won no bu amanehunu animtiaa sɛnea wobu won a won nan rewatiri no awiei animtiaa no. 6 Wɔmmfa won nsa nka akorɔmfo ntamadan, na won a woyi Onyankopɔn abufuw wo bammɔ na Onyankopɔn bɔ nea ɔde ma won ho ban. 7 “Bisa mmoa no, na wobekyere wo anaase wim nnomaa no, na wobeka akyere wo 8 anaase kasa kyere asase, na ebekyere wo, anaase ma po mu mpataa nka nkyere wo. 9 Won nyinaa mu hena na onnim se Awurade nsa na ayɛ eyi. 10 Ne nsam na abɔde nyinaa home wo ne adesamma nyinaa home. 11 So aso nso nsem nhwe sɛnea tekrema ka aduan hwe no ana? 12 Wonnya nyansa mfi mpanyin nkyɛn, na enye onyinkyɛ na ɛde ntease ba ana? 13 “Nyansa ne tumi ye Onyankopɔn de; afotu ne ntease ye ne dea. 14 Nea obubu gu no, obiara rentumi nsi; nea ɔde no to afiasɛ no, obiara rentumi nyi no. 15 Se ɔma osu gyae to a, asase no so ye wosee; se ogyaa osuto mu a, esee asase no. 16 Ahɔɔden ne nkonimdi ye ne de osisifo ne nea wosisi no no nso ye ne de. 17 Ɔpa afotufɔ ho ntama ma wokɔ na ɔma atemmufɔ ye nkwisea. 18 Ɔworɔw ahemfo nkyehama na ɔde abɔso bɔ won asen. 19 Ɔpa asɔfo ho ntama, na otu nnipa a won ase atim akyɛ gu. 20 Ɔka afotufa a wogyɛ won di no kasaboa hyɛ, na ogyɛ mpanyimfo nhumu. 21 Ɔde animguase gu atitiriw so na otintim gye ahɔɔdenfo nsam akode. 22 Ɔda sum mu nneema a ahintaw adi na ɔde sum kabii ba hann mu. 23 Ɔyɛ aman akese, na ɔsee won; ɔtrew aman mu, na ɔhwete won mu. 24 Ogyɛ wiase akannifo adwene fi won nsam; na ɔma

wokyinkyin asase wosee a okwan nna so so. **25** Wokeka wo sum mu a wonni kana; na oma woto ntintan se asabowfo.”

13 “M’ani ahu eyinom nyinaa, m’aso ate, na ate ase. **2** Nea wunim no, me nso minim; wonye abomfiaa mma me. **3** Nanso mepɛ se mekasa kyere Otumfo no na mekyerekyere m’asem mu kyere Onyankopon. **4** Mode atoro mmom na asra me ho; mo nyinaa moye ayaresafo a munsɛ hwee! **5** Se mobeye komm koraa a eno na ebeye nyansa ama mo! **6** Afei muntie m’ano asem; muntie m’anoyi. **7** Mobeka amumoyesem ama Onyankopon ana? Mobeka nnaadaasem ama no ana? **8** Mobekyea mo aso ama no? Mobeka Onyankopon asem ama no ana? **9** Se ohwehwe mo mu a, ebese mo yiye ana? Mubetumi adaadaa no senea modaadaa nnipa no ana? **10** Se mokyee mo aso wo kokoa mu a, senea ete biara, obeka mo anim **11** N’anuonyam mmɔ mo hu ana? Ne ho suro nto mo so ana? **12** Mo kasatomme ye mmebu a ete se nsɔ; mo anoyi ye date twann anoyi. **13** “Monye komm mma menkasa; na nea ebeye me biara mmra me so. **14** Aden nti na mede me ho to amane mu na mede me nkwa to me nsam? **15** Ewo mu se okum me de, nanso ne so na m’ani beda; ampa ara medi m’akwan ho adanse wo n’anim. **16** Nokware, eyi na ebeye me nkwaye, efise nea onsuro Onyankopon no rentumi nko n’anim! **17** Muntie me nsem yi yiye; monye aso mma nea meka. **18** Afei a masiesie me nkurobo yi, minim se medi bem. **19** Obi betumi abo me kwaadu ana? Se ete saa de a, anka meye komm na mawu. **20** “Onyankopon, ye saa nneema abien yi pe ma me, na afei meremfa me ho nhintaw wo: **21** Yi wo nsa fi me so ko akyirikyiri, na gyae wo ho hu a wode hunahuna me no. **22** Eno de, samena me na meba, anaa ma menkasa na bua me. **23** Mfomso ne bone dodow ahe na maye? Kyere me me mfomso ne me bone. **24** Aden nti na wode w’anim asie me na wudwen se meye wo tamfo? **25** Wobeye ahaban a mframa rebo no ayayade ana? Wobetaa ntete a awo ana? **26** Wokyerew sobo a eye yaw tia me, na woka me mmabunmmere mu bone nyinaa gu me so. **27** Wode nkyehama gu m’anan; wohwe m’anammonkwan nyinaa so yiye na wode agyiraehyede ayeye m’anammon mu. **28** “Enti onipa nkwa sa te se ade a aporow, te se atade a nwewee adi.

14 “Nnipa a obea awo won nna ye tiaa bi na ohaw ahye mu mma. **2** Obefew te se nhwiren na

etwintwam; ote se sunsuma a etewa mu ako, ontena ho nkye. **3** Woma w’ani ko saa onipa yi so? Wode no beba w’anim abebu no aten ana? **4** Hena na obetumi ayi nea eye kronkron afi fi mu? Obiara nni ho. **5** Woahyehye onipa nkwa nna; woahye n’asram dodow ato ho na woahye no bere a orentumi ntra. **6** Enti yi w’ani fi ne so na onye nea ope, kosi se obewie n’adwuma se opani. **7** “Dua mpo anidaso wo ho ma no: Se wotwa a, ebefefew bio, na ne mman foforo no rempenpan. **8** Ne ntin betumi anyin akye asase mu na ne dunsin nso awu wo date mu, **9** nanso, onya nsu a efefew, na eyiyi mman se dua a wotaw. **10** Nanso se nnipa wu a wode no hye fam; ohome nea etwa to a, na afei onni ho bio. **11** Senea nsu tu yera wo po mu no, anaa senea suka mu yowee no, **12** saa ara na onipa to fam na onsore bio; enkosi se osoro betwa mu no, nnipa rensore na worennyan won mfi won nna mu. **13** “Se anka wode me besie oda mu de me ahintaw kosi se w’abufuw betwa mu! Se anka wobehye me bere na afei woakae me! (Sheol h7585) **14** Se onipa wu a obeba nkwa mu bio ana? M’aperedi nna mu nyinaa metwen akosi se me foforoye beba. **15** Wobefre na megye wo so; w’ani begyina abode a wo nsa aye. **16** Afei wobekan m’anammonu na worenni me bone akyi. **17** Wobeso me bone ano wo kotoku mu, na woakata m’amumoye so. **18** “Nanso senea mmepow so hohoro na epompono na obotan nso twe fi ne sibe a no, **19** senea nsu yiye abo ho na osuhweam twe date ko no saa ara na wosce onipa anidaso. **20** Wutintim ne so preko pe, na otwa mu ko; wosakra ne nipasu na wugya no kwan. **21** Se wohye ne mmabarima anuonyam a, onnim; na se wobre won ase a, onhu. **22** Ono ara were mu yaw na otee na ono ara ne ho na ogyam.”

15 Na Temanni Elifas buae se, **2** “Enti onyansafɔ de nsem a aba biara nni mu beyi n’ano anaase ode apuei mframa a emu ye hyew behye n’afuru ma? **3** Ode nsem huhuw begye akyinnye, aka nsem a mfaso biara nni so ana? **4** Wototo onyamesuro ase mmom na wusiw Onyankopon som ho kwan. **5** Wo bone kyere w’ano nea onka; na woafa anitew tekrema. **6** W’ankasa w’ano bu wo kumfo, enye me de; w’ankasa w’ano di adanse tia wo. **7** “Wone onipa a wawoo wo dii kan ana? Wawoo wo ansa na worewo nkoko ana? **8** Wutie Onyankopon afotu ana? Wo nko ara na wunim nyansa ana? **9** Den na wunim a, yennim? Nhumu ben na wowo a yenni? **10** Nea wafuw dwen ne akwakoraa wo yen afa won a wanyinyin sen w’agya mpo. **11** Onyankopon

awerekyekye ne nsem a woka no breoo kyere wo no sua ma wo ana? **12** Aden nti na wo koma atwe wo ako aden nti na w'ani aso gya, **13** na woadan w'abufuw agu Onyankopon so na woma saa nsem yi pue fi w'ano? **14** "Odesani ne hena a obetumi aye pe, anaase nea obea awo no ben na obetumi aye atreenei? **15** Onyankopon nni ahotoso wo n'akronkronfo mu osorosoro mpo nye kronkron wo n'ani so, **16** na me ne onipa deboneyefo ne omumoyefo a onom bone se nsu. **17** "Tie me, na mekyere wo mu; ma menka nea mahu nkyere wo, **18** nea anyansafo apae mu aka, a woamfa biribiara a wonya fii won agyanom ho no ansie **19** (won nko ara na wode asase no maa won bere a ananafo biara nni won mu); **20** Omumoyefo ko ahohia mu, ne nkwan na nyinaa, na basabasayeni nso, ne mfe a walahyehye ama no nyinaa. **21** Nnyigyei a eye hu hye n'asom ma; na se eye se nneema reko yiye ma no a, akoromfo tow hye ne so. **22** Opa abaw se obeguan a fi sum mu; waboo no ato ho ama afoa. **23** Okyinkyin hwehwe aduan; onim se sum da no aben. **24** Ohaw ne ahoyeraw yi no hu; ehye ne so se ohene a wasiesie ne ho ama oko, **25** efise oteete ne nsa kyere Onyankopon na oma ne ho so tia Otumfo, **26** wode nkatabo a mu piw na eye den ko ne so a, onsure obiara. **27** "Ewo mu se srade ama n'afono atoto na n'asen mu nam abubu agu so de, **28** nanso obetena nkurow a agu so na watena a fi a obi nte mu, a fi a erebubu mu. **29** Orenko so nye odefo bio, na n'ahonya rennyina, na n'agyapade so betew na ayera wo asase so. **30** Orenguan sum no; ogyaframa behyew ne mman, na Onyankopon anom ahomegu besoa no ako. **31** Ense se ode ne ho to nneema huhuw so de daadaa ne ho, efise orennya hwee mfi mu. **32** Ansa na ne da bedu no, wobetua no ka a bi nka, na ne mman renye fromfrom. **33** Obeye se bobedua a waporow so aba a ennyin e, te se ngodua a ne nhwiren reporow gu fam. **34** Na abonefo fekuw a wonnim Onyankopon no rensow aba, na ogya behyew won a wodo ketasehye no ntamadan. **35** Wonyinsen ohaw na wowo bone; won awotwaa siesie nnaadaa."

16 Afei Hiob buae se, **2** "Mate nsem bebree a cte se eyinom; na mo nyinaa moye ogyamserefo! **3** So mo kasa tenten no remma awiei ana? Den na ehaw mo nti a mugu so regye akynnye yi? **4** Anka me nso metumi akasa se mo, se mo na mowo me tebea yi mu a, anka metumi akeka nsem a eye de atia mo na mabu mo animtiaa. **5** Nanso anka mehye mo den; anka awerekyekye nsem a ebefi m'anom no bema mo ahot.

6 "Nanso se mekasa a oyaw a mete no remme ase; na se mankasa nso a, erennya. **7** Onyankopon, ampa ara woama mabre woasee me fi pasaa. **8** Woakyekyer me, ama abeye adansedi; me so tew ara na etew na edi adanse tia me. **9** Onyankopon tow hye me so tetew me wo n'abufuw mu na otwere ne se gu me so; nea one me anya no pokyer n'ani hwe me. **10** Nnipa bue won ano di me ho few; wobo me sotre de bu me animtiaa na woka won ho bo mu de tia me. **11** Onyankopon de me ama abonefo watow me ato amumoyefo nsam. **12** Na biribiara ko yiye ma me, nanso odwerew me; osoo me kon mu, tow me hwee ho. Ode me asi n'ani so; **13** n'agyantowfo atwa me ho ahya, ohwirew m'asaabo mu a wanhu me mmobo maa me bonwoma petee fam. **14** Oba me so bere biara; na otow hye me so se okofo. **15** "Mapam atweaatam akata me were so na masie m'aninton wo mfutuma mu. **16** Agyaadwotwa ama m'ani aye koo; sunsuma kabii atwa m'ani ho ahya, **17** nanso me nsa nyee basabasaye biara na me mpaeb yee kann. **18** "Asase, nkata me mogya so; na mma me sufre to ntwa da! **19** Mprempren mpo, me danseni wo osoro; me kamafo wo soro ho. **20** Me dimafo ye m'adamfo bere a m'aniwa tew nisu gu Onyankopon so yi; **21** ogyina onipa anan mu di ma no wo Onyankopon anim senea obi di ma n'adamfo no. **22** "Mfe kakraa bi akyi ansa na metu kwan ako koransan.

17 Me honhom ato beraw, me nna so atwa, na oda retwen me. **2** Ampa ara fewdifo atwa me ho ahya; ese se mehwe won atutuwe. **3** "Ao Onyankopon, hye me bo a wuhia. Hena bio na obema me bammo? **4** Wato won adwene mu a wote asem ase; enti woremma wonni nkonim. **5** Se obi sopa ne nnamfonom de gye akatua a, ebewhere ne mma aniwa. **6** "Onyankopon de me aye asem a eda obiara ano, obi a wote ntasu gu n'ani so. **7** Awerehow ama m'ani aye siamoo me nipadua nyinaa ye sunsuma. **8** Eye atreeneefo nwonwa; won a wodi bem tia won a wonni nyamesu. **9** Nanso atreeneefo beko won anim, na won a won nsa ho tew no beko so anya ahooden. **10** "Mo nyinaa monsan mmra mmeso nhwe! Na merennya onyansafo wo mo mu. **11** Me nna atwa mu, me nhyehyee apansam. Nanso me koma apede **12** ma anadwo dan awia; sum mu koraa no hann ben. **13** Se ofi a m'ani da so nkutoo ne oda, se mesew me kete wo sum mu, (Sheol h7585) **14** se meka kyere porowee se, 'Wo ye m'agya,' ne osunson se, 'Me na' anaa 'Me nuabea' a, **15** na afei m'anidaso wo he? Hena na obetumi anya anidaso bi ama me? **16**

Ebesian ako owu pon ano ana? Yen nyinaa besian ako mfutuma mu ana?" (Sheol h7585)

18 Na Suhini Bildad buae se, **2** "Bere ben na wubegyaе kasa tenten yi? Dwene ho yiye, na afei yebetumi akasa. **3** Aden nti na wofa yen se anantwi na wususuw se yennim nyansa yi? **4** Wo a wode abufuw tetew wo mu nketenkete, wo nti na yemfi asase so anaase wonnwiriw abotan mfi won sibeа ana? **5** "Omumoyefo kanea adum; na ne gya nnew bio. **6** Hann a ewo ne ntmadan mu duru sum; kanea a esi ne ho no dum. **7** N'anammontu mu ahooden ano bebre ase; n'ankasa nhyehyee hwe no ase. **8** N'anammøn de no ko afiri mu, na okyinkyin koto ne tan mu. **9** Afiri so ne nantin na eso ne mu dennen. **10** Wosum no afiri ahintaw wo fam; afiri wo ne kwan mu. **11** Ahunahuna ma obo huboa wo ne ho nyinaa na ehaw no wo n'anammontu biara mu. **12** Atoyerenkyem kon do no; na se ohwe ase a, amanehunu retwen no. **13** Ewewe ne honam ani baabi; na owu di kan see n'akwaa. **14** Wotwe no fi ne ntmadan bammø mu na wode no bre ahunahunahene. **15** Ogya te ne ntmadan mu; na woabo sufре a eredew apete n'atenae. **16** Ne ntin wuwu wo ase na ne mman nso wu wo soro. **17** Wonnkae no asase so bio; na onni din wo asase so. **18** Woka no fi hann mu ko sum mu na wopam no fi wiase. **19** Onni mma anaa nananom wo ne nkurofo mu, na n'aseni biara renka wo baabi a otenae. **20** Nnipa a wofi atoe fam ho adwiriw won wo nea ato no no ho; na aninyanne bunkam won a wowa apuei fam no so. **21** Ampa ara, see na omumoyefo ateneae te; see ne beae a nea onnim Onyankopon no te."

19 Na Hiob buae se, **2** "Mobebye me oyaw na mode nsem abubu me akosi da ben? **3** Mpen du ni a moasopa me; mo ani nwu se motow hye me so. **4** Se eye nokware se mafom okwan a, me mfomso ye me nko ara asem. **5** Se ampa se mobema mo ho so asen me na mode m'animguase aye adanse atia me a, **6** eno de munhu se Onyankopon aye me bone na ode ne tan atwa me ho ahyia. **7** "Ewo mu, misu se, 'Woaform me' de, nanso obiara mmua me; metee mu pe mmoa, nanso atentreneе biara nni ho. **8** Wasiw me kwan enti mintumi nsen; ode sum aduru m'akwan so. **9** Wayi m'anuonyam afi me so na watu m'ahenkyew afi me ti so. **10** Wasee me akwannuasa nyinaa so de awie me; watu m'anidaso ase te se dua. **11** N'abufuw huru tia me; na wakan me afra n'atamfo mu. **12** N'akofo

ba anibere so; wosisi mpie de tia me na wotwa me ntmadan ho hyia. **13** "Wayi me nuabarimanom afi me ho; na m'amanifo atwe won ho koraa. **14** M'abusuafo ko; na me nnamfonom were afi me. **15** M'ahoho ne me mmaawa bu me se ohoho; mete se onanani ma won. **16** Mefre me somfo, na ommua; mpo, metew m'ano sre no. **17** Me home bon me yere; me ho afono m'ankasa nuabarimanom. **18** Mpo, mmarimaa nkumaa bu me animtiaa; se mipue a wodi me ho few. **19** Me nnamfo ankasa nyinaa kyi me; m'adfo asore atia me. **20** Maka were ne nnompe, nea mede aguan nkutoo ne me se akyi nam. **21** "Munhu me mmobo, me nnamfonom, munhu mmobo, na Onyankopon nsa abo me. **22** Aden nti na motaa me senea Onyankopon ye no? Na mommfa me honam yi saa ara? **23** "Ao, se anka wode me nsem behye nhoma mu, anka wobekyerew wo nhoma mmobowee so, **24** anka wode dade pee bekyerew wo sumpii so, anaa wobekuruakyerew wo obotan so afebo! **25** Minim se me dimafo te ase, na awiei no obesore agyina asase so. **26** Na wasee me were awie no, mefi me were mu ahu Onyankopon. **27** Me ara mehu no mede m'ani, na enye obi oforo ani, behu no. Senea me koma ho pere wo me mu! **28** "Se moka se, 'Yebeteete no, efise ehaw no fi ono ara a,' **29** ese se mo ankasa musuro afoa no na abufuw nam afoa so de asotwe beba, na mubehu se atemmu wo ho."

20 Na Naamani Sofar buae se, **2** Me tirim mu ntwem, na ehye me se mimmua efise me ho yeraw me yiye. **3** Mate animka bi a egu me ho fi, na ntease a minya no hye me se mimmua. **4** "Ampa ara wunim senea nneema te fi tete, efi bere a wode nnipa duaa asase so no, **5** se amumoyefo ani gye bere tiaa bi mu, na won a wonsuro nyame nso anigye nkye. **6** Ewo mu se n'ahohoa koda osoro, na ne ti kopem omununkum koraa a, **7** obeyera afebo te se n'ankasa n'agyanan; na won a wohuu no no bebisa se, 'Owo he?' **8** Otu ko te se odae, na worenhu no bio, won were fi te se anadwo mu anisoadehu. **9** Ani a ehui no no renhu no bio; na ne sibeа nso renhu no bio. **10** Ne mma bepata ahiafo; ese se n'ankasa de n'ahonya san ma. **11** Ne mmerantebere mu ahooden a ahye ne nnompe ma no ne no beko mfutuma mu. **12** "Ewo mu se bone ye n'anom de na ode sie ne tekrema ase, **13** ewo mu se ontumi nnyaa mu na oma eka ne dudom, **14** nanso, n'aduan beye nwen wo ne yafunu mu; ebeye owo ano bore wo ne mu. **15** Obefe ahonyade a omenee no; Onyankopon bema ne yafunu apuw agu.

16 Ɖbefefe awo bore; Ɖnanka se bekum no. 17 Ɖrennya nsuwansuwa no nnom nsubonten a nufusu ne ewo sen wo mu no. 18 Ɖbedan nea Ɖbre nyae no aba a Ɖrenni bi; Ɖremfa n'aguadi mu mfaso nnye n'ani. 19 Efise Ɖhyee ahiafo so ma wodii ohia buruburoo; Ɖde ne nsa ato aƒi a enye Ɖno na osii so. 20 "Ampa ara Ɖrennya ahomegye mfi nea wapere anya no mu; Ɖrentumi mfa n'ademude nnye ne ho nkwa. 21 Wafom nneema nyinaa awie; ne nkoso nnu baabiara. 22 N'adedodow nyinaa mu no, Ɖbeko Ɖhaw mu; na amanehununu a emu ye den beto no. 23 Bere a n'afuru aye ma no, Onyankopon beto n'abufuw gya agu ne so na wabobo no basabasa. 24 Ewo mu se oguan fi dade akode ano nanso bemma a ano ye kobere mfrafrae bewo no. 25 Ɖtwe bemma no fi n'akyi, ano hyenhyen no fi ne brebo mu. Ehu beba ne so; 26 sum kabii retwen n'ademude. Ogya a ennew mu behyew no, na asce nea aka wo ne ntamadan mu. 27 Ɖsoro beda n'afodi adi, na asase asore atia no. 28 Nsuyiri betwe ne fi ako, saa ara na asuworo beye Onyankopon abufuwhyew da no. 29 Eyi ne nkrabea a Onyankopon de ma amumoyefo, agyapade a Onyankopon de ato ho ama won ne no."

21 Na Hiob buae se, 2 Muntie me nsem no yiye. Momma eyi nye awerekyekye a mode ma me. 3 Munnya ntoboase mma me bere a merekasa, na se mekasa wie a, monko so nni few. 4 "Minwiinwii hyc onipa ana? Aden nti na ese se minya ntoboase? 5 Monhwe me, na mo ho nnwiriw mo; momfa mo nsa nkata mo ano. 6 Se midwen eyi ho a, mebo hu; na me ho popo. 7 Aden nti na amumoyefo tena nkwa mu? Wonyin kye na woko so di tumi. 8 Wohu won mma a atwa won ho ahya no nkoso, wohu won nenanom. 9 Ɖhaw nni won aƒi mu, na ehu nni ho; Onyankopon asotwe mma won so. 10 Won anantwinini nnye asaadwe; na won anantwibere nwo a wompon. 11 Woka won mma bo mu te se nguankuw; na emu mmotafowa no huruhuruw. 12 Woto nnwom wo akasae ne sanku so; na wode atenteben nnyigyei gye won ani. 13 Wodi yiye won nkwanu mu na woko Ɖdae mu asomdwoe mu. (Sheol h7585) 14 Nanso woka kyere Onyankopon se, 'Fi yen so! Yempe se yehu w'akwan. 15 Hena ne otumfo no a ese se yesom no? Se yebo no mpae a mfaso ben na yebena?' 16 Nanso won nkoso no nni won nsam, enti metwe me ho fi amumoyefo afotu ho. 17 "Nanso mpen ahe na wodum amumoyefo kanea? Mpen ahe na amanehununu ba won so, nea Onyankopon fi n'abufuw mu de ba no? 18 Mpen ahe na

woye se sare wo mframa ano, te se ntete a mframaden bi apra won? 19 Woka se, 'Onyankopon kora onipa asotwe so de twen ne mma.' Ese se Ɖtwe onipa no ankasa aso ma ohu. 20 Ma Ɖno ankasa ani nhu ne see; ma Otumfo abufuwhyew no nka n'ani. 21 Den na efa won ho fa won abusufo a woagyaw won akyi no ho bere a asram a watwa ama no aba awiei no? 22 "Obi betumi akyere Onyankopon nyansa, wo bere a obu atitiriw mpo aten? 23 Obi wu wo bere a Ɖwo ahooden ne ho to no na n'aso mu adwo no, 24 na ne nipadua aye fromfrom, na hon ahye ne nnompe ma. 25 Ɖfoforo nso de okra mu yawdi wu, a wanka asetena pa anhweda. 26 Wosie won nyinaa wo mfutuma koro mu, ma asunson nnunu won nyinaa. 27 "Mahu mo adwene, okwan a mobefa so afom me. 28 Moka se, 'Onipa kese no fi wo he, ntamadan a omumoyefo no tenaa mu no?' 29 So mummisaa won a wotu kwan no asem da? Won amanneebo mu nsem ho nhiaa mo 30 se onipa bone nya ne ti didi mu amanehununu da, na wogyewon abufuwhyew da no ana? 31 Hena na Ɖde ne suban si n'anim? Hena na otua no nea waye so ka? 32 Wosoa no ko Ɖda mu, na wowen n'aboda. 33 Obon mu Ɖte ye no de; nnipa nyinaa di n'akyi, na dom a wontumi nkan won di n'anim. 34 "Enti ebeye den na mode mo nsenhununu bekyekye me were? Mo mmuae nye hwee se atorol!"

22 Na Temanni Elifas buae se, 2 "Onyankopon benya onipa so mfaso ana? Mpo onyansafu so beba no mfaso ana? 3 Se woye Ɖtreneeni a, anigye ben na Otumfo no benya? Se w'akwan ho nni asem a, mfaso ben na obenya? 4 "Wo kronkronye nti na oka w'anim na Ɖbo wo kwaadu ana? 5 Enye w'amumoye na eso? Enye wo bone na edoso dodo? 6 WoƉee bamm fii wo nuanom nkyen a emfi hwee so; wopaa nnipa ho ntama ma woda adagyaw. 7 Woamma abrafo nsu annom na wode aduan kamee nea okom de no, 8 nanso na woye obi a Ɖwo tumi, wo nsase, onuonyamfo a Ɖte so. 9 Wopam akunafo ma wokoo nsapan na womaa ayisaa nso ahooden sae. 10 Eno nti na mfiri atwa wo ho ahya, na amanehununu a eba ntem so bo wo hu yi, 11 eno nti na sum kabii aduru a wunhu ade, na asorokye akata wo so yi. 12 "So Onyankopon nni osoro akyirikyiri ana? Hwe senea osoro akyirikyiri nsoromma koron! 13 Nanso woka se, 'Den na Onyankopon nim? Sum yi mu na obu aten ana? 14 Omununkum kabii akata n'anim nti onhu yen bere a onenam osoro kontonkurowi mu.' 15 So wobeko so afa okwan dedaw a abonefo anantew

so no so ana? 16 Wopraa wɔn kɔe ansa na wɔn bere reso, na nsuyiri hohoroo wɔn fapem. 17 Na wɔka kyereɛ Onyankopɔn se, 'Gyaa yen! Den na Otumfo betumi aye yen?' 18 Nanso eye ɔno na ɔde nnepa hyee wɔn afi mu, nti metwe me ho fi amumɔyefo afotu ho. 19 Atreneefo hu wɔn asehwe ma wɔn ani gye; na wɔn a wɔn ho nni asem serew wɔn ka se, 20 'Wɔasɛe yen atamfo, na ogya ahyew wɔn agyapade.' 21 "Fa wo ho ma Onyankopɔn na nya asomdwoe wo ne mu; saa ɔkwan yi so na yiyedi befa aye wo kyefa. 22 Tie akwankyere a efi n'anom, na fa ne nsem sie wo koma mu. 23 Se wosan kɔ Otumfo no nkyen a obegye wo ato mu bio; se wuyi amumɔyesem fi wo ntamadan mu 24 na wotow wo sika mpɔw gu mfutuma mu ne Ofir sikakɔkɔ gu abotan a ewɔ abon mu no so a, 25 Eno de Otumfo beye wo sikakɔkɔ obeye dwete ankasa ama wo. 26 Afei nokware wubenya anigye wɔ Otumfo mu na wobɛpagyaw w'ani akyere Onyankopɔn. 27 Wobɛbo no mpae, na obetie wo, na wubedi wo bɔhye so. 28 Nea woye w'adwene se wobeye no beba mu, na hann betɔ w'akwan so. 29 Se nnipa hwe ase na woka se, 'Ma wɔn so!' a, obegye wɔn a wɔahwe ase no nkwa. 30 Obegye abɔnefo mpo, ɔnam wo nsa a eho nni fi so begye wɔn."

23 Na Hiob buae se, 2 "Nne mpo, m'anwiinwii mu da so ye den; ne nsa aye den, m'apinisi nyinaa akyi. 3 Se minim baabi a mehu no; anaase metumi akɔ ne tenabea a 4 anka meka m'asem wɔ n'anim na magye akyinnye bebre. 5 Anka mete mmuae a ɔde bema me, na madwen nea ɔbeka ho. 6 Ɔbesɔre atia me dennen ana? Dabi, ɔremmɔ me kwaadu. 7 Eho de, nnipa trenɛe betumi aka n'asem wɔ n'anim, na wobegye me afi me temmufo nsam afebo. 8 "Nanso se meko apuei fam a onni ho; se meko atɔe fam nso a minhu no. 9 Se ɔreye adwuma wɔ atifi fam a minhu no; se ɔdan ne ho kɔ anafo fam a, m'ani nhye ne ho. 10 Nanso onim ɔkwan a menam so; na se ɔso me hwe a mepue se sikakɔkɔ. 11 Madi n'anammɔn akyi pɛ; na manantew n'akwan so a mamman. 12 Mentwee me ho mfii mmara nsem a efi n'anom no ho, mama asem a efi n'anom ho ahia me asen me daa aduan. 13 "Nanso obiara nni ho ka ne ho, na hena na obetumi atia no? Ɔye biribiara a ɔpe. 14 Ɔde ne mmaransɛm di dwuma tia me; ɔda so kora nhyehyee a ete sɛe bebre. 15 Eno nti na mebo hu wɔ n'anim; na se midwen eyinom nyinaa ho a, misuro no. 16 Onyankopɔn ama me koma abotow; Otumfo ama mabo huboa. 17 Nanso sum no

mma menka m'ano nto mu, sum kabii a ekata m'anim no.

24 "Adɛn nti na Onyankopɔn nhye bere mma atemmu? Adɛn nti na esɛ se wɔn a wonim no no hwe saa da no anim nanso emma da? 2 Nnipa yiye abo a wɔde ato ɔhye; na wɔde nguankuw a wɔawia kɔ ho adidi. 3 Wɔpam ayisaa mfurum na wogyɛ akunafo anantwi se awowaside. 4 Wosum ahiafo fi kwan so na wɔhye asase no so ahiafo ma wɔkotetew. 5 Sɛnea sare so mfurum ye no saa ara na ahiafo no ye wɔn adwuma de pe aduan; asase kesee no so na wonya aduan ma wɔn mma. 6 Wɔboaboa mmɔa aduan ano wɔ mfuw no so na wodi mpepe wɔ amumɔyefo bobɛ nturo mu. 7 Wonni ntama, na wɔda adagyaw anadwo; wonni hwee a wɔde kata wɔn ho wɔ awɔw mu. 8 Mmepɔw so osu tɔ fɔw wɔn kyam na wɔtetare abotan no ho, efise wonni nnae. 9 Wɔtew ayisaa fi nufu ano; na wɔfa ohiani abotafowa de si ne ka anan mu. 10 Wɔnenam adagyaw a wonni ntama; wɔsoa awi afiafi, nanso ɔkɔm de wɔn ara. 11 Wokyi ngo wɔn adan mu; wɔtiatia nsakyiamoa mu, nanso osukɔm de wɔn. 12 Wɔn a wɔrewuwu no apinisi fi kuropon no mu, na apirafɔ kra su pe mmɔa. Nanso Onyankopɔn mfa bɔne nto obiara so. 13 "Ebinom wɔ ho a wɔsɔre tia hann no, wɔn a wonnim n'akwan anaase wɔnnantew n'atɛmpɔn so no. 14 Se adekyee hann no kɔ a, owudifo no sɔre na okum ohiani ne mmɔborɔni; anadwo, mu owiawia ne ho se ɔkorɔmfo. 15 Ɔwaresɛefo twɛn bere a anim rebiribiri; ɔka se, 'obiara renhu me,' na ɔde n'anim hintaw. 16 Sum mu na nnipa bubu apon wura afi mu, na adekyee, wɔtoto wɔn ho apon mu; wɔne hann nni hwee ye. 17 Sum kabii ye adekyee ma wɔn nyinaa; wɔne sum mu nneema a eye hu fa nnamfo. 18 "Nanso wɔte se ahuru a ete nsu ani; wɔadome wɔn kyefa wɔ asase no so, enti obiara nkɔ bobɛ nturo no mu. 19 Sɛnea ɔhyew ne ɔpe hwim sukyeremma a anan kɔ no, saa ara na ɔda de wɔn a wɔaye bɔne kɔ ne no. (Sheol h7585) 20 Awotwaa werɛ fi wɔn, na osunson di wɔn nam; nnipa bɔne de wɔnnkae wɔn bio na mmom wobubu te se dua. 21 Wɔde ɔbea bonin a onni ba ye hanam, na wonhu akunafo mmɔbo. 22 Onyankopɔn nam ne tumi so twe atumfo kɔ; ewɔ mu se wonya asetena pa de, nanso wonni nkwa ho bɔhye. 23 Otumi ma wɔn tena ase asomdwoe mu, nanso n'ani wɔ wɔn akwan so. 24 Wɔma wɔn so bere tiaa bi, na afei wonni ho bio; wɔbre wɔn ase boaboa wɔn ano se nnipa nyinaa; wɔtwitwa wɔn gu te se abuwɔr ti. 25 "Se eyi nte saa a,

hena na obetumi agye me akyinnye na ama nea maka no aye nsenhunu?"

25 Na Suhini Bildad buae se, **2** "Tumi ne suro wo Onyankopon; onno na ohyehye pɛpɛye wo osorosoro. **3** Wobetumi akan n'akofo ana? Hena na ne hann nhyeren wo ne so? **4** Eno de, ebeye den na odesani betumi atee wo Onyankopon anim? Ebeye den na nea oboa awo no no beye kronn? **5** Mpo se osram nhyeren na nsoromma nye kronn wo n'ani so a, **6** na nkantom onipa a ote se nsaammoa, onipa ba a oye osunson bi keke!"

26 Na Hiob kasaa bio se, **2** "Woaboa nea onni tumi! Woagye basa a enni ahooden! **3** Woatu nea onnim nyansa fo! Na woada nhumu pa ara adi! **4** Hena na oboaa wo ma wokaa saa nsem yi? Hena honhom na ekasa faa wo mu? **5** "Awufo wo ahoyeraw kese mu, won a wowa nsu ase ne nea ete mu nyinaa. **6** Asaman da adagyaw Onyankopon anim; Osee nso nni nkataso.

(Sheol h7585) **7** Otrew wim atifi fam kata nea eda mpan so; na ode asase sensen ohunu so. **8** Obo nsu boa hye ne omununkum mu, nanso nsu no mu duru ntumi mpae no. **9** Otrew ne omununkum mu de kata osram ani. **10** Ohye agyirae wo nsu so de to ohye wo hann ne sum ntam. **11** Osoro nnyinaso wosow, na n'animka ma won ho dwiriw won. **12** Ode ne tumi wosow po ne nyansa mu, otwitwaa Rahab mu asinasin. **13** Ode ne home maa wim tewee; na ne nsa waa owo a orewea. **14** Eyinom ye ne nnwuma kakraa bi; ne tumi kakraa bi keke! Na hena na obetumi ate ne tumi mmubomu no ase?"

27 Hiob toaa n'asem so se, **2** "Se Onyankopon te ase yi, nea wammu me atɛntrenee no, Otumfo a wama madi me kra mu awerehow, **3** mmere dodow a nkwa wo me mu, na Onyankopon home wo me mu yi, **4** m'ano renka amumoyesem, na me tekrema rentwa nkontompo. **5** Merennye nto mu da se nea woka no ye nokware; merenka me mudi nhye, kosi se mewu. **6** Mekura me trennee mu, merennyyaa mu; se mete ase yi, me tiboa remmu me fo. **7** "Ma m'atamfo nye se amumoyefo, na won a wokyi me nye se atorofu. **8** Anidaso ben na won a wonni nyamesu no wo wo won wu akyi, bere a Onyankopon agye won nkwa a fi won nsam no? **9** So Onyankopon tie won sufɛ bere a amanehunu aba won so no ana? **10** So won ani begye wo Otumfo no mu? Wobesu afɛ Onyankopon bere biara ana? **11** "Mema mo Onyankopon tumi ho

nkyerɛkyere; meremfa Otumfo no akwan nhintaw. **12** Mo ankasa moahu eyinom nyinaa. Afei nsenhunu yi ase ne den? **13** "Eyi ne nea Onyankopon ahye ato ho ama omumoyefo, agyapade a otirimodenfo nya fi Otumfo no nkyen. **14** Se owo mma dodow den ara, won nkrabea ne afoa; na n'asefo rennidi mmee da. **15** Dyaredom besie won a wobeka wo n'akyi, na won akunafo rensu won. **16** Ewo mu se ohore dwete te se mfutuma na oboa ntama ano se dote, **17** nea ope gu ho no, atreneefo na wobefura na pɛpɛyefo no nso akyekye dwete no. **18** Ofi a osi no te se ananse abubummaba, ete se pata bi a osemfo abo. **19** Oda ho te se odefo, nanso orenna saa bio; obetew n'ani no na ne nyinaa atu ayera. **20** Ahunahuna ba ne so se nsuyiri; ahum hwim no ko anadwo. **21** Apuei mframa soa no ko, na onni ho bio; etwe no fi ne tenabea. **22** Ebo no a ahummabo nni mu bere a oreguan a fi ne tumi ase. **23** Ode few bo ne nsam na opan no fi ne tenabea."

28 "Beae a wotu dwete wo ho ne beae a wonan sika kokoo. **2** Wotu dade fi fam, na wonan kobere fi dadebo mu. **3** Onipa ma sum ba awiei; na ohwehwe ko akyirikyiri asase mu kohwehwe dadebo wo sum kabii mu. **4** Wode fagudetw afiri hye beae a emmen odesani ateneae, mmeae a nnipa anan nsii ho da, baabi a emmen nnipa no, eho na wodi aforsian. **5** Asase a ebo aduan no, woda ase no te se nea wode ogya na aye; **6** hoabo fi n'abotan mu na sikakokoo mpow nso wo ne mfutuma mu. **7** Okore biara nnim saa kwan a ahintaw no, akoroma biara ani nhuu e. **8** Mmoa ahantanfo nsi ho na gyata nkodɛɛɛ wo ho. **9** Onipa nsa paapae abotan dennen na oma mmepow ase da ho. **10** Otwa aka fa abotan mu, na ohu n'ademude nyinaa. **11** Ohwehwe baabi a nsubonten ti wo na oda nneema a ahintaw adi. **12** "Nanso ehe na yebehu nea nyansa hye? Ehe na ntease te? **13** Onipa renhu ne bo a esom; worenhu wo ateasefo asase so. **14** Na ebun ka se, 'Enni me mu'; na po nso se, 'Enni me nkyen.' **15** Worentumi mfa sikakokoo ankasa nto, na worentumi mfa dwete nkari ne bo. **16** Worentumi mfa Ofir sikakokoo nto apopobibiribo anaa hoabo nso saa ara. **17** Worentumi mfa ahwehwe anaa sikakokoo ntoto ho, na worentumi mfa sikakokoo nnwinne nsesa. **18** Ense se yebɔ ahene panyin ne ahwehwebo din; nyansa bo sen nhene pa. **19** Etiopia akraatebo ne no nse; worentumi mfa sikakokoo kronkron nto. **20** "Eno de, na ehe na nyansa fi? Ehe na ntease te? **21** Wode asie abode biara ani,

wode asie wim nnomaa mpo. 22 Ossee ne Owu ka se, 'Yeate no huhuhuhu keke.' 23 Onyankopon te okwan a ekɔ ho ase, na onno nko ara na onim faako a ete, 24 efise ohwe kodu nsase ano na ohu biribiara a ewo osoro ase. 25 Bere a ohyeef mframa ano den too ho na osusuw nsuwa no, 26 bere a okaa no ohye so kyeree osuto na otwaa kwan maa aprannaa no, 27 afei ohwee nyansa na okarii no hwee; na ogyee no too mu na osɔɔ no hwee. 28 Na aka kyeree onipa se, 'Awurade suro, eno ne nyansa; na se wokyi bone, ye ntease.'"

29 Hiob toaa so se, 2 "M'ani agyina asram a atwa mu no, nna a Onyankopon hwee me so no, 3 bere a ne kanea hyeren m'atifi na mede ne kanea nantewee sum mu no! 4 Ao, nna a misii so no, bere a Onyankopon adamfofa a emu ye den hyiraa me fi, 5 bere a na Otumfo no da so ka me ho na me mma atwa me ho ahyia no, 6 bere a na nufusu mu srade afow m'akwan na abotan hwiee ngo se nsu maa me no. 7 "Bere a na meko kuropon pon ano mekotena m'agua so wo omanfo aguabɔbea, 8 mmerante hu me a, wogyina nkyen na mpanyimfo sɔre gyina ho; 9 atitiriw gyae kasa na wode won nsa kata won ano; 10 mmapomma tem dinn, na won tekrema ka won dudom. 11 Won a wote me nka nyinaa ka me ho asempa, na won a wohu me nyinaa kamfo me, 12 efise meboaa ahiafo a wosu pee mmoo, ne ayisaa a wonni abofo. 13 Onipa a na orewu no hyiraa me; na memaa akunafo ani gyee won koma mu. 14 Mede trennee furaa se m'adurade; atentrennee yee me nkataso ne m'abotiri. 15 Meyee aniwa maa anifuraefo, ne anan maa mmubuafo. 16 Meyee ahiafo agya; na mekaa ahoho asem maa won. 17 Mibubuu amumoyefo se na mihwim won a wodi won nya no fii won anom. 18 "Medwenee se, 'Mewu wo m'ankasa me fi mu, na me nna dɔso se nwea. 19 Me ntin beduu nsu ano, na obosu agugu me mman so anadwo mu nyinaa. 20 M'anuonyam rempa da, na agyan aye foforo wo me nsam daa.' 21 "Nnipa hwehwee se wotie me, woyee dinn, twen m'afotu. 22 Se mekasa wie a wonnkasa bio, efise me nsem too won asom yiye. 23 Wotwen me senea wotwen osu a epete, na womenee me nsem se osuto bere nsu. 24 Se meserew mekyere won a, wontaa nnye nni; m'animtew som bo ma won. 25 Meboɔ kwan maa won na metenaa ase se won hene; metenaa ase se ohene a owo n'asraafo mu; meyee se obi a okyekye agyaadwotwafo were.

30 "Nanso mprenpren woserew me, nnipa a manyin sen won, na won agyanom mfata se wone me nguan ho akraman tena. 2 Mfaso ben na won nsa mu ahooden wo ma me, bere a won ahooden afi won mu? 3 Ohia ne okom ama won ho atetew, wonantew asase kesee ne asase bonin so anadwo. 4 Wɔboabooa nkyenhaban ano wo nkyekyerere mu, na wode sare so nnua ntin yee won aduan. 5 Won mfefo pam won fii won mu, na wohuroo won se akoromfo. 6 Wohyee won ma wotena suka a emu awo, abotan ne fam ntokuru mu, 7 wosuu se mfurum wo wuram na wofofree so wo odo ase. 8 Kuw a womfra na wonni din, wɔpam won fii asase no so. 9 "Na nne yi won mmabarima de dwom bo me akutia; maye abusude wo won mu. 10 Wokyi me na wontwiw mmen me; wommfere se wotete ntasu gu m'anim. 11 Afei a Onyankopon abubu me tadua na ode amanehunu aba me so yi, woye nea wope wo m'anim. 12 Abusuakuw no tow hye me so wo me nifa so; wosum m'anan mfiri, na wosisi mpie tia me. 13 Wosisiw m'akwan; na wonya me see me na obiara mmoo me. 14 Woba te se nea wofi ntokuru a ano abae mu; wonam mmubui no mu munumunum ba. 15 Ahunahuna ma me ho dwiriw me; m'anuonyam atu ko senea mframa abo agu, me bammɔ atu ayera se omununkum. 16 "Na mprenpren, me nkwa resa; na amanehununna akyekyerere me. 17 Anadwo wowo me nnompe mu; oyaw a ewe me no nnyae. 18 Onyankopon fi ne tumi mu ye se adurade ma me; omia me te se m'atade kon. 19 Otow me kyene dontori mu na oma me ye se mfutuma ne nsɔ. 20 "Onyankopon, misu mefre wo, nanso wummua me. Mesore gyina, nanso wohwe me keke. 21 Woba me so anibere so; wode w'abasa mu tumi tow hye me so. 22 Wuhwim me na wode mframa pia me; wudenkyidenkyi me wo ahum mu. 23 Minim se wode me beko owu mu, faako a woahye ama atasefo nyinaa no. 24 "Ampa ara obiara mfa ne nsa nka onipa a otrebre bere a oresu pe mmoo wo n'amanehunu mu. 25 Mansu amma won a wowo ohaw mu ana? Me kra were anhow amma ahiafo ana? 26 Nanso bere a m'ani da papa so no, bone bae; bere a mepere hann no sum na edurui. 27 Me yafunu mu a ewowo me no nnyae da; na nna a amanehunu wo mu da m'anim. 28 Menenam a mabiri, nanso enye se owia na ahyew me; migyina aguabɔbea na misu pe mmoo. 29 Madan nnompo nuabarima, me ne mpatu na ebo. 30 Me honam ani biri na ehuanhuan; atiridii ama me

ho adɔ. **31** Me sanku bɔ kwadwom, na m'atenteben ma agyaadwotwa nnyigyei.

31 “Me ne m'ani yee apam se meremfi akonno mu, nhwe ababaa. **2** Den ne onipa kyefa a efi osoro Nyankopon nkyen? Den ne n'agyapade a efi osoro Tumfo no nkyen? **3** Enye osee mma amumoyefo, atoyerenkyem mma won a woye bone ana? **4** Onhu m'akwan na onkan anammɔn biara a mitu ana? **5** “Se manantew wo nkontompo mu anaase matu mmirika adi nnaadaasem akyi a, **6** ma Onyankopon nkari me wo nsania papa so na obehu se me ho nni asem; **7** se m'anammɔntu afom okwan, se me koma adi m'ani akyi, anaase me nsa ho agu fi a **8** eno de ma afoforo nni nea madua, na ma wontutu me nnobae ngu. **9** “Se obea bi ato me koma so, anaase matew me yonko bi pon akyi a, **10** eno de, me yere nyam obarima foforo aduan, na mmarima afoforo ne no nna. **11** Efise anka eno na ebeye aniwusem ne bone a ese se wotwe aso wo so. **12** Eye ogya a ehew kodu Osee mu; na ebetumi atutu me nnobae ase. **13** “Se mabu m'asomfo mmarima ne mmea ntenkyew, bere a wone me nyaa asem, **14** se Onyankopon de si m'anim a den na meye? Se wofre me akontaabu a, mmuae ben na mema? **15** Enye nea obɔɔ me wo oyafunu mu no na obɔɔ won? Enye onipa koro no na oyee yen baanu wo yen nanom yafunu mu? **16** “Se mamma ahiafo nea won koma pe anaa mama akunafo ani aye won yaw, **17** se mabo m'aduan ho atirimoden a mamma ayisaa bi, **18** nanso efi mmerantebere mu matetew no senea agya beye, na efi oyafunu mu, mahwe akunafo. **19** Se mahu obi a onni adurade na orebre, anaa ohiani bi a onni atade, **20** na se woamfi koma mu anhyira me se mede me nguan ho nwi kaa won hyew, **21** se mama me nsa so atia ayisaa bi, esiane se mewo tumi wo asennii nti a, **22** eno de, ma me basa mpan mfi me mmati, ma emmubu mfi n'apow so. **23** Misuroo osee a efi Onyankopon nkyen, na n'auonyam ho suro nti mantumi anye saa nneyee no. **24** “Se mede me were ahye sikakokoo mu anaase maka akyere sikakokoo ankasa se, ‘Wo na wobɔ me ho ban,’ **25** se masepew me ho wo m'ahode bebrebe nti, ahode a me nsa aka yi, **26** se mahwe owia ne ne hyeren anaa osram a onam auonyam mu, **27** ama aka me koma a obiara nnim na me nsa yee won atuu de nidi maa won a, **28** eno de, na eyinom nso beye bone a wobu ho aten, efise na manni Onyankopon a ote osoro no nokware. **29** “Se m'ani gyee wo me tamfo amanehun nti anaa mesrew no

wo ohaw a aba ne so nti, **30** memmaa m'ano nyee bone se medome ne nkwa, **31** se nnipa a wɔwɔ me fi mu nkaa da se, ‘Hena na Hiob pon so nam mmee no da?’ **32** Ohoho biara anna abonten so da, efise me pon ano daa ho da biara maa akwantufo, **33** Makata me bone so senea nnipa ye de m'afodi ahye me koma mu **34** esiane se misuroo nnipadom ne ahohora a efi mmusua ho no nti na meye koma a mamfi adi. **35** (“Ao, se anka mewo obi a obetie me. Mede me din ahye m'anoyi ase, ma Otumfo no mmua me; ma nea obɔ me kwaadu no nkyerew ne sobobo. **36** Ampa ara, mehye wo me mmati, mehye se ahenkyew. **37** Mebu m'anammɔntu biara ho akontaa akyere no; meko n'anim se oheneba.) **38** “Se m'asase tee mu tia me na nusu fow ne nko nyinaa, **39** se madi so aba a mintuaa ka anaase mabu so apaafɔ no aba mu a, **40** ma nsɔe mfifi nsi awi anan mu na wura mfuw nsi atoko anan mu.” Hiob nsem no asi.

32 Enti saa mmarima baasa yi ammua Hiob bio, efise na otee wo onno ara ani so. **2** Na Busini Barakel babarima Elihu a ofi Ram abusua mu no bo fuw Hiob yiye se obu ne ho bem na ommu Onyankopon mmom bem. **3** Ne bo fuw nnamfonom baasa no se wɔantumi anya nnyinaso bi ammɔ Hiob nsem no angu, nanso wobuu no fo. **4** Elihu twen se afoforo no bekasa akyere Hiob, efise na wɔanyinyin sen no. **5** Na ohuu se nnipa baasa no nni asem biara ka bio no, n'abufuw no sree. **6** Enti Busini Barakel babarima Elihu kae se, “Meye abofra, na moye mpanyimfo; eno nti na misuroo se meka nea minim akyere mo. **7** Medwenee se, ‘Ese se mpanyimfo kasa; ese se won a won ani a fi kyere nyansa.’ **8** Nanso honhom a ete onipa mu, Otumfo no home no na ema ntease. **9** Enye mpanyimfo nko na woye anyansafo, enye won a won ani a fi nko na wote nea eye ase. **10** “Enti mise: Muntie me; me nso meka m'adwene. **11** Metwen wo bere a na morekasa, mitie mo adwenkyere; bere a na munhu nea monka no, **12** meye ase maa mo pa ara, nanso mo mu biara antumi ankyere se Hiob aye mfomso; mo mu biara anyi ne nsem no ano. **13** Monnka se, ‘Yeahu nyansa; momma Onyankopon mmɔ n'asem no ngu, na enye onipa.’ **14** Nanso Hiob nkasa ntia me, na merennyina mo adwenkyere so mmua no. **15** “Won ho adwiriw won, wonni hwee ka bio; won nsem asa. **16** So ese se metwen wo bere a woye koma yi, saa bere yi a wogyinagyina ha yi a wonni mmuae biara no? **17** Me nso meka bi me nso meka m'adwene. **18** Efise nsem

ahye m'anom ma, na honhom a ete me mu no hye me se menka; **19** Me mu no, mete se nsa a ehye toa mu te se nsa kotoku foforo a erebepae. **20** Eɛ se mekasa na me ho to me; eɛ se mibue m'ano na mema mmuae. **21** Merenye nhweanim na merennfedefe obiara; **22** na se makwadaw adefedefe mu a, anka me Yefo beyi me afi ho ntem so.

33 “Na afei, Hiob, tie me nsem; ye aso ma biribiara a meka. **2** Merebebue m'ano; me nsem aba me tekrema so. **3** Me nsem fi koma a etee mu; na m'ano de ahonim pa ka nea minim. **4** Onyankopon Honhom na abo me; Otumfo no home ma me nkwa. **5** Se wubetumi a, ma me mmuae; siesie wo ho, na ka si m'anim. **6** Wo ne me nyinaa ye pe wo Onyankopon anim; me nso wobobo me fii dote mu. **7** Ense se wusuro me, na ense se me nsa ye den wo wo so. **8** “Nanso woaka ama mate, mete saa nsem no, na wokae se, **9** ‘Meye kronkron na minni bone; me ho tew na afodi biara nni me ho. **10** Nanso Onyankopon anya me ho mfomso wafa me se ne tamfo. **11** Ode me nan hye mpokyerɛ mu; na n'ani wo m'akwan nyinaa so.’ **12** “Nanso meka mekyere wo se, eyi mu de woaye mfomso, efise Onyankopon so sen odesani. **13** Na aden nti na wunwiinwii hye no se ommua onipa nsem biara ana? **14** Nanso Onyankopon kasa wo akwan ahorow so, na ebia nnipa nte. **15** Okasa wo daeso ne anadwo anisoadehu mu, bere a nna afa nnipa na wada hatee wo won mpa so no, **16** otumi kasa gu won asom na ode kakobo yi won hu, **17** se obedan onipa afi nneyee bone ho na watwe no ahi ahantan ho, **18** se omma ne kra nko amoa mu na onhwere ne nkwa wo afoa ano. **19** Anaase wotumi de mpa so yaw twe onipa aso nnompe mu yaw a ennyae da, **20** kosi se ne kon nno aduan na ne kra nso po aduan a eye akonno pa ara; **21** ofon ye basaa, na ne nnompe a anka eho akata no, ho da ho. **22** Ne kra ben oda, na ne nkwa ben owu abofo. **23** “Nanso se obobo bi wo n'afa se odimafo a, eye apem mu baako, na obekyerɛ ne nea eye ma no, **24** obehu no mmobo na waka se, ‘Munnya no na wanko oda mu; na manya mpatade ama no,’ **25** afei ne were ye foforo se abofra; na esi ne dedaw mu ye se mmerantebere mu de. **26** Obo Onyankopon mpae na onya adom fi ne ho, ohu Onyankopon anim na ode ahosepew tee mu; na Onyankopon gye no bio se otreneeni. **27** Afei obo nnipa mu beka se, ‘Meyee bone na mekyeaa nea etee, nanso mannya nea efata me. **28** Ogyee me kra na wamma no anko oda mu, enti metena ase na madi hann no mu de.’ **29** “Onyankopon

ye eyinom nyinaa ma onipa, mprenu ne ne mprensa so, **30** senea ne kra renko oda mu, na nkwa hann no ahyeren ne so. **31** “Ye aso, Hiob, na tie me; ye dinn na menkasa. **32** Na se wowo biribi ka a, bua me; kasa, na mepe se wobu wo bem. **33** Se ente saa nso a, eno de tie me. Ye dinn na mekyere wo nyansa.”

34 Afei Elihu kae se, **2** “Mo anyansafo, muntie me nsem; mo nimdefo monye aso mma me. **3** Efise aso so nsem hwe senea tekrema ka aduan hwe no. **4** Momma yensesɛ, nhu nea eye ma yen. Momma yen nyinaa mmo mu nsua nea eye. **5** “Hiob ka se, ‘Me ho nni asem, nanso Onyankopon abu me ntenkyew. **6** Ewo mu se m'asem da kwan mu, nanso wobu me otorofo; ewo mu se menyee bone biara, nanso ne bemma no ama me apirakuru a enwu da.’ **7** Onipa ben na ote se Hiob a onom animtiaabu se nsu? **8** One amumoyefo nantew; na one atirimodenfo nso bo. **9** Efise oka se, ‘Se onipa bo mmoden se obeso Onyankopon ani a onnya so mfaso biara.’ **10** “Enti mo mmarima a mowo ntease muntie me. Empare Onyankopon se obeye bone, se Otumfo no beye mfomso. **11** Nnipa nneyee so na ohwe tua won ka; nea efata ne nneyee na oma eba ne so. **12** Emfata se wode mfomso susuw Onyankopon, na emfata se wode ntenkyew susuw Otumfo. **13** Hena na ode no sii asase so? Hena na ode wiasɛ nyinaa hyee ne nsa? **14** Se eyee ne pe na oyii ne Honhom ne n'ahome a, **15** anka adesamma nyinaa bebo mu ayera, na onipa besan ako mfutuma mu. **16** “Se mowo nhumu a, muntie eyi; muntie nea meka. **17** So obi a okyi atentreneɛ betumi adi nnipa so? Mubetumi abu Otreneeni kese no fo ana? **18** Enye Ono na oka kyere ahemfo se, ‘Mo so nni mfaso,’ na oka kyereɛ atitiriw se, ‘Moye atirimodenfo,’ **19** nea onhwe mmapomma anim na onyiyi adefo ne ahiafo mu, efise won nyinaa ye ne nsa ano adwuma. **20** Wowuwu mmere tiaa bi mu, wo anadwo dasu mu; nnipa no ho wosow na wosen ko; ahooɛdenfo toto a emfi nipa. **21** “N'ani hwe nnipa akwan; na ohu won anammontu biara. **22** Baabiara nni ho a aduru sum, sum kabii, a amumoyefo betumi ahintaw. **23** Eho nhia Onyankopon se obehwehwe nnipa mu bio, a enti eɛ se woba n'anim begye atemmu. **24** Obobo abirempon gu a onye nhwehwe mu biara, na ode afoforo sisi won anan mu. **25** Efise ohu won nneyee, otu won gu anadwo na wodwerɛw won. **26** Otua won amumoyesem so ka wo faako a obiara betumi ahu won, **27** efise woman fii n'akyi koe na woampe n'akwan biara anhwe. **28** Womaa ahiafo sufɛ duu n'anim na

ema otee mmaboroni su. **29** Nanso se oye kumm a, hena na obetumi abu no fo? Se ode n'ananim hintaw nso a, hena na obehu no? Nanso odi onipa ne oman so perepere, **30** omma onipa a onnim Nyame nni hene, senea orensum nnipa no mfiri. **31** "Se eba se onipa ka kyere Onyankopon se, 'Maye bone na merenye bone bio. **32** Kyere me na minhu; na se maye bone a, merenye saa bio.' **33** So ese se Onyankopon gyina nea woka so tua wo ka, wo bere a woaye se worenmu wo ho ana? Ese se wusi gyinae, enye me; enti ka nea wunim kyere me. **34** "Nnipa a wowo ntease pae mu ka, nimdefo a wotie me ka kyere me se, **35** 'Hiob nkasa nimdee kwan so; aba biara nni ne kasa mu.' **36** Ao, se woso Hiob hwe koo akiri a anka eye, efise oyiyi nsem ano se omumoyefo! **37** Ode atuataw ka ne bone ho; ode ahantan bo ne nsam gu yen so na oma ne nsem a oka tia Onyankopon no doso."

35 Afei, Elihu kae se: **2** "Wugye di se, eyi fata? Woka se, 'Onyankopon betwitwa agye me.' **3** Nanso wubisa no se, 'Mfaso ben na menya, na se manye bone a, mfaso ben na menya?' **4** "Mepese se mibua wo ne wo nnamfonom nyinaa. **5** Ma w'ani so kyere soro na hwe; hwe omununkum a ewo w'atifi sorosoro noho. **6** Se wo ye bone a, okwan ben so na efa haw no? Mpo se wo bone doso a, nsunsuanso ben na enya wo ne so? **7** Se wotee a, den na wode ma no anaase den na onya fi wo nsam? **8** W'amumoye ka onipa a ote se wo na wo trennee ka nnipa mma nko ara. **9** "Nnipa su bere a wohye won so; na wosre mmoa fi nea owo tumi nsam. **10** Nanso obi mmisa se, 'Ehe na Onyankopon, me Yefo no wo, nea oma nnwom anadwo no, **11** nea okyere yen nimdee bebre sen asase so mmoa na oma yehu nyansa sen wim nnomaa no?' **12** Se nnipa su tee mu a, ommua, amumoyefo ahantan nti. **13** Ampa ara Onyankopon rentie won nkotosre hunu no; na Otumfo remmu. **14** Eno de aden na orentie bere a woka se wunhu no, na woka se w'asem wo n'ananim enti ese se wotwen no, **15** na bio, n'abufuw mmfa asotwe mma na n'ani nni amumoyesem akiri pii? **16** Enti Hiob bue n'ano ka nsenhunu; nimdee a onni nti, okeka nsem bebre."

36 Elihu toaa ne kasa so se, **2** "Monto mo bo ase kakra mma me, na mekyere mo se aka bebre a ese se yeka ma Onyankopon. **3** Minya me nimdee fi akirikyiri; meka se me Yefo bu atentrene. **4** Munnye nto mu se me nsem ye nokware turodoo; na

me ye obi a ne nimdee so wo mo mu. **5** "Onyankopon so, nanso, ontwiri nnipa; okoron na osi pi wo ne botae mu. **6** Omma amumoyefo ntena nkwa mu, na ode amanehunufo kyefa ma won. **7** Onnyi n'ani mfi otreneeni so, oma wone ahemfo di ade na oma won so afebo. **8** Na se wode mpokyeru gu nnipa na amanehunu hama akyekyeru won papee a, **9** oka nea woaye kyere won se wonam ahantan so aye bone. **10** Oma wotie nteeso na ohye won se wonnu won ho wo won bone ho. **11** Se wo ye osetie na wosom no a, wobedi yiye wo won nna a aka no mu na won mfe nyinaa aye aniso ama won. **12** Na se wantie no a, wobeyera wo afoa ano, na wawuwu a wonni nimdee. **13** "Won a wonnim Nyame no kora abufuw so; mpo se ugu won nkonsankonsan a wonsu mpe mmoa. **14** Wowuwu wo won mmabunmmere mu, wo mmarima nguamanfo a wotete abosonnan mu. **15** Nanso won a wuhu amane no, ogye won; na okasa kyere won wo won haw mu. **16** "Oregye wo ahi ahohia mu de wo ako beae a ho bae a ahokyeru nni, nea wowo asomdwoe, na nnuan pa aye wo pon so ma. **17** Nanso mprenmpren, atemmu a efata amumoyefo na aba wo so; atemmu ne atentrene aso wo mu. **18** Hwe yiye na obi amfa ahonya annaadaa wo; mma adanmude kese bi ntwe wo. **19** W'ahonya anaase mpo w'ahohia bebre nyinaa nti, worenko amanehunu mu ana? **20** Mpere anadwo ho, se ammepra nnipa mfi won ahi mu. **21** Hwe na woannan anko bone ho, nea aye se wope sen amanehunu. **22** "Onyankopon ye okese wo ne tumi mu. Hena na oye okyerokyerefo se ono? **23** Hena na wahyehye n'akwan ama no anaa waka kyere no se, 'Woaye mfomso.' **24** Kae na kamfo n'adwuma a nnipa de nnwonto akamfo no. **25** Adesamma nyinaa ahu; nnipa fi akirikyiri hwe no haa. **26** Onyankopon ye okese, eboro yen ntease so! Ne mfe dodow mu nni hwehwebea. **27** "Otwetwe nsu a esoso, ma edan osu gu nsuten mu; **28** na omununkum to obosu gu fam na osu pete mmoroso gu adesamma so. **29** Hena na obetumi ate senea otretrew omununkum mu no ase, senea obobo mu fi ne suhye ase no? **30** Hwe senea ohwete n'anyinam mu wo ne ho ma eko po bun mu. **31** Eyi ne okwan a oja so di amanaman no so na oma aduan bu won so. **32** Ode anyinam hye ne nsam ma na ohye no se empa n'agyiraehye. **33** N'apranaa bo ahum a ereba no ho nkae; na anantwi mpo ma wuhu se ereba.

37 "Eyi ma me koma bo kitirikitiri na ehuruw fi n'atenae. **2** Tie! Tie ne nne mmubomu, ne huuye

a efi n'anom reba no. 3 Ogyaa n'anyinam mu wɔ ɔsoro ase nyinaa na ɔma ekodu asase ano. 4 Eno akyi na ne mmubomu no ba; ɔde nne kese bobo mu. Se ɔkaa a, biribiara nsianka no. 5 Onyankopɔn nne bobo mu ma no ye nwonwa; ɔye nneema akese a eboro yen adwene so. 6 Ɔka kyere sukyeremma se, 'Tɔ gu asase so,' ne osu nso se, 'Ye osuto kese.' 7 Senea nnipa a wabo won nyinaa behu n'adwuma nti, ɔma nnipa nyinaa gyae won adwumaye. 8 Wuram mmoa kotetew; wokohyehye won abon mu. 9 Ahum tu fi ne pia mu, na awɔw nso fi mframa a erebo mu. 10 Onyankopɔn home de sukyeremma ba, na nsu tamaa no kyen. 11 Ɔde funwini hye omununkum ma; na otwa n'anyinam fa mu. 12 Ɔhye ma wokyinkyin fa asase so nyinaa hyia ye nea ɔhye se wɔnye biara. 13 Ɔde omununkum ba betwe nnipa aso, anaase ɔma eto gu asase so de kyere n'adɛ. 14 "Tie eyi, Hiob; gyae na dwene Onyankopɔn anwonwade ho. 15 Wunim senea Onyankopɔn si fa di omununkum so, na ɔma n'anyinam twa? 16 Wunim senea omununkum si fa sensen wim, nea ɔwo nimdee a so nni no anwonwade no? 17 Mo a mufi fifiri wɔ mo ntade mu bere a anafo mframa ma asase no ye dinn no, 18 wubetumi aboa no ama watrew wim, a eye den se kɔbere mfrafrae ahwehwe? 19 "Kyere yen nea ese se yeka kyere no; yarentumi nka yen asem, efise yennim. 20 Eɛ se se wɔka nea mepɛ se meka kyere no ana? Onipa bi wɔ ho a ɔbɛpɛ se wɔbɛmene no ana? 21 Obiara rentumi nhwe owia, senea ehyeren wɔ wim bere a mframa abɔ ama wim atew. 22 Ofi atifi fam ba wɔ anuonyam sononko mu; Onyankopɔn ba wɔ ahenni nwonwaso mu. 23 Otumfo no korɔn wɔ yen so na wɔpagyaw no wɔ tumi mu; n'atɛntrenee ne treneeye kese akyi no mpo, ɔnye nhyeso. 24 Eno nti nnipa de nidi ma no, efise onnwen koma mu anyansafo nyinaa ho ana?"

38 Afei, Awurade fi ahum mu buaa Hiob se, 2 "Hena ne nea ɔde nsem a nimdee nni mu kata me nhyehyee so? 3 Hye wɔ ho den se ɔbarima; mebisɔ wɔ nsem, na wubebua me. 4 "Bere a metoo asase fapem no, na wowo he? Se wote ase, ka e. 5 Hena na osusuw ne tenten ne ne tɛw? Ampa ara wunim! Hena na ɔtwee susuhama faa ani? 6 Den so na egyina, anaa hena na ɔtoo ne tɛwatibo no, 7 bere a anɔpa nsoromma bɔɔ mu too dwom, na abɔfo nyinaa de anigye tɛɛ mu no? 8 "Hena na ɔkaa po hyɛ apon akyi, bere a epue fii ɔyafunu mu, 9 bere a mede omununkum yeɛ n'adurade na mede sum kabii

kyekyeree no, 10 bere a metoo ɔhye maa no na misisii n'apon ne n'adaban, 11 bere a mekae se, 'Eha ara na wubedu na worentra ha; eha na w'ahantan asorɔkye no bɛso no?' 12 "So woahye mmara ama adekyee da? Na woakyere ahemadakyɛ nso afa, 13 se enkɔka asase ano na ontu amumɔyɛfo mfi so? 14 Asase fa ne bɔbɛa se dɔte a ehye nsowano ase; na esow tebea da won ho adi te se atade. 15 Wode amumɔyɛfo hann akame won, na won abasa a woama so no mu abu. 16 "So woapeɛpɛɛ mu ahu nea po aniwa wɔ anaa woanantew ne bun mu pɛn? 17 So wode owu apon akyere wo? Woahu owu sunsuma apon ana? 18 Woate wiase a eɔa ho tamaa no ase ana? Se wunim eyinom nyinaa a, ka kyere me. 19 "Ɔkwan bɛn na eko hann atɛnae? Na ehe na sum te? 20 Wubetumi de won ako won sibeɔ? Wunim akwan a eko won atɛnae? 21 Ampa ara wunim, efise na wɔawo wo dedaw. Woanyin yiye! 22 "Woako sukyeremma adekoradan mu da anaa woahu mparuwbo adekoradan 23 a makora so ama ahohia bere, ɔsa ne akodi nna? 24 Ɔkwan bɛn na eko faako a anyinam fi ba, anaa faako a apuei mframa fi na ebo fa asase so? 25 Hena na otwaa eka maa osuhweam, ne ɔkwan maa aprannaa mmubomu, 26 se ebeto agu asase a obiara nte so so, nweatam a obiara nni so, 27 na ama asase kesee a eɔa mpan afow na sare afifi wo so? 28 Osu wɔ agya ana? Hena na ɔye agya ma obosu a esoso? 29 Hena yafunu mu na sukyeremma fi? Hena na ɔwoo sukyeremma mporoporowa fi soro 30 bere a nsu kyen dan se ɔbo, na bun ani kyen? 31 "Wubetumi de hama akyekyere Akokɔbeatan ne ne mma? Wubetumi asan Nyankɛnte hama ana? 32 Wubetumi de anɔpa nsoromma aba wɔ ne bere mu anaase wubetumi ayi sisi ne ne mma a fi ho? 33 So wunim mmara a efa ɔsoro ho? Wubetumi de Onyankopɔn ahenni aba asase so ana? 34 "Wubetumi ama wo nne adu omununkum so na wode nsu akata wo ho ana? 35 Wutumi ma anyinam twa? Wɔka kyere wo se, 'Yenni' ana? 36 Hena na ɔde nyansa ma koma anaase ɔde ntease hye adwene mu? 37 Hena na ɔwo nyansa a wode kan omununkum? Hena na obetumi akyea ɔsoro nsu ntokoku, 38 bere a mfutuma aye den ama dɔte atɔwatɔw keka bo mu. 39 "Woko ahaye ma gyatabere ma gyata didi mee 40 bere a wobutubutu wɔn abon ano anaase wɔtetɛw adɔto ase? 41 Hena na ɔma kwaakwaadabi aduan bere a ne mma su fre Onyankopɔn na wonni aduan nti wokyinkyin?

39 “So wunim bere a bepɔw so mmirekyi wowo? Woahwe, ahu bere a ɔforote nyinsen ne ba? **2** So woakan asram dodow a wɔde nyinsen? Wunim bere a wɔwɔ ana? **3** Wɔkotow wowo wɔn mma; wɔn awoko yaw to twa. **4** Wɔn mma nyin ahɔɔden so wɔ wuram; na wogyaw wɔn awofo hɔ a wɔnnan nkɔ wɔn nkyen bio. **5** “Hena na ɔma wuram afurum fa ne ho di? Hena na ɔsan ne hama? **6** Mede asase kesee maa no se ne fi, ne nkyene asase tamaa se n’atenae. **7** Ɔserew kurom gyegeeyeye; na ɔnte ɔkafo nteetemu. **8** Okyinkyin mmepɔw no so se ne didibea eho na okyin hwehwe wura amono biara. **9** “Ɔko bepene se ɔbesom wo ana? Ɖbetena wo mmoa adididaka nkyen anadwo ana? **10** Wubetumi asa no wɔ funtumfiri so ana? Ɖbefentem aku a eɔa w’akyi no ana? **11** Wubetumi de wo ho ato no so esiane n’ahɔɔden dodo nti? Wubegyaw w’adwuma a eye den no ama no ana? **12** Wugye di se ɔde w’aburɔw beba na waboa ano de ako awiporowbea ana? **13** “Sohori bɔ ne ntaban mu anigye so, nanso wontumi mfa ntoto asukɔnkɔn de ho. **14** Ɖtow ne nkesua gu asase so ma mfutuma ka no hyew, **15** emfa ne ho se enan bi bepetew no, se wuram aboa bi betiatia so. **16** Ɖbɔ ne mma atirimɔden senea wɔnye ne dea; emfa ne ho se n’adwuma beye ɔkwa, **17** efise Onyankopɔn amma no nyansa wamma no nhumu biara. **18** Nanso se ɔtrew ne ntaban mu tu mmirika a, ɔserew ɔpɔnkɔ ne ne sotefo. **19** “Wo na woma ɔpɔnkɔ no n’ahɔɔden anaa woma ne kɔn mu nwi kuhaa no? **20** Wo na woma no huruw te se mmoadabi, na ɔde ne nkoto hunahuna ana? **21** Ɖde ne nan tintim fam dennen, na n’ani gye n’ahɔɔden mu, na afei ɔbɔ wura ɔko mu. **22** Ɖmmɔ hu, na onsurɔ biribiara; ohu afoa a onguan. **23** Bemma wosow wɔ ne nkyen mu boha mu, na peaw ne pemɛ nso di ahim wɔ ne ho. **24** Ofi ahopere mu de n’ano sisi fam; na se wɔhyen torobento a ontumi nnyina faako. **25** Se torobento hyen a ɔka se, ‘Wie!’ ɔte ɔko ho hua fi akyirikyiri, ɔsahene no nteemu ne ɔko mu osebo. **26** “Wo nyansa na ema akoroma tu na ɔtrew ne ntaban mu fa anafo? **27** Wo na wɔhye ɔkɔre ma no tu kɔ sorosoro kɔye ne berebuw wɔ ho? **28** Ɖbotan mu na ɔte na eho na ɔɔa; ɔbotan sorɔnsorɔn ye n’abandennen. **29** Eho na ofi kɔhwehwe n’aduan; n’ani hu ade a ewɔ akyirikyiri. **30** Mogya ye ne mma aduan, na faako a atɔfo wɔ no, eho na ɔwɔ.”

40 Afei Awurade buaa Hiob se, **2** “Nea ɔne Otumfo no wɔ asem no betee ne so ana? Ma nea ɔbɔ Onyankopɔn kwaadu no mmua no e!” **3** Na Hiob buaa

Awurade se, **4** “Mense na memfata, ebeye den na matumi anya mmuae? Mede me nsa mua m’ano. **5** Makasa baako, nanso minni mmuae mprenu so, na merenkasa bio.” **6** Afei, Awurade fi ahum mu buaa Hiob se, **7** “Hyɛ wo ho den se ɔbarima; mebisa wo nsem, na ese se wubua me. **8** “Wobeka m’atammu ho asem bone ana? Wubebu me fo de abu wo ho bem ana? **9** Wowo abasa te se Onyankopɔn de, na wo nne betumi abobo mu se ne de ana? **10** Eno de fa anuonyam ne ɔhyeren hyehye wo ho, na fura nidi ne keseye. **11** Hwie w’abufuwhyew mmoroso no gu, hwe ɔhantanni biara na bre no ase, **12** hwe ɔhantanni biara na si no fam na tiatia amumoyefo so wɔ faako a wogyina ho. **13** Sie wɔn nyinaa bɔ mu wɔ mfutuma mu; kata wɔn anim wɔ ɔda mu. **14** Na afei m’ankasa megye ato mu se wo ara wo basa nifa betumi agye wo nkwa. **15** “Hwe susono, nea meyeɛ no kaa wo ho na ɔwe sare te se nantwi. **16** Hwe ahɔɔden a ɔwɔ wo n’asen mu ne ahɔɔden a ewɔ ne yafunu so were mu! **17** Ne dua hinhim se sida; ne sre mu ntin ye peperee. **18** Ne nnompe te se kobere mfrafrae doroben, n’abasa ne ne n’anan te se nnade praban. **19** Odi Onyankopɔn nsa ano adwuma mu kan, nanso ne Yefo betumi de n’afɔa ako ne so. **20** Nkoko fifi wɔn nnɔbae ma no, na wuram mmoa nyinaa gɔru ben ho. **21** Nsɛnsɛ nnua ase na ɔda, na dontori mu demmire akata no so. **22** Nsɛnsɛ nwini no kata ne so; na nsunoa nnua twa ne ho hyia. **23** Nsu nworoso nhaw no; mpo se Yordan bobɔ ba n’ano a, onni ɔhaw. **24** Obi betumi akyere no animono; anaa obi betumi de afiri ayi no na wabɔre ne hwene mu ana?

41 “So wubetumi de darewa atwe ɔdenkyemmirampɔn anaa wubetumi de hama akyekyere ne tekrema? **2** So wubetumi de hama afa ne hwenem, anaase wubetumi de darewa aso n’abogyɛ mu? **3** Ɖbekɔ so asre wo se hu no mmɔbɔ ana? Ɖne wo bekasa breɔɔ ana? **4** Ɖbepene ne wo aye apam ama wode no aye w’akoa afebɔɔ ana? **5** Wubetumi de no aye abebe te se anomaa anaa wubetumi asa no hama de no ama wo mmabea? **6** So aguadifo bepe se wode no bedi nsesagua? Wobekyekye ne mu ama aguadifo ana? **7** Wubetumi de mpeaw awowɔ ne were mu anaase wode mpataa mpeme bewowɔ ne ti ho? **8** Wode wo nsa ka no a, wobekae senea ɔbewosow ne ho, nti worenye saa bio! **9** Ɖkwan biara nni ho a wobefa so akyere no; ani a ebo ne so keke no ma nnipa dwudwo. **10** Obiara ntumi nsi ne bo nhwanyan no.

Afei hena na obetumi ne me adi asi? **11** Hena na mede no ka a eɛe se mitua? Biribiara a ehye osoro ase no ye me de. **12** “Me were remfi se meka n’akwaa, n’ahooden ne ne bobea fefe no ho asem. **13** Hena na obetumi aworɔw ne ho ahamā, na hena na ɔde nnareka beko ne ho? **14** Hena na obetumi abue n’abogyē, a eɛe a eyē hu aye no ma no? **15** N’akyi wɔ bona a esesa so, etetare so a ɔkwan nna mu koraa; **16** seneā etetare so fa no nti, mframa biara mfa ntam. **17** Etoatoa mu denneennen a emu ntumi ntetew. **18** Se ɔnwansi a, epepa gya; n’aniwa aba te se adekyeenim hann. **19** Agyaten turuw fi n’anom na nsramma turuturuw fi mu. **20** Wusiw sen fi ne hwene mu te se ɔsen a esi gya so. **21** Ne home ma gyabiriw ano so, na ogyaframa tu fi n’anom. **22** Ne kɔn mu wɔ ahooden ankasa; wɔn a wohu no no aba mu bu. **23** Ne were a abubu agu so no ye peperee; aye pemee a enka ne ho. **24** Ne koko so ye den se ɔbotan eyē den se awiyammo. **25** Se ɔsɔre a, ahoodenfo bɔ huboa; se ɔwosow ne ho a woguan. **26** Afoa wɔ no a, enka no, peaw, pemē ne agyan nso saa ara. **27** Ɔfa dade se wura bi na kobere mfrafrae te se dua a awu bi ma no. **28** Agyan mma no nguan; ahwimmo mu aboa ye ntete ma no. **29** Kontibaa te se sare wɔ n’ani so; na ɔserew pemē nnyigyei. **30** Abon a ano ye nnam tuatua ne yafunu so. Ɔtwe ne ho ase wɔ fam fa dontori mu a, eyiyi akam. **31** Ɔma bun mu huru se nsu a ewɔ esen mu na onunu po mu se srade a ewɔ kuku mu. **32** Nea ɔbefa no, ehɔ nsu no pa yerew yerew; na obi besusuw se po bun adan aye dwen. **33** Asase so biribiara ne no nse. Ɔye abode a onsurɔ hwee. **34** Ommu wɔn a wɔye ahtan no mu biara; ɔye wɔn a wɔye ahomaso no nyinaa so hene.”

42 Na Hiob buaa Awurade se, **2** “Minim se wutumi ye nneema nyinaa; obiara rentumi nsee wo nhyehyee. **3** Wubisa se, ‘Hena ni a onni nimdee nso osiw m’afotu ho kwan?’ Ampa ara mekaa nneema a mente ase no ho nsem, nneema a eyē nwonwa ma me. **4** “Wokae se, ‘Tie na menkasa; mebisa wo nsem na eɛe se woma me mmuae.’ **5** Mate wo nka pen, na mprenpren de, m’ani ahu wo. **6** Eno nti mibu me ho animtiaa na mete mfutuma ne nsɔ mu de kyere m’ahonu.” **7** Na Awurade kaa nsem yi kyere Hiob wiei no, Awurade ka kyere Temanni Elifas se, “Me bo afuw wo ne wo nnamfonom baanu no, efise moanka me ho asem a eyē nokware seneā me somfo Hiob kae no. **8** Afei, momfa anantwi ason ne adwennini ason, na monko me somfo Hiob nkyen, na monkoɔ ɔhyew

afɔre mma mo ho. Me somfo Hiob bebo mpae ama mo, na metie ne mpaebɔ no na merenye mo seneā efata mo nkwareasem no, nsem a moka faa me ho no nye nokware seneā me somfo Hiob ye no.” **9** Enti Temanni Elifas ne Suhini Bildad ne Naamani Sofar ye seneā Awurade hyee wɔn no; na Awurade tiee Hiob mpaebɔ. **10** Hiob bɔɔ mpae maa ne nnamfonom akyi no, Awurade san ye no ɔdefo bio na ɔde n’ahode a na ɔwɔ kan no mmɔho abien maa no. **11** Afei, ne nuabarimanom, ne nuabeanom nyinaa ne obiara a na onim no dedaw no baa ne fi ne no bedidii. Wɔkyekyee ne were wɔ amanehunū a Awurade ma ɔkɔɔ mu no ho, na wɔn mu biara breɛ no dwete ne sikakɔkɔ kaa. **12** Awurade hyiraa Hiob nkwa awiei sen ne mfiase. Onyaa nguan mpem dunan, yoma mpem asia, anantwinini mpamho apem ne mfurum abere apem. **13** Bio onyaa mmabarima baason ne mmabea baasa. **14** Ɔtoo ne babea piesie no din Yemima, na nea odi so no Kesia na nea ɔto so abiesa no de Keren-Hapuk. **15** Asase no so nyinaa, na mmaa biara nni ho a wɔn ho ye fe se Hiob mmabea no, na wɔn agya de wɔn kaa wɔn nuabarimanom no ho maa wɔn agyapade. **16** Eyi akyi no, Hiob dii mfirihya ɔha aduanan; ohuu ne mma ne ne nenanom awo ntoatoaso anan. **17** Afei owui a na wabɔ akwakoraa pa ara.

Nnwom

1 Nhyira ne onipa a ontie amumoyefo afotu na onni nneboneyefo nhweso akyi na ontena fewdifo tenabea. **2** Na mmom, Awurade mmara so n'ani, na osusuw ho awia ne anadwo. **3** Ote se dua a wotaw wɔ asuten ho, na esow n'aba ne bere mu a n'ahaban no nguan da. Nea nye biara ye yiye. **4** Nanso nneboneyefo nte saa; wote se ntete a mframa bo gu. **5** Enti amumoyefo rentumi nnyina atemmu no ano, na nneboneyefo nso rentena atreneefo asafo mu. **6** Efise Awurade kyere otreneeni kwan nanso amumoyefo kwan de, ebeyera.

2 Aden nti na amanaman no hyehye bone ho na nnipa no bo pow hunu yi? **2** Asase so ahemfo sore gyina na sodifo ka won ho bo mu tia Awurade ne Nea Wɔasra no no. **3** Woka se, "Momma yemmubu won nkonsankonsan na yentow won mpokyerɛ ngu." **4** Nea ote agua so wɔ asoro no serew; Awurade di won ho few. **5** Afei oka won anim wɔ n'abufuw mu, hunahuna won wɔ n'abufuwwhyew mu, ka se, **6** "Masi me Hene wɔ Sion, me bepɔw kronkron no so." **7** Mepae mu aka Awurade ahyede: Oka kyereɛ me se, "Woye me Ba; nne maye w'Agya. **8** Bisa me, na mede amanaman nyinaa beye w'agyapade, asase ano nyinaa beye wo de. **9** Wode dade ahempema bedi won so; na woabobo won se onwemfo ahina." **10** Enti mo ahemfo, munsua nyansa; monkae kakabo yi, mo asase sodifo. **11** Momfa osuro nsom Awurade na monsepew mo ho ahopopo mu. **12** Mumfew Oba no ano, na ne bo amfuw na mo akwan de mo beko ssee mu, efise n'abufuwwhyew tumi sore mpofirim. Nhyira ne won a woguan toa no nyinaa.

3 Dawid dwom a otoo bere a oreguan afi ne babarima Absalom anim. Awurade, hwe senea m'atamfo dooso fa! dodow no ara na wosore tia me! **2** Bebre no ara ka fa me ho se, "Onyankopon rennye no." **3** Nanso wo, Awurade, woye nkatabo a atwa me ho ahya m'anuonyam, nea Opagyaw me ti. **4** Metee mu su fre Awurade, na ogye me so fi ne bepɔw kronkron no so. **5** Meto ho na meda a, minyan bio, efise Awurade ma migyina. **6** Merensuro atamfo mpem mpem a watwa me ho ahya no. **7** Sore, Awurade! Gye me, me Nyankopon! Bobo m'atamfo nyinaa abogyɛ; na tutu amumoyefo se. **8** Awurade ho na ogye fi ba. Ma wo

nhyira mmra wo nkurɔfo so. Wode ma dwonkyerefo. Woto wo sankuhama so.

4 Dawid dwom. Se misu fre wo a, gye me so, me trenee Nyankopon. Ma me ohome wo m'ahohia mu; hu me mmobo na tie me mpaebɔ. **2** Enkosi da ben na mobedan m'anuonyam ahohora? Enkosi da ben na mobedo nneema hunu na moadi ahoni ahuhuw akyi? **3** Hu se Awurade ayi nea owo nyamesu ama ne ho; Awurade betie, se misu mefre no a. **4** Se mo bo fuw a, monnye bone; se modeda mo mpa so a, monye komm na monhwehwe mo koma mu. **5** Mommɔ afɔre a efata na momfa mo were nhye Awurade mu. **6** Nnipa bebre bisa se: "Hena na odo yiyeye bebre yen?" Awurade, ma w'anim hann no nhyeren yen so. **7** Fa anigye mmoroso hye me koma ma bere a won aburɔw ne nsa foforo abu so no. **8** Meto ho, na mada asomdwoe mu, efise wo nko ara, Awurade, na woma metena dwoodwo. Wode ma dwonkyerefo se womfa atenteben nto.

5 Dawid dwom. Awurade, ye aso ma me nsem na dwen m'apinisi ho. **2** Tie me mmoa ho sufɛ, me Hene ne me Nyankopon, efise wo na mebo wo mpaɛ. **3** Awurade, wote me nne anɔpa; anɔpa, mede m'adesre ba w'anim na mede anidaso twen. **4** Wonye Onyankopon a w'ani gye bone ho; na amumoyefo rentumi ne wo ntena. **5** Ahantanfo rentumi nnyina w'anim; wukyi won a woye bone nyinaa. **6** Wosee won a woka atosem; Awurade kyi mogyapefo ne asisifo. **7** Nanso me, wo mmoborɔhunɔ bebrebe nti, meba wo fi; na nidi mu na mekotow akyere w'asoredan kronkron no. **8** Awurade kyere me kwan wo wo trenee mu m'atamfo nti, bo wo kwan tee wo m'anim. **9** Won anom asem baako mpo nye nokware; ssee ahye won koma ma. Won menewa ye oda a so abue wode won tekrema ka nnaadaasem. **10** Onyankopon, bu won fo! Ma won pow bone nye won asehwe. Pam won; esiane won bone dodow no nti, efise wɔasore atia wo. **11** Nanso ma won a woguan ba wo nkyen no ani nnye; ma womfa anigye nto dwom daa. Treɔw wo bammɔ mu wo won so, na won a wodo wo din no ma won ani nnye wo wo mu. **12** Awurade, ampa ara, wuhyira atreneefo; na wode w'ayamye twa won ho hyia se nkatabo. Wode ma dwonkyerefo se omfa sankuhama nto wo Seminit nne so.

6 Dawid dwom. Awurade nka m'anim wo w'abufuw mu, na ntwe m'aso nso wo w'abufuwwhyew mu. **2**

Hu me mmɔbɔ, Awurade, efise meye mmɛw; Awurade sa me yare na me nnompe wɔ ahoyeraw mu. **3** Me kra wɔ ahohia mu. Enkosi da bɛn, Ao Awurade, enkosi da bɛn? **4** San bra, Awurade, na begye me nkwa; gye me, wo dɔ a enni nhuammɔ no nti. **5** Obi a wawu no renkae wo da, hena na ofi ɔda mu kamfo wo? **(Sheol h7585)** **6** Apinisi ama maye mmerew. Anadwo mu nyinaa mede agyaadwotwa fow me mpa, na me nusu fow me sumii. **7** Awerchɔw ama m'ani so aye me kusuu. Eredum; m'atamfo nyinaa nti. **8** Mo nnebɔneyefo, montwe mo ho mfi me ho! efise Awurade ate me sufɛ. **9** Awurade ate me mmɔborɔsu; Awurade tie me sufɛ. **10** M'atamfo nyinaa anim begu ase na wɔn ho adwiriw wɔn; na wɔpatuw de fɛre asan wɔn akyi.

7 Dawid adesɛ dwom a Benyaminni Kus nsem nti ɔto maa Awurade. Awurade me Nyankopɔn, miguan toa wo; Gye me fi wɔn a wɔtaa me nyinaa nsam, **2** anye saa a wobɛtɛw me mu sɛ gyata na wɔtɛw me mu asinasin a obiara rentumi nnye me. **3** Awurade me Nyankopɔn, sɛ maye eyi na sɛ afɔdi aba me so a, **4** sɛ maye bɔne atia nea ɔne me te yiye, anaase mabɔ me tamfo korɔn kwa a, **5** eno de ma m'atamfo ntaa me na wɔmmɛto me; ma wontiatia me so wo fam, na wɔmma me funu nna mfutuma mu. **6** Sɔre wo w'abufuw mu, Awurade! Sɔre tia m'atamfo abufuw. Nyan, me Nyankopɔn; hye atɛntrenee mmara. **7** Ma nnipadɔm mmetwa wo ho nhyia. Fi ɔsoro ho di wɔn so; **8** ma Awurade mmu nnipa no atɛn. Bu me atɛn, Awurade senea me trenɛe te, senea me nokwaredi te, Ao, ɔsorosoroni. **9** Onyankopɔn trenɛeni, wo a wohwehwe adwene ne koma mu, fa amumɔyefo basabasaye bra awiei na ma atreneefo nnya bammɔ. **10** Me nkatabo ne ɔsorosoro Nyankopɔn nea ogye koma mu trenɛeni no. **11** Onyankopɔn ye otemmufo trenɛeni, Onyame a ɔda n'abufuw hyew adi da biara. **12** Sɛ wansesa n'adwene a, ɔbesew n'afɔa ano; obekuntun ne tadua na ɔde bɛmma ahye mu. **13** Wasiesie n'akode a eye hu; aye ne bɛmma a eredɛw no krado. **14** Nea onyinsɛn amumɔye na basabasaye ahye no ma no, ɔwo nnaadaa. **15** Nea otu tokuru, na oyi mu dɔte no hwe tokuru a watu no mu. **16** ɔhaw a ɔde ba no dan bɔ n'ankasa so; ne basabasaye bɔ n'ankasa ti so. **17** Mede aseda bɛma Awurade, ne trenɛe nti, na mato ayeyi dwom ayi Awurade, ɔsorosoroni no din aye. Wɔde ma dwonkyerefo sɛ wɔnto no “gittit” sanku nne so.

8 Dawid dwom. Awurade, yɛn Awurade, wo din kesɛye ada adi wiase mmaa nyinaa. Wode w'anuonyam atimtim ɔsoro noho, **2** mmofra ne nkokoaa mpo de wɔn ano kamfo wo, w'atamfo nti; na wode bɔ atamfo ne aweretɔfo ano. **3** Sɛ mehwe wo ɔsorosoro, wo nsateaa ano adwuma; ɔsram ne nsoromma a wode obiara asi n'afa a, **4** onipa ne hena a wokae no, na onipa ba nso ne hena a w'ani ku ne ho? **5** Wobɔɔ no ma ɔyɛ akumaa kakra sɛn abɔfo na wode w'anuonyam ne nidi abɔ no abotiri. **6** Woyɛ no ɔsodifo maa wo nsa ano nnwuma wode nneema nyinaa ahye n'anɛn ase: **7** nguankuw ne anantwikuw nyinaa ne wuram mmɔa nso, **8** wim nnomaa ne po mu mpataa, nea enɛnam po mu akwan so nyinaa. **9** Awurade, yɛn Awurade, wo din ye kesɛ wo asase nyinaa so! Wode ma dwonkyerefo. Wɔto no senea wɔto “ɔba no wu”.

9 Dawid dwom. Awurade, mefi me koma nyinaa mu ada wo ase. Mɛka w'anwonwade no nyinaa. **2** Mɛma m'ani agye na madi ahurusi wo wo mu. Mɛto ayeyi dwom ama wo din, ɔsorosoroni. **3** M'atamfo san wɔn akyi; wɔtɛw hwe, na wowuwu wo w'anim. **4** Woadi m'asɛm ama me, na menya m'ahofadi; wɔatena w'ahengua so, abu atɛntrenee. **5** Wɔatwe amanaman no aso, na woasee amumɔyefo. Wɔapepa wɔn din a wɔrenkae wɔn bio. **6** ɔsɛe a enni awiei ato ɔtamfo no, wɔatutu wɔn nkuropon; na wɔnkae wɔn bio mpo. **7** Awurade di hene daa daa; wasi n'atɛmmu ahengua. **8** ɔde trenɛe bebu wiase atɛn; ɔde atɛntrenee bedi nnipa no so. **9** Awurade ye guankɔbea ma wɔn a wodi wɔn nya no, ɔye abandɛnnɛn wɔ ahohia mmere mu. **10** Wɔn a wonim wo din no de wɔn ho beto wo so, efise, wo Awurade, wunnyaw obiara a ɔhwehwe wo no mu da. **11** Monto ayeyi dwom mma Awurade a ɔte ahengua so wo Sion; mompae mu nka nea waye wo amanaman no mu. **12** Na ɔkae nea ɔto mogya so were no; ommu n'ani ngu ɔbrefo sufɛ so. **13** Awurade, hwe senea m'atamfo teetee me! Hu me mmɔbɔ na yi me fi owu apon ano, **14** na matumi apae mu aka w'ayeyi wo ɔbabɛa Sion apon ano, na madi ahurusi wo wo nkwagye no mu ho. **15** Amanaman mufo ato amoa a wɔatu no mu; afiri a wosum hintaw no ayi wɔn anan. **16** Awurade atɛntrenee da no adi; amumɔyefo nsa ano adwuma ayi wɔn. **17** Amumɔyefo san kɔ ɔda mu, amanaman a wɔn wɛrɛ fi Onyankopɔn nyinaa. **(Sheol h7585)** **18** Nanso ɛnye daa na ne wɛrɛ befi ohiani, anaase mmɔborɔni anidaso bɛyera korakora. **19** Sɔre! Awurade, mma ɔdesani nni nkonim, bu amanaman

no aten wɔ w'anım. 20 Bɔ wɔn hu, Awurade; na ma wonhu sɛ, wɔyɛ adesa bi kɛkɛ.

10 Aden, Awurade, na wugyina akyirikyiri saa? Aden na wode wo ho ahintaw wɔ amanehununu mmere mu yi? 2 Omumɔyɛfo de ahantan taataa mmɔborɔfo, wɔn a ne nneyɛɛ mfiri yiye wɔn no. 3 Ɔde nea ne koma hwehwe hoahoa ne ho; ohyira odifudepɛfo na oyi Awurade ahi. 4 Ahantan nti omumɔyɛfo nhwehwe Awurade; ne nsusuwi mu no Onyankopɔn nsi hwee. 5 N'akwan nyinaa mu odi yiye; ɔma ne ho so, na wo mmara mfa no ho; na odi n'atamfo nyinaa ho few. 6 Ɔka kyere ne ho se: "Hwee remma minhinim; m'ani begye daa, na merenkɔ amanehununu mu da." 7 Nnome, atoro ne ahunahuna ahyɛ n'anom ma; ɔhaw ne mmusu hyɛ ne tɛkrɛma ase. 8 Ɔtɛw bɛn nkuraa no; ofi ahintawee kum nea onnim hwee, ohintaw hwe wɔn a ɔrehwehwe wɔn ayɛ wɔn bɔne no. 9 Ɔte sɛ gyata a wahintaw; ɔtɛw sɛ ɔbekyere mmɔborɔni; ɔkyere wɔn twe wɔn ase de wɔn kɔ ne bon mu. 10 Ɔdwerɛw wɔn a ɔkyere wɔn no ma wɔtɔ beraw; na ɔde n'ahɔɔden ka wɔn hyɛ. 11 Ɔka kyere ne ho se, "Onyankopɔn were afi; wayi n'ani afi so na onhu." 12 Sɔre, Awurade! Ma wo nsa so, Onyankopɔn. Mma wo were mfi wɔn a wonni abofo. 13 Aden nti na omumɔyɛfo yi Onyankopɔn ahi? Aden nti na ɔka kyere ne ho se, "Ɔremfrɛ me akontaabu so?" 14 Nanso wo, Onyankopɔn, wuhu amanehununu haw; na wayɛ w'adwene sɛ wobehwe. Mmɔborɔni de ne ho ma wo; wo na woyɛ ayisaa bofo. 15 Bubu omumɔyɛfo ne ɔbɔnefo aprew; frɛ no na ommebu n'amumɔyɛ ho nkontaa, n'amumɔyɛ a anka wɔrenhu no. 16 Awurade yɛ ɔhene daa nyinaa; amanaman no beyera n'asase so. 17 Awurade, wutie mmɔborɔfo adesre; wohyɛ wɔn nkuran, na wutie wɔn sufɛ, 18 na wudi ma ayisaa ne nea wohyɛ no so, sɛnea ebeyɛ a ɔdesani a ofi asase mu renhunahuna bio. Wode ma dwonkyerefo.

11 Dawid dwom. Awurade mu na mede me were ahyɛ. Aden na wutumi ka kyere me se, "Tu te sɛ anomaa kɔ wo bepɔw so. 2 Na hwe, amumɔyɛfo akuntun wɔn ta mu, na wode wɔn mmɛmma asisi ahama so sɛ wɔbetow wɔ sum mu de awɔ koma mu ahotɛfo. 3 Sɛ wɔresɛɛ fapɛm no a, den na ɔtreneeni betumi ayɛ?" 4 Awurade wɔ n'asɔredan kronkron no mu; Awurade te ne soro ahengua so. Ɔhwe nnipa mma, n'ani hwehwe wɔn mu. 5 Awurade hwehwe ɔtreneeni mu, na amumɔyɛfo ne wɔn a wɔpɛ basabasayɛ de, ne

kra kyi wɔn. 6 Ɔbetɔ ogyatannaa ne sufɛ a ɛredɛw agu amumɔyɛfo so; na mframa a mu yɛ hyew beyɛ wɔn kyɛfa. 7 Awurade yɛ ɔtreneeni, na ɔpɛ atɛtrenee; wɔn a wɔtɛɛ no behu n'anım. Wode ma dwonkyerefo se wɔnto no wɔ "Seminit" sanku nne so.

12 Dawid dwom. Boa yen, Awurade, na nyamesurofo asa; nokwafo ayera wɔ nnipa mu. 2 Obiara di atoro kyere ne yɔnko; wɔn ano a ɛdɛdɛdɛ no ka nnaadaasɛm. 3 Ma Awurade ntwaa nnaadaa ano ne tɛkrɛma biara a ehoahoa ne ho nkyene; 4 nea ɛka se, "Yɛde yen tɛkrɛma bedi nkonim; yen ano bedi ama yen, na hena na odi yen so tumi?" 5 "Esiane ɔhyɛ a wode hyɛ mmɔborɔni ne ohiani apinisi no nti, mɛsɔre afei," Awurade na ose. "Mɛbɔ wɔn ho ban afi wɔn a wohaw wɔn no ho." 6 Awurade asɛm yɛ nokware te sɛ dwetɛ a wɔasɔn so wɔ fononoo mu, na wɔahoa ho mpɛn ason. 7 Awurade, wobɛkora mmɔborɔni na woabɔ yen ho ban afi saa nnipa yi ho afebɔ. 8 Amumɔyɛfo nenam sɛnea wɔpɛ, bere a adesamma de nidi ma afide. Wode ma dwonkyerefo.

13 Dawid dwom. Awurade enkosi da bɛn? Wo were befi me afebɔ ana? Enkosi da bɛn na wode w'anım behintaw me? 2 Enkosi da bɛn na mene m'adwennwene bedi apɛpɛpɛ na awɛrɛshow ahyɛ me koma mu daa? M'atamfo nni me so nkonim nkosi da bɛn? 3 Twa w'ani hwe me na bua me, Awurade, me Nyankopɔn. Ma m'ani so nyɛ hann, na manna owu nna. 4 Me tamfo beka se, "Madi ne so nkonim." Na m'ahohiahiafo bedi ahurusi bere a mahwe ase. 5 Nanso mede me ho to wo dɔ a ɛnsa da no so; me koma di ahurusi wɔ wo nkwayɛ mu. 6 Meto dwom ama Awurade, efise ɔne me adi no yiye. Wode ma dwonkyerefo no.

14 Dawid dwom. Ɔkwasea ka wo ne koma mu se, "Onyankopɔn bi nni hɔ." Wɔaporɔw, na wɔn nneyɛɛ yɛ fi na wɔn mu biara nni hɔ a ɔyɛ ade pa. 2 Awurade fi ɔsoro hwe adesamma wɔ fam sɛ obehu wɔn mu bi a wɔwɔ ntease, anaa ebinom a wohwehwe Onyankopɔn. 3 Nanso nnipa nyinaa atwe wɔn ho afi Onyankopɔn ho; wɔn nyinaa ayɛ bɔne. Obiara nni hɔ a ɔyɛ papa. Ɔbaako mpo nni hɔ. 4 Enti abɔnefo rensua nyansa ana? Wɔwe me nkurofo te sɛnea nnipa di aduan. Wonnsu mfrɛ Awurade? 5 Nanso wonni, ehu akyekyere wɔn, efise Onyankopɔn te wɔn a wɔtɛɛ mu. 6 Mo nnebɔneyɛfo sɛɛ ahiafo nhyehyɛɛ, nanso, Awurade ne wɔn guankɔbea. 7 Ao, Israel nkwayɛ mfi

Sion mmra! Awurade besan de ne nkurofo agyapade ama won. Na Yakob adi ahurusi, na Israel ani agye!

15 Dawid dwom. Awurade, hena na obetena wo kronkronbea ntamadan no mu? Hena na obetena wo bepaw kronkron no so? **2** Nea ne ho nni asem na oye nea etee, nea oka nokware a efi ne koma mu **3** na omfa ne tekrema nsae nnipa nea onye ne yonko bone na ommu ne yonko nipa abomfiaa, **4** nea obu afideyeni animtiaa na ode nidi ma won a wosuro Awurade, nea odi ne ntam so, bere a etia no mpo, **5** nea ode ne sika bo bosea a onnye nsiho na onnye adanmude ntia nea odi bem. Nea oye eyinom no renhinhim da.

16 Dawid mpaebɔ. Bo me ho ban, me Nyankopɔn, na wo mu na minya guankobea. **2** Meka kyereɛ Awurade se, “M’Awurade ne wo; minni ade pa biara ka wo ho.” **3** Ahotefo a wawo asase no so de, wone anuonyamfo a m’anigye wo won mu. **4** Won a wodi anyame afoforo akyi no, won awereshow bedɔso. Merengu mogya nsa mma saa anyame no na meremfa m’ano mmo won din. **5** Awurade, wode me kyefa ne me kuruwa ama me; woama me kyefa anya bammɔ. **6** M’ahye akodeda mmeae a eye ama me; ampa ara mewo agyapade a ho ye anigye. **7** Mekamfo Awurade a otu me fo; na anadwo mpo, me koma kyerekyere me. **8** Mihu Awurade wo m’ani so daa nyinaa. Esiane se ɔwo me nsa nifa nti, merenhinhim da. **9** Eno nti, me kra ani gye, na mede me tekrema di ahurusi; me nipadua nso behome asomdwoe mu, **10** efise, worennyaw me awufo mu. Na woremma wo Kronkronni no mporɔw. (Sheol h7585) **11** Woakyere me nkwaye kwan, na wobema m’ani agye wo w’anim, na anigye a ɛrensa da wo wo nifa so.

17 Dawid Mpaebɔ. Awurade, tie me trennee abisade; tie me sufɛ. Ye aso ma me mpaebɔ; nea emfi nnaadaa anofafa mu. **2** Ma me bembu mfi wo; ma w’ani nhu nea eye pɛ. **3** Wopɛɛɛɛ me koma mu, wohwehwe me mu anadwo, na wosɔ me hwe de, nanso wubehu se minsusuw bone bi ɛ; m’ano nkaa bone bi ɛ. **4** Nnipa nneyee fam no, anom asem nti matwe me ho afi basabasayefo akwan ho. **5** Menam w’akwan so daa; me nan nhintw ɛ. **6** Misu mefɛ wo, Onyankopɔn na wubegye me so; ye aso ma me na tie me mpaebɔ. **7** Da wo do nwonwaso no adi; wo a wode wo nsa nifa gye won a wode won ho to wo so no nkwa fi won atamfo nsam no. **8** Hwe me so se obi a wodo no; fa me sie wo ntaban nwini no ase, **9** fi amumoyefo

a woretaataa me no nsam, m’atamfo a wɔatwa me ho ahyia no. **10** Wopirim won koma, na wɔkasa ahantan so. **11** Wɔadi me ntente, afei wɔatwa me ho ahyia; won ani abere se wɔbebo me ahwe fam. **12** Wote se gyata a hanam ho kom de no, te se gyata kese bi a wabutuwo ahintawee. **13** Sɔre, Awurade! Wone won mfa mmo ani na ka won hye; fa w’afɔa no gye me fi amumoyefo no nsam. **14** Awurade, fa wo nsa gye me fi nnipa a wote se nsam; asase so nnipa a won akatua wo nkwa yi mu no. Womma ɔkom nne won a w’ani ku won ho; won mmabarima wo bebree, na wɔkora agyapade ma won mma. **15** Na me trennee mu, mehu w’anim; se minyan na mihu wo a me koma beto me yam. Wode ma dwonkyerefo.

18 Awurade akɔa Dawid dwom. Ɔtoo saa dwom yi maa Awurade, bere a ogyee no fii n’atamfo nyinaa ne Saulo nsam no. Medɔ wo, Awurade, m’ahooden. **2** Awurade ne me botantim; m’aban ne me gyefo; me Nyankopɔn ye me botan. Ne mu na minya me hintabea. Oye me nkatabo, me nkwaye aben ne m’abandennen. **3** Misu frɛ Awurade; ɔno na ayeyi se no, efise ogye me fi m’atamfo nsam. **4** Owu nkɔnsɔnkɔnsɔn kyekyeree me; na ɔsee asorɔkye bu faa me so. **5** Ɔda mu hama kyekyeree me; mihyiaa owu mfiri. (Sheol h7585) **6** M’ahohia mu, misu frɛ Awurade. Misu frɛ me Nyankopɔn hwehwee mmoa. Ofi n’asɔrefi ho tee me nne; me sufɛ baa n’anim, na ekɔ n’asom. **7** Asase wosowee na ehinhimii, na mmepaw fapem wosowee wosuroe, efise na ne bo afuw. **8** Wusiwi fii ne hwene mu; ogyaframa fii n’anom, na nnyansramma dew fii mu. **9** Ofii ɔsoro baa fam; na omununkum kabii duruu n’anan ase. **10** Ɔte kerubim so tu kɔɔ soro; gyaagyaa ne ho wo mframa ntaban so. **11** Ɔde sum kataa ne ho, osu a amuna tumm atwa ne ho ahyia. **12** Hann kese hyeren wo n’anim, na omununkum a mparuwbo ne anyinam wo mu fii ne ho hyeren mu bae. **13** Awurade bobɔ mu fii ɔsoro; Ɔsorosoroni no nne gyigyee bio. **14** Ɔtow ne bemma no de bɔ atamfo no ahwete, ɔde anyinam a ano yen den pam won. **15** Po mu abon ho yiyii na asase nnyinaso ho daa ho, esiane w’animka ne ahomegu a efi wo hwene mu no nti, Awurade. **16** Ofi soro baa fam besoo me mu; ɔtwee me fii nsu a mu do mu. **17** Ogyee me fii me tamfo hoodenfo nsam, won a won ani sa me, na won ho ye den dodo ma me no. **18** Wobaa me so wo m’amanehunu da mu, nanso Awurade maa me so, **19** wode me baa baabi a ho trew; ogyee me, efise n’ani sɔɔ me. **20** Awurade ne

me adi no senea me trennee te; wahwe me nsa a ho tew so atua me ka. **21** Manantew Awurade akwan so. Mentwee me ho mfii me Nyankopon ho nkoyee bone e. **22** Madi ne mmara nyinaa so: mimmuu n'ahyede so. **23** Me ho nni asem wo Onyankopon anim, na matwe me ho afi bone ho. **24** Awurade agyina me trenneeye ne me nsa a ho tew wo n'anim no so atua me ka. **25** Woda wo ho adi se onokwafo kyere won a wodi nokware, won a wodi mu nso wokyerere won se wodi mu. **26** Woye kronkron ma won a woye kronkron, na amumoye de, wukyi won. **27** Wugye ahobreasefo nkwa, na wobre ahantanfo ase. **28** Awurade, woma me kanea hyeren. Yiw, woma me sum dan hann. **29** W'ahooden a wode ma me nti, mitumi ka asraafo gu; me Nyankopon nti, mitumi foro ofasu. **30** Onyankopon de, n'akwan ye pe; Awurade bohye nyinaa ba mu. Oye nkatabo ma won a wohwehwe bamm wo ne mu. **31** Na hena na oye Onyankopon ka Awurade ho? Hena na oye Obotan no? Gye se yen Nyankopon no. **32** Eye Onyankopon na oma me ahooden, na oma me kwan ye pe. **33** Oma m'anamm on ho ye hare se oforote de. Oma me gyina soronsorommea. **34** Osiesie me ma oko, na me basa tumi kuntun kobere mfrafrae tadua. **35** Wode wo ogye boa me nkatabo, na wo nsa nifa ma me gyina. Wobre wo ho ase ma meye akese. **36** Woabo kwan tetree ama m'anan senea me nkotodwe rengurow. **37** Metaa m'atamfo kotoo won; mansan m'akyi kosii se meseee won. **38** Medwerew won, na wwantumi ansore, wohwehwee ase wo m'anan ase. **39** Wode akodi ahooden maa me; womaa m'atamfo bo wo mu ase wo me nan ase. **40** Womaa m'atamfo dan won ho guanee, na mesee won a wotan me. **41** Wosu hwehwee mmoo, nanso obiara ammegye won, wofree Awurade, nanso wammua. **42** Meyam won se mfutuma a mframa bo gu; mihwiee won guu se mmonten so dontori. **43** Woagye me afi nnipa no ofow mu, woaye me amanaman no ti; nnipa a minnim won abeye m'asomfo. **44** Wote me nka pe a, woye osetie ma me; ananafo kotow m'anim. **45** Won nyinaa botobotow; wofi won abandennen mu ba ahopopo so. **46** Awurade te ase! Ayeyi nka me Botan! Womma Onyankopon, me Gyefo no din so! **47** Ono ne Onyankopon a oto were ma me, ono na oka amanaman hye m'ase, **48** ono na ogye me fi m'atamfo nsam. Wopagyaw me sii m'atamfo so, wugyee me fii basabasayefo nsam. **49** Eno nti, mekamfo wo wo amanaman mu, Ao Awurade. Meto ayeyi dwom ama wo din. **50** Wode nkonimdi

akese ama wo hene; woda ado a ensa da adi kyere nea woasra no ngo, wode kyere Dawid, ne n'asefo afebo. Wode ma dwonkyerefo.

19 Dawid dwom. Osoro ka Onyankopon anuonyam! Wim pae mu ka ne nsa ano adwuma, **2** Da biara, wokasa; anadwo biara, woda nimdee adi. **3** Wonni okasa, wonnka nsem; wonnte won nne. **4** Won nne akodu asase so mmaa nyinaa, na won nsem nso akodu asase ano. Onyankopon asi ntamadan ama owia wo osoro ho. **5** Ete se ayeforokunu a ofi ne pia mu, te se obran a ne ho pere no se obetu ne mmirika. **6** Epue wo osoro fa baabi na atwa ne ho akosi ano; biribiara nsiw ne hyew ho kwan. **7** Awurade mmara ye pe, ekanyan okra no. Ahotoso wo Awurade nhyehyee mu, ema nea onnim nyansa hu nyansa. **8** Awurade ahyede tee; ema koma mu anigye. Awurade ohye nsem mu da ho; na ebue ani. **9** Awurade suro ye kronkron, ete ho daa. Awurade mmara nsem ye nokware na ne nyinaa tee. **10** Esom bo sen sikakoko esen sikakoko kann; eye de sen ewo, esen ewo a efi ewokye mu. **11** Wonom so bo wo somfo koko se, sodi so akatua ye bebre. **12** Hena na oho n'ankasa mfomso? Fa me mfomso a ahintaw kye me. **13** Bo w'akoa ho ban fi oboaye bone ho, na anhye me so. Eno na ebema madi bem, a merenni fo wo bone akese ho. **14** Ma m'anom nsem ne me koma mu adwene nye nea eso w'ani, Awurade me Botan ne me Gyefo. Wode ma dwonkyerefo.

20 Dawid dwom. Awurade ntie wo wo w'ahohia mu; Yakob Nyankopon din mm wo ho ban. **2** Omfa mmoo mfi kronkronbea ho mmre wo, na omfi Sion mmehye wo den. **3** Onkae w'aforebo nyinaa, na omma wo hyew afere nso n'ani. **4** Omma wo nea wo koma pe, na wo nhyehyee nyinaa nye yiye. **5** Yebere ose bere a woadi nkonim, na yeama yen frankaa so wo yen Nyankopon din mu. Awurade nye w'abisade nyinaa mma wo. **6** Afei mahu se Awurade ma nea wasra no no nkonimdi, ofi ne kronkronbea wo osoro gye no so, ode ne nkonimdi tumi a ewo ne nsa nifa mu no. **7** Ebinom de won ho to won nteaseenam so na aforo nso, won apoko so, nanso yen de, yede yen ho to Awurade yen Nyankopon din so. **8** Wobre won ase ma wohwehwe ase, na yen de, yesore gyina kirebenn. **9** Awurade, ma ohene nkonimdi! Yefre a, gye yen so! Wode ma dwonkyerefo.

21 Dawid dwom. Awurade, ohene di anigye wo w'ahooden mu. N'ani gye mmoroso wo nkonimdi

a woma no nti! 2 Woama no nea ne koma pe; woamfa n'abisade ankame no. 3 Wode nhyira a edi mu hyiaa no na wode sikakakoo ankasa ahenkyew hyee no. 4 Obisaa wo ho nkwa, na wode maa no, nna tenten a enni awiei. 5 Nkonimdi a woma no nti, n'anuonyam so; wode keseye ne nidi adom no. 6 Ampa ara, woama no nhyira a ensa da na woama no ahosepew wo w'anim anigye mu. 7 Ohene no de ne ho to Awurade so; Osorosoroni no nokware do no nti, orenhinhim. 8 Wo nsa beka w'atamfo nyinaa; wo nsa nifa beso won a wokyi wo no mu. 9 Bere a wubeyi wo ho adi no wobeye won se fononoo a mu ado. Awurade fi n'abufuwhyew mu bemene won, na ne gya no ahyew won. 10 Wobetore won ase wo asase so, na won asefo afi adesamma mu. 11 Ewo mu se woboo pow tia wo na woye nhyehyee bone, nanso worenni nkonim; 12 efise wobema wasan won akyi bere a woatwe bemma akyere won so no. 13 Yema wo so, Awurade, wo w'ahooden mu; yebeto nnwom na yeakamfo wo keseye. Wode ma dwonkyerefo. Woto no senea woto "Adekyee forote" dwom.

22 Dawid dwom. Me Nyankopon, me Nyankopon, aden nti na woagyaw me? Aden nti na me nkwaye ne wo ntam aware, aden na m'apinisi nsem ne wo ntam aware? 2 Me Nyankopon, misu fre wo awia, nanso wunnye me so, mefre wo anadwo, nanso minnya ohome. 3 Nanso wasi wo hene se Okronkronni; wo na Israel kamfo wo. 4 Wo mu na yen agyanom de won were hyee; wogyee wo dii, na wugyee won. 5 Wosu fre wo na wugyee won, wode won ho too wo so na woanni won nhuammoo. 6 Nanso meye osunson, na menye onipa nnipa bo me ahohora na wobu me animtiaa. 7 Obiara a ohu me di me ho few; wotwa me adapaa, wosow won ti ka se: 8 "Ode ne ho to Awurade so; ma Awurade mmegye no. Ma ommeboa no, efise owo no mu anigye." 9 Wo na wuyii me fii awotwaa mu bae na womaa me de me ho too wo so bere a mitua me na nufu ano mpo. 10 Efi m'awo mu na wode me too wo so; efi me na yafunu mu, woaye me Nyankopon. 11 Ntwe wo ho mfi me ho! Efise amane aben na oboafon nni baabi. 12 Anantwinini bebre atwa me ho ahyia; Basan anantwinini a won ho ye den atwa me ho ahyia. 13 Gyata a wobobo mu na wotetew won hanam mu abuebue won anom tetrere de kyere me. 14 Wawahwie me agu se nsu, na me nnompe nyinaa ahodwow. Me koma adan amane; anan wo me mu. 15 M'anom ayow te se kyemfere mu. Na me tekrema atare m'anom. Wode me to owu mfutuma mu. 16

Akraman atwa me ho ahyia, nneboneyefo kuw atwa me ahyia, wawahwew me nsa ne m'anan mu. 17 Me nnompe nyinaa gu petee mu; M'atamfo hwe me haa na woserew me. 18 Wokye me atade mu fa, na woboo me ntama so ntonto. 19 Na wo, Awurade, ntwe wo ho; wone m'ahooden, bra ntem beboa me. 20 Gye me kra fi afoa ano; gye me nkwa a esom bo no fi akraman tumi ase. 21 Gye me nkwa fi gyata anom; gye me fi eko mmen so. 22 Mebo wo din akyere me nuanom; mekamfo wo wo won a wahyia ho no nyinaa anim. 23 Monkamfo Awurade, mo a musuro no no! Mo a moye Yakob asefo, monhye no anuonyam! Mo Israel asefo nyinaa, munni no ni! 24 Ommuu n'ani nguu omanehunufu ateetee so e, omfaa n'anim nhintaw no; na mmom watie ne sufere a ode rehwehwe mmoo no. 25 Me botae a mede yi wo aye wo bagua mu no fi wo; medi me bohye so wo won a wosuro wo no anim. 26 Ahiafo bedidi na wamee; won a wohwehwe Awurade beyi no aye, mo koma nnya nkwa daa. 27 Asase ano nyinaa bekae ako Awurade nkyen, na amanaman no mmusua nyinaa bekotow n'anim, 28 efise tumi wo Awurade na odi amanaman so hene. 29 Asase so adefo nyinaa bedidi na wasore no; won a woko dote mu nyinaa bebu nkotodwe n'anim, won a worentumi mma nkwa mu. 30 Nkyirimma nyinaa besom no; wobeka Awurade ho asem akyere awo ntoatoaso a edidi so. 31 Wobeka ne trennee akyere nnipa a wonnya nwoo won efise ono na waye.

23 Dawid dwom. Awurade ne me hwefo, hwee renhia me. 2 Oma meda wura fromfrom adidibea; ogya me ko nsu a eho dwo ho, 3 odwudwo me kra. Ode me fa akwantrennee so, ne din nti. 4 Se menam owu sum kabii mu mpo a, minsuro bone bi, efise wo ne me na ewo ho; w'abaa ne wo pema na ekyekye me were. 5 Woto me pon wo m'atamfo anim. Wode ngo fow me tirim; me kuruwa ye ma bu so. 6 Yiye ne adae nko na ebeki m'akyi me nkwan na nyinaa; na metena Awurade fi daa.

24 Dawid dwom. Asase ne nea ewo mu nyinaa ye Awurade de; wiase ne won a wote mu nyinaa wo no; 2 efise ono na otoo ne fapem wo po so na ode sii nsu ani. 3 Hena na obetumi aforo Awurade bepoo no? Hena na obetumi agyina ne tenabea kronkron ho? 4 Nea oye ade trennee na ne koma mu tew, nea ne kra nni ahoni akyi na onka ntamhunu. 5 Obenya Awurade nsam nhyira ne bembu a efi ne Nkwagye Nyankopon.

6 Saa na awo ntoatoaso a wòhwehwe Awurade no te wòn a wòhwehwe w'anim no, Yakob Nyankopòn. 7 Mo aponkese, momma mo ti so; wòmma mo so, mo tete apon, na Anuonyam Hene nhyen mu. 8 Hena ne saa Anuonyam Hene yi? Ono ne Awurade hoodenfo ne otumfo no Awurade a ɔye ɔko mu nkonimdifo. 9 Momma mo ti so, mo aponkese momma wòn so, mo tete apon, na anuonyam Hene no nkɔ mu. 10 Hena ne saa anuonyam Hene yi? Asafo Awurade no, ɔno ne anuonyam Hene no.

25 Dawid dwom. Awurade, me Nyankopòn, wo mu na mede me werɛ hyɛ. 2 Wo so, me Nyankopòn, na mede me ho to, mma m'anim ngu ase, na mma m'atamfo nso nni me so nkonim. 3 Wòn a wòde wòn ho to wo so no mu biara anim rengu ase da, mmom, wòn a woyɛ kòntɔnkyɛ kwa no anim begu ase. 4 Kyerɛ me w'akwan, Awurade, na minhu w'atempòn. 5 Fa wo nokware no so kyerekyerɛ me, efisɛ woyɛ Onyankopòn, me Gyefo, na m'ani da wo so daa nyinaa. 6 Kae, Awurade, wo mmòborɔhunu ne wo dɔ kɛse a ɛwɔ hɔ fi tete no. 7 Nkae me mmabun bere mu bɔne ne m'atuatɛw akwan; kae me senea w'adɔɛ te, Awurade, efisɛ wuyɛ. 8 Awurade ye na ɔtɛɛ; enti ɔkyerekyerɛ nnebɔneyɛfo n'akwan. 9 Ɔde ahobɔɛasefo fa ɔkwan pa so na ɔkyerɛ wòn n'apɛde. 10 Awurade akwan nyinaa ye ɔdɔ ne nokwaredi ma wòn a wodi n'apam mu ahyɛde so. 11 Awurade, me bɔne so de, nanso wo din nti, fa kyɛ me. 12 Enti hena ne onipa a osuro Awurade? Ɔbɛkyerɛ no ɔkwan a wabɔ ama no. 13 Obedi yiye wɔ ne nkwan na mu, na n'asefo afa asase no sɛ wòn agyapade. 14 Awurade da n'atirimsem adi kyere wòn a wosuro no; na ɔma wohu n'apam. 15 M'ani da Awurade so daa, efisɛ ɔno nko ara na obeyi m'anan a fi afiri mu. 16 Dan w'ani hwɛ me, na dom me, efisɛ meye ankonam na meye mmòbɔ. 17 Me koma mu dadwen adɔɔso; yi me dadwen fi me so. 18 Hwɛ me haw ne m'ahohiahia na yi me bɔne nyinaa fi me so. 19 Hwɛ senea m'atamfo adɔɔso ne ɔtan kɛse a wòde tan me! 20 Bɔ me nkwa ho ban na gye me; mma m'anim ngu ase, efisɛ me guankɔbea ne wo. 21 Ma trenɛe ne nokware mmɔ me ho ban, efisɛ m'ani da wo so. 22 Gye Israel, Onyankopòn, fi wòn haw nyinaa mu.

26 Dawid dwom. Bu me bem, Awurade, efisɛ, mabɔ bra a asem nni ho: mede me ho too Awurade so na manhinhim. 2 So me hwɛ, Awurade, hwɛhwe me koma ne m'adwene mu. 3 W'adɔɛ wɔ m'anim daa

na mɛnantew wo nokware mu. 4 Me ne nnaadaafo ntena na me ne nyaatwomfo nso nni hwɛ ye. 5 Mikyi nnebɔneyɛfo guabɔ na mɛmpɛ sɛ me ne amumɔyɛfo tena. 6 Mehohoro me nsa wɔ bembu mu, na mekɔ w'afɔremuka ho ahyia, Awurade, 7 na mɛpae mu ka w'ayeyi na meka w'anwonwade nyinaa. 8 M'ani gye ofi a wote mu ho, Awurade, faako a w'anuonyam wo no. 9 Mfa me kra nka nnebɔneyɛfo de ho nkɔ, ne me nkwa nka mogyapɛfo de ho, 10 wòn a amumɔyɛ nhyehyɛ wɔ wòn nsam na adanmude ayɛ wòn nsa nifa ma. 11 Nanso meɔ ɔbra a ho tew; hu me mmòbɔ na gye me nkwa. 12 M'anan sisi asase tamaa so; na guabɔ kɛse ase na mekamfo Awurade.

27 Dawid dwom. Awurade ne me hann ne me nkwaɣye; hena na minsu no? Awurade ne me nkwa ahoɔden, na hena anim na me ho mpoɔ? 2 Sɛ nnipa bɔne bɔ toa me pɛ sɛ wokum me, sɛ m'atamfo tow hyɛ me so a, wobehintihintiw ahwehwe ase. 3 Sɛ dɔm mpo twa me ho hyia a, me koma rentu; mpo sɛ wotu me so sa a, ɛno mu koraa na minya awerehyɛmu. 4 Ade baako na mibisa Awurade; na ɛno na mehwehwe; sɛ mɛtena Awurade fi me nkwan na nyinaa, na mahwe Awurade ahoɔfɛ na mahwehwe no wɔ n'asɔrefi. 5 Hiada mu no, ɔde me besie n'atenae dwoodwo; ɔbɛkora me wɔ Ahyiae Ntamadan kronkron mu ɔde me si ɔbotan so wɔ sorosoro. 6 Afei ɔbema me ti so wɔ atamfo a wɔatwa me ho ahyia no so; mede anigye beɔ afoɛ wɔ n'Ahyiae Ntamadan mu; na meto dwom, ahyehyɛ nnwom ama Awurade. 7 Awurade, sɛ misu frɛ wo a, tie me! Hu me mmòbɔ na gye me so! 8 Me koma ka wɔ wo ho se, “Hwehwe n'anim!” W'anim, Awurade na mehwehwe. 9 Mfa w'anim nhintaw me, mfa abufuw mpam wo somfo me boafɔ ne wo. Mpo me, na nnyaw me, m'Agyenkwa Nyankopòn. 10 M'agya ne me na begyaw me hɔ de, nanso Awurade begye me. 11 Kyerɛ me w'akwan, Awurade; fa me fa ɔkwan tee so, me nhyesofo nti. 12 Nnyaa me mma senea m'atamfo pɛ, nnansekurumfo sɔre tia me na wopuw awurukasem. 13 Meda so wɔ saa anidaso yi sɛ: mehu Awurade ayamyɛ wɔ ateasefo asase so. 14 Twɛn Awurade. Hyɛ wo ho den na ma wo bo nye duru na twɛn Awurade.

28 Dawid dwom. Wo na misu frɛ wo, Awurade me Botan; nsiw w'aso wɔ me ho. Sɛ woyɛ komm a, meye sɛ wòn a wɔasian kɔ amoa mu no. 2 Tie me mmòborɔsu bere a mɛfrɛ wo a pɛ mmɔa, bere a mema me nsa so kyere wo Tenabea Kronkron hɔ. 3 Mfa me

mfra amumoyefo mu ntwe me nko, mfa me nka won a woye bone no ho. Wone won yonkonon kasa fefe, nanso wode otan sie won koma mu. **4** Twe won aso wo nea woye no so; won adwuma bone no so; tua nea wode won nsa aye so ka na fa nea efata won san bra won so. **5** Se wommu nea Awurade aye ne nea ode ne nsa aye no nti obebre won ase na oremma wonnsore bio. **6** Ayeyi nka Awurade, efise watie me mmaborosu. **7** Awurade ne m'ahooden ne me nkatabo me koma wo ne mu ahotoso, na oboa me. Me koma di ahurusi na mede dwonto beda no ase. **8** Awurade ye ahooden ma ne nkurofo; ne nkwaye nsraban ma nea wasra no ngo. **9** Gye wo nkurofo na hyira w'agyapade; ye won hwefo, na wo ne won nnantew afebwo.

29 Dawid dwom. Momfa mma Awurade no, mo osoro abode, momfa anuonyam ne tumi mma Awurade. **2** Momfa anuonyam a efata Awurade din mma no; monsore Awurade wo n'anuonyam kronkron mu. **3** Awurade nne wo nsu no so; anuonyam Nyankopon bobo mu, Awurade bobo mu wo nsu akese so. **4** Awurade nne mu wo tumi; Awurade nne mu wo anuonyam. **5** Awurade nne bubu sida; Awurade nne bubu Lebanon sida mu nketenketi. **6** Oma Lebanon huruhuruw te se nantwi ba, na Sirion nso se eko ba. **7** Awurade nne pa ma anyinam gya dew. **8** Awurade nne wosow sare so; Awurade wosow Kades sare. **9** Awurade nne kyinkyim adum na ema kwae ye kwaterekwa. N'asoredan mufo nyinaa tee mu ka se, "Anuonyam nka Onyankopon!" **10** Awurade di hene wo nsuyiri so; wasi Awurade hene afebwo. **11** Awurade ma ne nkurofo ahooden, na ode asomdwoe hyira won. Dwom a woto de buee Asoredan no ano.

30 Dawid dwom. Mema wo so, Awurade, efise, woayi me afi bun mu na woamma m'atamfo anserew me. **2** Awurade me Nyankopon, misu ffee wo se boa me na wosaa me yare. **3** Awurade, wuyii me fii oda mu; wode me ho kyee me na woamma manko amoa mu. (Sheol h7585) **4** Monto ayeyi nnwom mma Awurade; mo a moye n'ahotewfo! Monkamfo ne din kronkron no. **5** N'abufuw nkye, na n'adwe wo ho daa; agyaadwotwa bewo ho anadwo, nanso ahosepew beba anopa. **6** Metee nka se mewo bamm no, mekae se, "Merenhinhim da." **7** Awurade, woyee me adom no womaa me bepaw gyinaa pintinn na wode w'anim hintaw me no, me koma tui. **8** Wo, Awurade na mefre w; wo ho na misu mesree mmaborohunu se: **9** "Mfaso

ben na ewo me see so, se meko amoa mu? Mfutuma beyi wo aye ana? Ebepe mu aka wo nokwaredi ana? **10** Tie me, Awurade, na hu me mmabo! Awurade, ye me boafu." **11** Wodan m'agyaadwotwa yee no asaw; wuyii m'atweaatam fii me ho na wode anigye furaa me, **12** se me koma beto nnwom ama wo na erenye komm. Awurade me Nyankopon, meyi wo aye daa. Wode ma dwonkyerefo.

31 Dawid dwom. Wo mu, Awurade na manya guankobea; mma m'anim ngu ase; fi wo trenee mu gye me. **2** Ye aso ma me, bra ntem begye me; ye me bamma botan, aban a m'atamfo nsa renka me. **3** Se woye me botan ne m'aban nti, wo din nti di m'anim na kyere me kwan. **4** Gye me fi afiri a wasum me no mu, efise wo ne me guankobea. **5** Wo nsam na mede me kra hyc; gye me bio, Awurade, Onyankopon nokwafo. **6** Mikyi won a wosom abosom huhuw; mede me ho to Awurade so. **7** M'ani begye na madi ahurusi wo wo do mu, efise wuhu m'amanehunu, na wunim me kra mu haw. **8** Womfaa me nhyee otamfo no nsa mmom wode me nan asisi petee mu. **9** Hu me mmabo, Awurade, efise me ho yeraw me; awerehow ama m'ani so aye kusuu oyaw ama me kra ne me honam aye mmerew. **10** Oyawdi retew me nkwa so, na abooboo tew me mfe so; ohaw nti m'ahooden ko fam, na me nnompe nso ahodwow. **11** M'atamfo nyinaa nti, maye ahohora wo me nnamfonom mu; nnipa a wonim me suro me, na won a woho me mmonten so guan. **12** Obiara were afi me te se nea mawu; maye se kuku a abo. **13** Mete asomsem dodow a woka ahunahuna atwa me ho ahyia. Worepam me ti so, na wobo pow se wobekum me. **14** Nanso mede me ho ato wo so, Awurade; meka se, "Woye me Nyankopon." **15** Me mmere wo wo nsam gye me fi m'atamfo ne won a wotaa me no nsam. **16** Tew w'anim kyere wo somfo; gye me wo wo do a enni huammo no mu. **17** Mma m'anim ngu ase, Awurade, efise masu afre wo; mmom, ma amumoyefo anim ngu ase na wonna won nna mu komm. (Sheol h7585) **18** Mua atorofu ano, efise wode ahantan ne animtiaabu kasa tia atreneefo. **19** Wo papaye dwo, eno na woakora ama won a wosuro wo no eno na wode ma won a woguan toa wo no wo nnipa anim. **20** Wode won sie w'anim bamm mu fi nnipa nsusuwii bone ho; wo tenabea ho na wode won sie dwoodwo fi tekrema a ebo sobo ho. **21** Ayeyi nka Awurade! Se wayi ne do nwonwaso akyere me bere a

na mewa kuropon a atamfo atwa ho ahyia no mu no. **22** Mebo huboa no mekae se: “Woayi w’ani ahi me so!” Nanso wotee me mmaborosu bere a mekotow sree wo no. **23** Monno Awurade mo a moye n’ahotewfo nyinaa! Awurade kora won a wodi nokware so, na ahomasofo de, otua won ka perepere. **24** Monye den na momma mo bo nto mo yam, mo a mowa anidaso wo Awurade mu nyinaa.

32 Dawid dwom. Nhyira ne won a wode won amumoye akye won, na wookata won bone so. **2** Nhyira nka onipa a Awurade mmu ne bone ngu no so na nnaadaa nni ne honhom mu. **3** Bere a meye kom no, me nnompe ye mmrew, apini a misii no da mu nyinaa nti. **4** Awia ne anadwo wo nsa ye den wo me so; m’ahooden sae te se awia bere mu ohyew. **5** Afei, migyee me bone too mu. Mankata m’amumoye so. Mekae se, “Meka me bone akyere Awurade,” na wode me bone ho afodi kye me. **6** Enti, ma agyidifo nyinaa mmu wo mpaee bere a wohu wo; ampa ara se asu akese yiri a, erenka no. **7** Wone me hintabea; wobeba me ho ban wo amanehununu mu na wode nkwaye nnwom atwa me ho ahyia. **8** Mekyerakyere wo okwan a wobefa so metu wo fo na mahwe wo so. **9** Enye se onkonk anaa afurumponko a onni ntease nti wode nnareka ne hama na edannan no, se ebeye a wobeba wo nkyen. **10** Omumoyefo amanehununu daaso, nanso Awurade adoe a ensa da no twa onipa a ode ne ho to no so no ho hyia. **11** Munni ahurusi na mo ani nnye wo Awurade mu, mo atreneefo; monto dwom, mo a mo koma mu tew.

33 Momfa ahurusi nto dwom mma Awurade, mo atreneefo, efata se won a wotee no yi no aye. **2** Momfa sanku nkamfo Awurade; monto dwom mma no wo sankuten so. **3** Monto dwom foforo mma no. Momfa nimdee mmu sanku no na montee mu ahurusi so! **4** Awurade asem tee na eye nokware odi nokware wo nea oye nyinaa mu. **5** Awurade do treneeye ne atentrenee. N’adoe a ensa da no ahye asase so ma. **6** Awurade asem so na wonam ye osorosoro, n’anom home so na wonam ye osoro asafu. **7** Oka po nsu boa ano kuw; na ode bun sie nea ho do. **8** Momma asase sofo nyinaa nsuro Awurade; na wiasofo nyinaa mfa nidi mma no. **9** Ono na okasa ma ebaa mu na ohye ma egyinaa pintinn. **10** Awurade see amanaman no nhyehyee; oma adesamma nsusuwii ye okwa. **11** Nanso Awurade nhyehyee tim ho daa, ne koma mu botae wo ho ma awo ntoatoaso. **12** Nhyira ne oman

a ne Nyankopon ne Awurade, nnipa a oyii won se n’agyapade no. **13** Awurade hwe adesamma nyinaa fi osoro. **14** Ofi n’atenae hwe won a wote asase so nyinaa. **15** Ono ne nea obbo won nyinaa koma, na osusuw nea woye nyinaa ho. **16** Enye ohene asraafu dom kese na ebegye no; okofu biara nni ho a ofi n’ahooden mu guan. **17** Onkonk mu ahotoso ye okwa wo nkwaye mu; n’ahooden nyinaa akyi no, orentumi nnye nkwa. **18** Nanso Awurade ani wo won a wosuro no no so, won a wowa anidaso wo ne do a ensa da no mu, **19** se obegye won ahi owu mu na wama wootena nkwa mu wo okom bere mu. **20** Yede anidaso twen Awurade; oye yen boafu ne yen nkatabo. **21** Ne mu na yen koma di ahurusi, efise yede yen ho to ne din kronkron no so. **22** Ma w’adoe a ensa da no ntena yen so, Awurade, senea anidaso a yewa wo mu no te.

34 Dawid dwom a otoo bere a oboapa dan obodamfo wo Abimelek anim no na onpanyin no gyaa no ma okoe no akyi. Mede aseda bema Awurade bere nyinaa; n’ayeyi wo m’anom daa. **2** Me kra behoahoa ne ho wo Awurade mu; ma amanehunufu nte na wonni ahurusi. **3** Mo ne me nkamfo Awurade; momma yemmu mu nkamfo ne din! **4** Mefree Awurade na ogyee me so; na ogyee me wo nea misuro nyinaa mu. **5** Won a wohwe n’anim no hyeren na won anim rengu ase da. **6** Ohiani yi free, na Awurade tiee no; na ogyee no fii n’ahohia nyinaa mu. **7** Awurade bofo wen won a wosuro no, na ogye won. **8** Monka nhwe na munhu se Awurade ye. Nhyira ne onipa a oguan toa no. **9** Munsuro Awurade, mo a moye n’ahotefo, na won a wosuro no no nhia hwee. **10** Gyata ye mmerew na okom de won, nanso won a wohwehwe Awurade no, ade pa biara remmu won. **11** Mommra, me mma, monye aso mma me; mekyerakyere mo Awurade ho suro. **12** Mo mu hena na ope nkwa na ope se ohu nna pa bebre? **13** Ene ense se oka kasa bone, na ese se ogyae atorotwa. **14** Twe wo ho fi bone ho, na ye papa; hwehwe asomdwoe na tiw no. **15** Awurade ani wo atreneefo so na otie won mpaeb; **16** Awurade ani sa won a woye bone, se obeyi won nkae ahi asase yi so. **17** Atreneefo tee mu su, na Awurade tie won; oyi won fi won haw nyinaa mu. **18** Awurade ben won a won koma abotow na ogye won a woadwerew won wo honhom mu no nkwa. **19** Onipa trennee behu amane bebre nanso Awurade gye no fi ne nyinaa mu; **20** obbo ne nnompe nyinaa ho ban, senea mu baako mpo mu remmu. **21** Bone bekum obeboneyeni; otreneeni atamfo benya afobu.

22 Awurade gye n'asomfo nkwa; wɔn a woguan toa no no mu biara renko afɔbu mu.

35 Dawid dwom. Awurade wo ne wɔn a wɔne me di asi no nni asi; ko tia wɔn a wɔko tia me. 2 Fa wo nkatabo ne w'akode; na sɔre bra beboa me. 3 Twe peaw ne abonnua wɔ wɔn a wɔtaa me no so. Ka kyere me kra se, "Mene w'agyenkwa." 4 Wɔn a wɔpe se wokum me no, ma wɔn anim ngu ase; wɔn a wɔbo me see ho pɔw no, ma wɔmfa aniwu nsan wɔn akyi. 5 Ma wɔnye se ntete a mframa bo gu wɔn a Awurade bofo repam wɔn no. 6 Ma wɔn akwan so nnuru sum na eso enye toro, na Awurade bofo ntaa wɔn. 7 Esiane se wɔde ɔtan sum me afiri kwa, na wotuu amoa maa me a menyee wɔn hwee no nti 8 ma ɔsee mmefu wɔn mu na ɔtan no a wɔde hintaw no nyi wɔn, na ma wɔnhwe amoa no mu nsee. 9 Afei me kra ani begye wɔ Awurade mu na wasɛpew ne ho wɔ ne nkwaye mu. 10 Me nipadua nyinaa betee mu aka se, "Hena na ɔte se wo, Awurade? Wugye ohiani fi ahɔndenfo nsam, ne nea onni bi fi apoobɔfo nsam." 11 Adansekurumfo sɔre; wobisa me nneema a minnim ho hwee ho asem. 12 Wɔde bone tua papa a meye so ka na wɔma me kra ye basaa. 13 Nanso bere a wɔyaree no, mifuraa atweaatam na mede akɔnkyen brɛ me ho ase. Bere a me mpaebɔ ho mmuae nnya mmae no, 14 mekɔ so twaa adwo, sɛnea meye ma m'adamfo anaa onuabarima. Mede awerehow sii me ti ase te se nea meregyam me na. 15 Nanso bere a mihintiw no wɔde anigye boaa wɔn ho ano; afowfo twaa me ho hyiae a minnim, na wodii me ho nseku a wɔantwa so da. 16 Wɔde adwemmɔne dii me ho few te se nnipa a wonni nyamesu, wɔtweree wɔn se guu me so. 17 Awurade, wobehwe wɔn akosi da ben? Gye me nkwa fi wɔn see mu, gye me nkwa a esom bo no fi saa gyata yi nsam. 18 Na meda wo ase wɔ guabɔ kese ase; wɔ nnipa dodow mu na mekamfo wo. 19 Mma m'atamfo a wɔtan me kwa no nhwe me haw nserew. Mma wɔn a menyee wɔn hwee nanso wɔtan me no mmfa adwene bone mmu me anikyi. 20 Wɔnnkasa asomdwoe so, na mmom, wɔde ntwatoso tia nnipa a wɔmpɛ wɔn ho asem wɔ asase yi so. 21 Wɔnhwe me haw ka se, "Yiw! Yiw, yede yen ankasa ani ahu." 22 Awurade, woahu na mmua w'ano. Ntwe wo ho nko akyiri, Awurade. 23 Nyan, sɔre na bebo me ho ban! Ka bi ma me, me Nyankopɔn ne m'Awurade. 24 Di m'asem ma me wɔ wo trenee no mu, Awurade me Nyankopɔn; mma wɔnnhwe me haw nserew. 25 Mma

wɔnnwene nka se, "Yiw, nea yeye ni!" anaa wɔnnka se, "Yeanya no." 26 Ma wɔn a wɔnhwe me haw serew me wɔ m'ahohiahia mu no nyinaa anim ngu ase na wɔnye basaa; ma wɔn a wodi me so akokurokosem no nhye aniwu ne aninguase atade. 27 Ma wɔn a wodi ahurusi wɔ me bembu ho no mfa anigye ne ahosepew ntee mu bere nyinaa mu; ma wɔnka se, "Momma Awurade so, ɔno na n'ani gye ne somfo yiyedi ho." 28 Me tekrema beka wo trenee, ne w'ayeyi, da mu nyinaa. Wɔde ma dwonkyerefo.

36 Awurade somfo Dawid dwom. Nkɔmhye bi wɔ me koma mu a efi Onyankopɔn ho a efa omumɔyefo mmarrato ho. Onyankopɔn suro nni wɔn ani so. 2 Na ɔno ankasa ani so no ɔdaadaa no ho dodo, nti emma onhu ne bone nnyae ye. 3 N'anom nsem ye atirimoden ne nnaadaa; onnim nyansa bio na waye papa. 4 ɔda ne mpa so mpo a ɔbo pɔw bone; na ogyaa ne ho ma bone kwan na ɔmpo nea enye. 5 Awurade, w'adɛ du ɔsorosoro wo nokwaredu wim tɔnn. 6 Wo trenee te se mmepɔw akese. W'atɛntrennee mu do se po bun. Ao Awurade, wokora nnipa ne mmoa nyinaa so. 7 W'adɛ a ensa da no som bo! Nnipa mu akese ne nketewa nya guankɔbea wɔ wo ntaban nwini ase. 8 Wodi nea abu so wɔ wo fi, woma wɔnom fi w'anika asuten no mu. 9 Wo nkyɛn na nkwa asuti wɔ; wo hann mu na yehu hann. 10 Ko so do wɔn a wonim wo, ma wo trenee ntena wɔn a wotee, koma mu. 11 Mma ɔhantanni nan ntia me anaa omumɔyefo nsa nnsunsum me. 12 Hwe sɛnea nnebɔneyefo ahwehwe ase, wɔdeda ho a wɔrentumi nsɔre bio.

37 Dawid dwom. Nhaw wo ho, nnebɔneyefo nti; mma w'ani mmmere wɔn a wɔye bone; 2 Wote se sare, ɛrenkye na ahyew, wote se dua amono, ɛrenkye na awu. 3 Fa wo ho to Awurade so na ye papa. Tena asase no so na ma w'ani nka asomdwoe adidibea ho. 4 Ma w'ani nnye wɔ Awurade mu na wama wo nea wo koma pe. 5 Fa w'akwan hye Awurade nsam; na fa wo ho to no so, na ɔno na ɔbeyɛ: 6 ɔbɛma wo trenee ahyeren se adekyee, na w'atɛntrennee aye se owigyinae. 7 Ye komm wɔ Awurade anim na to wo bo ase twen no, nhaw wo ho wɔ wɔn a asi wɔn yiye ho efise wɔnam bone akwan so. 8 Mma wo bo mmfuw na gyae abufuwhyew; nhaw wo ho, ekowie bone nko ara. 9 Wobetwa nnebɔneyefo agu, nanso wɔn a wɔn ani da Awurade so no wobenya asase no adi so. 10 ɛrenkye, nnebɔneyefo beyera. Wobehwehwe wɔn,

nanso worenhu won. **11** Nanso ahobreasefo benya asase no adi so na woanya asomdwoe mmoroso. **12** Amumoyefo bo pow bone tia atreneefo na wotwere won se gu won so; **13** nanso Awurade serew amumoyefo, na onim se won nna aben. **14** Amumoyefo twe afoa na wokuntun won ta mu se wobekum ahiafo ne mmaborofo, se wobekum won a won akwan tee. **15** Nanso won afoa bewow won ankasa koma mu, na won ta mu abubu. **16** Kakra a atreneefo wo no som bo sen amumoyefo bebre ahonya; **17** efise amumoyefo ahoo den besa nanso Awurade bewowaw atreneefo. **18** Awurade nim won a won ho nni asem no nna, na won agyapade betena ho daa. **19** Ahohiahia bere mu woremme. Okom bere mu wobanya ama abu so. **20** Nanso amumoyefo beyera. Awurade atamfo beye se nwura mu nhwiren; wobetu ayera se wusi. **21** Amumoyefo pe bosea, na wontua, nanso otreneeni de ahummabo ma; **22** Won a Awurade ahyira won no benya asase no adi so, na wobetwa won a odome won no agu. **23** Se Awurade ani so onipa akwan a, oma n'anammontu si pi. **24** Se ohintiw a orenhwe ase, efise Awurade kura no wo ne nsam. **25** Na meye aberante, na mprempren mabo akwakoraa, na minhu otreneeni a Awurade apa n'akyi anaase ne mma resre aduan. **26** Bere biara oye adoe, na ode fem kwa; na ne mma benya nhyira. **27** Twe wo ho fi bone ho na ye papa na wobetena asase no so afebwo. **28** Efise, Awurade pe nea etee, na orennyaw ne nkurofo anokwafo no. Wobanya bamm daa nyinaa. Nanso amumoyefo asefo de, wobetwa won agu. **29** Atreneefo benya asase no adi so na watena so afebwo. **30** Otreneeni ano ka nyansasem, na ne tekrema ka nea etee. **31** Ne Nyankopon mmara wo ne koma mu; won anan watiri. **32** Amumoyefo tetew atreneefo hwehwe se wobekum won, **33** nanso Awurade nnyaa won mma won, na oremma wommu won kumfo wo asennii. **34** Montwen Awurade na monhwe n'akwan. Obema mo so na moanya asase no adi so; se wotwitwa amumoyefo no gu a, mubehu. **35** Mahu omumoyefo a oye basabasa se oredi yiye se dua amono a esi asase pa so, **36** nanso ankye na n'awiei bae a wonhu no bio; mehwehwe no, nanso manhu no. **37** Susuw nea oye pe ho, na hwe nea otee; na asomdwoe nipa benya asetena pa daakye. **38** Nanso wobesse nneboneyefo nyinaa; na wobetore won asefo ase. **39** Atreneefo nkwagye fi Awurade one won aban wo amanehunu bere mu. **40** Awurade boa won na ogye

won; oyi won fi amumoyefo nsam, na ogye won nkwa, efise wohintaw wo ne mu.

38 Dawid dwom. Adesre. Awurade, nka m'anim wo w'abufuw mu na ntwe m'aso wo w'abufuwhyew mu. **2** Wo bemma hwirew me mu, na wo nsa adwerew me. **3** W'abufuwhyew no nti ahoo den biara nni me mu; me bone nti, me nnompe ahodwow. **4** M'afodi amene me te se adesoa a mu ye duru dodo. **5** M'akuru bon na aporow esiane me bone mu agyimisem nti. **6** Makotow na wabre me ase; da mu nyinaa menantenantew twa agyaadwo. **7** M'akyi dompe mu yaw boro so: ahoo den biara nni me nipadua mu. **8** Mabre na mapetew koraa. Me koma mu yaw ma misi apini. **9** Awurade, nea merehwe anim nyinaa da w'anim; m'apinisi nhintaw wo. **10** Me koma bo kitirikitiri, na m'ahoo den asa mpo m'aniwa aduru sum. **11** M'apirakuru nti me nnamfonom ne me yonkonon mmen me; m'afipamfo twe won ho fi me ho. **12** Won a wope se wokum me no sum me mfiri, won a wope se wohaw me no di me see ho nkomm da mu nyinaa wodwen nnaadaasem ho. **13** Mete se ototifo a onte asem, mete se mum a ontumi nkasa. **14** Maye se obi a onte asem, nea n'ano ntumi mma mmuae. **15** Awurade, meretwen wo; Awurade me Nyankopon, wubegye me so. **16** Mekae se, "Mma won ani nnye; anaa womma won ho so bere a m'anan awatiri no." **17** Mereye mahwe ase, na me yaw da so wo me mu. **18** Meka me mfomso kyere; me bone hwe me so. **19** Bebre na woye m'atamfo; won a wotan me kwa no dawso. **20** Won a wode bone tua me papa so ka no, bo me ahohora bere a mereye papa. **21** Awurade nnyaw me. Me Nyankopon, nko akhiri! **22** Bra ntem beboa me, Awurade, m'Agyenkwa. Wode ma dwonkyerefo no. Yedutun.

39 Dawid dwom. Mekae se, "Mehwe m'akwan yiye na mamfa me tekrema anye bone; meto m'ano nna rekare bere a amumoyefo ben me yi. **2** Enti meye kom a manka asem papa biara mpo nanso m'apinisi mu ye den. **3** Me koma ho guan no wo me mu. Midwinnwen no, ogya dewee; afei mede me tekrema kasae se: **4** "Awurade, ma minhu me nkwa awiei ne me nna dodow; ma minhu senea me nkwa si twa mu ntem so. **5** Woaye me nna se nsateaa baako pe; na me mfe dodow nye hwee wo w'ani so. Onipa nkwa ye ohome bi keke. **6** Onipa redi akoneaba nyinaa no, ote se sunsuma bi kwa; ohaw ne ho nanso oye kwa; oboa ahonya ano na onnim nea ebeye ne de. **7** "Afei

Awurade, den na merehwehwe? M'anidaso wo wo mu. **8** Gye me fi me bone nyinaa mu; mma mennye nkwasae aserewde. **9** Meyee komm, na mammue m'ano, efise wo na woaye eyi. **10** Yi w'asotwe fi me so; wo nsa ano amanehunu amene me. **11** Woka nnipa anim, na wotwe won aso wo won bone ho; wosae won ahonya te se nwewee; onipa biara ye ohome keke. **12** "Awurade, tie me mpaeba, tie me sufere; nsiw w'aso wo me su ho. Me ne wo te ho se onanani, senea na m'agyanom nyinaa te no. **13** Yi w'ani fi me so na manya nkwa bio, ansa na mafi ha a mente ase bio." Wode ma dwonkyerefo.

40 Dawid dwom. Mede boaseto twen Awurade; na ohwee me, na otee me sufere. **2** Oyii me fii amoa a mu ye toro mu, fii date ne dontori mu; ode m'anan sii obotan so na omaa me baabi pa gyinae. **3** Ode dwom foforo hyee m'anom, ayeyi dwom a yede ma yen Nyankopon. Bebre behu na wasuro, na wode won were ahye Awurade mu. **4** Nhyira ne onipa a ode Awurade ye n'ahotoso, nea omfa n'ani nto ahomaso so, ne won a woman di anyame huhuw akyi. **5** Awurade me Nyankopon woaye anwonwade bebre. Nneema a wohyehye maa yen no obiara ntumi nka ne nyinaa nkyere wo; se meka se mereka ne nyinaa ho asem a ebadoso dodo. **6** Wompe aforebo ne ayejede, nanso woabue m'aso; woampe ohyew afore ne bone afore. **7** Na meka se, "Mini, maba, senea woakyerew afa me ho wo nhoma mmobowee no mu no. **8** Me Nyankopon, mepe se meye w'apede; wo mmara wo me koma mu." **9** Meka wo trenee ho asem wo guabo kese ase; mimmua m'ano, Awurade, senea wunim no. **10** Memmfa wo trenee ho asem nsie me koma mu; meka wo nokware ne wo nkwaye ho asem. Mankata w'adoe ne wo nokware so wo guabo kese no ase. **11** Awurade, nyi w'ahummabo mfi me so; ma w'adoe ne wo nokware mm me ho ban daa. **12** Ohaw bebre atwa me ho ahyia; m'amumaye abu afa me so enti minhu ade bio. Edoso sen me ti so nwi, na me koma abotow wo me mu. **13** Awurade, ma ensa w'ani se wubegye me; Awurade, bra ntem beboa me. **14** Won a wope se wokum me no nyinaa, ma won anim ngu ase na wonye basaa; ma won a wope se mesae no mfa aniwu nsan won akyi. **15** Ma won a woka, "Otwea! Otwea!" kyer me no nsan won akyi, esiane won aniwu nti. **16** Nanso ma won a wohwehwe wo nyinaa nsepe won ho na won ani nnye wo wo mu; ma won a woda wo nkwaye no nka da biara se, "Awurade ye akese!"

17 Nanso meye ohiani ne mmaboroni; ma Awurade nnwen me ho. Wo ne me boafu ne me gyefo; wo ne me Nyankopon, bra ntem. Wode ma dwonkyerefo.

41 Dawid dwom. Nhyira ne onipa a mmaboroni asem ho hia no; Awurade gye no wo amanehunu bere mu. **2** Awurade bebo ne ho ban na wakora ne kra; obehyira no wo asase no so; orennyaa no mma n'atamfo apede. **3** Awurade behwe no wo ne yare mpa so na wagye no asi ho. **4** Mekae se, "Ao Awurade hu me mmabo; sa me yare, efise maye bone atia wo." **5** M'atamfo de adwene bone ka fa me ho se: "Da ben na obewu ama ne din ayera?" **6** Bere biara a obi ba me nkyen no, oka atosam, na ne koma hore dinsee; ofi adi ko a, ode kodi nseku. **7** M'atamfo nyinaa keka asomsem fa me ho; wosusuw bone ma me na woka se: **8** "Oyare bone bi abo no; orensore mfi nea oda ho bio." **9** Mpo me yonko pa ara a mede me ho too no so, nea me ne no too nsa didii no, asore atia me. **10** Nanso wo, Awurade, hu me mmabo; ma me so, na mintua won so ka. **11** Minim se w'ani so me, na me tamfo renni me so nkonim. **12** Me nokwaredi mu, wukura me mu na wode me gyina w'anim afebo. **13** Nhyira nka Awurade, Israel Nyankopon, nne ne daa nyinaa. Amen! ne Amen! Wode ma dwonkyerefo.

42 Koramma "maskil" dwom. Senea oforote pere hwehwe nsuwansuwa no, saa ara na me kra pere hwehwe wo, me Nyankopon. **2** Onyankopon ho sukum de me kra, Onyankopon teasefo no. Da ben na metumi akohyia Onyankopon? **3** Me nisu aye m'aduan awia ne anadwo, na da mu nyinaa nnipa bisa me se: "Wo Nyankopon wo he?" **4** Saa nneema yi na mekae bere a mereka me koma mu nsem; senea na midi asafokuw anim, na yede anigye nteeteemu ne aseda nnwom nantew yuu bo mu ko Onyankopon fi wo afahye da no. **5** Me kra, aden, na woabotow? Aden na woaye basaa wo me mu saa? Fa wo ho to Onyankopon so, na meko so ayi no aye, m'Agyenkwa ne me Nyankopon. **6** Me kra abotow wo me mu, enti mekae wo fi Yordan asase so, Hermon mmepon so, fi Bepow Misar so. **7** Ebun ko bun mu wo wo nsu a eworo gu no nnyigyei mu; w'asorokye nyinaa abu afa me so. **8** Adekyee mu, Awurade kyer n'adoe, adesae mu, ne dwom ba me nkyen, mpae a mebo sre me nkwa Nyankopon. **9** Mibisa Onyankopon, me Botan no se, "Aden nti na wo were afa me? Aden nti na ese se menantenantew twa adwo, m'atamfo nhyeso nti?" **10** Me nnompe te

odesani yawdi, m'ahohiahiafo ateetee nti, daa nyinaa wobisa me se, "Wo Nyankopɔn wɔ he?" **11** Me kra, aden, na woabotow? Aden na woaye basaa wɔ me mu saa? Fa wo ho to Onyankopɔn so, na meko so ayi no aye, m'Agyenkwa ne me Nyankopɔn.

43 Me Nyankopɔn, bu me bem, na ka m'asem a etia oman a wonsuro wo no ma me; gye me fi nnaadaafo ne amumoyefo nsam. **2** Woye Onyankopɔn, m'abandennen. Aden nti na woapo me? Aden nti na ese se menantenantew twa adwo m'atamfo nhyeso nti? **3** Soma wo hann ne wo nokware ma wonkyere me kwan; ma womfa me mmra wo Bepow Kronkron no so, faako a wote no. **4** Afei, meko Onyankopɔn afremuka anim, m'anigye ne m'ahosepew Nyankopɔn nkyen. Mede sanku beyi wo aye, Onyankopɔn, me Nyankopɔn. **5** Me kra, aden, na woabotow? Aden na woaye basaa wɔ me mu saa? Fa wo ho to Onyankopɔn so, na meko so ayi no aye, m'Agyenkwa ne me Nyankopɔn. Dwom a wode ma dwonkyerefo.

44 Koramma "maskil" dwom. Ao, Onyankopɔn, yede yen aso ate; yen agyanom aka akyere yen; nea woyee wɔ won bere so, wɔ tete mmere no mu. **2** Wode wo nsa pam amanaman no na wobɔɔ yen agyanom atenase; wodwerew nnipa no na womaa yen agyanom dii yiye. **3** Enye won afoa na wode nyaa asase no, na Enye won nsa na emaa won nkonimdi; eye wo nsa nifa, wo basa, ne w'anim hann, efise na wodo won. **4** Woye me Hene ne me Nyankopɔn, nea dhye nkonimdi ma Yakob. **5** Enam wo so na yepam yen Atamfo; wo din mu na yetitia won a wokyi yen no so. **6** Memmfa me ho nto m'agyan so, m'afoa remfa nkonimdi mmre me; **7** na wo na woma yedi yen atamfo so wugu won a wotan yen no anim ase. **8** Onyankopɔn mu na yehoahoa yen ho da mu nyinaa, na yebekamfo wo din no daa daa. **9** Nanso mprempren woapo yen abre yen ase; wone yen asraafo nko asa bio. **10** Woma yeguan fii dom anim, ma yen atamfo fom yen agyapade. **11** Wuyii yen maa se wonkum yen se nguan na woahwete yen wɔ amanaman no mu. **12** Wotan wo nkurofo fofoofo, na woannya mfaso biara amfi mu. **13** Woaye yen ahohorade ama yen afipamfo, animtiaabude ne aserewde ama won a watwa yen ho ahyia. **14** Woaye yen kasabebui wɔ aman no mu na nnipa no wosow won ti de gu yen so. **15** M'animguase di m'anim daa, na aniwu akata m'anim, **16** esiane won a wɔɔ me ahohora na wokasa tia me de yi me ahi,

esiane otamfo a n'ani abere se obeto were no nti. **17** Eyinom nyinaa too yen de, nanso yen were mfii wo, na yemmuu w'apam no nso so e. **18** Yen koma ntwe mfii wo ho; na yen anan nso mman mfii wo kwan so e. **19** Nanso wodwerew yen yee yen sakraman tu na wode sum kabii kataa yen so. **20** Se na yen were afi yen Nyankopɔn din anaa se yeatrew yen nsam akyere ananafo nyame a, **21** anka Onyankopɔn behu, efise onim koma mu ahintasem. **22** Nanso wo nti wokum yen daa nyinaa; wobu yen se nguan a wɔrekokum won. **23** Nyan, Awurade! Aden nti na woada? Keka wo ho! Nnyaw yen ho afebo. **24** Aden nti na wode w'anim ahintaw na wo were fi yen ahohia ne nhyeso? **25** Wɔabre yen ase ko dote mu na yen nipadua aka afam dote. **26** Sore beboa yen; w'adɔe a ensa da no nti, gye yen. Wode ma dwonkyerefo. Wode "lilie" sanku dwontobea na etoe.

45 Koramma dwom. Ayeforohyia dwom. Botae bi a edi mu akanyan me koma bere a merebo dhene mmran no; me tekrema ye okyerewfo kunini bi kyerewdua. **2** Wudi mu koraa wɔ mmarima mu na wode adom bi asra w'ano, esiane se Onyankopɔn ahyira wo afebo no nti. **3** Fa w'afɔa bo wo nkyen mu, okokuroko; fa anuonyam ne keseye fura. **4** Fa wo keseye mu ko w'anim nkonimdi so wɔ nokware, ahobrease ne trennee mu; ma wo nsa nifa nna wo nnwuma a eye nwonwa no adi. **5** Ma wo bemma nnamnam no nhwirew dhene atamfo koma mu; na ma amanaman nhwe w'anan ase. **6** Ao Onyankopɔn, w'ahengua no betena ho daa daa; trennee ahempema beye w'ahenni no ahempema. **7** Wodo trennee na wukyi bone. Eno nti Onyankopɔn, wo Nyankopɔn de wo asi wo mfefo so, na ode anigye ngo asra wo. **8** Kurobow, pepre ne bewewonua hua agye wo batakari mu nyinaa; sanku so nnwom a efi ahemfi a wode asonse asiesie ho mu ma w'ani gye. **9** Ahemfo mmabea ka wo mmea atitiriw ho; wo nsa nifa so na ayeforo dehye a dhye Ofir sikakokoo gyina. **10** Obabea tie, dwene ho, na ye osetie; ma wo were mfi wo nkurofo ne wo papa fi. **11** W'ahofo aso dhene no ani; di no ni, efise ono ne wo wura. **12** Tiro Babea de ayeyede beba; mmarima adefo bedefedefe wo. **13** Dhene babea a wɔɔ ne pia mu no ye onuonyamfo wode sikakokoo abobo n'atade yuu mu. **14** Dhye ntade a woadi mu adwinni na wode no koma dhene; ne mfefo mmabun di n'akyi na wode won nyinaa bre wo. **15** Wode ahosepew ne anigye ko mu; wɔhyen dhempɔn no ahemfi. **16** Wo mmabarima

besi w'agyanom anan mu wobeyɛ wɔn mmapɔmma wɔ asase no so nyinaa. 17 Mema wɔakae wo wɔ awo ntoatoaso nyinaa mu; eno nti amanaman bekamfo wɔ daa nyinaa. Wɔde ma dwonkyerefo.

46 Koramma dwom. Wɔto no “alamot” sanku nne so.

Onyankopɔn ne yen guankɔbea ne yen ahooden, amanehunu mu boafɔ a ɔwɔ hɔ bere biara. 2 Enti se asase ani dan butuw, na mmepɔw tutu kogu po ase a, yerensuro, 3 se po bɔ asorɔkye na ehuru na ɛma nkoko wosow mpo a, yerensuro. 4 Asuten bi wɔ hɔ a ne nsuwansuwa de anigyɛ ba Onyankopɔn kuropon mu, bea kronkron a ɔsorosoroni no te. 5 Onyankopɔn te kuropon no mu, na ɔrenhwe ase; Onyankopɔn beboa no anɔpahema. 6 Amanaman yɛ hoo, na ahenni hwelwe ase; ɔma ne nne so ma asase nan. 7 Asafo Awurade ka yen ho. Yakob Nyankopɔn yɛ yen aban. 8 Bra behwe Awurade nnwuma, ɔsee a ɔde aba asase no so. 9 ɔma akodi gyae kosi asase ano. Obubu agyan mu na ɔsee peaw; ɔde ogya hyew nkatabo. 10 Monye komm na munhu se me ne Onyankopɔn; wɔbema me so wɔ amanaman no mu, wɔbema me so wɔ asase so. 11 Asafo Awurade ka yen ho; Yakob Nyankopɔn yɛ yen aban. Wɔde ma dwonkyerefo.

47 Koramma dwom. Amanaman nyinaa, mommɔ mo nsam; momfa anigyɛ ntee mu mfrɛ Onyankopɔn.

2 Awurade ɔsorosoroni no ho yɛ nwonwa, ɔyɛ ɔhene kese wɔ asase nyinaa so! 3 ɔde amanaman hyee yen ase, na ɔde nnipa hyee yen anan ase. 4 Oyii yen agyapade maa yen, nea eyɛ Yakob a ɔdɔ no no ahohoahoadɛ. 5 Onyankopɔn aforo kɔ soro wɔ anigyɛ nteeteemu mu, Awurade wɔ torobento nnyigyei mu. 6 To ayeyi nnwom ma Onyankopɔn, to ayeyi nnwom; to ayeyi nnwom ma yen Hene, to ayeyi nnwom. 7 Efise Onyankopɔn yɛ asase nyinaa so Hene. Monto ahurusi nnwom mma no. 8 Onyankopɔn di hene wɔ amanaman no so; Onyankopɔn te n'ahengua kronkron so. 9 Amanaman no mu akunini boaboa won ho ano se Abraham Nyankopɔn nkurofo, efise asase so ahemfo yɛ Onyankopɔn de; na woma no so kese.

48 Koramma dwom. Awurade yɛ ɔkese na ɔse nkamfo, wɔ yen Nyankopɔn kuropon mu, ne bepɔw kronkron so.

2 Ne sorokɔ ma eyɛ fɛ, eyɛ wiase nyinaa anigyede. Bepɔw Sion te se Safon sorɔnsorɔmmɛa, ɔhenkese no kuropon. 3 Onyankopɔn te n'abankese mu wada ne ho adi se ɔyɛ n'abandennen. 4 Bere a ahemfo yi boaa won ho ano, na wotuu ɔsa

bɔɔ mu no, 5 wohuu no ma eyɛɛ wɔn ahodwiriw, na wɔde ehɔ guanee. 6 Wɔbɔɔ huboa wɔ hɔ, ɔyaw a ete se ɔbea a awo aka no. 7 Woseɛ wɔn se Tarsis ahɛn a apuei mframa abɔ adwira wɔn. 8 Senɛa yeate no, saa ara na yeahu wɔ Asafo Awurade kuropon no mu, yen Nyankopɔn kuropon mu; Onyankopɔn ma etim hɔ afebɔɔ. 9 W'asɔredan no mu; Ao, Onyankopɔn, na yedwene wo dɔ a enni huammɔ da no ho, 10 Ao, Onyankopɔn, w'ayeyi du asase ano te se wo din te; trenɛɛ ayɛ wo nsa nifa mu ma. 11 Sion bepɔw di ahurusi, Yuda nkuraase no ani gye esiane w'atammu no nti. 12 Nantew Sion na twa ho hyia, kan n'abantenten dodow, 13 dwene n'afasu ho yiye, hwe n'abankese no, na woaka ho asem akyerɛ nkyirimma. 14 Saa Onyankopɔn yi yɛ yen Nyankopɔn daa daa; ɔbeyɛ yen kwankyerefo akosi awiei mpo. Wɔde ma dwonkyerefo.

49 Koramma dwom. Muntie, mo saa nnipa yi nyinaa;

monye aso, mo a mowo wiase yi mu nyinaa, 2 nea ɔyɛ abomfiaa ne nea odi mu, adefo ne ahiafo nyinaa. 3 M'ano beka anyansasɛm; nsem a efi me koma mu bɛma nhumu. 4 Mɛbrɛ m'aso ase atie mmebusɛm; na sanku na mede bekyerɛ m'abisae ase. 5 Adɛn nti na ɛse se misuro, bere a nna bone aba, bere a amumɔyɛfo nnaadaafɔ atwa me ho ahyia, 6 wɔn a wɔde wɔn ho to wɔn ahonya so na wɔde wɔn ade dodow hoahoa wɔn ho? 7 Onipa biara rentumi nnye ne yɔnko nkwa na ɔrentumi mfa mpata biara mma Onyankopɔn, 8 nkwa ho mpata bo yɛ den, akatua biara renso, 9 se ebɛma no atena ase afebɔɔ a ɔrenhu porɔwee. 10 Obiara nim pefee se anyansafo wu; saa ara na nkwarefo ne agyimifo nso wu, na wogyaw wɔn ahonya ho ma afoforo. 11 Wɔn nna beyɛ wɔn afi afebɔɔ, wɔn atɛnɛa wo awo ntoatoaso bere a enni awiei mu, ɛmfa ho se wɔde wɔn din atoto nsase so. 12 Na onipa ahonya nyinaa akyi no, ɔrentena hɔ daa; ɔte se mmɔa a wowu no ara. 13 Eyi ne nea eda ho ma wɔn a wogyɛ wɔn ho di, ne wɔn akyidifo a wɔfoa wɔn nsem so. 14 Wɔte se nguan, na wɔbekɔ ɔda mu, na owu de wɔn beyɛ n'aduan. Atreneefo bedi wɔn so anɔpa; wɔn nipadua beporɔw wɔ ɔda mu, na wɔne wɔn adan akese no ntam akwan beware. (Sheol h7585) 15 Nanso Onyankopɔn begye me afi ɔda mu; ampa ara, ɔde me bekɔ ne nkyɛn. (Sheol h7585) 16 Se onipa nya ne ho a, mma ɛnnhaw wo; na se ne fi anigyɛ yɛ bebreɛ a, mma ɛnnhaw wo; 17 efise, se owu a ɔremmfa hweɛ nkɔ, n'anuoanyam ne no renko amoa mu. 18 Mpo ɔte ase no, ɔfaa no se

wahyira no, efise wokamfo nnipa bere a wodi yiye, **19** nanso obekò akòka n'agyanom ho, wòn a wòrenhu nkwa hann ara da no. **20** Onipa a òwò ahonya na onni nhumu no te sè mmoo a wowu.

50 Asaf dwom. Tweduampon, Onyankopon, Awurade no kasa, na òfre asase nyinaa efi apuei kosi atòe. **2** Onyankopon hyeren fi Sion kurow a ne fè wie pèye. **3** Yèn Nyankopon reba nanso òrenye komm; ogya a ehew nneema di n'anim, ahum a èretu atwa ne ho ahya. **4** Òfre òsorosoro ne asase, sè òrebu ne nkuròfo aten; **5** Òka se, “Boaboa nnipa a wàtew wòn ho no ano ma me; wòn a wònam afòrebò so ne me yèe apam no.” **6** Òsoro pae mu ka ne trennee, na Onyankopon ankasa ne otemmufo. **7** “Muntie, me nkuròfo, na mekasa, medi adanse atia wo, Israel; Mene Onyankopon, wo Nyankopon no. **8** Merenka mo anim wo mo afòrebòde anaa mo hyew afòre a ewò m'anim daa no ho. **9** Anantwinini a wofi mo mfuw so anaa mpapo a wofi mo buw mu ho nhia me, **10** efise kwae mu aboa biara ye me de, anantwi a wòwò nkoko mpempem so nso saa ara. **11** Minim anomaa biara a òwò mmepòw no so, na wuram abòde nyinaa ye me de. **12** Sè òkòmm dee me a, anka merenka nkyere mo; efise, wiase ne nea ewò mu nyinaa ye me de. **13** Mewe anantwinini nam, na menom mpapo mogya ana? **14** Momfa aseda afòre mma Onyankopon, na munni bò a mohyèe Òsorosoroni no so, **15** na momfrè me hiada; na megye mo na moahye me anuonyam.” **16** Nanso amumòyefo de, Onyankopon bisa wòn se, “Aden nti na moka me mmara na m'apam da mo ano? **17** Mukyi me nkyerekere, na motow me nsem gu mo akyi. **18** Sè muhu òkoròmfo a mode mo ho bò no; na mo ne nguaman nso bò. **19** Mode mo ano ye bòne, na mode mo tekrema boaboa nnaadaa ano. **20** Mokasa tia mo nuabarima bere biara na mosopa mo ankasa na ba. **21** Moaye eyinom nyinaa; nanso manka hwee, enti mususuw sè mete sè mo. Nanso mèka mo anim, na mede mo sobo asi mo anim. **22** “Munnwen eyi ho, mo a mo wèrè fi Onyankopon, anye saa a, metetew mo mu nketenkete a obiara remmegye mo; **23** Nea òbò aseda afòre no hye me anuonyam, na osiesie kwan senea mēda Onyankopon nkwaye adi akyere no.” Wòde ma dwonkyerefo.

51 Dawid dwom a òtoo no bere a òde ne ho kaa Batseba na odiyifo Natan kòò ne nkyen no. Ao, Onyankopon hu me mmòbò, senea w'adòe a ensa da

no te; w'ahummòbò kese no nti, pepa me mmarato. **2** Hohoro m'amumòye nyinaa na tew me ho fi me bòne mu! **3** Na mahu me mmarato, na mekae me bòne daa. **4** Maye mfomso atia wo; atia wo nko ara na maye nea eye bòne wò w'ani so, enti wudi bem wò w'atemma mu na wotee wò w'atemma mu. **5** Ampa ara wòwò me wò bòne mu, na bòne mu na me na nyinsen me. **6** Ampa ara nokware na wohwehwe wò me mu. Wokyerè me nyansa a mu dò. **7** Fa adwerè hohoro me ho, na me ho afi; guare me, na mèhoa asen sukyeremma. **8** Ma mente ahosèpew ne anigye nka; na ma nnompe a woabubu no nni ahurusi. **9** Kata w'ani wò me bòne ho na pepa m'amumòye nyinaa. **10** Ao, Onyankopon, bò koma a mu tew wò me mu, na ye honhom a atim no fòforo wò me mu. **11** Mpam me mfi w'anim, na nyi wo Honhom Kronkron mfi me mu. **12** Fa wo nkwaye mu anigye no ma me bio, na ma me òpe honhom a ebema magyina. **13** Afei mèkyere nnebòneyefo w'akwan, na amumòyefo besan aba wo nkyen. **14** Ao, Onyankopon, gye me fi mogya ho afòdi mu. Onyame a wugye me nkwa, na me tekrema beto wo trennee ho dwom. **15** Awurade, bue m'ano fafa, na mede m'ano bepae mu aka w'ayeyi. **16** Wompè afòrebò, anka mèbò; w'ani nnye òhyew afòre ho. **17** Onyankopon afòre ye honhom a abotow, Onyankopon, worempon ahonu ne ahobrase koma. **18** Ma enye wo fè sè wobema Sion anya nkòso wò w'anigye mu; na woasi Yerusalem afasu. **19** Afei w'ani begye òtreneeni afòrebò ho, òhyew afòre a edi mu; na wòde anantwinini bèbò afòre w'afòremuka so. Wòde ma dwonkyerefo.

52 Dawid “maskil” dwom. Òtoo bere a Edomni Doeg bèka kyere Saulo se, “Dawid akò Ahimelek fi” no. Òkese, aden nti na wohoahoa wo ho wò wo bòne ho? Aden nti na wohoahoa wo ho da mu nyinaa, wo a woye animguasede wò Onyankopon ani so? **2** Wo tekrema bò òsèe ho pòw; ete sè oyiwan a ano ye nam yiye. Wo a wutwa nkontompo nko ara. **3** W'ani gye bòne ho sen papa, wope atoro sen sè wobeka nokware. **4** Wòdò asem biara a ède òhaw ba, wo tekrema daadaafo! **5** Ampa ara Onyankopon de òsèe a enni awiei bèbre wo; òbetwe wo afi wo ntamadan mu na watetew wo mu; òbetòre w'ase wò ateasefo asase so. **6** Atreneefo behu eyi na wòasuro; wòbeserew no na wòaka se, **7** “Hwè, onipa no ni, nea wamfa Onyankopon anye n'abandennen na mmom òde ne ho too n'ahonya dodow so, na onyaa ahòoden de sèee

afoforo no!” 8 Nanso mete se ngodua a erenyin wo Onyankopon fi: mede me ho to Onyankopon do a ensa da no so daa nyinaa. 9 Meyi wo aye daa wo nea woaye nti; wo din so na m’ani beda, efise eye. Meyi wo aye wo w’ahotefo anim. Wode ma dwonkyerefo. Wode “mahalat” sanku nne na eto.

53 Dawid dwom. Okwasea ka wo ne koma mu se, “Onyankopon bi nni ho.” Porowee adi won, na won akwan ye animguase. Obiara nni ho a oye ade pa. 2 Onyankopon fi osoro hwe adesamma wo fam se obehu won mu bi a wawo ntease, ana ebinom a wohwehwe Onyankopon. 3 Nanso nnipa nyinaa atwe won ho a fi Onyankopon ho; won nyinaa aye bone. Obiara nni ho a oye papa. Obaako mpo nni ho. 4 Enti abonefo rensua nyansa ana? Wowe me nkurofo senea nnipa di aduan. Wonnsu mfre Onyankopon. 5 Won na wawo ho a waboo huboa wo faako a ehu nni. Onyankopon hwetee won a wotow hyee wo so no nnompe mu; wuguu won anim ase, efise Onyankopon buu won animtiaa. 6 Ao, Israel nkwaye mfi Sion mmra! Awurade besan de ne nkurofo agyapade ama won. Na Yakob adi ahurusi, na Israel ani agye! Wode ma dwonkyerefo. Wobo no sanku so.

54 Dawid “maskil” dwom. Otoo no bere a Sififo koka kyeree Saulo se, “Dawid abehintaw wo yen mu.” Ao, Onyankopon, gye me wo wo din mu; fa wo tumi bu me bem. 2 Ao, Onyankopon, tie me mpaebo; tie m’anom nsem. 3 Ahoho retow ahye me so. Atirimodenfo rehwehwe me akum me; nnipa a wommfa Onyankopon nye hwee. 4 Ampa ara, Onyankopon ne me boafu; Awurade ne me hwefo. 5 Ma mmusu nkyim mmra won a wodi me ho nseku no so; wo nokwaredi mu, see won. 6 Mefi me pe mu abo afore ama wo; Awurade, meyi wo din aye, efise eye. 7 Woagye me a fi me haw nyinaa mu, na m’ani ahu nkonimdi wo m’atamfo so. Wode ma dwonkyerefo. Wode sanku na eto.

55 Dawid “maskil” dwom. Ao Onyankopon, tie me mpaebo, mmu w’ani ngu me nkotosre so, 2 tie me na gye me so. Me dadwen haw me na ama maye basaa, 3 esiane nea me tamfo reka, esiane omumoyefo ahunahuna nti; efise wode amanehun ba me so; na wofi won abufuw mu kum me. 4 Me koma wo ahoyeraw mu; na owu huboa aba me so. 5 Ehu ne ahopopo akyekyere me. Ahodwiriw abu afa me so. 6 Mekae se, “Ao, se mewo ntaban se aburuburu a,

anka metu ako ama me ho ato me, 7 anka metu ako akyirikyiri akotena sare so; 8 anka meye ntem ako me hintabea, faako a mframahweam ne ahum mmen koraa.” 9 Awurade, ma amumoyefo nye basaa, na ma won kasa ntoto, efise mihu basabasaye ne aperepere wo kuropon no mu. 10 Awia ne anadwo wotetew n’afasu ho; adwemmone ne asisi wo mu. 11 Adeseefo dom reye adwuma wo kuropon no mu. Ahunahuna ne nnaadaa wo ne mmonten so daa. 12 Se eyee otamfo na oesopa me a, anka metumi agyina ano; se eyee otamfo na orema ne ho so atia me a, anka metumi de me ho ahintaw no. 13 Nanso eye wo, odesani te se me, me yonko, m’adamfo kann, 14 a kan no na me ne no wo ayonkofa a mu ye den bere a yen nyinaa baa mu yuu koo Onyankopon fi na yeka asomfo no ho no. 15 Ma owu mmefa m’atamfo mpofirim; ma wonko oda mu anikann, efise bone te won mu. (Sheol h7585) 16 Nanso misu fre Onyankopon, na Awurade gye me nkwa. 17 Anwummere, anopa ne awia, mede mmaboronne su fre no, na ote me nne. 18 Ode ne ho bo afore ma minya me ti didi mu wo ako a wodi tia me no mu, mpo dodow na wosore tia me. 19 Onyankopon a wosi no hene afebo no, obete won nka na wahaw won, obehaw nnipa a wonsakra won akwan da na wonsure Onyankopon nso. 20 Me yonko tow hye ne nnamfonom so; na obu n’apam so. 21 Owo tekremawo, nanso otan wo ne koma mu. N’ano asem dwudwo sen ngo, nanso eye afoa a watwe. 22 Fa wo haw to Awurade so na ono na obegye wo; oremma otreneeni nhwe ase. 23 Nanso wo, Onyankopon, wobebre amumoyefo ase ama wooko oporow amoa mu; mogyapefo ne nnaadaafo renni won nkwanna mu fa. Nanso me de, mede me ho to wo so. Wode ma dwonkyerefo. Woto no senea woto “Aburuburu a osi Akyirikyiri Odum so,” nne so.

56 Dawid dwom a otoo bere a Filistifo kyeree no wo Gat no. Onyankopon, hu me mmobo na nnipa taa me anibere so; da mu nyinaa womia won taa no mu. 2 Won a wobo me ahohora taa me da mu nyinaa; won a woma won ho so tia me no dwo. 3 Se mebo hu a, mede me ho beto wo so. 4 Onyankopon a mekamfo n’asem no, mede me ho to Onyankopon so, na merensuro. Den na onipa desani betumi aye me? 5 Da mu nyinaa wogyee m’ano si bone; bere biara wobo pow se wobesee me. 6 Wobo pow, wotetew, wohwe m’anammantu, susuw se wobekum me. 7 Won amumoye nti mma wommfa won ho nni; Onyankopon,

brɛ amanaman no ase wɔ w'abufuw mu. **8** Kyerɛw me kwadwom to hɔ; sese me nusu wɔ wo nhoma mmobɔwee no mu. Enni nea woakyerɛw ato hɔ no mu ana? **9** Sɛ mɛpɛ mmoa fi wo hɔ a, m'atamfo besan wɔn akyi. Eyi bɛma mahu sɛ Onyankopɔn wɔ m'afa. **10** Onyankopɔn a mekamfo n'asɛm no, Awurade a mekamfo n'asɛm no, **11** mede me ho to Onyankopɔn so; na merensuro. Dɛn na ɔdesani betumi ayɛ mɛ? **12** Me Onyankopɔn, mehɔ bɔ a mahɔ wo no ase, mede m'asɛda afɔrɛ bɛbrɛ wo. **13** Efisɛ, woagyɛ me afi owu mu, na m'anan anhintiw, na matumi anantew Onyankopɔn anim wɔ nkwa hann no mu. Wɔdɛ ma dwonkyɛrɛfo no. Wɔto no sɛnea wɔto "Mma Wɔnnɛɛ No" nne so.

57 Dawid dwom a ɔtoo bere a oguan fii Saulo nkyɛn kɔɔ ɔbodan no mu. Hu me mmɔbɔ, me Onyankopɔn, hu me mmɔbɔ, na wo mu na me kra nya guankɔbɛa. Wo ntaban nwini ase na mɛpɛ guankɔbɛa kosi sɛ amanehununu no betwa mu. **2** Misu frɛ Onyankopɔn, Ɔsorosoroni no; Onyankopɔn a ɔma ne pɛ ba mu wɔ me ho. **3** Ɔsoma fi ɔsoro hɔ begyɛ me nkwa, ɔka wɔn a wɔtaa me anibere so no anim; Onyankopɔn soma ne dɔ ne ne nokware. **4** Gyata atwa me ho ahyia; meda mmoa a wɔwɛ nam amono mu, nnipa a wɔn se te se mpeaw ne mmɛmma na wɔn tɛkrɛma te se afoa a eyɛ nnam. **5** Onyankopɔn, ɛsɛ sɛ wɔma wo so tra ɔsoro, na ama w'anuonyam aba asase nyinaa so. **6** Wɔtrɛw asau mu de sum m'anan afiri, ahohiahia brɛɛ me ase. Wotuu amoa wɔ me kwan mu, nanso wɔn ankasa akɔtɔtɔ mu. **7** Ao, Onyankopɔn, me koma agyina pintinn, me koma yɛ pintinn; mɛto dwom na mayi wo ayɛ. **8** Me kra nyan! Sanku ne bɛnta, munnyan! Me nso menyan anɔpahema. **9** Awurade, mekamfo wo wɔ aman no mu; mɛto wo ho nnwom wɔ nnipa mu. **10** W'adɛɛ so, ɛkorɔn sen ɔsoro; wo nokwaredu du wim. **11** Ao, Onyankopɔn, wɔmma wo so mmoro ɔsoro; ma w'anuonyam nkata asase nyinaa so. Wɔdɛ ma dwonkyɛrɛfo. Wɔto no sɛnea wɔto "Mma Wɔnnɛɛ No" sanku nne so.

58 Dawid "miktam" dwom. So mo asodifo, ampa ara sɛ, moka asɛm a ɛtɛɛ ana? Mubu atɛntɛnɛɛ wɔ nnipa mu ana? **2** Dabi da! Modwɛnɛ ntenkyɛw wɔ mo koma mu na mo nsa de akakabɛnsɛm ba asase so. **3** Amumɔyɛfo fom kwan fi awo mu; wɔyɛ mmaratɔfo fi awotwaa mu na wodi atoro. **4** Wɔn ano bɔrɛ te se ɔwɔ de, ɛtɛ se ɔprammiri a wawɛn n'aso, **5** a ɔntɛ

ntafowayifo dwom, na ne dwom dɛdɛ no mpo mfa ne ho. **6** Ao Onyankopɔn, bubu ɛsɛ a egu wɔn anom, Awurade, tutu gyata no sɛbɔmmɔfo no gu! **7** Ma wontwa mu nkɔ sɛ sunsuan; sɛ wɔtwɛ wɔn agyan a, ma wɔn bɛmma no ano nwu. **8** Ma wɔnyɛ sɛ nwaw horɔdɔhorɔdɔ bi a ɔrenan agu wɔ bere a ɔrɛtɛnɛ no. Ma wɔnyɛ sɛ ɔba a owu wɔ awoɛ a onhu owia koraa. **9** Ansa na mo nkuku bɛtɛ nsɛɛ ano yaw, sɛ eyɛ amono anaa awo no, wɔbɛpra amumɔyɛfo akɔ. **10** Sɛ wɔto wɛrɛ ma atɛnɛɛfo a wɔn ani begyɛ, na wɔbɛhohoro wɔn anan ho wɔ amumɔyɛfo mogya mu. **11** Afei nnipa bɛka sɛ, "Ampa ara atɛnɛɛfo kɔ so nya wɔn akatua; na ampa ara Onyankopɔn bi wɔ hɔ a obu wiase atɛn." Wɔdɛ ma dwonkyɛrɛfo.

59 Wɔto no sɛnea wɔto "Nsɛɛ No" sanku nne so. Dawid "miktam" dwom. Ɔtoo no bere a Saulo soma kɔwɛn Dawid fi sɛ wonkokum no no. Ao, Onyankopɔn, gye me fi m'atamfo nsam; bɔ me ho ban fi wɔn a wɔtaa me no ho. **2** Gye me fi amumɔyɛfo nsam. Gye me nkwa fi mogyapɛfo nsam. **3** Hwɛ sɛnea wɔatɛw rehwehwe me akum me! Nnipa a wɔn ho yɛ hu bɔ pɔw bɔnɛ tia me a emfi me mfomso anaa bɔnɛ bi, Awurade. **4** Menyɛɛ mfomso bi, nanso wɔayɛ krado sɛ wɔbɛtow ahyɛ me so. Sɔrɛ begyɛ me; hwɛ m'amanehununu! **5** Wo, Awurade Nyankopɔn, Israel Nyankopɔn, ma wo ho so na twe amanaman no nyinaa aso; nhu amumɔyɛfo nkontompɔfo no mmɔbɔ. **6** Wɔsan ba anwummɛrɛ, wɔbɔbɔ mu sɛ akraman, na wokyyinkyin kuropon no mu. **7** Hwɛ nea wɔfɛ fi wɔn anom, wɔn anɔfafa mu nsɛm ano yɛ nnam sɛ mfoa, na wɔsusuw sɛ: "Hɛna na ɔbɛtɛ yɛn nka?" **8** Nanso wo Awurade, wosɛrɛw wɔn; wudi saa aman no nyinaa ho fɛw. **9** Wɔnɛ m'Ahɔɔdɛn, mehwe wo kwan; wo, Onyankopɔn, ne m'abandɛnnɛn, **10** me Nyankopɔn a mɛtumi atweri no. Onyankopɔn bɛdi m'anim na ɔbɛma mahwe wɔn a wɔbɔ me ahohora no haw. **11** Nanso nkum wɔn, Awurade, yɛn nkatabo, na me nkurɔfo wɛrɛ amfi wɔn. Wo tumi mu no tutu wɔn ase, na brɛ wɔn ase. **12** Bɔnɛ a efi wɔn anom, ne wɔn ano nsɛm nti ma wɔn ahomaso nkyɛkyɛrɛ wɔn. Abusɛm a wɔka ne atoro a wotwa nti, **13** sɛɛ wɔn wɔ abufuwhyɛw mu, kosi sɛ wɔn ase bɛtɔrɛ. Afei ɛbɛma asase so mmaa nyinaa ahu sɛ Onyankopɔn di Yakob so. **14** Wɔsan ba anwummɛrɛ, wɔbɔbɔ mu sɛ akraman, na wokyyinkyin kuropon no mu. **15** Wokyyinkyin pɛ aduan na sɛ wɔammɛɛ a, wosu bɔbɔ mu. **16** Nanso mɛto w'ahɔɔdɛn ho dwom, mɛto w'adɛɛ ho dwom

anopa; efise woye m'abandennen, me guankøbea wø ahohia mmere mu. 17 Ao m'Ahoøden, meto ayeyi dwom ama wo; wo, Onyankopøn, ne m'abandennen, me Nyankopøn a øye ødo. Wøde ma dwonkyerefo. Wøto no senea wøto "Susan Edut."

60 Dawid "Miktam" dwom. Wøde ye nkyerekyerø. Øtoo no bere a øne Aram Naharanfo ne Aram Zobafo koe na Yoab san kokum EDOMFO mpem dumien wø Nkyene Bon mu no. Onyankopøn, woapo yen, woabø yen agu; wo bo afuw yen, nanso gye yen bio! 2 Woawosow asase no na woapae mu; toatoa nea abubu no, efise erehinhim. 3 Woama wo nkurøfo ahu mmere bøne; woama yen nsa a ema yeto ntintan. 4 Nanso wøn a wosuro wo de, woama wøn frankaa so se wontu ntia agyan no. 5 Gye yen nkwa na fa wo nsa nifa boa yen, na ama wøn a wodo wøn no anya nkwa. 6 Onyankopøn akasa afi ne kronkronbea se, "Nkonim mu, mekye Sekem mu, na masusuw Sukot bon no. 7 Gilead ye me de; Manase nso saa ara; Ephraim ye me dade kyew, Yuda ye m'ahempema. 8 Moab ye me guasen, Edom so na metow me mpaboa gu; na metee mu nkonimdi so gu Filistifo so." 9 Hena na øde me bekø kuropon a wøabø ho ban no mu? Hena na obedi m'anìm ako Edom? 10 Onyankopøn, ønye wo na woapo yen na wo ne yen asraafo nkø øsa bio ana? 11 Boa yen tia øtamfo no, na ødesani mmoa nka hwee. 12 Onyankopøn wø yen afa yi, yebedi nkonim, na obetiatia yen atamfo so. Wøde ma dwonkyerefo. Wøde sanku na øto.

61 Dawid dwom. Ao, Onyankopøn, tie me sufrefi; tie me mpaebø. 2 Mifi asase ano frefi wo, mefrefi wo, efise me koma ato beraw; fa me kø øbotan a øware sen me no so. 3 Woaye me guankøbea, aban a øye den ma øtamfo no. 4 Me køn do se metena wo ntamadan no mu afebø na manya guankøbea wø wo ntaban nwini ase. 5 Woate me bø a mehyee no, Onyankopøn; na wode wøn a wosuro wo din no agyapade ama me. 6 To øhene nkwanne mu bebre; na ne mfe mfi awo ntoatoaso nkodu awo ntoatoaso. 7 Ma onni hene wø Onyankopøn anim daa fa w'adøe ne wo nokware bø ne ho ban. 8 Afei meto ayeyi dwom ama wo din daa na madi me bøhye so daa nyinaa. Wøde ma dwonkyerefo. De ma Yedutun.

62 Dawid dwom. Me kra wø ahomegye wø Onyankopøn nko ara mu; me nkwaye fi ne nkyen. 2 Ampa, øye me botan ne me nkwaye; øye m'abandennen, hwee renhinhim me da. 3 Mobekø

so ahye onipa so akosi da ben, mo nyinaa besum me ahwe fam ana? Øfasu a akyea yi, ban a erebu yi? 4 Ampa, wøaye adwene se wobetu no afi ne dibe a økorøn no so; wøn ani gye atorodi ho. Wøde wøn ano hyira na wøn koma mu de, wødome. 5 Yiw me kra, gye w'ahome wø Onyankopøn nko ara mu; na ne mu na m'anidaso wø. 6 Ampa, øye me botan ne me nkwaye; øye m'abandennen, hwee renhinhim me. 7 Me nkwaye ne m'anuonyam gyina Onyankopøn so; øye me botan a økorøn, ne me guankøbea. 8 Mo nnipa, momfa mo ho nto ne so daa; monka mo koma mu nsem nyinaa nkyere no, efise Onyankopøn ne yen guankøbea. 9 Nnipa nyinaa te se home; akese ne nkumaa nyinaa nka hwee; se wøkari wøn wo nsania so a, wønka hwee; wøn nyinaa bø mu a wøye home nko. 10 Mommfa mo ho nto asisi so na monnhoahoa mo ho økorønne ho; øwø mu se mo ahonya døso de, nanso mommfa mo koma nto so. 11 Asem baako na Onyankopøn aka, nsem abien na mate se, wo, Onyankopøn, na wowø ahoøden, 12 na wo, Awurade, na wøye adøe, ampa ara wubetua obiara ka senea n'adwuma te.

63 Dawid dwom. Bere a øwø Yuda Sare so no na øtoe. Wo, Onyankopøn, ne me Nyankopøn Mehwehwe wo anibere so; wo ho sukom de me kra, me nipadua ani agyina wo, wø asase a awo na asade nni mu so, faako a nsu nni. 2 Mahu wo wø Kronkronbea hø mahu wo tumi ne w'anuonyam. 3 Esiane se w'adøe di mu sen nkwa nti m'anofafa bøhye wo anuonyam. 4 Se mete ase yi, mekamfo wo, na wo din mu na mema me nsa so. 5 Me kra bæmee senea wadi aduan papa bi; mede anofafa a øto dwom beyi wo aye. 6 Meda me mpa so a, mekae wo. Anadwo dasu mu nyinaa, midwen wo ho. 7 Efise wone me boafø, wo ntaban ase nwini mu na meto dwom. 8 Me kra bata wo ho; na wo nsa nifa kura me mu. 9 Wøn a wøpe me akum me no bæse; wøbekø asase ase tøn. 10 Wøbedan wøn ama afoa na wøbeye aduan ama sakraman. 11 Nanso øhene bedi ahurusi wø Onyankopøn mu; wøn a wøka ntam wø Onyankopøn din mu nyinaa bekamfo no, na wobemua atorøfo ano. Wøde ma dwonkyerefo.

64 Dawid dwom. Me Nyankopøn, tie me, bere a mereka me haw; bø me kra ho ban fi øtamfo ahunahuna ho. 2 Fa me sie fi amumøyefo agyinatu ho, ne nnebøneyefo pøwbø ho. 3 Wøsew wøn tøkrema se afoa na wøde atirimøden nsem søn se mmemma

weremfo. 4 Wofi ahintawee mu, tow bɔ onipa a ne ho nni asɛm; wɔtow bɔ no mpofirim a wonsure. 5 Wɔhyehye wɔn ho wɔn ho nkuran wɔ wɔn amumɔye nhyehyee ho, woka sɛnea wobesum wɔn mfiri asie; woka se, “Hena na obehu yen?” 6 Wɔbɔ ntenkyew ho pɔw na woka se, “Yɛaye nhyehyee a ɛso nni koraal!” Ampa ara onipa koma ne n’adwene ye anifere. 7 Nanso Onyankopɔn beto bɛmma abɔ wɔn; na wɔbɛhwe fam preko pɛ. 8 Ɖbedan wɔn ankasa tɛkrɛma atia wɔn na ɔde wɔn aba ɔsee mu; na wɔn a wobehu wɔn nyinaa de animka bebɔ wɔn ti nko. 9 Adesamma nyinaa besuro; wɔbɛpae mu aka Onyankopɔn nnwuma na wɔasusuw nea waye ho. 10 Ma atreneefo nni ahurusi wɔ Awurade mu na wɔmpɛ guankɔbea wɔ no mu; ma wɔn a wɔn koma mu tew nyinaa nyi no aye! Wode ma dwonkyerefo.

65 Dawid dwom. Yen Nyankopɔn, ayeyi retwen wo wɔ Sion, na yebedi yen bɔ a yɛahye wo no so. 2 Wo a woye mpaebɔ tiefo, wo nkyen na nnipa nyinaa beba. 3 Bere a yen bɔne menea yen no, wo na wode yen mmarrato kyee yen. 4 Nhyira nka wɔn a wuyi wɔn ma wɔbɛn wo sɛ wɔntena w’adiwo hɔ! Nneɛma pa a ɛwɔ wo fi ahye yen ma, nea ɛwɔ w’asɔredan kronkron mu no. 5 Wode trenɛe nnwuma a ɛye nwonwa ma yen mmuae, Onyankopɔn, yen agyenkwa, asase so mmaa nyinaa anidaso ne po so akyirikyiri nso. 6 Wonam wo tumi so yɛe mmepɔw de daa w’ahɔɔden adi. 7 Wudwudwoo po asorɔkye ano, asorɔkye no mmobɔwee, ne amanaman no hooye. 8 Wɔn a wote akyirikyiri no suro w’anwonwade; faako a ade kye, nea anwummere yera, wofrɛ ahurusi nnwom wɔ hɔ. 9 Wohwe asase no gugu so nsu; woma no ye asase pa ma eboro so. Wode nsu hye Onyankopɔn nsuwansuwa ma sɛnea ebɛma nnipa no aduan, efise saa ne nea woahye. 10 Wofɔw nea woafuntum hɔ no fɔkyee na wokaa nkɔmoa no kataa so; wode nsu petee so ma no yɛe betɛɛ na wuhyiraa so afifide. 11 Wode nnɔbae bebreɛ wiee afe no, na wo nteaseenam yɛe ma buu so. 12 Sare so nwura dɔɔso na anigye baa nkoko so. 13 Nguanakuw ahye adidibea hɔ ma na awi akata aku no so; wɔbɔ ose, to ahosɛpɛw dwom. Wode ma dwonkyerefo.

66 Dawid dwom. Asase nyinaa momfa ahosɛpɛw ntee mu mma Onyankopɔn! 2 Monto ne din anuonyamhye ho dwom; momma n’ayeyi nye anuonyamhye! 3 Munse Onyankopɔn sɛ, “Wo nneyee ye nwonwa dodo! Wo tumi so mmoroso a w’atamfo

nyinaa de osuro kotow w’anim. 4 Asase nyinaa kotow wo; woto ayeyi dwom ma wo, woto dwom kamfo wo din.” 5 Mommra mmehwe nea Onyankopɔn aye; anwonwade a waye wɔ nnipa mu. 6 Ɖmaa po yɛe asase kesee; wɔnantew twaa nsu no mommra mma yenni ahurusi wɔ no mu. 7 Ɖde ne tumi di hene daa daa, na ɔde n’ani nso hwe aman so. Mma atuategwɔ nsɔre ntia no. 8 Aman nyinaa, munhyira yen Nyankopɔn, momma wonte mo nkamfo no nnyigyei; 9 wahwe yen nkwa so na wamma yen anan anwatiri. 10 Na wo, Onyankopɔn, wosɔ yen hwɛe; na wonan yen sɛ dwete. 11 Wode yen koguu afiasɛ na wode nneɛma a ɛye duru too yen akyi. 12 Womaa yen atamfo twiɔ faa yen so; yɛfaa ogya ne nsu mu, nanso wode yen baa faako a nnɛpa abu so. 13 Mede ɔhyew afɔre beba w’asɔredan mu na madi bɔ a mahye wo no so, 14 bɔ a m’anofafa hyee, na m’ano kaa bere a na mɛwɔ ɔhaw mu no. 15 Mede mmoa a wɔadɔ sɔrɛde bebɔ afɔre ama wo; adwennini ayeyɛde; mede anantwinini ne mpapo bebɔ afɔre. 16 Mommra mmetie, mo a musuro Onyankopɔn nyinaa; momma menka nea waye ama me nkyere mo. 17 Mede m’ano su frɛɛ no; na me tɛkrɛma yii no aye. 18 Sɛ mede bɔne hyee me koma mu a, anka Awurade antie me. 19 Nanso nokware, Onyankopɔn atie me, wate me mpaebɔ. 20 Nhyira nka Onyankopɔn, a wampo me mpaebɔ na wanyi n’adɛ amfi me so. Wode ma dwonkyerefo. Wode sanku na eto.

67 Dwom. Onyankopɔn nnom yen na onhyira yen ɔmma n’anim nhyeren wo yen so, 2 na ɔmma wonhu n’akwan wɔ asase so, ne ne nkɔwagyɛ wɔ amanaman no nyinaa mu. 3 Ma adesamma nyi wo aye, Onyankopɔn; ma nnipa nyinaa nkamfo wo. 4 Ma amanaman ani nnye na wɔnto ahosɛpɛw dwom, efise wudi nnipa no so trenɛe mu na woma asase so amanaman no akwankyere. 5 Ma adesamma nyi wo aye, Onyankopɔn; ma nnipa nyinaa nkamfo wo! 6 Afei asase no bebɔ ne nnɔbae, na Onyankopɔn, yen Nyankopɔn ahyira yen. 7 Onyankopɔn behyira yen, na asase mmaa nyinaa besuro no. Wode ma dwonkyerefo.

68 Dawid dwom. Ma Onyankopɔn nsɔre, ma n’atamfo nhwete; wɔn a wotan no no nguan mfi n’anim. 2 Sɛnea mframa bɔ wusiɔ gu no, saa ara na bɔ wɔn gu; sɛnea sɔrɛde nan wɔ ogya so no, saa ara na amumɔyefo nyera mfi Onyankopɔn anim. 3 Nanso ma atreneefo

ani nnye na wɔnsepew wɔn ho wɔ Onyankopɔn anim; ma wɔn ho ntɔ wɔn na wonni ahurusi. **4** To dwom ma Onyankopɔn, to dwom yi ne din aye. Ma nea ɔnantew omununkum so no din so. Ne din ne Awurade; ma w'ani nnye wɔ n'anim. **5** Ayisaa agya ne nea odi akunafo asem ma wɔn ne Onyankopɔn a ɔte n'atenae kronkron hɔ. **6** Ɔma ohiani tena mmusua mu, na ɔde nnwonto yi nneduafo ma wode wɔn ho; na atuatewfo de, wɔtena asase a awo so. **7** Onyankopɔn, bere a wudii wo nkurofo anim, bere a wode wɔn faa sare so no, **8** asase wosowee, na ɔsoro tuee osu guu fam, wɔ Onyankopɔn, Sinai Nyankopɔn, Onyankopɔn, Israel Nyankopɔn no anim. **9** Womaa osu tɔɔ bebre, Ao, Onyankopɔn, guu w'agyapade a abotow no so ma eyee frɔmfrɔm. **10** Wo nkurofo bɔɔ atenase wɔ so, Onyankopɔn, wonam w'adɔe bebre no so hwɛe ahiafo. **11** Awurade kaa asem no, na dodow no ara ne wɔn a wɔpae mu kae; **12** "Ahemfo ne wɔn asraafo guan ntem so; mmea a wɔwɔ fie no kye asade. **13** Mpo bere a woda nguanban mu no, wode dwete duraa m'aborɔnoma ntaban ho, de sikakokɔɔ a ehyeren guu wɔn ntakra so." **14** Bere a Otumfo bɔɔ ahene a wɔwɔ asase no so hwetee no, na ete se sukyeremma a agu Bepɔw Salmon so. **15** Basan mmepɔw gyinagyina hɔ, Basan mmepɔw so ye abonkyiabonkyi. **16** Wo bepɔw abonkyiabonkyi, aden nti na wode ani bɔne hwe bepɔw a Onyankopɔn ayi se obedi so hene, faako a Awurade ankasa betena afebɔɔ? **17** Onyankopɔn nteaseɛnam ye mpem mpem ne mpem mpem mu mpem; Awurade fi Sinai aba ne kronkronbea. **18** Bere a woforo kɔɔ soro no, wode nnommum kaa wo ho; wunyaa ayeyede fii nnipa hɔ, fii atuatewfo hɔ mpo, se ebeye a wobetena hɔ, Awurade Nyankopɔn. **19** Ayeyi nka Awurade, nka Onyankopɔn yen Agyenkwa, nea ɔsoa yen nnesoa da biara no. **20** Yen Nyankopɔn ye Onyankopɔn a ogye nkwa; na Awurade mu na owu tow fom yen. **21** Ampa ara Onyankopɔn bedwerew n'atamfo ti, wɔn a wɔkɔ so ye bɔne ti kusuu no. **22** Awurade ka se, "Mede wɔn befi Basan aba; Mede wɔn befi po bun mu aba, **23** na moanantew wɔn a wokyi mo no mogya mu na mo akraman tɛkrema anya wɔn kyefa." **24** Onyankopɔn, yɛahu wo santen yuu no, me Nyankopɔn ne me Hene santen yuu no a ɔde reba ne kronkronbea hɔ. **25** Nnwontofo no wɔ anim, na asankubɔfo no nso di so, na mmabaa a wɔrewosow akasae nso ka wɔn ho. **26** Monkamfo Onyankopɔn wɔ asafo kese no mu; monkamfo Awurade wɔ Israel

nnipakuw no mu. **27** Abusuakuw ketewa, Benjamin na odi wɔn kan, Yuda mmampɔmma kuw kese no di so, na Sebulon ne Naftali mmampɔmma aba. **28** Kyere wɔ tumi, Onyankopɔn; da w'ahooden adi kyere yen, senea woaye pen no. **29** W'asɔredan a ɛwɔ Yerusalem nti ahemfo de ayeyede bebre wo. **30** Ka aboa a ɔhye mfea mu no anim, ne anantwinini kuw a wɔhye amanaman no nantwimma mu no. Bre wɔn ase kosi se wode dwete mpɔw beba. Bɔ wɔn a wɔn ani gye ɔko ho no pansam. **31** Ananmusifo befi Misraim aba, na Kus de ne ho bema Onyankopɔn. **32** Wiase ahemman, monto dwom mma Onyankopɔn, monto ayeyi nnwom mma Awurade, **33** monto mma nea ɔte tete ɔsorosoro so no, na ɔde nne kese bobɔ mu no. **34** Mompae mu nka Onyankopɔn tumi, nea ne keseye kata Israel so no, na ne tumi wɔ soro ɔsoro no. **35** Wo ho ye hu, Onyankopɔn, wɔ wo kronkronbea hɔ; Israel Nyankopɔn de tumi ne ahooden ma ne nkurofo. Ayeyi nka Onyankopɔn! Wode ma dwonkyerɛfo. Wɔto no se "Sukooko."

69 Dawid dwom. Ao, Onyankopɔn, gye me nkwa na nsu no abededa me kɔn mu. **2** Meremem wɔ dontori a mu dɔ mu, wɔ baabi a m'anan nnya sibe. Madu bun mu na nsu abu afa me so. **3** Mafre abre rehwehwe mmoa. Me mene mu ayow. M'ani so aye kusuu, na merehwehwe me Nyankopɔn. **4** Wɔn a wɔtan me kwa no dɔɔso sen me ti so nwi; wɔn a wɔtan me kwa no dɔɔso, wɔn a wɔhwehwe se wobesee me no. Wɔhye me se mennan nea minnwiae no mma. **5** Wo, Onyankopɔn, nim me nkwareasem; m'afɔdi nhintaw wo. **6** Awurade, Awurade Tweduampɔn, mma wɔn a wɔn ani da wo so no, anim ngu ase esiane me nti, Awurade, Asafo Awurade; Israel Nyankopɔn, mma wɔn a wɔhwehwe wo no anim ngu ase esiane me nti. **7** Wo nti migyina animka ano, na aniwu kata m'anim. **8** Mete se ɔɔho wɔ me nuanom mu, mete se ɔmamfrani wɔ me na mmabarima mu, **9** na wo fi ho mmɔdemmo hye me so, wɔn a wɔbɔ wo ahohora no animtiaabu beda me so. **10** Se mitwa adwo na midi mmuada a wɔbɔ me ahohora; **11** se mifura atweaatam a nnipa de me ye aserewde. **12** Wɔn a wɔtete ɔpon no ano no serew me, na akɔwensafɔ de me din to dwom. **13** Nanso meɔ wo mpae, Awurade, wɔ w'adom bere mu; wɔ w'adɔe kese no nti, Ao, Onyankopɔn, fa wo nokware nkwaye no gye me so. **14** Yi me fi dontori no mu, mma memmem wɔ mu; gye me fi wɔn a wɔtan me no nsam, ne nsu bun mu. **15** Mma nsu nnyiri mmfa me anaa bun mmene me anaa amoa nkata me

so. **16** Awurade, gye me so fi w'adɔe a eye no mu; w'adom nti, dan behwe me. **17** Mfa w'anim nhintaw wo somfo; gye me so ntem, na mewo ɔhaw mu. **18** Tiwi ben me na gye me; gye me nkwa, m'atamfo nti. **19** Wunim senea wɔkasa tia me, gu m'anim ase na wotiatia m'anim; w'ani tua m'atamfo nyinaa. **20** Kasatia ahye me koma so ama maye se obi a onni ɔboafo; mepeɛ awerekyekye, nanso mannya bi, mepeɛ ɔwerekyekyefo, nanso manhu bi. **21** Wode bɔnwoma guu m'aduan mu, osukom dee me no, wɔmaa me nsa nwenweenwen. **22** Ma won didipon a esi won anim nyi won se afiri; ma enye akatua ne afide mma won. **23** Ma won ani so nye won kusuu na wɔanhu ade, na ma won akyi nkuntun afeɔɔ. **24** Hwie w'abufuwwhyew gu won so; na ma w'abufuw huhuhuhu no mmra won so. **25** Ma won fi nye amamfo; mma obiara ntena won ntamadan mu. **26** Wɔtaa won a wupira won no, wɔka won a wupira won no yawdi ho asem. **27** Fa amumɔye mu amumɔye ho sobo bɔ won; mma wonnya wo nkwaye mu kyefa. **28** Pepa won din fi nkwa nhoma no mu, mfa won din nka atreneefo de ho. **29** Mewo ɔyaw ne ahohiahia mu; Onyankopon, ma wo nkwaye no mmo me ho ban. **30** Mede dwonto beyi Onyankopon din aye na mede aseda ahye no anuonyam. **31** Eyi besɔ Awurade ani yiye asen nantwi, asen nantwinini a otua mmen na ɔwo tote. **32** Mmɔborɔni behu na n'ani agye, mo a mohwehwe Onyankopon no koma benya nkwa. **33** Awurade tie won a ade ahia won, na ommu ne nkurɔfo nneɔuafo animtiaa. **34** Ma ɔsoro ne asase nkamfo no, po ne nea ekeka ne ho wo mu nyinaa, **35** efise Onyankopon begye Sion nkwa na wakyekye Yuda nkuropon no bio. Afei nnipa betena mu na aye won de; **36** N'asomfo asefo na wɔbefa ho, na won a wɔdo ne din no betena ho. Wode ma dwonkyerefo.

70 Dawid adesre dwom. Ao, Onyankopon, ye ntem gye me nkwa; Awurade bra ntem beboa me. **2** Ma won a wɔhwehwe me kra no anim ngu ase na wɔnye basaa; ma won a wɔhwehwe me see no nyinaa mfa animguase nsan won akyi. **3** Ma won a wɔka, “ɔtweal ɔtweal!” kyere me no nsan won akyi, esiane won aniwu nti. **4** Nanso ma won a wɔhwehwe wo nyinaa nsepew won ho na won ani nnye wo wo mu; ma won a wɔdo wo nkwaye no nka da biara se, “Onyankopon ye ɔkese!” **5** Me de meye ohiani a minni ɔboafo; Ao, Onyankopon, bra me nkyen ntem. Wo ne me boafa ne me gyefo; Awurade, ntwentwen w'anani ase.

71 Awurade, wo mu na maguan ahintaw; mma m'anim ngu ase da. **2** Wo trenee no nti, yi me na gye me; tie me na gye me nkwa. **3** Ye me nkwaye botan, faako a metumi ako daa; hye ma wommegye me nkwa, na wone me botan ne m'abandennen. **4** Me Nyankopon, gye me fi amumɔyefo nsam, gye me fi nnebɔneyefo ne atirimodenfo nsam. **5** Na woaye m'anidaso, Asafo Awurade, m'ahotoso fi me mmabun bere mu. **6** Mede me ho ato wo so fi awo mu; wo na wuyii me fii me na yafunu mu. Mekamfo wo daa. **7** Maye nsenkyerenne ama bebreɛ, nanso wo ne me guankɔbea dennen. **8** Wo nkamfo ahye m'anom ma, mekamfo w'anuaryam da mu nyinaa. **9** Ntow me nkyene bere a mabɔ akwakoraa; m'ahooden sa wo me mu a, nnyaw me. **10** Efise m'atamfo kasa tia me won a wɔtwen se wobekum me no bɔ mu pam me ti so. **11** Wɔka se, “Onyankopon agyaw no mu; momma yentiw no na yenkyere no, na obiara nni ho a obegye no.” **12** Me Nyankopon, mfi me nkyen nko akyiri; Onyankopon, ye ntem beboa me. **13** Ma won a wɔbo me sobo no nsee wo animguase mu; won a wɔpe se wopira me no ma ahohora ne animguase nkata won so. **14** Nanso me de, menya anidaso daa; meko so akamfo wo. **15** Meka wo trenee ho asem, ne wo nkwaye da mu nyinaa, nanso minnim ano. **16** Otumfo Awurade, meba abepae mu aka wo nnwuma akese no; mepae mu aka wo trenee, wo nko ara de no, akyere. **17** Onyankopon, efi me mmabun bere na wokyerɛkyereɛ me, na ebisi nne yi meka w'anwonwade a woaye kyere. **18** Mpo se mebo akwakoraa na mifuw dwen a, Onyankopon, nnyaw me, kosi se meka wo tumi ho asem akyere nkyirimma, ne wo keseye akyere won a wɔbeba nyinaa. **19** Onyankopon, wo trenee du ɔsorosoro, wo a woaye nneema akese. Onyankopon, hena na ɔte se wo? **20** Mmom woama mahu ɔhaw bebreɛ a eye yaw; nanso wɔbeɛma me nkwa bio; na wubeyi me bio, afa asase yam. **21** Wɔbehye me anuonyam bebreɛ na wɔakyekye me were bio. **22** Mede sanku bekamfo wo me Nyankopon, wo trenee nti meto w'ayeyi dwom wo sankuten so, Israel Kronkronni. **23** M'anofafa de anigye betee mu bere a meto dwom kamfo wo, me a woagye me no. **24** Me tekrema beka wo trenee nnwuma da mu nyinaa, efise won a wɔpe se wɔhaw me no ko animguase ne basaaye mu.

72 Salomo dwom. Ao, Onyankopon, fa w'atentreneɛ dom ɔhene no, na fa wo trenee ma ɔhene babarima. **2** ɔde trenee bebu wo nkurɔfo aten, obebu

wo nkurɔfo a wɔrehu amane no atɛntrenee. **3** Mmepɔw no de yiyedi bebɛ nniƆa no, nkoko no de trenee beba. **4** Ɖbeko ama nniƆa no mu amanehunufo na wagye wɔn a wonni bi mma nkwa; ɔbedwerɛw nhyesofo. **5** Owia ne ɔsram da so wɔ hɔ yi wobesuro wo awo ntoatoaso nyinaa mu. **6** Ɖbeyɛ se ɔsu a ɛto gu asase a wɔadow so so, te se obosu a egugu asase so. **7** Atreneefo benyin frɔmfrɔm wɔ ne bere so; yiyedi bebu so akosi da a ɔsram nni hɔ bio. **8** Obedi hene aƆi po akosi po, aƆi Asubɔnten Efrata akosi asase ano. **9** Sare so mmusua beƆotow n'anim na n'atamfo adi mfutuma. **10** Tarsis ne mpoano ahemfo a wɔwɔ akyirikyiri de sonkahiri bebɛ no; Saba ne Seba ahemfo de ayeƆede bebɛ no. **11** Ahemfo nyinaa beƆotow no, amanaman nyinaa besom no. **12** Na obegye mmɔborofo a wosu frɛ no, ne amanehunufo a wonni ɔboafɔ. **13** Obehu wɔn a wɔaye mmɛw ne ahiafo mmɔbɔ na wagye ahiafo nkwa. **14** Obegye wɔn aƆi nhyeso ne akakabensem ase, efise wɔn mogya som bo wɔ n'anim. **15** Ɖhene nkwa sol ma wɔmfa sikakɔkɔ mƆi Seba mmɛ no. Ma nniƆa mmɔ mpaɛ mma no na wonhyira no da mu nyinaa. **16** Aburɔw mmu so wɔ asase no so nyinaa; nnuan mmu so wɔ nkoko so, ma n'aba mmɔ se Lebanon; na enyin se mfuw so sare. **17** Ne din betena hɔ daa; entena hɔ nkyɛ se owia. Wɔbɛfa no so ahyira amanaman no, na wɔbɛfrɛ no nhyira. **18** Nhyira nka Awurade Nyankopɔn, Israel Nyankopɔn! Ɖno nko ara na ɔye anwonwade. **19** Nhyira nka ne din a anuonyam ahyɛ no ma no daa daa. Ma n'anuonyam nhyɛ wiase nyinaa ma. **20** Yisai ba Dawid mpaɛbo no awiei nni.

73 Asaf dwom. Ampa ara Onyankopɔn ye ma Israel, oye ma wɔn a wɔn koma mu tew. **2** Nanso me de, anka me nan reyɛ awatiri; anka merehwere me nnyinaso, **3** efise m'ani beree ahantanfo bere a mihu amumɔyɛfo yiyedi no. **4** Wonni aperepere; na wɔwɔ ahɔɔden ne apɔwmuden. **5** Dadwen a ɛtaa ba nniƆa so biara nna wɔn so; ɔdesani haw biara nna wɔn so. **6** Enti ahantan ye wɔn kɔnnuade, na wofura akakabensem. **7** Wɔn koma a apirim no mu na nnebɔne fi; na wɔn amumɔyɛ adwene nni awiei. **8** Wɔserew afoforo na wɔka wɔn ho nsem a enye; wɔde nhyeso hunahuna afoforo wɔ ahomaso mu. **9** Wɔn ano ka ɔsoro nsem, na wɔn tɛkrema agye asase afa. **10** Eno nti wɔn nkurɔfo ko wɔn nkyɛn na wonya nsu nom ma ebu so. **11** Wobisa se, “Ebeyɛ den na Onyankopɔn ahu? Na Ɖsorosoroni no wɔ nhumu ana?” **12** Sɛɛ na amumɔyɛfo no te, hwee

mfa wɔn ho, na wɔko so pɛ ahonyade. **13** Ampa ara, mannya hwee amfi me komantew mu; me nsa a enni Ɔ no aye ɔkwa. **14** Da mu nyinaa mihu amane; anɔpa biara wɔtwe m'aso. **15** Se mekae se, “Mekasa saa” a, anka midii wo mma no huammɔ. **16** Mebɔw mmɔden se mete eyinom nyinaa ase, nanso na ehyɛ me so. **17** kosii se mekɔw Onyankopɔn kronkronbea hɔ; ehɔ na metee nea awiei no ebɛba wɔn so no ase. **18** Ampa ara wode wɔn gu faako a hɔ ye toro wode wɔn hwe fam see wɔn pasaa. **19** Senea wɔsee preko pɛ, na ehu hwim wɔn ko no. **20** Ɖte se adaeso, bere a onipa anyan, Awurade, se wokanyan wo ho a, wubebu w'ani agu wɔn so se biribi a enni hɔ. **21** Bere a awerehow hyɛɛ me koma mu na me honhom dii yaw no, **22** meyeɛ se obi a onnim hwee na onni adwene; meyeɛ se aboa gymfo wɔ w'ananim. **23** Nanso na me ne wo wɔ hɔ bere biara; na wode wo nsa nifa aso me mu. **24** Wode w'afotu kyere me kwan; na akyiri no, wode me beko anuonyam mu. **25** Hena na mewo wɔ ɔsoro ka wo ho? Na biribiara nni asase so a mepe ka wo ho. **26** Me honam, ne me koma bedi me huammɔ, nanso Onyankopɔn ne me koma ahɔɔden ne me kyɛfa daa nyinaa. **27** Wɔn a wɔmmen wo no beyera. Wɔsee wɔn a wonni wo nokware nyinaa. **28** Nanso me de, minim se eye se wobeben Onyankopɔn. Mede Otumfo Awurade aye me guankɔbea; meka wo nneyɛɛ nyinaa akyere.

74 Asaf dwom. Ao, Onyankopɔn, aden nti na woapo yen koraa yi? Aden nti na w'abufuw hyew w'adidibea nguan? **2** Kae nkurɔfo a wɔwɔ wɔn teteete no, abusua a eye w'agyapade a wugyee wɔn no, Bepɔw Sion, faako a wote hɔ. **3** Dan w'anammɔntu kyere saa nnwiriwii a ɛto ntwa da yi, ɔtamfo no de saa ɔsɛɛ yi nyinaa aba wo kronkronbea no so. **4** W'atamfo bobɔw mu wɔ faako a wuhyiaa yen no; wɔasisi wɔn mfrankaa se agyiraehyede wɔ hɔ. **5** Wɔyɛɛ wɔn se nniƆa a wɔrehwim mmonnua de abubu nnua a aye nkyekyere. **6** Wɔde wɔn mmonnua ne nname bubuu nnua a wɔasen adi ho adwinni no. **7** Wɔhyew wo kronkronbea no dwerebee; woguu faako a wo Din te no ho fi. **8** Wɔkaa wɔ wɔn koma mu se, “Yebetiatia wɔn so aye wɔn pasaa!” Wɔhyew baabiara a wɔsom Onyankopɔn wo asase no so. **9** Wɔmmaa yen nsenkyerenne a eye nwonwa biara; adiyifo no asa, na yen mu biara nnim nna dodow a ebedi. **10** Onyankopɔn, w'atamfo beserew wo akosi da ben? Wɔn a wokyi wo no begu wo din ho fi daa ana? **11** Aden nti na woatwe wo nsa, wo nsa nifa no? Yi fi w'atade mmobowee no mu na see wɔn. **12**

Nanso Onyankopɔn yɛ me hene fi tete; wode nkwaye ba asase so. **13** Eyɛ wo na wode wo tumi pae po mu no; wopetɛw nsu mu ɔwɔ no ti. **14** Wopetɛw Lewiatan no ti na wode no maa sare so abɔde sɛ wɔn aduan. **15** Wo na womaa nsuwa ne nsuti tuei; na womaa nsubɔnten a esen yoyowee. **16** Adekyee wɔ wo na adesae nso yɛ wo dea; wode owia ne ɔsram sisii ho. **17** Eyɛ wo na wototoo asase so ahye nyinaa; wobɔ ahohuru ne awɔw mmere. **18** Awurade, kae senea ɔtamfo no aserew wo, senea nkweisefo agu wo din ho fi. **19** Mmfa w'aborɔnoma nkwa mma nkekaboa; mma wo were mfi wo nkurɔfo a wɔrehu amane no nkwa afeɔw. **20** Ma w'apam no ho nhia wo, efise akakabensem ahyɛ asase no so sum mu ma. **21** Mma wɔn a wɔhyɛ wɔn so no mmfa animguase nsan; ma ahiafo ne mmɔborɔfo nkamfo wo din. **22** Ao, Onyankopɔn, ma wo ho so na ka wo ara w'asɛm; kae senea nkweisefo serew wo da mu nyinaa. **23** Mmu w'ani ngu wɔn a wɔsɔre tia wo no ntetɛemu so, w'atamfo gyegyegye a ɛkɔ soro daa no. Wode ma dwonkyerefo no. Wɔnto no senea wɔto "Nsɛ No" nne so.

75 Asaf dwom. Onyankopɔn, yɛda wo ase, yɛda wo ase, efise wo Din abɛn; nnipa ka w'anwonwade kyere. **2** Woka se, "Me na mehyɛ bere a ɛse no; eyɛ me na mibu atentreneɛ. **3** Sɛ asase ne so nnipa nyinaa wosow a, me na mema n'afadum gyina ho pintinn. **4** Meka kyere ahantanfo se, 'Monnhoahoa mo ho bio,' na meka kyere amumɔyɛfo nso se, 'Mommma mo mmɛn so. **5** Mommma mo mmɛn so ntia ɔsoro; mommfa animtiaabu nkasa.'" **6** Obiara mmfi apuei anaa atɔe anaa sare no so a obetumi ama obi so. **7** Eyɛ Onyankopɔn na obu atɛn: ɔbre ɔbaako ase, na ɔma ɔfoforo so. **8** Kuruwa bi hyɛ Awurade nsam nsa bi a etwa ahuru a wode nnuhum afra ahyɛ no ma; ohwie, na asase so amumɔyɛfo nyinaa nom ma ɛka ase puw. **9** Me de, mɛpae mu aka eyi daa daa; meto ayeyi dwom ama Yakob Nyankopɔn. **10** Mebubu amumɔyɛfo nyinaa mmɛn, na atreneɛfo mmɛn de, wɔbɛma so. Wode ma dwonkyerefo. Wode sanku na ɛto.

76 Asaf dwom. Onyankopɔn din ahyɛta wɔ Yuda; ne din so wɔ Israel. **2** Ne ntamadan si Salem, ne tenabea wɔ Sion. **3** Eho na obubuu mmemma a ɛpa gya, nkatabo ne afoa, akode nyinaa mu. **4** Wo ho hann no hyeren, na woso sen mmepow a mmoadoma ahyɛ mu ma no. **5** Mmarima akokodurufɔ deda ho a wɔagye wɔn ho nneɛma, wɔdɛda awufo nna; na akofo no mu

baako mpo ntumi mma ne nsa so. **6** Yakob Nyankopɔn, wokaa wɔn anim no apɔnkɔ no ne nteaseɛnam no adɛda dinn. **7** Wo nko ara na ɛsɛ sɛ wosuro wo. Sɛ wo bo fuw a hena na obetumi agyina w'anim? **8** Wubuu atɛn fii ɔsoro, asase suroe, na eyɛɛ komm, **9** bere a wo, Onyankopɔn, sɔre buu atɛn, de gyɛ amanehunufɔ wɔ asase no so no. **10** Ampa ara w'abufuwɔhyɛw a etia nnipa no de ayeyi brɛ wo, na wɔn a wotumi gyina ano no nya kɔkɔbɔ. **11** Monhyɛ Awurade mo Nyankopɔn no bɔ na munni so; momma nsase a atwa ne ho ahyia mfa ayeyɛde mmɛ ɔbaako a ɛsɛ sɛ wosuro no no. **12** ɔbre sodifonom honhom ase; na asase so ahɛmfo suro no. Wode ma dwonkyerefo. Wode ma Yedutun.

77 Asaf dwom. Misu mɛfrɛɛ Onyankopɔn srɛɛ mmoa; misu mɛfrɛɛ no sɛ ontie me. **2** Bere a mewa ahohiahia mu no, mehwehweɛ Awurade; metrɛw me nsa a ɛmpa abaw mu anadwo na me kra ampene sɛ wɔbɛkyekye ne were. **3** Onyankopɔn mekaɛ wo, na misii apini; medweneɛ, na me honhom tɔɔ beraw. **4** Woamma m'ani ankum; amanehunu dodow nti, mantumi ankasa. **5** Medweneɛ nna a atwam no ho, teteɛte mfe no ho; **6** mekaɛ me nnwom a na meto no anadwo. Me koma dweneɛ ho na me honhom bisae se: **7** "Enti, Awurade bɛpo yɛn daa? ɔrenhu yɛn mmɔbɔ bio ana? **8** N'adɛ a ɛnsa da atu ayɛra koraa ana? Na ne bɔhyɛ no, amma mu koraa ana? **9** Onyankopɔn were afi sɛ ɔbɛyɛ mmɔborɔhunufɔ ana? ɔde abufuw atwe n'ayamhyehye no asan ana?" **10** Afei misusuwii se, "Eyi de, mɛsrɛ: mfe a ɔsorosoroni no tɛɛ ne nsa nifa mu no." **11** Mekae nneɛma a Awurade aye; yiw, mekaɛ wo tete anwonwade no. **12** Medwene wo nnwuma nyinaa ho na masusuw wo nneyɛɛ akɛse nyinaa ho. **13** Onyankopɔn, w'akwan yɛ kronkron. Onyame bɛn na ɔso sɛ yɛn Nyankopɔn? **14** Wone Onyankopɔn a woyɛ anwonwade; wokyerɛ wo tumi wɔ aman mu. **15** Wode wo tumi nsa no gyɛ wo nkurɔfo, Yakob ne Yosef asefo no. **16** Onyankopɔn, nsu no huu wo, nsu no huu wo na wɔpopoe; bun no mpo ho wosowee. **17** Omununkum tɔɔ nsu, aprannaa gyigyɛ wɔ ɔsoro; na wo bɛmma paa gya dii akɔneaba. **18** W'aprannaa bobɔ mu wɔ mfetɛ no mu, w'anyinam hyeren wiase; asase popoe, na ɛwosowee. **19** Wode wo kwan faa po mu, wode faa nsu kɛse mu, nanso wɔanhɔ w'anammɔn. **20** Wonam Mose ne Aaron abasa so, dii wo nkurɔfo anim sɛ nguankuw.

78 Asaf dwom. Me nkurɔfo, muntie me nkyerekyerɛ; monye aso mma m'anom nsem. **2** Mɛkasa wɔ abebu mu, mɛka ahintasɛm, teteete nneɛma no, **3** nneɛma a yɛatɛ na yɛahu; nneɛma a yɛn agyanom aka ho asɛm akyɛrɛ yɛn. **4** Yɛrɛmfɛ nkamɛ wɔn mma; yɛbɛka akyɛrɛ nkyirimma Awuradɛ nneyɛɛ a ɛfata nkamfo no, ne tumi ne anwonwade a wayɛ no. **5** Ɔyɛɛ ahyɛdɛ maa Yakob na ɔyɛɛ mmara wɔ Israel, nea ɔhyɛɛ yɛn nenanom sɛ wɔnkyɛrɛ wɔn mma, **6** sɛnea ɛbɛyɛ a nkyirimma besua, mpo mmofra a wonnya nwoo wɔn, na wɔn nso akyerekyerɛ wɔn mma. **7** Afei wɔdɛ wɔn ho beto Onyankopɔn so, na wɔn wɛrɛ remfi ne nneyɛɛ, na wobedi n'ahyɛdɛ so. **8** Wɔrɛnyɛ sɛ wɔn nenanom, a na wɔyɛ asoɔdenfo ne atuatɛwfo, wɔn a wonni Onyankopɔn nokware wɔ wɔn koma mu na wɔyɛ honhom mu atorofo ma no no. **9** Ɛwɔ mu sɛ na Efraim mmarima kurakura agyan, nanso ɔko da no woguanɛɛ; **10** Wɔnni Onyankopɔn apam no so, wɔampɛ sɛ wodi ne mmara no so. **11** Wɔn wɛrɛ fii nea wayɛ, anwonwade a wayɛ akyɛrɛ wɔn no. **12** Ɔyɛɛ anwonwade wɔ wɔn nenanom anim, wɔ Soan mantam a ɛwɔ Misraim asase so. **13** Ɔkyɛɛ po mu na ɔdɛ wɔn faa mu. Ɔmaa nsu no gyinaa sɛ afasu. **14** Ɔdɛ omununkum dii wɔn anim awia na ɔdɛ ogyatɛn dii wɔn anim anadwo nyinaa. **15** Ɔpaeɛ ɔbotan mu wɔ sare so, na ɔmaa wɔn nsu a ɛdɔsɔ sɛ po; **16** Ɔmaa asuti fii abotan mu na ɔmaa nsu sɛn sɛ nsubɔntɛn. **17** Nanso wɔkɔɔ so yɛɛ bɔnɛ tiaa no, wɔsɔrɛ tiaa Ɔsorosoroni no wɔ sare no so. **18** Wɔhyɛɛ da kaa aduan a wɔpɛ, de sɔɔ Onyankopɔn hwɛɛ. **19** Wɔkasa tiaa Onyankopɔn sɛ, "Onyankopɔn betumi ato pon wɔ sare so ana? **20** Ɔdɛ ade bɔɔ ɔbotan mu no, nsu tue fii mu, na nsuwa sɛn buu so. Na obetumi ama yɛn aduan nso? Obetumi ama ne nkurɔfo nam ana?" **21** Bere a Awuradɛ tee nea wɔrɛka no, ne bo fuw yiye; ne gya beguu Yakob so, na n'abufuwhyew sɔrɛ tiaa Israel, **22** ɛfise na wonni Onyankopɔn mu gyidi anaasɛ ne nkwayɛ mu ahotoso. **23** Nanso ɔkasa kyɛrɛɛ ɔsoro wɔ ɔhyɛ so; na obueɛ ɔsorosoro apon. **24** Ɔtɔɔ mana guu fam maa nnipa no sɛ wunni, ɔmaa wɔn ɔsoro aduan. **25** Nnipa dii abɔfo aduan; ɔmaa wɔn aduan a wobetumi adi nyinaa. **26** Ogyaa apuei mframa fi ɔsoro, na ofi ne tumi mu bɔɔ atɔɛ mframa. **27** Ɔtɔɔ nam sɛ mfutuma guu wɔn so, nnomaa a wotu bebreɛ sɛ mpoano nwea. **28** Ɔma wɔbaa fam kɔɔ wɔn atɛnaɛ, ne wɔn ntamadan ho nyinaa. **29** Wodidi maa aduan no boroo wɔn so ɛfise ɔmaa wɔn nea wɔhwehwɛ. **30** Nanso ansa na

wobefi aduan a wɔhwehwɛ no ho, bere a ɛhyehyɛ wɔn anom mpo no, **31** Onyankopɔn abufuw sɔrɛɛ wɔn so; okum ahoɔdenfo a wɔwɔ wɔn mu twitwaa Israel mmerante gui. **32** Eyinom nyinaa akyi, wɔkɔɔ so yɛɛ bɔnɛ; n'anwonwade akyi no, wɔannye anni. **33** Enti otwaa wɔn nna so tɛ sɛ ahuru yɛɛ wɔn mfe awiei huhuuhu. **34** Bere biara a Onyankopɔn bekum wɔn no, wɔhwehwɛ no na wɔpɛrɛ wɔn ho san ba ne nkyɛn. **35** Wɔkaɛɛ sɛ Onyankopɔn yɛ wɔn botan, sɛ Ɔsorosoro Nyankopɔn no yɛ wɔn Gyɛfo. **36** Nanso wɔdɛ wɔn ano bɛdaadaa no, na wɔdɛ wɔn tɛkrɛma atwa atoro akyɛrɛ no; **37** wɔn koma nni no nokware, na wonni n'apam no so. **38** Nanso na ɔyɛ ahummɔbɔ; ɔdɛ wɔn amumɔyɛ kyɛɛ wɔn a wansee wɔn. Mɛn pii, ɔtwɛntwɛn n'abufuw so na wanhwɛ n'abufuwhyew nyinaa. **39** Ɔkaɛɛ sɛ wɔyɛ ɔhonam ara kwa, mframa bi a ɛbɔ twa mu na ɛnsan n'akyi. **40** Mɛn ahe na wɔansɔrɛ antia no wɔ sare no so ho, na mɛn ahe na wɔamma ne wɛrɛ anhow wɔ asase wosɛɛ no so! **41** Wɔsɔɔ Onyankopɔn hwɛɛ bere biara; na woyii Israel Ɔkronkronni no abufuw. **42** Wɔn wɛrɛ fii ne tumi no, da a ogyɛɛ wɔn fii wɔn nhyesofo nsam no, **43** da a ɔyɛɛ nsenkyɛrɛnnɛ nwonwaso wɔ Misraim no ne n'anwonwade wɔ Soan mantam mu no. **44** Ɔmaa wɔn nsubɔntɛn dan mogya; wɔantumi annom wɔn nsutɛn mu nsu. **45** Ɔmaa nwansɛnadɔm baa wɔn so behaw wɔn na mpɔtorɔ nso bɛsɛɛɛ wɔn asase. **46** Ɔmaa tɛwtɛw bedii wɔn mfuw so aduan na ɔdɛ wɔn nnɔbaɛ nso maa mmoadabi. **47** Ɔdɛ mparuwbo sɛɛɛ wɔn bobɛ na ɔdɛ sukyerɛmma sɛɛɛ wɔn ankyɛ nnua. **48** Ɔdɛ sukyerɛmma kum wɔn anantwi ɔdɛ anyinam kum wɔn nyɛmma. **49** Ohwieɛ n'abufuwhyew guu wɔn so, abufuw, anibɛrɛ ne ɔtan; abɔfo asɛɛfo kuw no. **50** Ɔbɔɔ kwan maa n'abufuw; na wamfa wɔn nkwa ankyɛ wɔn, mmom, ɔdɛ wɔn maa ɔyaredɔm. **51** Okunkum Misraimfo mmakan nyinaa, Ham ntamadan mu nnipa mu abakan. **52** Nanso oyii ne nkurɔfo fii mu sɛ nguankuw; odii wɔn anim sɛ nguan wɔ sare no so. **53** Odii wɔn anim dwoodwoo, enti wɔansuro; nanso wɔn atamfo de, po asorɔkyɛ bu faa wɔn so. **54** Sɛɛ na ɔyɛ de wɔn baa n'asase kronkron no ahyɛ so, bɛpɔw asase a ɔdɛ ne nsa nifa gyɛɛ no. **55** Ɔpam amanaman a wɔwɔ wɔn anim no na ɔkyɛkyɛɛ wɔn nsase no mu maa wɔn sɛ wɔn agyapade; ɔbɔɔ Israel mmusuakuw no atɛnase wɔ wɔn afi mu. **56** Nanso wɔsɔɔ Onyankopɔn hwɛɛ, na wɔsɔrɛ tiaa Ɔsorosoroni no; na wɔnni ne mmara so. **57** Wɔyɛɛ sɛ wɔn agyanom, wɔnni nokware

na wɔannya gyidi, ahotoso nni wɔn mu na wɔte se agyan a asɛe. **58** Wɔde wɔn sorɔnsorɔmmɛa hyɛɛ no abufuw na wɔn ahoni maa ne ninkutwe mu yɛɛ den. **59** Onyankopɔn tee wɔn nka no, ne bo fuwii; na ɔpoo Israel korakora. **60** Ogyaw n'atenae a ɛwɔ Silo no, ntamadan a wasi wɔ nnipa mu no. **61** Ɔde Apam Adaka a ɛye ne tumi no kɔɔ nnommum mu, n'anuonyam kɔɔ atamfo nsam. **62** Ɔde ne nkurofo maa afoa; ne bo fuw n'agyapade yiye. **63** Ogya hyew wɔn mmerante kum wɔn, na wɔn mmabaa annya ayeforohyia dwom anto; **64** Wɔn asɔfo wuwuu afoa ano, na wɔn akunafo antumi ansu. **65** Afei Awurade sɔree senea ofi nna mu no, senea ɔbarima a wabow nsa nyan fi nnahɔɔ mu no. **66** Ɔbɔbɔɔ n'atamfo ma woguan kɔɔ wɔn akyi; ɔhyɛɛ wɔn aniwu afeɔɔ. **67** Afei ɔpoo Yosef ntamadan no, na wamfa Efraim abusuakuw no nso; **68** Na mmom, ɔfaa Yuda abusuakuw no, Bepɔw Sion a ɔɔɔ no no. **69** Osii ne kronkronbea te se sorɔnsorɔmmɛa, te se asase a etim hɔ daa. **70** Oyii ne somfo Dawid, ɔfrɛɛ no fii nguannan mu; **71** fii nguan akyi na ɔde no bae se ɔmmɛye oguanhwɛfo mma ne nkurofo Jakob, mma Israel a wɔye n'agyapade. **72** Na Dawid de koma pa hwɛɛ wɔn so na ɔde ne nimdee dii wɔn anim.

79 Asaf dwom. Ao Onyankopɔn, amanaman no atow ahyɛ w'agyapade so; wɔagu w'asɔredan kronkron no ho fi, wɔama Yerusalem adan nnwiriwii. **2** Wɔde w'asomfo afunu aye aduan ama wim nnomaa, na wɔde w'ahotefo nam ama asase so mmoa. **3** Wɔahwie mogya agu te se nsu wɔ Yerusalem ho nyinaa, na obiara nni hɔ a obesie awufo no. **4** Yeaye animtiaabude ama yen mfefo, fewdi ne nsopa ama wɔn a wɔatwa yen ho ahyia. **5** Awurade, enkosi da ben? Wo bo befuw afeɔɔ ana? Wo ninkunu bedew se ogya akosi da ben? **6** Hwie w'abufuw gu amanaman a wonnye wo nto mu no so, ahenni a wɔmmɔ wo din no; **7** efise wɔakum Jakob na wɔasɛe n'atenae. **8** Mfa yen agyanom bone so asotwe mma yen; ma wo mmɔborɔhunu mmra yen so ntem, na yewɔ ahohiahia mu. **9** Onyankopɔn yen Agyenkwa, boa yen, wo din no anuonyam nti; gye yen na fa yen bone kye yen wo din nti. **10** Aden nti na ɛse se amanaman ka se, "Wɔn Nyankopɔn wɔ he?" Yen anim ha ara, ma wonhu wɔ amanaman mu se woto w'asomfo mogya a wɔahwie agu no so were. **11** Ma nneдуаfo no apinisi nnu w'anim; fa wo basa ahooɔden no kora wɔn a wɔabu wɔn kumfo no. **12** Awurade, ahohora a yen mfefo asum agu wo so no, tua wɔn so ka mpen ason. **13** Na yen a yeɛ wo nkurofo, w'adidibea

nguan no, beyi wo aye daa nyinaa; efi awo ntoatoaso kosi awo ntoatoaso, yebɛkɔ so aka w'ayeyi akyere. Wɔde ma dwonkyerefo se wɔnto no "Sonannim Edut" sanku nne so.

80 Asaf dwom. Israel guanhwɛfo, tie yen, wo a wudii Yosef anim senea wodi nguankuw anim; wo a wote ahengua so wo kerubim ntam no, hyeren **2** wɔ Efraim, Benyamin ne Manase anim. Kanyan wo tumi; bra begye yen nkwa. **3** Ao Onyankopɔn, gye yen bio; ma w'anim nhyeren yen so, na wɔagye yen nkwa. **4** Asafo Awurade Nyankopɔn, w'abufuw bedew akosi da ben, w'abufuw a etia wo nkurofo mpaeɔ no? **5** Wode nusu yɛɛ aduan maa wɔn dii; wode nusu kuruwama maa wɔn nomee. **6** Wode yen aye nea yen mfefo ko ho, na yen atamfo serew yen. **7** Asafo Nyankopɔn, gye yen bio; ma w'anim nhyeren wɔ yen so, na wɔagye yen nkwa. **8** Wutuu bobɛ fi Misraim beduae; wopam amanaman no na wuduɛ. **9** Wosiesiee asase no baabi maa no, egyee ntin na ɛtrew asase no so. **10** Ne nwini kataa mmepɔw no so ne mman kataa sida akese no so. **11** Edennan tɛrew kɔɔ Po no so, na ɛfefew tɛrew koduu Asubɔnten no ho. **12** Aden nti na woabubu n'afasu ama wɔn a wotwa mu wɔ hɔ no tetew ne bobɛ aba no? **13** Kɔkɔte fi wuram besɛɛ no pasaa na mmoadoma a wɔwɔ sare so de ye wɔn aduan. **14** Asafo Nyankopɔn, san bra yen nkyen! fi ɔsoro hɔ hwe na wubehu! Hwe saa bobɛ yi so, **15** ntin a wo nsa nifa adua no, ɔɔabarima a wɔatetew no ama wo ho no. **16** Wɔatwa wo bobɛ no ato fam, ato mu gya ama ahyew; w'animka ma wo nkurofo ase tɔre. **17** Fa wo nsa kata ɔbarima a ɔwɔ wo nifa no so, onipa ba a wɔatetew no ama wo ho no. **18** Afei yerentwe yen ho mfi wo nkyen; kanyan yen, na yebeɔ wo din. **19** Asafo Awurade Nyankopɔn, gye yen bio, na ma w'anim nhyeren yen so, na wɔagye yen nkwa. Wɔde ma dwonkyerefo se wɔnto se "gittit" sanku nne so.

81 Asaf dwom. Monto ahurusi dwom mma Onyankopɔn yen ahooɔden; mommɔ ose mma Jakob Nyankopɔn no! **2** Momma nnwom no so na monwosow akasaa. Mommɔ sanku ne benta dede no. **3** Monhyen mmentia ɔsram foforo da no, ne ne kurokumatwa mu, yen Aponto da no; **4** Eyi ye Israelfo ahyede, Jakob Nyankopɔn mmara. **5** Otintimii se nhyehyee maa Yosef bere a ɔsɔre tiaa Misraim no, faako a yetee kasa a yente ase no. **6** Ɔka se, "Miyii adesoa no fii wɔn mmati so, ne wɔn nsa fii kenten ho.

7 Mo ahohiahia mu mofree me na migyee mo, migyee mo so wo aprannaa mu; mesoo mo hwee wo Meriba nsu ho. 8 “Me nkurofo, muntie me kokobbo yi, Israel, se mubetie me a! 9 Ense se munya anyame foforo bi wo mo mu; ense se mokotow ananafo anyame. 10 Mene Awurade, mo Nyankopon a miyii mo fii Misraim asase so no. Mummue mo anom tetree na mehye mu ma. 11 “Nanso me nkurofo rentie me; Israel remmre ne ho ase mma me. 12 Enti migyaa won maa won komaden se wonye nea wope biara. 13 “Se me nkurofo tie me, na Israel nantew m’akwan so a, 14 anka medi won atamfo so ama won ntem na mama me basa so atia won a wokyi won! 15 Won a wotan Awurade no de osuro bekotow no, na won asotwe to rentwa da. 16 Nanso wode atoko mu atoko papa bema mo adi; mede obotan mu wo bema mo amee.”

82 Asaf dwom. Onyankopon di hene wo osoro asaf mu; obu aten wo “anyame” mu. 2 “Wobebɔ won a wontee ho ban na woaye nhweanim ama amumoyefo akosi da ben? 3 Monka mmoborɔfo ne ayisaa asem mma won; momma ahiafo ne won a wohye won so yiyedi ho ban. 4 Munnye obrefo ne ahiafo; munnye won mfi amumoyefo nsam. 5 “Anyame no nnim de, na wote hwee ase. Wokyinkyin wo sum mu; na asase fapem nyinaa wosow. 6 “Mekae se, ‘Moye “anyame;” mo nyinaa ye Osorosoroni no mma.’ 7 Nanso mubewuwu se nnipa pe; na moahwe ase se osodifo biara.” 8 Ao Onyankopon, sore, bu wiase aten; efise amanaman nyinaa ye wo de.

83 Asaf Dwom. Ao, Onyankopon, ntena ho komm; mmua w’ano, Ao, Onyankopon, keka wo ho. 2 Hwe senea w’atamfo keka won ho fa, na won a wompɛ w’asem nso ama won ti so. 3 Wode anifere repam atia wo nkurofo, worepam atia won a wo koma da won so no. 4 Woka se, “Mommra na yense won se oman, senea worenkae Israel din bio.” 5 Wode adwene koro bo pow; na wopam tia wo, 6 Edom ntamadan ne Ismaelfo, Moabfo ne Hagarfo, 7 Gebalfo ne Amonfo ne Amalekfo, Filistifo ne Tirofo. 8 Asiria mpo akoka won ho de won ahooden akohye Lot asefo de no mu den. 9 Ye won senea woyee Midian, senea woyee Sisera ne Yabin wo asubonten Kison ho no, 10 won a wosee wo En-Dor na wotan nwura no. 11 Ye won atitiriw se Oreb ne Seeb, ne won mmapomma nyinaa se Seba ne Salmuna, 12 a woka se, “Momma yemfa Onyankopon adidibea nsase no no.” 13 Me Nyankopon, ye won se

mfete mu mfutuma, se ntete a mframa bo gu. 14 Senea ogya hyew kwae, na ogyatannaa so nkoko mu hyew no no, 15 saa ara na fa w’ahum taa won na fa wo mframa a ano ye den no hunahuna won. 16 Ma animguase nka won, na ama nnipa ahwehwe wo din akyi kwan, Awurade. 17 Ma won anim ngu ase na wonni yaw; ma wonwuwu wo animguase mu. 18 Ma wonhu se wo a wo din de Awurade no, wo nko ara ne Osorosoroni wo asase nyinaa so. Wode ma dwonkyerefo se wonto no wo gittit sanku nne so.

84 Koramma dwom. Awurade Asafo, w’atenae ho ye ahomeka! 2 Me kra pere, mpo eto beraw, se obeko Awurade adiwo; me koma ne me honam tee mu fre Onyankopon teasefo. 3 Mpo akasanoma anya ofi, na asomfena nso anwen ne berebuw, faaka a obesow ne mma wo beae bi a eben w’aforemuka, Awurade Asafo, me Hene ne me Nyankopon. 4 Nhyira nka won a wote wo fi; na wokamfo wo din daa. 5 Nhyira nka won a wowa wo mu ahooden, na wode won koma fi akwantu ase kohwehwe wo. 6 Se wafa Baka Bon no mu a woma ho ye nsuwansuwa; asusow bere nsu so taataa ho. 7 Woka no ahooden so bere nyinaa, kosi se won mu biara bepue Onyankopon anim wo Sion. 8 Asafo Awurade Nyankopon, tie me mpaeba; Jakob Nyankopon, ye aso ma me. 9 Ao, Onyankopon, hwe yen nkatabo; fa ahummoba hwe nea woasra no ngo no. 10 W’adiwo ho da koro tena ye sen nnafua apem wo baabi foforo; mepe se meye opananohwefo wo Onyankopon fi sen se metena amumoyefo ntamadan mu. 11 Efise Awurade Nyankopon ye owia ne kyem; Awurade hu mmoba na ohye anuonyam; ommfa ade pa biara nkame won a wotee. 12 Asafo Awurade, nhyira nka onipa a ode ne ho to wo so. Wode ma dwonkyerefo.

85 Koramma dwom. Wo Awurade, wodom w’asase; wode Jakob ahonyade san maa no. 2 Wode wo nkurofo bone kyee won na wokataa won nnebone nyinaa so. 3 Wode w’abufuw nyinaa too nkyen na wotan fii w’abufuwhyew ho. 4 San gye yen bio, Onyankopon, yen Gyefo, na ma w’ani nnye yen ho. 5 Wo bo befuw yen akosi daa ana? W’abufuw betoa so ako awo ntoantoaso nyinaa so ana? 6 Worenhye yen den bio, na ama wo nkurofo asepew won ho wo wo mu ana? 7 Awurade, kyere yen wo do a ensa da no, na ma yen wo nkwagye no. 8 Metie nea Awurade Nyankopon beka; ode asomdwoe hye ne nkurofo, ahotefo no bo, enti ense se wosan ko agyimisem ho. 9 Ampa ara,

ne nkwaye ben wɔn a wosuro no, na n'anuonyam betena yen asase so. 10 Ɔɔɔ ne nokwaredi behyia, na trenee ne asomdwoe befew wɔn ho wɔn ho ano. 11 Nokwaredi bepue afi asase no so, na trenee ahwe afi ɔsoro. 12 Awurade bema yen nea eye ampa ara na yen asase bema ne nnɔbae. 13 Trenee di n'anim siesie ɔkwan ma n'anammɔntu.

86 Dawid mpaebɔ. Awurade, tie me na gye me so, efise meye ohiani ne mmɔborɔni. 2 Bɔ me nkwa ho ban, efise mede me ho ama wo. Wo ne me Nyankopɔn, gye w'akoa a ɔde ne ho to wo so. 3 Awurade, hu me mmɔbɔ, na misu frɛ wo daa nyinaa. 4 Ma w'akoa ani nnye, na wo Awurade, wo nkyen na mema me kra so ba. 5 Awurade, wuye na wode bɔne kye, wowɔ ɔɔɔ mmoroso ma wɔn a wosu frɛ wo nyinaa. 6 Awurade, tie me mpaebɔ; tie me mmɔborɔsu. 7 Mefre wo m'ahohia da mu, na wubegye me so. 8 Awurade, onyame bi nni hɔ a ɔte se wo; na wɔn nnwuma biara nto wo de. 9 Awurade, aman a woakyekyerɛ nyinaa beba abesom wo wɔ w'anim; wɔbɛba abehye wo din anuonyam. 10 Woye ɔkese na woye anwonwa nnwuma; wo nko ara ne Onyankopɔn. 11 Awurade, kyere me w'akwan, na menantew wo nokware mu; ma memfa me koma nyinaa mma wo na masuro wo din. 12 Mede me koma nyinaa meyi wo aye, Awurade me Nyankopɔn na mahye wo din anuonyam daa nyinaa. 13 Efise ɔɔɔ a wode dɔ me no so; woayi me afi owu amoa mu tɔnn. (Sheol h7585) 14 Aɔ, Onyankopɔn, ahomasofo atow ahye me so; basabasayefo kuw rehwehwe me akum me, nnipa a wɔmmfa wo nye hwee no. 15 Nanso wo, Awurade, woye mmɔborɔhunufɔ ne ɔdomfo Nyankopɔn, wo bɔ kye fuw, na w'adɔe ne wo nokware dɔɔso. 16 Dan w'ani hwe me na dom me; fa w'ahɔɔden ma w'akoa na gye w'afenaa babarima nkwa. 17 Ma me wo papaye ho nsenkyerenne, na m'atamfo nhu na wɔn anim ngu ase na wo, Awurade, wo na woaboa me akyekye me were.

87 Koramma dwom. Wato ne fapem wɔ bepɔw kronkron no so; 2 Awurade dɔ Sion apon no sen Yakob atena nyinaa. 3 Wɔka wo ho anuonyamsem Onyankopɔn kuropon: 4 "Mede Rahab ne Babilonia beka wɔn a woye osetie ma me no ho, Filistia, Tiro ne Kus nso na maka se, "Wɔwoo eyinom wɔ Sion." 5 Ampa ara wɔbɛka afa Sion ho se, "Wɔwoo oyi ne ɔno wo no mu, na Ɔsorosoron no ankasa de no betim ho." 6 Awurade bekyerew wɔ nnipa dinkyerew nhoma no

mu se, "Wɔwoo oyi wɔ Sion." 7 Na wɔbeto dwom se, "Me ntin nyinaa wɔ wo mu." Kora mma dwom a wode ma dwonkyerefo se wɔnto no "Mahalat Leannot" sanku so.

88 Esrahini Heman ɔhaw ne amanehunɔ dwom. Awurade, woye me nkwaye Nyankopɔn misu wo w'anim adekyee ne adesae. 2 Ma me mpaebɔ nnu w'anim; brɛ w'aso ase tie me sufɛ. 3 Ɔhaw ahye me kra ma na me nkwa reben owu. (Sheol h7585) 4 Wokan me fra wɔn a wɔrekɔ ɔda mu no; mete se obi a onni ahɔɔden. 5 Wɔayi me asi nkyen wɔ awufo mu, te se atɔfo a wɔdɛda ɔda mu, wɔn a wonkae wɔn bio, na wonhwe wɔn bio. 6 Woatow me akyene ɔda ase tɔnn, wɔ sum kabii mu. 7 W'abufuwhyew aye duru wɔ me so; woama w'asorɔkye nyinaa abu afa me so. 8 Woafa me nnamfonom a wɔben me afi me nkyen woama me ho aye wɔn ahi. Woaka me ahye mu na mintumi nguan; 9 awerehow ama m'ani so aye kusuu. Awurade misu frɛ wo da biara; metrew me nsam kyere wo. 10 Woye anwonwade kyere awufo ana? Wɔn a wɔawuwu no sɔre kamfo wo ana? 11 Wɔka w'adɔe ho asem wɔ ɔda mu, anaase wo nokware ho asem wɔ ɔsee kurom ana? 12 Wohu w'anwonwade wɔ beae a hɔ aduru sum, anaa wo trenɛe nnwuma no wɔ awerefiri asase so ana? 13 Nanso Awurade, misu frɛ wo se boa me; me mpaebɔ du w'anim adekyee mu. 14 Adɛn, Awurade, na wopo me na wode w'anim hintaw me? 15 Mahu amane fi me mmofraase na maben owu; w'ahunahuna ama mabrɛ na mapa abaw. 16 W'abufuwhyew abu afa me so; w'ahunahuna asɛe me. 17 Daa nyinaa wotwa me ho hyia se nsuyiri, na wɔabu afa me so koraa. 18 Woafa me yonkonon ne m'adɔfo afi me nkyen kɔ; na sum aye m'adamfo a ɔben me pɛɛ.

89 Esrahini Etan ɔhaw ne amanehunɔ dwom. Mɛto Awurade adɛe ho dwom daa daa; mede m'ano beda wo nokwaredi adi awo ntoatoaso nyinaa mu. 2 Meka se w'adɔe no tim hɔ daa nyinaa, na woatim wo nokwaredi wɔ ɔsoro hɔ ankasa. 3 Wokae se, "Mene onipa a mayi no no aye apam; maka ntam akyere me somfo Dawid. 4 'Mema w'ase atim hɔ daa na w'ahengua nso atim wɔ awo ntoatoaso nyinaa mu.'" 5 Awurade, ɔsorosorofo kamfo w'anwonwade, na wo nokwaredi nso, wokamfo wɔ ahotɛfo asafo mu. 6 Na hɛna na ɔne wo Awurade se wɔ ɔsoro hɔ? Hɛna na ɔte se Awurade wɔ ɔsoro abɔde mu? 7 Akronkronfo agyinatufɔ mu, wosuro Onyankopɔn; wɔde osuro kɛse

ma Onyankopɔn wɔ akronkronfo nhyiamu ase. **8** Asafo Awurade Nyankopɔn, hena na ɔte se wo? Wo, Awurade, woye okese na wo nokware di atwa wo ho ahya. **9** Wudi po a eworo no so; n'asorɔkye bobo ko soro a, wobɛ no ase. **10** Wodwerɛw Rahab se atɔfo no mu baako; wode wo basa dennɛn no bɔ w'atamfo pansamee. **11** Osoro wɔ wo, na asase nso wɔ wo; wiase ne nea ewo mu nyinaa wo na wufii ase. **12** Wobɔ atifi ne anafo. Tabor ne Hermon de ahosɛpew to dwom ma wo din. **13** Tumi aye wo basa ma; wo nsam wɔ ahooɔn, woama wo nsa nifa so. **14** W'ahengua no fapem ye trenɛe ne atɛntrenɛe; adɔe ne nokware di w'anim. **15** Nhyira nka wɔn a wɔasua senea wobɔ wo abodin, wɔn a wɔnantew w'anim hann no mu, Awurade. **16** Wogyɛ wɔn ani wɔ wo din mu da mu nyinaa; wodi ahurusi wɔ wo trenɛe mu. **17** Wone wɔn anuonyam ne ahooɔn, na w'adom nti yeyɛ nkonimdifo. **18** Ampa ara, yɛn kyɛm wɔ Awurade, na yɛn hene wɔ Israel Kronkronni no. **19** Da bi wokasaa wɔ anisoadehu mu, kyɛrɛ w'ahotefo se, "Madom okofɔ bi ahooɔn; mapagyaw aberante bi a fi nnipa no mu. **20** Mahu Dawid, me somfo; mede me ngo kronkron no asra no. **21** Me nsa bewowaw no; ampa ara me basa behye no den. **22** Otamfo biara renhyɛ no se ontua tow; omumɔyɛfo biara rentumi nhyɛ no so. **23** Medwerɛw n'atamfo wɔ n'anim na mabobo n'ahohiahafo ahwe fam. **24** Me nokware adɔe beka ne ho, na me din mu, wobɛma n'abɛn so. **25** Metrɛw n'ahye mu akosi po so, na ɔde ne nsa nifa beto nsubɔnten so. **26** Obɛfrɛ me aka se, 'Wone m'agya, me Nyankopɔn, me nkwayɛ botan.' **27** Mɛyɛ no m'abakan, asase so ahene nyinaa no mu okese. **28** Mema m'adɔe a mewo ma no no atena ho daa, na apam a me ne no aye nso betena ho daa. **29** Mema n'ase atim afebo, n'ahengua nso betim ho akosi se osoro betwa mu. **30** "Se ne mmabarima po me mmara na se wɔanni m'ahyɛde so, **31** se wobu m'ahyɛde so na se wɔanni me hyɛ nsem so a, **32** eno de mede abaa betwe wɔn aso wɔ wɔn bone ho na wɔn amumɔyɛ nso mede mmaatwa atwe wɔn aso; **33** Nanso merennyae m'adɔe a mɛyɛ ma no no na mɛko so adi no nokware. **34** Meremmu m'apam no so na merensesa nea mede m'ano aka no. **35** Menam me din kronkron no so aka ntam preko, na merentwa Dawid atoro da, **36** meremma n'ase ntɔre da na n'ahengua nso betim wɔ m'anim te se owia; **37** ebetim ho daa te se osram, ɔdanseni nokwafo a ɔwo wim no." **38** Nanso woapo no, woapa n'akyi, wo bo afuw nea woasra no

ngo no. **39** Woagu apam a wo ne wo somfo pamee no, woagu n'ahenkyɛw ho fi wɔ mfutuma mu. **40** Woabubu n'afasu nyinaa ama n'abandennen adan nnwiriwii. **41** Wɔn a wotwa mu wɔ ho nyinaa fow no fa; na wayɛ aniwude ama ne mfeɔ. **42** Woama n'atamfo nsa nifa so; ama wɔn nyinaa di ahurusi. **43** Woama n'afɔa aye okwa, na woannyina n'akyi wɔ oko mu. **44** Wode n'anuonyam aba awiei na woatow n'ahengua akyɛne fam. **45** Woatwa ne mmerantebere nna so na wode animguase nguguso akata no so. **46** Awurade, enkosi da bɛn? Na wode wo ho behintaw? W'abufuwhyew bɛko so adɛw akosi da bɛn? **47** Kae senea me nkwanntwa mu ntem so. Efise woabo yɛn nyinaa se ade a etwa mu ntem so! **48** Hena na ɔbetena ase a ɔrenwu da? Anaase hena na obetumi agye ne ho a fi owu tumi nsam? (Sheol h7585) **49** Awurade, ehe na wo tete adɔe kɛse no wɔ, nea wufi wo nokware di mu de kaa ntam kyɛrɛ Dawid no? **50** Kae, Awurade, senea wɔadi wo somfo ho few ne senea manya koma ama amanaman no akutiabo, **51** Awurade, akutiabo a w'atamfo de adi few de adi nea woasra no ngo no anammɔntu biara ho few. **52** Ayeyi nka Awurade daa! Amen, Amen.

90 Onyankopɔn nipa Mose mpaɛbo. Awurade, wo na woayɛ yɛn tenabea awo ntoatoaso nyinaa mu. **2** Ansa na wɔrebebo mmepɔw anaase wɔrebɛda asase ne wiase adi no, na woyɛ Onyankopɔn fi mmeresanten kosi mmeresanten. **3** Woma adesamma san dan mfutuma, ka se, "Mo adesamma, monsan nko mfutuma mu." **4** Mfirihya apem ye w'ani so se da koro a abesen mprempren, anaase anadwo mu dɔnhwerew kakraa bi. **5** Wopra nnipa ko, wo owu nna mu; wɔte se sare a afɛfew anɔpa, **6** efɛfew ye frɔmfrɔm anɔpa de, nanso anwummere ewo na etwintwam. **7** Yɛresa wɔ w'abufuw ano na w'anibere abɔ yɛn hu. **8** Wode yɛn amumɔyɛ asi w'anim, na yɛn kokoa mu bone da w'anim hann no mu. **9** Yɛn nna nyinaa twa mu wɔ w'abufuwhyew mu; na yɛde awɛrɛhowdi na ewie yɛn mfe. **10** Yɛn nkwa nna si mfe aduɔson, anaase aduɔwɔtwe, se yɛwɔ ahooɔn a; na mu ahohoahoadɛ ye ɔhaw ne awɛrɛhow, na etwa mu ntemntɛm, na yetu ko. **11** Se anka yɛbehu se w'abufuw mu tumi te e! W'abufuwhyew kɛse te senea wo ho suro te. **12** Ma yɛn hu yɛn nna kan senea ete, na yɛanya nyansa koma. **13** Tɔ wo bo ase, Awurade, enkosi da bɛn? Hu w'asomfo mmɔbo. **14** Ma w'adɔe a ensa da no mmee yɛn adekyɛ mu, na yɛde anigye ato dwom adi ahurusi yɛn nna nyinaa mu. **15** Ma yɛn ani nnye nna bebreɛ se

na dodow a wode yen kɔ amanehunu mu no, se mfirihya dodow a yehuu ateetee no. **16** Ma w'asomfo nhu wo nneyee na won mma nhu w'anuonyam. **17** Ma Awurade yen Nyankopɔn adom no ntena yen so; na yen nsa ano adwuma nye yiye mma yen; yiw, ma yen nsa ano adwuma nye yiye.

91 Nea ɔte ɔsorosoroni no hintabea na biara behome wɔ Otumfo no nwini ase. **2** Mese Awurade se, “ɔye me guankɔbea ne m'abandennen, me Nyankopɔn a mewɔ no mu ahotoso.” **3** Ampa ara, obegye wo afi firisumfo afiri ne owuyare mu. **4** ɔde ne ntakra bekata wo so; na ne ntaban ase na wubenya guankɔbea; ne nokware beye wo nkatabo ne wo kyem. **5** Worensuro ɔdasu mu ɔsee, anaa bemma a etu awia, **6** anaa owuyare a eba sum mu, anaa ɔyaredom a eɛse ade wɔ owigyinae bere. **7** Apem betoto wo nkyen mu, na mpem du atoto wo nifa a, wo de, eremmen wo. **8** W'aniwa nko ara na wode behwe na woahu nneboneyefo asotwe. **9** Se woka se, “Awurade ne me guankɔbea,” na wode ɔsorosoroni no ho ye wo tenabea a, **10** ɔhaw biara remmunkam wo so, na ɔsee biara remmen wo ntabadan. **11** Efise Onyankopɔn besoma n'abɔfo abeɔ wo ho ban na wɔabewen wo w'akwan nyinaa mu; **12** wode won nsa bema wo so, na wo nan ampem ɔbo. **13** Wubetiatia gyata ne aprammiri so, wobenantew gyataforo ne ɔwo so. **14** Awurade ka se, “Esiane se ɔdo me nti, megye no; meɔ ne ho ban, efise ogye me din to mu. **15** ɔbefre me na megye ne so; meka ne ho wɔ amanehunu mu, megye no na mahye no anuonyam. **16** Mema nkwa nna a eware amee no na makyerɛ no me nkwagye.”

92 Dwom a woto no Homeda. Eye se wɔkamfo wo Awurade na woto dwom de hye wo anuonyam, ɔsorosoroni, **2** na wɔpae mu ka w'adɔe anɔpa ne wo nokware anadwo, **3** wɔ hama du sanku so ne sankuten nnwom mu. **4** Awurade, wo nneyee ma m'ani gye; mede anigye to nnwom, wo nsa ano nnwuma nti. **5** Awurade, wo nnwuma ye akese, na wo nyansa mu dɔ! **6** Agyimifo nnim na nkwaseafo nte ase, **7** amumɔyefo benyin se sare na abonefo beye fromfrom de, nanso wɔbesee won pasaa. **8** Na wo Awurade, wɔaye wo akese afeɔɔ. **9** Awurade, ampa ara, w'atamfo beyera; na wɔbehwete abonefo nyinaa. **10** Woama me ahɔoden te se eko; woahwie ngohuam papa agu me so. **11** Mahu m'atamfo nkogu a wɔadi, mate senea m'atamfo atirimɔdenfo aguan afi akono. **12** Atreneefo beye fromfrom te se abedua, wobenyin se Lebanon sida; **13**

nea wɔadua wɔ Awurade fi, wobenyin fromfrom wo yen Nyankopɔn adiwo ho. **14** Wɔbeko so asow aba, onyinkyɛ mu mpo, wɔbeyɛ fromfrom se ahabammono, **15** de akyerɛ se, “Awurade ye ɔtreneeni; ɔye me botan, na atirimɔdensɛm biara nni ne mu.”

93 Awurade di hene, wode tumi ahentade ahye no; wode tumi ahentade ahye Awurade na wode ahɔoden aye n'akode. Wode wiase atim ho pintinn; na wɔrentumi ntutu. **2** W'ahengua tim ho fi tete; na wowo ho fi mmeresanten. **3** Awurade, po ama won ho so, po ama won nne so; po ama won asorɔkye a eɔo dennɛn no so. **4** Nea ɔwo tumi sen nsu akese mmubomu, nea ɔwo tumi sen po nworoso, Awurade a ɔte ɔsoro no ye akese. **5** Awurade, wo nhyyehye gyina ho pintinn; kronkronye hye wo fi anuonyam daa nyinaa.

94 Awurade, Onyankopɔn a woto were, Onyankopɔn a woto were, hyeren. **2** Sore, asase so Temmufo, tua ahantanfo ka senea efata won. **3** Awurade, enkosi da ben, amumɔyefo nnye won ani nkosi da ben? **4** Wokasa ahantan so; ahohoahoa ahye abonefo nyinaa ma. **5** Awurade, wɔdwerew wo nkurofo; wɔhye w'agyapade so. **6** Wokunkum akunafo ne ananafo; na wodi ayisaa awu. **7** Woka se, “Awurade nhu, Yakob Nyankopɔn ayi n'ani.” **8** Monhwe yiye, mo agyimifo a mowɔ nnipa no mu; nkwaseafo, da ben na mubehu nyansa? **9** Nea ɔɔɔ aso no rente asem ana? Nea ɔyee ani no renhu ade ana? **10** Nea ɔtetee aman so no rentwe aso ana? Nea ɔkyerekyerɛ onipa no nnim nyansa ana? **11** Awurade nim onipa nsusuwi; onim se enkosi hwee. **12** Awurade, nhira ne onipa a wotetee no so, onipa a wokyerɛ no wo mmara no; **13** Woma ɔhome fi amanehunu nna mu, kosi se wobetu amoa ama amumɔyefo. **14** Awurade rempo ne nkurofo; na ɔrennyaw n'agyapade ho da. **15** Atemmu begyina treneeye so bio, na won a won koma mu tew nyinaa bedi so. **16** Hena na ɔbesore atia amumɔyefo ama me? Hena na ɔbesore atia abonefo ama me? **17** Se Awurade ammoa me a, anka mekɔ owu kommye mu ntem so. **18** Bere a mekae se, “Me nan rewatiri” no, Awurade, wo dɔ no soo me mu. **19** Bere a me dadwen dɔɔso no, w'awerekkye maa me kra abotɔyam. **20** Ahengua a porɔwee ahye no mma no ne wo wo ayɔnkɔfa ana? Ahengua a ne hye nsem de amanehunu na eba no? **21** Woka bo mu tia atreneefo na won a wodi bem no, wobu won kumfo. **22** Nanso Awurade ye m'aban; na me Nyankopɔn aye ɔbotan a

ne mu na minya ahintawee. **23** Obetua wòn nnebone no so ka na wòn amumoye nti wasee wòn; Awurade yen Nyankopòn besée wòn.

95 Mommra mma yento dwom wò anigye so mma Awurade; momma yemma ose mma yen nkwaye Botan no. **2** Momma yemfa aseda mmra n'anim, na yemfa ahosepew nnwom mma no so. **3** Efise Awurade ye Onyankopòn kесе, ohenkese wò anyame nyinaa so. **4** Ne nsam na asase mu nneema nyinaa wò, na mmepow mpampam wò no. **5** Po wò no, oño na obòe, na ne nsa na enwenee asase kesee no. **6** Mommra, mma yenkotow nsom no. Momma yemmu nkotodwe wò Awurade yen Yefo no anim! **7** Oye yen Nyankopòn; yeye ne didibea nnipa, ne nguankuw a ohwe wòn so. Nne, se mote ne nne a, **8** mummipirim mo koma senea moyee wò Meriba no, senea moyee da no wò Masa, sare no so no, **9** Eho no, mo mpanyimfo sòo no hwee, a na wonim nea meye maa wòn. **10** Me bo fuw saa nnipa no mfe aduanan na mekae se, “Woye nnipa a wòn koma aman afi me ho, na wòanhu m'akwan.” **11** Eno nti mekaa ntam wò m'abufuw mu se, “Worenhyen m'ahomegye mu da.”

96 Monto dwom foforo mma Awurade; asase nyinaa monto dwom mma Awurade. **2** Monto dwom mma Awurade, monkamfo ne din; mompae mu nka ne nkwaye no daa daa. **3** Monka n'anuonyam wò amanaman mu, monka n'anwonwade a waye wò nnipa mu. **4** Awurade ye okese na nkamfo fata no; ese se wosuro no sen anyame nyinaa. **5** Aman so anyame nyinaa ye ahoni bi kwa, nanso Awurade na obòo osoro. **6** Anuonyam ne keseye wò n'anim; ahòoden ne anuonyam wò ne kronkronbea ho. **7** Momfa mma Awurade, amanaman mmusuakuw, momfa anuonyam ne tumi mma Awurade. **8** Momfa anuonyam ne din a efata mma Awurade; momfa afòrebòde nhyen n'adiwo ho. **9** Monsore Awurade wò ne kronkronye fefe mu; asase nyinaa momma mo ho mpopo wò n'anim. **10** Monka nkyere aman nyinaa se, “Awurade di hene.” Wòabò asase atim ho pintinn, wòrentumi ntutu; oðe pepeye bebu nnipa aten. **11** Momma osorosoro ani nnye, na asase nni ahurusi; momma po ne mu nneema nyinaa nworo; **12** Momma mfuw ne so nneema nyinaa mmò ose; momma kwae mu nnua nyinaa mfa ahosepew nto nnwom. **13** Momma abòde nyinaa nni ahurusi wò Awurade anim, efise oreba, oreba abebu

asase no aten. Oðe trenee bebu wiae aten na woabu nnipa nso aten wò ne nokware mu.

97 Awurade di hene, ma asase ani nnye; ma akyirikyiri mpoano ahorow no nsepew wòn ho. **2** Omununkum ne sum kabii atwa no ho ahyia; trenee ne atentrenee ye n'ahengua no fapem. **3** Ogya di n'anim na ehyew n'atamfo wò afanan nyinaa. **4** N'anyinam hyeren wiae; asase hu na ne ho popo. **5** Mmepow nan se nku wò Awurade anim, Awurade a asase nyinaa wò no no anim. **6** Osoro pae mu ka ne trenee kyere na aman nyinaa hu n'anuonyam. **7** Ahonisomfo nyinaa anim agu ase, wòn a wòde abosomhuhuw hoahoa wòn ho no, anyame nyinaa monsore no. **8** Sion te, na ne ho sepew no na Yuda nkuraa ani gye Awurade, esiane w'atentrenee nti. **9** Wo, Awurade ne Osorosoroni wò asase so nyinaa; woama wo so pa ara wò anyame nyinaa mu. **10** Ma wòn a wòdò Awurade no nkyi bone, obò ne nkuròfo a woye nokwafo no ho ban na ogye wòn fi amumoyefo nsam. **11** Hann hyeren wò atreneefo so na anigye ba wòn a wòn koma mu tew no so. **12** Momma mo ani nnye Awurade mu, mo a moye atreneefo, na monkamfo ne din kronkron no.

98 Dwom. Monto dwom foforo mma Awurade, efise waye anwonwade bebre; ne nsa nifa ne ne basa kronkron no anya nkwaye ama no. **2** Awurade ama woahu ne nkwaye na wada ne trenee adi akyere amanaman no. **3** Wakae n'adòe ne ne nokware a odi kyeree Israelfo no; asase ano nyinaa ahu yen Nyankopòn nkwaye. **4** Asase nyinaa mommò ose mma Awurade, momfa nnwonto nni ahurusi; **5** Momfa sanku nto dwom mma Awurade, sanku ne nnwonto nnyigyei, **6** momfa torobento ne adwennini mmen, ntee mu ahosepew so wò Awurade, yen hene no anim. **7** Momma po ne abòde a ewò mu nyinaa nhuru so; asase ne wòn a wòte so nyinaa. **8** Momma nsubònten mmò wòn nsam, mmepow nka mmom nto ahurusi nnwom; **9** ma wònto nnwom wò Awurade anim, efise oreba abebu wiae aten. Oðe trenee bebu wiae aten na oðe pepeye abu nnipa aten.

99 Awurade di hene, momma amanaman no ho mpopo; ote n'ahengua so wò kerubim ntam, ma asase nwsow. **2** Awurade a wò Sion ye okese; woama no so wò amanaman nyinaa mu. **3** Ma wònkamfo wò din a eso na eye nwonwa no, oye okronkron. **4** Ohene no ye okese, oðò atentrenee, woama pepeye atim; waye nea eye na etee wò Yakob mu. **5** Momma Awurade, yen

Nyankopɔn so na monsɔre no wɔ ne nan ntiaso anim; ɔyɛ akronkron. **6** Na Mose ne Aaron ka n'asɔfo no ho, na Samuel ka wɔn a wɔbɔɔ ne din no ho; wɔfrɛ Awurade, na ogyee wɔn so. **7** Ofi omununkum dum mu kasa kyerɛ wɔn; wodii mmara ne ahyɛde a ɔmaa wɔn no so. **8** Awurade, yɛn Nyankopɔn, wugyee wɔn so; woyɛɛ bɔnefakyɛ Nyankopɔn maa Israel, nanso wotwee wɔn aso wɔ wɔn nneɔne ho. **9** Momma Awurade yɛn Nyankopɔn so na monsɔre no wɔ ne bepɔw kronkron no so, na Awurade yɛn Nyankopɔn yɛ akronkron.

100 Ayeyi Dwom. Momma ose mma Awurade, asase nyinaa. **2** Momfa ahosɛpɛw nsom Awurade; momfa anigye nnwom mmra n'anim. **3** Munhu sɛ Awurade yɛ Onyankopɔn; ɔno na ɔyɛ yɛn, na yɛyɛ ne de; yɛyɛ ne nkurɔfo ne ne didibea nguan. **4** Momfa aseda nhyɛn n'apon mu, na momfa nkamfo nkɔ n'adiwo; momfa aseda mma no, na monkamfo ne din. **5** Awurade yɛ; na n'adɔe wɔ hɔ daa; ne nokwareɔdi kodu awo ntoatoaso nyinaa so.

101 Dawid Dwom. Meto wo dɔ ne wo trenɛe ho nnwom; Awurade, meto ayeyi nnwom ama wo. **2** Mɛhwɛ yiye abu ɔbra a ho tew; da bɛn na wobɛba me nkyɛn? Mede koma a afɔdi nni mu behwɛ me fi so. **3** Merennye ade a eyɛ tan biara nto mu. Mikyi nnipa a wonni gyidi nneyɛɛ; meremfa me ho mmata ho. **4** Nnipa a wɔn koma yɛ kɔntɔnkyɛ remmen me; me ne bɔne nni hwɛe yɛ. **5** Obiara a odi ne yɔnko ho nseku wɔ kokoa mu no, ɔno na mɛsɛɛ; nea ɔwo ahantan ani ne ahomaso koma, ɔno na merennyigyɛ no so. **6** M'ani bekɔ anokwafo a wɔwɔ asase no so no so na me ne wɔn atena; nea ne nantew ho nni asem no ɔno na ɔbesom me. **7** Nea ɔyɛ ɔdaadaafo biara rentena me fi; nea otwa nkontompo no rennyina m'anim. **8** Adekyee biara, mɛsɛɛ amumɔyɛfo a wɔwɔ asase yi so nyinaa; na mapam ɔdebɔneyɛni biara afi Awurade kuropon mu.

102 Aberante mmɔborɔni mpaɛbɔ. Osu kyerɛ Awurade bere a ɔwɔ ahohia mu. Awurade, tie me mpaɛbɔ; na ma me mmɔa ho sufɛ nnu w'anim. **2** Mmfa w'anim nhintaw me bere a mewɔ ahohia mu. Brɛ w'aso ase ma me; na sɛ misu frɛ wo a, gye me so ntem. **3** Me nkwan na reyerɛ te sɛ wusiw; me nnompe adɔ sɛ nyansramma. **4** Me koma abotow na akisa sɛ sare; na me kɔn nnɔ aduan. **5** M'apinisi dennen nti maka ɔhonam ne nnompe. **6** Mete sɛ sare so patu, te

sɛ patu a ɔte nnwiriwii mu. **7** Meda hɔ a, m'ani gu so; mayɛ sɛ anomaa bi a ɔno nko ara si ɔdan atifi. **8** Da mu nyinaa m'atamfo bɔ me akutia. Wɔn a wodi me ho fɛw no bɔ me din de dome. **9** Mede nsɔ ayɛ m'aduan na mede nusu fra me nsu mu. **10** esiane w'abufuwɛhyew dennen no nti, woama me so, ayi me asi nkyɛn. **11** Me nkwa nna te sɛ anwummere sunsuma; na mehyew sɛ sare. **12** Nanso wo Awurade, woyɛ ɔhene daa daa; na wo din a ahyeta no te hɔ daa awo ntoatoaso nyinaa mu. **13** Wobesɔre na woahu Sion mmɔbɔ; bere adu sɛ wuhu no mmɔbɔ; bere a wohyɛ no aso. **14** N'abo som bo ma w'asomfo; ne mfutuma hyɛ wɔn awerchɔw. **15** Amanaman no besuro Awurade din; asase so ahemfo nyinaa bedi w'anuonyam ni. **16** Awurade bekyekyere Sion bio, na wapue wɔ n'anuonyam mu. **17** Obetie mmɔborɔfo mpaɛbɔ; na ɔremmu n'ani ngu wɔn sufɛ so. **18** Monkyerɛw eyi mma nkyirimma, senea ɛbɛyɛ a wɔn a wonnya nwoo wɔn no bekamfo Awurade; **19** “Awurade hwɛɛ fam fi ne kronkronbea wɔ ɔsoro hɔ; ofi ɔsoro hwɛɛ asase, **20** senea ɔbete nnɛduafo apinisi, na wɔagyaa wɔn a wɔabu wɔn kumfo no.” **21** Enti wobɛpae mu abɔ Awurade din wɔ Sion na wɔakamfo no wɔ Yerusalem, **22** bere a amanaman ne ahenni ahorow behyia mu na wɔasom Awurade. **23** ɔmaa me yɛɛ mmerɛw wɔ bere a merenyin. Otwa me nkwa nna so. **24** Enti mekae sɛ, “Me Onyankopɔn, mfa me nkɔ, wɔ me nkwa nna mfimfini; wo mfe wɔ hɔ daa kodu awo ntoatoaso nyinaa mu. **25** Mfiase no wotoo asase fapem, na ɔsoro yɛ wo nsa ano adwuma. **26** Ne nyinaa betwa mu na wo de, wobɛtena hɔ daa; wobɛtetew te sɛ atade. Wobesesa wɔn te sɛ ntama, na wobɛtow wɔn agu. **27** Nanso wote senea wote, na wo mfe to rentwa da. **28** W'asomfo mma betena nkwa mu wɔ w'anim; na wɔn asefo ase betim wɔ w'anim.”

103 Dawid de. Me kra, kamfo Awurade; na me mu ade nyinaa nkamfo ne din kronkron no. **2** Me kra, kamfo Awurade, na mma wo werɛ mmfi ne nneyɛɛ pa nyinaa, **3** ɔno na ɔde wo mfomso nyinaa kye wo na ɔsa wo nyarewa nyinaa, **4** ogye wo nkwa fi ɔda mu, na ɔde adɔe ne mmɔborɔhunɔ bɔ wo abotiri, **5** ɔde nnɛpa ma wo sɛ w'apɛde, na wo mmerantebere yɛ foforo sɛ ɔkɔre. **6** Awurade yɛ adɛtrenɛe, na obu wɔn a wohyɛ wɔn so nyinaa atɛtrenɛe. **7** ɔkyerɛ Mose n'akwan, na ɔmaa Israelfo huu ne nneyɛɛ. **8** Mmɔborɔhunɔfo ne ɔdomfo ne Awurade, ne bo kye fuw na n'adɔe dɔɔso. **9** ɔrenkɔ so mmɔ sobo, na

orennya yen ho menasepɔw nkosi daa; 10 Ɔnhwe yen bone ne yen nni senea efata na ontua yen nnebone so ka senea etc. 11 Na senea ɔsoro ne asase ntam ware no, saa ara na n'adɛ so wɔ wɔn a wosuro no no so. 12 Senea apuei ne atɛ ntam ware no, saa ara na wama yen ne yen mmarato ntam kwan aware. 13 Senea agya yam hyehyew no wɔ ne mma ho no, saa ara na Awurade yam hyehye no ma wɔn a wosuro no no; 14 na onim senea woyɛ yen, ɔkae se yɛyɛ mfutuma. 15 Ɔdesani de, ne nna te se sare, ɔyɛ frɔmfrɔm se nwura mu nhwiren; 16 se mframa bɔ fa ne so a, na onni ho, na ne sibeaa nkae no bio. 17 Nanso efi mmeresanten kosi nnasanten Awurade adɛ wɔ wɔn a wosuro no so, na ne trenɛ wɔ wɔn mma mma so, 18 wɔn a wodi n'apam no so na wɔkae di ne mmara so. 19 Awurade asi n'ahengua wɔ ɔsoro, na n'ahenni di ade nyinaa so. 20 Monkamfo Awurade, mo a moyɛ n'abɔfo, mo atumfo a moyɛ n'ahyɛde, mo a mutie n'asɛm. 21 Monkamfo Awurade, ɔsoro asafo nyinaa, n'asomfo a moyɛ n'apɛde. 22 Monkamfo Awurade, ne nnwuma nyinaa; nea ɛwɔ n'ahenni mu nyinaa. Me kra, kamfo Awurade!

104 Me kra, kamfo Awurade! Awurade me Nyankopɔn, woyɛ ɔkesɛ! Wɔafura wo tumi ne anuonyam. 2 Ɔde hann akata ne ho se atade; ɔtrɛw ɔsoro mu te se ntamadan, 3 na ɔde ne mpia mu mpuran sisi nsu so. Ɔde omununkum yɛ ne teaseɛnam na ɔde nantew mframa ntaban so. 4 Ɔsoma n'abɔfo se mframa, na ɔsoma n'asomfo se ogyaframa. 5 Ɔde asase asi ne fapɛm so na ɛrenhinhim da. 6 Wode bun kataa so se atade na nsu gyinaa mmepɔw no so. 7 Nanso w'animka maa nsu no guanee, w'aprannaa nnyigyei maa woguanee; 8 Wɔsɛn faa mmepɔw so, kɔɔ aku mu tɔnn, kogu faako a wode ama wɔn no. 9 Wotoo ɔhye a wɔrentumi ntra; na wɔammekata asase so bio. 10 Ɔma nsuwa sen fa abon mu, esen fa mmepɔw ntam. 11 Wɔma wuram mmoo nyinaa nsu nom; atorɔm de kum wɔn sukɔm. 12 Wim nnomaa nwen wɔn berebuw wɔ nsu no ho; na wɔto nnwom wɔ nnua no mman so. 13 Ofi ne soro mpia mu tɔ nsu gugu mmepɔw so; ne nnwuma so aba mee asase. 14 Ɔma sare fifi ma anantwi, na ɔbɔɔ nnua maa onipa se onnua na ɛmma aduan mfi asase mu: 15 nsa a ɛma onipa koma tɔ ne yam, ngo a ɛma onipa anim tɔ so, ne aduan a ekura onipa koma. 16 Wogugu Awurade nnua no so yiye, Lebanon sida a oduae no. 17 Ɛsow na nnomaa yɛ wɔn mmerebuw, na asukɔnkɔn nso yɛ n'atenae

wo ɔpɛpaw nnua no mu. 18 Mmepɔw atenten no yɛ wuram mmirekyi de; na abotan yɛ guankɔbea ma ewi. 19 Ɔsram kyere bere nkyekyemu, na owia nim bere a ɔkɔtɔ. 20 Wode sum ba ma ɛyɛ adesae na kwaɛ mu mmoo nyinaa kɔ ahaye. 21 Gyata bobɔ mu pɛ wɔn hanam, wɔhwehwe wɔn aduan fi Onyankopɔn ho. 22 Owia pue ma wɔsan wɔn akyi; wɔsan kɔdeda wɔn atu mu. 23 Afei, onipa kɔ n'adwuma so kɔyɛ adwuma ara kosi anwummere. 24 Awurade, wo nnwuma dɔso! Nyansa mu na woyɛ ne nyinaa; w'abɔde ahyɛ asase so ma. 25 Po na ɛda ho tetɛɛ tamaa yi, a abɔde bebreɛ a enni ano; akɛse ne nketewa ahyɛ no ma. 26 So na ahyɛn di akɔneaba, na ɔdenkyɛmmirampɔn a woyɛ no di agoru. 27 Wɔn nyinaa hwe wo kwan se wobɛma wɔn wɔn aduan wɔ bere a ɛse mu. 28 Wode ma wɔn a, wɔtase; wubue wo nsam a nnɛpa mee wɔn. 29 Wode w'anim hintaw wɔn a, wɔbɔ hu; se wugye wɔn home a, wowuwu na wɔsan kɔ mfutuma mu. 30 Se wode wo Honhom no ma wɔn a na wɔabɔ wɔn, na woyɛ asase ani foforo. 31 Ma Awurade anuonyam ntena ho daa; ma Awurade ani nnye ne nnwuma ho, 32 nea ɔhwe asase na ɛwosow, na ɔde ne nsa ka mmepɔw a wusi fi mu ba. 33 Mɛto dwom ama Awurade me nkwa nna nyinaa; se mete ase yi, mɛto ayeyi dwom ama me Nyankopɔn. 34 Ɔmma me mpaeɔ nso n'ani bere a mɛregye m'ani wɔ Awurade mu yi. 35 Ma nneɔneyɛfo nyera wɔ asase so; na amumɔyɛfo ase nhyew. Me kra, kamfo Awurade. Kamfo Awurade.

105 Da Awurade ase na da ne kɛseyɛ adi. Ma wiase nyinaa nhu nea wayɛ. 2 Monto dwom mma no, monto ayeyi dwom mma no; monka n'anwonwade no nyinaa. 3 Monhoahoa mo ho wɔ ne din kronkron mu; momma wɔn a wɔhwehwe Awurade no nnya koma mu anigye. 4 Momma mo ani nna Awurade ne n'ahooden no so; na monhwehwe n'anim bere biara. 5 Monkae anwonwade a wayɛ ne nsenkyerenne, ne atɛn a obui, 6 Abraham mma, Onyankopɔn asomfo, Yakob mma a wapaw wɔn. 7 Ɔyɛ Awurade, yen Nyankopɔn. N'ahenni da adi wo asase so nyinaa. 8 Ɔkae n'apam daa nyinaa, asɛm a ɔhyɛ maa awo ntoantoaso apɛm no, 9 apam a ɔne Abraham yɛɛ no, ntam a ɔka kyereɛ Isak no. 10 Ɔhyɛɛ mu den maa Yakob se mmara, de maa Israel se apam a ɛbetena ho afeɔɔ. 11 Ɔkae se, “Mede Kanaan asase no bɛma wo se kyefa a ebeye w'agyapade.” 12 Ɔkaa eyi bere a na wɔnnɔɔso, ahɔhokuw ketewa bi a wɔwɔ Kanaan. 13 Wofii aman so kɔɔ aman so; fii ahemman mu kɔɔ ahemman mu. 14 Wamma obi anhyɛ

wɔn so; wɔn nti, ɔkaa ahene anim se: **15** “Mommfa mo nsa nka wɔn a masra wɔn ngo; na monnye m’adiyifo bone bi.” **16** ɔmaa ɔkɔm baa asase no so na ɔsee akwan a wɔfa so nya wɔn aduan nyinaa; **17** na ɔsoma aɔbarima bi dii wɔn anim, Yosef a wɔtɔn no se akɔa no. **18** Wɔde mpokyerɛ guu ne n’anan, na wɔde dade nkɔnsɔnkɔnsɔn hyɛ ne kɔn, **19** kosii se nea ɔhyɛ ho nkɔm no baa mu, kosii se Awurade asem no daa no adi se ɔye ɔnokwafo. **20** ɔhene no soma ma wokoyii no; aman no sodifo gyaa no. **21** ɔyɛ no ne fi so wura nea ɔwɔ nyinaa sodifo, **22** se ɔnkyere ne mmɔpɔmma nea ɔpe na ɔnkyere ne mpanyimfo nyansa. **23** Na Israel kɔɔ Misraim; Yakob kɔtenaa Ham asase so se ɔnanani. **24** Awurade maa ne nkurofo ase dɛ; ɔyɛ wɔn bebreɛ dodo maa wɔn atamfo, **25** wɔn a ɔdan wɔn koma se wɔntan ne nkurofo na wɔmpam n’asomfo ti so. **26** ɔsoma ne somfo Mose, ne Aaron a na wayi no no. **27** Wɔyɛ ne nsenkyerɛnne nwonwaso wɔ wɔn mu, n’anwonwade wɔ Ham asase so. **28** ɔsoma sum, na ɔmaa asase duruu sum, efise na wɔatɛw n’asem no so atua. **29** ɔmaa wɔn nsu nyinaa dan mogya, nam so kum mu mpataa. **30** Mpotorɔ behyɛ asase no so ma, na wɔhyɛn ɔman no sodifo mpia mu. **31** ɔkasae, na nwansena bebreɛ ne ntontom baa ɔman no mu baabiara. **32** ɔmaa wɔn osu dan mparuwɔ a anyinam nenam mu wɔ ɔman no nyinaa mu; **33** ɔsee wɔn bobɛ ne borɔdɔma nnua na obubuu ɔman no so nnua pasaa. **34** ɔkasae, na mmoadabi bae, tɛwtɛw a wontumi nkan wɔn; **35** wɔwee ahabammono biara a ɛwɔ wɔn asase no so, na wodii wɔn mfuw so nnuan. **36** Afei okunkum wɔn asase so mmakan nyinaa, wɔn mmarmaye mu aba a edi kan nyinaa. **37** Oyii Israel a ɔso dwɛtɛ ne sikakɔkɔ fii wɔn mmusuakuw mu a obiara ho anto kyima. **38** Misraim ani gyei, bere a wɔkɔɛ, efise na Israelfo ho hu atɔ wɔn so. **39** ɔtrɛw omununkum mu kataa wɔn so, na ogya maa wɔn hann anadwo. **40** Wobisae, na ɔbrɛɛ wɔn mparuwɔ ɔmaa ɔsoro aduan mee wɔn. **41** Obuee ɔbotan mu maa nsu fii mu bae; na esen faa sare no so se asubɔnten. **42** ɔkaeɛ ne bɔ kronkron bi a ɔhyɛ ne somfo Abraham no. **43** Oyii ne nkurofo maa wɔn ani gyei; wɔn a wapaw wɔn no dii ahurusi; **44** ɔde amanaman no nsase maa wɔn, na nea ebinom abre anya no beyɛ wɔn agyapade **45** na wɔahwɛ n’ahyɛde adi ne mmara so. Munyi Awurade aye.

106 Monkamfo Awurade! Monna Awurade ase na oye; na n’adɛ wɔ ho daa. **2** Hena na obetumi

aka nneɛma akese a Awurade aye? Anaase obetumi aka ne nkamfo awie? **3** Nhyira nka wɔn a wɔkɔ so bu atɛntɛnɛɛ, na daa wɔyɛ nea eye. **4** Awurade, se wuhu wo nkurofo mmɔbɔ a kae me, se wugye wɔn nkwa a, boa me, **5** na manya wɔn a wapaw wɔn no yiyedi mu kyefa, na manya wo manfo anigye no mu kyefa, na me ne w’agyapade no abɔ mu de nkamfo ama wo. **6** Yeaye bone senea yen nenanom yɛ no; yeaye mfomso na yeadi atirimɔdensɛm. **7** Bere a yen nenanom wɔ Misraim no, wɔannwene wo nsenkyerɛnne ho; wɔankae w’adɛ bebrebe no, na wɔtɛw atua wɔ Po Kɔkɔ no ho. **8** Nanso ne din nti ogyee wɔn nkwa, senea ɔbɛda ne tumi kese no adi. **9** ɔtɛɛ Po Kɔkɔ no ma eyowee; ɔde wɔn faa bun mu te se sare so. **10** Ogyee wɔn fii ɔtamfo no nsam; nea ɔtan wɔn no nsam na oyii wɔn fii. **11** Nsu kataa wɔn atamfo so; na ɔbaako mpo annya nkwa. **12** Afei wogyee ne bɔhyɛ no dii na wɔtoo n’ayeyi nnwom. **13** Nanso ntɛm so, wɔn were fii nea wayɛ na wɔantwɛn n’agynatu. **14** Akɔnnɔ behyɛ wɔn mu wɔ sare so hɔ, asase paradada no so na wɔsɔ Onyankopɔn hwɛɛ, **15** enti ɔmaa wɔn nea wobisae, nanso ɔde ɔfɔn yare baa wɔn so. **16** Na nsraban mu hɔ wɔn ani bereɛ Mose ne Aaron a Awurade atɛw ne ho no. **17** Asase mu bue ma emeneɛ Datan na esieɛ Abiram asafo no. **18** Ogya tɔw wɔn akyidifo no mu; ogyatannaa hyew amumɔyɛfo no. **19** Wɔyɛɛ nantwi ba wɔ Horeb na wɔkɔtow ohoni a wɔde fagude aye. **20** Wɔsesaa wɔn Anuonyam wɔde nantwinini, a ɔwe sare nsesode. **21** Wɔn were fii Onyankopɔn a ogyee wɔn nkwa, nea ɔyɛ nneɛma akese wɔ Misraim no, **22** nsenkyerɛnne a ɔyɛ wɔ Ham asase so ne nneɛma a eye hu wɔ Po Kɔkɔ ho no. **23** Enti ɔkae se ɔbɛsɛ wɔn, nanso Mose a ɔyɛ nea wapaw no no, sɔre gyinaa Onyankopɔn ne nnipa no ntam; ɔsɛ de dwudwoo n’abufuwhyew no ano senea ɔrensɛ wɔn. **24** Afei wɔn ani ansɔ asase fɛfɛ no; na wɔannye ne bɔhyɛ no anni. **25** Wonwiinwii wɔ wɔn ntamadan mu na wɔanyɛ osetie amma Awurade. **26** Enti ɔmaa ne nsa so kaa ntam kyereɛ wɔn se ɔbɛma wɔatoto wɔ sare no so, **27** ɔbɛma wɔn asefo atoto wɔ amanaman mu na wabɔ wɔn ahwete nsase nyinaa so. **28** Wɔde wɔn ho bɔɔ Baal-Peor ho na wodii afɔrebɔde a wɔde ama anyame a wonni nkwa; **29** wɔde wɔn atirimɔdensɛm hyɛ Awurade abufuw na ɔyaredɔm sii wɔn mu. **30** Na Pinehas sɔre dii akagynamu, na wosiw ɔyaredɔm no ano. **31** Wɔde eyi yɛ tɛnɛɛ maa no wɔ awo ntoatoaso a enni awiei a ɛbeba no mu. **32** Meriba nsu ho nso,

wohyee Awurade abufuw, na won nti, ohaw baa Mose so, **33** efise wotew Onyankopon Honhom anim atua, na asem a wannwene ho fii Mose anom. **34** Wanssee nnipa no senea Awurade hyee won no, **35** nanso wode won ho frafraa amanaman no yee nneema a woye no bi. **36** Wosom won ahoni, na ebeyee afide maa won. **37** Wode won mmabarima ne won mmabea baa afore maa abosom. **38** Wokaa mogya a edi bem gui, won mmabarima ne won mmabea mogya a wode baa afore maa Kanaan ahoni no maa asase no ho guu fi. **39** Wode nea woyee no guu won ankasa ho fi; wonam nea woyee no so baa aguaman. **40** Enti Awurade bo fuw ne nkurofo; na okyii n'agyapade. **41** Odan won maa amanaman no, na won atamfo dii won so. **42** Won atamfo hyee won so na wokaa won hyee won tumi ase. **43** Mpen bebre, Awurade gye won, nanso wokoo so tew atua na wosee wo won bone mu. **44** Nanso ohuu won ahohiahia bere a wosu free no no. **45** Won nti okaee n'apam no, na ofii n'adbe kese no mu huu won mmobo. **46** Omaa asodifo a woafa won nnommum no nyaa ahummobo maa won. **47** Gye yen, Awurade yen nkwaye Nyankopon, na boaboa yen ano fi amanaman so, na yeada wo din kronkron no ase, na yede nkamfo ahye wo anuonyam. **48** Ayeyi nka Awurade, Israel Nyankopon, emfi mmeresanten nkosi nnasanten. Momma nnipa no nyinaa nka se, "Amen!" Monkamfo Awurade.

107 Monna Awurade ase na oye; na n'adbe wo ho daa. **2** Momma won a Awurade agye won nka saa, won a wagye won afi otamfo nsam no; **3** won a oboaboa won ano fii nsase so no, efi apuei kosi atbe, atifi kosi anafo. **4** Ebinom kyinkyinii wo nsase pradada so, a wohanu okwan anko kuropon no mu, faako a wobetumi anya atenae. **5** Okom ne osukom dee won na wototoo beraw. **6** Afei wosu free Awurade wo won amanehunumu mu, na ogyee won fii won ahohiahia mu. **7** Ode won faa okwan tee so baa kuropon a wotumi tena mu no mu. **8** Momma wonna Awurade ase, n'adbe a ensa da ne n'anwonwade a oye ma nnipa no ho, **9** oma won a osukom de won nsu na ode nnepa hye won a okom de won ma. **10** Ebinom tenaa sum ne awerehow mu, nneduafo a wode dade nkonsankonsan agu won, **11** efise wotew Onyankopon nsem ho atua na wabuu osorosoroni no agyinatu animtiaa. **12** Enti ogyaa won maa adwumaden; wohintihintiwii, na woannya oboafu. **13** Afei wosu free Awurade wo won amanehunumu mu, na ogyee won fii won ahohia mu. **14** Oyii won fii

sum ne awerehow mu, na obubuu won nkonsankonsan mu. **15** Momma wonna Awurade ase, n'adbe a ensa da ne n'anwonwade a oye ma nnipa no ho, **16** efise obubuu kabere mfrafra apon na otwitwa nnadeban mu. **17** Ebinom beyee nkweisefo, won atuataw nti, na wohuu amane, won nnebone nti. **18** Wokyii aduan nyinaa na wotwiw benee owu pon ano. **19** Afei wosu free Awurade, won amanehunumu mu na ogyee won fii won ahohia mu. **20** Osomaa n'asem na osaa won yare; na ogyee won fii oda mu. **21** Momma wonna Awurade ase, n'adbe a ensa da ne n'anwonwade a oye ma nnipa no ho. **22** Momma wommo aseda afore na womfa ahurusi nnwom nka ne nnwuma ho asem. **23** Ebinom tenaa ahyen mu wo po so; woye aguadifo wo nsu akese so. **24** Wohuu Awurade nnwuma, n'anwonwade a ewo bun mu. **25** Okasa maa ahum tui na ekukuru asorokye. **26** Wokukuru koo osorosoro na wosian koo bun mu tenn; won amanehunumu mu no won koma tui. **27** Wokyim totoo ntintan se asabowfo; na wonhu nea wonnye bio. **28** Afei wosu free Awurade, won amanehunumu mu, na ogyee won fii won ahohia mu. **29** Omaa ahum no yee dinn; po so asorokye ano bre ase. **30** Won ani gyei, bere a eyee dinn no, na okyeree won okwan de won koduu gyinabea a wope. **31** Momma wonna Awurade ase, n'adbe a ensa da ne n'anwonwade a oye ma nnipa no ho. **32** Womma no so wo asafu no mu na wonkamfo no wo mpanyimfo nhyiamu ase. **33** Odan nsubonten maa no yee sare, asuten yee asase wosee, **34** na asasebere dan nkyenenkyene, won a wote asase no so amumoye nti. **35** Odan sare so maa no yee nsuwansuwa na nkyekyere yee se nsuten anan mu; **36** Eho na ode won a okom de won kosoee, na wokyekyeree kuropon tenaa mu. **37** Woyee mfuw ne bobo nturo na emaa won nnobae bebre. **38** Ohyiraa won na won ase dae. Wamma won nyemmoa dodow so anhuan. **39** Afei won dodow so huanee na nhyeso, amanehunumu ne awerehow bre won ase; **40** nea obu abirempon animtiaa no ma wokinkyin asase kesee a okwan nni ho so. **41** Nanso omaa ahiafo so fii won ahohia mu na omaa won mmusua doo se nguankuw. **42** Atreneefo hu ma won ani gye, nanso amumoyefo nyinaa mua won ano. **43** Momma nea oye onyansafu no mmu eyinom, na onsusu Awurade adbe kese no ho.

108 Dawid dwom. Onyankopon, me koma asi pi; mede me kra nyinaa beto w'ayeyi nnwom. **2** Munnyan, sanku ne benta! Menyan anopahema. **3**

Awurade, mekamfo wo wɔ aman mu; meto wo ho nnwom wɔ nnipa no mu. **4** W'adɛ so, ɛkorɔn sen ɔsoro; wo nokwareɔ du wim. **5** Onyankopɔn, ɛsɛ sɛ wɔma wo so tra ɔsoro, na ama w'anuonyam aba asase nyinaa so. **6** Fa wo nsa nifa gye yen na boa yen, na ama wɔn a woda wɔn no anya nkwa. **7** Onyankopɔn akasa afi ne kronkronbea se, "Nkonim mu na mekye Sekem mu na masusuw Sukot Bon. **8** Gilead ye me de; Manase nso saa ara; Ephraim ye me dade kyew, Yuda ye m'ahempema. **9** Moab ye me guasen, Edom so na metow me mpaboa gu; na metee mu nkonimɔ so gu Filistifo so." **10** Hena na ɔde me beko kuropɔn a wɔabo ho ban no mu? Hena na obedi m'anim ako Edom? **11** Onyankopɔn, enye wo na woapo yen na wo ne yen asraafo nko ɔsa bio ana? **12** Boa yen tia ɔtamfo no, na ɔdesani mmoa nka hwee. **13** Onyankopɔn wɔ yen afa yi, yebedi nkonim, na obetiatia yen atamfo so. Wode ma dwonkyerefo no.

109 Dawid dwom. Me Nyankopɔn a mekamfo wo, nye komm, **2** na amumɔyɛfo ne nkontompofɔ atu wɔn ano agu me so; wode atoro tekrema akasa atia me. **3** Wode nitansɛm atwa me ho ahyia na wɔtow hye me so a menkaa wɔn. **4** Wɔka nsem to me so de tua m'adɛyɛ so ka, nanso meye obi a mepe mpaebo. **5** Wode bone tua me papaye so ka, na wode ɔtan tua m'adɛyɛ so ka. **6** Ma onipa bone bi nsɔre ntia no; na Satan nnyina ne nsa nifa so. **7** Wodi n'asɛm a, ma onni fo, na ne mpaebo mmu no kumfo. **8** Ma ne nkwa nna nye kakraa bi; na ɔfoforo nsi n'anan mu sɛ ɔkannifo. **9** Ma ne mma nye ayisaa na ne yere nye okunafo. **10** Ma ne mma nkyinkyin nsresɛ ade; ma wɔmpam wɔn mfi wɔn afi a abubu no mu. **11** Ma ɔdefirifo bi mfa nea ɔwɔ nyinaa; na ananafo mfom n'adwuma so aba. **12** Mma obiara nhu no, anaa ne ayisaa mmɔbo. **13** Ma n'ase nhyew, na wɔn din nyera wɔ awo ntoatoaso a ereba no mu. **14** Ma wɔnkae n'agyanom nnebone wo Awurade anim; na ne na bone no ntena ho daa. **15** Wɔn bone nyinaa nka Awurade anim, na wɔnkae wɔn bio wɔ asase so. **16** Efise wannwene da sɛ ɔbeyɛ adɛ, na mmom ɔtaa ahiafo mmɔborɔfo ne wɔn a wɔn were ahow de kɔɔ owu mu. **17** N'ani gyee sɛ ɔbedome enti nnome mmra no so; wampe sɛ obehyira enti nhyira mmɔ no. **18** ɔhyee nnome sɛ atade; eno kɔɔ ne nipadua mu sɛ nsu, ne ne nnompe mu sɛ ngo. **19** Ma enye sɛ atade a ekyekyere ne ho, ne abɔso a ɛbo no daa. **20** Ma eyi nye Awurade akatua a ɔde ma me sobobofo, wɔn a wɔka nsemɔne fa me ho no. **21** Nanso wo

Asafo Awurade, wo din nti wo ne me nni no yiye; fi w'adɛ mu gye me. **22** Efise meye ohiani ne nea onni bi, na me koma atɔ beraw wɔ me mu. **23** Mitwaa mu sɛ anwummere sunsuma; wopia me kyene sɛ mmoadabi. **24** Mmuadadi ama me nkotodwe mu agugow; mafɔn, na ama aka me nnompe. **25** Maye aserewde ama wɔn a wɔbo me sobo; sɛ wohu me a, wɔwosow wɔn ti. **26** Boa me, Awurade me Nyankopɔn; gye me senea w'adɛ te. **27** Ma wonhu sɛ eye wo nsa, na wo na woaye, Awurade. **28** Wɔbedome, nanso wubehyira; sɛ wɔtow hye me so a wɔn anim begu ase, nanso wo somfo ani begye. **29** M'atamfo befura animguase; na akyekyere wɔn ho sɛ atade. **30** Mede m'ano bɛma Awurade so aye no kese; mekamfo no wɔ dɔm mu. **31** Efise ogyina ohiani nsa nifa so sɛ obegye no nkwa afi wɔn a wobu no kumfo nsam.

110 Dawid dwom. Awurade ka kyereɛ me Wura se, "Tena me nifa so kosi sɛ mede w'atamfo beye w'anan ase ntiaso." **2** Awurade betere w'ahempema dennen mu afi Sion; na wubedi hene wɔ w'atamfo so. **3** W'asraafo beyi wɔn koma mu da a wobeko ɔsa. Tumi kronkron beye w'adurade na wo mmabun beba wo nkyen senea obosu gugu anɔpahema. **4** Awurade aka ntam na ɔrensɛsa n'adwene: "Woye daapɛm sɔfo sɛ Melkisedek sɛso." **5** Awurade wɔ wo nifa so; ɔbedwerɛw ahɛmfo wɔ n'abufuwhyew da no. **6** Obebu amanaman atɛn aboaboa awufo ano; na wadwerɛw asodifo a wɔwɔ asase so nyinaa. **7** ɔbenom asuwa a ɛda ɔkwankyen mu nsu enti obedi nkonim. ɔhene no benom asuwa a ɛda ɔkwankyen mu nsu, na wanya ahɔɔden, na wagyina nkonimɔ mu.

111 Monkamfo Awurade! Mefi me koma nyinaa mu ama Awurade so wɔ atrenefo aguabo ne asafo no mu. **2** Awurade nnwuma ye akese; wɔn a wɔn ani gye ho nyinaa susuw ho. **3** Ne nnwuma ye tumi ne anuonyam, na ne trenɛe wɔ ho daa. **4** ɔma yekae n'anwonwade; Awurade ye ɔdomfo ne mmɔborɔhunufɔ. **5** ɔma wɔn a wosuro no no aduan; ɔkae n'apam no daa. **6** Wakyere ne nkurɔfo tumi a ewɔ ne nnwuma mu, sɛ ɔde aman afoforo nsase ama wɔn. **7** Ne nsa ano nnwuma ye nokware na etee; n'ahyede nyinaa mu wɔ ahotoso. **8** Etim ho daa daa, nokware ne trenɛe mu na ɔyee. **9** ɔde ogye maa ne nkurɔfo; ɔde n'apam sii ho afebo, ne din ye kronkron na eye hu. **10** Awurade suro ye nyansa mfiase; wɔn a wodi n'ahyede so nyinaa wɔ nhumu pa. ɔno na daa ayeyi wɔ no.

112 Monkamfo Awurade. Nhyira nka onipa a osuro Awurade na onya n'ahyede mu anigye pii. 2 Ne mma beye atumfo wɔ asase no so; atreneefo awo ntoatoaso benya nhyira. 3 Ahonya ne sika wɔ ne fi, na ne trenee tena hɔ daa. 4 Sum mu mpo hann pue ma nnipa a wɔtɛɛ, ma ɔdomfo, mmɔborɔhunufɔ ne ɔnokwafo. 5 Yiyedi beba wɔn a wɔn tirim ye mmerɛw na wɔde fɛm kwa, wɔn a wɔde atɛntrenee ye wɔn nneema no so. 6 Ampa ara ɔrenhinhim da biara da; wɔbɛkae onipa trenee daa. 7 Ɔte asemmɔne a, emmɔ no hu; ne koma si pi wɔ Awurade mu ahotoso mu. 8 Ne koma wɔ bammɔ, na onsuro; awiei no ɔde nkonimdi behyia n'atamfo. 9 Ɔtow n'akyede pete aman so ma ahiafo nea wohia, n'adɛ no tena hɔ daa; wɔbɛkae wɔn daa na wɔahye wɔn anuonyam. 10 Omumɔyefo behu ama aye no yaw, ɔbetwere ne se na wafɔn; omumɔyefo tirimpɔw beye ɔkwa.

113 Monkamfo Awurade. Monkamfo Awurade, mo a moye n'asomfo no, monkamfo Awurade din. 2 Momma wɔnkamfo Awurade din, mprenpren ne daa nyinaa. 3 Efi faako a owia pue kosi faako a ɛkɔtɔ, ma wɔnkamfo Awurade din. 4 Wɔama Awurade so aman nyinaa so, n'anuonyam tra ɔsorosoro. 5 Hena na ɔte se Awurade yen Nyankopɔn, Ɔbaako no a odi hene wɔ ɔsorosoro, 6 ɔno na ɔbɔ ne mu ase hwɛ ɔsorosoro ne asase? 7 Ɔma ahiafo so fi mfutuma mu na ɔma onnibi so fi nso siw so; 8 ɔde wɔn tena mmapɔmma mu, wɔn nkurɔfo mmapɔmma mu. 9 Ɔbɔ obonin atenase wɔ ne fi se obeatan a n'ani gye. Monkamfo Awurade.

114 Bere a Israelfo fii Misraim, na Yakobfiffo fii ananafo asase so no, 2 Yuda beyee Awurade kronkronbea na Israel beyee n'aheman. 3 Po no hwɛɛ, na eguaneɛ, Yordan san n'akyi; 4 Mmepɔw huruhuruwii se adwennini, nkoko nso huruhuruwii se nguantenmma. 5 Den na ɛbae, ɛpo, na wuguanee? Yordan, aden, na wosan w'akyi? 6 Mmepɔw, aden, na muhuruhuruw se adwennini, na mo nkoko, muhuruhuruw se nguantenmma yi? 7 Asase, ma wo ho mpopo wɔ Awurade anim, wɔ Yakob Nyankopɔn anim, 8 ɔno na ɔmaa ɔbotan no dan asubura, na ɔbotan dennen dan nsuwa aniwa no.

115 Enye yen, Awurade, enye yen, na wo din na anuonyam nka, w'adɛ ne wo nokwaredi nti. 2 Aden nti na aman no bisa se, "Wɔn Nyankopɔn wɔ he?" 3 Yen Nyankopɔn wɔ ɔsoro; nea ɔpe biara na ɔye. 4 Nanso wɔn ahoni ye dwete ne sikakɔkɔ a wɔde

onipa nsa na aye. 5 Wɔwɔ ano, nanso wontumi nkasa; wɔwɔ ani, nanso wonhu ade. 6 Wɔwɔ aso, nanso wɔntɛ asem; wɔwɔ hwene, nanso wɔntɛ hua. 7 Wɔwɔ nsa, nanso wɔntɛ nka; wɔwɔ anan, nanso wɔnnantew. Wontumi mma nnyigyei bi mfi wɔn mene mu. 8 Wɔn a wɔyɛɛ ahoni no beye se wɔn ara, saa ara na wɔn a wɔde wɔn ho to wɔn so no beye. 9 Mo Israelfo nyinaa, momfa mo ho nto Awurade so, ɔye mo boafɔ ne kyem. 10 Ao Aaronfi, momfa mo ho nto Awurade so, ɔye mo boafɔ ne kyem. 11 Mo a musuro no, momfa mo ho nto Awurade so, ɔye mo boafɔ ne kyem. 12 Awurade kae yen na obehyira yen: Obehyira Israelfi, obehyira Aaronfi 13 Obehyira wɔn a wosuro Awurade, nketewa ne akese nyinaa. 14 Awurade mma w'ase nno, wo ne wo mma. 15 Awurade nhyira wo, ɔsoro ne asase Yefo no. 16 Ɔsorosoro tɔnn ye Awurade de, nanso asase de, ɔde ama onipa. 17 Enye awufo na wɔkamfo Awurade wɔn a wɔkɔ fam dinn no. 18 Yen na yɛma Awurade so nne ne daa nyinaa. Monkamfo Awurade.

116 Medɔ Awurade efise, ɔtee me nne. Ɔtee me mmɔborɔsu. 2 Esiane se ɔbrɛɛ n'aso ase maa me nti, mɛfrɛ no wɔ bere a mete ase yi. 3 Owu ahama bebaree me, ɔda ho yawdi baa me so, ɔhaw ne awerchow hyee me so. (Sheol h7585) 4 Afei mebɔ Awurade din kae se, "Awurade, gye me nkwa!" 5 Awurade ye ɔdomfo ne ɔtreneeni; ayamhyehye ahye yen Nyankopɔn ma. 6 Awurade bɔ ɔwɛmfo ho ban; bere a mewɔ ahohia mu no, ogyee me. 7 Nya abotɔyam bio, me kra, efise Awurade ne wo adi no yiye. 8 Na wo, Awurade, woagyee me kra a fi owu mu; woamma m'ani amporow nisu, na woamma m'anan anhintiw 9 se menantew Awurade anim wɔ atasefo asase so. 10 Migye dii; eno nti mekae se, "Mewɔ ahohia kɛse mu." 11 Na m'ahokyere mu mekae se, "Nnipa nyinaa ye atorofɔ." 12 Den na metumi de atua Awurade ka wo ne papa a waye me nyinaa? 13 Mɛma nkwayee kuruwa no so na mabɔ Awurade din. 14 Medi bɔ a mahye Awurade no nyinaa so wɔ ne nkurɔfo nyinaa anim. 15 Awurade nkoa nokwafo wu som bo wɔ Awurade ani so. 16 Awurade, ampa ara meye wo somfo; meye wo somfo, w'afɛnaa babarima; woayi me a fi me mpokyerɛ mu. 17 Mɛbo aseda afɔre ama wo na mabɔ Awurade din. 18 Medi me ntaɛ a maka Awurade no so wɔ ne nkurɔfo nyinaa anim, 19 wɔ adiwo a ɛwɔ Awurade fi no, wɔ w'anin, Yerusalem. Monkamfo Awurade.

117 Mo aman nyinaa, monkamfo Awurade; mo nnipa nyinaa, momma ne din so. **2** Na n'adɔe so wɔ yɛn so, na Awurade nokwaredi wɔ hɔ daa. Monkamfo Awurade.

118 Monna Awurade ase efise oye, na n'adɔe wɔ hɔ daa. **2** Momma Israel nka se, "N'adɔe wɔ hɔ daa." **3** Momma Aaronfi nka se, "N'adɔe wɔ hɔ daa." **4** Momma wɔn a wosuro Awurade nka se, "N'adɔe wɔ hɔ daa." **5** M'ahohia mu, misu frɛɛ Awurade; ogyee me so, na ɔma me dee me ho. **6** Awurade ne me boafɔ; enti merensuro. Den na onipa betumi aye me? **7** Awurade ne me wɔ hɔ; ɔye me boafɔ. Mede nkonimdi behwe m'atamfo. **8** Eye se yebhintaw wɔ Awurade mu, sen se yede yen ho beto onipa so. **9** Eye se yebhintaw Awurade mu, sen se yede yen ho beto mmapɔmma so. **10** Amanaman no nyinaa twaa me ho hyiae, nanso Awurade din mu mitwitwaa wɔn gui. **11** Wotwaa me ho hyiaa wɔ baabiara, nanso Awurade din mu, mitwitwaa wɔn gui. **12** Wɔkyere guu me so se nnowa, nanso whyew ntem so se nsɔe a ogya atɔ mu; Awurade din mu mitwitwaa wɔn gui. **13** Wosum me kɔɔ m'akyi a anka mereye ahwe ase, nanso Awurade boaa me. **14** Awurade ye m'ahɔɔden ne me bammɔ; waye me nkwaye. **15** Osebo ne nkonimdi gyigye wɔ atreneefo ntamadan mu se, "Awurade nsa nifa aye nneema akese! **16** Wɔama Awurade nsa nifa so; Awurade nsa nifa aye nneema akese!" **17** Merenwu, mmom metena ase na mapae mu aka nea Awurade aye. **18** Awurade atwe m'aso dennen, nanso onyaa me mmaa owu ε. **19** Bue trenee apon ma me; na mɛhyɛn mu na mede aseda ama Awurade. **20** Awurade ponkese ni; εhɔ na atreneefo befa ahyɛn mu. **21** Meda wo ase, efise wugyee me so; na woaye me nkwaye. **22** Obo a adansifo no poe no, abeye tweatibo. **23** Awurade na waye eyi, na eye nwonwa wɔ yɛn ani so. **24** Nne ye da a Awurade aye. Momma yɛn ani nnye na yenni ahurusi. **25** Awurade, gye yɛn nkwa; Awurade, ma yɛn nkonimdi. **26** Nhyira ne nea ɔnam Awurade din mu rebɔ. Yehyira wo fi Awurade fi. **27** Awurade ye Onyankopɔn, na wama ne hann ahyɛren yɛn so. Momfa nnua mman nkura na yɛnto afɔrebo santɛn nkɔ afɔremuka no mmen ho. **28** Woye me Nyankopɔn na meyi wo aye; wone me Nyankopɔn na mema wo so. **29** Monna Awurade ase, efise oye; na n'adɔe wɔ hɔ daa.

119 Nhyira nka wɔn a wɔn akwan ye pɛ, na wɔnantew senea Awurade mmara kyere. **2** Nhyira nka wɔn a wɔkora n'ahyede, na wofi wɔn koma nyinaa mu hwehwe no. **3** Wɔnye mfomso biara; na wɔnam n'akwan so. **4** Woaye nkyerekyerɛ pa ato hɔ a εse se wodi so pepɛpɛ. **5** Ao, se anka m'akwan besi pi, aye osetie wɔ wo hye nsem ho ε! **6** Se midwen wo mmaransem no nyinaa ho a, εno de, anka m'anim rengu ase. **7** Mede koma a mu tew bekamfo wo bere a meresua wo mmara a etee no. **8** Medi wo hye nsem so; na nnyaw me korakora. **9** Aberante beyɛ den na n'akwan ho atew? Eɛ se odi w'asem so. **10** Mede me koma nyinaa hwehwe wo; mma me mman mfi wo mmara nsem ho. **11** Mede w'asem asie me koma mu senea merenye bɔne ntia wo. **12** Awurade, ayeyi nka wo; kyerekyerɛ me wo hye nsem. **13** Mede m'ano ka mmara a efi w'anom nyinaa. **14** M'ani gye se midi w'ahyede so, senea obi ani gye ahonya bebree ho no. **15** Midwinnwen wo nkyerekyerɛ ho na mehwehwe w'akwan mu. **16** M'ani gye wo hye nsem ho; na merentoto w'asem ase. **17** Ye wo somfo yiye; na matena ase adi w'asem so. **18** Bue m'ani na minhu anwonwade a εwɔ wo mmara no mu. **19** Meye ɔnanani wo asase so; mfa wo mmaransem no nhintaw me. **20** Me kra tɔ beraw bere biara, wo mmara ho anigyina nti. **21** Woka ahantanfo anim, wɔn a wɔadome wɔn, na wɔman fi wo mmaransem ho no. **22** Yi wɔn animka ne animtiaabu fi me mu, efise midi w'ahyede so. **23** Ewɔ mu se sodifo hyia di me ho nseku, nanso wo somfo bedwinnwen w'ahyede ho. **24** W'ahyede ye m'anigyede na eye me fotufo. **25** Woabrɛ me ase ma meda mfutuma mu; kyee me nkwa so senea w'asem no te. **26** Mesesee m'akwan na wugyee me so; kyerekyerɛ me w'ahyede. **27** Ma mente nea εwɔ wo nkyerekyerɛ mu ase; na mesusuw w'anwonwade ho. **28** Awerehow ama me kra atɔ beraw; hye me den senea w'asem no kyere. **29** Yi me fi nnaadaa akwan so; na fa wo mmara so dom me. **30** Mafa nokware kwan no so; mede me koma abata wo mmara ho. **31** Awurade, mikura wo nkyerekyerɛ mu dennen, mma m'anim ngu ase. **32** Mitu mmirika wɔ wo mmaransem kwan no so, efise woama m'adwene mu adɔ. **33** Kyerekyerɛ me, Awurade, na minni wo hye nsem so, na medi so akosi awiei. **34** Ma me ntease, na medi wo mmara so, na mede me koma nyinaa bedi so. **35** Kyere me wo mmaransem kwan no na hɔ na minya anigye. **36** Dan me koma ko w'ahyede ho na enye pesemenkominya

so mfaso ho. 37 Yi m'ani fi nneema hunu so; na kyee me nkwa so senea w'asem te. 38 Di bo a woahye wo somfo no so, na wasuro wo. 39 Yi animguase a ebo me hu no fi ho, efise wo mmara ye papa. 40 M'ani agyina wo nkyerekere no! Kyee me nkwa so wo wo trennee mu. 41 Awurade, ma wo do a ensa da no mmra me so, wo nkwaye no, senea wo bohye no te. 42 Afei mehua nea oyi me ahi no, efise mewo w'asem mu ahotoso. 43 Nyi nokwasem no mfi m'anom, efise m'anidaso wo wo mmara mu. 44 Medi wo mmara so bere biara akosi daa apem. 45 Mede ahofadi benantew, efise mahwehwe wo nkyerekere. 46 Meka w'ahyede ho asem wo ahemfo anim na worenku m'anim ase, 47 efise m'ani gye wo mmaramsem ho, na medo no. 48 Mede nidi ma wo mmaramsem a medo no, na midwinnwen wo hye nsem ho. 49 Kae asem a woaka akere wo somfo, efise woama me anidaso. 50 M'awerekyekye wo m'amanehunu mu ne se: Wo bohye kyee me nkwa so. 51 Ahantanfo bu me animtiaa bebre, nanso mennan mfi wo mmara ho. 52 Awurade mekae wo tete mmara no, na minya awerekyekye wo mu. 53 Abufuw hye me ma, esiane amumoyefo a woapo wo mmara nti. 54 Wo hye nsem ye me dwom tiban wo baabiara a mesoe. 55 Awurade, anadwo mekae wo din, na medi wo mmara so. 56 Eyi ne ade a meye da biara, midi wo nkyerekere so. 57 Awurade, wo ne me kyefa; mahye bo se medi wo nsem so. 58 Mede me koma nyinaa ahwehwe wo; hu me mmobo senea wo bohye no te. 59 Madwene m'akwan ho na madan m'anammontu akere w'ahyede. 60 Meye ntem, merentwentwen se medi wo mmara nsem so. 61 Ewo mu, amumoyefo de hama kyekere me, nanso me were remfi wo mmara. 62 Odasu mu, mesore de w'aseda ma wo, wo mmara a etee nti. 63 Meye won a wosuro wo nyinaa adamfo, won a wodi wo nkyerekere so nyinaa. 64 Awurade, w'adde ahye asase so ma; kyerekere me wo hye nsem. 65 Wo ne wo somfo nni no yiye senea w'asem te, Awurade. 66 Kyerekere me nimdee ne atemmu pa, efise migye wo mmara nsem no di. 67 Mefom okwan ansa na mihuu amane, na mprempren de midi w'asem so. 68 Wuye, na nea woye nso ye; kyerekere me wo hye nsem. 69 Ahantanfo de atoro asra me ho de, nanso mede me koma nyinaa di wo nkyerekere so. 70 Won koma ye den na wonni otema, nanso m'ani gye wo mmara ho. 71 Eye se mihuu amane senea mesua wo hye nsem. 72 Mmara a efi w'anom no som bo ma me sen dwete ne sikakoko mpem mpem. 73 Wo nsa

na ebo me na enwenee me; ma me ntease a mede besua wo mmara nsem. 74 Se won a wosuro wo no hu me a, ma won ani nnye, efise mede m'anidaso ahye w'asem mu. 75 Awurade, minim senea wo mmara te, na nokwaredi mu na woatwe m'aso. 76 Ma w'adde a ensa da no nkyekye me were senea bo a woahye wo somfo no te no. 77 Ma w'ayamhyehye mmra me so, na minnya nkwa, efise m'ani ka wo mmara ho. 78 Ma ahantanfo ani nwu se wofom me kwa nti nanso mesuw wo nkyerekere ho. 79 Ma won a wosuro wo no mmra me nkyen, won a wote wo mmara ase no. 80 Ma me koma nnya bembu wo wo hye nsem ho, na m'anim angu ase. 81 Wo nkwaye ho anigyina ama me kra ato piti, nanso mede m'anidaso ahye w'asem mu. 82 Mahwe wo bohye anim ama m'ani abu; meka se, "Da ben na wobekyekye me were?" 83 Ewo mu se mete se nsa kotoku a esen wusiw ano de, nanso me were mfi wo hye nsem no. 84 Wo somfo ntwen nkosi da ben? Da ben na wobetwe won a wotaa me no aso? 85 Ahantanfo atu amoa de asum me afiri, a ene wo mmara bo abira. 86 Wo mmara nsem nyinaa mu wo ahotoso; boa me, efise nnipa taa me kwa. 87 Ekaa kakraa bi a anka woyii me fii asase so, nanso minnyaee wo nkyerekere sodi. 88 Kyee me nkwa so senea w'adde te, na medi nkyerekere a efi w'anom no so. 89 Awurade, w'asem no wo ho daa; egyina ho pintinn wo osorosoro. 90 Wo nokwaredi ko so wo awo ntoatoaso nyinaa mu; wode asase sii ho, na etim ho. 91 Wo mmara wo ho besi nne, na nneema nyinaa som wo. 92 Se m'ani anka wo mmara no ho a, anka m'amanehunu akum me. 93 Me were remfi wo nkyerekere no, efise eno so na wonam akree me nkwa so. 94 Gye me nkwa, na meye wo de; na mahwehwe wo nkyerekere no. 95 Amumoyefo retwen se wbesee me, nanso, misuw w'ahyede ho. 96 Mahu se peye nyinaa wo nea ekopem; nanso wo mmara nsem no nni ohye. 97 Ao, medo wo mmara no yiye! Midwinnwen ho da mu nyinaa. 98 Wo mmara nsem ma mihu nyansa sen m'atamfo, efise ewo me nkyen daa. 99 Mewo nhumu sen m'akerekyerefo nyinaa, efise midwinnwen w'ahyede ho. 100 Mewo ntease sen mpanyimfo, efise midi wo nkyerekere so. 101 Memfaa m'anan nsii okwan bone biara so senea metumi aye osetie ama w'asem. 102 Memman mfii wo mmara ho, efise w'ankasa na woakerekyere me. 103 Wo nsem ye me de, eye de sen ewo wo m'anom. 104 Minya ntease fi wo nkyerekere mu; enti mikyi okwan bone biara. 105

W'asem ye m'anan ase kanea ne me kwan so hann. 106 Maka ntam ahye mu kena se medi wo trenee mmara no so. 107 Mahu amane bebre; kyee me nkwa so, Awurade, senea w'asem te. 108 Awurade, ma w'ani nso m'anom nkamfo a efi me pe mu, na kyerekyere me wo mmara. 109 Ewo mu se daa metoto me nkwa ase de, nanso me were remfi wo mmara. 110 Amumoyefo asum me afiri, nanso memfom mfii wo nkyerekyere ho. 111 W'ahyede ye m'agyapade afebo; ema me koma ani gye. 112 Me koma aye krado se ebehwe wo hye nsem so akosi awiei. 113 Mikyi nnipa a won adwene ye won ntanta, na medo wo mmara. 114 Wone me guankabea ne me kyem; mede m'anidaso ahye w'asem mu. 115 Mumfi me so nko, mo nneboneyefo, na minni me Nyankopon mmara nsem so! 116 Wowaw me senea wo bohye no te, na metena nkwa mu; mma m'anidaso nye okwa. 117 So me mu, na menya ogye; na bere biara mehwe wo hye nsem no. 118 Wopo won a wofom wo hye nsem nyinaa, na won nnaadaa no ye okwa. 119 Wotow amumoyefo nyinaa gu se afide; enti medo w'ahyede. 120 Wo ho suro ma me ho popo; wo mmara abo me hu. 121 Maye nea etee na eye pe. Nnyaa me mma won a wohye me so! 122 Hwe ma wo somfo nni yiye; mma ahantanfo nhye me so. 123 Mahwe wo nkwaye anim ama m'ani abu, erehwehwe wo bohye a etee no. 124 Wo ne wo somfo nni no senea w'adde te, na kyerekyere me wo hye nsem. 125 Meye wo somfo; ma me nhumu na mate w'ahyede ase. 126 Awurade, bere aso se woye biribi; warebu wo mmara so. 127 Esiane se medo wo mmara nsem sen sikakokoo, anaa sikakokoo ankasa, 128 na midwen se wo nkyerekyere nyinaa ye nti, mikyi okwan bone biara. 129 W'ahyede ye nwonwa; enti midi so. 130 Wo nsem asete ma hann; na ema ntetekwaa nya ntease. 131 Mibue m'anom na migu ahome, na m'ani gyina wo mmara nsem. 132 Dan w'ani hwe me na hu me mmobo senea woye daa ma won a wodo wo din no. 133 Tutu m'anammön senea w'asem no te; mma bone biara nni me so. 134 Gye me fi nnipa nhyeso mu, na madi wo nkyerekyere so. 135 Ma w'anim nhyeren wo somfo so na kyerekyere me wo hye nsem. 136 Nsuten nisu agware me, efise nnipa nni wo mmara so. 137 Otreneeni ne wo, Awurade, na wo mmara nso ye pe. 138 Ahyede a woaye no ye trennee; eye nea wonya mu ahotoso pa ara. 139 Abufuw ahye me ma, efise m'atamfo bu won ani gu wo nsem so. 140 Woaso wo bohye ahorow no ahwe pa ara, na wo somfo do won. 141 Ewo mu se menka hwee na

memfra de, nanso me were mfi wo nkyerekyere. 142 Wo trennee wo ho daa, na wo mmara no ye nokware. 143 Ohaw ne awerehow aba me so, nanso wo mmara nsem ma me ahosepew. 144 W'ahyede ye nokware daa; ma me ntease na manya nkwa. 145 Awurade, mede me koma nyinaa mefre wo, gye me so, na medi wo hye nsem no so. 146 Misu mefre wo, gye me nkwa na midi w'ahyede so. 147 Mesore anophema, na misu pe mmoa; mede me were ahye wo nsem mu. 148 M'ani gu so anadwo nyinaa, na misusuwo wo bohye ho. 149 Tie me nne senea w'adde no te; Awurade, kyee me nkwa so senea wo mmara te. 150 Won a wohyehye atirimodense no aben, nanso wone wo mmara ntam ware. 151 Awurade, wo de, woben me, na wo mmara nsem nyinaa ye nokware. 152 Mmere bi a atwa mu no, misuua w'ahyede a wode tim ho se entena ho daa no. 153 Hwe m'amanehunu na gye me nkwa efise me were mfii wo mmara no. 154 Di m'asem ma me na gye me; kyee me nkwa so senea wo bohye no te. 155 Nkwagye ne atirimodenfo ntam kwan ware, efise wonhwehwe wo hye nsem no. 156 Awurade, w'ayamhyehye ye kese; kyee me nkwa so senea wo mmara no te. 157 Atamfo a woteete me dooso, nanso memman mfii wo nhyehye ho. 158 Mehwe won a wonni gyidi no a won ho ye me nwini, efise wonni w'asem so. 159 Hwe senea m'ani gye wo nkyerekyere ho; Awurade, kyee me nkwa so senea w'adde te. 160 Wo nsem nyinaa ye nokware; na wo mmara a etee no to rentwa da. 161 Sodifo taataa me kwa, nanso eye w'asem nko ara na misuro. 162 M'ani gye wo bohye ho te se obi a wanya asade kese. 163 Mikyi nkontompo na medo wo mmara. 164 Mekamfo wo mpen ason da biara, wo mmara a etee no nti. 165 Won a wodo wo mmara no wo asomdwoe mmoroso, na biribiara rentumi mma wonhintiw. 166 Awurade, metwen wo nkwaye, na midi wo mmara nsem so. 167 Midi w'ahyede so na medo no yiye. 168 Midi wo nkyerekyere ne w'ahyede so, na wunim m'akwan nyinaa. 169 Awurade, ma me sufre nnu w'anim; ma me ntease senea w'asem no te. 170 Ma me nkotosre nnu w'anim; na gye me senea wo bohye no te. 171 Ma nkamfo nhye m'anom ma; efise wokyerkyere me wo hye nsem. 172 Ma me tekrema nto w'asem ho dwom, efise wo mmara nsem nyinaa ye trennee. 173 Ma wo nsa nye krado mmeboa me, efise maso wo nkyerekyere no mu. 174 Awurade, m'ani agyina wo nkwaye, na wo mmara ye m'anigyede. 175 Ma mentena nkwa mu na matumi akamfo wo, na wo

mmara nso awowaw me. 176 Mafoṃ kwan se oguan a wayera. Hwehwe wo somfo, efise me were mfii wo mmara nsem no e.

120 Osoroforo dwom. Misu fre Awurade wo m'ahohiahia mu, na ogye me so. 2 Awurade, gye me fi atoro ano, ne nnaadaa tekrema nsam. 3 Den na obeye wo, na den na eka ho bio, wo nnaadaa tekrema? 4 Ode asraafo bemma a ano ye nnam ne nnyansramma betwe w'aso. 5 Nnome nka me se metena Mesek, na mete Kedar ntamadan mu! 6 Matena won a wokyi asomdwoe mu akye dodo. 7 Meye asomdwoe nipa; nanso se mekasa a, wode ye oko.

121 Osoroforo dwom. Mema m'ani so kyere mmepow no, ehe na me mmoa fi beba? 2 Me mmoa fi Awurade, osoro ne asase yefo no. 3 Oremma wo nan nwatiri, nea ohwe wo no rento nko. 4 Ampa ara, nea ohwe Israel no rento nko na orenna. 5 Awurade hwe wo so; Awurade ne wo nwini wo wo nsa nifa so; 6 Owia rensee wo wo adekyee mu, na osram nso rensee wo anadwo. 7 Awurade bebo wo ho ban a fi osee nyinaa ho, obehwe wo nkwa so; 8 Awurade behwe w'adifi ne wo fieba so mprempren ne daa.

122 Osoroforo dwom. Dawid de. Me ne won a wosee me se, "Ma yenko Awurade fi" no ani gyei. 2 Yegyinyagya w'aponkese ano, Yerusalem. 3 Wokyekyere Yerusalem yiye se kuropon wahyehye mu nneema fefe. 4 Eho na mmusuakuw no ko, Awurade mmusuakuw no, Wokokamfo Awurade din, senea nhyehyee a wode ama Israel no te. 5 Eho na atemmu nhengua no sisi, Dawid fi nhengua no. 6 Monsre asomdwoe mma Yerusalem se, "Ma won a wodo wo no nnya bamm. 7 Ma asomdwoe mmra w'afasu mu na bamm mmra w'aban mu." 8 Me nuanom ne me nnamfonom nti, meka se, "Asomdwoe ntena wo mu." 9 Awurade yen Nyankopon fi nti, mehwehwe wo yieye.

123 Osoroforo dwom. Mema m'ani so kyere wo, wo a w'ahengua si osoro. 2 Senea nkoa ani hwe won wura nsa no, senea afenaa ani hwe n'awuraa nsa no no, saa ara na yen ani hwe Awurade, yen Nyankopon kosi se obehu yen mmobo. 3 Hu yen mmobo, Awurade, hu yen mmobo, na wabu yen animtiaa bebee. 4 Ahomasofo fewdi ama yeabre dodo, ahantanfo animtiaabu afono yen.

124 Osoroforo dwom. Dawid de. Se anka Awurade nni yen afa a, ma Israel nka, 2 Se anka Awurade nni yen afa bere a nnipa tow hyee yen so, 3 bere a won abufuw sore tiaa yen a anka womemenee yen anikann; 4 anka nsuyiri no bebu afa yen so, anka ohweam no betwe yen ako, 5 anka nsu a ano ye den no bepra yen ko. 6 Ayeyi nka Awurade a wamma ho kwan amma wamfa won se antetew yen mu. 7 Yeaguan se anomaa a fi ofirisumfo afiri mu; wabubu afiri no, ama yeaguan. 8 Yen mmoa wo Awurade din mu, osoro ne asase Yefo no.

125 Osoroforo dwom. Won a wode won ho to Awurade so no te se Bepow Sion, a enwosow na etim ho daa no. 2 Senea mmepow atwa Yerusalem ho ahyia no, saa ara na Awurade atwa ne nkurofo ho ahyia mprempren ne daa. 3 Amumoyefo ahempema renka asase a wode ama atreneefo no so, se eba saa a, atreneefo nam won so beye bone. 4 Awurade won a woye papa no, ye won papa, won a wotee wo koma mu no, ye won papa. 5 Na won a woman fa akwan kontonkye so no de, Awurade betwa won ne nneboneyefo asu. Asomdwoe nka Israel.

126 Osoroforo dwom. Bere a Awurade de Sion fi nnommum san bae no, yeyee se won a wososo adae. 2 Oserew hyee yen anom ma, anigye nnwom hyee yen tekrema so ma. Na woka wo amanaman no mu se, "Awurade aye nneema akese ama won." 3 Awurade aye nneema akese ama yen, na anigye ahye yen ma. 4 Awurade, san fa yen siade ma yen, te se nsuwansuwa a ewo Negeb no. 5 Won a wodua no nusu mu no de anigye nnwom betwa. 6 Won a wode osu fi adi so aba a werekodua no, de anigye nnwom besan aba a wososo nnobae afiafi.

127 Osoroforo dwom. Salomo de. Se Awurade ansi odan no a, adansifo no ye ho adwuma kwa. Se Awurade amm kuropon no ho ban a, awemfo no wen kwa. 2 Se wosore anopahema na wotena kosi anadwo, na woye adwumaden pe w'ano aduan a, eye okwa, efise won a wodo won no, ama won wo won nnae mu. 3 Mma ye agyapade a efi Awurade ho, na mma ye akatua a efi no. 4 Mma a wowo won mmabun bere mu no te se agyan a ehye osraani nsam. 5 Nhyira ne onipa a n'agyan kotoku aye ma. N'anim rengu ase bere a wahyia n'atamfo wo kurow pon ano no.

128 Osoroforo dwom. Nhyira ne wɔn a wosuro Awurade, na wɔnantew n'akwan so. **2** Wubedi w'adwuma so aba; nhyira ne yiyedi beye wo de. **3** Wo yere beye se bobee a esow aba wo wo fi; na wo mmabarima aye se ngodua a afifi atwa wo pon ho ahya. **4** Yiw, see ne nea wobehyira onipa a usuro Awurade no. **5** Awurade nhyira wo mfi Sion na omma wunhu Yerusalem yiyeye; wo nkwanna nyinaa. **6** Omma wo ntena ase nhu wo mma mma. Asomdwoe nka Israel.

129 Osoroforo dwom. "Wɔahye me so pii a fi me mmofraase, ma Israel nka e. **2** "Wɔahye me so pii a fi me mmofraase, nanso wontumi nnii me so nkonim e. **3** Fentemfo afentem m'akyi aye wɔn nkɔmoa atenten. **4** Nanso Awurade ye otreneeni; watwitwa amumoyefo hama a fi me ho ama made me ho." **5** Ma wɔn a wɔtan Sion nyinaa mfa animguase nsan wɔn akyi. **6** Ma wɔnnye se sare a ewo ɔdan atifi, a ennyin na ehyew; **7** na nnɔbaetwafo ntumi nnya biribi mfi mu nhye ne nsa ma, na nea ɔboaboa ano nso nnya hwee nhye n'abasa ma. **8** Mma wɔn a wotwa mu wo ho no nka se, "Awurade nhyira mmra mo so; yehyira mo wo Awurade din mu."

130 Osoroforo dwom. Awurade, mifi bun mu su fre wo; **2** Awurade, tie me nne. Wen w'aso ma me nkotosre. **3** Awurade, se wubu yen bone ho nkontaa a, anka hena na obetumi agyina ano? **4** Nanso wowo bonefakye; eno nti wosuro wo. **5** Metwen Awurade, me mu ade nyinaa twen, na n'asem mu na mede m'anidaso ahye. **6** Metwen Awurade sen senea awemfo twen adekyee, sen senea awemfo twen adekyee. **7** Israel, ma w'ani nna Awurade so, efise Awurade wo adɛe a enni huammɔ na ogye ankasa wo ne mu. **8** Ono ankasa begye Israel a fi wɔn bone nyinaa mu.

131 Osoroforo dwom. Dawid de. Awurade, ahomaso nni me koma mu, na m'ani ntraa me ntɔn e; memma nsem akese nhaw me anaa nsem a eye nwonwa dodo ma me. **2** Na mmom, mama me kra anya abotɔyam te se akokoaa a ɔda ne na so renum no, te se akokoaa a otua nufu ano no, saa ara na me kra aye wo me mu. **3** Israel, ma w'ani nna Awurade so, mprempren ne daa nyinaa.

132 Osoroforo dwom. Awurade kae Dawid ne ɔhaw ahorow a ogyinaa ano no. **2** Okaa Awurade ntam, na ɔhyee nea ɔye Otumfo ma Yakob no bo se,

3 "Merenhyen me fi na merenkɔda me mpa so, **4** meremma nna mmfa me na meremma m'ani nkum, **5** kosi se menyaa baabi ama Awurade, baabi a nea ɔye Otumfo ma Yakob No betena." **6** Yete wɔ Efrata, yebetoo so wɔ Yaar mfuw so. **7** "Momma yenko n'atenae; momma yensom wo ne nan ntiaso ho. **8** 'Awurade, sore bra w'ahomegyebea, wo ne wo tumi adaka no. **9** Ma trennee nye se ntade mma w'asofo; ma w'ahotefo nto ahurusi nnwom.'" **10** Wo somfo Dawid nti, nyi w'ani mfi nea woasra no ngo no so. **11** Awurade kaa ntam kyerɛ Dawid, nokware ntam a ɔntwe nsan se, "W'asefo no mu baako na mede no betena w'ahengua so. **12** Se wo mmabarima di m'apam so na wotie me nkyerekyerɛ a, eno de wɔn mmabarima betena w'ahengua so afebo." **13** Awurade ayi Sion, ɔde ho aye n'atenae: **14** "Eha ne m'ahomegyebea daa nyinaa; eha na metena adi hene, efise ha na mepe, **15** mede nneema pa bebree behyira no na mama n'ahiafo adidi amee. **16** Mede nkwaye befura n'asofo, na n'ahotewfo ato ahurusi nnwom daa. **17** "Mema obirempɔn bi apue wo Dawid ahenni mu, na mede kanea asi ho ama nea masra no ngo no. **18** Mede aniwu befura n'atamfo, nanso wobehye no ahenkyew a chyeren."

133 Osoroforo dwom. Dawid de. Hwe oye a eye ne fe a eye se anuanom bo mu tena faako! **2** Ete se ngo a esom bo a wɔahwie agu apampam, na esian kogu bogyese mu, esian kogu Aaron bogyese mu, ma bi kogu n'atade kɔn mu. **3** Ete se Hermon bosu a eto gu Bepɔw Sion so. Eho na Awurade ahye ne nhyira, nkwa a to ntwaa da no.

134 Osoroforo dwom. Awurade asomfo nyinaa, monkamfo Awurade, mo a mosom wo Awurade fi anadwo nyinaa. **2** Momma mo nsa so wo kronkronbea ho na monkamfo Awurade. **3** Awurade a ɔboɔ osoro ne asase no, mfi Sion nhyira mo.

135 Monkamfo Awurade. Monkamfo Awurade din; monkamfo no, mo Awurade asomfo, **2** mo a mosom wo Awurade fi, wo adiwo a ewo yen Nyankɔpɔn fi. **3** Monkamfo Awurade efise oye; monto ayeyi nnwom mma ne din, na eno na eye aniso. **4** Awurade ayi Yakob se ɔnye ne de, wayi Israel se n'ade a esom bo. **5** Minim se Awurade so; ɔso sen anyame nyinaa. **6** Awurade ye nea ɔpe biara wo osoro ne asase so, po ne mu bun nyinaa. **7** Omaa omununkum ma ne ho so fi asase ano ba; osoma anyinam ka osu ho na omaa

ahum tu fi ne koradan mu. **8** Okum Misraim mmakan, nnipa ne mmoa mmakan. **9** Osomaa ne nsenkyerenne ne n'anwonwade baa mo mfimfini, Misraim, de tiaa Farao ne n'asomfo nyinaa. **10** Ossee amanaman pii, na okunkum ahemfo akese, **11** Amorifo hene, Sihon Basan hene, Og ne Kanaan ahemfo nyinaa, **12** na ode won nsase maa se agyapade ode maa ne nkurofo Israelfo. **13** Awurade, wo din wo ho daa. Awurade wo din ahjeta awo ntoatoaso nyinaa mu. **14** Awurade bedi ama ne nkurofo na obehu n'asomfo mmabɔ. **15** Amanaman no ahoni ye dwete ne sikakokoo a wode onipa nsa na aye. **16** Wowa ano, nanso wontumi nkasa, wowa ani, nanso wonhu ade; **17** wowa aso, nanso wonte asem, na ohome nso nni won anom. **18** Won a woyee ahoni no beye se won ara, saa ara na won a wode won ho to won so no beye. **19** Monkamfo Awurade, mo Israelfo nyinaa; monkamfo Awurade, Aaron fi; **20** monkamfo Awurade, Lewi fi; monkamfo Awurade, mo a musuro no. **21** Mumfi Sion nkamfo Awurade, monkamfo nea ote Yerusalem no. Monkamfo Awurade.

136 Monna Awurade ase na oye. N'adɛ wo ho daa. **2** Monna anyame mu Nyankopɔn no ase. N'adɛ wo ho daa. **3** Monna awuranom mu Awurade no ase. N'adɛ wo ho daa. **4** Ono nko ara na oye anwonwade akese. N'adɛ wo ho daa. **5** Ono na ofi ne ntease mu bɔɔ osoro. N'adɛ wo ho daa. **6** Ono na otrew asase mu de kataa nsu so. N'adɛ wo ho daa. **7** Ono na obɔɔ akanea akese no. N'adɛ wo ho daa. **8** Obɔɔ owia se enni adekyee so. N'adɛ wo ho daa; **9** Obɔɔ sram ne nsoromma se wonni adesae so no. N'adɛ wo ho daa. **10** Ono na okunkum Misraimfo mmakan, N'adɛ wo ho daa. **11** na oyii Israelfo fii won mu no. N'adɛ wo ho daa. **12** Ode nsa kese ne basa a watee mu. N'adɛ wo ho daa. **13** Ono na opaae Po Kokoo no mu no, N'adɛ wo ho daa. **14** na ode Israelfo faa mfimfini no. N'adɛ wo ho daa. **15** Nanso opraa Farao ne n'asraafo guu Po Kokoo mu no. N'adɛ wo ho daa. **16** Ono na odii ne nkurofo anim wo sare no so. N'adɛ wo ho daa. **17** Ono na okum ahemfo akese no, N'adɛ wo ho daa. **18** na okum ahemfo akunini no. N'adɛ wo ho daa. **19** Okum Amorifo hene, Sihon, N'adɛ wo ho daa. **20** ne Basanhene, Og. N'adɛ wo ho daa. **21** Na ode won nsase maa se agyapade. N'adɛ wo ho daa. **22** Ode maa ne somfo Israel se agyapade. N'adɛ wo ho daa. **23** Okaee yen, yen mmerewye mu. N'adɛ wo ho daa. **24** Na ogyee yen fii yen atamfo nsam. N'adɛ wo ho daa. **25** Ono na oma abode biara aduan. N'adɛ wo ho

daa. **26** Monna osorosoro Nyankopɔn no ase. N'adɛ wo ho daa.

137 Babilonia nsubonten ho, ehɔ na yetena suu bere a yekae Sion no. **2** Ehɔ konkɔn so nnua mu na yede yen asanku sensenee, **3** ehɔ na yen nnommumfafo kaa se yento nnwom, yen ahohiafo hwehwee anigye nnwom fii yen nkyen; wɔkae se, "Monto Sion nnwom baako nkyere yen!" **4** Ebeye den na yeatumi ato Awurade nnwom, bere a yewo ananafo asase so? **5** Yerusalem, se me were fi wo a ma me nsa nifa were mfi sankubɔ. **6** Se mankae wo a, ma me tekrema nka ntare m'anom se mamfa Yerusalem se m'anigyede kese pa ara a. **7** Kae, Awurade, nea Edomfo yee da a Yerusalem hwee ase no. Watee mu se, "Munnwiriw, munnwiriw ngu fam nkoka ne fapem!" **8** Obabea Babilonia, woadome wo akɔ ossee mu, nea otua wo ka bio ani gye wo nea wode aye yen no ho. **9** Nea okyere wo nkokoaa de won dwiradwira abotan no ani gye.

138 Dawid de. Awurade, mede me koma nyinaa ayi wo aye; meto w'ayeyi dwom wo "anyame" no anim. **2** Mede m'ani bekyere w'asoredan kronkron no, akotow wo na makamfo wo din wo w'adɛ a enni huammɔ ne wo nokwaredi nti, efise woama w'ahyede no so yiye; ama asen wo titiriwye. **3** Bere a misu free wo no, wugye me so; woma minyaa akokoduru ne nnamye. **4** Awurade, se ahemfo a wowa wiaase nyinaa te nea woahye no a, ma wonkamfo wo. **5** Ma wonto Awurade akwan ho nnwom, na Awurade anuonyam ye kese. **6** Ewo mu se Awurade wo osorosoro de, nanso ohwe mmaborɔfo, na ahantanfo de, ohu won wo akyirikyiri. **7** Ewo mu se menam ohaw mu de, nanso wobo me nkwa ho ban; wotee wo nsa wo m'atamfo abufuw so, na wode wo nsa nifa gye me nkwa. **8** Awurade bema nea wahyehye ama me no aba mu; Awurade, w'adɛ wo ho daa, nnyaa wo nsa ano nnwuma akyidi. Wode ma dwonkyerefo.

139 Dawid dwom. Awurade, woahwehwe me mu na woahu me. **2** Wunim m'asetena ne me sore; wufi akyirikyiri hu m'adwene mu. **3** Wunim m'adifi ne me nnae mu; wunim m'akwan nyinaa mu. **4** Ansa na mebue m'ano akasa no Awurade, na wunim ne nyinaa dedaw. **5** Woakata me ho nyinaa ahya na wobo me ho ban. **6** Saa nimdee yi ye me nwonwa dodo, ekɔ soro dodo ma me se medu ho. **7** Ehe na metumi afi wo honhom anim akɔ? Ehe na metumi

aguan afi w'anim ako? **8** Se meforo soro a, wowo ho. Na mekoşew me kete wo asaman a, wo ni. (Sheol h7585) **9** Se mede adekyee ntaban tu na mekotena po akyi noho a, **10** mpo ho na wo nsa begya me ako, na wo nsa nifa beso me mu. **11** Na meka se, "Ampa ara sum mmekata me so na hann nnan adesae ntwa me ho nhya a," **12** sum mpo nye sum mma wo; na anadwo behyeren se awia; sum ne hann ye wo pe. **13** Na wo na woboo me honhom wonwen me wo me na awotwaa mu. **14** Mekamfo wo, efise woyee me anwonwakwan so a eye hu; wo nnwuma ye nwonwa. Minim eno yiye pa ara. **15** Woomfa me bobea anhintaw wo bere a woyee me kokoa mu no; bere a wonwenee me wo asase bun mu no, **16** w'ani huu me, bere a meye mogyatow no. Nna dodow a wotwa ama me no, woakyerew ne nyinaa wo wo nhoma mu ansa na mu baako reba mu. **17** Onyankopon, wo nsusuwi som bo ma me! woka ne nyinaa bo mu a, etrew dodo! **18** Se mise mekan a, ne dodow bebore mpoano nwea, se minyan a, me ne wo wo ho ara. **19** Se anka, Onyankopon, wubekunkum amumoyefo e! Mumfi me so, mo a moye mogyapefo! **20** Wode adwemmone ka wo ho asem; w'atamfo mmmo wo din pa. **21** Awurade, metan won a wotan wo, na mikiyi won a wosore tia wo no ana? **22** Minni hwee se otan a mewo ma won; mefa won se m'atamfo. **23** Hwehwe me mu, Onyankopon, na hu me koma; so me hwe, na hu m'adwene. **24** Hwe se bone bi wo me mu a, na di m'anim fa daa nkwa kwan so. Wode ma dwonkyerefo.

140 Dawid dwom. Awurade, gye me fi nneboneyefo nsam; bo me ho ban fi basabasayefo nsam, **2** won a wodwen bone wo won koma mu na wohwanyan oko mu da biara. **3** Wosew won tekrema ano te se owo de; nhurutoa bore wo won ano. **4** Awurade, yi me fi amumoyefo nsam; bo me ho ban fi basabasayefo a wodwen se wobetwintwan m'anan mu no ho. **5** Ahantanfo asum me afiri; wotatrete wotatretrew won asau ahama mu wasunsum me mfiri wo me kwan so. **6** Awurade, meka kyere wo se, "Wone me Nyankopon." Awurade, tie me mmaborosu. **7** Otumfo Awurade, me gyefo hoodenfo, wokata me ti so wo oko da, **8** nye amumoyefo abisade mma won, Awurade; mma won nhyehyee nnye yiye. **9** Wotwa me ho ahyia, nanso, ma amumoyesem a efi won anom no nsee won. **10** Ma nnyansramma ngu won so; ma wontow won ngu ogya mu, ngu dontori amoa mu a worenso bio. **11** Mma dinseefo ase ntim asase no so; ma amanehun ntaataa kitikitiyefo. **12**

Minim se Awurade bu ahiafo atentrenee na odi onnibi asem ma no. **13** Ampa ara, atreneefo bekamfo wo din na won a wonam tee no betena nkwa mu wo w'anim.

141 Dawid dwom. Awurade, misu fre wo, bra me nkyen ntem so. Se misu fre wo a, gye me so. **2** Ma me mpaebɔ mmra w'anim se aduhuan; ma me nsa a mema so no nye se anwummere afɔrebo. **3** Awurade, ma ɔwemfo nwen m'ano; na wen m'ano pon. **4** Mma wonntwe me koma nnko nea eye bone ho, na ankoye nea amumoyefo ye no bi, mma me ne abonefo nni won nnokonnokowade. **5** Ma ɔtreneeni mmo me, eye ayame; ma onka m'anim, eye me ti so ngo. Me ti rempo. Me mpaebɔ da so tia abonefo nneyee daa. **6** Wobetow won sodifo afi obotan so abehwe fam; na amumoyefo behu se me nsem no ye nokware. **7** Wobeka se, "Senea obi funtum na otutu asase no, saa ara na woabo yen nnompe ahwete ɔda ano." (Sheol h7585) **8** Nanso Otumfo Awurade, m'ani wo wo so; wo mu na mihintaw, nnyaw me mma owu. **9** Bo me ho ban fi mfiri a wasunsum me no ho, mfiri a abonefo asunsum no. **10** Ma amumoyefo no ankasa otan nyi won, bere a mitwa mu ko dwoodwo no.

142 Dawid de. Bere a na ɔwo obodan mu no. Mpaebɔ. Metee mu su fre Awurade; mema me nne so su fre Awurade se onhu me mmobo. **2** Mihwie m'ahiasem gu n'anim; meka me haw kyere no. **3** Se me kra to beraw wo me mu a, eye wo na wunim me kwan. Okwan a menam so no nnipa asum me afiri. **4** Hwe na hu, obiara nni me nifa so; m'asem mfa obiara ho; minni guankɔbea bi; me nkwa mfa obiara ho. **5** Awurade, misu fre wo; mise, "Wone me guankɔbea, me kyefa wo ateasefo asase so." **6** Tie me sufɔre, na mewo ahohia kese mu; gye me fi m'ataafo nsam, efise won ho ye den sen me. **7** Yi me fi m'afiase, na makamfo wo din. Afei atreneefo betwa me ho ahyia esiane wo papa a woaye me no nti.

143 Dawid dwom. Awurade, tie me mpaebɔ, tie me mmaborosu; fi wo nokwaredi ne trenee mu bra beboa me. **2** Mfa w'akoa nko atemmu mu, na ɔteasefo biara ntee wo w'anim. **3** Otamfo no taa me, ɔbo me hwe fam; ɔma me tena sum mu te se won a wowuwuu dedaada. **4** Eno nti me honhom ato beraw wo me mu; na me koma di yaw wo me mu. **5** Mekae tete nna no; midwinnwen wo nnwuma ne nea wo nsa aye nyinaa ho. **6** Mema me nsa so kyere wo; wo ho sukɔm de me kra se asase kesee. **7** Awurade, gye me so ntem;

me honhom to piti. Mfa w'ananim hintaw me anye saa a meye se won a wokoo amoa mu no. **8** Ma mente w'adoe a ensa da no ho asem daa anopa, na mede me ho ato wo so. Kyere me okwan a memfa so, na wo na mema me kra so kyere. **9** Awurade gye me fi m'atamfo nsam, na wo mu na mede me ho hintaw. **10** Kyere me na menyee w'apede, na wo ne me Nyankopon; ma wo honhom pa no nkogya me asasetaw so. **11** Awurade, wo din nti, kyee me nkwa so; wo trennee mu, yi me fi ohaw mu. **12** Fi w'adoe a ensa da no mu mua m'atamfo ano; na see won a wokyi me no nyinaa, na meye wo somfo.

144 Dawid de. Nkamfo nka Awurade, me Botan, nea oma me nsa akodi ho ntetewee, ne me nsateaa ma asa. **2** Dye m'adoe Nyankopon ne m'abandennen, me bammoo ne me gyefo, me kyem a mewo guankobea wo no mu, onoo na oka nnipa hye m'ase. **3** Awurade, hena ne onipa a w'ani ku no ho onipa ba a wudwen ne ho yi? **4** Onipa te se ohome; ne nna te se sunsuma a etetwa mu. **5** Awurade, fi osoro ho na sian bra fam; fa wo nsa ka mmepow, na emfi wusiw. **6** Soma anyinam na bo atamfo no hwete; to wo mmemma no ma wonguan. **7** Tee wo nsa fi osoro bra fam; gye me na yi me fi nsu akese ho, fi ananafo nsam, **8** won a atoro aye won anom ma, na won nsa nifa ye nnaadaa. **9** Onyankopon, meto dwom foforo ama wo; meto dwom wo sanku a ahama du gu so so ama wo, **10** ama obaako a odo nkonimdi ma ahemfo, na ogye ne somfo Dawid fi afoaweremfo ano. **11** Gye me na yi me fi ananafo nsam, won a atoro aye won anom ma na won nsa nifa ye nnaadaa. **12** Afei yen mmabarima mmerantebere mu beye se afide a wawahwe so yiye, na yen mmabea beye se adum a wasen de asiesie ahemfi. **13** Yen asan beye amaama; aduan ahorow biara beba so. Yen nguan dodow so beto mpem mpem, won so beto mpem du du wo yen mfuw so; **14** yen anantwi betwe nnesoa duruduru. Worennwiriw afasu, yerenko nkoasom mu, na agyaadwotwa remma yen mmonten so. **15** Nhyira nka nnipa a ebeba mu saa ama won. Nhyira nka nnipa a won Nyankopon ne Awurade.

145 Ayeyi dwom. Dawid de. Mema wo so, me Nyankopon, Ohenkese; mekamfo wo din daa daa. **2** Da biara, mekamfo wo; na mama wo din so daa daa. **3** Awurade so, na ose nkamfo kese; obiara ntumi nsusuw ne keseye. **4** Awo ntoatoaso baako bekamfo wo nnwuma akyere afoforo; wobeka wo nnwuma

akese ho asem. **5** Wobeka w'anuonyam ne wo tumi a eheran no ho asem, na medwene w'anwonwadwuma ho. **6** Wobeka wo nnwuma a eye hu no mu tumi ho asem; na mapae mu aka wo nneyee akese no akyere. **7** Wobehye wo papaye mmoroso no ho fa, na wode anigye ato wo trennee ho dwom. **8** Awurade ye odomfo ne mmoborohunfo; ne bo kye fuw na n'adde dooso. **9** Awurade ye ma obiara; na owo ahummooba ma n'abode nyinaa. **10** Awurade, w'abode nyinaa bekamfo wo; na w'ahotefo bema wo so. **11** Wobeka w'ahenni no anuonyam ho asem na woka wo mmaninye ho asem, **12** se ebeye a nnipa behu wo nnwuma akese ne w'ahenni anuonyam a eheran no. **13** W'ahenni ye daa ahenni, na wo tumidi wo ho ma awo ntoatoaso nyinaa. Awurade di ne bohye nyinaa so, na owo odo ma biribiara a waye. **14** Awurade wowaw won a wohwe ase na opagyaw won a won nnesoa ama wookom. **15** Aniwa nyinaa hwe wo kwan, na woma won, won aduan wo ne bere mu. **16** Wubue wo nsam, na woma biribiara a ewo nkwa no n'apede. **17** Awurade tee wo n'akwan nyinaa mu; na dye adoe ma nea waye nyinaa. **18** Awurade ben won a wofre no nyinaa, won a wofre no nokware mu nyinaa. **19** Dye won a wosuro no no apede ma won; otie won sufre na ogye won. **20** Awurade hwe won a wodo no no nyinaa so, nanso amumoyefo de, obesee won nyinaa. **21** M'ano bekamfo Awurade. Ma abode nyinaa nkamfo ne din kronkron no daa daa.

146 Monkamfo Awurade. Me kra, kamfo Awurade! **2** Mekamfo Awurade me nkwan na nyinaa; meto ayeyi dwom ama me Nyankopon, se mete ase yi. **3** Mommfa mo ho nto mmampoma so, adesamma a worentumi nnye nkwa. **4** Se won honhom tu ko a, wasan ko dote mu, saa da no ara won nsusuwii nyinaa ye okwa. **5** Nhyira ne nea ne boafu ne Yakob Nyankopon, nea n'anidaso wo Awurade, ne Nyankopon mu. **6** Ono ne osoro ne asase Yefo, po ne biribiara a ewo mu nyinaa Awurade a dye nokwafo daa no. **7** Odi ma won a wohye won so, na oma won a okom de won aduan. Awurade gyaa nneduafo, **8** Awurade ma anifuraefo hu ade. Awurade ma won a wookom no so, Awurade do atreneefo. **9** Awurade hwe ahoho so, na wowaw ayisaa ne akunafo, na amumoyefo akwan de, odan ani. **10** Awurade di hene daa daa, Ao, Sion, wo Nyankopon, wo awo ntoatoaso nyinaa so. Monkamfo Awurade.

147 Monkamfo Awurade. Eye se woto ayeyi nnwom ma yen Nyankopon, eye fe na efata dodo se wokamfo no! **2** Awurade kyekyere Yerusalem; Oboaboa Israel nnommum ano. **3** Osa won a won koma abotow no yare, na okyekyere won akuru. **4** Okyere nsoromma dodow a ewo ho, na ode obiara din fre no. **5** Yen Awurade so, na ne tumi ye kese; yerente n'ase nwie. **6** Awurade wowaw ahobreasefo na ototow amumoyefo hwehwe fam. **7** Monto aseda nnwom mma Awurade. Momfa sanku nto dwom mma yen Nyankopon. **8** Ode omununkum kata osoro ani; oma asase osu ma sare nyin wo nkoko so. **9** Oma anantwi aduan, na se kwaakwaadabimma su a, oma won aduan. **10** Enye onponko ahooeden na n'ani so na enye onipa ahooeden nso. **11** Na mmom, Awurade ani so nnipa a wosuro no, won a wode won ho to n'adze a ensa da no so no. **12** Momma Awurade so, Yerusalem; kamfo wo Nyankopon, Sion, **13** oma w'apon akyi adaban ye den, na ohyira wo nkurfo a wote wo mu. **14** Oma w'ahye so dwo, na ode awi ankasa ma wo. **15** Osoma n'ahyede ko asase so; n'asem tu mmirika ntem so. **16** Otrew sukyeremma mu se oguan ho nwi, na opete obosu sukyeremma se nsō. **17** Ototow mparuwbo gu fam se mmosea. Hena na obetumi agyina n'awow dennen no ano? **18** Osoma n'asem no ma enan no; ohwanyan ne mframa, na nsu sen. **19** Wada n'asem adi akyere Yakob, ne mmara ne ohye nsem akyere Israel. **20** Onyee eyi maa oman foforo biara e; wonnim ne mmara. Monkamfo Awurade!

148 Monkamfo Awurade! Monkamfo Awurade mfi osorosoro, monkamfo no wo osoro soronsorommea. **2** N'abofo nyinaa, monkamfo no, ne osoro asafo nyinaa, monkamfo no. **3** Owia ne osram, monkamfo no, nsoromma a ehyeren nyinaa, monkamfo no. **4** Monkamfo no, osoro mu soro ne mo nsu a moww osoro atifi. **5** Momma won nyinaa nkamfo Awurade din, efise onno na ohye ma woboo won. **6** Ode won sisii ho afeboo; na omaa ohye nsem bi a erentwa mu da. **7** Monkamfo Awurade mfi asase so, mo po kese mu abode ne po bun nyinaa, **8** anyinam ne mparuwbo, sukyeremma ne omununkum, ahum a moye n'apede, **9** mo mmepow ne nkoko nyinaa, nnua a esow aba ne sida nyinaa, **10** nwura mu mmoa ne anantwi, abode nketewa ne nnomaa a wotu, **11** asase ne amanaman nyinaa so ahemfo, mo mmapomma ne asase sodifo nyinaa, **12** mmerante ne mmabaa, mmasiriwa ne mmofra nso. **13** Ma wonkamfo Awurade

din, na ne din so sen din biara; n'anuonyam koron wo asase ne osoro so. **14** Wapagyaw mmen bi ama ne nkurfo, n'ahotewfo nyinaa nkamfo; Israelfo, nnipa a woda ne koma so no nkamfo. Monkamfo Awurade.

149 Monkamfo Awurade. Monto dwom foforo mma Awurade, monkamfo no wo ahotefo asafo mu. **2** Ma Israel ani nnye ne Yefo mu. Ma Sion mma ani nnye won Hene mu. **3** Ma womfa asaw nkamfo ne din na womfa sanku ne akasaa nto dwom mma no. **4** Na Awurade ani so ne nkurfo; ode nkwaye kyew hye ahobreasefo. **5** Momma ahotefo nni ahurusi wo anuonyam yi mu; na wonto ahosepew dwom wo won mpa so. **6** Onyankopon nkamfo nhye won anom, na enye afoa anofanu wo won nsam, **7** se womfa nto were wo amanaman no so ne asotwe wo nnipa no so, **8** se womfa nye nkonsankonsan nkyekyere won ahemfo, ne dade mpokyere ngu won atitiriw, **9** se womfa mmu aten, senea woakyerew atia won no. Eyi ne n'ahotewfo nyinaa anuonyam. Monkamfo Awurade.

150 Monkamfo Awurade. Monkamfo Awurade wo ne kronkronbea; monkamfo no wo osoro tumi mu. **2** Monkamfo no wo ne tumi mu nneyee ho; monkamfo no wo ne keseye a eboro biribiara so no ho. **3** Momfa torobento nnyigyei nkamfo no, momfa asanku ne benta nkamfo no, **4** momfa akasaa ne asaw nkamfo no, momfa sankuten ne atenteben nkamfo no, **5** momfa kyenkyen mmobomo so nkamfo no, momfa kyenkyen nnyigyei nkamfo no. **6** Momma nea ehome nyinaa nkamfo Awurade. Monkamfo Awurade.

Mmebusēm

1 Dawid babarima Salomo, Israelhene, mmebusēm ni: **2** Ne botae ne sē ebekyerē nnipa nyansa ne ahohyeso; ne sē ebeboa ama wōate nsem a emu dō ase; **3** sē wobēnya akwankyerē wō abrabo pa mu, a ebēma wōayē ade pa, nea etēē na ho nni asem; **4** sē ebēma nea n'adwene mu nno anya nyansa na mmabun anya nimdeē ne adwene, **5** anyansafo ntie na wōmfa nka nea wonim ho, na nea owo nhumu nya akwankyerē a **6** ebēma wate mme ne kasammebu, anyansafo nsenka ne abisaa ase. **7** Awurade suro yē nimdeē mfiase, na nkwareafo bu nyansa ne ahohyeso animtiaa. **8** Me ba, tie w'agya akwankyerē na mpo wo na nkyerkyerē. **9** Ebeyē wo ti anuonyam abotiri ne wo kōn mu atweaban. **10** Me ba, sē nneboneyefo twetwe wo a, mma wōn ho kwan. **11** Sē wōka sē, “Bra ma yenko; ma yenkōtetew na yenkum obi, ma yenkōtew ntwen mmōborōni bi; **12** ma yemmeme ne wōn anikann sē oda, koraa, te sē wōn a wōkō oda mu; (Sheol h7585) **13** yebēnya nneema a esom bo ahorow na yēde asade ahyē yēn afi ma; **14** fa wo ho behyē mu, na wubēnya wo kyefa wō ahonyade no mu.” **15** Me ba, wo ne wōn nnantew, mfa wo nan nsi wōn akwan so; **16** Wōn anan de ntēmpē kō bōne mu, na wōde ahōhare ka mogya gu. **17** So nni mfaso sē obi besum nnomaafiri wō beae a anomaa biara hu! **18** Saa nnipa yi tetew pē wōn ankasa mogya; wōtetew wōn ankasa wōn ho! **19** Saa na wōn a wodi akorōnne akyi no awiei te; ema wōhwere wōn nkwal! **20** Nyansa tēē mu wō mmōnten so, oma ne nne so wō aguabōbea, **21** oteē mu wō afasu no atifi, okaa wō kuropon no apon ano se, **22** “Mo adwenharefo, mōbeyē adwenhare akosi da bēn? Fēwdifo bedi fēw akosi da bēn? Nkwaseafo bekyi nimdeē akosi da bēn? **23** Sē mutiē m'animka a, anka mekaa me koma mu nsem nyinaa kyereē mo ma muhuu me nsusuwii. **24** Nanso sē muyii mo aso, bere a mēfēē mo na amfa obiara ho, bere a mēteē me nsa mu, **25** sē mopoo m'afotu, na moampe m'animka nti, **26** me nso mēserew mo wō mo amanehunu mu; sē abēbrēse bi bu fa mo so a, mido mo ho fēw, **27** sē abēbrēse bi bu fa mo so te sē ahum, na amanehunu bi bō fa mo so sē mfete, na awerehow ne oshaw mene mo a, **28** “Afei wōbēfrē me, nanso meremmua; wōbehwehwe me, nanso wōrenhu me. **29** Esiane sē wokyii nimdeē na wōampe sē wobesuro Awurade, **30** sē wōpoo m'afotu, na wobuu me nteeso animtiaa nti, **31** wobedi wōn akwan so aba; na wōn

nhēhyēē mu aduan bēmee wōn. **32** Na ntetekwaafō asōoden bekum wōn, na nkwareafo tirimudē bēse wōn; **33** Nanso obiara a obetie me no, obetena ase asomdwoe mu na ne ho beto no a orensuro oshaw biara.”

2 Me ba, sē wutie me nsem, na woma me mmaransem tena wo mu a, **2** sē wōwēn w'aso ma nyansa na wode wo koma ma ntease, **3** na woma wo nne so frē nhumu na wusu frē ntease, **4** na sē wohwehwe no te sēnea wohwehwe dwetē na wohwehwe no sēnea worepē ademude a ahintaw a, **5** eno na wobete Awurade suro ase na woahu Onyankopon ho nimdeē. **6** Awurade ma nimdeē, na n'anom na nyansa ne ntease fi ba. **7** Okora nkonimdi ma wōn a wōtēē, oye kyem ma wōn a wōn akwan yē pē, **8** owen nea oye pē kwan, na obo wōn a wodi no nokware no akwan ho ban. **9** Eno na wobete nea eye ne nea eye pē, ne nea efata, okwan biara a eye ase. **10** Afei nyansa bewura wo koma mu, na nimdeē aye ahomeka ama wo kra. **11** Adwene bebō wo ho ban na ntease ahwe wo so. **12** Nyansa beyi wo afi amumoyefo akwan mu, ebeyi wo afi nnipa a wōn nsem yē basabasa nsam, **13** wōn a wōaman afi akwan pa so akōnantew sum akwan so no, **14** wōn a wōn ani gye bōneye ho, na wodi ahurusi wō bōne mu basabasayē ho, **15** wōn a wōn akwan yē kōntōnkye na wōyē abonsam wō wōn akwan mu. **16** Nimdeē begye wo afi obee wareseefo no nsam, afi obee warefo huhuni a oka nnaadaasem ho, **17** nea wagyaa ne mmabaabere mu kunu na wapo apam a oyēē wō Onyankopon anim no. **18** Ne fi yē okwan a ekō owu mu na n'akwan kō awufo honhom nkyen. **19** Obiara a okō ne nkyen no nsan mma anaase orensi nkwa akwan so. **20** Enti wubedi nnipa pa anammōn akyi na woanantew atreneefo akwan so. **21** Efise wōn a wōtēē betena asase no so, na wōn a asem nni wōn ho no na wōbeka hō; **22** na wobetwa amumoyefo afi asase no so, na wōatore atorfo ase.

3 Me ba, mma wo wēre mfi me nkyerkyerē, kora me mmara wō wo koma mu, **2** na ebēma wo nkwa aware, mfe bebree na ede yiyedi abre wo. **3** Mma adae ne nokware mmfi wo nkyen fa yan wo kōn mu kyerew gu wo koma pon so. **4** Na wubēnya adom ne din pa wō Onyankopon ne nnipa anim. **5** Fa wo koma nyinaa to Awurade so, na mfa wo ho nto w'ankasa ntease so; **6** hu no w'akwan nyinaa mu, na obetēē w'akwan. **7** Nnye wo ho nni sē woye onyansafo; suro Awurade na

kyi bōne. 8 Ede ahooden bebre wo nipadua, na aye aduan ama wo nnompe. 9 Fa w'ahonya hye Awurade anuonyam, ne wo nnobae a edi kan nyinaa; 10 na eno na ebema wo pata aye ma abu so, na nsa foforo abu afa w'ahina so. 11 Me ba, se Awurade tee wo so a, tie no yiye, na mmu n'animka so, 12 Efise, obiara a Awurade pe n'asem no, otwe n'aso, senea agya tee aba a odo no no. 13 Nhyira nka onipa a ohu nyansa, onipa a onya ntease, 14 efise, nimdee so mfaso sen dwete, na nea efi mu ba sen sikakokoo. 15 Ne bo ye den sen bota; na worentumi mfa w'apede biara ntoto no ho. 16 Nkwa tenten wo ne nsa nifa mu; ahonyade ne anuonyam wo ne nsa benkum mu. 17 N'akwan ye ahomeka, na n'anammankwan nyinaa ye asomdwoe. 18 Oye nkwadua ma won a woso ne mu; won a wokura no mu no benya nhyira. 19 Nyansa mu na Awurade yee asase fapem, na ntease mu na ode osoro tim ho. 20 Efi ne nimdee mu na okykyee ebun mu, na omununkum nso too obosu. 21 Me ba, fa atemmu pa ne nhumu sie, na mma emfi w'ani so; 22 ebeye nkwa ama wo, nnwinne a ema wo kon anuonyam wie peye. 23 Afei wo kwan so beye wo dwoodwo, na wo nan renhintiw; 24 se woda a worensuro; se woda a w'ani bekum. 25 Nsuro mpofirim amanehunu anaa osee a eba amumoye so, 26 efise Awurade bewo w'afa na obekora wo nan afi afiri mu. 27 Mfa ade pa nkame won a wofata, bere a tumi wo wo nsam. 28 Nka nkyere wo yonko se: "Ko na bra; mede bema wo okyena" wo bere a wowo no saa bere no. 29 Mpam ohaw mma wo yonko bere a one wo te yiye. 30 Mmo obi sobo kwa bere a onyee wo bone biara e. 31 Mma w'ani mmere basabasayefo, na mfa n'akwan no mu biara, 32 efise Awurade kyi basabasayefo na ode ne were hye otreneeni mu. 33 Awurade nnome wo omumoye fi so, na ohyra otreneeni fi. 34 Odi fewdifo a woye ahantan no ho few, na odom ahobreasefo ne won a wohye won so no. 35 Anyansafo benya anuonyam adi, nanso nkwiseafo de, oma won anim gu ase.

4 Me mma, muntie me, muntie agya nkyerekyere; monye aso na moanya ntease. 2 Mema mo adesua a eko anim, enti munnnayaa me nkyerekyere mu. 3 Efise na me nso, meye m'agya babarima, meda so ye akokoaa no, na me na ani gye me ho. 4 Na okyerekyere me se, "Ma me nsem nni wo koma mu dem, di me nkyerekyere so na wubenya nkwa. 5 Nya nyansa, nya ntease; mma wo were mfi me nsem anaa ntwe wo ho mfi ho. 6 Nnyaw nyansa ho, na ebebo

wo ho ban; do no, na ebehwe wo so. 7 Nyansa boro biribiara so; enti hwehwe nyansa. Ewo mu se ne bo te se w'ahode nyinaa de, nanso nya ntease. 8 Di no ni na ebema wo so; ye no atuu, na ebehwe wo anuonyam. 9 Ode nkonimdi nhwiren hankare begu wo ti so na wama wo ahenkyew a eye fe." 10 Me ba, tie na fa nea meka no, na wo nkwan beye bebre. 11 Mekyerere wo nyansa kwan so na mede wo afa akwan a etee so. 12 Se wonantew a, w'anammontu beko waa na se wutu mmirika a, worenhintiw. 13 Di nkyerekyere so; na nnyaa mu, bo ho ban yiye, efise eye wo nkwa. 14 Ntu wo nan nsi amumoye kwan so na nnantew abonefo kwan so. 15 Kwati no, ntu kwan mfa so; dan fi so na ko wo kwan. 16 Efise wonyee bone a wontumi nna; na won nna tew yera kosi se wobema obi ahwe ase. 17 Wodi amumoyesem brodo, na wonom kitikitiye nsa. 18 Atreneefo kwan te se adekyee hann a edi kan, eko so hyeren yiye kodu awia ketee. 19 Nanso amumoye kwan te se sum kabii; wonnim nea ema wohintiw. 20 Me ba, ye aso ma nea meka; tie me nsem no yiye. 21 Mma emfi w'ani so, fa sie wo koma mu; 22 efise, eye nkwa ma won a wohu ne akwahosan ma nipadua no nyinaa. 23 Ne nyinaa akyi, bo wo koma ho ban, efise, eno ne wo nkwa asuti. 24 Mma oburu kasa mfi w'ano; mma nkontomposem mmen w'ano koraa. 25 Hwe w'anim tee, na ma w'ani nko nea ewo w'anim no so. 26 Bo okwan tamaa ma w'anan na fa akwan a atim so. 27 Mman mfa nifa anaa benkum; twe wo nan fi bone ho.

5 Me ba, ye aso ma me nyansa; tie me nhumu nsem no yiye, 2 senea ebema woahwe yiye, na w'ano akora nimdee. 3 Efise obee aguaman ano soso ewo, na ne kasa ye fomm sen ngo; 4 nanso awiei no, eye nwen sen bonwoma, eye nam se afoa anofanu. 5 N'anan ko owu mu; n'anammontutu ko oda mu tee. (Sheol h7585) 6 Onsusuw okwan a eko nkwa mu ho; n'akwan ye kontonkye, nanso onnim. 7 Enti afei, me mma, muntie me; Monntwe mo ho mmfi nea meka ho. 8 Okwan a emmen no no na momfa so; mommmen ne fi pon ano, 9 anye saa a, mode mo ahooden bema afoforo na mode mo mfe ama otirimodenfo, 10 anye saa a, ahoho befom mo ahonyade na mo bre de ahonya ako afoforo fi. 11 Mo nkwan akyi, mubesi apini, bere a mo honam ne mo nipadua asa no. 12 Na moaka se, "Na mikyi ahohyeso! Me koma ampe nteeso! 13 Manye osetie amma m'akyerkyerefo na mantie me kwankyerfo asem. 14 Madu osee ano wo asafo no nyinaa mu." 15

Nom nsu fi w'ankasa ahina mu, nsu a etee fi w'ankasa abura mu. **16** So ese se w'asuti yiri fa mmanten so na wo nsuwa koko oman aguaboea ana? **17** Ma enye wo nko ara de, a wo ne ahoho nkye da. **18** Nhyira nka w'asubura na w'ani nnye wo mmrantebere mu yere ho. **19** Ote se otwe bere dofo, owansan nuonyamfo; ma ne nufu nsu w'ani daa na ne do nkyekyere wo. **20** Me ba, aden nti na woma obee aguaman kyekyere wo? Aden nti na woda obarima foforo bi yere kokom? **21** Awurade hu onipa akwan nyinaa, na ohwehwe ne nyinaa mu. **22** Omumoye nnebone sum no afiri; na ne bone ahama kyekyere no papee. **23** Wobewu, esiane ahohyeso a wonni nti, na wayera, esiane won agyennyentwisem nti.

6 Me ba, se woadi akagynamu ama oyanko bi, se wode wo biribi asi awowa ama obi, **2** se nea wokae ayi ka ama wo na se w'ano asem afiri ayi wo a, **3** eno de ye eyi, me ba, na fa tetew wo ho, se oyanko nsa aka wo no nti: fa ahobrease ko n'anim; na ko so pa wo yanko no kyew! **4** Mma w'ani nkum na nto nko. **5** Gye wo ho, senea oforote guan fi obommfo nsam anaa senea anomaa guan fi ofirisumfo afiri mu no. **6** Okwadwofo, ko otetea nkyen; hwe n'akwan, na hu nyansa! **7** Onni osahene, onni ohwefo anaa sodifo bi, **8** nanso ode aduan sie wo ahuhurubere mu, oboaboa nnuan ano wo twabere. **9** Wo, okwadwofo, wobeda akosi da ben? Wubenyan bere ben? **10** Nna kakra, nkoto kakra, nsa a woabobow de rehome kakra, **11** ebema ohia aba wo so se okwanmukafo na ahokyere atow akyere wo senea okura otuo. **12** Onipa teta ne ohuhuni a odi atoro kyin, **13** nea obu n'ani, na ode ne nan ye nsenkyerenne na ode ne nsateaa kyerekyere ade, **14** nea ode ne koma mu nnaadaa bo pow bone, na ode mpaapaemu ba bere biara. **15** Eno nti amanehununu beba no so preko pe; wobesee no mpofirim, a worennya ano aduru. **16** Nneema asia na Awurade mpe, nneema ason na eye n'akiyiwade: **17** ani a etra ntan, atoro tekrema, nsa a eka mogya a edi bem gu, **18** koma a edwen amumoye ho, anan a etutu mmirika koye bone, **19** odansekurumni a odi atoro ne onipa a ode mpaapaemu ba anuanom mu. **20** Me ba, tie w'agya ahyede na nnyaa wo na nkyerekyere mu. **21** Fa kyekyere wo koma ho daa; na fa kyekyere wo kon mu. **22** Wonantew a, ebekyere wo kwan; se woda a, ebewen wo; se wunyan a, ebekasa akyere wo. **23** Na saa ahyede yi ye kanea saa nkyerekyere yi ye hann, na ahohyeso nteeso yi ye nkwa kwan, **24** etwe wo fi

obea a onni suban pa no ho, fi obeawarefo huhuni tekremade ho. **25** Mma wo kon nno n'ahoofe, mma n'ani akyideda no ntwetwe wo, **26** efise oguamanfo ma w'anuonyam ye se brodosin, na obi yere gyigye wo ko owu mu. **27** Obi betumi aso gya agu ne sre so a nhyew n'atade ana? **28** Obi betumi anantew nnyansramma so a mpumpunnya mmobo n'anan ho ana? **29** Saa na obarima a one obarima foforo yere da no te; obiara a ode ne nsa beka no no, remfa ne ho nni da. **30** Nnipa mmu okoromfo a wakowia ade animtiaa se okom de no na ode rekodwudwo ano nti. **31** Mmom, se wokyerere no a, ese se otua mmoho ason; se ebema wahwere ne fi agypade nyinaa mpo a. **32** Obarima a osee aware no nni adwene; obiara a oye saa no see ne ho. **33** Ohwe ne animguase na obenya, na n'ahohora rempepa da. **34** Ninkutwe hwanan okunu abufuw na se oto were a, ahummobo biara nni mu. **35** Orennye mpata biara; na obepo adanmude, se eso se den mpo a.

7 Me ba, fa me nsem sie na kora m'ahyede wo wo mu. **2** Di m'ahyede so na wubenya nkwa; bo me nkyerekyere ho ban se nea woda no. **3** Kyekyere bo wo nsateaa ho; kyere wo yiye gu wo koma pon so. **4** Ka kyere nyansa se, "Woye me nuabea," na fre ntease wo busuani; **5** Wobetwe wo afi obeawaresefo ho, afi obeawarefo huhuni nsemmode ho. **6** Me fi mfensere ano, mede m'ani faa mfensere mu. **7** Mihuwo ntetekwafo mu, mehyee mmerante no mu baako nsow, obabun a onni adwene. **8** Na onam boron a eben obee no fi so a n'ani kyere obee no fi **9** bere a onwini redwo, na anim rebiribiri no. **10** Afei obee bi fi behyiaa no a wasiesie ne ho se oguamanfo a nnaadaa wo ne koma mu. **11** (Oye hyirenn na hwee mfa ne ho, ontena fie koraa; **12** nne wohu no mmanten so, okyena na ote aguaboea, otetew wo mmantwea mmantwea.) **13** Osoo ne mu few n'ano, wamfere, na okaa se, **14** "Mewo asomdwoe aforebode wo fie; nne madi me bohye so. **15** Enti mebae se merebehia wo; mehwehwe wo na mahu wo! **16** Mato me mpa, mede nwera a waghye no aduru a efi Misraim. **17** Mede nnuhuam apete me mpa so: kurobow, pepre ne dupapo. **18** Bra, ma yemfa odo mmo odo mu nkosi anopa; **19** Me kunu nni fie; watu kwan na obekye. **20** Ode sika a edoso hyee ne sika kotoku ma na oremma kosi osram no kurokumatwa bere mu." **21** Ode tekremakyene bo no adafa; ode nnaadaa nyaa no ne no dae. **22** Odii n'akyi preko pe te se nantwi a oreko akumii, anaa owansan a ode ne ti rekohye hankare fi mu **23** kosi se

bemma bewo ne brebo mu, te se anomaa a orekoto anomaa afiri mu na onnim se obehwere ne nkwa. 24 Na afei, me mma, muntie me; monye aso mma nea meka. 25 Mommma mo koma mpatiri nko no so na momman mmfa n'akwan so. 26 Bebre na wonam no so ahwehwe ase; won a wakum won dooso pa ara. 27 Ne fi ye oda tempom a eko owu pia mu. (Sheol h7585)

8 Tie: Nyansa refre. Ntease ma ne nne so. 2 Okwan no so, soronsorommea ho, nkwantanan no so, eho na egyptina, 3 apon a eko kuropon no mu no ho, etee mu wo abobow ano ho se, 4 "Ao, mo nniipa na metee mu refre; metee mu fre adesamma nyinaa. 5 Mo a moye ntetekwaa, momma mo ani ntew; mo a moye nkweiseafo, munnya ntease. 6 Muntie, na mewo nsem pa bi ka kyere mo; mibue m'ano ka nea eye. 7 M'ano ka nea eye nokware, efise m'anofafa kyi amumoyesem. 8 M'anom nsem nyinaa ye pe; biara nni mu a eye nkontompo anaa nnaadaasem. 9 Ne nyinaa mu da ho ma nea owo nhumu; eho nni asem ma won a wowo nimdee. 10 Mompo dwete na momfa m'akwankyer, momfa nimdee na mompo sikakoko ankasa. 11 Efise nimdee som bo sen bota, na worentumi mfa nea wope biara ntoto no ho. 12 "Me, nyansa, mene anitew na ete; nimdee ne nhumu wo me. 13 Se wosuro Awurade ene se wokyi bone; mikyi ahantan ne ahomaso, obra bone ne nnaadaasem. 14 Afotu ne atemmu pa wo me; mewo ntease ne tumi. 15 Me so na ahemfo nam di ade na sodifo nam me so hyehye mmara a eye pe; 16 Mmapomma de me bu aman ne atitiriw nyinaa a wodi asase so hene. 17 Medo won a wodo me, na won a wohwehwe me no hu me. 18 Ahonyade ne anuonyam wo me nkyen, ahode a ekye ne yiyedi nso saa ara. 19 M'aba ye sen sikakoko ankasa; nea efi me mu boro dwete a wason so so. 20 Trenee akwan so na menam, atentrenee akwan so, 21 mede ahode ma won a wodo me na mehye won adekoradan amaama. 22 "Awurade bo me se n'abode mu abakan dii ne tete nneyee anim; 23 oyii me sii ho fi tete, ansa na wiasa refi ase. 24 Wawoo me ansa na worebo po kakraka no, ansa na woreye nsuti a nsu ahye no ma no, 25 ansa na wode mmepow resisi ho; wawoo me ansa na nkoko reba, 26 ansa na oboo asase ne ne mfuw anaa dote biara a ewo asase so. 27 Mewo ho ansa na woboo osoro, bere a otwaa ohye too ebun no ani no, 28 bere a oboo omununkum wo soro na ode ebun mu nsuti tintim ho dennen no; 29 bere a otwaa ohye maa po senea nsu no reentra ne hye, ne bere a otwaa asase fapem no,

30 na meye odwumfo a mete ne nkyen. Anigye hyee me ma daa na midii ahurusi wo n'anim bere biara, 31 na m'ani gye wo ne wiasa nyinaa mu na m'ani ka wo adesamma mu. 32 "Enti me mma, muntie me; nhyira ne won a wonantew m'akwan so. 33 Muntie m'akwankyer, na munhu nyansa; mummmu mo ani ngu so. 34 Nhyira ne onipa a otie me, owen m'abobow ano daa, na otwen wo ho. 35 Na obiara a ohu me no nya nkwa, na onya aniso fi Awurade nkyen. 36 Na nea wanhwehwe me no haw ne ho na won a wotan me no do owu."

9 Nyansa asi ne fi; wasisi n'afadum ason. 2 Wasiesie ne nam de afra ne nsa, wato ne pon. 3 Wasoma ne mmaawa, na ofre fi kuropon no soronsorommea ho se, 4 "Momma ntetekwaafo nyinaa mmra ha!" Oka kyere won a wonni atemmu se, 5 "Mommra mmedi m'aduan na monnom nsa a mafra no. 6 Munnyaw mo ntetekwaasem no na mubenya nkwa; monnantew ntease akwan so." 7 Nea oteete o fewdifo no fre ahohorabo; na nea oka amumoyefo anim no nya oyaw. 8 Eno nti, nka o fewdifo anim na ommetan wo; ka onyansafo anim na obedo wo. 9 Ma onyansafo akwankyer, na obeko so ahu nyansa; kyerekyere otreneeni na ode beka n'adesua ho. 10 Awurade suro ye nyansa mfiase Okronkronni no ho nimdee ye ntease. 11 Me mu na wo nna bedooso, na wode mfe beka wo nkwa ho. 12 Se woye onyansafo a, wubenya wo nyansa so mfaso; se woye o fewdifo a, wo nko ara na wubehu amane. 13 Obea okwasea ye okasafo; onni ahohyeso na onni nimdee. 14 Ote ne fi pon ano, na ote akongua a esi kuropon no soronsorommea, 15 na ofrefre won a wotwa mu wo ho, won a wonam won kwan so tee se, 16 "Momma ntetekwaafo nyinaa mmra ha" Oka kyere won a wonni atemmu se, 17 "Nsu a wowia no ye fremfrem na aduan a wodi no ahintawee no ye de!" 18 Nanso wonnim koraa se awufo wo ho se n'ahoho wo oda no ase tann. (Sheol h7585)

10 Salomo mmebussem: Oba nyansafo ma n'agya ani gye, na oba kwasea bre ne na awerchhow. 2 Okwan bone so ahonya nni bo, nanso trenee gye onipa fi owu mu. 3 Awurade remma okom nne otreneeni na omumoyefo de, oka n'adepa gu. 4 Nsa a enye adwuma ma onipa di hia, nanso nsiyefo nsa de ahonya ba. 5 Nea oboaboa nnobae ano wo ahuhurubere no ye oba nyansafo na nea oda wo twabere mu no ye oba ninguaseni. 6 Atreneefo hye nhyira kyew na

akakabensem aye omumoyefo anom ma. 7 Otreneeni nkae ye nhyira, na omumoyefo din beporow. 8 Koma mu nyansafo tie ohye nsem, na okwasea kasafo hwe ase. 9 Onokwafo nantew dwoodwo, na nea ofa akwan kontonkye so no ho beda adi. 10 Nea ode nitan bu n'ani no de ohaw ba, na okwasea kasafo hwe ase. 11 Otreneeni anom ye nkwa asuti, na akakabensem aye omumoyefo anom ma. 12 Otan kanyan mpaapaemu, nanso odo kata mfomso nyinaa so. 13 Wohu nyansa wo nhumufo anom, na abaa fata nea onni adwene akyi. 14 Anyansafo kora nimdee, nanso okwasea ano frefre osee. 15 Adefo ahonya ye won kuropon a wobo ho ban, nanso ahiafo hia ye won asehwe. 16 Atreneefo akatua de nkwa bre won, na nea amumoyefo nya no de asotwe bre won. 17 Nea otie ntetew pa no kyere nkwa kwan, na nea owo nteeso no di afoforo anim yera kwan. 18 Nea okata nitan so no ye otorofo, na nea odi nseku no ye okwasea. 19 Mfomso mpa okasa bebre mu, na nea okora ne tekrema no ye onyansafo. 20 Otreneeni tekrema ye dwete ankasa nanso omumoyefo koma nni bo. 21 Atreneefo ano ma bebre aduan, na atemmu a nkweisefo nni nti wowuwu. 22 Awurade nhyira de ahonya ba, na omfa obre mmata ne nya ho. 23 Boneye ye anigyede ma okwasea, nanso nea owo nimdee anigye wo nyansa mu. 24 Nea amumoyefo suro no beba won so; na nea atreneefo pe no, wode bema won. 25 Se ahum no betwa mu a, amumoyefo yera, nanso atreneefo gyina ho pintinn afebo. 26 Sene nsa keka ese, na wusiw ko aniwa no, saa ara na okwadwofo ye ma won a wosoma no. 27 Awurade suro ma nkwa tenten, nanso wotwa amumoyefo nkwa so. 28 Atreneefo anidaso de ahoto ba, nanso amumoyefo anidaso nkosi hwee. 29 Awurade kwan ye guankobea ma otreneeni, nanso eye osee ma won a woye bone. 30 Worentore atreneefo ase da, nanso amumoyefo renka asase no so. 31 Nyansa fi otreneeni anom ba nanso tekrema a edaadaa no, wobetwa akyene. 32 Otreneeni ano nim ade a efata na omumoyefo ano nim nea eye nnaadaasem nko ara.

11 Awurade kyi asisi nsania, na n'ani gye nokware nkaribo ho. 2 Ahantan ba a, animguase na edi so, nanso ahobrease de nyansa ba. 3 Teefo nokwaredi kyere won kwan; nanso nkontompofu ano ntanta see won. 4 Ahonya nka hwee wo abufuwhyew da no, nanso trenee gye nkwa fi owu mu. 5 Won a wonni bone no trenee bo kwan tee ma won, nanso amumoyefo amumoyesem bre won ase. 6 Peyefo treneeeye gye

won, nanso akonno bone afiri yi nkontompofu. 7 Se omumoyefo wu a, n'anidaso yera; nea osusuw se obenya afi ne tumi mu nyinaa no ye okwa. 8 Wogye otreneeni fi amane mu, na eba omumoyefo so mmom. 9 Nea onsure Onyame de n'ano see ne yonko, nanso otreneeni nam nimdee so fi mu. 10 Se atreneefo di yiye a, kuropon no di ahurusi; nanso amumoyefo wu a, wobo ose. 11 Peyefo nhyira ma kuropon no ko so, nanso amumoyefo ano ma ebo. 12 Onipa a onni adwene no bu ne yonko animtiaa, nanso nea owo nhumu no to ne tekrema nnareka. 13 Nsekudi see ahotoso, nanso nea wowo ne mu ahotoso no kora ahintasem. 14 Oman a enni akwankyeri no bo, nanso afotufu dodow ma nkonimdi ba. 15 Nea odi akagyinamu ma ofofo no behu amane, na nea ommfa ne nsa nhye awowasi ase no aso mu dwo no. 16 Obea a ne yam ye no, wode obu ma no, nanso mmarima atirimodenfo nya ahode nkutuu. 17 Oyamyefo ye ma ne ho, na otirimodenfo de ohaw ba n'ankasa so. 18 Omumoyefo nya akatua a ennyina, nanso nea ugu trenee aba no twa aba a edi mu. 19 Nea oye nokware trenee no nya nkwa, nanso nea oko so ye bone no ko owu mu. 20 Awurade kyi nnipa a won koma akyea, na n'ani gye won a won akwan ho nni asem no ho. 21 Gye to mu se, amumoyefo benya won akatua, na atreneefo benya won ti adidi mu. 22 Obea hoofeo a ontumi nsi gyinae no te se sika kaa a ehye prako hwene mu. 23 Atreneefo apede wie yiye, nanso amumoyefo anidaso wie abufuwhyew. 24 Obi ye adae, na onya ne ho bebre; obi nso ye pepere, nanso ehia no. 25 Oyamyefo beko so anya ne ho; na nea oma ebinom mee no nso bemee. 26 Nnipa dome nea ode atoko sie, na nhyira ba nea otan ne de so. 27 Nea ohwehwe papa akyi kwan no nya aniso, na nea ohwehwe bone no, bone ba ne so. 28 Nea ode ne ho to n'ahonyade so no behwe ase, na otreneeni beye fromfrom se ahabammono. 29 Nea ode ohaw beto n'abusua so no bedi mframe ade, na okwasea beye onyansafo somfo. 30 Otreneeni aba ye nkwadua, na nea ogye akra no ye onyansafo. 31 Kyerewsem no ka se, "Eye den se wobegye onipa pa nkwa; na won a wonnye asem no nni ne nneboneyefo no de, den na ebeba won so?"

12 Obiara a ope ahohyeso no pe nimdee, na nea okyi nteeso no ye ogyimifo. 2 Nnipa pa nya Awurade nkyen adom, na Awurade bu amumoyefo fo. 3 Amumoyesem rentumi mma onipa ase ntim, na worentumi ntu otreneeni ase. 4 Oyere a owo suban

pa ye ne kunu ahenkyew, nanso oyere ninguasefo te se porɔwee wɔ ne kunu nnompe mu. **5** Atreneefo nhyehyee ye pɛ, na amumɔyefo afotu ye nnaadaa. **6** Amumɔyefo nsem da hɔ twɛn mogya, na ɔtreneeni kasa yi wɔn fi mu. **7** Wotu amumɔyefo gu na wɔyera, nanso atreneefo fi gyina pintinn. **8** Wɔkamfo onipa senea ne nyansa te na nnipa a wɔn adwene ye kontɔnkye de, wobu wɔn animtiaa. **9** Eye se wobeyɛ wo ho se ɔteta nanso wowo ɔsomfo, sen se wobeyɛ wo ho se obi, nanso wunni aduan. **10** ɔtreneeni ma ne nyemmoa nea wɔpɛ, na amumɔyefo nneyɛe a eye pa ara ye atirimoden. **11** Nea oyɛ n'asase so adwuma no benya aduan bebreɛ, na nea odi nsem huhuw akyi no nni adwene. **12** Amumɔyefo pɛ abonefo asade, nanso ɔtreneeni ase dɔ. **13** ɔbonefo anosem yi no se afiri, nanso ɔtreneeni nya ne ho tetew wɔ ahohia mu. **14** Nneema pa fi onipa anom aba mu hye no ma senea ne nsa ano adwuma ma no akatua no. **15** ɔkwasea akwan tee n'ani so, na onyansafo tie afotu. **16** Nkwaseafo bo nkye fuw, nanso mmadwemma bu wɔn ani gu animka so. **17** ɔdanseni nokwafo di adanse turodoo, na nea odi adansekurum no twa nkontompo. **18** Nsem hunu keka wowo te se afoa nanso onyansafo tekrema ma abodwo. **19** Ano a eka nokware no tim hɔ daa, na atoro tekrema renkye koraa. **20** Nnaadaa hye wɔn a wodwen bone ho no koma mu, na wɔn a wɔpɛ asomdwoe nya ahosepew. **21** ɔhaw biara rento ɔtreneeni, nanso amanehunuu mee amumɔyefo. **22** Awurade kyi ano a etwa atoro, na n'ani gye nnipa a wodi nokware ho. **23** ɔtreneeni mmɔ ne nimdee ho dawuru nanso ɔkwasea koma da agyimisem adi. **24** Nsa a eye adwuma no bedi tumi, nanso akwadwoɔ wie nkoasom mu. **25** Koma a epere ade ho ma onipa botow, nanso nkuranhyesem bi hye no den. **26** ɔtreneeni wɔ ntoboase wɔ ayɔnkofa mu, nanso amumɔyefo kwan ma wofom. **27** Onihawfo ntoto ne hanam, nanso nsiyefo ahonyade som bo ma wɔn. **28** Trenee kwan mu wɔ nkwa; na owu nni saa kwan no so.

13 ɔba nyansafo tie n'agya nkyerekyerɛ; na ɔfewdifo ntie animka. **2** Nneema pa a efi onipa anom no ma no anigye, na wɔn a wonni nokware no kɔn dɔ kitikitiyɛ. **3** Nea ɔkora n'ano no kora ne nkwa so, nanso nea ɔkasa a onsusuw ho no beba ɔsee mu. **4** Onihawfo pere hwehwe nanso onya hwee, na nea oyɛ adwuma no nya nea ɔpɛ biara. **5** Atreneefo kyi nea enyɛ nokware, nanso amumɔyefo de aniwu ne ahohora ba. **6** Trenee bɔ ɔnokwafo ho ban, na

amumɔyɛsem tu ɔbonefo gu. **7** Obi ye ne ho se ɔdefo, a nso onni hwee, ɔfoforo ye ne ho se ohiani, nso ɔwo ahonya bebreɛ. **8** Obi ahonya betumi agye no nkwa, nanso ohiani nte ahunahuna biara. **9** Atreneefo kanea hyeren pa ara, nanso wodum amumɔyefo kanea. **10** Ahantan de ntɔkwaw nko ara na eba, na wohu nyansa wɔ wɔn a wotie afotu mu. **11** Ahonya a enam ɔkwammone so no hwere ntem so, na nea ɔboa sika ano nakrankakra no ma edɔso. **12** Anidaso a wotu hye da no bɔ koma oyare, nanso anigyinade a nsa aka no ye nkwaɔdua. **13** Nea otwiri akwankyerɛ no betua so ka, nanso woma nea ɔde obu ma mmara no akatua. **14** Onyansafo nkyerekyerɛ te se nkwa asuti, eyi onipa fi owu afiri mu. **15** Nhumu pa de adom ba, nanso atorofo akwan so ye den. **16** ɔbadwemma biara ye n'ade wɔ nimdee mu, nanso ɔkwasea da n'agyimisem adi. **17** ɔsomafo mumɔyefo tɔ amane mu, nanso ɔnanmusini nokwafo de abodwo ba. **18** Nea ɔpo nteeso no kɔ ohia ne animguase mu, na wɔhyɛ nea otie nteeso no anuonyam. **19** Akɔnnɔde a nsa aka ma ɔkra ani gye, nanso nkwaseafo kyi se wɔtwe wɔn ho fi bone ho. **20** Nea ɔne onyansafo nantew no hu nyansa, na nea ɔne nkwaseafo bɔ no hu amane. **21** ɔhaw di ɔbonefo akyi, na nkɔso ye ɔtreneeni akatua. **22** Onipa pa de agyapade gyaw ne nenanom, na wɔkora ɔbonefo ahonyade so ma ɔtreneeni. **23** Ohiani afum nnɔbae tumi ba pii, nanso ntenkyew pra kɔ. **24** Nea ɔkyɛ n'abaa so no tan ne ba, na nea ɔdɔ no no hwe se ɔbetɛe no. **25** Atreneefo didi ma wɔn koma mee, nanso ɔkɔm de amumɔyefo.

14 ɔbea nyansafo si ne dan, nanso ɔbea kwasea de n'ankasa ne nsa dwiriw ne de gu fam. **2** Nea ne nantew tee no suro Awurade, na nea n'akwan kyea no bu no animtiaa. **3** ɔkwasea kasa ma wobɔ n'akyi abaa, nanso anyansafo ano bɔ wɔn ho ban. **4** Faako a anantwi nni no, adididaka no mu da mpan, na nantwi ahɔɔden mu na nnɔbae pii fi ba. **5** ɔdanseni nokwafo rennaadaa, ɔdansekurumni hwie atoro gu hɔ. **6** ɔfewdifo hwehwe nyansa nanso onya, nanso wɔn a wowo nhumu nya nimdee ntem. **7** Twe wo ho fi ɔkwasea ho, efise, worennya nimdee mfi n'ano. **8** Anitewfo nyansa ne se wobedwene wɔn akwan ho, na nkwaseafo agyimisem ye nnaadaa. **9** Nkwaseafo de bone ho adwensakra di few, na wɔn a woteɛ mu na aniso wɔ. **10** Koma biara nim oyaw wɔ ne mu, na obi foforo rentumi ne no nkye n'anigye. **11** Wɔbesɛe

amumoyefo fi, nanso teefo ntamadan beye frömfröm. 12 Okwan bi wò hò a etee wò onipa ani so, nanso awiei no, ekò owu mu. 13 Osere wò mpo, koma tumi di yaw, na anigye tumi wie awerehow. 14 Akyirisano benya akatua senea wòn akwan te, na onipa pa nso benya ne de. 15 Atetekwaa gye biribiara di, nanso onitefo dwene n'anammantu ho. 16 Onyansafo suro Awurade na oguan bone, nanso okwasea ye asowui ne basabasa. 17 Onipa a ne bo nkye fuw no ye nkweisea, na wòtòn nea opam apam bone no. 18 Ntetekwaafo agyapade ne gyimi, na wòde nimdee bò anitewfo abotiri. 19 Nnipa bonefo bekotow nnipa pa anim, na amumoyefo akotow atreneefo apon ano. 20 Ahiafo de, wòn yonkonon mpo mpe wòn anim ahwe, nanso adefo wò nnamfonon bebre. 21 Nea obu ne yonko animtiaa ye bone, na nhira nka nea ne yam ye ma ohiani. 22 So wòn a wòbò pòw bone nyera kwan ana? Nanso wòn a wòhyehye nea eye no nya adòe ne nokware. 23 Adwumadenye nyinaa de mfaso ba, na kasahunu de, ekò ohia mu. 24 Anyansafo ahonya ne wòn abotiri, na nkweiseafo agyimisem sow gyimi aba. 25 Odansenì nokwafo gye nkwa, nanso odansekurumni ye odaadafo. 26 Nea osuro Awurade no wò bammo a mu ye den, na ebeye guankòbea ama ne mma. 27 Awurade suro ye nkwa asuti, eyi onipa fi owu afiri mu. 28 Oman mu nnipa dodow ye ohene anuonyam, nanso se asomfo nni hò a mmàpomma no see. 29 Onipa a owò abodwokyerè wò ntease a mu dò, na nea ne bo fu ntem no da agyimisem adi. 30 Koma mu asomdwoe ma nipadua nkwa, na anibere ma nnompe poròw. 31 Nea ohye ahiafo so no bu wòn Yefo animtiaa, nanso nea ohu ohiani mmòbò no hye Onyankopòn anuonyam. 32 Se amanehununu ba a amumoyefo hwe ase, nanso owu mu mpo atreneefo wò guankòbea. 33 Nyansa te ntease koma mu, na nkweiseafo mu mpo, oyi ne ho adi. 34 Trenee pagyaw oman, na bone ye animguase ma nnipa nyinaa. 35 Ohene ani sò osomfo nyansani, na osomfo nimguasefo hye no abufuw.

15 Mmuae pa sianka abufuwhyew, nanso asem a ano ye den hwanyan abufuw mu. 2 Onyansafo tekrema yi nimdee aye, nanso okwasea ano woro agyimisem. 3 Awurade ani hu baabiara, na ehwe amumoyefo ne apapafo. 4 Tekrema a ede abodwo ba ye nkwadua, nanso nnaadaa tekrema dwerew honhom. 5 Okwasea mfa n'agya nteeso nye hwee, na nea otie nteeso no kyere se oye onitefo. 6 Ahonya bebre wò òtreneeni fi, nanso amumoyefo adenya de

ohaw bre wòn. 7 Anyansafo ano tretrew nimdee mu, nanso enye saa na nkweiseafo koma te. 8 Awurade kyi amumoyefo afòrebo, nanso teefo mpaebò sò n'ani. 9 Awurade kyi amumoyefo akwan, nanso òdò wòn a wotiw trenee. 10 Asotwe dennen wò hò ma nea oman fi okwan no so, nea otan nteeso no bewu. 11 Owu ne Osèe da Awurade anim, na nnipa koma mu de, onim ma ebòro so. (Sheol h7585) 12 Ofewdifo mpe nteeso; onkobisa anyansafo hwee. 13 Anigye koma ma anim ye sereserew, na koma a abotow dwerew honhom. 14 Nhumufo koma hwehwe nimdee, nanso okwasea ano ka agyimisem. 15 Wòn a wòhye wòn so nna nyinaa ye mmòbòmmòbò, nanso anigye koma wò daa ahosepew mu. 16 Ketewa bi a yenia a Awurade suro ka ho no ye sen ahonyade bebre a ohaw bata ho. 17 Nhabamma aduan a òdò wò mu no ye sen nantwi sradenam a otan bata ho. 18 Nea ne bo fuw ntem no de mpaapaemu ba, nanso nea owò ntoboase pata ntòkwaw. 19 Nsòe ama onihawfo kwan asiw, nanso teefo kwan ye otèmpòn. 20 Oba nyansafo ma n'agya ani gye, nanso oba kwasea bu ne na animtiaa. 21 Agyimisem ma nea onni adwene ani gye, nanso nea owò ntease no fa okwan a etee so. 22 Nhyehyee a enni afotu no see, nanso afotufò bebre ma eye yiye. 23 Onipa a oma mmuae a efata no ani gye, asem a eba bere pa mu no nso ye. 24 Onyansafo asetena mu kwan ma no nkòso, esiw ne da mukò ho kwan. (Sheol h7585) 25 Awurade see ohantanni fi, na oma akunafo ahye ye pèpèpè. 26 Awurade kyi amumoyefo nsusuwi, nanso n'ani sò wòn a wòye kronkron no de. 27 Odifudepèfo de ohaw bre n'abusua, nanso nea okyi ketèasehye no benya nkwa. 28 Otreneeni koma kari ne mmuae, nanso omumoyefo ano woro bone. 29 Awurade mmen amumoyefo koraa, nanso òte òtreneeni mpaebò. 30 Anim a etew ma koma nya ahomeka, na asem pa ma nnompe ahooden. 31 Nea otie animka a ema nkwa no ne anyansafo bebò mu atena ase. 32 Nea omfa ahohyeso no bu ne ho animtiaa, na nea otie nteeso no nya nhumu. 33 Awurade suro kyere onipa nyansa, ahobrease di anuonyam anim.

16 Koma mu nhyehyee ye onipa de, na tekrema mmuae fi Awurade. 2 Eye onipa se n'akwan nyinaa ye kronkron, nanso Awurade na opepepe adwene mu. 3 Fa nea wòye nyinaa hye Awurade nsam, na wò nhyehyee besi yiye. 4 Awurade ye biribiara ma n'ankasa botae, mpo, ohwe omumoyefo so kosi amanehununu da. 5 Awurade kyi koma mu ahantanfo

nyinaa. Nya saa ntease yi se, woremfa won ho nni. **6** Wɔnam ɔdo ne nokware so pata bone; onipa nam Awurade suro so yi bone akwa. **7** Se onipa akwan so Awurade ani a, ɔma n'atamfo mpo ne no tena asomdwoe mu. **8** Kakraa bi a wɔnam trennee kwan so nya no ye sen mfaso pii a wɔnam ntenkyew so nya. **9** Onipa ye ne nhyehyee wɔ ne koma mu, nanso Awurade na ɔhwɛ n'anammantu. **10** ɔhene anom kasa te se nkɔmhye, enti ense se n'ano ka nea enye atentrennee. **11** Nsania ne abrammo a asisi nni mu fi Awurade; nkaribo a ewo kotoku mu no, ɔno na ɔyee. **12** Ahemfo kyi boneye, efise ahengua si trennee so. **13** Ahemfo ani so ano a eka nokware; na wobu onipa a oka nokware. **14** ɔhene abufuwhyew ye owu somafo, nanso onyansafo bedwudwo ano. **15** Se ɔhene anim tew a, eye nkwa, n'adom te se asusowbere mu omununkum. **16** Eye se wubenya nyansa sen se wubenya sikakokoo, se wubenya nhumu sen se wubenya dwete! **17** ɔtrenneeni tempon kwati bone; nea ɔhwɛ n'akwan yiye no bo ne nkwa ho ban. **18** Ahantan di ɔsee anim, na ahomaso honhom nso di asehwɛ anim. **19** Eye se wobeye honhom mu hiani wɔ won a wɔhye won so mu sen se wo ne ahantanfo bekye asade. **20** Nea ɔye osetie ma nkyerekyerɛ no nya nkoso; nhyira nka nea ɔde ne ho to Awurade so. **21** Wofre koma mu anyansafo se nhumufo, na kasa pa ma nkyerekyerɛ ko so. **22** Ntease ye nkwa asuti ma won a wowo bi, nanso agyimisem de asotwe bre nkweisefo. **23** Onyansafo koma kyere n'ano kwan, na n'anofafa ma nkyerekyerɛ ko so. **24** Abodwosem te se ewokyem; eyeakra de, na esa nnompe yare. **25** ɔkwan bi wɔ ho a etee wɔ onipa ani so, nanso awiei no, eko owu mu. **26** Apaafɔ akonnɔ ma woye adwumaden; efise wɔpe se wokum won kom. **27** Ohuhuni bo pow bone, ne kasa te se ogya a ehyew ade. **28** Onipa kontonkye de mpaapaemu ba, na ɔsututufɔ tetew nnamfonom ntam. **29** Kitikitiyeni daadaa ne yonko, na ɔde no fa ɔkwammone so. **30** Nea obu n'ani no redwene boneye ho; na nea omua n'ano no ani wɔ bone so. **31** Dwen ye anuonyam abotiri; trennee mu asetena na ede ba. **32** Nea ɔwo abodwokyerɛ no ye sen ɔkofo, na nea ɔmfa abufuw ye sen nea ɔko fa kuropon. **33** Wobo ntonto de hwehwɛ nea Awurade pe, nanso ne gyinaesi biara fi Awurade.

17 Aduan sakoo a asomdwoe wɔ ho ye sen ofi a aponto ahye no ma nanso basabasaye wɔ mu. **2** ɔsomfo nyansafo bedi ɔba ninguasefo so, na obenya

ne kyefa wɔ agypade no mu se anuanom no mu baako. **3** Kyemfere wɔ ho ma dwete na fononoo wɔ ho ma sikakokoo nanso Awurade na ɔdo koma hwe. **4** Omumoyefo tie nsusuwii bone; ɔtorofo ye aso ma adwene bone tekrema. **5** Nea odi ahiafo ho few no bu won Yefo animtiaa; na nea ɔfoa amanehununu so no benya asotwe. **6** Nananom ye mmasiriwa anuonyam, na awofo ye won mma ahohoahoa. **7** Anotew nye mma ɔkwasea, saa ara na ano a edi atoro mfata ɔhene. **8** Nea ɔma adanmude no hu se eye suman; osusuw se nkonimdi beba bere biara. **9** Nea obu n'ani gu mfomso so no ma ɔdo kwan, na nea ɔko so bo so no tetew nnamfonom ntam. **10** Animka so onipa a ɔwo nhumu ani sen mmaa ɔha a wobo ɔkwasea. **11** Onipa bonefo ani wɔ atuataw nko ara so na wobesoma odwumayeni tirimuodenfo ako no so. **12** Eye se wubehyia sisi a woawia ne mma sen ɔkwasea a ɔregyimi. **13** Se obi de bone tua papa so ka a, bone rempa ne fi da. **14** Ntokwaw mfiase te se nea woretue suka; enti gyae ma enka na ankɔfa ɔham amma. **15** Se wobegyaa nea odi fo ne se wobebu nea odi bem kumfo no, Awurade kyi n'abien no nyinaa. **16** Sika a ewo ɔkwasea nsam so nni mfaso, efise onni botae biara se obehu nyansa. **17** Adamfo kyere ɔdo bere nyinaa mu, wowo onuabarima ma ahokyere bere. **18** Obi a onni adwene no na ɔde ne nsa hye krataa ase di akagyinamu nam so de si awowa ma ne yonko. **19** Nea ɔpe ntokwaw no do bone; nea osi ɔpon tenten no frefre ɔsee. **20** Onipa a ɔwo porowee koma no nnya nkoso; nea ɔwo nnaadaa tekrema no to amane mu. **21** Nea ɔwo ɔbakwasea no di awerehow, ɔbakwasea agya nni anigye. **22** Koma mu anigye ye aduru, esa ɔyare, nanso honhom a abotow no yoyow nnompe. **23** Omumoyefo gye adanmude wɔ sum ase de kyea atentrennee. **24** Onipa a ɔwo nhumu no ani ko nyansa so, na ɔkwasea toto n'ani kosi asase ano. **25** ɔbakwasea hye n'agya awerehow, na ɔma nea onyinsɛn no no di yaw. **26** Enye se wotwe nea odi bem aso, anaase wotwa adwumayefo mmaa wɔ won nokwaredi nti. **27** Onimdefo dwene n'anom kasa ho, na nea ɔwo nhumu no wɔ abodwo. **28** Mpo se ɔkwasea ye dinn a wobu no se onyansafo, na se omua n'ano a wobu no se ɔwo nhumu.

18 ɔhonamkani ye pesemenkominya; na nea emfa atentrennee mma no turuw ɔham. **2** ɔkwasea nni nhumu ho anigye, na mmom nea ɔpe ara ne se ɔde n'adwene beto gua. **3** Se amumoyesem ba a animtiaabu di so, na aniwu nso di aninguase akyi. **4** Onipa anom

nsem ye nsu a emu do, na nyansa asuti ye asuwa a erefi ahuru. **5** Enye se wodi ma omumoyefo anaase wobu nea odi bem ntenkyew. **6** Nkwaseafo ano de akasakasa ba, na won ano frefre ohwe. **7** Nkwaseafo ano ye won ara won see, na won anofafa ye won ara won kra afiri. **8** Osekuni ano asem te se aduan a eye de; ehynhyen onipa akwaa mu nyinaa. **9** Nea ototo n'adwuma ase no ye osefo nuabarima. **10** Awurade din ye abantenten a eye den; ahotefo guan kotoa na wonya bamm. **11** Adefo ahonyade ne won kuropon a wabab ho ban wofa no se ofasu tenten a wontumi mforo. **12** Ansa na onipa behwe ase no onya ahomaso koma, na ahobrease di anuonyam anim. **13** Nea ontie asem ansa na wama mmuae no, eno ne ne gyimi ne n'animguase. **14** Onipa honhom na ehye no den wo oyare mu na honhom a abotow de, hena na ope? **15** Nhumu koma nya nimdee; na anyansafo aso nso hwehwe. **16** Akyede bue kwan ma nea ode ma na ede no ba atitiriw anim. **17** Eye nea oba ne nkuro kan no se n'asem ye de, kosi se ofoforo beba abebisa no nsem no mu. **18** Ntontoba twa akyinnyegye so, na epata atamfo. **19** Onua a wafom no no asem ye den sen kuropon a ewo bamm, akyinnyegye te se abankese apon a wabram akyi. **20** Onipa anom asem so aba ma oyafunu mee, nnobae a n'anofafa twa no mee no. **21** Tekrema kura nkwa ne owu tumi, na won a wodo no no bedi n'aba. **22** Nea wanya yere no anya ade pa na onya adom fi Awurade ho. **23** Ohiani sre ahummoba, nanso odefo de kasaden bua no. **24** Obarima a ne nnamfonom dwoaso betumi ahwe ase, nanso adamfo bi wo ho a obefam ne ho asen onua.

19 Ohiani a ne nantew ho nni asem no ye sen okwasea a n'asem mfa kwan mu. **2** Mmodemmo a nimdee nka ho no nye, saa ara na ntempe a ema obi yera kwan nso nye. **3** Onipa agyimisem see n'abrabo, nanso ne koma huru tia Awurade. **4** Ahonya frefre nnamfonom bebre; nanso ohiani adamfo gyaw no ho. **5** Adansekurumni benya n'akatua, na nea otwa nkontompo remfa ne ho nni. **6** Nnipa pii pe adom fi sodifo nkyen, na nea okye ade ye obiara adamfo. **7** Ohiani abusuafo nyinaa po no, na saa ara na ne nnamfonom po no! Mpo ohwehwe won, pe se opa won kyew, nanso onhu won baabiara. **8** Nea onya nyansa no do ne kra; nea ope nhumu no nya nkoso. **9** Adansekurumni benya asotwe, na nea otwa nkontompo no beyera. **10** Emfata se okwasea bedi taamu, anaase akoka bedi mmapomma so! **11** Onipa

nyansa ma no ntoboase; eye anuonyam ma obi se obebu n'ani gu mfomso bi so. **12** Ohene abufuw te se gyata mmubomu, na n'adom te se sare so bosu. **13** Oba kwasea ye n'agya ose, oyere tokwapefo te se odan a ne nwini to ntwa da. **14** Afi ne ahonyade ye agyapade a efi awofa, na oyere nimdefo fi Awurade. **15** Akwadwo de nnahwo ba, na okom de okwadwofo. **16** Nea odi nkyerekere so no bo ne nkwa ho ban, na nea ogyaagyaa ne ho no bewu. **17** Nea oye adoe ma ohiani no ye de fem Awurade, na obetua no nea oye no so ka. **18** Tee wo ba, na eno mu na anidaso wo, na nye won a wode no ko owu mu no mu baako. **19** Ede se onipa a ne koma haw no no nya so asotwe; se woka ma no a, wobeye bio. **20** Tie afotu na gye nkyerekere to mu, na awiei no, wubehu nyansa. **21** Nhyehye bebre wo onipa koma mu, nanso nea Awurade pe no na eba mu. **22** Nea onipa pe ne nokware do; eye se wobeye ohiani sen se wobeye otorofo. **23** Awurade suro ko nkwa mu; na onipa de abotoyam home a ohaw bi nni mu. **24** Okwadwofo de ne nsa si aduan mu, na eye no anihaw se obeyi ako n'ano. **25** Twa ofewdifo mmaa, na atetekwaa befa adwene; ka nea owo nhumu anim, na obenya nimdee. **26** Nea obo n'agya koron na opam ne na no ye obo a ode aniwu ne animguase ba. **27** Me ba, se wugyae nkyerekere tie a, wobeman afi nimdee nsem ho. **28** Adansekurumni di atentrenee ho few; na omumoyefo ano mene bone. **29** Woasiesie asotwe ama fewdifo, ne mmaabo ama nkwiseafo akyi.

20 Nsa ye ofewdifo na nsaden ye tokwapefo; na obiara a nsa bema wafom kwan no nye onyansafo. **2** Ohene abufuwhyew te se gyata mmubomu; na nea ohye no abufuw no de nkwa twa so. **3** Eye onipa anuonyam se obekwati akasakasa, nanso ogyimifo biara pe tokwaw. **4** Onihawfo mfuntum n'asase wo ne bere mu; enti edu twabere a onya hwee. **5** Onipa koma botae ye asubun, nanso nea owo nhumu no twetwe ma epue. **6** Nnipa dodow no ara ka se wowa odo a ensa da, na hena na obetumi ahu onokwafu? **7** Otreneeni bu obra kronkron; nhyira nka ne mma a woba wo n'akyi. **8** Se ohene tena n'ahengua so bu aten a, ode n'ani huhuw bone nyinaa so gu. **9** Hena na obetumi aka se, "Mapra me koma mu; meye kronkron na minni bone?" **10** Nkaribo ne susudua a enye papa no, Awurade kyi n'abien no nyinaa. **11** Mpo wonam abofra nketewa nneyee so hu won, saa ara na ne suban ye kronkron ne papa no. **12** Aso a wode te asem ne ani a wode hu ade, Awurade na waye n'abien no nyinaa. **13** Mma nna

nye wo de, na woanni hia; nna, na wubanya aduan ama abu so. **14** Adetoni ka se, “Enye, enye!” nanso se oko a ode nea wato no hoahoa ne ho. **15** Sika kakoo wo ho, na nhene pa nso abu so, na ano a eka nimdee nsem ye obohema a eho ye na. **16** Fa obi a odi ohoho akagyinamu atade; se oregyina ohea huhufo akyi a, fa si awowa. **17** Aduan a wonya no okwan bone so no ye onipa anom de, nanso akyiri no, edan mmosea wo n’anom. **18** Pe afotu ye wo nhyehyee; se wutu asa a, nya ho akwankyerɛ. **19** Osekuni da kokoamsem adi; enti twe wo ho fi onipa a okasa bebreɛ ho. **20** Se obi dome n’agya anaase ne na a, wobedum ne kanea wo sum kabii mu. **21** Agyapade a wopere ho nya no, renye nhyira akyiri no. **22** Nka se, “Metua wo saa bone yi so ka!” Twɛn Awurade, na obegye wo. **23** Awurade kyi nkaribo a enye papa, na asisi nsania nso nso n’ani. **24** Awurade na okyerɛ onipa anammontu. Na ebeye den na obi bete n’ankasa akwan ase? **25** Obi pe ntem hye bo, ansa na wadwene ho a, osum ne ho afiri. **26** Ohene nyansafo hu amumoyefo; na ode awiyam afiri hankare fa won so. **27** Awurade kanea hwehwe onipa honhom mu, ehwehwe ne mu baabiara. **28** Odo ne nokwaredi bo ohene ho ban; n’adɛ ma n’ahengua tim. **29** Mmerante anuonyam ne won ahoden, tidwen nso ne mmasiriwa anuonyam. **30** Ohwe ne apirakuru hohoro amumoye, mmaatwa tew koma mu.

21 Ohene koma da Awurade nsam; okyerɛ no okwan te se asuten ma oko baabiara a ope. **2** Onipa akwan nyinaa tee wo n’ani so, nanso Awurade na okari koma. **3** Se woye ade pa ne ade a etee a, eso Awurade ani sen afoɛbo. **4** Ani a etra nton ne ahomaso koma, ne amumoyefo asetena nyinaa ye bone! **5** Nsiyefo nhyehyee de mfaso ba, senea ntempe kowie ohia no. **6** Ahonya a nkontompo tekrema de ba no, eye omununkum a etwa mu ko, na esan ye owu afiri. **7** Amumoyefo basabasaye betwe won ako, efise wompe se woye nea etee. **8** Onipa a odi fo no akwan ye kontonkye, na nea ne ho nni asem no nneyee tee. **9** Suhye twotwotw ase baabi tena ye sen se wo ne oyere tokwapefo betena fie. **10** Omumoyefo kon do bone; onni ahummobo mma ne yonko. **11** Se wotwe ofewdifo aso a, ntetekwafo hu nyansa, se wokyerkyere onyansafo a, onya nimdee. **12** Otreneeni no hu nea ereko so wo omumoyefo fi, na ode omumoyefo no ko osee mu. **13** Se onipa sisiw n’aso wo mmaboroni su ho a, onno nso besu afre, na worennye no so. **14** Kokoa mu adekye dwudwo koma, ketesehye nso pata abufuwhyew. **15**

Se wubu atentrenee a, atreneefo ani gye, nanso eye ahunahuna ma abonefo. **16** Onipa a oman fi nhumu kwan so no behome wo awufo fekuw mu. **17** Nea odi ahosepew akyi no beye ohiani; nea ope nsa ne ngo no rennya ne ho da. **18** Amumoyefo de won nkwa to ho ma atreneefo, na atorofɔ ye saa ma won a woye pe. **19** Eye se wobetena sare so, sen se wo ne oyere tokwapefo a ne koma haw no no betena. **20** Nnuan pa ne ngo aye onyansafo fi ma, nanso okwasea di nea owo nyinaa. **21** Nea otiw trennee ne odo no nya nkwa, yiyedi ne anuonyam. **22** Onyansafo tow hye ahodenfo kuropon so, na odwiriw abandennen a won were hye mu no gu fam. **23** Nea okora n’ano ne ne tekrema no twe ne ho fi amanenya ho. **24** Ohantanni a oma ne ho so no, ne din ne “Ofewdifo” ode ahantan ntraso ye ade. **25** Nea okwadwofo kon do no beye owu ama no, efise ne nsa mpe adwumaye. **26** Da mu nyinaa ope se obenya bebreɛ, nanso otreneeni de, oma a onnodow ho. **27** Omumoyefo afoɛbo ye akyiwade, ne titiriw ne se ode adwemmone bata ho. **28** Odansekurumni beyera, na wobesee obiara a otie no no nso. **29** Amumoyefo di akakabensem, na otreneeni de, osusuw n’akwan ho. **30** Nyansa, nhumu ne nhyehyee biara nni ho a ebetumi aye yiye atia Awurade. **31** Wosiesie aponko ma oko da, nanso nkonimdi ye Awurade dea.

22 Din pa ye sen ahonya bebrebe; se wobedi wo ni ye sen dwete anaa sikakoko. **2** Odefo ne ohiani wo ade baako, Awurade ne won nyinaa Yefo. **3** Onitefo hu amanehunu a ereba na ohintaw ne ho, nanso atetekwaa ko n’anim konya amane. **4** Ahobrease ne Awuradesuro ema ahonya ne anuonyam ne nkwa. **5** Nsoe ne mfiri wo amumoyefo akwan so, nanso nea odo ne kra ho ban no mmen ho. **6** Kyere abofra okwan a omfa so, na se onyin a oremfi so. **7** Adefo di ahiafo so, na boseagyefo ye nea ode fem somfo. **8** Nea odua amumoyesem no twa ohaw na wobesee n’abufuwhyew abaa. **9** Oyamyefo benya nhyira efise one ahiafo kye n’aduan. **10** Pam ofewdifo na basabasaye nso beko; ntokwaw ne animka to atwa. **11** Obi a odo koma a mu tew na ne kasa ho ye nyam no, benya ohene afa no adamfo. **12** Awurade ani wen nimdee, na osee otorofɔ nsem. **13** Okwadwofo ka se, “Gyata bi wo mfikyiri ho!” anaase, “Wobekum me wo mmonten so.” **14** Ohea waressefo anom ye amoa donkudonku; nea ohye Awurade abufuw ase no beto mu. **15** Agyimisem kyekyerɛ abofra koma ho, nanso nteeso abaa bepam no ako akyiri. **16** Obi besisi ohiani de ape ahonya,

anaa obekye odefo ade, ne nyinaa de no ko ohia mu. **17** Ye aso na tie anyansasem yi; fa wo koma di me nkyerekyerε akyi, **18** efise eye se wokora saa nsem yi wo wo koma mu, na ne nyinaa ada w'ano. **19** Se ebeye a wode wo ho beto Awurade so, merekyerekyerε wo nne, yiw eye wo. **20** Menkyerεw mme aduasa mmaa wo, nea eye afotusem ne nimdee, **21** a ekyerεkyerε wo nokware ne nea akyinnye nni ho, senea wubenya mmuae pa ama nea osomaa wo no ana? **22** Mmo ahiafo koron, se woye ahiafo nti, na nsisi won a wonni bi wo asennii, **23** efise Awurade bedi won asem ama won, na wafom afa won a wofom ahiafo fa. **24** Mfa obi a ne koma ye den no adamfo, na mfa wo ho mmo nea ne bo nkye fuw, **25** anye saa a, wubesua n'akwan na woakoto afiri mu. **26** Nye nea ode ne nsa hye krataa ase di akagyinamu anaase odi akagyinamu; **27** na se wunni nea wode tua a wobehum wo mpa mpo afi w'ase. **28** Ntutu tete abo a wode ato hye, nea wo nenanom de sisii ho no. **29** Wuhu obi a ne nsa akokwaw n'adwuma ho ana? Ahemfo anim na obesom, na orensom wo mpapahwekwa anim.

23 Se wo ne ohene bi to nsa didi a, hwe nea esi w'anim no yiye, **2** Se woye adidibrada a, hye wo ho so. **3** Nni n'aduan akonnno akonnno no akyi, efise saa aduan no daadaa nnipa. **4** Mmiri wo mogya ani mpe sika; hu nyansa na to wo bo ase. **5** W'ani bo sika so ara pe, na atu ayera, ampa ara ebefuw ntaban na atu ako wim se okore. **6** Nni obi a oye pepere aduan, nni n'akonnno aduan akyi; **7** efise oye obi a bere biara osusuw sika ho. Oka se, "Didi na nom," nanso enye ne koma mu. **8** Kakra a woadi no wobefe, na eno nti wo nkamfo so remma mfaso. **9** Nkasa nkyere okwasea, efise oremfa nyansa a ewo wo kasa mu no. **10** Ntutu tete abo a wode ato hye ngu, na ntra ohye nko ayisaa mfuw mu, **11** efise won Gyefo ye den, na obedi won asem ama won. **12** Ma wo koma mmra nkyerekyerε so, na wen w'aso tie nimdee. **13** Ntwentwen abofra nteeso so; se wode abaa tee no a, orenwu. **14** Fa abaa twe n'aso na gye ne kra fi owu mu. (Sheol h7585) **15** Me ba, se wo koma hu nyansa a, eno de, me koma ani begye; **16** se w'ano ka nea etee a me mu ade nyinaa ani begye. **17** Mma w'ani mmere abonefo, mmom bo Awurade suro ho mmoden bere biara. **18** Ampa ara anidaso wo ho ma wo daakye, na w'anidaso renye okwa. **19** Me ba, tie, na hu nyansa, ma wo koma mfa okwantrenee so. **20** Mfa wo ho mmo akowensafo anaase won a wope nam

mmoroso ho, **21** efise, akowensafo ne adidibradafo beye ahiafo, na anikum fura won ntagawo. **22** Tie w'agya a owoo wo no, na se wo na bo aberewa a, mmu no animtiaa. **23** To nokware na nton da; nya nyansa, ahohyeso ne nhumu. **24** Otreneeni agya wo anigye bebre; nea owo obo nyansafo no ani gye ne ho. **25** Ma w'agya ne wo na ani nnye; ma oboa a owoo wo no nnya ahosepew. **26** Me ba, fa wo koma ma me na ma w'ani nko m'akwan ho, **27** na oguamanfo ye amoa donkudonku oyere huhuni ye odaadaafo. **28** Otew, twen, te se okwanmukafo, na oma mmarima mu atorofodoo. **29** Hena na woadome no? Hena na odi awerehow? Hena na odi aperepere? Hena na onwiinwii? Hena na owo atape nko ara? Hena na mogya ada n'ani so? **30** Won a wokye nsa ho, na woka nsa a woafrafra hwe. **31** Nhwe nsa ani kaka no haa, bere a eretwa yerew yerew wo kuruwa mu, na eko yoo no. **32** Awiei no, eka te se owo na ewo bore te se ahurutoa. **33** W'ani behu nneema a wunhuu da, na woadwene nneema basabasa ho. **34** Wobet ntintan te se hyen mu dwumayeni a, okura hyen dua a, erehinhim mu den, na ehinhim wo po so. **35** Na wobeka se, "Wobo me, nanso mimpira. Woboro me, nanso mente oyaw biara. Bere ben na menyan akope nsa anom bio?"

24 Mma w'ani mmere amumoyefo, mfa wo ho mmo won; **2** Efise won koma dwene atirimodensem ho, na won ano ka nea ede basabasaye ba ho asem. **3** Wode nyansa na esi fi, na nhumu mu na woma etim; **4** enam nimdee so na wonya ademude a eho ye na na eye fe hyehye n'adan mu. **5** Onyansafo wo tumi a eso, na onimdefo nyin ahoo den mu; **6** nea oretu sa hia akwankyerε, nea orehwehwe nkonimdi no hia afotufo pii. **7** Nyansa wo soro dodo ma okwasea; wo apon ano aguabo mu no, ense se wobue won ano. **8** Onipa a obo pow bone no, wobefre no okotwebrefo. **9** Ogyimifo nhyehyee ye bone, nnipa kyi ofewdifo. **10** Se w'aba mu gow wo ohaw mu a, na w'ahoo den sua! **11** Gye won a wode won reko akokum won no nkwa; na sianka won a woto ntintan ko akumii. **12** Se woka se, "Na yennim eyi ho hwee a," nea okari koma hwe no nhu ana? Nea obo wo nkwa ho ban no nnim ana? Orentua nea obiara aye so ka ana? **13** Me ba, di ewo, efise eye; ewokyem mu wo ye w'anom de. **14** Hu nso se nyansa ye wo kra de; se wunya a, wowo anidaso ma daakye, na w'anidaso renye okwa. **15** Nkotew otreneeni fi se okwanmukafo, na nkotow nhye n'atenae so, **16** Ewo

mu se otreneeni hwe ase mpen ason de, nanso asore bio, na amumoyefo de amanehunu baako ma wohwe ase. **17** Se wo tamfo hwe ase a mma enye wo de; na se ohintiw a mma wo koma nni ahurusi, **18** efise Awurade behu w'adwene na orempe na obeyi n'abufuwhyewafi no so. **19** Nhaw wo ho wo abonefo nti, na mma w'ani mmere amumoyefo nso, **20** efise, obonefo nni anidaso biara daakye, na wobedum amumoyefo kanea. **21** Me ba, suro Awurade ne ohene, na mfa wo ho mmo atuatewfo ho, **22** efise saa baanu yi de, assee beba won so mpofirim; na hena na onim amanehunu ko a wobetumi de aba? **23** Eyinom nso ye anyansafo Nsenka: Atemmu a nhweanim wo mu no nye: **24** Obiara a obeka akyere nea odi fo se, "Wo ho nni asem" no, nnipa bedome no na amanaman remmo no din pa. **25** Na won a wobu afodifo fo no, ebese won yiye, na nhyira beba won so. **26** Mmuue pa te se mfewano. **27** Wie wo mfikyidwuma na siesie wo mfuw; eno akyi, si wo fi. **28** Nni adanse ntia oyonko a onye wo hwee, na mfa w'ano nnaadaa. **29** Nka se, "Nea waye me no me nso meye no bi; nea oye no mitua no so ka." **30** Menantew faa onihawfo afuw ho, twaa mu wo nea onni adwene bobeturo nso ho; **31** nsae afuw wo baabiara, wura afuw akata asase no so, na abo afasu no nso abubu. **32** Mede me koma ko nea mihuu no so na misuaa biribi fii mu: **33** nna kakra, nkoto kakra, nsa a woabobow de rehome kakra **34** bema ohia aba wo so se okwanmukafo, na nneema ho nna beba wo so se obi a okura akode. Na ohia betow akyere wo se okwanmukafo; ahokyere betoa wo se okoromfoweremfo.

25 Eyinom ye Salomo mmebusem nkekaho a Yudahene Heseikia afotufu kyerewee: **2** Eye Onyankopon anuonyamhye se wode asem sie; se woperepe ase mu nso hye ahemfo anuonyam. **3** Senea asoro koron na asase mu do no, saa ara na worentumi nhwehwe ahemfo koma mu. **4** Se woyi dwete ho fi a, na ato nea eko dwetedwumfo nsam; **5** Yi amumoyefo fi ohene anim, na trennee bema n'ahengua atim. **6** Mma wo ho so wo ohene anim, na mpere dibe a atitiriw mu; **7** Eye ma no se obeka akyere wo se, "Bra soro ha," sen se obebre wo ase wo otitiriw bi anim. Nea wode w'ani ahu no **8** mpe ntem mfa nko asennii, na se awiei no wo yonko gu w'anim ase a den na wobeye? **9** Se wo ne wo yonko di asem a nna obi foforo ahintasem adi, **10** anye saa a, nea obete no begu w'anim ase na din bone a wubenya no rempepa da.

11 Asem a woka no senea efata no te se sika kokoo a waboo se apre de atuata dwete nsiesie mu. **12** Sikakokoo asokaa anaa sikakokoo ankasa ahyehyede te se onyansafo animka a ode ma nea oye aso ma no. **13** Senea sukyeremma ma wim dwo wo otwabere mu no, saa ara na asomafo nokwafo te ma won a wosoma no no; na oma ne wuranom akomatoyam. **14** Omununkum ne mframa a emfa osu mma no te se onipa a ode akyede a ommfa mma hoahoa ne ho. **15** Ntoboase ma sodifo ti da, na tekremabere tumi bu dompe mu. **16** Se wunya ewo a, nni ntra so, ne bebrebe bema woafe. **17** Ntaa nko wo yonko fi, wo ho fono no a, obetan wo. **18** Onipa a odi adansekurum tia ne yonko no te se kontibaa, afoa anaa bemma a ano ye nnam. **19** Ese a eyare okekaw anaa nan a eye apakye te se nea wode wo ho to otorofo so hiada mu. **20** Nea oto dwom kyere owerehowni no, te se nea opa ntama gu awabere mu anaa te se nsa nyinyanyinya a wohwie gu apirakuru so. **21** Se okom de wo tamfo a, ma no aduan nni; se osukom de no a, ma no nsu nnom. **22** Se woye saa a, wobesoso nnyansramma agu n'atifi, na Awurade bema wo akatua. **23** Senea atifi fam mframa de osu ba no, saa ara na tekrema a edi nseku de omuna ba. **24** Eye se wobetena suhye twotwow ase baabi, sen se wo ne oye tokwapefo betena fie. **25** Nsuonwini a okra a ato beraw nya no te se anigyesem a efi akyirikyiri. **26** Asuti a afono anaa abura a aye potoo te se otreneeni a ogyaa ne ho ma amumoyefo. **27** Enye se wodi ewo ntraso, saa ara na enye anuonyam se obi behwehwe nsem a mu do mu. **28** Onipa a onni ahohyeso no te se kuropon a n'afasu abubu agu fam.

26 Senea sukyeremma te ahuhurubere anaase osu wo otwabere no, saa ara na anuonyam mfata okwasea. **2** Senea apatuprew tu anaase asomfena tu dannan ne ho no, saa ara na nnuabo hunu nsi hwee. **3** Okafa abaa wo ho ma oponko, nnareka wo ho ma afurum, na abaa wo ho ma nkweisefo akyi. **4** Nhwe okwasea agyimisem so mma no mmuae, anye saa a wo nso beye se ono. **5** Gyina okwasea agyimisem so ma no mmuae, anye saa a ebeye no se onim nyansa. **6** Se wode nkra bi soma okwasea a, ete se wutwitwa w'ankasa w'anan anaase wonom awuduru. **7** Apakye nan a awu na esensen ho no, ye mmebusem a eda okwasea ano. **8** Obo a woakyekyere afam ahwimmo so te se anuonyam a wode ama okwasea. **9** Nsae dua a okowensani kita no te se mmebusem a eda okwasea ano. **10** Nea obo okwasea anaa obi hunu paa no te se

agyantowni a opira nnipa kwa. **11** Senea okraman san ko ne fe ho no, saa ara na okwasea ti n'agymisem mu. **12** Wuhu obi a oye onyansafo wo n'ankasa ani so ana? Anidaso pii wo okwasea mu sen no. **13** Okwadwofo ka se, "Gyata wo okwan no mu, gyatakeka nenam mmonten no so!" **14** Senea onon di akoneaba wo ne mpontare so no, saa ara na okwadwofo twa ne ho wo ne mpa so. **15** Okwadwofo de ne nsa si aduan mu, na eye no anihaw se obeyi ako n'ano. **16** Okwadwofo ye onyansafo wo ono ankasa ani so sen nnipa baason a wodwen asem ho na wabua. **17** Obi a oso okraman aso twe no no te se obi a oretwa mu na ode ne ho kofra ntakwaw a emfa ne ho mu. **18** Obodamfo a ototow atuo anaa agyanweremfo no **19** te se obi a, odaadaa ne yonko na oka se, "Na mede redi agoru!" **20** Nnyansin hi a ogya dum; nseku nni ho a ntakwaw to twa. **21** Senea gyabiriw dan nnyansramma na nnyina dan ogya no, saa ara na otakwapefo hye ntakwaw mu takramugya. **22** Osekuni ano asem te se aduan a eye de; ehyenhyen onipa akwaa mu nyinaa. **23** Senea ama kata asankagow ho no saa ara na tekremade kata amumoye koma so. **24** Onipa bone kasa te se nea oye, nanso nnaadaa ahye ne koma ma. **25** Ewo mu se ne kasa ye de de, nanso nnye no nni, efise abususem ason ahye ne koma ma. **26** Ebia nnaadaa bekata n'adwemmone so, nanso n'amumoyesem beda adi wo bagua mu. **27** Se onipa tu amoa a, obeto mu; se onipa pirew obo a, ebesan aba no so. **28** Atoro tekrema kyi won a ogu won ho fi, na adedefede ano de osee ba.

27 Mfa okyena nhoahoa wo ho, na wunnim nea eda bi de beba. **2** Ma ofofofo nkamfo wo; na enye wo ankasa; ma emfi ofofofo anom na enye wo. **3** Obo mu ye duru, na nwea ye adeso, nanso okwasea abufuwhyew ye duru sen emu biara. **4** Abufuw tirim ye den, na abufuwhyew see ade, na hena na obetumi agyina ninkutwe ano? **5** Animka a eda gua ye sen odo a asuma. **6** Apirakuru a efi adamfo nkyen no ye sen otamfo mfewano bebrebe. **7** Ewo nye nea wamee akonno, nanso nea eye nwen mpo ye nea okom de no no n'anom de. **8** Onipa a wayera ne fi kwan, te se anomaa a wafi ne berebuw mu rekyinkyin. **9** Ngo ne aduhum ma koma ani gye, adamfo ho anigye fi n'afotu pa a oma. **10** Nnyaa w'adamfo ne w'agya adamfo mu, nko wo nuabarima fi bere a ohaw ato wo, na oyonko a oben wo no ye sen onuabarima a owo akwirikyiri. **11** Me ba, hu nyansa na ma me koma ani nnye; eno na ebema manya mmuae ama obiara a obu

me animtiaa. **12** Mmadwemma hu asiane na wohintaw, nanso ntetekwaafo ko won anim kotu mu. **13** Fa atade a ehye obi a odi ohoho akagyinamu; se oregyina ohea huhufo akyi a, fa si awowa. **14** Se obi tee mu hyira ne yonko anopahema a, wobefa no se eye nnome. **15** Oyere takwapefo te se ahumtuda nsusoso wo odan a enwin so; **16** se wopata no a, ete se nea wopata mframa anaa wode wo nsa beso ngo mu. **17** Dade sew dade, saa ara na onipa sew ofofofo. **18** Nea ohwe borodoma dua so no bedi so aba, na nea osom ne wura no, wobehye no anuonyam. **19** Senea nsu yi animdua kyeru no, saa ara na onipa koma da onipa no adi. **20** Senea Owu ne Osee bo nto da no, saa ara, na onipa ani nso bo nto da. (Sheol h7585) **21** Kyemfere wo ho ma dwete na fononoo wo ho ma sikakoko, nanso wonam nkamfo a onipa nya so na eso no hwe. **22** Se wowow okwasea wo owaduru mu, se wode owoma wow no te senea wusiw abuwor a, worentumi nyi agymisem mfi ne ho. **23** Ma enye wo asenhia se wubehu wo nguankuw tebea, na ma w'ani nko wo anantwikuw so; **24** efise, ahonya ntena ho daa, na ahenkyew ntena ho mma awo ntoantoaso nyinaa. **25** Se wotwa sare no na ofofofo fifi, na woboaboa nkoko so sare no ano a, **26** eno de, nguantenmma no bema wo ntama, na mmirekyi ama sika a eto mfuw. **27** Wubanya mmirekyi nufusu bebre ama wo ne w'abusuafo adi ne aduan ama wo mmaawa.

28 Omumoyefo guan bere a obiara ntaa no, nanso atreneefo koko ye duru se gyata. **2** Atuaweman nya sodifo pii, nanso onipa a owo nhumu ne nimdee ma mmara ye adwuma. **3** Sodifo a ohye ahiafo so no te se osu mu ahum a ennyaw nnobae bi wo akyi. **4** Won a wopo mmara no kamfo amumoyefo, na won a wodi mmara so no siw won kwan. **5** Abonefo nte atentrenee ase, nanso won a wohwehwe Awurade no, te ase yiye. **6** Ohiani a ne nantew ho nni asem ye sen odefo a n'akwan ye kontonkye. **7** Nea odi mmara so ye obo a owo nhumu, nanso nea one adidibradafo bo no gu n'agya anim ase. **8** Nea ogye mfentom mmoroso de nya ne ho no, oboaboa ano ma nea obeye ahiafo adae. **9** Se obi nni mmara so a, ne mpaebw mpo ye akyiwade. **10** Nea odi atreneefo anim de won fa okwan bone so no behwe ono ankasa afiri mu, nanso won a won ho nni asem no benya agypade a eye. **11** Odefo tumi ye onyansafo wo n'ankasa ani so, nanso ohiani a owo nhumu no hu senea ote. **12** Se atreneefo di nkonim a, nnipa di ahurusi pii; nanso se amumoyefo nya tumi

a nnipa kohintaw. **13** Onipa a okata ne bone so no nnya nkoso, na nea oka ne bone na ogyae ye no nnya ahummobo. **14** Nhyira nka nea osuro Awurade bere nyinaa, nanso nea opirim ne koma no to amane mu. **15** Omumoyefo a odi nnipa a wonni mmoa so no te se gyata a obobo mu anaa sisi a n'ani abere. **16** Osodifo tirimodenfo nni adwene, na nea okyi mfaso a wonam okwan bone so nya no benya nkwa tenten. **17** Nea awudi ma ne tibia bu no fo no beye okobofo akosi ne wu da; womma obiara nsiw no kwan. **18** Nea ne nantew ho nni asem no, wogye no fi ohaw mu, nanso nea n'akwan ye kontonkye no behwe ase mpofirim. **19** Nea oye n'asase so adwuma no benya aduan pii, nanso won a wodi nnaadaasem akyi no benya won so ne won hia. **20** Wobehyira onipa nokwafo pii, na nea opere pe ahonyade no remfa ne ho nni. **21** Nhwanim nye, nanso aduan kakraa bi nti nnipa beye bone. **22** Nea oye perepere se obeye odefo na onnim se ohia retwen no. **23** Nea oka obi anim no beso nnipa ani akyiri no asen nea owo tekremade. **24** Nea obo n'agya anaa ne na koron na oka se, "Enye bone no," one osesefo na ebo. **25** Odifudepefo de mpaapaemu ba na nea ode ne ho to Awurade so no benya nkoso. **26** Nea ogye ne ho di no ye okwasea, na nea onantew nyansa mu no wobegye no. **27** Nea oma ahiafo no, hwee renhia no, nanso nea obu n'ani gu won so no nnya nnome pii. **28** Se amumoyefo nya tumi a, nnipa kohintaw; na se amumoyefo ase tore a, atreneefo ase do.

29 Obi a oko so ye tufoante wo animka pii akyi no wobesee no mpofirim a worennya ano aduru. **2** Se atreneefo di yiye a, nnipa no di ahurusi; se amumoyefo di nnipa so a, wusi apini. **3** Onipa a odo nyansa no ma n'agya anigye, nanso nguamanfo yonko see n'ahonya. **4** Ohene nam atentreee so ma oman no asomdwoe, nanso nea ode adifudepe gye adanmude no bo oman no. **5** Obiara a odaadaa ne yonko no sum ne nan afiri. **6** Odeboneyeni bone sum no afiri, nanso otreeneni betumi ato dwom ama n'ani agye. **7** Ahiafo atentreeebu ho hia atreneefo, nanso amumoyefo nni saa otema no. **8** Fewdifo de basabasaye ba kuropon mu, nanso anyansafo sianka abufuw. **9** Se onyansafo de okwasea ko asennii a, okwasea no bobo mu kasa di few, na asomdwoe mma. **10** Mogyapefo kyi onokwafo, na wohwehwe se wobekum nea otee. **11** Okwasea da abufuw nyinaa adi, nanso onyansafo hye ne ho so. **12** Se osodifo tie nkontomposem a, n'adwumayefo nyinaa beye amumoyefo. **13** Ohiani ne osohyefo nyinaa wo

saa ade baako yi: Awurade ma won baanu nyinaa ani a wode hu ade. **14** Se ohene di ahiafo asem yiye a, n'ahengua betim ho daa. **15** Nteeso abaa ma nyansa, na abofra a wode ne pe ma no no, gu ne na anim ase. **16** Se amumoyefo di yiye a, bone nso ko so, na atreneefo behu won asehwe. **17** Tee wo ba, na obema wo asomdwoe; obema wo kra ani agye. **18** Se anisoadehu nni ho a nnipa no ye basaa; na nhyira nka nea odi mmara so. **19** Womfa anom nsem keke ntee osomfo; ote ase de, nanso oremfa. **20** Wuhu obi a ope ntem kasa ana? Okwasea wo anidaso sen no. **21** Se obi koko ne somfo fi ne mmofraase a, awiei no ode awerehow na ebeba. **22** Onipa a ne bo afuw de mpaapaemu ba, na nea ne bo nkye fuw no ye bone pii. **23** Onipa ahomaso bre no ase, nanso nea owo ahobrease no nya anuonyam. **24** Nea oboa okoromfo no haw ono ankasa ho. Womama waka ntam nti osuro se obedi adanse. **25** Onipa ho suro betumi aye afiri, na nea ode ne ho to Awurade so no, wobegye no. **26** Bebre hwehwe se wobenya ohene ne no akasa, nanso onipa nya atentreee fi Awurade nkyen. **27** Atreneefo kyi atorofo; na amumoyefo kyi won a won akwan tee.

30 Yake babarima Agur nsem a okae a eye nkuranhye: Saa obarima yi ka kyeree Itiel ne Ukal se: **2** "Me na minnim hwee koraa wo nnipa mu, minni onipa ntease. **3** Minsuaa nyansa, na minni Okronkronni no ho nimdee nso. **4** Hena na waforo ako osoro na wasian aba fam? Hena na wabo mframa boa wo ne nsam? Hena na ode n'atade abo nsu boa? Hena na oboo asase tamaa yi? Ne din de den, na ne babarima nso din de den? Se wunim a ka kyeree me! **5** "Onyankopon asem biara ye nokware; oye nkatabo ma won a woguan toa no. **6** Mfa biribi nka n'asem ho, anye saa a obeka w'anim ama woaye otorofo. **7** "Awurade, nneema abien na mehwehwe afo wo nkyen; mfa nkame me ansa na mawu: **8** ma me ne atoro ne nnaadaasem ntam nware koraa; mma mennye ohiani anaa odefo; nanso ma me me daa aduan nkutoo. **9** Anye saa a, ebia minya me ho pii a ebema mapa wo na maka se, 'Hena ne Awurade?' Anaa meye ohiani na mabo koron, na ama magu me Nyankopon din ho fi. **10** "Nsee osomfo din nkyere ne wura; se woye saa a, obedome wo na wubetua so ka. **11** "Nnipa bi dome won agyanom, na wonhyira won nanom nso; **12** Won a wotee wo won ankasa ani so nanso wonhohoroo won ho fi no; **13** won a won ani tra nton, na wobu animtiaa; **14** won a won se ye afoa na asekan hyehye won abogye mu won

na wobetore ahiafo ase ahi asase so, na woyi ahiafo ahi adesamma mu. **15** “Amemem wo mmabea baanu a wotee mu se, ‘Fa ma! Fa ma!’ “Nneema abiesa na emmee da anan na enka da se, ‘Eye!’ **16** Oda, obonin awotwaa, asase a eye wosee daa, ne ogya a enka da se, ‘Eye!’ (Sheol h7585) **17** “Ani a eyi agya ahi, na ebu ena animtiaa no, obon mu kwaakwaadabi betutu, na apete abedi. **18** “Nneema abiesa na eye me nwonwa, anan na mente ase: **19** Okwan a okore nam so wo wim, seneaowo nantew abotan so, okwan a hyen nam so wo po tamaa so, ne senea obarima do ababaa. **20** “Obea owareseefo kwan ni: Odidi, opepa n’ano na oka se, ‘Menyee mfomso biara.’ **21** “Nneema abiesa na ema asase wosow, anan na asase ntumi nnyina ano: **22** akoo a wabeeye ohene, okwasea a wadidi amee, **23** obea a wompe no na waware, afenaa a otu n’awuraa tena n’anan mu. **24** “Nneema nketenkete anan na ewo asase so, nanso woye anyansafo ankasa: **25** Ntetea ye abode nketewa a wonni ahooden, nanso woboaboa won aduan ano ahuhuru bere mu; **26** Nkukuban ye abode a wonni ahooden, nanso woye won ahi wo abotan mu, **27** mmoadabi nni ohene, nanso wosa so akuwakuw, ko won anim; **28** wotumi de nsa kyere oketew, nanso wohu no abirempon ahemfi. **29** “Nneema abiesa na wowo abiremponnantew, anan na wokeka won ho te se abirempon: **30** gyata, mmoadoma hene a, biribiara mmoo no hu; **31** akokonini a oretutu taataa, opapo, ne ohene a n’asraafo atwa no ho ahyia. **32** “Se woaye okwasea ama wo ho so, anaa woadwene bone a, ma w’ani nwu na mua w’ano! **33** Senea woka nufusu nu mu a srade fi mu ba, na wokyinkyim hwene a etu mogya no, saa ara na abufuw de akasakasa ba.”

31 Ohene Lemuel nsem a eye nkuranhye a ne na kyeree no: **2** Tie, me babarima! Tie, me yafunu ba, Tie, me bohye ba, me mpaebɔ ho mmuae! **3** Nsee w’ahooden wo mmea ho, won a wogu ahemfo asu no. **4** Enye mma ahemfo, Lemuel, asanom nye mma ahemfo, ense se sodifo pere bobesa ho; **5** se wonom nsa a won were befi nea mmara no ka, na won a wohye won so no rennya nea eye won kyefa. **6** Fa bobesa ma won a woresɛɛ, na fa nsa ma won a wowa amanehunu mu; **7** Momma wonnom, na won were mfi won hia, na wonnkae won awerehow bio. **8** Kasa ma won a wontumi nkasa mma won ho, kasa ma mmɔborɔfo yiyedi. **9** Kasa na bu atentrenee; kasa ma ahiafo ne onnibi yiyedi. **10** Oyere pa, hena na obenya? Osom bo pa ara sen nhene pa. **11** Ne kunu wo ne mu ahotoso pa

ara, na biribiara a ewo bo nhia no. **12** Ode nea eye bre no, na enye ohaw, ne nkwan na nyinaa mu. **13** Ohwehwe oguannwi ne asaawa na ode ne nsa nwen wo few so. **14** Ote se aguadifo ahyen, ode ne nnuan fi akyirikyiri ba. **15** Ade nnya nkyee no na wasore; osiesie aduan ma n’abusuafo na okyeye nnnwuma ma ne mmaawa. **16** Osusuw afuw ho na oto; ofi nea onya mu ye bobeturo. **17** Ode nsi ye n’adwuma; n’abasa mu wo ahooden ma n’adwuma. **18** Ohwe se n’aguadi so wo mfaso, na ne kanea anum anadwo. **19** Daa, na ne nsa kura tadua mu a ne nsateaa nso retoatoa asaawa. **20** Ogow ne nsam ma ahiafo na ne nsa so ohiani so. **21** Se sukyeremma to a ne yam nhyehye no wo ne fifo ho; efise won nyinaa wo adurade a wode ko awow. **22** Oye ne mpasotam; na ofura nwera ne sirikyiri ntama. **23** Ne kunu wo anuonyam wo kuropon pon ano, faako a one asase no so mpanyimfo tena. **24** Opempam nwera ntade tontɔn, na otu nkyekyeremu ma aguadifo. **25** Owo ahooden ne anuonyam; na onsuro nna a ewo n’anim. **26** Okasa nyansa mu, na nokware nkyerekyerɛ wo ne tekrema so. **27** Ohwe ne fi mu nnnwuma so na onnyigye anihaw so. **28** Ne mma sore a wofre no nhaira; ne kunu nso saa ara, na okamfo no se, **29** “Mmea pii ye nneema a ewo din na wo de, wosen won nyinaa.” **30** Obea konnɔfo ye nnaadaa, na ahoofɛ twa mu ntem so; nanso obea a osuro Awurade no fata nkamfo. **31** Fa abasobode a wanya no ma no, na wonkamfo ne nnnwuma wo kuropon pon ano.

Ɖsenkafo

1 Eyinom ne nsem a Ɖsenkafo, ohene Dawid babarima a ɔye ohene wɔ Yerusalem se: **2** “Ahuhude! Ahuhude!” Ɖsenkafo no na ose. “Ahuhude mu ahuhude Biribiara ye ahuhude.” **3** Den na onipa nya fi n’adwumaye nyinaa mu, nea okum ne ho ye no owia so no? **4** Awo ntoatoaso ba na eko, nanso asase tim ho daa. **5** Owia pue na owia koto, na eye ntem ko nea epue fii ho no. **6** Mframa bo ko anafɔ fam na edan hwe atifi fam; ekyinkyin ko baabiara, na esan bo fa ne kwan so. **7** Nsubonten nyinaa sen kogu po mu, nanso po nye ma da. Faako a nsubonten no fi no ho na wosan ko bio. **8** Biribiara ye obre a eboro nea obi beka so. Ani nhwe ade nwie da na aso nso ntie nsem mma enye mma da. **9** Nea aba no beba bio, nea woye no, wobeye bio; ade foforo biara nni owia yi ase. **10** Biribi wɔ ho a wobetumi aka wɔ ho se: “Hwe! eyi ye ade foforo” ana? Ewo ho dedaw fi tete nteredee; ewo ho ansa na wawoo yen. **11** Wonkae tetefo no, na won a wonnya nnwoo won no nso, won a wobedi won akyi no renkae won. **12** Me, Ɖsenkafo, na meye Israelhene wɔ Yerusalem. **13** Mituu me ho sii ho se mede nimdee besua aye nhwehwe mu wɔ biribiara a woye no owia yi ase ho. Adesoa duruduru a Onyankopɔn de ato adesamma so! **14** Mahu biribiara a woye no owia yi ase; ne nyinaa nka hwee, ete senea obi tu mmirika taa mframa. **15** Nea akyea no wontumi ntee; na nea enni ho no wontumi nkan. **16** Mekaa wɔ me tirim se, “Hwe, manyin na manya nimdee bebre ase obiara a watena Yerusalem ahengua so ansa na merebedi ade. Manya nhumu ne nimdee mu osuah.” **17** Afei meye m’adwene se mehwehwe na mate nimdee, ne adammosem ne nkweisease ase. Nanso mihuu se eyi nso te senea obi tu mmirika taa mframa. **18** Nimdee bebre de awerehow na eba; nyansa dooso a, awerehowdi dooso.

2 Mekaa wɔ me koma mu se, “Afei bra, mede anigye beso wo ahwe na yeahu nea eye.” Nanso ankosi hwee. **2** Mekae se, “Ɖserew ye nkweiseade. Na den na anigye tumi ye?” **3** Mepɛ se mihu nea eye pa ara ma yen wɔ bere tiaa a yewo wɔ asase yi so no. Enti meye m’adwene se mede nsa besepew me ho na mahwehwe, ahu nkweisease nkyerease, a na nyansa da so bo m’ankasa m’adwene ho ban. **4** Mede me nsa hye nnwuma akese ase; misisii adan ye bobe nturo. **5** Meye nturo ne ahomegyebea na miduaduaa nnuaba

ahorow bebre wo mu. **6** Misisii nsukorae a metwe nsu afi mu, de agugu nnua a erenyin no so. **7** Metoo nkoo ne mfenaa, na minyaa ebinom nso a wawoo won wo me fi. Afei nso, minyaa anantwi ne nguan bebre sen obiara a wadi m’anim wɔ Yerusalem. **8** Mepɛ dwete ne sikakakoo, gyigyee ahemfo ne amantam no ademude kaa ho. Mefaa mmarmima ne mmea nnwontofo, pɛ mmea atene nso; nea eye obarima koma anigyede biara. **9** Migyee din sen obiara a wadi m’anim wɔ Yerusalem. Eyinom nyinaa mu no me nimdee koo so ye adwuma. **10** Nea m’ani hwehwee biara mamfa ankame no; mansiw me koma anigye ho kwan. Me koma ani gyee me nnwuma nyinaa ho, na eyi ye m’adwumaye so akatua. **11** Nanso se mehwe nea me nsa aye nyinaa ne nea mabre anya a, ne nyinaa nka hwee, ete senea wotu mmirika taa mframa mannya mfaso biara wɔ owia yi ase. **12** Mede m’adwene koo nimdee, adammosem ne nkweisease so. Den bio na nea wadi ohene ade betumi aye asen nea woye dedaw no? **13** Mihuu se nimdee ye sen nkweisease, senea hann ye sen sum no. **14** Onyansafo ani wo ne tirim, na okwasea de, onantew sum mu; nanso mihuu se won nyinaa nkrabea ye pɛ. **15** Afei misusuw wo me koma mu se, “Okwasea nkrabea beto me nso. Enti se mihu nyansa a mfaso ben na minya?” Mekaa wo me koma mu se, “Eyi nso nka hwee.” **16** Te se okwasea no, onyansafo nso, worenkae no daa; nna a ereba no mu, worenkae won baanuo no. Te se okwasea no, onyansafo nso bewu! **17** Eno nti asetena fonoo me, na adwuma a yeye wo owia yi ase no haw me. Ne nyinaa ye ahuhude, te senea wotu mmirika taa mframa. **18** Mikiyi nea maye adwuma ape nyinaa wo owia yi ase, efise ese se migyaw ho ma nea obedi m’ade. **19** Na hena na onim se onipa ko no beye onyansafo anaa okwasea? Nanso nea mabiri me mogya ani ape wo owia yi ase nyinaa beko ne nsam. Eyi nso ye ahuhude. **20** Enti mepaa abaw wo owia yi ase adwumaden ho. **21** Na onipa befi ne nimdee, nyansa ne adwumaye ho nimdee mu aye n’asede, na afei ese se ogyaw n’adwumaye so aba ma obi a onyee adwuma biara. Eyi nso ye ahuhude, na ehaw adwene. **22** Den na onipa nya fi ne bre ne dadwen a ode ye adwuma wo owia yi ase mu? **23** Ne nkwanma nyinaa, n’adwumaye ye oyaw ne ohaw; anadwo mpo n’adwene ye adwuma. Eyi nso ye ahuhude. **24** Biribiara nsen se onipa bedidi na wanom na wanya ahotɔ wo adwumaye mu. Eyi nso mihuu se efi Onyankopɔn, **25** efise enye onno a anka

hena na obetumi adidi anaase obenya ahotō? **26** Onipa a ɔso Onyankopɔn ani no, ɔma no nimdee, nyansa ne anigye, nanso omumɔyefo de, ɔma ɔboaboa ahonyade ano ma nea ɔso Onyankopɔn ani. Eyi nso ye ahuhude, senea wode mmirikatu taa mframa no.

3 Biribiara wɔ ne bere, na dwumadi biara a ewo ɔsoro ase wɔ ne bere. **2** Awo wɔ ne bere, na owu wɔ ne bere, ogu wɔ ne bere na otwa nso wɔ ne bere, **3** okum wɔ ne bere na ayaresa wɔ ne bere, obubu wɔ ne bere, na osi nso wɔ ne bere, **4** agyaadwotwa wɔ ne bere, na ɔserew nso wɔ ne bere, awerhow wɔ ne bere na asaw wɔ ne bere, **5** abo hwete wɔ ne bere na abo anoboa wɔ ne bere, atuuye wɔ ne bere na ne ntetewmudi nso wɔ ne bere, **6** adehwewhwe wɔ ne bere na adehwere wɔ ne bere, adekora wɔ ne bere na adetowgu wɔ ne bere, **7** ade mu sunsuane wɔ ne bere na ne pempam wɔ ne bere, kommye wɔ ne bere na kasa wɔ ne bere, **8** ɔdo wɔ ne bere na ɔtan wɔ ne bere, ɔko wɔ ne bere na asomdwoe wɔ ne bere. **9** Mfaso ben na odwumayeni nya fi n'adwumaden mu? **10** Mahu adesoa a Onyankopɔn de ato nnipa so. **11** Waye biribiara fefe wɔ ne bere mu. Ɔde nkwa a ɛnsa da ahye nnipa koma mu, nanso wontumi nte nea Onyankopɔn aye fi mfiase kosi awiei no ase. **12** Minim se biribiara nni ho a eye ma nnipa kyen se wobegye won ani na wɔaye nea eye bere a wote ase. **13** Se obiara bedidi na wanom na wanya anigye wɔ ne dwumadi nyinaa mu, eyi ne Onyankopɔn akyede. **14** Minim se biribiara a Onyankopɔn ye no betena ho daa, wɔrentumi mfa biribi nka ho na wɔrentumi nyi biribi mfi mu. Onyankopɔn ye eyi senea nnipa de nidi bɛma no. **15** Biribiara a ewo ho nne no, aba pen, na nea ebɛba no nso aba dedaw; na Onyankopɔn befre nea asi dedaw no ama akontaabu. **16** Na mihuu biribi foforo wɔ owia yi ase se: Amumɔyesem wɔ nea atemmu wɔ, atɛntreneebea no, amumɔyesem wɔ ho. **17** Medwenee wɔ me koma mu se, "Onyankopɔn bebu atreneefo ne amumɔyefo nyinaa aten, efise adwuma biara benya ne bere, nneyee biara ne ne bere." **18** Afei medwenee se, "Nnipa de, Onyankopɔn so won hwe ma wohu se wote se mmoa. **19** Onipa nkrabea te se mmoa de na ɛda ho ma won nyinaa. Senea ɔbaako wu no, saa ara na ofoforo nso wu. Won nyinaa wɔ ɔhome baako; onipa nni biribi a ɔde kyen aboa. Biribiara ye ahuhude. **20** Won nyinaa ko faako; won nyinaa fi ɔte mu na wosan ko ɔte mu. **21** Hena na onim se onipa honhom foro soro na aboa de sian ko asase mu ana?"

22 Enti mihuu se biribiara nni ho a eye ma onipa kyen se n'ani beka n'adwuma ho, efise ɛno ne ne kyefa. Na hena na obetumi de no asan aba se ɔmmehwe nea ebese ne wu n'akyi?

4 Bio, mehwe mihuu nhyeso a ereko so wɔ owia yi ase: Mihuu won a woredi won nya no nusu na wonni ɔwerekyekyefo biara; tumi no wɔ won nhyesofo no nsam na wonni ɔwerekyekyefo biara. **2** Na mekae se: Awufo a wɔawuwu dedaw no, ani gye sen ateasefo; won a wɔda so wɔ nkwa mu no. **3** Na nea oye sen baanu yi ne nea onnya mmae, nea onnya nhuu bone a wɔye wɔ owia yi ase. **4** Na mihuu se adwumaye mu ɔbre ne nea onipa tumi ye nyinaa nnyinaso ne se n'ani bere ne yonko. Eyi nso ye ahuhude, mmirika a wotu taa mframa. **5** Ɔkwasea bobow ne nsa gu ne ho na ɔsee ne ho. **6** Nsammua baako a asomdwoe wɔ mu ye sen nsammua abien a ɔbre bata ho; ɛte se nea wotaa mframa. **7** Afei nso mihuu biribi a ɛnka hwee wɔ owia yi ase: **8** Na ɔbarima bi wɔ ho a ɔye ankonam; onni ɔbabarima ana onubarima. N'adwumaden amma n'awie da, nanso n'ani ansɔ n'ahonya. Obisaa ne ho se, "Na hena na merebre ama no, na aden nti na mede anigye kame me kra?" Eyi nso ye ahuhude, eye ɔhaw kwa. **9** Baanu ye sen ɔbaakofo, efise wonya won bre so mfaso a ɛso ani: **10** Se ɔbaako hwe ase a ne yonko betumi aboa no. Nanso onipa a ɔhwe ase a onni ɔboafo no, ye mmɔbo. **11** Bio, se baanu da bo mu a wɔka won ho hyew. Na ebeye den na ankonam beka ne ho hyew? **12** Ɔbaakofo de, wobetumi aka no ahye nanso baanu tumi pere won ti. Hama a wɔawo no mmesa no, wontumi ntetew mu ntem. **13** Ɔbabun nyansafo a odi hia ye sen ɔhene akwakoraa a ɔye ɔkwasea na ontie kɔkɔbo bio. **14** Ebia na ɔbabun no fi afiase na obedii ade anaase wɔwo no too ohia mu wɔ adehye abusua mu. **15** Mihuu se won a wotenaa ase na wonantew owia yi ase nyinaa dii ɔbabun no akyi, nea odii ɔhene no ade no. **16** Nnipadom a wontumi nkan won dii n'akyi. Nanso nkyirimma no ani annye ne ho. Eyi nso ye ahuhude, ɛte se wotaa mframa.

5 Se woko Onyankopɔn fi a, hwe w'anammɔntu yiye. Ben no na tie no sen se wobebɔ nkweisefo afore, won a wonnim mfomso a wɔye no. **2** Mpe ntem nkasa. Mpere wo ho wɔ wo koma mu se wobeka asem bi wɔ Onyankopɔn anim. Onyankopɔn te ɔsoro na wo de, wowo asase so, enti ma wo nsem nye kakraa bi. **3** Adaeso fi adwennwen bebre mu ba, na nsem dodow

da adi wɔ ɔkwasea kasa mu. 4 Sɛ wohyɛ Onyankopɔn bɔ a, ntwentwen wɔ nan ase wɔ ho. Onni anigye wɔ nkwasɛafo mu; enti di wɔ bɔhyɛ so. 5 Sɛ woanhɛ bɔ koraa a eye sen sɛ wobɛhyɛ bɔ na wunni so. 6 Mma w'ano mfa wɔ nkɔ bɔne mu. Nyi w'ano nkyɛrɛ asɔredan mu somfo sɛ, "Mɛ bɔhyɛ no yɛ mfomso." Adɛn nti na ɛsɛ sɛ Onyankopɔn bɔ fuw nea woka na ɔsɛɛ wɔ nsa ano adwuma? 7 Adaeso ne nsenkeka bebreɛ nka hwee. Enti suro Onyankopɔn. 8 Sɛ wuhu ohiani a wohyɛ ne so wɔ ɔmansin bi mu, na atentreneɛ ne ahofadi abɔ no a, mma eyinom nɔyɛ wɔ nwonwa, efisɛ nea ɔso sen no hwɛ no so, na nea ɔso sen wɔn baanɔ no nso hwɛ wɔn so. 9 Wɔn nyinaa fa asase no so siade; na ɔhene no ankasa nya mfuw no so mfaso. 10 Nea n'ani bere sika no nnya nea ɛdɔɔso da; na nea ɔpɛ ahonyade dodow no ani nso nea onya. Eyi nso yɛ ahuhude. 11 Adetɔnnɛ bu so a, saa ara na atɔfo no nso dɔɔso. Na mfaso bɛn na nea ɛwɔ no no nya sen sɛ ɔde n'ani bɛhwɛ? 12 Ɔpaani da ma n'ani kum, sɛ wadidi amee, anaase wammee, nanso ɔdefo ahonya dodow nti ontumi nna. 13 Mahu bɔne kɛsɛ wɔ owia yi ase: wɔde ahode sie de haw ne wuranom, 14 anaase ahode fa atoyerɛnkyɛm bi so hwɛrɛ sɛ ɛbeyɛ na wonya mma a wɔremmeto hwee mfa. 15 Adagyaw na onipa de fi ne na yafunu mu bae, na sɛnea ɔbae no, saa ara na ɔbɛkɔ. Ɔremfa n'adwumayɛ so mfaso biara a obetumi akita wɔ ne nsa mu no nkɔ. 16 Eyi nso yɛ ɔhaw kɛsɛ: Sɛnea onipa ba no, saa ara na ɔkɔ, na mfaso bɛn na onya wɔ bere a ɔyɛ adwuma ma mframa? 17 Ne nna nyinaa mu no, odidi a n'anom nɔyɛ no dɛ, efisɛ abawpa, atɛtɛɛ ne abufuw wɔ no so. 18 Afei mihuu sɛ eye ma onipa sɛ obɛdidi na wanom na wama n'ani agyɛ n'adwumaden ho wɔ owia yi ase, wɔ mmɛrɛ kakra a Onyankopɔn de ama no yi mu, efisɛ eyi ne ne kyɛfa. 19 Nea ɛka ho ne sɛ, sɛ Onyankopɔn ma onipa bi ahonyade ne adɛnya, na onya ahoto, de anigye yɛ n'adwuma, na ohu sɛ ne kyɛfa ne no a, ɔnkaɛ sɛ eye Onyankopɔn akyɛdɛ. 20 Ɔntaa ntena ase nnwen ne nkwanɔ ho, efisɛ Onyankopɔn de koma mu anigye ama no.

6 Mahu bɔne foforo bi wɔ owia yi ase a ɛhyɛ nnipa so yiye: 2 Onyankopɔn ma onipa ahonyade, adɛnya ne anuonyam sɛnea biribiara a ne koma pɛ no ɛremmɔ no, nanso Onyankopɔn amma no kwan sɛ ɔmfa nnye n'ani, na ɔhoho mmom na ɔde gye n'ani. Eyi yɛ ahuhude, ɔhaw a ɛyɛ yaw. 3 Onipa betumi anya mma ɔha na wanyin akyɛ; nanso ne mfe dodow yi akyi

no, n'ahonya no amma n'ani annye na ne sie nso anyɛ fɛ a, ɔpɔn ba so wɔ mfaso sen no. 4 Ne ba no yɛ ade hunu, sum mu na ɔkɔ, na sum akata ne din so. 5 Ɛwɔ mu sɛ wanhu owia na onnim hwee de, nanso obenya ahomɛgyɛ bebreɛ sen nea saa ɔbarima no benya, 6 mpo sɛ ɔtena ase mfe apɛm mmɔho na wamfa n'ahonyade annye n'ani a, wɔn nyinaa nkɔ faako ana? 7 Onipa brɛ nyinaa yɛ n'ano ntia, nanso n'akɔnnɔde mmɛɛ no da. 8 Na dɛn na onyansafo wɔ de sen ɔkwasea? Sɛ ohiani yɛ n'akwan yiye wɔ afoforo anim a mfaso bɛn na obenya? 9 Nea aniwa hu no yɛ sen nea akɔnnɔ kyin hwɛhwɛ. Eyi nso yɛ ahuhude, ɛtɛ sɛ wotaa mframa. 10 Nea ɛwɔ ho biara, wɔato din dedaw, na sɛnea onipa tɛ nso, wonim dedaw; onipa biara rentumi ne nea ɔwɔ ahɔɔdɛn sen no nnye eyi ho akyinnɔyɛ. 11 Nsɛm dɔɔso a, mu ntease sua, na so wɔ mfaso ma onipa ana? 12 Na hɛna na onim nea eye ma onipa wɔ ne nkwanɔ kakraa bi a ɛyɛ ahuhude na ɔfa mu kɔ sɛ sunsuma no mu? Hɛna na obetumi aka nea ebɛsi wɔ owia yi ase akyɛrɛ no bere a ɔkɔ no?

7 Din pa yɛ sen aduhuam papa, na owuda yɛ sen awoda. 2 Eye sɛ obi bɛkɔ ayi ase sen sɛ ɔbɛkɔ aponto ase, efisɛ owu yɛ onipa biara nkrabɛa na ɛsɛ sɛ atɛasefo hyɛ eyi nsow. 3 Awɛrɛhow yɛ sen ɔsɛrɛw, efisɛ anim a ayɛ mmɔbɔmmɔbɔ de koma mu nsiesie pa ba. 4 Onyansafo koma wɔ ayi ase, nanso nkwasɛafo koma wɔ ahosɛpɛwfo fi. 5 Eye sɛ wobɛtɛ onyansafo animka sen sɛ wobɛtɛ nkwasɛafo dwom. 6 Sɛnea nsɔɛ turuturuw wɔ ɔsɛn ase no saa ara na nkwasɛafo sɛrɛw tɛ. Eyi nso yɛ ahuhude. 7 Asisi ma onyansafo dan ɔkwasea, na kɛtɛasehyɛ sɛɛ koma. 8 Asem awiei yɛ sen ne mfiase, na ntoboase yɛ sen ahantan. 9 Mma wɔ koma nsɔrɛ ntemntɛm, na abufuw da nkwasɛafo sɛrɛ so. 10 Nka sɛ, "Adɛn nti na tɛtɛ nna no yɛ sen nne mmɛrɛ yi?" Onyansafo mmisa nsɛm sɛɛ. 11 Nimdɛɛ, ɛyɛ ade pa sɛ agyapade ara pɛ, so wɔ mfaso ma wɔn a wohu owia. 12 Sɛnea nimdɛɛ yɛ bammɔ no, saa ara na sika nso tɛ; nanso nhumu ho ade a eye ne sɛ: nea ɔwɔ nimdɛɛ no bɔ ne nkwa ho ban. 13 Dwɛne nea Onyankopɔn ayɛ ho: Hɛna na obetumi atɛɛ nea wɔama akyɛa? 14 Mmɛrɛ pa mu, ma w'ani nnye; nanso mmɛrɛ bɔne mu, hu sɛ Onyankopɔn na wayɛ ne nyinaa. Ɛno nti onipa rentumi nhu nea ɛbetɔ no daakye. 15 Mɛ nkwanɔ a ɛyɛ ahuhude yi mu, mahu nneɛma abien: Ɔtrenɛeni a owu wɔ ne trenɛɛ mu, ne omumɔyɛfo a ɔtena ase kyɛ wɔ n'amumɔyɛ mu. 16 Nyɛ wɔ ho ɔtrenɛeni ntra so, na nyɛ wɔ ho

onyansafo mmoro so; aden nti na wosee wo ho? **17** Nye omumoye ntra so, na nye okwasea nso, aden nti na ese se wuwu ansa na wo bere aso. **18** Eye se wubeso baako no mu den nanso nnyaa nea aka no mu. Onipa a osuro Onyankopon no besiw nneyee mmoroso nyinaa ano. **19** Nimdee ma onyansafo baako tumi bebre sen kuropon mu asodifo du. **20** Onipa treneeni biara nni asase so a oye papa na onye bone da. **21** Mfa nea nnipa ka nyinaa nye asem, anye saa a wobete se wo somfo redome wo, **22** na wunim wo wo koma se wo nso woadome nkurofo mpen bebre. **23** Mede nimdee aso eyinom nyinaa ahwe, na mekae se, “Masi m’adwene pi se meye onyansafo” nanso na eyi boro me so. **24** Senea nimdee te biara, ewo akyiri na emu do, hena na obetumi ahwehwe ahu? **25** Afei meye m’adwene se mete ase, aye nhwehwe mu na maperepepe nimdee ne senea nneema nhyehyee te na mate amumoye mu agyimisem ase, ne nkwasasem mu adammosem nso. **26** Mahu nea eye nwene sen owu; obee a oye afiri; ne koma ye nnaadaa na ne nsa ye mpokyer. Onipa a oso Onyankopon ani no renko ne ho nanso obonefo de obeto n’afiri mu. **27** Osenkafo no se, “Hwe eyi ne nea mahwehwe ahu: “Mekekaa nneema bobo so pere se mihu senea nneema nhyehyee te, **28** mereye nhwehwe mu, na minhu hwee no, mihu obarima treneeni baako wo mmarima apem mu, nanso manhu obee treneeni biara wo won mu. **29** Eyi nko ara na mahu: Onyankopon ye adesamma atreneefo, nanso nnipa adan won ho hwehwe nhyehyee foforo.”

8 Hena na ote se onyansafo? Hena na onim senea nneema te? Nimdee te nnipa anim, na ebre ne denye ase. **2** Mise: Di ohene mmaransem so, efise wokaa ntam wo Onyankopon anim. **3** Mpe ntem mfi ohene anim. Nnyina mu mma obi asem a enye de na onii no anye nea ope biara. **4** Esiane se ohene asem boro obiara de so nti, hena na obetumi aka akyere no se: “Den na woreye yi?” **5** Nea odi ne mmaransem so no renko ohaw biara mu, na nyansa koma behu bere a ese, ne ne kwan. **6** Nneyee biara wo ne bere a efata ne kwan a wofa so ye, nanso onipa haw hye no so bebre. **7** Esiane se obiara nnim daakye asem nti, hena na obetumi akyere ofoforo nea ereba? **8** Obiara nni mframe so tumi na waboa ano; saa ara na obiara nni ne wuda so tumi. Se wonnyaa obiara wo oko bere mu no, saa ara na amumoye rennyaa won a wodi amumoyesem no. **9** Mihuu eyinom nyinaa bere a medwenee nneema a woye wo owia yi ase no

ho. Bere bi wo ho a onipa hye afoforo so ma edan ohaw ma no. **10** Bio, mihu se wasie amumoye, won a anka wodi akoneaba wo kronkronbea ho de gye nkamfo wo kuropon a woyee saa no mu. Eyi nso ye ahuhude. **11** Se bone bi ho asotwe amma ntem a, nnipa dwene nhyehyee a wode ye bone ho. **12** Ewo mu se omumoye bi ye bone mpen oha nanso otena ase kye, nanso minim se ebese won a wosuro Onyankopon no yiye, won a wodi Onyankopon ni no. **13** Nanso esiane se amumoye nsuro Onyankopon nti, erensi won yiye na won nna renware se sunsuma. **14** Ade bi nso a eye ahuhude a esi wo asase so, ene se, atreneefo bi nya akatua a efata amumoye, na amumoye bi nya akatua a efata atreneefo. Eyi nso, mise eye ahuhude. **15** Enti mekamfo wiase mu anigye, efise biribiara nni owia yi ase a eye ma onipa sen se obedidi, anom ama n’ani agye. Na afei obenya anigye wo n’adwumaye mu wo nna a Onyankopon ama no wo owia yi ase nyinaa. **16** Bere a mepere se mete nimdee ase ne obere adwuma a onipa ye wo asase so a onna awia anaa anadwo no, **17** mihu nea Onyankopon aye nyinaa. Obiara rentumi nte nea oko so wo owia yi ase no ase. Ne mmodemmo nyinaa akyi, onipa rentumi nhu nkyerese da. Se mpo onyansafo bi ka se onim a, orentumi nte ase yiye da.

9 Enti medwenee eyinom nyinaa ho na mihu se atreneefo, anyansafo ne nea woye wo Onyankopon nsam; nanso obiara nnim se odo anaase otan retwen no. **2** Won nyinaa nkrabea ye baako; atreneefo ne amumoye, nnipa pa ne nnipa bone, won a won ho tew ne won a won ho ntew, won a wobo afore ne won a wommo. Senea ete ma onipa pa no, saa ara na ete ma obonefo; senea ete ma won a woka ntam no, saa ara na ete ma won a wosuro se wobeka ntam. **3** Eyi ne bone a ewo biribiara a esi wo owia yi ase mu. Nkrabeakoro ba yen nyinaa so. Nea eka ho ne se, bone ahye nnipa koma mu ma na adammosem wo won koma mu, bere a wowo nkwa mu, na akyiri no wokoka awufo ho. **4** Obiara a oka ateasefo ho no wo anidaso, mpo okraman a ote ase ye sen gyata a wawu. **5** Na ateasefo nim se wobewu, nanso awufo nnim hwee; wonni akatua biara bio, na won ho nkae mpo ayera. **6** Won do, otan ne ninkunu atu ayera dedaw; wonni hwee ye wo biribiara a esi wo owia yi ase mu. **7** Enti ko, fa anigye di w’aduan, na fa ahosepew koma nom wo nsa, efise saa bere yi na Onyankopon pene nea woye so. **8** Bere biara ma w’adurade nye fitaa na fa ngohuam sra wo tirim. **9** Wo ne wo yere, munnye

mo ani, ɔbea a woda no no, wo nna a enka hwee a Onyankopɔn de ama mo wo owia yi ase, mo ahuhude nna no. Efise eye mo kyefa wo mo nkwan mu, ne mo adwumaden wo owia yi ase. **10** Nea wo nsa beso so biara, fa w'ahooden nyinaa ye, efise ɔda a wɔrekɔ mu no, adwumaye, adwennwene, nhumu ne nimdee nni ho. (Sheol h7585) **11** Mihuu biribi foforo wo owia yi ase: Mmirikakansi nni ho mma nea ne ho ye hare anaase ɔko nni ho mma ahoodenfo, aduan mma onyansafo nkyen anaase ahonya nnko nhumufo ho, na adom nnko nimdefo nkyen; nanso bere ne akwannya wo ho ma won nyinaa. **12** Bio, onipa biara nnim don ko a ne bere beso: Senea asau buma mpataa, ne senea afiri yi nnomaa no saa ara na mmere bone to nnipa wo bere a won ani nni won ho so. **13** Bio, mihuu saa nimdee ho nhweso yi wo owia yi ase ma m'ani gyee ho yiye: **14** Bere bi na kuropon ketewa bi wo ho a mu nnipa ye kakraa bi. Ohene bi a ɔwo tumi tow hyee kuropon yi so, otwaa ho hyiae na osisii mpie akese tiaa no. **15** Na ohiani bi a onim nyansa wo kuropon no mu, na onam ne nimdee so gyee kuropon no sii ho. Nanso obiara ankae saa ohiani no. **16** Enti mekae se, "Nimdee ye sen ahooden." Nanso wobuu ohiani no nimdee no animtiaa, na obiara ntie n'asem bio. **17** Eɛ se wotie onyansafo nsem a ɔka no breoo no na enye nkweiseafo sodifo nteteemu. **18** Nimdee ye sen akode, nanso ɔdeboneyeni baako see nnepa bebre.

10 Senea nwansena funu ma aduhum yi nka bone no, saa ara na nkweiseafo kakraa bi boro nimdee ne anuonyam so no. **2** Onyansafo koma sian ko nifa, nanso ɔkwasea koma ko benkum. **3** Mpo se ɔkwasea nam ɔkwan so a, wuhu se onnim nyansa na ɔma obiara hu se wagyimi. **4** Se sodifo bo fuw wo a, nnyaw w'adwuma nto ho; na ntoboase dwudwo mfomso kese ano. **5** Bone bi wo ho a mahu wo owia yi ase eye mfomso bi a efi sodifo: **6** Woma nkweiseafo dibea a ekoron, na asikafo nya nea ewo fam. **7** Mahu nkoa se wotete aponko so, na mmapomma nam fam se nkoa. **8** Obiara a otu amoa no betumi ato mu; na nea obubu ɔfasu no, ɔwo betumi aka no. **9** Obiara a ɔpae abo no, abo no betumi apira no; na nea ɔpae nnua no betumi anya mu akwanhyia. **10** Se abonnuu ano kum na wɔansew ano a ebehia ahooden bebre, nanso adwumaye ho nimdee de nkonimdi beba. **11** Se ɔwo ka obi ansa na wɔadwudwo no a nea odwudwo ɔwo no rennya so mfaso biara. **12** Onyansafo anom nsem ye nyam, nanso ɔkwasea ano fafa de no ko ɔsee mu. **13**

Mfiase no, won nsem ye nkweiseafo; awiei no, eye adammo atirimodense, **14** na ɔkwasea woro nsem. Obiara nnim nea ereba, hena na obetumi aka nea ebese wo obi akyi akyere no? **15** ɔkwasea adwumaye ma ɔbre; na emma onhu ɔkwan a eko kurom. **16** Nnome nka wo, asase a na wo hene ye ɔsomfo na wo mmapomma to pon ɔnɔpa. **17** Nhyira nka wo, asase a wo hene ye ɔdehye na wo mmapomma didi bere a efata de pe ahooden na enye nsabow. **18** Se obi ye akwadwo a ne mpuran ye mmerew; se ne nsa nka hwee a ne fi nwini. **19** Woto pon ma serew, na nsa ma onipa ahosepew, nanso sika na eye biribiara safe. **20** W'adwene mu mpo nkasa ntia ohene, na wo pia mu nso nnome ɔdefo, efise anomaa a ɔnam wim de w'asem beko, na anomaa a otu beko akoka.

11 Fa w'awi twa po; na daakye bi wubanya so mfaso. **2** Fa hye aguadi ason mu, yiw, nea eto so awotwe mu, wunnim atoyerenkyem a ebeba asase no so. **3** Se nsu aye omununkum mu ma a, eto osu gu asase so. Se dua bi bu hwe anafo fam anaa atifi fam a, nea ehwee no, ehɔ ara na ebɛda. **4** Obiara a ɔtwen wim nsakrae no rennuu, na nea ohwe omununkum no nso rentwa. **5** Senea wunnim ɔkwan a mframa nam so, anaa senea wonwen nipadua wo ɔyafunu mu no, saa ara na worentumi nte Onyankopon nnwuma ase, ade nyinaa Yefo no. **6** Dua w'aba ɔnɔpa, na anwummere nso ma wo nsa nna ho, na wunnim nea ebeye yiye, se eyi anaa eyi, anaase ebia abien no nyinaa beye yie. **7** Hann ye fe; na eye aniwa de se ohu owia. **8** Mfe dodow a onipa betena nkwa yi mu nyinaa eɛ se onya ahotɔ. Nanso eɛ se ɔkae nnabone na ebɛdɔso. Biribiara a ebeba no ye ahuhude. **9** Ma w'ani nnye, aberante, bere a woye ɔbabun, ma wo koma mma wo anigye wo wo mmerantebere mu. Di nea wo koma pe ne nea w'aniwa hu akyi, nanso hu se eyinom nyinaa ho Onyankopon de wo beba atemmu mu. **10** Enti yi adwennwen biara fi wo koma mu na tow ohaw biara a ewo wo mu no gu, efise mmeranteye ne ahooden ye ahuhude.

12 Kae wo Bofo wo wo mmerantebere mu, ansa na nnabone no aba na mfe a wobeka se, "Minni mu anigye biara" no reba, **2** ansa na owia ne hann, ɔsram ne nsoromma aduru sum, na omununkum asan aba osuto akyi. **3** Bere a ofi no awemfo ho popo, na mmariima ahoodenfo akom, bere a awiyamfo agyae adwumaye, se wosua nti na won a wohwe pema mu no

ani so aye kusu; 4 bere a wɔatoto abɔnten no apon mu na awiyambea nnyigyei ano abre ase; bere a nnipa te nnomaa su na wɔanyan, nanso wɔn nnwonto ano abre ase; 5 bere a nnipa suro soroko ne mmɔnten so amanenyasem; bere a “ɔsonkoran” dua begu nhwiren na tɛwtɛw twe ne ho kɔ no na nkatede ho adwudwo. Afei onipa kɔ ne daa home mu na agyaadwotwafo tu gu mmɔnten so. 6 Kae no, ansa na dwete hama no atew, anaase sikakokɔ asanka no abɔ; ansa na sukuruwa no abobo wɔ asuten ho, anaase asubura so nkyimii abubu, 7 na dɔte san kɔ asase a efi mu bae, na honhom no tu kɔ Onyankopɔn a ɔde mae no nkyen. 8 “Ahuhude mu ahuhude” ɔsenkafo no na ose. “Biribiara ye ahuhude!” 9 ɔsenkafo no ye onyansafo na ɔde nimdee maa nnipa nso. ɔdwenee na ɔyee nhwehwemu na obubuu mme bebre. 10 ɔsenkafo no hwehwɛ se obenya nsem a efata, na nea ɔkyerɛw no ye pe na eye nokware nso. 11 Anyansafo nsem te se nantwikafo mpeaw. Wɔn nsem a wɔaboa ano te se nnadewa a wɔde abobo dua mu ma akɔ mu yiye. Saa nsem yi nyinaa fi Oguanhwefo baako nkyen. 12 Mebɔ wo kɔkɔ se twe wo ho fi biribiara a eka eyinom ho, me babarima. Nhoma bebrebe nkyerɛw nni awiei, na ne sua pii no ma honam ye mmerɛw. 13 Afei ne nyinaa atɔ asom; nsem no awiei ni: Suro Onyankopɔn na di n’ahyede so, na onipa asede nyinaa ni. 14 Onyankopɔn bebu nneyee biara aten, nea wɔaye asie nso ka ho, se eye papa anaa bɔne.

Nnwom Mu Dwom

1 Salomo nnwom mu dwom. **2** Ma omfa n'ano mfewano no mfew m'ano, efise wo do no ye anigye sen bobesa. **3** W'aduhum yi hua a eye anigye; wo din te se aduhum a wواه. Na enye nwonwa se mmabaa no do wo! **4** Fa me ko, ma yenye ntem! Ma ohene mfa me nko ne pia mu. Nnamfonom: Yebedi ahurusi na yen ani agye wo ho. Yebekamfo wo do asen bobesa. Ababaa: Se wokamfo wo a, na ne kwan so ara ne no! **5** Mibiri de, nanso me ho ye fe, Yerusalem mmabea, mobiri te se Kedar ntamadan, te se, Salomo ntamadan mu ntawamtam! **6** Nhwē me haw se mibiri nti, efise owia na aye me saa. Me na mmabarima bu fuw me, enti woma me kohwee bobe nturo so; na amma manhwē m'ankasa me bobeturo. **7** Kyere me, me dofo, faako a wode wo nguankuw ko adidi na owigyinae nso, faako a woma wo nguan home. Aden nti na ese se meye se ohea a wakata n'anim wo wo nnamfonom nguankuw ho? **8** Se wunnim a, mmea mu ohoofo kora, fa okwan a nguan fa so so na fa wo mpapomma ko adidi wo nguanhwefo no ntamadan ho. **9** Me dofo, mede wo toto onkobera a wode hama asa no wo Farao nteaseenam baako ho no ho. **10** Asokaa ama w'afono ho aye fe, na abohemaa a woasina agu wo kon mu no fata wo. **11** Yebeye sikakoko asokaa a wode dwete asisi mu ama wo. **12** Bere a ohene te ne didipon ho no, n'aduhum hua no gyee ho. **13** Me dofo aye me se kurobow toa a eda me nufu ntam. **14** Me dofo aye me se nhwiren boa a aye fromfrom wo Engedi bobeturo mu. **15** Me dofo, wo ho ye fe! Ao, ahoofe ni! W'aniwa aba te se mmoronoma. **16** Me dofo, wo ho ye fe! Ao, ahoofe ni! Yen mpa so ye akononakonno. **17** Yen fi mpuran ye sida; yen nsemso ye opepaw.

2 Meyē Saron nhwiren ne abon mu sukooko. **2** Senea sukooko a ewo nsoe mu te no, saa ara na me dofo te wo mmabaa mu. **3** Senea apre te wo kwae mu nnua mu no, saa ara na me dofo te wo mmerante mu. Se metena ne nwini mu a minya ahomeka na n'aba nso ye m'anom de. **4** Ode me ako aponto ase, na m'agyiraehyede ye odo. **5** Momma me bobe aba na minya ahooden, momma me apre na ennwudwo me, efise odo ama mato beraw. **6** Ne nsa benkum da m'atiko, na ne nsa nifa aka me afam ne bo. **7** Yerusalem mmabea, mede atwewa ne wuram oforote hye mo se: Monnkanyan na munnyan odo kosi bere

a ese mu. **8** Tie! me dofo! Hwe! ono na oreba no, orehuruhuruw wo mmepow no so na odo pentenkwa wo nkoko no so. **9** Me dofo te se otwe anaa oforote. Hwe! ogyina yen fasu akyi, ohwe mfensere no mu, wagyen n'ani rehwe mfensere no mu. **10** Me dofo kasa kyerere me se, "Sore, me dofo ne m'ahoofe na bra me nkyen. **11** Hwe! awowbere atwa mu; na asusow atwa mu ko. **12** Nhwiren afifi asase ani: nnwonto bere aso. Wote mmoronoma su wo yen asase so. **13** Borodoma agu nhwiren; na bobe hua agye baabiara. Sore bra, me dofo; m'ahoofe, bra me nkyen." **14** M'aboronoma a wohye abotan ntokuru mu, ahintaw wo mmepow so, ma minhu w'anim; ma mente wo nne; wo nne ye de, na w'anim ye fe. **15** Monkyekyere sakraman no mma yen, sakraman nketewa no a wosee bobe nturo, yen bobe nturo a aye fromfrom no. **16** Me dofo ye me dea, na mewo no; ohwehwe sukooko no mu. **17** Enkosi se ade bekye na sunsuma besen ako no, dan wo ho, me dofo, na ye se otwewa anaa oforote a owo nkoko mmonkyi mmonka no so.

3 Anadwo mu nyinaa, wo me mpa so mehwehwee nea me koma da no so; mehwehwee no, nanso manhu no. **2** Mesore afei na makokyinkyin kuropon no mu, ne mmonen so ne gua so; na mahwehwe nea me koma da no so. Enti mehwehwee no nanso manhu no. **3** Awemfo no huu me bere a worebo aprow wo kuropon no mu. "Moahu nea me koma da no so no ana?" **4** Mereye atwa won ho pe na mihuu nea me koma da no so no. Misoo ne nsa se meremma no nko kosii se mede no baa me na fi, de no koo nea onyinsene me no dan mu. **5** Yerusalem mmabea, mede atwewa ne wuram oforote hye mo se Monnkanyan na munnyan odo kosi bere a ese mu. **6** Hena na ofi sare so reba te se wusiw kumonn a efi kurobow, aduhum ne agwadifo pepre ahorow mu, atutu ne ho yi? **7** Monhwe, eye Salomo teaseenam a akofo aduosia bo no kyidam; ade a ewo anuonyam pa ara wo Israel, **8** Won nyinaa bobo afoa, won nyinaa wo akodi ho nyansa. Won afoa bobo won nkyen mu, na obiara asiesie ne ho ama nea ebisi anadwo a eye hu biara. **9** Ohene Salomo yee teaseenam no maa ne ho; ode Lebanon nnua na eyee. **10** Ode dwete na eyee n'adum, ode sikakoko na eyee ne nnyinaso. Wode biridum ntama na eduraa mu nkongua ho; mu asiesie ye ahomeka na Yerusalem mmabea na woyee. **11** Mumfi adi, mo Sion mmabea, mommehwe ohene Salomo se ohye ahenkyew nea ne

na de hye no n'ayeforohyia da no, da a odii ahurusi wo ne koma mu no.

4 Wo ho ye fe, me dafo! Ao, wo ho ye fe! W'aniwa a ehychye wo nkataanim mu no te se aborɔnoma. Wo nwi te se mpapokuw a wɔresian Gilead Bepɔw. **2** Wo se te se nguankuw a wɔatwitwa wɔn ho nwi foforo, a wofi aguaree. Baako mpo nyeraa ε. **3** W'anofafa te se koogyan hama; w'ano ye fe. W'asontɔre a ehychye wo nkataanim mu te se ntunkum aduaba fa. **4** Wo kɔn te se Dawid abantenten, a wɔasi no fɛfɛfɛ; na akokyem apem sensen ho, a ne nyinaa ye akofo kyem. **5** Wo nufu te se atwemma abien, atwemma nta a wodidi wo sukooko mu. **6** Enkosi se ade bekye, ama honhom aguan no, meko kurobow bepɔw ne aduhum nkoko no so. **7** Me dafo, wo ho ye fe papa; wo ho nni dem biara. **8** Ma yemfi Lebanon, m'ayeforo, wo ne me mfi Lebanon nko. Sian fi Amana atifi bra, fi Senir atifi, Hermon apampam ho, fi gyata buw mu ne mmepɔw a asebo dɛdɛdɛ ho. **9** Woagyɛ me koma abo so, me nuabea, m'ayeforo; woagyɛ me koma abo so; wode w'ani a ebɔ me so, ne wo kɔnmuaɛ mu obohema baako. **10** Wo do ye anigyɛ, me nuabea, m'ayeforo! Hwe, wo do so ani sen bobesa, na w'aduhum ye huam sen pepre biara. **11** Asem dɛdɛ fi w'ano se ewokyem, m'ayeforo; nufusu ne ewo wo wo tekrema ase. Wo ntade mu hua te se Lebanon de. **12** Wote se turo a wɔato ano pon mu, me nuabea, m'ayeforo; woye asuti a wɔagyɛ ho ban, asubura a wɔasɔw ano. **13** Wo nnua ye nnuabafuw so ntunkum a esow aba pa, aluahaa ne nnuannua, **14** nnuannua ne mmetire, osiko ne sinamon, a ohuamfufu nnua ahorow, kurobow ne dupapo ne pepre papa ahorow nyinaa ka ho. **15** Woye asubura turo, abura a nsu sen fi mu a esen fi Lebanon. **16** Sɔre, atifi fam mframa! Bra, anafo fam mframa! Bo fa me turo mu, sɛnea ebeyɛ a ne hua no begyigye afa baabiara. Ma me dafo mmra ne turo mu na ommeka ne nnuaba papa no nhwe.

5 Maba me turo mu, me nuabea, m'ayeforo; maboaboa me kurobow ne me nnuhuam ano. Madi me wokyem ne ewo; manom me bobesa ne me nufusu. Nnamfonom: Nnamfonom, munnidi na monnom; Adafonom, monnom nea ebemee mo do. **2** Medae, nanso me koma anna. Tiel me dafo rebɔ pon no mu; "Bue me, me nuabea, me do, m'aborɔnoma, a ne ho nni dem. Obosu afɔw me tirim, anadwo mu bosu afɔw me nwi." **3** Maworɔw m'atade, mensan mfa nhye

ana? Mahohoro m'anan ase, memma ho nye fi bio ana? **4** Me dafo ye se ɔrebue pon no me koma fii ase bɔ kim kim wo me mu. **5** Mesɔree se merəkobue me dafo, na me nsa ho kurobow ne me nsateaa ho aduhum, ye korokoro no nsa ho. **6** Mibue maa me dafo no, nanso na oko. Ne ko no maa me ho dwiriw me. Mehwehwee no nanso manhu no baabiara. Mefree no nanso wannye me so. **7** Awemfo no huu me bere a wɔrebɔ aporɔw wo kuropon no mu. Wɔbɔbɔ me pirapiraa me; woyii m'atade ko; saa awemfo a wɔwen afasu no! **8** Yerusalem mmabea, mehyɛ mo, se muhu me dafo no a, asem ben na mɔbeka akyerɛ no? Monka nkyerɛ no se do ama mato beraw. **9** Den na wo dafo de sen afɔforo, mmea ahoɔfɛfo mu ahoɔfɛ? Den na wo dafo de sen afɔforo a enti wohye yen sɛ? **10** Me dafo ho twa na ogyigye, wɔfa mpem du a, ɔye sononko. **11** Ne ti ye sikakokɔ ankasa; ne ti so nwi ye kuhaa, na eye tuntum se kwaakwaadabi. **12** N'aniwa aba te se aborɔnoma a ogyina asuwa bi ho; ete se nea wode nufusu aguare no, na etuatua ho se abohemaa. **13** N'afono te se pepre a wɔasew no ketɛ. Eho hua te se aduhum. N'anofafa te se sukooko a esoso kurobow. **14** N'abasa te se sikakokɔ abaa a wode sikabereebo asisi mu. Ne nipadua te se asonse a wɔatwiw ho na wode hoabo adura ho. **15** N'anan te se abohemaa afadum a esisi sikakokɔ ankasa nnyinaso so. Ne bɔbea te se Lebanon a ɔye sononko se ne sida. **16** N'ano te se do ankasa; okwan biara so, ne ho ye fe. Me dafo ni, m'adamfo ni, Yerusalem mmabea.

6 Ehe na wo dafo no ko mmea ahoɔfɛfo mu ahoɔfɛ? Ehe na wo dafo man fae, na yene wo nkɔhwehwe no? **2** Me dafo ko ne turo mu, faako a woduadua nnua ahorow, okokyinkyin turo no mu akɔboaboa sukooko ano. **3** Me dafo ye me de, na me nso meye ne de; okyinkyin sukooko no mu. **4** Me dafo, wo ho ye fe te se Tirsā, w'ahoɔfɛ te se Yerusalem, wusi pi te se asraafo a wɔretu frankaa. **5** Nhwe me saa; wobunkam me so. Wo ti nwi te se mpapokuw a wɔresian afi Gilead. **6** Wo se te se nguankuw a wɔatwitwa wɔn ho nwi foforo, a wofi aguaree. Baako mpo nyeraa ε. **7** W'asontɔre a ehychye wo nkataanim mu te se ntunkum aduaba fa. **8** Ebia na ɔyerenom ye aduosia, mpenanom beyɛ aduwɔtwe, ne mmabaa dodow a wontumi nkan wɔn; **9** nanso m'aborɔnoma a ne ho nni asem ye sononko; ɔno nko ara ne ne na babea, ɔno na nea ɔwoo no no pe n'asem. Mmabaa huu no no, wɔfree no nhaira; ahemmea ne mpenanom kamfoo no. **10**

Hena na wapue se ahemadakyē yi, ɔyē frɔmfrɔm se ɔsram, na ɔhyerɛn se owia, n'anuonyam te se nsoromma a wɔsa so. **11** Misian kɔɔ nnuaba pɔw mu ho se merekɔhwehwe afifide foforo a ewɔ obon no mu, se bobe no agu nhwiren, anaase ntunkum no aye frɔmfrɔm. **12** M'ani baa me ho so no na m'adwene de me abesi me nkurɔfo adehye nteaseenam so. **13** San w'akyi, san w'akyi, Sulamit babea; San bra, san bra ma yenhwe wo! Aberante: Aden nti na ese se mohwe Sulamit abeawa senea mohwe Mahanaim asaw no?

7 Wo nan ne mpaboa ye fe, ɔdehye babea! W'anantu a wugyina so te se abohemaa, odwumfo nsa ano adwuma. **2** Wo funuma ye kuruwa a enni nsa a nsa pa wo mu bere biara. Wo sisi ye atoko a wɔaboa ano na sukooko atwa ho ahyia. **3** Wo nufu te se atwemma abien, atwemma nta. **4** Wo kɔn te se asonse abantenten. W'aniwa aba te se Hesbon ntade a ewɔ Bat Rabim pon nkyen. Wo hwene te se Lebanon abantenten a ekyere Damasko no. **5** Wo ti si so se Karmel Bepɔw. Wo tinwi te se adehyetam a wɔadi mu adwinni; wo tinwi atenten no kyere ɔhene dommum. **6** Wo ho ye fe, ɔɔɔ, wo ho ye anigye na ema ahomeka ara! **7** Wo sibe a te se abe dua, na wo nufu te se aduaba kasiaw. **8** Mekae se, "Meforo abe dua no; na maso n'aba mu." Wo nufu nye se bobe kasiaw, na wo home mu hua nye se apre. **9** Na w'anom hua nye se bobesa papa. Ababaa: Ma bobesa no nkɔ me dofo ho tee, ensen mfa n'anofafa ne ne se no so breɔo. **10** Me ye me dofo de, na n'apɛde ne me. **11** Bra, me dofo; ma yenko akuraa, ma yenkɔda akuraa anadwo baako. **12** Ma yenko bobeturo mu ntem nkɔhwe se bobe no agu nhwiren, se nhwiren no apaapae, anaase ntunkum no aye frɔmfrɔm. Eho na mede me do bema wo. **13** Adesaa yi ne hua, na akɔnnɔduan nyinaa begu yen pon ano, foforo ne dedaw, a mede asie ama wo, me dofo.

8 Se anka woyee me nuabarima a wunum me na nufu ano, na mihuu wo wo abɔnten so a, anka mefew w'ano, a obiara rentumi mmu me animtiaa. **2** Anka medi w'anim na mede wo aba me na fi, ɔno a wakyerekyere me. Anka mema wo bobesa a wɔde pepre afra mu, me ntunkum mu nsu dokɔdokɔ no bi. **3** Ne nsa benkum da m'atiko na ne nsa nifa aka me afam ne bo. **4** Yerusalem mmabea, mehye mo se, morennyan na morenhwanyan ɔɔ mu kosi bere a ese mu. **5** Hena na ofi sare so reba a otweri ne dofo koko mu yi? Ababaa: Mekanyan wo wo apre dua no

ase; eho na wo na nyinsenee wo, eho na nea ɔkoo awo no woo wo. **6** Fa me to wo koma so se nsɔwanode, se nsɔwanode wo w'abasa so, efise ɔɔɔ ano ye den se owu, ne ninkutwe tim ho se ɔɔa. Ehyehye se ogyatannaa, se ogyatannaa a ano ye den pa ara. (Sheol h7585) **7** Nsu dodow rentumi nnum ɔɔɔ; nsubɔnten rentumi nhohoro nkɔ. Se obi de ne fi ahonya nyinaa besesa ɔɔɔ a anka wɔremmu no ade a esom bo. **8** Yewɔ nuabea akumaa bi a, ne nufu mmobɔɔ e. Den na yebeye ama yen nuabea yi wo da a wobebisa no ase? **9** Se ɔye ɔfasu a, yebesi dwete abantenten abɔ ne ho ban. Se ɔye ɔpon a, yede sida besiw ne pon ano kwan. **10** Me ye ɔfasu, na me nufu te se abantenten. Enti n'ani so no maye se obi a ɔde nea esɔ ani reba. **11** Na Salomo wo bobeturo wo Baal-Hamon; ɔde ne bobeturo no maa apaafɔ. Na ese se wɔn mu biara tua no nnwetebona apem. **12** Nanso me bobeturo yi ye me de. Me de, meremfa mma; Salomo de ne de gye nnwetebona apem, na otua n'apaafɔ nnwetebona ahannu ma wohwe ne nnuaba no so. **13** Wo a wote turo no mu ne nnamfonom a woka wo ho, ma mente wo nne. **14** Bra ma yenko, me dofo, na ye wo ho se ɔɔabɔ ba anaase ɔforote ba a ɔwɔ mmepɔw a nnuhuam ahye so ma so.

Yesaia

1 Saa anisoadehu a efa Yuda ne Yerusalem ho na baa Amos babarima Yesaia so wo Yuda ahemfo Usia, Yotam, Ahas ne Heseikia mmere so. **2** Osoro, muntie! Asase, ye aso! Na Awurade akasa: “Matetew mma ama wɔanyinyin, nanso wɔatew me so atua. **3** Nantwi nim ne wura, afurum nso nim ne wura mmoa adididaka, nanso Israel nnim, me nkurofo nte ase.” **4** Nnome nka, amumoye man, ɔman a wɔn afɔdi so, nnebɔneyefo kuw, mma a porɔwee ahye wɔn ma! Wɔatwe wɔn ho afi Awurade ho; wɔapo Israel Kronkronni no, wɔadan wɔn akyi akyere no. **5** Aden nti na mope se wɔkɔ so boro mo? Aden nti na moda so tew atua? Wɔapira mo ti, na mo koma nso di yaw. **6** Efi mo nan ase kosi mo ti so, ahomeka biara nni mu, apirakuru ne ahonhon nko ara akuru a anim deda ho na wɔnhohoro so anaa wɔnkyekyeree anaa wɔmfaa ngo nsrasraa so ɛ. **7** Mo man ada mpan, wɔde ogya ahyehyew mo nkuropon; ananafo regye mo mfuw a mo ani tua, na asɛ sɛnea eyɛɛ bere a ahɔho tuu mo gui no. **8** Wɔagyaw Ɔbabea Sion te se bobeturo mu sese te se akuraa a esi efere afuw mu, te se kuropon a atamfo atwa ho ahya. **9** Se Asafo Awurade annyaw yen asefo a, anka yeaye se Sodom, na yeadan aye se Gomora. **10** Muntie Awurade asem, mo Sodom sodifo; muntie yen Nyankopon mmara, mo Gomorafo! **11** “Mo afɔrebɔ ahorow bebree no, den na eye ma me?” Senea Awurade se ni. “Mewɔ ɔhyew afɔrebɔde ma eboro so, nea eye adwennini ne mmoa a wɔado sɔrɔde; m’ani nnye anantwinini, nguantenmma ne mpapo mogya ho. **12** Se moba m’anim a hena na obisa eyi fi mo ho, se mutiatia me fi yi? **13** Munnyaɛ afɔrebɔde a ɛmfra a mode ba no! Mo aduham ye me tan. Ɔsram foforo, homenna ne nhyiamu ahorow, mo nhyiamu hunu no afono me. **14** Mo ɔsram foforo afahye ne mo aponto a moahyehye, me kra kyi. Aye adeso a ma me; masoa abɛ. **15** Se momema mo nsa so bɔ mpae a, meyi m’ani ato nkyen. Se mobɔ mpae bebree mpo a merentie. “Mogya bebree agu mo nsa ho fi. **16** “Munnwira mo ho na mo ho ntew. Munnyi mo nnebɔne mfi m’ani so! Munnyaɛ bɔneye, **17** Monye papa! Monhwehwe atɛntɛnee. Monhye wɔn a wɔhye wɔn so nkuran Munni mma ayisaa, monka akunafo nsem mma wɔn. **18** “Afei mommra na yennwen mmo mu,” sɛnea Awurade se ni. “Se mo bɔne te se ɔkɔben a, ebeye fitaa se sukyeremma; mpo se eye kɔkɔ te

se mogya a ebeye fitaa se asaawa mfuturu. **19** Se mopene so na moye osetie a, mubedi asase no so nnɛpa. **20** Na se moampene na motew atua a, afoa bedi mo nam.” Awurade na wakasa. **21** Hwe sɛnea kuropon nokwafo no adan uguamanfo. Bere bi, na atɛntɛnee ahye no ma na anka trenɛe te ne mu, nanso mpɛmpɛn, awudifo ahye mu ma! **22** Wo dwɛtɛ adan ade a so nni mfaso, wɔde nsu afra wo nsa papa mu. **23** Wo sodifo ye atuawo, akorɔmfo yɔnkonom; wɔn nyinaa pɛ adanmude, na wɔpɛre akyɛde ho. Wonni mma ayisaa; na akunafo nsem nko wɔn anim. **24** Enti, Awurade, Asafo Awurade, nea ɔye Ɔkɛse ma Israel no ka se, “Aa, menya ahomegye a fi m’atamfo ho na matɔ wɔn so were. **25** Mɛma me nsa so, atia mo; mehohoro mo ho fi korakora na mayi mo ho nkeakɛ nyinaa. **26** Mɛma mo atemmufɔ bio se kan no, ne mo afotufɔ sɛnea na ɛte, mfiase no. Eyi akyi no, wɔbɛfrɛ wo Kuropon Trenɛe, Kuropon Nokwafo.” **27** Wɔde atɛntɛnee begye Sion bio, na wɔn a wonu wɔn ho no, wɔde trenɛe begye wɔn. **28** Nanso atuawo ne nnebɔneyefo de, wɔbɛdwɛrɛw wɔn abɔ mu, na wɔn a wɔpa Awurade akyi bɛyɛra. **29** “Mo ani bewu, esiane odum anyame a munyaa wɔn mu anigye no; wobegu mo anim ase, esiane nturo a mosom abosom wo mu no nti. **30** Mobeye se odum a ne nhaban apo, ne turo a ennya nsu. **31** Ɔhɔɔdenfo beye se ade a ehyew ntem n’adwuma beye se ogya a aturuw; abien no behyew abɔ mu, a obiara rentumi nnum.”

2 Eyi ne nea Amos babarima Yesaia hui, a efa Yuda ne Yerusalem ho. **2** Nna a edi akyi no mu no, Awurade asɔredan bepɔw no betim se mmɛpɔw no nyinaa ti; ebegye din aboro nkoko nyinaa so na aman nyinaa bebɔ yuu ako ho. **3** Aman bebree beba abɛka se, “Mommra mma yenko Awurade bepɔw no so, nko Yakob Nyankopon fi. Ɔbɛkyerɛkyere yen n’akwan sɛnea ebeye a yɛbenantew n’atɛmpɔn so.” Mmara no befi Sion aba, na Awurade asem a fi Yerusalem. **4** Obebu amanaman ntam atɛn na obesiesie nnipa bebree ntam asem. Wɔde wɔn afoa bebɔbɔ nɔw na wɔde wɔn mɛpɛw aye asosɔw. Ɔman bi rentwe ɔman foforo so afoa, na wɔrenye ahoboa biara mma ɔko bio. **5** Mommra. Yakob fifo, momma yennantew Awurade hann mu. **6** Awurade, woagyaw wo nkurofo, Yakob fifo. Gyidihunu a efi apuei fam ahye wɔn ma; wɔhye nkɔm se Filistifo na wɔne abosonsomfo fa ayonko. **7** Dwɛtɛ ne sikakɔkɔ ahye wɔn asase no so ma; wɔn ademude dɔɔso bebree. Aponko aye wɔn asase no so

ma; na wɔn nteaseenam dodow nni ano. **8** Ahoni ahye wɔn asase no so ma; wɔkotow sɔre wɔn ankasa nsa ano adwuma, nea wɔn nsateaa aye. **9** Enti, Awurade bebre onipa ase na wama adesamma abotow, mfa wɔn ho nkye wɔn. **10** Kɔhyen abotan no mu, fa wo ho kosie asase no mu esiane Awurade ho hu ne n'anuonyam keseɛ nti! **11** Wɔbebre ɔhantanni ase, na wɔde nnipa ahomaso ahwe fam; Awurade nko ara na wɔbema no so da no. **12** Asafo Awurade ahye da bi ama ahomasofo nyinaa ne nea ɛma ne ho so nyinaa (wɔbebre wɔn ase), **13** Lebanon sida nyinaa, atenten ne nea ɛkorɔn, ne Basan odum nnua no, **14** mmepɔw atenten nyinaa ne nkoko a ɛwowaɛ nyinaa, **15** ne abantenten a ɛkorɔn ne ɔfasu biara a ɛye den, **16** aguadi hyen biara ne hyen kese fefe biara. **17** Wɔbebre ɔhantanni ase, na wɔde nnipa ahomaso ahwe fam; Awurade nko ara na wɔbema no so da no, **18** na ahoni no beyera korakora. **19** Nnipa beguan akɔhye abodan a ɛwɔ abotan mu ne ntokuru a ɛdeda asase mu esiane Awurade ho hu ne n'anuonyam keseɛ nti, bere a ɔbesɔre awosow asase. **20** Saa da no, nnipa betow wɔn dwetɛ ne sikakokɔ ahoni a wɔyɛ se wɔbesom no agu ama akisi ne mpan. **21** Wobeguan akɔhye abotan mu ntokuru mu ne abotan mpaapae mu esiane Awurade ho hu ne n'anuonyam keseɛ nti, bere a ɔbesɔre awosow asase. **22** Munyae se mode mo ho to nnipa, a wɔwɔ ɔhome keke so. Wɔye den koraa?

3 Afei hwɛ, Awurade, Asafo Awurade, rebegyae na ɔde ma wɔ Yerusalem ne Yuda nyinaa: aduan ne nsu a ɔde ma wɔn nyinaa. **2** Dɔmmarima ne akofo, otemmufo ne odiiyifo, nkɔmhyeni ne ɔpanyin, **3** aduonum so panyin ne nea ɔwɔ dibe, ɔtofuto, odwumfo nyansafo ne nkaberekyerɛfo onifirifo. **4** “Mede mmerantewa beye wɔn nnwuma so mpanyimfo; na mmofra adi wɔn so.” **5** Nnipa behye wɔn ho wɔn ho so, ɔbarima betia ɔbarima, ɔyonko betia ne yonko. Mmabun besɔre atia wɔn mpanyimfo, apapahwekwa betia onuonyamfo. **6** ɔbarima beso ne nuanom mu baako mu wɔ n'agya fi aka se, “Wowɔ atade, beye yen dikanfo; wɔ kurow a adan mmubui siw yi so.” **7** Nanso da no ɔbetɛ mu se, “Minni nea mede beye. Minni aduan anaa ntama wɔ me fi; mfa me nye nnipa no so kannifo.” **8** Yerusalem retɔ ntintan, Yuda rehwe ase; wɔn nsem ne nneyɛ tia Awurade. Wommu n'anuonyam a ɛwɔ wɔn mu no. **9** Senea wɔn anim te no di adanse tia wɔn; wɔda wɔn bɔne adi te se Sodom; wɔmmfa nsie. Nnome nka wɔn! Wɔakɔfa

amanehunɔ aba wɔn ho so. **10** Ka kyere atreneefo se ebɛsi wɔn yiye, efise wobedi wɔn nneyɛ so aba. **11** Nnome nka amumɔyɛfo! Amanehunɔ wɔ wɔn so! Wobetua wɔn nea wɔn nsa aye no so ka. **12** Mmabun hye me nkurɔfo so, mmea di wɔn so. Me nkurɔfo, mo akwankyerɛfo ma moyera; wɔma moman fi ɔtempon no so. **13** Awurade tena ase wɔ n'asennii. ɔma ne mu so bu nkurɔfo no aten. **14** Awurade bu aten de tia ne nkurɔfo mpanyimfo ne akannifo se, “Mo na moaseɛ me bobeturo; apoobɔde a efi ahiafo nkyen wɔ mo afi mu. **15** Ase ne den nti na modwerɛw me nkurɔfo na mode ahiafo anim twitwiw fam?” Senea Asafo Awurade se ni. **16** Awurade kasa se, “Sion mmabea ye ahantan; wɔnantew toto wɔn kɔn, wɔdeda wɔn ani akyi, wotutu wɔn anammɔn ntiantia, na wɔn anan ase nkaa gyigyɛ. **17** Enti Awurade bɛma tikuru abegu Sion mmea ti ho. Awurade bɛma wɔn ti so apa.” **18** Da no Awurade beyi wɔn afɛfɛde: nkaa, ntamabamma ne kɔnmuaɛ, **19** asokaa, nkapo ne nkataanim, **20** Wɔn mmotiri, anan ase ntweaban, nkyekyeremu, nnuhum nto a ne nkabere, **21** nsɔwano mpɛtea ne hwenem nkaa, **22** ntade atenten pa, nguguso tia a enni nsa, ntade yuu ne sika nkotoku; **23** nhwehwe, sirikyɛ ntade, tinwi so nkaa ne mmati so nguguso. **24** Nkabɔne besi nea ɛye huam anan mu; ntampehama besi nkatakɔnmu anan mu; ti a ɛso apa besi tinwi a wɔasiesie anan mu; atweaatam besi ntama pa anan mu; honam ani atwaatwa besi ahoɔfɛ anan mu. **25** Wo mmarima betoto afoa ano, w'akofo wɔ ɔko mu. **26** Sion apon betwa adwo, adi awerɛhow; onnibi, ɔbetena fam.

4 Saa da no, mmea baason beso ɔbarima baako mu aka se, “Yɛbebo yen ho akɔnhama na yen ankasa apɛ yen adurade; ma wo din nna yen so keke. Yi ahohora fi yen so!” **2** Saa da no Awurade Baa no beye fɛ na anya anuonyam, na asase no so aba beye ahohoahoa ne anuonyam ama Israel nkae no. **3** Wɔn a wɔaka wɔ Sion, a wote Yerusalem no, wɔbefɛ wɔn kronkron, wɔn a wɔakyerew wɔn din aka ateasefo ho wɔ Yerusalem nyinaa. **4** Awurade behohoro Sion mmea ho fi; ɔde atemmu honhom ne ogya honhom bepepa mogya nkekae a ɛwɔ Yerusalem. **5** Afei, Bepɔw Sion ne wɔn a wɔboa wɔn ano wɔ ho nyinaa, Awurade de wusiw mununkum bekata wɔn so awia, na ɔde ogya a ɛdɛw akata wɔn so anadwo; ntama kyiniɛ bekata anuonyam yi nyinaa so. **6** Ebeye hintabea ne onwini

wɔ awia anoden mu, na osu ne ahum mu nso, ebeye guankɔbea ne hintabea.

5 Meto dwom ama me dɔfo dwom a efa ne bobeturo ho: Na me dɔfo wɔ bobeturo bi wɔ asasebere bi a eɔa bepɔw ani. **2** Ofuntum asase no, yiyii mu abo, na oduaa bobeturo a eyɛ papa wɔ so. Osii ɔwɛn aban wɔ mfimfini na otuu nsakɔyamoa nso. Afei ɔhwɛɛ anim sɛ obetwa bobeturo aba pa, nanso esow aba bɔne. **3** “Afei mo a motete Yerusalem ne Yuda mmarmima, mummu me ne me bobeturo ntam aten. **4** Den bio na anka esɛ sɛ meye ma me bobeturo boro nea mayɛ yi so? Bere a merehwɛ anim sɛ minya bobeturo a eye no aden nti na esow aba bɔne? **5** Afei meka nea merebeyɛ me bobeturo no akyerɛ wo: Meyi ho ban no afi ho, na wɔbɛsɛɛ no; mehubu ho ɔfasu, na wobɛtiatia so. **6** Mema aye asase a eɔa mpan a wɔrenyiyi mu na wɔnyɛ so adwuma, ohwirem ne nsɔɛ benyin wɔ so. Mɛhyɛ omununkum na wantɔ osu angu so.” **7** Asafo Awurade bobeturo no yɛ Israelfi, na Yuda mmarmima yɛ turo a n’ani gye ho. Ɔpɛɛ atɛntɛnɛɛ nanso ohuu mogyahwiegu; ɔpɛɛ tɛnɛɛ nanso ɔtɛɛ mmɔborɔsu. **8** Nnome nka mo a mode ofi ka ofi ho na mugyigye mfuw bobɔ so kɔsi sɛ asase no bɛsa na eka mo nko ara wɔ asase no so. **9** Asafo Awurade apae mu aka ama mate: “Nokwarem, afi akɛsɛ no bɛda mpan, na aban afɛɛfɛ no, obiara rentena mu. **10** Bobeturo kɛsɛ pa ara no nsa kakraa bi na ebefi mu. Aba lita aduonu baako a wodua no wobɛnya so lita aduonu abien pɛ.” **11** Wonnue, wɔn a wɔsɔrɛ anɔpahema kɔhwɛhwɛ wɔn nsa akyi kwan wɔn a wosii pɛ anadwo kɔsi sɛ nsa bebɔw wɔn. **12** Wɔbɔ sankuten ne bɛnta wɔ wɔn aponto ase, akasae, ne atɛntɛbɛn ne nsa, nanso wɔtwiri nea Awurade aye, na wommu ne nsa ano adwuma. **13** Eno nti, me nkurɔfo bekɔ nnommum mu, efisɛ wonni ntease; ɔkɔm bekum wɔn mu atitiriw na osukɔm betware wɔn mu bebree. **14** Enti Owu bae n’abogyɛ mu na obue n’anom bayaa; na mu na atitiriw ne dɔm no bekɔ wɔnɛ wɔn a wɔsaw na wogyɛ wɔn ani no. (Sheol h7585) **15** Enti wɔbɛbrɛ onipa ase na wama adesamma abotow. Wɔbɛbrɛ ɔhantanni ase, **16** nanso Asafo Awurade atɛntɛnɛɛ bɛma no so, na Ɔkronkron Nyankɔpɔn de ne tɛnɛɛ bɛda ne ho adi sɛ Ɔkronkronni. **17** Afei nguan bekɔ adidi te sɛnea wɔwɔ wɔn adidibea; nguantɛnmma bedidi wɔ asikafo amamfo so. **18** Munnue, mo a mode nnaadaa nhoma twetwe bɔne, na mode nteaseɛnam ntamɛphama twetwe amumɔyɛ. **19** Munnue, mo a moka se, “Onyankɔpɔn nye ntem, ɔnye n’adwuma

ntɛm sɛnea yebɛhu. Ma emmɛn, Israel Ɔkronkronni no nhyehyɛɛ no mmra, sɛnea yebɛhu.” **20** Munnue, mo a mofrɛ bɔnɛ sɛ papa na papa nso sɛ bɔnɛ, mo a mode sum si hann anan mu na hann si sum anan mu, mo a mofrɛ nweenwen sɛ dɛɛdɛ ne dɛɛdɛ sɛ nweenwen. **21** Munnue, mo a mubu mo ho anyansafo, mo ankasa ani so ne anitewfo mo ankasa ani so. **22** Munnue mo a wɔfrɛ mo akatakɔyɛ wɔ nsanom mu ne ahoɔdenfo wɔ nsa afrafra mu. **23** Mo a mugyɛ adanmude, na mugyaa nea odi fɔ na mubu nea odi bɛm no fɔ. **24** Enti sɛnea ogyaframa hyew nwuraguaneɛ na sare a awo yera wɔ ogyaframa mu no, saa ara na mo ntin bɛporɔw, na mo nhwiren nso atu akɔ sɛ mfutuma; efisɛ moapo Asafo Awurade mmara na moatwiri Israel Kronkronni no asem. **25** Enti Awurade abufuw aba ne nkurɔfo so, wama ne nsa so, na ɔde rebɔ wɔn ahwɛ fam. Mmepɔw no wosow, na afunu aye sɛ mmɔnten so nwura. Nanso eyi nyinaa akyi, ne bo nnwoo ɛ, na ne nsa da so wɔ soro. **26** Ɔma frankaa so ma akyirikyiri aman, ɔhyɛn abɛn de frɛ wɔn a wɔwɔ asase ano. Wɔn na wɔrɛba no, afɛ so ne ntem so! **27** Wɔn mu biara mmmrɛ na onhintiw, obiara ntɔ nko na ɔnna; abɔso biara mu nnwɔw wɔ asɛn mu na mpaboa hama biara nso rentew. **28** Wɔn agyan ano yɛ nnam, na wɔn tadia nyinaa aye krado; wɔn apɔnkɔ tɔtɛ te sɛ ɔtwɛrɛbo, wɔn nteaseɛnam nkyimii te sɛ mfɛtɛ. **29** Wɔn mmɔbɔmu te sɛ gyata de, na wɔbɔbɔ mu sɛ gyatamma; wɔbɔbɔ mu kyɛrɛ wɔn hanam na wɔde no kɔ a ogyɛfo biara nni ho. **30** Da no wɔbɛbɔbɔ mu agu no so sɛnea po woro so no. Na sɛ obi hwɛ asase no a, obɛhu sum kabii ne ahohiahia; omununkum bɛma hann aduru sum.

6 Afe a ɔhɛnɛ Usia wui mu no, mihuu Awurade sɛ ɔtɛ ahɛngua a ɛkorɔn na wapagyaw so na n’atade mmuano aye hyiadan mu ho ma. **2** Na Serafim a wɔn mu biara wɔ ntaban asia wɔ n’atifi. Wɔde ntaban no abien kata wɔn anim, na wɔde abien nso kata wɔn nan ho na wɔde abien nso tu. **3** Na obiara tɛɛ mu kyɛrɛ ne yɔnkɔ se, “Kronkron! Kronkron! Kronkron ne Asafo Awurade; N’anuonyam ahɛɛ asase nyinaa so ma!” **4** Wɔn nne nnyigyɛi maa apon ne abobow ano wosowee, na wusiw yɛɛ hyiadan mu ho ma. **5** Metɛɛɛ mu kae se, “Minnue! Memfata! Mɛyɛ onipa a m’ano ho ntew, na mete nnipa a wɔn ano ho ntew mu, na m’ani ahu Ɔhɛnɛ, Awurade Asafo no yi.” **6** Na Serafim no mu baako a okura nnyansramma, a ɔde ɔdaban kɔfa fii afɔrɛmuka no so tu baa me nkyɛn. **7**

Ɔde eyi kaa m'ano kae se, “Hwe, eyi aka w'anofafa, wɔayi w'afɔdi na wɔatua wo bɔne so ka.” **8** Afei, metee Awurade nne a erebisa se, “Hena na mensoma no? Na hena na ɔbekɔ ama yen?” Na mekae se, “Mini. Soma mel!” **9** Na ɔkae se, “Kɔ na kɔka kyere saa nkurofo yi se, “Ɔte de mobete, nanso morente ase; Ɔhwe de mobehwe, nanso morenɔhu.” **10** Efise mo, moapirim mo koma; moasisiwo mo aso, akatakata mo ani. Enye saa a, anka mo ani behu ade, na mo koma ate asem ase, na moanu mo ho asan aba me nkyen, na masa mo yare.” **11** Na mekae se, “Enkosi da ben, Awurade?” Na obuase se, “Enkosi se nkuropon no beye amamfo a nnipa ntete so, enkosi se afi no beye afituw na mfuw no aseɛ aye pasaa, **12** enkosi se, Awurade bepam obiara ako akyirikyiri na asase no ada mpan. **13** Mpo, se nkyemu du mu baako ka asase no so a wɔbesee no bio. Nso senea dupɔn anaa odum gyaw dunsin, bere a wɔatwa ato fam no, saa ara na aba kronkron no beye dunsin wɔ asase no so.”

7 Bere a Usia babarima Yotam babarima Ahas bedii Yudaman so hene no, Aramhene Resin ne Remalia babarima Peka a ɔye Israelhene baa Yerusalem ne wɔn bekoe, nanso wɔantumi anni ne so. **2** Na wɔka kyereɛ Dawidfi se, “Aram ne Efraim aye apam;” Enti Ahas ne ne nkurofo ho wosow senea kwaennua wosow wɔ mframa ano no. **3** Na Awurade ka kyereɛ Yesaia se, “Wo ne wo babarima Sear-Yasub nkohyia Ahas wɔ Atifi Tare no subon a ewɔ Ntamahorofo Afuw no kwan so. **4** Ka kyere no se, ‘Hwe yiye, ye komm na nsuro. Mma wo koma ntu wɔ saa nnyentia abien a erefi wusiw yi ho; wɔ Resin Aramhene ne Remalia babarima abufuwhyew no nti. **5** Aram, Efraim ne Remalia babarima abɔ wo see ho pɔw se, **6** “Momma yentow nhye Yuda so, na yentetew wɔn mu na yenkye mfa, na yensi Tabeel babarima hene wɔ so.” **7** Nanso nea Asafo Awurade se ni: “‘Eremma so, na erensi da, **8** Aram ti ne Damasko, na Resin pe na eye Damasko ti. Mfirihyia aduosia anum mu no Efraim mu betetew koraa a erentumi nnye ɔman. **9** Efraim ti ne Samaria Remalia babarima pe ne Samaria ti. Se woannyina pintinn wɔ wo gyidi mu a, worennyina koraa.” **10** Awurade kasa kyereɛ Ahas bio se, **11** “Bisa Awurade, wo Nyankopɔn hɔ nsenkyerenne, se ewɔ bun ase tɔnn anaa ɔsorosoro nohɔ.” (Sheol h7585) **12** Nanso Ahas buae se, “Meremmisa, merensɔ Awurade nhwe.” **13** Na Yesaia kae se, “Muntie Dawidfi! Enso mma mo se mobeso nnipa ntoboase ahwe? Na mobeso

me Nyankopɔn nso ntoboase ahwe ana? **14** Enɔ de, Onyankopɔn ankasa bema mo nsenkyerenne; ɔbabun no benyinsɛn, na wawo ɔbabarima, na wɔbefre no Immanuel. **15** Obedi nufusu ani srade ne ewo, bere a wahu nea ebema watumi apo bɔne na wafa nea eye no. **16** Nanso ansa na abarimaa no behu nea ebema watumi apo bɔne na wafa nea eye no, wɔbema ahemfo abien a wusuro wɔn no nsase ada mpan. **17** Awurade de bere bi beba wo ne wo nkurofo ne w'agya fi so a eso bi mmaa da, efi bere a Efraim tew ne ho fii Yuda ho; ɔde Asiriahene beba.” **18** Da no, Awurade behyen aben afre nwansena afi nsuwansuwa a ewɔ akyirikyiri wɔ Misraim ne nnowa a wofi Asiria asase so. **19** Wɔn nyinaa beba abegu aku a mu dɔ ne ntokuru a ewɔ abotan mu, nkyekyerɛ ne suka mu. **20** Da no, Awurade de oyiwan a obegye wɔ Asubɔnten no agya nohɔ wɔ Asiriahene nkyen, no beyi mo ti so ne mo anan ho nwi na wayi mo abogyese nso. **21** Saa da no, obiara beyen nantwi ba baako ne mmirekyi abien. **22** Na esiane nufusu dodow a wɔbema nti, obenya nufusu ani srade adi. Wɔn a wɔbeka wɔ asase no so nyinaa bedi nufusu ani srade ne ewo. **23** Saa da no, baabiara a na anka bobee apem a ne bo ye dwete kilogram dubaako ne fa wɔ no, wobehu nnenkyense ne nsɔe. **24** Nnipa de agyan ne tadua beko hɔ, efise nnenkyense ne nsɔe agye hɔ. **25** Nkoko a na anka kan no wɔde nsɔw ye so adwuma, nnenkyense ne nsɔe ho hu nti wɔrenko hɔ bio; ebɛdan mmeaemmeae a wogyaa anantwi ne nguan ma wɔko.

8 Awurade ka kyereɛ me se, “Fa nhoma mmobowee kese no na fa kyereɛwdua biara kyereɛw so. **2** Na mefre ɔsofo Uria ne Yeberekia babarima Sakaria se me dansefo nokwafo aba.” **3** Afei mekɔ nkɔmhyenibea no ho, na onyinseneɛ, woo ɔbabarima. Na Awurade ka kyereɛ me se, “Fre no Maher-Salal-Has-Bas. **4** Ansa na abarimaa no betumi aka, ‘M'agya’ anaase ‘me na’ no, Asiriahene beba abefa Damasko ahode ne Samaria asade nyinaa ako.” **5** Awurade kasa kyereɛ me bio se, **6** “Esiane se saa nkurofo yi apo Siloa nsu a esen brɛoo na wodi ahurusi wɔ Resin ne Remalia babarima no ho nti, **7** Awurade reye de Asubɔnten no yiri kese no atia wɔn, Asiriahene ne ne kɛseyɛ nyinaa. Ebeyiri afa n'abon nyinaa mu, na abu afa ne konkon so **8** na apra abefa Yuda, akontɔn afa ho, atee afa mu abededa kon mu. Na atretrew akata asase no nyinaa so Immanuel.” **9** Momma ɔko nteemu so, mo aman na wɔnnwerew mo! Muntie mo akyirikyiri

aman. Munsiesie mo ho mma oko, na wɔnnwerew mo! Munsiesie mo ho mma oko, na wɔnnwerew mo! **10** Hwehwe okwan a wobefa so, nanso wobesee no; da wo nsuwii adi, nanso erennyina, efise Onyankopɔn ne yen wɔ ho. **11** Awurade de ne nsa dennen no too me so, ka kyere me, bɔɔ me kɔkɔ se mennantew saa nkurɔfo yi kwan so. Okae se, **12** “Mommfrɛ no tirisopam biribiara a saa nkurɔfo yi frɛ no tirisopam no; Munnsuro nea wosuro, na momma emmɔ mo hu. **13** Asafo Awurade nko ara na esɛ sɛ wubu no okronkron, ɔno na esɛ sɛ wusuro no, ɔno na ne ho ye hu, **14** obeye kronkronbea: nanso Israel ne Yuda de, obeye hintibo ne obotan a ema wohwe ase. Na ne nnipa a wɔwɔ Yerusalem de, obeye afiri a ebeyi wɔn. **15** Wɔn mu bebreɛ bewatiri; wobehwe ase a wɔrensɔre bio, wobesum wɔn afiri na ayi wɔn.” **16** Kyekyere kɔkɔbɔ adanse no sɔw mmara no ano ma m’asuafo. **17** Metwen Awurade a wayi n’ani afi Jakobfi so mede me were behye ne mu. **18** Me ne mma a Awurade de wɔn ama me no ni. Yeye nsenkyerɛnne ne agyiraehyede wɔ Israel, na yefi Asafo Awurade a ɔte Sion Bepɔw so no nkyen. **19** Sɛ nnipa tu mo fo sɛ monkohu samanfrefo ne nnunsifo a wɔkasa aso mu na emu ntwɛ a, adɛn nti na wommmisa wɔn Nyankopɔn? Adɛn nti na mubisa ade wɔ awufo nkyen ma atasefo? **20** Sɛ wɔannyina mmara ne adanse yi so anka asem yi a, wunni adekyee mu hann. **21** Wɔde ahohiahia ne okɔm benantenantew asase no so; na sɛ wɔtɔ beraw a, wɔn bo befuw na wɔbɛma wɔn ani so adome wɔn hene ne wɔn Nyankopɔn. **22** Afei wobehwe asase no so, na wubehu ahohiahia ne sum a eye hu, na wɔde wɔn behyen sum kabii mu.

9 Nanso wɔn a na wɔwɔ ahohiahia mu no renni awerehow bio. Kan no obreɛ Sebulon ne Naftali nsase no ase, nanso daakye bi obehye Galilea a eye amanamanmufo man na ne kwan da Yordan ne po ntam no anuonyam. **2** Nnipa a wɔnam sum mu ahu Hann kese; wɔn a wɔte asase a so sum kabii no, hann bi apue wɔn so. **3** Woatreɛ ɔman no mu woama wɔn ani agye mmoroso wodi ahurusi wɔ w’anim senea nnipa di ahurusi otwabere, senea nnipa ho sɛpɛw wɔn wɔ bere a wɔrekye asade no. **4** Te sɛ da a Midian dii nkogu no, woadwerew konnua a ɛda wɔn so no, abaa a ɛda wɔn mmati, wɔn nhyesofo pema. **5** Okofo mpaboa a wohye de kɔ sa ne atade biara a mogya akeka mu, wobegyaw agu ho na woahyew; ebeye nea ema ogya dɛw. **6** Na wɔawo akokoaa ama yen, wɔama

yen obabarima, na amammui no beda ne mmati so. Na wobefre no ɔfotufɔ Nwonwani, Otumfo Nyankopɔn, Daa Agya, Asomdwoe Wura. **7** N’amammui no nkɔso ne N’asomdwoe betena ho daa. Obetena Dawid ahengua so abu N’ahenni, ɔde atentrenɛe ne treneeɛ befi ase na wama atim afi saa bere no akosi daa apem. Asafo Awurade mmɔdemmo beye eyi. **8** Awurade ama Yakob nkra a etia no, na ebeka Israel. **9** Nnipa no nyinaa behu, Ephraim ne wɔn a wɔtete Samaria a wɔde ahohoahoa ne ahomaso koma kasa no, **10** “Ntayaa no abubu agu fam nanso yede abo a wɔatwa beto bio. Wɔabubu borɔdɔma nnua no nanso yede sida besi anan mu.” **11** Nanso Awurade ahyɛ Resin atamfo den atia wɔn, na ahyɛ wɔn atamfo no nkuran. **12** Aramfo a wofi apuei fam, Filistifo a wofi atɔe fam, abue wɔn anom amene Israel. Nanso eyinom nyinaa akyi no ne bo nnwoo ɛ, na ne nsa da so wɔ soro. **13** Nanso nnipa no nsan nkɔɔ nea ɔtwee wɔn aso no nkyen, na wonhwehweɛ Asafo Awurade no akyi kwan nso. **14** Enti Awurade betwa eti ne dua afi Israel ho na berɛw ne demmire nso, ɔde da koro pɛ; **15** mpanyimfo ne akunini no ne eti no, na atoro adiyifo no ne dua no. **16** Wɔn a wɔkyere nnipa yi kwan no, nkyere wɔn okwan pa, na wɔn a wonya akwankyerɛ no nso, fom kwan. **17** Enti Awurade ani rennye mmerante no ho, na ɔrenhu ayisaa ne akunafo mmɔbɔ efise, obiara nni nyamesu na wɔye amumɔyɛfo, ano biara ka ahuhusem. Nanso eyinom nyinaa akyi no ne bo nnwoo ɛ, na ne nsa da so wɔ soro. **18** Nokware, atirimɔden hye te sɛ ogya; ehyew nnɛnkyense ne nsɔe, ɛde ogya to kwaeberentuw mu hyew no, na ɛnam wusiɛw kumɔnn mu foro kɔ soro. **19** ɛnam Asafo Awurade abufuw so, asase no bekɛn na nnipa beye mmabaa ama ogya no; na obiara remfa ne nua ho nkyɛ no. **20** Nifa so, wobefom aduan adi, nanso okɔm bede wɔn; benkum so wobedidi, nanso wɔremmee. Obiara bɛwe ne ba nam. **21** Manase bedan Ephraim na Ephraim adan Manase na wobebɔ mu atia Yuda. Nanso eyinom nyinaa akyi no ne bo nnwoo ɛ, na ne nsa da so wɔ soro.

10 Wonnue, wɔn a wohye mmara a ɛmfa ne kwan mu, wɔn a wohye mmara dennen a ɛde nhyeso ba, **2** de siw ahiafo ahofadi ho kwan, de atentrenɛe bo me nkurɔfo a wohye wɔn so no atirimɔden. Wɔma akunafo ye amanahunufo na wɔbɔ ayisaa korɔn. **3** Den na mobeye wɔ akontaabu da no, bere a amanehunu fi akyirikyiri reba? Hena nkyen na mubeguan akɔpɛ mmoa? Ehefa na mubegyaw mo ahode? **4** ɛrenka mo

hwee se mobefra nneduafo mu anaase mobetoto wɔ atɔfo mu. Nanso eyinom nyinaa akyi no ne bo nnwoo ε, na ne nsa da so wɔ soro. **5** “Nnome nka Asiriani no, m’abufuw abaa, nea okura m’abufuwwhyew pema no! **6** Mesoma no akɔ ɔman a wonnim Onyankopɔn so migya no kwan ma wakɔ nnipa a wohye me abufuw so se wonkogyee akorɔnne abran so na wonhuam afowde, na wontiatia wɔn so se dɔte wɔ mmɔnten so. **7** Nanso enye eyi ne nea ɔpe se ɔye enye eyi ne nea εwɔ n’adwene mu; ne botae ne se ɔbesee, se ɔde aman bebree beba wɔn awiei. **8** Na obisa se, ‘Ahemfo nyinaa nye m’asahene ana? **9** Kalno nyee se Karkemis ana? Hamat nte se Arpad na Samaria nte se Damasko ana? **10** Senea migyee ahoni ahenni ahorow abran so, ahenni a wɔn nsesode sen nea εwɔ Yerusalem ne Samaria no. **11** Merentumi ne Yerusalem ne ne nsesode nni, senea me ne Samaria ne n’ahoni dii no?” **12** Se Awurade wie n’adwuma a etia Bepɔw Sion ne Yerusalem nyinaa a, ɔbeka se, “Metwe Asiriahene aso wɔ ne komapirim ne n’ani a ensɔ ade no ho. **13** Efise ɔka se, “Mede m’ahooden na aye eyi, na mifi me nyansa mu, efise mewɔ nimdee. Meseee aman aman ahye, mefow wɔn ademude; mebreε wɔn ahemfo ase te se ɔbran. **14** Senea obi tee ne nsa hye berebuw mu no, saa ara nso na metee me nsa wɔ amanaman no ahonyade so; senea wɔtase nkesua a wɔagyaw ho no, saa ara na meboaboa amanaman no nyinaa ano; obiara ammɔ ne ntaban mu, na wammue n’ano ansu.” **15** Abonnua ma ne ho so tra nea ɔtow, anaase ɔwan hoahoa ne ho kyen nea ɔde no ye adwuma ana? Aye te senea abaa tumi dannan nea ɔmaa no so, anaase poribaa tumi hinhim nea ɔnye dua! **16** Afei Awurade, Asafo Awurade, de ɔyaredɔm bebo n’akofo ahoodenfo no; ne keseye mu wobefita ogya mu ama adew te se gyaframa. **17** Israel Hann no bedan ogya. Wɔn Kronkronni no beye ogya a edew; ɔde da koro behyew na wasεε ne nsɔε ne nnenkyense. **18** Ne kwae ne n’asasebere anuonyam no, εbesεε pasapasa te se ɔyarefo a ɔrefɔn. **19** Nnua a εbeka wɔ ne kwae mu beye kakraa bi a abofra betumi akyere ne dodow. **20** Da no, Israel nkae, Yakob fifo a wɔbeka no, remfa wɔn ho nto no so bio nea ɔbɔɔ wɔn hwee fam no; na mmom wɔde wɔn ho beto Awurade so nokware mu, Israel Kronkronni no. **21** Nkae bi besan aba, Yakob nkae bi besan aba Otumfo Onyankopɔn no nkyen. **22** Israel, εwɔ mu se wo nkurofo dɔɔso se mpoano nwea de, nanso nkae bi pe na wɔbesan. Wɔahye ɔsee ho mmara

dennen a ebebunkam so na etee. **23** Awurade, Asafo Awurade de ɔsee a wɔahye ho mmara ketee na εbeba asase no so nyinaa. **24** Enti see na Awurade, Asafo Awurade se, “Me nkurofo a mote Sion, munnsuro Asiriafo no, wɔn a wɔde mmaa hwe mo na wɔma kontibaa so tia mo, senea Misraim yee no. **25** Erenkye koraa m’abufuw a etia mo no ano bedwo na m’anibere beko wɔn see so.” **26** Asafo Awurade de mpire behwe wɔn, senea ɔbɔɔ Midian hwee fam wɔ Oreb ɔbotan ho no; na ɔbetee ne pema wɔ nsu no so, senea ɔyee wɔ Misraim no. **27** Da no wobeyi wɔn adesoa no afi wɔn mmati so wɔn konnua afi wo kɔn mu; wobubu konnua no efise woaye ɔbran yiye. **28** Wɔhyen Ayat; wɔfa Migron; na wokora wɔn nneema wɔ Mikmas. **29** Wɔfaa ɔtɛmpɔn no so, na woka se, “Yεbewen wɔ Geba anadwo yi.” Rama ho popo; Saulo kurow Gibe nso guan. **30** Tee mu, Galim Babea! Tie, Laisa! Anatot Mmɔborɔni! **31** Madmena reguan; Gebimfo kɔtetεw. **32** Nne ara wobegyina wɔ Nob; wobehim wɔn nsa wɔ ɔbabea Sion bepɔw no so, wɔ Yerusalem koko no so. **33** Hwe, Awurade, Asafo Awurade no, ɔde tumi keεε betwitwa dua mman no. Wobebubu nnua atenten no agu fam nea εwowareε no beba fam. **34** ɔde abbonua betwitwa kwaedɔto agu fam Lebanon behwe ase wo ɔkese no anim.

11 Dua foforo bi befifi wɔ Yisai dunsin ho; efi ne ntin mu na Dubaa bi besow aba. **2** Awurade Honhom betena ne so, nyansa ne ntease Honhom, afotu ne tumi Honhom, nimdee ne Awurade suro Honhom, **3** Na n’ani begye wɔ Awurade suro mu. Enye nea ɔde n’ani hu so na obegyina abu aten, anaa nea ɔde n’aso bete so na obegyina asi gyinae; **4** na mmom ɔde trennee bebu mmɔborɔfo aten, ɔde atɛntrennee besi gyinae ama asase so ahiafo. ɔde n’ano abaa na εbebo asase; ɔde n’anofafa home bekunkum amumɔyεfo. **5** Trennee beye n’abɔso na nokwaredi aye n’abɔso. **6** Pataku ne ogamma betena, ɔsebo ne abirekyi beda, nantwi ba ne gyata ne ne ba bebo mu; na abofra ketewa bi adi wɔn anim. **7** Nantwi ne sisi bebo mu adidi, wɔn mma bededa faako, na gyata bewε wura te se nantwi. **8** Akokoaa bedi agoru aben ɔprammiri amoa ano, na abofra ketewa de ne nsa ahye ahurutoa bon mu. **9** Wɔrenye obi bɔne na wɔrensee ade wɔ me bepɔw Kronkron nyinaa so, na Awurade ho nimdee beye asase so ma senea nsu aye po ma no. **10** Na da no, Yisai aseni besɔre; nea ɔbesɔre abedi aman aman no so; ɔno na wɔn ani beda ne so, na n’ahomegyebea benya

anuonyam. **11** Saa da no, Awurade bema ne nsa so ne mprenu so de agye ne nkurɔfo a wɔaka afi Asiria, Misraim anafo fam, Misraim atifi fam, Kus, Elam, Babilonia, Hamat ne Po so asupɔw. **12** Ɖbema frankaa so ama aman no na wɔaboaboa Israelfo a wɔatwa wɔn asu no ano; Ɖbeboaboa Yudafo a wɔahwete no ano afi asase ntwea anan no so. **13** Efraim anibere betu ayera, na wɔbeseɛ Yuda atamfo. Efraim ani remmere Yuda bio, na Yuda nso rentan Efraim ani. **14** Wobetwiw afa Filistia asiansian ahorow no so ako atɔe fam; na wɔbebo mu afow nnipa ako apuei fam. Wɔbefa Edom ne Moab, na Amonfo behye wɔn ase. **15** Awurade bema nsu a ɛwɔ Misraim Po no mu ayow korakora; ɔbema ne nsa mu mframa a mu ye hyew abɔ afa Asubɔnten Eufate so. Ɖbeɔpaape mu aye no nsuwansuwa ason senea ebeye a obiara betumi ahye mpaboa atwa. **16** Ɖtempɔn bi beda ho ama ne nkurɔfo nkae a wɔaka Asiria, senea bi daa ho maa Israel bere a wofi Misraim bae no.

12 Saa da no, wobeka se: “Mekamfo wo, Awurade! Ɛwo mu wo bo fuw me de, nanso afei w’abufuw ano adwo. Na woakyekye me were. **2** Nokware, Onyankopɔn ne m’agenkwa; mede me ho beto no so, na merensuro. Awurade, Awurade ne m’ahɔɔden ne me dwom; na wabeye me nkwaɔye.” **3** Wode anigye besaw nsu afi nkwaɔye mmura mu. **4** Saa da no wobeka se, “Da Awurade ase, bo ne din ma amanaman nhu nea waye, na pae mu ka se wɔama ne din so. **5** To dwom ma Awurade, efise, waye nea ɛwo anuonyam bebre. Da eyi adi kyere wiase nyinaa. **6** Momma mo nne so nto dwom anigye so mo a mowɔ Sion, efise Israel Kronkronni a ɔte mo mu no ye ɔkese.”

13 Amos babarima Yesaia adehu a efa Babilonia ho ni: **2** Ma frankaa so wo bepɔw a hwee nni so no atifi, tee mu fre wɔn: nyama wɔn ma wɔnhyen atitiriw no apon mu. **3** Mahye m’ahotewfo; mafre m’akofo se wɔnna m’abufuwhyew adi, wɔn a wodi me nkonimdi ho ahurusi. **4** Tie huuye bi a ɛwo mmepɔw no so te se dom kese bi de! Tie akasakasa a ɛwo ahenni ahorow mu, te se amanaman a woreboaboa wɔn ho ano! Asafo Awurade reboa dom ano ako ɔko. **5** Wofifi akyirikyiri aman so, wofifi ɔsoro ahye so, Awurade ne n’akode a eye n’abufuwhyew; beseɛ ɔman no nyinaa. **6** Twa adwo, na Awurade da no aben; ebɛba te se ɔsee a efi Otumfo no. **7** Eyi nti, nsa nyinaa bedwudwo, obiara koma bebotow. **8** Wɔbebo hu, ɔyaw ne apinisi bekita

wɔn; wobebubu wɔn mu te se ɔbea a awo aka no. Wode ahodwiriw behwe wɔn ho wɔn ho anim, a wɔn ani asoso gya. **9** Hwe, Awurade da no reba da bone a abufuw ne abufuwhyew wo mu, erebeseɛ asase no na asɛe abonefo a wote so no. **10** Ɖsoro nsoromma ne wɔn akuw renhyeren. Sum beduru owia a erepue na ɔsram nso renhyeren. **11** Metwe wiase aso, ne bone nti, ne amumɔyefo wo wɔn nnebone ho. Metwa ahantanfo ahomaso so mebre nea odi awurukasem no ahantan ase. **12** Mema onipa ho aye na asen sika kɔkɔ ankasa ɔbesen Ofir sikakɔkɔ. **13** Enti mema ɔsoro awosow; na asase ahinhim wo ne sibe a wo Asafo Awurade abufuwhyew ano n’abufuwhyewda no. **14** Te se ɔwansan a ɔbommɔfo rehwehwe no akum no, te se nguan a wonni ohwefo, obiara beko ne nkurɔfo mu, obiara begun ako n’asase so. **15** Obiara a wɔbefa no dedua no, wobehwirew no afoa akum no; wɔn a wɔbekyere wɔn no nyinaa betoto wo afoa ano. **16** Wobetotow nkokoaa ahwehwe fam wo wɔn anim: wɔbefom wɔn afi mu nneema na wato wɔn yerenom mmomma. **17** Hwe mehwanyan Mediafo atia wɔn, wɔn na wɔmfa dwete nye hwee na wɔn ani nnye sikakɔkɔ ho. **18** Wɔn tadua beboɔ mmerante ahwehwe fam; wɔrenhu nkokoaa mmobo na wɔrennya ayamhyehye mma mmofra. **19** Babilonia, ahenni ahorow mu ɔbohema, anuonyam a Babiloniafo de hoahoa wɔn ho no Onyankopɔn bedan abutuwo te se Sodom ne Gomora. **20** Nnipa rentena ho bio awo ntoatoaso nyinaa mu; Arabni biara rensi ne ntamadan wo ho oguanhwefo biara remfa ne nguan nkohome wo ho. **21** Nanso sare so mmoa beda ho. Sakraman beye n’afi no mu ma; ho na mpatu betena, ho na wura mu mmirekyi nso bedi agoru. **22** Mpataku betena n’abandennen mu, adompo beye n’ahemfi fefe no mu ma. Ne bere aso, na wɔrentwe ne nna mu.

14 Awurade behu Yakob mmobo; ɔbesan afa Israel na ɔbebo wɔn atenase wo wɔn ankasa asase so. Ananafo beba abeka wɔn ho na wone Yakobfi aka abo mu. **2** Amanaman befa wɔn de wɔn aba wɔn ankasa atena. Na Israelfi befa amanaman no aye wɔn de se nkoa ne mfenaa wo Awurade asase so. Wɔbeyew wɔn a woyee wɔn nnommumfo no nnommum na wobedi wɔn sohwefo so. **3** Na da a Awurade bema mo ohome afi amanehun, ahoyeraw ne nkoasom dennen mu no, **4** mubedi Babiloniahene ho few se: hwe senea sohyefo no aba n’awie! ne senea n’abufuw nso to atwa! **5** Awurade abubu otirimɔdenfo no abaa mu, sififo

ahempema no, 6 nea abufuw mu no ode boboo won toatoaa so hwehwee fam, na abufuwhyew mu otintim won so a ahomegye nni mu de breɛ amanaman no ase no. 7 Nsase no nyinaa rehome wo asomdwoe mu; na woto dwom. 8 Mpo, opepaw nnua ne Lebanon sida nya ho anigye na woka se, “Afei a wɔabrɛ wo ase yi, duatwafo biara remmetwa yen.” 9 Awufo nna a ewo ase no rekeka ne ho abehyia wo kwan; ekanyan won a wɔafi mu no honhom se wommema wo akwaaba, won a na woye akannifo wo wiase ema wosore fi won nhengua so, won a na woye ahemfo wo amanaman so. (Sheol h7585) 10 Won nyinaa begye so, wobeka akyerɛ wo se, “Wo nso woaye mmerɛw se yen; woaye se yen ara.” 11 Wo keseye nyinaa wode aba oda mu, ne huuye a efi wo asanku no; wode nsammoma asew kete ama wo na asunson akata wo so. (Sheol h7585) 12 Senea wufi osoro abehwe fam, anɔpa nsoromma, adekyee babarima! Wato wo abehwe asase so, wo a na kan no wobɛ amanaman ase! 13 Wokaa no wo koma mu se, “Meforo ako osoro; mema m’ahengua so asi Onyankopon nsoromma atifi; metena ase adi hene wo ahyiae bepɔw so, nea ekoron pa ara wo bepɔw kronkron no so. 14 Meforo atra omununkum atifi; meye me ho se Osorosoron no.” 15 Nanso wode wo abeto oda mu, amoa donkudonku ase tɔnn. (Sheol h7585) 16 Won a wuhu wo no hwe wo haw, wodwen nea ato wo no ho bisa se, “Enye obarima a ɔwosow asase na ɔmaa ahenni ho popoe, 17 obarima a ɔmaa wiase dan nweatam, nea ɔdan ne nkuropon butuwii na wamma ne nneduafɔ ankɔ won nkyi no ni?” 18 Amanaman ahemfo no nyinaa wɔadeda won obiara wo ne da mu. 19 Nanso wɔapam wo afi wo da mu te se dubaa a wɔapo; wode won a wɔatoto akata wo so, won a wɔtɔ wo afoa ano, won a wosian ko abo amoa mu, te se funu a wɔatiatia so, 20 Wɔrensie wo nka won ho, efise wasee w’asase na wakunkum wo nkurofo. Otirimodenfo asefo no wɔrenkae won bio. Wo babarima renni w’ade se ohene. 21 Siesie faako a wobekunkum ne mmabarima wo won agyanom bone nti; ense se wosore di asase no so na wode won nkuropon pete so. 22 “Mesore atia won,” Senea Asafo Awurade se ni. “Metwa ne din ne ne nkae, ne mma ne ne nenanom afi Babilonia ho,” senea Asafo Awurade se ni. 23 “Medan no aye faako a mpatu wo ne ɔwora; mede ɔseeprae bepra no,” senea Asafo Awurade se ni. 24 Asafo Awurade aka ntam se, “Nokware, senea mahyehye no, saa ara na ebeye, na senea masusuw

no, ɛrensese. 25 Mesee Asiria pasaa wo m’asase so; metiatia no so me mmepɔw so. Obeyi ne konnua afi me nkurofo so, na n’adesoa nso afi won so.” 26 Eyi ne nhayehye a woye ama wiase nyinaa; eyi ne nsa a wateɛ wo aman nyinaa so. 27 Na se Asafo Awurade aye n’adwene a hena na obesiw no kwan? Na se watee ne nsa, hena na obesianka no? 28 Saa adehu yi baa afe a ohene Ahas wui no: 29 Munni ahurusi, mo Filistifo, se abaa a ebɔ mo no mu abubu; saa ɔwo no ase na ahurutoa befi aba, na n’aba beye ɔwo a ne ho ye hare na n’ano wo bore. 30 Ahiafo mu hiani benya didibea, na mmaboroni beda asomdwoe mu. Nanso w’asefo de, mede ɔkam betore won ase; ebekunkum wo nkae no. 31 Twa adwo, kurow pon! Su tee mu kuropon! mungan, mo Filistifo! Wusiw kumonn bi fi atifi fam reba, na obiara ntwentwen ne nan ase wo won mu. 32 Mmuae ben na wode bema saa ɔman no ananmusifo? “Awurade de Sion atim ho, ne mu na n’amanahunufo benya guankɔbea.”

15 Adehu a efa Moab ho: Wasee Ar a ewo Moab Da koro anadwo bi, wasee Kir a ewo Moab da koro anadwo bi! 2 Dibon foro ko n’asoredan mu, ɔko ne soronsorommea kosu; Moab twa adwo wo Nebo ne Medeba ho. Woyi eti biara so nwi na abogyese biara nso wɔatwitwa. 3 Wofurafura atweaatam wo mmonten so; wo adan atifi ne ɔman ahyiae won nyinaa retwa adwo, wɔdɛda fam na wosu. 4 Hesbon ne Eleale tee mu su, wote won nne kodu Yahas noho. Enti Moab mmarima akofo tee mu su, na wobotobotow. 5 Midi Moab ho awerehow wo me koma mu; n’aguanfo guan kodu Soar, ne Eglat Selisiya. Woforo ko Luhit, wareko nyinaa na woresu; Horonaim kwan so nso wodi won see ho awerehow. 6 Nimrim nsuwansuwa ayoyow na sare no ahyew afifide nyinaa ayera na enkaa wura biara a eye amono. 7 Enti ahonyade a wape agu ho no wɔsoa de kotwa mpampuro bon. 8 Won nkekawmu gyigyɛ wo Moab ahye so; won agyaadwotwa kodu Eglaim na won abubuwbɔ kodu Beer Elim. 9 Dimon nsu aye mogya nko ara nanso meko so ne no adi gyata beba Moab aguanfo so ne won a wobeka asase no so no so.

16 Momfa nguantenmma se sonkahiri nkoma asase no sodifo, efi Sela fa nweatam no so, koka Obabea Sion bepɔw no so. 2 Te se nnomaa a wɔaka won afi berebuw mu na wotu nenam wim no saa na Moabfo mmea te wo Arnon asutwabea. 3 Moab ka se, “Munsi

mo adwene pi, monna mo gyinaesi adi. Monye mo sunsuma se anadwo, awia ketee. Momfa aguanfo no nhintaw munnyi atubrafo no mma. 4 Momma Moabfo aguanfo no ne mo ntena; monye won bammɔ wɔ ɔsefo no ho.” Ɔhyesoni no beba n’awie na adesee to betwa; opoobofo no beyera wɔ asase no so. 5 Ɔɔɔ mu na Onyankopɔn besi ahengua bi; ɔbarima bi de nokwareɔ betena so, obi a ofi Dawid fi, nea atemmu mu no ɔpe atentreneɔ na ɔntwentwen adetreneeye ho. 6 Yeate Moab ahantan a ɔye, n’ani a atra ne ntɔn mmoroso, n’ahomaso ne n’asooden nanso hwee nni n’ahomaso no mu. 7 Enti Moabfo twa adwo, wɔbɔ mu su ma Moab. Wodi awerehow na wɔbɔ abubuɔ, ma Kir Hereset bobe aba ɔfam. 8 Hesbon mfuw no hyew, Sibma bobe mfuw nso saa ara. Aman sodifo no atiatia bobe papa no so, nea kan na wɔde kɔ Yaser na etretrew kɔ nweatam so no. Won mman tretrew kɔka mpoano pɛɛ. 9 Enti misu senea Yaser su, de ma Sibma bobe mfuw. Hesbon ne Eleale, mede misu fɔw mo! Mo aduaba a abere ho ahurusi ne otwabere de no aka. 10 Ahosepew ne anigye nni mfikyifuw no mu; obiara nto dwom, na ɔntetee mu wɔ bobeturo mu; obiara nkyi nsa wɔ nsakyiamoa so, efise mede nteetee mu aba n’awiei. 11 Misi apini wɔ me koma mu wɔ Moab ho te se sankuten so kwadwom; na me yam hyehye me ma Kir Hereset. 12 Se Moab kɔ ne sorɔnsorɔmmɛa a ɔhaw ne ho kwa; se ɔkɔ n’abosonnan mu kɔbɔ mpae a, erenkosi hwee. 13 Eyi ne asem a Awurade aka dedaw afa Moab ho. 14 Nanso mprenpren Awurade ka se, “Mfe abiesa mu, senea akoo a nhyehyee kyekyere no no bebu nna no, wobebu Moab anuonyam ne ne nkurofo dodow no nyinaa animtiaa, na ne nkae no beye kakraa bi a wonni ahooden.”

17 Nkɔmhye a efa Damasko ho: “Hwe, Damasko renye kuropon bio ebedan aye nnwiriwii siw. 2 Aroer nkuropon bedan amamfo na wɔagyaw ama nguankuw ama wɔadedɔ ho, a obiara renyi won hu. 3 Kuropon a wɔabɔ ho ban beyera wɔ Efraim, adehyetumi nso befi Damasko; Aram nkae beye Israelfo anuonyam,” Senea Asafo Awurade se ni. 4 “Da no Yakob anuonyam bepa; na ne mu sraɔde besa. 5 Ebeɔye senea nnɔbaetwafo twa aburoɔw a egyina afuw so na ɔde ne nsa penpan, se bere a obi redi mpepɛwa wɔ Refaim Bon mu. 6 Nanso mpepɛwa no mu bi beka, senea wɔwosow ngodua a eye no, eka aba no abien anaa abiesa wɔ atifi mman no so, ne anan anaa anum wɔ mman a eso no so,” senea Awurade, Israel

Nyankopɔn se ni. 7 Saa da no, nnipa de won ani beto won Yefo so na wɔadan won ani ahwe Israel Ɔkronkronni no. 8 Wɔremfa won ho nto afɔremuka a eye won nsa ano adwuma no so, na wobebu Asera nnua ne nnuhuam afɔremuka a wɔde won nsateaa aye no animtiaa. 9 Da no won nkuropon a ewɔ bammɔ dennen, a Israelfo nti wogyaw ho no, beye se mmeaemmeaɛ a wɔagyaw ama nnɔtɔ ne nwura. Ne nyinaa beda mpan. 10 Mo were afa Onyankopɔn, mo Agyenkwa, na monkaee Ɔbotan no, mo abandennen no. Enti ewɔ mu se mope nnua papa na mudua bobe a moatɔ afa amannɔne, 11 ewɔ mu, da a muduae no, moma enyini anɔpa a muduae no, moma eguu nhwiren, nanso otwa no renye hwee se ɔyare ne ɔyaw a wontumi nsa. 12 Nnome nka aman dodow a wohuru so no, wohuru so te se po a erebɔ asorokye! Nnome nka nnipa dodow a wɔworo so, wɔworo so se asu akese! 13 Ewɔ mu, nnipa dodow woro so te se, asu a eresɛn mmirika so, se ɔka won anim a woguan kɔ akyirikyiri, te se ntete a mframa bɔ gu wɔ bepɔw so te se nweatam so nwura a mframaden rebɔ no. 14 Anwummere, wɔbɔ yen hu awerefiri mu ansa na ade bekye no na wɔkɔ dedaw! won a wɔfow yen nneɛma, ne won a wɔbɔ yen korɔn kyefa ni.

18 Due asase a ntaban nnyigyei wɔ so wɔ Kus nsubɔnten ho, 2 ɔsoma ananmusifo a wonam po so wɔde paparɔso akorow fa nsu ani. Monkɔ, asomafo ahooharefo, monkɔ nnipa a wɔwɔware na won honam ye trontrom, nnipa a won ho ye hu wɔ mmaa nyinaa, anuɔdenfo man a yente won kasa, na nsubɔnten akyekye n’asase mu no nkyen. 3 Mo wiasefo nyinaa, mo a motete asase so, se wɔma frankaa so wɔ bepɔw no so a, mubehu se wɔhyen torobento a, mobete. 4 Sɛɛ na Awurade ka kyere me, “Metena m’atenae, na mahwe biribiara dinn. Mɛye dinn te se owia a erebɔ, te se bɔ a esi wɔ otwabere mu.” 5 Ennya nnuu twabere, a nhwiren bere atwam no na nhwiren no anyin adan bobe no, wɔde asosɔw betwitwa mman no, wobetwitwa mman a eredennan no ako. 6 Wobegyaw won nyinaa ama bepɔw so nnomaa a wokum mmɔa we ne wuram mmɔa; nnomaa no bedi won nam wɔ ahuhuru bere mu. Wuram mmɔa bewɛ won nam wɔ awɔw bere mu. 7 Saa bere no, wɔde akyede bebɛɛ Asafo Awurade ebefi nnipa a wɔwɔware na won honam ye trontrom ho, nnipa a won ho ye hu wɔ mmaa nyinaa, anuɔdenfo man a yente won kasa, na

nsubonten akyekye n'asase mu, wode akyede beba Sion Bepow so, faako a Asafo Awurade din atim no.

19 Nkomhye a efa Misraim ho: Monhwe! Awurade nam ahoohare omununkum mu na oreba Misraim. Misraim ahoni ho popo wo n'anim, na Misraimfo koma botow wo won mu. **2** "Mema Misraimfo atwa won ho ako, onua beko atia onua, oyonko atia oyonko, kuropon atia kuropon, ahenni atia ahenni. **3** Misraimfo no rennya abodwo, na mema won nhyehyee aye okwa. Wobeko abisa wo ahoni, ne awufo ahonhom, samanfrefo ne nkonyaayifo nkyen. **4** Mede Misraim behye owura tirimuodenfo tumi ase, na ohene a oye keka bedi won so," senea Asafo Awurade se ni. **5** Nsubonten mu nsu beyow, na konkon bewo aye wosee. **6** Nsuka beyi hua; na nsuwa a ewo Misraim betwe na ayow. Demmire ne sare bekisakisa, **7** Nil nsunoo nnuu nso, nea ewo asubonten no aboe no. Nil nsunoo so mfuw nyinaa bewo wosee na awu koraa. **8** Apopofonyinaa besi apini atwa adwo, won a woto darewa wo Nil mu nyinaa; won a wogu asau wo nsu no so bedi awerehow. **9** Won a wode asaawa ye adwuma aba mu bebu, won a wonwen nwera no anidaso besa. **10** Won a woye ntama ho adwuma beye mmobo na won a wogye akatua nyinaa koma bebotow. **11** Soan adwumayefo nka hwee se nkweiseafo; Farao agyinatufu anyansafo ma afotu bone. Ebeye den na woaka akyere Farao se, "Meye anyansafo no mu baako, tete ahemfo no kyidifo?" **12** W'anyansafo no wo he afei? Ma wonkyere wo na ma wonhu nea Asafo Awurade ahyehye atia Misraim. **13** Soan adwumayefo abeye nkweiseafo, wadaadaa Memfis akwankyerefo ne nnipa no ntuanoo ama Misraim afom kwan. **14** Awurade ahwie anisobiri honhom agu won mu; woma Misraim to ntintan wo biribiara a oye mu, te se nea osabowfo to ntintan wo ne fe ho no. **15** Biribiara nni ho a Misraim betumi aye, se eti anaa eto, abe anaa demmire. **16** Saa da no, Misraimfo beye se mmea, Asafo Awurade nsa a wama so atia won no bema won abo hu na won ho apopo. **17** Na Yuda asase no bema Misraimfo abo hu, obiara a obete Yuda din no besuro, esiane nea Asafo Awurade rehyehye atia won nti. **18** Saa da no, Misraim nkurapon anum beka Kanaan kasa na woaka Asafo Awurade ntam. Wobefre won mu obaako se Osee Kuropon. **19** Saa da no, wobesi aforemuka wo Misraim mfimfini ama Awurade, na woasi nkaedum wo ne hye so nso ama Awurade. **20** Ebeye nsenkyerenne ne adansede ama Asafo Awurade wo Misraim asase so. Se won nhyesofo

nti wosu fre Awurade a, obesoma ogyefo ne bammoni, na obegye won. **21** Enti Awurade beda ne ho adi akyere Misraimfo, na saa da no wobehu Awurade. Wode afoebo ne nnuan besom, wobehye Awurade bo, na woadi so. **22** Awurade de oyaredom bebo Misraim; ode bebo won na wasa won yare. Wobedan ako Awurade nkyen, na obetie won sufre, na wasa won yare. **23** Saa da no, otempon befi Misraim ne Asiria. Asiriafo beko Misraim na Misraimfo ako Asiria. Misraimfo ne Asiriafo bebo mu asom. **24** Saa da no Israel beto Misraim ne Asiria so se abiesa, a aye nhyira wo asase so. **25** Na Asafo Awurade behyira won, aka se, "Nhyira nka Misraim, me nkurofo, Asiria me nsa ano adwuma ne Israel m'agyapade."

20 Afe a Asiriahene Sargon somaa ne man no sahene koo Asdod kotow hyee no so na odii ne so nkonim no, **2** saa bere no Awurade faa Yesaia, Amos babarima so kasae se, "Yi atweaatam no fi wo ho ne mpaboa no fi wo nan ase." Oye saa de adagyaw a n'anan nso sisi fam dii akoneaba. **3** Na Awurade kae se, "Senea me somfo Yesaia de adagyaw anantew mfe abiesa a n'anan nso sisi fam yi de, aye ohaw nsenkyerenne a etia Misraim ne Kus no, **4** saa ara na Asiriahene bedi Misraim nneduafo ne Kus nnommum a wodeda adagyaw na won nan sisi fam, mmabun ne mpanyin a won to deda so no anim, de agu Misraim anim ase. **5** Won a wode won ho too Kus so, na wode Misraim hoahoa won ho no besuro na won ani awu. **6** Saa da no nnipa a wotete mpoano ha beka se, 'Monhwe asem a ato won a yede yen ho too won so no, won a yeguan koo won nkyen kopee mmoa se wobegye yen afi Asiriahene nsam no! Yebeye den na yeaguan?"

21 Nkomhye a efa Nweatam a eda Po ho no ho: Te se mfete a ebo fa anafo fam asase so no, otamfo bi fi nweatam so reba, ofi asase a eye ahuabobrim so. **2** Wode adaeso a eye nwonwa akyere me: Ofatwafu di huammo, ofomfo fa asade. Elam tow hye so! Media bo pampim! Mede apinisi a ode bae no nyinaa beba awiei. **3** Eyi ama oyaw bi abehye me mu, oyaw aka me, te se obea a awo aka no; nea metee no nti mintumi nnyina me nan so, nea mihi no ama me ho adwiriw me. **4** Me koma bo kitirikitiri, ehu ma me ho popo; na hann a mepere se mihi no abeye aninyanne ama me. **5** Woto pon, wode kuntu akete sesew fam, wodidi, na wonom! Monsore, mo asraafo mpanyimfo, momfa ngo nsrasra mo akatabo ho! **6** See na Awurade ka kyere

me: “Fa ɔwɛmfɔ kogyina ho na ɔnka nea ohu nkyere wo. 7 Se ohu nteaseɛnam ne aponko akuwakuw, won a wɔtete mfurum so ne won a wɔtete yoma so a, ɔnwen n’aso, nwen no pa ara.” 8 Na ɔwɛmfɔ no tee mu se, “Me wura, da biara migyina ɔwen aban no so Anadwo biara, migyina ho. 9 Hwe, ɔbarima bi a ɔte teaseɛnam mu na ɔreba yi ɔne aponko dom. Na ɔwɛmfɔ no kae se, ‘Babilon ahwe ase, wahwe ase! N’anyame ne n’ahoni nyinaa abubu agu fam!’” 10 Ao, me nkurofo a, wɔadwerew mo wɔ awiporowbea ase meka nea mate kyere mo nea efi Asafo Awurade, nea efi Israel Nyankopon ho. 11 Adehu a efa Duma ho: Obi fre me fi Seir, “Ɔwɛmfɔ, bere ben na ade bekye? Ɔwɛmfɔ, aka nnɔnhwerew ahe ansa na ade akye?” 12 Ɔwɛmfɔ no bua se, “Ade rekye, nanso ade besa. Se wubebisa bio a san bra bebisa.” 13 Adehu a efa Arabia ho: Mo Dedan akwantufo a mosoe wɔ Arabia adɔto ase, 14 Momfa nsu mmre won a osukom de won; mo a motete Tema, mommre aguanfo no aduan. 15 Woguan fi afoa a watwe tadia a wɔakuntun mu ne ɔko a egyna mu ano. 16 See na Awurade ka kyere me, “Afe baako mu, senea ɔsomfo a waye nhyehyee bebubu nna no, Kedar keseye to betwa. 17 Na agyantowfo a wɔbeka ne Kedar akofo beye kakraa bi.” Nea Awurade, Israel Nyankopon, aka ni.

22 Nkɔmhye a etia Anisoadehu Bon no: Den na ehaw mo mprempren, a mo nyinaa aforo ko adan atifi yi, 2 kurow a basabasaye ahye no ma, huuye ne ahoseɛpɛw kuropon? Enye afoa ano na w’atɔfo hweree won nkwa, na wɔanwuwu wo ɔko ano nso. 3 Mo akannifo nyinaa abo mu aguan; wɔamfa tadia ankyekye won. Mo a wokyeree mo nyinaa wɔfaa mo nneduafo mo a muguan wo bere a na atamfo no wo akyirikyiri. 4 Enti mekae se, “Mumfi me so na mintwa adwo. Monnkyekye me were wo me nkurofo see ho.” 5 Awurade, Asafo Awurade wo da bi ma huuye, ntiatiaso ne ehu wo Anisoadehu Bon no mu, da a wode bubu afasu na wode su kyere mmepɔw. 6 Elam fa bemma no ka ne nteaseɛnamkafo ne aponko ho; Kir ama kyem no so. 7 Nteaseɛnam aye mo bon fefe no ma, na wode aponkosotefo agyinyagyna kuropon apon no ano. 8 Wɔayi Yuda ho bammɔ no. Na da no wode w’ani too akode a ewo Kwae mu Ahemfi no so; 9 wuhuu se Dawid Kuropon no, akwan bebree deda ne bammɔ mu woboa nsu ano wo Ase Abura mu. 10 Wokan adan a ewo Yerusalem no na wudwiriw afi de boaa ofasu no ahooden. 11 Woyee nsukorae wo afasu abien

no ntam maa nsu a ewo Abura Dedaw mu no, nanso woanhwehwe Onipa ko a ɔyee, na woammu Onipa a ɔhyehyee dedaada no. 12 Awurade, Asafo Awurade, free wo saa da no se su na twa adwo, se yi wo tinwi na fura atweaatam. 13 Nanso hwe, anigye ne ahoseɛpɛw wo ho; wokunkum anantwi ne nguan; wowe nam na wobow nsa! Woka se, “Momma yennidi na yennom, efise, ɔkyena yebewu!” 14 Awurade, Asafo Awurade ayi me asotiw se, “Wɔremfa saa bone yi nkye wo da kosi wo wuda,” senea Awurade, Asafo Awurade se ni. 15 See na Awurade, Asafo Awurade se, “Ko, koka kyere saa ɔsomfo yi, Sebna a, ɔhwe ahemfi no so se, 16 Den na woreye wo ha na hena na ɔmaa wo kwan se bo wo da wo ha, worebo wo da wo baabi a ekoron na woretwa wo homebea wo ɔbotan mu? 17 “Hwe yiye, na Awurade rebeso wo mu den atow wo akyene, wo ɔhoodenfo. 18 Ɔbebobow wo, ama woaye kurukuruwa, na watow wo akyene ɔman kese bi so ho na wubewu na wo teaseɛnam fefe no aka ho, wo a woye ahohora ma wo wura fi! 19 Megye w’adwuma afi wo nsa mu na wɔayi wo afi wo dibeaa so. 20 “Saa da no, mɛfre me somfo Eliakim a ɔye Hilikia babarima. 21 Mede w’atade yuu behye no na mede w’abɔso abebare n’asen mu na mede wo tumi ahye ne nsa. Ɔbeyee agya ama won a wɔtete Yerusalem ne Yuda fi. 22 Mede Dawid fi safe bema no; nea obebue no obiara rentumi nto mu; na nea ɔbeto mu nso a obiara rentumi mmue. 23 Mebo ne so se pee ama watim, ɔbeyee anuonyam agua ama n’agya fi. 24 N’abusua anuonyam nyinaa begyna ne so: n’asefo ne ne nenanom, ne nkuku ne nkaka, fi nsanka, mprete so kosi nhina nyinaa so. 25 “Saa da no,” senea Asafo Awurade se ni, “pee a wɔabo so ama atim no, betu ahwe fam na n’adesoa no nso ase, Awurade, akasa!”

23 Nkɔmhye a efa Tiro ho: Tarsis ahyen, muntwa adwo! Efise wɔasee Tiro na wɔannyaw no ofi anaa hyengyinabea. Wufi Kipro asase so abeka asem akyere won. 2 Monye komm, mo nnipa a mowɔ supɔw no so ne mo Sidon aguadifo a po so adwumayefo ama mo aye adefo. 3 Nsu akese no so na aduan fi Sihor nam bae; Nil ho nnɔbae na eyee Tiro foto, na ɔbeyee amanaman aguadibea. 4 Animguase nka wo, Sidon, ne wo, po so abandonnen, efise po akasa se, “Menkyemee da, na menwoo da; mentetew mmabarima anaa mmabea da.” 5 Se asem no du Misraim a, wobedi yaw wo nkra a efi Tiro no ho. 6 Muntwa nko Tarsis;

muntwa adwo, mo a mowɔ supɔw no so. 7 Eyi ne mo ahosɛpɛw kuropon no, teteete kuropon no, nea wɔatu akɔtena akɔtena akɔtena nase so no ana? 8 Hena na ɔbɔ atirimpɔw yi de tiaa Tiro, nea ɔkyekye ahenkyew, nea n'aguadifo ye ahenemma, na n'adetɔnfo agye din wɔ asase so? 9 Asafo Awurade na ɔbɔ ne tirimpɔw se, ɔbebre anuonyam mu ahomaso ase na wabre wɔn a wɔagye din wɔ asase yi so nyinaa ase. 10 Ye w'asase so adwuma te senea woye wɔ Nil ho no Tarsis Babea, efise wunni hyengyinabea bio. 11 Awurade ama ne nsa so wɔ po no so ama ahenni ahorow a ewɔ ho no repopo. Wahye Kanaan ho mmara se, wɔnsɛ n'aban. 12 ɔkae se, "W'ahurisidi no nso ha ara, Sidon Babea ɔbabun a wɔadwerew wo! "Sɔre, twa kɔ Kipro; ho mpo worennya ahotɔ." 13 Monhwe Babiloniafo asase no saa nnipa a mprenpren wɔnka hwee no! Asiriafo aye no baabi a nweatam so mmɔa te; wosisi wɔn anotua aban bebre, wodwiriw n'aban gui ma ɛdan nnwiriwii. 14 Muntwa adwo, Tarsis ahyen; wɔasee w'aban! 15 Saa bere no wɔrenkae Tiro mfe aduɔson a eye ɔhene nkwan. Nanso mfe aduɔson akyi no, nea ɛbeto Tiro no beye senea ewɔ oguamanfo no dwom mu no: 16 "Ma sankuten no so, pase fa kuropon no mu, oguamanfo a wɔnnkae wo; bɔ sankuten no yiye, to nnwom bebre, senea wɔbekae wo." 17 Mfe aduɔson akyi, Awurade ne Tiro bedi. ɔbesan akodi ne paa se oguamanfo na ɔne ahenni a ewɔ asase so nyinaa adi gua. 18 Nanso nea obenya ne ne mfaso nyinaa wɔde beto ho ama Awurade; wɔremmoaboa ano na wɔremfa nsie. Ne mfaso no beko wɔn a wɔsom wɔ Awurade anim no nkyen, na wɔanya aduan bebre ne ntade pa.

24 Hwe, Awurade rebɛma asase ada mpan na wasɛe no; ɔbesɛe asase ani na wabɔ sotefo ahwete, 2 ɛbeyɛ saa ara ama ɔsafo senea ɛbeyɛ ama nnipa, ama owura senea ɛbeyɛ ama asomfo, ama awuraa senea ɛbeyɛ ama afenaa, ama nea ɔton senea ɛbeyɛ ama nea ɔto, ama nea ogye bosea senea ɛbeyɛ ama nea ɔma bosea, ama ɔkafo senea ɛbeyɛ ama nea ɔde ma. 3 Asase beda mpan koraa, na wɔafom so nneɛma. Awurade, na waka saa asem yi. 4 Asase so ye wosee, na ekisa wiase kɔ ahoyeraw mu, na ekisa, nea wɔama no so wɔ asase so ho yeraw no. 5 Asase so nnipa agu ne ho fi; wɔanni mmara no so, wɔabu ahyede no so na wɔasee apam a ewɔ ho daa no. 6 Enti nnome amene asase no ɛse se so nnipa nya wɔn afɔdi so akatua ne saa nti wɔahyew asase no so nnipa, na kakraa bi pe na wɔaka. 7 Nsa foforo no ho yow na bobe no guan; wɔn

a wogyɛ wɔn ani no si apini. 8 Akasaɛbo mu anigyɛ no agyae, ahosɛpɛwfo no nteɛteɛmu no agyae. Sankuten so nnwom dede no aye din. 9 Wɔnnɔto dwom mfa nnom nsa bio; mmɔɔsa aye nwen ama anomfo. 10 Kuropon a wɔaseɛ no ada mpan; wɔatoto ofi biara apon mu. 11 Wɔpere nsa wɔ mmɔnten so; ahosɛpɛw nyinaa adan bosooɔye, anigyɛ nyinaa atu ayera wɔ asase no so. 12 Kuropon no asɛe, wɔabubu n'apon mu nketenkete. 13 Saa ara na ɛbeyɛ wɔ asase no so ne amanaman no mu, senea wɔboro ngodua a eye no, anaa senea wogyaw mpeɛpe wɔ bobe twabere akyi no. 14 Wɔma wɔn nne so, wɔde anigyɛ teteɛ mu; efi atɔe fam, wɔkamfo Awurade kɛseyɛ. 15 Enti apuei fam, monhyɛ Awurade anuonyam; momma Awurade din so, Israel Nyankopon no, wɔ supɔw a ewɔ po so no so. 16 Yete nnwonto fi asase ano yete se, "Anuonyam nka ɔtreneeni no." Nanso mekae se, "Matɔ beraw, mapa abaw! Minnue! ɔfatwafo di huammɔ! ɔnam nnaadaa so di huammɔ." 17 Ehu, amoa ne afiri retwen mo, nnipa a mote asase so. 18 Nea ehu nti oguan no beto amoa mu; nea ɔforo fi amoa mu no afiri beyi no. Wɔabue nsu apon wɔ ɔsoro, na asase nnyinaso wosow. 19 Wɔadwiriw asase no na emu apaapae, na asase awosow ankasa. 20 Asase to ntintan te se ɔsawowfo. Ehinhim biribiri te se ntamadan wɔ mframa ano; n'atuatɛw ho afɔdi aye adesoa ama no na ɛhwe ase a ɛrensɔre bio. 21 Saa da no, Awurade betwe ɔsoro atumfo ne ahemfo a wɔwɔ asase so aso. 22 Wɔbekɔ wɔn nyinaa abɔ mu se nneduafo ahyɛ afiasɛ amoa mu; wɔbetɔ wɔn mu wɔ afiasɛ na nna bebre akyi no wɔatwe wɔn aso. 23 ɔsram anim begu ase na owia ani awu; na Asafo Awurade bedi hene wɔ Sion bepɔw so ne Yerusalem, ne wɔn mpanyimfo anim, wɔ anuonyam mu.

25 Awurade, wo ne me Nyankopon; mɛma wo so na mayi wo din aye, efise wufi nokwaredi mu, aye anwonwade bebre, nneɛma a wɔahyehye fi teteete. 2 Woaye kuropon no nnwiriwii siw, kurow no a ewɔ bammɔ no asɛe; ananafo abandennen no nye kuropon bio; na wɔrensi bio. 3 Enti aman a woye den bedi wo ni atutuwpɛfo aman behyɛ wo anuonyam. 4 Woaye ahiafo guankɔbea, ohiani mmɔborɔni guankɔbea, ahum ano ahintawee ɔhyew mu nwini na atirimɔdenfo home te se ahum a ɛrebo dwira ɔfasu 5 ne ɔhyew a ewɔ nweatam so. Wobɛ ananafo huuyɛ ase; senea omununkum bre owia hyew ano ase no, saa ara na

atirimodenfo nnwom nso begyae. **6** Asafo Awurade beto pon wɔ saa bepɔw yi so obesiesie nnuan pa ne nsa a adi nna; nam pa ne nsa pa ama nnipa nyinaa. **7** Wɔ bepɔw yi so, obɛsɛ ntama a ekata nnipa nyinaa ho ne nkataso a ekata aman nyinaa so no; **8** Obɛmene owu afebɔɔ. Asafo Awurade bɛpepa ani so nusu nyinaa. Obeyi ne nkurɔfo ahohora, afi nsase nyinaa so. Awurade, na waka. **9** Saa da no, wobɛka se, “Ampa ara yen Nyankopɔn ni; yede yen ho too no so na ogyee yen; Awurade no ni, yegyee no dii; momma yenni ahurusi na yen ani nnye wɔ ne nkwaye no mu.” **10** Awurade nsa beda saa bepɔw yi so; nanso obetiatia Moab so te sɛ sare a wotiatia so de fra sumina. **11** Wɔbetretɛw wɔn nsa mu wɔ so, sɛnea asugwarefo tretɛw wɔn nsa mu de guare. Onyankopɔn bebre wɔn ahomaso ase a ɔrenhwe wɔn nsa ano dwumadi ho. **12** Obebubu mo bammɔ afasu atenten no agu, obebubu agu fam ama ayɛ mfutuma.

26 Saa da no, wobeto saa dwom yi wɔ Yuda asase so: Yewɔ kuropon dennen; Onyankopɔn de nkwaye ayɛ n’afasu ne ne hankare a ekorɔn. **2** Mummuebue apon no na atreneefo man no nhyen mu, ɔman nokwafo no. **3** Wobɛkora no so asomdwoe mu nea wasi n’adwene pi, efise ɔde ne ho to wo so. **4** Fa wo ho to Awurade so afebɔɔ, efise, Awurade, Awurade yɛ daa Botan. **5** Obɛre wɔn a wɔtete soro ase, na obɛre kuropon a ekorɔn no ase; obubu gu fam pasaa ma ɛda mfutuma mu. **6** Anammɔn tiatia so, wɔn a wɔhyɛ wɔn so anammɔn ahiafo anammɔntu. **7** ɔtreneeni kwan so yɛ tamaa; wo, ɔnokwafo, woma ɔtreneeni kwan so yɛ trontrom. **8** Yiw, Awurade, yenam wo mmara kwan so yi, yɛretwen wo; na wo din ne ne keseyɛ yɛ nea yen koma pɛ. **9** Me kra pere hwehwe wo anadwo; anɔpa nso me honhom ani gyina wo. Sɛ w’atammu ba asase yi so a, nnipa a wɔwɔ wiase sua treneeyɛ. **10** Ewɔ mu sɛ wuyi adom adi kyere amumɔyefo de, nanso wonsua treneeyɛ; na mpo atreneefo asase so no, wɔkɔ so yɛ bɔne na wommu Awurade keseyɛ. **11** Aɔ Awurade, wɔama wo nsa so kɔ soro, nanso wonhu. Ma wonhu wo mmɔdemmɔ wɔ wo nkurɔfo ho na enhyɛ wɔn aniwu; ma ogya a wɔasɔ ama w’atamfo no nhyew wɔn. **12** Awurade, wɔama yen asomdwoe; nea yɛatumi ayɛ nyinaa wo na woayɛ ama yen. **13** Awurade yen Nyankopɔn, awuranom afɔfori bi adi yen so, nanso wo din nko ara na yɛ kamfo. **14** Afei wɔawuwu, na wɔntɛ ase bio; ahonhom a wɔafi mu no wɔrensɔre. Wotwee wɔn aso na wosɛɛ wɔn wɔama yen were afi wɔn. **15**

Wɔama ɔman no ayɛ kese, Awurade; wɔama ɔman no ayɛ kese; wɔahyɛ wo ho anuonyam; wɔatretɛw asase no ahyɛ nyinaa mu. **16** Awurade, wofi ahohia mu baa wo nkyen; bere a wotwee wɔn aso no, na wontumi mmue wɔn ano mpo mmɔ mpae. **17** Sɛnea ɔpemfo a awo aka no fi ɔyaw mu bukabukaw ne mu na osu no, saa ara na yeyɛ wɔ w’anim, Awurade. **18** Yenyinsɛnɛ, yɛkyemɛɛ wɔ ɔyaw mu nanso yewoo mframa. Yɛamfa nkwaye amma asase so; wɔanwo nnipa amma asase so. **19** Nanso w’awufo benya nkwa; wɔn nipadua besɔre. Ma wɔn a wɔtete mfutuma mu no, nsɔre mfa anigyɛ nteɛ mu. Mo bosu te sɛ anɔpa bosu; asase beyi n’afunu apue. **20** Monkɔ, me nkurɔfo, monhyenhyɛn mo adan mu na montoto apon no mu; momfa mo ho nsie bere tiaa bi kosi sɛ n’abufuwhyew ano bedwo. **21** Hwe, Awurade refi n’atenae abetwe nnipa a wɔte asase so aso wɔ wɔn bɔne ho. Asase beda mogya a wɔahwie agu no so no adi; ɔrentumi mfa n’atɔfo nsie bio.

27 Saa da no, Awurade de n’afɔa betwe aso, ɔde n’afɔa a eyɛ hu na ɛso na eyɛ nnam no, ɔwɔ Lewiatan a ɔde ahoɔhare tu hoo, ɔwɔ Lewiatan a ɔbobɔw ne ho; obekum po mu aboa kese a ne ho yɛ hu no. **2** Saa da no, “To dwom fa bobeturo a ɛsow no ho se: **3** Me, Awurade, mehwe so; migugu so nsu bere biara. Mebɔ ho ban awia ne anadwo sɛnea obiara rensee no. **4** Me bo mfuw ɛ. Sɛ ekaa nware ne nsɛe nko ara na eko tia me a anka me ne wɔn de bebɔ ani; na mahyew wɔn nyinaa. **5** Sɛ ente saa a, ma wɔmmra me nkyɛn mmehintaw; ne me mmɛdwene asomdwoe ho Yiw, asomdwoe ho na mo ne me mmɛdwene.” **6** Nna a ereba no mu no, Yakob ase betim, Israel begu nhwiren na anyin fɛfɛfɛ na ɔde ne nnuaba ahyɛ wiase nyinaa ma. **7** Awurade abɔ Israel sɛnea ɔbɔɔ wɔn a wɔbɔɔ Israel hwee fam no ana? Awurade akum Israel sɛnea okum wɔn a wokum Israel no ana? **8** Wode ɔko ne asutwa twe n’aso, wode mframa a ano yɛ den pam no te sɛ da a apuei mframa bɔ no. **9** Eyi na ebɛyɛ mpata ama Yakob afɔdi, eyi na ebɛyɛ ne bɔne asetu so aba a edi mu: bere a ɔyɛ afɔremuka so abo sɛ hyirew a wɔabubu mu nketenkete, na Asera nnua ne nnuhuam afɔremuka nsisi hɔ bio no. **10** Kuropon a wɔabɔ ho ban no ada mpan wɔagyaw atɛnae a wɔafi so no te sɛ nweatam hɔ na nantwimma didi, hɔ na wɔdeda; wowe so nnua no mman ma ho yɛ kokwakokwa. **11** Sɛ nnubaa no wo a, wobubu na mmea befa de kɔso ogya. Na saa nnipa yi nni ntease enti wɔn yefo nhu

wɔn mmɔbɔ, na wonnya adom mfi nea ɔbɔɔ wɔn no nkyen. **12** Saa da no, Awurade beporow afi asuten Eufate akosi Misraim Bon Wosee mu, na mo, Israelfo de, wɔbɛfa mo mmaako mmaako aboaboa mo ano. **13** Saa da no, wɔbɛhyen torobento kɛse no. Wɔn a na wɔrewuwu wɔ Asiria ne wɔn a na wɔwɔ nnommmu mu wɔ Misraim beba abesom Awurade wɔ Yerusalem bepɔw kronkron no so.

28 Nnome nka nhwiren abotiri a ɛye Efraim asabowfo ahohoahoadɛ no nhwiren a ɛrepa, n'ahoɔfɛ a ɛho wɔ nyam, a ɛda asasebere bon so. Nnome nka kuropon no, nea nnipa a nsa asɛe wɔn no de hoahoa wɔn ho no. **2** Hwe, Awurade wɔ obi a ɔwɔ tumi ne ahoɔden. Ɖɛ sɛ mparuwbo ne mframa a ɛsɛe ade ɔtɛ sɛ osu a ene mframa nam, ne osuhweam a ɛhyɛ suka ma ɔbetow no ahwe fam ahoɔden so. **3** Saa nhwiren abotiri no a ɛye Efraim asabowfo ahohoahoadɛ no, wobɛtiatia so. **4** Saa nhwiren a ɛrepa, n'ahoɔfɛ a ɛho wɔ nyam, a ɛda asasebere bon so no, bɛyɛ sɛ borɔɔma a ɛbere ansa na otwabere adu, sɛ obi hu na ɔtɛ a odi no ntɛm so. **5** Saa da no Asafo Awurade bɛyɛ Anuonyam ahenkyew, nhwiren abotiri fɛfɛ ama ne nkurofo nkɛe no. **6** Ɖɛyɛ atɛntɛnɛɛ honhom ama otemmufo a ɔtɛ agua mu. Ɖɛyɛ ahoɔden farebae ama wɔn a wɔpam atamfo wɔ nkurow apon ano. **7** Na eyinom nso nsa ma wɔtɔ ntintan na bobesa ma wohinhim; bobesa ma asɔfo ne adiyifo tɔ ntintan na nsa ma wɔn ani so yɛ wɔn totototɔ; na wohinhim wɔtɔ ntintan bere a wɛrenya anisoadehu, na wɔn ano fomfom wɔ adwenkyɛ mu. **8** Ɖfɛ agugu apon nyinaa so, na baabiara aye fi. **9** “Hena na ɔpɛ sɛ ɔkyɛrɛkyɛ no? Na hena nso na ɔrɛkyɛ n'asɛm ase akyɛrɛ no? Mmofra a wɔatwa wɔn nufu, wɔn a wɔtwaa wɔn nufu nkyɛɛ no ana? **10** Na ɛyɛ: Yɛ eyi, anaa eyi mmara foforo akyi mmara; ɛha kakra, ɛho kakra.” **11** Eye, na afei ananafo ano ne kasa foforo na Onyankopɔn de bekasa akyɛrɛ saa nkurofo yi, **12** Ɖka kyɛrɛ wɔn sɛ, “Ha ne ahomɛgyɛbea no, momma abɛfo no nhome; ahodwobea nso ni,” nanso wɔantɛ no. **13** Enti afei wɔbɛfa Awurade asɛm a ɔde ma wɔn no sɛ: Yɛ eyi anaa eyi, mmara foforo akyi mmara; ha kakra, ho kakra, sɛnea wɛrɛko no ɛbɛma wɔapini wɔn akyi; wobɛpirapira, na wɔato afiri mu, na wɔakyɛrɛ wɔn. **14** Ɛno nti, muntɛ Awurade asɛm, mo fɛwdifo a mudi saa nkurofo yi so wɔ Yerusalem. **15** Mohoahoa mo ho sɛ, “Yɛne owu aye apam, yɛne ɔda aye nhyɛhyɛɛ

sɛ asɔtwɛ a ano yɛ den ba a, ɛrentumi nka yɛn, ɛfɛsɛ yɛde atoro aye yɛn guankɔbea ne nnaadaa aye yɛn hintabea.” (Sheol h7585) **16** Enti nea Otumfo Awurade sɛ ni, “Hwɛ! Medɛ ɔbo bi retim Sion, ɔbo a wɔasɔ ahwɛ, tɛwatibo a ɛsom bo ama fapɛm a ɛyɛ den; nea ɔde ne ho to so no remmɔ hu. **17** Medɛ atɛntɛnɛɛ bɛyɛ susuhama na tɛnɛɛyɛ aye ɔfasu kɛrɛbɛnnɛyɛ susuhama mparuwbo bɛsɛe wo guankɔbea a ɛyɛ atoro no, na nsu abɛkata wo hintabea ho. **18** Wobɛtwa apam a wo ne owu aye no mu; nhyɛhyɛɛ a wo ne ɔda aye no nso rɛnnɛyina sɛ asɔtwɛ a ano yɛ den no ba a, ɛbetɛwɛ afa mo so. (Sheol h7585) **19** Mɛn dodow biara a ɛbɛba no ɛbɛsoa mo ako; anɔpa, awia ne anadwo biara, ɛbɛfa mu ako.” Saa nkra yi ntease de ehu beba. **20** Mpa no yɛ tia dodo ma sɛ wɔtɛɛ wɔn mu wɔ so, kuntu no yɛ hiahiaa sɛ ɛbɛso wɔn ho kata. **21** Awurade bɛsɔrɛ sɛnea ɔsɔrɛɛ wɔ Perasim bepɔw so no, ɔbɛkanyan ne ho sɛnea ɔyɛɛ wɔ Gibeon Bon mu, yɛɛ n'adwuma, n'adwuma nwonwaso no dii ne dwuma, dwumadi a bi mmaa da. **22** Afei gyɛ wo fɛwdi no, anyɛ saa a wo nkɔnsɔnkɔnsɔn mu bɛyɛ duru; Awurade, Asafo Awurade aka akyɛrɛ mɛ ɔsɛ ho mmaraɛn a wɔahyɛ atia asase no nyinaa. **23** Muntɛ na monte mɛ nne; monwɛn mo aso na muntɛ nea mɛka. **24** Sɛ okuafɔ funtum asase sɛ ɔrɛbedua so a, ɔyɛ no daa ana? Ɖka so tutu, fɛntɛm asase no ana? **25** Sɛ osiesie asase no ani a, onnua ɛmɛ, na ɔmpɛtɛ ntɛtɛ wɔ so ana? Onnua awi ne atoko mu biara wɔ n'afa ana? **26** Ne Nyankopɔn ma no akwankyɛrɛ na ɔkyɛrɛ no ɔkwan pa. **27** Wɔmfɛ asae mpo ɛmɛ ho, wɔmfɛ tɛasɛnɛm hankare mfa ntɛtɛ so; wɔdɛ pɛma na ɛboro ɛmɛ, na wɔdɛ abaa aboro ntɛtɛ. **28** Wɔyam aburɔw de to brodo nti obi nkɔ so nyam a onnwɛ da. Ɛwɔ mu, ɔdɛ n'awiporowɛ tɛasɛnɛm hankare fa so de, nanso ɛnyɛ n'apɔnkɔ na wɔyam. **29** Eyinom nyinaa fi Asafo Awurade, afotu mu nwonwani, na ne nyansa boro so.

29 Due wo Ariel, Ariel, kuropon a Dawid tenaa mul
Fa afe ka afe ho na ma wo mɛfirihiya mu afahyɛ ahorow no nkɔ so. **2** Nanso metua Ariel ano; obedi awɛrɛhow na wato kwadwom, ɔbɛyɛ sɛ afɔrɛmuka so gya. **3** Medɛ ɔm betwa wo ho ahyia; mesisi abantɛntɛn atwa wo ho ahyia na madi ntuanɔ dwuma atia wo. **4** Wɔasie wo no, wobɛkasa afi asase mu; wo kasa a mu ntɛw no befi mfutuma mu aba. Wo nne befi asase no mu aba tɛ sɛ ɔsaman de; wo kasa befi mfutuma mu aka asomɛm. **5** Nanso w'atamfo bebrebe no bɛyɛ sɛ mfutuma muhumuhu, na atirimɔdenfo bebrebe no

aye se ntete a mframa abo. Ebeba preko pe, amono mu ho ara. **6** Asafa Awurade beba. Ode aprannaa ne asasewosow ne huuye kese, mframahweam ne ahum ne ogyaframa a ehew ade beba. **7** Afei amanaman bebrebe a wotu Ariel so sa nyinaa, won a wotow hye one n'aban so na wotua n'ano no, ebeye won se adaeso, anaa anadwo mu anisoadehu. **8** Senea obi a okom de no so dae se oredidi, na se onyan a ote se okom de no no; senea obi a osukom de no so dae se orenom nsu, nanso onyan a na wato beraw, na osukom de no ara no. Saa ara na ebeye ama amanaman dodow a woko tia Bepow Sion no. **9** Mo ho nnwiriw mo na enye mo nwonwa, mo ani mfura a munhu ade; mommobow a emfi nsa, montoto ntintan a emfi bobesa. **10** Awurade de nnahoo ato mo so: Wakata mo ani (adiyifo no); wakata mo ti so (adehufo no). **11** Mo de, saa anisoadehu yi nyinaa nka hwee mma mo, ete se nsem a wasow ano wo nhoma mmobowee mu. Se mode nhoma mmobowee no ma obi a, otumi kenkan, na moka kyere no se, "Mesre wo kenkan eyi" a, obebua se, "Merentumi, efise wasow ano." **12** Se nso, mode nhoma mmobowee no ma nea onnim akenkan, na moka kyere no se, "Mesre wo kenkan eyi" a, obebua se, "Minnim akenkan." **13** Awurade ka se, "Saa nnipa yi de anohunu twiw ben me na wode won anofafa hye me anuonyam, nanso won koma mmen me. Som a wasom me no ye mmara a nnipa akwere won no nko ara. **14** Enti mema nnipa yi ho adwiriw won bio mede anwonwade ntoatoaso beye; mesee anyansafo nyansa, na mema nimdefo adenim aye okwa." **15** Wonnue, won a woye biribiara se wode won atirimpow behintaw Awurade, won a woye won nnwuma wo sum ase na wosuw se, "Hena na ohu yen? Hena na obete ase?" **16** Musisi nneema ti ase, senea modwene se onwemfo te se dote no! Nea waye betumi aka akwere nea oyee no se, "Enye wo na woyee me ana"? Kuku betumi aka afa onwemfo ho se "Onnim hwee ana"? **17** Erenkye koraa, worenann Lebanon nye no asasebere na asasebere no nso nye se kwae ana? **18** Saa da no, osotifo bete nsem a ewo nhoma mmobowee no mu na kusuuye ne esum mu mpo onifuraefo ani behu ade. **19** Ahobreasefo bedi ahurusi wo Awurade mu bio; ahiafo ho besepew won wo Israel Okronkronni no mu. **20** Atutuwpewo beyera, worenhu fewdifo bio, na won a wodwen bone nyinaa, wobetwa won agu, **21** won a woka asem baako ma obi di fo, won a wosum nea oreyi ne ho ano afiri

wo asennii na wodi adansekurum ma wobu nea odi bem no fo no nso wobetwa won agu. **22** Enti see na Awurade a ogyee Abraham nkwa no ka kyere Yakob fifo: "Yakob anim rengu ase bio; won anim rehoa bio. **23** Se wohu won mma wo won mu, won a woye me nsa ano adwuma no a wobeye me din no kronkron; wobegye Yakob okronkronni no kronkronye ato mu, na wode fere agyina Israel Nyankopon no anim. **24** Won a wofom kwan wo honhom mu benya ntease; won a wonwiinwii nso begye nkyerekyere ato mu."

30 "Munnue mmofra asoodenfo," see na Awurade se, "Won a wode nhyehyee a emfi me ye adwuma, na woye apam a emfi me honhom mu, na woboaboa bone ano; **2** won a woko Misraim a wommisa me ansa; wohwehwe mmoo a eye bamm fi Farao nkyen, woko Misraim kohwehwe hintabea. **3** Nanso Farao bamm beye aninguase ama mo, Misraim nwini de ahohora bebre mo. **4** Ewo mu, wowa adwumayefo wo Soan na won ananmusifo adu Hanes de, **5** nanso won nyinaa anim begu ase nnipa bi a won so nni won mfaso nti, wommfa mmoo anaa mfaso mma, na mmom aninguase ne ahohora." **6** Adehunu a efa Negeb mmoo ho: wofa ahokyere ne ahohiahia asase so, nea gyata ne gyatabere, nhurutoa ne awo a won ho ye hare wo, ananmusifo no de won ahonyade soa mfurum ne won ademude wo yoma afu so, de ko saa oman a ne so nni mfaso no so, **7** de ko Misraim a ne mmoo so nni mfaso, enti mefre no Rahab nea Onsi Hwee. **8** Ko afei, kyerew wo kyerewpon so ma won, kurukyerew wo nhoma mmobowee so senea nna a ereba no mu no ebeye adansede a ebetena ho afebo. **9** Saa nnipa yi ye atuatewfo, mma asisifo, mma a wompe se wotie Awurade nkyerekyere. **10** Woka kyere adehufo se, "Munhu mo ani so ade bio!" ne adiyifo no nso se, "Monnka anisoadehu a eye nokware no nkyere yen bio! Monka abodwosem nkyere yen, monhye nnaadaa nkam. **11** Mumfi saa otempon yi so, momman mfi saa okwan yi ho na munnyae Israel Kronkronni a mode no haw yen yi!" **12** Enti see na Israel Okronkronni no se: "Esiane se moapo saa nkra yi, na mode mo ho ato nhyeso ne nnaadaa so nti, **13** saa bone yi beye se ofasu tenten bi a ahye kam na akwea na ebu mpofirim, ama mo. **14** Ebebubu nketenkete aye se kuku. Ebeyam pasaa a, sin koraa renka a wobetumi de aso gya afi muka mu anaa wode besaw nsu afi ahina mu." **15** See na Otumfo Awurade, Israel Kronkronni no se: "Ahonu mu ne ntoboase mu na mo nkwaye wo komnye ne

ahotoso mu na mo ahooden wɔ, nanso, morennya mu biara. **16** Mokaa se, 'Dabi da, yebetena aponko so aguan.' Enti mubeguan! Mokaa se, 'yebetena aponko a won ho ye hare so ako.' Enti won a wɔtaa mo no ho beye hare! **17** Apem begun ɔbaako ho hu nti; baanum ho hu nti mo nyinaa begun ako, akosi se wobegyaw mo te se frankaa dua a esi bepɔw atifi, te se frankaa a esi koko so." **18** Nanso Awurade pe se ɔdom mo; ɔma ne ho so, kyere wo n'ahummɔbɔ. Efise Awurade ye ɔtreneeni Nyankopɔn. Nhyira ne won a wɔtwen no nyinaa! **19** Sionfo a mote Yerusalem, morentwa adwo bio. Se musu frɛ no hwehwe mmɔa a, ɔbedom mo! Se ɔte a obegye mo so preko pe. **20** Ewɔ mu, Awurade bre mo amanehunu se aduan ne ɔhaw se nsu de, nanso, afei mubehu Awurade, mo kyerekyerɛfo no bio, na ɔbekyerɛ mo kwan. **21** Se mofa nifa anaa benkum a, mobete nne bi wɔ mo akyi a eka se, "ɔkwan no ni na momfa so." **22** Afei mobetow mo ahoni a mode dwete adura ho ne nsesode a mode sikakɔkɔ afa ho no nyinaa agu. Mobetow won agu se ntamagow fi, na moaka kyere won se, "Mumfi yen so nkɔ." **23** Afei ɔde osu behyira mo bere a mudua nnuaba, na aduan a asase no bebɔ no beye papa na ebɛdɔɔso nso. Da no, mo anantwi bedidi wɔ adidibea a etrew so. **24** Mo anantwi ne mo mfurum a wofuntum asase no bewe atoko pa ne ne ntete a, wɔde sofi ne nkorata tretrew mu. **25** Saa okum kese da no a abantenten ahwehwe ase no, nsuwa betee wɔ bepɔw tenten ne koko a ɛkorɔn biara so. **26** ɔsram behyeren se owia, na owia hyeren no beye mpen ason, te se nnafua ason mu hyeren, bere a Awurade kyekyerɛ ne nkurafo akuru na ɔsa apirakuru a ɔde ama won no. **27** Hwe! Awurade fi akyirikyiri reba, ɔde abufuwhyew ne wusiw kumonn; abufuw ahye n'anom ma, na ne tekrema ye ogya a ehyew nneema. **28** Ne home te se asuworoe a esen ntemntem, na eforo kɔdeda kɔn mu. ɔwosow aman no wɔ ɔsee sɔnee so; ɔde nnareka a ema wɔfom kwan hyehye nnipa no nnyepi. **29** Na mobeto dwom te se anadwo a mudi afahye kronkron no; mo koma bedi ahurusi te se bere a nnipa de atenteben foro kɔ Awurade bepɔw no so, kɔ Israel ɔbotan no nkyen. **30** Awurade bema nnipa ate n'abrempɔnnne na ɔbema wɔahu ne basa a eresian na ede abufuwhyew ne ogya a ehyew nneema osu dennen, aprannaa ne mparuwbo reba. **31** Awurade nne behwe Asiria; ɔde n'abaa bebɔ won ahwe fam. **32** ɔbebɔ won wɔ ɔko mu, na bere biara a ɔbebɔ won no ebeye se akasae ne sankuten so

nnwonto koro. **33** Wɔasiesie Topet dedaada; wɔaye no krado ama ɔhene no. Wɔahyehye ogya ne nnyentia bebree wɔ ne gya amoa no a emu dɔ na etrew no mu; Awurade home te se sufɛ asuten no besɔ mu gya.

31 Wonnue, won a wɔko Misraim kɔhwehwe mmɔa, won a wɔde won ho to aponko so, won a wogyɛ won nteaseenam dodow ne won aponkɔsotefo ahooden mmoroso no di, na wɔnhwe Israel Kronkronni no, anaase wɔmpe mmɔa mfi Awurade hɔ. **2** Nanso Awurade ye onyansafo a obetumi de ɔhaw aba; ɔnsesa n'ano. ɔbesɔre atia amumɔyefo fi, ne won a wɔboa nnebɔneyefo. **3** Na Misraimfo yi ye nnipa keke, wɔnye Onyankopɔn. Won aponko ye ɔhonam na wɔnye honhom. Se Awurade tee ne nsa a, ɔboafɔ bewatiri na nea wɔboa no no behwe ase; won baanubebɔ mu asɛɛ. **4** Sɛɛ na Awurade ka kyere me: "Senea gyata woro so, senea gyata kokroo woro so gu ne hanam so no a mpo se wɔfrɛ nguanhwefo dɔm kɔ no so a, won nteeteemu mmɔ no hu na won huuye nso nhaw no no, saa ara na Asafo Awurade besian abeko wɔ Sion Bepɔw ne ne sorɔnsorɔmmɛa so. **5** Senea nnomaa tu gyina faako wɔ wim no saa ara na Asafo Awurade bebɔ Yerusalem ho ban; ɔbebɔ ne ho ban na wagye no, obegyaa no na wagye no asi hɔ." **6** Monsan nkɔ nea moaye dɔm atia no no nkyen, Israelfo. **7** Da no mo mu biara bepɔ dwete ne sikakɔkɔ ahoni a mode mo nsa a eho agu fi aye no. **8** "Asiria behwe ase wɔ afoa a enye onipa de ano; afoa a enye onipa de besɛɛ won. Wobeguan a fi afoa no ano na wɔbɛma won mmerante aye ɔhyɛ adwuma. **9** Won abandennen bebubu, ehu nti; wohu akofo frankaa a, won asraafo mpanyimfo bebɔ huboa," sɛɛ na Awurade se, nea ne gya wɔ Sion, na ne fononoo si Yerusalem no.

32 Hwe, ɔhene bi bedi hene wɔ trenɛɛ mu na ahemfo de atɛntrenɛɛ adi nnipa so. **2** Onipa biara beyɛ mframa ano hintabea ne ahum mu guankɔbea, ɔbeyɛ se nsuwansuwa a ewɔ nweatam so ne ɔbotan kese sunsuma a ewɔ osukɔm asase so. **3** Won a wohu no ani renkata bio, na won a wote asem no aso betie. **4** Nea ɔye adwene mu hare behu na wate ase, won a wɔpo dodow bekasa na mu ada hɔ. **5** Wɔremfrɛ ɔkwasea se onuonyamfo bio na wɔremfa nidi mma apapahwekwa. **6** ɔkwasea ka nkweiseasem na osusuw bɔne ho: ɔye anyame apɛde ɔka Awurade ho nsem a enye; ɔmma nea ɔkɔm de no no aduan ɔde nsu kame nea osukɔm de no. **7** Apapahwekwa akwan

ye amumoye, oye bone ho nyehyee de atoro see ohiani, wo bere a ohiani asem ye nokware mpo. **8** Nanso onuonyamfo ye nyehyee a eho wo nyam na nneyee pa no nti oda nsow. **9** Mo mmea a mugye mo ho di, monsore na muntie me; mo mmabea a mususuw se mowa bamm monye aso mma nea mewo ka! **10** Afe akyi nna kakra bi no mo a mugye di se mowa bamm ho bepopo; bobe twabere no bedi mo huamm, nnuaba no twabere nso remma. **11** Mo ho mpopo, mo mmea a mugye mo ho di mommo hu, mo mmabea a mugye di se mowa bamm! Momp a mo ho ntama na momfa atweatam mm mo asen. **12** Mommoba mo koko so se mowa mfuw afe ne bobe a eso no nti, **13** ne me nkurofo asase, asase a nsae ne nnenkyense agye afa. Yiw, montwa adwo mma afa a wogyee won ani wo mu ne saa ahosepew kuropon yi. **14** Wobegyaw aban no ho, na gyegyegye kuropon no ada mpan; abanwa ne owen aban bedan asasehunu afebo, nea mfurum pe ne nguankuw didibea, **15** kosi se wobehwie honhom afa osoro agu yen so, na nweatam bedan asasebere na asasebere aye se kwae. **16** Trenee betena nweatam so na adetrennee atena asasebere so. **17** Adetrennee besow asomdwoe aba; nea adetrennee de ba no beye kommye ne ahotoso a enni awiei. **18** Me nkurofo betenatena mmeae a asomdwoe wo afa a waba ho ban homebea a ohaw biara nni ho. **19** Mpo se mparuwbo see kwae no na kuropon no see koraa a, **20** wobehyira wo, wubedua w'aba wo nsuwa biara ho, na wama w'anantwi ne wo mfurum anantew baabiara.

33 Due, adeseefo, wo a wonssee wo! Due, ofatwafo, wo a wonnii wo huamm! se wugyae adesee a, wbesee wo; se wuwie huammadi a, wobedi wo huamm. **2** Ao Awurade, hu yen mmoba; yen ani da wo so. Ye yen ahoaden anopa biara, ne yen nkwaye wo ahohia mu. **3** Aman no te wo nne mmubomu a, woguan; se woma wo ho so a amanaman no bo ahwete. **4** Wotase mo asade, Ao amanaman, senea mmoadabimma ye; nnipa tow hye so te se mmoadabi dom. **5** Wama Awurade so, na ote osorosoro; ote trenee ne adetrennee behye Sion ma. **6** Obeye fapem a atim yiye wo mo mmere so, nkwaye, nyansa ne nhumu mmoroso akorae; Awurade suro ne ademude yi akorae ano safe. **7** Monhwe, won mmarima akokodurufu su teetee mu wo mmonen so; asomdwoe ho abofo su yayaayaw. **8** Atempo

no so da ho kwa, akwantufo biara nni akwan no so. Wobu apam no so, wobu n'adansefo animtiaa wommu obiara. **9** Asase no wo kesee na esee, Lebanon agyigya na n'anim agu ase; Saron aye se Araba, Basan ne Karmel porow won nhaban. **10** "Afei na mesore," see na Awurade se. "Afei na wobepagyaw me e; afei na wobema me so. **11** Munyinsen ntete, na mowo sare; mo home ye ogya a ehew mo. **12** Wobehyew aman no ama wato nso; wobeto won mu gya te se nsae a watwa." **13** Mo a mowa akirikyiri no, muntie nea maye; mo a moben no, monkamfo me keseye! **14** Nneboneyefo a wowa Sion abo huboa; ahopopo aka won a wonnim Onyame: "Yen mu hena na obetumi ne ogya a ehew ade atena? Yen mu hena na obetumi ne daa ogyatannaa atena?" **15** Nea onantew trenee mu na odi nokware nea ope mfaso a asisi de ba na onnye adanmude, nea ontie awudi ho powbo nea ompe se ohu boneye ho agyinat, **16** saa onipa yi na obetena osorosoro ho, ne guankoba beye bepaw aban no. Wode n'aduan bema no na ne nsu remmo no. **17** Mo ani behu ohene no wo n'anuonyam mu na ahwe asase a etrew ko akirikyiri no. **18** Mo adwennwen mu, mobebooboo nea na ohunahuna mo no ho: "Odwumayeni panyin no wo he? Nea na ogyigye tow no wo he? Nea na ohwe abantenten so no wo he?" **19** Morenho saa ahantanfo no bio, won a won kasa mu nna ho, na monte nea woka no ase no. **20** Monhwe Sion, yen afahye kuropon no; mo ani behu Yerusalem, asomdwoe tenabea, ntamadan a wontutu; worentutu ne nnyinaso da, na worentetew ne ntampehama mu nso. **21** Eho na Awurade beye yen Tumfo. Ebeye se faako a nsu akese ne nsuwansuwa wo. Akorow a wahare remfa so ahyen akese rennantew so. **22** Na Awurade ne yen temmufo, Awurade ne yen mmarahyefo, Awurade ne yen hene; na ono na obegye yen nkwa. **23** Wo ntampehama mu agow enti hyen dua no nni nnyinaso, na wontrew hyen so ntama no mu. Afei wobekye asade bebree no mu na mpakye mpo besoa asade ako. **24** Obiara nni Sion a obeka se, "Meyare;" na wode won a wote ho no bone bekye won.

34 Muntwiw mmen, mo amanaman, na muntie; monye aso, mo omanfo! Momma asase ne nea ewo so nyinaa ntie, wase ne nea efi mu ba nyinaa! **2** Awurade bo afuw amanaman nyinaa; n'abufuwhyew no tia won asraafo nyinaa. Obesee won pasaa, obema waakunkum won. **3** Wobetow won mu atofu no agu, won afunu no beyi hua; won mogya afow mmepow no.

4 Osoro nsoromma nyinaa beyera na wɔbɛbobɔw osoro te sɛ nhoma mmobɔwee; osoro atumfo bɛhwe ase senea nhaban tew fi bobe so, senea mman a awo pan fi borɔdɔma dua ho. 5 M'afɔa anom nea emee no no wɔ osoro; hwɛ, ɛresian de atemmu aba Edom so, wɔn a masee wɔn koraa no. 6 Mogya agware Awurade afoa ho, wɔde sɔrɔde asra ho, nguantenmma ne mmirekyi mogya, adwennini asaabo mu sɔrɔde. Awurade wɔ afoɔ bi bɔ wɔ Bosra ne okum kese wɔ Edom. 7 Anantwi anuɔdenfo ne wɔn betoto, anantwinini nketewa ne akese. Mogya afoa wɔn asase no, na sɔrɔde aye so dɔte no sɔkyee. 8 Na Awurade wɔ aweretɔ da ananmuhye afe, a obedi ama Sion. 9 Edom nsuwansuwa bɛdan agodibea, ne dɔte bɛdan sufɔre a ɛdɛw n'asase beye agoprama a ɛdɛw! 10 Erennum awia anaa anadwo; ne wusiw befi a ɛto rentwa da. ɛbɛda mpan fi awo ntoatoaso akosi awo ntoatoaso; obiara remfa ho bio koraa. 11 Nweatam so patu ne ɔbonsamnoma begye ho afa; patu ne kwaakwaadabi betena ho. Onyankopon betwe wɔ Edom so basabasaye susuhamma ne amamfoye kirebennyɛ susudua. 12 N'atitiriw rennya biribiara a ɛbɛma wɔafɔre no ahenni, n'ahenemma mmarima nyinaa betu ayera. 13 Nsɔe begye n'abankese afa, nsansono ne nsɔe befuw wɔ n'abankese ho. Ho beye adompo atu, ne mpatu tenabea. 14 Nweatam so mmɔa ne mpataku behyia adi afɔra, mmirekyi anuɔdenfo besu akyerɛ wɔn ho wɔn ho; ho na anadwommɔa bɛdɛda na wɔde aye wɔn homebea. 15 ɛho na patu beye ne berebuw, na watow ne nkesua. Obesow ne mma, na ɔde ne ntaban akata wɔn so; ɛho na nkorɔma beboaboa wɔn ho ano, obiara ne nea ɔka ne ho. 16 Hwɛ Awurade nhoma mmobɔwee no mu, na kenkan: Eyinom mu biara renyera, obiara benya nea ɔka ne ho. Efise n'anom na ohye asem no fi, na ne honhom beboaboa wɔn ano. 17 ɔde wɔn kyɛfa ma wɔn; ɔde ne nsa ye susudua kyekye. Wɔbɛfa no sɛ wɔn de afeboɔ na wofi awo ntoatoaso akosi awo ntoatoaso atena ho.

35 Nweatam ne asase a awo no ani begye; sare bedi ahurusi na aye frɔmfrɔm. Te sɛ nhwiren no, 2 ɛbɛpae aye fɛfɛfɛ ebedi ahurusi na ɛde anigye atɛɛ mu, wɔde Lebanon anuonyam bɛma no Karmel ne Saron ahoɔfɛ; wɔbehu Awurade anuonyam, yen Nyankopon tumi no. 3 Hye nsa a emu agow no mu den, hyɛ nkotodwe a ahodwow no mu den; 4 Ka kyere wɔn a wɔn koma atu no se, “Monhyɛ mo ho den, na munnsuro; mo Nyankopon beba, ɔde aweretɔ beba; ananmuhye a efi osoro beba abegye mo nkwa.” 5 ɛno

na wɔbɛbue anifuraefo ani, na wɔama asotifo aso atɛ asem. 6 ɛno na mpakye behuruw te sɛ oforote, na mum tekɛma de anigye atɛɛ mu. Nsu betue wɔ sare so, na nsuwansuwa apue wɔ nweatam so. 7 Nwea a so ye hyew no bɛdan ɔtare, na nsuwansuwa atue wɔ asase wɔsee so. Atu a anka sakraman te mu no, ɛho na sare ne demmire ne paparɔso befi. 8 Na ɔtempon bɛda ho; wɔbɛfrɛ no Ahotefo Kwan. Wɔn a wɔn ho ntwɛ rentu kwan wɔ so; ɛbɛda ho ama wɔn a wɔnantɛw saa Kwan no so; amumɔyefo nkɛwasefo rennantɛnantɛw so. 9 Gyata biara rentena ho, na akekaboa biara rensi so; wɔrenhu wɔn wɔ ho. Na wɔn a wɔagyɛ wɔn nko ara na wɔbɛfa so, 10 na wɔn a Awurade agye wɔn no bɛsan aba. Wɔde nnwonto behyɛn Sion; anigye a ɛnsa da beye wɔn ahenkyew. Wɔbenya anigye ne ahoɛpɛw mmoroso, na awɛɛhow ne apinisi beguan ako.

36 ɔhene Heseikia adedi mfe dunan so no, Asiriahene Sanaherib betow hyɛ Yuda nkuropon a wɔabo ho ban no so dii so. 2 Afei Asiriahene somaa n'anannusifo fi Lakis a asraafo dɔm kese ka ne ho kohyiaa ɔhene Heseikia wɔ Yerusalem. Bere a ɔsahene begyinaa nsudoroben bi a efi Atifi Tare de ko Ntamahorofo Atenae ho no, 3 Hilikia babarima Eliakim a na ohwe ahemfi no ntotoe so; Sebna a na ɔye ɔkyerɛwfo ne Asaf babarima Yoa a na ɔno nso ye ɔkyerɛwfo kohyiaa no. 4 Na ɔsahene no ka kyere wɔn se, “Monka nkyere Heseikia se, “Asem a otumfo, Asiriahene ka ni: Den na wode wo ho to so a ema wugye wo ho di saa? 5 Woka se wowo akodi ho nyansa ne n'ahɔɔden, nanso woka nsem hunu. Hena na ɔtaa w'akyi a enti wotew m'anim atua? 6 Hwe w'ani da Misraim so, demmire a emu abu a ete se pema a wutweri a ebewo wo nsa mu apira wo no! Saa na Misraimhene Farao te ma wɔn a wode wɔn ho to ne so no nyinaa. 7 Ebia wɔbɛka se, “Yede yen ho to Awurade, yen Nyankopon so!” ɛnye ɔno na ɔhene Heseikia atutu n'abosonnan ne afoɛmuka nyinaa, ahyɛ Yudafo sɛ wɔnsom wɔ afoɛmuka a ewo Yerusalem ha nko ara so no? 8 “Meka asem bi akyerɛ wo! Me wura Asiriahene ne wo beye nhyehyɛ bi. Se wubenya aponkɔsotefo mpɛnu, a fi wo asraafo mu a, ɔbɛma wɔn aponko mpɛnu ama wɔatenatena wɔn so. 9 Na w'asraafo ketewa sɛ yi, ɛbeyɛ den na woaso dae, se wubetumi ne me wura asraafo no mu fa bi a wɔye mmerɛw no mpo adi asi. Minim se wode wo ho ato Misraim nteaseɛnam ne aponkɔsotefo mmɔa so. 10 Bio, wugye di se, maba se merebetow ahyɛ asase yi so asɛɛ no kwa a Awurade nsa nni mu? Awurade ankasa

ka kyerɛɛ me se menkoko ntia saa asase yi na menseɛ no.” **11** Na Eliakim, Sebna ne Yoa ka kyerɛɛ ɔsahene no se, “Yɛsrɛ mo, monka Arameike kasa nkyerɛ mo asomfo, efise, yete ase yiye. Monnka Hebri na nnipa a wɔwɔ ɔfasu no so no bete ase.” **12** Na Senaherib nanmusini no buae se, “Me wura pɛ se obiara a ɔwɔ Yerusaleɛm te saa asem yi, na ɛnyɛ mo nko. Ɔpɛ se wɔte se, se moamma mo nsa so a, wobetua kuropon yi. Ɔkom ne osukom werɛmfo bede nkurofo no ara kosi se, wobedi wɔn ara agyanan, anom wɔn dwonso.” **13** Afei ɔsahene no sore gyina kasaa wɔ Hebri mu se, “Muntie saa nkra yi a efi ɔhempɔn, Asiriahene nkyen no! **14** Senea ɔhene no se ni: Mommma Heseikia nnaadaa mo. Ɔrentumi nnye mo! **15** Mommma Heseikia mfa saa asem a ɔkae se, ‘Awurade begye yen! Wɔremfa saa kurow yi mma Asiriahene’ no mma mo tirim nye mo de. **16** “Muntie Heseikia. Nea Asiriahene ka ni: Mo ne me nye asomdwoe nhyehyɛɛ na mommra me nkyen. Na afei, mema mo mu biara adi ɔno ankasa bobe ne borɔdoma na woanom nsu a fi ɔno ankasa abura mu, **17** kosi se meba abefa mo akɔ asase a ete se mo de yi so, awi ne nsa foforo asase, aduan ne bobe mfuw asase. **18** “Mommma Heseikia nka se, ‘Awurade begye yen,’ mfa nnaadaa mo. Ɔman bi so nyame atumi agye ne man a fi Asiriahene nsam pen ana? **19** Ehe na Hamat ne Arpad anyame no wɔ? Na Sefarwaim anyame no nso wɔ he? Wɔagyɛ Samaria a fi me nsam ana? **20** Ɔman ben so nyame na watumi agye ne manfo a fi me tumi ase? Na afei ebɛyɛ den na Awurade betumi agye Yerusaleɛm a fi me nsam.” **21** Na nnipa no yɛɛ komm a wɔamma mmuae biara, efise na Heseikia aka akyerɛ wɔn se wɔnnkasa. **22** Afei Hilkia babarima Eliakim a na ɔhwe ahemfi no ntotoe so, Sebna a na ɔyɛ ɔkyerɛwfo ne Asaf babarima Yoa a ɔno nso yɛ ɔkyerɛwfo kɔɔ Heseikia nkyen a wɔasunsuane wɔn ntade mu, kɔkaa nea ɔsahene no aka akyerɛ no no.

37 Bere a ɔhene Heseikia tee eyinom no, osunsuan ne ntade mu, na ofuraa atweaatam, na ɔkɔɔ Awurade asɔredan mu. **2** Na ɔsoma Eliakim a ɔhwe ahemfi ntotoe so, Sebna, a ɔyɛ ɔkyerɛwfo ne asɔfo akunini a wɔn nyinaa furafura atweaatam, kɔɔ Amos babarima Odiyifo Yesaia nkyen. **3** Wɔka kyerɛɛ no se, “Senea ɔhene Heseikia ka ni: Saa da yi yɛ ɔhaw, animka ne animguase da. Aye te se nea mmofra awo du so, na ahoɔden a wɔde bewo wɔn nni ho. **4** Nanso ebia Awurade, mo Nyankopɔn ate se Asiria nanmusini no regu Onyankopɔn teasefo no anim ase, na wobetwe

n’aso wɔ ne nsenkeka no ho. Enti bɔ mpae ma yen a yeaka no!” **5** Bere a ɔhene Heseikia mpanyimfo no de ɔhene no nkra brɛɛ Yesaia no, **6** Yesaia ka kyerɛɛ wɔn se, “Ka kyere wo wura se, ‘Senea Awurade se ni: Mma abususem a Asiriahene asomafo no ka tiaa me no nhaw wo. **7** Muntie! Mede honhom bi rebɛhyɛ ne mu, senea ebɛyɛ a se ɔte asem bi a ɔbesan akɔ ne man mu na ho na mema wɔde afoa akum no.”” **8** Bere a ɔsahene no tee se Asiriahene a fi Lakis no, ɔsan n’akyi kohuu se ɔhene no ne Libna reko. **9** Ankyɛ, ɔhene Sanaherib nyaa nkra se, Tirhaka Etiopiani a ɔyɛ Misraimhene di asraafo anim rebeko atia no. Bere a ɔtee no, ɔsoma abɔfo kɔɔ Heseikia nkyen de nkra kɔmaa no se, **10** “Monka nkyerɛ Yudahene Heseikia se: Mma onyame a wode wo ho ato no so no nnaadaa mo nka se, ‘Wɔremfa Yerusaleɛm mma Asiriahene.’ **11** Moate nea Asiria ahemfo aye amanaman no nyinaa. Wɔaseɛ wɔn pasaa. Na mo de, wobegye mo ana? **12** Anyame a wɔwɔ aman a me nenanom sɛɛɛ wɔn no, aman te se, Gosan, Haran, Resef ne Edenfo a na wɔwɔ Talasar no anyame gyee wɔn ana? **13** Nsem ben na etotoo Hamathene ne Arpadhene? Nsem ben nso na etotoo Sefarwaim, Hena ne Iwa ahemfo?” **14** Heseikia nsa kaa krataa a abɔfo no de bae no, ɔkenkanee. Afei ɔforo kɔɔ Awurade asɔredan no mu kɔtreɛ mu wɔ Awurade anim. **15** Na Heseikia bɔɔ mpae kyerɛɛ Awurade se, **16** “Asafo Awurade, Israel Nyankopɔn a wɔasi wo hene wɔ Kerubim ntam. Wo nko ara na woyɛ Onyankopɔn wɔ asase so ahenni nyinaa so. Wo na wobɔɔ ɔsoro ne asase. **17** Brɛ w’aso ase, Awurade, na tie! Bue w’ani, Awurade, na hwɛ. Tie nsem a Sanaherib asoma de abesopa Onyankopɔn teasefo no. **18** “Awurade, eyɛ nokware se Asiria ahemfo asɛɛ aman yi nyinaa, senea nkra no ka no. **19** Na wɔatow anyame a wɔwɔ saa aman yi so no agu gya mu, ahyew wɔn, efise wɔnyɛ anyame, na mmom woyɛ nnua ne abo a nnipa de wɔn nsa aye. **20** Afei Awurade, yen Nyankopɔn, gye yen fi ne nsam, na ama ahenni a ɛwɔ asase so nyinaa ahu se, wo nko ara, Awurade, ne Onyankopɔn.” **21** Na Amos babarima Yesaia de saa nkra yi kɔmaa Heseikia se, “Sɛɛ na Awurade, Israel Nyankopɔn se: Esiane se woabɔ me mpae afa Asiriahene Sanaherib ho nti, **22** eyi ne asem a Awurade aka atia no: “Ɔbabeabun Sion sopa wo, na ɔsereɛ wo. Ɔbabea Yerusaleɛm di wo ho few, na ɔwosow ne ti bere a wɔreguan. **23** Hena na wugye di se woyeyaw no, di ne ho few nso? Hena na womaa wo nne so tiaa no na wohwɛɛ no ahantan so? Eyɛ

Israel okronkronni no! **24** Wonam w'asomafo so adi Awurade ho few. Na woaka se, 'Me nteaseenam dodow nti maforo mmepow atenten. Yiw Lebanon mmepow a ewoware pa ara no. Matwitwa ne sida atenten no, ne n'apepaw a eye fe no agu fam. Madu ne mmepow a ewo akyirikyiri no so, ne ne kwaeberentuw mu. **25** Matutu mmura wo ahoho nsase bebre so de ne nsu pa no adwudwo me ho. Mpo, mepaee Misraim nsubonten mu senea m'akofo betumi atwal' **26** "Na Montee e? Bere tenten a atwam, na mehye too ho. Bere bi a atwam no na medwenee ho; afei mama aba mu se, moadan oman a mosee nkuropon a wabo ho ban. **27** Won nkurofo a tumi afe won nsa no ho adwiriw won, na animguase aka won. Wote se afuw so nnua, ne afifide foforo a eye mmrew. Wote se sare a efifi odan atifi a ehyew ansa na anyin. **28** "Nanso minim nea wote bere a woba ne bere a woko ne senea wo bo huru tia me. **29** Na esiane se wo bo huru tia me na w'ahantan adu m'asom nti, mede me darewa behye wo hwenem, na mede akwankyerere dade ahye w'anom, mema wo afa okwan a wofaa so bae no so asan w'akyi. **30** "Eyi na ebeye nsenkyerenne ama wo, Hesehia: "Saa afe yi wubedi nea eno ankasa fifii. Afe a eto so abien no, wubedi nea efi mu ba. Nanso afe a eto so abiesa no de, wo ara dua na twa, ye bobo nturo na di so aba. **31** Bio, nkae bi a ofi Yuda fi begye ntin wo fam na wasow aba wo soro. **32** Na nkae bi befi Yerusalem aba, na nkae dom afe Bepow Sion so. Asafo Awurade pe mu na eyi beye. **33** "Eyi ne asem a Awurade ka fa Asiriahene ho: "Orenhyen saa kuropon yi mu na orentow bemma wo ha. Oremfa nkatabo mmegyina kuropon no akyi na orensi pie ntua n'ano. **34** Ohene no kwan a ofaa so bae no ara so na obesan afa ako n'ankasa man mu." Awurade ka se, "Orenwura saa kurow yi mu. **35** Esiane m'ankasa m'anuonyam ne m'akoa Dawid nti, mebo ho ban." **36** Afei Awurade bofo fii adi na okunkum asraafo mpem oha aduwotwe anum wo Asiria nsraban mu. Bere a nnipa no soree anopa no, wohuu se amu gugu baabiara! **37** Enti Asiriahene Sanaherib pon n'akofo. Osan koo Ninewe kotenaa ho. **38** Da bi a na oressore ne nyame Nisrok wo abosonnan mu no, ne mma mmarima baanu, Adramelek ne Sareser de afoa kokum no, na woguan koo Ararat asase so. Na ne babarima Esarhadon bedii n'ade se Asiriahene.

38 Saa nna no mu no, Hesehia yaree owuyare, na Amos babarima Odiyifo Yesaia koo ne nkyen kokae se, "Senea Awurade se ni: Toto w'akwan yiye,

efise worebewu; na wo ho renye wo den bio." **2** Bere a Hesehia tee asem yi, otwaa n'ani hwee ofasu, bo Awurade mpae se, **3** "Kae, Awurade, senea manantew w'anim nokware mu na mede me koma aye nea efata wo w'anim." Na Hesehia suu bebre. **4** Na saa asem yi fii Awurade nkyen koo Yesaia ho se, **5** "San ko Hesehia nkyen, na koka kyerere no se, 'Se na Awurade, w'agya Dawid Nyankopon, ka: Mate wo mpaebbo no, na mahu wo nisu. Mede mfe dunum beka wo nkwan ho. **6** Na megye wo ne kuropon yi afe Asiriahene nsam. Mebo kuropon yi ho ban. **7** "Na eyi ne nsenkyerenne a Awurade beye de adi ho adanse se, obedi ne bohye so: **8** Mema owia ano sunsuma atwe ako n'akyi anammom du wo Ahas antweri so." Eno nti, owiahyeren no koo n'akyi anammom du. **9** Nea Yudahene Hesehia kyerew wo ne yare ne n'ayaresa akyi ni: **10** Mekae se, "M'asetena mu nnapa yi mu ese se mefa owu apon mu na wogye me mfe a aka yi ana?" (Sheol h7585) **11** Mekae se, "Merenhu Awurade Nyankopon bio Awurade a owo atasefo asase so. Merenhu adesamma bio, anaa merenka won a wote wiase yi ho bio. **12** Woadwiriw me fi agu agye afe me nsam, te se, oguanhwefo ntamadan. Matwa me nkwa so senea onwemfo twa me fi asadua so; awia ne anadwo wutwaa me nkwa so. **13** Mede ntoboase twen kosii ahemadakyee, nanso woboboo me nnompe mu te se gyata; awia ne anadwo wutwaa me nkwa so. **14** Misuu se asomfena anaa asukonkon; mitwaa adwo se, aboronoma a oredi awereshow. M'ani yee siamoo bere a mehwee soro. Mewo ohaw mu, Awurade, bra beboa me!" **15** Na den na metumi aka? Wakasa kyerere me, na ono ankasa na waye eyi. Mede ahobrease benantew m'asetena nyinaa mu me kra ahoyeraw yi nti. **16** Awurade, enam saa nneema yi so na nnipa nya nkwa na me honhom nso nya nkwa wo mu. Wode m'akwahosan asan ama me nam so ama manya nkwa. **17** Yiw, eye me yiyeye nti na mekoo saa ahoyeraw yi mu. Wo do nti, wode me siei na manko osee amoa mu; na wode me bone nyinaa akye me. **18** Oda rentumi nkamfo wo; owu rentumi nto wo ayeyi nnwom; won a wosian ko amoa mu no rentumi nnya anidaso wo wo nokware mu bio. (Sheol h7585) **19** Ateasefo nko na wobetumi akamfo wo, senea mereye nne yi; agyanom ka wo nokware di ho asem kyerere won mma. **20** Awurade begye me nkwa, na yede asanku beto nnwom yen nkwan na nyinaa wo Awurade fi. **21** Na Yesaia kae se, "Momfa borodoma nye nku mfa nsra pompoo no so, na ne ho beto no." **22** Na Hesehia

bisae se, “Den nsenkyerenne na ebɛda no adi se, meko Awurade asɔredan mu?”

39 Saa bere no Merodak-Baladan a ɔye Babiloniahene Baladan babarima soma ma wode krataa ne akyede kɔmaa Heseikia, efise na wate se wayare ama ne ho ato no. **2** Heseikia gyee asomafo no few so, na afei ode nea ɔwo wo ne adekoradan mu kyereɛ won; dwete, sikakokoo, nnuhuam, ngohuam, n'akode akorae ne biribiara a eka n'ademude ho. Biribiara nni n'ahemfi ne n'ahenni mu a Heseikia amfa ankyere won. **3** Afei Odiyifo Yesaia koo ɔhene Heseikia nkyen, kobisaa no se, “Asem ben na saa mmarima no kae na he na wofi bae?” Heseikia buae se, “Wofi akyirikyiri asase bi so. Wofi Babilonia, na wobaa me nkyen.” **4** Odiyifo no bisae se, “Den na wohuu wo w'ahemfi ho?” Heseikia buae se, “Wohuu biribiara a ewo m'ahemfi ha. Biribiara nni m'ademude mu a mamfa ankyere won.” **5** Afei Yesaia ka kyereɛ Heseikia se, “Tie asem a efi Asafo Awurade nkyen: **6** Nokware, bere bi beba a, wobesoa biribiara a ewo w'ahemfi ne agyapade a w'agyanom akora de abedu nne no ako Babilonia. Biribiara renka, see na Awurade se. **7** W'ankasa w'asefo bi mpo, wobefa won nnommmu. Wobeye piamfo a wobesom wo Babiloniahene ahemfi.” **8** Na Heseikia ka kyereɛ Yesaia se, “Saa asem yi a efi Awurade nkyen a woaka akyere me yi ye asem papa.” Nanso na ɔhene no redwene se, ne bere so de, obenya asomdwoe ne bammɔ.

40 Monkyekye, monkyekye me nkurofo were. Saa na mo Nyankopon se. **2** Monka asomdwoesem nkyere Yerusalem, na mompae mu nka nkyere no se ne som dennen no aba awiei, wɔatua ne bone no so ka, na wɔanya ne bone nyinaa so akatua mmoho afi Awurade nsam. **3** Nne bi reteɛ mu se, “Munsiesie okwan mma Awurade wo nweatam no so. Montee ɔtempon wo sare no so mma yen Nyankopon. **4** Obon biara beye ma, bepɔw ne nkoko nyinaa beko fam, asase a eye abonkyiabonkyi no beye tamaa, na mmeae a eye akontonkye no aye tataw. **5** Na Awurade anuonyam beda adi, na nnipa nyinaa behu. Efise Awurade na waka!” **6** Nne bi kae se, “Tee mu.” Na mekae se, “Mentee mu nka den?” “Nnipa nyinaa te se sare, na won anuonyam nyinaa te se afuw so nhwiren. **7** Sare hyew, na nhwiren twintwam efise Awurade ahomegu fa won so. Nokware, nnipa no ye sare. **8** Sare hyew, na nhwiren twintwam, nanso yen Nyankopon asem

no tim ho daa.” **9** Wo a wode asem pa reba Sion, foro ko bepɔw tenten bi so. Wo a wode asem pa reba Yerusalem, ma wo nne so na tee mu, ma so, nsuro; ka kyere Yuda nkurow se, “Mo Nyankopon ni!” **10** Hwe, Asafo Awurade de tumi reba, na n'abasa bedi hene ama no. Hwe, n'akatua ka ne ho, na ode n'abasobode nam. **11** Ohwe ne nguankuw se oguanhwefo. Obɔa nguantenmma no wo n'abasa so oturu won ne koko so; na nguan a wɔwo mma no, aka won breoo. **12** Hena na wasusuw obon mu nsu wo ne nsam anaa ode ne nsateaa asusuw ɔsoro? Hena na ode asase so mfutuma agu kenten mu, anaa wakari mmepɔw wo nsania so ne nkoko wo nsania apampaa so? **13** Hena na wate Awurade ase, anaa wakyerekere no se ne fotufo? **14** Hena na Awurade abisa no se onkyere no biribi ase, na hena na okyerɛ no okwan pa no? Hena na ɔmaa no nimdee anaa okyerɛ no nhumu kwan? **15** Ampa ara aman no te se nsu sope wo bokiti mu; wode won toto mfutuma a egu nsania so ho; okari nsupɔw te sɛnea eye mfutuma muhumuhu. **16** Lebanon nnɔso mma afɔremuka so gya, na ne mmɔa renso mma ɔhyew afɔrebode. **17** Aman nyinaa nse hwee wo n'anin; obu won adehunu bi a wonka hwee. **18** Afei hena ho na wode Onyankopon betoto? Nsesode ben ho na wode no beto? **19** Ohoni de, odwumfo na ɔye, na sikadwumfo de sikakokoo agu ho na wasiesie dwete nkɔnsɔnkɔnsɔn ama no. **20** Ohiani a ɔrentumi mfa saa ayeyede yi mma no kɔhwehwe dua a erempɔrow. Ohwehwe odwumfo nyansafo na waye ohoni a eremmunum nhwe fam asi ho. **21** Wunnim ana? Wontee ana? Wɔnnka nkyereɛ wo mfii mfiase no ana? Efi bere a woboo asase no, wontee ase ana? **22** Ɔte ahengua so wo asase dantaban no atifi eso nnipa te se tewtew ɔtwe ɔsoro mu te se bamkyinii, na ɔtrew mu se ntamadan tena mu. **23** Ɔma ahemnea ye nnipahunu na wiase yi sodifo nso, ɔbre won ase. **24** Wɔtew won ara pe, woduaa won ara pe, wogyee ntin wo asase mu pe, na wahome agu won so ama wɔakisa, na mframa abo won ko te se ntete. **25** “Hena ho na wode me beto? Anaase hena na one me se?” Okronkronni no na ose. **26** Momma mo ani so nhwe ɔsoro: Hena na ɔbɔo eyinom nyinaa? Nea oyiyi ɔsoro nsoromma mmaako mmaako, na ɔbo obiara din fre no. N'ahooden ne ne tumi nti won mu baako mpo nyera. **27** Aden na wunwiinwii, Yakob, na woka se, Israel, “M'akwan ahintaw Awurade; na me Nyankopon abo m'asem agu?” **28** Wunnim ana? Wontee ana? Awurade ye daapem Nyankopon, na ɔye

asase nyinaa yefo. Ɖremmɛ na ɔrentɔ beraw, na ne nhumu nni nhwehwemu. 29 Ɖma nea wato beraw ahoɔden nea waye mmerew nso, ɔto n'ahoɔden so. 30 Mpo, mmabun brɛ, na wato beraw, na mmerante hintihintiw hwehwe ase; 31 Nanso, wɔn a wɔn ani da Awurade so benya ahoɔden foforo. Wɔde ntaban se akɔre de betu akɔ wim; wobetu mmirika, na wɔrentɔ beraw. Wɔbenantew, na wɔrentɔ piti.

41 “Monye komm wɔ m’anim, mo nsupɔw! Ma aman no nhye wɔn ho den! Ma wɔmmra ha mmekasa; momma yemmɔ mu nhya wɔ asennii ho. 2 “Hena na wakanyan nea ofi apuei no, afɛ no trenɛe mu se ɔmmesom no? Ɖde aman hye ne nsa na ɔbre ahemfo ase wɔ n’anim. Ɖde n’afɔa ma wɔdan mfutuma, ɔde ne bemma ma wɔdan ntɛtɛ a mframa bo hwete. 3 Ɖtaa wɔn na ɔko n’anim a biribiara nti ne ho, wɔ kwan a ɔmfaa so da no so. 4 Hena na waye eyi akosi awiei, afɛ awo ntoatoaso afi mfiase? Me Awurade, meka adikanfo ne akyikafo ho, Mene ɔno ara.” 5 Nsupɔw no ahu na wɔbo hu; nsase ano ho popo. Wotwiw ben, na wɔba anim; 6 na obiara boa ne yɔnko na ɔka kyere ne nua se, “Ye den!” 7 Odwumfo hye sikadwumfo nkuran, na nea ɔde asae ye no trontrom boa nea ɔbo atommo so. Ɖka fa nea ɔsɔw no ho se, “Eye pa ara.” Ɖbobo ohoni no mu nnadewa senea ɛrentu nhwe fam. 8 “Nanso wo, Israel, me somfo, Jakob, nea mayi no no, mo, m’adamfo Abraham asefo. 9 Mefaa wo fii nsase ano, fii n’akyirikyiri ntwea so, na mɛfrɛ wo. Mekae se, ‘Woye me somfo’; mapaw wo na mempoo wo ɛ. 10 Enti nsuro, na mene wo wɔ ho; mma wo were nhow, na mene wo Nyankopɔn. Mɛhye wo den, na mɛboa wo; mede me trenɛe nsa nifa bɛma wo so. 11 “Wɔn a wɔn bo afuw wo no nyinaa, ampa ara wɔn ani bewu na wɔn anim agu ase; wɔn a wɔsɔre tia wo no rense hwee na wobewuwu. 12 Ɖwɔ mu se wobehwehwe w’atamfo de, nanso worenhu wɔn. Wɔn a wotu wo so sa no rense hwee koraa. 13 Na mene Awurade, wo Nyankopɔn, nea okura wo nsa nifa mu na ɔka kyere wo se, Nsuro; mɛboa wo. 14 Nsuro, osunson Jakob, Israel a wusua, na me ankasa mɛboa wo,” Awurade na ose, wo gyefo, Israel Ɖkronkronni no. 15 “Hwɛ, mede wo beye nhuwso apa, a eye amono, ano ye nnam na ɛwɔ ɛse bebre. Wubehuhuw mmepɔw no so na woadwiriw wɔn, na woama nkoko aye se ntɛtɛ. 16 Wubehuhuw wɔn so, mframa bɛma wɔn so, na ahum abɔ wɔn akɔ. Nanso w’ani begye wɔ Awurade mu na

woahye Israel Ɖkronkronni no anuonyam. 17 “Ohiani ne mmɔborɔni kyin pɛ nsu, nanso bi nni ho; osukɔm ama wɔn tekɛma so ayow. Nanso me Awurade, mɛma wɔn mmuae. Me, Israel Nyankopɔn, merennyaw wɔn. 18 Mɛma nsubɔnten atɛ wɔ sorɔnsorɔmmɛa a awu no so, na nsuti apue wɔ abon mu. Medan nweatam aye no mmura, na nsase a awo adan nsuti bebre. 19 Meduadua wɔ nweatam so, sida, ɔkanto, ohuam ne ngonnua. Meduadua ɔpɛpaw wɔ asase wosee so asɛse ne kwabɔhɔre abɔ mu, 20 senea nnipa behu na wɔate, na wɔasusuw ho na wɔate ase se, Awurade nsa na aye saa ade yi, Israel Ɖkronkronni no na ɔma ɛbae. 21 “Bo wo nkuro,” Awurade na ose. “Kyerɛkyere w’asɛm mu,” Jakob Hene na ose. 22 “Fa w’ahoni no bra na wɔmmɛka nea ebɛsi nkyere yen. Wɔmmɛka senea na kan nneɛma no te nkyere yen, senea yebedwen ho afa na yeahu nea ebɛfi mu aba. Anaase wɔmpae mu nka nneɛma a ebɛsi nkyere yen. 23 Monka yen nea ebɛsi daakyɛ, na ama yeahu se moye anyame. Monye biribi, se eye anaa enye, senea ebɛye a yen were behow na ehɛ aka yen. 24 Nanso, monnka hwee, na mo nnwuma so nni mfaso; nea ɔfa mo no ye akyiwade. 25 “Makanyan obi a ofi atifi fam na ɔreba, nea ofi owia apuei na ɔbo me din. Otiafia ahemfo so te se ɔdɛ a wɔde si dan, te se ɔnwemfo a ɔrewɔw ɔdɛ. 26 Hena na ɔkaa eyi ho asɛm fii mfiase, senea anka ebɛma yeahu, anaa waka ato ho, senea yeбетumi aka se, ‘Ne de no ye’? Obiara anka eyi, obiara anni kan anka, obiara ante nseɛm biara amfi wo nkyɛn. 27 Me na midii kan ka kyere Sion, ‘Hwɛ, woni!’ Memaa Yerusalem ɔsɔmafo a ɔde asɛmpa ba. 28 Mɛhwɛ, nanso obiara nni ho, obiara nni wɔn mu a obetu wɔn fo, se mibisa wɔn a, obiara ntumi mma mmuae. 29 Hwɛ, wɔn nyinaa ye atorofɔ! Wɔn nneyɛe nka hwee; wɔn nsesode ye mframa ne basabasaye nko ara.

42 “Me somfo a mahye no den ni, nea mayi no na ɔsɔ m’ani; mede me Honhom begu no so na ɔde atentrenɛe bebre aman no. 2 Ɖrentɛ mu anaa ɔremma ne nne so. Ɖremma ne nne so wɔ mmɔnten so. 3 Demmire a aye mmerew no, ɔremmu mu. Kanea ntamabamma a ɛnnɛw yiye no, ɔrennum. Nokware mu na ɔbɛda trenɛe adi; 4 ɔrenhinhim na ɔrempa abaw kosi se ɔde trenɛe beba asase so. Ne mmara so na amanaman no de wɔn ani beto.” 5 Sɛɛ na Onyankopɔn, Awurade no se, nea ɔbɔɔ ɔsoro na ɔtɛw mu, nea ɔtwee asase mu ne nea efi mu nyinaa, nea ɔma wɔn a wɔte so home, na ɔma wɔn a wɔnantew

so no nkwa: **6** “Me, Awurade, mafre wo trennee mu; meso wo nsa. Mefwe wo so na mede wo aye apam ama nkurofo no ne kanea ama amanamanmufo, **7** na woabue ani a afura, na woayi nneдуаfo аfi afiase na woagye won a woda afiase amoa mu, won a wote sum kabii mu no. **8** “Mene Awurade; me din ne no! Meremfa m’anuonyam mma obi anaa m’ayeyi mma ahoni. **9** Hwe, nneema dedaw no asisi, na nneema foforo no mepae mu ka; ansa na ebeba mu no, meka kyerε mo.” **10** Monto dwom foforo mma Awurade! N’ayeyi mfi asase ano, mo a moko po so ne nea ewo mu nyinaa, mo asupow ne won a wotete so nyinaa. **11** Ma nweatam ne so nkuro wo mma won nne so; ma atenae a Kedar te so no nsepe won ho. Ma nnipa a wowa Sela nto nnwom nnye won ani; ma wonte mu mfi mmeow no atifi! **12** Ma wonhye Awurade anuonyam; na wompae mu nka n’ayeyi no wo asupow no so. **13** Awurade bepue aba se okatakya, te se okoforo no, obehye ne mmademmo mu den; ode nteemu beye okoforo nkanyan na obedi n’atamfo so nkonim. **14** “Maye komm akye, maye dinn na mahye me ho so. Nanso afei, te se obea a orewo no, metee mu, mehome a ensi so na mehome afre so. **15** Mesee mmeow ne nkoko no na mahyew so afifide nyinaa. Medan nsubonten ama aye asupow, na mama atare ayoyow. **16** Medi anifuraefo anim afa akwan a wonnim so so, akwan a wonnim so papa so na mekyere won kwan. Mema sum no aye hann wo won anim, na maye mmeae a eye abonkyiabonkyi no trontrom. Eyinom ne nneema a meye; merennyaw won mu. **17** Na won a wode won ho to ahoni so, na woka kyerε nsesode se, ‘Moye yen anyame’ no, wobepam won wo animguase mu.” **18** “Tie, wo osotifo; hwe, wo onifuraefo na hu! **19** Hena ne onifuraefo se me somfo, na oye osotifo se obfo a mesoma no? Hena na n’ani afura se nea ode ne were ahye me mu, n’ani afura se Awurade somfo? **20** Woahu nneema bebree, nanso amfa wo ho; Okwan da w’asom, nanso wonte hwee.” **21** Esso Awurade ani, ne trennee nti se obema ne mmara aye kese na anya anuonyam. **22** Nanso saa nnipa a wawia won na wafow won yi, won nyinaa aka amoa mu anaa wode won asie wo afiase. Woye won asade na wonni obi a obegye won; woye won akoronne na wonni obi a obeka se, “Momfa won nsan nko.” **23** Mo mu hena na obetie eyi anaa n’ani beku ho yiye akyiri yi? **24** Hena na ode Yakob maa se omme ye akoronne, na ode Israel maa afowfo? Enye Awurade a yeaye bone atia no no? Efise

wonantew n’akwan so; na wanni ne mmara so. **25** Enti ohwiee n’abufuwhyew guu won so, akodi mu basabasaye. Ede ogyaframa bunkam won so, nanso wante ase. Ehyew won, nanso amfa won ho.

43 Na afei, see na Awurade se, nea obwo wo, Yakob nea onwen wo, Israel; “Nsuro na magye wo; mabo wo din afre wo; woye me dea. **2** Se wofa nsu mu a, meka wo ho; na se wutwa nsubonten no a, eremmu mfa wo so. Se wonantew ogya no mu a, worenhyew; ogyaframa no renhye wo. **3** Na mene Awurade, wo Nyankopon, Israel Kronkronni, wo Agyenkwa. Mede Misraim ye mpata ma wo na mede Kus ne Seba si w’anan mu. **4** Se wosom bo ma me na wowo anuonyam wo m’anim na medo wo nti, mede nnipa besesa wo, na mede nkurofo asesa wo nkwa. **5** Nsuro, efise meka mo ho; mede wo mma befi apuei fam aba na maboa won ano аfi atoe fam. **6** Meka akyere atifi fam se, ‘Munnaya won!’ ne anafu fam se, ‘Munnye won ntena ha.’ Momfa me mmabarima mfi akyirikyiri mmra na me mmabea mfi asase ano mmra, **7** obiara a me din da no so, nea mebow no de hyee me ho anuonyam, nea menwen no na meye no.” **8** Momfa won a wowa ani, nanso wonhu ade won a wowa aso nanso asisiw no mmra. **9** Aman no nyinaa boa won ho ano, na nnipa no hyia mu. Won mu hena na okaa eyi fii mfiase na opae mu kaa nneema a atwam no kyerε yen? Ma wommfa won nnansefo mmra mmedi adanse se wodi bem, senea afoforo bete na woka se, “Eye nokware.” **10** “Mone me nnansefo, ne m’asomfo a mapaw no,” see na Awurade se, “Senea mubehu na moagye me adi na moate ase se me ne no. Wommo onyame bi anni m’anim, na m’akyi nso obiara remma. **11** Me, Me ara, Mene Awurade, na agyenkwa biara nni ho se me. **12** Mada no adi na magye nkwa na mapae mu aka se, Me, na enye onyame nanani bi a wowa mo mu. Mone me nnansefo,” Awurade na ose se, “Mene Onyankopon. **13** Yiw, na efi teteete no me ne no. Obiara rentumi nnye mfi me nsam se meye biribi a, hena na obetumi adan no?” **14** See na Awurade se, w’Agyenkwa, Israel Kronkronni no: “Mo nti, mesoma ako Babilonia, na mede Babiloniafo nyinaa beba se aguanfo wo ahyen a wode hoahoa won ho no mu. **15** Mene Awurade, wo Kronkronni no, Israel Yefo, wo Hene.” **16** See na Awurade se, nea obwo kwan wo po mu, kwan a eda asubun mu, **17** nea otwee ntease nam ne apoko, asraafo ne ne nkekaho nyinaa, na woka ho a wansore bio, woadum won

te se kanea mu ntamabamma: **18** “Momma mo were mfi kan nneema no monnto nnko nea atwam no so. **19** Hwe, mereye ade oforo! Mprempren, erepue; na munhu ana? Merebo kwan afa nweatam so na mereye nsuwansuwa wo asase wosee so. **20** Mmoa a woye keka hye me anuonyam, adompo ne mpatu, efise mema nsu wo nweatam so ne nsuwansuwa wo asase wosee so, de ma me nkurofo, won a mapaw won no nsu, **21** nnipa a meye won maa me ho se wompae mu nka m’ayeyi. **22** “Nanso, womfre me, Jakob, wonhaw wo ho wo me ho, Israel. **23** Momfaa nguan mmre me se ohyew aforebode, na momfaa mo aforebo nhye me anuonyam nso. Memmaa aduan afore nyee mo adeso na memfaa nnuhuamgye nhaw mo. **24** Montoo nnuhuam mmre me, na mommaa mo aforebode mu srade mmuu me so. Mmom, mode mo bone asoa me na mode mo mfomso ho haw abeto me so. **25** “Me, me ara, mene nea opepa mo bone, me nti, na menkae mo amumoye bio. **26** Monhwehwe nea atwa mu no mu bio mma me, momma yemmoo mu nnye asem no ho akyinnye; ka w’asem a ekyere se wunni fo no. **27** Mo agya a odii kan no ye bone; mo kasamafo tew m’anim atua. **28** Enti magu mo asoredan mu atitiriw anim ase, na mede Jakob ama osee na mede Israel ama ahohora.

44 “Na afei tie, Jakob me somfo, Israel, nea mapaw no. **2** See na Awurade se, nea onwen wo, na oye wo wo awotwaa mu, ono na oboea wo: Nsuro Jakob, me somfo, Yeshurun, a mapaw no. **3** Na mehwie nsu agu asase a awo no so, ne nsuten wo asase kesse so; mehwie me Honhom agu wo mma so, ne me nhyira agu w’asefo so. **4** Wobefifi senea sare fifi wo mmoa adidibea, te se mpampuro a ewo asuten ho. **5** Obi beka se, ‘Meye Awurade de’; oforo befre ne ho se Jakob; aforo beko so akyerew won nsa ho se, ‘Awurade de,’ na wofa din Israel. **6** “See na Awurade Israelhene ne Ogyefo, Asafo Awurade se: Mene odikanfo ne okyikafo; Onyankopon biara nni ho se me. **7** Hena na one me se? Ma ompae mu nka. Ma onka na onkyere wo m’anim nea asisi fi bere a migyee me tete nkurofo sii ho, ne nea erebeba. Yiw, ma onhye nea ereba ho nkam. **8** Mommma mo ho mpopo, munnsuro. Mampae mu anka eyi, manhye ho amfi teteete ana? Mone me nmansefo. Onyankopon oforo bi ka me ho ana? Dabi, obotan oforo bi nni ho; minnim baako mpo.” **9** Won a woye ahoni nyinaa nka hwee, na nneema a esom won bo no so nni mfaso. Won a anka wokasa ma won no

ani afura; wonnim won ankasa animguase ho hwee. **10** Hena na obo onyame na ogu ohoni, a ne so mma no mfaso biara? **11** Ono ne won a wote se no nyinaa anim begu ase; adwumfo nye hwee se nnipa. Momma won nyinaa mmoo mu nsore nnyina, ehu ne animguase na ebeka won. **12** Otomfo fa n’atonnade ode hyehye nnyansramma mu; ode asae bobo so ye no ohoni, ode n’abasa mu ahooden mmoroso na eye; okom de no na oye mmrew; onnom nsu nti oto beraw. **13** Duadwumfo de hama susuw na ode kyerewdua sensan; na ode pee yiyi ho afei ode kompaase hye no agyirae. Osen na eye se onipa soso, eye se onipa wo n’anuonyam nyinaa mu, se wode besi abosonnan mu. **14** Otwitwaa sida, anaase ebia ofaa kwabohore anaa odum. Oma enyinii wo kwae mu, anaa oduaa opepaw, na osu ma enyinii. **15** Eye nea onipa de so ogya; ode bi ka ne ho hyew, ode bi so ogya to brodo. Nanso ode bi sen onyame na osore no; oye ohoni na okotow no. **16** Ode dua no mu fa so ogya; so na onoa n’aduan, ototo ne nam wo so na wawe amee. Afei oka ne ho hyew na oka se, Aa! mahu ogya; me ho aye me hyew. **17** Nkae no ode ye onyame, ne ohoni; okotow no na osore no. Obo no mpae se, “Gye me; wo ne me nyame.” **18** Wonnim hwee, na wote hwee ase; wotare won ani so nti wonhu ade, woto won adwene mu nti wote hwee ase. **19** Obiara nna nnwen ho, obiara nni nimdee anaa nhumu a ode beka se, “Mede fa soo ogya; na mpo metoo brodo wo ne nnyansramma so; metotoo nam wo so wee. Esee se mede nkae no ye akyiwade ana? Esee se mekotow gyentia ana?” **20** Saa onipa no di nsō, nnaadaa koma ma no to kwan; orentumi nnye ne ho, anaa nka se, “Nea mikura wo me nsa nifa yi nye atoro ana?” **21** “Kae saa nneema yi, Jakob, efise, woye me somfo, Israel. Me na meye wo, woye me somfo; Ao Israel, me were remfi wo. **22** Mapra wo mfomso agu te se omununkum ne wo bone te se anopa bosu. San bra me nkyen, efise magye wo.” **23** Momfa ahosepew nto dwom, osorosoro, na Awurade na waye eyi. Mommo ose, asase ase. Momma nnwonto so, mo mmepow, mo kwae ne emu nnua nyinaa, na Awurade agye Jakob, wada n’anuonyam adi wo Israel. **24** “See na Awurade se, wo Gyefo a onwen wo wo awotwaa mu no: “Mene Awurade, nea waye nneema nyinaa, nea ono nko ara trew osoro mu nea ono nko ara twee asase mu, **25** nea osee atoro adiyifo nsenkyerenne na oma nkomhyefo ye nkweiseafo, nea otutu anyansafo adenim gu na odan no nkweiseasem, **26** nea oma n’asomfo nsem ba

mu nea ohye n'asomafo nkɔmhye mu ma, "nea aka fa Yerusalem ho se, 'Wobetena mu,' ne Yuda nkurow ho se, 'Wobekyekye,' ne mmubui ho se, 'Meye no foforo,' 27 nea aka kyere asubun se, 'Yow, na mema wo nsuwa ayoyow,' 28 nea aka wo Kores ho se, 'Oye me guanhwefo na obewie nea mepe nyinaa ye; obeka afa Yerusalem ho se, "Ma wonkyekyere bio," na waka afa asoredan no ho se, "Ma wonto ne fapem.""

45 "See na Awurade ka kyere nea wasra no ngo, Kores a maso ne nsa nifa mu se ommre aman ase wo n'anim na onnye ahemfo akode mfi won nsam se ommuebue apon a ewo n'anim senea kurow apon no mu rentoto. 2 Medi w'anim meye mmepow tamaa; meububu kabere mfrafrae apon agu na matwitwa nnade adaban mu. 3 Mede sum mu ademude bema wo ahonyade a wode asie kokoa mu senea wubehe se, mene Awurade, Israel Nyankopon, a obɔ wo din fre wo no. 4 Me somfo Yakob nti, Israel a mapaw no nti, meɔ wo din fre wo na mema wo anuonyamhye abodin, ewo mu se wunnyee me ntoo mu de. 5 Mene Awurade, obiara nni ho bio; Onyankopon biara nni ho ka me ho. Meye wo den, ewo mu se wunnyee me ntoo mu de, 6 senea ebeye a efi nea owia pue kosi beae a eto no nnipa behu se obiara nka me ho. Mene Awurade, na obiara nni ho bio. 7 Meye hann, na meɔ sum. Mede yiyedi ba na mede ohaw ba; Me, Awurade, na meye eyinom nyinaa. 8 "Mo osorosoro munhwie trennee ngu fam; momma emfi omununkum mu nto momma asase mu mmue kese, na nkwaye mpue mfi mu, na trennee ne no nnyin; Me, Awurade na maye. 9 "Nnome nka nea one ne Yefo ham enka nea omfra te se kyemfere a efra nea egugu fam mu. Dote betumi abisa onwemfo se, 'Den na woreye yi?' W'adwuma betumi abisa wo se 'Wunni nsa'? 10 Nnome nka nea ose n'agya se 'Den na woawo yi?' Anaa obisa ne na se, 'Den na wokyem woe?' 11 "See na Awurade se, Israel Okronkronni ne ne Yefo; Nea efa nneema a ereba ho no, wubisa me nsem a efa me mma ho, anaa wohye me wo me nsa ano adwuma ho? 12 Eye me na meye asase na meɔ adesamma guu so. Me ara me nsa na mede trew osoro mu; nsoromma ahorow nyinaa hye m'ase. 13 Mema Kores so wo me trennee mu; metetee n'akwan nyinaa. Obesan akyekyere me kuropon na wagya me nnommumfo, nanso orennye akatua anaa akyede, Asafo Awurade na ose." 14 See na Awurade se: "Nneema a efi Misraim ne aguade a efi Kus, ne

Sebafo atenten no, wobeba wo nkyen abeye wo dea; wobedi w'akyi breo aba a wogu nkonsankonsan mu. Wobebu nkotodwe w'anim na wasre wo aka se, 'Ampa ara, Onyankopon ka wo ho, na obi nni ho; onyame biara nni ho.'" 15 Ampa ara, woye Onyankopon a ode ne ho sie, Ao Onyankopon ne Israel Agyenkwa. 16 Won a woye ahoni nyinaa befere na won anim agu ase; wobeba mu ako animguase mu. 17 Nanso Awurade begye Israel nkwa, ode daapem nkwaye; woremma w'ani nwu na w'anim rengu ase bio kosi daapem. 18 Na see na Awurade se, nea obɔ osorosoro no ono ne Onyankopon; nea omaa asase, ne tebea na obɔe no, ono na otoo ne fapem; wammɔ no se so nna ho kwa, mmom, oye se nnipa ntena so, aka se: "Mene Awurade, na obi nni ho. 19 Menkasaa wo kokoa mu, mfi asase so baabi a aduru sum; menka nkyeree Yakob asefo se, 'Monhwewe me na munhu me.' Me Awurade, meka nokware no; meka nea eye. 20 "Momoaboa mo ho ano na mommra; munhya mu, mo aguanfo a mufi amanaman so. Won a wonnim de na wosoa nnua ahoni de kyinkyin won a wobɔ anyame a wontumi nnye nkwa no mpae. 21 Mompae mu nka nea ebese, momfa nto gua, ma wommɔ mu ntu agyina. Hena na odii kan kaa no teteete, hena na oda no adi fi tete nteredee? Enye me Awurade ana? Onyankopon bi nni ho ka me ho, trennee Nyankopon ne Agyenkwa; obiara nni ho se me. 22 "Monnan mmra me nkyen na munnya nkwa, mo a mowo asase ano nyinaa; efise mene Onyankopon, na obiara nni ho. 23 Maka me ho ntam, m'ano aka wo nokwaredi nyinaa mu asem a wontwe nsan se: obiara bebu nkotodwe wo m'anim. Na obiara bepae mu aka se, mene Onyankopon. 24 Wobeka me ho asem se, 'Awurade nko ara mu na trennee ne ahooden wo.'" Won a won bo huru tia no nyinaa beba ne nkyen na won anim begu ase. 25 Nanso Awurade mu, Israel asefo nyinaa wobebu won bem, na wahoahoa won ho.

46 Bel bo ne mu ase, Nebo bre ne dibease; mforum soa won ahoni. Nsesode a woso nenam no mu ye duru, eye adeso ma nea wabre. 2 Wobɔ mu kotow, bo won mu ase; wontumi nsiw amanehununu ano, won ankasa ko nkoasom mu. 3 "Muntie me, Yakobfio, mo a moaka wo Israelfi nyinaa, mo a maso mo mu fi mo nyinsen mu, na maturu mo afi bere a wowoo mo. 4 Mpo kosi mo nkwakoraa bere ne bere a mubefuw dwen mu, Me ne no, Me ne nea obeso mo mu. Mabɔ mo na meturu mo; mewowaw mo na megye mo. 5

“Hena ho na mode me beto, anaa mubebu no me seso? Hena na mode me besusuw no, na mode no atoto me ho? **6** Ebinom hwie sikakokoo fi won ntokoku mu na wokari dwete wo nsania so; woboo sika dwumfo paa, ma ade ye onyame bi, na wokotow sore no. **7** Wosoa no wo won mmati so, wode kosi n’afa, na eka ho ara. Erentumi mfi faako a esi. Obi tee mu fre no de, nanso ommua; erentumi nyi no mfi ne haw mu. **8** “Monkae yiye, momma enka mo tirim, munnwen ho mo atuatewfo. **9** Monkae nneema a atwam no, teteete nneema no; Mene Onyankopon, na obi nni ho; Mene Onyankopon, na obiara nte se me. **10** Meda awiei adi fi mfiase, efi tete, meka nea ebeba. Meka se: ‘M’atirimpow begyina, na meye nea mepe nyinaa.’ **11** Mefre anomaa a okyere mmoa a fi apuei fam; a fi akyirikyiri asase so, onipa a obehye me botae ma. Nea maka no, eno na mema aba mu; nea madwen ho no, eno na meye. **12** Muntie me, mo a moye akokodurufo, mo a mo ne trennee ntam kwan ware; **13** Mede me trennee reben, enni akyirikyiri; na me nkwagye nso renkye. Mema Sion nkwagye, na mede m’anuonyam ama Israel.

47 “Sian ko, tena mfutuma mu, Obabaa Babilonia; tena fam na mfa ahengua, Babiloniafo hemmea kuropon. Woremfre wo bio se, nsiforo anaa nea ne ho ye na. **2** Fa awiyammo na yam esiam; yi wo nkataanim no. Ma w’atade so ko soro, na wo nan ho ngu ho, na fa nsuwansuwa no mu. **3** W’adagYaw beda adi na w’animguase so renkata. Meto were; meremfa obiara ho nkye no.” **4** Yen Gyefo, Asafo Awurade ne ne din, ono ne Israel Kronkronni. **5** “Tena ase dinn, kohye sum mu, Babiloniafo hemmea kurow; woremfre wo bio se ahenni ahorow so hemmea. **6** Me bo fuw me nkurofo, na miguu m’agyapade ho fi; mede won hyee wo nsa, na woanhu won mmaboo. Nkwakoraa koraa mpo, wosooa won konnua duruduru. **7** Wokae se, ‘Meko so daa, aye ohemmea afeboo.’ Nanso woannwen saa nneema yi ho na woansusuw nea ebetumi asi ho. **8** “Afei tie, wo oguamanfo, wordwudwo wo ho wo wo bammoo mu na woka kyere wo ho se, ‘me ne no, na obiara nni ho se me. Merenye okunafo da na merenni awommawu.’ **9** Saa nneema abien yi beto wo preko pe, da koro pe: awommawu ne kunaye. Saa nneema yi beba wo so pa ara, w’abayisem bebrebe yi ne ntafowayi a mu ye den nyinaa akyi. **10** Wode wo ho ato w’amumoye so na waka se, ‘Obiara nhu me.’ Wo nyansa ne nimdee ma wo fom kwan bere a woka

kyere wo ho se, ‘Me ne no, obiara nni ho ka me ho.’ **11** Amanehunu beto wo, na worenhu okwan ko a wobefa so ayi a fi ho. Ohaw bi beba wo so a worentumi mfa mpata nyi mfi ho; atoyerenkyem a ennaa ne ho adi nkyeree wo beba wo so mpofirim. **12** “Ko so ye wo ntafowayi ne w’abayisem bebrebe a wode adi dwuma fi wo mmofraase no. Ebia wubedi nkonim, ebia wode ehu beba. **13** Woabre wo afotufu bebrebe a woanya no mu! Ma wo nsoromma ho anyansafo mmra anim, won a wohwe nsoromma mu no, ka nea ereba osram biara mu no, ma wonnye wo mfi nea ereba wo so no mu. **14** Nokwarem, wote se gyentia; ogya behyew won. Na wontumi nnye won ankasa ho mfi ogyaframa anoden no ho. Nnyansramma biara nni ha a ebeka obiara hyew; ogya biara nni ha a wobetena ho ato. **15** Nea wobetumi aye ama wo ara ne no, eyinom na wo ne won abre na wo ne won anantew fi mmofraase. Won mu biara ko so ye ne mfomso; obaako mpo nni ho a obetumi agye wo.

48 “Muntie eyi, Yakobfifoo mo a wode Israel din fre mo, na moye Yuda asefo, mo a moboo Awurade din ka ntam, na mofre Israel Nyankopon, nanso enye nokware anaa trennee mu, **2** mo a mofre mo ho kurow kronkron no mma na mode mo ho to Israel Nyankopon so, Asafo Awurade ne ne din. **3** Mehyye nneema a atwa mu no ho nkam dedaada, meboo nkae, na medaa no adi; afei mpofirim mekekaa me ho na ebaa mu. **4** Na minim senea moye asooden fa mo kon ho ntin ye dade na mo moma ye kobere mfrafrae. **5** Enti, mekaa saa nsem yi kyeree mo dedaada ansa na erebesisi no, meboo mo nkae senea morentumi nka se, ‘M’ahoni na woyee: me dua nsesode ne me dade nyame na ohyee.’ **6** Moate eyinom nyinaa; monhwe won nyinaa. Morennye won nto mu ana? “Efi saa bere yi de reko meka nsem foforo akyere mo, efa nneema a ahintaw a munnim ho. **7** Afei na woye koraa, enkyee; ebisi nne no na anka montee ho hwee. Enti morentumi nka se, ‘Yiw na minim dedaw!’ **8** Wontee, na wontee ase; efi tete nyinaa w’aso asiw. Na minim se woye ofatwafo; wofree wo otuatawfo fi oyafunu mu. **9** Me din nti metwentwen m’abufuw so; m’ayeyi nti miyi fi wo so, senea merensee wo koraa. **10** Hwe mahoa mo ho, enye senea wonan dwete ho; mmom, maso wo ahwe wo amanehunu fononoo mu. **11** Me nti, me nti, na meye eyi. Aden nti na ese se mema ho kwan na wose me din? Memma obi nnye m’anuonyam. **12** “Tie me, Yakob, Israel a mafre no; Me ne no; Me

ne odikanfo ne okyikafo. **13** Me ara me nsa na etoo asase fapem, na me nsa na etrew osorosoro mu; se mefre won a, won nyinaa bo mu sore. **14** “Mo nyinaa mommo mu mmra mmetie: ahoni no mu nea owo he na waka saa nsem yi dedaw? Awurade boafa a wapaw no bema n’atirimpow a etia Babilonia aba mu; ne basa betia Babiloniafo. **15** Me, me na makasa. Yiw, mafre no. Mede no beba, na obewie n’adwuma nkonimdi so. **16** “Montwiw mmen me na muntie eyi: “Efi nkaebo a edi kan no, menkasaa wo kokoa mu; bere biara a ebesi no, na mewo ho.” Na afei Asafo Awurade de ne Honhom asoma me. **17** See na Awurade se, mo gyefo, Israel Kronkronni no: “Mene Awurade mo Nyankopon, nea okyere mo nea eye ma mo, na okyere mo okwan a ese se mofa so. **18** Se mudii m’ahyede so a, anka mo asomdwoe aye se asubonten, na mo trennee aye se po asorokye. **19** Anka mo asefo aye se nwea, na mo mma aye se ne mmosea a wontumi nkan; won din rempepa da worensee mfi m’anim.” **20** Mumfi Babilonia, munguan mfi Babiloniafo nkyen! Momfa osebo nteemu mmoo nkae na mompae mu nka eyi. Momfa nko nsase ano; monka se, “Awurade abegye ne somfo Yakob.” **21** Osukom anne won bere a odii won anim, wo nweatam ahorow so no, omaa nsu fii obotan mu ba maa won; opaee obotan no mu, maa nsu tue fii mu. **22** “Asomdwoe nni ho mma amumayefo.” See na Awurade se.

49 Muntie me, mo mpoano aman; monye aso mo akyirikyiri aman ansa na worebewo me no, Awurade frefe me oboo me din ansa na worewo me. **2** Dyee m’ano se afoa nnamnam, ode me hintaw ne nsa ase nwini mu; ode me yee agyan a ano ye nnam na ode me hyee ne boha mu. **3** Oka kyere me se, “Woye me somfo, Israel, wo mu na meda m’anuonyam adi.” **4** Nanso mekae se, “Mabre agu masee m’ahooden kwa, mannanya mu hwee nanso nea ewo me wo Awurade nsam na m’akatua wo me Nyankopon nkyen.” **5** Na afei, Awurade kasa se, nea onwen me wo awotwaa mu se memmeye ne somfo se memfa Yakob nsan mmra ne nkyen na me mmoaboa Israel ano mma no no, wahye me anuonyam wo Awurade ani so na me Nyankopon aye m’ahooden. **6** Oka se, “Eye ade ketewa bi ma wo se wobeye me somfo se wode Yakob mmusuakuw besan aba na wode Israelfo a mede won asie besan aba. Mema moaye amanamanmufo nyinaa kanea, enam mo so na wobegye wiasefo nyinaa nkwa.” **7** See na Awurade se, Ogyefo ne Israel okronkronni

no de koma nea aman buu no animtiaa na wokyii no, ahemfo somfo no; “Ahene behu wo na wasore ahenemma behu wo na wakotow wo esiane Awurade a dye onokwafo, Israel okronkronni a wayi wo no nti.” **8** See na Awurade se: “Bere a ese mu no, mebuwa wo, na nkwaygeda no, meboa wo; mekora wo na mede wo aye apam ama nkurofo no, de agye asase no asi ho akyekye agypade ahorow a asae no bio, **9** wobeka akyere nneduafo se, ‘Mumfi mmra!’ ne won a wowo sum mu se, ‘Momfa mo ho nni!’ “Wobedidi wo akwan ho wobonya adidibea wo koko kesee biara so. **10** Okom renne won na osukom nso renne won; nweatam so hyew ne owia ano hyew renka won, nea owo ayamhyehye ma won no bekyere won kwan na ode won ako nsuaniwa ho. **11** Meye me mmepow nyinaa akwan, na m’atempom nso mema akron. **12** Hwe, wufi akyirikyiri beba ebinom befi atifi fam, ebinom befi atoe fam ebinom nso befi Sinin mantam mu.” **13** Momfa anigye ntee mu, osoro; di ahurusi, asase; mompae mu nnwonto mu, mmepow! Na Awurade kyekye ne nkurofo were, na obehu n’amanahunufo mmobo. **14** Nanso Sion kae se, “Awurade agyaw me ho, Awurade were afe me.” **15** “Ena were betumi afe ne ba a otua nufu ano a orennya ayamhyehye mma obo a waturu no no ana? Ebia ne were befi, na me were remfi wo! **16** Hwe, makurukyerew wo din agu me nsa yam w’afasu wo m’ani so daa. **17** Mo mmabarima resan aba ntem so; na won a wasee mo no refi mo nkyen ako. **18** Momma mo ani so nhwe mo ho nhya; mo mmabarima nyinaa reboa won ho ano aba mo nkyen. Se mete ase yi” senea Awurade se, “mode won beye ahyehyede ama mo ho mubefura won se ayeforokunu. **19** “Ewo mu se wasee mo ye mo pasaa maa mo asase daa mpan, afei nnipa behye wo so ma, ama aboro wo so, na won a wasee wo no beko akyirikyiri. **20** Mmofra a wowoo won wo mo nna bone mu no beka ama moate se, ‘Eha sua ma yen dodo; momma yen asase no bi nka ho na yentena so.’ **21** Na wobeka wo wo koma mu se, ‘Hena na owoo eyinom maa me? Na meye owerehowni ne obonin; wotuu me koo asase foforo so na wopoo me. Hena na otetew eyinom? Wogyaw me nko ara na eyinom, he na wofi bae?’” **22** See na Asafo Awurade se: “Hwe, menyama amanamanmufo, mema me frankaa no so akyere nkurofo no wobeturu wo mmabarima wo won nsa so aba na wobesoa wo mmabea wo won mmati so. **23** Ahemfo beye mo agyanom nsiananmu, na won

ahemmea aye enanom a wobehwe mo. Wobekotow mo a won anim butubutuw fam; wobetaforo mo nan ase mfutuma. Afei mubehu se mene Awurade. Won a won ani da me so no, merenni won huammo.” 24 Wobetumi agye asade afo akofo nsam; anaa wobetumi agye nnommumfo afo otirimodenfo nsam? 25 Nanso, see na Awurade se: “Yiw, wobegye nnommumfo afo akofo nsam na woagye asade afo otirimodenfo nsam; me ne won a wone wo nya no benya na megye wo mma nkwa. 26 Mema won a wohye wo so no awe won ankasa honam; won mogya bebow won senea wonom nsa. Afei adesamma nyinaa behu se me, Awurade, me ne w’Agyenkwa no, wo Gyefo, Yakob Tumfo No.”

50 See na Awurade se: “Ehe na awaregyae ho adansedi nhoma, nea migyinaa so gyaa no kwan no wo? Anaa se m’adefirifo mu hena na meton wo maa no? Wo bone nti na woton wo; W’amumoye nti na wopam wo na. 2 Mebae no, aden nti na na obiara nni ho? Mefree no, aden nti na obiara annye so? Na me nsa ye tia dodo se ebegye wo ana? Minni ahoođen a mede begye wo ana? Mede m’animka keke no ma po yow, medan nsubonten nweatam mu mpataa porow esiane nsu a wonnya nti na osukom kum won. 3 Mede sum fura osoro na mema atweaatam ye ne nkataho.” 4 Asafo Awurade ama me nkyerekyere tekrema se enka asem a ehye obrefo den. Onyan me anopa biara, na obue m’aso ma mitie se obi a oregye nkyerekyere. 5 Otumfo Awurade abue m’aso na menyee otuawefo e; na mensan m’akyi e. 6 Mede m’akyi maa won a woboro me, ne m’afono maa won a wotutu m’abogyese. Mamfa m’anim anhintaw won fewdi ne ntasu ho. 7 Esiane se, Asafo Awurade boa me nti, worenghu m’anim ase. Enti na maye m’anim se otwerebo, na minim se m’anim rengu ase. 8 Nea obu me bem no aben. Enti hena na obobo me kwaadu? Omma yenhyia mu! Hena na obo me sobo? Ma onka nsi m’anim! 9 Asafo Awurade na oboa me. Hena ne nea obebu me fo? Won nyinaa betetew se atade; nnwewemmoa bewewon. 10 Mo mu hena na osuro Awurade, na odi ne somfo asem so? Ma nea onam sum mu nea onni hann no, onnye Awurade din nni na omfa ne ho nto ne Nyankopon so. 11 Na afei, mo a mososo ogya nyinaa na moye ogyaten ma mo ho, monkō, nkonantew mo gya hann no, ne ogyaten a wosaso ano no mu. Eyi ne nea mubenya afo me nsa mu; mobededa fam wo oyaw mu.

51 “Muntie me, mo a mope trennee akyi kwan; na mohwehwe Awurade; Monhwe obotan a wotwaa mo fii mu no ne abopaebea a wotuu mo fii ho no; 2 Monhwe Abraham, mo agya, ne Sara a owo mo no. Bere a mefree no no, na oye obaakofo, na mihyiraa no maa n’ase trewee. 3 Awurade bekyekye Sion were ampa ara na ne yam behyehye no wo ne nnwiriwii no ho; obeye ne nweatam ahorow se Eden, n’asase a ada mpan beye se Awurade turo. Wobehu anigye ne ahosepew, aseda ne nnwonto wo ne mu. 4 “Muntie me, me nkurfo; monye aso mma me, me man: Mmara no befi me nkyen ako; na m’atentrennee beye hann ama aman no. 5 Me trennee reba ntem so, me nkwaye nam kwan so, na me basa de atentrennee bebre aman no. Asupow no behwe me na wode anidaso betwen me basa. 6 Momma mo ani so nhwe osorosoro, monhwe asase wo fam; osorosoro betu ayera se wusiw na asase betetew se atade na won a wote so bewuwu se nwansena. Nanso me nkwaye betena ho daa, me trennee to rentwa da. 7 “Muntie me, mo a munim nea etee, mo a me mmara wo mo koma mu: Munnsuro nnipa animka anaa momma won ahohora ntu mo koma. 8 Na nnwewemmoa bewewon te senea wowe atade; asunson besee won te senea wosee kuntu. Nanso me trennee betena ho daa, me nkwaye befi awo ntoatoaso akosi awo ntoatoaso so.” 9 Nyan, nyan! Awurade basa, hye ahoođen adurade; nyan te se nna a atwa mu no, te se tete awo ntoatoaso mu no. Enye wo na wutwitwaa Rahab mu asinasin no, na wuhwirew asuboa kese no mu no? 10 Enye wo na womaa po yowee, asubun mu nsu no, nea opae kwan wo po bun mu no senea won a woagye won no betumi atwa? 11 Won a Awurade apata ama won besan aba. Wode nnwonto behyen Sion; anigye a ensa da beye won abotiri, anigye ne ahosepew beboro won so, awerchow ne apinisi betu ayera. 12 “Me, me ara, mene wo werkyekyefo. Hena ne wo a wusuro odesani, nnipa mma a woye sare yi. 13 Na wo were afo Awurade, wo yefo nea otrew osorosoro mu na ohyee asase ase no, a da biara na woabo hu ohyesoni no abufuw nti, nea ode osee asi n’ani so no ana? Na ohyesoni no abufuw wo he? 14 Erenkye, wobegyaa nneduafo ahufu no; worenwuwu wo afiase amoa mu, na aduan remmo won. 15 Na mene Awurade, wo Nyankopon nea ohwanyan po, ma n’asorokye woro so. Asafo Awurade ne ne din. 16 Mede me nsem ahye w’anom, na mede me nsa ase nwini akata wo so. Me a mede osorosoro sii

ho na mehyee asase ase, na meka kyere Sion se, ‘Moye me nkurofo.’” 17 Nyan, nyan! Sore, Yerusalem! Wo a woanom afi Awurade nsam n’abufuw kuruwa no, wo a woanom apɔɔɔ mu nsa atu puw nea ema nnipa tɔ ntintan no. 18 Ne mma a ɔwoo wɔn nyinaa no obiara nni hɔ a ɔkyere no kwan; mma a ɔtetew wɔn nyinaa no obiara nni hɔ a oso ne nsa mu. 19 Saa ɔhaw prenu yi aba wo so, hena na ɔbekykye wo were? Nnwiriwii ne ɔsee, ɔkɔm ne afoa, hena na ɔbehye wo den? 20 Wo mma atoto beraw; wɔdɛda mmɔnten so baabiara, te se ɔtwe a afiri ayi no. Awurade abufuw aba wɔn so, wo Nyankopɔn animka no. 21 Enti tie eyi, wo a worehu amane woabow, nanso enye nsa na abow wo. 22 Sɛe na Otumfo Awurade se, wo Nyankopɔn a ɔɔ ne nkurofo ho ban: Hwe, magye afi wo nsa mu, kuruwa a ema wɔɔ ntintan no, kuruwa a eye m’abufuw ɔɔɔ no, worennom bio. 23 Mede behye wɔn a wɔhaw mo no nsa mu, wɔn a wɔka kyeree mo se, “Butuw fam na yennantew wo so na wode w’akyi yee fam, te se abonten se wɔnnantew so no.”

52 Nyan, nyan, Sion, hye ahooden adurade no. Hye wo ntade fɛfɛ no Yerusalem kuropon kronkron no. Momonotofo ne wɔn a wɔn ho agu fi renwura w’apon mu bio. 2 Poroporow wo ho mfutuma. Sore, tena ahengua so, Yerusalem. Yiyi nkɔnsɔnkɔnsɔn no fi wo kɔn mu, ɔbabea Sion a wɔafa wo nnommum. 3 Na sɛe na Awurade se: “Wɔantɔn wo annye hwee, na enye sika na wode begye wo.” 4 Na sɛe na Otumfo Awurade se: “Bere bi me nkurofo kɔ Misraim kɔtenaa hɔ; akhiri no Asiria behyee wɔn so. 5 “Na mprempren den na mewo wo ha?” Sɛe na Awurade se. “Wɔafa me nkurofo kɔ kwa, na wɔn sodifo di few,” Awurade na ose. “Da mu no nyinaa wɔkɔ so gu me din ho fi. 6 Enti me nkurofo behu me din; enti da no wobehu se eye me na mehyee ho nkɔm. Yiw, eye me.” 7 Hwe senea wɔn a wode asemɔ no reba anammɔn si ye fe wo mmepɔw no so, wɔn a wɔpae mu ka asomdwoesem, wɔn a wɔɔ amanneede, wɔn a wɔpae mu ka nkwaye ho asem na wɔka kyere Sion se, “Mo Nyankopɔn di hene.” 8 Muntie! Mo awɛmfo ma wɔn nne so; wɔɔ mu de anigye tee mu. Se Awurade san ba Sion a, wode wɔn ani behu. 9 Mommɔ mu ntue anigye nnwonto, mo Yerusalem nnwiriwii, efise, Awurade akyekye ne nkurofo were wagye Yerusalem. 10 Awurade beyi ne basa kronkron no ho wɔ amanaman nyinaa anim na asase ano nyinaa behu yen Nyankopɔn nkwaye. 11 Monkɔ. Mumfi ho nkɔ! Mommfa mo ho nnka biribiara

a ho ntew. Mumfi ho na mo ho ntew, mo a mukurakura Awurade nkuruwa. 12 Morentutu mmirika mfi ha anaa morenguan; efise Awurade bedi mo anim, Israel Nyankopɔn bebɔ mo kyidɔm. 13 Hwe, me somfo bedi yiye wɔbɛma no so aye no ɔkese. 14 Nea ema dodow a wohuu no ho dwiriw wɔn no, wɔsee n’anim a anse onipa biara de na n’abɔsu see a ense ɔdesani de, 15 saa ara na ɔbɛma aman bebreɛ ho adwiriw wɔn na ahemfo bemuamua wɔn ano, ne nti. Wɔn a wɔnkaa ne ho asem nkyeree wɔn no behu, na wɔn a wɔntee no nso bete ase.

53 Hena na wagye yen asem no adi? na Awurade abasa no, hena so na ada adi? 2 Onyin wo n’anim te se dua amono ketewa bi, te se ntin a efi asase wosee mu. Onni ahoofɛ anaa anuonyam a ebetwetwe yen akɔ ne nkyɛn. Ne tebea mu nni biribiara a ebɛma yeape no. 3 Nnipa ɔɔ no ahohora na wɔpoo no, ɔwershowni a onim ɔyaw. Te se obi a nnipa de wɔn anim hintaw no wobuu no animtiaa na yeammu no. 4 Ampa ara ɔfaa yen mmerɛwye, na ɔsoaa yen awerɛhow, nanso yebuu no se Onyankopɔn na watwe n’aso. Yebuu no se, Onyankopɔn na wɔɔ no na wadwerɛw no. 5 Nanso yen mmarato nti na wopiraa no, yen amumɔye nti na wɔdwerɛw no; asotwe a ede asomdwoe breɛ yen no daa no so, na n’apirakuru mu na yenya ayaresa. 6 Yen nyinaa ayerayera te se nguan, yen mu biara afa ne kwan; na Awurade de yen nyinaa amumɔye ato no so. 7 Wɔhyee no so, yee no ayayade, nanso wammue n’ano; wode no kɔ te se uguamma a wɔrekokum no. Senea uguamma ye komm wo ne nwtitwitwafo anim no, saa ara na wammue n’ano. 8 Wɔnam nhyeso ne atemmu so faa no kɔe. Na hena na obetumi aka n’asefo ho asem? Efise woyii no fii asase yi so; me nkurofo mmarato nti wɔtwee n’aso. 9 Wɔyee ne da wo abɔnefo mu, na ne wu mu wode no too adefo mu ewo mu, wanye akakabensem biara, na obiara ante atosem biara amfi n’ano. 10 Nanso eyee Awurade pe se ɔbedwerɛw no ama no ahu amane mpo ɔde ne nkwa ye afɔdi afɔrebɔde, obehu n’asefo na ne nna beware, na Awurade pe beko so wo ne nsam. 11 Ne kra amanehunu akyi, obehu nkwa hann, na ne koma ato ne yam; na ne suahu mu me somfo treneeni no bebu bebreɛ bem, na wasoa wɔn amumɔye. 12 Enti mɛma no kyɛfa wɔ atitiriw mu, na ɔne ahoodenfo bekye asade efise ɔde ne nkwa too ho maa owu, na wɔkan no fraa mmaratofɔ. ɔsoaa nnipa bebreɛ ɔne, na odi maa mmaratofɔ.

54 “To nnwom, obonin, wo a wonwoo da; pae mu to nnwom, tee mu di ahurusi, wo a awo nkaa wo da; efise obea a wannya awo da no mma dɔɔso sen nea ɔwo kunu,” Awurade na ose. **2** “Tɔw wo ntamadan no mu; twe wo ntamadan ntwamu no mu, nnyae ye; toa wo ntampehama no so, bobo wo nnyinaso no so ma entim yiye. **3** Efise wobetɔw ako nifa ne benkum; w’asefo begye aman afa na wɔatena wɔn nkuropon amamfo so. **4** “Nsuro; w’anim rengu ase. Nsuro aniwu; wɔremmɛ wo ase. Wo wɛɛ befi wo mmabun mu aniwu na wo kunaye mu ahohora nso worenkae bio. **5** Na wo Bɔfo ye wo kunu Asafo Awurade ne ne din, Israel Kronkronni no ye wo Gyefo. Wɔfɛ no asase nyinaa so Nyankopon. **6** Awurade besan afɛ wo te se ɔyere a woagyaa no na odi yaw wo ne koma mu, ɔyere a ɔwaree mmabaabere mu na wogyaa no mpofirim,” wo Nyankopon na ose. **7** “Migyaw wo bere tiaa bi mu, nanso mifi ayamhyehye a mu dɔ mu besan de wo aba. **8** Abufuw mmoroso mu, mede m’ani hintaw wo mmere tiaa bi, nanso m’ayamye a ɛnsa da nti, mehu wo mmɔbo,” nea Awurade, wo Gyefo se ni. **9** “Eyi te se Noa mmere so a mekaa ntam se meremma nsuyiri nkata asase ani bio. Enti afei maka ntam se meremma me bo mfuw wo bio, na merenka w’anim bio. **10** Se mmepɔw wosow, na nkoko tutu a, me dɔ a ɛnsa da a mewo ma wo no renhinhim na m’asomdwoe apam no rentwa mu,” sɛɛ na Awurade a ɔwo ahummɔbo ma mo no se. **11** “Kuropon a ahum abubu wo na wonkyekyee wo wɛɛ ɛ, mede abo anintanka besiesie wo, na mede aboɔdemmo bibiri aye wo fapem. **12** Mede bogyabo beto w’abantifi afasu, na mede abohemaa a ehyeren aye w’apon, na mede aboɔdemmo aye w’afasu nyinaa. **13** Awurade bekyerekyere wo mmabarima nyinaa, na wo mma asomdwoe bedɔso. **14** Wubetim wɔ trenee mu: Wo ne nhyesotraso ntam kwan beware worenuro biribiara. Ahupoo beko akyirikyiri, na eremmen wo. **15** Se obi tow hye wo so a, na emfi me; na nea ɔtow hye wo so no de ne ho bema wo. **16** “Hwe, eye me na meɔɔ ɔtomfo a ofita nnyansramma mu ma edew na ɔde ahooden bo akode a efata ne dwumadi. Na eye me na mabo ɔsefo se ɔmmesee ade; **17** akode biara a wɔabo atia wo no rennyina na tekrema biara a ebɛbo wo sobo no wobɛbo agu. Eyi ne Awurade nkoo agyapade, ne wɔn bembu a efi me,” Awurade na ose.

55 “Mommra, mo a osukom de mo nyinaa, mommra nsu no ho; na mo a munni sika, mommra mmɛto na munni! Mommra mmɛto nsa ne nufusu a munntua

hwee. **2** Aden nti na mosee sika wo nea enye aduan ho ne mo ahooden wɔ nea emmee ho? Muntie, muntie me na munni nea eye, na mo kra ani begye nnepa a ewo akatua pa ho. **3** Monye aso, na mommra me nkyen; muntie me, na mo kra anya nkwa. Me ne mo beye apam a ete ho daa, me dɔ a to ntwa da a mede hyee Dawid bo no. **4** Hwe, mede no aye adansedi ama nnipa no, wɔn kannifo ne ɔsahene. **5** Ampa ara mɔbefɛ aman a munnim wɔn, na aman a munnim no beye ntem aba mo nkyen, Awurade, mo Nyankopon nti, Israel ɔkronkronni no, efise wahye mo anuonyam.” **6** Monhwewɛ Awurade bere a mubehu no. Momfɛ no bere a ɔben. **7** Ma omumɔyefo ntwe ne ho mfi n’akwan ho na ɔbɔnefo nso mfi ne nsusuwii ho. Ma ɔnnan nko Awurade nkyen, na obehu no mmɔbo, ɔnnan nko yen Nyankopon nkyen, na ɔde ne ho bekye no. **8** “Na m’adwene nye mo adwene, na mo akwan nso nye m’akwan,” senea Awurade se ni. **9** Senea ɔsoro koron sen asase no, saa ara na m’akwan koron sen mo akwan na m’adwene nso koron sen mo adwene. **10** Senea osu ne sukyeremma to fi soro gu fam, na wɔnnan nko ho bio wo bere a emfow asase mma enguu nhwiren mpae, senea ebesow aba ama ogufo ne aduan ama odifo no, **11** saa ara na m’asem a efi m’anom no te: Erensan mma me nkyen kwa. Mmom ebeye nea mepe na awie botae a eno nti mesomaa no. **12** Mode ahosepew bepue na wɔagyaa mo kwan asomdwoe mu; mmepɔw ne nkoko betue nnwonto wo mo anim, na mfuw so nnua nyinaa bebɔ wɔn nsam. **13** Nsɔe anan mu ɔpepaw befifi, na nnenkyense anan mu ohuam dua befifi. Eyi beye nea ehye Awurade anuonyam, ebeye daapem nsenkyerenne, a erentwa mu da.

56 Sɛɛ na Awurade se: “Monko so mmu atentrenee na monye nea eye, efise me kwagye aben na erenkye me trenee beda adi. **2** Nhyira nka onipa a ɔye eyi, onipa a okura mu dennen, nea okae Homeda na ɔye no kronkron, na okame ne ho fi bɔneye ho.” **3** Mma ɔnanani a ɔde ne ho ama Awurade nka se, “Ampa ara Awurade renkan me mfra ne nkurofo mu.” Na piamni biara nso nwiinwii se, “Meye duwui.” **4** Sɛɛ na Awurade se, “Piamfo a wokae me homenna, wɔn a wɔye nea ɛso m’ani na wokura m’apam mu dennen, **5** mema wɔn, wo m’asoredan ne ho afasu no nkae ade ne din a, ekyen mmabarima ne mmabea; mema wɔn din a ebetena ho afebo din a erentwa mu. **6** Na ananafo a wode wɔn ho bata Awurade ho se

wobesom no, se wobedo Awurade din, na wosasore no, won a woka Homeda na woye no kronkron nyinaa na wokura m'apam mu dennen, 7 eyinom na mede won beba me bepowa kronkron no so na mama won anigye wo me mpaebofi. Won zhyew aforebode ne aforebo ahorow no megye wo m'aforemuka so; na wabefre me fi aman nyinaa mpaebofi." 8 Otumfo Awurade, nea oboaboa Israelfo a watwa won asu ano no ka se: "Meko so aboaboa afororo ano aka won ho aka won a maboa won ano dedaw no ho." 9 Mommra, mo wuram mmoadoma nyinaa, mummedidi, mo kwae mu mmoa nyinaa! 10 Israel awemfo ye anifuraefo, won mu biara nni nimdee; won nyinaa ye akraman mum, wontumi mmobo mu; wadeda ho na wososo dae, nna ye won de. 11 Woye akraman a wape aduan yiye; wonnidi mmee da. Woye nguanhwefo a wonni ntease; won nyinaa fa won kwan, obiara pe n'ankasa mfaso. 12 "Mommra," obiara tee mu se, "momma me nsa! Momma yennom bobesa mmow! Na zkyena beye se nne, ebia ebese nne koraa."

57 Atreneefo wu, na obiara nnwen ho wo ne koma mu; wofa nyamesurofo ko, na obiara nte ase se wofa atreneefo ko senea wobeyi won a fi bone mu. 2 Won a wonantew tee no wohen asomdwoe mu; wonya ahomegye bere a wadada se awufo. 3 "Nanso mo, mommra ha, mo zbayifo mma, mo nguaman ne mmea nguamanfo mma! 4 Hena na moreserew no? Hena na moredi ne ho few na morebo no adapaa yi? Monnye atuataewfo fekuw ne atorofa asefo ana? 5 Mode ape mmoroso bo afore wo adum mu ne dua biara a adennan ase; mode mo mma bo afore wo aku a mu do mu ne abotan mpaapae ase. 6 Anyame a woye abo trontrom, a ewo aku a mu do mu no, woye mo kyefa. Won na mope. Yiw, moahwie nsa aforebode agu won so na mode aduan aforebode ama won. Eyinom nyinaa akyi, mingow me nsam ana? 7 Moasiesie mo nnabea wo koko a ekoron so; eho na moko kabo afore. 8 Mo apon ne apongua akyi na mo de mo abosonsom nsesode asisi. Mufii m'akyi koyii mo mpa so ntama, mokodaa so na motrew mu; mo ne won a mode won mpa yee apam, na mohwee won adagyaw mu. 9 Mode ngo koo Molek nkyen na momaa mo mmuham dso. Mosomaa mo ananmusifo koo akirikyiri; mosian koo oda mu ankasa! (Sheol h7585) 10 Mo nneyee maa mo zbre, nanso moanka da se, 'Yenni anidaso.' Mopee ahooden foforo enti moanto piti. 11 "Hena na wama mo koma atu na wabo mo hu see a enti moanni me

nokware, na moankae me anaa moannwene eyi ho wo mo koma mu yi? So enye komm a maye akye no nti na munsuro me no ana? 12 Meda mo trennee ne mo nnwuma adi, na so remma mo mfaso. 13 Se motee mu pe mmoa a, momma mo ahoni a moaboa ano no nnye mo! Mframa bebo won nyinaa ako, home keke befa won. Nanso onipa a ode me ye ne guankabea no bedi asase no so na wafa me bepowa kronkron no." 14 Na wobeka se: "Monye, monye, munsiesie okwan no! Munyiyi akwanside mfi me nkurofo akwan mu." 15 Na oyi ne nea okoron no, nea ote ase daa a ne din ye kronkron no se: "Mete beae a ekoron na eye kronkron, mene nea zwo ahonu na oye honhom mu hiani nso te, se mekanyan honhom mu hiani no honhom, na makanyan ne koma a abubu no. 16 Meremmo sobo afebo, na me bo remfuw daa, se anye saa a onipa honhom beto beraw wo m'anim, onipa ahome a me na mabo no. 17 Ne nnebone adifudepe maa me bo fuwii; metwee n'aso, na mede abufuw yii m'ani, nso oko so yee nea ne koma pe. 18 Mahu ne nneyee, nanso mesa no yare. Mekyeri no kwan na makekye ne were, 19 na mama ayeyi aba won a woredi awerehow wo Israel no ano. Asomdwoe, asomdwoe mmra won a wowa akirikyiri ne won a woben so," see na Awurade se. "Na mesa won yare." 20 Na amumoyefo te se po a erehuru, entumi nye komm, n'asorakeyi yi dontori ne fi. 21 "Amumoyefo nni asomdwoe." See na me Nyankopon se.

58 "Montee mu dennen, monnnayee. Momma mo nne so se torobento. Mompae mu nka me nkurofo atuataew nkyere won na monka Yakobfi nso nnebone nkyere no. 2 Da biara da wohwehwe me; aye se wopere se wobehu m'akwan, te se woye zman a woye nea etee na wompoo ne Nyankopon ahyede. Wobisa me ho gyinae a etee na aye se wape se Onyankopon ben won. 3 Woka se, 'Aden nti na yeadi mmuada na woanhu yi? Aden nti na yeabre yen ho ase, na woanhwe yi?' "Nanso mo mmuada da no, moye nea mope na musisi mo adwumayefo nyinaa. 4 Ntokwaw ne akasakasa na mode wie mo mmuadadi, ne akuturuku a mode bobo mo ho. Morentumi nni mmuada senea moye no nne yi na moahwe anim se wobete mo nne wo osoro. 5 Eyi ne mmuadadi a mepe ana? Da koro pe a onipa de bre ne ho ase no ana? Ene se obi si ne ti ase te se mfea na ztena atweaatam so ne nsō mu nko ara ana? Eyi na mofre no mmuadadi, da a eso Awurade ani yi ni ana? 6 "Saa mmuadadi yi na mepe:

se mubeyiyi ntenkyew nkonsɔnkɔnsɔn na moasan konnua ahama, se mubegyaa wɔn a wɔhye wɔn so na moabubu konnua biara. 7 So ɛnse se mo ne wɔn a ɔkɔm de wɔn kye mo aduan na moma ohiani a ɔnenam no baabi tena; na muhu nea ɔda adagyaw a mumfura no ntama na munnyi mo ani mfi mo ankasa mo nkurɔfo ne mo abusuafo so ana? 8 Ɛno na mo hann bepue te se ahemadakyɛ, na mo ayaresa aba ntem so; afei mo trennee bedi mo anim, na Awurade anuonyam bebɔ mo kyidɔm. 9 Afei mobefɛ, na Awurade begye mo so; mobetee mu ahwehwe mmɔa, na ɔbeka se: Mini. “Se muyi nhyeso konnua, nsa a motee wɔ nnipa so ne ntwatɔso fi ho, 10 na se mohaw mo ho ma wɔn a ɔkɔm de wɔn na moma wɔn a wɔhye wɔn so no nea ehia wɔn a, ɛno de, mo akanea behyerɛn wɔ sum mu, na mo anadwo beye se owigyinae. 11 Awurade bekyere mo kwan bere biara; ɔbema mo nea ehia mo wɔ asase wosee so na ɔbehye mo nipadua den. Mobeye se turo a wogugu so nsu yiye, se asuwa a mu nsu nyow da. 12 Mo nkurɔfo besan asi teteete nnwiriwii no, na wɔato fapem a akye no; wɔbefɛ mo Nea Osiesie Afasu a Abubu no, Nea Ogye Atenae Si Ho. 13 “Se mohwe mo anammɔntu so yiye Homeda na moanye nea mope wɔ me da kronkron no, se mofɛ Homeda no anigye da na mudi Awurade da kronkron no ni na moamfa mo ara mo akwan so na moanye nea mope anaa moanka nsenhunu a, 14 ɛno de mubenya anigye wɔ Awurade mu na mema mo anantew asase no sorɔnsorɔmmea so na moato pon wɔ mo agya Yakob agyapade so.” Awurade na waka.

59 Ampa ara Awurade nsa nye tiaa se ɛrennye nkwa, na n'asom nye den se ɛrente asem. 2 Nanso mo amumɔye na atetew mo ne mo Nyankopɔn ntam; mo bɔne ama n'anim ahintaw mo, a enti ɔrente. 3 Na mogya akeka mo nsa ho, afɔdi asra mo nsateaa ho. Mo ano akeka atosem, mo tekrema de amumɔyesem di nseku. 4 Obiara nhwehwe atentrenee; obiara mfa nokwaredi mmɔ ne nkurow. Wɔde wɔn ho to nsenhuhuw so na wotwa nkontompo; wonyinsɛn ɔhaw na wɔwɔ bɔne. 5 Wosow nhurutoa nkesua na wɔnwen ananse ntontan. Nea odi wɔn nkesua biara bewu, mu baako nso bɔ a, epae ahurutoa. 6 Wɔn ntontan nye mma adurade; wɔrentumi mfa nea wɔye nkata wɔn ho. Wɔn nneyee ye nneyee bɔne, na wodi akakabensem. 7 Wotu mmirika kɔye bɔne; wɔnkye opira ne awudi ho. Baabiara a wɔbekɔ no, wɔsee ho

pasaa. 8 Asomdwoe kwan no, wonnim; atentrenee nni wɔn akwan so. Wɔadan wɔn akwan kɔntɔnkye obiara a ɔnantew so no rennya asomdwoe. 9 Enti atentrenee ne yen ntam aware, na adentrenee mmen yen. Yehwehwe hann, nanso ne nyinaa ye sum; nea ehyerɛn, nanso yenam sum kabii mu. 10 Te se anifuraefo no, yekeka wɔ afasu ho hwehwe ɔkwan te se nnipa a wonni ani. Owigyinae no yehintihintiw senea onwini adwo; yedu ahɔɔdenfo mu a yete se awufo. 11 Yen nyinaa woro so te se sisi; yede awerehow kurum se mmorɔnoma. Yehwehwe atentrenee nso yenhu bi; ogye, nanso ewɔ akyirikyiri. 12 Efise, yen mfomso adɔɔso wɔ w'ani so, na yen bɔne di adanse tia yen. Yen mfomso da yen anim daa, na yegye yen amumɔye to mu: 13 atuatew ne nkontompo a etia Awurade, yen akyi a yedan kyere yen Nyankopɔn, nhyeso ne atuatew a yefoa so, atosem a efi koma mu a yeka. 14 Enti wɔapam atentrenee kɔ n'akyi, na adentrenee akogyina baabi; nokware ahwe ase wɔ mmɔnten so nokwaredi ntumi mma mu. 15 Nokware nni baabiara, obiara a ɔtwe ne ho fi bɔne ho no beye ɔtamfo. Awurade hwee na ansɔ n'ani se atentrenee nni ho. 16 Ohuu se obiara nni ho, eyee no nwonwa se obiara nni ho a ɔbepata; enti ɔno ankasa basa dii nkwagye ho dwuma maa no, na ne trennee wowaw no. 17 Ɔhyee trennee se nkatabo, ne nkwagye dadekyew wɔ ne ti so. Ɔhyee aweretɔ ntade na ofuraa mmɔdemmmɔ se ntama. 18 Obegyina nea wɔaye so atua so ka n'atamfo benya n'abufuwhyew wɔn a wɔne no aye dɔm benya so akatua; nsupɔw no nso obetua wɔn ka senea efata wɔn. 19 Efi atɔe fam, nnipa besuro Awurade din na efi apuei, wɔde nidi bema n'anuonyam. Na ɔbɛba se asu a ayiri tenn na Awurade ahomegu repia no. 20 “Ogyefo no bebɔ Sion, na obeyi amumɔyesem nyinaa afi Yakob asefo mu,” see na Awurade se. 21 “Me de, eyi ye me ne wɔn apam,” senea Awurade se ni. “Me Honhom a ɔwɔ mo so, ne me nsem a mede ahye mo anom, remfi mo anom, anaa mo mma, ne mo mma asefo anom, efi saa bere yi kosi daa apem,” see na Awurade se.

60 “Sɔre, hyerɛn, na wo hann aba, na Awurade anuonyam apue wo so. 2 Hwe, sum akata asase so na sum kabii akata aman no so, nanso Awurade apue wo so na n'anuonyam ada adi wɔ wo so. 3 Amanaman bebɔ wo hann no mu, na Ahemfo bebɔ wo adekyee hann no mu. 4 “Ma w'ani so na hwe wo ho hyia: wɔn nyinaa aboa wɔn ho ano reba wo nkyɛn; wo mmabarima fifi akyirikyiri, na wokura wo

mmabea wo abasa so. **5** Afei wobehwe na w'anim atew, wo koma bebo na anigye ahye no ma; ahonya a ewo po so, wode bebre wo, na amanaman no ahode nso beba wo nkyen. **6** Yoma akuwakuw beye w'asase so ma, yomaforo a wufi Midian ne Efa. Na won a wofi Seba nyinaa beba, wososo sika kakoo ne nnuhuam na wopae mu ka Awurade ayeyi. **7** Wobeboaboa Kedar nguankuw nyinaa ano abre wo, Nebaiot adwennini besom wo; wobegye won se aforebode wo m'aforemuka so, na mehye m'asoredan kronkron no anuonyam. **8** "Henanom ne eyinom a wotu se omununkum, te se mmoronom a woreko won berebuw mu yi? **9** Ampa ara asupow no ani da me so; Tarsis ahyen na wodi anim, wode wo mmabarima fifi akirikyiri reba, wososo won dwete ne won sikakakoo, de rebegye Awurade, wo Nyankopon anuonyam, Israel Kronkronni No, efise wahye wo anuonyam. **10** "Ananafo beto w'afasu no bio, na won ahemfo besom wo. Ewo mu, mede abufuw asce wo de, nanso menam adom so behu wo mmobo. **11** Wo apon ano bededa ho bere biara, worentoto mu awia anaa anadwo, senea ebeye a nkurofo de amanaman no ahonya bebre wo, won ahemfo dii nkonimdi santen no anim. **12** Na oman anaa ahenni a worensonom wo no beyera, wobesee no pasaa. **13** "Lebanon anuonyam beba wo nkyen, orepaw, osese ne kwabohore bebo mu, abesiesie me kronkronbea ho; na mehye beae a me nan sisi no anuonyam. **14** Wo nhyesofo mmabarima beba abekotow wo; won a wobu wo animtiaa nyinaa bekotow w'anan ase na wobefre wo Awurade Kuropon, Israel Kronkronni, Sion. **15** "Ewo mu, wopaa w'akyi atan wo, a obiara ntu kwan mfa wo mu, nanso meye wo ahohoahoad e ete ho daa ne awo ntoatoaso nyinaa anigyede. **16** Wobenom amanaman nufusu no na woanum adehye nufu. Afei wubehu se me Awurade, me ne wo Agyenkwa, wo gyefo, Yakob Tumfo no. **17** Mede sikakakoo besi kobere anan mu abre wo, na dwete asi dade anan mu. Mede kobere besi dua anan mu abre wo, na dade asi abo anan mu. Mede asomdwoe beye wo so amrado na trennee aye wo sodifo. **18** Worente awurukasem wo w'asase so bio, anaa nnwiriwii ne osce wo w'ahye so mmom wobefre w'afasu se Nkwagye ne w'apon se Ayeyi. **19** Owia renye wo hann adekyee mu bio na osram hann renhyeren wo so, efise Awurade beye wo daapem hann, na wo Nyankopon beye wo anuonyam. **20** Wo wia rento bio, wo sram rennum bio, Awurade beye wo daapem hann, na w'awerchownna to betwa.

21 Na afei wo nkurofo nyinaa beye atreneefo na wobefa asase no adi so afebo. Woye ade a madua na afefew me nsa ano adwuma a ebada m'anuonyam adi. **22** Mo mu akumaa koraa bedo aye apem, na aketewa no aye oman kese. Mene Awurade; na ne bere mu, meye eyi ntam so."

61 Otumfo Awurade Honhom wo me so, efise, wafre me se memmeka asempa nkyere ahiafo. Wasoma me se, menkakyekye won a won koma abubu were, se mepae mu nka ahofadi nkyere nnommmu na wonyi nuedufo mfi sum mu, **2** se mepae mu nka Awurade adom no ho asem, ne yen Nyankopon aweretso da. Wasoma me se, menkyekye won a wodi awereshow nyinaa were, **3** na memma won a wodi awereshow wo Sion no nea wohia, na menhye won ahenkyew fefe nsi nsod anan mu, anigye ngo nsi awereshowdi anan mu, ayeyi atade nsi abasamtu honhom anan mu. Wobefre won trennee adum nea Awurade adua de ada n'anuonyam adi. **4** Wobesi tete mmubui no bio, na wasiesie mmeaemmeae a asce dedaada no; wobeye nkuropon a asce no foforo nea asce awo ntoatoaso bebre no. **5** Ananafo behwe mo nguankuw; ahoho beye adwuma wo mo mfuw ne bobeturo mu. **6** Na wobefre mo Awurade asofo, wobeto mo din se yen Nyankopon asomfo. Amanaman no ahonya no na mubedi na won ahode na mode behoahoa mo ho. **7** Won animguase anan mu me nkurofo benya anuonyam mmoho, na ahohora anan mu wobesepew won ho wo won adedi mu; ne saa nti won asase no so kyefa beye mmoho, na anigye a enni awiei beye won dea. **8** "Na me Awurade, mepa atentrennee. Mikyi koron ne nnebone. Me nokware mu, mebo won aba so na me ne won aye apam a ebetena ho daa. **9** Won asefo begye din wo amanaman no mu ne won mma wo nkurofo no mu. Won a wohu won nyinaa begye ato mu se woye nnipa a Awurade ahyira won." **10** Awurade mu na me ho sepew me mmoroso, me Nyankopon mu na me kra di ahurusi. Efise, ode nkwagye ntama afura me na ode trennee atade yuu awura me, senea ayeforokunu siesie me ti so se ossofo, ne senea ayeforo de nnwinne hyehye ne ho no. **11** Na senea asase ma affide pue na turo nso ma aba nyin no, saa ara na Otumfo Awurade bema trennee ne ayeyi apue wo amanaman anim.

62 Sion nti, merenye komm, Yerusalem nti, merenye dinn, kosi se ne trennee behyeren se adekyee, na ne nkwagye adew se ogyaten. **2** Amanaman no

behu wo trennee, na ahemfo nyinaa ahu w'anuonyam; wɔbɛfrɛ wo din foforo a Awurade de bɛto wo no. **3** Wɔbɛyɛ anuonyam ahenkyɛw wɔ Awurade nsam, ne adehye anuonyam abotiri wɔ wo Nyankopɔn nsam. **4** Wɔremfrɛ wo amamfo bio, anaa w'asase sɛ amamfo. Na mmom wɔbɛfrɛ wo Hefsiba anaa anisɔ Kuropɔn ne w'asase sɛ Beula anaa ɔwarefo efisɛ Awurade ani begye wo ho, na ɔbɛware w'asase. **5** Senea aberante ware ababaa no, saa ara na wo mmabarima beware wo; sɛ ayeforokunu ani gye n'ayeforo ho no, saa ara na wo Nyankopɔn ani begye wo ho. **6** Mede awɛmfo agyinagyina w'afasu so, Yerusalem; wɔremmua wɔn ano awia anaa anadwo. Mo a musu frɛ Awurade no, monnhome koraa, **7** na mommma onnye n'ahome kosi sɛ, ɔbɛma Yerusalem atim na wayɛ no nea asase nyinaa bekamfo. **8** Awurade de ne basa nifa aka ntam ne basa a eyɛ den no se, "Meremfa mo awi mma mo atamfo sɛ wɔn aduan bio, na ananafo rennom nsa foforo a moabrɛ ho no bio; **9** wɔn a wotwa no na wobedi na wɔakamfo Awurade, na wɔn a wɔboaboa bobe ano no benom wɔ me kronkronbea adiwo." **10** Momfa mu, momfa kuropɔn apon no mu! Munsiesie ɔkwan no mma nkurɔfo no. Mompae, mompae ɔtempon no! Munyiyi so abo no. Minsi frankaa mma amanaman no. **11** Awurade abɔ no dawuru akosi nsase ano se, "Monka nkyere ɔbabea Sion se, 'Hwɛ, wo Agyenkwa reba! Hwɛ n'akatua ka ne ho, na n'anamuhyɛde nso ka ne ho.'" **12** Wɔbɛfrɛ wɔn Nnipa Kronkron, wɔn a Awurade Agye Wɔn; na wɔbɛfrɛ wo Nea Wɔrehwehwe N'akyi Kwan, Kuropɔn a Erenye Amamfo Bio.

63 Hena ne oyi a ofi Edom reba, nea ofi Bosra a nkekae kɔkɔ wɔ n'atade mu yi? Hena ne oyi a wɔahyehye no kɔsɔ yi, a ɔde n'ahooden kese retutu taataa yi? "Eyɛ me a, mekasa wɔ trennee mu, nea otumi gye nkwa no." **2** Adɛn nti na mo ntade bere kɔsɔ, te se obi a ɔretiatia nsakyiamoa so de yi? **3** "Me nko ara atiatia nsakyiamoa so, na amanaman no mu obiara anka me ho. Mitiatia wɔn so wɔ m'abufuw mu na mimiaa wɔn so wɔ m'abufuwhyew mu; wɔn mogya bɔ petee me ntade mu, maa nkekae yɛ m'adurade nyinaa mu. **4** Na aweretɔda wɔ me koma mu na me gye afe aba. **5** Mehwee, nanso na ɔbofo biara nni hɔ, eyɛ me ahodwiriw sɛ obiara anso me mu; enti m'ankasa abasa yɛ nkwaygedwuma maa me, na m'abufuw wowaw me. **6** Mitiatiaa amanaman no so wɔ m'abufuw mu; mema wɔbɔbɔwee wɔ m'abufuwhyew mu na mihwiee wɔn

mogya guu fam." **7** Mɛka Awurade ayamye ho asem, ne nneyɛe a enti ɔsɛ ayeyi, wɔ nea Awurade ayɛ ama yen nyinaa ho Yiwi, wɔ nneɛma pa bebree a wayɛ ama Israelfifo. Wɔ n'ayamhyehye ne ne mmɔborɔhunu a ɛdɔsɔ no nti. **8** ɔkae se, "Ampa ara wɔyɛ me nkurɔfo, mmabarima a wɔrenni me huammɔ;" ɛno nti ɔbɛyɛe wɔn Agyenkwa. **9** Wɔn amanehunu nyinaa mu, ɔno nso huu amane, na ɔbofo a ɔka ne ho no nso gyee wɔn. Ne dɔ ne ne mmɔborɔhunu mu, ogyee wɔn; ɔmaa wɔn so na ɔsoaa wɔn mfe a atwa mu no nyinaa mu. **10** Nanso wɔtew atua de how ne Honhom Kronkron werɛ. Enti ɔbɛyɛe wɔn tamfo na ɔno ankasa ko tiaa wɔn. **11** Afei ne nkurɔfo kae tete nna no, Mose ne ne nkurɔfo nna no. Ehe na nea ɔde wɔn faa po mu no wɔ? ɔne ne nguan no hwɛfo no? Ehe na nea ɔmaa ne Honhom Kronkron no tenaa wɔn mu no wɔ, **12** nea ɔsomaa n'anuonyam basa a ɛwɔ tumi sɛ ommegyina Mose nsa nifa so no, nea ɔpaee asu no mu wɔ wɔn anim, de gyee din maa ne ho afeɔɔ no, **13** nea odii wɔn anim faa bun mu senea ɔponkɔ fa asase tamaa so, wɔanhintiw; **14** te se anantwi a wɔkɔ sare so, Awurade Honhom ma wɔhomee. Senea wokyerɛe wo nkurɔfo kwan de gyee anuonyam abodin maa wo ho ni. **15** Brɛ w'ani ase hwɛ fam fi w'ahengua a ɛkorɔn, eyɛ kronkron na ho wɔ nyam no so. Mo mmɔdemmmɔ ne mo ahooden wɔ he? Wɔayi w'ayamhyehye ne w'ahummɔbɔ afi yen so. **16** Nanso wo ara wo ne yen Agya ɛwɔ mu, Abraham nnim yen na Israel nso nnye yen nto mu de; nanso wo, Awurade, wo ne yen Agya; efi tete, wo din ne; Yen Gyefo. **17** Adɛn, Awurade, na woma yekwati w'akwan na wupirim yen koma enti ɛmma yenni wo ni? San bra, esiane w'asomfo, mmusuakuw a wɔyɛ w'agyapade no nti. **18** Bere tiaa bi mu wo nkurɔfo faa wo kronkronbea nanso mprempren yen atamfo atiatia so. **19** Enti yɛyɛ wo de fi tete, nanso wɔn de, wunnii wɔn so hene na wɔmmɔ wɔ din mfrɛe wɔn da.

64 Ao, se anka wubesunsuane ɔsorosoro mu, asian aba fam a, ɛno na anka mmepɔw no ho bɛpopo wo w'anim! **2** Senea ogya ma mmabaa dɛw na ɛma nsu huru no, sian bra fam na ma w'atamfo nhu wo din, na ma amanaman no ho mpopo wo w'anim! **3** Na bere a woyɛe nneɛma a eyɛ nwonwa a yɛanhwe anim no, wusian baa fam na mmepɔw no ho popoo wo w'anim. **4** Efi teteete obiara ntee, entwaa obiara aso mu, ani biara nhuu Onyankopɔn bi se wo, nea odi dwuma ma wɔn a wɔtwen no no. **5** Woboa wɔn a wɔde anigye yɛ nea ɛtee, wɔn a wɔkae w'akwan. Nanso yekɔsɔ so yɛe

bone tiaa wɔn no, wo bo fuwii. Na afei ebeye den na woagye yen nkwa? 6 Yen nyinaa aye se obi a ne ho ntew, na yen trenee nneyee nyinaa te se ntagow fi; yen nyinaa akisa te se ahaban, na yen bone pra yen ko te se mframa. 7 Obiara mmɔ wo din, na obiara mpere se obeso wo mu; efise wode w'anim ahintaw yen na yen bone nti woama yeasee. 8 Nanso wo, Awurade, ne yen Agya. Yeye dote, na wo ne ɔnwemfo no; yen nyinaa ye wo nsa ano adwuma. 9 Mma wo bo mfuw ntra so, Awurade; nkae yen bone da biara da. Ao, bre w'ani ase hwe yen, yesre wo, efise yen nyinaa ye wo nkurɔfo. 10 Wo nkuropon kronkron no adan nweatam; Sion mpo aye nweatam, Yerusalem ada mpan. 11 Yen asɔredan kronkron a ewɔ anuonyam, faako a yen nenanom yii wo aye no, wode ogya ahyew, na nea esom bo ma yen no, abubu. 12 Eyi nyinaa akiy, Awurade, wode wo ho bekame yen ana? Wobeko so aye komm atwe yen aso aboro so ana?

65 “Medaa me ho adi kyereɛ wɔn a wɔammisa m’ase; wɔn a wɔnhwehwe me no huu me. Ɔman a wonsu mfre me no, meka kyereɛ wɔn se, ‘Mini, Mini.’ 2 Da mu nyinaa, matrew me nsa mu ama nnipa a wɔye asoɔden ne nyiyiano, a wɔnenam akwammɔne so, na wodi wɔn ankasa nsusuwii akiy. 3 Nnipa a daa no woyi me ahi wɔ m’anim peɛ, wɔbɔ afɔre wɔ nturo mu na wɔhyew nnuhum wɔ ntayaa afɔremuka so; 4 wɔn a wɔtenatena nna so na anadwo wosii pe kokoa mu; wɔwe mprakonam na wɔn nkutu mu wɔ nkwan a wɔde nam a eho ntew aye; 5 wɔka se, ‘Mumfi ha; mommmen me, efise me ho tew dodo ma mol’ Saa nnipa yi ye wusiw wɔ me hwenem, ogya a ekɔ so hyew da mu nyinaa. 6 “Hwe; wɔakyerew ato hɔ wɔ m’anim se, merenye komm, metua so ka pɛpɛpɛ; metua so ka agu wɔn asre so, 7 mo ne mo agyanom bone nti,” seɛ na Awurade se. “Esiane se wɔhyew afɔrebɔde wɔ mmepɔw so na wotwirii me wɔ nkoko so nti mesusuw bone a wɔyeɛ kan no so akatua pɛpɛpɛ agu wɔn asre so.” 8 Seɛ na Awurade se: “Senea wonya nsu fi bobɛ kasiaw mu, na nnipa ka se, ‘Monnsee no, efise ade pa bi da so wɔ mu’ no saa ara na m’asomfo no nti meye. Merenseɛ wɔn nyinaa. 9 Mede Yakob asefo beba, na me mmepɔw no sodifo afi Yuda aba; me nkurɔfo a mapaw wɔn no bedi wɔn ade, na hɔ na m’asomfo betena. 10 Saron beye nguankuw adidibea, na Akor bon no aye anantwikuw homebea ama me nkurɔfo a wɔhwehwe me. 11 “Na mo a mo de mugyaw Awurade na mo were fi ne bepɔw kronkron no, mo a

moto pon ma Ahonya na mohye afrasa wɔ nkuruwa mu ma Nkrabea no, 12 mede mo beto afoa ano, na mo nyinaa akotow ama wɔakum mo; efise mefree nanso moannye so, mekasae nanso moantie. Moyee nea eye m’ani so bone na moyee nea mempe.” 13 Enti seɛ na Otumfo Awurade se: “M’asomfo bedidi, nanso ɔkɔm bedɛ mo, m’asomfo benom, nanso osukɔm bedɛ mo; m’asomfo ani begye, nanso mo anim begu ase. 14 M’asomfo beto nnwom afi koma mu anigye mu na mobetee mu asu afi mo koma ahoyeraw mu, na mubetwa adwo afi honhom a aye mmrew mu. 15 Wubegyaw din bi a ebeye mmusu ama wɔn a mapaw wɔn; Otumfo Awurade bekum wo na n’asomfo de, mema wɔn din foforo. 16 Obiara a ɔsre nhaira wɔ asase no so no, beye wɔ nokware Nyankopɔn koro no mu; obiara a ɔka ntam wɔ asase no so beka no wɔ nokware Nyankopɔn koro no mu. Na ɔhaw a atwa mu no wɔn were befi na wɔde behintaw me. 17 “Hwe! Mebɔ ɔsorosoro foforo ne asase foforo. Wɔrenkae nneema a atwam no bio, na eremma adwene mu nso. 18 Nanso momma mo ani nnye na munni ahurusi afebɔ wɔ nea merebebo ho, efise mebɔ Yerusalem ama aye anigye, na mu nnipa aye anigye farebae. 19 Mesepew me ho wɔ Yerusalem mu, na madi ahurusi wɔ me nkurɔfo ho. Na wɔrente agyaadwo ne osu nnyigyei wɔ mu bio. 20 “Erensi bio wɔ mu abofra a ne nkwan na ye kakraa bi, anaa akwakoraa a onni ne mfe nwie; nea odi mfe ɔha na owu no wɔbɛfa no se ɔbabun bi keke; na nea wannya mfe ɔha no wɔbɛfa no se wɔadome no. 21 Wobesisi afi na wɔatena mu, wɔbeyɛ bobɛ nturo na wɔadi mu aba. 22 Wɔrensisi afi mma afoforo mmetena mu bio, na wɔrennua mma afoforo mmedi. Na nna a dua di no, saa ara na me nkurɔfo nna beye; me nkurɔfo a mapaw wɔn no bedi wɔn nsa ano adwuma so aba akyɛ. 23 Wɔremmre ngu na wɔrenwo mma a wɔn nkrabea nye; efise wɔbeyɛ nnipa a Awurade ahyira wɔn, wɔne wɔn asefo. 24 Mebua wɔn ansa, mpo, na wɔafre me. Bere a wogu so rekasa no metie. 25 Pataku ne oguamma bedidi abɔ mu gyata bewɛ sare se nantwi, nanso mfutuma beye ɔwɔ aduan. Wɔrempira obi anaa wɔrensɛɛ obi wɔ me bepɔw kronkron so nyinaa,” senea Awurade se ni.

66 Seɛ na Awurade se: “Ɔsoro ye m’ahengua, na asase ye me nan ntiaso. Ofi a wubesi ama me no wo he? Ehe na ebeye me homebea? 2 Enye me nsa na eyee eyinom nyinaa, na ema ebae ana?” Awurade na ose. “Obi a m’ani so no ni: nea ɔwɔ ahobrease ne

ahonu honhom, na ne ho popo wɔ m'asɛm ho. **3** Nanso obi a ɔde nantwinini bɔ afɔre no saa onipa no ara kum nnipa, na nea ɔma oguamma no, saa onipa no ara bu ɔkraman kɔn mu; nea ɔbɔ aduan afɔre no saa onipa no ara de prako mogya bɔ afɔre, nea ɔhyew nnuhum a ɛwɔ din no saa onipa no ara som ɔbosom. Wɔafa wɔn ankasa akwan na wɔn akra ani gye wɔn akyiwade ho; **4** enti me nso mɛpɛ ayayade aye wɔn na mede nea wosuro beba wɔn so. Efise mɛfrɛe no, obiara annye so, mekasae no, obiara antie. Wɔyɛɛ bɔne wɔ m'ani so na wɔyɛɛ nea mɛmpɛ.” **5** Muntie Awurade asɛm, mo a mote n'asɛm a mo ho popo: “Mo nuanom mmarima a wɔtan mo, na me din nti wotwa mo gyaw no, aka se, ‘Mamma wɔnhɛ Awurade anuonyam, na yɛahu mo anigye!’ Nanso wɔn anim begu ase. **6** Muntie huuye a efi kuropon no mu, muntie gyegyeegye a efi asɔredan no mu! Eyɛ Awurade nnyigyei a ɔde retua n'atamfo ka senea efata wɔn. **7** “Ansa na ɔbea bɛkyem no, ɔwo; ansa na ɔbete awoyaw no ɔwo ɔbabarima. **8** Hena na wate biribi sɛɛ ho asɛm pɛn? Hena na wahu biribi sɛɛ pɛn? Wobetumi de da koro akyekyere ɔmansin, anaa ɔman mu, bere sin bi mu ana? Nanso awo ka Sion ara pɛ a ɔwo ne mma. **9** Mede obi bedu awoko ano a memma no nwo ana?” Senea Awurade se ni. “Misiw awotwaa ano bere a awo adu so ana?” Wo Nyankopɔn na ose. **10** Mo ne Yerusalem ani nnye na munni ahurusi mma no, mo a modɔ no nyinaa; mo ne no nɛpɛw mo ho yiye, mo a mudi ne ho awɛrɛhow nyinaa. **11** Mubenum n'awɛrɛkyekye nufu no amee; mobenom aboro so na mo ani begye nea abu so atra so no ho. **12** Na sɛɛ na Awurade se: “Mede asomdwoe bɛma no sɛ asubɔnten, ne amanaman no ahonya nso sɛ asuten a ayiri. Mubenum na waturu mo wɔ ne basa so na obegyigye mo agoru wɔ n'anankoroma so. **13** Senea ɛna kyekye ne ba wɛrɛ no saa ara na mɛkyekye mo wɛrɛ; na mubenya awɛrɛkyekye wɔ Yerusalem.” **14** Sɛ muhu eyi a, mo koma ani begye na mobɛyɛ frɔmfrɔm sɛ sare; wobehu Awurade nsa wɔ ne nkoa so, nanso wobehu n'abufuwhyew wɔ n'atamfo so. **15** Hwɛ, Awurade de ogya reba, na ne nteaseɛnam te sɛ mfɛtɛ; ɔde n'abufuw beba wɔ anibere so, na ɔde gyafraama aye n'animka. **16** Ogya ne n'afɔa, na Awurade de bebu nnipa nyinaa atɛn, na wɔn a wɔbetɔtɔ wɔ Awurade nsa ano bɛyɛ bebree. **17** “Wɔn a wɔtew wɔn ho na wodwira wɔn ho de kɔ nturo mu, na wodi ɔbaako a ɔfra wɔn a wɔwe mprakonam ne akisi ne nneema a ɛyɛ akyiwade akyi no, wɔbɛbɔ mu ahu wɔn awiei,”

senea Awurade se ni. **18** “Esiame wɔn nneyɛɛ ne wɔn nsusuwii nti, Me, mereba abɛboaboa amanaman ne ɔkasa ahorow ano, na wɔbɛba abehu m'anuonyam. **19** “Na mɛyɛ nɛnkyɛrɛnne bi wɔ wɔn mu, na mede nkɛe no mu bi bɛkɔ amanaman no mu: Tarsis, Libiafo ne Lidiafo (wɔn a wɔagyɛ din wɔ agyantow mu), Tubal ne Helafɔ, ne asupɔw a ɛwɔ akyirikyiri a wɔntee me din a ahyeta na wonhuu m'anuonyam no. Wɔbɛpɛ mu aka m'anuonyam wɔ amanaman mu. **20** Na wɔde mo nuabarimanom nyinaa befi amanaman nyinaa so beba me bepɔw kronkron a ɛwɔ Yerusalem no so sɛ, afɔrebɔde ama Awurade. Wɔtete apɔnkɔ so ne nteaseɛnam mu ne asako mu ne mfurumpɔnkɔ ne yoma so beba,” sɛɛ na Awurade se. “Wɔde wɔn beba senea Israelfo de wɔn aduan afɔre kɔ Awurade asɔredan mu, wɔ afahɛ nkuruwa a ho tew mu. **21** Na meyi wɔn mu bi aye asɔfo ne Lewifo,” Awurade, na ose! **22** “Senea ɔsorosoro foforo ne asase foforo betena ho no, saa ara na mo din ne mo asefo betena ho,” senea Awurade se ni. **23** “Efi ɔsram foforo baako kɔpɛm foforo, efi Homeda baako kosi foforo no, adesamma nyinaa beba abɛkotow me,” senea Awurade se ni. **24** “Na wobefi adi akohu wɔn a wɔtew atua tiaa me no afunu; wɔn asunson renwu, na wɔn gya nso rennum, na wɔn ho bɛyɛ adesamma nyinaa nwini.”

Yeremia

1 Nsem a efi Yeremia nkyen ni. Yeremia ye Hilkia babarima a na oye Anatot asofo no mu baako wo Benjamin asase so. **2** Awurade asem baa ne nkyen wo Yosia a oye Yuda hene Amon babarima adedi afe a eto so dumiensa no mu. **3** Etoaa so wo Yuda hene Yosia babarima Yehoiakim bere so, kosii Yuda hene Yosia babarima Sedekia bere so a nnipa a wote Jerusalem koo nkoasom mu wo adedi no afe a eto so dubaako no asram a eto so anum no mu. **4** Awurade asem baa me nkyen se, **5** “Ansa na mereye wo wo awotwaa mu no na minim wo; ansa na worebewo wo no, miyii wo sii nkyen; meye wo odiyifo maa aman no.” **6** Mekae se, “Aa, Otumfo Awurade minnim kasa; meye abofra.” **7** Awurade ka kyeree me se, “Nka se ‘meye abofra.’ Ese se woko obiara a mesoma wo no nkyen na woka asem biara a mehye wo se ka no. **8** Nsuro won, efise meka wo ho, na magye wo,” nea Awurade se ni. **9** Na Awurade teee ne nsa de kaa m’ano na oka kyeree me se, “Mprempren mede me nsem ahye w’anom. **10** Hwe, nne, mede wo asi aman ne ahenni so se, tutu na dwiriw gu, see na tu gu, kyekyere na dua.” **11** Na Awurade asem baa me nkyen se, “Den na wuhu yi, Yeremia?” Na mibuae se, “Mihu asonkoran dubaa.” **12** Na Awurade ka kyeree me se, “Wahu no yiye, na merehwe anim se m’asem beba mu.” **13** Awurade asem baa me nkyen bio se, “Den na wuhu yi?” Mibuae se, “Mihu kuku a erehuru se ano rekyea akyere yen fi atifi fam.” **14** Awurade ka kyeree me se, “Wobefi atifi fam de amanehunu aba won a wote asase no so nyinaa so. **15** Merebefre atifi ahenni mu nnipa nyinaa,” nea Awurade se ni. “Won ahemfo de won ahengua beba abesisi Yerusalem kuropon apon ano; wobetow ahye n’afasu a atwa ahyia ne Yuda nkurow nyinaa so. **16** Mebu me nkurofo aten wo won amumoye se wagyaw me, se wahyew nnuhuam ma anyame afoforo na wokotow sore nea wode won nsa aye. **17** “Siesie wo ho! Sore na ka nea meka akyere wo biara kyere won. Mma wommm wo hu, anye saa a mama woabo hu wo won anim. **18** Nne, maye wo kuropon a ewo bamm, dadedum ne kobere fasu se wibesore atia asase no nyinaa, Yuda ahemfo, n’adwumayefo, asofo ne nnipa a wowo asase no so. **19** Wobeko atia wo, nanso worentumi nni wo so nkonim, efise meka wo ho na megye wo,” senea Awurade se ni.

2 Awurade asem baa me so: **2** “Kopae mu ka ma Jerusalem nte: “Mekae senea wode wo ho maa me wo mmabun bere mu, senea wodoo me wo w’ayeforo bere mu na wudii m’akyi wo sare so, asase a wonnuua hwee wo so no. **3** Na Israel ye kronkron ma Awurade, ne twabere mu aduankan; won a wodii n’ani no wobuu won fo, na amanehunu baa won so,” senea Awurade, se ni. **4** Muntie Awurade asem, mo Yakob asefo, mo Israel mmusuakuw nyinaa. **5** Eyi ne nea Awurade se: “Mfomso ben na mo agyanom huu wo me ho a ema wotwee won ho koo akyirikyiri see? Wodii ahoni a won so nni mfaso akyi, maa won ankasa beyee ahuhufu. **6** Wammisa se, ‘Ehe na Awurade wo? Nea oyii yen fii Misraim na ode yen faa sare wosee so, nweatam ne abonabon asase a awo na aye owubon no. Asase a obiara mfa so na obiara nte so no.’ **7** Mede mo beduaa asasebere so se munni so nnuaba ne eso nnepa. Nanso mubeguu m’asase ho fi, na moyee m’agyapade akyiwade. **8** Asofo no ammissa se, ‘Ehe na Awurade wo?’ Won a wode mmara ye adwuma no anhwehwe me; ntuanofu sore tiaa me. Adiyifo no de Baal hyee nkam, na wodii ahoni huhuw akyi. **9** “Eno nti, merebo mo kwaadu bio,” nea Awurade se ni. “Na mebo mo mma mma kwaadu. **10** Muntwa nko Kitim mpoano nkohwe, monsoma nko Kedar nkohwehwe mu yiye; monhwe se biribi a ete see asi wo ho: **11** Oman bi asesa won anyame pen ana? Nso wonnye anyame mpo. Nanso me nkurofo de won anuonyam asesa ahoni huhuw. **12** Mo asorosoro, momma mo ho nnwiriw mo wo eyi ho, na mo ho nwosow wo akomatu mu,” nea Awurade se ni. **13** “Me nkurofo aye bone ahorow abien: Wopaa me, me a meye nkwa asubura no, na watutu won ankasa mmura amoa, mmura a apaapae a entumi nkora nsu. **14** Israel ye akoo anaa osomfo fi awo mu ana? Aden nti na waye asade yi? **15** Gyata abobo mu; waworo so akyere no. Wama n’asase ada mpan; wahyehyew ne nkurow aye no amamfo. **16** Afei Memfis ne Tapanhes mmarima ayi wo ti so nwi. **17** Enye wo na woama eyi aba wo so se wopaa Awurade wo Nyankopon akyi, wo bere a arekyere wo kwan no? **18** Afei aden nti na woko Misraim konom Sihor mu nsu? Na aden nti na woko Asiria konom Asubonten no mu nsu? **19** Wo amumoye betwe w’aso; wo nsanakyi beka w’anim. Enti dwene ho na hu se, se wopa Awurade wo Nyankopon akyi na woannya ne ho suro a, eye bone ne oyaw ma wo.” Awurade, Asafo Awurade na ose. **20** “Tete mmere no, wububuu wo

konnua mu, na wotetew wo nkɔnsɔnkɔnsɔn mu; na wokae se, ‘Merensom wol’ Ampa, wɔ koko biara so ne dua biara a adennan ase na wotena bɔɔ aguaman. **21** Miduua wo se bobe ankasa a efi bobe a ase ye pa ara mu. Na eyee den na wodan w’akyi kyereɛ me beyee bobe a anyin aseɛ wɔ wura mu yi? **22** Se wode soda ne samina bebreɛ guare mpo a, w’afɔdi nkekae da so wo m’anim ara,” senea Otumfo Awurade se ni. **23** “Ebeɛ den na woaka se, ‘Me ho nguu fi e; minnii Baalnom akyi e’? Hwe senea woyee wo ho wɔ obon no mu; dwene nea woaye no ho. Woye yomabere hoɔharefo a wutu mmirika kɔ ha ba ha, **24** wura mu afurum a nweatam so tena akokwaw no, oɔhahua bere a ɔpe se onini hyia no. Se n’akɔnnɔ no ano ye den a hena na obesianka no? Anini biara a wotaa no no nhaw wɔn ho bebreɛ; edu bere a eɛ se wohyia no a wobɛnya no. **25** Ntu mmirika nkosi se w’anan ase beye kwaterekwa, na wo mene mu beyow. Nanso wokae se, ‘So nni mfasol! Mepe ananafo anyame, na eɛ se midi wɔn akyi.’ **26** “Senea wɔkyere ɔkorɔmfo a wogu n’anim ase no, saa na wɔagu Israelfi anim ase, wɔn ankasa, wɔn ahemfo ne wɔn adwumayefo, wɔn asɔfo ne wɔn adiyifo. **27** Wɔka kyere dua se, ‘Woye m’agya,’ ne ɔbo se, ‘Wo na wowoo me.’ Wɔadan wɔn akyi akyere me na enye wɔn anim; nanso se amanehunɔ bi ba wɔn so a, wɔka se, ‘Bra begye yen!’ **28** Anyame a moye maa mo ho no wɔ he? Momma wɔmmra se wobetumi agye mo bere a mowɔ amanehunɔ mu! Efise mowɔ anyame bebreɛ te se nea mowɔ nkurow bebreɛ no, Yuda. **29** “Aden nti na mobɔ me sobo? Mo nyinaa aye dɔm atia me,” Awurade na ose. **30** “Metwee mo nkurofo aso kwa; wɔamfa me nteeso. W’afɔa akunkum w’adiyifo te se gyata a n’ani abere. **31** “Mo nnemmafo, munnwen Awurade asem ho: “Maye se, nweatam ama Israel ana? Anaase asase a so aduru sum kabii ana? Aden nti na me nkurofo ka se, ‘Yewo ho kwan se yekyinkyin; yeremma wo nkyen bio.’ **32** ɔbahun werɛ fi ne mpempranne, ayeforo werɛ befi n’ahyehyede ana? Nanso me nkurofo werɛ a fi me nna a wontumi nkan. **33** Hwe nyansa a mowɔ de pe mo adɔfo! Mmee a wɔnse hwee koraa tumi sua mo akwan. **34** Mo adurade mu wɔ ahiafo a wodi bem mogya, nanso moankyere wɔn se wɔrebubu akɔ mu. Eyinom nyinaa akyi **35** woka se, ‘Midi bem; ne bo mfuw me.’ Nanso mebu wo aten efise woka se, ‘Menyee bɔne biara e.’ **36** Aden nti na wukyinkyin seɛ, sesa w’akwan? Misraim bedi wo huammɔ senea Asiria yee no. **37** Afei wubefi

saa beaɛ ho a wo nsa gu wo ti so. Efise Awurade apo wɔn a wode wo ho too wɔn so no; wɔremmoa wo.

3 “Se ɔbarima gyaa ne yere na ɔbea no kɔware ɔbarima fɔforo a, eɛ se ɔbarima no san kɔ ɔbea no nkyen ana? Eremma asase no ho ngu fi koraa ana? Nanso wo ne adɔfo bebreɛ abɔ aguaman, na mprempren de wobesan aba me nkyen ana?” Awurade na ose. **2** “Ma w’ani so hwe nkoko no so. Baabi wɔ ho a wɔntoo wo mmonnaa da ana? Wotena kwankyen twen adɔfo, wotena se mmoahwefo a wodi atutena wɔ nweatam so. Woagu asase no ho fi, wode w’aguamammɔ ne w’amumoye na aye. **3** Enti wɔatwe obosu asan, na asusowbere su antɔ. Nanso w’anim aye se oguamanfo a ɔmfere hwee; w’ani nwu hwee. **4** Nnansa yi ara, woamfre me se: ‘M’agya, me mmabunmmere mu adamfo, **5** wo bo befuw biribiara ana? W’abufuwhyew no bekɔ so daa ana?” Seɛ na wokasa, nanso woye bɔne nyinaa senea wutumi.” **6** ɔhene Yosia adedi bere so no, Awurade ka kyereɛ me se, “Woahu nea Israel a onni nokware no aye? Wako nkoko nyinaa so ne dua a adennan biara ase akɔsee aware wɔ ho. **7** Misusuwii se anka waye eyinom nyinaa akyi no, ɔbesan aba me nkyen nanso wamma, na ne nuabea Yuda a ɔno nso nka nokware no hui. **8** Memaa Israel a onni nokware no awaregyae nhoma na mepam no esiane n’awaresee abraɔ nti. Nanso mihuu se ne nuabea Yuda a onni nokware no ansuro; ɔno nso kɔbɔɔ aguaman bra. **9** Esiane se Israel aguamammɔ anye no asenhia nti, ɔde fi kaa asase no na ɔne abo ne nnua bɔɔ aguaman. **10** Eyinom nyinaa akyi no, ne nuabea Yuda amfi ne koma nyinaa mu ansan amma me nkyen, ɔye de kyereɛ keke,” senea Awurade se ni. **11** Awurade ka kyereɛ me se, “Israel a onni nokware no tee sen Yuda okontomponi no. **12** Kɔ, fa w’ani kyere atifi fam kɔka saa nsem yi kyere wɔn: “‘San w’akyi, Israel a onni nokware,’ Seɛ na Awurade se, ‘Meremmuna nkyere wo bio, efise meye mmɔborɔhunufɔ,’ seɛ na Awurade se, ‘Me bo remfuw afeɔɔ. **13** Gye wo afɔdi to mu, woatɛw Awurade, wo Nyankopɔn anim atua, woakyekye w’adɔe mu ama ananafo anyame wɔ dua biara a adennan ase, na woanye osetie amma me,” senea Awurade se ni. **14** “Monsan mo akyi, mo akyirisanfo,” senea Awurade se ni, “efise meye mo kunu. Meyi wo; ɔbaako befi kurow mu na baanɔ a fi abusuakuw mu, na mede mo aba Sion. **15** Afei mema mo nguanhwefo a wɔda me koma so, wɔn a wode nimdee ne ntease bekyere mo

okwan. 16 Saa nna no mu, se mo dɔɔso bebre wɔ asase no so a,” Awurade na ose, “nnipa renka bio se, ‘Awurade apam adaka no.’ Eremma wɔn adwene mu anaa wɔrenkae da; wɔn kɔn renno na wɔrenye foforo nso. 17 Saa bere no wɔbefre Yerusaleɛm Awurade Ahengua, na amanaman nyinaa behyia wɔ Yerusaleɛm abekamfo Awurade din. Na wɔrenni wɔn koma bɔne a ɛma wɔye asoɔden no akyi bio. 18 Saa nna no mu, Yuda fi beka Israelfi ho, na wɔabɔ mu afi atifi fam asase bi so aba asase a mede maa mo agyanom se agyapade no so. 19 “M’ankasa mekae se, ‘Anka ɛbeyɛ me anigye se mɛye mo se mma na mama mo asase a eye, agyapade a edi mu ma ɔman biara.’ Misusuwii se wobefre me ‘Agya’ na monnan mo ho mfi m’akyi. 20 Nanso te se obea a onni ne kunu nokware no, saa ara na moanni me nokware, Israelfi,” senea Awurade se ni. 21 Wɔte osu bi wɔ nkoko no so, eye Israelfo agyaadwotwa ne nkotosɛ, efise wɔakyeakyea wɔn akwan na wɔn were afi Awurade, wɔn Nyankopɔn. 22 “Monsan mmra, ɔyera mma; mesa mo akyirisan yare no.” “Yiw, yɛbɛba wo nkyen, efise wo ne Awurade, yen Nyankopɔn no. 23 Ampa, ahoni huuye wɔ nkoko ne mmepɔw so no ye nnaadaa; nokware Awurade yen Nyankopɔn mu na Israel nkwaye wɔ. 24 Efi yen mmofraase, anyame huhuw adi yen agyanom nsa ano adwuma so aba, wɔn nguankuw ne anantwi, wɔn mmabarima ne wɔn mmabea. 25 Momma yɛmfa yen aniwu nneda fam na yen ahohora nkata yen so. Yeaye bɔne atia Awurade yen Nyankopɔn, yen ne yen agyanom; efi yen mmofraase besi nne yeanyɛ osetie amma Awurade, yen Nyankopɔn no.”

4 “Se wo, Israel, wobesan w’akyi a, san bra me nkyen,” sɛɛ na Awurade se. “Se wuyi w’ahoni a eye akyiwade fi m’ani so na se woamman bio, 2 na se wufi nokware, pɛpɛye ne trenɛɛ mu ka ntaɛ se, ‘Se Awurade te ase yi,’ a afei wobehyira aman no na ne mu na wobenya anuonyam.” 3 Eyi ne asem a, Awurade ka kyere Yuda mmabarima ne Yerusaleɛm: “Munsiesie mo asase a womfuntum da, na munnnua wɔ nsɛ mu. 4 Muntwitwa mo ho twetia mma Awurade muntwitwa mo koma twetia, mo Yuda mmabarima ne Yerusaleɛmfo, anyɛ saa a m’abufuwhyew besɔre na adɛw se ogya mo bɔne a moaye nti, ɛbehew a obiara rennum.” 5 “Bɔ nkae wɔ Yuda na pae mu ka wɔ Yerusaleɛm se ‘Hyen torobento no wɔ asase no nyinaa sol’ Tee mu dennen se: ‘Mommoaboa mo ho ano! Momma yenguan nkɔ nkuroɔpɔn a wɔabɔ ho ban no mul!’ 6

Momma frankaa so na monko Sion munguan nkobo mo ho aguaa! Efise mede amanehunɔ fi atifi fam reba, ɔsɛɛ a eye hu.” 7 Gyata bi afi ne tu mu; ɔbɔɔaman bi asi mu. Wafi ne tenabea se ɔrebɛsɛ w’asase. Wo nkurow bebubu na ada mpan. 8 Enti fura atweaatam, di awerɛhow na twa adwo, efise Awurade abufuwhyew no nnan mfii yen so. 9 “Saa da no,” Awurade na ose, “ɔhene no ne adwumayefo no bebo hu, asɔfo no bo betu, na adiyifo no ho bedwiriw wɔn.” 10 Afei, mekae se, “Aa, Otumfo Awurade, wɔadaadaa nnipa yi ne Yerusaleɛm, wokae se, ‘Mubenya asomdwoe,’ wɔ bere a afoa da yen mene mu.” 11 Saa bere no wobeka akyere nnipa yi ne Yerusaleɛm se, “Mframa a emu ye hyew bebo afi nkoko wosee a ɛwɔ nweatam so aba me nkurofo so, ɛnye nea epo ho anaa ehuhuw so; 12 mframa a ano ye den boro saa no fi me nkyen. Afei mepae mu ka m’atɛmmu a etia wɔn.” 13 Hwe! ɔreba se omununkum, ne nteaseɛnam reba se mfete, n’apɔnkɔ ho ye hare sen akɔre. Yennue! Yeawu! 14 Yerusaleɛm, yi bɔne fi wo koma mu na woanya nkwa. Wode adwemmone behye wo mu akosi da ben? 15 Nne bi rebɔ amanneɛ fi Dan, erebo amanehunɔ ho dawuru fi Efraim nkoko so. 16 “Monka eyi nkyere aman no, mommɔ no dawuru nkyere Yerusaleɛm se, ‘Atuafo dɔm fi akyirikyiri asase bi so reba, wɔma ɔko nteemu so de tia Yuda nkuroɔpɔn. 17 Wotwa ne ho hyia se mmabarima a wɔrewɛn afuw, efise watɛw me so atua,” sɛɛ na Awurade se. 18 “Wo ankasa abraɔ ne nneyɛɛ, na ɛde eyi aba wo so. Eyi ye w’asotwe. Eye nwen! ɛwowɔ koma!” 19 Aɔ, m’ahoyeraw, m’ahoyeraw! midi me mu yaw. Me koma mu yawdi! Me koma bo kitirikitiri wɔ me mu, mintumi nye komm. Efise, mate torobento no nnyigye; mate ɔko fre no. 20 Amanehunu di amanehunɔ akyi; asase no nyinaa asɛ. Wɔasɛ me ntamadan preko pɛ, ne me hintabea mpofirim. 21 ɛsɛ se mehwe ɔko frankaa no na mitie torobento no nnyigye kosi da ben? 22 “Me nkurofo ye nkwasɛafo; wonnim me. Wɔye mma a wonni adwene; wɔnte hwee ase. Wɔwɔ bɔneyɛ ho nyansa; na wonnim senea wɔye papa.” 23 Mehweɛ asase no, na enni bɔbea, na ɛda mpan; mehweɛ ɔsorosoro, na wɔn hann no nni ho. 24 Mehweɛ mmepɔw no, na wɔrewosowosow, na nkoko no nyinaa rehinhim. 25 Mehweɛ, na nnipa nni ho; wim anomaa biara atu kɔ. 26 Mehweɛ, na nsasebere no adan nweatam na ne nkurow nyinaa asɛ wɔ Awurade anim, wɔ n’abufuwhyew ano. 27 Senea Awurade se: “Wobesɛɛ asase no nyinaa; mmom,

merensee no korakora. **28** Enti asase bedi awerehow na osorosoro beduru sum, efise makasa na merentwe nshan; masi gyinae na merennan no.” **29** Aponkosotefo ne agyantowfo nnyigyei ma kurow biara sofo guan. Ebinom kahye nkyekyerse mu, ebinom foro ko abotan mu. Nkurow no nyinaa so adeda mpan; na obiara nte so. **30** Den na woreye, wo a wasee wo? Aden na wufura okoben de sikakokoo agude asiesie wo ho? Aden na wode nnuru keka w’ani? Wohyehye wo ho kwa. W’adofu bu wo animtiaa; wrehwehwe wo akum wo. **31** Mete osu bi te se obee a ewo awoko mu, apinisi te se obee a orewo n’abakan, Obabee Sion resu te se nea osi apini, otrew ne nsa mu na oreka se, “Afei de mereto piti; wode me nkwa ama awudifo.”

5 “Munni akoneaba wo Yerusalemm mmonnten so, monhwe mo ho nhya nhwe, monhwehwe guabobee nyinaa. Se muhu onipa baako mpo a oye pe na odi nokware a, mede kuropon yi ho bekye no. **2** Ewo mu woka se, ‘Se Awurade te ase yi,’ nanso woda so ka ntam hunu.” **3** Awurade, w’ani mpe nokware ahu ana? Woboo won hwee fam, nanso wante yaw biara; wodwerew won, nanso wopoo nteeso. Woyee won anim dennen sen obo na woansakra won adwene. **4** Misusuw se, “Eyinom nko ara ne ahiafo no; woye nkweiseafo nso, efise wonnim Awurade akwan, nea won Nyankopon hwehwe. **5** Enti meko ntuanfo no nkyen akokasa akyere won; ampa ara wonim Awurade akwan nea won Onyankopon hwehwe.” Nanso won nso de adwene koro abubu konnua na atetew nkyehama no mu. **6** Eno nti gyata bi a ofi kwae mu betow ahye won so, pataku bi a ofi nweatam so betetew won mu. Osebo bi betew aben won nkurow, na obiara a obeyi ne ti no obetetew ne mu nketenketete, efise won atuatew no ano ye den na won akyirisan aboro so. **7** “Aden nti na ese se mede mo ho kye mo? Mo mma apo me, wode anyame a wonye anyame aka ntam. Memaa won nea wohia nyinaa, nanso woboo aguaman na woboo yuu koo nguamanfo ahi mu. **8** Mponkonini aniberefo a wohwe won yiye, won mu biara su di ne yonko yere akyi. **9** Ense se metwe won aso wo eyi ho?” See na Awurade se. “Ense se, m’ankasa meto oman a ete see so were ana? **10** “Momfa ne bobee nturo no mu na monsee no, nanso monnsee no koraa. Mompempan ne mman no, efise saa nnipa yi nye Awurade dea. **11** Israelfi ne Yudafi anni me nokware koraa,” Awurade na ose. **12** Woadi atoro afa Awurade ho, woka se, “Orenye hwee! Ohaw biara remma yen so; yerenhu afoa anaa okom

da. **13** Adiyifo no ye mframa bi keke na asem no nte won mu; enti momma nea woka no mmra won so.” **14** Enti eyi ne nea Asafo Awurade, Nyankopon se: “Esiane se, nnipa no aka saa nsem yi nti, meye me nsem a ewo w’anom no ogya na saa nnipa yi aye nnyina a ogya no behyew. **15** Israelfi,” Awurade na ose, “Mede oman bi a ewo akyirikyiri rebetia wo, tete man a eye omantease, nnipa a munnim won kasa, na monnte won kasa ase. **16** Won agyan mmotowa te se oda a ano da ho; won nyinaa ye dammarima. **17** Wobesee mo nnobae ne mo nnuan, asae mo mmabarima ne mo mmabea; wobesee mo nguankuw ne mo anantwikuw, asae mo bobee ne mo mmrodoma. Wode afoa besee nkuropon a ewo bamm a mode mo were ahye mu no. **18** “Afei saa nna no mu mpo,” see na Awurade se, “Merensee mo korakora. **19** Na se nnipa no bisa se, ‘Aden nti na Awurade, yen Nyankopon, aye yen see’ a, mobeka akyere won se, ‘Senea moagyaw me ho akosom ananafo anyame wo mo ankasa mo asase so no, saa ara na mprenpren mobesom ananafo wo asase a enye mo dea no so.’ **20** “Monka eyi nkyere Yakobfi na mo mpae mu nka wo Yuda se: **21** Muntie, mo nkweiseafo ne nnipa a munni adwene, mowo ani nso munhu ade, na mowo aso nso monte asem: **22** Ense se musuro me ana?” See na Awurade se. “Ense se mo ho popo wo m’anim ana? Mede nwea ato ohye ama po, ohye a ewo ho daa a erentumi ntra. Asorokye bebo nanso erentumi mmu mfa so; ebefuru so nanso erentumi ntra. **23** Nanso saa nnipa yi wo asooden ne atuatew koma; waatwe won ho ahi me ho ko. **24** Wonnka nkyere won ho won ho se, ‘Mamma yensuro Awurade yen Nyankopon, a oma osu to wo ne mmere mu, nea oma yen awerehyemu wo otwabere nnapan a wahye no ho.’ **25** Mo amumoye abo eyinom agu; mo bone ama ade pa abo mo. **26** “Amumoyefo bi wo me nkurofo yi mu a wotew se nnipa a wosum nnomaa afiri, na wote se won a wosum mfiri yi nnipa. **27** Senea nnomaa ahye kenten ma no saa ara na asisi ahye won ahi amaama; wayeye adefo anyinya tumi, **28** na woadodo sraade ama won ho aye hanahana. Won amumoyesem no nni awiei; wonnka ayisaa asem mma wonni bem, na wommoo ahiafo tumi ho ban. **29** Ense se metwe won aso wo eyinom ho ana?” See na Awurade se. “Ense se, m’ankasa meto oman a ete see so were ana? **30** “Ade a eye hu ne ahodwiriw asi wo asase no so: **31** Adiyifo no hye akontoro, asofo no de won dibe

di tumi, na me nkurofo no pe no saa ara. Nanso awiei no den na wobeyee?"

6 "Benyaminfo, munguan nkobɔ mo ho aguaa! Munguan mfi Yerusalem! Monhyen torobento no wɔ Tekoa! Munsɩ frankaa no wɔ Bet-Hakerem! Efise amanehunɩ bobɔw fi atifi fam, ɔsɛɛ bi a eye hu. **2** Mɛsɛɛ ɔbabea Sion, ɔhoɔfɛfo sɔnɔn no. **3** Nguanhwɛfo ne wɔn nguankuw beba abetia no; wobesisi wɔn ntamadan atwa ne ho ahyia, wɔn mu biara behwe ne kyɛfa so." **4** "Munsiesie mo ho ne no nkoko! Monsɔre, momma yenkotow nhye ne so owigyinae! Nanso hwe, onwini redwo, na anwummere sunsuma reware. **5** Enti monsɔre, momma yenkotow nhye ne so anadwo na yensɛɛ n'aban ahorow!" **6** Nea Asafo Awurade se ni: "Muntwitwa nnua no ngu fam na muntwa Yerusalem ho dantaban. Eɛ se wɔtwe kuropon yi aso; nhyɛso ahye no ma. **7** Sɛnea abura puw ne nsu no, saa ara na opuw n'amumɔye. Wɔte awurukasɛm ne ɔsɛɛ nka wɔ ne mu; ne yare ne n'apirakuru wɔ m'anim daa. **8** Fa kokobɔ, Yerusalem, anyɛ saa metwe me ho afi wo ho na mama w'asase ada mpan a obiara ntumi ntena so." **9** Nea Asafo Awurade se ni: "Ma wonyi yi Israel nkae no mu yiye sɛnea woyi yi bobe mu yiye no; fa wo nsa fa mman no so bio, se obi a ɔretetew bobe aba." **10** Hena na metumi akasa akyere no na mabɔ no koko? Hena na obetie me? Wɔn aso asisiw enti wɔnte asem. Awurade asem ye akyiwade ma wɔn, na wɔn ani nnye ho. **11** Nanso Awurade abufuwhyew ahye me ma, na mintumi nkora so. "Hwie gu mmofra a wɔwɔ mmɔnten so ne mmerante a wɔahyia; ebeka okunu ne ɔyere, mmasiriwa, wɔn a onyin ahunhuan wɔn no so. **12** Wɔbedan wɔn afi ama afoforo, wɔn mfuw ne wɔn yerenom beka ho; se metee me nsa wɔ wɔn a wɔte asase no so a," sɛnea Awurade se ni. **13** "Efi akumaa so kosi okese so, wɔn nyinaa ye adifudepefo de pe ahonya; adiyifo ne asɔfo te saa, wɔn nyinaa ye asisifo. **14** Wɔtoto me nkurofo apirakuru te sɛnea enye hu. Wɔka se, 'Asomdwoe, asomdwoe' wɔ mmere a asomdwoe nni ho. **15** Wɔn ani wu wɔ wɔn animguase nneyee no ho ana? Dabi da, wɔn ani nnwu koraa; wonnim fere mpo. Enti wɔbetoto wɔ atɔfo mu; wɔbehwehwe ase, se metwe wɔn aso a," sɛnea Awurade se ni. **16** Eyi ne nea Awurade se, "Munnyina nkwantanan no so na monhwe; mummisa tete akwan no, mummisa faako a ɔkwan pa no da na monnantew so, na mubenya home ama mo akra. Nanso mokae se, 'yennantew so.' **17** Mede awɛmfo

sisii mo so na mekae se, 'Muntie torobento nnyigyei no!' Nanso mokae se, 'Yɛrentie.' **18** Eno nti monye aso, mo amanaman; mo a moye nnansefo, monhwe, monhwe nea ebeto wɔn. **19** Tie, wo asase: Mede amanehunɩ reba saa nnipa yi so, wɔn nneyee so aba, efise wɔantie me nsem na wɔapo me mmara. **20** Nnuhuam a efi Seba anaa ahwerew pa a efi akyirikyiri asase so fa me ho ben? Minnye wo hyew afɔre no nto mu, w'afɔrebɔ ahorow no nsɔ m'ani." **21** Eno nti, nea Awurade se ni: "Mede akwanside begu saa nkurofo yi anim. Agyanom ne mmabarima nyinaa behintiw wɔ so; yonkonom ne nnamfonom beyera." **22** Sɛnea Awurade se ni: "Monhwe, nsraadɔm bi reba, wofi atifi fam asase so; wɔrehwanyan wɔn afi nsase ano. **23** Wokurakura bɛmma ne mpeaw; wɔn tirim ye den, na wonni ahummɔbɔ. Wɔn nnyigyei te se po asorokye. Se wɔtete wɔn apɔnkɔ so a, wɔba te se mmarima a wɔrekɔ ɔko. Wɔrebetow ahye wo so, ɔbabea Sion." **24** Yɛate wɔn ho nsem, na yen nsa sesa yen ho se nea awuwu. Awerɛhow akyekyere yen yete yaw se ɔbea a ɔreko awo. **25** Mfi adi nkɔ wuram na nnantew akwan no so, efise ɔtamfo no wɔ afoa, na baabiara aye hu. **26** Me nkurofo, mumfura atweaatam na mommunummunum wɔ nsɔ mu, momfa adwadwotwa yaayaw nni awerɛhow sɛnea wosu ma ɔbabarima koro, efise ɔsɛfo no beba yen so mpofirim. **27** "Maye wo obi a ɔsɔ agude hwe na me nkurofo dadeben, a wɔbehwe na woasɔ wɔn akwan ahwe. **28** Wɔn nyinaa ye atuawefo a wɔye den, wɔnenam di nseku. Wɔye kɔbere ne dade; wɔn nyinaa ye wɔn ade wɔ porɔwee kwan so. **29** Afa no bɔ mframa dennen de ogya nan sumpii no, nanso ɔnan no ye ɔkwa. Entumi nyiyii bɔne no mfii wɔn mu ɛ. **30** Wɔfre wɔn dwete a wɔapo, efise Awurade apo wɔn."

7 Eyi ne asem a efi Awurade ho baa Yeremia nkyɛn: **2** "Gyina Awurade asɔredan no pon ano, na ka saa asem yi: "Muntie Awurade asem, mo nnipa a mowɔ Yuda nyinaa a mofa apon yi ano kɔsom Awurade. **3** Sɛ na Asafo Awurade, Israel Nyankopɔn no se: Monsakra mo akwan ne mo nneyee, na mema mo atena ha. **4** Mommfa mo ho nto nnaadaasɛm so na monnka se, "Eyi ne Awurade asɔredan, Awurade asɔredan, Awurade asɔredan!" **5** Se mosakra mo akwan ne mo nneyee nokware mu, na mo ne mo ho mo ho di no trenɛe mu, **6** se moanhye ɔhɔho, ayisaa anaa okunafo so, na moanhwie mogya a edi bem angu wo

ha, na moanni anyame foforo akyi anko mo ara ɔsɛ mu a, 7 ɛno de, mɛma mo atena ha, asase a mede maa mo agyanom afeɔbɔ no so. 8 Nanso monhwɛ, mode mo ho ato nnaadaa nsem a so nni mfaso so. 9 “Mobeɔ korɔn na moadi awu, mobeɔ aguaman na moadi adansekurum, mobeɔhyew nnuhuam ama Baal na moadi anyame afoforo a munnim wɔn akyi, 10 na afei, moaba abegyiina m’anim wɔ ofi a me din da so na moaka se, “Yenni ɔhaw,” sɛ moyɛ akyiwade yi nyinaa a na munni ɔhaw ana? 11 Na ofi a me din da so yi, abeyɛ adwɔwtwafo tu ama mo ana? Nanso migu so rehwe! Awurade na ose. 12 “Na afei monko Silo, faako a midii kan bɔ atena de me Din too so, na monhwɛ nea meɔɔ no esiane me nkurɔfo Israelfo amumɔɔ nti. 13 Bere a moreyɛ eyinom nyinaa, Awurade na ose, mekasa kyereɛ mo mpɛn bebreɛ, nanso moantie; mɛfrɛ mo, nanso moannye so. 14 ɛno nti, sɛnea meɔɔ Silo no, mede beyɛ ofi a me Din da so no, asɔredan a mode mo ho to so, baabi a mede maa mo ne mo agyanom no. 15 Mɛpam mo afi m’anim sɛnea meɔɔ mo nuanom Efraimfo no.’ 16 “Enti mommmɔ mpae mma saa nnipa yi, monnsrɛ na munni mma wɔn nso; monnsrɛ me, efise merentie mo. 17 Munnhu nea wɔrɛyɛ wɔ Yuda nkurow no mu ne Yerusalem mmɔnten so no ana? 18 Mmofra boaboa nnyina ano, na agyanom so ogya no ano, mmea fɔtɔw asikresiam de to brodo ma ɔsoro Hemmea. Na wogu nsa ma anyame afoforo de hyɛ me abufuw. 19 Na eyɛ me na wɔrɛhyɛ me abufuw ana? Awurade na ose. Na ɛnyɛ wɔn mmom na wɔrehaw wɔn ho, hyɛ wɔn ho aniwu ana? 20 “ɛno nti, nea Otumfo Awurade se ni: Wobehwie m’abufuw ne m’abufuwɔhyew agu bea yi so, agu nnipa ne mmɔa, mfuw so nnua ne asase no so aba so, na ɛbedɛw a ɛrennum.’ 21 “Sɛ na Asafo Awurade, Israel Nyankopɔn, se: Monko so, momfa mo ɔhyew afɔrebɔ nka mo afɔrebɔ a aka no ho, na mo ankasa monwe nam no! 22 Na bere a miyii mo agyanom fii Misraim na mekasa kyereɛ wɔn no, manhyɛ wɔn mmara a ɛfa ɔhyew afɔrebɔ ne afɔrebɔ ho nko ara, 23 mmom mede saa mmara yi kaa ho: Monyɛ osetie mma me, na meɔ mo Nyankopɔn, na moayɛ me nkurɔfo. Monnantew akwan nyinaa a mɛhyɛ mo no so, na asi mo yiye. 24 Nanso wɔantie na wɔanyɛ aso; mmom, wofi wɔn koma bɔne mu yɛ asoɔden. Wɔsan wɔn akyi na wɔanko wɔn anim. 25 Efi bere a mo agyanom fii Misraim de besi nne yi, da biara ne bere biara mesomaa me nkoa adiyifo baa mo nkyen.

26 Nanso wɔantie me na wɔanyɛ aso. Wɔde asoɔden yɛ bɔne boroo wɔn agyanom de so.’ 27 “Sɛ moka eyinom nyinaa kyere wɔn a, wɔrentie mo; sɛ mofrɛ wɔn a wɔrennye so. 28 ɛno nti monka nkyere wɔn se, ‘Eyi ne ɔman a ɔnyɛɛ osetie mmaa Awurade, ne Nyankopɔn, na ɔmfaa nteeso no. Nokware asa, na afi wɔn ano. 29 Munyi mo tinwi na montow ngu, muntwa agyaadwo wɔ nkoko no so, efise Awurade apo, na wagyaa saa awo ntoatoaso yi a wɔwɔ n’abufuwɔhyew no ase akyidi.’” 30 “Yudafo ayɛ bɔne wɔ m’ani so, sɛnea Awurade se ni. Wɔde ahoni a, eyɛ akyiwade asisi ofi a me Din da so mu de agu ho fi. 31 Wɔasisi Tofet sorɔnsorɔmmɛa wɔ Ben Hinom bon mu; ɛho na wɔhyew wɔn mmabarima ne wɔn mmabea. Ade a manhyɛ wɔn na amma m’adwene mu nso. 32 ɛno nti, monhwɛ yiye na nna no reba, Awurade na ose, a wɔremfrɛ ho Tofet anaa Hinom Bon bio, na mmom, wɔbɛfrɛ no Okum Bon, efise wobesie awufo wɔ Tofet kosi sɛ ho beyɛ ma. 33 Na afei saa nnipa yi afunu beyɛ aduan ama wim nnomaa ne asase so mmɔa, na ɛrenka obiara wɔ ho a ɔbɛpam wɔn. 34 Mede ahɔsɛpɛw ne anigyɛ nnyigyɛi, ayeforo ne ayeforokunu nne a ɛwɔ Yuda nkurow ne Yerusalem mmɔnten so no beba awiei, efise asase no beda mpan.”

8 “Saa bere no, sɛnea Awurade se ni, wobeyiɔ Yuda ahemfo ne adwumayɛfo nnompe, asofo ne adiyifo nnompe ne Yerusalemfo nnompe afi wɔn nna mu. 2 Wobesɛw no ketɛ wɔ owia ne ɔsram ne ɔsorosoro nsoromma nyinaa a wɔdɔɛ, na wɔsomeɛ, na wodii akyi kɔ so abisa na wɔsɔrɛɛ no ase. Wɔremmoa wɔn ano na wɔrensie wɔn; mmom, wɔbeyɛ sɛ sumina a egugu fam. 3 Baabiara a metwa saa ɔman bɔne yi nkaɛ no asu ako no, wɔbɛɛ sɛ wobewu sen sɛ wobetena nkwa mu, sɛnea Asafo Awurade se ni.’ 4 “Ka kyere wɔn se, ‘Nea Awurade se ni: “Sɛ nnipa hwe ase a, wɔnsɔrɛ ana? Sɛ onipa dan ne ho a, ɔnsan n’akyi ana? 5 Afei adɛn nti na saa nnipa yi adan wɔn ho? Adɛn nti na Yerusalem dan ne ho daa yi? Wokura nnaadaa mu pintinn; na wɔmpɛ sɛ wɔsan wɔn akyi. 6 Mawɛn m’aso atie, nanso wɔnnka nea ɛtɛɛ. Wɔn mu biara nnu ne ho wɔ n’amumɔɔ ho, na ɔka se, “Dɛn na mayɛ?” Obiara fa ne kwan te sɛ ɔpɔnko a ɔrɛpem ako akono. 7 Mpo aturukuku a ɔwɔ wim nim ne mmere a wɔahyehyɛ ama no, na asukɔnkɔn, asomfena ne agyenkuku hu bere a wotu kotena baabi, nanso me nkurɔfo nnim nea Awurade hwɛhwɛ. 8 “Adɛn na mutumi ka se, “Yenim nyansa, efise yɛwɔ Awurade

mmara,” wò bere a akyerewfo kyerewdua torofo de atoro adannan mu? **9** Anyansafo no anim begu ase; wòn ho bedwiriw wòn na afide ayi wòn. Sɛ wòapo Awurade asem no a, na nyansa ben na wòwò? **10** Mede wòn yerenom bema mmarmima afoforo ne wòn mfuw nso ama afoforo. Efi akumaa so kosi okese so, wòn nyinaa yɛ adifudepefo de pɛ ahonya; adiyifo ne asofo te saa, wòn nyinaa yɛ asisifo. **11** Wòtoto me nkurofo apirakuru te senea enye hu. Wòka se, “Asomdwoe, asomdwoe” wò mmere a asomdwoe nni ho. **12** Wòn ani wu wò wòn animguase nneyee no ho ana? Dabi da, wòn ani nnwu koraa; wonnim fere mpo. Enti wòbetoto wò atɔfo mu; wòbɛhwehwe ase, sɛ metwe wòn aso a, senea Awurade se ni. **13** “Mɛfa wòn twabere nnɔbae ako, nea Awurade se ni. Aba biara remma bobe nnua no so. Aba biara remma borɔdɔma nnua no so, eso nhaban begunguan. Nea mede ama wòn no, wobegye afi wòn nsam.” **14** Aden nti na yetete ha? Mommoaboa mo ho ano! Momma yenguan nko nkuropon a ewò bammò mu na yenkowuwu wò ho! efise Awurade yen Nyankopon abu yen kumfo na wama yen nsu a awuduru wò mu sɛ yennom, efise yeaye bone atia no. **15** Yehwee kwan sɛ yebenya asomdwoe nanso biribi pa biara amfi mu amma, yehwee ayaresabere kwan nanso ehu nko ara na ekaa yen. **16** Wòte atamfo no apɔnkò home fii Dan; na wòn apɔnkɔnini su ma asase no nyinaa wosow. Wòaba sɛ wòbɛsɛɛ asase no ne so nneema nyinaa, kuropon no ne wòn a wòtete mu nyinaa. **17** “Hwɛ, mɛsoma awò a wòn ano wò bɔre aba mo mu, nhurutoa a wontumi nnwudwo wòn, na wòbɛkɛka mo,” nea Awurade se ni. **18** Wone m’awɛrɛhow mu Wɛrɛkyekyɛfo, me koma abotow wò me mu. **19** Tie me nkurofo sufɛ; a efi akyirikyiri asase so: “Awurade nni Sion ana? Ne Hene no nni ho bio ana?” “Aden nti na wòde wòn nsesode ahyɛ me abufuw, wòn ananafo ahoni huhuw no?” **20** “Otwabere no atwa mu, ahuhuru bere no aba awiei, na wonnnnyee yen nkwa.” **21** Sɛ wòadwerɛw me nkurofo no nti, wòadwerɛw me; midɛ awɛrɛhow, na ahodwiriw akyekyere me. **22** Aduru bi nni Gilead ana? ɔyaresafo bi nni ho ana? Na afei aden nti na ayaresa nni ho mma me nkurofo apirakuru?

9 Ao, sɛ me ti yɛ asuti, na m’aniwa yɛ nusu abura a! Metew nusu awia ne anadwo ama me nkurofo a wòakunkum wòn no. **2** Ao, sɛ mɛwò akwantufo asoɛɛ wò nweatam no so a anka megyaw me nkurofo ho na mafi wòn nkyen; efise wòn nyinaa yɛ nguaman,

nnipakuw a wonni nokware. **3** “Wosiesie wòn tɛkrɛma te sɛ agyan de di atoro; Enye nokware so na wònam di yiye wò asase yi so. Wòye bone toatoa so; na wonnye me nto mu,” Awurade na ose. **4** “Monhwɛ yiye wò mo nnamfonom ho; munnye obiara nni wò mo abusua mu. Efise wòn mu biara yɛ ɔdaadaafo, na adamfo biara yɛ ɔsɛfo. **5** Adamfo daadaa adamfo, na wòn mu biara nka nokware. Wòn tɛkrɛma akokwaw atorodi mu, wòde boneye haw wòn ho. **6** Wote nnaadaa mfimfini; na wòn nnaadaa mu wòmpe sɛ wogyɛ me to mu,” senea Awurade se ni. **7** Enò nti, sɛɛ na Asafo Awurade se, “Hwɛ, menan wòn asò wòn ahwɛ, na den bio na metumi ayɛ esiane me nkurofo yi bone nti? **8** Wòn tɛkrɛma yɛ agyan a ano wò bɔre; eka nnaadaasɛm. Obiara kasa asomdwoe mu kyɛrɛ ne yɔnko, nanso ne koma mu de, osum no afiri. **9** Enɛ sɛ metwe wòn aso wò eyi ho?” Sɛɛ na Awurade se. “Enɛ sɛ m’ankasa mɛto ɔman a ete sɛɛ so were ana? **10** Mesu na metwa adwo ama mmepɔw no, mɛbò abubuw a efa nweatam adidibea ho. Ayɛ fo na obi mfa ho bio, na wòntɛ anantwi su wò ho. Wim nnomaa no atutu ko na mmoa no nso aguan kò. **11** “Mɛyɛ Yerusalem mmubui siw, sakraman atu; na mɛma Yuda nkurow ada mpan senea obiara ntumi ntena ho.” **12** Onipa ben na onim nyansa ara sɛ obete eyi ase? Hena na Awurade akyɛrɛkyɛrɛ no a obetumi akyɛrɛ ase? Aden nti na wòasɛɛ asase no ama ada mpan sɛ nweatam a obiara ntumi mfa so? **13** Awurade kae se, “Esiane sɛ wòapo me mmara a mɛhyɛ maa wòn no nti, wòanyɛ osetie amma me na wòanni me mmara so. **14** Mmom, wòadi wòn koma asoɔden akyi, wòadi Baalnom akyi senea wòn agyanom kyɛrɛɛ wòn no.” **15** Enò nti, nea Asafo Awurade, Israel Nyankopon no se ni: “Hwɛ, mɛma saa nnipa yi adi aduan a eyɛ nwen na wòanom nsu a wòde awuduru afra. **16** Mɛbò wòn ahwɛtɛ amanaman a wòn anaa wòn agyanom nnim so no so, na mede afoa betaa wòn kosi sɛ mɛsɛɛ wòn.” **17** Senea Awurade tumfo se ni: “Dwene ho! Frɛ mɛmɛa agyaadwotwafɔ no, frɛ wòn a wòakwadaw mu pa ara. **18** Ma wòmɛmra ntɛm mmesu ngu yen so kosi sɛ yen ani so betaa nusu na nusu aguarɛ yen. **19** Wòte agyaadwotwa nnyigyɛi fi Sion se, ‘Wòasɛɛ yen! Yen anim agu ase yiye! Eɛ sɛ yetu fi yen asase so efise yen afi abubu.’” **20** Afei, mo mɛmɛa, muntie Awurade asem; monyɛ aso mma nsem a efi n’anom. Monkyɛrɛ mo mmabea senea wotwa dwo; monkyɛrɛ mo ho ho ho abubuwɔ. **21** Owu aforo afa yen mfɛnsɛrɛ mu ahyɛn yen aban

mu; apam mmofra afi mmonten so ne mmerante afi aman aguabobea. **22** Ka se, “Sɛɛ Na Awurade se, “Nnipa afunu bededa ho te se sumina a egugu petee mu, te se aburaw a nnobaetwafo atwa agu n’akyi a obiara mmoaboaa ano.” **23** Eyi ne nea Awurade se: “Mma onyansafo mfa ne nyansa nhyehye ne ho anaa ohoadenfo mfa n’ahoaden nhyehye ne ho anaa odefo mfa n’ahonya nhyehye ne ho. **24** Mmom ma nea ohyehye ne ho nhyehye ne ho se owo nhumu, na onim se, me ne Awurade a oye adoe, na obu atentrennee na oye adetrennee wo asase so, efise eyinom na eso m’ani,” senea Awurade se ni. **25** “Nna no reba,” Awurade na ose, “A metwe won a wotwa twetia wo honam fam nko ara no nyinaa aso: **26** Misraimfo, Yudafo, Edomfo, Amonfo, Moabfo ne won a wotete nweatam a ewo akirikyiri nsase so nyinaa. Na nokware, saa aman yi nyinaa ye momonotofo na mpo Israelfi nyinaa ye koma mu momonotofo.”

10 Muntie nea Awurade ka kyere mo, Israelfi. **2** Sɛɛ na Awurade se: “Munnsua amanaman no akwan anaa momma wim nsenkyerenne mmɔ mo hu, ewo mu se wobɔ amanaman no hu. **3** Na nkurofo no amanne nka hwee; wotwa dua fi kwae mu, na odwumfo de ne fitii asen. **4** Wode dwete ne sikakoko hyehye no; wode nnadewa ne asae bobo si ho senea enenhwe fam. **5** Ete se kaakaabotoni a esi efere mfikyifuw mu, won ahoni no ntumi nkasa; ese se wosoa won efise wontumi nnantew. Munnsuro won; worentumi nhaw mo na worentumi nye ade pa biara nso.” **6** Obiara nte se wo, Awurade; woye okese na wo din so wo tumi mu. **7** Hena na ense se odi wo ni, Amansanhene? Eyi na efata wo. Amanaman no so anyansafo nyinaa mu ne won ahenni nyinaa mu, obiara ne wo nse. **8** Won nyinaa ye adwenharefo ne nkweisefo; dua ahoni a so nni mfaso na ema won nkyerekyerɛ. **9** Wode dwete a waboro fi Tarsis ba, ne sikakoko nso fi Ufas ba. Eye nea odwumfo ne sika dwumfo aye a wode ntama bibiri ne beredum afura no, ne nyinaa ye adwumfo anyansafo nsa ano nnwuma. **10** Nanso Awurade ne nokware Onyankopon no; ono ne Onyankopon teasefo, daapem Hene no. Se ne bo fuw a asase wosow; na amanaman no ntumi nnyina n’abufuwhyew ano. **11** “Ka eyi kyere won: ‘Saa anyame a enye won na woye osoro ne asase no beyera afi asase so ne osorosoro ase.” **12** Nanso Onyankopon de ne tumi bo asase; otoo wiase fapem wo ne nyansa mu, na ode ne nhumu tɛw osorosoro mu. **13** Se oapaape aprannaa a osorosoro

nsu bobo mu; oma omununkum ma ne ho so fi nsase ano. Ode anyinam ka osu ho ba, na ogyaa mframa mu fi n’adekoradan mu. **14** Onipa biara nnim nyansa, na onni nimdee; sikadwumfo biara anim gu ase, esiane n’ahoni nti. Ne nsesode ye atoro; wonni ohome biara wo won mu. **15** Won so nni mfaso, won ho ye sere; se won atemmu du so a, wobeyera. **16** Nea oye Yakob Kyefa no nte se eyinom, efise ono ne ade nyinaa Yefo a Israel, abusua a eye n’agypade nso ka ho, Asafo Awurade ne ne din. **17** Mommoaboa mo ahode ano mfi asase no so, mo a motete nkurow a wotua won ano mu. **18** Na sɛɛ na Awurade se: “Saa bere yi metow won a wotete asase yi so agu; mede amanehun beba won so senea wobefa won nnommum.” **19** Me pira yi nti minnue, m’apirakuru ye akisikuru! Nanso mehyee me ho den se, “Eyi ne me yare, na ese se mimia m’ani.” **20** Wasee me ntamadan; wotwitwa n’ahama nyinaa mu. Wofa me mma nyinaa ko a merenhu won bio; anka obiara a obesi me ntamadan anaa obesiesie me suhye. **21** Nguanhwefo no ye adwenharefo wommisa Awurade akyi kwan; eno nti wonko so na won nguankuw no abo ahwete. **22** Muntie! Amannee no reba, basabasaye kese a efi atifi fam asase bi so! Ebema Yuda nkurow ada mpan, na aye sakraman atu. **23** Awurade, minim se, onipa nkwa nye ne de; na enye onipa na okyerekyerɛ n’anammontu. **24** Tee me so, Awurade, wo trennee mu, mfi w’abufuw mu nye; anye saa a wobedwerew me. **25** Hwie w’abufuwhyew no gu amanaman a wonnye wo nto mu no so, nnipa a wommo wo din no so. Efise, wasee Yakob wasee no koraa na wasee n’asase a wowoo no too so no.

11 Asem a efi Awurade ho baa Yeremia nkyen ni: **2** “Tie apam yi mu nhyehye na ka kyere Yudafo ne won a wotete Yerusalem. **3** Ka kyere won se, sɛɛ na Awurade, Israel Nyankopon se: ‘Nnome nka onipa a onni apam yi mu nhyehye so, **4** nea mehye maa mo agyanom bere a miyii won fii Misraim, fononoo a wonan dade wo mu no.’ Mekae se, ‘Monye osetie mma me na monye biribiara a mehye mo, na mobeye me nkurofo na maye mo Nyankopon. **5** Na afei mema ntam a mekaa mo agyanom se, mema won asase a nufusu ne ewo sen wo so no aba mu,’ asase a mote so nne yi.” Mibuae se, “Amen, Awurade.” **6** Awurade ka kyere me se, “Bo saa asem yi ho dawuru wo Yuda nkurow ne Yerusalem mmonten so se: ‘Muntie apam yi ho nhyehye na munni so. **7** Efi bere a miyii mo agyanom fii Misraim besi nne yi, mebo won koko bere biara se,

“Monye osetie mma me.” **8** Nanso wɔantie na wɔamfa no asem; na mmom, wodii asoɔden a efi wɔn koma bone mu no akyi. Eno nti memaa nnome a efi apam a mahye wɔn se wonni so na wɔanni so no mu no baa wɔn so.” **9** Na afei Awurade ka kyerɛ me se, “Atuateg apam bi wɔ Yudafo ne wɔn a wɔtete Yerusalem no ntam. **10** Wɔasan kɔ wɔn agyanom a wɔampe se wotie m’asem no bone ho. Wɔadi anyame foforo akyi akɔsom wɔn. Yerusalem fifo ne Yuda fifo abu apam a me ne wɔn agyanom yee no so. **11** Eno nti nea Awurade se ni: ‘Mede amanehunuu a wɔrentumi nguan mfi mu beba wɔn so. Ewɔ mu se, wosu frɛ me de, nanso merennye wɔn so. **12** Yuda nkurow ne Yerusalemfo beko akosu afre anyame a wɔhyew nnuhuam ma wɔn no, nanso se amanehunuu ba a wɔrentumi mmoo wɔn koraa. **13** Wo Yuda, wɔwɔ anyame a wɔn dodow beye se wo nkurow; na afoemuka a moasisi se mobehyew nnuhuam wɔ so ama aninguase nyame Baal no dɔɔso se Yerusalem mmɔnten.’ **14** “Mmɔ mpae mma saa nnipa yi, nni mma wɔn na nsre mma wɔn, efise, se wosu frɛ me wo wɔn amanehunuu mu a merennye wɔn so. **15** “Den na me dɔfo reye wɔ m’asoredan mu bere a ɔne bebre hyehye nsemmɔnedi ho? Ahodwira nam betumi abo wo asotwe agu ana? Se woye w’amumɔyesem a na w’ani agye.” **16** Awurade, frɛ wo ngodua a enyin frɔmfrɔm a esow aba a eye fe. Nanso ɔde ahum kese bi nteemu beto mu gya, na ne mman bebubu. **17** Asafo Awurade a oduaa wo no ahye amanehunuu ho nkɔm wɔ wo ho, efise Israel fifo ne Yuda fifo aye bone ahye me abufuw se wɔhyew nnuhuam ma Baal. **18** Esiane se Awurade yii pɔw a wabo kyerɛ me no nti, mihui, efise saa bere no ɔde nea wɔreye no kyerɛ me. **19** Meyee se oguamma a odwo a wɔde no reko akokum no; amma m’adwene mu se wɔabo wɔn tirim pɔw atia me se, “Momma yensee dua no ne n’aba no; momma yentwa no mfi ateasefo asase so, sɛnea wɔnnkae ne din bio.” **20** Nanso wo, Asafo Awurade, wo a wubu atɛntrenee na wɔso koma ne adwene hwe, ma minhu w’awereto wɔ wɔn so, na wo nsam na mede me nsem nyinaa hye. **21** Eno nti nea Awurade ka fa Anatot mmarima a wɔrehwehwe wo akum wo na woka se, “Nhye nkɔm wɔ Awurade din mu anye saa a, wubewu wɔ yen nsa ano,” **22** Eno nti, nea Asafo Awurade se ni: “Metwe wɔn aso. Wɔn mmerante bewuwu afoa ano, na ɔkɔm bekunkum wɔn mmabarima ne mmabea. **23** Wɔrennya wɔn nkae biara mpo, efise mede amanehunuu beba Anatotfo so wo wɔn asotwe afe mu.”

12 Woye ɔtreneeni bere biara, Awurade, se mede asem to w’anim a. Nso me ne wo bekasa afa w’atɛntrenee ho: Aden nti na amumɔyefo kwan si wɔn yiye? Aden nti na wɔn a wonni gyidi ho dwo wɔn? **2** Woadua wɔn, na wɔagye ntin; wonyinyin na wɔsow aba. Wɔbo wo din bere biara nanso wɔn koma mmen wo. **3** Nanso wunim me, Awurade; wuhu me, na wɔso m’adwene a mewo wo wo ho no hwe. Twe wɔn kɔ se nguan a wɔrekotwitwa wɔn mu! Yi wɔn si nkyen ma okumda! **4** Asase no nkyen nkosi da ben na prama so sare nguan nkosi da ben? Esiane se wɔn a wote so no ye amumɔyefo nti mmoo ne nnomaa a wɔwɔ so awuwu. Na nnipa no da so ka se, “Ɔrenhu nea eba yen so.” **5** “Se wo ne mmarima atu mmirika ama woabre a, ebeye den na wo ne aponko besi mmirikakan? Se wuhintiw wɔ asase petee so a, eno de, den na wobeye wɔ Yordan ho nkyekyerɛ mu? **6** Wo nuabarimanom, w’ankasa abusuafo, wɔn mpo ayi wo ama; wote mu dennen tia wo. Mfa wo ho nto wɔn so, se mpo woka wo ho asem pa a. **7** “Megyaw me fi, ato m’agyapade asaworam; mede nea medɔ no no behye n’atamfo nsa. **8** M’agyapade aye me se gyata a ɔwɔ kwae mu. Ɔbobo mu gu me so; eno nti metan no. **9** So m’agyapade nyee me se anomaa a nkekae sisi ne ho a ɔkyere mmoo na nnomaa foforo a wɔkyere mmoo atwa ne ho ahyia resosow no ana? Monkoaboaboa nkekaboa nyinaa ano. Momfa wɔn mmra na wonkum wɔn. **10** Nguanhwefo bebre besee me bobeturo, na wɔatiatia me mfuw so; wɔbedan me mfuw fɛɛfe no aye no asase hunu a eda mpan. **11** Ebeye asase a ada mpan a, awo wosee na eda ho kwa wɔ m’anim; asase no nyinaa beda mpan efise obiara nni ho a ɔhwe so. **12** Nkoko wosee a ewɔ nweatam no nyinaa so no na asɛfo beba abegu bebre, Awurade afoa bekunkum wɔn afi asase ano de akosi ano noho; obiara remfa ne ho nni. **13** Wobedua atoko, nso wobetwa nsɔe; wɔbebre wɔn ho nanso wɔrennya hwee. Wɔn ani bewu wɔ wɔn nnobaetwa ho. Awurade abufuwhyew nti.” **14** Nea Awurade se ni: “Na me yonkonon amumɔyefo a wɔfa agyapade a, mede maa me nkurofo Israelfo no de, metu wɔn afi wɔn nsase so na metu Yudafi afi wɔn mu. **15** Na se mitu wɔn wie a, mehu wɔn mmɔbo bio, na mede wɔn mu biara beba n’agyapade, ne n’asase so. **16** Na se wosua me nkurofo akwan yiye na wɔbo me din ka ntam se, ‘Nokware se Awurade te ase yi’ a, ewɔ mu se mmere bi wɔkyerɛ me nkurofo ma wɔde Baal kaa ntam de, nanso wɔn ase betim wo me nkurofo mu. **17**

Nanso se ɔman bi antie a, metu n'ase, na masɛɛ no korakora," Awurade na ose.

13 Sɛɛ na Awurade ka kyereɛ me: "Kɔ na kɔto nwera abɔso bɔ w'asen, nanso mma no nka nsu." **2** Enti metɔɔ abɔso senea Awurade kyereɛ no, na mede bɔɔ m'asen. **3** Afei, Awurade asem baa me nkyen ne mprenu so se, **4** "Fa abɔso a wɔtɔɛ a ɛbɔ w'asen no kɔ Euftrate ho mprenpren ara na fa kosie ɔbotan tokuru bi mu." **5** Enti mede kosieɛ Euftrate ho, senea Awurade ka kyereɛ me no. **6** Nna bebreɛ akyi no, Awurade ka kyereɛ me se, "Afei kɔ Euftrate ho na kɔfa abɔso a meka kyereɛ wo se fa kosie hɔ no." **7** Enti mekɔɔ Euftrate ho kotuu abɔso no wɔ beaɛ a mede siei no, nanso na asuw atetew a so nni mfaso biara. **8** Afei Awurade asem baa me nkyen se, **9** "Sɛɛ na Awurade se, 'Saa ara na mɛsɛɛ Yuda ahantan ne Yerusalem ahantankyɛnɛɛ no. **10** Saa amumɔyɛfo yi a wɔmpɛ se wɔtie m'asɛm na wodi wɔn komaden akyi na wodi anyame afoforo akyi som wɔn, sɔre wɔn no, bɛyɛ se saa abɔso yi, na wɔn so remma mfaso biara! **11** Senea abɔso kyekyere onipa asɛn no, saa ara na mede Israelfi ne Yudaɣi nyinaa bataa me ho se wɔnyɛ me nkurofo a wɔbɛma me din so, aka m'ayeyi na wɔahyɛ me anuonyam, nanso wɔantie me,' nea Awurade se ni. **12** "Ka kyere wɔn se, 'Nea Awurade, Israel Nyankopɔn se ni, Wɔmfa nsa nhyɛ nsa kotoku biara ma.' Na se wɔka kyere wo se, 'Yenim se ɛsɛ se wɔde nsa hyɛ nsa kotoku biara ma a,' **13** afei ka kyere wɔn se, 'Nea Awurade se ni: Mede nsabow behyɛ wɔn a wɔtete asase yi so nyinaa ma, a ahɛmfo a wɔtɛ Dawid ahɛngua so, asɔfo, adiyifo ne wɔn a wɔtete Yerusalem nyinaa ka ho bi. **14** Mɛtotow wɔn abobɔ wɔn ho wɔn ho, agyanom ne mmabarima nyinaa, Awurade na ose. Meremma ahummɔbɔ anaa ayamye anaa ayamhyehyɛ nsiw ɔsɛɛ a merebɛsɛɛ wɔn no ho kwan.'" **15** Muntie na monyɛ aso, na monnye ahantan, efisɛ Awurade akasa. **16** Monhyɛ Awurade, mo Nyankopɔn, anuonyam ansa na wama sum aduru, ansa na mo anan ahintihintiw wɔ nkoko a eso reduru sum no so. Mo ani da hann so, nanso ɔbedan no sum kusuu na wɔasasa aye no sum kabii. **17** Nanso se moantie a, mesu wɔ kokoa mu esiane mo ahantan nti; m'ani betaataa nsu, na nusu aguarɛ me, efisɛ wɔbɛfa Awurade nguankuw no akɔ nnommum mu. **18** Monka nkyere ɔhene ne ɔhemmea se, "Mumfi mo ahɛngua so nsi fam, na mo anuonyam ahenkyew befi mo ti so." **19** Wɔbetoto Negeb nkuroɔn apon mu, na obiara nni hɔ a obɛbuebue. Wɔbesoa Yudafo akɔ nnommum

mu wobɛtwa wɔn asu koraa. **20** Mo mpagyaw mo ani nhwɛ wɔn a wofi atifi fam rebɔ no. Nguankuw a wɔde hyɛɛ mo nsa no, nguan a mode wɔn hoahoaɔ mo ho no wɔ he? **21** Sɛ Awurade de wɔn a wɔyɛ mo nnamfonom yɛ mo so atitiriw a, dɛn na mobɛka? Na ɛrenyɛ mo yaw te senea ɔbea ɔreko awo ana? **22** Na se wubebisa wo ho se, "Adɛn nti na eyi aba me so a?" Na efi w'amumɔyɛ bebrebe no nti na wɔatetew wo fam atade mu aye wo nipadua basaa no. **23** Etiopiani betumi asasa n'ahosu ana? Na ɔsebo nso betumi asasa ne ho nsisimu no? Saa ara na wɔrentumi nye papa, wo a bɔneyɛ akokwaw wo no. **24** "Mɛbɔ mo ahwete se ntete a, nweatam so mframa rebɔ no. **25** Eyi ne nea mubenya, mo kyefa a mahyɛ ama mo," Awurade na ose, "efisɛ mo were afi me na mode mo ho ato anyame huhuw so. **26** Mɛtwe mo fam ntade abua mo anim na wɔahu mo ahohora. **27** Mo aguamammɔ ne mo akɔnnɔ bɔne, mo aguamammɔ a momfɛre ho! Mahu mo nneyɛɛ bɔne no wɔ nkoko ne sare so. Due, Yerusalem! Wɔbeyɛ fi akosi da bɛn?"

14 Eyi ne Awurade asem a ɔde maa Yeremia a ɛfa nsuyow ho: **2** "Yuda resu, ne nkuroɔn hu amane; wɔbɔ asase no ho abubuɔw, na osu foro fi Yerusalem kɔ. **3** Mmapɔmma soma wɔn asomfo ma wɔkɔhwɛhwe nsu; wɔkɔhwɛ ahina mu nanso wonnya nsu. Wɔde wɔn asuhina san ba a hweɛ nni mu; wɔde awɛrɛhow ne abawpa katakata wɔn ti so. **4** Asase no apaapae, efisɛ osu ntɔ wɔ asase no so; akuafɔ no koma atutu na wokata wɔn ti so. **5** Mpo ɔforotɛbere a ɔwɔ sare so gyaw ne ba a wawo no fɔforo, efisɛ sare biara nni hɔ. **6** Sare so mfurum gyinagyina nkoko wosɛɛ no so home se sakraman; wɔkrankran wɔn ani hwɛhwe didibea nanso wonhu bi." **7** ɛwɔ mu se yɛn amumɔyɛ di adanse tia yɛn de, nanso Awurade, wo din nti yɛ ho biribi. Yɛn atuatɛw ɔɔso; na yɛayɛ bɔne atia wo. **8** Wo a woyɛ Israel Anidaso, n'Agyenkwa wɔ amanɛhunɔ mmere mu, adɛn nti na wɔayɛ se ɔhɔhɔ wɔ asase no so, se ɔkwantuni a ɔsɔɛ anadwo? **9** Adɛn nti na wɔayɛ se obi a ade afu ne mu yi, se ɔkofo a onni ahɔɔden a ɔde boa? Wowɔ yɛn ntam, Awurade na wo din da yɛn so; nnyaw yɛn mu! **10** Eyi ne nea Awurade ka fa saa nnipa yi ho: "Wɔn ani gye akyinkyinakyinkyin ho yiye; wɔmma wɔn anan nhome. ɛno nti Awurade nnye wɔn nto mu; afei ɔbɛkaɛ wɔn amumɔyɛsɛm no na watwe wɔn aso wɔ wɔn bɔne ho." **11** Na Awurade ka kyereɛ me se, "Mmɔ yiyeyɛ ho mpae mma saa nnipa yi. **12** Mmom ɛwɔ mu

se wodi mmuada de, nso merentie wɔn sufɛ; ɛwɔ mu se wɔbɔ ɔhyew afɔre ne aduan afɔre de, nso merennye. Mmom, mede afoa, ɔkɔm ne ɔyaredɔm bɛsɛe wɔn.”

13 Nanso mekae se, “Ao, Otumfo Awurade, adiyifo no ka kyere wɔn daa se, ‘Morenɛhu afoa, na ɔkɔm remma. Nokware mɛma mo asomdwoe a ɛbetena hɔ daa wo ha.”

14 Na Awurade ka kyere me se, “Adiyifo no hye akontoro wɔ me din mu. Mensomaa wɔn, minnyii wɔn na menkasa nkyereɛ wɔn ɛ. Wɔrehye nkɔm fa atoro anisoadehu, asumansem, abosonsom ne wɔn ankasa nnaadaa adwene ho.

15 Eno nti, nea Awurade ka fa adiyifo a wɔde me din hye nkɔm no ho ni: mensomaa wɔn nanso wɔka se, ‘Afoa biara anaa ɔkɔm biara remma asase yi so.’ Saa adiyifo no ara betoto wɔ afoa ano ne ɔkɔm mu.

16 Na nnipa a wɔhye nkɔm kyere wɔn no, wɔbetotow wɔn agu Yerusalem mmɔnten so esiane ɔkɔm ne afoa nti. Wɔrenya obiara nsie wɔn: wɔn yerenom, wɔn mmabarima anaa wɔn mmabea. Mɛma amanehunɔ a ɛfata wɔn aba wɔn so.

17 “Ka saa asem yi kyere wɔn: “‘ma nɛsu nguare me anadwo ne awia, a to ntwa, efise ɔbabae Babun no, me nkurofo, anya apirakuru a eye hu na eye ahodwiriw mmoroso.

18 Se meko ɔman no mu a, mihu nnipa a wɔatoto wɔ afoa ano; se meko kuropon no mu a mihu ɔkɔm nsunsuanso. Odiyifo ne ɔsofo nyinaa kɔ asase a wonnim so so.”

19 Woapo Yuda koraa ana? Wubu Sion animtiaa ana? Aden nti na wode ɔhaw aba yen so na yennya ayaresa? Yen ani daa asomdwoe so, nanso ade papa biara mmaa ɛ; yen ani daa ayaresa bere so nanso ehu na ɛbae.

20 Awurade, yegye yen amumɔye ne yen agyanom afɔdi to mu; nokware, yeaye bone atia wo.

21 Na wo din nti mmu yen animtiaa; nhura w’anuonyam ahengua no ho. Kae wo ne yen apam no na mmu so.

22 Na amanaman ahoni ahuhuw no mu bi ma osu to ana? Wim ankasa na eto obosu ana? Dabi da, eye wo, Awurade yen Nyankopon. Enti wo so na yen ani da, na wo na woye eyinom nyinaa.

15 Afei Awurade ka kyere me se, “Se mpo, Mose ne Samuel begyinaa m’anim a anka me koma rento nkɔ saa nnipa yi so. Ma womfi m’ani so! Ma wonko! **2** Na se wobisa wo se, ‘Ehe na yenko’ a, ka kyere wɔn se, ‘Sɛe na Awurade se: “‘Wɔn a wɔahye owu ama wɔn no, beko owu mu; wɔn a wɔahye afoa ama wɔn no betoto wɔ afoa ano; wɔn a wɔahye ɔkɔm ama wɔn no, ɔkɔm bede wɔn; wɔn a wɔahye nnommumfa ama wɔn no beko nnommum mu.’ **3** “Mede adeseefo ahorow anan beba wɔn so,” Awurade na ose, “afoa a ebekunkum

wɔn, akraman a wɔbetwe wɔn ase ako, wim nnomaa ne asase so mmoa a wɔbetetew wɔn nam asɛe wɔn. **4** Mɛma wɔaye akyiwade ama asase so ahenni nyinaa, esiane nea Yudahene Heseikia babarima Manase yɛe wɔ Yerusalem nti. **5** “Hena na obehu wo mmɔbo, Yerusalem? Hena na obegyam wo? Hena na obegyina abisa sɛnea wo ho te? **6** Woapo me,” Awurade na ose. “Wugu akyirisan so ara. Eno nti metee me nsa wo wo so na masɛe wo. Me yam renhyehye me mma wo bio. **7** Mede nhuhuwso apampaa behuhuw wɔn so wɔ asase no kuropon apon ano. Mede owu ne ɔsɛe beba me nkurofo so, efise wɔnsakraa wɔn akwan ɛ. **8** Mɛma wɔn akunafo adɔso asen mpoano nwea. Mede ɔsɛfo beba owigiyinae, abɛhaw wɔn mmerante nanom; mpofirim mede ɔyaw ne ehu beba wɔn so. **9** ɔbeatan a wawo ason betɔ beraw, na wagyaa mu. Ne wia betɔ wɔ bere a ade nsaa ɛ; wobegu n’anim ase abre no ase. Mede nkae no bɛma afoa wo wɔn atamfo anim,” Awurade na ose. **10** Ao, me na a wowoo me, onipa a asase no sofo nyinaa ne me ham, di aperepere! Memfem obi biribi na memmɔso bɛsa mfii obi hɔ ɛ, nanso obiara dome me. **11** Awurade kae se, “Nokware megye wo ama botae pa bi; ampa ara mɛma w’atamfo apa wo kyew wɔ amanehunɔ ne ahohia mmere mu. **12** “Onipa betumi abu dade mu dade a efi atifi fam, anaa kɔbere? **13** “Mo ahode ne mo nnwetɛbona mede bɛma se wɔmfom a wɔrentua ka, esiane mo nnebɔne nyinaa wo mo man no mu nti. **14** Mede mo beye nkoa ama mo atamfo wɔ ɔman a munnim so so, m’abufuw bɛma ogya adew na ɛbɛhyew mo.” **15** Wote ase, Awurade; kae me na hwɛ me so. To wɔn a wɔtaa me no so were. Wowo abodwokyere, mma me nwu; hwɛ sɛnea wo nti wɔbɔ me ahohora. **16** Wo nsem bae no, midii; eyɛe m’ahosepɛw ne me koma apede, na wo din da me so, Ao, Asafo Awurade Nyankopon. **17** Mantena wɔn a wogyɛ wɔn ani fekuw mu, ne wɔn annye wɔn ani; metew me ho tenae, efise wo nsa daa me so na w’abufuw hyɛe me ma. **18** Aden nti na me yaw to ntwa da na m’apirakuru aye akisikuru a ano ye den? Wope se woye se nnaadaa asuwa ma me, se asuti a eyow ana? **19** Enti sɛe na Awurade se, “Se wosakra w’adwene a megye wo ato mu bio na woasom me; se nsem a edi mu fi w’anom, na enye nsem huhuw a, wobeyɛ me kasamafo. Ma saa nnipa yi nnan mmra wo nkyen, na wo de, ense se wodan kɔ wɔn nkyen. **20** Mede wo beye ɔfasu ama saa nnipa yi, bammɔ fasu a wɔde kɔbere ato; wɔne wo bedi asi nanso wɔrenni wo so nkonim,

efise me ne wo wo ho se meyi wo na magye wo nkwa,” Awurade, na ose. **21** “Megye wo nkwa afi amumoyefo nsam na mayi wo afi atirimodenfo nsam.”

16 Afei Awurade asem baa me nkyen se: **2** “Ense se woware na wowo mmabarima anaa mmabea wo ha.” **3** See na Awurade ka fa mmabarima ne mmabea a wowo won asase yi so; mmea a woye won nanom ne mmarima a woye won agyanom no ho: **4** “Owuyare bekunkum won. Worensu won na worensie won, mmom wobeye se sumina a egugu fam. Wobetoto afoa ano na okom bekunkum won na won afunu beye aduan ama wim nnomaa ne asase so mmoa.” **5** “Nhyen ofi a ayiye aponto wo mu; nkosu won abia, na mma won hyeden, efise mayi me nhira, me do ne m’ahummabo afi saa nnipa yi so,” Awurade na ose. **6** Atitiriw ne mpapahwekwa bewuwu wo asase yi so. Worensie won na worensu won na obiara remmo ne ho kam, na orenyi ne ti wo won nti. **7** Obiara remma won a wodi awufo no ho awerehow no aduan mfa nkyekye won were, owufo no agya anaa ne na mpo, obiara remma won nsa mfa nkyekye won were. **8** “Na nhyen ofi a aponto ko so wo mu nketena ase, nnidi na nnom. **9** Na see na Awurade Tumfo, Israel Nyankopon no se: Wo nkwan na mu a w’ani tua no, mede ahosepew ne anigye nnyigyei, ayeforokunu ne ayeforo ahosepew nne a ewo ha no beba awiei. **10** “Se woka eyinom nyinaa kyere saa nnipa yi na wobisa wo se, ‘Aden nti na Awurade abo atoyerenkyem a eye hu see atia yen? Den mfomso na yeaye? Bone ben na yeaye atia Awurade, yen Nyankopon’ a, **11** eno de ka kyere won se, ‘Efise mo agyanom gyaw me ho kodii anyame foforo akyi, kosom won soree won, Awurade asem ni. Wogyaw me na woanni me mmara so. **12** Na mo de, moaye amumoyesem asen mo agyanom. Monhwe senea mo mu biara di ne koma bone asooden akyi wo bere a anka ese se oye osetie ma me. **13** Eno nti, metu mo afi saa asase yi so de mo ako asase a, mo anaase mo agyanom nnim so, na mobesom anyame foforo wo ho awia ne anadwo, na merenhu mo mmabo.’ **14** “Nanso nna no reba,” Awurade na ose, “a nnipa renka bio se, ‘Se Awurade te ase yi, nea oyii Israelfo fii Misraim,’ **15** mmom, wobeke se, ‘Se Awurade te ase yi nea oyii Israelfo fii atifi fam asase ne aman a otuu won koo so nyinaa.’ Efise mesan de won aba asase a mede maa won tete agyanom no no so. **16** “Na mprenpren, mesoma apopofo bebree a wobekeyere won.” Awurade na ose. “Eno akyi, mesoma akofa abommfo bebree

a wobetaataa won wo mmepow ne nkoko nyinaa so ne abotan atokuru mu. **17** M’ani tua won akwan nyinaa; enhintaw me, na won bone nso nhintaw wo m’ani so. **18** Metua won amumoye ne won bone so ka mprenu, efise wode aniwude nsesode a enni nkwa ne won ahoni a eye akyiwade abehye m’agypade so ma de agu m’asase ho fi.” **19** Awurade, m’ahooden ne m’abandennen, m’ahohia mu guankobe, wo nkyen na amanaman no beba; wobefi nsase ano aka se, “Yen agyanom annya biribiara se anyame huhuw, ahoni a won so nni mfaso na woammoa won. **20** Nnipa ye won ankasa anyame ana? Yiw, nanso wonye nokware anyame!” **21** “Eno nti mekyerekyere won, saa bere yi nea mekyere won, me tumi ne m’ahooden. Afei wobehu se me din ne Awurade.

17 “Wode dade kyerewdua akrukyerew Yuda bone, dade kyerewdua a ano te se kyerewbo, wo won koma apon so ne won aforemuka mmem so. **2** Mpo, won mma kae won aforemuka ne Asera nnua a ewo nnua a adennan no nkyen ne nkoko atenten no so. **3** Me mmepow a ewo asase no so, mo ahonyade ne mo nnwetebona nyinaa mede bema se asade, ene mo soronsorommea nso, esiane mo man no so bone nti. **4** Mo ankasa mfomso nti mobehwere agypade a mede maa mo no. Mede mo beye nkoa ama mo atamfo wo asase a munnim so so, efise moahwanyan m’abufuw, na ebetena ho daa.” **5** See na Awurade se, “Nnome nka nea ode ne ho to onipa so, nea ode ne ho to ohonam so pe n’ahooden na ne koma dan fi Awurade ho. **6** Obeye se wura a ewo nsase tamaa so; se yiyedi ba a orenhu, obetena nweatam a awo so, ne nkyene asase a obi nte so so. **7** “Nhyira nka onipa a ode ne ho to Awurade so, na n’anidaso wo ne mu. **8** Obeye se dua a woadua no asu ho na ne ntin tee ko asu no mu. Se ahuhuru ba a onsure; ne nhaban ye fromfrom mmere nyinaa. Onni ohaw biara wo afe a osu nto mu na eko so sow aba daa.” **9** Koma ye nnaadaa sen ade nyinaa na ano nni aduru. Hena na obete n’ase? **10** “Me Awurade, meperepere koma mu na mehwehwe adwene mu, gyina so de tua onipa ka senea n’abrabo te, ne senea efata ne nneyce.” **11** Senea asementa a osow nkesua a enye ono na otowee no, saa ara na onipa a onya sika a omfa okwan pa so no te. Se obu ne nkwa nna mu abien a wobegyaw no mu, na awiei no, ne kwasea beda adi. **12** Anuonyam ahengua a woama so fi mfiase no, ne yen kronkronbea. **13** Awurade, woye Israel anidaso, won a wopa w’akyi nyinaa ani bewu. Won a wotwe

wɔn ho fi wo ho no, wobesie wɔn efise wɔagyaw Awurade a ɔye nkwa asuti no. **14** Sa me yare Awurade, na me ho betɔ me; gye me na menya nkwa, na wo ne ɔbaako a mekamfo wo. **15** Wobisa me daa se, “Ehe na Awurade asem no wɔ? Ma ɛmmra mu mprenpre!” **16** Minnguan mfii m’adwuma se wo guanhwefo ho; wunim se menhwehwee abasantu da. Nea efi m’anom ye pefee wɔ w’anim. **17** Nhunahuna me; wo ne me guankɔbea wɔ amanehununu da. **18** Ma wɔn a wɔtaa me anim ngu ase, na yi me fi ahohora mu. Ma wɔmmo hu, nanso mma me koma ntu. Ma amanehununu da no mmra wɔn so; fa ɔhawprenu see wɔn. **19** Sɛɛ na Awurade ka kyereɛ me, “Kɔ na kogyina nnipa no pon a Yuda ahemfo di hɔ ahyɛmfiri no; kogyina Yerusalem apon a aka no nso ano. **20** Ka kyere wɔn se, ‘Muntie Awurade asem, mo Yuda ahemfo ne Yudafo nyinaa ne wɔn a wɔtete Yerusalem a wɔfa saa apon yi mu. **21** Sɛɛ na Awurade se: Monhwe yiye na moansoa nnesoa Homeda anaa moamfa amfa Yerusalem apon mu. **22** Monnsa adeso a mfi mo afi mu na monnye adwuma biara Homeda, na mmom monye Homeda no kronkron, senea mehyee mo agyanom no. **23** Nanso wɔantie na wɔammu; wɔyee asoɔden, wɔantie na wɔampe nteeso. **24** Nanso se mohwe yiye na moye osetie ma me a, sɛɛ na Awurade se, na moamfa nnesoa amfa saa kuropon yi apon mu Homeda, na se moye Homeda no kronkron a monnye adwuma biara a, **25** ɛno de ahemfo a wɔte Dawid ahengua so ne wɔn adwumayefo befa saa apon yi mu. Wɔn nyinaa beba a wɔtete nteaseɛnam mu ne aponko so, a Yuda mmarima ne wɔn a wɔtete Yerusalem ka ho, na nnipa betena kuropon yi mu daa nyinaa. **26** Nnipa befi Yuda nkurow ne nkuraa a atwa Yerusalem ho ahyia no aba, wobefi Benjamin asase ne atɔe fam nkoko so, wobefi mmepɔw, mantam ne Negeb aba a wɔde ɔhyew afoɔbɔde ne afoɔreɔ, aduan afoɔbɔde, nnuhuam ne aseda afoɔbɔde reba Awurade fi. **27** Nanso se moanyɛ osetie amma me, anyɛ Homeda no kronkron, na se mosoa adeso biara fa Yerusalem apon mu Homeda a, ɛno de meso ogya a ɛrennum da wɔ Yerusalem apon mu na abɛhyew n’aban ahorow no.”

18 Eyi ne Awurade asem a ɛbaa Yeremia nkyen.

2 “Kɔ ɔnwemfo no fi, na hɔ na mede m’asem no bema wo.” **3** ɛno nti, mekɔ ɔnwemfo no fi na mihuu no se, ɔreyɛ adwuma wɔ ne ntwahode so. **4** Nanso kuku a na ɔde dote no reye ho adwuma no see wɔ ne nsam; ɛno nti ɔnwemfo no yee kuku foforo,

senea eye pa ara ma no. **5** Afei Awurade asem baa me nkyen se: **6** “Israelfi, merentumi nye mo senea ɔnwemfo yi ye ana?” Awurade na ose. “Senea ɔdote wɔ ɔnwemfo nsam no, saa ara na mote wɔ me nsam, Israelfi. **7** Se bere biara meka se ɛse se wotutu ɔman bi anaa ahenni bi ase, dwerew wɔn, see wɔn a, **8** na se ɔman a meɔɔ no kɔkɔ no sakra fi ne bone ho a, mesakra m’adwene na meremfa amanehununu a misusuwii se mede beba wɔn so mma bio. **9** Na se mmere foforo bi meka se, ɛse se wɔkyekye ɔman anaa ahenni bi gye no si hɔ, **10** na se ɔye bone wɔ m’ani so na wanyɛ osetie amma me a, ɛno de mesan adwene papa a mepɛɛ se meye no no ho. **11** “Na afei ka kyere Yudafo ne wɔn a wɔtete Yerusalem no se, ‘Sɛɛ na Awurade se: Hwe! mede amanehununu reba mo so, na mereye nhyehyee a etia mo. ɛno nti mo mu biara nnan mfi n’akwammone so na munsiesie mo akwan ne mo nneyee.’ **12** Nanso wobebua se, ‘So nni mfaso. Yebekɔ so adi yen ara yen nhyehyee so; yen mu biara beye asoɔden a efi ne koma bone mu.’” **13** ɛno nti nea Awurade se ni, “Mummisa wɔ amanaman no mu se, hena na wate biribi sɛɛ pen? ɔbabun Israel aye ade bi a eye hu yiye. **14** So sukyeremma a ewɔ Lebanon no yera fi n’abotan a esian no so ana? So n’atifi nsu wiridudu a efi akyirikyiri no gyae sen ana? **15** Nanso me nkurofo were afi me. Wɔhyew nnuhuam ma ahoni huhuw, a ɛma wohintihintiw wɔ wɔn akwan so ne tete atempɔn so. Wɔma wɔfa kwatikwan ne akwan a wɔmmɔe so. **16** Wɔn asase beda mpan, na aye ade a wobebu no animtiaa daa; wɔn a wotwa mu hɔ no ho bedwiriw wɔn na wobehinhim wɔn ti. **17** Senea apuei mframa te no, meɔ wɔn ahwete wɔ wɔn atamfo anim; medan m’akyi akyere wɔn na ɛnye m’anim wɔ wɔn amanehununu da no.” **18** Wɔkae se, “Mommra ma yemfa adwene ntia Yeremia; senea ebeye a asofo no nkyerekyerɛ a efa mmara no ho, anyansafo no afotu anaa asem a efi adiyifo hɔ no renyera. Mommra na yentu yen ano ngu ne so a yerentie nea ɔbɛka biara.” **19** Ye aso ma me, Awurade; tie nea wɔn a wɔpam me ti so no reka! **20** ɛse se wɔde bone tua papa so ka ana? Nanso wɔatu amoa ama me. Kae se migyinaa w’anim na mekasa maa wɔn, senea wubeyi w’abufuwhyew afi wɔn so. **21** ɛno nti, ma ɔkɔm nne wɔn mma; yi wɔn ma afoa. Ma wɔn yerenom nye abonin ne akunafo; ma wonkunkum wɔn mmarima, na wɔmfa afoa nkunkum wɔn mmerante wɔ ɔko mu. **22** Ma wɔnte osu wɔ wɔn afi mu bere a atamfo atu wɔn so sa mpofirim, efise

wɔatu amoa ama me, na wɔasunsum m'an'an mfiri. 23 Nanso wunim Awurade, pɔw a wɔabo nyinaa se wobekum me. Mfa wɔn nsem mɔne nkye wɔn, na nyi w'ani mfi wɔn bɔne so. Ma wonni nkogu wɔ w'anin; na wo ne wɔn nni wɔ w'abufuw mu.

19 Sɛe na Awurade se: “Kɔ na kɔtɔ dɔtekuruwa fi ɔnwemfo nkyen. Fa nnipa no mpanyimfo no mu bi ne asofo no mu bi ka wo ho 2 na fi adi kɔ Ben Hinom Bon a ɛben Pothed Pon ano no. Eho na pae mu ka nsem a meka kyere wo no, 3 se, ‘Muntie Awurade asem, mo Yuda ahemfo ne Yerusalemfo. Sɛe na Asafo Awurade Israel Nyankopon se. Muntie, mede amanehunɔ reba ha, na obiara a ɔbete no aso mu beye no yonn. 4 Efise wɔagyaw me na wɔde ha ama ananafo anyame; wɔahyew afoɛbɔde wɔ so ama anyame a wɔn anaa wɔn agyanom, anaa Yuda ahemfo nhuu wɔn da, na wɔde mogya a edi bem ahye ha ma. 5 Wɔasisi Baal sorɔnsorɔmma se wɔde ogya behyew wɔn mmabarima se afoɛbɔde ama Baal, ade a manhye anaa mammɔ so, anaa amma m'adwene mu. 6 Eno nti, monhwɛ yiye na nna bi reba, Awurade na ose, a nnipa remfre ha se Tofet anaa Ben Hinom Bon bio, na mmom, Okum Bon. 7 “Mɛsɛ Yuda ne Yerusalem nhɛhyɛ wɔ ha. Mema wɔatɔtɔ wɔ afoa ano wɔ wɔn atamfo a wɔrehwehwe wɔn nkwa no anim, na mede wɔn afunu bema wim nnomaa ne asase so mmoa se wɔn aduan. 8 Mɛsɛ saa kuropon yi na maye no ahodwiriwde; wɔn a wotwa mu wɔ ho no nyinaa ho bedwiriw wɔn, na n'apirakuru no nti wobedi ne ho fɛw. 9 Mema wɔawe wɔn mmabarima ne wɔn mmabea nam, na wobefi ahohia a atamfo a wɔrehwehwe wɔn nkwa no anotua de beba wɔn so no mu awe wɔn ho wɔn ho nam.’ 10 “Afei bɔ kuruwa no wɔ wɔn a wɔka wo ho no anim ma wɔnhwɛ, 11 na ka kyere wɔn se, ‘Sɛe na Asafo Awurade se: Mɛbɔ saa ɔman yi ne kuropon yi senea wɔabo ɔnwemfo kuruwa yi a wɔrentumi nsiesie bio. Wobesie awufo wɔ Tofet kosi se, eho beye ma. 12 Sɛe ara na mɛye saa beae yi ne wɔn a wɔtete so, Awurade na ose. Mɛye kuropon yi se Tofet. 13 Afi a ɛwɔ Yerusalem ne Yuda ahemfo ahemfi ho begu fi te se Tofet ha. Afi a wɔhyew nnuhum wɔ adan atifi maa ɔsoro asafo nyinaa na wogu nsa maa anyame foforo no.” 14 Afei Yeremia san fii Tofet, faako a Awurade somaa no se ɔnkɔhye nkɔm wɔ ho no bae, na Obegyinaa Awurade asɔredan abangua mu na ɔka kyere nnipa no nyinaa se, 15 “Sɛe na Asafo Awurade, Israel Nyankopon se, ‘Muntie! Mede amanehunɔ a

meka guu kuropon yi ne ho nkuraase no nyinaa so no beba wɔn so, efise wɔye asoɔden, na wɔantie me nsem.”

20 Bere a Imer a ɔye Awurade asɔredan mu adwumayefo so panyin babarima ɔsofo Pashur tee se Yeremia rehye nkɔm fa saa nneema yi ho no, 2 ɔma wɔboroo Yeremia, na wɔbɔɔ no dua mu wɔ Benjamin Atifi Pon a ɛwɔ Awurade asɔredan no mu ho no. 3 Ade kyee a Pashur san no no, Yeremia ka kyere no se, “Awurade din a ɔde ama wo no nye Pashur na mmom Magormisabib. 4 Na sɛe na Awurade se: ‘Mema wo ho aye hu ama w'ankasa ne wo nnamfonom nyinaa, w'ankasa de w'ani behu se wɔtɔtɔ wɔ wɔn atamfo mfoa ano. Mede Yuda nyinaa bema Babiloniahene na wasoa wɔn ako Babilonia anaase ɔde afoa bekunkum wɔn. 5 Mede kuropon yi ahode, n'adwumaye so aba, ne nneema a esom bo ne Yuda ahemfo nnwetebona nyinaa bema wɔn atamfo. Wɔbefa no se asade ako Babilonia. 6 Na wo Pashur, ne wo fifo nyinaa beko nnommum mu wɔ Babilonia. Eho na wo ne wo nnamfonom a wɔhye wɔn akɔntoro no nyinaa bewuwu na wɔasie mo.” 7 Awurade, wɔdaadaa me na ɛbaa mu saa; wudii me so na wutintim me so. Wodii me ho fɛw da mu nyinaa; na obiara serew me. 8 Bere biara a mɛkasa no, metee mu, pae mu ka akakabensem ne ɔsɛe. Enti Awurade asem de ahohora ne nsopa abre me da mu nyinaa. 9 Se meka se, “Meremmɔ ne din anaa merenkasa wo ne din mu” a, n'asem te se ogya wɔ me koma mu, ogya a wɔde ahye me nnompe mu, mabre ne ne kita nokware, merentumi. 10 Mete asomsem bebre se, “Ehu wɔ baabiara! Montoa no! Momma yenkotoa no!” Me nnamfonom nyinaa retwen se mewatiri, na wɔka se, “Ebia wɔbɛdaadaa no; na yeatumi no atɔ ne so were.” 11 Nanso Awurade ka me ho se dɔmbarima; enti m'ataafo bewatiri na wɔrentumi. Wobedi nkogu na wobegu wɔn anim ase pasaa; wɔn were remfi wɔn nsopa no da. 12 Asafo Awurade! Wo a wɔsɔ ɔtreneeni hwɛ na wɔpɛpɛ koma ne adwene mu, ma minhu w'aweretɔ wɔ wɔn so, efise mede m'asem dan wo. 13 Monto dwom mma Awurade! Munyi Awurade aye! Ogye ohiani nkwa fi amumɔyefo nsam. 14 Nnome nka da a wɔwoo me! Nhyira mpare da a me na woo me. 15 Nnome nka onipa a ɔbɛbɔ m'agya amannee, nea ɔmaa n'ani gyei, na ɔkae se, “Wɔawo ɔbabarima ama wo!” 16 Ma saa onipa no nye se nkuro wɔ Awurade tu gui a wannya ahummɔbɔ no. Ma ɔnte osu anɔpa,

ne akoben nnyigyei owigyinae. 17 Se wankum me wo awotwaa mu amma me na anye oda amma me no nti, n'awotwaa yee kese afebo. 18 Aden koraa na mifii awotwaa mu pue behuu ohaw ne awerehow na mede aniwu rebewie me nkwa nna yi?

21 Asem fi Awurade ho baa Yeremia nkyen bere a ohene Sedekia somaa Malkia babarima Pashur ne Maaseia babarima osrafo Sefania koo ne nkyen no. Wokae se, 2 “Bisa Awurade, ma yen efise Babiloniahene Nebukadnessar ne yen rebedi ako. Ebia Awurade beye anwonwade ama yen, senea oye mmere bi a atwa mu no na ama wafi yen so ako.” 3 Na Yeremia buaa won se, “Monka nkyere Sedekia se, 4 ‘Senea Awurade, Israel Nyankopon, se ni: Merebedan mo nsam akode atia mo, nea mode reko atia Babiloniahene ne Babiloniafo a wowa ofasu no akyi na watua mo kuropon no ano. Mboaa won ano wo kuropon yi mu. 5 Me ara mede nsa a matee ne abasa a eye den beko atia mo wo abufuw, anibere ne abufuwhyew mu. 6 Mebobo won a wotete kuropon yi mu ahwehwe fam; nnipa ne mmoo nyinaa, na oyaredom a eye hu bekunkum won. 7 Eno akyi, Awurade asem ni, mede Yudahene Sedekia, n'adwumayefo ne nnipa a wowa kuropon yi mu a oyaredom, afoa ne okom ankunkum won no bema Babiloniahene Nebukadnessar ne won atamfo a worehwehwe won nkwa no. Ode afoa bekunkum won; orenhu won mmobo na orennya ayamhyehye mma won.’ 8 “Bio, ka kyere nnipa no se, ‘Eyi ne nea Awurade se: Hwe mede nkwa kwan ne owu kwan resi mo anim. 9 Obiara a ote saa kuropon yi mu bewu wo afoa anaa okom anaa oyaredom ano. Nanso obiara a obepue na ode ne ho akoma Babiloniafo a wabetua mo kuropon yi no, befa ne ho adi. 10 Mawe ahinam se meye kuropon yi bone na enye papa, Awurade na ose. Wode behye Babiloniahene nsa, na ode ogya behyew no.’ 11 “Nea eka ho ne se, ka kyere Yuda adehye se, ‘Muntie Awurade asem; 12 Dawidfi, see na Awurade se: “‘Mummu atentrenee anopa biara; munnye nea waboo no koron no mfi ne nhyesofo nsam, anye saa a, m'abufuwhyew besore na ahyew se ogya esiane bone a moaye nti, ebhyew a obiara rennum no. 13 Mene mo anya, Yerusalem Mo a mote obon yi atifi abotan asasetaw so, Awurade na ose, mo a moka se, “Hena na obetumi ako atia yen? Hena na obetumi ahyen yen hintabea?” 14 Metwe mo aso senea efata mo nneyee, Awurade na ose. Meto mo kwae mu gya, a ebhyew biribiara a atwa mo ho ahyia no.”

22 See na Awurade se, “Sian ko Yudahene ahemfi na kopae mu ka saa asem yi: 2 ‘Tie Awurade asem, Yudahene, wo a wote Dawid ahengua so, wo, w'akannifo ne wo nkurofo a wofa apon yi mu. 3 See na Awurade se: Monye nea etee na enam kwan mu. Munnye nea waboo no koron mfi ne hyesofo nsam. Monnye ohoho, ayisaa ne okunafo bone na monnye won basabasa nso, na munnhwie mogya a edi bem ngu wo ha. 4 Se moye ahweye na mudi saa ahyede yi so a, eno de ahemfo a wote Dawid ahengua so ne won adwumayefo ne won nkurofo befa saa ahemfi apon yi mu, a wotete nteaseenam mu ne aponko so. 5 Enti se moanni saa nhyehyee yi so a, Awurade na ose, “Meka me ho ntam se, saa ahemfi yi bedan ofituw.”” 6 Nea Awurade ka fa Yudahene ahemfi ho ni: “Ewo mu wote se Gilead ma me, te se Lebanon mmepow atifi, nokware, meye wo se nweatam, se nkurow a obiara nte mu. 7 Mesoma asefo abetoo mo, obiara ne n'akode, wobetwitwa mo sida mpuran fefe no mu na watow agu ogya no mu. 8 “Nnipa a wofifi aman bebree so betwa mu wo kuropon yi so, na wobebisabisa won ho won ho se, ‘Aden nti na Awurade aye saa kuropon kese yi see?’ 9 Na mmuae no beye se, ‘Efise wagyaw Awurade, won Nyankopon apam no akasore anyame afoforo asom won.”” 10 Munnsu ohene a wafi mu, na munni ne ho awerehow; mmom, munsu dennen mma nea oko nnommum mu, efise orensan n'akyi na orenhu asase a wowo no wo so no bio. 11 Na see na Awurade ka faa Yosia babarima Salum a odii n'agya ade se Yudahene na wafi ha no ho: “Orensan mma bio. 12 Obewu wo faako a wofa no nnommum ko ho; na orenhu saa asase yi bio.” 13 “Nnome nka nea omfa okwan trennee so nsi n'ahemfi, ode asisi si n'abansoro, oma ne manfo ye adwuma kwa, ontua won apaade so ka. 14 Oka se, ‘Mesi ahemfi kese ama me ho nea ewo abansoro adan a mu soso.’ Enti oye mfensere akese wo mu, ode sida dura mu na ode ahosu kokoo hyehye mu. 15 “Wowo sida bebree a na ema woye ohene ana? Na w'agya nni aduan ne nsa ana? Oye nea efa ne kwan mu na etee, enti esii no yiye. 16 Odii mmaborofo ne ahiafo nsem maa won, enti biribiara yee yiye maa no. Na enye eyi na ekyere se obi nim me ana?” Awurade na ose. 17 “Mo ani ne mo koma wo mfaso bone nko ara so, se muhwe mogya a edi bem gu na moye nhyeso ne asisi nso.” 18 Eno nti, see na Awurade ka fa Yudahene Yosia babarima Yehoiakim ho: “Worensu no: ‘A, me nuabarima! A, me

nuabea! Worensu no: ‘A, me wura! A, n’ahoofe!’ 19 Wobesie no se afurum, wobetwe n’ase na watow no akyene Yerusalem apon akyi.” 20 “Monko Lebanon nkosu, momma wonte mo nne wo Basan, munsu mfi Abarim, efise woadwerew mo dom nyinaa. 21 Mebo wo koko, bere a na eye wo se w’asom adwo wo no, nanso wokae se, ‘Merentie!’ Eyi ne okwan a wonam so fi wo mmerantebere mu; woanye osetie amma me. 22 Mframa bebo wo nguanhwefo nyinaa ako, na w’apamfo nyinaa beko nnommum mu. Afei w’ani bewu na w’anim agu ase esiane w’amumoye nyinaa nti. 23 Mo a mote Lebanon, na modeda sida adan mu, senea mubesi apini wo oyaw mu, oyaw ete se oboa a oreko awo de. 24 “Nokware, se mete ase yi,” Awurade na ose, “Mpo se wo Yehoiakin, Yudahene Yehoiakim babarima ye me nsa nifa so nsowano kaa a, anka meworow wo. 25 Mede wo bema won a worehwehwe wo kra, won a wusuro won no; Babiloniahene Nebukadnessar ne Babiloniafo. 26 Mepam wo ne ena a owoo wo no akogu oman foforo so, baabi a enye ho na wowoo mo mu biara, ho na mo baanuwu. 27 Morensan mma asase a mo kon do se mobesan aba so no so bio.” 28 Saa obarima Yehoiakin yi ye asenka a abo ade a obiara mpe ana? Aden nti na wobepam one ne mma, akogu asase a wonnim so no so? 29 Ao, asase, asase, asase! Tie Awurade asem! 30 See na Awurade se: “Monkyerew obarima yi ho asem nto ho te se obi a onni ba, obarima a orennya nkoso ne nkwa nna nyinaa na n’asefo mu biara rennya nkoso, na won mu biara rentena Dawid ahengua so na worenna Yuda so hene bio.”

23 “Nnome nka nguanhwefo a wosee na wohwete me nguankuw no!” Awurade na ose. 2 Eno nti see na Awurade, Israel Nyankopon, ka kyere ahwefo a wohwe me nkurofo so ni: “Esiane se moabo me nguankuw ahwete, na moapam won na moanhwe won so yiye no nti, mede asotwe bebre mo, mo bone a moaye no nti,” nea Awurade se ni. 3 “M’ankasa meboaboa me nguan kae no afi aman a mapam won ako ho nyinaa no so na mede won besan aba won adidibea bio, baabi wobewowo na won ase atrew. 4 Na meyi nguanhwefo a wobehwe won so, na worenuro na woremmo hu bio na won mu baako mpo renjera.” Awurade na ose. 5 “Nna bi reba,” Awurade na ose, “se mema trennee dubaa bi so ama Dawid ohene bi a obedi ade nyansa mu na waye nea etee ne nea eye wo asase yi so. 6 Ne mmere so, wobegye Yuda

nkwa na Israel betena ase wo asomdwoe mu. Eyi ne din a wode befre no: Awurade Yen Trennee. 7 Na afei nna bi reba,” Awurade na ose, “a nnipa renka bio se, ‘Nokware se Awurade te ase yi, nea oyii Israelfo fii Misraim,’ 8 na mmom, wobeka se, ‘Nokware se Awurade te ase yi, nea oyii Israel asefo fii atifi asase so ne aman nyinaa a opam won koo ho no so no.’ Na afei wobetena won ankasa asase so.” 9 Nea efa adiyifo no ho no: Me koma abubu wo me mu; me nnompe nyinaa wosow. Mete se osabowfo, mete se obi a nsa abow no, esiane Awurade ne ne nsem kronkron no nti. 10 Aguamammfo ahye asase no so ma; nnome no nti asase no awo wosee, adidibea a ewo nweatam no so ahyew. Adiyifo no nam okwan bone so de won tumi ye nea entee. 11 “Odiyifo ne osobo nyinaa nsuro Nyankopon; m’asoredan mu mpo mihu won amumoyesem,” Awurade na ose. 12 “Eno nti, won kwan so beye torotorootoro; wobepam won ako sum mu na ho na wobehwehwe ase. Mede amanehunuu beba won so wo afe a wobetwe won aso mu no,” Awurade na ose. 13 “Samaria adiyifo mu no mihuu saa atantanne yi: Wode Baal hyee nkem nam so maa me nkurofo Israelfo fom kwan. 14 Na Yerusalem adiyifo mu no mahu ade a eye hu: Wosee aware na wodi atoro. Wohye won a waye bone no mpamuden, enti obiara ntwe ne ho mfi n’amumoyesem ho. Won nyinaa te se Sodom ma me; na Yerusalemfo te se Gomora.” 15 Eno nti see na Asafo Awurade, se fa adiyifo no ho: “Mema woadi aduan a eye nwen na wananom nsu a awuduru wo mu, efise Yerusalem adiyifo nti, boneye ahye asase yi so ma.” 16 See na Asafo Awurade se: “Munntie nkem a adiyifo no hye kyere mo; woma mo nya anidaso a enni nnyinaso. Wobo won tirim ka anisoadehu, a emfi Awurade anom. 17 Woko so ka kyere won a wobu me animtiaa no se, ‘Awurade se: Mubenya asomdwoe.’ Na won a wodi won komaden akyi no nyinaa, woka kyere won se, ‘Ohaw biara remma mo so.’ 18 Na won mu hena na wasore wo Awurade agyinatufu mu se obehwe anaa obetie n’asem? Hena na waye aso ate n’asem? 19 Hwe, Awurade ahum betu abufuwhyew mu, mfete bedi kyinhya wo amumoyefo mpampam. 20 Awurade abufuw rensan kosi se obewie ne koma mu nhyehyee nyinaa. Nna a ereba no mu no mobete ase yiye. 21 Mansoma saa adiyifo yi, nanso wode won asem akyinkyin; mamma won nkra biara, nanso wواهye nkem. 22 Se woka m’agyinatufu ho a, anka wobepae mu aka m’asem akyere me nkurofo na ama

wɔatwe wɔn ho aƒi wɔn akwammɔne ne wɔn nneyee bɔne ho. **23** “Meyɛ Onyankopɔn a meben nko ara anaa,” Awurade na ose, “na menyɛ Onyankopɔn a mewɔ akɔyirikyiri nso? **24** Obi betumi de ne ho asie baabi a merentumi nhu no ana?” Awurade na ose. “Menyɛɛ ɔsoro ne asase so ma ana?” Awurade na ose. **25** “Mate nea adiyifo a wɔde me din hyɛ atoro nkɔm no keka. Wɔkeka se, ‘Mesoo dae! Mesoo dae!’ **26** Eyi beko so akosi da ben wɔ atoro adiyifo yi koma mu? Wɔn a wɔbɔ wɔn tirim hyɛ nnaadaa nkɔm? **27** Wodwen se dae a wɔkeka kyerekɔyɛ wɔn ho no bema me nkurɔfo werɛ aƒi me din, senea Baal som nti wɔn agyanom werɛ fii me din no. **28** Ma odiyifo a waso dae no nka n’adaeso, na ma nea ɔwɔ m’asɛm no nka no nokware mu. Na den na ntete ne awi wɔ ye?” Awurade na ose. **29** “Na m’asɛm nte se ogya,” Awurade na ose, “ente se asae a ɛpaapae obotan mu nkɛtenkete ana? **30** “Eno nti,” Awurade na ose, “mikyɛ adiyifo a wɔfa nsem a eƒi wɔn yɔnkonom nkyɛn, na wɔpae mu ka no senea eƒi me nkyɛn no. **31** Yiw,” Awurade asɛm ni, “mikyɛ saa adiyifo a wɔde wɔn ankasa tɛkrɛmawo ka se, ‘Awurade na ose.’ **32** Nokware, mikyɛ wɔn a wɔhyɛ adaeso ho atoro nkɔm,” Awurade na ose. “Wɔka kyɛre wɔn na wɔde atoro nsem daadaa me nkurɔfo ma wɔfom kwan, nso mensomaa wɔn na minnyii wɔn. Wɔn so nni mfaso mma saa nnipa yi koraa,” Awurade na ose. **33** “Se saa nnipa yi, anaa odiyifo anaa ɔsofo bisa mo se, ‘Den ne Awurade adiyisɛm no a?’ Monka nkyɛre wɔn se, ‘Adiyisɛm ben? Mɛpo mo, Awurade na ose.’ **34** Se odiyifo bi, ɔsofo bi anaa obi foforo si so dua se, ‘Awurade adiyisɛm ni’ a, mɛtwe saa ɔbarima no ne ne fifo aso. **35** Eyi ne nea mo mu biara ko so ka kyɛre ne yɔnko anaa ne busuani: ‘Awurade mmuae ne den?’ Anaa ‘Den na Awurade aka?’ **36** Nanso ɛnse se mobɔ ‘Awurade adiyisɛm’ so bio; eƒise obiara asɛm beyɛ n’adiyisɛm, ne saa nti modannan nsem a eƒi Onyankopɔn, ɔteasefo, Asafo Awurade yen Nyankopɔn nkyɛn no mu. **37** Eyi ne nea moko so ka kyɛre odiyifo: ‘Mmuɛ ben na Awurade de ama mo?’ Anaa ‘Asɛm ben na Awurade aka?’ **38** Ewɔ mu, musi so dua se, ‘Eyi ne Awurade adiyisɛm’ nanso sɛɛ na Awurade ka: Mokae se, ‘Eyi ye Awurade adiyisɛm,’ wɔ bere a maka akɔyɛre mo se monnka saa nsem yi bio. **39** Aƒɛi, nokware, me werɛ beƒi mo, na mapam mo ne kuropɔn a mede maa mo ne mo agyanom aƒi m’ani so. **40** Na mede daa animguase, ne daa ahohora a werɛ remfi da beba mo so.”

24 Babiloniahene Nebukadnessar faa Yudahene Yehoiakyin a ɔye Yehoiakim babarima, n’adwumayɛfo, n’adwumfo ne n’atomfo a wɔwɔ Yuda fii Yerusalem kɔɔ nnommum mu wɔ Babilonia no akɔ no, Awurade kyɛrɛɛ me borɔɔɔma nkɛnten abien a wɔde asisi Awurade asɔredan no anim. **2** Kɛnten baako mu borɔɔɔma no ye papa te se nea ebere ntem; borɔɔɔma a ewɔ kɛnten a eka ho no mu no nye se wodi mpo. **3** Na Awurade bisaa me se, “Den na wuhu, Yeremia?” Mibuae se, “Borɔɔɔma, nea eye pa ara, ne nea enye mma se wodi mpo.” **4** Na Awurade asɛm baa me nkyɛn se, **5** “Sɛɛ na Awurade, Israel Nyankopɔn se: ‘Borɔɔɔma papa no gyina ho ma atukofo a wofi Yuda, wɔn a mitwaa wɔn asu kɔɔ Babilonia asase so no. **6** Mɛma m’ani aku wɔn ho, ama wɔn yiyedi, na mesan de wɔn aba ha bio. Mesiesie wɔn na merenseɛ wɔn. Medua wɔn, na merentu wɔn ase. **7** Mɛma wɔn koma a wɔde behu me se, me ne Awurade. Wɔbeyɛ me nkurɔfo, na meyɛ wɔn Nyankopɔn, eƒise wɔde wɔn koma nyinaa besan aba me nkyɛn. **8** “Nanso te se borɔɔɔma a enye no, nea enye senea wodi mpo no,’ nea Awurade se ni, ‘saa ara na meyɛ Yudahene Sedekia, n’adwumayɛfo ne Yerusalem nkae no, se wote asase yi so anaa wote Misraim. **9** Mɛma wɔn aye akɔyide ne mfomsode ama ahenni a ewɔ asase so nyinaa, wɔbeyɛ ahohora na wɔabɔ wɔn din bɔne, wɔbeyɛ akɔyiwade ne mmusu baabiara a mɛpam wɔn ako. **10** Mɛsoma afoa, ɔkɔm ne ɔyaredɔm ako wɔn so kosi se wɔbesɛɛ wɔn koraa aƒi asase a mede maa wɔn ne wɔn agyanom no so.”

25 Asɛm a ɛfa Yudafo nyinaa ho baa Yeremia nkyɛn wɔ Yudahene Yosia babarima Yehoiakim adedi afe a eto so anan a eye Babiloniahene Nebukadnessar adedi afe a edi kan no mu. **2** Enti odiyifo Yeremia ka kyɛrɛɛ Yudafo ne wɔn a wɔtete Yerusalem nyinaa se, **3** Mfe aduonu abiesɛa ni, eƒi Yudahene Amon babarima Yosia adedi afe a eto so dumiensa besi nne, Awurade asɛm aba me so na makasa akɔyɛre mo mpɛn bebree, nanso muntieɛ ɛ. **4** Mpo Awurade asoma n’asomfo a wɔye n’adiyifo aba mo nkyɛn mpɛn bebree, na muntieɛ wɔn, na monyɛɛ aso mmaa wɔn ɛ. **5** Wɔkae se, “Mo mu biara mfi n’akwan bɔne ne ne nneyee bɔne ho, na mubetumi atena asase a Awurade de maa mo ne mo agyanom no so afebɔɔ. **6** Munni anyame foforo akɔyɛ nkɔsom wɔn, nsɔre wɔn; mommfa nea mode mo nsa aye no nhyɛ me abufuw. Aƒɛi merenhaw mo.” **7**

“Nanso moantie me,” Awurade na ose, “na mode nea mode mo nsa aye ahye me abufuw, na mode ohaw aba mo so.” **8** Afei nea Asafo Awurade se ni: “Esiane se moantie me nsem no nti, **9** mɛfrɛ atifi fam nnipa nyinaa ne m’akoa Babiloniahene Nebukadnessar,” Awurade na ose, “na mede wɔn abɛko atia saa asase yi ne sofo, ne amanaman a wɔatwa ho ahyia nyinaa. Mɛsɛe wɔn pasaa na mayɛ wɔn ahodwiriwde ne fewdi, ne amamfo afeɔɔ. **10** Meyi ahosan ne anigye nnyigyei, ayeforokunu ne ayeforo nne, awiyammo nnyigyei ne kanea hann afi wɔn mu. **11** Oman mu no nyinaa bɛdan asase wosɛe, na saa amanaman yi besom Babiloniahene mfirihyia aduɔson. **12** “Na mfirihyia aduɔson awiei no, metwe Babiloniahene ne ne man, Babiloniafo asase aso wɔ wɔn amumɔye ho, mɛdan no amamfo afeɔɔ,” senea Awurade se ni. **13** “Mema asotwe a mahyɛ atia asase no nyinaa aba wɔn so, nea wɔakyerɛw wɔ nhoma yi mu na Yeremia ahyɛ ho nkɔm atia aman no nyinaa no. **14** Wɔn ankasa de, amanaman bebree ne ahɛmpɔn de wɔn beyɛ nkoa; na metua wɔn nneyɛɛ ne wɔn nsa ano adwuma so ka.” **15** Sɛɛ na Awurade, Israel Nyankopɔn, ka kyereɛ me: “Gye saa kuruwa yi a m’abufuwhyew nsa ahyɛ no ma yi, na ma amanaman a mesoma wɔ wɔn nkyen no nyinaa nnom. **16** Sɛ wɔnom a, wɔbɛtɔ ntintan na wɔaboboɔ dam esiane afoa a mesoma akɔ wɔn so no nti.” **17** Enɔ nti, migyee kuruwa no fii Awurade nsam, na memaa amanaman a ɔsoma me wɔn nkyen no nomee: **18** Yerusalem ne Yuda nkurow, n’ahɛmfo ne ne nnwumayɛfo sɛ wɔnyɛ ɔsɛɛ, aninyanne, animɔharefo ne nnome, senea wɔtɛ nne da yi. **19** Misraimhene Farao, n’asomfo, n’adwumayɛfo ne ne manfo nyinaa, **20** ananafo a wɔwɔ ho nyinaa; Us ahɛmfo; Filistifo ahɛmfo (a eyɛ Askelon, Gasa, Ekron ne nnipa a wɔagyaw wɔn wɔ Asdod); **21** Edom, Moab ne Amon; **22** Tiro ne Sidon ahɛmfo nyinaa; ne ahɛmfo a wɔwɔ mpoano aman a wɔwɔ po agya no; **23** Dedan, Tema, Bus ne nnipa a wɔtɛtɛ akyirikyiri no; **24** Arabia ahɛmfo ne ananafo ahɛmfo nyinaa a wɔtɛtɛ nweatam so no. **25** Simri, Elam ne Media ahɛmfo nyinaa; **26** ne ahɛmfo a wɔwɔ atifi fam nyinaa, wɔn a wɔbɛn ne wɔn a wɔwɔ akyirikyiri, ne wɔn mu biara, asase so ahenni ahorow. Na wɔn nyinaa akyi no Sesakhene nso bɛnom bi. **27** “Afei ka kyere wɔn se, ‘Sɛɛ na Asafo Awurade, Israel Nyankopɔn se: Monnom, mommobow na momfefe, na mohwehwe ase a monnsɔre bio, esiane afoa a mesoma aba mo so no nti.’ **28** Na se wɔampe se wogyɛ wo nsam kuruwa no

nom a, ka kyere wɔn se, ‘Sɛɛ na Asafo Awurade se: Eɛ se monom! **29** Monhwe, merebefi ase de amanehununu aba kuropon a me Din da so no so, na mobɛfa mo ho adi a wɔrentwe mo aso ana? Wɔbɛtwe mo aso, efise merefrɛ afoa aba wɔn a wɔtɛtɛ asase no so nyinaa so, Asafo Awurade na ose.’ **30** “Afei hyɛ nsem yi nyinaa ho nkɔm tia wɔn, na ka kyere wɔn se, “Awurade befi ɔsoro abobo mu; ɔbɛma ne nne so afi ne tenabea kronkron ho, na wabobo mu dennen atia n’asase. ɔbɛtɛɛ mu tɛ sɛ wɔn a wɔtiatia bobɛ aba so, ɔbɛtɛɛ mu agu wɔn a wɔtɛtɛ asase no so no so. **31** Huuyɛ begyigye akɔ nsase ano, na Awurade bɛbɔ kwaadu, atia amanaman; obebɔ adesamma nyinaa atɛn na ɔde amumɔyɛfo ama afoa,” Awurade na ose. **32** Sɛɛ na Asafo Awurade se: “Monhwe! Amanehunu retrɛtrɛw fi oman so kɔ oman foforo so; ahum kɛsɛ bi rema ne ho so afi nsase ano.” **33** Saa bere no, wɔn a Awurade akunkum wɔn no bɛdɛda baabiara, fi asase ano kosi ano noho. Wɔrensɔ wɔn na wɔremmoaboa wɔn ano na wɔrensɛ wɔn, na wɔbeyɛ sɛ sumina a egugu fam. **34** Munsu na muntwa adwo, mo nguanhwɛfo; mommunummunum wɔ mfutuma mu, mo nguankuw ntuanofɔ. Mo kum bere no adu; mobɛhwehwe ase sɛ adwennini a wɔadodo. **35** Nguanhwɛfo no rennya baabiara nguan nkɔ, na nguankuw no ntuanofɔ no rennya kwan nguan. **36** Muntie nguanhwɛfo no su, ne nguankuw no ntuanofɔ agyaadwotwa, efise Awurade resɛɛ wɔn mmɔa adidibea. **37** Sare nsase a asomdwoe wɔ so no bɛda mpan esiane Awurade abufuwhyew no nti. **38** Obefi ne tu mu sɛ gyata, na wɔn asase bɛda mpan esiane nnomumfɔfo no afoa ne Awurade abufuwhyew no nti.

26 Yehoiakim a ɔyɛ Yudahene Yosia babarima adedi mfiase mfe no, saa asem yi fi Awurade nkyen bae: **2** “Sɛɛ na Awurade se: Gyina Awurade fi mu adiwo ho, na ka kyere nnipa a wofi Yuda nkurow mu besom wɔ Awurade fi mu nyinaa. Ka nea mehyɛ wo no nyinaa kyere wɔn; nyi asem biara mfi mu. **3** Ebia wɔbɛtie, na wɔn mu biara asan afi n’akwammɔne so. Sɛ eba saa a, metwen, na meremfa amanehununu a wɔn bɔne nti mɛpɛɛ sɛ mede ba wɔn so no mma bio. **4** Ka kyere wɔn se, ‘Nea Awurade se ni: Sɛ moantie me, na moanni me mmara a mahyɛ mo no so, **5** na sɛ moantie nsem a m’asomfo adiyifo a mesoma wɔn mo nkyen bere biara no ka kyere mo no a, (mpo munntiee wɔn), **6** eno de, mɛyɛ ofi yi sɛ Silo, na kuropon yi aye nnome wo asase so aman nyinaa mu.” **7** Asɔfo, adiyifo ne

nnipa no nyinaa tee se Yereṁia reka saa nsem yi, wɔ Awurade fi ho. **8** Na Yereṁia wiee nsem a Awurade ka kyereɛ no se ɔnka nkyere nnipa no nyinaa no ka no, asofo no, adiyifo ne nnipa no nyinaa tow hyee ne so kae se, “Ese se wuwu! **9** Aden na wohye nkɔm wɔ Awurade din mu se, ofi yi beye se Silo na kuropon yi beda mpan a obiara ntena mu ana?” Na nnipa no nyinaa betwaa Yereṁia ho hyiaa wɔ Awurade fi ho. **10** Bere a Yuda adwumayefo tee saa nsem yi no, wofii ahemfi ho foro kɔɔ Awurade fi kɔtenaa ofi no Pon Foforo no ano. **11** Na asofo no ne adiyifo no ka kyereɛ adwumayefo no ne nnipa no nyinaa se, “Ese se wobu saa ɔbarima yi kumfo, efise wahye nkɔm atia kuropon yi. Moate wɔ mo asom!” **12** Na Yereṁia kasa yii ne ho ano wɔ adwumayefo ne nnipa no nyinaa anim se, “Awurade somaa me se, memmehye nkɔm ntia ofi yi ne kuropon yi senea moate no nyinaa. **13** Na afei montetee mo akwan ne mo nneyee, na monye osetie mma Awurade, mo Nyankopon. Na Awurade betwen, na ɔremfa amanehunuu a ɔpɛ se ɔde ba mo so no mma bio. **14** Me de, mewo mo nsam; mubetumi aye me senea eye na etee wɔ mo ani so. **15** Nanso monkae se, se mukum me a, moahwie mogya a edi bem agu, na so afɔdi beba mo so, kuropon yi so ne won a wɔtete mu no so; na nokware Awurade na wasoma me se memmeka nsem yi nyinaa ngu mo asom.” **16** Na adwumayefo no ne nnipa no nyinaa ka kyereɛ asofo no ne adiyifo no se, “Ense se wobu saa ɔbarima yi kumfo! Wakasa akyere yen wɔ Awurade, yen Nyankopon din mu.” **17** Na asase no so mpanyimfo no mu bi sɔree, na wɔka kyereɛ bagua no nyinaa se, **18** “Mika a ofi Moreset hyee nkɔm wɔ Yudahene Heseḱia bere so ka kyereɛ Yudafo nyinaa se, ‘Seɛ na Asafo Awurade se: “Wobefuntum Sion te se afuw. Na Yerusalem beye mmubui na asɔredan no koko beye se nkɔ a nkyekyere afuw wɔ so.’ **19** Na Yudahene Heseḱia anaa Yudani bi kum no ana? Heseḱia ansuro Awurade ansɛ ne ho adom? Na eno amma Awurade antwen se obeyi amanehunuu a ɔpɛ se ɔde ba won so no amfi won so ana? Yereye de amanehunuu kese aba yen ankasa so!” **20** (Semaia babarima Uria a, ofi Kiriath-Yearim no nso ye ɔbarima foforo a ɔhyee nkɔm wɔ Awurade din mu; ɔhyee nkɔm koro yi ara tiaa saa kuropon yi ne saa asase yi, senea Yereṁia yee no. **21** Bere a ɔhene Yehoiakim ne ne mpanyimfo ne n’adwumayefo nyinaa tee ne nsem no, ɔhene no pɛ se okum no, nanso Uria tee no, ɔde ehu guan kɔɔ Misraim. **22**

ɔhene Yehoiakim somaa Akbor babarima Elnatan ne mmarima bi kɔɔ Misraim. **23** Wɔde Uria fii Misraim bae, na wɔde no kɔmaa ɔhene Yehoiakim. ɔma wɔde afoa kum no na wɔtow ne funu kyenɛe kwasafo asiei.) **24** Afei nso, na Safan babarima Ahikam gyina Yereṁia akyi, enti wɔamfa no amma dom no se wonkum no.

27 Yudahene Yosia babarima Sedekia adedi mfiase no, asem yi fi Awurade ho baa Yereṁia nkyen se, **2** Seɛ na Awurade ka kyereɛ me: “Fa mmeamdua ne nkyehama ye konnua sen wo kɔn mu. **3** Fa nkra ma abofo a wɔba Yudahene Sedekia nkyen wɔ Yerusalem na wɔmfa nkɔma ahemfo a wɔwɔ Edom, Moab, Amon, Tiro ne Sidon. **4** Fa nkra kɔma won wuranom se: Seɛ na Asafo Awurade, Israel Nyankopon se, ‘Ka eyi kyere wo wuranom se: **5** Mede me tumi kese ne me basa a matee mu yee asase ne so nnipa ne mmoa a wɔwɔ so, na mede ma obiara a mɛpɛ. **6** Afei mede mo aman nyinaa behye m’akoa Babiloniahene Nebukadnessar nsa, na mede wuram mmoa mpo behye n’ase. **7** Amanaman nyinaa besom no ne ne babarima ne ne nenabarima kosi se ne bere betwa mu; na afei aman bebree ne ahemfo akeseakese bedi ne so. **8** “Nanso se ɔman bi anaa ahenni bi rensom Babiloniahene Nebukadnessar anaa wɔremfa won kɔn nhye ne konnua ase a, mede afoa, ɔkɔm ne ɔyaredom betwe saa ɔman no aso, kosi se mede ne nsa besee no, Awurade na ose. **9** Eno nti munntie mo adiyifo, mo nkɔmhyefo, mo adae asekyerefo, mo samanfrefo anaa mo ntafowayifo a wɔka kyere mo se, “Morensom Babiloniahene.” **10** Wohye mo atoro nkɔm a ebema wɔayi mo afi mo asase so akɔ akyirikyiri nko ara; mɛpam mo ama mo ase ayera. **11** Nanso se ɔman biara de ne kɔn behye Babiloniahene konnua no ase na wasom no a, mema saa ɔman no aka ɔno ara asase so na wadɔw so atena so, Awurade, na ose.” **12** Mede saa nkra koro no ara kɔmaa Yudahene Sedekia se, “Momfa mo kɔn nhye Babiloniahene konnua ase na monsom ɔno ne ne nkurɔfo na mubenya nkwa. **13** Aden nti na ese se wo ne wo nkurɔfo wuwu wɔ afoa, ɔkɔm ne ɔyaredom ano, senea Awurade de ahunahuna ɔman biara a ɔmpɛ se ɔsom Babiloniahene no? **14** Munntie adiyifo no a wɔka kyere mo se, ‘Morensom Babiloniahene,’ efise wohye mo atoro nkɔm. **15** ‘Mensomaa won’ Awurade na ose. ‘Wohye atoro nkɔm wɔ me din mu. Enti mɛpam mo na moayera, mo ne adiyifo a wohye mo nkɔm no.” **16** Na meka kyereɛ asofo no ne saa nkurɔfo yi nyinaa se, “Seɛ na Awurade se: Munntie adiyifo no a wohye mo

nkɔm se, ‘Erenkye koraa wɔde Awurade fi nneema no befi Babilonia aba.’ Wɔhye atoro nkɔm kyerɛ mo. **17** Munntie wɔn. Monsom Babiloniahene na mubenya nkwa. Adɛn nti na esɛ sɛ saa kuropon yi sɛe? **18** Se wɔye adiyifo na Awurade asem wɔ wɔn mu a, ma wɔn nkotow nsrɛ Asafo Awurade na nneema a wɔde siesie dan mu a aka wɔ Awurade fi ne Yudahene ahemfi ne Yerusalem no, wɔamfa anko Babilonia. **19** Na sɛɛ na Asafo Awurade ka fa kɔbere mfrafrae afadum, po, nnyinaso a wotumi pia ne nneema a wɔde siesie dan mu no a aka wɔ kuropon yi mu no ho. **20** Nea Babiloniahene Nebukadnessar amfa anko bere a ɔɔɛfaa Yudahene Yehoiakim babarima Yehoiakyin ne Yuda ne Yerusalem mmapɔmma fii Yerusalem kɔɔ nkoasom mu wɔ Babilonia no. **21** Yiw, nea Asafo Awurade, Israel Nyankopɔn, ka fa nneema a aka wɔ Awurade fi, Yudahene ahemfi ne Yerusalem no ho no ni: **22** ‘Wɔɔɛfa akɔ Babilonia, na hɔ na ɛɔɛka kosi da a mɛba abɛfa,’ Awurade na ose. ‘Afei mede nneema no besan aba bio abesisi wɔn sibe a wɔ ha.’”

28 Ɔsram a ɛto so anum wɔ afe koro a eyɛ Yudahene Sedekia adedi mfiase, afe a ɛto so anan no mu, odiyifo Hanania a ɔye Asur a ofi Gibeon babarima no ka kyerɛɛ me wɔ Awurade fi bere a na asofo ne nnipa no nyinaa ahyia no se, **2** “Sɛɛ na Asafo Awurade, Israel Nyankopɔn se: ‘Mebubu Babiloniahene konnua no. **3** Mfe abien mu no, mede Awurade fi mu nneema a Babiloniahene Nebukadnessar bɛfa fii ha kɔɔ Babilonia no nyinaa besan aba. **4** Na mesan de Yehoiakyin a ɔye Yudahene Yehoiakim babarima ne Yuda nnommmu a wɔkɔɔ Babilonia no nyinaa aba’ sɛɛ na Awurade se, ‘na meubu Babiloniahene konnua no.’” **5** Na odiyifo Yeremia buaa odiyifo Hanania wɔ asofo ne nnipa a na wogyinagyina Awurade fi no nyinaa anim. **6** Ɔkae se, “Amen! Ma Awurade nye no saa! Ma Awurade mma wɔ nkɔm a woahye sɛ wɔde Awurade fi nneema no nyinaa ne nnommmu no befi Babilonia asan aba ha yi no mmra mu. **7** Nanso tie asem a esɛ sɛ meka ma wote na nnipa no nyinaa nso te: **8** Efi tete no, adiyifo a wɔdii m’anim ne w’anim no hyehyɛɛ ɔko, amanehunu ne ɔyaredɔm ho nkɔm tiaa aman bebree ne ahenni akese. **9** Nanso odiyifo a ɔhyɛ asomdwoe ho nkɔm no, sɛ ne nkɔmhyɛ no ba mu a wobegye no ato mu sɛ obi a ampa ara Awurade asoma no.” **10** Na odiyifo Hanania yii konnua no fii odiyifo Yeremia kɔn mu, bubuu mu, **11** na ɔkaa wɔ nnipa no nyinaa anim se, “Sɛɛ na Awurade se: ‘Saa ara na meubu Babiloniahene

Nebukadnessar konnua no afi amanaman nyinaa kɔn mu wɔ mfe abien mu.” Odiyifo Yeremia tee eyi no ofii hɔ kɔɛ. **12** Odiyifo Hanania bubuu konnua no fii odiyifo Yeremia kɔn mu akyi no, Awurade asem baa Yeremia nkyen se: **13** “Kɔ na kɔka kyerɛ Hanania se, ‘Sɛɛ na Awurade se: Woabubu dua konnua mu, nanso mede dade konnua besi anan mu. **14** Na sɛnea Asafo Awurade, Israel Nyankopɔn no se ni: Mede dade konnua beto amanaman nyinaa kɔn mu, ama wɔn asom Babiloniahene Nebukadnessar, na wɔbesom no. Na mpo mema no adi wuram mmoa so.” **15** Na odiyifo Yeremia ka kyerɛɛ odiyifo Hanania se, “Tie, Hanania! Awurade nsomaa wo, nanso, woama ɔman yi agye atoro ato mu. **16** Eno nti, sɛ Awurade se ni: ‘Merebeyi wo afi asase so. Afe yi mu ara wubewu, efise woaka atuategw nsem atia Awurade.’” **17** Ɔsram a ɛto so ason wɔ afe no ara mu no, odiyifo Hanania wui.

29 Eyi ne krataa mu nsem a odiyifo Yeremia kyerɛw fii Yerusalem kɔmaa nnommmu no mu mpanyimfo nkae, asofo, adiyifo ne nnipa a wɔaka nyinaa a Nebukadnessar afa wɔn afi Yerusalem akɔ Babilonia no. **2** (Eyi ye bere a ɔhene Yehoiakyin ne ɔhemmea no, asennii adwumayefo, Yuda ne Yerusalem ntuanofɔ, adwumfo ahorow nyinaa afi Yerusalem akɔ nnommmu mu no akyi.) **3** Ɔde krataa no hyɛɛ Safan babarima Elasa ne Hilikia babarima Gemaria nsa, wɔn na Yudahene Sedekia somaa wɔn kɔɔ ɔhene Nebukadnessar nkyen wɔ Babilonia no. Krataa no mu nsem ni: **4** Nea Asafo Awurade, Israel Nyankopɔn, ka kyerɛ wɔn a mema wɔfaa wɔn nnommmu fi Yerusalem kɔɔ Babilonia no nyinaa ni: **5** “Munsisi afi, na momfa mmo atenase; monye nturo na munni mu aba. **6** Monwareware, na monwowo mmabarima ne mmabea. Monhwehwɛ yerenom mma mo mmabarima na momfa mo mmabea nso mma aware, na wɔn nso nwowo mmabarima ne mmabea. Monnɔ wɔ hɔ na mo so antew. **7** Afei, monhwehwɛ kuropon a mema wotuu mo kɛtenaa so no asomdwoe ne yiyedi. Mommɔ Awurade mpae mma no, efise ne yiyedi mu na mo nso mubedi yiye.” **8** Yiw, sɛɛ na Asafo Awurade, Israel Nyankopɔn se: “Mommma adiyifo ne nkɔmhyɛfo a wɔwɔ mo mu no nnaadaa mo. Munntie wɔn adae a mohye wɔn nkuran ma wɔsoso no. **9** Wɔhyɛ atoro nkɔm wɔ me din mu. Mensomaa wɔn,” Awurade na ose. **10** Nea Awurade se ni: “Sɛ mosom Babilonia mfe aduɔson a, mɛba abɛhwɛ mo na mema m’adom mu bɔhyɛ sɛ mede mo beba ha bio no aba

mu. **11** Minim nhyehyee a mewo ma mo,” Awurade na ose, “Nhyehyee a ede mo besi yiye na enrenhaw mo, nhyehyee a ebema mo anidaso ne awiei pa. **12** Afei mobefre me na moaba abebo me mpae, na metie mo. **13** Mobehwehwe me na mubehu me, se mode mo koma nyinaa hwehwe me a. **14** Mubehu me,” Awurade na ose, “na meyi mo afi nkoasom mu de mo asan aba. Meboaboa mo ano afi amanaman ne mu ne faako a mepam mo koo no nyinaa,” Awurade na ose, “na mede mo besan aba faako a mituu mo fi koo nnommum mu no bio.” **15** Mobeka se, “Awurade ama yen adiyifo wo Babilonia,” **16** nanso, see na Awurade ka fa ohene a ote Dawid ahengua so ne nnipa a woaka wo kuropon no mu nyinaa, mo manfo a wone mo ankoo nnommum mu no. **17** Yiw, nea Asafo Awurade se ni: “Mema afoa, okom ne oyaredom aba won so, na woye se borodoma a assee enti wontumi nni. **18** Mede afoa, okom ne oyaredom betiw won, na meye won atantanne ama ahenni a ewo asase no so nyinaa, ne nnome ne ahodwiriwde, fewdi ne animtiaabude wo amanaman a mepam won koo so no mu. **19** Efise, wwantie me nsem,” see na Awurade se, “nsem a mede somaa m’asomfo adiyifo mpen bebree baa mo nkyen. Na mo nnommum nso antie,” Awurade na ose. **20** Afei muntie Awurade asem, mo nnommum a mama mo afi Yerusalem ako Babilonia no nyinaa. **21** See na Asafo Awurade, Israel Nyankopon ka fa Kolaia babarima Ahab ne Maaseia babarima Sedekia a wode me din rehye mo atoro nkoom no ho ni: “Mede won behye Babiloniahene Nebukadnessar nsa, na wakum won wo mo anim. **22** Esiane won nti, Yuda nnommum a wowo Babilonia nyinaa de saa nnome yi bedome se: ‘Awurade nye wo se, Sedekia ne Ahab a Babiloniahene hyew won wo ogya mu no.’ **23** Na woye akyiwade a eboro so wo Israel: wone won yonkonom yerenom adeda de assee aware, na wode me din adi atoro a menka nkyeree won se wonye. Minim na midi ho adanse,” Awurade na ose. **24** Ka kyere Nehelamni Semaia se, **25** “Nea Asafo Awurade, Israel Nyankopon se ni: Wokyerew krataa wo wo din mu komaa nnipa a wowo Yerusalem nyinaa, woso Maaseia babarima Sefania, ne asofo a aka no nyinaa. Woka kyeree Sefania se, **26** ‘Awurade ahye wo sofo asi Yehoiada anan mu se hwe Awurade fi no so; Esee se wode nkonsankonsan ne dade konnua gu obiara a wabo dam na oye ne ho se odiyifo no. **27** Afei aden nti na wonka Yeremia a ofi Anatot a oye ne ho se odiyifo wo mo mu no anim?

28 Ode saa nkra yi abre yen wo Babilonia: Ebekye. Eno nti munsisi afi mfa nye atenae; monye nturo na munni mu aba.” **29** Osofo Sefania kenkan krataa no kyeree odiyifo Yeremia. **30** Na Awurade asem baa Yeremia nkyen se, **31** “Fa saa nkra yi koma nnommum no nyinaa se, ‘Eyi ne nea Awurade ka fa Nehelamni Semaia ho: Esiane se wahye mo nkoom a mpo mansoma no, na wama moagye atoro adi nti, **32** nea Awurade se ni: Nokware, metwe Nehelamni Semaia ne n’asefo aso. Orennya obiara a obeka wo saa nkurofo yi mu, na orenhu nneema pa a meye ama me nkurofo, efise waka atuatew nsem atia me,” Awurade na ose.

30 Asem a efi Awurade nkyen baa Yeremia ho ni: **2** “See na Awurade, Israel Nyankopon, se: ‘Kyerew nsem a maka akyere wo nyinaa gu nhoma mu. **3** Nna bi reba,’ senea Awurade se, ‘a mede me nkurofo Israelfo ne Yudafo befi nnommum mu asan aba na mede won aba asase a mede maa won agyanom se womfa ntena so no so,’ Awurade na ose.” **4** Eyi ne nsem a Awurade ka faa Israel ne Yuda ho: **5** “Nea Awurade se ni: “Akomatu nteetemu na mete, mete basabasaye, na enye asomdwoe. **6** Mummisa na munhu: Obarima betumi awo mma ana? Afei, aden nti na mihu obarima hoodenfo biara se ne nsa gu ne yafunu so te se obea a owo awoko mu, na anim biara aye bosaa saa? **7** Senea da no beye hu afa! Da biara renye se eno. Ebeye amanehunuu bere ama Yakob, nanso wobeyi no afi mu. **8** “Saa da no,’ Asafo Awurade na ose, ‘Mebubu konnua no afi won kon mu, na matetew won nkyehama no mu; ananafo remfa won nye nkoa bio. **9** Na mmom wbesom Awurade, won Nyankopon ne Dawid, won hene, a mepagyaw no ama won. **10** “Enti nsuro, Yakob, me somfo; mma w’aba mu mmu, Israel,’ nea Awurade se ni. ‘Nokware, megye wo afi akyirikyiri, ne w’asefo afi won nnommum asase so. Yakob besan anya asomdwoe ne bammoo na obiara renhunahuna no bio. **11** Me ne wo wo ho na megye wo nkwa,’ Awurade na ose. ‘Ewo mu, mesee amanaman no nyinaa pasaa, emu na mebo mo ahwete ko, nanso merensee mo korakora. Metetee mo, nanso meye no wo trennee kwan so; meremma mo mfa mo ho nni koraa a merentwe mo aso.’ **12** “See na Awurade se: “W’apirakuru aye akisikuru, na wontumi nsa. **13** Obiara nni ho a obeka bi ama wo, wo kuru no rennya aduru, na worennya ayaresa. **14** W’apamfo nyinaa were afi wo; wo ho biribiara mfa won ho. Mabo wo senea wo tamfo beye na matwe w’aso senea otirimadenfo

betwe, efise w'afadi so dodo na w'amumaye nso dɔso. **15** Aden nti na wusu dennen wo w'apirakuru, wo yawdi a ano nni aduru no ho? W'afadi kese ne w'amumaye bebrebe nti na mede saa nneema yi aye wo. **16** "Nanso wɔbesee won a wɔsee mo; mo atamfo nyinaa beko nnommmu mu. Won a wɔfow mo no wɔbefow won won a wɔtow hyee mo so no, metow ahye won so. **17** Nanso mema wo ahooɔden bio na masa w'apirakuru,' Awurade na ose, 'efise wɔfre wo nea wɔapam no, Sion a wo ho nhia obiara.'" **18** See na Awurade se: "Mesan de Yakob ntamadan mu ahonyade aba na manya ayamhyehye ama n'atenae ahorow no; wɔbekyekye kuropon no bio wo ne mmubui so, na ahemfi no besi nea ese se esi. **19** Won mu na aseda nnwom befi aba ne ahosepew nnyigyei. Mema woadɔso, na won dodow no so rentew; mehye won anuonyam, na wɔremmu won abomfiaa. **20** Won mma bedi yiye se kan no, mema won asafo atim wo m'anim; won a wɔhye won so nyinaa metwe won aso. **21** Won kannifo beye won ankasa nipa; na won sodifo befi won mu. Meka no abata me ho na waben me, na hena na ɔde ne ho bema se obeben me?" Awurade na ose. **22** "Enti mobeye me nkurofo, na maye mo Nyankopon." **23** Hwe, Awurade ahum betu abufuwhyew mu, mfete bedi kyinhia wo amumayefo mpampam. **24** Awurade abufuw rennwɔ kosi se obewie ne koma mu nhyehyee nyinaa. Nna a ereba no mu no mobete eyi ase.

31 "Saa bere no," Awurade na ose, "Meye Israel mmusuakuw no nyinaa Nyankopon, na wɔbeye me nkurofo." **2** Nea Awurade se ni: "Nnipa a wotumi gyinaa wo afoa ano no benya adom wo nweatam so; mede ahomegye bebre Israel." **3** Awurade daa ne ho adi kyeree yen kan no na ɔkae se, "Mede ɔɔ a ɛnsa da ɔɔ mo mede ɔɔe atwe mo. **4** Mede mo besi ho bio na wɔbesan de wo, ɔbabun Israel, asi ho. Wɔbɛfa w'akasae bio na woafi adi ne anigyefo akɔsaw. **5** Bio, mobeye bobe nturo wo Samaria nkoko so; akuafɔ no bedua na wɔadi so aba. **6** Da bi beba a, awɛmfo betee mu wo Efraim nkoko so se, 'Mommra, momma yenforo nkɔ Sion, nkɔ Awurade yen Nyankopon nkyen.'" **7** Nea Awurade se ni: "Momfa ahosepew nto nnwom mma Yakob; Montee mu mma amanaman mu kannifo. Momma wɔnte mo ayeyi na monka se, 'Awurade, gye wo nkurofo, Israel nkae no.' **8** Hwe, mede won befi atifi fam asase so aba na maboa won ano a fi nsase ano. Won mu bi beye anifuraefo, mpakye, apemfo ne mmea a wɔwo awoko mu; dɔm kese besan aba.

9 Wɔde osu na ebeba; wɔbebo mpae bere a mede won resan aba no. Mede won befa nsuwa ho; ɔkwan tamaa a wɔrenhintiw wo so, efise meye Israel agya, na Efraim ye me babarima piesie. **10** "Muntie Awurade asem, mo amanaman; mommɔ no dawuru wo mpoano nsase a ewɔ akyirikyiri so se, 'Nea ɔɔɔ Israel petee no beboaboa won ano na wahwe ne nguankuw so se oguanhwefo.' **11** Na Awurade begyina mu ama Yakob na wagye won a fi won a wɔwo ahooɔden sen won no nsam. **12** Wɔbeba na wɔde ahurusi atee mu wo Sion sorɔnsorɔmmea; wɔbesepew won ho wo akyede bebrebe a efi Awurade ho mu, atoko, nsa foforo ne ngo, nguantenmma ne anantwi. Wɔbeye se turo a wɔagugu so nsu yiye, na wɔrenni awerchow bio. **13** Afei mmabaa besaw na won ani agye, mmerante ne nkwakoraa nso ka ho. Mema won awerchow adan anigye; mema won ahoto ne ahosepew de asi awerchow anan mu. **14** Mema asɔfo no nea ehia won ama abu so, na mama m'akyede bebrebe amee me nkurofo," Awurade, na ose. **15** See na Awurade se: "Wote nne bi wo Rama, awerchow ne agyaadwotwa bebre, Rahel resu ne mma na ɔmpɛ se wɔkyekye ne were, efise ne mma nni ho bio." **16** See na Awurade se: "Hyee wo ho so na woansu, mia w'ani na woante nusu, efise wɔbetua w'adwumaye so ka," Awurade na ose. "Wɔbesan a fi atamfo no asase so aba. **17** Enti anidaso wo ho ma wo daakye." Awurade na ose. Wo mma besan aba won ankasa asase so. **18** "Ampa ara mate se Efraim resu se, 'Woteetee me so se nantwi ba a n'ani ye den, na manya ahohyeso. Gye me bio, na mesan aba, efise wo ne Awurade, me Nyankopon. **19** Meman akyi no, minyaa adwensakra; na akyiri a minyaa ntease no, mebo me koko so. M'anim guu ase na meferee, efise me mmabun mu animguase da so so me.' **20** Efraim nye me babarima dɔfo, ɔba a ɔso m'ani ana? Ewo mu, metaa kasa tia no de, nanso meda so kae no. Enti me koma pere hwehwe no; mewɔ ayamhyehye ma no," see na Awurade se. **21** "Momfa agyiraehyede nsisi akwan ho; munsisi akwankyerɛ afadum. Monhye ɔtempon no nsow, ɔkwan a monam so ba. San w'akyi, ɔbabun Israel, san bra wo nkurow so. **22** Wubekyinkyin akosi da ben, ɔbabea Israel sesafo? Awurade beye ade foforo wo asase so, ɔbea bebo ɔbarima ho ban." **23** See na Asafo Awurade, Israel Nyankopon no se: "Se mesan de won fi nnommmu mu ba a, nnipa a wɔwo Yuda asase ne nkurow so besan aka saa nsɛm yi se, 'Awurade nhyira wo, wo yiyeye kuropon ne

bepɔw kronkron.’ 24 Nnipa bebɔ mu atena ase wɔ Yuda ne ne nkurow nyinaa so, akuafɔ ne wɔn a wɔde wɔn nguankuw nenam. 25 Mema nea wabrɛ no anya ahoɔden foforo, na nea wato piti no nso mema no amee.” 26 Minyanee, na mehwɛ me ho hyiae. Medaa hatee. 27 “Nna bi reba,” Awurade na ose, “A mede nnipa mma ne mmoa mma bedua Israel ne Yuda fi. 28 Senea mehwɛ ma wotutui, wodwiriwii, wobubui, wɔsɛɛ na wɔde amanehunɔ bae no, saa ara na mehwɛ ama wɔasi na wɔadua,” senea Awurade se ni. 29 Saa nna no mu, nnipa renka bio se, “Agyanom adi bobe nwnnana, na mma se afem.’ 30 Mmom, obiara bewu wɔ ɔno ara bɔne ho; nea obedi bobe nwnnana no ɔno na ne se befem. 31 “Bere no reba,” Awurade na ose, “a me ne Israelfi ne Yudafi beyɛ apam foforo. 32 Erenye se apam a me ne wɔn agyanom yɛe no bere a misoo wɔn nsa, dii wɔn anim fii Misraim, esiane se wobuu m’apam so, wɔ bere a na meye okunu ma wɔn no,” Awurade na ose. 33 “Eyi ne apam a me ne Israelfi beyɛ saa bere no akyi,” Awurade na ose. “Mede me mmara behyɛ wɔn adwene mu, na makyerew wɔ wɔn koma so. Meye wɔn Nyankopɔn, na wɔbeyɛ me nkurofo. 34 Na obiara renkyerekyere ne yɔnko bio, anaa ne nua se, ‘Hu Awurade,’ Efise, wɔn nyinaa behu me, efi wɔn mu akumaa so, kosi ɔkese so,” Senea Awurade se ni. “Na mede wɔn amumɔye bekɔye wɔn, na merenkae wɔn bɔne bio.” 35 Sɛɛ na Awurade se, nea ɔma owia hyeren adekyee, na ɔhyɛ ɔsram ne nsoromma se wonhyeren anadwo; nea ɔkanyan epo ma n’asɔrɔkye bobɔ mu, Asafo Awurade ne ne din. 36 “Saa ahyɛde yi twa mu m’ani so a,” Awurade na ose, “eno ansa na Israel begyae ɔmanyɛ wɔ m’anim.” 37 Sɛɛ na Awurade se: “Sɛ wobetumi asusuw wim ntrewmu na wɔatumi ahwehwɛ asase ase fapem mu a eno de, mɛpo Israel asefo nyinaa, esiane nea wɔaye nyinaa nti,” Awurade na ose. 38 “Nna no reba,” Awurade na ose, “a wɔbekyɛkyɛ kuropon yi bio ama me, fi Hananel abantenten kosi Twɔtwɔw so Pon. 39 Wobetwe susuhamo no mu, a fi ho de akosi Gareb koko so, na akɔntɔn ako Goa. 40 Obon a wɔtow afunu ne nsɔ gu mu no nyinaa ne asase a ɛko Kidron bon mu wɔ apuei fam, kosi apɔnko pon no twɔtwɔw so beyɛ kronkron ama Awurade. Wɔrentutu na wɔrenseɛ kuropon no da.”

32 Eyi ne asem a efi Awurade nkyɛn baa Yeremia ho wɔ Yudahene Sedekia adedi afe a ɛto so du a na eyɛ Nebukadnessar adedi afe a ɛto so dunwɔtwe

no mu. 2 Na Babiloniahene nsraadom aka Yerusalem ahyɛ a na odiyifo Yeremia nso da dua mu wɔ awɛmfo adiwo a ɛwɔ Yuda ahemfi. 3 Na Yudahene Sedekia de no ato afiasɛ wɔ ho reka se, “Aden nti na wohyɛ nkɔm a ɛte sɛɛ? Woka se, ‘Nea Awurade se ni: Mede saa kuropon yi rebɛhyɛ Babiloniahene nsa, na wafa no nnommum. 4 Yudahene Sedekia rennya kwan nguan mfi Babiloniafo nsam, na ampa ara hyɛ na wɔde no behyɛ Babiloniahene nsa, na ɔne no akasa anim ne anim na ɔde n’ani ahu no. 5 Ɔde Sedekia beko Babilonia, na ho na ɔbetena akosi se me ne no bedi, Awurade na ose. Sɛ woko tia Babiloniafo no a worenni nkonim.” 6 Yeremia kae se, “Awurade asem baa me nkyɛn se, 7 Wo wɔfa Salum babarima Hanamel rebɛba wo nkyɛn, abɛka se, ‘To m’asase a ɛwɔ Anatot no, efise woyɛ me busuani titiriw na wowo ho kwan, na eyɛ w’asɛde nso se woto.’ 8 “Na senea Awurade aka no, me wɔfa ba Hanamel baa me nkyɛn wɔ awɛmfo adiwo ho bɛkae se, ‘To m’asase a ɛwɔ Anatot wɔ Benjamin mantam mu no. Esiane se wowo ho kwan se wugye na wɔfa no nti, to na fa.’ “Mihuu se eyi yɛ Awurade asem.” 9 Enti metɔɔ asase a na ɛwɔ Anatot no fii me wɔfa ba Hanamel nkyɛn na mituaa dwetɛ gram ɔha ne aduɔkron anan maa no. 10 Mede me nsa hyɛɛ adɛto nhoma no ase, sɔw ano wɔ nnansefo anim, na mede nsania kari dwetɛ mpɔw no. 11 Na mefaa adɛto nhoma no, nea wɔasow ano a ɛho nhyehyɛɛ wɔ mu no, ne nea wɔnsow ano no nso, 12 na mede saa adɛto nhoma no maa Neria babarima Baruk a, ɔyɛ Maaseia nena no wɔ me wɔfa ba Hanamel, nnansefo a wɔde wɔn nsa hyɛɛ adɛto nhoma no ase ne Yudafɔ a na wɔwɔ awɛmfo adiwo ho no nyinaa anim. 13 “Meka kyereɛ Baruk wɔ wɔn nyinaa anim se, 14 ‘Nea Asafo Awurade, Israel Nyankopɔn no se ni: Fa saa adɛto so nhoma yi, nea wɔasow ano ne nea wɔnsow ano, na fa gu dɔte asuhina mu, senea ɛbekyɛ yiye. 15 Nea Asafo Awurade, Israel Nyankopɔn no se ni: Wobetoto a fi, mfuw ne bobe nturo wɔ asase yi so bio.’ 16 “Mede adɛto nhoma no maa Neria babarima Baruk akyiri no, meboɔ Awurade mpae se, 17 “Ao, Otumfo Awurade, wo na wonam wo tumi ne wo basa a woateɛ mu so abɔ ɔsoro ne asase. Biribiara nye den mma wo. 18 Wuyi ɔɔɔ adi kyere mpempem, nanso wutua agyanom amumɔye so ka gu wɔn mma a wodi wɔn akyi sɛ so. Onyankopɔn Twɛduampɔn a woso na wowo tumi, wo din ne Asafo Awurade, 19 wo botae so, na wo nneyɛɛ yɛ kɛse. W’aniwa hu nnipa akwan

nyinaa; na wutua obiara ka senea n'abrabo ne ne nneyee te. **20** Woyee nsenkyerenne ne anwonwade wo Misraim na atoa so de abesi nne wo Israel ne adesamma nyinaa mu, na wode agye din a ewo wo de besi nne. **21** Wode nsenkyerenne ne anwonwade, nsa a eye den ne abasa a wate mu ne nneema eye hu yii wo man Israel fii Misraim. **22** Wode asase a wokaa ho ntam se wode bema won agyanom no maa won, asase a nufusu ne ewo sen wo so. **23** Woba bedii, na wotena so, nanso wwantie wo, na wanni wo mmara so; wanye nea wohyee won se wonye no. Enti wode saa amanehunu yi nyinaa baa won so. **24** "Hwe senea wasisi ntuno mpampim de rebegye kuropon no. Esiane afoa, okom ne oyaredom nti, wode kuropon no behye Babiloniafo a woretow ahye ne so no nsa. Nea wokae no aba mu senea wuhu no mprenpen no. **25** Na ewo mu se wode kuropon no behye Babiloniafo nsa de, nanso wo, Otumfo Awurade, ka kyere me se, 'Fa dwete to asase na ma nnansefo mmra ho nhyehyee no mu.'" **26** Na Awurade asem baa Yeremia nkyen se, **27** "Mene Awurade adesamma nyinaa Nyankopon. Na biribi ye den dodo ma me ana? **28** Enti nea Awurade se ni: Mede kuropon yi rebegye Babiloniafo ne Babiloniahene Nebukadnessar nsa, na wafa. **29** Babiloniafo a woretow ahye saa kuropon yi so no beba, na wato mu gya; wobehyew no dwerebee, eno ne afa a nnipa hyew nuuhum wo atifi maa Baal na wohwiee aforebo nsa maa anyame foforo de hyee me abufuw no. **30** "Israelfo ne Yudafo nyee biribiara se bone wo m'ani so, efi won mmabun bere mu; ampa ara Israelfo nyee biribiara se wode nneema a wode won nsa aye behye me abufuw, Awurade na ose. **31** Efi da a wokyekyeree saa kuropon yi de besi nne, wahye me abufuw ne abufuwtraso a ese se miyi no fi m'ani so. **32** Israelfo ne Yudafo de bone a woye nyinaa ahye me abufuw, won, won ahemfo ne adwumayefo, won asofo ne adiyifo, mmarima a wowa Yuda ne nnipa a wowa Yerusalem. **33** Wodan won akyi kyeree me; ewo mu, mekyerekyere won bere biara de, nanso wwantie na wamfa nteeso. **34** Wasisi ahoni a eye akyiwade wo ofi a me Din da so no mu, de guu ho fi. **35** Wosisii soronsorommea maa Baal wo Ben Hinom bon mu, de won mmabarima ne mmabea bo afore maa Molek, wo bere a menhyee won na emmaa m'adwene mu da se wonye saa akyiwade yi mma Yuda nye bone. **36** "Woreka wo kuropon yi ho se, 'Wanam afoa, okom ne oyaredom so de behye Babiloniahene nsa'; nanso

see na Awurade, Israel Nyankopon se: **37** Ampa ara meboaboa won ano afa nsase a mifi m'abufuhyew mu pam won koguu ho; mesan de won aba ha na mama wotena ase ahoto mu. **38** Wobeye me nkurofo, na maye won Nyankopon. **39** Na mema won koma koro na woye won ade abo mu, senea bere biara wobesuro me, won ankasa ne won nkyirimma yiyedi nti. **40** Na me ne won beye daapem apam: Merennyae won yiyeye da, na mede ope behye won koma mu, ama wasuro me, senea worentwe won ho mfi me ho da. **41** M'ani begye se maye won yiye, na ampa ara mede me koma ne me kra nyinaa bedua won wo asase yi so. **42** "See na Awurade se: Senea mede amanehunu kese yi nyinaa aba nkurofo yi so no, saa ara na mede yiyedi a mahye won ho bo no bema won. **43** Wobetoto nsase bio wo ha, nea moka wo ho se, 'Wode ahye Babiloniafo nsa, eno nti ada mpan, na nnipa anaa mmoo nni so no.' **44** Wode dwete betoto nsase, na wobeye adeto nhoma wo so. Wobesow ano wo nnansefo anim wo Benjamin mantam, nkura a atwa Yerusalem ho ahyia, nkuro wo ewo Yuda, bepaw so man, atoe fam mmepaw ase ne Negeb, efise mesan de won ahonyade ama won, Awurade na ose."

33 Bere a Yeremia da so da dua mu wo awemfo adiwo ho no, Awurade asem baa ne nkyen ne mprenu so se: **2** "See na Awurade se, nea oba asase, Awurade a oye na oma egyinae, Awurade ne ne din: **3** 'Fre me na megye wo so, na maka wo nsem akese ne nneema a ahintaw a wunnim.' **4** Na nea Awurade, Israel Nyankopon, ka de fa afa a ewo saa kuropon yi mu ne Yuda ahemfi ahorow a wabubu no ho, senea ebeye a wubenya nea wode besiw ntuno afasu ne afoa no ano, **5** wo wone Babiloniafo oko no mu. 'Nnipa a mede m'abufuw ne m'abufuhyew bekunkum won no afunu beye ho ma. Meyi m'ani afa saa kuropon yi so esiane n'amumoye nyinaa nti. **6** "Nanso mede ahoden ne ayaresa bebre no; mesa me nkurofo yare na mama wanya asomdwoe ne bamm a edoso. **7** Mesan de Yuda ne Israel afa nnommum mu aba na masan agye won asi ho se nea na wote dedaw no. **8** Mchohoro won bone a woye atia me no nyinaa, na mede won atuataw ho bone nso akye won. **9** Na saa kuropon yi bema me din ahyeta, ebema me anigye, ayeyi ne anuonyam wo asase so aman a wote nnepa a meye ma no nyinaa mu; wobesuro na won ho apopo wo yiyedi ne asomdwoe bebrebe a mede ma no nti.' **10** "See na Awurade se: 'Woka fa saa bea yi ho se, 'Ada mpan a

nnipa anaase mmoa nni so.” Nanso Yuda nkurow ne Yerusalemm mmon̄ten a ada mpan na nnipa anaa mmoa nni no, h̄o na wobesan ate bio, **11** ahurusi ne anigye nnyigyei, ayeforo ne ayeforokunu nne ne w̄on a w̄ode aseda af̄oreb̄o reba Awurade fi nne se, “‘‘‘Momfa aseda mma Asafo Awurade, efise Awurade ye, na ne d̄o w̄o h̄o daa.’’ Na mesan de asase no so nnepa a w̄ow̄o h̄o dedaw no aba bio,’ Awurade, na ose. **12** “S̄ee na Asafo Awurade se: ‘Eha yi a ada mpan a nnipa ne mmoa nni no; ne nkurow nyinaa so no, wobenyā nguānhw̄efo adidibea ne nea w̄on nguankuw behome. **13** Nkurow a ew̄o ɔman a eɗa bep̄ow so no at̄oe fam mmep̄ow ase mu, Negeb, Benjamin mantam mu, nkuraa a atwa Yerusalemm ho ahyia ne Yuda nkurow mu, nguankuw betwa mu bio w̄o nea ɔkan w̄on no nsa ase.’ Awurade, na waka. **14** “‘‘‘Nna no reba,’ Awurade na ose, a m̄ema adom b̄o a mehȳe Israel ne Yudafi no aba mu. **15** “‘‘‘Nna no mu ne saa bere no m̄ema tren̄ee Dubaa af̄efew a fi Dawid ase; ɔbeȳe nea et̄ee ne nea eye w̄o asase no so. **16** Saa nna no mu, wobegye Yuda nkwa na Yerusalemm betena asomdwoe mu. Eyi ne din a w̄ode bef̄re no Awurade, Ȳen Tren̄ee.’ **17** Na s̄ee na Awurade se: ‘ɔbarima a ɔbetena Israel ahengua so no remm̄o Dawid da, **18** saa ara nso na as̄ofo a w̄oye Lewifo no, ɔbarima a obegyina m’anim daa ab̄o ɔhyew af̄ore ne aduan af̄ore na ɔde af̄ore ahorow ab̄re me, remm̄o w̄on da.’” **19** Awurade asem baa Yeremia nkyen se: **20** “S̄ee na Awurade se: ‘Se wubetumi abu me ne adekyee ne adesae apam so, na adekyee ne adesae amma w̄on bere a w̄ohyeh̄e no a, **21** eno de, na me ne m’akoa Dawid apam ne Lewifo a w̄oye as̄ofo a w̄osom w̄o m’anim no apam no nso, wubetumi abu so, na Dawid rennya n’aseni a ɔbetena ahengua so adi hene bio. **22** M̄ema m’akoa Dawid asefo ne Lewifo a w̄osom w̄o m’anim no ase ad̄o te se ɔsoro nsoromma a wontumi nkan ne mpoano nwea a wontumi nsusuw.’” **23** Awurade asem baa Yeremia nkyen se, **24** “Wontee se nnipa yi reka se, ‘Awurade apo ahenni abien a oyii no’ ana? Enti wobu me man animtiaa na w̄omm̄fa w̄on se w̄oye ɔman bio. **25** Nea Awurade se ni: ‘Se mantintim me ne adekyee ne adesae apam ne ɔsoro ne asase mmara no a, **26** eno de anka m̄epo Yakob ne m’akoa Dawid asefo, na merenyi ne mmabarima mu baako se onni Abraham, Isak ne Yakob asefo so. Na mede w̄on ahonyade besan ama w̄on, na manya ayamhyeh̄e ama w̄on.’”

34 Bere a Babiloniahene Nebukadnessar ne n’akofa ne n’ahenni nyinaa ne nnipa a w̄ow̄o ahemman a odi so no mu reko tia Yerusalemm ne nkurow a atwa ne ho ahyia no, saa asem yi fi Awurade nkyen baa Yeremia h̄o se, **2** “Nea Awurade, Israel Nyankop̄on se ni: K̄o Yudahene Sedekia nkyen na k̄oka kyere no se, ‘S̄enea Awurade se ni: Mede kuropon yi reb̄eh̄ye Babiloniahene nsa, na ɔbeh̄yew no dwerebee. **3** Worenguan mfi ne nsam na nokware, w̄obekyere wo de wo ak̄oma no. Wode w’ani behu Babiloniahene na ɔne wo bekasa anim ne anim. Na wobek̄o Babilonia. **4** “‘‘‘Nanso tie Awurade boh̄ye, Yudahene Sedekia. S̄ee na Awurade ka fa wo ho: Worennwu w̄o afoa ano; **5** na wubewu asomdwoe mu. S̄enea nnipa b̄oo ayiye gyatannaa de hȳe w’agyanom anuonyam, ahemfo dedaw a wodii w’anim no, saa ara na wob̄eb̄o gyatannaa ahȳe wo anuonyam na w̄oadi awerehow se, “‘‘‘Ao, owura!’’ M’ankasa na mehȳe saa b̄o yi, Awurade na ose.’” **6** Na odiyifo Yeremia kaa eyinom nyinaa kyere Yudahene Sedekia w̄o Yerusalemm, **7** bere a Babiloniahene asraafo reko atia Yerusalemm ne Yuda nkuropon, Lakis ne Aseka a na wogu so reko w̄o h̄o. Eyinom ne nkuropon a na aka w̄o Yuda a w̄ow̄o bamm̄o. **8** Asem no fi Awurade h̄o baa Yeremia nkyen w̄o bere a ɔhene Sedekia ne Yerusalemmfo aye apam se wobema nkoa ahofadi no akyi. **9** Ēse se obiara gyaa ne nkoa ne mfenaa Hebrifo; na obiara nni ho kwan se ɔde ne ȳonko Yudani ye ak̄oa. **10** Enti adwumayefo no nyinaa ne nnipa a w̄oye saa apam yi pen̄ee so se wobegyaa w̄on nkoa ne mfenaa, na w̄oremfa w̄on nye nkoa bio. W̄open̄ee so, na wogyaa w̄on. **11** Nanso akyiri no, w̄osesaa w̄on adwene na w̄osan faa nnipa a wogyaa w̄on no de w̄on ye nkoa bio. **12** Na Awurade asem baa Yeremia nkyen se, **13** “Nea Awurade, Israel Nyankop̄on, se ni: Me ne mo agyanom ye apam bere a miyii w̄on fii Misraim, nkoasom asase so no. Mekae se, **14** ‘Mfe ason biara no, ēse se mo mu biara gyaa ne ȳonko Hebrini a wat̄on ne ho ama no. Se wasom mfe asia a gyaa no na ɔmfa ne ho nni.’ Nanso mo agyanom antie na w̄oamfa m’asem. **15** Enkyee koraa, nanso munuu mo ho na moȳe nea eye w̄o m’ani so: Mo mu biara pae ahofadi maa ne manmma. Mpo moȳe apam w̄o m’anim, w̄o ofi a me Din da so no mu. **16** Nanso mprempren, moadan mo ho na moahura me din ho; mo mu biara asan ak̄ofa nkoa ne mfenaa a mugyaa w̄on se w̄onko baabiara a w̄ope no. Moahye w̄on ama w̄oye mo nkoa bio. **17** “‘‘‘Afei

nea Awurade se ni: Muntiee me na mompae ahofadi mmaa mo ankasa nkurofo. Enti afei mepae ‘ahofadi’ ma mo, Awurade na ose. ‘Ahofadi’ a ebegyaa mo ama afoa, ɔyaredom ne ɔkom. Mema moaye akyiwade ama asase so ahenni ahorow nyinaa. **18** Nnipa a wɔabu m’apam so, na wɔanni nhyehyee a ɛwo apam a wɔaye wɔ m’anim no so no, meye wɔn se nantwi ba a wɔpae ne mu abien na wɔnantew n’afaafa no ntam no. **19** Yuda ne Yerusalem ntuanfo, asennii adwumaye, asofo ne asase no so nnipa no nyinaa a monantew faa nantwi ba no afaafa no ntam no, **20** mede wɔn bema wɔn atamfo a wɔrehwehwe wɔn nkwa no. Wɔn afunu beye aduan ama wim nnomaa ne asase so mmoa. **21** “Mede Yudahene Sedekia ne n’adwumaye behye wɔn atamfo a wɔrehwehwe wɔn nkwa, Babiloniahene asraafo a wɔatwe wɔn ho no nsa. **22** Merebehye, Awurade asem ni, na mesan de wɔn aba kuropɔn yi mu. Wɔbeko atia no, wɔbɛfa, na wɔahyew no dwerebee. Na mema Yuda nkurow ada mpan a obiara rentumi ntena ho.”

35 Eyi ne asem a efi Awurade nkyen baa Yeremia ho wɔ bere a na Yudahene Yosia babarima Yehoiakim di ade no: **2** “Kɔ Rekabfo abusua no nkyen, na to nsa frɛ wɔn na wɔmmra Awurade fi no pia baako mu, na ma wɔn nsa nnom.” **3** Enti mekɔpɛ Habasina babarima Yeremia babarima Yaasania ne ne nuabarimanom ne ne mmabarima nyinaa, Rekabfo abusuaɔm no. **4** Mede wɔn baa Awurade fi, na mede wɔn kɔ Onyame nipa Yigdalia babarima Hanan mmabarima dan mu. Eno na edi adwumayeɔ dan a esi ɔpon ano hwɛfo Salum babarima Maaseia dan atifi no so. **5** Afei mede nkuruwa ne nkora a nsa wɔ mu besisii Rekabfo abusuaɔm no anim na meka kyere wɔn se, “Monnom nsa kakra.” **6** Nanso wobuae se, “Yennnom nsa, efise yen nena Rekab babarima Yehonadab maa yen ɔhye nsem yi se, ‘Ense se mo anaa mo asefo nom nsa. **7** Na afei ense se musisi afi, mudua anaa moye bobe nturo, ense se moye eyinom mu biara, na mmom montena ntamadan mu bere biara. Eno na mo nkwanɔa beware, wɔ asase a moye atutenafɔ wɔ so no so.’ **8** Yeatie biribiara a yen nena Rekab babarima Yonadab hyee yen no. Na yen, yen yerenom, mmabarima ne mmabea nnom nsa da **9** na yensisii afi ntena mu anaa yennyaa bobe nturo anaa mfuw anaa nnobae. **10** Yeatenatena ntamadan mu, na yeadi biribiara a yen nena Yehonadab hyee yen no so pɛpɛpɛ. **11** Nanso

bere a Babiloniahene Nebukadnessar tuu asase yi so sa no, yɛkae se, ‘Mommra, ɛse se yekɔ Yerusalem na yeguan fi Babiloniafo ne Aramfo asraafo anim.’ Eno nti yɛaka Yerusalem.” **12** Afei Awurade asem baa Yeremia nkyen se, **13** “Sɛe na Asafo Awurade, Israel Nyankopɔn, se: Kɔ na kɔka kyere mmarima a wɔwo Yuda ne Yerusalem se, ‘Morensua biribi na morentie m’asem ana?’ Awurade na ose. **14** ‘Rekab ba Yehonadab hyee ne mmabarima se wɔnnom nsa, na wɔadi saa ɔhye yi so. De besi nne wɔnnom nsa, efise wodi wɔn agyanom ahyede so. Na makasa akyere mo mpen bebree, nanso muntiee me. **15** Mesomaa m’asomfo adiyifo nyinaa baa mo nkyen mpen bebree. Wɔkae se, “Ese se mo mu biara sakra fi n’amumoye akwan so, na moma mo akwan tee; munnni anyame foforo akyi na monnsom wɔn. Eno na mobetena asase a mede ama mo ne mo agyanom yi so.” Nanso mummmuaa me na munntiee me ɛ. **16** Rekab babarima Yehonadab asefo adi ahyede a wɔn agyanom de maa wɔn no so, nanso saa nnipa yi nti me m’asem.’ **17** “Eno nti, sɛe na Asafo Awurade Nyankopɔn, Israel Nyankopɔn no se: ‘Muntie! Mede amanehunɔ biara a mahye ama Yuda ne obiara a ɔte Yerusalem no beba wɔn so. Mekasa kyere wɔn, nanso wɔantie, mefrɛ wɔn nanso wɔannye so.”’ **18** Afei Yeremia ka kyere Rekab abusua no se, “Sɛe na Asafo Awurade, Israel Nyankopɔn no se: ‘Moaye osetie ama mo nena Yehonadab ahyede no, na moadi ne nkyerekere so, na moaye biribiara a ɔhye mo no.’ **19** Eno nti, nea Asafo Awurade, Israel Nyankopɔn no se ni: ‘Rekab babarima Yehonadab benya ɔbarima a ɔbesom me bere biara.”’

36 Yudahene Yosia babarima Yehoiakim afe a eto so anan mu, saa asem yi fi Awurade nkyen baa Yeremia ho: **2** “Fa nhoma mmobɔwee, na kyere wɔn nsem a maka akyere wo fa Israel, Yuda ne aman a aka no ho nyinaa, efi bere a mifii ase kasa kyere wo wo Yosia adedi bere so de besi nne no gu so. **3** Ebia, se Yudafo te amanehunɔ biara a maye m’adwene se mede beba wɔn so no a, wɔn mu biara bedan afi n’amumoye ho na afei mede wɔn amumoye ne wɔn bɔne bekɛ wɔn.” **4** Enti Yeremia frɛ Neria babarima Baruk, na bere a ɔreka nsem a Awurade aka akyere no nyinaa no, Baruk kyere wɔn guu nhoma mmobɔwee no mu. **5** Afei Yeremia ka kyere Baruk se, “Meda dua mu; merentumi nkɔ Awurade asɔredan mu. **6** Enti kɔ Awurade fi mmuadadi da bi na kenkan nsem a efi Awurade nkyen a meka ma wokyerew guu nhoma mmobɔwee no so no kyere

nnipa no. Kenkan kyere Yudafo a wofi won nkurow so aba no. **7** Ebia wode won nktosre beba Awurade anim na won mu biara adan afi n'amumaye akwan no so, efise abufuw ne abufuwhyew nsem a Awurade aka atia saa nnipa yi so." **8** Neria babarima Baruk yee biribiara a odiyifo Yeremia kyeree no se onye no, okenkan Awurade nsem a ewo nhoma mmobowee no mu wo Awurade asoredan no mu. **9** Osram a eto so akron wo Yudahene Yosia babarima Yehoiakim adedi afe a eto so anum so no, wopae Awurade anim mmuadadi maa nnipa a wowo Yerusalem nyinaa ne won a wofi Yuda nkurow so aba no. **10** Baruk kenkan Yeremia nsem a ewo nhoma mmobowee no mu kyeree nnipa a wowo Awurade asoredan no mu nyinaa; fii Safan babarima Gemaria a oye okyerewfo no pia a ewo asoredan no atifi adiwo na eben Opon Foforo no mu. **11** Bere a Safan babarima Gemaria babarima Mikaia tee Awurade nsem a ewo nhoma mmobowee no mu no, **12** akoo okyerewfo no dan a ewo ahemfi ho no mu, faako a na adwumayefo no nyinaa: okyerewfo Elisama, Semaia babarima Delaia, Akbor babarima Elnatan, Safan babarima Gemaria, Hanania babarima Sedekia ne adwumayefo a woka no nyinaa tete. **13** Mikaia kaa nsem a Baruk kenkan fii nhoma mmobowee no mu nyinaa kyeree won no akyi no, **14** adwumayefo no nyinaa somaa Kusi babarima Selemia babarima Netania babarima Yehudi se onkoka nkyere Baruk se, "Fa nhoma mmobowee a wokenkan fii mu kyeree nnipa no bra, na bra." Enti Neria babarima Baruk koo won ho a na okura nhoma mmobowee no. **15** Woka kyeree no se, "Yesre wo tena ase, na kenkan kyere yen." Enti Baruk kenkan kyeree won. **16** Wotee saa nsem yi nyinaa no, wode ehu hwehwee won ho won ho anim na woka kyeree Baruk se, "Ese se yeka saa nsem yi nyinaa kyere ohene." **17** Afei wobisaa Baruk se, "Ka kyere yen, eyee den na wokyerew eyinom nyinaa? Yeremia na oka ma wokyerew ana?" **18** Baruk buae se, "Yiw, ono na okaa saa nsem yi nyinaa ma mede adubiri kyere guu nhoma mmobowee no mu." **19** Na adwumayefo no ka kyeree Baruk se, "Wo ne Yeremia, munkohintaw. Monnkyere obiara mo akyi kwan." **20** Wode nhoma mmobowee no kosiee okyerewfo Elisama dan mu akyiri no, wokoo ohene no nkyen wo n'abangua no mu kokaa biribiara kyeree no. **21** Ohene no somaa Yehudi se, onkoka nhoma mmobowee no mmra. Yehudi kofa fii okyerewfo Elisama dan mu, bekenkan kyeree ohene ne

adwumayefo a wogynagyina ne ho no nyinaa. **22** Na eye osram a eto so akron a na ohene no te awowbere dan mu reto ogya a esi n'anim. **23** Bere biara a Yehudi bekenkan nhoma mmobowee no afaafa beye abiesa anaa anan no, ohene no de okyerewfo afoa, twitwa de gu ogya no mu, kosii se nhoma mmobowee no nyinaa hyewee. **24** Ohene no ne n'asomfo a wotee saa nsem yi nyinaa no ammo hu, na woansunsuane won ntade mu nso. **25** Ewo mu se Elnatan, Delaia ne Gemaria sree ohene no se onhyew nhoma mmobowee no, nanso wantie won. **26** Mmom ohene no hyee ne babarima Yerahmeel, Asriel babarima Seraia ne Abdeel babarima Selemia se, wonkokyere okyerewfo Baruk ne odiyifo Yeremia mmra. Nanso na Awurade de won asie. **27** Ohene no hyew nhoma mmobowee a na nsem a Baruk akyerew afi Yeremia anum wo mu no akyi no, Awurade asem baa Yeremia nkyen se, **28** "Fa nhoma mmobowee foforo, na kyere nsem a ewo kan mmobowee a Yudahene Yehoiakim hyew no gu mu. **29** Afei ka kyere Yudahene Yehoiakim se, 'See na Awurade se: Wohyew nhoma mmobowee no kae se: "Aden nti na wokyerew wo mu se okwan biara so, Babiloniahene beba abesee asase yi na watore so nnipa ne mmoo nyinaa ase?"' **30** Eno nti, see na Awurade ka fa Yudahene Yehoiakim ho: Orennya obi ntena Dawid ahengua so. Wobetow ne funu akyene a, woresie no, na wada owia hyew ne anadwo awow mu. **31** Metwe ono ne ne mma ne n'asomfo aso wo won amumaye nti; mede amanehunu biara a mahye atia won beba won ne won a wote Yerusalem ne Yudafo so, efise wantie." **32** Na Yeremia faa nhoma mmobowee foforo, na oka maa ne kyerewfo Baruk kyerewee. Okaa biribiara a na ewo nhoma mmobowee no a ohene Yehoiakim hyew no no so. Na ode nsem pii kaa ho.

37 Babiloniahene Nebukadnessar de Yosia babarima Sedekia dii Yudahene; osii Yehoiakim babarima Yehoiakin anan mu. **2** Ono, n'asomfo ne nnipa a wowo asase no so antie Awurade asem a onam odiyifo Yeremia so kae no. **3** Ohene Sedekia somaa Selemia babarima Yehukal ne Maaseia babarima ososo Sefania se, wonkoka nkyere Yeremia se, "Yesre wo, bo Awurade, yen Nyankopon, mpae ma yen." **4** Na Yeremia de ne ho a otumi di nnipa no mu akoneaba, efise na womfaa no ntoo afiase e. **5** Na Farao asraafo afi Misraim reba, na Babiloniafo a wotua Yerusalem no tee won nka no, wofii Yerusalem. **6** Na Awurade asem

baa odiyifo Yeremia nkyen se, 7 “Sɛɛ na Awurade, Israel Nyankopɔn, se: Monka nkyere Yudahene a, asomaa mo se mummebisa me ho biribi no se, ‘Farao asraafo a wofii adi se wɔrebeboa mo no besan ako wɔn ankasa asase, Misraim so. 8 Na Babiloniafo no besan abetow ahyɛ saa kuropon yi so; wobegye na wɔahyew kurow no dwerebee.’ 9 “Sɛ Awurade se ni: Monnaadaa mo ho nsusuw se, ‘Ampa ara Babiloniafo no befi yen so ako.’ Worenko! 10 Sɛ mudi Babiloniafo asraafo a wɔatow ahyɛ mo so no so ma ɛka apirafo wɔ wɔn ntamadan mu mpo a, wobefi adi abɛhyew kuropon yi dwerebee.” 11 Babilonia asraafo no fii Yerusalem, esiane Farao asraafo no nti akyiri no, 12 Yeremia yɛɛ ahoboa sɛ ɔrefi kuropon no mu, ako Benjamin mantam mu akogyɛ n’agyapade mu kyɛfa wɔ nkurɔfo a wɔwɔ ho no nkyɛn. 13 Nanso okoduu Benjamin Pon ano no, awɛmfo no so panyin a wɔfrɛ no Yiria a ɔyɛ Selemia babarima ne Hanania nena kyeree no kae se, “Woreguan agya yen ako Babiloniafo afa!” 14 Yeremia buae se, “Enyɛ nokware. Merenguan nko Babiloniafo afa.” Nanso Yiria antie, na mmom ɔkyeree Yeremia de no kɔmaa ne mpanyimfo. 15 Wɔn bo fuw Yeremia, na wɔma wɔboroo no de no too afiasɛ wɔ ɔkyerɛwfo Yonatan fi a na wɔde aye afiasɛ no. 16 Wɔde Yeremia too asase ase afiasɛ, ma odii nna bebreɛ wɔ ho. 17 Akyiri no, ɔhene Sedekia soma ma wɔkɔfaa no baa ahemfi, ɛho na obisaa no wɔ kokoa mu se, “Woanya asɛm bi a fi Awurade nkyɛn ana?” Yeremia buae se, “Yiw, wɔde wo bɛma Babiloniahene.” 18 Afei Yeremia bisaa ɔhene no se, “Dɛn bɔnɛ na mayɛ atia wo, anaa w’adwumayɛfo anaa nnipa yi a enti wɔde me ato afiasɛ yi? 19 ɛhe na w’adiyifo a wɔhyɛɛ nkɔm kyeree wo se, ‘Babiloniahene rentow nhyɛ wo so anaa asase yi so’ no wɔ? 20 Na afei, ɔdɛɛfo, mesrɛ wo tie. Ma memfa me nkotosrɛ nto w’anim: Mfa me nkoto ɔkyerɛwfo Yonatan fi ho bio, anyɛ saa a mewu wɔ ho.” 21 ɔhene Sedekia hyɛɛ sɛ wɔmfa Yeremia nkoto awɛmfo adiwo ho, na wɔmma no brodo a efi brodotofɔ borɔn so da biara nkosi sɛ kuropon no mu brodo nyinaa besa. Enti Yeremia kaa awɛmfo adiwo ho.

38 Matan babarima Sefatia, Pashur babarima Gedalia, Selemia babarima Yukal ne Malkia babarima Pashur tee nsem a na Yeremia reka akyere nnipa no nyinaa se, 2 “Sɛɛ na Awurade se: Obiara a ɔbetena kuropon yi mu no bewu wɔ afoa, ɔkɔm anaa ɔyaredɔm ano, nanso obiara a ɔbɛko Babiloniafo afa

no benya nkwa. Obenya ne ti adidi mu, ɔbetena nkwa mu. 3 Na sɛɛ na Awurade se, ‘Ampa ara, wɔde saa kuropon yi bɛhyɛ Babiloniahene asraafo nsa, na wɔn na wobedi so.’” 4 ɛno nti adwumayɛfo no ka kyeree ɔhene no se, “Eɛ sɛ wokum saa ɔbarima yi. ɔde nsem a ɔreka no bu asraafo a wɔaka wɔ kuropon yi mu ne nnipa no nyinaa aba mu. Saa ɔbarima yi nhwehwe saa nnipa yi yiyedi na mmom wɔn sɛɛ.” 5 ɔhene Sedekia buae se, “ɔwo mo nsam, ɔhene rentumi nye biribiara ntia mo.” 6 Enti wɔfaa Yeremia de no kɔhyɛɛ ɔhene babarima Malkia abura a ɛwo awɛmfo adiwo no mu. Wɔde ntampehama gyaagyaa no too abura no mu; na nsu nni mu, mmom dontori na na ɛwo mu, enti Yeremia kɔhyɛɛ dontori no mu. 7 Na Ebed-Melek Kusni odwumayɛni a ɔwo ahemfi ho tee sɛ wɔde Yeremia akoto abura no mu. Bere a ɔhene no te Benjamin Pon ho no, 8 Ebed-Melek fii ahemfi ho kɔka kyeree no se, 9 “ɔdɛɛfo, nea saa nnipa yi aye nyinaa yɛ amumɔyɛsɛm a etia odiyifo Yeremia. Wɔatow no akyene abura mu, baabi a ɔkɔm bekum no wɔ bere a brodo asa wɔ kuropon yi mu.” 10 Na ɔhene hyɛɛ Kusni, Ebed-Melek se, “Fa mmarima aduasa fi ha ka wo ho, na munkoyi odiyifo Yeremia mfi abura no mu, ansa na wawu.” 11 ɛno nti Ebed-Melek faa mmarima no kaa ne ho, na wokɔɔ ɔdan bi a ɛwo adekorabea ase, wɔ ahemfi ho. ɔkɔsesaw ntamagow ne ntade dedaw de kyekyeree ntampehama ho, gyaa mu maa Yeremia wɔ abura no mu. 12 Na Kusni, Ebed-Melek ka kyeree Yeremia se, “Fa ntamagow ne ntade dedaw no hyehyɛ wo mmutuam, na ntampehama no ammia wo.” Na Yeremia yɛɛ saa, 13 Wɔde ntampehama no twetwee no yii no fii abura no mu. Na Yeremia tenaa awɛmfo adiwo ho. 14 Na ɔhene Sedekia soma ma wɔkɔfaa odiyifo Yeremia baa Awurade asɔredan ano kwan a ɛto so abiesɛ ho. ɔhene ka kyeree Yeremia se, “Merebebisɛ wo asɛm bi, mfa biribiara nsie me.” 15 Yeremia ka kyeree Sedekia se, “Sɛ mema wo mmuae a, worenkum me ana? Mpo sɛ mitu wo fo a, worentie me.” 16 Nanso ɔhene Sedekia kaa saa ntam yi kokoa mu kyeree Yeremia se, “Sɛ Awurade a ɔma yen nkwa no te ase yi, merenkum wo na meremfa wo nhyɛ wɔn a wɔpɛ sɛ wokum wo no nsa.” 17 Afei Yeremia ka kyeree Sedekia se, “Sɛɛ na Asafo Awurade Nyankopɔn, Israel Nyankopɔn, no se: ‘Sɛ wode wo ho ma Babiloniahene adwumayɛfo a, worenkum wo na wɔrenhyew kuropon yi, wo ne w’abusuafo betena nkwa mu. 18 Na sɛ woremfa wo ho mma Babiloniahene adwumayɛfo a, wode saa kuropon

yi bema Babiloniafo, na wòbèhyew no dwerebèe; na wo ankasa rentumi nguan mfi wòn nsam.” **19** Ìhene Sedekia ka kyerè Yeremia se, “Misuro Yudafo a wòko Babiloniafo afa no, efise ebia Babiloniafo no de me bema wòn na wòaye me ayayade.” **20** Yeremia buae se, “Wòremfa wo mma wòn. Tie Awurade asem na ye nea meka kyerè wo. Èno na èbema asi wo yiye na woanya nkwa. **21** Nanso se woamfa wo ho amma Babiloniafo no de a, nea Awurade ayi akyere me ni: **22** Mmee a wòaka wò Yudahene ahemfi hò nyinaa no, wòde wòn befi adi abré Babiloniahene adwumayefo no. Saa mmee no bèka akyere wo se, “Wòdaadaa wo na wodii wo so wo nnamfonom a wugye wòn di no. W’anan amem wò dontori mu; wo nnamfonom agyaw wo hò kò.” **23** “Wòde wo yerenom nyinaa ne wo mma bebré Babiloniafo no. Wo de, worentumi nguan mfi wòn nsam, na mmom Babiloniahene bekyere wo, na wòbèhyew saa kuropon yi.” **24** Na Sedekia ka kyerè Yeremia se, “Mma obiara nte saa nkòmmòdi yi, anye saa a, wubewu. **25** Se adwumayefo no te se me ne wo kasae, na wobebisa wo se, ‘Ma yente nea woka kyerè òhene ne nea òhene nso ka kyerè wo; mfa nsie yen anye saa a yebekum wo a,’ **26** Èno de ka kyerè wòn se, ‘Na meresré òhene se òmmfa me nsan nkò Yonatan fi mma me nkowu wò hò.’” **27** Adwumayefo no nyinaa baa Yeremia hò bebisaa no, na òkaa nea òhene hyèe no se ònka no nyinaa. Enti wòanka hwee ankyere no bio, efise obiara ante òne òhene nkòmmòt wetwe no. **28** Na Yeremia tenaa òwemfo adiwo hò kòsìi da a wòfaa Yerusalem. Sene a wòfaa Yerusalem ni:

39 Yudahene Sedekia dii ade no, ne mfe akron mu, òsram a èto so du so no, Babiloniahene Nebukadnessar ne n’asraafo nyinaa tuu Yerusalem so sa, wotuaa kuropon no na wòyèe mpie twaa ho hyiae. **2** Sedekia adedi afe a èto so dubaako, òsram a èto so anan no da a èto so akron no, wobubuu kuropon no afasu. **3** Na Babiloniahene adwumayefo no nyinaa betenaa Mfimfini Pon hò: Nergal-Sareser a ofi Samgar ne Nebo-Sarsekim a òyè òsraani panyin ne Nergal-Sareser a òyè otitiriw, ne Babiloniahene adwumayefo a wòaka no nyinaa. **4** Bere a Yudahene Sedekia ne n’asraafo nyinaa huu wòn no, woguanee, wòfaa òhene turo mu fii kuropon no mu anadwo, kòfaa òpon a èwò afasu abien no ntam, de wòn ani kyerè Araba. **5** Nanso Babilonia asraafo no taa wòn kotoo Sedekia wò Yeriko tataw so. Wòfaa no dommum

de no kòmaa Babiloniahene Nebukadnessar wò Ribla a èwò Hamat asase so, na hò na obuú no aten. **6** Ribla hò na Babiloniahene kunkum Sedekia mmabarima wò n’anim na okum Yudafo mmapòmma nyinaa nso. **7** Afei otutuu Sedekia ani, de kòbere mfrafrae mpokyere guu no se òde no rekò Babilonia. **8** Babiloniafo no de ogya too ahemfi no ne nnipa no afi mu, na wodwiriw Yerusalem afasu no. **9** Ìsahene Nebusaradan a otua òhene awemfo ano no de kuropon no mu nkae, wòn a wòde wòn hò kòmaa no ne nnipa a wòaka no kòò nkoasom mu wò Babilonia. **10** Nanso òsahene Nebusaradan a otua awemfo no ano no gyaa ahiafo a wonni hwee no mu bi wò Yuda asase so, na saa bere no òmaa wòn bobè nturo ne nsase. **11** Na Babiloniahene Nebukadnessar afa òsahene Nebusaradan a otua òhene awemfo ano no so ama saa òhyè nsem yi a efa Yeremia hò se, **12** “Fa no na hwe no so; nhaw no na nea obisa biara no, ye ma no.” **13** Enti òsahene Nebusaradan a otua awemfo no ano, Nebusaradan, adwumayefo panyin, Nergal-Sareser a òyè otitiriw ne Babiloniahene adwumayefo a wòaka no nyinaa **14** soma ma wòkòfaa Yeremia fii awemfo adiwo hò bae. Wòde no hyèe Safan babarima Gedalia babarima Ahikam nsa se òmfa no nkò ne fi. Enti Yeremia tenaa n’ankasa nkuròfo mu. **15** Bere a Yeremia da so da afiasè wò awemfo adiwo hò no, Awurade asem baa ne nkyen se, **16** “Kòka kyerè Kusni Ebed-Melek se, ‘Sene a Asafo Awurade, Israel Nyankopon, se ni: Me nsem a etia kuropon yi, mede refa amanehunú so na enye yiyedi so ama aba mu. Saa bere no èbèba mu wò w’anim. **17** Nanso megye wo saa da no, Awurade na ose; wòremfa wo nhyè wòn a wusuro wòn no nsa. **18** Megye wo nkwa, na worentò wò afoa ano na mmom wubenya wo ti adidi mu, efise wugye me di, Awurade, na ose.”

40 Ìsahene Nebusaradan a otua òhene awemfo ano no gyaa Yeremia wò Rama akyi no, asem no fi Awurade nkyen baa Yeremia hò. Ohuu se wòagu Yeremia nkònsònkònsò wò nnommum a wofi Yerusalem ne Yuda a na wòde wòn rekò Babilonia no mu. **2** Bere a òsahene a otua awemfo no ano no huu Yeremia no, òka kyerè no se, “Awurade, wo Nyankopon, na òhyèe saa amanehunú yi maa beae yi. **3** Na afei, Awurade ama aba mu, wayè sene a òkaa se òbèye no. Eyinom nyinaa baa mu, efise mò saa nnipa yi yèe bònè tiaa Awurade na moanyè osetie amma no. **4** Nanso nnè mereyi wo afi nkònsònkònsò

a egu wo nsa no mu. Se woƆe a, ma yɛnkɔ Babilonia na mɛhwɛ wo so, nanso sɛ wompɛ de a, mma. Hwɛ ɔman no nyinaa na ɛda w'anim no, kɔ baabiara a woƆe.” **5** Na ansa na Yeremia bɛdan ne ho akɔ no, Nebusaradan ka kaa ho se, “San kɔ Ahikam babarima Gedalia a, ɔyɛ Safan nena, a Babiloniahene apa no sɛ ɔnhwɛ Yuda nkurow so no nkyɛn na wo ne no nkotena wɔ nnipa no mu, anaasɛ kɔ baabi foforo biara a woƆe.” Na ɔsahene no maa Yeremia aduan ne akyɛde, na ɔmaa no kɔe. **6** Enti Yeremia kɔɔ Ahikam babarima Gedalia nkyɛn wɔ Mispa, na ɔne no tenaa nnipa a wɔkaa wɔ asase no so no mu. **7** Bere a asraafo mpanyimfo no nyinaa ne wɔn mmarima a wɔda so wɔ wuram no tee sɛ, Babiloniahene ayɛ Ahikam babarima Gedalia amrado wɔ asase no so, na ɔde mmarima, mmea ne mmofra a wɔyɛ ahiafo wɔ asase no so, na wɔamfa wɔn ankɔ nnommum mu wɔ Babilonia ahyɛ ne nsa no, **8** wɔbaa Gedalia hɔ wɔ Mispa: Netania babarima Ismael, Karea mmabarima Yohanan ne Yonatan, Tanhumet babarima Seraia, Efai a ofi Netofa mmabarima, Yesania a ɔyɛ Maakatni babarima ne wɔn mmarima. **9** Na Ahikam babarima Gedalia a ɔyɛ Safan nena no kaa ntam de hyɛ wɔn ne wɔn mmarima den se, “Munnsuro sɛ mobesom Babiloniafo. Montena asase no so na monsom Babiloniahene, na ebɛsi mo yiye. **10** Me de, metena Mispa, na masi mo anan mu wɔ Babiloniafo a, wɔba yɛn nkyɛn no mu, na mo de, monkɔboaboa nsa, ahohuru bere mu nnuaba ne ngo ano ngu adekora nkuruwa mu wɔ twabere mu, na montenatena nkurow a moafa no so.” **11** Bere a Yudafo a wɔwɔ Moab, Amon, Edom ne aman ahorow a aka no, tee sɛ Babiloniahene agyaw nkae bi wɔ Yuda na wayi Ahikam babarima Gedalia a ɔyɛ Safan nena sɛ amrado wɔ wɔn so no, **12** wɔn nyinaa san baa Yuda asase so fi aman a wɔbɔ wɔn petee no so, kɔɔ Gedalia hɔ wɔ Mispa. Na wɔboaboa nsa ne ahohuru bere mu nnuaba beɛre ano wɔ twabere mu. **13** Na Karea babarima Yohanan ne ntuanɔ asraafo a wɔda so wɔ wuram no baa Gedalia nkyɛn wɔ Mispa **14** na wɔka kyɛrɛɛ no se, “Wunnim sɛ, Amonhene Baalis asoma Netania babarima Ismael se, ommekum wo ana?” Nanso Ahikam babarima Gedalia annye wɔn anni. **15** Na Karea babarima Yohanan ka kyɛrɛɛ Gedalia wɔ kokoa mu wɔ Mispa se, “Ma minkokum Netania babarima Ismael, na obiara rente. Aden nti na esɛ se okum wo na ɔma Yudafo a wɔatwa wo ho ahyia no bɔ ahwete, na Yudafo nkae no yɛra?” **16** Nanso Ahikam

babarima Gedalia ka kyɛrɛɛ Karea babarima Yohanan se, “Nyɛ saa ade yi! Nea woka fa Ismael ho no nye nokware.”

41 Ɔsram a ɛto so ason mu no, Elisama babarima Netania babarima Ismael a ɔyɛ ɔdehɛ a na anka ɔyɛ ɔhene adwumayɛfo no mu baako no ne mmarima du baa Ahikam babarima Gedalia nkyɛn wɔ Mispa. Bere a wɔn nyinaa gu so redidi no, **2** Netania babarima Ismael ne ne mmarima du no a wɔka ne ho no sɔree na wɔde afoa wɔɔ Ahikam babarima Gedalia, a ɔyɛ Safan nena ne nea Babiloniahene ayi no sɛ amrado wɔ asase no so no kum no. **3** Ismael kum Yudafo a na woka Gedalia ho wɔ Mispa ne Babilonia asraafo a na wɔwɔ hɔ no nso. **4** Ade kyɛɛ no, ansa na obiara bɛte Gedalia wu no, **5** mmarima aduwɔtwɛ a wɔayiyi wɔn abogyɛsɛ, asunsuane wɔn ntade mu na wɔasesa wɔn honam ani fi Sekem, Silo ne Samaria bae a wɔde aduan afɔrebɔde ne nnuhuam reba Awurade fi. **6** Netania babarima Ismael de agyaadwo fi Mispa kohyiaa wɔn. Bere a ohyiaa wɔn no ɔkae se, “Mommra Ahikam babarima Gedalia nkyɛn.” **7** Woduu kuroƆɔn no mu no, Netania babarima Ismael ne mmarima a woka ne ho no kum wɔn na wɔtow wɔn afunu guu abura bi mu. **8** Nanso nnipa no mu du ka kyɛrɛɛ Ismael se, “Nkum yɛn! Yɛwɔ awi ne atoko, ngo ne ɛwo a yɛde asie wɔ afuw bi mu.” Enti ogyaa wɔn na wankum wɔn nso. **9** Abura a Ismael tow nnipa a okunkum wɔn no afunu ne Gedalia guu mu no, na ɛyɛ nea ɔhene Asa tuu sɛ ne ho bammɔ fa bi de tiaa Israelhene Baasa. Netania babarima Ismael de afunu hyɛɛ no ma. **10** Ismael faa nnipa a na wɔaka wɔ Mispa no nyinaa nnommum; ɔhene mmabea ne wɔn a wɔkaa hɔ no nyinaa, wɔn a Nebusaradan a otua ɔhene awɛmfo ano no ayi Ahikam babarima Gedalia sɛ ɔnhwɛ wɔn so no. Netania babarima Ismael faa wɔn nnommum na osii mu kɔɔ Amonfo nkyɛn. **11** Bere a Karea babarima Yohanan ne asraafo mpanyimfo a woka ne ho no nyinaa tee awudisɛm a Netania babarima Ismael adi no, **12** wɔfaa wɔn asraafo nyinaa sɛ wɔne Netania babarima Ismael rekoko. Wɔkɔtoo no wɔ ɔtare kese bi a ɛwɔ Gibeon ho. **13** Bere a nnipa a woka Ismael ho no nyinaa huu Karea babarima Yohanan ne asraafo mpanyimfo a woka ne ho no, wɔn ani gyei. **14** Nnipa a na Ismael afa wɔn nnommum wɔ Mispa no nyinaa dan kɔɔ Karea babarima Yohanan afa. **15** Nanso Netania babarima Ismael ne ne mmarima baawɔtwɛ, guan fii Yohanan anim kɔɔ Amonfo nkyɛn. **16** Afei Karea

babarima Yohanan ne asraafo mpanyimfo a waka ne ho no dii Mispa nkae a ogyee won fii Netania babarima Ismael nsam bere a okum Ahikam babarima Gedalia no akyi no anim: Ode asraafo, mmea, mmofra ne asennii adwumaye, fii Gibeon bae. **17** Wosii mu se woreko Misraim no, wosoe wa Gerut Kimham a eben Betlehem; **18** na wreguan Babiloniafo no. Na wosuro won, efise na Netania babarima Ismael akum Ahikam babarima Gedalia a Babiloniahene yii no se amrado a ohwe asase no so no.

42 Afei asraafo mpanyimfo no nyinaa a Karea babarima Yohanan ne Hosaia babarima Yesania ka ho, ne nnipa no nyinaa, efi akumaa so kosi okese so koo **2** odiyifo Yereima nkyen koka kyeree no se, “Yesre wo, tie yen adesre yi na bo Awurade, wo Nyankopon mpae ma won a waka yi nyinaa. Senea wuhu no, kan no na yedoso nanso afei yeaka kakraa bi. **3** Bo mpae senea Awurade, wo Nyankopon bekyere yen faako a ese se yeko ne nea ese se yeye.” **4** Yereima buaa won se, “Mate mo asem no, na okwan biara so mebo Awurade, mo Nyankopon mpae senea moasre no; meka nea Awurade beka biara akyere mo na meremfa hwee nsie mo.” **5** Na afei, waka kyeree Yereima se, “Se yeanye nea Awurade, wo Nyankopon soma wo se ka kyere yen no a, ma onye odanseni nokwafo ntia yen. **6** Se yepe o, se yempe o, yebeye osetie ama Awurade, yen Nyankopon a yeresoma wo wo ne nkyen no, senea ebisi yen yiye, na yebedi Awurade, yen Nyankopon asem so.” **7** Nna du akyi no, Awurade asem baa Yereima ho. **8** Enti ofree Karea babarima Yohanan ne asraafo mpanyimfo a waka ne ho ne nnipa no nyinaa; efi akumaa so kosi okese so. **9** Na oka kyeree won se, “See na Awurade, Israel Nyankopon a mosomaa me se memfa mo adesre nkoto n’anim no se: **10** ‘Se motena asase yi so a, mesiesie mo na merensee mo, medua mo na merentu mo ase, efise me were ahow wo amanehunuu a mama aba mo so no ho. **11** Munnsuro Babiloniahene a mprempren musuro no no. Munnsuro no, Awurade na ose, efise mene mo wo ho, megye mo, na mayi mo a fi ne tumi ase. **12** Mehu mo mmobo na ono nso ahu mo mmobo na ode mo asan aba mo asase so.’ **13** “Nanso se moka se, ‘Yerentena saa asase yi so,’ na ne saa nti moanye osetie amma Awurade mo Nyankopon, **14** na se moka se, ‘Dabi, yebeko akotena Misraim, faako a yerenuhuko, na yerente akoben nnyigyei na aduankom renne yen a,’ **15** eno de tie Awurade asem, mo Yuda nkae. See na Asafo

Awurade, Israel Nyankopon se, ‘Se moawe ahinam se mobeko akotena Misraim, na se munya kotena ho a, **16** eno de afoa a musuro no beto mo wo ho na okom a, mo koma tu wo ho no bedi mo akyi ako Misraim na ho na mubewuwu. **17** Nokware won a wosasi won adwene pi se wobeko Misraim akotena ho no bewuwu wo afoa, okom ne oyaredom ano, na won mu baako po renka anaa oreguan mfi amanehunuu a mede beba won so no mu.’ **18** See na Asafo Awurade, Israel Nyankopon se, ‘Senea m’abufuw ne m’abufuwhyew hwie guu nnipa a wowa Yerusalemu so no, saa ara na se, moko Misraim a, m’abufuwhyew behwie agu mo so. Mobeye nnome, ahodwiriwde, afobu ne ahohora; morenha saa bea yi bio.’ **19** “Yuda nkae, Awurade aka akyere mo se, ‘Monnko Misraim.’ Mommma mo were mmfi, nne merebo mo koka **20** se moyee mfonso a eye hu yiye, bere a mosomaa me koo Awurade, mo Nyankopon ho, na mokae se, ‘Bo Awurade, yen Nyankopon mpae ma yen, na ka nea oka biara kyere yen na yebeye,’ no. **21** Nne, maka akyere mo, nanso monyee osetie mmaa Awurade mo Nyankopon ara wo biribiara a ohyee me se menka nkyere mo no ho. **22** Enti afei mommma mo were mfi se, mubewuwu wo afoa, okom ne oyaredom ano wo faako a mope se mokotena ho no.”

43 Bere a Yereima wiee nsem a efi Awurade, won Nyankopon nkyen no ka no, biribiara a Awurade asoma no se ommeke nkyere won no, **2** Hosaia babarima Asaria, Karea babarima Yohanan ne mmarima ahomasofo no nyinaa ka kyeree Yereima se, “Woredi ator! Awurade, yen Nyankopon, nsomaa wo se beka se, ‘Ense se moko Misraim kotena ho.’ **3** Na mmom Neria babarima Baruk na oregyigye wo so tia yen ama wode yen ahye Babiloniafo nsa, senea wobekum yen anaa wobesoa yen de yen ako nkoasom mu wo Babilonia.” **4** Enti Karea babarima Yohanan ne asraafo mpanyimfo no nyinaa ne nnipa no anni Awurade hye a ohyee won se, wontena Yuda asase so no so. **5** Mmom Karea babarima Yohanan ne asraafo mpanyimfo no nyinaa de Yuda nkae a wofi amanaman a woboo won ahwete koo so no so na waba se woretetena Yuda asase so no nyinaa koe. **6** Wode mmarima, mmea, mmofra ne ohene mmabea a osahene Nebusaradan, a oye ohene awemfo panyin no, de won gyaw Ahikam babarima Gedalia a oye Safan nena, odiyifo Yereima ne Neria babarima Baruk nso koe. **7** Enti wohyen Misraim a wanni Awurade asem so, na wokoduu Tapanhes. **8** Awurade asem baa

Yeremia nkyen wɔ Tapanhes se, **9** “Bere a Yudafo no rehwe no, fa abo akese, afei tutu fam wɔ birikisi nsewee a ewɔ Farao ahemfi a ewɔ Tapanhes abobow ano hɔ, na fa gu mu kata so. **10** Afei ka kyere wɔn se, ‘Sɛe na Asafo Awurade, Israel Nyankopɔn se: Mesoma me somfo Babiloniahene Nebukadnessar, na mede n’ahengua besi saa abo a masi wɔ ha no so; na ɔbetɛw n’adehye kyinii mu wɔ so. **11** Ɖɛba abetow ahye Misraim so, na obekum wɔn a wɔahye se wonkum wɔn no, ɔbɛfa wɔn a wɔahye se wonkɔ nnommum mu no nnommum, na wɔn a wɔahye se wɔmfɔ wɔn mma afoa no, wɔde wɔn bɛma afoa. **12** Ɖɛto Misraim anyame asɔredan mu gya, ahyew na wɔafa wɔn anyame no nnommum. Senea oguanhwɛfo de n’atade kyekyere ne ho no, saa ara na ɔde Misraim bekyekyere ne ho na wafi hɔ akɔ a ne ho baabiara renti. **13** Owia asɔredan a ewɔ Misraim no, obebubu n’afadum kronkron no, na wahyew Misraim anyame asɔredan no dwerebee.”

44 Saa asem yi baa Yeremia nkyen; efa Yudafo a wɔtete Misraim anafo fam wɔ Migdol, Tapanhes, Memfis ne Misraim atifi fam no ho. **2** “Sɛe na Asafo Awurade, Israel Nyankopɔn, se: Muhuu amanehunu kese a mede baa Yerusalem ne Yuda nkurow nyinaa so no. Nnɛ wɔayeye amamfo na wɔasesee **3** esiane bɔne a wɔaye no nti. Wohyew nnuhuam, som anyame foforo a, wɔn anaa mo anaa mo agyanom nnim wɔn de hyɛ me abufuw. **4** Mesomaa m’asomfo adiyifo mpen pii a wɔkae se, ‘Monnye saa atantanne a mikyi no!’ **5** Nanso wɔantie, wɔamfa anyɛ asem, na wɔannan amfi wɔn amumɔyesɛm no ho na wɔannyaɛ hyew a wɔhyew nnuhuam ma anyame foforo no. **6** Enti mihwieɛ m’abufuw gui, na ɛdɛw kɔɔ Yuda nkurow ne Yerusalem mmɔnten so ma ɛsɛsɛe na ɛdedaa mpan senea ɛtete nnɛ yi. **7** “Na mpɛmpɛn, nea Asafo Awurade Nyankopɔn, Israel Nyankopɔn se ni: Aden nti na mode amanehunu kese aba mo ho so, se muyii mmarima ne mmea, mmofra ne mmotafowa fii Yuda a moannyaw nkae biara amma mo ho. **8** Aden nti na mode nea mo nsa aye hyɛ me abufuw, na mohyew nnuhuam ma anyame foforo wɔ Misraim, baabi a moabɛtena hɔ no? Mɔbɛsɛ mo ho, na moaye nnome ne nsopa wɔ asase so amanaman nyinaa mu. **9** Mo wɛɛ afi amumɔyesɛm a mo agyanom, Yuda ahemfo ne ahemmea yɛɛ, na mo ne mo yerenom nso yɛɛ wɔ Yuda asase ne Yerusalem mmɔnten so no ana? **10** Ebɛsi nnɛ yi, wɔmmɛɛ wɔn ho ase, wɔnnaa nidi adi na wɔnnii me mmara ne ahyɛde a mede

maa mo ne mo agyanom no so. **11** “Enti nea Asafo Awurade, Israel Nyankopɔn, se ni: Masi m’adwene pi sɛ mede amanehunu beba mo so na masɛɛ Yuda nyinaa. **12** Mɛfa Yuda nkae a wosii wɔn adwene pi sɛ wɔbɛkɔ Misraim akɔtena hɔ no. Wɔn nyinaa bewuwu wɔ Misraim; wɔbɛtotɔ wɔ afoa ano anaa ɔkɔm bekum wɔn. Efi akumaa so kosi ɔkɛsɛ so, afoa ne ɔkɔm bekunkum wɔn. Wɔbɛyɛ nnome, ahodwiriwde, afobude ne ahohora. **13** Mede afoa, ɔkɔm ne ɔyaredɔm betwe wɔn a wɔtete Misraim no aso, senea metwee Yerusalem aso no. **14** Yuda nkae a wɔakɔtena Misraim no mu biara renguan, na wɔremfa wɔn ho nni na wɔasan aba Yuda, asase a wɔpɛ sɛ wɔsan bɛtena so no so; wɔn mu biara remma, gye aguanfo kakraa bi.” **15** Afei mmarima a na wɔnim sɛ wɔn yerenom hyew nnuhuam ma anyame foforo, wɔne mmea a wɔwɔ hɔ no nyinaa, nnipadɔm no, ne nnipa a wɔwɔ Misraim Atifi fam ne Anafo fam ka kyere Yeremia se, **16** “Yɛrentie asem a waka akyere yɛn wɔ Awurade din mu no! **17** Ampa ara yɛbɛyɛ biribiara a yɛkae se yɛbɛyɛ: Yɛbɛhyew nnuhuam ama Ɖsoro Hemmea na yɛahwie ahwiesa ama no, senea yɛn yɛn agyanom, ahemfo ne adwumayɛfo yɛɛ wɔ Yuda nkurow ne Yerusalem mmɔnten so no pɛpɛɛpɛ. Saa bere no na yɛwɔ aduan, na yedi yiye a yenni ɔhaw biara nso. **18** Nanso efi bere a yɛgyaɛ nnuhuam a yɛhyew ma Ɖsoro Hemmea, na yɛgyaɛ ahwiesa a yɛde ma no no, biribiara abɔ yɛn na yɛrewuwu wɔ afoa ne ɔkɔm ano.” **19** Na mmea no ka kaa ho se, “Bere a yɛhyew nnuhuam maa Ɖsoro Hemmea, na yɛhwiee ahwiesa maa no no, na yɛn kununom nnim sɛ yɛto ɔfam a eye ne sɛso, hwie ahwiesa ma no ana?” **20** Na Yeremia ka kyere nnipa no nyinaa; mmarima ne mmea a wɔrebua no no se, **21** “Mususuw sɛ, Awurade nnim sɛ, na mo ne mo agyanom, mo ahemfo, adwumayɛfo ne ɔmanfo no hyew nnuhuam ma ahoni wɔ Yuda nkurow so ne Yerusalem mmɔnten so ana? **22** Bere a mo amumɔyɛ ne akyiwade a moyɛɛ no fonoo Awurade no, mo asase danna nnomede ne amamfo a obiara nte so, senea ɛte nnɛ yi. **23** Esiane sɛ moahyew nnuhuam, aye bɔne atia Awurade, na moanyɛ osetie amma no, na moanni ne mmara, n’ahyɛde ne n’adansesɛm so nti, amanehunu aba mo so senea muhu yi.” **24** Afei Yeremia ka kyere nnipa no nyinaa a mmea no ka ho se, “Mo Yudafo a mowɔ Misraim nyinaa muntie Awurade asem. **25** Sɛe na Asafo Awurade, Israel Nyankopɔn, se: Mo ne mo yerenom de mo nneyɛɛ

akyerɛ mo bɔ a mohyɛ se, ‘Ampa ara yebedi bɔ a yehyɛ se, yebɛhyew nnuhuam ahwie ahwiesa ama ɔsoro Hemmea no,’ no so.” Monko so, munni mo bɔhyɛ ne mo ntam so! **26** Nanso muntie Awurade asem, mo Yudafo a mowɔ Misraim nyinaa. Mede me din kese no ka ntam se, nea Awurade se ni, obiara a ofi Yuda a ɔte Misraim asase so baabiara remmɔ me din nka ntam bio da se, “Se Otumfo Awurade te ase yi.” **27** Na mɛhwɛ ama wɔahu amane na ɛnye yiyedi; Yudafo a wɔwɔ Misraim bewuwu wɔ afoa ne ɔkɔm ano kosi se wɔbɛsɛ wɔn nyinaa. **28** Wɔn a wobeguan afi afoa ano na wɔasan afi Misraim akɔ Yuda asase so no beyɛ kakraa bi. Afei Yuda nkae a wɔbetenaa Misraim no nyinaa behu nea n’asɛm yɛ nokware; me de anaa wɔn de. **29** “Eyi na ebɛyɛ nsɛnkyerɛnne ama mo se mɛtwe mo aso wɔ ha, na moahu se ampa ara m’ahunahuna a efa ɔhaw ho no beba mu,” Awurade na ose. **30** “Mede Misraimhene Farao Hofra rebɛhyɛ n’atamfo a wɔpɛ se wokum no no nsa, senea mede Yudahene Sedekia hyɛ Babiloniahene Nebukadnessar, ne tamfo a na ɔrehwehwe no akum no no nsa. Sɛɛ na Awurade se.”

45 Eyi ne nsem a odiyifo Yeremia ka kyereɛ Neria babarima Baruk wɔ Yudahene Yosia babarima Yehoiakim adedi afe a eto so anan no mu, bere a na Baruk akyerɛw nsem a efi Yeremia anom no agu nhoma mmɔbɔwɛ bi mu. **2** “Sɛɛ na Awurade, Israel Nyankopɔn, ka kyere wo, Baruk: **3** Wokae se, ‘Nnome nka me! Awurade de awerehow aka me yawdi ho; apinisi ne ɔbre ama m’ahooden asa.’ **4** Awurade kae se, ‘Ka eyi kyere no: Nea Awurade se ni: Mɛsɛ nea makyekyere na matu nea madua no ase wɔ asase no so nyinaa. **5** Enti ɛsɛ se wɔpɛ nneɛma akɛse ma wo ho ana? Nye saa. Efise mede amanehununu beba nnipa nyinaa so, Awurade na ose, nanso baabiara a wɔbɛkɔ no, mɛbɔ wo ho ban.”

46 Eyi ne asem a efi Awurade nkyɛn baa odiyifo Yeremia hɔ a efa aman no ho. **2** Nea efa Misraim ho: Eyi ne nsem a etia Misraimhene Farao Neko asraafo a Babiloniahene Nebukadnessar dii wɔn so nkonim wɔ Karkemis, Asubɔnten Eufate ho wɔ Yudahene Yosia babarima Yehoiakim adedi afe a eto so anan no: **3** “Siesie wo nkatabo akɛse ne nketewa nyinaa, na muntu santɛn nkɔ ɔsa! **4** Munsiesie aponkɔ no, na momforo ntenatena wɔn so. Munnyinagyina mo afa a mohyehyɛ mo nnade kyew! Monsew mo mpeaw ano, na monhyɛ mo nkatabo. **5** Den na mihi? Wɔabɔ

hu, wɔresan wɔn akyi, wɔn dɔmmarima adi nkogu. Woguan ntɛm so a wɔnhwɛ wɔn akyi, na ehu wɔ baabiara,” Awurade na ose. **6** ɔhooɔharefo ntumi nguan, na ɔhooɔdenfo nso saa ara. Atifi fam wɔ Asubɔnten Eufate ho wohintihintiw na wɔhwehwe ase. **7** “Hena, na ɔma ne homene so se Asubɔnten Nil, se nsubɔnten a mu nsu woro yi? **8** Misraim ma ne homene so se Nil, se nsubɔnten a mu nsu woro. ɔka se, ‘Mɛsɔre akata asase no so; mɛsɛ nkuropɔn ne mu nnipa.’ **9** Monko mo anim, aponkɔ! Monka wɔn anibere so, mo nteaseenamkafo! Muntu ntee, dɔmmarima, Kus ne Put mmarima a mukura nkatabo, Lidia mmarima a motow agyan. **10** Nanso da no yɛ Awurade, Asafo Awurade dea, aweretoda, n’atamfo so aweretɔ. Afoa bekunkum akosi se ɔbɛmee, akosi bere a ɔde mogya bedwudwo ne osukɔm ano. Efise, Awurade, Asafo Awurade bebɔ afɔre wɔ atifi fam asase a ɛwɔ Asubɔnten Eufate ho no so. **11** “Foro kɔ Gilead kogye aduru Misraim Babea ɔbabun. Nanso nnuru bebrebe a wofa no yɛ ɔkwa, ayaresa biara nni hɔ ma wo. **12** Amanaman no bɛte w’animguase; w’agyaadwo behyɛ asase so ma. ɔkofo baako behintiw afa ɔfoforo so; na wɔn baanu bebɔ mu ahwe ase.” **13** Eyi ne asem a Awurade ka kyereɛ odiyifo Yeremia a efa Babiloniahene Nebukadnessar ba a ɔbɛba abetow ahyɛ Misraim so: **14** “Mommɔ eyi ho dawuru wɔ Misraim, na mompae mu nka wɔ Migdol; monka wɔ Memfis ne Tapanhes nso se, ‘Munnyinagyina na monye krado, efise, afoa rekunkum wɔn a wɔatwa mo ho ahyia.’ **15** Adɛn nti na mo dɔmmarima bebotow sɛɛ? Wɔrentumi nnyina, efise, Awurade bebɔ wɔn ahwe fam. **16** Wobehintihintiw atoatoa so; wɔbɛhwehwe ase adeda wɔn ho wɔn ho so. Wɔbɛka se, ‘Monsɔre, momma yenkɔ yen nkyi nkɔ yen nkurofo nkyɛn ne faako a wɔwoo yen, na yemfi nhyesofo no afoa ano.’ **17** Eho na wɔbetɛ mu se, ‘Misraimhene Farao tu ne ho kwa; n’akwannya a ɔwɔ no atwa mu.’ **18** “Ampa ara se mete ase yi” ɔhene a ne din ne Asafo Awurade na ose, “ɔbaako beba a ɔte se Tabor wɔ mmepɔw no mu, se Karmel wɔ mpoano. **19** Mommoaboa mo nneema ano ntwen nnommumfa, mo a motete Misraim, efise wɔbɛsɛ Memfis kurow na ebɛda mpan a obiara rentena mu. **20** “Misraim yɛ nantwi ba bere a ne ho yɛ fɛ, nanso ɔtɛn bi fi atifi fam reba ne so. **21** Asraafo apaafɔ a wɔwɔ wɔn mu no te se nantwimma a wɔadodɔ sɔrɛde. Wɔn nso bedan wɔn ho abɔ mu aguan, wɔrentumi nnyina wɔn anan so, efise amanehununu da no reba wɔn so, bere a wɔde betwe wɔn aso no. **22**

Misraim betee mu se ewo a oreguan bere a otamfo de ahoođen reba ne so no; wode mmonnua beba ne so te se, mmарima a wobu nnua. **23** Wobesee ne kwae,” Awurade na ose, “senea aye kusuu yi mpo. Wodoošo bebre sen mmoadabi, na worentumi nkan won. **24** Wobegu Misraim Babea anim ase, wode no behye atifi fam nnipa no nsa.” **25** Asafo Awurade, Israel Nyankopon, ka se, “Mede asotwe reba Tebes nyame Amon, Farao, Misraim ne n’anyame ne n’ahemfo ne won a wode won ho to Farao so no so. **26** Mede won behye won a wope se wokum won no, Babiloniahene Nebukadnessar ne n’adwumayefo no nsa. Nanso akhiri no, nnipa betena Misraim asase so te se kan no,” Awurade na ose. **27** “Nsuro, Yakob me somfo; nni yaw, Israel. Ampa ara megye wo ahi beae a ewo akhirikyiri, ne w’asefo ahi won nnommmufa asase so Yakob besan anya asomdwoe ne bamm, na obiara renhunahuna no. **28** Nsuro, Yakob me somfo; na me ne wo wo ho,” Awurade na ose. “Ewo mu, mesee aman no nyinaa koraa aman a mehwete mo koo so no de, nanso merensee mo korakora. Mede trennee nko ara na ebeteete mo so; meremma mommfa mo ho nni a merentwe mo aso.”

47 Ansa na Farao betow ahye Gasa so no, eyi ne Awurade asem a efa Filistifo ho a ebaa odiiyifo Yeremia nkyen: **2** See na Awurade se: “Monhwe senea nsu rebobo ba wo atifi fam; ebeye ohweam a abu afa so. Ebebu afa asase no ne biribiara ewo so no so, nkurow no ne nnipa a wotete mu. Nnipa no beteete mu; won a wote asase no so nyinaa betwa adwo **3** bere a wote apoko a wotu mmirika no anan ase nnyigyei, na wote atamfo no nteaseenam gyegyegye ne won ntwahonan nnyigyei no. Agyanom rentwa won ani nhwe won mma; won nsa besensen won ho kwa. **4** Na da no aba se wose Filistifo no nyinaa na wotwa won a waka no nyinaa gu, won a anka wotumi boa Tiro ne Sidon no. Awurade rebesee Filistifo no, nkae a wofi Kreta mpoano no. **5** Gasa bebo tikwaw bere a oretwa adwo; wobema Askelon ato mum. Mo nkae a mowo tataw so, wobobobo mo ho akam akosi da ben? **6** “Aa, Awurade afoa,’ da ben na wobehome? San kohye wo boha mu; gyae na da komm.” **7** Na ebeye den na ada komm bere a Awurade ahye no bere a wahye no se okotow nhye Askelon ne mpoano asase no so?”

48 Nea efa Moab ho: See na Awurade, Israel Nyankopon se: “Nebo nnue, na wobesee no.

Wobegu Kiriataim anim ase, na wafa; wobegu aban dennen no anim ase, na woadwiriw agu fam. **2** Worenkamfo Moab bio; Hesbon mmарima bebo n’asehwe ho pow; ‘Mommra, momma yenkobo saa oman yi.’ Mo nso, Madmen mmарima mobeka mo ano ato mu; afoa no betaa mo. **3** Muntie osu a efi Horonaim, adesee ne osee ho su. **4** Wobebobo Moab: na ne mma nketewa beteete mu. **5** Woforo ko Luhit, wode agyaadwotwa a mu ye den na ereko; okwan a eko Horonaim so no wote ahoyeraw nteeteemu wo adesee no ho. **6** Munguan! muntu mmirika mpere mo nkwa. Monye se wura wo nweatam so. **7** Esiane se mode mo ho to mo nneyee ne mo ahonya so nti, mo nso wobefa mo nnommmu, na Kemos beko nnommmu mu, one n’asofo ne adwumayefo. **8** Oseefo no betu kurow biara so sa, na mu biara rennya ne ho ntetew. Wobesee obon no na wasse mmepow mpampam a eye tamaa no, efise Awurade akasa. **9** Momfa nkyene nhye Moab, efise wobesee no; ne nkurow beda mpan a obiara rentena mu. **10** “Nnome nka nea otwentwen ne nan ase wo Awurade adwumaye ho! Nnome nka nea ommfa n’afoa nhwie mogya ngu! **11** “Moab atena ase asomdwoe mu fi ne mmerantebere mu, te se nsa ase puw a ataa dinn, wonnhwie mfi ahina mu nkogu ahina foforo mu, okoo nnommmu mu da. Enti ote se nea ote ara, na ne ho hua nsakrae e. **12** Nanso nna bi reba,” Awurade na ose, “a mesoma mmарima a wohwie fi ahina mu, na wobehwie no agu; wobema n’ahina mu aye hwee na wabobo ne nkuruwa. **13** Afei Kemos ho beye Moab aniwu, senea Israelfi anim guu ase bere a wode won ho too Bet-El so no. **14** “Ebeye den na wutumi ka se, ‘Eeye dommarima, mmарima akokodurufu wo osa mu?’ **15** Wobesee Moab na watu ne nkurow so sa; wobekunkum ne mmerante a wote apow no,” nea ohene a wofre no Asafo Awurade no se ni. **16** “Moab asehwe aben; n’amanehunu beba ntem. **17** Munsu no, mo a motete ne ho nyinaa, ne mo a munim ne din nyinaa; monka se, ‘Eeye den na wabubu ahempema a eye den yi eye den wabu anuonyam pema fefe yi mu!’ **18** “Fi w’anuonyam mu, na betena asase wosee no so, wo a wote Dibon Babea, efise nea osee Moab no betu aba wo so abesee wo nkuropon a ewo bamm no. **19** Gyina kwankyen na hwe, wo a wote Aroer. Bisa obarima a oreguan no ne ohea a orefi mu ahi, bisa won se, ‘Asem ben na asi?’ **20** Moab anim agu ase, efise wabubu no pasaa; muntwa adwo na monteete mu! Momm dawuru wo Arnon ho se wasee Moab. **21**

Atemmu aba bepɔw tamaa so wɔ Holon, Yahas ne Mefaat, **22** Dibon ne Nebo ne Bet-Diblataim **23** ne Kiriataim ne Bet Gamul ne Bet Meon **24** ne Keriot ne Bosra wɔ Moab nkurow nyinaa, nea ɛwɔ akyirikyiri ne nea ɛben. **25** Wɔatwa Moab mmɛn; na ne basa abu,” Awurade na ose. **26** “Momma no mmow nsa, efise wabu Awurade animtiaa. Momma Moab nyantam wɔ ne fe mu; momma no nye nea wodi ne ho fɛw. **27** Ɛnye Israel na na wudi ne ho fɛw? Wɔkyeree no akorɔmfo mu ana, a enti mowosow mo ti animtiaabu so bere biara a mobeka ne ho asɛm? **28** Mumfifi mo nkurow so nkɔtena abotan mu, mo a motete Moab. Monye sɛ aborɔnoma a ɔye ne berebuw wɔ ɔbodan ano. **29** “Yɛate Moab ahantan no n’ahomaso ne gye a ogye ne ho di mmoroso; n’ahantan ne n’ahomaso, ne ne koma mu ahohoahoa. **30** Minim n’asooden nanso ɛye ɔkwa,” Awurade na ose, “na n’ahohoahoa mfa hwee mma. **31** Enti mitwa adwo ma Moab, misu tee mu ma Moabfo nyinaa, midi awereshow ma nnipa a wɔwɔ Kir Hereset. **32** Misu ma mo senea Yaser su, mo Sibma bobe. Mo mman dennan kɔ po ho pɛɛ; koduu Yaser po ho. Ɔsefo no abegu mo nnuaba a abere ne mo bobe no so. **33** Ahosɛpɛw ne anigye atu afi Moab nnuaba nturo ne mfuw so. Matwa nsa a etee fi nsakyiamoa no so; obiara mmfa ahosɛpɛw ntiatia bobe no so. Ɛwɔ mu nteeteemu wɔ ho de, nanso ɛnye ahosɛpɛw nteeteemu. **34** “Wɔn su ano den gyigye fi Hesbon kɔ Eleale ne Yahas, fi Soar de kosi Horonaim ne Eglat Selisiya, mpo, nsu a ɛwɔ Nimrim no ayow. **35** Moab mu, mede sorɔnsorɔmmɛa afɔrebɔ ne nnuhuam a wɔhyew ma wɔn anyame no, beba awiei,” Awurade, na ose. **36** “Enti me koma su sɛ atenteben ma Moab; esu sɛ atenteben ma nnipa a wɔwɔ Kir Hereset. Ahonyade a wɔpɛ no kɔ. **37** Wɔabɔ eti biara tikwaw na wɔayi abogyese biara; nsa nyinaa ho aye akamakam na atweaatam sisi obiara asen. **38** Adan a ɛwɔ Moab nyinaa atifi ne ɔmanfo aguabɔbea nyinaa; biribiara nni ho sɛ awereshow, efise mabubu Moab aye no sɛ ahina a obiara mpe,” Awurade na ose. **39** “Hwe senea wabubu afa! Hwe senea wɔretwa adwo! Na hwe senea Moab de aniwu dan n’akyi! Moab aye nea wodi ne ho fɛw, ne ahodwiriwde ama wɔn a wɔatwa ne ho ahyia nyinaa.” **40** Sɛɛ na Awurade se: “Monhwe! ɔkɔre rebɔ hoo aba fam. Watɛw ne ntaban mu wɔ Moab so. **41** Wɔbɛfa Keriot nnommum na wɔafa n’abandennen no. Saa da no Moab dɔmmarima koma betu sɛ ɔbea a ɔrekɛm wɔ awo so. **42** Wɔbɛsee Moab na ɛrenye ɔman

bio, efise obuu Awurade animtiaa. **43** Ehu, nkonomoa ne afiri retwɛn mo, Moabfo,” Awurade na ose. **44** “Nea oguan nea ɛye hu no bɛtɔ nkonomoa mu, nea ɔbɛforo afi nkonomoa no mu no afide beyi no; na mede Moab asotwe afe no beba ne so,” Awurade na ose. **45** “Hesbon nwini ase na aguanfo no gɛnagɛnɛna a wonni mmɔa biara, efise ogya bi atu afi Hesbon; ogyaframa bi fi Sihon mfimfini; ɛhyew Moab moma, ne ahohoahoafo a wɔn ano ye den no ti koraa. **46** Nnome nka wo, wo Moab! Wɔasee Kemos nkurofo no; wɔde wo mmabarima kɔ nnommum mu na wo mmabea nso kɔ nkɔasom mu. **47** “Nanso mede Moab adɛnya besan ama no wɔ nna a ɛbeba no mu,” Awurade na ose. Moab atemmu no awiei ni.

49 Nea ɛfa Amonfo ho: Sɛɛ na Awurade se: “Israel nni mmabarima ana? Onni wɔn a wobedi n’ade? Ɛno de adɛn nti na Molek afa Gad aye ne de yi? Adɛn nti na ne nkurofo tete ne nkurow mu? **2** Nanso nna no rebɔ,” Awurade na ose. “Bere a mebobɔ mu de afɛɛ ɔko atia Raba a ɛye Amonfo de; ɛbɛye afabo siw, wobɛto nkuraa a atwa ne ho ahyia no mu gya. Na Israel bepam wɔn a wɔpam no no,” sɛɛ na Awurade se. **3** “Twa adwo. Hesbon, efise wɔasee Ail Montee mu, mo a mowɔ Raba! Mumfura ayitam na munni awereshow; mommɔ nnyenyɛn wɔ afasu no mu, efise Molek beko nnommum mu, ɔne n’asɔfo ne n’adwumayɛfo. **4** Adɛn nti na wode w’abon ahorow no hoahoa wo ho, w’abon a wunya mu aba bebreɛ no nti? Amon Babea a Onni nokware, wode wo ho to w’ahonya so na woka se, ‘Hena na ɔbetow ahyɛ me so?’ **5** Mede ehu beba wo so, ebefi wɔn a wɔatwa wo ho ahyia no nyinaa,” Awurade na ose, Asafo Awurade no. “Wɔbɛpam mo nyinaa, na obiara remmoaboa akobɔfo ano. **6** “Nanso akɛyiri no, mesan de Amonfo adɛnya ama wɔn,” sɛɛ na Awurade se. **7** Nea ɛfa Edom ho: Sɛɛ na Asafo Awurade se: “Nyansa nni Teman bio ana? Afotu ayera wɔ anyansafo mu ana? Wɔn nyansa no aporɔw ana? **8** Monnan mo ho na munguan, monkɔtetɛw abodan a mu dɔ mu, mo a motete Dedan, efise mede amanehunɔ beba Esau so wo bere a metwe n’aso no. **9** Sɛ bobetɛtɛwfo no baa mo nkyɛn a anka wɔrennya bobe no kakra ana? Sɛ akorɔmfo baa ɔdasu mu a, anka wɔrenwia ade dodow a wɔpɛ ana? **10** Na mɛma Esau ada adagyaw. Mɛda ne hintabea ahorow adi, senea ɔrentumi mfa ne ho nhintaw. Ne mma, n’abusuafo ne ne mfɛfo bewuwu, na wɔrenhu no bio. **11** Munnyaw mo ayisaa, mebɔ wɔn nkwa ho ban. Mo akunafo nso betumi de wɔn ho

ato me so.” 12 Nea Awurade se ni: “Se eše se wòn a wòmƿata se wònóm kuruwa no nom a, eno de aden nti na enše se wõtwe mo aso? Wøbətwe mo aso na mobenom nso. 13 Meka me ho ntam se wøbese Bosra na aye ahodwiriwde, ahohorade ne nnome; na ne nkurow nyinaa bese afebo,” Awurade na ose. 14 Mate asem a efi Awurade nkyen: wosomaa ananmusini bi se ònkòka nkyere amanaman no se, “Mommooaba mo ho ano nkòtow nhye no so! Monsore nkò òko!” 15 “Na meye wo ketewa wò aman no mu, na wòabu wo animtiaa. 16 Ehu a wòbo ne koma mu ahomaso adaadaa wo, wo a wote abotan ntokuru mu, na wote koko no sorònsoròmmea. Ewò mu, woye wo berebuw wò sorosoro se òkòre de, nanso hò na mefi de wo aba fam,” Awurade na ose. 17 “Edom beye ahodwiriwde; wòn a wotwa mu wò hò no nyinaa hò bedwiriw wòn na wòadi ne hò fèw esiane n’apirakuru nyinaa nti. 18 Sene a wòdan Sodom ne Gomora ne wòn nkurow gui no,” Awurade na ose, “saa ara na obiara rentena hò; onipa biara rentena mu. 19 “Sene a gyata a ofi Yordan nkyekyere mu rekò adidibea fròmfròm no, saa ara na metaa Edom a fi n’asase so wò bere tiaa bi mu. Hena ne nea mayi no se ònye eyi? Hena na òte se me, na hena na obetumi ne me adi asi? Na oguanhwefo ben na obetumi asòre atia me?” 20 Enti tie nea Awurade ahyehye atia Edom, nea wòbo ne tirim se òbeye de atia wòn a wòte Teman ni: Nguankuw no mu nkumaa no wøbətwe wòn akò; wòn nti òbese adidibea no koraa. 21 Wòn asehwè nnyigyei bema asase awosow; wòn nteetee mu gyegyeegye akodu Po Kòkò hò. 22 Monhwè! Òkòre bi betu akò soro na wòbo hoo aba fam a watretrew ne ntaban mu wò Bosra so. Saa da no Edom dòmmarima koma betu se òbea a òrekyem wò awo so. 23 Nea efa Damasko hò: “Hamat ne Arpad di yaw, efise wòate asemmane. Wòn koma abotow te se po a aye haghahagya. 24 Damasko aye mmerew, waye se òrebeguan wòbo huboa; ahoyeraw ne òyaw akyekyere no, òyaw a ete se òbea a, òrekyem wò awo so. 25 Aden nti na wonnyaw kuropon a agye din yi ntòò hò, kurow a m’ani gye mu? 26 Ampa ara ne mmerante betotò wò mmònten so; wòbema n’asraafo nyinaa aka wòn ano ato mu saa da no,” se na Asafo Awurade se. 27 “Mede ogya beto Damasko afasu mu; na ebèhyew Ben-Hadad aban.” 28 Nea efa Kedar ne Hasor ahenni, a Babiloniahene Nebukadnessar tow hye so no. Se na Awurade se: “Sore na kòtow hye Kedar so na see nnipa a wòwò apuei fam no. 29 Wòbèfa wòn ntamadan

ne wòn nguankuw; wòbèfa wòn nkataso, ne wòn hò nneema ne yoma akò. Nnipa bèteetee mu se, ‘Ehu wò baabiaral’ 30 “Munguan nkò ntemntem! Monhyehye abodan a mu dò mu, mo a motete Hasor,” Awurade na ose. “Babiloniahene Nebukadnessar apam mo ti so; waye nhyehye a etia mo. 31 “Sore kòtow hye òman bi so a woremmre, òman a wote ahotoso mu,” Awurade na ose, “òman a wonni apon anaa akwanside; na emu nnipa nko ara na wote. 32 Wòn mfurum beye asade, na wòn anantwikuw akese no beye asade. Mèbo saa nnipa a wòtete akyirikyiri no ahwete ama mframa no, na mede amanehunú befi afa nyinaa aba wòn so,” Awurade na ose. 33 “Hasor beye ahade ama adompo, ebèda mpan afebo. Obiara rentena hò; onipa biara rentena mu.” 34 Eyi ne asem a, efi Awurade nkyen baa odiyifo Yeremia hò a efa Elam hò, wò Yudahene Sedekia adedi mfiase: 35 Se na Asafo Awurade se: “Hwe meububu Elam agyan mu, nea wòn ahòoden gyina so no. 36 Mede mframa anan no bèba Elam so a fi sorosoro afanan; mèbo wòn ahwete mframa anan no mu, na òman biara nni hò a Elam atubrafo renko so. 37 Mèbo Elam ahwete wò wòn atamfo anim, wò wòn a wòrehwehwe wòn akum wòn no anim; mede amanehunú bèba wòn so mpo m’abufuwhyew no,” Awurade na ose. “Mede afoa betaa wòn kosi se, mewie wòn korakora. 38 Mesi m’ahengua wò Elam na masèe ne hene ne n’adwumayefo,” Awurade na ose. 39 “Nanso mesan de Elam adenya ama no nna a ereba no mu,” Awurade na ose.

50 Asem a Awurade nam odiyifo Yeremia so ka faa Babilonia ne Babiloniafo asase ho ni: 2 “Mommoo no dawuru na mompae mu nka wò amanaman mu. Momma frankaa so na mompae mu nka; na momma wònte se, ‘Wòbèfa Babilonia; wòbegu Bel anim ase, na ehu behye Merodak ma. Wòbegu ne nsesode anim ase na ehu behye n’ahoni ma.’ 3 Òman bi fi atifi fam betow ahye ne so na wòbeye n’asase amamfo. Obiara rentena so; nnipa ne mmooa begun a fi so. 4 “Nna no mu ne saa bere no,” Awurade na ose, “Israelfo ne Yudafo beka abo mu de nusu akòhwehwe wòn Awurade, wòn Nyankopon. 5 Wòbèbisa òkwan a èko Sion na wòde wòn ani akyere hò. Wòbèba de wòn hò abèbo Awurade wò daa apam a were remfi mu. 6 “Me nkurofo aye nguan a wòayera; wòn nguanhwefo ama wòafom òkwan ma wokyinkyin mmepow so. Wokyinkyin bepòw ne koko so na wòn were fii wòn ankasa homebea. 7 Obiara a ohuu wòn no tetew wòn

mu: wɔn atamfo kae se, ‘Yenni fɔ, efise wɔyɛɛ bone tiaa Awurade, wɔn nokware didibea no, Awurade wɔn agyanom anidaso no.’ **8** “Munguan mfi Babilonia; mumfi Babiloniafo asase so, na monye se mpapo a wodi nguankuw anim. **9** Mɛkanyan amanaman akese nkabom afi atifi fam asase so de wɔn abeko atia Babilonia. Wobegyinagyina wɔn afa atia no, wobefi atifi fam ako afa no. Wɔn agyan beye se dɔmmarima a wɔakwadaw akodi mu, wɔn a wɔmmfa nsapan nsan wɔn akyi. **10** Enti wɔbefow Babilonia; wɔn a wɔfow no nyinaa benya asade bebre,” Awurade na ose. **11** “Esiane se mo ani gye na mudi ahurusi, mo a mofow m’agyapade, se muhuruhuruw anigye so te se nantwiforo a ɔwo sare frɔmfrɔm mu na musu te se apɔnkɔnini nti, **12** wo na ani bewu pa ara; nea ɔwoo wo anim begu ase. Ɖbeyɛ akumaa wɔ amanaman no mu, sare, asase wosee ne nweatam. **13** Awurade abufuw nti, obiara rentena hɔ na ɛbedɔ mpan korakora. Wɔn a wotwa mu wɔ Babilonia nyinaa ho bedwiriw wɔn na wɔadi ne ho few esiane n’apirakuru nyinaa nti. **14** “Munnyinagyina mo afa ntwɔ Babilonia ho nhya, mo a motow agyan nyinaa. Montow no! Munnyaw bemma biara, efise wayɛ bone atia Awurade. **15** Montɛ mu ntia no wɔ afanan nyinaa! Ɖma ne nsa so, n’abandennen bubu, wodwiriw n’afasu gu fam. Esiane se eyi ye Awurade aweretɔ no nti, montɔ ne so were; monye no senea wayɛ afoforo no. **16** Munyi ogufo mfi Babilonia, ɔne otwafo a okura ne kantankrankyi wɔ otwabere mu no. Esiane nhyesofo no afoa nti obiara nsan nkɔ ne nkurofo mu, obiara nguan nkɔ n’ankasa asase so. **17** “Israel ye nguankuw a wɔahwete a gyata apam wɔn. Nea odii kan tetew ne mu ye Asiriahene; na nea ɔdwerɛwee ne nnompe akyiri no ye Babiloniahene Nebukadnessar.” **18** Eno nti, sɛɛ na Asafo Awurade, Israel Nyankopɔn se: “Metwe Babiloniahene ne n’asase aso senea metwee Asiriahene aso no. **19** Na mede Israel besan aba n’ankasa didibea, na obedidi wɔ Karmel ne Basan; ɔbemee wɔ Efraim ne Gilead nkoko so. **20** Saa nna no ne saa bere no,” Awurade na ose, “Wɔbɛhwɛhwɛ Israel afobu mu, nanso wɔrennya bi, wɔbɛhwɛhwɛ Yuda nnebɔne mu, nanso wɔrenhu bi, efise, mede nkae a migyaa wɔn no bone bekye wɔn. **21** “Montow nhye Merataim asase so ne nnipa a wɔte Pekod. Montaa wɔn, munkunkum wɔn na monsee wɔn korakora,” Awurade na ose. “Monye biribiara a mahye mo no. **22** Ɖko mu gyegyeegeye wɔ asase no so, ɔsee kese nnyigyeyi! **23** Hwɛ senea wɔabubu na wɔabobo

asase nyinaa so asae! Hwɛ senea Babilonia ada mpan wɔ amanaman no mu! **24** Misum wo afiri, Babilonia, na eyii wo ansa na worehu; wohuu wo kyeree wo efise woko tiaa Awurade. **25** Otumfo Awurade abue n’akode adekoradan na wayi n’abufuwhyew akode de apue, efise Asafo Awurade wɔ adwuma ye wɔ Babiloniafo asase so. **26** Mumfi akyirikyiri mmra ne so. Mummubu n’asan no ani; monhɔre no siw se awi akuwakuw. Monsee no korakora na munnyaw nkae biara mma no. **27** Munkunkum n’anatwinini nyinaa; momfa wɔn nkɔ mma wonkokum wɔn! Mmusu nka wɔn! Efise wɔn da no adu, bere a wɔde betwe wɔn aso no. **28** Muntie akobɔfo ne aguanfo a wofi Babilonia no se wɔreka wɔ Sion senea Awurade, yen Nyankopɔn atɔ were, n’asɔrefi ho aweretɔ. **29** “Momfrɛ agyantowfo nkɔtoɔ Babilonia, wɔn a wɔtow agyan nyinaa. Muntwa ne ho nhya; mommma obiara nguan. Muntua ne nneyɛɛ so ka; monye no senea wayɛ. Efise wabu Awurade animtiaa, Israel kronkronni no. **30** Enti ne mmerante betɔtɔ wɔ mmɔnten so; wɔbetɔre n’asraafo nyinaa ase saa da no,” Awurade na ose. **31** “Hwɛ, mikyi wo; ɔhantanni.” Awurade, Asafo Awurade na ose, “efise wo da no adu bere a wɔde betwe w’aso no. **32** Ɖhantanni no behintiw na wahwe ase, obiara remmoa no mma ɔnnsɔre; meto ne nkurow mu gya na ahyew wɔn a atwa ne ho ahyia nyinaa.” **33** Sɛɛ na Asafo Awurade se: “Wɔhyɛ Israelfo so, na Yudafɔ nso saa ara. Wɔn nnommumfafo no kura wɔn dennen a wɔmpɛ se wogyaa wɔn ma wɔkɔ. **34** Nanso wɔn Gyefo ye ɔhɔɔdenfo; ne din ne Asafo Awurade. Obedi wɔn asɛm ama wɔn anibere so, senea ɔde ahɔtɔ beba wɔn asase no so, na wɔn a wɔte Babilonia no nea wahye wɔn ahometew. **35** “Afoa a etia Babiloniafo!” Awurade na ose, “etia wɔn a wɔte Babilonia na etia n’adwumayefo ne n’anyansafo! **36** Afoa a etia n’atoro adiyifo! Wɔbedan nkwareafo. Afoa a etia n’akofɔ! Ehu behye wɔn ma. **37** Afoa a etia n’apɔnkɔ ne ne nteaseenam ne ananafo a wɔwɔ wɔn mu nyinaa! Wɔbedan mmea. Afoa a etia n’ademude! Wɔbefom. **38** Ɖyow wɔ n’asu ahorow so! Ɖbeyoyow. Efise eyɛ ahoni asase, ahoni a ehu bɛma wɔabobo adam. **39** “Enti sare so mmɔa ne mpataku betena hɔ, na ehɔ na patu betena. Obiara rentena so bio efi awo ntoatoaso kosi awo ntoatoaso. **40** Senea Onyankopɔn tuu Sodom ne Gomora ne wɔn nkurow gui no,” Awurade na ose, “saa ara na obiara rentena hɔ; onipa biara rentena mu. **41** “Monhwɛ! Asraafo bi fi atifi fam reba; ɔman kese ne

ahemfo bebre, wõrehwanyan wõn afi nsase ano. **42** Wokurakura bemma ne mpeaw; wõn tirim ye den, na wonni ahummõbõ. Wõn nnyigyei te se po a eworo so. Se wõtete wõn apõnkõ so a, wõba se mmarima a wõrekõ sa abetow ahye wo so, Òbabea Babilonia. **43** Babiloniahene ate wõn ho nsem, ne nsa sesa ne ho kwa. Ahohiahia akyekyere no oyaw a ete se òbea a òrekyem wõ awo so. **44** Senea gyata a ofi Yordan nkyekyere mu rekõ adidibea fromfrom no, saa ara na metaa Babilonia fi n'asase so wõ bere tiaa bi mu. Hena ne nea mayi no se ònye eyi? Hena na òte se me, na hena na obetumi ne me adi asi? Na oguanhwefo ben na obetumi asore atia me?" **45** Enti tie nea Awurade ahyehye atia Babilonia, nea wabõ ne tirim se òbye de atia Babiloniafo asase ni: Nguankuw no mu nkumaa no wõbetwe wõn akõ; wõn nti òbesee adidibea no koraa. **46** Babilonia nnommumfa nnyigyei bema asase awosow; ne nteetee mu gyegyeegye wõ amanaman no mu.

51 Sese na Awurade se: "Monhwe, mekanyan òsefo bi honhom atia Babilonia ne nnipa a wõwõ Leb Kamai. **2** Mesoma ananafo akõ Babilonia se wonkohuhuw ne so na wõnsese n'asase; wobetia no wõ afanan nyinaa wõ n'amanehunu da no. **3** Mma agyantowni pema n'agyan, mma ònhye ne nkatabo. Mma ne mmerante mfa wõn ho nni; sese n'asraafo no pasaa. **4** Wõbehwehwe ase a wõtoto wõ Babilonia, a wõapirapira yiye wõ ne mmõnten so. **5** Na Israel Nyankopõn, Asafo Awurade no, nnyaw Israel ne Yuda ho e, ewo mu, afõdi ahye wõn asase no so ma wõ Israel Òkronkronni no anim. **6** "Munguan mfi Babilonia! Muntu mmirika mpere mo nkwa! Mommma wõnnsee mo esiane ne bone nti. Awurade aweretõbere aso; òde nea efata no betua no ka. **7** Na Babilonia ye sikakõkõ kuruwa wõ Awurade nsam; òmaa asase nyinaa bow nsa. Aman no nom ne nsa; eno nti, afei wõabobõ adam. **8** Babilonia behwe ase abubu mpofirim. Muntwa ne ho agyaadwo! Mompe ne yaw no ano aduru; ebia ne ho betõ no. **9** "Anka yebesa Babilonia yare, nanso wontumi nsa no yare; momma yennyaw no ho na obiara nkõ n'ankasa asase so, efise n'atemu du sorosoro; eforo soro te se omununkum.' **10** "Awurade abu yen bem. Momma, momma yenka wõ Sion, nea Awurade, yen Nyankopõn aye.' **11** "Monsew agyan no ano! Momfa nkatabo no! Awurade ahwanyan Mede ahemfo no, efise ne botae ne se òbesee Babilonia. Awurade betõ were, òbetõ were ama

n'asorefi no. **12** Mompagyaw frankaa bi ntia Babilonia afasu! Mummia bammõ mu, momma awemfo no nnyinagyina. Munsiesie ahintawee! Awurade bema n'atirimpõw aba mu, nea wahye atia Babilonia no. **13** Mo a motete nsuwansuwa bebre ho na nnwetebona abu mo so, mo awiei aba, bere a ese se wõtwa mo kyene no. **14** Asafo Awurade, aka ne ho ntam se: mede nnipa behye wo ma se tewtew, na wõabõ ose wõ wo so. **15** "Òde ne tumi bõ asase; òtoo wiasse fapem wõ ne nyansa mu na òde ne nhumu trefw òsorosoro mu. **16** Se òbobõ mu a, òsoro nsu woro so; òma omununkum ma ne ho so fi nsase ano. Òsoma anyinam ka osu ho na òma mframa bõ fi ne koradan mu. **17** "Onipa biara nnim nyansa, na onni nimdec; sikadwumfo biara anim gu ase, esiane n'ahoni nti. Ne nsesode ye atoro; wonni òhome biara wõ wõn mu. **18** Wõn so nni mfaso, wõn ho ye serew; se wõn atemmu du so a, wõbeyera. **19** Nea òye Yakob Kyefa no nte se eyinom, efise òno ne ade nyinaa Yefo a Israel, abusua a eye n'agypade nso ka ho. Asafo Awurade ne ne din. **20** "Woye me ko abaa, m'akode a mede kõ sa mede wo dwerew amanaman, mede wo see ahenni bebre, **21** mede wo bobõ òpõnkõ ne ne sotefo, teaseenam ne ne kafo, **22** mede wo dwerew òbarima ne òbea, mede wo dwerew akwakoraa ne òbabun, mede wo dwerew aberante ne ababaa, **23** mede wo dwerew oguanhwefo ne nguankuw, mede wo dwerew okuafo ne anantwi, mede wo dwerew amradofo ne adwumayefo. **24** "Metua Babilonia ne wõn a wõtete Babilonia ka wõ mfomso a, wõaye wõ Sion nyinaa, wõ w'anim," Awurade na ose. **25** "Bepõw sese, me ne wo anya, wo a wõsee asase nyinaa no," Awurade na ose. "Metee me nsa wõ wo so mepia wo afi abotan no so, na maye wo se bepõw a enka hwee. **26** Wõremfa òbo biara mfi wo so nye tweekito anaase fapem mpo, efise wõbõda mpan afebõ," Awurade na ose. **27** "Momma frankaa so wõ asase no so! Monhyen torobento no wõ amanaman no mu! Munsiesie amanaman no mma wontu no so sa; Momfrefre saa ahenni ahorow yi mma wõnkõ ntia no; Ararat, Mini ne Askenas. Munnyi òsahene ntia no; momfa apõnkõ manyamanyanya te se tewtew mmra. **28** Munsiesie amanaman no mma wontu no so sa, mo Mede ahemfo, wõn amradofo ne wõn adwumayefo nyinaa, ne aman a wodi so nyinaa. **29** Asase no wosow, na onukunuku ne mu, efise Awurade atirimpõw a etia Babilonia se òbesee Babilonia asase a obiara rentumi ntena so no nsakraa e. **30** Babilonia òmmarima agyae

ko wohyehye wɔn aban mu. Wɔn ahooden asa; wɔaye se mmea. Wɔatoto n'atenae ahorow no mu gya, na wɔabubu n'apon akyi adaban. **31** Abɔfo didi so na asomafo didi so a wɔrekɔbɔ Babiloniahene amannee se, wɔafa ne kuropon no, **32** wɔagye asutwabea ahorow a ɛdeda asubɔnten no ano no afa, na wɔde ogya ato ɔwora no mu, na asraafo no abɔ huboa.” **33** Sɛ na Asafo Awurade, Israel Nyankopɔn, se: “Babilonia Babea aye se, awiporowbea wɔ bere a wɔretiatia hɔ. Aka kakraa bi, na bere a ɛse se wotwa no se nnɔbae no adu.” **34** “Babiloniahene Nebukadnessar adwerɛw yen, ɔde yen ato ɔhaw mu, waye yen se ahina a hwee nni mu. Wamene yen se ɔwɔ no na ɔde yen nneema a eye de ahye ne yafunu ma, na wapuɔw yen afi n'anom agu. **35** Ma ayakayakade a wɔde dii yen honam no mmra Babilonia so,” nnipa a wɔtete Sion na wɔka. “Ma yen mogya ngu wɔn a wɔtete Babilonia so,” Yerusalem na ɔka. **36** Enti sɛe na Awurade se: “Hwe, medi mo asem ama mo na matɔ were ama mo; Mema po a eye ne de no ayow na mama ne nsubɔnten ayoyow. **37** Babilonia beye mmubui siw, sakraman atu ahodwiriwde ne fewdi, baabi a obiara nte. **38** Ne nkurofo nyinaa bobɔ mu se gyata, wɔbobɔ mu te se gyatamma. **39** Nanso bere a wɔahwanyan wɔn ho no, meto pon ama wɔn na mama wɔabobow nsa, sɛnea wɔde nteteemu bedi ahurusi, na wɔadeda a wɔrennyan bio,” Awurade na ose. **40** “Mede wɔn beba te se nguantenmma a wɔrekokum wɔn, te se adwennini ne mpapo. **41** “Sɛnea wɔbefa Sesak, wɔbefa asase nyinaa so ahohoahoa! Babilonia beye ahodwiriwde wɔ amanaman no mu! **42** Po bebunkam afa Babilonia so; na n'asorɔkye bekata ne so. **43** Ne nkurow beda mpan, nweatam a so awo, asase a obiara nte so, na obiara ntu kwan mfa so. **44** Metwe Bel aso wɔ Babilonia na mama wapuɔw nea wamene agu. Amanaman no rento santen nkɔ ne nkyen bio. Na Babilonia fasu bebubu. **45** “Me nkurofo, mumfi ne mu! Muntu mmirika mpere mo nkwa! Munguan mfi Awurade abufuwhyew ano. **46** Mommma mo koma ntu na munnsuro se mote huhuhuhu wɔ asase no so a; huhuhuhu ba afe yi na foforo ba afe a ɛbeba, basabasaye ho huhuhuhu wɔ asase no so ɛfa ɔhene a ɔsɔre tia ɔfoforo ho. **47** Na ampa ara bere no beba a metwe Babilonia ahoni aso; n'asase no nyinaa anim begu ase na n'atɔfo nyinaa betotɔ ase wɔ ne so. **48** Ɔsoro ne asase ne nea ɛwɔ mu nyinaa de ahosɛpɛw betɛ mu agu Babilonia so, efise ɔsɛfo befi atifi fam abetow ahye ne so,” Awurade na ose. **49** “Ɔse se

Babilonia hwe ase, esiane Israel atɔfo nti sɛnea atɔfo a wɔwɔ wiase nyinaa ahwehwe ase esiane Babilonia nti no. **50** Mo a mo aguan afi afoa ano, monko, na monntwentwen mo nan ase! Monkae Awurade wɔ akyirikyiri asase so, na munnwɛn Yerusalem ho.” **51** “Wɔagu yen anim ase, efise wayeyaw yen na fere akata yen anim, efise ananafo ahyen Awurade fi kronkronbea ahorow ho.” **52** “Nanso nna bi reba,” Awurade na ose, “a metwe n'ahoni aso, na n'asase so nyinaa apirafo besi apini. **53** Se Babilonia kɔka soro mpo, na omiamia n'aban tenten bammɔ mu a, mesoma ɔsɛfo ne no abedi asi,” Awurade na ose. **54** “Osu nnyigyei bi fi Babilonia, ɔsee kɛse bi nnyigyei fi Babiloniafo asase so. **55** Awurade besɛe Babilonia; ɔbɛma n'asotuatua nnyigyei no agyae. Atamfo a wɔte se ahum betu se nsu akɛse; wɔn mmubomu beye gyegyeegye. **56** Ɔsɛfo bi besɔre atia Babilonia; wɔbefa ne ɔmmarima nnommum na wobebubu wɔn tadua mu. Efise Awurade ye Onyankopɔn a ɔhye anan mu; obetua so ka pɛpɛpɛ. **57** Mema n'adwumayɛfo ne n'anyansafo abow nsa n'amradonom, ne mpanyimfo ne ɔmmarima nso saa ara; wɔbededa afeɔɔ a wɔrennyan,” sɛe na ɔhempon a ne din ne Asafo Awurade, no se. **58** Sɛe na Asafo Awurade, se: “Wobedwiriw Babilonia afasu a ɛtrew no agu fam na wɔbeto n'apon atenten no mu gya; nnipa no haw wɔn ho kwa, ɔman no adwumaye ma ogya no dɛw mmom.” **59** Eyi ne asem a Yeremia ka kyereɛ Neria babarima Seraia a ɔye adwumayɛfo panyin na ɔye Maseia nena no, bere a ɔne Judahene Sedekia kɔɔ Babilonia wɔ n'adedi afe a ɛto so anan no mu. **60** Na Yeremia akyerɛw amanehunu a ɛbeba Babilonia so no nyinaa agu nhoma mmobɔwee so, nea wakyerɛw a ɛfa Babilonia ho nyinaa. **61** Ɔka kyereɛ Seraia se, “Se wudu Babilonia a, hwe se wɔbekenkan saa nsem yi nyinaa sɛnea obiara bete. **62** Afei ka se, ‘Awurade, woaka se wɔbesɛe beae yi sɛnea onipa anaa aboa biara rentumi ntena so; na ɛbeɔa mpan afeɔɔ.’ **63** Se wokenkan nhoma mmobɔwee yi wie a, kyekyere fam ɔbo ho, na tow kyene Asubɔnten Eufate mu. **64** Afei ka se, ‘Sɛe na Babilonia ne ne nkurofo bɛmem a wɔrensɔre bio, esiane amanehunu a mede beba ne so no nti.’” Yeremia nsem no awiei ni.

52 Sedekia dii ade no, na wadi mfirihyia aduonu baako. Odii ade wɔ Yerusalem mfirihyia dubaako. Na ne na din de Hamutal a ɔye Yeremia a ofi Libna no babea. **2** Ɔyɛe ɔbɔne wɔ Awurade ani so, sɛnea Yehoiakim yee no. **3** Awurade abufuw nti na eyinom

nyinaa baa Yerusalem ne Yuda so, na akyiri no, oyii n'ani fii wɔn so. Afei, Sedekia sɔre tiaa Babiloniahene. 4 Ɔsram Tebet (bɛyɛ Ɖɛpɛɔn) da a ɛto so dunum wɔ Sedekia ahenni mfe akron so no, ɔhene Nebukadnessar dii n'akofo nyinaa anim, beko tiaa Yerusalem. Wotwaa kuroɔn no ho hyiae. Wɔboboɔ mpampim wɔ kuroɔn no afasu ho. 5 Wotuua kuroɔn no kosii Ɔhene Sedekia adedi afe a ɛto so dubaako no mu. 6 Eduu ɔsram a ɛto so anan no da a ɛto so akron no, na ɔkɔm a asi kuroɔn no mu no ano aye den a mu nnipa no nnya aduan nni. 7 Na wɔpae kuroɔn no fasu mu, na asraafo no nyinaa guanee. Wɔfaa ɔhene turo mu fii kuroɔn no mu anadwo, kɔfaa ɔpon a ɛwɔ afasu abien no ntam, de wɔn ani kyeree Araba. 8 Nanso Babilonia asraafo no taa Ɔhene Sedekia kotoo no wɔ Yeriko tataw so. Na n'asraafo no nyinaa afe ne ho abɔ ahwete, 9 na wɔkyeree no. Wɔfaa no dommum de no kɔmaa Babiloniahene wɔ Ribla a ɛwɔ Hamat asase so, na hɔ na obuu no atɛn. 10 Ribla hɔ na Babiloniahene kunkum Sedekia mmabarima wɔ n'anim na okum Yudafo adwumayefo nyinaa nso. 11 Afei otutuu Sedekia ani, de kɔbere mfrafrae mpokyere guu no sɛ ɔde no rekɔ Babilonia, hɔ na ɔde no too afiasɛ kosii ne wuda. 12 Ab ɔsram (bɛyɛ Ɖsannaa) da ɛto so dunan wɔ afe a ɛyɛ Nebukadnessar mfe dunkron adedi mu no, Nebusaradan a ɔyɛ awɛmfo so panyin a ɔyɛ Babiloniahene mpanyimfo no mu baako no kɔɔ Yerusalem. 13 Ɔde ogya too Awurade asɔredan, ahɛmfi ne afe a ɛwɔ Yerusalem nyinaa mu. Ɔhyew ofi biara a edi mu. 14 Awɛmfo so panyin no hwɛ maa Babilonia asraafo no bubuu Yerusalem afasu no. 15 Ɔsahene Nebusaradan a na otua awɛmfo no ano no faa wɔn a wodi hia no mu bi, wɔn a wɔkaa kuroɔn no mu, adwumfo a wɔaka ne wɔn a wɔkɔdom Babiloniahene no kɔɔ nnommmum mu. 16 Nanso Nebusaradan gyaa wɔn a wodi hia wɔ asase no so no nkaɛ sɛ wɔnhwɛ bobe nturo ne mfuw no. 17 Babiloniafo no bubuu kɔbere mfrafrae afadum, nnyinasode a wotumi moma so ne kɔbere mfrafrae Po a na ɛwɔ Awurade asɔredan mu, na wɔde kɔbere mfrafrae no nyinaa kɔɔ Babilonia. 18 Afei wɔfaa nkuku, nsofi, kanea ntamabamma ntwtwaso, ɔpete nkuruwa, nsanka, mprete ne kɔbere mfrafrae nneema a wɔde ye ɔsom adwuma wɔ asɔredan mu no nso kɔɛ. 19 Ɔhene awɛmfo sahene no faa nkankyee, nkankyee ntrantraa, ɔpete nkuruwa, nkuku, kaneannua, nsanka, mprete ne nkuruwa a wɔde di ɔnom afɔrebɔ ho dwuma

no kɔɛ; wɔde sikakokɔ ankasa anaa dwete na ɛyɛ eyinom nyinaa. 20 Kɔbere mfrafrae a wɔde yɛɛ afadum abien no, Po no ne anantwinini dumien a ɛwɔ n'ase ne nnyinaso a wɔmema so, na wontumi nkari saa nneema a Ɔhene Salomo yɛɛ wɔ Awurade asɔredan mu yi mu duru. 21 Na afadum no biara sorokɔ ye anammɔn aduonu ason na ne dantaban mu nso ye anammɔn dunwɔtwe. Emu da tokuru na ne hankare no mu piw ye nsateaa anan. 22 Na kɔbere mfrafrae ntaaso a esi ɔfadum baako so no sorokɔ ye anammɔn ason ne fa a, wɔde kɔbere mfrafrae atoaa ahɛhyɛ ho nyinaa ahyia. Afadum a aka no nso a wɔde kɔbere mfrafrae atoaa ahɛhyɛ ho no te sɛ baako no. 23 Na Kɔbere mfrafrae atoaa aba a esensen ntaaso no ano no ye aduɔkron asia, na nea ɛkata ntaaso no ho ye ɔha. 24 Awɛmfo no sahene no faa ɔsɔfopanyin Seraia, abediakyiri Sefania ne ɔponanoahwɛfo baasa no nnommmum. 25 Ɔfaa ɔpanyin a otua asraafo no ano, ne adehyɛ afotufɔ baason fii nnipa a na wɔda so wɔ kuroɔn no mu no mu. Afei ɔfaa ɔkyerɛwfo a na ɔyɛ adwumayefo panyin ma wɔn a wɔfa nnipa ma wɔkɔyɛ asraafo wɔ asase no so, ne n'adwumayefo no mu aduosia a ohuu wɔn wɔ kuroɔn no mu no. 26 Ɔsahene Nebusaradan de wɔn nyinaa kɔɔ Babiloniahene anim wɔ Ribla. 27 Ɔhene no ma wokunkum wɔn wɔ Ribla a ɛwɔ Hamat. Enti wotwaa Yuda asu fii n'asase so. 28 Nnipa dodow a Nebukadnessar de wɔn kɔɔ nkoasom mu ni: n'ahenni afe a ɛto so ason mu, Yudafo 3,023; 29 Nebukadnessar ahenni afe a ɛto so dunwɔtwe mu, nnipa a wofi Yerusalem, 832; 30 n'ahenni afe a ɛto so aduonu abiɛsa mu, ɔsahene Nebusaradan, a otua ɔhene awɛmfo ano no de Yudafo 745 kɔɔ nnommmum mu. Nnipa no nyinaa dodow ye 4,600. 31 Yudahene Yehoiakyin nnommmumfa afe a ɛto so aduasa ason mu a Ewil-Merodak bɛyɛ Babiloniahene no, oyii Yudahene Yehoiakyin fii afiasɛ wɔ ɔsram a ɛto so dumien no da a ɛto so aduonu anum. 32 Ɔkaa abodwosɛm kyeree no, na ɔmaa no dibea a ɛwɔ anuonyam sen ahɛmfo a wɔne no wɔ Babilonia no de. 33 Enti Yehoiakin yii n'afiasɛ ntade guu nkyɛn, na efi saa da no odidii wɔ ɔhene didipon so bere biara, kosii ne wuda. 34 Na Babiloniahene no san maa Yehoiakin sika bere ano bere ano, ma ɔde tuatua ne ho aka, kosii ne wuda.

Kwadwom

1 Senea kuropon no adan amamfo ni, kuropon a anka nnipa ahye no ma! Aden nti na waye okunafobe a kan no na anka oye okese wo amanaman no mu? Nea na oye ohemmea wo amantam no mu no abeye afenaa nne. **2** Osu yayaayaw anadwo, nusu sensan n'afono so. N'adfo nyinaa mu no, obiara nni ho a okyekye ne were. Ne nnamfonom nyinaa ayi no ama Woye n'atamfo. **3** Amanehunu ne adwumaden akyi no, Yuda ko nnommum mu. Ote amanaman no mu na onni ahomegyebea. Won a wotaa no nyinaa ato no wo n'ahokyere mu. **4** Akwan a eko Sion no resu, efise obiara nko n'afahye ase. N'apon nyinaa adeda mpan, na n'asofo si apini, ne mmabaa di yaw, na owo yawdi a mu ye den mu. **5** N'atamfo abeye ne wuranom; won a wone no aye adom ho adwo won. Awurade ama awerhow aba ne so n'amumoye bebrebe nti. Ne mma ko nnommum mu. Woye nneduafu ama otamfo. **6** Anuonyam nyinaa atu afo Obabea Sion so ko. Ne mmappomma aye se aforote a wonnya adidibea; na wode mmerewye aguan wo won atafo anim. **7** N'amanehunu ne akyinkyinakyinkyin nna mu no, Yerusalem kae ademude nyinaa a na ewo no wo nna a atwa mu no mu. Ne nkurofo kotoo otamfo no nsa mu no, na obiara nni ho a obeboa no. N'atamfo de won ani hwee no na woserew ne see. **8** Yerusalem aye bone kese enti ne ho agu fi. Won a wodi no ni no sopa no, efise wahu n'adagyaw; ono ankasa gu ahome na dan n'ani. **9** N'afideye atu aka ne ntade mu; wannwene ne daakye ho. N'asehwe ye nwonwa; obiara ankyekye ne were. "Awurade, hwe m'amanehunu, efise otamfo adi nkonim." **10** Otamfo no de ne nsa too n'ademude nyinaa so; ohuu se amanaman rehyen ne kronkronbea ho, nnipa a woabra se wonnhyen w'asafo mu no. **11** Ne nkurofo nyinaa si apini bere a wrehwehwe aduan; wode won ademude sesa aduan de nya ahooden. "Awurade, hwe na dwene me ho, efise wobu me animtiaa." **12** "Emfa mo ho ana, mo a mutwa mu wo ho nyinaa? Monhwe na munhu. Oyaw bi wo ho a ete se me de a woma ebaa me so yi, nea Awurade de baa me so wo n'abufuwhyew da no ana? **13** "Osomaa ogya fii osoro, ma ebaa me nnompe mu. Osum afiri maa m'anan na osan me koo m'akyi. Oye me pasaa, metoo beraw da mu nyinaa. **14** "Woakyekyere me bone ahye konnua mu; ode ne nsa nwen boo mu. Wode asen me kon mu na Awurade atwe m'ahooden.

Ode me ahye won a merentumi nnyina won anim no nsa. **15** "Awurade apo akofo a wowo me nta nyinaa; wafre asraafo atia me se wommedwerew me mmerante. Awurade atiatia Obabea Babun Yuda so wo ne nsakiyamoa mu. **16** "Eyinom nti na misu na nusu aguare me. Obiara mmen a obekyekye me were, nea obehye me honhom den nni ho. Me mma agyigya efise otamfo no adi nkonim." **17** Sion trew ne nsa mu nanso obiara nni ho a obekyekye ne were. Awurade ahye ama Yakob se ne mfebo beye n'atamfo; Yerusalem abeye afide wo won mu. **18** "Awurade ye otreneeni, nanso manni n'ahyede so. Muntie, mo amanaman nyinaa monhwe me yaw. Me mmerante ne mmabaa ko nnommum mu. **19** "Mefree m'adfo nanso woyii me mae. M'asofo ne me mpanyimfo ase toree wo kuropon no mu, bere a wrehwehwe aduan adi na wwanwuwu. **20** "Awurade, hwe me mmobo! Meredi yaw wo me mu, na me koma mu nso minni ahoto, efise maye otuatewfo kese. Afoa hye me awerhow wo abonten so; ofie nso ye owu nko ara. **21** "Nnipa ate m'apinisi, nanso obiara nni ho a obekyekye me were. M'atamfo nyinaa ate m'amanehunu won ani gye nea woye no ho. Ma nna a woahye no mmra senea wobeye se me. **22** "Fa won atirimodensem nyinaa si w'anim; na wo ne won nni senea wo ne me adi; esiane m'amumoye no nti. M'apinisi dooso na me koma abotow."

2 Senea Awurade de n'abufuwhyew mununkum akata Obabea Sion so ni? Watow Israel anuonyam afo osoro abehwe fam; wankae ne nan ntiaso wo n'abufuw da no. **2** Awurade annya ahummobo na wamene Yakob atenae nyinaa; n'abufuwhyew mu, wadwiriw Yuda Babea abandennen no agu fam. Wagu n'ahenni ne ne mmappomma ho fi. **3** Ode abufuwhyew atwitwa Israel mmen nyinaa. Wayi ne bammoo wo bere a atamfo no reba. Wasoo wo Yakob mu se ogyatannaa a ehew biribiara a atwa ho ahyia. **4** Wapema ne bemma se otamfo; ne nsa nifa aye krado. Te se otamfo no, wakunkum won a woye fe wo ani so nyinaa; wahwie n'abufuwhyew se ogya agu Obabea Sion ntamadan so. **5** Awurade aye se otamfo; wamene Israel. Wamene n'ahemfi nyinaa asse n'abandennen. Wama awerhowdi ne agyaadwotwa adooos ama Yuda Babea. **6** Wama n'atenae ada mpan se turo; wasse n'aguabobe. Awurade ama Sion were afo n'afahye ne homenna; n'abufuwhyew mu no wabu ohene ne osofo animtiaa. **7** Awurade apo n'aforemuka na wagyaa ne kronkronbea mu. Ode n'ahemfi afasu ahye n'atamfo

nsa. Wotee mu wo Awurade fi te se afahye da. 8 Awurade sii n'adwene pi se obese Obabea Sion fasu a atwa ne ho ahyia no. Ode susuhamma too ho na wannyaee osee no. Omaa pie ne afasu dii abooboo; won nyinaa seee. 9 N'apon amem fam; won adaban nso, wabubu mu asee no. Ne hene ne ne mmapomma, watwa won asu ko amanaman no mu, mmara nni ho bio, na n'adiyifo nnya anisoadehu a efi Awurade ho bio. 10 Obabea Sion mpanyimfo tete fam aye komm; wode mfutuma agu won tirim afurafura atweaatam. Yerusalem mmabaa asisi won ti ase. 11 M'ani rentumi nnyae nisutew, me yafunu mu retwa me, me koma retew ato fam, efise wasee me nkurofo, efise mmofra ne mmotafowa toto piti wo kuropon no mmonten so. 12 Wobisa won nanom se, "Ehe na brodo ne nsa wo?" Bere a wototo beraw se apirafo wo kuropon no mmonten so, bere a won nkwa resa wo won nanom abasa so. 13 Asem ben na metumi aka ama wo? Den ho na metumi de wo atoto, Obabea Yerusalem? Den na metumi de asusuw wo, de akyekye wo were, Sion Babea Obabun? W'apirakuru so se po. Hena na obetumi asa wo yare? 14 W'adiyifo anisoadehu ye atoro a so nni mfaso; wonna mo amumoye adi ansiw mo nnommumfa ano. Nkomhye a wode maa mo no ye atoro ne nnaadaa. 15 Won a wotwa mu wo kwan so nyinaa bobo won nsam gu wo so; wodi wo ho few na wowsow won ti gu Yerusalem Babea so ka se, "Eyi ne kuropon a na wofre no ahoofe a edi mu no? Asase nyinaa anigyede no ni?" 16 W'atamfo nyinaa baa won anom tetree tia wo; woserew na wotwere won se na woka se, "Yeamene no. Da a na yeretwen no ni; Yeatena ase ahu." 17 Awurade aye nea ohyehye; wama n'asem a ohyee dedaada no aba mu. Watu wo agu a wanhu wo mmobo, wama otamfo no ani agye wama w'atamfo no mmen so. 18 Nnipa no koma su fre Awurade. Obabea Sion afasu, momma mo nusu nsen se asubonten awia ne anadwo; munnye mo ahome momma mo ani nso nnya ohome. 19 Sore, su dennen anadwo, odasu mu mfiase; hwie wo koma mu nsem se nsu gu Awurade anim. Ma wo nsa so kyere no wo mma nkwa nti, won a okom ama wototo beraw wo mmonten so. 20 "Hwe na dwene ho, Awurade: Hena na wode no afa saa okwan yi so pen? Ese se mmea we won yafunumma nam ana, mma a wواهwe won? Ese se wokunkum osfo ne odiyifo wo Awurade kronkronbea ana? 21 "Mmofra ne mpanyin da adabum wo mmonten so mfutuma mu so, me mmerante ne mmabaa atoto

wo afoa ano. Woakum won wo w'abufuwda; woayam won na woannya ahummobo. 22 "Senea wotoo wo nsa fre wo aponto da no, saa ara na wofrefree amanehunu fii afanan nyinaa tiaa me. Awurade abufuw da no, obiara anguan na anka obiara: won a mehwee won na metetew won no, me tamfo adwerew won."

3 Mene obarima a mahu amane wo n'abufuw abaa ano. 2 Wapam me afi ne ho ama manantew sum mu na enye hann mu; 3 Ampa ara wama nsa so atia me mpen bebre, da mu nyinaa. 4 Wama me were ne me nam anyin Na wabubu me nnompe. 5 Waka me ahye mu, na watua me ano ode nweenwen ne ahokyerere atwa me ho ahyia. 6 Wama matena sum mu se won a wawuwu dedaw no. 7 Wato ofasu atwa me ho ahyia enti mintumi nguan; wagu me nkonsankonsan ama mato beraw. 8 Mpo se mefre anaase mebo mpaee sre mmoa a osiw me mpaeebo ano. 9 Ode abotan asiw me kwan; wama m'akwan aye kontonkye. 10 Te se sisi a oda ho retwen, te se gyata a watew, 11 otwee me fii okwan no mu bebaree me na ogyaw me a minni mmoa biara. 12 Okuntun ne ta mu na ode ne bemma kyeree me so. 13 Ode bemma a efi ne kotoku mu hwirew me koma mu. 14 Meyee akiywade maa me nkurofo nyinaa; woto akutia nnwom de di me ho few da mu nyinaa. 15 Ode nhaban nweenwen ahye me ma. Wama me bonwoma anom. 16 Ode mmosea abubu me se; na watiatia me so wo mfutuma mu. 17 Wama asomdwoe abo me; na me were afi yiyedi. 18 Enti mise, "M'anuonyam asa, nea mede m'ani too so Awurade mu no nyinaa." 19 Mekae m'amanehunu wo m'akyinkyinakyinkyin mu, nweenwen ne bonwoma mu. 20 Mekae yiye, na me kra abotow wo me mu. 21 Nanso midwen eyi ho; saa nti mewo anidaso. 22 Awurade do kese nti yenssee e. N'ayamhyehye nni huammoo. 23 Eye foforo anopa biara; wo nokwaredi ye kese. 24 Meka kyere me ho se, "Awurade ye me kyefa, enti metwen no." 25 Awurade ye ma won a won anidaso wo ne mu, onipa a ohwehwe no no; 26 Eye se woye komm de twen Awurade nkwaye. 27 Eye ma obarima se osoa konnua no wo ne mmerantebere mu. 28 Ma ontena ase komm, efise Awurade de ato ne so. 29 Ma omfa n'anim nsie wo mfutuma mu, ebia anidaso wo ho. 30 Ma omfa n'afono mma nea opee se obo no no na onhye no aniwu. 31 Na Awurade ntow onipa biara nkyene koraa. 32 Ewo mu, ode awerehow ba de, nanso obenya ayamhyehye. Ne do kese no to rentwa da. 33 Ofi amemenemfe mu de amanehunu

anaa awerehow bre nnipa mma. **34** Se wode won nan dwerew nneдуаfo a wowa asase no so a, **35** se wotiatiаobi ahofadi so wo Osorosoroni no anim a, **36** anaa se wobu obi ntenkyew a, Awurade renhu saa nneema yi ana? **37** Hena na obetumi aka na wama aba mu wo bere a enye Awurade na ahyee? **38** Enye Osorosoroni no anom na mmusu ne nnepa fi ana? **39** Aden nti na ese se oteasefo nwiinwii bere a woatwe n'aso wo ne bone ho? **40** Momma yenhwehwe yen akwan mu na yenso nhwe, na yensan nko Awurade nkyen. **41** Momma yemma yen koma ne yen nsa so, nkyere Onyankopon wo osoro, na yenka se: **42** "Yeaye bone, na yeatew atua na wamfa ankye. **43** "Wode abufuw akata wo ho ataa yen; na woakunkum a woannya ahummobo. **44** Wode wo ho asie omununkum mu nti mpaebo biara nnu wo nkyen. **45** Woaye yen atantanne ne nwura wo amanaman no mu. **46** "Yen atamfo nyinaa abaa won anom tetee de tia yen. **47** Yeabre ne ahunahuna ne akukuruhwease, mmubui ne osae." **48** Me nusu sen se asuten efise wasee me nkurofo. **49** Me nusu besen ara, na erennyaе, **50** kosi se Awurade behwe afi osoro, na wahu. **51** Nea mihi no ma me kra were how, me kuropon no mu mmea nyinaa nti. **52** M'atamfo a menyee won hwee pampam me se anomaa. **53** Wopee se wotwa me nkwa so na wosiw me abo wo amoa mu; **54** nsu bu faa me ti so, na eyee me senea worewie me. **55** Mebo wo din, Awurade fii amoa no ase tann. **56** Wotee me sufре: "Nsiw w'aso wo me gye sufре ho." **57** Wutwiw ben me bere a mefree wo no, na wokae se, "Nsuro." **58** Wo Awurade, wudii m'asem maa me; na wugyee me nkwa. **59** Woahu bone a woaye me, Awurade. Di m'asem ma me! **60** Woahu won aweretso no mu den, won pow a wobo tia me no nyinaa. **61** Awurade, woate won ntwirii, won pow a wobo tia me no nyinaa, **62** nea m'atamfo ka no asomsem na woka no breoo de tia me da mu nyinaa. **63** Hwe won! Se wogyinagyina ho anaase wotete ho, woto akutia nnwom de di me ho few. **64** Fa nea efata tua won so ka, Awurade, nea won nsa aye nti. **65** Pirim won koma, na ma wo nnome mmra won so. **66** Fa abufuw taa won, na see won fi Awurade osorosoro ase.

4 Hwe senea sikakoko ayera ne hyeren no ni Sikakoko ankasa na ho abiri saa! Wotato aboodemmo kronkron apete wo abonten biara so. **2** Hwe senea Sion mmabarima a wodi mu na anka wosom bo se sikakoko no aye, mprenpren wofa won se dote nkuku, onwemfo nsa ano adwuma! **3** Mpo

adompo yi won nufu ma won mma num, nanso me nkurofo aye atirimodenfo se sohori a owo sare so. **4** Osukom nti, akokoaa tekrema fam ne dodo mu; mmofra no sre aduan, nanso obiara mfa mma won. **5** Won a na anka wodi nnuan pa no ohia buruburoo aka won wo mmonten so. Won a wode sirikyи tetew won no mprenpren wodeda nso a woaboa ano so. **6** Me nkurofo asotwe so sen Sodom a wotuu won mpofirim no, a woannya obofo biara de. **7** Na won ahenemma ho twa sen sukyeremma, na wonan sen nufusu, na won nipadua no bere, na ewo ahoođen te se abohemaa, na wote se hoabo. **8** Nanso mprenpren de, wobiri sen wusiw boto; na wonhu won yiye wo mmonten so. Won were atwintwam wo won nnompe so; ho awo wosee se abaa. **9** Won a wototo wo afoa ano no ye koraa sen won a okom kunkum won; okom tware won ma wowuwu, esiane aduan a enni mfuw so nti. **10** Mmea a wowa ayamhyehye de won nsa anoa won ankasa mma, aye won aduan, bere a wosee me nkurofo no. **11** Awurade ada n'abufuwhyew nyinaa adi; wahwie n'abufuw a ano ye den no. Osoo ogya ano wo Sion ma ehyew ne fapem. **12** Asase so ahemfo annye anni, wiasе mu nnipa nso annye anni se atamfo betumi ahyen Yerusalem apon mu. **13** Nanso esii, n'adiyifo no bone ne n'asofo amumoye nti, won na wohwiee atreneefo mogya guu wo kuropon no mu. **14** Afei wakeka wo mmonten so te se nnipa a won ani afura. Mogya a ama won ho agu fi no nti obiara suro se ode ne ho beka won ntade. **15** Nnipa teetee mu gu won so se, "Mumfi ha nko! Mo ho ntew!" "Monko, monko! Mommfa mo ho nka yen." Se woguan konenam a amanaman no mu nnipa ka se, "Worentumi ntena ha bio." **16** Awurade ankasa abo won ahwete; n'ani nni won so bio. Wommfa nidi mma asofo, na won ani nso mpanyimfo. **17** Nea eka ho bio, yen ani anni ammoa yen, yepee se yeбenya mmoa, nanso eyee okwa; yefi yen abantenten so de yen ani too oman a worentumi nnye yen so. **18** Nnipa dii yen ntentenso wo yen anammontu mu, enti yeantumi annantew yen mmonten so. Yen awiei benee, na wokan yen nna, efise na yen awiei adu so. **19** Yen ataаfo ho ye hare sen akore a wowa wim; wotaa yen faa mmepow so na wotew yen wo sare so. **20** Nea Awurade asra no ngo, yen nkwa home ankasa no, kotoo won mfi mu. Yegye dii se ne nwini ase, yeбenya nkwa wo amanaman no mu. **21** Di ahurusi na ma w'ani nnye, Edom Babea, wo a wote Us asase so. Wode kuruwa no bema wo

nso bi; wobebow na wɔabɔ wo adagyaw. **22** Ɖababea Sion, w'asotwe beba awiei; ɔremma wo nko so ntena nnommum mu. Nanso Ɖababea Edom, obetua wo bɔne so ka na wada w'amumɔye adi.

5 Awurade, kae nea aba yen so; hwe, na hu yen animguase. **2** Wɔadan yen agyapade ama ahɔho, wɔde yen afi ama ananafo. **3** Yeaye nyisaa na yenni agyanom, yen nanom ye akunafo. **4** Eɛe se yetɔ nsu a yenom; yebenya nnyina a, gye se yetɔ. **5** Wɔn a wɔtaa yen no aben yen pɛɛ; Yeabre na yennya ahomegye. **6** Yede yen ho maa Misraim ne Asiria senea yebenya aduan a ebese yen. **7** Yen agyanom yee bɔne, na wonni hɔ bio, na yen na wɔn asotwe abeda yen so. **8** Nkoa di yen so, na obiara nni hɔ a obegye yen afi wɔn nsam. **9** Yede yen nkwa bɔ afoɔ de pɛ yen anoduan, afoa a ewɔ sare so no nti. **10** Yen honam adɔ se fononoo. Ɔkɔm ama atiridii abɔ yen. **11** Wɔato mmea mmonnaa wɔ Sion, ne mmabun a wɔwɔ Yuda nkurow so. **12** Wɔkyekyere mmapoɔmma nsa na wɔasen wɔn; wɔmmfa nidi mma mpanyimfo. **13** Mmerante ye adwumaden wɔ awiyammo so; na mmerantewa nan toto wɔ nnyina duruduru ase. **14** Mpanyimfo ntena kuropɔn apon ano bio; mmerante agyae wɔn nnwonto. **15** Ahosepew afi yen koma mu; yen asaw adan agyaadwotwa. **16** Ahenkyew afi yen ti so. Yen ara, yennue se yeaye bɔne! **17** Eyi nti yen koma ato beraw, eyinom nti yen ani so aye kusuu. **18** Wɔ Sion bepɔw a ada mpan na sakraman nenam so no nti. **19** Wo, Awurade, di hene afeboɔ; w'ahengua fi awo ntoatoaso kosi awo ntoatoaso. **20** Aden nti na wo were fi yen daa yi? Aden nti na wagyaw yen, mmere tenten mu yi? **21** Ka yen bata wo ho bio, Awurade, na yeatumi asan aba wo nkyen; ye yen nna foforo se tete no. **22** Gye se woapo yen koraa anaase wo bo afuw yen mmoroso.

Hesekiel

1 Afe a eto so aduasa no, asram a eto so anan no da a eto so anum no, na meka won a watwa won asu ako amannone no ho. Mewo Asubonten Kebar ho no, asoro buei, na mihuu Onyankopon wo anisoadehu mu. **2** Asram no da a eto so anum no na ohene Yehoiakin adi mfe anum wo asutwa mu. **3** Awurade asem baa Busi babarima Hesekiel a oye asofo no nkyen wo Asubonten Kebar ho wo Babilonia asase so. Eho na Onyankopon nsa baa ne so. **4** Mehwee, na mihuu se ahum kese bi fi atifi fam reba, omununkum kese bi a eretwa anyinam na hann bi a ano ye den atwa ho ahyia. Ogya no mfimfini te se dade a aso koo. **5** Na ogya no mu na na wohu biribi te se ateasefo baanan. Na won su te se onipa, **6** won mu biara anim ye anan na wowowo ntaban anan. **7** Won anan ye kirebenn, won anammwon te se nantwi ba de na ehylene te se kobere mfrafrae a waohoa ho. **8** Wowowo nnipa nsa wo ntaban a ewowo afaafa anan no ase. Won mu biara wo nnipa nsa anan a baako wo ntaban biara ase, **9** na won ntaban keka sisi anim. Won nyinaa ko won anim tee a wonnan won ho. **10** Na see na won anim tete; Won mu biara wo onipa anim, wowo gyata anim wo nifa so, wowo nantwi anim wo benkum so; na won mu biara nso wo okore anim. **11** Saa na na won anim tete. Watretrew won ntaban mu ko soro; na won mu biara wo ntaban abien abien, a mu biara si ofoforo de anim wo benkum ne nifa, na ntaban abien nso katakata won ho. **12** Obiara ko n'anim tee. Baabiara a honhom no beko no, ho na wobeko a wonnan won ho. **13** Ateasefo no suban te se nnyansramma a eredew anaa ogyaten. Ogya di akoneaba wo ateasefo no mu; ehylene na mu na anyinam fi twitwa. **14** Na ateasefo no de mmirika di akoneaba te se anyinam a eretwitwa. **15** Bere a merehwe ateasefo no, mihuu se nkyimii si fam wo ateasefo a won mu biara anim ye anan no nkyen mu. **16** See na na nkyimii no bobe a te: Etw a yerew yerew te se sikaberecho, na anan no nyinaa sese. Woye mu biara te se nkyimii a etoa nkyimii foforo mu. **17** Se nkyimii no nam a woko faako a ateasefo no ani kyere; nkyimii no nnan won ho bere a ateasefo no nam no. **18** Won hankare no koron, na eye hu, na aniwa tuatua hankare anan no nyinaa ho. **19** Se ateasefo no nantew a nkyimii a ebatabata won ho no nso ko saa ara; se ateasefo no ma won ho so fi fam a nkyimii no nso ma won ho so. **20** Baabiara a honhom no beko no, ateasefo

no nso beko, na nkyimii no beka won ho ama won ho so, efise ateasefo no honhom wo nkyimii no mu. **21** Se ateasefo no tu tee a nkyimii no nso ko saa ara; se ateasefo no gyina a, won nso gyina; se ateasefo no pagyaw won ho a nkyimii no ne won pagyaw won ho, efise ateasefo no honhom wo nkyimii no mu. **22** Na ntrewmu bi wo ateasefo no atifi a etwa yerew yerew te se sukyeremma, na eye hu. **23** Na watretrew won ntaban no mu asisi anim wo ntrewmu no ase, na ateasefo no mu biara wo ntaban abien a ekata ne ho. **24** Ateasefo no tu teee no, metee won ntaban no nnyigyei a ete se asu a eworo, te se Otumfo no nne, anaa asraafo huuye. Se wogyina a watretrew won ntaban mu. **25** Na nne bi fi ntrewmu a ekata won so no atifi bae, bere a watretrew won ntaban mu na wogynagyna ho no. **26** Na biribi a ete se aboodemmo ahengua wo ntrewmu a ekata ateasefo no atifi no so, na biribi a ete se onipa te ahengua so wo asoro ho. **27** Mihuu se efi nea aye se n'asen mu reko ne soro no na ote se dade a ado koo se ogya a ano aso, na efi ho reba ne fam no na ote se ogyaframa; na hann a ehylene atwa ne ho ahyia. **28** Senea nyankonton to wo omununkum mu osuto da no, saa ara na hann a atwa ne ho ahyia no te. Eyi ye Awurade anuonyam ahoyi no seso. Na mihui no, mede m'anim butuw fam, na metee obi a okasa nne.

2 Oka kyeree me se, "Onipa ba, sore gyina ho na me ne wo nkasa." **2** Okasa no, Honhom no behyee me mu maa me so gyinaa ho, na metee se okasa kyere me. **3** Okae se, "Onipa ba, meresoma wo ako Israelfo mu, atuategu man a waye dom atia me; wone won agyanom aye dom atia me abesi nne. **4** Nnipa a meresoma wo won nkyen no ye nnipa a wasen won kon na won aso awu. Ka kyere won se, 'See na Otumfo Awurade se.' **5** Na se wotie anaa wantie a, esiane se woye atuategu nti, wobehu ampa ara se odiyifo bi aba won mu. **6** Na wo, onipa ba, nsuro won anaase won nsem. Nsuro, ewo mu se nsasono ne nsae atwa wo ho ahyia na wote nkekantwere mu de, nanso nsuro nea woka, na mma wommo wo hu, ewo mu se woye atuategu. **7** Woye atuategu ankasa nanso se wobetie oo, se worentie oo, ese se woka me nsem kyere won. **8** Nanso wo onipa ba, tie asem a meka kyere wo no. Ntew atua te se saa atuategu no; bu e w'anom na di nea mede ma wo no." **9** Afei mehwee, na mihuu nsa bi a atee wo me so, na mu na nhoma mmobowee

bi wɔ. 10 Ɔtrɛw mu wɔ m'anɪm. N'afanu no mu, na wɔakyerɛw kwadwom, awerehowdi ne nnome nsem.

3 Awurade ka kyereɛ me se, "Onipa ba, di nea wuhu wɔ w'anɪm no, di saa nhoma mmobɔwee yi, na afei kɔ na kɔkasa kyere Israelfo." 2 Enti mibuee m'anom na ɔde nhoma mmobɔwee no maa me dii. 3 Afei ɔka kyereɛ me se, "Onipa ba, di saa nhoma mmobɔwee a mede rema wo yi fa hye wo yafunu ma." Enti midii na na eye de te se ewo wɔ m'anom. 4 Na ɔka kyereɛ me se, "Onipa ba, afei kɔ Israelfo nkyen na kɔka me nsem kyere wɔn. 5 Enye nnipa bi a wɔn kasa mu nna hɔ anaa ntease nni mu nkyen na meresoma wo, mmom meresoma wo Israelfo hɔ. 6 Enye nnipa bebreɛ a wɔn kasa mu nna hɔ na eye den, wɔn a wonte wɔn kasa ase nkyen. Ampa, se mesomaa wo wɔ saa nnipa yi nkyen a, anka wotieɛ wo. 7 Nanso Israelfo mpe se wotie wo, efise wɔmpɛ se wotie me. Israel nyinaa aye komapirim ne asoɔden. 8 Ɛno nti mema woaye asoɔden ne komapirim te se wɔn. 9 Meye wo moma dennen se apemmo, nea eye den sen ɔtwerebo. Nsuro wɔn na mma wɔmmɔ wo hu, ewɔ mu se wɔye atuawefo de." 10 Na ɔka kyereɛ me se, "Onipa ba, tie me nsem a meka kyere wo no yiye na dwene ho wɔ wo koma mu. 11 Afei kɔ wo nkurofo a wɔwɔ nnommum mu na kasa kyere wɔn. Se wɔn se, 'Sɛɛ na Otumfo Awurade se,' se wobetie oo, se wɔrentie oo." 12 Na Honhom no maa me so kɔw soro na metee se nnyigyɛi dennen bi reworo so wɔ m'akyi bere a na Awurade anuonyam rema ne ho so wɔ ne gyinabea hɔ no. 13 Na eye nnyigyɛi a efi atasefo no ntaban a ekeka twiɛ ho ne nkyimii a ewowɔ wɔn ho no. Nnyigyɛi dennen a eworo so. 14 Honhom no maa me so kɔw soro de me kɔw baabi, mekɔw no nweenwen ne honhom mu abufuw so, a na Awurade tumi ye kese wɔ me so. 15 Mebaa nnommum a wɔtete Tel Abib a ɛben Asubɔnten Kebar no nkyen. Na hɔ na me ne wɔn tenaa nnanson, na me ho dwiriw me. 16 Nnanson akyi no, Awurade asem baa me nkyen se, 17 "Onipa ba, maye wo ɔwɛmfo ama Israel; ɛno nti tie asem a meka no, na bɔ wɔn kɔkɔ a efi me. 18 Se meka kyere omumɔyefo se, 'Ampa ara wubewu' na se woammɔ no kɔkɔ anaase woankasa ankyere no amma wantwe ne ho amfi n'akwammɔne ho annya nkwa a, saa omumɔyefo no bewu wɔ ne bɔne mu, na mema woabu ne mogya ho akontaa. 19 Nanso se wobɔ omumɔyefo no kɔkɔ na se wansakra amfi n'amumɔye anaa n'akwammɔne ho a, obewu wɔ ne bɔne mu, nanso na woagyɛ wo ho nkwa. 20 "Bio, se

ɔtreneeni dan fi trenɛɛ ho kɔye bɔne a, mede hintidua bɛto n'anɪm ama no ahwe ase, na wawu. Se woammɔ no kɔkɔ nti, obewu wɔ ne bɔne mu. Adetrenɛɛ ahorow a ɔyɛɛ no, wɔrenkae na mema woabu ne mogya ho akontaa. 21 Nanso se wobɔ ɔtreneeni no kɔkɔ se onnyaɛ bɔneyɛ na ogyae a, obenya nkwa efise otiee kɔkɔbɔ, na wo nso wubegye wo ho nkwa." 22 Na Awurade tumi baa me so wɔ hɔ, na ɔka kyereɛ me se, "Sɔre na kɔ tataw no so, na hɔ na mekasa akyere wo." 23 Enti mesɔre kɔw tataw no so. Na Awurade anuonyam te se nea mihuu wɔ Asubɔnten Kebar ho no gyina hɔ, na mede m'anɪm butuw fam. 24 Afei Honhom no behyɛɛ me mu na ɔmaa me so gyinaa hɔ. Ɔka kyereɛ me se, "Kɔ na kɔto wo ho pon mu wɔ wo fi. 25 Na wo, onipa ba, wɔde ntampehama bekyekyere wo senea wɔrentumi mpue nkɔ nnipa no mu. 26 Na mema wo tekrema atare w'anom senea wobeyɛ komm a wɔrentumi nka wɔn anim, efise wɔye atuawefo. 27 Nanso se mekasa kyere wo a, mebye w'ano ama woaka akyere wɔn se, 'Senea Otumfo Awurade se ni!' Nea obetie no ma no ntie, na nea ɔmpɛ se otie no mma no ntie; na wɔye atuawefo.

4 "Na afei, onipa ba, fa ntayaa bi to w'anɪm na kurukyerɛw Yerusalem kuropɔn mfonɪ wɔ so. 2 Afei tua n'ano: Di ntuanɔ dwuma ahorow tia no, ye pie tia no, ye mpampim ne nsraban wɔ ho, na sisi mpuran twa ne ho dantaban. 3 Afei, fa dade kyɛmfɛre to ɔfasu wɔ wo ne kuropɔn no ntam na dan w'ani kyere no. Wobetua kuropɔn no ano na wo na wubetua n'ano. Eyi beyɛ nsɛnkyerenne ama Israelfi. 4 "Afei da wo benkum so na fa Israel bɔne to wo ho so. Wobɛsoa wɔn bɔne nna dodow a wode da wo fa so no. 5 Mede wɔn bɔne mfe no aye nna dodow ama wo. Enti nnafua ahaasa ne aduakron na wode bɛsoa Israelfi bɔne. 6 "Ɛno akyi no, da bio wɔ wo nifa so na soa Yudafo bɔne adaduanan a da koro biara beyɛ afe baako. 7 Dan w'ani kyere Yerusalem ntuanɔ no na fa nsa pan hyɛ nkɔm tia no. 8 Mede ntampehama bekyekyere wo senea wɔrentumi nnan wo ho kɔsi se nna a wode tua mo ano no beba n'awie. 9 "Fa atoko ne awi, ase ne asɛdua, kɔkɔte ne abuwɔ; fa ne nyinaa gu adekora kuruwa mu na fa to brodo a wubedi. Eyi na wubedi wɔ nnafua ahaasa ne aduakron a woda wo fa so no. 10 Kari aduan gram ahannu ne aduasa aduonu a wubedi no da koro biara wɔ bere ano, bere ano. 11 Afei susuw nsu sukuɔwa baako na nom no bere ano bere ano. 12 Di aduan no senea anka wubedi atoko ɔfam; to ma

nnipa nhu na fa onipa agyanan ye ogya.” **13** Awurade kae se: “Saa ara na Israelfo bedi aduan a wɔagu ho fi wɔ amanaman a mɛpam wɔn akɔ so no.” **14** Na mekae se, “Ente saa, Otumfo Awurade! Minguu me ho fi da. Efi me mmofraase besi saa bere yi, minnii aboa funu anaa nea nkekaboa bi akum no atetew ne mu da. Nam a ɛho agu fi nkaa m’ano da.” **15** Awurade kae se, “eye, mɛma wode nantwi agyanan asi onipa de anan mu, na woato wo brodo wɔ so.” **16** Afei ɔka kyereɛ me se, “Onipa ba, metwa aduan a wode ba Yerusalem so. Nnipa no de ahoyeraw bedi aduan a wɔkyekye mu na wode abasamtu anom nsu a wɔkyekye, **17** efise aduan ne nsu ho beye na. Wɔn ho bedwiriw wɔn se wohu wɔn ho wɔn ho, na wɔn bɔne nti wɔbefonfɔn.”

5 “Afei onipa ba, fa afoa nnamnam yi ye se obi a oyi ti oyiwan na fa yi wo tinwi ne w’abogyese. Fa nsania na kyekye nwi no mu. **2** Se wo bere a wɔatua mo ano nna no ba awiei a, fa ogya hyew nwi no nkyemu abiesa mu baako wɔ kuropon no mu. Fa afoa twitwa nkyemu abiesa no mu baako wɔ kuropon no afanan nyinaa. Na hwete nkyemu abiesa mu baako wɔ mframa mu, efise metwe afoa ataa wɔn. **3** Nanso fa nwi no kakra bi kyekyere w’atade ano. **4** Afei nso, fa saa nwi no kakra bi na tow gu ogya mu na hyew. Ogya no betere w’afi ho akɔ Israelfi nyinaa. **5** “Sɛe na Otumfo Awurade se: Eyi ne Yerusalem a mede asi amanaman no ntam na nsase atwa ho ahyia. **6** Nanso n’amumɔye mu, waye dom atia me mmara ne me nhyehyee asen aman ne nsase a atwa ne ho ahyia no. Wapo me mmara na wanni m’ahyede so. **7** “Enti sɛe na Otumfo Awurade se: Woaye asɔden asen amanaman a wɔatwa wo ho ahyia na woanni m’ahyede anaa me mmara so no. Woanye senea aman a atwa wo ho ahyia no ye mpo. **8** “Enti sɛe na Otumfo Awurade se: Me ne woanya, Yerusalem, na mede asotwe beba wo so wo amanaman no anim. **9** Esiane w’ahoni nyinaa a eye akyiwade no nti, mɛye wo nea menyee bi da na merenye bi bio nso da. **10** Enti mo mu no, agyanom bedi wɔn mma nam na mma adi wɔn agyanom nam. Metwe w’aso na mahwete wo nkae akɔ mmaa nyinaa. **11** Enti se mete ase yi, Otumfo Awurade na ose, esiane se wode nsɛsode tantan ne akyiwade nneyee agu me kronkronbea ho fi nti, m’ankasa meyi m’adom afoa wɔ so; merenhu wo mmɔbɔ na meremfa wo ho nkye wo. **12** Wo nkurofo no mu nkyemu abiesa mu baako bewuwu wɔ ɔyaredom no mu, anaase ɔkom bekunkum wɔn; nkyemu abiesa mu baako betoto wɔ

afoa ano wɔ w’afasu akyi na mabɔ nkyemu abiesa mu baako nso ahwete mmaa nyinaa na matwe afoa ataa wɔn. **13** “Afei me bo bedwo na m’abufuwhyew a etia wɔn no nso ano bebre ase na matɔ were. Na se meda m’abufuwhyew adi kyere wɔn a, wobehu se eye me Awurade na makasa wɔ me tumi mu. **14** “Mɛye wo nnwiriwii ne ahohora wɔ amanaman a atwa wo ho ahyia no mu, ne wɔn a wotwa mu wɔ ho no ani so. **15** Wobeye ahohora ne fewdi, kɔkɔbɔ ne aninyanne ama amanaman a wɔatwa wo ho ahyia no, bere a mede abufuw ne abufuwhyew ne animka a ano ye den retwe w’aso. Me Awurade na maka. **16** Se metow me kom agyan a bɔre wɔ ano na esee ade wɔ wo a, ebesee wo. Mede ɔkom a emu ye den beba wo so na masiw w’aduan a wunya no ho kwan. **17** Mede ɔkom ne nkekaboa beba wo mu, na wo mma besa ama woaye se obi a na onni mma. ɔyaredom ne mogyahwiegu befa wo mu, na metwe afoa wɔ wo so. Me Awurade na maka.”

6 Awurade asem baa me nkyen se, **2** “Onipa ba, fa w’ani kyere Israel mmepɔw, na hye nkɔm tia wɔn, **3** na ka se, ‘Mo Israel mmepɔw, muntie Otumfo Awurade asem. Sɛe na Otumfo Awurade ka kyere mmepɔw ne nkoko, abon ne aku: Merebetwe mo so afoa na masɛe mo sorɔnsorɔmmea. **4** Wobebubu mo aforemuka ahorow no na wɔasɛe nnuhum adum; na mekunkum mo nkurofo wɔ mo ahoni anim. **5** Mede Israelfo afunu begu wɔn ahoni anim na mede mo nnompe apete mo aforemuka ahorow ho. **6** Baabiara a mote no, nkurow no beda mpan na ne sorɔnsorɔmmea besɛe, na ama mo aforemuka ahorow no ada mpan na aye amamfo, mo ahoni abubu na asɛe, mo nnuhum adum abubu agu fam, na nea moaye nso ahwere mo. **7** Mo nkurofo betoto wɔ mo mu, na mubehu se mene Awurade. **8** “Nanso megyaw mo mu bi, efise ebinom beguan afoa ano wɔ bere a moahwete wɔ nsase ne amanaman so. **9** Na afei wɔn a woguan no bekae me wɔ amanaman a wɔfaa wɔn nnommum kɔ mu no, senea madi awerehow wɔ wɔn aguamammɔ koma a wode twee wɔn ho fii me nkyen, ne wɔn ani a wode nyaa akɔnnɔ bɔne maa wɔn ahoni no ho. Wɔn ho beye wɔn nwini wɔ bɔne ne akyiwade a wɔaye no nti. **10** Wobehu se mene Awurade na mammɔ wɔn hu kwa se mede saa ɔhaw yi beba wɔn so. **11** “Sɛe na Otumfo Awurade se: Mommo mo nsam na momfa mo nan mpempem fam na montɛ mu se, “A!” esiane Israel fi amumɔye ne akyiwade nyinaa nti, wobewuwu

afoa, ɔkɔm ne ɔyaredɔm ano. **12** ɔyaredɔm bekum nea ɔwɔ akɔyirikyiri. Nea ɔben no beto afoa ano na nea obefi mu na waka no, ɔkɔm bekum no. Saa na mede m'abufuwhyew no beye wɔn. **13** Na wobehu se mene Awurade, bere a wɔn nkurɔfo a watoto afunu deda wɔn ahoni ntam atwa wɔn afɔremuka ho ahyia, wɔ nkoko a ɛkorɔn nyinaa so, mmepɔw atifi nyinaa ne nnua a adennan ne odum frɔmfrɔm ase, mmeaemmeae a wɔde nnuham bo afoe ma wɔn ahoni nyinaa no. **14** Afei metee me nsa wɔ wɔn so na mama asase no ada mpan afi nweatam no akosi Ribla, baabiara a wɔtete. Na wobehu se mene Awurade.”

7 Awurade asem baa me nkyen se, **2** “Onipa ba, eyi ne asem a Otumfo Awurade ka kyere Israel asase no: “Awiei no! Awiei no adu asase no ntwea anan no so. **3** Awiei no adu wɔ wo so, na mehwe m'abufuwhyew agu wo so. Megyina w'abrabo so abu wo aten na matua wo ka wɔ wo nneyee bone nyinaa ho. **4** Merenhu wo mmɔbo na meremfa wo ho nkye wo. Ampa ara metua wo ka wɔ wo suban ne nneyee bone a ɛwɔ wo mu no ho, na moahu se mene Awurade.” **5** “Sɛɛ na Otumfo Awurade se: “Atoyerɛnkyem! Atoyerɛnkyem a wontee da nam kwan so reba. **6** Awiei no aba! Awiei no aba! Ama ne ho so atia wo. Aba! **7** ɔsee aba mo so, aba mo a mote asase no so no so. Bere no adu, da no aben; huboabo a ɛnye mmepɔw so ahoseɛw. **8** Merebehwie m'abufuwhyew agu wo so de awie m'abufu a etia wo no. Megyina wo nneyee so abu wo aten, na matua wo nneyee bone nyinaa so ka. **9** Merenhu wo mmɔbo, na meremfa wo ho nkye wo. Metua wo ka wɔ wo suban ne nneyee bone a ɛwɔ wo mu no ho. Afei mubehu se me, Awurade, na meboɔ mo. **10** “Da no ni; hwe, aba! Atemmuda no apue, abaa no afefew, ahantan ahaahan! **11** Kitikitiye asɔre, abaa a wɔde twe amumaye aso. Erenka nnipa no mu biara, dɔm no mu biara, ahonyade ne nea esom bo biara renka. **12** Bere no aso, da no adu. Mma adetɔni ani nnye anaa ɔdetɔnfo were nhow, efise abufuwhyew wɔ nnipadɔm no nyinaa so. **13** Nea ɔtɔn no nsa renka asase a watɔn no bio wɔ bere a wɔn baanu te ase, efise anisoadehu a ɛfa nnipadɔm no nyinaa ho no rensesa. Wɔn bone nti, wɔn mu baako koraa remfa ne ho nni. **14** “Wɔahyen akoben no, na wɔboabo biribiara ano de, nanso obiara renko ɔsa, efise m'abufuwhyew wɔ nnipakuw no nyinaa so. **15** Afoa wɔ mfikyiri na ɔyaredɔm ne ɔkɔm wɔ fie; wɔn a wɔwɔ ɔman no mu betoto wɔ afoa ano. Wɔn a wɔwɔ

kuroɔn no mu no, ɔyaredɔm ne ɔkɔm bekum wɔn. **16** Wɔn a wɔanya wɔn ti adidi mu na wɔaguan no betena mmepɔw no so. Na wɔakurum te se aku mu mmorɔnoma, wɔn mu biara bone nti. **17** Nsa nyinaa bedwudwo na nkotodwe nyinaa aye mmrew se nsu. **18** Wobefurafura atweaatam na wɔabo huboa. Aniwu bekata wɔn anim na wɔayi wɔn tinwi. **19** “Wɔbetow wɔn dwete agu mmɔnten so, na wɔn sikakɔkɔ beye ade a eho ntew. Wɔn dwete ne sikakɔkɔ rentumi nnye wɔn Awurade abufuwhyew da no. Erenkum wɔn kɔm na ɛrenhye wɔn yafunu ma, efise aye wɔn hintidua de wɔn ako bone mu. **20** Na wɔde wɔn nnwinne afefe no hoahoa wɔn ho, na wɔde yeyee wɔn ahoni a eye akɔiwade ne nsesode tantan. Enti median eyinom nneema a ho ntew no ama wɔn. **21** Mede ne nyinaa bema ananafo se asade na mede ama asase so atirimɔdenfo se akorɔnne, na wobegu ho fi. **22** Meyi m'ani afi wɔn so na wobegu beae a esom me bo no ho fi. Akorɔmfo bewura ho na wɔagu ho fi. **23** “Monye nkɔnsɔnkɔnsɔn, efise mogyahwiegu aye asase no so ma, na akakabensem ahye kuroɔn no ma. **24** Mema aman no mu otirimɔdenfo pa ara abefa wɔn afi; mema ɔhɔdenfo ahomaso aba awiei, na wɔn kronkrommea ho begu fi. **25** Se ehu ba a, wɔbehwehwe asomdwoe akɔi kwan nanso ebebo wɔn. **26** Atoyerɛnkyem bedi atoyerɛnkyem akɔi aba; huhuhuhu bedi huhuhuhu akɔi. Wɔbeɛ se wobɛnya anisoadehu afi odiyifo no ho, asɔfo no nkyerekɔye a ɛfa mmara no ho no bebo wɔn, saa ara na wɔrennya afotu mfi mpanyimfo ho. **27** ɔhene no betwa adwo, ɔheneba no befura abawpa, na asase no so nnipa nsa bepɔpo. Me ne wɔn bedi no senea wɔn nneyee te na megyina wɔn tebea so abu wɔn aten. Afei wobehu se me ne Awurade no.”

8 Afe a ɛto so asia mu, asram asia no da a ɛto so anum a na mete me fi, na Yuda mpanyimfo tete m'anim no, Otumfo Awurade nsa baa me so wɔ ho. **2** Mehwee, na mihuu abɔsu bi a ete se onipa. Efi baabi a aye se n'asen mu reko ne fam no, na ɔte se ogya, na efi ho reko ne soro no na ne tebea hyeren se dade a adɔ. **3** ɔteɛ biribi te se nsa de soo me tinwi mu faa me. Afei honhom no pagyaw me de me kɔ wim na ede me wuraa Onyankopɔn anisoadehu mu kɔ Yerusalem kogyinaa mfimfini adiwo no atifi pon ano, faako a ohoni a eye ninkutwe farebae no si. **4** Na ho, wɔ m'anim na na Israel Nyankopɔn anuonyam wɔ, te se anisoadehu a minyaa no wɔ tataw no so no. **5** Afei ɔka kyere me se, “Onipa ba, hwe atifi fam ho.”

Na mehwē, na mihuu saa ninkutwe farebae honi yi wɔ ɔpon a ewɔ afɔremuka no atifi fam no mu. **6** Ɔka kyereɛ me se, “Onipa ba, wuhu nea wɔreyɛ yi, akyiwade a emfra, a Israelfi reye wɔ ha yi, nneema a ebɛpam me afi me kronkronbea akɔ akyirikyiri yi? Nanso wubehu nneema a esen akyiwade yi koraa.” **7** Afei ɔde me baa adiwo hɔ pon no ano. Mehwē, na mihuu tokuru wɔ ɔfasu no mu. **8** Ɔka kyereɛ me se, “Onipa ba, tu ɔfasu no mu tokuru.” Enti mituu ɔfasu no mu tokuru, na mihuu ɔpon ano kwan bi wɔ hɔ. **9** Ɔka kyereɛ me se, “Kɔ mu na kɔhwɛ atirimɔdensem ne akyiwade a wɔreyɛ wɔ ha.” **10** Enti mekɔ mu kɔhwɛ, na mihuu afasu a wɔayɛ mmɔa a wɔwea ahorow nyinaa ne mmɔa a wɔyɛ akyiwade ne Israelfi ahoni ahorow nyinaa mfonɔ wɔ ho nyinaa. **11** Wɔn anim na na Israelfo mpanyimfo aduɔson gyinagyina a na Safan babarima Yaasania gyina wɔn mu. Na wɔn mu biara kura nkankyee ntrantraa a aduhuam wusiw huamhuam fi so reko soro. **12** Obisaa me se, “Onipa ba woahu nea Israelfo mpanyimfo no mu biara reye wɔ n’ankasa honi abosonnan mu wɔ sum mu ana? Wɔka se, ‘Awurade nhu yɛn; Awurade agyaw asase no!’” **13** Ɔkaa bio se, “Wubehu se wɔreyɛ nneema a eyɛ akyiwade a mpo esen eyi.” **14** Afei ɔde me baa Awurade fi no atifi pon no kwan ano, na mihuu mmea a wɔtɛ hɔ resu Tamus. **15** Obisaa me se, “Onipa ba wuhu eyi? Wubehu nneema a eyɛ akyiwade a esen eyi.” **16** Afei ɔde me baa Awurade fi adiwo a ewɔ mfimfini no, na hɔ, hyiadan no ano kwan, wɔ abrannaa ne afɔremuka no ntam, na hɔ na mmarima beyɛ aduonu anum wɔ. Wɔn akyi kyere Awurade asɔredan na wɔn anim kyere apuei fam, na wɔrekotow som owia a ewɔ apuei fam. **17** Obisaa me se, “Woahu eyi, onipa ba? Akyiwade a Yudaɔi reye wɔ ha yi yɛ adewa ana? So esɛ se wɔde akakabensem hyɛ asase no so ma na wɔkɔ so hyɛ me abufuw ana? Hwɛ wɔabu me animtiaa agu m’anim ase! **18** Eno nti, me ne wɔn bedi no abufuw so. Merenhu wɔn mmɔbo na meremfa wɔn ho nkyɛ wɔn. Ewɔ mu se, wɔtɛ mu tuatua m’aso de, nanso merentie wɔn.”

9 Afei metee se ɔde nne kɛse tee mu se, “Momfa kuropon no awɛmfo no mmra ha, a obiara kura akode.” **2** Mihuu se mmarima baasia fi atifi pon a ekyere atifi fam reba, na obiara kura awudi akode. Na ɔbarima bi a ofura nwera na nkyerɛwde kotoku bɔ ne nkyɛn mu ka wɔn ho. Wɔba begyinaa kɔbere mfrafrae afɔremuka no ho. **3** Na Israel Nyankopɔn anuonyam maa ne ho so fi kerubim no so, faako a na

anka ewɔ no, kɔ asɔredan no kwan ano. Afei Awurade frɛɛ ɔbarima a na ofura nwera na nkyerɛwde kotoku bɔ ne nkyɛn mu no **4** ka kyereɛ no se, “Nantew fa Yerusalem nkuropon nyinaa mu na fa agyiraehyede keka wɔn a wosu na wodi awerehow wɔ akyiwadeyɛ a ekɔ so nyinaa ho no moma so.” **5** Meretie no, ɔka kyereɛ wɔn a aka no se, “Munni n’akyi mfa kuropon no mu na munkunkum, a monnkyere ahummbɔ anaa ɔtema biara. **6** Munkunkum nkwakoraa, mmerante ne mmeawa, mmea ne mmofra, nanso mommfa mo nsa nka obi a ɔwɔ agyiraehyede no. Mumfi ase wɔ me kronkronbea hɔ.” Enti wɔde mpanyimfo a wɔwɔ asɔredan no anim no fii ase. **7** Ɔka kyereɛ wɔn se, “Mungu asɔredan no ho fi na momfa wɔn a wɔakunkum wɔn no nhyɛ adiwo hɔ ma. Monkɔ!” Enti wɔkɔe, na wofii ase kunkum nnipa wɔ Yerusalem kuropon no mu nyinaa. **8** Bere a wɔrekunkum na aka me nko ara no, mibutuw hɔ sui se, “Aa, Otumfo Awurade! Worebɛsee Israel nkae yi nyinaa esiane w’abufuwhyew a aba Yerusalem so yi nti ana?” **9** Na obuaa me se, “Israelfi ne Yuda amumɔyɛ dɔso dodo; mogyahwiegɔ hyɛ asase no so ma na ntenkyew hyɛ asase no so ma. Wɔka se, ‘Awurade agyaw asase no; Awurade nhu.’” **10** Eno nti, merenhu wɔn mmɔbo na meremma wɔmmfa wɔn ho nni, na mema nea wɔayɛ no abɔ wɔn ankasa ti so.” **11** Afei ɔbarima a ofura nwera na nkyerɛwde ade bɔ ne nkyɛn mu no de nkra bae se, “Mayɛ sɛnea wohyɛ no.”

10 Mehwē, na mihuu biribi te se bibiri ahengua a esensen ntrewmu a ewɔ kerubim apampam no so. **2** Na Awurade ka kyereɛ ɔbarima a ofura nwera no se, “Kɔhyɛ nkyimii a ewɔ kerubim ase no mu. Fi kerubim no mu fa nnyansramma hyɛ wo nsa ma na tow pete kuropon no so.” Migu so rehwe no, ɔkɔhyɛ mu. **3** Afei na kerubim no gyinagyina asɔredan no anafo fam bere a ɔbarima no kɔhyɛn mu no, na omununkum kɔhyɛ fam adiwo hɔ mu ma. **4** Na Awurade anuonyam maa ne ho so fii kerubim no atifi kɔ asɔredan no abobow ano. Omununkum no yɛ asɔredan no ma, na Awurade anuonyam hyɛren yɛ adiwo hɔ ma. **5** Bere a ɔrekasa no na wɔte kerubim ntaban no nnyigyei no wɔ mfikyiri fam adiwo hɔ te se Otumfo Nyankopɔn nne. **6** Bere a Awurade hyɛ ɔbarima a ofura nwera no se, “Yi nnyansramma fi nkyimii no mu, fi kerubim no ase no,” ɔbarima no kɔ mu kogyinaa nkyimii no baako ho. **7** Afei kerubim no mu baako teeɛ ne nsa hyɛ nnyansramma a ewɔ wɔn mu no mu. Ɔfaa mu bi

de hye obarima a ofura nwera no nsam, na ono nso gye de fii adi. **8** (Na wuhu biribi te se onipa nsa wo kerubim no ntaban ase.) **9** Mehwee, na mihuu nkyimii anan a baako biara gyina kerubim nkyen, na nkyimii no pa yerew yerew te se sikaberebo. **10** Senea ete no de, na nkyimii no nyinaa sese; biara wo nkyimii foforo hye mu. **11** Se wonam a, won nyinaa de won anim kyere nea kerubim baako de n'anim bekyere no; nkyimii no nnan won ho bere a kerubim no nam. Kerubim no ko tee wo nea eti no anim kyere a onnan ne ho. **12** Aniwa tuatua won ho nyinaa, won akyi, won nsa ne won ntaban ho nyinaa. Saa ara na nkyimii anan no nso te. **13** Metee se wofrefre nkyimii no se, "mfete nkyimii." **14** Kerubim no mu biara wo anim anan. Anim baako te se kerub, nea eto so abien te se onipa anim, nea eto so abiesa te se gyata anim, nea eto so anan te se okore anim. **15** Afei kerubim no maa won ho so. Eyinom na na woye atasefo a na mahu won wo Asubonten Kebar ho no. **16** Se kerubim no keka won ho a, nkyimii a ewowo won ho no nso keka won ho; na se kerubim no tretrew won ntaban mu ma won ho so ko wim a, nkyimii no ka won ho ara. **17** Se kerubim no gyinagyina dinn a, nkyimii no nso gyinagyina dinn, na se kerubim no ma won ho so a wone won ma won ho so, efise honhom wo atasefo no mu. **18** Afei Awurade anuonyam no fii asoredan no abobow ano na ekogyinaa kerubim no atifi. **19** Merehwe no, kerubim no tretrew won ntaban mu maa won ho so fii fam na nkyimii no ne won kae. Wokogyinaa Awurade fi pon a ewo apuei fam no ano, na na Israel Nyankopon anuonyam wo won atifi. **20** Eyinom ne atasefo a na mahu won wo Israel Nyankopon ase wo Asubonten Kebar ho no, na mihuu se woye kerubim. **21** Won mu biara wo anim anan ne ntaban anan na biribi a ete se onipa nsa wowo won ntaban ase. **22** Won nyinaa anim te se nea na mahu wo Asubonten Kebar ho no. Won mu biara ko n'anim tee.

11 Afei honhom no maa me so de me baa Awurade fi pon a ani kyere apuei fam no ano. Na mmarima aduonu anum wo ho, na mihuu Asur babarima Yaasania ne Benaia babarima Pelatia a woye nnipa no ntuanofa. **2** Awurade ka kyere me se, "Onipa ba, eyinom ne mmarima a wobo pow bone na wotu fo bone wo kuropon yi mu. **3** Wokae se, 'Bere a wode sisi afi no nnuu so ana? Kuropon ye dadesen, na yeye nam.' **4** Eno nti hye nkam tia won, hye nkam, onipa ba." **5** Afei, Awurade Honhom baa me so na oka

kyeree me se menka se, "See na Awurade se: Saa na moreka, mo Israel akannifo, nanso minim nsusuwii a ewo mo adwene mu. **6** Moakunkum nnipa bebre wo kuropon yi mu, na mode afunu ahyehye ne mmonten so amaama. **7** "Eno nti, see na Otumfo Awurade se: Afunu a moatotow apete ho no ye nam na kuropon yi ne dadesen no, nanso mepam mo afi mu. **8** Musuro afoa, na eno ara na mede beba mo so, see na Awurade se. **9** Mepam mo afi kuropon no mu na mede mo ahye ananafo nsa, na matwe mo aso. **10** Mobetoto wo afoa ano, na mebu mu aten wo Israel asase so. Afei mubehu se mene Awurade no. **11** Saa kuropon yi remmo mo ho ban senea dadesen bo nam a ewo mu no ho ban no; Mebu mo aten wo Israel asase so. **12** Na mubehu se mene Awurade no, efise moanni m'ahyede so, moapo me mmara na nea aman a atwa mo ho ahyia no ye no na mo nso moye." **13** Afei bere a migu so rehye nkam no, Benaia babarima Pelatia wui. Na mede m'anim butuw fam suu dennen se, "Aa, Otumfo Awurade, wobetore Israel nkae yi ase koraa ana?" **14** Awurade asem baa me nkyen se, **15** "Onipa ba, wo nuabarimanom, won a wo ne won ye mogya baako ne Israelfi nyinaa, nnipa a wowo Yerusalema kasa fa won ho se, 'Wone Awurade ntam kwan ware, na wode saa asase yi maa yen se yen agyapade.'" **16** "Eno nti ka se, 'See na Otumfo Awurade se: Ewo mu se mede won koo akyirikyiri wo amanaman mu, hwetee won guu nsase so de, nanso bere tia bi mu no meye won kronkronbea wo nsase a na wowo so no so.' **17** "Enti ka se, 'See na Otumfo Awurade se: Meboaboa mo ano afi amanaman no ne nsase a mehwetee mo guu so no asan aba, na mede Israel asase besan ama mo.' **18** "Wobesan aba so na woyayiyi nsesode atantan ne ahoni a eye akyiwade no nyinaa. **19** Mema won koma koro na mede honhom foforo ahye won mu; meyi won komaden no na mama won koma a eye mmerew. **20** Afei wobedi m'ahyede so na wواهwe akora me mmara yiye. Wobeye me nkurofo na maye won Nyankopon. **21** Nanso won a wode won koma ama nsesode atantan ne ahoni a eye akyiwade no de, mema nea woye no abo won ti so, see na Otumfo Awurade se." **22** Afei kerubim no ne won nkyimii tretrew won ntaban mu, na Israel Nyankopon anuonyam konkon won so. **23** Awurade anuonyam maa ne ho so fii kuropon no mu kogyinaa bepowa ewo apuei fam no atifi. **24** Honhom no maa me so de me baa nnommum a wowo Babilonia no nkyen wo anisoadehu a Onyankopon Honhom maa

me no mu. Afei anisoade a mihuu no fii me so koo asoro. **25** Na mekaa biribiara a Awurade yi kyeree me no kyeree nnommmu no.

12 Awurade asem baa me nkyen se, **2** “Onipa ba, wote nnipa a wotew atua mu. Wowa ani nanso wonhu ade, wowa aso nanso wote asem, efise woye nnipa atuawefo. **3** “Enti onipa ba, boaboa wo nneema ano ma asutwa, na adekyee mu a worewen no, fi nea wowo, na ka beae foforo. Ebia wobete ase, ewo mu se woye atuawefo. **4** Adekyee mu a worewen no, fa wo nneema a woaboa ano ama asutwa no pue. Afei anwummere a worewen no, fi adi senea won a wotwa won asu ye no. **5** Bere a worewen no, tu ofasu no mu tokuru na yi wo nneema no fa mu. **6** Fa to wo mmati so, bere a worewen, na afei anim biribiri a, soa ko. Kata w’anim senea wunhu asase no, efise mede wo aye nsenkyerenne ama Israelfi.” **7** Enti meye senea wohye me no. Adekyee mu no, mede me nneema a maboa ano ama asutwa no puei. Anwummere no, mede me nsa tuu tokuru wo ofasu no mu, na anim biribirii no, miyii me nneema no soaa wo me mmati so a worehwe. **8** Adekyee no, Awurade asem baa me nkyen se, **9** “Onipa ba, saa Israelfi atuawefo no ammisa wo se, ‘Den na woreye yi?’ **10** “Ka kyere won se, see na Otumfo Awurade se: Saa nkamhye yi fa ohene babarima a owo Yerusaleme ne Israelfi a wowa ho nyinaa ho. **11** Ka kyere won se, ‘Meye nsenkyerenne ma mo.’ “Senea maye no, saa ara na wobeye won. Wobetwa won asu ako nnommmu mu. **12** “Ohene ba a owo won mu no de n’adesoa beto ne mmati so bere a anim rebiribiri na wafi ho, na wobetu tokuru wo ofasu no mu ama wafa mu. Obekata n’anim senea orenhu faako a oreko. **13** Metrew m’asau mu agu ne so na makyere no wo m’afiri mu; mede no beko Babilonia Kaldeafo asase so, nanso orenhu na ho na obewu. **14** Mhwete won a watwa ne ho ahyia nyinaa ako mmaa nyinaa; n’adwumayefo ne n’asraafo nyinaa, na mede afoa ataa won. **15** “Bere a mhwete won ako amanaman so, na mhwete won agu nsase so no, wobehu se me ne Awurade no. **16** Nanso mema won mu kakra anya won ti adidi mu wo okom, oyaredom ne afoa ano, senea ebeye a won ani beba won akyiwade ahorow no so wo aman a wobeko so no mu. Afei wobehu se me ne Awurade no.” **17** Awurade asem baa me nkyen se, **18** “Onipa ba, se wordidi a ma wo ho nwsow, na fa hu nom wo nsu. **19** Ka kyere nnipa a wowa asase no so no se, ‘See na Otumfo Awurade ka

fa won a wote Yerusaleme ne Israel asase so no ho: Wode ahopere bedidi na wode abasamtu anom nsu, efise wobesee asase no so nneema nyinaa, esiane won a wotete so no akakabensem nti. **20** Wobesee nkurow a nnipa tete so no nyinaa na asase no beda mpan. Afei wubehu se mene Awurade no.” **21** Awurade asem baa me nkyen se, **22** “Onipa ba, be a mowo wo Israel a ese, ‘Nna no twa mu nanso Israel anisoadehu biara mma mu,’ yi ase ne den? **23** Ka kyere won se, ‘See na Otumfo Awurade se: Merebema be yi aso ha ara, na worenka wo Israel bio.’ Ka kyere won se, ‘Nna a anisoadehu biara beba mu no aben. **24** Na atoro anisoadehu ne nnaadaa abisa wo Israelfo mu no to betwa. **25** Nanso me Awurade, meka nea ese se meka na erenkye na ebaba mu. Na mo atuawefo, mo bere so na mema nea maka biara no aba mu. See na Otumfo Awurade se.” **26** Awurade asem baa me nkyen se, **27** “Onipa ba, Israelfi reka se, ‘Anisoade a ohu no beba mu mfe bebre akyi, na nneema a ewo daakye akyirikyiri ho nkam na ohye.’ **28** “Eno nti ka kyere won se, ‘See na Otumfo Awurade se: Merentwe me nsem nko kyi bio, nea meka biara beba mu, Otumfo Awurade na ose.”

13 Awurade asem baa me nkyen se, **2** “Onipa ba, hye nkam tia Israel adiyifo a wohye nkam mprenpren no. Ka kyere won a woba won tirim hye nkam no se: ‘Muntie Awurade asem! **3** See na Otumfo Awurade se: Nnome nka adiyifo nkweiseafo a wodi won ankasa honhom akyi na wonhu hwee no. **4** Ao Israelfo, mo adiyifo yi te se nnwiriwii mu sakraman. **5** Monkoo se morekosiesie afasu no afaafa a abubu no ama Israelfi, senea ebetumi agyina pintinn wo oko no ano wo Awurade da no.’ **6** Won adehu ye atoro, na won adebisa ye nnaadaa. Woka se, ‘Awurade aka se,’ wo bere a Awurade nsomaa won, nanso wohwe anim se won nkamhye beba mu. **7** Se moka se, ‘See na Awurade se,’ wo bere a menkasae a, na mo anisoadehu nye atoro? Na mo adebisa nso, enye nnaadaa ana? **8** “Eno nti, senea Otumfo Awurade se ni: ‘Mo nsem a eye atoro ne mo nnaadaa anisoadehu nti, me ne mo anya’, Otumfo Awurade asem ni. **9** Me nsa betia adiyifo a won anisoadehu ye atoro na won abisa ye nnaadaa. Woremfra me nkurofo bagua mu, na worenkyerew won din wo Israelfi nhoma no mu na won anan rensi Israel asase so. Na afei mubehu se mene Otumfo Awurade. **10** “Esiane se wama me nkurofo ayera kwan, na woka se ‘Asomdwoe,’ wo bere a asomdwoe nni ho, na afei se woto ofasu a enni ahooden bi a na

wode akaadoo afa so, **11** eno nti ka kyere won a woka akaadoo no se, ofasu no rebebu. Osu a ohweam wo mu beto, na mesoma mparuwbo, na mframa a ano ye den bebo. **12** Na se ofasu no bu gu fam a, nnipa remmisa wo se, 'he na akaadoo a wode sraa ho no afa,' ana? **13** "Eno nti, nea Otumfo Awurade ka ni: 'M'abufuwhyew mu, mema ahum atu, na m'abufuw mu no, mparuwbo ne osuhweam de adesee ahooden ato. **14** Medwiriw ofasu a mode akaadoo afa ho no na mabubu agu fam ama ne fapem ho ada ho. Se ofasu no hwe ase a, wobesee mo wo mu, na mubehu se mene Awurade. **15** Enti mede m'abufuwhyew beko ofasu no ne won a wode akaadoo sraa ho no so. Meka akyere mo se, "Ofasu no nni ho bio na saa ara na won a wode akaadoo sraa ho no nso nni ho, **16** saa Israel adiyifo a wolyee nkom maa Yerusalem na wohuu asomdwoe anisoade wo bere a asomdwoe nni ho no," Otumfo Awurade na ose.' **17** "Afei onipa ba, ma w'ani nko wo nkurofo a woba won tirim hye nkom no mmabea so. Hye nkom tia won **18** na ka se, 'See na Otumfo Awurade se: Nnome nka mmea a wopempam ntafowayi bansre hyehye won nsakon na wopempam nkataanim ntiaa ne atenten kata won anim de sum nnipa mfiri. Mubsum me nkurofo nkwa mfiri na mo de, moakora mo de so ana? **19** Moasopa me wo me nkurofo mu de agye atoko nsa ma kakraa bi ne brodo asinasin. Monam atoro a mudi kyere me nkurofo a wotie atoro so akunkum won a anka ense se wowuwu, na moama won a anka ense se wotena nkwa mu no afa won ho adi. **20** "Eno nti, see na Otumfo Awurade se: Mitia mo ntafowayi bansre a mode sum nkurofo mfiri se nnomaa no, na metetew afi mo abasa so; megysa nnipa a musum won afiri se nnomaa no. **21** Metetew mo nkataanim no mu afi mo anim, na magye me nkurofo nkwa afi mo nsam, na morennya won so tumi bio. Afei mubehu se me ne Awurade. **22** Esiane se mode atoro maa atreneefo aba mu buu wo bere a menhyee won awarehow, na mohyee amumoyefo nkuran se wonko so wo won akwammone so na moagye won nkwa no **23** nti, morennyu atoro anisoade bio na mubegyae ntafowayi nso. Megye me nkurofo afi mo nsam na afei mubehu se me ne Awurade no.'"

14 Israel mpanyimfo no mu bi baa me nkyen betenatenaa m'anim. **2** Afei Awurade asem baa me nkyen se: **3** "Onipa ba, saa mmarima yi de ahoni ahye won koma mu na wode amumoye hintidua asisi won anim. Ese se mema wobisa m'ase koraa ana? **4**

Enti kasa kyere won na ka se, 'See na Otumfo Awurade se: Se Israelni biara de ahoni hyehye ne koma mu na ode amumoye hintidua sisi n'anim, na afei oko odiyifo nkyen a, me Awurade, mema no mmuae a efata n'ahonisom no keseye. **5** Meye eyi de atwe Israelfo a woagyaw me akodi won abosom akyi no koma aba bio.' **6** "Enti ka kyere Israelfo se, 'See na Otumfo Awurade se: Monsakra mo adwene. Mumfi mo ahoni ho na munnyae mo nneyee a eye akyiwade no! **7** "Se Israelni bi anaa onanani a ote Israel twe ne ho fi me nkyen na ode ahoni hye ne koma mu de amumoye hintidua si n'anim, na afei oko odiyifo nkyen kobisa m'ase a, me, Awurade ankasa bebua no. **8** Metu m'ani asa onipa no na mede no aye nhweso ne kasabebui. Meyi no afi me nkurofo mu. Afei mubehu se mene Awurade no.' **9** "Na se odiyifo no ma wodaadaa no ma ohye nkam a, me Awurade na madaadaa odiyifo no, metee me nsa wo ne so na matwa no afi me nkurofo Israelfo mu. **10** Wobesoa won afodi; odiyifo no ne nea okohuu no no nyinaa bedi fo. **11** Na Israelfo renkwati me bio, na woremfa won nnebone no ngu won ho fi bio. Wobeye me nkurofo na meye won Nyankopon, Otumfo Awurade asem ni.'" **12** Awurade asem baa me nkyen se: **13** "Onipa ba, se oman bi anni me nokware na enti woye bone de tia me, na metee me nsa wo won so na migyae won aduanma, na mema okom ba bekunkum mu nnipa ne won mmoa a, **14** mpo se saa nnipa baasa a woye Noa, Daniel ne Hiob wo oman no mu a, won trenee begye won nko ara nkwa, Otumfo Awurade asem ni. **15** "Anaa se mema wuram mmoa ko saa asase no so na wokunkum so nnipa nyinaa na asase no see a obiara ntumi mfa so, esiane wuram mmoa no nti a, **16** se mete ase yi, Otumfo Awurade asem ni, mpo se saa mmarima baasa yi wo asase no so a, worentumi nnye won ankasa mmabarima ne mmabea nkwa. Won nko ara na wobegye won nkwa na asase no besee. **17** "Se nso metwe afoa wo asase no so, na meka se, 'Ma afoa no nko asase no so nyinaa,' na mikunkum so nnipa ne won mmoa, **18** se mete ase yi, Otumfo Awurade asem ni, mpo se saa mmarima baasa yi wo asase no so a, worentumi nnye won ankasa mmabarima ne mmabea nkwa. Won nko ara na wobenya nkwa. **19** "Se nso mesoma oyaredom ko asase no so na menam m'abufuwhyew so hwie mogya gu wo asase no so, kunkum so nnipa ne won mmoa a, **20** se mete ase yi, Otumfo Awurade asem ni, se Noa, Daniel ne Hiob mpo wo ho a, worentumi nnye obabarima anaa obabea

nkwa. Wɔn trennee nti wobegye wɔn nkwa. **21** “Na sɛɛ na Otumfo Awurade se: Ebɛyɛ hu mmoroso sɛ mɛma m’atammu huluhuhu anan, a eyɛ afoa, ɔkɔm, wuram mmoa ne ɔyaredɔm ako Yerusalem so akokunkum ne mmarima ne wɔn mmoa! **22** Nanso ebinom beka, mmabarima ne mmabea a wobeyi wɔn afi mu no. Wɔbeba mo nkyɛn na sɛ muhu wɔn su ne wɔn nneyɛɛ a, mo bo betɔ mo yam wɔ amanehununu a me de aba Yerusalem so no ho, amanehununu a mede aba ne so biara. **23** Sɛ muhu wɔn su ne wɔn nneyɛɛ a mo bo betɔ mo yam, efisɛ mubehu sɛ, menyɛɛ biribiara wɔ hɔ a enni farebae, Otumfo Awurade asem ni.”

15 Awurade asem baa me nkyɛn se: **2** “Onipa ba, ɔkwan bɛn so na bobɛ dutan so beba mfaso asɛn kwae mu dua foforo biara mman? **3** Wotwa dua no bi de yɛ biribi a so wɔ mfaso? Wɔde yɛ prɛɛ a wɔde nneema sensɛn so ana? **4** Na sɛ wɔde ne nnyina hye ogya mu na eti ne ti hyew ma mfimfini yɛ nso a, so ba mfaso bi ana? **5** Na sɛ so amma mfaso bere a eyɛ mua no a, ebɛyɛ den na wobetumi de aye ade bi a mfaso wɔ so, bere a ahyew atɔ nso no? **6** “Enti sɛɛ na Otumfo Awurade se: Sɛnea mede bobɛ dua a efra kwaennua ama sɛ wɔmfa nso ogya no, saa ɔkwan no ara so na mede nnipa a wɔtɛ Yerusalem no nso bɛfa. **7** Metu m’ani asi wɔn so. Ewɔ mu sɛ wɔafi ogya no mu de, nanso ebɛhyew wɔn bio. Na sɛ mitu m’ani si wɔn so a, wubehu sɛ mɛne Awurade. **8** Mɛma asase no ada mpan efisɛ wɔanni nokware, Otumfo Awurade asem ni.”

16 Awurade asem baa me nkyɛn se **2** “Onipa ba, fa akyiwade a Yerusalem yɛ no si n’anim **3** na ka se, ‘Sɛɛ na Otumfo Awurade ka kyɛrɛ Yerusalem: Wo nkyi ne w’awo fi Kanaanfo asase so; na w’agya yɛ Amorini na wo na nso yɛ Hetini. **4** Da a wɔwoo wo no, wɔantwa wo funuma, na wɔamfa nsu angware wo sɛ wo ho betew nso, wɔamfa nkyɛnɛ ansra wo, na wɔamfa ntama ankyekyere wo ho. **5** Obiara anhu wo mmɔbɔ, na obiara yam anhyehye no sɛ ɔbɛyɛ eyinom biara ama wo. Mmom wɔtow wo kyɛnɛɛ wuram, efisɛ da a wɔwoo wo no, wobuu wo animtiaa. **6** “Mibepuee wo so, na mihuu sɛ wɔrɛwɔ w’anan na wɔda mogya mu, na sɛnea na wɔda hɔ no, meka kyɛrɛɛ wo se, “Nya nkwa!” **7** Mehweɛ wo ma wunyini sɛ afifide. Wunyini, na woyɛɛ nsiforo kɔɔ afikyiri. Wo nufu bobɛɛ, na wo ho fuw nwi, nanso na wɔda adagyaw. **8** “Akyiri yi mibepuee wo so, na mehweɛ

wo na mihuu sɛ wɔaso aware no, mede m’atade fa bi kataa w’adagyaw so. Misua kyɛrɛɛ wo na me ne wo yɛɛ apam na wobeyɛɛ me dea, Otumfo Awurade na ose. **9** “Mede nsu guareɛ wo, na mehooro wo ho mogya na mede sɔrɛde ahorow srasraa wo. **10** Mede atade a wɔanwen ano hyɛɛ wo, na mehɛɛ wo mmoa were mpaboa. Mede nwera papa furaa wo na mede ntade abɔɔden guguu so. **11** Mede agude siesiee wo, mede nkapo guu wo nsa, mede kɔnmuaɛ too wo kɔn mu, **12** na mede kaa hyɛɛ wo hwene mu, asokaa hyɛɛ w’asom na meɔɔ wo abotiri a eyɛ fɛ. **13** Enti wɔde sikakɔkɔɔ ne dwetɛ siesiee wo, w’adurade yɛɛ nwera papa ne ntama a ne bo yɛ den ne nea wɔadi mu adwinni. W’aduan yɛɛ esiam papa, ewo ne ngo. Wo ho yɛɛ fɛ na wobeyɛɛ ɔhemmea. **14** Na w’ahoɔfɛ nti, wo din hyɛtaa wɔ amanaman mu, efisɛ anuonyam a mahyɛ wo no ma w’ahoɔfɛ no di mu, Awurade asem ni. **15** “Nanso w’ahoɔfɛ nti wugyee wo ho dii na wode wo din a ahyeta no ɔɔ aguaman. Wugyaa wo ho maa obiara a ɔretwa mu na woyɛɛ wɔn adɔɛ. **16** Wode wo ntade no bi kɔyɛɛ sɔrɔnsɔrɔmmɛa hɔ hyirenn; hɔ na wokɔbɔɔ aguaman. Enɛ sɛ nneema a etetɛ sɛɛ sisi koraa, na enɛ sɛ eba nso. **17** Afei wode wo nnwinne fɛfɛ a mede maa wo no, nea mede sikakɔkɔɔ ne dwetɛ yɛɛ no yɛɛ ahoni maa wo ho na wo ne wɔn ɔɔ aguaman. **18** Wode wo ntade a wɔadi mu adwinni hyehyɛɛ wɔn na wode me ngo ne nnuhuam brɛɛ wɔn. **19** Bio aduan a mede maa wo no, esiam papa, ewo ne ngo a mede maa wo sɛ di no, wode brɛɛ wɔn sɛ afoɛbɔɛ a eyi hua. Saa na esii, Otumfo Awurade asem ni. **20** “Wofaa wo mmabarima ne wo mmabea, a me ne wo woo wɔn no kɔbɔɔ afoɛ sɛ aduan maa ahoni. W’aguamammɔ no nnɔɔso ana? **21** Wukum me mma de wɔn ɔɔ afoɛ maa ahoni no. **22** Akyiwade a woyɛɛ ne w’aguamammɔ akyi no, woankae wo mmabun bere a na wo ho da hɔ na wɔrɛwɔ w’anan wɔ mogya mu no. **23** “Nnome! Nnome nka wo, Otumfo Awurade na ose. W’amumɔyɛ nyinaa akyi no, **24** wusii bammɔ pie maa wo ho, na woyɛɛ abosonnan tenten wɔ aguabɔbea biara. **25** Borɔn so baabiara wusisii abosonnan atenten, na wosɛɛ w’ahoɔfɛ efisɛ honam akɔnnɔ ɔne nti wode wo ho maa obiara a ɔretwa mu. **26** Wo ne Misraimfo a honam akɔnnɔ aye wɔn ma no ɔɔ aguaman, na wode honam akɔnnɔ ɔne hyɛɛ me abufuw. **27** Enti metɛɛ me nsa wɔ wo so na metew w’ahye so. Mede wo maa w’atamfo aniberefo, Filistifo mmabea a w’ahohwi bra no yɛɛ wɔn nwonwa no. **28** Wo ne Asiriafo nso ɔɔ

aguaman, efise biribiara mmee wo. Na eno akyi koraa woammee ara. **29** Afei wotoaa wo honam akonno bone no so de Babilonia, a eye aguadifo asase kaa ho, nanso eyi ammee wo ara. **30** “Wunni ahohyeso koraa, Otumfo Awurade asem ni, se wutumi ye saa nneema yi nyinaa te se oguamanfo a n’ani nwu hwee. **31** Wusisii bamm pie wo mmoron so na wusisii abosonnan atenten wo aguabobea biara, na wonse oguamanfo, efise wopoo akatua. **32** “Wo, dyere waressefo, wope ahoho sen wo ara wo kunu! **33** Oguamanfo biara gye akatua, nanso wo de, wode nneema kyekye w’adofo nyinaa de hye won afono mu se, womfi baabiara mmra wo nkyen. **34** Enti w’aguamamm mu no wo nte se afoforo; obiara mma wo ho se ye no adoe. Wo ne won bo abira koraa, efise wutua ka na obiara mma wo hwee. **35** “Enti, wo oguamanfo, tie Awurade asem! **36** See na Otumfo Awurade se. Esiane se wuhwie w’ahonya gui, na wodaa w’adagyaw adi, wo ho a woma eyee wo de dodo wo wo ne w’adofo nhyiamu, w’ahoni a eye akyiwade na afei wo mma mogya a wode maa won no nti, **37** merebeboaboa w’adofo a wode won gyee w’ani nyinaa ano; won a wodoo won ne won a woampe won. Meboaboa won nyinaa ano atia wo afi wo ho baabiara, na mepa wo ho wo won anim, na wobehu w’adagyaw nyinaa. **38** Mede asotwe a wode ma mmea aguamammfo ne mogyahwiegufo no beye w’atammu. Mede me mogya aweretso a efi m’abufuwhyew ne me ninkutwe abufuw mu beba wo so. **39** Afei mede wo bema w’adofo na wobebubu bamm pie a woahore no, assee abosonnan atenten no. Wobepa wo ho ntama, wobefa wo nnwinne fefe no, na woagyaw wo ho adagyaw mu. **40** Wode nnipadom a wobesiw wo abo na wode won afoa atwitwa wo mu nketenkete beba wo so. **41** Wobehyehyew w’afi na wootwe w’aso wo mmea bebre anim. Metwa w’aguamamm no so na woagya akatua a wode ma w’adofo no. **42** Afei m’abufuwhyew ano bedwo na me ninkutwe abufuw no befi wo so. Meye bokoo na me bo remfuw bio. **43** “Se woankae wo mmabun nna, na wode eyinom nyinaa hyee me abufuw nti, akwan biara so mema nea woaye no abo wo ti so, Otumfo Awurade na ose. Woanye nneema fi anka akyiwade no ho ana? **44** “Obiara a obu be no bebu saa be yi afa wo ho: “Senea ena te no saa ara na ne babea te.” **45** Woye wo na a osopaa ne kunu ne ne mma no babea kann, na woye wo nuanom mmea a wosopaa won kununom ne won mma no nuabea ankasa. Wo na ye

Hetini na w’agya ye Amorini. **46** Na wo nuabea panyin ne Samaria a na one ne mmabea te w’atifi fam, na wo nuabea kumaa a one ne mmabea te w’anafo fam, ye Sodom. **47** Woannantew won akwan mu, ansua won akyiwadeye nko, na mmom, akwan nyinaa mu, wobeyee porowee sen won. **48** Se mete ase yi, Otumfo Awurade na ose, wo nuabea Sodom ne ne mmabea anye nea wo ne wo mmabea aye no da. **49** “Eyi ne bone a wo nuabea Sodom yee: Ono ne ne mmabea yee ahantan, wodidi tra a so na hwee amfa won ho, woammoo ahiafo ne mmoboroo. **50** Woyee ahomaso ne akyiwade wo m’anim. Eno nti miyii won sii nkyen senea woahu no. **51** Samaria anye bone a woyee no mu fa. Woaye akyiwade a eboro nea wo nuabeanom no yee no so koraa, na woama aye se wo nuabeanom no te, esiane saa nneema a woaye no nti. **52** Gye w’animguase, efise woama wo nuabeanom adi bem. Wo bone mu ye duru sen won de, enti aye se wotee sen wo. Eno de, afei gye w’animguase na wama aye se wo nuabeanom te. **53** “Nanso mede Sodom siade ne ne mmabea, Samaria siade ne ne mmabea bema won, na mede wo siade beka ho, **54** senea ebeye a wubegye w’animguase na w’ani bewu wo nea woaye de ama won ahoto nyinaa ho. **55** Na wo nuabeanom Sodom ne ne mmabea, Samaria ne ne mmabea besan ako won tebea dedaw mu, na wo ne wo mmabea nso besan ako mo dedaw mu. **56** Woremm wo nuabea Sodom din wo w’ahohohoa da no mpo, **57** kosi se w’amumoye ho daa ho. Ebesi nne EDOM mmabea bo wo ahohora, wone won a wootwa won ho ahya ne Filistifo mmabea; won a wootwa wo ho ahya a wobo wo ahohora nyinaa. **58** Nea ebefi nneema fi a woye ne w’akyiwade mu aba no beda wo so, Awurade asem ni. **59** “See na Otumfo Awurade se: Me ne wo bedi no senea efata, efise woasee m’apam de abu me ntam animtiaa. **60** Nanso mekae apam a me ne wo yee wo mmabun bere mu, na me ne wo beye apam a ebetena ho afebo. **61** Afei wobekae w’akwan na w’ani awu bere a wo nsa aka wo nuabeanom; won a wanyinyin sen wo ne nkumaa nyinaa. Mede won bema wo se wo mmabea, nanso erennyina apam a me ne wo aye no so. **62** Enti me ne wo beye apam na wobehu se mene Awurade. **63** Afei se meye mpata ma wo wo nea woaye nyinaa ho a, wobekae na w’ani bewu na woremmue w’ano bio wo bre a woa bre wo ase no nti, Otumfo Awurade asem ni.”

17 Awurade asem baa me nkyen se, **2** “Onipa ba, dwene mfatoho bi ho, fa ye abebusem na ka kyere Israelfi. **3** Ka kyere won se, ‘Se na Otumfo Awurade se: Okore kese bi a wo ntaban a ahooɔden wo mu ne ntakra atenten bebre a ewo ahosu ahorow baa Lebanon. Okosii sida dua nkɔn mu, **4** buu ne mman a ewo atifi pa ara na oɔde koo aguadifo asase bi so koduaa wo won kuropon mu. **5** “Ɔfaa w’asase so aba no bi kohyee dotebere mu. Oduaa no se ɔfɔsow dua a ewo nsuwansuwa ho, **6** na efefew beyee bobe a etretrew wo fam. Ne mman no dannan kyeree ne so, nanso ne ntin no nyin koo fam. Enti ebeyee bobe yiyii mman a so wo nhaban a eye fe. **7** “Nanso na okore kese foforo bi a wo ntaban a ahooɔden wo mu na ne ho wo ntakra bebre wo ho. Bobe no dannan ne ntin fii beae a woduaa no ho kyeree okore no na ɔtrew ne mman koo ne so kopee nsu. **8** Woadua bobe wo asase pa a eɛben nsuwansuwa ho, senea ebeyi mman na asow aba na afei abeye bobe dua a edi mu.’ **9** “Ka kyere won se, ‘Se na Otumfo Awurade se: Ebeye yiye ana? Wɛrentu n’ase ntetew ne so aba mma entwintwam ana? Nea afefew wo ho nyinaa betwintwam. Eho renhia abasa a emu ye duru ana nni bebre na watu n’ase. **10** Se wotu bobe no tew a, ebeye yiye ana? Se apuei mframa bo no a, erentwintwam ana? Ebewu wo asase pa a woduaa wo so ma enyinii yiye no so.” **11** Afei Awurade asem baa me nkyen se: **12** “Ka kyere saa atuawefo yi se, ‘Munnim nea saa nneema yi kyere ana? Ka kyere won se, ‘Babiloniahene koo Yerusalem kooaa ne hene ne ne mmapomma de won baa Babilonia. **13** Oyii oɔdehwe baako ne no kaa ntam yee apam. Ɔsoaa ntuanfo ne atitiriw a wowa asase no so nso koe, **14** senea ebeye a ahenni no renye den na wɛrensore bio, na apam no nko ara na ebebo won ho ban. **15** Nanso ohene no somaa ananmusifo koo Misraim kore asraafo dom kese ne apɔnko bebre nam so tew atua. Obedi nkonim ana? Nea oye saa nneema yi benya ne ti adidi mu ana? Obebu apam no so na wanya ne ti nso adidi mu ana? **16** “Se mete ase yi, Otumfo Awurade na ose, obewu wo Babilonia, ohene a oɔde no sii ahengua so no asase so, nea ɔtoe ne ntam na obuu n’apam so no. **17** Farao ne ne dammarima ne nnipadom so remma no mfaso biara wo oko mu, bere a Babilonia asisi pampim na waye ntuan nnnwuma a oɔde rebesee bebre nkwa no. **18** Obuu apam no so, nam so de too ntam no. Esiane se oɔde ne nsa ahye apam no ase na oye eyinom nyinaa nti, oremfa ne ho nni. **19** “Enti

see na Otumfo Awurade se: Se mete ase yi, mema me ntam a ɔtoe, ne m’apam a obuu so no abo ne ti so. **20** Metrew m’asau mu wo ne so na m’afiri beyi no. Mede no beba Babilonia na mabu no aten wo ho, efise wanni me nokware. **21** N’akofo a wɛreguan nyinaa betoto wo afoa ano, na won a wobanya won ti adidi mu no mehwete won ako mmaa nyinaa. Afei wubehu se me Awurade makasa. **22** “Se na Otumfo Awurade se: M’ankasa mɛpan mman afi sida dua no nkɔn mu na madua. Mɛpan mman fromfrom ketewaa bi afi ne nkɔn mu akodua wo bepɔw tenten bi so. **23** Medua wo Israel sorɔnsorommea, ebeyi mman na asow aba na aye sida dua a edi mu. Nnomaa ahorow beye won mmerebuw wo so na wanya ahomegyebea wo mman no nwini mu. **24** Nwura mu nnua nyinaa behu se me Awurade, na mitwa dua tenten to fam na mema dua a eye tiaa nyin ye tenten. Mema duamono twintwam na mema nea atwintwam nso ye fromfrom. “Me Awurade na maka, na meye.”

18 Awurade asem baa me nkyen se, **2** “Se mo saa nkurofo yi bu saa be a efa Israel asase yi ho a, na mope se mokyere den: “Agyanom di bobe bun, na mma se afem ana?” **3** “Nokware, se mete ase yi, see na Awurade se, moremmu saa be yi bio wo Israel. **4** Okra teasefo biara ye me de, agya ne oɔba barima nyinaa, won nyinaa ye me de. Okra a oye bone no, one ne nea obewu. **5** “Se eba se onipa trennee bi wo ho a oye nea etee na eye pe; **6** onnidi wo mmepow so abosonnan mu na ɔnsom ahoni a wowa Israelfi. Ongu ne yonko yere ho fi na one oɔba a wabu ne nsa nna. **7** Onhye obiara so, na oɔde bousegyefo awowaside san ma no. Ɔmmɔ korɔn mmom oɔde n’aduan ma nea okom de no na ofura nea oɔda adagyaw no ntama. **8** Ɔmmɔ bousea nnye nsiho na onnye mfentom mmoroso. Ɔtwe ne ho fi boneye ho na obu nipa baanu ntam atentrenee. **9** Odi m’ahyede so na odi me mmara so nokware. Saa onipa no na otee; na ampa ara obenya nkwa Awurade asem ni. **10** “Se eba se owo oɔba barima a odi akakabensem na ohwie mogya gu anaase oye saa nneema yi mu biara a **11** (ewo mu, agya no nyee eyinom mu biara e): “Odidi wo mmepow so abosonnan mu. Ogu ne yonko yere ho fi. **12** Ohye ahiafo ne mmoborofo so. Ɔbo korɔn. Ɔmmfa bousegyefo awowaside mma no. Oɔde ne ho to abosom so. Oye akiwade. **13** Ɔbo bousea gye nsiho na ogye mfentom mmoroso. Saa onipa yi benya nkwa ana? Dabi da! Esiane se waye saa akiwade yi nyinaa nti, ampa ara wobekum no na ne mogya bebo

n'ankasa ti so. **14** "Nanso se eba se saa obabarima yi wo obabarima a ohu bone a n'agya ye no nyinaa nanso onye saa nneema no bi: **15** "Onnidi wo mmepow so abosonnan mu na omfa ne ho nto ahoni a ewo Israelfi so. Ongu ne yonko yere ho fi. **16** Onhye obiara so na onnye boseagyefo ho awowaside. Ommu koron, mmom ode n'aduan ma nea okom de no na ofura nea oda adagyaw no ntama. **17** Otwe ne ho fi bone ho, na onnye nsiho anaa mfentom mmoroso. Odi me mmara ne m'ahyede so. Orenwu wo n'agya no bone nti; ampa ara obenya nkwa. **18** Nanso n'agya no bewu wo ono ara bone nti, efise osisii nnipa, boo ne yonko koron, na oye bone wo ne nkurafu mu. **19** "Nanso mubisa se, 'Aden nti na obabarima no nnya n'agya afodi no bi ho asotwe?' Esiane se obabarima no aye nea etee na eye pe na wahwe yiye adi m'ahyede nyinaa so no nti, ampa ara obenya nkwa. **20** Okra a oye bone no, ono ne nea obewu. Obabarima no rennya n'agya afodi no ho asotwe bi, saa ara na agya no nso rennya obabarima no afodi ho asotwe no bi. Wode otreneeni adetreneeys so aba bema no, na wobebu omumoyefo amumoyesem atia no. **21** "Na se omumoyefo twe ne ho fi bone a waye nyinaa ho, na odi m'ahyede so, na afei oye nea etee ne nea eye papa a, ampa ara obenya nkwa na orenwu. **22** Worenniyina bone a waye no mu biara so mmu no aten. Ne trennee nneyee nti obenya nkwa. **23** M'ani gye amumoyefo wu ho ana? Otumfo Awurade bisa. Se wotwe won ho fi won akwammone ho na wonya nkwa a, m'ani nnye ana? **24** "Na se otreneeni twe ne ho fi ne trennee nneyee ho, kaye bone, na oye akyiwade a amumoyefo ye a, obenya nkwa ana? Worenkae ne trennee nneyee no. Esiane se odi nokwaredi ho fo na waye bone nti, obewu. **25** "Nanso moka se, 'Awurade kwan ntee.' Muntiel Mo, Israelfi. Me kwan ntee ana? Enye mo akwan mmom na entee? **26** Se otreneeni twe ne ho fi ne trennee nneyee ho na okaye bone a, eno nti obewu, bone a waye nti obewu. **27** Nanso se omumoyefo twe ne ho fi amumoyesem a wadi ho, na oye nea etee ne nea eye papa a, obegye ne kra nkwa. **28** Esiane se wahu ne mmurato na watwe ne ho afo ho no nti, obenya nkwa na orenwu. **29** Nanso Israelfi ka se, 'Awurade kwan ntee.' M'akwan ntee! Mo, Israelfi! Enye mo akwan mmom na entee ana? **30** "Eno nti, mo Israelfo, mebu mo mu biara aten senea n'akwan te, Otumfo Awurade na ose. Monsakra mo adwene! Montwe mo ho mfi mo mmurato nyinaa ho; na afei bone remfa mo nko asehwe mu bio. **31**

Montow mfomso a moaye nyinaa ngu na moanya koma foforo ne honhom foforo. Aden nti na ese se muwu, Israelfifo? **32** M'ani nnye obiara wu ho, Otumfo Awurade na ose. 'Monsakra mo adwene na moanya nkwa!'

19 "Momma Israel mmapomma ho kwadwom **2** na monka se: "Na wo na ye gyatabere mu sononko wo gyata mu! Odaa gyataforo mu yen ne mma. **3** Oyen ne mma no mu baako ma obeyee gyata ohoodenfo. Osuaa senea wotetew hanam mu, na owee nnipa nam. **4** Amanaman no tee ne nka, na won amoa yii no. Wokyekyeree no de no ko Misraim asase so. **5** "Bere a ohuu se n'anidaso anye ho, na nea orehwe anim ayera no, ofaa ne ba foforo yee no gyata ohoodenfo. **6** Okyinkyin gyata no mu efise na waye gyata ohoodenfo. Osuaa senea wotetew hanam mu na owee nnipa nam. **7** Obubuu won abandennen na osese won nkurow. Asase no ne won a wote so nyinaa no, ne mmubomu boo won hu. **8** Afei amanaman no sare tiaa no, won a wofi nsase a atwa ahyia no so. Woguu no asau kyeree no wo won amoa mu. **9** Wode nwarewa twee no kahyee buw mu na wode no bre Babylonia hene. Wode no too afiase, na wante ne mmubomu no bio wo Israel mmepow no so. **10** "Na wo na te se bobedua a watew no asu ho wo wo bobeturo mu. Na esow aba, na eyiyii mman nsu a onya no bebre no nti. **11** Ne mman yee den yiye; edi mu se wode ye ahemfo ahempema. Ekoron, bunkam faa nhaban a aye kuhaa no so, ne soroko ne ne mman bebre no maa no yee sononko. **12** Nanso wode abufuwhyew tuu n'ase de no hwee fam. Apuei mframa maa no kasae, esow aba tetew gui; na ne mman a ewo ahooden no twintwamee na ogya hyewee. **13** Afei wakatwew no wo sare so asase kesee a nsu nni mu mu. **14** Ogya trew fii ne mman baako so na ehyew n'aba. Anka mman a ewo ahooden baako mpo wo so; nea wode ye ahemfo ahempema ma eye yiye no.' Eyi ye kwadwom na ma wonto no saa."

20 Afe a eto so ason no, osram anum no da a eto so du no, Israel mpanyimfo no mu bi bebisaa Awurade ho ade, na watenatenaa m'anim. **2** Na Awurade asem baa me nkyen se: **3** "Onipa ba, kasa kyere Israel mpanyimfo no se: 'See na Otumfo Awurade se: Moaba se morebebisaa me nkyen ade ana? Se mete ase yi, meremma mo kwan ma mummisa me nkyen mmoo, Otumfo Awurade na ose.' **4** "Bu won aten. Bu won aten, onipa ba. Fa won agyanom akyiwade a woyee no

si wɔn anim 5 na ka kyere wɔn se: ‘Sɛɛ na Otumfo Awurade se: Da a miyii Israel no, memaa me nsa so kaa ntam kyereɛ Yakobfi asefo, na miyii me ho adi kyereɛ wɔn wɔ Misraim. Memaa me nsa so ka kyereɛ wɔn se, “Mene Awurade, mo Nyankopɔn.” 6 Saa da no, mekaa wɔn ntam se meyi wɔn afi Misraim na mede wɔn aba asase a mahwehwe ama wɔn, asase a ɛwo ne nufusu sen wɔ so, asase nyinaa mu nea eye papa pa ara no. 7 Na meka kyereɛ wɔn se, “Mo mu biara ntow nsesode tantan a mode mo ani asi so no nkyene na mommfa Misraim ahoni no ngu mo ho fi, mene Awurade, mo Nyankopɔn.” 8 “Nanso wɔyɛɛ dɔm tiaa me na wɔantie me; Wɔantotow nsesode tantan no a wɔde wɔn ani asi so no angu na wɔannyae ahoni a efi Misraim no akyidi. Enti mekaa se mehwie m’abufuwhyew agu wɔn so de awie m’abufuw wɔ wɔn so wɔ Misraim. 9 Nanso me din nti meɛɛ nea ɛremma wonngu me ho fi wɔ amanaman a wɔtete mu no anim, aman a miyii me ho adi kyereɛ Israelfo wɔ mu, de yii wɔn fii Misraim no. 10 Enti midii wɔn anim fii Misraim, de wɔn baa sare no so. 11 Mede me nhyehyee maa wɔn na mema wohuu me mmara, efise obiara a odi so no nam so benya nkwa. 12 Na mede me homenna maa wɔn se enye nsenkyerenne wɔ yen ntam, senea wobehu se me Awurade na meɛɛ wɔn kronkron no. 13 “Nanso Israelfo tew m’anim atua wɔ sare no so. Wɔanni me nhyehyee so, na wɔpoo me mmara no, nanso onipa a obedi so no benya nkwa wɔ wɔn mu, na woguu me homenna ho fi koraa. Enti mekaa se mehwie m’abufuwhyew agu wɔn so na masɛ wɔn wɔ sare no so. 14 Nanso me din nti, meɛɛ nea ɛremma ho kwan ma wonngu me ho fi wɔ amanaman a miyii wɔn fii so no ani so. 15 Afei memaa me nsa so kaa ntam wɔ sare no so se meremfa wɔn nnko asase a mede ama wɔn no so, asase a ɛwo ne nufusu sen wɔ so, nsase nyinaa mu nea eye pa ara no, 16 efise wɔpoo me mmara, wɔanni m’ahyede so na woguu me homenna ho fi, esiane se na wɔn koma da wɔn ahoni no so nti. 17 Nanso mihuu wɔn mmɔɔ, na mansɛ wɔn na mantɔre wɔn ase wɔ sare no so. 18 Meka kyereɛ wɔn mma wɔ sare no so se, “Munnni mo agyanom ahyede ne wɔn mmara so, na mommfa wɔn ahoni ngu mo ho fi. 19 Mene Awurade, mo Nyankopɔn; munni m’ahyede so na monhwe yiye nni me mmara so. 20 Monye me homenna kronkron na enye nsenkyerenne wɔ me ne mo ntam. Afei mubehu se mene Awurade, mo Nyankopɔn no.” 21 “Nanso mma no yeɛ dɔm tiaa me.

Wɔanni m’ahyede so, na wɔanhwe anni me mmara so; nea onipa di so a obenya nkwa no, woguu me homenna ho fi. Enti mekaa se mehwie m’abufuwhyew agu wɔn so de awie m’abufuw a etia wɔn wɔ sare no so no. 22 Nanso metwentwen so, na me din nti, meɛɛ nea ɛremma ho ngu fi wɔ aman a miyii wɔn fii so no ani so. 23 Memaa me nsa so kaa ntam wɔ sare no so se mehweite wɔn wɔ amanaman no so na mabɔ wɔn apansam wɔ nsase no so, 24 efise wɔanni me mmara so, na mmom wɔpoo m’ahyede guu me homenna ho fi, na wɔn ani kodii wɔn agyanom ahoni akyi. 25 Enti memaa wɔn ahyede a enye ne mmara a ɛde asotwe mmom na ɛbeba wɔn so, na enye nkwa; 26 memaa ho kwan ma wɔde wɔn ayeyede a eye wɔn abakan bɔɔ afoɔ de guu wɔn ho fi, senea mede ahodwiriw behye wɔn ma ama wɔahu se mene Awurade.’ 27 “Enti onipa ba, kasa kyere Israelfo, ka kyere wɔn se, ‘Nea Otumfo Awurade se ni: Na eyi mu nso, mo agyanom poo me na wonam so kaa abususem tiaa me: 28 Mede wɔn baa asase a maka ntam se mede bema wɔn no so no, wɔbɔɔ afoɔ, yeɛ afoɔrebode maa koko biara a ɛkorɔn anaa dua biara a ɛso wɔ nhaban de hyee me abufuw; wɔde nnuhuam mae, na wohwiee ahwiesa maa wɔn. 29 Na mibisaa wɔn se: Ehe ne saa sorɔnsorɔmmee a moko ho yi?’” (Wɔfɛ ho Bama de besi nne.) 30 “Enti ka kyere Israelfi se: ‘Sɛɛ na Otumfo Awurade se: Mubegu mo ho fi senea mo agyanom yeɛ, na mo kɔn dɔ wɔn ahoni atantan no ana? 31 Se mode mo ayeyede a eye mo mmabarima bɔ afoɔ wɔ ogya so ma mo ahoni a, na moko so de mo ahoni nyinaa gu mo ho fi besi nne. Memma mommebisa me ho ade ana, Israelfi? Ampa ara se mete ase yi, Otumfo Awurade asem ni, meremma mummmisa me ho ade. 32 “Moka se, “Yeɛ se yeɛ se aman no, te se wiasefo a wɔsom nnua ne abo no.” Nanso nea ɛwo mo adwene mu no rensi da. 33 Se mete ase yi, Otumfo Awurade asem ni, Mede nsa a eye den, basa a wɔatee mu ne abufuwhyew a wɔahwie agu bedi mo so. 34 Mede mo befi amanaman no so, na maboaboa mo ano afi nsase a wɔapete mo wɔ so no so; mede nsa a eye den ne abasa a wɔatee mu ne abufuwhyew a wɔahwie agu na ɛbeɛ. 35 Mede mo beba amanaman no sare so, na ho na mebu mo aten anim ne anim. 36 Senea mibuu mo agyanom aten wɔ Misraim sare so no, saa ara na mebu mo aten, Otumfo Awurade asem ni. 37 Mema moafa m’abaa no ase na mahu mo yiye na mede mo aba apam no nkyehama ase. 38 Mɛsa mo mu ayi wɔn a wɔye dɔm tia

me. Ewɔ mu sɛ meyi wɔn aɸi aman a wote so no mu, nanso wɔn anan renɸi Israel asase so. Afei mubehu sɛ mene Awurade no. **39** “Na mo de, Israelfi, sɛɛ na Otumfo Awurade se: Mo mu biara nkɔsom n’ahoni! Nanso akyiri no, mubetie me na moremfa mo ayeɣede ne ahoni ngu me din kronkron ho fi bio. **40** Efise me bepɔw kronkron no so, Israel bepɔw a ɛkorɔn no so, Otumfo Awurade na ose, hɔ wɔ asase no so na Israelfi nyinaa besom me, na hɔ na mobesɔ m’ani. Eho na mehia mo aɸɔrebɔde ne mo ayeɣede a edi mu no, aka mo aɸɔre kronkron no nyinaa ho. **41** Sɛ miyi mo fi amanaman no mu na meboaboa mo ano fi nsase a wɔbɔɔ mo petee so no so a, mobesɔ m’ani sɛ kurobow a eyi hua, afei mɛda me kronkronyɛ adi wɔ mo mu ama amanaman no ahu. **42** Sɛ mede mo ba Israel asase a memaa me nsa so kaa ntam sɛ mede bema mo agyanom no so a, na mubehu sɛ mene Awurade. **43** Eho no, mobɛkae mo suban ne nneyɛɛ nyinaa a mode agu mo ho fi, na mo ho beye mo nwini esiane amumɔyɛ a moayɛ no nyinaa nti. **44** Mubehu sɛ mene AWURADE no, bere a me ne mo di no senea me din te na mmom ɛnye senea mo akwammɔne ne mo porɔwee nneyɛɛ no te, mo Israelfo, Otumfo Awurade asem ni.” **45** Awurade asem baa me nkyɛn se: **46** “Onipa ba fa w’ani kyere anafo fam, ka asem tia anafo fam na hyɛ nkɔm tia kwae a ewɔ anafo fam asase so. **47** Ka kyere anafo fam kwae no se: ‘Tie Awurade asem. Sɛɛ na Otumfo Awurade se: Merebeto wo mu gya, na ɛbehɣew nnua a ewɔ wo so nyinaa: Nea eyɛ amono ne nea awo. Wɔrennum ogyaframa no na ɛbehɣew asase no ani nyinaa; efi anafo fam kosi atifi fam. **48** Obiara behu sɛ me Awurade na masɔ ogya no ano; ɛrennum.” **49** Afei mekae se, “Aa, Otumfo Awurade! Wɔka fa me ho se, ‘ɛnye mme na ɔrebu yi ana?’”

21 Awurade asem baa me nkyɛn se **2** “Onipa ba, fa w’ani kyere Yerusalem na kasa tia kronkronbea no. Hyɛ nkɔm tia Israel asase **3** na ka kyere no se: ‘Sɛɛ na Awurade se: Me ne wo anya. Metwe m’afɔa aɸi ne boha mu de ayi atreneefo ne amumɔyɛfo aɸi mo mu. **4** Esiane sɛ merebeyi atreneefo ne amumɔyɛfo aɸi mo mu nti, m’afɔa befi ne boha mu atia obiara, fi anafo fam kosi atifi fam. **5** Afei nnipa nyinaa behu sɛ me Awurade matwe m’afɔa aɸi ne boha mu na ɛrensan bio.’ **6** “Enti si apini, onipa ba! Fa koma a abubu ne awerɛhow a ano yɛ den si apini wɔ wɔn anim. **7** Na se wobisa wo se, ‘Adɛn nti na woresi apini a?’ Wobɛka

se, ‘Eyɛ asem a ereba no nti. Koma biara bebɔtow na nsa biara mu agugow, honhom biara betɔ beraw na kotodwe biara bepɔpo.’ Ereba, ɔkwan biara so ɛbɛba, Otumfo Awurade asem ni.” **8** Awurade asem baa me nkyɛn se, **9** “Onipa ba, hyɛ nkɔm na ka se, ‘sɛɛ na Awurade se: “Aɸɔa bi, aɸɔa bi, wɔasew ano, atwiw ho, **10** wɔasew ano ama akunkumakunkum no, wɔatwiw ho ma etwa yerɛw yerɛw sɛ anyinam! “Ese sɛ yesɛpɛw yɛn ho wɔ me babarima Yuda ahempema ho ana? Aɸɔa no mfa pema biara a ete saa no nye hwee. **11** “Wɔayi aɸɔa no asi hɔ sɛ wontwitwiw ho, sɛ wɔmfa nsa nkura mu; wɔasew ano, atwiw ho, ayɛ no krado ama owudifo no. **12** Su na twa adwo, onipa ba, efise etia me nkurofo; etia Israel mmapɔmma nyinaa. Wɔagyaa wɔn ama aɸɔa no aka me nkurofo ho. Enti fa wo nsa gu wo ti so. **13** “Sɔhwe beba ampa ara. Na se Yuda ahempema a aɸɔa no mfa no nye hwee no nni hɔ a den na wɔbeyɛ? Otumfo Awurade asem ni.” **14** “Enti onipa ba, hyɛ nkɔm na bɔ wo nsam. Ma aɸɔa no ntwtitwa mprenu, mpo mprensa. Eyɛ akunkumakunkum aɸɔa, akunkumakunkum kese no aɸɔa, a ɛba wɔn so fi aɸanan nyinaa. **15** ɛbema koma nyinaa abɔtow na atɔfo adɔso, mede akunkumakunkum aɸɔa no asisi wɔn apon nyinaa ano. Hwe! Wɔatono no sɛ entwa yerɛw yerɛw sɛ anyinam, wɔaso mu ama akunkumakunkum. **16** Wo aɸɔa, twa kɔ nifa, na twa kɔ benkum, nea wo dade befa biara. **17** Me nso, meɔɔ me nsam, na m’abufuwɣyew ano bedwo Me Awurade na makasa no.” **18** Awurade asem baa me nkyɛn se: **19** “Onipa ba, bɔ akwan abien na Babiloniahene aɸɔa no mfa so, na ne abien no nyinaa mfi ase wɔ ɔman koro mu. Fa akwankyerɛde si nkwanta a eman kɔ kuroɔɔn no mu no so. **20** Bɔ ɔkwan baako a aɸɔa no befa so ako atia Amonfo Raba ne baako nso a ebetia Yuda ne Yerusalem a wɔabɔ ho ban no. **21** Na Babiloniahene begyina akwan abien no nkwanta so ahwehwe nkɔmhyɛ, ɔde agyan bebɔ ntonto, ako abisa wɔ n’ahoni nkyɛn, na wahwe mmrebo mu. **22** Ne nsa nifa mu na ntonto a ɛbebɔ Yerusalem no bekɔ, na hɔ na wɔbehɣehyɛ oburuw adwennini, de ama okum kese no. Afei wɔde osebo bema oburuw nnua no so apempem apon no, wɔbeyɛ mpempe na wɔasisi pampim. **23** ɛbeyɛ se atoro nkɔm ama wɔn a wɔne no ayɛ apam, nanso ɔbɛkaakae wɔn aɸɔdi na wafa wɔn nnommum. **24** “Enti sɛɛ na Otumfo Awurade se: ‘Esiane sɛ mo saa nkurofo yi nam mo atuategow so akae me mo aɸɔdi, de ada mo bɔne a moyɛ nyinaa adi, sɛ moayɛ eyi nti, wɔbefa mo nnommum. **25** “Wo

okontankye ne Israel hene ba otirimodenfo a wo da adu, wo a w'asotwe bere adu ne mpompomso, 26 sɛɛ na Otumfo Awurade se: Tu abotiri no, yi ahenkyew no. Erenye senea na ɛte kan no: Wɔbɛma nea abre ase no so; nea ama ne ho so nso, wɔabre no ase. 27 Ɔsɛ! Ɔsɛ! Mɛyɛ no ɔsɛ! Erensi ne dedaw mu bio kosi se ɔbɛba nea ɛyɛ ne de no nkyen, ɔno na mede bɛma no.' 28 "Na wo, onipa ba, hyɛ nkɔm ka se, 'Sɛɛ na Otumfo Awurade ka fa Amonfo ne wɔn ahohorabɔ ho: "Afoa bi, afoa bi, wɔatwe ama akunkumakunkum, wɔatwiw ho se enni nam na ɛmpa yerɛw yerɛw sɛ anyinam! 29 Atoro anisoadehu ne nkontompo nkonyaa a ɛfa wo ho akyi no wɔde bɛto wɔn kɔn mu amumɔyɛfo a ɛsɛ sɛ wokum wɔn no, wɔn a wɔn da no adu so, ne wɔn a wɔn asotwe bere adu ne mpompomso no. 30 "San fa afoa no hyɛ ne boha mu wɔ faako a wɔbɔɔ wo ho wɔ wo nananom asase so, mebu wo aten. 31 Mehwie m'abufuwhyew agu wo so na mahome m'abufuw a ɛyɛ hu atia wo; Mede wo bɛhyɛ mmarima atirimodenfo nsa, wɔn a wɔwɔ adesɛɛ ho nyansa. 32 Wobeyɛ nnyansin ama ogya, wɔbɛka wo mogya agu wo w'asase so, na wɔrenkae wo bio; me Awurade na makasa."

22 Awurade asem baa me nkyen se: 2 "Onipa ba, wubebu no aten ana? Wubebu saa mogyahwieguro kuropon yi aten ana? Eno de fa ne nneyɛɛ a ɛyɛ akyiwade no nyinaa si n'anim 3 na ka se: 'Sɛɛ na Otumfo Awurade se: Wo kuropon a ɔnam mogyahwieguro so de nnome aba ne ho so na ɔde ahoni a ɔyɛ agu ne ho fi, 4 woadi fɔ wɔ mogya a woahwie agu na woagu wo ho fi wɔ ahoni a woayɛ nti. Woama wo nna abɛn, na wo mfe awiei no aba. Enti mɛyɛ wo ahohorade wɔ amanaman no mu, ne akyiwade wɔ amantam no nyinaa mu. 5 Wɔn a wɔbɛn ne wɔn a wɔwɔ akyirikyiri bedi wo ho fɛw, wo Kuropon a wunni anuonyam, na basabasayɛ ahyɛ no ma. 6 "'Hwɛ senea Israel mmappomma a wɔwɔ wo mu no mu biara de ne tumi hwie mogya gu. 7 Wɔabu agya ne ɛna animtiaa wɔ wo mu, wɔahyɛ ɔnanani so, na wɔatan ayisaa ne akunafo ani. 8 Woabu m'akronkronne animtiaa na woagu me homenna ho fi. 9 Wo mu na mmarima ntwatosofo a wɔpɛ sɛ wohwie mogya gu wɔ, wɔn a wɔdidi wɔ sorɔnsorɔmmɛa abosonnɔn mu, na wɔyɛ ahohorade. 10 Wo mu na wɔn a wogu wɔn agyanom mpa ho fi wɔ; wɔn a wɔnɛ mɛɛa a wɔabu wɔn nsa, na wɔn ho ntew da no wɔ wo mu. 11 Wo mu na ɔbarima ne ne yɔnkɔ yere yɛ bɔnɛ a ɛyɛ akyiwade, ɔfoforo

ne n'asebea da wɔ animguase mu, na ɔfoforo ne ne nuabea da, ɔno ankasa n'agya babea. 12 Wo mu na nnipa gye adanmude ka mogya gu; wogyɛ nsiho ne mfaso a ɛboro so fi wɔn mfɛfo nkyɛn de nya wɔn ho bebree. Na mo werɛ aɛ fi me, Otumfo Awurade na ose. 13 "'Ampa ara mɛbɔ me nsam agu w'asisi ahonya ne mogya a woahwie agu no so. 14 W'akokoduru betumi agyina anaase wo nsa bɛyɛ den da a mene wo benya no ana? Me Awurade na akasa, na mɛyɛ. 15 Mehweite wo mu agu amanaman no so, na mabɔ wo apansam amantam no mu; na mede wo afideyɛ aba n'awie. 16 Sɛ wogu wo ho fi wɔ amanaman no mu a, wubehu sɛ mene Awurade no.'" 17 Aɛfi, Awurade asem baa me nkyen se: 18 "Onipa ba, Israelfi abɛyɛ dwɛtɛ ase fi ama me; wɔn nyinaa yɛ kɔbɛrɛ, sanyaa, dade ne sumpii a wɔagyaw wɔ fononoo mu. Wɔyɛ dwɛtɛfi nko ara. 19 Eno nti sɛɛ na Otumfo Awurade se: 'Esiɛne sɛ mo nyinaa abɛyɛ dwɛtɛfi nti, mɛboaboa mo ano wɔ Yerusalem. 20 Senea nnipa boaboa dwɛtɛ, kɔbɛrɛ, sumpii ne sanyaa ano hyɛ fononoo mu de ogyatannaa a ano yɛ den nan no, saa ara na mɛfi m'abufuw ne m'abufuwhyew mu aboaboa mo ano wɔ kuropon no mu na manan mo. 21 Mɛboaboa mo ano na mahuw m'abufuwhyew gya agu mo so, na moanan wɔ ne mu. 22 Senea wɔnan dwɛtɛ wɔ fononoo mu no, saa ara na mobɛnan wɔ ne mu na moahu sɛ me Awurade na mahwie m'abufuwhyew agu mo so.'" 23 Na Awurade asem baa me nkyen bio se: 24 "Onipa ba, ka kyɛrɛ asase no se, 'Woyɛ asase a wonnwiraa anaa osu ntɔɔ wo so wɔ abufuwhyew da no.' 25 Ne mmappomma abɔ pɔw bɔnɛ wɔ ne mu te sɛ gyata a ɔbobo mu na ɔtetew ne hanam mu, wɔwɛ nnipa nam, wɔfa ademude ne nneɛma a ɛsom bo na wɔma akunafo dɔɔso wɔ ne mu. 26 N'asɔfo bu me mmara so na wogu m'akronkronne ho fi; wɔnnkyɛrɛ nsonɔɛ a ɛda nea ɛyɛ kronkron ne nea ɛnyɛ kronkron ntam; wɔkyɛrɛkyɛrɛ sɛ nsonɔɛ biara nna nea ɛho ntew ne nea ɛho tew ntam, na wobu wɔn ani gu me homennadi so, de gu me ho fi wɔ wɔn mu. 27 N'adwumayɛfo te sɛ mpataku a wɔretetew wɔn hanam mu; wohwie mogya gu na wokum nnipa de pɛ mfaso bɔnɛ. 28 N'adiyifo nam atoro anisoadehu ne nkontompo nkamhyɛ so ma saa nneɛbɔnɛ yi yɛ fitaa. Wɔka se, 'Sɛɛ na Otumfo Awurade se,' wɔ bere a Awurade nkasaa ɛ. 29 Asase no so nnipa di amim na wɔbɔ korɔn; wɔhyɛ ahiafo ne mmɔborɔfo so, wonnye ahɔho ani na wɔde atentreneɛ kame wɔn. 30 "Mehwehweɛ obi wɔ wɔn mu a ɔbeto ɔfasu no na

wagyina m'anim wo asase no anan mu, senea ebeye a merenssee asase no, nanso manhu obiara. 31 Eno nti, mehwie m'abufuwwhyew agu won so, na mede m'abufuw a eye hu no atore won ase, na mama nea woye nyinaa abo won ti so, Otumfo Awurade asem ni."

23 Awurade asem baa me nkyen se: 2 "Onipa ba, mmea baanu a woye obee baako mma tenaa ase. 3 Wobeyee aguamammfo wo Misraim, na woboo aguaman fii won mmabaabere mu. Womiamiaa won nufu, woberee won mmabaabere mpokua wo asase no so. 4 Opanyin no din de Ohola na ne nuabea no nso din de Oholiba. Na woye me yerenom na wowowoo mmabarima ne mmabea. Ohola ne Samaria na Oholiba nso ne Yerusalem. 5 "Ohola da so ware me no, oboo aguaman; n'ani tu dii n'apefo akyi, Asiriafo, akofo no 6 a wohyehye ntade bibiri, amradofo ne asahene a won nyinaa ye mmerante a won ho ye fe na wotena aponko so. 7 One Asiriafo atitiriw boo aguaman, na osom won a odo won nyinaa ahoni de guu ne ho fi. 8 Wannya n'aguamammfo a ofii ase wo Misraim no, bere a oye ababaa na mmarima ne no dae, susoo ne mpokua mu na wohwiee won akonno guu ne so no. 9 "Eno nti mede no maa n'adfo Asiriafo no a n'ani bere won no. 10 Woboo no adagyaw, faa ne mmabarima ne ne mmabea koe, na wode afoa kum no. Ogyee ne din wo mmea mu na asotwe baa ne so. 11 "Ne nuabea Oholiba huu eyi nanso n'akonno bone ne n'aguaman sen ne nuabea no de. 12 Ono nso dii Asiriafo no akyi; amradofo ne asahene, akofo a wohyehye won ntade, aponkosotefo a won nyinaa ye mmerante ahoofe. 13 Mihuu se ono nso guu ne ho fi, won baanu faa okwan koro so. 14 "Na otooa n'aguamammfo no so koo akyiri. Ohuu mmarima mfonni a wookurukyerew agu ofasu bi ho, Kaldeafo mfonni a wode adukokoo akurukyerew 15 a aboso bobo won asen mu na abotiri bobo won ti a won nyinaa te se Babilonia nteaseenam mu mpanyimfo a wofi Kaldea. 16 Ohuu saa mfonni yi, ne kon doo won na osomaa abofo koo won nkyen wo Kaldea. 17 Na Babiloniafo no baa ne nkyen ne no bedaa doo mpa so, na won akonno mu no, woguu ne ho fi. Woguu ne ho fi wiee no won ho fonoo no enti ogyaa won. 18 Okoo so wo n'aguamammfo mu, boo ne ho adagyaw no, migyaw no ho senea migyaw ne nuabea no ho perepere. 19 Na omaa n'aguamammfo no koo so ara de kaee ne mmabaabere a na obo aguaman wo Misraim no. 20 Eho na one n'adfo a

won barima te se mfurum de na won ho nsu te se aponko de no boo aguaman. 21 Na wo kon doo wo mmabun mu akonno bone no, nea woyee wo Misraim a wosrasraa wo koko mu na womiamiaa wo mpokua no. 22 "Eno nti, Oholiba, see na Otumfo Awurade se: Mehwanyan w'adfo atia wo, won a won ho fonoo wo ma wugyaw won ho no; mede won befi afanan nyinaa abetia wo. 23 Babiloniafo ne Kaldeafo nyinaa, Pekod, Soa ne Koa mmarima, Asiriafo no ne won beba, mmerante ahoofe a won nyinaa ye amradofo, asahene, nteaseenam ho adwumayefo ne mmarima a wokura dibe a kese a won nyinaa tete aponko so. 24 Wode akode, nteaseenam ahorow ne nnipadom beba abetia wo; wode akokyem a kese ne nketewa ne dade kyew beka wo ahye. Mede wo behye won nsa, na wagyina won nhyehyee so atwe wo aso. 25 Medan me ninkunu abufuw no akyere wo so, na wone wo bedi no anibere so. Wobetwitwa mo hwene ne mo aso, na won a wobeka no, wobetoto wo afoa ano. Wobefa mo mmabarima ne mo mmabea ako, na mo a moaka no wode ogya ahyew mo. 26 Wobepa wo ho ntama nso na woafa wo nnwinne. 27 Eno nti mema w'akonno bone ne aguamammfo a wufii ase wo Misraim no aba n'awie. Wo kon renno saa nneema yi, na worenkae Misraim bio. 28 "Na see na Otumfo Awurade se: Mede wo rebeye w'atamfo nsa, won a won ho fonoo wo ma wugyaw won no. 29 Wode otan ne wo bedi, na woafa nea woye adwuma ape nyinaa. Wobegyaw wo adagyaw ne kwaterekwa, na w'aguamammfo ho aniwu no beda adi. W'aniwude ne w'aguamanssem no 30 na ede eyinom aba wo so, efise wo kon doo amanaman no na wode won ahoni guu wo ho fi. 31 Woye nea wo nuabea yee no bi; na eno nti mede ne kuruwa behye wo nsa. 32 "See na Otumfo Awurade se: "Wobenom wo nuabea kuruwa ano, kuruwa a eso na mu do; ede fewdi ne ahohora beba, efise nea ewo mu dooso. 33 Nsabow ne awerehow behye wo ma, osee ne asaworamto kuruwa no, wo nuabea Samaria kuruwa no behye wo ma. 34 Wobenom a hwee renka mu: na woawe n'asinasin no na wasunsuan wo mpokua mu. Me na maka, Otumfo Awurade asem ni. 35 "Eno nti see na Otumfo Awurade se: Esiane se wo were a fi me, na woatow me akyene w'akyi nti, ese se wunya w'aniwude ne w'aguamammfo so akatua." 36 Awurade ka kyeree me se, "Onipa ba, wubebu Ohola ne Oholiba aten ana? Eno de, fa won akyiwadeye no si won anim, 37 efise wassee aware, na mogya wo won nsa ho. Wode

wɔn ahoni na esee aware no; na mpo wɔde wɔn mma a wɔwoo wɔn maa me no bɔɔ afɔre maa wɔn se wɔn aduan. **38** Wɔde eyi nso aye me: Saa bere koro no ara mu, wogu me kronkronbea ne me homenna ho fi. **39** Da a wɔde wɔn mma bɔɔ afɔre maa wɔn ahoni no ara, wɔhyen me kronkronbea hɔ koguu ho fi. Eyi na wɔyɛ wɔ me fi. **40** “Wosomaa abofo kofrɛ mmarima a wofi akyirikyiri bae, na wobedui no, muguare, kekaa mo ani akyi, de mo adwinne hyehyɛ mo ho maa wɔn. **41** Motenaa akongua papa bi a wɔde ɔpon a wɔasew so asi anim, ɛso na mode nnuhuam ne ngo a anka ɛye me de no siii. **42** “Na hooyɛ a efi nnipakuw bi a hwee mfa wɔn ho atwa ne ho ahyia. Wɔde Sabeafo fi sare no so ne mmarima a wofi dɔm no mu bae, na wɔde nkapo hyehyɛ ɔbea no ne ne nua no nsa, na wɔhyɛ wɔn ahenkyɛw a ɛye fɛ. **43** Na meka faa nea aguamammɔ ama watetew no ho se, ‘Momma wɔnnɔyɛ no se oguamanfo, efise saa ara pɛ na ɔte.’ **44** Na wɔne no dae. Senea mmarima ne oguamanfo da no, saa ara na wɔne saa mmea a wɔn ho yɛ aniwu no, Ohola ne Oholiba dae. **45** Nanso atemmufɔ atreneefo de asotwe a wɔde ma mmea a wɔsee aware na wɔka mogya gu no bema wɔn, efise wɔyɛ nguamanfo na wɔn nsa ho wɔ mogya. **46** “Sɛɛ na Otumfo Awurade se: Fa nnipadɔm bra betia wɔn na ma ahunahuna ne ɔfom mmra wɔn so. **47** Nnipakuw no besiw wɔn abo na wɔde wɔn afoa betow ahyɛ wɔn so. Wobekunkum wɔn mmabarima ne wɔn mmabea na wɔahyew wɔn afi. **48** “Eno nti mɛma aniwu nneyɛ aba awiei wɔ asase no so na abɔ mmaa nyinaa kɔkɔ na wɔansua mo. **49** Wubenya w’aniwude so asotwe na woanya abosonsom ho bɔne so akatua. Afei wubehu se mene Otumfo Awurade no.”

24 Afe a ɛto so akron no sram a ɛto so du no nnafua du so no, Awurade aɛm baa me nkyɛn se: **2** “Onipa ba, kyerew saa da yi, saa da yi ara, efise Babiloniahene atua Yerusalem nne da yi ara. **3** Ka kyere saa atuatawfo yi, ka no wɔ mmebu mu kyere wɔn se: ‘Sɛɛ na Otumfo Awurade se: “Fa ɔsen no si gya so; fa si so na hwie nsu gu mu. **4** Fa namkum no gu mu, namkum a ɛye akɔnnɔ no nyinaa, anan ne abasa. Fa nnompe a ɛte apɔw hyɛ no ma; **5** fa nguankuw no mu nea odi mu. Fa nnyentia hyehyɛ ase ma nnompe no; ma enhuru na noa nnompe a ɛwɔ mu no. **6** “Na sɛɛ na Otumfo Awurade se: “Mogyahwiegɔ kuropon no nnue, nnome nka ɔsen a agye nkannare mprenpre, na nea ɛwɔ mu aka mu nol! Yiyi namkum no mmaako mmaako fi mu a wompaw mu koraa. **7** “Mogya a ohwie

guu no wɔ ne mfimfini: ohwie guu ɔbotan wosee so; wanhwie angu fam, baabi a mfutuma bekata so. **8** Sɛ ɛbehwanyan abufuwhyew ama aweretɔ nti mede ne mogya guu ɔbotan wosee so senea ɛso renkata. **9** “Enti sɛɛ na Otumfo Awurade se: “Mogyahwiegɔ kuropon no nnue! Me nso mɛhyehyɛ nnyansin no ama ako sorosoro. **10** Enti hyehyɛ nnyansin no na sɔ gya no. Noa nam no yiye, fa ahuamhuanne fra mu; na ma nnompe no nhyew. **11** Afei fa ɔsenhunɔ no si nnyansramma no so kosi se ɛbedɔ na aye kɔɔ senea mu fi no benan na nea ɛwɔ mu no behyew asɛ. **12** Wama ɔbrɛ no nyinaa aye kwa; mu fi dodow no ankɔ, ogya mpo antumi anyi. **13** “Fi a ɛwɔ wo mu no ne aniwu nneyɛ. Mɛbɔ mmɔden se mɛhohoro wo ho, nanso woamma ho kwan, wo ho remfi bio kosi se m’abufuwhyew a etia wo no ano bedwo. **14** “Me Awurade na maka. Bere aso se meye biribi. Merentwentwen so; merennya ahummɔbɔ, na merengugow me ho. Wobegyina wo suban ne wo nneyɛ so abu wo aten, Otumfo Awurade aɛm ni.” **15** Awurade aɛm baa me nkyɛn se: **16** “Onipa ba, merebeɔ wo baako na mafa ade a w’ani gye ho yiye. Nanso ntwa adwo, nni awerehow na nte w nusu. **17** Si apini komm; nni owufo ho awerehow. Ma w’abotiri mmɔ wo na hyɛ wo mpaboa; nkata w’ano na nni amanne aduan a wɔn a wodi awerehow no di.” **18** Enti mekasa kyere nni na ɔnɔpa na n’anwummere na me yere wui. Ade kyee no, meye senea wɔahyɛ me no. **19** Afei nni na bisaa me se, “Worenkyere yen senea nneyɛ yi si fa yen ho ana?” **20** Enti meka kyere wɔn se, “Awurade aɛm baa me nkyɛn se: **21** Ka kyere Israelfi se: ‘Sɛɛ na Otumfo Awurade se: Merebegu me kronkronbea ho fi; mo bammɔ dennen a mode hoahoa mo ho, nea mo ani gye ho, ade a mo koma da so. Mmabarima ne mmabea a mugyaw wɔn akyi no betotɔ wɔ afoa ano. **22** Na mobeyɛ senea mayɛ yi, morenkata mo ano na morenni amanne aduan a wɔn a wodi awerehow di. **23** Mobekɔ so abɔ mo abotiri ahyɛ mo mpaboa. Morenni awerehow na morensu, mmom mo so betew esiane mo bɔne nti, na mubesisi apini wɔ mo mu. **24** Hesekiel beyɛ nsɛnkyerennede ama mo, mobeyɛ senea wayɛ no pɛpɛɛpɛ. Na eyi si a na mubehu se mene Otumfo Awurade no.’ **25** “Na wo, onipa ba, da a mfa wɔn aban dennen, wɔn ahosepɛw ne anuonyam, ade a wɔn ani gye ho, wɔn koma so ade, ne wɔn mmabarima ne wɔn mmabea nso no, **26** saa da no okyinkyinfo bi na ɔbeba abɛka nea asi akyere wo. **27** Saa bere no, w’ano bebue, wo ne no bekasa

na worenɔ kɔmm bio. Wɔbɛyɛ nsenkyerɛnnede ama wɔn, na wobehu sɛ mene Awurade no.”

25 Awurade asem baa me nkyen se: **2** “Onipa ba, fa w’ani kyere Amonfo so na hye nkɔm tia wɔn. **3** Ka kyere wɔn se, ‘Muntie Otumfo Awurade asem. Sɛɛ na Otumfo Awurade se: Esiane sɛ wokaa “Ehɛɛ” guu me kronkronbea so bere a wogu ho fi ne Israel asase bere a edaa mpan, ne Yudafo bere a wɔkɔ nnommum mu **4** nti, mede mo rebɛma nnipa a wofi Apuei fam na wɔde mo aye wɔn de. Wɔbɛkyekye wɔn nsraban, asisi wɔn ntamadan wɔ mo mu; wobedi mo nnuaba na wɔanom mo nufusu. **5** Medan Raba aye no yoma adidibea na Amon aye faako a nguan gye wɔn ahome. Afei mubehu sɛ mene Awurade no. **6** Na sɛɛ na Otumfo Awurade se: Esiane sɛ moabɔ mo nsam de mo anan apempem ho, na mode koma mu bɔne nyinaa adi ahurusi atia Israel asase nti, **7** metɛɛ me nsa atia mo na moaye asade ama amanaman no. Metwa mo afi amanaman no mu na matore mo ase wɔ nsase no so. Mɛsɛɛ mo na mubehu sɛ mene Awurade no.”” **8** “Sɛɛ na Otumfo Awurade se: ‘Esiane sɛ Moab ne Seir kae se, “Monhwɛ, Yudafo aye sɛ amanaman a aka no” **9** nti, mebie Moab nkyen mu, afi nkurow a ededa n’ahye so, Bet-Yesimot, Baal-Meon ne Kiriataim, a eye asase no anuonyam. **10** Na mede Moab beka Amonfo ho ama nnipa a wɔwɔ Apuei fam de aye wɔn de, senea ebeye a wɔrenkae Amonfo wɔ amanaman no mu; **11** na metwe Moab aso. Na wobehu sɛ mene Awurade no.”” **12** “Sɛɛ na Otumfo Awurade se: Esiane sɛ Edom tɔ were wɔ Yudafo so na ɔnam so dii fo no nti, **13** nea Otumfo Awurade se ni: ‘Metɛɛ me nsa atia Edom na makum ne mmarima ne ne mmoa, mema asase a eda Teman kosi Dedan ada mpan, na wɔbetɔtɔ wɔ afoa ano. **14** Me nkurofo Israelfo beye nsa a mɛfa so ato Edom so were na wɔne no bedi no senea m’abufuw ne m’abufuwhyew te; wobehu m’aweretɔ, Otumfo Awurade asem ni.”” **15** “Sɛɛ na Otumfo Awurade se: ‘Esiane sɛ Filistifo tɔ were, na wɔde koma mu nsusu bɔne na eyɛɛ saa, na wɔde ɔtan a efi tete sɛɛɛ Yuda nti, **16** senea Otumfo Awurade se ni: Merebetɛɛ me nsa atia Filistifo, na matwa Keretifo no agu na masɛɛ wɔn a wɔaka wɔ mpoano ho no. **17** Metɔ wɔn so were a ɛso na matwe wɔn aso wɔ m’abufuwhyew mu. Na se metɔ wɔn so were a, wobehu sɛ mene Awurade no.””

26 Afe a ɛto so dubaako no sram da a edi kan no, Awurade asem baa me nkyen se: **2** “Onipa

ba, esiane sɛ Tiro aka afa Yerusalem ho se, ‘Ehɛɛ! Amanaman no ano pon abubu na n’apon no abuebie ama me; mprenpren a kuropon yi asɛɛ yi, menya nkɔso.’ **3** Enɔ nti, sɛɛ na Otumfo Awurade se: Me ne wo anya, Tiro, mede aman bebree beba abetia wo te sɛ po a erebɔ n’asorɔkye. **4** Wɔbɛsɛ Tiro afasu na wɔadwiriw n’abantenten no. Mɛpa so dɔte agu ama aye ɔbotan kwaboo. **5** Obefi po mu abeye beae a wɔhata asau, efise makasa. Otumfo Awurade asem ni. ɔbeyɛ amanaman no asade, **6** na afoa bɛsɛ n’atenae a ɛwɔ asase kesee so no pasaa. Afei wobehu se, mene Awurade no. **7** “Na sɛɛ na Otumfo Awurade se: Merekɔfa Babiloniahene Nebukadnessar, ahene mu hene, ne ne apɔnkɔ ne nteaseenam, ne apɔnkɔsotefo ne nsraadɔm kesee afi atifi fam aba wo so. **8** ɔde afoa bɛsɛ w’atenae a ɛwɔ asase kesee no so no pasaa; obesisi mpampim aye mpempe wɔ w’afasu ho na wama ne nkatabo so atia wo. **9** ɔde oburuw nnuwa bepempem w’afasu no, na ɔde akode abubu w’abantenten no asɛɛ no. **10** N’apɔnkɔ no bedɔso yiye, na wɔbɛbɔ mfutuma akata wo so. ɔsa apɔnkɔ no, nkyimii ne nteaseenam nnyigyei bema w’afasu awosow, bere a wɔahyen wo apon mu, senea mmarima hyɛn kuropon a n’afasu mu adeda akwan no. **11** N’apɔnkɔ no tɔte betiatia wo mmɔnten nyinaa so, ɔde afoa bekunkum wo nkurofo na w’afadum dennen no bebubu agu fam. **12** Wɔbɛfom w’ahode na wɔawia w’aguade, wobebubu w’afasu, na wɔadwiriw w’adan fefe no na wɔatɔtow w’abo, wo nnuwa ne wo dɔte agu po mu. **13** Mɛma wo nnwonto gyegyegye no aba awiei na wɔrente wo sanku so nnwonto no bio. **14** Meye wo ɔbotan kwaboo na wo so na wɔbehata asau. Wɔrenkyekyerɛ wo bio. **15** “Sɛɛ na Otumfo Awurade ka kyere Tiro: Sɛ wo mpoano nkurow no te w’asehwe ho apinisi ne akunkumakunkum a asi wɔ wo mu a, wɔn ho rempopo ana? **16** Afei mpoano mmarɔmma no nyinaa befi wɔn nhengua so, ayiyi wɔn nguguso ne ntade a wɔadi mu adwinni agu ho. Ehu bebɔ wɔn ama wɔatenatena fam, wɔn ho bepopo na wɔn ho adwiriw wɔn wɔ wo nti. **17** Afei wɔbɛma kwadwom a efa wo ho so se: “Hwɛ senea wɔasɛɛ wo, kuropon a woagye din, wo a po sofo na ɛte wo mu, na anka wowɔ tumi wɔ po so! Wo ne wo manfo; wode hu hyɛɛ wɔn a wɔte ho nyinaa mu. **18** Mprenpren, mpoano nsase no ho popo wɔ w’asehwe da no; asupɔw a ɛwɔ po mu no abɔ hu wɔ w’asehwe no ho.” **19** “Sɛɛ na Otumfo Awurade se: Sɛ mema woyɛ kuropon a ada mpan te se nkuropon a nnipa ntete so, na se mema po bun ba

wo so na se ne mu nsu bebrebe no bekata wo so a, 20 mede wo ne wɔn a wokɔ amoa mu no besian ako teteetefo no nkyen. Mema woatena asase ase ho te se tete mmubui, wo ne wɔn a wosian kɔ amoa mu no, na worenzan anaa worennya kyefa wɔ ateasefo asase so. 21 Mede wo beba awiei a eye hu mu na worenhu bio. Wɔbehwehwe wo nanso worenhu wo bio da, Otumfo Awurade asem ni.”

27 Awurade asem baa me nkyen se: 2 “Onipa ba, ma kwadwom a efa Tiro ho so. 3 Ka kyere Tiro a ɔda po abobow ano, na ɔne aguadifo bebre a wɔwɔ mpoano nkuro wo so di gua se, eyi ne asem a Otumfo Awurade ka: “Woka se, Tiro, “Me ho ye fe yiye.” 4 Wo tumidi wɔ po so akyirikyiri; w’adansifo maa w’ahoofe wiee pɛye. 5 Wo nnua a wɔpae nyinaa ye ɔpɛpaw a efi Senir. Wɔde Lebanon sida na eye ahyen so nnua maa wo. 6 Odum nnua a efi Basan na wɔde ye w’atabon; Kwabɔhɔre nnua a efi Kipro mpoano na wɔde ye w’ahyen abrannaa, a wɔde asonse asew so. 7 Misraim nwera papa bi a wɔadi mu adwini na wɔde ye w’ahyen so mframata a eye wo frankaa nso; w’apon ne mfensere ano ntama ye abibitam ne beredum ntama a efi Elisa mpoano. 8 Sidonfo ne Arwadfo na wɔhare w’ahyen; wo mmarima anyansafo. Tiro, na wɔye adwumaye wo w’ahyen mu. 9 Gebal adwumfo adedaw tenaa w’ahyen mu se dua dwumfo a wotuata ahyen no mu ntokuru. Po so ahyen ne wɔn hyenmufo nyinaa baa wo nkyen ne wo bedii nsesagua. 10 “‘Persia, Lidia ne Put mmarima somee se asraafo wo wo nsraadom mu. Wɔde wɔn nkatabo ne dade kyew sensen w’afasu ho, de hyee wo anuonyam. 11 Arwad ne Helek mmarima wen w’afasu ho nyinaa Gammad mmarima tenaa w’abantenten mu. Wɔde wɔn nkatabo sensen w’afasu ho maa w’ahoofe dii mu. 12 “‘W’aguade a ema wonyaa wo ho bebre nti, Tarsis ne wo dii gua, wɔde dwete, dade, sanyaa ne sumpii sesaa w’aguade. 13 “‘Helafo, Tubalfo ne Mesekfo ne wo dii gua, wɔde nkoa ne kobere nneema sesaa w’aguade. 14 “‘Bet Togarma mmarima de adwumaye aponko, ɔsa aponko ne mfurum mma besesaa w’aguade. 15 “‘Roda mmarima ne wo dii gua, na mpoano nkuro bebre ye w’adetofo a wɔde asonse ne duabo nnua tuaa wo ka. 16 “‘Aram ne wo dii gua esiane wo nneema bebrebe a woye nti; wɔde nsrammabo, ntama a eberedum, nea wɔadi mu adwinni, nwera pa, nnenkyerema ne bota besesaa w’aguade. 17 “‘Yuda ne Israel ne wo

dii gua; wɔde awi a efi Minit ne brodo, ewo, ngo ne ahyehyesrade sesaa w’aguade. 18 “‘Damasko ne wo dii gua wɔ nsa a efi Helbon ne nguan ho nwi a efi Sahar mu, esiane nneema a woye ne w’aguade a ama woanya wo ho bebre no nti. 19 Danfo ne Helafo a wofi Usal tɔ w’aguade na wɔde dade a wɔaboro, sesadua ne ahunuananyankwa sesaa w’aguade. 20 “‘Dedan de aponkonguasotam ne wo dii gua. 21 “‘Arabfo ne Kedar mmapomma nyinaa ye w’aguadifo a wɔde nguantenmma, adwennini ne mpapo ne wo dii gua. 22 “‘Seba ne Raama aguadifo ne wo dii gua; wɔde nnuhuam ahorow a ete aɔw, aboɔden abo ne sikakokɔ ne wo bedii nsesagua. 23 “‘Haran, Kan ne Eden, aguadifo a wofi Seba, Asur ne Kilmad ne wo dii gua. 24 Wo gua so ho, wɔde ntama a eye fe, nneemmatam a eye tuntum, adwinne ahorow ne ntama fefe a ewɔ ahosu ahorow a wɔde nhoma a wɔakyinkyim abobo no aɔwawɔw na aye ne wo bedii gua. 25 “‘Tarsis ahyen ye adwuma se asofo ma w’aguade. Adesoa duruduru aye wo ma wɔ po no mfimfini. 26 W’aharefo no fa wo de wo kɔ po so akyirikyiri nanso apuei ahum bebubu wo mu nketenketete wo po no mfimfini. 27 W’ahonya, aguade ne adetonnne w’ahyen akwankyereto, w’ahyen mufo ne wɔn a wotuata w’ahyen mu ntokuru, w’aguadifo ne w’asraafo nyinaa, ne obiara a ɔwɔ hyen no mu bemem ako po ase tɔnn, da a wo hyen no bebo. 28 Mpoano asase bewosow bere a wo hyen mufo no reteete mu. 29 Wɔn a wokurakura atabon no nyinaa begyaw wɔn ahyen ho; hyen akwankyereto ne hyen mufo nyinaa begyinagyina mpoano. 30 Wɔbema wɔn nne so asu osu yaayaw ama wo; wɔbepete mfutuma agu wɔn ti so na wɔyantayantam nsɔ mu. 31 Wo nti wɔbebobo tikwaw na wɔafurafura atweatam. Wɔde ɔkra mu ahoyeraw ne awerehow a mu ye den begyam wo. 32 Bere a wɔretwa adwo redi awerehow no wɔbema kwadwom bi a efa wo ho so se: “Hena na wama no atɔ mum te se Tiro a po atwa ne ho ahia yi?” 33 Bere a w’aguade kɔ po ahorow so no wobooa aman bebre; W’ahonyade ne w’aguade maa asase so ahemfo nyaa wɔn ho. 34 Afei po abubu wo mu nketenketete wo asu no bun mu w’aguade ne w’adwumaye nyinaa ne wo amem kɔ asu ase. 35 Wɔn a wɔtete mpoano nyinaa ho adwiriw wɔn wo ho; ehu ma wɔn ahemfo ho popo na wɔn anim sinsiam. 36 Aman no mu aguadifo bɔ ntwɔm gu wo so woaba awiei a eye hu na wɔrenhu wo bio.”

28 Awurade asem baa me nkyen se: **2** “Onipa ba, ka kyere Tiro sodifo no se: ‘Sɛɛ na Otumfo Awurade se: “Wufi w’ahantan koma mu ka se, “Meyɛ onyame; mete onyame bi ahengua so wɔ po mfimfini.” Nanso woye onipa, wonye onyame, ɛwɔ mu, wudwen se wunim nyansa se onyame bi. **3** Wunim nyansa sen Daniel ana? Wunim kokoamsem biara ana? **4** Wonam wo nyansa ne nhumu so anya ahode ama wo ho, woape sikakokɔ ne dwetɛ bebreɛ agu w’adekoradan mu. **5** Wonam w’aguadi mu nyansa so ama w’ahonya adɔso, na w’ahonya nti woahoran wɔ wo koma mu. **6** “‘Eno nti sɛɛ na Otumfo Awurade se: “‘Esiane se wudwen se wunim nyansa te se Onyame nti, **7** mede ananafo reba abetia wo, amanaman no mu ɔdesɛfo pa ara; wɔbetwetwe wɔn afoa wɔ w’ahoofɛ ne wo nyansa so na woahwirew w’anuonyam no. **8** Wɔde wo bɛto amoa no mu, na wubewu owu yaayaw wɔ ɛpo mfimfini. **9** Afei wobɛka se, “Meyɛ onyame,” wɔ wɔn a wokum wo no anim ana? Wobɛyɛ onipa na ɛnye onyame, wɔ wɔn a wokum wo no nsam. **10** Wubewu momonotofo wu wɔ ananafo nsam. Me na maka, Otumfo Awurade asem ni.” **11** Awurade asem baa me nkyen se: **12** “Onipa ba, ma kwadwom a ɛfa Tirohene ho so na ka kyere no se: ‘Sɛɛ na Otumfo Awurade se: “‘Na anka woye pɛyɛ nhweso, na wowɔ nyansa na woyɛ ahoofɛdua. **13** Na anka wowɔ Eden Onyankopɔn turo no mu. Wɔde abohemaa nyinaa siesie wo: bogyanambo, akraatebo ne bɔwerɛbo sikabereɛbo, apopobibiribo ne ahwehwebo, hoabo, nsrammabo ne ahabammono bo; wɔde sika kɔkɔ na aye w’ahyehyede, wosiesie ne nyinaa da a wɔbɔ wo. **14** Wɔsraa wo ngo se ɔhwɛfo kerub, efise saa na mehyɛ wo. Na wowɔ Onyankopɔn bepɔw kronkron no so; wonantew ogya abo mu. **15** Na anka w’akwan ho nni asem efi da a wɔbɔ wo no kosii se wohuu amumɔyɛ wɔ wo mu. **16** W’aguadi a mu trɛw no nti wɔde akakabensem hyɛ wo ma na woyɛ bɔne. Eno nti mepam wo fii Onyankopɔn bepɔw no so wɔ animguase mu, na miyii wo adi, ɔhwɛfo kerub, fii ogya abo no mu. **17** Wohyerɛn wɔ wo koma mu w’ahoofɛ nti na womaa wo nyansa porɔwee, w’anuonyam no nti. Enti metow wo kyeneɛ fam; na mede wo yɛɛ ahwɛde wɔ ahemfo anim. **18** Wode wo nnebɔne ne aguadi mu asisi agu wo kronkrommea ho fi eno nti memaa ogya fii wo mu na ɛhyew wo, na memaa wo dan nsɔ wɔ fam wɔ wɔn a na wɔrehwe no nyinaa anim. **19** Aman a na wonim wo nyinaa ho adwiriw wɔn wo

wo ho: w’awiei aye ahometew na wɔrenhu wo bio.” **20** Awurade asem baa me nkyen se: **21** “Onipa ba, fa w’ani kyere Sidon na hyɛ nkɔm tia no **22** na ka se: ‘Sɛɛ na Otumfo Awurade se: “‘Me ne wo anya, Sidon na mɛda m’anuonyam adi wɔ mo mu. Wubehu se mene Awurade no, bere a mede asotwe aba ne so na mada me ho adi se ɔkronkronni wɔ ne mu no. **23** Mema ɔyaredɔm aba ne so na mama mogya atɛɛ wɔ ne mmɔnten so. Apirafɔ betoto wɔ ne mu, bere a afoa redi ahim wɔ ne ho nyinaa. Afei na wobehu se mene Awurade no. **24** “‘Na Israelfo rennya yɔnkonom a wowɔ adwemmɔne, wɔn a wowowɔ yayaayaw se ohwirem ne nsɔe bio. Afei na wobehu se mene Otumfo Awurade no. **25** “‘Sɛɛ na Otumfo Awurade se: Sɛ meboa Israelfo ano fi aman a wabo wɔn apete no so a, mɛda me kronkronye adi wɔ wɔn mu, ama amanaman no ahu. Afei wɔbetena wɔn ankasa asase a mede maa me somfo Yakob no so. **26** Wɔbetena hɔ asomdwoe mu na wobesisi adan, ayeye bobɛ nturo; Wɔbetena ase asomdwoe mu wɔ bere a matwe ne yɔnkonom a wokasa tiaa no no nyinaa aso. Afei wobehu se mene Awurade, wɔn Nyankopɔn no.”

29 Mfe du so ɔsram a ɛto so du no da a ɛto so dumien no, Awurade asem baa me nkyen se: **2** “Onipa ba, fa w’ani kyere Misraimhene Farao so na hyɛ nkɔm tia no ne Misraim nyinaa. **3** Kasa kyere no na ka se: ‘Sɛɛ na Otumfo Awurade se. “‘Me ne wo anya, Misraimhene Farao asuboa kese a woda wo nsuwansuwa mu.” Woka se, “Nil yɛ mede; meye maa me ho.” **4** Na mede nnarewa besuso w’abogyɛ mu na mama mpataa a wowɔ wo nsuwansuwa mu no atɛtare w’abon ho. Metwe wo afi wo nsuwansuwa no mu, a mpataa no nyinaa tɛtare wo ho. **5** Megyaw wo hɔ wo sare no so, wo ne mpataa a wowɔ wo nsuwansuwa mu no nyinaa. Mobehwe ase wɔ asase petee mu a wɔremma mo so bio. Mede wo bema asase so mmɔa ne wim nnomaa se wɔn aduan. **6** Afei wɔn a wɔte Misraim nyinaa behu se mene Awurade no. “‘Woaye se demmire pema ama Israelfi. **7** Wɔde wɔn nsa soo wo mu no, wo mu bukaw ma wuhuruii, wotwerii wo no, wo mu bu ma wobɔ pemma. **8** “‘Eno nti sɛɛ na Otumfo Awurade se: Mede afoa beba abeko atia wo na makunkum wo mmarina ne wɔn mmɔa. **9** Misraim beɛda mpan na asɛɛ. Eno na wobehu se mene Awurade. “‘Efise wokae se, “Nil yɛ me de; me na meyeɛ,” enti **10** me ne wo ne wo nsuwansuwa na anya, na mɛma Misraim asase asɛɛ na ada mpan, efi

Migdol kosi Aswan twa mu de kōka Kus hye so. **11** Onipa anaa aboa biara nan rensi so, obiara rentena so mfe aduanan. **12** Mema Misraim asase no ada mpan wɔ nsase a asɛe mu na ne nkuropon beda mpan mfe aduanan wɔ wɔn nkuropon a asɛe no mu. Na mebo Misraimfo apete wɔ amanaman mu, na mahwete wɔn wɔ nsase so. **13** “Nanso sɛɛ ne nea Otumfo Awurade se: Mfe aduanan akyi no, meboaboa Misraimfo ano afi aman a mebo wɔn petee so no so. **14** Mede wɔn befi nnommumfa mu aba na mede wɔn akɔ Misraim Atifi, wɔn nenanom asase. Eho na wobeyɛ ahenni mu kumaa bi. **15** Ebeyɛ ahenni a enyɛ den na erentumi mma ne ho so wɔ aman a aka no mu. Meyɛ no ahenni a erentumi nni aman afoforo so. **16** Misraim renyɛ ɔman a Israelfo de wɔn ho bɛto no so bio, mmom ebekae wɔn bɔne a wɔyɛɛ sɛ wode wɔn ho kɔdan no de pɛɛ mmoa. Afei, wobehu sɛ mene Otumfo Awurade no.” **17** Mfe aduonu ason so, ɔsram a edi kan no da a edi kan no, Awurade asem baa me nkyen se: **18** “Onipa ba, Babiloniahene Nebukadnessar ne n’asraafo tuu Tiro so sa abran so, eti biara so pepae, na ɔbati nso so popɔree. Nanso ɔne n’asraafo no annya hwee amfi adwumaden a wɔyɛ de tiaa Tiro no mu. **19** Eno nti, sɛɛ na Otumfo Awurade se: Mede Misraim rebɛhyɛ Babiloniahene Nebukadnessar nsa na ɔbesoa n’ahode akɔ. Ɔbɛfom asase no de ayɛ akatua ama n’asraafo. **20** Mede Misraim ama no sɛ n’adwumayɛ so akatua, efise ɔne n’akɔfo yɛ maa me, Otumfo Awurade asem ni. **21** “Saa da no mema aben bi aifi ama Israelfi, na mebie w’ano wɔ wɔn mu. Afei wobehu sɛ mene Awurade no.”

30 Awurade asem baa me nkyen se: **2** “Onipa ba, hye nkɔm na ka se: ‘Sɛɛ na Otumfo Awurade se: “Twa adwo na ka se, “Ao da no!” **3** Na da no aben, Awurade da no aben, omununkum da, amanaman no atemmu bere. **4** Afoa bi besɔre atia Misraim, na ahoyeraw bɛba Kus so. Sɛ apirafo totɔ wɔ Misraim a wɔbesoa n’ahonyade akɔ na wɔabubu ne fapem agu fam. **5** Kus ne Put, Lidia ne Arabia nyinaa, Libia ne bɔhyɛ asase no so nnipa ne Misraim betɔtɔ wɔ afoa ano. **6** “Sɛɛ na Awurade se: “Misraim nnamfonom betɔtɔ na n’ahomaso ahooɔden bedi no huammo. Efi Migdol kosi Aswan wɔbetɔtɔ wɔ afoa a ɛwɔ ne mu no ano, Otumfo Awurade asem ni. **7** Wɔbededa mpan wɔ nsase a ada mpan mu, na wɔn nkuropon bebubu aka nkuropon a abubu ho. **8** Afei wobehu sɛ mene Awurade no, bere a mede ogya ato Misraim mu na

madwerɛw n’abofo nyinaa no. **9** “Saa da no, asomafo de ahyɛn befi me nkyen akohunahuna Kus a ne tirim yɛ no de no. Ne ho beyeraw no wɔ Misraim atemmuda no, na ampa ara ebɛba mu. **10** “Sɛɛ na Otumfo Awurade se: “Mede Misraim dɔm bebrebe no bɛba awiei mɛfa Babiloniahene Nebukadnessar so. **11** Ɔno ne n’asraafo; amanaman no mu anuɔɔdenfo, wode wɔn bɛba abesɛɛ asase no. Wɔbetwe wɔn afoa atia Misraim na wode afunu ahyɛ asase no so ma. **12** Mema Nil mu nsu ayow na matɔn asase no ama nnipa bɔne; menam ananafo so besɛɛ asase no ne nea ɛwɔ mu nyinaa. Me Awurade na maka. **13** “Sɛɛ na Otumfo Awurade se: “Mesɛɛ ahoni no na mede Memfis nsesode ahorow no aba awiei. Misraim rennya mmappomma bio, na mema hu aba asase no so nyinaa. **14** Mesɛɛ Misraim Atifi, ato Soan mu gya na matwe Tebes aso. **15** Mehwie m’abufuwɛhyew agu Pelusum so, Misraim bammɔ dennen no, na matwa Tebes nnipa bebrebe no agu. **16** Mɛto Misraim mu gya; Pelusum de ɔyaw bebubu ne mu. Ahum bebu afa Tebes so; na Memfis bedi abooboo da biara. **17** Heliopolis ne Bubastis mmerante betɔtɔ wɔ afoa ano, na nkuropon no ankasa bekɔ nnommum mu. **18** Sum kabii beduru Tapanhes, da no sɛ mibubu Misraim konnua no a; ho na n’ahomaso ahooɔden bɛba awiei. Omununkum bekata no so, na ne nkuraa bekɔ nnommum mu. **19** Eno nti metwe Misraim aso, na wobehu sɛ mene Awurade no.” **20** Afe a ɛto so dubaako no, ɔsram a edi kan no da a ɛto so ason no, Awurade asem baa me nkyen se: **21** “Onipa ba, mabu Misraimhene Farao basa mu. Wɔnkyekyeree, na atoa bio; na wɔmfa nhyɛɛ ntama bamma mu na anya ahooɔden a ɔde beso afoa mu. **22** Eno nti, Otumfo Awurade na ose: Mene Misraimhene Farao anya; meubu n’abasa abien no mu; basa a eye ne nea mu abu no, na mama afoa afi ne nsam atɔ fam. **23** Mede Misraimfo bekɔ amanaman mu na mahwete wɔn agu nsase so. **24** Mɛhyɛ Babiloniahene basa mu den na mede m’afɔa ahyɛ ne nsa, nanso Farao de, mebu n’abasa mu, na wasi apini wɔ n’anim sɛ obi a wapira opirabɔne. **25** Mema Babiloniahene abasa mu ayɛ den, nanso Farao abasa bedwudwo asensen ne ho. Sɛ mede m’afɔa hyɛ Babiloniahene nsa na ɔma so tia Misraim a, wobehu sɛ mene Awurade no. **26** Mede Misraimfo bekɔ amanaman mu na mahwete wɔn agu nsase no so. Eno na wobehu sɛ mene Awurade no.”

31 Mfe dubaako mu, ɔsram a ɛto so abiesɔ na da a edi kan no, Awurade asem baa me nkyen se, **2**

“Onipa ba, ka kyere Misraimhene Farao ne ne dom se: “Hena ho na wode wo keseye betoto? 3 Dwene Asiria ho, sida bi a bere bi na ewo Lebanon, Ode mman a eye fe, na ehye kwae so nyin koo soro yiye, ma ne nkon mu boro nhaban a aye kusu no so. 4 Nsu no maa no aduan, mmura a mu do ma enyin koo soro; won nsuwansuwa sen faa n’ase nyinaa de koo mfuw no so nnua nyinaa ho. 5 Enti ekoo sorosoro sen mfuw no so nnua nyinaa; ne dubaa dooso ne mman nyin yee atenten, na nsu dodow a enyaa no nti edennanee. 6 Wim nnomaa nyinaa yee won berebuw wo ne dubaa no mu, wuram mmoo nyinaa wowoo mma wo ne mman no ase aman akese nyinaa tenaa ne nwini ase. 7 Na ne keseye no ye fe, ne dubaa a adennan no nti, na ne ntin nyin koo fam koduu nsu bebre mu. 8 Sida a ewo Onyankopon turo mu nto no, na orepaw nnua nso dubaa ne no nye pe, na wontumi mfa ofo nnua nso ntoto ne mman ho, dua biara nni Onyankopon turo no mu a n’ahoofe te se no. 9 Meboo no ahoofe maa no mman bebre, na nnua a ewo Eden nyinaa Onyankopon turo no mu no ani beree no. 10 “Eno nti, see na Otumfo Awurade se: Esiane se enyin koo soro, maa ne nkon mu hyee nhaban a abunkam so, na afei yee ahanan wo ne tentenye ho nti, 11 mede no hyee amanaman sodifo nsa, se one no nni no senea n’amumoye te. Mepoo no, 12 na ananafo aman no mu anuodenfo twaa no hwee fam, na ogyaw no ho. Ne dubaa no hwehwee mmepow ne aku mu; ne mman mu bubuu wo subon mu. Asase so aman nyinaa fii ne nwini ase, na wogyaw no ho. 13 Wim nnomaa nyinaa sisii dua a abu no so, na wuram mmoo konyehyee ne mman mu. 14 Eno nti, nnua a ewo nsu ho no mu biara renye ahanan, nnyin nko sorosoro, mmoro nhaban a abunkam so no so. Nnua afoforo biara a enya nsu bebre no rennyin nko soro saa bio. Wohye se won nyinaa bewu ako asase ase, wo nnipamma a wosian ko amoa mu no nkyen. 15 “See na Otumfo Awurade se: Da a wode no too oda mu no, mede awarehow kataa nsuwansuwa a mu do no so maa no, na amma ne nsuten no ansen, na misiw ne nsu dodow no kwan. Ne nti mede kusuu ye furaa Lebanon, na nnua a ewo sare no so nyinaa botowee. (Sheol h7585) 16 Memaa aman no ho popoo wo n’asehwe nnyigyei no ho, bere a mede no baa oda mu ne won a wasian ko amoa mu no. Afei Eden nnua nyinaa, nea ete apow na eye papa wo Lebanon, nnua a enya nsu yiye nyinaa nyaa awarekyekeye wo asase ase. (Sheol h7585) 17 Won a

wotena a ne nwini ase, ne ne dom a wowa amanaman no mu nso ne no ko oda mu, akoka won a wototo wo afoa ano no ho. (Sheol h7585) 18 “Nnua a ewo Eden no mu de, ewo he na ebetumi de ne ho atoto wo ho w anuonyam ne keseye mu? Nanso wo nso wobesian wo ako fam, wo ne Eden nnua no. Wobefra momonotofo mu, won a wototo wo afoa ano no. “Eyi ye Farao ne ne dom no, Otumfo Awurade asem ni.”

32 Mfe dumien mu, osram a eto so dumien no da a edi kan no, Awurade asem baa me nkyen se: 2 “Onipa ba, to kwadwom fa Misraimhene Farao ho na ka kyere no se: “Wote se gyata wo aman no mu: wote se po mu aboa a ne ho ye hu wububu dikyi wo nsuten mu, wode wo nan boro nsuten no de fono nsu no. 3 “See na Otumfo Awurade se: “Mede dom beba abetow m’asau agu wo so, na wobetwe wo afi m’asau mu. 4 Metow wo akyene asase no so na mahiri wo ato sare so. Mema wim nnomaa nyinaa abesisi wo so na asase so mmoo nyinaa adi wo nam afre so. 5 Mehata wo nam wo mmepow no so na mede wo funu ahye aku ma. 6 Mede wo mogya a eresen no afow asase no de akoka mmepow no na wo nam behye abon nketewa no ma. 7 Se mitwa wo fi ho a, mekata osoro ani na madunnum won nsoromma; mede omununkum bekata owia ani, na osram renhyeren. 8 Osoro akanea a ehyeren nyinaa mema aduru sum wo wo so; mema sum aduru w’asase, Otumfo Awurade asem ni. 9 Mema nnipa bebre koma atutu bere a mede wo see aba aman no mu, nsase a wunnya nhuu mu. 10 Mema nnipa bebre ho adwiriw won wo wo ho, wo nti, hu bema won ahene ho apopo bere a merehim m’afoa wo won anim no. Da a wobehwe ase no won mu biara ho bewosow bere nyinaa mu wo won nkwa nti. 11 “Na see na Otumfo Awurade se: “Babiloniahene afoa besore wo wo so. 12 Mema wo dom no atoto wo dommarima afoa ano, wo aman a woye anuodenfo mu. Wobesee Misraim ahomaso pasaa na ne dom no nyinaa bedi nkogu. 13 Mekunkum n’anantwi nyinaa afi nsu bebre no ho na onipa nan rentiatia mu bio na anantwi tote nso remfono no. 14 Afei mema ne nsu ani atew na mama ne nsuten atee se ngo, Otumfo Awurade asem ni. 15 Se mema Misraim da mpan na miyi biribiara fi asase no so, se mikum won a wote so nyinaa a, afei na wobehu se mene Awurade no.’ 16 “Eyi ne kwadwom a wobeto ama no. Amanaman no mmabea beto ama Misraim ne ne dom nyinaa,

Otumfo Awurade asem ni.” 17 Afe a eto so dumien no ne sram da a eto so dunum no, Awurade asem baa me nkyen se: 18 “Onipa ba, twa adwo ma Misraim dɔm na ma ɔne amanaman akese no mmabea nsian nkɔ asase ase nkɔka wɔn a wɔasian kɔ amoa mu no ho. 19 Ka kyere wɔn se, ‘Wadom mo dodo sen wɔn a aka no ana? Munsian nkɔ na mo ne momonotofo no nkɔda.’ 20 Wɔbeka wɔn a wowuwuu wɔ afoa ano no ho. Wɔatwe afoa no, ma wɔntwe ne nnipadɔm no ase nkɔ. 21 Akannifo akese a wɔwɔ ɔda mu beka afa Misraim ne ne dɔm ho se, ‘Wɔasian aba na wɔdɔda momonotofo mu, wɔn a wowuwuu wɔ afoa ano no.’ (Sheol h7585) 22 “Asiria ne n’asraafo nyinaa wɔ ho, wɔn a wɔakunkum wɔn no nna atwa ne ho ahyia, wɔn a wɔatɔtɔ wɔ afoa ano no. 23 Wɔn nna no wɔ amoa no ase tɔnn na n’asraafo deda ne nna ho nyinaa. Wɔn a na wohunahuna afoforo wɔ ateasefo asase so no nyinaa awuwu, wɔatɔtɔ wɔ afoa ano. 24 “Elam wɔ ho, ne nnipadɔm nyinaa atwa ne da ho ahyia. Wɔn nyinaa awuwu, wɔatɔtɔ wɔ afoa ano. Wɔn a na wohunahuna afoforo wɔ ateasefo asase so nyinaa sian kɔ asase ase se momonotofo. Wɔde wɔn animguase kɔka wɔn a wɔsian kɔ amoa mu no ho. 25 Wɔato mpa ama no wɔ atɔfo no mu, na ne dɔm atwa ne da ho ahyia. Wɔn nyinaa ye momonotofo a wɔatɔtɔ wɔ afoa ano. Esiane se wɔn ahunahuna trew wɔ ateasefo asase so no nti, wɔne wɔn a wɔsian kɔ amoa mu no nyinaa anim agu ase. Wɔdɔdɔda wɔn wɔ atɔfo no mu. 26 “Mesek ne Tubal wɔ ho a wɔn dɔm atwa wɔn nna ho ahyia. Wɔn nyinaa ye momonotofo a wɔatɔtɔ wɔ afoa ano efise wɔtretrɛw wɔn ahunahuna mu wɔ ateasefo asase so. 27 Enye wɔn ne akofo momonotofo fɔforo a wɔatɔtɔ na wɔdɔda ho no ana? Wɔn a wɔne wɔn akode sian kɔ nna mu na wɔn ti deda wɔn afoa so no. Wɔn amumɔye so asotwe daa wɔn nnompe so, mmom saa akofo yi ahunahuna atretrɛw wɔ ateasefo asase so. (Sheol h7585) 28 “Farao, wo nso wobebubu wo mu na woakɔda momonotofo mu, wo ne wɔn a wɔtɔtɔ wɔ afoa ano no. 29 “Edom wɔ ho, n’ahemfo ne ne mmapɔmma nyinaa deda wɔn a wɔatɔtɔ wɔ afoa ano no mu, wɔn tumi nyinaa akyi. Wɔdɔda momonotofo mu, wɔne wɔn a wɔsian kɔ amoa mu no. 30 “Mmapɔmma a wofi atifi fam nyinaa ne Sidonfo nyinaa wɔ ho, wɔne atɔfo kɔ wɔ animguase mu, wɔn tumi a wɔde hunahuna no nyinaa akyi. Wɔdɔda ho se momonotofo, wɔne wɔn a wokum wɔn wɔ afoa ano, na wɔne wɔn a wɔsian kɔ amoa mu no asoa wɔn animguase. 31 “Farao, ɔne

n’asraafo nyinaa behu wɔn na ne were bekyekye wo ne dɔm a wokunkum wɔn wɔ afoa ano no ho, Otumfo Awurade asem ni. 32 Mmom me na memaa Farao ne ne nnipadɔm de ahunahuna tretrɛw wɔ ateasefo asase so de, nanso wɔbɔdɔda momonotofo mu, wɔn a wɔde afoa kunkum wɔn, Otumfo Awurade asem ni.”

33 Awurade asem baa me nkyen se: 2 “Onipa ba, kasa kyere wo manmma na ka kyere wɔn se: ‘Se metwe m’afoa wɔ asase bi so, na se asase no so nnipa yi wɔn mmarima no mu baako se ɔnye ɔwɛmfo mma wɔn, 3 na ohu se afoa reba abeko atia asase no a, ɔhyen torobento de bɔ nnipa no kɔkɔ. 4 Na se obi te torobento no nnyigyei na wanna ne ho so, na se afoa no bekum no a, ne mogya bebɔ ɔno ankasa ti so. 5 Esiane se ɔtee torobento no nnyigyei na wantie kɔkɔbɔ no nti, ne mogya bebɔ n’ankasa ti so. Se ɔtiee kɔkɔbɔ no a, anka onyaa ne ti didii mu. 6 Nanso se ɔwɛmfo no hu se afoa no reba na wanhyen torobento no amma nnipa no kɔkɔ, na se afoa no ba bekum wɔn mu baako a, wɔbɛfa saa onipa no akɔ wɔ ne bɔne nti, nanso mema ɔwɛmfo no abu owufo no mogya ho akontaa.’ 7 “Onipa ba, maye wo ɔwɛmfo ama Israelfi, eno nti tie m’anom nsem na fa kɔkɔbɔ a efi me nkyen ma wɔn. 8 Se meka kyere omumɔyefo se, ‘Wo omumɔyefo, owu na wubewu,’ na se woankasa ankyere no amma wamfi n’akwan so a, saa omumɔyefo no bewu ne bɔne mu, na mema woabu ne mogya ho akontaa. 9 Nanso se wɔbɔ omumɔyefo no kɔkɔ se omfi n’akwan so na se wanye a, ne bɔne nti, obewu, nanso worenne ne mogya ho fɔ. 10 “Onipa ba, ka kyere Israelfi se: ‘Sɛɛ ne nea moreka: “Yen mfomso ne yen nnebone hye yen so, yeresɛɛ, esiane eyinom nti. Na den na yebeye na yeanya nkwa?”’ 11 Ka kyere wɔn se, ‘Se mete ase yi, Otumfo Awurade asem ni, m’ani nnye amumɔyefo wu ho, na mmom mepe se wɔdan fi wɔn akwan so na wonya nkwa. Monnan! Monnan mfi mo amumɔye akwan no so! Aden nti na ese se muwuwu, Israelfi?’ 12 “Eno nti onipa ba, ka kyere wo manmma se, ‘ɔtreneeni trenee rentumi nnye no nkwa wɔ bere a ɔnye osetie; na omumɔyefo amumɔye remma ɔnhwe ase wɔ bere a ɔdan fi ho. Se ɔtreneeni ye bɔne a, ɔrennya nkwa wɔ ne kan treneeye nti.’ 13 Se meka kyere ɔtreneeni se obenya nkwa, na afei ɔde ne ho to ne treneeye so na ɔye bɔne a, worenkae ne kan trenee nneyɛɛ biara. Obewu wɔ ne bɔne a waye nti. 14 Na se meka kyere omumɔyefo se, ‘Owu na wubewu,’ na afei ɔdan fi ne nnebone ho na ɔye nea eye na etee, 15 na se ɔsan de

bosea ho awowaside ma, na ɔsan de nea wawia ma, na odi ahyede a ema nkwa so, na wanye bone a, ampa ara obenya nkwa, na ɔrenwu. **16** Wɔrenkae bone a waye no mu biara ntia no. Waye nea eye na etee, ampa ara obenya nkwa. **17** “Nanso wo manmma ka se, ‘Awurade akwan ntee.’ Nanso eye won akwan mmom na entee. **18** Se ɔtreneeni fi ne trennee ho na ɔye bone a, eno nti obewu. **19** Na se omumoyeɔfo dan fi ne nnebone ho na ɔye nea eye na etee a, obenya nkwa. **20** Nanso Israelfi, moka se, ‘Awurade akwan ntee.’ Nanso mebu obiara aten senea n’akwan te.” **21** Yen asutwa afe a eto so dumien no sram a eto so du no nnaanum so, ɔbarima bi a wagan afe Yerusalem baa me nkyen bekae se, “Kuropon no ahwe ase!” **22** Na anwummere a ade rebekye ama ɔbarima no aba no, na Awurade nsa wo me so na obuee m’ano ansa na ɔbarima no baa anɔpa. Enti na m’ano abue a mitumi kasa. **23** Afei Awurade asem baa me nkyen se, **24** “Onipa ba, nnipa a wɔtete saa nnwiriwii so wo Israel asase no so no reka se, ‘Abraham ye onipa baako, nanso onyaa asase no nyinaa. Nanso yedɔso, na nokware wɔde asase no ama yen se yen agyapade.’ **25** Eno nti, ka kyere won se, ‘See na Otumfo Awurade se: Se mowe nam a mogya wo mu, mosom mo anyame na muhie mogya gu nti, ese se mofa asase no ana? **26** Mode mo ho to mo afoa so. Moye akyiwade na mo mu biara gu ne yonko yere ho fi. Ese se munya asase no ana?’ **27** “Ka eyi kyere won se, ‘Nea Otumfo Awurade se ni: Ampa ara se mete ase yi, won a wɔaka wo kuro no nnwiriwii mu no betoto wo afoa ano. Won a wɔwo wuram no mede won bema nkekaboa ama wɔawe won na won a wɔwo abandennen ne abodan mu no, ɔyaredom bekunkum won. **28** Mesee asase no ama aye amamfo, na n’ahomaso ahooden no beba awiei na Israel mmepow no beda mpan a obiara rentwa mu wo ho. **29** Afei wobehu se mene Awurade no, bere a mama asase no ada mpan wo akyiwade a wɔaye nyinaa nti.’ **30** “Wo de, onipa ba, wo manmma reka wo ho nsem wo afasu ho ne afe apon ano kyere won ho won ho se, ‘Mommra mmetie asem a efi Awurade nkyen aba.’ **31** Me nkurofo ba wo nkyen, senea wɔye daa no, betenatena w’anim betie wo nsem, nanso wɔmmfa nye adwuma. Wɔde won ano ka ahofama, nanso won koma mu de, won ani bere asisi mu adenya. **32** Nokware, won de, wote se obi a ne nne ye de, na ɔde nnwontode to ɔdo nnwom, efise wote wo nsem nanso wɔmmfa nye adwuma. **33** “Se eyinom nyinaa ba

mu a, na nokware ebeba mu nso, na afei wobehu se odiyifo bi baa won mu.”

34 Awurade asem baa me nkyen se: **2** “Onipa ba, hye nkɔm tia Israel nguanhwefo: hye nkɔm na ka kyere won se: See na Otumfo Awurade se: Nnome nka Israel nguanhwefo a wɔhwe won ankasa nko ara so. Ense se nguanhwefo hwe nguankuw no ana? **3** Monom nufusu, mode mmoa no ho nwi fura mo ho na mukum mmoa a wɔadodo nanso monhwe nguankuw no. **4** Monhyee won a wɔye mmerew no den, nsaa ayarefo yare na monkyekyeree apirafo akuru. Momfaa won a wɔabo ko mmae, na monhwehwee won a wɔayera. Mode ɔhye ne atirimoden na ahwe won so. **5** Eno nti wɔbo ahwete, efise wonni ɔhwefo bi, na wɔbo ahwete no, wɔbeyee hanam maa wuram mmoa nyinaa. **6** Me nguan kyinkyin mmepow ne nkoko nyinaa so. Wɔbo won petee asase so baabiara, na obiara anhwehwe won. **7** “Enti, mo nguanhwefo, muntie Awurade asem: **8** Nokware, se mete ase yi, Otumfo Awurade asem ni, esiane se me nguankuw nni ɔhwefo nti wɔawia won na wɔaye hanam ama wuram mmoa, na esiane se nguanhwefo no anhwehwe me nguan no na mmom wɔhwee won ankasa ho na wɔtoo me nguan no asaworam **9** nti, nguanhwefo, muntie Awurade asem: **10** See na Otumfo Awurade se: Me ne nguanhwefo no anya na mema wɔabu me nguankuw no ho akontaa. Meremma wonhwe nguankuw no bio senea ebeye a wɔrenkum nguan no nnye; megye me nguankuw afe won anom na wɔrenye won aduan bio. **11** “Na see na Otumfo Awurade se: Me ara mehwehwe me nguan na mahwe won so. **12** Senea oguanhwefo hwe ne nguan a wɔahwete bere a ɔwo won nkyen no, saa ara na mehwe me nguan so. Meyi won afe mmeae a wɔhwe koo wo omununkum ne sum kabii da no. **13** Mede won befi amanaman so aba na maboaboa won ano afe nsase so na mede won aba won ankasa asase so. Mema wɔadidi wo Israel mmepow so, subon ne asase no so atenae nyinaa. **14** Mehwe won so wo adidibea papa, na Israel mmepow atenten so beye won adidibea. Eho na wɔbededa adidibea asase papa so, na ho na wɔbewe sare fromfrom wo Israel mmepow so. **15** Me ara mehwe me nguan na mama wɔadeda ho. Awurade asem ni. **16** Mehwehwe nea wayera na mede nea wabo ko asan aba. Mekykyere nea wapira no akuru, na mahye nea ɔye mmerew no den, nanso nea wado ne nea ne ho ye den no, mesee won. Mede trennee behwe nguankuw no. **17** “Na mo, me nguankuw, see

na Otumfo Awurade se: Mebu oguan baako ne ofoforo ntam aten ne mpapo ne adwennini ntam. **18** Adidibea papa a mudidi so no, eye ade ketewa ma mo ana? Eɛ se mode mo anan tiatia mo adidibea a aka no nso so ana? Enso mo ani se monom nsu a ani ye kurunnyenn ana? Eɛ se mode mo anan fono nkae no ana? **19** Eɛ se me nguankuw di nea moatiatia so na wɔnom nea mode mo anan afon ana? **20** “Eno nti sɛɛ na Otumfo Awurade ka kyere wɔn: Monhwe, me ara mebu nguan a wɔadodo ne nguan a wɔafonfɔn ntam aten. **21** Esiane sɛ, mode mo nkyen mu ne mmati puapua nguan a wonni ahooden na mode mo mmen pempem wɔn kosi sɛ mobɛpam wɔn ako akyirikyiri nti, **22** megye me nguankuw na wɔremfom wɔn bio. Mebu oguan baako ne ofoforo ntam aten. **23** Mema oguanhwɛfo baako, me somfo Dawid, ahwe wɔn so, na ɔbeyen wɔn na waye wɔn hwɛfo. **24** Na me, Awurade, meye wɔn Nyankopɔn na me somfo Dawid aye wɔn mu obirempɔn. Me Awurade na maka. **25** “Me ne wɔn beye asomdwoe apam na matɔre nkekaboa ase wɔ asase no so sɛnea wobetumi atena sare so na wɔadeda kwae mu asomdwoe mu. **26** Mehkira wɔn ne mmeae a atwa me pampa ho ahyia. Metɔ obosu wɔ ne bere mu, na ebeye nhyira bosu. **27** Mfuw so nnua besow wɔn aba na asase no nso abo n’aduan. Nnipa no betena wɔn asase so dwoodwoo. Mibubu wɔn konnua na migye wɔn fi wɔn a wɔde wɔn yɛɛ nkoa nsam a wobehu sɛ mene Awurade no. **28** Amanaman no remfow wɔn bio, na wuram mmoa nso renkyere wɔn nnwe. Wɔbetena asomdwoe mu na obiara renhunahuna wɔn. **29** Na mema wɔn asase a esow nnɔbae ama agye din, na aduankɔm renne wɔn wɔ asase no so na wɔrenye ahohora mma amanaman no. **30** Afei wobehu sɛ me Awurade, wɔn Nyankopɔn ne wɔn wɔ ho, na wɔn, Israelfi, ye me nkurofo; Otumfo Awurade asem ni. **31** Mo, me nguan, m’adidibea nguan ye me nkurofo, na mene mo Nyankopɔn, Otumfo Awurade asem ni.”

35 Awurade asem baa me nkyen se: **2** “Onipa ba, fa w’ani kyere Bepɔw Seir; hye nkɔm tia no, **3** na ka se, ‘Sɛɛ na Otumfo Awurade se: Me ne wo anya, Bepɔw Seir, na metee me basa atia wo na mema wo ada mpan. **4** Medan wo nkurow ama aye mmubui na wobɛda mpan. Afei wubehu sɛ mene Awurade no. **5** “Esiane sɛ wode tete nitan hyɛ wo mu na wuyii Israelfo maa afoa wɔ wɔn amanehun mu, bere a wɔn asotwe duu ne mpɔmpɔnso no **6** nti, sɛ mete ase yi de, Otumfo Awurade asem ni, mede wo bema mogyahwiegu na

ebedi w’akyi. Esiane sɛ woansuro mogyahwiegu no nti, mogyahwiegu betaa wo. **7** Mema bepɔw Seir ada mpan, na mayi wɔn a wodi so akɔneaba no afi ho. **8** Mede atɔfo behye wo mmepɔw so ma; wɔn a wɔbetoto wo afoa ano betoto ase wɔ wo nkoko so, aku mu ne wo subon mu. **9** Mema woada mpan afebɔɔ, na obiara rentena wo nkurow so. Afei wubehu sɛ mene Awurade no. **10** “Woaka se, “Saa aman abien ne nsase yi beye yen dea, na yebɛfa,” wɔ bere a me Awurade mete ho; **11** enti sɛ mete ase yi, Otumfo Awurade asem ni, me ne wo bedi no sɛnea abufuw ne ninkunu a wɔdaa no adi wɔ ɔtan a wɔtan wɔn no mu no te, na meda me ho adi wɔ wɔn mu, bere a mebu wo aten. **12** Afei wubehu sɛ me Awurade, mate animtiaabu nsem a woaka atia Israel mmepɔw no. Wokae se, “Wɔama ada mpan na wɔadan ama yen sɛ yemfa.” **13** Mohoahooa mo ho tiaa me na mokasa tiaa me a moanto sebe, na metee. **14** Sɛɛ na Otumfo Awurade se: Bere a wiase nyinaa redi ahurusi no, mema wo ada mpan. **15** Sɛnea wudii ahurusi bere a Israelfi agyapade daa mpan no, saa ɔkwan no na mede wo bɛfa so. Wobɛda mpan, Bepɔw Seir, wo ne Edom nyinaa. Afei wobehu sɛ mene Awurade no.”

36 “Onipa ba, hye nkɔm kyere Israel mmepɔw na ka se: ‘Israel mmepɔw, muntie Awurade asem. **2** Sɛɛ na Otumfo Awurade se: Sɛɛ na ɔtamfo no ka faa wo ho, “Aaa! Tete sorɔnsorɔmmɛa no abeye yen dea.”’ **3** Eno nti, hye nkɔm na ka se, ‘Sɛɛ na Otumfo Awurade se: Esiane sɛ wɔasɛɛ mo na wɔataataa mo wo afa nyinaa, na eno nti mobeyɛɛ aman a aka no agyapade ne nnipa no ahohora nsenka ne atwetwesi, **4** eno nti, Israel mmepɔw, muntie Otumfo Awurade asem: Sɛɛ na Otumfo Awurade ka kyere mmepɔw ne nkoko, nsubon ne abon, nnwiriwii a ada mpan ne nea aye amamfo, nkurow amamfo a wɔadwiriw agu na aman no nkae a atwa wɔn ho ahyia no di wɔn ho few. **5** Sɛɛ na Otumfo Awurade se: Mifi anem a emu ye den mu akasa atia amanaman a aka no ne Edom nyinaa, efise wode fewdi ne adwemmɔne aye me man wɔn agyapade, sɛnea wobetumi afom ne didibea.’ **6** Eno nti, hye nkɔm a efa Israel asase ho, na ka kyere mmepɔw ne nkoko, subon ne abon se, ‘Sɛɛ na Otumfo Awurade se: Mede ninkutwe mu anibere kasa, efise amanaman no abu wo animtiaa. **7** Enti sɛɛ na Otumfo Awurade se: Mema me nsa so ka ntam sɛ amanaman a atwa wo ho ahyia no nso, wobebu wɔn animtiaa. **8** “Nanso mo, Israel mmepɔw, mubenya mman, asow

aba ama me nkurofo Israelfo, efise erenkye wabeba fie. **9** Mo ho hia me na mehu mo mmobɔ; wobefuntum mo na woadua mo so aba, **10** na mema wo so nnipa adɔso, Israelfi nyinaa mpo, nnipa betena wo nkurow no so bio, na wobesisi nnwiriwii no nso. **11** Mema mmarima ne mmoa adɔso wɔ mo so na wobewowo na woadodo, mema nnipa atena wo mu te se kan no na wobema woadi yiye asen kan no. Na afei mubehu se mene Awurade no. **12** Mema nkurofo, me nkurofo Israelfo, anantew wo so. Wobefa wo na wobeye wɔn agyapade na woremma wonni mmakom bio. **13** “Sɛe na Otumfo Awurade se: Esiane se nkurofo ka kyere wo se, “Wukum nnipa we na woma wo man no hwere n’adehye,” **14** Eno nti worenkum nnipa nwe bio na woremma wo man nhwere n’adehye bio, Otumfo Awurade asem ni. **15** Meremma wonte amanaman no fewdi bio, na worenhu nkurofo no animtiaabu bio, na wo man nso renhwe ase bio, Otumfo Awurade asem ni.” **16** Awurade asem baa me nkyen se, **17** “Onipa ba, bere a Israelfo te wɔn ankasa asase so no, wode wɔn abrabɔ ne wɔn nneyee guu asase no ho fi. Na wɔn abrabɔ te se oɔbea sram-sram afide wɔ m’ani so. **18** Enti mihwiee m’abufuwhyew guu wɔn so, efise wɔahwie mogya agu asase no so na wode wɔn abosom agu ho fi. **19** Mebɔ wɔn ahwete wɔ amanaman mu, na wɔhwete faa amanaman mu; migyinaa wɔn abrabɔ ne wɔn nneyee so buu wɔn aten. **20** Na baabiara a wɔkɔ wɔ amanaman mu no, wogu me din kronkron ho fi, efise wɔka faa wɔn ho se, ‘Eyinom ye Awurade nkurofo, nanso na ese se wofi n’asase so.’ **21** Me din kronkron ho hia me, nea Israelfi guu ho fi wɔ amanaman a wɔkɔ so mu no. **22** “Eno nti, ka kyere Israelfi se, ‘Sɛe na Otumfo Awurade se: Israelfi, enye mo nti na merebeye saa nneema yi, na mmom me din kronkron no nti, nea muguu ho fi wɔ amanaman a mokɔ so mu no. **23** Meda me din keseye no kronkronye a moagu ho fi wɔ amanaman mu no adi, din a moagu ho fi wɔ wɔn mu no. Se mefa wo so da me ho adi se okronkronni ma wuhu a, afei amanaman no behu se mene Awurade no, Otumfo Awurade asem ni. **24** “Na meyi mo afi amanaman no mu, meboaboa mo ano afi nsase no nyinaa so de mo asan aba mo ankasa asase so. **25** Mede nsu kurunnyenn bepete mo so na mo ho atew: Metew mo ho afi nkeae ne mo ahoni nyinaa ho. **26** Mema mo koma foforo na mede honhom foforo ahye mo mu. Meyi koma a ete se obo no afi mo mu na

mama mo koma foforo a eye ohonam. **27** Na mede me Honhom behye mo mu na mama moadi m’ahyede so na moahwe adi me mmara so. **28** Mobetena asase a mede maa mo agyanom no so. Mobeye me nkurofo na maye mo Nyankopɔn. **29** Mɛprapra mo ho fi nyinaa. Mema aduan aba ama abu so na meremma okom mma mo so. **30** Mema nnua so aba aye bebree na mfuw nso abɔ nnobae senea okom nti mo anim rengu ase bio wɔ amanaman no mu. **31** Afei mobekae mo akwammone ne mo amumaye, na mo bone ne akyiwade nti, mo ho beye mo nwini. **32** Mɛpe se muhu se enye mo nti na mereye eyi, Otumfo Awurade asem ni. Momfere na momma mo ani nwu wɔ mo abrabɔ ho Israelfi! **33** “Sɛe na Otumfo Awurade se: Da a metew mo ho afi mo bone ho no, mema nnipa atena mo nkurow so bio na wobesisi nnwiriwii no bio. **34** Asase a ada mpan no, wobedua so nneema na erenna ho kwa senea na ete wɔ wɔn a na wotwa mu fa ho no ani so no. **35** Wobeka se, “Saa asase a ada mpan yi aye se Eden turo, nkuropon a na adan nnwiriwii, aye amamfo na asɛ yi, wɔabɔ ho ban na nnipa abetenatena mu.” **36** Afei aman a aka a atwa mo ho ahyia no behu se me Awurade makyekyere nea na asɛ na madua wɔ nea na ada mpan so, me Awurade na maka na meye.’ **37** “Sɛe na Otumfo Awurade se: Metie Israelfi abisade na maye eyi ama wɔn; Mema wɔn nkurofo adɔso se nguan, **38** wobedɔso se nguankuw a wode wɔn ko Yerusalem se afɔrebɔde wɔ n’afahyenna. Saa ara na nnipa dodow behye nkuropon a adwiriwii no so ma. Afei wobehu se mene Awurade no.”

37 Na Awurade nsa wɔ me so na ɔde ne Honhom faa me fii adi de me besii obon no mfimfini, na nnompe aye no ma. **2** ɔde me dii akoneaba wɔ mu na mihuu nnompe bebree wɔ obon no ase, nnompe a cho akokwaw. **3** Obisaa me se, “Onipa ba, saa nnompe yi betumi anya nkwa ana?” Mekae se, “Otumfo Awurade, wo nko ara na wunim.” **4** Afei aka kyere me se, “Hyɛ nkɔm wɔ nnompe yi ho na ka kyere wɔn se, ‘Nnompe a mo ho akokwaw, muntie Awurade asem! **5** Sɛe na Otumfo Awurade ka kyere saa nnompe yi: Mema ohome aba mo mu na mubenya nkwa. **6** Mema ntin abesuso mo mu, na mede nam agu mo so na mede were akata mo ho. Mede ohome begu mo mu na moaba nkwa mu. Afei mubehu se mene Awurade.” **7** Eno nti mehyee nkɔm senea wɔhyee me no. Na migu so rehyee nkɔm no, nne bi bae, owosow bi, na nnompe

no keka bobɔɔ mu, dompe bekaa ne dompe ho. **8** Na mehwe huu se ntin baa so, na nam baa ho na were bekataa so, nanso na ɔhome biara nni mu. **9** Afei ɔka kyereɛ me se: “Hye nkɔm kyere home, hye nkɔm, onipa ba na ka kyere no se, ‘Sɛɛ na Otumfo Awurade se: ɔhome fi mframa anan no mu bra behome gu saa awufo yi mu na wonnya nkwa.’” **10** Enti mehyee nkɔm senea ɔhyee me no, na ɔhome hyen won mu; na nkwa baa won mu ma wɔsɔre gyinagyinaa won anan so, dɔm kese pa ara. **11** Afei ɔka kyereɛ me se, “Onipa ba, saa nnompe yi ye Israelfi nyinaa. Wɔka se: ‘Yen nnompe ho akokwaw na yen anidaso asa, wɔatwa yen agu korakora.’” **12** Eno nti hye nkɔm na ka kyere won se: ‘Sɛɛ na Otumfo Awurade se: Me nkurɔfo, merebebeue mo nna na mayiyi mo afi mu apue. Mede mo besan aba Israel asase so. **13** Afei mo, me nkurɔfo, se mibuebeue mo nna na miyiyi mo fi mu a, mubehu se mene Awurade no. **14** Mede me Honhom behye mo mu na mubenya nkwa, na mede mo betena mo ankasa asase so. Afei mubehu se me, Awurade na makasa na maye nso, Awurade asem ni.’” **15** Awurade asem baa me nkyen se: **16** “Onipa ba, fa dua na kyereɛ ho se, ‘Yuda ne Israelfo a wɔka ne ho de.’ Afei fa dua foforo na kyereɛ ho se, ‘Efraim dua a eye Yosef ne Israelfi a wɔka ne ho nyinaa de.’” **17** Ka abien no bɔ mu na enye dua baako wɔ wo nsam. **18** “Se wo nkurɔfo ka se, worenkyere yen nea wode eyi kyere ana a, **19** ka kyere won se, ‘Sɛɛ na Otumfo Awurade se: Merebefa Yosef dua a ehye Efraim ne Israel mmusuakuw a wɔka ne ho no nsa, na mede abɔ Yuda dua no mu aye abien no baako, na wɔbeyɛ baako wɔ me nsam.’” **20** Ma nnua a woakyerekyerew ho no so kyere won **21** na ka kyere won se, ‘Sɛɛ na Otumfo Awurade se: Meyi Israelfo afi amanaman a wɔakɔ so no so. Meboaboa won ano afi mmaa nyinaa na mede won asan aba won ankasa asase so. **22** Meye won ɔman baako wɔ asase no so wɔ Israel mmepɔw so. ɔhene baako bedi won nyinaa so na wɔrenye aman abien bio, na wɔrenkye mu nye won ahenni abien. **23** Wɔremfa won ahoni ne nsesode tantan no, anaase won nneɔne no mu bi ngu won ho fi bio, na megye won nkwa afi won akyirisan ɔne mu na metew won ho. Wɔbeyɛ me nkurɔfo na maye won Nyankopɔn. **24** “Me somfo Dawid bedi won so hene na won nyinaa benya oguanhwefo baako. Wobedi me mmara so na wɔahwe m’ahyede aye. **25** Wɔbetena asase a mede maa me somfo Yakob, asase a mo agyanom tenaa so.

Wɔne won mma ne won mma mma betena ho afeɔɔ, na me somfo Dawid beye won birempɔn afeɔɔ. **26** Me ne won beye asomdwoe apam, ebeye apam a ete ho daa. Mema wɔatim na mama wɔadɔ na mede me kronkronbea besi won mu afeɔɔ. **27** Me tenabea bewo won mu, meye won Nyankopɔn na wɔaye me nkurɔfo. **28** Afei amanaman no behu se me Awurade, me na meye Israel kronkron, bere a me kronkronbea si won mu afeɔɔ no.”

38 Awurade asem baa me nkyen se, **2** “Onipa ba, fa w’ani si Gog, a ewɔ Magog asase so no so, Mesek ne Tubal obirempɔn no; hye nkɔm tia no **3** na ka se: ‘Sɛɛ na Otumfo Awurade se: Me ne wo anya. Gog, Mesek ne Tubal birempɔn. **4** Mekiinkim wo na mede nnarewa asuso w’abogyɛ mu na mede wo ne w’asraafo nyinaa, w’apɔnkɔ, w’apɔnkɔsotefo a wɔhyehye akotade ne dɔm kese a wokurakura akokyem akese ne nketewa a won nyinaa rehinhim won afoa, apue. **5** Persia, Kus ne Put a won nyinaa kurakura nkatabo na wɔhyehye won nnadekyew beka won ho, **6** afei Gomer ne n’asraafo nyinaa ne Bet-Togarma a wofi atifi fam akyirikyiri ne n’asraafo, aman bebreɛ beka wo ho. **7** “Siesie wo ho, ye krado, wo ne nnipakuw a wɔaboaboa won ho ano wɔ wo nkyen nyinaa na ye won so hwefo. **8** Nna bebreɛ akyi no, wobetwe atuo. Mfe bi akyi no wobeko afa asase bi a wafi ɔko mu afi na wɔaboaboa so nnipa afi amanaman so aba Israel mmepɔw a ada mpan akye no so. Wode won fi amanaman no mu, na mprenpren won nyinaa te asomdwoe mu. **9** Wo ne w’asraafo nyinaa ne aman bebrebe a wɔwɔ wo nkyen no beforo akɔ mo anim se ahum. Mɔbeyɛ se omununkum akata asase no so. **10** “Sɛɛ na Otumfo Awurade se: Saa da no, nsusuwii bi beba wo tirim na wubeguan nhyehyee ɔne bi. **11** Wobeka se, “Meko afa asase a wontoo so nkuraa ho fasu, metow ahye nnipa a wɔwɔ asomdwoe na wonnwene hwee so, a won mu biara nni ɔfasu, apon ne akyi adaban. **12** Mefom na mawia na madan me nsa atia amamfo a nnipa abetena so ne nnipa a wɔaboa won ano afi amanaman so, nnipa a nyemmoa ne aguade abu won so na wɔtete asase no mfimfini no.” **13** Seba ne Dedan ne Tarsis aguadifo ne ne nkuraa nyinaa bebisa wo se, “Woaba se wɔrebefom ana? Woaboa wo dɔm ano se morebewia na moasoa dwete ne sikakɔkɔ, nyemmoa ne aguade akɔ na moafa asade bebreɛ abran so ana?”” **14** “Eno nti, onipa ba, hye nkɔm kyere Gog se, ‘Sɛɛ na Otumfo Awurade se: Saa da

no, bere a me nkurɔfo Israelfo te ho asomdwoe mu no, woanhu ana? **15** Wubefi w'asase so wo atifi fam noho tɔnn, wo ne aman bebree a wɔn nyinaa tete apɔnkɔ so, nnipadɔm kese, asraafodɔm a eso. **16** Mubetu atec akɔ me nkurɔfo Israelfo so te se omununkum a ekata asase no so. Nna a ebeba no mu. Gog, mema woasɔre atia m'asase, senea aman no behu me, bere a menam wo so beda me ho adi se okronkronni wo wɔn anim no. **17** "Sɛe na Otumfo Awurade se: Enye wo ne nea menam m'asomfo Israel adiyifo so kaa wo ho asem nna a atwa mu no ana? Saa bere no, wɔde mfe bebree hyɛ nkɔm se mema wo so de atia wɔn. **18** Eyi ne nea ebese saa da no. Sɛ Gog tow hyɛ Israel asase so a, m'abufuwhyew besɔre, Otumfo Awurade asem ni. **19** M'anem ne m'abufuwhyew mu, mɛpae mu ka se, saa bere no asasesow kese beba Israel asase so. **20** Po mu mpataa, wim nnomaa, wuram mmoa, abode biara a ewea wo asase so ne nnipa a wɔwɔ asase so nyinaa ho bepopo wo m'anim. Mmepɔw betutu agu, abotan bedwiriw na afasu nyinaa abubu agu fam. **21** Mɛfrɛ afoa aba Gog so wo me mmepɔw nyinaa so, Otumfo Awurade asem ni. Wɔde afoa besɔre atia wɔn ho wɔn ho. **22** Mede ɔyaredɔm ne mogyahwiegɛ bebu no atɛn, mehwe osuhweam, mparuwbo, ogya ne sufɛ a ɛdɛw agu ɔno ne n'asraafo ne aman bebree a wɔka ne ho no so. **23** Enti mɛda me keseyɛ ne me kronkronyɛ adi, na mama amanaman ahu me. Afei wobehu se mene Awurade no.'

39 "Onipa ba, hyɛ nkɔm tia Gog na ka se: 'Sɛe na Otumfo Awurade se: Me ne wo anya. Gog, Mesek ne Tubal obirempɔn. **2** Mekiinkyim wo na matwe w'ase. Mede wo befi atifi fam noho tɔnn na mede aba Israel mmepɔw so. **3** Afei, mɛbɔ wo bɛmma afi wo nsa benkum mu na mama w'agyan afi wo nsa nifa mu agu fam. **4** Wo ne w'asraafo nyinaa ne aman a wɔka wo ho no betoto wo Israel mmepɔw so. Mede wo bema nnomaa ahorow a wɔpɛ nea aporɔw ne wuram mmoa se wɔn aduan. **5** Mobetoto wo mfuw so, efise makasa, Otumfo Awurade asem ni. **6** Mɛto ogya agu Magog so ne wɔn a wɔtete ho asomdwoe mu wo mpoano nsase so no na wobehu se mene Awurade no. **7** "Mɛma me nkurɔfo Israelfo ahu me din kronkron wo wɔn mu na meremma ho kwan ma wonngu me din kronkron no ho fi na aman no behu se me Awurade mene Okronkronni no wo Israel. **8** Ereba! na ampa ara ebese, Otumfo Awurade asem ni. Da a maka ho asem no ni. **9** "Afei wɔn a wɔtete Israel nkurow so

befi adi na wɔde akode no besɔ gya, akokyɛm nketewa ne akese, bɛmma ne agyan, nkontimmaa ne mpeaw. Wɔde beyɛ nnyina asɔ gya mfe ason. **10** Erenhia se wobekɔ anyan wo mfuw so anaase wobɛpɛ bi wo kwae mu, efise wɔde akode no besɔ gya. Na wobesɛe wɔn a wɔsɛe wɔn nneema no nneema na wɔafom wɔn a wɔfom wɔn nneema no nso nneema, Otumfo Awurade asem ni. **11** "Saa da no, mɛyɛ amusiei wo Israel ama Gog, wo obon a ɛda baabi a wɔn a wotu kwan kɔ apuei fam wo po no ho no fa no. Ebesiw akwantufo kwan efise wobesie Gog ne ne dɔm no wo ho. Eno nti wobɛfrɛ ho se Hamon Gog bon. **12** "Na Israelfi de asram ason besie wɔn de adwira asase no. **13** Nnipa a wɔwɔ asase no so besie wɔn na da a wobɛhyɛ me anuonyam no beyɛ nkaeda ama wɔn, Otumfo Awurade na ose. **14** Wobekɔ so afa nnipa ama wɔatɛw asase no ho. Ebinom befa asase no so nyinaa, na ebinom nso asie wɔn a wɔda so gugu asase no so no. "Asram ason akyi no wobɛhwehwe asase no so yiye. **15** Bere a wɔrekyinkyin asase no so no, se wɔn mu bi hu onipa dompe a, wobɛhyɛ ho agyirae akosi se asieifo befa akosie wo Hamon Gog bon no mu. **16** (Kurow bi beba ho a ne din de Hamona). Na sɛe na wobedwira asase no.' **17** "Onipa ba, sɛe na Otumfo Awurade se: Frɛ nnomaa ahorow ne wuram mmoadoma nyinaa na ka kyɛrɛ wɔn se, 'Mommooaba mo ho ano mfi mmeaemmeae mmra afɔrebɔ a meresiesie ama mo no ase, afɔrebɔ kese wo Israel mmepɔw so. Ho na mubedi nam na moanom mogya. **18** Mobewe dɔmmarima nam wo ho na moanom asase so mmappɔmma mogya te se nea wɔyɛ adwennini ne nguantenmma, mpapo ne anantwinini a wɔn nyinaa yɛ Basan nyemmoa a wɔadodo sɛrɛ. **19** Afore a meresiesie ama mo no, mubedi sɛrɛ akosi se mobeyɛ pintinn na moanom mogya akosi se mobebobow. **20** Mobewe apɔnkɔ ne sotefo, dɔmmarima ne asraafo ahorow nyinaa nam amee wo me pon so,' Otumfo Awurade asem ni. **21** "Mɛda m'anunonyam adi wo amanaman no mu na wɔn nyinaa behu asotwe ne nsa a mede ato wɔn so no. **22** Efi saa da no rekɔ, Israelfi behu se mene Awurade, wɔn Nyankopɔn no. **23** Na amanaman no behu se Israelfo kɔw nkoasom mu wɔn bɔne nti, efise wɔanni me nokware. Eno nti mede m'anim hintaw wɔn, na mede wɔn hyɛ wɔn atamfo nsa na wɔn nyinaa totɔ wo afoa ano. **24** Mene wɔn dii no senea wɔn ho fi ne wɔn mfomso te, mede m'anim hintaw wɔn. **25** "Eno nti sɛe na Otumfo Awurade se: Mede Yakob befi

nkoasom mu aba na manya ahummobo ama Israelfo nyinaa, na metwe me din kronkron no ho ninkunu. **26** Wɔn werɛ befi wɔn aninguase ne nokware a wɔanni me bere a na wote ho asomdwoe mu wɔ wɔn asase so a obiara nhunahuna wɔn no. **27** Sɛ mede wɔn fi amanaman no so san ba na meboaboa wɔn ano fi wɔn atamfo nsase so a, mɛfa wɔn so ada me kronkronye adi wɔ amanaman no nyinaa ani so. **28** Afei wobehu sɛ mene Awurade wɔn Nyankopɔn no, efise ewo mu sɛ mede wɔn kɔ nnommum mu wɔ amanaman no mu de, nanso meboaboa wɔn ano ako wɔn ankasa asase so a merennyaw wɔn mu biara wɔ akyi. **29** Meremfa m'anim nhintaw wɔn bio, efise mehwie me Honhom agu Israelfi so, Otumfo Awurade asem ni.”

40 Yɛn nnommumfa afe a ɛto so aduonu anum, afe no mfiase, ɔsram da a ɛto so du a ɛye kuroɔn no asehwe afe a ɛto so dunan no, saa da no ara no Awurade nsa baa me so, na ɔde me kɔ ho. **2** Onyankopɔn anisoadehu mu no, ɔde me kɔ Israel asase so, na ɔde me kogyinaa bepɔw tenten bi so; n'anafo fam no na adan bi wɔ ho a ɛsɛ kuroɔn bi. **3** Ɔde me kɔ ho na mihuu ɔbarima bi a ne tebea te sɛ kɔbere mfrafrae; na ogyina ɔpon no ano, kura sirikyɛ hama ne susudua wɔ ne nsam. **4** Ɔbarima yi ka kyereɛ me sɛ, “Onipa ba, fa w'ani hwe na fa w'aso tie na biribiara a mekyere wo no, fa w'adwene di akyi, efise ɛno nti na wode wo aba ha. Ka biribiara a wubehu no kyere Israelfi.” **5** Mihuu ɔfasu a atwa asɔredan no afefare mu nyinaa ho ahyia. Susudua a ehye ɔbarima no nsam no tenten ye anammɔn du ne fa. Osusuw ɔfasu no huu sɛ mu piw ye anammɔn du ne fa, na ne soroko nso saa ara. **6** Afei ɔkɔɔ abɔntenpon a ɛkyere apuei fam no ano. Ɔforoo n'atrapoe no na osusuw abobow ano no, na ne tɔw ye susudua no baako. **7** Awɛmfo adan no mu biara tenten mu ye susudua baako na ne tɔw mu nso saa ara, afasu ntiantia a etwitwa awɛmfo adan no ntam mu piw ye anammɔn ason ne fa. Ntwironoo a anim kyere asɔredan no abobow ano pon no tɔw ye susudua baako. **8** Afei osusuw ɔpon no ntwironoo; **9** na ne tenten mu ye anammɔn dumien, na n'adum mu biara nso piw ye anammɔn abiesa. Ɔpon no ntwironoo anim hwe asɔredan no. **10** Na awɛmfo adan abiesa wɔ apuei pon no benkum so ne nifa so; na ne nyinaa kese ye pɛ na afasu ntiantia a etwitwa ntam no nso mu piw ye pɛ. **11** Afei osusuw abɔntenpon no ano kwan, na ne tɔw ye anammɔn dunum na ne tenten mu nso

ye anammɔn dunkron ne fa. **12** Awɛmfo adan no mu biara anim wɔ ɔfasu tiaa a ne soroko ye ɔnammɔn ne fa, na awɛmfo adan no mu biara ye ahinanan a ɔfa biara susuw anammɔn du ne fa. **13** Afei osusuw ɔpon no fi awɛmfo adan no mu baako fasu a ewo akyi no atifi kosii ɔdan a ene no di nhweanim no akyi fasu no atifi; na ɔkwan a ɛda ntam ye anammɔn aduasa ason ne fa. **14** Osusuw faa afasu ntiantia a etwitwa awɛmfo adan no ntam no nyinaa anim wɔ ɔpon kwan no mu, na ɛyɛ anammɔn aduokron. Nteemu no kosii ntwironoo a anim hwe adiwo ho no. **15** Ɔkwan a efi abɔntenpon abobow ano kosi ntwironoo no ti ye anammɔn aduason anum. **16** Awɛmfo adan ne afasu ntiantia a etwitwa wɔn ntam wɔ abɔntenpon kwan no mu no, na bammɔ mfensere nketenkete atwa ho ahyia, na saa ara na ntwironoo no mu te, na ne nyinaa buebue kɔ mu. Afasu ntiantia a etwitwa awɛmfo adan no ntam no, wɔaduadua mme wɔ anim fɛfɛfɛ. **17** Afei ɔde me baa adiwo a ɛda akyi ho no. Eho na mihuu adan bi ne nsewee bi a ewo adiwo no fasu ase nyinaa; na adan no ye aduasa wɔ nsewee no ho. **18** Na nsewee no pem apon no nkyen mu, na na ɛtɔw senea apon no tenten te; eyi ne ase nsewee no. **19** Afei osusuw ɔkwan a efi ɔpon a ewo ase no anim kosii mfimfini adiwo no akyi; na ɛye anammɔn ɔha ne aduonum wɔ apuei ne atifi fam. **20** Afei osusuw ɔpon a ani hwe atifi fam na epue mfikyiri adiwo no tenten ne ne tɔw. **21** Na awɛmfo adan a abiesa wɔ afaafa, afasu ntiaa a etwitwa wɔn ntam ne ntwironoo no afefare mu te sɛ ɔpon a edi kan no de. Ne tenten ye anammɔn aduason anum na ne tɔw ye anammɔn aduasa ason ne fa. **22** Na ne mfensere nketenkete ne ntwironoo ne mmedua a ɔde asiesie ho no no nsusuwii nyinaa te sɛ ɔpon a ani hwe apuei fam de no. Atrapoe na wɔforo de kɔ mu, atrapoe no ne ntwironoo no di nhweanim. **23** Na ɔpon bi wɔ ho a ɛko mfimfini adiwo a ene atifi fam pon no di nhweanim, senea na ɛte wɔ apuei fam no. Osusuw fii ɔpon baako ano kosii nea ene no di nhweanim no ano; na ɛye anammɔn ɔha ne aduonum. **24** Afei odii m'anim de me kɔ anafo fam, na mihuu ɔpon a ani hwe anafo fam no. Osusuw n'adum ne ntwironoo na na n'atenten te sɛ nkae no. **25** Na mfensere nketenkete wowo ɔpon no ne ntwironoo no ho nyinaa te sɛ mfensere nketenkete a ewo nkae no ho no. Na ntwironoo no tenten ye anammɔn aduwɔtwe ason na ne tɔw ye anammɔn aduanan anan. **26** Na atrapoe nnidiso ason na wɔforo kɔ ɔpon no ano, na

ntwironoo no ne no di nhweanim; na mmedua mfon
wɔ afasu ntiantia a etwitwa awɛmfo no adan no ntam
no anim wɔ n'afanu. **27** Na mfimfini no adiwo nso wɔ
ɔpon a ani hwɛ anafo fam, na osusuw ɔkwan a ɛda saa
ɔpon yi ne abɔntenpon a ɛwɔ anafo fam no ntam; na
ɛyɛ anammɔn ɔha ne aduonum. **28** Afei ɔde me faa
anafo fam pon no mu baa mfimfini adiwo hɔ. Osusuw
anafo fam pon no; na ne tenten nyinaa te se nea aka
no. **29** N'awɛmfo adan, afasu ntiantia a etwitwa adan
no ntam ne ntwironoo no nsusuwii ne nea aka no
ye pɛ. Na mfensere nketenkete wowɔ ɔpon no ne ne
ntwironoo no ho nyinaa. Na ne tenten ye anammɔn
aduɔson anum na ne trɛw nso ye anammɔn aduasa
ason ne fa. **30** (Apon ntwironoo a atwa mfimfini adiwo
no ho ahyia no mu biara tenten ye anammɔn aduasa
ason ne fa na ne trɛw nso ye anammɔn ason ne fa.) **31**
Ne ntwironoo hwɛ afikyiri adiwo hɔ; n'afadum ho wɔ
mmedua a mfon afɛɛɛ, na atrapoe nnidiso awotwe na
wɔforo de kɔ hɔ. **32** Afei, ɔde me baa mfimfini adiwo
hɔ wɔ apuei fam na osusuw ɔpon no; na ne tenten ne
nea aka no ye pɛ. **33** N'awɛmfo adan, afasu ntiantia a
etwitwa adan no ntam ne ntwironoo no tenten ne
nea aka no ye pɛ. Na hɔ apon no ne ne ntwironoo
nyinaa wowɔ mfensere nketenkete. Na ne tenten ye
anammɔn aduɔson anum na ne trɛw nso ye anammɔn
aduasa ason ne fa. **34** Ne ntwironoo hwɛ mfimfini
adiwo hɔ; n'afadum ho wɔ mmedua mfon afɛɛɛ, na
atrapoe nnidiso awotwe na wɔforo de kɔ hɔ. **35** Afei
ɔde me baa atifi fam pon no ano na osusuwii. Na ne
tenten ne nea aka no ye pɛ, **36** saa ara na n'awɛmfo
adan, afasu ntiantia a etwitwa adan no ntam ne ne
ntwironoo te se nkae no, na mfensere nketenkete
wɔ ho nyinaa. Na ne tenten ye anammɔn aduɔson
anum na ne trɛw nso ye anammɔn aduasa ason ne fa.
37 Ne ntwironoo no ani kyere mfikyiri adiwo hɔ,
n'afadum no afaanu nyinaa ho wɔ mmedua a mfon
afɛɛɛ, na atrapoe nnidiso awotwe na wɔforo de kɔ
hɔ. **38** ɔdan bi a ɔpon da ano ben ntwironoo a ɛwowɔ
apon a ɛwɔ mfimfini no mu biara ho, hɔ na wɔhohoro
ɔhyew afɔrebɔde ho. **39** Apon abien sisi abɔntenpon
ntwironoo no mu, na so na wokunkum ɔhyew afɔre,
bɔne afɔre ne afɔdi afɔre mmoa. **40** Apon abien sisi
ntwironoo no akyi, atrapoe no nkyen mu fa ne fa a
erekɔ atifi fam pon no ano hɔ. **41** ɛno nti na apon anan
sisi ɔpon no afa abien no fa biara; ne nyinaa ye apon
awotwe a so na wokum afɔrebɔ mmoa. **42** Na abo a
woatwa no apon anan nso wɔ ho ma ɔhyew afɔrebɔde.

Emu biara tenten ye anammɔn abien ne nkyemu anan
mu baako, na ne trɛw nso ye saa ara, ne sorokɔ ye
ɔnammɔn baako ne fa. Saa apon yi so na wɔde afoa ne
nkuku a wɔde ye ɔhyew afɔrebɔde ne afɔrebɔde a aka
no ho nneɛma gu. **43** Na kɔtɔkoro nta adinam a emu
biara tenten ye nsateakwaa abiesa sensen afasu no
nyinaa ho. Apon no so na wɔde afɔrebɔ nam gu. **44**
Mfimfini pon no akyi wɔ mfimfini adiwo no, na adan
abien wɔ; baako ben atifi fam pon a ani hwɛ anafo
fam, na baako nso ben anafo fam pon a ani kyere atifi
fam. **45** ɔka kyereɛ me se, “ɔdan a ɛwɔ anafo fam no
ye asɔfo a wɔhwɛ asɔredan no so no dea, **46** Na ɔdan a
ani kyere atifi fam no ye asɔfo a wɔhwɛ afɔremuka no
so no dea. Eyinom ye Sadok mmabarima a wɔn nko
ara ne Lewifo a wotumi ben Awurade na wɔsom wɔ
n'anim.” **47** Afei wosusuw adiwo no. Na ɛyɛ ahinanan
a ɔfa biara tenten ye anammɔn ɔha aduonum. Na
afɔremuka no si asɔredan no anim. **48** Afei ɔde me baa
asɔredan no ntwironoo mu, na osusuw ntwironoo
no afadum, na ɔfa biara trɛw ye anammɔn ason ne
fa. Na abobow ano no trɛw ye anammɔn aduonu
baako ne fa. Na afasu ntiaa a epuepue ho no trɛw ye
anammɔn anan ne fa wɔ ɔfa biara. **49** Ntwironoo no
trɛw ye anammɔn aduasa, na efi anim kosi akyi no ye
anammɔn dunwɔtwe. Atrapoe ntoatoaso bi na wɔforo
de kɔ hɔ. Na afadum sisi ntwironoo no fa biara.

41 ɔbarima no de me kɔɔ mfikyiri kronkronbea hɔ
na osusuw afadum no; na ne trɛw ye anammɔn
akron wɔ ne fa biara. **2** Abobow ano no trɛw ye
anammɔn dunum, na afasu a epuepue wɔ afaanu no
trɛw ye anammɔn ason ne fa. Afei osusuw mfikyiri
kronkronbea a na ne tenten ye anammɔn aduosia na
ne trɛw ye anammɔn aduasa. **3** Afei ɔkɔɔ mfimfini
kronkronbea hɔ kosusuw n'afadum a ɛwɔ n'abobow
ano no; biara trɛw ye anammɔn abiesa. Abobow ano
no trɛw ye anammɔn akron, na afasu a epuepue
afaanu no nso trɛw ye anammɔn du ne fa. **4** Na osusuw
mfimfini kronkronbea no tenten; na ɛyɛ anammɔn
aduasa na ne trɛw kosi mfikyiri kronkronbea no
nso ye anammɔn aduasa. ɔka kyereɛ me se, “ɛha ne
Kronkron Mu Kronkronbea.” **5** Osusuw asɔredan no
fasu; na mu piw ye anammɔn akron, na adan a ɛwowɔ
nkyen nkyen a atwa asɔredan no ho ahyia no mu
biara trɛw ye anammɔn asia. **6** Wosii nkyenkyen
adan wɔ asan abiesa a ɛtoa so so. Adan aduasa wɔ
ɔsan biara so. Wɔaye asan yi a adan no sisi so no
ntrantraa te se apa a atwa asɔredan no fasu no ho

ahyia. Eye nnyinaso ma adan no, nanso enka asoredan no fasu no. 7 Nkyenkyen adan a ewowo soro no mu tɔw sen nea ewowo ase. Asan abiesa a atwa asoredan no ho ahyia no, nea ewo soro biara tɔw sen nea ewo n'ase, eno nti nkyenkyen adan a ewowo soro no mu tɔw sen nea ewowo n'ase. Atrapoe bi fi asan a ewo fam pa ara no so foro tra mfimfini asan no ko asan a eto so abiesa no so. 8 Mihuu bamma a atwa asoredan no ho ahyia a eye nkyenkyen adan no fapem. Na ne tenten ye anammɔn akron. 9 Nkyenkyen adan afasu a ewo akyi no mu piw ye anammɔn ason ne fa. Okwan a eda asoredan no nkyenkyen adan no a atwa asoredan no ho ahyia 10 ne asofo adan no ntam ye anammɔn aduasa. 11 Na apon deda nkyenkyen adan no ano a ani hwe okwan no. Na baako wo atifi fam na baako nso wo anafam; na bamma no anim a ekyere okwan no so no mu piw ye anammɔn ason ne fa wo ho nyinaa. 12 Oɔan a ani hwe asoredan no adiwo wo atoe fam no tɔw ye anammɔn oha ne anum. Oɔan no fasu no mu piw ye anammɔn ason ne fa wo ho nyinaa na ne tenten ye anammɔn oha aduasa anum. 13 Osusuw asoredan no, na ne tenten ye anammɔn oha ne aduonum, afei asoredan no adiwo ne oɔan no a n'afasu ka ho no nso tenten ye anammɔn oha ne aduonum. 14 Asoredan no adiwo a ewo apuei fam, de besi asoredan no anim ye anammɔn oha ne aduonum. 15 Afei osusuw oɔan a ani hwe adiwo a ewo asoredan no akyi ne ho abrannaa a ewo ofa biara; na ne tenten ye anammɔn oha ne aduonum. Mfikyiri kronkronbea, mfimfini kronkronbea ne ntwironoo a ani hwe adiwo, 16 ne abobow ano, mfensere nketenketi ne mmrannaa a atwa abiesa yi ho ahyia, nea eka ho biara ne abobow ano na wode nnua aduradura ho. Efam afasu no ho koka mfensere no ano ne mfensere no, na wode nnua aduradura ho. 17 Okwan a eda opon a eko mfimfini kronkronbea no atifi ne afasu no ho nyinaa, mfimfini ne mfikyiri kronkrommea no ho nyinaa 18 na woasen kerubim ne mmedua. Mmedua no didi kerubim no akyi. Kerubim biara wo anim abien. 19 Onipa anim kyere mmedua wo ofa baako na gyata anim kyere mmedua no wo ofa baako a aka no. Na wosinsen tetaree asoredan no ho nyinaa. 20 Efi fam de kosi okwan a eda opon no atifi ne afasu no ho nyinaa no na woasen kerubim ne mmedua atetare asa kese no fasu ho. 21 Na mfikyiri kronkronbea no wo apongua ahannan, na nea ewo Kronkron Mu Kronkron no anim no nso te saa ara. 22 Na aforemuka a wode dua asen

no ahinanan wo ho a ne soroko ye anammɔn anan ne fa a ofa biara tenten ye anammɔn abiesa; wode dua na na aye ne ntwea so, ne nnyinaso ne n'afaafa no. Obarima no ka kyere me se, "Saa opon yi na esi Awurade anim." 23 Mfikyiri kronkronbea ne Kronkron Mu Kronkron no nyinaa wowo apon a eye afaanu. 24 Opon biara wo mmuei abien a biara wo mpontare. 25 Na woasen kerubim ne mmedua atetare asa kese apon no ho te senea woaye wo afasu no ho no, na woabo dua nkataso asensen ntwironoo no anim. 26 Na mfensere hiahiaa wowo ntwironoo no afasu no afaafa a na woasen mmedua atetare ofa biara. Na nkyenkyen adan a ewo asoredan no ho nso wowo dua nkataso.

42 Afei obarima no dii m'anim faa atifi fam koo mfikyiri adiwo ho de me baa adan a ene asoredan adiwo no di nhweanim no mu, na ene atifi fam mfikyiri fasu no nso di nhweanim. 2 Oɔan a ne pon kyere atifi fam yi tenten ye anammɔn oha ne aduonum, na ne tɔw nso ye anammɔn aduason anum. 3 Adan a ene mfimfini adiwo no ntam kwan ye anammɔn aduasa ne adan a ene mfikyiri adiwo no kwan di nhweanim no, eso mmrannaa no kyerekyere anim wo asan abiesa no mu biara so. 4 Adan no anim no na okwan bi da a ne tɔw ye anammɔn dunum na ne tenten ye anammɔn oha ne aduonum. Won apon no ano kyerekyere atifi fam. 5 Adan a ewo asan a ewo soro no mu no susua, efise na n'abrannaa no mu tɔw sen mmrannaa a ewowo asan a edidi ase no. 6 Adan a ewo asan a eto so abiesa no nni afadum senea asan a ewo ase no wo no; enti na mu susua sen adan a ewowo asan a edidi ase no. 7 Na ofasu bi wo nkyen a ene adan no ne mfikyiri adiwo no sa so; na ne tenten ye anammɔn aduason anum a efa adan no anim. 8 Adan a esa so na etoa mfikyiri adiwo no so no tenten ye anammɔn aduason anum, nanso adan a esa so a eben kronkronbea no tenten ye anammɔn oha ne aduonum. 9 Se obi fi mfikyiri adiwo reba mu a, obehu se adan a ewo fam pa ara no abobow ano ani kyere apuei fam. 10 Anafo fam, wo mfikyiri adiwo no fasu a eko asoredan no adiwo, na ene mfikyiri fasu no di nhweanim no ho, na adan bi wo ho a 11 okwan bi da anim. Saa adan yi te se adan a ewo atifi fam no; n'atenten ne ne tɔw ye pe, ho apon a wofa mu pue no atenten ye pe. Apon a ewo atifi fam no 12 nso sese adan a ewo anafo fam apon no. Na opon bi wo okwan a ene ofasu a eko apuei fam no sa so no ano, eho na wofa ko adan no mu. 13 Na oka kyere me se, "Atifi fam ne anafo fam adan a ani

hwe asoredan adiwo no ye asofo no dea, eho na asofo a woko Awurade anim no bedi aforebode kronkron no. Eho na wode aforebode kronkron pa ara a eye aduan aforebode, bone aforebode ne afodi aforebode no begu, efise beae no ye kronkron. 14 Se asofo no ko beae kronkron ho a ense se woko mfiyiri adiwo ho kosi se wobeyiwi won osom ntade agu ho, efise saa ntade no ye kronkron. Ese se wohye ntade foforo bi ansa na waben mmeaemmeae a omanfo tumi ko ho no.” 15 Osusuw nea ewo asoredan no mu wiewe no, ode me faa apuei pon no ano puei, na osusuw asoredan no hyiae. 16 Ode susudua no susuw apuei fam; na eye anammwon ahanson ne aduonum. 17 Osusuw atifi fam na eye anammwon ahanson ne aduonum. 18 Osusuw anafo fam na eye anammwon ahanson ne aduonum. 19 Afei odan n’ani hwee atoe fam, na osusuwii no, na eye anammwon ahanson ne aduonum. 20 Enti na n’afefare mu no ye anammwon ahanson ne aduonum wo ahinanan no nyinaa, de tew kronkronbea no ho fi kwasafu ateneae no ho.

43 Na obarima no de me baa apuei fam pon no ano, 2 na mihuu Israel Nyankopon anuonyam se apue wo apuei fam reba. Na ne nne te se asuten a eweworo, na asase no so hyerenee wo n’anuonyam no mu. 3 Anisoadehu a minyaa no te senea minyaa no bere a oja besese kuropon no ne nea minyaa wo Asubonten Kebar ho no, na mede m’anim butuw fam. 4 Awurade anuonyam faa opan a ani kyere apuei fam no mu hyen asoredan no mu. 5 Na honhom no pagyaw me de me baa mfmfini adiwo ho na Awurade anuonyam hyee asoredan no ma. 6 Bere a obarima no gyina me ho no, metee se obi rekasa fi asoredan no mu kyere me. 7 Okae se, “Onipa ba, eha ne m’ahengua sibeae ne m’anan ntiaso. Eha na metena wo Israelfo mu afebo. Israelfi rengu me din ho fi bio da; won anaa won ahemfo remfa won aguamammwo ne ahemfo no ahoni a nkwa nni mu a wawowo won soronsorommeae no ngu me din ho fi. 8 Bere a womaa won abobow ano benee me, na won apongua nso benee me de a na ofasu na etwa yen ntam no, wode won akyiwadeye guu me din kronkron ho fi. Eno nti mesese won wo m’abufuw mu. 9 Afei ma wonnyi won aguamammwo ne ahemfo no ahoni a wonni nkwa no mfi m’ani so, na metena won mu afebo. 10 “Onipa ba, kyerekyere Israelfo senea asoredan no te na won ani nwo wo won bone ho. Ma wonsusuw ne so a enni no ho mfonii ho, 11 na se won ani wu nea woye ho a, twa asoredan no mfonii kyere

won; ne ntotoe, apon a wofa mu pue ne nea wofa ko mu, ne mfonii nyinaa, ho akwankyerere nyinaa ne mmara. Kyerew saa nneema yi wo won anim na woadi me ntotoe ne ne si no mfonii no so. 12 “Asoredan no ho mmara ni: Asase a eda ho wo bepwo no so nyinaa ye kronkron. See na asoredan no ho mmara te. 13 “Aforemuka no nsusuwii na edidi so yi. Ne suka mu do ye onammwon ne fa na ne trow nso saa ara, na anoano hie a etwa ho hyia no nso trow beye nsateaa akron. Na eyi nso ne aforemuka no tenten: 14 Efi ne nnyinaso a esi suka no so ko ne soro ye anammwon abiesae, na mu piw nso ye onammwon ne fa, na apa ketewa no ne apa kese no ntam ye anammwon asia na apa no mu piw nso ye onammwon ne fa. 15 Aforemuka no wusiw tokuru no soroko ye anammwon asia a mmen anan a ano hwe soro tuatua ho. 16 Aforemuka wusiw tokuru no ye ahinanan, na oja biara ye anammwon dunwotwe. 17 Aforemuka no apa a ewo soro no nso ye ahinanan a afanan no mu biara ye anammwon aduonu baako, na kaa a eye nsateaa akron da apa no ano na suka a atwa ho ahyia ye onammwon ne fa. Atrapoe a eko aforemuka no so no ani hwe apuei fam.” 18 Oka kyere me se, “Onipa ba, see na Otumfo Awurade se: Eyinom na ebeye nhyehyee a wobefa so abo ohyew afore ne okwan a, se wosi aforemuka no wie a wobefa so de mogya apete ho: 19 Esee se wode nantwi ba ma asofo a woye Lewifo na wofi Sadok abusua mu na woba m’anim besom me no se bone aforebode, Otumfo Awurade asem ni. 20 Esee se wofa nantwi ba no mogya no bi na wode keka aforemuka mmen anan no ho. Wode bi bekeka apa a ewo soro no ntawotawo so ne anoano kaa a atwa ho ahyia no ho na wananam so atew aforemuka no ho de aye mpata nso. 21 Esee se wofa bone aforebode nantwi no na wokohyew no wo asoredan no ho faako a woyi ato ho, wo kronkronbea no akyi. 22 “Da a eto so abien no, esee se wode opapo a onni dem ma se bone aforebode, na esee se wodwira aforemuka no ho senea wode nantwi no yee no. 23 Se wowie ho dwira a, esee se wode nantwi ba ne adwennini a wofi buw no mu a wonni dem bebo afore. 24 Esee se wode won ba Awurade anim, na asofo de nkyene pete won so na wode bo ohyew afore ma Awurade. 25 “Esee se wode opapo ba se bone aforebode nnanson; afei esee se wode nantwi ba ne adwennini a wofi buw mu na wonni dem nso ba. 26 Wobeye mpata ama aforemuka no nnanson de atew ho; see na wobeye de asi ho ama dwumadi no. 27 Saa nna yi akyi, efi da a eto so awotwe de reko no,

ese se asofo no de mo hyew aforebode ne asomdwoe aforebode no ba aforemuka no so. Afei megye mo ato mu, Otumfo Awurade asem ni.”

44 Afei obarima no san de me baa kronkronbea no abontenpon a ekyere apuei fam no ano, na woato mu. **2** Na Awurade ka kyeree me se, “Ese se opon a woato mu yi tena ho saa ara. Ense se wobue. Obiara mfa ho nhyen mu. Ense se wobue, efise Awurade, Israel Nyankopon afa ho ahyen mu. **3** Ohene no ankasa nko ara na obetumi atena abontenpon no ano na wadidi wo Awurade anim. Ono na otumi fa abontenpon no ntwironoo mu hyen mu, na ofa ho ara fi adi.” **4** Afei obarima no de me faa atifi fam abontenpon no mu de me baa asoredan no anim. Mehwee, na mihuu Awurade anuonyam se ahye Awurade asoredan no ma, na mibutuw ho. **5** Na Awurade ka kyeree me se, “Onipa ba, hwe ade yiye, tie no yiye, na ma w’ani nku biribiara a meka akyere wo a efa nhyehyee a ewo Awurade asoredan no ho nyinaa ho. Ma w’ani nku asoredan no pon ne mmeae a wofa fi adi fi kronkronbea ho no nyinaa ho. **6** Ka kyere Israelfo atuataewfo no se, ‘See na Awurade se: Mo akyiwadeye no adaso. Israelfo! **7** Mo akyiwadeye a aka no nyinaa akyi no, mode ananafo a woye koma mu ne honam fam momonotofo aba me kronkronbea de agu m’asoredan ho fi, bere a mode aduan, srade ne mogya bree me na moscee m’apam no. **8** Se wobeye mo adwuma a efa m’akronkronne ho no, momaa afoforo behwee me kronkronbea so mmom. **9** See na Otumfo Awurade se: Onanani a oye koma mu ne honam fam momonoto biara nni kwan se ohyen me kronkronbea ho, ananafo a wote Israelfo mu mpo nni kwan saa. **10** “Lewifo a wofii me nkyen koo akyirikyiri bere a Israel fom kwan ne won a wotwee won ho fii me ho kodii won ahoni akyi no, ese se won bone so asodi beda won so. **11** Wobetumi asom wo me kronkronbea ho bere a wohwe asoredan no apon so na wasom wo mu; wobetumi akum ohyew aforebode na woabo afofe ama nnipa no, na woagyina nnipa no anim asom won. **12** Nanso esiane se wasom won wo won ahoni no mu na womaa Israelfo koo bone mu nti, mama me nsa so aka ntam se, ese se won bone so asodi beda won so. Otumfo Awurade asem ni. **13** Ense se woben me se woresom me se asofo anaase woben m’akronkronne mu biara anaa m’aforebode kronkron; ese se won akyiwade ahorow ho aniwu ka won. **14** Nanso mede asoredan no mu dwumadi behye won nsa, ho som biara wonye wo mu. **15** “Na

mmom asofo a woye Lewifo ne Sadok asefo a woyee adwuma nokware wo me kronkronbea bere a Israelfo fom kwan no betumi aben me na wasom wo m’anim; ese se wogyina m’anim na wobere me srade ne mogya aforebode, Otumfo Awurade asem ni. **16** Won nko ara na wowo ho kwan se wohyen me kronkronbea ho; won nko ara na wowo ho kwan se wotwiw ben me pon, besom wo m’anim na woye me som nnwuma. **17** “Se wowura apon a eko mfimfini adiwo no mu a, ese se wohye nwera ntade. Ense se wohye kuntu ntade, bere a woresom wo apon a eko mfimfini adiwo ho anaase asoredan no mu no. **18** Ese se wobo nwera abotiri na wohyehye nwera ntade wo won ase. Ense se wohyehye biribiara a ebema wofa fi fifiri. **19** Se woko mfikyiri adiwo, faako a nnipa no wo no a, ese se woyi ntade a wohye de somee no na wogyaw de gu adan kronkron no mu, na wohyehye ntade foforo, se ebeye a woremfa won dwumadi ntade no nnwira nnipa no ho. **20** “Ense se wobo tikwaw anaase woma won tinwi fuw kuhaa, mmom ese se wobubu so fefee. **21** Osso biara nnom bobesa bere a wahyen mfimfini adiwo ho. **22** Ense se woware akunafo anaa mmea awaregyaefo. Wotumi ware mmabun a woye Israelfo asefo anaa akunafo a na anka won kununom ye asofo. **23** Wonkyerekyere me nkurofo nsonoe a eda ade a eye kronkron ne ade a eye kwasafu de ntam, na womma won nhu nea ema biribi ye ade a ho nte anaase ho tew. **24** “Akasakasa biara mu no, asofo na wobeye atemmufu agyina me mmaramsem so abu aten. Ese se wodi me mmara ne m’ahyede a efa m’afahye ahorow no so, na woye me homenna kronkron. **25** “Ense se osso ko funu ho na ode gu ne ho fi; gye se funu no ye n’agya, ne na, ne ba, ne nuabarima anaa ne nuabea a onwaree; ne saa de, otumi ko ho de gu ne ho fi. **26** Na se odwira ne ho a, ese se otwen nnanson. **27** Da a obeko kronkronbea no mfimfini adiwo ho akosom wo kronkronbea ho no, ese se obo bone afofe ma ne ho, Otumfo Awurade asem ni. **28** “Me nko ara ne agyapade a asofo no wo. Ense se moma won kyefa biara wo Israel. Meye won kyefa. **29** Wobedi aduan aforebode, bone aforebode, afodi aforebode, na biribiara a wahyira so ama Awurade wo Israel no beye won dea. **30** Mo nnuaba a edi kan no mu nea edi mu ne mo akyede sononko no nyinaa beye asofo no de. Ese se mode mo mmare a edi kan no ma won na nhyira atena mo a fi mu. **31** Ense se asofo no we aboa biara a wawu nam; se eye anomaa anaa wuram aboa biara.”

45 “Se mokyekye asase no mu se agyapade a, ese se mode fa bi ma Awurade se omantam kronkron a ne tenten ye anammøn mpem aduasa ason ne ahanum, na ne tɛw nso ye anammøn mpem aduasa; saa beae no nyinaa beye kronkron. **2** Wobegyaw asase yi mu bi a eye ahinanan a ne fa biara ye anammøn ahanson ne aduonum ama kronkronbea, na mfikiyisase a atwa ho ahya no tɛw ye anammøn aduason anum. **3** Munsusuw omantam kronkron asase no mu bi a ne tenten ye anammøn mpem aduasa ason ne ahannum na ne tɛw nso ye anammøn mpem dunum. Eho na wobesi kronkronbea, Kronkron Mu Kronkron no. **4** Ebeye asase no fa a eye kronkron ma asofo a wosom wo kronkronbea na woben Awurade, na wosom wo n’anim. Eho na wobesisi won a fi na aye beae kronkron ama kronkronbea no nso. **5** Asase a ne tenten ye anammøn mpem aduasa ason ne ahannum na ne tɛw nso ye anammøn mpem dunum beye beae a wobekyekye nkurow ama Lewifo a wosom wo asoredan mu no atena mu se won agyapade. **6** “Wobegyaw asase a ne tɛw ye anammøn mpem ason ne ahannum na ne tenten nso ye anammøn mpem aduasa ason ne ahannum a etoa beae kronkron no so no ama kuropon no; ebeye Israelfi nyinaa de. **7** “Ohene no befa asase a ene omantam kronkron no ne kuropon no dabea bo hye. Ebetɛw ako atoe fam ne apuei fam akopem atoe ne apuei ahye so, na ene mmusuakuw no mu baako asase abo hye wo atifi fam ne anafo fam. **8** Asase no beye n’agyapade wo Israel. Na me mmapomma renhye me nkurofo so bio, na mmom wobema Israelfo kwan ama wofa asase no senea won mmusuakuw no te. **9** “See na Otumfo Awurade se: Moadu akyiri pa ara. Israel mmapomma! Munnyae mo basabasaye ne mo nhyeso na monye nea etee na eye. Munnyae me nkurofo nsase a mugyigyei no, Otumfo Awurade asem ni. **10** Esee se mode nsania ne asusude a eye pe susuw ade. **11** Kenten baako, a eye lita oha aduwotwe abien, na mode besusuw ade biara dodow; efah ne bat beye kenten baako mu nkyemu du. **12** Dwete mpow na mode besusuw ade mu duru. Dwete mpow baako beye gram du abien, na dwete mpow aduosia aye gram ahanson aduonu. **13** “Akyede sononko a ese wode ma ni: Awi kilogram abiesa ne atoko kilogram abien ne fa. **14** Ngo dodow a wotwa ato ho no nye lita abien ne fa. **15** Afei womfa nguankuw ahannu a wowa Israel adidibea a ho wo nsu no mu baako. Eyinom na wode beye aduan aforebode, ohyew aforebode ne asomdwoe aforebode

a ebeye mpata ama nnipa no, Otumfo Awurade na ose. **16** Esee se Israelfo nyinaa koka oheneba no ho na ode n’aforebode ba. **17** Ebeye oheneba no asede se ode aforebode a wode ma osom afahye bi te se osram foforo afahye, homenna ne nna a etete saa no ba. Ode bone ho aforebode, ohyew ho aforebode, atoko aforebode, nsa aforebode ne asomdwoe aforebode beba abeye nkabomde ama Israel. **18** “See na Otumfo Awurade se: Osram a edi kan no da a edi kan no, ese se wode nantwinini ba baako a ne ho nni dem dwira kronkronbea ho. **19** Esee se osofo no de bone aforebode no mogya no bi keka asoredan no apongua, aforemuka no apa a ewo soro no ntwea so anan no ne mfimfini adiwo no apongua ho. **20** Esee se woye ade koro yi ara wo osram no da a eto so ason de ma obiara a wanhye da na oyee bone anaa nim a onnim nti obeye bone, na wonam so de aye mpata ama asoredan no. **21** “Osram a edi kan no da a eto so dunan no, ese se mudi Twam Afahye a eye aponto a wode nnanson na eye no, saa bere no, mubedi brodo a mmokaw nni mu. **22** Saa da no ese se ohene no de nantwinini a wode bebo afore ama no ne asase no so nnipa nyinaa ba. **23** Da biara wo nnanson Afahye no mu, ese se ohene no de nantwinini ason ne adwennini ason a won ho nni dem biara ba se ohyew aforebode ma Awurade, ne opapo se bone aforebode. **24** Nea ese se ode ba se aduan aforebode ye kenten baako (lita aduonu abien) a eka nantwinini biara ho ne kenten baako (lita aduonu abien) nso a eka Odwennini baako biara ho. Ngo lita anan nso ka kenten biara ho. **25** “Nnanson Afahye a wofi ase wo osram a eto so ason no da a eto so dunum no mu no, ohene no de saa nneema no ara beba se bone aforebode, ohyew aforebode, aduan aforebode ne ngo.

46 “See na Otumfo Awurade se: Esee se woto mfimfini adiwo pon a ani hwe apuei no mu nna fua asia a wode ye adwuma, nanso Homeda ne Osram Foforo da no de, ese se woma ano da ho. **2** Ohene no befi mfikyiri awura opo no ntwironoo mu na wabegyina apongua no ho. Asofo no de ne hyew aforebode ne asomdwoe aforebode bebo afore. Obesore wo opo no abobow ano na wasan apue, nanso warento opo no mu kosi anwummere. **3** Homenna ne osram foforo nna no, ese se asase no sofo sore wo Awurade anim wo opo no abobow ano. **4** Aforebode a ese se ohene no de bre Awurade wo Homeda no ye nguantenmma asia ne Odwennini baako a won mu biara ho nni dem. **5** Aduan aforebode a wode ka Odwennini no ho ye

kilogram dunsia, na nea wode ka nguantenmma no ho ye nea esɔ ani, na ode ngo lita anan ka aduan kilogram dunsia biara ho. 6 Ɔsram Foforo da no, ɔmfɔ nantwi ba a ɔye onini, nguantenmma asia ne adwennini a wɔn mu biara nnii dem mmra. 7 Ɔmfɔ atoko kilogram dunsia nka nantwinini no ho ne adwennini no nso saa ara, na nguantenmma no de, ɔmfɔ atoko dodow a ɔpe se ode ma. Ɔmfɔ ngo lita anan nka atoko kilogram dunsia biara ho mmra se aduan afɔrebode. 8 Na se ɔhene no rebɛhyen mu a, ɔmfɔ ɔpon no ntwironoo no mu, na ese se ho ara na ɔfa de fi adi. 9 “Na se asase no sofo ba Awurade anim apontonna no a, nea ɔbɛfa atifi pon no mu ako mu akɔsɔre no, ɔmfɔ anafo pon no mu mfi adi; saa ara na nea ɔfa anafo pon mu kɔ mu no nso mfa atifi pon no mu mfi adi. Ense se obiara san fa ɔpon a ɔfaa mu hyen mu no mu fi adi. 10 Eɛ se ɔhene no fra wɔn mu; ɔne wɔn beba mu na ɔne wɔn afi adi. 11 “Afahye ne apontonna no, aduan afɔrebode no nye nantwinini baako ne atoko kilogram dunsia, adwennini ne atoko kilogram dunsia, na nguantenmma no de, atoko dodow a esɔ ani na ode beka ho, na ngo lita anan ka atoko kilogram dunsia biara ho. 12 “Bere biara a ɔhene no befi ne pe mu abɔ afɔre ama Awurade no, se eye ɔhyew afɔre anaa asomdwoe afɔre no, ese se wobue ɔpon a ekɛye apuei no ma no. Ɔbebo ne ɔhyew anaa n’asomdwoe afɔre no senea ɔye no wɔ Homeda no. Afei obefi adi, na eno akyi no wobeto ɔpon no mu. 13 “Da biara da, anɔpa biara, ese se wode oguamma a wadi afe na onni dem bebo ɔhyew afɔre ma Awurade. 14 Anɔpa biara ese se wobɔ aduan afɔre a eye atoko kilogram abiesɛ ne ngo lita baako ne fa a wode befɔtɔw siam no. Aduan afɔre a wobɔ ma Awurade yi ye nhyehyee a ebetena ho daa. 15 Eno nti wode oguamma ne atoko afɔrebode ne ngo no bema anɔpa biara se daa ɔhyew afɔrebode. 16 “Sɛe na Otumfo Awurade se: Se ɔhene no de n’agyapade no mu bi kye ne mmabarima no mu bi a, ebeye n’asefo dea na eye wɔn agyapade. 17 Nanso se ode n’agyapade no mu bi kye n’asomfo no mu bi a, ebeye ɔsomfo no dea kosi n’ahofadi afe. Eno akyi ebɛsan abeye ɔhene no dea. N’agyapade ye ne mmabarima nko ara dea. 18 Ense se ɔhene no gye nnipa no agyapade biara, pam wɔn fi wɔn asase so. Eɛ se ɔma ne mmabarima agyapade fi ɔno ankasa ahode mu, senea me nkurofo mu biara remfi n’asase so.” 19 Afei ɔbarima no de me faa ɔkwan a eda ɔpon no nkyen mu a ekɔ adan akronkron a ekɛye atifi fam no, nea eye asɔfo no

dea no mu, na ɔkyeree me bea bi a ewɔ atɔe fam. 20 Ɔka kyeree me se: “Eha ne baabi a asɔfo no benoa afɔdi afɔrebode ne bɔne afɔrebode na wɔato atoko afɔrebode, senea wɔremfa mma mfikyiri adiwo ho mmedwira nkurofo no ho.” 21 Ɔde me baa adiwo a ewɔ afikyiri ho no na odii m’anim de me kɔ ne ntwea anan no so, na mihuu adiwo foforo wɔ twea biara so. 22 Mfikyiri adiwo no ntwea so anan no mu biara wɔ adiwo a ehye mu a ne tenten ye anammɔn aduosia na ne tɛw ye anammɔn aduanan anum; na saa adiwo yi nyinaa kese ye pe. 23 Afasu no mu biara anim no na wɔahyehye abo de ase no aye muka wɔ afaafa nyinaa. 24 Ɔka kyeree me se, “Eyinom ne mukaase a wɔn a wɔsom wɔ asɔredan mu no benoa nkurofo no afɔrebode.”

47 Ɔbarima no de me san baa asɔredan no kwan ano, na mihuu se asu fi asɔredan no abobow ano ase a esen kɔ apuei fam (na asɔredan no ani hwe apuei fam). Na asu no sen fii asɔredan no ase wɔ anafo fam; afɔremuka no anafo fam. 2 Ɔde me fii adi faa atifi fam pon no mu na ode me faa mfikyiri baa abɔntenpon a ani hwe apuei no, na na asu no sen fi anafo fam. 3 Bere a ɔbarima no rekɔ apuei fam a okura susuhamɔ no, osusuw anammɔn apem ahannum, na afei ode me faa nsu a ededa nan ase mu. 4 Osusuw anammɔn apem ahannum bio na ode me faa nsu a ededa kotodwe mu. Osusuw anammɔn apem ahannum bio na ode me faa nsu a ededa sisi mu. 5 Osusuw anammɔn apem ahannum bio na afei na asu no aye asubɔnten a merentumi ntwa, efise na mu dɔ nti, ese se woguare asubɔnten a obiara ntumi ntwa. 6 Obisaa me se, “Onipa ba wuhu eyi ana?” Afei osan de me baa asubɔnten no konkɔn so. 7 Miduu ho no, mihuu nnua bebre wɔ asubɔnten no konkɔn abien no so. 8 Ɔka kyeree me se, “Saa asu yi sen kɔ apuei fam kɔbɔ Araba mu na ho na ebɔ po mu. Faako a ebɔ po mu ho no na nkyene nni asu no mu. 9 Baabiara a asu no sen fa no, abode a wɔwɔ nkwa bebre betena ho. Mpataa bebre beba ho efise saa asu no sen fa ho na ema nsu a eye nkyenenkyene no ye nsu pa; biribiara ye yiye wɔ baabiara a asu no sen fa. 10 Apopofɔ begyinagyina mpoano ho; efi En-Gedi kosi En-Eglaim, wobenya baabi ahata wɔn asau. Mpataa no beye ahorow bebre te se mpataa a ewɔ Po kese no mu. 11 Nanso dontori ne aforɔw no de, ebetena ho saa ara. Wobegyaw ho ama adan nkyene. 12 Nnuaba nnua ahorow benyin wɔ asubɔnten no konkɔn abien

no so. Wɔn nhaban rempo, na wɔn abasow renni huammɔ. Wɔbesow aba ɔsram biara, efise nsu a efi kronkronbea hɔ no sen kɔ hɔ. Wɔn aba beye aduan na wode wɔn nhaban asa yare.” **13** Sɛɛ na Otumfo Awurade se: “Ahye a wobetoto de akyekye asase no mu ama Israel mmusuakuw dumien no sɛ agypade a kyefa abien beye Yosef dea no ni. **14** Wobekyekye mu pɛpɛpɛ ama wɔn. Efise memaa me nsa so kaa ntam sɛ mede bɛma mo agyanom na saa asase yi beye mo agypade. **15** “Eyi na ebeye asase no hye: “Atifi fam hye no bɛfa Hetlon kwan so akofi Po kese no, atwa mu Lebo Hamat akɔ Sedad, **16** Berota ne Sibraim (a ɛda Damasko ne Hamat hye no ntam), na atoa so akɔ Haser Hatikon a eno nso wɔ Hauran hye so. **17** ɔhye no befi po no, afa Damasko atifi fam hye so akosi Hasar-Enan na Hamat hye no abɛda atifi fam. Eyi na ebeye atifi fam hye. **18** Apuei fam hye no befi Hauran ne Damasko ntam afa Yordan a ɛda Gilead ne Israel asase no ntam, atoa so afa apuei fam po no akosi Tamar. Eyi na ebeye apuei fam hye.” **19** Anafo fam hye no befi Tamar akɔ Meriba Kades nsuwansuwa ho, na atoa so afa Misraim asuwa akosi Po Kese no. Eyi na ebeye anafo fam hye. **20** Atɔɛ fam no, Po Kese no beye ɔhye akosi faako a ene Lebo Hamat di nhweanim. Eyi beye atɔɛ fam hye. **21** “Monkyekye asase yi mma mo ho mo ho, sɛnea Israel mmusuakuw no te. **22** Monkyekye mu sɛ agypade mma mo ho ne ahɔho a wɔte mo mu a wɔwɔ mma. Eɛ sɛ mofa wɔn sɛ nnipa a wɔawo wɔn sɛ Israelfo te sɛ mo ara; eɛ sɛ wonya kyefa wɔ Israel mmusuakuw no mu. **23** Abusuakuw biara a ɔhɔho bi bɛdɔm no, mu na eɛ sɛ wɔma no n’agypade,” Otumfo Awurade asɛm ni.

48 “Mmusuakuw no din na edidi so yi: “Dan benya kyefa baako wɔ atifi hye so hɔ; ebɛfa Hetlon kwan so akɔ Lebo Hamat, Hasar-Enan ne Damasko atifi fam hye a edi Hamat so no beye ɔhye a efi apuei fam kɔ atɔɛ fam no fa bi. **2** Aser benya kyefa baako; ene Dan kyefa no bebɔ hye a fi apuei fam akosi atɔɛ fam. **3** Naftali benya kyefa baako; ene Aser kyefa no bebɔ hye a fi apuei fam akosi atɔɛ fam. **4** Manase benya kyefa baako; ene Naftali kyefa no bebɔ hye a fi apuei fam akosi atɔɛ fam. **5** Efraim benya kyefa baako; ene Manase asase no bebɔ hye a fi apuei fam akosi atɔɛ fam. **6** Ruben benya kyefa baako; ene Efraim asase bebɔ hye a fi apuei fam akosi atɔɛ fam. **7** Yuda benya kyefa baako; ene Ruben asase bebɔ hye a fi apuei fam akosi atɔɛ fam. **8** “Yuda nsase no hye a efi apuei kosi

atɔɛ no so na kyefa a wode bɛma sɛ akyɛde sononko no bedi. Ne trɛw beye anammɔn mpem aduasa ason ne ahannum. Na ne tenten, efi apuei kosi atɔɛ no ne mmusuakuw no kyefa baako beye pɛ, na kronkronbea no bɛwɔ mfimfini. **9** “Kyefa sononko a wode bɛma Awurade no tenten beye anammɔn mpem aduasa ason ne ahannum. Na ne trɛw aye anammɔn mpem dunum. **10** Eyi beye kyefa kronkron ama asofo no. Ebeye anammɔn mpem aduasa ason ne ahannum ne tenten mu wɔ atifi fam, na aye anammɔn mpem dunum wɔ atɔɛ fam. Ebeye anammɔn mpem dunum wɔ apuei fam, na anafo fam nso ebeye anammɔn mpem aduasa ason ne ahannum. Ne mfimfini beye Awurade kronkronbea. **11** Eyi beye Sadokfo asofo a wɔaye wɔn kronkron no de, wɔn a wodii me nokware som me na wɔannan amfi me nkyɛn sɛnea Lewifo yɛɛ, bere a Israelfo dan fii me nkyɛn no. **12** Ebeye akyɛde sononko a efi asase no kyefa a eyɛ kronkron no mu ama wɔn, kyefa kronkron mu kronkron a ene Lewifo asase no bɔ hye. **13** “Asofo no asase nkyɛn mu no, Lewifo no benya kyefa a ne tenten yɛ anammɔn mpem aduasa ason ne ahannum, na ne trɛw yɛ anammɔn mpem dunum. Ne tenten nyinaa beye anammɔn mpem aduasa ason ne ahannum, na ne trɛw nyinaa nso asi anammɔn mpem dunum. **14** Enɛ sɛ wɔtɔn anaase wode mu fa biara sesa biribi. Asase no mu nea eyɛ papa ni na enɛ sɛ ekɔ obi foforo nsam, efise eyɛ kronkron ma Awurade. **15** “Asase a aka a ne trɛw yɛ anammɔn mpem ason ne ahannum na ne tenten nso yɛ anammɔn mpem aduasa ason ne ahannum no beda hɔ ama kuropɔn no mufo. Wobesisi adan wɔ so na wode bi nso aye mmɔa adidibea. Kuropɔn no beda ne mfimfini. **16** na ne kese beye anammɔn mpem asia ahanson aduonum wɔ atifi fam, anafo fam, apuei fam ne atɔɛ fam. **17** Kuropɔn yi mmɔa adidibea no kese beye anammɔn ahaasa aduɔson anum wɔ n’afanan biara. **18** Asase a aka a ɛda kyefa kronkron no ho wɔ ne tenten mu no beye anammɔn mpem dunum wɔ n’apuei fam ne n’atɔɛ fam. So nnɔbae no na kuropɔn no mu adwumayefo bedi. **19** Kuropɔn no mu adwumayefo a wɔye asase no so kua no beye wɔn a wofi Israel mmusuakuw nyinaa no mu. **20** Asase no nyinaa beye ahinanan a ne fa biara susu anammɔn mpem aduasa ason ne ahannum. Wubeyi kyefa kronkron no ne kuropɔn no asase asi nkyɛn sɛ akyɛde sononko. **21** “Asase a aka a ɛdeda kyefa kronkron ne kuropɔn no asase ho no beye ɔhene no

dea. Efi apuei fam a esusuw anammøn mpem aduasa ason ne ahannum no, asase no betrew akosi apuei fam hye so, na atœ fam nso, ebetrew akosi atœ fam hye so. Nsase abien a ene mmusuakuw asase no sa so no beye ðhene no dea, na kyefa kronkron a asoredan no kronkronbea ka ho no bewa wøn mfimfini. **22** Eno nti Lewifo no asase ne kuropon no asase beda ðhene asase no mfimfini. ðhene no asase no beda Yuda ne Benjamin ahye no ntam. **23** “Mmusuakuw a aka no, “Benjamin benya kyefa baako; ebefi apuei fam ako atœ fam. **24** Simeon benya kyefa baako, ene Benjamin asase no bebo hye afi apuei fam ako atœ fam. **25** Isakar benya kyefa baako; ene Simeon asase no bebo hye afi apuei fam ako atœ fam. **26** Sebulon benya kyefa baako; ene Isakar asase no bebo hye afi apuei fam ako atœ fam. **27** Gad benya kyefa baako; ene Sebulon asase no bebo hye afi apuei fam ako atœ fam. **28** Gad kyefa no hye a eða anafo fam no beko anafo fam afi Tamar ako Meriba Kades nsuwansuwa ho, ebefa Misraim asuwa akosi Po Kese no. **29** “Eyi ne asase a wobekyekye ama Israel mmusuakuw no se agyapade, na eyinom beye wøn kyefa,” Otumfo Awurade asem ni. **30** “Eyinom ne apon a wobefa mu apue afi kuropon no mu: “Efi ase wa atifi fam fasu a ne tenten ye anammøn mpem asia ahanson ne aduonum no, **31** wode Israel mmusuakuw dumien no din betoto kuropon apon no. Apon abiesa a ewa atifi fam no beye: Ruben pon, Yuda pon ne Lewi pon. **32** Apuei fam fasu a ne tenten ye anammøn mpem asia ahanson ne aduonum no, wode apon abiesa betoto Yosef, Benjamin ne Dan. **33** Anafo fam fasu a ne tenten ye anammøn mpem asia ahanson aduonum no, wode apon abiesa no betoto Simeon, Isakar ne Sebulon. **34** Atœ fam fasu a ne tenten ye anammøn mpem asia ahanson aduonum no, wode apon abiesa no betoto Gad, Aser ne Naftali. **35** “Okwan a etwa kuropon no nyinaa ho hyia no tenten ye anammøn mpem aduonu ason. “Na efi saa da no, wobefre kuropon no se, ‘Awurade Wa Ho.’”

Daniel

1 Yudahene Yehoiakim dii ade ne mfe abiesā mu no, Babiloniahene Nebukadnessar baa Yerusalem de n'asraafo betuaa ɔman no ano. **2** Awurade maa no dii Yudahene Yehoiakim so nkonim. Bere a Nebukadnessar resan ako Babilonia no, ɔtasee akronkronne bi fii Onyankopɔn asɔredan mu, de koo n'abosonnān mu kogu aadekorabea ho wɔ Babilonia asase so. **3** Afei ɔhene no ka kyereɛ ne piamfohene Aspenas se, ɔmfa mmerante no bi a wofi Yuda adehye abusua mu, ne wɔn a wofi mmusua atitiriw mu a wɔde wɔn aba Babilonia se nnommum no mmra ahemfi ho, **4** mmerante ahoɔdenfo a wɔn ho nni dɛm, na wɔn ho ye fe. Hwe se wɔwɔ nhumu, na wɔadom wɔn osuah mu akyede a wonim nyansa, na wɔwɔ nnyinaso bi a ebema wɔatumi asom wɔ ahemfi ho. Kyere mmerante no Kaldeafo kasa ne ne nhoma. **5** ɔhene no hyee se, daa wɔmfa aduan ne nsa a efi ne didipon so mmre wɔn. Na ese se wɔtetew wɔn mfe abiesā, na wɔn mu bi abeye n'asomfo. **6** Mmerante baanan bi a woyii wɔn no ne Daniel, Hanania, Misael ne Asaria a wɔn nyinaa fi Yuda abusua kuw mu. **7** Piamfohene no de din foforo totoo wɔn. ɔtoo Daniel Beltesasar; ɔtoo Hanania Sadrak; ɔtoo Misael Mesak na ɔtoo Asaria Abednego. **8** Na Daniel yee n'adwene se ɔrenni aduan, nnom nsa a ɔhene no de bebɛre wɔn no, ɔsɛre piamfohene no se ɔmma no kwan na wangu ne ho fi. **9** Na Onyankopɔn maa Daniel nyaa piamfohene no anim adɔe ne mmɔborɔhunu. **10** Piamfohene no ka kyereɛ Daniel se, "Me wura ɔhene no ahye se munni saa aduan yi, na monnom nsa no. Se mofonfon na wɔde mo toto mmabun a wɔye mo tipenfo no ho a, ɔhene no bema wɔatwa me ti se matoto m'adwuma ase." **11** Daniel ka kyereɛ ɔsomfo a piamfohene no de no asi ɔno ne Hanania, Misael ne Asaria so no se, **12** "Ma yen nhabamma ne nsu nnadu, na fa so yen hwe. **13** Afei fa yen toto mmerante afoforo no a wɔredi ɔhene nnuan pa no ho, na hwe senea yete. Eno akyi, ye wo nkoa senea wuhu." **14** Enti ɔsomfo no penee asem a Daniel de too n'anim no so, sɔw wɔn hwe nnadu. **15** Nnadu no akyi, wohuu se wɔn anim aye fe na wɔwɔ honam sen mmerante a wodi ahennuan no nyinaa. **16** Enti ɔsomfo no sii gyinae se ɔbetɔa so ama wɔn nhabamma nko ara, na wamfa ahennuan amma wɔn. **17** Na mmerantewa baanan yi Nyankopɔn maa wɔn nhomanim ne nyansahu nyinaa mu nimdee, na

Daniel nyaa anisoadehu ne dae nkyerease ho nimdee. **18** Bere a ɔhene no ahye no soe no, ɔpanyin no de mmerante yi nyinaa brɛ Nebukadnessar. **19** ɔhene no ne wɔn nyinaa kasae, na wɔn mu biara ansɔ n'ani gye se, Daniel, Hanania, Misael ne Asaria. Enti wɔde wɔn kaa ɔhene no piamfo no ho. **20** Asem biara a ehia nyansa ne ntease a ɔhene no bisa wɔn no ohu se wɔsen nkonyaayifo ne peadeahufɔ a wɔwɔ n'aheman mu nyinaa no mpen du. **21** Daniel tenaa ho ara kosii ɔhene Kores adedi afe a edi kan mu.

2 Nebukadnessar adedi mfe abien so, ɔsosoo dae bi ma ehaw no ara kosii se, na ontumi nna. **2** ɔfreɛ ne nkonyaayifo, peadeahufɔ, ntafowayifo ne Kaldeafo, ka kyereɛ wɔn se, wɔnkyere no dae ko no. Wobegyinaa ɔhene no anim no, **3** ɔkae se, "Maso dae bi a ehaw me, enti mepe se mokyere me dae ko a mesoe no, efise ese se mihu." **4** Na Kaldeafo no buaa no wɔ Arameike kasa mu se, "ɔhene nkwa so! Ka dae no kyere yen, na yebekyere ase." **5** Nanso ɔhene no ka kyereɛ Kaldeafo no se, "Eyi ne gyinae a masi wɔ asem yi ho. Se moantumi anka me dae no, na moankyere me ase a, wobetwitwa mo mu asinasin, na wobebubu mo afi, ama afuw wura. **6** Na se moka me dae no, kyere me ase a, mema mo akyede a eso bi mmaa da, na mabɔ mo aba so. Monka dae no, na monkyere me ase." **7** Wɔkaa bio se, "Yesɛ wo, Nana, ka dae no kyere w'asomfo, na yebekyere wo ase." **8** ɔhene no buae se, "Mahu mo nnaadaa no. Mahu se, moretwentwen bere no so, na munim gyinae a masi wɔ asem a mekae no ho. **9** Se moanka dae no ankyere me a, asotwe baako pe na eɔa ho ma mo. Moapam se mubedi atorɔ adaadaa me. Mususuw se asem no besesa. Monka dae no nkyere me, na ebema mahu se mubetumi akyere ase." **10** Kaldeafo no buaa ɔhene no se, "Onipa teasefo biara nni ho a obetumi akyere wo, Nana, wo dae a woaso no. Na ɔhene biara nso nni ho, se ɔkorɔn ana ne tumi so, a wabisa nkonyaayifo, peadeahufɔ ana Kaldeafo saa asem yi bi pen. **11** ɔhene abisade yi ye den dodo. Obiara nni ho a obetumi aka wo dae no gye anyame. Nanso wɔn tenabea nni wiase yi mu." **12** ɔhene no tee saa asem no, ne bo fuw yiye, enti ɔhyee se, wonkunkum anyansafo a wɔwɔ Babilonia nyinaa. **13** Na esiane ɔhene no mmaraɔden se wonkunkum anyansafo no nti, wɔsoma mmaraɔma se wonkohwehwe Daniel ne ne nnamfonom, na wonkunkum wɔn. **14** Bere a, Ariok a ɔye ɔhene no awemfo so panyin baa se ɔrebekum

wɔn no, Daniel faa nyansakwan so ne no kasae. 15 Daniel bisaa Ariok se, “Aden nti na ohene hyee mmara a ano ye den saa?” Na Ariok kaa nea asi nyinaa kyeree no. 16 Daniel kohuu ohene no, na asrɛ no se omma no bere kakra na obeba abekyere dae no ase. 17 Na Daniel koo ne fi koboo ne nnamfonom Hanania, Misael ne Asaria amannee faa asem a asi no ho. 18 Ohyee wɔn se, wɔnsɛ ɔsoro Nyankopɔn na onnom wɔn n’ahummɔbɔ senea wɔrenkum wɔn mfra anyansafo nkae a wɔwɔ Babilonia no mu. 19 Anadwo no, ɔdaa kokoamsem no adi kyeree Daniel wɔ anisoadehu mu. Na Daniel kamfoo ɔsoro Nyankopɔn 20 se, “Ayeyi nka Onyankopɔn din daa nyinaa, ɔno nko na ɔwɔ nyansa ne tumi. 21 Ɔno na ɔsesa mmere ne nnipa nkrabea; osi ahene, na otu wɔn ade so. Ɔma anyansafo hu nyansa, na ɔma nhumu ho nimdee. 22 Ɔda nneema a mu do na eyɛ nwonwa adi, na onim nea ahintaw wɔ sum mu; hann atwa ne ho ahyia. 23 Meda wo ase, kamfo wo m’agyanom Nyankopɔn, efise, woama me nyansa ne tumi, woaka nea yebisaa wo akyere me, ada nea ohene bisae no adi akyere yen.” 24 Afei Daniel kohuu Ariok a wɔahye no se onkunkum anyansafo a wɔwɔ Babilonia no, ka kyeree no se, “Nkunkum anyansafo a wɔwɔ Babilonia no. Fa me ko ohene no nkyen, na mekyere no ne dae no ase.” 25 Na ntem ara, Ariok de Daniel koo ohene no anim kae se, “Mahu nnommum a wofi Yuda no mu baako a obekyere wo, Nana, dae no ase.” 26 Ohene no bisaa Daniel (a wɔsan frɛ no Beltesasar) no se, “Eyɛ nokware? Wubetumi akyere me nea mihuu wɔ me dae no mu na woakyere me ase?” 27 Daniel buae se, “Nana, anyansafo, pɛadeahufo, nkonyaayifo anaa ntafowayifo biara nni ho a wobetumi akyere ahintasem a worebisa yi! 28 Nanso Onyankopɔn bi wɔ ɔsoro a ɔda kokoamsem adi, na wakyere ohene Nebukadnessar asem a ebisi daakye. Wo dae no ne anisoadehu a bere a woda wo mpa so no wuhui ni: 29 “Nana, bere a worda no, w’adwene kosisii nsem bi a ebisi so. Nea ɔkyere ahintasem mu no akyere wo nea erebɛba. 30 Na enye se, Nana, minim nyansa kyen onipa teasefo biara nti, na mmom Onyankopɔn pɛ se Nana nya ahintasem no nkyerease na ɔte nea ebɛba n’adwene mu no ase. 31 “Nana, w’anisoadehu no mu, wuhuu ohoni kese bi se ogyina w’anim a ɔso pa ara na eheran hyerenn, na ne ho ye hu yiye. 32 Sikakokoo na wode yee ne ti; Dwete na wode yee ne koko ne n’abasa. Kobere na wode yee ne yafunu ne n’asrɛ. 33 Dade na wode yee n’anan, na wode dade

ne dote a wode afra yee ne nansabon. 34 Na, Nana, werehwe no, obo bi a nsa biara nkura mu, tew behwee dade ne dote nansabon no so, pɛtew no pasaa. 35 Afei Nana, ohoni mu no nyinaa, a eyɛ dade, dote, kobere, dwete ne sikakokoo no nyinaa yam fekɔfeko, maa eyee se ahuhurubere mu awiporowbea so ntete, maa mframa behuw ne nyinaa koe a, hwee anka ho. Nanso obo a epem ohoni no hwee fam no dan bepɔw kese a ekataa asase nyinaa so. 36 “Nana, dae no ni o, afei, yerebekyere wo ase. 37 Nana, woye ahene bebree so hene. Ɔsoro Nyankopɔn aye wo ahene mu hene, ama wo tumi, ahooɔden ne anuonyam. 38 Ɔde wiasɛ nnipa, mmoa a wɔwɔ wuram ne nnomaa a wotu ahye wo nsa. Baabiara a wɔwɔ no, wɔayɛ wo wɔn sodifo. Wo na woye saa sikakokoo ti no. 39 “Na w’ahenni aba n’awiei akyi no, ahemman a ento wo de no besɔre abesi w’anan mu. Se saa ahemman no gu a, ahemman kese foforo a eto so abiesɛ a kobere yafunu ne asrɛ no gyina ho ma no no besɔre adi wiasɛ so. 40 Nea ebɛdi saa ahemman no akyi no, ebeye ahemman a eto so anan a so na ahooɔden wɔ te se dade. Saa ahemman no bebubu, ayam aman a adi kan no nyinaa te senea dade bubu yam biribiara a ene no hyia no. 41 Nana, senea wuhu se nansabon ne nansoaa ye dade ne dote a adi afra no kyere se, saa ahemman yi mu bekɛkyɛ. 42 N’afaafi bi beye den se dade, na bi aye mmerɛw se dote. 43 Saa dade ne dote mfrafrae no san kyere se, saa ahemman no beye nnipa ahorow a wɔadi afra a wontumi nka wɔn ho mmɔ mu senea dade ne dote ntumi nni afra no. 44 “Saa ahemfo no adedi mu no, Ɔsoro Nyankopɔn bebɔ ahemman bi atenase a erensɛɛ da; na obiara renni so da. Ebedwiriw ahemman ahorow yi nyinaa de wɔn aba awiei, na eno de, ebegyina afebɔ. 45 Ɔbo no a nsa biara nkura mu na etwa fii bepɔw no so a eyam dade, kobere, dote, dwete ne sikakokoo mfrafrae ohoni no gyina ho ma saa ɔman no. “Onyankopɔn kese akyere Nana, nea ebɛba daakye. Dae no ye nokware, na ne nkyerease ye kann.” 46 Ohene Nebukadnessar bɔɔ ne mu ase wɔ Daniel anim, som no, na ohyee ne manfo se, wɔmfa afɔrebɔde mmra, na wɔnhwɛy aduhuam wɔ n’anim. 47 Ohene no ka kyeree Daniel se, “Nokware, wo Nyankopɔn ye Nyankopɔn wɔ anyame mu; ɔye Awurade wɔ ahene so ahintasem mu kyerefo, efise wo na woatumi akyere saa kokoamsem yi mu.” 48 Afei, ohene no maa Daniel dibea a ekorɔn yiye san yee no aye a esom bo yiye. Ɔmaa Daniel hwɛ Babilonia

amantam no nyinaa so, na ɔde no sii n'anyansafo no nyinaa so hene. 49 Daniel ka ma wɔyɛɛ Sadrak, Mesak ne Abednego, Babilonia asase no so ahwefo, na Daniel yɛɛ ɔsomfo wɔ ɔhene aban mu.

3 ɔhene Nebukadnessar yɛɛ sikakɔkɔɔ ohoni bi a na ne sorokɔ yɛ anammɔn aduɔkron, na ne trɛw nso yɛ anammɔn akron. Wɔde sii Dura tataw so wɔ Babiloniaman mu. 2 Afei ɔde nkra kɔmaa ahenemma, mpanyimfo, amradofo, afotufu, sanaafo, atemmufu, asennifo ne ɔman no mu mpanyimfo se, wɔmmra ohoni a wɔreda no adi no afahyɛ ase. 3 Bere a ahenemma, mpanyimfo, amradofo, afotufu, sanaafo, atemmufu, asennifo ne ɔman no mu mpanyimfo no behyiae se wɔrebɛda ohoni a ɔhene Nebukadnessar de asi hɔ adi no, wobegyinagyinaa ohoni no anim. 4 Na wɔbɔɔ dawuru tɛɛ mu se, “Nnipa ahorow ne aman ahorow ne kasa ahorow nyinaa muntie nea ɔhene ahyɛ se monye! 5 Se mote aben, odurugya, sanku, sankuten, atɛntɛben ne nnwontode ahorow nyinaa nnyigyei a, monkotow fam, na monsɔre ɔhene Nebukadnessar sikakɔkɔɔ ohoni no. 6 Obiara a wankotow fam ansɔre ohoni no dɔn no ara mu no, wɔde no bɛto fononoo a ogya redɛw wɔ mu framfram mu.” 7 Enti bere a wɔtee aben, odurugya sanku, sankuten, sanku, benta, atɛntɛben ne nnwontode ahorow nyinaa nnyigyei no, nnipa no nyinaa ne aman ahorow ne wɔn a wɔka kasa ahorow nyinaa kotow fam, sɔree ohoni a ɔhene Nebukadnessar de asi hɔ no. 8 Nanso Kaldeafo no bi kɔɔ ɔhene no nkyɛn kɔtoatoa faa Yudafo no ho se, 9 “Nana wo nkwa so! 10 Wohyɛɛ mmara maa ɔmanfo se, obiara te aben, odurugya sanku, sanbuka sanku, benta, atɛntɛben ne nnwontode ahorow nyinaa nnyigyei a, ɔnkotow fam, na ɔnsɔre sika ohoni no, 11 na obiara a wantie ankɔtow ansɔre ohoni no, wɔde no bɛto fononoo a ogya redɛw framfram wɔ mu no mu. 12 Nanso Nana, Yudafo bi a wɔn din de Sadrak, Mesak ne Abednego a wode wɔn atuata Babiloniaman ano no abu wo animtiaa, na wɔansɔre w'anyame anaa sikakɔkɔɔ honi a wode asi hɔ no.” 13 Eho ara, Nebukadnessar bo fuw yiye, na ɔhyɛ se, wɔmfa Sadrak, Mesak ne Abednego mmra n'anim. Wɔde wɔn bae no, 14 Nebukadnessar bisaa wɔn se, “Sadrak, Mesak ne Abednego, ɛyɛ nokware se, moansɔre m'anyame ne sikakɔkɔɔ honi a mede asi hɔ no? 15 Mɛma mo kwan bio. Se mote aben, odurugya sanku, sanbuka sanku, benta, atɛntɛben ne nnwontode ahorow nyinaa nnyigyei no, na mokotow fam, na

mosɔre ohoni a mayɛ no a, na me ne mo nni asɛm biara. Na se mopo a, wɔbetow mo agu fononoo a ogya redɛw wɔ mu no mu preko pɛ. Se ɛba saa a, nyame ben na obetumi agye mo afi me tumi ase?” 16 Sadrak, Mesak ne Abednego buae se, “Nana Nebukadnessar, yennye nni se ho hia se yeyi yen ho ano wɔ w'anim. 17 Se wɔtow yen gu fononoo a ogya redɛw wɔ mu no mu a, Onyankopɔn a yesom no no begye yen. Nana, obegye yen afi wo tumi ase. 18 Na se ɛba se wannye yen mpo a, Nana nte ase se, sɔre de, yɛrensɔre w'anyame anaa sikakɔkɔɔ honi a wode asi hɔ no da biara da.” 19 Nebukadnessar bo fuw Sadrak, Mesak ne Abednego yiye, na wampe wɔn anim ahwe. ɔhyɛ se, wɔmma fononoo no gya no hyew no nnɔ mmɔho ason. 20 Afei ɔhyɛ n'asraafo mu mmarima ahɔɔɔnfo pa ara no bi se, wɔnkyekyere Sadrak, Mesak ne Abednego, na wɔntow wɔn ngu fononoo no mu gyatannaa no mu. 21 Enti wɔkyekyeree saa nkurafo yi a wɔhyehye wɔn ntowntwo, wɔn ntade, wɔn mmotiri ne wɔn ntama papee, tow wɔn guu fononoo gya a ɛredɛw no mu. 22 Na esiane ɔhene no abufuwtraso ne ɔhyɛ a ama fononoo no adɔ hyerehyere mmoroso no nti, asraafo a wode Sadrak, Mesak, ne Abednego regu fononoo no mu no wuwuu wɔ ogyatannaa no ano. 23 Na Sadrak, Mesak ne Abednego a wɔkyekyere wɔn papee no hwewee ogya fononoo a ɛredɛw no mu. 24 Nebukadnessar gu so rehwe no, preko pɛ, ohuruw tɛɛ mu ahodwiriw so guu n'afotufu no so se, “Enye mmarima baasa na yekyekyee wɔn tow wɔn guu fononoo no mu?” Wobuae se, “Yiw, Nana, yeyɛ saa pɛpɛɛpɛ.” 25 Nebukadnessar tɛɛ mu se. “Monhwe! Mihu nnipa baanan a biribiara nkyekyeree wɔn se wɔnenam ogya no mu. Ogyatannaa no nhyew wɔn. Onipa a ɔto so anan no te se anyame ba bi!” 26 Na Nebukadnessar twiw ben fononoo a ogya redɛw wɔ mu no pon ano, senea obetumi, tɛɛ mu se, “Sadrak, Mesak ne Abednego, ɔsorosoro Nyankopɔn asomfo, mumfi mmra! Mommra ha!” Eno nti, Sadrak, Mesak ne Abednego fii ogya no mu bae. 27 Afei, ahenemma, mpanyimfo, amradofo ne afotufu betwaa wɔn ho hyiae, na wohuu se, ogya no anka wɔn. Wɔn tinwi mpo ho anka. Na wɔn ntade anhyew. Na wusiw mpo mmɔn wɔn ho. 28 Afei Nebukadnessar kae se, “Ayeyi nka Sadrak, Mesak ne Abednego Nyankopɔn. ɔsomaa ne bɔfo, ma wobegyee n'asomfo a wogyɛ no di no. Wobuu me, ɔhene mmara so, na wode wɔn honam mae, senea ebeye a wɔrensom na wɔrensɔre anyame biara, gye

wɔn Nyankopɔn. **29** Ne saa nti, merehye saa mmara yi se ɔman, nkurofo ne kasa ahorow nyinaa mu, obiara a ɔbeka Sadrak, Mesak ne Abednego Nyankopɔn ho abususem no, ampa ara wobetwitwa wɔn mu asinasin na wɔadwiriw wɔn afi ama adan wura. Nyame biara nni hɔ a obetumi agye nkwa sɛe yi.” **30** Afei, ɔhene Nebukadnessar maa Sadrak, Mesak ne Abednego dibe a ɛkorɔn yiye wɔ Babiloniaman mu.

4 ɔhene Nebukadnessar, de saa nkra yi kɔmaa nnipa ne aman ne kasa ahorow a ɛwɔ wiase se: Ensi mo yiye mmoroso! **2** Ɛye me anigye se mo nyinaa ahu biribi a efa nsenkyerenne ne anwonwade a ɔsorosoro Nyankopɔn aye ama me. **3** Hwe sɛnea ne nsenkyerenne ye kɛse fa! **4** Na me, Nebukadnessar, mete m’ahemfi, midi me ho so na me koma tɔ me yam. **5** Nanso mesoo dae bi a, ɛbɔ me hu yiye. Meda me mpa so no, mfonɩ a ɛfaa m’ani so ne anisoadehu a minyaa no hunahunaa me. **6** Ɛno nti, mehye ma wɔfrɛ anyansafo a wɔwɔ Babilonia nyinaa se wɔmmekyerɛ me dae no ase. **7** Bere a nkonyaayifo, pɛadeahufo, Kaldeafo ne ntafowayifo no bae no, mekaa dae no kyerɛ wɔn, nanso wɔantumi ankyerɛ me ase. **8** Akyiri no, Daniel (a wotoo no din Beltesasar, a ɛye me nyame din, efise, na anyame kronkron no honhom wɔ ne mu) baa m’anim, na mekaa dae no kyerɛ no. **9** Meka kyerɛ no se, Beltesasar, nkonyaayifo panyin, minim se, anyame kronkron no honhom wɔ wo mu, ɛno nti, ɛnye wo den se wobekyerɛ ahintasɛm biara ase. Afei, me dae no ni, kyerɛ me ase. **10** Bere a meda me mpa so no, dae a mesoe ne se, mihuu dua bi a esi asase mfimfini a ɛware tenteenten. **11** Dua no nyin yɛ dutan kɛse na ne tenten koduu soro, a wuhu no asase so baabiara. **12** Na ne nhaban ye frɔmfrɔm fɛfɛfɛ, na asow aba bebreɛ, na so wɔ aduan ma obiara. Na wuram mmoo te ne nwini ase, na wim nnomaa nso ye wɔn berebuw wɔ ne mman mu. **13** “Meda me mpa so no, mihuu ɔbɔfo kronkron bi a ofi ɔsoro reba fam wɔ m’anisoadɛhu no mu. **14** ɔbɔfo no tɛɛ mu se, ‘Twa dua no to fam na twitwa ne mman no nyinaa. Porow ne nhaban no, na tow n’aba no pete. Pam mmoo no fi ne nwini ase, na pam wim nnomaa no fi ne mman so. **15** Nanso gyaw dunsin no ne ne ntin a dade ne kɔbere akyekyerɛ, na sare atwa ho ahyia no. “Afei, ma ɔsoro bosu mfɔw no fɔkyee, na ma ɔne mmoo ntena wɔ wuram. **16** Na ma n’adwene nsesa na ɛnye se aboa de. Na mfe ason ntwɔ ne ti so. **17** “Asomafo asi

gyinae dedaw; na akronkronfo abu atɛn sɛnea ɛbeyɛ a atɛasefo nyinaa betɛ ase se, ɔsorosoroni no na odi wiase ahemman so, na ɔde ma obiara a ɔpɛ, mpo, se ɔye onipa tɛta.’ **18** “Beltesasar, saa dae yi na me, ɔhene Nebukadnessar soe. Afei kyere me ase, efise anyansafo a wɔwɔ m’ahemman mu nyinaa antumi ankyerɛ me ase. Na wo de, wubetumi akyerɛ me, efise anyame kronkron honhom no wɔ wo mu.” **19** Daniel (a wɔsan frɛ no Beltesasar no) tɛ dae no, ɔyɛ basaa kakra; ne ho dwiriw no na n’adwene mu haw no. Nti, ɔhene no ka kyerɛ no se, “Beltesasar, mma dae no ne ne nkyerɛase mmɔ wo hu.” Beltesasar buae se, “Ɛyi de, Nana, anka dae no ne ne nkyerɛase no ɛmpare wo na ɛnko w’atamfo so! **20** Nana, wuhuu dua bi a ɛnyin yɛ dutan kɛse a ne tenten koduu soro, na wuhu no asase nyinaa so. **21** Na ne nhaban ye frɔmfrɔm fɛfɛfɛ a asow aba bebreɛ, na so wɔ aduan ma obiara. Na wuram mmoo te ne nwini ase, na wim nnomaa nso ye wɔn berebuw wɔ ne mman mu. **22** Nana, mesɛ ka, saa dua no ye wo. Efise, woanya nkoso, ahɔden ne kɛseyɛ mu. Wo kɛseyɛ no kodu ɔsoro, na w’adedi no kɔ akyirikyiri kodu asase ano. **23** “Afei, Nana, wuhuu ɔbɔfo kronkron a ofi ɔsoro reba fam, na ɔreka se, ‘Twa dua no to fam na sɛe no. Nanso, gyaw dunsin no ne ne ntin a dade ne kɔbere akyekyerɛ, na sare atwa ho ahyia no. Afei ma ɔsoro bosu mfɔw no fɔkyee, na ma ɔne mmoo ntena wɔ wuram. Na ma n’adwene nsesa na ɛnye se aboa de. Na mfe ason ntwɔ ne ti so.’ **24** “Dae no nkyerɛase ni, Nana, atɛn a ɔsorosoroni no abu atia wo no ni. **25** Wobɛpam wo afi nnipa mu, na wo ne wuram mmoo betɛna wuram. Wobɛwe sare te se nantwi, na ɔsoro bosu afɔw wo fɔkyee. Mfe ason betwa wo ti so akosi se, wubehu se, ɔsorosoroni no na odi wiase ahemman so, na ɔde ma obiara a ɔpɛ. **26** Hyɛ a wɔhyɛ ma wogyaw dunsin no ne ne ntin no wɔ asase mu no kyere se, se wuhu se ɔsoro na edi tumi no a, wo nsa besan aka w’ahenni. **27** Ne saa nti, Nana Nebukadnessar, mesɛ wo, tie m’afotu. Gyae bɔneyɛ, na ye nea ɛtɛɛ. Gyae w’atirimɔdensɛm na ye ahummɔbɔ ma ahiafo, na twe wo ho fi wo tɛtɛ amumɔye no ho. Ebia, woyɛ saa a, wobɛkɔ so adi yiye.” **28** Na saa nneɛma yi nyinaa baa ɔhene Nebukadnessar so. **29** Asram dumien akyi a na ɔretu mpase wɔ ahemfi no abansoro atifi wɔ Babilonia no, **30** ɔtoo n’ani, hwɛɛ kurow no mu, na ɔkae se, “Ɛnye Babilonia kurow kɛse a mede me tumi akyekyerɛ aye no ɔhempon atɛnae de ahyɛ m’ahenni anuonyam ni ana?” **31** Bere a ogu so reka saa nsɛm

no, nne bi fi osoro bae se, “Wo, ɔhene Nebukadnessar, nea wɔahye ato ho ama wo ni: Wɔagye w’ahenni tumi no afi wo nsam. 32 Wɔbɛpam wo afi nnipa mu. Wo ne wuram mmoa betena wuram. Na wobewe sare te se nantwi. Mfe ason betwa wo ti so kosi se wubehu se, ɔsorosoroni no di wiase ahemman so, na ode ma obiara a ɔpe.” 33 Amono mu ho ara nkɔmhye no baa mu. Wɔpam Nebukadnessar fii nnipa mu. ɔwee sare te se nantwi, na osoro bosu fow no fɔkyee. ɔtenaa saa tebea no mu kosii se, ne tinwi yee atenten te se ɔkɔre ntakra, na n’awerew yee se anomaa awerew. 34 Saa bere yi twaa mu no, me, Nebukadnessar, memaa m’ani so hwɛe soro. M’ani baa me ho so, na mekamfo ɔsorosoroni no, na metrontrom nea ɔte ase daa no yii no aye se: 35 Asase so nnipa nyinaa, 36 Bere a m’ani baa me ho so no, bere koro no mu ara na me nidi ne me keseye a ehye me man no anuonyam no bae. M’afotufu ne m’abirempon hwehwee me, na wosan de me sii m’ahenni so bio, na m’anuonyam beyee kese kyen kan no. 37 Afei me Nebukadnessar, mekamfo ma no so, hye osorohene anuonyam, de nidi ma no. Ne nneyee nyinaa ye pe, na eye nokware, na obetumi abre ahantanfo ase.

5 Mfe bebre akyi no, ɔhene Belsasar too pon kese maa ne mpanyimfo apem, na one won nom nsa. 2 Bere a nsa no ama Belsasar ani agye no, ɔhyee se, wɔmfa sikakɔkɔ ne dwete nkuruwa a n’agya Nebukadnessar tase fii Yerusalem asɔredan mu no mmra, sɛnea one ne mpanyimfo, ne yerenom ne ne mpenanom benom mu nsa. 3 Enti ode saa sikakɔkɔ nkuruwa a wɔtase fii Onyankopɔn asɔredan a ewɔ Yerusalem mu no bae, na ɔhene no ne ne mpanyimfo, ne yerenom ne ne mpenanom nom mu nsa. 4 Wɔrenom nsa no, wɔkamfoo won ahoni a wɔde sikakɔkɔ, dwete, kɔbere, dade, dua ne abo aye no. 5 Amono mu ho no ara, wohui se, onipa nsateaa rekyerew ɔhene ahemfi fasu no a eben kaneadua no ho. ɔhene no hwɛe nsa a erekyerew no, 6 na ehu maa n’anim danee. Sɛnea ɔbɔɔ hu no maa ne kotodwe keka bobɔɔ mu, na ne nan mu yee mmrew. 7 ɔhene no teɛɛ mu frɛɛ se wɔmfa peadeahufu, Kaldeafo ne ntafowayifo mmra n’anim. ɔka kyerɛɛ saa Babilonia anyansafo yi se, “Obiara a obetumi akenkan nkyerew yi, akyere me ase no, wobefura no ɔtamkɔkɔ a eye adehye abasobɔde, na wɔde sikakɔkɔ ntweaban agu ne kɔn mu. ɔno na ɔbeyɛ ɔman sodifo a ɔto so abiesa wɔ ahemman yi mu.” 8 Nanso ɔhene no anyansafo no bae no, won

mu biara antumi ankenkan nkyerew no, ankyere ase amma ɔhene no. 9 Enti emaa ɔhene no ho yeraw no yiye, na n’anim sesae. N’abirempon nso ho yeraw won. 10 Na bere a ɔhemmea no tee ɔhene ne ne mpanyimfo nteetɛemu no, ɔyee ntem kɔɔ apontodan mu ho. ɔka kyerɛɛ Belsasar se, “Nana nkwa so! Nana, nsuro na mma w’anim nsesa! 11 ɔbarima bi wo w’ahenni mu ha a ɔwo anyame kronkron honhom wo ne mu. W’agya Nebukadnessar adedi mu no, wohuu se, saa ɔbarima yi wo ntease nhumu ne nyansa te se anyame no. W’agya Nebukadnessar sii no panyin wɔ nkonyaayifo, peadeahufu, Kaldeafo ne ntafowayifo so wɔ Babilonia. 12 Saa ɔbarima Daniel yi a ɔhene too no din Beltesasar yi adwene mu ɔɔ, na Onyankopɔn ho nimdee ne ntease ahye no ma. Otumi kyere dae ne kasanyansa ase, na nsem a ekyere adwene no, ɔsan mu. Momfre Daniel na ɔbekyerɛ mo nkyerew no ase.” 13 Enti wɔkɔfaa Daniel baa ɔhene anim. ɔhene no bisaa no se, “Wone Daniel no a m’agya Nebukadnessar faa wo nnommm de wo fii Yuda bae no? 14 Mate wo nka se, wowɔ anyame honhom wo wo mu, na ntease, nhumu ne nyansa ahye wo ma. 15 Wɔde anyansafo ne peadeahufu baa m’anim se wɔbekenkan nkyerew a egu ɔfasu yi ho yi na wonkyere me ase, nanso wɔantumi. 16 Na mate wo nka se wutumi kyere nsem ase; na wosan nsem a ekyere adwene mu. Na se wutumi kenkan nkyerew a ewɔ ɔfasu yi ho na wokyerɛ me ase a, wobefura wo ɔtamkɔkɔ a eye adehye abasobɔde, na wɔde sikakɔkɔ ntweaban begu wo kɔn mu. Na wobeyɛ ɔman sodifo a ɔto so abiesa wɔ ahemman yi mu.” 17 Daniel buaa ɔhene no se, “Nana, mesre, ma w’akyede no ntena ho na fa w’abasobɔde no ma obi foforo. Nanso, Nana, mekenkan nkyerew no, na makyere wo ase. 18 “Nana, ɔsorosoro Nyankopɔn maa w’agya Nebukadnessar keseye, anuonyam ne nidi. 19 ɔyee no kese ara kosii se, nnipa ahorow nyinaa, aman nyinaa ne kasa biara du n’anim a, won ho popo biribiribiri. Okunkum won a ɔpe se okunkum won, na ogyaa won a ɔpe se ogyaa won. ɔhyee won a ɔpe se ɔhye won anuonyam no anuonyam, na won a ɔpe se ɔbre won ase no, ɔbreɛ won ase. 20 Nanso ahomaso maa ne koma ne n’adwene yee den no, woyii no fii n’ahengua so, sii no fam, gyee n’anuonyam no. 21 Wɔpam no fii nnipa mu. Wɔmaa no aboa adwene, na one wuram mmoa tenae. ɔwee sare te se nantwi, na osoro bosu fow no fɔkyee kosii se, afei ohui se, seɛ ɔsorosoro Nyankopɔn na odi wiase ahemman nyinaa so, na ɔno

ara nso na oyi obi a ɔpe ma odi so. **22** “Nanso wo, ne ba Belsasar, wunim eyinom nyinaa, nanso woammre wo ho ase. **23** Woama wo ho so atia Osoro Awurade mmom. Woafa saa nkuruwa yi a esisi w’anim a wofa fii n’asoredan mu no. Wo ne w’atitiriw ne wo yerenom ne wo mpenanom anom mu nsa, bere a morekamfo dwete, sikakokoo, kobere, dade, dua ne obo anyame a wonhu ade, na wonnte asem, na wonnim hwee koraa no. Na moamfa nidi amma Onyankopon a okura mo nkwa na odi mo nkrabea so no. **24** Ne saa nti, Onyankopon asoma nsa yi se, emmekyerew nkra yi. **25** “Nkra a, ekyerewee ni: Mene, Mene, Tekel, Parsin. **26** “Saa nsem yi nkyerese ni: “Mene’ nkyerese ne wakan. Onyankopon akan w’ahenni nna a aka na watwa so de aba n’awie. **27** “‘Tekel’ nkyerese ne: wakar. Wakar wo wo nsania so, nanso woantumi shwe no. **28** “‘Parsin’ nkyerese ne: wakyekye mu. Wakyekye w’ahenni mu ama Mediafo ne Persiafo.” **29** Afei Belsasar ma wofuraa Daniel otamkokoo a eye adehye abasobode, de sikakokoo ntweaban guu ne kon mu. Wosooa no se, oman sodifo a oto so abiesa wo ahemman no mu. **30** Saa anadwo no ara, wokum Babiloniahene Belsasar. **31** Na Dario a ofi Mede faa ahenni no, na wadi mfirihya aduosia abien.

6 Esoo ɔhene Dario ani se obepa ahenemma oha ne aduonu de won atuata amantam a ewo ahemman no mu no ano. **2** ɔhene no san yii Daniel ne afoforo baanu bi se mpanyimfo a wohwe ahenemma no so, senea wobetoto nneema yiye, na ohene no ammoo ka. **3** Na Daniel daa ne ho adi se onim de wo mpanyimfo ne ahenemma no mu, eno nti, ɔhene yee nhyehyee se, odo no besi oman no nyinaa so panyin. **4** Eyee saa maa mpanyimfo no ne ahenemma no hwehwee se wobenya Daniel ho asem wo n’amammui no fam, nanso woannya n’adwumaye no ho mfomso biara, efise oye onokwafo. **5** Na mmarima no kae se, “Yerennya Daniel yi ho asemmane biara gye se yehu biribi a efa ne nyamesom ho de sum no afiri.” **6** Enti mpanyimfo no ne ahenemma no koo ɔhene Dario no nkyen koka kyeree no se, “Nana wo nkwa so! **7** Yen mpanyimfo, ahenemma, afotufu ne mpanyimfo a aka no nyinaa apene so se, ese se Nana hye mmara se, adaduasa a edi anim yi, obiara nni ho kwan se obebɔ mpae akyerɛ onyame bi anaa onipa bi a enye wo Nana no, wode no beto gyata amoa mu. **8** Eno nti, Nana, kyere wo na fa wo nsa hye saa mmara yi ase, senea Mediafo ne Persiafo mmara a wontumi nsesa no no te.” **9** Eno

nti, ohene Dario kyere wo mmara no. **10** Na Daniel tee se wode nsa ahye mmara no ase no, okoo fie kohen n’abansoro dan a ne mensesere anim kyere Yerusalem no. Da biara obuu nkotodwe bɔo mpae mprensa daa ne Nyankopon ase senea oye daa no. **11** Mpanyimfo no nyinaa bɔo mu koo Daniel fi kohuu no se obebɔ mpae resre Onyankopon mmoo. **12** Enti wosan koo ɔhene Dario no nkyen kokaee no ne mmara no se, “Nana, woamfa wo nsa ahye mmara a eka se adaduasa a edi anim yi, obiara a obebɔ obi mpae, onyame anaa onipa na enye Nana no, wode no beto gyata amoa mu no ana?” ɔhene no buae se, “Yiw, saa mmara no wo ho; eye Mediafo ne Persiafo mmara a, worentumi nsesa no.” **13** Afei woka kyeree ohene no se, “Nana, Daniel no a oye Yuda nnommum no mu baako no mmu wo, na onni wo mmara no nso so. Odo so bo ne Nyankopon mpae mprensa da koro.” **14** ɔhene no tee saa no, ehaw no yiye, na osusuw ho ara kosii anwummere pee, okwan bi a obefa so agye Daniel nkwa. **15** Mmarima yi bɔo mu koo ohene no anim koka kyeree no se, “Nana, nidi mu, wunim se, Mediafo ne Persiafo mmara mu no, wontumi nsesa mmara biara a ohene ahye.” **16** ɔhene Dario hyee se, wonkɔfa Daniel, na wontow no nkyene gyata amoa no mu. ɔhene no ka kyeree no se, “Daniel, ma wo Nyankopon a wosom no daa no, nnye wo.” **17** Wode bo betoo amoa no ano. Na ɔhene no de n’ankasa nsowano ne atitiriw nsowano susoo obo no senea obiara rentumi nye Daniel ho hwee. **18** Afei ohene no san koo n’ahemfi a anadwo no nyinaa, wannidi. ɔpoo anigyede biara, na wantumi anna anadwo mu no nyinaa. **19** Ade kyee anopatutuutu no, ohene no yee ntem koo gyata amoa no ano. **20** Oduu ho no, odo awerehow free se, “Daniel, Onyankopon teasefo somfo. Wo Nyankopon a wosom no daa no tumi gye wo fii gyata no mu ana?” **21** Daniel teee mu se, “Nana wo nkwa so! **22** Me Nyankopon somaa ne bɔfo bekataa gyata no ano, senea worentumi nye me bone, efise wahu se, midi bem wo n’anim. Na wo, Nana nso, menyee wo bone biara e.” **23** ɔhene no ani gyee mmoroso, na ohyee se wonyi Daniel mfi amoa no mu, enti wuyii no. Wɔanhu kam biara wo ne ho, efise odo ne ho too ne Nyankopon so. **24** Afei ohene no hyee se wonkɔkyere mmarima a wonam ntwatoso so ma wode Daniel kotoo gyata amoa mu no. Oma wotow won ne won yerenom ne won mma guu gyata amoa no mu. Gyata no huruhuruw sisii won so, tetew won, boboo won nnompe mu ansa koraa na woredi amoa no ase.

25 Afei ɔhene Dario de nkra yi kɔmaa nnipa ahorow nyinaa, aman nyinaa ne kasa biara wɔ wiase mmaa nyinaa se: “Ensi mo yiye mmorosol! 26 “Mehye mmara se, eɛ se obiara a ɔwɔ m’aheman mu suro, fere na ɔde nidi ma Daniel Nyankopɔn. 27 “Ɔye amanehunu mu gyefo na ogye nkwa nso; 28 Enti Daniel kɔɔ so dii yiye wɔ ɔhene Dario ne Persiahene Kores mmere so.

7 ɔhene Belsasar adedi afe a edi kan wɔ Babilonia mu no, Daniel soo dae, nyaa anisoadehu ahorow, bere a ɔda ne mpa so no. Ɔkyerew dae no mu nsem titiriw too hɔ. 2 Daniel kae se, “M’anisoadehu no mu saa anadwo no, mihuu ɔsoro mframa anan a erebobɔw fa po kese no so. 3 Afei mmoa akese anan bi pue fii po no mu a ɛsono wɔn mu biara bɔbea. 4 “Na aboa a odi kan no te se gyata a ɔwɔ ɔkɔre ntaban. Mehwee no ara kosii se wotutuu ne ntaban no, na wɔpagyaw no ma ogyinaa ne nan abien so te se onipa. Na wɔmaa no onipa adwene. 5 “Afei mihuu aboa a ɔto so abien a na ɔte se sisi. Na ɔda ne nkyen mu a na mfe mparow abiesa hye ne se ntam wɔ n’anom. Na wɔka kyeree no se, ‘Sɔre na we nam a wubetumil!’ 6 “Eyi akyi no, mihuu aboa foforo a ɔte se ɔsebo. Na ɔwɔ ntaban anan a ete se nnomaa ntaban a etuatua n’akyi. Saa aboa yi wɔ ti anan, na wɔmaa no tumi kese. 7 “Eyi akyi no, m’anisoadehu anadwo no, mihuu aboa a ɔto so anan a ne ho ye hu yiye, na ne ho ye den nso. Ɔwɔ se akese a eye dade na ɔde bubu mmoa a ɔkyere wɔn no na wawe, na afei ɔde ne n’anan tiatia nkae no so. Ɔda nsow koraa wɔ mmoa nkae no mu. Na ɔwɔ mmen du. 8 “Bere a migu so redwene mmen no ho no, aben ketewa foforo bi puee wɔ mmen dedaw no ntam, na etutuu mmen dedaw no mu abiesa. Na saa aben ketewa no wɔ aniwa te se onipa, na ɔwɔ ano a ekasa ahantan so. 9 “Migu so rehwe no, “mihui se, wɔde nhengua besisii hɔ, na Nea ɔwɔ hɔ fi Tete no betenaa ase. Na n’atade ye fitaa se sukyeremma; na ne tinwi hoa se oguan nwi. N’ahengua dew se ogyatannaa na n’ahengua nhankare nso dewee framfram. 10 Na ogya a ete se asubɔnten sen fii n’anim bae. Abofo mpempem kotow no, na ɔpepe nso ginyinagyinaa n’anim. Baguafo no tenaa ase, na wofii ase buebuee nhoma mu. 11 “Na mekɔɔ so hwɛe, efise na aben ketewa no de ahantan rekasa. Mehwee ara kosii se wokum aboa no, na wɔtow no kyenee ogyatannaa a ɛredew framfram no mu. 12 Mmoa a aka no nso, wogyee wɔn tumi fii wɔn nsam, ma wɔtenaa ase kyee kakra. 13 “Anadwo a minyaa m’anisoadehu no, mehwe huu obi te se onipa ba no a

ɔnam ɔsoro omununkum mu reba. Ɔben Nea ɔwɔ hɔ fi Tete no, wodii n’anim kɔɔ ne nkyen. 14 Wɔmaa no tumi, anuonyam ne adehyetumi; na aman ne kasa ahorow nyinaa som no. N’ahenni ye daa ahenni a to rentwa da. N’aheman ye nea wɔrensee no da.” 15 “Me, Daniel, nea mihuu no nyinaa haw me wɔ honhom mu, na m’anisoadehu no bɔɔ me hu. 16 Enti, mekɔɔ wɔn a woginyinagyina hɔ no mu baako hɔ, kobisaa no saa nneema no nyinaa ase. “Ɔkyeree me ase se: 17 ‘Saa mmoa akese anan yi gyina hɔ ma ahemman anan a wɔbesɔre wɔ asase so. 18 Nanso Ɔsorosoroni no ahotefo no begye ahemman no na wɔafa no afebo.’ 19 “Afei mepee se mihu aboa a ɔto so anan no a na ɔda nsow wɔ nkae no mu no nkyerɛase. Na ne ho ye hu yiye, na ɔde ne se a eye dade ne n’awerɛw a eye kɔbere no tetew mmoa a ɔkyere wɔn no we no, na afei ɔde ne nan tiatia nkae no so. 20 Afei mepee se mete mmen du a na etuatua ne ti ho ne nea epuee akyi no ase. Ɛbesee nea na ɛwɔ hɔ dedaw no mu abiesa, na eyi ye aben a edi mu kyen nkae no a na ɛwɔ onipa aniwa ne ano a ekasa ahantan so no. 21 Mehwee no, na saa aben yi atu atreneefo no so sa redi wɔn so nkonim, 22 kosii se, Nea ɔwɔ hɔ fi Tete no ba bebuu aten, maa Ɔsorosoroni ahotefo no dii bem. Afei bere duu se wɔfa ahemman no. 23 “Afei ɔkyeree me ase se, ‘Saa aboa a ɔto so anan yi ye ahemman a ɛto so anan a ɛbeba asase so. Ɛbede nsow wɔ ahemman a aka no nyinaa mu. Ɛbemene asase nyinaa, na atiatia so abubu no asinasin. 24 Ne mmen du no ye ahemfo du a wobefi saa ahemman no mu. Afei ɔhene foforo besɔre a ɔda nsow wɔ du a aka no mu a ɔbebre ahemfo no mu baasa ase. 25 Ɔbekasa atia Ɔsorosoroni no, na wahye ahotefo no so. Ɔbebo mmɔden se, ɔbesesa wɔn afahye kronkron ahorow ne wɔn mmara no, na wɔde wɔn ahye n’ase akosi mmere bi. 26 “Nanso baguafo betena ase, na wɔagyee ne tumi nyinaa, na wɔasee no korakora. 27 Afei wɔde ahenni ne tumi ne keseye a ɛwɔ nheman a ɛwɔ ɔsoro ase nyinaa bema ahotefo, Ɔsorosoroni no nkurɔfo. Na n’aheman betena hɔ daa, na ahemfo nyinaa besɔre no na wɔaye osetie ama no.’ 28 “Asem no awiei ni. Me, Daniel, m’adwennwene yi haw me yiye na m’anim sesae, na mede saa nsem yi sisee me koma mu.”

8 ɔhene Belsasar adedi mfe abiesa so, me, Daniel, minyaa anisoadehu foforo bi a na edi nea ada ne ho adi akyerɛ me dedaw no akyi. 2 M’anisoadehu mu no,

mihuu se na mewo Susa abanwa a ewo Elam mantam no mu; na m'anisoadehu mu no, na mewo Asuka Ulai ho. **3** Memaa m'ani so no, mihuu Odwennini a owo mmen atenten abien na ogyina suka no ho wo m'anim. Na ne mmen no woware. Na ne mmen no baako ware sen baako, nanso nea eware no, akyiri no, enyinii. **4** Mehwee Odwennini no se orepempem ko atoe, atifi ne anafam. Na aboa biara ntumi nnyina n'anim, na obiara nni ho a obetumi agye obi oforo afi ne nsam. Oye nea ope, na oye okese. **5** Bere a migu so redwen eyi ho no, preko pe, opapo bi a owo aben kese bi a etua n'ani abien no ntam pue fii atoe fam, twaa mu faa asase no nyinaa so a ne nan mpo nka fam. **6** Ode n'ani kyeree Odwennini a owo mmen abien no a mihuu se na ogyina suka no ho no. Na ode ahooden tuu mmirika koo ne so. **7** Opapo no sii ntakonan a emu ye den, na opem Odwennini no bubuu ne mmen abien no. Odwennini no yee mmerew na wantumi annyina opapo no anim; enti opapo no pem no hwee fam, tiatiaa no so, na obiara antumi annye no amfi ne nsam. **8** Opapo no beyee oniodenfo kese. Nanso, n'anioden no duu ne mpomponso no, n'aben kese no bui, na n'anan mu no, mmen akese anan fifii a ekyerekyere osoro mframa anan no so. **9** Aben oforo bi puee wo mmen akese no mu baako ho. Efii ase kakraa bi, na ne tumi yee kese koo anafam ne apuei fam, de koo Asase Feefe no so. **10** Enyinii ara kakaasoro asafo, na ototow asafo no mu bi a woye nsoromma guguu fam, tiatiaa won so. **11** Na omaa ne ho so beyee ne ho okese se osoro asafo no Sahene. Ogyee daa daa afore fii ne nsam, na ossee ne kronkron tenabea ho. **12** Esiane atuategu no nti, wode ahotefo asafo no ne won daa daa afore maa no. Na wotow nokware kyenee. **13** Afei metee okronkronni bi se orekasa, na okronkronni oforo bisaa no se, "Bere ben na anisoadehu yi beba mu—nea efa daa daa afore, atuategu a ede ossee ba, kronkron tenabea a wobegyaa mu ama, ne Awurade asafo a wobetiatia won so no?" **14** Obuua no se, "Ebedi anwummere ne anopa ahorow 2,300, ansa na wasan atew kronkron tenabea no ho." **15** Bere a me Daniel, merehwe anisoadehu na mepese se mete ase no, obi a ote se obarima begyinaa m'anim. **16** Na metee onipa nne a erefre fi Ulai mu se, "Gabriel, kyere saa obarima yi anisoadehu no ase." **17** Oreben faako a na migyina no, misuroe, na mede m'anim butuw fam. Oka kyeree me se, "Onipa ba, te ase se anisoadehu no fa awiebere no ho." **18** Bere a orekasa

akyere me no, medaa nnahoo a m'anim butuw fam. Na osoo me mu de me gyinaa m'anan so. **19** Oka se, "Merebeka nea ebese akyiri no wo abufuwbere mu akyere wo, efise anisoadehu no fa awiei bere a waha ye no ho. **20** Odwennini a owo mmen abien no gyina ho ma Media ne Persia ahemfo no. **21** Opapo niodenfo no ye Helahene, na aben kese a etua n'ani ntam no ye ohene a odi kan no. **22** Mmen anan a ebesei mmen a ebubuu no anan mu no gyina ho ma ahenni anan a ebese afi ne man no mu, nanso won tumidi renye pe. **23** "Won adedi no reko awiei no, bere a atuategu no ye atirimoden mmoroso no, ohene a oye den, na odi akontonkyesem besore. **24** Obe ye den yiye a emfi n'ankasa tumi mu. Obeese ade ama nnipa ho adwiriw won, na obedi nkonim wo biribiara a obe ye mu. Obeese ahoodenfo ne akronkronfo. **25** Obema nnaadaa agye ntin, na obe ye ahomaso. Obeese bebre a ommo nkae, na obese atia ahenemma mu oheneba no, nanso wobese no a emfi onipa ahooden mu. **26** "Anwummere ne anopa anisoadehu a wode ama wo no ye nokware, nanso, so ano, efise efa daake bi a ennya mmae ho." **27** Me, Daniel, meye mmerew, na meyaree nna kakra. Akyiri no, mese koyee ohene adwuma. Anisoadehu no yee me ahodwiriw; na eboroo ntease so.

9 Ahasweros babarima Dario (a n'ase fi Media) a woyee no ohene wo Babilonia ahenni so no, **2** afe a edi kan no, me, Daniel, metee ase fii kyerewsem mu senea Awurade de maa Odiyifo Yermia se, Yerusalem beda mpan mfihiyia aduason. **3** Eno nti, mifuraa atweatam de nsō yee me ho dii mmuada. Afei mede nkotosre koo Awurade Nyankopon anim kaboo mpae sree. **4** Meboo Awurade me Nyankopon mpae, na mepae mu kae se: "Awurade, wo a wo so na woye Onyankopon nwonwani! Wo a wudi odo apam so—odo apam a woye ama won a wodo wo na wodi wo mmara so. **5** Yeaye bone, na yeaye mfomso. Yeabo atirimoden na yeatew atua; yeakwati wo mmara ne w'ahyede. **6** Yeantie w'asomfo adiyifo a wakasaa wo wo din mu kyeree yen ahemfo ne ahenemma ne agyanom ne nnipa a wowa asase no so nyinaa. **7** "Awurade, woye otreneeni, nanso nne de, yen anim agu ase, Yudafo ne Yerusalemfo ne Israelfo nyinaa, won a woben ne won a wowa akyirikyiri a wabo apansam. Esiane yen amumoye nti, yen anim agu ase. **8** Awurade, aniwu aka yen ne yen ahemfo, ahenemma ne yen agyanom, efise yeaye bone atia wo. **9** Ewo mu se,

yeatew Awurade yen Nyankopon anim atua, nanso oye ahummobo na ode bone kye. **10** Yeanye osetie amma Awurade yen Nyankopon, na yeanni ne mmara a onam n'asomfo adiyifo so de maa yen no so. **11** Israel nyinaa abu wo mmara so, na wofa ho a wompse se woye osetie ma wo. "Enti nnome ne atemmu a woka ntam akyerew wo Onyankopon somfo Mose Mmara mu no, wawahie agu yen so, se yeaye bone atia wo nti. **12** Ohaw kese a woboo ho koko se wobeye atia yen ne yen ahemfo no, woye. Osoro ase nyinaa, biribiara nsii senea asi wo Jerusalem no bi da. **13** Senea wakyerew wo Mose mmara mu no, saa amanehunu yi nyinaa aba yen so, nanso yenhwehwee Awurade yen Nyankopon mmaborohunu, se yebefi yen bone ho na yeape nokware akyi kwan. **14** Awurade antwentwen se ode amanehunu no beba yen so, efise Awurade yen Nyankopon ye pe wo biribiara a oye mu, nanso yeanye osetie amma no. **15** "Awurade yen Nyankopon, wo a wode nsa a eye den yii wo nkurofo fii Misraim, de gyee din a atena ho abesi nne yi, yeaye bone, yeaye mfomso. **16** Awurade, senea wo trennee nneyee nyinaa te no nti, yi w'abufuw ne w'anibere fi wo kuropon Jerusalem ne wo bepaw kronkron no so. Esiane yen bone ne yen agyanom amumaye nti, nnipa a watwa Jerusalem ho ahyia no nyinaa di Jerusalem ne wo nkurofo ho few. **17** "Na afei yen Nyankopon, tie w'akoa mpaebo, ne ne nkotosre. Wo nti, Awurade, tew w'anim bio kyere wo kronkronbea ho a agyigya no. **18** Ye aso, me Nyankopon na tie; bue w'ani, na hwe kuropon a wo Din da so a agyigya no. Enye yen trennee nti na yede yen nkotosre aba w'anim, na mmom eye wo mmaborohunu bebrebe no nti. **19** Awurade, tie! Awurade, fa kye! Awurade, tie na ye! Wo nti, me Nyankopon, ntwentwen w'anan ase, efise wo Din da wo kuropon ne wo nkurofo so." **20** Bere a merkasa na merebo mpae, na meraka me ne me nkurofo Israelfo bone akyer, na mede m'adesre reto Awurade me Nyankopon anim ama ne bepaw kronkron no, **21** na migu so rebo mpae no, Gabriel a mihuu no kan anisoadehu mu no de ahoohare baa me nkyen beye anwummere aforebo bere mu. **22** Okyerakyere me se, "Daniel, maba ha se merebre wo nhumu ne ntease. **23** Wufii ase se worebo mpae pe no, mmuae bae, na maba se merebeka akyer wo, efise, wobu wo yiye. Enti dwene asem no ho na te anisoadehu no ase. **24** "Mmere aduason ahorow ason' na wواهye ama wo nkurofo ne wo kuropon kronkron no se wompfa

nnyae mmurato, na wontwa boneye so, na wompata atirimoden, na trennee a to ntwaa da mmra, na wonsow anisoadehu ne nkomhye ano, na wonsra Kronkron mu Kronkronbea ho ngo. **25** "Tie na te eyi ase: Efi bere a asem no beko ama wosasi Yerusalem aye no foforo, kosi se Nea Wosra no Ngo no beba no beye mmere ason ahorow 'ason', ne aduosia abien ahorow 'ason.' Wobeyi mmoron ne akwan na woye bammoo a eye den, nanso ebeye ahohiahia bere mu. **26** Mmere aduosia abien ahorow ason akyi no, wobekum Nea Wosra no ngo no a worennya ne ho asem biara. Ohene a obeba no nkurofo beba abesee kuropon ne kronkronbea no. Awiei no beba se nsuyiri, na oko ne mu ahoyeraw beba akosi awiei senea wواهye no. **27** Obehoro onno ne nnipa bebre nta apam so dua wo mmere 'ason' baako mu. Na mmere 'ason' no mfmfini no, obegya aforebo ne aye edema. Obedua abusude a ede asse beba wo asoredan no mu, kosi se awiei a wواهye no behwie agu ne so."

10 Persiahene Kores adedi afe a eto so abiesa mu no, woyii asem bi adi kyere Daniel (a na wofre no Beltesasar). Na nkra no ye nokware, na efa oko kese bi ho. Onyaa nkra no nkyerease wo anisoadehu mu. **2** Saa bere no, me, Daniel, midii awerchew nnaawotwe abiesa. **3** Manni aduan pa biara. Nam anaa nsa biara anka m'ano, na mamfa sradehuam ansra kosii nnaawotwe abiesa no awiei. **4** Osram a edi kan no, da a eto so aduonu anan, bere a migyina asubonten kese Tigris konkon so no, **5** memaa m'ani so na mihuu obarima bi a ofura nweratam. Na oba sikakoko ankasa abaso a efi Ufas wo n'asen mu. **6** Ne nipadua no te se aboodemmo. N'anim te se anyinam, n'ani te se ogyaten a eredew, ne nsa ne n'anan te se ayowa a wabere ho hyerenn, na ne nne nso te se nnipakuw nnyigyei. **7** Me, Daniel nko ara na minyaa saa anisoadehu no; nnipa a na woka me ho no anhu hwee. Ehu kese bi bo won ma wuguan kohintawee. **8** Enti ekaa me nko ara a merehwe anisoadehu kese yi. Na m'ahooden asa, m'anim hoae; afei na minni obofo biara. **9** Na metee se orekasa; na meretie no no, mefaa mu daa nnahoo a m'anim butuw fam. **10** Nsa bi soo me mu, maa me a me nsa ne me kotodwe rewosow biribiribiri no so. **11** Okae se, "Daniel, wo a wobu wo yiye, dwene nsem a merebeka akyer wo yi ho. Gyina pintinn, na wosoma me wo wo nkyen." Okaa saa asem yi kyere me no, mede ahopopo sree. **12** Afei okoo so kae se, "Nsuro, Daniel. Efi da a edi kan

a wopɛɛ sɛ wote anisoadehu no ase na wobɛɛ wo ho ase wɔ wo Nyankopɔn anim no, na ɔtee wo nsem, na eno nti na maba yi. **13** Nanso ɔhene babarima a ofi Persia ahenni mu siw me kwan nnaɔua aduonu baako. Afei, Mikael a ɔye ahenemma atitiriw no mu baako beboaa me, efise na wode me asie wɔ Persia hene nkyen. **14** Mprempren, maba sɛ merebekyerɛkyerɛ wo nea ebɛba wo nkurofo so daakyɛ, efise saa anisoadehu yi fa bere bi a erebɛba ho.” **15** Bere a ɔreka eyi akyerɛ me no, meɔɔ me mu ase, na metɔɔ mum. **16** Afei obi a ɔte sɛ onipa de ne saa kaa m’ano, na mibuee m’ano, fii ase kasae. Meka kyerɛ nea ogyina m’anim no se, “Anisoadehu no ama me ho adwiriw me, me wura, na minni ɔboafɔ biara. **17** Ebeye den na w’akoa betumi ne wo akasa, me wura? M’ahooden asa, na mintumi nhome.” **18** Nea ɔte sɛ onipa no de ne nsa kaa me bio, na ɔmaa me ahooden. **19** Ɔka kyerɛ me se, “Nsuro, wo a wobu wo bebre. Asomdwoe nka wo. Hyɛ wo ho den. Ye den.” Ɔkasa kyerɛ me no, minyaa ahooden na mekae se, “Sɛ woama me ahooden yi, kasa, me wura.” **20** Enti obisae se, “Wunim nea enti a maba wo nkyen? Erenkyɛ, mesan ako na me ne Persia ɔhenebabarima akoko, na sɛ meko a, Hela ɔhenebabarima beba; **21** nanso, medi kan aka nea wɔakyerɛw wɔ Nokware Nhoma no mu no akyerɛ wo. (Obiara nni m’afa a ɔko tia wɔn, gye sɛ Mikael a ɔye wo hene babarima no.

11 Na Mediani Dario ahenni afe a edi kan no, misii gyinae sɛ megyna n’akyi na mabɔ ne ho ban.) **2** “Na afei, meka mu nokware akyerɛ wo: ahemfo baasa besɔre wɔ Persia, wɔn akyi no, nea ɔto so anan a obenya ne ho akyɛn nkae no besɔre. Ɔde n’ahonya mu ahooden behwanyan obiara atia Hela ahenni. **3** Afei ɔhene kese bi besɔre wɔ tumi mu a obeye nea ɔpe. **4** Ne ba no akyi, wɔbekyɛkyɛ n’aheman no mu anan. Erenko n’asefo nkyɛn, na ɔrennya tumi a na ɔwo no, efise wobetutu n’aheman no ase de ama afoforo. **5** “Ɔhene a ɔwo anafo fam no beye den, nanso n’asafɔhene no mu baako beye den asen no na ɔde tumi a eye den bedi ahemman no so. **6** Mfe bi akyi no, wɔbeyɛ ayɔnko. Ɔhene a ɔwo anafo fam no babea beko ɔhene a ɔwo atifi fam no nkyɛn akɔye nnamfofa apam; nanso ɔbabea no renkura ne tumi mu bio, na ɔhene a ɔwo atifi fam ne ne tumi nso rennyina. Saa mmere no mu no, wobeyi ɔhene babea, adehyɛ a woka ne ho, n’agya ne nea ogyinaa n’akyi nyinaa no ama. **7** “Obi a ofi anafo fam babea abusua mu besɔre asi n’anan mu. Na ɔde dɔm beba abɛhyɛn ɔhene a ɔwo atifi fam aban

no mu na ɔne wɔn ako na wadi wɔn so nkonim. **8** Ɔbefa wɔn anyame, ahoni a wode dade aye ne wɔn ademude a wode dwete ne sikakokɔɔ aye ako Misraim. Na mfe bi mu no, ɔbetwe ne ho afi ɔhene a ɔwo atifi fam no ho. **9** Afei ɔhene a ɔwo atifi fam no betow ahyɛ ɔhene a ɔwo anafo fam no so, nanso ɔbesan n’akyi ako n’ankasa asase so. **10** Ne mmabarima besiesie wɔn ho ama ɔko na wode asraafo dɔm kese beko te se asu a ayiri, akoko ara akodu atamfo no aban no ho. **11** “Afei ɔhene a ɔwo anafo fam no de abufuw kese besɔre na wako atia ɔhene a ɔwo atifi fam a ɔno nso wɔ asraafo dɔm kese, na obedi wɔn so nkonim. **12** Se wode asraafo no ko a, ahantan behyɛ anafo fam hene no ma, na obekunkum mpempem, nanso ne nkonimdi no renkyɛ. **13** Ɔhene a ɔwo atifi fam nso bebo asraafo afoforo a wɔdɔɔso sen kan de no, na mfirmihya bebre akyi no, ɔde asraafo dɔm kese a wɔwo akode betu ɔsa. **14** “Saa mmere no mu, bebre besɔre atia ɔhene a ɔwo anafo fam. Wɔn a wodi akakabensem wɔ w’ankasa wo nkurofo mu no betew atua senea ete wɔ anisoadehu no mu no, nanso wɔrenni nkonim. **15** Afei ɔhene a ɔwo atifi fam no beba abesisi mpie na ɔbeko agye kuropon a wɔagyɛ ho ban no. Asraafo a wɔwo anafo fam no rennya ahooden nko, na wɔn a wɔye den wɔ wɔn mu no mpo rentumi nnyina ɔko no ano. **16** Ɔfowni no beyɛ nea ɔpe na obiara rentumi nnyina n’anim. Obegye Asase Fɛɛfe no abɔ so, na obenya tumi a ɔde besɛ no. **17** Ɔbeyɛ n’adwene sɛ ɔde ahooden a ɔwo wɔ n’ahenni no mu nyinaa beba, na afei ɔne ɔhene a ɔwo anafo fam no akɔye nnamfofa apam. Ɔde ne babea bema no aware, na ɔnam so agu n’ahenni no, nanso n’atirimpɔw yi renye yiye na eremmoa no. **18** Afei ɔde n’ani bekyerɛ mpoano aman so, na wadi mu bebre so nkonim, nanso, ɔsahene bi de ɔhene yi ahomaso beba awiei na wadan abɔ no. **19** Eyi akyi no, ɔde n’ani bekyerɛ aban a ewɔ n’asase so no, nanso obehintiw ahwe ase, na wɔrenhu no bio. **20** “Nea obedi n’ade no besoma towgyeni, senea ebeye a obenya nea ebema n’ahenni no anuonyam atena ho. Mfirmihya kakra bi akyi no, wɔbesɛ no; nanso eremfi abufuw ana ɔko mu. **21** “Obi a wommu no na ɔnye ɔdehyɛ na obedi n’ade. Ɔbetow ahyɛ ahenni no so bere a so nnipa no asom adwo wɔn, na ɔde nnaadaa agye. **22** Afei ɔbetɔre asraafo dɔm a wontumi nkan wɔn dodow no ase. Wɔbesɛ asraafo no ne ɔhenebabarima a ɔhyɛ bɔhyɛ no ase no. **23** Wɔne no ye apam wie a, ɔnam nnaadaa kwan so benya nnipa kakraa bi na wapere tumi. **24**

Se amantam a woye adefo no te nka se won asom adwo won a, obetow ahye won so, na nea n'agyanom ne ne nenanom antumi anye no, obeye. Obekyekye asade ne ahonyade ama n'akyidifo. Obabo pow atu aban agu, nanso ebeye nna tiaa bi mu. **25** "Obenya asraafo dom kese na wanya ahoden ne akokoduru asore atia ohene a owo anafo fam. Ohene a owo anafo fam no de asraafo a wodwoso na woye den betu asa, nanso orentumi nnyina, esiane pow ahorow a wabo de atia no nti. **26** Won a ohene bo won akonhama no bebo mmaden se wobehuan n'ase antweri; wobetwiw afa ohene no asraafo no so, na bebre nso betoto wo oko mu. **27** Ahemfo baanu a bone adi won ti mu dem betena opon baako ho, adi atoro akyere won ho won ho, nanso erenkosi hwee, efise awiei no beba ne bere a wواهye no. **28** Ohene a owo atifi fam no de ahonyade bebre besan ako ne man mu, nanso ne koma rempe apam kronkron no. Obeye biribi atia apam kronkron no na wasan ako ne man mu. **29** "Bere a wواهye no du a, obetow ahye anafo aman no so bio, nanso saa bere yi de, erenye yiye mma no se kan no. **30** Ahyen a wofi aman a ewo mpoano wo atoe fam no beko atia no, na n'abasa mu bebu. Enti obesan n'akyi na ode n'abufuw akowie apam kronkron no so, na one won a wopo apam kronkron no beye baako. **31** "Na n'asraafo besore. Wobegu asoredan no aban ho fi, na wagu daa daa aforebo no. Wode abusude a ede assee ba besi anan mu. **32** Ode nnaadaa beko so assee won a wobu apam no so, nanso won a wonim won Nyankopon no besore atia no denneennen. **33** "Anyansafo bekeryekere bebre, nanso bere bi mu no, wobetoto wo afoa ano, wobehyew won, wobefa won nnommum anaa wobefom won nneema. **34** Se wowe ase a, wobenya mmoa kakra, na bebre a wonni nokware beko akodom won. **35** Anyansafo no mu bi behintihintiw. Enam so bema wasiesie won, ahohoro won ho fi na woye won a won ho nni nkekae akosi awiei bere no, efise ebeba bere a wواهye no. **36** "Ohene no beye nea ope, obema ne ho so, aye ne ho okese asen onyame biara, na waka nea obi ntee da afa anyame mu Nyame no ho. Obenya nkoso akosi se abufuw bere no beba awiei, efise ese se nea wواهye ato ho no ba mu. **37** Obebu n'agyanom anyame animtiaa. Oremfa mmea no nyame a wodo no anaa onyame foforo biara nye hwee, na mmom obema ne ho so aboro won nyinaa so. **38** Ode aban no nyame, nyame a n'agyanom nnim besi won anan mu; ode sikakoko,

dwete, aboodemmo ne akyede a esom bo bedi no ni. **39** Ode mmoa a onya fi ananafo nyame ho no betow ahye aban a eye den pa ara so, na won a woye no to mu no, obehye won anuonyam. Obedi nnipa bebre so, na obekyekye asase no mu de aye akatua. **40** "Awiei no du a, ohene a owo anafo fam no ne no beko, na ohene a owo atifi fam no nso de nteaseenam, apunkosotefo ne po so asraafo bebre behyia no. Obetow ahye aman bebre so na watwiw afa won so te se nsuyiri. **41** Obetow ahye Asase Fefe no so. Aman bebre betoto ase, nanso wobegye Edom, Moab ne Amon mu fa kese afi ne nsam. **42** Ode ne tumi beko aman bebre so; na Misraim remfi mu totrototo. **43** Ode ne nsa beto ademude a eye sikakoko, dwete ne Misraim ahonyade nyinaa so, na Libiafo ne Etiopiafo aye n'asomfo. **44** Nanso amannee a obete afi apuei ne atifi fam bebo no hu, na ode abufuwwhyew befi ako akosee bebre atore won ase. **45** Obehoro n'adehye ntamadan wo po no ne bepowa kronkron fefe no ntam. Na n'awiei beba a orennya mmoa biara.

12 "Saa bere no, Mikael, ohene babarima titiriw a obo wo nkurofo ho ban no besore. Ahohia bere bi beba a, efi aman no mfiase besi saa da no, biribi a ete saa nsii da. Nanso saa bere no, wo nkurofo no mu biara a wobehu se wookyerew ne din wo nhoma no mu no, wobegye no nkwa. **2** Nnipadom a wadada fam wo dote mu no benyan: ebinom beko daa nkwa mu, na ebinom nso ako aniwu ne daa ahohora mu. **3** Won a woye anyansafo no behyeren te senea osoro hyeren, na won a woda aforo koo trenee mu no behyeren se nsoromma, daapem. **4** Nanso wo Daniel, bobow na sow nsem a ewo nhoma mmobowee no ano kosi awiei bere no. Bebre bekinkyin akope nimdee." **5** Afei, me Daniel, mehwe huu nnipa baanu bi wo m'anim; obaako gyina asubonten no konkon so, na obaako nso gyina konkon a ehwe baako no anim no so. **6** Won mu baako bisaa obarima a ofura nwera a ogyina asu no so no se, "Ebedi nnaahe ansa na anwonwade yi aba mu?" **7** Obarima no a ofura nwera na owo asu no so no maa ne nsa nifa ne benkum so kyeree osoro, na metee se ode nea ote ho daa no kaa ntam se, "Ebeko so saa ara akosi bere bi, mmere bi ne bere sin bi. Se nnipa kronkron no tumisee no ba awiei koraa a, wobewie saa nneema yi nyinaa." **8** Metee, nanso mante ase. Enti mibisae se, "Me Wura den na ebefi eyinom nyinaa mu aba?" **9** Na obuase se, "Daniel ko, efise wabobo nsem no so, asow ano de akosi awiei mmere no. **10**

Wobehohoro bebre ho a fi ne nkeae biara renka won
ho, nanso atirimodenfo beko so aye atirimoden; won
mu biara rente ase, nanso anyansafo de wobete ase.
11 “Efi da a wobebra daa aforebo na wode akyiwade a
osee nam ne so beba abesi ho no beye nnafua apem
ahannu aduakron. **12** Nhyira ne nea otwen kosi nnafua
apem ahaasa aduasa anum awiei no. **13** “Wo Daniel
de, tintim kodu awiei. Wobehome, na nna no awiei
no, wobesore na woakogyee wo kyefa a ewo agyapade
no mu.”

Hosea

1 Bere a Usia, Yotam, Ahas ne Heskia ye ahemfo wo Yuda, na Yoas babarima Yeroboam di hene wo Israel no, Awurade de saa nsem yi baa Beeri babarima Hosea nkyen. **2** Bere a Awurade dii kan kasa faa Hosea so no, aka kyeree no se, “Koware oguamanfo, na wo ne no nwo, efise oman no di aguamammɔ ho fo na wonam so atetew wone Onyankopɔn ntam.” **3** Enti, ɔwaree Diblaim babea Gomer, na onyinsɛn woo obabarima maa no. **4** Na Awurade ka kyeree no se, “To ne din Yesreel, efise, merebetwe ohene Yehufi aso, de atua awu a odii wo Yesreel no so ka. Na mede Israel ahenni beba awiei. **5** Saa da no, me bubu Israel tadua wo Yesreel bon no mu.” **6** Gomer nyinsɛnee bio, na ɔwoo obabea. Na Awurade ka kyeree Hosea se, “To ne din Lo-ruhama efise, merenna me do adi nkyere Israelfo bio, na meremfa won ho nkye won koraa. **7** Nanso meyi me do akyere Yudafo. Me Awurade won Nyankopɔn, mede me tumi begye won afi won atamfo nsam a meremfa tadua, afoa anaa oko anaa apɔnkɔ ne apɔnkɔsotefo.” **8** Bere a Gomer twaa Lo-ruhama nufu akyi no, ɔwoo oba barima foforo. **9** Na Awurade kae se, “To ne din Lo-ami, efise monnye me nkurɔfo na mennye mo Nyankopɔn. **10** “Nanso Israelfo beye se mpoano nwea a wontumi nkan won. Faako a woka kyeree won se, ‘Monnye me nkurɔfo’ no, wobeka se, ‘Moye Onyankopɔn teasefo no mma.’ **11** Na Yudafo ne Israelfo beka abɔ mu bio, na wobeyi ɔkwankyerɛfo baako ama won, na won nyinaa besan afi nnommum no mu aba. Saa da no beye da kese ama Yesreel.”

2 “Fre wo nuabarimanom, ‘Me nkurɔfo’ na fre wo nuabeanom, ‘M’adɔfo.”” **2** “Ka wo na anim, ka n’anim, na ɔnye me yere na menyɛ ne kunu. Ma ɔnsesa n’anim a aye aguaman anim no na onnyaɛ awareɛe a ɔde ne nufu ye no. **3** Anyɛ saa a mɛpa ne ho ntama na wada adagyaw te se da a wɔwoo no no; mɛma wayɛ se nweatam, mɛdan no asase a awo wosee na mama osukom akum no. **4** Merenno ne mma, efise wɔye aguaman mma. **5** Wɔn na anyɛ ɔnokwafo na onyinsɛnee wɔn wo animguase mu. ɔkae se, ‘Medi m’adɔfo akyi, wɔn a wɔma me aduan ne nsu, ne kuntu ne nwera, ngo ne nsa.’ **6** Eyi nti, mede nsɔe besi wɔn kwan; meto ɔfasu afa ne ho, senea ebeye a ɔrenhu kwan. **7** Obeti wɔn n’adɔfo, nanso ɔrento wɔn; ɔbehwehwe wɔn, nanso ɔrenhu wɔn. Afei, ɔbeka se,

‘Mesan aka me kunu nkyen, te se kan no, efise, saa bere no na eye ma me sen mprenpre.’ **8** ɔnkae se me na memaa no aduan, nsa foforo ne ngo, nea ɔmaa sikakokɔɔ ne dwete buu no so ma wɔde kɔsom Baal no. **9** “Enti se m’aduan no du twabere a mɛfa m’ade, ne me nsa foforo no nso saa ara. Megye me kuntu ne me nwera, a anka mɛpe se ɔde kata n’adagyaw so no. **10** Enti afei mɛbɔ no adagyaw wo n’adɔfo anim; obiara rentumi nnye no mfi me nsam. **11** Metwa n’afahye nyinaa so: n’afirihya afahye, ɔsram foforo afahye Homeda afahye ne n’afahye ahorow nyinaa. **12** Mesɛe ne bobɛ ne borɔɔma nnua, nea ɔka se n’adɔfo de tuua no ka no; mɛye ne nyinaa nkyekyere, ama wuram mmɔa awe. **13** Metwe n’aso wo nna a ɔhyew aduham maa Baal no ho; ɔde nkaa ne agude hyehye ne ho, tu dii n’adɔfo akyi, me de, ne were fii me,” nea Awurade se ni. **14** “Enti merɛkɔdaadaa no; mede no beko nweatam so na makasa bɔkɔɔ akyere no wo ho. **15** Mesan de ne bobɛ mfuw ama no. Mɛye no Sekye Bon, anidaso pon. Eho na ɔbeto dwom senea na ɔye ne mmabun bere mu no ne bere a ofii Misraim no. **16** “Saa da no,” se na Awurade se, “Wobefre me ‘me kunu’; na woremfre me ‘me wura’ bio. **17** Meyi Baal ahorow din no afi n’ano; na ɔrenkankye wo won din mu bio. **18** Saa da no, mɛye apam ama won, wone wuram mmɔa ne wim nnomaa ne mmɔa a wɔwea wo asase so. Tadua, mpeaw ne oko, mɛbra wo asase no so, senea won nyinaa betena ase asomdwoe mu. **19** Mɛware wo afebo; mɛda trenɛe ne atɛtrenɛe, ahummɔbo ne ayamhyehye adi akyere wo. **20** Mɛware wo nokware mu, ama woahu Awurade. **21** “Saa da no, megye wo so,” nea Awurade se ni. “Megye ɔsoro so, na ɔsoro de osu begye asase so, **22** na asase nso begye nnɔbae so: bobɛ foforo ne ngɔdua, na won nso agye so se ‘Yesreel’, ‘Onyankopɔn na wadua.’ **23** Mede Israel bedua asase no so ama me ho; mɛda me do adi akyere nea mekae se, ‘wonyɛ me dofo’ no. Meka akyere won a miseɛ won se ‘monye me nkurɔfo’ no se ‘moye me nkurɔfo,’ na won nso aka se, ‘Wone me Nyankopɔn.”

3 Na Awurade ka kyeree me se, “Ko na kɔfa wo yere no bio. Fa no san bra wo nkyen, na do no. Emfa ho se ɔfoforo bi do no anaa se ɔye ɔwareseefo. Do no, senea Awurade da so do Israel, a mpo, nnipa no dan won ho ko anyame afoforo nkyen, na wɔma won bobɛ aba tetare no.” **2** Enti mede gram ɔha aduoson baako ne atoko lita ɔha aduwɔtwe abien ne atoko lita adukron baako kopataa no. **3** Na meka kyeree

no se, “Ese se wo ne me tena nna bebre, na wugyae w’aguamammō no; wo ne obarima biara nye nnamfo. Me ne wo betena, nanso me ne wo renna.” 4 Na oman Israel bewo ho nna tenten bi a ohene anaa oheneba nni mu, na woremmo aföre. Worenhu obosom dum anaa asofotade anaa ahoni nso wo ho. 5 Akyiri yi, Israelfo besan akohwehwe Awurade, won Nyankopon, ne Dawid a oye won hene no. Wode ahopopo beba Awurade nkyen na wobenya ne nhaira wo nna a edi akyiri no mu.

4 Muntie Awurade ascm, mo Israelfo efise Awurade wo kwaadu de bo mo a mote asase no so: “Nokware, odo, anaa Onyankopon ho nimdee nni asase no so. 2 Nnome nko ara, atorotwa ne awudi, akrōmmō, ne aguamammō na moye ma etra so, na mogyahwiegu ba ntoatoaso. 3 Eyi nti asase no di awerehow na won a wote so nyinaa wuwu; wuram mmōa, wim nnomaa ne po mu nam rewuwu. 4 “Mma obiara mmō kwaadu, mma obiara mmō ofoforo sobo. Na mmom, mo asofo mo na me ne mo anya. 5 Muhintiw awia ne anadwo, na adiyifo no ne mo hintiw. Eno nti mesee mo man. 6 Nimdee a me nkurofo nni nti woressee. “Se moapo nimdee nti, me nso mapo mo se m’asofo; se moabu mo ani agu mo Nyankopon mmara so nti, me nso mabu m’ani agu mo mma so. 7 Asofo no redwoso no na bone a eboro so na woye tia me. Wode won Anuonyam asesa nea eye animguase. 8 Wodidi me nkurofo bone ho eno nti won ani gye atirimodensem ho. 9 Senea nnipa no te no, saa ara na asofo no nso te. Metwe won nyinaa aso wo won akwan ho na matua won won nneyee so ka. 10 “Wobedidi, nanso woremme. Wobebo aguaman, nanso won ase remfee, efise, wagyaw Awurade ho, de won ho ama 11 aguamammō, nsa dedaw ne foforo, a ema me nkurofo 12 ntease tu yera. Woko abisa wo ahoni a wode nnua asen nkyen na duasin bi ama won mmuae. Aguamammō honhom rema won ayera kwan; wonni won Nyankopon nokware. 13 Wobo aföre wo mmepow atifi na whyew aförebode wo nkoko so: odum, duafufu ne odupon ase, nea onwini ye fomm ho. Eno nti, wo mmabea dan aguamammōfo na mo nsemmea nso ye nguamanfo. 14 “Merentwe mo mmabea aso se wöadan aguamammōfo, anaa mo nsemmea aso se wöasee aware. Efise mo mmarima, mo nso mote saa ara. Mo ne mmabea ne nsöreso nguamanfo fa ayonko. Nnipa a wonni ntease no beko ösee mu! 15 “Ewo mu se woye öwaresöfo de, Israel, nanso, mma Yuda nni ho fö. “Nko Gilgal; na mforo

nko Bet-Awen. Na nka ntam se, ‘Se Awurade te ase yi!’ 16 Israelfo ye asoodenfo te se nantwi ba a oye asowui ebeye den na Awurade ahwe won so se nguantenmma a wöwo adidibea? 17 Efraim de ne ho abo ahoni ho; Gyaa no! 18 Se won nsa sa koraa a, wötoa won aguamammō so; won sodifo ani gye aniwude ho yiye. 19 Mfete bepra won ako, na won aförebo de animguase bebre won.

5 “Muntie, mo asofo! Monhye eyi nso, mo Israelfo! Monye asow, adehyefi! Saa atemmu yi tia mo: Moaye afiri wo Mispa, ne asau a wöagu no Tabor so. 2 Atuatewfo ado mogyahwiegu mu asuko. Metwe won nyinaa aso. 3 Minim Efraim ho nsem nyinaa; wömfaa Israel nhintaw me e. Efraim, mpmpren de wobo aguaman; na Israel aporow. 4 “Won nneyee mma wo kwan mma wönnko Nyankopon nkyen. Aguamammō honhom wo won koma mu; wonnye Awurade nto mu. 5 Israel ahantan di tia no. Israelfo no, mpo Efraim hintihintiw wo won amumoye mu; Yuda nso ne won hintiw saa ara. 6 Se wone won nguan ne won anantwi kohwehwe Awurade a Worenhu no, efise watwe ne ho afi won ho. 7 Wöanni Awurade nokware. Wöwöwo aguaman mma. Se wodi won Ösram Foforo Afahye a, öbese won nsase. 8 “Hyen torobento no wo Gibea. Hyen mmen no wo Rama. Momma öko nteemu so wo Bet Awen; Benyamin, monsöre nni anim. 9 Efraim beda mpan wo akontaabu da. Israel mmusuakuw no mu no mepae mu ka nea ewo mu. 10 Yuda sodifo no te se won a woyiyi ahye so abo. Mehwie m’abufuw agu won so te se nsuyiri. 11 Wöhye Efraim so, wotiatia ne so wo atemmu mu, wasi n’adwene pi se obedi ahoni akyi. 12 Meye se nwewee ama Efraim na maye Yudafo se dua a aporow. 13 “Bere a Efraim huu ne yare, na Yuda nso huu n’akuru no, Efraim de n’ani kyere Asiria. Ösoma koo öhenkese no ho köpöe mmōa. Nanso wantumi ansa no yare, na akuru no nso anwuwu. 14 Enti meye se gyata ama Efraim na maye se gyata hoodenfo ama Yuda. Metetew won mu nketenketete, na makö; Mesoa won ako, na obiara rentumi nnye won. 15 Afei mesan ako me nkyi kosi se wobenya ahonu. Na wöbehwehwe m’akyi kwan; won awerehow mu, wöbehwehwe me anibere so.”

6 “Mommra, momma yensan nko Awurade nkyen. Watetew yen mu asinasin nanso öbesa yen yare. Wapirapira yen nanso öbökkyere yen apirakuru. 2 Nnaanun akyi, öbema yeanya ahooden; nansa so, öde

yen besi yen sibe na yeanya nkwa wò n’anim. **3** Momma yennye Awurade nto mu; momma yenko so nnye no nto mu. Senea owia pue da biara no, obepue; obeba yen nkyen te se osu a etò awòwbere mu anaa asusow bere mu su a efòw asase.” **4** “Den na metumi de wo aye, Efraim? Den na metumi de wo aye, Yuda? Mo dò te se anòpa bò, ete se anòpa bosu a etu yera. **5** Mede m’adiyifo twitwaa mo mu asinasin, mede m’anom nsem kunkum mo; m’atammu baa mo so se anyinam. **6** Mepe ahummòbò na enye afòrebò, mepe Onyankopòn ho nimdee sen òhyew afòre. **7** Wòabu apam no so senea Adam yee. Wòanni me nokware wò hò. **8** Gilead ye atirimòdenfo kuropon a mogya anammòn akeka hò. **9** Senea akwamukafo ka kwan mu no saa ara na asòfokuw no nso ye; wodi awu wò Sekem tempòn so, ye nnebòne a eye aninguase. **10** Mahu ahodwiriwde wò Israelfi. Eho, Efraim kò aguamammò mu Israel gu ne ho fi. **11** “Na wo Yuda nso, wòahye otwa bere ama wo. “Bere biara a mede me nkuròfo siade besan ama wòn no,

7 bere biara a mesa Israel yare no, Efraim nnebòne da adi. Samaria awurukasem nso da adi. Wòye nnaadaafo akoròmfo a wobubu adan ani kò afi mu, ne akwamukafo a wòbò koròn wò mmònten so. **2** Na wonhu se mekae wòn nnebòne nyinaa. Wòn bòne bunkam wòn so; egu m’anim bere biara. **3** “Wòde atirimòdensem gyigye òhene no ani, na wòde atoro nso gyigye ahenemma no ani. **4** Wòn nyinaa ye aguamammòfo a akònno redew wò wòn mu. Wòte se fononoo a wòaso mu gya bere a brodotofò ahye ase refòtow n’asikresiam. **5** Da a òhene rehye fa no ahenemma bow nsa, na òhene no fèwdifo ne wòn bò mu goru. **6** Wòn koma te se fononoo; wòde atirimpòw bòne kò òhene anim. Wòn nsusuwii bòne no deede anadwo mu nyinaa; anòpa, edew te se ogyatannaa. **7** Wòn nyinaa aye hyew se fononoo. Wokunkum wòn sodifo. Wòn ahemfo nyinaa hwehwe ase na wòn mu biara nsu mfre me. **8** “Efraim ne aman no adi afra; Efraim ye ofam a anyinya a wonkisa. **9** Ananafo twe n’ahòoden, nanso onhu. Dwen aba ne ti so, nanso n’ani mmaa so ε. **10** Israel ahantan di adanse tia no, nanso eyi nyinaa akyi no ònnsan nkò Awurade ne Nyankopòn nkyen, na ònhwehwe no nso. **11** “Efraim te se aborònoma, wotumi daadaa no na onni adwene. Ofre Misraim, na wadan akò Asiria. **12** Se wòkò a, metow m’asau agu wòn so; atwe wòn aba fam te se wim nnomaa. Se mete se wòretu abò mu a, mekyere

wòn. **13** Nnome nka wòn, efise wòatwe wòn ho afi me ho! Òsee mmra wòn so efise wòatew me so atual anka mepe se migye wòn nanso wutwa atoro fa me ho. **14** Wommfi wòn koma mu nsu mfre me, mmom wotwa adwo wò wòn mpa so. Wòboaboa wòn ho ano kòhwehwe aduan ne nsa foforo, nanso wòtwe wòn ho fi me ho. **15** Metetew wòn, hyee wòn den, nanso wòbò pòw bòne tia me. **16** Wònhwehwe Òsorosoroni no; wòte se tadua a asee, wòn ntuanofò betoto wò afoa ano efise, wònkasa obu so. Eyi nti wobedi wòn ho fèw wò Misraim asase so.

8 “Monhyen torobento! Òkòre bi wò Awurade fifo so efise nnipa no abu m’apam so na wòasore atia me mmara. **2** Afei Israel su fre me se, ‘Yen Nyankopòn, yegye wo to mu!’ **3** Nanso Israel apo nea eye; òtamfo betaa no. **4** Wosisi ahemfo a minnim ho hwee, wòpaw ahenemma wò bere a mempenee so ε. Wòde wòn dwete ne wòn sikakokòw ye ahoni ma wòn ho de see wòn ankasa ho. **5** Tow wo nantwi ba ohoni no kyene, Samaria! M’abufuwhyew reba wòn so. Wòbetena nea eho nte wò mu akosi da bèn? **6** Wofi Israel! Saa nantwi ba yi, odwumfo bi na osenii; enye Onyankopòn! Wòbebubu mu asinasin, saa Samaria nantwi ba no. **7** “Wodua mframa na wotwa mfete. Awi a egyptina hò no nni ti; nti wòrennya siam mfi mu. Se esow aduan mpo a, ahòho na wobedi. **8** Wòamene Israel; afei ofra aman no mu te se ade a so nni mfaso biara. **9** Na wòakò Asiria te se wuram afurum a òno nko ara nenam. Efraim nso atòn ne ho ama adofo. **10** Ewò mu, wòatòn wòn ho wò amanaman no mu de, nanso meboaboa wòn ano. Wòn so befi ase atew wò òhene kese bi nhyeso ase. **11** “Ewò mu se Efraim sisii afòremuka bebree a wòbò bònèfakye afòre wò so de, èno nti abeye afòremuka a wòye bòne wò so. **12** Mekyerew me mmara a efa nneema bebree ho maa wòn, nanso wòfaa no se ananafo ade. **13** Wòde m’ayeyede bò afòre na wòwe nam no, nanso wònsò Awurade ani. Afei obekae wòn atirimòdensem na wòatwe wòn aso wò wòn bòne ho: Wòbesan akò Misraim. **14** Israel were afi ne yefo na wasisi ahemfi akeseakese; Yuda abò nkurow bebree ho ban. Nanso meto ne nkuropon mu gya a ebèhyew wòn aban.”

9 Nni ahurusi, Israel; nsepew wo ho te se aman a aka no. Efise woanni wo Nyankopòn nokware, w’ani gye aguamammò ho wò awiporowbea nyinaa so. **2** Awiporowbea ne nsakyiamoa rentumi mma nnipa

no aduan; nsa foforo nso bebo won. **3** Warentena Awurade asase no so bio; Efraim besan ako Misraim na wadi aduan a eho ntwewo Asiria. **4** Woremma ahwiesa aforemma Awurade, na won aforebo nso nso n'ani. Saa aforebo yi beye se asufo brodo de ama won; won a wodi nyinaa ho begu fi. Saa aduan no beye won ankasa dea na warentumi mmfa nko Awurade asaredan mu. **5** Den na mobeye wo mo aponto da no ne Awurade afahyenna no nso? **6** Mpo se woguan fi osee mu a Misraim beboaboa won ano, na Memfis besie won. Won dwete ahonyade befuw wura, na won ntamadan adan nsae. **7** Asotwe nna no reba, akontaabu nna no adu; ma Israel nhu eyi. Esiane mo bone bebrebe ne mo akokoakoko a adaso nti mofa no se odiiyifo ye kwasea, na nea honhom akanyan no no ye obodamfo. **8** Odiiyifo no ne me Nyankopon ye Efraim so wemfo, nanso wasum no afiri wo n'akwan nyinaa so, na otan ahye ne Nyankopon fi ma. **9** Woadu porowe bun mu, senea na ete wo Gibeaa nna no mu. Onyankopon bekaa won atirimoden na watwe won aso wo won bone ho. **10** "Bere a mihuu Israel no, na ete se nea mahu bobbe wo nweatam so; bere a mihuu mo agyanom no, na ete se nea mahu borodoma aba a edi kan wo ne dua so. Nanso bere a wobaa Baal-Peor nkyen no wodwira won ho maa ohoni ninguaseni no. Won ho yee nwini te se ohoni a wodo no no ara. **11** Efraim anuonyam betu ako se anomaa, nyinsen ne awo nni ne mu. **12** Mpo se wotetew mmofra a, mema mmofra no awuwu wo won nsa mu. Wonnue, se miyi m'ani fi won so a! **13** Mahu Efraim te se Tiro, a eda baabi a eye. Nanso Efraim de ne mma bebre okumfo no." **14** Fa ma won, Awurade, den na wode bema won? Ma won oyafunu a epon ne nufu a nufusu nni mu. **15** "Won atirimodensem nyinaa a wodi wo Gilgal nti, mefaa won ho tan wo ho. Won nnebone nti mepam won a fi me fi. Merenno won bio; efise won ntuanofa nyinaa ye atuawefo. **16** Efraim agyigya, won ntin akisa, nti wonsow aba. Se wowa mma mpo a, mekunkum won mma a wodo won no." **17** Me Nyankopon bepo won, efise, wanye osetie amma no; Wobekyinkyin aman no mu.

10 Israel yee bobbe a etretrew; osow aba maa ne ho. Bere a n'aba redaso no, osirii afremuka bebre; n'asase rekso so ye yiye no osiesie n'abosom dum kronkron no. **2** Nnaadaasem wo won koma mu, nti ese se wonya won afodi so asotwe. Awurade bebubu won afremuka, na wasee won abosom dum kronkron

no. **3** Afei, wobeka se, "Yenni ohene, efise, yeamfa nidi amma Awurade. Mpo se na yewo ohene koraa a, den na anka obetumi aye ama yen?" **4** Wohye bo ahorow bebre, woka ntamhunu na waye apam ahorow; eno nti mansotwe soresore te se wura a bore wo mu a afifi asase a wofuntum so so. **5** Nnipa a wote Samaria no suro ma Bet-Awen nantwi ba ohoni no. Ne nkurfo besu. Saa ara na n'akomfo nso beye, won a wogye won ani wo n'anuonyam ho no. Efise wofa no afi won nkyen ko nnommum mu. **6** Wode no beko Asiria, de akohye ohene kese no anuonyam. Ebegu Efraim anim ase; na Israel ani bewu wo ne nnua ahoni ho. **7** Samaria na ne hene besen ako te se abaa a eten nsu ani. **8** Wobesee abosonnan a wodi awurukasem ne bone wo mu no. Nsae ne nnekyense befifi ho, na akata won afremuka so. Afei wobeka akyere mmepon se, "Mommekata yen so!" na wase nkoko se, "Munnwiriw ngu yen so!" **9** "Efi Gibeaa bere so, waye bone, Israel, na ho na woaka. Na oko rentwiw amfa amumoye a wowa Gibeaa no so ana? **10** Bere a mepo no, metwe won aso; aman beboaboa won ho ano atia won. Wode mpokyere begu won wo won bone dodow ho. **11** Efraim ye nantwi ba a wayen no, a ope awiporowbea adwuma, enti mede konnua beto ne kon faefe mu. Mekyere Efraim okwan, ese se Yuda funtum asase no, na Yakob nso siesie so. **12** Dua trenee aba ma wo ho, twa odo aba a etena ho daa, siesie w'asase a wofuntumii so no; na bere adu se wohwehwe Awurade, kosi se obeba abepete trenee agu wo so. **13** Nanso woadua atirimoden aba, na woatwa aba bone. Woadi nnaadaa aba. Efise wode wo ho ato w'ahoden ne w'akofo bebrebe no so, **14** oko mu huuye besore atia wo nkurfo, na w'aban nyinaa besee, senea Salman se Bet Arbel oko da no, da a wode enanom ne won mma hwehwe fam no. **15** Saa ara na ebeba wo so, Bet-El, efise w'atirimodensem no daso. Se da no du a, Wobesee Israelhene no koraa.

11 "Bere a Israel ye abofra no, na medo no, na Misraim na mefree me babarima fii. **2** Nanso mpen dodow a mefree Israel no, saa ara na woguan fii me nkyen. Woboo afore maa Baal ahoni, na wohyew nnuhuam maa nsesode. **3** Me na migyigye Efraim taataa, turuu won wo me basa so; nanso wonkae se me na mesaa won yare. **4** Me de ayamye hama ne odo dii won anim; miyii konnua no fii won kon mu na mekotow maa won aduan dii. **5** "Wobesan ako Misraim, na Asiria adi won so, esiane se w'annu

wɔn ho nti. **6** Afoa bedi ahim wɔ wɔn kuropon mu na ebeseɛ wɔn apon akyi adaban na wɔn nhyehyee to betwa. **7** Me nkurɔfo asi no pi se wɔbetwe wɔn ho afi me nkyen. Se mpo wosu frɛ me Onyankopɔn ɔsorosoroni no mpo a meremma wɔn so ɔkwan biara so. **8** “Ebeye den na meyi wo ama, Efraim? Ebeye den na meyi wo ama, Israel? Ebeye den na meye wo se Adma? Ebeye den na meye wo se Seboim? Me koma asakra wɔ me mu; na m’ahummɔbɔ ahwanyan. **9** Merenye m’abufuwhyew so ade, na merennan me ho nsee Efraim bio. Meye Onyankopɔn na menyɛ onipa. Meye ɔkronkronni a ɔwɔ mo mu. Meremma wɔ abufuw mu. **10** Wobedi Awurade akyi. ɔbeɔbɔ mu te se gyata. Na se ɔbɔbɔ mu a, ne mma de ahopopo befi atɔe aba. **11** Wɔde ahopopo beba te se nnomaa a wofi Misraim, te se mmorɔnoma a wofi Asiria. Mɛbɔ wɔn atenase wɔ wɔn afi mu,” senea Awurade se ni. **12** Efraim de atoro atwa me ho ahyia, Israelfi nso wɔde nnaadaa. Yuda abɔ Onyankopɔn so ko mpo ɔde tia ɔkronkronni nokwafo no.

12 Efraim de mframa aye aduan; odi apuei mframa akyi daa na odi atoro ye akakabensem bebreɛ. ɔne Asiria ye apam na ɔde ngo kɔ Misraim. **2** Awurade wɔ sobo de bɔ Yuda; ɔbetwe Jakob aso wɔ n’akwan ho na watua no ne nneyee so ka. **3** ɔyafunu mu na osoo ne nua nantin; onyinii no, ɔne Onyankopɔn peperee so. **4** ɔne ɔbofo tentam dii ne so nkonim; ɔde nusu sɛɛ ne nkyɛn adom. Ohuu no wɔ Bet-El ne no kasaa wɔ ho. **5** Asafo Awurade Nyankopɔn, Awurade ne ne din a ahyeta! **6** Eɛ se wosan kɔ wo Nyankopɔn nkyɛn. Tena ɔdo ne trenɛɛ mu, na twɛn wo Nyankopɔn daa. **7** Oguadini de asisi nsania ye n’adwuma; n’ani gye asisi ho. **8** Efraim hoahoa ne ho se, “Meye ɔdefo; manya me ho. M’ahonya nyinaa mu wɔrenhu amumɔye biara wɔ me ho.” **9** “Mene Awurade wo Nyankopɔn, a miyii wo fii Misraim. Mema woakɔtena ntamadan mu bio senea na woye wɔ w’aponto afahye nna mu no. **10** Mekasa kyerɛɛ adiyifo, memaa wɔn anisoadehu bebreɛ na mɛfaa wɔn so kaa mmebusɛm.” **11** Gilead ye otirimɔdenfo ana? Emu nnipa no ye ahuhufɔ! Wɔde anantwi bɔ afɔre wɔ Gilgal ana? Wɔn afɔremuka beye te se abo a wɔahɔre no siw wɔ asase a wɔafuntum so. **12** Jakob guan kɔ Aramfo asase so; Israel som de nyaa ɔyere, ɔhwɛɛ nguan de tuaa ti nsa. **13** Awurade nam odiyifo so yii Israel fii Misraim, ɔnam odiyifo so hwɛɛ no. **14** Nanso Efraim ahyɛ no abufuw yayaayaw;

n’Awurade bɛma ne mogyahwiegu ho afɔdi ada no so na obetua n’animtiaabu no so ka.

13 Se Efraim kasa a, na nnipa ho popo; wɔma no so wɔ Israelman mu. Nanso Baalsom nti, onyaa afɔbu na owui. **2** Afei wɔkɔ so ye bɔne ara; wɔde wɔn dwete ye ahoni ma wɔn ho, nsesode no nyinaa no. Adwumfo no nam nyansakwan so na ayeyɛ. Wɔka nnipa yi ho asem se, “Wɔde nnipa bɔ afɔre na wɔfɛw nantwimma ahoni ano.” **3** Eno nti, wɔbeyɛ se anɔpa omununkum se anɔpa bosu a etu yɛra, se ntɛtɛ a ehufi awiporowbea se wusiw a efa mfɛnsere mu kɔ. **4** “Nanso mene Awurade wo Nyankopɔn, a miyii wo fii Misraim. Nnye Onyankopɔn biara nto mu se me, anaa Ogyefo biara se me. **5** Mehweɛ wo wɔ nwɛatam so, asase a so ye hyew yiye no so. **6** Memaa wɔn aduan no, wodi mee; wɔmee no, wɔyɛɛ ahantan; na wɔn wɛrɛ fii me. **7** Enti mɛtow ahyɛ wɔn so se gyata, mɛtew wɔn wɔ akwan ho se ɔseɔ. **8** Mɛtow ahyɛ wɔn so na matetew wɔn mu te se sisi bi a wɔawia ne mma. Mewe wɔn te se gyata; wuram aboa besunsuan wɔn mu. **9** “Wɔaseɛ wo, Israel, efise woasɔre atia me, me a meye wo boafɔ. **10** Wo hene wɔ he na wabegyɛ wo? Wo sodifo a wɔwɔ wo nkurow nyinaa so no wɔ he, wɔn a wokaa faa wɔn ho se, ‘Ma me ɔhene ne ahenemma’ no? **11** Enti m’abufuw mu, memaa wo ɔhene, na m’anibere mu no, miyii no ho. **12** Efraim afɔdi no wɔaboaboa ano wɔakyerɛw ne bɔne agu ho. **13** ɔbete ɔyaw te se ɔbea a ɔreko awo, na abofra no nnim nyansa nti; se bere no du a, ɔmma awotwaa no ano. **14** “Mɛpata agye wɔn afi ɔda tumi mu. Megye wɔn afi owu nsam. Owu, wo nwɔwɔe wo he? Asaman, wo seɛ wo he? “Merennya ayamhyehye biara, (Sheol h7585) **15** mpo se ɔye yiye wɔ ne nuanom mu a. Apuei mframa a efi Awurade ho beba, ebeɔbɔ afi nwɛatam so; osu rentɔ asusowbere na n’abura beyow. Wɔbefom ne koradan mu nneema nea esom bo no nyinaa. **16** Eɛ se nnipa a wɔwɔ Samaria gye wɔn afɔdi to mu, efise wɔayɛ dɔm atia wɔn Nyankopɔn. Wɔbetɔto wɔ afoa ano; wɔbetotow wɔn mmofra ahwehwe fam, wɔn mmaa a wɔanyinsɛn nso wɔbeɔpaapae wɔn mu.”

14 Israel, san w’akyi kɔ Awurade wo Nyankopɔn nkyɛn. W’asehwe fi wo bɔne! **2** Fa wo nsɛm a wɔwɔ san kɔ Awurade nkyɛn. Ka kyɛrɛ no se, “Fa yɛn bɔne nyinaa kye yɛn, na fa ahummɔbɔ gye yɛn, na yeatumi ayi wo ayɛ. **3** Asiria rentumi nnye yɛn; yerɛntena akofo aponkɔ so. Yerɛnka bio da se, ‘Yɛn

anyame' nkyere nea yen ara de yen nsa aye, na wo mu na ayisaa nya mmaborohunu." 4 "Mesa won asooden yare. Mefi me koma mu ado won, efise m'abufuw nni won so bio. 5 Meye se obosu ama Israel. Obefefew aye fromfrom te se sukooko. Te se Lebanon sida no, ode ne ntin betim fam; 6 ne mman bedennan. N'ahoofe beye se ngodua, na ne hua aye se Lebanon sida. 7 Nnipa betena ne nwini ase bio. Obenyin aye fromfrom te se aburaw. Obefefew aye fromfrom te se bobe, na ne din a ahyeta beye se nsa a efi Lebanon. 8 Ephraim den na me ne ahoni wo ye bio? Megye no so na m'ani aku ne ho. Mete se dua a n'ahaban mpo; se wobesow aba a, egyina me so." 9 Hena ne onyansafo? Obehu eyinom mu. Hena na owo nhumu? Obete eyinom ase. Awurade akwan tee. Atreenefo nantew so, nanso asoodenfo hintiw wo mu.

Yoel

1 Awurade asem a ebaa Petuel babarima Yoel so ni. **2** Muntie saa asem yi, mo mpanyimfo; muntie, mo a mote asase no so nyinaa. Asem bi a ete see asi mo mmere so anaa mo mpanyimfo mmere so pen? **3** Monka nkyere mo mma, na mo mma nso nka nkyere won mma na won mma nso nka nkyere awo ntoatoaso a edi so no. **4** Nea mmoadabikuw no gyawee no, mmoadabi akese no awe; nea mmoadabi akese no gyawee no, mmoadabi nkumaa no awe; nea mmoadabi nkumaa no gyawee no, mmoadabi afoforo awe. **5** Mo asabowfo, munnyan, na munsu! Mo a monom bobesa nyinaa, muntwa adwo; muntwa adwo, nsa foforo no nti, efise wahuam afi mo ano. **6** Oman bi atu m'asase so sa; dom a woye den na wontumi nkan won; won se te se gyata se na wowo gyatabere sebommfo. **7** Wasee me bobe ne me borodoma nnua. Wawaawae nnua no ho bona, atow agu agyaw ne mman ho fitaa. **8** Di awerchow se ababaa a ofura atweaatam na oresu ne kunu a owaree no ne mmabaabere mu. **9** Aduan ne ahwiesa aforebode, woyi afi Awurade fi. Asfo no retwa adwo, won a wosom wo Awurade anim no. **10** Mfuw asee, asase no so awo wosee aduan no asee nsa foforo no ayow ngo nyinaa asa. **11** Mo ani nwu, mo akuafu, muntwa adwo, mo a mudua bobe; Munsu apini mma awi ne atoko, efise otwabere no asee. **12** Bobe no akisa na borodoma nnua no awuwu. Atoaa nnua, mmedua, apre ne nnua a ewo mfuw no so nyinaa ahyew. Nokware, anigye a nnipa wo no atu ayera. **13** Mumfura atweaatam na munni awerchow, asfo; mo a mosom wo aforemuka anim, muntwa adwo. Mumfura atweaatam mmesi pe, mo a mosom wo Onyankopon anim; efise aduan ne ahwiesa aforebode no to atwa wo Onyankopon fi. **14** Mommommuadadi kronkron ho dawuru; momfre nhyiamu kronkron. Momfre mpanyimfo ne won a wote asase no so nyinaa mmra Awurade mo Nyankopon fi na wommesu mfre Awurade. **15** A, da no de! Awurade da no aben; Ebeba se asse a efi Otumfo ho. **16** So aduan ho nkoo wen, a yeani tua, anigye ne ahosepew to atwa wo yen Nyankopon fi ana? **17** Aba no wu wo asase wosee mu, adekoradan abubu, aburawpata nso so nni mfaso, efise nnuan no ahyew. **18** Senea anantwi su! na anantwikuw kyinkyin kwa. Nguankuw mpo rebre efise wonni didibea. **19** Awurade, wo na misu fre wo, efise ogya ahyew sare so adidibea, na ogyatannaa

ahyew mfuw no so nnua nyinaa. **20** Wuram mmoo mpo pere hwehwe wo. Nsuwansuwa ayoyow, na ogya ahyew sare so adidibea.

2 Hyen torobento no wo Sion; hyen aben no wo me bepaw kronkron no so. Ma won a wote asase no so nyinaa ho mpopo, efise Awurade da no reba, na aben koraa. **2** Sum ne kusukuukuu da. Omununkum ne sum kabii da. Senea adekyee hann tretrew wo mmepow so no, saa ara na asraafo a wodoo so na woye den ba no te. Wonhuu won seso bi da, na worenhu ne seso nso da. **3** Ogya rehyew wo won anim, ogyatannaa dew wo won akyi, asase a eda won anim no te se Eden turo, nea eda won akyi no te se nweatam, hwee nguan won. **4** Wote se aponko. Wohuruhuruw te se aponkosotefo asraafo. **5** Woye gyegyegye te se nteaseenam na wotu fa mmepow atifi, wote se ogyatannaa a ehyew nwuraguanee wote se asraafo akantinka a woreko asa. **6** Aman ani bo won so a, ehui bo won; na won anim hoa. **7** Woko ko won anim te se akofo; woforo afasu te se asraafo na won nyinaa ko won anim tee, na womman benkum anaa nifa. **8** Wontwintwan won ho won ho anan mu; obiara nantew ko n'anim tee. Wobu fa abandennen so, na wopem ko won anim ara. **9** Wotow hye kuropon no so wotu mmirika fa afasu no so woforo ko afi mu, wofa mfensere mu te se akoramfo. **10** Asase wosow wo won anim, na osoro hinhim. Owia ne osram duru sum, na nsoromma nhyeren bio. **11** Awurade bobo mu de di n'asraafo no anim. N'akofo no dooso bebre, ahoodenfo ne won a wodi n'ahyede so. Awurade da no ye kese na eye hu; hena na obetumi agyina ano? **12** "Na afei," senea Awurade se ni, "San fa wo koma nyinaa bra me nkyen, wo akonkyen, osu ne awerchow mu." **13** Sunsuan wo koma na enye wo ntade mu. San bra Awurade wo Nyankopon nkyen, efise, oye odomfo, ne yam ye. Ne bo kye fuw na ne do boro so, na enye no anigye se otwe yen aso. **14** Hena na onim? Ebia obesesa n'adwene na wahu mmobo na wagyaw nhyira, a eye aduan ne ahwiesa aforebode a mode ma Awurade mo Nyankopon no. **15** Hyen torobento wo Sion! Mommom akonkyen kronkron ho dawuru, momfre nhyiamu kronkron. **16** Mommoaboa nnipa no ano montew nhyiamu no ho na enye kronkron; mommoaboa mpanyimfo, mmofra ne mmea a worema nufu ano. Ma ayeforo ne ayeforokunu mfi won pia mu mmra. **17** Asfo a wosom wo Awurade anim no, nsu wo aforemuka no ne abrannaa no ntam; na wonka se, "Awurade fa wo nkurofo ho kye won. Mma w'agyapade

nye ahohorade anaa fewdi wɔ aman no mu. Aden nti na ɛse se wubisa wɔ nnipa no mu se, ‘Wɔn Nyame no wɔ he?’” **18** Na Awurade betwe ninkunu wɔ n’asase ho na ne nkurofo aye no mmɔbo. **19** Awurade bebua se, “Merebre mo aduan, nsa foforo ne ngo, a ebese mo ama moamee pintinn. Merenye mo ahohorade mma aman no bio. **20** “Mepam atifi fam asraafo no afi wo nkyen ako akyirikyiri, mepia wɔn ako asase a awo na eye kesee so. Nifa dom no bemem wɔ Nkyene Po no mu, na kyidom no bemem wɔ Ntam Po no mu. Na afunu no bebɔn na ne nka betu.” Nokware waye nneema akese! **21** Munnsuro, me nkurofo! Momma mo ani nnye, na monsepew mo ho. Nokware Awurade aye nneema akese. **22** Munnsuro, mo wuram mmoa! Efise sare so adidibea reye frɔmfrɔm. Nnua no resow wɔn aba; borɔdama ne bobe nso resow wɔn aba. **23** Momma mo ani nnye, mo Sion mma, Munni ahurusi wɔ Awurade mo Nyankopɔn mu, efise wato asusowsu ama mo, ne nokwaredi nti. Wato osu bebree ama mo wɔ ne bere mu te se kan no. **24** Aduan beye awiporowbea ho ma, nsa foforo ne ngo bebu so wɔ kyi amoa mu. **25** “Mehye mo anan mu, nea mohweree mfe dodowa mmoadabi besee mo nneema, mmoadabi akese ne nkumaa, ne wɔn a aka no nyinaa, me dom a mesomaa wɔn baa mo so no. **26** Mubedidi amee, na mubeyi Awurade mo Nyankopɔn din aye. Ono na waye anwonwade ama mo; me nkurofo ani renwu bio. **27** Afei, mubehu se, mewɔ Israel, mubehu se mene Awurade, mo Nyankopɔn, na obiara nni ho se me; Me nkurofo ani renwu bio da.” **28** “Na akyiri no, mehwie me honhom agu nnipa nyinaa so, mo mmabarima ne mo mmabea behye nkɔm, mo nkwakoraa besoso adae, mo mmerante benya anisoadehu. **29** Saa mmere no mu no, mehwie me Honhom agu m’asomfo so, mmabarima ne mmea. **30** Meye anwonwade wɔ osoro ne asase so, mede mogya, ogya ne wusiw kumɔnn. **31** Ansa na Awurade da kese no beba no, owia beduru sum na osram nso aye se mogya. **32** Na obiara a ɔbo Awurade din no, wobegye no nkwa. Efise nkwaye beba ama wɔn a wɔanya wɔn ti adidi mu a Awurade afre wɔn wɔ Sion bepɔw so ne Yerusalem nyinaa,” senea Awurade aka no.

3 “Saa nna no mu, mede Yuda ne Yerusalem ahonyade besan aba. **2** Meboa aman nyinaa ano, na mede wɔn aba Yehosafat bon mu. Eho na mebu wɔn aten wɔ nea woyee m’agyapade, a eye Israelfo ho, efise wobɔ me nkurofo hwetee aman so, na wokyekyee m’asase mu.

3 Wobɔ me nkurofo so ntonto, Wɔtɔn mmerantewa de mu sika ɔbo aguaman. Wɔtɔn mmeawa nso de gyee nsa, a wɔbenom. **4** “Den na mowɔ tia me, Tiro ne Sidon ne mo Filisti amantam nyinaa? Mope se motɔ me so were ana? Se saa na ɛte de a, monhwe yiye. Meye ntem, atua mo biribiara a moaye no so ka. **5** Mofaa me dwete ne me sikakokɔ ne m’agyapade a esom bo, na mosoa kogu no abosonnan mu. **6** Motontɔn nnipa a wote Yuda ne Yerusalem maa Helafo senea ebeye a, wobefi wɔn asase so ako akyirikyiri. **7** “Nanso, mesan de wɔn afi faako a mokɔtɔn wɔn no aba, na nea moaye no nyinaa, metua mo so ka. **8** Metontɔn mo mmabarima ne mo mmabea ama Yudafo, na wɔn nso atɔn wɔn ama Arabfo, ɔman a ewɔ akyirikyiri no.” Me, Awurade, na makasa. **9** Mompae mu nka eyi wɔ aman so: Munsiesie mo ho mma ɔko! Monkanyan asraafo! Momma mo mmabarima akofo no ntwiw mmra, na wɔmmeko. **10** Momfa mo funtumnnade no mmɔ afoa, na momfa mo asosow mmɔ mpeaw. Ma nea woyee mmerew nka se, “mewɔ ahoɔden!” **11** Monye ntem mmra, mo amanaman a moatwa ahyia, mommeboa mo ho ano wɔ ho. Fa w’akofo bra, Awurade! **12** “Wɔnkanyan aman no; wontu ntee nkɔ Yehosafat bon no mu, efise eho na metena na mabu aman a atwa ahyia no nyinaa aten. **13** Munhwim kantankrankyi no, efise otwabere no adu so. Mommra, muntiatia bobe no so, efise nsakiamoa no aye ma na ahina no aye ma abu so. Saa ara na wɔn amumoye ɔɔso!” **14** Nnipadɔm, nnipadɔm wɔ gyinaesi subon no mu! Awurade da no aben wɔ gyinaesi subon no mu. **15** Owia ne osram beduru sum, na nsoromma renhyeren bio. **16** Awurade bebɔbo mu afi Sion, ne nne gyegeeyegye afi Yerusalem, asase ne osoro bewosow. Nanso Awurade beye guankɔbea ama ne nkurofo, ɔbeye abandennen ama Israelfo. **17** “Afei mubehu se, me Awurade, mo Nyankopɔn, mete Sion, me bepɔw kronkron so. Yerusalem beye kronkron; na ananafo rentu wɔn so sa bio. **18** “Saa da no, nsa foforo besoso afi mmepɔw no mu, na nufusu atee wɔ nkoko so; Nsu beba Yuda nsuwansuwa mu, na asuti betue afi Awurade fi, na agugu akasia subon no so nsu. **19** Nanso Misraim bedan amamfo, na Edom nso beye nweatam, esiane awurukasem a woye de tiaa nnipa a wɔwɔ Yuda nti. Eho na wohwiee mogya a enni fo gui. **20** Nnipa betena Yuda afebo na Yerusalem de, wobetena ho awo ntoatoaso nyinaa mu. **21** So merento wɔn mogya a edi bem no so were ana? Metɔ ke.”

Amos

1 Amos, Tekoa nguanhwefo no mu baako nsem ni. Onyaa saa anisoadehu yi a efa Israel ho mfe abien ansa na asase wosowee, bere a Usia di hene wɔ Yuda na Yoas babarima Yeroboam nso di hene wɔ Israel no. **2** Ɔkae sae, “Awurade bobo mu fi Sion bepɔw so na ɔde aprannaa nnyigyei nso fi Yerusalem; nguanhwefo mmoa adidibea rehyew na Karmel atifi nso kisa.” **3** Nea Awurade se ni: “Damasko aye bɔne bebreɛ ama no atra so eno nti, merennan m’abufuw. Efise ɔde awiporowbea ade a ewɔ dade se dwerɛw Gilead. **4** Mede ogya beto Hasael fi na ahyew Ben-Hadad aban no. **5** Mebubu Damasko apon, na mɛsɛɛ ɔhene a ɔwɔ Awen bon no mu no ne nea okura ahempema wɔ Bet Eden no. Na Aramfo beko nnommum mu wɔ Kir,” senea Awurade se ni. **6** Nea Awurade se ni: “Gasa aye bɔne bebreɛ ama no atra so, eno nti, merennan m’abufuw no. Ɔfaa ɔman mu no nyinaa nnommum na ɔtɔn wɔn maa Edomfo. **7** Mede ogya beto Gasa afasu mu, na ahyew n’aban no. **8** Mɛsɛɛ Asdod hene no ne nea okura ahempema wɔ Askelon no. Medan me nsa atia Ekron, kosi sɛ Filistini a otwa to no bewu,” senea Asafo Awurade se ni. **9** Nea Awurade se ni: “Tiro aye bɔne bebreɛ ama no atra so, eno nti, merennan m’abufuw. Ɔfaa ɔmanmu no nnommum na ɔtɔn wɔn maa Edomfo, a wankae onuado apam. **10** Mede ogya beto Tiro afasu no mu, na ahyew n’aban.” **11** Nea Awurade se ni: “Edom aye bɔne bebreɛ ama no atra so, eno nti, merennan m’abufuw. Ɔde afoa taataa ne nua, a wannya ayamhyehye biara. Efise ne bo kɔɔ so fuwii, na obiara antumi annwudwo n’abufuw no ano. **12** Mede ogya beto Teman mu, na ahyew Bosra aban.” **13** Senea Awurade se ni: “Amon aye bɔne bebreɛ ama no atra so, eno nti, merennan m’abufuw. Ɔde afoa paapae Gilead apemfo yafunu mu de tɛw n’ahye mu. **14** Mede ogya beto Raba afasu mu na ahyew n’aban wɔ oko da mu nteetɛmu ne ahum da mfɛtɛ mu. **15** Na ne hene ne mmapoɔmma bebɔ mu ako nnommum mu,” senea Awurade se ni.

2 Nea Awurade se ni: “Moab aye bɔne bebreɛ ama no atra so, eno nti, merennan m’abufuw. Ɔhyew Edomhene nnompe, maa edan nsɔ. **2** Mede ogya beto Moab mu, na ahyew Keriot aban. Moab behwe ase wɔ huuye, ɔko nteetɛmu ne torobento nnyigyei mu. **3** Mɛsɛɛ ne hene na makunkum ne mmapoɔmma aka ne

ho,” senea Awurade se ni. **4** Nea Awurade se ni: “Yuda aye bɔne bebreɛ ama no atra so, eno nti, merennan m’abufuw. Wɔapo Awurade mmara no na wɔanni n’ahyede so efise atoro anyame no ama wɔafom ɔkwan no, anyame a wɔn nenanom dii akyi no. **5** Mede ogya beto Yuda mu na ahyew Yerusalem aban.” **6** Nea Awurade se ni: “Israel aye bɔne bebreɛ ama no atra so, eno nti, merennan m’abufuw. Wɔtɔn atreneefo de gye dwetɛ, ne ahiafo de gye mpaboa. **7** Wotiatia ahiafo so te senea wɔye fam mfutuma na wɔma atentrenee bɔ mmɔborɔfo. Agya ne ne ba ne ɔbea baako da de gu me din kronkron no ho fi. **8** Wɔdɛda afɔremuka biara ho wɔ wɔn awowa ntama so. Wɔn anyame fi mu no, wɔnom nsa a wɔagyɛ sɛ mmaratode. **9** “Mɛsɛɛ Amorifo no wɔ wɔn anim, ewɔ mu sɛ wɔwɔware te sɛ sida. Wɔn ho nso ye den sɛ odum. Nanso mɛsɛɛ n’aba wɔ ne soro, ne ne ntin wɔ n’ase. **10** Miyii mo fii Misraim, na midii mo anim mɛfirihya aduanan wɔ sare so senea mede Amorifo asase bɛma mo. **11** Miyiyii mo mmabarima no bi yeɛ wɔn adiyifo, ne mo mmerante ebinom sɛ Naserefo. Na ente saa ana, Israelfo?” Nea Awurade bisa ni. **12** “Nanso momaa Naserefo no nom nsa na mohyɛɛ adiyifo no sɛ wɔnnhyɛ nkɔm. **13** “Na afei, mɛdwerɛw mo senea teaseenam a aduan aye no ma mia asase no. **14** Ahooɛharefo rentumi nguan. Ahooɛdenfo rennya ahooɛden, na ɔkofo rennya ne ti nnidi mu. **15** Agyantowfo rentumi nnyina nea ogyina. Asraafo ahooɛharefo rentumi nguan, na ɔpɔnkɔsotefo rentumi mpere ne nkwa. **16** Mpo akofo akokodurufo de adagyaw beguan wɔ saa da no,” senea Awurade se ni.

3 Muntie saa asɛm a Awurade aka atia mo yi, Israelfo, nea etia abusua a miyii wɔn fii Misraim no nyinaa: **2** “Mo nko ara na mayi mo wɔ mmusua a ewɔ asase so nyinaa mu; enti metwe mo aso wɔ mo bɔne nyinaa ho.” **3** Nnipa baanɔ betumi abɔ mu anantew, wɔ bere a wɔnyɛɛ nokoro ana? **4** Gyata bobɔ mu wɔ ɔdɔtɔ ase wɔ bere a onhuu hanam biara ana? Ɔbobɔ mu wɔ ne tu mu wɔ bere a ɔnkyeree hanam biara ana? **5** Anomaa betɔ afiri mu wɔ fam wɔ baabi a wonsum afiri ana? Afiri huan konkɔn ho wɔ bere a enyii aboa ana? **6** Sɛ wɔhyɛn torobento wɔ kuropon mu a nnipa no ho mpopo ana? Sɛ atoyerɛnkyɛm ba kuropon bi mu a ɛnye Awurade na ɔyeɛ ana? **7** Ampa ara, Otumfo Awurade nye biribi a ɔnna ne nhyehyɛɛ adi nkyere n’Asomafo adiyifo no. **8** Gyata no abobɔ mu, hena na onnsuro? Otumfo Awurade akasa, hena na ɔrenhyɛ

ho nkɔm? 9 Mompae mu nka nkyere Asdod aban ne Misraim aban: “Mommoaboa mo ho ano wɔ Samaria mmepɔw so; hwe basabasaye a ɛwɔ no so ne nhyeso a ɛwɔ ne nkurofo mu.” 10 “Wonnim senea wɔye nea eye,” senea Awurade se ni. “Wode nneema a wɔafow ne nea wɔawia sie wɔ wɔn aban mu.” 11 Ɛno nti, sɛ na Otumfo Awurade se, “Ɔtamfo bi betwiw afa mo asase no so; Obebubu mo bammɔ agu, na wɔafow mo aban.” 12 Nea Awurade se ni: “Senea oguanhwefo gye anan abien nnompe anaa aso sin pɛ fi gyata anum no, saa ara na wobegye Israelfo nkwa, wɔn a wɔtete wɔn mpa ntwea so wɔ Samaria, ne wɔn a wɔdɛda nkongua pa mu wɔ Damasko no.” 13 “Tie eyi, na di adanse tia Yakobfi,” senea Awurade, Asafo Awurade Nyankopɔn se ni. 14 “Da a metwe Israel aso wɔ ne nnebɔne ho no, mɛsɛe afɔremuka a ɛwɔ Bet-El; wobetwitwa afɔremuka no mmen na abu ahwe fam. 15 Medwiriw awɔwbere mu ofi ne ahuhurubere mu ofi agu; na afi a wode asonse adura ho no wobesee no na afi akese no nso wobebubu agu,” senea Awurade se ni.

4 Muntie asɛm yi, mo Basan “anantwi” a mowɔ Bepɔw Samaria so, mo mmea a mohyɛ ahiafo so, na moka mmɔborɔfo hyɛ na moka kyere mo kununom se, “Mommɛ yɛn nsa!” 2 Otumfo Awurade de ne kronkronyɛ aka ntam se, “Ampa ara bere no beba a wode nkaa betwe mo ako; mo mu nea otwa to no, wode nsumnam darewa betwe no. 3 Mo mu biara bepue ako, na mobɛfa ɔfasu mu ntokuru mu, na wobɛtow mo akyene Harmon fam,” senea Awurade se ni. 4 “Monkɔ Bet-El nkɔyɛ ɔne na monkɔ Gilgal na monkɔyɛ ɔne ara. Momfa mo afɔrebɔde mmra anɔpa biara, na momfa mo ntotoso du du mmra mfe abiesɛ biara. 5 Monhyew mmɔkaw brodo se aseda afɔre; Momfa ayeyɛde a efi mo pɛ mu nhoahoa mo ho, na momfa ntu mo ho, mo Israelfo, na eyi ne nea mope se moyɛ,” senea Otumfo Awurade se ni. 6 “Memaa ɔyafunu daa mpan wɔ kuroɔn biara mu na aduan ho yɛɛ den wɔ nkurow so, nanso monnsan mmaa me nkyɛn ɛ,” senea Awurade se ni. 7 “Mesan de osu kamee mo, bere a aka asram abiesɛ na otwabere no adu. Memaa osu tɔw wɔ kurow baako so na mamma antɔ wɔ kurow foforo so. Afuw baako nyaa osu afuw foforo annya bi na hyewee. 8 Nnipa totɔw ntintan kyinii nkurow so pɛɛ nsu nanso wɔannya dodow a ebɛso wɔn nom, nanso monnsan mmaa me nkyɛn ɛ,” senea Awurade se ni. 9 “Mpen pii no mede nnɔbae yare ba mo mfikyifuw ne mo bobefuw so. Mmoadabi

sɛɛ mo borɔdɔma ne mo ngonnuwa, nanso monnsan mmaa me nkyɛn ɛ,” senea Awurade se ni. 10 “Mede ɔyaredɔm baa mo so senea mede yɛɛ Misraimfo no, mede afoa kunkum mo mmerante ne apɔnkɔ a mofaa wɔn nnommum mede mo nsra mu hua a ɛbɔn hyɛn mo hwene mu, nanso, monnsan mmaa me nkyɛn ɛ,” senea Awurade se ni. 11 “Mituu mo mu bi guu senea metɔree Sodom ne Gomora ase no. Moyɛɛ se gyentia a wɔatu afi ogya mu. Nanso monnsan mmaa me nkyɛn ɛ,” senea Awurade se ni. 12 “Enti afei, Israel, nea mede bɛyɛ wo ni, na esiane se mede eyi bɛyɛ wo nti, siesie wo ho, Israel. Hyia wo Nyankopɔn.” 13 Nea ɔyɛ mmepɔw na ɔbo mframa na ɔda n’adwene adi kyere nnipa, nea ɔma adekyee hann dan sum na ɔnantew asase sorɔnsorɔmma so no. Asafo Awurade Nyankopɔn ne ne din.

5 Tie asɛm yi, mo Israelfo, saa adwotwa yi fa mo ho: 2 “Ɔbabun Israel ahwe ase a ɔrensore bio, wɔapo no wɔ n’ankasa asase so, na onni obi a ɔbɛma no so.” 3 Nea Otumfo Awurade se ni: “Kuroɔn a ɔde mmarima ahoɔdenfo apem ko ma Israel no, mu ɔha pɛ na wɔbɛka; Kurow a ɔde ahoɔdenfo ɔha no, mu du pɛ na wɔbɛka.” 4 Nea Awurade ka kyere Israelfo ni: “Monhwɛhwe me na munnya nkwa; 5 Monnhwɛhwe Bet-El, monnkɔ Gilgal, na munntu kwan nkɔ Beer-Seba nso. Ampa ara Gilgal bekɔ nnommum mu na wɔbɛhwe Bet-El ase koraa.” 6 Monhwɛhwe Awurade na munnya nkwa, anyɛ saa a ɔbɛpra Yosef fi te se ogya; ɛbɛhyew, na Bet-El rennya obi anum no. 7 Mo a moma atemmu yɛ nwen na mototo trenɛɛ ase. 8 Nea ɔbɔw nsoromma, Akokɔbeatan ne ne mma, nea ɔdan sum yɛ no adekyee na ɔma awia dan adesae. Nea ɔboaboa po mu nsu ano na ohwie gu asase so, ne din ne Awurade. 9 Ɔsɛɛ abandennen ntem so na obubu kuroɔn a wɔabo ho ban nso, 10 motan nea ɔtɛtɛɛ wɔ asennii na mubu nea ɔka nokware animtiaa. 11 Mutiatia ohiani so na mohyɛ no gye aduan fi ne nkyɛn. Enti ɛwɔ mu se mode abo a wɔatwa asisi afi akese de, nanso morentena mu; ɛwɔ mu se moayɛ bobɛ nturo a eyɛ fɛ de nanso morennom mu nsa. 12 Na minim mo mmarato dodow ne mo ɔne akese no. Mohyɛ atrenɛɛfo so na mugyɛ adanmudɛ mubu ahiafo ntenkyew wɔ asennii. 13 Ɛno nti, onyansafo yɛ komm saa mmere yi mu, efisɛ eyɛ mmere ɔne. 14 Monhwɛhwe papa, na moanya nkwa na ɛnyɛ ɔne. Na Asafo Awurade Nyankopɔn bekɔ wo ho, senea moka se ɔyɛ no. 15 Munkyi ɔne, na monno papa;

Mummu atentrenee wɔ asennii. Ebia, Asafo Awurade Nyankopɔn benya ahummoɔ ama Yosef nkae no. 16 Enti nea Awurade, Asafo Awurade Nyankopɔn se ni: “Adwotwa beba mmorɔn nyinaa so na ɔyaw ne apinisi beba mmɔnten so. Wɔbefre akuafɔ ama wɔabesu na agyamfo abetwa adwo. 17 Wobetwa adwo wɔ bobeturo nyinaa mu, efise menantew mo mu,” senea Awurade se ni. 18 Nnome nka wɔn a wɔpe se Awurade da no bal Den nti na mope se Awurade da no ba? Saa da no beye sum, na enye hann. 19 Ebeye te se onipa a oguan fi gyata anim na okohyia sisi, senea owura ne fi de ne nsa to ɔfasu so, na ɔwo ka no. 20 Na Awurade da no beye sum; erenye hann, ebeye sum kabii a hann nsinsan biara nni mu. 21 “Mikiyi na mepo mo nyamesom mu aponto; m’ani nnye mo afahye nhyiamu ho. 22 Ewɔ mu se mode ɔhyew afɔre ne aduan afɔre bre me de, nanso merennye. Mode asomdwoe afɔre bre me nanso m’ani renso. 23 Momfa mo nnwonto gyegyeegye no mfi me so! Merentie mo asankuten so nnwom. 24 Mmom, momma atentrenee ntee se asubɔnten, na trennee nye se asuten a erenyow da! 25 “Israelfo, enye me na mode afɔrebɔde ne ayeyede bre me mfe aduanan wɔ sare so ana? 26 Mode mo ho nyinaa ato Molok nyame, ne mo honi Refan so; wɔye ahoni a moaye se mobesom wɔn. 27 Eno nti, metwa mo asu ako Damasko noho,” senea Awurade a ne din ne Asafo Onyankopɔn se ni.

6 Nnome nka mo a mugye mo ho di wɔ Sion, ne mo a mo asom adwo mo wɔ Samaria bepɔw so, mo atitiriw a mowɔ ɔman a edi kan mu, a Israelfo ba mo nkyen! 2 Monko Kalne nkɔhwɛ ho. Na mumfi ho nko Hamat kese mu, munsian nko Gat a ewɔ Filistia. Woye sen mo ahemman abien no? Wɔn asase no so sen mo de no ana? 3 Mutu da bɔne hye da na motwe atemmuda ben. 4 Modeda asonse mpa so mugye mo ahome wɔ mo nnae mu, na mowe nguantenmma ne nantwimma a wɔadodɔ srade nam. 5 Mode mo sankuten to ahuhunnwom, na mobɔ mo tirim ye nnwom wɔ mo nnwontode so te se Dawid. 6 Monom nsa wɔ nkora mu na mode sradhuam papa ye mo ho, na munni awerhow wɔ Yosef see ho. 7 Eno nti, mobeka wɔn a wodi kan twa wɔn asu no ho; na mo aponto ne mo ahomegye to betwa. 8 Otumfo Awurade aka ne ho ntam na nea Asafo Awurade Nyankopɔn se ni: “Mikiyi Yakob ahomaso na mempe n’aban; mede kuropon no bema ne nea ewɔ mu nyinaa.” 9 Se wogyaw nnipa du wɔ ofi baako mu a, wɔn nso bewuwu. 10 Na se obusuani a ɔrebhyew awufo no ba se ɔrebefa

wɔn afi fie ho na obisa obi a wakotew se, “Obi ka wo ho ana?” Na obua se, “Dabi” a, afei ɔbeka se, “Mua w’ano!” Ense se wɔbɔ Awurade din. 11 Na Awurade ahye mmara na obebubu afi akese no mu asinasin ne afi nketewa no nso mu nketenkete. 12 Apɔnko tu mmirika wɔ abotan a apaapae so ana? Na obi de nantwi funtum ho ana? Nanso moadan atentrenee aye no awuduru. Na trennee nso aye nwenweenwen. 13 Mo a mo ani gye Lo-debar nkogu ho, na mubisa se, “Enye yen ahɔoden na yede dii Karnaim so ana?” 14 Nea Asafo Awurade Nyankopɔn se ni: “Mehwanyan ɔman bi abetia mo, Israelfo, nea ɔbehye mo so afi Lebo Hamat akosi Araba bon mu.”

7 Nea Otumfo Awurade yi kyereɛ me ni: na ɔreboaboa mmoadabi bebree ano. Eyi ye bere a wɔatwa ɔhene kyefa afi mfuw no so na akyiri nnɔbae no renyin no. 2 Bere a mmoadabi no awe asase no so nnɔbae nyinaa no, meteeɛ mu se “Otumfo Awurade, mesre wo, fa wo nkurɔfo bɔne kye wɔn! Yakob beye den agyina? ɔye ɔman ketewa bi.” 3 Eno nti, Awurade bo dwoe. Na ogyaee n’atirimpɔw no. ɔkae se, “Merentye.” 4 Nea Otumfo Awurade yi kyereɛ me ni: Otumfo Awurade de ogya rebebu aten; eyow bun kese no, na eseeɛ asase no. 5 Na meteeɛ mu se, “Otumfo Awurade, mesre wo, gyae! Yakob rentumi nnyina! ɔye ɔman ketewa bi.” 6 Eno nti, Awurade bo dwoe na ɔkae se, “Megyae m’atirimpɔw yi nso.” 7 Eyi ne nea oyi kyereɛ me: Na Awurade gyina ɔfasu a wɔato no kirebenn no ho, a okita kirebennye susudua no. 8 Na Awurade bisaa me se, “Amos, den na wuhu?” Mibuae se, “Kirebennye susudua.” Na Awurade kae se, “Mede kirebennye susudua yi reto me nkurɔfo Israelfo ho; meremfa wɔn ho nkye wɔn bio. 9 “Wɔbesee Isak sorɔnsorɔmmee na Israel kronkron tenabea nso wobebubu no; mede m’afɔa besɔre atia Yeroboamfi.” 10 Amasia a ɔye Bet-El sofo de nkra kɔmaa Israelhene Yeroboam se, “Amos rebɔ pow atia wo wɔ Israel ha yi ara! Nsem a ɔreka no nye abodwosem. 11 Nea Amos reka ni: “Yeroboam bewu wɔ afoa ano, na ɔkwan biara so Israel beko nnommum mu, wɔ akyirikyiri asase so.” 12 Na Amasia ka kyereɛ Amos se, “Fi ha kɔ, wo ɔdehufo! San kɔ Yuda asase so na kɔtena ho hye wo nkɔm. 13 Nhye nkɔm bio wɔ Bet-El ha, efise ha ye ɔhene tenabea kronkron ne ahemman no asɔredan.” 14 Amos buaa Amasia se, “Mennye odiiyifo anaa odiiyifo bi ba, na na meye oguanhwɛfo a na mehwe borɔdɔma nnua nso so. 15 Nanso Awurade free me fii nguan sohwe

so, ka kyereɛ me se, ‘Kohye nkɔm kyere me nkurɔfo Israelfo.’ 16 Na afei, tie Awurade asem. Woka se, “Nhye nkɔm ntia Israelfo, na gyae asenka a wode tia Isakfifo no.’ 17 “Enti asem a Awurade ka ni: “Wo yere bebo aguaman wo kuropon yi mu, wo mmabarima ne wo mmabea bewuwu wo afoa ano. Wobesusuw w’asase na wakyekye mu, na w’ankasa nso, wubewu wo abosonsomman mu, na okwan biara so Israel beko nnommum mu, wo akyirikyiri asase so.”

8 Afei nea Otumfo Awurade yi kyereɛ me ni: kenten a aduaba a abere wo mu. 2 Obisae se, “Den na wuhu, Amos?” Mibuae se, “Kenten a wode nnuaba a abere ahye no ma.” Na Awurade ka kyereɛ me se, “Me nkurɔfo Israelfo bere no aso; meremfa won ho nkye won bio.” 3 Senea Otumfo Awurade se ni, “Saa da no, hyiadan nnwonto bedan agyaadwotwa. Wobebo afunu bebreɛ apete baabiara! Enti ye kommi!” 4 Muntie saa asem yi, mo a mutiatia mmaborofo so, na mopam ahiafo fi won asase so, 5 na moka se, “Bere ben na osram foforo betwa mu ama yeaton aduan, na Homeda beba awiei ama yeadi awi gua?” Se mobebye susukoraa mu na moatoto obo so na mode nsania a wɔamia mu asisi atɔfo, 6 na mode dwete atɔ ahiafo na mmaborofo nso moaton won agye mpaboa, na moapra awi ase afra awi mu aton. 7 Awurade de Yakob ahohoahoa aka ntam se: “Me were remfi biribiara a wɔaye da. 8 “Asase renwosow wo nea asi yi ho ana, na won a wote mu nyinaa rentwa adwo ana? Asase no nyinaa bema ne ho so te se Nil ebubu afa so, na asan atwe bio te se Misraim asubonten.” 9 Senea Otumfo Awurade se ni, “Saa da no, mema owia atɔ owigyinae, na mama sum aduru asase so awia ketee. 10 Medan mo nyamesom aponto ama aye awerehowdi na mo nnwonto nyinaa adan osu. Mema mo nyinaa afura atweaatam na mayi mo tinwi. Meye saa da no te se obo koro ho awerehowdida na awiei no aye se da a eye nwen. 11 “Nna no reba” senea Otumfo Awurade se ni, “Mema okom aba asase no so, enye aduankom anaa osukom, na mmom, Awurade asem ho kom. 12 Nnipa betɔ ntintan akyinkyin afi po so ako po so, na wɔakyinkyin afi atifi fam ako apuei fam, se wɔrekohwehwe Awurade asem, nanso worenhu. 13 “Na saa da no “mmabaa ahoafeɔ ne mmarimaa ahoɔdenfo betɔto beraw esiane osukom nti. 14 Won a wode Samaria aniwu abosom ka ntam, anaa wode Dan ne Beer-Seba abosom ka ntam no, wɔbehwehwe ase na wɔrensore bio.”

9 Mihuu Awurade se ogyina afɔremuka no ho, na okae se, “Bo Asoredan no afadum no atifi na mma ne fapem no nwsow. Munnwiriw ngu nnipa no nyinaa so; won a aka no mede afoa bekunkum won. Obaako mpo rentumi nguan, obiara rennya ne ho sɔnn. 2 Mpo se wotu fam ko oda mu a, ho na me nsa betwe won afi aba. Mpo se wɔforo ko osoro a, ho na meyi won afi aba fam. (Sheol h7585) 3 Mpo se wɔkotetew bepɔw Karmel atifi a, ho na metiw won akokyere won aba. Mpo se wode won ho sie me wo po ase a, ho na mehye owo no ama wakoɔkeka won. 4 Mpo se won atamfo de won ko nnommum mu a, ho na mehye afoa akunkum won. “Megyen m’ani ahwe won. Mede osɛe beba won so na meremmoa won.” 5 Awurade, Asafo Awurade, Ono na ode ne nsa ka asase ma enan, ma won a wote so nyinaa twa adwo. Asase no nyinaa ma ne ho so te se Nil na etwe te se Misraim asubonten. 6 Ono na osi n’ahemfi a ekoron wo osoro na oto ne fapem wo asase so. Ono na oboaboa po mu nsu ano na ohwie gu asase so. Awurade ne ne din! 7 “Mo Israelfo, mo ho hia me sen Etiopiafo?” Senea Awurade se ni. Manyi Israelfo amfi Misraim, ne Filistifo amfi Kaftor, ne Aramfo nso amfi Kir ana? 8 “Ampa ara Otumfo Awurade ani wo nnebɔne ahenni no so. Mepepa no afi asase ani, nanso merensee Yakobfi korakora,” senea Awurade se ni. 9 “Na mehye, na mewosow Israelfi, wo amanaman nyinaa mu, senea wohuhuw atoko so wo huhuamoa mu na aba fua mpo nto fam no. 10 Nnebɔneyeɔ a wɔwo me nkurɔfo mu nyinaa betoto wo afoa ano, won a woka se, ‘Amanehunu rento yen anaa eremma yen so da no.’ 11 “Saa da no, mesan aba abesi “Dawid fi a abubu no bio. Mesiesie ne mmeae a asɛesɛe no, na masi no senea na ete no, 12 na wɔafa Edom nkae no ne amanaman a me din da won so.” Awurade a waka no, ono na obye eyinom nyinaa. 13 “Nna no reba,” senea Awurade se ni, “A nnɔbae no beba ntem ama otwafo no, na bobɛ no abu so ama nea otiatia nsakyiamoa no so no. Nsa foforo besoso afi mmepɔw no so na atɛe afi nkoko no nyinaa so. 14 Mede me nkurɔfo Israel nnommum besan aba. “Wobesan asiesie nkuropon a asɛe no na wɔatena mu. Wobeɛ bobɛ nturo na wɔanom mu nsa; wobeɛ mfikyifuw na wɔadi so nnuaba. 15 Mede Israelfo bedua won ankasa asase so a wɔrentu bio da mfi asase a mede ama won no so,” senea Awurade, mo Nyankopon se ni.

Obadia

1 Anisoadehu a Awurade Nyankopɔn daa no adi faa Edom asase ho kyerɛ Obadia ni: Yɛate asem a efi Awurade nkyen. Wɔsomaa ɔnanmusini bi kɔɔ aman so kɔkɔe se, “Monsɔre na momma yenkɔko ntia Edom.” **2** Awurade ka kyerɛ Edom se: “Hwɛ, mɛbre wo ase. Mɛye wo ketewa wɔ aman no mu, na wɔabu wo animtiaa. **3** Wayɛ ahantan adaadaa wo ho, Wo a wote abotan ntokuru mu na woayɛ w’atenae wɔ mmepɔw so, na woka kyerɛ wo ho se, ‘Hena na obetumi ayi me asi fam?’ **4** Sɛ wutu kɔ wim sɛ akɔre, na woɛ wo berebuw wɔ nsoromma ntam mpo a, hɔ na mɛba abetwe wo adwira fam.” Senea Awurade se ni. **5** “Sɛ akorɔmfo ba wo so, anaa adwɔwtwafo ba wo so anadwo a, atoyerɛnkyɛm bɛn na ɛrento wo? Na wɔrennwia wo mneema dodow a wɔpɛ ana? Sɛ bobɛ abatewfo ba wo so a, ɛnye bobɛ aba kakraa bi pɛ na wobegyaw ama wo ana? **6** Na wo Esau de, wobewia w’ademude a wode asie na wɔayɛ wo dosodoso. **7** Wɔn a wo ne wɔn wɔ nkabom nyinaa bedi wo huammɔ. Wɔn a w’adwene ye wo sɛ wo ne wɔn te asomdwoe mu no bɛdaadaa wo adi wo so, wɔn a wodi w’aduan no asum wo afiri, nanso, wunhui. **8** “Saa da no,” Awurade na ose, “Merensɛ anyansafo a wɔwɔ Edom ana, mmarima a wote asem ase a wɔwɔ Esau mmepɔw so ana? **9** Teman w’akofo bɛbɔ hu ne obiara a ɔwɔ Esau bepɔw so no, wobetwitwa mo atɔre mo ase. **10** Esiane basabasaye a woɛ tiaa wo nua Jakob no nti aniwu bɛka wo, na wobesɛ wo koraa. **11** Da a wugyinaa ntentenso hwɛ no haa, maa ananafo faa n’ahonyade kɔɛ na ahɔho hyɛn ne kurow apon mu, na wɔbɔɔ Yerusalem so ntonto no, na wote sɛ wɔn mu baako. **12** Anka ɛnsɛ sɛ wubu wo nua animtiaa bere a ɔwɔ asiane mu, anaa sɛ wudi ahurusi wɔ Yudafo so bere a wɔwɔ ɔsɛ mu, na mpo wohoahoa wo ho bere a wɔwɔ ahohia mu no. **13** Anka ɛnsɛ sɛ wode nsrabɔ hyɛn me nkurɔfo kurow apon no mu wɔ wɔn amanehunuda, anka ɛnsɛ sɛ woserew wɔ bere a wɔwɔ ɔhaw mu. Afei nso anka ɛnsɛ sɛ wode wo nsa to wɔn ahode so gye wɔ bere a wɔwɔ amanehunu mu. **14** Anka ɛnsɛ sɛ wotɛw wɔn nkwantanan so kunkum n’aguanfo Na wuyi wɔn a aka no ma wɔ wɔn amanehunuda no mu. **15** “Awurade da no abɛn ama amanaman nyinaa. Na hwɛ, Edom, senea woɛɛ no saa ara na wɔbɛye wo. Wo nneyɛɛ besan abegu w’apampam. **16** Senea mononom nsɔ wo me bepɔw kronkron so no, saa ara na amanaman no

nyinaa bɛkɔ so anom, saa ara na ɛbɛkɔ so da biara na wɔbɛye te sɛ nea wonni hɔ. **17** Na ogye beba Sion bepɔw so na ɛbɛye kronkronbea, na Jakob nsa besan aka n’agyapade. **18** Jakob bɛye ogya na Yosef ayɛ ogyatannaa; Esau bɛye adehunu bi na wɔde no beto ogya so ahyew no a obiara renka wɔ Esau ase.” Nea Awurade se ni. **19** Nkurɔfo a wofi Negeb no bɛtena Esau mmepɔw so, Na wɔn a wofi nkoko no ase no, bɛfa Filisti asase no, na wɔbɛfa Ephraim ne Samaria mfuw atena so, na Benyamin nso afa Gilead. **20** Nnipakuw yi a woɛ Israelfo a wotwaa wɔn asu kɔɔ Kanaan no bɛfa Kanaan asase no akosi Sarefat; na Yerusalemfo a wotwaa wɔn asu a wote Safarad no bɛfa Negeb nkurow no adi so. **21** Agyefo bɛkɔ Sion bepɔw so, akodi Edom mmepɔw no so. Na ahenni no bɛye Awurade de!

Yona

1 Awurade asem baa Amitai babarima Yona nkyen se, **2** “Kɔ kuropon Ninewe mu na kɔka asempa no tia won, efise won atirimɔdensem aforo abedu m’anim.” **3** Nanso Yona guan fii Awurade anim na ɔde n’ani kyeree Tarsis. Ɔkɔɔ Yopa, na okonyaa hyen wɔ ho a na ereko Tarsis. Otuaa ka kotenaa hyen no mu, se ɔrefi Awurade anim ako Tarsis. **4** Nanso Awurade maa mframa kese bi bɔɔ wɔ po no so; emaa ahum tui a, anka hyen no rebebo. **5** Hyen no mufo no nyinaa suro, na obiara su frɛ ne nyame. Wɔtotoo aguade a ɛwɔ hyen no mu guguu po no mu senea hyen no mu beye hare. Nanso na Yona akɔhye hyen no ase baabi ada hatee. **6** Na hyen no so panyin no kɔɔ ne nkyen kɔkae se, “Aden na woada? Sore na frɛ wo nyame! Ebia, obehu yen mmɔbo, na yeanwuwu.” **7** Afei hyen no mufo no keka kyeree won ho won ho se, “Momma yemmɔ ntonto nhwehwe nea saa amanehununi yi nam ne so aba.” Wɔbɔɔ ntonto no na ɛbɔɔ Yona. **8** Enti wobisaa no se, “Kyere yen, hena na wama saa ɔhaw yi nyinaa aba? Adwuma ben na woye? Ehe na wufi? Ɔman ben so na wufi? Ehefo ne wo nkurɔfo?” **9** Obuae se, “Meye Hebrini, na mesom Awurade, ɔsoro Nyankopon a, ɔbɔɔ po ne asase.” **10** Eyi bɔɔ won hu, enti wobisaa Yona se, “Den na woaye?” (Na wonim se ɔreguan afi Awurade nkyen, efise na waka saa akyerɛ won dedaw). **11** Na ahum no kɔ so tu denneennen ara. Enti wobisaa no se, “Den na yenye wo a ɛbema ahum yi ano abre ase ama yen?” **12** Yona buaa won se, “Momma me so ntow me nkyene po yi mu, na ano bedwo. Minim se me nti na ahum kese yi retu wɔ mo so.” **13** Mmarima no yee nea wobetumi biara se wɔbehare hyen no ako mpoano. Nanso, wɔantumi, esiane se na po no so ahum no ano aye den asen kan no. **14** Afei wosu frɛ Awurade se, “Awurade yesɛ wo mma yennwuwu se yeama ɔbarima yi ahwere ne nkwa nti. Mma yennni fɔ wɔ ɔbarima yi mogya ho, efise, Awurade waye nea wope.” **15** Afei, wɔmaa Yona so tow no kyene po no mu, na po a na ehuru so no yee komm. **16** Eyi maa mmarima no suroo Awurade pa ara na wɔbɔɔ afore maa Awurade, na wɔhyee no bɔ. **17** Na Awurade maa bonsu kese bi bemenɛe Yona, na Yona daa bonsu no yam nnansa, awia ne anadwo.

2 Yona wɔ apataa no yam no, ɔbɔɔ Awurade ne Nyankopon mpae se, **2** “M’ahohia mu mefrɛ

Awurade, na ogyee me so. Mifi ɔda ase tɔnn sɛe mmɔa na wuttee me sufɛ. (Sheol h7585) **3** Wotow me kyene bun mu wɔ po ase tɔnn, na ɔhweam twaa me ho hyiae; w’asorɔkye ne mframa bu faa me so. **4** Na mekae se, ‘Woapam me afi w’anim; nanso mede m’ani bekyere w’asɔredan kronkron no bio’ **5** Nsu a abu afa me so no bɔɔ me hu, bun no twaa me ho hyiae; po mu nwura kyekyeree me ti ho. **6** Memem kɔɔ mmepow no ase pɛ; asase ase kaa me hyee mu afebo. Nanso wugyee me nkwa fii amoa mu, Awurade, me Nyankopon. **7** “Bere a me nkwa resen ako no, mekae wo Awurade, na me mpaebɔ foro baa wo nkyen, wɔ w’asɔredan kronkron no mu. **8** “Wɔn a wɔde wɔn ho bata ahoni huhuw ho no hwere adom a anka eye won de. **9** Nanso me, mede ayeyi nnwom bebo afore ama wo. Nea mahye ho bɔ no, mɛye. Nkwagye fi Awurade.” **10** Na afei, Awurade hyee apataa no ma ɔfee Yona too asase so.

3 Afei, Awurade asem baa Yona nkyen ne mprenu so se, **2** “Kɔ Ninewe kuropon no mu, na kɔpae mu ka asem a mede rema wo yi.” **3** Yona yee osetie maa Awurade asem no, na ɔkɔɔ Ninewe. Na Ninewe ye kuropon titiriw a wɔde nnansa na etwa mu nyinaa. **4** Da a edi kan no, Yona hyen kuropon no mu, na ofii ase pae mu kae se, “Aka adaduanan na wɔadan Ninewe abutuw.” **5** Ninewefo gyee Nyankopon dii. Wɔhyee se won nyinaa bedi mmuada, efi ɔkese so kosi aketewa so, na wɔafurafura atweaatam. **6** Bere a Ninewehene tee asem no, ɔsɔre fii n’ahengua so, ɔworɔw n’ahentade, ofuraa atweaatam, na ɔtenaa mfutuma mu. **7** Afei, ɔma wɔbɔɔ dawuru wɔ Ninewe se, “Mmara a wofi ɔhene ne n’atitiriw ho ni: “Obiara, se ɔye onipa anaa aboa, anantwikuw anaa nguankuw, mmfa hwee nka n’ano; onnnidi anaa ɔnnom. **8** Na mmom nnipa ne mmɔa mfa atweaatam nkata won ho. Obiara mfa anibere nsu mfrɛ Onyankopon. Womfi won akwammone so, na wonnyae basabasaye. **9** Hena na onim? Ebia, Onyankopon behu yen mmɔbo, na watwe n’abufuwhyew no a ɔnam so rebesɛe yen no asan.” **10** Na Onyankopon huu senea woyee ne senea wɔsan fii won akwammone ho no, ohuu won mmɔbo, na wanseɛ won senea ɔkae no.

4 Nanso na eyi ye mfomso kese ma Yona, na ne bo fuwii. **2** Ɔbɔɔ Awurade mpae se, “Awurade, bere a na mewɔ fie no, ɛnye sɛe na mekae? Eyi nti na meperee se miguan ako Tarsis no, efise na minim

se, woye ɔdomfo ne mmɔborɔhunu Nyankopɔn a wo bo kye fuw, na wo da boro so. Woye Onyankopɔn a ɔtwɛntwɛn n'anana ase wo bɔne amanɛhunu ho. **3** Afei, Awurade! Gye me nkwa fi me nsem. Eye ma me se mewu sen se metena ase." **4** Na Awurade buae se, "Eye se wo bo fuw wo saa asem yi ho ana?" **5** Na Yona kɔ kuropon no apuei fam baabi kɛtenaa ho. Ɔbɔ pata tenaa ne nwini no mu, twɛn nea ebɛba kuropon no so. **6** Na Awurade Nyankopɔn maa dua bi a ewo nhaban pii nyin ntemntem wo n'atifi na emaa Yona nyaa ahoto, na n'ani gyee dua no ho. **7** Nanso ahemadakyɛ no, Onyankopɔn maa ɔsa bewee dua no maa nhaban no poe. **8** Owia puei no, Onyankopɔn maa apuei mframa bi a mu ye hyew bɔe, na owia hyee Yona apampam ma ɔtɔɔ beraw. Ɔpɛɛ se owu, na ɔkae se, "Eye ma me se miwu sen se metena ase." **9** Onyankopɔn bisaa Yona se, "Eye se wofa abufuw wo dua no ho ana?" Yona buae se, "Yiw, me bo afuw, na se miwu a anka mɛpɛ." **10** Na Awurade kae se, "Dua yi ho asem ahaw wo, nanso woanni ho dwuma biara, na enye wo na woma enyinii. Efifii ntemntem na ewuu ntemntem. **11** Nanso nnipa mpem ɔha ne aduonu wo Ninewe a wonnim won benkum ne won nifa. Na mmoa bebreɛ nso wo ho. Ense se mema Ninewe kuropon yi ho asem haw me ana?"

Mika

1 Awurade de saa nsem yi brɛ Moresetni Mika bere a na Yotam, Ahas ne Hesehia di ade wo Yuda no. Anisoade a ohu faa Samaria ne Yerusalem ho. **2** Monye aso, mo nnipa nyinaa, muntie, asase ne mo a mote so nyinaa. Otumfo Awurade redi adanse atia mo, okasa fi n'asoredan kronkron no mu. **3** Monhwe! Awurade fi n'atenae reba; ɔresian na ɔnam asase sorɔnsorɔmmea so. **4** Mmepɔw nan wo n'ase, aku mu paapae te se ama a aka ogya, te se nsu a ɛresian waa fi koko so. **5** Eyi nyinaa ye Jakob nnebɔne, ne bɔne ahorow a ewɔ Israel fi nti. Jakob nnebɔne ne den? Enye Samaria ana? Na he ne Yuda sorɔnsorɔmmea? Enye Yerusalem ana? **6** "Enti meye Samaria kurow no nnwiriwii siw, baabi a wɔbeyɛ bobe turo. Mehwie n'abo agu obon mu ama ne fapem ho ada ho. **7** Wobebubu n'ahoni nyinaa mu asinasin; wɔde ogya behyew n'asoredan mu ayeyede nyinaa. Mese ne nsesode nyinaa. Esiane se n'akyede a waboa ano no nyinaa, onya fii nguamanfo akatua mu no nti wɔde bema nguamanfo." **8** Eyinom nti mesu atwa agyaadwo; mede adagyaw benantew na merenhye mpaboa. Meworo so se odompo na masu se patu. **9** N'apirakuru no wu aye den; abedu Yuda. Abedu me nkurofo pon ano mpo adu Yerusalem ankasa. **10** Monnka no wo Gat munnsu koraa Mo a mowo Bet-Leafra de, monyantam mfutuma mu. **11** Monsen nko adagyaw ne aniwu mu, mo a mote Safir. Wɔn a wote Saanan ntumi mpue. Bet-Esel wo awerehow mu; efise, wo ho na onya ne bammɔ. **12** Wɔn a wote Marot de ɔyaw nunununu wɔn mu de twen mmoa, efise amanehununu a efi Awurade ho aba abedu Yerusalem pon ano. **13** Mo a mote Lakis, munsiesie nteaseenam no. Mone bɔne farebae ma ɔbabea Sion, na mudii Israel anim kɔɔ bɔne mu. **14** Enti mode ntetewmu akyede bema Moreset-Gat, Aksib kurow bedaadaa Israel ahemfo. **15** Mede nkonimdifo betoa mo; mo a mote Maresa. Nea ɔye Israel onuonyamfo no beba Adulam. **16** Munyi mo tinwi mfa nni awerehow, wo mma a mo ani gye wɔn ho no ho; mommɔ tikwaw te se opete, efise, wɔbefa wɔn a fi mo nkyen ako nnommum mu.

2 Nnome nka wɔn a wɔfa amumaye ho adwene, wɔn a wɔbɔ ɔwɔ bɔne wo wɔn mpa so! Wɔsɔre anɔpa kodi dwuma no, efise wɔwɔ tumi se wɔye. **2** Wɔn ani bere mfuw, na wogyɛ. Na a fi nso wɔfa. Wɔde nyansakorɔn gye nkurofo a fi, na wɔn agyapade nso

wogyɛ. **3** Enti, sɛnea Awurade se ni, "Meredwene amanehununu a etia saa nkurofo yi ho na worentumi nyi wo ho mfi mu. Worentumi nnantew ahantan so bio, efise ebeye bere bɔne. **4** Saa da no, nnipa beserew mo. Wɔde saa awerehow dwom yi bedi mo ho few se: 'wɔasɛ yɛn koraa; wɔakyekye me nkurofo ahode mu. Ogye fi me nsam! Na ɔde yɛn mfuw ma akɔnkɔnsafo.'" **5** Enti morennya obi wo Awurade asafo mu a ɔde ntontobɔ bekye asase no. **6** "Monnhye nkɔm," saa na wɔn nkɔmhyefo no ka. "Monnhye saa nneema yi ho nkɔm; animguase rento yɛn." **7** Mo Yakobfi, so wɔnka se, "Awurade Honhom nni boasetɔ ana? ɔye nneema a ete sɛ ana? "Ne nsem nye nea n'akwan tee no yiye ana? **8** Akyiri no me nkurofo asɔre te se ɔtamfo. Moworɔw ntade pa fi wɔn a wɔretwa mu a emfa mo ho, ma wɔye te se asraafo a wofi akono. **9** Mopam mmea a wɔwɔ me nkurofo mu fi wɔn a fi afɛɛfe mu. Mugye me nhira fi wɔn mma nsam afeɔɔ. **10** Sɔre, fi ha kɔ! Ha nye faako a wɔhome, efise ho agu fi, Wɔasɛ no, na ɛrenye yiye bio. **11** Sɛ ɔtorofo ne ɔdaadaafo ba beka se, 'Mehye nkɔm ama moanya nsa bebreɛ a' ɔbeyɛ odiyifo a saa nkurofo yi pɛ." **12** "Meboaboa mo nyinaa ano Jakob; nokware meka Israel nkae no nyinaa abɔ mu. Meka wɔn abɔ mu te se nguan a wogu nguannan mu, te se nguankuw a wɔwɔ adidibea; nnipa behye beae ho manyamanya. **13** Nea obue ɔkwan no bedi wɔn anim; wobebu apon no na wɔafi ako. Wɔn Hene no besen adi wɔn anim, Awurade beyɛ wɔn ti."

3 Afei mekae se, "Muntie, mo Jakob akannifo, mo a mudi Israelfi so. Eɛ se muhu nea eye atentreneɛ, **2** Mo a mukyi nea eye na mode bɔne moworɔw me nkurofo were na motetew nam no fi wɔn nnompe ho; **3** mowe me nkurofo nam, mowae wɔn were, bubu wɔn nnompe mu nketenkete; mutwitwa wɔn se nam a mode regu kutu mu." **4** Afei wobesu afɛ Awurade, nanso ɔrennye wɔn so. Saa bere no ɔde n'anim besie wɔn, bɔne a wɔaye nti. **5** Nea Awurade se ni: "Adiyifo a wɔdaadaa me nkurofo no de, obi ma wɔn biribi di a wɔpae mu ka asomdwoe nsem, na se wɔamma wɔn biribi anni a, adiyifo no siesie wɔn ho se wobetu wɔn so sa. **6** Enti ade besa mo a morennya adaeso, sum beduru mo a morennya ahintasɛm biara. Owia betɔ ama adiyifo no, na adekyee bedan sum ama wɔn. **7** Adehufo ani bewu na wobegu asamanfrefo anim ase. Wɔn nyinaa bekatakata wɔn anim, efise mmuae biara mfi Onyankopɔn ho mma." **8** Nanso me de, tumi ahyɛ

me ma, Awurade Honhom ahye me ma trennee ne ahooden a mede bepae mu aka Yakob amumaye ne Israel bone. **9** Muntie, mo Yakobfi akannifo, mo a mudi Israel so, a mukyi atentrennee na mokyea nea etee nyinaa; **10** Mo a mode mogyahwiegu kyekyeree Sion ne awurukasem kyekyeree Yerusalem. **11** N'akannifo no gye adanmude ansa na wobu aten, n'asofu gye sika ansa na waakyerekyere, n'adiyifo de nkomhye aye sikape. Nanso wadan Awurade, na woka se, "Awurade nni yen ntam ana? Ohaw biara remma yen so." **12** Na mo nti, wobefuntum Sion te se afuw, Yerusalem beye nnwiriwii siw, na asoredan no pampa beye nkomoa so nkyekyere.

4 Nna a edi akyi no mu no, Awurade asoredan bepaw no betim se mmepaw no nyinaa ti; ebegye din aboro nkoko nyinaa, na nnipa ahorow bebo yuu ako ho. **2** Aman bebre beba abeka se, "Mommra mma yenko Awurade bepaw no so, nko Yakob Nyankopon fi. Obekyerekyere yen n'akwan senea ebeye a yebenantew n'atempaw so." Mmara no befi Sion aba, na Awurade asem afi Yerusalem. **3** Obebu amanaman ntam aten na obesiesie nnipa bebre ntam asem. Wode won afoa bebobo nsaw na wode won mpeaw aye asosaw. Oman bi rentwe oman foforo so afoa, na worennye ahoboa biara mma oko bio. **4** Obiara betena ne bobe anaa ne borodoma nnua ase, na obiara remmehunahuna won, efise, Asafo Awurade akasa. **5** Amanaman no nyinaa betumi anantew won anyame din mu, na yen de, yebenantew Awurade, yen Nyankopon Din mu daa daa. **6** "Saa da no," senea Awurade se ni, "Meboaboa mmubuafo, atukofo ene won a mede awerehow aba won so ano. **7** Mema mmubuafo aye me nkurofo wo asase no so, atukofo no beye oman kese. Awurade bedi won so hene wo Sion bepaw so afi da no akosi daa. **8** Na wo, nguankuw no abantenten, Obabea Sion, abandennen, wode wo tete tumidi no besan abre wo; Obabea Yerusalem nsa besan aka n'ahenni." **9** Aden nti na afei woressu dennen, wunni ohene ana? Wo futufo ayera, na enti oyaw aka wo se obee a owo awoko mu? **10** Bukabukaw wo mu wo yawdi mu, Obabea Sion, te se obee a awo aka no, mprenpren ese se wufi kuropon no mu kotena sare so. Wobeko Babilonia; na ho na wobegye wo. Eho na Awurade begye wo afi w'atamfo nsam. **11** Mprenpren de, aman bebre aka abo mu atia wo. Woka se, "Wongu Sion ho fi, na yemfa yen ani nhwe nol!" **12** Nanso wonnim Awurade adwene. Wante n'agynatu ase. Wonnim se ono na

oboaboa won ano te se afiafi de ko awiporowbea. **13** "Sore, na porow, Obabea Sion, mema wo dade mmem; mema wo kobere tote na wubebubu aman bebre mu nketenketee." Wode won mfaso a wampae no okwan pa so bebre Awurade, wode won ahonyade bebre asase nyinaa so wura.

5 Mommoaboa mo asraafo ano, akofo kuropon, efise atamfo atwa yen ho ahyia. Wode abaa bebo nea odi Israel so no wo n'afono so. **2** "Nanso wo, Betlehem Efrata, ewo mu se woye ketewa wo Yuda mmusua mu de, nanso wo mu na obi befi ama me a obedi Israel so, na n'ase fi teteete." **3** Enti wobeto Israelfo paahwii, kosi se obee a awo aka no no bewo na ne nuanom mmarima nkae besan akoka Israelfo ho. **4** Obesore ahwe ne nguankuw wo Awurade ahooden mu, wo Awurade ne Nyankopon din keseye mu. Na wobetena asomdwoe mu, na afei ne keseye bedu asase awiei. **5** Na obeye won asomdwoe. Se Asiriafo betow ahye yen asase so, na woboo nsra fa yen aban mu a, yede nguanhwefo baason, mpo asahene baawotwe behyia won. **6** Wode afoa bedi Asiria asase so, wobetwe afoa de adi Nimrod asase so. Se Asiriafo tow hye yen so, bo nsra fa yen ahye so a, obegye yen afi won nsam. **7** Yakob asefo nkae no befrafra nnipa bebre mu te se obosu a efi Awurade, te se osu a epete gu sare so a entwem odesani, na odesani biara rentumi nsiw ho kwan. **8** Wobekan Yakob asefo nkae no afra aman no mu, wobefrafra nnipa bebre mu te se gyata a ofra mmoa mu wo kwae mu, te se gyata ba a ofra nguankuw mu a woboo won tetew won mu na obiara ntumi nnye won. **9** Wobema wo nsa so se woadi w'atamfo so nkonim, na wobesee w'atamfo nyinaa. **10** "Saa da no," senea Awurade se ni, "Mesee apunko a wowo na mabubu wo nteaseenam. **11** Mesee nkuropon a ewo w'asase so na madwiriw wo bammoo dennen nyinaa agu. **12** Mesee w'abayisem na wo ntafowayi to betwa. **13** Mesee nsesode a wode wo nsa aye ne abo ahoni a wowo no, na worenkotow nsore wo nsa ano adwuma bio. **14** Metutu Asera abosomnnua no afi wo mu na massee wo nkuropon. **15** Aman a wointie m'asem no nyinaa, mede abufuw ne abufuwhyew beto won so were."

6 Muntie asem a Awurade reka: "Monsore na mommo mo nkuro wo mmepaw no anim; momma nkoko nte nea mowo ka. **2** "Na afei, mmepaw, muntie Awurade sobo; tie, asase nnyinaso a ewo ho daa. Na Awurade

wɔ asem a etia ne nkurofo; ɔrebo Israel sobo. **3** “Me nkurofo, den na maye mo? Mede adeso a bi asoa mo? Mummua me! **4** Miyii mo fii Misraim migyee mo fii nkoasom asase so. Mesomaa Mose bedii mo anim, Aaron ne Miriam nso. **5** Me nkurofo, monkae afotu a Moabhen Balak mae ne mmuae a Beor babarima Balaam mae. Monkae mo kwan a mutu fii Sitim kɔɔ Gilgal, na munhu Awurade akwantrenee.” **6** Den na memfa mmra Awurade anim mmekotow ɔsorosoro Onyankopɔn no? Memfa nantwimma a wadi afe mmebo ɔhyew afɔre wɔ n’anim ana? **7** Awurade ani besɔ adwennini mpempem ne ngodua mu ngo asuten mpem du ana? Memfa m’abakan mmɔ me bɔne ho afɔre, anaa me yafunumma, me kra bɔne nti? **8** Ɔde nea eye akyere wo, Ao onipa. Na den na Awurade hwehwe afi wo hɔ? Ye adetrenee ne mmɔborɔhunu, na wo ne wo Nyankopɔn nnantew ahobrease mu. **9** Muntie! Awurade refre kuropon no, Wo din suro ye nyansahu, “Muntie abaa no ne nea Ɔmaa no tumi no. **10** Mo amumɔyefo, menkɔ so mma me were mfi mo ahonya a monam asisi so aɔ, ne nkontompo susukoraa a ede nnome ba no ana? **11** Minnyae onipa a okura nsania a wɔamia mu, ne asisi nkaribo na ɔmfa ne ho nni ana? **12** Adefo a wɔwɔ mo mu no di akakabensem; mo nkurofo no ye atorofɔ na wɔn tɛkrema ka nnaadaasem. **13** Eno nti, mafi ase resɛe mo, Mo bɔne ahorow nti, meseɛ mo. **14** Mubedidi, nanso moremmee; ɔkɔm beko so ade mo. Mobeboaboa ano, nanso ɛrenkosi hwee, efise mede nea moakora no bema afoa. **15** Mubedua nanso morentwa. Mubekyi ngodua mu ngo, nanso morensra bi, mubetiatia bobe so, nanso morennom nsa a mubenya afi mu no bi. **16** Moadi Omri mmara so. Moaye nea wɔyɛe wɔ Ahab fi. Moasua wɔn nneyɛe no bi, eno nti mɛma ɔsɛe aba mo so. Wɔbeserew mo nkurofo; na amanaman bebu mo animtiaa.”

7 Maye mmɔbo! Mete sɛ otwabere nnuaba tasefo a otwabere akyi mikodi mpeɛpe wɔ bobeturo mu; minnya bobe kasiaw na madi, borɔdɔma aba a edi kan a mekɔn do nso, saa ara. **2** Wɔapra Onyamefɛrefo nyinaa afi asase so. Anka ɔbaako a ɔtee mpo. Nnipa nyinaa tetɛw na wɔhwehwe sɛ wɔbɛka mogya agu; wɔde ɔtan sunsum wɔn ho wɔn ho mfiri. **3** Nsa abien no nyinaa akokwaw bɔneye mu; ɔsodifo bisa akyede, otemmufo gye adanmude, wɔn a tumi wɔ wɔn nsa mu no ye nea wɔɛ, wɔn nyinaa bɔ mu dwene amumɔye ho. **4** Nea oye wɔ wɔn mu no te sɛ ohwirem; nea ɔtee

pa ara no, nsɛeban ye sen no. W’atemmuda no aso, da a Onyankopɔn reba wo nsrahwe. Eyi ne bere a wɔn ani so beye wɔn totototo. **5** Nnye obiara nni; mfa wo were nhye adamfo mu. Mpo, ɔbea a ɔda wo koko mu no to wo tɛkrema nnareka wɔ ne ho. **6** Ɔbabarima twiri n’agya, Ɔbabea sɔre tia ne na, asebea nso tia n’ase onipa atamfo ne n’ankasa ne fifo. **7** Me de, mede anidaso hwe Awurade, Metwen me Nkwagye Nyankopɔn; na me Nyankopɔn betie me. **8** Mma w’ani nnye, me tamfo! Mahwe ase de, nanso mesɔre. Sum aduru me de, nanso Awurade beye me hann. **9** Se maye bɔne atia no nti, Awurade abufuw beba me so, kosi sɛ ɔbɛka m’asem ama me na wada me bembu adi. Ɔde me beba hann no mu; na mehu ne trenee. **10** Afei, m’atamfo behu na wɔn ani bewu, nea osee me sɛ, “Ehe na Awurade wo Nyankopɔn no wɔ?” M’ani behu n’asehwe; mpo mprempren no, wobetiatia no so te sɛ dontori a ɛwɔ mmɔnten so. **11** Da a wɔbeto w’afasu no beba, da a wɔbetrew w’ahye mu. **12** Da no, nnipa beba wo nkyen afi Asiria ne Misraim nkuropon mu, mpo wobefi Misraim akosi Eufate afi po akosi po ne bepɔw so akosi bepɔw so. **13** Asase no beye amamfo, esiane nnipa a wɔtete so ne wɔn nneyɛe nti. **14** Fa wo pema di wo nkurofo anim, nguan a wɔye w’agyapade no, a wɔn nko ara tete kwae mu, wura frɔmfrɔm adidibea ho. Ma wonnidi wɔ Basan ne Gilead sɛ tete nna no mu. **15** “Meyɛ anwonwade akyere wo, sɛnea meyeɛ nna a wufi Misraim bae mu no.” **16** Aman behu wo na wɔn ani bewu, wɔn a tumi nyinaa afi wɔn nsa no. Wɔde wɔn nsa betuatua wɔn ano na wɔn aso besisiw. **17** Wobedi dɛte sɛ awɔ, ne mmɔa a wɔwea wɔ fam. Wɔde ahopopo befi wɔn abon mu aba; wɔde osuro bedan wɔn ho ama Awurade yen Nyankopɔn, na wobesuro wo. **18** Hena na ɔte sɛ wo, Onyankopɔn a wode bɔne kye? Wo a wode agyanom asefo nkae amumɔye kye wɔn. W’abufuw ntena ho daa, na mmom w’ani gye sɛ wobeda mmɔborɔhunu adi. **19** Wubehu yen mmɔbo bio, wobetiatia yen bɔne so, na woatow yen amumɔye agu po bun mu. **20** Wobeye ɔnokwafo ama Yakob na woahu Abraham mmɔbo sɛnea wokaa yen agyanom ntam teteete no.

Nahum

1 Elkosini Nahum anisoadehu nhoma a eye nkómhye a efa Ninewe ho. **2** Awurade ye ninkufo ne awereto Nyankopon, Awurade to were, na abufuw ahye no ma. Awurade to n'atamfo so were, na n'abufuw tena won so. **3** Awurade bo kye fuw, na ne tumi so, na otwe ofadifo aso. Ne kwan wo mfete ne ahum mu, omununkum ye n'anan ase mfutuma. **4** Otetee po na oma eyow; oma nsubonten nyinaa yoyow. Basan ne Karmel twintwam, na Lebanon fromfromye nso kisa. **5** Mmepow wosow biribiri n'anim na nkoko nan. Asase, wiase ne won a wawo mu nyinaa wosow n'anim. **6** Hena na obetumi agyina n'abufuw ano? Hena na obetumi atena n'abufuwhyew mu? N'abufuw hwie te se ogya; abotan yam wo n'anim. **7** Awurade ye, oye ahohia mu guankobea. N'ani wo won a wode won ho to no so no so. **8** Nanso, onam nsuyiri nwonwaso so bema Ninewe aba awiei. Obetaa n'atamfo akodusu kabii mu. **9** Pow biara a wobebó atia Awurade no, obesee no; ohaw biara remma nto so mprenu. **10** Wode nsae bekyekyere won ho, na bere a won nsa abow won no wobehyew won se nwuraguanee a waboa ano. **11** Ninewe, wo mu na nea obó pow bone tia Awurade na otu fo bone no fi. **12** Nea Awurade se ni: “Ewo mu se wawo nnamfonom a wodwoso de, nanso wabesee won ama wayera. Yuda, ewo mu se mama ohaw aba wo so, nanso merenye saa bio. **13** Afei, meububu konnua a eda wo kon mu na matetew nkonsankonsan no mu.” **14** Ninewe, Awurade aka ohye asem a efa wo ho: “Worenya asefo a wo din beda won so. Mesee nsesode a wasen ne ahoni a wagu a esisi w'abosonnan mu no. Mesiesie wo da efise woadan aye atantanne.” **15** Hwe mmepow no so, nea ode asempa no ba no anammón onó na oka asomdwoesem! Yuda di w'afahye na di wo bohye so. Nnipabone rentu wo so sa bio; Wabesee won pasaa.

2 Otamfo reba wo so, Ninewe bo aban no ho ban, wen okwan no, bo wo ho so na boa w'ahooden nyinaa ano! **2** Awurade de Yakob anuonyam besan ama no te se Israel de no, ewo mu se, asefo no ama ada mpan na wasase ne bobé mfuw. **3** Asraafo no nkatabo ye kokoo; akofo no hyehye okoben akotade. Nnade a wode yee nteaseenam no twa yerew yerew se da a woyee no; mpeaw a wapema wo nnua so no rehim. **4** Nteaseenam no twiwa fa mmonten so, na wodi akoneaba. Wote se ogyaten a eredew; wobo

yerede te se anyinam. **5** Ofrefree n'akofo a wodi mu, nanso wohintihintiw wo okwan mu. Wode mmirika ko kuropon no afasu ho; na woye won nkataanim krado. **6** Wobuebue asubonten apon no, na ahemfi no dwiriw gu fam. **7** Wohye mmaraden se wamfa kuropon no nnommum na wamfa won nko. Ne mfenaa de won nsa gu won koko so su te se mmorónoma. **8** Ninewe te se otare a mu nsu resen ko. Wote mu se, “Munnyina ho! Munnyina ho!” Nanso, obiara ansan n'akyi. **9** Momfom dwete no! Momfom sikakoko no! Ahonyade a ewo adekoradan mu nyinaa! Na ahonyade no dwoso. **10** Wabó Ninewe koron, woye no pasaa! Koma botow, na nkotodwe wosowosow, nnipa ho popo na won anim hoa. **11** Mprempren he na gyata buw no wo, faako a woma won mma aduan no, faako a gyatanini ne gyatabere koe na won mma nso ko a wonsuro? **12** Gyata akum nea ebemee ne mma. Wabobo hanam ama gyatabere no. Ode nea wakum ahye ne bon ma na ode hanam ahye n'atu amaama. **13** “Me ne wo nka,” senea Asafo Awurade se ni, “Mehyew wo nteaseenam na adan wusiwa na afoa bekunkum wo gyatamma. Merennyaw wo hanam biara wo asase so. Worente w'asomafo no nne bio.”

3 Nnome nka mogya kuropon a atoro ne koron ahye no ma na amanehunufu mpa mu da! **2** Apónkokafo abaa regyigye, nteaseenam nhankare reye kirididi Apónko rehuruhuruw ne nteaseenam redankyidankyi. **3** Apónko ne won sotefo ko ko won anim; afoa twa yerew yerew, na mpeaw nso pa yerew yerew. Atáfo bebre, awufo a bi deda bi so, afunu a wontumi nkan won dodow a nnipa tiatia so. **4** Eyi nyinaa fi oguamanfo bi akónno, ntafowayifo no nnaadaa dodow no. Ono na ode n'aguamammó tón amanaman na ode ne ntafowayi tón nnipa. **5** “Me ne wo nka,” senea Asafo Awurade se ni, “Mepagyaw w'atade ako soro. Mema amanaman ahu w'adagyaw na ahenni ahorow nso ahu w'animguase. **6** Mede fi besra wo ho, mebu wo animtiaa na mama nnipa ahwe wo. **7** Obiara a obehu wo begun ahi wo ho aka se, ‘Ninewe adwiriw, na hena na obesu no?’ Ehe na menya obi akyekye wo were?” **8** Wuye sen Tebes a eda Asubonten Nil ho a nsu atwa ne ho ahyia ana? Asubonten bo ne ho ban na nsu ye ne fasu. **9** Kus ne Misraim ye ne dom a wontumi nkan won. Put ne Libia ka n'adomfo ho. **10** Nanso wofaa no nnommum twaa no asu. Wotow ne nkokoaa hwehwee fam ma wotetee wo mmonten so. Woboo n'adehye so ntonto, na n'atitiriw nso wode

nkɔnsɔnkɔnsɔn guguu wɔn. **11** Wo nso wobebow Na wubehintaw wo ho de akɔpɛ guankɔbea wɔ atamfo nkyɛn. **12** W'aban nyinaa te sɛ borɔdɔma nnua a asow aba foforo; sɛ wɔwosow a aba no tetew gu ma nea ɔrehwehwe bi adi. **13** Hwɛ w'akofo wɔn nyinaa yɛ mmea! W'asase so apon ano deda hɔ ma w'atamfo; ogya ahyew w'apon no akyi adaban. **14** Sesaw nsu sie ma bere a wɔatua mo ano no. Yere wo bammɔ mul Wɔw dɔte no na siesie ntayaa a wɔato no! **15** Eɛhɔ na ogya bɛhyew wo; afoa betwa wo ahwe fam, wobedi wo nam sɛ mmoadabikuw. Monnɔ sɛ tɛwtɛw, mo ase mfɛe sɛ mmoadabi! **16** Woama w'aguadifo adɔɔso, wɔn dodow asen ɔsoro nsoromma, nanso wɔte sɛ mmoadabi a wɔbɔ asase no kwaterekwa na afei wotu kɔ. **17** W'awɛmfɔ te sɛ mmoadabi. W'adwumayɛfo te sɛ mmoadabi akuw a wɔsensam ban ho awɔw da. Nanso sɛ owia pue a wotu kɔ, na obi nnim faako a wɔkɔ. **18** Asiriahene wo nguanhwɛfo retɔ nko. W'anunyamfo deda hɔ rehome. Wo nkurofo abɔ apete wɔ mmepɔw no so a wonni anoboabofo. **19** Aduru biara rentumi nkum w'apirakuru no; wo kuru no bekum wo. Obiara a ɔte wo nka no bɔ ne nsam wɔ w'asehwe ho, Na hena koraa na w'atirimɔdensem no bi nkaa no da?

Habakuk

1 Eyi ne asem a odiyifo Habakuk nya fii Awurade nkyen wɔ anisoadehu mu. **2** Awurade, enkosi da ben na memfrɛ nsrɛ mmoa, nanso wuntie me? Metee mu frɛ, “Akakabensem!” nanso womma mmegye me. **3** Aden na woma mehwe ntenkyew? Aden nti na wotena bone ho? Ɔsee ne akakabensem da m’anim, basabasaye ne abɛbrɛsɛ atwa me ho ahyia. **4** Enti mmara nye adwuma na atɛntrenee nni baabiara, atirimɔdenfo aka atreneefo ahyɛ, enti wɔkyea atemmu. **5** “Hwe aman no, na wo ho bedwiriw wo! Merebeyɛ biribi wɔ wo bere so, na sɛ wɔka kyere wo a, worennye nni. **6** Merema Babiloniafo asɔre, ɔman a wɔyɛ atirimɔdenfo ne ntɔkwapefo; wobu fa asase nyinaa so, na wɔfa tenabea a ɛnye wɔn de. **7** Wɔn ho yɛ hu na nnipa suro wɔn; wɔyɛ wɔn koko so ade, de pɛ anuonyam ma wɔn ho. **8** Wɔn apɔnkɔ ho yɛ hare sen asebo, na wɔn ho yɛ hu sen pataku a ɔnam anadwo, wɔn apɔnkɔsotefo kɔ wɔn anim mmarima so, wofi akyirikyiri nsase so, na wɔbo hoo sɛ akorɔma a ɔrekɔkyere aboa. **9** Wɔn nyinaa ba sɛ wɔrebeyɛ basabasayɛ. Wɔn dɔm pem kɔ wɔn anim te sɛ nweatam so mframa, na wɔtase nmeduafɔ sɛ nwea. **10** Wodi ahene ho fɛw, wɔka aman sodifo anim, na wɔtwee nkuropon a ɛwɔ bammɔ dennen. Wosisi dɔte mpie nam so kyekyere atamfo. **11** Wɔbo hoo te sɛ mframa kɔ wɔn anim. Afɔdifo a wɔn ahoɔden yɛ wɔn nyame.” **12** Awurade, wunni ho fi tete ana? Me Nyankopɔn, me Kronkronni, wo a wote ase daa. Wo, Awurade, woapaw wɔn sɛ wommu atɛn; wo, me Botantim, woahyɛ wɔn sɛ wontwe aso. **13** W’aniwa yɛ kronkron a wuntumi nhwe nnebɔne; wunnyigyɛ nnebɔne so. Na aden nti na wugyigyɛ nnipa akɔntɔnkyɛ so, na den nti na wayɛ komm wɔ bere a atirimɔdenfo rememene atreneefo? **14** Woama nnipa ayɛ sɛ nsumnam a ɛwɔ po mu, te sɛ abɔde a ɛwɔ po mu a wonni sodifo. **15** Ɔtamfo tirimɔdenfo no de darewa yi wɔn, ogu n’asau de buma wɔn, na afei ɔsepɛw ne ho ma n’ani gye. **16** Ne saa nti ɔbo afɔre ma n’asau na wahyew aduhuam ama no, efise asau yi so na ɔnam nya yiyedi, na odi n’akɔnnɔ aduan. **17** Enti ɔnkɔ so nni n’asau mu nam, na ɔmfa atirimɔden nsee aman ana?

2 Megyina m’ahwee na mawɛn. Mɛbo nsra na mahwe nea ɔbɛka akyerɛ me, ne m’anoyi a mede bɛma nkurobo yi. **2** Afei, Awurade buae sɛ, “Kyerɛw adiyi yi

wo ɔbopon so ma mu nna ho pefee na ama ɔkenkanfo ate ase. **3** Adiyisɛm no retwɛn nkrabea bi; ɛka awiei ho asem na ɛbɛba mu. Ɛwɔ mu sɛ ɛrekyɛ de, nanso twɛn, ɛrenkyɛ, ɛbɛba mu. **4** “Hwe, ɔtamfo no ama ne ho so; n’apɛde ntee, nanso ɔtreneeni fi gyidi mu benya nkwa. **5** Nokware, nsa yi no ma wayɛ ahantan na ɔnni ahoto. Esiane sɛ ɔyɛ adifudepɛ sɛ ɔda na ɔte sɛ owu a hwee mmee no nti ɔfom aman no nyinaa na ɔfa nnipa no nyinaa nnommum. (Sheol h7585) **6** “Nnommumfo yi nyinaa bedi ne ho fɛw aserew no aka sɛ, “Nnome nka nea ɔboaboa akorɔnne ano, na ɔnam apoobo so nya ne ho! Eyi nkɔ so nkosi da ben?” **7** So wɔn a wode wɔn ka no rensɔre mpofirim ana? Wɔbɛsɔre ama wo ho apopo, na wobetwiw afa wo so. **8** Esiane sɛ woafow aman bebreɛ nti, wɔn a wɔaka no bɛfow wo bi. Efise woahwie nnipa mogya agu; woasɛ nsase, nkuropon ne wɔn a wɔtete mu. **9** “Nnome nka nea ɔde akorɔnne kyekyere ne man, a ɔyɛ ne berebuw wɔ sorɔnsorɔmmɛa, sɛnea obeyi ne ho afi ɔsee mu. **10** Woatu nnipa bebreɛ sɛ ho agyina, de agu wankasa fi anim ase, de wo nkwa atwa so. **11** Abo a chye hyɛ afa sɛ mu no betɛ mu, na ebegyigyɛ wɔ mpuran a woahyehyɛ no mu. **12** “Nnome nka nea ɔnam mogyahwiegu so kyekyere kuropon na ɔnam awudi so kyekyere kurow. **13** Asafo Awurade ahyɛ sɛ, nnipa no adwumayɛ beyɛ ogya a wɔhyew. Aman no brɛ gu kwa. **14** Na Awurade anuonyam ho nimdee behyɛ asase nyinaa ma, sɛnea nsu hyɛ po ma no. **15** “Due! Wo a woma wo mfɛfo nsa, Wuhwie ma wɔnom kosi sɛ wɔbɛbow, na afei woahwe wɔn adagyaw. **16** Worennya anuonyam biara, w’ani bewu. Afei adu wo so! Nom na w’adagyaw mu nna ho. Kuruwa a efi Awurade nsa nifa reba wo so, na aniwu bɛkata w’anuonyam so. **17** Awurukasɛm a wode adi Lebanon no bemene wo, ɔsee a wosɛ mmoa nso bɛbo wo hu. Woaka nnipa mogya agu; woasɛ nsase, nkuropon ne nnipa a wɔwɔ mu. **18** “Mfaso ben na munya fi ahoni a nipa ayɛ mu? Anaa nsesode a ekyerɛkyerɛ atoro? Nea ɔyɛ ohoni no de ne ho to ɔno ankasa nsa ano adwuma so; na ɔyɛ anyame a wontumi nkasa. **19** Nnome nka nea ɔka kyere dua sɛ, ‘Nya nkwa!’ Anaa ɔka kyere ɔbo a enni nkwa sɛ, ‘Nyan!’ Ebetumi ama akwankyerɛ? Wode sika kɔkɔw ne dwete adura ho; nanso ɔhome nni mu.” **20** Nanso Awurade wɔ n’asɔrefi kronkron mu. Momma asase nyinaa nye komm wɔ n’anim.

3 Saa mpaɛbo yi, Habakuk too no sɛ dwom: **2** Awurade, mate wo ho nsem nyinaa, Na w’anwonwadwuma

a woaye no, me ho adwiriw me. Ye no foforo wo yen mmere so. Yen mmere yi mu, ma wonhu. W'abufuwhyew mu no, kae wo mmaborohunu. **3** Onyankopon fi Teman bae, Okronkronni a ofi Bepow Paran so, N'anyonyam kata asoro, na n'ayeyi hye asase so ma. **4** Ohyeren se anopawia Hann no nsensanee twa yerew fi ne nsam, Eho na ne tumi ahintaw. **5** Oyaredom di n'anim ko; Na nsanyare di n'akyi pee. **6** Se ogvina a, asase wosow. Se ohwe a, oma aman wosow. Tete mmepow dwiriwii, na nkoko a efi tete no ka kataa so. N'akwan ntwaa mu da. **7** Mihuu Kusanfo ntamadan a atetew ne Midianfo atenae a agyigya. **8** Awurade, wo bo fuw nsubonten no? W'abufuw no tiaa nsuwansuwa no? Wosore tiaa po, bere a wo ne w'aponko ne nkonimdi nteaseenam nam no. **9** Wuyii wo tadua, Woma wode agyan bebre bree wo. Wode nsubonten paapae asase mu. **10** Mmepow huu wo, na wawosowee Osuhweam besen koe. Bun no woroo so, na ehuru baa soro. **11** Owia ne asram gyinagyinaa sorosoro ho, bere a wohuu w'agyan a enenam wim no hann, ne wo peaw a epa yerew yerew no. **12** W'abufuwhyew mu no, wonantew twaa asase so na wode abufuw tiatiaa aman no so. **13** Wobaa se worebegye wo nkurofo, na woagye nea wasra no no nkwa. Wopetew atirimodenfoman no kannifo, wopaa ne ho ntama fi ne ti so kosii ne nan ase. **14** Wode n'ankasa peaw hwirew ne ti mu, bere a n'akofo bo yeredede se worebehwete yen mu. Woppee se wobetore mmaborofo a wakoagua no ase koraa. **15** Wode w'aponko tiatiaa po no mu, ma asu kese no hurui. **16** Metee no, me koma tui, nnyigyei no maa m'ano poo biribiri; sporow hyen me nnompe mu, na me nan wosowee. Nanso meto me bo ase atwen akosi se amanehunu da beba oman a wotow hyee yen so no so. **17** Ewo mu, borodoma nnua no nguu nhwiren, na aba nso nni bobo no so; ewo mu, ngodua no adi huamm na mfuw no mmo aduan. Ewo mu, nguan biara nni buw no mu, na anantwi nso nni ban no mu. **18** Nanso m'ani begye Awurade mu; me ho besepew me wo Onyankopon a oye m'agyenkwa no mu. **19** Otumfo Awurade ye m'ahooden. Oma me nan ye se oforote de, oma me nantew soronsorommea. Womfa mpae yi mma nnwonto kwankyereto no. Na wonto no wo m'asanku no so.

Sefania

1 Awurade asem a ebaa Sefania a ɔye Kusi ba, Gedalia ba, Amaria ba, Heskia ba nkyen ni. Ebaa Yudahene Yosia a ɔye Amon ba no bere so. **2** “Mepra biribiara a fi asase so” nea Awurade se ni, **3** “Mepra nnipa ne mmoo nyinaa; mepra nnomaa a wɔwɔ wim ne mpataa a wɔwɔ po mu nyinaa. Atirimodenfo benya wura a esum ho nko ara, se mesee adesamma a wɔwɔ asase yi so a,” nea Awurade se ni. **4** “Metee me nsa wɔ Yuda ne wɔn a wote Yerusalem nyinaa so; na mesee Baal ho biribiara a aka wɔ ha, na masee abosonsomfo ne akomfo asɔfo no din **5** wɔn a wokotow sɔre wɔn adan atifi, de sɔre abode a ewɔ wim, wɔn a wokotow de Awurade ka ntam na wode Molek nso ka ntam, **6** wɔn nso a wogyae Awurade akyidi na wɔnhwehwe Awurade anaa wommisa n’ase.” **7** Monye komm wɔ Asafo Awurade anim, efise, Awurade da no aben. Awurade asiesie afoɔbode; wadwira wɔn a wato nsa afe wɔn no ho. **8** “Awurade afoɔbo da no, metwe mmapɔmma ne ahenemma ne wɔn a wohyehye ananafo ntade nyinaa aso. **9** Saa da no metwe wɔn a wokwati apongua no nyinaa aso. Wɔn a wode akakabensem ne asisi hyehye wɔn abosomfi amaama no. **10** “Saa da no,” senea Awurade se ni, “Osu befi Mpataa Pon ano, agyaadwotwa befi Atenae Foforo na nnyigyei a ano ye den a fi nkoko no so aba. **11** Muntwa adwo, mo a mote adetɔnbea ho no wobetɔre wɔn a mo ne wɔn di gua ase, dwete aguadifo nyinaa nso wobesee wɔn. **12** Mede akanea bekyin ahwehwe Yerusalem mu na matwe wɔn a wogyaa gyaa wɔn ho aso, wɔn a wote se bobesa puw no, a wodwen se, ‘Awurade renye hwee se eye papa anaa bone no.’ **13** Wɔbefom wɔn ahonyade, na wɔabubu wɔn a fi agu. Wobesisi a fi, nanso wɔrentena mu wobeye bobe mfuw nanso wɔrennom mu nsa.” **14** Awurade da kese no aben, aben na ereba ntem so. Tiel! Osu a wobesu Awurade da no beye yaw, okofa a ɔwɔ ho nso nteemu beye saa ara. **15** Saa da no beye abufuw da, eye ahoyeraw ne ɔyaw da; eye amanehunu ne ɔse da, eye esum ne kusukuukuu da eye omununkum ne kusuuye da, **16** eye ntorobentohyen ne oko nteemu a etia nkuropon a ewɔ bammɔ ne ntɔwtɔw so abantenten da. **17** “Mede awerɛhow beba nnipa no so na wɔbenantew se anifuraefo, efise wɔaye bone atia Awurade. Wobehwie wɔn mogya agu se mfutuma, na wɔn ayamde nso se atantanne. **18** Wɔn dwete anaa sikakokɔɔ rentumi nnye

wɔn nkwa wɔ Awurade abufuw da no.” Ne ninkutwe mu gya no behyew ɔman no nyinaa, na ɔbema asase no so tefo nyinaa nkwa aba awiei mpofirim.

2 Mommoaboa mo ho ano, mommoaboa mo ho ano, mo, animguaseman, **2** ansa na bere a wɔahye no adu, na da no resen te se ntete, ansa na Awurade abufuwhyew no aba mo so, ansa na Awurade abufuw da no aba mo so. **3** Monhwehwe Awurade, ahobreasefo a mowo asase so, mo a moye n’ahyede. Monhwehwe trennee, monhwehwe ahobrease; ebia ɔbekora mo so Awurade abufuw da no. **4** Wobegyaw Gasa na wɔagyaw Askelon se amamfo. Owigiyinae na wɔbema Asdod ada mpa mu na wɔatutu Ekron ase. **5** Munnue, mo a mote mpoano, mo Keretifo; Awurade asem tia mo. Kanaan, Filistifo asase. Metɔre mo ase, na obiara renka. **6** Asase a eda mpoano, faako a Keretifo te beye atenae ama nguanhwefo ne wɔn nguannan. **7** Saa asase no beye Yudafi nkae no de; ehɔ na wobanya mmoo adidibea. Anwummere, wɔbededa wɔ Askelon a fi mu. Na Awurade, wɔn Nyankopɔn behwe wɔn, na ɔde wɔn ahonyade nyinaa besan ama wɔn. **8** “Mate Moab nsopa ne Amonfo atweetwee; wɔn a wɔsopaa me nkurofo na wohunahunaa wɔn wɔ wɔn asase ho. **9** Enti se mete ase yi,” senea Asafo Awurade, Israel Nyankopɔn, se ni, “Ampa ara Moab beye se Sodom, na Amonfo aye se Gomora, faako a nwura ne nkyene amoa wɔ, beye asase a eda mpan afeɔwɔ. Me man nkae befow wɔn afa; me manfo a wobanya wɔn ti adidi mu no befa wɔn asase.” **10** Wɔn ahantan so akatua a wobanya ni, se woyeyaw na wodi Asafo Awurade nkurofo ho few nti. **11** Awurade ho suro beba wɔn so bere a ɔbesee asase no so anyame nyinaa. Mpoano aman nyinaa besɔre no, wɔ wɔn ankasa wɔn asase so. **12** “Mo Etiopiafo nso, m’afaa ano na wobekunkum mo.” **13** Awurade betee ne nsa wɔ atifi aman so na wasee Asiria, na wama Ninewe ada mpan koraa na so awo wosee se nwea pradada so. **14** Nguankuw ne anantwi bededa ho, mmoadoma nyinaa. Sare so patu ne abonsamnoma betena n’adum no so. Wɔn su begyigye afa mfensere mu, nnwiriwii besisiw apon ano akwan, mpuran a wode sida aye no ho bededa ho. **15** Eyi ne kuropon a edi ahurusi na ete asomdwoe mu. Ɔhoahoa ne ho se, “Me ne no, obiara nte se me.” Hwe senea atetew apansam, na aye nkekammoo atenae! Obiara a otwa mu wɔ ho no serew no, him ne nsa fewdi so.

3 Nnome nka nhyesofo kuropon atuawew kuropon a ho agu fi! **2** Onye osetie mma obiara onnye nteeso biara nto mu. Omfa ne ho nto Awurade so. Ontwiw mmen ne Nyankopon. **3** N'akannifo ye gyata a wobobo mu, ne sodifo ye mpataku a wonam anadwo, a wonnya biribiara mma adekyee. **4** Ne nkomhyefo ye ahantan; woye afatwafo. N'asofo gu kronkronbea ho fi. Wonam mmara no so di nsemmone. **5** Awurade a ote ne mu no ye otreeneni; onye mfomso biara. Adekyee biara, oda ne trennee adi, na onni huamm da, nanso amumoyefo de, wonnim aniwu. **6** "Massee amanaman; madwiriw won abandennen agu. Won mmoron so adeda mpan, a obiara ntwia mu ho. Wossee won nkuropon; a obiara renka. **7** Meka kyerere kuropon no se, 'ampa ara wubesuro me na woagye nteeso ato mul' Na afei ne tenabea rensee, na m'asotwe biara nso remma no so. Nanso won ho pereew won se wobeko so aye bone, won nneyee nyinaa mu. **8** Enti twen me," senea Awurade se ni, "na da no mesore adi adanse. Maye m'adwene se meboaboa amanaman ne ahenni ano na mahwie m'abufuw agu won so m'abufuwhyew nyinaa. Me ninkutwe abufuw gya mu no, asase nyinaa behyew. **9** "Afei medwira nnipa no ano, na won nyinaa abo Awurade din na waka abo mu asom no. **10** M'asomfo, me nkurofo a wababohwete no befi nsubonten a ewo Kus noho de won aferebode abre me. **11** Saa da no, wo Yerusalema, worenge w'anim ase wo nneyee bone a woaye atia me ho, efise meyi afe saa kuropon yi mu, won a wodi ahantan mu ahurusi, na worenge ahantan bio wo me bepaw kronkron no so. **12** Nanso megyaw wo wo mu won a wodwo na wobre won ho ase, na wode won ho to Awurade so no. **13** Worenye bone biara; worenka nkontomposem, na won ano renka nnaadaasem wobedidi na wada, na obiara renyi won hu." **14** To dwom, Obabea Sion; tee mu dennen, Israel! Ma w'ani nnye, na di ahurusi wo wo koma nyinaa mu, Obabea Yerusalema! **15** Efise Awurade ayi w'asotwe afe wo so, wama wo tamfo asan n'akyi. Awurade, Israelhene ka wo ho; worensuro ohaw biara bio. **16** Saa da no, wobeka akyere Yerusalema se, "Nsuro, Sion! Mma wo nsa mu ngow. **17** Awurade wo Nyankopon ne wo wo ho, Oye ogyefo ohoodenfo. N'ani begye wo ho ne do mu, orenka w'anim bio, ode nnwonto bedi wo ho anigye." **18** "Meyi won a wodi awerchow wo w'afahyenna ahorow a woahwere; a aye adeso a ne animguase ama wo no ho. **19** Saa bere no me ne won a wohyee wo so nyinaa bedi. Megye mmerewyefo na

meboaboa won a wababohwete no ano. Mekamfo won ahye won anuonyam asase biara a woguwo won anim ase wo so no so. **20** Saa bere no, meboaboa mo ano; saa bere no, mede mo beba fie. Mehye wo anuonyam na makamfo mo wo asase so nnipa nyinaa mu bere a mede mo ahonyade besan ama wo na mode mo ani behu no," senea Awurade se ni.

Hagai

1 Ɔsram a ɛto so asia no da a edi kan wɔ Ɔhene Dario adedi afe a ɛto so abien so no, Awurade nam Odiyifo Hagai so, de asem maa Sealtiel babarima ne Yuda amrado Serubabel ne Ɔsofopanyin Yehosadak babarima Yosua. **2** Asem a Asafo Awurade ka ni: “Nnipa no reka se, ‘Bere no nya nnuu se wosi Awurade fi no.’” **3** Afei, Awurade de saa asem yi faa Odiyifo Hagai so: **4** “Saa bere yi a me fi yi abubu yi na mo de, motete mo afi a wɔduradura mu yi ana?” **5** Asem a, Asafo Awurade ka ni: “Munnwen mo akwan ho yiye. **6** Muduaa bebre, nanso mutwaa kakraa bi. Mudidi, nanso mommee. Monom, nanso osukɔm de mo ara. Mohyɛ ntade, nanso ɛnka mo hyew. Munya akatua, na mode gu sika nƔotoku a wɔatutu mu atokuru mu.” **7** Asem a Asafo Awurade ka ni: “Munnwen mo akwan ho yiye. **8** Afei momforo nkɔ nkoko no atifi, na momfa nnua mmra mmesi me fi no. Na m’ani begye ho, na wɔahyɛ me anuonyam.” Saa na Awurade ka. **9** “Mo ani daa bebre so, nanso ɛyɛ kakraa bi. Na mode baa fie no, mihuw gui. Den ntia?” Efise, “me fi abubu.” Saa na Asafo Awurade ka, “bere a mo ani abere resisi mo afi no. **10** Mo nti na ɔsoro akyere obosu agyina, na asase nso akyere mo nnɔbae. **11** Mahyɛ ɔpɛ se, ensi mo mfuw ne nkoko so; ɔpɛ a ɛbehyew mo atoko ne mo bobɛ ne mo ngodua ne mo nnɔbae, ɛbeyɛ ɔpɛ a ebɛsi mo ne mo anantwi mu, na asɛɛ dwuma biara a mode mo nsa adi.” **12** Na Sealtiel babarima Serubabel, Ɔsofopanyin Yehosadak babarima Yosua ne Onyankopɔn nkurofo nkae no tiee asem a efi Awurade, wɔn Nyankopɔn, ne Odiyifo Hagai a Awurade, wɔn Nyankopɔn, asoma no no. Na nnipa no de osuro maa Awurade. **13** Na Hagai, Awurade somafo no, de saa asem yi a efi Awurade nkyɛn maa nkurofo no: “Meka mo ho.” Saa na Awurade se. **14** Eno nti, Awurade kanyan Sealtiel babarima Serubabel a ɔyɛ Yuda amrado, Ɔsofopanyin Yehosadak babarima Yosua ne Onyankopɔn nkurofo nkae no nyinaa. Wobefii wɔn adwuma a ɛwɔ Asafo Awurade, wɔn Nyankopɔn, fi no ase, **15** wɔ Ɔhene Dario adedi afe a ɛto so abien no, ɔsram a ɛto so asia no da a ɛto so aduonu anan no.

2 Da a ɛto so aduonu baako wɔ ɔsram a ɛto so ason no, Awurade de asem faa Odiyifo Hagai so se: **2** “Ka eyi kyɛ Sealtiel babarima Serubabel a ɔyɛ Yuda amrado ne Ɔsofopanyin Yehosadak babarima Yosua ne Onyankopɔn nkurofo nkae a wɔwɔ asase no so ho

no. Bisa wɔn se, **3** ‘Mo a moaka yi mu hena na ohuu saa ofi yi anuonyam senea na ɛte kan no? Muhu no den nne? Enye mo se ɛnse hwee mprempren ana? **4** Enti Serubabel, nya akokoduru mprempren.’ Saa na Awurade se, ‘Ɔsofopanyin Yehosadak babarima Yosua, nya akokoduru. Mo nnipa a mowɔ asase no so mprempren no, munnya akokoduru. Awurade na ose. Munnya akokoduru na monyɛ adwuma, efise, meka mo ho.’ Saa na Asafo Awurade ka. **5** ‘Eyi ne apam a me ne mo yɛɛ bere a mufii Misraim. Me Honhom ka mo ho. Eno nti munnsuro.’ **6** “Eyi ne asem a Asafo Awurade ka. ‘Ɔrenkyɛ biara, mɛwosow ɔsoro ne asase bio. Mɛwosow po tamaa ne asase kesee nso. **7** Mɛwosow aman nyinaa, na aman nyinaa anidaso beba, na mede anuonyam behyɛ saa ofi yi ma.’ Saa na Asafo Awurade se. **8** ‘Dwetɛ no yɛ me de. Na sikakɔkɔ yɛ me de.’ Sɛɛ na Asafo Awurade se. **9** ‘Saa ofi yi anuonyam bekorɔn asen n’anuonyam a atwa mu no.’ Saa na Asafo Awurade ka. ‘Na mema asomdwoe aba ha.’ Me, Asafo Awurade na makasa.” **10** Ɔhene Dario adedi mfe abien mu, ɔsram a ɛto so akron no da a ɛto so aduonu anan, Awurade kaa saa asem yi kyɛɛ Odiyifo Hagai. **11** “Asem a Asafo Awurade ka ni: ‘Mummisa asɔfo no nea mmara no ka. **12** Se nam kronkron bi hyɛ obi atade mmuano mu, na se ho kɔka brodo anaa abɔmu, nsa anaa ngo anaa aduan foforo bi a, eno nso beyɛ kronkron ana?’” Asɔfo no buae se: “Dabi.” **13** Na Hagai bisae se, “Na se obi nso de ne ho ka funu de gu ne ho fi, na ɔde ne ho twitwiw nneema a wɔabobo din yi bi ho a na wɔagu ho fi ana?” Na asɔfo no buae se, “Yiw.” **14** Afei, Hagai kae se, “Saa ara na nnipa no ne saa ɔman yi te.” Saa na Awurade se. ‘Biribiara a wɔyɛ ne biribiara a wode ba no ho agu fi. **15** “Enti efi nne, munnwen saa ade yi ho yiye. Monkae senea na nneema te, ansa na moreto Awurade asɔredan no fapem no. **16** Bere a modwene se mubenya nnɔbae susukoraa aduonu no, munyaa du pɛ. Bere a mode mo ani buu se mubenya galɔn aduonum afi nsakyibea no, munyaa aduonu pɛ. **17** Memaa ɔyare a ɛsɛɛ nnɔbae, ɛbo ne mparuwbo besɛɛ mo nsa ano nnwuma nyinaa. Nanso moampe se mobesan aba me nkyɛn. Saa na Awurade se. **18** Efi ɔsram a ɛto so akron, da a ɛto so aduonu anan no, munnwen da a wɔtoo Awurade asɔredan fapem no ho yiye. **19** Aba bi aka asan no so ana? Ebɛsi nne, bobɛ, borɔɔma, atoaa ne ngodua asow wɔn aba ana? “Efi saa da yi rekɔ no, mehyira mo.” **20** Awurade asem

baa Hagai nkyen ne mprenu so wo asram no da a eto so aduonu anan: **21** “Ka kyere Serubabel a oye Yuda amrado no se, merebewosow asoro ne asase. **22** Mebutuw ahengua, na masɛɛ ananafo aheman no tumi. Medan won nteaseɛnam ne won a waka no abutuw. Apɔnkɔ akafo no mfoa bebobo won ho won ho ama watoto. **23** “‘Da no’ Asafo Awurade na aka, ‘Mɛfa wo, Sealtiel babarima, me somfo Serubabel, mɛfa wo sɛ nsɔwano kaa, efise mayi wo.’ Me Asafo Awurade, na makasa.”

Sakaria

1 Osram a eto so awotwe wɔ ɔhene Dario adedi afe a eto so abien mu no, Awurade asem baa odiyifo Sakaria a ɔye Berekia babarima na ɔno nso ye Ido babarima nkyen se: **2** “Awurade bo fuw mo tete agyanom. **3** Enti ka kyere nkurofo no se: Sɛɛ na Asafo Awurade se: ‘Monsan mmra me nkyen, na mesan aba mo nkyen,’ nea Asafo Awurade se ni. **4** Monnye se mo tete agyanom, a adiyifo a wodii kan no pae mu ka kyereɛ wɔn se, ‘Sɛɛ na Asafo Awurade se: Monnan mfi mo akwammɔne ne nneyɛɛ bɔne ho,’ nanso wɔantie na wɔanyɛ aso amma no. **5** Mo tete agyanom wɔ he mprenpren? Na adiyifo no, wɔte ase daa ana? **6** Na me nsem a menam m’asomfo adiyifo so kae no, amma mo tete agyanom no so ana? “Afei wonuu wɔn ho na wɔkae se, ‘Asafo Awurade aye yen nea efata yen akwan ne nneyɛɛ, senea ɔye n’adwene se ɔbeyɛ no.’” **7** Na da a eto so aduonu anan wɔ ɔsram a eto so dubaako a wɔfre no Sebat, wɔ ɔhene Dario adedi afe a eto so abien so no, Awurade asem baa odiyifo Sakaria a ɔye Ido babarima Berekia babarima no nkyen. **8** Anadwo no minyaa anisoadehu, mihuu ɔbarima bi a ɔte ɔponko kɔkɔ so wɔ m’anim! Na ogyina ohuamnua bi ntam wɔ obon a mu do mu. Na aponko kɔkɔ, nnodoe ne fitaa wɔ n’akyi. **9** Mibisae se, “Eyinom ase ne den, me wura?” ɔbofo a ɔne me rekasa no buae se, “Mkyere wo dekode a wɔye.” **10** Enti ɔbarima a ogyina ohuamnua ntam no kyereɛ ase se, “Wɔye wɔn a Awurade asoma wɔn se wɔnko wiase afanan nyinaa no.” **11** Na wɔbeka kyereɛ Awurade bofo a ogyina ohuamnua no mu no se, “Yeakyin afa asase no so nyinaa, na yehuu se wiase nyinaa wɔ ahomegye ne asomdwoe.” **12** Afei Awurade bofo no kae se, “Asafo Awurade, enkosi da ben na wubeyi w’ahummɔbo afi Yerusalem ne Yuda nkuro a wo bo afuw wɔn mfirihya aduɔson ni no so?” **13** Enti Awurade kaa akomatɔyamsem ne awerkyekyesem kyereɛ ɔbofo a ɔne me kasae no. **14** Afei ɔbofo a ɔne me rekasa no kae se, “Pae mu ka saa asem yi: Sɛɛ na Asafo Awurade se: ‘Metwe Yerusalem ne Sion ho ninkunu yiye, **15** nanso me bo afuw aman a wɔn aso mu adwo wɔn no. Na anka me bo mfuw wɔn bebree, nanso wɔmaa Israel amanehun no boroo so.’” **16** “Enti nea Awurade se ni: ‘Mesan abehu Yerusalem mmɔbo, na ho na wɔbesan asi me fi. Na wɔbetwe susuhama mu wɔ Yerusalem so,’ nea Asafo Awurade se ni. **17** “Kɔ so

pae mu ka se, sɛɛ na Asafo Awurade se: ‘Nnɛpa bebu so wɔ me nkurow yi so bio, na Awurade bekyekye Sion were bio, na wafa Yerusalem.’” **18** Afei, memaa m’ani so, na mihuu mmen anan! **19** Mibisaa ɔbofo a ɔne me rekasa no se, “Eyinom ye den?” Obuaa me se, “Saa mmen yi na ebɔɔ Yuda, Israel ne Yerusalem petee no.” **20** Na Awurade kyereɛ me adwumfo anan. **21** Mibisae se, “Den na eyinom rebeye?” Obuae se, “Mmen anan no bɔɔ Yuda petee a obiara antumi amma ne ti so, nanso adwumfo yi aba se wɔrebehunahuna wɔn, na watutu aman no mmen a wɔmemaa so tiaa Yudaman na wɔbɔɔ nnipa no petee no.”

2 Afei memaa m’ani so, na mihuu ɔbarima bi a okura susuhama se ogyina m’anim! **2** Mibisaa no se, “Ehe na woreko?” Obuae se, “Merekosusuw Yerusalem, ahu ne tɛw ne ne tenten.” **3** Na ɔbofo a na ɔne me rekasa na kɔe, na ɔbofo foforo behyiaa no **4** na ɔka kyereɛ no se, “Tu mmirika, ka kyere saa aberante no se, ‘Yerusalem beye kuropon a enni afasu esiane nnipa ne mmoa dodow a wɔwɔ mu nti. **5** Na m’ankasa meye ogya fasu, atwa ho ahya,’ senea Awurade se ni, ‘na maye ne mu anuonyam.’” **6** “Mommra! Mommra! Munguan mfi atifi asase no so,” se Awurade se ni, “Na mahwete mo mu ama ɔsoro mframa anan no,” senea Awurade se ni. **7** “Mommra, Sion! Munguan, mo a mote ɔbabea Babilonia!” **8** Efise sɛɛ na Asafo Awurade se, “Onuonyamfo no asoma me akotia aman a wɔafow mo nneema no akyi no, nea ɔde ne nsa beka mo biara no de nsa aka AWURADE aniwa nkesua. **9** Nokware, mema me nsa so de atia wɔn senea ebeye a wɔn nkoa befom wɔn nneema. Na ebema moahu se Asafo Awurade na wasoma me. **10** “Tee mu na ma w’ani nnye, ɔbabea Sion. Efise, mereba, na mene mo betena,” senea Awurade se ni. **11** “Aman bebree beka Awurade ho saa da no na wɔabeye me nkurofo. Me ne mo betena, na mubehu se, Asafo Awurade na wasoma me mo nkyen. **12** Awurade befɔ Yuda se n’agyapade wɔ asase kronkron no so, na ɔbefɔ Yerusalem bio. **13** Monye komm wɔ Awurade anim, adesamma nyinaa, efise wakanyan ne ho wɔ ne tenabea kronkron ho.”

3 Afei ɔkyereɛ me ɔsofopanyin Yosua a ogyina Awurade bofo anim, na Satan gyina ne nifa so rebɛɔ no sobo. **2** Na Awurade ka kyereɛ Satan se, “Awurade nka w’anim, Satan! Awurade a wafa Yerusalem no, nka w’anim. Saa ɔbarima yi nye gyentia a wɔatu afi ogya mu ana?” **3** Na Yosua hye ntadeɛ,

bere a ogyina obafo no anim. 4 Obafon no ka kyereɛ won a wogynagyina n'anim no se, "Munni ne ho ntade fi no." Afei aka kyereɛ Yosua se, "Hwe, mayi wo bone a fi wo so, na mede ntade a eye fe behye wo." 5 Afei mekae se, "Momfa abotiri a ani tew mmo ne ti." Enti wode abotiri a ani tew bono no, na wɔhyee no atade, bere a Awurade bafon no gyina ho. 6 Na Awurade bafon de saa akwankyerɛ yi maa Yosua: 7 "Sɛe na Asafo Awurade se: 'Se wobeye osetie ama me na woaye m'apede a, eno de, wubedi me fi so na woahwe m'abangua so, na mema wo baabi atena wɔ nnipa a wogynagyina ha yi mu. 8 "'Tie, Osɔfopanyin Yosua, wo ne wo nkurofo a wɔtete w'anim yi, moye nnipa a wogynah ho ma nneema a erebesisi: Mede me somfo, Dubaa no beba. 9 Hwe, obo a mede asi Yosua anim! Ani ason na etuatua saa obo baako no ho, na mikurukyerɛw biribi wo so,' senea Asafo Awurade se ni, 'na mede da koro pe bepepa asase yi so bone. 10 "'Saa da no mo mu biara beto nsa afe ne yonko ne no akotena ne ngodua ne borodoma dua ase,' senea Asafo Awurade se ni."

4 Afei obafon a one me kasae no san n'akyi benyan me, senea wonyan obi fi ne nna mu no. 2 Obisaa me se, "Den na wuhu yi?" Mibuae se, "Mihu kaneadua a wode sikakokoo aye a kuruwa si so, na akanea ason a biara wo ne doroben sisi so. 3 Bio, ngonnu abien sisi ho, baako wo kuruwa no nifa so, na baako nso wo ne benkum so." 4 Mibisaa obafon a one me kasae no se, "Eyinom ye den, me wura?" 5 Obuae se, "Wunnim nea eyinom ye ana?" Mekae se, "Dabi, me wura." 6 Enti aka kyereɛ me se, "Eyi ne Awurade asem a odo rekoma Serubabel: 'Enye tumi so, na enye ahooɔen so, na mmom, enam me Honhom so,' senea Asafo Awurade se ni. 7 "Woye den, bepɔw kese ana? Serubabel anim no wobeye asase tamaa. Afei odo abo afɛɛfe no beba abehyia osebo se, 'Onyankopɔn nhyira so! Onyankopɔn nhyira so!'" 8 Na Awurade asem baa me nkyen se: 9 "Serubabel nsa na ato asɔredan yi fapem, ne nsa nso na ebewie. Na mubehu se, Asafo Awurade na wasoma me mo nkyen. 10 "Hena na obu nneema nketenkete mfiaseda animtiaa? Se nnipa hu se Serubabel kura kirebennye susudua no a, won ani begye. "(Saa ani ason yi ye Awurade ani a ehwe wiase mmaa nyinaa.)" 11 Na mibisaa obafon no se, "Saa ngonnu abien no a esisi kaneadua no nifa ne benkum no ye den?" 12 Na mibisaa no bio se, "Ngodua mman

abien a ehwe ngo a ani ye akokosrade fa sikakokoo doroben abien no mu no ye den?" 13 Obuae se, "Enti wunnim nea eyinom ye ana?" Mibuae se, "Dabi, me wura." 14 Nti akae se, "Eyinom ne baanu a wɔasra won ngo se wɔnsom Awurade a odi wiase nyinaa so no."

5 Mehwe bio, na mihu nhoma mmobowee a etetu wo wim wo m'anim! 2 Obisaa me se, "Den na wuhu yi?" Mibuae se, "Mihu nhoma mmobowee a enenam wim a ne tenten ye anammɔn aduasa, na ne trew nso ye anammɔn dunum." 3 Na aka kyereɛ me se, "Eyi ne nnome a ereba asase yi so nyinaa; senea ofa baako kyere no, wobepam okoromfo biara, na ofa baako nso kyere se, obiara a aka ntamhunu no, wobepam no. 4 Asafo Awurade pae mu ka se, 'Meresoma nnome yi na ebhyen okoromfo ne obiara a odo me din ka ntamhunu no fi. Ebeka ofie ho na asɛe ne nnua ne abo.'" 5 Afei obafon a na one me rekasa no baa n'anim beka kyereɛ me se, "Ma w'ani so na hwe eyi, nea ereba yi." 6 Mibisa se "Eye den?" Obuae se, "Eye kenten a wode susuw nneema." Odoaa so se, "nnipa a wɔwo wiase yi mu bone ahye no ma." 7 Afei woyii kenten no so sumpii mmuasoo no, na mu na na obo bi hye! 8 Okae se, "Eyi ye atirimɔdensem," afei aka obo bi hye kenten no mu na odo sumpii mmuasoo no kataa no so. 9 Afei memaa me ti so huu mmea baanu a wɔwo ntaban te se asukonkon de a wode dannan won ho wo wim. Womaa kenten no so koo wim, osoro ne asase ntam. 10 Mibisaa obafon a na one me rekasa no se, "Ehe na wode kenten no reko?" 11 Obuae se, "Wode reko Babilonia asase so akosi fi ama no. Na se, wowie a, wode kenten no beko akosi n'afa."

6 Memaa m'ani so bio, na mihu nteaseenam anan a efi mmepɔw abien ntam reba, mmepɔw no ye kobere mfrafrae. 2 Teaseenam a edi kan no, na apɔnko kokoo na wɔtwe, na apɔnko tuntum nso twe nea eto so abien no. 3 Nea eto so abisa no, na apɔnko fitaa na wɔtwe. Nea eto so anan no, na apɔnko ntokontrama na wɔtwe, na apɔnko no nyinaa ho ye den. 4 Mibisaa obafon a na one me rekasa no se, "Me wura, eyinom ye den?" 5 Obafon no buaa me se, "Eyinom ye ahonhom anan a wofi osoro, na wɔrefi wiase nyinaa Awurade no anim ako. 6 Teaseenam a apɔnko tuntum retwe no reko oman a ewo atifi fam no so. Teaseenam a apɔnko fitaa retwe no reko atɔe fam; na nea apɔnko ntokontrama twe no reko anafo fam." 7 Apɔnko ahooɔenfo no fii adi no, wɔpɛ se woko asase nyinaa

so. Na ɔbofo no kae se, “Monko asase nyinaa so!” Enti wɔkɔɔ asase so mmaa nyinaa. **8** Afei ɔfrɛɛ me se, “Hwɛ, wɔn a wɔreko atifi fam man so no ama me Honhom ahomegye wɔ atifi fam asase no so.” **9** Awurade asem baa me nkyen. Ɔkae se, **10** “Gye sikakɔkɔɔ ne dwetɛ fi wɔn a wɔatwa wɔn asu, Heldai, Tobia ne Yedaia a wofi Babilonia aba no nkyen. Da no ara kɔ Sefania babarima Yosia fi. **11** Gye dwetɛ ne sikakɔkɔɔ na fa ye ahenkyew, hyɛ ɔsofopanyin Yosua a ɔye Yehosadak babarima no ti. **12** Ka kyere no se, sɛɛ na Asafo Awurade se: ‘Ɔbarima a wɔfrɛ no Dubaa no ni, na ɔbɛfɛfɛw a fi hɔ akosi Awurade asɔredan no. **13** Ɔno na obesi Awurade asɔredan no, na wɔbɛhyɛ no anuonyam, na ɔbetena n’ahengua so adi ne hene, na ɔbɛye ɔsofo wɔ n’ahengua so. Afei asomdwoe beba abien no ntam.’ **14** Wɔde ahenkyew no bɛma Heldai, Tobia, Yedaia ne Sefania babarima Hen, na wɔde aye nkae ade wɔ Awurade asɔredan mu. **15** Wɔn a wowɔ akwirikyiri no beba abeboa Awurade asɔredan no si, na mubehu sɛ Asafo Awurade na wasoma me mo nkyen. Sɛ moyɛ osetie ma Awurade mo Nyankopɔn nokware mu a, eyi beba mu.”

7 Ɔhene Dario adedi mfe anan so no, Awurade asem baa Sakaria nkyen ɔsram a ɛto so akron a wɔfrɛ no Kislev no da ɛto so anan no mu. **2** Na Bet-Elfo asoma Sareser ne Regem-Melek ne wɔn mmarima sɛ wɔnkɔsrɛ Awurade. **3** Wɔmfɛ asofo a wɔwɔ Asafo Awurade fi ne adiyifo so mmisa se, “Menkɔ so ntwa adwo, nni mmuada wɔ ɔsram a ɛto so anum no mu, sɛnea mayɛ no mfe bebreɛ a atwa mu no ana?” **4** Afei Asafo Awurade asem baa me nkyen se, **5** “Bisa asase no so nnipa nyinaa ne asofo no se, ‘Mfe aduwɔson a atwam no, sɛ mudii mmuada na mutwaa adwo wɔ asram anum ne ason so no, na eyɛ ampa sɛ me nti na mudi mmuada no ana? **6** Bere a mudidi na monom no, na ɛnye mo ara na moyɛ de gye mo ani ana? **7** Ɛnye saa nsem yi ara na Awurade faa kan adiyifo so paɛɛ mu kae, wɔ bere a Yerusalem ne nkurow a atwa ne ho ahyia no wɔ asomdwoe ne nkɔso no, bere a na nnipa akɔtena Negeb ne atɔɛ fam nkoko no so ana?’” **8** Na Awurade asem baa Sakaria nkyen bio: **9** “Sɛɛ na Asafo Awurade se, ‘Mummu aten a eyɛ nokware na munnya ahummɔbɔ ne ayamhyehye mma mo ho mo ho. **10** Monnhye akunafo, ayisaa, ahɔho ne ahiafo so. Monnnwene bɔne mo koma mu mma mo ho mo ho.’” **11** “Nanso wɔantie; wɔde asoɔden dan wɔn akyi na wosisiw wɔn aso. **12** Wɔyɛɛ wɔn koma den

sɛ ɔtwerebo, na wɔantie mmara anaa nsem a Asafo Awurade nam ne Honhom so de somaa kan adiyifo no. Eno nti, Asafo Awurade bo fuw yiye. **13** “‘Mefrɛɛ no, wɔannye me so, enti wɔfrɛ a merennye wɔn so,’ sɛnea Asafo Awurade se ni. **14** ‘Mede mfɛtɛ bɔɔ wɔn petee aman nyinaa so ma wɔkɔyɛɛ ahɔho wɔ hɔ. Asase a wogyaw no daa mpan a obiara ntwa mu wɔ hɔ. Sɛɛ na wɔyɛ maa asase fɛfɛfɛ no sɛɛ.’”

8 Asafo Awurade asem baa me nkyen bio. **2** Sɛɛ na Asafo Awurade se: “Metwe Sion ho ninkunu pa ara; metwe ne ho ninkunu anibere so.” **3** Nea Awurade se ni, “Mesan ako Sion na makɔtena Yerusalem. Afei wɔbɛfrɛ Yerusalem Nokware Kuropon, na Asafo Awurade bepɔw no, wɔbɛfrɛ no Bepɔw Kronkron.” **4** Nea Asafo Awurade se ni: “Nkwakoraa ne mmerewa betenatena Yerusalem mmɔnten so bio a obiara kura pema, esiane onyin nti. **5** Na mmarimaa ne mmeawa a wɔredi agoru behyɛ kuropon no mmɔnten so ma.” **6** Nea Asafo Awurade se ni: “Nkae no de, ɛbɛye wɔn nwonwa saa bere no, na me nso ɛbɛye me nwonwa ana?” **7** Nea Asafo Awurade se ni: “Megye me nkurofo a fi aman a ɛwɔ apuei ne atɔɛ no so. **8** Mede wɔn besan aba abetena Yerusalem; wɔbɛye me nkurofo, na mayɛ wɔn Nyankopɔn wɔ nokware ne trenɛɛ mu.” **9** Nea Asafo Awurade se ni: “Mo a afei na morete nsem a adiyifo no kae no; adiyifo a na wɔwɔ hɔ bere a wɔtoɔ Asafo Awurade fi fapem no, monhyɛ mo ho den, na moatumi asi asɔredan no. **10** Bere no nnya nsoɛ no, na wontua apaade mma nnipa anaa mmoa. Atamfo nti, na obiara ntumi nkɔ n’adwuma so asomdwoe mu, efisɛ na mede mpaapaemu aba wɔn mu. **11** Nanso afei de, merenye nkae yi sɛnea meyɛɛ kan no,” sɛnea Asafo Awurade se ni. **12** “Aba no benyin yiye, bobɛ besow n’aba, asase no bebo n’aduan na ɔsoro nso beto ne bosu. Mede saa nneɛma yi nyinaa bɛma nkae yi sɛ wɔn agyapade. **13** Mo, Yuda ne Israel, moaye nnome wɔ aman no mu, nanso megye mo na moaye nhyira. Munnsuro, na monhyɛ mo ho den.” **14** Nea Asafo Awurade se ni: “Sɛnea meyɛɛ m’adwene sɛ mede atoyerɛnkyem beba mo so, na mannya ahummɔbɔ bere a mo agyanom fuw me bo no, **15** saa ara na afei mayɛ m’adwene sɛ meye Yerusalem ne Yuda yiye. Munnsuro. **16** Nea ɛsɛ sɛ moyɛ ni: Munni mo ho mo ho nokware. Mummu atɛntrenɛɛ wɔ mo asennii; **17** mommmɔ pɔw bɔne ntia mo ho mo ho, na monnnɔ ntam hunu. Mikyi saa nneɛma yi nyinaa,”

senea Awurade se ni. **18** Asafo Awurade asem baa me nkyen bio. **19** Nea Asafo Awurade se ni: “Asram anan, anum, ason ne du mu mmuadadi no beye anigye ne ahosepewmmere, na ebeye anigye afahye ama Yuda. Enti monno nokware ne asomdwoe.” **20** Nea Asafo Awurade se ni, “Nnipa bebre ne won a wotete nkuropon bebre so beba ara, **21** na nnipa a wofi kuropon baako so beko foforo so akoka se, ‘Momma yenko mprenpren ara nkosre Awurade na yenhwehwe Asafo Awurade. Me de, mereko.’ **22** Na nnipa bebre ne aman akese beba Yerusalem abehwehwe Asafo Awurade no, na wakatow asre no.” **23** Nea Asafo Awurade se ni: “Nna no mu, nnipa du a woka kasa ahorow na wofi aman ahorow so beba abeso Yudan atade mmuano mu, na wobeka se, ‘Wo ne yen nko, efise yeate se Onyankopon ka wo ho.’”

9 Nkomhye: Awurade asem tia Hadrak asase na ebeka Damasko efise, nnipa ne Israel mmusuakuw nyinaa ani wo Awurade so. **2** Na ebeka Hamat a one no bo hye, ebeka Tiro ne Sidon, ewo mu se woye anyansafo. **3** Tiro asi abandennen ama ne ho; waboa dwete ano te se mfutuma, ne sikakokoo ano te se dote a ewo mmonten so. **4** Nanso Awurade begye n’ahode nyinaa na wasee ne tumi a owo wo po so, na wode ogya behyew no dwerebee. **5** Askelon behu na wasuro Gasa de oyaw bebubu ne mu, na Ekron nso saa ara, efise n’anidaso besa. Gasa behwere ne hene na wobegyaw Askelon ofituw. **6** Ananafo betena Asdod, na metwa Filistifo achantan agu. **7** Meyi mogya afi won ano, akyiwade nnuan nso meyi afi won ano. Nkae no beye yen Nyankopon de; wobeye Yuda ntuanofa, na Ekron beye se Yebusifo. **8** Nanso mebo me Fi ho ban wo won a wotetew bo koron ho. Ohyesoni biara ntumi mfa me nkurofo so bio, efise afei merewen. **9** Di ahurusi, Obabea Sion! Tee mu, Obabea Yerusalem! Hwe, wo hene reba wo nkyen. Otee na owo nkwagye, odwo, na ote afurum so, afurum ba so na ote. **10** Megye nteaseenam afi Efraim ne akofo apunko afi Yerusalem, na akodi tadua no wobebubu mu. Obepae mu aka asomdwoe nsem akyerɛ aman no. N’ahenni befi po akoka po; ebefi Asubonten no akopem nsase ano. **11** Na wo de, esiane me ne wo mogya apam no nti, meyi wo nmeduafɔ afi amoa a nsu nni mu mu. **12** Monsan nko m’aban mu, nmeduafɔ a mowɔ anidaso; mprenpren mpo merebo mo nkae se mehye mo anan mu mmoho. **13** Mekom Yuda senea mikuntun me tadua na mede Efraim behye mu. Mekanyan wo mmabarima, Sion,

atia wo Hela mmabarima, na meye wo se okofa afoa. **14** Afei Awurade beda ne ho adi wo won so; n’agyan betwa yerew te se anyinam. Otumfo Awurade behyen torobento no; obobo nsra wo atse fam ahum mu, **15** Asafo Awurade bekata won so. Wode ahwimmo besse na wode adi nkonim. Wobenom na wabobo mu senea wɔanom nsa; wobeye ma te se kuruwa a wode pete afɔremuka ntwea so. **16** Awurade won Nyankopon, begye won saa da no se oguanhwefo gye ne nguan. Wobetwa yerew yerew wo n’asase so, se abohemaa a ebobo ahenkyew ho. **17** Senea won ho betwa na won ho aye fe afa! Aduan bema mmerante anyin ahoden so na nsa foforo bema mmabaa anyin saa ara.

10 Mummisa Awurade ho nsu asusowbere mu; eye Awurade na oye osu ne mu ahum. Oma osu to ma nnipa nyinaa, ne nnobae nso ma obiara. **2** Ahoni no ka mnaadaasem, nkomhyefo nya anisoadehu a eye atoro; wode nkontomposem kyere dae ase, woma awerekyekye kwa. Enti nnipa no nenam te se nguan a wonni ohwefo na wohye won so. **3** “Me bo afuw nguanhwefo no yiye, na metwe ntuanofa no aso. Na Asafo Awurade behwe ne nguankuw a woye Yudafi no, na waye won se anuonyam punko wo asa mu. **4** Twestibo befi Yuda mu, na ntamadan pee befi ne mu, asa mu tadua befi Yuda mu, na sodifo nyinaa nso saa ara. **5** Wobobo mu aye se dammarima a wotiatia mmoron so dontori mu wo oko mu. Esiane se Awurade ka won ho no nti, wobeko na woadi apunkosotefo no so. **6** “Mehye Yudafi den na magye Yosefi no nkwa. Mede won besi won dedaw mu efise me yam hyehye me wo won ho. Wobeye te se nea mempo won mpo, na mene Awurade won Nyankopon, na megye won so. **7** Efraimfo beye se dammarima, won ani begye te se nea wɔanom nsa. Won mma behu na won ani begye; wobedi ahurusi wo won koma mu wo Awurade mu. **8** Meto nsa afre won aboaboa won ano. Ampa ara megye won bio; wobedaso se kan no. **9** Ewo mu, mehwete won mu ako aman so, nanso wobekae me wo akyirikyiri nsase so. Wone won mma betena nkwa mu, na wobesan aba. **10** Mede won befi Misraim aba meboa won ano afi Asiria. Mede won beba Gilead ne Lebanon, na wɔrensen ho. **11** Wobefa ohaw ne abebrese po mu, nanso wobedi po asorokye a ehuru no so. Nil mu nsu nyinaa beyow. Asiria ahomaso nso wobebre no ase na Misraim ahempema betwa mu ako. **12** Mehye won den wo Awurade mu na ne din mu na wobenantew,” senea Awurade se ni.

11 Buebue w’apon, Lebanon, na ogya mmehyew wo sida! **2** Twa adwo, wo ɔpɛpaw, na sida ahwe ase; wɔasɛe nnua a ɛwɔ anuonyam no! Twa adwo Basan adum; wɔabubu kwaeberentuw no mu nnua no! **3** Tie nguanhwɛfo agyaadwo; wɔasɛe wɔn adidibea frɔmfrɔm no! Tie gyata no mmubomu; Yordan ho nkyekyerɛ fɛfɛ no asɛ! **4** Sɛ na Awurade me Nyankopɔn se: “Fa nguankuw a wɔrebekum wɔn no kɔ adidibea. **5** Atɔfo no kunkum nguan no na wɔntwe wɔn aso. Wɔn a wɔtɔn nguan no ka se, ‘Monkamfo Awurade, mayɛ ɔdefol’ Na nguan no ahwɛfo no mpo nnya ahummbɔ mma wɔn. **6** Merenhu asase no so nnipa mmɔbɔ bio,” sɛnea Awurade se ni. “Mede obiara behyɛ ne yɔnko ne hene nsa. Wɔbehɛ asase no so, na merennye obiara mfi wɔn nsam.” **7** Enti mede nguankuw a wɔrekokum wɔn no kɔ adidibea, ne titiriw ne wɔn a wɔayɛ mmɔbɔ no. Afei mefaa pema abien, na mɛfrɛ baako Adɔe na baako nso Nkabom na mede wɔn kɔ adidi. **8** Ɔsram baako mu, mɛpam nguanhwɛfo abiesɛ no. Nguankuw no amɛ me, na wɔmaa me brɛɛ **9** na mekae se, “Merenyɛ mo hwɛfo bio. Wɔn a wɔrewu nwu, na wɔn a wɔreyera nso nyera. Na ma wɔn a aka no nso nkyekyerɛ wɔn ho wɔn ho nwe.” **10** Afei mefaa me pema a mɛfrɛ no Adɔe no bubuu mu de sɛɛ apam a me ne aman no nyinaa ayɛ no. **11** Wɔsɛɛ no da no ara, na wɔn a wɔrehu amane wɔ nguankuw no mu a na wɔrehwɛ me no hui se, eyɛ Awurade asɛm. **12** Na meka kyerɛ wɔn se, “Sɛ ɛbɛyɛ yiye a muntua me ka, na sɛ ɛntɛ saa nso a, momma ɛntɛna ho.” Enti, wɔtuɔa dwɛtɛ mpɔw aduasa maa me. **13** Na Awurade ka kyerɛ me se, “Tow ma ɔnwɛmfo no,” ɛbo a ɛsɔ ani a wɔatwa ama me no. Enti, mefaa dwɛtɛ mpɔw aduasa no, na metow maa ɔnwɛmfo a ɔwɔ Awurade fi mu no. **14** Afei mibuu me pema a ɛto so abien a wɔfrɛ no Nkabom no mu, de sɛɛ onuayɛ a ɛda Yuda ne Israel ntam no. **15** Afei, Awurade ka kyerɛ me se, “Fa oguanhwɛfo kwasea no nneɛma no bio. **16** Na merebɛma oguanhwɛfo bi asɔre asase no so a ɔrenhwehwɛ nea wayera, ɔrenhwehwɛ nguantenmma no akyi kwan, ɔrensa nea wapira yare, ɔremma nea ɔwɔ ahɔɔden aduan, na mmom, ɔbɛwe nguan a wɔadɔ no nam, na watwitwa wɔn tɔtɛ. **17** “Nnome nka oguanhwɛfo a ne so nni mfaso, na oguan gya nguankuw no! Afoa ntwa ne basa, ne n’aniwa nifa. Ne basa no nwu koraa, n’aniwa nifa no mfura koraa!”

12 Nkɔmhyɛ: Eyi ne Awurade asɛm a ɛfa Israel ho. Awurade a ɔtrew ɔsoro mu, nea ɔto asase fapem,

nea ɔyɛ honhom a ɔte onipa mu asɛm ni: **2** “Merebɛyɛ Yerusalem kuruwa a ɛbɛma aman a atwa ne ho ahɔyia no atɔ ntintan. Wɔbɛtow ahɔyɛ Yuda ne Yerusalem so. **3** Saa da no a wiase aman nyinaa aboa wɔn ho ano retia no no, mɛma Yerusalem ayɛ ɔbotantim ama aman no nyinaa. Wɔn a wɔbɛpɛ sɛ wɔpirew no no nyinaa bepirapira wɔn ho. **4** Saa da no, mɛma ɔpɔnkɔ biara abɔ huboa, na mɛma ne sɔtefo nso abɔ dam,” sɛnea Awurade se ni. “Mebue m’ani ahwɛ Yudaɛ, na mɛfurafura aman ahɔrow no apɔnkɔ ani. **5** Na Yuda mmusua bɛka wɔ wɔn koma mu se, ‘Yerusalemfo yɛ ahɔɔdenfo, ɛfisɛ Asafo Awurade yɛ wɔn Nyankopɔn.’ **6** “Saa da no, mɛyɛ Yuda mmusua sɛ ogya asanka a ɛhyɛ nnyina mu, te sɛ ogyatɛn a ɛredɛw wɔ nwura a wɔaboa ano mu. Wɔbehɛyew nnipa a wɔatwa wɔn ho ahɔyia nyinaa wɔ benkum ne nifa, nanso hwɛ renka Yerusalem wɔ faako a ɔwɔ. **7** “Awurade bɛbɔ Yuda atenae ho ban kan, sɛnea Dawidfi ne wɔn a wɔtɛ Yerusalem anuonyam renkyɛn Yudafo anuonyam. **8** Saa da no, Awurade bɛbɔ wɔn a wɔtɛ Yerusalem ho ban, nea ɔyɛ mmerɛw koraa wɔ wɔn mu no bɛyɛ sɛ Dawid. Na Dawid asefo bɛyɛ sɛ Onyankopɔn, te sɛ Awurade Bɔfo a odi wɔn anim. **9** Saa da no, mɛfi ase asɛɛ aman a wɔko tia Yerusalem nyinaa. **10** “Mehwie adom ne nkɔsɔre honhom agu Dawidfi ne wɔn a wɔtɛ Yerusalem so. Wɔbehwɛ me a wɔahwirew me, na wɔatwa adwo ama no te sɛ obi a ɔretwa adwo wɔ ɔba koro ho, na wɔasu yayaayaw te sɛ obi a ɔresu ne ba barima piesie. **11** Saa da no agyaadwɔtwa a ɛwɔ Yerusalem no ano bɛyɛ den te sɛ Hadad-Rimon agyaadwɔtwa wɔ Megido asasetam so. **12** Asase no sofo nyinaa bedi awɛrɛchow, abusua biara ne wɔn yerenom; Dawid abusua ne wɔn yerenom, Natan abusua ne wɔn yerenom, **13** Lewi abusua ne wɔn yerenom, Simeɪ abusua ne wɔn yerenom, **14** ne mmusua a aka no nyinaa ne wɔn yerenom.

13 “Saa da no, wobetu asubura ama Dawidfi ne Yerusalemfo de ahohoro wɔn bɔne ne wɔn ho fi. **2** “Saa da no, meyi ahoni no din afi asase no so, na wɔrenkae wɔn bio,” sɛnea Asafo Awurade se ni. “Meyi adiyifo ne fi honhom afi asase no so. **3** Sɛ obi kɔ so hyɛ nkɔm a agya ne ɛna a wɔwɔo saa nipa no bɛka akyerɛ no se, ‘Ɛsɛ sɛ wuwu, ɛfisɛ, wɔde Awurade din atwa atoro.’ Sɛ ɔhyɛ nkɔm a, ɔno ankasa awofo bɛwɔ no afoa. **4** “Saa da no, odiiyifo biara ani bewu wɔ ne nkɔmhyɛ anisoadehu ho. Ɔrenhyɛ odiiyifo atade a wɔde nwi ayɛ no mfa nnaadaa nnipa. **5** Ɔbɛka se,

'Menye odiyifo. Meye okuafɔ. Na efi me mmerantebere mu, asase yi so na minya m'ano aduan.' 6 Na se obi bisa no se, 'Akuru ben na ewo wo ho yi a?' Obebuase, 'Eye akuru a minyaa wo me nnamfonom fi.'" 7 "Sore, afoa, sore tia me guanhwefo, tia onipa a oben mel!" Senea Asafo Awurade se ni. "Bo oguanhwefo no, na nguan no bebo ahwete, na mema me nsa so atia nguantenmma no. 8 Asase no so nyinaa," senea Awurade se ni, "Wobebo nkyemu abiesa mu abien ahwe fam ma wawuwu; na nkyemu abiesa mu baako beka wo so. 9 Mede nkyemu abiesa mu baako yi befa ogya mu; menan won te senea wonan dwete, na mason won so se sikakoko. Wobebo me din afre me, na megye won so. Meka se, 'Woye me nkurofo,' na wobeka se, 'Awurade ye yen Nyankopon.'"

14 Awurade da bi reba a, wobekye mo asade wo mo mu. 2 Meboaboa aman no nyinaa ano abeko atia Yerusalem; wobeko afa kuropon no, wobewia afi mu nneema, na wato mmea no mmonnaa. Wobefa kuropon no mu nnipa no mu fa ako nnommum mu, nanso nkae no beka kuropon no mu. 3 Afei, Awurade beko akoko atia saa aman no, senea oko, okoda no. 4 Saa da no, ode n'anammɔn besisi Ngo Bepɔw a ewo Yerusalem apuei fam no so, na Ngo Bepɔw no mu bepae abien afi apuei fam akosi atɔe fam na aye obon kese. Ebema bepɔw no fa ako atifi fam, na fa nso ako anafɔ fam. 5 Mubeguan afa me bon no mu, efise ekosi Asel. Mubeguan, senea moyee no bere a asase wosow wo Yudahene Usia bere so no. Afei, Awurade, me Nyankopon, beba a ahotefo nyinaa ka ne ho. 6 Saa da no, hann, awɔw ne sukyeremma remma. 7 Ebeye da sononko a enni awia anaa anadwo, da a Awurade na onim. Onwini bedwo no na hann wo ho. 8 Saa da no, nkwa nsu betee afi Yerusalem, fa beko apuei po mu, na fa ako atɔe po mu, ahohurubere ne awɔwbere mu. 9 Awurade bedi hene wo asase nyinaa so. Saa da no, Awurade beye baako na ne din nso aye baako pe. 10 Asase a efi Geba kosi Rimon a eda Yerusalem anafɔ fam nyinaa beye se Araba. Nanso wobema Yerusalem so; efi Benjamin Pon kosi Ɔpon A Edi Kan de ko Ntwea so Pon, afei efi Hananel Abantenten kosi adehye nsakyiamoa nyinaa, na ebetena ne sibe. 11 Nnipa betena mu, na wɔrensɛe no bio. Yerusalem benya asomdwoe. 12 Eyi ne ɔyaredɔm a Awurade de bebo aman a woko tiaa Yerusalem no. Won honam beporɔw bere a wogyina won anan so, Won aniwa nkesua beporɔw wo won ntokuru mu, na won tekrema

beporɔw wo won anom. 13 Saa da no, Awurade bema nnipa abo huboa, na wobetwa won ho ako. 14 Yuda nso beko wo Yerusalem. Wobefa aman a atwa ahyia ho no nyinaa ahonyade a eye sikakoko, dwete ne adurade bebre. 15 Saa ɔyaredɔm koro yi ara beka apɔnko, mfurumpɔnko, yoma, mfurum ne mmoa a aka a wɔwo atamfo nsra mu nyinaa. 16 Afei won a wobeka wo aman a woko tiaa Yerusalem no nyinaa beko akosom Ɔhene no, Asafo Awurade no afe biara, na woadi Asese Afahye no. 17 Se wiase mu nnipa bi anko Yerusalem ankosom Ɔhene no, Asafo Awurade no a, osu rento mma won. 18 Se Misraimfo anko ho ankohye fa no bi a, osu rento mma won. Awurade de ɔyaredɔm a ɔma eba aman a wɔnnko Asese Afahye no so no bebo won. 19 Eyi beye asotwe ama Misraim ne aman a wɔnnko Asese Afahye no nyinaa. 20 Saa da no, wobekurukyerew asem a eka se: KRONKRON MA Awurade wo nnɔnnomma a esensen apɔnko kon mu ho, na nkuku a wode noa aduan wo Awurade fi no beye se nkuruwa kronkron a esisi aforemuka anim. 21 Kuku biara a ewo Yerusalem ne Yuda beye nea watew ho ama Asafo Awurade, na won a woba bebo afore nyinaa befa nkuku yi bi anoa mu. Na saa da no, wɔrenhu Kanaanni wo Asafo Awurade fi bio.

Malaki

1 Nkomhye nsem a Awurade nam Odiyifo Malaki so de maa Israel. **2** “Mado mo,” senea Awurade se ni. “Nanso mubisa se, ‘Wodoo yen wo okwan ben so?’” Na Awurade bua se, “Esau nye Yakob nua ana? Nanso mado Yakob, **3** na matan Esau, maye n’asase mmepowmmepow no kesee, na n’agyapade nso magyaw ama nweatam so nnompo.” **4** Ebia Edom beka se, “Ewo mu se woadwerew yen de, nanso yebesani asi mmubui no.” Nanso see na Asafo Awurade nso se: “Wobesi nanso mebubu no. Wobefre won Amumoye Asase, nnipa a Awurade abufuw betena won so daa. **5** Mode mo ankasa ani behu na moaka se, ‘Awurade keseye tra Israel ahye nyinaa!’” **6** “Obabarima de obu ma n’agya, na osomfo de nidi ma ne wura. Se meye Agya a, nidi a ese se wode ma me no wo he? Se meye Owura a, obu a efata me no wo he?” Eyi na Asafo Awurade bisa. “Mo asofo, mo na mossee me din. “Na mubisa se, ‘Okwan ben na yenam so assee wo din?’” **7** “Mode aduan a ho agu fi begu m’aforemuka so. “Afei mubisa se ‘Okwan ben so na yefa agu wo ho fi?’” “Se mokae se, Awurade pon ho ye aniwu nti. **8** Se mode mmoo a won ani abo bo afore a, enye mmusu? Se mode mmoo a wayare anaa waye mpakye bo afore a, enye mmusu? Eye a, momfa akyede a ete saa no nkoma mo amrado, na monhwe se, n’ani besa na waye wo ato mu ana?” Nea Asafo Awurade se ni. **9** “Afei monsre Onyankopon, na onhu yen mmobo. Se aforebode see fi mo nkyen a obegye mo ato mu ana?” Asafo Awurade na orebisa. **10** “Anka mepe se mo mu baako kototo asore dan no apon mu, na obi ankaso ogya a emfata wo m’aforemuka so! M’ani nso mo na merennye aforebode biara a efi mo nkyen,” senea Asafo Awurade se ni. **11** “Efi nea owia pue kosi nea owia koto, me din beye kese wo amanaman no mu. Baabiara, wode aforebode a eho tew ne nnuhuam bebre me, efise, me din beye kese wo amanaman no mu,” senea Asafo Awurade se ni. **12** “Nanso mode kasa fi ka se Awurade pon ho ntew. Na mubu so aduan nso animtiaa. **13** Na moka se, ‘Adesoa durudurul’ Na muhua no animtiaabu kwan so,” senea Asafo Awurade se ni. “Se mode mmoo a wopirapira, waye mpakye anaa wayareyare bebo afore ma me a, minso mu ana?” Eyi na Awurade bisa. **14** “Nnome nka osisifo a owo odwennini a ofata wo ne nguankuw mu, na ohye bo se ode no bema nanso ode nea wadi dem na ebo afore ma

Awurade. Meye ohempom, na ese se wosuro me din wo amanaman mu,” senea Asafo Awurade se ni.

2 Afei mo asofo, saa animka yi ye mo de. **2** Se moantie, se moanye mo adwene se mobehye me anuonyam a mede nnome beba mo so, na medan mo nhyira ama aye nnome. Yiw, madome won dedaw, efise monyee mo adwene se mobehye me anuonyam, senea Asafo Awurade se ni. **3** Mo nti meka mo asefo anim, na mede mo afahye aforebo mmoo no agyanan bepete mo anim, na wasoa mo aka ho ako. **4** Na mubehu se, masoma ma wode saa animka yi abre mo senea ebeye a me ne Lewi apam no beko so atena ho. Senea Asafo Awurade se ni. **5** Me ne no yee apam, nkwa ne asomdwoe apam. Na ehia ma nidi, enti ode nidi maa me na ode fere maa me din. **6** Nokware nkyerekyere fii n’anom, na wanka nkontomposem biara. One me nantew asomdwoe ne nokwaredi mu, na omaa bebre dan won ho fii bone ho. **7** “Ese se, asofo ano kora nimdee. Nnipa hwehwe nkyerekyere fi ne nkyen, efise oye Asafo Awurade no somafo. **8** Nanso moaman a fi okwan no so, na mo nkyerekyere ama bebre ahintihintiw; moabu me ne Lewi apam no so.” Senea Asafo Awurade se ni. **9** “Enti mama mo anim agu ase na mabre mo ase wo nnipa anim, efise moannantew m’akwan so na mmom mode animhwe abu mmara so.” **10** Yen nyinaa mfi Agya baako? Enye Onyankopon baako na oboo yen? Na, afei, aden nti na yenni yen ho yen ho nokware, na yede bu yen agyanom apam no so? **11** Yuda anni nokware. Akyiwadeye bi asi wo Israel ne Yerusalem mu: Yuda agu hyiadan a Awurade do no ho fi, efise waware obee a osom ananafo nyame. **12** Obarima a oye eyi de, senea ote biara, Awurade mpam no mfi Yakob ntamadan mu, mpo se ode aforebode bre Asafo Awurade no koraa a. **13** Ade a moye bio ne se: mode nusu fow Awurade aforemuka no. Mote nusu na mutwa adwo efise onhwe mo aforebode no bio, na ommfa anigye nnye mfi mo nkyen. **14** Mubisa se, “Aden nti?” Efise Awurade te se odanseni a oda wo ne wo mmerantebere mu yere ntam, nanso woanni no nokware, ewo mu se oye wo yere wo aware nhyehyee mu de. **15** Enye Awurade koro no ara na oboo mo? Ohonam fam ne honhom fam no, moye ne dea. Den na Onyankopon hwehwe? Orehwehwe mma a onyamesuro wo won mu. Enti da wo ho so wo honhom mu, na di wo mmerantebere mu yere nokware. **16** “Mikiy awaregyae!” Senea Awurade Israel Nyankopon se ni. “Na metan obarima a ode abufuwhyew hye ne yere so na osan de ne ntama


kata no so,” senea Asafo Awurade se ni. Enti da wo ho so wo honhom mu, na di nokware. 17 Mode mo nsem tuatua Awurade aso. Mubisa se, “Okwan ben so na moatuatua n’aso?” Moka se, “Won a waye bone nyinaa sen wo Awurade anim, na woso n’ani,” anaa “Onyankopon temmufo nokwafo no wo he?”

3 Hwe! Mesoma me bofo a obesiesie kwan ama me. Afei mpofirim, Awurade a morehwehwe no no beba n’asoredan mu. Na apam no ho bofo a mope no no beba, senea Asafo Awurade se ni. 2 Na hena na obetumi agyina ne da a obeba no ano? Se opue a, hena na obetumi agyina? Obeye se ogya a wode nan dade anaa ntamahorofo samina. 3 Obetena ase se obi a ohoa dwete ho. Obetew Lewifo no ho na woye se sikakoko ne dwete. Afei Awurade benya mmarima a wode ayeyede beba wo kronkronye mu, 4 na afrebode a efi Yuda ne Yerusalem beye nea eso Awurade ani senea na ete wo nna ne mfe a atwa mu no. 5 “Enti metwiw aben mo, abebu aten. Meye ntem adi adanse atia ntafowayifo, aguamammo ne atorofu, won a wosisi adwumayefo wo won akatua ho, won a woye akunafo ne ayisaa so na wobu ntenkyew tia ahoho na wonsuro me,” senea Asafo Awurade se ni. 6 “Meye Awurade a mennsakra. Eno nti na mo Jakob asefo, wonsee mo no. 7 Efi mo nenanom bere so moatwe mo ho afi me mmara ho, moanni so. Monsan mmra me nkyen, na me nso meba mo nkyen,” senea Asafo Awurade se ni. “Nanso mubisa se, ‘Okwan ben so na yemfa nsan mmra?’ 8 “Onipa betumi abo Onyankopon koron ana? Nanso, mobo me koron! Na mubebisa se, ‘okwan ben so na yefa bo wo koron?’ “Wo ntotoso du du ne afrebode mu. 9 Nnome aba mo so, oman mu no nyinaa, efise, morebo me koron. 10 Momfa ntotoso du du no nyinaa mmra adekoradan no mu, na aduan mmra me fi. Monso me nhwe wo saa okwan yi so, na monhwe se meremmue osoro mfensere na merenhwie nhira bebre ngu mo so a, morennya baabi nkora ne nyinaa mpo,” senea Asafo Awurade se ni. 11 “Meremma mmoa mmesee mo nnobae na borodoma aba rentew ngu wo bere a emmeree e,” senea Asafo Awurade se ni. 12 “Na aman no nyinaa beka se wahyira mo, efise mo asase so beye anigye,” senea Asafo Awurade se ni. 13 “Moaka nsem a emfata atia me, nanso mubisa se, ‘Asem ben na yeaka atia wo?’ Senea Asafo Awurade se ni. 14 “Moaka se, ‘Onyankopon som ye obregu, na yedii n’ahyede so na yekoo Asafo Awurade anim te se won a

woredi awerhow no, mfaso ben na yenyae? 15 Afei, wofre ohantanni no nea wahyira no. Nokware ni, nneboneyefo di yiye, na mpo won a wone Onyankopon di asi no, wofa won ho di.” 16 Na won a wosuro Awurade no ne won ho won ho kasae, na Awurade tiei, na ogyee won so. Won a wosuro Awurade na wodi ne din ni no, wokerew won din wo nhoma mmobowee so wo n’anim de yee nkae ade. 17 “Wobeye me dea,” senea, Asafo Awurade se ni. Da a mekeka me ho no, wobeye m’ahode a esom bo. Mede won ho bekye won, senea agya nya ayamhyehye de oja a oye osetie ho kye no no. 18 Na mubehu nsonoe a eda atreneefo ne amumayefo ntam, ne won a wosom Onyankopon ne won a wonsom Onyankopon no ntam.

4 “Ampa ara, da no reba; ebew te se fononoo. Ahomasofo ne nneboneyefo nyinaa beye nwura gunnwan, na saa da a ereba no wode ogya beto mu,” senea Asafo Awurade se ni. “Erenka ntin anaa dubaa mma won. 2 Nanso mo a mode nidi ma me din no, trennee owia bepue ama mo, na ede ayaresa beba. Na mubepue na moahuruhuruw te se nantwimma a wabue won afi won buw mu. 3 Na mubetiatia atirimodenfo so; wobeye nsō wo mo anan ase, da a meye saa nneema yi,” senea Asafo Awurade se ni. 4 “Monkae m’akoa Mose mmara, ahyede ne mmara a mede maa no wo Horeb so se omfa mma Israelfo nyinaa. 5 “Mesoma Odiyifo Elia aba mo nkyen, ansa na Awurade da kese a eye hu no aba. 6 Obedan agyanom koma ako won mma so na wadan mma nso koma ako agyanom so, anye saa a mede nnome beba abesee asase no.”

NEW TESTAMENT



Yesu kae se, “Agya, fa kye wɔn, efise wɔnnim nea wɔreye.”

Asraafo no kyekyee ne ntade mu baɔ so ntonto fae.

Luka 23:34

Mateo

1 Yesu Kristo a ofi Ɖhene Dawid ne Abraham abusua mu no mpanyimfo din na edidi so yi: **2** Abraham ba ne Isak, Isak ba ne Yakob; Yakob nso mma ne Yuda ne ne nuanom. **3** Yuda mma ne Peres ne Sera. Wɔn na ne Tamar. Peres ba ne Hesron na Hesron nso ba ne Ram. **4** Ram woo Aminadab, Aminadab woo Nahson, Nahson nso woo Salmon. **5** Salmon ne ne yere Rahab woo Boas, Boas ne ne yere Rut woo Obed, Obed nso woo Yisai. **6** Yisai ba ne Ɖhene Dawid. Dawid ba ne Salomo. Dawid ne Batseba a na anka ɔye Uria yere no na wɔwoo Salomo. **7** Salomo woo Rehoboam, Rehoboam woo Abia, Abia woo Asa. **8** Asa woo Yehosafat, Yehosafat woo Yoram, Yoram nso woo Usia. **9** Usia ba ne Yotam, Yotam ba ne Ahas: Ahas ba ne Hiskia. **10** Hiskia ba ne Manase, Manase ba ne Amon, Amon nso ba ne Yosia. **11** Yosia woo Yekonia ne ne nuanom. Wɔwoo wɔn bere a na Yudafo te nnommum mu wɔ Babilon no. **12** Wɔn a wofi Babilon nnommum mu bae no akyi awo ntoatoaso ni: Yekonia woo Sealtiel, Sealtiel woo Serubabel. **13** Serubabel woo Abihud, Abihud woo Eliakim, Eliakim nso woo Asor. **14** Asor ba ne Sadok, Sadok ba ne Akim, Akim ba ne Elihud. **15** Elihud ba ne Eleasar, Eleasar ba ne Matan. Matan nso ba ne Yakob, **16** Yakob woo Yosef a ɔwaree Maria no. Saa Maria yi na ɔwoo Yesu Kristo. **17** Awo ntoatoaso a efi Abraham so de besi Ɖhene Dawid so ye dunan. Efi Ɖhene Dawid so de besi bere a wɔfaa oman no nnommum kɔ Babilon no nso awo ntoatoaso ye dunan saa ara. Saa ara nso na efi bere a wotu fii Babilon san baa wɔn man mu bio no de besi Kristo awo so nso ye awo ntoatoaso dunan. **18** Senea Yesu Kristo awo ho nsem te ni: Wɔde ne na Maria maa Yosef se ɔnware no, nanso ansa na wobehyia mu se awarefo no, ohuu se wanyinsɛn; nea efi Honhom Kronkron. **19** Ebaa saa no, ne kunu Yosef a odi ne ho ni no ampe se obegu Maria anim ase nti ɔyɛɛ n'adwene se obegyaa no aware wɔ kokoa mu. **20** Bere a asem no aye Yosef dadwen no, Awurade bɔfo beyii ne ho adi kyereɛ no wɔ dae mu. Ɖbɔfo no kae se, "Yosef, Dawid ba, nsuro se wobefa Maria se wo yere efise ne nyinsɛn no fi Honhom Kronkron. **21** Ɖbewo ɔbarima na woato no din Yesu, ase ne Agyenkwa, efise ɔno na obegye ne nkurɔfo nkwa a fi wɔn bɔne mu." **22** Eyi nyinaa baa mu de hyɛɛ nea Awurade nam odiyifo no so kae no ma se: **23** "Ɖbabun no benyinsɛn, na wawo ɔbabarima, na woato no din Immanuel!" a se

ne se, "Onyankopɔn ne yen wɔ ho." **24** Bere a Yosef nyan no, ɔyɛɛ senea ɔbɔfo no hyɛɛ no se ɔnye no. Enti ɔkɔfaa Maria baa ne fi ma ɔbeyɛɛ ne yere. **25** Nanso Yosef ne Maria anhyia da kosii se Maria woo ɔbabarima maa Yosef too ne din "Yesu."

2 Bere a Ɖhene Herode di ade no na wɔwoo Yesu wɔ Betlehem a ɛwɔ Yudea. **2** Saa bere no ara mu na anyansafo bi fi apuei baa Yerusalem bebisae se, "Ehe na Yudafo hene a wɔawo no no wɔ? Yehuu ne nsoromma wɔ apuei noho, nti na yeaba se yerebesom no." **3** Ɖhene Herode tee saa asem yi no, ehaw ɔne Yerusalemfo nyinaa adwene yiye. **4** Ɖhene Herode frɛɛ oman no mu asɔfo mpanyin ne Kyerɛwsem no akyerekyerɛfo behyiae. Obisaa wɔn se, "Ehefa na wobewo Kristo no?" **5** Wobuaa no se, "Betlehem a ɛwɔ Yudea. Na eyi ne nea odiyifo no kae: **6** "Ao kurow Betlehem, wo a woye otitiriw wɔ Yudaman mu, wo mu na meyi nea obedi me man Israel anim ahwe wɔn so." **7** Ɖhene Herode frɛɛ anyansafo no kokoa mu bisaa wɔn bere pɔtee a wohuu nsoromma no. Ɖtoaa so ka kyereɛ wɔn se, **8** "Monkɔ Betlehem nkɔhwehwe abofra no. Se muhu no a, mommekɔ nkyere me, na me nso menkɔsom no bi." **9** Anyansafo no tiee ɔhene no asem no wiei no, wɔkɔɛ. Wɔreko no, nsoromma a wohuu wɔ apuei no san yii ne ho adi bio kyereɛ wɔn. Edii wɔn anim kosii faako a wɔawo abofra no wɔ Betlehem ho. **10** Bere a wohuu nsoromma no, wɔn ani gyee mmoroso. **11** Woduu ofi a abofra no ne ne na Maria wɔ mu no, wɔkotow sɔree no. Wɔde wɔn akyɛde a eye sikakɔkɔ, aduhuam ne kurobow yɛɛ no aye. **12** Onyankopɔn soo wɔn dae bɔɔ wɔn kɔkɔ se wɔnnsan nkɔ Herode nkyɛn bio wɔ Yerusalem. Enti wɔfaa ɔkwan foforo so kɔ wɔn kurom. **13** Anyansafo no kɔ akyi no, Awurade bɔfo soo Yosef dae se, "Sɔre fa abofra no ne ne na na monkɔ Misraim nkɔtena ho nkosi se mekyere mo bere a mobesan aba. Efise Ɖhene Herode rehwehwe abofra no akum no." **14** Anadwo no ara Yosef faa abofra no ne Maria sii mu kɔ Misraim, **15** ma wɔtenaa ho kosii se Ɖhene Herode wui. Eyi na emaa nea Awurade nam odiyifo no so kae se, "Mafre me Ba a fi Misraim" no baa mu. **16** Herode huu se anyansafo no adaadaa no no, ne bo fuw mmoroso. Ɖsoma n'asraafo se wɔnkɔ Betlehem ne nkurow a atwa ho ahyia no nyinaa mu nkokunkum nkokoaa mmarimaa kosi wɔn a wɔadi mfe abien so, senea anyansafo no bere a wɔkɔɛ se wɔwoo abofra no wɔ mu no kyere no. **17** Nea wɔnam odiyifo Yeremia so kae

no baa mu se, **18** “Wote nne bi wɔ Rama. Eɛe osu ne agyaadwo; Rahel resu ne mma; na ɔmpɛ sɛ wɔkyekye ne were, efise wɔnte ase bio.” **19** Herode wu akyi no, Awurade bɔfo yii ne ho adi kyereɛ Yosef wɔ dae mu wɔ Misraim ka kyereɛ no se, **20** “Sɔre na fa abofra no ne ne na kɔ Israel asase so, efise wɔn a wɔpɛe sɛ wokum abofra no awuwu.” **21** Yosef faa abofra no ne ne na san kɔ Israel asase so bio. **22** Yosef tee sɛ Arkelao a ɔye Herode ba na odi hene wɔ Yudea saa bere no mu no, osuroo sɛ ɔbekɔ hɔ. Awurade san soo no dae foforo bio sɛ ɔnnkɔ Yudea, na mmom, ɔnkɔ Galilea. **23** Enti wokɔtenaa kurow Nasaret mu. Eyi nso maa nea adiyifo no kae se, “Wɔbefre no Nasareni” no baa mu.

3 Bere a Yesu ne n’awofo wɔ Nasaret no, Osuboni Yohane bekaa asem wɔ Yudea sare so se, **2** “Monsakra mo adwene; momfa mo ho mma Onyankopɔn na ɔsoro ahenni no aben” **3** Yohane ne nea odiyifo Yesaia kaa ne ho asem se, “Obi nne retee mu wɔ sare so se, ‘Momma kwan mma Awurade; momma n’atempɔn nte!’” **4** Saa bere no na Yohane fura yoma ho nwi ntama bɔ aboa nhoma abɔso. Na n’aduan ye mmoadabi ne ewo. **5** Yerusalemfo ne Yudeafo ne nnipa a wote Asubɔnten Yordan ho no nyinaa kɔ ne nkyen wɔ sare no so hɔ kotiee asem no bi. **6** Wɔkaa wɔn bɔne ma ɔbɔ wɔn asu wɔ Asubɔnten Yordan mu. **7** Yohane huu sɛ Farisifo ne Sadukifo pii reba ne nkyen ma wabɔ wɔn asu no, ɔka kyereɛ wɔn se, “Awo mma! Hena na ɔka kyereɛ mo se munguan mfi Onyankopɔn abufuw a ereba no ano?” **8** Monkɔbɔ ɔbra pa mfa nkyere sɛ moasakra ampa. **9** Na monnhoahoa mo ho se moye Abraham asefo, efise Onyankopɔn betumi ama saa abo yi adan nnipa ma wɔabeye Abraham asefo. **10** Onyankopɔn de n’abonnua ato dua biara a ensow aba pa ntin so sɛ ɔde betwa na ɔde agu gya mu ahyew no. **11** “Me de, mede nsu na erebɔ wɔn a wɔasakra wɔn su no asu. Nanso nea odi m’akyi reba no de, ɔso sen me a ne mpaboa mpo mense sɛ mikura. Ɔno de, se ɔba a, ɔde Honhom Kronkron ne ogya na ebebo mo asu. **12** Obeluhuw aburaw no so ayiyi mu aba pa no afi ntete no mu, na ɔde aba pa no akosie, na ɔde ogya a ennum da ahyew ntete no pasaa.” **13** Yesu tee Osuboni Yohane nka no, ofii Galilea baa Asubɔnten Yordan ho sɛ Yohane mmɔ no asu. **14** Yohane huu sɛ ɔmfata sɛ ɔbɔ Yesu asu nti ɔkae se, “Wo na eɛe sɛ wobɔ me asu na enye me.” **15** Yesu nso ka kyereɛ no se, “Otwa ara na etwa sɛ wobɔ me asu senea ebeye a nea Onyankopɔn ahye ato hɔ

no beba mu.” Yesu asem a ɔkae no nti, Yohane bɔɔ no asu. **16** Wɔbɔɔ Yesu asu wiei no, ofii asu no mu, na hwe, ɔsoro buiei. Ohuu Onyankopɔn Honhom sɛ eresian ba ne so sɛ aborɔnoma. **17** Eho ara, nne bi fi ɔsoro kae se, “Oyi ne me Doba a ɔso m’ani.”

4 Eyi akyi no, Honhom Kronkron faa Yesu kɔɔ sare so sɛ ɔbonsam nkɔɔ no nhwe. **2** Saa bere no mu, Yesu dii mmuada adaduanan; awia ne anadwo. Eyi maa ɔkɔm dee no. **3** Ɔbonsam baa Yesu nkyen beka kyereɛ no se, “Sɛ wone Onyankopɔn Ba no a, ka na saa abo yi nnan aduan.” **4** Yesu buaa no se, “Wɔakyerew se, ‘Enye aduan nko ara na eho hia onipa wɔ n’asetena mu, na mmom asem biara a efi Awurade anom.’” **5** Afei ɔbonsam de Yesu kɔɔ Yerusalem de no kogyinaa asɔredan a ewɔ hɔ no atifi pɛe, **6** na ɔka kyereɛ no se, “Sɛ wone Onyankopɔn Ba no ampa ara a, huruw fi nea wugyina hɔ si fam, efise, wɔakyerew se, “Onyankopɔn besoma n’abofo abeso wo mu, wɔde wɔn nsa bema wo so, na wo nan ampem ɔbo.” **7** Yesu buaa bio se, “Wɔakyerew se, ‘Nsɔ Awurade wo Nyankopɔn nhwe.’” **8** Eyi akyi no, ɔbonsam de Yesu kɔɔ bepɔw tenten bi apampam. Ɔde n’ani kari kyereɛ no wiase ahenni ahorow ne mu anuonyam nyinaa. **9** Afei ɔka kyereɛ Yesu se, “Sɛ wobekotow asom me a, mede nea wuhu yi nyinaa bema wo.” **10** Eho ara na Yesu buae se, “Fi me so, Satan! Hu sɛ wɔakyerew se, ‘Kotow som Awurade, wo Nyankopɔn, na ɔno nko ara na som no.’” **11** Yesu ano sii no, ɔbonsam gyaw no hɔ kɔe. Eno akyi no abofo baa Yesu nkyen besom no. **12** Yesu tee sɛ wɔakyerew Yohane no, ɔkɔɔ Galilea. **13** Oduu Galilea no, wantena Nasaret, na mmom otwaa mu wɔ Nasaret hɔ kɔtenaa Kapernaum a ewɔ Galilea mpoano no, Sebulon ne Naftali ahye so. **14** Eyi maa nea Odiyifo Yesaia kae no baa mu se, **15** “Sebulon asase ne Naftali asase, epo kwan so, Yordan agya, Galilea a amanamanmufo te hɔ, **16** nnipa a wote sum mu no, Hann kese bi apue ama wɔn. Hann no apue ama wɔn a wote owu asase so.” **17** Efi saa bere no, Yesu fii n’asenka ase se, “Monsakra mo adwene, momfa mo ho mma Onyankopɔn na ɔsoro ahenni no aben.” **18** Da bi a Yesu nam Galilea mpoano no, ohuu anuanom baanu bi a wɔn nyinaa ye apopofɔ sɛ wɔregu asau wɔ po no mu. Saa anuanom yi mu baako din de Simon a ne din foforo nso de Petro. Ɔbaako no nso din de Andrea. **19** Yesu ka kyereɛ wɔn se, “Mummedi m’akyi na mesoma mo ama moakoyi nnipa kra.” **20** Eho ara wogyaw wɔn asau no guu hɔ kodii n’akyi ne no kɔe.

21 Okoo n'anim kakra no, ohuu Sebedeo mma baanu a wofre obaako Yohane na obaako nso din de Yakobo se wone won agya te okorow mu repempam won asau mu. Yesu frɛɛ won nso se wommedi n'akyi. 22 Ntem ara, wogyaw won agya ne okorow no ho kodii n'akyi. 23 Yesu kyinkyinii Galileaman mu nyinaa kaa ahenni no ho asempa wo Yudafo hyiadan mu. Osaa nyarewa ahorow a wode baa n'anim nyinaa nso. 24 Yesu anwonwade a dyee yi tɛw koduu Siriaman mu nyinaa. Eyi ma wode won a ahonhommone wo won so, won a wotwa, won a woyare mmubui ne won a nyarewa ahorow haw won no nyinaa fi Siriaman mu brɛɛ no ma osaa won nyinaa yare. 25 Anwonwade a Yesu yɛɛ yi maa nnipakuw a wofi Galilea ne nkurow "Dekapoli" no mu ne Yerusalem ne Yordan agya tu dii n'akyi.

5 Ohuu nnipakuw no saa no, okoo bepɔw bi so. Otɛnaa ase no, n'asuafo no koo ne nkyen. 2 Na ofii ase kyerekyereɛ won se, 3 "Nhyira ne won a wonim se woye ahiafo wo honhom mu, na won na osoro ahenni ye won dea. 4 Nhyira ne won a won were ahow, na won na Onyankopɔn bekyekye won were. 5 Nhyira ne ahobreasefo, na won na Onyankopɔn bema woadi asase so. 6 Nhyira ne won a won pɛ ne se wobeye Onyankopɔn apede, na won na Onyankopɔn bema won nea ehia won. 7 Nhyira ne won a wohu mmɔbo, na won na Onyankopɔn behu won mmɔbo. 8 Nhyira ne won a won koma mu tew, na won na wobehu Onyankopɔn. 9 Nhyira ne apatafo, na won na Onyankopɔn befre won ne mma. 10 Nhyira ne won a esiane se woye Onyankopɔn apede nti, wotaa won, na won na Osoro Ahenni no ye won dea. 11 "Nhyira ne mo a me din mu nti, woyaw mo, taa mo, twa atoro, ka asemmane to mo so. 12 Momma mo ani nnye na monsepɛw mo ho, efise mowo akatua a eso wo osoro. Munhu se saa ara na wotaa adiyifo a wodii mo kan no." 13 "Mone asase yi so nkyene. Se nkyene de yera a, okwan ben so na wobefa ama aye nkyene bio? Enye mma hwee bio, gye se wohwie gu na nnipa tiatia so. 14 "Mone wiase kanea. Kurow a eda bepɔw so no ntumi nhintaw. 15 Wonnso kanea mfa nsie, na mmom wode si petee mu na ahyeren ama won a wowo ofi no mu no nyinaa. 16 Saa ara na momma mo nneyee pa nna adi mma nnipa nhu na woafa so ahye mo Agya a owo soro no anuonyam." 17 "Munnsusuw se maba se merebesee Mmara no anaa Adiyifo no nkyerekyere no. Na mmom maba se merebeye no ma senea ne nyinaa beba mu

pɛpɛpɛ. 18 Munhu se osoro ne asase da so wo ho yi, Mmara no mu biribiara rensakra da kosi se ne nyinaa beba mu. 19 Eyi nti, obiara a obebu mmara nsem no mu fa bi so na obekyerekyere afoforo ama won nso abu mmara nsem no mu fa bi so no beye akumaa osoro ahenni mu. Na obiara a obedi mmara no so, na obekyerekyere afoforo ama won nso adi mmara no so no beye okese Osoro Ahenni mu. 20 Enti merebo mo koko se, se mope se moko osoro ahenni mu de a, gye se moye Onyankopɔn apede sen nea Kyerɛwsem no akyerekyerefo no ne Farisifo no ye. 21 "Mose mmara no ka se, 'Nea odi awu no, ono nso ese se wokum no bi.' 22 Na me de, nea mereka ne se, obiara a ne bo befuw ne nua no, wobebu no aten. Bio, obiara a obeyeyaw ne nua no, wobefre no wo mpanyin anim. Afei obiara a obeka akyere ne nua se, 'Ogyimifo' no beko amanehunuu gya mu. (Geenna g1067) 23 "Enti se eba se worekobo afore na wokae se wo ne wo nua wo asem a, 24 gyae afore no bo, na ko na wo ne wo nua no nkobo mu ansa na woakobo w'afore no. 25 "Se wo ne obi nya asem a, wo ne no mmɔ mu ntem, na wamfa wo anko asennii ankoma otemmufo, na otemmufo no amfa wo anhye afiaschwefo nsa, na afiaschwefo no amfa wo ankoto afiase. 26 Mereka no nokware akyere mo se, ansa na wubefi asennii ho no, gye se woatua sika biara a woregye afi wo ho no. 27 "Mose mmara no ka se, 'Nsɛ aware.' 28 Na me de, nea mereka ne se: Obiara a ohu oɛba na ne kon do no ne koma mu no, abo aguaman. 29 Se w'ani baako a eye to wo hintidua a, eye se wubetu atow akyene. Efise eye se wobehwere w'akwaa fa bi sen se wobetow wo nipadua no nyinaa akyene amanehunuu gya mu. (Geenna g1067) 30 Saa ara nso na se wo nsa a eye to wo hintidua a, eye se wubetwa atow akyene. Efise eye se wobehwere w'akwaa fa bi sen se wobetow wo nipadua nyinaa akyene amanehunuu gya mu. (Geenna g1067) 31 "Mose mmara no ka se, 'Obiara a obegyaa ne yere no mma no awaregyae krataa.' 32 Na me de, nea mereka ne se, se obarima bi gyaa ne yere a enye se oɛba no abo aguaman na oɛba no san kɔware bio a, na obarima a ogyaa no no ama oɛba no asɛɛ aware. Obarima foforo a obɛware oɛba no nso asɛɛ aware saa ara. 33 "Bio, Mose mmara no ka se, 'Mmu bo a woahye Onyankopɔn no so, na mmom di bo a woahye no no so.' 34 Na me de, nea mereka ne se: Monnka ntam mmfa nhye bo. Monnno osoro, efise eye Onyankopɔn ahengua. 35 Monnno fam, efise eye

Onyankopɔn nan ase agya. Monnnɔ Yerusalem, efise eyɛ ɔhenkese kuroɔn. 36 Mfa wo ti nka ntam, efise worentumi nnan tinwi baako mpo mma enye fitaa anaa tuntum. 37 Momma mo nsem nye 'Yiw' anaa 'Dabi.' Asem biara a wobeka a enye Yiw anaa dabi no fi ɔbonsam. 38 "Mose mmara no ka se, 'Se obi tu w'ani a, tu ne de bi. Se obi tu wo se nso a, tu ne de bi.' 39 Na me de, nea meraka ne se: Mommfa bone ntua bone so ka! Se obi bo w'aso nifa mu a, dan benkum no nso ma no na ɔmmu mu. 40 Se obi ne wo di asem gye w'atade nhycase a, worɔw w'atade nguguso ka ho ma no. 41 Se obi hye wo se, wo ne no nnantew ɔkwansin baako a, wo ne no nko akwansin abien. 42 Se obi sre wo biribi a, fa ma no; obi pe se ɔfem wo ho biribi a, fa fem no. 43 "Moate se woaka se, 'Do wo yonko na tan wo tamfo.' 44 Na me de, nea meraka ne se: monnnɔ mo atamfo na mommo mpae mma won a wɔhaw mo. 45 Eyi bema moaye mo Agya a ɔwo ɔsoro no mma, efise ɔma ne owia pue, ma ne osu to ma nnipa bone ne nnipa pa nyinaa pe. 46 Se modɔ won a wɔdɔ mo no nko ara a, akatua ben na mubenya? Enye saa ara na nneboneyefo nso ye? 47 Se mukya won a munim won nko ara a, nsonoe ben na ɛda mo ne afororo ntam? Enye saa ara na nneboneyefo nso ye? 48 Enti monye pe senea mo Agya a ɔwo ɔsoro no ye pe no.

6 "Monhwe yiye na moanye papa ankyere nnipa amfa ampe anuonyam. Se moye saa a, morennya mfaso biara mfi mo Agya a ɔwo ɔsoro no nkyen. 2 "Se woye papa a mmo no dawuru senea nyaatwomfo ye wo asɔredan mu ne mmɔnten so no. Merema mo ate se saa nnipa no anya won akatua dedaw. 3 Se woye papa a, mma obiara nhu, mpo se wode wo nsa nifa ye papa a, mma wo nsa benkum nhu, 4 na w'agya a onim kokoa mu nsem nyinaa no betua wo ka. 5 "Na se morebo mpae a, mommmo mpae senea nyaatwomfo gyina asɔredan mu ne mmɔnten so bo mpae de pe nnipa anim anuonyam no. Merema moate ase se, saa nnipa no anya won akatua dedaw. 6 Se wobo mpae a, hyen wo dan mu, na to wo pon mu, na bo w'Agya a wonhu no no mpae, na w'Agya a onim kokoa mu nsem no betua wo ka. 7 Se mobo mpae a, monnkasakasa bebre, nti nsem mu nsusuw se, se moye saa a na Onyankopɔn betie mo. 8 Mo Agya Nyankopɔn nim nea ehia mo nyinaa ansa na mubisa no. 9 "Enti saa ɔkwan yi so na momfa mmo mpae: "'Yen Agya a wowo ɔsoro, wo din ho ntew. 10 W'ahenni mmra. Nea wope nye wo asase so, senea eyɛ wo ɔsoro. 11 Ma yen, yen

daa aduan nne, 12 na fa yen aka kye yen, senea yede kye won a wode yen aka. 13 Nnyaa yen nko sohwe mu. Na yi yen fi ɔbɔnefo no nsam.' 14 Se mode won a wofom mo mfomso kye won a, mo nso mo ɔsoro Agya no de mo mfomso bekye mo. 15 Nanso se moamfa won a wofom mo mfomso ankye won a, mo ɔsoro Agya no nso remfa mo mfomso nkye mo." 16 "Se mudi mmuada a, monnye mo anim mmɔbɔmmɔbɔ senea nyaatwomfo di mmuada a woye de pe nnipa anim anuonyam no. Merema mo ate ase se, saa nnipa no anya won akatua dedaw. 17 Se wudi mmuada a, seren wo ti, na hohoro w'anim, na ma w'anim nye fromfrom, 18 na mma nnipa nhu se woredi mmuada, gye w'Agya a ohu nea woye wo kokoa mu nyinaa no nko ara; na w'Agya a onim kokoa mu nsem nyinaa no betua wo ka. 19 "Monnhyehe mo agyapade wo asase yi so, nea nteferew betumi awe, na ebetumi agye nkannare na asce, na akoromfo betumi awia. 20 Mmom monhyehye mo agyapade wo ɔsoro, nea nteferew ntumi nwe, na entumi nnye nkannare nsee, na akoromfo ntumi nwia. 21 Na nea w'agyapade wo no, eho na wo koma nso wo. 22 "W'ani ye wo nipadua kanea. Eno nti se w'ani ye a, na wo nipadua nyinaa ye hann. 23 Nanso se w'aniwa nye a, ema wo nipadua no nyinaa dan sum tumm. Enti se hann a ewo wo mu no ye sum a, na wo nipadua no ye sum kabii. 24 "Obiara ntumi nsom awuranom baanu, efise ɔye saa a, ɔbedɔ ɔbaako na watan ɔbaako anaase, ɔbesom ɔbaako yiye na wabu ɔbaako animtiaa. Morentumi nsom Onyankopɔn ne ahonyade. 25 "Eyi nti na mitu mo fo se, munnwninnwen nea mubedi anaa nea mobenom anaa nea mubefura ho. Mowo ɔkra ne nipadua a esom bo sen nea mubedi ne nea mubefura. 26 Monhwe wim nnomaa, wonnua aba na wontwa aba mmoaboa ano mfa nsie, nanso mo Agya a ɔwo ɔsoro no ma won aduan di. Monnsom bo nsen won ana? 27 Mo mu hena na ɔdwene a adwennwene no betumi ato ne nkwa nna so simmasin mpo? 28 "Ade nti na mudwinnwen ntama ho? Monhwe afide bi se wuram nhwiren, wonnwene ntama ho. 29 Nanso Salomo ahonya ne n'anuonyam nyinaa akyi no, na n'ahoofe nnu wuram nhwiren yi. 30 Na se Onyankopɔn tumi fura afide a ewo ho nne na ɔkyena enni ho ntama a, mo a mo gyidi sua, ebeye den na ɔrentumi mma mo nea ehia mo? 31 Enti munnwninnwen nea mubedi, nea mobenom anaase nea mubefura ho. 32 Na won a wonni gyidi no na bere biara wodwen saa nneema no ho. Na mo de, mo Agya a ɔwo ɔsoro no

nim se eyinom nyinaa ho hia mo. **33** Enti monhwewhe Onyankopon Ahenni ne ne trenee kan, na ɔde nea ehia mo nyinaa beka mo ho. **34** Enti munnnwinnwen ɔkyena ho. Onyankopon no ara de nea ehia mo no bema mo. Eɔa biara ne mu nsem.

7 “Mummmu nten, na afoforo ammu mo nten. **2** Nea mode ye afoforo no, eno ara na wode beye mo. **3** “Aɔen na woma dua ntete a eɔa wo nua ani so no haw wo, bere a mpuran a eɔa wo de so no mfa wo ho? **4** Ebeye den na woatumi aka akyere wo nua se, ‘Ma minyi ntete a eɔa w’ani so no mma wo,’ bere a mpuran da w’ani so daa. **5** Nyaatwomni! Di kan yi mpuran a eɔa w’ankasa ani so no ansa na woatumi ahu ntete a eɔa wo nua ani so no yiye na woayi ama no. **6** “Mommfa nea eho tew mma akraman. Saa ara nso na monntow mo nhene pa ngu mprako anim! Wobetiatia so, na woadan won ho atow ahye mo so. **7** “Mummisa, na wobema mo; monhwewhe, na mubehu; mompem, na wobebue mo. **8** Na obiara a obisa no, onya. Obiara a ohwewhe no, ohu; na nea ɔpem no, wobue no. **9** “Na hena na ne ba bisa no brodo a ɔbema no ɔbo? **10** Anaase obisa no nsumnam a ɔbema no ɔwo? Eremma saa da! **11** Na se mo a moye abonefo mpo nim senea moma mo mma nnepa a, ebeye den na mo Agya a ɔwo ɔsoro no mfa nnepa mma ne mma won a wobisa no no? **12** Enti senea mmara no ne adiyifo no ka no, ade biara a mope se nnipa nye mma mo no, mo nso monye mma won saa ara. **13** “Okwan teateaa no nko ara so na wubetumi afa akɔ ɔsoro! Okwan a eko ɔbonsam kurom no trew, na n’apon nso mu bae ma nnipadom a wofa so ko ɔsee mu. **14** Ɔpon a wowura mu de ko nkwa mu no ye hiahiaa na okwan a wofa so no nso ye teateaa, na nnipa kakraa bi na wuhu fa so. **15** “Monhwe mo ho yiye wo atoro akyerekyereto a woba mo nkyen ahobrease mu se nguan, nanso woye mpataku a wonya mo a, wobetetew mo pasaa no ho. **16** Won nneyee na mode behu won, senea mutumi de dua bi aba hu dua ko a eye no. Worentumi ntew bobo wo nsae so; saa ara nso na worentumi ntew borodoma wo nnenkyense so. **17** Dua a ewo nnyinaso pa no tumi sow aba pa; na dua a enni nnyinaso pa no nso sow aba bone. **18** Dua pa ntumi nsow aba bone; saa ara nso na dua bone ntumi nsow aba pa. **19** Dua biara a ensow aba pa no, wotwa de gu gya mu hyew no. **20** Onipa nneyee na ema wuhu ne suban. **21** “Enye obiara a ɔbo me din ‘Awurade, Awurade’ no na ɔbeka ɔsoro ahemman mu. **22** Atemmu da no, nnipa pii beka

akyere me se, ‘Awurade, yekaa wo ho asem kyeree afoforo. Yenam wo din nso so tuu ahonhommone, san yee anwonwade, ahorow.’ **23** Na mabua won se, ‘Minnim mo da. Mumfi me so nko, nneboneyefo!’ **24** “Won a wotie nea meka, na wodi so no te se onyansafɔ a osi ne dan si ɔbotan so. **25** Osu toe, na osuframa boe, na nsu yirii, na emu biara kaa ɔdan no nanso ammu da, efise wosi sii ɔbotan so. **26** Nanso won a wotie nea meka na wonni so no te se ɔkwasea bi a osii ne dan sii nwea so. **27** Osu toe, na osuframa boe, na nsu yirii, na emu biara kaa ɔdan no. Na edwiriw guu fam, bubuu pasaa.” **28** Yesu asenka no maa nnipadom a wotiee no no nyinaa ho dwiriw won, **29** efise ɔkyerekyereto te se obi a okura tumi, na ne nkyerekyereto no nte se nea Kyerewsem no akyerekyereto no kyere no.

8 Bere a Yesu sian bepɔw no, dom dii n’akyi. **2** Okwatani bi baa Yesu nkyen bekotow no sree no se, “Me wura, mesre wo, se eye wo pe a, sa me yare.” **3** Yesu teee ne nsa de kaa okwatani no kae se, “Mesa wo yare. Wo ho mfi!” Amono mu ho ara, kwata no fii ne ho. **4** Yesu ka kyeree no se, “Wo ne obiara nni w’ayaresa yi ho nkommɔ. Ko na fa wo ho kokyere ɔsofo, na bo afoe a Mose hyee se wommo se adansede no.” **5** Yesu ko Kapernaum. Oduu ho no, Roma asraafo oha so panyin bi baa ne kyen bebuu no nkotodwe kae se, **6** “Awurade, m’abofra abubu gu ho a orehu amane; mesre wo, besa no yare ma me.” **7** Yesu ka kyeree no se, “Meba abesa no yare.” **8** Asraafo ha so panyin no tee Yesu asem a okaa no, okaa se, “Awurade, memfata se woba me fi. Ka biribi na m’abofra no ho beye no den. **9** Meye obi a mehye tumi ase, na mesan wo asraafo a wohye m’ase. Meka kyere won mu bi se onko a, oko. Meka kyere ɔfoforo se ommra a, obo. Saa ara nso na mehye me somfo se onye biribi a, oye ara ne no.” **10** Yesu tee saa asem no, eye no nwonwa. Ɔdan n’ani, ka kyeree nnipadom a wodi n’akyi no se, “Israelman mu nyinaa, minhuu gyidi a ete see da. **11** Na mereka akyere mo se, nnipa pii befi apuei ne atoe aba na wone Abraham, Isak ne Yakob abetena ase wo ɔsoro Ahenni no mu. **12** Na Israelfo a wosiesee ɔsoro ahenni maa won no mu pii wo ho a wode won nsa begu won ti atwa agyaadwo na woatow won agu sum kabii mu ama oyaw.” **13** Yesu ka kyeree asraafo so panyin no se, “Ko fie. Nea wugye di no mmra mu saa mma wol!” Abofra no ho toɔ no saa bere no ara mu! **14** Yesu ko Petro fi. Okotoo se atiridii akyere Petro asebea ma oda ho. **15** Yesu soo ne

nsa mu maa atiridii no tu fii no so. Ɔsɔre noaa aduan maa wɔn. **16** Saa da no anwummere no, wode wɔn a wɔwɔ ahonhommone pii brɛe Yesu. N'anom asem a okae no maa ahonhommone no nyinaa tu yerae, na wɔn a wɔyare no nyinaa nso ho tɔw wɔn. **17** Eyi maa nea Odiyifo Yesaia kae se, “Ɔfaa yen ahoammerew, na ɔsoaa yen nyarewa nyinaa” no baa mu. **18** Yesu huu se dɔm no redɔso no, aka kyereɛ n'asufo no se, wontwa ɔtare no nkɔ n'agya nohɔ. **19** Ehɔ ara Yudani kyerekyerefo bi ka kyereɛ Yesu se, “Kyerekyerefo, baabiara a wobekɔ no, medi w'akyi!” **20** Yesu buaa no se, “Sakraman wɔ wɔn abon, wim nnomaa nso wɔ mmerebuw, nanso me, Onipa Ba no de, minni baabi a mede me ti to!” **21** Asuafo no mu baako beka kyereɛ no se, “Owura, ma me kwan na minkosie m'agya ansa na mabedi w'akyi.” **22** Nanso Yesu ka kyereɛ no se, “Di m'akyi. Wɔn a wɔawu no nsie wɔn awufo.” **23** Yesu saa nyarewa no wiee no, ɔkotenaa ɔkorow mu na n'asufo no dii n'akyi. **24** Preko pe, ahum kese bi tu maa asorɔkye bu bekataa ɔkorow no so. Nanso na Yesu de, wada. **25** N'asufo no de nteeteemu kɔw ne nkyen, konyan no kae se, “Awuradel! Gye yen na yereye amem!” **26** Yesu nyanee no, aka kyereɛ wɔn se, “Mo a mo gyidi sua, aden na moabɔ hu saa?” Ehɔ ara, ɔsɔre teeteɛ ahum ne asorɔkye no ma eyee dinn. **27** Asuafo no ho dwiriw wɔn yiye. Wobisabisaa wɔn ho wɔn ho se, “Onipa bɛn mpo ni a ahum ne epo tie no yi?” **28** Yesu ne n'asufo no duu asuogya wɔ Gadarafo asase so no, nnipa baanu bi a ahonhommone wɔ wɔn so fii amusiei behyiaa no. Esiane se na saa nnipa yi ye keka nti, na obiara ntumi mfa faako a wɔwɔ hɔ. **29** Wohuu no pe, wofii ase teeteɛ mu se, “Onyankopɔn Ba, den na worehwehwe afi yen nkyen? Woaba ha se worebeyɛ yen ayayade wɔ bere a mmere no nsoe ana?” **30** Saa bere koro no ara mu, na mprakokuw bi redidi wɔ nkyen baabi. **31** Ahonhommone no srɛe Yesu se, “Se wutu yen a, fa yen kɔhye mprakokuw yi mu.” **32** Yesu teeɛ wɔn se, “Mumfi!” Ehɔ ara ahonhommone no fii nnipa no mu, kowuraa mprako no mu. Mprakokuw no nyinaa de mmirika sian bepɔw no, koguɛ epo no mu ma efaa wɔn. **33** Ntem ara, wɔn a wɔhwe mprako no so no tuu mmirika kɔw kurom, kɔkaa nea asi no kyereɛ nkurofo. **34** Kurom hofo no tee nea aba no, wɔbɔw twi kɔw nea Yesu wɔ hɔ no. Wohuu Yesu no, wɔsrɛɛ no se omfi wɔn man mu hɔ nkɔ.

9 Eyi akyi no, Yesu kotenaa ɔkorow bi mu kɔw Kapernaum, kurow a ɔte mu no mu. **2** Oduu hɔ

no, ankyɛ biara na nnipa bi de obubuafo bi brɛɛ no se ɔnsa no yare. Na Yesu huu gyidi a wɔwɔ wɔ ne mu no, aka kyereɛ obubuafo no se, “Ɔba, ma w'ani nnye, wode wo bɔne nyinaa akyɛ wo.” **3** Ehɔ ara na Kyereɛwsem no akyerekyerefo a na wɔwɔ hɔ no bi teeɛ mu se, “Ɔbarima yi ka abususem. Ɔkyere se ɔye Onyankopɔn!” **4** Yesu huu nea ewɔ wɔn adwene mu no, obisaa wɔn se, “Aden nti na modwene bɔne wɔ mo koma mu saa?” **5** Me Onipa Ba no, mewɔ tumi wɔ asase yi so se mede bɔne kye. Nea ewɔ he na eye den, se obi beka se, ‘Mede wo bɔne akyɛ wo’ anaase ɔbeka se, ‘Sɔre na nantew?’” **6** Nanso senea ebeye na mubehu se Onipa Ba no wɔ tumi se ɔde bɔne kye nti. Ɔka kyereɛ obubuafo no se, “Sɔre na bobɔw wo ketɛ, na kɔ fie efise masa wo yare.” **7** Amono mu hɔ ara, obubuafo no sɔre bobɔw ne ketɛ, sii mu kɔw ne fi! **8** Nnipadɔm no huu anwonwade yi no, wɔn ho dwiriw wɔn yiye. Wɔkamfoo Onyankopɔn se ɔde tumi a ete saa ama onipa. **9** Yesu fi nea ɔsaa obubuafo no yare hɔ reko no, ohuu ɔbarima towgyeni bi a ɔte atowgyei. Wɔfre saa ɔbarima no Mateo. Yesu huu no no, aka kyereɛ no se, “Bedi m'akyi.” Ehɔ ara, Mateo sɔre dii Yesu akyi. **10** Ebae se Yesu ne n'asufo no kɔw Mateo fi kodidii. Woredidi no, towgyefo ne nnebɔneyefo bebreɛ baa hɔ ne no ne n'asufo no too nsa didii. **11** Farisifo no huu se ɔne nnebɔneyefo ato nsa redidi no, anyɛ wɔn de. Wobisaa n'asufo no se, “Aden nti na mo kyerekyerefo no de ne ho abɔ nnebɔneyefo a wɔte sɛɛ yi?” **12** Yesu tee no, obuaa wɔn se, “Nnipa a wɔnyare no, ɔyaresafo ho nhia wɔn, na nnipa a wɔyare no na ɔyaresafo ho hia wɔn.” **13** Ɔsan kaa bio se, “Monkɔhwehwe eyi ase wɔ Kyereɛw Kronkron no mu. Wɔakyerew se, ‘Enye mo afore ne ayeyede na mepe, na mmom ahummɔbo.’ Mammefre atreneefo, na mmom, mebefreɛ nnebɔneyefo se wɔnsakra mmra Onyankopɔn nkyen.” **14** Da bi Osuboni Yohane asuafo baa Yesu nkyen bebisaa no se, “Aden nti na w'asufo no nni mmuada, senea yene Farisifo di mmuada no?” **15** Yesu buaa wɔn se, “Mugye di se, se ayeforokunu ne ne nnamfonom te hɔ a, ese se ne nnamfonom no were how, na wobua da ana? Bere bi beba a wɔbefa me afi wɔn nkyen. Saa bere no na wobedi mmuada. **16** “Hena na ɔde ntama foforo betare ntama dedaw mu? Saa ntaremu no besunsuan dedaw no mu ama tokuru kese abeda hɔ. **17** Hena na ɔde nsa foforo begu aboa nhoma nsa nkotoku dedaw mu? Se ɔye saa a, nsa no bepae nkotoku no ama nsa no ahwie agu, na

nkotoku no nso asee. Nsa nkotoku foforomu nko ara na ese se wode nsa foforo gugu na amma nkotoku no ne nsa no mu biara ansee.” **18** Yesu gu so rekasa no, Yudafo panyin bi ba bekotow, sree no. Ode n’adesre too Yesu anim se, “Me babea awu mprenpren ara. Minim se, se woba de wo nsa beka no pe a, obenyan.” **19** Yesu ne n’asuafu no ne opanyin no sii mu se woreko opanyin no fi. **20** Woreko no, ohea bi a mogya atu no mfirihyia dumien faa n’akyi, soo n’atade ano. **21** Okaa wo ne tirim se, “Se mede me nsa ka no nko ara a, me ho beye me den.” **22** Yesu dan n’ani ka kyeree no se, “Obabea, ma wo bo nto wo yam. Wo gyidi agye wo. Wo ho ato wo.” Efi saa bere no mu no, ne ho too no. **23** Yesu duu opanyin no fi ho a ohuu se nkurofo no bi resu na ebinom reto ayiase nnwom no, **24** okae se, “Obiara mfi adi. Ababaa no nwui. Wada!” Yesu asem a okae yi maa nnipa no serew no. **25** Nnipa no nyinaa fii adi no, Yesu koo faako a ababaa no da ho no. Osoo ne nsa. Preko pe, ababaa no nyanee. **26** Saa anwonwade a Yesu yee yi trow wo mpotam ho nyinaa. **27** Yesu fi nea onyan ababaa no ho reko no, anifuraefo baanu bi dii n’akyi teetee mu se, “Dawid ba, hu yen mmobo!” **28** Yesu duu fie no, anifuraefo no baa ne nkyen. Yesu bisaa won se, “Mugye di se metumi ama moahu ade?” Wobuaa no se, “Yiw, Awurade, yegye di!” **29** Yesu de ne nsa kaa won ani kae se, “Mo gyidi nye nea mohwehwe mma mo!” **30** Amono mu ho ara na won ani buebuei. Yesu boo won ano se, “Monnka saa ayaresa yi ho asem nkyere obiara.” **31** Nanso nnipa no fii ho pe na woboo asem no dawuru. **32** Yesu ne n’asuafu refi adi no, wode mum bi a honhommone wo ne so bre no. **33** Yesu tuu honhommone no na preko pe, mum no kasae. Saa honhommone tu yi yee nnipa a wowo ho no nyinaa nwonwa ma woe se, “Yenhuu saa anwonwade yi bi da wo Israelman mu ha!” **34** Farisifo no de, woe se, “Obonsam de honhommone ahye no ma nti na otumi tu ahonhommone no.” **35** Yesu kyinkyinii nkurow so ne nkuraa ase kaa Onyankopon Ahenni no ho asempa wo won hyiadan mu. Baabiara a oke no, okaa asempa no saa nyarewa ahorow bebre. **36** Bere a Yesu huu nnipadom no, ne yam hyehyee no maa won efise ohuu se ohaw ahorow gu won so a, wonhu nea wonye ne nea womfa a wobenya mmoa nso. Wote se nguan a wonni ohwefo. **37** Eha na Yesu ka kyeree n’asuafu no se, “Otwa adwuma no dooso, nanso adwumayefo no sua. **38** Enti monsre adwumawura no na omma adwumayefo bebre mmra ne twa adwuma no mu.”

10 Yesu free n’asuafu dumien no baa ne nkyen, na omaa won tumi se wontu ahonhommone na wonsa nyarewa ne ahoommerew nyinaa. **2** Yesu asuafu dumien no din ni: Simon a ne din baako ne Petro ne ne nua Andrea; Yakobo ne ne nua Yohane a woye Sebedeo mma no, **3** Filipo ne Bartolomeo, Toma ne towgyefo Mateo, Yakobo, Alfeo ba ne Tadeo, **4** Simon a ofi Kana ne Yuda Iskariot a akyiri no, oyii Yesu mae no. **5** Yesu somaa asuafu dumien no hyee won se, “Monnko nea amanamanmufo wo anaa Samariafo kurow biara mu, **6** na mmom monko Onyankopon nguan a wowo Israel a wayera no nkyen. **7** Monnko nkyere won se, ‘Onyankopon Ahenni no aben!’ **8** Monsa ayarefo yare, munnyan awufo, momma akwatafo ho mfi, na muntu ahonhommone. Senea munyaa no kwa no, saa ara na mo nso na momfa mma kwa. **9** “Mommma sikakoko, dwete anaa kabere biara mmo mo ho. **10** Mommma akwantukotoku anaa ntade anaa mpaboa anaa pema. Ese se odwumayeni didi. **11** Kurow biara a mobeko mu anaa akuraa biara a mobeko ase no, monhwehwe onipa a onyamesuro wo ne mu akyi kwan na montena ne nkyen kosi da a mubefi ho ako baabi foforo. **12** Se moko ofi bi mu a, munkyia won se, ‘Asomdwoe nka mo!’ **13** Se saa ofi no mufo gye mo few so a, munhyira won, na se woannye mo de a, momfa mo asomdwoe. **14** Se morefi ofi anaa kurow biara a woannye mo wo mu no mu ako a, momporoporow ofi no anaa kurow no mu mfutuma a ewo mo nan ase no ngu ho. **15** Nokware ni, atemmuda no, Sodom ne Gomora mpo benya baabi agyina wo Onyankopon anim sen saa kurow no. **16** “Monkae se meresoma mo se nguan ako mpataku mu. Monye anifere se awo na munwo se mmoromoma. **17** Nanso monhwe yiye wo nnipa ho! Wobekyere mo adi mo asem, abo mo mmaa wo won asoredan mu. **18** Me nti, wode mo beko atumfo ne ahene anim. Eyi bema moanya kwan aka asempa no akyere won ne amanamanmufo no. **19** Se wokyere mo a, munnwinwen asem a mobeka de ayi mo ho ano ho. Wode asem a mobeka no bema mo bere a ese mu. **20** Asem a mobeka no remfi mo, na mmom, mo osoro Agya no honhom na onam mo so bekasa. **21** “Onua beyi onua ama na wakum no. Saa ara na agyanom nso beyi won mma ama. Mma besore atia won awofa ama wakum won. **22** Me nti, nnipa nyinaa betan mo. Nanso nea obetumi agyina pintinn akosi awiei no na wobegye no nkwa. **23** Se wotaa mo kurow baako mu a, munguan nko kurow

foforo mu. Mereka nokware akyere mo se morenwie Israel nkurow nyinaa mu adwumaye ansa na Onipa Ba no aba. **24** “Osua ni nsen ne kyerekyerefo, na akoo nso nsen ne wura. **25** Osua ni sua ne kyerekyerefo, na akoo nso sua ne wura. Enti se me a meye ofi no ti no wofre me ‘Obosam’ a, den din na woremfa mfre mo! **26** “Munnsuro won. Mmere bi beba a nokware no beda adi. Nea woye no kokoa mu no nyinaa beda adi. **27** Nea mereka akyere mo wo sum mu yi, monka wo hann mu. Nea mereka agu mo asom yi, mompae mu nka wo adan atifi. **28** Munnsuro won a wobetumi akum mo nipadua nanso warentumi nkum mo kra no. Onyankopon a obetumi akum onipadua no ne okra wo amanehunu kurom no nko ara na munnsuro no. (Geenna g1067) **29** Woton akasanoma gye ahe? Nkasana abien bo nye sika kakraa bi pe? Nanso akasanoma biara nni ho a obewu a mo Agya no nnim ho biribi. **30** Mo tinwi mpo, wakan ne nyinaa. **31** Enti munnsuro! Mosom bo ma Onyankopon sen nkasana. **32** “Obiara a obeka se onim me wo nnipa anim no, me nso meka se minim no m’agya a owo osoro no anim. **33** Na obiara a obeka se onnim me wo nnipa anim no, me nso meka se minnim no wo m’agya a owo osoro no anim. **34** “Munnsusuw se mede asomdwoe na ebaa asase yi so! Enye asomdwoe na mmom afoa na mede bae. **35** Maba se mema, “Obabarima asore atia n’agya, na obabea asore atia ne na, na obea warefo nso asore atia n’asebea. **36** Obiara tamfo a ne ho ye hu no befi n’ankasa ne fi.’ **37** “Nea odo n’agya anaa ne na kyen me no rentumi nye me de. Saa ara na nea odo ne babarima anaa ne babea kyen me no rentumi nye me de ara ne no. **38** Se obi amfa n’asennua na wammadi m’akyi a, rentumi nye me de. **39** Se woma wo kra som wo bo a, wobehwere wo kra no, nanso se me nti wohwere wo kra a, wo nsa beka. **40** “Obiara a ogye mo no gye me, na nea ogye me no nso gye Onyankopon a osomaa me no. **41** Se wugye odiyifo bi se nye Onyankopon nipa nti a, wobetua wo so ka se odiyifo no ara pe. Na se wugye nnipa trennee a, wubanya akatua se onipa trennee. **42** Na obiara a obema m’akyidifo yi mu akumaa bi nsu anom no, onii no akatua remmo no da.”

11 Yesu wiee n’asufo dumien no kasakyere no, ofii ho koo nkurow a ebemmen no mu kokyerekyere asem no. **2** Osuboni Yohane a saa bere no na oda afiase no tee anwonwade a Kristo reye no, osomaa n’asufo bebisaa no se, **3** “Wo ne nea orega no, anaa yenhwe ofoforo anim?” **4** Yesu buaa won se, “Monsan

nko nko anwonwade a moahu ne nea moate nkyere Yohane se, **5** anifuraefo hu ade, mmubuafo nantew, akwatafo ho fi, asotifo te asem, na awufo nso nyan. Afei monka nkyere no se, meka asempa no kyere ahiafo. **6** Monsan nka nkyere no bio se, Nhyira ne won a merento won hintidua.” **7** Yohane asufo no koe no, Yesu fii ase kaa Yohane ho asem kyere nnipadom no. Obisaa won se, “Mokoo sare so no, den na mokoo se morekohwe? Sare a mframa rebo no? **8** Anaa na mususuw se mubehu obarima bi a wahyehye se ohene ba te ahemfi? **9** Anaa Onyankopon diyifo? Eno de, mereka akyere mo se, nea muhuu no no sen odiyifo mpo. **10** Na saa Yohane yi na Kyerewsem no ka fa ne ho se, “Mesoma me bofo adi w’anim kan. Ono na obesiesie okwan ama wo.’ **11** Nokware ni, nnipa a mmea awo won nyinaa mu, obiara nni ho a wagye din se Osuboni Yohane. Nanso nea nye aketewa koraa wo Osoro Ahenni mu no ye okese sen no! **12** Na efi bere a Osuboni Yohane fii ase kaa asempa no, booo nkurofo asu de besi nne no, Osoro Ahenni no de tumi retrew na nnipadom a won ani abere no refa no anuoden so. **13** Ansa na Yohane rebeka no, na adiyifo ne Mose mmara no aka osoro ahenni no ho asem dedaw. **14** Se mope se mote nea mereka no ase de a, Yohane no, ono ne Elia a adiyifo no hyee ne ho nkoom se obeka no. **15** Nea owo aso no, ontie! **16** “Den ho na metumi de nnemmafo yi atoto? Wote se mmofra a wote baabi redi agoru. Ofa ka kyere ofa se, **17** “Yetoo anigye nnwom maa mo, nso moansaw. Yetoo awerehow nnwom nso maa mo, nanso moansu.’ **18** Yohane bae a onnidi na onnom no, wose, ‘Owo honhommone.’ **19** Onipa Ba no bae a odidi na onom no nso wose, ‘Monhwe odidifo ne okowensani a one towgyefo ne nnebonneyefo fa nnamfo.’ Nanso nea efi Onyankopon nyansa mu ba no ma nokware da adi.” **20** Afei, ofii ase kaa nkurow a nye anwonwade ahorow wo ho nanso wansakra won adwene no anim se, **21** “Korasin, due! Betsaida, due! Anwonwade a meye no mo mu no, se meye no Tiro ne Sidon a, anka ehofa no de awerehow ne ahonu asakra won adwene dedaw. **22** Atemmuda no, asem a ebeto won no besen nea ebeto Tiro ne Sidon! **23** Na wo Kapernaum, wope se woma wo ho so, nanso wobebre wo ase de wo ako amanehunu kurom. Anwonwade a meye no wo ho no, se woyee no Sodom a, anka eda so wo ho besi nne. (Hades g86) **24** Mereka nokware akyere mo se, atemmuda no, Tiro ne Sodom benya gynabea pa asen mo!” **25** Asenka no akyi, Yesu booo

mpae se, “Agya, osoro ne asase wura, meda wo ase se woanna nokware no adi ankyere won a wosusuw se woye anyansafu, na mmom wodaa nokware no adi kyere mmofra nkumaa. 26 Yiw, Agya, wope mu na woma ebaa saa. 27 “M’agya no de nneema nyinaa ahye me nsa. Obiara nnim Oba no gye Agya no nko ara. Na obiara nnim Agya no gye Oba no, ne won a Oba no pe se oda no adi kyere won. 28 “Mo a moaye adwuma abre na moasoa nnesoa nyinaa, mommra me nkyen, na mema mo ahome. 29 Momfa me konnua nto mo ho so, na munsua me, efise midwo na mebre me ho ase koma mu, na mubenya ohome ama mo kra. 30 Efise me konnua ye mmerew, na m’adesoa ye hare.”

12 Homeda bi, Yesu ne n’asufo no kofaa abuwofuw bi mu. Wonom abuwofuw no mu no, okom dee asufo no ma wopenpan abuwow no bi wee. 2 Farisifo bi huu nea asufo no reye no, anye won abodwo. Wobisaa Yesu se, “Woahu se w’asufo no abu Homeda mmara no so?” 3 Yesu nso bisaa won se, “Monkenkan nea Ohene Dawid yee, bere a okom dee one won a na waka ne ho no? 4 Wokoo Onyankopon fi kodii brodo a wode abo afore, a anka wonni ho kwan se wodi, gye asofo nko ara no. Eno nso ye mmara so bu? 5 Na monnsan nkenkan mfii Mose mmara no mu, se asofo a woye hyiadan mu adwuma no tumi ye adwuma Homeda nso? 6 Mereka ama moate ase se, nea okyen hyiadan no wo ha! 7 Se moate asem a ese, ‘Mmoborohunu na mepe na enye aforebo’ no ase yiye a, anka moremmu won a wonni fo no fo. 8 Na me, Onipa Ba no, meye Homeda no wura.” 9 Yesu fii nea owo ho no koo hyiadan mu. 10 Ohuu obarima bi wo odan mu ho a na ne nsa baako awu. Farisifo no bisaa Yesu se, “Enti mmara ma ho kwan se obi sa yare Homeda ana?” Wobisaa eyi senea ebeye a wobenya kwan atoto n’ano na wakyere no! 11 Yesu buaa won se, “Mo mu hena na owo oguan baako na se okoto amoa mu Homeda a, orenyi no? Okwan biara so wobeko akoyi no. 12 Onipa som bo sen oguan! Eyi nti ewo ho kwan se woye papa Homeda.” 13 Afei Yesu ka kyere nea ne nsa awu no se, “Tee wo nsa!” Dyarefo no teee ne nsa. Otee ne nsa no ahoden baa mu ma eyee se baako no. 14 Farisifo no fii adi kotuu senea wobekyere Yesu akum no no ho agyina. 15 Esiane se na onim pow a worebo wo ne ho no nti, ofii hyiadan no mu maa nnipadom dii n’akyi. Osaa won mu ayarefo no nyinaa yare. 16 Nanso oboo won ano se wommom n’anwonwade a dyee no ho dawuru. 17 Na nkam a

Odiyifo Yesaia hyee no aba mu se: 18 “Monhwe m’akoa a mayi no, nea medo no a me kra ani so no, mede me honhom begu no so, na wabu amanaman aten. 19 Orenko, na orentetee mu. Na obi rente ne nne wo abonten so! 20 Orensae demmire a eye mmerew no. Kanea ntamabamma a ennaw yiye no, orennum; kosi se onam atentrennee so de nkonimdi beba. 21 Ne din beye amanaman nyinaa anidaso.” 22 Afei wode obi a dye mum san ye onifuraefo, na honhommone nso wo ne so bre Yesu se onsa no yare. Yesu saa no yare ma okasae, san huu ade. 23 Nnipadom a wowo ho no ho dwiriw won. Wokae se, “Ebetumi aba se Yesu yi ye Dawid Ba no, Agyenkwa no ana?” 24 Nanso Farisifo no tee anwonwade a Yesu yee no, wokae se, “Onam ahonhommone nyinaa panyin, Obonsam Beelsebul no so na otu ahonhommone.” 25 Yesu huu won adwene maa won mmuae se, “Ahemman biara a edi mpaapaemu no ntumi nnyina. Saa ara nso na kurow anaa ofi biara a edi mpaapaemu no ntumi nnyina. 26 Na se obonsam retu obonsam a na ekyere se one ne ho na ereko de asae n’aheman. 27 Na se menam Beelsebul tumi so na mitu ahonhommone a, hena so na mo nkurofo nam tu ahonhommone? Saa na ete de a, mo nkurofo no ara na wobebu mu aten. 28 Nanso se menam Onyankopon Honhom so na mitu honhommone de a, na ekyere se Onyankopon Ahenni no aba mo so. 29 “Obi ntumi nko ohoodenfo fi mu nkowia no, agye se onipa ko no di kan de hama kyekyere no. 30 “Obiara a onni m’afa no, tia me. Na nea one me mmoaboa ano no hwete mu. 31 Mereka akyere mo se, wode bone ne abususem nyinaa bekye nnipa, nanso abususem a etia Honhom Kronkron no de, woremfa nkye. 32 Nea obekasa atia Onipa Ba no, wode bekye no. Nanso nea obekasa atia Honhom Kronkron no de, woremfa nkye no da biara da. (aion g165) 33 “Dua biara aba na wode hu ne su. Dua pa sow aba pa na dua bone nso sow aba bone. 34 Awo mma! Ebeye den na abonefo se mo atumi aka nea eye ho asem? Nea aye koma ma abu so no na ano ka. 35 Onipa pa anom asem da nnepa a ewo ne mu no adi. Saa ara na onipa bone nso anom asem da nnebone a ewo ne mu no adi. 36 Mereka makyere mo se, atemmuda no, asenhunu biara a obi aka no, obebu ho akontaa. 37 W’anom asem so na wonam bebu wo bem anaa fo.” 38 Da bi, Yudafo mpanyimfo bi a Farisifo bi ka won ho baa Yesu nkyen beka kyere no se, onye nsenkyerenne bi nkyere won. 39 Yesu buaa won se,

“Ɔman a wɔye abɔnefo a wonni gyidi na wɔpɛ sɛ wohu nsenkyerenne. Nanso wɔrenhu nsenkyerenne biara ka Odiyifo Yona de no ho. **40** Na senea Yona kodii bonsu yam nnansa no, saa ara na ɛsɛ sɛ Onipa Ba no kodi asase mu nnansa. **41** Atemmuda no Ninewe mmarima ne nɛmma besɔre ayi ɔman yi atɛn, efisɛ bere a Yona kaa asempa no, wɔsakraa wɔn adwene. Nanso nea ɔsen Yona wɔ ha. **42** Atemmuda no, Sebahemnea besɔre atia ɔman yi, efisɛ ofi asase ano nohɔ betiee Salomo nyansa nsem. Nanso nea ɔsen Salomo no wɔ ha. **43** “Saa ɔman nneɔneyefo yi te sɛ obi a honhommɔne wɔ ne so. Sɛ honhommɔne no tu fi ne mu a, ekyinkyin, hwehwɛ homebea nanso ennya bi. **44** Sɛ ɛba saa a, nea honhommɔne no ka ne se, ‘Mesan akɔ onipa a mifii ne mu bae no mu bio.’ Ɔsan kɔ onipa no mu na ohu sɛ ne mu da mpan, na wɔasiesie hɔ fɛfɛfɛ a, **45** ɔsan n’akyi kɔfa ahonhommɔne afoforo ason a wɔye den kyɛn no ba ma wɔn nyinaa betena ne mu. Eyi ma onipa no asetena no sɛe kyɛn ne kan asetena no.” **46** Bere a Yesu reka asempa akyerɛ nnipadɔm wɔ ofi bi mu no, ne na ne ne nuanom begyinaa afikyiri pɛɛ sɛ wɔne no kasa. **47** Nnipa a wɔwɔ hɔ no mu baako kɔka kyereɛ Yesu se, “Wo na ne wo nuanom gyina afikyiri hɔ pɛ sɛ wɔne wo kasa.” **48** Yesu kae se, “Hena ne me na? Ehɛfo ne me nuanom?” **49** Ɔkaa saa no, ɔde ne nsa kyereɛ nnipadɔm no ka kyereɛ n’asuafo no se, “Eyinom ne me na ne me nuanom.” **50** Ɔsan kaa bio se, “Obiara a ɔbɛye m’agya a ɔwɔ ɔsoro no apɛde no, ɔno ne me nuabarima, ne me nuabea ne me na.”

13 Da no ara Yesu fii adi kɛtenaa mpoano. **2** Nnipakuw kyeree so wɔ hɔ a ɛmaa no kɛtenaa ɔkorow bi mu a na nnipakuw no nso gyinagyina mpoano hɔ. **3** Ofii ase kyerekyereɛ wɔn wɔ mmebu mu se, “Da bi okuafo bi kɔɔ n’afum koguɔ aba. **4** Ogu so regu no, aba no bi guu ɔkwan mu maa nnomaa besosɔw ne nyinaa. **5** Bi nso koguɔ ɔbotan so. Ankyɛ na aba no fifii. **6** Esiane sɛ na dɔte a ɛwɔ ɔbotan no so sua no nti, owia bɔɔ so no, ne nyinaa hyewee. **7** Aba no bi nso guu nsɔɛ mu, na nsɔɛ no nyin no emiaa no. **8** Aba no bi guu asase pa mu. Enyin, sow aba mmɔho aduasa; bi aduosia na afoforo nso ɔha. **9** Nea ɔwɔ aso no, ma ontie!” **10** Owieɛ ne nkyerekyerɛ no, n’asuafo no baa ne nkyɛn bebisaa no se, “Adɛn na daa wonam mmebu so kasa kyere nnipa no?” **11** Yesu buaa wɔn se, “Mo de, wɔde Ɔsoro Ahenni ho ahintasɛm ama mo na wɔn de, wɔmmfa mmaa wɔn ɛ. **12** Nea ɔwɔ biribi no, wɔbɛma no bi aka ho na wanya ama abu no so. Na

nea onni ahe bi no, kakra a ɔwɔ no mpo, wobegye afi ne nsam. **13** Nea enti a ɛma mekasa kyere wɔn mmebu mu no ne se, “Wohu de, nanso wonhu; wɔte de, na wɔntɛ ase. **14** Wɔn so na ɛnam ama Yesaia nkɔm a ɔhyɛɛ se, “Ɔte de, mobɛte, nanso morentɛ ase; ohu de, mubehu, nanso morenɔ no, aba mu. **15** Efisɛ ɔman yi koma apirim. Wɔye asoɔden; wɔakatakata wɔn ani. Sɛ entɛ saa a anka wɔn ani behu ade, na wɔn aso atɛ asɛm na wɔn koma atɛ asɛm ase, na wɔanu wɔn ho asan aba me nkyɛn na masa wɔn yare.” **16** Na mo de, wɔahyira mo ani efisɛ ehu ade; wɔahyira mo aso efisɛ ɛte asɛm. **17** Na me de, mereka akyerɛ mo se, adiyifo ne atreneefo pii pɛɛ sɛ wohu nea muhu no, nanso wɔanhu. Wɔpɛɛ sɛ wɔte nea mote no, nanso wɔante. **18** “Afei muntie bɛ a ɛfa ogufo a okoguɔ aba wɔ n’afum no no nkyerease. **19** Wɔn a wotie Onyankopɔn asɛm no, na wɔntɛ ase no te sɛ aba a eguu ɔkwan mu no. Ɔbɔnefo no ba, behwim nea wɔadua wɔ wɔn koma mu no. **20** Aba a eguu ɔbotan so no gyina hɔ ma wɔn a wote asɛm no, na wɔde anigye so mu. **21** Nanso asɛm no nnyina wɔ wɔn mu. Eyi nti ɛnkyɛ na asɛm no awu. Esiane sɛ asɛm no awu nti, sɛ ɔhaw anaa ɔtaa bi ba a, wɔpa abaw. **22** Aba a eguu nsɔɛ mu no gyina hɔ ma wɔn a wotie asɛm no, nanso wiase yi mu abrabo mu haw ne agyapade ho dadwen nti ɛmma asɛm no ntumi nyɛ wɔn mu adwuma. (aiɔn g165) **23** Na aba a eguu asase pa mu no gyina hɔ ma wɔn a wotie asɛm no, na wɔte ase. Wɔsow aba mmɔho aduasa; bi aduosia; na afoforo nso, ɔha.” **24** Yesu de bɛ foforo kaa asɛm se, “Ɔsoro Ahenni no te sɛ okuafo bi a oduaa aburow wɔ n’afum. **25** Da koro anadwo a wada no, ne tamfo nso beduua nwura fraa aburow a wadua no. **26** Aburow no renyin no, na nwura no nso renyin. **27** “Okuafo no apaafɔ beka kyereɛ no se, ‘Owura, aburow a wuduɛ no, nwura bi afifi wɔ ase!’ **28** “Okuafo no buae se, ‘Ɔtamfo bi na oduae!’ “Apaafɔ no bisaa no se, ‘Wope se yekotutu saa nwura no ana?’ **29** “Obuua wɔn se, ‘Dabi dal!’ Anyɛ a na moatutu aburow no bi afra nwura no. **30** Momma ne nyinaa nyin nkosi twabere na mama atwafɔ ayiyi nwura no afi aburow no mu ahyew no, na wɔde aburow no nso agu asan so.” **31** Yesu buu wɔn bɛ foforo se, “Ɔsoro Ahenni te sɛ onyaa aba ketewa bi a obi duaa wɔ n’afum. **32** Eɛ aba ketewaa bi, nanso sɛ enyin a, eɛ dutan kese ma nnomaa kosisi ne mman so.” **33** Obuu wɔn bɛ foforo se, “Ɔsoro Ahenni te sɛ mmɔkaw bi a brodotofɔ de fɔtɔw mmɔre ma etu.” **34** Yesu nam mmebu so ɔkasa kyereɛ nnipadɔm

no. **35** Enti ɔhyee nea adiyifo no ahye ho nkɔm no mma se: “Mekasa mmebu mu, na maka anwonwade mu ahintasem a efi adebo mfiase.” **36** Afei Yesu fii nnipadɔm no nkyen kɔɔ fie. N’asufo no baa ne nkyen beka kyeree no se ɔnkyere wɔn be a efa nwura ne aburɔw ho no ase. **37** Yesu buaa wɔn se, “Me Onipa Ba no, mene okuafo a oduaa aburɔw no. **38** Afuw no ne wiase, na aburɔw no nso gyina hɔ ma wɔn a wɔye Ahenni no mma; nwura no nso gyina hɔ ma wɔn a wɔye ɔbonsam mma. **39** Ɖtamfo a oduaa nwura fraa aburɔw no ne ɔbɔnefo no. Otwabere no ye wiase awiei; atwafo no ne abɔfo no. (aĩɔn g165) **40** “Senea asenka no mu, wotutuu nwura no fii aburɔw no mu kɔhyew no no, saa ara na ebye wɔ wiase awiei. (aĩɔn g165) **41** Onipa Ba no besoma n’abɔfo, na wɔabɛboaboa wɔn a wɔpe bɔne, nsemmɔnedifo nyinaa ano ahi Ahenni no mu, **42** na wɔatow wɔn agu ogyatannaa no mu, ahyew wɔn. Eho na osu ne setwere wɔ. **43** Na atreneefo no behyeren se owia wɔ wɔn Agya Ahenni no mu. Nea ɔwɔ aso no, ma ontie!” **44** Yesu toaa mmebu no so se, “Ɖsoro Ahenni no te se ademude bi a obi kohuu wɔ afuw bi mu. Ɖkataa so, na ɔde ahopere kɔtɔn n’ahode nyinaa, de kɔtɔɔ afuw no. **45** “Bio, Ɖsoro Ahenni te se obi a odi nhene pa ho gua a ɔrehwehwe nhene pa ato. **46** Okonyaa bi a eye fe mmoroso, enti ɔkɔtɔn n’ahode nyinaa de kɔtɔe!” **47** Yesu toaa so bio se, “Ɖsoro Ahenni no te se obi a okoguu asau wɔ asu bi mu yii nsumnam ahorow bebre. **48** Asau no ye ma no, ɔtwe baa konkɔn so. Afei ɔtenaa ase yiyii nam pa no guu kentɔn mu na ɔtow nea enye no gui. **49** Saa ara na wiase awiei beye. Abɔfo no beba abepaw abɔnefo no ahi atreneefo no mu, (aĩɔn g165) **50** na wɔatow abɔnefo no agu ogyatannaa no mu; eho na osu ne setwere wɔ. **51** “Mote ase?” N’asufo no buaa no se, “Yiw.” **52** Yesu toaa ne nkyerekyerɛ no so se, “Kyerɛwsem no akyerɛkyerɛfo a wɔabeye m’asufo no te se ofiwura a wada n’agyapade foforo ne dedaw nyinaa adi.” **53** Yesu wiee ne mmebu no, ofii faako a ɔwɔ hɔ no. **54** Ɖkɔɔ ne kurom Nasaret. Ɖkyerekyerɛ wɔ hyiadan mu maa wɔn a wotiee no no ho dwiriw wɔn. Wobisabisaa wɔn ho wɔn ho se, “Ehe na saa ɔbarima yi konyaa nyansa a ɔde ye anwonwade see yi? **55** Enye dua dwumfo no ba no ni? Enye ne na ne Maria? Enye ne nua barimanom ne Yakobo ne Yosef ne Simon ne Yuda? **56** Enye yene ne nuabeanom na ete ha? Na afei ehe na okonyaa eyinom nyinaa yi?” **57** Wɔn bo fuw no. Yesu ka kyeree wɔn se, “Odiyifo wɔ anuonyam baabiara, gye ne man

mu anaa ne nkurɔfo mu!” **58** Esiane se wɔannye no anni no nti, wanye anwonwade bebre wɔ hɔ!

14 Bere no mu ara na Herode a na odi hene wɔ Galilea no tee Yesu nka, **2** na ɔka kyeree n’asomfo ne se, “Oyi ye Osuboni Yohane na wasɔre ahi awufɔ mu. Eyi nti na wanya tumi foforo de reye anwonwade ahorow yi.” **3** Saa bere no na Herode ama wɔakyere Osuboni Yohane ato ahiase, efise na wakasa atia Herodia ne Herode aware no **4** se, Herode aware ne nua Filipino yere. **5** Herode pee se okum Yohane. Nanso na osuro se, se okum no a basabasaye beba ɔman no mu. Efise na nnipa no nyinaa bu Yohane se odiyifo. **6** Ebaa se na Herode redi n’awoda. Awoda no ase na Herodia babea besaw ma a eyee Herode fe. **7** Eyi maa Herode kaa ntam, hyee no bɔ se ommisa nea ɔpe biara na ɔde bema no. **8** Ne na maa no kae se, “Fa Osuboni Yohane ti a wɔatwa to prete mu ma me wɔ ha.” **9** Herode tee asem no, eyee no yaw ma ehaw no. Nanso esiane ntam a waka wɔ nnipa a wɔahyia hɔ no anim no nti, ɔhye ma wɔyee nea ababaa no hwehwe no maa no. **10** Herode soma ma wokotwaa Yohane ti wɔ ahiase hɔ. **11** Wɔde ti a wɔatwa no too prete mu de breɛ ababaa no ma ɔde kɔmaa ne na. **12** Yohane asuafo no befaa n’amu no kosiee no. Eyi akyi no wɔkɔbɔɔ Yohane wu no ho amannee kyeree Yesu. **13** Yesu tee Osuboni Yohane wu no, ɔtew ne ho kɔtenaa baabi. Nnipa tee ne nka ma wɔnam fam fi wɔn nkurow ne wɔn nkuraa tiw no kɔɔ nea ɔwɔ hɔ. **14** Yesu fii ɔkorow no mu baa nea nnipa no wɔ hɔ no. Ohuu nnipadɔm no, ne yam hyehyee no maa wɔn. Eyi ma ɔsaa ayarefo a wɔwɔ wɔn mu no yare. **15** Anim rebiribiri no, Yesu asuafo no baa ne nkyen beka kyeree no se, “Ade asa awie. Aduan biara nso nni ha. Eha nso mmen kurow biara. Enti gya nnipa no kwan, na wɔnkɔhwehwe aduan ntɔ nni wɔ nkurow no bi so.” **16** Yesu buaa wɔn se, “Eho nhia se wɔko; momma wɔn aduan nni!” **17** Asuafo no ka kyeree no se, “Nea yewɔ nyinaa ye brodo anum ne mpataa abien pe.” **18** Yesu ka kyeree wɔn se, “Momfa mmre me.” **19** Afei ɔka kyeree nnipadɔm no ma wɔtenatenaa ase wɔ sare no so. Ɖhwɛ soro bɔɔ mpae, hyiraa aduan no so. Afei obubuu mu de maa n’asufo no ma wɔkyekye maa nnipadɔm no. **20** Obiara dii nea wɔde maa no no mee pintinn. Afei asuafo no boaboa nea wodi ma ekae no ano no, eyee nkenten dumien. **21** Mmarima a wodii aduan no dodow beye mpem anum a mmea ne mmofra no dodow nka ho. **22** Nnipadɔm no didi wiee

pe na Yesu ka kyeree n'asuafu no se, wɔntena ɔkorow no mu nni kan ntwā nkɔ asuogya nohɔ na ɔno de, ɔretena hɔ agya nnipa no kwan. **23** Ogyaa wɔn kwan wiee no, ɔkɔɔ bepɔw bi so kɔbɔɔ mpae. Onwini dwɔe no, na aka Yesu nko ara wɔ nea ɔwɔ hɔ. **24** Saa bere no na ɔkorow a asuafu no te mu no adu akyiri. Mframa fii ase bɔɔ dennɛn maa po no bɔɔ asorɔkye dwiradwiraa ɔkorow no a asuafu no te mu no. **25** Anɔpahema beye nnɔnnan bere mu no, Yesu nantew po no ani baa asuafu no nkyen. **26** Bere a asuafu no huu obi se ɔnam asu no ani reba wɔn nkyen no wosuroe, efise na wosusuw se wɔahu ɔsaman. Emaa wɔde hu teetee mu. **27** Ntem ara na Yesu ka kyeree wɔn se, “Eye me. Munnsuro. Momma mo bo ntɔ mo yam!” **28** Petro ka kyeree no se, “Awurade, se eye wo de a, ka kyere me na me nso memfa asu no ani mmra wo nkyen.” **29** Yesu ka kyeree Petro se, “Bra!” Petro fii ɔkorow no mu sii asu no ani, nantew se ɔreko Yesu nkyen. **30** Nanso ohuu mframa a erebo no ne ho popoe. Ofii ase se ɔremem. Ɖteetee mu, frɛe Yesu se, “Awurade, gye me na meremem!” **31** Eho ara, Yesu teɛ ne nsa twee no. Afei ɔka kyeree Petro se, “Wo a wo gyidi sua, aden na wunnye me nni?” **32** Yesu ne Petro kɔtenaa ɔkorow no mu no, mframa no gyae bɔ. **33** Asuafu a wɔwɔ ɔkorow no mu no de ahodwiriw bekotow Yesu kae se, “Onyankopɔn Ba ne wo ampa!” **34** Wotwaa asu no baa Genesaret. **35** Yesu duu hɔ no, ankye na nkurow a atwa Genesaret ho ahyia no nyinaa tee ne nka. Wɔde wɔn ayarefo nyinaa brɛe no. **36** Ayarefo no srɛe Yesu se ɔmma wɔmfa wɔn nsa nka n'atade ano keke. Ayarefo dodow a wotumi de wɔn nsa kaa n'atade ano no ho yee wɔn den.

15 Da bi, Farisifo ne Yudafo mpanyin no bi fi Yerusalem baa Yesu nkyen bebisaa no se, **2** “Aden nti na w'asuafu no nni Yudafo amanne so? Yen amanne a yehohoro yen nsa ho ansa na yɛadidi no, wonni so.” **3** Yesu nso bisaa wɔn se, “Aden nti na mo nso mode mo amanne no bu Onyankopɔn mmaransɛm so? **4** Ebi ne se, Onyankopɔn mmara no ka se, ‘Di w'agya ne wo na ni,’ na baako nso ne se, ‘Obiara a ɔbeka asemmɔne afa n'awofo ho no, ɛse se wokum no,’ **5** Na mo de, nea moka ne se, se obi ka kyere ne na anaa n'agya se, ‘Mewɔ ade bi a anka metumi de aboa mo, nanso mede rekɔma Onyankopɔn’ a, enye bɔne. **6** Enti mo ara monam mo mmara a moahye so bu Onyankopɔn mmara a ɔhyee se di w'agya ne wo na ni no so. **7** Mo nyaatwomfo! Se Yesaia hyee

mo ho nkɔm se, **8** “Saa nnipa yi ka se wodi me ni, nanso wɔn koma mmen me. **9** Wɔsom me ani so keke, efise wɔkyerekyere mmara a onipa aye na enye nea efi Onyankopɔn.” **10** Afei Yesu frɛe nnipadɔm no ka kyeree wɔn se, “Muntie nea meka no na mommɔ mmɔden nte ase. **11** Enye ade a ebekɔ onipa mu no na emma ne ho ntew, na mmom, nea ebefi ne mu aba no na egu ne ho fi.” **12** Nsem a Yesu kaa yi maa n'asuafu no ba beka kyeree no se, “Wunim se wo nsem a wokaa no ama Farisifo no bo afuw?” **13** Yesu buaa wɔn se, “Dua biara a enye m'agya na oduae no, wobetu akyene. **14** Mummmua wɔn kora! Na wɔye anifuraefo a wɔrekyere anifuraefo kwan nti wɔn nyinaa beko akɔtew ahwe amoa mu.” **15** Petro ka kyeree Yesu se, “Kyere yen be no ase.” **16** Yesu nso bisaa no se, “Ampa ara se monte ase? **17** Munnim se ade a efa onipa anom no fa onipadua no mu na asan aba bio? **18** Asem a ho ntew biara fi koma a mu ntew mu ma egu nea ɔkaa saa asem no ho fi. **19** Koma mu na adwemmɔne, awudi, ayefasɛm, aguamammɔ, korɔn, atoro ne ntwatoso fi. **20** Eyinom na egu onipa ho fi. Nanso se obi anhohoro ne nsa senea mo amanne te no na odidi a, ne ho nguu fi honhom mu.” **21** Yesu fii ɔman no mu hɔ kɔɔ Tiro ne Sidon. **22** Kanaanni bea bi a ɔte ɔman no mu hɔ de osu baa Yesu nkyen bekae se, “Awurade, Dawid Ba, hu me mmɔbo! Honhommɔne hye me ba mu na se eka ne ho a, ema ne ho yeraw no.” **23** Yesu anka hwee. N'asuafu no hyee no se ɔmpam ɔbea no mfi hɔ. Wotii mu ka kyeree no se, “Ka kyere no na omfi ha nkɔ, na ɔde n'adesre no retuatua yen aso.” **24** Yesu ka kyeree ɔbea no se, “Wɔsomaa me baa Yudafo, Israel nguan a wɔyera no nkyen na enye amanamanmufo.” **25** Ɖba bekotow no kɔɔ so srɛe no se, “Me wura, boa mel!” **26** Yesu ka kyeree no se, “Enye se wobegye aduan afi mmofra nsam atow ama akraman.” **27** Ɖbea no nso buae se, “Ewɔ mu saa de, nanso akraman no nso tumi di mporoporowa a efi wɔn wura no pon so gu fam no.” **28** Yesu ka kyeree ɔbea no se, “Ɖbea, wo gyidi mu ye den. Meye w'abisade ama wo.” Eho ara, ne babea no ho tɔɔ no. **29** Yesu san baa Galilea po no ho. Ɖforo kɔtenaa bepɔw bi so. **30** Nnipa bebreɛ de mpakye, anifuraefo, apirafo, mum ne wɔn a wɔyare nyarewa ahorow baa ne nkyen se ɔnsa wɔn yare, ma ɔsaa wɔn nyinaa yare. **31** Nnipa no ho dwiriw wɔn. Wɔn a wɔnkasaa da kasae; mpakye nyaa ahooden; na mmubuafo nantew huruhuruwii na anifuraefo huu ade. Nnipadɔm no ho dwiriw wɔn ma wɔkamfoo Israel

Nyankopon. **32** Afei Yesu frɛɛ n'asuafo no nyinaa baa ne nkyen ka kyereɛ wɔn se, "Nnipa yi ye me mmobo. Wɔabedi me nkyen ha nnansa. Aduan a ɛwɔ ha nyinaa nso asa. Nanso mempe se mema wɔkɔ wɔn afi mu a wonnidii, anye saa a, wɔbetoto piti wɔ kwan so." **33** N'asuafo no nso bisaa no se, "Sare so ha de, ehe na yebanya nnipadom yi ano aduan?" **34** Yesu nso bisaa wɔn se, "Brodo dodow ahe na mowo?" Wobuae se, "Yewo brodo ason ne mpataa kakraa bi." **35** Yesu ka kyereɛ nnipadom no maa wɔn nyinaa tenatenaa ase wɔ sare no so. **36** Afei ɔfaa brodo ason no ne mpataa no, hyiraa so na obubuu mu de maa asuafo no se wɔmfa mma nnipadom no nni. **37** Wɔn nyinaa dii aduan no mee pintinn. **38** Wɔn a wodii saa aduan no, na wɔn dodow ye nnipa mpem anan a wɔankan mmea ne mmofra anka ho. Wodidi wiei no, akyi mporoporowa a wɔtasee no yee nkenten ason. **39** Eyi akyi na Yesu gyaa nkurofo no kwan, maa ɔno nso kotenaa ɔkorow mu twa kɔɔ Magadan.

16 Da koro bi, Farisifo ne Sadukifo baa Yesu nkyen besɔɔ no hwɛɛ wɔ frɛ a ɔfrɛ ne ho se Onyankopon Ba no ho. Wɔka kyereɛ no se ɔnye nsenkyerenne bi a efi ɔsoro nkyere wɔn. **2** Yesu buaa wɔn se, "Munim wim nsakrae ho nkyerease. Se owia rekoto, na wim ye kɔkɔ a, moka se ɔkyena wim betew. **3** Se edu anɔpa na wim ye kɔɔ a, moka se wim rentew da mu no nyinaa. Nanso muntumi nkyere mmere mu nsenkyerenne no ase. **4** Saa ɔman nnebɔneyeɔfo a wonnye hwɛɛ nni yi hwehwe se wobehu ɔsoro nsenkyerenne bi, nanso wɔrenhu nsenkyerenne foforo biara ka anwonwade a woyi kyereɛ Yona no ho." Yesu kaa saa wiee no, ogyaw wɔn ho kɔe. **5** Asuafo no twa kɔɔ asuogya noho no, wɔkae se anka ɛse se wɔfa aduan. **6** Yesu ka kyereɛ wɔn se, "Monhwɛ mo ho so yiye wɔ Farisifo ne Sadukifo nyaatwom a ete se mmɔkaw no ho." **7** Asuafo no susuw se gyama wonkura aduan biara no nti na Yesu kaa saa. **8** Yesu huu nea wodwinnwen no, ɔka kyereɛ wɔn se, "Mo a mo gyidi sua! Aden na ehaw mo se moamfa aduan? **9** Enti ebese nne monte ase ana? Mo were a fi brodo anum a mibubuu mu maa nnipa mpem anum no ne ase mporoporowa kenten a ɛkae no? **10** Mo were asan a fi brodo ason a mede maa nnipa mpem anan ne nea ɛkae no? **11** Aden nti na modwene se aduan ho asem na mereka akyerɛ mo? Meresan aka bio se, 'Monhwɛ mo ho yiye wɔ Farisifo ne Sadukifo mmɔkaw ho.'" **12** Afei asuafo no tee nea ɔkae no ase se, Farisifo ne Sadukifo mmɔkaw

ho asem a ɔreka akyerɛ no ye Farisifo ne Sadukifo nkyerekyere bɔne bi no ho asem na ɔreka. **13** Bere a Yesu baa Kaesarea Filipi fam no, obisaa n'asuafo no se "Nnipa ka se Onipa Ba no ne hena?" **14** Wobuua no se, "Ebinom se wone Yohane Osuboni. Ebinom nso se Elia. Afoforo nso se wone Yereimia anaa adiyifo no mu baako." **15** Afei Yesu bisaa wɔn se "Na mo nso, muse mene hena?" **16** Simon Petro buaa no se, "Wone Kristo no, Onyankopon Teasefo no Ba no!" **17** Yesu ka kyereɛ no se, "Nhyira ne wo, Yona ba Simon. Efise enye onipa na oyii eyi kyereɛ wo, na mmom eye m'Agya a ɔwɔ ɔsoro no. **18** Wone Petro, ɔbotan, na ɔbotan yi so na mede m'asafo besi, na tumi a ɛwɔ ɔbonsam gya mu no rentumi mmubu no da. (Hadēs 986) **19** Mede ɔsoro Ahenni no safe bema wo, na ɔpon biara a wobeto mu wo asase so no, wobeto mu wo ɔsoro; na ɔpon biara a wubebue wo asase so no, wobebue wo ɔsoro!" **20** Afei Yesu bɔɔ n'asuafo no ano se wɔnnka nkyere obiara se ɔno ne Agyenkwa no. **21** Efi saa bere no, Yesu fii ase kyerekyereɛ ɔko a ɔbeko Yerusalem, ne amane a obehu wo Yudafo mpanyin, asɔfo mpanyin ne kyereɛwfo ne akyerɛkyerefo no nsam na wɔakum no, na nnansa so no wanyan no mu pefee kyereɛ n'asuafo no. **22** Petro frɛɛ Yesu kɔɔ nkyen na ɔkaa n'anim se, "Aden nti na woka asem a ete saa! Onyame mpa ngu! Nea woreka yi remma wo so da!" **23** Yesu dan ne ho kaa Petro anim se, "ɔbonsam, fi me so! Woye hintidua kese ma me. Wudwen nnipa adwene na enye Onyankopon de." **24** Yesu ka kyereɛ n'asuafo no se, "Se obi pe se odi m'akyi a, ɔmpa ne ho akyi, na ɔmma n'asennua so, na onni m'akyi. **25** Na obiara a ɔpe se ogye ne kra nkwa no, ebefi ne nsa, na obiara a me nti, ne kra befi ne nsa no, ne nsa besan aka. **26** Na se onipa nya wiasɛ yi mu nneema nyinaa na ɔhwere ne kra a, mfaso ben na obenya? Den na onipa betumi de asi ne kra anan mu? **27** Na me, Onipa Ba no, meba wo m'agya anuonyam mu a m'abɔfo ka me ho na mabebu obiara nneyee ho aten. **28** "Nokware mise mo se: Mo mu bi renwu kosi se mubehu Onipa Ba no se ɔreba n'ahenni mu."

17 Nnansia akyi no Yesu faa Petro, Yakobo ne ne nua Yohane de wɔn kɔɔ bepɔw tenten bi a so ye dinn atifi. **2** Wɔwɔ ho no, wohuu se ne nipadua asakra ama n'anim ahyeren se owia, ma n'atade aye fitafita se nwera. **3** Preko pe, Mose ne Elia bepuee ho a na wone Yesu rekasa. **4** Petro kae se, "Awurade, eye nwonwa se yen nso yewo ha bi. Se wope a, anka mebo asese abiesɛa na mede baako ama wo, na mede

baako ama Mose, na mede baako ama Elia.” 5 Petro gu so rekasa no, omununkum hann bi bekataa wɔn so na nne bi fi omununkum no mu kae se, “Oyi ne me Doba a ɔso m’ani. Muntie no!” 6 Asuafo no tee nne no, wɔbɔɔ hu ma wɔde wɔn anim butubutuw fam. 7 Yesu baa wɔn nkyen, besuso wɔn mu kae se, “Monsɔre! Munnsuro!” 8 Wɔmaa wɔn ani so no, wɔanhu obiara se Yesu nko ara. 9 Ebaa se wɔresian afi bepɔw no so no, Yesu bɔɔ wɔn ano se, “Monnka nea moahu no nkyere obiara kosi se menyan afi awufo mu.” 10 Yesu asuafo no bisaa no se, “Aden nti na daa Yudafo mpanyin ka ti mu se, esɛ se Elia san ba ansa na Agyenkwa no aba?” 11 Yesu buaa wɔn se, “Nea wɔreka no wɔ mu. Esɛ se Elia di kan ba betoto nneema yiye. 12 Na nokware ni, Elia aba dedaw na wɔanhu no, na dodow no ara ne no anni no yiye. Na me, Agyenkwa no nso, mehu amane wɔ wɔn nsam saa ara.” 13 Afei asuafo no hui se Osuboni Yohane ho asem na ɔreka no. 14 Bere a osian duu bepɔw no ase no, ohuu se nnipadɔm retwen no. ɔbarima bi bebuu Yesu nkotodwe kae se, 15 “Owura, hu me ba bi a otwa mmɔbɔ, efise ɔwɔ ɔhaw kese mu. Se otwa no ba a, etumi twa no hwe ogya anaa nsu mu. 16 Enti mede no breɛ w’asuafo no se wɔnsa no yare; nanso wɔantumi.” 17 Yesu kae se, “Mo nne mma asoɔdenfo a munni gyidi! Me ne mo ntena nkosi da ben? Momfa no mmɛ me wɔ ha.” 18 Yesu teeteeɛ honhommɔne a ɛwɔ abarimaa no mu no ma etu fii ne mu ma amono mu ho ara ne ho tɔɔ no. 19 Afei asuafo no baa Yesu nkyen wɔ kokoa mu bebisaa no se, “Aden nti na yeantumi antu honhommɔne no?” 20 Yesu buaa wɔn se, “Efise mo gyidi sua.” ɔtoaa so se, “Se mowɔ gyidi se onyaa abaa esua koraa no a, anka mubetumi aka akyerɛ bepɔw yi se, ‘Tutu kɔ nohɔ!’ na ebetutu ako akyirikyiri. 21 Na saa honhommɔne a ete seɛ yi de, erentumi ntu da, gye se monam mpaebɔ ne mmuadadi so.” 22 Da bi a Yesu ne n’asuafo no wɔ Galilea no, aka kyereɛ n’asuafo no se, “Wɔrebeyi Onipa Ba no de no ahyɛ wɔn a 23 wɔwɔ tumi no nsa, na wɔakum no na ne nnansa so no, wanyan aba nkwa mu bio.” Asuafo no tee saa asem yi no, wɔn were howee, na wɔn koma nso tui. 24 Bere a wobeduu Kapernaum no nso, ehɔ asɔre no mu towgyefo baa Petro nkyen bebisaa no se, “Enti wo wura tua tow?” 25 Petro buaa no se, “Yiw otua.” Petro fii ho no, ɔkɔɔ fie kɔbɔɔ Yesu amannee a efa towtua no ho. Yesu amma n’ano ansi koraa na obisaa no se, “Na wo Petro, wo nso wudwen ho den? Ahemfo twa tow ma wɔn ara wɔn manfo tua anaase

wotwa ma ahɔho a wodi wɔn so no?” 26 Petro buaa se, “Wotwa tow no ma ahɔho no.” Yesu nso buae se, “Petro mo! Eno de na enɛ se ɔman mma no tua tow biara. 27 Na mmom, esiane se mɛmpe se wɔfa yen ho abufuw no nti, kɔ asu no mu kɔto darewa. Apataa a wubeyi no adi kan no, bue n’anom. Wubehu sika a ebese me ne wo tow no tua se ehyɛ n’anom; yi na fa kotua ma wɔn.”

18 Saa bere no mu na Yesu asuafo no baa ne nkyen bebisaa no se, wɔn mu hena na ɔbeyɛ kese ɔsoro Ahenni no mu. 2 Yesu frɛɛ abofra ketewa bi de no begyinaa wɔn mfimfini. 3 Afei aka kyereɛ wɔn se, “Merema mo ate ase se, gye se motwe mo ho fi mo bɔne ho, na moyɛ se mmofra nketewa, na mode mo ho ma Onyankopɔn ansa na mubetumi ako ɔsoro Ahenni no mu.” 4 Enti, obiara a ɔbebre ne ho ase se abofra yi no, ɔno na ɔbeyɛ ɔkese koraa wɔ ɔsoro Ahenni mu. 5 Na mo mu biara a, me nti obegye abofra ketewa biara te se oyi no, wagye me nso aba ne nkyen. 6 “Enti se obi to mmofra nketewa a wogyɛ me di yi bi hintidua a, eye ma no se anka wɔde ɔbotan besen ne kɔn mu atow no akyene po mu. 7 Wiase nnue wo ne hintiduato ho! Hintiduato wɔ ho de, nanso nea enam ne so beba no nnue. 8 Enti se wo nsa anaa wo nan to wo hintidua a, twa na tow kyene. Eye ma wo se wode dɛmdɛ bekɔ ɔsoro sen se wɔde wo nipamu beto ogyatannaa mu. (aiðnios g166) 9 Na se w’ani to wo hintidua a, tu na tow kyene. Eye ma wo se wode ani koro bekɔ ɔsoro sen se wowɔ ani abien na wode wo beto amanahunu gya mu. (Geenna g1067) 10 “Monhwe yiye na moammu saa mmofra nketewa yi mu baako koraa animtiaa. Mereka akyerɛ mo se, ɔsoro ho no, wɔn abofo wɔ m’agya nkyen daa. 11 Na me, Agyenkwa no, mebae se merebegye wɔn a wɔayera no nkwa. 12 “Se onipa bi wɔ nguan ɔha, na wɔn mu baako kokyin na ɔyera a, den na ɔbeyɛ? ɔrennyaw aduɔkron akron no ho nkokyinkyin mmepɔw so ne abon mu nhwehwe nea wayera no? 13 Na se eba se ohu saa oguan no a, n’ani gye ne ho sen aduɔkron akron a wɔwɔ fie no. 14 Saa ara nso na m’agya a ɔwɔ ɔsoro no mpe se nketewa yi mu baako beyera. 15 “Se wo nua fom wo a, kɔ ne nkyen na wo ne no baanu no nka nea ɔyɛ wo a enye wo de no. Se otie nea woka no, na ɔte ne ho ase a, onua aye onua. 16 Na se wantie nso a, san fa onipa baako anaa baanu ka wo ho kɔ ne nkyen, na nnipa baanu anaa baasa no adi nea ebese wɔ ho no nyinaa ho

adanse. 17 Se wantie wo ara a, fa asem no koma asafu. Na se wudi bem wo asafu no anim, na onte ne ho ase ara a, asafu no mpam no mfi won mu. 18 “Mereka akyerɛ mo se, biribiara a mokyekyerɛ wo asase so no, wɔakyekyerɛ wo osoro, na biribiara a moasan wo asase so no, wɔasan wo osoro. 19 “Meresan aka akyerɛ mo bio se, se mo mu baanu biara a ɔte asase yi so hwehwe biribi na ɔde nokware bisa m’agya a ɔwo osoro no a, obeye ama no. 20 Na nea baanu anaa baasa ahyia wo me din mu no, na mewo won mfimfini.” 21 Petro baa Yesu nkyen bebisaa no se, “Awurade, mpen ahe na se me nua fom me a memfa nkye no? Mpen ason ana?” 22 Yesu buaa no se, “Dabi! Mpen aduason ahorow ason! 23 “Osoro Ahenni no te se ohene bi a ɔpɛɛ se one n’apaafu bu nkontaa. 24 Nkontaabu no mu no, wode ɔpaani bi a ɔde no ka sika ɔpepem du brɛɛ no. 25 Esiane se na onni sika a ɔde betua ka no nti, ohene no hyee se wonton one ne yere ne ne mma ne biribiara a ɔwo, na wɔmfa mmetua ka no. 26 “Ɔpaani yi de n’anim butuw fam, srɛɛ ne wura yi se, ‘Me wura, hu me mmɔbo, na to wo bo ase ma me, na mɛba abetua ka a mede wo no nyinaa.’ 27 Ɔpaani yi asem a ɔkae no yee ohene no mmɔbo, ma ogyaa no de ne ka no nyinaa nso kyee no. 28 “Saa ɔpaani yi fii ho no, okohuu ne yonko paani bi a ɔde no ka sika kakraa bi. Otim no amene se ontua no ka a ɔde no no wo ho ara. 29 “Na ne yonko paani no kotow paa no kyew se onto ne bo ase mma no, na obetua ka no. 30 “Nanso ɔno de, wampene. Ɔma wode no kotoo afiase se gye se watua no ka a ɔde no no nyinaa ansa na obema wɔagyaa no. 31 Ɔkafo yi nnamfo kɔkaa asem a asi no nyinaa kyereɛ ohene no. 32 “Ohene no tee no, ɔfrɛɛ saa ɔpaani a ɔde ne ho kyee no no baa n’anim. Ɔka kyereɛ no se, ‘Onipa bone ne otirimodenfo! Wosrɛɛ me no, mede ka kese a wode me no nyinaa kyee wo; 33 ense wo se wo nso wuhu wo yonko mmɔbo senea mihuu wo mmɔbo no ana?’ 34 Ohene no de abufuw ma wode ɔpaani yi kotoo afiase kae se, gye se watua ka a ɔde no no nyinaa ansa na obema wɔayi no. 35 “Saa ara na se moamfa mo nuanom mfomso ankye won a, me soro Agya nso remfa mo mfomso nkye mo.”

19 Yesu wiee n’asɛnka no, ɔkɔɔ Galilea. Ofi Galilea no, otwaa Asubontan Yordan baa Yudea. 2 Nnipadom tu dii n’akyi, ma ɔsaa won yare. 3 Farisifo bi ba bebisaa no nsem bi pɛɛ se wɔnam won nsemmissa no so ma ɔka asem bi a ede no beko sohwe mu. Wobisaa no se, “Wopene awaregyae so ana?” 4 Yesu nso bisaa

won se, “Gyama monkenkan Kyerew Kronkron no? Wɔakyerew wo mu se, ‘Mfiase no, Onyankopon bɔɔ ɔbarima ne obea. 5 Eyi nti na ɔbarima begyaw n’agya ne ne na ho de ne ho akɔbo ne yere ho daa nyinaa no.’ 6 Enti na wɔnye baanu bio, na mmom wɔabeye ohonam koro. Enti nea Onyankopon aka abɔ mu no, ense se obiara tetew mu.” 7 Farisifo no kɔɔ so bisaa no se, “Aden nti na Mose kae se, se ɔbarima bi pɛ se ogyaa ne yere a otumi kyereɛ no krataa keke, de gyaa no?” 8 Yesu buaa won se, “Esiane se na mo koma apirim no nti na Mose maa awaregyae ho kwan, na enye ade a Onyankopon hyehyee. 9 Na mereka akyerɛ mo se, obiara a obegyaa ne yere, a enye se obea no abɔ aguaman, na obesan aware obea foforo no asɛɛ aware.” 10 Yesu asuafo no kae se, “Se saa na ete de a, na ense se obiara ware.” 11 Yesu buaa won se, “Enye obiara na obetumi agye asem yi ato mu, gye won a Onyankopon hye won den no nko ara. 12 Nnipa bi wo ho a wonni mmarmaye mu ahooden fi awo mu, ebinom nso wo ho a nnipa na wɔyee won saa; ebinom nso osoro Ahenni no nti, wɔpo aware. Obiara a obetumi no, nni m’asem a maka yi so.” 13 Wode mmofra nkumaa brɛɛ Yesu se ɔmfa ne nsa ngu won so, na ɔmmo mpae mma won. Nanso asuafo no kaa won anim. 14 Yesu kae se, “Momma mmofra no kwan na wɔmmra me nkyen, na munnsiw won kwan, na eyinom sɛɛ na Osoro Ahenni no ye won dea.” 15 Na ɔde ne nsa guu won so, hyiraa won ansa na ɔrefi ho ako. 16 Eno mu na ɔbarima bi baa Yesu nkyen bebisaa no se, “Ɔkyerekyerefo, ade pa ben na menyɛ na manya nkwa a enni awiei?” (aiōnios g166) 17 Yesu buaa no se, “Aden nti na wubisa me nea eye papa ho asem? Ɔbaako pɛ na ɔye papa. Se wope se wokɔ nkwa mu de a, di mmara nsem no so.” 18 Aberante no nso bisaa no se, “Mmaransem no mu nea ewo he?” Yesu buaa no se, “Nni awu. Nsee aware. Mmo koron. Nni atoro. 19 Di w’agya ne wo na ni, na do wo yonko se wo ho!” 20 Aberante no nso kae se, “Midi eyinom nyinaa so pɛpɛpɛ. Afei menyɛ den?” 21 Yesu ka kyereɛ no se, “Se wope se woye pɛ a ko na koton biribiara a wowo, na fa sika a wubenya afi mu no ma ahiafo. Eno ansa na wubenya ademude wo osoro. Afei bedi m’akyi.” 22 Esiane se na saa aberante yi wo ahonyade bebreɛ nti, ɔtee saa nsem no, anye no de maa ɔde awerehow fii ho kɔɛ. 23 Afei Yesu ka kyereɛ n’asuafo no se, “Meka mo nokware se eye den ma osikani se obeko Osoro Ahenni no mu. 24 Meka ti mu

se, eyɛ mmerɛw se yoma bewura pane aniwa mu sen se osikani bekɔ Onyankopɔn Ahenni mu!” 25 Asuafo no tee saa asem no, wɔn adwene mu yɛɛ wɔn naa. Wobisae se, “Na eno de, hena na wiase mu ha wobegye no nkwa?” 26 Yesu hwɛɛ wɔn buae se, “Onipa fam de, eyɛ den, na Onyankopɔn fam de, biribiara betumi aba mu.” 27 Petro nso kae se, “Yagyaw biribiara ho abedi w’akyi; na mfaso ben na yebenya afi w’akyidi no mu?” 28 Yesu buae se, “Me, Agyenkwa no, se metena m’anuonyam ahengua no so a, nokware, mo m’asuafɔ yi nso betena ahengua dumien no so na moabu Israel mmusuakuw dumien no atɛn. 29 Na obiara a obegyaw ne fi, ne nuabarimanom, ne nuabeanom, n’agya, ne na, ne yere, ne mma anaa n’agyapade abedi m’akyi no, obenya no ho mmɔho ɔha, na wanya nkwa a enni awiei nso. (aiōnios g166) 30 Na wɔn a wɔadi kan no mu pii bedi akyi, na wɔn a wodi akyi no nso mu bi abedi kan.”

20 Yesu san buu wɔn be foforo bi se, “Ɔsoro Ahenni te se okuafo bi a ofii adi anɔpa bi se ɔrekɔhwehwe nnipa abɔ wɔn paa. 2 Ne nsa kaa apaafɔ no, ɔne wɔn hyehyɛ se obetua wɔn da koro adwuma so akatua. 3 “Ankye ofii adi bio kohuu nnipa bi nso, se wogynagyina ho a wɔnye hwee. 4 Ɔfaa wɔn nso de wɔn kɔ n’afuw no mu. Ɔka kyereɛ wɔn nso se, obetua wɔn nea eye. 5 Enti wokɔɛ. “Ɔsan kɔ owigyinae ne nnɔn abiesɛ bere mu kɔbɔ nnipa foforo paa ne wɔn yɛɛ nhyehyɛ koro no ara bi. 6 Ɔsan fii adi beyɛ nnɔnnum bere mu, kohuu se nnipa bi gynagyina ho. Obisaa wɔn se, ‘Adɛn nti na da mu yi nyinaa mugynagyina ha a monye hwee?’ 7 “Wobuae se, ‘Obi mmɛbɔ yɛn paa ɛ.’ “Eho ara na ɔka kyereɛ wɔn se, ‘Eno de, mo nso monkɔye adwuma wɔ m’afum.’ 8 “Eduu anwummere no, ɔfrɛɛ nea otua n’apaafɔ no ka no ka kyereɛ no se, ‘Hwɛ na tua wɔn ka, fi wɔn a wɔbaa akyiri yi no so kosi wɔn a wɔbaa kan no so.’ 9 “Apaafɔ a ɔfaa wɔn akyiri no nyinaa, otuaa wɔn da koro apaade. 10 Wɔn a wɔfaa wɔn kan no nso bae. Wosusuw se wobenya sika a ɛboro wɔn a wɔfaa wɔn akyiri no de no. Nanso wɔn nso wotuaa wɔn senea wotuaa wɔn a wɔbaa akyiri no ara pɛ. 11 Wɔn nsa kaa wɔn apaade no, anyɛ wɔn dɛ. 12 Wɔka kyereɛ afuw wura no se, ‘Nnipa a wɔbaa akyiri no yɛɛ adwuma dɔnhwerew baako pɛ, nanso yɛn a yeyɛ adwuma fi anɔpa maa owia hyee yɛn no, womaa yɛne wɔn nyinaa akatua pɛ.’ 13 “Obuaa wɔn mu baako se, ‘Damfo, menyɛ wo bone biara. Me ne wo anni ano

se, metua wo da koro adwuma so akatua ana? 14 Fa sika a wo nsa aka no na kɔ. Efi me pɛ mu na meretua wɔn a wɔbaa kan ne wɔn a wɔbaa akyiri no nyinaa ka pɛ. 15 Mmara bi siw me ho kwan se mede me sika ye nea mepe? Anaase m’ayamye nti na w’ani abere yi?” 16 “Asem a Yesu ka de wiee ne se, ‘Saa ara na wɔn a wodi akyi no bedi kan, na wɔn a wodi kan no nso bedi akyi.’” 17 Yesu sii mu se ɔrekɔ Yerusalem no, ɔde n’asuafɔ no kaa ne ho. 18 Wɔrekɔ no, ɔtwee n’asuafɔ no gyinaa nkyen baabi ka kyereɛ wɔn se, “Yerekɔ Yerusalem. Wobeyi me ama asɔfo mpanyin ne kyerewsem no akyerkyerefo, na wɔabu me kumfo. 19 Wɔde me behyɛ Roma aban nsa, na wɔadi me ho few, abɔ me asennua mu, na ne nnansa so no, mesɔre afi awufo mu.” 20 Sebedeo mma Yakobo ne Yohane ne wɔn na baa Yesu nkyen. Ɖbea yi de adesrɛde bi betoo Yesu anim. 21 Yesu bisaa no se, “Den na wope se menyɛ mma wo?” Obuaa no se, “Mepe se, se woko w’ahenni mu a, me mma baanu yi mu baako tena wo nifa so, na ɔbaako nso tena wo benkum so.” 22 Nanso Yesu ka kyereɛ no se, “Wunnim nea worebisa no.” Afei ɔdan ne ho bisaa Yakobo ne Yohane se, “Mubetumi anom kuruwa a merebenom ano no bi ana?” Wobuaa no se, “Yebetumi!” 23 Yesu ka kyereɛ wɔn se, “Me kuruwa ano de, mubetumi anom, nanso minni tumi se miyi wɔn a wobetena me nifa anaa me benkum so. Saa afa no wo ho ma wɔn a m’Agya ayi wɔn no.” 24 Asuafo du a aka no tee nea Yakobo ne Yohane akobisa no, wɔn bo fuwii. 25 Yesu frɛɛ wɔn nyinaa ka kyereɛ wɔn se, “Munim se ahene ne atumfo di wɔn a wɔhyɛ wɔn ase no so. Saa ara nso na wɔn a wodi wɔn so no nso di afoforo so. 26 Nanso mo de, ente saa wo mo mu. Mmom, obiara a ɔpe se ɔye ɔkɛse wo mo mu no, esɛ se ɔye mo somfo. 27 Obiara a ɔpe se ɔye odikanfo wo mo mu no, ɔnye mo akoo. 28 Onipa Ba no amma se wɔnsom no, na mmom ɔbesomee, na ɔde ne kra too ho se mpata maa nnipa nyinaa.” 29 Yesu ne n’asuafɔ fi Yeriko rekɔ no, nnipadɔm tu dii wɔn akyi. 30 Wɔrekɔ no, wɔkɔfaa baabi a anifuraefo baanu bi tete. Anifuraefo yi tee se Yesu retwa mu no, wɔtɛtɛɛɛ mu se, “Awurade, Dawid Ba, hu yɛn mmɔbɔ!” 31 Nnipadɔm a wodi Yesu akyi no tɛtɛɛ wɔn se wommua wɔn ano. Nanso anifuraefo no kɔ so tɛtɛɛ mu se, “Awurade, Dawid Ba, hu yɛn mmɔbɔ!” 32 Yesu duu nea wɔtete ho no, ogyina bisaa wɔn se, “Den na mope se meye ma mo?” 33 Wɔka kyereɛ no se, “Awurade, yepe se yehu adel!” 34 Anifuraefo no yɛɛ

Yesu mmabɔ. Ɖde ne nsa kekaa wɔn ani, na preko pe wohuu ade, na wodii n'akyi.

21 Aka kakra na Yesu ne n'asuafɔ no adu Yerusalem no, wɔbɛn kurow bi a wɔfrɛ no Betfage a ɛwɔ Ngo Bepɔw no so hɔ no. Ɛhɔ na Yesu somaa n'asuafɔ no mu baanu se, wonni kan nkɔ. **2** Ɖka kyereɛ wɔn se, “Se mudu hɔ a, mubehu se wɔasa afurum bi ne ne ba hama. Monsan wɔn, na momfa wɔn mmɛ me. **3** Se obi ka asem bi kyere mo a, monka nkyere onipa ko no se, ‘Wɔn hɔ hia Awurade,’ na ntem ara ɔbɛma mo de wɔn aba.” **4** Wɔyɛ eyi de hyɛ tete nkɔmhyɛ a ɛka se, **5** “Monka nkyere Ɖabaea Sion se wo hene reba wo nkyɛn. Odwo, na ɔte afurum ne afurum ba so” no mu den. **6** Asuafɔ baanu no yɛɛ nea Yesu ka kyereɛ wɔn no. **7** Wɔde mmoa no brɛɛ no no, wɔde wɔn ntama sesɛw afurum no so, maa Yesu tenaa no so. **8** Nnipadɔm a wɔwɔ hɔ no bi de wɔn ntama sesɛw ɔkwan a ɔde aboa no nam so no so. Ebinom nso bubuu nnua mman de sesɛw ɔkwan no mu saa ara. **9** Dɔm no tu teɛ de osebo teɛteɛ mu se, “Hosiana Dawid Ba!” “Nhyira ne nea ɔnam Awurade din mu reba no.” “Hosiana wɔ ɔsoro nohɔ!” **10** Bere a oduu Yerusalem no, kurow no nyinaa bɔɔ twi. Ɛhɔfo no bisae se, “Na hena ni?” **11** Nnipadɔm no buae se, “Ɛyɛ Yesu, Odiyifo a ofi Nasaret a ɛwɔ Galileaman mu no.” **12** Yesu fii hɔ no, ɔkɔɔ hyiadan mu. Oduu hɔ no, ɔpam aguadifo a wɔwɔ hɔ no nyinaa, kaa sikasesafo apon nyinaa guu fam, bubuu pata a wɔtɔn mmorɔnoma wɔ mu no nyinaa gui. **13** Yesu ka kyereɛ wɔn se, “Kyerɛwsem no ka se, ‘M’asɔrefi ye beae a wɔbɔ mpae.’ Nanso mo de, mode hɔ ayɛ adwɔwtwafo atɛnae.” **14** Afei anifuraefo ne mmubuafɔ baa ne nkyɛn wɔ hyiadan mu hɔ ma ɔsaa wɔn nyinaa yare. **15** Nanso bere a asɔfo mpanyin ne Yudafo mpanyin bi huu anwonwade yi na wɔtee nso se mmofra nkumaa a wɔwɔ hyiadan mu hɔ retɛteɛ mu se, “Nhyira nka Dawid Ba no” no, anyɛ wɔn dɛ. **16** Enti wobisaa Yesu se, “Wote nsem a mmofra no reka no ana?” Yesu bua se, “Yiw. Na monkenkan saa Kyerɛwsem a ɛka se, “‘Mmofra ne nkokoaa mpo de wɔn ano kamfo wo’ no da, ana?” **17** Afei ofii hɔ san kɔɔ Betania kɔdaa hɔ. **18** Ade kyee anɔpa a ɔresan ako Yerusalem no, ɔkɔm dee no. **19** Ohuu se borɔdɔma dua bi si ɔkwan hɔ baabi. Ɖkɔɔ hɔ kɔhwɛ se borɔdɔma no bi wɔ so, nanso oduu hɔ no, ohuu se nhaban nko ara na ɛwɔ so. Ɖdomee borɔdɔma dua no se, “Efi nne, worenso aba bio!” Ɛhɔ ara borɔdɔma dua no wui. (aiɔn g165) **20** Asem yi

yɛɛ Yesu asuafɔ no nwonwa ma wobisaa no se, “Na eyɛɛ den nti na borɔdɔma dua no so nhaban poo ntem saa?” **21** Yesu nso buaa wɔn se, “Nokware, se mowo gyidi na munnhinhim a, mubetumi ayɛ ade koro yi ara bi, anaa nea ekyɛn saa mpo. Anka mubetumi aka akyere Ngo Bepɔw yi se, ‘Tutu kogu po mu,’ na ebetutu akogu mu nso. **22** Biribiara a mode gyidi bebisa wɔ mpaeɔ mu no, mo nsa beka.” **23** Yesu san kɔɔ hyiadan mu hɔ a ɔrekryekryere no, asɔfo mpanyin ne Yudafo mpanyin baa ne kyɛn bebisaa no tumi ko a ogyina so pam aguadifo ne sikasesafo no fii hyiadan mu hɔ no. **24** Yesu kae se, “Merebebisaa mo asem baako bi, na mummua me ansa. **25** Onyankopɔn na ɔsoma Osuboni Yohane anaa enyɛ ɔno?” Wodwinnwen ho kae se, “Se yeɛka se ‘Efi Onyankopɔn’ a, wobebisa yen nea enti a yeannye nea Yohane kae no anni? **26** Na se yeɛka se, ‘Enyɛ Onyankopɔn na ɔsoma no’ nso a, dɔm no behaw yen efise, wɔn nyinaa nim se Yohane ye odiyifo.” **27** Enti wɔn mmuae a wɔmae ara ne se, “Yennim!” Ɛhɔ ara na Yesu nso kae se, “Se munnim de a, me nso meremmua mo.” **28** Yesu kae se, “Saa asem a merebeka yi mudwen ho den? Ɖbarima bi wɔ mmabarima baanu. Ɖka kyereɛ wɔn mu panyin no se, ‘Me ba, nne kɔ m’afum na kɔyɛ adwuma wɔ hɔ.’ **29** “Ne ba no kae se, ‘Merenko,’ nanso akyiri no, ɔsesaa n’adwene na ɔkɔe. **30** “Afei agya no ka kyereɛ akumaa no se, ‘Wo nso kɔ.’ Ɖno nso kae se, ‘Agya, mate, mekɔ.’ Nanso wankɔ. **31** “Saa mmofra baanu yi mu hena na otie n’agya asem?” Wobuae se, “Ɛyɛ ne ba panyin no.” Yesu see wɔn se, “Akyinnye biara nni ho se abɔnefo ne nguamanfo beko Ɖsoro Ahenni mu ansa na moako. **32** Efise Yohane baa mo nkyɛn se ɔrebekyere mo trenɛe kwan, na moannye no anni. Nanso towgyefo ne nguamanfo gyee no dii. Na muhuu eyi mpo no, moansakra mo adwene, na moannye no anni.” **33** Yesu buu wɔn be foforo bi se, “Da bi, ɔbarima bi a ɔwɔ bobeturo a wagye ban afa ho, na watu amoa a wokyi nsa wɔ mu, de afuw no gyaw akuafɔ bi. Eyi akyi no, otuu kwan kɔɔ ɔman foforo bi so. **34** Eduu bere a bobɛ no beree a ɛse se wɔtew no, ɔsoma ne ho nnipa baa akuafɔ no hɔ se wommegye ne kyɛfa mmɛ no. **35** “Woduu hɔ ara pe na akuafɔ no tow hyɛ nnipa no so, boroo ɔbaako, kum ɔbaako na wosiw ɔbaako nso abo. **36** Afei ɔsan somaa nnipa a wɔn dodow sen wɔn a ɔsoma wɔn kan no se wɔnko akuafɔ no nkyɛn, nanso asem koro no ara bi na esii. **37** Eyi akyi no ɔsoma ɔno n’ankasa ne ba kɔɔ akuafɔ no nkyɛn susuwii se, wɔde

nidi bema no. **38** “Nanso akuafo no huu se ne ba no apue reba pe, wofaa ne ho adwene kae se, ‘Ɔdedifo no na ɔreba no; momma yenkum no, na yemfa afuw no!’ **39** Eho ara na wotwee no fii afuw no mu, kokum no too baabi. **40** “Se afuw wura no san ba a, mugye di se den na ɔbeyɛ saa akuafo no?” **41** Yudafo mpanyin no buae se, “Ɔno nso bekum saa atirimodenfo no na ɔde afuw no ama akuafo foforo a wɔde ne kyefa bema no bere a ɛse mu.” **42** Yesu bisaa wɔn bio se, “Monkenkan Kyerewsem no mu da se, “Ɔbo a adansifo apo no eno ara na abeyɛ ɔdan no twea so tibo. Awurade na waye eyi, na eyɛ nwonwa wɔ yen ani so?” **43** “Nea mereka ara ne se, wobegye Onyankopɔn Ahenni no afi mo nsam de akɔma ɔman foforo a wobebu ne nnɔbae no ho nkontaa pa akyere no. **44** Wɔn a wɔbehwe saa ɔbotan yi so no mu bebubu, na nea ɔbo no behwe ne so no nso bepetew.” **45** Bere a asɔfo mpanyin ne Yudafo mpanyin no tee ase se Yesu asem a ɔreka no fa wɔn ho no, **46** wɔpɛɛ se wɔye no bɔne, nanso na wosuro dɔm no efise na wɔagyɛ Yesu ato mu se ɔye Odiyifo.

22 Yesu de mmebu ahorow kyereɛ sɛnea Ɔsoro Ahenni no te. **2** Ose, “Ɔsoro Ahenni no te se ɔhene bi a ne babarima hyiaa ayeforo na ɔtoo pon maa no. **3** Ɔtoo nsa frɛɛ nnipa pii. Bere no dui no, ɔnam tumi so somaa n’asomfo se wɔnkɔfrɛfrɛ nnipa no na wɔmmra. Nanso nnipa no amma. **4** “Ɔsan somaa n’asomfo afoforo se, ‘Monkɔka nkyere wɔn se, wɔawie biribiara. Wɔakum m’anantwi ne me nyemmoa de anoa aduan awie. Mommra ayeforo no ase mmedidi!’ **5** “Nanso wɔammua no. Obi kɔɔ n’afum. Ɔfoforo nso kodii ne gua. **6** Afoforo nso kyeree n’asomfo no hwee wɔn, pirapiraa wɔn, kunkum ebinom nso. **7** Ɔhene no tee nea nnipa no aye n’asomfo no, ne bo fuwii. Ɔsomaa n’asraafo ma wokokunkum awudifo no, hyew wɔn kurow no pasaa. **8** “Ɔsan frɛɛ n’asomfo ka kyereɛ wɔn se, ‘Wɔawie ayeforo aduan no. Nanso wɔn a mɛfrɛɛ wɔn no mfata se wɔba aponto no ase. **9** Enti monko mmɔnten so na obiara a mubehu no no, momfrɛ no mmra aponto no ase.’ **10** Asomfo no fii adi kɔɔ mmɔnten so kɔfrɛɛ nnipa dodow a wohuu wɔn no nyinaa. Wɔfrɛɛ nnipa pa ne nnipa bɔne, maa ɔdan a wɔtoo pon wɔ mu no yɛɛ ma. **11** “Ɔhene no baa ho se ɔrebehwe nnipa a wɔaba no, ohuu obi a ɔnhye ayeforohyia atade wɔ ho. **12** Obisaa no se, ‘Damfo, eyɛɛ den na wonhyɛ ayeforohyia atade, na wutumi baa

ha?’ Nanso damfo no antumi ammua. **13** “Afei ɔhene no ka kyereɛ n’asomfo no se, ‘Monkyekyere ne nan ne ne nsa na monkwɔtow no nkyene akyirikyiri sum mu, nea osu ne setwere wɔ no.’ **14** “Wɔafre bebree, nanso kakraa bi na wɔpaw wɔn.” **15** Farisifo no tuu Yesu ho agyina, pɛɛ ɔkwan bi a wɔbɛfa n’anom asem so anya no akyere no. **16** Wosii no gyinae se, wɔbɛsoma wɔn nnipa bi ne Herodefo aba Yesu nkyen abebisa no se, “Owura, yenim se woyɛ ɔnokwafo, na wonam nokware kwan so kyere nnipa kwan a ɛko Onyankopɔn nkyen a wunsuro akyi asem, efise wonhwe nnipa anim. **17** Ka ma yentie. Eye se woyi tow ma Roma Hempon Kaesare anaa enye?” **18** Yesu huu wɔn adwemmone no ma ɔka kyereɛ wɔn se, “Mo nyaatwomfo! Aden nti na mope se mode nnaadaa so me hwe? **19** Momfa sika a wɔde yi tow no bi nkyere me.” Wɔde bi kyereɛ no. **20** Obisaa wɔn se, “Hena mfonɔ na ɛda so, na hena din nso na ɛwɔ so?” **21** Wobuaa se, “Kaesare.” Yesu ka kyereɛ wɔn se, “Eno de, momfa Kaesare de mma Kaesare, na momfa Onyankopɔn de mma Onyankopɔn.” **22** Ne mmuae a ɔmaa wɔn no maa wɔn ho dwiriw wɔn ma wogyaw no ho kɔɛ. **23** Da no ara, Sadukifo a wonnye owusore nni no baa Yesu nkyen bebisaa no se, **24** “Owura, Mose kae se, ‘Se ɔbarima bi anwo na owu a, ne nuabarima mfa ne yere no kunabea na ɔne no nwo mma owufo no. **25** Anuanom baason bi ne yen tenaa ha. Ɔpanyin no waree a wanwo ba na owui. Enti ne nua a ɔto so abien no faa ne yere no kunabea. **26** Nea ɔto so abien no nso wui, maa nea ɔto so abiesa no faa ɔbea no kunabea. Ɔno nso wui a wanwo ba, maa ɔfoforo nso faa ɔbea no kunabea. Eyi toaa so ara kosii se anuanom baason no nyinaa waree ɔbea no. **27** Nea edi akyi ne se, ɔbea no nso wui. **28** Eno nti, owusɔrebere no, nnipa baason yi mu hena na ɔbea no beyɛ ne yere? Efise wɔn nyinaa waree no!” **29** Yesu buaa wɔn se, “Mo mfomso a moaye no fi nim a munnim Kyerewsem no ne Onyankopɔn tumi a ɔwɔ no! **30** Na owusɔrebere no, aware nni ho; obiara beyɛ se abɔfo a wɔwɔ ɔsoro no. **31** Nea ɛfa owusore no ho no nso, monkenkan nea Onyankopɔn aka afa ho no pen? Munhu se Onyankopɔn kasa kyereɛ mo bere a ɔkae se, **32** ‘Mene Abraham Nyankopɔn, Isak Nyankopɔn ne Yakob Nyankopɔn no?’ Eyi kyere se, Onyankopɔn nye awufo Nyankopɔn na mmom, atasefo Nyankopɔn.” **33** Nnipadɔm no tee ne nkyerekyerɛ no, eyɛɛ wɔn nwonwa. **34** Farisifo no tee se Yesu abu afa Sadukifo no so no, wokohyiaa Yesu. **35** Wɔn mu baako a

oye mmaranimfo bisaa Yesu se, **36** “Owura, Mose mmaransem no mu nea ewo he koraa na ekyen ne nyinaa?” **37** Yesu buaa no se, “Do Awurade, wo Nyankopon, wo koma nyinaa mu ne wo kra nyinaa mu ne w’adwene nyinaa mu.” **38** Eyi ne mmaransem no mu nea edi kan na ekyen ne nyinaa. **39** Nea eto so abien no te se eno ara: ‘Do wo yonko se wo ho.’ **40** Mose mmaransem ne adiyifo no nkyerekere ne nyinaa gyina saa mmaransem abien yi so.” **41** Farisifo no twaa Yesu ho hyiae no, obisaa won se, **42** “Den na mususuw fa Agyenkwa no ho? Hena ba ne no?” Wobuaa no se, “Dawid Ba.” **43** Yesu bisaa won se “Eno de, aden na Dawid nam Honhom Kronkron so fre no ‘Awurade?’ Efise Dawid kae se, **44** “Awurade ka kyeree me wura se, “Tena me nifa kosi se mema woadi w’atamfo nyinaa so.” **45** Se Dawid fre no ‘Awurade’ a, eno de, eyee den na Kristo no ye ne ba?” **46** Obiara antumi ammua. Eyi akyi nso, obiara antumi ammisa no nsem bio.

23 Afei, Yesu ka kyeree nnipadom no ne n’asufo no se, **2** “Kyerewsem no Akyerekerefo ne Farisifo no na wokyerɛ Mose mmara no ase. **3** Eyi nti, ese se mutie won, na moye biribiara a wokyerɛ mo. Nanso monnye nea woye no bi efise nea woka no, enye eno na woye. **4** Wohye mo ma mudi mmara a eye den so a won ankasa mpe se wodi so. **5** “Biribiara a woye no ye dyekyerɛ. Wode sebe a kyerew nsem bi hye mu sen won nsa, hye ntade yuu kyere se woye atreneefo. **6** Na woko aponto ase nso a, wope se daa wotena mpanyin tenabea; woko asore nso a wope se wotena mpanyin tenabea pa. **7** Se wode obu kyia won wo abonten so na wofre won ‘Rabi’ anaa ‘Owura’ a eye won de. **8** “Mommma obiara mmfre mo sa. Efise Onyankopon nko ara na oye Owura. Mo nyinaa moye pe se anuanom. **9** Mommfre obiara wo asase so ha se ‘Agya,’ efise Onyankopon a owo osoro no nko ara na ese se wofre no saa. **10** Na mommma wommfre mo ‘Owura,’ efise obaako pe na oye mo wura a one Agyenkwa no. **11** Wobre wo ho ase som afororo a, wobeye akese. Wope se woye akese a, ye osomfo. **12** Na obiara a obema ne ho so no, wobebre no ase; saa ara nso na obiara a obebre ne ho ase no, wobema no so. **13** “Munnue! Mo Farisifo ne Kyerewsem no akyerekerefo nyaatwomfo, efise musiw afororo Osoro Ahenni ho kwan. Mo a, monko mu. Mo nso a, momma afororo a wope se woko mu no kwan. **14** Nyaatwomfo! Moba mpaɛ atenten wo mmonten so de kyere se moye

atreneefo wo bere a mutu akunafo fi won afi mu. **15** “Munnue! Mo Farisifo ne Kyerewsem no akyerekerefo nyaatwomfo! Moko wase afanan nyinaa se mubanya onipa baako abefra mo mu. Na se munya obi saa a, mosee no ma oye obonsam ba sen senea mote no. (Geenna g1067) **16** “Munnue! Akwankyerɛfo anifuraefo a moka se, se obi de asoredan ka ntam a, eno de, enye hwee. Na se ode sikakoko a ewo asoredan no mu ka ntam de a, eno de, ntam no kyekyerɛ onii no. **17** Anifuraefo nkweisefo! Asoredan no ne emu sikakoko no mu nea ewo he na esom bo; sikakoko no anaa asoredan no a etew sikakoko no ho no? **18** Na moka se, ‘Se obi ka aforemuka no ntam a, enye hwee. Na mmom, se oka ayeyede a egu aforemuka no so ntam de a, ekyekye onii! no’ **19** Anifuraefo! Aforemuka a etew ayeyede a egu so no ho no, ne ayeyede a egu so no mu nea ewo he na esom bo? **20** Se woka aforemuka no ntam a, woka aforemuka no ne eso ayeyede no nyinaa ntam, **21** na se woka asoredan no ntam a, woka asoredan no ne Onyankopon a ote mu no nyinaa ntam. **22** Na se woka osoro ntam a, na woreka Onyankopon ahengua ne Onyankopon no ankasa ntam. **23** “Munnue! Mo Farisifo ne Kyerewsem no akyerekerefo nyaatwomfo! Mui ntotoso du du wo affide a ewo mo mfikyifuw mu no ho, nanso mugyaw nneema a esom bo te se atentrenee, ahummobo ne nokwaredi. Ewo mu se ese se muiyi ntotoso du du no de, nanso ense se mugyaw nneema a esom bo no. **24** Akwankyerɛfo anifuraefo! Moson nea monom so, yi mu nwansena nanso momene yoma! **25** “Munnue! Mo Farisifo ne Kyerewsem no akyerekerefo nyaatwomfo! Mutwiw mo kuruwa ne mo asanka ho fefeeɛ nanso emu no de, anim ne pesemenkominya ahye no ma to. **26** Farisifo anifuraefo! Muntwiw kuruwa no mu kan, na kuruwa no ho nyinaa betew! **27** “Munnue! Mo Farisifo ne Kyerewsem no akyerekerefo! Mote se oda a wasra ho fefeeɛ nanso awufo nnompe ne nneema funu ahye mu ma to. **28** Moye mo anim se atreneefo, nanso bone ahorow ahye mo mu ma to. **29** “Munnue! Mo Farisifo ne Kyerewsem no akyerekerefo nyaatwomfo! Musisi ada akese ma adiyifo a mo ara mo agyanom kunkum won, na mode nhwiren gugu atreneefo a wokunkum won no nna so, **30** na mutwa mo ho ka se, ‘Se na yete ase saa bere no a, anka yerenye bone a yen agyanom yee no.’ **31** Se moka saa a, mubu mo ho fo se moye atirimodenfo mma. **32** Munni won anammɔn akyi nye saa bone koro no ara bi pepeɛɛ. **33** “Awo! Nhurutoa

mma! MobeƷe den aguan amanehunu gya mu atemmu no? (Geenna g1067) 34 Mesoma adiyifo ne anyansafo ne akƷereƷerefo aba mo nkyen. Mobebo won mu bi asennua mu akum won. Mobebo ebinom aƷi mmaa wo mo asoredan mu, na moataa bi aƷi nkuroƷ so aƷo nkuroƷ so. 35 Na atreneefo mogya a moahwie agu asase so nyinaa, eƷi Habel so de kosi Barakia ba Sakaria a mukum no asoredan ne aƷoremuka ntaƷ no, beba mo so. 36 Mereka aƷere mo se, atemmu a woaboaboa ano no nyinaa beba nneƷma yi so. 37 “Ao Yerusalem, Yerusalem, Ʒo a wukum adiyifo, na wusiƷ won a Ʒasoma won Ʒo nkyen abo, mƷen ahe na anka meƷe se meboaboa Ʒo mma ano, senea akokobeatan boaboa ne mma ano Ʒo ne ntaban ase, nanso moamƷe! 38 WobegyaƷ mo Ʒi ofituƷ ama mo. 39 Na mise mo se, eƷi sesee morenƷu me bio kosi se mobeka se, ‘Nhyira ne nea onam Awurade din mu reba no.”

24 Yesu refi faako a asoredan no si ho aƷo no, n’asuafo no baa ne nkyen Ʒe se ƷoteƷ n’adƷene ko adan ahoroƷ a eƷo asoredan no mu no so. 2 Nanso oƷa ƷyereƷ won se, “WobedwiriƷ saa dan yi agu pasaa!” 3 Yesu koƷ Ngo BepoƷ no so. Ote ho no, n’asuafo no baa ne nkyen bebisaa no se, “Bere ben na nea Ʒoreka yi beba? Na nsenƷyerenne ben na ebema yeahu Ʒo ba a wobesan aba bio no ne Ʒiase awiei a ebaba no?” (aiƷn g165) 4 Yesu ka ƷyereƷ won se, “MonhƷe na obi annaadaa mo. 5 Nnipa bebrede me din beba abeka se, Ʒone AgyenkƷa no, na Ʒoadaadaa mo mu Ʒii. 6 Se mote se Ʒoafi akodi ase a, enƷyere me ba a mesan aba no ho nsenƷyerenne. EƷe se eyinom ba, nanso awiei no de, ennya mmae. 7 Aman beƷore Ʒo aman so, na ahenni asore Ʒo ahenni so, na oƷom ne asasewosow beba mmeaemmeae. 8 Eyinom nyinaa beƷe nneema a eƷe hu a ebaba no mƷiase. 9 “Se moye me de nti, ƷobeƷe mo ayayade, na Ʒoakunkum mo Ʒo Ʒiase aƷanan nyinaa, 10 na mo mu Ʒii besan aƷo bone mu, na moayiƷi mo ho mo ho ama, na moatentan mo ho mo ho. 11 Atoro adiyifo bebrede beƷore, na Ʒoadaadaa mo mu Ʒii. 12 Bone beƷoƷo Ʒo Ʒiase, na abre nnipa do a ƷoƷo no ase. 13 Nanso won a wobegyaƷa Ʒintinn akodu awiei no, wobegye won nkƷa. 14 Na ƷobeƷa aseƷpa a efa Ahenni no ho no Ʒo Ʒiase mmaa nyinaa, na Ʒoate. Eno aƷi ansa na awiei no beba.” 15 “Enti se muhu ‘abusude a eƷe oƷee ba’ a Odiyifo Daniel kaa ho asem se eƷyina kronkronbea ho no a, ma nea oƷenkan no nte ase, 16

na won a wote Yudea no nguan nko Yuda mmeƷoƷ so. 17 Mma obiara a oƷo ne Ʒi dan atifi no nsian nkofa biribiara mƷi ne Ʒi ho. 18 Won a ƷoƷo mfuƷ so no nso nnsan won aƷi mmeƷa won ntama. 19 Ebeye hu ama won a Ʒoafa afuru ne won a woturu mma saa bere no mu! 20 Na mommo mƷae na bere a eƷe se muguan no anye aƷoƷbere anaa Homeda. 21 Efise aƷereƷowdi a ebaba no, bi nsii Ʒo Ʒiase abakoƷem mu da, na bi nso rensi da. 22 “NokƷare, se ƷoantƷa saa nna no so a, erenka obi. 23 Se obi ka Ʒyere mo se, ‘AgyenkƷa no Ʒo ha anaase oƷo noho anaa Ʒayi ne ho adi Ʒo ha anaa eho’ a, munnnye nni. 24 Atoro agyenƷwanom ne atoro adiyifo beƷore, na Ʒoaye anwonƷade ahoroƷ na se ebetumi a, Ʒoadaadaa won a Onyankopon aƷi won no mƷo. 25 MonhƷe yiye, efise maka biribiara aƷyere mo! 26 “Enti se obi ka Ʒyere mo se, ‘AgyenkƷa no asan aba na oƷo sare so a,’ monnhaw mo ho se mobeko ho akohƷehƷe no. Anaase nso Ʒose, ‘Ode ne ho asie baabi a,’ munnnye nni! 27 Na senea anyinam tƷa Ʒi apuei ko atoe no, saa ara na se Onipa Ba no reba a, ebeye ne no. 28 Na nea funu Ʒo no, eho na apete beboaboa won ho ano. 29 “Saa mmere no aƷereƷowdi no aƷi Ʒe “owia beduru sum, na osram renhyeren; na nsoromma beƷi Ʒim atetew ahƷe, na Ʒim abode behinhim.’ 30 “Afei Onipa Ba no ho nsenƷyerenne beba adi Ʒo osoro. Na asase sofo nyinaa betƷa agyaadƷo bere a wobehu Onipa Ba no se oƷe tumi ne anuonyam nam osoro omununkum mu reba. 31 Na mesoma m’abofe na Ʒode torobento a ano ye den aba abeboaboa won a mayi won no ano Ʒi osoro ano akoka asase ano. 32 “Afei munsua biribi mƷi borodoma dua no ho asem no mu. Se eyi mman foforo, san yi nhaban foforo a, na eƷyere se asusow aben. 33 Saa ara nso na se muhu se saa nneema yi nyinaa aƷi ase resisi a, mubehu se me ba a mesan aba no aben, adu oƷon ano. 34 NokƷare mise mo se, aƷo ntoatoaso yi rentƷa mu, gye se saa nneema yi nyinaa aba mu ansa. 35 Osoro ne asase betƷa mu aƷo, nanso me nsem de, ebetena ho daa. 36 “Nanso da anaa don ko a awiei no beba de, obiara nnim. Osoro abofe ne Onyankopon Ba no mƷo nnim. Agya no nko na onim. 37 Onipa Ba no ba a ebaba no beƷe senea Noa bere so eyee no ara Ʒe. 38 Na senea nna a edi nsuyiri no anim no nnipa didii, na Ʒonomee, wareƷaree, de kosii da a Noa koƷ hyen no mu, 39 na nnipa annye nea ebaba anni, kosii se nsuyiri befaa won nyinaa koƷ no, saa ara na me ba a mesan aba no beƷe. 40 Saa bere no,

wobefa mmарima baanu a woreye adwuma wo afum no mu baako ako, na wagyaw obaako. 41 Saa ara nso na mmea baanu a wowo fie renoa aduan no nso, wobefa obaako agyaw obaako. 42 “Enti monwen, efise munnim da ko a Awurade beba. 43 Senea se ofiwura nim bere a owifo beba a anka obewen de abo ne ho ban afi akoromfo ho no, 44 saa ara na ese se musiesie mo ho, efise Onipa Ba no beba bere a mo ani nna so se obeba. 45 “Hena ne osomfo nokwafo nyansafo no, nea ne wura de ne fi mu asomfo ahye ne nsa se omma won aduan wo bere a ese mu? 46 Nhyira ne osomfo a ne wura no beba abeto no se waye n’adwuma peperepe. 47 Meka mo nokware se ode nea owo nyinaa behye ne nsa na wahwe so! 48 Na se okoye osomfo tirimuodenfo, na oka kyere ne ho se, ‘Me Wura nnya mmae,’ 49 na ofi ase boro ne mfefo nkoa, na one akowensafo didi, bow nsa a, 50 Osomfo no wura no beba da a n’ani nna so. 51 Obetwe n’aso dennen, na ode no ako baabi a wobu nyaatwomfo aten; eho na osu ne setwere wo.

25 “Osoro Ahenni te se mmabaa du bi a wofaa won akanea se worekohya ayeforokunu. 2 Na mmabaa no mu baanum ye anyansafo na baanum nso ye nkweisefo. 3 Won mu nkweisefo no reko no, wofaa won akanea nanso wamfa ngo anka ho. 4 Nanso won mu anyansafo no de, woreko no wofaa ngo kaa won akanea ho koe. 5 Ayeforokunu no amma ntem, enti wofii ase totoo nko dedae. 6 “Odasu mu na wotee nteeteemu se, ‘Ayeforokunu no reba! Mumfi adi nkohya no!’ 7 “Mmabaa yi nyinaa sore buebue won akanea no. 8 Nkwasefo no sree anyansafo no se, ‘Momma yen mo ngo no bi ngu yen akanea no mu na eredunnum.’ 9 “Anyansafo no ka kyere won se, ‘Ngo a yewo no sua. Monko kurom nkoto bi.’ 10 “Woreko akoto ngo no pe, na ayeforokunu no bae. Enti won a wasiesie won ho no ne ayeforokunu no koo n’aponto no ase, na wotoo opon no mu. 11 “Akyiri no a baanum no san bae no, wogyinaa opon no akyi free se, ‘Owura, hie yen!’ 12 “Nanso oka kyere won se, ‘Mumfi ho nko. Minnim mo!’ 13 “Enti monwen na munnim da anaa don ko no. 14 “Bio, Osoro Ahenni te se obarima bi a oretu kwan ako oman foforo bi so. Oreko no, ofree ne nkoa na ode n’ahode maa won. 15 Omaa obaako sika ntokoku anum. Omaa ofoforo ntokoku abien na ofoforo, kotoku baako, senea obiara ahooden te. 16 Nea omaa no ntokoku anum no de sika no koyee adwuma, nyaa mfaso ntokoku anum kaa ho. 17 Saa ara na nea onyaa sika ntokoku abien no

nso nyaa abien kaa ho, 18 Nanso nea onyaa kotoku baako no de, okotuu fam de ne wura sika no siee ho. 19 “Mmere bi akyi na won wura no fi akwantu mu bae ne won bebuu akontaa. 20 Nea onyaa sika ntokoku anum no de anum kaa ho bae. Okae se, ‘Me wura, womaa me sika ntokoku anum. Hwe, manya anum aka ho.’ 21 “Ne wura no ka kyere no se, ‘Mo, akopa pa ne onokwafo, woadi kakra yi ho nokware, mede wo besi nneema pii so panyin. Bra, na me ne wo nni dew!’ 22 “Akoa a omaa no sika ntokoku abien no nso bae. Oka kyere ne wura no se, ‘Woreko no, womaa me sika ntokoku abien, hwe, manya abien aka ho.’ 23 “Ne wura no ka kyere no se, ‘Mo, akopa pa ne onokwafo, woadi kakra yi ho nokware, mede wo besi nneema pii so panyin. Bra, wo wura anigye mul!’ 24 “Akoa a onyaa sika kotoku baako no nso bae. Oka kyere ne wura no se, ‘Owura, minim se woye onipa a wo ho ye nwonwa. Wutumi twa wo nea wunnuae e, na wutumi boaboa ano wo nea wompetee e; 25 enti misuroi, na mede wo sika no kohyee fam, enti w’ade ni!’ 26 “Ne wura no ka kyere no se, ‘Akoa bone ne onihawfo! So wunim se mitumi twa wo nea minnuae, na mitumi boaboa ano wo nea mempetee? 27 Saa de a anka ese se wode sika no koto sikakorabea nya nsiho to ho ma me. 28 “Munnye sika kotoku no mfi ne nsam, na momfa nkoma nea onyaa ntokoku du no. 29 Obiara a owo no, wode bi beka ho ama no anya aboro so. Na obiara a onni no, nea owo no mpo, wobegye afi ne nsam. 30 Na wootow saa akopa a ne so nni mfaso no akyene sum kabii mu; eho na osu ne setwere wo.” 31 “Na se Onipa Ba no ba n’anuonyam mu a abofo nyinaa ka ne ho a, saa bere no na obetena n’anuonyam ahengua no so. 32 Na wobeboaboa aman nyinaa ano wo n’anim. Na obepaw nnipa no mu senea oguanhwefo paw nguan fi mmirekyi mu; 33 na ode nguan no begyina ne nifa so, na ode mmirekyi no agyina ne benkum so. 34 “Eno na Ohene no beka akyere won a wogyina ne nifa so no se, ‘Mo a m’agya ahyira mo, mommra mmefa ahenni a wasiesie ama mo fi abode mfiase no nni! 35 Okom dee me, na momaa me aduan dii. Osukom dee me, na momaa me nsu nomee. Meyee ohoho, na mode me koo mo fi. 36 Medaa adagyaw na mufuraa me ntama. Meyaree, na mobesraa me. Medaa afiase, na mobehwee me.’ 37 “Saa bere no mu na atreneefo bebisa se, ‘Owura, da ben na yehuu wo se okom de wo a, yemaa wo aduan, na osukom de wo a yemaa wo nsu nomee? 38 Afei da ben na yehuu se

woyee ɔhɔho, a yede wo kɔɔ yen fi, anaase wodaa adagyaw a, yefuraa wo ntama? **39** Afei da ben na yehuu se woyaree a, yebesraa wo, anaase wodaa afiase a, yebewee wo?" **40** "Na ɔhene no, bebua won se, 'Se moaye ama me nuanom nkumaa yi mu baako yi, moaye ama me!' **41** "Afei meka akyerɛ won a wogyina me benkum so no se, 'Mo a wɔadome mo, mumfi me so nkɔ ogyatannaa a ennum da a wɔasɔ ama ɔbonsam ne n'abɔfo no mu. (aiōnios g166) **42** Na ɔkɔm dee me, moamma me aduan anni, osukɔm dee me, moamma me nsu annom. **43** Meyee ɔhɔho, moamfa me ankɔ mo fi. Medaa adagyaw, moamfura me ntama. Meyaree, moammesra me. Medaa afiase, moammehwe me.' **44** "Won nso bebua no se, 'Awurade, da ben na yehuu wo se ɔkɔm dee wo, anaase osukɔm dee wo, anaase woyee ɔhɔho, anaase wodaa adagyaw, anaase woyaree, anaase wodaa afiase, na yeammoa wo?' **45** "Na obebua won se, 'Se moanye amma nkumaa yi mu baako nti, moanye amma me.' **46** "Na wɔbekɔ asotwe a eto ntwa da mu, na atreneefo ako nkwa a enni awiei mu." (aiōnios g166)

26 Yesu wiee nsem yi nyinaa ka no, ɔka kyereɛ n'asuafo no se, **2** "Senea munim no aka nnaanu na Twam Afahye no adu, na wobeyi Onipa Ba no ama, na wɔabɔ no asennua mu." **3** Saa bere no ara na asɔfo mpanyin ne Yudafo mpanyin bi ahyia mu wɔ ɔsɔfopanyin Kaiafa fi, **4** retu agyina ahwehwe ɔkwan a wɔbefa so akyerɛ Yesu, akum no a obiara renhu akyi. **5** Nanso wɔkae se, "Ense se wokyere no Twam Afahye no mu, anye saa a, ede basabasaye beba ɔman no mu." **6** Afei Yesu kɔɔ Betania na ɔkɔɔ Simon ɔkwatani fi. **7** ɔwo hɔ redidi no, obea bi a okura ngo huamhuam bi a ne bo ye den yiye toa ma baa hɔ, behwie guu Yesu tirim. **8** Asuafo no hui no, anye won de. Wɔkae se, "Adesee yi ase ne den? **9** Anka wobetumi atɔn srade huamhuam yi anya sika bebreɛ de ama ahiafo." **10** Yesu huu won adwene na ɔka kyereɛ won se, "Aden na mohaw obea yi? Waye ade pa ama me. **11** Mo ne ahiafo wɔ ha daa na me de, me ne mo nni hɔ daa. **12** Wahwie ngo huamhuam yi agu me so de asiesie me nipadua ama me sie. **13** Nokware, mise mo se, wɔbeka nea ɔyee yi wɔ wiase baabiara a wɔka asempano de akae no." **14** Afei Yuda Iskariot a ɔye asuafo dumien no mu baako kɔɔ asɔfo mpanyin no nkyɛn **15** kobisaa won se, "Se miyi Yesu ma mo a, ahe na mode bema me?" Wɔmaa no dwete mpɔw aduasa. **16** Efi saa

bere no, Yuda hwehweɛ ɔkwan a ɔbefa so ayi no ama won. **17** Apiti Afahye da a edi kan no, asuafo no baa Yesu nkyɛn bebisaa no se, "Ehe na wope se yekodi Twam Afahye no?" **18** Obuaa won se, "Monko kurow no mu nkohu ɔpanyin asiamasi nka nkyere no se, 'Kyerekyerefo no se, Me bere aben, na wo fi na me ne n'asuafo no bedi Twam Afahye no.'" **19** Asuafo no dii nea ɔka kyereɛ won no so, yee Twam Afahye aduan no. **20** Anwummere no na ɔne Dumien no te adidii. **21** Wɔredidi no ɔkae se, "Mereka mo nokware, mo mu baako beyi me ama." **22** Asem yi maa won were howee yiye, na wofii ase bisabisaa mmaako mmaako se, "Awurade, eye me ana?" **23** Yesu buae se, "Nea ɔne me nsa da asanka baako mu no, ɔno na obeyi me ama. **24** Onipa Ba no reko senea wɔakyerew afa ne ho de, nanso onipa a obeyi no ama no, nnue! Se wɔanwo saa onipa no mpo a, anka eye." **25** Yuda a obeyi no ama nso bisaa no se, "Kyerekyerefo, eye me ana?" Yesu buaa no se, "Woaka." **26** Bere a wɔredidi no. Yesu faa brodo, na ohyiraa so bubuu mu, de maa n'asuafo no kae se: "Munye nni, eyi ne me nipadua." **27** Na ɔfaa kuruwa no, na ɔdaa ase no, ode maa won kae se, "Mo nyinaa monnom bi, **28** na eyi ne me mogya a ehye Apam Foforo no mu den, a wohwie gu ma nnipa bebreɛ nya bɔnefakye. **29** Mise mo se, merennom saa nsa yi bi bio da, de bekɔ akosi da a me ne mo benom bi bio wɔ m'Agya Ahenni no mu." **30** Na wɔtoo dwom wiee no, wofii adi kɔɔ Ngo Bepɔw no so. **31** Yesu ka kyereɛ won se, "Anadwo yi, mo nyinaa begun agya me. Na wɔakyerew se, "wɔbɛbɔ oguanhwefo no, na nguankuw no abɔ apete." **32** Na se miwu sɔre a, medi mo kan akɔ Galilea." **33** Petro buae se, "Se nnipa nyinaa begun agya wo a, me de, merenguan nnya wo da." **34** Yesu buae se, "Nokware mise wo se, ansa na akokɔ bebon no, na woapa me mprensali!" **35** Petro pae mu kae se, "Mpo se etwa se me ne wo wu a, merempa wo da!" Asuafo no nyinaa nso kaa saa asem koro yi ara. **36** Yesu de won kɔɔ baabi a wɔfre hɔ Getsemane. Woduu hɔ no, ɔka kyereɛ won se, "Montena ha na mereko hɔ akɔbɔ mpae." **37** ɔfaa Petro ne Sebedeo mma baanu no kaa ne ho, na ne were fii ase howee, na ne ho nso yeraw no. **38** ɔka kyereɛ won se, "Awerɛhow ahye me kra so de kɔ owu mu. Montena ha na mo ne me nwen." **39** Na ɔkɔɔ n'anim kakra, de n'anim kobutuw fam bɔɔ mpae se, "M'Agya, se ebetumi a, ma wonyi kuruwa yi mfi me so. Nanso nea wope na enye na enye nea

mepɛ.” 40 Na ɔsan baa asuafo baasa no nkyen behuu se woadeda. Ɔfrɛ Petro bisaa no se, “Petro, woantumi antena ase ne me anwen dɔnhwerew baako pɛ mpo? 41 Monwen na mommɔ mpae, na moankɔ sɔhwɛ mu. Honhom no pɛ de, nanso ɔhonam no yɛ mmerew!” 42 Ɔsan gyaw wɔn hɔ nea ɛto so abien kɔbɔɔ mpae se, “M’Agya, se wɔrenyi kuruwa yi mfi me so, na nom ara na ɛsɛ se menom a, nea woɛ nyɛ.” 43 Ɔsan baa wɔn nkyen bio behuu wɔn se woadeda efise na wɔn ani kum yiye. 44 Ɔsan kɔɔ mpaeɔ a ɛto so abiesa so kɔbɔɔ mpae kaa asem koro no ara. 45 Ɔsan baa asuafo no nkyen beka kyereɛ wɔn se, “Afei de, monna na monhome. Nanso dɔn no adu. Wɔrebeyi Onipa Ba no ahyɛ nnebɔneyɛfo nsa! 46 Monsɔre na yenko! Monhwe! Nea ɔreyi me ama no na ɔreba no!” 47 Ogu so rekasa no, Yuda a ɔyɛ asuafo dumien no mu baako ne dɔm a Yudafo mpanyin asoma wɔn a wokurakura afoa ne nkontimmaa baa hɔ. 48 Na Yuda aka akyere wɔn se, “Nea mefew n’afono no ne onipa no; mokyere no” 49 Yuda baa Yesu nkyen bebam no kae se, “Me wural!” Na ofew n’afono. 50 Yesu ka kyereɛ no se, “Damfo, nea wobaa ha se worebeyɛ no, yɛ no ntem.” Ɛhɔ ara, wɔn a wɔne Yuda nam no kyeree Yesu. 51 Wɔn a wɔka Yesu hɔ no mu baako twee n’afɔa de twaa Ɔsɔfopanyin no akɔa bi aso. 52 Yesu ka kyereɛ no se, “Fa w’afɔa no to nea ɛda. Na wɔn a wɔtwe afoa no, afoa ano na wobewu. 53 Munnim se metumi aka akyere m’Agya na wasoma n’abɔfo mpempem aba ntem so, na wɔabɛɔ yen ho ban? 54 Nanso se meye saa a, ebeyɛ dɛn na nea Kyerɛwsem no ka se ɛsɛ se esi wɔ eyi ho no beba mu?” 55 Bere no mu ara na Yesu bisaa dɔm a wɔbaa ne so no se, “Midi atuawefo anim nti na mode afoa ne nkontimmaa aba me so se mode rebekyere me yi? Metenaa mo nkyen kyerekyereɛ wɔ hyiadan mu da biara, nso moansiw me kwan. 56 Nanso eyi nyinaa aba senea ebeyɛ a nea adiyifo no kae wɔ Kyerɛwsem mu no beba mu.” Saa bere no ara mu na asuafo no nyinaa guan gyaa no. 57 Afei dɔm a wɔkyeree Yesu no de no kɔɔ Ɔsɔfopanyin Kaiafa anim, baabi a mmarakyerefo ne Yudafo mpanyin nyinaa ahyia hɔ. 58 Petro tew ne ho dii nnipadɔm no akyi baa Ɔsɔfopanyin no fi hɔ bi. Ɔkɔtenaa asomfo a wɔwɔ hɔ no mu se ɔrehwɛ asem a ebesi. 59 Asɔfo mpanyin ne Yudafo asennifo akunini nyinaa hyiaa wɔ hɔ hwehwɛ se wobenya nnansefo bi a wobedi adansekurum ato Yesu so, na wɔagyina so abu no kumfɔ. 60 Nnipa bebree bedii adanse, nanso wohuu se

woredi adansekurumu, efise na wɔn nsem a wɔka no nyinaa bɔ abira. Akyiri no, nnipa baanu bi ba bekae 61 se, “Saa onipa yi kae se, ‘Metumi abubu Onyankopɔn asɔredan na masi no nnansa!’” 62 Ɔsɔfopanyin no sɔre bisaa Yesu se, “Dɛn na wowɔ ka? Wokaa saa anaase woanka saa?” 63 Nanso Yesu ammuu no. Ɔsɔfopanyin no ka kyereɛ no se, “Meka Onyankopɔn teasefo no se, se wone Agyenkwa no, Onyankopɔn Ba no a, ka kyere yen!” 64 Yesu ka kyereɛ no se, “Yiw, woaka. Na mereka kyere mo nyinaa: Efi nne mubehu Onipa Ba no se mete Onyankopɔn nifa na ɔnam omununkum mu resan aba.” 65 Ɔsɔfopanyin no sunsuan n’atade mu teeɛ mu se, “Abususem! Nnansefo bɛn na wɔn ho hia yen bio? Mo nyinaa ate abususem a ɔkae no! 66 Asem bɛn na mowɔ ka?” Wɔn nyinaa teeɛ mu se, “Ɔsɛ owul!” 67 Afei wɔtee ntsu guu n’ani so. Ebinom bobɔɔ no akuturuku na ebinom nso bobɔɔ no asɔtɔre 68 kae se, “Wone Agyenkwa no! Kyere yen nea ɔbɔɔ wo?” 69 Saa bere no na Petro te adiwo. Abaawa bi baa ne nkyen beka kyereɛ no se, “Wo nso, na wo ne Yesu na enam. Mo nyinaa mufi Galilea.” 70 Nanso Petro san se, “Minnim nea woreka yi ho hwee.” 71 Akyiri no, abaawa fɔforo bi hyiaa no wɔ ɔpon bi ano ka kyereɛ wɔn a ɔne wɔn gyina hɔ no se, “Na saa ɔbarima yi ne Yesu Nasareni no na enam.” 72 Petro de ntam san bio se, “Minnim saa onipa a moreka ne ho asem no.” 73 Ɛkyee kakra no, mmarima a wogyina hɔ no bi beka kyereɛ Petro se, “Yenim se woye n’asuafo no mu baako, na wo kasa nso da wo adi se woye Galileani.” 74 Petro fii ase dii nsew, kekaa ntam se, “Minnim onipa no!” Amono mu hɔ ara na akɔkɔ bɔnee. 75 Ɛhɔ na Petro kaeɛ asem a Yesu ka kyereɛ no se, “Akɔkɔ remmɔn na woapa me mprensa” no. Na ofii adi kosui.

27 Ade kyee no, asɔfo mpanyin ne Yudafo mpanyin kɔɔ agyina, hwehwɛ ɔkwan a wɔbɛfa so ama wɔakum Yesu. 2 Afei wɔde nkɔnsɔnkɔnsɔn guu Yesu, de no baa Pilato a ɔyɛ Roma amrado no anim. 3 Saa bere no ara mu na Yuda a oyii Yesu mae no huu se wɔabu Yesu kumfɔ no, onuu ne ho yiye. Enti ɔsan de sika a ogye fii asɔfo mpanyin ne Yudafo mpanyin no nkyen no brɛɛ wɔn kae se, 4 “Mayɛ bɔne, efise mayi onipa a ɔnyɛɛ bɔne biara no ama.” Wɔn nso kae se, “Ɛmfɔ yen ho. Ɛyɛ wo ara w’asem.” 5 Ɔtow sika no guu asɔredan no mu, fii hɔ kɔsen ne ho. 6 Asɔfo mpanyin no sesaw sika no kae se, “Yerentumi mfa saa sika yi mfra yen tow a yeagyɛ mu. Efise yen mmara mma ho kwan se yebeɣye sika a wɔde abɔ awudi ho paa.”

7 Wodwinnwen ho sii gyinae se, wode sika no beto asase bi a wotu dote wo mu de nwen nkuku, na wode eho aye amusiei ama ahoho a wobewu wo Yerusalem no. 8 Enti na woda so fre saa asase no se, “Mogya Asase” de besi nne yi. 9 Eyi maa nea Odiyifo Yeremia kae se, “Wogyee dwete mpow aduasa, bo a Israelfo sese huu se efata, 10 na wofii mu too asase fii anwemfo nkyen, senea Awurade hyee me” no baa mu. 11 Afei wode Yesu begyinaa Pilato a oye Roma amrado no anim. Obisaa Yesu se, “Wone Yudafo Hene no ana?” Yesu buae se, “Wo na woaka.” 12 Nanso bere a asofo mpanyin ne Yudafo mpanyin reka nsem gu Yesu so no, wankasa. 13 Pilato bisaa no se, “Wonte nea woreka no ana?” 14 Nanso Yesu anka hwee ma eyee amrado no nwonwa. 15 Na eye amrado no amanne se afe biara Twam Afahye mu no, ogyaa odeduani baako a oman no pe se wogyaa no. 16 Saa afe no mu, na onipa bonefo bi a wofre no Baraba nso da afiase. 17 Anopa no a nnipadom no hyiaa wo Pilato ahemfi anim ho no, Pilato bisaa won se, “Hena na mope se migyaa no ma mo, Baraba anaa Yesu, mo Agyenkwa no?” 18 Na onim pefee se Yudafo mpanyin no de otan na akyere Yesu efise na waye din. 19 Pilato gu so redi Yesu asem no, ne yere soma ma wobeka kyeree no se, “Gyaa onipa trennee no na onko ne baabi efise anadwo yi, mesoo ne ho dae a eye hu yiye maa me ho yerau me.” 20 Nanso asofo mpanyin ne Yudafo mpanyin kasa kyeree dom no se, wommisa na wonnyaa Baraba mma won na wonkum Yesu. 21 Enti amrado no san bisaa won se, “Nnipa baanu yi mu hena na mope se migyaa no ma mo?” Na dom no bo gyee so se, “Baraba!” 22 Pilato bisaa won bio se, “Se saa de a, eno de, den na menyee Yesu, mo Agyenkwa no?” Won nyinaa bo gyee so bio se, “Bo no asennua mu!” 23 Pilato bisaa won se, “Aden nti? Bone ben na waye?” Nanso wokoo so bo gyee so ara se, “Bo no asennua mu!” 24 Pilato huu se oye asem no ho hwee a enye ye na basabasaye reba no, oma wosaw nsu guu ade mu breɛ no ma ohohoroo ne nsa wo dom no anim kae se, “Minni saa onipa trennee yi mogya ho fo. Nea ebeba biara no ye mo asem!” 25 Nnipadom no san bo gyee so bio se, “Ne mogya mmegu yen ne yen mma ti so.” 26 Afei Pilato yii Baraba fii afiase ho de no maa won. Oboo Yesu mmaa, na ode no maa Roma asraafo no se womfa no nkobo no asennua mu. 27 Asraafo no de Yesu koo amrado aban mu ho, na wofree asraafo dom baa ho. 28 Woyii Yesu atade a na ehye no no de batakari kooko bi

hyee no, 29 na wode nsae atenten nweene kyew hyee no, na wode dua bi hyee ne nsa nifa se ahempema, na wobubuu nkotodwe wo n’anim fii ase bo gyee so, dii ne ho few se, “Yudafo Hene, wo nkwa so.” 30 Wotetee ntasu guu ne so na wogyee dua no fii ne nsam de paa n’apampam ntoatoaso. 31 Wodii ne ho few wiei no, wowerow batakari kooko a wode hyee no no, de n’ankasa atade no san hyee no. Afei wode no koo se wrekobo no asennua mu. 32 Bere a wode no reko faako a wobo asennua mu ho no, wohyiaa obarima bi a wofre no Simon a ofi Kirene a ewo Abibirim. Wohyee no ma osoa Yesu asennua no bi. 33 Wode Yesu koo baabi a wofre ho Golgota a ne nkyerease ne “Nitiri So.” 34 Eho na asraafo no maa no nsa nweenwen bi se onnom. Yesu kaa n’ano no, wannom. 35 Afei wobo no asennua mu no, wobo n’atade no so ntonto kyekye fae. 36 Won nyinaa tenatenaa ase wen no. 37 Wokyerew nsem a woka guu ne so no bi fam n’atifi se, “YESU, YUDAFO HENE NO NI.” 38 Wobo awudifo baanu bi asennua mu kaa Yesu ho. Na obaako sen ne nifa so na obaako nso den ne benkum so. 39 Nnipa a wotwaa mu wo ho no nyinaa wosow won ti, yeyaw no 40 se, “Wo na wuse se wubetumi abubu asoredan na wode nnansa asi no, gye wo ho! Se woye Onyankopon Ba ampa ara a, eno de sian fi asennua no so si fam ma yenhwe!” 41 Saa ara nso na asofo mpanyin ne Yudafo mpanyin bedii ne ho few se, 42 “Ogye afororo, nanso ontumi nnye ne ho! Se wone Israelfo hene no ampa ara a, sian fi asennua no so si fam, na yennye wo nni. 43 Ode ne ho too Onyankopon so. Afei ma Onyankopon nnye no! Waka nso se, ‘Meye Onyankopon Ba.’” 44 Awudifo bi a wobo wone no asennua mu no nso yeyaw no saa ara. 45 Bere a wobo Yesu asennua mu no, sum duruu asase so mmaa nyinaa fi owigyinae kopem nnonabiesa. 46 Ebeye nnonabiesa bere mu no, Yesu teee mu dennen se, “Eli, Eli, lama sabaktani?” Ase kyere se, “Me Nyankopon, me Nyankopon, aden nti na woagyaw me?” 47 Won a wogyina ho no bi tee no woka se, “Orefre Elia.” 48 Mpoifirim, won mu baako tuu mmirika kofaa sapow bi de boo nsa nweenwen bi mu de tuua dua bi so de breɛ Yesu se onnom. 49 Nanso nnipa no nkae no kae se, “Gyaa no na yenhwe se Elia beba abegye no ana.” 50 Na Yesu teee mu dennen bio no, ogyaa ne honhom mu wui. 51 Eho ara, ntama a etwa asoredan no mu no mu suanee abien fi soro kosii fam. Asase wosowee. Abotan paapae. 52 Nna so buehue maa atreenefo a wawuwu

nyannyanee. **53** Yesu wusɔre akyi no, wopuepue fii wɔn nna mu kɔɔ Yerusalem, koyii wɔn ho adi kyeree nnipa bebre. **54** Asraafo a wɔwɔ ho no huu asase wosow ne nsem a esisii wɔ ho no, wɔn koma tuu yiye ma wɔkae se, “Ampa ara, onipa yi ye Onyankopɔn Ba.” **55** Saa bere no na mmea bebre a Yesu ho dɔ nti, wodii n’akyi fii Galilea no ginyinagya akyiri baabi rehwe nea ereko so. **56** Mmea no bi ne Maria Magdalene ne Maria a ɔye Yakobo ne Yosef na. Na Sebedeo mmabarima no na nso ka ho. **57** Eduu anwummere no, osikani bi a wɔfre no Yosef a ofi Arimatea a na ɔye Yesu suani no, **58** kɔɔ Pilato ho kɔsrɛ ma wɔde Yesu amu no maa no. **59** Yosef faa amu no de nwera kyekyeree ho, **60** na ɔde no kɔtoo ɔno ankasa ne boda foforo bi a watwa mu, pirem ɔbo kese bi hinii ano, ansa na ɔregyaw ho akɔ. **61** Maria Magdalene ne Maria baako no de, na wɔte nkyen baabi rewɛn ɔboda no. **62** Ade kyee a eyɛ da a edi Twam Afahye no ahosiesie akyi no, asɔfo mpanyin ne Farisifo no kɔɔ Pilato nkyen, **63** kɔka kyeree no se, “Owura, ɔtorofo no kaa bere bi se, ‘Nnansa akyi no mesɔre.’” **64** Eyi nti ma yen kwan na yenkɔwɛn da no ano nkosi nnansa, senea ebeye a n’asuafo no ntwa wɔn ho nkowia amu no mmɔ no dawuru se wasɔre afi awufo mu. Na se ekɔba saa de a anka akyiri no nnaadaa besen kan de no.” **65** Pilato ka kyeree wɔn se, “Momfa awɛmfo. Momma wɔnkɔwɛn.” **66** Enti wɔkɔtetaree ɔboda no ano, maa awɛmfo kɔwɛn ho.

28 Homeda no akyi Memeneda ahemadakyɛ, Maria Magdalene ne Maria baako no kɔɔ ɔda no so. **2** Asase wosow denneennen, na Awurade bɔfo sian fii ɔsoro ba bepirew ɔbo no fii ɔda no ano, na ɔtenaa so. **3** N’anim hyerɛn te se kanea na n’atade ye fitaa te se nwera. **4** Awɛmfo no huu no no, ehu maa wɔn ho popoe, na wɔhwehwee ase, dan se awufo. **5** ɔbɔfo no ka kyeree mmea no se, “Munnsuro! Minim se morehwehwe Yesu a wɔbɔɔ no asennua mu no, **6** nanso onni ha. Wasɔre kɔ senea ɔkae no. Mommra mmehwe nea na ɔda ho no. **7** Afei monko ntem nkɔka nkyere n’asuafo no se, ‘Wasɔre afi awufo mu, na ɔredi mo anim kan akɔ Galilea akohyia mo wɔ ho.’ Eyi ne nkra a mewɔ de ma mo.” **8** Mmea no de ehu ne anigye a adi afra tutuu mmirika fii ɔda no so se, wɔrekɔhwehwe asuafo no aka ɔbɔfo no nkra no akyere wɔn. **9** Wɔrekɔ no, prɛko pɛ, Yesu begyinaa wɔn anim. Okyiaa wɔn se, “Asomdwoe nka mo.” Wobuu no nkotodwe, som no. **10** Afei Yesu ka kyeree wɔn se, “Munnsuro! Monko nkɔka nkyere me nuanom no se

wɔnkɔ Galilea nkohyia me wɔ ho.” **11** Bere a mmea no rekɔ kurow no mu no, awɛmfo a wɔwɛn ɔda no mu bi kɔɔ asɔfo mpanyin no nkyɛn kɔkaa nea asi no nyinaa kyeree wɔn. **12** Yudafo mpanyin no nyinaa hyiae, na wosii no gyinae se, wɔbɛma awɛmfo no sika aka akyere wɔn. **13** se, “Monka se, ‘Anadwo a yɛdaɛ no na n’asuafo no ba bewiaa amu no kɔe.’” **14** Wɔhyɛ awɛmfo no bɔ se, “Se eba se amrado te eho asem a, yebedi mo adanse senea ebeye a, ɔrenye mo hwee.” **15** Eyi nti awɛmfo no gyee sika no kɔyɛ senea wɔka kyeree wɔn se wɔnye no. Asɛm a wɔkae no trɛw faa Yudafo no mu nyinaa na wogyɛ dii de besi nne. **16** Afei asuafo dubaako no sii mu kɔɔ Galilea bepɔw a Yesu kae se wɔnkɔ so no so. **17** Eho na wohuu no, kotow, sɔree no. Nanso na wɔn mu bi nnye nni ara. **18** Yesu ka kyeree n’asuafo no se, “Wɔde ɔsoro ne asase so tumi nyinaa ama me. **19** Enti monko nkɔye amanaman nyinaa m’asuafo. Mommɔ wɔn asu nhyɛ Agya, ɔba ne Honhom Kronkron din mu, **20** na monkyerekyerɛ wɔn se, wonni nea mahye mo no nyinaa so. Na me ne mo wɔ ho nna nyinaa de beko akosi wiase awiei.” (aiɔn g165)

Marko

1 Asempa a efa Yesu Kristo, Onyankopɔn Ba no ho no mfiase ni. **2** Woakyerew wɔ Odiyifo Yesaia nhoma no mu se, “Mesoma me bofo adi w’anim kan. Ono na obesiesie okwan ama wo.” **3** “Obi nne reter mu wɔ sare so, ‘Munsiesie okwan mma Awurade, mommɔ akwan a etee mma no.’” **4** Enti Yohane ba bebɔ asu wɔ sare so, okaa adwensakra asubɔ a ema bonéfakye ho asem. **5** Nnipa fifi Yerusalem ne Yudea nkurow nyinaa so kohuu Yohane tiee no. Na wɔkaa wɔn bɔne kyeree no no, ɔbɔ wɔn asu wɔ Asubɔnten Yordan mu. **6** Na Yohane hye atade a wɔde yoma nwi na apam a aboa nhoma abɔso nso bɔ mu. Na n’aduan ye mmoadabi ne ewo. **7** Ɔkyerakyere no, okae se, “Erenkye koraa, obi beba a ɔwɔ tumi sen me, a ne mpaboa hama mpo, mense se mekotow na masan. **8** Me de, mede nsu na ebɔ mo asu, na ɔno de, ɔde Honhom Kronkron na ebɔ mo asu!” **9** Saa bere no mu na Yesu fi Nasaret a ewɔ Galileaman mu ba maa Yohane bɔ no asu wɔ asubɔnten Yordan mu. **10** Yesu fii asu no mu sii konkɔn so ara pe, ohuu se ɔsoro abue, na Honhom Kronkron resian se aborɔnoma aba ne so. **11** Na nne bi fi ɔsoro kae se, “Wone me Dɔba a wɔso m’ani.” **12** Eho ara, Honhom Kronkron de Yesu kɔ sare so. **13** Ɔtenaa ho adaduanan a na wuram mmɔa na eka ne ho. Eho na ɔbonsam sɔ no hwɛe. Akyiri no, abɔfo ba besom no. **14** Ɔhene Herode kyeree Yohane akyi no, Yesu kɔ Galilea kɔkaa asempa no wɔ ho. **15** Okae se, “Bere no awie du! Onyankopɔn ahenni no aben. Monsakra mo adwene na munnye asempa no nni!” **16** Da bi a Yesu nam Galilea mpoano no, ohuu Simon ne ne nua Andrea se wɔregu asau. **17** Yesu fɔre wɔn se, “Mummedi m’akyi! Na mɛma mo aye nnipayifo.” **18** Eho ara, wogyaw wɔn asau no guu ho kodii n’akyi. **19** Okɔw n’anim kakra no, ohuu Sebedeo mma baanu a wɔfɔre ɔbaako Yohane, na ɔbaako nso de Yakobo, se wɔte ɔkorow mu reye wɔn asau ho adwuma. **20** Ɔfɔre wɔn nso se wommedi n’akyi. Ntem ara na wogyaw wɔn agya Sebedeo ne n’apafo ho wɔ ɔkorow no mu bedii n’akyi. **21** Yesu ne n’akyidifo yi beduu Kapernaum. Na Homeda duu no, okɔw asoredan mu kɔkaa asempa no. **22** Nnipa no tee asem no maa wɔn ho dwiriw wɔn, efise okasaa te se obi a ɔwɔ tumi, na mmom wankasa se Kyerewsem no akyerakyerefo no. **23** Amono mu ho ara na ɔbarima bi a ɔwɔ wɔn hyiadan no mu ho a ɔwɔ honhommmɔne teɛ mu se, **24** “Den na wo Nasareni

Yesu ne yen wɔ ye? Woaba se worebesɛe yen ana? Minim wo se wone Onyankopɔn Ba Kronkron no!” **25** Yesu teɛteɛ honhommmɔne no se, “Mua w’ano! Fi ne mu kɔ!” **26** Honhommmɔne no wosow saa ɔbarima no na ɔteɛteɛ mu dennen maa ne tu kɔe. **27** Nnipa no nyinaa ho dwiriw wɔn ma wobisabisaa wɔn ho wɔn ho se. “Nkyerakyere foforo ben ni? Ahonhommmɔne mpo tie ne nne!” **28** Saa anwonwade a ɔyeɛ yi ho nsem trew faa Galileaman mu nyinaa. **29** Wofii hyiadan no mu no, wɔne Yakobo ne Yohane kɔw Simon ne Andrea fi. **30** Na Simon asebea da mpa so a atiridii akyere no, na wɔkaa ne ho asem kyeree Yesu. **31** Yesu kɔw faako a ɔda ho kosoo ne nsa ma ɔsɔre tenaa ase. Eho ara na atiridii no tu fii ne so ma ofii ase twɛn wɔn. **32** Eduu anwummere no, nnipa no de ayarefo ne wɔn a wɔwɔ ahonhommmɔne brɛɛ Yesu se ɔnsa wɔn yare. **33** Kurow mu no nyinaa beboaa wɔn ho ano wɔ ofi no abobow ano, **34** na Yesu saa ayarefo bebreɛ yare. Otuu ahonhommmɔne bebreɛ nso. Nanso, wamma ahonhommmɔne no ankasa, efise, na wonim no. **35** Ahemadakyɛ a na anim ntetewee no, Yesu sɔre fii fie ho kɔw baabi a eho ye dinn, kɔbɔw mpae wɔ ho. **36** Simon ne wɔn a wɔka ne ho fii adi kɔhwehweɛ no, **37** na wohuu no no, wɔteɛ mu kae se, “Nnipa bebreɛ rehwehwe wo!” **38** Oka kyeree wɔn se, “Ese se yeko nkurow a aka no so, na mekɔka m’asem kyere wɔn, efise, eno nti na mebae.” **39** Enti, okɔw Galileaman mu baabiara kɔkaa asempa no wɔ asoredan mu, tuu ahonhommmɔne bebreɛ nso. **40** Okwatani bi bekotow no sɔre no se, “Se eye wo pe a, wubetumi ama me ho a fi.” **41** Yesu huu okwatani no mmɔbɔ, enti ɔde ne nsa kaa no kae se, “Mepe! Wo ho mfi!” **42** Amono mu ho ara, ne ho fi maa ne ho tɔw no! **43** Yesu bɔw n’ano denneennen se, **44** “Nka saa asem yi nkyere obiara, na mmom fa wo ho kɔkyere ɔsofo. Se worekɔ a fa w’afɔrebɔde a Mose ahyɛ se akwatafo a wɔasa wɔn yare mfa nka wɔn ho nkɔ no ka wo ho kɔ senea ebema obiara ahu se wo ho ato wo.” **45** Nanso ɔreko no nyinaa, na ɔde nteɛteɛmu rebo n’ayaresa no ho dawuru. Esiane eyi nti se Yesu kɔ baabiara a, nnipadɔm betwa ne ho hyia. Eno nti na baabiara a ɔbekɔ no onnyi ne ho adi. Enti ɔtenaa sare so ho maa nnipa bebreɛ baa ne nkyen.

2 Nna bi akyi no, Yesu kɔw Kapernaum bio. Oduu ho no nnipa pii tee se waba ho. **2** Ankyɛ na nnipa bebreɛ behyɛɛ ofi a na ɔwɔ mu no mu ma tɔ. Okaa asempa no kyeree wɔn. **3** Mmarima baanan bi de obubuafɔ bi a wɔso no baa ho. **4** Esiane se na wontumi

mfa nnipadom no mu nko Yesu nkyen no nti, woforo o dan a Yesu wo mu no, kotuu tokuru wo atifi. Wode obubuafo a oda ne kete so no faa mu, gyaagyaa no breoo de no kotoo Yesu anim. **5** Yesu huu won gyidi a wowo wo ne mu no, aka kyeree dyarefo no se, “Oba, wode wo bone akye wo!” **6** Kyerewsem no akyerkyerefo a wowo ho no tee nea Yesu kae no, wadwenee wo won tirim **7** se, “Asem ben na oreka yi! Abususem na oreka yi! Osusuw se oye Onyankopon? Onyankopon nko na otumi de bone kye.” **8** Mpoifirim na Yesu huu won adwene ma obisaa won se, “Aden na moma asem a mekae yi haw mo? **9** Nea ewo he na eye mmerew: se wobeka akere obubuafo yi se, ‘Wode wo bone akye wo,’ anaa wobeka se, ‘Sore, fa wo kete na nantew?’ **10** Nanso senea ebeye na mubehu se Onipa Ba no wo tumi wo asase so se ode bone kye.” Enti aka kyeree obubuafo no se, **11** “Mise wo se, sore gyina ho, fa wo kete, na ko fie.” **12** Obubuafo yi sore bobow ne kete, na ode anigye ne ahosepew faa nnipadom no mu koe. Nnipa no ho dwiriw won ma wokamfoo Onyankopon se, “Yenhuu eyi bi da!” **13** Yesu san koo mpoano ho bio, na akaa asempa no kyeree nnipakuw a wahyia wo ho no. **14** Bere a onam mpoano ho no, ohuu Alfeo ba Lewi se ote atowgyei. Aka kyeree no se, “Di m’akyi.” Na Lewi sore dii n’akyi. **15** Saa anadwofa no, Lewi too pon, too nsa free ne mfefo towgyefo ne nneboneyefo bi se wommra na one won ne Yesu ne n’asuafu no nto nsa nnidi. Nnipa a wodii Yesu akyi no bi te se Lewi ara pe. **16** Farisifo no huu se one nneboneyefo ne towgyefo ato nsa redidi no, wobisaa n’asuafu no se, “Aden nti na one towgyefo ne nneboneyefo to nsa didi?” **17** Yesu tee nea wakae no, obuaa won se, “Won a wowo ahoden no, dyaresafo ho nhia won, na won a woyare no na dyaresafo ho hia won. Mamma se merebeka akere atreneefo se wonsakra won adwene na mmom, nneboneyefo.” **18** Da bi a Osuboni Yohane akyidifo ne Farisifo no redi mmuada no, nnipa bi koo Yesu nkyen kobisaa no se, “Aden nti na Yohane ne Farisifo no akyidifo di mmuada na w’akyidifo de, wonni mmuada?” **19** Yesu nso bisaa won se, “Moahu ayeforokunu nnamfo a wobeba ayeforo ase a wobeka se, woredi mmuada nti worenndi ana? Mmere dodow a wone ayeforokunu no nam no de, worenndi mmuada da. **20** Na da bi beba a, wobefa ayeforokunu no afi won nkyen. Saa bere no na wobedi mmuada. **21** “Ete se wode ntama foforo atare ntama dedaw mu. Den na eba? Ntaremu no betew

ntama dedaw no mu, na ayi afi mu, na ama tokuru a eda ho no aso asen kan de no. **22** Munim se womfa nsa foforo ngu aboa nhoma nkotoku dedaw mu. Anye saa a, ebepae. Nsa no behwie agu, na nkotoku a nsa no wo mu no nso bepaapae. Ete se wode nsa foforo gu nkotoku foforo mu.” **23** Homeda bi a Yesu ne n’asuafu nam aburufuw bi mu no, asuafu no pempan aburufuw no bi wee. **24** Farisifo no bi ka kyeree Yesu se, “Hwe, aden na woreye nea etia mmara Homeda?” **25** Yesu nso bisaa won se, “Monnkenkan nea Ohene Dawid yee, bere a okom dee one won a na woka ne ho no, **26** ne senea okoo Onyankopon fi wo Ososofpanyin Abiatar bere so, na one won a woka ne ho kodii brodo a wode abo afore ama Onyankopon no, a obiara nni ho kwan se odi, gye asofo nko ara no pe? Na eno nso tia mmara. **27** “Onipa nti na woyee Homeda, na enye Homeda nti na woboo onipa. **28** Enti Onipa Ba no ye Homeda so wura mpo!”

3 Yesu baa Kapernaum no, okoo hyiadan mu bio. Oduu ho no, ohuu obarima bi a ne nsa baako awu. **2** Na saa da no ye Homeda enti na Yesu atamfo no retetew no ahwe se obesa obarima no yare ana. Na woabo won tirim se, se asa no yare a wobekyere no! **3** Yesu ka kyeree obarima no se ommegyina nnipa no anim. **4** O dan ne ho kyeree n’atamfo no bisaa won se, “Eye se obi ye papa Homeda? Anaase eye da a wode ye bone? Eye da a wode gye nkwa anaa woma obi nkwa hwere no” Nanso wammua no. **5** Ode abufuw hwee won hyiae. Ehaw no se wonni ahummobo mma nnipa enti aka kyeree obarima no se, “Tee wo nsa no mu.” Otee mu na amono mu ho ara, ne nsa no yee yiye. **6** Farisifo no kohyiaa Herodefo no ne won susuw okwan a wobefa so akum Yesu no ho. **7** Yesu ne n’asuafu no fii ho koo mpoano. Nnipadom fifi Galilea, Yudea, Yerusalem, **8** Idumea, Asubonten Yordan agya, Tiro ne Sidon fam nyinaa, tu dii Yesu akyi. Efise na n’anwonwade a oye no atrew mmaa nyinaa enti na ebinom pe se wobehwe no. **9** Aka kyeree n’asuafu no se, wompe okorow bi nsi nkyen baabi, na se nnipadom no kyere ne so wo mpoano ho a, watena mu ako. **10** Da no, na wasa nyarewa bebre a ne saa nti na ayarefo no ba ara na woreba a wopee se wode won nsa ka n’atade. **11** Bere biara a won a wowo ahonhommone no bi behu no no, wotwa hwe fam, wosow biribiri, ka se, “Woye Onyankopon Ba.” **12** Nanso oboo won ano se, wonkyere onipa ko a oye. **13** Yeau koo bepaw so na ofree won a wayi won no baa ne nkyen. **14** Oyii won mu dumien a

daa wone no benantew, na woakoka asempa no, **15** na wootu ahonhommone nso. **16** Dumien a oyii won din ni: Simon, a otoo no din foforo Petro. **17** Sebedeo mma Yakobo ne Yohane, a otoo won din Boanerges, a ase ne “apranmaa mma”. **18** Won a woka ho nso ni: Andrea, Filipino, Bartolomeo, Mateo, Toma, Alfeo ba Yakobo, Tadeo ne Simon manyefo, **19** na Yuda Iskariot a oyii no mae no. **20** Osan baa ofi a ote mu no mu no, nnipakuw bi san baa ne so bio. Ankye koraa na ho nyinaa yee ma a onnya kwan koraa nnidi. **21** Ne fifo tee asem a aba no, wakoo ho se worekofa no ako won fi efise woka se, “Ne ti mu ka no.” **22** Kyerewsem no akyerekyereto a wofi Yerusalem bae no kae se, “Beelsebul a oye ahonhommone panyin no afa no, na onam saa tumi no so na otu ahonhommone no.” **23** Yesu frere won kasa kyere won abebu mu se, “Ebye den na Satan betumi atu Satan? **24** Ahenni biara a ene ne ho di asi no begu. **25** Saa ara na ofi biara a ene ne ho di asi no nyina ara ne no. **26** Na se Satan twa ne ho ne ne ho di asi a, ebye den na watumi adi nkonim? Obedi nkogu. **27** Obiara ntumi nko ohoo denfo fi nkofa ne nneema kwa, agye se, onii no di kan kyekyere ohoo denfo no, ansa na watumi afa ne nneema. **28** Mereka akyer mo se, bone a onipa aye biara no, wotumi de kye no, na mpo obi ka abususem tia me a, wotumi de kye no; **29** nanso nea oka abususem tia Honhom Kronkron no de, woremfa nkye no da. Eye bone a erempapa da.” (aiɔn g165, aiɔnios g166) **30** Okaa saa asem yi efise na woka se, “Owo honhommone.” **31** Ogu so rekyerekyer no, ne na ne ne nuanom begyinaa nnipadom no mu baabi somaa obi se, onkofre no mmra, na wone no nkasa. **32** Saa bere no na nnipadom no atwa ne ho ahyia. Nnipa no ka kyere Yesu se, “Wo na ne wo nuanom gyina afikyiri ho pe se wone wo kasa.” **33** Yesu bisaa won se, “Hena ne me na? Hefo ne me nuanom?” **34** Ohwee nnipadom no hyia kae se, “Eyinom ne me na ne me nuanom! **35** Obiara a obye Onyankopon apede no, ono ne me nuabarima ne me nuabea ne me na.”

4 Bere a ugu so rekyerekyer no, nnipadom san betwaa ne ho hyiaa wo mpoano ho. Eyi nti okotenaa okorow mu toaa ne kyerekyer no so. **2** Na senea oye daa no, onam mmebu so kyere won nneema bebre se: **3** “Muntie! Okuafo bi koo n’afum kogu aba. Ogu so regu aba no, **4** Ogu so regu aba no, aba no bi guu kwankyen maa nnomaa besosow ne nyinaa dii. **5** Ebi nso kogu obotan a dote a ewo so no nnwoso so. **6**

Ankye na efirii, nanso esiane se dote a ewo obotan no so no nnwoso no nti owia koo so, na ne nyinaa hyewee. **7** Aba no bi nso guu nsae mu maa nsae no kyekyeree no nti antumi ansow aba. **8** Aba no bi nso guu asase pa mu maa bi nyin sow mmaho aduasa, ebi aduosia, na afoforo nso mmaho oha.” **9** Na Yesu kae se, “Nea owo aso no ntiel!” **10** Akyiri na a ekaa one dumien no ne asuafo afoforo bi no, wobisaa no se, “Asem a wokae no ase ne den?” **11** Obuaa won se, “Mo de, wada Onyankopon Ahenni ho ahintasem adi akyer mo. Nanso afoforo de, woka no abebu mu na ekyer won. **12** Esiane saa nti, “Wohu na wote, nanso warente nea wote no ase, na worennan mma Onyankopon nkyen, na woremfa won bone nso nkye won.” **13** “Na se moante saa be yi ase a, ebye den na moate mme ahorow a merebebu no ase? **14** Okuafo no asem no. **15** Aba a eguu kwankyen no gyina ho ma won a wote Onyankopon asem, nanso se wote asem no a ntem ara na obonsam ba won nkyen ma won were fi nea wote no nyinaa. **16** Aba a eguu obotan so no gyina ho ma nnipa a wode anigye tie asem no. **17** Nanso wote se aba a afifi foforo a ne ntin nko fam. Mfiase no woko so fefefe, nanso se eba se asem no nti otaa ana amanehun bi to won pe a na wapa abaw. **18** Aba a eguu nsae mu no nso gyina ho ma nnipa a wote asempa no, **19** nanso enkye koraa na wiase yi mu afefede ne ahonyade ne obra yi mu dadwen, nnaadaa ne nneema bi ho akonno abehye won koma mu. Eyi nti asem no ntumi nsow aba biara. (aiɔn g165) **20** Nnipa no bi te se aba a wogu wo asase pa mu, wote asem no, wogy, na wosow aba— bi mmaho aduasa, bi nso sow aduosia, na afoforo nso sow oha.” **21** Afei Yesu bisaa won se, “Moahu obi a oso kanea na ode hye mpa ase, anaase ode ahina butuw so? Mmom mommfa nsi ne dua so ana? **22** Wobeda nea ahintaw biara no adi, na nea wakata so biara no wode bepue gua. **23** Nea owo aso a obetie no, ma ontie! **24** “Momfa asem a mote no nye adwuma. Wode mo susukuruwa besuw ama mo, na ama aboro so mpo. **25** Nea owo no, wobera no bi aka ho; nea onni no, kakraa bi a owo no mpo, wobegye afi ne nsam.” **26** Okaa bio se, “Senea Onyankopon Ahenni no te ni: Okuafo bi gu aba wo asase bi so. **27** Awia ne anadwo, se oda o, se onyan o, aba no fifi a onnim senea eyee a enyini. **28** Asase no ankasa bo n’aduan, dua no na edi kan, afei etu mepese na abo ama aba no anyin. **29** Se aba no nyin wie a, okuafo no fa ne dade kotwa, efise otwa bere adu.” **30** Osan

kae se, “Den ho na yede Ɔsoro Ahenni no beto, anaa mmebusem ben na yede bekyerekyere mu? 31 Ete se onyaa aba, a eye ketewaa wo aba a wodua nyinaa mu. 32 Na se wodua a enyin ye kese sen nnua a aka no nyinaa, eyiyi mman akese ma wim nnomaa besisi ne nwini mu.” 33 Mmebu a etete se eyinom na Yesu de kaa asem no kyeree won, senea wobetumi ate ase. 34 Ɔnam mmebu so na ɔkaa kyeree won a wobetiee no no nyinaa, na se eka ɔne n’asuafo no nko a, ɔkyere won ne nyinaa ase. 35 Eduu anwummere no, Yesu ka kyeree n’asuafo no se, “Momma yentwa nko asuogya noho.” 36 Ɔkaa saa no, wogyaw nnipadom no ho na ɔne won koe a akorow afororo di won akyi. 37 Preko pe, ahum kese bi tu maa asorokye bu bekataa akorow no so ma eyee se eremem. 38 Saa bere no, na Yesu wo akorow no to de ne ti ato sumii so ada. Asuafo no de ahopopo ne ntetee mu konyan no kae se, “Kyerekyereto, yereye amem yi emfa wo ho?” 39 Ɔsore teetee mframa no ka kyeree po no se, “Ye kommi!” Mframa no gyaee, na po no ye kommi! 40 Yesu bisaa won se, “Aden na moye ahufɔ se? Moda so nni gyidi ara?” 41 Na won ho dwiriw won yiye, bisabisaa won ho won ho se, “Onipa ben ni a mframa ne po mpo tie no yi?”

5 Yesu ne n’asuafo no twaa ɔtare no koduu Gerasefo asase so. 2 Ɔresi afo akorow no mu no, ɔbarima bi a ahonhommone wo ne mu de mmirika fi amusiei behyiaa no. 3 Na saa ɔbarima yi te abonna mu a obiara ntumi mfa nkonsankonsan nkyekyerere no bio. 4 Ɔye obi a na ne ho ye den yiye nti, se wade nkonsankonsan gu ne nsa mpo a, otumi bubu mu a obiara ntumi nko n’anim. 5 Anadwo ne awia nyinaa na ɔnenam amusiei ho mmepow no mu a, ɔde abo a ano ye nam twitwa ne ho. 6 Ɔbarima yi huu Yesu wo akyirikyiri no, otuu mmirika, bebuu no nkotodwe. 7 Ɔteetee mu se, “Yesu, Ɔsorosoro Nyankopon no Ba, den na wowo ne me ye? Onyankopon din mu, nye me ayayade biara!” 8 Yesu teee honhommone a ewo ɔbarima no mu no se, “Honhommone, fi ne mu ko!” 9 Yesu bisaa no se, “Wofre wo den?” Obuaa Yesu se, “Me din de ‘Dom’ efise yedɔso.” 10 Afei ɔsree Yesu anibere so se ɔmmpam won nnko akyirikyiri. 11 Saa bere no na mprakokuw bi redidi wo bepɔw no nkyen baabi a eben po no. 12 Enti ahonhommone no sree Yesu se, “Tu yen na yenkohye mprako no mu.” 13 Yesu maa won ho kwan ma wokohye mprako no mu. Mprakokuw beye mpenu no de ahoohare sian bepɔw no koguu

po no mu ma efaa won. 14 Mprakohwefo no guan baa nkurow a eben ho no mu bekaa nea wahu no kyeree won. Won a wotee no kohwee nea asi no. 15 Nnipakuw no duu faako a Yesu wo no wohuu ɔbarima a na honhommone ahye no ma no se ɔte ho dinn a n’adwene mu atew no. Eyi maa won ho dwiriw won. 16 Won a wohuu asem a asi no ka kyeree afororo. 17 Afei nnipakuw no fii ase sree Yesu se, omfi won man mu nko! 18 Yesu refo akorow akotena mu no, ɔbarima a na honhommone wo ne mu no sree Yesu se ɔpe se ɔne no ko. 19 Nanso Yesu kae se, “Dabi, na ko na koka anwonwade a Onyankopon aye ama wo yi ne n’ahummabo ho asem kyere w’abusuafo.” 20 Enti ɔbarima no fi ho koo Dekapoli, “Nkurow Du” no a ewo saa ɔmantam no mu no mu koka anwonwade a Yesu aye ama no no kyeree obiara. Wotee asem no won ho dwiriw won. 21 Yesu de akorow no twa baa po no fa baabi no, nnipakuw betwaa ne ho hyiaa wo mpoano ho. 22 Asafopanyin a na wofre no Yairo baa ho na ohuu Yesu no obuu nkotodwe, 23 sree no se ɔnsa ne babea yare mma no. Ofi ahoyeraw mu ka kyeree Yesu se, “Abofra no rewu, enti mesre wo se, fa wo nsa beka no na onya nkwa.” 24 Yesu ne no koe a nnipakuw no di won akyi. 25 Na ɔbea bi a watu mogya mfe dumien ka nnipakuw no ho. 26 Ɔde ne yare no akyin ayaresafo bebre so, atua sika bebre ama waye ohiani, nanso na ne ho nto no ara. 27 Na wate anwonwade a Yesu aye no nyinaa, na eno nti ɔde ne ho fraa nnipakuw no, de ne nsa besoo Yesu atade mu no. 28 Ɔdwenee ho kae se, “Se mitumi nya ne ho kwan, de me nsa so n’atade mu keke a, me ho beto me.” 29 Ampa ara, so a osoo n’atade no mu pe na mogya no twa maa ne ho toɔ no. 30 Amono mu ho ara, Yesu tee nka se tumi bi afo ne mu. Ɔdan ne ho kyeree nnipakuw no bisae se, “Hena na osoo m’atade mu no?” 31 N’asuafo no buae se, “Saa nnipakuw a obiara de ne ho twitwiw ne yonko yi na worebisa se, ‘Hena na ɔde ne nsa aka m’atade?’” 32 Nanso ɔpee se ohu onipa ko a osoo n’atade mu no. 33 Bere a ɔbea no huu asem a asi no, ɔde ahopopo bebuu Yesu nkotodwe kaa nea ɔye ne kyeree no. 34 Yesu ka kyeree no se, “Ɔbabea, wo gyidi ama wo ho ato wo; fa asomdwoe ko; wo yare no agyae.” 35 Ogu so rekasa akyere ɔbea no, abofo fi Yairo fi bekae se, “Wo babea no awu; aden na woda so haw kyerekyereto no?” 36 Yesu antie nea na woreka no koraa, na oka kyeree Yairo se, “Nsuro, gye di ara.” 37 Afei, Yesu amma obiara anni n’akyi anko Yairo fi ho, gye Petro,

Yakobo ne Yohane. **38** Bere a Yesu duu ho no, ohuu se ho nyinaa aye manyamanya a nnipa retwa agyaadwo. **39** Okoo ofi no mu ne won a wowa ho no kokasae. Obisaa won se, “Ade ne agyaadwotwa ne gyegyegye yi? Abofra no nwui; nna na wada!” **40** Won a wowa ho no tee asem a Yesu kae no, woserew no. Yesu ka kyere won a wowa fie ho no se, won nyinaa mfi adi. One abofra no agya ne ne na ne n’asufo baasa no koo nea abofra no da ho. **41** Osoo abofra no nsa kae se, “Talita, Kuumi!” a ase ne se “Abaawa, mise wo se sore!” **42** Amono mu ho ara, abeawa no sree, na ofii ase nantewee (na wadi mfe dumien). Asem a esii yi maa won ho dwiriw won yiye. **43** Yesu bo won ano ketee se wonnka asem a asi no nkyere obiara, na mmom, womma abofra no aduan nni.

6 Yesu fi faako a owo ho koo ne kurom a n’asufo no ka ne ho. **2** Okoo hyiadan mu Homeda, fii ase kyerekyere maa dodow a wobetiee no ho dwiriw won. Wobisae se, “Che na saa onipa yi nyaa saa nneema yi, den nyansa na wode ama no a nti otumi ye anwonwade yi? **3** Enye duadwumfo no ni? Enye Maria babarima a ne nuanom ne Yakobo, Yosef, Yuda ne Simon no ni? Enye yene ne nuabeanom na ete ha!” Na won bo fuw no. **4** Yesu ka kyere won se, “Odiyifo kurom, n’abusufo mu, ne ne fi na onni anuonyam.” **5** Wantumi anye anwonwade ahorow wo ho, gye ayarefo kakraa bi na ode ne nsa guu won so saa won yare. **6** Gye a wannye no anni no ye no nwonwa. Na Yesu kyinkyinii nkuraase kyerekyeree. **7** Yesu fere n’asufo dumien no baa ne nkyen, na osomaa won baanu baanu, maa won tumi wo ahonhommone so. **8** Akwankyerɛ a ode maa won ni, “Mommfa biribiara nkura gye mo pema nko ara; mommfa aduan anaa kotoku anaa sika. **9** Bio, mommfa mpaboa foforo anaa atade foforo nka nea ehye mo yi ho. **10** Baabiara a mobeko no, montena ofi baako pe mu. Monnsesa mo atene. **11** Na se morefi kurow bi a wannye anaa wantie mo no mu ako a, momporoporow mo anan ase tutuw, mfa nni adanse.” **12** Asufo no koka asem no kyere obiara a wohyiaa no no se osakra n’adwene, ntwe ne ho mfi ne bone ho. **13** Na wotutuu ahonhommone bebre, de ngo sraa ayarefo pii saa won yare. **14** Ohene Herode tee eyi, efise na Yesu din atrew. Ebinom kae se, “Osuboni Yohane no na wasan aba nkwa mu bio, enti na otumi ye anwonwade a oye yi.” **15** Ebinom nso susuw se, Yesu ye Odiyifo Elia na wasan aba. Afoforo nso kae se, odiyifo foforo bi a

ote se tete adiyifo akese no bi na waba. **16** Herode kae se, “Dabi, eye Osuboni Yohane a mitwaa ne ti no. Wanyan afi owu mu.” **17** Saa bere no na Herode asoma asraafo ma waakokyere Yohane de no ato afiase, efise na Yohane akasa atia Herode ne Herodia a na oye Herode nua Filipo yere no aware. **18** Osuboni Yohane ka kyere Herode se, “Wunni ho kwan se woware wo nua yere.” **19** Asem a Yohane kae no anye Herodia nso de, ma onyaa ne ho menasepow kae se, ese se wokum Yohane. Nanso orentumi nkum no gye se Herode ama no tumi. **20** Na Herode de obu ma Yohane, efise na onim se oye onipa trennee. Eyi nti oboo ne ho ban. Bere biara a Herode ne Yohane bekasa no, na ne ho yeraw no nanso eyi nyinaa akyi no, ode ntoboase tiee no. **21** Nea Herodia pee se enye Yohane no baa mu. Ene se, na Herode redi n’awoda, ma otoo pon wo n’ahemfi maa ne mpanyimfo, n’asafohene ne Galilea mpanyimfo. **22** Herodia babea besaw kyere won ma eyee won nyinaa fe. Herode de ntam ka kyere ababaa no se, “Bisa me biribiara a wope; se m’aheman mu fa mpo na wope koraa a, mede bema wol!” **24** Ababaa yi koo ne na nkyen kobisaa no nea ommisa ma oka kyere no se, “Bisa no Osuboni Yohane ti!” **25** Ababaa yi de ahoohare san baa ohene no nkyen beka kyere no se, “Mee se wode Osuboni Yohane ti to prete mu ma me mprenpren aral!” **26** Eyi maa ohene no were howee, nanso esiane se na waka ntam wo nnipa no anim no nti, wammu bo a ohyee ne babea no so. **27** Herode somaa n’asraafo no mu baako se okoo afiase ho nkotwa Yohane ti mfa mmre no. Osraani no kotwaa Osuboni Yohane ti, **28** na ode too prete mu bre ababaa no ma ode komaa ne na. **29** Bere a Yohane asufo no tee nea asi no, wobefaa n’amu no kosiee no wo oboda bi mu. **30** Asomafo no san baa Yesu nkyen bekaa nea woyee ne nea wokyerekyeree nnipa a woko won nkyen no nyinaa kyere no. **31** Yesu tiee won amannee no wiee no, oka kyere won se, “Momma yentwe yen ho mfi nnipakuw yi ho na yenkohome kakra.” Nea ema okaa saa ne se, na nnipa a woba won nkyen no to ntwa da. Wonnya kwan mpo na woadidi. **32** Yesu ne n’asufo no tenaa okorow mu koo baabi a obiara nni ho. **33** Nanso bere a woko no, nnipa pii huu won ma wotuu mmirika faa mpoano ho kotwaa won ho. **34** Eyi nti bere a Yesu sii fam no, na nnipakuw ahyia wo ho. Ohuu won no ne yam hyehyee no maa won efise na wote se nguan a wonni ohwefo. Okyerekyeree won nneema bebre a ese se wuhu. **35** Onwini reye

adwo no, n'asuafɔ no baa ne nkyɛn beka kyereɛ no se, "Ade resa. Aduan biara nso nni ha. 36 Ka kyere nnipa no na wɔnkɔ nkurow mu ne nkuraa a atwa yen ho ahyia yi ase, na wɔnkɔtɔ aduan bi nni." 37 Yesu ka kyereɛ wɔn se, "Momma wɔn aduan nni." Wobisaa no se, "Ansa na yebetumi ama saa nnipa dodow yi aduan no, ɛse se yenya asram asia akatua. Yɛnsɛ sika a ɛte saa mfa mma wɔn brodo nni ana?" 38 Yesu bisaa wɔn se, "Brodo ahe na mowɔ? Monko na monkoɔhwɛ." Wɔsan ba beka kyereɛ no se, "Wɔwɔ brodo anum ne mpataa abien." 39 Afei Yesu ka kyereɛ nnipakuw no se, wɔntenatena ase, na wɔntenatena ase akuwakuw wɔ sare no so. 40 Wɔntenatena ase akuwakuw a bi ye ɔha na bi ye aduonum. 41 Yesu faa brodo anum ne mpataa abien no, na ɔhwɛ soro, bɔ mpae, hyiraa so. Obubuu brodo no mu de maa asuafɔ no se wɔnkyɛ mma nnipa no. Na ɔkyɛ mpataa no nso maa wɔn. 42 Nnipa no dii aduan no maa obiara mee! 43 Nnipa a wodii aduan no beye mmarima mpem anum; 44 na wɔtaseɛ ase nkae no, ɛyɛɛ nkɛnten dumien. 45 Adidi no akyi pɛ, Yesu ka kyereɛ n'asuafɔ no se, wɔnkotena ɔkorow no mu, na wonni kan nko Betsaida, na ɔregya nnipakuw no kwan na watiw wɔn. 46 Akyiri no, ɔkɔw bepɔw no so kɔbɔw mpae. 47 Anadwo no a asuafɔ no te ɔkorow mu adu asu no mfimfini no, na Yesu nko ara na ɔwɔ mpoano. 48 Ohuu se na wɔn ho akyere wɔn; ɛne se, mframa a ano ye den ne asorɔkyɛ bɔ dwiradwiraa ɔkorow no, enti na wɔrebɛw wɔ ɔkorow no hare mu. Anɔpahema beye se nnɔnabiesɔ bere mu no, ɔnantew asu no ani baa wɔn nkyɛn. ɔyɛ se ɔretwa wɔn ho. 49 Bere a asuafɔ no huu obi se ɔnam asu no ani no, wɔde ehu teɛteɛ mu efise na wosusuw se wɔahu ɔsaman. 50 Wɔn nyinaa huu no. ɛho ara, Yesu ka kyereɛ wɔn se, "Momma mo bo ntɔ mo yam. ɛye me! Munnsuro!" 51 Afei ɔkɔw wɔn nkyɛn wɔ ɔkorow no mu no, mframa no gyaee. Asuafɔ no ho dwiriw wɔn, 52 efise na wɔnte aduanma no ase, na wɔapirim wɔn koma. 53 Wotwaa asu no baa Genesaret na woduu ho no, wɔde ɔkorow no baa mpoano. 54 Na wosi fii ɔkorow no mu no, nnipa a wogynagyina ho no huu no. 55 Wotuu mmirika kyini nkurow a atwa ho ahyia no nyinaa so soaa nnipa a wɔyare deda wɔn akɛte so brɛɛ no wɔ baabiara a wɔtee se ɔwɔ. 56 Na nkuraa ase anaa nkurow so baabiara a ɔkɔe no, wɔde ayarefo beguu mmɔnten so, srɛɛ no se ɔmma wɔmfa wɔn nsa nka n'atade ano keke. Ayarefo dodow a wotumi de wɔn nsa kaa n'atade ano no ho yeɛ wɔn den.

7 Da bi, Farisifo ne Kyerewsem no akyerekyerɛfo bi a wofi Yerusalem baa Yesu nkyɛn. 2 Woduu ho no, wohuu se n'asuafɔ no bi redidi a wɔanhohoro wɔn nsa ho. 3 Na Yudafo no, ne titiriw no Farisifo nnidi da, gye se wɔanhohoro wɔn nsa ho nyinaa, senea wɔn amanne kyere, ansa na wɔadidi. 4 Na se wofi gua so ba a, wɔhohoro wɔn nsa ansa na wɔadidi. Eyi ye mmara bebree a wofi tete adi so no mu baako. Na mmara no bi ne se, wɔhohoro nkuruwa, asen ne koberesen mu. 5 Enti Kyerewsem no akyerekyerɛfo no bisaa Yesu se, "Adɛn nti na w'asuafɔ no nni yen amanne a efi tete no so? Efise wodidi a, wonni kan nhohoro wɔn nsa senea amanne kyere no." 6 Yesu buaa wɔn se, "Mo nyaatwomfo! Asem a Yesaia ka faa mo ho se, "'Saa nnipa yi de wɔn ano na edi me ni, nanso wɔn koma mmen me ho baabiara. 7 Wɔsom me kwa; na wɔn nkyerekyerɛ ye nnipa nsa ano mmara' ye nokware turodoo! 8 Mugyaw Onyankopɔn mmara a wahyehye no de mo ankasa mo amanne si anan mu. 9 "Moahye da se mobɛpɔ Onyankopɔn mmara no, na moatiatia so, ama mo amanne no atim. 10 ɛho nhwesɔ bi ne se, Mose de Onyankopɔn mmara a ɛka se, 'Di w'agya ne wo na ni' no maa mo. ɔkae se, 'obiara a ɔbekasa atia n'agya anaa ne na no, ɛse se wokum no.' 11 Nanso moka se, eye se obi beka akyere n'agya anaa ne na a ade bi hia no no se, 'Merentumi mmoa mo! Efise mede nea anka a ɛse se mede ma mo no ama Onyankopɔn.' 12 Enti mubu Onyankopɔn mmara a ɔhyɛɛ no so, senea ebeye a mubetumi abɔ mo amanne ho ban. 13 Eyi ye nhwesɔ baako pɛ. Nanso bebree ka ho." 14 Afei Yesu frɛɛ nnipakuw no baa ne nkyɛn, ka kyereɛ wɔn se, "Mo nyinaa muntie asem a mereka yi yiye, na monte ase. 15 Ade biara a ɛko onipa mu no ngu ne ho fi. Na mmom nea ebefi onipa mu aba no na egu ne ho fi. 16 Nea ɔwɔ aso a obetie no ntie." 17 Afei Yesu fii nnipakuw no mu kɔw fie no, n'asuafɔ no bisaa no asem a ɔkae no ase. 18 Obisaa wɔn se, "Mo nso monte asem a mekae no ase? Munhu se, nea mudi no ngu mo ho fi ana? 19 Efise nea mudi biara no ne mo koma nni hwee ye, na mmom ɛfa ɔyafunu no mu keke." 20 ɔtoaa so se, "Nea efi onipa mu ba no na egu ne ho fi. 21 Afei nea efi nnipa koma mu ba no, ede aguamammɔ, korɔn, awudi, 22 ayefasɛm, amumɔye, asisi, ahohwi, anibere, abususem, ahantan ne nkwasɛasɛm ba. 23 Saa nneɔne yi nyinaa fi onipa mu na ɛba, na ɛno na egu onipa ho fi a ɛmma ɔmfata Onyankopɔn anim." 24 Yesu fi ho no, ɔkɔw Tiro ne Sidon fam pɛɛ se ɔrekɔhyɛ

ho komm a obiara nte ne nka, nanso anye ye. Da a oduu ho ara pe, na nkurɔfo tee ne nka se waba ho. **25** Eho ara na ohea bi a honhommone hye ne babea ketewa bi mu baa ne nkyen. Na wate Yesu nka nti, obebuu no nkotodwe. **26** Ohea no sree no se ontu saa honhommone no mfi ne ba no mu mma no. Na saa ohea yi ye Helani a wɔwoo no wɔ Siro-Foinike. **27** Yesu ka kyeree no se, “Ese se mma no mee ansa. Na enye se wode mma aduan ma akraman.” **28** Ohea no nso buae no se, “Owura, eye nokware de, nanso eye a wode aduan a aka wɔ mmofra no prete mu no bi ma akraman a wohyehye ɔpon no ase no.” **29** Yesu ka kyeree no se, “Wo mmuae pa no nti masa wo babea no yare. Ko fie. Honhommone no afi ne mu ko.” **30** Oduu fie no, ohuu se ne babea no da mpa so dinn a honhommone no afi ne mu ampa ara. **31** Yesu fi Tiro no, ɔfaa Sidon mansin a emu nkurow ye du no so beduu Galilea Po so. **32** Wode ɔsotifo bi a ɔsan ye mum breɛ no. Wɔn a wɔwɔ ho no nyinaa sree Yesu se, ɔmfa ne nsa nka ɔyarefo no, na ɔnsa no yare. **33** Yesu soo ne mu de no fii nnipakuw no mu. Afei ɔde ne nsateaa hyee ɔbarima no asom, tee ntasu de kaa ne tekrema. **34** Ohwee ɔsoro, guu ahome teɛ mu se, “Hefata!” Ase ne, “bue!” **35** Amono mu ho ara, ɔbarima no aso buei, ne tekrema sanee, na ofii ase kasae. **36** Yesu bɔɔ nnipakuw no ano se, wɔmmmɔ asem no dawuru nkyere obiara. Nanso mpɛn dodow a ɔbraa wɔn no, na trew ara na wɔn nso wɔretrew asem no mu. **37** Saa asem yi maa wɔn ho dwiriw wɔn yiye. Enti wɔkae se, “Yesu aye ade nyinaa yiye, ɔma asotifo mpo te asem, na mum nso kasa!”

8 Saa mmere no mu na nnipakuw foforo bi baa Yesu nkyen. Esiane se na hwee nni ho a wobedi nti, **2** Yesu frɛe n’asuafɔ no baa ne nkyen, na ɔkae se, “Nnipa yi ye me mmɔbɔ. Wɔabedi nnansa wɔ ha a, wonni aduan biara a wobedi bio. **3** Se migya wɔn kwan se wɔnkɔ a wonnidii a, anhwe a na wɔn mu bi atotɔ piti wɔ ɔkwan so, efise wɔn mu bi fi akyirikyiri na wɔbae.” **4** N’asuafɔ no bisaa no se, “Ehefa na yebenya aduan ama saa nnipa dodow yi wɔ sare yi so ha?” **5** Obisaa wɔn se, “Brodo dodow ahe na mowɔ?” Wobuaa no se, “Yewɔ ason.” **6** Yesu ka kyeree nnipakuw no se wɔntenatena ase wɔ sare no so. Afei ɔfaa brodo ason no, na ohyiraa so, bubuu mu de maa n’asuafɔ no ma wɔkye maa nnipa no. **7** Na wɔwɔ mpataa kakra wɔ ho, nti Yesu hyiraa eno nso so de maa asuafɔ no se wɔnkye eno nso mma wɔn. **8** Nnipakuw no didi mee

no, ogyaa wɔn kwan. **9** Nnipa a wodii aduan no dodow beye mpem anan. Na wɔtasee ase nnikae no, eye kenten ason. **10** Eyi akyi no ɔne n’asuafɔ no kotenaa ɔkorow mu baa Dalmanuta fam. **11** Farisifo no tee se Yesu aba ho no, wɔbaa ne nkyen bebisabisaa no nsem, de sɔɔ no hwɛe. Wɔka kyeree no se, “Ye nsenkyerɛnne bi kyere yen. Ma nsenkyerɛnne bi nna adi wɔ wim nkyere yen. Eno ansa na yebegye wo adi.” **12** Yesu tee nea wɔkae no, ogya ahome ka kyeree wɔn se, “Den nti na mohwehwe nsenkyerɛnne daa yi? Nsenkyerɛnne biara nni ho a meye akyerɛ mo.” **13** ɔsan kotenaa ɔkorow no mu gyaw wɔn, twa kɔɔ asuogya nohɔ. **14** Asuafɔ no were fii se wɔfa aduan bi kura ansa na wɔkɔ, gye brodo baako pe na na wokura wɔ ɔkorow no mu. **15** Wɔretwa asu no, Yesu ka kyeree wɔn se, “Monhwe mo ho so yiye wɔ ɔhene Herode ne Farisifo mmɔkaw ho.” **16** Asuafɔ no bisabisaa wɔn ho wɔn ho se, “Asem a ɔreka yi ase ne den?” Nea wɔn adwene kyeree wɔn ne se, ebia ɔreka aduan a wɔn were fii se wɔbefa akita no ho asem. **17** Yesu huu nea wodwinnwen no, ɔka kyeree wɔn se, “Enye eno ho asem na mereka! Monnte eyi ase ana? Mo koma da so pirim?” **18** Mowɔ ani nso munhu ade? Mowɔ aso nso momfa nte asem? Na monnkae biribi ana? **19** Bere a mibubuu brodo anum mu maa nnipa mpem anum no, nnikae kenten ahe na motasee?” Wɔkae se, “Dumien.” **20** “Na mesan de brodo ason maa nnipa mpem anan no nso, ahe na ekae?” Wɔkae se, “Nkentɛn ason.” **21** Obisaa wɔn bio se, “Monnte ase ara ana?” **22** Bere a woduu Betsaida no, nnipa bi de onifuraefo bi breɛ no, sree no se ɔmfa ne nsa nka no, na ɔnsa no yare. **23** Yesu soo onifuraefo yi nsa de no kɔɔ akuraa no kurotia. ɔtee ntasu guu onifuraefo no ani so, na ɔde ne nsa guu no so. Yesu bisaa no se, “Wuhu ade ana?” **24** Onifuraefo no maa n’ani so hwɛe soro, buae se, “Yiw, mihu nnipa! Nanso mihu wɔn se nnua bi na wɔnenam ho.” **25** Afei Yesu de ne nsa kataa n’ani no so bio. Onifuraefo no buee n’ani, na bere a ɔrehwe ade haa no, n’ani no yee yiye a afei de na ohu biribiara kann. **26** Yesu ma ɔkɔɔ fie, na ɔka kyeree no se, “Nnsan nnkɔ akuraa no ase bio.” **27** Yesu ne n’asuafɔ no fii Galilea kɔɔ Kaesarea ne Filipi nkuraa ase. Wɔnam ɔkwan so rekɔ no, obisaa wɔn se, “Nnipa ka se mene hena?” **28** Asuafɔ no buae se, “Ebinom se wone Osuboni Yohane no, na afoforo nso se woye Elia anaase tete adiyifo no mu bi a wasan aba.” **29** Na obisaa wɔn se, “Na mo nso mose meye hena?” Petro buaa no se, “Wone Kristo no.” **30** ɔbɔɔ

wɔn kɔkɔ se, wɔnnka nkyere obiara. **31** Afei ofii ase kaa Onipa Ba no amane a obehu ne mpanyimfo, asɔfo mpanyin ne Kyerewsem no akyerɛkyerɛfo no po a wɔbɛpo no, na wɔakum no, na nnansa so wasɔre no ho asem kyerɛ wɔn. **32** Ɔkaa asem no pefee a wamfa biribiara anhintaw wɔn. Petro twee no gyinaa nkyen bisaa no se, “Aden nti na woka asem a ete sɛ yi?” **33** Yesu dan ne ho hwɛɛ n’asuafo no kaa Petro anim se, “Fi me so, Ɔbonsam! W’adwene ye nea efi onipa na enye nea efi Onyankopɔn.” **34** Afei ɔfrɛɛ n’asuafo no ne nnipakuw no baa ne nkyen ka kyerɛ wɔn se: “Sɛ obi pɛ se odi m’akyi a esɛ se ɔpa ne ho akyi, na ɔsoa n’asennua, na odi m’akyi. **35** Nea ɔma ne kra som no bo no, ebefi ne nsa. Na nea me ne asempa no nti, ɔbehwere ne kra no, wobegye no nkwa. **36** Na se onipa nya wiase nyinaa na ɔhwere ne kra a mfaso ben na obenya? **37** Den na esom bo sen ne kra? **38** Na obiara a saa nnabɔne yi mu n’ani wu me ne me nsem ho no, ne ho beye me, Onipa Ba no aniwu, bere a me ne m’abɔfo kronkron no besan aba wɔ m’Agya anuonyam mu no.”

9 Yesu kɔɔ so ka kyerɛɛ n’asuafo no se, “Mo a mugyina ha yi mu bi betena ase akosi sɛ mubehu se, Onyankopɔn ahenni no reba tumi mu!” **2** Nnansia akyi na Yesu faa Petro, Yakobo ne Yohane de wɔn kɔɔ bepɔw tenten bi atifi. Saa bere no na obiara nka wɔn ho. Eho ara na Yesu anuonyam hyeren wɔ wɔn anim. **3** N’atade hyeren yɛɛ fitafita sen senea obi betumi ahoro saa atade no ama ayɛ. **4** Afei Elia ne Mose befii ho. Na wɔne Yesu kasae! **5** Petro ka kyerɛɛ Yesu se, “Kyerɛkyerɛfo, eye se yɛwɔ ha. Yɛbebo asese abiesɔ wɔ ha, wo de baako, Mose de baako na Elia de baako.” **6** Esiane se na wɔabɔ hu no nti na ɛma ɔkaa saa. **7** Na omununkum bekataa wɔn so. Nne bi fi omununkum no mu kae se, “Oyi ne me Dɔba. Muntie no.” **8** Mpofirim a wɔhwɛɛ wɔn ho no, wɔanhu obiara ka Yesu ho. **9** Wɔresian afi bepɔw no so no, Yesu bɔɔ wɔn ano se wɔnnka nea wɔahu no nkyere obiara kosi se ɔbesɔre afi awufo mu. **10** Asuafo no anka ankyere obiara na mmom, eye a na wɔtaa bisabisa wɔn ho wɔn ho se, n’asem a ɔkae se, “Menyan afi awufo mu” no, na ɔkyere den? **11** Na n’asuafo no bisaa no nea enti a mmara no akyerɛkyerɛfo no ka se, esɛ se Elia san ba kan. **12** Yesu gye too mu se, esɛ se Elia di kan ba betoto nneema nyinaa yiye. Ɔkae se, “Eno de, na aden nti na wɔakyerɛw se Onipa Ba no behu amane bebreɛ na

wɔapo no? **13** Nanso mise mo se, Elia aba dedaw! Na wɔne no anni no yiye senea adiyifo no hyɛɛ ho nkɔm no.” **14** Bere a wosian beduu bepɔw no ase ho no, wohuu se nnipakuw atwa asuafo a wɔaka no ho ahyia, na wɔne mmara no akyerɛkyerɛfo no regye wɔn ho wɔn ho akyinnye. **15** Bere a nnipakuw no huu Yesu no wɔn ho dwiriw wɔn, na wɔde mmirika behyiaa no. **16** Yesu bisaa wɔn se, “Akyinnye a na moregye no fa den ho?” **17** Nnipa no mu baako kae se, “Kyerɛkyerɛfo, mede me ba aba ha se sa no yare. Honhommɔne bi a ɛwɔ ne so nti, ontumi nkasa. **18** Sɛ honhommɔne no ka ne ho wɔ ne mu a, etwa no hwe fam ma n’ano twa ahuru, twere ne se a wasinsɛn. Eno nti mesrɛɛ w’asuafo no se wontu honhommɔne no mfi ne mu, nanso wɔantumi.” **19** Yesu ka kyerɛɛ n’asuafo no se, “O, mo a mo gyidi sua, me ne mo ntena nkosi da ben ansa na mo gyidi atim? Momfa abarimaa no mmre me.” **20** Wɔde abarimaa no brɛɛ Yesu. Wɔde no duu Yesu anim ara pɛ na ɔyare no baa denneennen, twaa no hwee fam, ma ɔperɛɛ a n’ano refi ahuru. **21** Yesu bisaa abarimaa no agya se, “Nnaahe ni a ɔyare yi baa ne so?” Abarimaa no agya buaa Yesu se, “Efi ne mmofraase pɛɛ; **22** na etɔ da bi koraa a, ɔyare no tumi twa no hwe ogya anaɔ nsu mu pɛ se ekum no. Enti se wubetumi asa no yare de a, hu yen mmɔbɔ, na sa no yare ma yen.” **23** Yesu bisaa no se, “Aden nti na woka se se metumi a? Nneema nyinaa betumi ayɛ ho ama obiara a ogye di.” **24** Abarimaa no agya buae se, “Mewɔ gyidi nanso esua, enti boa me, na hyɛ me gyidi mu den!” **25** Yesu huu se nnipa no dɔ ara na wɔredɔɔso no, ɔteɛɛ honhommɔne no se, “Honhommɔne ɔsotifo ne mumu, mehyɛ wo se, fi abofra yi mu kɔ. Nkɔhyɛ ne mu bio!” **26** Afei ɔyare no baa denneennen ansa na erefi ne mu, enti ɛmaa abarimaa no yɛɛ se owufo. Nnipakuw no kasaa huhuhuhu se, “Wawu.” **27** Na Yesu soo ne nsa pagyaw no ma ogyinaa ne nan so a ne ho atɔ no. **28** Eyi akyi a Yesu ne n’asuafo no nko ara wɔ fie no, wobisaa no se, “Aden nti na yen de yeantumi antu saa honhommɔne no?” **29** Yesu buaa wɔn se, “Mpaɛbo nko ara na ebetumi atu saa ɔyare yi.” **30** Yesu fii ho no ɔfaa Galilea, efise na ɔmpɛ se nnipa te ne nka. **31** Na ɔpɛ se onya bere ma n’asuafo no de kyerɛkyere wɔn. Ɔka kyerɛɛ wɔn se, “Wobeyi Onipa Ba no ama, na wɔakum no, na ne nnansa so no ɔbesɔre aba nkwa mu bio.” **32** Asuafo no ante asem a ɔkae yi ase, nanso na wosuro se wobebisa no ase. **33** Yesu ne n’asuafo no baa Kapernaum. Bere a woduɔ ofi

a wɔbetena mu no mu na wɔregye wɔn ahome no, Yesu bisaa n'asuafo no se, "Yereba no den akyinnye na na moregye wɔ akwan so no?" **34** Asuafo no antumi ammua efise na wɔredwinnwen nea ɔbeyɛ wɔn mu okese no ho. **35** Ɔtenaa ase frɛɛ wɔn baa ne nkyen ka kyereɛ wɔn se, "Obiara a ɔpɛ se ɔyɛ ɔpanyin wɔ mo mu no ɛse se ɔyɛ abofra anaa ɔsomfo wɔ mo mu!" **36** Afei ɔde abofra ketewa bi begyinaa wɔn mfimfini. Ɔde abofra no kyereɛ wɔn kae se, **37** "Mo mu biara a me nti obegye abofra ketewa se oyi no agye me, na nea obegye me no nso agye m'Agya a ɔsoma me no." **38** Yohane a ɔyɛ asuafo no mu baako no ka kyereɛ Yesu se, "Kyerekyerɛfo, yehuu ɔbarima bi a ɔde wo din retu ahonhommone nti yeka kyereɛ no se onnyaɛ, efise ɔnka yen ho." **39** Yesu kae se, "Munnsiw no kwan. Efise obiara nni ho a ɔreyɛ anwonwade wɔ me din mu na obetwa ne ho atia me. **40** Na obiara a ontia yen no wɔ yen afa. **41** Obiara a esiane se, moyɛ Kristo de no nti ɔbema mo nsu kuruwa ma anom no akatua remmo no da. **42** "Enti se obi to mmofra nketewa a wogyɛ me di yi mu bi hintidua a, eye ma no se anka wode ɔbotan duruduru besɛn ne kɔn mu, atow no akyene po mu. **43** Se wo nsa ma woyɛ bɔne a, twa na tow kyene. Eye ma wo se wode demdi beko nkwa mu sen se, wode wo nipadua nyinaa beto amanehunu gya (Geenna g1067) **44** a ennum da no mu. **45** Na se wo nan ma woyɛ bɔne a, twa na tow kyene. Eye ma wo se wode nansin beko nkwa mu sen se, wode nan abien beko amanehunu gya (Geenna g1067) **46** a ennum da no mu." **47** Na se w'ani ma woyɛ bɔne a, tu na tow kyene. Eye ma wo se wode ani baako beko Onyankopɔn ahenni mu sen se wowɔ ani abien na wode wo beto amanehunu gya mu (Geenna g1067) **48** baabi a "'ogya no ennum da na ehɔ asunson nso nwu da.' **49** Na wode ogya behyɛ wɔn nyinaa nkyene. **50** "Nkyene ye de, nanso se nkyene yera ne de a, eso nni mfaso bio; wonte ne de wɔ biribiara mu. Enti monnyera mo de. Mo ne mo ho mo ho ntena asomdwoe mu."

10 Afei Yesu fii Galilea twa baa Yudea fam noho wɔ Asubɔnten Yordan agya. Nnipakuw baa ne nkyen, na senea ɔtaa ye no ɔkyerekyerɛ wɔn. **2** Farisifo bi baa ne nkyen bebisaa no se, "Wopene awaregyae so ana?" Wobisaa no eyi de sɔɔ no hwɛɛ. **3** Yesu nso bisaa wɔn se, "Den na Mose ka faa awaregyae ho?" **4** Wobuae se, "Mose kaa se eye se wogyae aware. N'asɛm a ɔkae ne se, se ɔbarima bi pɛ se ogyaa ne yere aware a ɔnkyerew awaregyae krataa mfa mma ne

yere no." **5** Yesu bisaa wɔn se, "Adɛn nti na ɔkaa saa? Merebekyerɛ mo nea enti a ɔkaa saa. Esiane mo koma a apirim no nti na ɔkaa saa kyereɛ mo. **6** Nanso eyi mfi Onyankopɔn. Efi adebo mfiase na Onyankopɔn bɔɔ ɔbarima ne ɔbea kaa wɔn bɔɔ mu. **7** Eyi nti na ɔbarima begyaw n'agya ne ne na, **8** na ɔde ne ho akɔbo ne yere ho, na wɔn baanu no aye ɔhonam koro. **9** Na nea Onyankopɔn aka abɔ mu no, ense se onipa tetew mu." **10** Akyiri a na ɔne n'asuafo no wɔ fie no, asuafo no bisaa no saa asɛm koro no ara bio. **11** Obuua wɔn se, "Se obi gyaa ne yere aware na ɔsan ware obi foforo a na wabo aguaman. **12** Na se ɔyere gyaa ne kunu aware na ɔsan ware a, na ɔno nso abɔ aguaman saa ara." **13** Na awofɔ bi de mmofra nkumaa brɛɛ Yesu se onhyira wɔn, nanso n'asuafo no pampam wɔn a wode mmofra no bae no, ka kyereɛ wɔn se, wɔnnhaw no. **14** Yesu huu nea n'asuafo no aye no, anyɛ no de na ɔka kyereɛ wɔn se, "Momma mmofra no kwan na wɔmmra me nkyen, na munnsiw wɔn kwan, na eyinom sɛɛ na Onyankopɔn ahenni no ye wɔn dea. **15** Mereka akyerɛ mo se, obiara a ɔrennye Onyankopɔn ahenni no se abofra no, ɔrentumi nhyen mu." **16** Na ɔyɛɛ wɔn atuu, de ne nsa guu wɔn so hyiraa wɔn. **17** Na osii mu se ɔreko baabi foforo no, ɔbarima bi tutuu mmirika baa ne nkyen bebuu no nkotodwe bisaa no se, "Kyerekyerɛfo pa, den na menyɛ na manya nkwa a enni awiei?" (aiōnios g166) **18** Yesu bisaa no se "Adɛn na wofrɛ me papa? Obiara nye papa gye ɔbaako; ɔne Onyankopɔn. **19** Efa w'asɛmmisa no ho nso, wunim mmaransem no: 'Mmo aguaman! Nni awu! Mmo korɔn! Nni adansekurum! Di w'agya ne wo na ni!'" **20** Aberante no ka kyereɛ no se, "Kyerekyerɛfo, eyinom nyinaa mifi me mmofraase na midii so." **21** Yesu hwɛɛ aberante yi dinn, nyaa ɔdo bi maa no. Ɔka kyereɛ no se, "Aka wo ade baako. Kɔ na kɔtɔn biribiara a wowɔ, na fa sika no ma ahiafo, na wubenya agyapade wɔ ɔsoro, na bra bedi m'akyi." **22** Aberante no tee saa asɛm no n'anim sesae, na ɔde awɛrɛhow kɔɛ, efise na ɔwɔ ahonyade bebreɛ. **23** Ɔreko no, Yesu hwɛɛ ne na ɔdan ne ho ka kyereɛ n'asuafo no se, "Eye den ma ɔdefo se ɔbekɔ Onyankopɔn ahenni mu!" **24** Aɛm a Yesu kaa no maa asuafo no ho dwiriw wɔn. Yesu san kaa bio se, "Me mma, se moahu den a eye ma wɔn a wɔwɔ ahonyade se wɔbekɔ Onyankopɔn ahenni mu? **25** Na eye mmerew se yoma befa pane aniwa mu sen se ɔdefo beko Onyankopɔn ahenni mu." **26** Asuafo no ho dwiriw wɔn mmoroso na wobisaa no se, "Eno

de, na hena na wobegye no nkwa?" 27 Yesu hwɛɛ wɔn dinn kae se, "Onipa fam de, eye den, na Onyankopɔn fam de, biribiara betumi aba mu." 28 Afei Petro fii ase kenkan nneɛma a ɔne asuafo no agyaw abedi Yesu akyi. Ɔkae se, "Yagyaw biribiara abedi w'akyi." 29 Yesu nso buaa no se, "Merema mo ate ase se, obi nni hɔ a me nti wagyaw ofi, nuabarimanom, nuabeanom, ena, agya ne mma anaase agyapade a ɔbɛko akɔka Asempa no, 30 na ɔrennya ofi, nuabarimanom, nuabeanom, ɛnanom, mma ne nsase mmɔho ɔha, na ɔrennya ɔtaa nso nka ho! Eyinom nyinaa beyɛ ne dea wɔ asase yi so, na wiase a ɛreba no mu de, obenya nkwa a enni awiei. (aiɔn g165, aiɔnios g166) 31 Na adikanfo pii bedi akyi, na akyikafo abedi kan." 32 Afei wosii mu se wɔreko Yerusalema a na Yesu di wɔn kan; na bere a asuafo no di n'akyi no, ehu ne osuro kaa wɔn. Yesu twee wɔn gyinaa nkyen, na ɔsan kaa nneɛma a se wodu Yerusalema a ɛbeba ne so no nyinaa kyereɛ wɔn. 33 Ɔka kyereɛ wɔn se, "Se yedu hɔ a wobeyi me, Onipa Ba no ama asɔfo mpanyin ne Kyerɛwsem no akyerekyerɛfo, na wɔabu me kumfo, na wɔde me ahyɛ Roma aban nsa, na wɔakum me. 34 Wobedi me ho few, na wɔatete ntsu agu me so, na wɔde mpire atwa me mmaa, na wɔakum me, na nnansa so no, masɔre bio." 35 Afei Sebedeo mma Yakobo ne Yohane baa Yesu nkyen beka kyereɛ no se, "Kyerɛkyerɛfo, yɛpɛ se woyɛ yen adɔɛ bi." 36 Yesu bisaa wɔn se, "Den na mope se meye ma mo?" 37 Wobuae se, "Ma yen mu baako ntena wo nifa so, na ɔbaako nso ntena wo benkum so wɔ w'ahenni mu ho!" 38 Yesu maa wɔn mmuae se, "Munnim nea mubisa no! Mubetumi anom awerehow kuruwa nwenweenwen a ɛse se menom ano no ana? Anaase mubetumi ama wɔde amanehunuu asubɔ no abɔ mo asu?" 39 Wɔka kyereɛ no se, "Yebetumil!" Na Yesu ka kyereɛ wɔn se, "Mubetumi anom me kuruwa ano, na wɔde asubɔ a wɔde bɔ me no abɔ mo; 40 nanso minni tumi se miyi wɔn a wobetena me nifa anaa me benkum so no. Onyankopɔn nko ara na ɔde saa afa no bema wɔn a wɔasiesie hɔ ama wɔn no." 41 Asuafo a wɔaka no tee nea Yakobo ne Yohane kobisaa no, anyɛ wɔn de. 42 Enti Yesu frɛɛ wɔn ka kyereɛ wɔn se, "Munim se ahene ne atumfo a wɔwɔ wiase no di wɔn a wɔhyɛ wɔn ase no so, 43 nanso mo de, ɛnte saa wɔ mo ho. Obiara a ɔpɛ se ɔye ɔkese wɔ mo mu no, ɛse se ɔye mo somfo. 44 Na obiara a ɔpɛ se ɔye ne nuanom so panyin no ɛse se ɔye wɔn nyinaa akɔa. 45 Onipa Ba no amma se wɔnsom no, na mmom ɔbesomee, na ɔde

ne kra too hɔ se mpata maa nnipa nyinaa." 46 Yesu ne n'asuafo no beduu Yeriko. Wɔrefi kurow no mu no, nnipakuw tu dii wɔn akyi. Saa bere a Yesu retwa mu no, na onifuraefo Bartimeo a ne din nkyerɛase ne "Timoteo ba" no te kwankyen resresre ade. 47 Bere a Bartimeo tee se Yesu Nasareni na ɔretwam no, ofii ase teetee mu se, "Dawid Ba Yesu, hu me mmɔbɔ!" 48 Nnipa no bi teetee no se, "Mua w'ano!" Nanso ɔkɔɔ so teetee mu dennen se, "Dawid ba, hu me mmɔbɔ!" 49 Bere a Yesu tee ne nne no, ogyina kae se, "Momfrɛ no mma me." Wɔfrɛ onifuraefo no ka kyereɛ no se, "Ma wo bo ntɔ wo yam, sɔre na ɔrefrɛ wo!" 50 Bartimeo tow ne ntama gui, sɔre baa Yesu nkyen. 51 Yesu bisaa no se, "Den na wope se meye ma wo?" Onifuraefo no buae se, "Kyerɛkyerɛfo, mepɛ se mi hu adel!" 52 Yesu ka kyereɛ no se, "Kɔ, na wo gyidi agye wo." Na ntem ara onifuraefo no huu ade, na odii Yesu akyi.

11 Yesu ne n'asuafo no reben Yerusalema, na woduu Betfage ne Betania a ɛwɔ Ngo Bepɔw no ho no, ɔsɔmaa n'asuafo no mu baanu dii wɔn anim kan. 2 Yesu ka kyereɛ wɔn se, "Monko akuraa a ɛwɔ hɔ no ase. Se mudu hɔ a, mubehu se wɔasa afurum ba bi a wontenaa ne so da hama. Monsan no na momfa no mmre me. 3 Na se obi bisa mo se den na moreye a, monka no tiaa se, 'Ne ho hia Awurade, na ɔbesan de no aba mprenpren ara.'" 4 Asuafo baanu no sii mu. Wokohuu se aboa no sa ofi bi abobow ano. Enti wɔsan no. 5 Wogu so resan no no, nnipa bi a wogyina nkyen bisaa wɔn se, "Adɛn nti na moresan afurum ba no?" 6 Wɔkaa asem a Yesu ka kyereɛ wɔn no kyereɛ nnipa no ma wotee wɔn ase. 7 Wɔde afurum ba no brɛɛ Yesu maa asuafo no de wɔn ntama guu aboa no so, maa Yesu tenaa no so. 8 Nnipakuw a wɔwɔ hɔ no bi de wɔn ntama sesɛw ɔkwan a ɔde aboa no nam so no so. Ebinom nso pempan nnua mman de sesɛw ɔkwan no mu saa ara. 9 Na Yesu di nnipakuw no mfimfini a wɔn nyinaa retetee mu se, "Hosiana!" "Nhyira ne nea ɔnam Awurade din mu reba!" 10 "Anuonyam nka Onyankopɔn se yen agya Dawid ahenni reba." "Hosiana wɔ sorosoro!" 11 Yesu koduu Yerusalema no, ɔkɔɔ asɔredan no mu. Ɔhwɛ biribiara a ɛwɔ hɔ dinn ansa na ɔrefi hɔ, efise, na onwini redwo enti ɔne asuafo dumien no kɔɔ Betania. 12 Ade kyee anɔpa a wɔrefi Betania hɔ no, ɔkɔm dee no. 13 Wɔkɔɔ kakra no, ohuu se borɔɔdama dua bi si hɔ a aye kusuu. Ɔkɔɔ hɔ kɔhwɛɛ se aduaba no bi wɔ so ana. Nanso oduu hɔ no ohuu se nhaban nko ara na ɛwɔ so. Saa bere no nso

na enye bere a ese se borodoma no sow. **14** Yesu domee borodoma dua no se, “Efi nne, worenso abio!” Asuafo no tee asem a okae no. (aiōn g165) **15** Yesu san baa Yerusalem no, okoo hyiadan mu ho. Oduu ho no, opam aguadifo a wowa ho no nyinaa, kaa sikasesafo apon nyinaa guu fam, bubuu pata a waton mmoronomu w mu no nyinaa, **16** siw kwan se obiara mmedi gua w ho bio. **17** Oka kyere w on se, “Kyerewsem no ka se, ‘M’asorefi ye beae a woba mpaee,’ nanso mo de, mode ho aye akoromfo atenaee.” **18** Asafo mpanyin ne Yudafo mpanyimfo tee nea Yesu aye no, woba ne ho paw, pee okwan a wobefa so ayi no a fi ho. Asem a na ehaw won ne se, se wanhwe no yiye nso a, ede basabasaye beba, efise na nnipa bebre agye Yesu nkyerekere no ato mu. **19** Senea na wotaa ye no, anwummere no ara, wofii kurow no mu. **20** Anopa a asuafo no retwa mu w borodoma dua a Yesu domee no no ho no, wuhuu se awu. **21** Petro kae asem a Yesu ka de domee dua no no, otee mu se, “Hwe, Kyerekerefo! Borodoma dua a wodomee no no awu!” **22** Yesu nso ka kyere n’asuafo no se, “Se mowa gyidi w Onyankopon mu a, **23** anka mubetumi aka kyere Ngo Bepow yi se, ‘Tutu kogu po mu,’ na ebetutu akogu mu nso. Munnye nni; mommma mo gyidi nhinhim. **24** Muntie nea mereka yi. Biribiara a mubebisa w mpaeb mu no, munnye nni se mo nsa aka, na ebeye ho ama mo. **25** Na se morebo mpaee a, nea edi kan no, se mowa obi ho asem a momfa nkye no senea ebeye a mo Agya a owo asoro no nso de mo bone bekye mo. **26** Na se moamfa bone ankye a, saa ara na mo Agya a owo asoro no nso remfa mo bone nkye mo.” **27** Wobaa Yerusalem bio. Wokoo hyiadan mu ho no, asafo mpanyin ne Yudafo mpanyin baa ne nkyen bebisaa no se, **28** “Tumi ben na wugyinaa so pam aguadifo no?” **29** Yesu nso buaa won se, “Merebebisaa mo asem baako bi na mummua me! **30** Onyankopon na osomaa Osuboni Yohane, anaa enye ono? Mummua me!” **31** Wodwinnwen ho kae se, “Se yeka se, Onyankopon na osomaa no a, wobebisa yen nea enti a yeannye nea Yohane kae no anni. **32** Na se yeka se enye Onyankopon na osomaa no nso a, dom no behaw yen. Efise won nyinaa nim se Yohane ye odiyifo.” **33** Enti won mmuae a womae ara ne se, “Yerentumi mmua. Yennim.” Eho ara na Yesu nso ka kyere won se, “Se munnim de a, me nso meremma mo asemmisa no ho mmuae!”

12 Yesu nam mmebu so kasa kyere nnipa no se: “Okuafo bi yee bobeturo, gyee ban faa ho, na

otuu amoa a wokyi bobee mu nsu wo mu, sii owen aban wo mu. Afei ode afuw no gyaw akuafo bi tuu kwan. **2** Eduu bere a bobee no bere a ese se wotew no, osomaa ne ho nipa bi se onkogye ne kyefa mmre no. **3** Nanso akuafo no boroo no, ma ode ne nsa pan san koe. **4** Okuafo no san somaa onipa foforo koo won nkyen, na ono nso, waboroo no, pirapiraa no sen nea odi kan no. **5** Onipa a osomaa no bio no de, wokum no. Afoforo a akyiri no wakoe no nso, wohwee ebinom, na wokum ebinom nso. **6** “Nanso na aka obaako a oye ne ba a odo no. Osomaa ono nso koo won nkyen, susuw se wobefere no de nidi ama no. **7** “Nanso bere a akuafo no huu no se oreba no, woka se, ‘Odedifo no na oreba no. Momma yenkum no, na agyapade no aye yen del’ **8** Wokyeree no kum no, twee no fii bobee turo mu ho kotow no kyenee baabi. **9** “Mugye di se, se afuw wura no ba a den na obeye akuafo no? Obaba abekum won, na ode afuw no ama nnipa foforo. **10** Monnkenkan eyi wo Kyerewsem no mu pen se: “‘Oba a adansifo apo no, eno ara na abeye dan no twea so tibo; **11** Awurade na waye eyi, na eye nwonwa wo yen ani so?’” **12** Na esiane saa be a obui no nti, Yudafo mpanyin no pee se wokyere no, efise wuhuu se won ho asem na oreka no a ekyere se, wone saa akuafo atirimodenfo no. Nanso na wosuro dom no. Eyi ma wogyaa no, na wofii ho koe. **13** Wosomaa Farisifo ne Herodefo bi baa Yesu nkyen se wone no mmekasa, na wonam n’anom asem so anya no akyere no. **14** Wobisaa no se, “Kyerekerefo, yenim se woye onokwafo a wotaa ka nokware. Nea onipa ka no ntumi nnan w’adwene. Afei wokyerere nnipa Onyankopon akwan. Yee se yebisa wo se, eye se woyi tow ma Roma Hempoon Kaesare anaa enye?” **15** Yesu huu won adwemmone no kae se, “Aden nti na moso me hwe, momfa sika a wode yi tow no bi nkyere me, na mema mo mmuae.” **16** Wode maa no ma obisaa won se, “Hena mfonie ne nkyerew na ewo so?” Wobuae se, “Kaesare de.” **17** Yesu ka kyere won se, “Eno de momfa Kaesare de mma no, na momfa Onyankopon de mma Onyankopon!” Ne mmuae no maa won ho dwiriw won. **18** Sadukifo a woka se owusore nni ho no baa ne nkyen bebisaa no se, **19** “Kyerekerefo, Mose yee mmara maa yen se, se obarima bi anwo na owu a, ne nuabarima mfa ne yere no kunabea na one no nwo mma mma owufo no. **20** Anuanom baason bi tenaa ase. Nea odi kan no waree yere a, one no anwo na owui. **21** Nea oto so abien no nso waree okunafo no, na ono nso ankye na owui a one no anwo. Na nea

oto so abiesa no nso waree no a, ɔne no anwo na owui. **22** Eyi kɔɔ so kosii se anuanom yi nyinaa waree ɔbea no, na ɔbea no nso wui. **23** Nea yepe se yehu ne se, owusɔre mu, se wonya sɔre a, wɔn mu hena na ɔbea no beye ne yere?” **24** Yesu buaa wɔn se, “Mo mfomso a moye no fi nim a munnim Kyerewsem no, ne Onyankopɔn tumi a ɔwo. **25** Se anuanom baason yi ne ɔbea no sɔre fi awufo mu a, wɔrenware; wɔbeye se abɔfo a wɔwɔ ɔsoro no. **26** Afei nea efa awufo nyan no ho nso, monkenkan Mose nhoma no mu asem a efa Mose ne nwura a na ehyew no ho da? Onyankopɔn ka kyeree Mose se, ‘Mene Abraham Nyankopɔn, Isak Nyankopɔn ne Yakob Nyankopɔn.’ **27** Na Onyankopɔn reka akyerɛ Mose se, ewo mu se saa nnipa yi awuwu mfe pii a atwam no de, nanso wɔte ase. Ente saa a anka ɔrenka se ɔye atasefo Nyankopɔn, na ɔnye awufo Nyankopɔn. Moaye mfomso kese.” **28** Kyerewsem no akyerɛkyerefo no mu baako a ogyina ho retie no huu se, wabua wɔn senea efata no, obisaa no se, “Mose mmaransɛm no mu nea ewo he na ekyen ne nyinaa?” **29** Yesu buaa no se, “Nea ekyen ne nyinaa ne nea eka se, ‘Israel, tie! Awurade, yen Nyankopɔn ye Awurade koro; **30** na do Awurade wo Nyankopɔn fi wo koma ne wo kra ne w’adwene ne w’ahooden nyinaa mu,’ no. **31** Na nea eto so abien no ne: ‘Do wo yɔnko se wo ho.’ Mmaransɛm bi nni ho a ekyen eyinom.” **32** Kyerewsem no kyerekyerefo no buaa no se, “Owura, woaka nokware se, Onyankopɔn baako pe na ɔwo ho, na obi foforo nka ne ho, **33** na minim nso se, se medo no afi me koma ne m’adwene ne m’ahooden nyinaa mu, na medo me yɔnko se me ho no, sen afɔre biara a wɔbo.” **34** Yesu huu se wabua asem no nyansa mu no, aka kyeree no se, “Wo ne Onyankopɔn ahenni ntam kwan nware.” Na saa asem yi akyi no, obi antumi ammisa no asem biara bio. **35** Bere bi a Yesu rekyerekyere wɔ asɔredan mu no, obisaa nnipa no se, “Aden na Kyerewsem no akyerɛkyerefo no ka se, ese se Agyenkwa no ye ɔhene Dawid ba? **36** Efise Dawid ankasa nam Honhom Kronkron mu kae se, “Awurade ka kyeree me wura se: ‘Tena me nifa so kosi se mede w’atamfo beye wo nan ntiaso.’” **37** Se Dawid frɛ no ‘Awurade’ a, eyee den na Kristo no ye ne ba?” ɔkwan a ofaa so kasaa no maa nnipa no de anigye tiee no. **38** Bere bi a nnipakuw bi de anigye retie Yesu no, aka kyeree wɔn se, “Monhwe mo ho yiye wɔ Kyerewsem no akyerɛkyerefo ho! Wɔhye ntade akese se asikafo na se wɔnam bagua mu a, wɔpe se obiara a ohya

wɔn no de obu kyia wɔn. **39** Se wɔko hyiadan mu a wɔtenatena mpanyin agua so, na se wɔko adidi ase a, wɔtena mpanyin tenabea. **40** Wɔbo mpae atenten ma nnipa hu se wɔresom Onyankopɔn, nanso wosisi akunafo. Eyi nti wobɛnya asotwe a emu ye duru.” **41** Da bi a Yesu kɔɔ asɔredan mu no, ɔkɔtenaa afɔrebɔ adaka a esi ho no anim hwɛ senea nkurofo no de sika regu adaka no mu. Asikafo no de sika a edɔso guu mu. **42** ɔbea kunafo hiani bi nso bae, na ɔde sika nketewa abien beguu mu. **43** ɔfrɛ n’asuafɔ no baa ne nkyen ka kyeree wɔn se, “Saa ɔbea kunafo hiani yi afɔre a ɔbɔe no dɔso sen asikafo no nyinaa afɔrebɔde. **44** Na wɔn nyinaa fi nea wɔanya ama abu wɔn so no mu na woyiyii bi de bae, na ɔbea yi de, ofi ne hia mu de nea ɔwo nyinaa na abegu mu no.”

13 Yesu refi asɔredan no mu ho no, n’asuafɔ no mu baako kae se, “Kyerekyerefo, adan yi ye fe papa. Hwe senea wɔde abo asiesie afasu no.” **2** Yesu ka kyeree no se, “Eye nokware de, nanso wobedwiriw saa dan yi agu pasaa.” **3** Bere a ɔte Ngo Bepɔw no so a n’ani tua Yerusalem no, Petro, Yakobo, Yohane ne Andrea baa ne nkyen bebisaa no se, **4** “Bere ben na nea woreka fa asɔredan yi ho no beba mu. Na nsenkyerenne bi bedi kan aba ansa ana?” **5** Yesu buaa wɔn se, “Monhwe yiye na obi annaadaa mo. **6** Nnipa bebreɛ de me din beba abeka se wɔne Agyenkwa no, na wɔadaadaa mo mu pii. **7** Akokoakoko besisi mmaa nyinaa, nanso enye eno ne awiei no ho nsenkyerenne. **8** Aman besɔre aman so, na ahenni asɔre ahenni so na asasewosow ne ɔkɔm beba mmeaemmeae. Eyinom nyinaa beye nneema a eye hu a ebeba no mfiase. **9** “Nanso se eyinom fi ase se ereba a, monhwe yiye! Mobeko ɔhaw akese mu. Esiane se mudi m’akyi nti, wobɛtwe mo ako asennii; wobehwe mo wɔ asɔredan mu, na woaka nsem agu mo so wɔ ahemfo ne mpanyimfo anim. Saa bere no ne bere pa a ese se moka Asempa no kyere wɔn. **10** Na ese se Asempa no di kan du ɔman biara so ansa na awiei no aba. **11** Na se wɔkyere mo de mo begyina asennii a, munninwene nea mobeka de ayi mo ho ano ho. Monka nea Onyankopɔn bekyere mo se monka no. Na enye mo na mobekasa, na Honhom Kronkron no na ɔbekyere mo nea monka. **12** “Onua beyi onua ama se wonkum no; agyanom nso beyi wɔn mma ama; mma nso beyi wɔn awofo ama se wonkum wɔn. **13** Na esiane se moye me de nti, nnipa nyinaa betan mo. Nanso wɔn a wobegyina pintinn akodu awiei no, wobegye wɔn nkwa. **14** “Enti se muhu akyiwade

a ɛbo ɔman wɔ asɔredan mu ho a, ɔkenkanfo, hwe yiye! Wɔn a wɔwɔ Yudea no nguan nko mmepɔw no so. **15** Wɔn a wɔwɔ wɔn afi mu no nguan a wɔnnsan nko fie ho bio nkɔfa biribiara mmfi ho. **16** Wɔn a wɔwɔ mfuw mu no nso nnsan wɔn akyi mmefa sika anaa ntama wɔ fie. **17** Na wɔn a wɔafa afuru ne wɔn a woturu mma saa bere no mu no nnue. **18** Na mommɔ mpae na bere a ɛse se muguan no anye awɔw bere. **19** Na ahohia a ɛbeba saa mmere no mu no, efi bere a Onyankopɔn boɔ ade no bi nsii da, na bi nso rensi da. **20** “Gye se Awurade twa saa amanehununu no so, anye saa a ɔkra baako koraa rentena ase. Nanso esiane wɔn a wɔayi wɔn no nti, obetwa nna no so. **21** Na se obi ka kyere mo se, ‘Agyenkwa no ni’ a, mummmua. **22** Ato agyenkwanom ne atoro adiyifo besɔre wɔ mo mu na wɔaye anwonwade ahorow, na se ebetumi a, wɔadaadaa Onyankopɔn no ankasa ara mma. **23** Monhwe yiye, efise maka biribiara akyere mo! **24** “Ahohia no akyi no, “owia beduru sum, na ɔsram renhyeren, **25** na nsoromma betetew ahwe, na wɔbewosow wim abɔde ahorow no.’ **26** “Na nnipa nyinaa behu me, Agyenkwa no, se mede tumi ne anuonyam nam omununkum mu reba. **27** Na mesoma m’abɔfo akɔ wiase mmaa nyinaa, fi ɔsoro ano akɔka asase ano, na wɔabeboaboa wɔn a mayi wɔn no ano. **28** “Afei munsua biribi mfi borɔdɔma dua no ho asem no mu. Se eyi mman foforo, san yi nhaban foforo a, na ekyere se asusow aben. **29** Se muhu se saa nneema yi a maka ho asem akyere mo yi nyinaa afi ase resisi a, mubehu se me ba a mesan aba no aben. **30** Nokware mise mo se, awo ntoatoaso yi rentwa mu, gye se saa nneema yi nyinaa aba mu ansa. **31** ɔsoro ne asase betwa mu akɔ, nanso me nsem de, ɛrentwa mu da. **32** “Nanso da anaa dɔn ko a awiei no beba de, obiara nnim. ɔsoro abɔfo ne me ankasa mpo nnim. Agya no nko ara na onim. **33** Esiane se munnim bere ko a asem yi besi nti, munsiesie mo ho. Monwen, ntwen me ba no. **34** Me ba no te se ɔbarima bi a otuu kwan kɔɔ ɔman foforo bi so. ɔrebekɔ no, ɔkyee adwuma maa ne nkɔa. Na ɔka kyeree ne ɔwemfo nso se, ɔnwen ho yiye nkosi se ɔbeba. **35** “Enti mo nso monwen, efise munnim bere ko a ofiwura no beba. Ebetumi aba se ɔbeba anwummere, ɔdasu mu, ahemadakyee anaa awia. **36** Se ofu mu ba a, ɛnse se ɔbeto mo se moadede. **37** Asem a mede agyaw mo ne nnipa nyinaa ni. ‘Monwen!’”

14 Aka nnaanuu na Twam ne Apiti Afahye a eye Yudafo ahomegye nna no adu no, asɔfo mpanyin ne Kyerɛwsem no akyerekyerɛfo no hwehwee nyansa kwan a wɔbefa so akyere Yesu, akum no. **2** Nanso wɔkae se, “Yerenkyere no afahye no mu, anye saa a ɛde basabasaye beba ɔman no mu.” **3** Yesu wɔ Betania na ɔne Simon kwatani redidi no, ɔbea bi a ɔkura ngo huamhuam bi a ne bo ye den baa ho. Otuu ano, hwie guu Yesu tirim. **4** Nea ɔbea yi yee no anye nnipa a wɔte adidii no mu bi de. Na wɔkae se wasɛe ngo no kwa. **5** Wɔkaa bio nso se, “Anka wobetumi atɔn ngo huamhuam yi anya sika pii na wɔde ama ahiafo.” **6** Nanso Yesu ka kyeree wɔn se, “Munnyaa no! Aden nti na morehaw no wɔ ade pa a ɔyee no ho? **7** Mo ne ahiafo a mubetumi aboa wɔn bere biara mu na ete. Na me de, merenkye wɔ mo nkyen. **8** Waye nea obetumi. Wadi kan asra me nipadua ama da a wobesie me. **9** Mereka akyere mo se, baabiara a wɔbekɔ asemɔpa no wɔ wiase no, wɔde nea ɔbea yi yee no bekɛe no akamfo no.” **10** Afei Yuda Iskariot, asuafo dumien no mu baako, kɔɔ asɔfo mpanyin no nkyen ne wɔn kɔhyehyee sɛnea obeyi Yesu ama wɔn no ho. **11** Asɔfo mpanyin no tee asem no, eyee wɔn anigye ma wɔhyee no bɔ. Efi saa bere no, ɔhwehwee sɛnea obenya Yesu ho kwan, ayi no ama bere a ɛse mu. **12** Apiti Afahye no da a edi kan a wokum Twam Afahye guan no, n’asuafo bisaa no faako a wɔbekɔ akodi Twam Afahye no. **13** ɔsomaa n’asuafo no mu baanu kɔɔ Yerusalem se wonkosiesie baabi mma no. Nea ɔka kyeree wɔn ne se, “Morekɔ kurow no mu a, mubehyia onipa bi a ɔso ahina. Munni n’akyi. **14** Baabiara a obewura no, monka nkyere ofiwura no se, ‘Yen wura asoma yen se, yemmehwe dan a wɔasiesie ama yen a yebedi Twam Afahye no wɔ mu no.’ **15** ɔbekyere mo abansoro asa kese bi a wɔasiesie mu. Eho na monye ahoboa mma yen.” **16** Asuafo baanu no sii mu kɔɔ kurow no mu, na wohuu biribiara sɛnea Yesu ka kyeree wɔn no pɛpɛɛɛ, na wosiesie Twam no wɔ ho. **17** Eduu anwummere no, Yesu ne dumien no bae. **18** Na wɔte ho redidi no, Yesu kae se, “Merema mo ate ase se, mo a me ne mo reto nsa adidi yi mu baako beyi me ama.” **19** Wɔn nyinaa were howee, na wofii ase bisaa mmaako mmaako se, “Eye me ana?” **20** Obuaa wɔn se, “Eye mo dumien a mo ne me reto nsa adidi yi mu baako. **21** Onipa Ba no rekɔ sɛnea wɔakyerɛw afa ne ho de, nanso onipa a obeyi no ama no, nnue! Se wɔanwo saa onipa no mpo a, anka eye!” **22** Bere a wɔredidi no,

Yesu faa brodo, na ohyiraa so bubui, na ɔde maa wɔn kae se, “Munnye nni; eyi ne me nipadua.” 23 Afei ɔfaa kuruwa a nsa wɔ mu, na ɔdaa ase no, ɔde maa wɔn, na wɔn nyinaa nom bi. 24 Na ɔka kyereɛ wɔn se, “Eyi ne me mogya a eye apam no mogya a ehye Apam Foforo no mu den a bebree nti wɔrehwie agu. 25 Mereka akyere mo se, merennom saa nsa yi bio da akosi da a me ne mo benom bi bio wɔ Onyankopɔn Ahenni no mu.” 26 Wɔto dwom wiee no, wofii hɔ kɔɔ Ngo Bepɔw no so. 27 Woduu nea wɔreko no, Yesu ka kyereɛ wɔn se, “Mo nyinaa begun agya me.” Efise Onyankopɔn nam adiyifo no so kae se, “‘Mɛbɔ oguanhwefo no, na nguan no abɔ apete.’ 28 Na se miwu sɔre a, medi mo anim akɔ Galilea akohyia mo wɔ hɔ.” 29 Petro ka kyereɛ no se, “Se nnipa nyinaa begun agya wo a, me de, merenguan nnya wo da!” 30 Yesu ka kyereɛ no se, “Petro, nokware, anadwo yi, ansa na akoko bebɔn mprenu no, na woapa me mprensa.” 31 Petro de anibere kae se, “Merempa wo da! Se esɛ se me ne wo wu mpo a, merempa wo da!” Saa ara na wɔn a aka no nyinaa nso kae. 32 Yesu ne n’asuafo no duu faako a wɔfre hɔ Getsemane no, ɔka kyereɛ n’asuafo no se, “Montena ha, na merəkɔbɔ mpae aba.” 33 ɔfaa Petro, Yakobo ne Yohane kaa ne ho, na ne ho fii ase yeraw no, na ɔyee basaa. 34 ɔka kyereɛ wɔn se, “Awereshow ahye me kra ma. Montena ha, na mo ne me nwen.” 35 ɔkɔɔ n’anim kakra, kobutuw fam, bɔɔ mpae se, se ebetumi a, saa ahoyeraw no ntwɔ ne ho nkɔ. 36 ɔka se, “Abba, Agya! Wutumi ye biribiara. Ma kuruwa yi ntwɔ me ho nkɔ. Nanso nea woɔpe na enye hɔ, na enye nea mɛpe.” 37 ɔsan bae no, obehuu asuafo baasa no se wɔadeda. Obisaa Petro se, “Simon, wɔada? Woantumi ne me anwen donhwerew baako pɛ mpo? 38 Monwen na mommɔ mpae na ɔshwefo no anni mo so. Honhom no pɛ de, nanso ɔhonam no ye mmerew.” 39 ɔsan kɔɔ bio kɔbɔɔ mpae koro no ara. 40 ɔsan baa wɔn nkyen bio behuu se wɔadeda, efise na wɔabrebre. Na wonhu nea wɔnka nkyere no. 41 ɔsan baa ne mprensa so no, obisaa wɔn se. “Moda so adeda a morehome? Bere a esɛ se mode da no atwa mu. Wɔrebeyi me ahye nnebɔneyefo nsa. 42 Monsɔre na yenko! Monhwe, nea ɔreyi me ama no na ɔreba no!” 43 Ogu so rekasa no, Yuda a ɔye n’asuafo no mu baako ne dɔm a asɔfo mpanyin ne Yudafo mpanyin asoma wɔn ka ne ho a, wokurakura mfoa ne nkontimmaa baa hɔ. 44 Na Yuda aka akyere wɔn dedaw se, “Nea mɛfew n’afono no; ɔno ne nea morehwehwe no no.

Monkyere no, na munso ne mu yiye mfa no nkɔ.” 45 Yuda kɔɔ Yesu nkyen kɔkae se, “Me Wura.” Afei ofew n’afono, yee no atuu. 46 Eho ara, na dɔm a wɔne Yuda nam no soo Yesu mu kyeree no. 47 Wɔn a wɔka Yesu ho no mu baako twee n’afɔa de twaa ɔsɔfopanyin no akɔa bi aso ma etewee. 48 Yesu bisaa wɔn se, “Meyɛ owudifo nti na mode afɔa ne nkontimmaa aba me so rebekyere me ana? 49 Adɛn na bere a merikyerekyere wɔ asɔredan mu hɔ no, moankyere me? Nanso eyinom nyinaa aba senea ebeye a nkɔm a wɔhyee wɔ me ho no beba mu.” 50 Asuafo no nyinaa guan gyaa no. 51 Aberante bi a ɔde nwera akata n’adagyaw so dii n’akyi. 52 Dɔm a wɔbekyeree Yesu no pɛɛ se wɔkyere no, nanso ogyaw ne ntama no maa wɔn, de ne ho saa ara guanee. 53 Wɔde Yesu kɔɔ ɔsɔfopanyin no anim no, ankye na asɔfo mpanyin ne Yudafo mpanyin bi behyiaa hɔ. 54 Bere a wɔde Yesu reko no, Petro tew ne ho dii wɔn akyi, na owiawiaa ne ho kɔhyee ɔsɔfopanyin no fi hɔ de ne ho kɔfraa asomfo bi a na wɔreto gya no mu. 55 Asɔfo mpanyin ne baguafo no nyinaa hwehwee se wobɛnya asem bi atia Yesu, na wɔagyina so abu no kumfo. Nanso wɔannya bi. 56 Nnipa pii bedii adansekurum tiaa Yesu, nanso wɔn nsem a wɔkaa no bɔɔ abira. 57 Afei nnipa no bi kekaa nsem a enni mu too ne so se, 58 “Yɛtee se ɔkae se, ‘Mebubu asɔredan a wɔde nsa na esii no, na mede nnansa asi foforo a wɔamfa nsa ansi!’” 59 Na eyi mpo, wɔn adanse no anhyia. 60 ɔsɔfopanyin no sɔre gyinaa bagua no mfimfini bisaa Yesu se, “Eyi nso, wunni ho anoyi biara? Den na wowɔ ka?” 61 Yesu ammua no. Afei, ɔsɔfopanyin no bisaa no bio se, “Wone Agyenkwa no, Onyankopɔn Ba no ana?” 62 Yesu buaa no se, “Mene no, na mubehu me se mete Onyankopɔn nifa, na menam omununkum mu resan aba asase so.” 63 Eyi maa ɔsɔfopanyin no sunsuan n’atade mu kae se, “Nnansefo ben na wɔn ho hia yen bio? 64 Mo nyinaa ate abususem a ɔkae no. Den na mowɔ ka?” Wɔn nyinaa gye too mu se, ɔse owu. 65 Na ebinom tee ntasu guu no so, na wɔkyekyeree n’ani, na wɔbobɔɔ no akuturuku bisaa no se “Wuse woye odiyifo, kyere yen onipa ko a ɔbɔɔ wo!” Na asomfo a wɔde no reko no bobɔɔ no asɔtɔre. 66 Bere a na Petro te adiwo hɔ no, ɔsɔfopanyin no mmaawa no mu baako baa hɔ; 67 na ohuu Petro se ɔreto gya no, ɔhwɛɛ no haa, ka kyereɛ no se, “Wo nso wo ne Nasareni Yesu no na enam!” 68 Petro sanee se, “Minnim nea woreka yi ho hwee!” Na eho ara na ofii adi kɛtenaa ɔkwan no

ano baabi. Saa bere no na akokɔ bɔn nea edi kan. **69** Abaawa no san huu no wɔ hɔ no, ɔka kyereɛ wɔn a ɔne wɔn nam no se, “Oyi nso ka wɔn ho. Ɔye Yesu asuafo no mu baako!” **70** Petro san bio. Ekyee kakra no, nnipa a wogyina ogya no ho no fii ase ka kyereɛ Petro se, “Woka wɔn ho, efise woye Galileani!” **71** Petro fii ase kekaa ntam, dii nsew se, “Minnim saa onipa a moreka ne ho asem yi.” **72** Mpofirim, na akoko bɔn nea ɛto so abien. Na Petro kaeɛ Yesu asem a ɔka kyereɛ no se, “Akokɔ remmɔn mprenu na woapa me mprensa” no. Na ofii ase sui.

15 Ade kyee anɔpatutuutu no, asɔfo mpanyin, Yudafo mpanyin, Kyerewsem no akyerekyerɛfo ne agyinatufo hyia dweneɛ ɔkwan a wɔde Yesu befa so ho. Wɔkyekyerɛe no de no kɔhyee Pilato nsa. **2** Wɔde no duu hɔ no, Pilato bisaa no se, “Wone Yudafo hene no ana?” Yesu buae se, “Mo na muse.” **3** Asɔfo mpanyin no kaa nsem akeseakese guu no so, nanso wanka hwee. **4** Pilato bisaa no bio se, “Enti nsem akeseakese a wɔreka gu wo so yi, wonka ho hwee?” **5** Nanso Yesu anka hwee ma ɛyee Pilato nwonwa. **6** Na ɛye Pilato amanne se, afe biara ogyaa odeduani baako a ɔman no pɛ se wogyaa no ma wɔn no wɔ Twam Afahye mu. **7** Saa afe no na onipa bi a wɔfrɛ no Baraba ka nnipa bi a wɔsɔre tiaa aban, nam so dii awu no ho wɔ afiaɛ hɔ. **8** Dɔm no kɔɔ Pilato so kɔka kyereɛ no se, onyi odeduani baako mma wɔn senea daa ɔye no. **9** Pilato bisae se, “Minyi ‘Yudafo Hene’ no mma mo ana?” **10** Efise na wahu se asɔfo mpanyin no de ɔtan na atwa asem ato Yesu so esiane din a na wagye no nti. **11** Nanso asɔfo mpanyin no tuu dɔm no aso se, se wɔde beyi Yesu de, wɔmpere mma wonyi Baraba. **12** Enti Pilato bisaa wɔn se, “Na se miyi Baraba ma mo a, den na menye saa ɔbarima yi a mofrɛ no mo hene no?” **13** Wɔtɛtɛɛɛ mu se, “Bɔ no asennua mul!” **14** Pilato bisaa wɔn bio se, “Aden nti? Bɔne bɛn na waye?” Wɔn nyinaa bɔ gyee so se, “Bɔ no asennua mul!” **15** Afei Pilato huu se ɔye asem no ho hwee a, ɛrenye ye. Bio, na osuro nso se, se anhwɛ a basabasaye beba nti, ogyaa Baraba maa wɔn. Ɔbɔɔ Yesu mmaa, na ɛno akyi no, ɔde no maa wɔn se wɔnkɔbɔ no asennua mu. **16** Asraafo no de Yesu kɔɔ amrado aban mu hɔ, na wɔfrɛɛ asraafo no nyinaa baa hɔ. **17** Wɔhyee no batakari kɔkɔɔ bi, de nsɔe atenten bi nwenɛe kyew hyee no. **18** Wofii ase bɔ gyee so, dii ne ho fɛw se, “Yudafo hene, wo nkwa so!” **19** Wɔde abaa paa n’apampam, tetee ntasu guu no so, buu no

nkotodwe, de dii ne ho fɛw. **20** Wodii ne ho fɛw wieɛ no, wɔwɔrɔw batakari kɔkɔɔ no, na wɔde ɔno ara n’atade hyee no, de no kɔɔ se wɔrekɔbɔ no asennua mu. **21** Wɔrekɔ no, wɔhyiaa ɔbarima bi a wɔfrɛ no Simon a ofi Kirene a ɔye Aleksandro ne Rufo agya wɔ ɔkwan so. Wɔhyee no ma ɔsoaa Yesu asennua no. **22** Wɔde Yesu baa baabi a wɔfrɛ hɔ se Golgota, a ne nkyerɛase ne Nitiri so, hɔ. **23** Ɛhɔ na wɔmaa no nsa nwenweenwen bi se ɔnnom, nanso wannom. **24** Afei wɔbɔɔ no asennua mu. Eyi akyi, wɔbɔɔ n’atade no so ntonto. **25** Ɛbeyɛ anɔpa nnɔnkron na wɔbɔɔ no asennua mu. **26** Asem bi a wɔka too no so na wɔkyerew tareɛ n’asennua no atifi ka se, “YUDAFO HENE NO NI.” **27** Da no ara anɔpa, wɔbɔɔ awudifo baanu bi asennua mu kaa Yesu ho. Na ɔbaako sɛn ne nifa so, na ɔbaako nso sɛn ne benkum so. **28** Eyi maa nea Kyerewsem no kae se, “Wɔkan no fraa nneɔneyɛfo mu” no baa mu. **29** Nnipa a wɔsɛn faa hɔ no nyinaa wosowosow wɔn ti, dii ne ho fɛw se, “Ei, wo ni? Ɛnye wo na wuse wubetumi abubu asɔredan na wode nnansa asi no?” **30** Se wuse wo ho ye nwonwa a, ɛno de sian fi asennua no so si fam.” **31** Saa bere no na asɔfo mpanyin ne Kyerewsem no akyerekyerɛfo no nso atwa ahyia hɔ redi Yesu ho fɛw. Wɔkɔɔ so dii ne ho fɛw se, “Ogye afoforo nanso ontumi nnye ne ho!” **32** Wɔkɔɔ so dii ne ho fɛw bio se, “Agyenkwa! Yudafo hene! Sian fi asennua no so si fam, na yennye wo nni!” Awudifo a wɔbɔɔ wɔne Yesu asennua mu no mpo dii ne ho fɛw bi. **33** Efi owigyinae kɔpem nnɔnabieɛa no, sum duruu asase no so nyinaa. **34** Yesu de nne kese tɛɛɛ mu se, “Eli, Eli, lama sabaktani?” Ase ne se, “Me Nyankopɔn, Me Nyankopɔn, aden nti na woagyaw me?” **35** Wɔn a wogyina hɔ no bi a wɔtee nea ɔkae no kae se, “Muntie se ɔrefrɛ Elia.” **36** Wɔn mu baako tuu mmirika, kɔfaa sapɔw bi de bɔɔ nsa nwenweenwen bi mu de tuaa dua bi ano, de brɛɛ Yesu se ɔnnom. Ɔkae se, “Momma yenhwe se Elia beba abeyi no asi fam ana!” **37** Yesu de nne kese tɛɛɛ mu bio, na ogyaa ne honhom mu wui. **38** Ntama a etwa asɔredan no mu no mu suanee abien fi soro kosii fam. **39** Asraafo ha so panyin a na ogyina hɔ no huu ɔkwan a Yesu faa so wui no, ɔkae se, “Ampa ara, onipa yi ye Onyankopɔn Ba!” **40** Saa bere no na mmea bi gyinagyina akyiri baabi rehwe nea erekɔ so. Mmea no bi ne Maria Magdalene, Maria (a ɔye Yakobo Kumaa ne Yosef na), ne Salome. **41** Bere a na Yesu wɔ Galilea no, saa mmea yi dii n’akyi som no. Saa ara nso na na nnipa bi a wodii n’akyi baa Yerusalem no bi nso

wɔ ho. 42 Eduu anwummere no, esiane se na ade kye a eye Homeda no nti, 43 baguani nuonyamfo bi a wofre no Yosef, a ofi Arimatea a na ɔretwen Onyankopɔn ahenni no de akokoduru kɔɔ Pilato hɔ kɔsrɛ no se, ɔmfɔ Yesu amu no mma no. 44 Bere a Pilato tee se Yesu awu no, wannye anni, enti ɔfrɛ Roma asraafo panyin a na ɔhwe hɔ no bisaa no. 45 Asraafo panyin no kae se wawu no, Pilato maa Yosef kwan se ɔnkɔfa amu no. 46 Yosef kɔtɔɔ nwera, yii Yesu amu no fii asennua no so, de nwera no kyekyeree no, ɔde no kɔtɔɔ ɔboda bi a wɔatwa mu, pirem ɔbo kɛse bi hinii ano. 47 Na Maria Magdalene ne Yosef ne na Maria wɔ ho bi, na wohuu faako a wɔde Yesu amu no toe.

16 Ade kyee a Homeda no twaa mu no, Maria Magdalene ne Salome ne Yakobo na Maria kɔtɔɔ nnuhum se wɔde rekɔ akɔsra Yesu amu no. 2 Da a edi nnaawɔtwe no kan anɔpahema no, ansa na owia bepue no, wɔde nnuhum no baa ɔda no so. 3 Wɔnam ɔkwan so rekɔ no, na wɔredwene nea ɛbeye a wobepirem ɔbo no afi ɔda no ano no ho. 4 Nanso wɔreyɛ adu hɔ no, wɔmaa wɔn ani so hui se, obi apirem ɔbo kɛse no afi ɔda no ano. 5 Wɔkɔɔ ɔda no mu kohuu aberante bi se ɔhyɛ atade fitaa te nifa so hɔ. Wohuu no no, wɔbɔɔ piriw. 6 Nanso aberante no ka kyereɛ wɔn se, “Munnsuro. Enye Nasareni Yesu a wɔbɔɔ no asennua mu no na morehwehwe no no? Onni ha! Wasɔre! Monhwe faako a wɔde no too hɔ! 7 Afei monko na monko eyi nkyere n’asuafo no ne Petro se, ‘Yesu redi mo anim akɔ Galilea. Eho na mubehu no, senea ɔka kyereɛ mo ansa na ɔrewu no!’” 8 Mmee no de hu ne ahopopo guan fii hɔ a, na obiara ntumi ne ne yonko nkasa. 9 (note: The most reliable and earliest manuscripts do not include Mark 16:9-20.) Kwasida anɔpa na Yesu sɔre fii awufo mu. Onipa a oyii ne ho adi kyereɛ no kan ne Maria Magdalene, ɔbea a otuu ahonhommɔne ason fii ne mu no. 10 Maria Magdalene kɔɔ asuafo no nkyen kohuu wɔn se wɔn were ahow, na wɔresu. 11 ɔka kyereɛ wɔn se, wahu Yesu na ɔte ase. Nanso wɔannye no anni. 12 Akyiri no, Yesu yii ne ho adi kyereɛ wɔn mu baanu a wɔnam fi Yerusalem rekɔ akuraa, nanso wohuu no no, mfiase no, wɔantumi anhu se eye ɔno, efise na wasakra. 13 Akyiri no a wohuu onipa ko a ɔye no, wotuu mmirika san baa Yerusalem, beka kyereɛ nkae no, nanso obiara annye wɔn anni. 14 Akyiri no a asuafo dubaako no te adidii no, oyii ne ho adi kyereɛ wɔn. ɔkaa wɔn anim wɔ gyidi a wonni ne gye a wɔannye wɔn a wɔbekaa se wasɔre no anni no ho. 15

Afei ɔka kyereɛ wɔn se, “Monko wiase nyinaa nkɔka asɛmpa no nkyere nnipa nyinaa. 16 Na obiara a ogye di na wɔbɔ no asu no, wobegye no nkwa. Na obiara a onnye nni no, wobebu no fɔ. 17 Saa nsɛnkyerɛnne yi bedi wɔn a wogyɛ me di no akyi. Wɔde me din betu ahonhommɔne, na wɔakasa kasa foforo. 18 Wobeso awɔ mu, na se wɔnom awuduru bi mpo a, ɛrenye wɔn hwee; wɔde wɔn nsa begu ayarefo so, ama wɔn ho aye wɔn den.” 19 Awurade Yesu ne wɔn kasa wiee akyi no, wɔfaa no kɔɔ ɔsoro na ɔkɔtenaa Onyankopɔn nsa nifa so. 20 Eyi akyi no, asuafo no kɔkaa asɛm no wɔ baabiara, na Awurade kaa wɔn ho ma wɔyɛ nsɛnkyerɛnne ne anwonwade ahorow nso, de hyɛ wɔn nsem a wɔkae no mu den.

Luka

1 Adamfo pa Teofilo, nnipa pii abo mmɔden akyerew Yesu na nsem a ako so wa yen mu no. **2** Wɔkyerew faa nsem a wɔaka akyerɛ yen a nnipa a wohuu saa nneema yi fi mfiase no nam so daa no adi no ho. **3** Nanso minyaa adwene bi se, se mehwehwe nea wɔkyerew no nyinaa mu yiye na mekyerew bre wo a, eye. **4** Eyi beboa wo ma woahu nokware a ewɔ nea woasua no nyinaa mu. **5** Mede m'asem no befi Yudafo sofo Sakaria a ɔtenaa ase wo Yudeahene Herode bere so a na ofi Abia asɔfokuw mu no so. Sakaria yere Elisabet nso, na ɔye Aaron aseni. **6** Na Sakaria ne ne yere Elisabet som Onyankopɔn nokware mu a wɔn ho nni asem wo Onyankopɔn anim. **7** Na wonni ɔba, efise na Elisabet ye obonin. Na wɔn baanu nyinaa nso anyinyin. **8** Da bi a eduu Sakaria asɔfokuw so se wɔye asɔredan mu adwuma no, **9** wɔtow aba yii no se, ɔnkɔhyew aduhuam wo ɔhyew afɔremuka no so. **10** Saa bere no ara nso na asafo no rebɔ mpae wo adiwo ho senea wɔtaa ye no. **11** Sakaria gu so rehyew aduhuam no, preko pe, Awurade bofo begyinaa afɔremuka no nkyen mu wo nifa so. **12** Sakaria huu no no, ɔbɔɔ piriw na ne ho popoe. **13** Nanso ɔsoro ɔbofo no ka kyerɛɛ no se, “Sakaria, nsuro, Awurade Nyankopɔn ate wo mpaebo. Wo yere Elisabet bewo ɔbabarima na esɛ se woto ne din Yohane. **14** N'awo bema w'ani agye na wo ho asɛpɛw wo. Saa ara na ebema nnipa bebreɛ nso ani agye. **15** Ɔbeyɛ ɔkese wo Awurade anim. Ɔrennom nsa biara da, na Honhom Kronkron beyɛ no ma afi ne na yam. **16** Israelfo pii nam n'asɛnka so benya adwensakra asan aba Awurade, wɔn Nyankopɔn, nkyen. **17** Obenya Odiyifo Elia honhom ahoɔden no bi, na obedi Agyenkwa no ba na anim abesiesie nnipa ama ne ba a ɔbeba no. N'asɛnka bema ntease aba agyanom ne wɔn mma ntam. Na ɔbedan Awurade asem no ho asoɔndenfo adwene ako Awurade pe ho.” **18** Sakaria buaa ɔbofo no se, “Ɔbeyɛ den na eyi aba mu? Mabɔ akwakoraa na me yere nso abɔ aberewa.” **19** Ɔbofo no kae se, “Mene Gabriel a migyina Onyankopɔn anim daa no. Ɔno na ɔsoma me se memmekka asempa yi nkyerɛ wo. **20** Esiane se woagye akyinnye nti, wobetɔ mum akosi se wɔbewo abofra no. Na nea maka akyerɛ wo yi nyinaa beba mu pepɛpɛ wɔ ne bere a esɛ mu.” **21** Saa bere yi nyinaa na asafo mma no retwen Sakaria se ɔbeba. Na eye wɔn nwonwa se wakye saa. **22** Bere a ɔbae no,

wantumi ankasa ankayer asafomma no. Wuhu fii ne nneyee mu se wahu n'ani so ade wo asoredan mu ho. 23 Owiee n'asofodwuma wo asoredan mu ho no, okoo fie. 24 Nna bi akyi no, ne yere Elisabet nyinsenee, na ode ne ho siee asram anum. 25 Ode anigye kae se, "Awurade aye me adbe. Wayi animguase a ekaa me wo nnipa anim no afi me so." 26 Elisabet nyinsen asram asia no, Onyankopon somaa obfo Gabriel koo Galilea akuraa bi a wofre no Nasaret no ase 27 se, onko obea kronkron bi a wofre no Maria a na wode no ama Yosef a ofi Ohene Dawid abusua mu no aware no nkyen. 28 Gabriel huu no ara pe, oka kyeree no se, "Asomdwoe nka wo! Awurade ka wo ho, wo a Awurade adom wo." 29 Obfo no asem no maa Maria adwene mu yee no nnaa ma obisaa ne ho se, "Na saa nkyia yi ase ne den?" 30 Obfo no san ka kyeree Maria bio se, "Maria, nsuro, efise Awurade adom wo. 31 Tiel Erenkye biara wubenynsen na woawo obabarima na woato ne din Yesu. 32 Obeye okese, na wobefre no Osorosoro Nyankopon Ba. Na Awurade de ne nena Dawid ahengua no bema no. 33 Na obedi Yakob fi so hene daa; na n'ahenni to rentwa da." (aiōn g165) 34 Maria bisaa obfo no se, "Na ebye den na mawo wo bere a obarima nhuu me da?" 35 Obfo no buae se, "Honhom Kronkron beba wo so na Osorosoro Nyankopon tumi abekata wo so, eyi nti abofra a wobewo no no beye kronkron na wobefre no Onyankopon Ba. 36 Ebye asram asia ni a wo busuani Elisabet mpo a nye obonin anyinsen obabarima wo ne mmerewabere mu. 37 Efise Onyankopon de, biribiara nso no ye." 38 Maria kae se, "Me de, meye Awurade afenaa. Nea Awurade pe na enye." Afei, obfo no gyaw no ho koe. 39 Nna kakra bi akyi no, Maria koo Yudea mmepow so kurow bi mu. 40 Saa kurow no mu na Sakaria te. Oduu kurow no mu ho no, okoo Sakaria fi kosraa Elisabet. Okyiaa no. 41 Elisabet tee Maria nkyia no, oba a oda ne yam no kekaa ne ho; amono mu ho ara na Honhom Kronkron hyee Elisabet ma. 42 Elisabet de ahosepew teee mu se, "Maria, wohyira wo sen mmea nyinaa, na wo ba a wobewo no no beye onipa kese. 43 Anuonyam ben na esen eyi. Me see ne hena a anka m'Awurade beba abesra me? 44 Wukyiaa me pe, na abofra no de anigye kekaa ne ho. 45 Nhyira nka wo se wugye dii se nea Onyankopon aka no obeye; eno nti na woadom wo yi." 46 Maria kae se, "Me kra kamfo Awurade. 47 Na me honhom ani gye m'agyenkwa Nyankopon mu; 48 efise wahu n'afenaa mmaboroni mmobo, na efi nne, awo

ntoatoaso nyinaa befre me nea Onyankopon ahyira no. **49** Efise Okronkronni Tumfo no aye ade kese ama me; **50** n'ahummabɔ fi awo ntoatoaso kosi awo ntoatoaso ma won a wosuro no na wodi no ni no nyinaa. **51** Ode ne nsa a tumi wo mu no abɔ ahomasofo ne ahantanfo ne won nsusuwii apete. **52** Watu abirempɔn ade so ama ahobreasefo so. **53** Wama won a ahia won no nnepa na wagya ahonyafo kwan nsapan. **54** Waboa n'akoa Israel na ne were amfi ne mmɔborɔhunu ne ne bɔ **55** a ɔhyee yen agya Abraham ne n'asefo no da." (aiɔn g165) **56** Maria tenaa Elisabet nkyen beye asram abiesa ansa na ɔresan ako ne kurom. **57** Elisabet awo duu so no, ɔwoo ɔbabarima. **58** N'afipamfo ne n'abusuafo tee adɔe a Awurade aye no no, wone no nyinaa de anigye dii ahurusi. **59** Eduu nnaawɔtwe no, abusuafo ne adɔfo behyiaa se wɔrebetwa abofra no twetia na wato ne din. Wɔpee se wode abofra no to n'agya Sakaria. **60** Nanso ne na kae se, "Dabi! Eɛ se wofre no Yohane." **61** Wɔka kyeree no se, "Obiara nni abusua yi mu a wofre no saa." **62** Eyi ma wode won nsa yee nsenkyerenne bisaa n'agya, din a wɔmfa nto abofra no. **63** Sakaria ma wode krataa bree no na ɔkyerew so se, "Ne din de Yohane." Eyi yee won nyinaa nwonwa. **64** Amono mu ho ara, Sakaria tumi kasaa bio, na ofii ase yii Onyankopon aye. **65** Won a wotee nyinaa ho dwiriw won, na saa asem yi trew faa Yudea mmepɔw so ho nyinaa. **66** Obiara a ɔtee saa nsem yi bisaa ne ho se, "Eno de, na den na abofra yi rebenyin aye? Eɔa adi pefee se Awurade nsa wo ne so." **67** Honhom hyee n'agya Sakaria ma ma ɔhyee nkɔm se, **68** "Nhyira nka Awurade, Israel Nyankopon, se waba abegye ne manfo. **69** Ode Agyenkwa Tumfo a ɔye ne somfo Dawid aseni rebre yen, **70** senea onam n'adiyifo akronkron so fii teteete hyee bɔ (aiɔn g165) **71** se, obema yen Agyenkwa a obegye yen afi yen atamfo ne won a wokyi yen no nsam no, **72** se obehu yen agyanom mmɔbɔ na wakae n'apam kronkron no, **73** ntam a ɔka kyeree yen agya Abraham no: **74** se obegye yen afi yen atamfo nsam no, na yeasom no a osuro biara nni mu. **75** Na yen nkwa nna nyinaa mu, yeaye kronkron ne atreneefo wo n'anim. **76** "Na wo, akokoaa yi, wɔbefre wo ɔsorosoroni no Odiyifo efise wo na wubesiesie ɔkwan ama Agyenkwa no, **77** na wobekyerɛ ne manfo kwan a wonam bonɛfakye so nya nkwa a enni awiei; **78** na eyinom nyinaa beba mu efise Onyankopon mmɔborɔhunu a edɔso no, **79** na ebema hann a efi osoro abepue yen so ahyeren won a

wote sum ne owu sum mu no so, na akyere yen kwan ako asomdwoe mu." **80** Abofra no nyinii na honhom hyee no ma; ɔtenaa sare so kosii bere a ofii n'asenska adwuma ase.

2 Saa bere no na Kaesare Augusto a na ɔye Roma hempon no hyee mmara bi se wonkan ne man no mu nnipa nyinaa. **2** Saa nnipakan yi ne nea edi kan wo Kirenio a ɔye amrado wo Siria no bere so. **3** Obiara koo ne kurom ma wokyerew ne din. **4** Esiane se na Yosef ye ɔhene Dawid busuani nti, na eɛ se ofi Galilea kurow a wofre no Nasaret mu ko Betlehem a ewo Yudea. **5** Ode ne yere Maria a saa bere no na oyem no na wɔkɔe. **6** Wɔwo Betlehem no, awo kaa Maria, **7** na ɔwoo ɔbarima. Wode kuntu kyekyeree abofra no ho de no too mmoa adididaka mu, efise wɔannya baabi ansɔe wo ahohobea ho. **8** Anadwo no ara, na nguanhwefo bi nso wo sare so baabi rewen won nguan. **9** Mpofirim, osoro ɔbofo baa won nkyen, na Onyankopon anuonyam hyeren twaa won ho hyia maa won ho dwiriw won. **10** Osoro ɔbofo no ka kyeree won se, "Munnuro, mede anigyesem rebre mo ne amansan nyinaa. **11** Nne wɔawo Agyenkwa a ɔne Kristo Awurade no ama mo wo Dawid kurom. **12** Eyi ne nsenkyerenne a mubehu. Mubehu akokoaa a wode kuntu akyekyerɛ ne ho a ɔda mmoa adididaka mu." **13** Amono mu ho ara, abɔfokuw bekaa ɔbofo a ɔwo ho no ho ma wɔtoo ayeyi dwom se, **14** "Anuonyam nka ɔsorosoro Nyankopon, na asomdwoe mmara won a wɔso n'ani wo asase so no so." **15** Bere a abɔfokuw yi san koo osoro no, nguanhwefo no keka kyerekyerɛ won ho won ho se, "Momma yenko Betlehem ho na yenkohwe saa anwonwasem a asi wo ho a Awurade ada no adi akyere yen yi." **16** Wode ahohhare koo Betlehem kohuu Maria ne Yosef. Na wohuu abofra no nso se ɔda mmoa adididaka mu. **17** Nguanhwefo no huu abofra no, wɔkaa ne ho asem a osoro ɔbofo no beka kyeree won no nyinaa kyeree nnipa a wɔahyia wo ho no. **18** Won a wotee nguanhwefo yi asem no nyinaa ho dwiriw won. **19** Nanso Maria de, ɔde saa nsem a ɔtee no nyinaa siee ne tirim dwenee ho. **20** Nguanhwefo no kohuu nea ɔbofo no ka kyeree won no, wode anigye san won akyi koo nea won nguan no wo ho. Woreko no nyinaa, na wɔreyi Onyankopon aye. **21** Abofra no dii nnaawɔtwe no, wɔtoo ne din Yesu senea osoro ɔbofo no kyeree ansa na wɔrenyinsɛn no no. Da no ara na wotwaa no twetia. **22** Bere duu se Yosef ne Maria kodwira won ho senea Mose mmara

kyere no, wode abofra no koo Yerusalem se wode no rekohye Onyankopon nsa. **23** Senea Mose mmara no kyere no, “Se obea wo n’abakan na oye obarima a wode no ma Awurade.” **24** Wokoo asoredan no mu ho nso kaboo afore, senea mmara no kyere no wode nturukuku abien anaa mmorɔnoma mma abien na ebo afore no. **25** Da no na obarima bi a wofre no Simeon a ote Yerusalem no nso wo asoredan mu ho bi. Na Simeon ye onipa trennee, ohotefo a Honhom Kronkron ahye no ma a na daa ohwe Agyenkwa no kwan. **26** Ono na na Honhom Kronkron ayi akyere no se ɔrenwu kosi se obehu Agyenkwa a Awurade asra no no. **27** Enti bere a Maria ne Yosef duu asoredan no mu se wode abofra no rekoma Awurade senea mmara no te no, **28** wokotoo Simeon nso wo ho, na Simeon gyee abofra no, hyee Awurade anuonyam se, **29** “Awurade, afei ma w’akoa nwu wo asomdwoe mu **30** efise m’ani ahu Agyenkwa **31** a wohyee me ne ho bo no. **32** Ono ne hann a ebhehyeren wiase nyinaa na wahye wo man Israel anuonyam!” **33** Nsem a woka faa Yesu ho no yee n’agya Yosef ne ne na Maria nwonwa. **34** Afei Simeon hyiraa won na oka kyeree ne na Maria se, “Saa abofra yi so na Israelfo mu dodow no ara nkwaye ne won asehwe begyina. **35** Na obema dodow no ara tirim ahintasem ada adi; na wo Maria de, wubesi apini wo wo mu.” **36** Saa bere no, na Fanuel babea odiyifo Ana a ofi Aser abusua mu no nso wo ho bi. Na Ana ye obi a wanyin. Owaree ne mmabaabere mu ne ne kunu tenae mfe ason pe na ne kunu no wui. **37** Ne kunu no wu akyi no, oyee kuna kosii se odii mfe aduwotwe anan, na bere biara nso na owo asoredan mu de mmuadadi ne mpaabo som Onyankopon. **38** Saa bere no ara na ono nso begyinaa ho bi yii Onyankopon aye saa ara. Okaa abofra no ho asem kyeree won a woretwen ogye a obegye Yerusalem no nyinaa. **39** Wowiee amanne senea Awurade mmara kyere no, wosan koo won kurom Nasaret a ewo Galilea, **40** Abofra no nyinii, na nyansa hyee no ma, na na Onyankopon adom nso wo ne so. **41** Afe biara na Yesu awofo ko Yerusalem kodi Twam Afahye no. **42** Senea na won amanne te no, Yesu dii mfe dumien no, n’awofo de no koo Yerusalem kodii Twam Afahye no. **43** Wowiee afahye no di a woresan ako won kurom no, Yesu kaa Yerusalem a n’awofo no nnim. **44** Wotwaa da koro kwan a won ani baa won ho so se Yesu nka won ho no, wofii ase bisabisaa n’ase fii won abusuafo ne amannifo nkyen. **45** Na wohanu no no, wosan baa Yerusalem

behwehwee no. **46** Ne nnansa akyi no, wokohuu no wo Yerusalem asoredan mu se ote akyerekyereto bi a wohaia mu ntam na oretie won na obisabisaba won nsem. **47** Yesu nyansa ne ne nimdee a edaa adi wo ne mmuae nyinaa mu no, yee nnipa a na woretie no no nyinaa nwonwa. **48** Wokotoo no se ote akyerekyereto no mfimfini retie won no, eyee won nwonwa. Ne na free no bisaa no se, “Me ba, aden na woye yen saa? Woama me ne w’agya ahwehwe wo abre.” **49** Yesu buaa won se, “Aden nti na mohwehwe me? Munnim se eye m’asede se metena m’agya fi som no ana?” **50** Nanso n’awofo no ante nea okae no ase. **51** Yesu ne n’awofo koo Nasaret no, oyee osetie maa won. Ne na de nsem a esisii no nyinaa siee ne tirim. **52** Yesu nyinii nyansa mu ne honam fam, na onyaa Onyankopon ne nnipa anim adom.

3 Kaesare Tiberio dii ade ne mfe dunum so na Onyankopon asem baa Sakaria ba Yohane so wo sare so. **2** Saa bere no na Pilato ye amrado wo Yudea, na Herode di Galilea mansinhene; ne nua Filipino di Iturea ne Trakoniti mansin so, na Lisania di Abilene mansinhene, na Anas ne Kaiafa nso ye Yudafo asofo mpanyin. **3** Yohane kyinkyinii Asubonten Yordan ho nyinaa kyerekyeretee nnipa se, womma womma won asu nsakra mfi won bone ho, na wode won bone akye won. **4** Senea Odiyifo Yesaia kae se, “Nne bi tee mu wo sare so se, ‘Munsiesie kwan mma Awurade; momma n’atempɔn ntee. **5** Obon biara beye ma. Bepow ne nkoko nyinaa beko fam; asase a eye abonkyiabonkyi no beye tamaa, na mmeae a eye akontonkye no aye tataw. **6** Na nnipa nyinaa behu Onyankopon nkwaye.” **7** Yohane ka kyeree nkurofo a wobaa ho se ommo won asu no se, “Awo mma! Hena na oboo mo koko se munguan mfi abufuwhyew a ereba no ho? **8** Monkobo obra pa mfa nkyere se moasakra ampa. Na monnhoahoa mo ho se moye Abraham asefo, efise Onyankopon betumi ama saa abo yi adan nnipa ma wabeye Abraham asefo. **9** Onyankopon de n’abonnua ato dua biara a ensow aba pa ntin ho se ode betwa na ode agu gya mu ahyew no.” **10** Nnipakuw no bisaa no se, “Na eno de, den na yenye?” **11** Yohane buaa won se, “Se wowo ntama abien a, ma nea onni bi no baako. Saa ara nso na se wowo aduan a, ma nea onni bi no bi.” **12** Towgyefo a wobaa ho se womma won asu no nso bisae se, “Kyerekyereto, yenye den?” **13** Obuaa won se, “Munnnye mmoro nea watwa ato ho se munnnye no.” **14** Asraafo bi nso bisae se, “Yen nso yenye den?”

Yohane buaa wɔn se, “Mommɔ apoo, monntoto obiara ano, momma mo akatua nso mo ani!” **15** Esiane se saa bere no na nnipa no nyinaa rehwe Agyenkwa no kwan nti, na wosuw se Yohane ne Agyenkwa no. **16** Eyi maa Yohane ka kyereɛ wɔn se, “Me de, mede nsu na erebo mo asu. Nanso obi di m’akyi a ɔreba a, ɔwɔ tumi sen me na ne mpaboa mpo, mense se mikura. Ono de, se ɔba a ɔde Honhom Kronkron ne ogya na ebebo mo asu. **17** Ono na se ɔba a, obehuhuw aburɔw no so ayiyi mu aba pa no afi ntete no mu, na ɔde aba pa no akosie na ɔde ogya a ennum da ahyew ntete no.” **18** Onam afotu ahorow so kaa asempa no kyereɛ wɔn. **19** Yohane kaa Herode anim wɔ ne nua yere Herodia a ɔwaree no ne bone ahorow a na ɔye no ho. **20** Eyi maa Herode de Yohane too afiase. **21** Bere a Yohane boɔ nkurofo pii asu wiee no, ɔboɔ Yesu nso asu. ɔboɔ no asu wiee a ɔrebo mpae no, ɔsoro buei. **22** Honhom Kronkron sian te se aborɔnoma baa Yesu so na nne bi fi ɔsoro kae se, “Wone me Dɔba a woso m’ani.” **23** Yesu fii n’adwuma ase no, na wadi beye mfe aduasa. Nkurofo susuw se, Yesu ye Yosef ba. Yosef agya ne Eli. **24** Eli agya ne Mattat; Mattat agya ne Lewi; Lewi agya ne Melki; Melki agya ne Yanai; Yanai agya ne Yosef; **25** Yosef agya ne Matatia; Matatia agya ne Amos; Amos agya ne Nahum; Nahum agya ne Hesli; Hesli agya ne Nagai; **26** Nagai agya ne Mahat; Mahat agya ne Matatia; Matatia agya ne Semein; Semein agya ne Yosek; Yosek agya ne Yoda; **27** Yoda agya ne Yohanan; Yohanan agya ne Resa; Resa agya ne Serubabel; Serubabel agya ne Sealtiel; Sealtiel agya ne Neri; **28** Neri agya ne Melki; Melki agya ne Adi; Adi agya ne Kosam; Kosam agya ne Elmadam; Elmadam agya ne Er; **29** Er agya ne Yosua; Yosua agya ne Elieser; Elieser agya ne Yorim; Yorim agya ne Matat; Mattat agya ne Lewi; **30** Lewi agya ne Simeon; Simeon agya ne Yuda; Yuda agya ne Yosef; Yosef agya ne Yonam; Yonam agya ne Eliakim; **31** Eliakim agya ne Melea; Melea agya ne Mena; Mena agya ne Matata; Matata agya ne Natan; Natan agya ne Dawid; **32** Dawid agya ne Yisai; Yisai agya ne Obed; Obed agya ne Boas; Boas agya ne Sala; Sala agya ne Nahson; **33** Nahson agya ne Aminadab; Aminadab agya ne Admin; Admin agya ne Arni; Arni agya ne Hesron; Hesron agya ne Peres; Peres agya ne Yuda; **34** Yuda agya ne Yakob; Yakob agya ne Isak; Isak agya ne Abraham; Abraham agya ne Tera; Tera agya ne Nahor; **35** Nahor agya ne Serug; Serug agya ne Reu; Reu agya ne Peleg; Peleg agya

ne Eber; Eber agya ne Sala; **36** Sala agya ne Kainan; Kainan agya ne Arfaksad; Arfaksad agya ne Sem; Sem agya ne Noa; Noa agya ne Lamek; **37** Lamek agya ne Metusela; Metusela agya ne Henok; Henok agya ne Yared; Yared agya ne Mahalalel; Mahalalel agya ne Kenan; **38** Kenan agya ne Enos; Enos agya ne Set; Set agya ne Adam; Adam agya ne Onyankopɔn.

4 Afei Yesu a Honhom Kronkron ahye no ma no fii Asubɔnten Yordan ho maa Honhom no de no kɔɔ Yudea sare so. **2** Eho na ɔbonsam kɔɔɔ no hwee adaduanan. Saa nna no mu no, wanni hwee. Na ɔkɔm dee no. **3** ɔbonsam ka kyereɛ Yesu se, “Se wone Onyankopɔn Ba no a, ka na saa abo yi nnan aduan.” **4** Yesu buaa no se, “Wɔakyerew se, ‘Enye aduan nko ara na eho hia onipa wɔ n’asetena mu.’” **5** ɔbonsam de Yesu kɔɔ bepɔw bi so kyereɛ no wiase ahenni nyinaa bere tiaa bi mu. **6** Na ɔka kyereɛ Yesu se, **7** “Se wobekotow, asom me a, mede ahenni ahorow yi ne mu tumi ne anuonyam nyinaa a wɔde ahye me nsa yi bema wo.” **8** Yesu buaa no se, “Wɔakyerew se, ‘Som Awurade, wo Nyankopɔn, na ɔno nko ara na som no.’” **9** Afei, ɔbonsam de Yesu kɔɔ Yerusalem de no kogyinaa asɔredan a ewɔ ho no atifi pɛɛ, na ɔka kyereɛ no se, “Se wone Onyankopɔn Ba no ampa ara a, gyaa wo ho fi nea wugyina ho to fam! **10** Efise wɔakyerew se, “‘Onyankopɔn besoma n’abɔfo abebo wo ho ban; **11** na wɔabewen w’akwan nyinaa mu; wɔde wɔn nsa bema wo so, na wo nan ampem ɔbo.’” **12** Yesu buaa no se, “Wɔakyerew se, ‘Nso Awurade, wo Nyankopɔn nhwe.’” **13** ɔbonsam wiee sɔhwe no nyinaa no, ogyaw no ho kɔe. **14** Yesu san baa Galilea a na Honhom Kronkron ahye no ma. Ankye koraa na ne din trew faa ɔman no mu nyinaa. **15** ɔkyerekyereɛ wo wɔn hyiadan mu maa obiara kamfoo no. **16** Yesu baa Nasaret, kurow a ne mmofraase wɔtetew no wo mu no mu. Na senea ɔtaa ye no, ɔkɔɔ hyiadan mu homeda. ɔsɔre kɔɔ anim se ɔrekɔkenkan Kyerewsem. **17** Wɔde Odiyifo Yesaia nhoma hyee ne nsa na obuee baabi a wɔakyerew se, **18** “Awurade Honhom wɔ me so, na wɔafre me se memmekaa asempa nkyere ahiafo. Na menka nkyere wɔn a wɔwɔ nnommmu mu se, wobenya ahofadi, na anifuraefo ahu ade ama wɔn a wobu wɔn animtiaa nso anya anuonyam. **19** Honhom no asoma me se memmekaa se, Awurade adom no aba.” **20** ɔtoo nhoma no mu de maa ɔhwefo no na ɔtenaa ase; na obiara a ɔwɔ hyiadan no mu ho no hwee no komm. **21** Afei ɔka kyereɛ wɔn se, “Nne na Kyerewsem no aba

mu.” **22** Na kasa pa ne nsem ahorow a okaa no yee won a wote nyinaa nwonwa ma wobisaa se, “Enye Yosef ba no ni?” **23** Yesu ka kyeree won se, “Akyinnye biara nni ho se mode be yi bebu me se, ‘Oyaresafo, sa wo ho yare. Nea yeate afa wo ho se woyee wo Kapernaum no, ye bi wo wo kurom ha.’” **24** “Nanso mereka ama moate ase se, Odiyifo biara nni anuonyam wo ne kurom. **25** Nokware ni, Elia bere so no, na mmea akunafo bebre wo Israelman mu. Saa bere no osu anto mfe abiesa ne asram asia enti emaa okom kese baa aman no nyinaa mu. **26** Nanso Onyankopon ansoma Odiyifo Elia anko obiara nkyen se ohea kunafo a na owo Sarepta a ewo Sidon no nkyen. **27** Bio, saa bere no na akwatafo bebre wo Israelman mu, nanso Odiyifo Elisa ansa obiara yare se osahene Naaman a ofi Siriaman mu no nko ara.” **28** Nnipa a wowo hyiadan no mu tee ne nsem a okae no, won bo fuwii papaapa. **29** Wode abufuw piapiaa no fii kurow no mu de no koo bepowa won kurow da so no ano se werekowo n’atiko ama wakohwe bepowa no ase. **30** Nanso ofaa won mu koo ne baabi. **31** Yesu koo Kapernaum a ewo Galilea. Okyerekyeree nnipa no homeda biara. **32** Eha nso ne nkyerekyere no yee nkurofo no nwonwa efise okasaa wo tumi so. **33** Na obarima bi wo hyiadan no mu ho a honhommone ahye no ma. Ohuu Yesu no, otee mu se, **34** “Yesu Nasareni, mmehaw yen. Yene wo nni hwee ye. Woaba se woresese yen ana? Minim onipa ko a woye. Wone Onyankopon Ba Kronkronni no.” **35** Yesu hyee honhommone no se, “Tu fi ne mu ko!” Honhommone no de obarima no hwee fam na etu fii ne mu koe a hwee anye no. **36** Nnipa no nyinaa ho dwiriw won, na wobisabisaa won ho won ho se, “Asem ben ni. Onipa ben ni a ode tumi ne ahoo den tee ahonhommone ma wotie yi?” **37** Nea oye yi ho asem trew faa aman no mu nyinaa. **38** Yesu fii hyiadan no mu no, okoo Simon fi kotoo se atiridiinini abo Simon asebea. Nnipa a wowo ho no sree no se onsa no yare. **39** Okoo nea oda ho kogyinaa ne nkyen, teee oyare no ma egyaee amono mu ho ara ma osore maa won aduan dii. **40** Onwini dwoe no, wode ayarefo pii bae se, Yesu nsa won yare. Ode ne nsa guu won so saa won yare. **41** Ahohommone fii nnipa no pii mu a na woretete mu se, “Wone Onyankopon Ba no.” Nanso Yesu kaa won anim, hyee won se wommua won ano, efise na ahonhommone no nim se ono ne Kristo no. **42** Ade kyee no, Yesu tew ne ho koo sare so baabi a eho ye dinn. Nkurofo no kyin hwehwee

no na wohuu no no, wosree no se antena won nkyen wo Kapernaum ho. **43** Yesu ka kyeree won se, “Ese se meka asempa a efa Onyankopon ahenni ho no kyere nkurow afororo nso, efise eno nti na wosomaa me.” **44** Yesu kyinkyin Yudeaman no mu koo hyiadan ahorow mu kaka asempa no.

5 Da bi a Yesu reka asempa wo Genesaret otare ho no, nnipakuw bekyeree ne so se woretie Onyankopon asem. **2** Ohuu akorow abien a apopofo bi a wohohoro won asau wo mu no agyaw wo otare no ho. **3** Yesu kotenaa okorow no baako a na eye Simon de no mu. Oka kyeree Simon se ompia nko asu no mu kakra senea ebeye a, obetumi a fi ho akasa akyere nnipa no. **4** Yesu wiee n’asenska no, oka kyeree Simon se, “Hare ko baabi a emu do kakra na munkogu mo asau no na mubeyi nam bebre.” **5** Simon kae se, “Owura, yeye adwuma anadwo mu no nyinaa yeannya hwee, nanso w’asem nti, yebegu yen asau no.” **6** Wogu asau no na woyii nam bebre maa anka mpo asau no retetew. **7** Wofree won mfefo a wowo okorow baako no mu no ma wobeboaa won twee asau no. Nam no yee akorow abien no nyinaa amaama a anka ereye amem mpo. **8** Simon Petro huu nea aba no, obuu Yesu nkotodwe kae se, “Me wura, mesre wo fi me nkyen ko na meye odeboneyeni a mense se woben me.” **9** Nam dodow a woyii no yee Petro ne ne ne dom no nwonwa. **10** Saa ara nso na eyee Yakobo ne Yohane, Sebedeo mma no nso nwonwa. Yesu ka kyeree Petro se, “Nsuro efi nne, wobeye nnipayifo.” **11** Wode akorow no beduu asu no ano ho no, wogyaw won nneema nyinaa ho bedii n’akyi. **12** Da bi a Yesu wo kurow bi mu no, obarima bi a kwata aye ne honam nyinaa bekotow n’anim sree no se, “Owura, mesre wo, se eye wo pe a, sa me yare.” **13** Eho ara Yesu teee ne nsa de kaa no kae se, “Yiw, eye me pe. Wo ho mfi.” Amono mu ho ara, ne ho fii. **14** Yesu hyee no se, “Wo ne obiara nni w’ayaresa yi ho nkomm. Ko na fa wo ho kakyere osfo na bo afore a Mose hyee se akwatafo a won ho a fi no mmo se adansedi no.” **15** Yesu anwonwadwuma a oye yi maa ne ho asem trew mpotam ho nyinaa maa nnipa bebre betiee no pee se osa won yare nso. **16** Nanso na ottaa twe ne ho ko sare so koo mpae. **17** Bere bi a Yesu rekyerekyere no, na Farisifo ne Kyerewsem no akyerekyerefo bi a wofi Galilea ne Yudea nkurow ahorow so ne Yerusalem nso wo ho bi a woretie no. Saa bere no, na Onyankopon ayaresa tumi ahye no ma. **18** Mmarima bi baa ho a woso obubuafo bi. **19** Esiane se

na wontumi mfa nnipakuw no mu nko Yesu nkyen nti, woforoo odan a Yesu wo mu no kotuu atifi tokuru, de obubuafo a oda ne kete so no faa mu gyaagya no breoo, kotoo Yesu anim. **20** Yesu huu gyidi a wowa no, aka kyeree ayarefo no se, “Onua, wode wo bone akye wo.” **21** Farisifo no ne Kyerewsem no akyerakyerefo no tee asem a Yesu kae no, wobisabisaa won ho won ho se, “Hena ne saa onipa yi a oreka abususem yi? Hena na otumi se ode bone kye ka Onyankopon ho?” **22** Esiane se Yesu huu nea wodwinnwen no nti, obuaa won se, “Aden nti na modwene se asem a mekae yi ye abususem?” **23** Yesu bisaa won se, “Nea ewo he na eye den, se wobeka akyeri obi se, wode wo bone akye wo anaase, wobeka se sore na nantew?” **24** Na se ebeye na mubehu se Onipa Ba no wo tumi se ode bone kye wo asase so nti.” Mereka akyeri wo se, “Sore yi wo kete na ko fiel!” **25** Amono mu ho ara, osore yii ne kete koo fie. Oreko no nyinaa na oreyi Onyankopon aye. **26** Won a wogyina ho no ho dwiriw won. Ehu kaa won. Woyii Onyankopon aye kae se, “Nne de, yeaahu anwonwade.” **27** Eyi akyi no, Yesu fii ho kohuu otowgyeni Lewi se ote atowgyei. Ohuu no no, aka kyeree no se, “Bedi m’akyi.” **28** Lewi sore gyaw ne nneema nyinaa ho dii n’akyi. **29** Akyiri no, Lewi too pon wo ne fi maa Yesu. Towgyefo ne nnipa ahorow bebre koo aponto no ase. **30** Farisifo ne Kyerewsem no akyerakyerefo no huu se Yesu ne saa nnipa no ato nsa redidi no, wonwiinwii bisaa no se, “Aden nti na wo ne towgyefo ne nneboneyefo ato nsa redidi?” **31** Yesu buaa won se, “Won a woyare no na ayaresafo ho hia won na enye won a wonyare. **32** Mamma se merebefre atreneefo na mmom mebefre nneboneyefo se wonsakra won adwene.” **33** Nnipa no koo so bisaa no bio se, “Aden nti na Osuboni Yohane asuafo ne Farisifo asuafo no de, wotaa di mmuada, na w’asuafo de, daa wodidi na wonom?” **34** Yesu nso bisaa won se, “Eho hia se won a won ani agye, anaase won a wahyia won ayeforo ase no di mmuada, wo bere a ayeforokunu no wo won nkyen ana? **35** Nanso da bi beba a wobefa ayeforokunu no a fi won nkyen; saa bere no na wobedi mmuada.” **36** Yesu buu won be yi se, “Obi mfa ntama foforo ntare ntama dedaw mu. Oye saa a foforo no bema dedaw no asuane. Na ebema nsonoe ada foforo no ne dedaw no ntam. **37** Obiara nso mfa nsa foforo ngu mmoo nhoma nsa ntokoku dedaw mu. Oye saa a nsa no bepaapae ntokoku no na ahwie agu na ntokoku no nso ase. **38** Eyi nti, nsa ntokoku foforo mu nko ara na ese se wode

nsa foforo gu. **39** Obi nnom nsa dedaw nwie mmisa nsa foforo ase. Nea onom no ka se, ‘dedaw no na eye.’”

6 Homeda bi a Yesu ne n’asuafo no nam aburufuw bi mu no asuafo no pempan aburufuw no bi huan, wee. **2** Farisifo bi bisaa no se, “Aden na moye ade a etia Homeda ho mmara a wahye no?” **3** Yesu buaa won se, “Monkenkan nea Ohene Dawid yee bere a okom dee one won a woka ne ho no wo Kyerewsem no mu ana? **4** Okoo asoredan mu kofaa brodo a wode abo afore ama Onyankopon a mmara mma ho kwan se obi di, gye asofo nko ara no, de bi maa won a woka ne ho no nso dii.” **5** Yesu kae se, “Onipa Ba no ne Homeda no wura.” **6** Homeda foforo bi nso a Yesu rekyerakyere wo asoredan mu no, na obarima bi a ne nsa nifa awu nso wo ho bi. **7** Kyerewsem no akyerakyerefo ne Farisifo no hwee Yesu komm se obesa onipa yi yare Homeda yi nso ana. Nea na worehwehwe ara ne se obebu mmara no so asa yare na won nsa aka no akyeri no. **8** Yesu huu won adwene nanso aka kyeree obarima no se, “Sore begyina anim ha, na obiara nhu wo.” Obarima no sore begyinaa ho. **9** Yesu ka kyeree won se, “Merebisa mo. Den na mmara no ma ho kwan se yenye no Homeda; se yebeye papa anaa yebeye bone, se yebeye obi nkwa anaase yebema wawu?” **10** Yesu hwee won nyinaa hyiae na aka kyeree obarima no se, “Tee wo nsa.” Na otee ne nsa no, emu yee den se baako no. **11** Nea Yesu yee yi hyee nnipa no abufuw yiye ma wofii ase baa ne ho pow. **12** Da bi a Yesu koo bepaw bi so se orekoba mpae no oboo mpae anadwo mu no nyinaa **13** Ade kyee no ofree n’akyidifo no nyinaa baa ne nkyen na opaw won mu dumien. Saa dumien yi na ofree won asomafo. **14** Won din na edidi so yi: Simon, a otoo ne din Petro; Andrea, Simon nua; Yakobo, Yohane, Filipo, Bartolomeo, **15** Mateo, Toma, Yakobo a oye Alfeo ba; Simon, a wofre no Selote; **16** Yuda a oye Yakobo ba; ne Yuda Iskariot a oyii Yesu mae no. **17** Yesu fii bepaw no so sian baa fam maa n’akyidifo bebre ne nnipakuw a wofi Yudea, Yerusaleim ne mpoano nkurow Tiro ne Sidon mu no betwaa ne ho hyiae. **18** Wobae se woretetie no ama wasa won nyarewa nso. Otuu ahonhommone bebre. **19** Obiara baa mmaden se ode ne nsa beka Yesu. Ayarefo a wode won nsa kaa Yesu no nyinaa ho too won. **20** Afei odan n’ani ka kyeree n’asuafo no se, “Nhyira ne mo a moye ahiafo, na mo na Onyankopon ahenni no ye mo deal! **21** Nhyira ne mo a okom de mo, na mo na wobema mo amee. Nhyira ne mo a mo were

ahow, na mo na wɔbɛma mo ani agye. 22 Nhyira ne mo a me din nti, nnipa tan mo, na wɔpa mo na wɔyaw mo, na wogu mo din ho fi. 23 “Sɛ ɛba saa a, momma mo ani nnye na munni ahurusi! Munni ahurusi, efise mo akatua retwɛn mo wɔ ɔsoro. Na saa ara nso na wɔn agyanom yɛɛ tete adiyifo no. 24 “Na mo adefo de, munnue efise nea ɛma mo ani gye no, mo nsa aka dedaw; eyi nti munni kyɛfa biara bio. 25 Munnue, mo a moamee mpren, na mo na ɔkɔm bede mo! Munnue, mo a moreserew mpren, na mo na mubesi apini asu. 26 Munnue, mo a nnipa kamfo mo, efise saa ara na wɔn nenanom kamfoo atoro adiyifo no.” 27 “Mereka akyerɛ mo a moretie me no nyinaa se monno mo atamfo; monyɛ wɔn a wɔtan mo no papa. 28 Munhyira wɔn a wɔdome mo; mommo mpae mma wɔn a wɔtan mo. 29 Sɛ obi bɔ w’asom a, dan baako a aka no ma no. Sɛ obi pa wo ntama a, worɔw w’atade ka ho. 30 Sɛ obi srɛ wo biribi a, fa ma no. Obi gye w’ade a, mmisa no bio. 31 Na nea moƣe se nnipa nye mo no, mo nso monyɛ wɔn saa ara. 32 “Na se modo wɔn a wɔdo mo no nko ara a, mfaso ben na mubenya? ‘Nnebɔneyefo’ nso do wɔn a wɔdo wɔn no. 33 Na se moyɛ wɔn a wɔyɛ mo papa no nko ara yiye a, mfaso ben na mubenya? Nnebɔneyefo mpo yɛ wɔn a wɔyɛ wɔn papa no nso yiye. 34 Na se mobɔ wɔn a mususuw se wobetumi atua no nko ara bosea a, papa ben na moayɛ? Nnebɔneyefo nso bobɔbobɔ wɔn ho wɔn ho bosea, a wohwe se wɔn nsa beka wɔn sika bio. 35 Monno mo atamfo. Monyɛ wɔn papa. Momma wɔn nea ehia wɔn a, mo ani nni akyi bio. Na se moyɛ eyinom a mo akatua beyɛ kɛse wo ɔsoro na moayɛ Onyankopɔn mma; efise Onyankopɔn yɛ nnebɔneyefo adɔɛ, na ɔdom bonniayefo nso. 36 Monyɛ mmɔborɔhunufɔ senea mo Agya a ɔwɔ ɔsoro no yɛ mmɔborɔhunufɔ no. 37 “Mummmu nten, na wɔammu mo nten; mummmu fɔ, na wɔammu mo fɔ; momfa nkyɛ, na wɔde akyɛ mo. 38 Sɛ moma a, wɔbehɛ mo anan mu. Nea mode ma no, wɔde susudua a wɔahɛ no ma, amia so ama abu so na ebesusuw ama mo. Susudua a mode besusuw ama no, ɛno ara na wɔde besusuw ama mo.” 39 Yesu nam mmebu so kasa kyereɛ wɔn bio se, “Onifuraefo betumi akyerɛ onifuraefo kwan ama ayɛ yiye ana? Sɛ ɛba saa a, wɔn baanu nyinaa betɔ amoa mu. 40 Osuani nsen ne wura. Nanso se ɔyere ne ho sua nea wɔrekyerɛ no no yiye a ɔbɛse ne wura no. 41 “Aden nti na wohwe dua ntetɛ a ɛda wo nua ani so, bere a mpuran a ɛda wo de so no mfa

wo ho? 42 Ɛbeyɛ den na woatumi aka akyerɛ wo nua se, ‘Ma minhuw dua ntetɛ a ɛda w’ani so no mma wo,’ wo bere a mpuran a ɛda w’ani so no mfa wo ho. Nyaatwom, di kan yi mpuran a ɛda w’ani so no ansa na woatumi ahuw ntetɛ a ɛda wo nua ani so no ama no. 43 “Dua pa nsow aba bɔne, na dua bɔne nso nsow aba pa. 44 Dua biara aba na wɔnam so hu dua ko a eyɛ. Worentumi ntwɛ borɔdoma mfi nware so. 45 Onipa pa fi nnɛpa a ɛwɔ ne koma mu yɛ ade pa. Saa ara nso na onipa bɔne nso fi ne nnebɔne a ɛwɔ ne koma mu yɛ ade bɔne. Nea ahyɛ onipa koma ma no, na epue fi n’ano. 46 “Aden nti na mofrɛ me ‘Awurade,’ nanso munni m’asɛm so? 47 Merekyerɛ mo senea onipa biara a ɔba me nkyɛn, na otie m’asɛm di so no te. 48 Ɔte se obi a na ɔresi dan na ɔtoo ne dan no faɣem ma esii ɔbotan so. Na osu tɔ maa nsu no yiri bebɔ faa ɔdan no ase nanso ammu, efise osi sii ɔbotan so. 49 Na nea ɔte m’asɛm na onni so no te se obi a ɔresi dan, na osii dan no sii nwea so, na osu tɔ maa nsu no yiri bebɔ faa ase ma edwiriw sɛɛɛ pasaa.”

7 Yesu kasa kyereɛ nkurofo no wiee no, ɔkɔw Kapernaum. 2 Saa bere no ara mu na Roma ɔsraani panyin bi somfo a ɔƣe n’asɛm yiye yare denneennen a ɔreyɛ awu. 3 Ɔsraani panyin no tee Yesu nka no, ɔsomaa Yudafo mpanyimfo bi se wɔnkɔsrɛ no na ɔmmesa ne somfo no yare mma no. 4 Woduu Yesu nkyɛn no, wɔde asɛm no too n’anim srɛɛ no se, ɔmmoa ɔsraani panyin no, efise ɔyɛ onipa pa. 5 Wɔkae se, “Ɔyɛ obi a ɔdo yɛn man na wasi hyiadan ama yɛn.” 6 Yesu ne wɔn sii mu. Wɔreyɛ adu fie ho no, ɔsraani panyin no somaa ne nnamfo bi se, wɔnkɔka nkyerɛ Yesu se, “Awurade, nhaw wo ho, na mense se woba me fi. 7 Saa ara na memfata se meba baabi a wowo. Kasa, na me somfo no ho beyɛ no den. 8 Meyɛ obi a mehyɛ tumi ase, nanso mewo asraafo beɣee hyɛ m’ase. Meka kyere wɔn mu bi se, ‘Kɔ’ a, ɔkɔ. Meka kyere ɔfoforo se, ‘Bra’ a, ɔba. Saa ara nso na mehyɛ me somfo se, ‘Yɛ eyi’ a, ɔyɛ.” 9 Yesu tee asɛm no, ne ho dwiriw no na ɔdan n’ani ka kyereɛ nnipakuw a wodi n’akyi no se, “Anokwa, minhuu obiara a ɔwɔ gyidi se saa ɔbarima yi wo Israelman nyinaa mu da.” 10 Bere a abɔfo no san koduu fie ho no, wohuu se ɔsomfo no ho ayɛ no den. 11 Eyi akyi no, Yesu ne n’asufo ne nnipakuw bi a wɔka ne ho no kɔw kurow bi a wɔfrɛ no Nain mu. 12 Woduu kurotia no, ohuu se wɔrekosie obi. Na owufo no yɛ ɔbea kunafo bi a ɔwɔ kurow no mu no ba barima koro. Na adɔfo beɣee

di amu no akyi. **13** Awurade Yesu huu no no, n'asem yee no mmɔɔ, na aka kyeree no se, "Gyae su!" **14** Yesu kosoo funnaka no mu maa wɔn a eye wɔn de no gyinae. Aka kyeree owufo no se. "Aberante, mise wo se, nyan!" **15** Aberante no sɔre tenaa ase na okasae. Afei Yesu de no maa ne na. **16** Nnipa no nyinaa ho dwiriw wɔn yiye na woyii Onyankopɔn aye kae se, "Odiyifo kese bi asɔre wɔ yen mu, na Onyankopɔn asian aba ne manfo mu." **17** Nea Yesu yee yi ho asem trew koduu Yudea ne nkurow a atwa ho ahyia no nyinaa mu. **18** Yohane asuafo kɔɔɔ no nea asi no nyinaa ho amannee. **19** Yohane somaa n'asuafo no mu baanu kɔɔ Yesu nkyen kobisaa no se, "Wone nea ɔreba no, anaase yentwen ɔfoforo?" **20** Asuafo no duu Yesu nkyen no, woka kyeree no se, "Osuboni Yohane asoma yen wo nkyen se yemmebisa wo se, wone nea ɔreba no, anaase yentwen ɔfoforo?" **21** Saa bere no ara mu, Yesu saa nyarewa bebre; otuu ahonhommone na ɔmaa anifuraefo huu ade. **22** Yesu buaa wɔn se. "Monkoka nea moahu na moate yi nkyere Yohane se, mema anifuraefo hu ade, mmubuafo nantew, mesa akwatafo yare, asotifo te asem, awufo nyan, meka asempa kyere honhom mu ahiafo. **23** Nhyira ne wɔn a merento wɔn hintidua." **24** Yohane asuafo no fii Yesu nkyen kɔe no, Yesu dii Yohane ho adanse kyeree nnipakuw no. Obisaa wɔn se, "Mokɔɔ sare so no, den na muhui? Sare a mframa rehim no ana? **25** Eno de, den na muhui? Obi a ofura sirikyɛ ana? Ahemfi na yehu wɔn a wodi yiye na wofura ntama pa. **26** Anaa Onyankopɔn diyifo? Eno de, mereka akyere mo se, nea muhuu no no sen odiyifo mpo. **27** Na saa Yohane yi na Kyerewsem no ka fa ne ho se, "'Mesoma me bɔfo adi w'anim kan. Ɔno na obesiesie kwan ama wo.' **28** Meka kyere mo se onipa biara nni ho a wɔawo no a ɔye kese sen Yohane. Nanso nea ɔye akumaa koraa wɔ Onyankopɔn ahemman mu no sen no." **29** Na wɔn a wɔtee nea ɔkae no nyinaa a towgyefo mpo ka ho bi gye too mu se, Onyankopɔn ye ɔtreneeni; na wɔsakraa wɔn adwene maa Yohane bɔɔ wɔn asu. **30** Na Farisifo ne Kyerewsem no akyerekyerfo no de, wɔpoo Onyankopɔn asem nti, wɔamma Yohane ammo wɔn asu. **31** Yesu bisaa wɔn se, "Den na menka mfa nnemma yi ho; na den ho na memfa wɔn ntoto? **32** Wɔte se mmofra bi a wɔregoru wɔ agodibea na wɔn mu bi reka akyere afoforo se, "'Yehyen mmen maa mo, nanso moansaw; yetwaa agyaadwo, nanso moansu.' **33** Osuboni Yohane aba a onnidi na onnom nsa nso muse,

'Ɔwɔ honhommone.' **34** Onipa Ba no nso aba a odidi na ɔnom a muse, 'Monhwe odidifo ne ɔkɔwensani a ɔye towgyefo ne "nnebɔneyefo" adamfo!' **35** Nanso wɔn a wodi Onyankopɔn akyi nokware mu no de, wɔn bra di adanse se, n'akwan nyinaa ye." **36** Farisini bi frɛe Yesu adidi ma ɔpenee so kɔe. **37** Ɔte ho redidi no, ɔbea bi a obu bra bone wɔ kurow no mu tee ne nka no, ɔde aduhuam bi a esom bo tumpɔn ma kɔɔ ho. **38** Ɔkotow Yesu nan ase sui, maa ne nusu no fɔw Yesu nan ase. Afei ɔde ne tinwi pepaa nisu no, soo ne nan de aduhuam no sraa ho. **39** Farisini a ɔfrɛe Yesu adidi no huu nea ɔbea no yee no, ɔkaa wɔ ne tirim se, "Se saa onipa yi ye odiyifo ampa ara a, anka obehu se saa ɔbea yi bu ɔbra bone." **40** Yesu huu Farisini no adwene ma aka kyeree no se, "Simon, mewo asem bi ka kyere wo." Simon nso ka kyeree Yesu se, "Kyerekyerfo, ka e." **41** Yesu ka kyeree no se, "Osikani bi bɔɔ nnipa baanu bi bosea. Ɔmaa ɔbaako denare ahannum; na ɔbaako no nso ɔmaa no denare aduonum. **42** Wɔn mu biara antumi antua ne ka a ɔde no no nti, ɔde kyee wɔn. Wɔn mu hena na wugye di se ɔbɛɛ ɔdefo no asem yiye?" **43** Simon buae se, "Migye di se nea ɔde ne ka kese kyee no no." Yesu kae se, "Woabua no yiye." **44** Afei Yesu dan n'ani kyeree ɔbea no bisaa Simon se, "Woahu saa ɔbea yi? Mebaa wo fi, woamma me nsu anhohoro m'anan ase; nanso saa ɔbea yi de ne nisu ahohoro m'anan ase, asan de ne tinwi apepa. **45** Mebae yi, woanye me atuu amfa amma me akwaaba; nanso efi bere a ɔbea yi betoo me wɔ ha yi, onnyaee me nan mu so. **46** Woamfa ngo amfɔw me tirim; nanso ɔbea yi de aduhuam a esom bo asra m'anan ase. **47** Eyi nti mereka akyere wo se, nea ɔbea yi aye nti, wode ne bone a edɔɔso no akye no, efise wayi ɔɔɔ kese bi adi akyere. Na nea wode ne bone a esua akye no no, ne do nso sua." **48** Afei Yesu ka kyeree ɔbea no se, "Wode wo bone akye wo." **49** Wɔn a ɔne wɔn te adidii no bisabisaa wɔn ho wɔn ho se, "Hena ne saa onipa yi a otumi de bone kye?" **50** Yesu ka kyeree ɔbea no se, "Wo gyidi agye wo nkwa. Fa asomdwoe kɔ."

8 Eyi akyi no, Yesu ne n'asuafo dumien no kyinkyinii Galilea nkurow ne nkuraa bi ase kaa Onyankopɔn ahenni no ho asem a, **2** na nnipa a wodi n'akyi no bi ne Maria Magdalene a otuu ahonhommone ason fii ne mu no **3** ne Yohana a ɔye Kusa, Herode fi sohwefo panyin yere, ne Susana. Saa mmea yi ne afoforo bi na wofi wɔn ahonya mu hwɛe Yesu ne n'asuafo. **4** Da bi a nnipa bebre bi fi nkurow nkurow so baa ne

nkyen no, ɔkyerekyerɛ wɔn abebu mu se, **5** “Da bi, okuafo bi kɔ n’afum kogu abe. Ogui no, aba no bi kogu ɔkwan mu maa nnipa tiatiaa so na nnomaa nso besosɔwee. **6** Ebi nso kogu ɔbotan so, enti efii no, ankye na ne nyinaa hyewee, efise annya nsu. **7** Aba no bi nso kogu nsɛ mu. Efii no, nsɛ no kyekyerɛ no na ewui. **8** Ebi nso kogu asase pa mu, enyinii, sow aba mmɔho ɔha.” Na ɔkaa eyi no, ɔka kaa ho se, “Nea ɔwɔ aso a obetie no, ontie.” **9** Na n’asufo no bisaa no saa be no ase no, **10** obuaa wɔn se, “Mo de, wɔde Onyankopɔn Ahenni ho ahintasɛm ama mo, na afoforo de, wɔkasa kyere wɔn mmebu mu, “senea ebeye a wɔbɛhwɛ, nanso wɔrenhu na wɔbete, nanso wɔrentɛ ase.” **11** “Afei be no nkyerɛase ni. Aba no ne Onyankopɔn aɛm. **12** Aba a eguu ɔkwan mu no gyina ho ma wɔn a wɔte Onyankopɔn aɛm no na ɔbonsam behwim fi wɔn koma mu, senea ebeye a, wɔrennye nni na wɔrennya nkwaye. **13** Aba a eguu ɔbotan so no gyina ho ma wɔn a wɔte aɛm no na wɔde anigye so mu, nanso entena wɔn mu. Na esiane wɔn gyidi a esua nti, ɛnkye na aɛm no awu. Na se sɔhwɛ ba wɔn so a, wɔpa abaw. **14** Aba a eguu nsɛ mu no gyina ho ma wɔn a wɔte Onyankopɔn aɛm, na wodi so, nanso asetena mu haw ne abɛbrɛse, ahonya ne wiase afɛfedɛ nti, aɛm no ntumi nye wɔn mu adwuma senea ɛsɛ. **15** Aba a eguu asase pa mu no gyina ho ma wɔn a wɔde koma pa tie aɛmpa no, na wodi so, gyina pintinn de abrabɔ pa di ho adanse. **16** “Obi nso kanea na ɔmfa kɛnten mmutuw so, anaa ɔmfa nhye mpa ase na mmom, ɔde si kaneadua so na ahyɛren ama wɔn a wɔba mu no. **17** Nea ahintaw no bɛda adi, na nea ɛwɔ kokoa mu no nso ada gua. **18** Enti nea mutie no, muntie no yiye. Obiara a ɔwɔ no wɔbɛma no pii aka ho, na nea onni ahe bi no, nea osusuw se eye ne de no mpo, wobegye a fi ne nsam.” **19** Da bi, Yesu na ne ne nuanom pɛɛ se wɔne no kasa, nanso esiane nnipakuw a na wɔatwa ne ho ahyia no nti, wɔantumi ne no ankasa. **20** Obi kɔka kyere Yesu se ne na ne ne nuanom gyina nkyen ho baabi rehwehwɛ no. **21** Yesu ka kyere wɔn se, “Me na ne me nuanom ne wɔn a wɔtie Onyankopɔn aɛm na wodi so.” **22** Da bi a Yesu ne n’asufo te ɔkorow mu no, ɔka kyere wɔn se, “Momma yentwa nkɔ asuogya nohɔ.” Wosii mu a wɔrɛkɔ no, **23** Yesu dae. Saa bere no ara mu na ahum a ano ye den bi bɔ maa nsu betaa ɔkorow no mu maa ɔkorow no ye se ɛremem. Eyi maa asufo no koma tuu yiye. **24** Asufo no de hu ne ntɛtɛɛmu nyan no

se, “Awurade, Awurade, yɛremem!” Amono mu hɔ ara, Yesu sɔre tɛtɛɛ ahum a ano ye den ne asorɔkye no ma eye dinn. **25** Afei obisaa wɔn se, “Adɛn na munni gyidi?” Wɔn nyinaa suroe, de ahodwiriw bisabisaa wɔn ho wɔn ho se. “Onipa bɛn ni a mframa a ano ye den ne asorɔkye mpo tie no yi?” **26** Yesu ne n’asufo no twaa po no beduu Gerasefo asase a ɛne Galilea di nhweanim no so. **27** Yesu fii ɔkorow no mu sii fam pe na ɔbarima bi a ahonhommɔne ahyɛ no ma akyɛ a ɔda adagyaw na ɔntɛ fie, na mmom ɔte amusiei a aboda mu na ɔdeda no behyiaa no. **28** Ohuu Yesu no, ɔtɛɛ mu, kotow n’anan ase san tɛtɛɛ mu se, “Yesu, ɔsorosoro Nyankopɔn Ba, den na wo ne me wo ye? Mesre wo, nye me ayayade biara.” **29** ɔkaa saa aɛm yi, efise na Yesu atɛtɛɛ ahonhommɔne no se womfi ne mu. Saa ahonhommɔne yi taa ka no na se wɔde hama kyekyerɛ ne nsa ne n’anan mpo a, otumi tetew mu ma ahonhommɔne no pam no kɔ wuram. **30** Yesu bisaa no se, “Wo din de den?” Obuaa no se, “Dɔm.” Efise na ahonhommɔne ahyɛ no ma. **31** Ahonhommɔne no sɛɛ Yesu se ɔnnhyɛ wɔn mma wonnkogu amanehunɔ bon no mu. (Abyssos g12) **32** Saa bere no na mprako bi redidi wɔ bɛpɔw no nkyen mu baabi. Ahonhommɔne no sɛɛ Yesu se ɔmma wɔn ho kwan na wonkowura mprako no mu. Na ɔmaa wɔn ho kwan. **33** Enti ahonhommɔne no fii ɔbarima no mu kowuraa mprako no mu ma wɔbɔɔ kirididi, sian bɛpɔw no kogu ɔtare no mu wuwui. **34** Wɔn a wɔhwɛ mprako no so no huu nea asi no, wɔde hu ne ahopopo tutuu mmirika kɔbɔɔ amanneɛ wɔ kurom maa aɛm no trɛw wɔ mpɔtam ho nyinaa. **35** Nnipa a wɔtee aɛm no bɔɔ twi kɔhwɛ nea asi. Woduu nea Yesu wɔ no, wohuu ɔbarima no se ne ho atɔ no a ofura ntama te Yesu nkyen. Nnipa no nyinaa ho dwiriw wɔn. **36** Na wɔn a wohuu ɔkwan a Yesu faa so saa ɔbarima no ɔyare no bɔɔ wɔn a wɔbaa ho no amanneɛ. **37** Ehu hyɛ Gerasefo a na wɔahyia wɔ ho no nyinaa ma, ma wɔsrɛɛ Yesu se omfi wɔn nkyen ho nkɔ. Eyi nti, Yesu kɔtenaa ɔkorow no mu san twa kɔ asuogya nohɔ. **38** Ansa na Yesu rebefi ho no, ɔbarima a otuu ahonhommɔne fii ne mu no sɛɛ no se ɔne no bɛkɔ. Nanso Yesu ka kyere no se, **39** “Kɔ na kodi nea Onyankopɔn aye ama wo no ho adanse kyere wo manfo.” ɔbarima no fii ho kodii anwonwade a Yesu aye ama no no ho adanse kyere kurom hɔfo nyinaa. **40** Yesu duu asuogya ho no, nnipakuw no de anigye hyiaa no kwan, efise na wɔatwen no abɛ. **41** ɔbarima bi a wɔfre no Yairo a na ɔye Yudafo hyiadan

mu panyin baa ne nkyen bebuu no nkotodwe, sɛɛ no se, ɔne no nko ne fi 42 na ne babea koro a wadi beye mfe dumien reye awu. Bere a Yesu reko no na nnipakuw no kyere ne so. 43 Ɖbea bi a mogya atu no mfirihyia dumien a obiara ntumi nsa no yare no, 44 fii Yesu akyi soo n'atade ano. Amono mu ho ara na mogya a etu no no twae. 45 Yesu bisae se, "Hena na osoo m'atade ano no no?" Obiara buae se enye ɔno. Eyi maa Petro kae se, "Awurade, na se nnipa no akyere wo so." 46 Yesu buaa no se, "Dabi, obi aso m'atade mu efise mete nka se tumi bi a fi me mu." 47 Ɖbea no huu se ohintaw a erenye ye nti, ɔde hu ne ahopopo bebuu Yesu nkotodwe wo nnipa no nyinaa anim, kyeree no nea enti a osoo ne mu ne senea ne ho ato no no. 48 Yesu ka kyeree no se, "Ɖbabea, wo gyidi ama wo ho ato wo. Fa asomdwoe ko." 49 Yesu gu so rekasa no, obi fi Yairo fi beka kyeree Yairo se, "Wo babea no anya awu enti nhaw Kyerekyerɛfo no bio." 50 Yesu tee asem no osee Yairo se, "Nsuro, gye di, na wo babea no benyan anya nkwa." 51 Oduu fie ho no, wamma obiara anka ne ho anko ɔdan a abofra no da mu no mu gye Petro, Yohane, Yakobo ne abofra no awofo nko ara. 52 Na nnipa a wɔwɔ ho no nyinaa resu di awerɛhow. Yesu ka kyeree won se, "Munnsu, onwui na wada." 53 Wɔserew no dii ne ho few, efise na won de, wonim pefee se wawu. 54 Yesu soo ne nsa ka kyeree no se, "Me ba, sore!" 55 Amono mu ho ara, ɔsɔree na Yesu kae se wamma no biribi nni. 56 N'awofo no ho dwiriw won yiye nanso Yesu bɔɔ won ano se, wɔnnka nea asi no nkyere obiara.

9 Da bi Yesu frɛ Dumien no hyia maa won tumi ne ahooden a wɔde betu ahonhommɔne na wɔde asa nyarewa nso. 2 Afei ɔsoma won se wɔnkɔka Onyankopɔn ahenni ho asem na wɔnsa nyarewa. 3 Na ɔka kyeree won se, "Mo akwantu yi mu, mommfa biribiara nnko, se eye pema anaa akwantukotoku, anaa aduan biara, anaa sika, anaa ntade abien abien. 4 Na se moko kurow bi mu a, ofi biara a mobesoe wo mu no, ehɔ ara na montena nkosi se mubefi kurow no mu. 5 Se moko kurow biara mu na wɔannye mo, na morefi ho ako a, momporoporow mo anan ase mfutuma mfa nkyere se, mo ne won nni hwee ye bio." 6 Wofii ho no, wɔkɔɔ nkuraase nkuraase kɔkaa asempano, saa nyarewa pii nso. 7 Ɖmansinhene Herode tee nea Yesu aye no nyinaa no, ehaw no yiye, efise na ebinom keka se Osuboni Yohane na wasɔre a fi awufo

mu, 8 na afoforo nso se eye Elia anaa tete adiyifo no mu baako na wasɔre a fi awufo mu aba. 9 Herode kae se, "Yohane de, matwa ne ti, na hena koraa ne saa onipa yi a mete anwonwasem a ete se fa ne ho yi?" Eyi nti ɔpɛɛ se ohu no. 10 Asomafo no fii won akwantu mu bae no, wɔbɔɔ nsem a esisii wo ho nyinaa ho amannee kyeree Yesu. Eyi akyi na Yesu ne won twee won ho kɔɔ baabi a eben Betsaida. 11 Nnipadom no huu nea Yesu ne n'asomafo no wo no, woti wɔn ma ogyee won few so, kaa Onyankopɔn ahenni ho asem kyeree won, saa ayarefo yare. 12 Anim rebiribiri no, dumien no baa ne nkyen beka kyeree no se, "Ka kyere nnipa no na wɔnkɔ nkurow ne nkuraa a atwa yen ho ahya yi mu nkɔɔ nea wobedi ne nea wɔbedɔ, efise faako a yewo yi ye sare so." 13 Yesu ka kyeree won se, "Mo ara momma won biribi nni." Wobuaa no se, "Yewo brodo anum ne mpataa abien pɛ. Eno nti gye se yekɔɔ aduan brɛ won nyinaa." 14 Na nnipa beye mpem anum na wɔahya wo ho. Yesu ka kyeree n'asuafɔ no se, "Monhwe na nnipa no ntenatena ase aduonum aduonum." 15 Woyee senea Yesu kae no. 16 Afei Yesu faa brodo anum no ne mpataa abien no na ɔhwɛɛ ɔsoro, daa so ase, hyiraa so, bubuu mu de maa n'asuafɔ no se wɔnkye mma nnipa no. 17 Obiara didi mee. Asuafɔ no boaboa nea wodi ma ekae no ano no, eye nkenten dumien. 18 Da bi a Yesu hye kokoa mu baabi rebɔ mpae a n'asuafɔ ka ne ho no, obisaa won se, "Nnipa ka se mene hena?" 19 Wobuaa no se, "Ebinom ka se, woye Osuboni Yohane, ebinom nso ka se Elia, na afoforo nso se, woye tete adiyifo no mu baako a wasɔre a fi awufo mu aba." 20 Yesu bisaa won se, "Na mo nso muse mene hena?" Petro buaa no se, "Wone Kristo, nea Onyankopɔn asoma no no." 21 Yesu bɔɔ won ano se wɔnnka nkyere obiara. 22 Ɖtoaa so se, "Ese se Kristo no hu amane pii; Yudafo mpanyimfo ne asofo mpanyin ne Kyerewsem no akyerekyerɛfo nso bepo no. Akyiri no wobekum no, na ne nnansa so wasɔre." 23 Afei ɔka kyeree won nyinaa se, "Se obi pɛ se odi m'akyi a, ɔmpa ne ho akyi na daa ɔnsoa n'asennua na onni m'akyi. 24 Na obiara a ɔma n'ani ku ne ho sen me no, ɔbehwere ne nkwa; na nea me nti ɔbehwere ne nkwa no, ne nsa beka. 25 Na se onipa nya wiase yi mu nneema nyinaa na ɔhwere ne kra a, den mfaso na obenya? 26 Na nea n'ani bewu me ne me nsem ho no, ɔno nso, da a me, Onipa Ba no beba wo me ne Agya no ne abofo kronkron no anuonyam mu no, m'ani bewu wo ne ho. 27 "Na mereka akyere

mo se, mo a mugyina ha yi mu bi wə hɔ a wɔrenwu kosi se wobehu Onyankopɔn ahenni no.” 28 Yesu kaa ne nsem yi wiee no, ebeye nnaawɔtwe akyi, ɔne Petro, Yohane ne Yakobo kɔ beɔw bi so se wɔrekɔɔ mpae. 29 Na Yesu gu so rebɔ mpae no, n’animdua sesae, na n’atade nso hyerenee. 30 Preko pɛ, nnipa baanu a eye Mose ne Elia puee wə hɔ anuonyam mu ne no bekasae. 31 Wɔkasa faa ne wu a obewu a ede mahye beba Yerusalem so no ho. 32 Saa bere no na Petro ne nnipa a wɔka ne ho no adeda hatehatee na wonyanyan a wɔn ani so tetew wɔn no, wohuu Yesu se ɔwɔ n’anuonyam mu ne nnipa baanu bi a wɔka ne ho. 33 Na ebaa se nnipa no refi Yesu nkyen akɔ no, Petro ka kyeree Yesu se, “Awurade, eye se yen nso yewo ha bi. Ma yemmɔ asese abiesɔ; wo de baako, Mose de baako na Elia nso de baako.” Na Petro nnim asem a ɔreka no. 34 Ogu so rekasa no, omununkum bekataa wɔn so ma wosuroe. 35 Na nne bi fi omununkum no mu kae se, “Oyi ne me Ba a mayi no. Muntie no!” 36 Kasa yi akyi no, wohuu se aka Yesu nko ara na ogyina hɔ. Na mmere no mu, wɔanka nea wohuu no ankyere obiara. 37 Ade kyee a wosian fii beɔw no so bae no, nnipakuw bi behyiaa Yesu. 38 ɔbarima bi fi nnipakuw no mu teɛ mu se, “Kyerekyerefo, mesɛ wo, bra behwe me ba a midi no bakoro ma me; 39 se honhommmɔne ba ne so a, amono mu, ɔteɛ mu, otwa hwe, osinsen, n’ano pu ahuru, na obu fa so, na ekye ansa na afi ne so. 40 Na mesɛɛ w’asuafɔ no se wontu honhommmɔne no nanso wɔantumi.” 41 Yesu kae se, “Aɔ! Mo a munni gyidi, mentena mo nkyen na minnya mo ho boasetɔ nkosi da bɛn!” Afei, ɔdan n’ani ka kyeree ɔbarima no se, “Fa wo ba no bra ha.” 42 ɔde abofra no reba no, honhommmɔne no twaa no hwee fam ma osinseni. Na Yesu teɛteɛ honhommmɔne no maa abofra no ho yɛɛ no den na ɔde no maa n’agya. 43 Onyankopɔn tumi ne ne kɛseyɛ a edaa adi wɔ honhommmɔne no tu mu no maa nnipa no ho dwiriw wɔn. Na wɔredwinnwen nea asi yi ho no, Yesu ka kyeree n’asuafɔ no se, 44 “Muntie asem a merebeka yi yiye. Wobeyi Kristo no ama.” 45 Nea ɔkaa yi na eye ahintasem nti, asuafɔ no ante ase. Nanso na wosuro se wobebisa no ase. 46 Asuafɔ no gyee akyinnye a efa wɔn mu nea ɔbeyɛ ɔkese wɔ Onyankopɔn ahenni mu no ho. 47 Na Yesu huu wɔn adwene no, osoo abofra bi mu de no begyinaa ne nkyen pɛɛ, 48 na ɔka kyeree wɔn se, “Obiara a obegye saa abofra yi wɔ me din mu no, gye me; na nea ogye me no nso gye nea ɔsoma me no. Nea ɔye aketewa

wo mo nyinaa mu no, ɔno ne ɔkese.” 49 Yohane nso ka kyeree no se, “Awurade, yehuu obi a ɔnka yen ho se ɔde wo din tu ahonhommmɔne enti yɛbraa no.” 50 Yesu ka kyeree no se, “Munnsiw no kwan, efise nea ontia mo no, na ɔwɔ mo afa.” 51 Na bere a ɛɛ se Yesu san kɔ ɔsoro no reben no, osii ne bo se ɔbekɔ Yerusalem. 52 Ansa na ɔrebekɔ no, ɔsoma nnipa bi dii kan kɔ Samaria akuraa bi ase se wonkosiesie baabi mma no. 53 Nanso Samariafo no annye Yesu, efise wohuu se na ɔrekɔ Yerusalem. 54 Asuafɔ no tee nea aba no, Yakobo ne Yohane bisaa Yesu se, “Awurade, woɛ se yema ogya fi ɔsoro behyew wɔn pasaa ana?” 55 Yesu dan n’ani kyeree wɔn kaa wɔn anim, 56 na wofii hɔ kɔ akuraa foforo bi ase. 57 Bere a wɔrekɔ no, ɔbarima bi baa Yesu nkyen beka kyeree no se, “Baabiara a wobekɔ no, medi w’akyi.” 58 Yesu buaa no se, “Sakraman wo wɔn abon, wim nnomaa nso wɔ mmerebuw, nanso me, Onipa Ba no de, minni baabi a mede me ti to!” 59 Yesu ka kyeree ɔbarima foforo bi nso se, “Bedi m’akyi.” Nanso ɔbarima no kae se, “Awurade, ma me kwan na minkosie m’agya ansa.” 60 Yesu ka kyeree no se, “Ma wɔn a wɔte ase na wɔawu wɔ honhom mu no nye saa nnwuma no, na wo de, kɔka Onyankopɔn ahenni no ho asem kyere amanaman nyinaa.” 61 Na ɔfoforo nso kae se, “Awurade, medi w’akyi nanso ma me kwan na me ne m’abusuafɔ nkodi nkra ansa.” 62 Nanso Yesu ka kyeree no se, “Obiara a ɔbema n’adwene aye no ntanta wɔ dwumadi bi a mede ahye ne nsa no ho no, ɔmfata Onyankopɔn ahenni no.”

10 Eyi akyi no, Yesu yii n’akyidifo no mu aduɔson somaa wɔn baanu baanu kɔ nkurow ne nkuraa a akyiri no ɔbekɔ hɔ no so. 2 ɔka kyeree wɔn se, “Otwa adwuma no dɔɔso, nanso adwumayefo no sua. Enti monsɛ adwumawura no na ɔmma adwumayefo bebree mmra ne twa adwuma no mu. 3 Monko, na meresoma mo se nguan akɔ mpataku mu. 4 Mommfɔ sika, akwantu kotoku anaa mpaboa; na munnya obiara nso a mubehyia no wɔ ɔkwan so. 5 “Se moko ofi biara mu a, munni kan nkyia ofie hofo no se, ‘Asomdwoe nka mo!’ 6 Na se asomdwoe ba bi wɔ hɔ a, mo asomdwoe beba ne so; na se obi a ɔte saa nni hɔ a, mo asomdwoe besan aba mo nkyen. 7 Ofi biara a moko mu no, momma hɔ nye mo atena; aduan biara a wode bema mo no, munni efise ɛɛ se se odwumayeni biara nya n’adwumaye so akatua; munnni atutena wɔ afi mu. 8 “Na se moko kurow biara mu na wogyɛ mo few so a, aduan biara a wode

bema mo no munni. **9** Monsa kurow no mu ayarefo yare, na monka nkyere ehofo nyinaa se, 'Onyankopon ahenni no aben mo.' **10** Nanso se moko kurow biara mu na woannye mo few so a monko ne mmanten so nkopae mu nka se, **11** 'Mo kurom ha mfutuma a ewo yen nan ase mpo, yereporoporow agu, de atia mo; na mmom munhu pefee se, Onyankopon ahenni no aben.' **12** Mereka akyerɛ mo se, saa kurow no, asem a ebeto won atemmuda no besen nea etoo Sodom no. **13** "Korasin, due! Betsaida, due! Anwonwade a meyerɛ wo mo mu no, se meyerɛ wo Tiro ne Sidon a, anka ehofo no de awerehow ne ahonu asakra won adwene dedaw. **14** Atemmuda no, asem a ebeto won no besen nea ebeto Tiro ne Sidon. **15** Na wo Kapernaum, wugye di se wubenya osoro anuonyam? Dabi da, wobeko asaman. (Hadēs g86) **16** "Obiara a otie mo no tie me, na nea obo mo no po me, na nea obo me no nso po nea osomaa me no." **17** Aduason no san de anigye ba bebɔ amannee se, "Awurade, wo din nti ahonhommone mpo abre won ho ase ama yen." **18** Na aka kyereɛ won se, "Mihuu se obonsam retew afo osoro se anyinam abehwe fam. **19** Mama mo tumi ne ahooɔen a mode betiatia awo ne nkekantwere ne otamfo no tumi biara a owo so na biribiara nso rentumi mo. **20** Nanso mommma mo ani nnye se ahonhommone bre won ho ase ma mo, na mmom, momma mo ani nnye se woakyerew mo din wo osoro." **21** Saa bere no ara mu na Yesu de Honhom Kronkron mu anigye bɔ mpae se, "Agya, osoro ne asase wura, meda wo ase se wode saa nneema yi ahintaw won a wosusuw se woye anyansafo, na mmom woda nokware no adi akyerɛ won a wode ahobrease gye wo di se mmofra no. Nanso Agya, wo pe mu na woma ebba saa. **22** "M'agya de nneema nyinaa ahye me nsa; na obiara nnim ɔba no, gye Agya no. Saa ara nso na obiara nnim Agya no, gye ɔba no ne won a ɔba no beda Agya no adi akyerɛ won no." **23** Ekaa one n'asufo no, aka kyereɛ won se, "Nhyira ne aniwa a ehu nea muhu! **24** Efise adiyifo ne ahene pii pee se anka wuhu nea muhu yi na wote nea mote yi, nanso woanhu na wɔante." **25** Mmaranimfo bi pee se ɔso Yesu hwe nti obisaa no se, "Kyerekyerɛfo, menyɛ den na manya nkwa a enni awiei?" (aiōnios g166) **26** Yesu nso bisaa no se, "Den na woakyerew wo Mose mmara no mu? Na wote ase den?" **27** Obuaa no se, "Mmara no ka se, 'Fa wo koma, ne wo kra, ne w'ahooɔen, ne w'adwene nyinaa do Awurade, wo Nyankopon, na do wo yonko se wo ho!'"

28 Yesu ka kyereɛ no se, "Woabua no yiye. Ye eyinom na wubenya nkwa." **29** Nanso obarima no pee se akyerɛ se odi mmara no nyinaa so nti, obisaa Yesu se, "Hena ne me yonko?" **30** Yesu nso maa no mfatofo bi se, "Da bi, na obarima bi retu kwan afo Yerusalem ako Yeriko. Na onam okwan so no, okotɔ akwamukafo mu na wogyee ne ho nneema nyinaa, hwee no, pirapiraa no ma otɔ beraw, gyaw no too okwan kyan koe. **31** Ankye biara, Yudanɔ sofo bi bepuee ne so, nanso aman faa nkyen koe. **32** Saa ara nso na Lewini bi nso bepuee ne so man faa nkyen. **33** Ankye biara na Samariani bi nso beduu ho. Ohuu no no, oyee no mmɔbo. **34** Okokotow ne nkyen, hohoroo n'apirakuru no anim, de aduru guguu mu, kyekyerɛ. Afei amaa no so de no tenaa n'afurum so dii aboa no nkyen de no kɔ ahohobea bi hwɛe no anadwo mu no nyinaa. **35** Ade kyee no ogyaw ahohobea sohwefo no sika a ebese no hwe se omfa nhwe no. ɔsan hyee no bo se, 'Ka foforo biara a wobɔbo wo ne ho no, mɛba abetua.' **36** "Afei saa nnipa baasa yi mu hena na oyee ne yonko?" **37** Mmaranimfo no buae se, "Nea ohuu opirafɔ no mmɔbo no." Yesu ka kyereɛ no se, "Wo nso, ko na kɔye saa ara." **38** Ebba se Yesu ne n'asufo rekɔ Yerusalem no, wokoduu akuraa bi ase. Woduu ho no, obea bi a wofre no Marta de no kɔ ne fi. **39** Marta nuabea bi a wofre no Maria tenaa fam wo Yesu nkyen tiee no. **40** Saa bere no, Marta a n'ani abere reye aduan no baa Yesu nkyen beka kyereɛ no se, "Awurade, maye adwuma abre, nti ka kyere Maria na ommeso mu mma me." **41** Awurade buaa no se, "Marta, Marta, wudwinnwen haw wo ho wo nneema pii ho. **42** Ade baako pe na ehia; eno na Maria afa no; na wɔrennye mfi ne nsam."

11 Da bi, na Yesu rebɔ mpae wo baabi. Owiei no, n'asufo no mu baako ka kyereɛ no se, "Awurade, kyere yen mpaebɔ senea Yohane kyereɛ n'asufo mpaebɔ no." **2** Aka kyereɛ won se, "Se morebɔ mpae a, monka se, "Agya, wo din ho ntew, w'ahenni mmra. **3** Ma yen yen ano aduan daa. **4** Fa yen bɔne kye yen senea yen nso, yede won a wofom yen no bɔne kye won no. Na nnyaa yen mma yennko sohwe mu." **5** Yesu bisaa won se, "Mo mu hena na obeko ne yonko ho ɔdasu mu akoka akyerɛ no se, 'Me nua, fem me aduan kakra, **6** efise ohoho bi abefu me mu, na minni aduan biara a mede bema no,' **7** na obema no mmuae afo ne dan mu se, 'Nhaw me! Mato me pon mu ne me mma ada. Merentumi nsore mma wo biribiara.' **8** Mereka akyerɛ mo se, na ade asa no nti, oyee ne yonko koraa

mpo a ɔrensɔre. Nanso esiane se ɔkɔɔ so srɛɛ no no nti ebema wasɔre ama no nea ehia no no nyinaa. **9** “Eno nti mereka akyerɛ mo se; Mummisa, na wɔbɛma mo; monhwɛhwe na mubehu; mompem na wobebue mo. **10** Na obiara a obisa no, wɔma no; na obiara a ɔhwɛhwe no, ohu; na nea ɔpem no, wobue no. **11** “Agya ben na ɔwɔ mo mu na ne ba bisa no brodo a ɔbema no ɔbo, **12** anaase obisa no apataa a ɔbema no ɔwɔ, anaase obisa nkesua a ɔbema no akekantwere? **13** Na se mo a moye nneɔneyefo mpo nim senea moma mo mma nnepa a, ebeye den na mo Agya a ɔwɔ ɔsoro no remfa Honhom Kronkron no mma wɔn a wobisa no no?” **14** Bere bi Yesu tuu honhommɔne bi a eye mum fii onipa bi mu. Honhommɔne no tu fii ne mu no, ɔkasa ma eyeɛ nnipa a na wɔwɔ hɔ no nyinaa ahodwiriw. **15** Nanso ebinom kae se, “Ɔnam ahonhommɔne panyin Beelsebul tumi so na etu ahonhommɔne.” **16** Afoforo nso pɛɛ se wɔsɔ no hwe nti, wɔka kyereɛ no se, ɔnye nsenkyerenne bi a efi ɔsoro nkyere wɔn. **17** Nanso ohuu wɔn adwene maa wɔn mmuae se, “Kurow biara a emu kyekye no dan amamfo. Saa ara nso na ofi biara a emu kyekye no gu. **18** Na se ɔbonsam nso ko tia ne ho a, ebeye den na n’ahenni begyina? Nea enti a mereka saa asem yi ne se, muse menam Beelsebul tumi so na mitu ahonhommɔne. **19** Na se menam Beelsebul tumi so na mitu ahonhommɔne a, hena so na mo nkurɔfo nam tu ahonhommɔne? Saa na ete de a, mo nkurɔfo no ara na wobebu mo aten. **20** Nanso se menam Onyankopɔn tumi so na mitu honhommɔne de a, na ekyerɛ se Onyankopɔn ahenni no aba mo so. **21** “Se ɔhɔndenfo de akode wen ne fi a, obiara rentumi nkowia n’agyapade; **22** nanso se nea ne ho ye den na ɔwɔ akode pa sen no kɔ ne so a, odi ne so nkonim, gye n’akode a ɔde ne ho too so no, sesaw n’agyapade no nyinaa kɔ. **23** “Obiara a onni m’afa no tia me, na nea ɔne me mmoaboa ano no, hwete mu. **24** “Se wotu honhommɔne fi onipa bi mu a, ekyinkyin hwɛhwe homebea, nanso ennya bi. Na se wannya homebea a ɔka se, ‘Mesan akɔ onipa a mifii ne mu bae no mu bio.’ **25** Na se ɔsan kɔ onipa no mu a, obehu se eho tew a efi biara nni mu na biribiara ye pɛpɛɛpɛ. **26** Afei, ɔsan n’akyi kɔfa ahonhommɔne afoforo ason a wɔye den kyen no ba ma wɔn nyinaa betena hɔ. Eyi ma onipa no see koraa sen senea anka na ɔte kan no.” **27** Yesu gu so rekasa no, ɔbea bi fi nnipadɔm no mu kae se, “Nhyira nka ɔyafunu a ewoo wo ne nufu a wunum ano no!” **28** Yesu ka kyereɛ no se, “Ewɔ mu

de, nanso nhyira ne wɔn a wote Onyankopɔn asem na wodi so.” **29** Nnipa no kyereɛ Yesu so no, ɔka kyereɛ wɔn se, “Nne mma yi ye nneɔneyefo. Wɔhwɛhwe nsenkyerenne bi ahu nanso wɔrenhu nsenkyerenne biara se Yona nsenkyerenne no. **30** Na senea Yona si yeɛ nsenkyerenne maa Ninewefo no, saa ara na Kristo nso beye nsenkyerenne ama nne mma yi. **31** Atemmuda no, Sebahemnea ne nneɔmma besɔre ayi ɔman yi aten efise ofi asase ano nohɔ betiee Salomo nyansa nsem. Nanso nea ɔsen Salomo no wɔ ha. **32** Atemmuda no Ninewe mmarima ne nneɔmma besɔre ayi ɔman yi aten, efise bere a Yona kaa asempano, wɔsakraa wɔn adwene. Nanso nea ɔsen Yona wɔ ha. **33** “Obiara nso kanea mfa nsie, na mmom ɔde si petee mu na ahyeren ama wɔn a wɔba mu no nyinaa. **34** W’ani ye wo nipadua kanea. Eno nti se w’ani ye a na wo nipadua nso ye hann. Nanso se enye a, ɛma wo nipadua no dan sum tumm. **35** Enti hwe yiye na hann a ewɔ wo mu no annan sum. **36** Se wo nipadua ye hann a sum nni fa baabiara a, onipadua no behyeren senea kanea hyeren gu wo so no.” **37** Yesu kasa wiee no, Farisini bi hyiaa no adidi enti ɔkɔɛ se ɔne no rekodidi. **38** Farisini no huu se Yesu anhohoro ne nsa ansa senea wɔn amanne kyere ansa na ɔredidi no, eyeɛ no nwonwa. **39** Yesu huu Farisini no adwene ka kyereɛ no se, “Mo Farisifo de, mohohoro nkuku nsanka ne mprete ho, nanso fi, anibere ne nneɔne ahye mo ma tɔ! **40** Adwenharefo! Enye nea ɔyeɛ akyi no ara na ɔyeɛ mu nso? **41** Monye ahiafo adɔɛ na biribiara ho betew ama mo. **42** “Mo Farisifo, munnue! Moma mo nnɔbae so ntotoso du du, nanso mototo adetreneeɛ ne ɔɔɔ a mode dɔ Onyankopɔn no ase. Se moko hyiadan mu a, mpanyin tenabea na mope. Saa ara nso na se moko bagua mu a mope se nnipa hu mo kyia mo. **43** “Mo Farisifo, munnue! Se moko hyiadan mu a, mpanyin tenabea na mope. **44** “Munnue! Efise mote se nna a eso asram na nnipa nantew so a wonnim se wɔnam nna so.” **45** Mmaranimfo no mu baako ka kyereɛ no se, “Kyerɛkyerefo, se woka saa a na woakasa atia yen nso.” **46** Yesu buaa no se, “Mo mmaranimfo nso munnue! Mohye nnipa ma wodi mmara a eye den so pɛpɛɛpɛ, nanso mo de, munni so se senea ese. **47** “Munnue! Efise, moatoto adiyifo a mo ankasa anaa mo agyanom kum wɔn no nna so. **48** Mo nneyee yi di adanse se mopene nea mo agyanom yee no so. Ne nkyerease ne se mo agyanom kunkum adiyifo no na mo nso mototoo wɔn nna so maa wɔn. **49** Eyi ne

nea Onyankopon aka afa mo ho: ‘Mesoma adiyifo ne asomafo aba mo nkyen na mubekunkum bi na moataa won a aka no.’ **50** Mereka akyere mo se, adiyifo no mogya a woka gu fii wiase mfiase no, **51** efi Habel kum so kosi Sakaria, a wokum no wo afoemuka ne kronkronbea ntam ho no so, wobebisa eho asem afa mo nkyen. **52** “Mo, mmaramimfo, munnue! Mode nokware hintaw mo nkurofo. Mo ankasa munni so, na mommma won a wape se wodi so no kwan mma wonni so.” **53** Ofi Farisini no fi ho a oreko no, mmaramimfo ne Farisifo no dii n’akyi de nsemmisa guan ne ho, **54** pee se oka biribi a wobegyina so anya no akyere no.

12 Nnipa mpempem kyeree so a wonnya baabi ntu won anan nsi mpo no, Yesu dii kan kasa kyeree n’asufo no se, “Monhwe mo ho so yiye wo Farisifo nyaatwom a ete se mmokaw no ho. **2** Biribiara a wape no kokoa mu no beda adi na nea ahintaw no nso bepue. **3** Enti nea moaka wo sum mu no, wobete wo hann mu. Na nea moaka no asomsem wo adan mu no, wobebɔ no dawuru. **4** “Me nnamfonom, mereka akyere mo se, munnsuro won a wokum nipadua na eno akyi wontumi nye hwee bio no. **5** Na mekyere mo nea ese se musuro no. Munsuro nea wakum onipadua no awie no, ɔwo tumi se ɔtow kyene amanehunu kurom. Mereti mu akyere mo se, oyi na munsuro no.

(Geenna g1067) **6** Wontɔn nkasanoma anum nnye sika kakraa bi? Nanso Onyankopon were remfi won mu baako po da. **7** Mo tinwi mpo wakan ne nyinaa. Enti munnsuro, efise mosom bo sen nkasanoma pii. **8** “Na mereka akyere mo se, obiara a obɛɔ me din wo nnipa anim no, Onipa Ba no nso bebɔ ne din wo Onyankopon abɔfo no anim. **9** Na nea obɛpa me nnipa anim no, me nso mɛpa no, Onyankopon abɔfo anim. **10** Obiara a obekasa atia Kristo no, wode bekye no. Nanso nea obekasa atia Honhom Kronkron no de, wɔremfa nkye no da. **11** “Se wode mo ba mpanyin anim wo hyiadan mu a, munnnwinnwen nsem a mobeka anaase nea mode beyi mo ho ano no ho, **12** efise saa bere no ara mu na Honhom Kronkron no bekyere mo nea ese se moka.” **13** Obi fi nnipa no mu ka kyeree Yesu se, “Kyerekyerɛfo, ka kyere me nua na ɔne me nkye agyapade a yen agya de agyaw yen no.” **14** Yesu buaa no se, “Damfo, hena na ɔyee me mo so otemmufo ne ɔsennifo?” **15** Ɔtoaa so se, “Monhwe mo ho yiye wo adifudepe ho efise onipa nkwa nnyina n’ahonya dodow a ɔwo so.” **16** Afei obuu won be yi se, “Ɔdefo bi wo ho a na ɔwo asase pa a emaa no nnobae pii. **17**

Esiane se na ne nnobae no nko pata a wabo no so nti eyee no dadwen ma obisaa ne ho se, ‘Minnya baabi a mede me nnobae bebrebe yi begu menye no den?’ **18** “Afei ɔka se, ‘Minim nea mɛye. Mebubu me pata yi nyinaa na mabo no akese de nea mewo nyinaa asie ho. **19** Na maka akyere me kra se, “Ɔkra, ma w’ani nnye na didi, na nom, efise wowo nneema pa pii a ebese wo mfe bebreel!”” **20** “Nanso Onyankopon ka kyeree no se, ‘Ɔkwasea! Anadwo yi ara wobegye wo kra afa wo nsam, na hena na nneema bebre a woape agu ho yi, wode begyaw no?’” **21** “Eno nti saa ara na obiara a obɛboaboa agyapade ano de ne ho ato so no nye ɔdefo Onyankopon anim ne no.” **22** Yesu ka kyeree n’asufo no se, “Munnnwinnwen nea mubedi anaa nea mubefura ho. **23** Mowo ɔkra ne nipadua a esom bo sen nea mubedi ne nea mubefura. **24** Monhwe kwaakwaadabi, wonnua aba na wontwa. Saa ara nso na wonni pata a wode won nnobae sie so, nanso Onyankopon ma won aduan di. Monsom bo nsen won ana? **25** Mo mu hena na ɔdwene a adwennwene no betumi ato ne nkwa nna so simmasin? **26** Na se muntumi nye ade ketewaa a ete see mpo a, aden na mudwinnwen nneema akese ho? **27** “Monhwe sɛnea sukooko nyin. Wonye adwuma, na wɔnnwen ntama mfura. Nanso Salomo ahonya ne n’anuonyam nyinaa akyi no, na n’ahofo nnu wuram nhwiren yi. **28** Mo a mo gyidi hinhim, se Onyankopon siesie wuram nhwiren a efifi nne na ɔkyena awu no ho ma eye fe a, aden nti na ɔrensiesie mo nso mo ho mma enye fe. **29** Saa ara nso na munnnwinnwen nea mubedi anaa nea mobenom ho. **30** Saa nneema yi na wiase amanaman pere hwehwe, nanso mo de, mo Agya nim se eyinom nyinaa ho hia mo. **31** Enti monhwehwe Onyankopon ahenni kan na ɔde eyinom nyinaa bema mo. **32** “Kuw ketewa, munnsuro efise eye mo Agya no pe se ɔde ahenni no bema mo. **33** Montontɔn mo ahode na monkye ahiafo ade. Eyi bema mo agyapade a ewo ɔsoro no aye pii. Monhyehye mo agyapade wo ɔsoro, nea owifo ntumi nkowia na mfote ntumi nkowe. **34** Na nea w’agyapade wo no, eho na wo koma nso wo.” **35** “Munnyina pintinn na momma mo akanea nhyeren, **36** na monye se won a woretwen won wura a ɔko ayeforohyia ase na se ɔba na ɔbo pon mu pe a, wobebue no ntem no. **37** Won a won wura no ba a obɛba abeto won se woretwen no no ani begye. Ɔbeto won pon na ɔno ankasa asom won. **38** Se ɔba ɔdasu mu anaa ahemadake mpo a asomfo a obɛba abeto

wɔn sɛ wɔrewɛn no no ani begye. 39 Ɛsɛ sɛ muhu sɛ, sɛ ofiwura nim bere a owifo bɛba a, anka ɔbɛwɛn na owifo no annya ne ho kwan ammeɔɔ no korɔn. 40 Enti munsiesie mo ho, efisɛ Onipa Ba no beba bere a mo ani nna so sɛ ɔbɛba.” 41 Petro bisaa Yesu sɛ, “Awurade, worebu bɛ yi akyerɛ yen nko ara anaasɛ obiara?” 42 Yesu buaa no sɛ, “Merekasa akyerɛ ɔsomfo nokwafo nyansafo biara a ne wura de ne fi sohwe behyɛ ne nsa na wahwe ama obiara aduan wɔ ne bere mu. 43 Nhyira ne ɔsomfo a ne wura no bɛba abeto no sɛ wayɛ n’adwuma pɛpɛpɛ. 44 Meka mo nokware sɛ ɔde nea ɔwɔ nyinaa behyɛ ne nsa na wahwe so! 45 Na sɛ ɛba sɛ saa ɔsomfo yi nso ka sɛ, ‘Me wura nnya mmae’ na eno nti, ɔhwe asomfo a wɔaka no, na odidi, nom nsa bow a, 46 ne wura no beba da a n’ani nna so sɛ ɔbɛba. Na sɛ ne wura no ba a, ɔbetwe n’aso dennen na wabu no sɛ obi a onnye Onyankopɔn nni. 47 “Ɔsomfo a onim nea ne wura pɛ, na wanyɛ ne wura no apede no wɔbɛɔ no mmaa pii. 48 Na ɔsomfo a onnim nea ne wura pɛ na enti ayɛ nea ne wura mpɛ no, wɔbɛɔ no mmaa kakraa bi. Na obiara a wɔama no pii no, wobebisa pii afi ne nkyen; na nea wɔde bebreɛ ahyɛ ne nsa no, obebu bebreɛ ho akontaa.” 49 “Maba sɛ merebɛso ogya wɔ asase so na sɛ aso dedaw a, na nea merehwehwe ara ne no. 50 Asubɔ bi wɔ ho a wɔde bɛɔ me a, ɛde me bɛkɔ amanehunɔ mu, na merennya ahotɔ, gye sɛ wɔabɔ me saa asu no ansa. 51 Mususuw sɛ mebae sɛ mede asomdwoe reba asase yi so? Dabi! Enyɛ asomdwoe na mede bae na mmom mpaapaemu. 52 Efi nne, mpaapaemu beba afi mu, baasa beba m’afa na baanu atia me anaasɛ baanu beba m’afa na baasa atia me. 53 Agya ne ne babarima renycɛ adwene, ɔbabea ne ne na renycɛ adwene, ase ne asebea adwene renhyia.” 54 Na ɔka kyerɛɛ nnipakuw no nso sɛ, “Sɛ muhu sɛ osu amuna wɔ atɔɛ a, ntɛm ara, moka sɛ, ‘Osu bɛtɔ’! Na osu tɔ ampa. 55 Saa ara nso na sɛ muhu sɛ mframa bɔ fi anafo reba a, moka sɛ, ‘Ahuhuru beba!’ Na ɛba mu ampa. 56 Mo nyaatwomfo! Mutumi kyere wim nsakrae ase, nanso nneɛma a nne yi atwa mo ho ahyia, ne nea ɛbɔ mo kɔkɔ no de, munhu. 57 “Aden nti na munim nea eye na monyɛ? 58 Sɛ wode obi ka a, bɔ mmɔden kohu no na wone no nka ho asem na wamfa wo ankɔ asennii amma otemmufo amfa wo anto afiasɛ. 59 Sɛ woanyɛ no saa a, ɔbɛma woatua ka a wode no no nyinaa ansa na wagyaa wo.”

13 Saa bere no na nnipa bi bɛka kyerɛɛ Yesu sɛ Pilato akum Galileafo bi a wɔrebɔ afɔre ama

Onyankopɔn na ɔde wɔn mogya afra afɔrebɔ no. 2 Yesu buaa wɔn sɛ, “Mugye di sɛ saa Galileafo no yɛ nnebɔneyefo sen wɔn a aka no nyinaa nti na wokum wɔn no? 3 Dabi da, sɛ mo nso moansakra mo adwene a, wobekunkum mo saa ara. 4 Anaasɛ mususuw sɛ nnipa dunwɔtwe a Siloa abantenten no bu guu wɔn so, kunkum wɔn no yɛ nnebɔneyefo sen nnipa a na wote Yerusalem no? 5 Dabi da, mo nso moansakra a, mubewuwu saa ara.” 6 Afei Yesu buu wɔn bɛ yi sɛ, “Ɔbarima bi duaa borɔɔɔma wɔ ne turo mu. Da bi ɔkɔɔ turo no mu hɔ sɛ ɔrekɔtew so aba no bi nanso wannya bi. 7 Eno akyi, ɔfrɛɛ turo no sohwefo no ka kyerɛɛ no sɛ, ‘Mfe abiesɛ ni, bere biara a mɛba sɛ merebetew borɔɔɔma no bi no, minnya bi. Aden nti na eresɛɛ kwa yi? Twa kyene.’ 8 “Turo no sohwefo no srɛɛ no sɛ, ‘Me wura, ma ensi hɔ afe yi nso na mingugu ase sumina nhwe 9 sɛ ebɛa, ɛbesow aba bi ana, na sɛ antumi ansow a eno de metwa akyene.” 10 Homeda bi a Yesu rekyerekyere wɔ hyiadan mu no, 11 na ɔbea bi wɔ hɔ a honhommonɛ mu oyare bi akyere no mfe dunwɔtwe ama ne mu akɔa a ontumi nteɛ ne mu koraa. 12 Yesu huu no no, ɔfrɛɛ no fii nnipa no mu ka kyerɛɛ no sɛ, “Ɔbea, wo ho nye wo den.” 13 Ɔde ne nsa guu ne so, na amono mu hɔ ara otumi teɛɛ ne mu. Na ɔbea no yii Onyankopɔn ayɛ. 14 Hyiadan no so panyin a ohuu ɔbea no ayaresa no de abufuw kae sɛ, “Nnansia na ɛsɛ sɛ mode yɛ adwuma a saa nna no mu na ɛsɛ sɛ moba ma wɔsa mo yare, na enyɛ homeda.” 15 Na Awurade buaa no sɛ, “Nyaatwomfo! Mo mu hena na ɔnsan ne nantwi anaa n’afurum na ɔnka no nkɔnom nsu homeda? 16 Aden nti na Abraham aseni yi a ɔbonsam afa no nnommum mfe dunwɔtwe ni no ense sɛ mesa no yare homeda?” 17 Ɔkaa saa no, wɔn a na wone n’adwene nhyia no nyinaa ani wui. Nnipa no nso a na wɔwɔ hyiadan no mu nyinaa ani gyee n’anwonwade ahorow a ɔyɛɛ no nyinaa ho. 18 Afei Yesu fii ase kyerɛkyerɛɛ wɔn Onyankopɔn ahenni no ho asem, na obisaa wɔn sɛ, “Onyankopɔn ahenni no te den? Na den na memfa nto ho nkyerekyere ase? 19 Onyankopɔn ahenni no te sɛ onyaa aba ketewa bi a obi duaa wɔ n’afuw mu na enyin yɛɛ dutan kese maa nnomaa kɔnwɛn wɔn mmerebuw wɔ so.” 20 Obisaa bio sɛ, “Den bio na memfa ntoto ho nkyere ase? 21 Ɛte sɛ mmɔkaw bi a brodotofɔ de fɔtɔw mmɔre ma etu.” 22 Bere a Yesu rekɔ Yerusalem no, ɔkyerekyerɛɛ wo nkurow so ne nkuraa ase ansa na ɔredɔ hɔ. 23 Ne nkyerekyere no mu no, obi bisaa no sɛ, “Awurade,

nnipa kakraa bi na wobegye wɔn nkwa ana?" Obuaa no se, **24** "Mompere nhyen ɔpon teateaa no mu, efise nnipa pii behwehwe se wobewura mu, nanso wɔrentumi. **25** Se eba se ofiwura no ato ɔpon no mu a, mobɛba abegyina akyi abɔ mu, aka se, 'Owura, yesre wo bue yen.' "Na ɔno nso abisa mo se, 'Mufi he? Minnim mo?' **26** "Na mo nso moaka akyere no se, 'Yene wo too nsa didii na wokyerkyere wo yen mmorɔn so.' **27** "Na ofiwura no nso bebisa mo bio se, 'Mufi he? Minnim mo. Mumfi m'ani so nkɔ, mo nneboneyefo!' **28** "Na se muhu Abraham, Isak, Yakob ne nkɔmhyefo no nyinaa se wɔwɔ Onyankopɔn ahenni no mu a, mode mo nsa begu mo ti atwa agyaadwo, efise wɔbetow mo agu sum kabii mu. **29** Nnipa fi apuei ne atɛ nyinaa behyia wo Onyankopɔn ahenni no mu ho ato nsa adidi. **30** Na monkae se akyikafo bi wɔ ho a, wobedi kan, na adikanfo bi nso wɔ ho a, wɔbɛka akyi." **31** Saa bere no ara mu na Farisifo bi baa Yesu nkyen beka kyerɛ no se, "Fi ha kɔ, efise Herode rehwehwe wo akum wo." **32** Yesu ka kyerɛ wɔn se, "Monkɔka nkyere sakraman no se, 'mitu ahonhommɔne, na masa nyarewa nne ne ɔkyena na ne nnansa so no, medu Yerusalem.' **33** Nanso esɛ se menantew nne ne ɔkyena ne n'adekyee, na otwa ara na etwa se odiyifo bewu wɔ Yerusalem! **34** "Yerusalem, Yerusalem, wo a wukum adiyifo na wusiw wɔn a wɔsoma wɔn wo nkyen no abo! Mɛn ahe ni a mepɛ se meboaboa wo mma ano se akokɔbeatan boaboa ne mma ano wɔ ne ntaban ase nanso moampene so. **35** Na mo afi bedan afituw na morenɔ me kosi se mobɛka se, 'Nhyira ne nea ɔnam Awurade din mu reba no!'"

14 Homeda bi, Farisini panyin bi too nsa frɛ Yesu adidi. Adidi no ase ho no, na wɔn a wɔahyia no nyinaa rehwe nea Yesu beyɛ. **2** Na ɔbarima bi wɔ ho a ɔyare ahonhon. **3** Yesu bisaa Farisifo no ne mmaramifo a na wɔwɔ ho no se, "Mmara ma ho kwan se wɔsa yare homeda ana?" **4** Wɔammua no. Enti Yesu soo ɔyarefo no mu saa no yare, gyaa no kwan. **5** Yesu bisaa wɔn a wɔahyia wɔ ho no nyinaa se, "Mo mu hena na se n'afurum tɔ abura mu homeda a ɔrenyi no da no ara?" **6** Nanso wɔantumi ammua no. **7** Afei Yesu huu se nnipa a wɔfrɛ wɔn baa adidi no ase no mu biara pɛ se ɔtena mpanyin tenabea no, obuu wɔn bɛ bi se, **8** "Se obi to nsa frɛ wo kɔ aponto ase a, mpere wo ho nkɔtena mpanyin tenabea, efise ebia na wato nsa afre onipa titiriw bi a ɔsen wo. **9** Se eba saa a, nea ɔtoo nsa frɛ wo no betu wo afi

akongua a wote so no so de ama nea ɔsen wo no na wode aniwu akotena akyi baabi. **10** Enti se obi hyia wo kɔ aponto ase a, kɔtena akyi baabi na se nea ohyiaa wo no behu wo a, waka akyere wo se, 'Onua, sɔre na kɔtena mpanyin tenabea.' **11** Na obiara a ɔma ne ho so no, wɔbɛbrɛ no ase, na nea ɔbrɛ ne ho ase no, wɔbɛma no so." **12** Afei Yesu ka kyerɛ Farisini a ɔtoo nsa frɛ no no se, "Se woto pon a mfrɛ wo nnamfo, wo nuanom, w'abusuafo ne asikafo a wo ne wɔn bɔ fipam nko ara; se woyɛ saa a wɔn nso beto nsa afre wo bi na eba saa a na wonyɛ hwee ɛ. **13** Na se woto pon a hyia ahiafo, mmubuafo, mpakye ne anifuraefo. **14** Esiane se wɔrentumi nye saa bi mma wo no nti, da a atreneefo bɛsɔre afi awufo mu no, Onyankopɔn behyira wo." **15** Wɔn a wote adidii no mu baako tee nea Yesu kae no; ɔkae se, "Nhyira nka nea obedidi wɔ Onyankopɔn ahenni no mu." **16** Yesu buaa no se, "Da bi, ɔbarima bi too pon kese hyiaa nnipa bebree. **17** Bere soe no, ɔnam tumi so somaa ne somfo bi se ɔnkɔfrɛ wɔn a wɔahyia wɔn no se wɔmmra. **18** "Nanso, wɔn nyinaa yiyii wɔn ho ano. Nea odi kan no yii ne ho ano se, 'Matɔ asase a nne na ese se mekɔhwe enti mesre no se merentumi mma.' **19** "Na ɔfoforo nso yii ne ho ano se, 'Matɔ anantwi du a mede wɔn beyɛ m'afuw a nne na ese se mekɔso wɔn hwe enti mesre no se merentumi mma.' **20** "ɔfoforo bi nso yii ne ho ano se, 'Afei na maware, enti merentumi mma.' **21** "ɔsomfo no san bɛbɔ ne wura no amanneɛ no, ɔde abufuw somaa no bio se, 'Ka wo ho kɔ mmɔnten so ne mmantam na kɔfrɛfrɛ ahiafo, mmubuafo, anifuraefo ne mpakye se wɔmmra.' **22** "ɔsomfo no kɔfrɛfrɛ nnipa no bae, nanso na afa da so wɔ ho ara. **23** "Eno nti owura no san somaa no se, 'Kɔ akwan so ne mfikyiri na frɛ obiara a wubehu no no se, mato pon, enti wɔmmra. **24** Na merema woate ase se, nnipa a metoo nsa hyiaa wɔn no mu biara nni ho a m'aduan yi bi beka n'ano da biara da.'" **25** Da bi a na nkurɔfo akuwakuw bi di Yesu akyi no, ɔdan ne ho ka kyerɛ wɔn se, **26** "Se obi pɛ se odi m'akyi a, ese se ɔɔ me sen n'awofo, ne yere, ne mma, ne nuanom ne n'ankasa ho, anyɛ saa a ɔrentumi nye me suani. **27** Obiara a odi m'akyi na ontumi nnyina amanehunu ano no, rentumi nye me suani. **28** "Mo mu hena na ɔpɛ se osi aban a ɔrentena ase nsese nhwe se ɔwɔ sika a ɔde bewie? **29** Anyɛ saa na ofi ɔdan no ase na wantumi anwie a, wɔn a wohu no nyinaa beserew no, **30** aka se, 'Onipa yi fii ase se ɔresi dan, nanso wantumi anwie.' **31** "Anaase ɔhene

ben na okura asraafo mpem du na ɔrekohyia ɔsahene foforo a okura asraafo mpem aduonu a, ɔrenkari ne ho nhwe ansa na wako akono? **32** Na se ɔhwe na ɔrentumi nso a, ansa koraa na ɔsahene foforo no beben no no, otu abofo kohu no se, ɔmma wonsiesie wɔn ntam na asomdwoe mmra. **33** Eno nti obiara a wampa ne ho akyi no rentumi nye me suani. **34** “Nkyene ye de. Na se eyera ne de a, ɔkwan ben so na wobefa ama aye de bio? **35** So nni mfaso mma biribiara. Wobetow agu. “Nea ɔwo aso a obetie no, ontie.”

15 Da bi, towgyefo ne nneboneyefo pii baa Yesu nkyen betiee no. **2** Farisifo ne Kyerewsem no akyerɛkyerɛfo no huu eyi no, wonwiinwii kae se, “Saa ɔbarima yi gye nneboneyefo, san ne wɔn to nsa didi.” **3** Saa asem a wokaa no ma obuu wɔn be bi se, **4** “Mo mu hena na se ɔwo nguan ɔha na wɔn mu baako yera a, ɔrennyaw aduakron akron no ho nkokyinkyin sare so nhwehwe nea wayera no kosi se obehu no? **5** Na se ohu no a, ɔde no abo ne kɔn ho, de anigye de no aba. **6** Na se odu fie a, wafrefre ne nnamfo ne n’afipamfo nyinaa aka akyerɛ wɔn se, ‘Momma yennye yen ani, efise mahu me guan a ɔyerae no.’ **7** Saa ara nso na se ɔdeboneyeni baako sakra n’adwene a, ɔsorofa nyinaa ani gye sen se atreneefo aduakron akron wo ho a adwensakra ho nhia wɔn no. **8** “Anaase ɔbea ben na se ne sika mpɔw du mu baako yera a, ɔrensɔ kanea mprapra ne dan mu, nhwehwe kosi se obehu. **9** Na se ohu a, ɔremfrefre ne nnamfo ne n’afipamfo nyinaa nka nkyere wɔn se, ‘Momma yen ani nnye, efise mahu me sika mpɔw a eyerae no.’ **10** Saa ara nso na se ɔdeboneyeni baako sakra n’adwene a, Onyankopɔn abofo ani gye ara ne no.” **11** Yesu san buu wɔn ɔyera ho be bi se, “ɔbarima bi wo ho a na ɔwo mmabarima baanuu. **12** Wɔn mu akumaa no ka kyereɛ n’agya no se, ‘M’agya, fa me kyefa a mewo wo w’agyapade mu no ma mel’ ɔbarima no kyee n’agyapade mu de ne ba no kyefa maa no. **13** “Nna tiaa bi akyi no, ne ba kumaa yi boabooa n’ahode nyinaa ano tuu kwan kɔɔ akyirikyiri asase bi so kɔbɔɔ ahohwi bra hweree n’ahode nyinaa. **14** Eno akyi no, ɔkɔm kese bi baa asase no so maa ne ho kyeree no. **15** Ebaa saa no, ɔde ne ho kɔdan kuroni bi a ɔma ɔkɔhwɛe ne mprako so. **16** ɔwo ho no, ɔkɔm dee no maa ne kɔn dɔɔ se anka obenya aduan a mprako no di no bi mpo adi, nanso wannya. **17** “N’ani baa ne ho so no, ɔkae se, ‘Apaafɔ a wɔwɔ m’agya fi didi mee, ma bi ka ma wotow gu. Aden na mete ha na ɔkɔm rekum me yi! **18** Mesore ako m’agya nkyen na

maka akyerɛ no se, Agya, maye ɔsoro ne wo bɔne, **19** na memfata se wofre me wo ba bio; fa me ye w’apaafɔ no mu baako.’ **20** Osii mu se ɔresan aba n’agya nkyen. “ɔnam kwan so akyirikyiri reba no, n’agya no huu no, enti ɔde ayamhyehye yee ntɛm kohyiaa no, bam no, yee no atuu. **21** “Aberante yi ka kyereɛ n’agya no se, ‘Agya, maye ɔsoro ne wo bɔne, na memfata se wofre me wo ba bio.’ **22** “N’ano ansi koraa na n’agya no freɛ n’asomfo ka kyereɛ wɔn se, ‘Monka mo ho nkɔfa ntama pa mmefura no na monhye no petea ne mpaboa a eye fe. **23** Afei munkokum nantwi ba a wado srade no mfa nye aduan, na yennidi, nnom, nnye yen ani, **24** efise na misusuw se me ba yi awu, see na ɔte ase; ɔyerae, nanso wasan aba.’ Wofii ase gyee wɔn ani. **25** “Ne ba panyin a na ofi afum reba no duu afikyiri no, ɔtee nnwonto ne ahurusidi wo fie ho. **26** Eno nti ɔfreɛ asomfo no mu baako bisaa no nea ereko so wo fie ho. **27** ɔsomfo no ka kyereɛ no se, ‘Wo nua no asan aba a biribiara anye no enti, w’agya akum nantwi ba a wado srade no ama no.’ **28** “ɔtee saa no, ne bo fuwii, enti ɔyee n’adwene se ɔrenko fie ho. N’agya tee no, ofii adi baa ne nkyen besree no. **29** Ne ba no de awerehow buaa no se, ‘Agya, masom wo mfe dodow yi nyinaa a nea wobeka biara mitie, nanso wommaa me oguan ba mpo da se minkum na me ne me nnamfonom mfa nnye yen ani. **30** Nanso wo ba a ɔkɔbɔɔ ahohwi no bae yi de, woakum nantwi ba a wado srade no ama no.’ **31** “N’agya buaa no se, ‘Me ba, me ne wo na ete ha. Biribiara a mewo nso ye wo dea. **32** Eɛ se yegye yen ani, efise na misusuw se wo nua yi awu, see na ɔte ase; ɔyerae, nanso wasan aba.”

16 Yesu ka kyereɛ n’asuafo no se, “ɔdefo bi wo ho a na ɔwo ofi sohwefo bi. ɔdefo yi tetee se ne fi sohwefo no resɛe ne nneema. **2** ɔtee saa asem no, ɔfreɛ ne fi sohwefo no ka kyereɛ no se, ‘Den na metete fa wo ho yi? Bebu w’adwuma ho akontaa kyere me na merentumi ne wo nye adwuma bio.’ **3** “Ofi sohwefo no kaa wo ne tirim se, ‘Menye den ni? Nne a wɔrepam me afi fie ha yi, ehe na mɛfa? Minni ahooɔden a mede bedɔw, na mɛfere nso se mesresre ade. **4** Minim nea mɛye a ebɛma wɔn a wɔdɛde me wura aka no behu me mmɔbo.’ **5** “Enti ɔfrefreɛ wɔn a wɔdɛde ne wura aka no mmaako mmaako. Obisaa nea odi kan no se, ‘Eka ahe na wode me wura?’ **6** “Obuae se, ‘Mede ngo nhina aduonu ka.’ “Enti ɔka kyereɛ no se, ‘Ye ntɛm tena ase na twa mu na kyereɛw se, wode ngo nhina du ka.’ **7** “Eno akyi no, ɔfreɛ ɔfoforo bi nso

bisaa no se, 'Na wo nso, ka ahe na wode me wura?' "Ono nso buae se, 'Mede aburaw ntokoku oha ka.' "Oka kyereɛ no se, 'Tena ase na twa mu na kyereɛ se, wode ntokoku aduonum ka!' **8** "Odefo no huu nea ofi sohwefo no yee no akyi, nanso onam fewdi so kamfoo no wo n'anifiri no ho. Saa ara nso na wiae yi mma susuw se wonim nyansa sen won a woye Onyankopon akyidifo no. (aiōn g165) **9** Na me nso mise mo se, momfa wiae ahonyade no bi nye nnamfo, na se esa a wogye mo. (aiōnios g166) **10** "Nanso nea odi nokware wo kakraa bi ho no bedi nokware wo pii ho; na nea onni nokware wo kakraa bi ho no rentumi nni nokware wo pii ho. **11** Se moantumi anni nokware wo wiae nneema ho a, hena na ode osoro nnepa behye mo nsa? **12** Se moanni nokware wo obi ade bi a wode ahye mo nsa no ho a, ebeye den na wode nea ese se eye mo dea no bema mo? **13** "Osomfo biara rentumi nsom awuranom baanum, efise oye saa a, obedo obaako na watan obaako anaase, obesom obaako yiye na wabu obaako animtiaa. Morentumi nsom Onyankopon ne ahonyade." **14** Farisifo sikaniberefo no tee nea Yesu kae no, wodii ne ho few. **15** Yesu ka kyereɛ won se, "Moye nnipa a mubu mo ho atreenefo wo nnipa anim, nanso Onyankopon nim mo koma mu. Na nea esom bo wo nnipa ani so no ye akyide wo Onyankopon anim. **16** "Ansa na Osuboni Yohane beba no na Mose mmara ne adiyifo no nsem no na mudi so. Na Osuboni Yohane bae no obekaa Onyankopon ahenni ho nsem kyereɛ mo, nti nnipa repere se wobeko saa ahenni no mu. **17** Eye mmerew se osoro ne asase betwa mu sen se mmara no mu nsensanee ketewa baako mpo beyera. **18** "Obiara a ogyaa ne yere aware na aware oforo no bo aguaman; na nea aware obea biara a ne kunu agyaa no no nso, bo aguaman." **19** Yesu toaa so kae se, "Odefo bi tenaa ase a na daa ofura ntama pa na ogye n'ani yiye nso. **20** Na obarima hiani bi a akuru atutu no a wofre no Lasaro no nso da n'abobow ano. **21** Obarima yi kon doo se anka obenya aduan a odefo no adi ama aka no bi adi. Saa bere koro no ara mu na akraman ba faako a na ohiani no da ho no betaforo n'akuru no mu. **22** "Ohiani no wu maa abofo befaa no kotenaa Abraham nkyen. Odefo no nso wu ma wosiee no. **23** Odefo no wo asaman a ne ho yeraw no no, omaa n'ani so huu Lasaro se ote Abraham nkyen. (Hadēs g86) **24** Odefo no teɛ mu se, 'Agya Abraham, mesre wo hu me mmobo na soma Lasaro na omfa ne nsateaa ano nkobo nsu mu mfa mmeso me tekrema so na me ho

yeraw me.' **25** "Abraham buaa no se, 'Me ba, kae se wote wiae no wudii de na Lasaro dii yaw, nanso afei na oredi de na wo nso wordi yaw. **26** Enye eyi nko, obon kese da yen ne mo ntam a eno nti, won a wope se wofi ha ba mo nkyen ho ne won a wope se wofi mo nkyen ho ba ha no nso rentumi mma.' **27** "Odefo no san ka kyereɛ Abraham se, 'Agya, mesre wo, soma Lasaro ko m'agya fi, **28** efise mewo nuabarimanom baanum. Ma onkobo won koko senea ebeye a won mu biara remma saa ahoyeraw yi mu bi.' **29** "Abraham buaa no se, 'Wowo nsem a Onyankopon nam Mose ne adiyifo no so aka enti ma wontie na wonni so.' **30** "Odefo yi kaa bio se, 'Agya Abraham, nea woreka yi wo mu de, nanso se obi fi asaman ha kobo won koko de a, wobesakra won adwene.' (questioned) **31** "Abraham buae se, 'Se wantie nea Onyankopon nam Mose ne adiyifo no so aka no a, saa ara nso na se obi fi asaman ha kokasa kyereɛ won a, worentie no no.'" (questioned)

17 Yesu ka kyereɛ n'asuafo no se, "Eye den ara a hintinnua no beba, nanso obiara a ebi befa ne so aba no nnue. **2** Eye ma saa onipa no se wode obo a mu ye duru bi besen ne kon mu atow no akyene po mu sen se obeto nkumaa yi mu baako hintidua. **3** Enti monhwe mo ho so yiye. "Se wo nua fom wo a, ka n'anim na se onu ne ho a, fa ne bone kye no. **4** Se nso ofom wo mpen ason da koro na mpen dodow a ofom wo no nyinaa, ode ahonu sre wo a fa kye no." **5** Asomafo no ka kyereɛ Yesu se, "Awurade, to yen gyidi so." **6** Yesu buaa won se, "Se mowo gyidi te se onyaa aba a, anka mubetumi aka akyere ankye yi se, 'Tutu kogu po mu,' na ebaba mu saa. **7** "Mo mu hena na owo osomfo a oye n'afuw mu adwuma anaase ohwe ne mmoo na ofi afum ba a, obeka akyere no se, 'W'aduan si ho na kodidi?' **8** Na mmom orenka nkyere no se, 'Noa aduan ma me na se mididi wie a, wo nso woakodidi?' **9** Se osomfo yi ye n'asede yi a ne wura no beda no ase ana? **10** Saa ara nso na se mo nso moye mo asede a, ese se moka se, 'Yeye asomfo a ayeyi mfata yen; yen asede a ese se yeye na yeaye no.'" **11** Bere bi a Yesu reko Yerusalem no, ofaa Samaria ne Galilea hye so. **12** Orebena akuraa bi ase no, akwatafo du bi a na wogynagyina kurotia no huu no **13** teeteɛ mu se, "Yesu, yen wura, hu yen mmobo!" **14** Yesu huu won no, oka kyereɛ won se, "Momfa mo ho nkokyere osifo!" Bere a akwatafo no reko no, won ho yee won den. **15** Won mu baako huu se ne ho aye no den no, osan n'akyi de ahurusi yii

Onyankopɔn aye se, “Anuonyam nka Onyankopɔn, wama me ho aye me den!” **16** Obekotow Yesu anim daa no ase. Na saa obarima yi ye Samariani. **17** Yesu bisae se, “Enye nnipa du na wɔn ho yee wɔn den? Baakron a wɔaka no wɔ he? **18** Aden nti na ɔmamfrani yi nko na wasan aba se ɔrebeyi Onyankopɔn aye?” **19** Yesu ka kyerɛ no se, “Sɔre kɔ, wɔ gyidi ama wo ho aye wo den.” **20** Da bi Farisifo bi bisaa Yesu se, “Bere ben na Onyankopɔn ahenni no beba?” Yesu buaa wɔn se, “Onyankopɔn ahenni no nnam nsenkyerenne bi a mubehu so na ebɛba, **21** obi rentumi nkyere mo se, ‘Ɛwɔ ha anaa hɔ!’ Efise Onyankopɔn ahenni no te mo mu.” **22** Na ɔka kyerɛ n’asufo no se, “Mmere bi beba a mo ani begyina se mubehu me bere tiaa bi wɔ mo nkyɛn, nanso morenɔhu me. **23** Se nnipa ka kyerɛ mo se Onipa Ba no wɔ ha anaa baabi foforo a, munnni wɔn akyi. **24** Senea anyinam pa gya wɔ wim ma nnipa nyinaa hu no, saa ara nso na me ba a mesan aba no beye. **25** Nanso ansa na eyinom nyinaa beba mu no, eɛ se mihu amane na me nkurɔfo nso po me. **26** “Senea Noa bere so nnipa yee asoɔden no, saa ara nso na se meba a ebeye ne no. **27** Saa bere no, nnipa didi nomee, wareware kosii se Noa kɔhyee hyɛn no mu na nsuyiri befaa saa nnipa no nyinaa. **28** “Saa ara nso na Lot bere so no, na ete. Nnipa didi nomee, dii gua, yee mfuw, sisii adan, **29** kosii se Lot fii Sodom, na ogya ne sufɛ fii soro behyew saa nnipa no nyinaa. **30** “Saa ara nso na da a mesan aba no beye. **31** Saa da no, enɛ se obiara a ɔwɔ adwuma mu, afuw mu anaa gua so san n’akyi ba fie se ɔrebesea n’ahode. **32** Monkae asem a etoo Lot yere. **33** Obiara a ɔɔ ne kra no, ebefi ne nsa. Na nea ɔbehwere ne kra no benya. **34** Da no, wɔbɛfa nnipa baanu a wɔda faako no mu baako agyaw ɔbaako. **35** Saa ara nso na wɔbɛfa mmea baanu a wɔrenoa aduan no mu baako agyaw ɔbaako. **36** Mmarima baanu a wɔreye adwuma wɔ afuw mu no nso, wɔbɛfa ɔbaako agyaw ɔbaako.” **37** Asufo no bisaa Yesu se, “Awurade, ehe na wɔde wɔn beko?” Yesu buaa wɔn se, “Baabi a funu wɔ no, apete mpa hɔ!”

18 Da bi, Yesu nam mmebu so kyerɛ n’asufo no hia a ehia se wɔbɔ mpae daa a wɔmpa abaw. **2** Yesu kae se, “Otemmufo bi tenaa kurow bi mu a na onsuro Onyankopɔn, mfere onipa biara. **3** Na ɔbea kunafo bi te saa kurow no mu a ɔne obi wɔ asem. Daa na saa okunafo yi kɔ otemmufo no nkyɛn kɔsrɛ no se onni n’asem no mma no. **4** “Mfiase no, otemmufo no ammua no. Nanso akyiri no ɔkae se, ‘Ɛwɔ mu se

minsurɔ Onyankopɔn, mfere onipa biara de, **5** nanso esiane se daa ɔbea yi haw me nti, mɛhwɛ adi asem no yiye ama no senea ebeye a ɔremmehaw me bio!” **6** Awurade toaa so se, “Moate asem a otemmufo yi a ɔntɛ no kae. **7** Munnnye nni se Onyankopɔn bedi ama ne mma a daa wosu frɛ no awia ne anadwo no? Anaa ɔbetwentwen ne nan ase anaa? **8** Merema moate ase se ɔbeye wɔn apɛde ama wɔn ntem. Se Onipa Ba no san ba a, nnipa dodow ahe na obehu se wɔwɔ ne mu gyidi?” **9** Yesu san buu bɛ bi faa nnipa a wobu wɔn ho se atreneefo na eno nti wobu afoforo animtiaa no ho se, **10** “Da bi nnipa baanu bi kɔɔ asɔredan mu kɔbɔɔ mpae. Na wɔn mu baako ye Farisini a obu ne ho, na ɔbaako no nso ye towgyeni. **11** Farisini yi kogyinaa faako a obiara behu no bɔɔ mpae se, ‘Onyankopɔn, meda wo ase se mente se nnipa a wɔaka no; apoobɔfo nkontompɔfo, aguamammɔfo ne saa towgyeni a ogyina hɔ yi. **12** Nnaawɔtwe biara midi mmuada mprenu na nea minya biara nso, miyi mu nkyemu du mu baako de ma.’ **13** “Saa bere no na towgyeni no gyina akyiri baabi a ɔmpɛ se ɔma n’ani so kyerɛ ɔsoro. Ɔde ne nsa guu ne bo bɔɔ mpae se, ‘Onyankopɔn, hu me ɔdebɔneyɛni mmɔbɔ!’ **14** “Mereka akyere mo se, nea towgyeni no yee no sɔɔ Onyankopɔn ani sen nea Farisini no yee no. Obiara a ɔma ne ho so no, wɔbɛbrɛ no ase, na nea ɔbrɛ ne ho ase no, wɔbɛma no so.” **15** Da bi, awɔfo bi de wɔn mma nketewa brɛɛ Yesu se ɔmfa ne nsa nka wɔn nhyira wɔn. Asufo no huu awɔfo no, wɔkaa wɔn anim. **16** Yesu frɛ mmofra no awɔfo no baa ne nkyɛn na ɔka kyerɛ n’asufo no se, “Momma mmofra nketewa no mmra me nkyɛn na munnsiw wɔn kwan, na eyinom sɛɛ na Onyankopɔn ahenni no ye wɔn dea. **17** Mereka akyere mo se obiara a ɔrennye Onyankopɔn Ahenni no se abofra no, ɔrentumi nhyɛn mu.” **18** Da bi, Yudanɛ sikani bi bisaa Yesu se, “Kyerɛkyerɛfo pa, den na menyɛ na manya nkwa a enni awiei?” (*aiōnios g166*) **19** Yesu buaa no se, “Aden nti na wɔfre me onipa pa? Obiara nye papa gye ɔbaako; ɔne Onyankopɔn. **20** Wunim Mose mmara no: ‘Mmɔ aguaman! Nni awu! Mmɔ korɔn! Nni adansekurum! Di w’agya ne wo na ni!’” **21** Osikani yi ka kyerɛ Yesu se, “Madi saa mmara yi nyinaa so fi me mmofraase.” **22** Yesu tee nea osikani no kae no, ɔka kyerɛ no se, “Ade baako pɛ na aka wo a eɛ se woye. Kɔ na kotɔn w’ahode nyinaa na kye sika no ma ahiafo na wubenya agyapade wɔ Onyankopɔn Ahenni no mu, na afei bra bedi m’akyi.” **23** Osikani

yi tee saa asem yi no, anye no de koraa efise na ɔwo ahode pii. **24** Yesu huu se ne were ahow no, ɔkae se, “Eye den ma ahonyafo se wobeko Onyankopon ahenni no mu! **25** Mereka akyerɛ mo se, eye mmerɛw se yoma bewura pane aniwa mu sen se ɔdefo beko Onyankopon ahenni no mu.” **26** Na won a wotee nea Yesu kae no bisae se, “Eno de, na hena na wobegye no nkwa?” **27** Yesu buae se, “Onipa fam de, eye den, na Onyankopon fam de, biribiara betumi aba mu.” **28** Petro ka kyerɛ Yesu se, “Yagyaw nea yɛwo nyinaa ho abedi w’akyi.” **29** Yesu buaa Petro se, “Merema mo ate ase se, obiara nni ho a, esiane Onyankopon ahenni no nti, wagyaw ne fi anaa ne nuanom anaa n’awofo anaa ne mma **30** na ɔrennya mma emmoro nea wahwere no so saa bere yi mu, na daakye nso, ɔrennya nkwa a enni awiei.” (aion g165, aionios g166) **31** Yesu frɛɛ asuafo dumien no gyinaa nkyen baabi ka kyerɛ won se, “Yereko Yerusalem, na biribiara a adiyifo no aka afa Onipa Ba no ho no beba mu. **32** Wobeyi no ama amanamanmufo ama woadi ne ho few, na woabo no adapaa, ate ntasu agu ne so, **33** aka no mpire, akum no na ne nnansa so no, wasore.” **34** Asuafo no ante nea Yesu kaa no biara ase, efise na asem no boro won adwene so. **35** Yesu ne n’asuafo no reben Yeriko no, wohuu onifuraefo bi a ɔte kwankyen resresɛ ade. **36** Onifuraefo no tee se nkurofokuw bi retwa mu no, obisaa asem a asi. **37** Woka kyerɛ no se, “Yesu Nasareni no na ɔretwam!” **38** Ɔtee saa no, ɔteɛteɛɛ mu se, “Yesu, Dawid Ba, hu me mmɔbɔ!” **39** Won a wodi anim no teɛteɛɛ no se ommua n’ano, nanso wantie, na ɔkɔɔ so teɛteɛɛ mu denneennen se, “Yesu, Dawid Ba, hu me mmɔbɔ!” **40** Yesu duu faako a onifuraefo no te no, ɔma wode no brɛɛ no. Wode no duu Yesu nkyen no, obisaa no se, **41** “Den na wope se meye ma wo?” Onifuraefo no buae se, “Awurade, ma minhu ade.” **42** Yesu ka kyerɛ no se, “Hu ade, wo gyidi ama wo ho aye wo den.” **43** Amono mu ho ara, onifuraefo yi huu ade, na odii Yesu akyi yii Onyankopon aye. Na won a wohuu ayaresa no nyinaa nso yii Onyankopon aye.

19 Da bi a na Yesu retwa mu wo Yeriko no, 2 ohuu ɔbarima bi wo ho a wofre no Sakeo. Na Sakeo ye ɔtowgyeni panyin san ye osikani nso. **3** Bere a Yesu retwa mu no, Sakeo pɛɛ se anka ohu no, nanso esiane se na ɔye onipa tiaa na won a wodi Yesu akyi no ɔɔso nti, wanhu no. **4** Esiane se na Sakeo nim se Yesu befa nnyedua bi a na esisi ho no ase nti, ɔyɛɛ ntem kɔforoo saa nnyedua no mu baako. **5** Bere a

Yesu duu nnyedua no ase no, ɔmaa n’ani so huu no ka kyerɛɛ no se, “Sakeo, ye ntem na si fam na wo fi na nne metena.” **6** Sakeo yɛɛ ntem sii fam de anigye gyee no few so. **7** Nnipa a wodi Yesu akyi no huu eyi no, wonwiinwii kae se, “Ɔdebɔneyeni yi na wako akɔsoɛ no.” **8** Bere a nnipa no renwiinwii no, Sakeo begyinaa Yesu nkyen kae se, “Awurade, nne, mede m’ahode mu fa kye ahiafo, na se masisi obi wo biribi mu a, metua mmɔho anan ama no.” **9** Yesu ka kyerɛɛ no se, “Nne na nkwaye aba ofi yi mu, efise oyi nso ye Abraham ba. **10** Na mebae se merebɛhwehwe won a wayera na magye won nkwa.” **11** Bere a Yesu ne nnipa no reben Yerusalem no, ɔsan buu won be foforo de kyerɛɛ won se, Onyankopon ahenni no aben. **12** Ɔkae se, “Ɔdehɛ bi a watu kwan ako akyirikyiri asase bi so san kɔɔ ne kurom se ɔreko na woakosi no ɔhene. **13** Ansa na ɔrebefi n’akwantu no ase no, ɔfrɛɛ n’adwumayefo mu du maa won mu biara minadu ka kyerɛɛ won se, ‘Momfa sika yi nye adwuma nkosi se meba.’ **14** “Kurom hofo no tee n’ahenni no ho asem no, wotuu nnipa kohuu mpanyimfo no se wompe no. **15** “Nanso wosii no hene ma ɔsan kɔɔ faako a na ɔye adwuma no. Odui no, ɔfrɛɛ n’adwumayefo du no se, wommebu sika a ɔde maa won no ho akontaa nkyere no. **16** “Odwumayeni a odii kan ba beka kyerɛɛ no se, ‘Me wura, wo sika mina du no, mede aye adwuma anya ho mmɔho du.’ **17** “Owura no ka kyerɛɛ no se, ‘Mo, akoa pa, esiane se woadi kakraa a mede hyɛɛ wo nsa no ho nokware nti, mede nkurow du behye w’ase na woadi so.’ **18** “Odwumayeni a ɔto so abien no ba beka kyerɛɛ no se, ‘Me wura, wo sika mina du no, mede aye adwuma anya ho mmɔho anum.’ **19** “Owura no ka kyerɛɛ no se, ‘Mede nkurow anum behye w’ase na woadi so.’ **20** “Ɔfoforo nso bekae se, ‘Me wura wo sika mina du a wode maa me no, mede siei, eno ni. **21** Na misuro wo, efise wo ho ye nwonwa. Nea enye wo dea no, wugye na nea wunnuae nso no, wutwa.’ **22** “Ne wura no buaa no se, ‘Akoa bɔne, wo anom asem so na migyina abu wo aten. Wunim se me ho ye nwonwa. Nea enye me dea no migye; nea minnuae no, mitwa. **23** Aden nti na woamfa me sika no ankoto sikakorabea? Anka mebae yi menya ho nsiho.’ **24** “Ɔka kyerɛɛ n’asomfo a na wogyina ho no se, ‘Munnye sika no mfi ne nsam mfa mma nea ɔde ne de ye adwuma nyaa mmɔho du no.’ **25** “Asomfo no kae se, ‘Yen wura, se oyi de ɔwo sika bebree!’ **26** “Owura no kae se, ‘Merema mo ate ase se, nea ɔwo bebree no, wobema no bi aka ho, na nea

owo kakraa bi no, nea owo mpo no, wobegye afi ne nsam. 27 Na afei, momfa m'atamfo a anka wompe se midi ade no mmra m'anim ha na munkum won!" 28 Yesu kaa nsem yi wiee no, odii n'asuafo no kan koo Yerusalem. 29 Orebɛn Betfage ne Betania a eɛben Ngo Bepɔw so no, osomaa n'asuafo no mu baanu ka kyereɛ won se, 30 "Monko akuraa a eɛben ha no ase na mudu ho a, mubehu afurum ba bi a obiara ntenaa ne so da se wɔasa no. Monsan no mfa no mmre me. 31 Se obi bisa se 'Aden nti na moresan no' a, monka nkyere no se, 'Ne ho hia Awurade.'" 32 Asuafo baanu a wokoe no kohuu aboa no se asa ho senea Yesu kae no. 33 Bere a wɔresan afurum ba no, ne wuranom bisaa won se, "Aden nti na moresan aboa no?" 34 Wobuaa won se, "Ne ho hia Awurade." 35 Asuafo no de afurum ba no breɛ Yesu de won ntama sesew ne so ma otenaa ne so. 36 Yesu te afurum ba no so reko no, nnipa de won ntama sesew okwan no so ma ofaa so. 37 Oduu Ngo Bepɔw no so baabi a wɔrebesian ako Yerusalem no, n'akyidifo no nyinaa de osebo kamfoo Onyankopɔn, yii no aye wo Yesu anwonwade ahorow a waye no ho se, 38 "Nhyira nka ohene a oreba Awurade din mu no!" "Asomdwoe ne anuonyam nka Onyankopɔn wo osorosoro noho!" 39 Farisifo no bi a na wofra nnipakuw no mu no ka kyereɛ Yesu se, "Kyerekyerɛfo, kasa kyere w'akyidifo no na wommua won ano!" 40 Yesu buaa won se, "Se womua won ano koraa a, abo mpo bekamfo me, ayi me aye." 41 Yesu rebɛn Yerusalem a ohuu kurow no, osu maa mu nnipa no se, 42 "Mo a anka asomdwoe ye mo dea nanso moampe no, mobehwehwe asomdwoe akyi kwan, nanso mo nsa renka da! 43 Nna bi beba a mo atamfo beba abetoe mo aka mo ahye, 44 atore mo ne mo mma ase, aseɛ mo kurow yi pasaa, efise moapo adom a Onyankopɔn de adom mo no." 45 Yesu duu Yerusalem no, okoo asoredan mu kopam nnipa a na woredi gua wo ho no kae se, 46 "Wɔakyerɛw se, 'Me fi beye mpaebɔbea; nanso mode aye adwɔwtwafo atena!' 47 Saa bere no nyinaa na asofo mpanyimfo, Kyerɛwsem no akyerekyerɛfo ne oman no mu mpanyimfo rehwehwe okwan a wɔbɛfa so anya no akyere no akum no. 48 Nanso na wonhu okwan biara a wɔbɛfa so akyere no, efise bere nyinaa na nnipa akyere no so retie no.

20 Da bi a Yesu rekyerekyerɛ wo asoredan mu no, asofo mpanyin, Kyerɛwsem no akyerekyerɛfo ne oman no mu mpanyin kobisaa no se, 2 "Tumi bɛn

na wowo a wode ye saa nneema yi; na hena nso na omaa wo saa tumi no?" 3 Yesu buaa won se, "Me nso mewa asem bi bisa mo. Monka nkyere me. 4 Tumi bɛn na Yohane de bɔo asu; efi Onyankopɔn anaa efi onipa?" 5 Wofaa ho adwene kae se, "Se yeka se efi Onyankopɔn a obɛbisa yen se, 'eno de, aden nti na moannye no anni?' 6 Se nso yeka se efi onipa a, oman mu no nyinaa besiw yen abo, efise wonim se Yohane ye odiyifo." 7 Ewiewe ase no, wobuae se, "Yennim." 8 Yesu nso ka kyereɛ won se, "Eno de, me nso meremma mo mo asemmissa no ho mmuae." 9 Yesu buu won be bi se, "Obarima bi yeɛ bobeturo de hyee apaafɔ bi nsa se wonhwe so mma no. Eyi akyi, otuu kwan koo akyirikyiri baabi kotenaa ho kyee. 10 Bobetew bere dui no, obarima yi somaa ne somfo se onkogye aduaba no bi mmre no. Nanso apaafɔ no boroo no, ma osan koo nsapan. 11 Osomaa osomfo foforo ma ono nso wɔboroo no, bɔo no adapaa, ma okoo nsapan. 12 Osan somaa osomfo foforo na ono mpo de, wopirapiraa no pam no. 13 "Eyi maa bobeturo wura no kae se, 'Den na menyɛ bio? Mesoma me ba a medo no no ako won nkyen na ono de, ebia wɔbɛfere no.' 14 "Nanso bere a apaafɔ no huu no no, wɔkae se, 'Odedifo no ni, momma yenkum no na yemfa n'agyapade no.' 15 Wɔtwee no fii afuw no mu kokum no. "Mugye di se den na afuw wura no beye saa apaafɔ yi? 16 Oɛba abekunkum saa apaafɔ yi na ode afuw no ama afoforo." Nnipa a wɔretie Yesu no kae se, "Empare yen!" 17 Yesu hwɛɛ won dinn bisaa won se, "Eno de, na nea wɔakyerɛw se, "'Obo a adansifo apo no, eno ara na abeye tweekibo' no ase ne den? 18 Obiara a obehwe obo no so no, obɛbubu na nea obo no behwe ne so no nso bɛpɛtew." 19 Esiane se Kyerɛwsem no akyerekyerɛfo ne asofo mpanyin no huu se Yesu buu be no tiaa won nti wohwehwe okwan a wɔbɛfa so akyere no saa bere no ara mu, nanso esiane nnipa a na wowo ho no nti na wosuro. 20 Esiane se ope ara na na nnipa no pe se wɔkyere Yesu nti, wɔtetew no maa nnipa bi koo ne nkyen, senea ebeye a wobenya n'anom asem bi agyina so akyere no na wode no ako aban mu. 21 Saa nnipa yi bisaa Yesu se, "Kyerekyerɛfo, yenim se woye onokwafo, wonye nyiyimu na wokyere nokware kwan a wonam so ko Onyankopɔn nkyen. 22 Enti eye se yetua tow ma Kaesare aban anaase enye?" 23 Yesu huu won adwemmone no, aka kyereɛ won se, 24 "Momma me sika. Hena mfonɛ ne din na ewo so yi?" Wobuaa no se, "Eye Kaesare dea." 25 Yesu ka kyereɛ

wɔn se, “Eno de, momfa Kaesare de mma Kaesare na momfa Onyankopɔn de mma Onyankopɔn.” 26 Yesu mmuae a ɔmaa wɔn no yɛɛ wɔn nwonwa na wɔn adwemmɔne no nso kaa wɔn tirim. 27 Sadukifo bi a wonnye owusɔre nni baa Yesu nkyɛn bebisaa no se, 28 “Kyerekyerɛfo, Mose mmara no kyere yen se, se ɔbarima bi wɔ ɔyere na ɔne no anwo na owu a, ne nua tumi ware no ne no wo mma ma owufo no. 29 Anuanom baason bi tenaa ase. Ɔpanyin a ɔwɔ mu no waree ɔbea a ɔne no anwo na owui. 30 Ne nua a odi n’akyi no waree no nanso ɔne no anwo na owui. 31 Anuanom a wɔaka no nyinaa nso waree no a obiara ne no anwo, na wowuwui. 32 Akyiri no ɔbea no nso wui. 33 Yen asemmissa ne se, esiane se ɔbea yi waree anuanom yi nyinaa nti, owusɔre da no, wɔn mu hena na ɔbea yi beye ne yere?” 34 Yesu buae se, “Asase yi so na nnipa dwene aware ho. (aiɔn g165) 35 Na wɔn a owusɔre da no wobɛnya kwan akɔ Onyankopɔn Ahenni no mu de, aware ho renhia wɔn. (aiɔn g165) 36 Na owu nso nni hɔ mma wɔn bio, efise wɔbeyɛ se ɔsoro abɔfo. Esiane se wɔasɔre afi awufo mu no nti, wɔyɛ Onyankopɔn mma. 37 Afei mo asemmissa a efa owusɔre ho no nso, Mose maa yehuu no pefee se, owusɔre wɔ hɔ. Efise n’asɛm a ɔkyerew faa wura a na eredɛw no ho no, ɔbɔ Abraham Nyankopɔn, Isak Nyankopɔn ne Yakob Nyankopɔn din. 38 Eyi kyere se, Onyankopɔn ye atasefo Nyankopɔn na ɔnye awufo Nyankopɔn, efise obiara a ɔde ne ho to Onyankopɔn so no, se owu mpo a, obɛnya nkwa a enni awiei.” 39 Kyerɛwsem no akyerɛkyerɛfo no mu bi kae se, “Kyerekyerɛfo, woabua no yiye.” 40 Na obiara antumi ammisa no asem biara bio. 41 Yesu bisaa wɔn se, “Aden nti na wɔka se Kristo no ye Dawid ba?” 42 Efise Dawid ka wɔ ne Nnwom no mu se, “Awurade ka kyereɛ me wura se: ‘Tena me nifa so 43 kosi se mema woadi w’atamfo so nkonim.’ 44 Se Dawid frɛ no ‘Awurade’ a, eyɛɛ den na Kristo no ye ne ba?” 45 Bere a nnipa no retie no no, Yesu dan n’ani ka kyereɛ n’asuafo no se, 46 “Monhwɛ mo ho so yiye wɔ Kyerɛwsem no akyerɛkyerɛfo no ho. Bere biara wɔpɛ se wohye ntade pa, hwɛhwɛ se nnipa hu wɔn bagua mu a wɔde obu kyia wɔn, na se wɔkɔ asɔredan mu nso a, wɔtena mpanyin tenabea. Saa ara nso na se wɔkɔ aponto ase a, wɔtena mpanyin tenabea. 47 Wɔbɔ mpae atenten ma nnipa hu se wɔresom Onyankopɔn, nanso wosisi akunafo. Eyi nti wobɛnya asotwe a mu ye duru.”

21 Yesu te asɔredan mu hɔ no, ohuu asikafo bi a wɔde wɔn afɔrebɔde akeseakese regu afɔrebɔ adaka no mu. 2 Ohuu okunafo hiani bi nso se ɔde sika kakraa bi too afɔre adaka no mu. 3 Yesu ka kyereɛ nnipa a na wɔwɔ asɔredan mu hɔ no se, “Nokware ni, afɔre a okunafo hiani yi bebɔɔ no som bo sen afɔre akeseakese a asikafo no bebɔɔ no nyinaa. 4 Wɔn nyinaa de nea wɔanya ama aboro so no bi na ebebɔɔ afɔre, na oyi de, ofi ne hia mu de ne sika a ɔwɔ nyinaa na abegu mu yi.” 5 Yesu akyidifo no bi kamfoo abo fefe a wɔde sii asɔredan no ne adwinni ahorow a wɔadi agu ɔdan no ho no. Nanso Yesu kae se, 6 “Bere bi beba a, wobedwiriw nneema a morekamfo yi nyinaa agu a hwee renka.” 7 Wobisaa no se, “Kyerekyerɛfo, bere bɛn na asem a woreka yi besi, na ho nsɛnkyerɛnne beyɛ den?” 8 Yesu buae se, “Monhwɛ mo ho so yiye na obi annaadaa mo, efise nnipa pii bɛsɔre aka se, ‘Mene Kristo no’ na bere no abɛn, nanso monnnnye wɔn nni! 9 Se mote akokoakoko ne se wɔsɔre tia aman a, munnsuro efise ɛsɛ se saa nneema yi di kan ba nanso na ɛnkyerɛ se awiei no abɛn.” 10 Ɔkaa bio se, “Aman bɛsɔre aman so na ahenni asɔre ahenni so. 11 Asasewosow a ɛye hu beba, ɔkɔm beba na nneema a ɛye hu befi wim asisi. 12 “Nanso ansa na eyinom nyinaa besisi no, me din nti, wobɛtaa mo akyekyere mo, de mo akɔ hyiadan mu ne afiasɛ ne ahɛmfo ne atumfo anim. 13 Eyi bɛma moanya kwan adi me ho adanse. 14 Nanso, monnnwene nsem a mobeka de ayi mo ho ano no ho; 15 Efise mema mo nsem ne nyansa a mode beyi mo ho ano a mo atamfo rentumi nnyina mo anim. 16 Mo awofo, mo nuanom, mo abusuafo ne mo nnamfonom beyi mo ama na wobekum mo mu bi. 17 Na me nti nnipa betan mo. 18 Nanso mo tinwi baako pɛ mpo renyera. 19 Na se mutumi gyina pintinn a, mubɛnya nkwa a enni awiei.” 20 “Se muhu se asraafo atwa Yerusalem ho ahyia a, na ɛkyerɛ se ne sɛɛ abɛn. 21 Saa bere no wɔn a wɔte Yudea nguan nkɔ mmepɔw no so; wɔn a wɔwɔ kurow no mu no nguan mfi mu, na wɔn nso a wɔwɔ nkuraa ne mfuw mu no ntena hɔ ara. 22 Saa bere yi mu na Onyankopɔn asotwe a adiyifo no hyɛɛ ho nkɔm wɔ Kyerɛwsem no mu no beba mu. 23 Wɔn a wɔafa afuru ne wɔn a wɔma mma nufu no nnue. Amanehunu a enni kabɛa beba ɔman no so na Onyankopɔn abufuwhyew nso aba nnipa no so. 24 Ebinom bɛtoto wɔ afoa ano na wɔafa ebinom nso nnommmum de wɔn akɔ amanaman so na amanaman bɛsɛ Yerusalem, adi so akosi bere a Onyankopɔn

ahyehye se amanaman nni won so no betwa mu.” 25 “Nsenkyerenne beba owia, osram ne nsoromma mu na po asorokye bebobo mu, aworo so ama ne nnyigyei dennen no de ahoyeraw aba aman nyinaa so. 26 Esiane nneema a eye hu a ebaba asase so no nti, nnipa pii betoto piti na abode a ewo wim nso awosow ahoođen so. 27 Saa bere no na wobehu Onipa Ba no se ode tumi ne anuonyam a eso nam omununkum mu reba. 28 Se saa asem yi fi ase sisi a, momfa gyidi nnyina pintinn, efise na mo nkwaye bere aben.” 29 Yesu buu won be bi se, “Monhwe borodoma ne nnua nyinaa. 30 Se eyiyi nhaban foforo a na ekyere se asusow bere adu. 31 Saa ara nso na se muhu nsenkyerenne a mereka ho asem yi a, munhu se Onyankopon ahenni no aben. 32 “Nokware mise mo se, awo ntoatoaso yi rentwa mu, gye se saa nneema yi nyinaa aba mu ansa. 33 Osoro ne asase betwa mu ako, nanso me nsem de, erentwa mu da. 34 “Monhwe mo ho so yiye! Mommma additraso ne asabow ne asetena mu dadwen nni mo so, anye saa a, me ba a meba bio no befu mo mu. 35 Efise me ba a meba no befu nnipa a wote asase so nyinaa mu. 36 Monwen. Bere biara mommo mpae na moanya ahoođen de agyina saa nneema yi nyinaa ano na mesan ba bio a, moatumi agyina m’anim.” 37 Da biara, na Yesu ko asoredan mu ho kokyerekere, na se edu anwummere biara a, Yesu ko Ngo Bepow no so kohome. 38 Na nnipa pii sore anapahema biara kotie no wo asoredan mu.

22 Afei, na Yudafo Apiti Afahye a wasan fre no Twam Afahye no aben. 2 Saa bere no na asofo mpanyin ne Kyerewsem no akyerekerefo no hwehwee okwan a wobefa so akyere Yesu akum no, nanso esiane nnipa a na wowo ho no nti, na wosuro. 3 Satan kowuraa Yuda a wofre no Iskariot a oye asuafo dumien no mu baako no mu. 4 Yuda ko asofo mpanyin ne Asoredan no mu awemfo mpanyimfo no nkyen ne won kosusuw okwan ko a wobefa so ayi Yesu ama won no ho. 5 Won ani gyei, penee so se wobema no sika. 6 Efi saa bere no, Yuda hwehwee okwan a wobefa so ama wokyere Yesu bere a nnipa dodow biara nni ne ho. 7 Afei, da a wokum twam guan de di brodo a mmokaw nni mu no duu no, 8 Yesu somaa Petro ne Yohane se, “Monkoye Twam Afahye aduan a yebedi no.” 9 Wobisaa no se, “Ehe na wope se yekoye aduan no?” 10 Obuaa won se, “Se mudu kurow no mu a, mubehu obi a wako asu reba. Munni n’akyi nko ofi a wobeko mu no mu, 11 na mummisa ofiwura no se, ‘Yen kyerekerefo se

ehe na woasiesie ama one n’asuafu no se wommedi Twam Afahye aduan no?” 12 Ode mo beko abansoro asa kese bi a wasiesie mu fefefe so. Eho na monkoto pon no.” 13 Wokoo kurow no mu no, wohuu senea Yesu kae no pefeepe ma woyee twam aduan no wo ho. 14 Bere no dui no, Yesu ne n’asuafu no kotenatenaa didipon no ho. 15 Wotete ho no, Yesu ka kyeree won se, “Meppe se me ne mo betena ase, ato nsa adi saa Twam aduan yi, ansa na mahu amane no akye. 16 Mereka akyere mo se, saa adidi yi akyi no, merenni Twam aduan yi bio kosi se Onyankopon Ahenni no beba.” 17 Afei Yesu faa kuruwa, daa Onyankopon ase na ode maa n’asuafu no kae se, “Munnye na obiara nnom bi. 18 Mereka akyere mo se, merennom bobesa yi bi bio kosi se Onyankopon ahenni no beba.” 19 Afei, ofaa brodo daa Onyankopon ase, bubuu mu de maa n’asuafu no kae se, “Eyi ne me nipadua a mede rema mo. Munnye nni. Da biara a mubedi saa brodo yi bi no, momfa nkae me.” 20 Saa ara nso na adidi no akyi no, ofaa kuruwa kae se, “Kuruwa yi ne me mogya a merehwe agu ama mo se apam foforo a wonam so begye mo nkwa. 21 Nanso mo a mo ne me te adidii ha yi mu baako na obeyi me ama. 22 Etwaa se miwu, senea Onyankopon ahyehye no, nanso nea obeyi me ama no de, onnue.” 23 Asuafo no bisabisaa won ho won ho, pee se wohu won mu nea obeyi no ama no. 24 Asuafo no gyee won ho akyinnye pee se wohu won mu nea obeye okese wo Onyankopon ahenni a ebaba no mu. 25 Yesu tee no, okae se, “Amanaman mu atumfo hye won a wodi won so no so ma won nso bu won ho se Adehye. 26 Nanso mo de, nea ope se oye mo so panyin no nye se mo mu akumaa, na nea odi mo so no nso nye mo mu somfo. 27 Merebisa mo se, nnipa baanu yi mu hena na odi ne yanko so, nea ote didipon ho anaa nea osom nea ote didipon no ho no? Nanso me de, mewo mo mu se mo somfo. 28 Me ne mo na afa ohaw ne amane mu a, moda so ne me nam. 29 M’agya de ahenni no ama me. Saa ara nso na mede rema mo. 30 Na mo ne me ato nsa adidi, na moatumi abu Israel mmusuakuw dumien no aten.” 31 Afei Awurade kae se, “Simon, Simon! Monhwe yiye na obonsam pe se odo mo hwe. 32 Nanso wo Simon de, masre ama wo senea ebeye a wobeko so agye me adi. Se wunu wo ho san ba me nkyen a hye wo nuanom no gyidi mu den.” 33 Petro buaa no se, “Awurade, eye me pe se me ne wo beda afiase, na se eye owu mpo nso a, me ne wo bewu.” 34 Yesu nso buaa no se, “Petro, mereka akyere

wo se, nne akoko remmɔn na woapa me mprensa.” 35 Afei Yesu bisaa n’asuafɔ no se, “Bere a mesomaa mo a na munkura sika ntokoku anaa akwantu kotoku na monhye mpaboa no, biribi ho hiaa mo ana?” Asuafo no buaa no se, “Dabi, biribiara ho anhia yen.” 36 Yesu ka kyerɛ wɔn se, “Afei de, nea ɔwɔ sika no, ɔmfa; nea ɔwɔ akwantu kotoku no nso, ɔmfa. Nea onni afoa no ntɔn ne ntama mfa nkɔto bi. 37 Na bere adu se nkɔm a wɔhye faa me ho se, ‘Wɔbɛkan no afra nnebɔneyefo mu’ no beba mu. Eɛ se nkɔm biara a wɔahye afa me ho no ba mu.” 38 Asuafo no ka kyerɛ Yesu se, “Awurade, yewɔ afoa abien wɔ ha.” Yesu buae se, “Eye, eno ara dɔɔso.” 39 Yesu ne n’asuafɔ no fii kurow no mu kɔɔ Ngo Bepɔw no so senea ɔtaa ye no, na n’asuafɔ no ka ne ho. 40 Woduu ho no, ɔka kyerɛ n’asuafɔ no se, “Mommɔ mpae na moankɔ sɔhwɛ mu.” 41 Afei ɔtwee ne ho fii asuafo no ho kɔɔ nkyen baabi kɔkotow, bɔɔ mpae se, 42 “Agya, se eye wo pɛ a, ma saa amanehunɔ a ereba me so yi ntwa me ho nkɔ, nanso enye nea mepɛ, na nea wopɛ na enye” 43 Ogu so rebɔ mpae no, ɔbɔfo fi ɔsoro bɛhyee no den. 44 Esiane se na Yesu ho yeraw no wɔ Honhom mu no nti, ɔmaa ne mpaeɔ mu yee den maa ne ho fifiri yee se mogya atɔwatɔw sɔsɔ guu fam. 45 Mpaeɔ no akyi no, ɔkɔɔ asuafo no nkyen kɔtoɔ wɔn se awɛrɛhow ne ɔbrɛ nti, wɔadeda. 46 ɔkae se, “Hwɛ! Moadeda? Monsɔre na mommɔ mpae na moankɔ sɔhwɛ mu.” 47 Yesu gu so rekasa no, nnipadɔm bi a Yuda Iskariot a ɔye asuafo dumien no mu baako di wɔn anim baa ne so. Yuda Iskariot twiw bɛn Yesu few n’afono. 48 Yesu bisaa no se, “Yuda, mfewano na wode reyi Onipa Ba no ama ana?” 49 Bere a asuafo a wɔwɔ ne ho no huu nea ereba no, wobisaa no se, “Awurade, yentwitwa wɔn afoa ana?” 50 Asuafo no mu baako twaa ɔsɔfopanyin no somfo no aso nifa. 51 Yesu ampe nea osuani no yee no nti, ɔka kyerɛ wɔn se, “Monnye eyi bi bio!” ɔfaa ɔsomfo no aso no de taree ho bio. 52 Yesu bisaa asɔfo mpanyin ne asɔredan sɔhwɛfo mpanyin ne Yudafo mpanyimfo ne asomfo a wɔbaa ne so no se, “Midi atuawefo anim nti na mode afoa ne nkontimmaa aba me so yi? 53 Bere a na me ne mo wɔ asɔredan mu no, moankyere me; eyi ne mo bere; nea sum di mu tumi.” 54 Afei wɔkyeree Yesu de no kɔɔ ɔsɔfopanyin fi. Bere a wode no rekɔ no, Petro gyee ne ho kaa akyi. 55 Petro duu ɔsɔfopanyin no fi ho no na asraafo no asɔ ogya wɔ adiwo ho a wɔreto; ɔno nso kɔtoɔ bi. 56 Abaawa bi huu Petro se ɔreto gya no bi no, ɔhwɛ

no dinn kae se, “Saa ɔbarima yi ye Yesu akyidifo no mu baako.” 57 Petro san se, “Awuraa, minnim saa ɔbarima yi baabiara.” 58 Ankye koraa na obi foforo nso huu no kae se, “Woyɛ n’akyidifo no mu baako.” Petro buaa no se, “Dabi, menka wɔn ho.” 59 ɛbeyɛ dɔnhwerew akyi no, obi foforo nso san huu no ka sii so dua se, “Akyinnye biara nni ho se saa damfo yi ka Yesu asuafo no ho, efise ɔno nso ye Galileani, na ne kasa koraa da no adi.” 60 Petro san ne mprensa so se, “Owura, asem a woreka yi nye nokware.” N’ano ansi koraa na akoko bɔnee. 61 Saa bere no ara mu na Yesu twaa n’ani hwɛ Petro anim. ɛho ara na Petro kae asem a Yesu ka kyerɛ no se, “Nne, akoko remmɔn na woapa me mprensa” no, 62 Petro de awɛrɛhow fii adi kosui. 63 Mmarima a na wɔrewɛn Yesu no dii ne ho few, kyekyeree n’ani, bobɔɔ no, 64 san bisaa no se, “Odiyifo, hena na ɔbɔɔ wo? Kyere yen.” 65 Wɔkɔɔ so yeyaw no kaa abususem ahorow guu ne so. 66 Ade kyee no, Yudafo mpanyin ne Kyerewsem no akyerekyerɛfo no hyia ma wode Yesu baa wɔn anim 67 bisaa no se, “Se wone Kristo no a ka kyere yen.” Yesu buaa wɔn se, “Se meka se mene Kristo no a, morennye nni, 68 na se mibisa mo nso a, moremmua me. 69 Na efi saa bere yi mubehu Onipa Ba no se ɔte Onyame Tumfo no nifa so.” 70 ɔkaa saa no wɔn nyinaa bisaa no bio se, “Eno de, na wone Onyankopɔn Ba no ana?” Obuuaa wɔn se, “Nea moreka no ye nokware.” 71 Eyi ma wɔkae se, “Adanse bɛn na ehia yen bio? Yeate afi ɔno ankasa anom.”

23 Afei baguafo no sɔre de Yesu kɔɔ Pilato anim. 2 Wofii ase totoo n’ano se, “Saa onipa yi tu nkurɔfo aso. ɔmpene so se ɔmanfo tua tow ma Kaesare aban, na ɔfrɛ ne ho se ɔhene Kristo no.” 3 Eyi maa Pilato bisaa no se, “Wone Yudafo hene no ana?” Yesu buaa no se, “Eno ara na woaka no.” 4 Pilato ka kyerɛ asɔfo mpanyin ne nnipadɔm no se, “Minhu asem biara a megyina so abu onipa yi fɔ.” 5 Nanso wɔn bo antɔ wɔn yam kɔɔ so kae se, “Baabiara a ɔkɔ no, ɔnam ne nkyerekyerɛ so hwanyan nnipa no tia aban. ɔde ne nkyerekyerɛ yi fi Galilea befaa Yudeaman mu nyinaa abedu Yerusalem ha.” 6 Pilato tee asem no, obisae se, “Onipa yi ye Galileani ana?” 7 Bere a wɔka kyerɛ Pilato se Yesu ye Galileani no, ɔka kyerɛ wɔn se, se ete saa de a, wɔmfa no nkɔ ɔhene Herode anim, efise Galilea hye n’ase. Saa bere no ara nso na ɔhene Herode wɔ Yerusalem. 8 Esiane se wate Yesu ho asem na osusuw nso se, se ɔba n’anim a, ɔbeyɛ anwonwade

akyere no no nti, bere a ohuu no no, n'ani gyee yiye, efise na ɔpee se obehu no no akye. **9** Wobisabisaa Yesu nsem bebre, nanso emu biara nni ho a oyii ano. **10** Asɔfo mpanyin ne Kyerewsem no akyerekyereto no kɔ so ara kaa nsem a enni mu guu ne so. **11** Herode ne n'asomfo no bɔ Yesu adapaa, dii ne ho few. Afei Herode hyehyee no se ohene san de no kɔmaa Pilato. **12** Da no ara, Herode ne Pilato a anka wɔye aka no, bɔ mu. **13** Wɔde Yesu kɔmaa Pilato no, ɔfre asɔfo mpanyin ne Yudafo mpanyimfo ne nnipadɔm no, **14** ka kyeree wɔn se, "Mode onipa yi bre me se, ɔye obi a ɔnam ne nkyerekyereto se hwanyan nnipa tia aban. Mahwehwe nsem a moka guu ne so no mu wɔ mo anim, nanso minhu afɔbusem biara a megyina so abu no fɔ. **15** Saa ara nso na Herode annya asem bi annyina so ammu no fɔ a eno nti, wasan de no abre yen yi. ɔnye bɔne biara a ese se migyina so bu no kumfɔ. **16** Mebɔ no mmaa na magyaa no." **17** Twam Afahye biara du a Pilato gyaa odeduani baako ma wɔn. **18** Pilato kasa no akyi no, nnipadɔm no nyinaa bɔ gyee so se, "Kum no, na gyaa Baraba ma yen." **19** Baraba yi ye obi a ohwanyan ɔman na ɔsan dii awu nti, wɔde no too afiase. **20** Pilato kɔ so di maa Yesu pee se ogyaa no. **21** Nanso wɔsan bɔ gyee so bio se, "Bɔ no asennua mu! Bɔ no asennua mu!" **22** Obisaa wɔn ne mprensa so se, "Aden? Bɔne ben na waye? Minhu afɔbusem biara a megyina so abu no kumfɔ. Mebɔ no mmaa na magyaa no." **23** Nanso wɔbɔ gyee so ara maa wɔn nne bu faa Pilato de no so se ɔmmɔ no asennua mu. **24** Enti Pilato penee wɔn abisade no so maa wɔn. **25** Ogyaa Baraba a esiane se ohwanyan ɔman san dii awu no nti ɔde no too afiase no maa wɔn. Na ɔde Yesu maa wɔn senea wɔpe no. **26** Wɔde Yesu rekɔ akɔbɔ no asennua mu no, wohyiaa Kireneni bi a wɔfre no Simon se ofi afum reba Yerusalem. Wɔkyeree no, hyee no ma ɔsoaa Yesu asennua no wɔ ne kɔn ho dii n'akyi. **27** Nnipadɔm a mmea a wɔresu retwa agyaadwo fra wɔn mu no, tu dii n'akyi. **28** Yesu dan ne ho ka kyeree wɔn se, "Yerusalem mmea, munnsu me na munsu mo ho ne mo mma. **29** Na mmere bi reba a wɔbeka se, 'Nhyira ne abonin ne ɔyafunu a enwoo da ne nufu a wonnum da.' **30** Saa bere no "na wɔbeka akyere mmepɔw se, "Munnwiriw ngu yen so!" ne nkoko nso se, "Monkata yen so!" **31** Na se wɔde eyi ye me a meye dummono no a, den na wɔde beye mo a moye duwui?" **32** Bere a wɔde Yesu rekɔ no, wɔde nneboneyefo baanu bi kaa ne ho se wonkokum

wɔn. **33** Woduu faako a wɔfre ho Golgota no, wɔbɔ ɔne nneboneyefo baanu no asennua mu a ɔbaako wɔ ne nifa na ɔbaako nso wɔ ne benkum. **34** Yesu kae se, "Agya, fa kye wɔn, efise wonnim nea wɔreye." Asraafo no kyekyee ne ntade mu bɔ so ntonto fae. **35** Saa bere no na nnipadɔm no ginyinagina ho rehwe no. Yudafo mpanyimfo no dii ne ho few se, "Ogyee ebinom nkwa; se ose ɔno ne Kristo, Onyankopɔn Ba no a, onnye ne ho nkwa na yenhwe." **36** Asraafo no nso dii ne ho few de nsa a ekeka bi bre no **37** kae se, "Se wone Yudafo hene no a gye wo ho nkwa." **38** Wɔkyerew saa asem yi bɔ n'atifi wɔ asennua no so se, "YUDAFO HENE NO NI." **39** Nneboneyefo baanu a na wɔn nso wɔbɔ wɔn asennua mu no mu baako dii Yesu ho few se, "Enye wone Kristo no? Gye wo ho na gye yen nso." **40** Nanso ɔdebɔneyeni a ɔka ho no kaa n'anim se, "Wunsuro Onyankopɔn? Hu se yen nyinaa wɔ afɔbu koro no ara mu. **41** Yen de, saa asotwe yi fata yen; yen bɔne so akatua na yeanya yi, na oyi de, ɔnye bɔne biara." **42** ɔsan kae se, "Yesu, wudu w'ahenni mu a kae me." **43** Yesu buaa no se, "Merehye wo bɔ se nne wɔbeka me ho wɔ Paradise." **44** Eduu owigyinae no, asase no so nyinaa duruu sum kabii kosii nnɔnabiesa. **45** Owia duruu sum na ntama a etwa asɔredan no mu nso mu tewee abien. **46** Yesu tee mu dennen se, "Agya, wo nsam na mede me honhom hye!" ɔkaa eyi no, ogyaa mu. **47** Asraafo panyin a na ogyina ho no huu nea asi no, oyii Onyankopɔn aye se, "Ampa ara, saa onipa yi ye ɔtreneeni." **48** Nnipa a wɔbaa ho behwe Yesu asennuambɔ no huu se wawu no, wɔde awerehow fii ho kɔe. **49** Saa bere no na Yesu nnamfo ne mmea bi a wodii n'akyi fi Galilea baa no ginyinagina akyirikyiri baabi rehwe nea ereko so no nyinaa. **50** Na ɔbarima bi wɔ ho a wɔfre no Yosef a ofi Arimatea a ewɔ Yudaman mu. Na saa ɔbarima yi ye onipa pa a ɔtee wɔ Onyankopɔn anim a na ɔretwen Onyankopɔn ahenni a ebeba no. **51** Ewɔ mu se na ɔye Yudafo baguafo no mu baako de, nanso wampene gyinae a wosisii ne nea wɔyee no so. **52** ɔkɔ Pilato nkyen kɔsree Yesu amu no. **53** ɔma woyii Yesu amu no maa no, na ɔde nwera kyekyeree no de no kɔtoo ɔboda bi a obiara nnaa mu da no mu. **54** Wosiee Yesu Fida a na Yudafo resiesie wɔn ho atwen Homeda no. **55** Wosiee amu no wiee no, mmea a wodi Yesu akyi fi Galilea no ne Yosef kɔhwee faako a wɔde no toe ne senea wosiee no fae. **56** Saa mmea yi san wɔn akyi kɔ fie kɔhwehwee nnuhuam ne ngo a wɔde besiesie

Yesu amu no, nanso esiane se na Homeda no adu nti wotenaase ase komm senea Yudafo mmara kyere no.

24 Kwasida anɔpahema na mmea no de nnuhuam ne ngo no kɔɔ ɔboda no so. **2** Woduu hɔ no wohuu se wɔapirew ɔbo a wɔde hinii ɔboda no ano no afi hɔ. **3** Na wɔkɔɔ ɔboda no mu no na Yesu amu no nna hɔ. **4** Wogyinagyina hɔ a wonhu nea wɔnye no, mpofirim na mmarima baanu bi a wɔhyehye ntade fitafitaa a ani hyeren begyinagyinaa wɔn nkyen. **5** Mmea yi koma tui, na wɔkotokotow wɔn, na mmarima no bisaa wɔn se, “Aden nti na morehwehwe ɔteasefo wɔ awufo mu? **6** Onni ha. Wasɔre! Monnkae asem a ɔka kyeree mo bere a na ɔwɔ Galilea no se, **7** ‘Etwaa se wɔde Onipa Ba no hye nnebɔneyefo nsa na wɔbɔ no asennua mu na ne nnansa so wasɔre bio’ no?” **8** Mmea no kaee asem no. **9** Na wɔde ahoohare fii ɔboda no so bekaa nea wohui no nyinaa kyeree asuafo dubaako no ne wɔn a wɔwɔ hɔ no nyinaa. **10** Mmea a wɔkɔɔ ɔboda no so a wɔbekaa saa asem yi ne Maria Magdalene ne Yohana ne Yakobo na Maria ne afɔforo bi. **11** Wɔn nsem a wɔbekae no yee wɔn se anansesem bi nti wɔannye anni. **12** Ewɔ mu se nnipa no annye asem no anni de, nanso Petro de, otuu mmirika kɔɔ ɔboda no so kɔkotow hwɛ mu, huu se nwera a wɔde kyekyeree Yesu ho no gu hɔ. Ɔsan baa fie a na ɔnte nea ohuu no ase. **13** Da no ara asuafo no mu baanu sii mu se wɔreko akuraa bi a wɔfrɛ no Emaus a efi Yerusalem reko hɔ no beye se akwansin ason. **14** Wɔreko no nyinaa na asem a asi no hɔ nkɔmmɔ ara na wɔredi. **15** Wogu so redi nkɔmmɔ na wɔregye wɔn ho akyinnye no, Yesu bekaa wɔn ho ne wɔn bɔɔ anan kɔe. **16** Wohuu se obi ka wɔn ho de, nanso wɔantumi anhu se eye Yesu. **17** Obisaa wɔn se, “Nkɔmmɔ ben na moredi a mo were ahow mo ho yi?” **18** Na wɔn mu baako a wɔfrɛ no Kleopa bisaa no se, “Wo nko ara ne ɔhɔho a wɔwɔ Yerusalem a wontee nsem a asisi wɔ hɔ nnansa yi?” **19** Obisaa wɔn se, “Nsem ben?” Wobuaa no se, “Nsem a efa Nasareni Yesu a ɔye odiyifo a ɔwɔ tumi wɔ nneyee ne ɔkasa mu wɔ Onyankopɔn ne nnipa nyinaa anim no ho, **20** ne senea asofo mpanyin ne yen mpanyimfo kyeree no de no kɔɔ aban mu se wommu no kumfo a wɔbɔɔ no asennua mu no ho. **21** Yen de, na yen ani da so se ɔno na ɔrebegye Israel, na nea eka ho ne se nnansa ni a saa asem yi sii. **22** Na mmea bi nso a wɔye Yesu akyidifo se yen ara ama yen ho adwiriw yen. Wɔkɔɔ ɔboda no so anɔpa yi ara, **23** nanso wɔanhu n’amu no. Wɔsan beka kyeree yen se, wɔahu ɔsoro

abɔfo ma wɔaka akyere wɔn se, Yesu te ase. **24** Yen mu ebinom tuu mmirika kɔhwɛ, na ampa ara, na Yesu amu no nni hɔ senea mmea no kae no ara pe.” **25** Yesu ka kyeree wɔn se, “Adwenharefo a munni gyidi; eye mo den se mubegye nea adiyifo no aka no nyinaa adi. **26** Wɔanhye ho nkɔm se, ese se Kristo no behu amane ansa na wakɔ n’anuonyam mu ana?” **27** Na ofii Mose ne adiyifo no so kyerekyeree wɔn nsem a efa ne ho wɔ Kyerewsem no mu no nyinaa ase. **28** Woduu Emaus kurotia no, Yesu pee se anka ɔtoa n’akwantu no so. **29** Nanso wɔsrɛe no, san no se ɔnna wɔn nkyen, na na ade reye asa nti, ɔsan ne wɔn kɔɔ fie. **30** Bere a wote adidii no, Yesu bɔɔ mpae daa Onyankopɔn ase, faa brodo bubuu mu de maa wɔn. **31** Afei na wɔn ani so tetew wɔn ma wohuu se eye Yesu. Eho ara na otu yerae. **32** Wobisabisaa wɔn ho wɔn ho se, “So Kyerewsem no mu nsem a ɔka kyeree yen wɔ bere a na yenam ɔkwan so no anka yen koma mpo?” **33** Ntem ara na wɔsan wɔn akyi baa Yerusalem betoo asuafo dubaako no ne wɔn a na wɔka wɔn ho no se wɔahyia. **34** Woduu hɔ no, wɔbɔɔ wɔn amannee se, “Ampa ara, Awurade asɔre afi awufo mu. Wayi ne ho adi akyere Simon.” **35** Baanu a wofi Emaus bae no nso bɔɔ wɔn amannee senea Yesu betoo wɔn Emaus kwan so na wɔantumi anhu se eye ɔno kosii bere a obubuu brodo mu de maa wɔn no ansa. **36** Wogu so rebɔ amannee no, preko pe na Yesu beduu hɔ, kyiaa wɔn se, “Asomdwoe nka mo!” **37** Wɔn nyinaa bobɔɔ piriw, wosuroe, efise na wosusuw se wɔahu ɔsaman. **38** Obisaa wɔn se, “Aden na mo koma atutu na munnye nni nso se eye me? **39** Monhwe me nsam ne me nan. Eye me! Momfa mo nsa nka me nhwe; efise ɔsaman nni honam ne nnompe senea muhu se mewa bi yi.” **40** Ɔkasa wiee no, ɔde ne nsa ne ne nan kyeree wɔn. **41** Anigyetraso ne ahodwiriw nti amma wɔannye anni se eye ɔno. Obisaa wɔn se, “Mowɔ biribi wɔ ha a mubedi ana?” **42** Wɔmaa no apataa sin bi a wɔatoto **43** ma ogye wee wɔ wɔn anim hɔ ara. **44** Na ɔka kyeree wɔn se, “Eyi ne me nsem a meka kyeree mo bere a na me ne mo wɔ hɔ no se, ese se biribiara a wɔakyerew afa me ho wɔ Mose Mmara ne Adiyifo nhoma ne Nnwom mu no ba mu.” **45** Afei obuee wɔn adwene mu ma wotee Kyerewsem a efa ne ho no ase. **46** Ɔka kyeree wɔn se, “Wɔakyerew se, ese se Kristo no hu amane na owu na ne nnansa so, wasɔre afi awufo mu. **47** Na wobefi ase wɔ Yerusalem de ne din akɔka adwensakra ne benefakye ho nsem akyere amansan. **48** Mone

eyinom nyinaa ho nnansefo. **49** Mesoma Honhom Kronkron no na waba mo so sɛnea m'agya hyɛɛ ho bɔ no. Na monnkɔ baabiara; montena ha nkosi sɛ Honhom Kronkron no de tumi a efi ɔsoro no bɛba abɛhyɛ mo ma.” **50** Yesu ne asuafo no bɔɔ anan koduu Betania kurotia na ɔmaa ne nsa so hyiraa wɔn. **51** Ogu so rehyira wɔn no, wɔmaa no so kɔɔ ɔsoro. **52** Na wɔsɔree no, de anigye san kɔɔ Yerusalem. **53** Na daa wɔwɔ asɔredan no mu ho yi Onyankopɔn ayɛ.

Yohane

1 Ansa na wōrebebo wiase no, na Asem no wō hō dedaw. Na Asem no ne Onyankopon na ewo hō. Na Asem no ye Onyankopon. **2** Mfiase no, na Asem no ne Onyankopon na ewo hō. **3** Enam ne so na wōbō ade nyinaa. Wōankwati no anye biribiara. **4** Ne mu na nkwa wō; na saa nkwa no na ɛma nnipa hann. **5** Hann no hyeren wō sum mu a sum no ntumi nni hann no so. **6** Onyankopon somaa ɔbarima bi a wofre no Yohane. **7** Obedii hann no ho adanse senea ebema nnipa afa ne so agye hann no adi. **8** Enye ɔno ankasa ne hann no, na mmom, ɔbaa se ɔrebedi hann no ho adanse. **9** Saa hann yi ne nokware hann a eba wiase ma ehyeren nnipa nyinaa so no. **10** Saa bere no na Asem no wō wiase. Ewō mu se Onyankopon nam ne so na ɔbō wiase de, nanso ɔbaa wiase no, wiase anhu no. **11** ɔbaa n'ankasa ne man mu, nanso ne manfo annye no anto mu. **12** Na wōn a wogyee no, na wogyee ne din dii no, ɔmaa wōn tumi ma wōbeyee Onyankopon mma **13** wō honhom fam a emfi onipa anaa ɔhonam fam, na mmom efi Onyankopon ankasa. **14** Asem no beyee onipa ne yen betena ma yehuu n'anuonyam se ɔba koro a ofi Agya no nkyen a adom ne nokware ahye no ma. **15** Yohane kaa ne ho asem se, "Oyi ne nea mekaa ne ho asem se, 'Nea odi m'akyi reba no ye ɔkese sen me, efise ɔwō hō ansa na wōwoo me no.'" **16** Ofi ne mmōborōhunu a to ntwa da no mu hyira yen nyinaa daa daa. **17** Onyankopon nam Mose so de mmara maa yen, nanso enam Yesu Kristo so na yenyaa adom ne nokware. **18** Obiara nhuu Onyankopon da, gye ne Ba koro no a ɔno nso ye Onyankopon no, nea ɔwō Agya no nkyen na wada no adi no. **19** Yudafo mpanyin a wōwō Yerusalem somaa asofo ne Lewifo kō Yohane nkyen kobisaa no se, "Wone Agyenkwa no ana?" **20** Yohane antwentwen asem no mmuae so. ɔpaee mu ka kyeree wōn preko pe se, "Enye me ne Agyenkwa no." **21** Wobisaa no se, "Eno de, na wone hena, Elia ana?" Obuaa wōn se, "Dabi." Wobisaa no bio se, "Wone Odiyifo no?" ɔsan buaa wōn se, "Dabi". **22** Wōsan bisaa no se, "Eno de, na wone hena? Ka kyere yen na yenkōbō wōn a wōsomaa yen no amannee. Asem ben na wōwō ka fa wo ho?" **23** Yohane buaa wōn se, "Mene nne a efi sare so a etee mu senea Odiyifo Yesaia hyee nkōm se, 'Munsiesie mo ho mma Awurade ba a ɔbeba no.'" **24** Afei wōn a Farisifo no somaa wōn no bisaa Yohane bio

se, **25** "Se enye wo ne Agyenkwa no anaa Elia anaa Odiyifo no a, aden nti na wōbō asu?" **26** Yohane nso buae se, "Me de, nsu na mede bō asu, nanso obi wo mo mfimfini ha a munnim no, **27** a ne mpaboa mpo memfata se meworōw; ɔno na obedi m'akyi aba." **28** Saa asem yi sii Betania a ewō Asubōnten Yordan agya, faako a na Yohane rebō asu no. **29** Ade kyee a Yohane huu Yesu se ɔreba ne nkyen no, ɔteee mu kae se, "Hwe, Onyankopon Guamma a oyi wiase bone kō no!" **30** Oyi ne nea mekaa ne ho asem se, 'Nea odi m'akyi reba no ye ɔkese sen me, efise na ɔwō hō ansa na mereba.' **31** Me de, na minnim no, nanso mede nsu bebō asu senea ebeye na mēda no adi akyerē Israel." **32** Na Yohane dii adanse se, "Mihuu Honhom no se asian aba ne so se aborōnoma a ɔresian afi ɔsoro. **33** Na anka minnim no, nanso bere a Onyankopon somaa me se memfa nsu mmō asu no, ɔka kyeree me se, 'Onipa a wubehu se Honhom no besian aba ne so no, ɔno ne nea worehwe n'anim no. ɔno na ɔde Honhom Kronkron bebō asu.' **34** Mahu eyinom nyinaa se aba mu na midi ho adanse se oyi ne Onyankopon Ba no." **35** Ade kyee a Yohane ne n'asuafō no mu baanu gyina baabi no, wohuu se Yesu retwa mu. **36** Yohane hwēe no kae se, "Oyi ne Onyankopon Guamma no!" **37** Asuafō baanu no tee nea ɔkae no, wokodii Yesu akyi. **38** Yesu twaa n'ani huu se wodi n'akyi no, obisaa wōn se, "Den na morehwehwe?" Wōn nso bisaa no se, "Rabi" (a ne nkyerease ne Kyerekyerefo), "ehe na wote?" **39** Obuaa wōn se, "Mommra mmehwe." Enti wōne no kō kōhwee faako a ɔte na wōne no tenaa hō fii awia nnōnnan kosii anwummere. **40** Nnipa baanu a wotee Yohane asem no nti ɛma wokodii Yesu akyi no mu baako ne Simon Petro nua Andrea. **41** Ade a edi kan a Andrea yee ne se, ɔkōhwehwee ne nua Petro ka kyeree no se, "Yeahu Agyenkwa no" (Kristo no). **42** ɔde Petro kō Yesu nkyen. Yesu hwēe Petro dinn ka kyeree no se, "Wone Simon, Yohane ba no. Nanso efi nne rekō wōbefre wo Kefa" (eno ara ne Petro a ne nkyerease ne ɔbotan no). **43** Ade kyee no, Yesu yee n'adwene se ɔbekō Galilea. Ohuu Filipino ka kyeree no se, "Di m'akyi." **44** Na Filipino nso fi Betsaida a na Petro ne Andrea nso fi no. **45** Filipino fii hō kō Natanael nkyen kōka kyeree no se, "Yeahu Agyenkwa no a Mose ne adiyifo no hyee ne ho nkōm no. Wofre no Yesu. ɔye Yosef a ofi Nasaret no ba." **46** Natanael bisaa Filipino se, "Ade pa bi betumi afi Nasaret aba?" Filipino nso ka kyeree no se, "Bra na behwe." **47** Bere a Yesu huu

Natanael se ɔreba no, ɔkae se, “Israelni nokwafo ni ampa.” **48** Natanael bisaa Yesu se, “Woyee den huu senea mete?” Yesu nso buaa no se, “Bere a wowo borɔɔɔma dua no ase ho no na mihuu wo ansa na Filipino rebefre wo.” **49** Natanael kae se, “Kyerekerefo, wone Onyankopon Ba no, Israelhene no!” **50** Yesu bisaa no se, “Esiane se meka kyeree wo se mihuu wo wo borɔɔɔma dua no ase nti na wugye di ana? Wubehu nneema akese a esen eyinom. **51** Mereka nokware akere mo se, mubehu se ɔsoro abue na Onyankopon abofo redi aforsian wo Onipa Ba no so.”

2 Ne nnansa so na nnipa bi hyiaa ayeforo wo Kana a ewo Galilea asase so no. Na Yesu ne na wo ho, **2** na wɔato nsa afre Yesu ne n’asufo no nso aba ho bi. **3** Wogu so regye won ani no, ayeforo no ase nsa sa maa Yesu ne na ko Yesu nkyen koka kyeree no se, “Won nsa a worenom no asa.” **4** Yesu ka kyeree ne na se, “Den na wope se meye? Me bere nnya nnui.” **5** Ne na ka kyeree asomfo no se, “Biribiara a obeka se monye no, monye.” **6** Na abo asuhina asia sisi ho; eyinom mu na na Yudafo de nsu gu de hohoro won ho wo amanne kwan so. Na ahina biara tumi fa nsu galon aduasa. **7** Yesu ka kyeree asomfo no se, “Momfa nsu nhyehye ahina no amaama.” Wode nsu hyee no amaama. **8** Yesu ka kyeree won se, “Monsaw bi nkoma onipa a ayeforo no ho ntotoe hye ne nsa no.” **9** Nea ayeforo no ho ntotoe hye ne nsa no kaa nsu a adan nsa no hwee. Na onnim faako a nsa no fi, nanso na asomfo no de, wonim. Ofree ayeforokunu no **10** ka kyeree no se, “Saa nsa yi ye nsa pa. Wonte se afoforo a woaka no. Obiara a ɔto pon de nsa pa di kan ba wo n’aponto ase, na akiri no ɔde nsa a enni mu aba. Nanso wo de, wode nsa pa no atwa to!” **11** Saa nsenkyerenne a Yesu yee wo Kana a ewo Galilea asase so no ne nsenkyerenne a edi kan a ɔyee wo bagua mu de kyeree se ne tumi fi ɔsoro. Emaa n’asufo no nso gyee no dii se, ampa ara, ɔno ne Agyenkwa no. **12** Ayeforohyia no akyi no, ɔne ne na ne ne nuanom ne n’asufo no dii nna kakra wo Kapernaum. **13** Esiane se na Yudafo Twam Afahye no rebedu nti, Yesu ko Yerusalelem. **14** Oduu asoredan no mu ho no, ohuu se aguadifo bi nso tete won apon akyi resesa sika. **15** Yesu faa ntampehama yee no mpire de pam sikasesafo no ne won nguan ne won anantwi no fii asoredan mu ho, kaa won apon gu maa won sika a woresesa no nyinaa bo pansamee. **16** Afei okoo won a waton mmoronoma no so ka kyeree won se, “Monsesaw won mfi ha nko ntem! Munnyae se mode

m’Agya fi aye aguadibea no!” **17** Asuafo no kae se, woakyerew wo Kyerewsem no mu se, “Wo fi yiyedi ho dadwen ahye me so.” **18** Afei Yudafo mpanyin no bisaa Yesu se, “Tumi ben na wowo a enti wopam nnipa no? Ye nsenkyerenne bi fa di adanse se Onyankopon na omaa wo saa tumi no.” **19** Yesu buaa won se, “Mate nea moaka no. Nsenkyerenne a mede bedi adanse ara ne se, mummubu asoredan yi ngu na mede nnansa besi bio.” **20** Yudafo mpanyin no tee asem a Yesu kae no, wobisaa no se, “Asoredan a wode mfe aduanan asia sii no, na wode nnansa betumi asi?” **21** Nanso Yesu de, na ɔde ɔno ankasa ne nipadua na ereye asoredan no mfatoho, **22** Yesu wusore no akyi ansa na asuafo no kae asem a ɔkae no. Eyi ma wogyee Kyerewsem ne nsem a Yesu kae no dii. **23** Bere a Twam Afahye no duu a na Yesu wo Yerusalelem no, nsenkyerenne ahorow bebree maa nnipa gyee no dii. **24** Nanso Yesu amfa ne ho anto won so, efise na onim senea nnipa suban te. **25** Na onhia onipa adanse a obedi afa onipa ho, efise na onim nea ewo onipa mu.

3 Anadwo bi, obarima bi a ɔye Yudafo mpanyimfo no mu baako a wofre no Nikodemo a ɔsan ye Farisini no, **2** ko Yesu nkyen koka kyeree no se, “Kyerekerefo, yenim se Onyankopon na ɔsoma wo, efise obiara ntumi nye nsenkyerenne a woye yi gye se Onyankopon ka ne ho.” **3** Yesu buaa no se, “Merema woate ase se, se wɔanwo wo foforo a worentumi nko Onyankopon ahenni no mu.” **4** Nikodemo bisaa no se, “Ebeye den na me abasiwi yi betumi ako me na yam ama wawo me bio?” **5** Yesu nso buaa no se, “Mereka nokware akere wo se se wɔamfi nsu ne Honhom mu anwo obi a, ɔrentumi nko Onyankopon ahenni no mu. **6** Nea wofi ɔhonam mu awo no no ye ɔhonam na nea wofi Honhom mu awo no no ye honhom. **7** Mma enye wo nwonwa se maka se ese se wɔwo wo foforo! **8** Senea wote mframa nka, nanso wuntumi nkyere faako a efi ba ne faako a ebo ko no, saa ara na Honhom mu awo no nso te.” **9** Nikodemo bisaa no se, “Ebeye den na eyi aba mu?” **10** Yesu buaa no se, “Wo, ɔkyerekerefo a wudi mu wo Israel na wonte eyi ase? **11** Nea yenim ne nea yeahu na yereka akere mo yi, nanso munnye yen nni. **12** Se meka asase yi so nsem kyere mo na munnye nni a, ebeye den na se meka ɔsoro nsem kyere mo a mubegye adi? **13** Obiara nko ɔsoro da agye nea ofi ɔsoro bae no—Onipa Ba no. **14** Senea Mose maa ɔwo seso a wode kabere aye no so sen dua so wo sare so no, saa ara na me nso wobema me so, **15** na obiara a ogye

me di no benya nkwa a enni awiei. (aiōnios g166) 16 “Na senea Onyankopɔn dɔɔ wiase ni, se ɔde ne Ba a ɔwoo no koro no mae, na obiara a ogye no di no nyera na wanya nkwa a enni awiei. (aiōnios g166) 17 Onyankopɔn ansoma ne Ba amma wiase se ommebu wiase aten, na mmom ɔsoma no se ommeɣye wiase nkwa. 18 Obiara a ogye ɔba no di no, wɔremmu no aten; na nea onnye no nni no, wɔabu no aten dedaw, efise wannye Onyankopɔn Ba koro no anni. 19 Nea Onyankopɔn gyina so bu aten ne se: Hann no aba wiase nanso nnipa ani gye sum ho sen Hann no, efise wɔn nneyee nyinaa ye bɔne. 20 Ɖɔdebɔneyeni biara mpe Hann no, na ɔremmen Hann no, efise osuro se ne nneyee bɔne no beda adi. 21 Na nea ɔye Onyame apede no ba Hann no mu na obiara ahu se ɔye Onyame apede.” 22 Eyi akyi no Yesu ne n’asuafɔ no fii Yerusalem kɔɔ Yudea akuraa bi ase kɔtenaa hɔ kakra bɔɔ asu wɔ hɔ. 23 Saa bere no ara na Yohane nso rebɔ asu wɔ Ainon a ɛben Salim, efise na nsuwansuwa wɔ hɔ. Nnipa pii baa ne nkyen ma ɔbɔɔ wɔn asu. 24 Saa bere no na wɔmfaa Yohane ntoo afiase ɛ. 25 Da bi, Yohane akyidifo bi ne Yudanɩ bi gyee akyinnye faa ahodwira ho. 26 Enti asuafɔ no kɔɔ Yohane nkyen kɔka kyeree no se, “Kyerekyerefo, ɔbarima bi a na ɔwɔ wo nkyen wɔ Yordan fa nohɔ no a wudii ne ho adanse no nso rebɔ asu na nnipa pii rekɔ ne nkyen.” 27 Yohane buae se, “Obi rentumi nni dwuma a ete saa gye se Onyame ka ne ho. 28 Mo ara mudi me adanse se meka kyeree mo se, ‘Enye me ne Kristo no na mmom wɔasoma me adi n’anim kan.’ 29 Adamfo a ɔboa ayeforokunu no wɛn n’aso twɛn no na se ɔte ne nne a, n’ani gye. Enɔ nti na m’anigyɛ wie pɛye no. 30 Eɛ se ɔye ɔkese na me nso meye ɔketewa. 31 “Nea ofi ɔsoro aba no ye ɔkese sen obiara; Nea ofi asase so no ye wiaseni na ɔkasa se wiaseni. 32 Ɖsoroni no ka nea wahu ne nea wate, nanso obiara nnye no nni. 33 Wɔn a wogyɛ no di no di adanse se, Onyankopɔn ye ɔnokwafo. 34 Nea Onyankopɔn asoma no no ka Onyankopɔn asem, efise Onyankopɔn de ne Honhom ahyɛ no ma. 35 Agya no dɔ ne Ba no nti ɔde biribiara so tumi ahyɛ ne nsa. 36 Nea ogye ɔba no di no benya nkwa a ɛnsa da, na nea onnye no nni no rennya nkwa a ɛnsa da, na mmom Onyankopɔn asotwe da no so.” (aiōnios g166)

4 Yesu huu se Farisifo no ate se nnipa pii reba ne nkyen ama wɔbɔ wɔn asu sen senea nnipa kɔ Yohane nkyen, 2 a na ɛnye Yesu ankasa na ɔbɔ asu no,

na mmom n’asuafɔ no na wɔbɔ asu. 3 Enti ofii Yudea san kɔɔ Galilea. 4 Ɖrekɔ no na ɛse se ɔfa Samaria. 5 Ɖbeyɛ se owigyinae no, na Yesu abɛn Samaria kurow bi a wɔfre no Sikar a ɛben asase bi a Yakob de maa ne ba Yosef no ho. 6 Ɖhɔ na na Yakob abura wɔ. Esiane ɔbre a na Yesu abre nti, ɔtenaa abura no ho se ɔregye n’ahome. Na saa bere no beyɛ awia nnɔndumien. 7 Ankyɛ na Samaritanibea bi baa hɔ betow nsu maa Yesu sɛɛ no se, “Ma me nsu no bi nnom.” 8 Saa bere no na Yesu asuafɔ no kɔ kurow no mu akɔɔ aduan. 9 Samaritanibea no ka kyeree Yesu se, “Ɖye me nwonwa se wo a woyɛ Yudanɩ rebisa nsu afi me a meye Samaritanɩ nkyen.” Na Yudafo ne Samariafo nni hwee ye. 10 Yesu buaa no se, “Se wunim akyede a Onyankopɔn de ma onipa anaa onipa ko a ɔresɛ wo nsu yi a anka wobesɛ no na wama wo nkwa nsu.” 11 Ɖbea no bisae se, “Owura, wunni hama, nni bokiti; abura yi mu nso dɔ yiye, na ehe na wubenya saa nkwa nsu no afi? 12 Woyɛ ɔkese sen yen agya Yakob a otuu abura yi maa yen na ɔne ne mma, ne nguan ne n’anantwi nom mu nsu bi no ana?” 13 Yesu buaa no se, “Obiara a ɔnom saa nsu yi bi no, osukɔm de no bio, 14 nanso nea ɔbenom nsu a mede bɛma no no, osukɔm renne no bio da. Nsu a mede bɛma no no beyɛ se asuti a ɛrenyow da wɔ ne mu, na ɛbɛma no nkwa a ɛrensa da.” (aiōn g165, aiōnios g166) 15 Ɖbea no sɛɛ no se, “Owura, ma me saa nkwa nsu yi bi na osukɔm anne me bio, na daa mantwa kwan ammetow nsu.” 16 Yesu ka kyeree no se, “Kɔfre wo kunu na wo ne no mmra.” 17 Ɖbea no buaa no se, “Me wura, minni kunu.” Yesu nso kae se, “Asem a woaka no ye nokware, se wunni kunu no. 18 Woaware mmarima baanum agyae na ɔbarima a wo ne no wɔ hɔ mprempren no nye wo kunu mpo.” 19 Ɖbea no kae se, “Owura, mihu se woyɛ odiyifo. 20 Yen agyanom Samariafo som Onyankopɔn wɔ saa bepɔw yi so, nanso mo Yudafo de, moka se Yerusalem nko ara na ɛse se yesom Nyankopɔn.” 21 Yesu ka kyeree no se, “Merema woate ase se bere bi bɛba a nnipa rensom Agya no wɔ saa bepɔw yi so anaa Yerusalem.” 22 Mo Samariafo nnim nea mosom no. Nanso yen Yudafo de, yenim nea yesom no, efise Yudafo so na nkwaye nam ba. 23 Nna bi reba, na mpo aba dedaw, se nokware asomfo besɔre Agya no wɔ Honhom ne nokware mu. Eyinom ne asomfo a Agya no hwehwe. 24 Onyankopɔn ye Honhom, na ɛse se wɔn a wosom no no som no wɔ Honhom ne nokware mu. 25 Ɖbea no ka kyeree no se, “Minim se Agyenkwa no a

wɔfrɛ no Kristo no beba, na se ɔba a ɔɔkyerekyerɛ yen biribiara mu.” 26 Yesu ka kyereɛ no se, “Me a me ne wo rekasa yi, mene Kristo no.” 27 Yesu ano sii pe na n’asuafo no san bae. Eyɛɛ asuafo no nwonwa se wɔbɛtoo Yesu se ɔne ɔbea bi redi nkɔmmɔ. Nanso wɔn mu biara ammisa ɔbea no nea ɔrehwehwe ne Yesu nso, nea enti a ɔne saa ɔbea no redi nkɔmmɔ no. 28 Afei ɔbea yi gyaw n’asuhina no hɔ san kɔɔ kurow no mu kɔka kyereɛ kurom hɔfo se, 29 “Mommra mmehwe ɔbarima bi a waka kokoa mu nneema a mayɛ akyere me! Anaa ɔno ne Agyenkwa no?” 30 Nnipa a wɔtee asem yi nyinaa bɔɔ twi kɔhwɛ Yesu. 31 Afei asuafo no ka kyereɛ Yesu se, “Kyerekyerɛfo, didi.” 32 Yesu buaa wɔn se, “Mewɔ aduan a midi a munnim ho hwee.” 33 Emaa asuafo no bisabisaa wɔn ho wɔn ho se, “Obi abre no aduan bi ana?” 34 Yesu buae se, “M’aduan ne se meye nea ɔsoma me no apede, na miwie dwuma a ɔde maa me se mimmedi no. 35 Moka se, ‘Asram anan mu, otwabere bedu.’ Mummue mo ani nhwe mo ho nhyia, na muhu se aburow awo a ɛkyere se, otwabere adu! 36 Otwafo nya n’akatua a ɛse no, na ɔboaboa nea watwa no ano ma nkwa a ɛnsa da. Eyi ma nea odua ne nea otwa no nyinaa ani gye. (aiōnios g166) 37 Eyɛ nokware pefee se, ‘Obi dua na obi twa.’ 38 Mesomaa mo kɔɔ baabi se munkotwa nea monyee ho adwuma ɛ. Nnipa afoforo na wɔayɛ adwumaden, na mo de, moanya mfaso a fi adwuma a wɔayɛ no mu.” 39 Esiane adanse a Samarianibea no di faa Yesu ho se, “Waka biribiara a mayɛ akyere me” no nti, kurow no mu hɔfo pii gyee Yesu dii se ɔno ne Mesaia no. 40 Enti bere a Samariafo no baa Yesu nkyen no, wɔsrɛɛ no se ɔntena wɔn nkyen. ɔpenɛɛ so dii nnaanuu wɔ wɔn nkyen. 41 Ne nsem no nti nnipa bebreɛ gyee no dii. 42 Nnipa a wogyee no dii no ka kyereɛ ɔbea no se, “Enye adanse a wubedii no nti na yegye no di, na mmom nsem a yeate se ɔka no nti na yeagyɛ no adi. Na yenim se ɔno ne wiase Agyenkwa no.” 43 Nnaanuu akyi no, Yesu fii kurow no mu kɔɔ Galilea. 44 Ewɔ mu se na Yesu aka se, “Odiyifo biara nni anuonyam wɔ ne man mu” de, nanso 45 esiane nea Galileafo a wɔwɔ Yerusalem wɔ Twam Afahye bere no mu no huu nea Yesu yɛɛ no nti, oduu Galilea no wogyee no. 46 ɔsan kɔɔ Kana a ewɔ Galilea, faako a ɔmaa nsu dan nsa hɔ no bio. Yesu wɔ hɔ no ɔhene somfo panyin bi a na ne ba yare wɔ Kapernaum no 47 tee ne nka se ofi Yudea aba Galilea hɔ. Saa ɔbarima yi kɔɔ Kana kohuu Yesu, srɛɛ no se ɔne no nkɔ Kapernaum nkɔsa ne ba a na

ɔyare a ɔreyɛ awu no yare mma no. 48 Yesu kae se, “Menye nsenkyerenne nkyere mo ansa na moagyɛ me adi ana?” 49 ɔsomfo panyin no de ahoyeraw ka kyereɛ no se, “Owura, mesre wo, ma yenkɔ ntem, anyɛ saa a me ba no bewu.” 50 Yesu ka kyereɛ no se, “Kɔ fie na wo ba no ho aye no den!” ɔsomfo panyin no gyee asem a Yesu kae no dii na osii mu se ɔrekɔ fie. 51 ɔnam kwan so no, n’asomfo bi behyiaa no ka kyereɛ no se ne ba no ho atɔ no. 52 ɔbarima no bisaa n’asomfo no se, “Bere ben na ne ho tɔɔ no?” Asomfo no buaa no se, “Nnɛra awia beyɛ dɔnkoro bere mu na atiridiinini a na abɔ no no gyaaɛ.” 53 ɔbarima no tee asem no pe na ɔkaa se eyɛ saa bere koro no ara mu na Yesu ka kyereɛ no se, “Kɔ fie na wo ba no ho atɔ no” no. Eyi maa ɔbarima no ne ne fifo nyinaa gyee Yesu dii. 54 Eyi ne nsenkyerenne a eto so abien a Yesu fii Yudea baa Galilea no ɔyɛɛ.

5 Eyi akyi no Yudafo afahye bi nti Yesu san kɔɔ Yerusalem. 2 Na ɔtare bi wo kurow no mu a wɔfrɛ no Betseda a na ɛben kurow no ano pon kɛse bi a wɔfrɛ no Nguan Pon no. Na wɔabɔ pata ahorow anum atwa ho ahyia. 3 Saa pata yi ase na na ayarefo pii se, anifuraefo, mpakye ne mmubuafo wɔ retwen se Awurade bɔfo fi ɔsoro beba abefono nsu no. 4 Nea ete ne se, se ɔbɔfo no fono nsu no wie a, ɔyarefo a obedi kan atɔ mu no nya ayaresa. 5 Na ɔbarima bi ayare ada ɔtare no ho mfe aduasa awotwe. 6 Yesu huu se wayare ada hɔ akyɛ no, obisaa no se, “Wope se wo ho tɔ wo ana?” 7 ɔyarefo no buaa no se, “Me wura, se ɔbɔfo no bɛfono nsu no a, minnya obi a ɔbema me so ato mu. Bere biara a meɔ me ho mmɔden se merekɔ mu no, obi di me kan.” 8 Yesu ka kyereɛ no se, “Sɔre! Bobɔw wo ketɛ na kɔ fie.” 9 Amono mu hɔ ara, ɔbarima no nyaa ahoɔden bobɔw ne ketɛ, fii ase nantewee. Na saa da no ye homeda. 10 Yudafo mpanyin huu ɔbarima no se ɔso ne ketɛ no, wɔn bo fuw yiye. Wobisaa no se, “Wunnim se nne ye homeda na etia mmara se wobesoa wo ketɛ ana?” 11 ɔbarima yi de ahopopo yii ne ho ano se, “Onipa a ɔsaa me yare no na ɔka kyereɛ me se mensoa me ketɛ na menkɔ.” 12 Wɔtee saa no wobisaa no se, “Hena ne saa onipa no?” 13 Nanso na nea wɔsaa no yare no nnim Yesu. Afei nso na Yesu afa nnipa no mu kɔ. 14 Akyiri no, Yesu hyiaa ɔbarima no wɔ asɔredan mu tuu no fo se, “Afei a wo ho atɔ wo yi, hwe yiye na woankɔyɛ bɔne bio amma biribi a esen kan yare no amma wo so.” 15 ɔbarima yi fii hɔ kɔka kyereɛ Yudafo mpanyin no se eyɛ Yesu na

osaa no yare no. **16** Yudafo mpanyin yi fii ase tan Yesu ani, efise wabu wɔn homeda mmara no so. **17** Yesu ka kyereɛ wɔn se, “M’agya ye adwuma bere biara enti ɛse se me nso meye adwuma bere biara.” **18** Saa asem a Yesu kaa yi maa Yudafo mpanyin no bo fuwii, na wɔyɛ wɔn adwene se wobekum no, efise na enye homeda mmara no nko na obu so na na ɔsan frɛ ne ho se Onyankopɔn Ba de kyere se, ɔne Onyankopɔn ye pe. **19** Yesu ka kyereɛ wɔn se, “Ɔba no ntumi mfi ne pe mu nye biribi, na mmom ɔye nea oɔhu se n’Agya ye no bi. **20** Efise Agya no dɔ Ɔba no na biribiara a Agya no ye no ɔma Ɔba no hu. Na Ɔba no beye nnwuma akese a esen saa ɔbarima yi ayaresa yi ama mo ho adwiriw mo. **21** Na senea Agya no nyan awufo no, saa ara nso na Ɔba no nyan awufo a ɔpe se onyan wɔn no. **22** Afei koraa m’Agya mmu obiara aten. Ɔde saa atemmu tumi no ahye Ɔba no nsa **23** senea ebeye a obiara bedi Ɔba no ni, senea wodi Agya no ni no. Obiara a onni Ɔba no ni no nni Agya a ɔsoma no no nso ni. **24** “Mereka nokware akyerɛ mo se: Obiara a otie me nsem na ogye nea ɔsoma me no di no wɔ nkwa a enni awiei. Wɔremmu no aten, efise wafi owu mu aba nkwa mu. (aiōnios g166) **25** Mereka nokware bio se, bere bi reba, na mpo saa bere no anya aba a awufo bete Onyankopɔn Ba no nne, na wɔn a wote ne nne no benya nkwa. **26** Senea Agya no ye nkwafo no, saa ara nso na wama ne Ba no tumi ama waye nkwafo. **27** Wama Ɔba no tumi a ɔde bu aten, efise ɔno ne Onipa Ba no. **28** “Momma saa asem yi nnye mo nwonwa, efise bere bi reba a awufo a wɔwɔ wɔn nna mu mpo bete me nne, **29** na wɔasɔresɔre. Wɔn a wɔaye papa no benyan atena nkwa mu, na wɔn a wɔaye bone no nso, wɔabu wɔn fo. **30** Merentumi mfi m’ankasa me tumi mu nye biribiara; asem a Onyankopɔn aka akyerɛ me no so na migyina bu aten. Eno nti aten a mibu no ye nokware. **31** “Se me ara midi me ho adanse a, m’adansedi no nni mu. **32** Na obi wɔ ho a odi me ho adanse a minim se n’adanse a odi fa me ho no ye nokware. **33** “Moasoma nnipa ako Yohane nkyen na wadi adanse a eye nokware. **34** Nnipa adansedi ho nhia me ansa na moahu onipa ko a meye. Na mmom meka Yohane adanse a odii no kyere mo se nea ebeye na Onyankopɔn begye mo nkwa. **35** Yohane nsem a ɔkae ye kanea a wɔaso na ehyeren, na emaa mo ani gyei. **36** “Me nnwuma a m’Agya de ama me se menye no di me ho adanse sen Yohane. **37** Ewɔ mu se munhuu Agya no anim da, na montee ne nne nso da, nanso wadi me ho adanse. **38** Na n’asem

no nso momma nsie mo tirim, efise munnnye me a ɔsoma me no nni. **39** Musua Kyerewsem no, efise mugye di se eno na ebema moanya nkwa a enni awiei. Nanso saa Kyerewsem koro no ara di me ho adanse! (aiōnios g166) **40** Eyi nyinaa akyi no, momma se moba me nkyen na moanya nkwa! **41** “Menhwehwe nnipa anim anuonyam. **42** Minim nnipa ko a moye. Minim se munni Onyankopɔn ho dɔ. **43** Mebaa wɔ m’Agya din mu nanso moannye me. Nanso se obi ba wɔ ɔno ara ne din mu na ɔbeyɛ nea ɔpe a, eno de, mugye no. **44** Mope se nnipa kamfo mo mmom sen se Onyankopɔn bekamfo mo. Ebeye den na moagye me adi? **45** “Enye me na meka asem bi atia mo wɔ Agya no anim, na mmom eye Mose a mode mo ani too ne mmara so se eno na monam so beko Onyankopɔn ahenni mu no. **46** Se mugyee Mose dii a anka me nso mubegye me adi, efise nsem a ɔkyerew no di me ho adanse. **47** Na esiane se moannye nsem a ɔkyerew no anni no nti, enye nwonwa se munnye me nni.”

6 Eyi akyi no, Yesu kɔ tɔnn kotwaa Galilea Po, a eye Tiberia Po no. **2** Esiane se nkurofo huu se Yesu nam anwonwakwan so asa nnipa pii yare no nti, wodii n’akyi. **3** Yesu ne n’asuafo no kɔ beɔw bi so kotenaa ho kakra. **4** Saa bere no na Twam Afahye no aben. **5** Bere a Yesu twaa n’ani, huu se nnipakuw no reba ne nkyen no, obisaa Filipo se, “Ehe na yebanya aduan ama saa nnipa dodow yi?” **6** Yesu bisaa Filipo saa asem yi de sɔ no hwɛ, efise na onim nea ɔbeyɛ. **7** Filipo buae se, “Ansa na yebetumi ama saa nnipa dodow yi aduan no, ɛse se yenya asram awotwe akatua.” **8** Andrea a ɔye Simon Petro nua no kae se, **9** “Abarimaa bi wɔ ha a ɔwɔ brodo anum ne kyanam abien; na eyi betumi aso nnipa dodow yi di?” **10** Yesu hyee n’asuafo no se, “Momma obiara ntena ase.” Asuafo no ma wɔtenatenaa sare no so. Na mmarima a wɔwɔ wɔn mu no dodow beye mpem anum. **11** Yesu faa brodo no bɔ mpae na ɔkye maa wɔn. Ɔfaa saa kwan koro no ara so kyee kyanam no nso maa wɔn. **12** Wodidi mee akyi no, Yesu ka kyereɛ wɔn se, “Mommooaboa aduan a aka no ano na bi ansee.” **13** Wɔboabooa aduan a ekae no ano no, eye nkenten dumien. **14** Nnipa no huu nsenkyerenne a Yesu aye no, wɔkae se, “Ampa ara, onipa yi ne odiiyifo a yerehwe no kwan no.” **15** Yesu huu se nnipa no aye wɔn adwene se wɔbekyere no asi no hene no, ɔtwee ne ho fii wɔn mu kɔ beɔw no so bio. **16** Onwini dwoe no, Yesu asuafo no kɔ Galilea mpoano. **17** Wɔtwen kosii se ade sae na ɔmma

no, wòkòtenaa òkorow mu se wòrèkò Kapernaum. 18 Saa bere no na ahum retu wò po so ama po no ani afono. 19 Wòhare kòò wòn anim bèyè akwansin abiesa anaa anan no, wohuu se obi nam po no so reba; eyi maa ehu kaa wòn kosii se, 20 Yesu kae se, “Èyè me, Munnsuro!” 21 Asuafo no pèè se anka wòde no tena òkorow no mu, nanso ntèm ara òkorow no koduu Kapernaum. 22 Ade kyee no, nnipa a na wòwò Galilea po no agya no huu se òkorow baako pè na na ewò hò, nanso asuafo no tenaa mu kòe a na Yesu nka wòn hò. 23 Ankýe koraa na akorow afoforo bi fi Tiberia baa faako a Awurade maa nnipakuw no aduan dii no. 24 Bere a nnipa no huu se Yesu ne n’asuafo no nni hò no, wòtenatenaa akorow no mu se wòrèkò Kapernaum akòhwehwe no. 25 Woduu Kapernaum na wohuu Yesu no, wobisaa no se, “Kyerekýerefo, bere bèn na wobaa ha?” 26 Yesu buaa wòn se, “Mereka nokware akýere mo se, ènyè se muhuu anwonwade a meýèè no nti na morehwehwe me, na mmom se munyaa aduan di mee no nti. 27 Monnsèè mo bere nyinaa mpere nhwehwe aduan a etumi seè no akyi kwan, na mmom mompere nhwehwe aduan a etena hò daa a ema nkwa a enni awiei a Onipa Ba no de bèma mo no akyi kwan. Efise eyi nti na m’Agya somaa me.” (aiōnios g166) 28 Nnipa no bisaa no se, “Dèn na yenyè na yeasò Onyankopòn ani?” 29 Yesu buaa wòn se, “Eyi ne nea Onyankopòn pè se moyè, munnye nea wasoma no no nni.” 30 Nnipa no bisaa no bio se, “Anwonwade bèn na wobeyè akýere yèn ama yeagyè wò adi? 31 Se wopè se yegyè wò di se wone Agyenkwa no de a, èno de ma yèn aduan nni daa senea Kyerèwsem no di hò adanse se, Mose maa yèn nenanom òsoro aduan dii wò sare no so.” 32 Yesu ka kyereè wòn se, “Mereka nokware akýere mo se, ènyè Mose na òmaa mo nenanom aduan a efi òsoro no dii wò sare so hò no na mmom èyè m’Agya. Na afei de, òma mo aduan a efi òsoro a ema nkwa a enni awiei no di daa. 33 Saa aduan a efi Onyankopòn nkyen no ne onipa a ofi òsoro ba asase so na òde nkwa brè wiase no.” 34 Nnipa no ka kyereè no se, “Owura, ma yèn saa aduan no bi nni daa.” 35 Yesu kae se, “Mene brodo a ema nkwa no. Obiara a òba me nkyen na ogye me di no, òkòm anaa osukòm renne no da. 36 Senea maka akýere mo no, moahu me nnwuma, nanso munnye me nni. 37 Obiara a m’Agya de no ama me no beba me nkyen, na obiara a òbèba me nkyen nso no, merempam no. 38 Na mifi òsoro baa asase so se merebeyè nea òsoma me no apède, na ènyè m’apède.

39 Na nea òsoma me no apède ne se mèhwe wòn a òde wòn ama me no nyinaa so yiye na da a edi akyiri no, manyan wòn ama wòn nkwa foforo. 40 M’Agya apède ne se obiara a òba me nkyen na ogye me di no benya nkwa a enni awiei, na da a edi akyiri no manyan no ama no nkwa foforo.” (aiōnios g166) 41 Yudafo no tee se Yesu aka se, “Mene aduan a efi òsoro” no, wonwiinwii. 42 Wòkòò so kae se, “Ènyè Yosef ne Maria ba ne saa Yesu yi? Èyèè dèn na otumi ka se ofi òsoro na òbae?” 43 Yesu buaa wòn se, “Munnyaè anwiinwii no. 44 Mommma ènyè mo nwonwa se maka saa, na obiara nni hò a obetumi aba me nkyen, gye se Agya no a òsoma me no twe no ba me hò, na da a edi akyiri no, menyan no. 45 Adiyifo no akýerèw se, ‘Onyankopòn ankasa bèkyerekýere ne mma.’ Èno nti, obiara a otie Agya no nkyerekýere no ba me nkyen. 46 Asem a maka yi nkyere se obi ahu Agya no pèn, gye onipa a ofi Agya no nkyen no. 47 Mereka nokwasèm akýere mo se, nea ogye di no nya nkwa a enni awiei. (aiōnios g166) 48 Mene brodo a ema nkwa no. 49 Mo nenanom dii mana wò sare so nso wowuwui, 50 nanso brodo a efi òsoro ba no yè brodo a obi di a òrenwu da. 51 Mene brodo a efi òsoro no; se obi di saa brodo yi a òbetena ase daa. Brodo a mede bèma obiara a òba me nkyen no ne me honam a mede ma, senea èbeyè na wiase benya nkwa.” (aiōn g165) 52 Asem a Yesu kaa yi maa Yudafo no bo fuwii, ma wobisabisaa wòn hò wòn hò se, “Èbeyè dèn na saa onipa yi betumi de ne honam ama yèn se aduan ama yeadi?” 53 Yesu ka kyereè wòn se, “Mereka nokwasèm akýere mo; moanni Onipa Ba no honam se aduan na moannom ne mogya a, morennya nkwa a enni awiei. 54 Obiara a òdi me honam se aduan na ònom me mogya no nya nkwa a enni awiei, na da a edi akyiri no menyan no ama no nkwa foforo. (aiōnios g166) 55 Me honam ne aduan pa no, na me mogya nso ne nsu pa no. 56 Obiara a òdi me honam se aduan na ònom me mogya se nsu no te me mu, na me nso mete ne mu. 57 Senea Agya teasefo no somaa me na òno nti mete ase no, saa ara nso na obiara a òdi me honam se aduan no, me nti òbetena ase. 58 Eyi ne brodo a efi òsoro bae. Ènte se mana a yèn nenanom dii wò sare so na wowuwui no. Saa brodo yi de, obiara a òbedi bi no betena ase daa.” (aiōn g165) 59 Bere a na Yesu rekyerekýere wò hyiadan mu wò Kapernaum no na òkaa saa nsem yi. 60 Yesu akyidifo no mu pii tee asem a òkàè no, wòkàè se, “Saa asem yi de, èkyere yèn adwene. Hena na òbete ase?” 61 Yesu huu se n’akyidifo

no renwiinwii no, obisaa wɔn se, “Asem a mekae yi to mo hintidua ana? **62** Eno de eba se Onipa Ba no resan ako asoro, faako a ofi bae no a, den na mobeye? **63** Onyankopɔn honhom na ema nkwa. Onipa ntumi mma nkwa. Nsem a maka akyerɛ mo yi ye honhom na nkwa wɔ mu, **64** nanso mo mu bi nnye nni.” Efi mfiase no na Yesu huu wɔn a wonnye no nni ne wɔn a wɔbetwe wɔn ho a fi ne ho no. **65** Okɔ so kae se, “Eyi nti na meka kyereɛ mo se obi ntumi mma me nkyen gye se Agya no ama no ho kwan” no. **66** Esiane saa nsem a Yesu kae no nti, n’akyidifo no mu pii twee wɔn ho fii ne ho na wɔanni n’akyi bio. **67** Yesu huu saa no, obisaa asuafo dumien no se, “Mo nso mubegyae m’akyidi ana?” **68** Simon Petro buaa no se, “Awurade, hena nkyen na yebeko? Wo na wowo nsem a ewɔ nkwa a enni awiei. (aiōnios g166) **69** Na yegye wo nsem no di na yenim se wone Onyankopɔn Ba Kronkron no.” **70** Yesu kɔ so kae se, “Me ara na miyii mo dumien yi, nanso mo mu baako ye obonsam.” **71** Asem a Yesu kae no, na efa Yuda a ɔye Simon Iskariot ba no a ɔye asuafo dumien no mu baako a obeyi Yesu ama no ho.

7 Eyi akyi no Yesu kyinkyinii wɔ Galilea. Wampe se obekyinkyin wɔ Yudea, efise na Yudafo mpanyin no rehwehwe no akum no. **2** Bere a Yudafo Asease Afahye no reye adu no, **3** Yesu nuanom ka kyereɛ no se, “Ese se wufi ha san kɔ Yudea senea ebeye na w’akyidifo behu nsenkyerenne a woyee no. **4** Se obi pe se ogye din a ɔmmfa ne nneyee nsie. Ese se ɔma nnipa nyinaa hu ne nneyee.” **5** Na n’ankasa ne nuanom mpo nnye no nni. **6** Yesu ka kyereɛ wɔn se, “Me bere nnuu ε, na mo de bere biara ye ma mo. **7** Mo de, nnipa tan mo a enye ye, nanso me de wɔtan me a eye ye, efise daa meka bɔne a woye no kyere wɔn. **8** Mo de, munni kan nkɔ afahye no na me de, minnya nkɔ ε, efise me bere nnuu ε.” **9** Okaa saa asem yi kyereɛ wɔn akyi no ɔtenaa Galilea. **10** Yesu nuanom kɔ akyi no na ɔno nso kɔ afahye no ase bi a wanna ne ho adi wɔ ho. **11** Yudafo mpanyin no hwehwee no wɔ afahye no ase na wɔanhu no no, wobisabisaa wɔn ho wɔn ho se, “Onipa a yerehwehwe no no wɔ he?” **12** Nnipa no kaa ne ho nsem huhuhuhu efise na wosuro Yudafo mpanyin no. Ebinom se, “Ɔye onipa pa.” Na afoforo nso se, “Ɔye ɔdaadaafo.” **13** Yudafo mpanyin no ho hu nti obiara antumi anyi n’anim anka ne ho asem wɔ bagua mu. **14** Afahye no duu ne mpɔmpɔnso no, Yesu kɔ asɔredan mu kɔkyerekyerɛ. **15** Bere a

Yudafo mpanyin no tee Yesu nkyerekyerɛ no, eye wɔn nwonwa na wobisae se, “Onipa yi nsuaa nhoma da, na eye den na otumi kyerekyerɛ se yi?” **16** Yesu buaa wɔn se, “Nea merekyere no mfi m’ankasa, na mmom efi Onyankopɔn a ɔsoma me no. **17** Se obi pe se ɔye Onyankopɔn apede a obehu se me nkyerekyerɛ no fi Onyankopɔn nkyen ana efi m’ankasa. **18** Obiara a ɔde n’adwene kasa no pe anuonyam ma ne ho, na obiara a ɔpe anuonyam ma nea ɔsoma no no ye ɔnokwafo a nnaadaa biara nni ne mu. **19** Mose amma mo mmara no ana? Nanso mo mu biara nni saa mmara no so! Aden nti na mope se mukum me?” **20** Nnipa no ka kyereɛ no se, “Gyama honhommane bi hye wo so? Hena na ɔrehwehwe wo akum wo?” **21** Yesu buaa wɔn se, “Anwonwade baako pe a maye nti na mo ho adwiriw mo se yi. **22** Mose maa mo twetiatwa (mpo enye se Mose na ɔhyee ho mmara na eye mo nenanom) nanso, mutwa twetia homeda. **23** Se mutwa twetia homeda na moanto Mose mmara a, aden nti na se mesa obi yare homeda a, mo bo fuw me? **24** Mummyu aten kwa. Monhwe biribiara a muhu no yiye ansa na moabu ho aten.” **25** Nnipa a na wowo Yerusalem no mu bi bisae se, “Enye saa onipa yi ne nea wɔpe se wokum no no ana? **26** Ɔno na ɔrekasa wɔ bagua mu a obiara nka hwee nkyere no yi! Gyama afei de mpanyimfo no agye no ato mu se ɔne Agyenkwa no? **27** Yenim se Agyenkwa no nya ba a, obiara rentumi nkyere faako a ofi bae nanso saa onipa yi de, yenim faako a ofi.” **28** Yesu gu so rekyerekyerɛ wɔ asɔredan mu no, okaa no dennen se, “Ewɔ mu se munim me na munim faako nso a mifi bae, nanso enye me ara me pe na mede bae, na nea ɔsoma me no ye ɔnokwafo, nanso munnim no; **29** na me de, minim no, efise mifi ne nkyen na mebae na ɔno na ɔsoma me.” **30** N’ano sii no, wɔpe se anka wɔkyere no nanso obiara antumi amfa ne nsa anka no, efise na ne bere a ese se wɔkyere no no nnuu ε. **31** Nnipa no mu fa kɛse no ara gye no dii na wobisae se, “Se Agyenkwa no ba a obetumi aye anwonwade bebre sen nea ɔbarima yi aye no ana?” **32** Farisifo no tee huhuhuhu no a nnipa no ye faa Yesu ho no, wɔne asɔfo mpanyin no somaa hyiadan awɛmfo bi se wɔnkɔkyere Yesu mmra. **33** Yesu ka kyereɛ nnipakuw no se, “Nna kakraa bi na aka me a me ne mo betena na masan ako nea ɔsoma me no nkyen. **34** Mobehwehwe me nanso morenihu me, efise faako a mereko no morentumi nkɔ ho.” **35** Bere a Yudafo mpanyin no tee asem a Yesu kae no,

wobisabisaa wɔn ho wɔn ho se, “Ehefa na ose ɔrebekɔ a enti yerenhu no yi? Anaase ɔpe se ɔko Helafo nkurow a Yudafo tete mu no mu akɔkyerekyerɛ wɔn? **36** Se ɔka se, ‘Mobehwehwe me, nanso morenɔhu me, efise faako a merekɔ no morentumi nkɔ hɔ’ a, na ɔkyere den?” **37** Afahye no da a edi akyi a eye da titiriw no, Yesu sɔre gyinaa hɔ kasaa dennen se, “Obiara a osukɔm de no no mmra me nkyen mmenom nsu. **38** Na Kyerewsem no ka se, ‘Obiara a ogye me di no, nsu a ema nkwa besen afi ne mu.’” **39** Yesu kaa saa asem yi faa Honhom Kronkron a wɔn a wogyee no dii no nsa beka no ho. Saa bere no na onya mfaa Honhom Kronkron no mmaa wɔn ɛ, efise na wonnya mmaa no so nkɔɔ ɔsoro nhyee no anuonyam ɛ. **40** Nnipa no tee asem a Yesu kae no, ebinom kae se, “Ampa ara onipa yi ne odiyifo no!” **41** Afoforo nso kae se, “Ɔno ne Kristo no!” Ebinom nso bisae se, “Ebeye den na Kristo no befi Galilea? **42** Kyerewsem no anka se saa Kristo no befi Dawid abusua mu na wobewo no wɔ Betlehem kurɔw a Dawid tenaa mu no mu ana?” **43** Yesu nti nnipa no mu kyekyee. **44** Ebinom pɛɛ se wɔkyere no nanso obiara amfa ne nsa anka no. **45** Asomfo no san kɔe no, asɔfo mpanyin ne Farisifo no bisaa wɔn se, “Aden nti na moamfa no amma?” **46** Asomfo no buae se, “Nsem a onipa no ka no, eye nwonwa na yentee bi da.” **47** Farisifo no san bisaa asomfo no se, “Mo nso wadaadaa mo ana? **48** Moahu se mpanyimfo anaa Farisifo no bi agye no adi ana? **49** Dabi, eremma sa, na mmom eye wɔn a wonnim mmara no na wɔadome wɔn no na wobegye no adi.” **50** Saa bere no na Nikodemo a ɔye Farisini a da bi owiaa ne ho kɔɔ Yesu nkyen anadwo no nso wɔ hɔ bi. **51** Ɔno na obisae se, “Enti yen mmara ma ho kwan ma yebu obi fɔ wɔ bere a yentee n’anom asem, nhuu nea waye ana?” **52** Wobuaa no se, “Wo nso wufi Galilea ana? Hwehwe Kyerewsem no mu yiye na wubehu se odiyifo biara rentumi mfi Galilea da.” **53** Afei obiara fii hɔ kɔe a wɔantumi ansi gyinae biara.

8 Yesu san kɔɔ Ngo Bepɔw no so. **2** Ade kyee anɔpa no ɔsan baa hyiadan no mu. Nnipa bebree baa ne nkyen ma ofii ase kyerekyerɛ wɔn. **3** Ogu so rekasa no, Yudafo mpanyin ne Farisifo de ɔbea bi a wɔkyeree no se ɔrebo aguaman baa n’anim. **4** Wɔka kyere Yesu se, “Kyerekyerɛfo, yekyeree ɔbea yi se ɔrebo aguaman, **5** nanso Mose mmara hye yen se, ɔbea biara a wɔbekyere no wɔ saa ɔkwan no so no, esɛ se wosiw no abo. Den na woka wɔ ho?” **6** Wobisaa no eyi de sum no afiri senea ebeye a wobenya asem bi agyina so

atoto n’ano. Nanso Yesu bɔɔ ne mu ase de ne nsateaa kyerekyerɛw fam. **7** Wogu so rebisabisa no nsem no, ɔmaa ne mu so ka kyere wɔn se, “Mo mu biara a ɔnyee bɔne da no nni kan ntow ɔbo mmɔ no.” **8** Ɔsan bɔɔ ne mu ase kyerekyerɛw fam. **9** Nnipa no tee asem a Yesu kae no, wofii ase fii hɔ mmaako mmaako fii mpanyin no so. Ekaa Yesu ne ɔbea no nko ara. **10** Yesu maa ne mu so no, obisaa ɔbea no se, “Nnipa a wɔde wo bae no wɔ he? Wɔn mu baako mpo nni ha a ɔbeka asem bi atia wo?” **11** Ɔbea no buaa Yesu se, “Dabi, Owura.” Yesu ka kyere no se, “Se saa na ete de a, eno de me nso minni asem biara a meka de atia wo. Kɔ, na nkɔye bɔne bio.” **12** Yesu san toaa ne kasa no so ka kyere nnipa no se, “Mene wiase hann no. Obiara a odi m’akyi no rennantew sum mu da, na obenya hann a ekyerɛ nnipa kwan ma wɔkɔ nkwa mu.” **13** Farisifo no tee asem a Yesu kae no, wɔka kyere no se, “Asem a woreka yi de, yerennye nto mu, efise wo ara na wordi wo ho adanse.” **14** Yesu nso buaa wɔn se, “Se me ara meredi me ho adanse mpo a, asem a meka no ye nokware, efise minim faako a mifi bae ne faako a merekɔ. Na mo de, munnim faako a mifi bae ne faako a merekɔ nso. **15** Mo ankasa mode mo adwene na ebu aten na me de, mimmu obiara aten. **16** Nanso se eba se esɛ se mibu aten a m’atammu beyɛ atentrenɛe, efise enye me nko na mebu aten; Agya a ɔsoma me no ka me ho. **17** Wɔakyerɛw wɔ mo mmara mu se se nnansefo baanu adanse hyia a, na ekyerɛ se wɔn adanse no ye nokware. **18** Midi me ho adanse na m’Agya a ɔsoma me no nso di me ho adanse.” **19** Nnipa no bisaa no se, “Ehe na w’Agya no wɔ?” Yesu buaa wɔn se, “Munnim me na munnim m’Agya no nso. Se munim me a, anka mubehu m’Agya no nso.” **20** Yesu kaa eyinom nyinaa wɔ bere a na ɔkyerekyerɛ wɔ asɔredan no mu sikakorabea hɔ no. Obiara antumi amfa ne nsa anka no, efise na ne bere a esɛ se wɔkyere no no nnu ɛ. **21** Yesu san ka kyere wɔn se, “Mefi mo nkyen akɔ; mobehwehwe me na morenɔhu me. Na mo de, mubewu wɔ mo bɔne mu. Faako a merekɔ no morentumi mma hɔ bi.” **22** Yudafo no bisabisaa wɔn ho wɔn ho se, “Ehe na ɔrekɔ a ose ‘obi rentumi nkɔ hɔ bi no?’ Gyama ɔrekokum ne ho?” **23** Yesu buaa wɔn se, “Mo de, mufi asase so ha nanso me de, mifi ɔsoro na mebae. Mo de, mufi wiase nanso me de, mimfi wiase, **24** Eno nti na meka kyere mo se mubewu wɔ mo bɔne mu no. Na se moannye anni se, mene nea mene a, mubewu wɔ mo bɔne mu.” **25** Wobisaa no se,

“Wo koraa wone hena?” Yesu buaa wɔn se, “Mene nea daa meka kyere mo se meye. 26 Mewo mo ho nsem pii a anka meka atia mo. Nanso nea osomaa me no ye onokwafo na asem a meka no ye nea mate afi ne nkyen.” 27 Nnipa no ante no ase se n’agya ho asem na oreka akyere wɔn no. 28 Yesu ka kyere wɔn se, “Se munya ma Onipa Ba no so wo asennua no so a na mubehu se mene nea mene no, na afei mubehu bio se mimfi me ara me pe mu nye biribiara, na mmom nea Agya no somaa me se menka no nko ara na meka. 29 Nea osomaa me no ka me ho daa. Onnyaw me da efise meye nea eso n’ani.” 30 Nnipa a wotee nea Yesu kaa no mu dodow no ara gyee no dii. 31 Yesu ka kyere Yudafo a wogyee no dii no se, “Se mudi me nsem so a, moye m’asufo. 32 Eno ansa na mubehu nokware no na nokware no bema moade mo ho.” 33 Nnipa no buaa no se, “Yen de, yeye Abraham asefo. Yenkwɔ nkoasom mu da, na aden nti na woka se wobema yeade yen ho?” 34 Yesu buaa wɔn se, “Mereka nokware akyere mo se obiara a oye bone no ye bone akoo. 35 Akoo biara nni kyefa wo abusua mu nanso oba de, daa owo kyefa wo abusua mu. (aiɔn g165) 36 Eno nti se oba no ma mode mo ho a mobe de mo ho ampa. 37 Migye to mu se moye Abraham asefo, nanso morehwewe me akum me, efise munni ne nkyerkyere so. 38 Nea m’Agya ayi akyere me no na meka ho asem, na mo de, nea mo agya aka akyere mo no na mudi so.” 39 Nnipa no kae se, “Yen agya ne Abraham.” Yesu nso ka kyere wɔn se, “Moye Abraham asefo ampa a anka ne nnwuma a oye no bi pɛpɛɛ na mobe ye. 40 Nea maye ne se maka nokware a mote fii Agya no nkyen akyere mo, nanso mohwewe me akum me. Abraham anye biribi a ete se eyi. 41 Moreye nea mo agya ye.” Nnipa no san kae se, “Onyankopɔn nko ara ne Agya a yewo na yeye ne mma ankasa.” 42 Yesu ka kyere wɔn se, “Se Onyankopɔn ye mo Agya ampa ara a anka mobe de me, efise ne nkyen na mifi bae na mewo ha. Mamfi me pe mu na mebae; onno na osomaa me. 43 Aden nti na monte nsem a mereka yi ase? Efise mompe se mote ase. 44 Mo de, obonsam ne mo agya na mope se moye nneema a oye no nso bi. Oye owudifo fi mfiase. Onni nokware da efise onye onokwafo. Se odi atoro a, enye nwonwa efise oye otorofo ne atoro agya. 45 Nanso me de, esiane se meka nokware nti na munnye me nni no. 46 Mo mu hena na obetumi aka se midi bone bi ho fo? Se meka nokware a aden nti na munnye me nni? 47 Obiara a ofi Onyankopɔn mu

no tie Onyankopɔn asem. Na mo de, esiane se mumfi Onyankopɔn mu no nti na muntie n’asem no.” 48 Yudafo no bisaa Yesu se, “Se yeka se woye Samariani a honhommone ahye wo ma a na yeboa ana?” 49 Yesu buae se, “Minni honhommone. Midi m’Agya ni na mo de, munni no ni. 50 Memmpere nhwehwe anuonyam mma m’ankasa me ho. Obi wo ho a ohwehwe ma me na onno nso na odi ma me. 51 Meka nokware pefee kyere mo se, obiara a odi m’asem so no renwu da.” (aiɔn g165) 52 Yudafo no nso ka kyere no se, “Afei na yegah ampa se wowo honhommone! Abraham wui. Adiyifo no nso wuwui. Nanso wo de, woka se, ‘Obiara a odi m’asem so no renwu da.’ (aiɔn g165) 53 Woye okese sen yen agya Abraham ana? Owui; saa ara nso na adiyifo no wuwui. Wususuw se woye hena?” 54 Yesu buaa wɔn se, “Se m’ankasa mehye me ho anuonyam a, m’anuonyam no nka hwee. M’Agya a mo nso moka se oye mo Nyankopɔn no, onno na ohye me anuonyam. 55 Mo de, munnim no, nanso me de, minim no. Se meka se minnim no a na meye otorofo se mo ara. Minim no na madi n’asem nso so. 56 Mo agya Abraham ani gyee se obehu me ba a meba no. Ohui na n’ani gyei.” 57 Yudafo no nso bisaa no se, “Wunnii mfe aduonum koraa na woyee den na wuhuu Abraham?” 58 Yesu buae se, “Mereka nokware pefee akyere mo se, ansa na wɔrebewo Abraham no, na mete ase.” 59 Yudafo no tasee abo se anka wode rebesiw no, nanso Yesu hintawee. Eyi akyi no, ofii asɔredan no mu ho koe.

9 Yesu nam no, ohuu aberante bi a wɔwoo no onifuraefo, 2 N’asufo no bisaa no se, “Kyerkyerefo, hena na oye bone, saa onifuraefo yi awofo anaa onno ankasa, nti na ema wɔwoo no onifuraefo yi?” 3 Yesu buae se, “Enye n’awofo anaa n’ankasa bone nti na n’ani afura. Na mmom n’ani afura senea ebeye a Onyankopɔn tumi beye ne ho adwuma. 4 Esiane se adesae nkye ba no nti ese se yeye nea osomaa me no adwuma a ode ahye yen nsa no. Se ade sa a obiara ntumi nye adwuma. 5 Bere a mewo wiase yi de, mene wiase hann no.” 6 Okaa saa no otee ntasu guu fam de fɔtɔw dɔte na ode dɔte no sraa onifuraefo no ani so. 7 Na oka kyere no se, “Ko otare Siloa no mu, na kɔhohoro w’anim.” Onifuraefo yi ko kɔhohoro n’anim san bae a, afei de ohu ade. 8 Onifuraefo no afipamfo a wohuu no se ote kwan ho sresre ade no huu no no, wobisabisaa wɔn ho wɔn ho se, “Enye aberante a na asresre ade no ni?” 9 Ebinom kae se, “Eye onno,” na afoforo nso kae se, “Dabi, enye onno na mmom se na asre

no.” Aberante yi kae se, “Eʏe me.” **10** Nnipa no bisaa no se, “Eʏee den na afei wuhu ade yi?” **11** Obuaa wɔn se, “ɔbarima bi a wɔfɛ no Yesu no fɔtɔw dɔte na ɔde sraa m’ani so na ɔka kyeree me se, ‘Kɔ ɔtare Siloa mu na kɔhohoro w’anim’. Mekɔ kɔhohoro m’anim wiee ara pɛ na mihuu ade.” **12** Wɔsan bisaa no bio se, “Saa Yesu no wɔ he?” Obuaa wɔn se, “Minnim.” **13** Wɔde aberante a na n’ani afura no brɛe Farisifo no. **14** Da a Yesu saa onifuraefo no yare no ye homeda. **15** Farisifo no nso bisaa aberante no senea ɛyee a afei de ohuu ade. Aberante no kaa senea Yesu de dɔte a wafɔtɔw sraa n’ani so na ɔkɔhohoro ma ohuu ade no kyeree wɔn. **16** Farisifo no mu bi kae se, “Onipa a ɔyee saa ade yi mfi Onyankopɔn hɔ, efise onni homeda mmara no so.” Afoforo nso kae se, “Eɛyee den na ɔdebɔneyeni a ɔte sɛɛ yi betumi aye saa anwonwadwuma yi?” Saa akyinnye yi maa mpaapaemu baa wɔn mu. **17** Afei Farisifo yi san bisaa aberante no se, “Wo na wuse ɔma wuhuu ade, den asem na woka fa ne ho?” Aberante yi buae se, “Migye di se ɔye odiyifo a ofi Onyankopɔn nkyen.” **18** Yudafo no annye anni ara da se, na saa aberante no ye onifuraefo a afei de ohu ade, kosi se wɔsoma ma wɔkɔfrɛe n’awofo bae, **19** ma wobisaa wɔn se, “Mo ba ni ana? Mokyere se mowoo no no, na ɔye onifuraefo ana? Eʏee den na afei de ohu ade yi?” **20** N’awofo no buae se, “Yegye to mu se ɔye yen ba, na yewoo no no nso, na ɔye onifuraefo. **21** Nanso yennim nea enti a afei de ohu ade yi. Saa ara nso na yennim onipa ko a ɔma ohuu ade no. ɔno ara ni, n’ani nso afi a obetumi akasa ama ne ho nti mummisa no.” **22** Nea emaa n’awofo no kaa saa ne se, na wosuro Yudafo mpanyimfo no a wɔaka se, obiara a ɔbɛka se Yesu ne Agyenkwa no no, wɔbɛpam no afi asɔredan no mu hɔ no. **23** Eyi nti na n’awofo no kae se, “N’ani afi a obetumi akasa ama ne ho enti mummisa no” no. **24** Wɔsan frɛe aberante a na ɔye onifuraefo no ka kyeree no se, “Hyɛ bɔ wɔ Onyankopɔn din mu se, asem a yerebebisaa wo yi wubedi nokware. Yenim se saa ɔbarima yi ye ɔdebɔneyeni.” **25** Aberante no buaa wɔn se, “Me de, se ɔye ɔdebɔneyeni o, se nso ɔye onipa pa o, eno de, minnim. Nea minim ara ne se kan no na meye onifuraefo na afei de mihu ade.” **26** Wobisaa no bio se, “Den na ɔyee wo ma wuhuu ade?” **27** Aberante no de abufuw buaa wɔn se, “Maka nokware no akyere mo, nanso moantie. Den bio na mope se meka kyere mo? Anaase mo nso mope se mobeye n’asuafo?” **28** Mpanyimfo no yeyaw no san kae se, “Wo mmom

na woye saa akoo no suani; na yen de, yeye Mose asuafo. **29** Yenim pefee se Onyankopɔn kasa kyeree Mose nanso saa Yesu yi de, yennim faako a ofi mpol!” **30** Aberante yi ka kyeree mpanyimfo no se, “Eʏe me nwonwa yiye se obi a otumi ma onifuraefo hu ade no mutumi ka se munnim faako a ofi. **31** Yenim se Onyankopɔn ntie nneɔneyefo asem; na mmom otie nnipa a wodi no ni na woye n’ape de no. **32** Efi adeɔ mfiase, yentee da se obi ama onifuraefo ahu ade; (aion g165) **33** se ɔbarima yi mfi Onyankopɔn hɔ a anka ɔrentumi nye anwonwade a ete sɛɛ.” **34** Mpanyimfo no nso de abufuw buaa no se, “ɔdebɔneyeni te se wo na wope se wokyerekere yen?” Wosunsum no fii asɔredan no mu hɔ. **35** Yesu tee se wɔasunsum aberante no afi asɔredan no mu hɔ no, ɔhwehwee no bisaa no se, “Wugye Onipa Ba no di ana?” **36** Aberante no buaa no se, “Me wura, kyere me saa Onipa Ba no senea eɛyee a megye no adi!” **37** Yesu ka kyeree no se, “Woahu no dedaw; ɔno na ɔne wo rekasa yi.” **38** Aberante no de anigye kae se, “Awurade, migye di.” Afei ɔkotow Yesu. **39** Yesu kae se, “Mebaa wiase ha se merebebu aten, na mama wɔn a woye anifuraefo no ahu ade, na makyere wɔn a wogyɛ di se wuhu ade no se, woye anifuraefo.” **40** Farisifo a na wogyinagyina hɔ no bisaa no se, “Wope se wokyere se yeye anifuraefo ana?” **41** Yesu buaa wɔn se. “Se mugye to mu se moye anifuraefo a, eno de anka munnim nea maka no ho fo. Esiane se mugye to mu se muhu ade nti motena afɔbu mu.”

10 “Mereka nokware akyere mo Farisifo no se, onipa biara a ɔmfa nguankuw kwan ano na ɔfa ɔkwan foforo so foro kɔ mu no ye owifo. **2** Onipa a ɔfa ɔkwan ano kɔ mu no ne oguanhwefo no. **3** ɔpon no anohwefo no bue ɔpon no ma no, na se ɔfre nguan no nso a wote ne nne ma ɔde wɔn fi adi. **4** Se ɔde wɔn fi adi a, odi nguan no anim na nguan no nso di n’akyi, efise wote ne nne. **5** Wɔrenni onipa foforo biara akyi. Na se ɔfre wɔn a wɔremma, efise wɔnte ne nne.” **6** Yesu buu wɔn saa be yi nanso nnipa no ante no ase. **7** Yesu ka kyeree wɔn bio se, “Mereka nokware akyere mo se mene nguannan no ano pon no. **8** Wɔn a wodii m’anim kan no ye awifo ne adwɔtwafɔ; eno nti nguan no ante wɔn nne anni wɔn akyi. **9** Mene ɔpon no. Obiara a ɔnam me so bewura mu no benya nkwa; wobewura mu asan afi adi na wobanya adidibea. **10** Owifo ba a, obewia anaase obedi awu anaase ɔbesee ade. Me de, maba se eɛyee a mubanya nkwa a edi mu. **11** “Mene

oguanhwefo pa no. Oguanhwefo pa no ne obi a otumi de ne nkwa to ho ma ne nguan. **12** Obi a wɔɔɔ no paa se ɔnhwe nguan so no nye nguan no wura; eno nti, se ohu se pataku reba a oguan gyaw nguan no ho, na pataku no tow hye nguan no so ma wɔɔ ahwete. **13** Ɔpaani no guan, efise wɔɔɔ no paa na nguan no yiyedi mfa ne ho. **14** “Mene oguanhwefo pa no. Minim me nguan na me nguan nso nim me, **15** senea Agya no nim me na me nso minim Agya no. Masiesie me ho nso se mewu ama nguan no. **16** Nguan afoforo bi wo ho a woye me de nanso wonnya mmekaa saa nguankuw yi ho ε. Eɛ se mede won nso beka saa nguankuw yi ho. Wobetie me nne na wɔbeyɛ nguankuw baako a oguanhwefo baako pɛ na ɔhwe won so. **17** Agya no do me efise masiesie me ho se mede me nkwa beto ho senea ebeyɛ a daakye me nsa beka bio. **18** Obiara rentumi nnye me nkwa mfi me nsam. Me ara me pɛ mu na mede bɛma. Mewo tumi se mede ma na mewo tumi nso se mesan gye bio. Eyi ne nea m’Agya ahye me se menyɛ no.” **19** Asem a Yesu kae no nti, ɛmaa mpaapaemu baa Yudafo no mu. **20** Won mu pii kae se, “Ɔwo honhommɔne! N’adwene mu ka no! Aden nti na mutie no?” **21** Afoforo nso kae se, “Onipa a ɔwo honhommɔne rentumi nkasa sɛ! Ebeyɛ den na obi a ɔwo honhommɔne betumi ama onifuraefo ahu ade?” **22** Awɔw bere bi mu a Asɔredandwira duu wo Yerusalem no, **23** Yesu kɔpasee wo asɔredan no mu baabi a wɔfrɛ ho se Salomo Abrannaa so. **24** Yudafo no betwaa ne ho hyia kae se, “Wobɛma yeatwen akosi da ben? Se wone Kristo no a, pae mu ka kyere yen.” **25** Yesu ka kyere won se, “Maka akyere mo dedaw nanso munnye me nni. Me nnwuma a menam m’Agya tumi so ye no di me ho adanse, **26** nanso munnye nni, efise monye me nguan. **27** Me nguan te me nne, me nso minim won na wodi m’akyi. **28** Mema won nkwa a enni awiei a wɔrenwu da, na obi rentumi nhuam won mfi me nsam. (aĩɔn g165, aĩɔnios g166) **29** M’Agya a ɔde won maa me no wo tumi sen obiara, na obiara rentumi nhuam won mfi me nsam. **30** Me ne Agya no ye baako.” **31** Yudafo no san tasee abo se anka wɔde rebesiw no. **32** Yesu ka kyere won se, “Maye nnwuma pa pii a Agya no de hyee me nsa se menyɛ no ama moahu, na emu nea ewo he ho nti na mope se musiw me abo yi?” **33** Yudafo no buaa no se, “Enye wo nnwuma pa bi a woaye no nti na yepe se yesiw wo abo, na mmom w’abususem a wokae no nti. Woye onipa desani nso woye wo ho se Onyankopon!” **34** Yesu buaa

won se, “Woakyerew wo mo ara ankasa mo mmara mu se, Onyankopon kae se, ‘Moye anyame.’” **35** Eno nti se Onyankopon nam anyamesem a eye nokware so fre won a Onyankopon asem baa won nkyen no se ‘anyame’ a, **36** aden na se nea Agya no somaa no baa wiase no ka se, ‘mene Onyankopon Ba no’ a muse waka abususem? **37** Se menyɛ nnwuma a m’Agya pɛ se meye no de a eno de, munnye me nni. **38** Nanso se meye m’Agya no nnwuma na se munnye me nni mpo a munnye nnwuma no nni senea ebeyɛ a mubegye adi se Agya no wo me mu na me nso mewo ne mu.” **39** Nkurɔfo no pɛ se wɔkyere no bio, nanso wɔantumi. **40** Yesu san twa kɔɔ Yordan agya wo faako a Yohane bo asu no kotenaa ho. **41** Nnipa bebreɛ kɔɔ ne nkyen. Won mu dodow no ara kae se, “Yohane anyɛ anwonwade, nanso biribiara a ɔka faa saa ɔbarima yi ho no ye nokware.” **42** Nnipa a wɔwo ho no mu bebreɛ gyee no dii.

11 Ɔbarima bi tenaa ase wo Betania a na wɔfrɛ no Lasaro. Betania yi ye kurow a na Maria ne ne nua Marta fi mu. Da bi, saa ɔbarima yi yaree. **2** Saa Maria yi a ne nuabarima ne Lasaro a na ɔyare no na ohwiee ngo guu Awurade nan ase de ne tinwi pepae no. **3** Anuanom yi soma kɔɔ Yesu nkyen kɔka kyereɛ no se, “Awurade, wo dofo no yare.” **4** Yesu tee nkra no ɔkae se, “Enye saa ɔyare yi na ebekum Lasaro. Mmom Onyankopon pɛ se ofa saa ɔyare yi so hye ne ho anuonyam, na saa anuonyam yi bi nso ka Onipa Ba no.” **5** Na Yesu pɛ Maria ne ne nuabea Marta ne Lasaro asem yiye. **6** Bere a Yesu tee nkra se Lasaro yare denneennen no wankɔ saa bere no ara mu; ɔtenaa ho nnaanuu. **7** Afei ɔka kyereɛ n’asuafo no se, “Momma yensan nkɔ Yudea.” **8** Nanso asuafo no ka kyereɛ no se, “Kyerekyerɛfo, enkyee biara na Yudafo no pɛ se wosiw wo abo na afei wuse yensan nkɔ ho bio yi?” **9** Yesu kae se, “Nnonhwerew dumien na ewo da koro mu, meboa ana? Eno nti se obi nam hann mu a ɔrenhintiw, efise ɔnam wiase hann mu. **10** Nanso se ɔnam anadwo sum mu a obehintiw, efise ɔnam sum mu.” **11** Yesu san kae se, “Yen adamfo Lasaro ada na merekɔ akonyan no.” **12** Asuafo no ka kyereɛ Yesu se, “Awurade, se wada de a eno de, na ne ho beto no.” **13** Na Yesu kyere se Lasaro awu nanso asuafo no de, na wosusuw se nna ara na wada. **14** Eno nti Yesu ka kyereɛ won pefee se, “Lasaro awu; **15** nanso mo nti eye me anigye se na minni ho senea ebeyɛ a mubegye adi. Momma yenkɔ ne nkyen.” **16**

Toma a wofre no Ata no ka kyereɛ ne mfefo asuafo no se, “Momma yene Kyerekyerɛfo no nyinaa nkɔ na yene no nkowu.” 17 Yesu duu Betania no na Lasaro awu ama wɔasie no ma adi nnaan. 18 Efi Betania reko Yerusalem no nnu akwansin abien, 19 na saa bere no na Yudafo bebreɛ aba Marta ne Maria nkyɛn sɛ wɔrebegyam wɔn wɔ wɔn nua no wu no ho. 20 Marta tee sɛ Yesu reba no, ofii adi kohyiaa no, na Maria de, ɔtenaa fie. 21 Marta ka kyereɛ Yesu se, “Ao, Awurade, sɛ wowo ha a anka me nua no anwu! 22 Minim mpo se saa bere yi mu biribiara a wubebisa Onyankopɔn sɛ ɔnye mma wo no ɔbeyɛ.” 23 Yesu ka kyereɛ no se, “Wo nua no besan anya nkwa bio.” 24 Marta buaa no se, “Awurade, minim sɛ owusɔre da no ɔno nso besɔre.” 25 Yesu ka kyereɛ no se, “Me na minyan awufo ma wɔn nkwa. Obiara a ogye me di no sɛ wawu mpo a ɔbesan anya nkwa. 26 Na obiara a ɔte ase na ogye me di no renwu da. Wugye eyi di ana?” (aiɔn g165) 27 Marta buae se, “Awurade, migye midi. Migye di se wone Kristo Agyenkwa a ɔne Onyankopɔn Ba a ɔreba wiase no.” 28 Marta kaa saa asem yi wieɛ no, ɔkofrɛɛ ne nua Maria de no kɔɔ kokoa mu ka kyereɛ no se, “Kyerekyerɛfo no aba na wabisa wo ase.” 29 Maria tee saa asem yi no ɔyɛɛ ntem kohyiaa Yesu. 30 Saa bere no na Yesu mmeduu akuraa no ase ho ɛ. Na ɔda so wɔ faako a Marta hyiaa no ho no. 31 Bere a Yudafo a wɔne Maria wɔ fie ho regyam no no huu sɛ wasɔre mpofirim refi adi no wodii n’akyi, efise na wosusuw se ɔreko da no so akosu. 32 Maria duu faako a Yesu wɔ no, ɔkotow ne nan ase kae se, “Ao Awurade, sɛ wowo ha a anka me nua no anwu.” 33 Yesu huu sɛ Maria ne Yudafo a wɔka ne ho no resu no, ehaw no yiye na ne werɛ howee. 34 Obisaa wɔn se, “Ehe na musieɛ no?” Wobuaa no se, “Awurade, bra na yenkɔkyere wo.” 35 Yesu sui. 36 Yudafo no huu sɛ ɔresu no wɔkae se, “Eyi kyere ɔɔ a ɔde ɔɔ no.” 37 Wɔn mu bi kae se, “Onipa a ɔmaa onifuraefo huu ade no munnye nni se anka obetumi agye Lasaro nkwa ana?” 38 Asem a nkurɔfo no kaa no maa Yesu werɛ howee. Afei ɔkɔɔ ɔda a wɔde ɔbo ahini ano no so. 39 Yesu hyɛɛ wɔn se, “Munyi ɔbo a ehini ɔda no ano no.” Marta a ɔye owufo no nuabea no kae se, “Awurade, ebeye nnaan ni a wosieɛ no nti saa bere yi de, ɔbɔn.” 40 Yesu ka kyereɛ Marta se, “Manka ankyere wo se sɛ wugye di a wubehu Onyankopɔn anuonyam?” 41 Woyii ɔbo no fii ɔda no ano. Afei Yesu hwɛɛ ɔsoro, bɔɔ mpae se, “Agya, meda wo ase sɛ wutie me. 42 Minim sɛ wutie me daa

nyinaa nanso esiane nnipa a wɔwɔ ha nti na mereka eyi senea ebeye a wobegye adi se wo na wosomaa me.” 43 ɔkaa eyi wieɛ no, ɔteɛɛ mu dennɛn se, “Lasaro, sɔre bra!” 44 Lasaro sɔre bae a ntama a wɔde kyekyeree ne nsa ne ne nan ne n’anim no da so kyekyere no. Yesu ka kyereɛ wɔn se, “Monsan ne ho ntama no na ɔnkɔ.” 45 Yudafo a wɔbesraa Maria na wohuu nea Yesu yee no mu bebreɛ gyee no dii. 46 Na wɔn mu bi nso kɔɔ Farisifo no ho kɔkaa nea esii no nyinaa kyereɛ wɔn. 47 Enti Farisifo no ne asofo mpanyin no hyiaa baguafo no kae se, “Dɛn na yereye? Monhwe anwonwade a saa onipa yi reye! 48 Sɛ yema ɔkɔ so ye nea ɔreye yi a, nnipa nyinaa begye no adi na wɔadi n’akyi. Sɛ ɛba saa a Roma aban bebisa yen asem na wasɛɛ yen asɔredan ne ɔman mu yi nyinaa.” 49 Kaiafa a saa bere no na ɔye ɔsɔfopanyin no kae se, “Mo de munnim hwee! 50 Munnim sɛ eye ma mo sɛ onipa baako bewu ama nnipa no nyinaa sen sɛ wɔbesɛɛ ɔman mu no nyinaa?” 51 Emfi ɔno ankasa ne tumi mu na ɔkaa saa asem yi, efise esiane sɛ na ɔye ɔsɔfopanyin saa bere no nti na ɔhyɛɛ nkɔm se, “Yesu bewu de agye mo nkwa,” 52 na ɛnye wɔn nko, na mmom ɛnam eyi so bema Onyankopɔn mma a wɔabɔ ahwete no nyinaa ano aboa na wɔaye ɔman baako. 53 Efi saa bere no, Yudafo mpanyin no faa adwene sɛ wobekum Yesu. 54 Eyi nti Yesu anyi ne ho adi wɔ Yudea, na ofii ho kɔɔ sare so kurow bi a wofre no Efraim ne n’asuafo no kɔtenaa ho. 55 Na Yudafo Twam Afahye no reben nti nnipa pii fii wɔn nkuraa kɔɔ Yerusalem sɛ wɔrekodwira wɔn ho de atwen afahye no. 56 Na wɔrehwehwe Yesu ahu no. ɛno nti woduu asɔredan mu ho no, wobisabisaa wɔn ho wɔn ho se, “Mugye di sɛ Yesu beba afahye yi bi ana?” Ebinom kae se, “Yennye nni.” 57 Saa bere yi na asofo mpanyin ne Farisifo no ahyɛ se, sɛ obi nim faako a Yesu wɔ a, ɔnkyere na wɔnkɔkyere no.

12 Aka nnansia na Twam Afahye no adu no, Yesu kɔɔ Betania, kurow a na Lasaro a Yesu nyan no fii awufo mu no te mu no mu. 2 Wɔtoɔ Yesu pon. Marta na ɔsomee wɔ saa aponto yi ase. Lasaro tenaa Yesu nkyɛn pɛɛ wɔ ɔpon no ho. 3 Wɔredidi no, Maria faa ngohuam bi a ne bo ye den behwie guu Yesu nan ase de ne tinwi pepae. Ngo no hua gyee fie ho nyinaa. 4 Yuda Iskariot a ɔye asuafo no mu baako a akyiri no obeyi Yesu ama no ani annye nea ɔbea yi yee no ho, 5 enti ɔkae se, “Adɛn nti na woantɔn saa ngohuam yi na yeamfa sika no amma ahiafo?” 6 ɛnye sɛ na odwen ahiafo ho nti na ɔkaa saa asem yi, na mmom, na ɔye

okoromfo, na esiane se na ohwe asuafo no sika so nti, na owiawia bi. 7 Yesu kae se, “Munnyaabea yi haw! Nea obee yi aye yi, ode asiesie me ama me wu. 8 Mo ne ahiafo na ewo ho bere biara, na me de, me ne morentena ho daa.” 9 Bere a Yudafo no tee se Yesu wo Betania no, won mu pii koo ho. Enye Yesu nko nti na wokoo ho, na mmom, wokoo ho se worekohwe Lasaro a Yesu nyan no fii awufo mu no nso. 10 Afei, asofo mpanyin no boo pow se wobekum Lasaro nso, 11 efise esiane Lasaro wusore no nti, na nnipa bebrete retwe won ho afi Yudafo mpanyin no ho abedi Yesu akyi. 12 Ade kyee no, nnipadom a waba Twam Afahye no tee se Yesu reba Yerusalem no, 13 wobubuu berew de kohyiaa no kwan de ahurusi teetee mu se, “Hosiana!” “Nhyira nka nea oreba wo Awurade din mu no!” “Nhyira nka Israelhenel!” 14 Yesu rekoo no, na ote afurum ba bi so senea Kyerewsem hyee ho nkoom se, 15 “Nsuro, Obabea Sion! Hwe se wo hene te afurum ba so reba wo nkyen.” 16 Mfiase no, asuafo no ante eyinom nyinaa ase kosii se wohyee Yesu anuonyam no ansa na worekae se, Kyerewsem no aka saa asem yi nyinaa afa ne ho dedaw, na eno ara ne nea woye no. 17 Nnipa a na wowo ho a wohuu se Yesu nyan Lasaro fii awufo mu no kaa asem a esii no kyeree afoforo. 18 Eyi nti na nnipa bebrete koo se worekohyia Yesu kwan no, efise na wate se waye anwonwade. 19 Farisifo no huu nea ereko so no, woka se, “Anye yiye! Monhwe se nnipa no nyinaa atu adi n’akyi!” 20 Afahyebere no mu no, Helafo bi nso koo Yerusalem se worekosom. 21 Wokoo Filipino a ofi Betsaida no nkyen koka kyeree no se, “Owura, yeye se yehu Yesu.” 22 Filipino koboo Andrea amannee ma won baanu koka kyeree Yesu. 23 Yesu ka kyeree won se, “Bere no aso se wobehye Onipa Ba no anuonyam. 24 Mereka nokware akyere mo se, se wamfa burofua anhye fam amma amporow na amfifi a, eda so ye burofua no ara, nanso se eporow na efifi a, esow aba pii. 25 Obiara a odo ne kra no behwere ne nkwa, na nea onno ne kra no benya nkwa a enni awiei. (aiōnios g166) 26 Obiara a ope se osom me no, ese se odi m’akyi, na baabiara a mowo no, ese se m’asomfo nso wo ho bi.” 27 Yesu kae se, “Afei de, me kra ho yeraw no na asem ben na menka? Menka se, ‘Agya, gye me fi saa amanehunu yi mu ana?’ Nanso, eyi nti na wosomaa me baa wiase se mimmeu amane. 28 Agya, hye wo din anuonyam!” Okasa wiee no, nne bi fi osoro kae se, “Mahye no anuonyam dedaw na mesan mahye no bio.” 29 Nnipakuw a na wowo ho no tee nne

no, woka se aprannaa na erebobo mu. Ebinom nso kae se, osoro oboo na okasa kyeree no. 30 Nanso Yesu ka kyeree won se, “Mo nti na saa nne yi kasae na enye me nti. 31 Afei, bere adu se wobu wiase aten na wotu obonsam a odi wiase so no gu. 32 Se wonya ma me so fi asase so a, metwe nnipa nyinaa aba me nkyen.” 33 Okaa eyi de kyeree owu ko a obewu no. 34 Nnipa no kae se, “Kyerewsem no di adanse se, Agyenkwa no renwu da. Aden nti na woka kyere yen se, ‘Ese se woma Onipa Ba no so’. Hena ne saa Onipa Ba no?” (aiōnios g165) 35 Yesu buaa won se, “Me hann no behyeren ama mo mmere tiaa bi mu. Eno nti, monnantew mu bere a mowo saa hann no mu yi nko baabiara a mope se moko, ansa na sum aduru; anye saa a morenku kwan. 36 Bere a mowo hann mu yi, munnye hann no nni na moaye hann no mma.” Yesu kaa nsem yi wiee no, ofii ho de ne ho kohintawee. 37 Ewo mu se na Yesu aye anwonwade ahorow ama Yudafo no ahu de, nanso na wonnye no nni ara. 38 Eyi ne Odiyifo Yesaia asem a kae se, “Awurade, hena na wagye yen asenka adi? Na hena nso na Awurade w’anwonwadwuma no ada adi akyere no?” 39 Yudafo no annye anni efise, na Odiyifo Yesaia asan aka se, 40 “Onyankopon afura won ani, na wapirim won koma, senea ebeye a worentumi nnan mma me nkyen na masa won yare.” 41 Yesaia kaa eyi faa Yesu anuonyam a daakye obenya a Onyankopon yi kyeree no no ho. 42 Mpo, na Yudafo mpanyimfo no mu pii gye Yesu di, nanso na wosuro se, se Farisifo no hu won a, woremma womma asoredan no mu bio. 43 Na wope se nnipa bekamfo won sen se Onyankopon behye won anuonyam. 44 Yesu teee mu se, “Obiara a ogye me di no, enye me nko na ogye me di, na ogye nea osomaa me no nso di. 45 Na nea ohu me no hu nea osomaa me no nso. 46 Maba wiase se hann, na obiara a ogye me di no anko so antena sum mu. 47 “Obiara a ote m’asem na onni so no, meremmu no aten. Efise mamma se merebebu nnipa aten, na mmom, mebae se merebegye won nkwa. 48 Obiara a ope me na onnye m’asem nni no, otemmufo bi wo ho a obebu no aten. Me nsem a maka akyere mo no na atemmuda no ebebu mo aten. 49 Nsem a maka no nyinaa, enye m’ankasa m’adwene na mede ka kyeree mo, na mmom eye nea Agya no ka kyeree me se menka nkyere mo no. 50 Minim se asem biara a Agya no ahye me se menka no de nnipa ko nkwa a enni awiei mu; enti asem a obeka akyere me se menka biara no, eno na meka!” (aiōnios g166)

13 Ade rebekye ama Twam Afahye no adu no, Yesu huu se afei bere aso se ofi wiase ko n'Agya nkyen. Yesu ye obi a na odo n'akyidifo, na odo won kosii se owui. **2** Bere a na Yesu ne n'asuafo te adidii no, obonsam kohyee Yuda Iskariot a oye Simon ba no mu se onyi Yesu mma. **3** Yesu nim se n'Agya de tumi nyinaa ahye ne nsa, na ofi Onyankopon nkyen na obae, na oresan ako ne nkyen. **4** Yesu sore fii didipon no ho, yii n'atade nguguso guu ho, de mpepaho twaa n'asen. **5** Ohwiee nsu guu guasen bi mu na ofii ase hohoroo asuafo no anan ase de mpepaho no pepae. **6** Bere a Yesu duu Simon Petro so no, Petro bisaa no se. "Awurade, worebehohoro me nan ase ana?" **7** Yesu buaa no se, "Nea mereye yi, worentase mprempren, nanso akyiri no wobete ase." **8** Petro ampene asem a okae no so kae se, "Enye wo na ese se wohohoro m'anan ase." Yesu ka kyeree no se, "Se manhohoro w'anan ase a na wonka me ho." (aiɔn g165) **9** Simon Petro kae se, "Awurade, eno de na enye m'anan ase nko, na mmom me nsa ho ne me tirim nso ka ho." **10** Yesu ka kyeree no se, "Obiara a waguare no agwaree ho nhia no bio gye n'anan ase nko na ese se ohohoro, ne nipadua no de, efi biara nni ho. Mo nyinaa ho afi, gye mo mu baako pe." **11** Na Yesu nim onipa ko a obeyi no ama no, eno nti na okae se enye won nyinaa na won ho afi no. **12** Yesu hohoroo won anan ase wiei no, ofaa n'atade nguguso no hyee, san kotenaa didipon no ho. Afei obisaa n'asuafo no se, "Mote nea maye yi ase ana? **13** Mofre me 'Kyerekerefo' ne 'Awurade' a mudi me fre; efise eno ne nea meye. **14** Se me a meye mo Awurade ne Kyerekerefo no mpo ahohoro m'anan ase a eno de, na ese se mo nso mohohoro hohoro mo ho mo ho anan ase. **15** Maye eyi de aye nhweso ama mo senea mo nso mobeye saa ara. **16** Mereka nokware akyere mo se, akoa nsen ne wura; saa ara na osomafo nso nsen nea osomaa no no. **17** Afei a moate nea meye no ase yi, se moye saa bi a mubanya nhyira. **18** "Enye mo nyinaa na mereka saa asem yi akyere mo, minim won a mayi won. Nanso ese se Kyerewsem a eka se, 'Onipa a one me to nsa didi no beyi me ama' no ba mu. **19** "Mereka eyinom nyinaa akyere mo ansa na aba mu senea ebeye a mubegye adi. **20** Mereka nokware akyere mo se, obiara a obegye nea masoma no no gye me nso, na obiara a ogye me nso no gye nea osomaa me no." **21** Yesu kaa eyinom nyinaa wiei no, ne ho yeraw no ma opae mu kae se, "Mereka nokware akyere mo, mo mu baako beyi

me ama!" **22** Asuafo no de ahodwiriw hwehwee won ho won ho anim pee se wohu nea ode no no. **23** Na asuafo no mu baako a Yesu pe n'asem no te ne nkyen pee. **24** Simon Petro buu n'ani se, "Bisa no na onkyere wo onipa ko a oreka ne ho asem no." **25** Eno nti saa osuani no twiw ben Yesu bisaa no se, "Awurade, eye hena?" **26** Yesu buae se, "Nea mede brodo bebo mu ama no no, ono na obeyi me ama." Na ode brodo bo mu maa Yuda Iskariot a oye Simon ba no. **27** Bere a Yuda gye brodo no pe, na obonsam behyee ne mu. Yesu ka kyeree no se, "Nea wope se woye no, ye no ntem!" **28** Won a na wote adidii no mu biara ante asem a Yesu ka kyeree no no ase. **29** Esiane se Yuda na ohwe asuafo no sika so nti, na wosusuw se Yesu reka akyere no se onkoto biribi a eho hia ma afahye no anaase onkoma ahiafo biribi. **30** Yuda gye brodo no pe na ofii adi; saa bere no na eye anadwo. **31** Yuda fii adi koe akyi no, Yesu kae se, "Afei na Onipa Ba no anuonyam ada adi; na Onyankopon nam oba no so ada n'anuonyam adi. **32** Na se enam oba no so na Onyankopon anuonyam da adi a, Onyankopon nso nam ne tumi so beda Onipa Ba no anuonyam adi. Obeye eyi ntem so. **33** "Me mma, erenkye biara na megyaw mo ho. Senea meka kyeree Yudafo mpanyin no, mobehwehwe me nanso morentumi mma faako a mereko ho no. **34** "Ahyede foforo na mede regyaw mo se, 'Monnodo mo ho mo ho senea medo mo no. **35** Na se mododo mo ho mo ho a obiara behu se moye m'asuafo.'" **36** Simon Petro bisaa Yesu se "Awurade, ehe na woreko?" Yesu buaa no se, "Faako a mereko no de, worentumi nni m'akyi; daakye bi wobeba abeka me ho." **37** Petro bisaa no se, "Awurade, aden nti na merentumi nni w'akyi saa bere yi? Eye owu mpo a, mewu ama wo." **38** Yesu bisaa no se, "Woasiesie wo ho ampa ara se wubewu ama me ana? Mereka nokware akyere wo se, ansa na akoko bebɔn no, na woapa me mprensa."

14 Yesu ka kyeree n'asuafo no se, "Mommma mo koma ntu. Munnye Onyankopon nni na munnye me nso nni. **2** Tenabea bebre wo m'Agya fi, eno nti mereko akosiesie baabi ama mo. Se asem a mereka yi nye nokware a anka merenka nkyere mo. **3** Na se meko na mikosiesie baabi ma mo a, mesan aba abefa mo ako na me ne mo akotena. **4** Munim faako a mereko no ne okwan ko a mobefa so aba ho bi." **5** Toma bisaa no se, "Awurade yennim faako a woreko na yebeye den ahu okwan aba ho bi?" **6** Yesu buae se, "Mene okwan ne

nokware ne nkwa no; obi ntumi nko Agya no ho, gye se ofa me so.” 7 Yesu kaa bio se, “Afei a moahu onipa ko a meye yi, saa ara nso na mubehu m’Agya no, na efi saa bere yi munim no, efise moahu no!” 8 Filipo bisaa no se, “Awurade, kyere yen Agya no, efise nea yerehwehwe ara ne no.” 9 Yesu buaa no se, “Filipo, enti me ne mo nantewee dedaada yi, wunnim onipa ko a meye? Obiara a onim onipa ko a meye no nim m’Agya no. Aden nti na woka se, ‘Kyere yen Agya’ no? 10 Filipo wunnye nni se mewo Agya no mu na Agya no nso wo me mu ana? Yesu san ka kyeree n’asufo no se, nsem a maka akyere mo no mfi m’ankasa. Agya a ote me mu no na onam me so ye n’adwuma. 11 Munnye me nni se mewo Agya no mu na Agya no nso wo me mu. Se munnnye nsem a maka no nni a, nnwuma a maye no nti, munnye nni. 12 Mereka nokware akyere mo, obiara a ogye me di no beye nnwuma a meye no bi na mpo obeye nnwuma akeseakese, efise mereko m’Agya no nkyen. 13 Na biribiara a mubebisa wo me din mu no, meye ama mo, senea ebeye a Agya no anuonyam nam ne Ba no so beda adi. 14 Biribiara a mode me din bebisa no, meye ama mo.” 15 “Se modo me a munni m’ahyede so. 16 Mebisa Agya no na wama mo obofo foro a one Honhom Kronkron no a oda Onyankopon nokware nyinaa adi no na one mo atena daa. (aiōn g165) 17 Wiase rentumi nnye no, efise wonhu no, na wonnim no. Nanso mo de, munim no, efise one mo na ete. 18 Merennyaw mo se ayisaa; mesan aba mo nkyen bio. 19 Erenkye biara nnipa renhu me bio, nanso mo de, mubehu me; na esiane se mete ase no nti mo nso mobetena ase. 20 Na da a mesore afi awufo mu no du a, mubehu se mewo m’Agya no mu na mo nso mowo me mu, senea me nso mewo mo mu no. 21 Obiara a odi m’ahyede so no ne obi a odo me. Obiara a odo me no m’Agya bedo no, na me nso medo no na mada me ho adi akyere no.” 22 Yuda a enye Iskariot no, kae se, “Awurade, ebeye den na wobeda wo ho adi akyere yen nko ara na enye nnipa nyinaa?” 23 Yesu buaa no se, “Obiara a odo me no bedi me nsem so. M’Agya bedo no na me ne m’Agya beba ne nkyen ne no abetena. 24 Obiara a onno me no renni me nsem so. Nsem a moate no nye me ara me nsem, na mmom efi m’Agya a osomaa me no nkyen. 25 “Mewo mo nkyen yi na mereka eyinom nyinaa akyere mo. 26 Honhom Kronkron no a one obofo a Agya no besoma no wo me din mu no bekyerekyere mo biribiara, na wakaakae mo biribiara a maka akyere mo

no. 27 Asomdwoe na mede regyaw mo; m’asomdwoe na mede regyaw mo. Enye wiase asomdwoe na mede regyaw mo. Mommma mo koma ntui; na munnsuro nso. 28 “Motee se mekae se, ‘Mereko nanso mesan aba mo nkyen bio’ no. Se modo me ampa ara a, anka mo ani begye, efise afei de, metumi ako Agya a owo tumi sen me no nkyen. 29 Maka eyinom akyere mo senea eba mu a mubegye me adi. 30 Merentumi nko so nkasa pii nkyere mo bio, efise obonsam no reba, nanso onni me so tumi. 31 Na ese se nnipa hu se medo Agya no, eno nti na asem biara a obeka no meye no. “Afei mommra mma yenko.”

15 “Mene nokware bobo no, na m’Agya ne okuafo no. 2 Dua mman biara a ensow aba no otwa kyene, na dua mman biara a esow no, oyi yi ho na asow aba bebre. 3 Me nsem a maka akyere mo no ama mo ho afi dedaw. 4 Montena me mu na me nso mentena mo mu. Dua mman biara ankasa rentumi nsow aba gye se efam ne dutan no ho. Saa ara nso na morentumi nsow aba gye se mote me mu. 5 “Mene bobo no; na mo ne dua mman no. Obiara a ote me mu na mete ne mu no besow aba bebre; se mokwati me a, morentumi nye hwee. 6 Obiara a ontena me mu no te se dua mman a wotwa atow akyene a so nni mfaso; ewo a woboaboa ano de gu ogya mu hyew. 7 Se mote me mu na me nsem nso tena mo mu a, eno de, biribiara a mope a mubebisa no wode bema mo. 8 Won a woye m’asufo nokware mu no sow aba bebre de hye m’Agya anuonyam. 9 “Senea Agya no do me no, saa ara na me nso medo mo, Montena me do mu. 10 Se mudi m’ahyede so a mobetena me do mu senea madi m’Agya ahyede so na eno nti odo so do me no. 11 Maka eyinom nyinaa akyere mo senea ebeye a mubenya m’anigye no bi na ama mo anigye awie peye. 12 M’ahyede ne se monnodo mo ho mo ho senea medo mo no. 13 Odo biara nsen se obi bewu ama ne nnamfonom. 14 Se mudi nea mehye mo se monye no so a na moye me nnamfonom. 15 Memfre mo nkoa bio, efise akoo nnim nea ne wura ye. Mmom mefre mo nnamfo, efise maka biribiara a mete fii m’Agya no nkyen akyere mo. 16 Enye mo na mpaw me; me na mepaw mo na memaa mo adwuma se monkoye na monsow aba; aba a ebetena ho daa, Na biribiara a mode me din bebisa no, Agya no de bema mo. 17 Eyi ne m’ahyede: Monnodo mo ho mo ho. 18 “Se wiase tan mo a, monkae se me na etan me kan ansa na eretan mo. 19 Se mote ase ma wiase a eno de wiase bedo mo

se wɔn a wɔye ne dea. Nanso miyii mo fii wiasefo mu; eno nti monye wiasefo bio; eyi nti na wiasefo tan mo no. **20** Monkae asem a meka kyereɛ mo no: ‘Akoa nsen ne wura.’ Se wɔtan me a, mo nso wɔbetan mo; se wotie m’asem a meka no a, mo nso wobetie mo. **21** Esiane se moye me dea nti na wɔbetaa mo, efise wonnim Onyankopɔn a ɔsoma me no. **22** Se memmekaa asem biara nkyereɛ wɔn a anka wɔrenni bone ho fɔ. Afei de, wonni wɔn bone ho anoyi biara. **23** Obiara a ɔtan me no tan m’Agya nso. **24** Se manye nnwuma a obiara nyee bi da no wɔ wɔn mu a anka wɔrenni bone ho fɔ; nanso wɔahu nea meyee, nso wɔtan me ne m’Agya. **25** Eɛ se eyi ba mu, senea ebeye a nea wɔakyerew wɔ wɔn Mmara no mu a eka se, ‘Wɔtan me kwa’ no beba mu. **26** “Mesoma ɔbofo a ɔye nokware Honhom a ofi Agya no nkyen no aba mo nkyen na wabedi me ho adanse akyere mo. **27** Na mo nso mubedi me ho adanse, efise me ne mo na ewɔ ho fi mfiase pɛɛ.”

16 “Mereka eyinom nyinaa akyere mo na moatumi agyina pintinn. **2** Wɔbepam mo afi wɔn asɔredan mu. Na bere bi beba a obiara a obekum mo no besusus se, se ɔye saa a na ɔresom Onyankopɔn. **3** Wɔde saa nneema yi beye mo, efise wonnim Agya no na me nso wonnim me. **4** Nanso mereka eyi akyere mo, senea ebeye a se bere no du a, mobekae nea meka kyereɛ mo no. Mfiase no manka eyi ankyere mo, efise na meka mo ho.” **5** “Afei de, mereko nea ɔsoma me no nkyen. Nanso mo mu biara mmisaa me se, ‘Ehe na wɔreko?’ **6** Nea maka akyere mo yi ama mo were ahow. **7** Nanso meka nokware kyere mo; eye ma mo se meko, efise se manko a ɔbofo no remma mo nkyen, nanso se meko a mesoma no aba mo nkyen. **8** Na se ɔba a, ɔbema wiasefo ahu wɔn bone ne nea eye trenee ne Onyankopɔn atemmu. **9** Nea woka fa bone ho no nye nokware, efise wonnye me nni. **10** Nea woka fa trenee ho no nye nokware, efise mereko Agya no nkyen na morenhi me bio. **11** Saa ara na nea woka fa atemmu ho no nso nye nokware, efise wɔabu wiase yi temmufo no atɛn dedaw. **12** “Mewɔ nsem pii ka kyere mo, nanso mprenpren de, morentumi nte ase. **13** Se nokware Honhom no ba a, ɔbema moahu nokware no nyinaa. ɔrenkasa mma ne ho, na mmom nea ɔte no na ɔbeka, na ɔbeka nneema a ebaba no ho nsem akyere mo. **14** ɔbehye me anuonyam, efise obetie asem biara a meka no na wabeka akyere mo. **15** Biribiara a m’Agya wɔ no ye me dea. Eno nti na mekae se Honhom no betie biribiara a meka kyere no na wabeka akyere mo

no.” **16** “Aka kakraa bi morenhi me, nanso eno akyi no erenkye koraa, mubehu me bio.” **17** Asuafo no bi bisabisaa wɔn ho wɔn ho se, “Eyi ase ne den? ɔreka akyere yen se, ‘Aka kakraa bi morenhi me nanso eno akyi no, erenkye koraa na moasan ahu me.’ ɔsan kaa bio se, ‘Efise mereko Agya no nkyen.’” **18** Wɔsan bisaa bio se, “Saa asem, ‘aka kakra’ yi ase ne den? Yente nea ɔreka yi ase.” **19** Yesu huu se wɔpe se wobisa no asem a ɔkae no ase no nti ɔka kyereɛ wɔn se, “Mekae se, ‘aka kakraa bi morenhi me, nanso eno akyi no, erenkye koraa mubehu me bio.’ Eyi ne asem a monte ase a enti morebisabisa mo ho mo ho yi? **20** Mereka nokware akyere mo; mo were behow na moasu, nanso wiasefo ani begye. Mubedi awerehow nanso mo awerehow no bedan anigye. **21** Se ɔbea rebewo a, ne were how, efise n’amanehunu bere adu so, nanso se onya wo a ne were fi ne yaw, efise n’ani gye se wawo onipa aba wiase. **22** Saa ara na ete wɔ mo ho. Mprenpren ye mo awerehow bere, nanso mehu mo bio ama mo ani agye na obi rentumi nnye saa anigye no mfi mo nsam. **23** Se saa da no du a moremmisa me biribiara. Mereka nokware akyere mo, Agya no de biribiara a mode me din bebisa no bema mo. **24** Ebesi saa bere yi momfaa me din mmisaa biribiara da. Mummisa na wɔde bema mo na mo anigye awie pɛye. **25** “Menam mmebu mu na maka eyinom akyere mo. Nanso bere bi beba a merenkasa wɔ mmebu mu bio, na mmom meka biribiara a efa Agya no ho no pefee akyere mo. **26** Se saa da no du a mode me din bebisa no biribiara a eho hia mo. Menka se me na mebisa Agya no ama mo, **27** efise Agya no ankasa dɔ mo. ɔdɔ mo, efise mode me na moagye adi se mifi Onyankopɔn nkyen na mebae. **28** Mifi Agya no nkyen na mebaa wiase; na afei merefi wiase ako Agya no nkyen.” **29** N’asuafo no ka kyereɛ no se, “Afei de, wokasa pefee ma yete wo ase. **30** Yeahu se wunim biribiara; eho nhia se obi bisa wo nsem. Eyi ama yeagye adi se wufi Onyankopɔn nkyen.” **31** Yesu buaa wɔn se. “Afei de, mugye di ana? **32** Bere bi rebedu; na mpo adu dedaw a mo nyinaa bebo ahwete na obiara ako n’ankasa fi na aka me nko. Nanso erenka me nko efise Agya no ka me ho. **33** “Maka eyinom akyere mo na moanya asomdwoe wo me mu. Mubehu amane wɔ wiase. Nanso munnyina pintinn! Madi wiase so nkonim!”

17 Yesu kaa saa nsem yi wiee no, ɔhwɛɛ ɔsoro bɔɔ mpae se, “Agya, bere no adu. Hye wo Ba no anuonyam, na ɔba no nso nhye wo anuonyam. **2**

Womaa no nnipa nyinaa so tumi senea ebeye a obema won a wode won maa no no nkwa a enni awiei. (aiōnios g166) **3** Na okwan a wonam so benya nkwa a enni awiei ne se, wobehu Onyankopon koro nokwafo no ne Yesu Kristo a wosomaa no baa asase so no! (aiōnios g166) **4** Mawie adwuma a wode hyee me nsa no ye nam so ada w'anuonyam adi akyerɛ wo asase so. **5** Na afei, Agya, fa anuonyam a mewo wo w'anim ansa na wobo wiase no hye me wo w'anim ha. **6** "Mama nnipa a na anka wote wiase a wode won hyee me nsa no ahu wo. Na woye wo de na wode won maa me. Wotatie w'asem. **7** Afei, wɔahu se biribiara a wode ama me no fi wo nkyen. **8** Mekaa asem a woka kyereɛ me se menka nkyere won no kyereɛ won na wotiei. Wonim se eye nokware se mifi wo nkyen na mebae. Na wogyɛ di se wo na wosomaa me. **9** Mebo mpae ma won. Memmo mpae mma won a wonnye w'asem nni, na mmom nnipa a wode won maa me no na mebo mpae ma won, efise woye wo de. **10** Biribiara a mewo no ye wo de na biribiara a wowo no nso ye me de. Enam eyinom so ama manya anuonyam. **11** Na afei, merefi wiase na magyaw won wo akyi aba wo nkyen. Agya Kronkron, won a wode won maa me no, fa wo din a tumi wo mu no bo won ho ban na woye baako senea wo ne me ye baako no. **12** Bere a me ne won wo ho no, mede tumi a wode maa me no hwɛ won so. Mebo won ho ban, na won mu biara anyera, gye onipa a ese se oyerɛ no nko ara, senea ebeye a Kyerewsem no beba mu. **13** "Afei mereba wo nkyen. Maka saa nsem yi nyinaa bere a meda so wo wiase yi senea ebeye a m'anigye behye won ma. **14** Mekaa w'asem kyereɛ won na wiasefo tan won, efise womfi wiase senea me nso mimfi wiase no. **15** Mimmisa wo se yi won fi wiase, na mmom mesre se bo won ho ban fi obonsam nsam. **16** Senea mimfi wiase no, saa ara na won nso mfi wiase. **17** Fa wo nsem a eye nokware no kyerekyere won na entew won ho mma enye won kronkron. **18** Senea wosomaa me baa wiase no, saa ara na me nso meresoma won ako wiase. **19** Won nti mede me ho ma wo senea ebeye a won nso de won ho nyinaa bema wo. **20** "Memmo mpae mma won nko. Mebo mpae ma won a wonam asuafo asem a wobeka no so agye adi no nso. **21** Mebo mpae se won nyinaa beye baako. Agya, senea wowo me mu na me nso mewo wo mu no, saa ara na ma won nso ntena yen mu. Ma won nyinaa nye baako senea ebeye a, wiase begye adi se wo na wosomaa me. **22** Mede anuonyam a wode hyee me a emaa me ne

wo ye baako no ahye won senea ebeye a won nso wobeye baako senea yen nso yeye baako no. **23** Mewo won mu na wo nso wowo me mu, senea ebeye a won nyinaa beye baako na wiase ahu se wo na wosomaa me na wodo won senea wodo me no. **24** "Agya, mepe se won a wode won maa me no beka me ho wo faako a mewo no, na wɔahu m'anuonyam, anuonyam a wode maa me no, efise wodo me ansa na woboo wiase. **25** "Agya Kronkron, wiase nnim wo nanso me de, minim wo; na asuafo yi nim se wo na wosomaa me. **26** Mama wɔahu senea wo te, na meko so aye saa daa, senea ebeye a odo a wodo me no betena won nso mu na me nso matena won mu bi."

18 Yesu boɔ saa mpae yi wiei no, one n'asuafo no fii faako a wowo no kotwaa asu Kidron koɔ turo bi mu. **2** Esiane se na Yesu ne n'asuafo no taa ko ho no nti, na Yuda a oyii no mae no nim ho. **3** Asɔfo mpanyin ne Farisifo no somaa Yuda ne asraafo ne asɔredan mu awemfo a wokurakura akode ne akanea koɔ faako a wowo no. **4** Yesu a na onim nea ebɛba ne so nyinaa no kohyiaa won bisaa won se, "Hena na mohwehwe no?" **5** Wobuaa no se, "Yesu a ofi Nasaret no." Yesu ka kyereɛ won se, "Me ni!" Na Yuda a oyii no maa no gyina ho bi. **6** Yesu kae se, "Me ni" no, wopinpinii won akyi na wohwehwe ase. **7** San bisaa won bio se, "Morehwehwe hena?" Na wobuae se, "Yesu a ofi Nasaret no." **8** Yesu buaa won se, "Maka akyerɛ mo dedaw se me ni. Se me na morehwehwe me de a, eno de, momma m'asuafo no nko." **9** Okaa eyi nyinaa senea ebeye a nsem a wɔaka se, "Agya, won a wode won maa me no mu baako koraa nyerae" no beba mu. **10** Saa bere no Petro a na okura afoa no twe de twaa asɔfopanyin no asomfo no mu baako aso nifa. Saa akoo no din de Malko. **11** Yesu ka kyereɛ Petro se, "Fa w'afoa no san hye faako a wotwe fii. Ense se menom kuruwa a m'Agya de ama me no ano ana?" **12** Asraafo no ne won panyin ne asɔredan mu awemfo no kyeree Yesu, kyekyeree ne nsa, **13** de no dii kan komaa Anas a na n'ase ne Kaiafa a saa bere no na oye asɔfopanyin no. **14** Kaiafa na otuu Yudafo no fo se, eye se onipa baako bewu ama oman no. **15** Simon Petro ne osuani baako dii Yesu akyi. Na osuani baako no ye obi a asɔfopanyin no nim no yiye. Saa osuani no na onyaa kwan koɔ asɔfopanyin no fi ho. **16** Petro de, okaa opon no akyi. Saa osuani a na onim asɔfopanyin no yiye no san bae, ne abaawa a na ohwe opon no ano no bekasa maa Petro nyaa kwan koɔ mu. **17** Abaawa a

ogyina ɔpon ano no bisaa Petro se, “Wonye saa onipa no asuafo no mu baako ana?” Petro buae se, “Dabi.” 18 Saa bere no na eye awɔwɔbere, enti na asomfo no ne asraafo no asɔ gya a wɔreto. Petro nso kogyinaa hɔ too gya no bi. 19 Ɔsɔfopanyin no bisaa Yesu nsem faa n’asuafo no ne ne nkyerekyerɛ ho. 20 Yesu buae se, “Mekaa me nsem nyinaa wɔ gua mu na mekyerekyerɛ wɔ asɔredan ne hyiadan mu a nnipa nyinaa hyia hɔ no. Menkaa asem biara wɔ kokoa mu. 21 Aden nti na wubisa saa asem yi? Bisa wɔn a wotiee me no. Wɔn na wonim asem a mekae.” 22 Yesu kaa saa no, awɛmfo no mu baako bɔɔ no sɔtɔre kae se, “Wo sɛɛ ne hena a wutumi kasa ɔsɔfopanyin anim saa?” 23 Yesu buaa no se, “Sɛ maka asemmɔne bi a, ka asem a mekae no na obiara a ɔwɔ ha nte bi. Na sɛ asem a mekaa no nso ye nokware de a, aden nti na wobɔ me?” 24 Afei, Anas ma wɔde Yesu a wɔakyekyerɛ ne nsa no kɔɔ Ɔsɔfopanyin Kaiafa anim. 25 Bere a Petro da so gyina hɔ reto gya no bi no, wɔn a na wogyina hɔ no mu bi bisaa no se, “Wo nso wonye ɔbarima no asuafo no mu baako ana?” Petro san bio se, “Dabi, menka wɔn ho.” 26 Ɔsɔfopanyin no asomfo no mu baako a na ɔye nea Petro twaa n’aso no busuani no nso bisaa no se, “Enye wo na na wo ne no wɔ turo no mu hɔ no?” 27 Petro san san bio se, “Dabi.” N’ano sii ara pɛ na akoko bɔnee. 28 Wɔde Yesu fii Kaiafa fi de no kɔɔ Pilato ahemfi. Saa bere no na eye anɔpahema. Esiane sɛ na Yudafo no mpɛ sɛ fi ka wɔn na wɔatumi adi Twam Afahye aduan no bi nti, wɔankɔ hɔ bi. 29 Pilato fii adi baa faako a na nnipa no wɔ no bebisaa wɔn se, “Bɔne bɛn na saa onipa yi aye?” 30 Nnipa no buaa no se, “Sɛ ɔnyeɛ bɔne biara a anka yeamfa no amma w’anim ha.” 31 Pilato ka kyereɛ wɔn se, “Mo ara momfa no nkɔ na momfa mo mmara so nni n’asem.” Yudafo no nso kae se, “Yenni tumi sɛ yekum obi.” 32 Nea esii yi maa nsem a Yesu ka de kyereɛ owu ko a obewu no daa adi pefee. 33 Pilato san kɔɔ n’ahemfi hɔ kobisaa Yesu se, “Wone Yudafo hene no ana?” 34 Yesu nso bisaa no se, “Wo ara w’adwene na wode rebisa me saa asem yi, anaase nnipa bi na wɔaka me ho asem akyerɛ wo?” 35 Pilato buaa Yesu se, “Wususuw sɛ meye Yudani ana? Wo ara wo nkurofo ne wɔn asɔfo mpanyin na wode wo brɛɛ me. Den na woaye?” 36 Yesu buaa no se, “M’ahenni nye asase so ahenni; sɛ m’ahenni ye asase so ahenni a, anka m’akyidifo beko agye me afi Yudafo mpanyimfo no nsam. Mereka bio se, m’ahenni nye asase so ahenni.” 37 Pilato see no se, “Eno de, na woye

ɔhene ana?” Yesu buaa no se, “Wo na wuse meye ɔhene. Ade baako pɛ nti na wɔwɔo me baa wiase ha, sɛ mimmedi nokware ho adanse. Obiara a ɔpɛ nokware no tie me.” 38 Pilato bisaa no se, “Den ne saa nokware no?” Afei Pilato fii adi kɔɔ Yudafo no nkyɛn kɔka kyereɛ wɔn se, “Minni asem biara a megyina so abu no fɔ. 39 Nanso senea mo Twam Afahye amanne te no, afe biara moma migyaa odeduani baako ma mo. Mope sɛ migyaa Yudafo hene no ma mo ana?” 40 Yudafo no teeteɛɛ mu se, “Dabi! Enye saa onipa yi. Gyaa Baraba ma yen!” Na saa Baraba yi ye ɔmammofo.

19 Pilato ma wɔbɔɔ Yesu mmaa. 2 Asraafo no de nsɔe nwenɛe ahenkyew hyɛɛ Yesu; afei, wɔde atade kɔkɔɔ nso hyɛɛ no. 3 Wodii ne ho fɛw, bobɔɔ n’ani so kae se, “Yudafo hene, wo nkwa sol!” 4 Pilato fii adi kɔka kyereɛ dɔm no bio se, “Mɛsan de no abre mo ama moahu sɛ minni asem biara a megyina so abu no fɔ.” 5 Bere a Yesu fii adi bae no, na ɔhyɛ ahenkyew a wɔde nsɔe anwen ne atade kɔkɔɔ. Pilato ka kyereɛ dɔm no se, “Onipa no ni!” 6 Bere a asɔfo mpanyin ne mpanyimfo no huu Yesu no, wɔteeteɛɛ mu se, “Bɔ no asennua mu! Bɔ no asennua mu!” Pilato ka kyereɛ wɔn se, “Mo ankasa momfa no nkɔ nkɔbɔ no asennua mu, efise minni asem biara a megyina so abu no fɔ.” 7 Yudafo no buae se, “Yɛwɔ mmara a ekyerɛ sɛ esɛ sɛ owu, efise ɔkae sɛ ɔye Onyankopɔn Ba.” 8 Bere a Pilato tee asem a wɔkae no, ɔbɔɔ hu yiye. 9 Ɔsan kɔɔ ahemfi hɔ kobisaa Yesu se, “Ehe na wufi?” Nanso Yesu ammua no. 10 Pilato bisaa no se, “Woremmaa me ana? Esɛ sɛ wuhu sɛ mewɔ tumi sɛ migyaa wo na mewɔ tumi nso sɛ mema wɔbɔ wo asennua mu!” 11 Yesu buaa no se, “Sɛ Onyankopɔn amfa saa tumi no amma wo a anka wunni me so tumi biara. Enti onipa a ɔde me brɛɛ wo no na wayɛ bɔne a eso.” 12 Bere a Pilato tee asem a Yesu kae no, ɔhwɛhwɛɛ ɔkwan bi a ɔbɛfa so agyaa no. Nanso Yudafo no teeteɛɛ mu se, “Sɛ wugyaa no a na wonye Kaesare adamfo! Obiara a ɔye ne ho ɔhene no tia Kaesare!” 13 Bere a Pilato tee asem a Yudafo no kae no, ɔde Yesu fii adi na ɔbetenaa n’atemmu agua so wɔ faako a wɔfrɛ hɔ Abo Nsemɛɛ, (a Hebri kasa mu no, eye “Gabata”). 14 Ade rebɛkyɛ ama Twam Afahye no adu so no, ɛbɛye owigyinae no. Pilato ka kyereɛ Yudafo no se, “Mo hene no ni!” 15 Dɔm no nso teeteɛɛ mu bio se, “Fa no kɔ! Bɔ no asennua mu!” Pilato bisaa wɔn se, “Mope sɛ meɔbɔ mo hene no asennua mu ana?” Asɔfo mpanyin no kae se, “Yɛn hene a yɛwɔ ara ne Kaesare!” 16 Afei Pilato

de Yesu maa Yudafo no se wɔnkobɔ no asennua mu. **17** Enti wɔde Yesu a n'asennua da ne kɔn ho no kɔɔ kurow no mfikyiri baabi a wɔfrɛ hɔ "Nitiri So", a Hebri kasa mu eyɛ "Golgota". **18** Ɛhɔ na wɔbɔɔ Yesu asennua mu. Wɔbɔɔ nnipa baanu bi nso asennua mu kaa ne ho. Na ɔbaako sen ne benkum so na ɔbaako nso sen ne nifa so a Yesu sen wɔn mfimfini. **19** Pilato kyerew se, Yesu Nasareni, Yudafo Hene de taree n'asennua no atifi. **20** Esiane se faako a wɔbɔɔ Yesu asennua mu ne kurow no mu kwan nware, na bio wɔakyerew nsem no wɔ Hebri, Roma ne Hela kasa mu no nti, nnipa bebreɛ hu kenkanee. **21** Yudafo asɔfo mpanyin no ka kyerɛɛ Pilato se, "Nkyerew se, 'Yudafo hene' na mmom kyerew se, 'Saa ɔbarima yi na ɔkaa se mene Yudafo hene!'" **22** Pilato kae se, "Nea makyerew no, makyerew." **23** Asraafo no bɔɔ Yesu asennua mu wiei no, wɔkyɛɛ ne ntade mu maa asraafo baanan no. Na saa atade no yɛ atade bi a wɔanwen fi ne soro kosi ne fam a enni mpamee. **24** Asraafo no nyinaa kae se, "Mommma yenntetew mu. Mommma yemmo so ntonto na yenhu onipa a obenya." Ade a wɔyɛɛ yi sii, senea ebɛyɛ a Kyerewsem a eka se, "Wɔkyekyɛɛ me ntama mu, bɔɔ m'atade so ntonto fae" no beba mu. Nea asraafo no yee ne no. **25** Nnipa a na wɔgyina Yesu asennua no ho pɛɛ no ne ne na, ne na nuabea, Maria a ɔyɛ Kleopa yere ne Maria Magdalene. **26** Yesu huu ne na ne osuani a ɔɔɔ no no se wɔgyina hɔ no, ɔka kyerɛɛ ne na se, "Ɔbea, wo ba ni." **27** Afei ɔka kyerɛɛ osuani no se, "Wo na ni." Efi saa bere no, osuani no faa no ne no kɔtenae. **28** Saa bere no Yesu huu se afei de, biribiara aba n'awie, na senea ebɛyɛ a Kyerewsem no beba mu no nti, ɔkae se, "Osukɔm de me." **29** Wɔde sapɔw a etua adwerɛ ano bɔɔ nsa a emu keka mu de kaa n'ano. **30** Yesu nom wiei no, ɔkae se, "Mawie!" Ɔkaa eyi wiee no, osii ne ti ase na ogyaa ne honhom mu. **31** Na da no yɛ ahosiesie da, na Yudafo mpanyimfo no mpe se wɔma amu no sensen asennua no so kosi n'adekyee a wobedi Twam Afahyɛ no. Enti wɔkɔka kyerɛɛ Pilato se wɔpɛ se wobubu nnipa no anan senea ebɛyɛ a wobetumi ayiyi wɔn amu no afi asennua no so. **32** Asraafo no kobubuu ɔbarima a odi kan a ɔka nnipa baanu a wɔbɔɔ wɔne Yesu asennua mu ho no anan; wowiei no, wokobubuu ɔbarima a ɔto so abien no nso anan. **33** Nanso woduu Yesu so no wohuu se ɔno de, na wawu dedaw enti wɔammu ne nan bi. **34** Asraafo no mu baako de ne peaw wɔɔ ne mfe maa mogyasufi fii ne mfe mu bae. **35** Onipa

a ohuu nea esii no na wadi ho adanse. N'adanse no yɛ nokware, senea ebɛyɛ a mo nso mubegyɛ adi. **36** Eyinom nyinaa sii senea ebɛyɛ a Kyerewsem a eka se, "Wɔremmu ne dompe bi" **37** ne "Nnipa behwɛ nea wɔwɔɔ ne mfe mu peaw" no beba mu. **38** Eyi akyi no, Yosef a ofi Arimatea a esiane Yudafo ho hu nti, na ɔyɛ Yesu suani wɔ kokoa mu no kɔsrɛɛ Pilato se ɔmma no kwan na onkoyi Yesu amu no. Pilato penɛɛ n'adesɛ no so. Eno nti okoyii Yesu amu no. **39** Nikodemo a da bi anadwo ɔkɔɔ Yesu nkyɛn no nso de kurobow ne aduhuam mfrafrae a emu duru bɛyɛ kilogram aduasa abiesɛ bae. **40** Wɔn baanu no de nwera ne aduhuam mfrafrae no kyekyeree Yesu amu no senea Yudafo kwan a wɔfa so sie wɔn amu no te no. **41** Na ɔboda fɔforo bi a wonsieɛ obi wɔ mu da wɔ turo bi a eɛn baabi a wɔbɔɔ Yesu asennua mu no. **42** Esiane se na saa ɔboda no ben no nti, wosieɛ Yesu amu no wɔ hɔ.

20 Kwasida anɔpahema na Maria Magdalene sɔre kɔɔ ɔda no so kohuu se obi apirew ɔbo no afi ɔboda no ano. **2** Ohuu saa no ɔde ahoɔhare kɔɔ Simon Petro ne osuani a Yesu dɔ no no nkyɛn kɔka kyerɛɛ wɔn se, "Nnipa bi akɔfa Awurade amu no afi ɔda no mu na minnim faako a wɔde no akɔto!" **3** Petro ne saa osuani yi tee asem no, wotuu mmirika kɔɔ ɔda no so. **4** Nanso saa osuani yi maa ne mmirika mu yɛɛ den twaa Petro ho koduu hɔ kan. **5** Oduu ɔboda no ano no, wanwura mu. Ɔbɔɔ ne mu ase hwɛɛ mu huu se nwera a wɔde kyekyeree Yesu amu no gu hɔ. **6** Simon Petro de, obeduu hɔ no, owuraa ɔboda no mu. Ohuu nwera a wɔde kyekyeree Yesu amu no se egu hɔ, **7** a dukuu a wɔde bɔɔ ne ti no nso gu baabi. **8** Afei osuani a oduu ɔboda no ho kan no nso wuraa mu huu saa nneema no ma ogye dii. **9** Saa bere no nyinaa na asuafo baanu yi nnya ntee nea Kyerewsem aka afa Yesu wusɔre ho no ase. **10** Afei asuafo no fii hɔ kɔɔ fie. **11** Nanso Maria de, na ɔda so gyina ɔboda no ho resu. Ogu so resu no, ɔbɔɔ ne mu ase hwɛɛ ɔboda no mu, **12** na ohuu ɔsoro abɔfo baanu a wɔhyehyɛ ntade fitafitaa a ɔbaako te atifi na ɔbaako nso te anafo wɔ faako a na Yesu amu no da no. **13** Wobisaa no se, "Ɔbea, aden na woressu sɛɛ yi?" Maria de awɛrɛhow buae se, "Nnipa bi abɛfa m'Awurade na minnim faako a wɔde no akɔto." **14** Afei otwaa n'ani hwɛɛ n'akyi na ohuu se obi gyina hɔ a eyɛ Yesu, nanso na onnim se eyɛ ɔno. **15** Yesu bisaa no se, "Ɔbea, aden nti na woressu sɛɛ yi? Hena na wɔrehwehwe no?" Na Maria de, osusuw se eyɛ turo mu hɔ hwɛfo nti obisaa no se, "Owura, se wo na wɔfaa

no fii ha a, mesɛ wo, kyere me faako a wode no akoto na menkɔfa no.” 16 Yesu frɛɛ no se, “Maria!” Maria twaa n’ani hwɛɛ no na ogyee so wo Hebri kasa mu se, “Rabuni!” (a ase ne “Kyerɛkyerefo”). 17 Yesu ka kyereɛ no se, “Nso me mu, efise minnya nkɔɔ m’Agya nkyen ɛ; kɔka kyere m’asufo no se, meresan ako m’Agya a ɔye won agya ne me Nyankopon a ɔye won nso Nyankopon no nkyen.” 18 Maria Magdalene fii ho kɔɔɔ asufo no amanneɛ se wahu Awurade na ɔkaa asem a Yesu ka kyereɛ no no kyereɛ won. 19 Saa da no ara anwummere a na esiane Yudafo mpanyin no ho hu nti, asufo no ato won ho pon mu no, Yesu baa ɔdan no mu ho kyiaa won se, “Asomdwoe nka mo.” 20 Okyiaa won wiei no, ɔde ne nsam ne ne mfem kyereɛ won. Asufo no huu Awurade no, won ani gyei yiye. 21 Yesu san kyiaa won bio se, “Asomdwoe nka mo!” Afei ɔka kyereɛ won se, “Senea Agya no somaa me no, saa ara na me nso meresoma mo.” 22 Ohome guu won so kae se, “Honhom Kronkron no mmra mo so. 23 Se mode obi bone kye no a, wode bekye no; na se moamfa obi bone ankye no a, wɔremfa nkye no.” 24 Bere a Yesu yii ne ho adi kyereɛ asufo no, na Toma a wofre no Ata a ɔye asufo dumien no mu baako no nni ho bi. 25 Bere a asufo no ka kyereɛ no se, “Wɔahu Awurade no!” Wannye anni ma ɔkae se, “Se manhu ne nsam ne ne mfem twa no na mamfa me nsa anka a, merennye nni da.” 26 Asufo no san hyiae wo nnaawɔtwe akyi a na Toma ka won ho. Ewo mu se na wɔatoto apon no mu de, nanso Yesu san baa ho, kyiaa won bio se, “Asomdwoe nka mo!” 27 Afei Yesu frɛɛ Toma ka kyereɛ no se, “Fa wo nsa beka me nsam ne me mfem. Nnye akyinnye bio. Gye di!” 28 Toma de ahonu kae se, “Wo ne m’Awurade ne me Nyankopon!” 29 Yesu ka kyereɛ no se, “Woahu me no nti, na woagyɛ adi; nhyira nka won a wonhuu me nanso wogyɛ di.” 30 Yesu yɛɛ anwonwade ahorow bebreɛ kyereɛ n’asufo no a wɔankyerew wo saa nhoma yi mu. 31 Nanso biribiara a wɔakerew wo saa nhoma yi mu no, wɔakerew senea ebeye a mubegye adi se, Yesu ne Agyenkwa, ne Onyankopon Ba no; na se mugye no di a, mubenya nkwa.

21 Akyiri no Yesu yii ne ho adi bio wo Tiberia Po ho kyereɛ n’asufo no mu bi. Okwan a ɔfaa so yii ne ho adi kyereɛ won no ni: 2 Saa bere no na Simon Petro ne Toma (a wofre no Ata), ne Natanael a ofi Kana a ewo Galilea ne Sebedeo mma ne Yesu asufo no mu baanu na na wɔwo faako. 3 Wɔwo ho

no, Petro ka kyereɛ won a wɔaka no se, “Merekoyi nam.” Won a na wɔka ne ho no ka kyereɛ no se, “Yene wo beko.” Won nyinaa kɔtenaa ɔkorow mu, nanso saa anadwo no wɔanyi nam biara. 4 Ade kyee anɔpa a anim retetew no, Yesu begyinaa mpoano ho, nanso na asufo no nnim se eye ɔno. 5 Ɔfrɛɛ asufo no bisaa won se, “Anuanom, moayi nam bi ana?” Wobuae se, “Dabi.” 6 Ɔka kyereɛ won se, “Mungu mo asau no wo nifa fam na mubeyi nam.” Wogu asau no senea ɔkae no. Nam yɛɛ asau no ma sɛɛ to a na wɔtwe a entwe. 7 Afei osuani a Yesu do no no ka kyereɛ Petro se, “Eye Awurade.” Bere a Simon Petro tee se eye Awurade no ɔhyɛ n’atade, (efise na waworɔw) huruw to asu no mu guare kɔɔ mpoano ho. 8 Asufo a wɔaka no tenaa ɔkorow no mu baa mpoano ho bi. Wɔreba no na wɔretwe asau a na nam ahyɛ no ma sɛɛ to. Okwan a efi faako a wɔwo wo po no so ba mpoano ho no beye mita ɔha. 9 Woduu mpoano ho no wohuu se obi aso ogya retoto nam na brodo bi nso gu nkyen. 10 Yesu ka kyereɛ won se, “Momfa nam a moayi no bi mmra.” 11 Simon Petro foro kɔɔ ɔkorow no mu kotwee asau a na nam akese beye ɔha aduonum abiesa wo mu no baa mpoano ho. Ewo mu se na nam aye asau no ma de, nanso antetew. 12 Yesu frɛɛ won se, “Mummedidi.” Asufo no mu biara ammissa no onipa ko a ɔye efise na wonim se eye Awurade. 13 Yesu faa brodo no kyekye maa won. Eyi akyi no, ɔkyɛɛ nam no nso maa won. 14 Eyi ne ne mprensa so a Yesu sɔre fii awufo mu no, oyii ne ho adi kyereɛ n’asufo no. 15 Wodidi wiei no, Yesu bisaa Simon Petro se, “Yohane ba Simon, wodo me sen senea eyinom do me no ana?” Petro buae se, “Yiw, Awurade, wunim se medo wo.” Yesu ka kyereɛ no se, “Yen me nguamma.” 16 Yesu san bisaa no se, “Yohane ba Simon, wodo me ana?” Petro san buae se, “Yiw, Awurade, wunim se medo wo.” Yesu san ka kyereɛ no se, “Hwe me nguan.” 17 Yesu bisaa no ne mprensa so se, “Yohane ba Simon, ampa ara se wodo me?” Asem yi yɛɛ Petro awerehow se Yesu abisa no saa asem koro no ara mprensa. Enti ɔka kyereɛ Yesu se, “Awurade, wunim biribiara, na wunim nso se medo wo!” Yesu ka kyereɛ no se, “Yen me nguan. 18 Meka nokware akyere wo. Woyɛ aberante no, na wutumi siesie wo ho ko baabiara a woɛ, na woyɛ nea woɛ biara nso. Nanso se wobɔ akwakoraa a, wobeteɛ wo nsam na obi asiesie wo ho ama wo, de wo ako baabi a anka wompe se woko.” 19 Asem a Yesu kaa no de kyereɛ owu ko a Petro bewu de ahyɛ Onyankopon anuonyam. Yesu ka

kyereɛ Petro se, “Di m’akyi.” **20** Petro twaa n’ani hwɛɛ n’akyi huu sɛ osuani a Yesu dɔ no no di wɔn akyi. Saa osuani yi ne obi a wɔredidi no, otwiw bɛn Yesu bisaa no se, “Awurade, hena na obeyi wo ama?” no. **21** Petro huu saa osuani no, obisaa Yesu se, “Awurade, na oyi nso dɛn na ɛbɛto no?” **22** Yesu buaa no se, “Sɛ mepe sɛ ɔtena hɔ kosi sɛ mesan aba a, ɛfa wo hɔ bɛn? Wo de, di m’akyi.” **23** Asem a Yesu ka faa saa osuani yi ho no maa Yesu akyidifo no mu pii susuw sɛ, saa osuani no renwu da. Nanso na enye nea Yesu hwehwɛ akyere ne no, bere a ɔkae se, “Sɛ mepe sɛ ɔtena hɔ kosi sɛ mesan aba a, ɛfa wo hɔ bɛn?” **24** Saa osuani yi ne onipa a odi eyinom nyinaa ho adanse na ɔkyerɛw nso. Yenim sɛ n’adansedi no ye nokware. **25** Nneɛma bebreɛ wo hɔ nso a Yesu yɛɛ a wɔankyerɛw, na sɛ wɔkyerɛw no mmaako mmaako a, anka migye di sɛ ɛrensen wiase.

Asomafo

1 M'adamfo pa Teofilo, me nhoma a edi kan a mekyerew wo no mu no, mekaa Yesu nnnwuma a oyee ne ne nkyerekyerẽ **2** kosi bere a Onyankopɔn befaa no kɔɔ ɔsoro no ho asem. Ansa na wɔrebefa no akɔ ɔsoro no, ɔnam Honhom Kronkron tumi so kyerekyerẽ n'asuafo no. **3** Ne wusɔre akyi no, ɔtenaa asase so adaduanan, yii ne ho adi mpen pii kyere n'asuafo no de kyere wɔn se, ampa, ɔte ase. Ɔkaa Onyankopɔn ahenni ho asem nso kyere wɔn. **4** Da bi a ɔne wɔn redidi no ɔhyee wɔn se, "Mummfi Yerusalem, na montwen akyede a m'Agya ahye mo ho bo a maka ho asem akyere mo no. **5** Yohane de, ɔde nsu na ebɔ asu, nanso mo de ɛrenkye, wɔde Honhom Kronkron no bebɔ mo asu." **6** Asuafo no nyinaa ne Yesu hyiaa mu no, wobisaa no se, "Awurade, bere yi mu na wode ahenni no beba Israel ana?" **7** Yesu buaa wɔn se, "Eho nhia se mubehu bere a Agya no nam ne tumi so ahyehye ato ho no. **8** Na se Honhom Kronkron no ba mo so a, mubenya tumi na moaye me nnansefo wɔ Yerusalem ne Yudea nyinaa ne Samaria de kosi asase ano." **9** Ɔkasa wiee no asuafo no huu no se ɔnam omununkum mu rekɔ ɔsoro na wɔanhu no bio. **10** Wogu so rehwe wim no, amono mu ho ara mmarima baanu bi a wɔhyehye ntade fitafitaa begyinaa wɔn nkyen, **11** kae se, "Mo mmarima a mufi Galilea, aden nti na mugyina ha rehwe wim? Yesu a wɔafa no afi mo nkyen kɔ ɔsoro no, senea osi kɔɔ ɔsoro no, saa ara na ɔbesan aba." **12** Eyi akyi no, asuafo no fii Ngo Bepɔw no so baa Yerusalem. Efi Ngo Bepɔw no so ba Yerusalem no beye kilomita baako ne fa. **13** Woduu ho no, wɔkɔɔ ɔdan bi a na ewo aban a na wɔte so mu. Nnipa a na wɔwɔ ho no ne: Petro, Yohane, Yakobo ne Andrea; Filipino, Toma, Bartolomeo, Mateo, Alfeo ba Yakobo, Simon Seloteni ne Yakobo ba Yuda. **14** Na saa asuafo yi nyinaa taa ne mmea bi te se Yesu ne na Maria ne Yesu nuabarimanom hyia bo mpae. **15** Nna kakraa bi akyi no gyidifo no a wɔn dodow beye se ɔha aduonu no hyiaa na Petro sɔre kasae se: **16** Me nuanom, ɛse se nkɔm a Honhom Kronkron no nam Dawid so hye faa Yuda ho se enam ne so na wɔbekyere Yesu no ba mu. **17** Yen a Yesu yii yen no, na Yuda nso ka yen ho wɔ ɔsom no mu. **18** (Sika a Yuda nya fii ade bɔne a oyee no mu no, wɔde tɔɔ asase wɔ faako a owui ho. Ɔtew behwee fam ma ne mu pae maa ne nsono tu guu so. **19** Nnipa a na wɔte Yerusalem nyinaa tee

saa asem no, wotoo asase no din wɔ wɔn ankasa kasa mu se Hekeldama a nkyerease ne, Mogya Asase.) **20** Petro toaa so kae se, "Wɔakyerew wɔ Dawid nhoma mu se, "Ne fi nye amamfo, na ɔfoforo nsi n'anana mu.' **21** Enti ɛse se yeyi nnipa a yene wɔn nantew bere a na Yesu ne yen di akoneaba no nyinaa, **22** fi Yohane asubɔ adwuma no so de kosi bere a wɔfaa Yesu fii yen nkyen kɔɔ ɔsoro no, efise ɛse se saa nnipa no mu baako beka yen ho ne yen di Yesu wusɔre no ho adanse." **23** Woyii nnipa baanu. Ɔbaako din de Yosef a na wɔfre no Barsaba, na wɔtaa fre no Yusto nso. Nea na ɔka ho no nso din de Matia. **24** Afei asuafo no bɔɔ mpae se, "Awurade, wunim obiara koma mu. Eno nti kyere yen nnipa baanu yi mu nea woayi no **25** se ommesi Yuda a wanya ne baabi kɔ no anan mu mmeɛ asomafodwuma no." **26** Afei asuafo no bɔɔ wɔn so ntonto maa esii Matia. Enti wɔfaa no kaa asomafo dubaako no ho.

2 Pentekoste da no duu no, na asuafo no nyinaa ahyia wɔ faako. **2** Amono mu ho ara, nne bi te se ahum a ɛretu fi ɔsoro ba behyee ofi a na wɔwɔ mu no ma. **3** Ogya a ɛredew a ete se tekrema besisii wɔn so mmaako mmaako. **4** Honhom Kronkron no hyee wɔn nyinaa ma, na wɔkaa kasa foforo, senea Honhom no maa wɔn ho kwan no. **5** Saa bere no na Yudafo bi a wɔfere Nyame fi mmeaemmeae aba Yerusalem. **6** Wotee nea ereko so no, wɔbɔɔ twi behyiae, na eyee wɔn nwonwa ne ahodwiriw, efise obiara tee se wɔreka ne kurom kasa. **7** Enti wobisae se, "Na saa nnipa yi a wɔrekasa yi nye Galileafa ana? **8** Na aden nti na yete se wɔreka Onyankopɔn anwonwadwuma ho asem wɔ yen a yeye **9** Partifo, Mediafo ne Elamfo, ne wɔn a wote Mesopotamia ne Yudea ne Kapadokia, Ponto, Asia, **10** Frigia ne Pamfilia, Misraim ne Libia fa a eben Kirene ne ahɔho a wofi Roma, Yudafo ne wɔn a wɔasakra aba Yudasom mu, **11** ne Kretafo ne Arabfo mu biara kasa mu yi?" **12** Wɔde ahodwiriw bisae se, "Eyi ase ne den?" **13** Afoforo nso dii wɔn ho few se, "Saa nnipa yi abobow nsa." **14** Petro ne asomafo dubaako no sɔre gyinaa ho na ɔkasaa denneennen kyere nnipa no se, "Me nuanom Yudafo ne mo a mote Yerusalem nyinaa, muntie asem a mereka yi. **15** Saa nnipa yi mmow nsa senea mususuw no, efise ade nnya nkyee a ɛse se obi nom nsa bow. **16** Asem a asi yi na odiyifo Yoel hyee ho nkɔm se: **17** "Onyankopɔn kae se, nna a edi akyiri no, mehwie me Honhom no agu nnipa nyinaa so. Mo mmabarima ne mo mmabea

behye nkɔm, mo mmerante nso ahu anisoade. Na mo mpanyin nso asoso adae. **18** Saa mmere no mu no, mehwie me Honhom agu m'asomfo mpo so, mmarima ne mmea, ama wɔahye nkɔm. **19** Mede mogya ne ogya ne wusiw kumɔnn beye anwonwade ne nsenkyerenne wɔ ɔsoro ne asase so. **20** Ansa na Awurade da kese no beba no, owia beduru sum na ɔsram nso aye se mogya. **21** Na obiara a ɔbeɔ Awurade din no benya nkwa. **22** "Israelfo, muntie! Yesu Nasareni no ye ɔbarima bi a ne dwuma kronkron a obedii no daa adi wɔ tumi ne anwonwade ne nsenkyerenne a Onyankopɔn nam ne so yee a mo ankasa di ho adanse no mu. **23** Onyankopɔn ankasa fi ne pe ne ne nhumu mu sii gyinae yii Yesu maa mo, na mode no maa nnebɔneyefo ma wobɔɔ no asennua mu kum no. **24** Nanso Onyankopɔn nyan no fii owu mu ma oyii no fii owuyaw mu, efise owu antumi anni ne so." **25** Asem a Dawid ka faa ne ho ne se, "Mihu Awurade wɔ m'ani so daa nyinaa. Esiane se ɔwɔ me nsa nifa nti, merenhinhim da. **26** Eno nti me kra ani gye, na me tekrema di ahurusi. Me nipadua nso behome asomdwoe mu. **27** Efise worennyaw me awufo mu. Na woremma wo Kronkronni no mporɔw. (Hadēs g86) **28** Woakyere me nkwaye kwan; na wobema m'ani agye wɔ w'anim. **29** "Anuanom, ese se meda m'adwene adi pefee wɔ yen panyin Dawid ho. Owui na wosiee no, na ne nna da so wɔ ho besi nne. **30** Na ɔye odiiyifo a onim bɔ bi a Onyankopɔn ahye no no. Onyankopɔn hyee bɔ se ɔbeyɛ Dawid asefo no mu baako ɔhene, senea Dawid ye ɔhene no ara pe. **31** Dawid huu nea Onyankopɔn rebeye no ɔkasa faa owusɔre a efa Agyenkwa no ho se, 'Wɔannyaw no awufo mu. Ne honam nso amporɔw.' (Hadēs g86) **32** Onyankopɔn anyan saa Yesu yi afi owu mu, na yen nyinaa ye saa asem yi ho nnansefo. **33** Wɔahye no anuonyam de no akɔtena Onyankopɔn nifa so ma ne nsa aka Honhom Kronkron no a Agya no hyee no ho bɔ no; eno na wahwie agu yen so, na eho nsenkyerenne na muhu na mote yi. **34** Dawid ankasa de, wankɔ ɔsoro, na mmom ɔkae se, "Awurade ka kyereɛ me wura se, "Tena me nsa nifa so ha, **35** kosi se mede w'atamfo beye w'anan ntiaso." **36** "Ese se nnipa a wɔwɔ Israel nyinaa hu se, mo na mobɔɔ saa Yesu yi a Onyankopɔn aye no Awurade ne Agyenkwa no asennua mu." **37** Bere a nnipa no tee saa asem yi, ehaw wɔn yiye. Enti wobisaa Petro ne asomafo a wɔaka no se, "Anuanom, den na yenye?" **38** Petro ka kyereɛ wɔn se, "Monsakra mo adwene na momma wɔmmɔ mo

asu wɔ Yesu Kristo din mu senea ebeye a wɔde mo bɔne bekye mo na moanya Onyankopɔn akyede a eye Honhom Kronkron no. **39** Onyankopɔn hyee Honhom Kronkron yi ho bɔ maa mo ne mo mma ne wɔn a wɔtete akyirikyiri ne wɔn a Awurade, yen Nyankopɔn befre wɔn aba ne nkyen no nyinaa." **40** Petro kaa nsem bebreɛ kyereɛ wɔn se, "Munnye mo ho mfi asotwe a ereba saa nnebɔneyefo yi so no mu." **41** Wɔn mu dodow no ara gyeɛ asem no di ma wobɔɔ wɔn asu. Saa da no, nnipa beye mpensa na wobekaa agyidifo no ho. **42** Daa na wɔde wɔn adagyew nyinaa sua asomafo no nkyerekyerɛ. Wɔne wɔn nyaa ayɔnkofa, hyia didi bɔ mu ne wɔn bɔ mpae. **43** Asomafo no yee anwonwade ahorow bebreɛ ma obiara a ohuu no ho dwiriw no. **44** Gydifo no nyinaa kɔɔ so tenaa ase se nnipa koro, na wɔkyekyee wɔn ahode mu memaa wɔn ho wɔn ho. **45** Wɔtɔn wɔn ahode kyekyee sika a wonya fii mu no maa wɔn ho wɔn ho senea eho hia obiara. **46** Daa na wobɔ mu hyia wɔ asɔredan mu de anigye ne koma pa bɔ mu didi wɔ wɔn afi mu. Wɔkamfoo Onyankopɔn, nyaa anuonyam wɔ nnipa anim. **47** Da biara na Awurade de wɔn a ogye wɔn nkwa no beka wɔn ho.

3 Da bi Petro ne Yohane kɔɔ asɔredan mu awia nnɔnabiesa a na eye bere a wɔde bɔ mpae. **2** Woreye adu asɔredan pon a wɔfre no Ɔpon Fefe ano no, wohuu obubuafo bi se ɔda ho. Na wɔsoa saa obubuafo yi de no beto ɔpon yi ano da biara ma ɔsresɛ sika fi wɔn a wɔreko asɔredan no mu no nkyen. **3** Bere a ohuu se Petro ne Yohane reko mu no, ɔsreɛ wɔn se wɔmma no biribi. **4** Wɔhwɛɛ n'anim dinn na Petro ka kyereɛ no se, "Hwe yen!" **5** Ɔhwɛɛ wɔn susuɛ se wobema no biribi. **6** Nanso Petro ka kyereɛ no se, "Sika de, minni bi; na nea mewɔ a mede bema wo ne se Yesu Kristo Nasareni din mu, sɔre nantew!" **7** Afei Petro de ne nsa nifa soo no mu maa no so gyinaa ho. Preko pe, n'anan mu yee den. **8** Ohuruw gyinaa n'anan so na ofii ase nantewee. Afei ɔne wɔn nyinaa kɔɔ asɔredan no mu a ɔrehuruhuruw, rekamfo Onyankopɔn. **9** Nnipa no nyinaa huu no se ɔnam reyɛ Onyankopɔn aye. **10** Wohuu no no, wohuu se ɔno ne ɔsresɛni a na ɔda asɔredan pon a wɔfre no Ɔpon Fefe no ano no, wɔn ho dwiriw wɔn. **11** Bere a nnipa no huu se ɔbarima no ne Petro ne Yohane nam no, wɔn ho dwiriw wɔn; enti wotuu mmirika kɔɔ wɔn nkyen wɔ baabi a wɔfre no Salomo Abrannaa no so ho. **12** Bere a Petro huu nnipadɔm no, ɔka kyereɛ wɔn se, "Israelfo, aden na eyi ye mo nwonwa? Aden nti na mohwe yen, susuɛ se

yenam yen tumi anaa yen som pa so na asa obarima yi yare? **13** Abraham, Isak ne Yakob Nyankopon ne yen nenanom Nyankopon ama ne somfo Yesu osoro anuonyam. Mode no maa atumfo; na bere a Pilato yee se obegya no no mpo, mopoo no wo n'ananim. **14** Na oye Kronkron, otee; nanso mopoo no na mosree Pilato se omfa odwotwafo mma mo. **15** Enti mukum obi a ogye nnipa ko nkwa mu. Nanso Onyankopon nyan no fii awufo mu na yeye eyi ho nnansefo. **16** Tumi a ewo ne din mu no na emaa saa obubuafo yi nyaa ahooeden. Gyidi a yewo wo ne din mu no na ema yetumi yee saa anwonwade a muhu yi. Gyidi a yewo wo Yesu din mu no na ama ne ho ato no a ogyina mo anim mprempren yi. **17** "Afei me nuanom, minim se nea mo ne mo mpanyimfo yee Yesu no, na onim na munnim. **18** Tete no, Onyankopon nam n'adiyifo so kae se Agyenkwa no behu amane. Na onam saa kwan yi so ma ebaa mu. **19** Monsakra mo adwene na momfa mo ho mma Onyankopon na wobepapa mo bone, na moanya foforoeye mmere afi Awurade ho, **20** na wasoma Yesu a oye Agyenkwa a woyi no ama mo no. **21** Senea Onyankopon nam n'adiyifo akronkron so aka dedaw no, ese se otena osoro kosi se nneema nyinaa beye foforo. (aiɔn g165) **22** Na Mose kae se, 'Awurade, mo Nyankopon besoma odiyifo aba mo nkyen senea osomaa me a mifi mo mu no. Esee se mutie asem biara a obeka akyerɛ mo. **23** Obiara a wantie nea odiyifo no beka no, wobeyi no afi Onyankopon nkurofo ho na wosase no.' **24** "Samuel ne adiyifo a kiyiri no wobae no nyinaa nso aka asem a asi nne yi ho asem pen. **25** Onyankopon bo a onam adiyifo so hyee no ye mo dea. Saa ara nso na mowo kyefa wo apam a Onyankopon ne mo agyanom pam no mu. Senea oka kyerɛ Abraham se, 'Wasefo so na menam behyira wiasefo nyinaa.' **26** Enti Onyankopon dii kan yii ne somfo somaa no baa mo nkyen se ommedom mo na mo nyinaa nnan mfi mo akwammone no so."

4 Bere a Petro ne Yohane gu so rekasa akyerɛ nkurofo no, asofo ne onpanyin a ohwe awemfo a wohwe asoredan no so no ne Sadukifo baa won nkyen. **2** Won bo fuw yiye, efise na saa asomafo yi rekyerekyerɛ nnipa no se Yesu asore afi owu mu a ekyerɛ se awufo tumi nyan ba nkwa mu. **3** Wokyeree asomafo no, nanso esiane se na ade asa nti, wode won guu afiase kosii adekyee. **4** Nanso nnipa a wotee asem no mu dodow no ara beye se mpem anum gyee asem no dii. **5** Ade kyee no, Yudafo mpanyin, mpanyimfo ne

Kyerewsem no akyerɛkyerefo hyiaa wo Yerusalem. **6** Wohyiaa Osɔfopanyin Anas ne Kaiafa ne Yohane ne Aleksandro ne afoforo a wofi Osɔfopanyin no abusua mu. **7** Woma wode asomafo baanu yi baa won anim bisaa won se, "Tumi ben anaa hena din na mode yee eyi?" **8** Petro a Honhom Kronkron ahye no ma no buae se, "Oman mpanyimfo ne atitiriw. **9** Se nne mugyina ha bisa yen ade pa a yeye maa obubuafo no maa ne ho too no no a, **10** eno de ese se mo ne Israelfo nyinaa hu se saa onipa a ogyina ha yi, enam Yesu Kristo a ofi Nasaret a moboo no asennua mu na Onyankopon nyan no fii awufo mu no tumi mu na ne ho aye no den." **11** Yesu ne onipa a Kyerewsem ka fa ne ho se, "Obo a mo adansifo poe no na abeye tweitibo." **12** Ono nko ara mu na nkwaye wo; efise din biara nni wiase ha a nnipa nam so benya nkwaye." **13** Eyee agyinatufo no ahodwiriw se Petro ne Yohane a wonsuaa nhoma da na woye nnipa teta no tumi kasaa akokoduru so saa. Wohuu se saa asomafo yi ne Yesu nantewee. **14** Nnipa no antumi anka asem biara bio, efise wohuu se obarima a na ne ho ato no no ne Petro ne Yohane gyina ho. **15** Woma wofii asennii ho ma wodwinnwen asem no ho. **16** Wobisabisaa won ho won ho se, "Den na yenye saa nnipa yi? Obiara a owo Yerusalem ha ate se saa nnipa yi aye anwonwade a yerentumi ntwa ho nkontompo. **17** Senea ebeye a saa nnipa yi remma saa asem yi ntrew nko afoforo nkyen no, momma yemfre won, mmo won kaka, senea ebeye a woremma Yesu din nkyere obiara bio." **18** Wofree asomafo baanu yi bae, hyee won se wonni ho kwan biara se wobo Yesu Kristo din anaa wokyerekyerɛ wo ne din mu. **19** Petro ne Yohane buaa won se, "Se yebetie Onyankopon anaa yebetie mo no, emu nea ewo he na eye? Mo ara mummua mfa. **20** Nea yeahu ne nea yeate de, yerentumi nnyae ho asenka." **21** Agyinatufo no boo won kaka bio gyaa won, efise woannya biribiara annyina so antwe won aso; afei nso na nnipa no nyinaa rekamfo Onyankopon wo asem a asi no ho. **22** Na obarima a wonam anwonwakwan so saa no yare no adi boro mfe aduanan. **23** Wogyaa Petro ne Yohane pe na wokoo agyidifo a woaka no nkyen kaka nea asofo mpanyin ne mpanyimfo no kae no kyerɛ won. **24** Bere a wotee saa asem no, won nyinaa boo mu boo mpae se, "Owura, Obode a woboo osoro, asase ne po ne biribiara a ewo mu, **25** wonam Honhom Kronkron so nam yen nena Dawid a oye w'akoa no so ma okae se, "Aden nti na amanaman no hyehye bone

ho, na nnipa no bo pow hunu yi? **26** Asase so ahemfo sore gyina na atumfo bo mu tu agyina tia Awurade ne Agyenkwa no. **27** Ampa ara Herode ne Pontio Pilato ne amanamanmufo ne Israelfo hyiaa wo kurow kese yi mu sore tiaa Yesu a nye Dsomfo Kronkron a watew ne ho no. **28** Wohyia yee biribiara a wonam wo tumi ne wo pe so ahye ato ho se ebeba mu no. **29** Afei Awurade, hwe ahunahuna a wrehunahuna yen yi na ma yen a yeye w'asomfo yi mfa akokoduru nka w'asem yi. **30** Ma wo nsa so fa sa nyarewa, na fa wo somfo Kronkron Yesu Kristo din so ye nsenkyerenne ne anwonwade.” **31** Woboo mpae wiee no, faako a wohyiaa ho wosowee. Honhom Kronkron behyee won nyinaa ma ma na wofii ase de akokoduru kaa Onyankopon asem. **32** Agyidifo no nyinaa tenaa ase se nnipa koro. Won mu bi anka se n'ankasa ahode bi ye ono nko ara de; biribiara a wowo no, won nyinaa kyekyee mu pe fae. **33** Asomafo no nam tumi a emu ye den so dii Awurade Yesu wusore no ho adanse na Onyankopon hyiraa won nyinaa. **34** Biribiara ho anhia obiara a ofra kuw no mu, efise won a na wowo nsase ne afi no tontonee, de sika a wonya fii mu no **35** breɛ asomafo no ma wokyekeyee senea eho hia obiara. **36** Yosef a na nye Lewini a ofi Kipro a na asomafo no fre no Barnaba, a ne nkyerease ne “Nkuranhye Ba” no, **37** ton n'asase de sika a onyae no breɛ asomafo no.

5 Obarima bi a wofre no Anania ne ne yere Safira koton won agyapade bi. **2** One ne yere yi yee adwene de sika a wonyae no bi siei, na wode nkae no breɛ asomafo no. **3** Petro bisaa no se, “Anania, aden nti na woama obonsam ho kwan ama wabehye wo mu na woadi atoro akyerɛ Honhom Kronkron no na wode sika a wunyaa no bi asie? **4** Ansa na worebeton agyapade no na enye w'ankasa wo de; woton wiee no nso sika a wunyae no, na enye wo de; na aden nti na woyee w'adwene se wobeye nea woaye yi? Enye nnipa na woadi atoro akyerɛ won, na mmom woadi atoro akyerɛ Onyankopon.” **5** Anania tee saa asem yi ara pe, otwa hwee fam wui; na ehu kaa obiara a otee saa asem no. **6** Won mu mmerante no ba bekyekeyeree amu no fii adi kosiee no. **7** Ebeye nnonhwerew abiesa akyi no, ne yere a na onnim asem a asi no baa ho. **8** Petro bisaa no se, “Wo ne wo kunu, moton mo asase no, sika a munyae nyinaa ara ni? Ka kyere me.” Obuaa se, “Yiw ne nyinaa ne no.” **9** Petro ka kyereɛ no se, “Aden nti na wo ne wo kunu penee so se mobeso Onyankopon Honhom ahwe? Hwe! Nnipa a wokusiee wo kunu no

gyina opon yi akyi, na saa ara na wo nso, wobeso wo akosie wo.” **10** Amono mu ho ara, otwa hwee Petro anim wui. Mmerante no behuu se wawu no, wosoa no kosiee no wo ne kunu nkyen. **11** Ehu kese boo asafɔ no nyinaa ne nnipa a watee saa asem no. **12** Na asomafo no taa hyia wo asoredan no fa baabi a wofre no “Salomo Abrannaa” so ho. Se wohyia wo ho saa a, woye anwonwade ahorow pii. **13** Ewo mu se na nnipa a wonka won ho no di won ho adanse pa de, nanso won mu biara antumi amfa won ho ankobo asomafo no ho. **14** Akyiri no, nnipa dodow a wogyee Awurade dii no bekaa agyidifo no ho. **15** Esiane anwonwade a na asomafo no reye no nti, wosoa ayarefo baa mmonten so de won totoo mpa ne akete so senea ebeye a Petro sunsuma beto won mu bi so keke. **16** Nkurɔfo a wofifi nkurow a atwa Yerusalem ho ahyia no de won ayarefo ne won a ahonhommane wo won mu no ba ma wosaa won nyinaa yare. **17** Osɔfopanyin ne ne dom ne Sadukifo no ani beree asomafo no so yiye enti woyee adwene se wobetwe won aso. **18** Eno nti, wokyerɛ asomafo no de won koguu afiase. **19** Da no ara anadwo, Awurade bofo behie afiase apon no dii asomafo no anim ka kyereɛ won se, **20** “Monko asoredan mu nkoka nkwa foforo yi ho asem nkyere nnipa no.” **21** Asomafo no dii asem a obobo no ka kyereɛ won no so; enti anɔpahema no wokoo asoredan mu ho kofii ase kyerekyeree. Osɔfopanyin no ne ne dom no freɛ Yudafo mpanyin ma woyee nhyiamu kese bi; afei wosoma ma wokoo afiase ho se wonkɔfa asomafo no mmra won anim. **22** Nanso, bere a nnipa no duu afiase ho no, wɔanhu asomafo no; enti wosan ba bebɔ won amannee se, **23** “Bere a yeduu afiase ho no, yehuu se wɔatoto afiase apon no nyinaa mu petee a awemfo no gyinagyina ano. Nanso yebuebuee apon no, yeianhu obiara wo mu.” **24** Bere a ɔpanyin a ohwe asoredan mu awemfo no so ne asɔfo mpanyin no tee saa asem no, won adwene mu yee won naa, efise na wonhu asem a asi. **25** Ankye koraa na obarima bi baa ho beka kyereɛ won se, “Nnipa a mode won guu afiase no gyinagyina asoredan no mu rekyerekyere nnipa no.” **26** Awemfo no so panyin no tee asem no, one ne nkurofo no kokyeree asomafo no de won bae. Awemfo no so panyin no ne awemfo no amfa asomafo no amma ohye so, efise na wonim se, se woye saa a, nnipa no besiw won abo. **27** Wode asomafo no begyinaa agyinatufɔ no anim ma Osɔfopanyin no ka kyereɛ won se, **28** “Yehyee mo se monnkyerekyere wo

Yesu din mu, nanso moantie. Mode mo nkyerekyerɛ yi afa Yerusalem baabiara, na moƣe sɛ mokyere sɛ, yɛn na yekum saa ɔbarima no!” 29 Petro ne asomafo a wɔka ne ho no buaa wɔn sɛ, “Ese sɛ yetie Onyankopɔn na ɛnye nnipa, 30 efise mobɔɔ Yesu asennua mu, kum no no, yɛn agyanom Nyankopɔn nyan no fii owu mu. 31 Onyankopɔn hyɛe no anuonyam de no tenaa ne nsa nifa so sɛ ɔhene ne Agyenkwa a ɛnam no so bɛma Israelfo asakra wɔn adwene na wɔde wɔn bɔne akyɛ wɔn. 32 Yɛne Honhom Kronkron a ɛye akyɛde a Awurade de ma wɔn a wotie no no di eyi ho adanse.” 33 Agyinatufɔ no tee asem no, wɔn bo fuwii, na wɔkae sɛ wobekum asomafo no. 34 Nanso wɔn mu baako a wɔfrɛ no Gamaliel a ɔye Farisini na ɔsan ye Kyerɛwsem no kyerekyerɛfo a na nnipa bu no no sɔre gyina hyɛe sɛ wɔmfa asomafo no mfi adi. 35 Afei, ɔkasa kyereɛ agyinatufɔ no se, “Me nuanom Israel mmarima, munnwen nea moƣe sɛ moye saa nnipa yi ho yiye. 36 ɛnkyee biara na ɔbarima bi a wɔfrɛ no Teuda sɔre kaa se ɔye onipa titiriw bi maa nnipa beye ahannan tu dii n’akyi. Nanso wokum no maa n’akyidifo no nyinaa bɔɔ ahwete. 37 N’akyi na Yuda a ofi Galilea nso sɔree nnipakan bere no mu. ɔno nso nnipa pii dii n’akyi. Saa ara na ɔno nso wokum no maa n’akyidifo no bɔɔ ahwete. 38 ɛno nti mitu mo fo se, munnyaa saa nnipa yi ma wɔnkɔ wɔn baabi. Sɛ wɔn nkyerekyerɛ ne wɔn nnwuma yi fi onipa a, ebegu. 39 Nanso sɛ efi Onyankopɔn a, morentumi nsiw wɔn kwan. Mubehu sɛ moreko atia Onyankopɔn.” 40 Agyinatufɔ no tie Gamaliel afotu no. Wɔma wɔde asomafo no ba ma wɔbɔɔ wɔn mmaa hyɛe wɔn sɛ wɔmmmmɔ Yesu din mfa nkyerekyerɛ bio. Afei wogyaa wɔn. 41 Esiane sɛ asomafo no huu sɛ ɛye Onyankopɔn pɛ sɛ ɛsɛ sɛ wohu amane wɔ Yesu din mu no nti, wɔde anigye na efii asennii ho. 42 Wɔannyaɛ Yesu Kristo ho asemba no ka ne nkyerekyerɛ wɔ hyiadan ne afi mu da.

6 Bere bi akyi a na asuafo no redɔso no, akasakasa sii Hebrifo a wɔka Arameike ne Hebrifo a wɔka Hela kasa no ntam. Na Hebrifo a wɔka Hela no asem ne sɛ, Hebrifo a wɔka Arameike no nhwe wɔn akunafo yiye. 2 Enti asomafo dumien no frɛɛ asuafo no nyinaa ka kyereɛ wɔn sɛ, “Ense sɛ yegyae Onyankopɔn asenka kɔkyɛ aduan. 3 Enti anuanom, munyi mo mu nnipa baason a Honhom Kronkron ahyɛ wɔn ma na wonim nyansa na woahwe aka saa asem no. 4 Yɛn ankasa de, yede yɛn adagyew nyinaa bebɔ mpae aka Asemba no.”

5 Nnipa no nyinaa penɛe adwene a asomafo no de bae no so. Enti, woyii Stefano a na gyidi ne Honhom Kronkron ahyɛ no ma no, ne Filipino, Prokoro, Nikanor, Timon, Pamina ne Nikolao a ofi Antiokia a na anka ɔwɔ Yudasom mu no. 6 Wɔde saa nnipa yi kyereɛ asuafo no ma wɔbɔɔ mpae de wɔn nsa guu wɔn so. 7 Nnipa pii gyee asem no di maa wɔn mu dodow no ara bekaa wɔn ho. Yudafo no mu pii nso gyee wɔn nkyerekyerɛ no dii. 8 Stefano a Onyankopɔn adom ne tumi ahyɛ no ma no yɛɛ anwonwade ahorow bebree wɔ asafɔ no mu. 9 Nanso da koro bi, nnipa bi a wofi Yudafo hyiadan bi a wɔfrɛ no “Ahofadifo Hyiadan” no mu a wɔye Yudafo a wofi Kirene ne Aleksandria ne wɔn a wofi Kilikia ne Asia no ne Stefano gyee akyinnye. 10 Nanso Honhom no maa Stefano nyansa ma ɔde kasae a obiara antumi anka hwee. 11 ɛno nti wɔka hyɛɛ nkurɔfo bi ano se, “Yɛtee sɛ ɔreka abususem atia Mose ne Onyankopɔn.” 12 Wɔnam saa ɔkwan yi so maa nnipa no ne mpanyin no ne Kyerɛwsem no akyerekyerɛfo no sɔre tiaa Stefano. Wɔbekyerɛ Stefano de no kɔɔ baguafo anim. 13 Afei, wɔde nnipa ba bedii adansekurum tiaa Stefano se, “Saa onipa yi ka abususem tia yɛn asɔredan kronkron no ne Mose Mmara no daa. 14 Yɛtee mpo sɛ ɔreka se, saa Yesu Nasareni no bedwiriw yɛn asɔredan no agu na wasesa yɛn amanne a Mose de gyaw yɛn no!” 15 Nnipa a na wɔte bagua mu ho no nyinaa hwɛɛ Stefano anim, na wohuu sɛ n’anim aye te sɛ ɔsoro ɔbɔfo anim.

7 ɔsɔfopanyin no bisaa Stefano se, “Nsem a wɔaka agu wo so no nyinaa ye nokware ana?” 2 Stefano buae se, “Anuanom ne agyanom, muntie me! Ansa na yɛn agya Abraham rebefi Mesopotamia akɔtena Haran no, Onyankopɔn daa n’anuonyam adi kyereɛ no, 3 ka kyereɛ no se, ‘Fi w’abusuafo nkyɛn ne w’asase so kɔ baabi a mekyere wo no.’ 4 “Enti ofii Kaldea asase so kɔtenaa Haran. Abraham agya wu akyi no Onyankopɔn ma ɔbetenaa asase a mote so mpɛmpɛren yi so. 5 Onyankopɔn amfa asase no fa baabiara ankye Abraham sɛ n’ankasa de. Nanso Onyankopɔn hyɛe no bɔ sɛ ɛbeyɛ ɔne n’asefo nyinaa dea. Bere a Onyankopɔn hyɛɛ Abraham bɔ yi na onni mma. 6 Onyankopɔn ka kyereɛ Abraham se, ‘W’asefo betena ananafo asase so aye nkoa wɔ ho na wɔaye wɔn ayayade mfe ahannan. 7 Na metwe ɔman a wɔbesom wɔn no aso; na ɛno akyi wobefi saa ɔman no mu abesom me wɔ ha.’ 8 Onyankopɔn ne Abraham yɛɛ apam na wɔde twetiatwa yɛɛ apam no ho nsenkyerenne. Eyi nti wɔwoo Isak

nnaawotwe akyi na wotwaa no twetia; Isak nso twaa Yakob twetia, saa ara na Yakob twitwaa agyanom mpanyin dumien no nso twetia. **9** “Agyanom mpanyin no ani beree Yosef enti wɔtɔn no ma ɔkɔyɛ akɔa wɔ Misraim. Nanso esiane se na Onyankopɔn wɔ n’afa nti **10** oyii no fii ne haw nyinaa mu. Ɔmaa Yosef nyansa na Misraimhene Farao pɛɛ n’asɛm. Eyi maa Farao yɛɛ Yosef ɔman no so amrado ne ahɛmfi ho nyinaa sohwɛfo. **11** “Saa bere no mu na ɔkɔm kɛse ne ahohia sii Misraim ne Kanaan asase nyinaa so a na yɛn agyanom nnya aduan mpo nni. **12** Enti bere a Yakob tee se aduan wɔ Misraim no, ɔsɔmaa ne mma a wɔyɛ yɛn agyanom ma wɔkɔɔ ho nea edi kan. **13** Wɔkɔɔ ne mprenu so no, Yosef daa ne ho adi kyɛɛɛ ne nuanom, na ɛnam so ma Farao huu Yosef abusuafo. **14** Yosef kraa n’agya Yakob se ɔne n’abusuafo nyinaa mmra Misraim. Na wɔn nyinaa dodow yɛ aduɔson anum. **15** Afei, Yakob kɔtenaa Misraim na ɛho na ɔne yɛn agyanom nyinaa wuwui. **16** Wɔde wɔn amu no kɔɔ Sekem kosiee wɔn wɔ Abraham asieɛ bi a ɔto fii Hamor abusua mu no ho. **17** “Bɔ a Onyankopɔn hyɛɛ Abraham no bere redu no, na yɛn nkurɔfo a wɔwɔ Misraim no ase atrew. **18** Akyiri no, ɔhene fɔforo bi bedii ade wɔ Misraim a na onnim Yosef ho asɛm. **19** Saa ɔhene yi de atirimɔden dii yɛn agyanom so, hyɛɛ wɔn ma wɔtotow wɔn mma gui senea ɛbeyɛ a wobewuwu. **20** “Saa bere yi mu na wɔwoo Mose a na okura Onyankopɔn anuonyam no. Wɔhwɛɛ no wɔ n’agya fi asram abiesɛ, **21** na woyii no fii ho no, Farao babɛa kɔfaa no de no baa ne fi hwɛɛ no se n’ankasa ne ba. **22** Wɔtetew no wɔ Misraimfo nimdeɛ mu ma ɔyɛɛ den wɔ ɔkasa ne nneyɛɛ mu. **23** “Mose dii mfe aduanan no, ɔyɛɛ n’adwene se ɔrekɔsra ne nuanom Israelfo. **24** Oduu ho no ohuu se Misraimni bi resisi ne nuanom mu baako bi. Mose kɔboaa ne nua no ma Mose kum Misraimni no. **25** Mose susuw se n’ankasa nkurɔfo behu se Onyankopɔn nam ne so bɛma wɔade wɔn ho nanso wɔante ase. **26** Ade kyee no, ohuu se Israelfo baanu bi reko enti ɔkɔɔ ho se ɔrekɔpata. Obisaa wɔn se, ‘Adɛn nti na moatwa mo ho reko? Munnim se moyɛ anuanom ana?’ **27** “Nea ɔresisi ne yɔnko no sum Mose bisaa no se, ‘Hena na ɔyɛɛ wo yɛn so panyin ne otemmufo? **28** Wopɛ se wukum me senea nnɛra wukum Misraimni no ana?’ **29** Mose tee saa no, otu fii Misraim kɔtenaa Midian asase so. ɛho na ɔwoo mmabarima baanu. **30** “Mfe aduanan akyi no, ɔbofo nam wura bi gyaframa mu yii ne ho adi kyɛɛɛ

Mose wɔ sare bi a ɛbɛn bepɔw Sinai no so. **31** Nea Mose huu no maa ne ho dwiriw no enti otwiw bɛn ho pɛɛ se ɔhwɛ no yiye. Ɔtee Awurade nne se, **32** ‘Mene wo agyanom Abraham, Isak ne Yakob Nyankopɔn.’ Ehu kaa Mose nti wantumi anhwɛ. **33** “Awurade ka kyɛɛɛ Mose se, ‘Worɔw wo mpaboa, ɛfise faako a wugyina no yɛ asase kronkron. **34** Mahwɛ na mahu atirimɔden a wɔde yɛ me manfo a wɔwɔ Misraim no. Mate apini a wɔresɛ no nyinaa na maba se merebegye wɔn. Yɛ ntɛm na mensoma wo nkɔ Misraim.’ **35** “Saa Mose yi ne obi a Israelfo poo no bere a wobisaa no se, ‘Hena na ɔyɛɛ wo yɛn so panyin ne otemmufo no?’ Ɔno na Onyankopɔn nam ɔbofo a oyii ne ho adi kyɛɛɛ no wɔ nwura a ɛrehyew no gyaframa mu no, yɛɛ no ɔpanyin ne ogyɛfo. **36** Ɔno na ɔnam anwonwade ne nsɛnkyɛɛɛne so yii Israelfo fii Misraim de wɔn twaa Po Kɔkɔɔ no, dii wɔn anim wɔ sare so mfe aduanan no. **37** “Mose yi ara na ɔka kyɛɛɛ Israelfo se, senea Onyankopɔn somaa me no, saa ara na obeyi odiyifo a ɔte se me afi mo mu aba mo nkyɛn. **38** Ɔno ne obi a ɔne Israelfo yɛɛ nhɛyam wɔ sare no so ho; ɔne yɛn agyanom ne ɔbofo a ɔkasa kyɛɛɛ wɔn wɔ Sinai Bepɔw no so no. Ne nsa kaa Onyankopɔn asɛm a nkwa wɔ mu no de brɛɛ yɛn. **39** “Nanso yɛn agyanom antie no. Wɔpoo no pɛɛ se wɔsan kɔ Misraim asase so bio. **40** Enti wɔka kyɛɛɛ Aaron se, ‘Yɛ ahoni bi a wobedi yɛn anim ma yɛn, ɛfise yennim asɛm a ato saa Mose a oyii yɛn fii Misraim asase so nol’ **41** Wɔyɛɛ nantwi ba sɛso honi bi bɔɔ afɔre maa no, gyɛɛ wɔn ani senea ɛsɛ. **42** Onyankopɔn twee ne ho fii wɔn ho ma wɔsɔm ɔsoro nsoromma senea wɔakyerɛw wɔ adiyifo nhoma mu se, “Israelfo, ɛnye me na mode afɔrebɔde ne ayɛyɛde brɛɛ me mfe aduanan wɔ sare so ana? **43** Mode mo ho nyinaa ato Molek nyame, ne mo honi Refan so; wɔyɛ ahoni a moayɛ se mobesom wɔn. Saa nti mɛpam mo akogu Babilonia akyi.’ **44** “Saa bere no na ntamadan a edi adanse se Onyankopɔn ka ne manfo ho no ka yɛn agyanom ho wɔ sare so ho. Mose sii ntamadan yi senea Onyankopɔn kyɛɛɛ no se onsi no no ara pɛ. **45** Akyiri no, yɛn agyanom a Yosua dii wɔn anim no de ntamadan no baa asase a Onyankopɔn pam so nnipa de maa wɔn no so. Esii ho ara kosii Dawid bere so. **46** Onyankopɔn hyiraa Dawid enti obisaa Onyankopɔn se ɔmma onsi asoredan mma Yakob Nyankopɔn. **47** Nanso Salomo na osii dan no maa Onyankopɔn. **48** “Nanso ɔsorosoro Nyankopɔn nte ɔdan a nnipa asi mu, senea odiyifo no ka se, **49** “‘Ɔsoro yɛ m’ahɛngua, Awurade na

ose. Na asase yɛ m'anan ntiaso. Ɔdan bɛn na wubesi ama me? Na m'ahomegyebea wɔ he? **50** Enyɛ m'ankasa na meyeɛ eyinom nyinaa?" **51** "Mo asoɔdenfo, mo a mo koma apirim na muntie Onyankopɔn asem. Mote sɛ mo agyanom pɛpɛpɛ. Mo nso daa musiw Honhom Kronkron no ho kwan. **52** Odiyifo bi wɔ hɔ a mo agyanom antaa no ana? Wokum Onyankopɔn asomafo a wodii kan bɔɔ ɔtreneeni a ɔbeba no ho dawuru. Saa ara nso na moapa no, akum no. **53** Mo ara ne nnipa a monam abɔfo so nyaa Onyankopɔn mmara no, nanso moanni so." **54** Agyinatufɔ no tee asem a Stefano kae no, wɔn bo fuw yiye. **55** Nanso Stefano a Honhom Kronkron ahyɛ no ma no maa n'ani so hwɛɛ ɔsoro huu Onyankopɔn anuonyam ne Yesu Kristo sɛ ogyina Onyankopɔn nsa nifa so. **56** Stefano kae se, "Mihu sɛ ɔsoro abue na Onipa Ba no gyina Onyankopɔn nsa nifa sol!" **57** Wɔtɛtɛɛ mu de wɔn nsa sisiw wɔn aso. Afei wɔn nyinaa bɔɔ twi kɔtow hyɛ no so, **58** twee no kɔ kurotia kosiw no abo. Wɔn a wosiw no abo no yiyii wɔn ntama de maa aberante bi a wɔfrɛ no Saulo sɛ ɔnhwe so. **59** Wɔresiw Stefano abo no nyinaa na ɔrebo mpae se, "Awurade Yesu, wo nsam na mede me honhom hye!" **60** Afei obuɔ nkotodwe tɛɛ mu dennen se, "Awurade, fa wɔn bɔne kye wɔn." Ɔkaa saa no, owui.

8 Saulo penee kum a wokum Stefano no so. Saa da no ara, wɔtaa agyidifo a wɔwɔ Yerusaleɛm no maa wɔn nyinaa bɔɔ ahwete kɔɔ Yudea ne Samaria nsase so ma ɛkaa asomafo no nko ara. **2** Onyamesurofo bi kɔfaa Stefano kosiee no. Wosuu no yiye. **3** Esiane sɛ na Saulo pɛ sɛ ogu asafɔ no nti ɔkɔɔ afi mu kɔkyekyerɛ agyidifo mmarmima ne mmea de wɔn guu afiasɛ. **4** Agyidifo a na wɔabɔ ahwete no kaa asem pa no wɔ baabiara a wɔkɔɛ. **5** Filipino kɔɔ Samaria kurow bi mu kɔkaa Agyenkwa no ho asem kyereɛ nnipa a na wɔwɔ ho no. **6** Bere a nnipakuw no tee asem a Filipino reka na wohuu anwonwade a ɔyɛɛ no, wɔn nyinaa tieɛ no. **7** Ahonhommonɛ de nteɛtɛɛmu fii nnipa bebreɛ mu. Saa ara na mmubuafɔ ne mpakye nso sɔre nantewee. **8** Eyi nti anigye baa Samaria. **9** Na ɔbarima bi te saa kurow yi mu a wɔfrɛ no Simon a ɔyɛ nkonyaayifo a esiane ne nkonyaayi no nti Samariafo pii gye no di. Na ɔyɛ obi a ɔhoahoa ne ho sɛ odi mu. **10** Eyi maa nnipa a wɔwɔ kurow no mu no nyinaa gyeɛ no too mu kae se, "Saa onipa yi ne Onyankopɔn tumi a wɔfrɛ no ɔkɛse no." **11** Esiane ne nkonyaa a na oyi no nti, ɛmaa nnipa no nyinaa tu dii n'akyi. **12** Bere a saa nnipa

yi gyeɛ asem pa Filipino ka faa Onyankopɔn ahenni ne Yesu Kristo din no ho dii no, wɔbɔɔ mmarmima ne mmea nyinaa asu. **13** Simon nso gye dii ma wɔbɔɔ no asu. Baabiara a Filipino kɔɛ no, Simon dii n'akyi. Anwonwade a ohuu no maa ne ho dwiriw no. **14** Bere a asomafo a wɔwɔ Yerusaleɛm no tee sɛ Samariafo agye Onyankopɔn asem no adi no, wɔsomaɛ Petro ne Yohane kɔɔ wɔn nkyɛn. **15** Woduu hɔ no, wɔbɔɔ mpae maa agyidifo no sɛnea ɛbeyɛ a Honhom Kronkron beba wɔn so, **16** efisɛ saa bere no na asu keke na wɔnam Awurade Yesu din so abɔ. Na Honhom Kronkron nnya mmaa wɔn so ɛ. **17** Afei Petro ne Yohane de wɔn nsa guguu wɔn so maa Honhom Kronkron baa wɔn so. **18** Simon huu sɛ asomafo no nsa a wɔde guguu wɔn so no na ɛma wonyaa Honhom Kronkron no, ɔmaa Petro ne Yohane sika srɛɛ sɛ, **19** "Momma me saa tumi yi bi na obiara a mede me nsa begu no so no anya Honhom Kronkron no bi." **20** Petro ka kyereɛ no se, "Nnome nka wo ne wo sika nyinaa, efisɛ wususuw sɛ wubetumi de sika atɔ Onyankopɔn akyɛde no. **21** Wunni kyɛfa biara wɔ yɛn dwumadi yi mu, efisɛ wo koma mu ntew wɔ Onyankopɔn anim. **22** Sakra w'adwene fi wo bɔne yi ho na bɔ mpae srɛ Onyankopɔn sɛ ɔmfɔ wo bɔne nkyɛ wo. **23** Mihu sɛ anibere bɔne ahyɛ wo koma mu ama bɔne afa wo nnommuɛ." **24** Simon srɛɛ Petro ne Yohane se, "Mommɔ mpae mma me na saa nnome yi mu biara amma me so." **25** Ansa na Petro ne Yohane redu Yerusaleɛm no, wɔkaa asem pa no wɔ Samaria nkuraa bebreɛ ase. **26** Awurade bɔfo ka kyereɛ Filipino se, "Sɔre siesie wo ho kɔ anafo kwan a efi Yerusaleɛm kɔ Gasa no so." **27** Bere a Filipino rekɔ no, ohɔyiaɛ Etiopiani piamni bi a ɔyɛ Etiopiahemɛma Kandake dabɛni. Na saa onipa yi ako asɔre wɔ Yerusaleɛm, **28** a na ɔte ne teaseɛnam mu resan ako fie. Na ɔrekenkan Odiyifo Yesaia nhoma no. **29** Honhom Kronkron ka kyereɛ Filipino se, "Twiw bɛn no." **30** Filipino yɛɛ ntɛm kɔɔ teaseɛnam no ho na ɔtee sɛ ɔrekenkan Odiyifo Yesaia nhoma no, obisaa se, "Wote nea worekenkan yi ase ana?" **31** Piamni no buaa no se, "Mɛyɛ dɛn na mate ase? Gye sɛ obi kyere me ase." Afei ɔka kyereɛ Filipino se ɔmfɔro mmɛtena ne nkyɛn wɔ ne teaseɛnam no mu. **32** Na piamni no rekenkan saa Kyerɛwɛm yi: "Ɔte sɛ oguamma a wɔrekokum no. Sɛnea oguamma yɛ komm wɔ ne nwitwitwafo anim no, saa ara na wammue n'ano. **33** N'animguase mu, wannya odimafo. Na hɛna na ɔbɛka n'asefo ho asem? Efisɛ woyii no fii asase yi so." **34** Piamni no bisaa Filipino se, "Odiyifo no

reka n'ankasa ho asem anaa obi foforo ho asem?" 35 Filipo nam saa asem no so kaa nsempa a efa Yesu ho no kyereɛ no. 36 Wɔrɛkɔ no woduu asu bi ho. Piamni no ka kyereɛ Filipo se, "Nsu ni. Den na esiw wo kwan se wobɔ me asu?" 37 Filipo ka kyereɛ no se, "Se wufi wo koma mu gye di a, meɔ wo asu." Piamni no buaa no se, "Migye di. Migye di se Yesu Kristo ye Onyankopɔn Ba." 38 Piamni no hye maa teaseɛnam no gyinae. 39 Filipo kɔɔ asu no ho ma ɔbɔɔ no asu. 39 Wofi nsu no mu no, Onyankopɔn Honhom hwim Filipo fii piamni no nkyen kɔe. Wanhu Filipo bio de, nanso ɔde anigye toaa n'akwantu no so. 40 Filipo kopuee Asoto kɔɔ so kaa asempa no wɔ nkurow no mu kosii se okoduu Kaesarea.

9 Saa bere no na Saulo ani abere se ɔbetɔre Kristo akyidifo no ase. 2 Ɔkɔɔ Ɔsɔfopanyin no nkyen kogye adansedi krataa a ebema no tumi ama wako hyiadan mu wɔ Damasko akɔkyekyere Yesu akyidifo, mmea ne mmarima, na ɔde wɔn akɔ Yerusaleɛm. 3 Ɔreye aben Damasko no, preko pe na hann bi fi ɔsoro twa faa ne ho 4 ma otwa hwee fam. Afei, ɔtee nne bi se, "Saulo! Aden nti na wotaa me?" 5 Saulo bisae se, "Eɣe wo hena, Owura?" Nne no buae se, "Eɣe me Yesu a wotaa me no." 6 Nne no kae se, "Sɔre na kɔ kurow no mu na wɔbekyere wo nea eɛ se woye." 7 Nnipa a wɔne Saulo nam no gyinae a wɔantumi anka hwee; wɔtee nne no, nanso wɔanhu obiara. 8 Afei Saulo sɔre fii fam ho buee n'ani, nanso na onhu ade. Enti wokurakura no nkakrankakra de no kɔɔ Damasko. 9 Nnansa a odii wɔ Damasko no na onhu hwee. Na onnidi na ɔnnom nso. 10 Na osuani bi wɔ Damasko a wɔfre no Anania. Awurade fɔre no anisoadehu mu se, "Anania!" Ogyee so se, "Awurade!" 11 Awurade ka kyereɛ no se, "Kɔ Yuda fi a ewɔ Ɔtempon Tee no so na kobisa ɔbarima bi a wɔfre no Saulo a ofi Tarso no ase; ɔrebo mpae. 12 Anisoadehu mu na ohuu ɔbarima bi a wɔfre no Anania a ɔde ne nsa too no so senea ebeye a, ɔbesan ahu ade." 13 Anania buae se, "Awurade, mate saa ɔbarima yi ho nsem bebreɛ, ne haw a ɔhaw w'akyidifo wɔ Yerusaleɛm no. 14 Wakɔ asɔfo mpanyin nkyen akogyee adansedi krataa a ebema no tumi na ɔde akyere obiara a ɔbɔ wo din wo ha no." 15 Awurade ka kyereɛ Anania se, "Kɔ! Efise ɔno na mayi no a menam ne so bema amanamanmufo ne ahemfo ne Israelfo nyinaa ate me din. 16 Na mekyere no amane a esiane me din nti obehu." 17 Afei Anania kɔɔ fie ho de ne nsa guu Saulo so kae se, "Onua Saulo, Awurade Yesu no

ankasa a oyii ne ho adi kyereɛ wo wɔ ɔkwan so bere a woreba no asoma me se, mimmebue w'ani mma wunhu ade na Honhom Kronkron nhye wo ma." 18 Amono mu ho ara na biribi a ete se abon fii n'ani so na ohuu ade. Ɔsɔre ma wɔbɔɔ no asu. 19 Onyaa aduan bi di mee no, ne ho san no. Saulo dii nna kakra wɔ asuafo a na wɔwɔ Damasko no nkyen. 20 Ofii ase kaa asempa no wɔ hyiadan mu se, Yesu ye Onyankopɔn Ba ampa. 21 Nnipa a wɔtee asem a ɔkae no nyinaa ho dwiriw wɔn ma wobisae se, "Eɣe saa ɔbarima yi na na okum wɔn a wɔbɔ saa din yi wɔ Yerusaleɛm no ana? Na yeate se ɔbaa ha se ɔrebekyere wɔn a wɔbɔ saa din yi nyinaa de wɔn akɔma asɔfo mpanyin." 22 Saulo asenka no mu yee den; nnipa no gyee nsem a ɔka faa Yesu ho se ɔno ne Agyenkwa no dii. Yudafo a wɔte Damasko no antumi anka nsem a ɔkae no ho hwee. 23 Nna bi akyi no, Yudafo no bɔɔ Saulo ho pɔw se wobekum no, 24 nanso Saulo tee pɔw a wɔbɔɔ wo ne ho no. Na wɔtetew no wɔ kurow no apon ano awia ne anadwo ape no akum no. 25 Anadwo bi Saulo akyidifo de no sii kentɛn bi mu, twetwee no faa ɔfasu so gyaa no sii fam. 26 Saulo kɔɔ Yerusaleɛm no, ɔpre se ɔde ne ho kɔbɔ asuafo no ho nanso wosuroo no, efise na wonnye nni se wasakra abeye osuani. 27 Barnaba kɔfaa no kɔɔ asuafo no nkyen. Ɔkaa wɔn senea Awurade yii ne ho adi kyereɛ Saulo na ɔkasa kyereɛ no wɔ Damasko kwan so no ne senea ɔde akokoduru kaa Yesu ho asem wɔ Damasko no. 28 Saulo ne wɔn tenae na ɔde akokoduru kaa Awurade asem no wɔ Yerusaleɛm nyinaa. 29 Saulo ne Helenifo nyaa akasakasa enti wɔbɔɔ pɔw se wobekum no. 30 Bere a agyidifo no tee pɔw a Helenifo no bɔɔ wo Saulo ho no, wɔde no kɔɔ Kaesarea gyaa no kwan ma ɔkɔɔ Tarso. 31 Afei asafo a wɔwɔ Yudea, Samaria ne Galilea no nyinaa asom dwoo wɔn. Asafo no nam Honhom Kronkron so timii. Nnipa pii bekaa wɔn ho na wɔtenaa ase wɔ Awurade suro mu. 32 Petro tutuu akwan kɔɔ mmeaemmeae. Da bi a ɔkɔsraa agyidifo a wɔwɔ Lida no, 33 ohylaa ɔbarima bi a ne din de Enea a wabubu agu ketɛ so mfe awotwe wo ho. 34 Petro ka kyereɛ no se, "Enea, Awurade Yesu Kristo nsa wo yare. Sɔre na yi wo ketɛ!" Amono mu ho ara na Enea sɔree. 35 Nnipa a wɔte Lida ne Saron no nyinaa huu no no, wɔde wɔn ho maa Awurade. 36 Na ɔbea ogyidini bi te Yopa a ne din de Tabita a ne nkyerease ne Dorka a ase ne ɔwansan. Saa ɔbea yi de n'adagyew nyinaa yee papa, boaa ahiafo. 37 Saa bere koro no ara mu na ɔyare bɔɔ no ma owui. Wogwaree

no de no kotoo abansoro dan bi mu. **38** Esiane se Lida ben Yopa nti, asuafo a wowa Yopa no tee se Petro wo Lida no, wosomaa mmарima baanu kәsreе no se օnye ntem mmra. **39** Petro yee ntem ne won kәe. Oduu ho no wode no kәo abansoro dan no mu. Akunafo a na wowa ho no nyinaa begyinagyinaa Petro ho sui, de ntade ne ntama a Tabita te ase no օpam maa won no kyereе no. **40** Petro maa won nyinaa fii adi. Afei obuu nkotodwe, bәo mpae dan n'ani kyereе amu no kae se, "Tabita, sәre!" Tabita tew n'ani na ohuu Petro no, օsәre tenaa ase. **41** Petro soo ne nsa ma օsәre gyinaa ho. Afei Petro frее agyidifo no ne akunafo no nyinaa de no maa won. **42** Saa asem yi trеw wo Yopa nyinaa ma nnipa pii gyee Awurade dii. **43** Petro tenaa Simon a օhye mmoa nhoma aduru no nkyen wo Yopa kyee kakra.

10 օbarima bi tenaa Kaesarea a ne din de Kornelio. Na օye Roma asraafo bi a won din de Italia Asraafodәm no so panyin. **2** Na օne ne fifo nyinaa ye Nyamesurofo. օye obi a na օboa ahiafo na daa օbo mpae nso. **3** Da bi awia beye nnօnabiesa na ohuu Onyankopօn bօfo wo anisoadehu mu se waba ne nkyen abefre no se, "Kornelio!" **4** Kornelio de hu hwее no dinn. Obisae se, "Eye den Awurade?" օbօfo no buae se, "Wo mpae ne w'adօe a woye ahiafo no adu Onyankopօn anim se nkae ade. **5** Soma nnipa na wonkօ Yopa nkօfa օbarima bi a wօfre no Simon Petro mmra. **6** օte օbarima bi a wօfre no Simon a օhye mmoa nhoma aduru a ne fi ben mpoano no nkyen." **7** օbօfo no kasa kyereе no wіee a օkօe no, Kornelio frее n'asomfo baanu, san frее n'asraafo no mu baako a օye Onyamesuroni kaa won ho, **8** kaa biribiara a wahu no kyereе won somaa won Yopa. **9** Ade kyee a wօreko no, ebeye owigyinae a wօreben kurow no na Petro kօo օdan a օte mu no atifi kօbօo mpae. **10** Saa bere no, na օkօm de no a wogu so reye aduan ama no na օkօo tebea bi a ete se adaeso mu. **11** Ohuu se օsoro abue na biribi a ete se ntama kесе a woakyekyere fi օsoro afanan resian ba fam. **12** Na ntօteboa ahorow ne mmoa a wօwea ne wuram nnomaa ahye saa ntama no ma. **13** Afei nne bi ka kyereе no se, "Petro, sәre na kum bi wel!" **14** Petro buae se, "Dabi da, Awurade, minnii biribiara a օho ntew da." **15** Nne no ka kyereе no bio se, "Biribiara a Onyankopօn atew ho no, nka se օho ntew." **16** Saa anisoadehu yi baa mprensа. Afei ntama no san kօo օsoro. **17** Saa bere a na Petro redwinnwen anisoadehu no ho no, nnipa a Kornelio

somaa won no koduu Petro abobow ano. **18** Wօfre bisae se, "Saa ofi yi mu na Simon Petro te no ana?" **19** Petro gu so redwinnwen anisoadehu no ho no, Honhom Kronkron ka kyereе no se, "Simon, mmарima baasa bi rehwehwe wo. **20** Sian si fam. Ntwentwen wo nan ase na wo ne won nkօ, efise me na masoma won." **21** Petro sian kօo fam kօka kyereе won se, "Mene onipa a morehwehwe no no, na mo amannee?" **22** Nnipa no buaa no se, "Yefi asraafo panyin Kornelio nkyen. օye օtreneeni ne Onyamesuroni a Yudafo nyinaa bu no. Onyankopօn bօfo ka kyereе no se օnsoma mfre wo mmra ne fi na ontie asem bi mfi wo nkyen." **23** Petro gyee nnipa no, som won hօho. Ade kyee no, Petro ne nnipa no ne agyidifo bi a wofi Yopa bօo anan kәe. **24** Ade kyee a oduu Kaesarea no, na Kornelio afrefre n'abusuafo ne ne nnamfonom ahyia retwen no. **25** Petro reye awura fie ho no, Kornelio hyiaa no, buu no nkotodwe. **26** Nanso Petro ka kyereе no se, "Sәre, efise me nso meye onipa se wo ara." **27** Petro ne Kornelio gu so rekasa no, wowuraa ofi no mu kotoo nnipa bebreе. **28** Petro ka kyereе won se, "Mo ara munim pefee se Yudafo mmara mma Yudani kwan se օkօsra amanamanmuni anaase օde ne ho bօ no. Nanso Onyankopօn akyerе me se, ense se meka se onipa bi ho ntew. **29** Eyi nti na mosoma befreе me no mantwentwen me nan ase no. Afei kyere me nea enti a wosoma befreе me no." **30** Kornelio kae se, "Nne ne nnaanan awia nnօnabiesa a merebօ mpae wo me fi no, mihuu se օbarima bi a օhye atade a օhyeren gyina m'anim. **31** օkae se, 'Kornelio, wo mpaebo ne w'adօe a woye ahiafo no adu Onyankopօn anim se nkae ade. **32** Soma nnipa na wonkօ Yopa nkօfa օbarima bi a wօfre no Simon Petro no mmra. օte օbarima bi a wօfre no Simon a օhye mmoa nhoma aduru a ne fi ben mpoano no nkyen.' **33** Mesoma ma wօbefreе wo, na wo nso woaye ade se woaba. Mprempren, yen nyinaa ahyia wo Onyankopօn din mu rebetie asem biara a Awurade ahye wo se ka kyere yen no." **34** Petro fii ase kasae se, "Afei mahu se eye nokware se Onyankopօn nye nyiyimu, **35** na mmom օman biara mu, nea օye ade trenee no ogye no. **36** Munim asemпа a efa asomdwoe ho a enam yen Awurade Yesu Kristo a օye nnipa nyinaa Awurade no so de brее Israelfo no. **37** Munim nsem a esisii wo Yudea, a efii ase wo Galilea, Yohane asubo ho asenka no akyi. **38** Munim senea Onyankopօn de Honhom Kronkron ne tumi maa Yesu Nasareni no. Esiane se Onyankopօn ka ne

ho no nti okoo mmeaemmeae, yee papa, saa won a obonsam afa won no yare. **39** “Yeye dwuma a odii wo Yudaman mu ne Yerusalem no ho nnansefo. Woboo no asennua mu kum no. **40** Nanso ne nnansa so no, Onyankopon ma osore fii awufo mu ma okoyii ne ho adi. **41** Wanyi ne ho adi ankyere nnipa nyinaa se yen a yeye nnansefo a Onyankopon ayi yen dedaw no. Osore fii awufo mu no, yene no didi nomee. **42** Na ohyee yen se, yenka asempa no nkyere nnipa nyinaa, na yenni ne ho adanse se, ono ne nea Onyankopon ayi no asi ho se ommu atasefo ne awufo aten no. **43** Adiyifo nyinaa kaa ne ho asem se, wonam ne din so de obiara a ogye no di no bone bekye no.” **44** Petro gu so rekasa no, Honhom Kronkron baa won a woretie asem no nyinaa so. **45** Yudafo agyidifo a wone Petro fi Yopa bae no ho dwiriw won se Onyankopon ahwie n’akyede a eye Honhom Kronkron no agu amanamanmufo no nso so. **46** Efise wotee se woreka kasa foforo reyi Onyankopon aye wo ne keseye ho. Petro kae se, **47** “Saa nnipa yi anya Honhom Kronkron senea yen nso yenyaa bi no. Obi betumi asiw won asubo ho kwan ana?” **48** Petro hyee se wommo won asu wo Yesu Kristo din mu. Afei wosree no se onni nna kakra wo won nkyen.

11 Asomafo ne agyidifo a wowa Yudea nyinaa tee se amanamanmufo no nso agye Onyankopon asem no adi. **2** Petro koo Yerusalem no, Yudafo agyidifo no ne no nyaa akasakasa kae se, **3** “Woako won a wonnye twetiatwafa no nkyen ne won akodidi.” **4** Petro boo won biribiara a esii no ho amannee se, **5** “Na merebo mpaee wo Yopa na minyaa anisoadehu. Mihuu biribi a ete se ntama kese a wokyekyere se efi osoro afanan resian ba fam wo faako a mewo no. **6** Mehwee mu no, mihuu ntoteboa ahorow, mmoa a wowe ne wuram nnomaa. **7** Afei, nne bi ka kyeree me se, ‘Petro! Sore! Kum na wel!’ **8** “Mibuue se, ‘Dabi da, Awurade! Minnii biribiara a eho ntew da.’ **9** “Nne no ka kyeree me bio se, ‘Biribiara a Onyankopon atew ho no, nka se eho ntew.’ **10** Saa anisoadehu yi baa mprensa, na esan koo osoro. **11** “Saa bere no ara mu, nnipa baasa a wasoma won fi Kaesarea no beduu ofi a na mete mu no mu. **12** Honhom Kronkron ka kyeree me se menntwentwen me nan ase na me ne won nko. Saa agyidifo baasa yi a wofi Yopa no kaa me ho koo Kaesarea ma yen nyinaa koo Kornelio fi. **13** Okaa senea ohuu osoro obafo wo ne fi ma obafo no ka kyeree no se, ‘Soma ko Yopa kofre obarima bi a ne din de Simon Petro no. **14** Ono na obeka nsem a ebegye wo

ne wo fifo nyinaa nkwa akyere mo.’ **15** “Bere a mifii ase kasae no, Honhom Kronkron baa won so senea yen nso mfiase no, ebaa yen so no ara pe. **16** Eho ara mekaee asem a Awurade kae se, ‘Yohane de nsu na ebbo asu na mo de, wode Honhom Kronkron na ebobo mo asu’ no. **17** Se Onyankopon ama won akyede a bere a yegye Awurade Yesu Kristo dii no omaa yen bi no a, eno de me see ne hena a mesiw Onyankopon kwan.” **18** Wotee saa asem yi no, wogyae won nsemmissa no yii Awurade aye se, “Afei de Onyankopon ama ho kwan ama amanamanmufo anya adwensakra a ede won beko nkwaye mu.” **19** Wokum Stefano no, wotaa agyidifo no ma woboo ahwete. Won mu bi kyinkyin koduu Foinike, ne Kipro, ne Antiokia a na woreka asempa no kyere Yudafo nko ara. **20** Agyidifo bi a wofi Kipro ne Kirene koo Antiokia koka asempa a efa Awurade Yesu Kristo ho no kyeree amanamanmufo no. **21** Esiane se na Awurade ka won ho no nti nnipa pii gyee asem no dii ma wotan baa Awurade nkyen. **22** Saa asem yi trew koduu Yerusalem asafa no mu nti wosomaa Barnaba koo Antiokia. **23** Oduu ho a ohuu senea Onyankopon ahyira won no, n’ani gye ma ohyee won nkuran se womfi won koma nyinaa mu nnye Awurade nni na wonni no nokware nso. **24** Esiane se na Barnaba ye onipa pa a Honhom Kronkron ahye no ma na owo gyidi nti, emaa nnipa bebre nam ne so de won ho maa Awurade. **25** Barnaba koo Tarso kwhewee Saulo. **26** Ohuu no no, ode no baa Antiokia. Won baanu tenaa ho afe kyerekyeree nnipa bebre. Antiokia ha na wotoo asuafo no din se “Kristofo.” **27** Saa bere koro no ara mu na adiyifo bi fi Yerusalem koo Antiokia. **28** Won mu baako a wofre no Agabo a Honhom Kronkron ahye no ma no sore gyina hyee nkam se okom kese beba asase nyinaa so. Saa okom yi sii bere a na Klaudio di ade no. **29** Asuafo no yee adwene se biribiara a obi wo no wode beba na wode akoboa anuanom a wowa Yudea no. **30** Wode akyede a won nsa kae no somaa Barnaba ne Saulo ma wode komaa asafa no mu mpanyimfo.

12 Saa bere yi mu ara na ohenne Herode kyekyeree asafomma no bi fii ase yee won ayayade. **2** Ode afoa kum Yohane nua Yakobo. **3** Ohuu se Yudafo no ani gye nea oye no ho no, omaa wokokyeree Petro nso. Asem yi sii Apiti Afahye no mu. **4** Wokyeree Petro no, wode no too afiase a na asraafo baanan na wawen no bere biara. Herode yee n’adwene se obedi n’asem wo Twam Afahye no akyi wo oman no anim. **5**

Bere a na Petro da afiase no nyinaa na asrafo no bo mpae dennen, sre Onyankopɔn se ɔnhwe ne so. **6** Anadwo a ade rebekye ama Herode adi Petro asem wo ɔman no anim no, na Petro da asraafo baanu ntam a wɔde nkɔnsɔnkɔnsɔn abien agugu no asesa asraafo baanu a wɔwen no no. Na asraafo baanu rewen afiase pon no ano nso. **7** Amono mu hɔ ara, Onyankopɔn bofo begyinaa afiase hɔ ma ehɔ hyerɛnee. Ɔbofo no wosow Petro, nyan no ka kyereɛ no se, “Sɔre ntem!” Mpofirim na nkɔnsɔnkɔnsɔn no tetew fii Petro nsa. **8** Afei ɔbofo no ka kyereɛ Petro se, “Hyɛ w’atade ne wo mpaboa.” Petro wiee no, ɔbofo no san ka kyereɛ no se, “Fura wo ntama na di m’akyi.” **9** Petro dii n’akyi fii adi. Wɔreko no na eye no se adaeso anaa anisoadehu, efise na onnye nni se eye asempa ara. **10** Wotwaa awemfo a wodi kan no ne wɔn a wɔto so abien no ho beduu dade pon a ɛda kurow no ano no ho. Woduu hɔ no ɔpon no ankasa bue ma wɔfaa mu kɛ. Wɔfaa borɔn bi so kɔɔ anim kakra no, ɔbofo no gyaw Petro hɔ. **11** Petro ani baa ne ho so ma ɔkae se, “Afei mahu se nea esii no nyinaa ye nokware! Awurade somaa ne bofo na obegyee me fii Herode nsam ne nea Yudafo hwɛhwɛ se wɔye me no mu.” **12** Petro huu nea asi no, ɔkɔɔ Yohane a na wɔfre no Marko no a na ne din de Maria no fi. Saa bere no na nnipa bebreɛ ahyia wɔ hɔ rebɔ mpae. **13** Petro bɔɔ abɔntenpon no mu na abaawa bi a wɔfre no Roda betiei. **14** Bere a ɔtee nne no, anigye nti wammue ɔpon no. Ɔsan n’akyi kɔbɔɔ amannee se, “Petro gyina ɔpon no akyi.” **15** Wɔka kyereɛ no se, “Gyama worebɔ dam.” Nanso ɔkɔɔ so kaa se eye nokware. Wɔn nso ka kyereɛ no se, “Gyama ebeye ne saman.” **16** Petro kɔɔ so bɔɔ ɔpon no akyi. Wobuee a wohuu Petro no, wɔn ho dwiriw wɔn. **17** Ɔde ne nsa nyamaa wɔn se wɔnye komm. Ɔkaa ɔkwan a Awurade nam so yii no fii afiase no kyereɛ wɔn. Afei ɔka kyereɛ wɔn se, “Monka asem a asi yi nkyere Yakobo ne anuanom a wɔaka no,” na ofii hɔ kɔɔ baabi foforo. **18** Ade kyee no, awemfo no ho yeraw wɔn yiye se wonhu faako a Petro afa. **19** Herode hyee se wɔnhwɛwe no, nanso wɔanhu no. Wodii awemfo no asem, buu wɔn kumfo. Eyi akyi no, Herode fii Yudea kɔɔ Kaesarea kɔtenaa hɔ kakra. **20** Bere a Herode wɔ Kaesarea no, abɔfo bi a wɔasoma wɔn fi Tiro ne Sidon behuu no. Na Herode bo afuw Tirofo ne Sidonfo. Nanso abɔfo yi guan toaa Blasto a na ɔye dabehene no senea ebeye a asomdwoe beba, efise na saa nkurow yi nya wɔn nnuan nyinaa fi Herode asase so. **21** Wɔhyee

da bi maa Herode hyee n’ahentade tenaa n’ahengua mu kasa kyereɛ wɔn. **22** Herode kasa wiei no, nnipa no teeɛ mu se, “Eyi ye onyame bi nne na enye onipa bi del!” **23** Mpofirim, Onyankopɔn bofo bebbɔ no ma ɔyare dɔɔ mmoa ma owui, esiane obu a wamfa amma Onyankopɔn no nti. **24** Onyankopɔn asem kɔɔ so trew maa nnipa bebreɛ gye dii. **25** Barnaba ne Saulo wiee wɔn dwumadi no, wɔsan fii Yerusalema a na Yohane a wɔfre no Marko no ka wɔn ho.

13 Adiyifo ne akyerɛkyerefo a na wɔwɔ Antiokia asrafo no mu bi ne Barnaba ne Simeon, a na wɔfre no “Onipa Tuntum,” Lukio a ɔye Kireneni, Manaen, a ɔne Ɔhene Herode ye tipen, ne Saulo. **2** Bere a wɔresom Awurade na wɔredi mmuada no, Honhom Kronkron no ka kyereɛ wɔn se, “Munyi Barnaba ne Saulo na wonkodi dwuma a eno nti mafre wɔn no mma me.” **3** Wodii mmuada bɔɔ mpae, de wɔn nsa guu wɔn so somaa wɔn. **4** Honhom Kronkron somaa wɔn no, wɔkɔɔ Seleukia. Wofi hɔ no, wɔtoaa wɔn akwantu no so koduu Kipro. **5** Woduu Salami no, wɔkaa Onyankopɔn asem wɔ Yudafo hyiadan mu. Saa bere no na Yohane Marko ka wɔn ho se ɔsomfo. **6** Wotwaa mu wɔ supɔw no so koduu Pafo, na hɔ na wohyiaa Yudani nkonyaayifo bi a ɔfre ne ho se odiyifo a na ne din de Bar-Yesu. **7** Na n’adamfo ne amrado a ɔwɔ supɔw no so a ne din de Sergio Paulo no. Saa amrado a na onim nyansa yiye no soma ma wɔkɔfre Barnaba ne Saulo, efise na ɔrehwɛwe Onyankopɔn asem atie. **8** Nanso nkonyaayifo Bar-Yesu a Hela kasa mu wɔfre no Elimaa no ampene so, efise na ɔmpɛ se amrado yi betie Onyankopɔn asem. **9** Afei Saulo a na wɔfre no Paulo a Honhom Kronkron ahye no ma no hwɛ nkonyaayifo Elimaa diinn kae se, **10** “Ɔbonsam ba a ɔte se wo! Wompe ade pa biara yiye. Nnaadaa ahorow ahye wo ma. Bere biara wope se wodan Awurade nokwasem ani ma eye nkontomposem! **11** Awurade betwe w’aso ama w’ani afura a worenhu ade fi saa bere yi de kosi bere bi.” Ehɔ ara Elimaa ani furaa a na ɔde ne nsa rekeka se obenya obi aso ne mu ana. **12** Amrado no huu asem a asi no, ogyee Awurade asem no dii. Awurade ho asem a ɔtee no maa ne ho dwiriw no. **13** Paulo ne ne dam no tenaa hyen mu fii Pafo kɔɔ Perge a ɛwɔ Pamfilia no; ehɔ na Yohane a ne din baako nso ne Marko no gyaw wɔn san kɔɔ Yerusalema. **14** Wofi Perge no, wɔkɔɔ Antiokia a ɛwɔ Pisidia. Eduu Homeda no, wɔkɔɔ hyiadan mu kɔsomee. **15** Wɔkenkan Mose Mmara no ne Adiyifo no nsem wiei

no, hyiadan no mu mpanyimfo no soma koka kyereɛ wɔn se, “Anuanom, se mowɔ asem bi a mobeka de ahye nnipa no nkuran a, mowɔ ho kwan se moka.” 16 Afei Paulo sɔre gyina nyamaa ne nsa fii ase kasae se, “Me nuanom Israelfo ne amanamanmufo a mowɔ ha a mosom Onyankopɔn no muntie me! 17 Israel Nyankopɔn yii yen nenanom ma wɔyɛɛ ɔman kese bere a na wote Misraim asase so no. Onyankopɔn nam ne tumi kese so yii wɔn fii Misraim, 18 na ɔhwɛɛ wɔn so wɔ sare so mfe aduanan. 19 Otuu aman ason wɔ Kanaan asase so gui, de asase no maa ne nkurɔfo se wɔn awunyade, 20 ma wɔtenaa so mfe ahannan ne aduonum. Eyi akyi no ɔmaa atemmufɔ dii wɔn so kosii se Odiyifo Samuel bae. 21 Bere a wɔpɛɛ se wonya ɔhene ma odi wɔn so no, Onyankopɔn de Kis ba Saulo a ofi Benjamin abusua mu no maa wɔn ma odii wɔn so mfe aduanan. 22 Onyankopɔn tuu Saulo ade so na ɔde Dawid sii n’anan mu. Asem a Onyankopɔn ka faa Dawid ho ne se, ‘Mahu se Yisai ba Dawid ne onipa a mepe no; ɔye onipa a ɔbeyɛ nea mepe nyinaa.’ 23 “Senea Onyankopɔn hyɛɛ ho bɔ no, Yesu a ɔye Dawid aseni no na ɔyɛɛ no Israelfo Agyenkwa. 24 Ansa na Yesu rebefi n’adwuma ase no, Yohane kaa adwensakra ho asem kyereɛ Israelfo se, wɔnsakra mfi wɔn bɔne ho na wɔmma wɔmmɔ wɔn asu. 25 Ansa na Yohane rebewie n’asenka no, obisaa nnipa no se, ‘Mususuw se meye hena? Enye me ne onipa a moretwen no no. Erenkyɛ biara na nea moretwen no a mense se meworɔw ne mpaboa afi ne nan no beba.’ 26 “Me nuanom Abraham asefo ne amanamanmufo a mosom Onyankopɔn a mowɔ ha, yen nti na Onyankopɔn soma ma wɔde saa nkwaɔye yi aba. 27 Esiane se nnipa a na wote Yerusalem ne wɔn mpanyimfo nnim se ɔno ne Agyenkwa no, na wɔnte adiyifo no nsem a wɔkenkan no Homeda no ase no nti, wobuu Yesu kumfɔ maa adiyifo no nsem no baa mu. 28 Ewɔ mu se wɔannya afɔbusem bi annyina so ammu no kumfɔ de, nanso wɔmaa Pilato kum no. 29 Wɔyɛɛ biribiara a Kyerewsem no ka fa ne ho wiee no, woyii no fii asennua no so kosiee no. 30 Nanso Onyankopɔn ma ɔsɔre fii awufo mu, 31 na ne wusɔre akyi no, oyii ne ho adi nna pii kyereɛ wɔn a na wɔne no tu kwan fi Galilea kɔ Yerusalem no. Wɔne nnipa a wodi ne ho adanse kyere Israelfo no. 32 “Afei yɛwɔ ha se yerebeka asempa no akyere mo se, Onyankopɔn nam sɔre a ɔmaa Yesu Kristo sɔre fii awufo mu no so ama bɔ a ɔhyɛɛ yen nenanom no aba mu. 33 Eyi ne nea wɔakyerew wɔ

Nnwom a eto so abien no mu se, “Woyɛ me ba; nne, mayɛ w’Agya.” 34 Asem a Onyankopɔn ka faa sɔre a ɔma no sɔre fii awufo mu na amma no amporɔw no ne se, “Mede nhyira kronkron a mehyɛɛ Dawid ho bɔ no behyira wo.” 35 Wɔaka no wɔ baabi nso se, “Woremma wo Kronkronni no mporɔw.” 36 “Dawid bere so no, ɔsom Onyankopɔn kosii se owu ma wosiee no wɔ ne nenanom nkyen pɛɛ, na ne nipadua porɔwee. 37 Nanso nea Onyankopɔn nyan no fii awufo mu no amporɔw. 38 “Anuanom, esɛ se mo nyinaa te ase se enam Yesu so na wɔka bɔnefakye ho asem kyere mo. 39 Esɛ se mote ase se obiara a ogye no di no, wɔabu no bem a anka Mose mmara ntumi mmu no no. 40 Monhwɛ yiye na adiyifo no nkɔm a wɔhyɛɛ no amma mo so: 41 “Mo fɛwdifo! Momma enye mo nwonwa na mo ho nnwiriw mo! Efise merebeyɛ biribi wɔ wo bere so, na se wɔka kyere wo a, worennye nni!” 42 Paulo ne Barnaba refi asɔredan no mu no, nnipa no sɛɛ wɔn se wɔmmra Homeda a ereba no mmekeyerekere wɔn bio. 43 Nnipa no wiee nhyiamu no, Yudafo ne amanamanmufo bebree a wɔasakra aba Yudasom mu no tu dii Paulo ne Barnaba akyi. Asomafo no tuu wɔn fo, hyɛɛ wɔn nkuran se wɔntena ase Onyankopɔn adom mu. 44 Homeda a edi so no dui no, ekame aye se wɔn a wote kurow no mu no nyinaa betiee Awurade asem. 45 Yudafo no huu nnipakuw no, wɔn ani bere ma wɔsɔre gyee nsem a Paulo reka no ho akyinnye kasa tiaa no. 46 Nanso Paulo ne Barnaba de akokoduru kɔɔ so kae se, “Mone nnipa a esɛ se wɔka Onyankopɔn asem no kyere mo kan. Na se moapo, na mummu mo ho se nkwa a enni awiei ho hia mo nti, yebegyaw mo ho akɔ amanamanmufo no nkyen. (aiθnios g166) 47 Ahyɛde a Awurade de ama yen ne se, “Mema mo aye amanamanmufo nyinaa kanea; enam mo so na wobegye wiasefo nyinaa nkwa.” 48 Amanamanmufo no tee saa asem no, wɔn ani gye ma wɔkamfoo Awurade asem no, na wɔn a wɔayi wɔn ama nkwa a enni awiei no beyɛɛ agyidifo. (aiθnios g166) 49 Na Awurade asem no trew ɔmantam no mu nyinaa. 50 Nanso Yudafo no tuu nnipa atitiriw a wɔwɔ kurow no mu no ne mmea Nyamesurofo a na wɔwɔ ho bi a wodi mu no aso ma wɔtaa Paulo ne Barnaba, pam wɔn fii ɔman no mu. 51 Enti asomafo no poroporow wɔn anan ase mfutuma guu wɔn so fii ho kɔɔ lkoniom. 52 Anigye ne Honhom Kronkron hyɛɛ asuafo a na wɔwɔ Antiokia no ma.

14 Paulo ne Barnaba duu Ikoniom no, wəkɔɔ Yudafo asɔredan mu. Wəkasa ma Yudafo ne amanamanmufo bebree beyee agyidifo. **2** Nanso Yudafo a wɔpoo Awurade asem no hwanyan amanamanmufo no, san tuu wɔn aso tiaa anuanom no. **3** Asomafo no tenaa hɔ kyee. Na Awurade nam tumi a ɔde maa wɔn ma wɔyee anwonwade ahoro no so kyeree se nsem a wɔka fa n'adom ho no ye nokware. **4** Kurow no mu nnipa no mu kyee abien; fa kɔɔ Yudafo no afa na fa nso kɔɔ asomafo no afa. **5** Amanamanmufo ne Yudafo no ne wɔn mpanyimfo yee adwene se wɔbeyɛ wɔn ayayade asan asiw wɔn abo. **6** Asomafo no tee pɔw a wɔbɔ faa wɔn ho no, woguan kɔɔ Listra ne Derbe a ewɔ Likaoniaman mu ne nkuraa a atwa ho ahyia no nyinaa ase. **7** Wɔkaa Asempa no wɔ hɔ. **8** Bere a Paulo ne Barnaba wɔ Listra no wohuu ɔbarima bi a na ɔye obubuafo fi n'awo mu. **9** Paulo rekasa no, obubuafo no tiee no maa Paulo huu se ɔwɔ gyidi a ebema watumi agyina so asa no yare. Enti Paulo hwɛ obubuafo no **10** teɛɛ mu se, “Sore gyina hɔ!” Amono mu, obubuafo yi huruw gyinae, fii ase nantewee. **11** Nnipa no huu nea Paulo aye no, wofii ase teɛteɛ mu wɔ Likaonia kasa mu se, “Anyame ayeyɛ wɔn ho se nnipa aba yen nkyen.” **12** Eyi nti wɔfrɛ Barnaba Seus na wɔfrɛ Paulo nso Hermes, efise ɔno na na ɔka asem no. **13** Seus a na n'asɔredan wɔ kurotia no sofo de nantwi ne nhwiren baa kurow no pon ano, pɛɛ se wɔbɔ afɔre ma asomafo no. **14** Bere a Barnaba ne Paulo tee afɔre a nnipa no pɛ se wɔbɔ no, wɔde abufuw sunsuanee wɔn ntade mu, tuu mmirika kɔɔ nnipakuw no mu teɛteɛ mu se, **15** “Den na mope se moye yi? Yeyɛ nnipa te se mo! Yeaba se yerebeka asempa no akyere mo, ama moagyae saa nneema hunu yi ye, na mode mo ho ama Onyankopɔn a ɔbɔɔ ɔsoro, asase, epo ne biribiara a ewɔ mu no. **16** Bere bi a atwa mu no, ɔmaa nnipa nyinaa kwan ma wɔyee nea wɔpɛ. **17** Nanso Onyankopɔn nam nneema pa a ɔye so di n'ankasa ho adanse. Mmere a ese mu no, ɔma osu tɔ ma nnɔbae ba; ɔma mo aduan di ma munya ahoto.” **18** Nanso saa kasa yi nyinaa akyi no, pɛ ara na nnipa no pɛɛ se wɔbɔ afɔre ma wɔn. **19** Yudafo bi fi Antiokia a ewɔ Pisidia ne Ikoniom tuu nnipa no aso maa wosiw Paulo abo, twee no fii kurow no mu a na wosusuw se wawu. **20** Nanso bere a agyidifo no betwaa ne ho hyiae no, ɔsɔre san kɔɔ kurow no mu. Ade kyee no ɔne Barnaba fii hɔ kɔɔ Derbe. **21** Paulo ne Barnaba kaa asempa no wɔ Derbe ma nnipa pii gye dii. Wofi

hɔ no, wɔsan kɔɔ Listra, Ikoniom ne Antiokia a ewɔ Pisidia. **22** Wɔhyee agyidifo no nkuran se wɔntena ase gyidi mu. Wɔka kyeree agyidifo yi se, “Ansa na yebetumi akɔ Onyankopɔn ahenni mu no, ese se yefa ɔhaw ahoro pii mu.” **23** Asafo biara a wɔkɔɔ mu no, wosisii mpanyimfo maa wɔn; na wɔnam mpaebɔ ne mmuadadi so de mpanyimfo no hyee Awurade a wɔde wɔn ho ato no so no nsa. **24** Wofi Pisidia no wɔbaa Pamfilia. **25** Wɔkaa asempa no wɔ Perge na wofi hɔ baa Atalia. **26** Wofi Atalia no, wɔsan baa Antiokia a ɔhɔ na bere a na wɔrebefi saa adwuma a wɔawie yi ase no, wɔde wɔn hyee Awurade nsa no. **27** Bere a woduu Antiokia no, wohyiaa asafo no mu nnipa nyinaa. Wɔkaa nneema a Onyankopɔn nam wɔn so aye, ne senea Onyankopɔn abue kwan ama amanamanmufo agye asem no adi no nyinaa kyeree wɔn. **28** Paulo ne Barnaba tenaa gyidifo no nkyen kyee.

15 Bere a Paulo ne Barnaba wɔ Antiokia no, nnipa bi fi Yudea bekyerekereɛ anuanom no se, “Se moamma wɔantwa mo twetia senea Mose amanne no kyere no a morennya nkwa.” **2** Paulo ne Barnaba ne wɔn gyee saa nkyerekereɛ yi ho akyinnye denneennen. Saa asem yi nti Paulo ne Barnaba ne Antiokia asafo no mu nnipa bi kɔɔ Yerusalem kohuu asomafo no ne mpanyimfo faa saa nkyerekereɛ yi ho. **3** Asafo no gyaa wɔn kwan. Wɔreko no, wɔfaa Foinike ne Samaria kaa amanamanmufo gye a wɔagye asem no adi no kyeree wɔn. Saa asem yi yee agyidifo no nyinaa anigye yiye. **4** Woduu Yerusalem no, asafo no asomafo ne mpanyimfo a wɔkaa nneema a Onyankopɔn nam wɔn so aye kyeree wɔn no gyee wɔn. **5** Nanso Farisifo a wɔbeyɛ agyidifo no hyee se, ese se wotwa amanamanmufo a wɔagye asem no adi no nyinaa twetia na wodi Mose mmara no so. **6** Asomafo no ne mpanyimfo no hyia dwenee asem yi ho. **7** Wodwinnwen ho wiee no, Petro sɔre kasae se, “Me nuanom, munim se bere bi a atwam no, Onyankopɔn yii me fii mo mu se menka asempa no nkyere amanamanmufo, senea ebeye na wɔbete asempa no na wɔagye adi. **8** Senea Onyankopɔn a onim koma mu no nam Honhom Kronkron a ɔma ebɔa yen mu no so gyee yen too mu no, saa ara na ɔnam Honhom Kronkron no ara so agye amanamanmufo nso ato mu. **9** Onyankopɔn anyɛ nyiyimu; ɔnam gyidi so tew wɔn koma mu. **10** Aden nti na mope se mode adesoa duruduru a yen agyanom antumi ansoa, na yen nso yeantumi ansoa no soa agyidifo no de se Onyankopɔn hwe? **11** Nanso yegye di se wɔnam

Awurade Yesu Kristo adom so na agye yen nkwa se wɔn ara.” **12** Bere a Barnaba ne Paulo kaa anwonwade a Onyankopɔn nam wɔn so yɛe wɔ amanamanmufo no mu maa nnipa a wɔahyia hɔ no tee no, wɔyɛɛ dinn. **13** Wɔkasa wiei no, Yakobo kae se, “Anuanom, muntie me! **14** Mprempren ara na Simon kyereɛ mu kyereɛ yen se Onyankopɔn yii amanamanmufo se ne de. **15** Adiyifo no nsem a wɔkaa no ne eyi hyia, senea wɔakyerew wɔ Kyerewsem no mu se: **16** “‘Eyi akyi no, mesan aba abesi Dawid fi a abubu no. Mɛma nea adwiriw no so, na masan asi bio, **17** senea ebeye a nnipa a wɔaka no, ne amanamanmufo a me din da wɔn so no behwehwe Awurade.’ **18** Awurade a ɔdaa eyi adi bere bi a atwa mu no, ɔno na ebeye eyinom nyinaa.” (aiɔn g165) **19** Yakobo toaa so se, “M’adwene ne se, ense se yehaw amanamanmufo a wɔde wɔn ho rema Onyankopɔn no. **20** Mmom, momma yenkyerew nhoma nkɔka nkyere wɔn se, ense se wodi aduan biara a wɔde ama abosom, efise eho ntwɛ; afei wɔntwe wɔn ho mfi aguamammɔ ho na wɔnnwe aboa a wɔantwa ne mene na owui. Bio, wɔnnni mogya nso. **21** Efi tete na wɔkenkan saa Mose mmara yi wɔ hyiadan mu wɔ Homeda biara, na wɔka ho nsem nso wɔ kurow biara mu.” **22** Asomafo ne mpanyimfo ne asafo no mu nnipa nyinaa hyiae, yɛe adwene se wobeyi nnipa bi a fi kuw no mu aka Paulo ne Barnaba ho na wɔakɔ Antiokia. Woyii mmarima atitiriw baanu a wɔn din de Yuda, a wɔfre no Barsaba ne Silas. **23** Nhoma a wɔde maa wɔn kɔe no mu nsem ni: Anuanom amanamanmufo a mote Antiokia, Siria ne Kilikia, Asomafo ne mpanyimfo ne anuanom a wɔwɔ Yerusalemm no kyia mo. **24** Yetee se anuanom bi a yɛmaa wɔn tumi fi yen mu nam wɔn nkyerekyerɛ so tan mo ani, haw mo adwene. **25** Eyi nti yeatu nnipa bi se wɔmmra mo nkyen. Saa nnipa no ne Paulo ne Barnaba **26** a wɔde wɔn nkwa abɔ aforɛ ama Awurade Yesu Kristo no. **27** Eyi nti, yeresoma Yuda ne Silas ama wɔabekasa afoa asem a yerekyerew no so. **28** Honhom Kronkron ne yen aye adwene se, saa ahyede yi akyi no yemmfa adesoa foforo bi a emu ye duru nsoa mo; **29** munnni aduan a wɔde ama abosom; saa ara nso na munnni mogya. Monnwe aboa a wɔantwa ne mene na owui. Bio, montwe mo ho mfi aguamammɔ ho. Se mutumi di saa ahyede yi so a, ebese mo yiye. Yesan kyia mo. **30** Wogyaa nnipa no kwan ma wɔkɔ Antiokia. Woduu ho no, wohyiaa agyidifo no de nhoma no maa wɔn. **31** Agyidifo no kenkan nhoma no, emu nkuranhyesem no

maa wɔn ani gyei. **32** Yuda ne Silas a wɔye adiyifo no ne anuanom no kasa kyee, hyee wɔn nkuran. **33** Wodii nna kakra wɔ hɔ no, anuanom no gyaa wɔn kwan asomdwoe mu ma wɔsan kɔɔ anuanom a wɔsomaa wɔn no nkyen dwoodwoo. **34** Nanso Silas de, wankɔ bi. **35** Paulo ne Barnaba dii nna kakra wɔ Antiokia, boaa anuanom bi ma wɔkyerekyerɛ, kaa Awurade asem. **36** Nna bi akyi no, Paulo ka kyereɛ Barnaba se, “Ma yensan nkɔsra anuanom a wɔwɔ nkurow a yeaka Awurade asem wɔ so no nyinaa nkɔhwe senea wɔreko so wɔ gyidi mu.” **37** Barnaba pɛ se wɔde Yohane Marko ka wɔn ho kɔ, **38** nanso Paulo ampene so, efise wɔwɔ Pamfilia no ogyaw wɔn hɔ a ɔne wɔn antenna ho ankosi awiei. **39** Akasakasa a emu ye den sii wɔn ntam maa wɔn mu tetewee. Barnaba faa Marko ne no kɔɔ Kipro **40** na Paulo nso faa Silas. Anuanom no de wɔn hyee Onyankopɔn nsa ma wofii hɔ kɔe. **41** Ɔkɔfaa Siria ne Kilikia hyee asafo no den.

16 Paulo toaa n’akwantu no so kɔɔ Derbe ne Lистра. Eho na na ogyidini bi a ne din de Timoteo a ne na ye Yudani gyidini na n’agya nso ye Helani no te. **2** Anuanom a na wɔwɔ Lистра ne Ikoniom no nyinaa dii Timoteo ho adanse pa. **3** Esiane se na Paulo pɛ se ɔde Timoteo ka ne ho kɔ nti otwaa no twetia, efise Yudafo a na wɔwɔ hɔ no nyinaa nim se Timoteo agya ye Helani. **4** Kurow biara a woduu so no, wɔkaa mmara a asomafo ne mpanyimfo a wɔwɔ Yerusalemm ahye se wɔnni so no kyereɛ wɔn. **5** Asafo no nyinii gyidi mu na daa, nnipa bebree bekaa wɔn ho. **6** Esiane se Honhom Kronkron amma wɔn kwan se wɔnka asem no wɔ Asia no nti, wɔkɔ Frigia ne Galatia. **7** Woduu Misia hye so no, wɔpɛɛ se anka wɔkɔ Bitinia, nanso Yesu Honhom no amma wɔn kwan. **8** Enti wɔfaa Misia kosii Troa. **9** Da no anadwo Paulo huu anisoade se ɔbarima bi a ofi Makedonia gyina hɔ resɛ no se, “Twa bra Makedonia beboa yen!” **10** Anisoadehu yi akyi no, yeboaboa yen ho se yebɛko Makedonia, efise yetee ase se Onyankopɔn na wɔfre yen se yenkɔka asempa no wɔ hɔ. **11** Yede hyen fii Troa kɔɔ Samotrake na ade kyee no, yeduu Neapoli. **12** Yefi hɔ no, yetoaa so kɔɔ Filipi, kurow titiriw a ewɔ Makedonia mansin a na Romafo di so no mu. Yedii nna kakra wɔ saa kurow yi mu. **13** Homeda duu no, yefii kurow no mu kɔɔ asubɔnten bi ho baabi a yeate se Yudafo taa hyia wɔ hɔ bɔ mpae. Yekyerɛkyerɛ mmea bi a wɔbaa hɔ no Kyerewsem no. **14** Mmea a wobetiee asem no mu baako ne Tiatirani Lidia a na ɔton ntama kɔkɔɔ. Na

ogye Onyamesomni nti Awurade buee ne koma mu ma otiee asem a na Paulo reka no ma ogye dii. **15** Wɔbɔɔ ɔne ne fifo nyinaa asu wiee no, ɔka kyereɛ yen se, “Sɛ mugye to mu sɛ meye Awurade mu gyidini ampa ara a, eno de mommetena me fi.” Ɔkɔɔ so srɛɛ yen ara kosii sɛ yepenee. **16** Da bi a yerekɔ faako a yehyia bɔ mpae no, yehyiaa afenaa bi a akɔm honhom wɔ ne mu a ɔde n’akɔm no hye nkɔm ma ne wuranom nya wɔn ho. **17** Odii yene Paulo akyi teetee mu se, “Saa nnipa yi ye Ɔsorosoroni Nyankopɔn no asomfo a wɔaba sɛ wɔrebɛka nkwaye ho asem akyere mo.” **18** Eyi kɔɔ so ara kosii se da bi Paulo de ahometew teetee honhommɔne no se, “Mehye wo wɔ Yesu Kristo din mu se, tu fi ne mu kɔ!” Amono mu ho ara, na honhommɔne no tu fii afenaa no mu. **19** Bere a afenaa no wuranom huu sɛ nea ɛma wɔn sika no afi wɔn nsa no, wɔkyeree Paulo ne Silas twee wɔn kɔɔ mpanyimfo anim wɔ aguabɔbea. **20** Wɔde wɔn brɛ mpanyin bɔɔ wɔn sobo se, “Saa nnipa yi ye Yudafo a wɔde wɔn nneyee ne wɔn nkyerɛkyere redan yen kurow yi ani. **21** Wɔrekyerɛkyere amanne bi a esiane se yeye Romafo nti, yen mmara mma yen ho kwan se yegye to mu.” **22** Nnipadɔm a wɔwɔ hɔ no tow hyee wɔn so, na mpanyin no tetew Paulo ne Silas ntade mu, hyee sɛ wɔmmɔ wɔn mmaa. **23** Wɔbɔɔ wɔn mmaa pii wiei no, wɔde wɔn koguu afiasɛ, na mpanyin no hyee afiasɛ sohwɛfo no sɛ ɔnto wɔn mu yiye senea ebeye a wɔrenguan. **24** Afiasɛ sohwɛfo no tee saa asem no, ɔde wɔn koguu afiasɛ hɔ dan a ɛwɔ mfimfini no mu de nkɔnsɔnkɔnsɔn guguu wɔn anan de bobɔɔ nnua mu. **25** Ɔdasu mu no, na Paulo ne Silas rebɔ mpae to nnwom reyɔ Onyankopɔn aye, a nneduafo a wɔwɔ hɔ no nso retie wɔn. **26** Mpofirim na asase wosow denneennen maa afiasɛ no nnyinaso nso wosow maa apon no nyinaa buebuei, na nneduafo no nyinaa nkɔnsɔnkɔnsɔn tetewee. **27** Bere a afiasɛ sohwɛfo no fi nna mu nyan na ohuu sɛ afiasɛ no apon no abuebue no, osusuw sɛ nneduafo no nyinaa aguan, enti ɔtwee n’afɔa, pɛɛ sɛ anka ɔde kum ne ho. **28** Nanso Paulo teɛ mu ka kyereɛ no se, “Nkum wo ho! Yen nyinaa wɔ ha!” **29** Eho ara afiasɛ sohwɛfo no frɛ ma wɔde kanea brɛɛ no na ɔde ahopopo ne osuro behwee Paulo ne Silas anim. **30** Afei ɔde wɔn fii adi bisaa wɔn se, “Awuranom, dɛn na menyɛ na manya nkwa?” **31** Wobuae se, “Gye Awurade Yesu di na obegye wo ne wo fifo nyinaa nkwa.” **32** Wɔkaa Awurade ho asem kyereɛ afiasɛ sohwɛfo no ne ne fifo

nyinaa. **33** Anadwo no ara, afiasɛ sohwɛfo yi hohoroɔ Paulo ne Silas mmaabɔ akuru no anim. Afei ɔma wɔbɔɔ ɔne ne fifo nyinaa asu. **34** Afiasɛ sohwɛfo yi de Paulo ne Silas kɔɔ fie kɔmaa wɔn aduan dii na ɔne ne fifo nyinaa ho san wɔn, efisɛ afei de, wɔagyɛ Onyankopɔn adi. **35** Ade kyee no, mpanyin no somaa asraafo kɔka kyereɛ afiasɛ sohwɛfo no se, “Gyaa saa nnipa no ma wɔnkɔ.” **36** Afiasɛ sohwɛfo no ka kyereɛ Paulo se, “Mpanyin no asoma abɛka se minnyaa wo ne Silas ma monko. Enti monko asomdwoe mu.” **37** Nanso Paulo ka kyereɛ asraafo no se, “Yeye Romafo. Wɔammu yen fɔ wɔ bɔne biara ho na wɔde yen baa aguabɔbea bɛbɔɔ yen mmaa, de yen guu afiasɛ. Afei na wɔpɛ se wɔfa sum ase gyaa yen? Dabi da! Mpanyin no ankasa mmra ha mmegyaa yen.” **38** Asraafo no san kɔbɔɔ Roma mpanyimfo no amanneɛ. Wɔtee sɛ Paulo ne Silas ye Romafo no, wosuroe **39** enti wɔkɔmaa wɔn dibem, yii wɔn fii afiasɛ hɔ ka kyereɛ wɔn se womfi kurow no mu. **40** Paulo ne Silas fii afiasɛ hɔ kɔɔ Lidia fi. Wɔkɔtoɔ anuanom no wɔ hɔ, hyee wɔn nkuran. Afei wofii hɔ kɔe.

17 Wɔtoaa wɔn akwantu no so fii Amfipoli ne Apolonia baa Tesalonika a na Yudafo hyiadan wɔ no. **2** Senea Paulo taa ye no, ɔkɔɔ hyiadan mu mprensa ne nnipa no gyee akyinnye wɔ Kyerɛwsem no ho, **3** kyereɛ mu, dii adanse sɛ, ɛsɛ sɛ Agyenkwa no hu amane na ɔsɔre fi awufo mu. Paulo kae se, “Saa Yesu a mereka ne ho asem akyere mo yi ne Agyenkwa no.” **4** Nnipa no bi gye dii ma wodii Paulo ne Silas akyi. Saa ara na Helafo bebree a wɔsom Onyankopɔn ne mmea mpanyin bi nso gye dii de wɔn ho bɔɔ wɔn ara ne no. **5** Yudafo mpanyin no anibere nti, wɔboabɔaa ahuhufɔ bi ano ma wɔbɔɔ twi faa kurow no mu kotwaa Yason fi ho hyiae, pɛɛ sɛ wɔn nsa ka Paulo ne Silas de wɔn brɛ mpanyin no. **6** Esiane se wɔn nsa anka wɔn no nti, wɔtwee Yason ne anuanom bi de wɔn baa mpanyin no anim teetee mu se, “Saa nnipa a wɔma basabasa ba baabiara a wɔkɔ no aba yen kurow yi mu, **7** ama Yason agye wɔn atena ne fi. Wɔn nyinaa abu Ɔhempɔn Kaesare mmara a ɔde ama yen se yenni so no so, efisɛ wɔka se ɔhene foforo bi wɔ hɔ a wɔfrɛ no Yesu.” **8** Saa asem yi hwanyan ɔm no ne kurow no mu mpanyin no. **9** Kurow no mu mpanyin no maa Yason ne anuanom no tuaa sika bi de dii wɔn akagyinamu ma wogyaa wɔn. **10** Ade sae ara pɛ, anuanom yi gyaa Paulo ne Silas kwan

ma wəkɔɔ Beroia. Wodui no, wəkɔɔ Yudafo hyiadan mu. **11** Na nnipa a wɔwɔ ho no nye akyinnyegyefo te se Tesalonikafo no. Wɔde ahosɛpɛw gyee asem no dii a daa na wosua Kyerɛwsem no pɛɛ se wuhu se nkyerɛkyere a Paulo kyerɛkyere no yɛ nokware ana. **12** Nnipa no mu bebreɛ a Helafo mmea atitiriw ne mmarima ka ho no gyee nkyerɛkyere no dii. **13** Bere a Yudafo a wɔwɔ Tesalonika no tee se Paulo akɔka Onyankopɔn asem no wɔ Beroia no, wəkɔɔ ho kɔhwanyan hofo no nso. **14** Enti ntem ara na anuanom no gyaa Paulo kwan se ɔnko mpoano, nanso Silas ne Timoteo de, wɔtenaa Beroia. **15** Nnipa a wokogyaa Paulo kwan no de no koduu Atene. Wɔresan akɔ Beroia no, Paulo kraa wɔn se wɔnka nkyere Silas ne Timoteo se wɔmmɛka ne ho ntem. **16** Bere a Paulo retwen Silas ne Timoteo wɔ Atene no, ohuu ahoni pii wɔ kurow no mu. Eyi maa ne werɛ howee yiye. **17** Enti na ɔne Yudafo ne amanamanmufo a wɔsom Onyankopɔn no taa hyia wɔ hyiadan mu ma ɔkyerɛkyere wɔn Onyankopɔn asem. Saa ara nso na daa na ɔne nkurofo gye akyinnye wɔ aguabɔbea ara ne no. **18** Afei, ɔne Epikurofo ne Stoikfo anyansafo bi nso gyee akyinnye. Ebinom kae se, “Na den na nnabrabani yi pɛ se ɔkyere yi?” Afoforo nso kae se, “Ɛyɛ se ɔreka anyame afoforo bi ho asem.” Nea enti a wokaa eyi ne se, na Paulo reka Yesu Kristo ne ne wusɔre ho asem. **19** Wɔde Paulo kɔɔ Areopago bagua anim kae se, “Yɛpɛ se yete nkyerɛkyere foforo a worekyerɛkyere yi ase, **20** efise nsem a woka no bi yɛ yen asom asem foforo, enti yɛpɛ se wokyerɛkyere yen mu yiye.” **21** Na Atenefo ne ahɔho a wɔwɔ ho no nni hwee yɛ se wɔde wɔn adagyew nyinaa betie nsem foforo anaa wɔbeka nsem foforo a wɔate no akyere afoforo. **22** Paulo sɔre gyinaa Areopago bagua no anim kae se, “Atenefo, mihu se moye nnipa a mope nyamesom yiye. **23** Efise mituu mpase faa mo kurow yi mu, na mihuu mmeae ahorow a mosom no, mihuu afɔremuka bi a wɔakyerɛw ho se, Onyame a wɔnnim no no de. Enti ade a munnim na mosɔre no, ɛno ho asem na mereka akyere mo yi. **24** “Onyankopɔn a ɔbɔɔ wiase ne nneɛma a ɛwɔ mu nyinaa no na ɔyɛɛ ɔsoro ne asase. Awurade no nte asɔredan a nnipa asi mu. **25** Saa ara nso na biribiara a nnipa nam wɔn dwumadi so de bema no no nso ho nhia no, efise ɔno na ɔma nnipa nkwa ne biribiara a ehia wɔn. **26** Ɔnam onipa baako so na ɔbɔɔ nnipa ahorow nyinaa de wɔn tenaa asase so. Ɔno ankasa na ansa na ɔrebebo nnipa no, ɔhyehyɛɛ amanaman

bere a wɔbɛsɔre ne bere a wɔbehwe ase. Saa ara na ɔhyehyɛɛ wɔn tenabea ahɛye nso. **27** Ɛwɔ mu se Onyankopɔn bɛn yen de, nanso ɔyɛ eyi sɛnea ɛbɛye a nnipa behwehwe n'akyi kwan atwiw abɛn no; **28** sɛnea obi ka se, ‘Ne mu na yete ase na yekeka yen ho’ no. Saa ara na mo nnwontɔfo bi nso aka se, ‘Yen nso yɛyɛ ne mma’ no. **29** “Ɛno de, se yɛyɛ Onyankopɔn mma de a, ɛnɛ se yesusuw se Onyankopɔn tebea te se ohoni bi a onipa de dwetɛ anaa sika anaa ɔbo ayɛ. **30** Onyankopɔn buu n'ani guu bere a na nnipa nnim no no so, nanso afei de, ɔhyɛ nnipa nyinaa se wɔntwe wɔn ho mfi akwammɔne so. **31** Efise wayi da bi ato ho a ɔnam onipa bi a wayi no no so bebu nnipa nyinaa atɛntɛnɛɛ. Ɔnam sɔre a ɔmaa saa onipa yi sɔre fii awufo mu no so adi adanse akyere nnipa nyinaa.” **32** Bere a nnipa no tee se Paulo reka owusɔre ho asem no, ebinom dii ne ho few, na afoforo nso kae se, “Yɛpɛ se wosan ka saa asem no bio.” **33** Saa nsem a ɛkɔɔ so yi maa Paulo fii bagua no anim kɔɛ. **34** Nanso, nnipa kakraa bi gyee no dii de wɔn ho bɔɔ no. Saa nnipa no mu bi ne Dionisio a ɔfra Areopagofo mu ne ɔbea bi a ne din de Damari ne afoforo bi.

18 Eyinom akyi no, Paulo fii Atene kɔɔ Korinto. **2** Ɛho na ohɔyiaa Yudani bi a wɔfrɛ no Akwila a wɔwɔo no wɔ Ponto a ɔne ne yere Priskila fi Italia aba ho a na ɛnkyɛɛ. Wofii Italia efise na Roma hɛmpɔn Klaudio ahɛɛ mmara se Yudafo nyinaa mfi Roma asase so. **3** Paulo kɔtenaa wɔn nkyen ne wɔn yɛɛ adwuma, efise na wɔn nyinaa nwen ntamadan. **4** Na Paulo kɔ hyiadan mu homeda biara kɔka asem no de pɛɛ se anka ɔdan Yudafo ne Helafo no adwene ma wogye di. **5** Bere a Silas ne Timoteo fii Makedonia bae no, Paulo de n'adagyew nyinaa kaa Awurade asem no, dii adanse kyerɛɛ Yudafo no se Yesu ne Agyenkwa no. **6** Bere a Yudafo no ampe se wɔtie Paulo asɛnka, na wɔyeyaw no no, ɔde abufuw poroporow n'atade mu ka kyerɛɛ wɔn se, “Mo mmusu ngu mo atifi. Mo afɔbu nna me so. Efi nne de reko, merɛkɔka asem no makyerɛ amanamanmufo.” **7** Ofii ho kɔtenaa Amanamanmuni Nyamesomni bi a wɔfrɛ no Tito Yusto a ne fi bata hyiadan ho no nkyen. **8** Krispo a na ɔyɛ hyiadan mu panyin no ne ne fifo nyinaa gyee Awurade dii ma wɔbɔɔ wɔn asu. Saa ara na Korintofo bebreɛ a wɔtee Awurade asem no nso gye dii ma wɔbɔɔ wɔn asu. **9** Da bi anadwo, Awurade ka kyerɛɛ Paulo wɔ anisoadehu mu se, “Nsuro! Mpa abaw! Kɔ so ara ka m'asem no, **10** efise mɛka wo ho. Obiara rentumi nye wo hwee,

efise nnipa pii wɔ kurow yi mu a wɔyɛ m'akyidifo.” **11** Paulo tenaa hɔ afe ne fa kyerekyeree Onyankopɔn asem no wɔ wɔn mu. **12** Bere a Galio yɛ amrado wɔ Akaia no, Yudafo no sɔre tiaa Paulo kyeree no de no kɔ asennii, **13** kae se, “Saa onipa yi retu nkurofo aso se wɔnkwati Yudafo mmara no mfa ɔkwan foforo so nsom Onyankopɔn.” **14** Paulo yɛ se ɔrebue n'ano akasa pɛ na Galio ka kyeree Yudafo no se, “Yudafo, se mode asem foforo bi a efa nsemmɔnedi anaa abususem ho na ebae a, anka mehwɛ na maka. **15** Nanso esiane se eyɛ akynnyegye a efa nsem, din ne mo mmara ho nti, mo ara monkɔhwɛ nka. Merenye saa asem yi mu otemmufo.” **16** Na ɔpam wɔn fii asennii hɔ. **17** Afei dɔm no tow hyɛ Sostene a ɔyɛ hyiadan mu panyin no so, twee no kɔ asennii hɔ kɔbroo no, nanso Galio anka ho hwee. **18** Paulo tenaa Korinto kyɛ kakra ansa na ɔrekra anuanom no ma ɔne Priskila ne Akwila refi hɔ akɔ Siria. Esiane bɔ a na wahyɛ no nti, ansa na ɔrebekɔ no, ɔma woyii ne ti wɔ Kenkrea. **19** Woduu Efeso no, Paulo gyaw Priskila ne Akwila hɔ kɔ hyiadan mu ne Yudafo no kɔkasae. **20** Wɔsrɛ no se, se obetumi a anka ɔntena wɔn nkyɛn nkyɛ kakra nanso wampene so. **21** Mmom, ɔrebefi hɔ no ɔka kyeree wɔn se, “Se Onyankopɔn pɛ a mesan aba bio.” Na ofii hɔ kɔ Efeso. **22** Oduu Kaesarea no, ɔkɔ Yerusaleem kokyiaa asafa no fii hɔ kɔ Antiokia. **23** Odii nna kakra wɔ hɔ no, ofii hɔ kɔ Galati ne Frigia kɔhyɛ agyidifo a wɔwɔ hɔ no den. **24** Saa bere no ara mu na Yudani bi a wɔfrɛ no Apolo a wɔwoo no wɔ Aleksandria no kɔ Efeso. ɔyɛ obi a na n'ano atew na onim Kyerɛwsem no yiye. **25** Esiane se na wɔnam Awurade kwan so akyerekyere no nti, na ɔde nnam kasa kyerekyere nokwasem a efa Yesu ho no. Nanso na Yohane asubɔ no nko ara na onim. **26** Ofii ase de nnam kasaa wɔ hyiadan no mu. Bere a Priskila ne Akwila tee asem a ɔreka no, wɔde no kɔ fie kɔkyerekyere no Onyankopɔn asem no mu yiye. **27** Bere a Apolo pɛ se ɔkɔ Akaia no, agyidifo a wɔwɔ Efeso no hyɛ no nkuran, kyerew krataa kɔmaa agyidifo a wɔwɔ hɔ no se wonnye no. Bere a okodui no, ɔboaa wɔn a Onyankopɔn adom nti wɔabɛyɛ agyidifo no yiye. **28** ɔde ne nimdeɛ kyeree Onyankopɔn asem mu de tuu Yudafo no guu wɔ bagua mu, nam Kyerɛwsem no so daa no adi pefee se Yesu ne Agyenkwa no.

19 Bere a Apolo wɔ Korinto no, Paulo tuu kwan faa ɔmantam no atifi koduu Efeso. Eho na ohuu agyidifo bi **2** bisaa wɔn se, “Bere a mugye dii no,

munyaa Honhom Kronkron no ana?” Wobuaa no se, “Yɛntee mpo da se Honhom Kronkron bi wɔ baabi.” **3** Paulo bisaa wɔn bio se, “Eno de na asubɔ bɛn na wɔbɔ mo?” Wobuae se, “Asubɔ a Yohane kaa ho asem no.” **4** Paulo ka kyeree wɔn se, “Yohane asubɔ no yɛ asu a wɔbɔ wɔn a wɔsakra wɔn adwene. ɔka kyeree Israelfo no se, wonnye onipa a odi n'akyi a ɔreba a ɔne Yesu no nni.” **5** Wɔtee saa asem no, wɔma wɔbɔ wɔn asu wɔ Awurade Yesu din mu. **6** Paulo de ne nsa guu wɔn so no, Honhom Kronkron baa wɔn so ma wɔkaa kasa foforo, hyɛ nkɔm. **7** Na wɔn dodow bɛyɛ mmarima dumien. **8** Paulo de nnam kyerekyeree Onyankopɔn Ahenni no ho asem wɔ hyiadan mu asram abiesɔ pɛ se ɔsakra nnipa no adwene. **9** Nanso nnipa no mu bi pirim wɔn koma, annye anni, kasa tiaa asem no wɔ atiefɔ no anim. Enti Paulo fii hɔ de agyidifo no kaa ne ho kɔe. Na Paulo kyerekyere wɔ obi a wɔfrɛ no Tirano asuadan mu daa. **10** Saa nkyerekyere yi kɔ so mfe abien; enti emaa nnipa a na wɔwɔ Asia mantam mu a Yudafo ne Helafo ka ho no tee Awurade asem no. **11** Onyankopɔn nam Paulo so yɛ anwonwade akeseakese, **12** maa mpo ne nnukuu ne n'atade nsenanim a wɔde guu nnipa so no tumi saa nyarewa, tuu ahonhommɔne nso. **13** Yudafo bi a wɔnam asumansɛm so tu ahonhommɔne pɛ se wɔde Awurade Yesu din tu ahonhommɔne. Wɔkankye kyeree ahonhommɔne no se, “Meka Yesu a Paulo ka ne ho asem no se, muntu mfi ne mul” **14** Yudafo sɔfopanyin bi a na ne din de Skewa no mma baason na na wɔyɛ eyi. **15** Honhommɔne no buae se, “Minim Yesu, na minim Paulo; na mo nso mo ne hefo?” **16** Afei ɔbarima a honhommɔne ahyɛ no ma yi tow hyɛ wɔn so, pirapiraa wɔn ma wɔde adagyaw guan fii fie hɔ. **17** Yudafo ne amanamanmufo a wɔte Efeso no tee asem no, wɔbɔ hu na woyii Awurade Yesu ayɛ. **18** Agyidifo no mu bebree baa bagua mu bɛkaa wɔn bɔne ne wɔn kokoamsem. **19** Wɔn mu nkonyaayifo pii de wɔn nkonyaayi nhoma ba maa wɔhyew wɔ nnipa no nyinaa anim. Wobuu nhoma a wɔhyew no bo no na eyɛ nnweteɔna mpem aduonum. **20** Saa anwonwade ahorow yi maa Onyankopɔn asem no trew tumi so. **21** Eyinom nyinaa akyi no, Paulo yɛ n'adwene se ɔbɛfa Makedonia ne Akaia akɔ Yerusaleem. ɔkae se, “Midu Yerusaleem a, akyiri no mekɔ Roma nso.” **22** Paulo somaa Timoteo ne Erasto a wɔyɛ n'abofo no dii n'anim kan kɔ Makedonia, nanso ɔno de, ɔtenaa Asia kyɛ kakra. **23** Saa bere yi ara mu na basabasa a

emu ye den a efa Awurade asem no ho no sii wɔ Efeso. **24** Dwetɛdwumfo bi a wɔfrɛ no Demetrio yɛɛ Artemi abosonnan sɛso. N'adwuma no maa n'adwumayɛfo nyaa wɔn ho sɛɛ tam. **25** Ɔfrɛfrɛɛ n'adwumayɛfo no ne wɔn a wodi saa dwuma ahorow no ara bi no ka kyereɛ wɔn se, "Anuanom, munim se yen ahonya nyinaa gyina saa dwumadi yi so. **26** Mo ara moahu na moate dwuma a saa Paulo yi redi. Ɔka se anyame a nnipa de wɔn nsa aye no nye anyame biara. Ɔnam saa asem yi so adan nnipa bebreɛ adwene wɔ Efeso ha ne Asia nyinaa. **27** Se yeanhwe no yiye a, yen adwuma yi begye dimmɔne. Saa ara na obiara remfa ɔbosom Artemi a wɔsom no wɔ Asia ne wiase nyinaa no nye hweɛ bio na n'anim agu ase." **28** Nnipadɔm no tee saa asem a Demetrio kae no, wɔn bo fuw fii ase yɛɛ basabasa, teɛteɛ mu se, "Efeso Artemi ye kɛse!" **29** Basabasaye no trɛw wɔ kurow no mu nyinaa. Ɖɔm no kyeree Makedoniafo baanu a wɔn din de Gaio ne Aristarko a na wɔne Paulo retu kwan no de wɔn kɔɔ aguabɔbea. **30** Paulo pɛɛ se anka ɔkɔ aguabɔbea ho kohyia ɔm no, nanso asuafo no amma no kwan. **31** Ɖmantam no mu mpanyimfo bi a na wɔye Paulo nnamfo no soma kɔsrɛɛ no se ɔnkɔ aguabɔbea ho. **32** Nhyiamu yi yɛɛ basabasa; nnipa no mu bi teɛteɛ mu kaa nsem bi na ebinom nso teɛɛ mu kaa nsem oforo bi, efise na wɔn mu dodow no ara nnim asem ko a ɛde wɔn abehyia mu. **33** Yudafo no piapiiaa Aleksandro kogyinaa ɔm no anim se ɔnkasa. Eyi maa nnipa no bi susuw se Aleksandro nti na wɔahyia ho. Afei Aleksandro nyamaa ɔm no pɛɛ se ɔkasa yi ɔno ne ne nkurofo ano. **34** Ɖɔm no huu se Aleksandro ye Yudani no, wɔteɛteɛ mu nnɔnhwerew abien se, "Efeso Artemi ye kɛse!" **35** Kurow no sohwɛfo no bɔɔ mmɔden maa ɔm no tem dinn. Afei ɔkasa kyereɛ wɔn se, "Efeso mmarmima, obiara nim se Efeso kurow yi na ɛhwe Artemi hyiadan ne ohoni a efi ɔsoro beduruu no so. **36** Obiara rentumi nnye eyi ho akyinnye enti monye komm, monnye basabasa biara. **37** Mode saa nnipa yi aba ha wɔ bere a wonwɔiaa biribiara mfii yen hyiadan mu, nkaa asemɔne biara ntia yen nyame no. **38** Se Demetrio ne adwumfo a wɔka ne ho no wɔ obi ho asem bi a, asennii ne mpanyin wɔ ho, wɔmfa mmɛto gua. **39** Nanso se mowɔ biribi foforo bi ka a, ɛse se ɔmanfo hyia na wɔfa mmara kwan so ka ho asem. **40** Se yeanhwe yiye a, wɔbeka se saa nne basabasaye yi fi yen. Saa basabasaye yi ho nhia. Se wobisa yen ho

asem a, yerennya anoyi biara." **41** Ɔkasa wiei no, otuu gua no.

20 Basabasaye yi akyi no, Paulo frɛɛ asuafo no kaa nsem de hyɛɛ wɔn nkuran, kraa wɔn fii ho kɔɔ Makedonia. **2** Okyinkyin faa amantam no mu, tuu asuafo no fo de hyɛɛ wɔn nkuran. Afei obeduu Hela. Odii ho asram abiesɛa. **3** Bere a ɔresiesie ne ho akɔ Siria no, ɔtee se Yudafo no abɔ ne ho pɔw; enti ɔsan n'akyi kɔfaa Makedonia kɔɛ. **4** Piro a ofi Beroia no ba Sopater ne Paulo na wɔkɔɛ. Wɔn a wɔka ne ho kɔɛ no nso bi ne Aristarko ne Sekundo a wofi Tesalonika ne Gaio a ofi Derbe ne Timoteo ne Tihiko ne Trofimo a wofi Asiaman mu no. **5** Saa nnipa yi dii kan kɔtwɛn yen wɔ Troa. **6** Yedii Apiti Afahye no wiei no, yefii Filipi, na nnaanum akyi no, yekɔtoɔ wɔn wɔ Troa, dii nnaawɔtwe wɔ ho. **7** Nnaawɔtwe no mu da a edi kan no, yehyiaa mu se anuanom, didii. Esiane se na ade kye a Paulo befi kurow no mu no nti, ɔkasa kyereɛ anuanom no kosii ɔdasu mu. **8** Na akanea pii wɔ abansoro dan a wɔahyia wɔ ho no mu. **9** Bere a Paulo rekasa no, na aberante bi a wɔfrɛ no Eutiko te mfensere ano retɔ nko. Ɖdaa hateɛ ma ofii abansoro dan a ɛto so abiesɛa no so behweɛ fam. Wɔmaa no so no na wawu. **10** Paulo sian baa fam, kobutuw no so, maa no so kae se, "Munnuro, efise onwuu ɛ!" **11** Afei ɔsan foro kɔɔ abansoro no so kobubuu brodo ne asuafo no dii. Paulo toaa ne kasa no so kosii adekyee ansa na ɔregyaw wɔn ho. **12** Anuanom no de anigye de aberante a wonyan no no kɔɔ fie. **13** Yeɛde hyɛn dii kan kɔɔ Aso se yerekɔfa Paulo wɔ ho, efise na waka akyere yen se ɔrefa fam akɔ ho. **14** Ɖɛkɛaa yen ho wɔ Aso na yene no toaa so kɔɔ Mitilene. **15** Ade kyee no, yekoduu Kio. Ne nnaanum so no yeduu Samo na n'adekyee no, yekoduu Mileto. **16** Esiane se na Paulo ho pere no se onyae a anka obedu Yerusalem akodi Pentekoste Afahye no wɔ ho no nti, ɔyɛɛ n'adwene se ɔrennyina Efeso, sɛnea ɛbeyɛ a ɔrenkyɛ wɔ Asia. **17** Paulo soma fii Mileto kɔɔ Efeso kɔka kyereɛ asafo mpanyimfo no se wonhyia no. **18** Wɔbae no, ɔka kyereɛ wɔn se, "Efi da a edi kan a mebaa Asia no, munim ɔkwan a mɛfaa so ne mo tenae. **19** Ɛwɔ mu se ɛnam Yudafo no pɔwɔ so ma mihuu amane bebreɛ de, nanso mede ahobɛase ne nusu yɛɛ m'adwuma se Awurade somfo. **20** Munim se bere a na merekyerekere mo wɔ gua mu ne afi mu no, mamfa biribiara a so beba mo mfaso no anhintaw mo. **21** Mebɔɔ Yudafo ne amanamanmufo no kɔkɔ se wɔntwe wɔn ho mfi wɔn bɔne ho na wɔmfa wɔn ho

mma Onyankopɔn, na wonnye Yesu Kristo nni. **22** “Afei esiane se Honhom Kronkron ahye me no nti, mereko Yerusalem a minnim asem a ebeto me wo ho. **23** Nea minim ara ne se kuropon biara a meko so no, Honhom Kronkron bo me koko se wode me beto afiase na mahu amane. **24** Senea ebeye a metumi adu botae a esi m’anim no ho na mawie dwuma a Awurade Yesu de maa me se menka Onyankopɔn dom ho asem pa no nti, mammu me kra se ade a esom bo. **25** “Minim se mo a maka Onyankopɔn ahenni no ho asem akyere mo no mu biara renhu me bio. **26** Eno nti nne, meraka akyere mo se, se eba se mo mu bi yera a, na emfi me. **27** Efise mamfa Onyankopɔn asem no mu biribiara anhintaw mo. **28** Monhwe mo ho so ne nguankuw a Honhom Kronkron de won ahye mo nsa se ahwefo no yiye. Monhwe won yiye, efise Onyankopɔn de ne Ba no mogya na agye won. **29** Minim se me ko akyi no, atoro akyerekyereto a won ho ye hu se mpataku bewura mo mu abesee mo. **30** Bere bi beba a mo mu ebinom besore, nam atoro so atwe asuafo no mu bi adi won akyi. **31** Eno nti monna mo ho so! Monkae se, mfirihyia abiesa a midii wo mo nkyen no, menam amanahunu ne yaw mu tuu mo fo awia ne anadwo. **32** “Afei mede mo hye Onyankopɔn ne ne dom nsem a etumi hye mo gyidi den na ema munya n’agyapade a wasiesie ama ahoteto no nsa. **33** M’ani ammere obi dwete anaa sika anaa ntama. **34** Mo ara mudi adanse se, me nsa ano adwuma so na menam mehwee me ho ne won a woka me ho no. **35** Mede m’abrabo aye nhweso akyere mo se, ese se yeyere yen ho ye adwuma de boa ahiafo na yekae se, Awurade Yesu ankasa kae se, ‘Oma mu wo nhya sen ogye.’” **36** Paulo kasa wiei no, one won nyinaa buu nkotodwe bo mpae. **37** Won nyinaa sui, bam no, maa no nanteyiye. **38** Nea eyee won awerehow koraa ne asem a oka kyeree won se worenhu no bio no. Afei won nyinaa kogya no hyen no mu.

21 Yene Efeso asafo mpanyimfo no dii ntetewmu no, yesii mu nam asu ani tee ko Ko. Ade kyee no, yekoduu Rodo na yefii ho ko Patara. **2** Yenyaa hyen bi a ereko Foinike kotenaa mu ko. **3** Yeduu baabi a yen ani tua Kipro no, yetwaa ho wo benkum fam ko Siria. Yesii fam wo Tiro, efise na eho na werekoyi hyen no mu nneema. **4** Yehuu asuafo bi wo ho tenaa won nkyen dii nnaawotwe. Asuafo no nam Honhom Kronkron adiyi so bo Paulo koko se onko Yerusalem. **5** Nanso bere duu se ese se yefi ho no, yegyaw won ho

ko. Asuafo no nyinaa ne won yerenom ne won mma kogya yen kwan koduu mpoano. Yeduu ho no yen nyinaa buu nkotodwe bo mpae. **6** Afei yekrakraa yen ho yen ho wiei no, yekotenaa hyen no mu maa won nso san ko fie. **7** Yefi Tiro no, yetwaa yen akwantu no so faa nsu ani koduu Ptolemai. Yeduu ho no yekokyiaa asuafo a wowa ho no dii won nkyen da koro. **8** Yefii ho n’adekyee so ko Kaesarea kotenaa sempakafu Filipino a na oka mmarmima baason a woyii won wo Yerusalem no ho no fi. **9** Na Filipino wo mmabea baanan a wonwaree e, na wohye nkɔm. **10** Yetenaa ho kyee kakra no, odiyifo bi a wofre no Agabo fii Yudea baa ho. **11** Obaa faako a yewo no, ofaa Paulo aboso de kyekyeree ne nan ne ne nsa kae se, “Asem a Honhom Kronkron ka ni, ‘Senea Yudafo a wowa Yerusalem no bekyekyere onipa a aboso yi ye ne dea no, na wode no ahye amanamanmufo no nsa ni!’” **12** Yetee saa asem no, yene won a na yene won wo ho no nyinaa sree Paulo se onko Yerusalem. **13** Na oka kyeree won se, “Osu a musu de rehye me awerehow yi ase ne den? Me de, masiesie me ho se enye kyekyere a wobekyekyere me wo Yerusalem no na misuro, na se etwa se miwu ma Awurade Yesu a, mewu.” **14** Yekae kae a wampene no yegya kae se, “Nea Awurade pe na enye.” **15** Nna bi akyi no, yeboaboa yen ho fii ho ko Yerusalem. **16** Kaesarea asuafo no bi ne yen ko. Yeduu ho no, yekosoe Mnason a ofi Kipro a ogyee Yesu Kristo dii akye no fi. **17** Yeduu Yerusalem no, asuafo a wowa ho no nyinaa gyee yen ofew so. **18** Ade kyee no, Paulo ne yen kokyia Yakobo ne Yerusalem asafo no mu mpanyimfo. **19** Nkyia no akyi no, Paulo kaa biribiara a Onyankopɔn nam ne som no so aye wo amanamanmufo no mu no kyeree won. **20** Wotiee Paulo amanneebo no wiei no, wohyee Onyankopɔn anuonyam. Na woka kyeree no se, “Onua, w’ankasa wudi adanse se Yudafo mpempem na na wabeye asuafo a won nyinaa nso di yen mmara no so. **21** Saa nnipa yi ate se wutia Mose mmara no ne Yudafo amanne; ene se, wokyerkyere Yudafo a wote amanamanmufo no mu se wonntwa won mma twetia na wonnni yen amanne nso so. **22** Nea ebeye biara, wobete se woaba ha. Enti yebeye no den? **23** Ye nea yerebeka akyere wo yi. Mmarima baanan bi wo yen nkyen ha a, woka ntam. **24** Wo ne won nko na munkodwira mo ho na tua ho ka ma won senea ebeye a, wobetumi atwitwa won tinwi. Eyi bema obiara ahu se nsem a wote faa wo ho no mu biara nye nokware,

efise w'ankasa mpo wudi Mose mmara no so. 25 Amanamanmufo a wabeye asufo no de, wakyerew akoma won akyere gyinae a yeasi se, wonnni aduan biara a wode abo afore ama abosom; wonnni mogya; wonnni aboa biara a wantwa ne mene ansa na owui; na afei nso wontwe won ho mfi aguamammo ho." 26 Ade kyee no, Paulo ne mmарima no kodwiraa won ho. One won ko asoredan mu kokyere da a wobewie won ahodwira no ne da a wobebbo afore ama won mmaako mmaako. 27 Nnanson no reye atwam no, Yudafo bi a wofi Asia huu Paulo wo asoredan no mu. Wohwanyan nnipa a wowo ho no nyinaa ma wokyeree Paulo. 28 Wotetee mu se, "Israel mmарima, monsore mmeboa yen! Oyi ne obarima a baabiara a obeko no onam ne nkyerekyerere so tia Israelfo, Mose mmara ne asoredan yi. Mpo ode amanamanmufo bi aba ha de agu Kronkronbea ha ho fi." 29 Nea enti a wokaa saa asem yi ne se, na wahu Paulo ne Efesoni Trofimo wo kurom ho, enti na wosuw se Paulo de no ako asoredan mu ho. 30 Wotee saa no, kurow mu no nyinaa bo twi kokyeree Paulo, twee no fii asoredan no mu ho. Wototoo asoredan no apon no nyinaa mu ntem so. 31 Bere a dom no pee se wokum Paulo no, obi koka kyere Roma asraafo sahene no se basabasa asi Yerusalem. 32 Amono mu ho ara osahene no ne asraafo mpanyin bi ne asraafo bi de ahoohare ko nea dom no ahyia ho. Bere a nnipa no huu no ne asraafo no, wogyae Paulo hwe. 33 Osahene no kosoo Paulo mu, kyere se womfa nkonsankonsan abien ngu no. Afei obisae se, "Hena ne saa obarima yi? Bone ben na waye?" 34 Nnipa no ano antumi anko benkoro; ebinom ka see a, na afororo nso aka see. Saa basabasa yi amma osahene no antumi anhu asem potee a asi. Eno nti, ohyee n'asraafo no se womfa Paulo nko aban mu. 35 Wode Paulo duu atrapoe no ano no, dom no bo toaa no enti asraafo no maa no so koe. 36 Dom no tu dii won akyi teetee mu se, "Munkum no!" 37 Wode Paulo rek o aban mu no, obisaa osahene no se, "Mesre wo, metumi aka asem bi akyere wo ana?" Osahene no nso bisaa no se, "Enti, wote Hela kasa? 38 Enye wo ne Misraimni a da bi ofii basabasaye ase dii mmарima awudifo mpem anan anim ko sare so no?" 39 Paulo buaa no se, "Meye Yudani a wowoo me wo Tarso; Kilikia kurow a agye din no mu nipa ne me. Mesre wo, ma me ho kwan na me ne nnipa no nkasa." 40 Osahene no maa Paulo kwan ma ogyinaa atrapoe no

so nyamaa nnipa no. Woyee komm no, Paulo kasa kyere won wo Arameike kasa mu se:

22 "Anuanom ne agyanom, muntie m'anoyi yi." 2 Wotee se aka Arameike no, woyee komm koraa. Paulo toaa so se, 3 "Meye Yudani a wowoo me wo Tarso a ewo Kilikia. Wotetew me wo Yerusalem wo Gamaliel nan ase. Misuaa senea wodi Yudafo mmara ne won amanne so pepepe. Mebo mmoden se biribiara a meye no, mede behye Onyankopon anuonyam senea mo nyinaa nso reye nne yi. 4 Metaa nnipa a wodi Awurade asem so no nyinaa kunkum won. Mekyeree mmea ne mmарima de won guu afiase. 5 Osafopanyin ne agyinatufu no nyinaa di me adanse se, asem a mereka yi ye nokware. Won nkyen mpo na migyee tumi nhoma se mede rekoma anuanom Yudafo a wowo Damasko no. Saa nhoma no na anka megyina so makyekyerere nnipa a wodi Awurade asem so no agu won nkonsankonsan, de won aba Yerusalem na watwe won aso. 6 "Owigyinae a mereye adu Damasko no, mpofirim na hann bi twa faa me ho. 7 Mitwa hwee fam, na metee nne bi a erebisa me se, 'Saulo! Saulo! Aden nti na wotaa me?' 8 "Mibisae se, 'Eye wo hena, Awurade?' "Nne no buaa me se, 'Eye me Nasareni Yesu a wotaa me no.' 9 Nnipa a na wone me nam no huu hann no de, nanso wante nne a ekasa kyere me no. 10 "Mibisae se, 'Den na menyee, Awurade?' "Awurade ka kyere me se, 'Sore na ko Damasko, na ho na mekyere wo biribiara a mepe se woye.' 11 Hann no hyeren ano den no maa m'ani furae enti nnipa a na me ne won rek o no susoo me nsa de me ko Damasko. 12 "Na Onipa bi a wofre no Anania a odi Mose mmara so a na Yudafo nyinaa di no ni no te Damasko ho. 13 Obaa me nkyen bekae se, 'Onua Saulo, hu ade bio!'" Na ho ara m'ani buei. 14 "Oka kyere me se, 'Yen nenanom Nyankopon ayi wo senea ebeye a wobeye n'apede na woahu otreneeni no, na wobete n'ankasa ne nne se ekasa kyere wo. 15 Wubedi adanse afa biribiara a woahu na woate wo Awurade ho no akyere nnipa nyinaa. 16 Afei, den na woretwen bio? Sore na ma wommo wo asu nhohoro wo bone wo Yesu din mu.' 17 "Mesan ko Yerusalem na merebo mpae wo asoredan mu no, 18 mihuu Awurade wo anisoaduhu mu na oka kyere me se, 'Ye ntem fi Yerusalem ha, efise nnipa a wowo ha no rentie adanse a wudi fa me ho no.' 19 "Mekae se, 'Awurade, won nyinaa nim pefee se meko hyiadan mu kokyekyerere asufo boroo won. 20 Saa ara na bere a wokum wo dansefo Stefano no, na mewo ho

bi. Mepenee ne kum no so, hwɛɛ awudifo no ntama so.’ **21** “Awurade ka kyereɛ me se, ‘Sɔre na kɔ, efise mesoma wo ako akyirikyiri, amanamanmufo nkyen!’” **22** Bere a Paulo kae se wɔasoma no amanamanmufo nkyen pɛ na dɔm no fii ase teɛteɛ mu dennen se, “Munkum no! Ɔmfata se ɔtena wiase!” **23** Nnipa no kɔ so teɛteɛ mu, hugyaa wɔn ntama saw mfutuma tow petee wim. **24** Roma sahene no hyɛɛ se wɔmfa Paulo nko aban mu nkɔɔ no mmaa sɛnea ebeye a ɔbeka nea enti a nnipa no nyinaa mpe se wotie n’asem no. **25** Bere a wokyekyeree no wiee a wɔrebɛɔ no mmaa no, Paulo bisaa ɔsraani panyin a na ogyina ho no se, “Mowɔ ho kwan se mobɔ Romani a wonnii n’asem mmu no fo no mmaa ana?” **26** Bere a ɔsraani panyin no tee saa asem no, ɔkɔɔ ɔsahene no nkyen kobisaa no se, “Den na wope se woye yi? Onipa no ye Romani!” **27** Afei ɔsahene no kɔ Paulo nkyen kobisaa no se, “Woye Romani ana?” Paulo buaa no se, “Yiw meye Romani.” **28** Ɔsahene no kae se, “Mituaa sika bebreɛ na mede tɔɔ me Roma maniyɛ.” Paulo nso kae se, “Me de, wɔwoo me se Romani.” **29** Ntem ara, nnipa a na wɔrebɛbisa Paulo nsem no twee wɔn ho fii ne nkyen. Ɔsafohene no tee se Paulo ye Romani no, osuroe se wama wɔagu Paulo nkɔnsɔnkɔnsɔn. **30** Esiane se na ɔsafohene no pɛ se ohu nea enti a Yudafo no asɔre atia Paulo no nti, ade kyee no, ɔhye ma woyii Paulo fii nkɔnsɔnkɔnsɔn mu. Ɔmaa asɔfo mpanyin ne agyinatufu no nyinaa hyiae. Afei ɔde Paulo kɔɔ se wɔnhwehwe n’asem no mu.

23 Paulo hwɛɛ agyinatufu no dinn kae se, “Anuanom, ahonim pa na mede aye Onyankopɔn adwuma de abesi nne da yi.” **2** Anania a na ɔye Ɔsɔfopanyin no hyɛɛ nnipa a na wogyina Paulo ho no se wɔmmɔ n’ano so. **3** Paulo ka kyereɛ no se, “Wo a wote se ɔfasu a wɔasra ho fitaa, Onyankopɔn bɛɔ wo. Wote ha de mmara rebu me aten, nanso wubu mmara no so hye se wɔmmɔ me!” **4** Nnipa a na wogyina Paulo nkyen no bisaa no se, “Sɛɛ na esɛ se wokasa kyere Onyankopɔn sɔfopanyin?” **5** Paulo buaa wɔn se, “Anuanom, minnim se ɔye Ɔsɔfopanyin. Kyerɛwsem no ka se, ‘Monnkasa ntia wɔn a wodi mo so.’” **6** Bere a Paulo huu se nnipa no bi ye Sadukifo na bi ye Farisifo no, ɔteɛ mu wɔ agyinatufu no anim se, “Me nuanom, meye Farisini. M’awofo ye Farisifo. Gyidi a mewɔ wɔ awufosɔre mu no nti na migyina ha ama wɔredi m’asem yi.” **7** Asem a Paulo kae yi maa ntawntaw sii Farisifo ne Sadukifo no ntam maa wɔn mu kyee abien **8** efise na Sadukifo no

nnye owusɔre, abɔfo ne honhom nni. Nanso Farisifo no de, wogyɛ saa nneɛma abiesɛ no di. **9** Nteɛteɛmu no kɔɔ so kosii se Kyerɛwsem no akyerekyerɛfo no mu bi a woye Farisifo no sɔre gyinaa ho kae se, “Yenhu bɔne biara a saa onipa yi aye! Ebia honhom anaa ɔbɔfo na ɔkasa kyereɛ no!” **10** Akasakasa no mu yɛɛ den maa ɔsafohene no suroo se anhwɛ a wɔbetetew Paulo mu; eno nti ɔhyɛ n’asraafo se, wɔnko nnipa no mu na wonkogye Paulo mfi wɔn nsam mfa no nko aban mu. **11** Anadwo no, Awurade begyinaa Paulo nkyen ka kyereɛ no se, “Nsuro! Sɛnea woadi me ho adanse wɔ Yerusalem ha no, saa ara nso na kodi me ho adanse wɔ Roma.” **12** Ade kyee no, Yudafo bi hyia kaa ntam, dii nsew se wɔrennidi na wɔrennom nso kosi se wobekum Paulo. **13** Na saa nnipa no dodow bebɔro aduanan. **14** Afei wɔkɔɔ asɔfo mpanyin ne mpanyin no nkyen kɔka kyereɛ wɔn se, “Yeaka ntam adi nsew se hwee renka yen ano kosi se yebekum Paulo. **15** Mo ne agyinatufu no nsoma nko Roma ɔsafohene no nkyen nhye da nka se, mope se mubisa nea Paulo aye no mu yiye enti ɔmma wɔmfa no mmra mo anim. Ansa na wɔde no bedu ho no na yeakum no dedaw.” **16** Nanso Paulo wɔfaase bi tee pɔw a wɔabɔ no nti ɔkɔɔ aban mu ho kɔbɔɔ Paulo amanneɛ. **17** Paulo frɛɛ asraafo mpanyin no mu baako ka kyereɛ no se, “Wo ne aberante yi nko ɔsahene no nkyen efise ɔwo asem bi ka kyere no.” **18** Ɔsraani panyin no ne aberante no kɔɔ ɔsahene no nkyen. Woduu ho no, ɔka kyereɛ ɔsahene no se, “Paulo a ɔda afiasɛ no asoma me se memfa aberante yi mmehu wo na ɔwo asem bi ka kyere wo.” **19** Ɔsahene no soo aberante no nsa de no kogyinaa nkyen baabi bisaa no se, “Asem ben na wowo ka kyere me?” **20** Aberante no ka kyereɛ no se, “Yudafo mpanyin no abɔ pɔw se ɔkyena wɔbɛhye da abesɛ wo na woama wɔde Paulo abɛ agyinatufu no se wɔrebɛbisa no ne nsem no mu yiye. **21** Mma wɔnnaadaa wo. Efise mmarima bebɔro aduanan bi a wɔaka ntam adi nsew se wɔremfa hwee nka wɔn ano kosi se wobenya Paulo akum no no betetew no wɔ ɔkwan so. Nea wɔretwen ara ne se wobɛma ho kwan.” **22** Ɔsafohene no gyaa aberante no kwan ka kyereɛ no se, “Nka nkyere obiara se woabɛka asem biara akyere me.” **23** Ɔsahene no frɛɛ n’asraafo mpanyimfo baanu ka kyereɛ wɔn se, “Mompe asraafo ahannu ne apɔnkɔsɔtefo ne mpeawkurafo ahannu na mumfi ha anadwo nnɔnkron yi ara nko Kaesarea. **24** Mompe apɔnko mma Paulo na momfa no nkɔma Amrado

Felike dwoodwo.” 25 Afei, ɔsahene no kyereɔ nhoma a emu nsem ka se: 26 Me Klaudio Lisia a Merekyereɔ wo Onuonyamfo Amrado Felike saa nhoma yi: Kyia wo! 27 Yudafo kyeree saa ɔbarima yi a anka wɔrekum no, nanso metee se ɔye Romani no, me ne m’asraafo kogyeɔ no fii wɔn nsam. 28 Mepɛe se mihu bɔne ko a waye, enti mede no kɔmaa wɔn agyinatufɔ no. 29 Mihui se ɔnyeɔ biribiara a eɛ se wogyina so kum no anaase wɔde no to aɛase. Asem a wɔka too ne so no fa wɔn mmara ho. 30 Eno nti bere a metee se Yudafo bi abɔ ne ho pɔw se wɔbetɛw no akum no no, meyeɔ m’adwene se mede no bebɛe wo. Maka akyere wɔn a wɔwɔ asem bi ka tia no no se, wɔmmra w’anim mmeka. 31 Asraafo no yeɔ biribiara a wɔhyee wɔn se wɔnye no. Anadwo no ara wɔde Paulo kɔ Antipatri. 32 Ade kyee no asraafo a wɔnam fam no san wɔn akyi, na wɔn a wɔte aponko so no toaa so kɔ Kaesarea. 33 Woduu no wɔde nhoma no maa Amrado no de Paulo hyee ne nsa. 34 Amrado no kenkan nhoma no wieɛ no obisaa Paulo ɔman ko a ofi mu. ɔtee se ofi Kilikia no, 35 ɔkae se, “Wɔn a wɔwɔ asem bi ka tia wo no ba a na metie w’asem.” Afei ɔhyee se wɔmfa Paulo nko Herode ahemfi na asraafo nwen no.

24 Nnaanum akyi no, ɔsɔfopanyin Anania ne mpanyimfo bi ne mmaramimfo bi a ne din de Tertulo kɔ Kaesarea. Woduu ho no, wɔkɔ Amrado Felike nkyen de nsem a wɔwɔ tia Paulo no too n’anim. 2 Wɔfrɛ Tertulo ma ɔbɔɔ ne nkuro se, “Onuonyamfo! Esiane wo nimdeɛ ne w’akwankyere pa nti efi bere a wobaa yi, nsakrae pa pii aba yen man yi mu ama yen ho atɔ yen. 3 Baabiara a yewɔ no yeɔ eyi ho asem na yen ani sɔ nea woaye ama yen no da wo ase papaapa. 4 Mepɛ se mesɛe wo bere enti mesɛe wo se nya bere tiaa bi ma me na tie asem a merebeka afa saa ɔbarima yi ho no. 5 “Yeahu se saa ɔbarima yi ye ɔmammɔfo a ɔde basabasaye ba Yudafo nyinaa mu. ɔye Nasarefo fekuw no mu panyin. 6 ɔpɛe se ogu asɔredan no ho fi. Eno nti yekyeree no yeɔ yen adwene se anka yebefa yen mmara so abu no aten. 7 Nanso ɔsahene Lisia begyeɔ no fii yen nsam abran so, 8 hyee se wommedi n’asem wɔ w’anim. Se wubisa no a, wo ara ankasa wubehu se nsem a yereka afa ne ho no nyinaa ye nokware.” 9 Yudafo no nso foaa nsem a wokaa no so se eye nokware. 10 Amrado no maa Paulo kwan se onyi ne ho ano no, Paulo buae se, “Minim se woyee ɔman yi so otemmufo akye, eno nti se migyina w’anim reyi me ho ano a, minsuro. 11

Senea ebia woate no beye nnafua dumien ni na mekɔ Yerusaleɔ asɔredan mu se merekɔsom. 12 Yudafo a wɔde me baa ha yi anhu me se me ne obi regye akyinnye wɔ asɔredan mu ho anaase meretu nnipa aso wɔ hyiadan mu anaa ɔman no mu baabiara. 13 Saa ara nso na wɔrentumi nkyere se, nsem a wɔreka ato me so yi nyinaa ye nokware. 14 Nanso migye to mu se menam Awurade asem a Yudafo yi kasa tia no so som yen Agyanom Nyankopɔn. Na migye nsem a wɔakyerew wɔ Mose mmara no ne adiyifo nhoma no mu no nso di. 15 Mewɔ anidaso a saa nnipa yi nso wɔ wɔ Onyankopɔn mu se da bi, nnipa pa ne nnipa bɔne nyinaa besɔre aɛi owu mu no nso bi. 16 Eyi nti, da biara meɔ mmɔden se mede ahonim pa bebɔ me bra wɔ Onyankopɔn ne nnipa anim. 17 “Mfe bebreɛ akyi a mifii Yerusaleɔ no, mesan baa ho se mede ayeɛede rebɛe me nuanom na mabɔ aɔre. 18 Bere a madwira me ho awie na migu so rebɔ aseda aɔre wɔ asɔredan no mu no, na nnipa a wɔde me baa ha yi huu me. Na matwitwa me tinwi senea mmara no kyere no. Saa bere no nso na dɔm biara nka me ho na basabasaye bi aba. 19 Saa bere no, na Yudafo bi a wofi Asiaman mu wɔ ho. Wɔn na se anka wɔwɔ asem bi ka tia me a eɛ se wɔka. 20 Se saa nnipa a wɔwɔ ha yi nso nim asem bi a wogyina so buu me fɔ wɔ agyinatufɔ no anim a wɔnka. 21 Asem baako pɛ na migyina wɔn anim no mekae. Saa asem no ne se, ‘Gyidi a mewɔ wɔ awufosɔre no mu nti na migye di se morebu me aten nne.’” 22 Felike a na onim saa Awurade asem no yiye no tuu asem no hyee da, kae se, “Se ɔsahene Lisia ba a na medi w’asem no.” 23 ɔhyee ɔsraani panyin a na ɔhwe Paulo so no se ɔmma wɔnwɛn no, nanso wɔmma no ahoto kakra. Na se ne nnamfonom de biribiara a eho hia no no rebɛe no a, wɔmma ho kwan. 24 Nna bi akyi no, Felike ne ne yere Drusila a ɔye Yudani no bae. ɔsoma ma wɔkɔfrɛ Paulo brɛe no ma ɔbekaa gyidi a ɔwɔ wɔ Kristo Yesu mu no kyereɔ wɔn. 25 Paulo reka trenɛe, ahohyɛso ne atemmuda ho asem no, Felike suroɛ, enti ɔkae se, “Kɔ! Akyiri no, se minya adagyew a, mesoma abefɛe wo.” 26 Na Felike ani da so se Paulo bɛma no sika na wagyaa no, eno nti na ɔma wɔtaa kɔfrɛ ne ntiantia mu ba ne nkyen ne no bɔ nkɔmmɔ no. 27 Mfe abien akyi no Porkio Festo besii Felike anan mu se amrado. Esiane se na Felike pɛ se ɔsɔ Yudafo no ani no nti, ogyaw Paulo wɔ aɛase ho.

25 Festo besii Felike anan mu se amrado wɔ Kaesarea no, ne nnansa so no ɔkɔ Yerusaleɔ. 2 Asɔfo

mpanyin ne Yudafo mpanyin no de nsem a wowa tia Paulo no betoo n'anim. **3** Esiane se na wababo Paulo ho poɔw se wobetew no wo akwan so akum no nti, wɔsrɛɛ no se wɔmma wɔmfa no mmra Yerusalem. **4** Nanso Festo buaa wɔn se, esiane se Paulo da afiasɛ wo Kaesarea na erenkɛ biara ɔno ankasa beko ho nti, **5** wɔn a wodi asem no anim no ne no nko nkodi asem no wo ho. **6** Festo dii beyɛ nnaawɔtwe anaa nnaɔua du ansa na ɔresan aba Kaesarea. Obeduu adekyee no, ɔtenaa agua mu dii Paulo asem. **7** Bere a Paulo beduu asennii ho no, Yudafo a wofi Yerusalem no twaa ne ho hyiaɛ fii ase kekaa nsem a enyɛ nokware too no so. **8** Paulo yii ne ho ano se, "Minni biribiara ho fo, efisɛ menkasa ntiaa Yudafo mmara; minguu asɔredan ho fi, na menkasa ntiaa Roma aban nso." **9** Esiane se na Festo pɛ se ɔso Yudafo no ani nti obisaa Paulo se, "Wopɛ se mede wo ko Yerusalem kodi w'asɛm wo ho ana?" **10** Paulo buae se, "Esiane se ɔhempon Kaesare asennii na migyina nti, eha ara na esɛ se wodi m'asɛm, bu me atɛn efisɛ menyɛɛ Yudafo bone biara sɛnea wo ara wunim no. **11** Sɛ mabu mmara so anaa mayɛ biribiara a eno nti esɛ se wobu me kumfo a, minsuro. Nanso se nsem a saa Yudafo yi ka tia me no nye nokware a, obiara rentumi mfa me mma wɔn. Miguan toa ɔhempon Kaesare." **12** Festo ne ne mpanyimfo tuu agyina wiei no, aka kyɛrɛɛ Paulo se, "Esiane se woaguan atoa ɔhempon Kaesare no nti yɛdɛ wo beko n'anim." **13** Nna bi akyi no, ɔhene Agripa ne Berenike baa Kaesarea bɛmaa Festo akwaaba. **14** Wowa ho no, Festo ne ɔhene Agripa dii Paulo asem no ho nkɔmma. Festo ka kyɛrɛɛ ɔhene no se, "ɔbarima bi wo ha a Felike gyaw no se odeduani; **15** na meko Yerusalem no, Yudafo asɔfo mpanyimfo ne mpanyin kaa nsem bi tiaa no se minnyina so mmu no kumfo. **16** "Nanso meka kyɛrɛɛ wɔn se, Roma mmara mma ho kwan se wobu obi fo wo bere a wonnii n'asɛm ɛ, enti wɔmma no kwan na onyi ne ho ano wo asem a woka tia no no ho. **17** Wɔbae no mansɛɛ bere koraa na ade kyee no, mehyɛɛ se wɔmfa no mmra na minni n'asɛm. **18** Nanso wanka nsem a misusuwii no mu biara anto no so. **19** Nsem a woka no fa wɔn nyamesom ne ɔbarima bi a wofɛ no Yesu a owui nanso Paulo ka se ɔtɛ ase no ho. **20** Esiane se na asem no kyere m'adwene nti, mibisaa Paulo se ɔpɛ se mikodi n'asɛm wo Yerusalem ana? **21** Nanso Paulo guan toaa ɔhempon Kaesare. Enti mesan ma wode no kotoo afiasɛ kosi bere a metumi de no ako ɔhempon Kaesare anim." **22** ɔhene Agripa

ka kyɛrɛɛ Festo se, "Mepɛ se m'ankasa mitie n'anom asem." Festo ka kyɛrɛɛ no se, "ɔkyena mede no beba na woatie n'anom asem." **23** Ade kyee no ɔhene Agripa ne Berenike hyehyɛɛ wɔn ho de ahokeka ne asraafo mpanyimfo ne kurow no mu mpanyin ko asennii ho. Festo hyɛ ma wode Paulo baa asennii ho. **24** Festo kae se, "ɔhene Agripa ne mo a moahyia ha nyinaa, saa ɔbarima yi na Yudafo a wowa ha ne Yerusalemfo aka nsem atia no, de no abɛ me se mimmu no kumfo no, **25** nanso mannɔya asem biara annɔyina so a mede bebu no kumfo. Esiane se ɔno ankasa guan toaa ɔhempon Kaesare no nti, mayɛ m'adwene se mede no beko n'anim. **26** Esiane se minni asem potɛɛ bi a mekyɛrɛw aka ɔhempon Kaesare nti, na mede no aba wo, ɔhene Agripa anim se se wuwie wo nhwehwɛmuyɛ a manya biribi agyina so de akyɛrɛw ne ho asem. **27** Minnye nni se ntease wo mu se mede odeduani beko n'anim a mekyɛrɛw biribi potɛɛ bi a etia no!"

26 ɔhene Agripa ka kyɛrɛɛ Paulo se, "Afei mema wo ho kwan se wuyi wo ho ano." Paulo maa ne nsa so kasae se, **2** "ɔhene Agripa! Eyɛ me anigye se nne manya mu kwan gyina w'ananim ha reyi me ho ano wo asem a Yudafo aka atia me no ho. **3** Nea ema meka saa ne se, wunim Yudafo mmara ne wɔn amanne nyinaa feko. Enti mesɛ wo, to wo bo ase tie me. **4** "Yudafo no nim m'asetena mu nsem nyinaa fi me mmofraase. Wonim m'asetena mu nsem wo me kurom ne Yerusalem nso. **5** Sɛ wɔbɛka nokware a, wonim se meye Farisini a midi Yudafo mmara ne wɔn som so pɛpɛpɛ. **6** Na afei esiane bo a Onyankopon hyɛɛ yɛn nenanom no nti na migyina ha nne na wɔrebu me atɛn yi. **7** Saa bohyɛ yi na yɛn mmusuakuw dumien hwe kwan se ebɛba mu no nti na wɔsom Onyankopon awia ne anadwo no. ɔhene, saa anidaso yi nti na Yudafo asɔre atia me yi. **8** Adɛn nti na mo Yudafo nnye nni se Onyankopon nyan awufo? **9** "Mmere bi a atwam no, na m'adwene nyinaa ne se meye biribiara a metumi de atia Yesu a ofi Nasaret no din. **10** Saa ara na meye wo Yerusalem. Migyee tumi nhoma fii asɔfo mpanyin nkyɛn gyinaa so kyekyɛrɛɛ Onyankopon akyidifo guu afiasɛ; na se wobu wɔn kumfo a, midi mu akoten. **11** Mema wɔtwee wɔn aso mmere pii wo hyiadan mu sɛnea ebɛyɛ a wɔbɛpa wɔn gyidi. M'ani beree wɔn so yiye ma metaa wɔn koduu aman afoforo so." **12** "Saa ɔtaa yi nti na mikogyee tumi nhoma fii asɔfo mpanyin nkyɛn se mede reko Damasko no. **13** Daasebrɛ, da bi owigyinae a mereko Damasko no hann bi a ekyɛn owia

hyeren fii osoro betwaa me ne won a yenam no ho hyiae. **14** Yen nyinaa twitwa hwehwee fam na metee nne bi wo Arameike kasa mu se, 'Saulo! Saulo! Aden nti na wotaa me? Nea woye yi nyinaa wode rehaw wo ho senea nantwi tu ne nan wo akafo pema ano.' **15** "Mibisae se, 'Eye wo hena, Awurade?' "Awurade buae se, 'Eye me Yesu a wotaa me no. **16** Sore gyina ho. Nne mayi me ho adi akwere wo; mema woaye me somfo na woadi adanse wo nea woahu afa me ho yi ne nea mekyere wo nyinaa ho. **17** Megye wo afi Israelfo ne amanamanmufo a woresoma wo ako won nkyen no nsam. **18** Wubebue won ani na watwe won afi sum mu aba hann mu, na woayi won afi obonsam tumi ase aba Onyankopon nkyen. Na wonam won gyidi a wowo wo me mu no so anya bonefakye na woaye Onyankopon mma.' **19** "Eno nti Ohene Agripa, meyye osetie maa nne a efi osoro no. **20** Mifi ase kaa asempa no wo Damasko ne Yerusalem ne Yudeafo aman nyinaa so ne amanamanmufo mu se, ese se wasakra won adwene na wode won ho ma Onyankopon na womma won nneyee nkyere se wasakra. **21** Saa asem yi ara nti na na mewo asoredan mu resom a Yudafo no bekyeree me se worekokum me no. **22** Nanso besi nne yi Onyankopon abo me ho ban nti na migyina ha redi adanse akwere obiara yi. Asem koro a Mose ne adiyifo no kae se **23** ese se Agyenkwa no hu amane na wadi awufo sore mu kan, na wooka hann ho asem akwere Yudafo ne amanamanmufo." **24** Paulo gu so rekasa no, Festo twaa n'ano se, "Paulo, woabo dam! Wo nhomanim bebrebe no abo wo dam." **25** Nanso Paulo buae se, "Daasebre, memmoo dam e. Nsem a mereka no ye nokware a aba wo mu. **26** Ohene Agripa, esiane se wunim saa nsem yi nyinaa nti, metumi agyina w'anim de akokoduru akasa. Migye di se biribiara a esii no wunim, efise emu biara nni ho a eye kokoamsem. **27** Ohene Agripa, wugye adiyifo no di ana? Minim se wugye won di." **28** Agripa bisaa Paulo se, "Wugye di se wobetumi adan m'adwene ama maye Kristoni saa bere tiaa yi mu ana?" **29** Paulo buae se, "Se nsem a mereka no ho hia anaa eho nhia no, me mpaebo ara ne se, Onyankopon bema wo ne won a woretie me nne yi nyinaa asakra abeye se me, gye nkonsankonsan a egu me yi nko ara." **30** Afei ohene no ne Amrado ne Berenike ne won a wواهيا ho no nyinaa sree. **31** Woreko no wakeka kyere won ho won ho se, "Saa onipa yi nyee biribiara a ese se wogyina so bu no kumfo anaase wode no to

afiase." **32** Ohene Agripa ka kyeree Festo se, "Se onipa yi nguan ntoaa Kaesare a anka yebetumi agyaa no."

27 Wosii gyinae wiee se yenko Italia no, wode Paulo ne nneuafo bi hyee Yulio a oye Roma asraafo panyin no nsa. **2** Yekotena hyen bi a ereko Asia fam no mu wo Adramitio. Na Makedoniani Aristarko a ofi Tesalonika no ka yen ho. **3** Ade kyee no, yekoduu Sidon. Yulio yee Paulo adbe ma okosraa ne nnamfo ma wooma no nneema a eho hia no. **4** Esiane se yetuu wo ho no na mframa bo hyia yen no nti yeka ko Kipro nifa fam. **5** Yenam po so kofaa Kilikia ne Pamfilia koduu Mira a ewo Likia mantam mu no mu. **6** Eho na asraafo panyin no huu hyen bi a efi Aleksandria reko Italia. Enti ode yen kotena mu. **7** Hyen no ko breoo enti yedii nna wo po no so. Yebre ansa na yeredu Knido. Esiane se na mframa bo hyia yen no nti, yefaa Salmoni hyengyinabea ka ko Kreta nifa fam. **8** Yeka ko mpoano nkakrankakra kosii se yede obre beduu baabi a wofre ho Hyen Agyinae a eben kurow Lasea. **9** Na yease mmere pii, na saa bere no nso po no sofa ye hu efise na eye Mpata Da akwi. Paulo tuu won fo se, **10** "Anuanom, mihu se, se yetoa yen akwantu yi so a, yebelu amane ama ebia hyen no abo ama emu nneema ase ama nnipa ahwere won nkwa." **11** Nanso asraafo panyin no antie fo a Paulo tuu won no, na mmom otiee nsem a hyenkafo no ne hyen no wura kae no. **12** Esiane se na hyengyinabea ho nye mma se wobetena ho awowbere mu no nti nnipa no bebre pree se, se ebetumi a anka hyen no betu a fi ho ako Foinike. Foinike ye hyengyinabea a ewo Kreta a eda atifi ne anafo ntam wo Atoe fam. Eye baabi a wobetumi atena ho awowbere mu. **13** Mframa a ano nye den bo fii anafo fam no, nnipa no susu se wobetumi atoa won akwantu no so senea wواهyehye no. Enti wotuu sekwe no de hyen no faa Kreta mpoano. **14** Ankye koraa na mframa kese bi a wofre no "Apueitifi Mframa" bo fii supow no so. **15** Mframa no bo bunkam faa yen hyen no so twee no ko po no mu. Yeboo mmaden se yebedan hyen no ani na anye yiye no, yegye maa mframa no twee no ko. **16** Yeduu supow ketewa bi a wofre no Klauda ho a na eho mframa ano nye den mpo no, yebre ansa na yeretumi atwe hyen no korow a esen akwi no aba mu. **17** Hyen no mu nnwumayefo no maa so baa hyen no mu bekyekyeree no denneennen. Esiane se na wosuro se wobeko akoka nwea mu nti, woyiyii hyen dua no so ntama maa mframa no bo hyen no ko baabiara a efe. **18** Mframahweam no

kɔɔ so bɔɛ; ɛno nti ade kyee no woyiyii hyen no mu nneema no bi tow guu po no mu. **19** Ne nnansa so no, wɔsɛsaw hyen no ho nneema no bi tow gui. **20** Nna bebreɛ twaa mu a na yenhu owia anaa nsoromma a na mframahweam no gu so retu. Eyi maa yen anidaso nyinaa sae. **21** Nna bebreɛ twaa mu a na obiara nnidi no, Paulo ka kyereɛ wɔn se, “Anuanom, sɛ mutieɛ me na yeantu amfi Kreta a anka ɛnye ɛne yen amanehunu yi. **22** Nanso momma mo bo ntɔ mo yam, efise mo mu biara renwu na mmom, hyen no na ɛbeɔɔ. **23** Nnera anadwo, Onyankopɔn a mesom no no bɔfo baa me nkyen **24** bɛka kyereɛ me se, ‘Paulo, nsuro! Nea ɛbeyɛ biara wubedu Kaesare anim ama wɔadi w’asɛm. Wɔn a wɔka wo ho yi nso, Onyankopɔn adom nti, biribiara renye wɔn.’ **25** Anuanom, momma mo bo ntɔ mo yam, efise migye Onyankopɔn di na asɛm a waka akyereɛ me no beba mu pɛpɛɛɛ. **26** Nanso nea ɛbeyɛ biara no hyen no beɔɔ wɔ supɔw bi mpoano.” **27** Ne nnaawɔtwe abien anadwo no a na mframahweam no nti hyen no redi akɔneaba wɔ Adria po so no, ɔdasu mu na hyen no mu adwumayefo huu sɛ yereben asase. **28** Wɔtoo susuhama huu sɛ asu no mu tenten ye anammɔn ɔha ne aduonu. Eyɛɛ kakra a wosusuw bio no, wohuu sɛ eyɛ anammɔn aduɔkron. **29** Esiane sɛ na wosuro sɛ anyɛ a hyen no bɛpem ɔbotan bi nti wɔtoo sekyɛ anan wɔ hyen no akyi twɛn kosii adekyee. **30** Hyen no mu nnwumayefo pɛɛ sɛ woguan. Enti wogyaw hyen no korow no sii po no ani boapa yɛɛ sɛnea wɔrɛkɔto sekyɛ wɔ hyen no anim. **31** Paulo ka kyereɛ asraafo panyin no ne asraafo a wɔka ne ho no se, “Sɛ hyen yi mu nnwumayefo no guan a, mubewuwu.” **32** Eyi nti asraafo no twaa hama a ɛkyekye hyen no korow no mu no ma ɛkɔɛ. **33** Ade reyɛ akyɛ no, Paulo srɛɛ wɔn nyinaa se wonnidi. Nea ɔkaɛ ne se, “Nnaawɔtwe abien ni, mo mu biara mfaa aduan nkaa n’ano. **34** Mesɛ mo, obiara nnidi sɛnea ɛbeyɛ a, mubenya ahoɔden. Biribiara renye obiara.” **35** Paulo kasa wiei no, ɔfaa brodo bɔɔ mpae daa Onyankopɔn ase wɔ wɔn nyinaa anim na obuu bi dii. **36** Amono mu hɔ ara wɔn nyinaa bo tɔɔ wɔn yam ma wofii ase didii. **37** Nnipa a na yɛwɔ hyen no mu no dodow ye ahannu ne aduɔson asia. **38** Obiara didi mee no, hyen no mu nnwumayefo no tow aburɔw a ɛwɔ hyen no mu no guu po no mu maa hyen no mu yɛɛ hare. **39** Ade kyee no, hyen no mu nnwumayefo no anhu sɛ wɔadu mpoano. Wohuu faako a po no adidi akɔ asase no mu a nsu taa hɔ. Enti wɔyɛɛ wɔn adwene sɛ wɔbɛka hyen no akɔ hɔ ama

akɔka. **40** ɛno nti wotwitwaa hyen no sekyɛ ahama no mu maa sekyɛ no guu po mu. Afei wɔsɛnsan hama a ɛkura akwankyerede no mu na afei wosii ntama a ɛwɔ hyen no anim no sɛnea ɛbeyɛ a mframa betumi abɔ hyen no akɔ mpoano. **41** Nanso ɛhyen no kɔpem nweatam bi ma ɛkaɛ. Hyen no anim kaa denneennen na asorɔkyɛ a na ɛrebɔ no maa akyi no nso bubui. **42** Asraafo no yɛɛ wɔn adwene sɛ wɔbɛkunkum nneduafo no nyinaa sɛnea ɛbeyɛ a, obiara rennya kwan nguan. **43** Nanso esiane sɛ na asraafo panyin no pɛ sɛ ogyɛ Paulo nkwa no nti wamma wɔn ho kwan. Mmom, ɔhyɛɛ sɛ wɔn a wɔbetumi aguare no mfi ase nguare nkɔ mpoano. **44** Wɔn a wɔaka no nso ntɛtare mmerɛte ne nnua asinasin a abubu fi hyen no mu no so nkɔ mpoano. Saa ɔkwan yi so na yɛnam beduu mpoano nohɔ dwoodwoo.

28 Yeduu mpoano hɔ no, ankyɛ na yehuu sɛ yɛwɔ supɔw Malta so. **2** Supɔw no sofo no gyee yen few so. Esiane sɛ na osu ato ama awɔw aba nti, wɔsɔɔ ogya ma yetoe. **3** Paulo bubuu mmabaa sɛ ɔde regu ogya no mu. ɔde regu mu no, ɔwɔ bi a ogya no hyew aka no no bebareɛ ne nsa ho. **4** Supɔw no sofo no huu ɔwɔ no sɛ ɔbɛbare ne nsa ho no, wɔkaɛ se, “Saa onipa yi yɛ owudifo a wanya ne ti adidi mu wɔ po akwanhyia mu, nanso esiane ne bɔne nti owu ara na etwa sɛ owu.” **5** Paulo petee ɔwɔ no too ogya no mu a hwee anyɛ no. **6** Na nkurɔfo no nyinaa susuw sɛ Paulo bɛhonhon anaasɛ obetwa ahwe awu. Nanso wɔtwɛn ara a biribiara anyɛ no no, wɔsakraa wɔn adwene kae se, “ɔyɛ onyame bi.” **7** Na ɔpanyin a ɔhwɛ supɔw no so a wɔfrɛ no Publio no fi ben mpoano hɔ; ogyee yen few so som yen hɔho nnansa. **8** Saa bere no ara na Publio agya yare atiridii ne konkuruwa a aka no ato hɔ. Paulo kɔɔ ɔdan a na ɔda mu no mu de ne nsa guu no so, bɔɔ mpae maa ne ho yɛɛ no den. **9** Nea Paulo yɛɛ no maa ayarefo a wɔwɔ supɔw no so no nyinaa baa ne nkyen ma ɔsaa wɔn yare. **10** Wɔmaa yen akyɛde bebreɛ. Yerebefi hɔ akɔ no nso wɔde biribiara a ɛho hia yen no beguu hyen no mu maa yen. **11** Yedii asram abiesɛ wɔ supɔw no so ansa na yenyaa hyen bi a efi Aleksandria a ne nsɛnkyerenne yɛ eti abien a egyina hɔ ma anyame baanu bi. Na saa hyen no abedi awɔwbere no wɔ supɔw no so. **12** Yeduu Sidarakusa no, yedii nnansa wɔ hɔ. **13** Yefi hɔ toaa so koduu Regio. Ade kyee no, mframa bi bɔ fii anafo fam ma nnaanuu akyi no yekoduu Puteoli. **14** ɛha na yehyiaa agyidifo bi a wɔsrɛɛ yen se yɛntena wɔn nkyen nnaawɔtwe.

Eno akyi no, yetoaa so koduu Roma. **15** Anuanom a wɔwɔ Roma no tee yen nka se yereba no, ebinom behyiaa yen kwan wɔ aguabɔbea a ewɔ Apia kwan no so na afoforo nso hyiaa yen wɔ ahɔhɔbea bi a wɔfre no Ahɔhodan Abiesɔ no. Bere a Paulo huu wɔn no, ne ho san no na ɔdaa Onyankopɔn ase. **16** Yeduu Roma no, wɔmaa Paulo ho kwan se ɔnkɔtena baabiara a ɔpe na ɔsraani bi nwen no. **17** Nnansa akyi no, Paulo frɛe Yudafo mpanyin ne wɔn hyiae. Ɔka kyereɛ wɔn se, “Anuanom, ewɔ mu se manyɛ ɔne biara antia yen man ne yen amanne a yen agyanom de gyaw se yen no de, nanso wɔkyeree me se odeduani wɔ Yerusalem de me hyɛ Romafo nsa. **18** Wobisaa me nsem pɛɛ se wogyaa me, efise wɔannya afɔbude bi wɔ me ho a eno nti ɛse se wogyina so kum me. **19** Nanso bere a Yudafo kasatia gyae a wɔpe se wogyaa me no, mihuu se ɛse se miguan toa Kaesare. Enye me nkurɔfo ho adwemmɔne a mewɔ nti na meyeɛ saa. **20** Eyi nti na mepeɛ se mihi mo na me ne mo kasa no; na onipa a Israelfo ani da no so no nti na nkɔnsɔnkɔnsɔn gu me yi.” **21** Wobuaa Paulo se, “Yennyaa nhoma biara a efi Yudea a efa wo ho na yɛntee wo ho asemmɔne biara nso mfii anuanom a wofi hɔ ba ha no nso nkyen. **22** Nanso yepe se yehu w’adwene, efise yenim se nnipa kasa tia Kristofo a wo nso woka wɔn ho no wɔ baabiara.” **23** Wɔhyɛ da bi se wobehyia Paulo. Saa da no dui no, nnipa bebree kɔɔ ne nkyen wɔ faako a ɔte hɔ no. Ɔkaa Onyankopɔn ahenni no ho asem kyereɛ wɔn. Ɔnam Mose mmara ne nsem a adiyifo no kae no so kaa Yesu ho asem fi anɔpa kosii anadwo kyereɛ wɔn pɛɛ se ɔdan wɔn adwene. **24** Nnipa no bi gyee Paulo asem a ɔkae no dii na bi nso annye anni. **25** Bere a wɔregyigye wɔn ho wɔn ho akyinnye no, wofii hɔ kɔe. Na asem a etwa to a Paulo kae ne se, “Nokwasem na Honhom Kronkron nam Odiyifo Yesaia so ka kyereɛ mo agyanom se, **26** “Monkɔka asem yi nkyere Yudafo se, ‘Ɔte de mobete, nanso morente ase. Ɔhwɛ de mobɛhwɛ, nanso morenhu,’ **27** efise nnipa yi apirim wɔn koma; moasisiw mo aso, akatakata mo ani. Enye saa a, anka mo ani behu ade, na mo koma ate asem ase, na moanu mo ho asan aba me nkyen, na masa mo yare.” **28** Paulo kae se, “Ɛse se muhu se Onyankopɔn nkwaɔye no adu amanamanmufo no nkyen. Wobetiel!” **29** Paulo kaa saa asem yi wiei no, Yudafo no fii hɔ kɔe a na wɔregyigye wɔn ho wɔn ho akyinnye denneennen. **30** Paulo tenaa hɔ mfe abien, a na ɔte ofi a ɔno ankasa tua ho ka mu, na nnipa bebree

kɔɔ ne nkyen. **31** Na ɔde akokoduru kaa Onyankopɔn Ahenni no ne Awurade Yesu Kristo ho asem.

Romafo

1 Saa nhoma yi fi me, Paulo, Yesu Kristo somfo a woyai me se osenkafo a woasoma me se menkoka Onyankopon asempa no nkyen. **2** Wɔnam Onyankopon adiyifo so dii kan hyee asempa no ho nkɔm wɔ Apam Dedaw no mu. **3** Saa bohye yi fa ne Ba Yesu Kristo a oye yen Awurade a oba ma wɔwoo no se akokoaa too ɔhene Dawid abusua mu no ho. **4** Na Honhom Kronkron da no adi pefee se Yesu Kristo ye Onyankopon Ba, efise wonyan no fii awufo mu. **5** Enam Kristo so nti na Onyankopon ma meyeɛ ɔsomafo maa Kristo, senea nnipa nyinaa nam gyidi so beye osetie ama Onyankopon. **6** Mo a mowɔ Roma a Onyankopon afre mo se mommɛye Kristo akyidifo no nso moka ho bi. **7** Eno nti, merkeyerew mo a mowɔ Roma nyinaa a Onyankopon dɔ mo na wafre mo se mommɛye n'akyidifo no: ɔdom ne asomdwoe a efi yen Agya Onyankopon ne Awurade Yesu Kristo nka mo. **8** Ansa na meka biribiara no, menam Yesu Kristo so da me Nyankopon ase ma mo nyinaa, efise mo gyidi a mowɔ no adu wiase mmaa nyinaa. **9** Onyankopon a mede me koma nyinaa som no, na menam asempa a menam ne Ba so ka no nim se nea meka no ye nokware. Onyankopon nim se mekae mo daa. **10** Bere biara a mebo mpae no, mesre Awurade se ɔmmaa mma mintumi mmesra mo mprenpren ara. **11** Efise mepere hwehwe se mehu mo na maboa mo ama moanya Onyankopon honhom mu nhira na ahye mo den. **12** Nea mekyere ne se me ne mo nyinaa benya honhom mu ahoɔden bere koro mu a yede behye yen ho yen ho gyidi mu den. **13** Me nuanom, monkae se bere biara a meye m'adwene se merebesra mo no, na biribi abeɔ mu. Mepe se mesakra nnipa adwene wɔ mo mu senea maye wɔ amanamanmufo mu no. **14** Mo ne obiara, wɔn a wɔn ani atew ne wɔn a wɔn ani ntewee, wɔn a wɔasua ade ne wɔn a wonsuaa ade nyinaa ho asem ye m'asodi. **15** Eno nti mede m'ahoɔden a mewɔ nyinaa aboa me ho se meba mo nkyen wɔ Roma abeka Onyankopon asempa no kyere mo. **16** M'ani nwu Asempa no ho, efise eye Onyankopon tumi a ɔnam so gye wɔn a wɔwɔ gyidi nyinaa nkwa; Yudafo kan na amanamanmufo no nso. **17** Asempa no kyere yen senea Onyankopon ma yeye atreneefo, na enam gyidi so na wama yeaye saa. Senea Kyerewsem no ka no, ɔtreneeni fi gyidi mu benya nkwa. **18** Onyankopon da n'abufuw adi fi ɔsoro de tia nneɔneyeɔ nyinaa

ne nnipa a wɔde nokware no hintaw aforofo no. **19** Efise Onyankopon ada ne nokwasem no adi wɔ wɔn mu, na ɔde ne ho nimdee ahye wɔn koma mu. **20** Efi bere a Onyankopon boɔ wiase no, ne tumi a ewɔ ho daa no ne ne nyamesu no ada adi. Nnipa nam Onyankopon abode so tumi hu saa nneema yi, enti wonni anoyi biara. (aĩdios g126) **21** Wonim Onyankopon, nanso wɔmfɔ ne nidi a efata no no mma no na wɔnna no ase nso. Aye saa ma wɔn adwene mu nno na esum aduru mu. **22** Wɔka se woye anyansafo nanso woye nkwasrafo. **23** Eɛ se se wɔsom Onyankopon onuonyamfo a ɔte ho daa no, wɔfaa nnua ne abo yee ahoni te se nnomaa, mmoadoma, awɔ ne nnipa som wɔn. **24** Eno nti, Onyankopon gyaa wɔn maa afide a efi wɔn koma mu maa wɔne wɔn ho wɔn ho yee aniwude nso. **25** Wɔde Onyankopon ho nokwasem no sesaa atosẽm na wɔsom abode sen ɔboade a daa wɔkamfo no no. Amen. (aĩon g165) **26** Esiane saa nti, Onyankopon gyaa wɔn maa honam mu akɔnnɔ a eye aniwude. Na mpo wɔn mmea fa wɔn yonkonom mmea. **27** Saa ara nso na na mmarima ne mmea nna, na mmom, boɔne akɔnnɔ hyee wɔn ma wɔne wɔn ho wɔn ho dae, nam so nyaa akatua a eɛ wɔn. **28** Esiane se nnipa poo Onyankopon ho nokware no nti, wɔfaa wɔn adwemmɔne so yee nneema a enɛ se se woye mmom. **29** Amumoye ahorow nyinaa, boɔne, anibere ne nneboɔne hyee wɔn ma. Nitɔn, awudi, akasakasa, asisi ne ɔbra boɔne nso ka ho. Wodii nseku, **30** kaa nsem a emfata faa aforofo ho; wokyi Onyankopon; woyee atutuwpɛ, ahantan ne ahomaso. Na daa wodwen se wɔbeyɛ boɔne. Wɔantie wɔn awofo asem. **31** Na wonni suban; na wonni wɔn bohye so; na wonni ayamye ne ahummɔbo ma aforofo. **32** Na wonim se Onyankopon mmara kyere se nnipa a wɔtena ase wɔ saa ɔkwan no so no se owu. Nanso wonko ara anye saa afide no, na mmom wɔpenee aforofo a woyee saa boɔne koro no ara bi no so.

2 Mo a mubu aforofo aten no, munni anoyi biara. ɔkwan biara a mɔbefa so abu aforofo aten no, enam saa ɔkwan no ara so ma mode atemmu ba mo ho so. Efise boɔne a ema mubu aforofo aten no, mo nso moye saa boɔne koro no ara bi. **2** Yenim se, se Onyankopon bu wɔn a wɔte saa ara no aten a na ne kwan so ara ne no. **3** Na wo, onipa, wubu aforofo aten wɔ nneema koro no ara a woye bi no ho a, wususuw se Onyankopon remmu wo aten ana? **4** Anaase, ebia wummu n'ayamye, n'abodwokyerɛ ne ne boaseto? Wunnim se Onyankopon ye mmɔborɔhunufɔ

a ɔpe se ɔkyere wo ɔkwan a wobefa so anu wo ho? **5** Nanso esiane wo komaden ne komapirim nti, woboaboa abufuwhyew ano ma wo ho wo Onyankopɔn abufuwhyew da no, da no a ɔbɛda n'atɛntɛnee adi no. **6** Nea obiara aye no so akatua na Onyankopɔn bɛma no anya. **7** Wɔn a wɔde boasetɔ ye papa de hwehwe anuonyam, nidi ne nea ɛmporɔw no, ɔbɛma wɔn nkwa a enni awiei. (aiōnios g166) **8** Nanso wɔn a wɔye pesɛmenkominya ne wɔn a wɔpo nokware no kodi bɔne akyi no, abufuwhyew ne amanahunu beba wɔn so. **9** Yudafo ne amanamanmufo a woko so ye bɔne no nyinaa behu amane na wɔn were nso behow. **10** Nanso wɔn a wotie no no, se wɔye Yudafo anaa amanamanmufo no, wobɛnya anuonyam, nidi ne asomdwoe afi Onyankopɔn nkyɛn. **11** Onyankopɔn nye nyiyimu na ɔnye nhweanim nso wɔ n'atɛmmu mu. **12** Wɔn a wonnim mmara no na wɔye bɔne no, wobɛkwati mmara no abu wɔn atɛn ara, na wɔn a wonim mmara no na wɔye bɔne no, wɔnam mmara no so bebu wɔn atɛn. **13** ɛnye mmaratiefɔ na wɔtɛ wɔ Onyankopɔn anim, na mmom ɛye wɔn a wɔye osetie ma mmara no na wobebu wɔn bɛm. **14** Amanamanmufo no nni mmara, nanso wofi wɔn awosu mu ye nea mmara no hwehwe se wɔye a, ɛwɔ mu se wonni mmara de, nanso eyinom beye mmara ama wɔn. **15** Esiane se wɔn abrabo kyere se, nea mmara no hwehwe no, wɔkyerew wɔ wɔn koma mu no nti, wɔn ahonim di adanse se wodi bɛm anaase wɔabu wɔn fɔ. **16** Enti asɛmpa a meka no kyere se, se da no du a, saa na Onyankopɔn nam Yesu Kristo so bebu nnipa kokoamsem ho atɛn. **17** Mo Yudafo de, mususuw se mo ne Onyankopɔn te no yiye, efise ɔde ne mmara a monam so benya nkwaye no maa mo. Na moka wɔ mo anofafa nso se, moye ne nnamfonom sononko bi. **18** Munim nea Onyankopɔn hwehwe se moye. Moasua afi Mmara no mu ahu nea eye. **19** Mofa mo ho se moye akwankyerefo ma anifuraefo, na moye hann nso ma wɔn a wɔtɛ sum mu. **20** Mugye di se mubetumi akyere adwenharefo ne mmofra Onyankopɔn akwan, efise munim ne mmara a osuahu ne nokware ahye no ma no. **21** Mokyerekere afoforo. Na adɛn nti na muntumi nkyerekere mo ho mo ho? Moka kyere afoforo se wɔmmmo korɔn. Mo nso mobɔ korɔn ana? **22** Mo a moka se aguamammɔ nye. Mo nso mobɔ aguaman ana? Mo a moka se mukyi ahoni no, mobɔ korɔn wɔ hyiadan mu ana? **23** Mo a mohoahoa mo ho wɔ mmara no mu no, monam mmara no so bu so bu Onyankopɔn animtiaa ana? **24**

ɛnye nwonwa se Kyerewsem no ka se mo nti wiasɛfo kasa tia Onyankopɔn. **25** Se wɔye Yudani na wudi Onyankopɔn mmara no so a, ɛye ade a ɛsom bo. Na se moanni so a, nsonoe biara nni mo ne momonotofo ntam. **26** Se momonotofo di Onyankopɔn mmara so a, wɛremmu wɔn se Onyankopɔn nkurɔfo ana? **27** Enti momonotoni a odi mmara no so no bekasa atia mo, Yudafo a munim Onyankopɔn mmara a wɔkyerew no, nanso munni so no. **28** Fa a wode mo afa Yudasom mu atwa mo twetia, anaase Yudafo na wɔwoo mo no nkyere se moye Yudafo kann. **29** Yudani kann no ne nea ɔye no wɔ ne mu. ɛnye ɔhonam mu twetiatwa ne twetiatwa turodoo, na mmom koma mu nsakrae a efi Onyankopɔn Honhom mu ba no. Nsakrae yi mfi di a obi di mmara bi a wɔkyerew mu. Saa onipa no ayeyi mfi nnipa afoforo bi, na mmom, efi Onyankopɔn.

3 ɛno de, na Yudaniye so mfaso ne dɛn, anaase twetiatwa so wɔ mfaso bi? **2** Yiw mfaso wɔ so. Nea edi kan no, Onyankopɔn de ne nsem ahye wɔn nsa. **3** Na se ebinom nni gyidi ɛ? Gyidi a wonni no kyere se Onyankopɔn nye ɔnokwafo ana? **4** ɛnte saa kora! Se obiara ye ɔtorofo a, Onyankopɔn de, ɔye ɔnokwafo, senea wɔkyerew se, “Wudi bɛm wɔ wo kasa mu na wɔtɛ wɔ w'atɛmmu mu.” **5** Na obi beka se, “Se yen bɔne a yeye no da Onyankopɔn trenɛe adi kann a, adɛn nti na ɛse se Onyankopɔn abufuwhyew ba yen so?” (Merekasa se onipa) **6** Dabi da! Se Onyankopɔn nye ɔtreneeni a, ebeye dɛn na watumi abu wiasɛ atɛn? **7** Obi begye akyinnye aka se, “Se me nkontompo ma Onyankopɔn nokware da adi na n'anuonyam boro so a, ɛno de, adɛn nti na Onyankopɔn bu me fɔ se ɔdebɔneyeni?” **8** Ebinom nso beka se, “ɛno de, momma yenye bɔne senea biribi pa befi mu aba!” Nnipa bi mpo ka se saa asɛm yi na yɛka. Onyankopɔn bebu wɔn atɛn. **9** Afei, dɛn na yenka? Yen Yudafo ye nnipa sen amanamanmufo no ana? ɛnte saa! Makyere mu dedaw se Yudafo ne amanamanmufo nyinaa ye pɛ wɔ bɔne tumi ase. **10** Senea Kyerewsem no ka se, “Obiara nye ɔtreneeni; **11** obiara nye ɔbadwemma; na obiara nni ho a ɔhwehwe Onyankopɔn akyi kwan. **12** Nnipa nyinaa atwe wɔn ho afi Onyankopɔn ho; wɔn nyinaa aye bɔne. Obiara nni ho a ɔye papa. ɔbaako mpo nni ho.” **13** “Wɔn anom te se ɔda a abue; na wɔn tekrema ka nnaadaasɛm.” “Wɔn anofafa ka nsem a ete se ɔwɔ ano bore. **14** Nnome a ɛye hu na efi wɔn anom ba.” **15** “Wɔnam awudi so pira afoforo ntem. **16** Wode ɔsee ne awɛrɛhow ba, **17** na wonnim asomdwoe kwan.” **18**

“Na wonsuro Onyankopɔn.” **19** Yenim se biribiara a ewo mmara no mu no, wɔkyerew maa wɔn a wɔhye mmara no tumi ase. Mmara no ka eyinom senea ebeye a obiara rennya anoyi, na ama Onyankopɔn akyere se wiase nyinaa di fɔ. **20** Efise obiara nni ho a se ɔye nea mmara no hye se ɔnnye a, Onyankopɔn bebu no bem. Nea mmara no ye ara ne se, ema onipa hu se waye bone. **21** Wɔada treneeye a efi Onyankopɔn, na emfi mmara no adi. Eno na mmara no ne Adiyifo no di ho adanse. **22** Saa treneeye a efi Onyankopɔn yi nam gyidi a yewo wɔ Yesu Kristo mu. Ewo ho ma agyidifo nyinaa. Nsonoe biara nni mu. **23** Na nnipa nyinaa aye bone ama Onyankopɔn anuonyam abɔ wɔn, **24** nanso ɔnam Kristo adom nkwaye no so abu wɔn nyinaa bem. **25** Onyankopɔn somaa Kristo se ɔmfa ne ho mmebɔ afɔre mma yen. Kristo de ne mogya mae, senea ebeye a gyidi a yebenya wɔ ne mu nti wobegye yen. Saa afɔre yi ma yehu se, mmere a atwa mu no, Onyankopɔn nam boasetɔ ne adom so de bone kyee. **26** Efise na Onyankopɔn rehwe kwan na ɔde wɔn abeka nea ɔreye saa bere yi no ho. Onyankopɔn yee eyi de kyeree ne trenee, efise ɔno ankasa nye nyiyimu, na obu atɛntrenee nso, na se nneboneyefo gye Yesu di a, obu wɔn se wɔtee wɔ n’ani so. **27** Eno de, na ahohoahoa wɔ he? Biribiara nni ho! Na aden nti? Mmara no a yedi so no nti na wagye yen anaa? Dabi. Gye a ogye yen no nnyina mmara a yedi so, na mmom, egyina gyidi a yewo wɔ Yesu mu. **28** Ne tiaatwa ne se, wɔnam gyidi so na wobu onipa bem, na enye mmara a odi so no nti. **29** Onyankopɔn ye Yudafo nko ara Nyankopɔn ana? Ɔnye amanamanmufo nso Nyankopɔn bi ana? Eye nokware turodoo se ɔye amanamanmufo nso Nyankopɔn. **30** Onyankopɔn ye baako, na ɔnam gyidi nko ara a Yudafo wɔ so bebu wɔn bem. Na saa ara nso na ɔnam gyidi nko ara so bebu amanamanmufo bem. **31** Enti eyi kyere se, ese se yefa saa gyidi no so gyae Mmara no so di ana? Dabi da, na mmom, se yewo gyidi a, yefoa Mmara no adanse so.

4 Asem ben na yebeka afa yen honam fam tete agya Abraham ho? Osuahy ben na onyae? **2** Se wɔnam nneema a ɔyee so buu no bem a, anka ɔwɔ biribi a ɔde behoahoa ne ho. Nanso ɔrentumi nhoahoa ne ho wɔ Onyankopɔn anim. **3** Kyerewsem no kyere yen se, “Abraham gyee Onyankopɔn dii; na eno so na enam maa Onyankopɔn gyee no se ɔtreneeni no.” **4** Onipa a ɔye adwuma no fata n’akatua; ense se wobu n’akatua no se akyede, na mmom, eye biribi a waye

ho adwuma anya. **5** Enye nnwuma bi a onipa ye na ebema Onyankopɔn abu no bem. Onyankopɔn gye nneboneyefo to mu, efise wɔwɔ gyidi wɔ ne mu. **6** Dawid ka asem koro no ara se nhyira a efi Onyankopɔn nkyen ba onipa a Onyankopɔn agye no ato mu so. Saa nhyira yi mfi nnipa nnwuma mu. Eno nti Dawid kae se: **7** “Nhyira ne wɔn a wɔde wɔn amumoye akye wɔn, na wɔakata wɔn bone so. **8** Nhyira nka onipa a Awurade mmu ne bone ngu ne so da.” **9** Saa anigye a Dawid ka ho asem no wɔ ho ma twetiatwafo nko ana? Dabi. Ewo ho ma wɔn nso a wontwaa twetia no; efise yeakenkan afi Kyerewsem no mu se, “Abraham gyee Onyankopɔn dii, na esiane ne gyidi nti, Onyankopɔn gyee no se ɔtreneeni.” **10** Bere ben na saa asem yi sii? Esii ansa na wɔretwa Abraham twetia anaa Abraham twetiatwa no akyi na esii? Esii ansa, na enye twetiatwa no akyi na esii. **11** Akyiri yi na wotwaa no twetia na ne twetiatwa no ye nsenkyerenne a ekyerɛ se, na Onyankopɔn agye no se ɔtreneeni ansa na wɔretwa no twetia. Enti Abraham ye Honhom mu agya ma wɔn a wogyɛ Onyankopɔn di nyinaa na wagye wɔn se atreneefo a wontwaa wɔn twetia nso. **12** Saa ara nso na Abraham ye agya ma obiara a wɔatwa no twetia na ɔwɔ gyidi senea na Abraham wɔ gyidi ansa na wɔretwa no twetia no. **13** Enye mmara no so na wɔnam hyee Abraham ne n’asefo bɔ se wobeye wiase adedifo, mmom enam trenee a efi gyidi mu so. **14** Se wɔn a wodi Mmara so ye adedifo a, eno de na gyidi nka hwee, na bɔhye no nso so nni mfaso, **15** efise mmara de abufuwhyew ba. Na se mmara nni ho a, mmarato nni ho. **16** Enti bɔhye no fi gyidi mu senea ebeye a ebefi adom mu na ebetena ho ama Abraham asefo nyinaa; enye wɔn a wɔwɔ mmara no ase nko ara, na mmom wɔn a wɔwɔ gyidi se Abraham nso. Ɔye yen nyinaa agya. **17** Senea wɔkyerew no, “Maye wo aman bebreɛ agya.” Onyankopɔn kaa saa, efi se, Abraham gyee Onyankopɔn a ɔma awufo nya nkwa, na ɔye nneema foforo fi nea enni ho mu dii. **18** Bere a anidaso asa no, Abraham nyaa anidaso gye dii, enti ɔbeyee aman bebreɛ so agya, senea na wɔaka akyere no se, “Saa na w’asefo beye” no. **19** Abraham gyidi anhinhim bere a na ɔreyɛ adi mfe ɔha no mpo. Na onim nso se ɔregye nna awu, na ne yere Sara nso rentumi nwo mma. **20** Nanso ne gyidi anhinhim, na wannye Onyankopɔn bɔhye no ho akyinnye. Ɔhyee ne gyidi mu den de anuonyam maa Onyankopɔn. **21** Na ogye dii yiye se Onyankopɔn betumi aye nea

wahye ho bo no. 22 Eyi nti wobuu no se trenee maa no. 23 Wokyereɔ se, “Wobuu no se trenee maa no” no, wɔankyereɔ amma ɔno nko ara. 24 Na mmom wokyerew maa yen nso a Onyankopɔn bebu yen se atreneefo, yen a yegye nea onyan Yesu, yen Awurade fii awufo mu di no. 25 Yen bone nti, woyii no maa owu, na wonyan no maa yen bembu.

5 Afei a enam gyidi so ama Onyankopɔn abu yen bem no, yenam Awurade Yesu Kristo so anya Onyankopɔn asomdwoe. 2 Onam gyidi so de yen aba Onyankopɔn adom a yete mu mprenpren no mu. Yen ani gye wo anidaso mu se yebenya Onyankopɔn anim anuonyam. 3 Enye eno nko, na mmom, yewo yen haw mu anuonyam nso, efise yenim se ohaw de boaseto ba, 4 na boaseto de osuahu ba, na osuahu nso de anidaso ba. 5 Saa anidaso yi renni yen nhuammɔ, efise Onyankopɔn nam Honhom Kronkron a eye n’akyede a ɔde ama yen no so ahwie ne do agu yen koma mu. 6 Bere a ese mu, bere a yeɛ mmerew no, Kristo wu maa amumoyefo. 7 Na ebeye den se obi bewu ama nea ɔye onipa trenee mpo, na nea ɔye onipa pa no de, ebia obi besi ne bo awu ama no. 8 Nanso Onyankopɔn da ne do adi wo eyi mu se, bere a yeɛ nneboneyefo no, Kristo wu maa yen. 9 Esiane se wɔnam ne mogya no so abu yen bem no nti, wɔnam ne so begye yen afi Onyankopɔn abufuwhyew mu. 10 Na se bere a yeɛ atamfo mpo Onyankopɔn de ne Ba no wu ye mpatade maa yen a, saa mmere yi a yene Onyankopɔn wo ayɔnkofa yi de, yenim se ɔnam ne Ba no so begye yen nkwa. 11 Enye eyi nko, mmom yenam Awurade Yesu Kristo a ne mu na yeanya mpata no so hoahoa yen ho wo Onyankopɔn mu. 12 Bone nam onipa baako so na ebɔa wiase, na ne bone no de owu bae. Eno nti owu treɔ baa nnipa nyinaa so, efise wɔn nyinaa ye bone. 13 Na bone wo ho ansa na wode mmara no reba. Nanso mmara nni ho a, wommu bone ho akontaa. 14 Nanso efi Adam bere so kosi Mose bere so no, owu dii nnipa nyinaa so kosii wɔn mpo a wɔanye bone so, senea Adam de, ɔye asoɔden kyere Onyankopɔn no. ɔkwan bi so no, Adam ye Kristo, nea na ɔrebeba no, seso. 15 Nanso wɔn baanu no nyinaa nye pe, efise Onyankopɔn akyede a ɔde kye kwa no nte se Adam bone no. Eye nokware se esiane saa onipa baako no bone nti, nnipa pii wuwui. Nanso Onyankopɔn adom no doaso; eno nti na ɔnam onipa baako a ɔne Yesu Kristo adom so dom bebre kwa no. 16 Bio, Onyankopɔn akyede no nte se nsunsuanso a efi onipa baako bone mu bae no.

Atemmu no nam bone baako so de afobu bae, nanso bone bebre akyi no, akyede no de bembu bae. 17 Se enam onipa baako bone so na owu dii hene a, eno de wɔn a wonya adom mmoroso ne trenee akyede no nam onipa baako a ɔne Yesu Kristo so bedi hene wo nkwa mu. 18 Enti senea onipa baako pe bone a ɔye no ma wobuu nnipa nyinaa fo no, saa ara nso na trenee nneyee baako ma wobuu nnipa nyinaa bem, ma yenyaa nkwa. 19 Na senea enam ɔbaakofo asoɔden so nti nnipa nyinaa ye nneboneyefo no, saa ara nso na onipa baako setie nti wobeye bebre atreneefo. 20 Woyee mmara no, senea ebeye a bone beda adi pefee; nanso mpen dodow a bone doaso no, adom no doaso mmoroso, 21 enti senea bone di nnipa so de wɔn ko owu mu no, saa ara na adom no nam trenee so de daa nkwa a ewo Yesu Kristo, yen Awurade mu beba no. (aiḡnios g166)

6 Afei, asem ben na yebeka? Yebeko so atena bone mu, senea ebeye a adom bedaso ana? 2 Ente saa kora! Yeawu ama bone, na aden nti na ese se yeko so tena bone mu? 3 Ana munni se bere a wɔboɔ yen nyinaa asu hyee Kristo Yesu mu no, wɔboɔ yen asu hyee ne wu mu? 4 Bere a wɔboɔ yen asu no, yewui na wosiee yen ne Kristo. Senea Agya Onyankopɔn nam n’anuonyam so nyan Kristo fii awufo mu baa nkwa mu no, saa ara nso na mprenpren yete ase wo nkwa foforo mu. 5 Na se yene no aye koro wo ne wu mu a, wɔbɛfa saa ɔkwan koro no ara so anyan yen aba nkwa mu, na yene no aye baako. 6 Yenim se wɔboɔ yen nipadua dedaw no ne Kristo asennua mu. Woyee eyi senea nipadua dedaw a eye bone no renye bone nkoa bio, 7 efise se onipa wu a, na wɔayi no afi bone tumi ase. 8 Se yene Kristo awu a, yewo gyidi se yene no betena. 9 Efise yenim se wɔanyan Kristo afi owu mu, na ɔrenwu bio. Owu nni ne so tumi bio. 10 Ne wu a owui no ye owupreko maa bone, na n’ase a ɔte yi, ɔte ma Onyankopɔn. 11 Eno nti saa ɔkwan koro ara so na ese se mofa mo ho se moawu ama bone, na motena ase ma Onyankopɔn wo Kristo Yesu mu. 12 Ense se bone di mo nipadua a ewui no so na amma mo anye bone. 13 Saa ara nso na ense se mugyaw mo honam akwaa biara ma bone se nneema a wode di amumoyesem. Na mmom momfa mo ho mma Onyankopɔn se nnipa a wɔanyan mo afi owu mu aba nkwa mu. Momfa mo ho nyinaa mma no, na ɔmfa mo nye trenee nnwuma. 14 Ense se bone di mo so, efise monhye mmara ase, na mmom mohye adom ase. 15 Den bio? Esiane se

yenhye mmara ase na yehye adom ase no nti, ese se yekɔ so ye bɔne ana? Dabi da. **16** Munnim se, nea mutie no ara na ne nkoa ne mo anaa? Se eye bɔne a ede kɔ owu mu, anaase osetie a ede kɔ trennee. **17** Nanso yeda Onyankopɔn ase. Efise bere bi a atwa mu a na moye bɔne nkoa no, mode mo koma nyinaa tiee nkyerekyerɛ a wɔde maa mo no. **18** Wɔagyɛ mo afi bɔne mu ama moabeyɛ nkoa ama trennee. **19** Esiane mo nipasu nti, mede nkoasom ho mfonitwa reboa mo ama moate eyinom nyinaa ase. Senea mmere bi mode mo ho nyinaa maa se afide ne amumɔyɛsem nkoa no, afei de momfa nye nkoa mma trennee nkɔ kronkronye mu. **20** Bere a na moye bɔne nkoa no, na trenneeyɛ nni mo so tumi. **21** Moyɛɛ nneyɛɛ a afei de mo ani wu wɔ ho no, mfaso ben na munyae? Nea ekowiei ne owu. **22** Nanso mprenpren wɔagyɛ mo afi owu mu ama moabeyɛ Onyankopɔn nkoa. Mfaso a munya wɔ mu no kɔ kronkronye mu, na nea efi mu ba ye nkwa a enni awiei. (aiōnios g166) **23** Na bɔne so akatua ye owu, nanso Onyankopɔn akyɛde ye nkwa a enni awiei, wɔ Kristo Yesu yen Awurade mu. (aiōnios g166)

7 Me nuanom, munim se esiane se mo nyinaa nim mmara no nti, mote nea mepe se meka no ase se; mmere dodow a onipa te ase no, mmara di ne so ana? **2** Te se ɔbea warefo, mmere dodow a okunu no te ase no de, ɔhye ne kunu mmara ase, na se okunu no wu de a, na ɔnhye ne kunu mmara ase bio. **3** Eno nti se ɔkɔ ɔbarima foforo ho wɔ bere a ne kunu te ase a, wɔfre no ɔwaresefo; na se ne kunu no wu a na ɔnhye saa mmara no ase bio; eno nti se ɔware ɔbarima foforo a, ɔnye ɔwaresefo. **4** Afei me nuanom, mo nso, Kristo wu a owui nti moawu afi mmara no tumi ase. Ne saa nti, mone ɔno a wonyan no fii awufo mu abom senea mobetumi asom Onyankopɔn. **5** Bere a na yete ase ma yen ho no, yen bɔne su nam mmara no so kanyan yen wɔ yen mu ma yeyɛɛ adwuma maa owu. **6** Afei de, yenhye mmara biara ase efise yewu fii nea ɛkyekyerɛ yen se nneduafo no ase. Afei de, yenhye mmara biara a wɔakyerɛw no dedaw ase bio, na mmom yenam honhom foforo kwan so na esom. **7** Enti asem ben na yenka? Mmara no ye bɔne ana? Dabi da! Mmom, enam mmara so na mihuu senea bɔne te. Se enye mmara no na ɛkaa se, “Mma w’ani mmere obi ade” a, anka minnim anibere. **8** Bɔne nyaa kwan nam mmara nsem no so kekaa ne ho wɔ me mu, maa m’ani beree nneema ahorow bebre. Se mmara no nni ho a, bɔne

nso nni tumi. **9** Ansa na mehu mmara no na mewa nkwa. Nanso mmaransem no bae no, metee bɔne ase, na miwui. **10** Mihuu se mmaransem a anka ede nkwa beba no, de owu bae. **11** Bɔne nam mmaransem no so nyaa kwan daadaa me; enam mmaransem no so maa bɔne kum me. **12** Nanso mmara no ye kronkron; na Mmaransem no nso ye kronkron, etee na eye nso. **13** Ade a eye no beyee owu maa me ana? Dabi da! Nanso senea ebeye a yebehu bɔne se bɔne no, ɛfaa nea eye so de owu breɛ me. Enti bɔne nam mmaransem so maa me huu se bɔne ye ade a eye hu. **14** Yenim se mmara no ye honhom mu ade nanso meye ɔhonam muni a wɔatɔn me se akɔa ama bɔne. **15** Mente nea meye ase; efise menyɛ nea ese se meye na mmom, meye nea mikyi. **16** Se meye nea mɛmpe se meye a, na ɛkyere se mepene so se mmara no ye. **17** Senea ete no, enye m’ankasa na meye eyi; na mmom bɔne a ete me mu no. **18** Minim se ade pa biara nte me mu, me bɔne nipasu yi mu. Efise mepe se meye nea eye nanso mintumi nye. **19** Papa a mepe se meye no, menyɛ; mmom bɔne a mɛmpe se meye no na meye. **20** Se meye nea mɛmpe se meye a, na ɛkyere se enye me na meye, na mmom eye bɔne a ete me mu no. **21** Mmara no ama mahu se biribi te me mu a ɛmma mennye nea minim se eye. **22** Me koma nyinaa mu, migye Onyankopɔn mmara to mu. **23** Nanso mifi m’akwaa nyinaa mu hu se biribi ne m’adwene di aperepere, ɛma meye bɔne akɔa, na eno na ɛhye me ma meye biribiara. **24** Minni ahoto! Hena na obegye me afi saa ɔhonam a ede me rekɔ owu mu yi mu? **25** Menam yen Awurade Yesu Kristo so meda Onyankopɔn ase. Na afei m’ankasa m’adwene mu no, meye akɔa ma Onyankopɔn mmara, nanso bɔne nipasu mu no, meye akɔa ma bɔne.

8 Enti afɔbu nni ho ma wɔn a wɔwɔ Kristo Yesu mu, **2** efise Honhom Kronkron no ama mo nkwa a efi Kristo Yesu nkyɛn, na agye mo afi mmara a ede owu ba. **3** Esiane ɔhonam mmereɛwɛ nti, Mose Mmara no antumi annye yen. Enti Onyankopɔn yɛ nea Mmara no antumi anyɛ. ɔnam n’ankasa ne Ba a ɔsɔmaa no wɔ onipa bɔnesu so no ba bebɔwɔ afɔre maa yen, na obebuu bɔne atɛn de pepaa yen bɔne. **4** Onyankopɔn yɛ eyi, senea ebeye a Kristo beyɛ Mmara no asede ama yen, yen a yennantew ɔhonam fam, na mmom yennantew honhom mu no. **5** Wɔn a ɔhonam mmereɛwɛ hye wɔn so no dwene bɔne nko ara ho.

Wɔn a wɔnam Honhom mu no dwene Honhom de. 6 Wɔn a wɔwɔ ɔhonam mmerɛwɛ adwene no bewu. Wɔn nso a wɔnam Honhom mu no benya nkwa ne asomdwoe. 7 Adwene a ɛdwene ɔhonam mu no tan Onyankopɔn, efise emmre ne ho ase mma Onyankopɔn mmara; na mpo ɛrentumi. 8 Wɔn a wodwen ɔhonam mu no rentumi nso Onyankopɔn ani. 9 Se Onyankopɔn Honhom te mo mu a, enye ɔhonam mmerɛwɛ na edi mo so. Na se obi nni Kristo Honhom a, onye Kristo dea. 10 Ewɔ mu se bɔne bɛma mo nipadua yi awu de, nanso se Kristo te mo mu a, ne trennee nti mo honhom te ase. 11 Se Onyankopɔn Honhom a onyan Yesu fii awufo mu no te mo mu a, eno de, nea onyan Kristo fii awufo mu no nso nam ne Honhom a ewɔ mo mu no so bɛma mo nipadua a ewu yi nso nkwa. 12 Enti anuanom, yewɔ asodi bi, nanso yenye mma ɔhonam no senea ɔpe. 13 Se motena ase ma ɔhonam a, mubewu. Nanso se moma Honhom no kum bɔne a nipadua no ye a, mubenya nkwa. 14 Wɔn a Onyankopɔn Honhom di wɔn so no ye Onyankopɔn mma. 15 Efise moannya honhom a ɛma mo ye nkoa bio ma osuro, na mmom moanya mmaye Honhom na yenam ne so su se, “Abba, Agyal!” 16 Na Honhom no ankasa ne yen honhom di adanse se yeye Onyankopɔn mma. 17 Esiane se yeye Onyankopɔn mma nti yeye adedifo; Onyankopɔn adedifo a yene Kristo wɔ kyefa wɔ mu, nanso gye se yene no kye n’amanehunu ansa na yene no akye n’anuonyam no. 18 Minim se amane a yerehu no saa bere yi nye nea wɔde toto anuonyam a wɔbehye yen no ho. 19 Abɔde nyinaa de anigyina rehwe da a Onyankopɔn mma beda wɔn ho adi no kwan. 20 Efise bere a emfi abɔde pe mu no, wɔnam Onyankopɔn tumi mu buu abɔde fo se ennan ade hunu. Nanso na saa anidaso yi wɔ ho 21 se, da bi, abɔde no bede ne ho afi nkoaye ne ɔporɔw mu na ene Onyankopɔn mma anya ahofadi mu anuonyam. 22 Yenim se ebese saa bere yi abɔde nyinaa pene se ɔpemfo a awo aka no. 23 Nanso enye abɔde nko, na yen a yewɔ Onyankopɔn Honhom se Onyankopɔn akyede no nso si apini bere a yeretwen se Onyankopɔn de yen beye ne mma. Eyi kyere se yebede yen ho wɔ ɔhonam fam nso. 24 Na wɔnam saa anidaso yi so gyee yen nkwa. Se yehu nea yen ani da so no de a, na enye anidaso bio. Na hena na n’ani tumi da ade a ɔwɔ dedaw so? 25 Na se yen ani da ade a yen nsa nkae so a, yede boaseto twen. 26 Saa ara na Honhom no boa yen wɔ yen mmerɛwɛ mu, efise, yennim ɔkwan a wɔfa so bo mpae senea

ɛse. Honhom no ankasa de apinisi de nsem a enni kabea di ma yen. 27 Onyankopɔn a ohu nnipa koma mu no nim Honhom no nsusuwii, efise Honhom no nam Onyankopɔn pe so di ma Onyankopɔn mma wɔ n’anim. 28 Yenim se ade nyinaa mu no Onyankopɔn di boa wɔn a wɔdɔ no ma ewie wɔn yiye. Edi boa wɔn a ɔnam n’atirimpɔw so afre wɔn. 29 Wɔn a Onyankopɔn ayi wɔn dedaw no, ɔde wɔn asi ho se wɔnye se ne Ba no, na ne Ba no aye anuanom pii mu abakan. 30 Onyankopɔn frɛe wɔn a oyii wɔn sii ho no, na wɔn a oyii wɔn no, obuu wɔn bem. Na wɔn a obuu wɔn bem no, ɔhyee wɔn anuonyam nso. 31 Afei, asem ben; den na yebeka afa eyinom ho? Onyankopɔn wɔ yen afa a, hena na ɔne yen bedi asi? 32 Nea wankame n’ankasa ne Ba, na mmom yen nyinaa nti oyii no mae no, ebeye den na ɔmfa ade nyinaa nso nka ne ho mmɛdom yen? 33 Hena na obebu wɔn a Onyankopɔn ayi wɔn no aten? Onyankopɔn nko na obu bem. 34 Hena na obu fo? Kristo Yesu ne nea owui na wonyan no na ɔte Onyankopɔn nifa so di ma yen wɔ Onyankopɔn anim no. 35 Hena na obetumi atetew ɔdɔ a ɛda yene Kristo ntam no mu? Ahohia anaa ahometew anaa ɔtaa anaa ɔkom anaa adagyaw anaa amanenya anaa owu na ebetumi atetew ɔdɔ a ɛda yene Kristo ntam no mu no ana? 36 Dabi da! Wɔakyerew se, “Wo nti wokum yen daa nyinaa; wobu yen se nguan a wɔrekokum wɔn.” 37 Nanso eyinom nyinaa mu no, yenam nea ɔdɔw yen no so di nkonim boro so. 38 Migye di ampa se owu anaa nkwa anaa abɔfo anaa atumfo anaa nneema a ewɔ ho anaa nneema a erebeba anaa tumi 39 anaa ɔsoro anaa fam anaa abɔde foforo biara rentumi ntetew yen ne Onyankopɔn dɔ a ewɔ Kristo Yesu, yen Awurade, mu no mu da.

9 Mereka nokware se Okristoni, na m’ahonim a Honhom Kronkron di no adanse kyere me se minni atoro. 2 Midi awerehow na mete daa yaw wɔ me koma mu ma me nkurofo. 3 Wɔn nti anka mepɛ se Onyankopɔn nnome ba me so na ɔtew me fi Kristo ho. 4 Wɔye Onyankopɔn manfo a wɔayi wɔn de wɔn aye ne mma de wɔn asan atena n’anuonyam mu. ɔne wɔn yee apam no na ɔde mmara no maa wɔn; ɔkyeree ɔkwan pa a wɔfa so som maa wɔn nsa kaa bɔhye no. 5 Wɔye tete agyanom asefo, na esiane se Kristo baa onipasuu mu nti ɔye wɔn aseni. Ayeyi nka Onyankopɔn a ɔye ade nyinaa so tumfo no daadaa. Amen. (aion g165) 6 Menka se Onyankopɔn bɔhye no amma mu, efise enye Israelfo nyinaa na Onyankopɔn ayi wɔn se ne manfo.

7 Saa ara nso na enye Abraham asefo nyinaa na woye Onyankopon mma. Onyankopon ka kyeree Abraham se, “Enam Isak so na w’ase betrew.” 8 Eyi kyere se enye won a woye Abraham mma, na mmom won a wonam Onyankopon bɔhye so woo won no na woye Abraham asefo turodoo. 9 Onyankopon nam saa bɔhye nsem a eka se, “Ampa ara, mesan aba wo nkyen bio bere a ese mu no, na wo yere Sara awo ɔba” no so na ehyee saa bo no. 10 Enye eyi nko. Rebeka mma baanuu no nyinaa fii agya koro a ɔne yen agya Isak. 11 Na senea ebeye a Onyankopon nam ɔba baako so bema ne pe ada adi no nti, 12 ɔka kyeree Rebeka se, “Ɔpanyin no besom akumaa no.” Ɔkaa eyi ansa na ɔrewo won ama wɔaye papa anaa bone. Enti na Onyankopon pe no gyina ne fre a ɔfreɛ won no so, na enye won nneyee so, 13 senea Kyerewsem no ka se, “Medɔ Yakob na metan Esau” no. 14 Afei asem ben na yebeka? Se Onyankopon nye ɔnokwafo ana? Dabi da! 15 Efise, ɔka kyeree Mose se, “Nea mepe se mihu no mmɔbo no, mehu no mmɔbo, na nea mepe se meye no adɛe nso, meye no adɛe.” 16 Eyi kyere se, ennyina nea obi pe so anaa ne nnwuma so, na mmom egyina Onyankopon ahummɔbo so. 17 Kyerewsem no mu, Onyankopon ka kyeree Farao se, “Eyi ara nti na misii wo hene nam so daa me tumi adi, senea ebeye a, me tumi beda adi wo mmaa nyinaa.” 18 Eno de, Onyankopon hu nea ɔpe se ohu no mmɔbo biara no mmɔbo, na nea ɔpe se ɔma no ye asoɔden nso ɔma no ye saa. 19 Afei obi bebisa se, “Se yentumi nsiw Onyankopon pe ho kwan a, aden nti na ɔbo yen sobo?” 20 Onua, wone hena a wubetumi akasa akyere Onyankopon? Kuku mmisa ne nwemfo se, “Aden nti na wonwen me se?” 21 Ɔnwemfo no wo ho kwan se ɔde dote no nwen nea ɔpe biara. Otumi nwen nkuku abien fi dote mu, na ɔde mu baako adi dwuma titiriw bi, na ɔde baako no nso aye nea ɔpe biara. 22 Saa ara na ade biara a Onyankopon aye no te. Ɖpee se ɔda n’abufuw adi na ɔma wohu ne tumi. Nanso ɔtɔɔ ne bo ase maa won a anka ofi n’abufuwhyew mu rebesee won no. 23 Ɖyee eyi de kyeree senea n’anuonyam no te, bere a onyaa ayamhyehye maa won a wayi won dedaw se wɔmmeye n’anuonyam no fafafo. 24 Enye won a wɔfreɛ won fii Yudafo mu nko ara, na mmom amanamanmufo nso. 25 Wɔka wo Hosea nhoma mu se, “Mefre won a wɔnye me nkurofo no ‘me nkurofo,’ na nea ɔnye me dɔfo no mefre no ‘me dɔfo,’” 26 na “Beae koro no ara a wɔka kyeree won se, ‘Monnye me nkurofo’ no, eho ara na

wɔbefre won se ‘Onyankopon teasefo no mma.’” 27 Na Yesaia dii Israelfo ho yaw se, “Se Israelfo dɔɔso se mpoano nwea mpo a, won mu kakraa bi na wobegye won nkwa. 28 Efise Awurade beye ntem, na senea ete biara no, ɔbeye nea wabo ho kɔko se ɔbeye wo asase so no.” 29 Yesaia nso kae se, “Se Asafo Awurade annyaw yen asefo a, anka yeaye se Sodom, na yeadan aye se Gomora.” 30 Afei asem ben na yebeka bio? Yebeka se amanamanmufo a wɔanhwehwe trennee akyi kwan no nam gyidi so yee atreneefo; 31 Nanso Israelfo a wɔpee se wonam mmara so di so no besɔ Onyankopon ani mpo, Onyankopon annye won anto mu. 32 Aden nti na ebɔa saa? Efise wɔpee se wonam mmara so di so so Onyankopon ani, nanso anka ese se wonya gyidi wo Onyankopon mu mmom. Wohintiw “hintibo” no. 33 Senea wɔakyerew se, “Hwe, Mede ɔbo a ema nnipa hintiw ato Sion ne ɔbotan a ema wɔhwe ase, na nea ɔde ne ho to no so no anim rengu ase da.”

10 Anuanom, nea me koma pere hwehwe ye me mpae a mebo sre Onyankopon ma Israelfo se wobonya nkwaɓye. 2 Metumi adi won ho adanse se woye nnipa a wɔde mmɔdemmo som Onyankopon senea ese. Nanso won som no mfi nimdee mu. 3 Wɔammu trennee a efi Onyankopon no, na mmom wɔpee se wɔfa won ankasa nimdee so. Eyi amma wɔamfa won ho anhye Onyankopon pe a ɔnam so ma onipa wie peye no ase. 4 Kristo ne mmara no awiei, enti obiara a ogye di no beye ɔtreneeni. 5 Mose kyeree se, se onipa di mmara no so a, obetumi asɔ Onyankopon ani, bere a ɔkyerew se, “Se obi pe se onya nkwa a, ɔnye nea mmara no ka no nyinaa.” 6 Nanso won a won gyidi nti Onyankopon agye won no, mmisa wo won koma mu se, “Hena na ɔbekɔ ɔsoro akɔfa Kristo aba?” 7 Na wɔremmisa nso se, “Hena na ɔbekɔ awufo asase so akonyan no aba nkwa mu?” (Abyssos g12) 8 Nea Kyerewsem no ka ni: “Onyankopon asem no aben wo, ɛda w’ano na ewo wo koma mu.” Eyi ne asem a efa gyidi ho a yeaka no. 9 Se wɔpae mu ka se, “Yesu ne Awurade,” na wugye di se Onyankopon na onyan no fii awufo mu a, wobegye wo nkwa. 10 Na yefi koma mu gye di na wɔabu yen bem, na yede yen ano pae mu ka na yeanya nkwaɓye. 11 Na Kyerewsem no ka se, “Obiara a ɔde ne ho to ne so no, n’anim rengu ase.” 12 Nsonoe biara nni Yudani ne Amanamanmuni ntam. Awurade baako no ye Awurade ma won nyinaa na ohyira won a wosu fre no. 13 Senea Kyerewsem no ka se, “Obiara a ɔbekɔ Awurade din no benya nkwa.” 14

Ɛbɛyɛ dɛn na nnipa benya gyidi wɔ Awurade mu na wɔabisa no nkwaɣyɛ? Na ɛbɛyɛ dɛn na wɔatɛ? Gye sɛ obi ka kyere wɔn. **15** Na sɛ wɔansoma wɔn nso a, wɔbɛyɛ dɛn na wɔaka Asempa no? Sene a wɔakerɛw sɛ, “Wɔn a wɔdɛ Asempa no reba no anan yɛ fɛ.” **16** Nanso ɛnyɛ wɔn nyinaa na wɔagyɛ Asempa no adi, sene a Yesaia kae sɛ, “Awurade, hena na wagye yen asenka adi?” **17** Ɛno de, na gyidi no fi asem no tie mu, nea yete fi Asempa a efa Kristo ho no mu. **18** Nanso mibisa sɛ: Wɔante ana? Mmom wɔtee: “Wɔn nne akodu asase so mmaa nyinaa, na wɔn nsem nso akodu asase ano.” **19** Mibisa bio sɛ, Israelfo ante ase ana? Nea edi kan, Mose ka sɛ, “Mɛma moatwe aman a wɔnyɛ me man mpo ho ninkunu. Mede ɔman a wonni ntease bɛhyɛ mo abufuw.” **20** Na Yesaia de akokoduru ka sɛ, “Wɔn a wɔnhwehwe me no huu me; medaa me ho adi kyereɛ wɔn a wommisaa m’ase no.” **21** Na nea ɔka faa Israelfo ho ne sɛ, “Da mu nyinaa matrɛw me nsa mu ama nnipa a wɔyɛ asoɔden ne nyiyiano.”

11 Afei mibisa sɛ, Onyankopɔn atow ne man akyene ana? Dabi da. M’ankasa meye Israelni na meye Abraham aseni a mifi Benyamin abusua mu. **2** Onyankopɔn ampo ne nkurofo a oyii wɔn mfiase no. Munim nea Kyerɛwsem no ka fa Elia ho sene a ɔkasa tiaa Israelfo wɔ Onyankopɔn anim sɛ, **3** “Awurade, wɔakum w’adiyifo na wɔadwiriw w’afɔremuka, na me nko na maka a wɔpɛ sɛ wokum me.” **4** Mmuɛ ben na Onyankopɔn de maa no? Onyankopɔn kae sɛ, “Mewɔ nnipa mpem ason a wɔnsom ɔbosom Baal.” **5** Saa ara nso na ete nne. Nnipa kakraa bi wɔ ho a Onyankopɔn nam ne dom so ayi wɔn. **6** Yi a wayi wɔn no gyina n’adom so na ɛnyɛ wɔn nnwuma so. Na sɛ Onyankopɔn yi a oyi nnipa no gyina wɔn nnwuma so a, ɛno de na adom no nye adom turodoo. **7** Ɛno de na ɛne dɛn? Nea Israelfo tiw akyi hwehwee no, wɔn nsa anka, na mmom kakraa a Onyankopɔn ayi wɔn no de, wɔn nsa kae. Wɔn a wɔaka no pirim wɔn koma **8** sene a Kyerɛwsem no ka sɛ, “Onyankopɔn maa wɔn honhom a ɛyɛ bɔtee, ani a ɛmma wonhu ade aso a ɛmma wɔntɛ asem, de besi nne.” **9** Na Dawid ka sɛ, “Ma wɔn didipon a esi wɔn anim nyi wɔn sɛ afiri na wɔnhwehwe ase na wɔntwe wɔn aso! **10** Ma wɔn ani so nye wɔn kusuu na wɔanhu ade; na wɔn akyi nkuntun afeɔɔ.” **11** Afei mibisa sɛ, bere a Yudafo yɛɛ bɔne no, ɛde wɔn kɔɔ ɔsee mu ana? Dabi! Amanamanmufo nam Yudafo no bɔne a wɔyɛɛ no so nyaa nkwaɣyɛ. Eyi maa Yudafo no twee wɔn ho ninkunu. **12** Yudafo

no bɔne a wɔyɛɛ no de nnɛpa brɛɛ wiase na wɔn honhom mu hia a wodii no nso de ahonya brɛɛ amanamanmufo. Na ɛba sɛ Yudafo no mu bebrɛɛ beka wɔn ho a nhyira mmoroso ben na ɛremma? **13** Afei merekasa akyere mo amanamanmufo: Esiane sɛ meye amanamanmufo ɔsomafo nti, mehoahoa me ho wɔ adwuma a wɔdɛ ahyɛ me nsa no ho. **14** Sɛ ebetumi a, mɛma wɔn a wɔyɛ me nuanom Yudafo no kɔn adɔ nea mo amanamanmufo nsa aka yi bi, na wɔnam so agye wɔn mu bi nkwa. **15** Na sɛ wɔn po a wɔpoo wɔn no ama Onyankopɔn ne wiasefo aka abɔ mu a, ɛno de sɛ Onyankopɔn twe wɔn bata ne ho a ɛbɛyɛ dɛn? Ɛbɛyɛ nkwa ama awufo. **16** Sɛ wɔdɛ brodo sin ma Onyankopɔn a, ɛno de, na ne mu nyinaa yɛ ne dea. Saa ara nso na sɛ dua no ntin yɛ kronkron a, ne mman no nyinaa nso yɛ kronkron. **17** Wɔapɛnpan ngodua a wɔahyɛ da adua no mman no bi agu, na wɔdɛ ngodua a wɔanhɛ da annua no mman abɛhyɛ n’anan mu. Mo amanamanmufo no te sɛ ngodua a wɔanhɛ da annua, nanso afei de, mo ne Yudafo no nyinaa nya Onyankopɔn dom a wɔdɛ adom wɔn no pɛ. **18** Nanso monhwɛ yiye na moanhoahoa mo ho sɛ wɔdɛ mo asi mman a wɔapɛnpan no anan mu. Monkae sɛ moyɛ mman keke, na monyɛ ntin. **19** Na mobɛka sɛ, “Eye, wobubuu mman no sɛ wɔmfɛ me nsi wɔn anan mu.” **20** Yiw, nanso monkae sɛ wɔpɛnpan saa mman a ɛyɛ Yudafo no, efise wɔannye Onyankopɔn anni, na mugyɛ di nti na mowɔ ho. Mommma mo ho so, na mmom munsuro nea ebetumi asi. **21** Na sɛ Onyankopɔn amfa Yudafo a wɔtɛ sɛ ngodua pa mman no bɔne ankyɛ wɔn a, mususuw sɛ ɔdɛ mo bɔne bɛkyɛ mo ana? **22** Enti monhwɛ Onyankopɔn ayamyɛ ne ne denyɛ. Ɔyɛ dɛn wɔ wɔn a wɔyɛɛ asoɔden no so, nanso ne yam ye ma mo wɔ bere a mode mo ho ato n’ayamyɛ so. Na sɛ moamfa mo ho anto no so a, saa ara na wɔbɛpɛnpan mo. **23** Na sɛ Yudafo no gye di bio a, Onyankopɔn besan de wɔn ayɛ dua no mman bio. Obetumi ayɛ saa. **24** Na sɛ Onyankopɔn pɛɛ sɛ ɔdɛ mo a moyɛ wuram ngodua mman befam dua papa a ɔno ankasa adua ho de, anka ɛmfɛ ɔkwan mu a, ɛno de, ɔbɛpɛ no mmoroso sɛ ɔdɛ Yudafo no befam dua a ɛyɛ wɔn ankasa de no ho. **25** Me nuanom, ahintasɛm bi wɔ ho a mɛpɛ sɛ mote ase, sene a monnye ahantan na monhoahoa mo ho. Yudafo no mu bi apirim wɔn koma, nanso sɛ amanamanmufo no nyinaa dan ba Kristo nkyɛn a eto betwa. **26** Enti Israelfo nyinaa benya nkwaɣyɛ. Mokae nea adiyifo no kaa wɔ eyi ho? “Agyenkwa no befi Sion

aba, na obeyi amumoyesem nyinaa afi Yakob asefo mu. **27** Na medi apam a mene won aye no so na mapapa won bone.” **28** Yudafo no bebre aye Asempa no atamfo. Na mo, amanamanmufo anya so mfaso, efise Onyankopon de n’akyede no ama mo. Nanso Yudafo ye ne man a wapaw won ara, esiane bo a wahye won nenanom nti, **29** efise worennan Onyankopon akyede ne ne fre no ani. **30** Na mo amanamanmufo de, bere a atwam no mu, moyee asooden tiaa Onyankopon, nanso Yudafo no poo n’ahummobo no nti Onyankopon huu mo mmobo mmom. **31** Saa ara nso na esiane adom a moanya no nti, mprenpren, Yudafo no nso aye asooden atia Onyankopon. Nanso nna bi akyi no won nso benya Onyankopon adom no. **32** Onyankopon aka nnipa nyinaa ahye won asooden ase senea obeye adom ama obiara. **(eleese g1653)** **33** Ao Onyankopon ahonya ne nyansa ne nimdee bun a mu do! Hena na obetumi ahu n’atemmu mu pepepe, na wahu nea n’akwan nenam. **34** “Hena na onim Awurade adwene anaase hena na oye ne fotufo?” **35** “Hena na wama Onyankopon biribi kan a ese se Onyankopon tua no so ka?” **36** Efise ade nyinaa fi ne mu na eba, na enam ne so na eba, na ebesan ako ne nkyen bio. Ono na anuonyam wo no daa daa. Amen. **(aiɔn g165)**

12 Eno nti, anuanom, esiane Onyankopon ahummo nti, mehye mo se momfa mo ho mmo afore a eye kronkron na eso Onyankopon ani. Eyi ne nokwasem a ese se muso mu. **2** Monnye mo ho se wiasefo wo mo abrafo mu, na mmom momma Onyankopon nsakra mo adwene wo mu, na moanya adwene foforo, na enam so ama moahu Onyankopon apede, nea eye, nea eso n’ani ne nea ewie peye. **(aiɔn g165)** **3** Na esiane Onyankopon adom a ode ama me no nti, meka kyerɛ mo nyinaa se, monnnwene mo ho mma emmore senea ese se modwene, na mmom monnnwene mo ho ahobrease mu, na mo mu biara nnyina gyidi a Onyankopon de ama mo no so. **4** Senea yen mu biara wo nipadua a ho akwaa ye bebre, na saa akwaa yi mu biara wo dwuma a edi no, **5** saa ara na Kristo mu no yen a yeye bebre no ye nipadua baako, na akwaa biara ye akwaa no nyinaa dea. **6** Yewo akyede ahorow senea wode adom yen no. Se obi akyede ye nkomhye a, ma onnyina ne gyidi so mfa nye adwuma. **7** Se eye osom a, ma onsom. Se eye nkyerekyerɛ a, ma onkyerekyerɛ. **8** Se ese se yehye afoforo nkuran a, ese se yeye saa; se eye mmoa a ode boa afoforo a, ma omfi koma pa mu nye; se eye akwankyerɛ a, ma no

mfa nsi nye; se eye ayamye a, ma omfa anigye nye. **9** Ese se odo ye nokware turodoo. Munkyi amumoye. Mommata nea eye ho. **10** Momfa onuado nnodo mo ho mo ho. Munni afoforo ni nsen mo ho. **11** Monko so nye nsi, monye hyew wo honhom mu, na momfa ahosepew nsom Awurade. **12** Munnya anidaso mu anigye, amanehunu mu boaseto, na momfa gyidi mmo mpae. **13** Mone Onyankopon nkurofo a ahia won no nkye nea mowo. Momm ahohoye ho mmoden. **14** Munhyira won a wotaa mo no. Munhyira won, na monnnome won. **15** Mo ne anigyefo ani nnye, na mo ne asufo nsu. **16** Mo ne afoforo ntena asomdwoe mu. Monnye ahantan, na mmom momfa mo ho mmo mmaborofo. Mumm mu ho anyansafo. **17** Momfa bone ntua bone biara so ka. Monye nea ebema nnipa de nidi ama mo. **18** Se ebetumi a, mo fam de, mo ne obiara ntena asomdwoe mu. **19** Monnto were me nnamfonom, na mmom momma Onyankopon abufuw ho kwan efise wakyere se, “Me na aweretɔ wo me, metua ka,” Awurade na ose. **20** Nanso, “Se okom de wo tamfo a, ma no aduan nni; se osukom de no a, ma no nsu nnom. Na se woye saa a, woboaboa nnyansramma ano gu n’atifi.” **21** Momma bone nni mo so. Mmom, momfa papa nni bone so.

13 Ese se obiara bre ne ho ase ma tumi a ewo aman no mu, efise tumi biara nni ho a emfi Onyankopon pe mu. Tumi biara a ewo ho no fi Onyankopon. **2** Obiara a one tumi a ewo ho no di asi no tia nea Onyankopon ahyehye. Na obiara a obeye saa no de atemmu ba n’ankasa so. **3** Won a woye papa no nsuro atumfo, na mmom won a woye amumoye no na wosuro atumfo. Wope se woye obi a onsuro nea tumi wo ne nsam ana? Eno de, ye nea etee na obekamfo wo. **4** Efise oye Onyankopon somfo a wo yiyedi mu nti na oye adwuma. Na se woye bone a, suro no efise ne tumi a ode twe aso no da ho fann. Oye Onyankopon somfo, enti onam Onyankopon abufuw so twe won a woye bone no aso. **5** Esiane saa nti, ese se wobre wo ho ase ma tumi, a enye se Onyankopon abufuw no nti, na mmom, esiane nim a wunim se ese se woye no nti. **6** Eyi nti na ese se wutua tow, efise se atumfo no ye won adwuma a, woye ma Onyankopon. **7** Enti tua ka a wode won; tua ka a wode; se eye wo honam mu ka anaase eye agyapade ho ka, na fa obu ne nidi ma won nyinaa. **8** Nne obiara ka. Ka a ese se wode ara ne se wobedo afoforo. Obiara a odo ne yonko nnipa no adi mmara no so. **9** Mmaransem a eka se, “Nsee

aware, nni awu, mm̃ kor̃n, mma w'ani mmere ade," eyinom ne nea ekeka ho nyinaa tiaatwa ara ne se, "D̃o wo ỹnko se wo ho." 10 Obiara a ɔd̃o ne ỹnko no nye no b̃one. Se wod̃o wo ỹnko a, na ekyere se woadi mmara no nyinaa so. 11 Ẽse se woye eyi, efise wunim d̃on ko a yew̃o mu. Bere adu se wos̃ore fi wo nna mu. Efise bere a ẽse se wogyeyen nkwa no aben sen bere a yegye dii kan no. 12 Adesae retwa mu, na adekyee reye aben yen. Enti, momma yennyae nneema a eye sum de no ye, na momfa akode a wode ko wo hann mu no. 13 Momma yemmo yen bra yiye te se nnipa a wote hann no mu a agobone anaa nsabow, aguamammo anaa ahohwi, ɔko anaa anibere nni mu. 14 Momma Awurade Yesu Kristo mmen mo te se ntama a mufura, na moremp̃e se mobeye nea ɔhonam p̃e.

14 Se obi gyidi sua wo mo mu a munnye no; mo ne no nnnye nea n'adwene kyere no no ho akyinnye. 2 Obi gyidi ma otumi di biribiara, nanso obi a ne gyidi sua no di afumduan nko ara. 3 Eñse se nea odi biribiara no bu nea onni biribiara no animtiaa; saa ara nso na eñse se obi a odi afumduan nko ara no bu nea odi biribiara no aten; efise Onyankop̃on agye no. 4 Wo ne hena a wubu obi somfo aten? Eye ɔno ankasa ne wura na ɔbeka se wadi nkonim anaase wadi nkogu. Na obedi nkonim, efise Awurade betumi ama wadi nkonim. 5 Obi dwene se da bi wo ho a cho hia sen nna a aka no. Saa ara nso na onipa afoforo nso dwene se nna nyinaa ye p̃e. Ẽse se won mu biara si n'adwene pi. 6 Obiara a obebu da bi kese no ye saa de hye Awurade anuonyam; obiara a ɔwe nam no we wo Awurade din mu, efise ɔda Onyankop̃on ase; saa ara na won a wonwe nso ye wo Awurade din mu de da Onyankop̃on ase. 7 Yen mu biara nte ase mma ne nko ara ho na obiara nwu mma ne nko ara ho; 8 se yete ase a, yete ase ma Awurade; na se yewu a, yewu ma Awurade. Enti, se yete ase o, yewu o, yeye Awurade de. 9 Na eyi nti na Kristo wui, na ɔsoree, na onyaa nkwa, se obeye awufo ne ateasefo wura. 10 Na wo, afei, aden nti na wubu wo nua aten? Na wo, aden nti na wubu wo nua animtiaa? Yen nyinaa begyina Onyankop̃on anim ama wabu yen aten. 11 Efise Kyerewsem no ka se, "Awurade ka se, mete ase yi, obiara bebu nkotodwe wo m'anim; na obiara bep̃ae mu aka se, mene Onyankop̃on." 12 Yen mu biara bebu ne ho akontaa akyere Onyankop̃on. 13 Eno nti momma yennyae yen ho yen ho atemmu. Mmom, nea ẽse se modwene ne se monnye biribiara a ebema mo nua ako b̃one mu. 14 Ahotoso a mewo wo

m'Awurade Yesu mu no ma mihu se biribiara nni ho a eho ntew. Na se obi gye di se biribiara ho ntew a na saa onipa no na eho ntew mma no. 15 Se biribiara a wudi haw wo nua a, eno de na wonte ho ɔd̃o mu. Mma aduan a wudi no nsee onipa a ne nti Kristo wui no. 16 Mma ade a wubu se eye no nnye din b̃one. 17 Efise Onyankop̃on Ahenni no nye adidi ne ɔnom na mmom eye treñee, asomdwoe ne ahosep̃ew a ew̃o Honhom Kronkron mu. 18 Obiara a ɔsom Kristo wo saa ɔkwan yi so no, Onyankop̃on agye no ato mu, na nnipa bu no. 19 Eno nti ẽse se yetumi tena asomdwoe mu, na yeboaboa yen ho yen ho ma obiara nya gyidi a emu ye den. 20 Nnyina aduan so nsee nea Onyankop̃on aye. Aduan biara ye aduan, nanso se wudi aduan a ede ɔfoforo beko b̃one mu a eye b̃one. 21 Ade treñee a ẽse se woye ne se wonwe nam, nnom nsa anaase wonye biribi a ebeto wo nua hintidua. 22 Nea wugye di wo saa asem yi ho no, ma enka wo ne Onyankop̃on ntam. Nhyira ne nea ɔye n'ap̃ede a ɔnte nka se woabu no aten. 23 Na se ne tirim ntee no wo nea odi ho na se odi a, Onyankop̃on bu no aten, efise nea ɔye no mfi gyidi mu. Biribiara a emfi gyidi mu no nso ye b̃one.

15 Ẽse se yen a yeye den wo gyidi mu no tumi te won a woye mmerew no sinto ase. Ẽse se yeso won ani na yeanso yen ara ani. 2 Yen mu biara nkamfo ade pa biara a ne ỹnko ye mfa nhye no den. 3 Kristo mpo anye nea ɔp̃e, senea Kyerewsem ka se, "Nnipa a wɔb̃o mo ahohora no b̃o me ahohora nso." 4 Biribiara a wɔkyerew wo Kyerewsem no mu no, wɔkyerew de kyerekyere yen senea ebeye a yenam boaseto, nkuranhye a Kristo Kyerewsem no de ma yen no so benya anidaso. 5 Onyankop̃on a yenya boaseto ne nkuranhye fi ne nkyen no mma mo honhom mu nkabom na mode adi Kristo Yesu akyi, 6 senea ebeye a mo nyinaa de koma koro ne ano koro bekamfo Onyankop̃on, yen Awurade Yesu Kristo Agya no. 7 Munnyigye mo ho mo ho nto mu mfa nkamfo Onyankop̃on senea Kristo agye mo no. 8 Efise meka kyeree mo se Kristo Yesu beye Yudafo somfo de kyeree se Onyankop̃on ye ɔnokwaf̃o a ɔbema ne b̃o a ɔhye agyanom no aba mu, 9 na wama amanamanmufo nso akamfo no wo ne mm̃bor̃ohunu ho senea Kyerewsem no ka se, "Eyi nti mekamfo wo wo amanamanmufo mu; na mato nnwom akamfo wo din." 10 Na eka bio se, "Mo amanamanmufo, monkamfo Awurade, mo ne ne nkurofo Yudafo." 11 Bio, "Amanamanmufo nyinaa nyi Awurade aye;

asase so aman nyinaa monkamfo no.” **12** Na Yesaia ka bio se, “Yisai aseni besore, nea obesore abedi amanaman no so; ono na won ani beda ne so.” **13** Anidaso Nyankopon no a mugye no di no mfa anigye ne asomdwoe nhye mo ma, senea ebeye a Honhom Kronkron tumi no bema mo anidaso mmoroso. **14** Me nuanom, m’ankasa mete nka se papaye ahye mo ma, mowo nimdee na mubetumi akyerekyerere mo ho mo ho. **15** Mede akokoduru akyerew abobo nneema bi so, senea meretwe mo adwene ako so bio, esiane adom bi a Onyankopon de adom me no nti. **16** Meye Kristo Yesu somfo a ese se meye asofodwuma a mepae mu ka Onyankopon Asempa no senea ebeye a amanamanmufo beye afrebode a eso Onyankopon ani a Honhom Kronkron no atew ho. **17** Eno nti mitumi hoahoa me ho wo Kristo Yesu mu wo Onyankopon som yi mu. **18** Nea meka ho asem ara ne senea Kristo nam nea maka ne nea maye so ama amanamanmufo aye osetie ama Onyankopon no. **19** Saa nsenkyerenne ne anwonwade yi ye tumi a efi Honhom no mu. Enti efi Yerusalem de kosi Iliriko no, mapae mu aka Kristo Asempa no nyinaa. **20** Na me botae ne se, daa meka asempa no wo mmeaemmeae a wontee Kristo ho asem da no, na ankoye se misii dan wo obi fapem so. **21** Mmom senea woakyerew no: “Won a wonkaa ne ho asem nkyeree won no behu, na won a wontee no nso bete ase.” **22** Eyi nti na bere biara a mepae se meba mo nkyen no, biribi siw me kwan. **23** Nanso mprenpren a mawie m’adwuma wo saa amantam yi mu, na afei mfe bebre ni a mepae se anka meba abehu mo no nti, **24** maye m’adwene se meko Spania. Se mereko a, mepae se mehu mo na moaboa me ama mako ho bere a me ne mo atena anigye so kakraa bi no. **25** Mprenpren ara, mereko Yerusalem akosom Onyankopon manfo a wowa ho no. **26** Efise asafo a ewo Makedonia ne Akaia no asi won adwene pi se wobeboa ahiafo a wofra Onyankopon manfo a wowa Yerusalem no mu. **27** Won ara na wosii won adwene pi saa, nanso nokware ni, eye won asede se wobia saa ahiafo no. Amanamanmufo no nyaa Yudafo honhom no mu nhyira no bi. Eno nti na ese se amanamanmufo no de won ahode som Yudafo no. **28** Se miwie saa dwumadi yi na meko won nkyen na mede sika a wape no nyinaa ma won a, mefi ho ako Spania. Na se mereko a meba mo ho abesra mo. **29** Se meba mo nkyen a, minim se mede Kristo nhyira a eboro so no beba. **30** Anuanom, menam yen Awurade Yesu Kristo ne odo a

Honhom no de ma me no so hye mo se mo ne me mmo mu mmo Onyankopon mpae dennen mma me. **31** Mommo mpae, senea ebeye a asem bi rento me wo Yudea. Mommo mpae mma won a wonnye asem no nni. Afei nso mommo mpae mma me som a mesom wo Yerusalem no, senea ebeye a ahotefo a wowa ho no begye ato mu. **32** Se eye Onyankopon pe a mede ahosepew beba mo nkyen abesra mo. **33** Asomdwoe Nyankopon no ne mo nyinaa ntena. Amen.

16 Mede yen nuabea Foibe a osom Kenkrea asafo no hye mo nsa. **2** Munnye no wo Awurade din mu senea ese se Onyankopon manfo ye, na mmoa biara a eho hia no wo mo nkyen no, momfa mmoa no. Efise waboa nnipa bebre ne me nso. **3** Mikyia Priska ne Akwila a woye me nuanom adwumayefo wo Kristo Yesu mu. **4** a wopaa won nkwa akyi maa me no. Meda won ase bebre; enye me nko, na mmom amanamanmufo asafo no nyinaa. **5** Asafo a wohyia wo won fi no nso mikyia won. Munkyia m’adamfo pa Epaineto a ono ne onipa a odii kan gyee Kristo dii wo Asia mantam mu no mma me. **6** Mikyia Maria a oyee adwuma dennen maa me no nso. **7** Mikyia Androniko ne Yunia. Mikyia me nuanom Yudafo a me ne won daa afiase a wogye din yiye wo asomafo no mu, na wodii me kan wo Kristo mu no. **8** Mikyia m’Awurade mu dofo Amplia. **9** Mikyia Ubano a yene no somee wo Kristo mu. Saa ara nso na mikyia m’adamfo pa Staki. **10** Mikyia Apele a ne Kristosom mu nokware ada adi no. Mikyia Aristobulo abusuafo nyinaa. **11** Mikyia me kuromni Yudani Herodion ne ne nuanom Kristofo a wofi Narkiso fi. **12** Mikyia Trifaina ne Trifosa mmea a woba Awurade som mu mmoden no. Saa ara nso na mikyia m’adamfo Persi a ono nso ye obee a woba mmoden aboa Awurade som no. **13** Mikyia Rufo a wadi dwuma kese wo Awurade som mu no. Mikyia Rufo a ofaa me se ne ba no nso. **14** Mikyia Asinkrito, Flegon, Herme, Patroba, Herma, ne anuanom Kristofo a woka won ho nyinaa. **15** Mikyia Filologo ne Yulea, Nereo ne ne nuabea ne Olimpa ne Onyankopon manfo a wone no wo ho no nyinaa. **16** Momfa mfewano kronkron nkyiakya mo ho mo ho. Kristo asafo no nyinaa kyia mo. **17** Anuanom, mitu mo fo se monhwe won a wode mpaapaemu ne won a wosee afoforo gyidi na wotia nkyerekyerere a moanya no yiye no; montwe mo ho mfi won ho. **18** Efise won a woye saa no nsom Kristo, yen Awurade no; na mmom wosom biribiara a wope na eye ma won. Wodefedefe won a wonnim hwee. **19** Biara

ate gyidi a mowɔ wɔ Asempa no mu no. Eno nti, ɛma m'ani gye mo ho. Mepe se mo ani tew wɔ nneema pa ho na mokata mo ani wɔ bone ho. **20** Na Onyankopɔn a ɔbre yen asomdwoe no bepetew Satan wɔ mo anan ase. Yen Awurade Yesu Kristo dom nka mo. **21** Me yonko Timoteo se okyia mo. Saa ara nso na Lukio, Yason ne Sosipatro a woye me nuanom Yudafo no nso kyia mo. **22** Me Tertio, a meye okyerewfo ma Paulo yi nso, mede Awurade din kyia mo. **23** Gaio a asafo no hyia wɔ ne fi no nso kyia mo. Erasto a ɔye kurom ha sikakorafo ne yen nua Kwarto se wokya mo. **24** Yen Awurade Yesu Kristo adom nka mo nyinaa. **25** Momma yenyi Onyankopɔn aye! Ono na otumi ma mo gyina pintinn wɔ mo gyidi mu senea mekaa wɔ Asempa a efa Yesu Kristo ho kyeree mo no. Senea medaa nokware ahintasem a efi teteete no adi kyeree mo no, (aiōnios g166) **26** wɔnam adiyifo kyerewsem a efi Onyankopɔn Teasefo no nkyen ada ahintasem yi adi ama wɔahu senea aman nyinaa begye adi na wɔaye osetie ama no. (aiōnios g166) **27** Ono, Onyankopɔn nyansafo no na anuonyam nka no wɔ Yesu Kristo mu daa daa! Amen.

(aiōn g165)

1 Korintofo

1 Saa krataa yi fi me, Paulo a enam Onyankopon pe so nti, wɔafre me se menye Kristo Yesu somafo no ne onua Sostene nkyen, **2** Yede rekoma Onyankopon asafɔ a ewɔ Korinto no ne wɔn a wɔafre wɔn se wɔmmeyɛ Onyankopon akyidifo kronkron no, ne wɔn a wɔwɔ baabiara a wɔbɔ yen Awurade Yesu Kristo din se ɔye wɔn ne yen Awurade no: **3** Ɔdom ne asomdwoe a efi yen Agya Onyankopon ne yen Awurade Yesu Kristo nka mo. **4** Esiane adom a Onyankopon nam Kristo Yesu so dom mo no nti, daa meda Onyankopon ase ma mo. **5** Enam ne so ama moaye ma biribiara mu, okasa ne adwene mu. **6** Kristo ho asem atim wɔ mo mu. **7** Esiane se moretwen ama wɔada yen Awurade Yesu Kristo adi no nti munya nhyira biara bi. **8** Ɔbehɛ mo den akosi awiei senea ebeye a, da a Awurade Yesu Kristo beba no, wɔrennya mo ho mfomso biara. **9** Onyankopon a wafre mo aba ne Ba Yesu Kristo ayɔnkɔfa mu no ye ɔnokwafo. **10** Anuanom, menam Awurade Yesu Kristo tumi so tu mo fo se asem biara a mobeka no, monye adwene na mo mu ampaapae. Munso adwene ne botae baako mu na ama moaye baako. **11** Anuanom, nnipa bi a wofi Kloe fi apae mu aka akyerɛ me se, akasakasa wɔ mo asafɔ yi mu. **12** Asem a mepɛ se meka ne se, wɔn mu biara ka asem a ɔpe. Oyi ka se, “Mewɔ Paulo afa” a, ɔfoforo se, “Mewɔ Apolo afa.” Obi sɔre na ose, “Mewɔ Petro afa” a, ɔbaako nso se, “Mewɔ Kristo afa.” **13** Wɔakyekye Kristo mu akuwakuw? Paulo na owui wɔ asennua no so maa mo ana? Wɔbɔɔ mo asu wɔ Paulo din mu ana? **14** Meda Onyankopon ase se mammɔ mo mu biara asu ka Krispo ne Gaio ho. **15** Obiara rentumi nka se wɔbɔɔ mo asu se m’asuafɔ. **16** Mekae se mebɔ Stefana ne ne fifo asu. Na menkae se mebɔ obi fɔforo asu bio. **17** Kristo ansoma me se memmɛbɔ asu, na mmom ɔsɔmaa me se memmekaa asem pa a emfi nnipa nyansa mu, na obi annyina so amma Kristo wu a owui wɔ asennua no so no mu tumi anyɛ ɔkwa. **18** Asenka a ekyere Kristo asennuambɔ no ye nsem a aba nni mu ma wɔn a wɔreyera. Nanso yen a wɔregye yen nkwa no de, eye Onyankopon tumi. **19** Kyerewsem no ka se, “Mesee anyansafo nyansa, na mema nimdefo adenim aye ɔkwa.” **20** Enti onyansafo wɔ he? Onimdefo nso wɔ he? Wiase yi mu akyinnye gyefo wɔ he? Onyankopon akyerɛ se wiase yi mu nyansa ye ohunu (aiɔn g165) **21** Enti Onyankopon nam ɔno ara ne nyansa so yee se nnipa a wɔpe se wɔfa wɔn ara wɔn nyansa so hu no

no renhu no da. Na mmom Onyankopon yee n’adwene se wɔn a wɔgye asem a “aba nni mu” a yɛka no di no, obegye wɔn nkwa. **22** Yudafo hwehwe se wohu nsenkyerenne, na Helafo nso hwehwe nyansa. **23** Nanso yen de, yɛka Kristo wu a owui wɔ asennua no so no ho asem. Saa asem no ye Yudafo abufuw na eye asem a aba nni mu ma amanamanmufo; **24** nanso Yudafo ne amanamanmufo a Onyankopon afre wɔn no, Kristo ye Onyankopon tumi ne Onyankopon nyansa. **25** Onyankopon asem a eye se aba nni mu no, aba wɔ mu sen nnipa nyansa, na saa ara nso na nea eye se eye mmerew wɔ Onyankopon fam no ye den sen nnipa ahoɔden. **26** Afei anuanom, monkae bere a Onyankopon frɛe mo no tebea a na mowɔ mu. Nnipa fam de, na mo mu bebreɛ nye anyansafo, na mo mu bebreɛ nni tumi, na mo mu bebreɛ nye adehye nso. **27** Nanso Onyankopon faa wiase yi mu nsem a aba nni mu no, nam so guu anyansafo anim ase. Onyankopon faa nneema a eye mmerew wɔ wiase, nam so de guu ahoɔden anim ase. **28** Ɔfaa nea wiase mmu na wɔmfa nye hwee no de seee nea wiase susuw se eho hia no. **29** Eyi kyere se obi ntumi nhoahoa ne ho wɔ Onyankopon anim. **30** Nanso Onyankopon aka mo abata Kristo Yesu ho na Onyankopon nam Kristo so ama yen nyansa; enam ne so ma yeateɛ wɔ Onyankopon anim. Yeye Onyankopon ahotefo a wama yeade yen ho. **31** Enti senea Kyerewsem no ka no, “Obiara a ɔpe se ohoahoa ne ho no, onhoahoa ne ho wɔ nea Awurade aye mu.”

2 Anuanom, bere a mebaa mo nkyen bekaa Onyankopon ho ahintasem a eye nokware kyereɛ mo no, manka asem a ekyere adwene anaa nyansa a etra mo so. **2** Meyee m’adwene se bere a me ne mo wɔ ho no, mema me were a fi biribiara gye Yesu Kristo nko; na ne titiriw no, ne wu wɔ asennua no so no. **3** Enti bere a mebaa mo ho no, na meye mmerew a ehu ne ahopopo aka me. **4** Na nkyerekyerɛ a mekyerekyerɛɛ no nso mannyina anyansasem ne nnipa adwene so, na mmom menam kasa pa so daa tumi a ewɔ Onyankopon Honhom Kronkron no mu no adi. **5** Enti mo gyidi nnyina onipa nyansa so, na mmom egyina Onyankopon tumi so. **6** Mekasa nyansa mu kyere wɔn a wɔanyinyin wɔ Honhom mu. Nanso saa nyansa no nye wiase nyansa anaa wiase yi mu tumi ahorow a wɔn tumi resa no. (aiɔn g165) **7** Nyansasem a meka no ye Onyankopon nyansa a wɔde ahintaw nnipa. Eno na Onyankopon ayi ato ho ama yen dedaw se yen anuonyam ahyede ansa na wɔrebɔ

wiase. (aiōn g165) **8** Aman sodifo biara nnim saa nyansa no. Se wonim a anka wõremmõ Awurade a anuonyam ahye no ma no asennua mu. (aiōn g165) **9** Kyerewsem no ka se, “Nea onipa biara anhu na wante da, nea onipa biara annwene ho se ebaba da no, eno na Onyankopõn no ara asiesie ama wõn a wõdõ no no.” **10** Na yen na Onyankopõn nam ne Honhom Kronkron no so ada n’ahintasem yi adi akyere yen. Honhom no pɛpɛɛ biribiara mu kosi Onyankopõn ahintasem a emu dõ no so. **11** Onipa de, òno ara ne honhom a ete ne mu no na enim ne ho nsem nyinaa; saa ara nso na Onyankopõn Honhom no nko ara na enim Onyankopõn ho nsem nyinaa. **12** Enye wiase yi mu honhom na yeanya; Honhom Kronkron a Onyankopõn somaa no no na yeanya senea ebema yehu nea Onyankopõn de ama yen no nyinaa. **13** Enti enye nsem a nnipa de wõn nyansa akyere yen no na yeƙa, na mmom nsem a Honhom no akyere yen no na yenam Honhom no mu nokware reda saa honhom mu nsem yi adi akyere wõn a wõwõ Honhom no. **14** Nanso obi a onni Honhom no rentumi nnya akyede a efi Onyankopõn Honhom no mu. Ɔrente ase da biara da; ɔfa no se nsem a aba nni mu, efise wogyina Honhom no nko so na wobetumi anya ntease a ese. **15** Onipa a Honhom no te ne mu no tumi sese biribiara nanso obiara rentumi mmu no aten. **16** Kyerewsem no ka se, “Hena na onim Awurade adwene? Hena na obetumi atu no fo?” Nanso yen de, yewõ Kristo adwene no bi.

3 Nokware, anuanom, mantumi ankasa ankyere mo se nnipa a wõwõ Honhom no. Na ese se mekasa kyere mo se wiasefo a wote se mmofra a wõwõ Kristo mu gyidi. **2** Memaa mo nufusu. Mamma mo aduan a eye den, efise na enye mma mo. Na mprenpren ara mpo enye mma mo, **3** efise moda so te ho se wiasefo. Se anibere wõ mo mu na mutwa mo ho ne mo ho mo ho nya akasakasa a, so enna no adi se moye wiasefo a mote ho ma wiase? **4** Se obi ka se, “Me de, midi Paulo akyi” na ɔfoforo nso ka se, “Me nso mewõ Apolo afa” a, enkyere se moye wiasefo ana? **5** Mibisa se Apolo ye hena? Na Paulo nso ye hena? Yeye Onyankopõn asomfo kwa a enam yen so na munya gyidi. Adwuma a Onyankopõn de ama yen mu biara se yenye no na yeƣe. **6** Miduaa aba no na Apolo guguu so nsu, nanso Onyankopõn na ɔmaa afifide no nyinii. **7** Obi a oduae ne obi a oguguu so nsu no ho nhia. Onyankopõn na ne ho hia, efise òno na ɔmaa afifide no nyinii. **8** Nsonoe biara nni onipa a odua ne nea

ogugu so nsu no ntam. Onyankopõn behwe dwuma a wõn mu biara dii so na wama wõn so ade. **9** Yen de, yeƣe aboafõ a yeƣe Onyankopõn reƣe adwuma na mo nso moye Onyankopõn afuw. Bio, moye Onyankopõn dan. **10** Menam adom a Onyankopõn de maa me no so yeƣe ɔdanseni pa adwuma. Metoo fapem na onipa foforo nso resi atoa so. Nanso ese se wõn mu biara fa ɔkwan pa so si. **11** Efise Onyankopõn aƣe Yesu Kristo nko ɔdan no fapem enti wõrentumi nto fapem foforo biara bio. **12** Ebinom de sikakõkõ, anaa dwete anaa aboõden abo na ebese wõn dan wõ fapem no so; afoforo nso de nnua anaa sare anaa baamu. **13** Obiara dwuma a odii no beda adi da no; da no gya no beda obiara adwuma adi. Ogya no beƣõ ahwe, ahu dwuma ko no ye a eye. **14** Se nea onipa ko no de sii fapem no so no tumi gyina ogya no ano a, ebenya akatua. **15** Na se obi adwuma hyew wõ ogya no ano a, akatua no beƣõ no, nanso òno de, obenya nkwa se obi a waguan aƣi gyaframa mu. **16** Munnim se moye Onyankopõn asõredan na Onyankopõn Honhom no te mo mu ana? **17** Enti obiara a ɔbesee Onyankopõn asõredan no, Onyankopõn besee no. Efise Onyankopõn asõredan ye kronkron, na mo na moye n’asõredan no. **18** Ense se obiara daadaa ne ho. Se obi a ɔka mo ho fa ne ho se ɔƣe wiase yi mu onyansafo a, ese se ɔƣe ɔkwasea ansa na wabeƣe onyansafo. (aiōn g165) **19** Efise nea wiase bu no nyansa no ye asem a aba nni mu wõ Onyankopõn ani so. Kyerewsem no ka se, “Ɔkyere anyansafo wõ wõn anitew mu.” **20** Bio, Kyerewsem no ka se, “Awurade nim onipa nsusuwii. Onim se enkosi hwee.” **21** Enti ense se obiara de nea onipa tumi ye hoahoa ne ho na biribiara ye mo dea. **22** Paulo, Apolo ne Petro, saa wiase yi, nkwa ne owu, nne ne daakye nyinaa ye mo dea, **23** na moye Kristo dea na Kristo nso ye Onyankopõn dea.

4 Eƣe se mubu yen se Kristo asomfo a wõde Onyankopõn ahintasem a eye nokware no ahye yen nsa. **2** Ade baako a wõrehwehwe aƣi onipa a wõde ahintasem no ahye ne nsa no ne se obedi ne wura no nokware. **3** Se mo anaa onipa bi bu me aten mprenpren a, emfa me ho. M’ankasa nso mimmu me ho aten. **4** M’adwene mu ye fann, nanso eno nkyere se midi bem fitaa. Awurade nko ara na obu me aten. **5** Enti ense se obiara bu ne yonko aten kosi se bere a ese beba. Awurade ba mu no na wobebu aten a etwa to. Ɖbeda nea ahintaw wõ sum mu no adi na wada nea ahintaw wõ nnipa koma mu no nso adi. Na onipa

biara anya n'ayeyi afi Onyankopɔn ho. **6** Anuanom, mo nti mede Apolo ne me aye nhweso, senea ebema mo osuahu a eka se, "Di mmara pa so" no. Ense se mo mu biara de onipa bi hoahoa ne ho na obu ɔfoforo nso onipa teta. **7** Hena na ɔka kyerɛ wo se wokorɔn sen afoforo? Enye Onyankopɔn na ɔde biribiara a wowo no maa wo? Na aden nti na wode hoahoa wo ho senea enye akyede? **8** Biribiara a mohwehwe no, mo nsa aka dedaw! Moye adefo dedaw. Moayeye ahemfo, nanso yenye bi! Nokware, anka mepe se moye ahemfo na anka yen nso ye ye ahemfo beka mo ho. **9** E ye me se yen asomafo yi de, Onyankopɔn de yen atwa to se nnipa bi a wɔabu wɔn kumfo wɔ bagua mu se nnipa ne wiase abofo nyinaa nhwe. **10** Kristo nti ye ye nkwareafo, nanso moye anyansafo wɔ Kristo mu. Ye ye mmerew, nanso moye den. Wommu yen, nanso wobu mo. **11** Ebesi saa bere yi mu ɔkɔm ne osukɔm de yen. Yefura ntamagow; wɔhwe yen; yedi atutena; **12** ye ye adwuma a eye den de hwe yen ho. Wɔdome yen a, yehyira; wɔhwe yen a yegyina ano. **13** Wɔyaw yen a, yede kasa pa bua. Yete se wiase yi mu wura bi a yenka hwee de besi nne. **14** Enye se mepe se migu mo anim ase nti na mekyerew saa nhoma yi bre mo. Na mmom mepe se mekyere mo ɔkwan se me ara me mma a meda wɔn. **15** Na se mowɔ ahwefo mpem du mpo wɔ mo asetena mu wɔ Kristo mu a, mowɔ Agya baako pe. Na mo nkwa a ewɔ Kristo Yesu mu no nti, menam asem pa a meka kyerɛ mo no so abeye mo agya. **16** Mesre mo se munsuasua me. **17** Enam eyi so nti, meresoma Timoteo na waba mo nkyen. Ɔye m'ankasa me dɔba a odi me nokware wɔ Awurade mu. Ɔbekaakae mo m'akwan foforo a menam so di Kristo Yesu akyi ne nkyerekyerɛ a mekyerekyerɛ wɔ asafo biara a meko mu no mu. **18** Mo mu bi aye ahantan, susuw se meremmesra mo. **19** Se Awurade pe a, erenkye biara meba mo nkyen na m'ankasa mabehwe dwuma a saa ahantanfo yi betumi adi na enye asem a wɔbeka no. **20** Onyankopɔn Ahenni no nye nsenkeka na eye tumi. **21** Emu nea ewɔ he na mope? Memmebo mo mmaa anaa koma a ɔdɔ wɔ mu na ebu ade na memfa mmra mo nkyen?

5 Nnansa yi wɔkeka se aguaman a morebo wɔ asafo no mu no ye hu a abosonsomfo mpo renye saa. Mate mpo se obi afa n'agya yere. **2** Na ebeye den na moatumi ahoahoa mo ho? Aden nti na ense se mo were how wɔ ho na mompam saa onipa no mfi mo mu? **3** Ewɔ mu, me de, me ne mo ntam kwan ware

nanso mewɔ mo nkyen wɔ honhom mu. Yen Awurade Yesu din mu, mabu onipa a ɔye afide yi aten dedaw te se nea mewɔ mo nkyen ara pe. **4** Muhyia na meka mo ho wɔ honhom mu a, Awurade Yesu tumi a eka yen ho no nti, **5** ese se mode saa onipa no ma ɔbonsam na ɔsee ne nipadua no na Awurade da no du a, wagye ne honhom nkwa. **6** Ense se mohoahoa mo ho. Munim se mmɔkaw kakraa bi na ema mmɔre no tu ana? **7** E se se mui saa bɔne mmɔkaw dedaw yi fi mo mu na moaye kronkron. Eba saa a, mobeye se mmɔre foforo a mmɔkaw nni mu senea minim mo se mote dedaw no. Afei a wɔde Kristo a ɔye yen Twam Guamma no abɔ afɔre no, yen Twam Afahye no adu so. **8** Eyi nti mommma yemmfa mmɔkaw dedaw a eye bɔne no nni afahye no, na mmom yemfa brodo a mmɔkaw nni mu na eye kronkron no na enni afahye no. **9** Krataa a mekyerew mo no, mekaa wɔ mu se mommfa mo ho mmmɔ nguamanfo ho koraa, **10** anaa wiase yi nguamanfo anaa aniberefɔ anaa akorɔmfo anaa wɔn a wosom ahoni. Se wompe se wo ne eyinom bɔ a, na ese se wufi wiase koraa. **11** Nea mekyere ne se, mommfa mo ho mmmɔ onipa a ɔfre ne ho se onua nanso ɔbo aguaman anaa ɔye oniberefɔ anaa ɔsom ahoni anaa ɔkɔnkɔnsani anaa ɔkɔwensani anaa ɔkorɔmfo. Onipa a ɔte saa no, mo ne no nntena ase nto nsa nnidi. **12** Aden nti na ese se mibu wɔn a wɔnka asafo no ho aten? Enye wɔn a wɔwɔ asafo no mu mmom na ese se mubu wɔn aten? **13** Onyankopɔn na obebu wɔn a wonni asafo no mu aten, senea Kyerewsem no ka se, "Mompam onipa bɔne no mfi mo mu."

6 Se akasakasa ba onua ne onua ntam a, aden nti na moko abosonsomfo atemmufɔ anim ma wobu mo aten, na monko Awurade nkurɔfo ho mmom? **2** Munnim se atreenefo na wobebu wiase aten? Na se ese se mo na mubu wiase aten a, muntumi mmu aten wɔ nsem nketenke ho? **3** Munnim se yebebu abofo aten? Mpen ahe na yemmu asetena mu nneema ho aten? **4** Na se nsem a ete saa ba a, nnipa a wonni dibea wɔ asafo no mu na mobema wɔasiesie? **5** Eye animguase ma no! Minim yiye se enye den ara a, onyansafo baako bi wɔ mo mu a obetumi adi onua ne onua ntam asem. **6** Eye se wofa saa ɔkwan yi so anaase onua de onua beko asennii ama wɔn a wonni gyidi adi abua wɔn asem? **7** Se mutumi de mo ho mo ho ko asennii no kyere se moadi nkogu dedaw. Anka eye se obi besisi mo anaase obeye mo bɔne mmom. **8** Nanso mo ara

mutwa mo ho ye mo ho mo ho bone, sisi mo ho ne mo nuanom mpo. **9** Mo ara munim se odeboneyeni no renko Onyankopon ahenni no mu. Monnaadaa mo ho; mo a mo suban nye, anaa mo a mosom ahoni, anaa aguamammfo anaa mmarima a wone mmarima da, **10** anaa adifudepefo, anaa aniberefo, anaa akowensafo, anaa mo a mosese afororo din, anaa akoromfo no mu biara no rennya kyefa biara wo Onyankopon ahenni no mu. **11** Na anka mo mu bi te saa. Nanso wواهohoro mo bone. Wode mo ama Onyankopon. Enam Honhom Kronkron no ne Awurade Yesu Kristo din mu nti, wasiesie mo ne Onyankopon ntam. **12** Obi se, “Mewo ho kwan se meye nea mepe.” Ewo mu saa; nanso enye biribiara na eye ma wo. Metumi aka se, “Mewo ho kwan se meye biribiara.” Nanso meremma biribiara ho kwan mma emfa me nye akoo. **13** Obi foforo nso beka se, “Aduan wo ho ma oyafunu na oyafunu nso wo ho ma aduan.” Eye nokware; nanso Onyankopon bema ne nyinaa aba awiei. Ense se onipa de ne nipadua ma aguamammfo, na mmom ese se ode som Awurade, efise nipadua no ye Onyankopon dea. **14** Onyankopon maa Awurade sore fii awufo mu na ono nso nam ne tumi so bema yen nso asore afo awufo mu. **15** Munnim se mo nipadua no ye Kristo nipadua no akwaa bi ana? Memfa Kristo nipadua akwaa bi mmfo obi a obo aguaman nipadua ho ana? Dabi da. **16** Anaa ebia na munnim se onipa a ode ne ho bo nguamanfo ho nso ye oguamanfo? Kyerewsem no da no adi se, “Won baanu no nyinaa ye nipadua koro.” **17** Nanso onipa a ode ne ho bata Awurade ho no ne no ye baako wo honhom mu. **18** Mommmfo aguaman. Bone biara a onipa beye no nka ne nipadua no, nanso onipa a obo aguaman no see ono ankasa ne nipadua. **19** Munnim se mo nipadua no ye Honhom Kronkron a ote mo mu, a Onyankopon na ode maa mo no asoredan? Na monne mo ho; **20** otwo mo abooden. Enti momfa mo nipadua no nhye Onyankopon anuonyam.

7 Afei, nea efa nsem a mokerew de bre me no ho ni: Eye se obarima nware. **2** Nanso esiane aguamammfo nti ese se obarima biara nya ono ankasa ne yere, na ohea biara nso nya ono ankasa ne kunu. **3** Ese se obarima ye n'asede se okunu na ohea nso ye n'asede se oyere na won mu biara boa ne yonko. **4** Oyere nipadua no nye ono nko ara dea, na eye okunu no nso de bi. Saa ara na okunu no nso nipadua no nye ono nko ara dea, na mmom eye oyere no nso de bi. **5** Mommfa mo ho nkame mo ho mo ho. Gye se mo nyinaa pene

so bere tiaa bi a morebo mpae; na se muwie mpaebso no a munhya mu na obonsam ansso mo anhw, efise, muntumi nni mo ho so. **6** Menka saa asem yi se ohye so, na mmom mereka no se mama mo ho kwan. **7** Ekaa me nko a na anka mo nyinaa te se me. Nanso obiara wo odom akyede sononko bi a Onyankopon de ama no. Oyi wo n'akyede na ofoforo nso wo n'akyede. **8** Afei asem a mereka akyere asigyafo ne akunafo ne se: Eye se mo nko ara mobetena ase senea mete ho yi. **9** Na se morentumi nhye mo ho so nso a monkowareware. Eye se mobeware sen se mobehye mo ho ahometew. **10** Mo awarefo nso, mewo ohye nsem bi a emfi me na efi Awurade nkyen se: Ense se ohea gyaa ne kunu. **11** Se eba saa a, ense se aware bio; anaase nso woka one ne kunu bo mu. Saa ara na ense se okunu nso gyaa ne yere. **12** Mo a moaka no meka kyere mo, efi m'ankasa na emfi Awurade, se Okristoni barima wo yere a onye Okristoni na ohea no pene so se one no betena ase a, ense se obarima no gyaa no. **13** Saa ara nso na se Okristoni bea wo okunu a onye Okristoni na obarima no pene so se one no betena a, ense se ohea no gyaa no. **14** Esiane bo a obarima a onye Okristoni de ne ho abo ohea no nti, Onyankopon begye no na ohea a onye Okristoni no nso, esiane bo a ode ne ho abo obarima no nti, Onyankopon betew ne ho. Se anye saa a, won mma beye se abosonsomfo mma nanso senea ete yi de, wabeye kronkron. **15** Na se nso won mu nea onye Okristoni no pe se otew ne ho fi Okristoni no ho a, momma no kwan. Se eba saa a, Okristoni no, se eye okunu anaa oyere no, de ne ho. Onyankopon afre mo se montena ase asomdwoe mu. **16** Oyere a woye Okristoni, ebeye den na woahu se worentumi nnye wo kunu nkwa? Na okunu a woye Okristoni nso, ebeye den na woahu se worentumi nnye wo yere nkwa? **17** Mo mu biara ntena ase wo tebea a Awurade de ama no no, senea na ote a Onyankopon fre no no mu. Eyi ne mmara a mekyere wo asafa biara mu. **18** Se twetiatwani bi ate Onyankopon fre a, ense se opepa twetia no ho nsenkyerenne biara. Se obarima nso a ontwaa twetia bi ate Onyankopon fre a, ense se otwa twetia. **19** Efise se obi atwa twetia na ofoforo nso ntwa twetia no nka hwee. Nea eho hia ne se wubedi Onyankopon mmara so. **20** Senea obiara te a Onyankopon fre no no, antena mu saa ara. **21** Onyankopon fre wo no na woye akoo ana? Mma eno nhaw wo na se wowo okwan bi a wubetumi afa so ade wo ho a, fa so. **22** Efise akoo a Awurade afre no no ye Awurade nipa a

ode ne ho. Saa ara nso na obi a ode ne ho a Kristo afre no no ye Kristo akoo. **23** Onyankopon too mo abooden, eno nti monnye nkoa mma nnipa. **24** Anuanom, ese se mo mu biara tena ase wo Onyankopon mu senea na mote ansa na wofrefe mo no. **25** Nea efa asigyafo ho nso no ni: Minnyaa ohye nsem biara mfii Awurade nkyen, nanso meka m'adwene te se obi a Onyankopon mmoborohunu nti wagye me ato mu. **26** Wudwen mprenpren ohaw yi ho a, misusuw se eye se onipa tena ase senea ote biara. **27** Wowo oyere? Se wowo oyere a, nye w'adwene se woregyaa no. Wonwaree ana? Se wonwaree a nhwehwe oyere. **28** Nanso se woware a wonyee bone e. Se obabun ware a onyee bone e. Nanso esiane ohaw a saa aware no de ba nti, na anka mepe se mobekwati saa ohaw no. **29** Nea mekyere ne se, anuanom, bere a aka no sua. Efi saa bere yi ese se mmarima a wawareware tena ase senea wonwaree da; **30** won a wosu ye senea won were nhowee; won a woserew ye senea wonni anigye; won a woto ye senea nea wotae no nye won de; **31** won a wode wiasa abo won bo ye senea wonhuu bi da. Na senea wiasa yi te mprenpren yi renye saa nkye. **32** Mempe se biribiara haw mo. Obarima a onwaree no, ese se ode ne ho ma Awurade adwumaye; efise obo mmoden se Awurade ani beso no; **33** nanso obarima warefo de ne ho to wiasa nneema so, efise ope se oso ne yere ani, **34** enti wotwe no afanu no nyinaa. Obea a onwaree anaa obabun de ne ho ma Awurade adwuma wo ohonam ne honhom fam; nanso obea a waware no de ne ho to wiasa nneema so, efise ope se oso ne kunu ani. **35** Mereka saa asem yi, efise mepe se meboa mo. Merenhyehye mmara bi mma mo. Na mmom mepe se moye nea eye na etee na mode mo ho nyinaa ma Awurade adwuma. **36** Se ehaw obarima bi a one obea ahyehye aware se ontumi nye n'asede, na se obarima no ntumi nhye n'akonno so nti ope se aware a, ese se aware senea ohwehwe no. Bone biara nni eyi ho. **37** Nanso eye mmom se obehye ne ho so na wasi n'adwene pi se onware. **38** Eye se obarima ware de, nanso se anka wanware koraa a na eye. **39** Se obea warefo kunu te ase a, onne ne ho; na se ne kunu no wu de a, owo ho kwan se aware oforo a ope; nanso ese se eye Kristo aware. **40** Na se otumi tena ase senea ote no nso a, ne ho beto no yiye. M'adwene ni, na migye di se me nso mewo Onyame Honhom.

8 Asem a efa nnuan a wode ma ahoni ho nso ni: Yenim se, "Yen nyinaa wo nimdee." Nanso saa

nimdee no ma onipa ye ahatan na odo ma nkoso. **2** Onipa a ogye ne ho di se onim biribi no nnim senea anka ese se odu. **3** Nanso onipa a odo Onyankopon no, Onyankopon nim no. **4** Enti nnuan a wode ma ahoni se wonni no, yenim se ohoni wo ho ma biribi a ente ase. Yenim se Onyankopon baako pe na owo ho. **5** Nneema bebree wo osoro ne asase so a yefre won anyame ne awuranom, nanso won mu biara nye anyame anaase awuranom. **6** Yewo Onyame baako pe a oye Agya. Ono na obo ade nyinaa, na yete ase ma no. Yesu Kristo ne yen Awurade a Agya no nam ne so yee ade nyinaa, na omaa yen nkwa. **7** Nanso enye obiara na onim saa nokwasem yi. Nnipa bi de won ho ama ahoni no ara kosi se, se wodi saa nnuan no a wonim pefee se ohoni aduan na woredi. Esiane won ahonim a eye mmerew nti, wogye di nso se aduan no gu won ho fi. **8** Enye aduan a yeadi no na etwe yen ben Onyankopon. Se yeanni saa aduan no a, yento sin, na se yedi nso a, yemmoro so. **9** Monhwe yiye na moamma mo ahofadi no antwetwe won a woye mmerew wo gyidi mu no anko bone mu. **10** Se eba se obi a n'ahonim ye mmerew wo saa asem yi mu hu se wo a wowo "nimdee" redidi wo ohoni dan mu a, erenhye no nkuran mma ono nso nkodi aduan a wode ama ahoni no bi ana? **11** Enti saa onipa a oye mmerew a oye wo nua a Kristo wu maa no yi, esiane wo "nimdee" nti obeyera? **12** Na enam saa okwan yi so bema woaye bone atia wo nuanom. Se eba saa a, woye bone tia Kristo nso, efise wonam won adwene mu mmerewye so adaadaa won. **13** Enti se nea midi de me nua ko bone mu a, merenwe nam bio senea ebeye a eremma me nua nko bone mu. (aiōn g165)

9 Menne me ho ana? Menye osomafo ana? Minhuu Yesu yen Awurade ana? Na monye me nsa ano adwuma wo Awurade mu ana? **2** Na se afoforo mpo nnye me nto mu se osomafo a, mo de, mugye me to mu saa. Senea mo ankasa mo abrabo te wo Awurade mu no di ho adanse se meye osomafo. **3** Se nnipa ka me ho asem a, saa okwan yi so na mefa yi me ho ano. **4** Minni ho kwan se m'adwuma nti woma me aduan di ma me nsu nom ana? **5** Minni ho kwan se meye nea asomafo a aka no yee no bi, senea Awurade nuanom ne Petro yee, na meware Okristonibea de no ka me ho tu m'akwan yi? **6** Anaase Barnaba ne me nko ara na ese se yeye adwuma de bo yen ho akonhama? **7** Osraani ben na otua ono ankasa ne ho ka? Okuafo ben na onni n'afuw mu nnobae bi? Oguanhwefo ben na onnom ne nguan a oyen won no nufusu bi? **8**

Ense se miti nhweso a ewo yen abrabo dedaw no mu, efise Mmara no ka asem koro no ara. **9** Yekenkan wo Mose Mmara no mu se, “Se wode nantwi retiatia aburaw so a, nkyekyere n’ano.” Nantwi ho asem na ehia Onyankopon ana? **10** Anaase na asem a oreka no fa yen ho ana? Nokware, wokyerew eyi de maa yen. Eɛ se onipa a ofuntum ne nea otwa aba no nyinaa ye won adwuma senea ebeye a, wobonya won kyefa wo won dwumadi no mu. **11** Ye adua honhom aba wo mo mu na se yenza wase nnepa fi mo nkyen a, edwoso dodo ana? **12** Na se afoforo wo tumi se wohwe eyinom anim fi mo nkyen a, so yen de, yenni tumi a eboro saa ana? Nanso yeamfa saa tumi yi anni dwuma biara. Mmom yepenee biribiara so senea yerensiw Kristo asempa no ho kwan. **13** Munim se won a woye adwuma wo asoredan mu no nya won aduan fi asoredan mu, na won nso a wobo afofe wo aforemuka so no nso nya won aforebode. **14** Saa ara nso na Awurade ahye se, eɛ se won a woka asempa no nya won asetena fi mu. **15** Nanso memfaa saa kyefa yi mu biara nnii dwuma e. Enye se merekyerew mprenpre se mobeye saa nneema no ama me. Eno de, anka medi kan awu sen se mema obi asiw me eyi ho kwan. **16** Minni tumi se mehoahoa me ho bere a meka asempa no, efise eye ohye ma me se menka. Na se manka asempa no a, mehu amane. **17** Se mifi me pe mu ye adwuma no a, na eɛ se mehwe akatua anim. Nanso meye no se m’adwuma, efise, Onyankopon na odo ato me so. **18** Eno de, na akatua ben na eɛ se minya? Eye ahohoahode se wobeka asempa no na wunnye hwee na wummisa kyefa biara nso. **19** Mede me ho; menyee obi akoo. Nanso meye me ho obiara akoo senea mesakra akra dodow biara a metumi. **20** Bere a me ne Yudafo te no, meye me ho se Yudani, senea metwetwe won aba me nkyen. Metenaa ase senea Mose Mmara di me so, mmom na mankasa nhye mmara no ase de, senea metwetwe won a wohye saa Mmara no ase aba me nkyen. **21** Saa ara na mekofraa amanamanmufo mu no nso meye me ho se won ara pe, senea metumi atwetwe won aba me nkyen. Eyi nkyere se minni Onyankopon mmara so; mehye Kristo mmara ase. **22** Won a won gyidi ye mmerew no, meye se won ara, senea metwetwe won aba me nkyen. Meye me ho senea efata biara maa nnipa nyinaa, senea metumi afa okwan biara a ebeye yiye so agye won mu bi nkwa. **23** Asempa no nti na meye eyinom nyinaa na manya mu nhaira bi. **24** Munim se mmirika

akansi mu, mmirikatufu no nyinaa tu mmirika no bi, nanso won mu baako pe na onya abasobode no. Enti tu mmirika no senea ebema woanya abasobode no. **25** Obiara a osi agodi mu akan no siesie ne ho yiye ma akansi no. Oye saa senea obenya ahenkyew a erenkye, nanso yen de yi de, ebekye akosi daapem nyinaa. **26** Eno nti na meretu mmirika ko m’anim tee akowie no. Eno nti na mete se okuturukuboni a ne kuturuku mfom no. **27** Mebo mmoden hye me nipadua so na midi no nya, senea ebeye a, se meka asempa no kyere afoforo a me nso merenye nea emfra.

10 Anuanom, mepe se metwe mo adwene ba nsem a etoo yen nenanom a wodii Mose akyi no so. Omununkum bo won nyinaa ho ban maa won nyinaa faa Po Koko no mu asomdwoe mu. **2** Wobon won nyinaa asu se Mose akyidifo wo omununkum ne po no mu. **3** Won nyinaa dii honhom fam aduan **4** na wonom honhom fam anonne. Wonom honhom botan a na one won nam no mu nsu; na saa obotan no ye Kristo no ankasa. **5** Eyinom nyinaa akyi no, na Onyankopon ani nso won mu pii, enti na won amu guguu basaa wo sare no so ho. **6** Mprempren, eyinom nyinaa ye nhweso ma yen na ebo yen koko nso se, ense se yedi bone akyi senea woyee no, **7** na ense se yesom ahoni senea won mu bi yee no. Senea Kyerewsem no ka se, “Nnipa no tenaa ase, didi nomee, na wogoruu abosongoru, yee ahuhude.” **8** Ense se yebbo aguaman, senea won mu bi yee no na da koro won mu mpem aduonu abiesa wuwui no. **9** Ense se yeso Awurade hwe senea won mu bi ye maa awo kekaa won kunkum won no. **10** Ense se munwiinwii senea won mu bi ye maa osee bofo see won no. **11** Eyinom nyinaa baa won so de yee nhweso maa afoforo. Na wokyerew guu ho se kokobo maa yen. Efise yete ho se erenkye na bere no aba awiei. (aiōn g165) **12** Obiara a osusuw se ogyina ho no, onhwe yiye na wanhwe ase. **13** Sohwe biara a aba w’akwan mu no ye nea eba nnipa akwan mu. Esiane se Onyankopon di ne bohye so nti, oremma ho kwan mma sohwe a eboro w’ahooden so nto wo. Se sohwe ba wo so a obema wo ahooden ama woatumi agyina ano na woanya ho nyansa nso. **14** Enti me nnamfo pa, montwe mo ho mfi ahonisom ho. **15** Mekasa kyere mo se anyansafu. Asem a meka no mummua mfa. **16** Se yenom kuruwa a wahyira so no ano a, na enye Kristo mogya ayonkoka no ana? Brodo a yebubu mu no nso, se yedi a, na enye Kristo nipadua ayonkoye ana? **17** Esiane se brodo no ye baako na yedi no wo ohonam koro mu nti, ewo mu

se yeddooso de, nanso yen nyinaa ye nnipa baako. **18** Monhwe Israelman. Wɔn a wodi afɔre aduan no ne afɔremuka no wɔ ayɔnkoye. **19** Mibisa se, afɔrebɔde a wɔde ama ohoni no ye biribi anaa ohoni no na ɔye biribi? **20** Dabi, asem a mereka ne se, nea wɔde abɔ afɔre wɔ obosonsomni afɔremuka so no, wɔde ama ahonhommɔne na enye Onyankopɔn. Mempe se mode mo ho behyehye ahonhommɔne. **21** Morentumi nnom Awurade kuruwa ano na monsɔn nnom ahonhommɔne kuruwa ano. Saa ara na morentumi nnidi wɔ Awurade pon so na monsɔn nnidi wɔ ahonhommɔne pon nso so. **22** Anaa mope se yema Awurade twe ninkunu? Yegyɛ di se yeyɛ den sen no ana? **23** Wɔka se, “Wɔama yen ho kwan se yenye biribiara a yeyɛ.” Nanso enye biribiara na eye. “Wɔama yen ho kwan se yenye biribiara.” Nanso enye biribiara na etumi boa yen. **24** Ense se obiara pe ne nko ne yiyedi na mmom, ese se ohwehwe afoforo nso yiyedi. **25** Tiboa nti mutumi tɔ biribiara a wɔtɔn wɔ gua so di a mummisa ho asem biara. **26** Efise Kyerɛwsem no ka se, “Asase ne nea ewo so nyinaa ye Awurade dea.” **27** Obi a ɔnye ogyidini fre wɔ adidi na woye w’adwene se wobekɔ a, tiboa nti, aduan a ɔde bema wɔ biara no, di a wummisa ho asem biara. **28** Nanso se obi ka kyere wɔ se, “Wɔde saa aduan yi maa ahoni” a, esiane nea ɔbɔ wɔ saa amannee no tiboa nti, nni saa aduan no. **29** Eno nye wɔ tiboa, na eye onipa a ɔbɔ wɔ saa amannee no tiboa. Obi bebisa se, “Adɛn nti na obi tiboa siw m’ahofadi ho kwan? **30** Se meda Awurade ase wɔ m’aduan ho a, adɛn nti na aduan a mada ho ase no obi ka ho asem?” **31** Biribiara a mobeyɛ no, se moredidi o, se morenom o, monye mfa nhye Onyankopɔn anuonyam. **32** Monnye biribiara mfa nhaw Yudafo anaa amanamanmufo anaa Onyankopɔn asafo. **33** Monye sɛnea meye no. Mema obiara ani gye nea meye ho a minnwen m’ankasa me yiyedi ho, na mmom midwen yen nyinaa yiyedi ho sɛnea ebeyɛ a wobegye wɔn nkwa.

11 Munsua me sɛnea misua Kristo no. **2** Mekamfo mo, efise bere biara mokae me, di nea mekyerɛ mo no so. **3** Na mepɛ se mote ase se, ɔbarima ti ne Kristo, na ɔbarima ye ɔbea ti, nanso Kristo ti ne Onyankopɔn. **4** Enti ɔbarima biara a ɔkata ne ti so bɔ mpae anaa ɔka Onyankopɔn asem wɔ bagua mu no gu Kristo anim ase. **5** Na ɔbea a ɔnkata ne ti so na ɔbɔ mpae ka Onyankopɔn asem wɔ bagua mu no nso gu ne kunu anim ase. Nsonoe biara nna ɔne ɔbea a wayi ne tinwi no ntam. **6** Se ɔbea no nkata ne ti so a, ese

se otwitwa ne tinwi gu. Esiane se eye animguase se ɔbea beyi ne tinwi anaa obetwitwa agu no nti, ese se ɔkata so. **7** Eho nhia se ɔbarima bekata ne ti so, efise ɔye Onyankopɔn anuonyam ne ne sɛso **8** na wɔammɔ ɔbarima amfi ɔbea mu, na mmom wɔbɔ ɔbea fii ɔbarima mu. **9** Saa ara nso na enye ɔbea nti na wɔbɔ ɔbarima, nanso ɔbea de, ɔbarima nti na wɔbɔ no. **10** Esiane saa asem yi ne abɔfo no nti, ese se ɔbea nya nkataso bi wɔ ne ti so de kyere se ɔhye tumi bi ase. **11** Yen asetena wɔ Awurade mu no, ɔbea nne ne ho na ɔbarima nso nne ne ho. **12** Na sɛnea wɔbɔ ɔbea fii ɔbarima mu no, saa ara nso na ɔbea woo ɔbarima, na biribiara nso fii Onyankopɔn. **13** Eye se ɔbea bebo mpae afre Onyankopɔn wɔ bagua mu a biribiara nkata ne ti so ana? Mo ara mummua mfa. **14** Enye saa abɔde koro no ara na eka se se ɔbarima ti fuw bebreɛ a, eye animguase ma no no? **15** Nanso ɔbea de, se ne ti fuw pii a, eye anuonyam ma no ana? Wɔama no nwi pii se nkataho. **16** Nanso se obi pe se ogye eyi ho akyinnye a, asem a mewɔ ka wɔ ho ara ne se, yen anaa Onyankopɔn asafo no nni ɔkwan fɔforo biara a wɔfa so som. **17** Nhyehyee a edidi so yi mu no, minni nkamfo biara de ma mo, efise mo asafo nhyiamu de ɔhaw bre mo mmom. **18** Nea edi kan no, mate se mo ne mo ho mo ho di asi wɔ mo nhyiamu mu na migye di se nokware kakra wɔ mu. **19** Akyinnye biara nni ho se ese se mo mu kyekye sɛnea ebeyɛ a nokware beda adi. **20** Se muhyia se kuw a, munnyhia se moreye Awurade Adidi **21** efise mugu so redidi no, obiara di n’aduan. Eno nti bere a ɔkɔm de obi no na ɔfɔforo nso abow nsa. **22** Mo ara munni afi a mudidi nom wɔ mu? Anaase mope se mugu Onyankopɔn asafo no ne wɔn a ade ahia wɔn no anim ase ana? Den na mohwehwe se meka fa saa asem yi ho kyere mo? Menkamfo mo ana? Eɛ se muhu se ense se mekamfo mo! **23** Awurade nkyɛn na minya nkyerekyerɛ a mekyerekyerɛ mo no se Awurade Yesu, anadwo a woyii no mae no, ɔfaa brodo **24** na ɔdaa Onyankopɔn ase no, obuu mu kae se, “Eyi ne me nipadua a mede ma mo. Monye eyi mfa nkae me.” **25** Saa ara na Adidi no akyi no, ɔfaa kuruwa na ɔkae se, “Saa kuruwa yi ye Onyankopɔn apam fɔforo a wɔde me mogya ahyɛ mu den. Bere biara a mobenom no, momfa nkae me.” **26** Bere biara a mubedi brodo no na mobenom kuruwa no ano no, monka Awurade wu no ho asem nkosi se ɔbeba. **27** Ekyere se, se obi di Awurade brodo no na ɔnom kuruwa no ano wɔ ɔkwan a emfata so a, odi Awurade

nipadua ne ne mogya no ho fɔ. **28** Enti ansa na obiara bedi brodo no, anom kuruwa no ano no, eɛ se ɔkari ne ho hwe. **29** Na se wammu Awurade Honhom no na odi, nom fi kuruwa no mu a, odi nom de atemmu ba n'ankasa so. **30** Eno nti na mo mu bebreɛ yareyare na moye mmerew na mo mu pii awuwu no. **31** Se yekari yen ho hwe ansa a, yerenko Onyankopɔn atemmu mu. **32** Nanso Awurade bu yen aten, twe yen aso senea ɔremmu yene wiase nyinaa fɔ. **33** Eno nti, me nuanom, se muhyia se moreko Awurade Adidi no a, mommo mu nnidi. **34** Se ɔkom de obi a, onni biribi wɔ fie na Onyankopɔn ammu no aten wɔ wɔn nhyiamu no ase. Meba a mekyere mo nea monye bio.

12 Me nuanom, meppe se morenɔhu nsem a efa Honhom Kronkron akyede no ho no. **2** Munim se bere a na moye abosonsomfo no, moyeraa kwan kɔɔ ahoni a awuwu no nkyen. **3** Nea eɛ se mote ase ne se, obiara a ɔwɔ Onyankopɔn Honhom akwankyerɛ no ka se “Yesu ye Awurade,” na ɔnnome Yesu. **4** Akyede no gu ahorow nanso Honhom koro no ara na ekyekye. **5** Akwan ahorow bebreɛ wɔ ho a wɔfa so som nanso Awurade koro no ara na wɔsom no. **6** Tumi ahorow bebreɛ wɔ ho a wɔnam so som, nanso Onyankopɔn koro no ara na ɔma obiara tumi ma ɔde som. **7** Honhom Kronkron no nam yen mmaako mmaako so da ne ho adi wɔ akwan bi so ma eboa yen nyinaa. **8** Honhom Kronkron no ma obi nyansa na Honhom Kronkron no ara nso ama obi osuah. **9** Saa Honhom Kronkron no ara ma obi gyidi na ɔma obi nso tumi a ɔde sa nyarewa. **10** Honhom Kronkron no ma obi tumi ma ɔye anwonwade; obi nso, ɔma no tumi ma ɔka Onyankopɔn asem; na ɔfoforo nso ɔma no tumi ma ɔkyere nsonoe a eɔa akyede a efi Honhom Kronkron no ne nea emfi Honhom Kronkron no mu. Honhom Kronkron no ma obi tumi ma ɔka kasa foforo na ɔma ɔfoforo nso tumi ma ɔkyere kasa foforo no ase. **11** Eye Honhom Kronkron koro no ara na ɔye eyinom nyinaa; akyede ahorow a ɔpe se ɔde ma obiara no, ɔde ma no. **12** Kristo te se onipadua baako a ewɔ akwaa bebreɛ; ewɔ mu se ewɔ akwaa bebreɛ de, nanso eye nipadua koro no ara. **13** Wɔnam saa ɔkwan koro no ara so abɔ yen Yudafo ne amanamanmufo ne nkoa ne yen a yede yen ho no asu. Wɔnam Honhom Kronkron koro no so abɔ yen asu ahye saa onipa koro no ara mu. Na wɔde saa Honhom Kronkron no ama yen nyinaa se yennom. **14** Onipadua no ankasa nye akwaa baako; eye akwaa bebreɛ. **15** Se nan ka se,

“Esiame se menyɛ nsa nti, menka nipadua no ho” a, enye eno na ɛremma no nye nipadua no fa bi. **16** Na se aso ka se, “Esiame se menyɛ aniwa nti, menka nipadua no ho” a, enye eno na ɛremma no nye nipadua no fa bi. **17** Na se nipadua no nyinaa ye aniwa a, anka ebeye den ate asem? Na se eye aso a anka ebeye den ahua ade? **18** Senea Onyankopɔn pe no no na ɔde akwaa biara sii. **19** Se nipadua no nyinaa ye akwaa koro a, anka nipadua no beye den? **20** Senea ete no, akwaa gu ahorow, nanso nipadua no ye baako pe. **21** Eyi nti, aniwa ntumi nka nkyere nsa se, “Wo ho nhia me!” Saa ara na eti rentumi nka nkyere nan se, “Wo ho nhia me!” **22** Saa ara na yerentumi nye biribiara a akwaa a eye mmerew no nka ho mma enye yiye. **23** Akwaa a yesusuw se enni mu pii no mmom na yehwe no yiye, na nea enye fe wɔ nipadua ho no nso yehwe no yiye pa ara. **24** Na akwaa a edi mu no, saa ɔhwe no ho nhia no. Onyankopɔn ankasa nam ɔkwan bi so akeka nipadua no asisi anim de ahye akwaa a wommu no no anuonyam. **25** Enti nkyekyemu biara nni nipadua no mu. Akwaa no nyinaa keka wɔn ho wɔn ho bɔ mu. **26** Se akwaa baako ho ka a, akwaa a aka no nyinaa ho ka bi. Na se wɔkamfo akwaa no bi a, anigye ka akwaa a aka no nyinaa. **27** Enti mo nyinaa moye Kristo nipadua. Na mo mu biara ye n'akwaa. **28** Onyankopɔn ahyehye biribiara pepepepe wɔ asafɔ no mu: Nea edi kan, asomafo; nea eto so abien, adiyifo; nea eto so abiesɛ, akyerekyerɛfo; afei wɔn a wɔye anwonwade na wɔn a wɔama wɔn tumi de sa yare anaa wɔboa afoforo anaa wɔkyere wɔn kwan anaa wɔka kasa foforo. **29** Wɔn nyinaa nye asomafo anaa adiyifo anaa akyerekyerɛfo. Enye wɔn nyinaa na wɔwɔ tumi a wɔde ye anwonwade **30** anaa wɔsa nyarewa, anaa wɔka kasa foforo anaa wɔkyere nea wɔka no ase. **31** Monhwehwe akyede a ebeboa mo yiye akyi kwan. Mekyerɛ mo ɔkwan foforo a eye pa ara.

13 Se meka nnipa ne abɔfo kasa foforo na minni ɔɔɔ a, na mete se ayowa a egyigye anaa akasae a ewosow keke. **2** Se mewɔ akyede a mitumi ka asempa no ma eka nnipa koma; na mewɔ osuah ne ntease ma mete ahintasem nyinaa ase; na mewɔ gyidi a ema mitumi tutu mmepɔw, nanso minni ɔɔɔ a, menka hwee. **3** Se mede nea mewɔ nyinaa akye na mpo mitu me nipadua si ho se wɔnhyew, nanso se minni ɔɔɔ a, minnya hwee. **4** Ɔɔɔ wɔ boasetɔ na ne tirim ye mmerew; ɔɔɔ nye ahoɔyaw anaa enkyere ne ho anaa onni ahomaso su. **5** Ɔɔɔ mmu ɔbra bɔne; ɔnye

pesemenkominya; ne bo nhaw no; ɔmfɔ bɔne nhye ne mu. **6** Ɔɔɔ mpe bɔne, na mmom, ɔpe nokware. **7** Ɔɔɔ mpa abaw; ne gyidi, n'anidaso ne ne boaseto nni nhuammɔ. **8** Ɔɔɔ wɔ ho daa. Nkɔmhye wɔ ho, nanso ɛnte ho daa; akyede a ɛma wɔka kasa foforo wɔ ho, nanso ɛwɔ n'awiei; osuahy wɔ ho, nanso ebetwa mu. **9** Nea yenim ne nkɔm a yehye no ye fa ne fa bi; **10** nanso nea eye pe no nya ba a, nea eye fa ne fa no begu. **11** Meye abofra no, mekasaa se abofra, medwenee se abofra, misusuwii se abofra, na meyeɛ ɔpanyin yi, magu mmofrasem no. **12** Nea yehu no mprenpren no te se su bi a eye kusuu wɔ ahwehwe mu. Eno akyi na, yebehu no kann. Nea minim mprenpren no ye eho fa bi; akyiri no, ebedi mu te se Onyankopɔn nimdee a ɔwɔ wɔ me ho no. **13** Na afei nneema abiesa yi na ɛwɔ ho: gyidi, anidaso, ɔɔɔ; na ɔɔɔ ne mu kese.

14 Ɔɔɔ na ɛse se mohwehwe akyi kwan. Momma mo koma mpere nhwehwe Honhom akyede no, ne titiriw no nkɔmhye. **2** Onipa a ɔka kasa foforo no nkasa nkyere nnipa, na mmom ɔkasa kyerɛ Onyankopɔn, efise obiara nte asem a ɔka no ase. Ɔnam Honhom no tumi so ka nokware mu ahintasem. **3** Nanso onipa a ɔhye nkɔm no kasa kyerɛ nnipa, boa wɔn, hye wɔn nkuran, kyekye wɔn were. **4** Onipa a ɔka kasa foforo no boa ɔno ankasa ne ho, nanso onipa a ɔhye nkɔm no boa asafo no nyinaa. **5** Ɛwɔ mu se mepe se mo nyinaa ka kasa foforo de, nanso mepe se mo nyinaa nya akyede a ebema mo ahye nkɔm. Efise onipa a ɔhye nkɔm no ho hia yiye kyen onipa a ɔka kasa foforo no, gye se obi wɔ ho a ɔbekyerɛ ase, ma aboa asafo no nyinaa. **6** Enti anuanom, se meba mo nkyen na meka kasa foforo a, mfaso ben na mubɛnya wɔ me ho? Morennhya hwee gye se meda Onyankopɔn ahintasem adi anaa meda osuahy bi adi, anaa meka nsem ma ekanyan mo, anaa mekyerekyerɛ mo. **7** Saa ara nso na nneema a nkwa nni mu, te se abɛn anaa sanku a wɔde bɔ nnwom no, se nnwom no bɔ no mu anna ho a, obiara rente ne de. **8** Na se nea ɔhyɛn akoben no nso anhyɛn no yiye a, hena na obesiesie ne ho ako ɔko? **9** Saa ara nso na mibisa se, se moka kasa foforo a emu nna ho a, ebeye den na obi ate asem a moka no ase? Mo nsem no beyera wɔ mframa mu. **10** Ɔkasa ahorow bebree na ɛwɔ wiase, nanso emu biara nni ho a ntease nni mu. **11** Na se mente kasa a obi ka no ase a, nea ɔreka saa kasa no beye ɔhoho ama me, na me a meretie no nso, maye ɔhoho ama no. **12** Esiane se mopere se mubɛnya Honhom no akyede

no nti, ɛse se mohwehwe nea ebɛboa asafo no ama agyina yiye. **13** Ɛse se obi a ɔka kasa foforo no bɔ mpae na otumi kyere nsem a ɔka no ase. **14** Se meka kasa foforo bɔ mpae a, me honhom bɔ saa mpae no, nanso m'adwene mmoa. **15** Den na afei ɛse se meye? Mede me honhom bebɔ mpae, na mede me ntease bebɔ mpae nso; mede me honhom beto dwom, nanso mede me ntease nso beto bi. **16** Se wonam honhom nko so da Onyankopɔn ase a, ebeye den na obi a ɔka nhyiamu no ho no betumi agye w'aseda mpae no so se, "Amen" bi? Ɔkwan biara nni ho a ɔbefa so ate nea woreka no ase. **17** Se eba saa a, na w'aseda mpae a worebɔ Onyankopɔn no ye se den ara mpo a, ɛremmoa onipa a ɔka wɔ ho no wɔ ɔkwan biara so. **18** Meda Onyankopɔn ase se meka kasa foforo sen mo a mowɔ ha nyinaa. **19** Nanso asafo mu som no, mepe se meka kasa mmaako mmaako anum pe a mobete ase na moagyina so atumi akyere afoforo ade, sen se meka nsem mpempem wɔ kasa foforo mu. **20** Monnnwene se mmofra, anuanom; nanso se yeka bɔne ho asem de a, monye mo ho se mmofra. Nanso munnwen se mmadwemma. **21** Kyerewsem no ka se, "Menam nnipa a wɔka kasa foforo so bekasa akyere saa nnipa yi. Menam ahoho anofafa so bekasa, nanso wɔrentie me," Awurade na ose. **22** Kasa foforo no ye wɔn a wonni gyidi no nsɛnkyerenne na Onyame asɛnka no nso ye gyidifo nsɛnkyerenne. **23** Se asafo no nyinaa hyia na obiara fi ase ka kasa foforo na se ahoho anaa wɔn a wonni gyidi fra mo mu a, munnye nni se wɔbeka se moabobo adam? **24** Nanso se mo nyinaa na moka Onyankopɔn asem na se obi a onni gyidi anaa onipa foforo bi befra mo mu a, nsem a ɔbete no bema wanu ne ho wɔ ne bɔne ho. Nsem a ɔte no bebu no atɛn **25** na ne kokoamsem beda adi, na obebu nkotodwe asom Onyankopɔn na waka ne bɔne se, "Nokware ni, Onyankopɔn ka yen ho wɔ hal" **26** Anuanom, nsem a meka yi kyere den? Se muhya se moresom a, obi to dwom; obi kyerekyerɛ; obi da Onyankopɔn ahintasem adi; obi ka kasa foforo na ɔfoforo nso akyerekyerɛ ase. Ɛse se biribiara boa asafo no nkɔso. **27** Se obi pe se ɔka kasa foforo a, aboro so koraa no, ɛse se eye nnipa beye baanu anaa baasa. Ɔbaako kasa wie a, na ɔfoforo nso akasa, na obi nso akyerekyerɛ nsem a waka no ase. **28** Na se obi nni ho a ɔbekyerɛ kasa foforo yi ase de a, ɛse se onipa a ɔka saa kasa no ye komm wɔ nhyiamu no ase na ɔkasa kyerɛ ne ho ne Onyankopɔn. **29** Nnipa baanu anaa baasa a Onyankopɔn asem no wɔ wɔn

nkyen no na ese se wokasa na won a aka no nso atie adwene ho. **30** Na se obi a ote ho no nso nya asem fi Onyankopon nkyen a, ese se onipa a orekasa no gyae kasa. **31** Ese se mo nyinaa ka Onyankopon asem no mmaako mmaako senea mo nyinaa benya osuahu bi ne nkuranhye. **32** Ese se nkomhyeni no pene so gyae ma ofoforo nso kasa. **33** Efise Onyankopon mfre yen se yemme ye basabasa, na mmom asomdwoepefo. Senea ete wo Onyankopon asafo mu no. **34** Ese se mmea a wowo asafo mu no ye komm wo asafo no nhyiamu ase. Wonni ho kwan se wokasa, senea Mose mmara no kyere no. **35** Se worehwehwe biribi mu ahu a, wommisa won kununom wo fie. Obea kasa wo asafo nhyiamu ase a, eye animguase. **36** Anaa mofa no se Onyankopon asem no fi mo nkyen? Anaa mo nko ara mo nkyen na efi? **37** Se obi susuw se oye odiiyifo anaa owo honhom akyede a, ese se ote ne ho ase se, “Nsem a merekyerew yi, Awurade na ohyee me se menkyerew.” **38** Enti se ontie eyi a, eno de munntie ono nso. **39** Enti anuanom, mompere se mobebye nkam, nanso monnnayae se mobeka kasa foforo. **40** Ese se moye biribiara wo ne kwan so.

15 Afei anuanom, mepe se mekae mo adwene fa Asempa a meka kyeree mo no a mugye too mu, nam so maa mo gyidi mu yee den no ho. **2** Eno ne Asempa a meka kyeree mo no. Se mukura asempa yi mu dennen a, mubanya nkwa; gye se moannye anni. **3** Mekaa asem a metee a eho hia yiye no kyeree mo se, yen bone nti na Kristo wui, senea wakyerew no Kyerewsem no mu se **4** wosiee no, na ne nnansa so no, asore fii awufo mu senea Kyerewsem no ka no, **5** odaa ne ho adi kyeree Petro ne asomafo dumien no nyinaa. **6** Afei mpofirim, odaa ne ho adi kyeree n'akyidifo bebora ahannum a won mu bi te ase na won mu bi nso awuwu. **7** Afei oyii ne ho adi kyeree Yakobo ne asomafo no nyinaa. **8** Akyiri no koraa na oyii ne ho adi kyeree me a meye obi a wananwo me ntem. **9** Meye obi a misua koraa wo asomafo no mu na memfata mpo se wofre me osomafo efise metaa Onyankopon asafo. **10** Nanso Onyankopon adom nti, mete senea mete no ara na adom a ode dom me no aboa me yiye. Ama matumi aye adwuma dennen asen asomafo a aka no nyinaa a emfi m'ankasa m'ahooden mu, na mmom Onyankopon adom no na eredi dwuma wo me mu. **11** Enti se efi me anaa efi won no, Asempa a yen nyinaa ka ni, na eno nso na mugye di. **12** Afei senea Asempa no ka se wama Kristo asore ahi awufo

mu no, aden na mo mu bi tumi ka se worentumi mma awufo nsore? **13** Se saa ye nokware de a, na ekyere se wamma Kristo ansore amfi awufo mu. **14** Na se wamma Kristo ansore amfi awufo mu a, na ekyere se, yenni asem biara ka, na mo nso munni asem biara a mubegye adi. **15** Eno akyi koraa na ekyere se, yeredi atoro afa Onyankopon ho, efise yeka se ono na onyan Kristo fii awufo mu. Na se awufo ntumi nsore a, eno de na wamma Kristo nso ansore amfi awufo mu. **16** Se awufo ntumi nsore a, na Kristo nso ansore. **17** Na se wamma Kristo ansore amfi awufo mu a, na mo gyidi no ye mnaadaa, na moda so yera wo mo bone mu. **18** Ekan kyere se, won a na wogyee Kristo di a wawuwu no ayera. **19** Na se yen anidaso wo Kristo mu no ye ma saa asetena yi nko ara a, eno de na yeye mmobo sen obiara a owo wiase ha. **20** Nanso nokware a ewo mu ne se, wama Kristo asore ahi awufo mu de ahye mo den se won a woadeda wo owu mu no, wobema wasoresore. **21** Na senea owu nam onipa so bae no, saa ara nso na owusore nam onipa so ba. **22** Owu nam Adam so baa yen nyinaa so; saa ara nso na Kristo de nkwa bree yen nyinaa. **23** Nanso, biribiara beye nnidiso nnidiso a Kristo na obedi kan, na se Kristo di kan ba bio a, won a woye ne de no nso adi akyi. **24** Afei, se Kristo see ahonhom mu atumfo ahooden ne tumi nyinaa a, awiei no beba, na ode Ahenni no ama Onyankopon a oye Agya no. **25** Efise ese se Kristo di hene kosi se obedi n'atamfo nyinaa so na ode won ahye n'anan ase. **26** Otamfo a obedi ne so atwa to ne owu. **27** Se Kyerewsem no ka se, “Ode nneema nyinaa behye ne tumi ase a,” wommfa Onyankopon nka ho. Eye Onyankopon na ode nneema nyinaa hyee Kristo tumi ase. **28** Na se wode nneema nyinaa hye Kristo tumi ase a, ono ankasa a oye Oba no de ne ho behye Onyankopon a ode nneema nyinaa hyee ne Ba no tumi ase no ase; na Onyankopon adi biribiara so. **29** Se owusore nni ho a, anka won a woboo awufo din bo asu no beye den? Won adwene ne den? Se eye nokware se nea woka se, wonnyan awufo mma nkwa mu a, aden nti na woboo awufo din bo won asu? **30** Na aden na donhwere biara yede yen ho to amane mu? **31** Anuanom, da biara mihyia owu. Esiane Yesu nti, ahohoahoa a mewo wo mo mu no na ema meka eyi. **32** Na se ako a me ne “nkekammoa” dii wo Efeso no mu anidaso mmoro nipa de so a anka den na manya? Na se wonnyan awufo mma nkwa mu a, eno de “Momma yennidi na yennom, efise okyena yebewu” senea woka

no. **33** “Mommma wōnnnaadaa mo. Nkōmma bone sēe obra pa.” **34** Momma mo ani mmra mo ho so senea ēse na mumfi mo akwammōne no so. Meka eyi de hye mo aniwu sē mo mu ebinom nnim Onyankopōn. **35** Obi bebisa sē, “Ebeye den na wobetumi ama awufo asore aba nkwa mu? Wode nipaduasū bēn na ēbeba?” **36** Ōkwasea! Sē wodua aba wō fam a, gye sē ewu ansa na afifi. **37** Na nea wodua wō fam no yē aba keke; ebia ēyē ōmo aba anaa aba foforo a enyē afifide no a wōatu atēw a, ebenyin. **38** Bōbea a Onyankopōn adwene ho sē ōpē sē ōde bō aba no na ōde bō no; ōma aba biara bōbea a efata no. **39** Honam a ekata ateasefo ho no nyinaa nyē honam koro. Nnipa wō honam baako; mmoa wō wōn de; nnomaa wō wōn de na nsumnam nso wō wōn de. **40** Ōsoro nipadua wō ho na fam nipadua nso wō hō. Ahoōfē bi wō hō ma ōsoro nipadua nko ara, na ahoōfē bi nso wō hō ma fam nipadua. **41** Owia wō n’ankasa ahoōfē. Ōsram wō ne de nko; nsoromma ahoōfē gu ahorow; na nsoromma no mu nso wōwō ahoōfesū ahorow. **42** Sē wōma awufo sōre ba nkwa mu a, saa ara na ēbeba. Sē wosie nipadua no a, eporōw; wōma esōre nso a emporōw. **43** Sē wosie nipadua a, ēyē tan na ēyē mmerew, nanso sē wōma esōre a, ēyē fē na enya ahoōden. **44** Sē wosie nipadua no a, ēyē honam, na sē wōma esōre a, ēyē honhom. Ōhonam wō hō enti ēsē sē honhom nso wō hō. **45** Kyerewsem no ka sē, “Na Adam a odi kan no yē onipa teasefo” nanso Adam a otwa to no yē Honhom a ōma nkwa. **46** Enyē honhom muni na ōbaa kan. Ōbaa wō nea okura honam fam nipadua no akyi. **47** Wode fam mfutuma na ebō Adam a odi kan no. Adam a ōto so abien no fi ōsoro. **48** Wōn a wōte asase so no te sē nea wode dōte bō no no; na wōn a wōyē ōsoro mma no te sē wōn a wōfi ōsoro. **49** Senea yete sē nnipa a wode dōte bō yēn no, saa ara na yebeye sē onipa a ofi ōsoro no. **50** Anuanom, nea mepē sē mekyere ne sē, nea wode honam ne mogya aye no nni kyefa wō Onyankopōn ahenni no mu; na nea eporōw no ntumi ntena hō. **51** Muntie saa ahintasem yi: Yēn nyinaa renwu, nanso bere tiaa bi mu, wōbesakra yēn nyinaa; **52** sē torobento a etwa to no bō a, nsakrae no beye anibuei. Sē ebō a, awufo bēdan ateasefo na yēn nyinaa besakra. **53** Na nea eporōw no de nea emporōw akata ne ho, na nea ewu no de nea enwu akata ne ho. **54** Enti nea eporōw de nea emporōw kata ne ho na nea ebewu de nea enrenwu kata ne ho a, Kyerewsem no beba mu sē, “Wōasee owu; nkonim aba!” **55** “Owu, wo nkonim

wo he? Owu, wo nwowōe wō he?” (Hadēs g86) **56** Owu nya ne tumi fi bone mu na bone nso nya ne tumi fi mmara no mu. **57** Nanso yēda Onyankopōn a ōnam yēn Awurade Yesu Kristo so ma yēn tumi no ase! **58** Enti me nuanom, munnyina pintinn. Mommma biribiara nhinhim mo. Da biara monyē Awurade adwuma, efise munim sē moye Awurade adwuma a enrenyē ōkwa da.

16 Asem a efa tow a wobeyi de aboa Onyankopōn asafomma a wōwō Yudea ho no ni: E sē sē moye nea meka kyere Galati asafo ahorow sē wōnyē no bi. **2** Kwasida biara sika a moanya no, momfa bi nsie baabi senea meba mo nkyen a eremma munyi tow. **3** Sē meba hō a mekyerew adansedi krataa de asoma nnipa a mopene so sē mensoma wōn, na wōabegye mo akyede no de ako Yerusalem. **4** Sē eho hia sē me ne wōn ba a, me ne wōn beba. **5** Sē mifi Makedonia a na mēba mo nkyen, efise mēfa hō. **6** Ebia medi nna kakra wō mo nkyen, anaa mpo medi awōwbere no wō mo nkyen, na moaboa me ama mako baabiara a mepē sē meko. **7** Mepē sē midi nna tiaa bi wō mo nkyen. Na mmom, mēwō anidaso sē, sē Awurade pē a, metena mo nkyen akye. **8** Nanso metena Efeso ha yi akosi Pentekoste da no. **9** Ewō mu sē wōn a wōasore atia me no dōso de, nanso akwan pa a metumi afa so adi dwuma pa wō ha. **10** Sē Timoteo ba mo nkyen wō ha a, monsom no hōho, efise ōreye Awurade adwuma senea meye yi ara. **11** Obiara mmu no abomfiaa, na mmom mommoa no na ontu ne kwan yi asomdwoe mu na watumi asan abeka me nsa, efise merehwe ōne anuanom no anim. **12** Onua Apolo nso, metaa hye no nkuran sē ōne anuanom a wōaka no ntaa nsra mo, nanso ōnyee n’adwene sē ōbeba mprenpren ara. Sē onya kwan de a, ōbeba. **13** Monwen, momma mo gyidi mu nyē den; mo bo nyē duru na munnya ahoōden. **14** Momfa ōdō nyē mo nnnwuma nyinaa. **15** Munim Stefana ne ne fifo ho asem. Wōyē nnipa a wōdan beye Kristofo kan wō Hela na wode wōn ho ama Onyankopōn adwumayefo. Mesre mo, me nuanom, **16** sē mommre mo ho ase mma nnipa a wōte saa ne wōn a wodi saa dwuma no bi no. **17** M’ani gye Stefana, Fortunato ne Akaiko ba a wōbae no ho. Wobesii mo anan **18** na wōama m’ani agye senea wōmaa mo ani gyei no ara pē. E sē sē yekae nnipa a wōte saa no. **19** Asafo a wōwō Asia no kyia mo. Akwila ne Priska ne asafo a wohyia wō wōn fi no nso kyia mo. **20** Anuanom a wōwō ha no kyia mo. Momfa ōdō nkyiakya mo ho mo ho. **21** Me ara me nsa ano nkyerew ni: Me Paulo, mikyia mo. **22** Obiara a ōnno

Awurade no, nnome mmra ne so. Marana-ta “Yen
Awurade bra!” 23 Awurade Yesu adom mmra mo so.
24 Me dɔ nka mo nyinaa wɔ Kristo Yesu mu. Amen.

2 Korintofo

1 Saa krataa yi fi Paulo a Onyankopɔn ayi no se Kristo Yesu somafo no ne Timoteo a ɔye yen nuanom no mu baako nkyen, Wɔde saa krataa yi rekoma Onyankopɔn asafo a ɛwɔ Korinto ne ahotefo a wɔwɔ Akaiaaman mu no nyinaa: **2** Adom ne asomdwoe a efi yen Agya Onyankopɔn ne Awurade Yesu Kristo nka mo. **3** Momma yenna Onyankopɔn a ɔye yen Awurade Yesu Kristo Agya a ɔye mmɔborɔhunu Agya na ɔye Onyankopɔn a awerekyekye nyinaa fi no no ase. **4** Ɔkyekye yen were wɔ yen amane nyinaa mu na yenam awerekyekye a yen ankasa anya afi Onyankopɔn nkyen no so atumi akyekye afororo a wɔwɔ amane ahorow mu no were. **5** Senea yeahu amane wɔ Kristo mu no, saa ara nso na yenia Kristo awerekyekye a ɛdɔɔso no. **6** Mo awerekyekye ne mo nkwagye nti yehu amane. Efise se Kristo kyekye yen were a yen nso yenam so betumi akyekye mo were. Eno bema moanya ntoboase ahu amane se yen nso. **7** Enti gyidi a yewɔ wɔ mo mu no nhinhim. Yenim se, senea mo ne yen hu amane no, saa ara nso na munya awerekyekye a yenia no bi. **8** Anuanom, yepɛ se yetwe mo adwene ba ɔhaw a etoo yen wɔ Asia mantam mu no so. Amane a yefaa mu no so, na na emu ye duru enti yen asetena mu anidaso nyinaa yerae. **9** Nokware mu, yegye too mu se yerebewu. Saa asem yi sii, senea ebeye a yeremfa yen ho nto yen ankasa so, na mmom yede yen ho beto Onyankopɔn a ɔma awufo sore no so. **10** Wayi yen afi saa owu amanehunu yi mu na ɔbɛko so agye yen. Ɔno na yede yen ani ato no so se, se moko so bo mpae ma yen a, **11** obegye yen bio. Eyi kyere se obebua mpae dodow biara a mobɔ ma yen no, na Onyankopɔn behyira yen, na dodow no ara ama wɔn nne so de ada no ase ama yen. **12** Yehoaahoa yen ho se yen ahonim mmu yen fɔ, yeatena ase nokwareɖi mu, ne titiriw ne bere a yewɔ mo nkyen no. Enye wiase nyansa na ɛkyere yen kwan. Mmom, yen akwankyerɛ fi Onyankopɔn adom no mu. **13** Nsem a mubetumi akenkan ate ase nko na yekyerɛw de brɛ mo. Mewɔ anidaso se mobete biribiara a **14** monte ase yiye no ase daakye senea ebeye a da a Awurade Yesu beba no, mode yen behoaahoa mo ho na yen nso yede mo ahoaahoa yen ho. **15** Na minim se saa asem yi beba mu. Eno nti na mehyehyee se meba abesra mo na moanya nhyira mprenu. **16** Meyee m'adwene se, se mereko Makedonia a meba mo nkyen, na meresan nso

a, mafa mo nkyen ansa na mako Yudea. **17** Modwene se mantumi ansi m'adwene pi wɔ nea ɛse se meye hoa ana? Anaase mete se obi a ɔka se "Yiw" ana "Dabi" senea ebese afororo ani? **18** Onyankopɔn ye ɔnokwafo. Enti se meka se yen mmuae ye "Yiw" bere biara a eye "Yiw", enye "Dabi" da. **19** Efise Yesu Kristo, Onyankopɔn Ba no a me Paulo, Silas ne Timoteo kaa ne ho asem kyere mo no nsesa. Ɔnka "Yiw" ne "Dabi" da. Bere biara odi n'asem so. **20** Ɔno mu na Onyankopɔn bohye nyinaa awie pɛye. Eyi nti yenam Yesu Kristo so ka "Amen" de hye Onyankopɔn anuonyam. **21** Afei Onyankopɔn no ankasa na ɔma yene mo tumi gyina pintinn wɔ Kristo mu. Ɔno na ɔsraa yen **22** faa yen se ne de, na ɔde ne Honhom Kronkron no hyee yen koma mu de sii nea ɔwɔ ma yen nyinaa so dua. **23** Mefre Onyankopɔn se m'adanse. Onim me koma mu. Senea ebeye a mubenya kwan agye mo ahome nti na manko Korinto no. **24** Enye yen adwene ne se yebehye mo ama moagye biribi adi, na mmom mo ahoto nti na yene mo ye adwuma. Efise enam mo ankasa gyidi so na mubegyina pintinn.

2 Enti meye m'adwene se meremma mo nkyen bio mmehye mo awerehow. **2** Se mebehye mo awerehow a hena na ɔbɛkyekyerɛ me were? Me ara a mahye mo awerehow no ana? **3** Eno nti na mekyerɛw saa krataa no brɛ mo. Na mempe se meba mo nnipa koro no ara a mubegye m'ani no nkyen abehye mo awerehow. Minim yiye se, se me ho to me a, mo nso mo ho betɔ mo. **4** Mede amanehunu, awerehow ne nusu na erekyerɛw mo saa krataa yi. Mankyerɛw mammehye mo awerehow, na mmom, mekyerɛw de bekyerɛ ɔɔ a medɔ mo nyinaa. **5** Se obi ahye afororo awerehow a, enye me na wahye me saa awerehow no, na mo anaase mo mu bi na wahye no saa awerehow no. Mempe se me nsa ye den wɔ saa onipa no so. **6** Aso a dodow no ara atwe no no dɔɔso ma no. **7** E se se mode kye no na mokyekye ne were senea ebeye a awerehow renhye ne so. **8** Mesre mo, momma onhu se mope n'asem pa ara. **9** Nea enti a mekyerɛw mo krataa no ne se: Mepɛ se mihi se moatumi agyina sohwe no ano pintinn na nsem a meka kyere mo no nso, mudi so ana. **10** Se obi ye bone bi na mode kye no a, me nso mede kye no. Se eho hia se mede bekye na mede kye a, ese se mede biribiara kye. Na mo nti na meye saa wɔ Kristo anim **11** senea ebeye a, ɔbonsam rennya yen ho kwan, efise yenim ne nsusuwii. **12**

Bere a miduu Troa kōkaa Kristo ho Asempa no, mihuu se Awurade ama adwuma no yē ho kwan wō hō. **13** Nanso me were howee, efise na minhu yen nua Tito. Enti mekraa nnipa a wōwō hō no na misii mu kōw Makedonia. **14** Yēda Onyankopōn ase se daa odi yen kan wō yen anigye ne nkonimdi santen wō Kristo mu ma ode yen trēw ne ho nimdee huamhuam no mu. **15** Yeye Kristo aduhuam wō wōn a wōregye wōn nkwa ne wōn a wōreyera no mu ma Onyankopōn. **16** Na wōn a wōreyera no de, eye wōn hua bōne a etumi kum. Nanso wōn a wōregye wōn nkwa no de, eye hua a ema wōn nkwa. Hena na obetumi agyina adwuma a eye den sēe anim? **17** Yente se nnipa afoforo bi a wōfa Onyankopōn asem se adetōnnne bi, na esiane se Onyankopōn asoma yen no nti, yēka nokware wō n'anim se Kristo asomfo.

3 Eyi kyere se yerehoahoa yen ho bio ana? Anaase yehia adansedi nkrataa a efi yen nkyen anaa mo nkyen senea afoforo hia no ana? **2** Mo ankasa moye krataa a ewō yen nkyen a wōakyerew wō yen koma mu senea ebeye a obiara behu na wakenkan. **3** Mote se krataa a Kristo nam yen som so akyerew. Enye adubiri na wōde kyerew no obo pon so na mmom Onyankopōn a ɔte ase no Honhom na wōde kyerew guu nnipa koma mu. **4** Saa ahotoso yi na yenam Kristo so anya wō Onyankopōn fam. **5** Biribiara nni yen mu a ebetumi ama yeasi yen bo aka se yebetumi aye saa adwuma yi. Ahōden a yewō no fii Onyankopōn. **6** Ōno na wama yen afata se N'Apam Foforo ho asomfo. Efi Honhom Kronkron no na emfi mmara a wōakyerew. Mmara de owu ba na Honhom no ne nea ema nkwa. **7** Mmara a ede owu bae no, na wōakyerew no obo pon so, nanso anuonyam a na ekura no nti nnipa no antumi anhwē Mose anim. Mose anuonyam hyerenee nanso saa anuonyam no dumii. **8** Enti apam a Honhom no de ba no rennya anuonyam mmoroso ana? **9** Se mmara a ede owu ba no wō anuonyam a, eno de nea ema yetee wō Onyankopōn anim no rennya anuonyam a eboro so ana? **10** Nokware mu, Apam Foforo no anuonyam mmoroso nti, mmara a ede owu ba no anuonyam ayera. **11** Na se anuonyam wō biribi a enkye mu a, ade a ewō hō daa no anuonyam beye nea eso yiye. **12** Esiane se yewō saa anidaso yi nti, yewō akokoduru. **13** Yente se Mose a ɔde nkataanim kataa n'anim senea ebeye a Israelfo no renhu nea eretwa mu no awiei. **14** Nanso ntease a wōannya no nti besi nne yi, se wōkenkan Apam Dedaw nhoma no a, saa

nkataanim no da so kata wōn adwene so. Ansa na nkataanim no befi hō no, gye se wogye Kristo di. **15** Nne yi mpo, bere biara a wōbekenkan Mose mmara no, nkataanim no da so kata wōn koma so. **16** Nanso se obi gye Awurade di a woyi nkataanim no fi hō. **17** Na Awurade ne Honhom no, na baabiara a Awurade Honhom wō no ahotō wō hō. **18** Yen a nkataanim biara nkata yen anim no, Awurade anuonyam hyeren wō yen anim, na Awurade Honhom no sakra yen kō n'anuonyam mu.

4 Onyankopōn nam n'adom so de saa asem yi abre yen na eno nti emma yen koma ntutu. **2** Yeagyae kokoamsem ne aniwu nneyee nyinaa. Yennaadaa na yentwa Onyankopōn asem no ho nkontompo. Yennaadaa obi mma onnye nea Kyerewsem no kae no nni. Yegyae saa aniwude no nyinaa. Yegyina Onyankopōn anim kasa nti yēka nokware ma wōn a wonim yen no nyinaa gye di. **3** Se Asempa a yēka no ye ahintasem a, eye ahintasem ma wōn a wōreyera. **4** Wonnye nni, efise ɔbonsam asēe wōn adwene. Ɔtwe wōn fi hann a ehyeren wō wōn so no ho; hann a efi Asempa no mu a efa Kristo a ɔte se Onyankopōn anuonyam no ho no. (aiōn g165) **5** Enye yen ankasa ho na yēka asem no fa. Yēka Yesu Kristo ho asem se ōno ne Awurade no na yen nso Yesu nti, yeye mo asomfo. **6** Onyankopōn a ɔkae se, “Hann mfi sum mu nhyeren” no, ōno na wahyeren wō yen koma mu ama yeanya Onyankopōn anuonyam ho nimdee wō Yesu Kristo mu. **7** Yete se nkuku a wōde agyapade asie mu. Tumi ankasa no fi Onyankopōn na emfi yen. **8** Yetaa hu amane, nanso wōnsee yen. Mpo se yenhu nea yenye a yempa abaw. **9** Amane mu, Onyankopōn ka yen ho, na se wōbō yen hwe fam a yesore bio. **10** Mmere nyinaa yen nipadua no soa Yesu wu a owui no, senea ebeye a n'abrabo beda adi wō yen mu. **11** Yen asetena mu nyinaa, Yesu nti, yete hō ma owu, senea ebeye a n'abrabo beda adi wō yen nipadua a ewu no mu. **12** Eyi kyere se owu di ne dwuma wō yen mu na nkwa nso di ne dwuma wō mo mu. **13** Kyerewsem no ka se, “Mekasae, efise na migye di.” Saa honhom mu gyidi no ara so na ema yen nso yekasa, efise yegye di. **14** Yenim se Onyankopōn a ɔmaa Awurade Yesu sōre fii awufo mu no bema yene Yesu asōre na ɔde yen abeka mo ho wō n'anim. **15** Mo nti na eyinom beba mu; na senea Onyankopōn adom no redu nnipa bebree nkyen no, saa ara nso na wōbebo mpae ada Onyankopōn ase de ahye no anuonyam. **16** Esiane

eyi nti, yen koma ntutu. Ewɔ mu se yen nipadua no reporɔw nkakrankakra de, nanso yen honhom no de, esesa ye foforo da biara. **17** Na saa ɔhaw kakra a yɛfa mu no de anuonyam a enni awiei a ɛboro saa ɔhaw no so no bebre yen. (aiōnios g166) **18** Yɛmfa yen adwene nko nneema a yehu so, na mmom, nneema a yenhu so na yede yen adwene kɔ. Nea wotumi hu no ntena ho nkye, nanso nea wontumi nhu no tena ho daa. (aiōnios g166)

5 Yenim se se yewu na yegyaw saa nipadua yi a yebɛnya nipadua foforo a Onyankopɔn ankasa aye a ɛbetena ho daa wɔ ɔsoro ho. (aiōnios g166) **2** Mprempren, yesi apini pe se wɔde ɔsoro atɛnae foforo no kata yen ho, **3** efise se wɔde kata yen ho a yen ho renna ho bio. **4** Na se yewɔ saa ɔhonam yi mu a, yesi apini na adeso bi da yen so; enye se yɛmpe se yegyaw nipadua no, na mmom yɛpe se wɔde ɔsoro atɛnae foforo no kata yen ho senea ɛbeyɛ a nkwa bɛmɛne nea ewu no. **5** Onyankopɔn na wasiesie yen ama saa nsakrae yi. Na ɔde ne Honhom no maa yen se nea ɔwɔ ma yen no nyinaa akyigyinade. **6** Eyi nti, daa yewɔ akokoduru. Yenim se mmere dodow a yewɔ saa nipadua yi mu no, ɛma yene Awurade fi kwan ware. **7** Efise yen nkwa gyina gyidi so na ennyina nea yehu so. **8** Yewɔ nkuranhye nti eye yen pe se yebetɔ a fi yen fi wɔ saa honam yi mu na yene Awurade akotena ne fi. **9** Se yewɔ yen fi ha anaa nohɔ no, yɛpe se yesɔ n'ani sen biribiara. **10** Efise ese se yen nyinaa ba Kristo anim ma obu yen atɛn. Senea obiara tenaa ase wɔ nipadua no abrabo mu no, se eye papa anaa bone no, wobegyina so abu no atɛn. **11** Efise yenim senea yesuro Awurade nti, yɛka ne ho asempa kyere nnipa. Onyankopɔn nim yen yiye na mewɔ anidaso se munim me nso wɔ mo koma mu. **12** Yerensan nka yen ho asempa nkyere mo, na mmom yerebo ho mmɔden senea mode yen behoahoa mo ho na moatumi abua won a wɔde nnipa anim hoahoa won ho na enye won su no. **13** Se yeabobo adam a eye yene Onyankopɔn ntam asem. Nanso se yen adwene mu da ho a, eye ma mo yiyedi. **14** Afei a yɛahu se onipa baako na owu maa nnipa nyinaa wuu bi no nti, Kristo do a ɔde do yen no na ehye yen. Eyi kyere se nnipa nyinaa wɔ ne wu no mu kyɛfa bi. **15** Owu maa yen nyinaa, senea ɛbeyɛ a won a wote ase no rentena ase mma won ho bio, na mmom wobetena ase ama nea yen nti owui a wɔma ɔsɔre fii awufo mu no. **16** Enti ense se yegyina onipa adwene so bu obiara atɛn bio. Na se mpo bere

bi a atwam no na yegyina nnipa adwene so na yehu Kristo a, afei de, yerenye saa bio. **17** Se obi wɔ Kristo mu a, na ɔye abode foforo, na nneema dedaw nyinaa atwam ama nneema foforo aba. **18** Onyankopɔn aye ne nyinaa. Ɔsomaa Kristo se ɔmmɛpata ɔne yen ntam na ɔde ɔne afoforo ntam mpata dwumadi no ahye yen nsa. **19** Asem a wɔde abre yen ne se, Onyankopɔn nam Kristo so afa nnipa nyinaa adamfo. Onyankopɔn ankan won bone antia won na ɔde n'asomdwoe asenka ho dwumadi no ahye yen nsa. **20** Enti yeye asomafo ma Kristo, na ete senea Onyankopɔn nam yen so kasa kyere mo. Yesi Kristo anan mu sre mo se, momma womfa mo mmata Onyankopɔn ho. **21** Na Kristo nni bone, nanso yen nti Onyankopɔn ma ofaa yen bone, senea ɛbeyɛ a yenam ɔno Kristo so beyɛ atreneefo wɔ Onyankopɔn anim.

6 Anuanom a yene Onyankopɔn bo mu ye adwuma, yesre mo se Onyankopɔn adom a mo nsa aka no, munnnye no kwa. **2** Onyankopɔn se, “Bere a ese mu no, mebuwa wo, na nkwaye da no, meboa wo.” Muntie! Donhwerew yi mu na ese se munya Onyankopɔn adom, na nne ne nkwaye da no. **3** Yɛmpe se obiara benya yen adwuma ho asemmone aka, enti yɛmpe se yede hintidua to obiara kwan mu. **4** Biribiara a yebeyɛ no, ese se yɛda yen ho adi se Onyankopɔn nkoa na yede boasetɔ tumi gyina ɔhaw ne amane nyinaa ano. **5** Wɔahwe yen, wɔde yen ato afiase, dam baa yen so, wɔama yeaye adwuma a ɛboro yen so, yeasi pe akyen kom. **6** Nanso yenam yen kronkronye, osuah, boasetɔ ne ayamye so ada yen ho adi se yeye Onyankopɔn asomfo. Afei yenam Honhom Kronkron no so, yen nokware do, **7** yen nokwasem a yɛka ne Onyankopɔn tumi so kyere se yeye Onyankopɔn asomfo. Trenɛe ne yen akode a yede kɔ ɔtamfo so na yede bo yen ho ban nso. **8** Se wɔhoahoa yen o, se wogu yen anim ase o, se woyaw yen o, se wɔkamfo yen o, yɛko so ara som Onyankopɔn. Wobu yen se atorofo nanso yɛka nokware. **9** Wɔye won ho senea wonnim yen nanso obiara nim yen. Yewui, senea muhu no, nanso yete ase. Ewɔ mu se wɔtwee yen aso nanso wɔankum yen. **10** Wɔmaa yen were howee, nanso yen ani gye daa. Yesɛ ahiafo, nanso yema nnipa bebre nya won ho. Eye se yen nsam nni hwee, nanso yewɔ biribiara. **11** Me nnamfonom a mowɔ Korinto, yeabue yen koma mu aka nokware no akyerɛ mo. **12** Yɛmfaa biribiara nhintaw mo wɔ yen koma mu, na mo na mode nsem ahintaw yen wɔ mo koma mu. **13** Mprempren, mekasa

kyere mo se me mma: senea yedwene mo ho no, mo nso monnwene yen ho saa ara bi. Mommfa biribiara nhintaw yen. Mummue mo koma mu! **14** Munnyaa mo ho mma abosonsomfo, efise moye no saa a, enye ye. Ebeye den na nea eye ne nea enye behiya? Ebeye den na hann ne sum atena faako? **15** Ebeye den na Kristo ne Obonsam adwene ahyia? Den na ogyidini ne nea onye ogyidini wo ye? **16** Ebeye den na Onyankopon asoredan ne obonsam ahoni aye nyehyee? Yeye Onyankopon a ote ase no asoredan senea Onyankopon no ankasa aka se, “Mede me nkurfo beye me fi na matena won mu; meye won Nyankopon na woye me nkurfo.” **17** Awurade se, “Monko. Mumfi ho nko mommfa mo ho nka biribiara a eho ntew. Montew mo ho mfi nea eho ntew ho na megye mo. **18** Na, “Meye mo Agya, na mobeye me mmabarima ne me mmabea.” Otumfo Awurade na ose.

7 Me nnamfo pa, wواهye yen saa bo yi nyinaa. Enti momma yentew yen ho mfi biribiara a egu ohonam anaa okra no ho fi ho na yentena ase wo Onyankopon mu mfa ntew yen ho kronkron. **2** Mummue mo koma mu mma yen. Yenyee obiara bone. Yensisii obiara na yetwaa obiara dwow nso. **3** Merenka saa asem yi mfa ngu mo anim ase. Senea madi kan aka no, yedo mo nti daa se yewu o, yete ase o, yebata mo ho. **4** Migye mo di nti mede mo hoahoa me ho. Yen haw nyinaa mu no, mempaa abaw e. Mede ahosepew retu mmirika no. **5** Mpo yeduu Makedonia no, yeanhome. Na ohaw abunkam honom, akasakasa wo won ntam na ehu ahye yen so. **6** Onyankopon a ohye won a wopa abaw den no nam Tito ba a obae no so hyee yen den. **7** Enye ne ba a obae no nko, na mmom ka a obekaa se mohyee no nkuran no. Okaa senea mope se muhu me no kyeree me. Okaa senea mudii yaw ne senea na moasiesie mo ho se mobebo me ho ban no; enti mprempren, ama m'ani agye sen kan no. **8** Se me krataa a mekyerew mo no hyee mo awerehow a, enye me yaw se mekyerewee. Mfiase no ehaw me nanso mprempren de, enhaw me. Minim se krataa no mu nsem how mo were bere tiaa bi. **9** Nanso mprempren de, m'ani agye; enye se memaa mo were howee no nti, na mmom se mo awerehow no ama moasesa mo akwan. Onyankopon na omaa mo were howee enti yen de, yeanhaw mo. **10** Awerehow a Onyankopon de baa mo so no nti, moanya ahonu bi a enam so de mo beko nkwaye mu; enti ense se eye mo yaw. Nanso awerehow a wiasse de bre yen no de, ede owu na eba.

11 Monhwe nea Onyankopon nam how a omaa mo were how no so aye. Mope se mufi mo koma mu kyere se munni fo. Mo bo afuw. Mo ho adwiriw mo. Mo ho pere mo pe se muhu se atentreneee aye adwuma. Moakyerse se mudi bem wo asem yi ho. **12** Ewo mu se mekyerew saa krataa no de, nanso enye obi a oye bone anaa obi a woye no bone nti na mekyerewee. Na mmom senea mo ankasa mubehu okwan a moafa so atu mo ho asi ho ama yen wo Onyankopon anim no. **13** Eno na ehye yen nkuran no. Enye nkuran a ehyee yen no nko. Tito nso nam gye a mugyee no maa n'ani gye no so maa yen nso yen ani gyei. **14** Mede mo ahoahoa me ho akyerse no na moanni me nhuamm. Daa yeka nokware kyere mo na hoa a mede mo hoahoa me ho kyere Tito no nso aba mu. **15** Enti se okae senea mo nyinaa pee se moye osetie ma no na mode obu ne nidi gye no few so no a, ehye odo a odo mo no mu den. **16** Eye me anigye se metumi de me ho nyinaa ato mo so.

8 Anuanom, yeye se muhu nea Onyankopon adom aye wo Makedonia asafo ahorow no mu. **2** Won ahokyere mu no won anigye boroo so, na won hia mu mpo, wuyii ayamye kese kyerse. **3** Midi ho adanse se womaa nea wobetumi ma eboroo so mpo. Won ara fii won pe mu **4** sree yen se yemma womfa sika no nkoma Kristofo a wowa Yudea no bi. **5** Woye ma eboroo so. Nea edi kan no, wode won ho maa Awurade. Afei wofi Onyankopon pe mu de won ho maa yen nso. **6** Enti yeka kyerse Tito a ofii adwuma yi ase se ontoa so na ommoa mo na moatumi awie saa odo adwuma yi. **7** Moye adefo wo nea mowa nyinaa mu: okasa mu ne nimdee mu, mmoa a eye mo pe se moboa ne odo a mode do yen mu. Enti yeye se mode ahofama som wo odo mu. **8** Merenhyehye mmara mma mo. Na mmom mepe se mede mo do a mowa no toto afoforo de ho hwe se mo do no ye odo kann ana. **9** Munim adom a na yen Awurade Yesu Kristo wo. Odefo a na oye no nyinaa akyi no, mo nti oye ne ho ohiani senea ebeye a onam ne hia no so bema moaye adefo. **10** M'adwene a mewa wo asem no ho ni: Afe a etwaa mu no, mo na mudii kan fii mo pe mu yee aye. **11** Monko so na munnwie dwuma no di. Mommma mo ho mpere mo se mubewie senea mususuwi se mobeye no. **12** Se wo ho pere wo se wobema a, Onyankopon nam nea wowa so begye, na enye nea wunni so. **13** Merennye nkurfo nnesoa mmegu mo so na mmom, esiane se mowa bebree saa bere yi mu no nti, eye fe se moboa won a wonni bi no. **14** Na se eba se biribi

ho hia mo na se wɔwɔ bi a, wɔaboa mo. Eyi ma mo nyinaa yɛ pɛ. **15** Senea Kyerewsem no ka se, “Onipa a ɔboaboa dodow ano no annya ammoro so, na nea ɔboaboa kakraa bi ano no nyaa nea ebɛso no.” **16** Yɛda Onyankopɔn ase se wama anigye a mewɔ wɔ mo ho no bi awura Tito koma mu. **17** Enye se ɔpenee yen abisade so nko, na mmom ɔno ankasa fii ne pɛ mu pɛ se ɔboa nti na osii n’adwene pi se ɔbeba mo nkyen no. **18** Yeresoma onua bi a wobu no wɔ asafɔ ahorow no nyinaa mu wɔ asenka adwuma no ho aka ne ho. **19** Eno akyi no, asafɔ ahorow no ayi onua yi se ɔne yen ntutu akwan wɔ mmere a yeredi ɔɔ ho dwuma de ahyɛ Awurade anuonyam yi, na yɛmfa nkyere nso se yɛpɛ se yɛboa. **20** Yɛhwɛ yen ho so yiye se asem biara remma ɔkwan a yɛbɛfa so de saa akyɛde yi adi dwuma no ho. **21** Yen botae ne se yɛbɛyɛ nea eye wɔ Awurade ne nnipa anim. **22** Enti yeresoma onipa fɔforo bi aka Tito ne osuani baako no ho. Yɛasɔ no ahwɛ wɔ akwan ahorow bebreɛ so na yɛahu se eyɛ ne pɛ se ɔboa. Na mprenpen ne ho pere no se ɔbeboa efise wanya mo mu ahotoso. **23** Tito de, ɔyɛ me boafɔ a ɔne me yɛ adwuma de boafɔ mo, na anuanom a wɔne no rekɔ no de, wɔyɛ asɔre ahorow ananmusifo a wɔhyɛ Kristo anuonyam. **24** Momma wonhu ɔɔ a modɔ won senea ebɛyɛ a asafɔ no nyinaa behu se ho a yɛde mo hoahoa yen ho no yɛ nokware.

9 Eho nhia se mekyerew mo fa mmɔa a esɛ se wɔboa Onyankopɔn nkurɔfɔ a wɔwɔ Yudea no ho. **2** Minim se eyɛ mo pɛ se moboa nti mede mo ahoahoa me ho akyere nnipa a wɔwɔ Makedonia no. Mekae se, “Anuanom a wɔwɔ Hela no siesieɛ won ho se wɔbeboa afe a etwaa mu no mu.” Mo ahokeka no akanyan won mu fa kese no. **3** Afei merema anuanom yi aba mo nkyen senea ebɛyɛ a ho a yɛde mo hoahoa yen ho no nye nsenkeka kwa. Na senea mekae no, mubesiesie mo ho aboa. **4** Se anyɛ saa na se nnipa no ne me fi Makedonia ba behu se munsiesieɛ mo ho a yen anim begu ase. Mo nso mo anim begu ase bi se mudii yen nhuammɔ. **5** Enti midwen ho huu se eye se anuanom bi di m’anim kan kɔhwɛhwɛ akyɛde a mohyɛɛ me ho bɔ no gu hɔ. Eba saa a, bere a medu hɔ no na ewɔ hɔ na ama adi adanse se mo na momae, efise na mope se moma nti, na mmom, enye se na esɛ se moma. **6** Monkae saa asem yi: Onipa a ogu aba kakraa bi no, betwa so kakraa bi, na nea ogu aba bebreɛ no, betwa so bebreɛ. **7** Mo mu biara mma senea wadwene ho no, a enye se ɔyaw anaa ɔhyɛ mu, efise Onyankopɔn pɛ obi

a ɔde anigye ma akyɛde no asem. **8** Na Onyankopɔn betumi ama wo aboro nea eho hia wo no so; enti daa na wɔwɔ nea eho hia wo, na wubenya bi nso adi dwuma fɔforo a efata se wudi. **9** Kyerewsem no ka se “Ofi ne koma mu ma ahiafo nea wohia; n’adɔe no tena hɔ daa.” (aiɔn g165) **10** Na Onyankopɔn a ɔma ogufɔ no aba ne brodo se aduan di no bema wo nso aba a ehia wo nyinaa na wahwe so ama anyin na w’adɔe no nti, asow bebreɛ. **11** Daa ɔbehwe ma woanya wo ho na woayɛ adɔe, na enam so ama dodow no ara ada Onyankopɔn ase wɔ akyɛde a yɛnya fi mo nkyen no ho. **12** Saa adɔe a moyɛ yi, monnye mma Onyankopɔn nkurɔfɔ nko, na mmom, anam so ama nnipa bebreɛ ada Onyankopɔn ase. **13** Esiane dwuma a moadi de adi mo ho adanse pa no nti, nnipa gyina nokware a moadi wɔ Kristo asenka no ne mo adɔe a moyɛ maa obiara no so bekamfo Onyankopɔn. **14** Enti wɔde ɔɔ bebo mpae ama mo, efise Onyankopɔn ama mo adom a eboro so. **15** Yɛda Onyankopɔn ase wɔ n’akyɛde a enni kabea no ho.

10 Me, Paulo a se mewɔ mo nkyen a meye mmerew, na se minni mo nkyen nso a mewɔ akokoduru ma mo no, me na mitu saa fo yi. Mesɛ wɔ me Kristo a ɔyɛ ɔyamyeɔ no din mu se: **2** Se meba hɔ a monnhye me mma menkasakasa mo anim. Minim yiye se metumi anya akokoduru wɔ nnipa a wɔka se wiase adwene na yɛde di dwuma no no ho. **3** Eyɛ nokware se yete wiase, nanso yennyina wiase tumi so wɔ yen ko mu. **4** Akode a yɛde ko no mfi wiase. Eyɛ Onyankopɔn akode a ano yɛ den a yebetumi de asɛe atamfo pampim a wɔabobo no. Yesɛe akyinnyehunu. **5** Yesɛe akwanside biara a etia Onyankopɔn ho nimdeɛ no. Yetɔ adwene biara nnareka ma wɔyɛ osetie ma Kristo. **6** Se mo setie wie pɛyɛ na obi san yɛ asoɔden wɔ ɔkwan biara so a, yebetwe n’aso. **7** Senea nneema te no ara na muhu. Obi wɔ hɔ a ɔkari ne ho ka se, ɔyɛ Kristo de ana? Onii no nkari ne ho bio nhwe, efise yen nso yeye Kristo de senea ɔno nso yɛ ne de no. **8** Enye me aniwu se aba se mede tumi a Awurade de ama me se memfa nhwe mo na munyin na memmfa nsee mo no behoahoa me ho. **9** Mempo se modwene se mede me nkrataa a makyerew mo no rehunahuna mo. **10** Obi beka se, “Paulo nkrataa mu nsem no yɛ yaw nanso se ɔba yen nkyen a, ɔyɛ bɔkɔɔ na ne nsem nso nka hweel!” **11** Esɛ se saa onipa no te ne ho ase se, nsonoe biara nna nsem a ewɔ yen nkrataa a yekyerew no bere a yenni mo nkyen no, ne nea se yewɔ mo nkyen a

yeyɛ no mu. **12** Eyɛ nokware, yɛrentumi mfa yen ho ntoto wɔn a wɔfa wɔn ho sɛ wɔn asetena korɔn no ho. Saa nnipa no yɛ nkwarefo! Wɔnam wɔn ho a wɔde toto wɔn ho wɔn ho so no bu wɔn ho aten. **13** Yen de, yen ahohohoa no ntra so bi. Yen ahohohoa no ntra dwuma a Onyankopɔn atu yen sɛ yenni a mo mu adwumayɛ ka ho bi no so. **14** Esiane sɛ mowɔ saa tebea no mu nti, yɛbaa mo nkyen bekaa Asempa a ɛfa Kristo ho no a yɛantra. **15** Eyi nti yɛmmfa adwuma a nkurofo ayɛ no nhoahoa yen ho te sɛ yen ara na yeyɛ. Nea yɛrɛpɛ ne sɛ mo gyidi ase betim na anam so ama yɛatumi ayɛ mo mu adwuma a yentra baabi a Onyankopɔn ahyɛ no. **16** Na yɛnam so atumi aka Asempa wɔ aman afoforo so a yɛremfa adwuma a ɔfoforo ayɛ no nhoahoa yen ho. **17** Kyerɛwsem no ka se, “Obiara a ɔpɛ sɛ ɔhoahoa ne ho no nhoahoa no wɔ ade a Awurade ayɛ mu.” **18** Efise enye ka a onipa beka ne ho asem pa no na ɛma Onyankopɔn gye no to mu, na mmom onipa a Onyankopɔn no ara beka ne ho asem pa no na ogye no to mu.

11 Mewɔ anidaso sɛ, sɛ meye nkwarede koraa a mubegye me. Mɛpa mo kyɛw, monye saa. **2** Metwe mo ho ninkunu senea Onyankopɔn twe mo ho ninkunu no. Mote sɛ ɔbabun a mahyɛ ɔbarima baako pɛ bi a ɔno ne Kristo no bɔ sɛ mede mo bɛma no aware. **3** Misuro sɛ wɔbɛsɛɛ mo adwene na mo a mode mo ho nyinaa ama Kristo no, mubegyae senea ɔwɔ no nam anifere so daadaa Hawa no. **4** Mode anigye gye obiara a ɔba mo nkyen beka Yesu foforo a ɔnye nea yeka ne ho asem kyɛrɛ mo no di; mugye honhom bi ne asem pa bi a nsonoe da eno ne Honhom ne Asempa a yeka kyɛrɛ mo no ntam no di. **5** Minnye nni sɛ meye “Asomafo” no mu abomfiaa. **6** Ebia m’ano ntew de, nanso m’adwene mu abue. Yɛnam akwannuasa so akyerɛ mo eyi ase fann. **7** Mebekaa Onyankopɔn Asempa no kyɛrɛ mo no, mannɛ mo hwee. Mebrɛ me ho ase senea ɛbɛma mo akron. So bɔne a meyeɛ ne sɛ meyeɛ saa ana? **8** Bere a na mereyɛ mo mu adwuma no, asafo afoforo bi na na wotua me ka. **9** Bere a na mewɔ mo nkyen no, sɛ sika ho hia me a, na menhaw mo. Na anuanom a wote Makedonia no de biribiara a eho hia me brɛ me. Senea na ɛte mmere a atwa mu no, saa ara nso na daakyɛ ɛbeyɛ. Merenyɛ adeso mma mo da. **10** Kristo nokwaredi a ahyɛ me ma nti, mehyɛ mo bɔ sɛ obiara rentumi nka m’ahohohoa yi nhyɛ wɔ Helaman mu da. **11** Aden nti na meka saa? Efise mennɔ mo ana? Onyankopɔn nim sɛ medɔ mo. **12**

Mekɔ so adi dwuma a meredi no mprenpren yi senea ɛbeyɛ a saa “asomafo” no rennya kwan nhoahoa wɔn ho sɛ dwuma a wodi no te sɛ yen dwuma a yedi no ara pɛ. **13** Saa nnipa no nye nokware asomafo. Wɔyɛ atoro asomafo a wɔnam twa atoro wɔ wɔn adwuma ho ma nnipa hu wɔn sɛ wɔyɛ Kristo asomafo. **14** Enye me nwonwa, efise ɔbonsam koraa tumi sesa ne ho ma ɔdan yɛ sɛ hann. **15** Enti enye nwonwa sɛ n’asomfo tumi sesa wɔn ho de daadaa nnipa sɛ wɔyɛ papa. Awiei no, wobɛnya wɔn nneyɛ so akatua pɛpɛrɛpɛ. **16** Miti mu ka bio se: Ense sɛ obiara susuw sɛ meye ɔkwasea. Sɛ mususuw saa a, eno de munnye me senea mubegye ɔkwasea na menam so atumi ahoahoa me ho. **17** Asem a mereka yi nye nea Awurade pɛ sɛ meka. Meka ahohohoa ho asem a, na mekasa sɛ ɔkwasea. **18** Nanso esiane sɛ nnipa bebreɛ hoahoa wɔn ho wɔ nipasu mu nti, me nso meye saa. **19** Mo ankasa mo ani atew nti mode anigye gye nkwarefo. **20** Mugye obi a ɔhyɛ mo so anaa nea onya mo ho biribi anaa nea osum mo afiri anaa nea ommu mo anaa nea ɔbɔ mo ani so. **21** Mede fɛrɛ gye eyi to mu sɛ yeyɛ mmerɛw dodo wɔ eyi mu. Sɛ obi gye kyim de biribi hoahoa ne ho a, merekasa sɛ ɔkwasea, me nso megye kyim ahoahoa me ho wɔ dekode no ho bi. **22** Wɔyɛ Hebrifo ana? Me nso meye bi. Wɔyɛ Israelfo ana? Me nso meye bi. Wɔyɛ Abraham asefo ana? Me nso meye bi. **23** Wɔyɛ Kristo asomfo ana? Merekasa sɛ ɔɔɔdamfo. Nanso meye ɔsomfo pa sen wɔn. Mayɛ adwuma a eyɛ den sen wɔn; mada afiasɛ mpen bebreɛ; wɔabɔ me mmaa bebreɛ na metaa meben owu nso. **24** Yudafo bɔɔ me mmaa aduasa akron ahorow anum. **25** Romafo bɔɔ me mmaa mprensa na wosiw me abo penkoro. Metenaa ahyɛn mu ma ɛbɔɔ mprensa. Madi asu ase nnɔnhwerew aduonu anan pen. **26** M’akwantu ahorow mu no, mihyiaa nsuyiri ne akwamukafo. Mihuu amane wɔ Yudafo ne amanamanmufo nsam. Mihuu nkurow so amane. Mihuu wuram amane. Mihuu po so amane ne nnamfo a wɔnka nokware nsam amane. **27** Mayɛ adwuma a eyɛ den na ɔbrɛ wɔ mu. Mpen pii menna. Ɔkɔm ne osukɔm dee me. Mpen pii minnya aduan a ɛbeso me nni. Minnya baabi nna anaa atade nhyɛ. **28** Bere biara na mema asafo ahorow no ho nsɛm yɛ me nsɛnhia. **29** Sɛ obi yɛ mmerɛw a ɛma me nso meye mmerɛw. Sɛ obi ka ɔfoforo kɔ bɔne mu a ɛma me were how. **30** Sɛ mehoahoa me ho a, na ɛsɛ sɛ mehoahoa me ho wɔ nneema a ɛkyɛrɛ me mmerɛwɛ no mu. **31** Awurade Yesu no, Onyankopɔn ne Agya no a ɛsɛ sɛ

yekamfo no no nim se merentwa nkontompo. (aiōn 9165) **32** Bere a mewo Damasko no, Amrado a na ohye ohye Areta ase no maa awemfo wen kurow no pon pee se wokyerere me. **33** Nanso wode me sii kenten mu twetwee me faa ofasu bi a apae tokuru mu de me sii fam ma miguan fii ne nsam.

12 Ewo mu se ahohoa so nni mfaso biara de, nanso ese se mehoahoa me ho. Nanso afei meka anisoadehu ne adiyisem a Awurade ada no adi akyerere me no. **2** Minim Okristoni bi a mfe dunan ni biribi hwim no de no koo osoro. Minnim se saa asem yi sii ampa ara anaase eye anisoadehu. Onyankopon nko ara na onim. **3** Miti mu. Minim se wohwim saa obarima yi koo Paradise. Bio, minnim se saa asem yi sii ampa ara anaase eye anisoadehu. Onyankopon nko ara na onim. **4** Na ho na otee nneema bi a wode ka nsem a enye yiye, nsem a womma kwan mma wonka. **5** Enti mede saa onipa yi behoahoa me ho na meremfa me ara me ho nhoahoa me ho, gye se nneema a eda me adi se meye mmerew no ho. **6** Se mehoahoa me ho mpo a, anka merenye okwasea, efise nokware ara na meka. Nanso merenhoahoa me ho, efise mempe se obiara bu me otitiriw sen senea wahu na wate afe me nkynen no. **7** Senea ebeye a enam saa adiyisem nwonwaso yi nti meremma me ho so no, wosomaa obonsam bofo ma ode honam mu yaw a emu ye den breɛ me de breɛ me ase. **8** Mebo eyi ho mpae mprensa kyereɛ Awurade na mesreɛ no se omma emfi me so nko. **9** Ne mmuae a omaa me ne se, “M’adom nko ara na eho hia wo, na bere a woaye mmerew no na me tumi mu ye den pa ara.” Enti eye me anigye pa ara se mede me mmerewye hoahoa me ho, senea ebeye a mete Kristo bammɔ tumi a ebo me ho ban no nka. **10** Esiane Kristo nti, mepene mmerewye, oyaw, amanehun, otaa ne akwanside so. Efise me mmerewye mu no na meye den. **11** Meye me ho se okwasea, nanso mo na moama maye saa. Mo na anka ese se mugye me to mu. Na se menyɛ hwɛ a, okwan biara so no, menyɛ se abomfiaa wo mo anim nsen “Asomafo” a mubu won no. **12** Mede boaseto dii dwuma wo mo mu de kyereɛ se meye osomafo. **13** Dwumadi no bi ye nsenkyerenne ne anwonwade. Den na ema moye asore a aka no mu abomfiaa, efise mammissa mo mmoa bi nti? Mesre mo, momfa saa mfomso no nkye me. **14** Afei masiesie me ho se merebesra mo nea eto so mpen abiesa, na merenye adeso mma mo. Mo na mo ho hia me na enye mo ahode. Na mpo mmofra nkora ade mma

awofo, awofo mmom na wokora ade ma mmofra. **15** Ebeye me anigye se mo nti, mɛhwere nea mewo ne m’adagyew de aboa mo. Se medo mo yiye a, mo do a mowo ma me no so betew ana? **16** Mobete ase se na menyɛ adeso mma mo. Nanso obi beka se, meye odaadafo a mede nnaadaa na eyii mo. **17** Okwan ben so? Menam abofo a mesomaa won mo nkynen no so sisii mo ana? **18** Mesomaa Tito se onko, na mesomaa onua baako kaa ne ho. Mokyere se Tito sisii mo ana? So na ono ne me nyinaa mfi Honhom koro mu ntu anammɔn koro ana? **19** So mususuw daa se pe ara na yepe se yeka biribi de tetew yen ho wo mo anim ana? Yekasa senea Kristo pe se yeka wo Onyankopon anim. Na biribiara a yepe no nso, me nnamfo pa, yepe de hye mo den. **20** Misuro se midu ho a senea anka mepe se mihu mo no, merenhu mo saa. Saa ara nso na senea anka mope se muhu me no, morenhu me saa. Minim se meba abeto akasakasa ne anibere, abufuw ne pesemenkominya, oyaw ne nseku, ahantan ne basabasaye no. **21** Misuro se da a meba bio no, Onyankopon begu m’anim ase wo mo anim na mesu ama won a woaye bone dedaw na wonnuu won ho wo won akonnɔ ne aguamammɔ ho no.

13 Nsra a eto so abiesa a merebesra mo ni. Kyerewsem no ka se, “Adanse a nnipa baanu anaa baasa bedi no na ese se wofa.” **2** Bere a mebaa mo nkynen nea eto so abien no, mebo mo koko bi. Mereti mu mprenpren a minni mo nkynen yi. Se mesan ba bio a, meremfa mo anaa nnipa afoforo bi a woaye bone no ho nkye won, **3** efise mope se muhu nsenkyerenne bi se Kristo nam me so kasa. Onye mmerew se ebeye mo mu adwuma, na mmom owo tumi wo mo mu. **4** Ewo mu se mmerewye mu na woboo no asennua mu, nanso Onyankopon tumi mu na ote ase yi. Yepe mmerew de, nanso ayonkofa a yene no wo nti, yene no betena wo Onyankopon tumi mu. **5** Monso mo ho nhwe, na mummu mo ho aten nhwe se mote ase wo gyidi mu ana. Munim yiye se Kristo Yesu te mo mu ana? Se onte mo mu a na ekyere se moantumi sohwe no. **6** Minim yiye se mubehu se yeanni nkogu. **7** Afei yebo mpae sre Onyankopon se morenye biribiara a enye. Yempe se nnipa behu se yewo tumi bi wo mo so. Mpo se wohu yen se yepe nnipa a yeadi nkogu wo yen adwuma mu a, yepe, efise yepe se mobeye nea eye de adi nkonim. **8** Yerentumi nsore ntia nokware, na mmom nokware nko ara na ese se yegyina ma no. **9** Se yehu se yepe mmerew na moye den a, na yen

ani agye. Enti yen nso yerebo mpae se mobeɣe pɛ. **10** Eno nti na merekyerew saa krataa yi abre mo, senea ebɣe na, se meba a merennyina tumi a Awurade de ama me se memfa mmoa mo na munyin na mo mu antetew no so ne mo nni no anibere so. **11** Enti anuanom, makra mo! Mompere nhwehwɛ ade pa; muntie m'afotu; mo ne mo ho mo ho nka na montena ase asomdwoe mu. Na ɔɔ ne asomdwoe Nyankopɔn no ne mo betena. **12** Momfa onuado nkyiakya mo ho mo ho. **13** Onyankopɔn nkurofo nyinaa kyiakya mo. **14** Yen Awurade Yesu Kristo dom ne Onyankopɔn do ne Honhom Kronkron no ayankofa nka mo nyinaa.

Galatifo

1 Paulo, asomafo a enye nnipa anaa onipa bi na opaw me se asomafo, na mmom eye Yesu Kristo ne Agya Nyankopon a onyan no fii awufo mu no, **2** ne anuanom a wone me wo ha nyinaa, De krataa yi koma Galati asafu ahorow no nyinaa: **3** Adom ne asomdwoe a efi yen Agya Nyankopon ne Awurade Yesu Kristo nka mo. **4** Yen bone nti, Kristo yee osetie maa yen Agya Nyankopon. Onam so de ne ho bo afere gyee yen fii bone a yewo mu nne yi mu. (aiɔn g165) **5** Anuonyam nka Onyankopon daa nyinaa. Amen. (aiɔn g165) **6** Mo ho ye me nwonwa se mope ntem po nea ofree mo se montena Kristo adom mu no, kodi asempa foforo **7** a enye nokware asempa koraa bi no akyi. Eɔa adi se nnipa bi wo ho a woredan mo adwene pe se wosiw Kristo Asempa no ho kwan. **8** Na se yen, anaa obɔfo fi osoro beka asempa a nsonoe da eno ne yen Asempa no ntam a, onii no beko afɔbu a enni awiei mu. **9** Yeaka dedaw na mereti mu se: Obiara a obeka asempa a ene Asempa a moagye ato mu no bo abira no beko afɔbu a enni awiei mu. **10** Nea nnipa pene so na mereye yi ana? Dabi! Mepe nea Onyankopon pene so! Anaa mereye nea esɔ nnipa ani? Se migu so ye saa de a, na menye Kristo somfo. **11** Anuanom, mepe se mote ase se Asempa a meka kyere mo no mfi onipa ho. **12** Me nsa anka amfi onipa nkyen. Saa ara nso na enye onipa na okyere me. Eye Kristo no ankasa na oɔa no adi kyere me. **13** Moate se na mesee m'adagyew nyinaa wo Yudasom ho. Afei moate nso se na mede atirimoden taa Onyankopon akyidifo, na mefaa okwan biara a metumi so pee se metore won ase. **14** Me mfefo Yudafo no de, na m'adwene mu abue wo Yudasom ho sen won nyinaa. Na mikura yen nananom amanne nso mu denneennen. **15** Nanso Onyankopon nam n'adom so free me ansa na wɔrow me se memmesom no. Na bere no soo **16** se obeda ne Ba no adi akyere me, senea ebeye a meka Asempa a efa ne ho akyere amanamanmufo no, manko obiara nkyen amma wantu me fo; **17** saa ara nso na manko Yerusalem ankohu asomafo a na wodi m'anin kan no. Mmom, meko Arabia preko pe na mesan baa Damasko. **18** Mfe abiesa akyi na meko Petro nkyen wo Yerusalem ne no kodii nkɔmmɔ. Midii ne nkyen nna dunum. **19** Manhu asomafo biara wo ho ka Awurade nua Yakobo ho. **20** Meka kyere mo wo Onyankopon anim se nea merekyerew yi ye nokware turodoo. **21**

Eno akyi no, mebaa Siria ne Kilikia. **22** Saa bere no na Kristo asafu ahorow a wɔwo Yudea no mu nnipa nnim me. **23** Nsem a na wɔaka afa me ho se, "Afei de, obarima no a na otaa yen no ka gyidi a na ope se osee no no ho asem." **24** Na me nti, wɔhyee Onyankopon anuonyam.

2 Me ne Barnaba san ko Yerusalem Mfe dunan akyi. Mede Tito nso kaa me ho. **2** Mekoe, efise Onyankopon na oɔa no adi kyere me se menko. Me ne mpanyimfo no yee nhyiamu wo kokoa mu kyerekyeree asempa a meka kyere amanamanmufo no kyere won. Na mempe se m'adwuma a maye dedaw ne nea migu so reye no ye okwa. **3** Ewo mu se me boafu Tito ye Helani de, nanso wɔanhye no se ontwa twetia. **4** Asem yi sii, efise na anuanom bi a wɔnye nokwafo awia won ho abefra yen mu a wɔrehwehwe ahofadi a yewo wo Kristo Yesu mu, na wode yen aye nkoa. **5** Yeamma won mu kwan koraa, esiane pe a na yepe se nokware a ewo Asempa no mu no betena mo mu no nti. **6** Senea won a wɔfa won ho se wɔye atitiriw no te biara no, meka se minhu won ntam nsonoe biara. Onyankopon nhwe nnipa ho mmu aten; saa mpanyimfo no mfaa adwene foforo biara mmekaa m'asem no ho. **7** Na mmom wohuu se Onyankopon de adwuma no ahye me nsa se menka Asempa no nkyere amanamanmufo senea oɔe adwuma no hyee Petro nsa se onka Asempa no nkyere Yudafo no ara pe. **8** Na Onyankopon a onam Petro so ye adwuma se Yudafo mu somafo no ara na onam me so ye adwuma wo amanamanmufo mu, senea Petro ye Yudafo mu adwuma no pe. **9** Yakobo, Petro ne Yohane a na wɔfa no se wɔye mpanyimfo no gye too mu se, Onyankopon ama me adwuma sononko bi se minni, enti wokyaia me ne Barnaba. Wopenee so se yenye adwuma wo amanamanmufo no mu na won nso wɔnye adwuma wo Yudafo no mu. **10** Nea wokae ara ne se yenkae ahiafo wo won kuw no mu senea mepe se meye no. **11** Bere a Petro baa Antiokia no, mesore tiaa nea oreye no mu wo bagua mu, efise na oreye mfomso. **12** Ansa na mmarima bi a Yakobo somaa won no beduu ho no, na Petro ne anuanom amanamanmufo no to nsa didi. Nanso akyiri a nnipa no bedui no, otee ne ho a one won annidi bio, efise na osuro won a wɔpe se wotwa amanamanmufo twetia no. **13** Anuanom Yudafo a wɔaka no yee se ahufu de won ho bo Petro maa Barnaba nso de ne ho kobataa won. **14** Mihuu se nea woreye no ne Asempa no bo

abira no, mekaa wo Petro ne bagua no anim se, “Woye Yudani a mprempren wunni Yudafo amanne so bio. Aden nti na wohye amanamanmufo se wonni Yudafo amanne so? **15** “Yen a yeye Yudafo fi yen awo mu a yenye amanamanmufo nneboneyefo no **16** nim se ansa na obi bedi bem wo Onyankopon anim no, na gye se wagye Yesu Kristo adi a enye se obeye nea mmara no hwehwe se onye no. Yen nso, yeagy Kristo Yesu adi senea yenam so bedi bem wo Onyankopon anim; efise enam gyidi so na wobebu yen bem, na enye mmara no apede a yeye no so. **17** “Se yepe se wobu yen bem wo Kristo mu na se eda adi se yen nso yeye nneboneyefo a, na ekyere se Kristo pene bone so? Ente saa koraa. **18** Na se mifi ase ye nea magyae a, na ekyere se meye mmaratofo. **19** “Efise mpen dodow a mepɛɛ se medi mmara no so no, mmara no buu me fo. Mmara no ankasa akum me. Eno nti minni mmara no tumi ase bio, senea ebeye a metena ase ama Onyankopon mmom. Wɔabɔ me ne Kristo asennua mu, **20** enti enye me na mete ase bio, na mmom Kristo no na ɔte me mu. Saa asetena a mete mu mprempren yi, mete ase wo Onyankopon Ba no a ɔɔɔ me na ɔde ne nkwa maa me no gyidi mu. **21** Mempo Onyankopon adom no. Se onipa nam Mmara so fata Onyankopon anim a, na ekyere se Kristo wu a owui no ye ɔkwa.”

3 Mo Galatifo adwenharefo! Hena na ɔdan mo adwene saa? Mo ara mo anim na wɔkyereɛ mu pefee se wɔbɔɔ Yesu Kristo asennua mu. **2** Mummua me saa asem yi: Moyee nea Mmara no hwehwe se monye ansa na Onyankopon Honhom no reba mo so ana? Anaase mutiee Asempa no gye dii ansa? **3** Saa na mo adwene mu ye hare nen? Mode Onyankopon Honhom fii ase; afei mope se mode mo ara mo tumi wie? **4** Mo osuahy yi nyinaa so amma mfaso biara? Minnye nni saa. **5** Onyankopon nam mmara no so na ɔde ne Honhom no maa mo ana? Anaase ɔnam mmara no so na ɔyee anwonwade wo mo mu ana? Enye asem no gye a mugye dii nti? **6** Kyerewsem no kaa Abraham ho asem se, “Ogyee Onyankopon dii na esiane ne gyidi nti, Onyankopon gyee no se onipa trennee.” **7** Enti ese se mote ase se nnipa a wɔwɔ gyidi no na woye Abraham asefo turodoo. **8** Kyerewsem no dii kan huu se Onyankopon nam gyidi so bebu amanamanmufo no bem. Eyi nti Kyerewsem no dii kan kaa Asempa no kyereɛ Abraham se, “Enam wo so na Onyankopon behyira nnipa a wɔwɔ asase so nyinaa.” **9** Abraham gye dii ma wohyiraa no, na won a wogyee di nyinaa

nso, wɔahyira won senea wohyiraa no no. **10** Wɔadome obiara a ɔde ne ho beto ne nnwuma a efi mmara no mu so. Efise wɔakyerew se, “Wɔadome obiara a wanko so anni nea wɔakyerew wo Mmara Nhoma mu no nyinaa so.” **11** Afei akyinnye biara nni ho se obiara rentumi mfa mmara no sodi nso Onyankopon ani. Kyerewsem no ka se, “Enam gyidi so na ɔtreneeni benya nkwa.” **12** Mmara no nnyinaso nye gyidi; efise wɔakyerew se nea odi mmara no so benya nkwa. **13** Eno nti na Kristo agye yen afi nnome a Mmara no de breɛ yen no mu. Waye nnome ama yen senea Kyerewsem no ka se, “Obiara a wobesen no wo dua so no hye Onyankopon nnome ase.” **14** Kristo gyee yen senea ebeye a nhyira a wohyiraa Abraham no nam Kristo so beba amanamanmufo so, na yenam gyidi so anya Honhom a wɔhyee yen ho bo no. **15** Anuanom, mede yen asetena mu asem bi beye nhwesoo: Se nnipa baanu bi pene asem bi so na woye ho apam a, obiara rentumi mmu apam no so na wɔrentumi mfa biribi nka ho. **16** Onyankopon hyee Abraham ne n’aseni bo. Kyerewsem no nka se, “Wo ne w’asefo” a ekyere nnipa bebreɛ. Eka se, “Wo ne w’aseni” a ekyere se onipa baako a ɔno ne Kristo no. **17** Mekyerɛ se: Onyankopon yee apam na ɔhyee bo se obedi so. Mmara no a ebaa akyiri no ntumi nsesa anaa erentumi ntwa bo a Onyankopon hyee mfirihyia ahannan ne aduasa ansa na ɔde Mmara no mae, no mu. **18** Na se nhyira a Onyankopon de maa no gyina Mmara so a, eno de na enye bɔhye bio. Nanso Onyankopon fi n’adom mu, nam bɔhye so de agyapade no maa Abraham. **19** Eno de, na Mmara no so mfaso ne den? Wode maa akyiri no de kyereɛ se yeye nneboneyefo kosi se Aseni no a wɔhyee ne ho bo no beba. Abɔfo no na wode Mmara no maa Mose, na ɔno nso yee Onyankopon ne nnipa no ntamgyinafo. **20** Yenim se ntamgyinafo ho hia ma nnipa baanu anaa nea eboro saa, nanso Onyankopon a ɔye ɔbaako no amfa ntamgyinafo wo bere a ɔhyee Abraham bo no. **21** Eyi kyere se Mmara no tia Onyankopon bɔhye no ana? Dabi da! Se mmara bi wo ho a etumi ma nnipa nkwa a, eno de anka onipa nam saa mmara no so betumi atee wo Onyankopon anim. **22** Nanso Kyerewsem no aka se wiase nyinaa hye bone tumi ase. Eno nti akyede a wɔhyee ho bo no, wɔnam Yesu Kristo so nko ara de bema won a wogyee di no. **23** Ansa na gyidi no reba no, Mmara no too yen mpokyerɛ kosii se wɔbedaa gyidi no adi. **24** Enti Mmara no na ehyee yen so kosii se Kristo bae,

senea ebeye a wonam gyidi so bebu yen bem. **25** Afei a bere adu se yegye Kristo di no, Mmara no nni yen so tumi bio. **26** Enam gyidi so nti na mo nyinaa ye Onyankopon mma a mo ne Kristo Yesu aka abo mu no. **27** Woboo mo asu hyee Kristo mu nti moafa Kristo mu nnepa no ato mo ho so. **28** Yenni Yudani anaa Helani, yenni akoo anaa odehye, yenni obarima anaa odea, na mo nyinaa ye nnipa koro wo Kristo Yesu mu. **29** Enti se moye Kristo de a, na moye Abraham asefo, na bohye no nti moye adedifo nso.

4 Asem a mereka ne se, mpen dodow a odedifo no ye abofra no, ewo mu se agyapade no nyinaa hye ne nsa de, nanso nsonoe biara nna ono ne akoo ntam. **2** Esiane se onnyinii no nti, nnipa bi wo ho a wohwe toto nneema ma no kosi bere a n'agya ahye se wonnan agyapade no mma no no. **3** Saa ara na na yen nso yete. Na yete se mmofra a wiase ahonhom dii yen so. **4** Nanso bere pa no dui no, Onyankopon somaa ne Ba a odea woo no wo Mmara ase **5** se ommegye won a wohye Mmara ase, senea wobeye Onyankopon mma. **6** Esiane se moye mma nti, Onyankopon somaa ne Ba no Honhom baa yen koma mu, Honhom a efre "Agya, Agya." **7** Enti wonye akoo bio, na mmom woye oia. Esiane se woye ne ba nti, Onyankopon de nea oia nyinaa bema ne mma. **8** Mmere bi a atwam no, na munnim Onyankopon, enti na moye nkoa ma won a wonye anyame. **9** Nanso afei a moahu Onyankopon anaase Onyankopon ahu mo yi, aden nti na mope se modan mo ho ma nkyerekere a aba nni mu no? Aden nti na mope se wode mo ye nkoa bio? **10** Mudi nna, asram, nnaponna ne mfe bi. **11** Misuro se okwan bi so, masae m'ahooden wo mo ho. **12** Mesre mo, me nuanom, monye se me, efise meye se mo. Monye me bone biara. **13** Senea munim no, bere a mebekaa Asempa no kyere mo no, mede oyare na ebae. **14** Ewo mu se na me yare no haw mo de, nanso moampo me. Mmom, mugyee me senea mubegye Onyankopon bofo; mugyee me senea mubegye Kristo Yesu. **15** Anigye a mowo no nyinaa afa he? Metumi aka se, se mubetumi a anka mubetutu mo ani de ama me. **16** Nokware a meka kyere mo nti na afei mabeye mo tamfo yi? **17** Saa nnipa no pe se wotwe mo ba won nkyen, nanso wonni adwene pa. Wohwehwe se wobetetew me ne mo ntam na ama mo ani aku won ho. **18** Eye se mobeye nsi bere biara, bere a mowo mo nkyen ne bere a minni mo nkyen mpo. **19** Me mma pa, mo a mo nti merehu awoyaw bio kosi se Kristo beda ne ho adi wo mo mu

no, **20** mepe se mowo mo nkyen, na anka masakra okwan a mefa so kasa, efise me tirim ntew me wo mo ho. **21** Monka nkyere me, mo a mope se mohye mmara no ase no, munnim nea mmara no ka no ana? **22** Wobayerew se, na Abraham wo mma baanu. One afenaa bi woo oiaako na one odea bi a ode ne ho nso woo oiaako. **23** Wowoo afena ba no wo ohonam kwan so, na Onyankopon bohye nti na odea a ode ne ho no nso woo ne ba no. **24** Saa asem yi ye mfatoho efise saa mmea baanu yi gyina ho ma apam abien. Apam baako fi bepwo Sinai so, na egyina ho ma mma a wobeye nkoa: Ono ne Hagar. **25** Hagar gyina ho ma bepwo Sinai a ewo Arabia na ete se kuropon Yerusalem, efise one ne mma wo nkoasom mu. **26** Nanso Yerusalem a ewo osoro no de, ede ne ho na oye yen na. **27** Efise wobayerew se, "Ao odea a woye obonin, di ahurusi, wo a wonwoo da; ma wo nne so na tee mu, wo a awo nkaa wo da, efise odea a wannya awo da no mma dooso sen nea oia kunu." **28** Me nuanom mmea ne mmarima, bohye no nti na wowoo mo senea wowoo Isak no. **29** Saa bere no na oia a wonam honam kwan so woo no no taa nea wonam Honhom no tumi mu woo no no. Na nne yi nso ete saa. **30** Na Kyerewsem no ka den? "Pam afenaa no ne ne babarima yi fi ha; efise afenaa babarima no ne odehye no renkye agyapade no." **31** Enti anuanom, yenye afenaa no mma, na mmom yeye odea a ode ne ho no mma.

5 Ahofadi nti na Kristo ama yeade yen ho no. Munnyina pintinn. Mommma ho kwan mma wommfa mo nye nkoa bio. **2** Muntie! Me Paulo, meka kyere mo se, se moma ho kwan ma wotwa mo twetia a, na ekyere se Kristo so amma mfaso biara amma mo koraa. **3** Mebo mo kaka bio se obiara a obema ho kwan ama wotwa no twetia no, na ese se odi mmara no nyinaa so. **4** Mo a mope se wode mmara no bu mo bem no atew mo ho afi Kristo ho. Adom no nni mo so bio. **5** Nanso yefi gyidi mu nam Honhom no so twen trennee a yen ani da so no. **6** Kristo Yesu mu no, twetiatwa ne momonotoye so nni mfaso. Nea eho hia ne gyidi a enam oia so da ne ho adi. **7** Na anka moresi mmirikakan no yiye! Na hena na otwintwan mo anan mu ma mugyae nokware no tie? **8** Saa naadaa no mfi nea ofre mo no. **9** "Mmakaw kakraa bi na ema mmore no nyinaa tu." **10** Mewo anidaso wo Awurade mu se morennwen adwene foforo bi. Onipa ko a odea sakasakaye reba mo mu no, wobetua ne so ka. **11** Anuanom, se migu so ka twetiatwa ho

asem a, aden nti na woda so taa me? Na se eno na eye nokware a, anka m'asem a meka fa Kristo asennua ho no renkofa ohaw mma. Eno de, na anka asennua no ho hintidua biara nni ho bio. **12** Se ekaa me nko a anka won a wohaw mo no atwa won ho atwitwa won ho won ho. **13** Me nuanom, mo de, wofree mo se mommede mo ho. Nanso mommma saa ahofadi yi mmɔ okwan mma bone; mmom momfa odo nsom mo ho mo ho. **14** Efise Mmara no nyinaa tiaatwa ne se, "Do wo yonko se wo ho." **15** Na se mokeka na momemene mo ho mo ho a, eno de monhwe yiye na moanse mo ho mo ho. **16** Na mise montena ase wo Honhom mu, na moremma ohonam akonno ho kwan. **17** Efise nea ohonam pe no tia nea Honhom no pe; saa ara nso na nea Honhom no pe no, ohonam no tia. N'abien no bo abira, enti ense se moye nea mope. **18** Se monantew Honhom mu a, na monnye Mmara ase. **19** Dwuma a bone su di no da adi pefee. Eyinom ne aguamammɔ, efi, ahohwi, **20** abosonsom, aduto, otan, akaye, ahooyaw, abufuw, aperepere, kunsunkunsun, mpaapaemu, **21** nitan, nsabow, agobone, ne nneema a etete saa. Mebo mo koko senea mabo mo dedaw no se, won a wotena ase saa no renko Onyankopon Ahenni no mu. **22** Na Honhom no aba ne odo, anigye, asomdwoe, abodwokyerɛ, ayamye, papaye, gyidi, **23** odwo ne ahoysesɔ. Mmara biara nni ho a etia eyinom. **24** Na won a woye Kristo de no abo won nipasu no ne honam akonno asennua mu. **25** Se yete Honhom mu yi, momma yennantew Honhom mu. **26** Ense se yehoahoa yen ho, yiye yen ho yen ho abufuw, anaa yema yen ani bere yen ho yen ho.

6 Anuanom, se obi koto bone mu a, ese se mo a moye honhom mufo no fa odwo kwan so tee no. Nanso monhwe yiye na mo nso wanso mo anhwɛ. **2** Monsoa mo ho mo ho nnesoa. Se moye saa a, na mudi Kristo mmara no so. **3** Se obi dwene se oye otitiriw nanso onse hwee a, na odaadaa ne ho. **4** Ye w'adwuma yiye na woanya biribi agyina so de ahoahoa wo ho. Na mfa wo ho ntoto afoforo ho; **5** efise ese se obiara soa n'adesoa. **6** Wone nea okyerɛkyere wo Onyankopon asem no nkye ade pa biara a wowo. **7** Monnaadaa mo ho; obiara rentumi nsi Onyankopon atwetwe. Nea onipa dua no, eno ara na otwa. **8** Se mudi mo akonno bone akyi a mobeko osee mu, nanso se monantew Honhom mu a, mubenya daa nkwa. (aiōnios g166) **9** Ne saa nti, mommma yemmmre papaye ho, efise bere a ese mu no, se yeampa abaw a yebetwa nnobae no. **10**

Enti mmere dodow a yewo akwannya no, ese se yeye obiara papa, ne titiriw no, won a yene won bo gyidifo abusua. **11** Monhwe nkyerew akese a mede m'ankasa me nsa akyerew abre mo. **12** Won a wope se wohoahoa won ho no ara na wope se wohye mo ma mutwitwa twetia. Nea enti a woye eyi ne se, wampe se Kristo asennua no nti wotaa won. **13** Won a wotwa twetia no mpo nni mmara no so. Pe ara na wope se wotwa mo twetia senea ebeye a wobetumi de mo ahoahoa won ho se won akyidifo. **14** Nanso me de, Awurade Yesu Kristo asennua no nko ara na mede behoahoa me ho; n'asennua no nti, nea mede hoahoa me ho wo wiasɛ no awu, na saa ara na nea wiasɛ de hoahoa ne ho wo me mu no nso awu. **15** Se obi atwa twetia anaa ontwaa twetia no nka hwee. Nea eho hia ne abode foforo. **16** Onyankopon adae ne n'asomdwoe nka won a wodi saa nkyerɛkyere yi so nyinaa; wone Onyankopon mu nnipa foforo. **17** Efi saa bere yi reko, obiara nhaw m'adwene bio, efise mewo ohonam ani twa a ekyere se meye Yesu de. **18** Me nuanom, Awurade Yesu Kristo adom no nka mo nyinaa. Amen.

Efesofa

1 Saa krataa yi fi me Paulo a Onyankopɔn fi ne pɛ mu aye me Kristo Yesu somafo no nkyen, Merekyerew akoma ahotefo a wote Efeso, Kristo Yesu mu agyidifo: **2** Adom ne asomdwoe a efi yen Agya Onyankopɔn ne Awurade Yesu Kristo no nka mo. **3** Momma yenna Onyankopɔn a ɔye yen Awurade Yesu Kristo Agya no ase, efise ɔnam Kristo so de honhom mu nhyira a efi ɔsoro abre yen. **4** Ansa na Onyankopɔn bebɔ wiase no, ɔdɔ yen na oyii yen wɔ Kristo mu sɛ yebeye kronkron a mfomso biara nni yen ho wɔ n'ani so. Ofi ɔdɔ mu **5** hye too ho se, ne pɛ mu no, ɔnam Yesu Kristo so de yen beye ne mma, **6** de akamfo n'adom a ɛdɔsɔ a ɔde akye yen kwa wɔ ne Dɔba no mu no. **7** Ne mu na yenza ogye a efi ne mogya mu. Ne mu na yenza bɔnefakye nso, senea Onyankopɔn adom mmoroso a **8** ɔde nyansa ne ntease nyinaa hwie guu yen so no te. **9** Onyankopɔn nam nea Kristo yee no so ada n'anwonwakwan no adi akyere yen sɛ **10** bere a wahye no, ɔbeboaboa abode nyinaa ano, nea ewɔ ɔsoro ne nea ewɔ asase so ahye ɔbaako a ɔne Kristo no ase. **11** Onyankopɔn ye nea ɔpe bere biara. Eno nti na ɔnam Kristo so paw yen fii wiase mfiase, **12** senea ebeye a yen a yedii kan nyaa anidaso wɔ Kristo mu no beye nkamfo ahye no anuonyam. **13** Saa ara na ete wɔ mo ho nso. Bere a motee nokwasem a eye asempa a emaa mo nkwaye no, mugyee Kristo dii. Wode bɔhye Honhom Kronkron no hyee mo nsow wɔ ne mu. **14** Honhom no ma yen awerehyemu sɛ wode nea Onyankopɔn de asie ama ne nkurɔfo no bema yen. Afei yebede yen ho na wɔbekamfo Onyankopɔn ahye no anuonyam. **15** Esiane eyi nti, efi bere a metee gyidi a mowo wɔ Awurade Yesu mu ne ɔdɔ a modo Onyankopɔn nkurɔfo no, **16** minnyaee aseda a mede ma Onyankopɔn wɔ mo ho no da. Mekae mo wɔ me mpaebɔ mu, **17** na mibisa yen Awurade Yesu Kristo Nyankopɔn, anuonyam Agya no se ɔmma mo Honhom Kronkron no a ɔbema mo nyansa na wada Onyankopɔn adi akyere mo, senea ebeye a mubehu no. **18** Mesɛ sɛ mo adwene mu mmue na munhu ne hann no, senea ebeye a mubenya anidaso a eno nti ɔfreɛ mo no, ne ahonya a ewɔ agyapade kronkron a ewɔ ho ma ahotefo no, **19** ne ne tumi a eso na biribiara ne no nse ma yen a yegye di no. Eye saa tumi nwonwaso no ara na ɔdaa no adi **20** bere a onyan Kristo fii awufo mu na ɔde no tenaa ne nifa so wɔ ɔsoro ahemman

no mu no. **21** Saa tumi yi korɔn sen mpanyinni ne tumidi, ahooden ne keseye, ne dibe biara a wotumi de ma saa bere yi ne bere a ebɛba no mu. (aiɔn g165) **22** Onyankopɔn de biribiara hyee Kristo nan ase, na ɔde no aye nneema nyinaa ti ama asafo no, **23** a ene ne nipadua. Ɔno ne nea ɔhye ade nyinaa ma wɔ akwan nyinaa mu.

2 Mo de, na moawuwu wɔ mo amumɔye ne mo bɔne a **2** na anka mote mu, bere a na mudi wiase ne wim sodifo ahenni akyi no ne honhom a mprenpren ereye adwuma wɔ wɔn a wɔye asooden mu no mu. (aiɔn g165) **3** Bere bi, yen nyinaa ne wɔn tena dii ɔhonam akɔnnɔ akyi yee ɔhonam apede ne ne nsuwui. Yen nso, na esɛ sɛ Onyankopɔn abufuw ba yen so. **4** Nanso esiane n'adɔeye a ɛdɔsɔ ma yen nti, Onyankopɔn a n'ahummɔbɔ dɔsɔ no **5** maa yen nkwa wɔ Kristo mu, wɔ bere a anka yɛawuwu wɔ amumɔye mu mpo; adom nti na wɔagyɛ mo nkwa. **6** Onyankopɔn nyan yen ne Kristo, na ɔde yen ne Kristo atena ɔsoro ahemman mu **7** senea ebeye a nna a ereba no mu no, ɔbedɔ n'adom ahonya a eso nni no adi; n'adɔe a ɔnam Kristo Yesu so yee yen no. (aiɔn g165) **8** Eye adom no nti na wɔnam gyidi so agye mo nkwa. Emfi mo ankasa, eye Onyankopɔn akyede. **9** Emfi nnwuma mu, na obi de ahoahoa ne ho. **10** Onyankopɔn na wɔye yen senea yete yi. Ɔnam Kristo so bɔɔ yen sɛ yemmeye nnwuma pa a wasiesie ato ho no. **11** Afei monkae sɛ mo a na anka kan no wɔwoo mo sɛ amanamanmufo, na wɔn a wofre wɔn ho twetiatwafo no (nea wode nsa aye wɔ honam mu) fre mo momonotofo, **12** monkae sɛ saa bere no na moatew mo ho afi Kristo ho, na wɔnkan mo mfra Israelfo, na moye ahofo a monka bɔhye apam no ho, na munni anidaso na munni Onyankopɔn nso wɔ wiase. **13** Nanso afei mo a na anka mowo akyirikyiri no, wɔnam Kristo mogya no so atwe mo aben Onyankopɔn. **14** Efise Kristo no ankasa nam baako a wama Yudafo ne amanamanmufo aye no so de asomdwoe aba. Ɔnam ɔno ankasa ne honam so bubuu fasu a na etwa wɔn ntam ma wɔye atamfo no. **15** Ɔnam ne nipadua so asɛe Mose mmara ne n'ahyede tumi no. Ne botae ne sɛ ɔbema Yudafo ne amanamanmufo aye baako na ɔde asomdwoe aba; **16** ɔnam asennua a ɔde sɛee nitan a ewɔ wɔn ntam no so aka wɔn abɔ mu aye wɔn nipadua baako na wapata wɔne Onyankopɔn ntam. **17** Enti Kristo ba bekaa Asempa a eye asomdwoesem no kyereɛ wɔn a wɔwɔ akyirikyiri ne wɔn a wɔben nyinaa. **18** Ɔno nti

yewo Honhom baako a yenam no so ko Agya no nkyen. **19** Enti mprenpren, monnye ahoho ne amamfrafo bio, na mmom mo ne Onyankopon nkurofo no ye nnipa koro na mofra Onyankopon abusua no mu, **20** na wato mo asi asomafo no ne adiyifo no fapem a Kristo Yesu no ankasa ye ne tweatibo no so. **21** Ono na oma odan mu no nyinaa ye baako na ebeye asoredan kronkron wo Awurade mu. **22** Ne mu na woresiesie mo na moabo mu abeye ofi a Onyankopon nam ne Honhom so tena mu.

3 Me Paulo, mo amanamanmufo nti Kristo Yesu de me ye odeduani. **2** Nokware mu, moate Onyankopon adom a onam me so de ma mo no ho asem, **3** a eno ne ahintasem a wonam adiyi so de ama senea makyerew no tiaa dedaw no. **4** Na se mokenkan eyi a na mobete nhumu a mewo wo Kristo ahintasem ho no ase, **5** nea wanyi ankyere awo ntoatoaso bi mu nnipa senea nne yi Honhom no ada no adi akyere Onyankopon asomafo ne adiyifo akronkron no. **6** Saa ahintasem yi kyere se amanamanmufo ne Israelfo bo mu ye adedifo. Wobo mu ye nipadua baako, na wowo kyefa wo Kristo Yesu mu bohye no mu. **7** Onyankopon dom akyede a onam ne tumi so ye adwuma wo yen mu nti, meye asempa no ho somfo. **8** Ewo mu se me ne aketewa pa ara wo Onyankopon nkurofo nyinaa mu, nanso Onyankopon yee me adom se menkoka Asempa a efa Kristo ahonya a emu nni hwehwebea no nkyere amanamanmufo, **9** na memma nnipa nyinaa nhu saa ahintasem yi dwumadi a wode asie wo Onyankopon a oboo ade nyinaa mu wo mfe bebre a atwa mu no mu no. (aiōn g165) **10** N'atirimpow ne se afei onam asore no so beda ne nyansa a emu do no adi akyere wim mpanyinni ne atumfo, **11** senea onam yen Awurade Kristo Yesu so wiee ne botae a ewo ho daa no. (aiōn g165) **12** Afei Kristo ma yen akokoduru ne ahotoso a ema yenza gyidi ba Onyankopon anim. **13** Mesre mo, mommma mo aba mu mmu wo amane a mihu ma mo no ho. Eye mo anuonyamhye. **14** Eyi nti mibu nkotodwe wo Agya no anim, **15** ono na ne din da n'abusua a ewo osoro ne asase nyinaa so no so. **16** Mebo mpae se omfi n'anuonyam ahonya no mu mfa ne Honhom a ete mo mu no so nhye mo den, **17** senea ebeye a Kristo befa mo gyidi so abetena mo koma mu. Se moagye ntin na moatim wo odo mu no, mebo mpae se **18** mo ne ahotefo nyinaa benya tumi, na moate Kristo do no trew, ne tenten, ne koron ne emu do no ase, **19** na moahu saa odo a etra adwene nyinaa so

no, na Onyankopon ahye mo ma. **20** Anuonyam nka Onyankopon a ne tumi ye adwuma wo yen mu. Onam saa tumi yi so ye nea yebisa anaa nea yesusuw ma ebore so. **21** Anuonyam nka Onyankopon wo asafa no ne Kristo Yesu mu mfi nne nkosi daa daa. Amen. (aiōn g165)

4 Me a meye odeduani ma Awurade no hye mo se montena ase mma emfata ofre a wofre mo no. **2** Mommre mo ho ase koraa na munnwo; monto mo bo ase, na mo ne obiara ntena wo odo mu. **3** Mommma mmaden se monam asomdwoe hama so bema Honhom biakoye no atena mo mu. **4** Nipadua baako ne Honhom baako na ewo ho, senea wofre mo ko anidaso baako, **5** Awurade baako, gyidi baako ne asubo baako mu no. **6** Yewo Onyankopon a oye yen nyinaa Agya a odi yen nyinaa so. Onam yen nyinaa mu, na ote yen nyinaa mu nso. **7** Yen mu biara wo adom bi senea Kristo akye ama yen. **8** Eyi nti na Kyerewsem no ka se, "Bere a oforo ko osoro no, ofaa nneduafo kaa ne ho; na omaa nnipa akyede." **9** Afei se "oko osoro" no nkyerease ne den? Ase kyere se, nea edi kan no, oko fam wo asase ase pee. **10** Enti nea oko fam no ara na oko osoro a ebore wim nyinaa so, senea obehye abode nyinaa ma. **11** Ono na omaa ebinom yee asomafo, afoforo yee adiyifo, afoforo yee asempakafo, na afoforo nso yee asofo ne akyerekyerfo. **12** Oye eyi de siesiee Onyankopon nkurofo nyinaa maa osom nnwuma, senea Kristo nipadua no nyin beko so **13** kosi se yen nyinaa benya gyidi baako ne Onyankopon Ba no ho nimdee baako, na yewie nyin wo Kristo maye mu. **14** Yerenye mmofra bio, won a asorokye bo won ko nea epe, na nkyerekyer mframa biara de won di akoneaba na bradatofo ne aniferefo daadaa won. **15** Mmom, se yetena ase nokware ne odo honhom mu a, yebenyin wo Kristo a oye asafa no Ti no mu. **16** Ne mu na honam akwaa ahorow no suso won ho won ho mu. Ne mu na obiara ye n'adwuma, na nipadua no nyin ahooden so wo odo mu. **17** Mede Awurade din bo mo ko se monntena ase bio se amanamanmufo a wonni adwene pa bi, **18** na sum aduru won ntease. Wonnim hwee na woye asooden. Wonnim Onyankopon mu asetena na wonni nkatede ma nea etee. **19** Won ani nwu hwee. Wagyaa won ho ama bone na woye afide ahorow nyinaa bi a wonnu won ho. **20** Enye saa na musua faa Kristo ho. **21** Eye nokware se motee ne nka, na wokyerekyer mo senea nokware a ewo Yesu mu no te. **22** Enti montwe mo ho mfi mo suban dedaw

no a akonnɔ bɔne ama aporɔw no ho. **23** Momma Honhom no nye mo koma ne mo adwene foforo, **24** na montena ase wɔ suban foforo a wɔbɔɔ no Onyankopɔn seso wɔ treneeye ne kronkronye mu no. **25** Munnni atoro nkyere mo ho mo ho. Obiara nni nokware nkyere ne nua, efise, yen nyinaa ye nnipa baako wɔ Kristo nipadua mu. **26** Se mo bo fuw a, monnye bɔne. Mommma owia nkɔtɔ mo abufuw so. **27** Mma ɔbonsam kwan. **28** Eɛ se obi a ɔbɔ korɔn no gyae akrommɔ. Obiara nye adwuma na moatumi aboa afoforo. **29** Mma kasa bɔne mfi w'anom, na mmom ka kasa pa na aboa afoforo senea ehia wɔn na wɔn a wotie anya so mfaso. **30** Monnhow Onyankopɔn Honhom Kronkron a wɔnam so asɔw mo ano ama ogyeda no were. **31** Munyi yawdi, bobɔne ne abufuw, ahohoahoa ne nseku ne bɔnepe nyinaa mfi mo mu. **32** Monye ayamye mma mo ho mo ho, mo yam nhyehye mo mma mo ho mo ho, na momfa mo mfomso nkyekyekyekye mo ho mo ho senea Onyankopɔn nam Kristo so de mo bɔne kyeɛ mo no.

5 Esiane se moye Onyankopɔn mma a ɔdɔ wɔn no nti, munsuasua no **2** na motena ase ɔdɔ mu senea Kristo dɔɔ yen, na ɔde ne nkwa too ho maa yen se afɔrebɔde a eye huam ma Onyankopɔn no. **3** Nanso enɛ se wote aguamammɔ anaa afide anaa anibere ho asem wɔ mo mu, efise eyinom mfata Onyankopɔn nkurɔfo kronkron. **4** Saa ara nso na emfata se moka kasa fi, ahuhusem anaa se muiy aseresem, mmom monna ase. **5** Munnya ntease se, obiara a ɔbɔ aguaman na ɔye afide, na ɔye oniberefo (anibere ye abosonsom) no rennya kyefa biara wɔ Kristo ne Onyankopɔn Ahenni no mu bi. **6** Mommma obiara mmfa nsem a aba nni mu nnaadaa mo. Efise saa nneema no na ema Onyankopɔn bo fuw wɔn a wɔye asooden no. **7** Enti mo ne saa nnipa no nye biribiara. **8** Bere bi, na moye sum, nanso mprempren de, moye hann wɔ Awurade mu. Ne saa nti montena ase se hann mma. **9** Efise hann no ma moye papa, atreenefo ne nokwafo, **10** na ehwehwe nea ɛsɔ Awurade ani. **11** Montwe mo ho mfi nneema hunu a wɔye wɔ sum mu ho, na mompɔ ho ntama. **12** Eye aniwu se wɔbɔ nneema a asoodenfo ye no wɔ sum mu no so. **13** Nanso se hann no tɔ wɔn so a, yebehu nnebɔne biara a wɔye. **14** Efise hann da biribiara adi. Enti na woaka se, “Nyan, wo a woadɔ, na sɔre fi awufo mu, na Kristo behyeren wɔ wo so.” **15** Enti monhwe mo akwan yiye, enye se wɔn a wonnim nyansa, na mmom se wɔn a wonim nyansa.

16 Monye mo akwannya biara so ade, efise, nna yi ye nna bɔne. **17** Monnye adwene mu harefo, na mmom monte Awurade apede ase. **18** Monnnom nsa mmmow na amfa mo ankɔ ahohwibɔ mu. Na mmom momma Honhom no nhye mo ma. **19** Momfa nnwom, ayeyi nnwom ne honhom mu nnwom nkasa nkyere mo ho mo ho. Monto dwom mma Awurade na monkamfo no wɔ koma mu, **20** na monna Agya Onyankopɔn ase bere biara wɔ biribiara ho wɔ yen Awurade Yesu Kristo din mu. **21** Mumfi nidi a mowɔ ma Kristo mu no mmre mo ho ase mma mo ho mo ho. **22** ɔyerenom, mommre mo ho ase mma mo kununom senea mobre mo ho ase ma Awurade no, **23** efise okunu ye ɔyere no ti senea Kristo ye asafo no ti ne ne Gyefo no. Asafo no ye Kristo nipadua. **24** Senea asafo no bre ne ho ase ma Kristo no, saa ara na ɛse se ɔyerenom bre wɔn ho ase wɔ biribiara mu ma wɔn kununom. **25** Okununom, monnodɔ mo yerenom senea Kristo dɔɔ asafo no na ɔde ne kra too ho maa no, **26** na ɔnam asem no so de nsu guaree no yeɛ no kronkron, **27** de maa ne ho se asafo a ehyeren, a enni nkeake anaase mpomponoe anaase dem biara, na mmom eye kronkron a enni sintɔ. **28** Saa ara na ɛse se mmarima dɔ wɔn yerenom senea wɔdɔ wɔn nipadua no. ɔbarima a ɔdɔ ne yere no dɔ n'ankasa ne ho. **29** Obiara ntan ne ho. Mmom ɔma no aduan hwe no yiye senea Kristo ye asafo no, **30** na yen nso yeye ne nipadua no ho akwaa. **31** “Eyi nti, ɔbarima begyaw n'agya ne ne na, na ɔde ne ho akɔbɔ ne yere na wɔn baanu no nyinaa abeye ɔhonam baako.” **32** Eyi ye ahintasem a mu dɔ, nanso mereka Kristo ne asafo no ho asem. **33** Enti ɛse se okunu biara dɔ ne yere se n'ankasa ne ho, na ɔyere biara nso de nidi ma ne kunu.

6 Mma, muntie mo awofo asem wɔ Awurade mu efise saa na eye. **2** “Di w'agya ne wo na ni,” eyi ne mmaransɛm a edi kan a bɔhye ka ho, **3** “na asi wo yiye na wo nna nso aware wɔ asase yi so.” **4** Agyanom, monnhye mo mma abufuw. Na mmom montetew wɔn wɔ Awurade nkyerekyerɛ mu. **5** Nkoa, momfa obu ne osuro mfi koma pa mu nye osetie mma mo honam fam wuranom, senea mobeye osetie ama Kristo no ara. **6** Monye osetie mma wɔn, enye se mobesɔ wɔn ani wɔ bere a wɔrehwe mo nko ara, na mmom monye se Kristo nkoa a mufi mo koma mu reye Onyankopɔn apede. **7** Momfa mo koma nyinaa nsom senea moresom Awurade a enye nnipa, **8** efise munim se adwuma pa biara a obi ye no, se ɔye

asomfo anaa ode ne ho no, Awurade betua no so ka. **9** Awuranom, saa ara na mo nso monye mo asomfo. Munnyaɛ wɔn ahunahuna efise mo ne mo asomfo nyinaa wɔ owura baako a ɔwɔ ɔsoro; na ɔno de, ɔnhwe anim. **10** Nea etwa to ne se, monye den wɔ ne tumi kese no mu. **11** Monhye Onyankopɔn akode nyinaa na moatumi agyina ɔbonsam nhyehyee ano. **12** Efise ɛnye yene mogya ne ɔhonam na anya, na mmom yene mpanyinni ne tumidi ne wiase yi sum mu atumfo ne ahonhommone a ɛwɔ soro ho na anya. (aiɔn g165) **13** Eyi nti, monhye Onyankopɔn akode nyinaa, na se da ɔne no ba a moatumi agyina, na muwie biribiara a moagyina pintinn. **14** Enti munnyina pintinn na momfa nokware mmɔ mo asen, na monhye trenee nkatabo, **15** na momfa Asempa no asomdwoe no nhyehyee mo anan. **16** Eyinom nyinaa akyi no, momfa gyidi kyem, nea mode bedum ɔɔnefo bema a eredew no. **17** Momfa nkwaye dade kyew ne Honhom no afoa a ɛye Onyankopɔn asem no. **18** Mommɔ mpae mmere nyinaa mu wɔ Honhom mu, mpaeɔ ahorow ne nkotosɛ mu. Eyi nti monna mo ho so, na mommɔ mpae mma ahotefo. **19** Mommɔ mpae mma me nso na se mibue m'ano a, wɔama me asem aka, na matumi akasa akokoduru so ada Asempa no mu ahintasem adi. **20** Mprempren meye ho nanmusini a meda mpokyerɛ mu. Eno nti, mommɔ mpae mma me na matumi de akokoduru apae mu aka no senea ɛse se meka no. **21** Yen nua dɔfo Tihiko a ɔye Awurade adwumaye mu somfo nokwafo no beka biribiara akyere mo senea ebeye a mubehu senea me ho te ne dwuma a meredi. **22** Eyi nti na meresoma no mo nkyen, ama moahu senea yen ho te, na wahye mo nkuran nso. **23** Asomdwoe nka anuanom nyinaa, na Agya Nyankopɔn ne Awurade Yesu Kristo mma mo nokware dɔ. **24** Onyankopɔn adom nka wɔn a wɔdɔ yen Awurade Yesu Kristo daa nyinaa no.

Filipifo

1 Saa nhoma yi fi Paulo ne Timoteo a wɔyɛ Kristo Yesu nkoa nkyɛn, Wɔde kɔma Yesu Kristo mu ahotefo ne ahwefo ne asomafo a wɔwɔ Filipi no nyinaa: **2** Adom ne asomdwoe a efi yen Agya Nyankopɔn ne Awurade Yesu Kristo nka mo. **3** Bere biara a mekae mo no, meda Onyankopɔn ase. **4** Saa ara nso na da biara mede anigye bɔ mpae ma mo, **5** efise efi da a edi kan de besi sesɛɛ no, moaboa me wɔ asem paka no adwumaye mu. **6** Eyi nti migye di yiye sɛ Onyankopɔn a ofii ase yɛɛ saa adwuma pa yi wɔ mo mu no beko so de akosi da a Yesu Kristo beba no. **7** Senea mo ho adwene pa wɔ me tirim no nti sɛ daa mekae mo a, na ne kwan so ara ne no. Efise sɛ meda mpokyerɛ mu, anaase mede me ho na mereka Asempa no a, mo nyinaa ne me nya Onyankopɔn adom. **8** Onyankopɔn ankasa di me adanse sɛ m'ani agyina mo wɔ Yesu Kristo dɔ mu. **9** Me mpae a mebɔ ma mo ne sɛ ɔdɔ a mode dodɔ mo ho mo ho no mu beyɛ den, na mubenyin wɔ nimdeɛ ne ntease mu, **10** senea ebeye a mubehu nea eye na da a Kristo beba no na moaye kronkron a obi nka asem bi ntia mo. **11** Nneɛma pa a Yesu Kristo no nko betumi de ama mo no behyɛ mo abrabɔ ma de ahyɛ Onyankopɔn anuonyam akamfo no. **12** Anuanom, mepe sɛ mote ase sɛ nneɛma a aba me so nyinaa aboa ama Asempa no atrew. **13** Eno nti awemfo a wɔwɔ ahemfi ha ne afoforo a woka wɔn ho no nyinaa nim sɛ, esiane sɛ meye Kristo somfo no nti na meda afiasɛ. **14** Afiasɛ a meda no ahyɛ anuanom bebree nkuran wɔ Awurade mu ma wotumi ka Onyankopɔn asem no wɔ akokoduru so a wonsuro hwee. **15** Eɛ nokware sɛ wɔn mu ebinom nam nitan ne ntɔkwape so ka Kristo ho asem foforo, na afoforo nso de adwene pa na eka ne ho asem. **16** Wɔn a wɔde adwene pa ka asem no fi ɔdɔ mu na eka, efise, wonim sɛ Onyankopɔn asem nti na meda afiasɛ. **17** Afoforo a wɔnam nitan ne ntɔkwape so ka asem no nso dwene sɛ wɔnam saa kwan yi so bɛma m'ahohiahia aboro so wɔ m'afiasenna nna yi mu. **18** Eyi nti na aye den? Eɛ me anigyesɛm. Nea ehia ara ne sɛ, sɛ wofi adwene pa anaa adwemmone mu no, Kristo ho asem ara na woka. Na eyi nti m'ani gye na meko so ama m'ani agye, **19** efise minim sɛ mo mpaeɔ ne adom a efi Yesu Kristo Honhom mmoa mu no nti wobegya me. **20** Me pe ne m'anidaso titiriw ne sɛ, mmere nyinaa mede nsi ne anem beyɛ m'adwuma; mpo saa bere yi, sɛ mete

ase o, sɛ miwu o, mede me nipadua nyinaa behyɛ Kristo anuonyam. **21** Me de, Kristo nti na mete ase; na mpo, owu yɛ me mfaso. **22** Nanso sɛ mete ase a, metumi aye adwuma a so wɔ mfaso ama Kristo. Eno nti minhu mu nea memfa, asetena anaase owu. **23** Eyi aye me aniani. Pe na mepe sɛ mitu fi wiase ne Kristo kotena, efise eno mmom na eye; **24** nanso mo nti, sɛ mete ase nso a anka eye. **25** Minim sɛ me ho hia wɔ asase yi so ha; eno nti migye di sɛ metena ha kakra na maboa mo ama moanyin wɔ gyidi mu anya anigye. **26** M'asetena yi bɛma mo ani agye na sɛ mesan besra mo bio a, mubenya biribi agyina so ahyɛ Kristo anuonyam sɛ ɔbɔɔ me ho ban. **27** Mprempren, ade a eho hia me ne sɛ biribiara a ebeto mo no, momma mo abrabɔ mfata Kristo Asempa no nko ara, senea ebeye a, sɛ yehyia o, sɛ yɛanhyia o, mete mo ho asem pa sɛ mugyina pintinn na mukura botae koro ne gyidi koro wɔ Asempa no ho. **28** Munnsuro mo atamfo. Biribiara a mobeye no, momfa akokoduru nnyina pintinn. Na eyi bedi adanse sɛ wobedi nkogu na moadi nkonim, efise Onyankopɔn ka mo ho. **29** Na mo de, enye sɛ wɔadom mo sɛ munni Kristo akyi nko, na mmom sɛ mubehu amane nso. **30** Afei mubetumi ne me abɔ mu ako ɔko a mereko no. Saa ɔko yi na bere a atwa mu no, mekoe na migu so reko senea mote no.

2 Mo nkwa a mowɔ wɔ Kristo mu no hyɛ mo den ana? Ne dɔ kyekye mo were ana? Mo ne Honhom no wɔ ayɔnkofa bi ana? Mowɔ ayamye ne ayamhyehye ma mo ho mo ho ana? **2** Sɛ ete saa de a, eno de, munnya adwene koro wɔ ɔdɔ ne Honhom ne botae koro mu, na m'anigye awie peye. **3** Monnye pesemenkominya; monnhoahoa mo ho mfa mpe anuonyam hunu. Mommre mo ho ase mma mo ho mo ho na mummu mo yɔnkonon nsen mo ankasa mo ho. **4** Mommma obiara nhwe ne nko ara n'ade nko, na mmom onsusuw ne mfefo nso de ho bi. **5** Momma mo abrabɔ nyinaa nye sɛ Yesu Kristo de no bi. **6** Ɔno na ɔwɔ Onyankopɔn tebea mu de, nanso wanhwe ne ho sɛ ɔne Onyankopɔn beyɛ pe. **7** Ɔdan ne tumi kese ne n'anuonyam too nkyɛn. Mmom, ofii ne pe mu faa akoa tebea de too ne ho so, baa sɛ onipa beyɛ n'ade sɛ onipa. **8** Ɔbreɛ ne ho ase, yɛɛ osetie de koduu owu mu, asennua ho wu mu mpo. **9** Eyi nti Onyankopɔn maa ne so kɔɔ baabi a ekorɔn koraa, maa no din a edi din nyinaa so. **10** Na eno nti sɛ wɔbɔ Yesu din a, ɔsorofɔ ne asase sofo ne asase asefo nkotodwe nyinaa bekotow no. **11** Na tekrema nyinaa apae mu aka se, Yesu Kristo ne

Awurade, de ahye Agya Onyankopon anuonyam. **12** Enti me nnamfo pa, senea na me ne mo te ho a na mutie me no, saa ara nso na bere a minni mo nkyen mprenpren yi ese se mutie me ara ne no. Monko so mfa ahopopo ne osuro nye adwuma mfa nwie mo nkwaye ho adwumaye, **13** efise Onyankopon na oma mufi mo pe mu di dwuma a eso n'ani. **14** Dwuma biara a mudi no, munnnwiinwii na monnnnye ho akyinnye, **15** senea ebeye a worenka biribi ntia mo. Mobeye kronkron se Onyankopon mma nokwafo a wote wase a nkontompofo ne nneboneyefo ahye mu ma to no. Ese se mohyeren wo won mu se nsoromma a ewo soro **16** wo nkwa no ho asem a moka kyere won no mu. Se moye saa na Kristo da no mede mo hoahoa me ho a, na ne kwan so ara ne no; efise ebada no adi se dwuma a mibedii no anye okwa. **17** Ebia na ese se wohwie me mogya gu se aforebode senea mo osom no nso ye aforebode ma Onyankopon no. Se eba saa a, ebeye anigyesem a me ne mo nyinaa na ebenya saa ahosepew no. **18** Yiw, momma mo ani nnye, senea me nso m'ani agye no. **19** Anidaso a mewo wo Awurade Yesu mu no nti, mesoma Timoteo ma waba mo nkyen na mo ho nsem a mete no ahye me nkuran. **20** Ono nko ne obi a owo otema ma me na mo ho asem nso hia no. **21** Obiara pe ono ara ne yiyedi a Yesu Kristo ho asem mfa ne ho. **22** Mo ankasa mudi ho adanse wo dwuma a wadi ho. Wakyere nso se, one me te se aba ne n'agya a waka abo mu adi asempa no ho dwuma. **23** Se mihu senea nneema rekɔ so ma me a, erenkye biara mesoma no aba mo nkyen. **24** Na Awurade mu anidaso a mewo nti, minin se erenkye biara m'ankasa meba mo nkyen. **25** M'adwene ho se, mesoma yen nua Epafrodito a waye adwuma, na odi me nkyen mu ako na wasom mo se mo somafo de aboa me no wo mo nkyen. **26** Ne ho pere no se obehu mo nyinaa na ehaw mo nso se motee ne nka se oyare. **27** Ampa ara, na oyare a anka oreye awu. Nanso Onyankopon huu no ne me nso mmobo, efise wamma manni awerehow. **28** Me ho pere me yiye se mesoma no aba mo nkyen na muho no a, mo ani asan agye, na me nso m'awerehow to atwa. **29** Momfa ahosepew nnye no se onua wo Awurade mu. Momfa obu ne nidi mma nnipa a wote se ono nyinaa, **30** efise ode ne nkwa bo afore a enam so maa anka arewu ama Kristo adwuma de aboa me a anka morentumi mmoa saa no.

3 Anuanom, asem a mede rewie ne se, momma mo ani nnye wo Awurade mu. Enhaw me se meti nsem

a makyerew dedaw no mu. Ema mo akwankyerɛ. **2** Monhwe nneboneyefo no a wote se akraman a woka se twa na ese se onipa twa twetia ansa na wanya nkwaye no yiye. **3** Eye yen, na enye won na agye nokware twetiatwa ato mu. Efise eye Onyankopon Honhom na oma yen tumi ma yesom no, na hye a yede yen ho ahye Kristo Yesu mu no nti yenia ahosepew. Yemmfa yen ho nto ohonam so. **4** Se obi wo ho a osusuw se, se ode ne ho to amanne so na eye a anka eye me. **5** Bere a midii nnaawotwe pe na wotwaa me twetia. Meye Israelni fi m'awosu mu. Mifi Benyamin abusua a waye Hebrifo kronkron no mu. Se woka Yudafo mmara sodi ho asem nso a, meye Farisini **6** a na me ho pere me se metaa Kristo. Se mmara no sodi nko na ema obi ye otreneeni a, eno de, na me so nni mfomso biara. **7** Nanso nneema a na mefa no se eye mfaso nyinaa no, esiane Kristo nti, aye adehwere. **8** Enye eno nko, na migye di nso se biribiara nkyen se wode wo ho beto Kristo Yesu a oye m'Awurade no so. Ne nti matow biribiara akyene. Mefa ne nyinaa se nneema hunu bi, senea ebeye a me nsa beka Kristo, **9** na mahu se me ne no aye baako. Afei meremfa m'ahooden mpere se meye pe; peye a efi mmara no mu no. Na mmom mehwehwe peye a efi Kristo mu gyidi ne Onyankopon mu a gyidi na eye ne fapem. **10** Nea merehwehwe ara ne se, mehu Kristo na menya ne wusore no mu osuahu, na mahu n'amane no bi, na maye se ono wo ne wu no mu; **11** na mewo anidaso se, me nso me wu akyi no, wobema masore a fi owu mu. **12** Enye se manya eyinom nyinaa dedaw, anaase madu me botae ho dedaw. Na mmom merepere ako m'anim ara se me nsa beso nea enti a Kristo Yesu nso soo me mu no mu. **13** Anuanom, memfa no se me nsa aso mu. Ade baako a ese se meye ne se, ese se me were fi m'akyi na meyerere me ho, senea ebeye a medu nea ewo m'anim no ho. **14** Eyi nti mitu mmirika ko m'anim tee na madu osoro botae no a Onyankopon nam Kristo Yesu so afre me no ho. **15** Ese se yen a yenyin wo Honhom mu no nyinaa dwene saa. Se mo mu bi nso wo adwene foforo a, Onyankopon beda no adi akyere mo. **16** Nanso nea yen nsa aka dedaw no, momma yenko so saa ara nkura mu. **17** Anuanom, monko so nsuasua me. Yeama mo nhwesoo pa nti muntie won a wowo saa nhwesoo pa no. **18** Maka saa asem yi akyere mo se, nnipa bebree wo ho a won abraho ma waye Kristo wu a owui wo asennua no ho no atamfo. **19** Saa nnipa no beko asese mu, efise won nyame ara ne won honam mu nneema.

Wɔma wɔn ho so wɔ nneema a ɛsɛ sɛ wɔn ani wu wɔ ho no ho, na wodwen wiase nneema nko ara ho. **20** Yen de, yeɛ ɔsoro mma na yede ahosɛpɛw twɛn yen Agyenkwa a ɔyɛ yen Awurade Yesu Kristo a ofi ɔsoro beba no. **21** Ɖnam tumi a etumi ma biribiara hyɛ n'ase no so besakra yen nipadua a ɛyɛ mmerɛw na ewu no, na wayɛ no sɛ ne de a ɛwɔ anuonyam no.

4 Enti anuanom, medɔ mo na m'ani agyina mo. Moama me ho asan me enti me nso mede mo hoahoa me ho. Adɔfonom, saa na ɛsɛ sɛ mugyina pintinn wɔ Awurade mu. **2** Euodia ne Sintike, mesrɛ mo, montena ase sɛ anuanom wɔ Awurade mu. **3** Na wo nso a woka me ho a migye wo di no mɛpɛ sɛ woboa saa mmea yi, efisɛ wɔde wɔn ahɔɔden nyinaa aboa me ama Asempa no mu atɛw a Klemens ne m'ahokafo bi a wɔn din hyɛ Onyankopɔn nkwa nhoma no mu no nso ka ho. **4** Meka ti mu se, daa munnya ahosɛpɛw wɔ Awurade mu; mo ho nɛpɛw mo. **5** Mommrɛ mo ho ase mma nnipa nyinaa. Erenkyɛ Awurade beba. **6** Mommma biribiara nhaw mo. Daa mo nkotosrɛ ne aseda mpaebo nyinaa mu no, momma mo adesrɛ nnu Onyankopɔn anim. **7** Na Onyankopɔn asomdwoe a ɛtra ade nyinaa so no bɛhwɛ mo koma ne mo adwene so wɔ Kristo Yesu mu. **8** Anuanom, asɛm a mede rewie ne sɛ nea ɛyɛ nokware, nea ɛwɔ anuonyam, nea ɛtɛɛ, nea ɛho tew, nea ɛwɔ ɔɔɔ, nea ɛwɔ din pa, sɛ ɔbra pa bi wɔ hɔ a, sɛ ayeyi bi wɔ hɔ a, saa nneema yi ho na munnwen. **9** Nea moasua, na moanya afi me nkyɛn wɔ nsem ne nneyɛɛ mu no na monyɛ. Na Onyankopɔn a ɔma yen asomdwoe no beka mo ho. **10** M'ani gye wɔ Awurade mu sɛ afei de moakyɛrɛ ɔɔɔ a mode ɔɔ me. Ɛyɛ nokware sɛ mode me de, nanso na munnya ho kwan nkyɛrɛ saa. **11** Menka saa asɛm yi nkyɛrɛ sɛ ahia me efisɛ me suahu nti, tebea biara a meko mu no nhaw me. **12** Minim ohia, nim ahonya; masua saa ahintasɛm yi, enti baabiara ne bere biara, sɛ ɔkɔm de me anaa mamee, sɛ mewɔ bebreɛ anaa kakraa bi no, mɛpɛ no saa ara. **13** Ahɔɔden a Kristo de ma me no nti mitumi gyina tebea biara ano. **14** Eye sɛ moboa me wɔ m'amanehunu mu. **15** Mo Filipifo no ankasa nim pefee sɛ bere a mifii Makedonia a na merefi Asempa no ka no ase no, mo nko ara ne asafo a moboa me. Mo nko ara ne asafo a mo ne me kyɛɛ mo ahonyade. **16** Mewɔ Tesalonika no, bere biara a biribi ho behia me no, mode brɛ me. **17** Ɛnye sɛ ɔpɛ na na mɛpɛ sɛ minya akyɛde na mmom, nhyira a mubenya wɔ mu na na mɛpɛ sɛ mihu. **18** Me nsa aka biribiara a mode abrɛ me

ma aboro so. Afei a Epafrodito de akyɛde no nyinaa abrɛ me yi, me nsa aka biribiara a ɛho hia me. Eyinom te sɛ afɔrɛ huamhuam a wɔbo ma Onyankopɔn, na ogye, na n'ani sɔ no. **19** Me Nyankopɔn fi ne nnɛpa a ɔwɔ wɔ Kristo Yesu mu bɛma mo nea ehia mo nyinaa. **20** Anuonyam nka yen Agya Nyankopɔn daa daa. Amen. (aiɔn g165) **21** Mikyia ahotefo no wɔ Kristo Yesu mu. Anuanom a wone me wɔ ha no nso kyia mo. **22** Ahotefo no nyinaa kyia mo; ne titiriw no, Ɖhempon Kaesare fifo. **23** Awurade Yesu Kristo adom nka mo nyinaa. Amen.

Kolosefo

1 Saa krataa yi fi Paulo a enam Onyankopɔn pɛ so nti, ɔyɛ Kristo somafo no ne yen nua Timoteo nkyen, **2** De rekɔma ahotefo a wɔwɔ Kolose a wɔyɛ Kristo mu agyidifo no: Adom ne asomdwoe a efi yen Agya Onyankopɔn nka mo. **3** Bere biara a yebɔ mpae ma mo no, yɛda Onyankopɔn a ɔyɛ Awurade Yesu Kristo Agya no ase. **4** Efise yɛate mo gyidi a mowɔ wɔ Kristo Yesu mu, ne dɔ a modɔ ahotefo no. **5** Da a edi kan a motee Asempa no munyaa mu anidaso a ɛwɔ hɔ ma mo no. Enti mo gyidi ne mo dɔ a mowɔ no gyina mo anidaso a mowɔ a wɔakora no wɔ ɔsoro ama mo no so. **6** Efi da a edi kan a motee Onyankopɔn adom na muhuu senea ete no, Asempa no de nhɔira abre wiase mmaa nyinaa, na tɔw ara na ɛretɔw senea muhu no wɔ mo mu no. **7** Enam Epafr a ɔyɛ yen nua somfo a ɔde gyidi yɛ Kristo adwuma ma yen no so na muhuu eyi. **8** Ɔkaa ɔdɔ a Honhom no de ama mo no kyereɛ yen. **9** Esiane saa nti, efi bere a yɛtee mo nka no, yebɔ mpae ma mo daa. Yesrɛɛ Onyankopɔn sɛ omfi ne pɛ mu mma mo nyansa ne ntease a ne Honhom de ma no. **10** Eba saa a na mubetumi atena ase senea Awurade hwehwe na bere biara nso, mobeyɛ nea ɛsɔ n'ani. Dwuma biara a mubedi no, ɛbesow aba pa na mubenɔyin wɔ Onyankopɔn ho nimdeɛ mu. **11** Yerebɔ mpae nso sɛ ne tumi ne n'ahooden behyɛ mo ma na moatumi de Awurade mu ahosepɛw ne boasetɔ agyina biribiara ano. **12** Momfa ahosepɛw nna Agya no a enam ne so nti moanya nea wakora so ama n'ahotewfo a wɔwɔ ne hann no mu no bi no ase. **13** Ogyee yen fii sum tumi ase de yen baa ne Dɔba no Ahenni mu dwoodwo. **14** Ne mu na yenya ogye. Ne mu nso na yenya bɔnefakye. **15** Kristo yɛ Onyankopɔn a wonhu no no sɛso. Ɔno ne abɔde nyinaa farebae. **16** Efise enam ne so na Onyankopɔn bɔɔ biribiara a ɛwɔ ɔsoro ne asase so, nea wuhu ne nea wonhu, honhom mu atumfo, awuranom ne ahemfo. Onyankopɔn nam ne so na ɔbɔɔ wiase nyinaa na ɔbɔ maa no nso. **17** Na ɔwɔ hɔ ansa na worebɔ biribiara, na ne mu na biribiara nya n'afa pɛpɛpɛ. **18** Asafo no yɛ ne nipadua, na ɔno na ɔyɛ asafo no ti. Ɔno na nipadua no nkwa fi. Ɔno ne Abakan a wonyan no fii awufo mu senea ebeyɛ a ɔno nko ara bedi ade nyinaa mu kan. **19** Efise Onyankopɔn no ani gye sɛ Ɔba no wɔ ne su nyinaa wɔ ne mu. **20** Enam ne Ba no so na Onyankopɔn fi ne pɛ mu de wiase nyinaa san behyɛ ɔno ankasa ase.

Onyankopɔn nam ne Ba no wu a owui wɔ asennua so no de asomdwoe bae, enti ɔde nneema a ɛwɔ asase so ne ɔsoro nyinaa ahyɛ n'ase. **21** Bere bi a atwam no, esiane sɛ na moyɛ bɔne na modwene bɔne ho nti, na mo ne Onyankopɔn ntam kwan ware a na moyɛ n'atamfo nso. **22** Nanso enam ne Ba no wu so nti Onyankopɔn afa mo nnamfo, senea ebeyɛ a mobeyɛ kronkron a bɔne biara nni mo ho wɔ n'anim. **23** Ɛsɛ sɛ moko so ma mo gyidi mu yɛ den. Mommma ho kwan mma mo anidaso a munyaa no da a edi kan a motee Asempa no nhinhim. Saa Asempa a wɔka kyere nnipa nyinaa yi nti na me, Paulo, mebeyɛɛ ɔsomfo no. **24** Ɛyɛ me anigye sɛ merebre mo ho. Menam me honam mu amane a merehu no so retoa Kristo amane a ohuu wɔ ne honam mu maa n'asafo no so. **25** Onyankopɔn a mo yiyedi nti ɔde saa dwuma yi hyɛɛ me nsa no ayɛ me asafo no somfo. Dwumadi no yɛ n'asɛm no ka, **26** a ɛyɛ ahintasɛm a mfe bebre a atwam no, ɔde hintaw adesamma, nanso afei de, wada no adi akyerɛ n'ahotewfo. (aion g165) **27** Onyankopɔn nhyehyɛ ne sɛ, ɔbɔda n'ahintasɛm a nnɛpa ne anuonyam wɔ mu no adi akyerɛ Amanamanmufo nso. Ahintasɛm no ne sɛ: Kristo te mo mu, a ne nkyerease ne sɛ, yɛwɔ anidaso sɛ yen nsa beka Onyankopɔn anuonyam no bi. **28** Ɛno nti yɛka Kristo ho asɛm kyere nnipa nyinaa. Yenam adwene pa so bɔ obiara kɔkɔ, kyerekyerɛ, senea ebeyɛ a obiara a yɛde no behyɛ Onyankopɔn nsa no beyɛ pɛ wɔ Kristo mu. **29** Ɛno nti na menam Kristo tumi sononko a ɔde ma me no so yɛ adwumaden.

2 Mepɛ sɛ mema mo ne nnipa a wɔwɔ Laodikea no ne wɔn a wonhuu me da no hu apɛpɛpɛ dennɛn a meredi wɔ wɔn ho. **2** Me botae ne sɛ wobenya nkuranhyɛ wɔ wɔn koma mu, na wɔatena ase ɔdɔ mu, senea ebeyɛ a wobenya ntease a ewie pɛyɛ. Na wobehu Onyankopɔn ahintasɛm a ene Kristo no. **3** Ɔno so na wonam hu Onyankopɔn nyansa ne n'adwene. **4** Meka kyere mo sɛ mommma obiara mfa akyinnyehunu nnaadaa mo. **5** Ɛwɔ mu sɛ minni mo nkyen wɔ ɔhonam fam de, nanso mewɔ mo nkyen wɔ honhom fam. Ɛyɛ me anigye nso sɛ monam Kristo mu gyidi so aka mo ho abɔ mu gyina hɔ pintinn. **6** Esiane sɛ moagyɛ Kristo sɛ mo wura nti, mo ne no mmom ntena. **7** Munnye ntin na munyin wɔ ne mu; na mo gyidi mu nye den daa, senea wɔkyereɛ mo no, na monna no ase. **8** Monhwɛ yiye na obi amfa ne nnaadaa a efi nnipa nkyerekyerɛ ne wiase ahonhom mu a emfi Kristo no amfa mo nnommmum. **9** Efise Onyankopɔn

tebea nyinaa ara te Kristo nipadua mu, **10** na mo nso Kristo ahye mo ma, na tumidi ne mpanyinni biara hye Kristo ase. **11** Mo ne no ka bɔɔ mu no, wotwaa mo twetia a ɛnye nnipa na wotwaa mo, na mmom eye Kristo no ankasa na otwaa mo twetia de twee mo fii nipadua a ɛho nte w no tumi ase. **12** Wɔbɔɔ mo asu no nso, wosiee mo ne Kristo. Afei wonyan mo ne no fii awufo mu, efise na mowɔ gyidi wɔ Onyankopɔn tumi a enyan Kristo fii awufo mu no mu. **13** Esiane mo bɔne nti, bere bi a atwam no na moye honhom mu awufo ne amanamanmufo a munni Mmara. Nanso afei Onyankopɔn anyan yen ne Kristo. Onyankopɔn de yen nyinaa bɔne akye yen. **14** Onyankopɔn pepaa yen mmarato; na ɔde ne nyinaa kɔɔ asennua so kɔbɔɔ no asennua mu. **15** ɛho na Kristo dii mpanyinni ne tumidi nyinaa so. ɔmaa wiase nyinaa huu senea ɔfaa wɔn se nneduafo, bere a ɔhyee ne nkonimdi ho fa no. **16** Enti mommma obiara nhyehye mmara a ɛfa nea mudi anaa nea monom, nna kronkron anaa ɔsram foforo afahye anaa nea ɛfa homenna ho mmma mo. **17** Saa nneema no nyinaa ye daakye mu nsem sunsuma. Kristo ne hann no. **18** Mommma nnipa a wɔboɔ pa bre wɔn ho ase anaa wɔsom abofo nnaadaa mo; wɔhoahoa wɔn ho se wɔanya anisoadehu. Saa ahantanfo yi wɔ anifere su. **19** Saa nnipa yi nye Kristo a ɔye nipadua no nyinaa ti no de bio. Kristo na ɔma nipadua no ahoɔden na ɔka nipadua no akwaa nyinaa bɔ mu ma enyin senea Onyankopɔn pe se enyin no. **20** Mo ne Kristo awu nti moatew mo ho afi ahonhom a wodi wiase so no ho. Aden nti na mobɔ mo bra se nnipa a wɔhye saa wiase no ase? Aden nti na mudi saa mmara a ese, **21** “Munnso eyi mu!” “Munnni eyi!” “Mommfa mo nsa nka!” no so? **22** Saa mmara ahorow yi a ne dwumadi besee no nyinaa ye nea egyna nnipa ahyede ne ne nkyerekyerɛ huhuw bi so. **23** Aye se saa Mmara yi sodi ye pa ara, na ɛma wɔdɔ Onyankopɔn, anaase ɛma wobɛ wo ho ase ma wɔhye wo ho so. Nanso saa mmara yi nni tumi biara wɔ onipa akɔnnɔ bɔne so.

3 Wɔanyan mo ne Kristo aba nkwa mu. Afei munnnwen ɔsoro nneema ho, faako a Kristo te, Onyankopɔn nifa so, di hene no. **2** Saa nneema no na momma mo adwene nkɔ so, na ɛnye asase yi so nneema. **3** Efise moawu na wɔde mo nkwa ne Kristo ahintaw wɔ Onyankopɔn mu. **4** Na se Kristo a ɔye mo nkwa no ba a, mo ne no beba wɔ n'anuonyam mu. **5** Munyi wiase akɔnnɔ te se aguamammɔ, afideye, bɔne, ne anibere a ɛye abosonsom no mfi mo abrabɔ mu. **6**

Eyinom nti Onyankopɔn abufuw reba. **7** Bere bi a atwam no, esiane mo akɔnnɔ nti na mobɔ saa bra yi. **8** Afei munnyaɛ saa nneyee yi nyinaa: abufuw, bɔnepe, ne ɔtan. Monnyeyaw obi anaa mommma kasa a ɛho nte w mmfi mo anom. **9** Munnnidi atoro nkyere mo ho mo ho, efise moatew nipadua dedaw ne ne su no akyene **10** de nipadua foforo asi anan mu. Moaye nnipa afoforo a daa Onyankopɔn a ɔbɔɔ mo no resakra mo wɔ ne suban so, senea ɛbeyɛ a Onyankopɔn ho nimdee behye mo ma. **11** Esiane saa nti, amanamanmufo ne Yudafo, twetiatwafɔ ne momonotoye, awudifo, nkoa ne wɔn a wɔde wɔn ho no nni ho bio. Kristo wɔ biribiara mu. Kristo te yen nyinaa mu. **12** Moye Onyankopɔn nkurafo. ɔpe mo asem nti na oyii mo se ne de, enti monye timmɔbɔ, ayamye, mommɛ mo ho ase, munnnwo na monye abodwokyerɛ. **13** Mommoaboa mo ho mo ho na momfa mo ho mo ho mfomso nkyekye mo ho mo ho. Momfa nkye senea Awurade de kye mo no. **14** Eyi nyinaa akyi no, momfa ɔdɔ a ɛde koroyɛ ba no nka mo abrabɔ ho. **15** Momma Kristo asomdwoe no ntena mo koma mu. Saa asomdwoe yi ho na wɔafɛ mo nyinaa aba Kristo nipadua koro mu. Monye nnipa a wɔwɔ ayeyi. **16** Kristo asem no ne mu nnepa nyinaa ntena mo koma mu. Momfa nyansa nkyerekyerɛ. Monto asanku so nnwom ne ayeyi nnwom ne honhom mu nnwom. Mumfi mo koma mu nto aseda nnwom mma Onyankopɔn. **17** Biribiara a moye anaa moka no, monye wɔ Awurade Yesu din mu na momfa ne so nna Agya Onyankopɔn ase. **18** ɔyerenom, mommɛ mo ho ase mma mo kununom senea ɛse wɔ Awurade mu. **19** Okununom, monnodɔ mo yerenom na monnhye wɔn ahometew. **20** Mma, ade nyinaa mu, muntie mo awofɔ asem na eyi na ɛsɔ Onyankopɔn ani. **21** Agyanom, munnyi mo mma abufuw na ammu wɔn aba mu. **22** Asomfo, muntie mo wuranom asem wɔ ade nyinaa mu. ɛnye se wɔn ani tua mo nti na ɛse se moye na wɔpene mo, na mmom esiane se mudi Awurade ni no nti, momfa koma pa nye. **23** Biribiara a moye no, momfa mo koma nyinaa nye na momfa no se moreye ama Awurade na monnye mma nnipa. **24** Monkae se Awurade bekye mo so ade. Mo nsa beka ade a ɔde asie ama ne nkurafo no bi. Kristo ne owura a mosom no. **25** Na obiara a ɔye nea entee no, bɔne a ɔye no so akatua na obenya a nhweanim biara nni mu.

4 Awuranom, momma mo asomfo nea etee. Monkae se mo nso mowɔ Owura wɔ ɔsoro. **2** Mommo mpae

daa. Monye nnam wo mo mpaebi mu na monna Onyankopon ase. **3** Mommɔ mpae mma yen nso wo bere koro no ara mu na Onyankopon ama yen mu kwan ama yeatumi aka Asempa no ne Kristo ho ahintasem. Efise eno nti na meda afiasa no. **4** Mommɔ mpae na matumi akasa ama ntease aba mu, senea ese se mekasa. **5** Bere biara a mubanya kwan ne won a wonye agyidifo ahyia no, mo ne won nkasa nyansa mu. **6** Daa, monka kasa pa a eye anigye nkyere won na momma won mu biara mmuae pa. **7** Yen nuabarima pa Tihiko a nye odwumayeni pa na osan ye Awurade adwumaye mu somfo no beka me ho asem akyere mo. **8** Eyi nti na meresoma no mo nkyen, ama moahu senea yen ho te, na wahye mo nkuran nso. **9** Onua Onesimo a nye odofo nokwafo na osan fra mo kuw mu no ne no na ereba. Wobeka biribiara a ereko so wo ha akyere mo. **10** Me yonko Aristarko a one me da afiasa no kyia mo. Saa ara na Barnaba wofaase Marko nso kyia mo. Woka akyere mo se se aba mo nkyen a munnye no few so. **11** Yesu a wofre no Yusto no nso kyia mo. Saa nnipa baasa yi nko ara ne Yudafo agyidifo a me ne won reye Onyankopon Ahenni no ho adwuma a waboa me yiye. **12** Kristo Yesu somfo a wofre no Epafra a ofra mo kuw mu no nso kyia mo. Daa abɔ mpae dennen sre Onyankopon se onhye mo den na omma mo nyansa na mommre mo ho ase mma n'apede. **13** Metumi adi ne nsiye ho adanse akyere mo ne nnipa a wowo Laodikea ne Hierapoli no. **14** Luka a nye yen yaresafo pa no ne Dema kyia mo. **15** Yekyia anuanom a wowo Laodikea ne Nimfa ne asafo a wohyia wo ne fi no. **16** Se mokenkan saa nhoma yi wie a monhwe se mobekenkan akyere asafo a wowo Laodikea no. Saa ara nso na monkenkan nhoma a efi Laodikea no. **17** Monka nkyere Arkipo se, “Bo mmɔden se wubewie osom a wode ahye wo nsa wo Awurade din mu no.” **18** Me Paulo, me nsa ano nkyerew a mede kyia mo ni: Monkae me mpokyerɛ no. Onyankopon adom nka mo.

1 Tesalonikafo

1 Saa nhoma yi fi Paulo, Silas ne Timoteo nkyen, Wɔde koma Tesalonika asafa a wɔye Agya Onyankopɔn ne Awurade Yesu Kristo mma no: Adom ne asomdwoe nka mo. **2** Daa yɛda Onyankopɔn ase ma mo, na yekae mo wɔ yen mpaebɔ mu nso. **3** Efise yekae mo gyidi a mode di dwuma, mo da a ɛma mutumi de nsi ye adwuma ne mo anidaso dennen a mowɔ wɔ yen Awurade Yesu Kristo mu no wɔ yen Nyankopɔn ne Agya no anim. **4** Anuanom, yenim se Onyankopɔn do mo nti na wayi mo se ɔno ankasa ne de no. **5** Se yebekaa Asempa no kyereɛ mo a, enye nsem bi kwa, na mmom yegyina tumi ne Honhom Kronkron ne mu nokware mu gyidi so. Munim nnipa ko a na yeye ene senea yeboaa mo fae. **6** Musuasuaa yen ne Awurade; ɛwɔ mu se muhuu amane de, nanso mode anigye a efi Honhom Kronkron no mu gyee asem no. **7** Enam so ma mobeyee nhweso maa agyidifo a wɔwɔ Makedonia ne Hela nyinaa. **8** Nsem a moka faa Awurade ho no ankɔ Makedonia ne Hela nko, na mmom gyidi a mowɔ wɔ Onyankopɔn mu no ho asem adu baabiara. Asem biara nni ho a ɛse se yeka bio. **9** Obiara kamfo senea mugyee yen ne senea motwee mo ho fii abosom ho kasom nokware Nyankopɔn a ɔte ase daa no, **10** na motwen ne Ba a ofi ɔsoro no; Yesu a onyan no fii awufo mu a ogye yen fi Onyankopɔn abufuw a ereba no mu no.

2 Anuanom, mo ankasa munim se sra a yebesraa mo no anye ɔkwa. **2** Munim ayayade a wɔyee yen ne ɔyaw a wɔyaw yen wɔ Filipi ansa na yereba mo nkyen wɔ Tesalonika no. ɛwɔ mu se na nnipa bi tia yen de, nanso yen Nyankopɔn hyee yen den ma yekaa Asempa a efi ne mu no. **3** Asempa a yeka kyereɛ mo no mfi adwemmone anaa nnaadaa mu, na mmom, nea yekae no ye nokware turodoo. **4** Daa yeka nokware, senea Onyankopɔn hwehwe yen se yenka no, efise ɔpene so na ɔde Asempa no nso ama yen se yenka. Yɛmpe se yeso nnipa ani, na mmom Onyankopɔn a ɔso yen adwene hwe no ani na yɛpe se yeso. **5** Munim pefee se yɛamma ha se yerebeka nnaadaasem akyerɛ mo anaase yede sikanibere rebekata yen ani akasa. Onyankopɔn ne yen danseni. **6** Se moye Kristo asomafo no nti, anka yewɔ ho kwan se yɛpe anuonyam fi mo nkyen, nanso yemmisaa anuonyam mfii mo anaase onipa foforo bi nkyen ɛ. **7** Yewɔ mo nkyen no, na yene mo te odwo so, senea ɔbeatan koko ne

mma. **8** Yehwee mo yiye, nyaa mo ho anigye sononko; mpo yedaa yen ho so se yede yen nkwa beto ho ama mo, bere a yede Onyankopɔn Asempa no breɛ mo no. **9** Anuanom, minim se mokae adwuma a yeyee ne bre a yebreɛ. Yeyee adwuma awia ne anadwo; senea Onyankopɔn Asempa no ka na yeka kyereɛ mo no, yeremfa ɔhaw bi mmeto mo so. **10** Mo ne Onyankopɔn ye yen nnansefo. Yen suban a yedaa no adi kyereɛ mo a mugyee Asempa no dii no ye kronkron a eye na mfomso biara nni ho. **11** Mo ara munim se yene mo tenaa senea agya ne n'ankasa mma tena. **12** Yehyee mo nkuran; yekyekyee mo were na yekɔ so tuu mo fo se montena ase wɔ ɔkwan a ɛso Onyankopɔn a ɔfre mo wɔ n'ahenni ne n'anuonyam mu no so. **13** Daa yebeda Onyankopɔn ase wɔ saa asem yi ho. Bere a yekaa Onyankopɔn asem kyereɛ mo no, mutie gye dii se enye asem a efi onipa nkyen, na mmom ampa ara se efi Onyankopɔn nkyen. Mo a moagyɛ adi no Onyankopɔn ye adwuma wɔ mo mu. **14** Anuanom, nsem a etotoo Onyankopɔn asafa a na ɛwowɔ Yudea ne nnipa a wɔwɔ ho a na wɔye Kristo Yesu nkurofo no bi ara na ato mo yi. ɔtaa a mo ara mo manfo taa mo no bi na Yudafo a **15** wokum Awurade Yesu ne adiyifo no de taa yen nso. Onyankopɔn ani nso won, na wone nnipa di asi bere biara. **16** Wɔbɔ mmɔden se wobesiw yen kwan, senea ebeye a yerentumi nkoka asem a ebema amanamanmufo no nkwaye nkyere won. Eyi maa won bɔne kɔ so daa. Na Onyankopɔn abufuw wɔ won so. **17** Anuanom, yɛantumi amma mo nkyen wɔ bere tiaa bi mu, nanso bere biara na yedwene mo ho. Yɛpe se yehu mo, na yebɔ mmɔden biara se yebehyia mo ankasa. **18** Yɛpe se yebesana aba mo nkyen. Me Paulo de, na mepe se meba ho boro penkoro nanso ɔbonsam siw yen ho kwan. **19** Nanso den ne yen anidaso, anigye, anaa ahenkyew a ebema yen anuonyam wɔ Awurade Yesu anim bere a ɔbesan aba no? Enye mo ana? **20** Nokware ni, yen ahohoahoa ne yen ahosepew gyina mo so.

3 Akyiri yi a yehuu se yeye ho hwee a enye yie no, yeyee yen adwene se yebetena Atene. **2** Enti yesomaa yen nua Timoteo a yene no ye Onyankopɔn adwuma no se ɔnkoka Asempa a efa Kristo ho mfa mmoa nhye mo gyidi den, **3** senea ebeye a ɔtaa no nti mo mu biara remmo hu. Mo ara munim se saa ɔtaa no ye Onyankopɔn pe a wahyehye ama yen. **4** Bere a na yene mo wɔ ho no, yedii kan ka kyereɛ mo se wɔbetaa yen; na senea munim no na aba mu saa

pepeɛpe no. 5 Eyi nti esiane se na asem no hye me so nti, mesomaa Timoteo se ɔmmehwe senea mo gyidi te. Mewo anidaso se ɔbonsam ansɔ mo anhwɛ amma dwuma a yeadi no nyinaa anyɛ ɔkwa. 6 Afei, Timoteo afi mo nkyen aba yen nkyen abeka anigyesɛm a efa mo gyidi ne mo do ho asem akyere yen. Waka akyere yen se, daa modwene yen ho adwene pa na moɛ se muhu yen, senea yen nso yeɛ se yehu mo no ara pɛ. 7 Enti yen haw ne yen amanehununu no mu no, moahye yen nkuran, 8 efise se mugyina pintinn wɔ Awurade mu a, na ɛma yen nso yetumi gyina biribiara ano wɔ yen asetena mu. 9 Eɛ se yɛda Onyankopɔn ase ma mo. Mo nti, yɛda Onyankopɔn ase se moama yen ho aseɛw yen wɔ n'anim. 10 Daa awia ne anadwo, yefi yen koma nyinaa mu srɛ no se, ɔmma yene mo nhya na yemma mo nea ehia mo wɔ mo gyidi mu. 11 Ɔno ara yen Nyankopɔn ne Agya no ankasa ne yen Awurade Yesu Kristo nsiesie ɔkwan na yemmra mo nkyen. 12 Awurade mma mo do mu nye den mmoro so wɔ mo ho mo ho ne afoforo mu, senea yen nso yɛdo mo no. 13 Meɔ mpae se Awurade ne ne nkurofo nyinaa ba a, ɔɛma mo koma mu aye kronkron a nkekae biara nni mu wɔ Agya Nyankopɔn anim.

4 Anuanom, asem a etwa to ne se musuaa ɔkwan pa a eɛ se mofa so tena ase a ɛɛsɔ Onyankopɔn ani. Na saa pepeɛpe na morebo mo bra. Enti yɛde yen Awurade Yesu din srɛ, hye mo se monye mma ɛmmoro nea moreye mprenpren no so. 2 Munim nkyerekyerɛ a esiane Awurade Yesu tumi nti, yetumi kyerekyerɛ mo. 3 Eyi ye Onyankopɔn pɛ a ɔwɔ ma mo. Ɔpɛ se moye kronkron na motwe mo ho fi aguamammɔ ho. 4 Eɛ se musua senea mohye mo ho so na obiara atumi ne ne yere atena wɔ kronkronye ne anuonyam mu. 5 Monntena ase akɔnnɔ anibere so te se abosonsomfo a wonnim Onyankopɔn no. 6 Onyankopɔn akyide no bi nso ne se, enɛ se mo mu biara sisi ne yɔnko, efise se obi ye saa a, Onyankopɔn betwe n'aso denneennen senea yeadi kan abɔ mo kɔko no. 7 Onyankopɔn amfrɛ yen se yemmɛbo aguaman, na mmom ɔfrɛ yen se yentena ase ahotew mu. 8 Eno nti, obiara a ɔɛpo saa nkyerekyerɛ yi no mpo onipa, na mmom ɔpo Onyankopɔn a ɔma mo ne Honhom Kronkron no. 9 Eho nhia se mekyerɛw mo afa ɔdo a eɛ se modɔ mo nuanom asuafo no ho. Onyankopɔn akyere mo ankasa ɔkwan a eɛ se mofa so dodɔ mo ho mo ho. 10 Na moada saa ɔdo no adi pepeɛpe akyere anuanom a wɔwɔ Makedonia no nyinaa. Nanso anuanom, yesre

mo se monko so nnodo mo ho mo ho mma ɛmmoro saa. 11 Momma ɛnye mo botae se mobetena ase dinn na moahwe so adi mo dwuma de abɔ mo ho akɔnhama senea yeaka akyere mo dedaw no. 12 Se moye saa a ɛɛma wɔn a wonye asuafo no afere mo na moremmisa nea ehia mo nso mfi obiara nkyen. 13 Anuanom, yeɛ se yeaka nokware a efa wɔn a wɔawuwu no ho kyere mo, senea ɛbeye a morenni ho awerehow te se wɔn a wonni anidaso no. 14 Yegye di se Yesu wui, na ɔsore bio. Enti se Onyankopɔn de Yesu ba bio a, ɔde wɔn a wonyaa ne mu gyidi ansa na wɔrewu no beka ne ho aba. 15 Awurade nkyerekyerɛ a yereka akyere mo no ne se, da a Awurade beba no, yen a yete ase yi renni awufo no anim kan. 16 Awurade no ankasa de ɔhye a ano ye den, ɔbofo panyin nteemu ne Onyankopɔn torobento nnyigye fi ɔsoro beba fam. Wɔn a wɔawuwu wɔ Kristo mu no besore kan, 17 na wɔaboaboa yen a yete ase bere no ne wɔn a wɔasore no ano wɔ omununkum mu ahyia Awurade wɔ wim. Na saa na yene Awurade betena daa. 18 Enti momfa saa asem yi nkyekye obiara were.

5 Anuanom, eho nhia se mekyerɛw akyere mo nna ne bere a saa nsem yi besisi. 2 Efise mo ankasa munim yiye se da a Awurade beba no beye se ɔkorɔmfo a ɔreba anadwo. 3 Bere a nnipa beka se, “Biribiara ye asomdwoe” no, saa bere no na adesɛe beba wɔn so. Na wɔrentumi nguan. Ɛbeye te se yaw a eba ɔpemfo a ɔrewo so no. 4 Nanso mo anuanom yi de, monte sum mu nti enɛ se saa da no fu mo mu se ɔkorɔmfo. 5 Mo nyinaa moye hann ne adekyee mma. Yenye anadwo ne sum mma. 6 Eno nti, enɛ se yɛdeda se afoforo no. Eɛ se yewen na yɛbre yen ho ase. 7 Anadwo na nnipa da. Anadwo na nnipa bow nsa. 8 Nanso yeɛ adekyee mma nti, eɛ se yɛbre yen ho ase. Eɛ se yehye gyidi ne ɔdo nkatabo ne yen nkwagye anidaso se dade kyɛw. 9 Onyankopɔn anyi yen se yemmehu amane wɔ n'abufuw ano, na mmom oyii yen se yebenya nkwagye wɔ Awurade Yesu Kristo mu. 10 Kristo wu maa yen, senea ɛbeye a se yeanyan oo, anaa se yeawu oo, yene no betena ase wɔ nkwa mu. 11 Esiane saa nti, monhye mo ho nkuran na mommoaboa mo ho mo ho senea mugu so reye yi. 12 Anuanom, yesre mo se momfa obu ne nidi mma wɔn a Awurade ayi wɔn se wonni mo anim nkyerekyerɛ mo no. 13 Esiane adwuma a wɔye no nti, mummu wɔn na monno wɔn yiye. Montena ase asomdwoe mu. 14

Anuanom, yehye mo se monkasa nkyere anihawfo, monka wɔn a wɔnye hyew no hyew; mommoa wɔn a wɔye mmerew; montɔ mo bo ase mma wɔn nyinaa. **15** Monhwɛ se obi mmfa bɔne a obi aye no no ho ka ntua no. Bere biara momma enye mo botae se mobeye papa ama mo ho mo ho ne obiara. **16** Momma mo ani nnye da biara **17** na bere biara nso, mommɔ mpae; **18** biribiara mu, monna ase. Eyi na Onyankopɔn hwehwe afi mo nkyen wɔ Kristo Yesu mu. **19** Monnka Honhom Kronkron no nhye; **20** munnsi adiyisem atwetwe. **21** Monso biribiara nhwe; momfa nea eye. **22** Na munkyi bɔne biara. **23** Na ɔno asomdwoe Nyankopɔn no ara ntew mo ho koraa, na ɔnhwe mo honhom ne mo kra ne mo nipadua so a eho remma asem biara kosi se yen Awurade Yesu Kristo beba. **24** Ɔnokwafo ne nea ɔfreɛ mo no, ɔno nso na ɔbeyɛ. **25** Anuanom, mommɔ mpae mma yen. **26** Momfa mfewano kronkron nkyiakya anuanom nyinaa. **27** Mehyɛ mo wɔ Awurade tumi mu se monkenkan saa nhoma yi nkyere anuanom no nyinaa. **28** Yen Awurade Yesu Kristo adom nka mo.

2 Tesalonikafo

1 Saa nhoma yi fi Paulo, Silas ne Timoteo nkyen, Wɔde koma Tesalonika asafo a wɔye Agya Onyankopɔn ne Awurade Yesu Kristo nkurɔfo no: **2** Adom ne asomdwoe a efi Agya Onyankopɔn ne yen Awurade Yesu Kristo nka mo. **3** Anuanom, ɛse se da biara yeda Onyankopɔn ase ma mo. Ɛse se yeye saa, efise mo gyidi ne ɔdo a modɔ afoforo no mu den ara na ɛreye. **4** Saa nti na yen ankasa yede mo hoahoa yen ho wɔ Onyankopɔn asafo ahorow mu no. Yede ɔtaa ne amanehunu a mokɔ so gyina ano no hoahoa yen ho. **5** Eyinom nyinaa di adanse se Onyankopɔn bu atɛntɛnnee; ɛno nti wɔbekan mo afra wɔn a wɔbekɔ n'ahenni a morehu ho amane no mu. **6** Onyankopɔn beye nea ɛtee. Wɔn a wɔbema mo ahu amane no, ɔno nso bema wɔahu amane, **7** na wama mo a morehu amane no ne yen nso ahome. Saa asem yi besi wɔ bere a Awurade Yesu nam ogyaframa mu fi ɔsoro reba a n'abɔfo atumfo ka ne ho no, **8** abetwe wɔn a wonnim Onyankopɔn na wontie yen Awurade Yesu Asempa no aso. **9** Wɔbekɔ daa ɔsee mu na wɔayi wɔn a fi Awurade anim ne n'anuonyam mu, (aiōnios g166) **10** da a ɔbema n'akyidifo ne n'asufo ahye no anuonyam no. Mo nso mobefra saa nkurɔfo no mu, efise moagye asem a yɛka kyereɛ mo no adi. **11** Eyi nti na daa yɛbɔ mpae ma mo no. Yesɛ Onyankopɔn se ɔmma mo ntumi mmo ɔbra a ɛno nti ɔfrɛɛ mo no. Onnyina ne tumi so mma mo tumi, nye mo apede ne biribiara a mo gyidi beka akyere mo se monye no nyinaa. **12** Yɛbɔ mpae senea monam yen Nyankopɔn ne Awurade Yesu Kristo adom so behye Awurade Yesu din anuonyam wɔ mo mu na mo nso, wɔahye mo anuonyam wɔ ne mu.

2 Nea ɛfa yen Awurade Yesu Kristo ba a ɔrebeba ne boa a wɔbeboaboa yen ano akɔka ne ho no ho no, mesre mo anuanom, **2** mommma mo adwene mu nnye mo nnaa se da a Awurade reba no adu. Ebia na obi rehye saa nkɔm no anaa obi foforo nso gyina so reka asem. Anaase nso wɔka se yen nhoma a yekyerewee no bi mu na saa asem no wɔ. **3** Mommma obiara nnaadaa mo saa wɔ ɔkwan yi so. Saa da no remma da, gye se atuatew a etwa to no aba ama wɔada ɔbɔnefo no a ɔbekɔ daa ɔsee mu no adi. **4** Ɔbesɔre atia biribiara a nnipa som na wobu no kronkron no; na ɔbekorɔn ne ho wɔ ne nyinaa so na wakotena Onyankopɔn asɔredan mu na waka se ɔno ne Onyankopɔn. **5** Monkae se bere a me ne mo wɔ ho no, na metaa ka eyinom nyinaa

kyere mo. **6** Na mpɛmpɛn munim nea abɔ ne ba no asɛn no senea wɔbɛda no adi akyere mo wɔ bere pa mu. **7** Ɔbɔnefo no di ne dwuma dedaw na nea ɛbeba no remma da, gye se wɔayi nea ɔkura ne mu no a fi ho ansa. **8** Ɛno ansa na ɔbɔnefo no beba, na Awurade Yesu nam n'anom home so betu no agu, na ɔde ne ba a ɔbeba no mu anuonyam asɛe no. **9** Ɔbɔnefo no nam ɔbonsam tumi so na ɛbeba na wabeye anwonwade ne nsenkyerenne, **10** na ɔnam bɔne so adaadaa wɔn a wɔbeyera no. Wɔbeyera, efise wɔannye nokware no anto mu, annɔ nokware no amma wɔannya nkwa. **11** Eyi nti, Onyankopɔn resoma nnaadaa tumi ma akɔhye wɔn mu ama wɔagye nsem a ɛnye nokware no adi. **12** Awiei no ara ne se wobebu wɔn a wonnye nokware no nni na wɔn ani gye bɔne ho no atɛn. **13** Anuanom, ɛse se bere biara yeda Onyankopɔn ase ma mo a Awurade dɔ mo no. Efise ɛnam Honhom no tumi so na Onyankopɔn yii mo se nnipa a mudi kan a wobegye mo nkwa na wɔaye mo Onyankopɔn nkurɔfo kronkron wɔ mo gyidi a mowɔ wɔ nokware mu no mu. **14** Onyankopɔn nam Asempa no so frɛɛ mo senea mo ne Awurade Yesu Kristo betena n'anuonyam no mu. **15** Enti anuanom, munnyina pintinn na monka mo ho mmata nokware a yekyerɛɛ mo wɔ asɛnka ne yen nhoma no mu no ho. **16** Yen Awurade Yesu Kristo no ankasa ne yen Agya Onyankopɔn a ɔdo yen na ɔnam n'adom mu ahye yen daa nkuran ne anidaso pa no, (aiōnios g166) **17** nkyekye mo were, na ɔnhye mo den wɔ asem ne adwuma pa nyinaa mu.

3 Anuanom, asem a etwa to ne se momma mpae mma yen, senea ebeye a Awurade asem beko so atrew ntem te senea eyee wɔ mo mu no. **2** Afei momma mpae mma yen, senea ebeye a Onyankopɔn beyi yen a fi ɔbɔnefo ne nsemmedifo nsam. Efise ɛnye nnipa nyinaa na wogyɛ asem no di. **3** Nanso Awurade ye ɔnokwafo. Ɔbehye mo den na wagye mo a fi ɔbɔnefo no nsam. **4** Awurade ama yen mo mu anidaso. Yewɔ anidaso se moreye na mobekɔ so aye biribiara a yebekyerɛ mo se monye no. **5** Awurade nka mo ho na munnya ɔdo koma se Onyankopɔn, ne abodwokyerɛ se Kristo. **6** Anuanom, yehye mo wɔ Awurade Yesu Kristo din mu se, montwe mo ho mfi anuanom a wodi anihaw na wonni mmara a wɔahye ama wɔn no so no ho. **7** Mo ankasa munim pefee se, ɛse se moye nea yeyee no bi pepɛɛpe. Bere a na yewɔ mo nkyen no, yeanye anihaw. **8** Obi ammoa yen a yeantua onii no ka. Yeyee adwuma denneennen. Awia ne anadwo

nyinaa yeyee adwuma senea yemfa sikasem biara nhaw mo adwene. **9** Eyi nkyere se na yenni ho kwan se yebisa mo biribi de boa yen asetena. Yeyee saa de yee nhweso maa mo. **10** Yewo mo nkyen no, yeka kyeree mo se, “Obiara a ompe se oye adwuma no, ense se woma odidi.” **11** Yeka saa asem yi, efise yete se mo mu bi ye anihawfo a wonye hwee se wonenam nkurofo nnwuma so. **12** Yede Awurade Yesu Kristo din hye won, bo won koko se wommo obra pa na wonye adwuma mfa mmo won ho akonhama. **13** Anuanom munnnyae papaye da. **14** Obi wo ho a orentie nhoma a yeakyerew abre mo yi mu nsem. Se muhu obi saa a, monhwe no yiye na montwe mo ho mfi ne ho na n’ani nwu. **15** Nanso mommfa saa onipa no se oye otamfo na mmom mommo no koko se mo nua. **16** Na ono asomdwoe Awurade no ara mma mo asomdwoe daa ade nyinaa mu. Awurade ne mo nyinaa ntena. **17** Me ara me Paulo, me nsa ano nkyerew a menam so rekyia mo ni. Saa okwan yi ara so na mefa kyerew nhoma. **18** Yen Awurade Yesu Kristo adom nka mo nyinaa.

1 Timoteo

1 Me Paulo, Yesu Kristo somafo nam Onyankopɔn ne yen Agyenkwa Kristo Yesu a ɔye yen anidaso no hye so kyerew, **2** De rekoma Timoteo a ɔye me ba kann wɔ gyidi mu no nkyen: Agya Onyankopɔn ne Kristo Yesu a ɔye yen Awurade no dom, mmɔborɔhunu ne asomdwoe nka mo. **3** Mepe se motena Efeso senea mereko Makedonia no meka kyerɛɛ mo no. Nnipa bi wɔ ho a wɔma atoro nkyerekyerɛ a esɛ se mohye wɔn ma wogyae. **4** Momma wonnyae adomankomasɛm ne wɔn nenanom din bebrebe a wɔbobo no, efise saa nneyɛɛ no de akyinnye ba. Emmoa Onyankopɔn nhyehyɛɛ a wɔnam gyidi nko so na wuhu no. **5** Saa ɔhye yi botae ara ne se ebekanyan ɔdo a efi koma pa, adwene mu fann ne gyidi pa mu. **6** Nnipa bi atwe wɔn ho a fi ɔkwan pa no so de wɔn ho ama akyinnye hunu. **7** Wɔpe se wɔye Onyankopɔn mmara no akyerɛkyerɛfo nanso wɔn ara wɔn nsem a woka no wɔnte ase. Saa ara nso na wonni gyidi wɔ nsem a woka no mu. **8** Yenim se, se wɔnam mmara kwan so de Mmara no di dwuma a eye. **9** Eɛ se yeɛkae hu se wɔanyɛ mmara no amma atreneefo na mmom, wɔye maa mmaratofɔ, nnebɔneyɛfo, wɔn a wonsuro Nyame ne abɔnefo, wɔn a wɔnyɛ kronkron anaa wɔn ho ntew, wɔn a wokum wɔn agyanom ne wɔn nanom, awudifo, **10** afideyɛfo, aguammamfo, nnipawiafo, atorofo a woka nkontomposɛm anaa wɔye biribi a ene nokware nkyerekyerɛ no bɔ abira no. **11** Saa nokware nkyerekyerɛ no wɔ Aɛmpa a wɔde ama me se menka ho aɛm nkyere no mu. Eye Aɛmpa a efi Onyankopɔn a ɔye onuonyamfo na wɔahyira no no nkyen. **12** Meda yen Awurade Yesu Kristo a wama me ahɔɔden ma midi me dwuma no ase. Meda no ase se wadwene me ho se mefata na wayi me se mensom no. **13** Nanso mmere bi a atwam no, na mekasa tia no, taa no, ka nsem a ɛmfata fa ne ho. Onyankopɔn ahu me mmɔbo na esiane se na minnye nni nti, na minnim nea mereye. **14** Yen Awurade hwiee n'adom a ɛdɔso no guu me so maa me gyidi ne ɔdo a esiane Kristo Yesu nti abɛye yen de no. **15** Eyi ye nokwasɛm a esɛ se yegye to mu na yegye di koraa se: Kristo Yesu baa wiase begyee nnebɔneyɛfo nkwa. Na meye ɔdebɔneyɛni a odi kan koraa. **16** Nanso esiane saa nti, wahu me mmɔbo, senea ebeye a me a meye ɔdebɔneyɛni a odi kan no, Kristo Yesu nam me so beda ne boasetɔ a enni awiei no adi akyerɛ wɔn a wobegye no adi no na wɔanya

nkwa a enni awiei. (aiōnios g166) **17** Anuonyam ne nidi nka Onyankopɔn daa daa. Ɔno ne mmɛresantenhene. Ɔno na wonhu no na onwu da nso. Ɔno nko ara ne Onyankopɔn a nimdeɛ ahye no ma. Amen. (aiōn g165) **18** Afei me ba Timoteo, mede saa dwumadi a wɔhyɛɛ ho nkɔm fi tete no hye wo nsa. Wugu so reko ɔko pa no, ma saa nsem no nye w'akode, **19** na so wo gyidi mu dennɛn na ma w'adwene mu nye fann. Nnipa bi ntie wɔn tibia, nam saaye so aɛɛ wɔn gyidi. **20** Saa nnipa no bi ne Himeneo ne Aleksandro a mayi wɔn ama Satan se ɔntwe wɔn aso senea wɛrenka abususem ntia Onyankopɔn bio.

2 M'afotu ne se, nea edi kan no mehye mo se monsre, mommo mpae, mummisa na monna Onyankopɔn ase mma nnipa nyinaa; **2** monye saa ara mma ahemfo ne wɔn a tumi hye wɔn nsa nyinaa na yeatumi atena ase asomdwoe mu wɔ onyamesom ne suban pa mu. **3** Eyi ye, na ɛso Onyankopɔn a ɔye Agyenkwa a **4** ɔpe se wogyee nnipa nyinaa nkwa na wohu nokware no ani. **5** Onyankopɔn baako ne ntamgyinafo baako a ɔka Onyankopɔn ne nnipa bɔ mu no, ɔno ne Kristo Yesu no. **6** Ɔno na ɔde ne ho bɔɔ afoɛ gyeɛ nnipa nyinaa nkwa no. Eyi ye adansedi a ebaa bere a esɛ mu se Onyankopɔn pe se wogyee nnipa nyinaa nkwa. **7** Ɔno nti na wɔsomaa me se ɔsomafo ne amanamanmufo kyerɛkyerɛfo se minni gyidi ne nokware no ho adanse. Merenni atoro, mereka nokware! **8** Mehwehwe se nnipa a wɔwo mmaa nyinaa ma wɔn nsa a eho tew so, nea abufuw ne akyinnye nni mu, na wɔbo mpae. **9** Afei mehwehwe se mmea bre wɔn ho ase na wɔfa ɔkwan a efata so siesie wɔn ho. Wɔnye wɔn ti se mmea ahobreasefo; wɔmmfa sika anaa nwinne anaa ntade a ne bo ye den nsiesie wɔn ho. **10** Na mmom esɛ se wɔda adwuma pa a efata mmea se mmea a wɔye nyamesomfo no adi. **11** Eɛ se mmea de kommye ne ahobrease sua ade. **12** Memma mmea ho kwan se wonkyerekyerɛ anaase wonnya mmarima so tumi. Eɛ se wɔye komm. **13** Efise wɔbɔɔ Adam ansa na wɔrebo Hawa. **14** Na ɛnye Adam na wɔdaadaa no. Ɔbea no na wɔdaadaa no ma ɛnam so ma obuu Onyankopɔn mmara so. **15** Na se ɔbea tena ase gyidi, ɔdo, kronkronye ne ahobrease mu a ɔbewo asomdwoe mu.

3 Eye sennaho se, se obi pe se ɔye asafopanyin a, na wafa adwuma pa. **2** Asafopanyin ye obi a mfomso nni ne ho. Eɛ se ne yere ye baako. Eɛ se ɔbre ne ho

ase na ɔhye ne ho so ye ne biribiara pɛpɛɛpɛ. Eɛ se ogye ahoho wɔ ne fi na ɔkyerekɛye nso. **3** Enɛ se ɔye ɔsadweam anaa basabasa, na mmom, eɛ se ɔbre ne ho ase na ɔpe asomdwoe. Enɛ se ɔye sikaniberefo. **4** Eɛ se otumi hwɛ ne fifo so yiye na otumi ma ne mma ye osetie de obu ne nidi ma no. **5** Na se obi nnim senea ɔhwɛ ne fi so yiye a, ebeye den na obetumi ahwɛ Onyankopɔn asafo so? **6** Enɛ se ɔye obi a afei na wahu Awurade; se eba saa a, ne tirim beye no de na waye ahomaso ama wɔabu no aten senea wobuu ɔbonsam aten no. **7** Eɛ se wɔn a wɔnnɔye akyidifo no mpo de nidi ma no senea ebeye a wɔrengu n'anim ase na ɔbonsam afiri renɔi no. **8** Eɛ se asafo mu aboafo nso ye nnipa a wɔwɔ suban pa na wodi nokware. Enɛ se wɔnom nsa pii anaase wɔye aniberefo. **9** Eɛ se wɔde adwene mu fann gyina pintinn ma nokware no ne gyidi no. **10** Eɛ se wɔwɔ wɔn hwɛ ansa, na se wodi ɔhwɛ no so nkonim a wɔasom. **11** Eɛ se wɔn yerenom nso wɔ suban pa a wonni nseku. Eɛ se wɔbre wɔn ho ase di nokware wɔ biribiara mu. **12** Eɛ se asafo no mu boafɔ no wɔ yere baako na afei otumi hwɛ ne mma ne ne fifo yiye. **13** Wɔn a wɔsom yiye no benya nnyinaso pa, na wɔn gyidi a wɔwɔ wɔ Kristo Yesu mu no nso aye nam. **14** Saa nhoma a mede rebre wo yi akyi no, mewɔ anidaso se erenkye biara meba wo nkyen. **15** Na se mannu wo nkyen ntem a saa nhoma yi bema woahu senea wɔbɔ wɔn bra wɔ Onyankopɔn fi; ofi a eye Onyankopɔn teasefo no asafo a eye nokware no nnyinaso. **16** Akyinnye biara nni ho se, ahintasem a ewɔ nyamesom pa mu no krɔn: ɔbae onipa tebea mu, Honhom no buu no bem, na abɔfo huu no, wɔkaa ne ho asem wɔ amanaman mu, na wiase gyee no dii, wɔfaa no kɔɔ ɔsoro anuonyam mu.

4 Honhom no si no pi se, akyiri no, nnipa bi begyae gyidi no mu so. Wobedi atorɔ ahonhom ne ahonhommonɛ nkyerekɛye akyi. **2** Saa nkyerekɛye yi fi nyaatwomfo atorɔfo a wɔye adwenwuifo se dade a wɔato wɔ ogya mu no. **3** Saa nnipa no kyerekɛye se enye se obi ware, na nnuan bi nso wɔ hɔ a enye se onipa di. Nanso Onyankopɔn bɔɔ saa nnuan no se, se agyidifo a wɔahu nokware no nsa ka na wɔbɔ so mpae a, wotumi di. **4** Biribiara a Onyankopɔn abɔ no ye. Enɛ se wɔpo biribiara, na mmom eɛ se wɔbɔ mpae gu ne nyinaa so. **5** Efise Onyankopɔn asem no ne mpaeɔ tew ho. **6** Se woma anuanom no saa nkyerekɛye yi a, na ekyere se woye Kristo somfo pa a wɔnam nokware ne gyidi ne nkyerekɛye pa so atetew

wo. **7** Nsɛ wo bere wɔ gyidihuu nsem ne mmerewa anansesem ho. Bɔ onyamesompa ho mmɔden. **8** Ewɔ mu se ɔhonam mu mmɔdemmo ho hia de, nanso honhom mu mmɔdemmo ho hia wɔ akwan nyinaa mu, efise ehye yen nne asetena ne daakyɛ asetena ho bɔ. **9** Eyi ye nokwasem a eɛ se wogyɛ to mu na wogyɛ di. **10** Enɔ nti na eɛ se yɛpere na yeye adwuma dennen, efise yede yen anidaso ahyɛ Onyankopɔn teasefo a ɔye nnipa nyinaa Agyenkwa no mu, ne titiriw wɔn a wogyɛ asem no di no. **11** Eyinom na eɛ se moka ho asem wɔ mo nkyerekɛye no mu. **12** Mma obiara ho kwan mma ɔmmfa wo se wunnyinii nti obebu wo abomfiaa. Wo kasa mu, wo suban mu, wo dɔ mu, wo gyidi mu ne wo kronkronye mu no, eɛ se woye nhweso pa. **13** Nya adagyew kenkan Kyerɛwsem no na ka Asempa no na kyerekɛye ansa na maba. **14** Nnyaa honhom mu akyede a mpanyimfo nam nkɔmhyɛ so de wɔn nsa guu wo so a wunyaa no mu. **15** So saa nneema no mu yiye. Fa wo ho nyinaa ma wɔn, senea ebɛma obiara ahu wo nkɔso. **16** Hwɛ wo ho so yiye na hwɛ wo nkyerekɛye nso so. Kɔ so ye saa nneema yi nyinaa, efise se woye saa a, wubegye wo ho ne wɔn a wotie wo no nkwa.

5 Nka akwakoraa anim, na mmom hyɛ no nkuran senea wobeye ama w'agya. Senea wobeye wo nuabarima no saa ara na fa ye mmabun, **2** ye mmea mpanyimfo se wo nanom, na mmabaa nso, fa wɔn se wo nuabeanom wɔ kronkronye mu. **3** Ma w'ani nku mmea akunafo a wonni ahwɛfo ho. **4** Se okunafo bi wɔ mma anaa nananom a, nea edi kan no eɛ se wɔfa nyamesom pa so de som wɔn abusua de tua wɔn awofo ne wɔn nenanom ka, efise se woye saa a na esɔ Onyankopɔn ani. **5** ɔbea a ɔye okunafo ampa ara no a onni obi a ɔhwɛ no no de n'anidaso nyinaa ahyɛ Onyankopɔn mu, enti ɔkɔ so bɔ mpae srɛ ne mmoa anadwo ne awia. **6** Nanso se okunafo bi de ne ho ma wiase a, na ɔye teaseawu. **7** Ka saa mmara yi kyere wɔn na obi annya wo ho mfomso. **8** Na se obi nhwɛ ne fifo, ne titiriw no, ɔno ara n'abusuafo a, na wabu ne gyidi so. Se eba saa a, ɔye onipa bɔne sen nea onnye nni no. **9** Mfa okunafo biara a onni mmoroɔ mfe aduosia no din nka akunafo din ho. Asem a eka ho ne se, eɛ se ɔye obi a wadi ne kunu nokware, **10** na afei wagye din wɔ nneyɛe pa ho. Eɛ se ɔye ɔbea a watetew ne mma yiye na ogyee ahoho wɔ ne fi na ɔhohoroɔ Awurade nkurofo anan ase na ɔboaa ahokyerefo na ɔde ne ho maa nnwuma pa ahorow

nyinaa. **11** Mfa akunafo nkumaa no din nka wɔn ho. Efise se eba se wɔpe se wɔsan ware a, wɔtew wɔn ho fi Kristo ho **12** na ema wodi fɔ se wɔabu wɔn bɔhye a edi kan no so. **13** Eno akyi, wɔsee wɔn bere kɔ afi mu na nea enye koraa ne se wodi nseku ye pɛpɛpɛ, ka nsem a anka ense se wɔka. **14** Enti me pɛ ne se, akunafo nkumaa no beware, awo mma na wɔahwe wɔn afi sɛnea ebeye a atamfo nnya wɔn ho kwan nka nsem ntia wɔn. **15** Akunafo bi de wɔn ho ama obonsam dedaw. **16** Se obea gyidini bi wɔ akunafo wɔ n'abusua mu a, ese se ohwe wɔn yiye na wɔamfa adeso a bi ammeto asafo no so na asafo no atumi ahwe akunafo a aka wɔn nko no. **17** Mpanyimfo a wɔhwe asafo no so yiye no, ese se wodwen wɔn ho na wɔde nidi mmɔho ma wɔn; ne titiriw no wɔn a wɔka asem no na wɔsan kyerekyere nso. **18** Efise Kyerewsem no ka se, "Nkyekyere nantwi a osiw aburaw no ano!" Bio, "Odwumayeni akatua fata no!" **19** Ntie asemmone a obi ka to ɔpanyin bi so no, gye se nnansefo baanu anaa baasa de saa asem no beto w'anim. **20** Wɔn a wɔye bɔne nyinaa no, ka wɔn anim wɔ bagua mu na abɔ afoforo hu. **21** Migyina Onyankopɔn ne Kristo Yesu ne abɔfo kronkron anim ka se, di saa mmara a mahye wo yi nyinaa so a nhweanim biara nni mu. **22** Ntutu mmirika mfa wo nsa ngu obi so wɔ Awurade dwumadi no mu. Twe wo ho fi bɔne a afoforo ye ho. Ye kronn. **23** Nnom nsu nko ara, na mmom wo yafunu ne wo yare a wotaa yare nti, eye a nom bobesa kakraa bi. **24** Nnipa bi bɔne a wɔye no da adi pefee na saa bɔne no di wɔn anim de wɔn kɔ atemmu mu, nanso afoforo bi wɔ hɔ a wɔn bɔne da adi akyiri no. **25** Saa ara nso na nneyee paye no da adi pefee. Na nea enna adi pefee no mpo ntumi nhintaw.

6 Eɛ se se wɔn a wɔye asomfo no nyinaa de nidi ma wɔn wuranom sɛnea ebeye a wɔn mu bi nkasa ntia Onyankopɔn ne yen nkyerekyere. **2** Ense se asomfo bu wɔn wuranom a wɔye agyidifo no abomfiaa se wɔye anuanom nti. Mmom ese se wɔsom wɔn yiye, efise wɔn som no so wɔ mfaso ma agyidifo ne adofo bebre. **3** Eɛ se se mkyerekyere na moka eyinom nyinaa. Obiara a obema nkyerekyere foforo na ɔnka nokware a efa yen Awurade Yesu Kristo ne yen nyamesom ho no **4** ye ɔhantanni a onnim hwee. Ɔye obi a ofi adwemmone mu gye akyinnye na ɔka nsem a eɛde anibere, akasakasa, kasafi, nnipa ho adwemmone **5** ne mansotwe a efi adwene a emu nnɔ na nokware nni mu mu ba. Wodwen se nyamesom ye ɔkwan bi a

wɔfa so pɛ sika. **6** Onyamesom pa a abodwo wɔ mu ye adenya kɛse. **7** Yeamfa hwee amma wiase. Saa ara nso na yeremfa hwee nko. **8** Eno nti se yewɔ aduan ne ntama a, eno nko ɔɔso ma yen. **9** Wɔn a wɔpe se wonya wɔn ho no kɔto sohwe mu na eɛdan ɔhaw ma wɔn ma etwe wɔn kɔ ɔsee mu. **10** Na sikanibere ye bɔne nyinaa ntin. Nnipa bi de sikanibere asi wɔn ani so denneennen nam so ama wɔapa wɔn gyidi ama awerehow ahye wɔn koma ma. **11** Enti wo a woye Onyankopɔn nipa no, twe wo ho fi eyinom nyinaa ho. Di trennee, Onyamesom pa, gyidi, ɔɔ, boasetɔ ne odwo akyi. **12** Bɔ gyidi mu mmirikatu no ho mmɔden na pere nya nkwa a enni awiei no ma wo ho, efise saa abrabo yi nti na bere a wodaa wo gyidi adi wɔ nnansefo bebre anim no, Onyankopɔn frɛ wo. (aiōnios g166) **13** Meka no Onyankopɔn a ɔma nneema nyinaa nkwa no ne Kristo Yesu a ɔkaa nokware wɔ Pontio Pilato anim no hye wo se, **14** tie mmara a mahye ama wo no na di so pɛpɛpɛ kosi da a Yesu Kristo beba. **15** Onyankopɔn a wɔahyira no na ne nkutoo di Hene, Ahene mu Hene ne Awura mu Awurade no bema no aba bere a ese mu. **16** Ɔno nko na ɔwɔ hɔ daa, na ɔte hann a obi ntumi mmen ho mu. Obiara nhuu no da na obiara nso rentumi nhu no da. Ɔno na nidi ne tumi a enni awiei wɔ no. Amen. (aiōnios g166) **17** Bɔ wiase yi mu ahonyafo kɔkɔ se wɔmmfa wɔn ahonya nhoahoa wɔn ho, na wɔmmfa wɔn anidaso nso nhye adehunu te se ahonya mu, na mmom wɔmmfa wɔn ho nto Onyankopɔn a ɔnam n'adɛ so maa yen asetena mu nneema pa nyinaa no so. (aiōn g165) **18** Hye wɔn se wɔnye papa na wɔnye adefo wɔ nnwuma paye mu. Wɔnye ayamyɛ na wɔne afoforo nkyɛ nea wɔwɔ. **19** Se wɔye saa a, wɔbeto fapem pa ama wɔn daakye. Na wonam so anya asetena pa. **20** Timoteo, hwe nea wɔde ahye wo nsa no so yiye. Twe wo ho fi ahuhusem ne akyinnyehunu a wonam atoro so frɛ no "Nimdee" no ho. **21** Nnipa bi gye to mu se wɔwɔ saa nimdee no nam so ahwere gyidi kwan no. Onyankopɔn adom nka mo.

2 Timoteo

1 Saa nhoma yi fi Paulo a ɔye Kristo Yesu somafo no nkyen. Onyankopɔn ankasa na ɔfrɛ me se ɔsomafo, na ɔde nkwa a ɔhye ho bo a enam Kristo Yesu mu gyidi so de bre mo. **2** Mede kɔma me dɔba Timoteo: Adom, mmɔborɔhunu ne asomdwoe mfi Agya Nyankopɔn ne yen Awurade Kristo Yesu nka wo. **3** Meda Onyankopɔn a mede adwene mu fann som no senea me mpanyimfo yee no ase. Daa, anadwo ne awia, mekae wo wo me mpaebɔ mu. **4** Mekae wo nisutew bere a yeredi mpaapaemu no a, ɛma m'ani gyina wo. Enti se mihu wo bio a m'ani begye. **5** Wokae me wo nokware gyidi a efii ase wo wo nenabea Lois ne wo na Eunike mu no, na magye ato mu se mprempren ewo wo nso mu bi saa ara. **6** Eyi nti merebɔ wo nkae se, kae akyede a bere a mede me nsa guu wo so no Onyankopɔn de maa wo no. **7** Efise Honhom a Onyankopɔn de maa yen no mma yenye ahufɔ, na mmom Honhom no ma yen tumi, ɔdo ne ahohyeso. **8** Mma w'ani nnwu wo Awurade adansedi, ne me a meye ne deduani no ho. Na se ɔhaw bi to wo wo Asempa no ka ho a, gyina pintinn wo ahɔɔden a Onyankopɔn de ama wo no mu. **9** Ogyee yen nkwa frɛe yen se yemmeye ne de. Enye biribi pa bi a yeye nti, na mmom n'adom ara kwa. Ansa na wɔrehye wiase ase no na ɔnam Kristo Yesu so kyee yen saa adom no, (aiōnios g166) **10** nanso mprempren wɔnam Agyenkwa Kristo Yesu no ba a ɔbeba no so ada no adi akyere yen. Kristo, yen Agyenkwa dii owu so nkonim, na ɔde anigyesem a ehyeren te se kanea, na ɛma nkwa a enni awiei bree yen. **11** Onyankopɔn ayi me se ɔsomafo ne ɔkyerkyerefo se menna Asempa no adi. **12** Enam eyinom so nti na mihu saa amane yi. Nanso meda so wo gyidi, efise minim nea mede me ho to no so no, na minim nso se ɔbekora nea mede ahye ne nsa no ama da no nso. **13** So nokwasem a mekyeree wo no mu yiye na fa ye nhwesode, na tena gyidi ne ɔdo a eye yen de wo Kristo Yesu mu no mu. **14** Wɔde ademude a esom bo ahye wo nsa. Fa Honhom Kronkron a ɔte wo mu no mmɔa bo ho ban. **15** Senea wunim no, Kristofo a wofi Asia baa ha no nyinaa aguan agya me. Figelo ne Hermogene nso ka won ho. **16** Awurade nhu Onesiforo fifɔ mmɔbɔ, efise ɔhyee me nkuran mpen bebree. N'ani anwu wo me ho se mada afiase pen, **17** na oduu Roma pe, na ɔbɔɔ mmɔden hwehwee me ara kosii se ohuu me. **18** Awurade mmɔa

no na da no, onya ahummɔbo mfi Awurade no nkyen! Wunim akwan ahorow a ɔfaa so boaa me wo Efeso.

2 Na wo, Timoteo me ba, Kristo Yesu ye mmɔborɔhunufɔ, enti ma ɔnhye wo den. **2** Fa nsem a wotee se mereka akyere adansefo bebree no, na fa hye nnipa a wugye wɔn di na wobetumi akyere afɔforo nso nsa. **3** Se amanehunɔ ba wo so a, mia w'ani tena se Kristo Yesu sraani pa. **4** Ɔsraani mmfa ne ho nhyehye afisem mu, efise ɔpe se ɔso ne panyin ani. **5** Saa ara nso na obi a ɔfra akansi mu a otu mmirika no rentumi nni nkonim gye se odi akansi no mmara so. **6** Eɛe okuafo mmɔdemmofo se odi kan nya ne nnɔbae bi. **7** Dwene nsem a mereka yi ho, efise Awurade bema woate biribiara ase. **8** Kae Dawid aseni Yesu Kristo a wonyan no fi awufɔ mu senea wɔkaa no wo Asempa a mekaa ho asem no mu no. **9** Esiane se meka Asempa no nti mihu amane, mpo, wɔagu me nkɔnsɔnkɔnsɔn se ɔdebɔneyeni. Nanso wonguu Onyankopɔn asem no nkɔnsɔnkɔnsɔn ɛ. **10** Eno nti, migyina biribiara a ebeba me so no ano ma wɔn a wɔapaw wɔn no senea ebeye a wɔn nso benya nkwaɔye ne anuonyam a enni awiei a ewɔ Kristo Yesu mu no bi. (aiōnios g166) **11** Nsem a eɛe se wode wo ho to so ni: “Se yene no wui a, yene no betena ase. **12** Se yeampa abaw a yene no bedi hene. Se yepa no a, ɔno nso bepa yen. **13** Se yenye nokwafo a, ɔno de, ɔye ɔnokwafo efise ɔrensan n'asem.” **14** Monkae mo nkurafo wo eyi ho na mommo wɔn kɔkɔ wo Onyame anim se wɔnnham wɔn nsem ho, na mfaso biara nni so; na eɛe atiefɔ adwene keke. **15** Bo mmɔden se wobeye odwumayeni a womfere Onyankopɔn adwuma no ye ho, na kyere nokware a ewɔ Onyankopɔn asem no mu no, na woafata n'anim. **16** Twe wo ho fi nsenhuhuw a ɛho ntew ho, efise eno na epam nnipa fi Onyankopɔn ho. **17** Nea wɔkyere no te se akisikuru a etrew fa ɔhonam no ani. Saa akyerkyerefo yi mu baanu ne Himeneo ne Fileto. **18** Wɔaman afi nokware no ho na wɔka kyere agyidifo bi se, yen wusɔre no atwam dedaw nam saa asem no so see wɔn adwene. **19** Nanso obi rentumi nhinhim fapem dennen a Onyankopɔn ato no, efise wɔakyerew wo so se, “Awurade nim wɔn a wɔye ne de,” na “Eɛe obiara a ɔka se ɔye Awurade de no se ɔtwe ne ho fi bɔne ho.” **20** Nkuku ne nkaka wo ofi kese mu. Ebi wo ho a wɔde dwete na aye, bi nso wɔde sikakɔkɔ na aye. Wɔde dua na aye bi na afɔforo nso wɔde dote. Ebi wo ho a ewɔ ho ma nnapɔnna bi na afɔforo nso de di dwuma daa. **21** Se obi tew ne ho fi saa nneema bɔne

no ho a, wode no beye nnnwuma sononko efise watu ne ho asi ho, asiesie ne ho ama ne wura se dwuma pa biara a ese se odi no, obedi. **22** Guan fi mmerantebere mu akonno ho, na tiw nneema a eho tew te se: trenee, gyidi, odo ne asomdwoe a eka wo ne won a wofi koma pa mu bo mu fre Awurade ma oboa no akyi. **23** Mfa wo ho nhyehye nkwisea akyinnye a emfa hwee mma no mu, efise ede akasakasa ba. **24** Ense se Awurade somfo ne obi nya akasakasa. Ese se oye ayame ma obiara. Ese se oye okyerekyerefo pa a owo boaseto nso **25** a se won a wone no di asi fom a, oto ne bo ase tee won, se ebia Onyankopon besakra won adwene ama woahu nokware no. **26** Na won adwene mu ada ho na woguan afo obonsam a wakyekyere won ama woye n'apede no afiri mu.

3 Kae saa asem yi. Nna a edi akyiri no, mmere no mu beye den. **2** Nnipa bi beye pesemenkominya, aniberefo, ahohiahiafo ne ahantanfo; wobeye abususenkafo, asoodenfo wo won awofo so; wobeye bonniaye na worempe nyamesom nso, **3** wobeye atirimodenfo, worenhu mmobo, wobeye nnipa dinsefo basabasa ne abufuwafafo, wobetan won mfefo a woye nnipa pa no, **4** wobeye afatwafafo, anuodenfo, won a wohoran; wobepe anigye sen se wodo Onyankopon. **5** Wobeye aniani asomfo a wobepo tumi a ewo osom no mu no. Twe wo ho fi saa nnipa no ho. **6** Won mu bi ko afo mu kohye mmea a won bone ama wodi fo na akonno ahorow bebre hye won so no so; **7** saa mmea no ye nnipa a wope se wosua nneema foforo, nanso wonhu nokware no akyi kwan. **8** Senea Yan ne Yambre ne Mose dii asi no, saa ara nso na saa nnipa yi ne nokware di asi. Woye nnipa a won adwene ase na wonsi hwee wo gyidi mu. **9** Wonnya nkoso biara efise obiara behu won kwasea. **10** Na wo de, woadi me nkyerekkyere, me suban ne me botae so. Woahu gyidi a mewo, me boaseto, me do, **11** taa a wotaa me ne m'amanehunu nyinaa. Wunim nsem a etotoo me wo Antiokia, Ikoniom ne Listra, ne otaa dennen a mitumi gyinaa ano no. Nanso Awurade yii me fii ne nyinaa mu. **12** Won a wope se wode onyamesom pa tena ase wo Kristo Yesu mu nyinaa no, wobetaa won, **13** nanso nnipa bone beko so ase daa na wodaadaa afoforo ne won ankasa won ho. **14** Nanso wo de, ko so tena ase nokware mu senea wokyere wo no, na gye di yiye. Wunim won a wusua fii won nkyen, **15** na wokae nso se efi wo mmofraase na woahu Kyerewsem no a etumi ma wuhu nyansa, na ema wunya gyidi wo Kristo

Yesu mu, na egye wo nkwa. **16** Kyerewsem nyinaa fi Onyankopon home mu, na eye ma nkyerekkyere, atenyi, atete ne trenee mu yen, **17** senea ebeye a Onyankopon nipa beye nea wasiesie no yiye ama nnnwuma pa nyinaa.

4 Migyina Onyankopon ne Kristo Yesu a obebu atasefo ne awufo nten, ne ba a ooba ne n'ahenni no so hye wo se, **2** ka asem no, na bere biara gyina ne ka mu dennen yi nten. Ka anim, tu fo na kyerekkyere wo boaseto mu. **3** Bere bi beba a nnipa rentie nkyerekkyere pa no, na mmom wobedi won ara won asede akyi na woaboaboa akyerekkyerefo a wobeka nsem a worehwehwe atie no ano, na woka akyere won. **4** Wobepo nokware no tie, na wotie anansesem. **5** Nanso mmere nyinaa mu no, ese se wohwe wo ho so yiye. Mia w'ani wo amanehunu mu. Ye osem pakafu adwuma na di wo dwuma nyinaa se Onyankopon somfo. **6** Wogu so rehwe me se afoe ahwiesa, na bere aben se migyaw asetena yi. **7** Oko pa no, mako, mmirika no, mawie tu; gyidi no makora. **8** Afei nea ewo ma me ne nkonim akyede, trenee ahenkyew a Awurade a oye Otemmufu treneeni no de bema me da no, enye me nko, na mmom, won a wotena ase wo odo mu atwen no no nyinaa. **9** Bo mmoden bra me nkyen ntem. **10** Dema doo nne wiase yi ma oye saa guan gyaa me ho ko Tesalonika. Kreske ko Galatia, Tito nso ko Dalmatia. (aiōn g165) **11** Luka nko ara na one me wo ha. Fa Marko ka wo ho na wo ne no mmra, efise obetumi aboa me adwuma no ye. **12** Mesomaa Tihiko ko Efeso. **13** Se woreba a, fa m'atade a migyaw wo Karpo nkyen wo Troa no bre me. Eye a, fa me nwoma mmobowee no nso ka ho, ne titiriw no nea wode aboa nwoma yee no. **14** Aleksandro, kabere dwumfo no, haw me papaapa; Awurade betua no nea oye no so ka. **15** Eye a hwe wo ho yiye wo ne ho, efise na osore tia nsem a yeka no mu denneennen. **16** Bere a mereyi me ho ano no, obiara ammoa me. Won nyinaa guan gyaa me. Onyankopon mfa nkye won. **17** Nanso Awurade ne me tena maa me ahooden ma mitumi kaa asem no kyere amanamanmufu ma wotiei. Ogyee me fii gyata anom. **18** Na Awurade begye me afo bone nyinaa mu na ode me ako osoro Ahenni no mu wo asomdwoe mu. Ono na anuonyam nka no daa daa. Amen. (aiōn g165) **19** Kyia Priska ne Akwila ne Onesiforo fifo nyinaa ma me. **20** Erasto kaa Korinto na migyaw Trofimo wo Mileto, efise na oyare. **21** Bo mmoden bra ansa na awowbere adu. Eubulo ne Pude ne Lino ne Klaudia ne anuanom

no nyinaa kyiakyia wo. 22 Awurade ne wo honhom
ntena. Adom nka mo nyinaa.

Tito

1 Saa nhoma yi fi Onyankopon somfo ne Yesu Kristo somafo Paulo nkyen. Wɔpaw me na wɔsoma me se memmetɛw nnipa a Onyankopon ayi wɔn no gyidi mu no, na menkyerɛkyere wɔn nokwasem a ede onyamesuro ba **2** wɔ nkwa a enni awiei ho anidaso a Onyankopon a onni atoro no hyee yen ho bɔ ansa na ɔrefi wiase ase; (aiōnios g166) **3** na afei ne bere a ɛse mu no, ɔfaa asenka a ɔno Nyankopon a ɔye yen Agyenkwa no hye me se menka no so daa no adi. **4** Mekyerew me ba Tito wɔ gyidi baako a yen nyinaa kura mu no mu: Adom ne asomdwoe a efi Agya Nyankopon ne Kristo Yesu, yen Agyenkwa no nka wo! **5** Migyaw wo Kreta senea ebeye a wobɛtoto nneema a aka no pɛpɛpɛ na woayi mpanyimfo atuata asafo a ɛwo kurow biara mu no ano. **6** Kae mmara a mehye maa wo no. Ɔpanyin ye obi a ne ho nni asem na ɔwo yere baako na ne mma ye agyidifo a wɔmmɔ ahohwi bra, na wɔnye asoɔden nso. **7** Ense se mfomso biara ba ɔpanyin no ho, efise Onyame adwuma hye ne nsa. Ense se ɔye ahomaso, anaa obi a ne bo nkye fuw anaa ɔkɔwensani anaa basabasayefo anaa sikaniberefo. **8** Eɛse se ɔye obi a ɔpe ahohoye na n'ani gye nea eye ho na n'adwene mu da ho na ɔteɛ na ɔye kronkron na ɔwo ahohyeso. **9** Eɛse se oso asem no mu dennen senea wɔkyerɛɛ no no. Se eba saa a, obetumi ahye afororo den wɔ saa nkyerɛkyere pa no mu, na wada wɔn a wɔsɔre tia asem no mu no nso mfomso adi. **10** Nnipa pii wo ho a wɔsɔre tia na wɔnam wɔn nkwasemasem so daadaa afororo; ne titiriw no, wɔn a wofi twetiatwasom no mu. **11** Eɛse se wusiw wɔn nkyerɛkyere no ano, efise wɔnam wɔn nkyerɛkyere bɔne no so ma ntoto ba mmusua mu, nam so de pɛ sika. **12** Mpo Kreta adiyifo no mu baako kae se, “Kretafo no ye atorofɔ, mmɔa atirimɔdenfo ne akwadwofo adidifo.” **13** Na asem a ɔkae no ye nokware. Esiane saa nti, ɛse se moka wɔn anim yiye senea ebeye a wobɛnya gyidi pa, **14** na wɔantena ase amma twetiatwa atosɛm ne ɔhye a efi nnipa a wɔapo nokware no. **15** Biribiara ye kronkron ma wɔn a wɔye kronkron no, nanso biribiara nye kronkron mma wɔn a wɔn ho agu fi na wonni gyidi no, efise wɔn adwene ne wɔn tiboa ho agu fi. **16** Wɔka se wonim Onyankopon, nanso wɔn nneyee nkyere saa. Wɔye nnipa a obiara tan wɔn, na wɔye asoɔdenfo a wontumi nye ade pa biara.

2 Eɛse se woma nkyerɛkyere pa a wɔagye ato mu. **2** Ka kyere nkwakoraa na wɔmma wɔn ani nna ho, wɔnye anyansafo, na wɔnhye wɔn ho so; wɔn gyidi mu nye den, wonnya ɔɔɔ na wontumi ntena ɔhaw mu. **3** Saa ara nso na ka kyere mmerewa na wɔmmɔ ɔbra a eye kronkron. Wonnini nseku na wɔnnye asadweam nso. Wɔnkyere akyere pa, **4** senea ebeye a wɔnam so betumi ama mmabaa adɔ wɔn kununom ne wɔn mma, **5** ama wɔatumi ahye wɔn ho so, aye kronkron na wɔaye awarefo pa a wotie wɔn kununom asem, na obi anka bɔne amfa Onyankopon asem no ho. **6** Saa ara na hye mmerante na wonnya ahohyeso. **7** Nneema nyinaa mu no, fa wo ho ye nhweso pa wɔ nnwuma paye mu. Di nokware na ma w'ani nku wo nkyerɛkyere ho. **8** Ka nsem a ho tew na obi antumi antia mu na ama atamfo ani awu se wonnya asem bɔne nka mfa yen ho. **9** Eɛse se asomfo tie wɔn wuranom, na ade nyinaa mu no, wɔso wɔn wuranom ani. Ense se woyiyi nsem ano **10** anaa wɔbɔ wɔn korɔn. Eɛse se wɔye papa mmere nyinaa na wodi nokware na anam so ama biribiara a wɔye no de anuonyamhye aba nkyerɛkyere a efa Onyankopon a ɔye yen Agyenkwa no ho no. **11** Onyankopon adom a ede nkwaɛye ba no ayi no ho adi akyere nnipa nyinaa. **12** N'adom no kyere yen se, yempa asetena a eho ntew no ne wiase akɔnnɔ akyi na yentena ase ahohyeso, kronkronye ne Onyamesuro mu wɔ wiase ha. (aiōn g165) **13** Yɛwo anidaso wɔ bere a yeretwen Onyankopon tumfo a ɔne Agyenkwa Yesu Kristo no ba a ɔbeba bio wɔ anuonyam mu no. **14** Ɔde ne ho maa yen de gyee yen fii bɔne mu, ɔyɛɛ yen nnipa a yɛpɛ papaye no kronkron de yen yɛ ne nko ara de. **15** Kyerɛkyere saa nneema yi na gyina wo tumi so hye w'atiefo nkuran, ka wɔn anim. Mma wɔn mu bi mmmu wo abomfiaa.

3 Kae wo nkurofo na wɔmmɛ wɔn ho ase nhye ahemfo ne wɔn a tumi hye wɔn nsa no ase, wɔnye osetie, wonsiesie wɔn ho mma adwuma pa biara, **2** na wɔnnka asemɔne mmfa obi ho na mmom, wonnwo breɔɔ, na daa wonni obiara ni. **3** Kan no, na yen ankasa yeye nkwasɛfo, asoɔdenfo, ne abɔnefo. Na yeye akɔnnɔ ne anigye ahorow nkoa. Yɛsɛɛɛ yen abrɔɔ wɔ bɔne ne anibere ho. Afororo tan yen maa yen nso yetan wɔn. **4** Nanso bere a yen Agyenkwa Onyankopon ayamye ne ne dɔ daa adi no, **5** ogyee yen nkwa. Enye nnwuma pa bi a yɛaye nti, na mmom ɔnam n'ahummɔbɔ so ahohoro yen ho, agye yen nkwa

ama Honhom Kronkron no awo yen foforo ama yen nkwa foforo. **6** Onyankopɔn nam Yesu Kristo a ɔye yen Agyenkwa no so ahwie Honhom Kronkron no agu yen so, **7** senea ebeye a n'adom nti, yebeye daa nkwa no anidaso ho adedifo. (aiōnios g166) **8** Eyi ye nokwasem. Mepe se wuti saa asem yi mu yiye na ama won a wogye Onyankopɔn di no ahu se, ese se wode won bere di dwuma pa. Eyinom nyinaa ye na so wo mfaso ma nnipa. **9** Nanso munnnye nkweise akyinnye. Saa ara nso na monnto ana, nkasakasa, nham wo mmara ho; so nni mfaso biara. **10** Bo obi a ode mpaapaemu ba no koka nea edi kan ne ne nea eto so abien, na eno akyi no twe wo ho fi ne ho. **11** Eɛ se wuhu se obi a ɔte saa no aseɛ, na bone a ɔye no da adi wo ne ho. **12** Se mesoma Artema anaa Tihiko wo nkyen a, bo mmɔden bra me nkyen wo Nikopoli, na ho na mabo me tirim se metena awɔwɔbere no. **13** Bo mmɔden gya mmaranimfo Sena ne Apolo kwan yiye na anhia won hwee. **14** Ma yen nkurofo no nsua senea wode won adagyew ye nnwuma pa de boa. Ense se wotena ase kwa. **15** Won a wone me wo ha nyinaa kyiakyia wo. Kyia won a wodo yen wo gyidi mu ma yen. Adom nka mo nyinaa.

Filemon

Aristarko, Dema ne Luka nso kyia wo. **25** Awurade Yesu Kristo adom nka wo honhom.

1 Saa nhoma yi fi Paulo a esiane Kristo Yesu nti ɔye odeduani ne yen nuabarima Timoteo nkyen, Yede koma yen adamfo ne yen yonko Filemon **2** ne asafo a wohyia wo wo fi no ne yen nuabea Apia ne yen yonko sraani Arkipo no: **3** Adom ne asomdwoe a efi yen Agya Nyankopɔn ne Awurade Yesu Kristo nka mo. **4** Onua Filemon, bere biara a mebo mpae no mebo bi ma wo na meda me Nyankopɔn nso ase. **5** Mete ɔdo a wodo Onyankopɔn nkurafo ne gyidi a wowo wo Awurade Yesu mu no. **6** Senea wo ne afoforo kura gyidi koro mu no, mebo mpae se won nso behu nhkira a Kristo de ama yen no nyinaa. **7** Onua pa, wo do no ama me anigye na ahye me nkuran nso. Woakanyan Onyankopɔn nkurafo. **8** Se meye wo nua wo Kristo mu nti, metumi de akokoduru ahye wo, ama woaye nea ese se woye, **9** nanso me Paulo a meye akwakoraa ne Kristo Yesu deduani fi ɔdo mu mprempren **10** resre wo ama me ba Onesimo a obeye me ba, bere a na meda afiasa no. **11** Bere bi a atwa mu no na ne so nni mfaso mma wo, nanso mprempren de, ne so wo mfaso ma me ne wo. **12** Merema ɔno a ɔye m'ankasa me koma no asan aba wo nkyen. **13** Esiane asempa no nti, mepɛ se ɔtena me nkyen bere a meda afiasa yi, senea ebeye a obesi w'anan mu aboa me. **14** Nanso na mepɛ se mefi w'akyi aye biribi, senea erenye se adɔe biara a wobeye no fi ahye mu na mmom efi ɔpe pa mu nti. **15** Ebia na Onesimo fii wo nkyen bere tiaa bi senea ebeye a wubegye no ato mu bio afebo. (aiōnios g166) **16** Mprempren ɔnye ɔsomfo keke efise ɔkyen ɔsomfo. Ɔye onua pa wo Kristo mu. Ɔsom bo ma me. Saa ara nso na ɔbesom bo ama wo se ɔsomfo ne onua wo Awurade mu. **17** Enti se wudwen me ho se wo ne me bo mu di dwuma a, saa ara nso na gye no to mu senea wubegye me no ara no. **18** Se waye wo biribi anaase ɔde wo ka bi a, bu tia me. **19** Me Paulo, m'ankasa me nsa ano nkyerew ni. Metua wo ka, na mmom mma wo were mfi se wo nipadua no ankasa de me ka. **20** Enti me nua, mesre wo se, Awurade nti, ye me saa adɔe yi; ka me koma hyew se wo nua wo Kristo mu. **21** Mewo anidaso se, nea merekyerew wo yi, wobeye ama aboro nea merebisa wo yi so. **22** Afei pe ɔdan ma me, efise minim se Onyankopɔn betie mo mpaebɔ ama mabeka mo ho bio. **23** Epafra a Kristo Yesu nti ɔne me da afiasa no kyia wo. **24** Saa ara nso na Marko,

Hebrifo

1 Mmere a atwa mu no, na Onyankopɔn nam akwan ahorow bebreɛ so fa adiyifo so kasa kyere yen mpanyimfo no. **2** Mmom, mmere a edi akɔyiri no de, ɔnam ne Ba no so akasa akɔyere yen. Ɔye obi a Onyankopɔn nam ne so bɔɔ wiase. Na ɔno na Onyankopɔn ayi no sɛ awiei no, nneema nyinaa beye ne de. (aiɔn g165) **3** Ɔnam hyeren a Onyankopɔn anuonyam hyeren no so haran. Ɔye Onyankopɔn sɛso pɛpɛpɛ, na ɔde n'asɛm a tumi wɔ mu no so wiase mu. Ɔtew nnipa ho fii wɔn bɔne mu wiei no, ɔtenaa Otumfo Nyankopɔn nifa so wɔ ɔsoro. **4** Eno nti ɔyɛɛ ɔkɛse sen abɔfo no, efisɛ din a Onyankopɔn de too no no ye kɛse sen won de no. **5** Efisɛ Onyankopɔn nso anka ankyere n'abɔfo no mu biara se, "Woyɛ me Ba; nne mayɛ w'Agya." Na wanka ankyere ɔbɔfo biara se, "Meyɛ w'Agya na woayɛ me Ba." **6** Bere a Onyankopɔn pɛɛ sɛ ɔsoma n'abakan no ba wiase no, ɔsan kae se, "Eɛ sɛ Onyankopɔn abɔfo nyinaa som no." **7** Asem a Onyankopɔn ka faa abɔfo no ho ne se, "Onyankopɔn soma n'abɔfo sɛ mframa, na ɔsoma n'asomfo sɛ gyafra." **8** Nea efa Ɔba no ho no, Onyankopɔn kae se, "Ao, Onyankopɔn, w'ahengua betena ho daa nyinaa; w'Ahenni ye atɛntrenee. (aiɔn g165) **9** Wɔdo trenee, na wukyɛ bɔne, eno nti Onyankopɔn, wo Nyankopɔn no, de wo asi wo mfeɛ so, na ɔde anigyɛ ngo asra wo." **10** Onyankopɔn san kae se, "Mfiase no wotoo asase fapɛm, na ɔsoro ye wo nsa ano adwuma. **11** Ne nyinaa betwa mu; na wo de, wobetena ho daa; wobetetew sɛ atade. **12** Wɔbɛbobɔw no sɛ ntama; na wɔbesesa no sɛ ntade. Nanso wote senea wote, na wo mfe to rentwa da." **13** Onyankopɔn anka ankyere n'abɔfo no se, "Montena me nifa so nkosi sɛ mede mo atamfo beyɛ mo anan ase ntiaso." **14** Sɛ saa a, na abɔfo no ye den? Wɔn nyinaa ye ahonhom a wɔsom Onyankopɔn na ɔsoma wɔn ma wɔkɔboa wɔn a wɔrehwehwe nkɔwagyɛ no.

2 Eyi nti na eɛ sɛ yeso nokware a yeate no mu dennɛn, senea ebeyɛ a biribi rentu yen aso. **2** Nsɛm a abɔfo no kae no ye nokware, enti obiara a wanni so no nyaa asotwe a efata no. **3** Na sɛ yeantie saa nkɔwagyɛ yi a, ebeyɛ den na yeatumi aguan? Awurade no ankasa na odii kan kaa saa nkɔwagyɛ yi ho asɛm na wɔn a wotieɛ no no ama yeahu sɛ eyɛ nokware. **4** Saa bere koro no ara mu na Onyankopɔn nam ne nsɛnkyerenne ne n'anwonwadwuma so dii ho adanse. Bio, ɔkyɛɛ

Honhom Kronkron no senea ɔpɛ. **5** Onyankopɔn amma abɔfo anni wiase a na wayɛ n'adwene sɛ ɔrebeɔ no so; saa wiase a yɛka ho asɛm no. **6** Na mmom wɔaka wo Kyerɛwsem no mu baabi se, "Onipa ne hena a wokae no; na onipa ba nso ne hena a w'ani ku ne ho? **7** Wobɔɔ no ma ɔyɛɛ akumaa kakra sen abɔfo; na wode w'anuonyam ne nidi abɔ no abotiri, **8** sɛ onni nneema nyinaa so." Eka sɛ Onyankopɔn bɔɔ onipa sɛ, "Nneema nyinaa sodifo," eyi da no adi sɛ biribiara ka ho. Nanso yenhu sɛ mpɛmpɛren onipa di nneema nyinaa so. **9** Nanso yehu Yesu! Mmere tiaa bi, wɔbɔɔ no hyɛɛ abɔfo ase senea ebeyɛ a esiane Onyankopɔn ahummɔbɔ nti eɛ sɛ owu ma nnipa nyinaa no. Yehu no sɛ esiane owu a owui no nti, wɔahyɛ no anuonyam. **10** Eye sɛ Onyankopɔn a ɔbɔɔ nneema nyinaa na ɔhwɛ so no bɛma Yesu afa n'amanɛhununu no mu ayɛ pɛ senea ebeyɛ a ɔbɛma ne mma nyinaa akɔ saa anuonyam no mu bi. Efisɛ Yesu no nko ara ne Onipa a obedi wɔn anim akɔ nkɔwagyɛ no mu. **11** Ɔma nnipa ye kronkron fi wɔn bɔne mu. Na ɔne wɔn a wayɛ wɔn kronkron no nyinaa wo Agya baako. Eno nti na Yesu mfɛre sɛ ɔfrɛ wɔn anuanom no. **12** Ɔka se, "Mɛka wo ho asɛm akɔyɛ me nuanom, mɛkamfo wo wɔ wɔn a wɔahyia ho no nyinaa anim." **13** Ɔsan ka bio se, "Mede me ho beto Onyankopɔn so." Na ɔno nso ka se, "Mma a Onyankopɔn de wɔn ama me no ni." **14** Esiane sɛ mma no wo ɔhonam ne mogya nti, Yesu nso baa onipa tebea mu senea ebeyɛ a ɔnam ne wu no so bɛsɛɛ ɔbonsam a okura owu tumi no ahooɔden. **15** Na ɔnam so agyɛ wɔn a esiane sɛ wosuro owu nti, wɔayɛ akɔa wɔ wɔn asetena nyinaa mu no. **16** Eyɛ nokware turoɔdo sɛ enyɛ abɔfo na ɔboa wɔn. Na mmom senea Kyerɛwsem no ka no, "Ɔboa Abraham asefo." **17** Eyi kyɛre sɛ ɔkwan biara so no, eɛ sɛ ɔyɛ sɛ ne nuanom, senea ebeyɛ a ɔbeyɛ wɔn Sɔfopanyin nokwafo ne mmɔborɔhunufɔ wo Onyankopɔn som mu, na anam so ma wode nnipa bɔne akɔyɛ wɔn. **18** Enti afei, obetumi aboa wɔn a wɔasɔ wɔn ahwɛ no, efisɛ wɔsɔɔ ɔno ankasa hwɛɛ, ma ohuu amane.

3 Me nuanom akronkronfo a Onyankopɔn afɛre mo, munnwen Yesu a yegye no to mu sɛ Ɔsomafo no ho. **2** Na odii Onyankopɔn a oyii no sɛ ɔnye saa adwuma yi no nokware senea Mose nso dii nokware wo Onyankopɔn fi no. **3** Wɔahu sɛ Yesu fata anuonyam sen Mose, senea onipa a osi ofi nya anuonyam sen ofi no ankasa no. **4** Ofi biara obi na osii. Na Onyankopɔn nso na wabɔ nneema nyinaa. **5** Mose

dii Onyankopɔn nokware se ɔsomfo wɔ ne fi na ɔkaa nsem a Onyankopɔn beka daakye no nyinaa. **6** Nanso Kristo de, odi nokware se ɔba a ɔhwe Onyankopɔn fi so. Se yema yen bo ye duru na yewo gyidi wɔ yen anidaso mu a, na yeye ne fi no. **7** Enti Honhom Kronkron no ka se, “Se nne mote Onyankopɔn nne a, **8** monnye asoɔden te se nea moyee bere a mosɔre tiaa Onyankopɔn no; senea moyee da a na mowo sare so a mosɔ no hwee no. **9** Eho na mo nenanom sɔ no hwee, nanso wohuu nea meye no mfe aduanan mu no. **10** Ne saa nti me bo fuw saa nnipa no, na mekae se, ‘Woye nnipa a wɔn koma aman a fi me ho, na wɔanhu m’akwan.’ **11** Eno nti mekaa ntam wɔ m’abufuw mu se, ‘Wɔrenhyen m’ahomegye mu da.’” **12** Me nuanom, monhwe yiye na mo mu bi annya koma bone a ɔrennye Onyankopɔn nni a ebema watwe ne ho a fi Onyankopɔn teasefo no ho. **13** Na mmom senea ebeye a bone rennaadaa mo mu ebinom na wɔnye asoɔden nti, da biara mommoaboa mo ho mo ho wɔ mmere dodow a asem “Nne” a ewo Kyerewsem mu no fa yen ho no. **14** Na se yeso gyidi a yewo no mu dennen senea yede fi mfiase no a na yewo kyefa wɔ Kristo mu. **15** Kyerewsem no ka se, “Se nne mote Onyankopɔn nne a, monnye asoɔden te se nea moyee bere a mosɔre tiaa Onyankopɔn no.” **16** Ehefo na wotee Onyankopɔn nne na wɔsɔre tiaa no no? Nnipa a Mose dii wɔn anim fi Misraim no nyinaa. **17** Ehefo na Onyankopɔn bo fuw wɔn mfiirihya aduanan no? Nnipa a woyee bone na wɔtetew hwe wuwuu wɔ sare so no. **18** Bere a Onyankopɔn kaa ntam se, “Wɔremma me home mu da” no, na ɔreka akyerɛ ehefo? Na ɔreka akyerɛ wɔn a woyee asoɔden no. **19** Afei, yehu se wɔantumi anko ɔhome no mu, efise wɔannye anni.

4 Afei esiane se bɔhye a efa ne mu home ho no da so gyina ho nti, momma yenhwe yiye na mo mu bi anto sin wɔ mu. **2** Efise wɔaka asempa no akyerɛ yen senea wɔka kyere wɔn no. Nanso wɔammu asem a wɔka kyere wɔn no, efise wɔn a wotiee no no annye anni. **3** Na yen a yeagyɛ adi no nko ara na yekɔ saa ɔhome no mu senea Onyankopɔn aka se, “Enti mifi m’abufuw mu ka ntam se, ‘Wɔrenhyen asase a anka mede wɔn rekɔ so no mu da.’” ɔkaa saa asem yi de, nanso efi bere a ɔbɔ wiase no, na wawie ɔhome dwumadi no dedaw. **4** Na Kyerewsem no mu baabi wɔ ho a wɔka biribi fa da a eto so ason no ho se, “Da a eto so ason no, Onyankopɔn home fii ne nnwuma nyinaa mu.” **5** Wɔkaa saa asem koro yi ara bio se,

“Wɔrenhyen asase a anka mede wɔn rekɔ so no mu da.” **6** Wɔn a wodii kan tee Asempa no annya saa ahome no, efise wɔannye anni. Afoforo bi nso wɔ ho a wama wɔn kwan se wonnya ɔhome no. **7** Enti Onyankopɔn aka se wayi da bi ato ho a wɔfre no “Nne.” Mfe bebreɛ akyi no, ɔnam Dawid so kaa wɔ Kyerewsem no mu se, “Nne, se mote Onyankopɔn nne a mummipirim mo koma.” **8** Se Yosua dii nnipa no anim de wɔn kɔ Onyankopɔn home mu a, anka akyiri no Onyankopɔn anka da foforo ho asem. **9** Senea ete no, ɔhome da so wɔ ho ma Onyankopɔn nkurɔfo, senea Onyankopɔn homee da a eto so ason no. **10** Obiara a ɔbehome wɔ Onyankopɔn mu no behome a fi n’ankasa ne nnwuma mu, senea Onyankopɔn home fii ne nnwuma mu no. **11** Enti momma yemmo yen ho mmɔden na yeatumi akɔ Onyankopɔn home mu. Ense se yen mu bi ye asoɔden senea woyee asoɔden a enti wɔankɔ mu no. **12** Onyankopɔn asem ye nkwa, na ahoɔden wɔ mu. Eye nnam sen afoa anofanu. Ehwirew mu kosi se epaapae honhom ne ɔkra, apɔw so ne hon mu. Eye koma nsusuwii ne adwene temmufo. **13** Biribiara nni ho a wode sie Onyankopɔn ma eye yiye. Abɔde mu biribiara da n’anim na ɔno na ese se yebu ho akontaa kyere. **14** Eno nti, momma yenso gyidi a yeka ho asem no mu den. Efise yewo ɔsɔfopanyin kese wɔ Onyankopɔn anim. **15** Yenni ɔsɔfopanyin bi a ontumi nhwe yen mmereweyɛ ho nhu yen mmɔbɔ. Yewo obi a wɔasɔ no ahwe wɔ akwan ahorow nyinaa so se yen ara, nanso wanyɛ bone. **16** Momma yensi yen bo na yemmra Onyankopɔn ahengua a adom wɔ mu no anim, na eno na ebema yeanya ahummoɔbɔ ne adom a ebeboa yen wɔ bere a ese mu.

5 Woyii ɔsɔfopanyin biara fii nnipa bi mu na wasi wɔn anan mu de wɔn akryede ne wɔn bone ho afɔre asom Onyankopɔn. **2** Esiane se n’ankasa ye mmerew wɔ akwan ahorow pii so no nti, otumi tɔ ne bo ase ma wɔn a wonnim na woye mfomso no. **3** Ne mmereweyɛ nti, se ɔreɔ bone ho afɔre a, ese se ɔbɔ ma ne ho ne afoforo nso. **4** Obiara ntumi nyi ne ho mfa nhye ne ho anuonyam se ɔye ɔsɔfopanyin. Onyankopɔn fre nko na onipa nam so beye ɔsɔfopanyin senea wɔfreɛ Aaron no. **5** Saa ara nso na Kristo annye anto ne ho so se ɔye ɔsɔfopanyin amfa anhye ne ho anuonyam. Na mmom Onyankopɔn ka kyere no se, “Woye me Ba; nne, maye w’Agya.” **6** ɔsan kaa wɔ baabi foforo se, “Wobeye ɔsɔfo akosi daa senea Melkisedek asɔfokwan nhyehyee te no.” (aiɔn g165) **7** Yesu baa ɔhonam mu wɔ

asase so no, ɔbɔɔ mpae nam nkotosɛ so de n'abisade too Onyankopɔn a obetumi agye no afi owu mu no anim. Esiane sɛ ɔdwo na ɔde ne ho nyinaa som no no nti, Onyankopɔn tiee no. 8 Ewɔ mu sɛ na ɔye Onyankopɔn Ba de, nanso ɔnam n'amanehunu so suaa ahobrease. 9 Na owiee pɛye no, wɔn a wotie no no nam ne so nya nkwaye a enni awiei, (aiōnios g166) 10 na Onyankopɔn ada no adi sɛ ɔye Ɔsɔfopanyin senea Melkisedek asɔfokwan nhyehyee te no. 11 Yewɔ eyi ho nsem pii ka, nanso emu kyerekyerɛ yɛ den, efise mo ntease yɛ den. 12 Moayɛ nkyerekyerɛ adwuma no akyɛ, nanso esɛ sɛ munya obi ma ɔkyerekyerɛ mo Onyankopɔn ho asem fi ne mfiase. Anka esɛ sɛ saa bere yi mudi aduan a eyɛ den, nanso nufusu na eye ma mo. 13 Obiara a nufusu ye ma no no da so ye akokoaa a onnim nea eye ne nea enye. 14 Aduan a eyɛ den ye ma mpanyimfo a wɔatetew wɔn na wɔahu nsonoe a ɛda papa ne bɔne ntam no.

6 Momma yennyae Kristo mfiase ho nkyerekyerɛ na yensua ne ho nsem a ekɔ anim no. Eho nhia bio sɛ yɛbekɔ so akyerɛkyerɛ nea enti a esɛ sɛ yenu yen ho wɔ nnɛyɛ a ɛde owu bre yen ne nea enti a esɛ sɛ yɛnya Onyankopɔn mu gyidi no ho. 2 Eho nhia nso sɛ yɛbekɔ so akyerɛkyerɛ asubɔ, nsa a wɔde gu nnipa so, awufosɔre ne daa atemmu ho nsem bio. (aiōnios g166) 3 Momma yenkɔ yen anim! Na sɛ Onyankopɔn ma kwan a saa ara na yɛbeyɛ. 4 Ebeyɛ den na wɔbesan de wɔn a wɔahwe ase aba ama wɔanu wɔn ho bio? Na anka wɔwɔ Onyankopɔn hann mu. Wɔkaa ɔsoro akyɛde hwee, na wonyaa wɔn kyɛfa wɔ Honhom Kronkron no mu. 5 Wofi osuahy mu ahu sɛ Onyankopɔn asem ye, na wɔahu wiase a ereba no mu tumi. (aiōn g165) 6 Nanso ɛno akyi no wɔhwee ase. Enti eyɛ den sɛ wɔde wɔn besan aba bio sɛ wommenu wɔn ho, efise woresan abɔ Onyankopɔn Ba no asennua mu nam so agu n'anim ase akyerɛ. 7 Onyankopɔn hyira asase a ɛnom osu a ɛto gu so na ɛma afifide ye yie ma wɔn a wɔn nti woduae no. 8 Na sɛ nsɔe ne nwura hunu fifi wɔ so a, enye mma hwee. Onyankopɔn bedome no na wɔde ogya asɛe no. 9 Nanso me nnamfonom, nsem a yeaka yi nyinaa akyi no, yenim pefee sɛ ade pa bi a nkwaye bata ho befi mo mu aba. 10 Onyankopɔn nyɛ nea ɔntɛ. Ne werɛ remfi adwuma a moyɛe anaa ɔdɔ a modaa no adi maa no ne mmɔa a mode boaa mo mfefo Kristofo na mugu so de boa wɔn no. 11 Nea yerehwehwe ne sɛ mo mu biara beboa no mmɔdemmmɔ so de akosi awiei senea ebeyɛ a mo nsa beka ade a mo ani da so no.

12 Yɛmpɛ sɛ moyɛ anihaw. Na mmom, yɛpɛ sɛ yehu mo sɛ agyidifo a mowɔ boasetɔ na mo nsa aka bɔ a Onyankopɔn ahyɛ mo no. 13 Bere a Onyankopɔn hyɛ Abraham bɔ no, ɔkaa nea wahyɛ ho bɔ no ho ntam. Esiane sɛ na obiara nni ho a ɔkorɔn sen no no nti, ɔde ɔno ara ne din na ɛkaa saa ntam no. 14 Ɔkaa ntam no se, “Mehyɛ wo bɔ sɛ, mehyira wo na mama w'ase adɔ.” 15 Na Abraham wɔ ntoboase nti, ne nsa kaa bɔ a Onyankopɔn hyɛe no no. 16 Sɛ onipa ka ntam a, ɔde obi a ɔkorɔn sen no din na ɛka saa ntam no de siesie nnipa ntam. 17 Onyankopɔn pɛɛ sɛ ɔda no adi pefee kyere wɔn a na esɛ sɛ wɔn nsa ka ne bɔhyɛ no se ɔrensɛsa n'atirimsem, nti ɔkaa ntam de hyɛ bɔhyɛ no mu den. 18 Saa nneɛma abien yi na erɛntumi nsesa na Onyankopɔn ntumi nni ho atoro. Enti yen a yenam ne so anya nkwa no, wɔhyɛ yen nkuran sɛ yenso yen anidaso no mu yiye. 19 Yewɔ saa anidaso yi sɛ ɔkra sɛkyɛ. Etim ho, na ɛma yehyen tra ntawmtam no kosi Kronkron mu Kronkron ho. 20 Yesu asi yen anan mu adi yen kan kɔ ho. Wayɛ Ɔsɔfopanyin afeɔɔ sɛnea Melkisedek asɔfokwan nhyehyee te no. (aiōn g165)

7 Na saa Melkisedek yi yɛ Salemhene, na ɔsan ye Ɔsorosoro Nyankopɔn sɔfo. Bere a Abraham fi ɔko a okum ahemfo ano reba no, Melkisedek hyiaa no hyiraa no. 2 Abraham maa no n'asade no mu nkyɛmu du mu baako. Melkisedek din no nkyerɛase a edi kan no ne Trenɛɛ Hene. Esiane sɛ na ɔye Salem hene no nti, wɔkyerɛɛ ne din no ase sɛ Asomdwoe hene. 3 Obi nnim Melkisedek agya, ne na, ne ne mpanyimfo ho asem. Saa ara na obi nnim n'awo ne ne wu nso ho asem. Ɔsɛ Onyankopɔn Ba, na ɔda so ye ɔsɔfo daadaa. 4 Eyi di ho adanse sɛ na ɔye onipa kɛsɛ a Agya Abraham mpo tumi ma no n'asade mu nkyɛmu du mu baako. 5 Nanso Lewi asefo a wɔyɛ asɔfo no Mmara na ehɛ wɔn sɛ wonnye nkyɛmu du mu baako mfi wɔn ara wɔn nkurofo Israelfo a wɔn nso ye Abraham asefo no nkyɛn. 6 Melkisedek nyɛ Lewi aseni, nanso ogyɛ nkyɛmu du mu baako fii Abraham nkyɛn hyiraa no ma onyaa Onyankopɔn bɔhyɛ no. 7 Akyinnye biara nni ho sɛ nea ɔma nhyira so sen nea ogyɛ nhyira. 8 Wɔde nnipa akatua nkyɛmu du mu baako ma asɔfo a wowu, gye Melkisedek a Kyerewsem no ka sɛ ɔte ase. 9 Enti nokware, Abraham tuaa nkyɛmu du no, Lewi a n'asefo gye nkyɛmu du no nso nam Abraham so tuaa bi maa Melkisedek. 10 Na wɔnwoo Lewi ɛ, nanso esiane sɛ na ɔhyɛ ne nena Abraham mu saa bere no a Melkisedek

hyiaa no no nti na otuae. **11** Esiane Lewi asofodi nti na wode Mmara no maa Israelfo. Eno nti se Lewifo asofodi no tumi de peye bre nnipa a, anka ho nhia se wobefa asofo foforo bi se Melkisedek a omfi Aaron abusua mu. **12** Se eba se asofodi no sesa a, ema ho mmara no nso sesa. **13** Nanso yen Awurade a woka saa asem yi nyinaa fa ne ho no fi abusua foforo mu. Ne busuani biara nnii asofo wo aforemuka ho da. **14** Eye sennaho se wawoo no too Yuda abusua mu, na Mose kaa asofo ho asem no nso, wammɔ n'abusua din da. **15** Asem no da ne ho adi pefee, efise asofo foforo bi aba a ote se Melkisedek. **16** Ono de, ennam onipa mmara so na wɔhyee no asofo, na mmom wonam nkwa a enni awiei tumi so na eyee no asofo. **17** Kyerewsem no ka se, "Wobeye asofo akosi daa senea Melkisedek asofokwan nhyehyee te no." (aiɔn g165) **18** Wɔatow mmara dedaw no akyene, efise sinto bi wo mmara no mu, na so nni mfaso nso, **19** efise Mose Mmara no antumi amma biribiara anni mu, na wode anidaso pa bi a yenam so ben Onyankopon aba. **20** Na wanye a ntanka nka ho. Bere a ɔhyee Aaron asefo asofo no, na ntam a ete saa nni ho. **21** Yesu de, onam ntam so beyee asofo bere a Onyankopon ka kyeree no se, "Awurade aka ntam; na ɔrensese n'adwene a ese, 'Wobeye asofo daa nyinaa no.'" (aiɔn g165) **22** Saa ntam yi nti, Yesu gyina mu ma yen, na ema yene Onyankopon apam no di mu. **23** Nsonoe foforo bi nso wo ho. Na saa asofo no dawso, efise na wowuwu a wontumi nto a won adwuma so. **24** Nanso esiane se Yesu wo ho daa no nti, ɔwo asofodi a etena ho daa. (aiɔn g165) **25** Enti otumi gye won a wonam ne so ba Onyankopon nkyen no nne ne daa, efise, ote ho daa sre Onyankopon ma won. **26** Yesu ne ɔsofopanyin a ɔboa yen wo yen ahiasem mu. ɔye kronkron. Onni mfomso biara wo ne mu, na ɔnye bone. Wɔatew no afi nnebɔneyefo ho na wama no so aboro osoro so. **27** Onte se asofo mpanyin a waka no a, daa afɔre a wobɔ no kan no wobɔ wo won bone a waye ho ansa na afei, wabɔ afoforo de no. ɔbɔɔ afɔre baako pe a ode ne ho na ebɔe. **28** Mose Mmara no yi nnipa a wɔmfata se wɔye asofo mpanyin, nanso Onyankopon bɔ a ode ntam kaa ho no a ebaa wo Mmara no akyi no yii ɔba no a ɔye pe daa nyinaa no. (aiɔn g165)

8 Asem a yegyina so kasa no ne se: Yewɔ ɔsofopanyin a ote Otumfo a ɔwo osoro no ahengua no nifa, **2** na osom se ɔsofopanyin wo Kronkronbea a eye nokware ntamadan a enye onipa biara na osii, se Awurade no mu ho. **3** Woyi ɔsofopanyin biara se omfa akyede ne

mmoa mmo Onyankopon afɔre. Eno nti, ese se yen ɔsofopanyin nya biribi a ode bebɔ afɔre. **4** Se Yesu wo asase so a, anka ɔrenye asofo koraa efise asofo wo ho a wode afɔrebɔde ma, senea Yudafo mmara kyere no. **5** Nanso dwuma a wodi se asofo no ye osoro nsusuwso bi kwa. Eyi nti na wobɔɔ Mose kɔkɔ bere a ɔpɛɛ se osi ntamadan no, Onyankopon ka kyeree no se, "Si no senea merekyere wo wo bepɔw no so pɛpɛɛɛ." **6** Afei de, wama Yesu asofodwuma a eso kyen won de no. Yesu ye apam a ekyen so a wogyina bɔhye a ekyen so so hyee no ntamgyinafo. **7** Se na apam a edi kan no ye a, anka eho nhia se wobeye apam a eto so abien no. **8** Nanso Onyankopon huu mfomso wo ne nkurofo ho bere a okae se, "Nna bi reba, Awurade na ose, a me ne Israelfo ne Yuda abusuakuw behyehye apam foforo. **9** Erenye se apam a me ne won agyanom yee no bere a misoo won nsa dii won anim fii Misraim no. Wɔanni apam a me ne won hyehyee no ho nokware, eno nti mantew m'ani anhwɛ won, Awurade na ose. **10** Afei eyi ne apam a me ne Israelfo behyehye wo bere a ereba no mu, Awurade na ose: Mede me mmara behye won adwene mu na makyerew agu won koma mu. Meye won Nyankopon na wɔaye me nkurofo. **11** Won mu biara renka nkyere ne yonko anaa ne kuromni se, 'Hu Awurade!' Efise won nyinaa behu me fi akumaa so kosi okese so. **12** Mehu won mmɔbɔ wo won bone ho; na merenkae won bone bio." **13** Fre a wɔfre saa apam yi "Foforo" no ama nea woyee kan no aye dedaw; na biribiara a enyin ye dedaw no nkye yera.

9 Na apam a edi kan no wo mmara a wonam so som. Saa ara nso na na wowo baabi a nnipa asiesie a wosom. **2** Wosii ntamadan a wɔatwa mu abien. ɔdan a edi kan no a wɔfre no Kronkronbea no na kaneadua, ɔpon ne brodo a wɔatew ho a wode ma Onyankopon no wo. **3** Ntwamu no akyi a wɔfre ho Kronkron mu Kronkron no, **4** na sika aduhumyefo aforemuka ne Apam Adaka a wode sika adura ho nyinaa wo. Saa adaka no mu na na sika pore a mana ne Aaron pema a efefewee ne apam bopon no wo. **5** Adaka no so ho nso na anuonyam Kerubim a wɔatrew won ntaban mu akata adaka no nkataso no so si. Nanso yerentumi nka nneema yi ho asem nkɔ akyiri mprenpren. **6** Saa na waahyehye nneema no. Da biara na asofo no kɔ ɔdan a edi kan no mu kɔye won adwuma; **7** nanso na ɔsofopanyin no nko ara na ɔwo ho kwan se ɔkɔ Kronkron mu Kronkron ho penkoro pe afe biara. Ode mogya a ode bɔ ono ankasa ne ne nkurofo

mfomso ho afɔre ka ne ho kɔ. **8** Honhom Kronkron no nam saa ɔkwan yi so kyere yen se, wonnya mmuee ɔkwan a wɔde kɔ Kronkron mu Kronkron hɔ wɔ bere a Ntamadan no ne mu nneema da so wɔ hɔ. **9** Eyi mfonitwa ma nne bere yi. Ekyere se akyede ne mmoa a na wɔde bɔ afɔre ma Onyankopɔn no rentumi mma wɔn a wɔsom no koma mu nye kronkron. **10** Wɔde nnuan, anonne ne nneema ahorow a wɔde dwira wɔn ho na edi dwuma no. Eyi ye ɔhonam fam nyehyee a eye adwuma kosi bere a nyehyee foforo beba. **11** Nanso Kristo aba dedaw se ɔsofopanyin ama nneema pa a yewɔ dedaw yi. Ntamadan a ɔsom wɔ mu no so, na edi mu kyen dedaw no. Enye nnipa na wɔyee. Afei nso emfi adebo yi mu. **12** Bere a Kristo kɔɔ ntamadan no mu a ɔkɔɔ Kronkronbea hɔ penkoro no, wamfa mmirekyi ne anantwi mogya na ekɔbɔɔ afɔre. Mmom, ɔno ara de ne mogya na ebɔɔ afɔre de gyee nkwa a enni awiei maa yen. (aiɔnios g166) **13** Na se mmirekyi ne anantwinini mogya ne anantwibere nsɔ a wɔde dwira wɔn a wɔn ho agu fi tew wɔn ho kɔ ɔhonam ahofi mu a, **14** mpen ahe na Kristo a ɔnam Honhom so, de ne ho bɔɔ afɔre a eho nni dem maa Onyankopɔn no mogya rentew mo ho mfi nnwuma bone mu, na monkɔsom Onyankopɔn a ɔte ase no ana? (aiɔnios g166) **15** Eyi nti na Kristo ye apam foforo no ntamgyinafo senea ebeye a wɔn a Onyankopɔn afre wɔn no benya nhaira a enni awiei senea Onyankopɔn ahye bɔ no. Eyi aba saa, efise owu bi asi a egye nnipa fi wɔn bone a wɔyee bere a na wɔwɔ apam a edi kan no mu no mu. (aiɔnios g166) **16** Se nsamansew bi wɔ hɔ a, ese se wotumi kyere se onipa a ɔhyee saa nsamansew no awu. **17** Se onipa a ɔhyee nsamansew no te ase a, saa nsamansew no nka hwee. Bere a wawu no na eka biribi. **18** Eno nti na apam a edi kan no wɔnam mogya so na wɔhyee no den no. **19** Nea edi kan no, Mose kaa mmaramsem no nyinaa, senea ewɔ mmara no mu no kyeree nnipa no. Nantwi mma mogya ne nsu ne kuntu kɔkɔɔ ne somme na ɔde petee nwoma mmobowee no ne nnipa no nyinaa so **20** kae se, “Eyi ne mogya a esɔw apam a Onyankopɔn ahye mo se munni so no ano.” **21** Saa ara na Mose petee mogya guu ntamadan no ne nneema a wɔde som no nyinaa so ne no. **22** Nokware, senea mmara no kyere no, ekame aye se mogya na etumi tew ade nyinaa ho, na saa ara nso na gye se mogya ahwie agu ansa na bonefakye aba. **23** Saa ɔkwan yi ara so na wɔnam ma biribiara a eye ɔsoro nhwesode no ho tew. Nanso, ɔsoro nneema no

ankasa de, afɔre a eye kyen eyinom na wɔde tew ho. **24** Efise Kristo anko kronkronbea a nnipa de wɔn nsa na aye a eye ade kann ho nhwesɔ no hɔ. ɔkɔɔ ɔsoro ankasa na osi yen anan mu wɔ Onyankopɔn anim hɔ. **25** Afe biara Yudafɔ Sofopanyin de aboa mogya kɔ Kronkronbea hɔ. Nanso Kristo amfa ne ho amma mpen bebree saa. **26** Se ɔyee saa a, anka efi adebo mfiase no, obehu amane mpen bebree. Mmom, waba preko a nneema nyinaa reba awiei, na ɔnam afɔre a ɔde ne ho bɔe no so apepa bone. (aiɔn g165) **27** E se obiara wu preko pe, na eno akyi Onyankopɔn abu no aten. **28** Saa ara na wɔde Kristo nso bɔɔ afɔre baako pe de gyee dodow no ara wɔ wɔn bone mu. ɔbeba ne mprenu so a ɔremmegye nneboneyefo na mmom, ɔbeba abegye wɔn a wɔretwen no no nkwa.

10 Mmara no ye nneema pa nsusuwso a ereba, na mmom enye nneema pa no ankasa nen. Wɔbɔ afɔre koro no ara afe biara, efise saa afɔre koro a wɔbɔ no afe afe no rentumi mma nnipa a wɔsom no nye pe da. **2** Se nnipa a wɔresom Onyankopɔn no tumi fi wɔn bone mu ye pe a, eno de anka wɔrenni bone ho fɔ bio, na ne saa nti afɔrebɔ nyinaa to betwa. **3** Nea saa afɔrebɔ yi ye ne se, ekae wɔn wɔn bone afe biara. **4** Anantwi ne mmirekyi mogya rentumi mpepa bone. **5** Esiane saa nti, bere a Kristo rebeba wiasɛ no, ɔka kyeree Onyankopɔn se: “Wompe afɔrebɔ ne ayeyede nanso wɔasiesie ɔhonam ama me. **6** W’ani nnnye ɔhyew ne bone afɔre anaa afɔre a wɔbɔ de pepa bone ho. **7** Afei mekae se, ‘Mewɔ ha rebeye nea wope se meye senea wɔakyerew afa me ho wɔ Mmara nhoma no mu no.’” **8** Kan no ɔkae se, “Wompe, na w’ani nso nnnye afɔrebɔ ne ayeyede a wɔde pepa bone ho.” Ewɔ mu, na Mmara no kyere se wɔnye saa. **9** Na ɔkae se, “Mewɔ ha rebeye nea wope se meye.” Eno nti, Onyankopɔn agu tete afɔrebɔ no nyinaa na ɔde Kristo afɔrebɔ no asi anan mu. **10** Esiane se Yesu Kristo yee senea Onyankopɔn hwehwe se ɔnye no nti, ɔnam ne honam a ɔde bɔɔ afɔre preko maa yen no so ama yen ho atew afi bone ho. **11** Da biara Yudani sɔfo sɔre ye n’asɔfodwuma na wɔbɔ afɔre mpen pii. Nanso saa afɔre yi rentumi mpepa bone. **12** Kristo de, ɔbɔɔ bone ho afɔre. Afɔre a etena hɔ daa nyinaa. Na eno akyi, ɔtenaa Onyankopɔn nifa so. **13** Eho na ɔretwen mprenpren kosi se Onyankopɔn bema n’atamfo aye n’anan ase ntiaso. **14** ɔnam afɔrebɔ baako so ama nneboneyefo ho atew daa nyinaa. **15** Na Honhom Kronkron no nso di adanse. Nea edi kan no, ɔka se, **16**

“Eyi ne apam a me ne wɔn bɛpam wɔ bere a ereba no mu. Awurade na ose: Mede me mmara bɛhyɛ wɔn koma mu na makyerew agu wɔn adwene mu.” 17 Na afei waka se, “Merenkae wɔn bɔne ne wɔn amumɔye bio.” 18 Se wode eyinom nyinaa kye a, na afoɛ a wɔbo de pepa bɔne no ho nhia bio. 19 Anuanom, esiane Yesu wu no nti, yeade yen ho koraa se yebekɔ Kronkronbea ho. 20 Ɔnam ɔno ara ne honam so abue ɔkwan foforo a nkwa wɔ mu ama yen. 21 Yɛwɔ ɔsofo kese bi a ɔhwɛ Onyankopɔn fi so. 22 Momma yɛmfa koma pa ne gyidi a mu ye den ntwiw mmɛn Onyankopɔn. Efise wode Yesu mogya atew yen tibo a afɔbu ho, na wode nsu a eyɛ kronkron agware yen nipadua. 23 Momma yennyina gyidi a yeaso mu no mu dennɛn, efise nea ɔhyɛ yen bɔ no ye ɔnokwafo. 24 Momma yen ho yen ho asem nhia yen na yennodɔ yen ho yen ho na yenye papa. 25 Mommma yennnyae yen ho yen ho nhwiamu da senea afoforo bi ye no. Mmom, momma yenhyɛ yen ho yen ho nkuran denneennɛn, efise mo ara muhu se ɛrenkyɛ na da no aba. 26 Se mohyɛ da kɔ so ye bɔne a, afɔrebɔ biara nni ho a ebɛpepa mo bɔne, efise wɔda nokware no adi akyerɛ yen. 27 Nea ɛwɔ ho ma wɔn a wotia Onyankopɔn ara ne atemmu ne ogya a ebɛba abɛhyew wɔn no. 28 Obiara a obu Mose Mmara no so no, se nnansefo baanu anaa baasa adansedi nti, wobu atɛn tia no a, wobekum no a wɛrenhu no mmɔbɔ. 29 Na obi a watiatia Onyankopɔn Ba no so, na ɔmmfa Onyankopɔn mogya apam no a egyee no fii bɔne mu no nye hwɛe anaa nea otiatia Honhom a ɔma adom no anim no, den na ebeto no? Asotwe a onii no benya no nye adewa. 30 Yenim se Onyankopɔn kae se, “Me na aweretɔ wɔ me, na me na mitua ka,” na ɔno ara na ɔsan kae se, “Awurade bebu ne nkurofo atɛn.” 31 Onyankopɔn a ɔte ase no nsam amanɛnya ye hu. 32 Monkae ahohia a mokɔɔ mu bere a muhuu hann no, mumiaa mo ani huu ɔko bebreɛ mu amane. 33 Ebi ne se, wɔyeyaw mo mpɛn pii, guu mo anim ase wɔ bagua mu; na ɛtɔ da bi mpo a, na moasiesie mo ho se mobɛka wɔn a wɛrehu amane no ho. 34 Mo ne nnɛduafo daa afiasɛ na wɔfaa mo ahodɛ nyinaa no mpo, munyaa ho boasɛtɔ, efise munim se eyɛ den ara a mowɔ ade pa bi a ɛbetɛna ho daa. 35 Mommma mo koma ntutu na moanhwere mo akatua. 36 Eɛ se motɔ mo bo ase na moatumi ayɛ Onyankopɔn apɛdɛ ama mo nsa aka nea wɔahyɛ mo ho bɔ no. 37 Efise Kyerɛwsem no ka se, “Ɛrenkyɛ koraa na nea ɛse se ɔba no aba; ɔrentwentwen. 38 Na, “Nea ɔtɛɛ no fi gyidi mu

benya nkwa, na se ɔtwe ne ho a, me kra ani renso no.”

39 Yenye nnipa a yɛsan yen akyi na yɛyɛra. Mmom yɛwɔ gyidi na wɔagyɛ yen nkwa.

11 Gyidi ye ahotoso a yɛwɔ wɔ nneɛma a yen ani da so ne awerehyemu a yɛwɔ wɔ nneɛma a yen ani nhu mu. 2 Gyidi a na tetefo no wɔ nti na wonyaa adanse pa. 3 Gyidi na ɛma yɛtɛ ase se ɛnam Onyankopɔn asem so na wɔbɔɔ wiase. Ɛma yehu se wɔbɔɔ nea wohu fii nea wonhu mu. (aiɔn g165) 4 Ɛnam gyidi so na Habel bɔɔ afoɛ a ɛso ani kyɛn nea Kain de maa Onyankopɔn no. Ne gyidi nti, Onyankopɔn buu no se onipa trenɛɛ, na n'akyɛdɛ no sɔɔ Onyankopɔn ani. Na ɛno so na ɔnam wui a nne mpo ɔda so kasa. 5 Gyidi nti, wɔfaa Henok kɔɔ ɔsoro a wanhu owu. Obiara anhu no, efise Onyankopɔn na ɔfaa no kɛ. Kyerɛwsem no ka se ansa na wɔrebɛfa Henok akɔ no, na wasɔ Onyankopɔn ani. 6 Obiara a onni gyidi rentumi nso Onyankopɔn ani. Eɛ se obiara a ɔba Onyankopɔn nkyɛn no nya gyidi se Onyankopɔn tɛ ase na ɔdom wɔn a wɔhwɛhwe no no. 7 Gyidi nti na ɛmaa Noa tee Onyankopɔn kɔkɔ a ɔbo faa daakye nneɛma a bi nsii da no ho, otieɛ Onyankopɔn yɛɛ adaka a mu na wogyɛɛ ɔno ne ne fifo nkwa. Ɛnam so maa Onyankopɔn buu wiase fɔ, na Noa de, ne nsa kaa trenɛɛ a wonya fi gyidi mu no. 8 Gyidi nti na bere a Onyankopɔn ka kyɛrɛɛ Abraham se ɔnkɔ asase a wahyɛ ho bɔ se ɔdɛ bɛma no no so no, otieɛ na ɔkɛ. Ogyaw ne man ho kɛ a na onnim faako a ɔrɛkɔ. 9 Gyidi nti ɔtenaa asase a na Onyankopɔn ahyɛ no ho bɔ no so se ɔhɔho. Ɔne Isak ne Yakob a Onyankopɔn hyɛɛ wɔn bɔ koro no ara bi tenaa ntamadan mu. 10 Nanso na Abraham retwen kurow kese bi a Onyankopɔn akyɛkyɛre a ne fapɛm rensee da mu akɔtena. 11 Gyidi nti na Sara nso de nyaa tumi nyinsɛnɛɛ, bere a na wanyin na ontumi nwo no. Ɔdɛ ne ho too Onyankopɔn so se obedi ne bɔhyɛ so. 12 Ɛno nti, ɛwɔ mu se na Abraham regyɛ nna awu de, nanso n'asefo adɔɔso se wim nsoromma ne mpoano nwea. 13 Gyidi mu na saa nnipa yi nyinaa wuwui. Ɛwɔ mu se wɔn nsa anka bɔ a Onyankopɔn hyɛɛ wɔn no de, nanso wohuu no wɔ akyirikyiri yɛɛ no atuu, gye dii se wɔyɛ ahɔho ne amamfrafo wɔ asase so. 14 Wɔn a wɔka saa no da no adi pefɛɛ se wɔrehwɛhwe wɔn ankasa wɔn man. 15 Wɔannwɛnɛ ɔman a wogyaw wɔ wɔn akyi no ho. Se wɔyɛɛ no saa a, anka wobɛtumi anya ɔkwan asan wɔn akyi ako ho. 16 Na mmom, ɔman pa a eyɛ ɔsoro man no na na wɔrɛpɛrɛ. Enti ɛnye Onyankopɔn aniwu se ɔma

wofre no won Nyankopon, efise wasiesie oman bi ama won. **17** Gyidi nti Abraham de ne ba Isak kobɔɔ afɔre bere a Onyankopon sɔɔ no hwɛɛ. Abraham nko ara ne onipa a na Onyankopon ahyɛ no bɔ no, nanso na wasiesie ne ho sɛ ɔde ne ba koro no bebɔ afɔre. **18** Na Onyankopon aka akyerɛ no se, “Enam Isak so na w’ase beterɛw.” **19** Na Abraham nim sɛ Onyankopon betumi anyan awufo afi owu mu, na ɔkwan bi so no, yebetumi aka sɛ Onyankopon nyan Isak fii owu mu. **20** Gyidi nti na ɛmaa Isak hyiraa Jakob ne Esau maa won daakye asetena. **21** Gyidi nti na ɛmaa Jakob hyiraa Yosef mma no nyinaa ansa na ɔrewu. Obutuɔw ne pema so sɔree Onyankopon. **22** Gyidi nti na Yosef rebewu no, ɔka kyereɛ Israelfo se, wobetu afi Misraim, na ɔhyɛɛ nea sɛ owu a, wonyɛ n’amu no. **23** Gyidi nti na ɛmaa Mose awo akyi no, n’awofo de no siee asram abiesia no. Wohuu sɛ na ɔyɛ sononko, enti na wɔansuro sɛ wobebu ɔhene no mmara so no. **24** Gyidi nti na Mose nyin no, wampɛ sɛ wobefre no Farao babea ba no. **25** Na ɔpɛ sɛ ɔne Onyankopon mma behu amane sen sɛ obegye n’ani wɔ bɔne mu mmere tiaa bi. **26** Osusuɔw sɛ, sɛ ohu amane ma Kristo a, eye sen agyapade a ɛwɔ Misraim nyinaa, efise na n’ani da ade pa bi so daakye. **27** Gyidi nti na ɛmaa Mose tu fii Misraim a na onsuɔ ɔhene no abufuw. Omiaa n’ani sɛ ɔrensan n’akyi, efise na wahu Onyankopon a obi nhu no no. **28** Gyidi nti na ɔhyɛɛ Twam Afahyɛ no ma wɔde mogya petee apon ho, senea ebeye a ɔsɛebɔfo no renkum Israelfo mmakan a wɔyɛ mmarima no. **29** Gyidi nti na ɛmaa Israelfo no twaa Po Kokɔɔ senea wɔnam asase kesee so no. Misraimfo no pɛɛ sɛ wotwa bi no, asu no bu faa won so. **30** Gyidi nti na Israelfo de nnanson twaa Yeriko afasu ho hyia dwiriw gui no. **31** Gyidi nti na wɔankum aguaman Rahab amfra won a wonnye Onyankopon nni no, efise ogyee akwansrafo no few so. **32** Afei den na menka? Bere bebree nni ho sɛ mɛka Gideon, Barak, Samson, Yefta, Dawid ne Samuel ne adiyifo no ho asem. **33** Wɔnam gyidi so koo amanko, dii nkonim ma won nsa kaa nea Onyankopon hyɛɛ won ho bɔ no. Wɔkataa gyata ano, **34** dum ogyatannaa, tetew won ho fii afoawu ano. Na wɔyɛ mmerɛw, nanso wɔyɛɛ den. Na wɔyɛ den wɔ akono, enti wodii won atamfo so. **35** Enam gyidi so ma wonyan mmea bi awufo maa won. Wɔyɛɛ afoforo bi nso ayayade sɛ anka wampa Onyankopon na wonnyaa won. Nanso wɔampo Onyankopon, senea ebeye a won nsa beka daakye wusɔre a ɛkyen so no. **36** Woguu afoforo anim

ase, bɔɔ won mmaa, na wɔkyekyeree ebinom de won guu afiase. **37** Wosiw ebinom abo. Wɔde sɔdaa pae ebinom mu abien, de afoa kum bi. Wokyinkyin sɛ nnipa a nguan ne mmirekyi nwoma kata won ho. Wɔyɛɛ mmɔbɔ. Won ho hiaa won na wohuu amane. **38** Wiase yi annye amma won. Wokyinkyin sɛ atutenafɔ wɔ sare ne mmepɔw so, abodan ne asase so abon mu. **39** Wodii eyinom nyinaa ho adanse pa wɔ won gyidi ho, nanso won nsa anka bɔ a Onyankopon hyɛɛ won no, **40** efise Onyankopon wɔ tirimupɔw papa bi ma yen, senea ebeye a yene won nyinaa bebɔ mu anya bɔhyɛ no.

12 Yen de, yɛwɔ nnansefo bebree a wɔatwa yen ho ahyaia. Momma yentwe yen ho mfi akwanside nyinaa ne bɔne a akyekyere yen denneennen no nyinaa ho na yenyere yen ho wɔ mmirikakansi a eda yen anim no mu. **2** Momma yɛmfa yen ani nto Yesu a yen gyidi mfiase ne n’awie gyina ne so no so. Asennua no nti wampa abaw. Esiane anigye a na ɛretwen no no nti, animguasewu a owui wɔ asennua so no anhaw no. Enti mprenpren ɔte Onyankopon ahengua no nifa so. **3** Dwene ɔhaw a ɔfaa mu no ho sɛ nnipa nnebɔneyefo tan a wɔtan no nso, otumi gyinaa ano no. Eno nti mommpa abaw. **4** Na mo ne bɔne ko mu no, monko nkoduu sɛ mubehwie mogya agu. **5** Mo werɛ afi nkuranhyesɛm a Onyankopon ka kyereɛ mo, senea agya kasa kyere ne mma no? Se, “Me ba, sɛ Awurade tee wɔ a, tie no yiye, na sɛ ɔka w’anim a, mpa abaw. **6** Efise obiara a Awurade pɛ n’asɛm no, ɔtwe n’aso senea agya tee ɔba a ɔdɔ no no.” **7** Amanehunu biara a ebeto mo no, munnhinhim na momfa no sɛ Agya no nteeso, efise mo amanehunu no kyere nteeso a Onyankopon wɔ ma ne mma. Na den nti na agya ntwe ne mma aso? **8** Sɛ wantɛ mo sɛ ne mma no bi a, na ɛkyere sɛ monnye ne mma kann. **9** Sɛ yen agyanom a wɔwɔ asase so twee yen aso ma yebuu won a, mpɛn ahe na ense sɛ yɛbrɛ yen ho ase ma honhom mu Agya no na yetumi tena ase? **10** Yen agyanom a wɔwɔ asase so ha twee yen aso senea wɔpɛ wɔ bere tiaa bi. Nanso yen yiyedi nti, Onyankopon yɛɛ saa senea yen ho betew. **11** Sɛ wɔtwe yen aso a ɛma yen werɛ how wɔ saa bere no mu na yen ani nnye. Na akyiri no a won a wɔfa saa asotwe no mu no nya won ho ntease no, wonya asomdwoe na wɔtena ase trenɛe mu. **12** Monhyehyɛ nsa ne nkotodwe a emu agugow no mu den. **13** Munsiesie akwan na momfa so, na mpakye anyɛ mmubuafo, na mmom, wɔasa won yare. **14** Mo

ne nnipa nyinaa ntena ase asomdwoe mu, na momma mmōden ntena ase trennee mu. Anye saa a, morenlu Awurade. **15** Monhwe yiye na mo mu bi annan n'akyi ankyere Onyankopon adom no. Monhwe yiye na mo mu bi anye se afifide a eye nwen a enyin ma ne bonwoma no haw afoforo. **16** Monhwe yiye na mo mu bi anye oguamanfo ne obi a omfere Onyankopon se Esau a obuu n'ani guu n'agyapade so ton n'abakan a oye de gyee aduan no. **17** Na afei eduu bere bi a opee se ne nsa ka n'agya ho nhyira no, ode kamee no. Ewo mu se ode nusu peree se wanya adwensakra de, nanso anye yiye. **18** Munhyiaa nneema a eye hu, ogyatannaa, awerehow, sum ne ahum senea Israelfo no hyiaa wo Sinai Bepow no so bere a Onyankopon de ne mmara no mae no. **19** Efise na worebo torobento denneennen a nne bi a ereka kasa a eye hu nenam mu, nti nnipa no sree Onyankopon se onnyae kasa, **20** efise na wontumi nni mmara a na eka se, "Se mpo aboa koraa de ne ho ka bepow no a, ese se wosiw no abo kum no" no so. **21** Na beae ho ye hu ara kosii se Mose kae se. "Misuro, na me ho popo." **22** Na mo de, moaba Sion Bepow so ne Onyankopon a ote ase no kurow, osorosoro Yerusalem a osoro abofo mpempem wo mu no mu. **23** Moaba Onyankopon asafomma dedaw a won ani gye won ho a wakyerew won din wo osoro no mu. Moaba Onyankopon a oye nnipa nyinaa temmufo ne atreneefo a woye won pe no mu. **24** Moaba Yesu a ohyehyee apam foforo ne mogya a wopete a eka nneema pa ho asem sen Habel mogya no ho. **25** Monhwe mo ho so yiye na moammu mo ani angu asem a oka so. Won a wantie nea okasa fii asase so no amfa won ho anni. Na ebeye den na yeatumi aguan afi nea okasa fi osoro no ho na yeafa yen ho adi? **26** Ne nne wosow asase saa bere no, nanso mprenpren wahye bo se, "Enye asase nko na mesan awosow no, na mewosow osoro nso bio saa ara." **27** Nsem "Nso bio saa ara" no da no adi pefee se obewosow nneema a woboo no na atutu afi won anan mu na nneema a wontumi nwsow no aka. **28** Momma yenna so ase, efise yeanya ahenni a wowsow no a enye yiye. Momma yen ani nso na yemfa okwan a ebese Onyankopon ani a eye nidi ne osuro so nsom no, **29** efise nokware ni, yen Nyankopon ye ogya a ehew na esee ade.

13 Monnodɔ mo ho mo ho se anuanom wo Kristo mu. **2** Monkae na munnye ahoho wo mo afi mu. Ebinom yee saa nam so gyee abofo a na wonnim. **3**

Monkae won a woda afiase na momfa no se mo ne won na eda ho. Monkae won a worehu amane na momfa no se mo ne won na worehu saa amane no. **4** Mo nyinaa nni aware ni, na okununom ne oyerenom nni won ho won ho nokware, efise Onyankopon bebu nguamanfo ne aguamammo aten. **5** Muni sikanibere mfi mo abrabo mu, na momma mo ani nso nea mo nsa ka. Efise Onyankopon aka se, "Merennyaw wo, na merempo wo da." **6** Momma yensi yen bo nka se, "Awurade ne me boafɔ, enti merensuro. Den na onipa betumi aye me?" **7** Monkae mo mpanyimfo a wodii mo anim a wokaa Onyankopon asem kyeree mo no. Monkae okwan a wofaa so tenaa ase na munsua won gyidi no. **8** Yesu Kristo te saa ara nnera, nne ne daa nyinaa. (aiɔn g165) **9** Mommma nkyerekyerɛ foforo biara nntwe mo mmfi okwan pa so. Eye se Onyankopon adom nti, yen kra benyin ahoɔden so a emfi aduan ho mmara a yedi so no. Won a wodi mmara a ete saa so no nnya mmoa biara. **10** Nanso yewo aforemuka bi a Asɔfo a wosom wo Ahyiae Ntamadan mu no mpo nni ho kwan se wodidi so. **11** Yudafo Sofopanyin de mmoa mogya ba Kronkron mu Kronkron ho de bebo bone afoɔre nanso wɔhyew mmoa no funu wo beae no akyi baabi. **12** Eyi nti, Yesu nso wuu wo kurow no pon akyi, senea ebeye a ne mogya bema nnipa aye akronkron. **13** Enti momma yenko ne nkyen wo beae no akyi nkogye animguase no bi. **14** Efise yenni atenaɛ a ewo ho daa wo asase yi so. Yerehwehwe kurow a erebeba no akyi kwan. **15** Momma yemfa Yesu so mfa yen anofafa nkamfo Onyankopon din daa se yen afoɔrebɔde. **16** Mommma mo werɛ mmfi se mobeye mo ho mo ho papa aboaboa mo ho mo ho, efise eno ne afoɔrebɔ a esɔ Onyankopon ani. **17** Muntie mo mpanyimfo na munni won asem so. Esiane se ese se wɔbu won adwuma ho akontaa nti, wɔhwe mo kra so a wonhome koraa. Se mutie won a, wɔde anigye beye won adwuma. Se anye saa a wɔde awerehow beye adwuma no na eremmoa mo. **18** Monko so mmo mpae mma yen. Yenim pefee se yewo adwene a emu da ho, efise yeye se bere biara yeye ade a eye. **19** Na mebo mpae ko so sre mo se, momma mpae na Onyankopon mfa me mmre mo nnansa yi ara. **20** Onyankopon anyan yen Awurade Yesu a oye oguanhwɛfo panyin no afi awufo mu ama yen, na enam ne wu no so nti wɔasow daa apam no ano ama yen. (aiɔnios g166) **21** Asomdwoe Nyankopon mma mo nea ehia mo nyinaa na monam so aye n'apede, na onam Yesu Kristo so aye

yen mu adwuma senea esɔ ani. Anuonyam nka Kristo daa nyinaa. Amen. (aiɔn g165) 22 Anuanom, mesre mo se monye aso ntie nkuranhye nsem yi, efise saa krataa a makyerew mo yi nye tenten biara. 23 Mepɛ se mebo mo amanneɛ se wɔayi yen nua Timoteo afi afiase. Se ɔba ntem a, me ne no beba mo nkyen. 24 Yekyia mpanyimfo no ne Onyankopɔn nkurɔfo no nyinaa. Anuanom a wɔwɔ Italia no kyia mo. 25 Adom nka mo nyinaa.

Yakobo

1 Saa krataa yi fi me Yakobo a meye Onyankopon ne Awurade Yesu Kristo somfo nkyen, Mikyia mmusuakuw dumien a wəahwete no nyinaa. **2** Anuanom, se sohwe bi ba mo akwan mu a, momma mo ani nnye **3** efise se mo gyidi tumi gyina sohwe no ano a, eno ansa na munya ntoboase. **4** Momma ntoboase no ntena mo mu daa nyinaa senea ebeye a mobeye pe a biribiara ho renhia mo. **5** Se nyansa ho hia mo mu bi a, ese se obɔ mpae sre Onyankopon na obema no bi, efise Onyankopon fi ayamye ne adom mu ma obiara nea ehia no no kwa. **6** Na se worebo mpae a, ese se wugye di a wunnye ho akyinnye. Obiara a ogye akyinnye no te se po asorɔkye a mframa bɔ no kɔ baabiara a epe. **7** Ense se saa onipa no susuw se obenya biribiara afi Awurade nkyen; **8** n'adwene ye no ntanta a ontumi nsi biribiara pi. **9** Se Onyankopon ma onua hiani so a, ese se n'ani gye, **10** na adefo a wabre won ase no nso saa ara. Efise, adefo no twam kɔ se wuram afifide bi. **11** Owia pue de ne hyew no hyew afifide no ma n'ahoofe see. Saa ara na wobese adefo no wɔ bere a wogu so redi won nnwuma no. **12** Nhyira nka onipa a onya gyidi wɔ amanehunumu, efise onno na obenya akyede a Onyankopon ahye ho bɔ ama won a wɔdɔ no no. **13** Se wɔsɔ obi hwe a, ense se aka se, "Saa sohwe yi fi Onyankopon." Efise bɔne rentumi nso Onyankopon nhwe, na onno Onyankopon nso nso obi nhwe. **14** Na se onipa twe ne ho na onno ara n'akɔnnɔ yi no a, na aye sohwe ama no. **15** Na se akɔnnɔ no nyinsen a, ewo bɔne, na bɔne no nyin a ewo owu. **16** Me nuanom adefo, mommma wonnnaadaa mo. **17** Akyede pa ne akyede a eye pe nyinaa fi osoro; efi Onyankopon a obɔɔ osoro hann no nkyen na eba. Onno na onsesa se sunsuma. **18** Ofi ne pe mu nam nokware a ewo asem no mu no so woo yen senea ebeye a, yebedi kan wɔ abode nyinaa mu. **19** Me nuanom adefo, monhye eyinom nsow: monye ntem ntie, monye nyaa nkasa na monye nyaa mfa abufuw; **20** efise onipa abufuw no mma onnya Onyankopon trennee no. **21** Eno nti, montwe mo ho mfi afide ne atirimoden ho. Momfa mo ho mma Onyankopon na munnye asem a odua wo mo koma mu a ebegye mo nkwa no. **22** Munntie asem no se atiefɔ kwa nsisi mo ho, na mmom monye asem no yeɔ. **23** Obiara a otie asem no na omfa nni dwuma no te se obi a ohwe ahwehwe mu, na ohu senea ɔte. **24** Ohwe ne ho wɔ ahwehwe no mu hu ne ho yiye na se

ofi ahwehwe no anim ara pe a, ne were fi nea ohuu no nyinaa. **25** Nanso obiara a ohwe mmara a eye pe, na ema onipa de ne ho no mu yiye, na odi so, na otie, na ne were mfi, na ɔde di dwuma no, Onyankopon behyira saa onipa no wɔ biribiara a oye mu. **26** Se obi susuw se oye Onyamesomni na wanto ne tekrema nnareka a, ne nyamesom no so nni mfaso na ɔdaadaa ne ho nso. **27** Nea Agya Onyankopon fa no se eye onyamesom pa no ni: Ohwe nyisaa ne akunafo wɔ won ahohia mu, na oyi ne ho fi wiase porɔwee ho.

2 Me nuanom, se moye agyidifo wɔ Awurade Kristo anuonyam mu yi, monnye nhweanim. **2** Se muhyia a, ɔdefo a ohye mpotea ne ntade pa ne ohiani bi nso a ohye ntadegow nyinaa tumi ba bi. **3** Se wode nidi ma nea wasiesie ne ho yiye no, na woka kyere no se, "Tena saa akongua pa yi so," na woka kyere ohiani no nso se, "Sore gyina ho anaa tena fam wɔ me nan ase ha" a, **4** wudi fɔ se wugyina atemmu a efi adwemmone mu de nyiyimu abeto mo mu no ho. **5** Me nuanom adefo, muntie! Onyankopon yii wiase yi mu ahiafo se wonye adefo wɔ gyidi mu na wɔanya ahenni a ohye won a wɔdɔ no no ho bɔ no. **6** Nanso moammu ahiafo! Ehefo na wodi mo nya twe mo kɔ atemmufo anim? Adefo! **7** Wone nnipa a wɔkasa tia din pa a wode ama mo no. **8** Eye se mudi yen Awurade mmara a eka se, "Dɔ wo yonko se wo ho" no so. **9** Na se mohwe nnipa anim de gye won a, mudi ho fɔ na mmara no di tia mo se mmaratofɔ. **10** Obiara a obu mmara no mu baako pe so no bu ne nyinaa so. **11** Efise nea okae se, "Nsee aware" no, onno ara nso na okae se, "Nni awu." Na se woanse aware na wudi awu a, woabu mmara so. **12** Se woye Kristo apede o, se woanye n'apede o, wubebu wo ho aten. Enti hwe asem a woka ne nea woye biara yiye. **13** Efise obi a wanhu mmɔbɔ no, Onyankopon atemmu mu no, worenhu no mmɔbɔ. Nanso mmɔborɔhunu bunkam atemmu so. **14** Me nuanom, se obi ka se, "Mewo gyidi" na onni gyidi no ho dwuma a, mfaso ben na ewo so? Saa gyidi no betumi agye no nkwa ana? **15** Se anuanom bi wo ho a ntama ho hia won na wonni aduan dodow nso a wobedi, **16** na se wokaka kyere won se, "Onyame nhyira mo! Mo ho nye mo hyew na munnidi yiye" na se woamma won asetena yi mu nea ehia won a, papa ben na woaye won? **17** Saa ara na gyidi te. Se nneyee nka ho a, na awu. **18** Nanso obi betumi aka se, "Obi wɔ gyidi na afoforo nso wɔ nneyee." Me mmuae ne se, "Kyere me senea obi tumi nya gyidi a nneyee mmata

ho ase. Me de, menam me nneyee so bekyere wo me gyidi.” **19** Wugye di se Onyankopon baako pe na owo ho? Eye! Ahonhommone nso gye di saa ara na won ho popo wo osuro mu. **20** Okwasea! Wope se woka kyere wo se gyidi a nneyee mmata ho no so nni mfaso ana? **21** Eyee den na Onyankopon buu Abraham bem? Enam ne nneyee so se ode ne ba Isak maa wo aforemuka so no. **22** Wuhu se ne gyidi ne ne nneyee nyinaa redi dwuma na ne nneyee no maa ne gyidi no dii mu. **23** Na Kyerewsem no baa mu se, Abraham gyee Onyankopon dii na esiane ne gyidi no nti, Onyankopon gyee no se otreeneni. Enti wofre Abraham Onyankopon adamfo. **24** Eyi da no adi pefee se Onyankopon nam onipa nneyee so na obu no bem, na ennam ne gyidi nko so. **25** Saa ara na ete wo aguaman Rahab ho. Ne nneyee maa Onyankopon buu no bem, efise ogyee Yudafo bi a wosomaa won, boaa won ma woguan faa okwan oforo bi so. **26** Senea onipadua a honhom nni mu awu no, saa ara nso na gyidi a nneyee mmata ho no nso awu.

3 Me nuanom, enye mo nyinaa na ese se moye mo ho akyerakyerefo, efise munim se yen akyerakyerefo de, se yefom a, wobebu yen aten a mu ye den sen afoforo. **2** Yen nyinaa taa ye mfomso. Onipa a onye mfomso wo nea oka mu no ye pe a obetumi ahye ne nipadua no so. **3** Yede nnareka to onponko anom senea obetie yen na yeatumi ama wako baabiara a yepe se oko. **4** Anaase dwene hyen ho; senea ne kese te a mframa a ano ye den na ebo no, nanso wotumi de sitia ketewaa bi na edannan no ma eko baabi a hyenkafo no pe se eko no. **5** Saa ara na tekrema te; sua a esua nyinaa akyi no, etumi hoahoa ne ho. Hwe senea ogya ketewaa bi si tumi hyew kwae kese. **6** Tekrema nso ye ogya, onipa akwaa mu nnebone wiase. Esee nipadua no nyinaa; eso onipa abrafo nyinaa so gya na n'ankasa nso osee so ne so gya. (Geenna g1067) **7** Onipa tumi dwudwo mmoadoma, nnomaa, mmoo a wowe, po mu mmoo nyinaa, **8** nanso obiara rentumi nnwudwo tekrema da. Oye obonefo a oye hagyahagya a awuduru ahye no ma. **9** Yede tekrema kamfo yen Awurade ne yen Agya na yede eno ara nso adome nnipa a woboo won Onyankopon soso so no. **10** Ano koro no ara mu na nkamfo ne nnome fi ba. Me nuanom, ense se eba saa. **11** Nsu pa ne nsu a eye nkyenenkyene betumi afi asuti baako mu aba ana? **12** Me nuanom, borodoma dua betumi asow ngodua aba ana? Anaase bobe betumi asow borodoma? Saa ara na asuti a eye nkyenenkyene remma nsu pa. **13** Obi wo mo mu a onim nyansa na

owo ntease? Esee se onam abrafo pa, nnwuma pa a wonam ahobrease ne nyansa so, da no adi. **14** Na se mowo nitan, mansotwe ne pesemenkominya wo mo koma mu a, eno de ense se mohoaahoa mo ho, na mofa so ka nkontompo tia nokware. **15** Saa nyansa yi mfi osoro na ebae. Eyee wiase nyansa na eye honhommone nso. **16** Baabiara a nitan ne pesemenkominya wo no, basabasa ne bone ahorow nyinaa bi wo ho. **17** Nanso nyansa a efi osoro no ye kronkron; asomdwoe wo mu, edwo na epe asomdwoe; ewo ahummobo na nneyee pa fi mu ba; ennye akyinnye na enye nyaatwom nso. **18** Na esow aba pa a efi aba a asomdwoefo duaa no asomdwoe mu no mu.

4 Oko ne akasakasa a asi mo mu yi fi he? Efi mo ara mo akonno a ene mo nipadua di asi no. **2** Morepe nneema bi nanso morentumi nnya, eno nti moaye mo adwene se mubedi awu. Mo ani abere denneennen rehwehwe nneema bi, nanso mo nsa nka, enti akasakasa ne oko nam so ba. Mo nsa renka nea morehwehwe no efise mummisa Onyankopon. **3** Na se mubisa koraa nso a, mo nsa renka, efise mowo adwemmone, se ebeye a mode nea munya no begye mo ani. **4** Nnipa a munni gyidi! Munnim se, se mofa wiase adamfo a, na moye Onyankopon atamfo? Obiara a ope se oye wiase adamfo no beye Onyankopon tamfo. **5** Mususuw se Kyerewsem a eka se, “Ninkutwe ahye honhom a Onyankopon de ahye yen mu no ma” no woka no kwa ana? **6** Nanso adom a Onyankopon dom yen no dooso yiye. Na Kyerewsem no ka se, “Onyankopon siw ahantanfo kwan, na adom ahobreasefo.” **7** Enti momfa mo ho nhye Onyankopon ase. Munsuw obonsam kwan, na obeguan a fi mo ho. **8** Mommen Onyankopon, na ono nso beben mo. Monhohoro mo nsa ho, mo nneboneyefo! Montew mo koma mu, mo a mo adwene ye ntanta! **9** Munni awerehow, munsu, na muntwa agyaadwo; momma mo serew nnan osu, na mo anigye nnan awerehow. **10** Mommre mo ho ase mma Awurade, na obema mo so. **11** Me nuanom, munnidi mo ho nseku. Obiara a okasa tia ne nua anaa obu no aten no, kasa tia mmara no. Na se wubu mmara no aten a, na ekyere se afei de, wunni mmara no so. **12** Onyankopon nko na oma mmara na obu aten. Ono nko na ogye nkwa na osee. Wone hena a wubu wo yonko aten? **13** Mo a moka se, “Nne anaa okyena yebetw kwan ako kurow bi so akodi afe akoye adwuma, ape sika” no, muntie me. **14** Munnim nea ebeto mo okyena. Mote se omununkum

a eba bere tiaa bi na eyera. **15** Asem a ese se moka ne se, “Se Awurade pe a, yebeye eyi anaa eyi.” **16** Nanso mprenpren mohoahoa mo ho de mo nsa si mo bo. Saa ahohoa no nyinaa ye bone. **17** Enti nea onim papa ye na onye no, eye bone ma no.

5 Afei mo adefo nso muntiel! Munsu na muntwa agyaadwo wo amanehunu a ereba mo so no ho. **2** Mo ahonya no aporow na nwewee awe mo ntama. **3** Mo sika ne mo dwete agye nkannare na saa nkannare no bedi adanse atia mo, na ahyew mo honam se ogya. Moahyehye agyapade wo nna a edi akyiri no mu. **4** Muntuaa nnipa a woyee adwuma wo mo mfuw mu no ka enti woresi apini. Na won apinisi no adu Onyankopon, Asafo Awurade no aso mu. **5** Mo asetena wo asase so ha ye afefede ne anigye. Moado srade ama okum da. **6** Moabu nea onnsore ntia mo no na onni fo no kumfo akum no. **7** Me nuanom, monto mo bo ase nkosi se Awurade beba. Monhwe senea okuafo nya boaseto twen asusow bere. **8** Ese se mo nso moto mo bo ase. Momma mo anidaso mu nye den, efise da a Awurade beba no aben. **9** Anuanom, munnni nseku ntia mo ho mo ho, na Onyankopon ammu mo aten. Hwe, Otemmufo no gyina opon no ano. **10** Me nuanom, monkae adiyifo a wode Awurade din kasae no. Momfa won se nhweso wo won boaseto ne tumi a wotumi de tenaa amanehunu mu no. **11** Yede nidi ma won, efise wonyaa boaseto. Moate Hiob boaseto no na munim nea Awurade de dom no awiei no; efise Awurade ye odomfo ne mmaborohunufo. **12** Ne nyinaa akyi no, anuanom, se mohye bo a, monnka ntam nsi so. Mommfa osoro anaa asase anaa biribiara nka ntam. Se mope se moka “Yiw” a, monka “Yiw.” Se nso mope se moka “Dabi” a, monka “Dabi” na moamma Onyankopon atemmu ase. **13** Mo mu bi wo ohaw bi mu ana? Ese se saa onipa no bo mpae. Mo mu bi wo ahoto mu ana? Ese se oto ayeyi nnwom. **14** Mo mu bi yare ana? Ese se saa onipa no fre asafo mpanyimfo na wode Awurade din bo mpae ma no na wosra no ngo. **15** Se woboo saa mpae no gyidi mu a, ebesa oyarefo no yare, na Awurade bema no anya ahoden, na ne bone a waye nyinaa, wode bekye no. **16** Enti afei, monkeka mo bone nkyere mo ho mo ho, na mommobo mpae mma mo ho mo ho senea ebeye a wobesa mo yare. Onipa trennee mpaeboo tumi ye nneema bebre. **17** Yete se Elia a oboo mpae nokware mu se osu nnto, na ampa ara osu anto wo asase no so mfe abiesa ne fa. **18** Osan booo mpae bio maa osu to maa asase nyaa

nnobae. **19** Me nuanom, se mo mu bi guan fi nokware ho na ofofo de no ba bio a, **20** monkae se, nea odan odeboneyeni fi n’akwammone ho no gye no nkwa fi owu mu ma wode ne bone dodow no nyinaa kye no.

1 Petro

1 Saa krataa yi fi Yesu Kristo somafo Petro nkyen, Ɔde koma Onyankopon nnipa a wayi won a waabo ahwete se ahoho ko Ponto, Galatia, Kapadokia, Asia ne Bitinia amantam mu no. **2** Wɔnam Agya Onyankopon botae so na woyii mo na wɔnam ne Honhom so tew mo ho se munni Yesu Kristo akyi na enam so ama ne mogya no atew mo ho: Adom ne asomdwoe a edɔso nka mo. **3** Momma yenna Onyankopon a ɔye yen Awurade Yesu Kristo Agya no ase. Esiane n'ahummɔbo dodow nti, ɔnam nyan a onyan Yesu Kristo fii owu mu no so maa yen nkwa foforo. Eyi ma yenya anidaso a ase atim, **4** enti yerehwe anim se yebanya nhyira dodow a Onyankopon akora a ɔde bema ne mma no bi. Ɔde asie wɔ ɔsoro ama mo, efise ho de, ɛremporɔw anaa ɛrensee na ɛrempa nso. **5** Na Onyankopon gyina ne tumi kese no so behwe se mubedu ho wɔ asomdwoe mu na mo nsa aka, efise mugye no di. Ebeye mo de nna a edi akyiri no mu ama obiara ahu. **6** Ewɔ mu se ebia ebɛba mprenpren, esiane ɔhaw bebree a mɔbɛfa mu no nti, mo were behow de, nanso momma mo ani nnye saa asem yi ho. **7** Ɔhaw ba senea ebeye a wobehu se mo gyidi no ye kann. Sikakokoo a wotumi see no no mpo, wɔde ogya so hwe, enti ese se wɔso mo gyidi a esom bo kyen sikakokoo no hwe hu se ebetumi agyina ana. Eno ansa na da a Yesu Kristo beba no, mubanya anuonyam. **8** Ewɔ mu se munhu Yesu de, nanso modɔ no. Munhu no mprenpren de, nanso mugye no di. Anigye a moanya no boro so, **9** efise mo nsa renka gyidi so mfaso a eye mo kra nkwaye no. **10** Saa nkwaye yi na adiyifo no de boaseto hwehwe mu, hyee saa akyede yi a Onyankopon de bema mo no ho nkɔm. **11** Wɔpɛɛ se wuhu bere no ne ɔkwan a enam so beba. Saa bere yi ne bere a Kristo Honhom a ete won mu no rekyere wɔ nkɔmhye a efa Kristo amanehunua a ɔbɛfa mu ne anuonyam a ebɛdi akyi no ho. **12** Onyankopon daa no adi kyere saa adiyifo no se, wɔanye adwuma no amma won ho, na mmom wɔye de som mo. Wɔnam Honhom Kronkron a wɔsoma no fii ɔsoro no tumi so kaa Asempa no kyere mo. Ewɔ mu se abɔfo no pɛɛ se wobete Asempa yi de, nanso wɔde brɛ mo nko ara. **13** Enti mumsi mo adwene pi na munni dwuma. Munnyina yiye na momma mo ani nna nhyira a wɔde bema mo Yesu Kristo ba a ɔbɛba no mu no so. **14** Muntie Onyankopon, na mommma akɔnnɔ abrabɔ a edii mo so bere a na munnim no

no nni mo so. **15** Na mmom monye kronkron wɔ biribiara a moye mu, senea Onyankopon a ɔfrɛ mo no ye kronkron no. **16** Kyerewsem no ka se, “Ese se moye kronkron, efise meye kronkron.” **17** Monkae se mo Agya a ɔwɔ ɔsoro a mɔbɔ no mpae no nhwe nnipa anim wɔ n'atammu mu. Eno nti momfa nidi nyinaa mma no wɔ mo nna a aka mo wɔ asase yi so no. **18** Efise munim bo a wotua de gyee mo fii abrabɔ bɔne a mo nananom kyere mo no mu. Enye ade a ehwere ne bo a esom te se dwete anaa sikakokoo no. **19** Kristo a ɔte se oguamma a onni dem no de ne ho bɔɔ aforɛ a ne bo ye den ma munyaa ahofadi. **20** Ansa na wɔrebɔ wiase no, na Onyankopon ayi no na mo nti na nna a edi akyiri no wɔdaa no adi no. **21** Enam ne so na mugye Onyankopon a onyan no fii awufo mu na ɔmaa no anuonyam no dii. Enam so ama mo gyidi ne mo anidaso ase atim wɔ Onyankopon mu no. **22** Afei a moaye osetie ama nokware no nti, mo ho atew na mododɔ mo nuanom agyidifo nokware mu yi, mumfi mo koma nyinaa mu nnodɔ mo ho mo ho. **23** Efise wɔawo mo foforo; emfi aba a ɛporɔw mu, na mmom efi Onyankopon asem a ɛmporɔw no mu. (aiɔn g165) **24** Kyerewsem no ka se, “Nnipa nyinaa te se sare; na won anuonyam te se nhwiren. Sare no wu ma ne nhwiren no po, **25** nanso Awurade asem no wɔ ho daa nyinaa.” Eyi ne asem a Asempa no de brɛ mo. (aiɔn g165)

2 Montwe mo ho mfi bɔne nyinaa, atorɔ anaa nyaatwom anaa anibere anaa nseku ho. **2** Monye se nkokoaa a bere biara osukɔm de mo, se mubanya honhom mu nufusu kronkron anom, na se monom a moanyin na wɔagyɛ mo nkwa. **3** Senea Kyerewsem no ka se, “Moaka Awurade ayame no ahwe.” **4** Momma Awurade a ɔye ɔbo a nkwa wɔ mu no nkyen. Ɔno na nnipa poo no, na Onyankopon yii no se n'ade a esom bo. **5** Mo nso mote se abo a nkwa wɔ mu a wɔde mo resi ɔdan a honhom ahye no ma. Eho na mobesom se asɔfo Kronkron a monam Yesu Kristo so bebɔ honhom mu aforɛ a edi mu ama Onyankopon. **6** Na Kyerewsem no ka se, “Mayi ɔbo a eho hia a mede beye Sion tweekibo a obiara a obegye no adi no, wɔrenni no nhuamma.” **7** Saa ɔbo yi so wɔ mfaso yiye ma mo a mugye di. Na won a wonnye nni no, “Ɔbo a adansifo apo no, eno ara na abeye tweekibo.” **8** Wɔka bio wɔ Kyerewsem no mu se, “Saa ɔbo yi na ebema nnipa ahintiw; ɔbotan a ebema wɔahwe ase.” Wohintiwii, efise na wonnye asem no nni. Saa na Onyankopon hyee. **9** Na mo de, moye nnipa a wɔapaw, asɔfodi mu adehye, ɔman

kronkron, Onyankopɔn ankasa nkurɔfo a wɔayi mo se monka n'anwonwadwuma no ho asem. Ono na ofrɛe mo fii sum mu baa n'ankasa hann nwonwaso no mu. **10** Nna bi a atwa mu no, na monye Onyankopɔn nkurɔfo, nanso afei moye ne nkurɔfo; nna bi a atwa mu no, na munnim Onyankopɔn ahummɔbɔ no, nanso mprenprende, moanya n'ahummɔbɔ no. **11** M'adɔfo, mekasa kyere mo se ahɔho ne amamfrafo a mowɔ wiase. Montwe mo ho mfi ɔhonam akɔnnɔ a daa ene ɔkra no di asi no ho. **12** Mommɔ ɔbra pa wɔ amanaman a mofra wɔn mu no mu, na se wɔka mo ho nsem se moye nnebɔneyefo a, wɔahu mo papa a moaye no nso, anam so ahye Onyankopɔn anuonyam da a ɔbeba no. **13** Mommre mo ho ase wɔ Awurade din mu mma tumi a efi wiase nhyehyee nyinaa: se eye ɔhempɔn a ɔwɔ tumi a ebunkam so, **14** anaa amradonom a ɔsoma wɔn se wɔnkɔtwe wɔn a wɔye bɔne no aso na wɔmmɔ atreneefo aba so. **15** Onyankopɔn ahyede ne se ɔpe se monam mo nneyee pa so ka nnipa a wɔkasa kwa no kasa no hye. **16** Montena ase se nnipa a mode mo ho. Munnsusuw se mo de mo ho nti mubetumi aye bɔne biara. Mmom, montena ase se Onyankopɔn asomfo. **17** Momfa nidi mma nnipa nyinaa. Monno anuanom agyidifo. Munsuro Onyankopɔn, na mummu ɔhempɔn. **18** Afi mu asomfo nso, mommre mo ho ase mma mo wuranom, na munnni wɔn a wɔn yam ye na wɔn tirim ye mmɛw no nko ni, na wɔn a wɔn tirim ye den nso, munnni wɔn ni. **19** Se motɔ mo bo ase tena saa ɔyaw a emfata yi mu a, Onyankopɔn behyira mo, efise munim ne pe. **20** Na se moye bɔne na wɔhwe mo na munya ho boasetɔ a, morennya ho mfaso biara. Na se moye papa na wɔhwe mo na munya ho boasetɔ a, Onyankopɔn behyira mo. **21** Eyi nti na Onyankopɔn frɛe mo, efise Kristo no ankasa huu amane maa mo, de saa nhweso no gyaw mo, senea mubedi n'anammɔn akyi. **22** "Kristo anye bɔne. Obiara ante atosem biara amfi n'ano." **23** Wɔbɔɔ no adapaa no, wammɔ wɔn bi antua ka. Ohuu amane no, wampoopoo n'ani na ɔde n'anidaso nyinaa hyee Onyankopɔn a ɔye Otemmufo pa no mu. **24** "Kristo no ankasa soaa yen bɔne" wɔ ne honam mu kɔɔ asennua no so senea yebewu ama bɔne na yeatena ase wɔ trenee mu. "N'akuru mu na moanya ayaresa. **25** Na mote se nguan a wɔayera," nanso afei de, wɔde mo asan aba se mummedi Oguanhwefo no ne mo Krahwefo no akyi.

3 Saa ara nso na ɔyerenom nso eɛe se mobre mo ho ase ma mo kununom senea ebeye a se wɔn mu bi

nnye asem no nni a, mo suban pa no betwetwe wɔn ama wɔageyɛ asem no adi. Eho nhia se mobeka biribi, **2** efise wobehu obu ne nidi a mode ma Onyankopɔn wɔ mo suban mu. **3** Mommfa nneema foforo bi nkeka mo ho mma mo ho nye fe; se eye ɔkwan a mofa so kyekyere mo ti, anaa adwinne a mode siesie mo ho, anaa ntama a mufura. **4** Momfa odwo ne ahobrease nkyere mo ahoɔfe a eye komantew no. Saa ahoɔfe yi kye na eɔ Onyankopɔn ani. **5** Saa ɔkwan yi so na mmea agyidifo a wɔtenaa ase tete no a na wɔwɔ anidaso wɔ Onyankopɔn mu no nam breɛ wɔn ho ase maa wɔn kununom de kyereɛ wɔn ahoɔfe. **6** Sara yee saa ara. Otiee Abraham asem frɛe no "Me wura." Mprenprende se moye papa na munsuro hwee a moye ne mmabea. **7** Mo okununom nso, saa ara na eɛe se modwene mo yerenom ho wɔ mo asetena mu. Momfa nidi mma wɔn na munhu mmerɛw a wɔye na munhu se wɔne mo ye adedifo, na biribi ansiw mo mpaebɔ ho kwan. **8** Nea etwa to, mo nyinaa montena ase asomdwoe mu. Munnya ɔtema mma mo ho mo ho. Monnodɔ mo ho mo ho, na monye ahummɔbɔ, na mommre mo ho ase. **9** Mommfa bɔne ntua bɔne so ka, na mommfa ɔyaw nso ntua ɔyaw so ka. Na mmom, daa munhyirahyira, efise eno nti na wɔfrɛe mo, na moanya nhyira. **10** Efise Kyerewsem no ka se, "Obiara a ɔpe se ɔtena ase yiye na ohu nna pa no, enɛe se ɔka kasa bɔne, na eɛe se ogyae atorotwa. **11** Eɛe se ɔtew ne ho fi bɔne ho na ɔye papa na ɔhwehwe asomdwoe na odi akyi. **12** Efise Awurade ani wɔ atreneefo so na otie wɔn mpaebɔ na otia wɔn a wɔye bɔne." **13** Se wopere se wope se woye nea etee a, hena na ɔbehaw wo? **14** Na se eba mpo se woye nea etee na wuhu ho amane a, w'ani gye. Munnsuro nnipa, na mommma hwee nhaw mo. **15** Momfa nidi mma Kristo wɔ mo koma mu, na momma ɔnye mo Awurade. Bere biara a obi bebisa mo gyidi a mowɔ wɔ mo mu ho asem no, monkyere no ase. **16** Momfa obu ne nidi mma saa mmuae no. Momma mo adwene mu nna ho senea wɔn a wɔka kasa bɔne fa mo suban pa wɔ Kristo mu no ho no anim begu ase wɔ wɔn nseku no ho. **17** Efise se eye Onyankopɔn pe se mubehu amane a, eye se mubehu ade trenee a moyee ho amane sen se mobeye bɔne. **18** Efise Kristo no ankasa wu maa mo. Owui penkoro maa mo bɔne senea ebema moatumi ako Onyankopɔn nkyen. Wokum no ɔhonam mu, nanso ɔsɔree wɔ honhom mu, **19** na ɔnam honhom no so kɔkaa Asempa no kyereɛ ahonhom a wɔda afiase no.

20 Ahonhom yi yee asooden tiaa Onyankopon bere a Noa resen ne hyen no, nanso Onyankopon too ne bo ase maa won. Onyankopon nam nsu no so gyee nnipa baawotwe nkwa, 21 na saa nsu yi ye asubo a egye mo nkwa mprempren no nsenkyerenne; enye ononam ani fi hohoro, na mmom, eye bo a wofi ahonim pa mu hye Onyankopon. Enam Yesu Kristo wusore so gye mo nkwa. 22 Kristo ko osoro afei, na ote Onyankopon nifa so na odi abobo ne wim atumfo nyinaa so hene.

4 Esiane se Kristo huu amane wo ne honam mu nti, munso saa adwene koro no ara mu mfa nhye mo ho den. Efise nea wahu amane wo ononam mu no ne bone nni biribiara ye. 2 Efi mprempren reko no, mo nna a aka wo asase so ha no, ese se Onyankopon na odi mo abrao so na enye onipa akonnno. 3 Moasee mmere bebre de aye nea anka ese se abosonsomfo na woye. Motenaa ase wo ahohwi, akonnobone, nsabow, agobone, didimee ne abosonsom a eye akyiwade mu. 4 Mprempren eye won nwonwa se mo ne won mmu mu mmu ahuhubra no bio, eno nti woyeyaw mo. 5 Nanso wobebu ho akontaa akyerɛ Onyankopon a wasiesie ne ho bu ateasefo ne awufo aten no. 6 Saa nti na wokaa Asempa no kyerɛ awufo, senea ebeye a se wogyina won asetena yi mu mneyee so bu won aten a won honhom ne Onyankopon betena. 7 Biribiara awiei aben. Ese se mohye mo ho so na mowen na moatumi abo mpae. 8 Eyi akyi no, monnodo mo ho yiye, efise odo bunkam bone nyinaa so. 9 Munnye mo ho mo ho ahoho wo mo afi mu a anwiinwii biara nni mu. 10 Obiara nnyina Honhom mu adom a wanya no so mfa nsom afoforo. 11 Se obi reka asem a, onka Onyankopon asem. Obiara a osom no, mfa ahooden a Onyankopon de ma no no nsom senea biribiara mu no, wobefa Yesu Kristo so akamfo Onyankopon a anuonyam ne tumi wo no daadaa no. Amen. (aiɔn g165) 12 Anuanom, mommma amane a morehu no nye mo nwonwa te se nea montee so asem da. 13 Na mmom, momma mo ani nnye se mo ne Kristo rehu amane senea mo ani begye daa, da a obeda n'anuonyam adi no. 14 Nhyira nka mo se moye Kristo akyidifo nti woyaw mo. Eyi kyere se anuonyam honhom a eye Onyankopon Honhom no wo mo so. 15 Ense se mo mu biara hu amane se owudifo anaa owifo anaa odwotwafɔ anaa osempefo. 16 Na se muhu amane wo mo Kristosom mu a, mommma mo ani nnwu, na mmom, monna Onyankopon ase se moye Kristo de. 17 Bere adu se wobu aten, na Onyankopon no ara nkurofo na wobedi kan abu won aten. Na se efi

yeɛ so kan a, ebewie Asempa no ho asoodenfo no den? 18 Kyerɛwsem no ka se, “Eye den se wobegye onipa pa nkwa; na won a wonnye asem no nni ne nnebonneyefo no de, den na ebɛba won so?” 19 Ne saa nti, ese se won a wohu amane senea Onyankopon ahyehye no de won ho ma obode no na woko so ye papa.

5 Me a meye ɔpanyin no, mitu asafo no mu mpanyimfo fo se, meye Kristo amanahunu no ho dansefo nti n'anuonyam a wobeda no adi no beka me bi. Mitu mo fo se, 2 monye nguan a Onyankopon de won ahye mo nsa no nguanhwefo na monhwe won yiye senea Onyankopon pe se moye no. Monye adwuma a monhwehwe ho akatua biara, na mmom pe ara na mope se moye. Adom ne asomdwoe mmunkam mo so. 3 Monnhye won a wode won ahye mo nsa no so, na mmom monye nhweso pa mma nguan no. 4 Na se Oguanhwefo panyin no ba a, wobema mo anuonyam ahenkyew a ɛrema da. 5 Saa ara na ese se mo a moye mmabun no, mobre mo ho ase ma mpanyimfo. Mo nyinaa mfa ahobrease nkataanim mmu mo asen na monsom mo ho mo ho efise Kyerɛwsem no ka se, “Onyankopon siw ahantanfo kwan na odom ahobreasefo.” 6 Enti mommre mo ho ase nhye Onyankopon nsa a tumi wo mu no ase, senea ebeye a obema mo so wo bere a ese mu. 7 Momfa mo dadwen ne mo haw nyinaa nto ne so, efise odwen mo ho. 8 Mo ani nna ho; monwen, efise mo tamfo bonsam no nam se gyata a obobo mu hwehwe nea obenya no amene. 9 Momfa gyidi nnyina pintinn nsiw no kwan efise munim se mo nuanom agyidifo a wowa wiaase mmaa nyinaa rehu saa amane koro no ara bi. 10 Na adom nyinaa Nyankopon a wafre mo aba ne daa anuonyam mu wo Kristo mu no, ono ara na se munya hu amane kakra ansa a, obesiesie mo pe; obema mo ase atim; obehye mo den; obema moanya nnyinaso. (aiɔnios g166) 11 Ono na tumi wo no daa daa. Amen. (aiɔn g165) 12 Me nua ogyidini Silwano na oboa me ma mekyerew saa krataa tiaa yi. Mepe se mehye mo nkuran na midi adanse se eyi ye Onyankopon adom kann. Munnyina mu dennen. 13 Asafo a Onyankopon ayi wo Babilonia no ne me ba Marko kyia mo. 14 Momfa odo atuuye wo Kristo mu nkyiakya mo ho mo ho. Asomdwoe nka mo a mowo Kristo mu no nyinaa.

2 Petro

1 Saa krataa yi fi Simon Petro a ɔye Yesu Kristo somfo ne ne somafo nkyen, Ɔde rekɔma wɔn a esiane yen Nyankopɔn ne yen Agyenkwa Yesu Kristo trennee nti, wɔama wɔn gyidi a esom bo te se yen de no ara pe no: **2** Adom ne asomdwoe a edɔso a efi Onyankopɔn ne Yesu a ɔye yen Awurade no mmra mo so. **3** Onyankopɔn nam ne tumi so ama mo biribiara a eho hia ma asetena pa ne nyamesu. Nimdee a yewo wɔ nea ofi n'anuonyam ne nnepa mu frɛe yen no na ama yen saa tumi yi. **4** Onam n'anuonyam ne nnepa so ahye yen bo a esom bo yiye. Eno nti, mobeye ne nyameye no adedifo na moafi nea wiase yi porɔwee a akɔnnɔ bone de ba no mu. **5** Esiane saa nti, mommo mmɔden mfa nneyee a eho tew nka mo gyidi ho; na momfa nimdee nka nneyee a eho tew ho; **6** na momfa ahohyeso nka mo nimdee ho; na momfa boaseto nka mo ahohyeso ho; na momfa nyamesom pa nka mo boaseto ho; **7** na momfa onuado nka nyamesom pa ho, na momfa ɔdo ankasa nka onuado ho. **8** Eyinom ne su pa a eho hia mo. Na se munya ma edɔso a, ebema mo aye nnam wɔ yen Awurade Yesu Kristo ho nimdee mu. **9** Na obiara a onni bi no ye onifuraefo a ontumi nhu ade. Ne were afe se wɔahohoro ne ho afe ne bone dedaw no mu. **10** Enti me nuanom adɔfo, monyere mo ho wɔ dwuma no di mu, na enni mo ho adanse ampa ara se Onyankopɔn afe mo, ayi mo atena ho afebo. Se moye saa a, morenhintiw na morempa abaw nso. **11** Se mofa saa ɔkwan yi so a, wɔbema mo ako yen Awurade ne yen Agyenkwa Yesu Kristo Ahenni a eto ntwa da no mu. (aiōnios g166) **12** Ne saa nti daa mekaakae mo saa asem yi a munim na ase atim wɔ nokware a moagye adi no mu no. **13** Misusuw se, eye se mmere dodow a mete ase yi, mebo mo nkae wɔ saa asem yi ho. **14** Minim se erenkye biara megyaw saa ɔhonam yi ho senea yen Awurade Yesu Kristo daa no adi kyeree me no. **15** Mebo mmɔden se mefa ɔkwan bi so ama moakae saa nsem yi bere biara wɔ me wu akyi. **16** Enye anansesem na yete beka kyeree mo wɔ yen Awurade Yesu Kristo tumi ne ba a ɔrebeba no ho, na mmom yeahu na yedi ne keseye no ho adanse. **17** Yewo ho bi na Agya Onyankopɔn hyee no anuonyam bere a nne bi fii Anuonyam kese mu kae se, “Oyi ne me Doba a ɔso m'anil!” no. **18** Yen ankasa tee nne no se efi ɔsoro reba bere a na yene no wɔ Bepɔw Kronkron no so no. **19** Eno nti ema yenya nkɔm a odiyifo no hyee no mu

gyidi yiye. Eɛ se mutie no yiye efise ete se kanea a ehyeren wɔ sum mu kosi da a ade bekye ama anɔpa nsoromma ahyeren wɔ mo koma mu no. **20** Eyinom nyinaa akyi no, monkae saa asem yi: Obiara nni ho a ɔnam n'ankasa so betumi akyere Kyerɛwsem mu nkɔmhye ase. **21** Na nkɔmhye biara mfi onipa pe mu, na mmom, Honhom Kronkron tumi mu na nnipa ka asem a efi Onyankopɔn.

2 Ato adiyifo kɔɔ tetefo no mu, na saa ara nso na atoro adiyifo beba mo mu ara ne no. Wɔbema nkyerekyerɛ bone a nokware nni mu na wɔpa Owura a ogyee wɔn no, na enam so ama ɔsee aba wɔn so preko pe. **2** Nnipa bebreɛ befa akwammɔne so na esiane nea wɔye no nti, nnipa bekasa atia nokware kwan no. **3** Saa atoro adiyifo yi nam wɔn sikanibere so beto anansesem akyere mo de ape mo so mfaso. Wɔn temmufo siesieɛ ne ho akye, na saa ara nso na wɔn sɛfo no nso asore agyina. **4** Onyankopɔn amfa abɔfo a wɔyeɛ bone no ho ankye wɔn. Ɔtow wɔn guu asaman sum mu baabi, guu wɔn nkɔnsɔnkɔnsɔn, na eho na wɔretwen atemmu no. (Tartarō g5020) **5** Onyankopɔn amma tete wiase no amfa ne ho anni. Ɔmaa nsuyiri baa wɔn a na wonsuro Onyankopɔn no so. Wɔn a ogyee wɔn nkwa no ne Noa a ɔkaa trennee ho asem no ne nnipa baason bi. **6** Onyankopɔn buu Sodom ne Gomora fo de ogya sɛee wɔn, de bɔɔ wɔn a wonsuro Onyankopɔn no kɔkɔ. **7** Ogyee Lot a ɔye ɔtrenneɛni no fii nnipa nneboneyefo nsam. **8** Na saa ɔtrenneɛni no te saa nnipa nneboneyefo no mu; na afide a na saa nnipa no ye no adekyee ne adesae no haw no yiye. **9** Se ete saa de a, na ekyere se Awurade nim ɔkwan a ɔfa so gye n'akyidifo fi ɔhaw mu, na onim ɔkwan a ɔfa so kora nnipa nneboneyefo, twe wɔn aso de twen atemmuda no. **10** Ne titiriw no, eyi fa wɔn a wodi wɔn honam akɔnnɔ akyi na wɔpa Onyankopɔn tumi no ho. Saa atoro akyerekyerɛfo yi wɔ akokoduru na wommu anuonyamfo a wɔwɔ ɔsoro no, efise wonsuro se wɔyaw wɔn. **11** Na abɔfo a wɔwɔ ahooden ne tumi sen saa atoro akyerekyerɛfo yi mpo nka nsemɔne mmu wɔn aten wɔ Awurade anim. **12** Nanso saa nnipa yi ye wɔn nneema te se mmoa a wunni adwene, wɔwɔ wɔn se wɔnkyere wɔn nkum wɔn. Wogu nneema biara a wɔnte ase no ho fi. Wɔbesɛe wɔn se mmoa. **13** Wobetua wɔn ɔhaw a wɔma ebaa no so ka. Nea wɔn ani gye ho ne se wɔbeyɛ biribiara a eye ma wɔn honam akɔnnɔ no awia ketee. Se wɔne mo to

nsa didi a, egu wɔn anim ase. Efise saa bere no na wɔka nnaadaasem. **14** Wɔnhwehwe hwee sɛ mmea nguamanfo efise wɔpɛ sɛ daa wɔyɛ bone. Wɔdaadaa nnipa a wɔyɛ mmerɛw kɔ bone mu. Wɔayɛn wɔn koma ama anibere. Wɔwɔ Onyankopɔn nnome ase. **15** Wɔaman afi ɔkwan tee no so enti wɔayera. Wɔafa ɔkwan a Beor ba Bileam a ɔde ne sika a onya no yɛ bone no kɔfaa so no so. **16** Eyi ma wɔkaa n'anim wo ne bone no ho. N'afurum de onipa nne kasa de siw odiyifo no adammɔsem no ho kwan. **17** Saa nnipa yi te sɛ asuti a ayow anaase omununkum a mframa bɔ no. Onyankopɔn de wɔn asie sum kabii mu wɔ baabi. (questioned) **18** Wɔka ahantansɛm ne nkwaseasɛm na wɔnam wɔn honam akɔnnɔ ho nnaadaa so twetwe wɔn a wɔatwe wɔn ho afi nnebɔneyɛfo ho no. **19** Wɔhyɛ wɔn ahofadi ho bɔ wɔ bere a wɔn ankasa yɛ bone nkoa efise onipa yɛ biribiara a edi no so no akɔa. **20** Na sɛ onipa sua yɛn Awurade ne yɛn Agyenkwa Yesu Kristo ho asem, na ɔnam so guan fi wiase yi mu akwammɔne so, na akyiri no ɔko bone mu bio ma ɔdan bone akɔa a, ɛno de eyɛ hu sen ne kan no. **21** Sɛ anka wonnim Kristo koraa a, anka eyɛ ma wɔn sen sɛ wɔbesua ne ho nsem na afei wɔbedan wɔn akyi akyɛre mmara Kronkron a wɔde maa wɔn no. **22** Nea ɛbaa wɔn so no kyɛre sɛ, saa bɛ yi yɛ nokware. “Ɔkraman san kɔtaforo ne fe na prako a wɔaguare no no nso koguare wɔ dontori mu.”

3 Adɔfonom, eyi ne krataa a ɛto so abien a makyerɛw abre mo. Mekyerɛw sɛ mede rebekae mo, de akanyan mo adwene. **2** Mepe sɛ mokae nsem a adiyifo akronkron no kaa no mmere bi a atwam no ne mmara a efi Awurade ne Agyenkwa a wɔde faa mo asomafo so maa mo no. **3** Nea edi kan no, ɛsɛ sɛ mote ase sɛ nna a edi akyiri no mu no, nnipa bi beba a wɔn ara wɔn honam akɔnnɔ na ebedi wɔn so. Wɔbedi mo ho few **4** aka se, “Ɔhyɛ mo bɔ se ɔbeba. Wanka? Na ɔwɔ he? Yɛn agyanom awuwu dedaw, nanso biribiara te sɛ nea ɛte fi adebɔ mfiase!” **5** Wɔhyɛ da ma wɔn werɛ fi nokware no sɛ, efi tete na Onyankopɔn kasa maa ɔsoro bae, na wofi nsu mu de nsu yɛɛ asase. **6** Akyiri no wɔde nsuyiri besɛɛ saa bere wiase no. **7** Nanso Onyankopɔn ahyɛ sɛ ɔsoro ne asase ntena ho nkosi atemmuda. Afei wɔbesɔ ogya wɔ mu de asɛe nnebɔneyɛfo. **8** Nanso anuanom, mommma mo werɛ mfi ade baako sɛ Awurade ani so de, nsonoe nni da koro ne mfe apem ntam. Ne fam de, abien no nyinaa yɛ pɛ. **9** Awurade ntwentwen ne nan ase wɔ ne bɔ a

wahyɛ ho senea ebinom susuw no. Mmom ɔwɔ mo ho ntoboase, efise ɔmpɛ sɛ wɔbesɛɛ obiara, na mmom ɔpɛ sɛ obiara sakra fi ne bone ho. **10** Na Awurade da no beba sɛ ɔkorɔmfo. Da no, ɔsoro bebobɔ mu na ayera na wim nneema behyew na asɛe na asase ne so nneema nyinaa nso beda adi. **11** Na sɛ saa ɔkwan yi so na wɔbefa asɛe ade nyinaa a, na ɔbra bɛn na ɛsɛ sɛ wɔbɔ? Ɛsɛ sɛ mo bra yɛ kronkron na mode mo ho ma Onyankopɔn. **12** Monhwe saa da no kwan na monyɛ mo nneema pɛpɛpɛ; da a Onyankopɔn beto ɔsoro mu gya na wim nneema anan na ayera wɔ ogyaframa mu no. **13** Nanso yetwen nea Onyankopɔn ahyɛ yɛn ho bɔ no, ɔsoro foforo ne asase foforo a ɛho na trenɛe betena. **14** Enti anuanom, mugu so retwen da no, momma mmɔden sɛ mobɛyɛ kronkron a mfomso biara nni mo ho wɔ Onyankopɔn anim na mo ne no atena wɔ asomdwoe mu. **15** Monkae nhu sɛ Awurade wɔ ntoboase efise ɔpɛ sɛ obiara nya nkwagye. Ɛno na yɛn nua Paulo nam nyansa a Onyankopɔn de maa no no so kyɛrɛw mo no. **16** Saa ɔkwan koro no ara so na ɔfa kyɛrɛw ne nkrataa no na saa nsem yi ara so nso na ogyina kyɛrɛwee. Wɔn a wonnim na wonnye den no ntumi nkyɛre nsem bi a eyɛ den wɔ ne nkrataa no mu no ase yiye. Saa ara na wɔyɛ Kyɛrɛwsem nkae no de ɔsɛɛ ba wɔn so no. **17** Nanso anuanom, esiane sɛ wɔadi kan abɔ mo kɔkɔ no nti, monwen na wɔn a wonni mmara so no mfomso no antwe mo amfi mo tebea pa ho. **18** Munyin wɔ yɛn Awurade ne Agyenkwa Yesu Kristo dom ne nimdeɛ mu. Ɔno na anuonyam nka no mpɛmpɛn ne daa. Amen. (aiɔn g165)

1 Yohane

1 Yerekyerew mo afa Nkwa Asem a ewo ho fi mfiase; nea yeate, nea yede yen ani ahu, nea yehwee na yede yen nsa kae, eyi ne Nkwa Asem a yereka ho asem no. **2** Nkwa no daa ne ho adi; yehahu na yeadu ho adanse, na yeka nkwa a enni awiei a na ewo Agya no nkyen na wɔda no adi akyere yen no kyere mo. (aiōnios g166) **3** Yekaa nea yehui na yetee no kyeree mo nso, senea ebeye a mo ne yen beye adedifo wɔ ɔda a yene Agya no ne Ɔba Yesu Kristo wɔ no mu. **4** Yerekyerew eyi senea ebeye a yen anigye bewie pɛye. **5** Afei, eyi ne asem a yeate afi ne Ba no nkyen a yerebo mo amannee. Onyankopɔn ye hann a sum nni ne mu kora. **6** Na se afei yeka se yene no wɔ ayɔnkofa na saa bere koro no ara mu yete sum mu a, na yeredi atoro wɔ yen nsem ne yen nneyee mu. **7** Na se yete hann mu senea ɔte hann mu no a, eno de na yene yen ho yen ho wɔ ayɔnkofa, na ne Ba Yesu no mogya tew yen ho fi bone nyinaa ho. **8** Se yeka se yenni bone a, na yedaadaa yen ho, na nokware no nni yen mu. **9** Se yeka yen bone kyere Onyankopɔn a, ɔye ɔnokwafo ne ɔtreneeni se ɔde yen bone bekye yen, na watew yen ho afi nea ente nyinaa ho. **10** Se yeka se yenyee bone a, yema Onyankopɔn ye ɔtorofo a n'Asem no nni yen mu.

2 Me mma, merekyerew eyi abre mo na moanye bone; na se obi ye bone a, yewo Yesu Kristo ɔtreneeni no a ɔsre wɔ Agya no ho ma yen. **2** Na Kristo no ankasa ne yen bone ho mpata na enye yen bone nko, na nnipa nyinaa bone. **3** Se yedi Onyankopɔn mmara so a, na ekyerɛ se yenim no. **4** Se obi ka se, "Minim no," nanso onni ne mmara so a, saa onipa no ye ɔtorofo a nokware nni ne mu. **5** Na se obi tie n'asem a, na nokware da a ɔde da Onyankopɔn no wie pɛye wɔ ne mu. Eyi na ema yehu se yete ne mu. **6** Na ese se nea ose ɔte ne mu no biara di Yesu Kristo anammɔn akyi. **7** Anuanom, saa mmara a merekyerew abre mo yi nyc asem foforo. Eye mmara dedaw a moate fi mfiase pɛe no. Mmara dedaw no ye ade a moate ho asem dedaw. **8** Nanso mmara a merekyerew abre mo yi ye foforo na mu nokware no da adi wɔ Kristo ne mo mu. Sum no retwa mu na hann papa no gu so rehyeren. **9** Obiara a ɔka se ɔwɔ hann no mu, nanso ɔtan ne nua no wɔ sum mu besi saa donhwere yi mu. **10** Obiara a ɔda ne nua no te hann mu, enti biribiara nni ne mu a ebema

obi foforo aye bone. **11** Nanso obiara a ɔtan ne nua no te sum mu. Ɔnam mu a onnim faako a ɔreko, efise sum no afura n'ani. **12** Me mma, merekyerew mo, efise esiane Kristo din nti, wode mo bone akye mo. **13** Agyanom, merekyerew mo, efise munim nea ɔte ase fi mfiase no. Mmabun, merekyerew mo, efise moadi ɔbonsam so. **14** Mma, merekyerew mo, efise munim Agya no. Agyanom, merekyerew mo, efise munim nea ɔte ase fi mfiase no. Mmabun, merekyerew mo, efise mowɔ ahooden. Onyankopɔn asem no te mo mu na moadi ɔbonsam so. **15** Monnnɔ wiase anaase biribiara a eye wiase de. Se moda wiase a, na ekyerɛ se monnnɔ Agya a ɔwɔ mo mu no. **16** Biribiara a eye wiase de; ɔhonam akonnɔ, nea nnipa hu na won kon do, biribiara a ewo wiase a nnipa hoahoa won ho wɔ ho no, mu biara mfi Agya no. Ne nyinaa fi wiase. **17** Wiase ne mu akonnɔde retwa mu, nanso nea ɔye Onyankopɔn apede no tena ho daa. (aiōnios g165) **18** Me mma, awiei no aben. Woka kyeree mo se Kristo Tamfo no beba, nanso mprenpren, Kristo atamfo bebree ada won ho adi, enti yehahu se ampa awiei no aben. **19** Nokware, na saa nnipa yi nka yen ho na eno nti na wogyaw yen ho no. Na se woka yen ho a, anka wone yen tenae. Nanso wogyaw yen ho, senea wubehu no pefee se wonka yen ho. **20** Mo de, Kristo ahwie Honhom Kronkron no agu mo so, enti mo nyinaa nim nokware no. **21** Enye se munnim nokware no nti na makyerew saa krataa yi, na mmom munim na munim nso se, atoro biara mfi nokware mu mma. **22** Afei hena ne ɔtorofo? Eye obi a ɔka se Yesu nye Kristo no. Oyi ne Kristo tamfo. Ɔpo Agya no ne Ɔba no nyinaa. **23** Obiara nni ho a ɔpo Ɔba no na ɔwɔ Agya no; nea ogye Ɔba no to mu biara wɔ Agya no nso. **24** Mommɔ mmɔden mfa asem a motee mfiase no nsie mo koma mu. Se mode asem a motee mfiase no sie a, mo ne Ɔba no ne Agya no benya ayɔnkofa. **25** Na eyi na Kristo no ankasa ahye yen ho bo no, nkwa a enni awiei no. (aiōnios g166) **26** Mekyerew mo fa won a wɔpe se wɔdaadaa mo no ho. **27** Na mo de, Kristo ahwie ne Honhom Kronkron no agu mo so. Mmere dodow a ne Honhom no te mo mu no, eho nhia se obi foforo bekerekere mo. Efise ne Honhom no kyerekere mo biribiara. Na nea ɔkyere no nso ye nokware; enye atoro. Muntie Kristo nkyerekere no na montena ne mu. **28** Me mma, montena ne mu senea ebeye a se ɔba a, yebanya akokoduru na yemfa aniwu nkohintaw da a ɔbeba no. **29** Munim se Kristo ye ɔtreneeni. Na ese se

muhu se obiara a ɔye ade trennee no ye Onyankopɔn ba.

3 Monhwɛ ɔɔɔ a Agya no dɔ yen. Ne dɔ a ɔɔɔ yen no mu den nti wɔfrɛ yen Onyankopɔn mma. Na eyɛ nokware nso. Ne saa nti wiase nnim yen efise ennim Onyankopɔn. **2** Me nuanom, mprenpren yeye Onyankopɔn mma, nanso nea daakye yebeye de, yennim. Nanso yenim se Kristo ba a, yebeye se ɔno, efise yebehu no senea ɔte. **3** Obiara a ɔwɔ saa anidaso yi wɔ Kristo mu no ye ne ho kronkron senea Kristo ye kronkron no. **4** Obiara a ɔye bɔne no bu Onyankopɔn mmara so, efise bɔne ye mmara sobu. **5** Munim se Kristo bae se ɔrebefa nnipa bɔne, efise ɔno de, bɔne nni ne mu. **6** Enti obiara a ɔtena Kristo mu no nko so nye bɔne. Na obiara a ɔko so ye bɔne no nhuu no, na onnim no. **7** Mommma obi nnaadaa mo, me mma. Obiara a ɔye nea etee no ye ɔtreneeni senea Kristo ye ɔtreneeni no. **8** Nea ɔko so ye bɔne no ye ɔbonsam de, efise ɔbonsam fi mfiase pee, na ɔyee bɔne. Saa asem yi nti na Onyankopɔn Ba no bae. ɔbaa se ɔrebese ɔbonsam nnnwuma. **9** Obiara a ɔye Onyankopɔn Ba no nko so nye bɔne, efise Onyankopɔn su wɔ ne mu, na esiane se Onyankopɔn ye n'Agya nti, ontumi nko so nye bɔne. **10** Nsonoe a eɔa Onyankopɔn mma ne ɔbonsam mma ntam ne se, obi a ɔnye papa anaa ɔnnɔ ne nua no nye Onyankopɔn ba. **11** Nsem a motee mfiase no kyere se, monnodɔ mo ho. **12** Ense se yeye se Kain. Na ɔye ɔbonsam de. Enti okum n'ankasa ne nua. Aden nti na Kain kum no? Efise nneema a ɔyee no ye bɔne, nanso ne nua no de, ɔyee papa. **13** Enti anuanom, se wiasefo tan mo a, mommma enye mo nwonwa. **14** Yenim se yeafi owu mu aba nkwa mu. Yenim saa, efise yedɔ yen nuanom. **15** Obi a ɔtan ne nua no ye owudifo na munim nso se owudifo nni nkwa a enni awiei wɔ ne mu. (aiōnios g166) **16** Eyi na ema yehu senea ɔɔɔ te. Kristo de ne nkwa maa yen. Eɛ se yen nso yede yen nkwa ma yen nuanom. **17** Se obi ye ɔdefo na ohu se biribi ho hia ne nua na wanhu no mmɔɔ a, ebeye den na watumi aka se ɔɔɔ Onyankopɔn wɔ ne koma mu? **18** Me mma, ense se yen dɔ no ye kasa hunu. Eɛ se eyɛ ɔɔɔ turodoo a enam nneyee so da ne ho adi. **19** Eyi na ebema yeahu se yewɔ nokware no. Eyi na ebema yen koma anya gyidi wɔ Onyankopɔn anim. **20** Se yen koma bu yen fɔ mpo a, yenim se Onyankopɔn so sen yen koma, na onim biribiara. **21** Enti anuanom aɔfo, se yen koma ammu yen fɔ a, yewɔ akokoduru wɔ Onyankopɔn anim. **22** Biribiara a yebisa no no, yen

nsa ka, efise yedi ne mmara so na yeye n'apɛde nso. **23** Ne mmara no ka se, yennye ne Ba Yesu Kristo no din nni na yennodɔ yen ho yen ho senea Kristo hyee yen no. **24** Obiara a odi Onyankopɔn mmara so no te Onyankopɔn mu na Onyankopɔn nso te ne mu. Na eyi na ema yehu se Onyankopɔn te yen mu. Yenim no saa esiane Honhom a wama yen no nti.

4 Me nuanom aɔfo, munnnye honhom no nyinaa nni. Mmom monso honhom no nhwe se efi Onyankopɔn ana. Efise atoro adiyifo bebre ahwete wɔ wiase. **2** ɔkwan a wubetumi afa so ahu se obi wɔ Onyankopɔn Honhom no ne se, ɔɛpae mu aka se, nokwarem Yesu Kristo baa onipa tebea mu. **3** Na nea ɔnka saa mfa Yesu ho no nni honhom a efi Onyankopɔn. Saa honhom no ye Kristo tamfo. Motee se saa na ebɛba, nanso ewɔ wiase ha dedaw. **4** Me mma, mufi Onyankopɔn mu na moadi atoro adiyifo no so, efise Honhom a ewɔ mo mu no wɔ tumi sen honhom a ewɔ wiase yi mu. **5** Wɔka nsem a efa wiase ho ma wiase tie, efise wɔye wiasefo. **6** Nanso yen de, yeye Onyankopɔn nkurɔfo. Obiara a onim Onyankopɔn no tie yen. Na obiara a ɔnye Onyankopɔn nipa no ntie yen. Eyi nko ara ne ɔkwan a yenam so de hu nokware Honhom ne atoro honhom mu. **7** Anuanom, momma yennodɔ yen ho yen ho efise ɔɔɔ fi Onyankopɔn. Obi a ɔwɔ ɔɔɔ no ye Onyankopɔn ba na onim Onyankopɔn nso. **8** Obi a onni ɔɔɔ no nnim Onyankopɔn efise Onyankopɔn ye ɔɔɔ. **9** ɔkwan a Onyankopɔn nam so da ne dɔ adi kyere yen ne se, ɔsoma ne Ba koro no baa wiase senea yebefa ne so anya nkwa. **10** Eyi ne ɔɔɔ. Enkyere se yedɔ Onyankopɔn, na mmom, ɔno na ɔɔɔ yen nti ɔsoma ne Ba se yemfa ne so nya yen bɔne ho mpata. **11** Anuanom aɔfo, se saa na Onyankopɔn dɔ yen a, na ekyere se, eɛ se yedodɔ yen ho yen ho. **12** Obiara nhuu Onyankopɔn da. Se yedodɔ yen ho yen ho a, na Onyankopɔn te yen mu na ne dɔ no awie pɛye wɔ yen mu. **13** Eyi na ema yehu pefee se yete Onyankopɔn mu na ɔno nso te yen mu. Wama yen ne Honhom. **14** Na yeahu, na yeaka akyere afoforo se Agya no somaa ne Ba ma ɔbeyee wiase Agyenkwa. **15** Obiara a ɔpae mu ka se Yesu ye Onyankopɔn Ba no, na Onyankopɔn te ne mu na ɔno nso te Onyankopɔn mu. **16** Na yen ankasa nim, na yegye Onyankopɔn dɔ a ɔde dɔ yen no di. Onyankopɔn ye ɔɔɔ na obiara a ɔte ɔɔɔ mu no te Onyankopɔn mu, na Onyankopɔn nso te ne mu. **17** Eɛ se ɔɔɔ ye pɛ wɔ yen mu, senea ebeye a yebenya akokoduru wɔ atemmu da no. Na

yebanya saa akokoduru no nso, efise yen abrabɔ wɔ wiase ha no te se Kristo de ara pe. **18** Ehu nni ɔdo mu. Ɔdo ankasa pam hu nyinaa. Ehu ne asotwe na enam. Enti nea ɔye ohufo no nwie peye wɔ ɔdo mu. **19** Yewɔ ɔdo, efise Onyankopɔn na ɔdo yen kan. **20** Se obi ka se, “Medɔ Onyankopɔn” na ɔtan ne nua a, ɔye ɔtorofo. Na nea ɔnnɔ ne nua a ohu no no, ebeye den na obetumi adɔ Onyankopɔn a onhu no. **21** Eyi ne mmara a Kristo hye maa yen. Nea ɔdo Onyankopɔn no, ese se ɔdo ne nua nso.

5 Obiara a ogye di se Yesu ye Agyenkwa no ye Onyankopɔn ba. Na obiara a ɔdo Agya no do ne mma no nso. **2** Eyi na ema yehu se yedo Onyankopɔn mma; se yebedo Onyankopɔn na yeadi n'ahyede so. **3** Ɔdo a yedo Onyankopɔn no kyere di a yedi n'ahyede so. Na n'ahyede no nso sodi nye den mma yen, **4** efise Onyankopɔn ba biara tumi di wiase so. Yenam yen gyidi so di wiase so nkonim. **5** Hena na obetumi adi wiase so? Obi a ogye di se Yesu ye Onyankopɔn Ba no nko ara. **6** Yesu Kristo ye obi a ɔnam nsu ne mogya so bae. Enye nsu nko so na ɔnam bae na mmom, nsu ne mogya. Na eye Honhom no na edi ho adanse efise Honhom no ne nokware no. **7** Nnansefo baasa na wɔwɔ ho. **8** Honhom no, nsu no ne mogya no. Saa nnansefo yi adwene hyia. **9** Yegye adanse a nnipa di no di; nanso adanse a Onyankopɔn di no mu ye den yiye. Na saa adanse no na Onyankopɔn adi afa ne Ba no ho. **10** Enti obi a ogye Onyankopɔn Ba no di no agye saa adanse yi adi wɔ ne koma mu. Na obi a onnye Onyankopɔn nni no ama Onyankopɔn aye ɔtorofo, efise wannye adanse a Onyankopɔn di faa ne Ba no ho no anni. **11** Eyi ne adanse no: Onyankopɔn ama yen nkwa a enni awiei; na saa nkwa no wɔ ne Ba no mu. (aiōnios g166) **12** Obiara a ɔwɔ Ɔba no wɔ saa nkwa no, na obiara a onni Ɔba no nni nkwa no. **13** Merekyerew mo a mugye Onyankopɔn Ba no din di no eyi senea ebema moahu se mowɔ nkwa a enni awiei. (aiōnios g166) **14** Na anidaso a yewɔ wɔ Onyankopɔn anim ne se, yenim se biribiara a yebisa no wɔ ne pe mu no, otie yen. **15** Bere biara a yebisa no no, otie yen. Yeahu se eyi ye nokware yi, yenim nso se ɔma yen nea yebisa no biara. **16** Se obi hu se ne nua aye bone bi a emfa no nkɔ owu mu a, ɔmmɔ Onyankopɔn a ɔbema no nkwa no mpae mma no. Eyi fa wɔn a wɔn bone mfa wɔn nkɔ owu mu no ho. Bone bi wɔ ho a ede onipa kɔ owu mu na eno ho de, menka se mommɔ ho mpae nkyere Onyankopɔn. **17** Afideye nyinaa ye bone, nanso bone

bi wɔ ho a enkowie owu mu. **18** Yenim se Onyankopɔn ba biara nkɔ so nye bone, efise Onyankopɔn Ba no bɔ wɔn ho ban, na ɔbonsam ntumi nye wɔn bone. **19** Yenim se ye ye Onyankopɔn mma, na wiasefo de wɔhye ɔbonsam tumi ase. **20** Yenim se Onyankopɔn Ba no aba, na wama yeahu nokware Nyankopɔn no. Ɔno ne nokware no, Yesu Kristo, Onyankopɔn ba no. Ɔno ne Nyankopɔn nokwafo a ɔma daa nkwa no. (aiōnios g166) **21** Me mma, montwe mo ho mfi abosom ho.

2 Yohane

1 Me, Asɔre Panyin, Mekyerew kɔma Awuraa a wɔayi no ne ne mma a medɔ wɔn, nokware no nti. Enye ne nko, na mmom, wɔn a wonim nokware no nyinaa dɔ mo, **2** efise nokware no te yen mu na ebetena yen mu akosi daa: (aiɔn g165) **3** Adom, mmɔborɔhunu ne asomdwoe mfi Agya Nyankopɔn ne Awurade Yesu Kristo, Agya no Ba no nkyen, mmra yen so nokware ne ɔdɔ mu. **4** M'ani gyee se mihuu se mo mma no bi te nokware mu senea Agya no hyee yen no. **5** Enti mereka akyerɛ wo, Awuraa se, momma yennodɔ yen ho. Eyi nye mmara foforo a merehye ama wo. Eye mmara a wɔahye ama yen fi mfiase. **6** Saa ɔdɔ a mereka ho asem yi kyere se momma yɛntena ase na yenye osetie mma Onyankopɔn. Mmara a mote fii mfiase no kyere se mo nyinaa, montena ase ɔdɔ mu. **7** Nnaadaafo a wonnye nto mu no se Yesu Kristo baa ɔhonam mu no abɔ apete wiase. Saa nnaadaafo yi ye atorofo ne Kristo atamfo. **8** Monhwe mo ho so yiye na moanhwere nea moaye ho adwuma na moanya mo akatua wɔ mu no. **9** Obiara a ɔntena Kristo nkyerekyerɛ mu no nni Onyankopɔn. Na nea ɔntena nkyerekyerɛ no mu no wɔ Agya no ne Ɔba no. **10** Se obi ba mo nkyen na wamfa saa nkyerekyerɛ yi ammre mo a, munnnye no wɔ mo fi na munnnye n'ani nso. **11** Efise obiara a ogye saa nipa no ka bɔne a ɔye no ho. **12** Mewɔ nsem pii kyerew bre mo, nanso mempe se mɛfa krataa ne kyerewduru so aka. Mmom, mɛba abesra mo na me ne mo abekasa na ama yen anigye awie pɛye. **13** Wo nuabea a Onyankopɔn apaw no no mma kyia wo.

3 Yohane

1 Me, Asɔre panyin, Mekyerew kɔma me dɔfo pa Gaio. **2** M'adamfo pa, mebo mpae se biribiara nko so yiye mma wo, na nya ahooden senea minim se wowo ahooden wo honhom fa mu no. **3** Anuanom bi baa ha beka kyeree me se, woanya nokware no mu gyidi no, na woda so kura nokware no mu no, eyee me anigye yiye. **4** Biribiara nye me anigye nkyen se mete se me mma no te nokware mu. **5** M'adamfo pa, wudi nokware yiye wo adwuma a woye ma anuanom no a emfa ho se woye ahɔho mpo. **6** Wɔaka ɔdɔ a woda asafo a ewo ho no ho asem. Mesre wo, boa won wo won akwantu no mu ma ensɔ Onyankopɔn ani. **7** Efise wɔretu won kwan wo Awurade din mu a wɔmpe mmoa biara mfi won a wɔnye agyidifo no nkyen. **8** Yen Kristofo na ese se yeboa saa nnipa no senea yene won beye nokware no ho adwuma. **9** Mekyerew krataa tiaa bi kɔmaa asafo no, nanso Diotrefe a n'ani gye se ɔye won panyin no ntie nea meka no. **10** Se meba a, mede biribiara a ɔreye no ho asem beto mo anim. Meka nsem a eye hu a ɔka fa yen ho ne atoro a otwa nyinaa no ho asem. Nanso eno nko ara nye mma no. Se anuanom afoforo ba a, onnye won, na osiw won a wɔpe se wogyee won no nso kwan, san apam won fi asafo no mu. **11** M'adamfo pa, munnsua ade bone, na mmom munsua ade pa. Obiara a ɔye papa no ye Onyankopɔn de. Na obiara a ɔye bone no nhuu Onyankopɔn e. **12** Obiara ka Demetrio ho asem pa, na mpo nokware no ankasa ka ne ho asem pa. Na yen nso yedi ne ho adanse pa, na munim se nea yeka no ye nokware. **13** Mewo nsem bebreɛ ka kyere mo, nanso meremfa krataa ne kyerewdua so nka. **14** Erenkye biara mehu mo na me ne mo akasa. Asomdwoe nka mo. Mo nnamfonom nyinaa kyiakyia mo. Kyiakyia yen nnamfonom nyinaa.

Yuda

1 Yesu Kristo somfo Yuda a ɔye Yakobo nua na okyerew krataa yi, ɔde komaa won a Onyankopon afe won na wote Agya Onyankopon do ne Yesu Kristo bamm mu: **2** Mmoborohunu ne ɔdo a edɔso nka mo. **3** Me nnamfonom, anka merebo mmaden akyerew mo afa nkwaye a yen nyinaa te mu no ho. Nanso ese se mekyerew mo wo asem foforo ho na moyere mo ho gyina nokware a Onyankopon de ama ne nkurofo afebɔ, a ense se wɔsesa mu da biara da no mu. **4** Nnipa bi awiawia won ho abefra yen mu a wokyea asem a efa yen Nyankopon adom no ho ka se adom no nti abra bone nsee hwee. Wonnye Yesu Kristo a ɔno nko ara ne yen Wura ne yen Awurade no nto mu. Kyerewsem no aka won afɔbu a aba won so no ho asem dedaw. **5** Ewo mu se munim eyinom dedaw, nanso mepe se mekae mo adwene wo gye a Awurade gyee Israelfo fii Misraim asase so na akyiri no, ɔsee won a na wonnye asem no nni no ho. **6** Monkae abɔfo a wodii tumi traɔ so ma wogyaw won atena no. Wɔagu won nkɔnsɔnkɔnsɔn wo sum kabii mu, na Onyankopon de won asie retwen da kese no na wabu won aten. (aĩdios g126) **7** Monkae Sodom ne Gomora ne nkurow a na atwa won ho ahya no se, na mu nnipa no ye nguamanfo. Onyankopon twee won aso de yee nhwesɔ maa won a wobenya asotwe a ede won beko ogya a ennum da no mu. (aĩɔnios g166) **8** Saa akwan koro no ara so na adaesofo yi nam. Wugu won ankasa nipadua ho fi. Wɔpo tumidi, na wɔka nsemmone fa anuonyamfo a wɔwo ɔsoro no ho. **9** ɔɔɔɔfopanyin Mikael mpo nyee saa da. Bere a Mikael ne ɔbonsam repere Mose amu so a akasakasa sii won ntam no mpo, wantew ɔbonsam atua, na mmom asem a ɔkae ara ne se, “Awurade nka w’anim.” **10** Nanso saa nnipa yi tew nneema a wɔnte ase ho atua. Na nneema a won abɔsu mu wɔnte ase no, senea nkekaboa ye no, saa nneema koro no ara na ebesee won. **11** Wonnuel akwan a Kain faa so no ara so na wɔnam. Sikanibere nti, wode won ho akɔhye Bileam nnaadaasem ase. Wɔatew Onyankopon so atua senea Kora yee pɛpɛɛpɛ, eyi nti wɔbesee won. **12** Wote se nkekake fi a ewo onua aduan a ɔne wo di mu a wɔmfere ho. Won ani ku won ara won ho. Na wote se omununkum a esi na mframa bo no, nanso osu nto. Wote se nnua a ensow aba asusowbere mu. Wote se nnua a wɔatutu ne ntin ama awu koraa. **13** Wote se po asorɔkye a

ano ye den a ehuru se ahuru da won aniwude adi. Wote se nsoromma a ekyinkyin a Onyankopon de won asie ɔsee sum kabii mu afebɔ. (aĩɔn g165) **14** Henok, Adam aseni a ɔto no so asia na ɔhyee saa nnipa yi ho nkɔm teteete se, “Hwe, Awurade ne n’abɔfo Kronkron mpempem reba, **15** na wɔabebu mo nyinaa aten na wɔabu nnebɔneyefo nyinaa aten wo won bone a wɔaye ne nsem a wɔaka atia Onyankopon no ho.” **16** Bere biara, saa nnipa yi nwiinwii na wode mfomso to afoforo so. Wodi won akɔnnɔ akyi. Wɔhoahoa won ho na wɔdaadaa afoforo senea ebeye a wɔbeba abedi won akyi. **17** Me nnamfonom, monkae nsem a yen Awurade Yesu Kristo asomafo no kae. **18** Wɔkae se, “Se awiei no du a nnipa a wodi mo ho few na wodi won akɔnnɔ akyi beba.” **19** Eyinom ne nnipa a wɔnam won akɔnnɔ so de mpaapaemu ba no. Na wonni Honhom no wo won mu. **20** Enti, mo a moye me nnamfonom, mitu mo fo se, monko so mmia mo gyidi mu. Mommɔ mpae wo Honhom Kronkron no tumi mu, **21** na montena Onyankopon do mu bere a moretwen yen Awurade Yesu Kristo wo n’ahummɔbo mu ama wama mo nkwa a enni awiei no. (aĩɔnios g166) **22** Munhu won a won gyidi sua no mmɔbo. **23** Montwe won mfi ogya mu nnye won nkwa. Momfa osuro nhu won mmɔbo, na munkyi ntade a won bone nkekake akeka mu no. **24** Na nea obetumi aso mo mu na moanhintiw, na ɔde mo asi n’anuonyam anim se nnipa a wonni dem wo ahosan mu no, **25** Onyankopon koro a ɔnam yen Awurade Yesu Kristo so ye yen Agyenkwa no, ɔno na anuonyam ne keseye ne ahɔɔden ne tumi nka no mmere a atwam, ne nne ne daa nyinaa. Amen. (aĩɔn g165)

Adiyisem

1 Saa nhoma yi fa adiyisem a Onyankopɔn de maa Yesu Kristo se ɔnkyere n'asomfo nea erebeba no ho. Kristo somaa ne bofo kɔɔ n'akoa Yohane nkyen kodaa asem yi adi kyeree no, **2** senea ebye a Yohane beka biribiara a ohui. Eyi ne n'adansedi ne asem a efi Onyankopɔn nkyen ne nokware a Yesu Kristo daa no adi no. **3** Nhyira nka obiara a ɔbekenkan saa nhoma yi, na nhyira nka wɔn nso a wotie adiyisem no na wodi so senea wɔakerew wɔ saa nhoma yi mu no. Bere no abɛn. **4** Yohane, Nkyia a okyia asafo ahorow ason a ewɔ Asia no ni: Adom ne asomdwoe a efi nea ɔwɔ hɔ, na ɔtenaa hɔ, na ɔreba no ne ahonhom ason a wɔwɔ n'ahengua anim, **5** ne Yesu Kristo a ɔye ɔdansenini nokwafo ne awufo mu abakan ne asase so ahene sodifo no nkyen nka mo. Ɔdo yen, na ɔnam ne wu no so agye yen afi yen bone mu. **6** Waye yen ahemman ne asɔfo se yensom ne Nyankopɔn ne n'Agya. Ɔno na wɔmfɔ anuonyam ne tumi mma no daa daa! Amen. (aiɔn g165) **7** Hwe, ɔnam omununkum mu reba. Wɔn a wɔwɔwɔ no peaw no ne obiara behu no. Asase so nnipa nyinaa besu no; ne nti **8** Awurade Nyankopɔn Tumfo no se, "Mene Alfa ne Omega a ɔwɔ hɔ mpɛmpɛn na ɔwɔ hɔ dedaw na ɔye nea ɔrebeba no." **9** Me Yohane, a me ne mo nyinaa ye akyidifo. Yehu amane efise Yesu ne yen hene, na ɔma yen ahooden wɔ ahohia mu. Esiane se mekaa Onyankopɔn asem kaa nokware a Yesu daa no adi nti, wotwaa me asu de me kɔɔ Supɔw Patmo so. **10** Awurade da no, Honhom no faa me na metee nne dennen bi a ete se torobento a erebo wɔ m'akyi. **11** Ekae se, "Kyerew biribiara a wuhu, na fa nhoma no kɔma saa asafo ahorow ason a ewɔ Efeso ne Smirna ne Pergamo ne Tiatira ne Sardi ne Filadelfia ne Laodikea no." **12** Medan m'ani, pɛe se mihi nea ɔrekasa kyere me no. Eho na mihuu sikakokɔ akaneadua ason. **13** Na akaneadua no mfimfini na onipa bi a ɔte se Onipa Ba a ɔhye batakarɛ yuu a esi n'an'an ase a sika abɔso kyekyere ne koko no gyina. **14** Na ne tinwi ye fitaa te se asaawamfuturu anaase sukyeremma, na n'ani dɛw se ogya. **15** Ne nan ase hyerɛnee se asanka a wɔanan wɔ fononoo mu na afei wɔatwiw ho na ne nne woro so te se asuworoe a ano ye den. **16** Na okura nsoromma ason wɔ ne nsa nifa mu na afoa anofanu a eye nnam fi n'anom bae. Na n'anim hyeren te se owigyinae wia. **17** Mihuu no no, mekohwee n'an'an ase te se owufo. Ɔde ne nsa nifa too me so kae se, "Nsuro!

Mene Ɔkannifo ne Okyikafo. **18** Mene ɔteasefo no! Miwui, nanso mpɛmpɛn mete ase daa daa. Mikura owu ne asaman safe. (aiɔn g165, Hadɛs g86) **19** "Enti afei kyere wɔ nneema a wuhu; nea wuhu no mpɛmpɛn ne nea ebeba akyiri no, kyere wɔ. **20** Nsoromma ason a wuhu wɔ me nsa nifa mu ne sika akaneadua no nkyerease a eye ahintasem no ni; Nsoromma ason no ye asafo ason no abɔfo, na akaneadua ason no nso ye asafo ason no."

2 "Kyerew krataa yi kɔma ɔbofo a otua Efeso asafo no ano, na ka kyere no se: Eyi ne nsem a efi obi a okura nsoromma ason wɔ ne nsa nifa mu a ɔnantew wɔ sika akaneadua ason no ntam no hɔ. **2** Minim nea woaye. Minim nsi a wode aye adwuma ne boasetɔ a wɔwɔ. Minim se wunnye nneɔneyefo, na afei woaso wɔn a wɔka se woaye asomafo nanso wɔnnye bi no ahwe, na woahu se woaye atorofɔ. **3** Wowɔ boasetɔ, na me nti woahu amane bebree, nanso wompaa abaw ɛ. **4** Nanso nea mewɔ tia wo ne se, wɔnnɔ me senea kan no na wɔdɔ me no. **5** Hu ba a woaba fam no. Sakra w'adwene na ye senea kan no na woaye no. Se woansakra w'adwene a, mɛba wo nkyen na mabeyi wo kaneadua no afi ne sibe. **6** Nanso nea eye wo wo ho ne se, wukyɛ nea Nikolaifo no ye no, na saa ara na me nso mikyi. **7** Nea ɔwɔ aso no nti nea Honhom no ka kyere asafo ahorow no. Wɔn a wɔadi nkonim no, mɛma wɔn tumi na wɔadi nkwaɔdua a ewɔ Onyankopɔn paradise hɔ. **8** "Kyerew krataa yi kɔma ɔbofo a otua Smirnaasafo no ano se: Saa asem yi fi Ɔkannifo ne Okyikafo no nkyen. Nea owui na ɔte ase bio no. **9** Minim amane a wuhu maa Awurade na minim w'ahiasem nyinaa nso, nanso wowɔ agyapade wɔ ɔsoro. Minim nsem a wɔn a wose woaye Yudafo nanso wɔnye Yudafo no ka tia wo. Woaye ɔbonsam hyiadan. **10** Nsuro ɔhaw a erebeto wo no. Tie! Wode mo mu bi beto afiase na ɔbonsam nam so asɔ mo ahwe. Na mo haw bedi nnaɔfua du. Se owu mu mpo a, gye me di na mɛma wo nkwa abotiri. **11** Nea ɔwɔ aso no nti nea Honhom no ka kyere asafo no. Wɔn a wodi nkonim no renwu owuprenu. **12** "Kyerew krataa yi kɔma ɔbofo a ɔwɔ Pergamo asafo mu se: Saa krataa yi fi nea ɔwɔ afoa anofanu a eye nnam no nkyen. **13** Minim se faako a wote no, eho na ɔbonsam ahengua si. Wudi me nokware; na bere a wokum Antipa a ɔye ɔdansenini nokwafo wo faako a ɔbonsam te no mpo, woampa me. **14** Nanso nneema kakra a mewɔ tia wo ne se, nnipa bi a wodi Bileam nkyerekyerɛakyi

no ka wo ho wɔ ho. Saa Bileam no na ɔkyerɛ Balak ma ɔmaa Israelfo dii abosom so nnuan, kyerɛ wɔn aguamammɔ, nam so ma wɔyɛ bɔne no. **15** Saa ara nso na wowɔ nnipa bi ka wo ho a wodi Nikolaifo nkyerɛkyerɛ akyi. **16** Twe wo ho fi wo bɔne ho. Anye saa a, erenkye biara meba wo nkyen, na mede afoa a efi m'anom no abeko atia saa nnipa no. **17** Nea ɔwɔ aso no ntie nea Honhom no ka kyere asafɔ ahorow no. Mo a moadi nkonim no, mema mo mana a ahintaw no bi. Afei, mema wɔn mu biara ɔbo fitaa a wɔakyerew din foforo wɔ so a obiara nnim, gye onipa a wɔde bɛma no no. **18** "Kyerew krataa kɔma ɔbofo a ɔwɔ Tiatira asafɔ mu se: Eyi ne asem a efi Onyankopɔn Ba no a n'ani dɛw se ogyatannaa a ne nan ase hyeren se asanka no nkyen. **19** Minim nea woyɛ. Minim wo dɔ, wo gyidi, wo som ne boasetɔ a wowɔ. Minim se woreyɛ adwuma sen kan no. **20** Nanso nea mewɔ tia wo ne se, wugyee ɔbea bi a ne din de Isabel, a ɔfrɛ ne ho, Onyankopɔn odiyifo no too mu. Saa ɔbea yi kyerekyerɛ, na odi m'asomafo anim ma wɔbo aguaman di abosom aduan. **21** Mama no bere se ɔnsakra mfi ne bɔne mu, nanso ɔmpɛ se ɔsakra fi n'aguamammɔ mu. **22** Eno nti, se wɔansakra amfi amumɔyɛ a wɔne no yee no mu a, metow no ahwe mpa so na ɔno ne wɔn a wɔsɛ aware no ahu amane a ano yɛ den yiye. **23** Afei, mekunkum n'akyidifono, na asafɔ no nyinaa behu se mene obi a mihu nnipa adwene mu ne wɔn akɔnnɔ. Nea mo mu biara yee no, metua no so ka pɛpɛpɛ. **24** Nanso mo mu bi a mowɔ Tiatira no nni saa nkyerekyerɛ bɔne no akyi. Munsuaa nea afoforo frɛ no, 'ɔbonsam asumansem' no. Meka kyere mo se, meremfa adesoa foforo biara nto mo so. **25** Na munso nea mowɔ no mu dennen nkosi se meba. **26** Wɔn a wodi nkonim na wɔkɔ so yɛ nea mepe kɔsi awiei no, mede tumi koro no ara a minya fii **27** m'Agya hɔ no bɛma wɔn. Memma wɔn aman so tumi na wɔde dade pema adi wɔn so na wɔabobo wɔn se nkuku. **28** Afei, mede anɔpa nsoromma bɛma wɔn. **29** Nea ɔwɔ aso no ntie nea Honhom no ka kyere asafɔ no.

3 "Kyerew krataa yi kɔma ɔbofo a ɔwɔ asafɔ a ɛwɔ Sardi no se: Eyi ne asem a efi nea ɔwɔ Onyankopɔn ahonhom ason ne nsoromma ason no nkyen. Minim nea woreyɛ. Minim se woagye din se wote ase, nanso woawu. **2** Enti nyan, na kanyan nea aka wɔ wo nkyen no na anwu koraa. Efise mahu se nea woayɛ no nnya nnii mu wɔ Onyankopɔn anim ɛ. **3** Kae nea wɔkyerɛ wo no ne senea wotee no. Di so na twe wo ho fi wo

bɔne ho. Se woankanyan wo ho a, meba wo so se ɔkorɔmfo, na worenhu bere ko a meba. **4** Nanso mo mu kakraa bi a wɔwɔ Sardi no mfaa wiase nkekae nkekaa wɔn ntade mu ɛ. Wɔbehye ntade fitaa na wɔne me anantew, efise ɛse, wɔfata sa. **5** Nea obedi nkonim no behye atade fitaa se wɔn ara, na merentwa ne din mfi ateasefo nhoma no mu da. Na meda ne din adi wɔ m'Agya no ne n'abɔfo anim se ɔyɛ me dea. **6** Nea ɔwɔ aso no ntie nea Honhom no ka kyere asafɔ no. **7** "Kyerew krataa yi kɔma ɔbofo a ɔwɔ asafɔ a ɛwɔ Filadelfia no se: Eyi ne asem a efi nea ɔyɛ kronkron na ɔyɛ nokware na okura Dawid safe no nkyen. Nea obue a, obi ntumi nto mu na se ɔto mu nso a, obi ntumi mmue no. **8** Minim nea woyɛ. Minim se wowɔ tumi kakra. Woadi me nkyerekyerɛ no so, nam so adi me nokware. Mabue ɔpon bi wɔ w'anim a obi ntumi nto mu. **9** Tie! Kuw a ɔbonsam afa wɔn no, saa atorɔfo a wɔka se woyɛ Yudafo nanso wɔnyɛ bi no, mema wɔaba w'anim abebu wo nkotodwe. Wɔn nyinaa behu se medɔ wo. **10** Esiane se woadi me mmara so anya boasetɔ nti, se ɔhaw a ereba wiase nyinaa de bɛso asase so nnipa nyinaa ahwe no ba a, megye wo afi mu. **11** Mereba nnansa yi ara. Kora w'agyapade, na obi anwia wo nkonim abotiri no. **12** Nea obedi nkonim no, meye no odum wɔ me Nyankopɔn asɔredan mu, na ɔremfi mu bio da. Mekyerew me Nyankopɔn din ne me Nyankopɔn kurow din a ɛyɛ Yerusalem foforo a ebefi ɔsoro, me Nyankopɔn nkyen aba no agu ne ho. Bio, mekyerew me din foforo agu ne ho. **13** Nea ɔwɔ aso no ntie nea Honhom no ka kyere asafɔ no. **14** "Kyerew krataa yi kɔma ɔbofo a ɔwɔ Laodikea asafɔ mu no se: Eyi ne asem a efi Amen a ɔyɛ ɔdansenini nokwafo a ɔyɛ biribiara a Onyankopɔn bɔe no sodifo no nkyen. **15** Minim nea woayɛ. Minim se wonyɛ nwini nso wonyɛ hyew. Me pɛ ne se anka wobeyɛ mu baako. **16** Nanso esiane se woyɛ boturobodwo, na wonyɛ hyew na wonyɛ nwini nti, merebete wo se ntasu afi m'anom. **17** Woka se, 'meyerɛ ɔdefo na manya me ho na mewɔ nea ehia me nyinaa.' Nanso, wunnim hia a ahia wo ne mmɔbo a woyɛ. Woyɛ ohiani. Woda adagyaw, na w'ani afura. **18** Enti mitu wo fo se to sikakɔkɔ, sikakɔkɔ ankasa, fi me nkyen, senea ebɛma woayɛ ɔdefo. Afei, to ntade fitaa hyɛ na fa kata w'animguase adagyaw no so. Afei to aduru gu w'ani so, senea wubehu ade. **19** Mekɔ so twe wɔn a medɔ wɔn no nyinaa aso. Enti bɔ mmɔden na twe wo ho fi bɔne ho. **20** Tie! Migyina ɔpon no akyi rebɔ mu; se obi te me nne na obue ɔpon

no a, meba mu na me ne no adidi na ɔno nso ne me adidi. **21** Mema nkonimdifo no atena m'ahengua no ho, senea madi nkonim nti, mete m'Agya ahengua ho mprenpren no. **22** Se wowo aso a, eno de tie nea Honhom no ka kyere asafo no."

4 Eyi akyi no, mehwe huu ɔpon a abue wo ɔsoro. Na nne bi akasa akyerɛ me pen na nnyigyei a ete se torobento no kae se, "Foro bra ha, na mekyere wo nea esɛ se esi wo eyi akyi." **2** Preko pɛ, na Honhom no faa me. Na ahengua bi si ɔsoro ho a obi te so. **3** Na n'anim hyeren te se ahwehwebo ne bogyanambo. Na nyankontɔn a ete se ahabammonobo atwa ahengua no ho ahya. **4** Na ahengua nketewa aduonu anan atwa ahengua kese no ho ahya a mpanyimfo aduonu anan na wotete so a wɔhyehye ntade fitafitaa ne sikakɔkɔ ahenkyew. **5** Na anyinam ne aprannaa bobo mu fi ahengua no mu. Na akanea ason a wɔasosɔ redɛw wo ahengua no anim. Eyinom yɛ Onyankopɔn ahonhom ason. **6** Na biribi te se ahwehwe po a eye kurunnnyenn se ahwehwe da ahengua no anim. Mfimfini ho na ateasefo baanan a ani tuatua wɔn anim ne wɔn akyi na wɔatwa ahengua no ho ahya wo. **7** Na ɔteasefo a odi kan no te se gyata; nea ɔto so abien no te se nantwi ba; nea ɔto so abiesa no anim te se onipa; na nea ɔto so anan no te se ɔkore a ɔretu. **8** Na ateasefo baanan no mu biara wo ntaban asia a ani tuatua akyi ne anim nyinaa. Anadwo ne awia nyinaa na woto dwom se, **9** Saa ateasefo baanan no to nnwom de hye nea ɔte ahengua no so a ɔte ho daa daa no anuonyam, de ma no nidi, da no ase. Se wɔye saa a, (aiɔn g165) **10** mpanyimfo aduonu anan no butubutuw nea ɔte ahengua no so no anim som nea ɔte ho daa daa no. Wɔtow wɔn ahenkyew gu ahengua no anim ka se: (aiɔn g165) **11** "Yɛn Awurade ne Nyankopɔn, wofata se wunya anuonyam, nidi ne tumi, efise wo na wobɔ nneema nyinaa, na wo pɛ mu nti na wote ho."

5 Mihuu se nea ɔte ahengua so no kura nhoma bi wo ne nsa nifa mu. Na wɔakyerɛw akyi ne anim nyinaa a wode nsɔwano ason asosɔw ano. **2** Mihuu ɔbofo hoodenfo bi a ɔde nne kese kae se, "Hena na ɔfata se ɔtew nsɔwano no na obue nhoma no mu?" **3** Nanso wɔannya obiara a ɔwo ɔsoro anaa asase so anaa asase ase a otumi buee nhoma no mu hwɛ mu. **4** Misui yiye, efise wɔannya obiara a ɔfata se obue nhoma no mu na ɔhwe mu. **5** Afei ɔpanyin baako ka kyere me se, "Nsu. Hwe! Gyata a ofi Yuda abusuakuw mu a ɔye Dawid

aseni adi nkonim, na obetumi atetew nsɔwano ason no na wabue nhoma no mu." **6** Afei mihuu Oguamma bi se ogyina ahengua no mfimfini a ateasefo baanan no ne mpanyimfo no atwa ne ho ahya. Wɔhwe a na Oguamma no se nea wɔakum no. Na ɔwo mmen ason ne aniwa ason a egyina ho ma Onyankopɔn ahonhom ason no a wɔasoma wɔn aba wiase no. **7** Oguamma no kogye nhoma no fii nea ɔte ahengua so no nsa nifa mu. **8** ɔye saa no, ateasefo baanan no ne mpanyimfo aduonu anan no butubutuw Oguamma no anim. Na wɔn mu biara kura sanku ne sika ayowa a aduhuam aye no ma a eye ahotefo mpae. **9** Wɔtoo dwom foforo se, "Wofata se wofa nhoma no na wotew ne nsɔwano no. Efise wokum wo, na enam wo wu so ma wɔtɔ nnipa fii aman ne mmusuakuw ne nkurofo ne kasa nyinaa mu maa Onyankopɔn. **10** Wɔaye wɔn asɔfo ahemman se wɔnsom yɛn Nyankopɔn na wobedi asase so hene." **11** Bio mehwɛ, na metee abɔfo mpempem nka. Na wɔatwa ahengua no ne ateasefo baanan no ne mpanyimfo no ho ahya **12** reto dwom dennen se, "Oguamma a wokum no no fata se ogye tumi, ahonya, nyansa ne ahɔɔden ne nidi ne anuonyam ne nkamfo!" **13** Na metee se abode a wɔwo ɔsoro, asase so, asase ase ne abode biara a ewo po mu ne abode biara a ewo wiase nyinaa reto dwom se, "Nhyira ne nidi ne anuonyam ne tumi, nka nea ɔte ahengua no so ne Oguamma no, (aiɔn g165) **14** Abode anan no gyee so se, "Amen!" Na mpanyimfo no butubutuw ho somee.

6 Afei mihuu se Oguamma no atew nsɔwano ason no mu nea edi kan no ano, na metee se ateasefo baanan no mu baako de nne a ete se aprannaa reka se, "Bra!" **2** Mehwe, na mihuu ɔponko fitaa bi wo ho. Na nea ɔte ne so no kura agyan na wɔmaa no ahenkyew. ɔkɔ se nkonimdifo kodii nkonim. **3** Afei Oguamma no tew nsɔwano a eto so abien no ano, na metee se ɔteasefo a ɔto so abien no reka se, "Bra!" **4** ɔponko foforo a ɔye kɔkɔ bae. ɔmaa nea ɔte ne so no tumi se ɔmfɔ ɔko mmra asase so na nnipa nkunkum wɔn ho. Wɔmaa no afoa kese bi. **5** Afei Oguamma no tew nsɔwano a eto so abiesa no ano, na metee se ɔteasefo a ɔto so abiesa no reka se, "Bra!" Mehwe, na mihuu ɔponko tuntum bi wo ho. Ne kafo no kura nsania abien. **6** Metee biribi te se nne bi fii ateasefo baanan no nkyɛn. Na nne no se, "Awi susukoraa yɛ da koro akatua, na aburɔw susukoraa abiesa nso yɛ da koro akatua. Nanso nsee ngo ne bobesa no!" **7** Afei Oguamma no tew nsɔwano a eto so anan no ano na

metee se oteasefo a oto so anan no reka se, “Bral!” **8** Mehwee, na mihuu ɔpɔnkɔ nsonso bi. Wotoo ne sotefo no din “Owu,” na Asaman di n’akyi pɛɛ. Wɔmaa no asase nkyemu anan mu baako so tumi se ɔmfa ɔko, ɔkɔm, ɔyare ne nkekaboa a wɔwɔ asase so nkunkum wɔn. (Hades g86) **9** Afei Oguamma no tew nsɔwano a eto so anum no ano. Mihuu afɔremuka bi, na ase na wɔn a wokum wɔn wɔ aɛmpa no ne gyidi no ho adansedi akra wɔ. **10** Wode nne a ano ye den kae se, “Otumfo Awurade, Ɔkronkronni ne Nokwafo! Woretwen akosi da ben ansa na wɔabu nnipa a wɔwɔ asase so aten, na wɔatwe wɔn aso se wokunkum yen?” **11** Wɔmaa wɔn mu biara atade fitaa, na wɔka kyeree wɔn se wɔntwen kakra nkosi se wobekum wɔn nuanom asomfo abeka wɔn ho. **12** Na mihuu se Oguamma no tew nsɔwano a eto so asia no ano. Na asasesowosow a ano ye den ba maa owia yee tumm se birisii, na ɔsram yee kɔɔ se mogya. **13** Na nsoromma tetew fii soro behwee asase so te senea mframa a ano ye den bɔ borɔdɔma bun ma etetew gu fam pɛ. **14** Ɔsoro yeraa te se nhoma a wɔabobɔw, na mmepɔw ne asupɔw fii wɔn atenaɛ. **15** Na asase so ahemfo ne nnipa akese ne asafohene ne adefo ne ahooɔdenfo ne nkoa ne adehye nyinaa hintahintaw abodan ne mmepɔw mu abotan mu. **16** Na wɔka kyeree mmepɔw no ne abotan no se, “Monkata yen so na momfa yen nsie, senea ebeye a nea ɔte ahengua no so no ani renhu yen, na yemfi Oguamma no abufuw ano. **17** Wɔn abufuw no da kese adu, na hena na obetumi agyina ano?”

7 Eyi akyi no, mihuu abɔfo baanan se wogyinagyina asase ntwea anan no so a woretwe mframaman a ewɔ asase so no, senea ebeye a mframa biara remmo wɔ asase ne po so ne baabiara. **2** Na mihuu ɔbɔfo foforo a ofi apuei reba a okura Onyankopɔn a ɔte ase no nsɔwano. Ɖteeɛ mu frɛɛ abɔfo baanan no a na Onyankopɔn ama wɔn tumi se wɔnsee asase ne po no. **3** Ɖbɔfo no kae se, “Monnsee asase ne po anaa nnua kosi se yeɔde nsɔwano behye Onyankopɔn asomfo no agyirae.” **4** Na wokyeree me wɔn a wode Onyankopɔn nsɔwano hyee wɔn agyirae wɔ wɔn moma so no dodow. Wɔn nyinaa dodow ye mpem ɔha aduanan anan a, wɔn nyinaa fi Israel mmusuakuw no mu. **5** Yuda abusuakuw mu nnipa a wɔsɔw wɔn ano si mpem dumien. Ruben abusuakuw mu nnipa a wɔsɔw wɔn ano si mpem dumien. Gad abusuakuw mu nnipa a wɔsɔw wɔn ano si mpem dumien. **6** Aser abusuakuw mu nnipa a wɔsɔw wɔn ano si mpem dumien. Naftali

abusuakuw mu nnipa a wɔsɔw wɔn ano si mpem dumien. Manase abusuakuw mu nnipa a wɔsɔw wɔn ano si mpem dumien. **7** Simeon abusuakuw mu nnipa a wɔsɔw wɔn ano si mpem dumien. Lewi abusuakuw mu nnipa a wɔsɔw wɔn ano si mpem dumien. Isakar abusuakuw mu nnipa a wɔsɔw wɔn ano si mpem dumien. **8** Sebulon abusuakuw mu nnipa a wɔsɔw wɔn ano si mpem dumien. Yosef abusuakuw mu nnipa a wɔsɔw wɔn ano si mpem dumien. Benyamin abusuakuw mu nnipa a wɔsɔw wɔn ano si mpem dumien. **9** Eyi akyi no, mihuu nnipakuw a obiara ntumi nkan wɔn dodow. Wofifi aman ne mmusuakuw ne nkurɔfo ne kasa nyinaa mu a wogyinagyina ahengua no ne Oguamma no anim a wɔhyehye ntade fitafitaa, kurakura berɛw. **10** Woteɛɛ mu se, “Yen nkwaɔye fi yen Nyankopɔn a ɔte ahengua no so ne Oguamma no.” **11** Na abɔfo no atwa ahengua no ne mpanyimfo no ne atasefo baanan no ho ahya. Afei wobutubutuw ahengua no anim, som Onyankopɔn **12** kae se, “Amen! Nhyira ne anuonyam ne nyansa ne aseda ne nidi ne tumi ne ahooɔden ye Onyankopɔn de daa daa! Amen!” (aiɔn g165) **13** Mpanyimfo no mu baako bisaa me se, “Ehefo na wɔhyehye ntade fitafitaa yi, na wofi he?” **14** Mibuae se, “Minnim, owura. Na wo na wunim.” Ɔka kyeree me se, “Eyinom ne wɔn a wɔafi ɔtaa mu. Wode Oguamma no mogya ahoro wɔn ntade ama aye fitaa. **15** Na eno nti na, “wogyinagyina Onyankopɔn ahengua anim a wɔresom awia ne anadwo wɔ ne hyiadan mu yi. Nea ɔbetena ahengua no so no bebɔ wɔn ho ban. **16** Osukɔm renne wɔn bio; ɔkɔm renne wɔn bio. Owia anaa ɔhyew biara renka wɔn bio. **17** Efise Oguamma no a ɔwɔ ahengua no mfimfini no beye wɔn guanhwefo de wɔn akɔ nkwa asuti ho. Na Onyankopɔn bepepa wɔn aniwa mu nisu nyinaa.”

8 Bere a Oguamma no tew nsɔwano a eto so ason no, ɔsoro nyinaa tem dinn beye dɔnhwerew fa. **2** Afei mihuu abɔfo baason a wogyinagyina Onyankopɔn anim. Wɔmemaa wɔn ntorobento ason. **3** Ɖbɔfo foforo a na ɔwɔ sikakokɔɔ aduhuam adaka begyinaa afɔremuka no ho. Wɔmaa no aduhuam bebreɛ se ɔmfa mmo mpae nka Onyankopɔn nkurɔfo no de ho, na ɔmmo sikakokɔɔ a esi ahengua no anim no so afɔre. **4** Aduhuam no hua ne Onyankopɔn nkurɔfo mpae fi abɔfo no nsam kɔɔ ɔsoro. **5** Afei ɔbɔfo no faa aduhuam adaka no de ogya a efi afɔremuka no so hyee no ma, tow kyeneɛ asase so. Na aprannaa ne nne

ahorow ne anyinam ne asasewosow bae. **6** Na abofo baason a wokurakura ntrobento ason no siesiee won ho se worebehien. **7** Obofo a odi kan no hyen ne torobento. Na mparuwbo ne ogya a ene mogya adi afra to guu asase so. Asase nkyemu abiesa mu baako hyewee. Nnua nkyemu abiesa mu baako hyewee, na wura amono nyinaa nso hyewee. **8** Afei obofo a oto so abien no hyen ne torobento. Wotow biribi a ete se bepaw kese a eredew kyenee po mu. Po no nkyemu abiesa mu baako dan mogya. **9** Na abode a ewo nkwa a ewo po no mu nkyemu abiesa mu baako wuwui, na ahien mu nkyemu abiesa mu baako bobae. **10** Afei obofo a oto so abiesa hyen ne torobento. Nsoromma kese bi a eredew se ogyaten tew fii osoro behwee nsu nkyemu abiesa mu baako mu. **11** Nsoromma no din de “Anwonwen.” Nsu no nkyemu abiesa mu baako yee nwen, na nnipa a wonomee no mu bebre wuwui, efise na aye nwen. **12** Afei obofo a oto so anan no hyen ne torobento. Na woboo owia nkyemu abiesa mu baako, ne osram nkyemu abiesa mu baako ne nsoromma nkyemu abiesa mu baako sen ma no duruu sum, enti adekyee mu nkyemu abiesa mu baako anhyeren, na anadwo nso saa ara. **13** Na merehwe no, metee se okore bi a watu nam wim tee mu se, “Won a wote asase so no nnue; wonnue, wonnue esiane torobento a aka a abofo baasa no rebhien no nti.”

9 Afei obofo a oto so anum no hyen ne torobento. Mihuu nsoromma a atew fi osoro abehwe asase so. Womaa no ebun a ase nni awiei safe. (Abyssos g12) **2** Nsoromma no buee bun no, na wusiw kumonn fii mu se fononoo kese bi, na wusiw no maa owia hann ne mframa a ewo ho no yee tumm. (Abyssos g12) **3** Mmoadabi fii wusiw no mu baa asase so, na womaa won tumi se nkekantwere. **4** Woka kyere won se wonnsee sare anaa nnua anaa afifide biara. Na mmom, nnipa a Onyankopon nswano no bi nni won moma so no de, wotumi haw won. **5** Wamma saa mmoadabi no kwan se wonkunkum saa nnipa yi. Na mmom, womaa won kwan se wonhaw won asram anum. Woka won a, won ano yaw no te se akekantwere de. **6** Saa asram anum no mu no, saa nnipa no behwehwe owu, nanso worennya. Wobepi se wowu, nanso owu begun afi won nkyen. **7** Mmoadabi no te se aponko a wasiesie won ama oko. Wowo biribi te se sikakoko ahenkyew hyehye won ti. Na won anim te se nnipa anim. **8** Won ti nwi te se mmea ti nwi, na won se nso te se gyata se. **9** Wode biribi

te se dade nkatabo akatakata won bo. Na nnyigyei a won ntaban ye no te se aponko bebre a woretwe nteaseenam ako oko. **10** Bore wowa won dua ano te se akekantwere de. Na won dua no nti na na wowa tumi a wode haw nnipa asram anum no. **11** Wowa ohene a odi won so, a ono ne obofo a ohwe bun no so. Ne din wo Hebri kasa mu de “Abadon” na Hela kasa mu nso, ede “Apolion” (a ekyere Ossefo). (Abyssos g12) **12** Ohaw baako atwa mu. Eyi akyi, ohaw abien bi beba. **13** Afei obofo a oto so asia no hyen ne torobento. Metee nne bi fii sikakoko afoemuka a esi Onyankopon anim no ntwea so nyinaa. **14** Nne no ka kyeree obofo a oto so asia a okura torobento no se, “Sansan abofo baanan a wasesa won wo, Asubonten Eufate ho no.” **15** Wasansan abofo baanan no. Wasiesie won ama saa donhwerew yi, saa da yi, saa osram yi ne saa afe yi se wonkunkum adesamma mu nkyemu abiesa mu baako. **16** Wodii asraafo opepem ahannu anim. Woboo won dodow no ho amannee ma metee. **17** Na m’anisoadehu no mu no, mihuu aponko no ne won akafo. Na won nkatabo no ye koo se ogya, tumm, ne akokorade se sufte. Na aponko no ti te se gyata ti na na ogya wusiw ne sufte fi won anom. **18** Saa ohaw ahorow abiesa no a eye ogya, wusiw ne sufte no a efi aponko no anom bae no kum adesamma nkyemu abiesa mu baako. **19** Efise na aponko no tumi nyinaa fi won anom ne won dua. Won dua te se awo a wowa ti a eno na na wode pira nnipa. **20** Adesamma a woka no a ohaw no ankum won no ansakra won adwene amfi won nsa ano nnwuma ho. Wannyae ahonhommone ne ahoni ne sika ne dwete ne asanka ne abo ne nnua a enhu ade na ente asem na entumi nnantew no som. **21** Saa ara nso na wansakra won adwene amfi won awudi ne won aduto ne won aguamammoo ne won akorommoo ho.

10 Afei mihuu obofo hoodenfo foforo bi a ofi osoro resian aba fam. Na ohye omununkum mu a nyankonton bo ne ti. Na n’anim te se owia, na ne nan te se ogya fadum. **2** Na nhoma ketewaa bi kura no a wabue mu. Ode ne nan nifa sii po so na benkum no si asase so. **3** Ode nne kese teee mu senea gyata bobo mu. Otee mu no, aprannaa ason kasae. **4** Wokasae no, na mepi se mekyerew. Nanso metee nne bi fii osoro a ekae se, “Ma nsem a aprannaa ason no kaa no nka wo tirim. Nkyerew!” **5** Eho ara obofo a mihuu se ogyina ho a ne nan baako si po so na baako si asase so no maa ne nsa nifa so koo soro, **6** na ode Onyankopon a

ote ho daa daa a obɔɔ ɔsoro ne asase ne po ne nea ewo mu nyinaa no din kaa ntam. Obɔfo no kae se, “Beresee biara nni ho. (aiɔn g165) 7 Na se obɔfo a ɔto so ason no hyen ne torobento no a, ansa na Onyankopɔn bewie n’ahintasem mu nhyehyee no, senea aka kyeree n’asomfo a wɔye adiyifo no.” 8 Afei nne a metee se efi ɔsoro no kasa kyeree me bio se. “Ko na kogye nhoma a wɔabue mu a obɔfo a ogyina po ne asase so no kitae no.” 9 Mekɔɔ obɔfo no nkyen kaka kyeree no se ɔmfa nhoma ketewa no mma me. Aka kyeree me se, “Gye na kowe. Ebekeka wo wo yam, nanso w’anom de, eɛye de te se ewo.” 10 Migyee nhoma ketewa no fii ne nsam wee, na eɛye de te se ewo wo m’anom. Nanso, memenee akyi no, emaa me yam kaw me. 11 Afei waka kyeree me se, “Ko so ka nea ebeba kyere aman bebre sofo, ɔkasahorow ne ahemfo nso.”

11 Wɔmaa me susudia bi a ete se pema, na waka kyeree me se, “Sore na susuw Onyankopɔn asɔredan no ne aforemuka no na kan won a woresom wo asɔredan no mu no. 2 Nanso mfa asɔredan no adiwo nka ho, efise wode ho ama amanamanmufo, na wobetiattia kurow kronkron no so asram aduanan abien. 3 Mesoma me nnansefo baanu a wofurafura atweaatam, na waka Onyankopɔn asem saa nna apem ahannu ne aduosia no mu.” 4 Saa nnansefo baanu no ne ngodua abien no ne akaneadua abien a esisi asase a ewo Awurade anim no so no. 5 Ogya a efi won anom bekunkum atamfo biara a wɔpe se wɔhaw won no. Eno nti wobekum obiara a ɔpe se ɔhaw won no. 6 Wɔwɔ tumi se woto ɔsoro mu a osu rentɔ wo bere a wɔrehye nkɔm no. Wɔwɔ tumi se wɔdan nsu ma eɛye mogya na wode ɔhaw to asase so mpen dodow biara a wɔpe. 7 Na se waka won asem no wie a, aboa a obefi bun no mu apue no ne won beko. Obedi won so akunkum won (Abyssos g12) 8 na won amu no agu kurow kese no abɔnten so, wo faako a wɔbɔɔ won Awurade nnadewa mu wo asennua no so a eho din pa ne Sodom ne Misraim no. 9 Na nnipa a wofi aman so ne mmusuakuw ne ɔkasa ahorow ne aman bi so behwe won afunu nnansa ne fa, na wɔremma kwan mma wonsie won. 10 Asase so nnipa ani begye se saa nnipa baanu no awuwu. Wobegye won ani na wɔamema won ho won ho akyede, efise saa adiyifo baanu no na wode ɔhaw betoo asase sofo so. 11 Nnansa akyi no, honhom a efi Onyankopɔn bewura won mu na wɔasɔre. Na ehu kese beka obiara a obehu. 12 Afei nne a ano ye den fi ɔsoro beka se, “Mommra ɔsoro

ha.” Na bere a won atamfo rehwe won no, wɔfaa omununkum mu kɔɔ ɔsoro. 13 Saa bere koro no ara mu na asase wosow denneennen, kurow no nkyemu du mu baako seee, na nnipa mpem ason wuwuu wo asasewosow no mu. Nnipa a wɔaka no bɔɔ hu na wɔkamfoo Onyankopɔn a ɔwɔ ɔsoro no keseye. 14 ɔhaw a eto so abien no atwa, nanso hwe, erenkye na ɔhaw a eto so abiesa aba. 15 Afei obɔfo a ɔto so ason no hyen ne torobento, na nne dennen fi ɔsoro kae se, “Tumi a wode di wiaso so mprenpren no ye yen Awurade ne ne Kristo no de, na obedi hene daa daa.” (aiɔn g165) 16 Afei mpanyimfo aduonu anan a wɔtete won ahengua so wo Onyankopɔn anim no de won anim butubutu fam, som Onyankopɔn, 17 kae se, “Yeda wo ase, Otumfo Onyankopɔn, wo a wowo ho na wowo ho dedaw, wonam wo tumi kese so afi ase redi hene! 18 Aman bo fuwii, na w’abufuwhyew no aba. Bere aso se wobu awufo aten. Bere a ese se wobɔ wo nkoa, adiyifo ne wo nkurofo nyinaa a wosuro wo, akese ne nketewa no aba so no adu. Bere adu se wosee won a wɔseee asase no!” 19 Onyankopɔn asɔredan a ewo ɔsoro no bue ma wohuu adaka a apam no wo mu no wo asɔredan no mu. Afei anyinam ne aprannaa paapaae, na asase wosowee na mparuwbo bebre nso tɔe.

12 Afei nsenkyerenne kese bi daa ne ho adi wo ɔsoro. Obɛa bi, na n’atade ye owia a ɔsram wo ne nan ase, na nsoromma dumien ahenkyew hye no. 2 Na ɔyem a ɔrebɛwo, na awoyaw nti na ɔresu. 3 Nsenkyerenne kese foforo bi daa ne ho adi wo ɔsoro: ɔwɔ kɔkɔɔ kakraka bi a ne ti ye ason na ɔwɔ mmen du a ahenkyew hyehye biara so. 4 ɔde ne dua twee nsoromma a ewo ɔsoro no mu nkyemu abiesa mu baako tow won guu fam. Ogyinaa obɛa a ɔrewo no anim, senea eɛye a ɔwo ɔba no to ho ara pe, obɛfa abofra no awe. 5 Afei obɛa no woo abarimaa a ɔde nsa a eɛye den bedi aman nyinaa so. Nanso wohwim abofra no kɔɔ Onyankopɔn ne n’ahengua ho. 6 Obɛa no guan kɔɔ sare so baabi a Onyankopɔn asiesie ama no a wɔbehwe no yiye wo nnafua mpem ahannu aduosia mu. 7 Afei ɔko sii ɔsoro ho. Mikael ne n’abɔfo ko tiaa ɔwɔ no, na ɔno nso ne n’abɔfo ko tiaa. 8 Nanso wodii ɔwɔ no so nkonim na wɔamma ɔne n’abɔfo antenna ɔsoro bio. 9 Wɔtow ɔwɔ kakraka no kyenee. ɔno ne ɔwɔ dedaw no a wɔfre no ɔbonsam a ɔdaadaa wiaso nyinaa no. Wɔtow ɔno ne n’abɔfo nyinaa guu asase so. 10 Afei metee nne dennen bi wo ɔsoro a eka se, “Afei

na Onyankopɔn nkwagye aba! Afei na Onyankopɔn akyerɛ ne tumi sɛ ɔyɛ ɔhene! Afei na n'Agyenkwa no akyerɛ ne tumi, efise yen nuanom no ahohorabɔni a ogyinaa Onyankopɔn anim bɔɔ wɔn ahohora awia ne anadwo no, wɔapam no afi ɔsoro. **11** Yen nuanom no nam Oguamma no mogya so ne nokware a ɔdaa no adi no so dii ne so nkonim. Na wɔasiesie wɔn ho sɛ wɔde wɔn nkwa beto ho na wɔawuwu. **12** Enti mo ɔsoro ne mo a motete ho no, momma mo ani nnye. Afei asase ne po nnuel! Efise ɔbonsam no atoa mo na ne bo afuw efise onim sɛ, ne bere a aka sua.” **13** Bere a ɔwɔ no huu sɛ wɔatow no akyene asase so no, ɔtaa ɔbea a wawo abarimaa no. **14** Wɔmaa ɔbea no ɔkɔre ntaban akese abien, senea ɛbeyɛ a obetumi atu ako faako a wɔasiesie ama no wɔ sare so ho a wɔbɛhwɛ no mfe abiesia ne fa senea ɔwɔ no renni n'akyi bio. **15** Afei ɔwɔ no puw nsu te sɛ asubɔnten dii ɔbea no akyi senea ɛbeyɛ a, ɛbɛfa no. **16** Nanso asase boaa ɔbea no. Ebuee n'anom nom nsu a ɔwɔ no puw guu ho no nyinaa. **17** ɔwɔ no bo fuw ɔbea no, enti ɔko de ntɔkwaw kɔkaa ɔbea no asefo a wɔaka a eyɛ wɔn a wodi Onyankopɔn mmara so na wogye nokware a Yesu ada no adi no di no.

13 Na ɔwɔ no kogyinaa mpoano ho. Afei mihuu sɛ aboa bi apue fi po no mu reba. Na ɔwɔ mmen du ne ti ason a na ahenkyew hyehye mmen no biara so na din a egu Onyankopɔn ho fi bobɔ ti no ho. **2** Aboa a mihuu no no, na ɔte sɛ ɔsebo a ne nan te sɛ sisi, na n'ano nso te sɛ gyata. ɔwɔ no de ɔno ankasa ahɔɔden ne n'ahengua ne ne tumi nyinaa maa aboa no. **3** Mihuu sɛ na opirakuru kese bi aba ne ti baako ho a kuru no aye sɛ nea awu. Aboa no ho yɛɛ wiasefo nyinaa nwonwa, enti wotu dii n'akyi. **4** Nnipa nyinaa som ɔwɔ no efise ɔde ne tumi nyinaa ama aboa no. Wɔsom aboa no nso kae sɛ, “Hena na ɔte sɛ aboa no? Na hena na obetumi ne no ako?” **5** Wɔmaa aboa no kwan ma ɔkaa abususem akeseakese tiaa Onyankopɔn, na wɔmaa no tumi sɛ ɔnyɛ nea ɔpɛ biara asram aduanan abien. **6** Ofii ase domee Onyankopɔn, ne din, baabi a ɔte ne wɔn a wote ɔsoro nyinaa. **7** Wɔmaa no kwan ma ɔne Onyankopɔn nkurofo koe sɛ obedi wɔn so. Na wɔmaa no aman ne mmusuakuw ne nkurofo ne ɔkasa nyinaa so tumi. **8** Nnipa a wote asase so nyinaa besom no: obiara a wɔankyerew ne din anhyɛ ateasefo nhoma a ewɔ Oguamma a wokum no ansa na wɔrebɔ wiase no mu. **9** “Tie, wo a wowɔ aso, betie no. **10** “Obiara a ɛsɛ sɛ wokyerɛ no no, wɔbekyerɛ no.

Obiara a ɛsɛ sɛ wokum no afoa ano no, wɔbekum no.” Eyi mu boasetɔ ne gyidi ho hia Onyankopɔn nkurofo. **11** Afei mihuu aboa foforo a ɔrepue afi asase mu. Na ɔwɔ mmen abien te sɛ nguantenmma, nanso na ɔkasa te sɛ ɔwɔ no. **12** Osii aboa a odi kan no anan mu de ne tumi kese no dii dwuma, na ɔhyɛɛ asase ne so nnipa sɛ wɔnsom nea n'apirakuru no awu no. **13** Aboa a ɔto so abien yi yɛɛ anwonwade akese bebree. ɔmaa ogya fii soro baa asase so wɔ nnipa nyinaa anim. **14** Na ɔnam anwonwade a wɔmaa no ho kwan yɛɛ wɔ aboa a odi kan no anim no so daadaa nnipa a wote asase so nyinaa. Aboa no ka kyereɛ wiase nnipa nyinaa sɛ, wonsi ohoni mfa nhyɛ aboa a wode afoa piraa no nanso n'apirakuru no awu na ɔte ase no anuonyam. **15** Wɔmaa aboa a ɔto so abien no kwan ma ɔhomee nkwa guu aboa a odi kan honi no mu, senea ɛbeyɛ a ohoni no betumi akasa, na wakum obiara a ɔnsom no no. **16** Aboa no hyɛɛ nnipa nyinaa, nketewa ne akese; adefo ne ahiafo, nkɔa ne wɔn a wode wɔn ho sɛ wɔnhyɛ wɔn nsa nifa ho ne wɔn moma so agyirae. **17** Obiara nni ho kwan sɛ ɔto anaa ɔton, gye sɛ wode aboa no din anaa nsenkyerenne a egyina ho ma din no hye ne ho agyirae. **18** Eyi hia ma nyansa. Obiara a onim nyansa no betumi ahu nsenkyerenne a egyina ho ma aboa no ase, efise nsenkyerenne no gyina ho ma onipa din. Ne nsenkyerenne yɛ ahansia aduosia asia.

14 Afei mehwɛɛ, na mihuu sɛ Oguamma no gyina Sion bepɔw so. Na nnipa mpem ɔha aduanan anan ka ne ho a wɔakyerew ne din ne n'Agya din wɔ wɔn moma so. **2** Na metee nne bi fii ɔsoro a na ɛworo so te sɛ asuworoɛ a ano yɛ den, na ɛte sɛ aprannaa. Nne a metee no te sɛ dwom a sankubɔfo bi rebɔ wɔ ne sanku so. **3** Wɔtoo dwom foforo bi wɔ ahengua no ne ateasefo baanan no ne mpanyimfo no anim. Nnipa mpem ɔha aduanan anan a wɔagye wɔn afi asase so no nko ara na wotumi suae. **4** Wɔyɛ mmарima bi a wɔamfa mmea angu wɔn ho fi, na wɔyɛ mmabun. Baabiara a Oguamma no beko no na wodi n'akyi. Wɔagye wɔn nkwa afi nnipa mu na wɔne nnipa a wodi kan a wode wɔn ama Onyankopɔn ne Oguamma no. **5** Wɔnka atosem, na mfomso nni wɔn ho. **6** Afei mihuu ɔbɔfo foforo sɛ watu nam sorosoro a ɔrekɔka asempa a entwa mu da no akyerɛ asase so nnipa a aman ne mmusuakuw ne ɔkasa ne nkurofo nyinaa ka ho. (a10nios g166) **7** ɔteɛɛ mu sɛ, “Munsuro Onyankopɔn na monkamfo ne kɛseyɛ. Efise bere no adu sɛ obu adesamma aten. Monsom nea ɔbɔɔ ɔsoro, asase, po ne

asuti no!” 8 Ɖɔɔfo a ɔto so abien dii nea odi kan no akyi kae se. “Wahwe ase! Babilonia kɛse ahwe ase! Efise wama amanaman nyinaa anom n’aguamammo nsa no bi.” 9 Ɖɔɔfo a ɔto so abiesa a odi baanu a wodi kan no akyi no tee mu kae se, “Obiara a ɔsom aboa no ne ne sɛso honi a na ɔma wɔhye ne nsa ho anaa ne moma so agyirae 10 no ankasa benom Onyankopɔn nsa, n’abufuw nsa a ɔde n’ahooden nyinaa ahwie agu n’abufuw kuruwa mu no. Wɔbehye wɔn a wɔbeyɛ saa no nyinaa ahoyeraw wɔ ogya ne sufɛ mu wɔ abɔfo ne Oguamma no anim. 11 Na ogya no wusiw a ɛhye wɔn ahoyeraw no kɔ soro daa daa. Awia ne anadwo, ahomegye nni hɔ ma wɔn a wɔsom aboa no ne ne sɛso honi ne obiara a wɔde ne din ahye no agyirae no.” (aiɔn g165) 12 Eyi nti na eɛ se Onyankopɔn nkurɔfo ne wɔn a wodi Onyankopɔn mmara so, na wogyɛ Yesu di no nya boasetɔ no. 13 Afei metee nne bi fii ɔsoro a ekae se, “Kyerɛw eyi. Nhyira ne awufo a wowu wɔ Awurade mu fi mpɛmpɛn rekɔ yi.” Honhom no se, “Yiw, wɔbehome a fi wɔn brɛ no mu; na wɔn nnwuma di wɔn akyi.” 14 Mihuu omununkum fitaa bi na obi a ɔte se Onipa Ba a sikakɔkɔ ahenkyew hye no na okura kantankrankyi nnamnam bi wɔ ne nsam. 15 Afei ɔɔfo foforo bi a ofii asɔredan no mu puei, na ɔtee mu kyere nea ɔte omununkum no so no se, “Fa wo kantankrankyi no twa, efise otwabere no adu, asase no asow aba a eɛ se wotwa!” 16 Enti nea ɔte omununkum so no hwim ne kantankrankyi wɔ asase so ma etwaa asase so nnɔbae. 17 Afei mihuu se ɔɔfo foforo bi a ofi ɔsoro asɔredan no mu apue a ɔno nso kura kantankrankyi nnamnam bi. 18 Ɖɔɔfo foforo bi a ɔno nso hwe ogya no so no fi aɔremuka no mu puei. Ɖtee mu kyere ɔɔfo a okura kantankrankyi nnamnam no se, “Fa wo kantankrankyi nnamnam no na boaboa asase so bobe akuwakuw no ano, efise n’aba no abere.” 19 Enti ɔɔfo no hwim ne kantankrankyi no wɔ asase so de twitwaa bobe aba no na ɔde kogu Onyankopɔn abufuw nsakyiamoa kɛse no mu. 20 Wotiatiaa bobe no so wɔ nsakyiamoa a ɛwɔ kuropon no mfikyiri, na mogya fii bobe no mu sen se asubɔnten, akwansin ahannu na mu dɔ nso beye anammɔn anum.

15 Mihuu ade foforo bi a ɛso na eye nwonwa wɔ ɔsoro. Na woye abɔfo baason a wokura ɔhaw ason a ɛno ne ɔhaw a etwa to, efise ɛno na ɛkyere Onyankopɔn abufuw a etwa to no. 2 Afei mihuu biribi te se ahwehwe po a wɔde ogya afra redɛw. Afei mihuu wɔn a wɔadi aboa no ne ne sɛso honi ne

nea wɔde agyirae asi ne din anan mu no so nkonim. Na wogynagyina ahwehwe po no ho a wokurakura asanku a Onyankopɔn de ama wɔn no. 3 Na wɔreto Onyankopɔn akɔa Mose ne Oguamma no dwom se, “Awurade, Otumfo Nyankopɔn, wo nnwuma ye akɛse na eye nwonwa Amansan hene, w’akwan tee na eye nokware. 4 Hena na ɔrensuro wo, Awurade? Hena na ɔrenka wo kɛseye? Wo nko na woye kronkron. Aman nyinaa beba abesom wɔ w’anim, efise obiara ahu wo nnwuma trenɛe no.” 5 Eyi akyi no, mihuu se asɔredan a ɛwɔ ɔsoro hɔ Kronkron mu Kronkron no abue a adanse ntamadan si mu. 6 Abɔfo baason a wɔmaa wɔn tumi se wɔmfa ɔhaw ason mmra no pue fii asɔredan no mu a wɔhyehye ntade fitafitaa a wɔbɔbɔ sikakɔkɔ abɔso wɔ wɔn koko so. 7 Afei ateasefo baanan no mu baako maa abɔfo baason no sikakɔkɔ nkuruwa ason a Onyankopɔn a ɔte ase daa daa no abufuw ahye no ma. (aiɔn g165) 8 Wusiw a efi Onyankopɔn anuonyam ne ne tumi mu no hyee asɔredan no ma. Na obiara antumi ankɔ asɔredan no mu kosii se ɔhaw ason a abɔfo baason no de bae no to twae.

16 Afei metee nne bi se erekasa fi asɔredan mu ho kyere abɔfo no se, “Monkohwie Onyankopɔn abufuw ason a ɛwɔ nkuruwa ason no mu no ngu asase so.” 2 Ɖɔɔfo a odi kan no kohwiee ne kuruwa mu abufuw no guu asase so. Akuru a eye hu na eye yaw tutuu wɔn a wɔde aboa no ahye wɔn ho agyirae no ne wɔn a wɔsom ne sɛso honi no nso. 3 Ɖɔɔfo a ɔto so abien no hwiee ne kuruwa mu abufuw guu po mu. Nsu no dan se owufo mogya, na abɔde biara a nkwa wɔ mu wɔ po no mu no wui. 4 Ɖɔɔfo a ɔto so abiesa no hwiee ne kuruwa mu abufuw no guu nsubɔnten ne nsuwa mu maa ne nyinaa dan mogya. 5 Metee se ɔɔfo a ɔhwe nsu so no reka se, “W’aten a wubu no ye atentɛnee. Ɖkronkronni a wowɔ hɔ na wowɔ ha dedaw, 6 efise wɔahwie mo ahotɛfo ne adiyifo mogya agu, woama wɔn mogya se wɔnnom, sɛnea efata wɔn.” 7 Afei metee nne bi wɔ aɔremuka no so se, “Yiw, Awurade, Otumfo Nyankopɔn, aten a wubu nyinaa ye atentɛnee!” 8 Ɖɔɔfo a ɔto so anan no hwiee ne kuruwa mu abufuw no guu owia so na wɔmaa no tumi se ɔnhye nnipa. 9 Owia hyew no anoden maa nnipa domee Onyankopɔn a ɔwɔ saa ɔhaw yi nyinaa so tumi no din. Nanso wɔansakra wɔn adwene anhye Onyankopɔn anuonyam. 10 Afei ɔɔfo a ɔto so anum no hwiee ne kuruwa mu abufuw no guu aboa

no ahengua no so. Sum duruu wo aboa no ahemman mu, na esiane oyaw nti, nnipa wee won tekrema; **11** na esiane saa oyaw no ne akuru a etutuu won no nti, wodomée osoro Nyankopon. Nanso wantwe won ho amfi won bone ho. **12** Obobo a oto so asia no hwiee ne kuruwa mu abufuw no guu Asubonten Eufate mu. Asu no yow dan okwan maa ahemfo a wofi apuei no. **13** Afei mihuu ahonhommone abiesa bi a na wote se mpotoro a na wofifi owo no ne aboa no ne atoro diyifo no anom. **14** Woye ahonhommone a woye anwonwade. Saa ahonhom abiesa yi ko ahene a wowo asase so nyinaa nkyen koka won nyinaa boa ano ma Otumfo Nyankopon oko da kese no. **15** “Muntie! Mereba te se okoromfo. Nhyira ne nea owen na ohwe ne ntade so, senea orennantew adagyaw ngu ne ho anim ase wo bagua mul!” **16** Ahonhom no boaa ahene no ano wo baabi a Hebri kasa mu no wofre ho Armagedon. **17** Afei obobo a oto so ason no hwiee ne kuruwa no mu abufuw guu mframa mu. Nne dennen bi fi ahengua a ewo asoredan no mu no so kae se, “Wawie.” **18** Na anyinam twitwa maa aprannaa paapae, na asasewosow dennen bi bae. Efi se woboo onipa no, asasewosow biara mmaa saa da. Eyi ne asasewosow nyinaa mu nea ano ye den pa ara. **19** Kurow kese no mu pae abiesa, na aman nyinaa nkurow akese seese. Onyankopon kae Babilonia Kokuroko no, na omaa no nsa nomee; nsa a eye n’abufuw a ano ye den no fi ne kuruwa ano. **20** Asupow ne mmepow nyinaa yerae. **21** Mparuwbo akese a biara mu duru ye kilogram aduonum to fii osoro guu nnipa so. Na esiane mparuwbo no haw a na eye hu no nti, nnipa domee Onyankopon.

17 Abobo baason no mu obaako a okura nkurow ason no baa me nkyen bekae se, “Bra na menkyere wo okwan a wobefa so atwe oguamanfo kese a ote nsu pii so no aso. **2** Wiaase ahene ne no boo aguaman, na asase so nnipa bobow wo n’aguaman nsa no mu.” **3** Honhom no faa me ma obobo no de me koo sare so. Eho na mihuu se obea bi te aboa kookoo bi a wakyerew din a eye abususem agu ne ho nyinaa. Na aboa no wo ti ason, ne mmen du. **4** Na obea no hye atadetam kookoo a ode sika mpow a ehyeren ne nhene a ne bo ye den ahyehye ne ho. Na okura sika kuruwa a afide ne aguamammoo ho nneema aye no ma to. **5** Na wakyerew din bi wo ne moma so a ne nkyerease no wo ahintasem mu se, “Babilonia Kokuroko, Asase So Nguamanfo Ne Akyiwade Na.” **6** Na mihuu se

Onyankopon nkurofo ne Yesu akyidifo a wokum won no mogya abow no. Mihuu no no, eye me nwonwa. **7** Obobo no bisaa me se, “Aden nti na eye wo nwonwa? Mekyere wo ahintasem nkyerease a ewo obea no ne aboa no a owo ti ason ne mmen du a ote ne so no. **8** Aboa a wuhuu no no na ote ase, nanso onte ase bio. Obefi bun no mu aba ama wasase no. Se nnipa a wote asase so a wankyerew won din angu ateasefo nhoma no mu ansa na worebo wiaase no hu aboa no a, ebeye won nwonwa. Na ote ase bere bi, nanso mprenpren de, onte ase na obesan aba. (Abyssos g12) **9** “Nyansa ne ntease ho hia wo ha. Eti ason no gyina ho ma mmepow ason, mmepow a obea no tena so. Woye ahene baason nso **10** a won mu baanum awuwu, na obaako da so di hene na obaako a oka ho no mmae. Na se oba a obedi hene kakra. **11** Aboa no a anka na ote ase na afei de, onte ase no ye ohene a oto so awotwe a oka baason a wodi kan no ho a oreko ne see mu. **12** “Mmen du a wuhui no ye ahene du a womfii won ahenni ase a wobema won tumi na wone aboa no adi hene donhwerew no. **13** Won nyinaa wo botae baako, na wode won ahooden ne won tumi bema aboa no. **14** Wobeko atia Oguamma no, na ono ne n’akyidifo, agyidifo ne nokwafo a wofre won no bedi won so, efise oye awuranom mu Awurade ne ahene mu Hene.” **15** Obobo no nso ka kyere me se, “Nsu a wuhuu se oguamanfo no te so no ye nkurow ne nkurofo akuwakuw ne aman ne okasa ahorow. **16** Mmen du ne aboa a wuhuu no no bekyi oguamanfo no. Wobefa biribiara a ewo ne ho ama wada adagyaw. Wobewe ne nam na wode ogya ahyew no. **17** Efise Onyankopon de ahye won koma mu se wobepene so de won tumi ama aboa no na wadi hene kosi se Onyankopon asem no beba mu de ahye ne botae no ma. **18** Obea a wuhuu no no ye kurow kese a edi asase so ahene no so.”

18 Eyi akyi no, mihuu obobo foforo se ofi osoro reba fam. Na owo tumi kese na n’anuonyam hyeren wo asase so nyinaa. **2** Otee mu denneennen se, “Wahwe ase! Babilonia Kokuroko ahwe ase!” Adan ahonhommone tenabee ne ahonhom fi nyinaa ahintawee. Nnomaafi a wokyi won nyinaa te ne mu. **3** Ode ne nsa a eye n’aguamammoo a ano ye den no maa nnipa nyinaa nomee. Asase so ahene ne no boo aguaman, na asase so adwumayefo nam n’ahonya mmoroso so nyaa won ho.” **4** Afei metee se nne foforo bi a efi osoro reka se, “Mumfi, me nkurofo, na moamfa

mo ho amfra bōne a ɔye no mu, na mo ne no ankye n'asotwe! 5 Efise wəahyehye ne bōne se soro tenten, na Onyankopɔn akae n'awudi no. 6 Senea ɔyee mo no, monye no saa pepepe; nea ɔyee mo biara no, muntua ne so ka mprenu. Nsa a ɔde maa mo no, monhye no nea ano ye den mmɔho abien. 7 Momma n'ayayade ne n'awerehow nnɔso se anuonyam ne ahonya a ɔpe maa ne ho no. Efise daa ɔka se, 'Mete ha se ɔhemmea; menye okunafo, na me were renhow dal' 8 Eyi nti, n'amanehunu a eye ɔyare, awerehow ne ɔkom beba ne so da bi. Na wode ogya ahyew no, efise Awurade Nyankopɔn a obu no aten no ye ɔkese. 9 "Se asase so ahene a wone no bɔ aguaman, dii de no hu hye a wɔrehyew no no wusiw a, wobesu atwa agyaadwo. 10 N'amanehunu no hu a eye nti, wobegyina akyiri asu se, "'Due! Due, Ao, kuropon, Ao Babilonia, kuropon a ewo tumi! W'atammu aba donhwerew baako pe mu.' 11 "Aguadifo a wowa asase so nso su no, efise obiara nto won nneema bio. 12 Obiara nto sikakokoo ne dwete, abooden abo ne nhene pa, nwera pa ne ɔtamkokoo ne siriki ne tamkokoo, ne nnua a eye huam nyinaa ne asonse adwinne nyinaa, adwinne a wode nnua a ne bo ye den aye, asanka ne dade ne abohemaa, 13 ne pepe ne mmorongo, nnuhuam ne kurobow, huamfufu ne nsa ne ngo, asikresiam muhumuhu ne awi, nyemmoa ne nguan ne apɔnkɔ ne nteaseenam ne nkoa ne nnipa akra. 14 "Aguadifo no beka se, 'Nneema pa a wopere hwehwee no nyinaa ayea, na w'ahonya ne w'anuonyam no ko, na wo nsa renka bio.' 15 Aguadifo a wonyaa won ho wo kurow no mu no begyina akyirikyiri efise wosuro amane a ɔrehu no. Wobesu na wɔatwa agyaadwo, 16 na wɔaka se: "'Due! Due, Ao, kuropon a ofura nwera pa ne tamkokoo na sika ne aboodenmmo a nhene pa bobo mu. 17 Donhwerew pe, na saa ahonya dodow yi asee.' "Hyen mu sahene ne hyen no mu nnipa, mu adwumayefo ne won a wɔka ho a wonya won anoduan fi hyen adwumaye mu no nyinaa gyinaa akyirikyiri. 18 Wosui wo bere a wohuu ogya a erehyew no wusiw no, wotee mu kae se 'Kuropon biara a ne kese te see mmaa da.'" 19 Wobetow mfutuma agu won atifi na wɔasu, atwa agyaadwo se, "'Due! Due, wo kuropon, wo a won a wowa ahyen wo wo mu no nam w'ahonya so yee adefo. Na donhwerew baako pe mu, wəahwere biribiara! 20 "Momma mo ani nnye wo ne ho, mo ɔsorofol! Momma mo ani nnye, Onyankopɔn nnipa! Momma mo ani nnye, asomafo ne adiyifo! Efise Onyankopɔn abu no

aten." 21 Afei, ɔbɔfo hoodenfo bi faa ɔbo a ne kese beye se awiyammo tow kyenee po mu kae se, "Saa ahooden yi ara na wode betow Babilonia kuropon no akyene, a wɔrenhu no bio. 22 Wɔrente sankubɔfo ne nnwontofɔ, atentebenhyenfo ne torobentohyenfo nka wo mu bio. Wɔrenhu odwumfo biara wo wo mu bio. Na wɔrente owiyamfo biara nka wo wo mu bio. 23 Kanea hann renhyeren wo wo mu bio. Wɔrente ayeforokunu ne ayeforo nne wo wo mu bio. W'aguadifo ye wiase mu nnipa atitiriw. Na wode wo ntafowayi adaadaa aman nyinaa. 24 Ne mu na wohuu adiyifo ne ahotefo ne won a wokum won wo asase so no nyinaa mogya."

19 Eyi akyi no, metee nne bi te se nnipakuw a wowa ɔsoro tee mu se, "Haleluya! Nkwagye ne anuonyam ne tumi wo yen Nyankopɔn, 2 efise n'atammu ye nokware, na eye se obuuguamanfo kese a ɔde n'aguamammo asee asase no aten. Onyankopɔn atwe n'aso, efise okum n'asomfo." 3 Na afei wotee mu bio se, "Haleluya! Wusiw befi kurow no mu ako ɔsoro daa daa." (aiɔn gl65) 4 Mpanyimfo aduonu anan ne ateasefo baanan no butubutuu Onyankopɔn a ɔte n'ahengua so no anim som no. Na wotee mu se, "Amen, Haleluya!" 5 Afei nne bi fi ahengua no so bae se, "Monkamfo yen Nyankopɔn, mo a moye n'asomfo nyinaa, mo a musuro no, akese ne nkumaa!" 6 Afei metee nne bi te se nnipadom a ete se asuworo ne aprannaa a erepaapae a etee mu se, "Haleluya! Yen Tumfo Awurade Nyankopɔn di hene. 7 Momma yen ho nsepew yen na yen ani nnye na yenhye no anuonyam efise Oguamma no ayeforohyia adu a n'ayeforokunu asiesie ne ho. 8 Wode nwera pa a ani hyeren na ani tew maa no se ɔnhye." (Nwera no kyere ahotefo trennee nneyee.) 9 Afei ɔbɔfo no ka kyeree me se, "Kyerew se, Nhyira nka won a wato nsa afre won wo Oguamma no ayeforohyia anwummere aponto ase." ɔka kaa ho se, "Eyi ye Onyankopɔn asem turodoo." 10 Mibutuw ne nan ase pee se mesom no. Nanso ɔka kyeree me se, "Nye saa, efise meye ɔsomfo te se wo ne wo nuanom a wodi Yesu ho adanse no. Som Onyankopɔn efise nokware a Yesu daa no adi no na ehye adiyifo no nkuran." 11 Afei mihuu se ɔsoro abue a ɔponko fitaa wo ho. Na nea ɔte ne so no din de "ɔseadeeye ne ɔnokwafo." Nokware na ogyina so bu aten na ɔko ne ko. 12 N'aniwa te se ogya a eredew na ɔhye ahenkyew bebree. Na ɔwo din bi a wakyerew agu ne ho, nanso na obiara nnim din no nkyerese ka ne ho. 13 Na ɔhye atade bi a wode anu mogya mu. Na ne din ne

“Onyankopɔn Asem” **14** Ɔsoro asraafo a wɔhyehye nwera fitaa a ani tew a wɔtete apɔnkɔ fitafitaa so dii n’akyi. **15** Afoa a ano ye nnam yiye a ɔde bedi aman so no fii n’anom bae. Dade pema na ɔde bedi wɔn so. Senea wotiatia bobe a ɛwɔ nsakyiamoa mu no so no, saa ara na obetiatia nnipa no so de akyerɛ Onyankopɔn Tumfo no abufuw. **16** Na wɔakyerɛw din agu n’atade mu ne ne srɛ ho se, Ahene mu Hene ne Awuranom mu Awurade. **17** Afei, mihuu ɔbofo bi a ogyina owia mu. Ɔteɛ mu guu nnomaa a wɔnam wim nyinaa so se, “Mommra mmehyia mu wɔ Onyankopɔn aponto kese no ase. **18** Mummedi ahemfo nam ne asafohene nam ne atumfo nam ne apɔnkɔ ne wɔn sotefo nam ne adehye ne nkoa ne akese ne nketewa nyinaa nam.” **19** Afei mihuu aboa no ne asase so ahene ne wɔn asraafo a wɔaboa wɔn ho ano rekɔko atia nea ɔte ɔpɔnkɔ no so no ne ne dɔm. **20** Wɔkyeree aboa no ne n’atoro adiyifo a ɔyɛɛ anwonwade maa no no. Saa anwonwade no so na ɔnam daadaa wɔn a wɔde aboa no ahye wɔn agyirae ne wɔn a wɔsom aboa no honi no. Wɔtow aboa no ne atoro adiyifo no anikann guu ogya ɔtare a sufɛ na na ɛredɛw wɔ mu no mu. (Limnɛ Pyr g3041 g4442) **21** Wɔde afoa a efi ɔpɔnkɔkafo no anom kunkum wɔn asraafo, na nnomaa no dii wɔn nam senea wobetumi.

20 Afei mihuu ɔbofo bi se ofi ɔsoro reba fam a na okura bun no safe ne nkɔnsɔnkɔnsɔn kese bi. (Abyssos g12) **2** Ɔkyeree ɔwɔ kese dedaw a ɔye ɔbonsam no kyekyeree no mfe apem. **3** Ɔbofo no tow no kyenɛe bun no mu, too mu safe sɔw ano senea ɛbeyɛ a mfe apem no betwa mu. Ɛno akyi na wobegyaa no kakra. (Abyssos g12) **4** Afei mihuu nhengua ne wɔn a wɔtete so a wɔama wɔn tumi se wommu atɛn. Afei mihuu wɔn a esiane se wɔada nokware ne Onyankopɔn asem a Yesu kae no adi nti, wɔatwitwa wɔn ti no akra. Wɔansom aboa no ne ne honi no. Saa ara nso na wɔamfa aboa no agyiraehyede ankeka wɔn moma so ne wɔn nsa ho. Wɔbaa nkwa mu ne Kristo bedii ahene mfe apem. **5** Eyi ne awufosɔre a edi kan. Awufo a wɔaka no annyan kosii mfe apem no akyi. **6** Nhyira bebreɛ nka wɔn a wɔdii kan nyan wɔn fii awufo mu no. Owu a ɛto so abien no nni wɔn so tumi. Wɔbeyɛ Onyankopɔn ne Kristo asɔfo. Na wone no bedi ahene mfe apem. **7** Mfe apem no akyi na wobeyi ɔbonsam afi afiasɛ hɔ; **8** na ɔbekɔ akɔdaadaa aman a ɛwɔ wiase nyinaa a ɛye Gog ne Magog. Ɔbonsam beboaboa wɔn a wɔn dodow beyɛ se mpoano nwea ano de wɔn akɔ ɔko. **9** Wotuu sa kɔw

asase so nyinaa kotwaa Onyankopɔn nkurafo atɛnaɛ a ɛye ɔman a ɔɔ no no ho hyiae. Nanso ogya fi ɔsoro besɛɛ wɔn. **10** Na wɔtow ɔbonsam a ɔdaadaa wɔn no nso too ogya tare ne sufɛ a wɔde aboa no ne atoro odiyifo no agu mu no mu. Na wɔbeyɛ wɔn ayayade awia ne anadwo daa daa. (aiɔn g165, Limnɛ Pyr g3041 g4442) **11** Afei mihuu ahengua fitaa kese bi ne nea ɔte so no. Asase ne ɔsoro guanee wɔ n’anim, na wɔanhu wɔn bio. **12** Na mihuu awufo akese ne nketewa se wogyinagyina ahengua no anim. Wobuebueɛ nhoma bebreɛ mu, na wobueɛ nhoma foforo bi a ɛye atɛasefo nhoma no mu. Wobuu awufo no atɛn, senea wɔn nnwuma te ne senea wɔakyerɛw wɔ nhoma ahorow no mu no. **13** Afei po nso dannan n’awufo mae. Owu ne asaman nso de wɔn awufo mae. Na wobuu wɔn nyinaa atɛn senea wɔn nnwuma te. (Hadɛs g86) **14** Na wɔtow owu ne asaman guu ogya tare no mu. Saa ogya tare yi ne owuprenu no. (Hadɛs g86, Limnɛ Pyr g3041 g4442) **15** Na wɔtow obiara a wɔankyerɛw ne din angu nkwa nhoma no mu no kyenɛɛ ogya tare no mu. (Limnɛ Pyr g3041 g4442)


21 Afei mihuu ɔsoro foforo ne asase foforo, na kan ɔsoro ne kan asase no atwa mu, na po nso nni ho bio. **2** Na mihuu Kurow Kronkron a ɛye Yerusalem foforo se efi Onyankopɔn hɔ wɔ ɔsoro reba fam, a wasiesie ne ho te se ayeforo a ɔrekohyia ne kunu. **3** Metee nne dennen bi fi ahengua no so se, “Afei, Onyankopɔn atɛnaɛ wɔ nnipa mu. Ɔne wɔn betɛna na wɔayɛ ne nkurafo. Onyankopɔn no ankasa ne wɔn betɛna na wayɛ wɔn Nyankopɔn. **4** Na ɔbɛpepa wɔn aniwa mu nusu nyinaa. Na owu nni ho bio, na awɛrɛhow ne osu ne yaw nni ho bio. Na kan nneema no atwa mu.” **5** Afei nea ɔte ahengua no so no kae se, “Afei mereyɛ nneema nyinaa foforo!” Ɔka kyɛɛɛ me nso se, “Kyerɛw eyi, efisɛ saa nsɛm yi ye nokware a wɔde wɔn ho to so.” **6** Na ɔka kyɛɛɛ me se, “Wɔawiel! Me ne Alfa ne Omega, Mfiase ne Awiei no. Obiara a osukɔm de no no, mɛma no nsu a efi nkwa asuti mu anom kwa. **7** Obiara a obedi nkonim no benya eyi a fi me nkyɛn. Mɛyɛ ne Nyankopɔn na ɔno nso ayɛ me ba. **8** Nanso ahufɔ ne wɔn a wonnye nni ne akyiwadeyɛfo ne awudifo ne nguamanfo ne asumanfo ne abosonsomfo ne atorofo nyinaa benya wɔn kyɛfa wɔ ɔtare a ogya ne sufɛ dɛw wɔ mu no mu. Ɛno ne owuprenu no.” (Limnɛ Pyr g3041 g4442) **9** Abɔfo baason a wokurakura nkuruwa ason a ɔhaw ason a etwa to no ahyɛ ma wɔ mu baako baa me nkyɛn bekaɛ se, “Bra, na mɛkyɛɛ wɔ Ayeforo a ɔye Oguamma no yere

no.” **10** Honhom no faa me, na obɔfo no de me koo bepɔw tenten bi atifi. Ɔkyerɛɛ me Yerusalem, Kurow Kronkron a efi asoro, Onyankopɔn hɔ, resian aba fam. **11** Ehyeren Onyankopɔn anuonyam mu, na ne hyeren no te sɛ aboɔdemmo a esɛ ahwehwebo a ani tew sɛ ahwehwe. **12** Na ne fasu no wɔ ahooden na eware yiye nso. Apon dumien gu ano a, abofo dumien na wɔhwe so. Na ɔpon biara so no wɔakyerɛw Israel mmusuakuw dumien no mu baako din. **13** Apon abiesa wɔ apuei; abiesa wɔ anafo; abiesa wɔ atifi na abiesa wɔ atɔe. **14** Wosii kurow no afasu sii abo dumien a wɔakyerɛw Oguamma no asomafo dumien no din wɔ so no so. **15** Ɔbofo a ɔkasa kyerɛɛ me no kura sikakɔkɔ pema susudua a wɔde besuw kurow no, n’apon ne n’afasu. **16** Na kurow no yɛ ahinanan a ne tenten ne ne trɛw yɛ pɛ. Ɔbofo no de ne susudua no susuw kurow no. Na ne tenten yɛ kilomita mpem abien ne ahannan, na ne trɛw, ne sorokɔ ne ne tenten nyinaa yɛ pɛ. **17** Ɔbofo no susuw ɔfasu no nso a na ne sorokɔ nso beye sɛ mita aduosia. **18** Ahwehwebo na ɔde too afasu no. Na kurow no de, sikakɔkɔ ankasa a ehyeren te sɛ ahwehwe na wɔde toe. **19** Wɔde aboɔdemmo ahorow a eyɛ fɛ na chɛhyɛɛ kurow no fapem. Fapem a edi kan yɛ ahwehwebo. Fapem a ɛto so abien yɛ hoabo. Fapem a ɛto so abiesa yɛ omununkumbo. Fapem a ɛto so anan yɛ ahabammono bo. **20** Fapem a ɛto so anum yɛ ɛtonbo. Fapem a ɛto so asia yɛ bogyanambo. Fapem a ɛto so ason yɛ sikabereɛbo. Fapem a ɛto so awotwe yɛ apopobibiribo. Fapem a ɛto so akron yɛ akraatebo. Fapem a ɛto so du yɛ denkyemmo. Fapem a ɛto so dubaako yɛ wusiwbo. Fapem a ɛto so dumien yɛ beredumbo. **21** Na wɔde nhene pa dumien na eyɛɛ apon dumien no. Wɔde ahene pa baako na eyɛɛ apon no mu biara. Na kurow no abɔntenkese no yɛ sika ankasa, kurunnyenn sɛ ahwehwe. **22** Na manhu asɔredan wɔ kurow no baabiara mu, efisɛ Awurade Nyankopɔn Tumfo ne Oguamma no ne asɔredan. **23** Na owia anaa asram hann nhia kurow no, efisɛ na Onyankopɔn ne Oguamma no anuonyam hyeren wɔ hɔ. **24** Ne hann no behyeren asase so aman nyinaa so, na asase so aman so ahene de wɔn ahode beba hɔ. **25** Wɔntoto kurow no apon mu. Da biara ano da hɔ. Efisɛ sum nnuru wɔ hɔ. **26** Wɔde aman no keseye ne wɔn ahonya beba kurow no mu. **27** Nanso biribiara a eho ntew nkɔ kurow no mu. Saa ara na obi a ɔyɛ aniwude anaa otwa atoro nkɔ mu. Wɔn a wɔakyerɛw wɔn din

ahyɛ Oguamma no nkwa nhoma no mu no nko ara na wɔbɛko kurow no mu.

22 Ɔbofo no kyerɛɛ me nkwa asubɔnten a ani tew kurunnyenn sɛ ahwehwe a efi Onyankopɔn ne Oguamma no ahengua so, **2** na esen fa kurow no tempɔn kɛse no mfimfini. Nkwa dua si asu no fa biara a afe biara esow aba ahorow dumien wɔ asram biara. Wɔde so ahaban no sa aman ahorow no yare. **3** Biribiara a ɛwɔ Onyankopɔn nnome ase no nkɔ kurow no mu. Wobehu Onyankopɔn ne Oguamma no ahengua wɔ kurow no mu na n’asomfo besom no. **4** Wobehu n’anim na wɔbɛkyerɛw ne din agu wɔn moma so. **5** Ade rensa wɔ hɔ bio, na akanea anaa hann hɔ nhia, efisɛ Awurade Nyankopɔn beyɛ wɔn hann na wɔbedi ade sɛ ahene daa daa. (aiɔn g165) **6** Afei ɔbofo no ka kyerɛɛ me se, “Saa nsem yi yɛ nokware a wɔde wo ho to so a, eye. Na Awurade Nyankopɔn a ɔde Honhom ma adiyifo no somaa ne ɔbofo sɛ ɔmmekyerɛ n’asomfo nea ebɛba nnansa yi ara no.” **7** Yesu kae se, “Muntie! Mereba nnansa yi ara, Nhyira nka wɔn a wotie adiyisem a ɛwɔ saa nhoma yi mu no!” **8** Me Yohane, mate na mahu saa nneema yi nyinaa. Na metee ne nyinaa, huu ne nyinaa wiei no, mibutuw ɔbofo no a ɔkyerɛɛ me saa nneema yi nyinaa no nan ase pɛɛ sɛ mesom no. **9** Nanso ɔka kyerɛɛ me se, “Nyɛ saa! Meye ɔsomfo te se wo nuanom adiyifo ne wɔn a wodi nhoma yi mu nsem no so no ara pɛ. Som Onyankopɔn!” **10** Na ɔka kyerɛɛ me se, “Nkata saa adiyisem a ɛwɔ nhoma yi mu no so, efisɛ bere no aben. **11** Obiara a ɔyɛ ɔbɛne no nkɔ so nye ɔbɛne, na nea ɔyɛ fi no nkɔ so nye fi; nea ɔyɛ papa no nkɔ so nye papa, na nea ɔyɛ kronkron no nkɔ so nye kronkron.” **12** Hwe! Mereba ntem! Mikura m’akatua sɛ mede rebema obiara senea n’adwumaye te. **13** Mene Alfa ne Omega, Ɔkannifo ne Okyikafo, Mfiase ne Awiei. **14** “Nhyira nka wɔn a wɔhoro wɔn ntade ma efi, na wɔn na wɔwɔ ho kwan sɛ wodi nkwa dua no aba na wɔfa kurow no pon no mu. **15** Na Kurow no akyi na akraman ne asumanfo ne nguamanfo ne awudifo ne abosonsomfo ne wɔn a wɔpɛ atoro na wodi atoro no nyinaa wɔ. **16** “Me, Yesu, na masoma me ɔbofo sɛ ɔmmɛbɔ mo saa nhoma yi nyinaa ho amanneɛ wɔ asafo mu. Meye Dawid busuani. Mene anɔpa nsoromma a ehyeren no.” **17** Honhom no ne ayeforo no se, “Esɛ sɛ obiara a ɔte saa asem yi nso ka se, ‘Bra!’ Na nea osukɔm de no no mmra, na nea ɔpɛ no nso, ommeɛgye nkwa nsu no kwa.” **18** Me, Yohane, meɔ obiara a ɔte saa

adiyisem a ewo nhoma yi mu no kɔkɔ se: Se obi de bi ka ho a, Onyankopɔn de asotwe beka ne haw a wakyere mu wo saa nhoma yi mu no ho. **19** Na se obi nso yi bi fi adiyisem a ewo saa nhoma yi mu no mu a, Onyankopɔn beyi ne kyefa a obenya wo nkwa dua no ne kurow Kronkron a wɔakyerekyerɛ mu wo nhoma yi mu no. **20** Nea odi nhoma yi ho adanse no ka se, “Yiw! Mereba ntem!” Amen. Bra, Awurade Yesu! **21** Yen Awurade Yesu Kristo adom nka ahotefo nyinaa. Amen.



*Na mihuu Kurow Kronkron a eye Yerusalem foforo se efi Onyankopɔn hɔ wɔ asoro reba fam,
a wasiesie ne ho te se ayeforo a ɔrekohyia ne kunu. Metee nne dennen bi fi ahengua no so se,
“Afei, Onyankopɔn atenaɛ wɔ nnipa mu. Ɖne wɔn betena na wɔaye ne nkurafo.
Onyankopɔn no ankasa ne wɔn betena na waye wɔn Nyankopɔn.
Adiyisem 21:2-3*

Reader's Guide

Akuapem Twi at AionianBible.org/Readers-Guide

The Aionian Bible republishes public domain and Creative Common Bible texts that are 100% free to copy and print. The original translation is unaltered and notes are added to help your study. The notes show the location of eleven special Greek and Hebrew Aionian Glossary words to help us better understand God's love for individuals and for all mankind, and the nature of afterlife destinies.

Who has the authority to interpret the Bible and examine the underlying Hebrew and Greek words? That is a good question! We read in 1 John 2:27, *"As for you, the anointing which you received from him remains in you, and you do not need for anyone to teach you. But as his anointing teaches you concerning all things, and is true, and is no lie, and even as it taught you, you remain in him."* Every Christian is qualified to interpret the Bible! Now that does not mean we will all agree. Each of us is still growing in our understanding of the truth. However, it does mean that there is no infallible human or tradition to answer all our questions. Instead the Holy Spirit helps each of us to know the truth and grow closer to God and each other.

The Bible is a library with 66 books in the Protestant Canon. The best way to learn God's word is to read entire books. Read the book of Genesis. Read the book of John. Read the entire Bible library. Topical studies and cross-referencing can be good. However, the safest way to understand context and meaning is to read whole Bible books. Chapter and verse numbers were added for convenience in the 16th century, but unfortunately they can cause the Bible to seem like an encyclopedia. The Aionian Bible is formatted with simple verse numbering, minimal notes, and no cross-referencing in order to encourage the reading of Bible books.

Bible reading must also begin with prayer. Any Christian is qualified to interpret the Bible with God's help. However, this freedom is also a responsibility because without the Holy Spirit we cannot interpret accurately. We read in 1 Corinthians 2:13-14, *"And we speak of these things, not with words taught by human wisdom, but with those taught by the Spirit, comparing spiritual things with spiritual things. Now the natural person does not receive the things of the Spirit of God, for they are foolishness to him, and he cannot understand them, because they are spiritually discerned."* So we cannot understand in our natural self, but we can with God's help through prayer.

The Holy Spirit is the best writer and he uses literary devices such as introductions, conclusions, paragraphs, and metaphors. He also writes various genres including historical narrative, prose, and poetry. So Bible study must spiritually discern and understand literature. Pray, read, observe, interpret, and apply. Finally, *"Do your best to present yourself approved by God, a worker who does not need to be ashamed, properly handling the word of truth."* 2 Timothy 2:15. *"God has granted to us his precious and exceedingly great promises; that through these you may become partakers of the divine nature, having escaped from the corruption that is in the world by lust. Yes, and for this very cause adding on your part all diligence, in your faith supply moral excellence; and in moral excellence, knowledge; and in knowledge, self-control; and in self-control patience; and in patience godliness; and in godliness brotherly affection; and in brotherly affection, love. For if these things are yours and abound, they make you to be not idle nor unfruitful to the knowledge of our Lord Jesus Christ,"* 2 Peter 1:4-8.

Glossary

Akuapem Twi at AionianBible.org/Glossary

The Aionian Bible un-translates and instead transliterates eleven special words to help us better understand the extent of God's love for individuals and all mankind, and the nature of afterlife destinies. The original translation is unaltered and a note is added to 64 Old Testament and 200 New Testament verses. Compare the meanings below to the Strong's Concordance and Glossary definitions.

Abyssos g12

Greek: proper noun, place

Usage: 9 times in 3 books, 6 chapters, and 9 verses

Meaning:

Temporary prison for special fallen angels such as Apollyon, the Beast, and Satan.

aidios g126

Greek: adjective

Usage: 2 times in Romans 1:20 and Jude 6

Meaning:

Lasting, enduring forever, eternal.

aiōn g165

Greek: noun

Usage: 127 times in 22 books, 75 chapters, and 102 verses

Meaning:

A lifetime or time period with a beginning and end, an era, an age, the completion of which is beyond human perception, but known only to God the creator of the aiōns, Hebrews 1:2. Never meaning simple endless or infinite chronological time in Greek usage. Read Dr. Heleen Keizer and Ramelli and Konstan for proofs.

aiōnios g166

Greek: adjective

Usage: 71 times in 19 books, 44 chapters, and 69 verses

Meaning:

From start to finish, pertaining to the age, lifetime, entirety, complete, or even consummate. Never meaning simple endless or infinite chronological time in Koine Greek usage. Read Dr. Heleen Keizer and Ramelli and Konstan for proofs.

eleēsē g1653

Greek: verb, aorist tense, active voice, subjunctive mood, 3rd person singular

Usage: 1 time in this conjugation, Romans 11:32

Meaning:

To have pity on, to show mercy. Typically, the subjunctive mood indicates possibility, not certainty. However, a subjunctive in a purpose clause is a resulting action as certain as the causal action. The subjunctive in a purpose clause functions as an indicative, not an optative. Thus, the grand conclusion of grace theology in Romans 11:32 must be clarified. God's mercy on all is not a possibility, but a certainty. See ntgreek.org.

Geenna g1067

Greek: proper noun, place

Usage: 12 times in 4 books, 7 chapters, and 12 verses

Meaning:

Valley of Hinnom, Jerusalem's trash dump, a place of ruin, destruction, and judgment in this life, or the next, though not eternal to Jesus' audience.

Hadēs g86

Greek: proper noun, place

Usage: 11 times in 5 books, 9 chapters, and 11 verses

Meaning:

Synonymous with Sheol, though in New Testament usage Hades is the temporal place of punishment for deceased unbelieving mankind, distinct from Paradise for deceased believers.

Limnē Pyr g3041 g4442

Greek: proper noun, place

Usage: Phrase 5 times in the New Testament

Meaning:

Lake of Fire, final punishment for those not named in the Book of Life, prepared for the Devil and his angels, Matthew 25:41.

Sheol h7585

Hebrew: proper noun, place

Usage: 66 times in 17 books, 50 chapters, and 64 verses

Meaning:

The grave or temporal afterlife world of both the righteous and unrighteous, believing and unbelieving, until the general resurrection.

Tartaroō g5020

Greek: proper noun, place

Usage: 1 time in 2 Peter 2:4

Meaning:

Temporary prison for particular fallen angels awaiting final judgment.

Glossary +

AionianBible.org/Bibles/Twi---Akuapem-Twi-Bible/Noted

Aionian Glossary references are below. Strong's Hebrew and Greek number notes are added to 64 Old Testament and 200 New Testament verses. Questioned verse translations do not contain Aionian Glossary words but may wrongly imply *eternal* or *Hell*. Note placement is skipped or adjusted for verses with non-standard numbering.

Abyssos

Luka 8:31
Romafo 10:7
Adiyisem 9:1
Adiyisem 9:2
Adiyisem 9:11
Adiyisem 11:7
Adiyisem 17:8
Adiyisem 20:1
Adiyisem 20:3

aidios

Romafo 1:20
Yuda 1:6

aiōn

Mateo 12:32
Mateo 13:22
Mateo 13:39
Mateo 13:40
Mateo 13:49
Mateo 21:19
Mateo 24:3
Mateo 28:20
Marko 3:29
Marko 4:19
Marko 10:30
Marko 11:14
Luka 1:33
Luka 1:55
Luka 1:70
Luka 16:8
Luka 18:30
Luka 20:34
Luka 20:35
Yohane 4:14
Yohane 6:51
Yohane 6:58
Yohane 8:35
Yohane 8:51
Yohane 8:52
Yohane 9:32
Yohane 10:28
Yohane 11:26
Yohane 12:34
Yohane 13:8
Yohane 14:16

Asomafo 3:21
Asomafo 15:18
Romafo 1:25
Romafo 9:5
Romafo 11:36
Romafo 12:2
Romafo 16:27
1 Korintofo 1:20
1 Korintofo 2:6
1 Korintofo 2:7
1 Korintofo 2:8
1 Korintofo 3:18
1 Korintofo 8:13
1 Korintofo 10:11
2 Korintofo 4:4
2 Korintofo 9:9
2 Korintofo 11:31
Galatifo 1:4
Galatifo 1:5
Efesofo 1:21
Efesofo 2:2
Efesofo 2:7
Efesofo 3:9
Efesofo 3:11
Efesofo 3:21
Efesofo 6:12
Filipifo 4:20
Kolosefo 1:26
1 Timoteo 1:17
1 Timoteo 6:17
2 Timoteo 4:10
2 Timoteo 4:18
Tito 2:12
Hebrifo 1:2
Hebrifo 1:8
Hebrifo 5:6
Hebrifo 6:5
Hebrifo 6:20
Hebrifo 7:17
Hebrifo 7:21
Hebrifo 7:24
Hebrifo 7:28
Hebrifo 9:26
Hebrifo 11:3
Hebrifo 13:8
Hebrifo 13:21
1 Petro 1:23

1 Petro 1:25
1 Petro 4:11
1 Petro 5:11
2 Petro 3:18
1 Yohane 2:17
2 Yohane 1:2
Yuda 1:13
Yuda 1:25
Adiyisem 1:6
Adiyisem 1:18
Adiyisem 4:9
Adiyisem 4:10
Adiyisem 5:13
Adiyisem 7:12
Adiyisem 10:6
Adiyisem 11:15
Adiyisem 14:11
Adiyisem 15:7
Adiyisem 19:3
Adiyisem 20:10
Adiyisem 22:5

aiōnios

Mateo 18:8
Mateo 19:16
Mateo 19:29
Mateo 25:41
Mateo 25:46
Marko 3:29
Marko 10:17
Marko 10:30
Luka 10:25
Luka 16:9
Luka 18:18
Luka 18:30
Yohane 3:15
Yohane 3:16
Yohane 3:36
Yohane 4:14
Yohane 4:36
Yohane 5:24
Yohane 5:39
Yohane 6:27
Yohane 6:40
Yohane 6:47
Yohane 6:54
Yohane 6:68

Yohane 10:28
Yohane 12:25
Yohane 12:50
Yohane 17:2
Yohane 17:3
Asomafo 13:46
Asomafo 13:48
Romafo 2:7
Romafo 5:21
Romafo 6:22
Romafo 6:23
Romafo 16:25
Romafo 16:26
2 Korintofo 4:17
2 Korintofo 4:18
2 Korintofo 5:1
Galatifo 6:8
2 Tesalonikafo 1:9
2 Tesalonikafo 2:16
1 Timoteo 1:16
1 Timoteo 6:12
1 Timoteo 6:16
2 Timoteo 1:9
2 Timoteo 2:10
Tito 1:2
Tito 3:7
Filemon 1:15
Hebrifo 5:9
Hebrifo 6:2
Hebrifo 9:12
Hebrifo 9:14
Hebrifo 9:15
Hebrifo 13:20
1 Petro 5:10
2 Petro 1:11
1 Yohane 1:2
1 Yohane 2:25
1 Yohane 3:15
1 Yohane 5:11
1 Yohane 5:13
1 Yohane 5:20
Yuda 1:7
Yuda 1:21
Adiyisem 14:6

eleēsē

Romafo 11:32

Geenna

Mateo 5:22
Mateo 5:29
Mateo 5:30
Mateo 10:28
Mateo 18:9
Mateo 23:15
Mateo 23:33
Marko 9:43

Marko 9:45
Marko 9:47
Luka 12:5
Yakobo 3:6

Hadēs

Mateo 11:23
Mateo 16:18
Luka 10:15
Luka 16:23
Asomafo 2:27
Asomafo 2:31
1 Korintofo 15:55
Adiyisem 1:18
Adiyisem 6:8
Adiyisem 20:13
Adiyisem 20:14

Limnē Pyr

Adiyisem 19:20
Adiyisem 20:10
Adiyisem 20:14
Adiyisem 20:15
Adiyisem 21:8

Sheol

1 Mose 37:35
1 Mose 42:38
1 Mose 44:29
1 Mose 44:31
4 Mose 16:30
4 Mose 16:33
5 Mose 32:22
1 Samuel 2:6
2 Samuel 22:6
1 Ahemfo 2:6
1 Ahemfo 2:9
Hiob 7:9
Hiob 11:8
Hiob 14:13
Hiob 17:13
Hiob 17:16
Hiob 21:13
Hiob 24:19
Hiob 26:6
Nnwom 6:5
Nnwom 9:17
Nnwom 16:10
Nnwom 18:5
Nnwom 30:3
Nnwom 31:17
Nnwom 49:14
Nnwom 49:15
Nnwom 55:15
Nnwom 86:13
Nnwom 88:3
Nnwom 89:48


Nnwom 116:3
Nnwom 139:8
Nnwom 141:7
Mmebusem 1:12
Mmebusem 5:5
Mmebusem 7:27
Mmebusem 9:18
Mmebusem 15:11
Mmebusem 15:24
Mmebusem 23:14
Mmebusem 27:20
Mmebusem 30:16
Ɔsenkafo 9:10
Nnwom Mu Dwom 8:6
Yesaia 5:14
Yesaia 7:11
Yesaia 14:9
Yesaia 14:11
Yesaia 14:15
Yesaia 28:15
Yesaia 28:18
Yesaia 38:10
Yesaia 38:18
Yesaia 57:9
Hesekiel 31:15
Hesekiel 31:16
Hesekiel 31:17
Hesekiel 32:21
Hesekiel 32:27
Hosea 13:14
Amos 9:2
Yona 2:2
Habakuk 2:5

Tartaroō

2 Petro 2:4

Questioned

Luka 16:30
Luka 16:31
2 Petro 2:17



Gyidi nti na bere a Onyankopɔn ka kyerɛɛ Abraham se ɔnkɔ asase a wahyɛ ho bɔ se ɔde bema no no so no, otiei na ɔkɛ. Ogyaw ne man ho kɛ a na onnim faako a ɔreko.

- Hebrifo 11:8



Farao maa nnipa no kwan se wɛnkɔ no, Onyankopɔn amma wɔamfa ɔkwan a efa Filistifo man no mu a na eye tiaa no so. Efise Onyankopɔn kae se, “Se wokohyia ɔko a, ebia na wɔasesa wɔn adwene ama wɔasan akɔ Misraim.” - 2 Mose 13:17



Onipa Ba no amma se wansom no, na mmom abesomee, na ode ne kra too ho se mpata maa nniipa nyinaa. - Marko 10:45



Saa nhoma yi fi me, Paulo, Yesu Kristo somfo a wɔayi me se ɔsenkafo a wɔasoma me se menkɔka Onyankopɔn asempa no nkyen. - Romafo 1:1

Creation 4004 B.C.

Adam and Eve created	4004
Tubal-cain forges metal	3300
Enoch walks with God	3017
Methuselah dies at age 969	2349
God floods the Earth	2349
Tower of Babel thwarted	2247
Abraham sojourns to Canaan	1922
Jacob moves to Egypt	1706
Moses leads Exodus from Egypt	1491
Gideon judges Israel	1245
Ruth embraces the God of Israel	1168
David installed as King	1055
King Solomon builds the Temple	1018
Elijah defeats Baal's prophets	896
Jonah preaches to Nineveh	800
Assyrians conquer Israelites	721
King Josiah reforms Judah	630
Babylonians capture Judah	605
Persians conquer Babylonians	539
Cyrus frees Jews, rebuilds Temple	537
Nehemiah rebuilds the wall	454
Malachi prophecies the Messiah	416
Greeks conquer Persians	331
Seleucids conquer Greeks	312
Hebrew Bible translated to Greek	250
Maccabees defeat Seleucids	165
Romans subject Judea	63
Herod the Great rules Judea	37

(The Annals of the World, James Uusher)

Jesus Christ born 4 B.C.

New Heavens and Earth

1956	Christ returns for his people
1830	Jim Elliot martyrd in Ecuador
1731	John Williams reaches Polynesia
1614	Zinzendorf leads Moravian mission
1572	Japanese kill 40,000 Christians
1517	Jesuits reach Mexico
1455	Martin Luther leads Reformation
1323	Gutenberg prints first Bible
1276	Franciscans reach Sumatra
1100	Ramon Llull trains missionaries
1054	Crusades tarnish the church
997	The Great Schism
864	Adalbert martyrd in Prussia
716	Bulgarian Prince Boris converts
635	Boniface reaches Germany
569	Alopen reaches China
432	Longinus reaches Alodia / Sudan
397	Saint Patrick reaches Ireland
341	Carthage ratifies Bible Canon
325	Ulfilas reaches Goth / Romania
250	Niceae proclaims God is Trinity
197	Denis reaches Paris, France
70	Tertullian writes Christian literature
61	Titus destroys the Jewish Temple
52	Paul imprisoned in Rome, Italy
39	Thomas reaches Malabar, India
33	Peter reaches Gentile Cornelius
	Holy Spirit empowers the Church

(Wikipedia, Timeline of Christian missions)

Resurrected 33 A.D.

Where?			When?							
			Innocence		Fallen			Glory		
			Eternity Past	4000 BC Creation	Fall to Sin No Law	1500 BC Moses' Law	Advent of Christ 0-33 AD	Church Age Kingdom Age	Great White Throne	New Heaven and Earth
Who?	God	Father	God's Perfect Fellowship	God's Perfect Fellowship with Adam in the Garden of Eden	Living in Unapproachable Light, 1 Timothy 6:16			God's Perfectly Restored Fellowship with All Mankind in the Holy City	All Restored Acts 3:21	
		Son			Pre-Incarnate, John 8:58		Incarnate, John 1:14			Paradise, Luke 23:43
		Holy Spirit <td colspan="2">Everywhere, Psalm 139:7</td> <td colspan="2">Indwelling Believers, John 14:17</td>			Everywhere, Psalm 139:7		Indwelling Believers, John 14:17			
	Mankind	Living Mankind	No Creation	No Fall No Death Gen 1:31	Serving the Savior or Satan on Earth, Ephesians 2:1-5			No Hades No Dead Rev 20:3		
		Deceased Believing Mankind			Blessed in Paradise, Luke 16:22					
		Deceased Unbelieving Mankind			Punished in Hades until the final judgment, Luke 16:23 and Rev 20:13					
	Angels	Holy Angels	No people	No Unholy Angels	Serving Mankind at God's Command, Hebrews 1:14			Lake of Fire Prepared for the Devil and his Angels	Fallen Angels Forgiven? Col 1:20 Yes?	
		Imprisoned Angels			Imprisoned in Tartarus, 2 Peter 2:4 and Jude 6					
		Fugitive Angels	Gen 1:1	No Fall	Rebelling Against Christ		Thalaasa, Rev 20:13			
		First Beast Demon			Accusing Mankind		Lake of Fire Revelation 19:20			
		False Prophet Demon			1 Peter 5:8 and Revelation 12:10		Abyss Revelation 20:2			
		Satan								Mat 25:41 Rev 20:10

Destiny

Akuapem Twi at AionianBible.org/Destiny

The Aionian Bible shows the location of eleven special Greek and Hebrew Aionian Glossary words to help us better understand God's love for individuals and for all mankind, and the nature of after-life destinies. The underlying Hebrew and Greek words typically translated as *Hell* show us that there are not just two after-life destinies, Heaven or Hell. Instead, there are a number of different locations, each with different purposes, different durations, and different inhabitants. Locations include 1) Old Testament *Sheol* and New Testament *Hadēs*, 2) *Geenna*, 3) *Tartaroō*, 4) *Abyssos*, 5) *Limnē Pyr*, 6) *Paradise*, 7) *The New Heaven*, and 8) *The New Earth*. So there is reason to review our conclusions about the destinies of redeemed mankind and fallen angels.

The key observation is that fallen angels will be present at the final judgment, 2 Peter 2:4 and Jude 6. Traditionally, we understand the separation of the Sheep and the Goats at the final judgment to divide believing from unbelieving mankind, Matthew 25:31-46 and Revelation 20:11-15. However, the presence of fallen angels alternatively suggests that Jesus is separating redeemed mankind from the fallen angels. We do know that Jesus is the helper of mankind and not the helper of the Devil, Hebrews 2. We also know that Jesus has atoned for the sins of all mankind, both believer and unbeliever alike, 1 John 2:1-2. Deceased believers are rewarded in Paradise, Luke 23:43, while unbelievers are punished in Hades as the story of Lazarus makes plain, Luke 16:19-31. Yet less commonly known, the punishment of this selfish man and all unbelievers is before the final judgment, is temporal, and is punctuated when Hades is evacuated, Revelation 20:13. So is there hope beyond Hades for unbelieving mankind? Jesus promised, "*the gates of Hades will not prevail*," Matthew 16:18. Paul asks, "*Hades where is your victory?*" 1 Corinthians 15:55. John wrote, "*Hades gives up*," Revelation 20:13.

Jesus comforts us saying, "*Do not be afraid*," because he holds the keys to *unlock* death and Hades, Revelation 1:18. Yet too often our *Good News* sounds like a warning to "*be afraid*" because Jesus holds the keys to *lock* Hades! Wow, we have it backwards! Hades will be evacuated! And to guarantee hope, once emptied, Hades is thrown into the Lake of Fire, never needed again, Revelation 20:14.

Finally, we read that anyone whose name is not written in the Book of Life is thrown into the Lake of Fire, the second death, with no exit ever mentioned or promised, Revelation 21:1-8. So are those evacuated from Hades then, "*out of the frying pan, into the fire?*" Certainly, the Lake of Fire is the destiny of the Goats. But, do not be afraid. Instead, read the Bible's explicit mention of the purpose of the Lake of Fire and the identity of the Goats, "*Then he will say also to those on the left hand, 'Depart from me, you cursed, into the consummate fire which is prepared for... the devil and his angels,'"* Matthew 25:41. Bad news for the Devil. Good news for all mankind!

Faith is not a pen to write your own name in the Book of Life. Instead, faith is the glasses to see that the love of Christ for all mankind has already written our names in Heaven. "*If the first fruit is holy, so is the whole*," Romans 11:16. Though unbelievers will suffer regrettable punishment in Hades, redeemed mankind will never enter the Lake of Fire, prepared for the devil and his angels. And as God promised, all mankind will worship Christ together forever, Philippians 2:9-11.



Disciple All Nations

Enti monko nkɔye amanaman nyinaa m'asuafɔ. Mommo wɔn asu nhye Agya, ɔba ne Honhom Kronkron din mu, - Mateo 28:19